

-R 315

C - 3

S - F

O - 2

N - 6

1

2

3

Digitized by Google

THESES THEOLOGICÆ;

Variis temporibus in ACADEMIA
SEDANENSIS
EDITÆ,
ET AD
DISPUTANDUM
PROPOSITÆ.

AUTHORE
LUDOVICO LE BLANC,
VERBI DIVINI MINISTRO,
ET
THEOLOGICÆ PROFESSORE.

*Editio Tertia variis locupletata Theſibus ex Authoris MSS. de-
promptis, & in lucem nunc primùm editis.*



LONDINI,
Proſtant venales apud Moſem Pitt, ad inſigne Angeli
in Cœmeterio D. Pauli. M. DC. LXXXIII.

Lectori Benevolo.



QUAS hic vides congestas Theses, Benevole Lector, variis temporibus editæ sunt in Usum privatum Academia Sedanensis. Sed quum earum quædam Exemplaria huc & illuc volitantia etiam mare trajecissent, inciderunt in manus virorum aliquot priorum & doctorum, quibus hæc Insula præcipue abundat. Cumque illis probatæ essent, & à multis expetrentur, hanc curam susceperunt, ut juris magis publici fierent, & in unum corpus collatæ denuo typis mandarentur. In eaqum longè plurimis, ut legenti manifestum fiet, scopus Authoris præcipuus fuit elucidare, & distinctè exponere statum Controversiarum, quæ à pluribus annis tanta contentione animorum agitantur inter Ecclesiam Romanam, & eos qui sæculo superiori ab ea secesserunt, propter superstitiones & corruptelas varias quæ lapsu temporis in eam irrepserant, & quarum emendationem impetrare non potuerunt. In quo labore pergit adhuc, & quod superest vitæ & otii impendere sibi proposuit. Qui tamen labor multis superfluus & inutilis fortasse videbitur. Nam quid possit esse notius Controversiis illis, quæ tam multorum voce & calamo tot annis celebratæ sunt? Et quis unquam de istis Controversiis scribere tentavit, qui non judicet in ipso limine quid sit illud de quo queritur, & suam & adversariorum sententiam statim non exponat? Veruntamen hic plerosque offendere & aberrare, vel in eo manifestum est, quod perpetua sunt partium querele se calumniam pati clamitantium: quodque nulla sit frequentior ad argumenta partis adversæ responsio, quam argumenta scopum non ferire, nec attingere sententiam, quam tuctur ille qui respondet. Et certè ferè semper istud contingit in omnibus dissidiis, præsertim verò iis quæ Religionem spectant, ut neutra pars adversariorum mentem satis capiat, aut saltem satis sincère proponat. Idque ex partium odio & contemptu. Siquidem contemptus facit, ut utrique in propria sententia acquiescentes negligant doctrinam adversariorum, neque laborent illam accuratè discere. Odium verò in causa est, ut omnia quæ profert adversarius sinistrè accipiantur, & in sensum incommodum & absurdum torqueantur, quæ possent aut commodam aut saltem minus duram interpretationem pati. Et tamen omnes qui sunt veritatis & charitatis studiosi nihil magis inter disputandum cavere debent, quam ne aliquid falso imputent adversariis, & quod sit contra ipsorum mentem, neque quicquam magis studere, quam ut eorum mentem & sententiam distinctè percipiant. Nam quæ ratione queas à sententia propria dimovere illum qui sibi conscius est mentem suam à te non percipi? Et quantum veritati præjudicium affert, si qui illam tumentur utantur calumniis, & falsis accusationibus, ad adversarios veluti opprimendos? Quis etiam possit commode oppugnare sententiam sibi ignotam? Et quantum bilem homini movet

LECTORI.

adversarius verba ejus malignè aut inscitè contorquens, & immeritò ipsis sententiam absurdam affingens, ut possit ipsum traducere? Imo quotquot sunt homines candidi & veritatis amantes hominem ejusmodi, tanquam mala fidei, horrent & averfantur. Nec etiam à charitate Christiana quicquam magis alienum est, quam in Religionis præsertim negotio, falsum alicui crimen intentare.

Ut autem controversie alicujus status ritè constitutatur, non satis est ut aliquis suam & suorum sententiam probè teneat, contentus confusa tantum & generali quadam notitia sententia adversariorum, eaque adhuc h. u. s. t. a ex fama solum & aliorum relatione, quod non paucis contingit: sed præterea necesse est ut distinctè noverit Doctrinam partis adversa, quibusque & quilibus fundamentis nitatur. Ideoque sedulo horum & illorum scripta accurato Disputatorivolvenda & examinanda sunt, & utraque pars animo sedato & tranquillo audienda. Ante omnia verò advertendum est quis sit apud utrosque Vocabulorum usus, & Nominum significatio. Nam sepe fit, ut cum partes contententes iisdem vocibus utantur, illas tamen sensu diverso accipiant: quod non animadversum multas inanes facit Controversias, seu potius ^{disputas} ~~disputas~~, & de vocibus dissidia, cum in re ipsa sit consensus: qualia multa in Scholis agitantur, & quidem quod viris bonis & gravibus indignum est, magna cum acerbitate.

Deinde quum eorum qui inter se contendunt sententia querenda est, & definiendum quid utrique censeant, non statim arripiendum est quod aliquis dixerit obiter & per transennam, quasi aliud agens, & ex occasione: sed consulenda sunt loca, ubi rem de qua agitur ex professo tractant, & à fundamentis repetunt & docent, & videndum quid ibi re tota considerata pronuncient & statuunt. Nam aliqui viris etiam bonis & doctis usu venit, ut nonnunquam dormitent, & dum sunt in aliud intenti, quadam ipsis excidant duriter & incommode dicta, & quæ quodammodo torqueri oportebat, ut ad bonum sensum redcantur. Præcipue inter disputandum quum animus est commotior, multa vehementius dicuntur & hyperbolicè, quæque ipsi qui ea protulit non probantur, nisi interpretatione benigna molliantur. Itaque si qua talia in adversariis occurrunt, non est rigidè cum ipsis agendum, sed æquitas & candor postulat, ut de eorum mente & sensu judicemus ex iis potius quæ ex professo docent, quam ex iis quæ fortè obiter exciderint, & patiamur eos sui ipsorum esse interpretes, & quæ sunt ab eis malè & incommode dicta interpretatione commodè corrigere, aut saltem minus incommodè mollire.

Præterea inter disputandum cavendum est, ne quod multis solenne est, tribuamus adversariis, tanquam ipsorum placita & dogmata, absurda illa quæ ex illorum hypothesibus sequuntur, aut sequi videntur, quamvis & consequentia & consequens ab iis negetur. Ut si quis agens contra eos qui statuunt animam humanam esse ex traduce, asserunt illos docere animam esse mortalem: quoniam opinio ista de anime generatione videtur cum ipsius immortalitate pugnare. Nam longè aliud est falsum aliquod & impium dogma disertè asserere, & expressè docere, & aliquid ponere, unde sequitur ejusmodi dogma: sed contra mentem ejus qui Thesin ponit, & consequentià ab eo nec probatà nec animadversà. Et enim quemadmodum falsum ex falso sequitur, & absurdum unum ducit ad alterum, vix est in Religione error ullus tam levis, qui si consequentià de consequentià necatur, non everteret tandem aliquem Fidei articulum & capitale quoddam Religionis dogma. Neque tamen propterea omnis error capitalis est, & censendum Fidei fundamentum evertere. Igitur licet quidem adversarium ducere ad absurdum, & ex absurdis illis quæ sequuntur ex ejus Thesibus, earum falsitatem

LECTORI.


sitatem ostendere & corrigere : sed nihil ei tanquam proprium placitum tribui debet, nisi quod ipse discretè admittit & tuetur.

Precipue verò in controversiis Fidei & Religionis accuratè distinguendum est, id quod ab universa aliqua Ecclesia & communione tenetur, ab eo quod est sententia aliquorum privata, & aliquid de quo sic vobiscum sentire liceat. Nec enim toti Ecclesie Romanæ tribuendum est, quod à quibusdā ejus Doctōribus tenetur, repugnantibus aliis & contradicentibus. Ut nec Ecclesie nostræ luere debent, si quid temerè assertum est ab aliquibus eorum Theologis contra aliorum mentem & sententiam.

Ad quæ omnia diligenter attendit harum Thesium author. Nam in singulis Questionibus observat diversos, si qui sint, vocabulorum usus in hac & illa Schola, & disparitates inde enascentes à Controversiis realibus discernit. Nec de Authoris alicujus sensu judicat ex verbis ab illis obiter, & aliud agente prolatis, sed ex iis quæ docet & affirmat rem ex professo tractans & explicans. Non etiam ulli tribuit, tanquam ipsius dogmata & placita, nisi quæ ipse pro suis agnoscat & defendat. Ac præterea distinguit privatas Doctōrum opiniones, à communi & publica sententia Ecclesie tum Romanæ tum Reformatæ. Nec tribuit quicquam Ecclesie Romanæ, ut propriam illius Doctrinam, præter id quod sanxerunt ejus Concilia atque Pontifices, aut quod in Scholis illius communi consensu docetur. Ac profectò quod in eo fideliter & sincerè procedat, argumento esse potest quod Doctōres quidem Ecclesie Romanæ illum incusent, quod Reformatōrum Doctrinam incrustet atque dissimulet, & suam privatam pro illa substituat; & vicissim quidem Reformati, quod Ecclesie Romanæ Doctrinam nimis emolliet, & novum quendam vultum illi affingat; sed iidem Doctōres Ecclesie Romanæ testimonium illi perhibeant, quod fideliter suam & suorum sententiam referat, & Reformati quod Protestantium Doctrinam verè & prout se habet exponat. Nam quisque sui sensus est optimus index & interpret. Ac proinde si Reformati in exponenda eorum Doctrina, & Scholæ Romanæ in explicanda ejus Doctrina satisfacit, proculdubio suum sensum affecturus est.

Ceterum quidem enim voluerunt suspectum reddere, quasi controversias omnes, quæ Reformati cum Ecclesia Romana intercedunt, ad disparitates reducere sibi propositum haberet. Sed sola hujus Operis lectio ipsum abundè liberat à tali suspitione. Occurrunt enim in eo Questiones non pauca, in quibus ostendit gravissimum esse, & maxime reale inter Protestantes & Ecclesiam Romanam dissidium; & hujus generis restant plurimæ quas nondum attingit; & quas eadem methodo explicare sperat, si Deus ipsi vitam prorogavit. Quod autem sentiat de illa Unionem quam multi variis modis inter Ecclesiam Romanam & Protestantes moluntur, explicatum reperies singulari Disputatione, quæ harum Thesium corpori inserta est. Interim vale benevole Lector, & præsentī labore fruere.

INDEX



I N D E X

Omnium THESIUM in hoc Libro.

Thes.	Pag.		
D E Fide.	1	De certitudine, quæ Fidei competit.	161
De Theologia.	8	De Sacra Scriptura perspicuitate.	22
De Auctoritate Scripture. Pars prima, quæ est de Script. Sacra luce.	13	De versionibus Scripturæ vulgaribus & vernaculis, in quibus agitur de versionum illarum Usu & Necessitate.	16
— Pars secunda, in qua docetur quid sit internum Spiritus Sancti testimonium per quod fideles certi sunt de Script. Divinitate, tum quid & quantum Ecclesia hac in re tribuendum sit, atque etiam quid sit illud in quod Fides nostra ultimo resolvitur.	23	De Auctoritate Vulgæ versionis Latina. Pars prima; in qua exponitur quis sit illius Author, & etiam quis sit illius Auctoritas secundum Auctores Ecclesiæ Romanæ.	1
— Pars tertia; in qua Pontificiorum sententia exponitur, & indicatur Controversia status, veraque sententia argumentis confirmatur.	31	— Pars secunda; in qua Protestantium ea de sententia proponitur & confirmatur.	7
— Pars quarta; in qua Adversariorum objectiones solvuntur.	43	De Reprobationis natura, objecto, causa, & effectibus. Pars prima; in qua exponitur Doctrina eorum qui inter Protestantes singulari nomine Reformati dicuntur, ac cum Schola Romana doctrinæ comparatur.	141
— De Scripturæ plenitudine & sufficientia: adversus necessitatem verbi cuiusdam non scripti. Pars prima; in qua Orthodoxorum sententia exponitur.	55	— Pars secunda; in qua exponitur Doctrina Scholæ Romanæ.	133
— Pars secunda; in qua Pontificiorum sententia exponitur, & indicatur Controversia status, veraque sententia Argumentis confirmatur.	61	Theses Theologicæ, in quibus exponitur sententia eorum qui Remonstrantes dicuntur, sive Arminiani; & etiam Doctorum Confessionis Augustanæ, circa hominum Predestinationem & Electionem.	159
— Pars tertia; in qua solvuntur Argumenta quibus Doctores Ecclesiæ Romanæ Scripturæ sufficientiam impugnare conantur.	71	De Decretorum Divinorum ordine circa Electos & Reprobos.	151
— Pars quarta; in qua solvuntur Argumenta quibus Pontificii Traditionibus non scriptis parem cum Scripturæ Sacra auctoritatem conciliare nituntur.	83	Theses Theologicæ, in quibus inquiritur, An omnibus hominibus detur Gratiæ sufficiens ad Conversionem, & Peccata vitanda?	187
Theses Theologicæ quibus Deum esse demonstrant.	99	De Fidei justificantis natura & essentia, ejusque distinctione à Fide historica, sive mortua atque oisosa.	191
— De Dei simplicitate.	97	— Pars secunda; in qua exponitur Doctrina Ecclesiæ Romanæ, & cum Protestantium Doctrina comparatur.	235
— De perfectione & infinitate Dei.	102	De subiecto Fidei, sive de Facultate cui Fides inhaeret, & de conexione Fidei cum charitate & bonis operibus.	235
— De immensitate & omnipresentia Dei.	106	De Usu & Acceptione vocis Justificandi in Scripturis & Scholis.	242
— De æternitate Dei, & ejus immutabilitate.	111	Quomodo Fides justificet.	250
— De vita Dei.	114	De Justitia per Christi gratiam fidelibus inhaerente.	262
— De scientia Dei, sive de cognitione rerum quæ in Deo est: In quibus agitur de Objecto cognitionis divinæ.	117	De Justitia Christi fidelibus imputata.	173
— De Causâ Predestinationis, in quibus exponitur, An detur in homine causa vel ratio aliqua suæ Predestinationis.	121	Quomodo Peccatum tollitur in iis qui justificantur.	279
— De æterna hominum Electione & Predestinatione.	127	De certitudine quam quis habere possit & debeat.	

Index Theſium.

- *debeat de ſua coram Deo juſtificatione.*
Pars prima; in qua exponitur ſententia
Eccleſie Reformate. 298
- *Pars ſecunda; in qua exponitur ſenten-*
tia Doctorem Eccleſie Romane, & colli-
gitur atque expenditur Controverſia ſta-
tus. 304
- De diſtinctione Peccati in Morale & Ve-*
niale. Pars prior; in qua exponitur do-
ctrina Scholæ Romane. 317
- *Pars poſterior; in qua Proteſtantiſm do-*
ctrina exponitur & confirmatur, & exp-
enditur Controverſia ſtatu. 322
- De Remiſſione peccatorum.* 335
- Theſes, in quibus exponitur Eccleſie Ro-*
mane doctrina circa Imaginum Cultum &
Adorationem 340
- De Imaginum Cultu pars altera, in qua*
Eccleſie Reformate doctrina exponitur
atque confirmatur. 351
- De Angelorum & Hominum ſanctorum Cul-*
tu & Veneratione, ſecundum doctrinam
Eccleſie Romane. 360
- *Pars ſecunda; in qua Proteſtantiſm*
doctrina exponitur & confirmatur. 374
- De primi Hominis immortalitate.* 393
- De Juſtiſia primi Hominis, an Naturalis*
ſuerit vel Supernaturalis. 396
- De Libero Hominis Arbitrio in genere.*
Pars prima. 408
- *De Libero Hominis Arbitrio abſolute &*
in ſe ſpectato. Pars ſecunda. 418
- *De Libero Hominis Arbitrio abſolute in*
ſe ſpectato. Pars tertia. 427
- Quomodo Divinus conſenſus & cooperatio*
cum Arbitrio humani libertate conciliari
poſſit. 435
- Concordia Libertatis Humana cum Præ-*
ſcientia Divina. 444
- Concordia Libertatis Humana cum Decre-*
tis Divinis. Pars prima. 451
- *Pars ſecunda; in qua exponitur ſenten-*
tia Doctorem Eccleſie Romane. 462
- *Pars tertia; in qua exponitur Scholæ*
Romane doctrina. 468
- Quomodo ſe habet Liberum Hominis Arbi-*
trium in ſtatu Nature lapſe, reſpectu
Boni Salutaris atque Spiritualis. 476
- De Gratia neceſſitate, & Liberi Hominum*
Arbitrii viribus circa Bonum Morale in
ſtatu Nature lapſe. Pars prior; in qua
exponitur doctrina Scholæ Romane. 486
- *Pars poſterior; in qua Proteſtantiſm*
doctrina exponitur, & cum Scholæ Ro-
mane doctrina comparatur. 495
- Theſes Theologicæ, in quibus exponuntur va-*
riæ diſtinctiones & acceptiones Gratiæ,
qua apud Doctores Scholæ Romane ſunt
in uſu. Pars prima. 505
- *Pars ſecunda; in qua exponitur ſenten-*
tia Scholæ Reformate. 516
- Theſes Theologicæ, in quibus exponitur do-*
ctrina Scholæ Romane circa partitionem
Gratiæ in ſufficientem atque efficaciæ, &
concordiam Libertatis humane cum
Gratiæ efficaciæ. 523
- Theſes Theologicæ, in quibus exponitur do-*
ctrina Proteſtantiſm circa diſtinctionem
Gratiæ in ſufficientem atque efficaciæ,
& concordiam Libertatis humane cum
efficaciæ Gratiæ divine. 547
- Theſes Theologicæ; in quibus exponitur an*
& quatenus homo per Chriſti gratiam Le-
gem implere poſſit, & Dei mandata ſer-
vare. 560
- De veritate Bonorum operum, qua per Chri-*
ſti Gratiam ſunt à Regnis. 570
- Theſes Theologicæ, in quibus exponitur an*
& quatenus teneantur fideles ſervare Dei
Legem & Bona opera facere. 580
- Theſes Theologicæ de Relatione Bonorum*
operum ad vitam eternam. Pars prior;
in qua exponitur ſententia Eccleſie Re-
formate. 588
- Theſes Theologicæ, de Bonorum operum re-*
latione ad vitam eternam. Pars ſecunda;
in qua reſertur ſententia Doctorem Ec-
cleſie Romane, & colligitur atque ex-
penditur Controverſia ſtatu. 597
- Theſes Theologicæ de Relatione operum re-*
latione ad vitam eternam. Pars tertia; in
qua notantur atque reſutantur errores
Doctorem Eccleſie Romane. 614
- De neceſſitate Gratiæ in ſtatu Nature La-*
pſe, reſpectu Boni Salutaris; & quod ad
veram in Deum pietatem pertinet. Pars
prior; in qua exponitur doctrina Scholæ
Romane. 620
- *Pars poſterior; in qua Proteſtantiſm*
doctrina exponitur, & cum Scholæ Ro-
mane doctrina comparatur. 629
- Doctrina Proteſtantiſm circa queſtionem il-*
lam, An homo in ſtatu Peccati, ſolis Na-
turæ viribus, poſſit ſe ad Gratiæ præpa-
rare atque diſponere? 635
- Doctrina Scholæ Romane circa eandem que-*
ſtionem. 644
- Conferuntur ſententia Proteſtantiſm & Do-*
ctorem Scholæ Romane circa eam que-
ſtionem. 654
- De Uſu & Efficaciæ Sacramentorum Novus*
Testamenti, in quibus Eccleſie & Scholæ
Romane doctrina exponitur. 664
- *Pars ſecunda; in qua Proteſtantiſm*
doctrina exponitur, & cum Scholæ Ro-
mane doctrina comparatur. 669
- *Pars tertia; in qua inquiruntur, An in-*
tentio Miniſtri ad Sacramenti Veritatem
& Efficaciam neceſſaria ſit? &c. &c.
de re Scholæ Romane doctrina 671

Index Thesium.

tur, & cum Protestantium doctrina comparatur.	681
<i>Theses Theologicae, in quibus exponitur, An Christus sit Mediator secundum utramque naturam, Humanam & Divinam? et quæ de re sententia Ecclesia Romana cum Protestantium doctrina conferatur.</i>	679
<i>Theses Theologicae, in quibus inquiritur, an ex oblata atque exoptata Unione eorum, qui inter Protestantes singulari nomine Reformati dicuntur, cum iis qui vocantur Confessionis Augustanae, sequatur Protestantes cum Ecclesia Romana unire posse & debere.</i>	696

Theses quæ sequuntur nunquam antehac fuere editæ.

Elucidatio Status aliquot Controversiarum circa Dei verbum & Scripturam Sacram.

Cap. 1. D E Libris Canonicis & Apocryphis.	173
Cap. 2. De Integritate & Auctoritate Textus Hebraici veteris, & Textus Græci Novi Testamenti.	176
Cap. 3. De versione Græca Septuaginta Interpretum.	180
Cap. 4. De Scriptura Sacra necessitate. id. Elucidatio Status Controversiarum circa Christi Personam & Officium.	182
Cap. 1. An Christus sit auctor & ib.	
Cap. 2. De Unione duarum in Christo Naturarum, & inde consequente idiomatum Communicatione.	184
Cap. 3. De Scientia Anima Christi, & ejusdem Gratia & Beatitudine.	183
Cap. 4. An Christus egerit aliquid quod correctione opus habuerit?	194
Cap. 5. In quo exponitur Sententia Ecclesie Rom. de Descensu Christi ad inferos, & quæstiones inde exorientes.	194
Cap. 6. In quo referuntur varia nostrorum Sententia de descensu Christi ad inferos.	398
Cap. 7. An Christus sibi aliquid meruerit	205
Elucidatio Status Controversiarum de Ecclesia Regimine, & de Romano Pontifice.	206
Cap. 1. Quale sit à Christo Regimen in Ecclesia Institutum.	ibid.
Cap. 2. De Primatu Petri.	209
Cap. 3. De Successione Papa in locum Petri.	211

Cap. 4. De Papa In alibi litate in Julicando fidei & morum controversias.	214
Cap. 5. De Certitudine Judicii Capitalis, sive de Papa Infalibilitate.	215
Cap. 6. De Ecclesia particularis Infalibilitate.	213
Cap. 7. An Pontifex Rom. adeique omnes Ecclesie Praesules Jurisdictionem habeant verè coactivam, ita ut possint leges condere quæ obligent in conscientia, & judicare & punire Transgressores.	219
Cap. 8. An Christus soli Pontifici Rom. Ecclesiasticam Jurisdictionem immediate commiserit, ab eo vero ad alios Episcopos derivetur?	226
Cap. 9. De potestate temporali Papa, & aliorum Ecclesie praepositorum.	228
Cap. 10. De Antichristo.	233
Cap. 11. De Elia & Enocho	236
Elucidatio Status Controversiarum de Conciliis.	238
Cap. 1. De Conciliorum Origine, Necessitate, & Usu.	238
Cap. 2. Quinam sint ad Concilia vocandi, & ex quo hominum genere constare debeant.	241
Cap. 3. Cujus sit Conciliis praesidere.	243
Cap. 4. Cujus sit Congregare Concilia.	244
Cap. 5. De Conciliorum Auctoritate, quæ & quanta sit.	246
De Ecclesia Militante.	253
Cap. 1. De Ecclesia visibilis & invisibilis.	266
Cap. 2. An Ecclesia discere possit sive de Ecclesia duratione perenni	270
Cap. 3. An Ecclesia possit errare, sive de Ecclesia Constantium in fide retinendam.	273
Cap. 4. De notis Ecclesie juxta Pontificos.	485
Cap. 5. De Notis Ecclesie juxta Doctores Nostrorum Sententiam.	492
De Membris Ecclesie Militantis.	
Cap. 1. De Appellatione Clericorum & Laicorum.	493
Cap. 2. De Gradibus & distinctione Ministrorum Ecclesie.	495
Cap. 3. De Gradibus & distinctione Ministrorum Ecclesie juxta Theologos nostros.	499
Cap. 4. De Institutione sive Creatione Ministrorum Ecclesie.	502
Cap. 5. De Celibatu atque Bigamia Ministrorum Ecclesie.	506
<i>Theses Theo. In quibus inquiratur, an cultus Divinus Publice & private celebrari debeat Lingua vulgari à Plebi intellecta.</i>	209
Orati de Scriptura Sacra Divina Origine.	



THESES THEOLOGICÆ

De

F I D E,

EX MANDATO

SÉNATUS ACADEMICI

SEDANENSIS

Publicæ Disputationi subjæctæ.

Respondente AUTHORE, die 29 Maii, Anno 1645.

Thesis Prima.

FIDES Theologicæ sumpta in genere, est assensus quem Deo loquenti præbemus, quum aliquid verum esse certò nobis persuademus, ad id Divina Autoritate moti. Ac per hoc fides distinguitur ab opinione, quæ assensus est timidus & incertus. Item à scientia, quæ quidem assensus est certus; sed qui demonstratione, aut evidenti aliquo argumento, non vero cujusquam testimonio nititur. Denique à fide humana, quæ in autoritate hominum acquiescit.

II. Itaque quivis assensus, adhibitus etiam eis, quæ verbo Dei continentur, fides non est censendus. Si quis enim aliquod religionis dogma, veluti univerforum creationem ex nihilo, certò & firmiter teneat: non tamen ad id impulsus revelatione divina, sed ratione quadam, quæ ipsi necessaria videtur, eatenus fidem non habet. Ut nec qui *Israhelici* populi historiam credit ex relatione *Josephi* Historici, non verò historicis factis fidem adhibens. Quod & de iis dici potest, qui veræ & orthodoxæ religioni adhærescunt, sed tantum ex consuetudine, & ad id sola majorum autoritate moti.

III. Fidei verò varias, seu species, seu gradus, ex Scripturis assignare licet. In quibusdam enim fides intellectu theoretico hæret: & ita nudum et simplicem assensum, præbent iis, quæ verbo Dei proponuntur, ut ad factè agendum inde non moveantur,

B

nec

nec reddantur meliores. Ita credidit *Simon Magus* predicationi *Philippi*, cujus tamen cor non erat rectum, quique in amarissimo felle, & nexu injustitiae positus erat, ut habetur *Actuum* 8. Ita quoque crediderant in nomen Christi, illi quibus tamen Christus non credebatur scilicet, quod probe nosset omnes, prout legimus, *Iohann.* 2. Et hanc fidem suo modo participat ipsi daemones, qui dicuntur apud *Jacobum* credere & contramittere.

IV. Haec est fides, quae à nostris historica dicitur. Quam denominationem ab objecto non accipit: quasi sit eorum tantum, quae historice narrantur in Scripturis. Si quidem qui hac fide praediti sunt, vera credunt quaecunque in sacris literis habentur; non minus promissiones, dogmata & praecepta, quam historias & narrationes. Multi enim impii de promissionum Evangelicarum veritate non ambigunt, nec daemones eas revocant in dubium. Sed ista fides vocatur historica, à modo quo versatur circa suum objectum. Scilicet quemadmodum cum legimus historias ad nos nihil pertinentes, eas nude contemplamur, nec inde afficimur & commovemur intus; ita qui fidem illam habent quae verbum Dei docet, otiose speculantur, nec ea ad praxin referunt.

V. An autem haec fides vera dicenda sit, quaeritur. Affirmant Doctores Ecclesiae Romanae. Et hoc iis aliquo sensu concedi potest. Quippe ista fides credit ea tantum quae vera sunt, & ea revera credit, non fide & simulate. Sed tamen ea sola fides absolute vera nobis videtur appellanda, quae justificans & salutaris est, qualem illam esse negamus.

VI. Ab hac fide non longè differt fidei gradus alter, quem in Scriptura licet observare. Sunt enim in quibus fides non solum illuminat mentem theoreticam, sed & practicam quadantenus afficit: ita ut simpliciter Evangelicæ veritati non credant: sed inde lætitiâ nonnulla titillentur, atque à vitiis suis, & mundanis cupiditatibus aliquo modo abstineant. Veruntamen ista fide mens eorum tantum leviter est imbuta, nec satis altè penetravit, & radices egit in corde. Neque etiam prorsus verè & sincerè vitiis & cupiditatibus propriis renunciant, semperque amor mundi, & rerum terrenarum in praeordiis hæret. Unde fit, ut si crux paulò gravior toleranda sit, & ingratus persecutio, scandalum patiantur, & fidem abiciant. Quod & sæpè faciunt cupiditatibus suis obsequentes, & sollicitudinibus hujus vitæ gravati.

VII. Hi sunt quos notat Christus in parabola, nempe qui *Verbum Dei* cum gaudio statim accipiunt, radicem autem non habent in sese, sed temporarii sunt: oriæque afflictione, vel persecutione, propter sermone, statim offenduntur. Tales etiam illi de quibus *Petrus* 2. epist. 2. *Qui cum prius effugerint pollutiones mundi per agnitionem Domini & servatoris Jesu Christi, his rursus implicati superantur; unde fit ultima eorum conditio deterior priore.* Et de hoc quoque genere sunt illi, quibus Apostolus tam severe minatur *cap. 6. & 10. ad Hebr.* Hanc fidem scholæ nostræ temporariam vocant: appellatione sumpta ex Christi verbis, quæ modo citavimus.

VIII. Sed & est quædam fides, quæ inter peculiariora Spiritus dona recensetur *1. Cor. 12. 9.* quæque non omnibus, qui sunt in Ecclesia, obtingit: sed paucis quibusdam; prout visum est Spiritui Sancto. Hæc est fides, per quam miracula eduntur, unde quoque nomen est sortita. Atque in eo reperitur, qui à Deo vocatus ad edenda miracula, & super hac re promissionem habens, quemadmodum Apostoli habuerunt ex ore Christi, & multi alii ex interna Spiritus revelatione, non hæsit, nec diffidit: sed certò persuasus est Deum posse & velle stupenda illa opera per ipsum efficere. De hac fide loquitur Christus *Marc. 11. 22.* dum discipulis ait, *Habete fidem Dei. Amen n. dico vobis, quicunque dixerit huic monti, Tollitor, & projicietur in mare, nec dubitaverit in corde suo, sed crediderit futuræ quæ dicit, fiet ei quicquid dixerit.* Hujus quoque fidei defectum, discipulis exprobat *Matt. 17. 20.* dum refert in eorum incredulitatem causam, eorum non potuisse daemone eicere. Et ad hanc respicit Apostolus, *1. Cor. 13. Si habeam, inquit, omnem fidem, ita ut montes transferam, charitatem autem non habeam, nihil sum.*

IX. Denique est alia fides, cui Scriptura justiciam & salutem nostram tribuit, ad quam nos vehementer & frequenter hortatur, quamque summis laudibus, & elogiis ornat. Et hæc est, quam justificantem, salutarem, vivam, veramque nuncupamus.

X. Hæc autem nobis est lis cum Doctoribus Ecclesiae Romanae: confundunt enim illi fidem justificantem cum illa quam modo historicam diximus, nullamque inter eas distinctionem ponunt: sed volunt planè unam & eandem esse. Tum etiam docent fidem miraculorum, nihil esse aliud quam excellentem quandam gradum fidei justificantis.

XI. A₂

XI. At fidem justificantem ab historica debere distingui, probare non est difficile. Si enim fides historica eadem esset cum justificante, tum quicunque fidem historicam haberet, hoc ipso haberet fidem justificantem : At hypocritæ, & impii multi præditi sunt fide historica, qui tamen fide justificante carent. De hac enim Scriptura dicit, *Quicumque credit non perire, sed vitam eternam habere, & Christum esse finem legis in justitiam omni credenti : atque Evangelio justitiam Dei patefactam in omnes, & super omnes qui credunt.* Vnde patet neminem esse tali fide præditum, qui non sit justitiæ & salutis particeps. Ac proinde iis qui sunt in statu perditionis, & manent in peccato, si cred ere dicantur, aliam fidem esse assignandam.

XII. Et certè quod ad hæc loca dicunt Pontifici sententiam nostram juvat. Aiunt enim, quod Scriptura dicit, *Quicumque credit vitam æternam habet*, intelligi debere de iis qui credunt *sicut oportet, & toto corde* : atque quod multi sint qui credunt in Filium, nec tamen vitam habent ; inde esse, quod male credant, & non ex toto corde, & sicut oportet : ut videre est apud Bellarminum libro primo de justificatione, capite decimo, paragrapho Adde quod. At quis potest cum aliqua ratione affirmare eandem fidem esse, qua quis bene credit, & qua quis malè credit : qua aliquis credit ut oportet, & qua aliquis credit ut non oportet ? aut fidem illam qua quis malè credit, nec toto corde, & sicut oportet, fidem esse justificantem, quam Apostolus dicit in justitiam imputari ? Romanorum capite quarto.

XIII. Deinde fidem miraculorum non esse gradum eminentem fidei justificantis, manifestum est etiam, ex eo quod quidam ista fide sunt donati, qui tamen non habent fidem justificantem. Multis enim qui Christo dicunt, *Nomen per nomen tuum prophetavimus, & in nomine tuo demonia ejecimus, & virtutes multas fecimus ?* respondet Christus, *Non novi vos*, ut testatur Christus ipse Mat. 7. 22. Adde quod Apostolus 1. Corin. 12. 9. fidem signorum numerat inter varia spiritus charismata, quæ Pontifici vocant Gratias gratis datas. Atqui gradus eminens fidei justificantis ad gratiam gratum facientem pertinet. Datur enim ad salutem ejus qui eam habet : non verò, ut illa dona Spiritus gratuita, ad salutem aliorum. Tùm si fides miraculorum esset gradus excellens fidei justificantis, Christus, exprobrans discipulis fidei illius defectum, non diceret ipsis, *Si fidem haberetis sicut granum sinapi, diceretis huic monti, Transi hinc, & transiret, & nihil esset impossibile vobis.* Granum enim sinapi denotat aliquid minimum in Scripturis, & tandem esse ac si Christus diceret, *Si vel tantillum fidei haberetis.*

XIV. Est autem fides justificans, qua non tantùm intellectus theoreticus illustratur, ut certò credat iis, quæ verbo Dei docentur ; sed & ita mens hominis practica afficitur, ut illa ad praxin referat, & sibi applicet. Si quidem verè fidelis ita credit, exempli causa, promissionibus Evangelii, de remissione peccatorum, de felicitate & gloria æterna, ut in istis summum suum bonum & beatitudinem, ad quam ipsi sit totis viribus aspirandum, sitam esse firmiter & efficaciter judicet : ita fidem ad habet redemptionis nostræ mysteriis ut in iis consolationem, & pacem conscientie sibi querendam planè existimet : denique sic divina mandata considerat, ut secundum ista sibi vitam esse exigendam certò aptè se constituat.

XV. Unde liquere potest, fidem justificantem ita diversam esse à fide historica, & temporaria, ut omnem ejus virtutem includat : atque sic ab ea distingui, ut perfectum ab imperfecto : sive ea distinctione, qua gradus superior ab inferiori differt. Etenim fides justificans ad reliquas fidei species se habet, quemadmodum anima rationalis ad sensitivam & vegetativam ; quarum vim & facultates, vitam, sensum & motum eminenter complectitur, & gradum rationis addit. Nam sic quoque fides justificans facit, ut omnia credamus quæ verbo Dei docentur, quod præstat fides historica. Et si Deus aliquid speciale promittat, & ad patrandum miraculum voet, tùm etiam vim supplet fidei miraculose ; nec qui jam credit Dei verbo, ut par est, si ad eum dirigatur specialis promissio, opus habet novo habitu, ut assensum illi præbeat. Unde est quod Apostolus vim & efficaciam salutaris fidei commendans, ipsi tribuit varia opera miraculosa, quæ sancti viri olim patravérunt, aut quæ in eorum gratiam facta sunt : dicens, *Fide Patres mare rubrum transgressi, & fide mœnia Jericho concidisse, & fide quosdam ora leonum obscurasse, & extinxisse vim ignis.* Hebr. 11. Sed Supra reliquas fidei species fides justificans habet quod mentem theoreticam luculentius irradiat, & practicam plenius imbuat, ac altius penetrat, acrioremque veritatis sensum, & firmiorem assensum animis nostris ingignit, quam fides historica, sive temporaria. Tum etiam quæcunque ex verbo Dei hausit ad actionem refert, vitamque instituendam : atque quo diximus modo, sibi applicat.

XVI. Quæ

XVI. Quæ quidem applicatio rectè est intelligenda, & quo sensu jam expositum est. Non vero ita, quasi proprius fidei justificantis actus, quo ab aliis fidei speciebus discernitur, in eo consistat, ut quis in animum inducat sibi esse remissa peccata, sive esse Dei filium ad vitam prædeterminatum, & salutis fore certò participem. Etenim hæc persuasio, si legitima sit, fidem necessariò præsupponit, & ex ea oritur: adeoque actus ejus primarius esse non potest. Cum enim remissio peccatorum, & vita æterna in Evangelio nemini promittatur absolute, sed sub conditione fidei & respicientiæ: ut de gratia Dei & salute nostra certi simus, necesse est ut prius nobis constet de fide, & respicientiæ nostra. Unde manifestum est certitudinem illam fidei esse consequens, non verò ipsam fidem: aut si quis ad fidem pertinere velit, saltè ejus actum non esse primarium.

XVII. Sed ut fidei natura plenius intelligatur, necesse est de ejus objecto & subiecto, causâ & effectibus paulò latius differere. Et quidem ex dictis patet, fidei objectum esse quæ à Deo revelata sunt, & quatenus sunt à Deo revelata; Ut objectum materiale fidei sint ea quæ verbo Dei continentur: formale verò sit ipsa autoritas & veritas divina.

XVIII. Itaque Bellarminus non rectè disputat adversus nostras, quasi fidei salutaris objectum ad solam promissionem remissionis peccatorum omnino restringerent. Quippe fidei illius objectum statuimus, non tantum ea quæ promittuntur in Evangelio, sed & alia quæcunque in verbo Dei docentur, narrantur & præcipiuntur. Quod docet Apostolus *Hebr. 11.* ubi de fide justificante loquens, dicit, *Fide nos intelligere aptata esse secula verbo Dei, ut quæ videmus non sint ex apparentibus facta.* Itemque Noe per fidem credidisse admonitioni divine de venturo diluvio, quâ terris arcam construxit ad servandum domum suam.

XIX. Vnum hic est notandum, omnia, quæ fidei nostræ obijciuntur, non perinde ad ejus objectum pertinere. Sicut enim in objectis scientiarum humanarum, quedam sunt quorum cognitio præcipue intenditur, & ista *objectum præcipuum* vocantur: ut verbi causa, in Logica syllogismus & demonstratio: alia verò quæ tantum proponuntur ad priorum istorum elucidationem, atque ut facilius & uberius cognoscantur: & hæc sunt scientiæ *objectum secundarium*, & *minus præcipuum*; ita quoque res se habet in fidei doctrina. Quedam enim fidei obijciuntur *primario & præcipue*, quedam vero *secundario & minus præcipue*. Objectum autem illud præcipuum, sunt ea sine quibus ad salutem perveniri non potest, nec vita rectè institui: quales sunt qui vocantur articuli fidei, mysteria salutis summam complectentes, itemque præcepta divina. Sed multa alia verbum Dei continet, quæ ad istorum tantum confirmationem & cognitionem ampliore pertinent, ut sunt, verbi causa, historiæ varæ & miracula quæ narrantur in Scripturis: & ista sunt objectum fidei secundarium.

XX. Porro quæ ad fidei præcipuum objectum pertinent, ea distinctè credi necesse est; cætera verò sufficit, si consule credantur. Distinctè creduntur ea, quæ fides apprehendit seorsim & sigillatim. Et hæc est fides quæ dicitur *explicata*. Confuse, quæ non apprehenduntur in particulari, sed tantum in aliquo communi principio, in quo continentur: & hæc est fides quam vocant *implicitam*. Exempli gratia, Qui credit librum Judicum esse divinitus inspiratum, nec tamen cum legit nec de eo quicquam recitari audivit: is quidem credit veras esse historias quæ ibi habentur, sed implicite & confuse. Qui verò legit illas historias, novitque sigillatim quæ in eo libro narrantur de Samfone & Gedeone, cæterisque populi Israelitici Ducibus, is earum habet fidem explicatam & distinctam.

XXI. Sed cum Deus non simul & semel totam redemptionis & salutis doctrinam hominibus manifestaverit, sed multis modis, multisque partibus; ac primo obscurius, deinde clarius; inde sequitur; secundum varia temporum discrimina, fidem magis aut minus explicatam esse debuisse. Revelatio enim est fidei mensura: atque quod plura distinctè revelantur, ad plura fidem extendi necesse est. Ac proinde à nobis, quibus Evangelium clarè patefactum est, multorum articulorum fides explicata, seu necessaria exigitur, quorum sub Veteri Testamento, fides implicita olim sufficiebat.

XXII. Sed & hic animadvertendum, quod dicimus fidem implicitam multorum, quæ Dei verbo continentur sufficientem esse, non ita accipi debere, quasi in qualicumque præcipuorum fidei capitum noticia laudabile sit acquiescere, nec amplior sit cognitio querenda. Quamvis enim paucorum articulorum fides distincta, tanquam ad salutem planè necessaria exigatur; tamen & hoc certum est, unumquemque teneri omnem operam adhibere, ut pro vocationis modo, in doctrina salutis magis magisque proficiat, pleni-

usque

úsque & copiosius in verbo Dei instruat. Ad quod sedulò fideles hortatur Apostolus Col. 2. 2. & 3. 16. Ac proinde graviter errant & peccant illi, qui sub prætextu fidei implicitè stupidam & crassam plebis ignorantiam foveant.

XXIII. Ut autem quale sit fidei objectum meliùs cognoscatur, considerandum est quod docet Apostolus, *Heb. 11. 1. Fidem eorum esse, quæ non videntur*; quod confirmat etiam Paulus fidem opponens *Aspèctui 1. Cor. 5. 7.* Ea autem hîc *videri* dicuntur, quæ sub sensum cadunt: tum, quæ per seipsa intellectum movent ad sui cognitionem: atque eo modo menti obijciuntur, ut splendore quodam infuso veritatis intellectus noster iis cogatur assentiri; nec ad id opus habeat cujusquam testimonio: Qualia sunt prima principia per se nota, & quæ in scientiis evidenti aliqua ratione demonstrantur.

XXIV. Itaque fide propriè non tenemus quæ sensu percipimus, nec etiam quæ necessariò & evidenter nobis demonstrata sunt. Hinc quoque est quod fides abolenda dicitur in futuro seculo, in quo fidei succedet *aspèctus, et videbimus faciem ad faciem*. Quæ fides enim nunc credenda proponit, veluti Deum trinum esse & unum, Christumque Deum & hominem, ea ipsa in vita ventura cognoscemus, iisque assentimur: sed hoc quia veritatem in rebus ipsis apertè cernemus & contemplabimur. *Nunc verò videmus tanquam per speculum & in enigmate*: & quod illa mysteria vera esse nobis persuademus, id non facimus, luce quadam ex ipso objecto manante, sufficienter convicti; sed intellectum nostrum veritati divinæ, quæ de illis testatur, voluntariè submittentes. Quæ obscuritas, & inevidentia in ratione fidei involvitur: ideoque illa per claram & evidentem veritatis manifestationem sublata, fides aboleri dicitur, non perfici. Cùm contra charitas *numquam excidere* dicatur, quamvis hic sit imperfecta, & ab ea tollenda sit in patria cœlesti omnis imperfectio. Quia scilicet ista imperfectio charitati est accidentaria, non ad ejus rationem & essentiam pertinet, sicut obscuritas & inevidentia ad rationem fidei.

XXV. Verum hic est notandum duplicem esse evidentiam, unam *externam*, aliam *internam*. Evidentia *interna* est splendor ille veritatis ex re ipsa effulgens, mentemque in assensum necessariò pertrahens. Evidentia verò *externa* est, cùm non ex ipsa rei quæ obijcitur, luce, sed aliundè evidenter constat ipsi esse credendum. Et ita quæ fidei sunt evidentia esse nihil prohibet. Sic ex Apostolorum & Christi miraculis evidens erat ipsorum sermonibus fidei adhibendam. Et iis qui sunt fidei lumine collustrati evidens est mysteriis divinis esse credendum, propter Dei dicentis & verbum suum illustribus notis & criteriis ipsis approbantis auctoritatem. Ac quæcunque ex Dei verbo proferuntur, fidedigna esse manifestè judicant: quoniam illa à Deo, qui prima est & summa veritas, confirmari vident.

XXVI. Licet autem quæ fidei sunt non ita sint evidentia, quemadmodum ea quæ traduntur in scientiis humanis, non minùs tamen idè certa sunt. Testimonium enim divinum demonstratione quavis est certius. Sed hic quoque duplex certitudo distinguenda, una *ratione objecti*, & *in se*: alia *ratione subjeti*, & *quoad nos*. Etenim quæ fidei objectum constituunt *in se* quidem non minùs certa, imò certiora sunt quàm quæ demonstrativè, & per argumenta cognoscuntur. Nihil enim est certius & firmitus veritate divina, cujus auctoritate nituntur. At verò *ratione subjeti*, & *quoad nos*, fides non ita certa est, ut certa esse deberet, sed variis tentationibus concutitur & impellitur.

XXVII. Quod ad fidei subjectum attinet, duplex hic subjectum considerari potest, *inhesionis* unum, *denominationis* alterum: prius illud est facultas cui fides inheret: posterius persona quæ fide prædita est, & à fide denominatur. Facultas autem illa cui fides inheret, non est alia quàm mens, seu intellectus, non verò etiam voluntas, ut quibusdam est visum. Quod manifestum est ex fidei objecto: formale enim objectum fidei est veritas divina. At veritas secundum propriam rationem obijcitur menti, non verò voluntati.

XXVIII. Deinde ex fidei actu hoc ipsum patet: nam fidei actus in duobus consistit, nimirum in apprehensione eorum quæ verbo Dei revelantur: tum etiam in iudicio; sive assensu quem iis præbemus. At utrumque horum ad mentem pertinet: Etenim ejus est res apprehendere, sive concipere: atque etiam de iis judicare assentiendo aut dissentiendo.

XXIX. Certè qui fidem etiam in voluntate collocant, ad id ed moventur, quod fiduciam cum fide confundunt, & fiduciam putant præcipuum fidei actum, & quasi formam. At in eo falluntur, aut non loquuntur satis accurate. Fiducia enim est fidei effectus, non verò actus & forma fidei. Et si propriè loqui volumus, fiducia ad spem pertinet.

pertinet, non ad fidem. Non est enim aliud quàm spes roborata & confirmata. Et certe Apostolus fiduciam à fide manifestè distinguit, Ephes. 3. 12. *In Christo, inquit, habemus confidentiam, & accessum cum fiducia, per fidem ipsius.* Ubi fides ponitur tanquam fiduciae causa, quandoquidem dicimur per fidem habere fiduciam, seu confidentiam: quod absurdè diceretur, si fiducia & fides idem essent. Hoc enim posito sensus loci esset, Nos per fiduciam, habere fiduciam; quod nugatorium est.

XXX. Illi autem in quibus vera fides reperitur, sunt omnes & soli qui sunt prædestinati ad vitam æternam. Namque fides ista obtingit ex decreto electionis divinæ; ideoque à Paulo dicitur, *Fides electorum Dei*, Tit. 1. v. 1. Unde sit ut sine ea nemo possit esse salvus, nec eam quisquam habeat qui salutem non adipiscatur. Assensus enim ille qui in quibusdam reprobis fidem veram imitatur, fides est temporaria, de qua supra diximus: & à iustificante ac salutari fide debet omnino distingui.

XXXI. Quod autem hic quæri solet, an fidem etiam habeant Infantes electi ac salvandi, planum est quidem eos fidem actualem habere non posse; sed iis quandam habitualement fidem, seu potius semen & radicem fidei, infundi nihil prohibet. Et certè fieri non potest quin Deus purget ab omni labe peccati originalis, quotquot infantes admittit in regnum suum cœleste, quo nihil ingreditur pollutum & contaminatum. Cum ergo peccatum originale in infantibus includat semen quoddam incredulitatis, sicut omnium vitiorum; dum eos mundat Deus, proculdubio tollit innatam illam incredulitatem, adeoque principium & semen quoddam fidei infundit. Non enim fuisset Deus repurgat à vitiis, nisi contrarios virtutum habitus infunderet.

XXXII. Porro qualiscunque sit illa, seu fides, seu fidei radix, & dispositio ad fidem quæ in infantibus potest reperiri, eam in solidum Deo tribuendam, nec ad eam vires hominis concurrere, extra controversiam est: nec ab ullo potest in dubium vocari: sed & idem de fide adultorum sentiendum esse Scriptura manifestè docet, fidem enim vocat Dei donum, Eph. 2. v. 8. *Gratia estis servati per fidem, & hoc non ex vobis, Dei donum est.* Et Philippensibus dicit Apostolus, *Gratis datum fuisse ut in Christum crederent;* Phil. 1. v. 29.

XXXIII. Sed ut quantum in fidei negotio Deo debeamus, melius innotescat, notandum est, mysteria, quæ fidei nostræ credenda proponuntur, tam recondita & sublimia esse, ut in ea penetrare, & ad ea se attollere mens hominum, imò & angelorum nunquam poterit. *Sane enim, ut ait Apostolus, quæ nec oculus vidit, neque auris audiit, nec in cor hominis ascenderunt.* Ideo necesse fuit Deum illa proloqui & verbo suo revelare, alias prorsus mansissent incognita; nec homo, vel Angelus ullus quicquam de iis unquam cogitasset.

XXXIV. Verum non satis est Deum mysteria salutis revelasse, curamque adhibuisse ut hominibus annuntiarentur. Duo enim maxime obstant quo minus homines illa revelata, & extrinsecus proposita recipiant & agnoscant. Primum mentis humanæ cæcitas, & tenebræ quibus est per peccatum obfita. Deinde insuperabilis voluntatis à Deo aversæ, & rebus terrenis immerse perversitas. Ideoque ad fidem nobis ingenerandam oportet ut Deus oculos mentis nostræ sanet & aperiat, intellectumque nostrum interno quodam lumine perfundat, ut ita Deum loquentem agnoscamus. Tum quoque necesse est ut voluntatem nostram gratiæ suæ præparet, & moveat ejusque pravitatem & rebellionem corrigat & edomet, ne Spiritui Sancto illuminanti resistat, ut sit in incredulis, sed ejus monitis & inspirationi cedat & se summittat.

XXXV. Quod quidem Deus præstat certò & efficaciter. Nec enim voluntatem arbitrio suo relinquit, ut in ipsa sit Spiritus Sancti ductum, vel sequi, vel non sequi: sed eam tanta vi flectit, & inclinât, ut necessario sequatur. Neque id solum Deus per gratiam efficit ut credamus si velimus, sed ut velimus credere, & revera credamus. *Ipsæ enim qui operatur in nobis velle & perficere pro suo beneplacito, ut docet Apostolus Phil. 2. v. 13.* Unde patet totam fidei nostræ laudem in Deum esse referendum: nec vel minimam partem nobis relinqui secundum illud Pauli, *quid habes quod non accepisti?* Item, *Quis se discernit?*

XXXVI. Quos autem effectus habeat, & quàm eximios fructus ferat tam pretiosum Dei donum, vix satis dici potest. Fides enim est quæ Christo nos unit, quæ remissionem peccatorum accipit, quæ justificationem, vitam & salutem affert; victoriamque de mundo & Satana reportat. Tum etiam pacem conscientie gignit, animumque fiducia implet, & gaudio inenarrabili. Et hoc, quia fidelis se credere sentiens, & ex Dei verbo edoctus quicunque credit non perire, nec in condemnationem venire, sed transiisse de morte ad vitam: fidemque esse pignus adoptionis & electionis nostræ, de remissione

remissione peccatorum certus est, scitque se vitam æternam habere, & ad filiorum ac electorum Dei numerum pertinere. Et ita materiam habet immensæ lætitiæ, & summæ fiduciæ, maximeque animi pacis ac tranquillitatis.

XXXVII. Etenim quamvis illa remissionis peccatorum, gratiæ Dei, adeoque salutis certa persuasio, ipsa fides propriè non sit, ut dictum supra; ex fide tamen nascitur, eamque comitatur. Et certè legitimam esse, & in fidelibus reperiri, convincunt exempla sanctorum, qui in Scripturis loquuntur tanquam de salute propria & amore Dei speciali erga se omnino persuasi; ut de Davide & Paulo fatentur ipsi adversarii. Quod verò dicunt illos certitudinem illam habuisse ex peculiari revelatione, ejus rei Scriptura nullum dat indicium. Nec enim Paulus, salutis suæ fiduciam & certitudinem testans, alia proferit argumenta, quàm quæ sunt omnibus fidelibus communia, ut ex ipsis locis videre est.

XXXVIII. Adde quòd etiam si certitudinem illam habuisset Apostolus ex speciali revelatione, unicum tamen ejus exemplum sufficeret ad monstrandam vanitatem argumentorum, quibus adversarii oppugnant persuasionem illam quam fidelibus tribuimus, de salute suâ, & Dei misericordia erga se. Quasi scilicet illa persuasio securitatem carnalem induceret, usumque precum tolleret, & bene vivendi studium. Nec enim quod Paulus de sua salute certus esset, ideo precibus abstinuit & à bene agendo destitit; sed semper in eo mansit pia sollicitudo salutis suæ operandæ.

XXXIX. Sed ad talem persuasionem nobis ingenerandam non est opus aliqua particulari revelatione: ad hoc enim sufficiunt promissiones generales credentibus factæ; tum ut quisque fide illa viva & efficaci, quam Deus exigit, se præditum esse videat & sentiat. Possè autem fideles fidem suam videre, & certò dignoscere satis ostendit Apostolus, dum sic hortatur Corinthios: *Vos ipsos tentate an sitis in fide, vos ipsos probate: an non agnoscitis vosmetipsos, videlicet Jesum Christum esse in vobis; nisi rejecti estis? 2. Corin. 13. 5.* Frustra est enim illa hortatio, si vera & sincera fides non possit ab eo agnoscì & discerni qui eam possidet. Et planum est Apostolum ibi tanquam mirum quiddam & stupendum ponere, quod aliquis Christum fide habitantem in se habeat, nec tamen id agnoscat, semetipsum ignorans.

XL. Sed quòd maxime hic notandum illud est, fidem corda purificare, & per charitatem esse operantem: quod quidem veræ fidei convenire nemo est qui negare audeat, cum sint ipsa Scripturæ verba. Sed quaeritur an id fides necessariò præstet, semperque habeat charitatem adjunctam. Pontificii negant, voluntque veram fidem sæpe esse sine charitate: nos contra affirmamus, ad id multis Scripturæ testimoniis moti.

XLI. Et primò quidem fidem & charitatem ita conjunctas esse ut nunquam separantur, ostendunt illa loca quæ de omnibus qui credunt in universum docent, eos remissionem peccatorum, & justitiam per Christum adipisci, jusque filiorum Dei & vitæ æternæ habere. Cum enim ista non quadrant in eos, qui sunt charitate vacui, inde sequitur, eos qui fidem habent, habere quoque charitatem. Præterea, ut dicit Joannes 1. Epist. 5. v. 1. *Quisquis credit Jesum esse Christum, ex Deo genitus est.* At quisquis est ex Deo genitus, & charitatem habet, & bonis operibus studet. Omnis enim qui est ex Deo genitus non peccat, id est, non est peccato deditus; ut in eadem epistola habetur.

XLII. Deinde verè Deum noscè, veramque fidem de Deo habere, reapse sunt unum & idem. At qui Deum non amat, & in peccatis manet, Deum verè & salutari cognitione non novit. *Qui dicit enim, Deum novi, & mandata ejus non observat, mendax est, & veritas in eo non est,* ut testatur idem Johannes 1. Epist. 2. 4. Huic affine est quòd ait ejusdem capitis commate x1. *Qui odit fratrem suum in tenebris est, & in tenebris ambulat, & nescit quò eat, quia tenebra oculos ipsum obsecarunt.* Unde manifestum est neminem posse charitate carere, & fratrem suum odisse, & tamen esse verà fide præditum. Qui enim veram fidem habet, is in tenebris non est, nec mentem habet occæcatam. Siquidem habet oculos mentis illuminatos per Spiritum sapientiæ & revelationis: Inò, fides est illud ipsum lumen, quò à mente nostra tenebræ dissipantur.

XLIII. Denique Scriptura fideles & sanctos pro iisdem accipit, ut exempli gratia, 2. Thess. 1. 10. *Quum veneris ut glorificetur in sanctis suis, & admirandus fiat in credentibus omnibus in die illo.* Indicio manifesto fidem non posse à sanctitate seungi.

THESES DE THEOLOGIA.

Respondente ÆGIDIO WARNIER, Aquilgrannenſi, die 13 Auguſti, Anno 1646.

Theſis Prima.



THEOLOGIA, juxta vocis etymon, ſignificat ſermonem de Deo. Et ſumitur in genere pro omni doctrina quæ agit de Deo rebusque divinis. Itaque, cum de Deo duobus modis agi poſſit: primò ex principiis naturali lumine notis: deinde ex principiis, quæ modo ſupernaturali à Deo patefacta ſunt: hinc quoque duplex ſolet diſtingui Theologia: Una, ſcilicet, Naturalis: Altera Supernaturalis.

II. Theologia naturalis vocatur pars illa Philoſophiæ, quæ de ente immateriali & Deo præcipuè tractat. Sic Ariſtoteles ipſe Metaphyſicam appellat libro primo Metaphyſicorum. Theologia verò ſupernaturalis eſt doctrina illa de Deo, quæ à revelatione divina ortum habet. Et hæc Theologia abſolutè dicitur & antonomatiſticè. Et de hac ſola nobis deinceps eſt agendum.

III. Porro, duplex eſt habitus qui revelatione nititur, unus quo ſimpliciter credimus & amplectimur quæ verbo Dei continentur. Et hic habitus non eſt aliud quàm fides ipſa: Alter quo quis aptus ea quæ fides credit, diſtinctè explicare, variisque rationibus aſſerere & vindicare, & inde legitimas deducere conſequentiàs. Et hic habitus propriè Theologia dicitur.

IV. Theologia autem ſic ſumpta ſe habet ad fidem, ſicut ſcientia ad intelligentiam. Etenim fides eſt habitus principiorum: Theologia verò habitus concluſionum. Fidei primarium & præcipuum objectum ſunt veritates quædam à Deo immediatè & expreſſe revelatæ. Theologiæ verò propriè obſcijiuntur, quæ mediatè & virtualiter tantum revelata ſunt, id eſt, quæ à primis illis immediatè revelatis per diſcurſum colliguntur. Itaque Theologia, licet à fide diſtinguatur, fidem tamen præſupponit, & quodammodo includit. At verò fides non neceſſariò ſecum trahit Theologiam.

V. De Theologia autem in Scholis multa diſceptari ſolent. Sed quæ nunc de hoc argumento docere nobis propoſitum eſt ad hæc capita referentur. 1. Quæ ſit, & quanta Theologiæ neceſſitas. 2. Quæ ſit illius natura, ubi in genus ejus & differentiam inquirendum. 3. Denique quæ ſit Theologiæ dignitas, & præſtantia ſupra reliquas ſcientias.

VI. Quod ad primum attinet, certum eſt Theologiam per ſe non eſſe ſingulis ad ſalutem neceſſariam, id eſt, non eſſe neceſſe, ut omnes qui ad vitam æternam perveniunt, Theologia ſint ſcientiæ præditi: in Eccleſia enim omnes non ſunt doctores ut docet Apoſtolus 1. Cor. 12. nec ob id tamen ſalute privantur. Siquidem ad ſingularum ſalutem ſufficit fides, non verò neceſſariò exigitur: de rebus fidei plenior & amplior cognitio.

VII. Veruntamen Theologia, hoc eſt, talis de rebus divinis ſcientia, quæ ipſam fidem tueri, explicare & ſuadere poſſit, in Eccleſia neceſſaria eſt, ad hoc ut Eccleſia ſtet & conſervari queat, adeoque ut ſingularum ſalutem conſequantur. Hoc docet Apoſtolus Ephes. 4. Ubi præter cætera affirmat Chriſtum in Eccleſia ſua doctores inſtituiſſe *ἵνα καταγγέλωσιν τὸν λόγον* ad concinnationem ſanctorum & corporis Chriſti adificationem

nem : & ne simus pueri qui fluctuamus & circumferamur omni vento doctrinæ. Unde patet periculum esse, ne si, doctores in Ecclesia non sint, ejus compages dissolvatur, & ædificium ruat, privatique à fide excidant, multis & variis erroribus abrepti. Prætereaque idem Apostolus Tit. 1. exigit tanquam conditionem in Episcopo necessariam, ut potens sit exhortari in doctrina sana, & eos qui contradicunt redarguere : quod præstare non potest is, qui in sacris eruditus non est supra fidelium vulgus.

VIII. Et certè nunquam fuit Ecclesia sine talibus viris, qui supra piam & fidelem plebem in rebus divinis doctrinâ eminent. Namque olim doctores istiusmodi erant Patriarchæ & Prophetæ, qui suas habebant scholas & discipulos : qui filii Prophetarum in Scriptura dicuntur. Cujus generis schola fuisse putatur collis Dei qui memoratur 1. Samucl. 10. Et inde accepisse nomen, quod in eo doctrinâ divina traderetur. Similiter 2. Chron. 34. mentio fit *המשנה*, in quo dicitur habitasse Hulda Prophetissa. Quæ vox *משנה* vertitur à multis schola, seu collegium, quod Gallica nostra versio secuta est. Quoniam ex usu linguæ Chaldaicæ & Rabbinicæ *שנה* dicere & docere significat. Unde textus Talmudicus Hebræis dicitur *משנה* quasi doctrinam, seu disciplinam dicas, per quamdam antonomasiam.

IX. Post Prophetarum quoque tempora Ecclesia Judaica suos habuit Theologos, qui dicebantur *חכמים* Sapientes, *רבנים* Magistri, & *סופרים* Scribæ. Quo titulo Esdras ipse insignitur in libro qui nomen ejus præfert. Et de hoc quoque genere fuerunt, qui dicuntur in Evangelio *ποπαι* & *ποπιδάσκαλοι* doctores & periti legis. A quibus Christus clavem scientiæ auferens, ipsam tradidit Apostolis, Pastoribusque & Doctoribus, qui pro parte sua sunt eorum successores.

X. Verùm præter Episcopos & Pastores ordinarios, in quibus aliqua saltem exigitur Theologiæ cognitio, Ecclesia Christiana jam ab initio suas habuit scholas, & Doctores doctrinam sacram in iis profitentes, & exponentes divinas literas. Inprimis celebris fuit schola Alexandrina, in qua, si crediderit Hieronymo, libro de scriptor. Ecclesiast. continuæ serie fuerant, ab Evangelistæ Marci temporibus, ad ipsius usque tempora, Ecclesiastici Doctores. Quorum precipuè memoratur Pantænus, & qui eum excepit, Clemens Alexandrinus.

XI. Et certè ex ipsa fidei necessitate Theologicæ scientiæ necessitas infertur. Fides enim propagari & durare non potest, nisi sint qui fidem doceant, suadeant & tueantur. At non est cuiusvis fidelis hoc præstare : sed eorum tantum qui sunt in scriptura rebusque divinis periti. Itaque ad fidei & Ecclesiæ conservationem, & per consequens ad hominum salutem, Theologia necessaria est, hoc est, in Ecclesia necessarii sunt viri rerum divinarum periti, qui fidem in aliis generent, foveant & nutrant : licet non necesse sit ut singuli ita docti & periti sint.

XII. Sic ergo de Theologiæ necessitate patet. Jam verò ut quid ea sit, clarè & distinctè teneamus, primò in genus ejus inquirendum est. Queritur ergo primò an Theologia nostra sit scientia. Super qua re dicimus Theologiam scientiam non esse accuratè loquendo, & juxta definitionem scientiæ ab Aristotele positam. Etenim scientia secundum Aristotelem est assensus evidens : Atqui conclusiones Theologicæ non sunt evidentes. Et hoc quia colliguntur ex principiis inevidentibus. Fides enim est habitus principiorum Theologicorum. Atqui fides est habitus inevidens. Nam Apostolus fidem opponit aspectui : 2 Corinth. 5. *Per fidem*, inquit, *ambulamus non per aspectum*. Et Hebr. 11. docet fidem eorum esse quæ non videntur. Fides, inquit, est rerum, quæ sperantur, substantia, & eorum, quæ non videntur, argumentum.

XIII. Illa autem dicuntur esse evidèntia, quæ per se intellectum movent ad sui cognitionem, id est, quæ seipsa menti suadent & commendant, & luce sua mentem ita feriunt & convincunt, ut non possit non iis assentiri. Quod fidei nostræ mysteriis non convenire palam est. Non sunt enim res per se notæ, quarumque veritas ex se menti nostræ se prodat. Sed quod illis assentimur, id facimus propter autoritatem & testimonium Dei, qui ea Verbo suo revelavit & confirmavit.

XIV. Verùm hæc est distinguendum inter evidèntiam consequentis & consequentiæ. Conclusiones enim Theologicæ non sunt quidem evidentes : sed consequentiæ tamen, quæ ex principiis suis deducuntur, evidens est. Ex præmissis quidem inevidentibus : sed evidenter colliguntur. Exempli causa, Christum esse verum Deum & verum hominem, fidei principium est, quod ex se non est evidens, sed propter solum Dei testimonium creditur. At inde tamen evidenter sequitur in Christo duas esse voluntates, divinam unam & alteram humanam. Ideoque hac in parte Theologiæ nihil deest ad veram scientiæ rationem.

XV. Licet

XV. Licet autem Theologia scientia non sit propriè & strictè loquendo, & juxta scientiæ conditiones omnes ab Aristotele positas, nullus tamen est habitus mentis ad quem magis accedat, & ad quem potius debeat revocari. Est enim cognitio certa evidenter deducta ex principiis certis, quæ, licet inevidentia sint, non minus tamen certa sunt, quàm si essent evidentialia. Ideoque rectè & convenienter scientia dicitur, nec alio aptiori nomine designari potest.

XVI. Porro Theologia scientia est una specie, non multiplex. Licet enim de rebus valdè diversis agat, exempli gratia, de Deo, de Angelis, de homine, de virtutibus & vitiis, quæ videntur ad prorsus diversas scientias pertinere, omnia tamen illa in una ratione communi conveniunt, sub qua Theologiæ obversantur & obijciuntur. Quæ ratio communis est revelatio divina. Ista enim quæ dixi non quovis modo cadunt sub Theologi considerationem: sed quatenus per divinam revelationem cognosci possunt. Nam verbi causa, de natura, viribus & officio hominis non docet Theologus quæcunque doceri possunt, sed ea tantum quæ ex verbo Dei didicit & collegit.

XVII. Est autem hic notandum, non quæcunque Deus quovis modo revelat ad Theologiæ objectum pertinere. Potest enim Deus multis quædam privatim revelasse; quæ non cadunt sub hanc scientiam. Sed hic per revelationem intelligimus illam, quæ Ecclesiæ toti communis est, & in communem ejus utilitatem est facta, quamque Deus scriptis voluit consignari. Siquidem non ex privatis revelationibus huic aut illi factis, sed ex Scriptura sacra assertiones suas probare debet Theologus.

XVIII. Porro Theologia non videtur esse scientia merè speculativa, neque merè practica, sed practica simul & speculativa. Et hoc quia Theologia de multis rebus agit, quæ spectant ad scientiam tam practicam, quàm speculativam. Deum enim contemplatur & mysteria divina, quæ sub actionem non cadunt: tum quoque vitæ præcepta dat, docetque qui sint mores homine Christiano digni.

XIX. Veruntamen Theologiam censemus potius esse practicam quàm speculativam. Siquidem universa Theologia versatur in explicatione, & defensione eorum quæ continentur in Scripturis. Atqui doctrina in Scripturis contenta, ex ipsius Dei docentis & revelantis scopo, ad actionem refertur, videlicet ad Dei & proximi dilectionem. Neque doctrinæ hujus scopum assecutus est, qui non quæcunque ex verbo Dei didicit, ad finem illum refert. Affirmat enim Christus *Matth.* 22. legem atque Prophetas pendere ex his duobus mandatis, nempe, Dominum Deum tuum diliges toto corde, & tota anima, & proximum sicut teipsum. Deinde dicit Paulus *Rom.* 15. Quæcunque scripta sunt ad nostram doctrinam scripta esse, ut per patientiam, & consolationem Scripturarum spem habeamus. Sed præsertim maxime ponderanda sunt ejus verba, 2. *Tim.* 3. Tota Scriptura divinitus inspirata, utilis est ad doctrinam, ad redargutionem, ad correctionem, ad disciplinam quæ est in justitia ut perfectus sit homo Dei, & ad omne bonum opus perfecte instructus.

XX. Huc facit, quodd Evangelium ab eodem Paulo dicitur doctrina quæ est secundum pietatem, 1. *Tim.* 6. Hoc enim aliunde non est, nisi quodd precipuus Evangelii scopus, est nos ad pietatem formare. Imo articuli illi qui maxime videntur pertinere ad contemplationem, nimirum de filii Dei divinitate & incarnatione, mysterium pietatis ab Apostolo dicuntur in specie, *cap.* 3. ejusdem Epistolæ. Adde quod Theologorum principiorum habitus est fides. At vera fides habitus est practicus. Ejusdem verò generis est habitus principiorum, & habitus conclusionum.

XXI. Quod ad objectum Theologiæ spectat, notandum est, aliquando objectum scientiæ dici quicquid scientia quovis modo considerat. Ita Theologiæ objectum non est unum. Multa enim & valde diversa considerat, Deum, Ecclesiam, Angelos, Sacramenta. Quæ omnia tamen in una communi appellatione conveniunt, quatenus sub Theologi considerationem cadunt. Nam quæcunque tractat Theologus possunt vocari res divine. Sunt enim, vel Deus ipse, vel alia quæ ad Deum aliquo modo ordinantur. Nec quicquam à Theologo propriè consideratur; nisi cum aliquo respectu ad Deum. Itaque, si quis de objecto Theologiæ querat, non inepte responderi posset, objectum illud esse *res divinas*.

XXII. Sed ut plurimum objectum scientiæ cuiuspiam dicitur, id cuius scientia præcipue intendit cognitionem nobis dare, & propter quod cætera omnia considerat: quia, scilicet, ad ejus ampliorem & perfectiorem notitiam conducunt. Hujusmodi objectum Theologiæ Deus est, quod plerique omnes fatentur, & docet ipsa Theologiæ vox, quæ ut supra notatum est, significat sermonem de Deo: sed non convenit, an illud objectum sit Deus simpliciter, ut Deus est: an verò sub certo aliquo respectu. Prius illud tenetur

tur Scholastici celebriores Thomam Aquinatem secuti, statuuntque objectum Theologiæ esse Deum, prout Deus est, atque ut loquuntur sub ratione Deitatis. Verùm hoc nobis videtur nimis laxum & generale. Neque scopus Theologiæ est nos simpliciter in Dei, ut Deus est, cognitionem ducere; sed de Deo agit cum aliquo ad homines respectu.

XXIII. Itaque convenientius Theologiæ objectum dici potest Deus, ut Deus est, & servator hominum. Tota quippe Scriptura Deum nobis sub hoc respectu proponit. Ac præcipue intendit nos docere quæ sint erga homines Dei beneficia, quæque vicissim ab illis cultum exigat & obedientiam. Si quæ verò alia tangit, id facit ad ista magis declaranda & confirmanda. Exempli gratia, cum tradit esse tres in Deo Personas, Patrem, Filium, & Spiritum sanctum, scopus ejus non est simpliciter nos hanc veritatem docere: sed per id vult nos clariùs & uberiùs informare, de modo redemptionis atque salutis nostræ, quæ per Christum nobis parata est, & per Spiritum nobis applicatur & obsequatur. Et similiter Dei attributa, ut justitia & misericordia in arrantur in Scripturis relatæ ad homines, ut scilicet sciant, quatenus Dei justitia ipsis timenda sit, & quodnam debeant in ejus misericordia querere per fugium.

XXIV. Porro semel cognitâ Theologiæ naturâ, in promptu est colligere, quæ sit ejus dignitas, & præstantia supra reliquas scientias. Et primò quidem, eam satis ostendunt, quæ de Theologiæ objecto jam dicta sunt. Ex objecti enim dignitate, solet scientiarum æstimari dignitas. At Theologiæ objectum, ut dictum est, est Deus Opt. Max. qui cætera omnia in infinitum dignitate superat, cum sit ipse essentia & perfectionis infinitæ.

XXV. Prima Philosophia agit quidem de Deo, sed de tanto objecto pauca tradit & exigua, præ iis quæ in hac disciplina traduntur. Etenim Theologia Dei naturam & attributa longè uberius & luculentius enarrat, quàm Metaphysica. Deinde multa de Deo mysteria aperit, Philosophis prorsus incognita: veluti in Deo tres esse personas, licet una sit essentia, Deique Filium pro nobis incarnatum & mortuum esse, & multa similia.

XXVI. Tum quoque, licet Deus sit Theologiæ objectum principale, quia, ut modo docuimus, nil considerat, nisi in ordine & respectu ad Deum; de multis tamen præter Deum agit Theologia, neque est ulla scientia, quæ ad plura se extendat, cujusque tam latè pateat objectum. Plurima enim præclara edisserit de creaturis spiritualibus, Angelis scilicet, tam bonis quàm malis, de quibus vix quicquam potest assequi ratio humana. Ibi habemus perfectam Ethicam, & regulam bene vivendi longè sanctiorem & sublimiorem quibusvisque sapientum hujus sæculi preceptis. Neque Theologiæ desunt præcepta politica atque æconomica, quæ multa ex Scriptura sacra depromi possunt.

XXVII. Adde quod per hanc disciplinam homo in veram sui cognitionem ducitur, eoque de seipso dicit, quæ aliunde doceri non potest. Siquidem hæc sola generis humani originem aperit, variòsque hominis status. Cumque facile sit animadvertere in natura humana magnam miseriam & perturbationem, sola Theologia illius causam & remedium docet; tantique aperit mali magnitudinem. Super qua re jam olim frustra æstuavit & anhelavit Philosophia.

XXVIII. Imo doctrina sacra non pauca Geographica & Historica complectitur, quæ magnam lucem affundunt Historiæ atque Geographiæ. Et sine ejus face prælucente ignota essent mundi primordia, & gentium pene omnium origines, nec ullum Chronologia certum initium haberet, primaque & maximè veneranda in totum latens antiquitas. Denique Scriptura sacra, Theologiæ nostræ fons, & regula prima, passim quædam Physica aspergit, quæ non leviter juvant scientiam naturalem. Ut, verbi causa, illud Salomonis Ecclesiastæ primo, de fontium & fluviorum à mari origine, & in idem mare per circulum perpetuum situ.

XXIX. Sed quantum hæc scientia commendatur ab objecto, eam tantumdem commendat ejus autor. Reliquæ enim scientiæ illustri aliquo viro tanquam præcipuo auctore gloriantur. Aristoteles habetur Philosophorum princeps, & Medicorum Hippocrates: Mathematicæ verò disciplinæ par entemagnoscunt Euclidem. At Theologia Deum sibi vindicat auctorem, à quo sacra hæc doctrina emanavit. Non enim libitum hominis allata est olim prophetia, ut Petrus Apostolus ait, sed acti à Spiritu sancto loquuti sunt sancti homines Dei, qui primùm eam scriptis consignarunt.

XXX. Non sine numine quidem inventæ sunt bonæ artes, & disciplinæ: & ipsa rationis lumen descendit à Patre luminum, qui est naturæ motor & gubernator. Sed principia, quibus Theologia nititur, sunt expressa Dei dicta & oracula, quibus

quibus manifestantur ea, quæ non potuerunt innotescere, nisi per lumen ratione altius.

XXXI. Unde fit ut Theologia certitudine superet reliquas omnes scientias. Siquidem illæ nituntur ratione humana, quæ falli potest, & est errori obnoxia. Sed Theologia recumbit in veritatem Dei, qui nec falli, nec fallere potest. Multi quidem circa veritates Theologicas addubitant, iisque Theologiæ principia, & conclusiones minus certa videntur, quàm ea quæ traduntur in scientiis humanis. Sed id non obstat quo minus in se sint certissima: sicut Sol non definit esse splendidissimus, licet cæci & lippientes lucem ejus, aut omnino non, aut obscure tantum percipiant.

XXXII. Verum hic animadvertendum, quum ponimus Theologiam certiorē esse aliis scientiis, nos id ita non intelligere, quasi certitudo illa solum esset ex parte objecti. Etenim illa quæ Deus revelavit, non tantum sunt in se certissima, sed etiam per habitum fidei, & Theologiæ certius cognosci possunt, quàm ullæ veritates per solum lumen rationis notæ. Ita ut qui in fide & rerum divinarum scientia roboratus est, certior sit, & magis persuasus de veritatibus divinis, quàm sit de ulla alia veritate. Atque sic fidei & Theologiæ habitus, in se & ex propria specie, certitudine antecellit habitus scientiarum merè naturalium, licet omnes non æqualiter participant illum habitum, & sit in uno firmior, in alio verò minus firmus.

XXXIII. Sed in nulla re magis Theologiæ dignitas & excellentia elucet quàm in præstantia finis & usus ejus. Etenim, inter disciplinas practicas, quò alicujus disciplinæ finis ulterior est & magis universalis, eò disciplina illa dignior & præstantior est. Ita Politica præstat scientia militari, quia militaris scientiæ finis est victoria, quæ medium est ad adipiscendam publicam pacem & tranquillitatem, quæ politice scientiæ finis est: & bonum aliquod majus. At hujus scientiæ finis summus est & ultimus omnium, perfecta scilicet hominis beatitudo, cui subordinantur cæterarum omnium artium atque disciplinarum fines.

XXXIV. Disciplinæ & artes reliquæ particulare aliquod hominis bonum curant. Medicina v. g. corporis sanitatem: Jurisprudentia, facultates: Politica, publicam pacem & tranquillitatem. Sed harum nulla sufficit ad hominem beandum. Theologia verò integram hominis felicitatem curat, & suggerit quæcunque desiderantur ad bene beatæque vivendum.

XXXV. Ad id quidem etiam contendit Philosophia. Sed scopum suum minus assequitur, & quæcunque bona homini procurare conatur, intra hujus vitæ ambitum continentur. At Theologia vitam & felicitatem æternam offert, & præstat iis qui sequuntur ejus ductum. Et sic docet præsentem vitam instituire, ut non tantum pro hujus vitæ statu beati simus, sed ita ut ad sempiternam beatitudinem perducatur.

XXXVI. Itaque summo jure hæc disciplina sapientia dici debet. Etenim juxta ipsum Aristotelem, Sapientia est scientia rerum præstantissimarum. Sed ut patet ex dictis, Theologia de rebus præstantissimis agit: videlicet de Deo & mirandis ejus operibus, tam in creatione quàm in redemptione nostra. Deinde quoque de rebus respectu nostri maximi momenti, & quæ nosse nostra maxime interest, nempe de summa nostra felicitate, & de vita secundum Deum rectè instituenda, quæ via est ad illam felicitatem adeundam. Nec tantum de rebus præstantissimis agit, verumetiam præstantissimo modo: scilicet non ex humanæ rationis inventis, sed ex divina revelatione.

XXXVII. Præterea inter notas sapientiæ recenseri solet quod versetur circa maxime difficilia & à sensu remota. Deinde quod ab alia scientia non pendeat. Ac denique quod dirigat & judicet scientias alias, tanquam earum arbitra & domina. Quæ omnia apprime in Theologiam quadrant.

XXXVIII. Etenim primò nobis mysteria aperit longè difficillima, quæ in se non tantum sunt à sensibus remota, sed mentis humanæ caput longe superant. Sunt enim, ut ait Apostolus, quæ nec oculus vidit, neque auris audivit, nec in cor hominis ascenderunt: sed Deus ea nobis revelavit per Spiritum suum, qui Spiritus omnia scrutatur, etiam profunditates Dei, 1. Cor. 2.

XXXIX. Secundò Theologia non pendet ab ulla alia scientia. Etenim una scientia ab alia pendere dicitur duobus modis. 1. Quum scientia quædam ab altera sumit sua principia, quæ superioris istius scientiæ sunt conclusiones. Et ita Ars urbes muniendi à Geometria pendet. Conclusiones enim Geometricæ sunt istius artis principia. Deinde quum finis unius scientiæ refertur ad finem scientiæ alterius. Et ita militaris à politica pendet: quandoquidem finis militaris refertur ad politice finem, & est medium ad illum consequendum. Utroque verò isto modo Theologia est plane independens.

Nam

Nam, cum finis Theologiæ sit finis hominis ultimus, æterna scilicet ejus beatitudo, ad nullum finem referri potest, sed ad illum omnia necessariò referuntur. Tum quoque nulla est humana scientia, à qua Theologia sua principia sumat: sed illa immediatè habet ex revelatione Dei, cujus sunt effata & pronuntiata.

XL. At inquit, Theologi in suis argumentis sæpe utuntur propositionibus, quæ non sunt revelatæ, sed notæ sololumine rationis, & plurimæ in Theologia reperiuntur argumentationes, in quibus una tantùm præmissarum est revelata, altera verò una est ex conclusionibus cujusdam scientiæ naturalis. Respondeo Theologiam, quum quædam sumit ex aliis scientiis, id non facere ex necessitate, sed ad rem magis illustrandam, & ut se hominibus infirmis accomodet. Etenim per se sola sibi sufficit, omnesque necessarias conclusiones potest ex revelatis principiis probare. Itaque, quum aliquid à naturalibus scientiis mutuatur, id non facit tanquam inferior, quæ ad superiorem recurrere cogitur: sed tanquam domina, quæ liberè utitur facultatibus ancillarum.

XLi. Et revera Theologia cæterarum scientiarum est arbitra & domina, quæ ipsas dirigit, & de ipsis indicat, ipsa à nulla alia scientia judicanda. Nam reliquæ omnes disciplinæ, exigendæ sunt ad ejus amulum, ut quicquid habent cum Theologia non consonum rejiciatur, neque admittatur quicquam quod cum Theologiæ principiis non congruat.

XLII. Atque sic in Philosophia varii errores detecti, ut v. c. de origine mundi, quem Philosophorum alii æternum, alii ex materia factum existimant: nulli verò, ex nihilo, prout est revera, creatum, nisi Theologia monstrante & manu ducente: Et in multis aliis, ubi Philosophi hærebant, nec rem habebant satis exploratam, eam Theologia posuit in aperto, & sustulit omnem dubitationem. Ut patet in negotio de divina providentia, & animæ immortalitate.

XLIII. Jure merito ergo doctrina sacra titulo Sapientiæ ornanda est, qui etiam ipsi sæpe in Scriptura tribuitur: ut quum Apostolus Evangelium vocat, Sapientiam quæ in mysterio est: ipsumque dicit esse gentibus quidem stultitiam, & Judæis scandalum: at verò iis qui credunt, Dei potentiam atque sapientiam, 1. Cor. 1. & 2.

Thesium Theologicarum

DE

AUTHORITATE SCRIPTURÆ

PARS PRIMA,

Quæ est de Scripturæ Sacræ Luce.

Respondente JOSEPHO PITHOYS, Sedanensi, die
18. Novembris, Anno 1652.

Thesis Prima.



E authoritate Scripturæ acriter disputatur inter Orthodoxos & Pontificios. Nempe quaritur, Unde Scriptura sacra suam authoritatem habeat. Utrique autem per Scripturæ authoritatem intelligant dignitatem, secundum quam mereatur fidem in omnibus quæ quocunque modo dicit, & summam ex fide obedientiam in iis quæ mandat & prohibet.

II. Sed distinguunt hic Pontificii, & fatentur quidem Scripturam in se suam authoritatem non aliunde quam à Deo habere: verum

D

Verum auctoritatem illam, quoad nos, ab Ecclesiæ testimonio pendere contendunt. Hæc scilicet eorum mens est. Quod Scriptura omni fide & reverentia digna sit, id esse quia promanavit à Deo fonte omnis veritatis, & supremo omnium Domino: Verum non aliunde certò & indubitè sciri posse Scripturam à Deo prodissè, quàm qua istud Ecclesiæ testatur. Ita ut, quod Scriptura sit veritatis irrefragibilis, summumque in conscientias habeat imperium, inde sit quod Deum habeat autorem: quòd verò certò agnoscitur Deum autorem habere, id jam ab Ecclesiæ testimonio pendeat.

III. Nostri verò Scripturæ sacræ auctoritatem neque in se, neque quoad nos, ab Ecclesiæ testimonio & auctoritate suspendunt. Siquidem asserunt posse aliunde agnoscere sacros libros à Deo prodissè, quam ex testantis Ecclesiæ voce: neque quod fideles hos libros tanquam divinos suscipiunt, id eos facere propter Ecclesiæ auctoritatem sed Scripturam ipsam sufficere ad præbendam sui notitiam.

IV. Convenit ergo inter partes unde Scripturæ sua auctoritas competat: non convenit verò unde ipsi talem auctoritatem competere cognoscatur. Atque ita facilis & expeditus videtur controversiæ status: Veruntamen quum ventum est ad concertationem, & utraque pars mentem suam explicat clarius & in particulari, tum magna in hac quæstione oritur obscuritas & confusio: vixque licet assignare qua in re partes propriè dissideant.

V. Itaque, ut, quantum in nobis est, celeberrimæ huic quæstioni lucem aliquam afferamus, rem totam accuratius tradere conabimur. Et primò quidem investigabimus, & exponemus modum quo Scriptura nobis pro divina innoscitur. Deinde inquiramus in sententiam Pontificiorum, quam agnoscere atque percipere non est ita expeditum & promptum ut videri possit. Ac postremò inde eruto controversiæ statu explicabimus qui sit Pontificiorum hac in parte error, illumque confutabimus.

VI. Porro circa modum, quo in Scripturæ sacræ cognitionem devenimus, quatuor præcipue discutienda erunt. 1. An Scriptura sacra lucem aliquam habeat quia se præbeat agnoscendam, & quæ qualisque sit illa lux. 2. Quæ sint in hoc negotio Spiritus Sancti partes, & quousque illius opera necessaria sit, ut aliquis Dei Verbum & Scripturam agnoscat. 3. Quid Ecclesiæ hac in re tribuendum sit, & quantum valeat ejus testimonium. 4. Denique quo præsertim fundamento nitatur fides illa, quam Scripturæ adhibemus ut veræ & divinæ.

VII. Quod ad primum attinet, in hac quæstione nostri tanquam fundamentum subternunt, Scripturam sacram in se lucem quandam habere, qua, seclusa omni Ecclesiæ auctoritate, per se innoscere possit. Et certè Scriptura pluribus in locis seipsam luci comparat. Sed hoc ita tantum in genere notatum parum lucis affert huic controversiæ. Itaque necesse est distinctius tradere quæ sit illa Scripturæ lux & evidentia. Quippe per lucem illam non intelligimus nisi evidentiam quandam veritatis, quam in Scriptura percipiunt fideles, & qua Scriptura sui divinitatem mentibus eorum probat & suadet.

VIII. Porro distingui potest duplex evidentia: una quam vocare licet Mathematicam seu Metaphysicam: altera verò quæ moralis dici potest. Evidentiam metaphysicam voco illam, quæ competit primis principiis per se notis, & conclusionibus per hujusmodi principia demonstratis. Moralis autem est illa quæ cernitur in rebus quæ quidem demonstrari non possunt, sed ejusmodi tamen indicii & argumentis suadentur, ut de iis vir prudens & peritus dubitare nequeat & dissensum à se impetrare. Sic *Æneidem* esse scriptam à Virgilio, & orationes in Verrem, Catilinam & Antonium, à Cicerone olim editas esse, res quidem non est per se nota, aut quæ demonstrari possit: Sed tamen istud tam constanti & solemnī fama testatum est, & quæ tam gravis indicii confirmatum, ut de eo dubitare nemo possit qui sit sanæ mentis, & qui aliquam rerum & literarum notitiam & usum habeat.

IX. Evidentia, quæ Scripturæ competit, non est prioris generis. Etenim Scripturam esse divinitus inspiratam res non est per se nota, sicut hæc principia, *Totum est majus sua parte. Idem non potest simul esse & non esse.* Nec etiam istud demonstrari potest logicè, seu mathematicè, ut patet experientia. Nec enim ullus unquam potuit hujus veritatis aliquam afferre demonstrationem. Adde quod, si res ita se haberet, assensus ille, quam sacræ Scripturæ adhiberemus scientia esset, non fides, siquidem ipsa scientiæ distinctio est, quod sit *habitus demonstrativus*.

X. Igitur Scriptura sacra non habet aliam lucem, sive evidentiam, præter illam quam moralem diximus. Etenim quamvis non sit per se notum, nec etiam possit propriè demonstrari Scripturam sacram à Deo prodissè: attamen hoc tam multis, & tam probabilibus

babilibus argumentis suadetur. Habetque Scriptura in se tot & tam insignia divinitatis suæ notas & indicia, ut inde vir pius & prudens efficaciter inducatur ut credat illam esse veram & divinam.

XI. Atque ut argumentorum istorum specimina quædam hic proferamus, Scripturam illam, quam pro sacra habemus, revera talem esse, & divinitus inspiratam, probatur ex conditione eorum qui primi illam tradiderunt, & pro divina commendarunt. Etenim, si Scriptura sacra vera & divina non est, oportet ut scriptores sacri qui profitentur se Deo inspirante scripsisse, & ea quæ scribunt aut esse à se visa, aut sibi divinitus revelata testantur, impostores fuerint quibus propositum fuerit homines decipere, & mundo illudere. At hæc suspicio cadere non potest in Prophetas & Apostolos, quorum opera Scriptura nobis consignata est. Quibus enim est animus decipere, illi id intendunt, vel lucri cupiditate, vel voluptatis alienius causa, vel spe gloriæ cuiusdam, & voluptatis potiunda. Ita qui superstitionis alicujus auctores fuerunt, ij certè suis commentis opes & dignitates sibi conciliantur: ut exempli causa, Mahumetes qui fabulis suis mundum decipiendo summum sibi suisque arrogavit imperium. Sed Prophetis & Apostolis tale quid assingi non potest nisi valde impudenter, & contra omnem veritatis speciem. Si enim res ex sensu hominum æstimetur, omnes illi fere fuerunt miserrimi, & conditione abjecta & contempta: neque sua predicatione ullas sibi in mundo pepererunt divitias, aut ulum imperium & apud homines gloriam. Contrà verò doctrina illa, quam verbo & scriptis suis asseruerunt, concitavit in eos concivium suorum & externorum hominum odium, & reddidit eos obnoxios infinitis opprobriis, atque contumeliis: imo in certum vitæ periculum conjecit, adeo ut eorum plerique scripta suo proprio sanguine obfignaret.

XII. Nec dici potest eos per incogitantiam incidisse in tales ærumnas. Nam illi munus suum aggredientes, præcæsi fuerunt harum calamitatum, & ultro sese exercendos & cruciandos tot malis tradiderunt. Moses quidem populi Israelitici dux fuit & sacerdos: sed tamen quam parum sibi suisque studuerit inde manifestum est, quod principatum & sacerdotium non transmisit ad posteros suos, sed servum suum Josuam ducem populi post se designavit, & fratrem suum Aaronem in sacerdotem, Deo mandante, inauguravit. Quam autem à vana gloria sacri scriptores alieni fuerint, inde patet, quod, si quid magnum aut præclarum ab ipsis gestum vel dictum fuit, id totum Deo acceptum referunt: ipso in illis ipsis scriptis, quæ tanquam divinitus inspirata commendant, candide notant suos nævos atque defectus: Et si quid in ipsis tenue & humile ac inglorium fuit, illud non dissimulant. Ita Moses annuavit suam dissidentiam & dissidentie penam, quam Deus ipsi imposuit: itaque fratris sui Aaronis idololatricam & Mariæ sororis murmura.

XIII. Deinde doctrinam & Scripturam illam, quam pro divina habemus, verè divinam esse, valde credibile reddit fides, quæ illi in mundo habita est. Paucis enim annis Evangelium Christi totum ferè orbem pervasit, & statim atque cepit gentibus prædicari, innumeros invenit ubique sectatores, omnis ætatis, sexus & conditionis: a deo ut unus Paulus ab Hierosolymis in Illyricum usque, brevi admodum temporis spatio, omnia repleverit Evangelio Christi, sicut ipse scribit ad Romanos c. 15. Istud autem proficisci non potuit nisi à vi quadam divina, quæ doctrinam illam sacram comitata est: & ut notat idem Paulus loco citato, à virtute divini Spiritus, illam cordibus hominum insculpentis, variisque prodigiis & signis confirmantis.

XIV. Etenim, si res in se consideretur, omnia videntur obistere debuisse, quominus doctrinam illam, & Scripturam, quæ est illius fundamentum, homines reciperent. Primum doctrinæ ipsius genius. Nam credenda proponit mysteria plurima quæ sensus humanus stultitiam judicat: eaque jubet & exigit quæ maxime repugnant humanis affectibus, ut scilicet Christi crucem bajulemus, nos ipsos abnegemus, & pro Christo crucifixo parati simus opes & voluptates relinquere & vitam profundere. Deinde qui doctrinam illam hominibus annunciarunt, non usi sunt arte & eloquentiâ, quibus hominum animi flecti solent. Neque apud homines valuerunt auctoritate, seu sapientiæ & doctrinæ fama. Nec fuere viri potentes qui minis & armis terrere potuerint, & ad doctrinam suam suscipiendam cogere: sed fuerunt plerique viri rudes & idiotæ, vitam tolerantæ mechanicis artibus: ex Judæorum gente cæteris omnibus contempta & exosa: ab iis, qui tunc sapientes & docti existimabantur, pro barbaris & insciis habiti. Adde quod prædicabant hominibus alii religioni innutritis, quique multis & magnis præjudiciis occupati erant. Etenim superstitionem, æquæ avertentur à majoribus acceperant, eamque firmatam videbant populorum consensu, sapientum calculo, & magna

tum autoritate. Denique vix dici potest quot & quam acres & potentes hostes doctrina, scripturis nostris contenta, habuerit. Judæorum enim magistri, & Philosophi gentium magno conatu eam impugnabant. Ac priores quidem, suam autoritatem opponebant: posteriores verò in eam omne ingenii acumen exerebant, & facundiam explicabant. Et præterea magistratus & principes sæculi atrocissime persequerantur eos, qui eam amplexi fuerant, & in eos omni genere suppliciorum sæviebant. Cum ergo nihil eam humanitus adjuverit, contra verò omnia habuerit adversa, necesse est ut illius incrementum, & propagatio unius Dei virtuti ascribatur. Cum si quæ alia secta & religio latè serpsit, & multos sectatores invenit, id factum sit humanis mediis. Nam Mahumetismus ex Græciâ brevi per provincias multas propagatus est: sed id factum est armis, & vi aperta. Deinde quòd doctrina illa in multis carni ablanditur.

XV. Præterea divinum aliquid in Scriptura arguit constantia, numerus, & conditio martyrum, qui eam suo sanguine obsignarunt. Cum enim per naturam homini nihil sit vita clarius, unde factum, ut tot homines pro defensione Scripturæ, & doctrinæ quam tradit, mortem libenter oppetiverint, nisi à vi quadam divina quæ penitus eorum animis infederat? Aliquando quidem sævum est in quosdam hæreticos & supersticiosos, & pauca forte reperiri possunt exempla eorum, qui ex animi quadam ferocia & obstinatione mori potius elegerunt, quàm ut à semel arrecto errore dimoveri se paterentur. Sed nullus est error, nulla superstitio & doctrina humana, quæ multos habuerit sectatores tam obstinatos, ut, cum abnegata sua impietate evadere possent salvi & incolumes, supplicia tamen & tormenta perire non recusaverint. Verùm quum Apostolica & prophetica doctrina, & Scriptura, primum per orbem propagari cepit, necdum censei posset traditione majorum & consuetudine firmata, quibus maxime radicibus humana instituta hominum animis solent adhærescere, non pauci quidam reperti sunt, sed infinitæ hominum myriades, omnis ætatis, ohnis sexus, omnis conditionis, viri, femina, pueri, senes, literati, idiotæ, qui dirissima quæque mortis genera perpessi sunt, potius quàm Scripturæ doctrinam abnegarent: licet sola ejus abnegatione possent non solum vitam redimere, sed etiam bonis & honoribus suis cum concivibus æquali jure frui. Neque censei possunt ferocia vel stupiditate aut animi quodam morbo in mortem certam fuisse: cum sæpe ab ipsis hostibus extorferint testimonium animi rectè compositi, & inculpatæ vitæ, & in ipsa morte testati fuerint summam modestiam, summam humanitatem & animi præsentiam. In quo certè, nisi quis ultro claudat oculos, facile digitus Dei notari potest.

XVI. Præterea doctrinam in Scripturis traditam, adeoque Scripturam, quæ fundamentum illius est, divinam esse & à Deo manasse, probatur ex miraculis quæ in doctrinæ istius confirmationem facta sunt. Cum enim Scripturæ & doctrinæ cœlestis duæ sint præcipue partes, *Lex*, & *Evangelium*: lex quidem confirmata est mirabilibus illis quæ in deserto contigerunt: ut quod viva vox Dei loquentis è medio ignis audita est, quod quadraginta annis in deserto manna pluit, quod aqua sæpius petraeducta est, quodque Israelitarum vestes toto illo tempore attritæ non fuerint, & plura ejusmodi. Evangelio verò testimonium perhibuerunt infinita penè Christi miracula: tum visibilia illa & planè stupenda Spiritus sancti dona, quæ effusa sunt in primos credentes: ita ut subito variis & peregrinis linguis loquerentur, morbos quosvis sanarent, demones expellerent, & miranda alia quam plurima patrarent. Cum enim talia sint supra naturæ vires, necesse est Deum in illis exeruisse suam potentiam. At nefas est cogitare Deum voluisse uti sua omnipotentia ad fidem faciendam Scripturæ & doctrinæ, quæ falso & injuriâ ipsi ascribebatur, quasi voluisset ex pacto cum hominibus mentiri.

XVII. At inquires, miracula illa facta quidem dicuntur, sed qui scire possumus illa revera facta esse? Nec enim minùs incertum videtur, an vera sint illa miracula, quàm hoc, an divina sit Scriptura illa in cujus confirmationem facta esse dicuntur. Respondeo. Quod ista revera contigerint, ex ipsis scripturis nostris efficaciter probari posse. Etenim scriptores nostri ista eodem modo scripserunt, ut fieri non possit eos hac in re mentitos esse. Negantem enim, sive dubitantem vera esse quæ narrant de miraculis istis scriptores nostros, Moses & Paulus, verbi causa, rogabo num velit in dubium vocare Mosem quandam fuisse qui Israelitico populo leges dedit, & quedam volumina scripsit: Et similiter fuisse quandam Paulum, qui Christianam doctrinam prædicavit, & scripsit quasdam epistolas quæ ipsi ascribuntur. Hac de re certè nemo hætenus dubitavit, nec ipsi quidem Athei hoc negare voluerint, vel ausi fuerint. Et revera id testatur fama tam constans, tam perennis, ita omnium, etiam adversariorum, consensu recepta, ut de hoc dubitare, delirare planè esset. Crebra enim Mosis & scriptorum ejus mentio fit apud

apud Ethnicos. Neque Judæi & Mahumetani religionis Christianæ hostes infensissimi, Apostolos nostros fuisse & scripsisse negant, sive dubitant. Quod si quis illud vellet pertinaciter in dubium vocare, eo adigendus esset, ut dubitationis suæ causam asserret, & rationem aliquam cur fidem non habeat concordî totius orbis testimonio. Et cur credar potius Plinium, & Titum Livium fuisse & scripsisse, quàm Mosem atque Paulum. Et certè frustra in hoc probando laboramus; quandoquidem res est in confesso. Neque enim illi, qui verbum Dei rejiciunt, negant authores illos, quos pro sacris habemus, fuisse vel scripsisse, sed illos vera non scripsisse blasphemant.

XVIII. Agè ergo videamus an fieri possit, ut vera non sint ea quæ de miraculis istis a Mose & Paulo narrantur. Certè, si vera non sunt, aut decepti sunt illi in scribendo, existimantes contigisse ea, quæ vera non contigerant: aut scripserunt animo fallendi, & conati sunt fallâ pro veris obtrudere. Prius dici non potest. Non enim ista tantquam aliunde accepta referunt, sed à seipsis gesta sive visa testantur. Oportet ergo ut voluerint fallere Moses Israelitas, & Paulus Corinthios, Galatas & alios. Et sic sentiunt homines profani qui Mosem & Paulum accusant impostoræ. Videndum igitur an fuerint impostores, qui conati sint suadere iis ad quos scribebant, & in quorum manus sua scripta tradebant, hæc & illa prodigia & miracula facta fuisse; cùm tamen istorum nihil factum fuerit.

XIX. Certè solent impostores, & illi, quibus est animus decipere, sic producere suâ mendacia, ut facilè non possint argui mendacii ab iis, quos deceptos volunt. Ita Numa, qui Romanæ superstitionis ritus plerosque instituit, fingeat se de nocte colloquia habere cum Nympha Egeria: verum solum cum sola, & quorum nemo testis esse poterat. In Alcorano quoque Mahumetis portentosa quædam narrantur, verum non tanquam facta ante hominum oculos, sed quorum fides penes ipsum esset. Si quis verò portenta & somnia narraret, & tamen de eorum veritate provocaret ad sensus eorum quos alloqueretur, ut qui jam commemoraret Mosæ aquas retro fluxisse, & frumento pluuisse nobis inspectantibus, & istud ipsum nobis persuadere vellet, hoc jam non esset impostura, sed dementia quoddam genus plane inusitatum atque incredibile. Neque hoc cadere potest in eum qui non omnino furit, & atra bile percitus est. Jam verò miranda illa quæ habentur apud Mosem, ut quod mare fissum est, quod vox Dei loquentis audita de monte Sinai, quod in deserto pluit manna & coturnicibus, quod aquarum torrentes à petra eruperint & plura ejusdem generis, miranda inquam illa non commemorat Moses tanquam quæ contigerint aliis temporibus, aut in locis dissitis: sed contigisse narrat illo ipso tempore, & eo ipso in loco quo scribebat, imo videntibus, atque advertentibus illis, ob quos scribebat, & in quorum manus sua scripta tradebat. Atque de miraculorum istorum veritate provocat ad oculos, & aures Israelitarum. *Vidistis, inquit sæpe, & audistis*, & eo nomine animum ipsorum erga Deum ingrati grataver & sæpe objurat.

XX. Similiter Paulus Apostolus, cùm habet apud Corinthios quosdam æmulos & invidos, qui Apostolatam ejus conabantur in dubium vocare, & suspectum reddere, de veritate sui Apostolatus provocat ad miracula & signa quæ in medio eorum facta erant. *Judicia, inquit, Apostoli edita sunt apud vos cum omni tolerantia, per signa, & prodigia, & virtutes*: 2. Corinth. 12. v. 12. Et in prioris Epistolæ capitibus 12. 13. 14. disserit de miraculosis Spiritus sancti donis, de dono sanationum, de operatione virtutum, de dono prophetiæ, & de dono loquendi, & interpretandi peregrinas linguas subito Spiritus afflatu tanquam de rebus in medio eorum notis & usitatis: hortatur eos ad pacem, & monet ne sibi mutuo invidiant ob hujusmodi dona: atque etiam reprehendit quod aliquando istiusmodi donis ambitiosè uterentur: jubetque ut deinceps id faciant ad edificationem, & donorum istorum legitimum usum præscribit.

XXI. Si ergo ista omnia mendacia sunt & figmenta, certè Moses & Paulus non fuerunt, ut profani criminantur, veteratores & homines callidi, quibus propositum fuit homines decipere & mundo imponere. Nemo enim decipi potest in iis de quibus ad aures, ad oculos, & experientiam illius provocatur. Sed necesse est ut fuerint, absit blasphemia dicto, homines planè furentes & insani. Atqui scripta eorum, iudiciis ipsis Atheis, satis arguunt eos fuisse mentis compotes. Loquuntur enim sibi coherentia, & in quibus multum cernere est prudentiæ & sapientiæ.

XXII. Deinde, fingamus eos fuisse homines insanos, qui summa cum amentia, sive imprudentia scripserint, & pro veris obtruserint ea mendacia de quibus poterant palam & ab omnibus argui; Unde factum igitur ut Israelitæ Mosem, Corinthii, Romani, Galatæ, aliique Paulum tanquam viros divinos & sanctos suspexerint, & disciplinam eorum

eorum susceperint tanta cum reverentia: licet in multis carni ingrata sit, & onerosa, & affectibus humanis repugnet: Nec ullum inde ad eos, qui sic decipi voluerunt, si res ex hominum sensu æstimetur, redierit emolumentum. Certè nullum miraculum, neque ullum portentum magis est incredibile quàm hoc, doctrinam hominum insanorum, eorumque crassa & fœda mendacia, sine ullo adjumento vel divino, vel humano fidem tantam obtinuisse apud eos ipsos, quibus impossibile erat insaniam & mendacia eorum non agnoscere & animadvertere.

XXIII. Atque hic locum habet priscum illud dilemma, miracula quæ narrantur in Scripturis vera sunt, vel non vera: si vera, vera quoque est doctrina & scriptura ad cujus confirmationem adhibita fuerunt. Si autem vera non sunt, plusquam miraculum est doctrinam ita à sensu hominum abhorrentem, & refertam tot mendaciis, quæ promptum erat cuivis arguere, nihilo minus absque ulla ope divina, vel humana, tanto cum ardore susceptam, & retentam tantâ constantiâ, per exilia, per cruces, per tormenta, frementibus & indignantibus qui in mundo potestate & prudentia eminebant.

XXIV. Quandoquidem igitur quæ Moses & Paulus memorant de miraculis factis in confirmationem Legis & Evangelii, eo modo scripta sunt, ut illi quibus scribebant statim agnoscere potuerint verumne an falsum dicerent, cum sint res de quibus ad eorum experientiam & sensus provocatur, & tamen scriptis illis tanta fides habita sit ab illis, qui primi ea susceperunt, & deinceps usque in hodiernum diem, plane necesse est eos vera scripsisse, & vera esse miracula, quæ narrant, ac proinde veram esse Scripturam & doctrinam in cujus confirmationem Deus illa fieri voluit.

XXV. Sed præterea vera esse quæ facta perhibentur à Mose miracula, & similiter ea quæ tribuuntur Christo & Apostolis ejus, ex ipsa adversariorum confessione patet. Nani quod ad Christum attinet, Judæi qui sunt Christiani nominis hostes infensissimi, nec olim auli sunt, nec etiamnum audent negare Christum patrâsse miracula: sed nescio quid commenti sunt, ut eludant vim argumenti quod inde deducimus; nempe vel Christum illa fecisse arte magica, quam in Egypto didicerat: vel virtute nominis illius tetragrammati, cujus rectam pronuntiationem & expositionem tenebat. Fabulantur enim quicumque nomen illud scit rectè pronuntiare, posse vi illius nominis quævis opera miranda facere. Cujus commenti vanitas per se patet, nec opus est illud refutare. Solummodo hic notamus non parum inde confirmari veritatem miraculorum Christi: quandoquidem Judæi qui maximè ejus gloriæ invident, non audent, neque possunt aperte negare illa facta fuisse. Et similiter Ethniconum plurimi testimonium Mose perhibuerunt, & veritatem agnoverunt historiæ Mosaicæ, ut videre est in libris *Josephi* contra Appionem, & *Eusebii* de preparatione Evangelica.

XXVI. Præcipue verò doctrinæ Christianæ veritatem probant, & divinam Scripturæ originem arguunt Prophetarum prædictiones. Etenim solius Dei est certò & distinctè prænosce futura contingentia, & demum multis post sæculis eventura. Ac proinde talia prædicere nemo potest nisi divini Spiritus afflatu. Sed Prophetæ multa prædixerunt, quorum nullæ in rerum natura causæ apparebant, & quæ diu post mortem eorum impleta sunt. Ita Esaias Cyrum nominavit, imperiumque, & miram felicitatem illius prædixit, centum quinquaginta annis antequam Cyrus nasceretur. Ita Jeremias Propheta septuaginta annos captivitatis Babylonice præcisè numeravit, priusquam Judæi essent Babylonem adducti. Ita denique Daniel de Monarchia Persarum & Græcorum, de successoribus Alexandri magni, & de Antiocho præsertim Epiphane qui templum Dei profanavit, clarè admodum vaticinatus est.

XXVII. Sed quod præcipuum est, quæ nos docet Evangelium de nativitate, de vita, de passione; de morte, de sepultura Jesu Christi; de ejusdem resurrectione & ascensione in cælum: item de fructu mortis & passionis ejus, de Gentium vocatione, Judaicæ Gentis desolatione, & abrogatione cultus cæremonialis cum singulis ferè harum rerum circumstantiis, reperiuntur in Prophetis clarè & aperte prædicta. Inter alia insigne est Esaiæ caput 53. ubi de Christi redemptoris nostri morte & passione, & pro peccatis mundi oblatione tam discretè & clarè loquitur, ut videatur narrare rem gestam, non futuram prædicere: Et Danielis caput 9. ubi expresse designat tempus, quo Christus adventurus erat, statimque exsuscitandus, & sacrificiis finem impositurus, nimirum post septuaginta annorum septimanas, quas sequuturum erat horrendum totius gentis Judaicæ excidium: ita ut conferenti Mosis & Prophetarum oracula de Messia cum Evangelica de Christo historia, mirus ac planè stupendus statim appareat consensus. Unde manifeste probatur & Prophetarum libros esse divinos, quandoquidem continent prædictiones rerum, quæ tanto post temporis spatio contigerunt: Et Evangelicam quoque

que historiam veram & divinam esset; quandoquidem Deus per Prophetas tot ante seculis ipsi testimonium perhibuit.

XXVIII. Porro hæc vaticinia à Christianis non esse conficta testantur Judæi Christianorum hostes, & tamen prophetarum librorum assertores, atque vindices acerrimi. Et præterea quod maximum illud religionis Christianæ odium non potuit eos compellere, ut vaticinia illa, tantopere ipsis adversa, è libris suis eraderent, hoc ipsum, inquam, eos liberat à crimine, cujus Ethnicus quidam suspectos eos reddere voluerint, quasi illa de Cyro & Alexandro magno vaticinia libris suis inserfissent ut gratiam istorum regum aucuperentur. Etenim si tantum sibi licere putavissent, non intacta fuissent illa vaticinia quibus à Christianis tantopere urgentur, præsertim illud Danielis de tempore adventus Christi & ejus excidio. Neque unquam aliquid tale de Judæis suspicabitur, qui compertum habebit quanta religione, ne dicam superstitione, erga libros sacros se gerant usque adeo ut librorum singulorum syllabas & apices in numero habeant: & junium publicum indicant, si forte Scripturæ codex per incuriam in terram deciderit. Adde quod quicumque attentè perleget, & considerabit Prophetarum Danielis & Esaie libros faciliè agnoscat in iis omnia coherere, & esse eodem filo & genio contexta, nec quicquam reperiri quod quis merito suspicari possit illic additum & insertum fuisse contra mentem & sensum authoris; quodque inde possit avelli citra totius operis ruinam & hiatum.

XXIX. Præter hæc ad conciliandam Scripturæ authoritatem & venerationem, multa possunt argumenta sumi à Scripturæ antiquitate, à cura Dei in ea conservanda, & à mundi in eam odio, iustoque Dei judicio adversus osiores & contemptores ejus. Etenim libri Moysi, qui sunt veluti totius Scripturæ basis & fundamentum, omnium qui exstant sunt longe antiquissimi. Imo nulla sunt scripta quæ Salomonis & Davidis antiquitatem æquent. Et tamen totus pene orbis adversus Scripturam bellum diu gessit, & conatus est illam abolere, ut Judæicis temporibus Antiochus ille Epiphanes: Christianorum verò memoriâ Imperatores Romani, quorum tanta fuit potentia & tam latè patens imperium. Verum quantum satagit mundus eam abolere, tantum vigilavit Dei providentia ut salva & integra hucusque permaneret.

XXX. Neque parvi momenti est gentium, imo sæctarum variarum hæc in re consensus. Cum hodie vigeant tres præcipuæ sectæ, in multas alias postea subdivisæ, Judæica scilicet, Christiana & Mahumetana quæ partem orbis maximam occupant. Judæi, Christiani, & Mahumetani omnes Veteris Testamenti authoritatem agnoscunt. Novum verò Testamentum Judæi quidem rejiciunt, sed Mahumetani illud nobiscum in pretio habent, Christumque saltem tanquam maximum Dei Prophetam venerantur. Quid autem compellere potuit tot populos moribus & sectis inter se discrepantes, & acerrimis odiis sese mutuò prosequentes, ut libros hosce tanquam sacros & divinos probarent, nisi vis ipsa veritatis & divina quædam efficacia?

XXXI. Quæ quidem argumenta licet omnia forte perinde valida non sint, si per se sumantur singula, maximam tamen simul sumpta vim habent ad præstantiam Scripturæ probandam & authoritatem illi conciliandam. Quin superiora illaque latius explicuimus, talia esse judicamus, ut iis validè possit Scripturæ authoritas asseri & probari etiam adversus Atheos & profanos, qui nihil regerere & opponere possunt quod vim aliquam habeat, cujusque vanitatem faciliè non sit ostendere.

XXXII. Sed præter argumenta ista quibus asseri possit adversus negantem Scripturæ divinitas, Scriptura in se habet illustres admodum notas & indicia veritatis & divinitatis, quibus ipsa se probat & commendat menti bene affectæ, & cujus oculus non est occæcatus præjudiciis & perversis affectibus: quamvis inde media ad disputandum apta sumi non possunt, aut certe non ita valida atque efficacia. Etenim quemadmodum artis alicujus eximio operi, ut ex. gr. poemati Virgiliano, aut Apellis tabulæ infusum quædam quibus authorem suum prodat, & ipsi se vindicat: Et hæc à peritis cerni & clare agnoscuntur, licet imperitus ad ista non advertat, nec inde facile possint argumenta duci adversus negantem: Ita Scripturæ sacræ altè impressæ sunt spiritus divina vestigia, & celestis originis notæ, quas cernunt illi quibus mens obtenebrata non est, & qui sunt rerum divinarum periti, atque inde de illius divinitate certi sunt: etsi homines ignari & profani ista flocci faciant, aut omnino non animadvertant. Et certè, si qui sunt docti in literis humanioribus, cum librum quempiam humanum evolvunt, facile notant in eo genium & characterem quendam quo in authoris ejus cognitionem ducuntur. Quæ ratione Critici germana scripta suis asserunt authoribus, Aristoteli verbi causa, vel Ciceroni, scripta verò spuria & supposititia expungunt, quamvis sæpe istud quod notant & agnoscunt

agnoscunt Critici sagaces, vix possint explicare & demonstrare alteri qui non sit in hisce versatus: An dubitabimus scripta Prophetica & Apostolica redolere divinum Spiritum; & iis inesse *Δυναμις* quod percipiat vir pius & doctus, & quo à scriptis humanis & Apocryphis illa internoscatur; quanquam istud non posset adversus disputantem & repugnantem demonstrari rari.

XXXIII. Porro ejusmodi divinitatis notæ quas Scripturæ inesse dicimus animadverti possunt tam in rebus, quam in verbis. Et primò quidem in verbis, sive dicendi modo divinus quidam character per totam Scripturam elucet. Etenim, quum narrat res gestas id facit ingenuè, simpliciter & nudè, absque ullo fūco, absque ullis phaleris. Scriptores humani quum recitant res magnas, solent signa dare animi solliciti, & metuentis ne sibi non credatur. Conantur enim occulte amoliri, quæ magis offendere possent, & rem, quantum in ipsis est, reddere credibilem. Cum verò ipsis de se aliquid dicendum est, vel jactant & ostendant propria facinora, vel timidi sunt & meticulosi, ac utuntur quibusdam excusationibus & præfationibus; quod certè erit ut quadam imbecillitate, & prodit animum sibi effidentem & non satis securum. Quod attinet autem ad scriptores sacros, etsi agant de rebus maximis, ac plane stupendis, & sepe eorum ministerio gestis, in eorum tamen narrationibus omnia recta sunt atque simplicia, neque, est quidquam quod sapiat animum anxium atque sollicitum, ne ipsi fides denegetur. Sed ubique loquuntur quasi securi de hominum judiciis, rei dignitate & veritate freti: quod magnanimitatem & majestatem quandam Deo dignam arguit.

XXXIV. In Scripturæ quoque præceptis, correptionibus, & hortationibus, facile est observare majestatem quandam divinam. Pari enim auctoritate alloquitur reges & plebeios, summos atque infimos, magistratus & privatos. Nemini blanditur, nemini convincit, atque illic planè se ostendit *ἀπερὸς πάντων* favoris & odii, spæ & metus expertem: quique sit idem erga omnes cujuscunque status & conditionis sint. Neque tamen oratio ferocis, turgida, atque superba est. Sed in ea quidem apparet mira quædam gravitas, verum quæ lenitate summa, & pio erga homines affectu temperata sit.

XXXV. Cum verò docet, utitur *ἀνατολίαν* quadam, quæ se captui radium accommodat. Neque iis quæ docet ornamenta conquirat ex arte & eloquentiâ, sed ea proprio pondere & utilitate commendat. Solent humanarum artium & scientiarum magistri, arti cuique terminos peculiare cedere, & ea quæ tradunt regere vocabulorum grandium involucris: ut ita arti suæ dignitatem concilient, & mysteriū aliquid alligant, quod suspiciat & miretur vulgus. At Scriptura res divinas explicat vocibus & phrasibus humanis, & è vulgo petitis. Cum vult aliquid illustrare, similia & exempla sua non longe quærit: sed utitur exemplis obviis, & velut è trivio. Nec argumenta ejus talia sunt quæ non possint nisi à doctis percipi; sed plerumque ejusmodi ut rusticus & idiota quisque vim eorum agnoscat.

XXXVI. Sepe quidem vocibus & phrasibus Scripturæ inest aliquid peregrinum, & quod ab usu communi abhorret. Verum id deputandum est Hebræica lingue genio, cui aures nostræ assuetæ non sunt. Etenim scriptores sacri vel scripserunt Hebræica lingua, ut Moses & Prophetæ, vel usi sunt phrasibus, & idiotismis lingue Hebræicæ, etiamsi Græcè scripserint, ut scriptores Novi Testamenti.

XXXVII. Denique Scriptura ubique candidè & ingenuè agit. Cumque homines soleant culpando sive laudando, minando sive promittendo res parvas & humiles inflare, & attollere magnificis vocibus & sublimibus metaphoris, Scriptura contra res maximas exprimit stylo plerumque tenui & vulgari, & verbis quæ infra rei magnitudinem subsidunt. Quumque minatur & promittit, magnificæ quidem sunt ejus promissiones & terrificæ minæ: sed ita tamen ut res ipsius momentum, & gravitas longè superet sonum & emphasim verborum. Et tamen à summa illa Scripturæ simplicitate nunquam abest gravitas & decor: Imo sepe illi juncta est mira dicendi sublimitas: adeo ut ipse Longinus Rhetor Ethnicus & Christianorum hostis insensibilis differens *ἡ δὲ ἱεὺς* id est; de sublimi genere dicendi, citet illius exemplum ex Mose, *Quemadmodum, inquit, Legislator Hebræorum dixit & facta sunt.*

XXXVIII. Jam verò, si ad res ipsas Scripturæ attendamus, in iis apparebunt longè adhuc illustriores & clariore divinitatis notæ. Quæcumque autem Scriptura continentur vel sunt historiæ & narrationis rerum præteritarum, vel sunt vaticinia & prædictiones rerum futurarum, vel dogmata & præcepta quæ nullam temporis differentiam notant. Porro historiam præcipuè duo commendant, nempe rerum veritas, tum quoque pondus & momentum: quæ duo Historia sacra eminenti quodam modo sibi vendicat. Et primo quidem historia sacra multa & magna habet veritatis indicia. Vel enim

enim

enim illi ratio, & ipsa rerum natura suffragatur, ut historiæ creationis mundi, quem à nihilo atque in tempore factum esse validissimis probatur argumentis. Ut historicorum veterum & externorum monumenta testimonium ejus veritati perhibent, ut ex. gr. in historia de diluvio universalis, de ædificatione turris Babylonice, de conflagratione Sodomæ & Gomorrhæ, de Israëlitarum exitu ex Ægypto; quibus mentio sit apud probatos & priscos historicos quorum fragmenta supersunt apud Eusebium, Josephum & alios: & nonnulli etiam in manibus hominum versantur.

XXXIX. Adde quod Historia sacra in multis ipsa se probat sua ingenuitate, & verisimilitudine, habetque eas veritatis notas, quas habent probi quique historici, ut videre est in libris Samuelis & Regum. Gentium quoque, urbium & regionum nomina, quæ fuerunt olim, & hodie remanent, fidem creant iis quæ Scriptura narrat de posteris Noë, à quibus post diluvium orbis de novo habitari cæpit, & incolis repleri, ut planum fit conferenti nomina illa, quæ Moses recitat cum populorum & gentium nominibus. Quæ verò fidem videntur superare, & miranda sunt ac plane stupenda, eo modo scripta sunt, ut impossibile sit, qui scripsit esse mentium: quandoquidem provocat ad testes innumeros à quibus revinci potuit, qui tamen ejus Scripturæ tanquam divina susceperunt, & pro talibus posteris commendarunt: ut suprà ostensum est de miraculis quæ à Mose narrantur, & de quibus apud Paulum Apostolum mentio.

XL. Præterea Historicis sacris fidem astruit sinceritas & candor eorum, qui tantus est, ut vitia sua non dissimulent, & sæpe sibi suisque multas inurant ignominie notas. Imo Scripturæ historiam credibilem reddunt ipsæ poetarum fabulæ. Si quis enim veteres poetarum fabulas diligenter inspiciat, & cum historia sacra conferat, reperiet istas fabulas umbras quasdam esse rerum, quarum corpus Scriptura habet, & originem traxisse à veris historiis, qui traditione filiorum Moë per totum orbem disseminate sunt, & tandem lapsu temporis corruptæ & interpolatæ; ut multis exemplis posset fieri manifestum, & rem facilem reddiderunt viri docti, qui hac in re operam posuerunt.

XLI. Jam verò si quis historiæ sacræ pondus & momentum perpendere velit, quæ res majoris ponderis & momenti esse vel fingi possunt, quam quæ non modò ad gentem & rempublicam aliquam pertinent, sed ad totam Ecclesiam quam Deus sibi è mundo selegit, imò ad mundum universum, ad angelos Cælorum incolas, & ad Deum ipsum, qui est prima rerum omnium causa. Hæc verò sunt circa quæ versatur Scripturæ sacræ historia. Nam Scriptura nobis recitat quæ fuerint hujus universi primordia & incunabula, & quomodo Deus olim omnia condidit & extare jussit: unde genus humanum natum, & propagatum est, quomodo per totum orbem terrarum se diffudit, & quæ fuerint initio divisiones gentium & linguarum. Narrat angelicorum spirituum apparitiones, & frequentia cum hominibus colloquia: Deique ipsius admiranda facta in Ecclesia regenda & tuenda, humanique generis salute procuranda. Cum quibus si quis conferat historias Græcorum sive Romanorum, nil inveniet cujus momentum & gravitas possit ulla ex parte cum hisce comparari.

XLII. Præcipuè in vaticiniis & affatibus Prophetarum divinitatis maxima lux affulget, de qua jam antea diximus, quoniam non tantum sufficit ad pium & fidelem animum persuadendum, sed etiam plurimum valet ad verbi Dei hostes redarguendos, & divinitatem illius comprobendam etiam adversus profanos. Nam si vaticiniorum facrorum materiam spectes, non sunt de rebus nullius aut exigui momenti, sed quæ ad Dei gloriam, & totius humani generis salutem spectant. Neque prophetarum prædictiones perplexæ sunt & ambigæ, ut Ethnicorum olim oracula, sed claræ adeo, atque perspicuæ, ut in iis personæ & locus designentur propriis sæpe nominibus, & præcisè complementi tempus præniatur. Neque etiam sunt fallaces & incertæ, sed tales ut ipso eventu plerumque jam comprobate sint.

XLIII. Scæ quoque luce non carent, imò multò maximam habent, Scripturæ sacræ præcepta & præcepta. Quod ut clarius appareat, notandum est illa duorum esse generum. Multa enim docet & jubet Scriptura quorum homines per naturam noticiam aliquam habent, sed confusam valde atque vacillantem. Verùm Scriptura ista luculentius patefecit, & docuit plerè atque accurate. Ejusmodi sunt quæ Scriptura tradit de Dei natura atque attributis, nempe de Dei essentia æterna, immensa, & immutabili, & de infinita illius potentia, sapientia, bonitate, atque etiam justitia, de creatione mundi & cæminum quæ in eo sunt, de providentia Dei qua cuncta conservat, regit, & administrat: Item de hominis officio tam erga Deum, quàm erga proximum, qualia sunt esse Deum supra omnia amandum, omnia in ipsius gloriam referenda, ipsum esse sedulo colendum atque invocandum, ipsi fidendum, & in curam illius recumben-

E

dam



dum esse. Proximum quoque esse diligendum, omnibus benefaciendum, ferendas esse injurias, humiliter de se sentiendum esse, cogitationes & affectus intimos pures esse servandos, & uno verbo, omnia & singula ferè præcepta vitæ Christianæ, quæ omni ex parte pura & sincera esse debet, & à quâ debet abesse spurcitia & luxuria omnis. Illa ceriè & similia probat conscientie sensus, confirmat ratio, & eorum quedam rudimenta cernuntur in Ethnicorum libris. Etenim nonnulla de Deo, de pietate atque hominis officio non contemnenda tradunt. Sed tamen obscurè, parcè, frigide, dubitanter, atque cum plurimorum errorum admixtione. Scriptura verò ista in clara luce ponit, plenèque & aperte docet: ita ut postquam nobis lux illius splenduit, miremur res tam certas atque indubitatas nonnisi tenuiter, dubitanter, & obscurè à præstantissimis ingeniis perspectas traditâsque fuisse. Cum autem ingenia illa præstantissima res istas, quarum jam veritatem cernimus Scripturæ beneficio, ita jejune & obscurè tradiderint, Scriptura verò ita plerè & perspicuè; neque tamen Scriptores sacri eruditione, aut naturæ dotibus supra cæteros homines præcelluerint, imo contra fuerint plerique scientiarum humanarum rudes & idiotæ, necesse est illos alio quàm naturæ lumine ductos esse, atque à Deo doctos & inspiratos.

XLIV. Sed præter ista, quorum homines per naturam tenuem quandam, atque fugientem cognitionem habent, Scriptura sacra multa docet quæ rationem superant, neque mens humana illa capere potest, nec eorum habet certa argumenta: Veruntamen tam bene cohærent cum iis quæ probat conscientie sensus, & de quibus recta ratio convincitur, & prioribus illis tam consentanea sunt, & ita congruenter & appositè superstructa, ut satis appareat non esse commenta humana, sed sapientiæ divinæ mysteria. Talis est, *ex. gr.* doctrina de peccatorum nostrorum expiatione per Christi Dei & hominis mortem & oblationem in cruce factam, quæ congruere maximè cernitur cum Dei iustitia & misericordia. Hoc enim modo iustitiæ Dei satisfactum est, dum peccata nostra in Christo punita sunt, & misericordiæ, dum nobis condonata. Et cum hac doctrina cohæret dogma illud tam sublime & excelsum de tribus personis divinis in una essentia. Nam nisi Dei filius Deus esset, & æqualis patri, sacrificium ejus non fuisset valoris infiniti, quale requirebatur, ut eo peccata nostra expiarentur, quandoquidem infinitam pœnam promeruerant. Et talis quoque doctrina de mortuorum resurrectione. Videtur enim esse rationi consentaneum, ut homo qui in corpore benè vel malè agit, in corpore quoque pœnam, vel mercedem accipiat justè vel injustè factorum: quod cum in hac vita non fiat, iustitiæ Dei congruit, ut corpora nostra, quæ mors in pulverem redegit, animabus suis de novo jungantur, ut ita homini integro, vel bene, vel male sit, prout bene, vel malè egerit.

XLV. Sed præterea maximum divinitatis indicium in Scriptura sacra est ejus efficacia, qua intus in homine agit, partim quidè terrendo conscientias, & peccati sensu afficiendo, partim erigendo animum attritum & conscientias afflictas consolando: Sed præcipuè ita hominem immutando, ut peccatum odio habeat, & pietatem veramque virtutem ex animo sectetur: quâ quidem efficacia nihil potentius est in fidelibus confirmandis, licet ad assensum compellere non possit eos, qui nondum istam efficaciam senserunt, & adversus Dei verbum obdurerunt. Et tamen homo maximè profanus, etiamsi verbi Dei efficaciam non senserit, si tamen illud attentè consideret, facile potest agnoscere hoc verbum tale esse, ut summam tranquillitatem & gaudium generet in iis qui illi firmiter credunt, eoque ad omne bonum opus & omnem virtutem compellat.

XLVI. Atque hæc pauca sufficiat delibasse de hoc argumento quod nunquam exauriri potest, quodque fusiùs & copiosius tractatur à viris doctis, quorum vestigia sequimur, & qui nobis facem prætulcrunt. Hoc autem addendum videtur, nempe characteres hosce divinitatis, quos in Scriptura fulgere diximus, non esse querendos in singulis Scripturæ partibus à toto sepeparatis, sed in scriptis divinis prout considerantur conjunctim, & secundum se tota. Nec enim putandum est quamvis Canonici libri pericopem, certam habere notam, qua possit ab Apocrypha discerni & distingui.

XLVII. Ac præterea fatendum est divinitatis notas & indicia, quæ Scripturæ inesse diximus, in singulis Scripturæ libris non esse pari fulgore conspicuas. Nam quemadmodum stella luce à stella differt, ita quidam Scripturæ libri uberiores & splendidiore divini Spiritus radios emittunt, alii verò longe exiliores & obscuriores. Sic *ex. gr.* in Veteri Testamento longè impar est divinitatis fulgor in libro *Esther*, aut libro *Ruth*, quàm sit in *Mosis* Pentateucho, & Prophetiâ *Isaia*: Neque tam aperta sunt spiritus Christi vestigia in epistola *Jacobi*, aut *Jude*, quàm in plerisque *Pauli* epistolis, & quatuor Evangeliiis.

Theſium

Thesium Theologicarum

D E

AUTHORITATE

SCRIPTURÆ:

PARS SECUNDA.

In quâ docetur quid sit internum Spiritus sancti testimonium, per quod fideles certi sunt de Scripturæ divinitate, tum quid & quantum Ecclesie hac in re tribuendum sit, atque etiam quid sit illud in quod fides nostra ultimò resolvitur.

Thesis Prima.

SUPERIORI disputatione exposuimus quam lucem, id est, quæ argumenta & indicia Veritatis, & originis divinæ, habeat Scriptura sacra: sequitur ut inquiramus, quomodo lux illa percipitur, Et An, & Quomodo opera Spiritus sancti necessaria sit, ut Scripturam pro vera & divina agnoscamus.

II. Hic autem distinguendum est, inter opinionem quandam fluxam & evanidam, & fidem veram, quæ salutarem, quæ Deo sit grata & accepta. Quandam enim opinionem de Scripturæ divinitate potest aliquis concipere, cò adductus humanis quibusdam incitamentis, absque ulla Spiritus interna operatione: atque hæc est quam Scholæ fidem humanam & acquiritam vocant. Sic hæretici multi improbissimi & perversissimi auctoritatem Scripturæ non negant, illamque divinitus inspiratam agnoscunt. Imo Judæi ipsi infideles Veteris solum Testamenti auctoritatem acriter defendunt: Mahumetani verò utriusque Testamenti libros pro divinis habere, & revereri perhibentur. Neque tamen necesse est, ut in omnibus illis hæreticis & infidelibus Spiritum sanctum agere putemus, & intus eorum mentes illuminare.

III. Verùm ut certam ac legitimam fidem, & quæ sit alicujus ad salutem momenti de Scriptura concipiamus, omnino necessarium est ut Spiritus sanctus sese in mentes nostras insinuet, & arcano modo in iis operetur: Unde est quod ejusmodi fidem, Scholæ divinam, & infusam vocant. Hoc autem ipsa Scriptura docet multis in locis. Nam apud Johannem Christus Dominus noster affirmat neminem posse ad ipsum venire, id est, in eum credere, & doctrinam ejus amplecti, nisi quem traxerit Pater, & qui Patrem intus docentem non audierit: *Nemo, inquit, potest venire ad me, nisi Pater qui misit me traxerit eum. Scriptum est in Prophetis, Et erunt omnes discipuli à Deo. Quisquis ergo audivit, & didicit à Patre, venit ad me.* Joh. cap. 6. Præterea Paulus, 1 Corinth. 12. disertis verbis asserit, *Neminem posse dicere Iesum Dominum nisi per Spiritum sanctum.* Et cap. 2. ejusdem Epistolæ, de mysteriis Evangelii loquens, *Dem, inquit, nobis ea revelavit per Spiritum suum, Spiritus enim omnia scrutatur, etiam profunda Dei.* Nos verò Spiritum mundi non accepimus, sed Spiritum qui est ex Deo, ut sciamus quæ à Deo donata sunt nobis. Et paulo post, *Animalis autem homo non percipit ea quæ sunt Spiritus Dei, sunt enim ei stultitia, & non potest intelligere, quoniam spiritualiter judicantur.* Atque hinc est quod fides dicitur donum Dei, Eph. 2. *Gratia estis salvati per fidem, idque non ex vobis, Dei donum est.*

IV. Porro istam Spiritus Dei in animis nostris operationem necessariam reddit ingenii humani pravitas, & tenebræ quas peccatum accersivit. Etenim Scriptura sacra multa continet, quæ pravis & distortis nostris affectibus repugnant. Unde fit ut homo carnalis ab illa abhorreat, & eam aversetur, quod impedit ne ejus veritatem agnoscat, & rectum de ea judicium ferat: quandoquidem prout quisque affectus est, ita judicat. Deinde mens hominis in universum ita per peccatum obscurata est, ut etiam in naturalibus, non possit non hallucinari, & sæpissime falli. Ac proinde multò minus quæ supra naturam sunt certò agnoscere & percipere potest. Ad hoc igitur necesse est, ut Spiritus sanctus mentis tenebras nativas dispellat, & fumos illos, quibus affectus pravi intellectum obscurant, & præpediunt ne possit veritatem cernere.

V. Imo hanc Spiritus operationem ad fidem animis nostris ingenerandam necessario exigit, non tantum naturæ nostræ depravatio, & tenebræ ex peccato ortæ, sed genius ipse doctrinæ in Scriptura traditæ. Siquidem multa mysteria continet, quæ non tantum naturam corruptam, fed naturam humanam in se, etiam citra peccatum, consideratam omnino superant: ita ut ab ea, non solum non inveniri & excogitari, sed nec intelligi & percipi possint. Ideoque necesse est, ut Spiritus sanctus non tantum mentes nostras peccato cæcas sanet, sed etiam ut intellectum nostrum non parum supra statum naturalem extollat, ut ad res tantas possit assurgere.

VI. Quis sit autem istius operationis modus, res valde obscura est & explicatu difficilis: quod forte cuiquam mirum videri posset. Cum enim illa Spiritus sancti operatio in animis nostris fiat, videmur id nosse debere sensu ipso & experientia. Sed tamen in eo nihil est quod mirari debeamus. Etenim multa in nobis experimur, imo multa operamur ipsi, quorum tamen rationem & modum non tenemus, nec valemus intelligere. Sic quotidie experimur nos videre & intelligere, & tamen quomodo explicandum est qua ratione visio & intellectio fiat, acutissimi quique & doctissimi viri hærent, nec satis possunt se expedire. Et adhuc lis est inter Physicos & Mathematicos, An visio fiat per radiorum emissionem, An verò per receptionem specierum visibilibus. Igitur etsi fidelis quisque experiatur se verbum Dei certa fide amplecti, plenumque & firmum assensum Scripturæ sacræ tribuere, admirationem movere non debet, si Theologi hærent, in exponendo, quomodo fides illa nobis ingeneretur, & qua ratione Spiritus assensum illum in nobis pariat. Qua de re sententiam nostram breviter exponemus.

VII. Primò igitur certum & indubitatum nobis est Spiritum sanctum hominis, quem ad fidem adducit, sic disponere & afficere mentem, quæ alioqui in his caligat & cæcutit, ut verbi Dei & Scripturæ lucem præcipiat & agnoscat, hoc est, ferò advertat ad ea argumenta, notas, & veritates, quibus verbum Dei verum & divinum probatur, & de iis rectè judicet, indeque, sicuti par est, de illius divina veritate persuadeatur. Quod dum Spiritus intus agit, indere dicitur nobis novos oculos. De quibus Moses Deut. 29. *Vos vidistis*, inquit, *universa quæ fecit Dominus coram vobis in terra Ægypti Pharaoni & omnibus servis ejus, universæque terra illius, tentationes magnas quas viderunt oculi tui, signa illa portentaque ingenia: & non dedit vobis Dominus cor intelligens, & oculos videntes, & aures quæ possint audire usque in præsentem diem.* Et hanc Dei opem implorabat David Psalm. 119. *pausa Ghimel, Revela, inquit, oculos meos & considerabo mirabilia de lege tua.* Nam, per legis mirabilia, intelligit divinæ sapientiæ documenta, quæ per legem Dei sparsa sunt: de quibus mens nostra carnalis rite judicare non potest obstante nativa nostra hebetudine, pravitate & ignorantia, quæ sunt veluti quoddam velum mentis nostræ oculis oppansum, quod Spiritus sanctus in fidelibus tollit.

VIII. An autem ista Spiritus sancti operatio, qua sic mentem nostram afficit, ut advertat ad lucem in Scriptura fulgentem, eamque percipiat, præcisè, & sola per se considerata sufficiat ad plenam & certam satis fidem de Scriptura sacra nobis ingenerandam, dubitari jure potest. Etenim lux illa Scripturæ, de qua jam quæstio est, moralis est tantum quædam evidentia, quæ mentem non ita convincit ut principia per se nota, aut demonstrationes Logicæ seu Mathematicæ, ac proinde non parem certitudinem gignit. sed inferioris cujusdam generis; ut disputatione præcedenti docuimus. Ideoque, vel dicendum est fidem quam sacræ Scripturæ adhibemus, per se & ex suo genere, non admittere tantam certitudinem, quanta reperitur in scientiis humanis: quod est contra communem Theologorum sensum: vel Spiritum, ut nobis fidem illam imprimat, aliud quid agere, quàm ut simpliciter aperiat oculos ad Scripturæ sacræ lucem videndam & percipiendam. Præsertim, si singulos Scripturæ sacræ libros consideremus, multi reperientur, qui, si velimus fateri quod res est, tantum in se lucis non habent, ut eos non solum

solum veram doctrinam continere, sed etiam divinitus esse conscriptos & inspiratos, inde reddatur omnino certum & manifestum. Ut ex.gr. in Vet. Testamento liber Esther, liber Ruth, & Canticum canticorum : & in Novo quædam epistolæ, ut Judæ, & Jacobi. Quapropter, ut aliquis libros illos agnoscat, & recipiat pro divinis certa & firma fide, non satis est cernere eam lucem quæ in illis est : quandoquidem lux illa tanta non est, ut possit eum assensum extorquere, quem requirit fides, ad cujus objectum pertinent, cum sint pars regulæ fidei, & inter principia fidei connumerentur.

IX. Ut ergo toti Scripturæ seu divinæ, sicuti meretur, firmiter & certò credamus, præter actionem illam Spiritus sancti aperiens mentis nostræ oculos ad lucem in sacra Scriptura fulgentem, necessarius videtur internus quidam, ut sic dicam, impulsus & instinctus, quo nos ad credendum moveat, vi quadam quæ sit omni argumento & ratione major. Et instinctus ille est, quem propriè, per suasionem Spiritus intrinsecam, & internum Spiritus sancti testimonium intelligi debere putamus. Non enim existimandum est, quum Spiritus sanctus dicitur in fidelium cordibus de divina Scripturæ veritate testari, fideles intus audire vocem quadam quæ diserte & expressè dicat, *hoc verum est & Dei verbum*. Sed istud accipiendum est de virtutis quodam, ut sic loquar, testimonio : nec per hoc datur aliud intelligi, quam quod arcano modo Spiritus sanctus nos ad credendum instigat, & certam de Scripturæ divinitate persuasionem mentibus nostris imprimit. Quo modo intelligendus est celebris ille Augustini locus, qui ex confessionibus ejus citari solet. *Audiam, inquit, & intelligam quomodo in principio fecisti celum & terram. Scripsit hoc Moses, scripsit & abiit, transiit hinc ad te, neque enim nunc ante me est. Nam si esses, tenerem eum, & rogarem cum & per te obsecrarem ut mihi ista panderet, & præberem aures corporis mei sonis erumpentibus ex ore ejus. Et si Hebræa voce loqueretur, frustra pulsaret sensum, nec modo mentem meam quicquam tangeret. Si autem Latine scirem quid diceret : sed unde scirem an verum diceret ; quod si & hoc scirem, num & ab illo scirem ? imus utique mihi, imus in domicilio cogitationes, nec Hebræa nec Græca, nec Latina, nec Barbara veritas, sine oris ac lingue organo, sine striptum syllabarum diceret, verum dicit ; & ego statim certus confidenter illi homini tuo dicerem, verum dicit.*

X. Non est autem metiendum ne, si impulsus ille & instinctus Spiritus sancti in fidelibus admittatur, locus detur enthusiasmi. Etenim ejusmodi vis & actio Spiritus in nobis multum differt ab enthusiasmo. Nam, ut omittam alia quæ possent hic asserri, in enthusiasmo Deus ita se in mentes hominum insinuat, ut ea ipsis revelat, quæ à nullo homine didicerunt, vel audiverunt. At Spiritus non instigat fideles ad credendum, nisi ea quæ extrinsecus credenda proponuntur, in verbo Dei per Apostolos & Prophetas tradito. Nec etiam persuasio, quam impulsus ille Spiritus generat, potest dici cæca, & sui neficia. Non enim Spiritus Dei ad credendum impellit, nisi illa quorum prius ita lucem cernere fecit, ut ea intellectus judicaverit esse credibilia, atque merito, & cum ratione posse credi, licet, quæ in illis notat argumenta veritatis, non exæquent certitudinem quam imprimi Spiritus sanctus, nec sint illius regula, & mensura.

XI. Porro Spiritus ille sapientiæ & revelationis, cujus vi & efficacia homines in verbi Dei notitiam ducuntur, & certam de eo fidem concipiunt, omnibus & singulis in Ecclesia communis est, nec est ullus fidelis & Ecclesiæ membrum, qui sit ejus omnino expers. *Nam quotquot filii Dei sunt Spiritu Dei aguntur. Quod si quis Spiritum Christi non habet, ille non est ejus*, ut testatur Apostolus Roman. 8. Atque etiam, cum ante probatum sit neminem posse verbo Dei credere, & illud tanquam divinum recipere, qui non sit à Spiritu sancto illuminatus ; inde manifestum est fidelem quemcunque, qui verbo Dei credit, à Spiritu sancto illuminatum esse.

XII. Verum Spiritus ille inæqualiter datur, nec omnibus eadem mensurà. Unde est quod, tametsi omnes & singuli fideles Spiritum Dei habent, aliquo saltem gradu, quidam tamen eorum spirituales vocantur, oppositè ad alios, qui dicuntur carnales, ut videre est, 1. Cor. 3. *Et Ego fratres, inquit Paulus, non potui loqui vobis quasi spiritualibus, sed quasi carnalibus : tanquam parvulis in Christo*. Nam fratres suos Paulus non vocat, nisi fideles. Et tamen quos ibi compellat, dicit esse carnales, id est, rudes adhuc & mente imbecilla, quique ea mensura Spiritum Christi adhuc non acceperunt, ut ferre & capere possint religionis Christianæ mysteria magis abstrusa atque difficilia : ideoque, ut ipse dicit, in Christo quasi infantes. Per spirituales autem intelligit illos quos Spiritus sanctus in statum perfectiorem evexit.

XIII. Itaque omnes, qui sunt in Ecclesia, Spiritum Dei non eà mensurà accipiunt, ut quilibet eorum possit agnoscere atque discernere quicquid ad Dei verbum & Scripturam

ram sacram pertinet. Etenim, inter fideles & Spiritum Dei habentes, potest esse dubitatio de aliquo Scripturæ libro, & de aliquo religionis Christianæ dogmate. Sic olim in præfata Ecclesia non omnes viri boni & sancti doctores idem sentierunt de libris Canonicis: sed quidam rejecerunt, quos alii admisierunt. Nam ex. gr. Epistolam ad Hebræos diu rejecit Ecclesia Latina, cujus interim sacram & divinam auctoritatem agnoscebat Ecclesia Græca. Neque qui errat in aliquo Religionis capite, statim est numero fidelium expungendus. Nam Paulus Phil. 3. vult ut qui perfecti sunt ferant aliter sentientes, & tanquam cum fratribus communionem celant, interim dum Deus ipsis revelat illud, ad quod nondum pervenerunt.

XIV. Sed quantumvis inæquali mensura distribuitur Spiritus ille Sapientiæ, & revelationis, certum est omnes & singulos, qui Spiritum Dei habent, posse verbum Dei sibi oblatum internoscere, & doctrinam veram à falsa discernere, quantum cuique ad salutem propriam necessarium est. Observandum est enim, non esse ad cujusque salutem necessarium nosse singulos Scripturæ sacræ libros, & omnia quæ Deus in verbo suo revelavit. Siquidem eorum quædam necessaria sunt ad salutem singulorum, alia vero tantum commune bonum Ecclesiæ spectant. Deinde, si inter singula Ecclesiæ membra comparatio fiat, alius plus, alius in verbo Dei minus nosse tenetur. Neque quod ad alicujus privati salutem sufficit, sufficere putandum est iis qui ad docendum in Ecclesia vocati sunt. Atque idcirco Deus cui visum est variè dona sua in Ecclesia dispensat, Spiritum suum non largitur omnibus tanta copia, ut assequi possint omnia, quæ verbi ejus ambitu continentur. Sed saltem fidei cuique eum Spiritus modum admittitur, qui necessarius est ut agnoscere & percipere possit quæ vocationi ipsius congruunt, & quæ illi nosse opus est, secundum statum & conditionem suam. Et juxta hanc limitationem, & accommodatam distributionem, intelligenda sunt loca illa Scripturæ, quæ fidelibus tribunt facultatem verbum Dei discernendi atque judicandi. Quale est illud Christi, Johan. 10. *Oves meæ vocem meam audiunt*: Et Johan. 7. *Si quis voluerit voluntatem Patris facere, cognoscat de doctrina, utrum ex Deo sit, an ego à meipso loquar*. Item quod dicit Paulus 1. Corinth. 2. *Homini spiritualis judicatis omnia*: Et Johan. 1. Epist. 2. *Unctionem habetis à Sancto, & nescitis omnia*. Item, *Unctio vos docet de omnibus*. His, enim & similibus locis Scriptura non vult docere, omnes & singulos fideles posse statim ope Spiritus dignoscere quicquid ad Dei verbum quovis modo pertinet. Sed hoc tantum fideles, & qui sunt piè erga Deum affecti posse, quantum ad salutem uniuscujusque expedit, doctrinam sacram, Spiritu instigante & suggerente discernere ab errore contrario.

XV. Atque ita patet, quàm necessario, & quomodo & quousque, Spiritus sanctus in nobis operetur, ad hoc ut Dei verbum & Scripturam sacram possimus agnoscere. Sequitur ut paucis videamus, quid Ecclesiæ quoque hac in re tribuendum sit. Quod fuit tertium caput eorum quæ in hujusce disputationis initio, examinanda suscepimus.

XVI. Quæritur ergo, Num ad hanc notitiam adipiscendam opus sit Ecclesiæ voce & testimonio. Breviter respondemus, absolute loquendo, ad hoc non esse necessariam ullius hominis operam. Siquidem Deus potest immediate, & absque cujusquam exterioro ministerio, alicui, Scripturæ & verbi sui cognitionem dare, & certam de eodem imprimere. Ita Paulus *Evangelium ab homine non acceperat, neque edoctus erat, sed per revelationem Jesu Christi*, sicut testatur ipse Galat. 1. Sic reliqui Apostoli à Spiritu Paraclito ducti fuerunt in omnem veritatem, homine nullo præunte. Sic denique olim Prophetæ à solo Spiritu sancto, qui eos inspirabat, didicerunt quæ proloquebantur.

XVII. Sed illud fuit extraordinarium. Neque Deo visum est hac via passim uti in hominibus ad fidem adducendis, & in doctrina cœlesti instruendis. Sed voluit ut homines ab hominibus docerentur, & fidem acciperent, Spiritu tamen ipso intus docente & cooperante. Ideoque in Ecclesia ministerium sacram instituit, jussitque ut pastores & doctores publicè verbum ejus annuntiarent, explicarent, & commendarent, & de veritate illius testarentur. Quodque Pastores publicè faciunt, & cum auctoritate, singuli quoque fideles, ex ordinatione divina, tenentur id privatim pro suo modulo, facere apud eos qui curæ illorum commissi sunt.

XVIII. Itaque, juxta legem ordinariam, ministerium istud necessarium est, ut aliquis doctrinæ & Scripturæ divinæ cognitionem, habeat, & fidem concipiat. Nec enim Spiritus sanctus in verbi Dei notitiam immediate nos ducit. Neque quod doctrinam cœlestem amplectimur, & veneramus Scripturas, id facimus quopiam immediato Spiritus assistu. Sed necesse est ut hac in præsentes habeamus Ecclesiæ ministros, & eos quibus nostra institutio commissa est, qui nobis doctrinam illam proponant & exponant; & Scripturam

Scripturam indicent, explicent & commendent. Et primum isto Ecclesiæ testimonio movemur, ut de doctrina cælesti & Scriptura sacra benè sentiamus, & fidem ei habeamus, aliàs in perpetua ignoratione illius versaturi. Juxta illud Apostoli, Roman. 10. *Quomodo credenti de quo non audierunt? Quomodo audient sine predicante?* Item, *Fides est ex auditu: auditus per verbum Dei*, id est ex Dei mandato. Quod spectat illud Augustini toties decantatum. *Non crederem Evangelio, nisi me Catholica Ecclesia commoveret auctoritas.* Loquitur enim in persona ejus qui ad fidem introducit, & aliquam de Evangelii divina veritate persuasionem habere incipit. Nam Ecclesiæ communis consensus & testimonium ordinariè est primum incitamentum, quo inducimur ad aliquam Scripturæ fidem adhibendam. Atque etiam inter ipsos fideles, quum dubitatio oritur de aliquo libro & dogmate divino, fatemur constans atque uniforme Ecclesiæ testimonium argumentum esse maximi ponderis & momenti, cui Judicium proprium opponere hominis sit insolentis atque temerarii. Præsertim verò, quum agitur de libralicujus sacri refectione vel admissione, agnoscimus perpetuum Ecclesiæ Judicem, & Christianæ consensus argumentum esse ineluctabile, & cui quemvis cedere oporteat.

XX. Neque tamen Ecclesiæ consensus & testimonium est propria & præcipua fidei nostræ basis, ad quam certitudo ejus reducenda sit. Nam Ecclesia quidem ut modò docuimus, ea est quæ per ministros suos, & privatos etiam fideles, credenda nobis proponit & explicat, juxta Dei ordinationem, ejusque testimonio & auctoritate primum inducimur, ut eis aliquam fidem adhibeamus, verum in eo fides nostra non conquiescit, sed longè solidiori fundamento nititur. Quod si ultra non pergat, non est vera & legitima fides, sed tantum humana quædam persuasio. Videlicet, Ecclesia idem nobis præstat officium quod olim Samaritana mulier concivibus suis. Nam Ecclesia aditum nobis præbet ad cognoscendum Christum, & doctrinam illius. Et Ecclesiæ primum testimonio commonemur ut in Christum credamus. Sed postquam Christum ipsum loquentem audivimus, tam extrinsecus in verbo, quam intus in cordibus nostris, jam fides nostra non amplius nititur Ecclesiæ testimonio, eique dicere possumus, quod Samaritani mulieri dicebant, *Jam non credimus propter loquelam tuam, ipsi enim audivimus, & scimus quod hic est verè Servator mundi.*

XX. Quod autem res ita se habeat, neque testimonium & auctoritas Ecclesiæ sit fidei nostræ propria ratio, & præcipuum illud, in quod nostra de verbo Dei certitudo recumbit, probatur multis argumentis. Nam primò, si fides nostra tale fundamentum haberet, humana esset non divina: quia, scilicet, non divina veritate & auctoritate, sed testimonio hominum niteretur. Deinde sequeretur fideles Deo credere non propter ipsum, sed propter homines, & fidelium ipsorum respectu majorem esse hominum quam Dei auctoritatem, quod valde absurdum est. Mutanda quoque esset fidei definitio. Nam, ex Doctorum omnium consensu, fides est assensus ille quem Deo loquenti præbimus. At sic per fidem, non tam Deo loquenti, quam hominibus crederemus. Neque fides esset assensus omnino firmus & infallibilis. Nulla enim humana veracitas tanta est, ut possit omnem falsi formidinem tollere.

XXI. Præterea nulla unquam in Ecclesia major fuit, aut erit auctoritas, illa qua fuerunt præditi Apostoli. Et tamen fides eorum, qui prædicationi Apostolorum crediderunt, non nitebatur ullius Apostoli auctoritate. Quod patet ex Pauli verbis, Galat. 1. *Licet, inquit, nos, aut Angelus à calo evangelizet vobis præterquam quod vobis evangelizavimus, anathema sit.* Nam si Apostolorum auctoritas fuisset fundamentum solum vel præcipuum quo nixi fuissent fideles, cerè sublato isto fundamento, necesse quoque fuisset fidem illorum tolli, vel labascere. Et tamen si Apostoli, imò, Angeli ipsi, contrarium docuissent ejus quod primo prædicatum fuerat, vult Paulus ut nihilo minus Evangelii fides firma stet & inconcussa.

XXII. Deinde Prophetæ atque Apostoli, qui primi doctrinam sacram & Scripturam tradiderunt, fidem illam, quam verbo Dei habebant, non poterant in Ecclesiæ auctoritate resolvere: quandoquidem doctrinam illam Ecclesiæ tradebant, non verò ab Ecclesia commendatam accipiebant. Et fieri potest, saltem extra ordinem, ut quis Evangelio credat à nullo homine doctus, sed forte in aliquem Evangelii codicem incidens. Quo casu fides istius hominis præ fundamento non posset habere auctoritatem Ecclesiæ, cujus testimonium nunquam audivisset. Et tamen una est omnium fides. Neque specie differt fides nostra à fide Prophetarum & Apostolorum, & eorum qui à Deo immediate docerentur. Fides autem nostra non esset eadem cum eorum fide, si fundamentum aliud haberet, & aliam formalem credendi rationem. Unius enim specie fidei unicum est proprium & præcipuum fundamentum: nec sunt ejus, ut loquatur Scholæ, diversæ formales credendi rationes.

XXIII. Adde

XXIII. Adde quod, si qui fingant fidem nostram Ecclesiæ auctoritate niti, per Ecclesiam intelligunt Ecclesiam universalem. Atqui fideles singuli Ecclesiam illam non audiunt, sed plerique instituuntur ab Ecclesiis particularibus, & earum ministris, qui falli & errare possunt. Ac proinde fides eorum non potest niti Ecclesiæ universæ testimonio, quod ab ipsis nunquam auditum est.

XXIV. Veram explosa illa sententiâ, quæ, fidem verbo Dei & Scripturæ sacræ adhibitam, ad auctoritatem Ecclesiæ reducit, videndum quid ergo sit illud in quo tandem ultimò conquiescit fides nostra, & quod sit ejus proprium & præcipuum fundamentum. Quod ut manifestum fiat, videtur distinguendum esse inter ipsam Dei Verbum, sive divinam revelationem: Et illa quæ Dei verbo traduntur & continentur, per revelationem divinam patefunt. Etenim mytheria, quæ verbo Dei traduntur fides nostra aliter accipit, & aliter ipsam Dei vocem, seu divinam revelationem.

XXV. Nam quod attinet ad res ipsas quæ traduntur in Dei verbo, ut sunt quæ vocantur fidei dogmata, & alia quæ habentur in Scripturis, illis assentimur, eaque ut vera recipimus, quoniam Deus, qui est summè verax, quique nec falli, nec fallere potest, illa per Apostolos & Prophetas nobis revelavit, & in verbo suo docuit. Habent quidem fidei dogmata, præter divinam revelationem, argumenta multa quibus probentur & suadentur. Neque solet Deus nos ad eorum fidem adducere, nisi mediantibus quibusdam argumentis, iudiciis & rationibus, quibus eorum veritas menti nostræ credibilis redditur, & suaviter in animos nostros infinuatur. Unde est quod Petrus pr. Epist. cap. 3. vult ut fideles possint defensione uti, & *satisfacere cuiuslibet petenti rationem ejus quæ in ipsis est scripta*. Qui verò absque omni ratione crederet, nec fidei suæ rationem ullam haberet, aut reddere posset, ista non esset vera fides, sed levis & temeraria quædam persuasio. Ideoque non sufficit iis, qui verbum Dei annuntiant, simpliciter doctrinam fidei proponere, sed præterea opus est, ut suasionem quasdam adhibeant, & vel ex ipsis rebus, vel ex quibusdam adjunctis argumenta eliciant, quibus religionis Christianæ mytheria credibilia reddant & etiam valide comprobent. Attamen fidei nostræ præcipuum fundamentum, & propria ratio, non sunt illæ qualescunque rationes & argumenta, sed divina revelatio, in quam præsertim fides nostra recumbit.

XXVI. Viris doctis quibusdam visum est, si modò mentem eorum percipimus, certitudinem fidei, quæ religionis dogmata amplectimur, & rebus à Deo revelatis credimus fundari in rerum revelatarum luce, & splendore quodam insito veritatis, quo mens nostra convincitur, & ad assensum veluti cogitur. Nimirum, quum aliquis Evangelio credit, & sibi persuadet filium Dei hominem factum esse, & in mundum venisse, pro nobis passum & mortuum esse, resurrexisse, in cælos ascendisse, & cætera quæ ad nostram redemptionem pertinent in ea sunt sententiæ, propriam & præcipuam rationem illius assensus, esse ipsam doctrinæ majestatem, sanctitatem, sublimitatem, veritatem, & cum ratione recta congruentiam, quæ mentem rapit in sui assensum, & manifestum reddit doctrinam illam, non tantum veram esse, sed immediatè à Deo prodixisse; quandoquidem ab ingenio humano tanta, tamque miranda, nec inveniri, nec confingi potuerint. Unde sequitur doctrinæ cælestis veritatem naturâ prius à nobis agnoscere, quàm certi simus illam Deum auctorem habere; adeoque ultimam & potissimam illius credendæ rationem non esse Dei dicentis veracitatem & auctoritatem, & quia Deus ita dixit & revelavit; sed ipsam, ut diximus, rei veritatem & evidentiam. Verum, licet agnoscamus religionis dogmata suam habere lucem & argumenta veritatis, atque etiam originis divinæ: Videtur tamen veritati & doctrinæ Theologicæ magis consentaneum, Si dicamus fidei, quæ dogmata illa recipimus, rationem propriam & præcipuam esse auctoritatem Dei dicentis & revelantis, potius quàm ipsam rei veritatem & lucem: quod probatur multis argumentis.

XXVII. Primò enim hætenus in Scholis receptum est fidem, licet non excludat rationationes, potius tamen loquentis auctoritate niti. Sed auctoritate divina potissimum non nititur fides, si præcipua ratio, cur rebus fidei credimus, sit quædam, quæ ipsis inest, evidentiâ veritatis, non divina revelatio. Absurda quoque esset fidei definitio, nempe, quod sit *assensus quem Deo loquenti præbemus*. Tum enim per fidem Deo loquenti non crederemus, nisi materialiter, ut dicitur in Scholis, hoc est, crederemus quidem iis, quæ Deus loqueretur, at non, quia Deus illa locutus esset. Sed absurdè mentis aliquis habitus ab objecto suo tantum materiali definitur. Si quis enim, verbi causa, Peripateticæ doctrinæ peritus incidat in aliquem librum Aristotelis, & doctrinam illius exactè considerans, veram esse agnoscat, atque etiam ex acumine styli &

& differendi modo iudicet librum esse Aristotelis, assensus illi doctrinæ præbitus nonnisi absurdè dici poterit fides Aristoteli dicenti habita. At ceteri Theologi huc usque communi consensu, non tantum fidem definiunt *assensum Deo loquenti exhibitum*, & statuerunt obiectum illius esse Dei verbum, & res à Deo revelatas; sed etiam obiecti illius *rationem formalem*, sub qua fides illud apprehendit, & ob quam illud recipit & agnoscit, docent esse divinam authoritatem & revelationem.

XXVIII. Deinde, si propria & potissima fidei ratio esset ipsa lux veritatis, quæ in rebus credendis cernitur, quæque mentem ad assensum necessario determinat, fides esset assensus evidens, & dogmata fidei essent evidèntia. Siquidem illud est evidens quod luce sua mentem convincit, & cogit ad assensum. At est veluti quoddam scholarum axioma, in Scripturis fundatum, *fidem esse habitum mentis inevidentem*; quandoquidem Scriptura fidem opponit *aspectui*: & docet fidem eorum esse quæ non videmur.

XXIX. Præterea, licet quædam, quæ docet Dei verbum, sint demonstrabilia, & possint ex principiis per se notis colligi: attamen fidei multa credenda proponuntur, quæ, nisi quis velit esse contentiosus, fatendum est nec esse per se nota, nec posse probari ullis argumentis necessariis & convincentibus. Sumamus, exempli gratiâ, præcipuum illud fidei articulum, quo docemur in una simplicissima Dei essentia tres esse distinctas personas. Quis audebit polliceri tanti mysterii demonstrationem, & serib affirmare in eo esse quandam veritatis evidèntiam? cum contra ibi mens nostra nihil videat, nisi meras tenebras ad lucem illam inaccessam caligans, ut nocturnarum oculi ad solum; vixque acutissimi & subtilissimi quique articulum illum possint à contradictione apparenti vindicare, nedum ut demonstrare queant. Idemque dici potest de satisfactione morte Christi præstita, de futura olim mundi universi conflagratione, & resurrectione omnium mortuorum, de quorum veritate, si quis, præter Scripturæ sacræ authoritatem, probationes quarat, nihil admodum certi & firmi reperiet, & quod fidei nostræ fulciendæ sufficiat. Non improbamus quidem pium eorum conatum qui in eo laborant, ut mysteria ista & similia undecunque quæsitis rationibus probent, & suadeant. Sed si volumus candide agere, agnoscendum est argumenta illa, quæcunque tandem sint, esse tantum, ut loquantur scholæ, *congruentiam* quædam, quæ rem ad summum probabilem & verisimilem reddunt, non verò, quod ita sit necessario concludunt.

XXX. Quum verò Israelitæ in Ægypto docerentur mare omnem octavo die esse circumcidendum, à sanguine abstinendum esse, quibusdam animalibus vesci licere, aliis non licere, & plura huiusmodi, nemo negare potest quin ista illis fide amplectenda fuerint, ut res Deo gratæ & acceptæ. Et tamen quis sincerè & ex animo affirmare possit ista in se lucem habuisse, quæ sufficeret, fidem sui facerent, & unde mens fidelium efficaciter compelleretur ut crederet hæc à Deo iussæ & tradita fuisse. Idemque hodiè nostri respectu, dici potest de lavacro illo aquæ quod in Baptismo usurpatur, & de sumptione panis & vini in mensa Domini. Cum igitur fide suscipienda sint dogmata, & præcepta multa, quæ non eam in se habent lucem & evidèntiam, quæ se satis certò vera esse comprobent & à Deo tradita, manifestum est fidei, quæ res verbo Dei traditas & religionis dogmata suscipimus, rationem & basim præcipuam, non esse ipsam rei veritatem atque evidèntiam, sed potius veritatem & authoritatem Dei docentis & revelantis.

XXXI. At, inquit, quomodo revelationem divinam percipimus? Et unde pendit certitudo fidei quæ verbum ipsum Dei amplectimur? Certe Deus loqui non solet quin vox & verbum ejus habeat quædam notas & indicia, quibus ab humana, vel diabolica impostura & fraude distingui possit atque internosci. Præsertim verò revelatio illa cui fides nostra hodie innititur, & quam habemus in sacris Scripturis consignatam, habet illustria admodum argumenta quibus Deo sese vindicat, sicut thesibus superioribus abundè ostensum est. Neque fides, quæ illum suscipimus, est persuasio cæca, & quæ sui nullam rationem habeat. Sed qui verbo Dei sicuti par est credit, ad assensum illi præbendum inducitur rationibus & motivis quibusdam, quæ viro prudenti suadere possunt re vera Deum esse qui loquitur, nec confictam & fallam revelationem pro vera obtendi. Ideoque, præter argumenta quæ ex re ipsa peti possunt, sæpe Deus, ut fidem verbo suo crearet, & ad credendum homines compelleret, multa adhibuit signa & miracula, quibus fides eorum qui crediderunt, non raro ascribitur. Ita Sergius Paulus vir prudens, quum vidisset cæcitate qua Paulus Apostolus Elymam Magum percuterat, credidit, admirans super doctrina Domini, Actor. 13. Et Centurio qui Christo morienti astabat, videns mirabilia quæ in morte Christi contigerunt, glorificavit Deum, dicens, verè hic homo iustus erat: Luc. 23. Similiter Joan. 4. Quum Pater quidam agnovisset filium suum moribundum verbo Christi sanatum fuisse, & convaluisse, illa ipsa hora qua dixerat ei

Jesus, filius tuus vivit, & credidit ipse, & Domus ejus tota. Unde merito suspecta est eorum ad fidem conversio, qui conversionis suæ rationem exposcenti, nihil habent quod dicant, aut frivola asserunt.

XXXII. Attamen non existimamus argumenta illa & credendi motiva, quibus verbum Dei suadet, & quibus hominum mentes leniter ad ejus obsequium flectunt, esse illud unde fidei certitudo potissimum pendet, & præcipuum illius fundamentum. His quidem argumentis Deus utitur in fide generanda, & iis quoque fides jam generata aliter & fovetur, non tamen videntur esse fidei potissima basis & certitudinis illius mensura. Et hoc quia, ut jam thesi 8. dictum, consentiunt scholæ Christianæ certitudinem fidei summam esse, & talem quæ vel æquet, vel etiam superet, certitudinem omnem quæ reperiatur in scientiis humanis, nempe, si fides, æstimetur ex suis principiis, & consideretur qualis esse potest, & debet: non autem qualis revera sit in multis. Sed fides, quæ verbum Dei, quod hodie Scriptura continetur, suscipimus, non potest habere illam certitudinem, si nitatur tantum notis & argumentis, quibus Scriptura, divina comprobatur. Nec enim sunt demonstrationes quæ certitudinem absolutam generent, sed argumenta solum moralia, quæ licet sufficiant ut aliquis ad prudenter credendum inducatur, non tamen per se, & ex sua natura, possunt gignere certitudinem parem illi quam habent, verbi causa, disciplinæ Mathematicæ: qualem aut etiam majorem supponimus fidem acquirere.

XXXIII. Præsertim verò, si singulos Scripturæ sacræ libros consideremus, fatendum est multos esse qui in se non habent eas divinitatis notas, quibus necessario & evidenter probetur auctoritas eorum divinæ, & quibus tanta possit fundari certitudo, quantum fides requirit. Quales sunt, exempli gratia, liber Judicum, liber Ruth, liber Esther, Canticum Canticorum, quos divinitus inspiratos esse, vix probari potest aliis argumentis, quam generalibus illis, quæ petuntur à testimonio & consensu Ecclesiæ Judaicæ & Christianæ. Et tamen libri illi sunt pars verbi divini, & regulæ illius fidei certissimæ, ad quam omnia, quæ religionem spectant, exigenda sunt & examinanda; adeoque pertinent ad fidei objectum in tota sua amplitudine sumptum: & assensus quem illis, sicuti par est, præbemus, non refertur ad aliam virtutem, quam ad fidem. Ac proinde, cum partes quædam verbi Dei fide suscipiendæ non habeant ea divinitatis argumenta, quæ per se fundare possint assensum tam certum quam fides exigit, proculdubio argumenta, quibus verbum Dei divinum se probat & à Deo manasse, non sunt præcipuum fidei fundamentum, & ultimum illud in quod fides nostra resolvi debet. Neque ad rem pertinet quod librorum ejusmodi fides ad singulorum salutem necessaria non est. Hic enim non est questio, quid ad singulorum salutem necessarium sit, vel, non. Sed consideramus in genere naturam, & fundamentum fidei ad cujus objectum pertinent multa, quæ non sunt cognita singulis ad salutem necessaria.

XXXIV. Quapropter ultimum illud in quod fides nostra tandem resolvitur, & præcipuum illius firmamentum, statuimus esse illum Spiritus sancti impulsus, & instinctum qui à nobis thesi 9. descriptus fuit. Quo nomine designamus Spiritus sancti actionem, & efficientiam, quæ nos ad divinam revelationem suscipiendam immediate movet, & certam de ea persuasionem mentibus nostris imprimit. Ad cujus rei illustrationem potest aliquid conferre, si comparatio fiat inter assensum fidei, & assensum scientiarum. Quod ergo sunt in scientiis conclusiones demonstratæ, hic sunt fidei dogmata, & alia quæ docet & tradit Dei verbum. Quod est medium demonstrationis, conclusionis respectu, istud est Dei dicentis & revelantis auctoritas, respectu eorum quæ credenda proponuntur. Ut autem medium ipsum, & demonstrationis vim immediate percipimus, naturali & insito rationis lumine: ita divinam revelationem, factam Prophetis atque Apostolis, immediate credimus & percipimus, per internum Spiritus Dei instinctum & testimonium, quod fidei lumen Scholastici vocant. Atque ut rationis lumen non est illud quod ratiocinando percipimus & cognoscimus, sed illud quo cognoscimus & ratiocinamur: Ita istud Spiritus sancti testimonium non est amplius aliquid quod creditur, nec argumentum quod ad credendum moveat, sed illud tantum quo creditur, & actio quæ fides menti nostræ imprimitur: quam non necesse est ut omnis fidelis, qui fidei actum elicit, cognoscat & intelligat cognitione reflexa: Non magis quam necesse est rusticum aliquem cogitare de intelligentia & vi ratiocinandi, quum intelligit & ratiocinatur.

XXXV. Verum quid Spiritus sancti testimonium conferat, & quid momenti habeant argumenta, quibus auctoritas divina Scripturæ suadet, ad hoc ut illi quam par est fidem adhibeamus, non possumus melius explicare quam verbis viri celeberrimi qui sic

ea de re loquitur. *Maneat ergo hoc fixum, quos Spiritus inens docuit, solidè acquirere in Scripturâ: & hanc quidem esse auctoritatem, neque demonstrationi & rationibus subijci eam fas esse: quam tamen mereatur apud nos certitudinem Spiritus testimonio consequi. Etsi enim reverentiam sua sibi ulivo majestate conciliat, tunc tamen demum serio nos afficit, quum per Spiritum obsequata est cordibus nostris. Illius ergo virtute illuminati, jam non aut nostro, aut aliorum judicio credimus, à Deo esse Scripturam: sed supra humanum judicium, certo certius constituimus, non secus ac si ipsius Dei munus illic inmercerat hominum ministerio, ab ipsissimo Dei ore ad nos fluxisse. Non argumenta, non verisimilitudines quarumvis quibus judicium nostrum incumbat: sed ut rei extra æstimandi aleam posita, judicium ingeniumque nostrum suajicimus. Non qualiter superstitionibus solem miseri homines captivam mentem addicere: sed quia non dubiam vim numinis illic sentimus vigere ac inspirare, qua ad parendum, scientes quidem ac volentes, vividius tamen & efficacius quam pro humana aut voluntate, aut scientia irabimur & accendimur. Talis ergo est persuasio qua rationes non requirat: talis nostra eius optima ratio consistet, nempe in qua securius constantissimeq; mens quiescit quàm in ullis rationibus: talis denique sensus, qui nisi ex celesti revelatione nasci nequeat.* Calv. Instit. lib. 1. c. 7. Sect. 5.

Thesium Theologicarum

DE

AUCTORITATE
SCRIPTURÆ:

PAR TERTIA.

In qua Pontificiorum sententia exponitur, & indicatur controversiæ status, & utraq; sententia argumentis confirmatur.

Thesis Prima.



ACTENUS exposuimus, quàm distictè & clarè à nobis fieri potuit, nostram de authoritate Scripturæ sententiam. Atque ut rem totam in pauca contrahamus, docuimus 1. Scripturam proprio quodam splendore fulgere, & varios divinitatis radios emittere, quibus mentem rite dispositam ferire & afficere possit: & ita ipsi se probare. Lucem tamen illam non esse evidentiam propriè dictam, qualis est eorum, quæ sunt per se nota, aut sub demonstrationem cadunt, ut cernitur in rebus Mathematicis & Metaphysicis: sed solummodo quandam moralem evidentiam, quæ tota in eo consistit: quod Scriptura tam multis & tam probabilibus argumentis suadetur, & habet in se tot & tam insignes divinitatis notas, ut inde vir pius & prudens efficaciter inducatur ut credat illam esse veram & divinam: quamvis divina illius authoritas non sit res per se nota, aut etiam quæ demonstrari possit.

II. 2. Probavimus, ad hoc ut aliquis Scripturæ sacræ credat, illamque divinitus inspiratam agnoscat, verà & legitima fide quæ sit alicujus ad salutem momenti, opus esse Spiritu sancto intus monente & illuminante. Illam autem Spiritus sancti operationem necessariam nobis esse, non tantum propter tenebras per peccatum inductas, quæ sunt veluti quoddam velum, mentis nostræ oculis oppositum, quod occultat nobis Scripturæ sacræ lucem, & obstat ne illam possimus aspicere; sed etiam propter genium & natu-

ram ipsius doctrinæ in Scriptura contentæ: quæ, cum mentem nostram in se, etiam citra peccatum consideratam, omnino superet, necesse ut intellectus noster supra seipsum extollatur, ut ad illam possit assurgere. Adeoque, ut Scripturam & singulos ejus libros pro veris & divinis agnoscamus & recipiamus firmiter & indubitæ, & certitudine tanta quantum requirit fides, ad cuius objectum pertinent, opus esse non solum ut Spiritus sanctus, mentis nostræ nativam cæcitatem sanet & dissipet tenebras per peccatum accersitas, quæ obstant ne Scripturæ lucem possimus percipere: sed etiam ut nos ad credendum compellat arcano quodam instinctu & impulsu, sive interna quadam efficacia, quæ sit omni argumento & ratione major.

III. 3. Et hoc à nobis ostensum est, licet absolute loquendo, non sit opus Ecclesiæ voce & testimonio, ut Scripturæ noticiam & fidem habeamus, attamen juxta legem ordinariam, Deum Ecclesiæ ministerio uti in fide Scripturæ nobis ingeneranda; primumque incitamentum, quo movemur ordinariè ad illam suscipiendam pro vera & divina, communem esse Ecclesiæ consensum & testimonium. Neque tamen Ecclesiæ vocem & auctoritatem esse fidei nostræ præcipuum fundamentum, & illud ad quod tandem reducenda est certitudo fidei qua Scripturam sacram amplectimur.

IV. 4. Docuimus, licet religionis dogmata, & alia quæ verbo Dei traduntur, multa argumenta suæ veritatis habere possint, tamen argumenta ista non esse propriam & præcipuam rationem cui inicitur fides quæ res Dei verbo traditas recipimus; sed potius auctoritatem & veracitatem Dei docentis & revelantis. Ipsum verò Dei verbum, seu divinam revelationem, habere quidem vocas & indicia, quibus internosci possit, & a diabolicis & humanis fraudibus distingui, nihilominus fidem nostram non nisi potissimum hujuscemodi notis & indiis: sed certitudinem illius resolvi in arcanum Spiritus S. testimonium, & internam illam efficientiam, quæ fideles certos reddit immediate Deum esse qui loquitur, & firmam hac de re persuasionem mentibus nostris imprimi.

V. Sequitur jam ut videamus quid de istis omnibus Pontificii censeant, ut inde liquido constet, quæ in re sit status questionis de Scripturæ auctoritate, quæ tanta contentione inter nos & illos hodie agitur. Hic autem ante omnia observandum inter Pontificios duo esse hominum genera. Etenim inter eos multi sunt homines procaces, nullius candoris, vix ullius doctrinæ, quibus aliud nihil propositum est, quam nostras importunis disputationibus vexare. Hi sepe pugnant Andabatarum more, non videntes quid feriant, & quod dirigant ictus. Itaque inter disputandum non tantum nostram doctrinam impugnant, sed propria quoque placita convellunt, & sibi ipsis adversantur. Satis enim ipsis est, modo aculeatis quibuldam *sophismatibus*, & captiosis quadam subtilitate mentiam nobis creent; non curantes interim, an ea, quæ contra nos proferunt, possint in ipsos retorqueri. Isti, quom de auctoritate Scripturæ questio est, internum Spiritus sancti testimonium exhibent, & multa in nostros blaterant quæ omnem Scripturæ sacræ auctoritatem detrahunt, & fidem nostram unicè suspendunt ex hominum testimonio. Et ita Christianam religionem exponunt opprobrio & ridiculam reddunt, quasi nullo alio fundamento niteretur, quam eorum, qui illam profitentur, auctoritate.

VI. Sed præter istos blaterones, & sophistas nullius inter suos auctoritatis, satendam est, in schola Pontificia multos esse viros doctos, qui magis consideratè & exactè loquuntur, majoremque delectum argumentorum habent. Hi certè sententiam Ecclesiæ Romanæ accuratius tenent, & melius explicant, cautiusque defendunt. Ideoque priores isti vitiligatores coercendi sunt quidem, & reprimendi, eorumque stultitia, & impietas merito à nostris coarguitur, & publicè vapulat. Verumtamen, quom status alicujus controversiæ cum Ecclesiâ Romana querendus & constituendus est, non putamus istorum nugis esse inhaerendum: sed inquirendum quid sentiant & doceant posteriores, qui apud suos pollent doctrina & auctoritate.

VII. Rursus tamen illi Pontificiæ Scholæ duces, ac primipili, à seipso distinguendi sunt. Semper enim sibi constare non videntur. Quippe aliter loquuntur quando cum suis agunt, & apud suos animo sedato & composito docent; aliter verò quom nobiscum dimicant, & disputandi atque contradicendi ardor incaluit. Siquidem in suis nobiscum concertationibus, odio nostri & æstu disputationis abrepti, illi ipsi Romanæ scholæ Antesignani multa temerè effutiant, non tantum nobis, sed sibi ipsis adversa, quorumque eos ipsos pudet. Itaque ea ipsa alibi in eorum scriptis longè mollius & veritati propius exposita reperiuntur.

VIII. Porro licet ista sic temerè effutita, odioque, & cæco affectu, potius quam certæ animi sententiæ prolata, jussissime à nostris notentur, & exagitentur: in constituendo

tamen

tamen controversiæ alicujus statu, respiciendum potius arbitramur ad ea loca ubi sedato animo loquuntur, & rem illam, de qua agitur, ex professo tractant, mentemque suæ Ecclesiæ clarè & distinctè explicant. Etenim, non tantum istiusmodi viris, qui malam causam agunt, sed viris quoque bonis, quibus propositum est veritatem tueri, non rarò contingit ut, inter disputandum, ab adversa sententia plus nimio recedant, & deferantur in contrarias oras; eaque imprudenter proferant in adversarium, quæ ipsis quoque nocent, neque cum veritate, & propriis ipsorum placitis usquequaque congruunt. Quod tam nostri quam Pontificii sæpe in præcis Ecclesiæ Patribus animadvertunt, dum schismaticos & hæreticos confutant & in hæreses invehuntur. Sed æquitas & candor exigit, ut quæ ita duriter & incommode dicta sunt, explicantur ex aliis locis, ubi auctores illi commodius loquuntur, & veritati magis consentaneæ. Neque diffitemur nostros quoque Doctores aliquando hac venia & indulgentia egere. Ideoque, ut benignè & candidè agamus cum adversariis nostris, existimamus etiam hoc ipsis debere concedi, ut sibi quædam malè & falsò prolocuti sint, alibi verò bene & veritati congruenter, priora illa ex posteribus emolliantur & intelligantur.

IX. Ut autem ista ad rem præsentem applicemus, certum est, non tantum vanos illos homines, & nullius etiam apud suos pretii, sed eos ipsos quoque qui inter Pontificis Doctores familiam ducunt, multa proferre inter disputandum, quæ videntur plane contraria his quæ hæcenus docuimus, de notis verbi Dei & argumentis quibus Scriptura sacra comprobatur, & de interno illo Spiritus testimonio, quod nostra de verbo Dei certitudo referenda est. Sæpe enim loquuntur quasi Scriptura sacra nullam fidem mereretur, nec auctoritatem haberet, nisi quam ab Ecclesia Romana mutatur, & quasi in hodiernis Ecclesiæ Doctores tota fidei nostræ certitudo recumberet: ita ut, seculo isto testimonio, Scriptura non plus esset apud nos valitura, quam quilibet liber profanus. Cujus generis voces impias & blasphema dicta Doctores nostri notant & congerunt in suis de hoc argumento disputationibus. Attamen, quum doctores illi Pontificii talia Scripturæ injuria proferunt, videntur esse sui immemores, & in eo propria placita refigere. Eadem enim ferè quæ antea docuimus, de Scripturæ sacræ & verbi Dei luce, de arcano Spiritus sancti testimonio, de propria fidei ratione & præcipuo illius fundamento, & de ultimo eo in quod resolvitur fidei certitudo, à Pontificiis Theologis traduntur & docentur in scholis. Quod ut clariùs ostendamus, breviter percurrenda sunt nobis illa capita, de quibus antea egimus, & quid de uno quoque doceant Pontificii paucis est indicandum.

X. Primum igitur, licet Pontificii nolint ea quæ per se & propriè ad fidem pertinent res esse per se notas, aut quæ demonstrari possint, quod etiam suprà falsi sumus, non negant tamen rebus fidei competere evidentiam quandam externam & moralem: & præter Ecclesiæ suæ auctoritatem, agnoscunt esse plurima argumenta quibus doctrina Christiana & Scriptura sacra comprobatur, & ut loquuntur, *evidenter credibilis redditur*. Id docent communiter commentatores Thomæ in secundam secundæ quæst. 1. art. 4. Ubi Thomas illud discutit, *An objectum fidei possit esse aliquid visum*. Nam in coarticulo Thomas, qui statuit objectum fidei non esse aliquid visum live evidens, sibi objicit locum Apostoli, 1 Corinth. 13. *Videmus tanquam per speculum*. Ubi Apostolus loquitur de cognitione fidei: Et tamen dicit nos per eam, tanquam per speculum videre. Unde sequitur objectum fidei à credente videri, adeoque fidem esse eorum quæ videntur. Ad quod respondet Doctor ille, *ea quæ sunt fidei considerari posse, uno modo in speciali, & sic non posse esse simul visa & credita: alio modo in generali, scilicet, in communi ratione credibilis, & sic visa esse ab eo qui credit*. Non enim, inquit, crederet, nisi videret ea esse credenda, vel propter evidentiam signorum, vel propter aliquid hujusmodi. Ex quibus Thomæ verbis Scholastici istud usquequaque colligunt, *ea quæ sub fidem cadunt non esse evidenter vera: attamen evidenter esse credibilia & persuaderi multis argumentis maxime gravibus & rationibus admodum validis*. Quæ argumenta deinde enumerant, quique, scilicet ea quæ sibi maxime valida videntur. Ut videre est apud Dominicum Bannem, Joannem Puteanum, Pefantium, & alios ad locum Thomæ suprà memoratum.

XI. Præcipue verò Gregorius de Valentia, Jesuita doctus & acutus, in eo volumine quod de Analyfi fidei inscripsit, primum librum insumit in persequendis argumentis quibus doctrina Christiana & Scriptura, quæ ejus liber est, probari & suaderi potest: & argumenta ejusmodi usque ad decem & novem enumerat. In quibus attingit ferè omnes illas quas nostri notas verbi Dei vocant, hoc est argumenta, quibus Scriptura sacra à scriptis humanis dignosci & discerni potest. Atque etiam Bellarminus ipse lib. 1. de Verbo Dei cap. 1. Omittens Ecclesiæ suæ testimonium, quod respiciunt illi quibuscum

rem

rem habet, multis argumentis & rationibus Scripturæ divinam auctoritatem probat. Ut, exempli gratia, ex miraculis in Scripturæ confirmatione factis, ex admiranda conspiratione & concordia Scriptorum sacrorum, & ex futurorum prædictionibus & Prophetarum vaticiniis in Scriptura contentis, & eventu comprobatis. Quæ & alia quedam profert & vindicat adversus Libertinos Scripturam contemnentes. Itaque non videtur Pontificiorum mentem satis capere illi ex nostris Theologis qui operose probant adversus eos Scripturam sacram quasdam notas habere & quasdam argumenta quibus divina comprobetur; quasi in eo positus esset ardor controversiæ de Scripturæ auctoritate, negarentque simpliciter Pontificii Scripturam ulla divinitatis *requisita* & notas habere, sed solo Ecclesiæ testimonio posse internosci.

XII. Præterea Doctores Ecclesiæ Romanæ nobiscum consentiunt, opus esse interna quadam Spiritus sancti operatione, ad hoc ut Dei verbum & Scripturam sacram agnoscamus, & ea qua par est fide, recipiamus. Quam operationem Spiritus Dei in nobis vocant, ut & nos internam Spiritus illuminationem, revelationem & persuasionem, internumque Spiritus sancti testimonium. Atque de isto Spiritus sancti testimonio tam clarè, tam constanter & frequenter loquuntur, ut videri possit superfluum eorum super hac re proficere testimonio. Nequis tamen superfluit dubitationi locus, pauca de multis citabimus. Sic ergo Melchior Canus locor. Theolog. lib. 2. cap. 8. Resp. ad 4. arg. *Id statendum est, inquit, auctoritatem humanam & incitamenta omnia illa prædicta, sive alia quæcunque adhibita ab eo qui proponit fidem, non esse sufficientes causas ad credendum ut credere tenemur, sed præterea opus esse interiori causa efficiente, id est, De speciali auxilio moventi ad credendum.* Et paucis interjectis, *Externa igitur omnes & humana persuasiones non sunt satis ad credendum, quantumcumque ab hominibus competenter ea qua sunt fidei proponantur. Sed necessaria est insuper causa interior, hoc est divinum quoddam lumen incitans ad credendum, & oculi quidam interni Dei beneficio ad videndum dati.* Quod ibidem probat auctoritate Thomæ & Augustini, & multis Scripturæ locis, quæ in hanc rem citat & urget. Idem docet Stapletonus in relect. princip. controversiæ de potestate Ecclesiæ in se, quæst. 1. artic. 2. conclus. 4. Et fusius De principis fidei Controv. 4. libr. 8 cap. 1. cuius lemma est, *Impossibile esse sine speciali gratia ac dono fidei divinius infuso, alium vera fidei producere, aut ex veri nominis fide credere.* Atque in suis contra Witakerum disputationibus perpetuo queritur per calumniam doctoribus Ecclesiæ Romanæ obijci, quod negent Spiritus sancti internum testimonium necessarium esse ad fidem ingenerandam. Speciatim triplicat, adversus Witakerum pro Ecclesiæ auctorit. cap. 3. *Arcanum hoc, inquit, divini Spiritus testimonium prorsus necessarium est, ut quis Ecclesiæ testimonio ac iudicio circa Scripturarum approbationem credat.* Quibus concinit Gregorius de Valentia Analysis fidei lib. 1. cap. 1. *Dem, inquit, ipse in primis est qui Christianam doctrinam, atque adeo Scripturam sacram veram esse voce revelationis suæ, & interno quodam instinctu atque impulsu humanis membris concessatur, atque persuasus ut in ea ipsa Scriptura multis in locis expressum est.* Denique Bellarminus hanc doctrinam persequitur integra concione, cui titulum fecit De lumine fidei.

XIII. Ex his verò manifestum est eos non attigisse hujus controversiæ scopum qui questionis statum sic explicant. *An scilicet, Scriptura credamus propter Ecclesiæ solum testimonium:* an verò præcipue, propter testimonium internum Spiritus sancti; quali Ecclesiæ Romana internum illud Spiritus sancti testimonium prorsus rejiceret & exhiberet. Et vice versa nobis injurios esse Pontificios qui nostros exagitant, quasi privatum jactantes Spiritum, & enthusiasmis quibusdam inhiantes. Etenim de Spiritus arcano testimonio non docemus aliud quicquam quàm quod ipsi fatentur & docent. Nec per istud testimonium excludimus, ut nobis calumniose obijciunt, necessitatem ministerii Ecclesiastici in proponendis atque exponendis iis quæ pertinent ad fidem, ut superiori disputatione abundè docuimus.

XIV. Neque minus difertè docent Pontificii Ecclesiæ auctoritatem non esse fidei nostræ rationem formalem, id est præcipuum illud fundamentum in quod fides nostra recumbit. Istud præsertim docet Melchior Canus locor. Theolog. lib. 2. cap. 8. resp. ad quartum arg. *Tertium, inquit, subjiciendum est rationem formalem nostræ fidei non esse Ecclesiæ auctoritatem, hoc est, fidei ultimam resolutionem non fieri in Ecclesiæ testimonio.* Et infra, *Non est Ecclesiæ auctoritatis ratio per se movens ad credendum.* Item, *Si generaliter queratur unde fidei constet ea quæ fide tenes esse à Deo revelata, non poterit Ecclesiæ auctoritatem inducere.* Fuerunt quidem nonnulli inter veteres Scholasticos, nempe Durandus & Gabriel Biel, qui fidem Christianam in Ecclesiæ auctoritatem ultimò resolvebant, quasi ultima credendi ratio fidelibus esset Ecclesiæ testimonium. Sed hæc

hæc sententia pridem explosa est, & communi consensu rejicitur à Scholasticis hodiernis, nominatim verò à Melchiorè Cano loco quem jam indicavimus. *Eorūm*, inquit, *errorem dissimulare non possum, qui assensum fidem nostram eo tanquam in ultimam credendi causam reducendam esse, ut credamus Ecclesiam esse veracem.* Postea subjungit multa argumenta quibus errorem illum redarguit : ut quòd inde sequeretur primam rationem formalem fidei non esse veritatem incretam sed creatam : Et ita fidem : nostram non innici tanquam suo fundamento divinæ veritati, sed humane. Præterea, cum assensus conclusionis non sit certior principiorum assensui, ostendit inde sequi, quòd Deum esse trinum, non nobis esset certius, aut firmius, quàm Ecclesiam esse veracem, cui per humanarum causarum incitamenta traderemus. Deinde urget locum Pauli, *Ecce nòz, aut Angelus de celo, evangelizet vobis, &c.* Unde colligit fidei assensionem humanis causis & incitamentis non innici. *Quare*, inquit, *non mens nostra vacillet, alitius perenda, quam ab hominibus vel ratione, vel auctoritate Scripturæ divinæ auctoritas est.* Quibus addit Apostolos & Prophetas resolvisse ultimò fidem suam in divinam auctoritatem & veracitatem : Jam autem fidem nostram eandem esse cum fide Prophetarum & Apostolorum, adeoque in humanam Ecclesiæ auctoritatem non resolvì, & multa similia :

XV. His contentanea docet Stapletonus Controversi. 4. de potest. Eccles. in se quæst. 3. Art. 3. ubi hæc est ejus secunda conclusio, *Ecclesia vox non est formale fidei obiectum: id quod probat, Primò, quia absque ea fides esse potest. Et secundò, quia sola Ecclesiæ vox & autoritas ad veri nominis fidem non potest inducere. Postea ubi obijcit argumenta quorundam veterum Scholasticorum, & inter alia celeberrimum istum Augustini locum, non credendum Evangelio, nisi me Catholica Ecclesia commoveret auctoritas. Ad quod breviter respondet his verbis, Evangelium non creditur nisi auctoritate Ecclesiæ commoveat, scilicet ordinariè, quia est ordinarius modus quo prima veritas omnia revelat. Ibidemque fatetur fidem nostram non pendere à solo Ecclesiæ testimonio, nec principaliter ab illo. Ad illud verò Augustini hæc dicit Melchior Canus, loco supra citato; Non, si Ecclesia adiuvit nobis, prebet ad sacros libros cognoscendos, proutin ibi acquiescendum est, sed oportet ultra progredi, & solida Dei veritate niri. Consentit Dominicus Bannes inter suos celebris in secundam secundæ quæst. 1. art. 1. dubio 4. ubi hæc est ejus secunda conclusio, *Assensus fidei nostræ non potest reduci ad fidem acquisitam, quæ credimus Ecclesiam esse veracem, tanquam in regulam, vel formalem rationem credendi. Posteaque subiungit, Hæc conclusio nam certa est, ut oppositum ejus videatur nobis non solum temerarium, sed erroneum etiam in fide. Unde patet neque hunc inter nos & Pontificios esse quæstionis statum, An, scilicet, fidei quam Scripturæ adhibemus, ratio propria & præcipuum fundamentum sit Ecclesiæ auctoritas.**

XVI. Quæ sit verò propria fidei nostræ ratio sic explicat idem Canus loco sæpius memorato, *Hu vero tribus certis stabilibusq; sententiis illa etiam conjuncta est, ultimam fidei nostræ resolutionem fieri in causam interiorem efficiemem, hoc est, in Deum mouentem ad credendum, verbi gratia, hinc articulo, Deus est trinus, & hinc, Ecclesiam non potest errare, & cæteris universis doctrinæ Christianæ principijs, æstentior per insussum fidem, non quod Johanne dixerit, aut quivis alius homo, sed quod Deus revelaverit: hinc autem, Deus revelavit, immediate credo, à Deo motus per infinitum specialem. Itaque, ex parte objecti, ratio formalis movens est divina veritas revelata: sed illa tamen non sufficit ad movendum, nisi adsit causa interior, hoc est, Deus etiam movens per gratiam specialem conjungam.* Idem docet Stapletonus quæst. illa prima art. 2. ubi hæc est ejus tertia conclusio, *Deus revelans est propriè & absolute objectum formale fidei.* Idque probat exemplo fidei Prophetarum & Apostolorum, qui non aliud formale fidei suæ objectum habuerunt: unde concludit omnium fidem idem objectum habere; quandoquidem una est omnium fides. Ibidem vero resp. ad tertium arg. illius hæc verba sunt, *Absolute & per se, ultima resolutio credibilium est Deus verax, seu Deus imus in corde revelans, juxta illud Johannis Baptiste, Quem misit Deus, verba Dei loquitur, & qui accipit testimonium ejus signavit quia Deus verax est, Johan. 3.* Denique hæc est communis Scholasticorum sententia, Allicum fidei nostræ resolvit ultimum in motionem interiorem Spiritus sancti, ut videt esse apud Commentatores Thomæ in secundam secundæ quæst. 1.

XVII. Itaque Doctores illi volunt Ecclesiæ vocem, & testimonium esse causam finē qua non crederemus, &c. ut loquuntur, conditionem quandam objecti fidelī nostræ quia Ecclesia medium est per quod Deus revelat, & proponit credenda: Attamen nolent fidem nostram reduci ad testimonium Ecclesiæ, tanquam ad supremam & ultimam credendi rationem, sed ad Deum, revelantem & Spiritum sanctum illuminantem, ut accuratē doceat Bannes loco quem jam citavimus. Et similiter Stapletonus, cujus hæc verba

verba sunt articulo à nobis sæpius indicato, *Fides quæ cepit ab Ecclesiæ testimonio, quatenus proponit & inducit ad fidem, definit in Deo intus revelante, & intus docente quod foris Ecclesiæ predicavit. Predicatio enim Ecclesiæ docet foris, sed, proponit, inducit, adjuvat: sed cathedram habet in cælo qui docet intus, ut docet Augustinus. Quo interno magisterio semel accedente, locum habet illa Samaritana vox, Jam non propter loquelam tuam credimus: Ipsi enim audivimus, & scimus quia hic est Salvator mundi.*

XVIII. Nec etiam negant Doctores Scholastici fidem, quam revelationi divinæ adhibemus, esse prudentem assensum, hoc est, illum qui verbo Dei credit, ad id moveri quibusdam argumentis, quæ viro prudenti suadere possunt revera Dei verbum esse quod ut tale ipsi proponitur. Licet non pendeat ab istis argumentis fidei certitudo, aut eis propriè nitatur: ut præsertim videre est apud Gregor. de Valentia, *Analys. fidei*, lib. 1. cap. 1. ubi hæc sunt illius verba, *Sed quia rationi humana revelatio divina non evidenter patet, aliis quibusdam, præter revelationem divinam argumentis, opus est, quibus homines etiam inducunt, prudentes sibi persuadent doctrinam Christianam veram esse. Nec verò ejusmodi argumenta ad eam rem requiruntur, ut propter illa propriè, certò ac firmiter homines credant (certitudo enim & firmitas fidei, atque adeo ipsius assensus, per se divinæ revelationi soli, tanquam fundamento imittitur.) Sed ut clariora quedam habeamus motiva quibus prudenter animum inducant velle certò ac firmiter, propter divinam revelationem, Deo adjuvante, credere. Etenim accurate discernendi sunt animi motus duo in iis qui fidem amplectuntur. Nam & prudentia etiam distans, judicant dignam esse Christi doctrinam quæ certò ac firmiter credatur, & demum credunt assensione fidei, adjuti divinitus, eam veram esse. Quod assensione fidei certa atque firma, adjuti divinitus, credunt doctrinam Christi veram esse, id in solum divinum testimonium, quod revelatione divina continetur, tanquam in causam quidem rationemque credendi, referri debet. Itémque, in Ecclesiæ propositionem, tanquam in quandam conditionem, sine qua Christiana quidem fide, minimè crederetur. Quod autem in primis prudenter deliberant, atque statuant meriti eam à se doctrinam, tanquam divinam ac veram, certò ac firmiter credi posse, id vero prudentiæ indicium quoddam est, quod propriè argumentis aliis præter divinam revelationem nititur. Quibus conformia tradit Melchior Canus lib. 2. cap. 8. resp. ad quartum arg. Non solum inquit, necessarium est, ut credituro ea quæ sunt fidei simpliciter ab homine proponantur, quasi prima principia discipulo, verum etiam opus est exteriorem aliquam persuasivam, & humanum incitamentum adhiberi. Idque probat exemplis eorum qui miraculis & aliis rationibus commoti crediderunt. Et postea quoque addit, quibus rebus expositis, facile, ut opinor, intelligi potest vera esse quæ paulo ante sunt dicta, hoc est, oportere humanam quadam & exteriore adminicula intervenire ad credendum: nec tamen ea esse idonea per se, nec fidei nostræ resolutionem in ejusmodi fieri, sed in interiorem causam divinam, quæ excitet & moveat ut credamus. Atque hæc est etiam communis sententia scholæ Romanæ nullo, quod sciam, refragante: ut superfluum sit plura cumulare testimonia.*

XIX. At inquires, quis ergo tandem est status controversiæ de Scripturæ auctoritate; nam in capitibus hucusque recensitis videtur esse consensus inter Orthodoxos & Pontificios. An forte hic est tantum de nomine certamen? minime certè. Hic magnum & maximi momenti dissidium est inter utrosque. Ad cujus intelligentiam notandum est, 1. quasdam esse revelationes quæ non nisi per aliam revelationem nobis innotescunt, unde suam quoad nos auctoritatem mutuantur. Ita verbi gratia, revelatio facta olim Balaam, per revelationem Moysi factam nobis innotuit. Idémque dico de fragmento illo prophetiæ Enoch, cui Epistola Jude auctoritatem conciat. Sed cum hac in re non possit dari progressus in infinitum, nec debeat admitti circulus, quo una revelatio per aliam probetur, & hæc vicissim per alteram illam: necesse est, ut detur revelatio quedam, respectu nostri prima, quæ per se, & propter se fidem apud nos obtineat, non autem beneficio revelationis ejusdem notioris.

XX. Præterea sciendum est, accuratè loquendo, distinctionem adhiberi posse inter fidei propriam, & ut loquuntur Scholæ, formalem rationem, si consideretur simpliciter & absolute; & inter externum quoddam fidei principium, sive regulam externam credendorum. Fidei propria & formalis ratio eadem fuit, est, & erit semper apud omnes fideles, nempe Dei revelatio, quocunque tandem modo illa revelatio fiat, sive immediato Dei afflatu, sive per homines, sive per Angelos, sive per Scripturam, sive extra Scripturam. Etenim fidelibus cunctis hæc perpetua credendi res fidei & religionis ratio formalis est, nempe, quia Deus talia revelavit. At Deo visum non est satis fidelibus singulis privatim revelare quæ ad salutem cujusque necessaria essent, sed ad unitatem & communionem in Ecclesia servandam, & ut obviam iretur Satanæ præstigiis,

Deus

Deus semper voluit in Ecclesia extare communem quandam, externam & publicam revelationem, quæ esset fidei regula, ad quam exigenda essent omnia fidei dogmata, & ex qua omnis de rebus fidei contentio decidenda & terminanda esset. Talis fidei regula antequam datam erant Patriarcharum voces, & viva Dei oracula. Post legem verò à Mose datam & scriptis mandatam, regula fidei in Ecclesia fuit ipsa lex Moïsi scripta, & revelationes Prophetis postea factæ & scriptis quoque consignatæ. Post Christi verò adventum, hæc regula Novi Testamenti accessione auctior & amplior facta est. Itaque jam fidei nostræ in Ecclesia Christiana regula est Scriptura Veteris & Novi Testamenti.

XXI. Tertio observandum est, fidei nostræ resolutionem dupliciter fieri posse, respectu objecti & respectu subiecti, sive respectu nostri & respectu aliorum. Respectu nostri, & respectu subiecti fides resolvitur, quum quaeritur quid sit internum fidei principium, & illud in quo conscientia cuiusque conquiescit, neque licet ultra progredi. Sed respectu objecti, & respectu aliorum fides nostra resolvitur, quum quaeritur ultimum fidei nostræ fundamentum, quod alteri proferre & indicari possumus. Ultimum verò istud fidei nostræ fundamentum quod indicare possumus alteri, necesse est ut sit aliquod externum fidei principium, & externa quædam fidei regula, in qua sistendum est, & qua non datur alia ulterior.

XXII. Jam ut ista ad rem præsentem applicemus, constat inter nos & Pontificios, ut patet ex antedictis, fidei nostræ rationem propriam simpliciter & per se, esse divinam revelationem, quocunque tandem modo fiat, neque hac de re ulla est inter nos controversia. Constat quoque ultimum illud in quo fidelis cuiusque conscientia conquiescit esse internum Spiritus sancti testimonium. At vero non constat quæ sit hodie illa revelatio, nostri respectu, prima & notissima, quæ per se & propter se à nobis recipi debet, non verò propter ullam aliam revelationem, quæ nobis sit notior & majoris auctoritatis, ad quæ quæ sit primum & communissimum fidei principium externum, per quod omnia probari debeant, ipsum verò à nullo priore. Hanc revelationem asserimus nos sacra Scriptura contineri: Etenim verbum Dei, libris Veteris & Novi Testamenti comprehensum, tale est ut per se apud nos fidem obtinere debeat, non verò per aliquid aliud Dei verbum, & divinam quandam revelationem, quæ publicum & externum, testimonium illi perhibeat, quod fidelibus sit ipsa Scriptura notius & certius. Neque esset illa fidei regula, aut ultimum fidei principium externum, quod Scriptura sacra sit prius, & quo Scriptura possit tanquam à priori probari. Sed ea est prima & communissima regula omnium quæ ad fidem spectant, ipsa ad aliam nullam regulam examinanda. Itaque si quis roget cur hoc vel illud dogma credis, verbi gratia, Deum esse trinum & unum, & fideles esse baptizandos in nomine Patris & Filii & Spiritus sancti, Respondemus, quia hoc in Scriptura divinitus inspirata habetur, & locum indicamus. Si verò ultra rogemur, cur Scripturam illam divinam esse credamus, jam non proferimus aliud fidei principium, quo Scriptura probetur: sed in eo principio sistendum esse monemus. Adducimus quidem argumenta quibus probare conamur Scripturam divinam esse, & illi merito tanquam divinæ credi. Attamen argumenta illa non sunt fidei nostræ principia propriè dicta, & fundamentum illud quo fides nostra præcipuè nititur: Sed Scripturæ id est Deo in Scripturis loquenti, immediate credimus, ad id moti interno Spiritus sancti impulsu.

XXIII. At verò Pontificii nolunt Scripturam sacram immediate & per se fidem apud nos mereri & obtinere; sed docent esse aliam divinam revelationem per quam Scripturam probari necesse sit, ut publicè de ea in Ecclesia constet. Et hæc revelatio ipsis est Ecclesiæ vox & testimonium, hoc est præpositorum Ecclesiæ doctrina. Siquidem Deum ipsum per Ecclesiæ pastores hodie loqui volunt, tanquam per organa, quoad fidei doctrinam, infallibilia, quemadmodum olim locutus est per Prophetas atque Apostolos. Itaque admittunt quidem Scripturam esse fidei regulam, sed subalternam atque partialem, quæ superiori & ampliori regula probari indigeat. Quapropter ad fidei dogmata comprobanda asserunt quidem Scripturæ sacræ auctoritatem. Sed si rogentur cur sacræ Scripturæ fidem adhibeant, dicunt se id facere propter Ecclesiæ suæ testimonium, & in hoc testimonio, tanquam inter fidei externa principia supremo, conquiescere ipsos necesse est, si quidem suis placitis stare velint. Nos quidem ad libri alicujus sacri auctoritatem comprobanda asserimus quoque constans Ecclesiæ testimonium: verum non sicut ipsi, tanquam aliquod fidei principium cui fides nostra subjiçienda sit: sed solum tanquam quoddam argumentum à posteriori, validum quidem & bonum, sed non profus divinum atque infallibile.

XXIV. Atque inde exurgit celebris illa questio de Scripturæ auctoritate. Nobis asserentibus Scripturæ auctoritatem apud nos esse summam, nec aliunde mutuo sumptam:

tam: quoniam Scriptura supra se nullam habet revelationem, ut aliud quoddam fidei principium quo probari possit. Pontificiis vero contententibus auctoritatem Scripturæ ab auctoritate Ecclesiæ pendere: quoniam existimant Ecclesiæ testimonium fidei quoddam principium esse Scriptura superius, & quo Scriptura probari indigeat ut de ea publicè in Ecclesia constet.

XXV. Verùm ut distinctius appareat discrimen Pontificiæ sententiæ, & nostræ, & qua in re positus sit controversiæ cardo, sciendum est Pontificiis ita Scripturam sacram cum Ecclesiæ doctrina comparare, ut nos aliquod fidei particulare dogma cum Scriptura sacra comparamus. Sicut ergo aliquem fidei articulum, ut exemp. gr. mortuos olim resurrecturos esse, in se suam veritatem & auctoritatem à solo Deo habere, non verò à testimonio Prophetarum & Apostolorum, qui Scripturæ libros conscripserunt: ita Pontificiis admittunt Scripturam sacram in se suam auctoritatem à solo Deo habere, non ab Ecclesiæ testimonio. Deinde quemadmodum præcipua ratio fidei, quæ dogma illud amplectimur non est propriè Petri, Pauli, Esaiæ, &c. auctoritas, sed divina revelatio ad nos illorum calamo transmissa, quandoquidem ante Scripturam dogma istud creditum fuit, & adhuc citra Scripturam credi potest. Sic fatentur Pontifici, Ecclesiæ testimonium non esse fidei nostræ de Scriptura rationem propriam atque præcipuam, sed simpliciter & absolute divinam revelationem. Rursus tamen, ut dogma illud, & aliud quodvis simile non debet publicè in Ecclesia recipi, & credendum proponi, nisi quatenus Scripturæ testimonio probatur ex quibus solis publicè constare potest fidelibus aliquid ad fidem pertinere, atque sic dogmatis cuiusvis auctoritas quead nos, & certitudo publica & externa à Scripturæ sacre testimonio pendet: Ita volunt Pontifici Scripturæ auctoritatem quoad nos ab Ecclesiæ testimonio pendere, neque de libri alicujus divinitate publicè fidelibus constare, nisi ex Ecclesiæ approbatione & testificatione. Denique, quemadmodum, non obstante illa dogmatum à Scriptura dependentia, religionis Christianæ dogmata multis, præter Scripturæ testimonia, argumentis probari & luaderi possunt, quæ tamen argumenta non sunt fidei nostræ ratio & fundamentum, sed tantum motiva quædam ad fidem inducentia: Ita Pontifici quoque non dissentit Scripturam sacram, præter Ecclesiæ testimonium, multa divinitatis argumenta & notas habere, quibus probari & suaderi possit, sed quæ tamen non possunt publicam de Scripturæ divinitate fidem in Ecclesia fundare.

XXVI. Ex quibus satis liquere putamus quænam hic nobis intercedat cum Ecclesiæ Romanæ Doctoribus controversia. Nempe hæc, utrum Scriptura sit prima fidei regula & primum fidei principium externum quod proinde alio nullo principio probari possit, nec aliunde suam mutuetur auctoritatem. An verò Ecclesiæ doctrina & testimonium sit principium & regula fidei, Scriptura ipsa quoad nos notior & evidentior, & qua Scripturam probari necesse sit, ut publicè de ea apud fideles constet: Prius nos asserimus: Posterius Pontifici, qui per Ecclesiam, ut modò dictum est, intelligunt præsentis Ecclesiæ Pastores, & præcipuè Pontificem Romanum.

XXVII. Inde verò error illorum refellitur quod Scriptura est aliquid apud fideles notius quàm sit ipsa Ecclesia. Et hoc quia inter omnes Christianos constat quæ sint veræ Scripturæ, saltem quoad partes præcipuas, ut patet per inductionem. Etenim Græci, Armeni, Æthiopes, Pontifici, Protestantes, & si quæ sint adhuc hodie Christianorum sectæ, communi consensu agnoscunt libros, quos Ecclesiæ nostræ pro Canonicis habent, revera Canonicos esse. Addunt quidem Pontifici quosdam alios libros ad Canonem, veteris Testamenti: sed de illis quos Canonicos censemus nobiscum consentiunt. Quod si qui Scripturas in totum negarunt, vel contempserunt, quod patrum nostrorum memoria putantur fecisse Libertini, paucissimi fuerunt, nec ullius nominis, & citò desierunt. At non constat quæ sit vera Ecclesia: sed unaqueque secta peritendit se esse veram Ecclesiam. Nec Ecclesiæ Græcæ, Armeniæ & Æthiopice Romanam Ecclesiam pro vera Dei Ecclesia habent, aut illius auctoritate ullo modo se obstringi putant.

XXVIII. Adde quod nullus Pontifex, nullum Concilium, & nullus Pastorum Cætus tot & tam illustres habet suæ auctoritatis notas & argumenta, quàm Scriptura sacra suæ divinitatis. Nam Scripturam sacram commendant quamplurima Theibus præcedentibus à nobis enumerata: Futurorum prædictiones quæ in ea habentur, doctrinæ quam tradit sanctitas, sublimitas & efficacia, styli majestas atque simplicitas, consensus veteris & novi Testamenti, miracula in ejus confirmationem facta, genus vitæ eorum qui primi eam tradiderunt, perpetua Dei cura in ea conservanda, constantia martyrum in veritate illius tuenda, populorum consensus, & ipsorum etiam hostium testimonium. Quod nam vero Concilium aut quæ Pastorum multitudo, tot & tam insignibus auctoritatem

ritatem suam ingerit argumentis; Atque hic appellanda est conscientia adversariorum, an non, scilicet, notius sit Scripta Mosis & Pauli divina & authentica esse quam Concilium Florentinum, Tridentinum, aut Lateranense legitima esse Concilia, & quæ Spiritus sancti infallibilem ductum habuerunt.

XXIX. Præterea Scriptura fidelibus est certior testimonio eorum qui Ecclesiæ præfunt, ac proinde ab illis auctoritatem suam non mutatur. Nam autoritas Pastorum Ecclesiæ non est hodie fidelibus certior, quam fuit primis Christianis autoritas Apostolorum. Sed Apostolis olim viventibus & prædicantibus, testimonium eorum apud fideles minus certum fuit Scripturæ testimonio, ut patet ex verbis Petri, Epist. 2. cap. 1. ubi verba faciens apud eos fidem qui jam susceperant, postquam testatus est se vocem audivisse de cælo Christo dicentem, hic est filius meus dilectus in quo mihi complacui, addit fideles habere de Christo testimonium aliud firmitus, nempe Prophetarum in Scripturis sanctis. *Non enim, inquit, arte compositas fabulas secuti, notam fecimus vobis Domini nostri Jesu Christi potentiam & adventum. Sed ut qui nostris oculis aspeximus illum majestatem. Acceperat enim à Deo Patre honorem & gloriam, voce ad eum delata hujusmodi magnifica gloria, hic est filius meus dilectus in quo acquiesco. Et hæc vocem audio vivum è cælo delatam, cum essemus unà cum eo in monte sancto: Et habemus firmitorem prophetarum sermonem, cui beneficiis attendentes, quasi lucerne lucenti in caliginoso loco.*

XXX. Adde quod Scriptura sacra majorem ex omni parte apud fideles auctoritatem habet, quam testimonium Pastorum Ecclesiæ. Etenim testimonium Pastorum Ecclesiæ non est hodie majus quam erat olim Joannis Baptistæ testimonium. At Scripturæ testimonium testimonio Joannis Baptistæ majus erat: ut manifestè docet Christus Dominus noster, Joan. cap. 5. ubi testimonium illud quod ipsi Scripturæ sacre perhibebant, anteponit Joannis Baptistæ testimonio. *Misisti, inquit, ad Joannem, & testimonium dedit veritatis, ego autem habeo testimonium majus Joannis testimonio. Et postea assertit triplex testimonio Joannis majus: & primò quidem opera miraculosa quæ parabat. Opera enim, inquit, quæ dedit mihi Pater, ut ea perficerem, testantur de me quod Pater misit me. Deinde vocem Patris è cælo attestantem, Et qui misit me Pater ipse testatur est de me. Ac denique Scripturæ sacre testimonium. Subjungit enim, Scrutamini Scripturas, quia voveratis ipsis vitam æternam habere, & ille sunt quæ testificantur de me.*

XXXI. Præterea Ecclesiæ testimonium nullum est illustrius & magis solemne juxta adversarios, quam illud quod perhibetur in Conciliis & Decretis Pontificum. At sensus communis fidelium dictat nullorum Conciliorum tantam esse auctoritatem, quam sit Scripturæ sacre: Nec enim ullum Concilium vel Nicenum, vel Chalcedonense, vel Tridentinum, vel aliud quodvis quisquam æquiparare auderet auctoritate scriptis Mosis & Prophetarum libris. Neque, vel illi qui sunt Pontificibus maxime addicti, eousque adhuc frontem perfricuerunt, ut æquare audent Epistolas Papales Paulinis Epistolis, & quatuor Evangeliiis. Quod docet ipsa praxis doctorum Romanensium. Etenim, cum digerunt locos unde desumuntur argumenta Theologica, primum locum semper Scripturæ assignant, posterioiorem verò Conciliis, & PP. Decretis. Et quidem eousque Scripturam, sicuti par est, venerantur, ut agnoscant in ea nullum, vel minimum erratum reperiri posse. At, licet velint Concilia infallibilia esse quoad fidei dogmata, tamen agnoscent in aliis multis errori esse obnoxia, eorūque conclusiones esse quidem de fide, at Concilia uti posse argumentis non bonis: Et quamvis non errent in questione juris, sæpe tamen falli in questione facti. Adde quod Ecclesiæ Pastores & Doctores utuntur Scripturæ sacre testimoniis ad auctoritatem suæ doctrinæ conciliandam; illorūque doctrina potest & debet ad Scripturæ sacre examen revocari. Unde est quod laudantur fideles Beroenses qui, audita Pauli prædicatione, consuebant Scripturas, an quæ dixerat ita se haberent. Act. 17. Cum ergo Scriptura sacra apud fideles sit majoris auctoritatis, quam sint Ecclesiæ Pastores, proculdubio suam auctoritatem à testimonio illorum non accipit, quandoquidem quod majorem auctoritatem habet, auctoritatem sumere non potest ab eo quod habet minorem. Nihil enim potest conferre auctoritatem majorem illa ipsa quam habet.

XXXII. Quomodo verò possit Scripturæ auctoritas quoad nos ab auctoritate Ecclesiæ pendere, cum contrà auctoritas Ecclesiæ quoad nos ab auctoritate Scripturæ pendat? Etenim ex Scriptura discimus quæ sit vera Ecclesia, & quæ & quanta sit illius auctoritas. Nec auctoritas illa potest aliunde certò probari. Idedque patres olim ad Scripturas revocarunt hereticos qui veram Christi Ecclesiam non agnoscebant, & ex iis veram Ecclesiam demonstrandam esse censuerunt. Sic enim Augustinus cum Donatistis

agit: *Utrum ipsi, inquit, Ecclesiam teneant nonnisi divinam Scripturam Canonicis libris ostendam.* Et ipsi Pontificii hodie Ecclesiam suam, & auctoritatem ejus infallibilem, contra nos & Scripturam sacra probare conantur, & eo se officio egregiè defungi putant dum nobis afferunt illa Scripturæ loca. *Ero vobiscum usque ad consummationem sæculi, Rogavi pro te, Petre, ne fides tua deficeret, Spiritus vos deducet in omnem veritatem, Dic Ecclesie,* & similia quædam quæ proferunt tanquam fundamenta auctoritatis illius quam Ecclesiæ tribuunt. Cum igitur, ipsis fatentibus, ex Scriptura auctoritas Ecclesiæ nobis innotescat, nec certior possit ejus afferri probatio, planum est vice versa certitudinem nostræ fidei de Scriptura Ecclesiæ testimonio, tanquam præcipuo suo fundamento, non niti. Alioquin hic admittetur circulus. Nam Scripturæ auctoritas per Ecclesiam probabitur, & vicissim auctoritas Ecclesiæ per Scripturam; Et rursus à Scriptura ad Ecclesiam redibitur, & sic in infinitum.

XXXIII. Huc accedit quod Pontificii docent Scripturam in manibus Ecclesiæ esse instar literarum quas vocant *credenzia*, hoc est, quibus fides sit alicui qui mittitur ab aliquo superiori, & quibus ad illum remittitur, ut plenius de mittentis mente & voluntate informetur: Sic enim volunt Ecclesiam nobis exhibere Scripturam, tanquam diploma quo ejus divina vocatio & auctoritas confirmatur, ac nobis obsignatur. Et quo ad illam remittitur, ut plenius de voluntate Dei edoceamur. At literarum illarum, quas *credenzia* vocant, auctoritas non pendet ab eo qui illas exhibet: sed contrà auctoritas ejus qui literas exhibet per literas illas nobis innotescit & confirmatur. Et qui affert literas non est causa cur literis credamus: sed illi credimus propter istas literas quibus fides ei fit.

XXXIV. Ad hoc Argumentum mirum est quomodo respondeant Pontificii. Etenim Stapletonus, qui omnium accuratissimè hanc controversiam tractasse videtur concedit auctoritatem Ecclesiæ quoad nos ab auctoritate Scripturæ pendere. At negat inde sequi auctoritatem Scripturæ non pendere vicissim ab Ecclesiæ auctoritate. Idque probare conatur quibusdam instantiis in negationis suæ rationem adductis. Nam, inquit, auctoritas Christi quoad nos ab auctoritate Johannis Baptistæ pendebat. Johannes enim missus erat ut Christo testimonium perhiberet, & ut omnes per illum in Christum crederent. Et tamen vicissim Baptistæ auctoritas quoad nos à Christi testimonio pendebat. Christus enim Baptistæ testimonium perhibuit, & vocationem illius confirmavit. Verùm hæc instantia, & similes quas affert, nihil faciunt ad rem. Nam per hoc tantum ostenditur, duo quædam sibi posse testimonium mutuo perhibere, & sese invicem probare. At non duo ita esse comparata, ut auctoritas primi ab auctoritate secundi pendeat, & vicissim auctoritas secundi ab auctoritate primi, saltem eorundem respectu. Etenim verum est quidem Baptistam testimonium perhibuisse Christo, & Christum indicasse, atque homines ad Christum adduxisse. At tamen Christi auctoritas ab auctoritate Baptistæ non pendebat, neque qui ad Christum adducti fuerant & Christum agnoverant Baptistæ indicante, in Christum credebant propter Baptistæ testimonium, tanquam præcipuum fidei suæ fundamentum. Neque major & certior quoad illos erat Johannis Baptistæ, quàm Christi auctoritas. Itaque damus quidem auctoritatem Johannis Baptistæ ab auctoritate Christi perpendisse, at pernegamus Christi auctoritatem vicissim, perpendisse ab auctoritate Johannis Baptistæ. Et certè impossibile est duo ita esse comparata, ut unus auctoritas ab alterius auctoritate pendeat, & vicissim, saltem quoad eisdem, & eodem tempore. Nam id cujus auctoritas ab alio pendet, quoad nos minùs certum & notum est eo unde dependet. Ita si Ecclesiæ auctoritas quoad nos ab auctoritate Scripturæ dependet, tum certior & notior est quoad nos Scripturæ auctoritas. Si verò vicissim Scripturæ auctoritas ab auctoritate Ecclesiæ pendet, tum Scriptura quoad nos minus certa erit & nota. Et sic Scripturæ auctoritas simul erit quoad nos certior & minus certa, notior & minus nota quam Ecclesiæ auctoritas, quod implicat contradictionem. Jam verò hic non queritur simpliciter, an Scriptura possit per Ecclesiam probari, & Ecclesia vicissim per Scripturam. Sed an Scripturæ auctoritas propriè loquendo pendeat ab Ecclesiæ auctoritate, tanquam ab aliquo fidei principio quod sit certius & notius quoad nos.

XXXV. Secundò respondet Stapletonus, auctoritatem quidem Ecclesiæ quoad nos ab auctoritate Scripturæ pendere, non tamen ita ut Ecclesia non possit aliunde quam per sacram Scripturam innotescere. Nam, inquit, citra Scripturam ex Symbolo discunt fideles Ecclesiam esse & ipsi esse credendum. At certè Symbolum per se auctoritatem non habet, sed auctoritatem suam sumit ex Scriptura sacra, ex qua totum desumptum est. Nec Symbolum aliud est, quàm declaratio eorum quæ fideles, juxta Scripturam sacram,

sacram, se credere profitentur. Præterea inde se sequitur auctoritatem Symboli quoad nos, notioem esse ipsa Ecclesiæ auctoritate, quod valde facit contra adversarios, qui auctoritatem Symboli, ut ceterorum omnium credendorum, ab auctoritate Ecclesiæ pendere contendunt, tanquam à fidei quodam notiori principio & argumento. Nam Ecclesia juxta adversarios ipsa est quæ Symbola condit, & conciliat illam auctoritatem. Adde quod in Symbolo profiteamur nos credere unam sanctam Catholicam Ecclesiam. At Symbolum non docet quæ sit illa sancta & Catholica Ecclesia, an scilicet Romana, potiùs quàm Græca aut Ethiopica. Nec ullis ex Symbolo probationibus istud elici potest. Sed ut auctoritas Scripturæ per auctoritatem Ecclesiæ nobis confirmetur, quæ ratione volumus Pontificii, non sufficit ut in genere sciamus in terris esse Ecclesiam, sed necesse est ut determinare sciamus quæ sit vera Ecclesia, prædita, scilicet, auctoritate divinâ atque infallibili.

XXXVI. Præterea quod certitudo fidei, quâ Scripturam sacram fideles amplectuntur ut fidei regulam, non pendeat à publico & solemnî aliquo Ecclesiæ judicio, quo tanquam oraculo divina auctoritas Scripturæ confirmetur, inde patet quod, citra ullum ejusmodi judicium, Scriptura multis seculis publice innouit & recepta est, tanquam fidei Canon. Etenim per aliquot annorum centurias à tempore Apostolorum, nullum Concilium, nec ullus Pontifex certum Scripturæ Canonem consignavit, & librorum sacrorum catalogum contexit. Nam primum Concilium in quo librorum Canonicoe numerus recensitus est Laodicenum fuit, quod non habitum est ante trecentissimum à Christo nato annum, & adhuc particulare fuit, non generale. At ante Concilium istud certus fuit Scripturæ Canon, & certa fidelibus Scripturæ auctoritas. Neque Laodicenæ Synodi, ut nec subsequenter Conciliorum quæ librorum sacrorum numerum recensuerunt, scopus fuit novam quandam auctoritatem libris illis acquirere, sed tantum indicare & declarare qui jam Canonici fuissent.

XXXVII. Neque hic recurri potest ad traditionem aliquam Ecclesiæ, quasi ante Concilia quæ librorum sacrorum numerum definierunt, Ecclesiæ traditio fuerit fidei de Scriptura fundamentum. Nam Pontificii volunt traditionem esse quidem medium quo Ecclesia utitur in dijudicandis eis qui fidei sunt, attamen traditionem dubiam esse volunt, non minus quàm libros Scripturæ, nec esse certum fidei fundamentum, antequam publico Ecclesiæ judicio probata fuerit.

XXXVIII. Nec etiam est magis ad rem commentum Stapletoni qui duplex Ecclesiæ testimonium distinguit. Unum solemne & expressum, quod Ecclesia scilicet perhibet in Conciliis universalibus & PP. Decretis. Alterum tacitum & interpretativum, quo Ecclesia censetur probare illa quæ à suis ministris patitur doceri, & à populo fidei teneri: quasi Ecclesia ante Conciliorum determinationem, jam de Canonicis libris judicium pronuntiasset, & testimonium perhibuisset, non illud quidem solemne & expressum, sed alterum istud tacitum & interpretativum: quatenus nimirum sinebat Pastores libros Scripturæ tanquam Canonicos fidelibus tradere, nec fidelium illos acceptantium fidem improbat. Nam judicium, sive testimonium illud, quod vocat interpretativum, non poterat fidem fidelium fundare, nec ab eo fides Christianorum pendebat quandoquidem judicium illud fidem fidelium sequitur, non præcedit. Quod enim finit Ecclesia fieri, intelligitur esse & fieri, priùs quàm Ecclesia illud fieri sanet & petiatur. Itaque rogo Pontificios quodnam fundamentum habebat, illa priscorum Christianorum fides, quam Ecclesia toleravit, & quam probasse censetur sua tolerantia. Nam certe non potuit nisi Ecclesiæ tolerantia, & tacito consensu, fides illa quæ concipitur tanquam aliquid ista tolerantia prius.

XXXIX. Deinde, quicquid sit de illo tacito Ecclesiæ testimonio, saltem quod ad aliquos Canonicos libros attinet, docent Pontificii per aliquod tempus Ecclesiam super illis non pronuntiasse suam sententiam: dicunt enim de quibusdam Novi Testamenti libris olim dubitatum fuisse, eo quod Ecclesia de illis mentem suam non satis testata fuerat. At licet quidam de illis dubitarent, tamen apud pleraque Ecclesias libri illi etiam tum publicè recepti fuerunt, & pro divinis atque authenticis habiti. Unde liquet publicum Ecclesiæ testimonium necessarium non esse ut de cujuscumque libri divinitate publicè constare possit, & de eo certi sint fideles. Quandoquidem ante Ecclesiæ determinationem librorum illorum, de quibus quidam addubitabant, certa fuit & publicè agnita auctoritas in Christiani orbis maxima parte. Quamvis enim Epistolæ Judæ & Jacobi quibusdam viderentur *receptæ*, ut ait Eusebius: tamen, eodem teste, apud alios erant *receptæ* & publicè receptæ. Et similiter, licet Joannis Apocalypsin quidam rejicerent, tamen Joannis alumna Ecclesiæ, ut loquitur Tertullianus, illius auctoritatem

ritatem tuebantur. Et de Epistola ad Hebræos eodem modo res se habet. Quamquam enim de illa aliquandiu dubitatum fuerit in Ecclesia Latina, Hieronymus tamen docet Epistolam ad Dardanum, Ecclesias Orientis illam fuisse veneratas tanquam diviniæ & Apostolicam.

XL. Quod si libet ad Veteris Testamenti tempora regredi, quando Prophetæ libros suos edebant, libri illi auctoritatem & de jure habebant, & de facto apud fideles Israëlitiçi populi obtinebant, antequam sacerdotes Ecclesiæ tum præpositi, libros illos probassent, & divinos esse declarassent. Imò cum plerique eorum in tum finem præcipue à Deo missi essent, ut Sacerdotum vitia & fœcundiam arguerent, illos ut plurimum habuerunt adversarios; & tamen non obstante illa Sacerdotum repugnantia, Prophetarum libri pro divinis & authenticis habiti & agniti fuerunt. Quod patet præsertim Jeremiæ exemplo. Etenim cap. 8. libri sui sic eos increpat qui tum Judaico populo præerant. *Quomodo dicitis nos sapientes summi, & lex Domini nobiscum est: verè mendacium operatus est stylus mendax Scribarum, confusi sunt sapientes, perterriti & capti sunt: verbum enim Domini abiecerunt, & sapientia nulla est in eis, à Propheta usque ad Sacerdotem omnes faciunt mendacium.* Ideoque cap. 18. videmus in Jeremiam insurrexisse istos Ecclesiæ præpositos, dicentes, *Venite & cogitemus contra Jeremiam cogitationes. Non peribit enim lex à Sacerdote, & consilium à sapiente, nec sermo à Propheta. Venite & percutiamus eum lingua, & non attendamus ad universos sermones ejus.* Et tamen quamvis ita Jeremiæ repugnarent Ecclesiæ Judaicæ præpositi, necum ut illius prophetias probarent, tamen, inquam, gravissimè increpatur Jehojakim, quod prophetiarum illius à Barucho exscriptarum auctoritatem respuisset, ipsasque scalpello Scribæ laceratas combussisset, ut habetur Jeremiæ cap. 36. Sed juxta placita Pontificiorum quodnam tantum crimen admittebat rex ille, pro divino non habens scriptum, quod nondum Ecclesiæ judicio probatum erat, imo tunc ab Ecclesiæ præpositis impugnabatur.

XLI. Denique, quandoquidem per Ecclesiam unde pendet quoad nos Scripturæ auctoritas, Pontificii intelligunt Pastores & Episcopos qui Ecclesiam regunt, rogamus eos unde pendeat Scripturæ auctoritas quoad Pastores ipsos, & unde constet eis hos libros divinos esse, & à Deo inspiratos. Certè hic recurrere non possunt ad Ecclesiæ judicium, quo Pastorum fides de Scriptura fundetur. Nam Pastores & Episcopi sunt ipsa Ecclesia de cujus testimonio & judicio agitur: adeoque Pastores illi ex seipsis discerent, quæ sint veræ Scripturæ, & fides eorum in proprio suo testimonio fundaretur: nam nequis sit ultus exceptioni locus, sumemus in exemplum eos qui primi tale quoddam judicium pronuntiaverunt, neque pastorum aliorum judicio niti poterant. Et tamen adversarii nolunt Pastores Ecclesiæ enthusiastis agi, & Scripturæ notitiam ex immediata Dei revelatione habere. Siquidem enthusiasti & immediate revelationes non amplius habent locum in Ecclesia Dei. Sed statuant Episcopos & Doctores Ecclesiæ ad cognitionem illam pervenire, Spiritu quidem sancto docente & ducente, sed tamen etiam mediante ipsorum studio & diligentia, & consideratione accurata librorum ipsorum, ac sedulo examine multorum argumentorum, quæ Spiritus S. utitur ad fidem de Scriptura ipsis ingenterandam. Quid autem absurdum est, si dicamus fideles eo modo à Spiritu sancto in Scripturæ sacre cognitionem duci? saltem ex eo manifestè sequitur de Scriptura sacra nobis constare posse citra enthusiastismum, & immediatam revelationem, & tamen etiam citra Ecclesiæ quoddam judicium authenticum & infallibile.

Theſaur

Theſium Theologicarum
DE
AUCTORITATE
SCRIPTURÆ:

PARS QUARTA.

In quâ Adverſariorum objectiones ſolvuntur.

Theſis Prima.



DISPUTATIONE proximè precedenti quæſtionis hujus ſtatim explicuimus, veramque ſententiam confirmavimus iis argumentis quæ nobis maxime idonea viſa ſunt. Reſtat ut excutiamus argumenta adverſariorum, & eorum vanitatem, quàm breviter & dilucide à nobis fieri poterit, oſtendamus.

II. Primum ergo ſic authoritatem Scripturæ ab authoritate Eccleſiæ pendere, probare conantur. Scriptura, inquit, per Scripturam probari non poteſt. Ergo, ut de Scriptura apud fideles conſtet, neceſſe eſt ut ſit teſtimonium aliquod divinum & infallibile, quo Scriptura probetur. Sed hoc teſtimonium aliud eſſe non poteſt quàm Eccleſiæ teſtimonium, quo in terris nullum eſt certius & auguſtius. Quod ſi dicas Scripturam multis in locis ſe divinam aſſerere, reſerunt illi, ut Scripturæ credamus ſe divinam aſſerenti, neceſſe eſſe ut de illius divinitate jam aliunde perſuaſi ſimus. Nec enim ut ſcriptum aliquod pro divino habeatur, ſufficit ut ſe divinam aſſerat: quod fecere libri plerique Apocryphi, qui merito tamen reſecti ſunt. Et certè Scripturam per Scripturam ipſam probari non poſſe inde manifeſtum videtur, quod probatio omnis eſt à notioribus. At idem non eſt ſeipſo notius & ignotius. Neque authoritatem Scripturæ neſcienti, aut de Scriptura dubitanti ex Scriptura quicquam probatur.

III. Reſpondeo hoc argumentum meram eſſe fallaciam quâ Pontificii poſſunt æquè ac nos urgeri. Sic enim in ipſos retorqueri poteſt. Eccleſiæ vox & teſtimonium non eſt ſuprema fidei regula, ſed ejus authoritas ab alio quodam fidei principio quoad nos notiori & certiori pendet. Nam neceſſe eſt ut ſit teſtimonium aliud divinum, Eccleſiæ teſtimonio notius & certius, per quod de Eccleſiæ teſtimonio conſtet. Et hoc quia Eccleſiæ authoritas & teſtimonium per ipſius Eccleſiæ teſtimonium probari non poteſt. Cùm idem ſeipſo non ſit notius, & ignotius, neque authoritatem Eccleſiæ ignoranti, aut de authoritate Eccleſiæ dubitanti, quicquam poſſit ex teſtimonio Eccleſiæ probari. Itaque, ſi quicquam valet hoc argumentum, omnem prorſus fidem ſubvertit: quandoquidem non poteſt ulla proferri fidei regula, tanquàm prima & ſuprema, contra quam non liceat ſimili argumento uti.

IV. Ut adtem hujus argumenti fraus & vitium detegatur, ad formam revocandum eſt. Sic igitur neceſſe eſt ut illi argumententur. *Quod ex ſe non eſt evidens, nec ſeipſum probare poteſt, illud non eſt primum fidei principium, & ſuprema fidei regula, cujus authoritas aliunde non pendet, ſed ipſum per aliud probari neceſſe eſt.*

At Scriptura non eſt aliquid evidens, nec ſeipſam probare pot eſt.

Ergo, &c.

Jam verò major hujus argumenti eſt falſi manifeſta. Nam planè contra neceſſe eſt; ut quod eſt primum fidei principium, neque ſeipſum probet, nec per aliud probetur; nec

nec tamen sit aliquid evidens. Etenim quemadmodum in disciplinis humanis quædam nunt prima principia, unde reliqua pendent, & per quæ cætera probantur, ipsa tamen siquæ à se, neque ab aliis in hoc genere pendent, alioqui prima non essent, sed per se fidem & assensum obtinent : ita quoque res se habet in fidei doctrina. Vel enim debet alicuiusmodi circulus, aut dari progressus in infinitum, quorum utrumque est absurdum : aut necessarium sistendum est in principio aliquo, unde pendeant, & per quod probentur cætera quæ ad fidem pertinent, ipsum tamen à nullo priori, scilicet, probetur, neque etiam à seipso ; quandoquidem idem non potest à seipso probari : sed per se fidem & assensum obtineat, & cui immediate credamus & assentiamur.

V. In hoc quidem differunt principia fidei, & principia scientiarum, quod principia scientiarum per se nota sunt & evidentiæ, & sua luce cogunt intellectum ad assensum : principia verò fidei, quamvis moralem aliquam evidentiam habeant, tamen, logicè & propriè loquendo, sunt inevidentiæ, neque sua luce assensum, qualem fides requirit, impetrant. Attamen in hoc conveniunt quod sicut principiis naturalibus assentimur immediate, per naturale lumen intellectus : ita quoque fidei principiis immediate credimus, per illuminationem & impulsus Spiritus sancti. Verùm ut nihil obstat quominus aliquando principia naturalia probentur à posteriori : sic etiam fidei principia probari quidem possunt ; sed à posteriori, & ad hominem tantum.

VI. Inde ergo planum est in fidei negotio deveniendum esse ad principium aliquod, quod neque ex se sit evidens, neque etiam possit per seipsum probari, & tamen à nullo priori principio pendeat, sed per se auctoritatem & fidem mereatur. Quamvis igitur Scriptura neque ex se sit evidens, nec seipsam probare possit, ut tamen concludi non potest illam non esse primum istud fidei principium quod auctoritatem suam aliunde non mutuatur.

VII. Et certè quocunque se vertant Pontificii, omnino fateri cogentur Ecclesiæ testimonium, quod tanquam primum & supremum fidei principium obtendunt, non esse rem per se evidentem, nec per ipsam Ecclesiam vocem & testimonium idoneè posse probari. Cùm ergo nihilominus Ecclesiæ testimonium ab alia nulla priori auctoritate pendere, sed per se suam auctoritatem apud fideles obtinere velint, aperte contra seipsos pugnant, quum ex eo quod Scriptura per Scripturam probari non possit, concludunt auctoritatem illius non esse primam & illam superiori indigere testimonio, quo nobis comprobetur. Huc ergo redit summa responsionis nostræ, Scripturam quidem per Scripturam ipsam probari non posse ; non tamen inde sequi auctoritatem ejus aliunde pendere, & nobis per auctoritatem Ecclesiæ debere probari, tanquam per quoddam fidei principium Scriptura ipsa prius & superius : quoniam Scriptura, tanquam primum fidei principium, fidem & assensum apud fideles obtinet, non probationis talis interventu, sed immediate per internam Spiritus efficaciam certam de illa persuasionem mentibus nostris imprimens.

VIII. Quæ tamen dextrè accipienda sunt. Primò enim cùm concedimus Scripturam sacram non posse per Scripturam ipsam probari, hoc tantum volumus illa testimonia quibus Scriptura se esse divinitus inspiratam prædicat, non esse argumenta idonea quibus convincatur, & persuadetur ille qui Scripturæ sacræ auctoritatem negat. At hoc non obstat quominus alio sensu Scriptura dici possit seipsam probare, quatenus, ut thesibus præcedentibus ostensum est, Scripturæ sacræ insunt multa divinitatis signa & argumenta, quibus seipsam veram & divinam asserit. Non sicut ac cælum & terra prædicant & ostendunt suum authorem Deum esse, non simpliciter aliqua voce & testimonio, sed ex ipsa suæ naturæ præstantia, & potentie ac sapientie divinæ vestigiis, quæ in illis notari possunt. Aut, ut liber aliquis Aristoteli, & Euclidi se vendicat, non ex solo titulo, sed ex ipsius doctrinæ genio, acumine styli, & differendi modo, qui ejusmodi est, ut non possit, nisi præstantibus illis ingeniis tribui.

IX. Deinde, quum dicimus nos immediate Scripturæ credere, per internam Spiritus sancti efficaciam, non verò probationis alicujus interventu, sententia nostra non est, fidem nostram de Scriptura sacra esse cæcam persuasionem, & quæ sui nullam rationem habeat. Neque per id negamus, eum qui Scripturæ, sicuti par est, credit, eò adduci quibusdam argumentis, quæ viro prudenti suadere possunt Scripturam veram esse, & à Deo profectam. Etenim per vocem illam *immediate* non excludimus probationes qualescunque, sed solum probationes quas scholæ vocant *de fide*, id est, quæ petite sint ex aliquo fidei principio, & faciant rem esse de fide, & possint per se fidei articulum fundare. Hujusmodi verò non sunt probationes illæ quibus Scripturæ sacræ divinitas suadetur. Nec enim petuntur ex ullo fidei principio, & ex aliqua fidei regula ; sed tantum

tum ex notis & signis variis : & totæ constant argumentis quibusdam moralibus, quæ per se parere non possunt eam certitudinem quæ requiritur in fide : quandoquidem certitudo quæ fidei debetur, ex se & ex suo genere, æquat, si non superat, certitudinem omnem quæ nasci potest ex demonstratione. Ac proinde, quamvis probationes istæ sunt fidei adjuncta & credendi motiva, attamen plena fidei certitudo, qua libros sacros amplecti debemus, ad eas referenda non est, tanquam ad proprium atque præcipuum suum fundamentum, sed potius ad internam Spiritus sancti persuasionem.

X. Verum quum fidei nostræ certitudinem de Scripturæ divinitate immediatè referendam dicimus ad internam Spiritus sancti persuasionem, instant adversarii ea quæ fidei sunt, quale est hunc & illum librum divinitus esse conscriptum, non amplius haberi per immediatas revelationes, sed juxta Dei ordinationem ab Ecclesia docente disci & accipi debere : alioqui fenestram apertum iri fanaticis & Enthusiasticis. Resp. Quum dicitur aliqui immediatè credi, per illuminationem & impulsu Spiritus sancti, id duobus modis intelligi posse. Primò quidem ut excludatur opera & ministerium hominum explicantium & commendantium ea quæ credenda sunt ; quo pacto Paulus Apostolus Evangelium non acceperat ab homine, neque per hominem, sed immediatè à Spiritu sancto edoctus erat. Hujusmodi immediata Spiritus revelatio non amplius locum habet in Ecclesia Dei. Neque Spiritus sanctus, communiter & juxta viam ordinariam, sic fidelibus revelat hos & illos libros esse divinitus conscriptos. Sed fides de Scriptura nobis ingeneratur per operam & ministerium Ecclesiæ tradentis & commendantis libros sacros. Verum alio sensu dici potest Scripturam immediatè credi per internam Spiritus sancti testimonium ; nempe, ut excludatur extranea quævis auctoritas, sive verbi cuiusdam non scripti, sive docentis Ecclesiæ, quæ sit fidei nostræ argumentum propriè dictum, quo fidem nostram Spiritus fundare intelligatur. Atque ita Scripturæ immediatè credimus, quoniam ea fides quam Scripturæ adhibemus, & quam Spiritus Dei nobis imprimit, non nititur propriè ullo argumento & medio externo, nec in verbo aliquo quod in ore sit Ecclesiæ fundatur. Non secus ac, ex mente Doctorum Ecclesiæ Romanæ, fides illa quæ præbatur Ecclesiæ docenti, & proponenti Dei verbum, quod in ejus ore esse credunt, non nititur aliena quadam auctoritate, quæ sit à verbi illius auctoritate diversa : neque etiam habet pro argumento testimonium & vocem Ecclesiæ, quandoquidem idem esset sui ipsius argumentum, sed immediatè est ex illuminatione & instinctu Spiritus sancti. Qui tamen etiam, ex eorum mente, utitur motivis quibusdam quibus homines ad fidem Ecclesiæ adhibendam disponat : qualia sunt quæ ipsi notas Ecclesiæ vocant. Itaque per vocem illam immediatè excludimus auctoritatem Ecclesiæ tanquam fidei nostræ fundamentum, non verò simpliciter Ecclesiæ docentis operam & ministerium.

XI. Sed urgere non pergunt adversarii. Nam, inquiunt, si fideles immediatè Scripturam recipere per internam Spiritus illuminationem & persuasionem non verò propter Ecclesiæ doctrinam & testimonium, tanquam siue fidei regulam, futurum esset ut fideles, qui Spiritum Dei habent, absque auctoritate & testimonio Ecclesiæ, possent infallibiliter & certò dignoscere libros divinos sibi propositos ab iis qui divini non sunt. At contra est experientia. Siquidem, ante Ecclesiæ judicium & determinationem, de multis libris qui verè divini sunt dubitatum fuit : ut ex. gr. de Epistola ad Hebræos & Joannis Apocalypsi, & de pluribus aliis Novi Testamenti libris. Alii verò qui non erant Canonici & divini pro talibus ignoranter a piis etiam viris habiti sunt. Utque magis nos urgant. Vos, inquiunt, Protestantes, qui jactatis vos habere illum Dei Spiritum quo libri sacri & divini ab apocryphis dignoscuntur, non estis inter vos de his libris concordantes, siquidem Lutherani de Epistola Jacobi, aliisque nonnullis dubitant, quas admittunt Calviniani. Atque ut rem quasi oculis subiciant, & sententiam nostram apud nostros redarguant ipsa experientia, alicui ex plebe nostra prælegunt caput libri Apocryphi, itaque caput libri Canonici, celato auctoris & libri nomine. Tum rogant an possit ope Spiritus discernere, utrum divinum sit, utrum non.

XII. Resp. Verum quidem est Deum fidelibus omnibus Spiritum suum indulgere qui eos in verbi sui cognitionem ducit : ceterique, utinquit Joannes, *unctionem habere à sancto quæ eos docet de omnibus*. Veruntamen non omnes Spiritum illum fidei & sapientiæ æqualiter participant : Nec Deus illum omnibus & singulis æquali mensura dispensat : sed aliis majorem, aliis verò minorem spiritus illius copiam impertit. Neque unctio illa fideles omnes docet de omnibus simpliciter, sed saltem de omnibus quæ vocationi cuiusque congruunt, & ad cuiusque salutem & cognitionem necessaria sunt, secundum statum & conditionem suam, & locum quem tenet in Ecclesia Dei. Unde fit ut

qui fide, & rerum divinarum cognitione donatus est, quantum ad salutem sufficit, possit tamen in aliquo fidei capite errare, & aliquam verbi Dei partem non agnoscere. Idemque Paulus ad Philippenses capite tertio, vult ut qui perfecti sunt ferant aliter sentientes, & tanquam cum fratribus communionem colant, interim dum Deus ipsis reveler illud ad quod nondum pervenerunt. *Quotquot, inquit, perfecti sumus hoc sentiamus quod si quid aliter sentitis, hoc quoque vobis Deus revelabit. Attamen in eo ad quod pervenimus, eadem incidiamus regula, & idem sentiamus.*

XIII. Jam autem ad salutem cuiusque non est necessarium ut singulos Scripturæ libros, & singulas eorum partes recipiat & agnoscat. Itaque non mirum est si omnes qui spiritum fidei & revelatiogis, aliquo saltem gradu, acceperunt, ignorent tamen quoddam Scripturæ partes, & in eo fallantur quod aliquem librum, qui verè divinus est, humanum esse opinentur: Et vicissim librum aliquem, qui tantum est fœtus rationii humani, divinitus conscriptum existiment ac planè injustum est, & contra rationem à simplici quovis fidei exigere ut per se statim internoscere possit quamvis Canonici libri particulam à portiuncula libri Apocryphi. Nec enim ad ejus salutem hoc requiritur. Inde tamen non sequitur eos qui librosistos à quibusdam rejectos, aut ignotos amplectuntur, & fide suscipiunt, eos inquam istud non facere immediatè per testimonium & illuminationem internam Spiritus sancti, quo majore hac in parte copia donati sunt, sed mediante Ecclesiæ testimonio & auctoritate, tanquam fidei suæ fundamentum.

XIV. Et certè multi, quos Ecclesiæ Romana pro verè fidelibus habet, non magis possunt per se dignoscere Germanum Ecclesiæ suæ testimonium à suppositio, verumque & legitimum Concilium ab illegitimo, & Canones veros ab adulterinis, quam fideles & plebe, nostra particulam libri Canonici à particula Apocryphi. Atque etiam viri in ea Ecclesiæ docti de quorundam suorum Conciliorum auctoritate disputant, nec satis inter se consentiunt an legitima sint an secus. Et tamen illi timent Ecclesiæ suæ doctrinam & testimonium esse supremam fidei regulam, cujus autoritas à nulla superiori auctoritate pendet, & cui se fideles immediatè subjicere debent, à Spiritu sancto moti atque impuls.

XV. Præterea Scripturæ auctoritatem quoad nos à auctoritate Ecclesiæ pendere Pontificii sic probare contendunt. *Absque auctoritate & testimonio Ecclesiæ, Scriptura nobis est dubia & incerta, E. illam per Ecclesiæ auctoritatem & testimonium confirmari necesse est.* Scripturam autem esse dubiam & incertam, nisi Ecclesiæ autoritas & testimonium accedat, inde probant, quod absque auctoritate illa certò sciri non potest, qui sint libri sacri & divini, qui minus. Et hoc quia plurima scripta, ab hæreticis & vanis hominibus conficta, Prophetis & Apostolis afficta & supposita sunt. Nec etiam quæcunq; scripserunt Prophete & Apostoli divinam auctoritatem, habere meruerunt. Etenim multa leguntur scripsisse Salomo, & alii Prophete, quæ in sacrarum literarum numero habita non sunt. Tum quoque vix est ullus Scripturæ sacræ liber cujus autoritas non sit in dubium vocata, aut in totum negata, ab iis qui se Christianos profitebantur. Exempli causa, Manichæi Veteris Testamenti auctoritatem negabant, Ptolomæitæ libròrum Mosis, Marcionitæ Evangeliorum, excepto solius Lucæ Evangelio, & ita de cæteris. Et adhuc hodie inter nos & Pontificios de quorundam librorum divinarum auctoritate certatur. Siquidem plures libros quos Apocryphos censemus, ad Canonem Veteris Testamenti pertinere volunt. Atque etiam de multis Novi Testamenti libris inter ipsos orthodoxos olim dubitatum est, & hodie quoque dubitatur inter eos qui ab Ecclesiæ Romana postremis hisce sæculis secesserunt. Ut ex. gr. de Epistola Judæ & Jacobi, & quibusdam Joannis & Petri Epistolis. Adde quod libri sacri ab hæreticis corrupti, depravati & interpolati sunt, iisque multa addita vel detracta. Et quibusdam adhuc suspecta est prima pars capituli octavi Evangelii secundum Joannem, ubi habetur historia de muliere adultera. *In tanta ergo, inquit, semetiarum varietate & confusione de libris sacris & eorum partibus, qua certa ratione verum poteris inveniri absque auctoritate & judicio Ecclesiæ? Unde scitis libros eos qui Prophetis & Apostolis tribuuntur revera eorum esse: Et posito quod libri isti revera quosdam ex Prophetis & Apostolis habebant authore, unde certò scietis illos non fuisse scriptos humana diligencia, sed divina inspiratione, & ad nos usque integros pervenisse, non verò variis modis ab hæresibus corruptos.* Atque inde concludunt, ut fides nostra de Scriptura firmum fundamentum habeat, necessariò recurrendum esse ad auctoritatem Ecclesiæ, quæ scilicet, suo judicio certo & infallibiliter libros divinos discernis ab Apocryphis & suppositiciis, & quo judicio licet fidelibus securè niti.

XVI. Porro

XVI. Porro ista quidem speciosè urgent & exaggerant, sed tamen, si quis argumentum illud introspicat, & accuratè expendat, facile agnoscat merum esse sophisma, quod falsanimitur præsuppositione. Atque ut hoc adversariis ipsis clarum faciamus, simili planè modo posuimus contra eos argumentari, & evertere fundamentum quod fidei suæ subsistunt. Ecclesiæ auctoritas dubia & incerta est. Ergo Ecclesiæ doctrina non est suprema fidei regula: nec Ecclesiæ quoad nos primam auctoritatem habet. Auctoritatem verò Ecclesiæ dubiam & incertam esse, patet quia dubitatur quænam auctoritas Ecclesiæ sit tribuenda. An scilicet infallibilis & divina quædam auctoritas, ut volunt Pontificii: An verò, ut nos censuimus magna quidem, sed humana tamen, & errori obnoxia. Tum quoque inter Christianos non est certum quæ sit vera Ecclesiæ; sed cum Christianismus in multas partes & sectas divisus sit, unaquæque pertendit se esse veram Ecclesiam. Hic ergo possumus illos quoque rogare. In tanta sectarum inter Christianos diversitate, quo argumento demonstrare potestis apud vos esse veram Ecclesiam, & auctoritatem ejus esse infallibilem? Jam enim non possunt ad sacram Scripturam recurrere cuius auctoritas quoque in dubium vocatur, & quam volunt ab auctoritate Ecclesiæ pendere tanquam notiori & superiori. Multò minus possunt obtendere ipsius Ecclesiæ suæ testimonium, de cujus auctoritate hic queritur & disputatur. Vel ergo cogentur nec obmutescere, vel necessariò recurrent ad indicia illa & notas quas vocant veræ Ecclesiæ, hoc est, argumenta quædam quibus probabile reddi putant Ecclesiam Romanam esse veram Ecclesiam. Sed hic non queruntur argumenta quæ rem tantum probabilem & credibilem reddant, verum quibus nostra fides tanquam legitimo suo fundamento nitatur, & quæ certò probent rem esse de fide. Deinde Scriptura longe clariore & illustrioris divinitatis suæ notas habet quàm Ecclesiæ, neque desunt argumenta quibus fortiter suaderi possit, etiam si non demonstrari: qualia multa argumenta Thesium harum prima parte allata & indicata sunt.

XVII. Cum verò Doctores Ecclesiæ Romanæ Ecclesiasticam illam auctoritatem præcipue residere velint in Conciliis & Pontificibus, hac quoque in parte potest eorum argumentum valide retorqueri. Nam Pontificum & Conciliorum auctoritatem primam & supremam non esse inde quoque probabo, quod eorum auctoritas dubia & incerta est. Quidam enim Pontifices fuerunt intrusi & vitio creati: Et sæpe plures fuerunt Antipape qui se mutuo excommunicabant & Antichristos declarabant. Multa quoque Concilia quæ se Oecumenica, & in nomine Christi congregata dixerunt, faverunt hæreticis, neque fuerunt legitima, ut Concilium Ariminense quod Arianis favit, & Ephesinum secundum in quo superiores fuerunt Eutychiani. Nicenum verò secundum, & Francofordiense sub Carolo magno legitima simul esse non possunt, sed alterutrum errasse necesse est. Cum unum adorationem & cultum imaginum vetuerit & prohiberet, alterum verò jussit sub Anathematis pœna. Imò in nupera Ecclesiæ Romana, qualis est ab aliquot seculis, multa Concilia fuerunt quæ singula se Oecumenica vocant, quorum tamen quædam reprobata sunt, alia verò approbata; alia in parte probata & in parte rejecta. Et de quorundam auctoritate scribitur certatur inter Doctores Pontificios. Ita Concilio Lateranensi sub Leone X. subscribit Bellarminus, Ecclesiæ verò Gallicanæ Concilii istius decisiones non admittit. Quandoquidem definivit Pontificem Romanum esse supra Ecclesiam totam, & Concilium universale. Et vicissim Constantiense, quod in Gallia multi integrum recipiunt, quoad primos Canones à Bellarmino & aliis rejicitur: quoniam definivit Concilium esse supra Pontificem. Sic quoque Basileense Concilium venerati sunt inter Pontificios alii, alii verò tanquam Conciliabulum diffamant.

XVIII. Nos igitur jure quoque Pontificios rogare possumus, Unde scitis hoc vel illud Concilium legitimum esse, & Pontificem istum non esse intrusum, & vitio creatum, sicut multos alios, quorum successores acta resciderunt, & memoriam infamarunt? Quo certo argumento probare potestis Concilium Tridentinum verè fuisse in Christi nomine congregatum? An quia ipsum hoc dicit? Sed idem sibi ipsi fidem facere non potest, & seipsum probare: suntque alia multa impia Concilia quæ se idem duci Spiritu sancto jactant. An quia Papa Romanus Concilium istud approbavit? Sed approbavit quoque illud Lateranense, cujus tamen auctoritate Pontificii omnes sese obstringi volunt. Deinde quo certo fidei argumento probari potest Pontifices illos qui Concilia probant, legitimos fuisse, neque per vim & simoniacè occupasse sedem suam? Saltem enim hac de remajor certitudo haberi non potest quam historica & moralis quæ ad fidem non sufficit. Præterea quomodo fides alicui fiat exemplaria Conciliorum atque Decretorum Pontificalium corrupta non esse, neque his quicquam additum aut detractum? Eodem cer-

tum sit multa decreta Pontificibus afficta fuisse, & plurimorum Conciliorum acta corrupta atque depravata? Nec dubitationem hanc tollet nova Pontificis aut Concilii alijus declaratio. Nam adversus hoc postremum Concilium cædem quæ adversus prius difficultates movebuntur, & sic in infinitum. Itaque, si locum habet Pontificiorum ratio adversus Scripturæ sacræ certitudinem & auctoritatem, evertetur quoque Ecclesiæ & Conciliorum atque Pontificum auctoritas: nec ullum supererit fidei fundamentum.

XI X. Imo ausim dicere ne quidem animo fingi posse ullum fidei fundamentum adversus quod non liceat similibus uti cavillationibus. Quicquid enim proferetur tanquam prima fidei regula, necesse est ut sit aliquid logicè inevidens, & quod non possit propriè demonstrari. Nam principia fidei, ex communi Theologorum & Scholasticorum consensu, sunt inevidentia & indemonstrabilia. Ac præterea necesse est ut non possit ex aliis fidei principiis tanquam prioribus & notioribus probari, alioqui prima regula non esset, sed daretur aliqua prior. Unde necessariò sequitur primam fidei regulam, cujus auctoritas quoad nos suprema est, esse aliquid quod argumentis de fide à priori probari non possit, & super quo etiam non possit satisfieri profanorum hominum quæstionibus per demonstrationes, & rationes prorsus necessarias atque evidentes.

XX. Sed ut istius sophismatis vanitas clariùs appareat, notandum in eo multa præsupponi quæ omnino falsa sunt. Et primo quidem supponit illud omne nobis esse dubium & incertum quod à multis negatur, & de quo sunt multi qui dubitant. At si hoc admittatur nihil prorsus certum remanebit. Vix enim quicquam est tam certum & evidens, de quo non fuerit à multis dubitatum; imo quod à multis negatum non fuerit. Ita nobis certum non erit ex cœli & terræ aspectu Deum esse, quoniam Epicurei & Athei hoc negant. Neque prima principia scientiarum nobis certa erunt, & indubitata, quoniam Pyrrhonii, qui assensum omnem tollebant, de istis quoque dubitarunt. Neque Pontificiis, ut diximus, certa erit Ecclesiæ suæ auctoritas, quoniam à reliquis Christianis negatur. Itaque dicendum id de quo immeritò dubitatur, & quod sine ratione negatur, non definire certum esse rectè sentientibus. Nec enim hominum male feriatorum, perverforum atque stolidorum error & dubitatio circa res in se certas, quicquam obest certitudini hominum sani judicii, & quorum mens rectè affecta est.

XXI. Deinde supponitur in isto argumento id quod demonstrari non potest, & necessariis ac evidentibus argumentis probari, non posse esse fidei certum & exploratum, certamque apud fideles fidei regulam atque fundamentum. At hoc est falsissimum. Etenim prima fidei regula, quæcunque tandem statuatur, necesse omnino est ut sit aliquid quod evidentibus, & si logicè loquamur, prorsus necessariis argumentis probari non potest. Siquidem argumenta illa, vel ex proprio ipsius testimonio peterentur, vel ex aliis fidei principiis, vel ex humana ratione. Jam verò peti non possunt ex ipsius testimonio; quoniam hoc modo nihil probat seipsum: non etiam ex aliis fidei principiis; quia quod ponitur esse prima fidei regula hoc ipso supponitur esse principium fidei notissimum, ad quod proinde probandum, alia minùs nota frustra adhiberentur; nisi forte ad hominem: deniq; non ex humana ratione; quia, cum regula fidei sit aliquid propriè loquendo inevidens, non potest rationibus necessariis demonstrari, sed solum argumentis moralibus suaderi.

XXII. Tertio, istud argumentum supponit dubitationes illas quas adversus Scripturam movere potest humana ratio per Ecclesiæ auctoritatem tolli. Sed hoc quoque falsum est. Nam querenti unde scimus libros qui circumferuntur Apostolorum & Prophetarum esse, aut omnino fuisse Apostolos & Prophetas ullos, non satis fit dicendo Ecclesiam ita dicere & docere. Siquidem pari jure quæret ille unde scimus Ecclesiam verum dicere & duci à Spiritu sancto. At cum tot sint sectæ inter Christianos, unde scimus hanc potius quàm illam esse veram Ecclesiam, aut ullam omnino esse in terris Dei Ecclesiam. Certè tum ipsis nihil supererit quo se adversus ejusmodi peruncatorem tueantur; nisi notæ & præjudicia illa quibus Ecclesiæ Romanæ auctoritas ipsorum judicio redditur credibilis. Verùm hic non queruntur ejusmodi argumenta, sed quæ certò probent rem esse de fide, & quibus fides tanquam suo fundamento niti possit. Ac præterea, si istuc deveniendum foret, promptum est nobis ostendere Scripturæ auctoritatem, longè pluribus & certioribus argumentis & notis commendari, quàm cujuscunque inter Christianos Ecclesiæ auctoritatem.

XXIII. Sed, ut jam pressius agamus, ista sunt ad argumentum propositum applicanda.

canda. Argumentum fuit ejusmodi. *Quod ex se nobis est dubium & incertum, firma fide à nobis apprehendi non potest, nisi auctoritate aliqua superiori confirmetur. Sed Scriptura ex se nobis dubia & incerta est. Ergo necesse est eam auctoritate aliqua superiori confirmari. Quæ alia esse non potest quam Ecclesiæ auctoritas.* Respondeo aliquid nobis dubium & incertum dici potest duplici respectu. Nempe fidei respectu : deinde respectu rationis humanæ. Fidei incertum est quod à Deo revelatum & inspiratum non est. At rationi humanæ incertum est quod demonstrari non potest argumentis necessariis & evidentibus. Itaque distinguenda minor, *Scriptura ex se nobis dubia & incerta*. Nam, si illud nobis dicatur, respectu rationis humanæ concedi potest, si verò respectu fidei neganda est. Quamvis enim Scriptura rationi etiam humanæ suaderi & commendari possit multis bonis & validis argumentis : Attamen quia ista argumenta logicè & mathematicè demonstrativa non sunt, eatenus patitur Scripturam dici humanæ rationi incertam. Sed falsum est fidei non posse esse certum quod rationi incertum est, nec demonstrari potest. Imo quod demonstrari potest eatenus res fidei non est.

XXIV. Ad majorem verò illam, *Quod ex se nobis est dubium & incertum, firma fide non potest apprehendi, & esse certa fidei regula, nisi auctoritate superiore confirmetur.* Resp. falsissimam esse, si per illud quod nobis est incertum intelligatur id quod demonstrari non potest, & argumentis prorsus necessariis confirmari. Etenim quod probari non potest argumentis, philosophicè & propriè loquendo, necessariis & evidentibus, firma tamen fide potest apprehendi, & esse certa fidei regula, quamvis auctoritate quoad nos superiori & priori non confirmetur. Imo ut jamjam probavimus, omnino necesse est ut prima fidei regula sit aliquid inevidens, quod demonstrari non possit, nec tamen superiori auctoritate confirmari aut queat aut debeat. Quandoquidem hoc pacto non esset, ut supponitur, prima & suprema fidei regula, sed subalterna tantum & inferior.

XXV. Ad minoris verò confirmationem, qua probatum est Scripturæ sacre libros esse dubios citra Ecclesiæ auctoritatem, quoniam multi libri Apostolis suppositi sunt, & de veris eorum scriptis dubitatum est. *Resp.* quod dubium est hominibus ignaris, perveris aut non satis instructis, posse tamen esse certum fidelibus & piis, qui abundè instructi sunt, & à Spiritu sancto illuminati. Nec enim temeraria & injusta quorundam dubitatio quicquam obest certitudini hominum sani judicii.

XXVI. Quod autem spectat importunas illas interrogationes, *Unde probatis Apostolos fuisse & scripsisse libros instinctu divino, & eos qui circumferuntur revera illorum esse.* Resp. à nobis aliquid injustum exigi, nempe ut demonstrarem quod est indemonstrabile. Itaque fatemur ultro ista non posse à nobis demonstrari, & mathematicè seu logicè probari. Sed inde negamus sequi libros istos esse non posse certam & primam fidei regulam ; quoniam hoc proprium est principiis fidei ut sint inevidentia, neque probari possint argumentis philosophicè necessariis & evidentibus. Quæ tamen ita accipienda non sunt, ut jam sæpe observatum est, quasi nihil habeamus quod hominibus profanis regere possimus, & impiis eorum quæstionibus opponere. Nobis enim non desunt argumenta quæ viro prudenti satis esse possint, & ipsi suadere Apostolos & Prophetas instinctu divino scripsisse, & nos in manibus habere genuinos eorum libros cujus generis argumenta multa harum thesium parte prima, proposuimus & explicuimus, nec opus est hic illa repetere. Hoc solum fatemur argumenta illa non habere evidentiam logicam, seu mathematicam, & eatenus rem relinquere incertam, si libet incertum vocare quod est inevidens, & *arbitrarium*. Sed hoc quoque addimus, si quid incertitudinis argumenta illa relinquunt, minime tolli posse per Ecclesiæ quoddam judicium & determinationem, ut jamjam probatum est.

XXVII. Atque hæc de isto argumento jam satis. Pergendum ad aliud. Igitur Pontificii Scripturæ auctoritatem quoad nos ab auctoritate Ecclesiæ pendere, probare quoque student ex usu & praxi Ecclesiæ. Nam inquirunt, quod libri Apocryphi, quos impostores varii sub nomine Prophetarum & Apostolorum ediderunt ; & tanquam sacros & divinos obtrudere conati sunt, à fidelibus rejecti fuerunt & explosi, factum est auctoritate & judicio Ecclesiæ, quæ libros illos supposititios, pro sua sapientia, à divinis discrevit, & e Canone expunxit : aut saltem nunquam judicavit esse recipiendos. Atque in hanc rem afferunt ex Patribus multa testimonia. Ut quod autor synopsis quæ tribuitur Athanasio, rationem afferens quare Evangelia illa Thomæ, Petri, secundum Hebræos, &c. non approbentur, *Quia*, inquit, *nobis Evangeliorum libros sacri*

sanctæ Catholica Ecclesia Canones sanxerunt, præter ista non est unum aliud. Et similiter Augustinus Evangelium quoddam Thomæ, quod Manichæi proferebant, repudiavit his verbis, *Huic Scriptura licet nobis non credere, quia non est in Catholico Canone* : Et iterum, *Has Scripturas Canon Ecclesiasticus respuit.* Quibus addunt Eusebium, qui in historia Ecclesiastica, sæpe scripta istiusmodi Apocrypha esse pronunciat, quia apud veteres nulla sit eorum mentio. Et quia nullus Scriptor Ecclesiasticus illas est testimonii ex libris illis depromptis : aut usquam in scriptis suis in memoriis illas redigere dignatus est.

XXVIII. Cum verò de quibusdam libris verè divinis & Apostolicis aliquando inter ipsos orthodoxos dubitatum sit, ut ex. gr. de Epistola ad Hæbreos, de Epistola Jacobi, de Epistola Judæ, & posteriore Epistola Petri, & de secunda & tertia Joannis ejusdemque Apocalypsi, id inde factum asserunt & pertendunt, quod Ecclesia de his libris iudicium & sententiam suam nondum pronunciarat : istam verò dubitationem tandem per Ecclesiæ determinationem & iudicium sublatam fuisse. Nempe in Laodicensi Synodo, & III. Carthaginensi, Innocentique & Gelasii PP. decretis, quibus non tantum predicti Novi Testamenti libri, sed illi quoque de quibus adhuc hodie lis est inter nos & Pontificios, An ad Veteris Testamenti Canonem pertineant, sive Scripturæ Canonem, ut quidem illi volunt recepti sunt. Atque in huius rei confirmationem afferunt etiam quod de Epistola Jacobi scribit Hieronymus, *Quod etsi ab alio quodam sub ejus nomine scripta assereretur, tamen paulatim procedente tempore obtinuit auctoritatem.* Et quod de Epistola Judæ similiter dicit, *Quod, etsi a plerisque rejiciebatur, tamen auctoritatem vetustate & usu meruit.* Quibus consentanea sunt quæ de Epistola quoque ad Hæbreos, & Joannis Apocalypsi scribit idem Hieronymus epistola ad Dardarum, *Nos, inquit, utraqque recipimus, nequaquam huius temporis consuetudinem, sed, veterum Scriptorum auctoritatem sequentes, qui plerumque utriusque utuntur testimonio, non ut interdum de Apocryphis facere solem, sed quasi Canonicis & Ecclesiasticis.*

XXIX. Denique cum multi libri quorum auctoritas semper certa fuit apud Orthodoxos, ab hereticis rejecti aut in dubium vocati sint, in eo multi sunt Pontificii, ut ostendant Partes refellisse illos hæreticos ex auctoritate, consensu, & testimonio Ecclesiæ, quibus librorum istorum divinitatem & auctoritatem vindicarent & asseruerunt. Ita enim ex. gr. Augustinus loquitur de Actis Apostolorum, quorum auctoritatem Manichæi negabant, *Huic libro necesse est me credere, si credo Evangelio : cum utramque Scripturam similiter mihi Catholica commendat auctoritas.* Et adversus eisdem Manichæos, *Nostrorum, inquit, librorum auctoritas tot gentium consensione, per successiones Apostolorum, Episcoporum, Conciliorumque roborata, vobis adversa est : Vestrorum autem nulla est, quæ a tam paucis profertur, &c.* Ex quibus & similibus concludunt Pontificii fidem nostram de Scriptura sacra ab Ecclesiæ iudicio pendere : ejusque auctoritatem, testimonium & consensum esse regulam & amulum, ad quam Scriptura omnis probanda & examinanda est, ut certò de ea nobis constare possit : juxta celebre illud Augustini, *Ego verò Evangelio non crederem nisi me Catholica Ecclesia commoveret auctoritas.* Et quod alibi dicit idem vir sanctus. *Tenebis hunc modum fidelis animus in Scripturis Canonicis, ut eas quæ ab omnibus accipiuntur Ecclesiis Catholicis proponat eis quas quadam non accipiunt. In ista verò quæ non accipiuntur ab omnibus, proponat eas quas plures gravioreque accipiunt, eis quas pauciores minorisque auctoritatis Ecclesie tenent.*

XXX. Ut omnibus his satis fiat, ante omnia hic est in memoriam revocandum quid Ecclesiæ nomine intelligant adversarii. Id enim apprime necessarium est ad statum questionis probè intelligendum, & tollendam hic omnem homonymiam. Igitur sciendum est Ecclesiam hic non sumi collectivè pro tota multitudine fidelium, qui sunt & hactenus fuerunt. Nec enim de istius Ecclesiæ auctoritate propriè questio est. Et quamvis Scripturæ sacræ auctoritas nequidem ex Ecclesiæ sic sumptæ auctoritate pendeat, certum est tamen ejus testimonio & consensu duci posse argumentum pro Scripturæ auctoritate divinum & infallibile, & quod fidem nostram obliget : quandoquidem in ista Ecclesia comprehenditur Apostolica & primitiva, cujus fuit Scripturæ Canonem certa quadam & divina ratione confirmare, & fidelibus tradere, tanquam qui deinceps esset unica fidei regula.

XXXI. Pontificii verò per Ecclesiam præsentem intelligunt uniuscujusque seculi. Nec adhuc per illam Ecclesiam præsentem communitatem fidelium uno eodemque sculo viventium intelligunt : sed restringunt Ecclesiæ nomen ad præpositos & Pastores Ecclesiæ. Itaque, cum pertendant Scripturæ auctoritatem ab auctoritate Ecclesiæ pendere, mens eorum est, fidem illam, qua fidelis populus Scripturæ libros amplectitur

tur ut veros & divinos, niti testimonio Pastorum qui tum Ecclesiæ præsent; & testimonio illi acquiescere. Et hoc quia in Pastoribus & præsulibus Ecclesiæ perpetuò residet infallibilis & divina quædam auctoritas, ex qua de libri alicujus veritate & divinitate pronunciare possint: ita ut sententia & judicium illorum fidem nostram obliget. Imo illos ea esse prædixit potestate, ut liber, qui hætenus dubiæ fuit auctoritatis, & de quo in utramque partem opinari licuit, per determinationem illorum fiat authenticus, & eodem postea debeat haberi numero quo libri alii sacri & canonici.

X X X I I. Fuerunt quidem inter veteres Scholasticos qui auctoritatem illam de Scriptura infallibiliter & certò determinandi ad Apostolicam Ecclesiam restrinxerunt, & docuerunt non alio sensu tribuendam esse Ecclesiæ præsent, quam quia cum Apostolica censetur unum corpus. Et senex revera fecit quæ fecit, quum esset puer, licet jam senex non possit amplius illa facere. Quæ fuit sententia Durandi, & Thomæ Waldensis, & etiam superiori sæculo Driedonis. Sed hæc sententia hodie communiter erronea censetur. Et hodierni Scholæ Pontificiæ Doctores in priorem illam sententiam concedunt. Itaque videndum est, an ex usu & praxi Ecclesiæ, & illis præscorum Patrum argumentationibus, quæ suprà adductæ sunt, concludi possit Pastorum qui unoquoque sæculo Ecclesiam gubernant, auctoritatem tantam esse, ut sit fidei nostræ circa Scripturam regula, Scriptura ipsa quoad nos certior & notior, & qua fides nostra de Scriptura sacra, tanquam præcipuo fundamento nitatur. Illud est quod negamus: neque quicquam ad hoc faciunt probationes illæ quæ suprà allatæ sunt.

X X X I I I. Ultrò quidem concedimus Doctores Ecclesiæ antiquæ eo nomine rejecisse libros Apocryphos, quos hæretici confinxerant, & pro divinis obtrudebant, quod libri illi nunquam in Canone Ecclesiæ fuerant, neque à Doctoribus Ecclesiæ agniti, & pro divinis habiti & citati. Et hanc eorum argumentationem tanquam legitimam probamus, & simili plane modo impugnamus auctoritatem librorum illorum quos Ecclesia Romana adjicit ad Verus Testamentum supra Ecclesiæ Judaicæ Canonem: nempe, quia hi libri nunquam ab Ecclesia Judaica agniti fuerunt, etiam tum quum vera & sola esset Dei Ecclesia. Imo nec à primitiva Ecclesia Christiana, cujus Doctores cœmuni consensu, paucissimis forte quibusdam exceptis, libros illos à Canone expungunt, licet eorum lectionem in Ecclesiis admittant, tanquam utilem ad plebis edificationem. Et quamvis libri perique Apocryphi notas quasdam in se vanitatis habeant, & infirmitatis humanæ vestigia, quibus deprehendi possint illos à Deo inspiratos non esse: tamen absolute & in genere loquendo non putamus ullum esse magis idoneum argumentum, quo librorum Apocryphorum auctoritas infringi possit, quam quod nunquam vera Dei Ecclesia eos pro divinis habuerit.

X X X I V. Sed ut subsistat argumentum istud, & vim suam habeat, non necesse est ut præsentis Ecclesiæ Pastores auctoritatem habeant divinam & infallibilem, Scriptura ipsa quoad nos notior & superiorem. Nec argumentum istud simpliciter nititur eorum auctoritate: sed vis argumenti in eo consistit, quod, si libri illi Apocryphi verè divini essent, & à Prophetis & Apostolis eo fine conscripti, ut perpetua essent in Ecclesia fidei regula, proculdubio à Prophetis & Apostolis ipsis pro talibus traditi & commendati fidelibus essent, ut alii libri Canonici & cum reliquo Scripturæ Canone consignati. At si hoc factum esset, Apostolici viri & Ecclesiæ proximè succedens Apostolis, quæ tanta reverentia reliquos eorum libros suscepit, absque omni dubio istos quoque suscepisset, & si non ab omnibus, saltem à maxima, aut notabili parte fidelium admissi fuissent. Itaque quod eorum ne meminerunt quidem præscis Ecclesiæ Doctores, signum est manifestum Apostolos, quum Canonem Scripturæ consignarunt, ejusmodi libros non admisisse sed rejecisse & repudiassse. Nec ullo modo verisimile est Deum singulari sua providentia Prophetam aut Apostolum ad scribendum inspirasse, eo fine ut liber illius esset fidei regula in Ecclesia Dei & ad eruditionem & consolationem fidelium inserviret, & tamen passurum fuisse ut liber ille ab Ecclesia sua nec reciperetur nec agnosceretur.

- X X X V. Ad secundam verò illam probationem petitam ex libris de quibus olim dubitatum est quasi librorum quorundam divinorum fuerit olim dubia auctoritas, quoniam Ecclesia super illis sententiam suam nondum pronunciarat: postea verò omnis dubitatio sublata fuerit per Ecclesiæ judicium & definitionem: Dico primò librorum qui verè divini & Canonici sunt auctoritatem nunquam ita fuisse dubiam, ut de his aliquando dubitare liceret, amplius vero non liceat, quod Pontificii volunt. Etenim qui dubitarunt de Epistola ad Hebræos, & Joannis Apocalypsi, aliisque Novi Testamenti libris id temere fecerunt, & sine justa ratione. Et sicut hodie culpa non caret qui librorum

librorum illorum auctoritatem negaret, aut in dubium vocaret, ita quæque fuerunt reprehensione digni, qui libris istis olim auctoritatem sustulerunt, aut dubios eos reddere voluerunt. Quod attinet autem cæteros illos libros, quos ad Veteris Testamenti Canonem Pontificii pertinere volunt, & de quibus tamen agnoscunt licuisse olim dubitare, quemadmodum merito de illis dubitatum fuit, ita quoque hodie jure dubitari posse contendimus.

XX XV I. Secundò verò dico, nullorum librorum, qui verè divini sint auctoritatem unquam ita fuisse dubiam, ut omnes & passim de iis dubitarent. Sed dubitatio illa quorundam tantùm fuit: apud reliquos verò eorum fuit certa auctoritas. Ita verum est quidem Epistolam ad Hebræos, Epistolam Jacobi, & Joannis Apocalypsin, quibusdam fuisse suspectas, & à quibusdam habitas pro supposititiis: attamen apud plerisque Ecclesias auctoritatem suam semper obtinuerunt. Nec ullum tempus assignari potest quo non in magna orbis Christiani parte receptæ fuerint, & pro divinis & authenticis habitæ. Quod indicant ipsa loca quæ referunt adversarii tanquam suæ causæ faventia. Ita negantibus Arianis auctoritatem Epistolæ ad Hebræos responderet Theodoretus, *Oportebat eos, si non aliud, certè diuturnitatem temporis revereri, quo hanc Epistolam in Ecclesiis perpetuò legant veritatis alumni.* Et sic Apocalypsin adversus Marcionem tuetur Tertullianus, *Habemus & Joannis alumnas Ecclesias, nam etsi Apocalypsin ejus Marcion respuit, ordo tamen Episcoporum ad originem recensit in Joannem itabit auctorem.* Quod verò spectat Epistolam Jacobi, idem ille Eusebius qui dicit illam quibusdam videri *ad Hebræos adulterinam esse*, testatur eam in quamplurimis Ecclesiis fuisse publicè receptam *ad quosdam dubios.*

XX XV II. Dico tertio, eos, qui de libris illis dubitarunt, dubitandi causam non habuisse, quod eos non viderent ab Ecclesiis receptos, & antiquorum Patrum eos ad Apostolos auctores referentium traditione commendari: sed quod, re non satis expensa, putarent, in his libris quædam esse quæ non redolerent divinum Spiritum; nec satis cohererent cum fidei doctrina reliquis libris comprehensa. Ita dubitatum est in Ecclesia Latina de Epist. ad Hebræos, quod capite sexto & decimo videretur favere Novatianis, qui lapsis post baptismum omnem spem veniæ tollebant. Apocalypsis etiam suspecta fuit propter Millenarios, qui quibusdam ejus locis abutebantur, quæ ipsis in speciem favent. Judæ verò Epistola à quibusdam rejecta fuit, quoniam videtur citare librum quendam Apocryphum, qui sub nomine Enoch Patriarchæ olim circumferrebat.

XX XV III. Denique quod isti libri communi postea consensu recepti fuerunt, in causa non fuit novum quoddam Ecclesiæ decretum quo sancita fuerit eorum auctoritas; sed quæ in istis libris scrupulum quibusdam movebant paulatim lucem accipientibus, & probè intellectis, tandem deserunt esse qui dubitarent, & concesserunt omnes in sententiam præscorum Patrum, qui Apostolis proximi, hos libros tanquam ab iis acceptos posteris commendarunt: & frequenti usu atque lectione comprobarunt. Et certè quod istud non sit tribuendum Synodo Laodicenæ, aut tertiæ Carthaginensi, patet, quia Synodi illæ provinciales fuerunt, nec poterant, ex ipsa adversariorum sententia, fidem propriè obligare. Et revera de istis libris post Synodum Laodicenam dubitatum adhuc fuit. Nam tempore Hieronymi, qui fuit illa recentior, erant adhuc qui dubitarent. Præsertim vero manifestum est, nec Synodum Carthaginensem, nec Decreta PP. Gelasii & Innocentii, sustulisse dubitationem circa Veteris Testamenti libros, quos Canonicos, illi, nos Apocryphos putamus: quandoquidem usque ad Concilii Tridentini tempora, plurimi fuerunt, in ipsa Ecclesia Romana, qui librorum istorum auctoritatem rejecerant.

XX XV IX. Ad illam vero argumenti confirmationem, quæ inde petita est quod Ecclesiæ Doctores, ad confutandos varios hæreticos, qui quoddam Scripturæ libros repudiabant, perpetuo usi sunt testimonio & consensu Ecclesiæ, quo librorum istorum auctoritatem comprobarunt: Respondeo, inde minime concludi posse quod Pontificii volunt & quod in questione est, nempe auctoritatem Pastorum, qui umoque sæculo Ecclesiam gubernant, majorem quoad nos & notiozem esse Scripturæ auctoritate, fidemque nostram de Scriptura niti testimonio & judicio Pastorum qui jam Ecclesiæ præsent tanquam divino & infallibili, & tanquam præcipuo & proprio suo fundamento. Neque Doctores isti simpliciter argumentantur ex Episcoporum sui temporis auctoritate, quasi regula fidei fuisset, & ea singulorum Ecclesiæ membrorum fides obstringeretur, sed, quam hæretici illi, quos impugnabant, librorum quorundam sacrorum auctoritatem rejicerent, quasi Apostolis aut viris Apostolicis falso tribuerentur, & à Catholicis

tholicis Doctoribus confecti essent, Patres illi opposuerunt perpetuum Episcoporum atque fidelium consensum, qui jam inde ab Apostolorum temporibus, libros illos venerati sunt tanquam ab Apostolis traditos & commendatos pro veris & divinis: cui consensui fidem derogare non potest, nisi homo protervus & perversus. Etenim, si ille qui hodie negaret libros Aristotelis, Demosthenis & Ciceronis, eorum esse quibus tribuuntur convinci posset ex consensu Doctorum, qui omnibus sæculis libros istos tribuerunt magnis illis & præstantibus viris, & insuper haberetur qui Famæ tam constanti & celebri fidem denegaret: Annon pari, imò longe majori jure infans habeatur, qui se audet opponere traditioni, & famæ constantiori & celebriori, & magis adhuc continuæ, quæ libros illos, quos pro sacris habemus, ad Apostolos refert tanquam autores & approbatores?

XL. Et certe in eo vim præcipue fecisse præfatos Ecclesiæ Doctores, quum ex auctoritate Ecclesiæ librorum Canonicorum auctoritatem intaxati sunt, prout ex Augustino, qui libr. 32. & 33. adversus Faustum Manichæum, Querenti Faustus unde sciat Apostolorum esse istas literas, respondet inde se scire, unde sciebat Faustus literas illas alias esse Manichæi, & unde sciebant omnes libros quosdam esse Varroanis, Platonis & Aristotelis, & unde scitura erat posteritas libros quos tunc scribebat Augustinus, esse Augustini. Et postquam plura ejusmodi exempla explicuit & accumulavit, tandem concludit in hæc verba, *Quæ cum ita sint, qui tandem tanto furore cecidit, nisi demoniorum mendaciorum malitia atque fallacia consentiendo subversus sit qui dicat hoc mereri non potuisse Apostolorum Ecclesiam tam fidem, tam numerosam fratrum concordiam, ut eorum scripta fideliter ad posteros trajicerent, cum eorum cathedras usque ad presentes Episcopus certissima successione servaverint, cum hoc qualicumque hominum scriptis, sive extra Ecclesiam, sive in ipsa Ecclesiâ tam saliciter proveniat.*

XLI. Itaque quum liber aliquis Scripturæ in controversiam vocatur, & dubitatur an verè sit Propheticus & Apostolicus, & cum cætero Canone consignatus ab Apostolis aut viris Apostolicis, agnoscimus optimum hujus rei argumentum duci posse ab Ecclesiæ perpetuo & constanti consensu & testimonio, quo liber ille semper relatus est ad Apostolos ut autores sive approbatores, cui testimonio fides derogari non potest, abique magna impudentia atque perviciâ. Nec ullum putamus esse argumentum magis idoneum quo revinci possit homo seditarius, sive hæreticus. Nec tamen argumentum istud est divinum, sed humanum, neque vis ejus in eo consistit, quod in Ecclesiæ præpositis resideat infallibilis & divina quædam auctoritas. Id enim necesse non est ut argumentum subsistat, & vim suam habeat. Nam in iis qui rem literariam tractant nulla fingi potest talis iudicandi infallibilis auctoritas. Et tamen perpetuus literatorum consensus qui libros quosdam ascribit Aristoteli, Platoni, & Galeno, sufficit ad plenam fidem faciendam; & si quis contra niti vellet, jure merito protervus & infans haberetur. Quanto magis ergo consensus Ecclesiæ, quàm non est dubium peculiari Dei providentiâ, & Spiritus sancti assistentia regi, fidem faciet librum hunc vel illum ab Apostolo vel Propheta conscriptum, & pro divino commendatum esse.

XLI. Sed quantumvis bonum & validum argumentum sumi possit ex Ecclesiæ consensu & testimonio pro libri alicujus sacri divinitate comprobanda, negamus inde sequi auctoritatem Scripturæ ab auctoritate Ecclesiæ pendere tanquam notiori & superiori. Quod ab ipsis adversariis vel maxime invitis extorquere possumus. Nam quemadmodum Patres refellerunt hæreticos qui Scripturam negabant ex auctoritate & testimonio Ecclesiæ; ita quoque Schismaticos veram Ecclesiam Christi non agnoscentes ad Scripturas revocarunt, & ex iis veram Ecclesiam demonstrandum esse contenderunt. Sic enim Augustinus cum Donatistis agit, *utrum ipsi Ecclesiam teneant, non nisi divinarum Scripturarum Canonicis libris ostendam.* Et hodie Pontificii Ecclesiam suam, & ejus auctoritatem ex Scripturis probare conantur: Et eo se officio egregie defungi putant. Et tamen minime volunt Ecclesiæ auctoritatem quoad nos minus notam & certam esse Scripturæ auctoritate: quod est ipsum de quo hic quaritur, & quod affirmamus, illi verò negant. Igitur ex eo quod Scripturæ liber aliquis in dubium vocatus, non potest aptiori & certiori argumento contra hæreticos defendi, quàm ex Ecclesiæ consensu & testimonio. Pontificii concludere non possunt auctoritatem Ecclesiæ certiore quoad nos & notiore esse Scripturæ auctoritate: quandoquidem fateri cognatur hæreticum, qui veram Ecclesiam non agnoscit, non posse certiori & firmiori argumento revinci

quàm

quàm Scripturæ autoritate. Et tamen ab eo maximè abhorrent ut dicant Scripturæ sacræ autoritatem quoad nos autoritate Ecclesiæ priorem & notio-rem esse.

XLIII. Itaque dicendum est non omnes probationes ab eo sumi quod est simpliciter notius & certius. Etenim inter disputandum cogimur nos attemperare illis, quibuscum nobis res est: Et contra eos qui principia negant, & ea quæ sunt in se certissima, uti minus certis probationibus, & argumentis illis quæ vocantur à posteriori, hoc est, quibus quod est cognitione prius simpliciter loquendo, probatur per illud quod est cognitione posterius. Sic contra Ethnicos qui negant religionem Christianam, argumentamur sæpe ex placitis sapientum, philosophicis axiomatibus, & consensu gentium. Et tamen omnia ista tantum respectu nostri certitudinem non habent, quàm religio Christiana. Et ipsa prima principia, quibus absolute nihil est notius & certius, probamus exemplis & inductionibus, unde tamen non pendet principiorum illorum certitudo & autoritas.

XLIV. In summa ergo fatemur autoritatem librorum sacrorum per Ecclesiæ consensum & testimonium rectè & validè probari. Sed negamus tamen inde sequi quod adversarii volunt, nempe Ecclesiæ testimonium esse regulam fidei Scriptura ipsa notio-rem quoad nos. Non enim omnis bona probatio ex aliqua fidei regula & principio sumitur, nec etiam ex eo quod est simpliciter notius & certius: sed sæpe res probare cogimur ad hominem, & à posteriori.

Theſium

Thesium Theologicarum
DE
SCRIPTURÆ
PLENITUDINE ET SUFFICIENTIA

Adversus necessitatem verbi cujusdam non scripti.

PARS PRIMA.

In quâ Orthodoxorum sententia exponitur.

Thesis Prima.



CCLESiarum, quæ secessionem ab Ecclesia Romana fecerunt, superiori sæculo constans sententia est, Scripturam sacram, omnia quæ ad fidem & salutem pertinent, sufficienter continere: ita ut opus non sit alio Dei verbo, unde ea, quæ defunt Scripturæ, suppleantur. Ecclesiæ vero Romanæ Doctores, & propugnatores sententiam illam acerrimè impugnant, etque ea de re gravis controversia, quam hisce thesibus & sequentibus aliquot tractare aggredimur. Ut autem distinctius & clarius id fiat, Ecclesiarum nostrarum sententiam quàm dilucidè & distinctè à nobis fieri poterit exponemus. Deinde inquiremus in sententiam adversariorum, illamque cum nostra conferentes, manifestum reddemus quid propriè sit illud quod in questione est. Ac denique veritatem paucis confirmabimus, & adversæ sententiæ fundamenta subruemus.

II. Quod ad primum attinet, ante omnia nostri Theologi distinguunt inter ea quæ sunt ad salutem necessaria, & ea quæ ad salutem necessaria non sunt. Et quidem ea quæ sunt ad salutem necessaria Scripturæ sacræ contineri asserunt. Ea verò quæ non sunt ad salutem necessaria, ex eorum mente Scriptura contineri nihil necesse est.

III. Sed hic observandum est aliquid ad salutem necessarium dici posse duobus modis. Et primò quidem quoniam tale est, ut nemo illud ignorare queat, citra salutis periculum, neque possit ulius servari sine expressa ejus cognitione. Deinde etiam quia nullus illud rejicere potest, & contrarium ejus Ecclesia docere, quin peccet in propriam salutem.

IV. Et similiter aliquid ad fidem necessarium dicitur, vel quia necessarium est ad singulorum fidem, nec quisquam sine fide illius explicita fidelis censeri debet: vel in genere ad objectum fidei pertinet, & publicam fidem Ecclesiæ obligat.

V. Quum autem statuunt Ecclesiæ nostræ ea, quæ sunt ad fidem & salutem necessaria, in Scripturis omnia haberi, intelligunt necessaria non tantum primo modo, sed etiam secundo modo. Nec enim id solum volumus, extra Scripturam nihil esse sine cujus explicita fide & notitia ad salutem nemo pervenire possit: sed hoc quoque neminem exultimari debere in fidem Christianam, & salutem propriam peccare, eo quod rejiciat & impugnet aliquid quod Scriptura sacra non docet. Unde sequitur nostram sententiam non satis probari, inductione facta eorum quorum fides & cognitio explicita possit alicui ad salutem sufficere. Nam fides in genere ambitu suo plura comprehendit, quàm ea quorum cognitio ad salutem necessaria sit. Ad fidem autem nihil pertinere censemus quod in Scriptura non reperiatur.

VI. Ideoque ut vitetur omnis ambiguitas, nonnulli ex nostris Theologis utuntur hic distinctione clariori & commodiori. Observant enim distinguendum esse inter ea in quibus substantia est, & quasi corpus religionis Christianæ, & quæ ex vi divinæ institutionis necessaria sunt non tantum ad fidem, sed etiam ad mores formando, politiamque Ecclesiæ continendam: & alia quæ sunt tantum hujus substantiæ veluti appendices, & corporis hujus ornamenta, quæque nec ex natura sua, nec ex divina institutione, necessaria sunt, sed indifferentia, ordinisque tantum & decoris gratia in usum recepta: ut sunt multe disciplinæ partes variis Canonibus sancitæ, ritus etiam & ceremoniæ variz, tum universales, tum particulares, observationes libere quidem, sed hæcenus ut nemo sua privata autoritate illa possit aut debeat contemnere rejicere.

VII. Res prioris generis asserimus sacra Scriptura contineri, non item alias istas, quæ sunt ad Ecclesiæ fidem, mores & disciplinam veluti accidentariæ. Multa enim quæ pertinent ad varias divini cultus & Ecclesiasticæ politiz circumstantias, fatemur non esse sigillatim in Scriptura tradita; sed relicta prudentiæ præpositorum Ecclesiæ, sub hoc generali præcepto, ut omnia fiant ordine & decenter in Ecclesia Dei. Unde patet ab Ecclesiæ Romanæ Doctoribus frustra contra nos in hac controversia, varias instantias peti à ritibus, statutis & ceremoniis quibusdam, quæ in Ecclesia antiqua, sive Judaica sive Christiana, olim observata sunt, & etiamnum apud nos servantur tam in divino cultu, quam in politia Ecclesiastica, etiam si nihil deis in Scriptura constitutum sit.

VIII. Igitur quæ sint illa, quæ Scripturâ sacrâ contineri dicimus, ex dictis manifestum est. Deinceps videndum est, qua ratione & modo ex sententia nostra in Scriptura contineantur. Porro dogmata & præcepta quædam in aliquo libro possunt contineri duobus modis. Primum quidem *αὐτοτελῆ* & iisdem verbis. Secundò in substantia, & verbis æquipollentibus. Nostra autem sententia non est omnia fidei dogmata, atque vitæ præcepta quæ traduntur ab orthodoxis, totidem verbis in sacra Scriptura reperiri. Istud quidem nobis imputant hodierni quidam vitiligatores, qui ex eo quod profiteamur nihil nos extra Scripturam in religionis negotio suscipere, exigunt ut quæcunque scribimus & docemus, totidem verbis & syllabis in Scriptura sacra ostendamus. Verum nobis sufficit ad credendum aliquod dogma, ut Scriptura sacra illud in substantia contineat. Ita Scriptura Sacra nullibi habet hæc verba. *Deum est unum & trinum.* Et tamen istud certa fide credimus, quin quod eodem recidit Scriptura dicit *tres esse in celo, Patrem, Verbum, & Spiritum, & hos tres unum esse.* Et pluribus in locis testatur Deum esse unum, & tamen Patrem esse Deum, Filium esse Deum, & Spiritum sanctum esse Deum.

IX. Priori autem isti distinctioni affinis est altera. Nam aliud est continere expressè & immediatè, aliud mediatè & per consequentiam. Et Scriptura quidem, ex nostrorum mente, omnia fidei dogmata non continet immediatè & expressè. Sed nihil est ad fidem & religionem necessariò pertinens, quod ex Scriptura deduci non possit per bonam & apertam consequentiam. Sic non dicit expressè Scriptura, Christum duas naturas habere, & in eo duas esse voluntates. Attamen ad fidei veritatem utrumque pertinet: quoniam apertè ex eo consequitur, quod Scriptura docet pluribus in locis, nempe, Christum verum Deum, & verum hominem esse.

X. Unde patet rursus hodiernos Sophistas injustè nos vexare, quum aliquod dogma nostrum per bonam consequentiam ex Scriptura eruimus. Quasi in eo rehgerimus legem à nobis positam; qua statuimus Scripturam unicam esse fidei & religionis regulam, cui nihil addendum, nihil detrahendum sit. Nam ex Scriptura aliquid deducere, non est ei aliquid addere, aut aliam fidei regulam substituere: sed illa ipsa quæ continet,olvere, & reconditos ejus thesauros explicare. Ita dicuntur in Actis Prophetæ Christo attestari, fore ut qui credit in eum remissionem peccatorum per nomen ejus accipiat. Neque tamen istud ullibi expressè positum, reperitur apud Prophetas. Sed dicuntur Prophetæ testari quod ex testimoniis eorum deducitur.

XI. Præterea dogmata quædam ex aliquo principio deduci possunt duobus modis. Primum sigillatim, distinctè & per se. Deinde generatim confusè, & per aliud. Sic omnia religionis Christianæ dogmata & instituta ex Scriptura veteris Testamenti probari non possunt per se & sigillatim. Ut, exempli gratia, fideles esse baptizandos in Nomine Patris, Filii, & Spiritus sancti ex veteri Testamento satis probari non possent, si nullum aliud fidei principium suppeteret præter illam veterem Scripturam. Et tamen omnia quæ ad Evangelicam doctrinam pertinent ex veteri Testamento in genere probari

bari possunt, quatenus inde potest efficaciter demonstrari Iesum Nazarenum esse Messiam, & Dei Filium à Prophetis promissum adeoque doctrinam illius veram & divinam esse, & ejus instituta tanquam divina à nobis amplectenda. Quæ generatim & confusè tantum ex aliquo principio colligi, & deduci possunt, in eo continentur virtute atque in semine. Quæ verò ex eo probantur distinctè & sigillatim expressè dici possunt aliquo modo in eo contineri: licet strictiori sensu expressè idem significet ac dilertè & immediate.

XII. In hac autem disputatione sententia nostra non est omnia religionis Christianæ instituta, & fidei dogmata confusè solum atque generatim ex Scriptura probari posse, sed distinctè & sigillatim, adeoque hoc quidem sensu, dici posse in Scriptura expressè contineri non virtute tantum, atque in semine.

XIII. Quandoquidem autem omniaque ad fidem pertinent Scriptura sacra continentur, quomodo jam expositum est, inde colligitur Scripturam esse fidei regulam perfectam & sufficientem. Quæ tamen sufficientia non excludit necessitatem ministerii Ecclesiastici, quo, juxta ordinem à Deo constitutum, doctrina cælestis ex Scriptura hauritur, & fidei populo per suos pastores & doctores traditur: tum quoque interni Spiritus magisterii, quo fideles ducuntur in notitiam doctrinæ ex Scriptura hausæ atque propositæ, & sine quo illam discernere, & salutariter amplecti non volent. Sed ista Scripturæ sacræ perfectio & sufficientia, excludit solummodo necessitatem alterius regulæ, quam Scripturæ sacræ adjungi necesse sit, ut integram fidei doctrinam habeamus. Unde patet nihil agere Ecclesiæ Romanæ Doctores, qui nobis ad salutem Scripturam non sufficere inde probare conantur, quod aliqui frustra forci ministerium Ecclesiasticum, cujus tamen necessitas in ipsa sacra Scriptura commendatur.

XIV. Verùm ad pleniorẽ quæstionis hujus intelligentiam, hîc quoque est animadvertendum ea quæ in scholis nostris tractari solent, & in publicis nostrorum confessionibus proponi, & exponi, vel consistere in admissione verorum principiorum fidei & religionis, & rejectione eorum quæ pro talibus principiis immeritò & falsò obtruduntur: vel esse doctrinam ipsam ex veris principiis hausitam atque deductam. Et fidei quidem principia Scriptura sacra contineri dicimus, quoniam sunt ipsa Scriptura. Nec enim Ecclesiæ nostræ ulla fidei principia admittunt, præter libros divinitus inspiratos quibus constat Scripturæ corpus.

XV. Sed plenitudo & sufficientia quam Scripturæ sacræ tribuimus, nullo modo requirit, ut ex ea fidei principia probari & demonstrari possint, verbi gratia, hunc, aut illum librum divinum esse atque Canonicum. Etenim cujusvis regulæ perfectio in eo consistit, ut sit reliquorum omnium quæ sint ejusdem generis mensura, minimè verò ut sit regula sui ipsius. Neque in ulla disciplina requiritur in principiis, ut seipsa probent & demonstrant, quod absurdum est & impossibile, sed in suo genere sat perfecta habentur, si ex his omnia quæ ad talem scientiam, & disciplinam pertinent, probari & demonstrari possint.

XVI. Quemadmodum igitur in disciplinis omnibus humanis sunt principia quædam, unicuique arti & scientiæ propria, ex quibus deducuntur & probantur conclusiones & propositiones omnes, quæ pertinent ad artem & scientiam cujus sunt principia, ipsa verò in eo genere per se certa sunt nec demonstrari queunt: adeoque dici possunt esse veluti regulae independentes, & per quam probantur omnia, quæ ad talem artem aut scientiam spectant, licet ipsa sese probare nec possint, nec debeant: sic quoque res se habet in divina & cælesti doctrina. Nam quum Theoremata, & propositiones ejus ad examen revocantur, & queritur quod sit eorum fundamentum, necessariò deveniendum est ad principia quædam, ultra quæ in eo saltem genere, procedi non possit: Ac per consequens, quæ non possunt per alia fidei principia, probari, & à quibus quoque exigi non debet, ut seipsa probent, quandoquidem seipsum nihil probare potest: Et quæ tamen haberi debeant pro sufficienti & perfecta fidei regula, quoniam cætera omnia, quæ ad fidem pertinent, per ipsa probantur atque demonstrantur.

XVII. Ex communi quidem Theologorum sensu, in eo discrimen est inter principia fidei, & principia scientiarum, quod principia scientiarum per se nota sunt, & evidentia, & sua luce assensum extorquent à naturali rationis lumine: principia verò fidei, non habent parem evidentiam, adeoque, sicuti par est, credi & suscipi non possunt, nisi per illuminationem internam Spiritus sancti. Attamen in hoc conveniunt, quod sicuti principiis naturalibus assentimur immediate per naturale lumen intellectus, non verò per alia notiora quædam principia, per quæ demonstrata fuerint,

fuerint : ita quoque fidei principiis credimus immediatè, per Spiritus sancti illuminationem, non verò intervenitu probationis alicujus, quæ ducta sit ex aliis notioribus in hoc genere principiis.

XV III. Habere quidem debent prima fidei principia divinitatis & veritatis suæ notas & characteres, & argumenta quibus probentur & suadentur : sed directè & propriè seipsa probare non possunt : nec etiam ab aliis pendent fidei principiis, unde auctoritatem & fidem mutuuntur. Jam verò prima illa religionis regula, & Christianæ fidei principia nobis sunt Scripturæ divinæ constantes certo numero librorum *Stundor.* Ac proinde sacræ Scripturæ auctoritas, juxta sententiam nostram, ex ipsa Scriptura probari non debet, sed ab omnibus Christianis immediatè & propter se suscipi.

XIX. Sed quemadmodum, si prima cujusdam scientiæ principia negentur ab homine contentiosio, non probantur illa ex seipsis, sed illius scientiæ fines transire necesse est, & aliunde eorum probationes quærere : aut etiam recurrere ad quædam minus nota quibus probentur à posteriori, & ad hominem illum ; neque hoc quicquam derogat principiorum illorum perfectioni & sufficienciæ : Ita si Scripturarum sacrarum divinitas in dubium vocetur, ut sit ab Ethnicis & profanis hominibus, probanda quidem erit, non tamen ex proprio earum testimonio, aut ex alio quopiam fidei principio, neque ampliùs suppetunt probationes quas vocant de fide, hoc est, quæ petite sint ex propriè dictis fidei principiis, sed aliæ probationes adhibendæ erunt, quæ petuntur ex variis notis, tum intrinsicis, tum externis, quibus Scripturæ sacræ divinitas innotesce-re, & confirmari potest. Neque hoc obstat quominus, fidelium respectu, plenissima sit & perfectissima religionis & fidei regula.

XX. Atque hinc patet quomodo occurrendum sit argumento, quo se plurimum jactant Pontificii, dum, scilicet, se demonstrare putant Scripturam non esse plenam & sufficientem fidei regulam, quoniam ipsa Scriptura per Scripturam probari non potest. Nec enim ut patet ex dictis, ad perfectionem & sufficientiam regulæ requiritur, ut possit seipsam probare. Sed satis est ut per eam examinari & probari possint omnia præter ipsam quæ sunt ejusdem generis. Ac præterea in fidei analysi, nisi quis velit admittere circulum, aut progressum in infinitum, quorum utrunque absurdum est, necesse est devenire ad principium quoddam in quo sistendum sit, & quod probari non possit per aliud in eo genere notius, nec etiam seipsum probare, quandoquidem, ut dictum est nihil probat seipsum.

XXI. Sicut autem ad perfectionem, quam Scripturæ sacræ tribuimus, non requiritur, ut seipsam probet, ita quoque nihil necesse est, ut, quæ falsò obtenduntur fidei principia per Scripturam directè & expressè rejici possint, atque ad hoc exigantur Scripturæ testimonia. Sed quemadmodum veris fidei principiis immediatè credimus, per illuminationem & persuasionem internam Spiritus sancti, qui homines eò suaviter adducit, non per aliud quoddam fidei principium, sed sapientum motivis & notis quibusdam quibus divinitas eorum innotescit : sic ad rejicienda & non admittenda quæ falsò putantur fidei principia sufficit ut destituantur veris verorum principiorum notis, & in iis notari possint ignorantie & imbecillitatis humanæ vestigia.

XXII. Ac proinde Scripturæ perfectioni nihil obest, si demonstrari per eam non possit hunc aut illum librum, qui falsò Canonicus præsumitur, revera Apocryphum esse. Et, etiamsi omnino fileret de non scriptis traditionibus, ad illas rejiciendas sufficere deberet, quod ideonis argumentis eorum auctoritas suaderi & probari non potest sicuti Scripturæ divinæ. Neque nostrum est probare illas non esse divinas, sed eis qui illas urgent atque teneant, probandum incumbit illas divinas esse.

XXIII. Quod spectat autem ad doctrinam quæ ex Scriptura hauritur, & in scholis proponi solet, vel consistit in iis quæ in Scriptura sacra reperiuntur diserte & expressè posita, aut saltem quæ ex illis per consequentias proximas & evidentes deducuntur : cujus generis ea esse debent, quæ tanquam articuli, & capita fidei credenda Christiano populo proponuntur, cum nota hærescos in illos qui contraria docent. Vel in iis quæ quidem ex Scriptura rectè & bene deducuntur, sed tamen non ita clarè, & evidenter, & per consequentias magis subtiles & remotas : quod genus propriè non sunt articuli fidei, sed veritates, aut opiniones tantùm Theologicæ, quarum contrarium gravius appellari non debet, quàm error ; non verò nomine hærescos notari. Quemadmodum Doctores Ecclesiæ Romanæ ea tantùm esse de fide statuant, quæ sunt à Conciliis suis perspicuè & expressè definita, non verò quæcumque nectendo consequentias de consequentis ex iis sese rectè colligere posse putant. Ideòque distinguunt inter fidei dogmata

mata, & Theologorum suorum placita, atque sententias, prioribus hæresin, posterioribus errorem opponentes.

XXIV. Inde verò colligi potest quid sit respondendum adversariis, dum impugnantes sufficientiam, quam Scripturæ sacræ tribuimus, obijciunt quædam in nostris Ecclesiis teneri, & doceri, quæ tamen per consequentias tam apertas & necessarias ex Scriptura non deducuntur, ut possint Christiani populi fidem obligare, nisi aliunde divina quædam autoritate fulciantur; ex. gr. non esse de novo baptizandos eos qui semel apud hæreticos baptismum susceperunt. Etenim dogma istud, & alia nonnulla in Ecclesiis nostris tenentur quidem, & docentur, ut Scripturæ consentanea, & præterea longo usu & communi fidelium suffragio probata, quæ propterea temerarium est damnare atque rejicere: nec tamen eam illis tribuimus necessitatem, ut Christianorum fidem necessariò obligent: adeo ut qui aliter sentit sit è fidelium numero expungendus, & accensendus hæreticis, quibus minime vellemus annumeratum Cyprianum virum sanctum & Christi martyrem, qui de baptismo hæreticorum non idem sensit quod Ecclesiæ nostræ.

XXV. Porro, ex iis quæ jam exposita sunt, satis manifestum est, quo sensu commendemus Scripturæ plenitudinem, & sufficientiam, & inculcemos illam omnia quæ sunt ad fidem & salutem necessaria continere. Istam autem perfectionem non tantum tribuimus Scripturæ Veteris & Novi Testamenti, prout ab Apostolis, & viris Apostolicis nobis designata est: sed, ex quo Deo visum est verbum suum scripto tradere, existimamus Scripturam semper continuisse omnia quæ Dei populo & Ecclesiæ necessaria erant ad Deum rite colendum, & salutem adipiscendam: nec opus fuisse aliò recurrere ad hauriendam fidei & salutis doctrinam.

XXVI. Neque contra hoc facit quod Scriptura, qualis jam est, non pauca ad salutem necessaria continet, quæ desiderantur in quinque libris Moïsi, quibus solis constitit aliquandiu Scripturæ sacræ corpus. Etenim sciendum est omnibus ætatibus non eadem fuisse ad salutem necessaria. Nam plurima nunc sub novo Testamento ad fidem & religionem necessariò pertinent, quæ non semper eandem habuerunt necessitatem. Siquidem Deus omnia cælestis sapientiæ mysteria non revelavit simul & semel: sed ut loquitur Apostolus Hebr. 4. *πολυτρόπῳ & πολυτρόπῳ* multis partibus atque multis modis. Atque, ex quo primum doctrina cælestis scripto consignari cæpit, paulatim crevit divinæ revelationis lumen, donec ultimis temporibus Christus doctrinæ cælestis plenitudinem attulit, & totum de nostra salute consilium nobis annuntiavit.

XXVII. Crescente verò doctrinæ cælestis claritate, & amplitudine, crevit quoque Scripturarum corpus. Nam prout Deus, juxta varia Ecclesiæ, sive articula, aliquid de novo Prophetis & Apostolis revelavit, illud summatim scripto tradiderunt. Unde procedente tempore auctus est Scripturæ Canon.

XXVIII. Sed quantum plura Deus revelavit, & magis distinctè, tanto plenior & magis distinctam fidem ab hominibus exegit. Quum vero parciore atque obscuriore erat revelatio, ad pauciora quoque fides extendebatur. Nam mensura fidei est divina revelatio: neque ad salutem opus est plura nosse & credere, quàm sint ea quæ Deus revelavit.

XXIX. Itaque quanquam Scriptura, quum primum per Moïsen data est, non omnia contineret quæ nobis nunc necessaria sunt, sufficienter tamen continebat ea quæ tunc populo Israelitico necessaria erant. Eamque perfectionem semper habuit Scriptura divina, ut omnia complecteretur, quæ Ecclesiam facere & scire opus erat.

XXX. Id tamen intelligendum videtur cum hac cautione, nempe sublati viris *Scripturæ* per quos crevit divinæ revelationis lumen, & editis eorum scriptis. Ut excipiat tempus quo viva vox eorum in Ecclesia resonabat, nec dum scriptis consignaverant quæ Deo placitum erat de novo ipsis revelare. Nam, exempli gratia, quum Apostoli prædicare cæperunt, neque adhuc quicquam scripserant, Scriptura veteris Testamenti non continebat omnia ad salutem necessaria, nisi confusè & implicite, quatenus nos ad verum Messiam remittebat, à quo plenius de Dei voluntate edocermur.

XXXI. Sed postquam terris exempti sunt, & in cælum translati illi, quorum ore & calamo Deo visum est uti ad sua mysteria Ecclesiæ tradenda, nihil ad fidem & salutem pertinere existimandum est, quod non reperitur in scriptis quæ reliquerunt, & fidelibus commendarunt, ut in Ecclesia essent fidei norma & regula. Nec eorum doctrina alibi quàm in eorum scriptis tuto & certò queri & inveniri potest.

XXXII. Ultro quidem fateamur Prophetas & Apostolos hominèsq; alios à Deo inspiratos,

inspiratos, plurima vivâ voce dixisse & docuisse, quæ in sacris literis verbatim expressa non reperiuntur. Nec etiam negamus fieri potuisse ut Apostoli & viri *divini* in Ecclesia olim multa ordinaverint, circa formam divini cultus, & varias Ecclesiasticæ politię circumstantias, quæ non sunt in sacris literis perscripta. Atque etiam historica nonnulla ab iis accepta potuisse apud fideles conservari & transmitti ad posteros.

XX XIII. Verum illud arctè tenemus, summam eorum, quæ homines sancti, divino Spiritu acti, docuerunt & prolocuti sunt, quantum ad salutem & fidem sufficit Scripturæ sacra contineri; nec quicquam eos docuisse, quod sit ad religionem alicujus momenti, quod in sacris literis abunde traditum non sit.

XX XIV. Præterea quoque asserimus, ea, quæ ab Apostolis instituta fuerunt circa ritus divini cultus, & Ecclesiastici regiminis circumstantias, & de quibus tamen Scripturæ sacre silent, esse potestati Ecclesiæ permissa, ut ea, pro temporum & locorum ratione, variè immutare possent; sub hac tantum regula & cautione generali, ut omnia fiant ordine & decenter in Ecclesia Dei.

XX XV. Denique, quod præcipuum est, & unde reliqua sequuntur, illud constanter affirmamus eorum quæ Apostoli docuerunt, aut instituerunt, nihil nos pro omnino certo & comperto habere, nisi ea quæ sunt tradita & consignata in sacris literis. Et hoc quia post Apostolos, & viros Apostolicos, nulli amplius fuerunt in Ecclesia viri *divini*, extra omne erroris periculum positi. Adeoque quicquid de dictis & factis Apostolorum, præter scripta Canonica, ad nos usque pervenit, non habemus nisi ex fide hominum infirmorum, qui & falli & fallere potuerunt.

XX XVI. Unde patet nullam esse traditionem non scriptam, quæ autoritate comparari debeat cum scriptis divinis & Apostolicis: adeoque Scripturam esse unicam fidei regulam, cui alia non possit adjungi quæ vim eandem habeat obligandi conscientiam, & fidem obstringendi. Ac proinde, si ipsa sufficiens non esset, neque omnia, quæ ad fidem pertinent, contineret, sequeretur ecclesiam ejusmodi regula sufficienti carere, nec illius salutis sufficienter fuisse provisum.

XX XVII. Atque hinc est quod à sacre Scripturæ autoritate negativè argumentamur. Quandoquidem enim eorum quæ Deus per Prophetas & Apostolos revelavit, nihil omnino certi ad nos pervenit, præter ea quæ ipsi divinitus scripto mandarunt, ut aliquid rejiciamus tanquam ad fidem non pertinens, satis est ut in Scriptura fundamentum non habeat, nec possit ex ea probari & deduci.

XX XVIII. Itaque non omnino quidem contemnimus, & rejicimus traditiones non scriptas circa res historicas, & Ecclesiarum ritus, ordinem, atque politiam: sed tamen nullas admittimus circa fidei dogmata, & ea quæ ad mores pertinent. Neque putamus illa quæ Spiritus *sanctus* judicavit opus esse scripto mandari per suos amanuentes Apostolos & Evangelistas, tanta certitudine à nobis sciri posse, aut eandem auctoritatem in Ecclesia habere, ac illa quæ scriptis voluit consignari, ut æternæ legis vim in Ecclesia haberent.

Theſium

Theses Theologicæ:

D E.

AUTHORITATE
VULGATÆ

Versionis Latinæ.

PARS PRIMA.

*In qua exponitur quis sit illius author. Et etiam quæ sit
illius authoritas secundum Doctores Ecclesiæ Romanæ.*

Thesis Prima.

PER Versionem Vulgatam intelligitur illa qua Ecclesia Romana communiter utitur. De qua versione duo in quæstionem vocantur. Quis sit illius autor, & quæ sit ejus authoritas. Quod ad prius attinet, non convenit inter Doctores Ecclesiæ Romanæ quis sit vulgatæ versionis author, sed variant eorum hac de re sententiæ. Ad quarum intelligentiam, sciendum est olim, ante Hieronymi & Augustini tempora, plurimas extitisse translationes Latinas, quæ omnes non erant expressæ ex textu Hebraico, sed ex interpretatione Septuaginta Seniorum. Verum inter illas omnes Latinæ editiones una quædam eminebat, & maximè erat in usu, eaque verus & vulgata editio dicebatur. Atque hæc est quam Augustinus Italiam vocat, & cæteris omnibus Latinis versionibus anteponit. *Lib. 2. de Doctr. Christi. cap. 15.*

III. Porro quam Hieronymus suo tempore videret tot dissosas scripturæ interpretationes, in quarum singulis non pauci inveniebantur errores interpretum, & menda scribarum, & ipse quoque scripturam Latinè vertere aggressus est. Et quidem Verus Testamentum bis vertit. Primum ex Græco textu Septuaginta interpretum. Deinde ex textu Hebraico, in quam versionem præcipuè summa cura incubuit, ut dubia, quæ oriebantur ex discrepantiâ & contrarietate variarum versionum, tollerentur illas conferendo ad istam, quæ ad veritatem Hebraicam exacta erat. Novum verò Testamentum non tam de novo vertit, quam veterem versionem repurgavit & emendavit, illam ad Græcum contextum exigendo, ubi videbatur ab eo aberrasse.

III. Cæterum versio illa Hieronymi ex Hebræo, quamvis novitate sua nonnullos offenderet, & inter alios Augustinum ipsum, magno tamen cum applausu multorum excepta est, moxque cepit in quibusdam Ecclesiis recipi & publicè legi. Et paulatim sublata offensione, quam in principio novitas attulit, communiter tandem recepta est in Ecclesia Latina; licet prior illa non contemneretur, neque omnino cessaret usus ejus.

I V. Quod obtinebat tempore Gregorii Magni Episcopi Romani, circa sexcentelimum à Christo nato annum. Tunc enim, ut ipse testatur in Epistola ad Leandrum, Ecclesia Romana duplici translatione utebatur, *Novâ*, scilicet, & *Veteri*. Ubi per novam versionem intelligit Hieronymianam, per veterem vero illam quæ ante Hieronymum in usu publico fuit, & quam Italiam nominat Augustinus.

(1)

V. Po. 3

[Place this betwixt Fol. 60. and 61.]

Concilium Tridentinum, cujus hæc sunt verba Sessione quarta. *Sacrosancta Synodus considerans non parvum utilitatis accedere posse Ecclesie Dei, si ex omnibus Latinis editionibus, quæ circumferuntur sacrorum librorum, quænam prout authentica habenda sit, innotescat, statuit & declarat ut hæc ipsa vetus & vulgata editio, quæ longo iam sæculorum usu in ipsa Ecclesia probata est, in publicis lectionibus, disputationibus, prædicationibus, & expositionibus pro authentica habeatur, ut nemo illam rejicere quovis prætextu audeat, vel præsumat.*

XIII. Quibus verbis summa planè & absoluta auctoritas editioni vulgatæ aperte tribui videtur, & sine ullis ambagibus. Sed nihilominus inter Ecclesie Romanæ Doctores non convenit quantum sit editioni vulgatæ tribuendum. Et de Decreti Tridentini sensu plurimum dubitatur & disputatur in utramque partem.

XIV. Sed ante omnia notandum est Patres ipsos Tridentinos non ausos fuisse hanc definitionem anathemate sancire, & hæreticis accensere eos, quibus editio vulgata non omni ex parte probaretur. Ideoque hanc definitionem non posuerunt inter Concilii Canones, quorum singulis subjicitur anathema, sed illam incluserunt decreto Reformationis, quo non putant tanto cum rigore fideles obligari, ut monet historia Concilii Tridentini libro secundo. Quapropter minus mirum est, si de versionis hujus summa auctoritate non usquequaque constet inter ipsos Scholæ Romanæ Doctores.

XV. Ut autem clarius pateat quid illi sentiant de auctoritate hujus editionis, & quatenus inter se super hoc articulo consentiant, aut dissentiant, sciendum est nullos esse in Ecclesia Romana qui non agnoscant in hanc editionem errata multa irrepsisse vitio Librariorum, eorumque incuria & negligentia factum, ut multis in locis corrupta & vitata fuerit; præsertim quando illam authenticam declaravit Concilium Tridentinum.

XVI. Ideoque illud ipsum Concilium, in quo statutum est illam nullo prætextu esse rejiciendam, illud, inquam, Concilium sanxit ut imprimeretur quam emendatissimè, & id operis mandavit viris Doctis, ut emendationi & correctioni ejus diligenter incumbere. Monentque Salmeron atque Andræus, quorum uterque Concilio Tridentino interfuit, voluisse Synodum omnes archare ad editionem Latinam amplectendam, non simpliciter, sed dummodo esset à vitiis quæ in eam irrepererunt, & ab omnibus mendis emaculata; & editionem illam veterem ita commendare, ut errores qui in eam vel Librariorum incuria, vel aliorum fortasse audacia sunt inveci nimium velit repurgatos. *Tom. 1. proleg. 3.*

XVII. Idcirco ante & post Concilium Tridentinum multi viri docti Romanæ communionis aggressi sunt hanc editionem corrigere & emendare. Et quidem ante Concilium Isidorus Clarius Abbas, qui postea istius Concilii pars fuit, usque ad octo errorum millia in versione Vulgatæ annotavit & emendavit, in editione quam excudendam curavit Venetiis anno 1542, ut testatur ipse in præfatione quæ editioni illi præfixa est. Imo Sanctes Pagninus Lucentis Monachus Dominicanus tantam in Vulgatæ versione depravationem agnovit, ut putaverit e re esse novam scripturæ totius versionem moliri: quod ipse aggressus est, hortante Leone Decimo Pontifice, & sumptus operi necessarios præbente, ut scribit Sixtus Senentis Bibliothecæ Sanctæ lib. 4. Idemque Leo Pontifex probavit Erasmi Lucubrationes in Novum Testamentum, in quibus Vulgatæ versionis errores summa cum libertate notat & reprehendit.

XVIII. Post Concilium verò Tridentinum Lovanienfes Theologi, ut Concilio istius desiderio satisfacerent, conati sunt versionem vulgatam emendare, & ejus editionem quandam, prout ipsis visum fuit, emendam publicaverunt. Tandemque ipsi Romani Pontifices in emendationem istam incubere, & peculiarem cœtum Cardinalium, aliorumque virorum selegerunt, qui isti operi continuo vacarent. Et primi quidem hanc curam susceperunt Pius IV. & Pius V. qui illi proximè successit, sed uterque re infecta mortuus est.

XIX. Paucis verò post annis Sixtus V. opus à suis decessoribus susceptum, non confectum acriter prosecutus est. Itaque viros Doctos & linguarum peritos undique accevit, eorumque opera editionem Latinam recognovit & emendavit plurimis in locis: atque sic emendam in Bibliotheca Vaticana à se extracta excudi curavit. Utque res magis solenniter & incorruptè periceretur, sua manu correxit, si quæ errata præ vitio obreperant. Nec id tantum, sed huic suæ editioni Bullam solennem præfixit, in qua postquam exposuit quanta cura & diligentia illam curavit emendam, statuit & decernit veterem editionem, quæ pro authentica à Tridentina Synodo recepta est, censendam esse illam ipsam, quam tunc prout optimè fieri potuit, emendam, & ibi Typographia Vaticana impressam divulgavit. Vultque haberi pro verâ, legitimâ, authentica, & indubitata in omnibus publicis privatisque disputationibus, prædicationibus, explanationibus.

XX. Neque tamen Schola Romana in hac editione Sixti tanquam omnibus mendis repurgata conquevit. Quantacunque enim illam auctoritate munierit Sixtus, & quantumvis ejus puritatem exaggeret, statim post Sixti mortem, hanc editionem rursus emendare aggressus est Georgius XIV. Emendationem vero perfecit Clemens VII. Quam Paparum contradictionem exagitat Thomas Jancius Anglus libello cui titulum fecit *bellum Papale, sive Concordia discors Sixti V. & Clementis VIII.* Ubi committens has editiones, ostendit priorem à posteriori ita discrepare, ut non cognoscas eandem esse: nempe Sixtum magna ex parte secutum esse Hentenium & Lovanienſes, Clementem vero veritati Hebraicæ, Chaldaicæ, & Græcæ magis adhaſiſſe. Unde ſequitur editionem illam, cujus puritatem & integritatem tantopere Sixtus commendarat, nihilominus judicio Clementis multis erroribus fuiſſe inquinatam, quandoquidem illam emendatione nova egere judicavit.

XXI. Verum quamcunque operam ſive Sixtus ſive Clemens adhibuerint ad errata veteris editionis corrigenda, non ideo tamen putant Eccleſiæ Romanæ Doctores ſe editionem habere ab omnibus omnino mendis & erroribus repurgatam. Imò nequidem Clemens ipſe VIII. de editione ſua tantum præſumpſit, ut teſtatur præſatio Clementinis Biblii præfixa. *Accipe, inquit, Vetus & Vulgatam Sacra Scriptura editionem quanta fieri potuit diligentia caſtigatam, quam ſicut omnibus numeris abſolutam, pro humana imbecillitate affirmare difficile eſt, ita cæteris omnibus, que ad hanc uſque diem prodierunt, emendatiorem purioremque eſſe minime dubitandum.* Imò, ut ſubjicit eadem præſatio, in editione illa quædam mutanda conſultò immutata relicta ſunt, ad offenſionem populorum vitandam.

XXII. Quod fatetur quoque Bellarminus Epistoſola quadam ad Lucam Brugenſem. *Scias velim, inquit, Biblia Vulgata non eſſe à nobis accuratiſſimè caſtigata: multa enim de industria, juſſu de cauſis pertransuiſimus: que correctione indigere videbantur.* Ideoque Lucas iſte Brugenſis non tantum concinnavit indicem correctorium, in quo diligenter notat ea que in Pontificiis Bibliis emendata ſunt, nè deinceps in ſublata vitia recideretur: ſed altero quoque libello complexus eſt alias lectionum varietates, quibus, ut ait, cepta correctio Bibliorum Latinorum perfectior reddi poſſit.

XXIII. Itaque certum eſt Theologos omnes Eccleſiæ Romanæ, quantacunque tribuant auctoritatem Latine Vulgatæ, agnoſcere tamen illam ſcribarum & Typographorum culpa & incuria fuiſſe depravatam, indeque multa menda uſque hodie in ea remanere, quantumlibet ſtudium in ea corrigenda adhibuerint multi viri Docti, imò etiam ipſi Pontifices. Neque per errores illos quos attribuant ſcribis & Librariis intelligunt tantum eos quibus corrupti ſunt quidam codices particulares, quique ex collatione aliorum exemplarium à quibuſvis poſſunt facile deprehendi, ſed ſolemnes quosdam, ut ſic dicam, & inveteratos errores, qui aut codices omnes, aut eorum partem maximam perſeſerunt, quique ſunt uſu velut confirmati.

XXIV. Sed præter errores illos quos in Vulgatam invexit ſcribarum culpa & negligentia, atque etiam ſepe ipſorum emendatorum audacia & imperitia, vix ulli ſunt in Schola Romana qui non alios agnoſcant in hac Verſione defectus, qui reſiſtuntur in interpretem ipſum. Et certè necceſſe eſt ut ultro ſibi conſingat oculos, imò pluſquam excuſus ſit, qui non agnoſcit in ea frequentes ſoleciſmos & Barbariſmos, plurimæque ambiguitas, obſcurè, incommodè, & improprie verſa. Ideoque illi ipſi qui in Eccleſia Romana plurimum huic verſioni tribuunt, hac in parte dant manus, ſatenturque hunc interpretem minus commodè loqui, & uti verbis parum congruis & accommodatis. Et hæcenus videntur Scholæ Romanæ Theologi inter ſe convenire.

XXV. Sed deinceps incipiunt diſcordare ab invicem. Qui enim inter eos habent aliquid candoris agnoſcunt Vulgatam interpretem, non tantum deſeciſſe in delectu verborum & loquendi formulis, ſed identidem illum in rebus ipſis lapſum eſſe, ſenſumque textus nec aſſecutum eſſe, nec expreſſiſſe in verſione ſua: Ideoque ſeculiſ etiam Librariorum erroribus, nolunt illam authenticam & ab errore immunem ſimpliciter & in omnibus eſſe, ſed ſolummodo in iis que ad fidem & mores pertinent.

XXVI. Hanc ſuorum ſententiam prolixè reſert & explicat Bannes in 1. Tho. quæſt. 1. art. 9. *Aſſeris hæc ſententia, inquit, quod interpret Latine editionis Vulgatæ, in quibusdam que neque ad fidem, neque ad mores pertinebant, hallucinatus eſt. Atque ita intelligunt ſacra Synodi Decretum de Vulgate editione, que nimirum pro authentica habenda ſit in rebus ad fidem & mores pertinentibus.*

XXVII. Eam vero ſententiam tribuit multis Theologis quos pios & Catholicos vocat, ut Lindano, Sixto Senenſi, Melchiori Cano, Bartholomæo Medinæ, Andradio & Vegg,

Vix, qui asserunt veterem interpretem non affectum esse perfectam cognitionem omnium quæ interpretanda suscepit, & in illius lucubrationibus extare humanæ imbecillitatis Vestigia, neque illum fuisse ab omni errore immunem. Ideoque veterem editionem censendam esse tantum authenticam, quia delectata exilit error ex quo perniciosum aliquod dogma in fide & moribus colligi possit.

XXVIII. Et certe Sixtus Senensis præsertim ad hanc sententiam apertè accedit, & mentem suam ea de re prolixè & ingenue profert. *Ingenue faciemur, inquit, in hac nostra editione nonnullas inveniri mendas, Solacismos & Barbarismos, hyperbata, & multa parum accommodatè versa, & minus Latine expressa, obscurè & ambigue interpretata, itemque nonnulla superaddita, aliqua omissa, quedam transposita, immutata, ac vitio scriptorum depravata, quæ Sanctus Pagninus, Thomas Cajetanus, Franciscus Ezerius, & Hieronymus Olavus, viri ex Dominicano ordine eruditissimi interpretationibus & explanationibus suis indicaverunt. Non tamen ex his sequitur usque in banc diem Ecclesiam non habuisse veram, sinceram, integram ac fidelem Novi Testamenti editionem, quia, etsi in ea ejusmodi errata ingenerantur, certum est tamen neque in Veteri, neque in Nova editione aliquid unquam inventum esse quod fuerit vel à veritate fidei Christianæ devium, falsumve ac mendax, vel contrarium dogmatibus ac regulis orthodoxis, vel præter veritatem additum, vel contra veritatem mutatum, vel in præjudicium veritatis omissum, vel adeo depravatum, ut occasionem pernitiendi erandi attulerit, vel hæresibus ac pravi dogmatibus materiam, & fomenta præstiterit, vel ipsa obscurè & ambigue versum, ut mysteria nostræ fidei occultaverit, aut non ad sufficientiam, & quantum ad salutem satis est, explanaverit. Quos tamen errores, mendas, & depravationes Divus Hieronymus in Veteri editione N. Testamenti se consulto reliquisse ignorans est, & Ecclesia similiter in nova editione ex professo reliquit: non quia tot eruditissimi ac sanctissimi Ecclesie Patres ea errata vel non agnoverint, vel approbaverint: sed quia ad ea dissimulanda justè se causis impelli viderint. Primo quod adverterint, nihil periculi in fide & moribus ex his tam levibus erroribus imminere. Deinde ne fideles importuna, ac nimium exacte correctionis novitate offenderentur, &c. Postremo ut vetustam illam editionem venerarentur, quæ nascenti Ecclesie fidem educaverat, & crescentis robora verat, & evexerat, Bibliotheca Sanctæ lib. 8.*

XXIX. Porro qui sunt in hac sententia, aut saltem eorum plerique, non admittunt Concilium Tridentinum editionem hanc præferre textui Græco, sive Hebraico, sed solum ex multis quæ extant Latinis versionibus hanc cæteris antepone, ut authentica tantum sit in genere Versionis, non oppositè ad textum originale, cui subijcienda, saltem non præferenda est. In banc sententiam satis apertè Bellarminus interpretatur verba Concilii Tridentini. *Patres, inquit, fontium nullam mentionem fecerunt; sed solum ex tot Latinis versionibus quæ circumferuntur unam delegerunt quam cæteris anteponebant.* lib. 2. de Verbo Dei cap. 10.

XXX. Et sic quoque Concilium Tridentinum emollit Alphonsus Salmero, qui Concilio interfuit, tom. 1. Prolegom. 3. Ubi docet non ita fuisse veterem editionem approbatam, ut propterea rejecta sint vel Græca vel Hebraica Volumina. *Nihil enim ibi, inquit, de exemplaribus aut Græcis aut Hebraicis agebatur. Tantum inter tot editiones Latina, unam banc vulgatam reliquis tanquam viorem, puriorem, dilucidiorē, ac suis fontibus unde est orta magis consentientem, pronuntiavit. Additque licet, salva Concilii Tridentini auctoritate, sive Græci, sive Hebraici exemplaris lectionem variam producere, tamque uti Bibliorum textum expendere, nec tantum bonos mores per eam edificare, verum etiam fidei dogmata comprobare; adeoque ab illa sumere efficax argumentum, tanquam ex mente Spiritus Sancti.*

XXXI. Præterea Scholæ Romanæ Theologi qui sunt in ea sententia, & qui editionis vulgatæ auctoritatem, quo pacto jam declaratum est, minuunt & coarctant, aut eorum saltem plurimi, non necesse putant, ut illius author habuerit Spiritum Propheticum, aut alium quempiam peculiarem & extraordinarium Spiritus Sancti ductum, absque hoc enim fieri posse ut fideliter verterit, & in iis saltem quæ ad fidem pertinent non erraverit. In quam sententiam manifestè concedit Bellarminus lib. 2. de Verbo Dei cap. 11. *Admittimus, inquit, interpretem non esse Prophetam, & errare potuisse. Tantum dicimus illum non errasse in illa versione quam Ecclesia approbavit.*

XXXII. Et similiter Andræus libro quarto defensionis fidei Tridentinæ, docet vim Spiritus Sancti in veterem interpretem ita se non effudisse, ut conferrî queat cum sanctissimis heroibus, qui sacra mysteria litteris mandarunt, aut omnium quæ interpretanda suscepit perfectam fuerit affectus cognitionem. Immo notat mirabili quadam providentia Spiritum Sanctum nonnulla voluisse in veteris interpreti lucubrationibus extare

tare humanæ imbecillitatis vestigia, quæ satis proderent non omnia fuisse illius menti, tanquam Prophetis & Apostolis instillata. Idèbque negat illum ab errore fuisse immunem. Quin post multa ejusmodi, in hæc verba erumpit, *infinitum esset singula errata numerando percurrere.*

XXXIII. At vero sunt alij inter Scholæ Romanæ Doctores qui auctoritatem Vulgatæ versionis longè magis extollunt. Primo enim non admittunt Vulgatum interpretem ulla in re errasse, & à sensu & scopo Spiritus Sancti deviasse. Itaque non tantum in iis quæ ad fidem pertinent, sed etiam in omnibus aliis rebus cujuscunque generis voluat illum ubique sensum textus sacri fuisse affectum, ut quicquid apud illum reperitur nefas sit in dubium vocare.

XXXIV. Deinde ut istam veteris interpretis *drapagné* tueantur, comminiscuntur illum habuisse Spiritum Propheticum, aut saltem Spiritum aliquem Prophetico similem, qui ipsi in interpretando perpetuo assistit, & versionem ejus ab errore immunem præstitit. Quod inter alios auctacter affirmant Gretserus, Titelmannus, & Gregorius de Valentia.

XXXV. Denique sic auctoritatem editionis Latinæ extollunt, ut eam textui Græco & Hebraico anteponant, tanquam auctoritatis magis certæ & exploratæ, imo tanquam solam propriè authenticam. Hæc enim sunt Stapletoni verba, *Recurrere ad Græcum & Hebraicum & licet, & expedit sæpenumero, sed ad id quod obscurum est elucidandum, non ad textum vulgarem falsitatis alicujus condemnandum. Et hoc sensu solam Latinam veterem editionem pro authentica haberi Concilium Tridentinum statuit.* In Relectione principiorum fidei Controv. 5. quæst. 3. artic. 3.

XXXVI. Itaque sicut à textu Hebraico dissentit nolunt eam ex eo corrigi; sed potius ipsi textum Hebraicum ex Latina versione corrigendum autumant. Id videre est apud Gregorium de Valentia Analyseos fidei libro 8. cap. 5. Ubi contendit non esse audiendos illos, qui adhuc post Concilium Tridentinum, veterem editionem in locis aliis quibus, quoad sententiam attinet, volunt emendare: cum potius Græci & Hebraici codices sicuti à Veteri versione dissideant, per eam sint emendandi: cum hanc editionem Ecclesia speciali definitione probaverit, non autem codices illos: quos non rejicit quidem, nisi forte ubi veteri versioni contradicerent, attamen non ita præcisè declaravit authenticos.

XXXVII. Eo vero usque progreditur Huntleus, ut dicat eos qui, rejecta Veteri editione, confugiant ad textum Hebraicum, nihil inde certum elicere, sed potius fidem reddere dubiam, infirmam, & incertam. Et similiter illum qui rejecta antiqua versione Latina, confugit ad textum Græcum qui hodie extat, proculdubio à certis recurrere ad incerta, dubia, & depravata. *Controvers. 1. de Verbo Dei cap. 10. & 14.*

XXXVIII. Posterior autem ista sententia, videtur magis conformis verbis Synodi Tridentinæ. Nam statuit illa Synodus Versionem Vulgatam nullo prætextu rejiciendam esse in publicis lectionibus, disputationibus, & prædicationibus. Si autem errores nonnulli in ea admittantur, saltem in rebus levioribus, jam aliquo prætextu eam rejicere licet, præsertim in publicis disputationibus, in quibus sæpe non agitur de rebus gravioribus, & quæ pertinent ad fidem & mores. Et eodem modo, si liceat illam in quibusdam locis ex textu Hebraico vel Græco corrigere, fas est etiam illam eo prætextu rejicere, quod ab Hebraico vel Græco dissentiat: adeoque falsum est eam nullo prætextu esse rejiciendam. Unde est quod hæc sententia, licet à communi sensu, & à vero magis abhorrens, in Ecclesia Romana tamen communior est, & à suis propugnatoribus audacius proponitur, cum alij non nisi timide animi sui sensa promant.

XXXIX. Pro priori tamen sententia facit quod quæ Concilio Tridentino interfuerunt, ut Salmero, Vega, atque Andradius, illi magis favere videntur. Imo postquam Andradius docuit & affirmavit veterem editionem defendendam esse tantum authenticam, quia defecta existit errore ex quo perniciosum aliquod dogma in fide & moribus colligi possit, nequis dubitet hanc fuisse Concilii mentem, testem ea de re citat Cardinalem Sanctæ crucis qui tunc, ut Pape Legatus Concilio præsidebat, à quo illud Vega acceperat, pridie quam hoc decretum rogaretur, quemque audivit idipsum non semel confirmantem & obstantem. Quod testatur quoque Historia Concilii Tridentini.

Theses Theologicæ:
 D E
 AUTHORITY
 VULGATÆ
 Versionis Latinæ.
 PARS SECUNDA.

In qua Protestantium ea de re sententia proponitur & confirmatur.

Thesis Prima.



ILLUD primo communi consensu statuunt Protestantes nullam scripturæ Versionem authenticam esse propriè loquendo. Authenticum verò dicant quod authoritatem habet plane divinam & irrefragabilem, & cui nefas est contradicere. Atque hujus eorum assertionis istud fundamentum est, quod ut scriptum aliquod ita sit authenticum, necesse sit illud factum esse inspiratione divina; omnes autem versiones humana industria & studio factæ sunt, non verò afflatu divino. Nam ut monet Hieronymus præfatione in Pentateuchum, *Aliud est esse Vatem, aliud est esse interpretem. Ibi spiritus ventura prædixit, hic eruditio & verborum copia ea qua intelligis transfert.*

II. Præsertim vero quod Latina Vulgata facta sit humano studio, non divina inspiratione, probare non est difficile. Nam, juxta præcipuos Scholæ Rom. Theologos, maxima ex parte, aut Hieronymi est, aut ab Hieronymo correctæ & recognita, vel saltem mixta ex versione Hieronymi & alia vetustiore. Verùm Hieronymus Propheta non fuit: nec in Bibliis sive vertendis, sive corrigendis peculiarem habuit Spiritus Sancti afflatum. Nunquam enim tibi tantum tribuit Hieronymus, sed ubique se humano studio in versionem suam incubuisse profitetur, & in eo se agnoscat erroris fuisse obnoxium, imo & nonnunquam errasse. Sepe etiam liberum relinquit lectoribus hoc aut illo modo multa interpretari, quia num ab ipso rectè intellecta & versæ essent dubitabat. Augustinus vero epistola ad Hieronymum n. pro concesso sumit Hieronymum errare potuisse, imo & de facto alicubi errasse modeste conqueritur. Quinimò Hieronymus in totum liberum relinquit versionem suam vel admittere vel repudiare. *Legant, inquit qui volunt: qui nolunt abjiciant.* Jubetq; cum qui solum opus venenata carpebat lingua, *vel illud suscipere, si placeret, vel contemnere, si displiceret.* Præfat. in Josuam. An vero ita demissè & contemptim de opere suo loqueretur, si quidem illud divino Spiritu affante edidisset, & annon si ita fuisset, jussisset suam versionem admitti, repudiatis omnibus aliis?

III. Præcipuè dignum est audire qua ratione Hieronymus transtulerit librum Tobie, qui Canonicus habetur in Ecclesia Rom. & quem Doctores illius se ab Hieronymo verum habere existimant. Narrat id Hieronymus præfatione in Tobiam. *Quia vicina est, inquit, Chaldeorum lingua sermoni Hebræo, Judæum utrinque lingue peritissimum loquentem reperiens, unum diei laborem arripui, & quicquid ille mihi Hebræicis verbis expressit,*

bnc

hoc ego, accito notario, sermonibus Latinis exposui. Unde patet Hieronymum, cum Chaldaicè nesciret, usum opera Judæi cuspida, qui Chaldaicè Tobia textum extemporanea quadam paraphrasi ipsi exponerebat; Hieronymus vero, ex tempore quoque, sensum illius, quantum capiebat, dictabat sermone Latino. An vero quicquam ibi est quod sapiat divinam inspirationem? Et quis credere poterit authenticum esse textum illum qui expressus est ex paraphrasi quadam nescio cujus loquacis Judæi, idque ab eo qui linguæ ignarus, quicquid loquax ille Judæus Hebraicè exposuerat, dictabat sermone Latino.

I V. Satis ergo patet versionem vulgatam, quod ad ea saltem quæ ex Hieronymo habet, auctoritatem divinam non habere, quandoquidem Hieronymus non fuit vir *divinus*, neque quicquam scripsit Deo peculiariter inspirante, sed in versionem suam humanum tantum studio incubuit. Ut autem talis illi constaret auctoritas, non tantum necesse esset Hieronymum fuisse divinius afflatum, sed authorem etiam vetustioris illius versionis, ex qua quoque, ut antea docuimus, mixta est. Quod nemini ante Concilium Tridentinum, ne per somnium quidem in mentem venit.

V. Imo cum vulgata versio, dogente Hieronymo præfatione in Daniele, & agnoscen-
cente Bellamino libro secundo de verbo Dei, capite undecimo, quædam habeat translata ex versione Theodotionis, ut capita illa de Bel & Susanna Danieli addita, quis credat aut versionem Theodotionis hæretici & Apostata, Divina factam inspiratione, aut authenticam esse versionem ex editione non authentica expressam?

VI. Quod si quis dicat nihil necesse esse, ut scriptores singuli, ex quorum laciniis vulgata confecta est, auctoritatem divinam habuerint, modo conflict ex iis nihil desumptum quod rectè & ad Spiritus Sancti mentem translatum non fuerit; sic enim satis constare versioni Vulgatæ suam auctoritatem: hoc posito; dico saltem necesse fore, ut delectus ille fuerit Deo inspirante habitus, & ut versionis hujus interpolator Propheta fuerit & vir *divinus*. Alioquin illam non posse habere auctoritatem divinam & irrefragabilem. Atqui non unus est hujus commixtionis author, nec illa simul & semel facta est, & certo consilio; sed sensim & paulatim, ac temerè potius, quam ex certa quadam deliberatione. Nec enim hujus sive correctionis, sive interpolationis author & tempus indicari potest. Quod proculdubio posset fieri, si res solenniter, & certum ob finem facta esset.

VII. Ex quibus omnibus clarum & evidens fit, neque vulgatam versionem Latinam, nec ullam aliam talem esse, ut ejus auctoritati necessario acquiescendum sit, nec liceat recedere à sensu quem indicat, & meliorem sensum, si res fert inducere. Inde vero sequitur, quod communi quoque consensu statuunt Protestantes, nullam versionem auctoritate æquandam, nedum anteponendam esse, originali scripturæ textui, seu Græco, sive Hebraico. Ac propterea omnem versionem, adeoque Vulgatam Latinam, ex Græco & Hebraico textu examinandam & corrigendam esse, licubi ab eo discrepet.

VIII. Istud vero ex eo manifestè probatur, quod Hebraici & Græci codices à Prophetis & Apostolis immediatè scripti sunt, Spiritu Sancto dictante, idcirco non tantum quoad res, verum etiam quoad verba singula, auctoritatem habent planè divinam & ab omni errore immunem: cum versiones omnes, ut jam dictum est, humana tantum opera & industria elaboratæ sint, ab iis qui falli potuerunt, tam in textus sacri sensu capi-
piendo, quam in eo ritè & verbis idoneis exponendo.

IX. Sunt quidem in Schola Romana nonnulli, qui authorem quoque Vulgatæ versionis scripsisse volunt Spiritu Sancto assistente, ne à vero sensu erraret. At hoc inter Scholæ illius doctores certum non est. Quidam enim affirmant, alii vero negant. Et illi ipsi qui affirmant timide istud affirmant, non vero tanquam rem certam & exploratam: neque singula verba Vulgatæ versionis volunt à Spiritu Sancto esse, cum admittant illam aliquando uti verbis minus propriis, congruis, & accommodatis, quod à Spiritu Sancto alienum est. Jam vero quis non videt majorem esse auctoritatem editionis illius, cujus verba singula à Spiritu Sancto esse indubium est, quam ejus de qua saltem an ita sit licet dubitare, nec sic compertum & exploratum est?

X. Deinde textus Hebraicus & Græcus se habet instar fontis, omnes vero versiones instar rivorum, qui ab eo deducti sunt. At purior & sincerior manare credenda est fontis unda quam rivi. Tum textus ille est veluti exemplar, unde versiones omnes tanquam imagines expressæ sunt. At certè exemplar semper est regula & norma illarum imaginum, quæ fuerunt ab illo expressæ; & si quæ minus cum eo congruunt, proculdubio ex eo corrigendæ & reformandæ sunt.

XL. Quod

X I. Quod agnoverunt præfati Ecclesiæ Doctores, Etenim confuerunt illi translationes omnes ad originalem scripturæ textum revocandas esse, atque ex eo æstimandas : ut quæ propius ad illum accederent, & felicius illum exprimerent, eo essent majore in pretio habendæ, plurisque faciendæ. Præsertim hæc est aperte sententia Hieronymi, cuius inter alios, propter eruditionem, & linguarum peritiam magna hic debet esse authoritas. Sic enim ait contra Helvidium, *Multa purior manare credenda est fontis unda, quam rivuli.* Et in epistola ad Sunium & Fretellam, *Sicut in Novo Testamento, si quando apud Latinos quæstio exoritur, & est inter exemplaria varietas, recurrimus ad fontem Græci sermonis, quo Novum est Scriptum instrumentum; ita in Veteri Testamento, si quando inter Græcos Latinosque diversitas est, ad Hebraicam recurrimus veritatem, ut quicquid de fonte profectus sit, hoc queramus in rivulo.* Et in epistola ad Marcellam de Novo Testamento loquens, *Latinorum, inquit, codicum vitiositatem, quæ ex diversitate librorum omnino comprobatur, ad Græcam originem, unde & ipsi translati non denegant, volui revocare, quibus si dupliciter fontis unda purissimi, cænosos rivulos bibant.* Commentarii vero in Zachariam de Veteri Testamento sic loquitur, *Cogimur ad Hebræos recurrere, & scientiæ veritatem de fonte magis quam de rivulus querere.*

X I I. Similia docet Augustinus libro 15. de Civitate Dei cap. 13. *Reddè fieri nulli modo dubitaverim, ut cum diversum aliquid in utrisque codicibus invenitur, ei lingue potius credatur, unde est in alienam per interpretes fæcta translatio.* Libro vero 2. de Doctrina Christiana cap. 11. *Latine lingue homines, inquit, duobus aliis ad scripturas divinarum cognitionem opus habent, Hebræa, scilicet, & Græca, ut ad exemplaria præcedentis recurratur, si quam dubitationem attulerit Latinorum interpretum infinita varietas.*

X I I I. Quibus consentanea tradit Ambrosius de Spiritu Sancto lib. 2. cap. 6. *si quis, inquit, de Latinorum codicum varietate contendit, quorum aliquos perfidi falsaverunt, Græcos inspicit codices.* Et Libro de Incarnationis Dominicæ Sacramento cap. 8. *Ita, inquit, in Græcis codicibus, Novi, scilicet, Testamenti, invenimus, quorum potior est authoritas.* Sed Scholæ Romanæ Doctores hac in re præcipue urgere debet ipsius Canonici juris autoritas, & testimoniam. Sic enim habetur in Decreto Gratiani Distinctione 9. Canon *Ut Veterum.* *Ut Veterum Librorum fides de Hebræis voluminibus examinanda est, ita novorum veritas Græci sermonis normam desiderat.* Quæ verba desumpta sunt ex Hieronymi epistola ad Lucinium.

X I V. Ad hoc Doctores Ecclesiæ Romanæ qui sunt in contraria sententia Respondent, his argumentis quidem evinci textum Græcum & Hebraicum anteponendum fore versionibus quibuscvis, si constaret illum integrum & incorruptum esse: sed cum textus ille corruptus & vitiatum fuerit, non amplius illum pristinum dignitatem obtinere, nec tutum esse versionem Vulgatam ex eo corrigere. Huc enim redit Bellarmini responsio lib. 2. de Verbo Dei cap. 11. *Respondet, inquit, negari non posse, quin sint fontes scripturarum anteponendi rivulus versionum, quando constat fontes non esse turbatos: nunc autem fontes multis in locis turbidos fluere jam offendimus.*

X V. Quomodo autem illud ostenderit Bellarminus operæ pretium est audire. Locus ad quem remittit est caput secundum libri secundi de Verbo Dei. Ibi vero profect quinque omnino loca ex Veteri Testamento, quæ corrupta esse contendit: sed quam infelici conatu, ex sola locorum inspectione patet. Primus locus est Esaiæ 9. Ubi legendum pertendit *likkare* vocabitur nomen ejus Mitabilis; cum tamen in codicibus Hebraicis constanter legatur *likra* vocabit. Sed præterquam quod Bellarminus conjicit, at non ulla solida ratione probat textum Hebræum hic esse vitiatum, quid ad sensum attinet utrovvis modo legas, *likkare*, vocabitur, aut *likra* vocabit impersonaliter, prout est Hebraicæ lingue consuetudo? Secundus locus est Jer. 23. ubi textus Hebræus habet, *hoc est nomen quo likreo vocabit eum, Dominus iustitia nostra.* Bellarminus autem vult legendum esse *likreuh* vocabunt eum. Sed perinde est five legas *likreo*, five legas *likreuh*. Semper enim verbum illud sumendum est impersonaliter, prout fert usus lingue Hebraicæ, quæ in occasione simili modo verbum plurale modo singulare indiscriminatum usurpat.

X V I. Tertius locus est Psalm. 22. ubi textus Hebræus habet *Caari*, id est, sicut Leo manus meas & pedes meos, quæ nullum habent sensum: legendum est vero *Caaru foderunt.* Sed quamvis in textu Hebræo sit *Caari*, ipsæ Masorethicæ notæ quæ margini appositæ sunt legendum monent *Caaru*. Et vox illa est de numero earum quæ aliter scribi, & aliter legi notant Judæorum Magistri. Quartus locus habetur Psalm. 19. ubi Codices Hebræi habent in omnem terram exivit Kavam delineatio corum, cum tamen

(k)

legendum

legendum sit Kolam vox eorum, ut est in versione Septuaginta interpretum, qua Paulus utitur Rom. 10. sed nec inde error aliquis convincitur in textu Hebræo. Septuaginta enim qui verterunt *ἐξ ὧν αὐτῶν* sensum referunt non verba. Siquidem ista celorum delineatio de qua Pfalter, id est, eorum elegans & velut ad amussim expolita structura, est vox quædam ubique prædicans infinitam artificis potentiam & sapientiam. Quintus denique locus est Exodi cap. 2. Ubi hæc de Mose leguntur in versione Vulgatæ, *Alium quoque genuit, & vocavit nomen ejus Eliezer, dicens, Deus Patris mei auxiliatus est mihi, & liberavit me de manu Pharaonis.* Quæ verba desunt in textu Hebræo, & ex eo vult erasa fuisse Bellarminus, sed gratis & absque ratione. Nec est cur ei fidem magis hac in re habeamus quam Cardinali Cajetano, qui hæc verba potius in editione Vulgatæ redundare agnoscit, commentariis in hunc locum.

XVII. Nec fortioribus indiciis integritatem textus Græci in Novo Testamento labefactare conatur Bellarminus. Afferit enim, exempli causa, illud 1 Cor. 15. Ubi textus Græcus habet *ὁ δεύτερος ἀνθρώπος κύριος ἰη̅ς̅ χ̅ρισ̅τός̅.* *Secundus homo Dominus est calo.* In Editione autem Vulgatæ est *secundus homo de calo calestis.* Sed quanti momenti est, & quid ad sensum facit, siue legamus *secundus homo Dominus est calo*, seu *secundus homo de calo calestis*? Præterea notat Rom. 12. in textu Græco esse *καὶ τοὶ δουλοῦντες τῷ κυρίῳ* *tempore servientes*: cum legendum sit *Κυρίῳ δουλοῦντες Domino servientes.* Sed Codices Græci plerique *καὶ* habent non *καὶ*, quod in paucis tantum quibusdam reperitur: ideoque hic frustra obtenditur corruptio. Quæ propterea quoque non est in universum Græcis collicibus tribuenda, quod codices quidam, sique pauci, ex parte truncati sunt, & aliquibus forte capitibus, aut versiculis mutilati: sicut frustra contendit ibidem Bellarminus.

XVIII. Quæ sigillatim referimus, ut appareat quanta cum fide atque ratione Bellarminus audeat dicere fontes scripturarum turbidos fluere, & ideo non esse attonpendendos rivulus versionum. Quamvis enim daremus in locis istis à Bellarmino notatis non-nihil erratum fuisse Librarium culpa, quod tamen, ut ostendimus, non necesse est concedere, quantula sunt ista & quam exigui momenti, ut inde codicibus Græcis & Hebraicis auctoritas sua detrahatur? Hic Bellarminum ipsum appellamus, qui postquam multum frustra laboravit, ut in Hebræico textu corrupta quædam esse ostenderet, in hæc verba concludit, *Ceterum non tanti momenti sunt ejusmodi errores, ut in iis quæ ad fidem & bonos mores pertinent, scriptura sacra integritas desideretur.* Plerumque enim tota discrepantia variarum Lectionum in dictionibus quibusdam posita est, quæ sensum aut parum aut nihil mutant. An ergo ob aliquot leves & nullius momenti ejusmodi errores, peribit auctoritas & præstantia textus originalis immediatè à Deo dictati? Et num ideo præponendus non erit versioni Latinæ, quam non adornarunt viri à Deo inspirati, & quæ, fidente ipsa Schola Romana, sua quoque habet vitia, & plurimum lapsu temporis & scriptorum culpa corrupta est?

XIX. Et certè hic mirari subit incogitantiam & stuporem eorum quibus cum nobis res est. Agnoscunt scripturæ textum Græcum & Hebræicum ab Apollolis & Prophetis immediatè scriptum esse, Spiritu Sancto dictante; & tamen audent illi suam auctoritatem detrachere, & asserere illum esse incertum. Quare? Quoniam, inquirunt, textus ille puritatem suam amisit, corruptusque & depravatus est. Rogamus ubi, & quousque? Proferunt loca quædam eaque valde pauca, in quibus erratum pertendunt vitio Librarium, sed ita tamen, ut errores illi ad sensum parum, aut nihil faciant. Quo argumento dum utuntur, necesse est ut præsupponant textum illum certum & authenticum esse non posse, in quem irreperferint vel levissima menda, hominum culpa & negligentia.

XX. Jam ista ad editionem vulgatam applicemus. Certè tam ferrei non sunt, quin ultro dent eorum pervicacissimi in hanc editionem errata multa lapsu temporis irrepsisse, quædam addita, alia detracta, alia vero immutata fuisse, ejusque codices plurimum inter se variare, ut difficile sit judicare quænam lectio vera sit, atque ad mentem interpretis. Ita ut Lucas Brugensis plusquam sexcentos errores notaverit in ea corrigendos, Isidorus verò Clarius usque ad octo errorum millia in ea observavit. Et tamen, non obstantibus tot mendis atque erroribus hanc Latinam editionem certam volunt esse atque authenticam, imò solam certam atque authenticam; istudque merito & jure definitum à Concilio Tridentino, etiam antequam editio illa emendata fuisset: cum tamen non ignoraret illam emendatione summopere egere.

XXI. Agnoscite ergo Spiritum vertiginis. Aliquot forte errores, neque ii magni momenti, qui in scripturæ textum originale illapsi sunt, incertum illum reddent, & abrogabunt illi suam auctoritatem; at errores longè plures & graviores quibus editio

Vulgata

Vulgata corrupta est, non impediens quominus certa sit & authentica. Sed demus in utroque parem esse corruptionem, nec minus errorum lapsu temporis invecum esse in ipsum textum Græcum aut Hebraicum, quam in editionem Vulgatam, annon cæteris paribus semper anteponi debuit textus originalis, ob rationes quas modo attulimus? Certè si saltem cum aliquo colore, textum originale infra Latinam suam editionem dejicere voluerunt, hoc prætextu quod textus ille corruptus & vitiatum sit, debuerunt Vulgatam suam editionem ab omnibus erroribus & vitiis immunem præstare, quibus tamen, ipsorum etiam judicio, non minus scatet quam textus Hebraicus.

XXII. Sed ut magis clucescat veritas & vis argumenti illius, quo primam & præcipuam auctoritatem asserimus editioni Græcæ & Hebrææ, supra omnes alias quascunque editiones, sciendum est Scholæ Rom. Theologos de ejus seu integritate, seu corruptione non idem sentire. Sunt enim quidam inter eos, veluti Lindanus & Melchior Canus, qui contempnunt illi, in quo Scripturæ textum Originalem habent corruptionem illius obtendunt, & asserunt textum Hebraicum multum depravatum & corruptum fuisse Judæorum malitia, in religionis Christianæ odium; & similia quoque passum esse textum Græcum Novi Testamenti hæreticorum astu & fraudibus. Sed hæc sententia est non ita multorum quos excæcavit planè causæ studium. Repugnant vero alii doctiores & magno numero, veluti Bellarminus, Sixtus Senensis, Dominicus Bannes, qui sententiam illam egrege confutant.

XXIII. Sed ut nos quoque illud effugium obstruamus, si Latina versio ideo præponenda est textui Hebraico, quoniam textus ille à Judæis depravatus est, rogamus quando illa depravatio contigit, An antequam illa versio fieret, an vero postquam facta est. Si dicant codices Hebræos jam tum depravatos fuisse, quum Latina versio facta est, certè, seipsos jugulant. Quomodo enim potuit pura & authentica versio ex textu impuro & non authentico exprimi? Et quomodo rivus ille purus erit, si ex fonte jam turbido deductus est? Necessè est igitur ut codices Hebræi integri permanerint ad Hieronymum usque, qui maxima saltem ex parte, censetur Vulgatæ editionis author. Et sanè Hieronymus & Augustinus illius *viros* Judæos ab illo crimine, quod à quibusdā coeperat illis intentari, absolvent, eosque Christianorum fideles capfaris vocant, & eorum hac in parte fidem non solum laudant, sed multis argumentis comprobant.

XXIV. Jam autem quod ab Hieronymi tempore Judæi textum Sacrum non violarint religionis Christianæ odio, inde manifestum est, quod si quæ loca favent religioni Christianæ, non minus integra habentur in textu Hebraico, quam in editione Latina. Imo sæpe illustriora sunt de Christo testimonia in textu Hebraico, quam in Vulgata versione. Exemplo sit illud Psalmi secundi *Nasibku Bar* Oculamini filium, ubi jubentur Reges Dei filium adorare. In Vulgata vero corruptè & dilutè habetur, *apprehendite disciplinam*.

XXV. Adde quod Judæi post Hieronymum minorem habuerunt causam corrumpendi sacrum textum, quam ante Hieronymum. Nam quo remotiora fuerunt à Christo tempora, eo rariora fuerunt Judæorum cum Christianis de religione colloquia & disputationes. Neque majus fuit Judæorum, post Hieronymum, quam ante ipsum, in religionem Christianam odium. Atque etiam depravationis illius argui & convinci facilius poterunt post Hieronymum, translatione ab eo recens ex Hebræo facta, annitentibus & operam suam ei locantibus Judæo uno & altero, qui Hieronymum literas Hebraicas docuerunt. Tum quoque nemo Judæos tanti facinoris suspectos habebit, qui norit quanta illi religione, ne dicam superstitione, circa scripturæ litteram versentur: adeo ut omnes ejus litteras & apices in numerato habeant, & si quæ pauca & levia menda in textu sacro pridem agnita sint, à multis retro sæculis non auli sint tamen illa corrigere, sed quomodo legendum sit in margine tantum annotarint.

XXVI. Sed quod maxime notandum, quandoquidem illi quibuscum nobis res est, ideo pertendunt corruptum fuisse textum Hebraicum, ut tueantur auctoritatem editionis Vulgatæ, quæ non parum ab ipso discrepat, necesse est, ut dicant corruptiores esse libros in quibus versio Vulgata longius à textu Hebraico recedit. Et ita nullus liber magis depravatus erit quam Psalterium Hebraicum, à quo Latium plurimum discrepat. Et tamen quod ab Hieronymi tempore, in Psalterio Hebraico nihil fuerit immutatum, manifestum facit Hieronymi versio ex Hebraico textu Psalterii expressa. Etenim hæc versio, quæ huc usque integra permanfit, omnino conformis est textui Hebraico, qui hodieque existat: neque minus quam ille à versione Vulgatæ recedit.

XXVII. Præcipue vero vanitas calumniæ illius, qua in persona Judæorum impetitur Scripturæ textus Originalis, hinc apertè convincitur, quod qui textum Hebræicum ita corruptum esse clamant, quum ad rem ipsam ventum est, & jubentur proferre loca illa quæ Judæi malo animo corruerunt, vix possunt unum aut alterum locum indicare, in quo vel levis occurrat corruptionis ilitus suspicio. Nam præter illa quæ supra ex Bellarmino retulimus, pertendunt, exempli causa, in Psalterio Hebræico deesse octo versus, qui ab Apostolocitantur cap. 3. epist. ad Rom. & in versione Vulgatæ Psalmo 13. inserti sunt. Nempe *sepulchrum patiens est guttur eorum, Linguis suis dolose agebant*, & quæ sequuntur apud Apostolum: Verum hi versus non desunt in textu Hebræico, sed temerè inserti sunt versionis Vulgatæ, ut agnoscent Doctissimi quique Scholæ Romanæ Theologi, & inter alios ipse Bellarminus. Nec enim hi versus citantur ab Apostolo nostro, tanquam qui in aliquo Scripturæ loco existent continua serie, sed ex variis locis Scripturæ desumpti sunt, ut testatur Hieronymus præfatione libri 16. in Isaiam.

XXVIII. Obijciunt præterea Genesios capite octavo in textu Hebræo esse *Corvus egrēdiebatur, & revertebatur*; cum tamen legendum sit, *& non revertebatur*; ut habet Vulgatæ versio. Sed quid interfuit Judæorum hoc in loco tollere particulam negativam? & quid ad rem ipsorum facit, si corvus in arcam fuit reversus, aut non? Et qui probabunt illi non standum hoc in loco fide codicis Hebræi, sed potius sequendos esse codices Latinos, qui hic etiam inter se variant, nec omnes eodem modo legunt? Unde patet quam futilia sint quæ solent contra textum Hebræicum objici, & quam levibus argumentis impugnetur ejus autoritas.

XXIX. Nec validiora sunt quæ afferuntur contra textum Græcum Novi Testamenti. Quævis enim verum sit hæreticos sæpe conatos fuisse corrumpere codices Græcos, tamen etiam verum est Orthodoxos semper tam impio conatui resistisse, nec passos esse suos codices depravari, quicquid hæretici in suis ausi sint. Cujus rei fidem facit, quod quædam loca Novi Testamenti apta sunt ad confutandos varios hæreticos, qui Ecclesiam Christianam vexarunt, ea non minus integra sunt in textu Græco, quam in Latinis codicibus. Neque etiam possunt, aut audent illi quibuscum agimus sigillatim designare quæ loca Novi Testamenti ab hæreticis corrupta remaneant in Codicibus Græcis, quibus hodiè utitur Ecclesia Christiana.

XXX. Experientia verò confutat quod Græcis impingit Bellarminus: nempe ipsos non fuisse tam fideles & cautos in servandis codicibus suis, quam fuit Ecclesia Latina. Omnis enim vitii ipsius interpretis, plures ostendi possunt pravæ & variæ lectiones in ipsis codicibus Latinis quam in Græcis. Si qui ergo errores hominum culpa & negligentia, in Hebræicum & Græcum codicem irrepperunt, pauci fidei & leves admodum, nec alicujus, quoad sensum, momenti, ut Bellarminum ipsum fatentem audivimus, cum sanioribus quibusque Doctoribus Ecclesiæ Romanæ. Ideoque nihil inde decessit auctoritati textus Originalis, qui non propterea desinit certus & authenticus esse, & versionibus quibuscum præponendus: atque adeo ipsi editioni Latine, in qua Schola ipsa Romana agnoscente, errata multa illapsa sunt, scribarum culpa & imperitia; & quam tamen nolunt idcirco auctoritatem illam amisisse; quam ei perperam tribuunt.

XXXI. Sed ut clarius appareat quam absque ratione sacrilegio isti, quo textui Scripturæ Græco & Hebræico sua detrahitur autoritas supra reliquas omnes editiones, obtendatur textus illius corruptio, an dicent illi quorum sententiam impugnamus, ex quo jus Canonicum à Gratiano congestum est, & à Pontificibus Romanis confirmatum & sancitum, talem corruptionem in textum illum invaluisse, quæ ipsi abrogavit auctoritatem illam quam hæcenus habuerat? Certè istud cogatur dicere, si jure suo stare velint. Nam quæcumque fuerint Græci & Hebræici codices, quando conditum fuit jus Canonicum, in eo jure extat Canon, quo sancitur fidem librorum veterum de Hebræis voluminibus examinandam esse, novorum vero veritatem Græci sermonis normam desiderare, ut supra observatum fuit. Ac proinde oportet, ut corruptio illa ante pauca admodum sæcula contingerit. Nec enim sunt multa sæcula ex quo vivebat Gratianus. Sed quid opus est usque ad Gratianum recurrere, quandoquidem sæculo proximè præcedenti, recognitum est, & de novo sancitum Decretum Gratiani à Pontificibus Rom. qui nequam illum Canonem abrogarunt, corruptionis alicujus obtentu, quæ post Canonem illum primo conditum contigisset.

XXXII. Sed Bellarminus & alii Scholæ Romanæ Doctores hunc Canonem & Patrum similes sententias aliter eludere conantur. Cohædunt enim sæpe utile esse recurrere ad fontem Græcum & Hebræicum, idque varias ob causas. Et primo quidem, quum in codicibus Latinis videtur esse error Librariorum. Secundo quando Latini codices va-

riant,

riant, ut non possit certo statui quæ sit vera Vulgatæ lectio. Tertio quando verba aut sententia in Latino est auceps. Quarto ad energiam & proprietatem vocabulorum intelligendam. Et in hunc sensum trahunt quod habetur in Jure Canonico, & apud Hieronymum, Augustinum, & alios Patres, de versionibus omnibus ex textu Hebraico & Græco emendandis & examinandis. Nolunt vero licitum esse editionem Vulgatam ex Originali textu corrigere, tanquam aliquid in ea esset ab interprete erratum, & à Spiritu Sancti mente alienum. Sed profecto id ipsum sancit Canon præallegatus. Cum enim ait librorum Novi Testamenti veritatem Græci sermonis normam desiderare, nonne manifestè declarat quicquid in istis libris cum illa norma non congruit pro vero Dei verbo haberi non debere? Et similiter quum dicit veterum Librorum fidem de Hebraicis voluminibus examinandam esse, annon aperte sancit fidem illis libris non habendam, nili quatenus cum textu Hebraico consentire reperitur; ac proinde Vulgatæ etiam editioni fidem abrogandam esse, ubi à textu Hebraico dissentit?

XXXIII. Hoc ergo conclusum sit versionem Latinam nec propriè esse authenticam, neque textui Græco & Hebraico auctoritate ullo modo æquandam, nedum anteponeandam esse. De cætero si quis querat quanti sit æstimanda, & quem locum inter versiones obtinere debeat, hæc est Protestantium de illa sententia, Multas Latinas versiones illa meliores esse & accuratiores; ipso vix ullam hodiè extare quæ sit imperfectior, & quæ plures habeat defectus.

XXXIV. Primo enim horret mira barbarie scatetque vocibus absonis & absurdis. Ejusmodi sunt Psal. 76. *Scopbam spiritum meum*, pro eo quod est in Hebræo *Vajechappes Roubi, servabatur spiritus meus*. Psal. 67. *Benedictus Dominus die Quotidie*. Psal. 125. *In convertendo Dominus captivitatem Sion facti sumus sicut Consolati*. Item Joelis capite 2. de Deo dicitur quod sit *prestabilis super malis*. Quod mira admodum glossa à Bellarmino explicatur *excellens in miserrando*. Cum in Hebræo sit *Nieham bal baraba, Quem punitet mali*, scilicet, quod aliqui contumacibus erat immisurus. Et ejusdem venæ sunt ista in Novo testamento, *Nonne vos magis pluri estis illis*. Matth. 6. *Omnis populus manicabat ad eum*, pro *mane veniebat*. Luc. 21. Item *Deus intentator est malorum*. Jac. 1. pro eo quod est in Græco *ἀποκταίνων κακῶν*, id est, qui malis tentari non potest. Quæ in speciem tantum proferimus. Etenim barbararum ejusmodi Locutionum possent notari Myriades.

XXXV. Deinde non tantum in ista versione multæ voces barbaræ occurrunt, sed etiam multa loca quæ nullum habent sensum, præcipuè in Psalmis, quorum versio est depravatissima. Ininitum esset singula persequi. Sed hujus rei specimen tantum quoddam in duobus Psalmis dabimus. Et primo quidem in Psalmo 67. secundum versionem Vulgatam. Qui totus ferè ita depravatus est, ut lector inde vix ullum sensum excerpere possit; aut certè si quem sensum verba præ se ferant à veritate Hebraica longissimè recedat. Præsertim vero quis divinare possit horum verborum sententiam. *Dominus dabit verbum Evangelizantibus virtute multa. Rex virtutum dilecti & speciei domus dividere spolia. Si dormiat inter medios clerici penna columbe deargentate, & posteriora dorsi ejus in pallore auri. Item eorum quæ sequuntur, Dum discernis celestis reges super eam nive dealbabuntur in Salmon. Mons Dei, mons pinguis, mons coagulatus, mons pinguis, ut quid sufficamini montes coagulatos?*

XXXVI. Neque minus infelicitè Vulgatus interpres vertit Psal. 89. qui in Hebræo est 90. Quod ut clarius pateat aliquot ejus versus cum Hebraico textu comparabimus. Quid enim sibi volunt ista versu tertio, *Ne avertas hominem in humilitatem, & dixisti convertimini filii hominum*. Cum juxta Hebræum codicem sententia plana sit, hæc nempe, *Reduci hominem usque ad comminationem, & dicis redite filii hominum*: Videlicet, in pulverem unde sumpti estis. Versu quinto Vulgata habet, *Quæ pro nibilo habentur eorum anni erunt*. At Hebræa verba Latine sonant, *Inundatione obripi eos, & somni sunt*. Præcipuè vero quam absona est versio versus decimi & sequentium, ubi legitur in Vulgata, *Anni nostri sicut aranea meditabuntur. Dies annorum nostrorum in ipsis 70. anni. Si autem in potentatibus 80. anni: & amplius eorum labor & dolor, quia supervenit mansuetudo & corripiemur. At in Hebræo textu est, Consumimus annos nostros sicut sermonem, sive meditationem. Dies annorum nostrorum anni 70: & si in vigore, supplet aliquis, 80. anni. Robur autem eorum labor & dolor: quoniam cito excinditur & nos avellamus. Quæ verba sensum habent non ita difficilem, & quem quis facile capiat: At quis intelligat illud, *anni nostri sicut aranea meditabuntur*? & quid istis vocibus boni sensus vacuis cum Hebræo textu commune? Quibus similia multa in singulis ferè Psalmis facile observari possent.*

XXXVII.

XXXVII. Præterea manifestum est Vulgatum interpretem live ambiguitate vocis Græcæ aut Hebræicæ, live prava lectione delusum multa absurdè vertisse, & sensu ab auctoris sacri mente alienissimo. Ita Exodi 34. de Mose dicitur apud Vulgatum interpretem, *Ignorabat quod cornuta esset facies sua.* Unde natus est vulgaris pictorum & sculptorum error, qui Mosen quali alterum quendam Bacchum fronte cornuta representant. Deceptus est autem interpretes ambiguitate vocis *Keren*, quæ propriè quidem cornu significat, sed metaphoricè dicitur de radiis, qui sunt veluti quedam cornua lucis. Unde fit verbum *Karan* splendescere. Quo textus Hebræus utitur hoc loco. Ibi enim dicitur de Mose quod *Karan* splendebat cutis faciei ejus. Similem errorem erravit interpretes capite tertio Prophetæ Habacuc. Ubi sic Dei Majestas describitur, juxta veritatem Hebraicam, *splendor ejus fuit ut lux ipsa, radii è manibus ejus.* At in Vulgata legitur, *Cornua in manibus ejus.* Hæc pertinet quod Libro primo Paralipomenon cap. 4. nominata multa propria in appellativa vertit idem interpres: Unde oritur sensus fabulosus & absurdus. Inter posteros enim Selah filii Juda hi recensentur in textu Hebræo, *Iokim & viri Cozebab.* Et *Isa & Seraph qui dominati sunt in Moab,* & *Iuschinabileem.* At versio Vulgata habet, *Es qui stare fecit solem, virique mendacii, & Incendens qui principes fuerunt in Moab,* & *qui reversi sunt labem.* Ibi absurdè fingitur alter qui præter Josuam solem stare fecerit.

XXXVIII. Similiter Psalmo apud Hebræos 34. Textus Hebræus habet, *Choneb*, id est, *Castametatur Angelus Domini circa timentes eum.* Quod non male verterunt LXX *περιπαλαῖ.* Nam *περιπαλαῖ* caltra significat. At Latinus interpres qui Psalms ex Græco vertit vim vocis Græcæ non assequens vertit, *Immisit Angelus Domini in circuitu timentium ejus.* Sensu aut nullo, aut parum congruo. Psalmo qui est 131. in versione Vulgata textus Hebræus habet *Tjedah barek abarek*, id est, *victim seu comeatum ejus benedicendo benedicam.* Quod LXX verterunt *ταῖς θύραις αὐτῆς δαΐζον εὐλογίαν.* Venationem ejus benedicens benedicam. Et revera *tsaid* propriè venationem significat. Sed librariorum culpa *θύρας* illud fuit mutatum in *χύρας*, id est, Viduam. Quem errorem Vulgata versio secuta est, habet enim *Viduam ejus benedicens benedicam.*

XXXIX. Denique capite nono Proverborum, Salomon loquens de eo quem mulier impudica blanditiis suis allicit & seducit, sic ait, *Es ignoras quod mortui sunt ibi, & in profundis inferni invitati ab ea.* At habet Vulgata versio *Ignoravit quod ibi sunt Gigantes.* Nempe deceptus est interpres Homonymia vocis *Kephaim*, quæ reperitur in textu Hebræo. Nam hæc vox aliquando quidem Gigantes, sed ut plurimum mortuos significat. Quæ ambiguitas illum quoque fecellit Jobi capite 26. Ubi textus Hebræus habet, *Harephaim*, id est, *mortui formantur sub aquis, & habitatoribus earum.* Ubi per mortua intelliguntur corpora animæ expertia, veluti metalla & gemmæ, quæ sub ipsis aquis, in imis terræ visceribus formantur. At in Vulgata Legitur, *Ece Gigantes gemunt sub aquis, & qui habitant cum eis.*

XL. Plura ejusmodi liceret congerere, sed hæc in exemplum dicta sufficiant. Gravius est quod vulgatus Interpres sepe non tantum à textu Hebræico deflectit, sed sensum planè contrarium inducit, sic Genesios capite octavo loco jam supra notato, juxta veritatem Hebraicam de Corvo dicitur, quod ex arca egrediebatur & revertebatur. Sed Vulgata habet & non revertebatur. Qui error, ut observat apud Sixtum Senensem Augustinus Chisamenfis Episcopus, fecit ut fabulosisimas quæstiones invenerint expostitores, quærentes quo loco absierit corvus. Sic 1 Cor. 15. juxta textum Græcum est, *Non omnes quidem dormiemus, sed omnes immutabimur.* At sensu contrario Vulgatus interpres habet, *Omnes quidem resurgemus, sed non omnes immutabimur.* Ita quoque capite secundo prioris Epistolæ Petri, de Christo dicitur in versione Vulgata, *Quum pateretur, non comminabatur, tradebat autem se judicanti se injuste.* At in Græco est, *judicanti iusto.*

XLI. Porro quavis non existimemus Vulgatum interpretem mala fide egisse, & de industria textum scripturæ corrupisse ad errores aliquos fovendos, quod minus prudenter ipsi Protestantium nonnulli tribuunt, certum est tamen multos ex mendosa ejus versione occasionem errandi coepisse, aut saltem se in suis erroribus confirmandi. Sic Bellarminus ad probandum religiosum cultum reliquiarum affert illud Isaie cap. 11. *Erit sepulchrum ejus gloriosum.* At in Hebræo simpliciter est, *Requies scis mansio ejus gloriosa erit.* Similiter capite undecimo Epistolæ ad Hebræos de Jacob dicitur, juxta versionem Vulgatam, *Adoravit festigium virge ejus.* Quod asserunt nonnulli ad probandum religiosam imaginum adorationem. Quali, scilicet, his verbis significetur, Jacob adoravisse imaginem quandam insculptam festigio virgæ Josephi. At

in

in Græco est *adoravit super fastigium virgæ ejus*, vel *sua*, id est, baculo innixus propter infirmitatem. Ita quoque ad probandam sanctorum invocationem adduci solent verba Petri cap. 1. secundæ Epistolæ. Ubi in Vulgata legitur, *Dabo operam & frequentes habere vos post obitum meum*, ut horum memoriâ faciatis: quasi Petrus fidelibus operam & curam suam post obitum polliceretur. At Græca veritas habet, *Dabo operam vestram ut subinde possitis post obitum meum horum memoriâ facere*. Nam *vestram* ibi posse significat, ex frequenti Græcæ linguæ usu. Et eo loco reddit rationem Apostolus quare ipsis scriberet, nempe, ut post mortem ejus, sibi possent subinde in memoriâ revocare quæ præsens eos docuerat.

XLII. Qui vero plus quam decet libero hominis arbitrio tribuunt in iis quæ ad pietatem & salutem æternam spectant, abutuntur verbis Apostoli 1. Cor. 15. apud Vulgatum interpretem, Abundantius illis omnibus Laboravi, non ego autem, sed gratia Dei mecum. Cum in textu Græco sit *non autem ego, sed gratia Dei quæ mecum est*. Ubi Apostolus laboris sui fructum in solidum Dei gratiæ tribuit, non autem, ut volunt illi, inter se & Dei gratiam partitur. Et iidem quoque putant se aliquid invenisse quod faveat sententiæ suæ apud Lucam cap. 2. Ubi Vulgata editio habet *in terra pax hominibus bonæ voluntatis*, quasi bona quædam hominum voluntas Dei gratiam præveniret. At in Græco longè aliter est, Nempe in hominibus sive erga homines beneplacitum seu bona voluntas. Ubi non celebratur bona hominum voluntas, sed bona voluntas Dei erga homines. Denique ad probandum perpetuum Ecclesiæ Christiænæ splendorem plurimi torquent illud versionis Vulgatæ Psalmo qui in ea 18 est, *In solè posuisti tabernaculum suum*. Cum Hebraica veritas habeat *soli posuisti tabernaculum in eis*. Id est in cœlis de quibus agit Psaltes.

XLIII. Porro quamvis multi varique defectus in editione Latina Vulgata notari possint, non idgo tamen illa contemni debet, sed venerationem aliquam meretur ejus antiquitas, & usus per tot sæcula in Ecclesiâ celebratus. Neque sic corrupta & depravata est, ut quæ ad fidem & bonos mores pertinent sufficienter ex ea peti & hauriri non possint. Quod si vel interpretis, vel Librarium vitio, graviter alicubi in ea erratum est, istud ex aliis locis facillè corrigi & suppleri potest. Et ceterè in ea sumus sententia ab ea quam minimum salva veritate fieri potuit recedi debuisse, & illam potius fuisse emendandam, quam novas & alias prorsus versiones de novo cudendas in communem Ecclesiæ usum. Licet versiones verbatim & propius ex Græco & Hebraico textu expressæ suum etiam usum apud doctos habeant, & ad elucidandum scripturæ textum non parum conducant.

XLIV. Ut autem ita sentiamus, movemur exemplo Apostolorum & Evangelistarum, qui Græcam Testamenti veteris editionem suo tempore Vulgatam non spreverunt, quamvis multis quoque ipsam defectibus laborantem: sed illa plerumque usi sunt in Veteris scripturæ testimoniis citandis; etsi etiam in iis ad amissum cum Hebraico textu non congrueret. Nec nisi raro quicquam in ea immutarunt, & aliter citarunt quam in ea legitur. Rationem habentes eorum ad quos scribebant, & ob quos scribebant; quia, scilicet, erant editioni istî assuefacti; & caventes nè illos non necessaria novitate turbarent, & non necessarios scrupulos illis injicerent.

XLV. Licet etiam nolumus ullam versionem esse propriè authenticam, consultum tamen fore non negamus, si omnes Orthodoxi de versione aliqua convenirent, qua semel diligenter castigata & correctâ communiter omnes uterentur, eique quantum fieri posset adhererent. Quo sensu Theologi Protestantes in Germania Lutheri versionem authenticam aliquando declarasse feruntur.

Theses Theologicæ :
D E
VERSIONIBUS
SCRIPTURÆ
Vulgaribus & Vernaculis.

In quibus agitur de Versionum illarum usu & necessitate.

Qua de re Scholæ Romanæ Doctrina exponitur, & cum Protestantium Doctrina comparatur: Veraque sententia rationibus aliquot confirmatur.

Thesis Prima.



E: Ufu & necessitate versionum Scripturæ in linguas Vulgares atque Vernaculas non idem sentiunt Doctores Ecclesiæ Romanæ. Primo enim sunt inter eos rigidi & asperi quidam, qui absolute damnant scripturæ translationis in linguas vernaculas, earumque usu atque lectione, volunt omnino laicis interdicti, tanquam nimis periculosa, & ex qua parum fructus ad ipsos redire possit. Quæ sententia multorum est in Hispania & in Italia. Sed ab aliis arguuntur tanquam Magistri rudes, & qui sic sentiant magis ex zelo quam ex scientia. Quæ censura ipsos notat Thomas Stapletonus Anglus, in *Relektione principiorum fidei Contr. 5. quest. 3. art. 4.*

II. Ex alia parte sunt quidam molliores qui iudicant, saltem per se & communiter expedire, tanquam divino honori, & fidelium saluti simpliciter convenientius, ut in vulgari lingua scripturæ fidelibus tradantur, etsi secundum quid, & in casu, illarum lectio possit esse noxia. Nec enim propter seu multos, seu paucos, vel indoctos, vel instabiles, qui scripturas depravant ad suam & aliorum perniciem, saluberrima illa Lectione fraudandos esse tot bonos & pios fideles, qui ex ea maximam ædificationem & consolationem acciperent. Ita passim in Gallia & Anglia sentiunt non pauci Scholæ Romanæ Theologi, quibus est aliquod cum Protestantibus in regnis istis commercium.

III. Præsertim Veron ille olim Jesuita, & postea suis libellis & disputationibus adversus Gallie Reformatos celebris, in prologo tertio, quem præfixit versioni Gallicæ Novi Testamenti, quam ipse adornavit, ex professo affirmat & probat multis argumentis lectionem Bibliorum in Gallicam linguam versorum nulli prohibitam esse. Nec artifices, idiotas, mulieres, & quoslibet alios de simplici plebe Christiana, ad ejusmodi lectionem egere ulla Episcopi, Parochi, aut confessorii sui venia & permissione. Quin ad ejusmodi lectionem fideles singulos, exemplo Timothei hortandos & invitandos esse. Quam Veronis sententiam probant commendant & adoptant Docti illi viri ex Janfenii Discipulis, qui scripserunt adversus Mandatum Archiepiscopi Parisiensis, quo pro-

prohibebatur lectio versionis Gallicæ Novi Testamenti, Montibus in Hannonia, ante annos aliquot impressæ.

IV. Verum hæc quoque sententia improbat à maxima parte Theologorum Ecclesiæ Romanæ. Communior ergo illorum doctrina est, nec simpliciter probandas, nec simpliciter prohibendas esse translationes vulgares. Et quidem non expedire, ut passim & quibuscvis earum lectio permittatur, sed tamen quibuldam posse utiliter concedi.

V. Rem totam autem sic explicat Stapletonus Controversia illa 5. quæstione 3. artic. 3. Nempe in pace Ecclesiæ non esse permittendam totius Scripturæ Sacræ lectionem in lingua vulgari, sed tantum quarundam partium, scilicet, earum quæ sunt Morales atque historicæ. Grassantibus verò hæreticis, posse quidem totius scripturæ lectionem concedi, in linguis vernaculis; idque propter corruptas hæreticorum translationes. Sed tamen lectionem istam concedendam non esse promiscuè omnibus, verum quibuldam tantum, nimirum iis quibus Pastores ordinarii id expedire iudicabant.

VI. Et hæc est sententia Concilii Tridentini, in indice librorum prohibitorum, regula quarta. *Cum, inquit, experimento manifestum sit, si sacra Biblia Vulgari lingua passim sine discrimine permittantur, plus inde ob hominum temeritatem detrimenti, quam utilitatis oriri, hac in parte iudicio Episcopi, aut Inquisitoris stetur, ut cum Consilio Parochi, vel Confessarii, Bibliorum à Catholicis auctoribus versorum lectionem in Vulgari lingua iis concedere possint, quos intellexerint ex huiusmodi lectione, non damnum, sed fidei atque pietatis augmentum capere posse. Quam facultatem in scriptis habeant. Qui autem absque tali facultate ea habere, seu legere presumpserit, nisi prius Biblii ordinario redditis, peccatorum absolutionem percipere non possit.* Imo postea ipsi Regulares vetantur Biblia Vulgaria legere aut emere, nisi facultate prius à prælatis habita.

VII. Quod autem indefinite statuit Concilium, nempe ut Biblia vernacula concedi possint iis quibus Ordinarii iudicaverint istud expedire, hoc, inquam, agnoscente eodem Stapletono, loco modo citato, praxis Ecclesiæ Romanæ restringit ad loca ubi, ut loquuntur, acies Ecclesiæ est perturbata, id est, ubi qui adhærent Ecclesiæ Romanæ permixti sunt iis quos hæreticos existimant, & possunt ab iis Biblia Vernacula habere. Tum enim ne sui corruptis, ut pertendunt, editionibus utantur, aliquando Bibliorum à Romanæ Scholæ Doctores versorum usum eis concedunt. At ubi, eorum iudicio, acies Ecclesiæ est ordinata, id est, ubi Papa regnat absolute, & absque contradictione, tum magis tutum existimant in Universum Vulgares editiones prohibere, ut in Hispania & in Italia sit. Nec enim ibi cuipiam conceditur usus ullius translationis vulgaris. Et pridem edicto Regum Ferdinandi & Isabellæ in Hispania sub penis maximis vetitum est, nequis Biblia in linguam Hispanicam transferat, aut alibi translata importet, emat, aut retineat.

VIII. Protestantes vero communi consensu docent scripturas toti fidelium populo communes esse debere, & usum earum indiscriminatim omnibus esse permittendum: ideoque planè expedire, & voluntati divinæ consentaneum esse, ut scriptura sacra in linguis populis Christianis vernaculas transferatur, ut ita omnes ea uti possint, & inde percipere instructionem & consolationem. Ac proinde populo Christiano injurios esse, qui prohibent, quantum in ipsis est, ne scripturæ versiones in linguis vulgares edantur, aut saltem ne liceat omnibus eis uti: neque plebem Christianam hac in re debere talibus præpositis obedire: sed potius, juxta scripturæ ipsius hortamenta, & libertatem à Deo concessam, sacros libros nocturna diurnaque manu versare, & non pati sibi eos à Prælatibus cripi.

IX. Ut autem sic sentiant inducuntur multis argumentis. Et primo quidem exemplo scriptorum ipsorum sacrorum, seu potius Dei ipsius qui per ipsos scripsit atque locutus est. Quum enim Deus primum Verbum suum scripto tradidit, id fecit lingua nota & vulgari populo Israelitico, quo tum constabat Ecclesia. Nam Moses & Prophetæ scripserunt lingua Hebræica, quæ populo isti erat vernacula & familiaris. Indicio manifesto quod scripta sua volebant à populo legi & intelligi.

X. Similiter Apostoli & Evangelistæ nostri, qui rejectis Judæis, in gratiam gentium præcipuè scripserunt, ediderunt scripta sua lingua Græca, quæ tum erat multis gentibus vernacula, quam plurimis autem, si non vernacula, communiter tamen intellecta, & plebi non ignota. Sic Corinthii, Philippenfes, Theffalonicens, Ephesii, ad quos Græcè scripsit Apostolus, Græcè quoque vulgo loquebantur. Galatæ vero, & alii Asiæ minoris populi, etli linguam quiscque propriam habebant, vulgo tamen linguam Græcam intelligebant: adeo ut si qua in publico concio habenda foret, sive antequam Christiani fierent, sive postquam Christianam Doctrinam susceperunt, Græcè illa haberetur.

retur: ut patet ex Patrum homiliis atque demegoriis, quæ Græcæ apud illos populos habitæ sunt. Imo Romani ipsi ad quos Græcè scripsit Apostolus, Græcam linguam ut plurimum moverant: adeo ut ipsæ mulieres Græcè loquerentur & intelligerent: ut videre est apud Juvenalem, qui propterea Romam Satyrice vocat urbem Græcam. *Non possum ferre Squirites Græcam urbem.* Quandoquidem ergo Deus voluit eloquia sua primum scribi lingua non tantum Ecclesiæ præpositis, sed etiam plebi ipsi, cui tradebatur cognita, annon consentaneum est, ut unicuique fidei populo, lingua quoque vulgari & nota proponantur? saltem inde manifestum est eos qui culpant scripturæ editiones in lingua vulgari, tanquam fidei plebi periculosas, sapientiam divinam incusare, quasi parum providam, ut quæ scripturam sacram lingua populo Dei nota & familiari, ut diximus, tradidit.

XI. Deinde Prophetarum & Apostolorum exemplum secuta est praxis Ecclesiæ veteris & Novi Testamenti. Nam sub veteri Testamento, postquam Hebraica lingua coepit obsolescere, imperium verò Græcorum per magnam Orientis partem linguam Græcam communem reddidit, & vulgo intellectam, vetus Testamentum in linguam Græcam conversum fuit à Septuaginta duobus illis interpretibus, à Ptolemæo acceritis, & à summo Pontifice Hierosolyma missis. Scriptura verò semel ita translata, Judæi per varias imperii Græcæ Provincias dispersi, qui patriæ linguæ oblii, communiter lingua Græca utebantur, & propterea dicti sunt Hellenistæ, Judæi, inquam, illi, omisso deinceps textu Hebraico, ceperunt scripturam Græcè lætare, non tantum domi sed etiam publicè in Synagogis per singula Sabbata, in quibus non textus Hebraicus, sed versio Septuaginta seniorum prælegebatur. Apostoli vero nostri hunc morem probaverunt, & versionem Græcæ Septuaginta interpretum, istud honoris habuerunt, ut ea communiter in scriptis suis utantur, dum Sacram Scripturam citant.

XII. Quod spectat autem ad Judæos alterius dispersionis, qui ad distinctionem Judæorum Hellenistarum vocantur *ἱσραηλιτῆς*, illi certè in Synagogis Hebraico textu utebantur, quem utcumque intelligebant. Sed tamen quoniam Hebraica lingua jam multum degeneraverat, & circa Christi tempora coeperat purus Hebraismus minus à plebe intelligi, idcirco vetus Testamentum Paraphrasi Chaldaica expositum est ab Onkelos & Jonathan, ut eo familiarius & facilius uti possent Judæi tum Babylone, tum Hierosolymis, totaque Judæa habitantes, qui Chaldaico, sive Syriaco idiomate communiter utebantur.

XIII. Postquam autem Novum Testamentum scriptum est, & plurimæ gentes sunt ad Christum conversæ, tota scriptura veteris & Novi Testamenti ex Græco statim in Latinum versa est, idque non ab uno, sed à multis interpretibus, in usum Ecclesiæ Latinæ, Italicæ, scilicet, & Provinciarum adjacentium, in quibus Romani cum imperio linguam suam propagaverant, & vulgo notam reddiderunt.

XIV. Et tamen, quod maxime notandum; in Provinciis illis Græca lingua doctis & aliis plurimis nota erat, eaque docti scribebant, & Disciplinæ tradebantur; juxta illud Ciceronis pro Archia Poeta, *Græca per orbem universum leguntur.* Adeo ut altero etiam post Christum sæculo, Episcopi Galli Græcè libros suos ederent; ut patet exemplo Irenæi Episcopi Lugdunensis, qui Græcè scripsit adversus sui temporis hæreses. Sed hoc non satis visum est primis illis Christianis, si scriptura haberetur lingua à doctis cognita, ideoque illam Latine verterunt, ut posset etiam à plebe legi & intelligi. Si vero primis illis fidei temporibus, Ecclesia Græca æquum duxit Græcè scripturam habere, Latina verò Latine, annon etiam æquum & consentaneum est, ut Ecclesiæ aliarum Linguarum, quibus aut nunquam fuit, aut non amplius nota est Græca & Latina lingua, scripturam sacram quoque lingua sibi nota habeant, & plebi intellecta, ejusque versiones in proprias linguas procurent?

XV. Et certè historia Ecclesiastica docet alias Ecclesias eodem jure usas, Græcæque & Latinæ Ecclesiæ exemplum secutas, scripturam sacram in propria idiomatica translulisse. Testatur enim Socrates historiæ Ecclesiasticæ lib. 4. cap. 27. Ulphilam quandam Gothorum Episcopum, qui floruit tempore Imperatoris Valentiniani, circa annum Christi 370. scripturam sacram in linguam Gothicam translulisse. Quippe sic habet loco jam citato, *Divinas scripturas lingua Gotthorum interpretatus barbaros præparavit ut eloquia divina discerent.*

XVI. Hieronymus verò satis aperte docet se scripturam Dalmaticè vertisse. Nam cum Dalmata esset Stridone natus, sic de se ipso scribit ad Sophronium. *Non hoc dico quod prædecessores meos mœdam, aut quicquam de his arbitrer detrabendum, quorum translationem diligentissimè emendatam olim lingue meæ hominibus de scrinio. Ubi loquitur de Versione*

LXX.

LXX. interpretum, ex qua versionem adornavit suæ linguæ hominibus, id est, Dalmatis, ut videtur. Hac de re quidem dubitat Bellarminus, Marianus autem Victorinus id negat Scholiis ad hunc locum. Ubi pertendit Hieronymum per suæ linguæ homines Latinos intelligere. Sed alii Scholæ Romanæ Doctores de illa Scripturæ Sacræ in Dalmaticam linguam versione ab Hieronymo facta nobiscum consentiunt. Sic enim habet Holius Cardinalis Polonus, libro de sacro vernacule legendo, *Dalmaticæ linguæ sacros libros Hieronymum vertisse constat.* Et similiter Alphonsus à Castro lib. 1. de hæresibus cap. 13. *Fatemur, inquit, olim sacros libros in linguam vulgarem fuisse translatos.* Et in hujus rei exemplum citat Erasmus qui scribit Hieronymum scripturam Dalmatica lingua vertisse.

XVII. Similiter Chrysostomus, cum exul esset in Armenia, fertur Psalmos & alios Scripturæ Sacræ libros in linguam Armeniacam vertisse, referente in ejus vita Georgio Patriarcha, ut agnoscat Sixtus Senensis Bibliothecæ lib. 6. Ipse vero Chrysostomus Homilia prima in Joannem testatur ejus Evangelium, adeoque reliquam scripturam in varias barbarorum etiam populorum linguas fuisse translatam. *Sed non, inquit, indocti & illiterati viri doctrinam evanuit. Verum Syri, Ægyptii, Indi, Persæ, Æthiopes, & innumere aliæ gentes dogmata ab hoc introducta in suam transferentes linguam, homines Barbari Philosophari didicerunt.*

XVIII. Astipulatur Theodoretus libro de curandis Græcorum affectibus. *Hebraici, inquit, libri non modo in Græcum sermonem conversi sunt, sed in Romanam quoque linguam, Ægyptiam, Persicam, Indicam, Armenicamque & Scythicam, adque Sarmaticam: semelque, ut ita dicam, in omnes linguas quibus ad hunc diem nationes utuntur.* Quibus similia docet Augustinus lib. 2. de Doctrina Christiana cap. 5. *Ex quo, inquit, factum est, ut scriptura divina ab una lingua profecta, qua opportunè potuit per orbem terrarum diffeminari per variis interpretum linguas longè lateque diffusa innotesceret gentibus ad salutem.*

XIX. Ecclesiæ autem Æthiopice semper usæ fuerunt, & etiamnum utuntur, versione Æthiopica, Syriacæ vero Syriacæ, quæ proculdubio valde antiqua est, quoad Novum Testamentum: quod ab Evangelista Marco in linguam Syriacam verbum habere se Syri existimant. Et similiter Ecclesiæ Ægyptiacæ, ex quo Saraceni linguam Græcam in Ægypto aboleverunt, & Arabicam introduxerunt, utuntur versione scripturæ Arabicæ.

XX. Porro quod non solum liceat atque expediat scripturam transferre in linguas vulgares, sed etiam quod hoc sit ex ordinatione divina necessarium, probatur per ipsam scripturam. Primo enim Deuteronomii cap. 31. Jubeat Deus ut lingulis annis sabbaticis, in festo tabernaculorum, coram toto populo prælegatur liber legis. *Quum venerit, inquit, totus Israel ad videndum faciem Domini Dei sui, in loco quem elegerit, leges legem hanc coram Israele, ipsi audientibus.* Et ne quis existimet per Israelem forte intelligi populi illius præpositos & doctores, explicat Moses quid per Israelem intelligat, nempe, cœtum & populum, viros & scæminas, parvulos & peregrinos ipsos. Cur autem Deus velit legem suam sic populo prælegi, hæc additur in-textu ratio, *Ut audiant & discant, timeantque Dominum, & observent præcepta ejus.* Atque ut appareat perpetuum hic præceptum populo Dei tradi, hoc extenditur statim ad posteror. *Et ut, inquit, filii eorum, qui non noverunt audiant & discant timere Dominum Deum vestrum omnibus diebus quibus videri estis super terram.*

XXI. Inde vero sic argumentari licet. Si quamdiu stetit Ecclesia Judaica debuit perpetuis sæculorum decuribus lex divina populo Dei solemniter prælegi, idque eo hinc ut omnes, viri & scæminæ, parvuli & peregrini legem illam ex ea lectione discerent, & eam observarent, certè lectio illa fieri debuit lingua vulgaris & nota scæminis & parvulis ipsis: alioqui non potuissent ex lectione illa legem discere, qui tamen fuit hujus præcepti finis. Deinde si tenebantur omnes, ex divino præcepto, publicam legis lectionem audire ut legem inde discerent, sequitur eos quoque potuisse & debuisse privatim legem legere. Cujus enim necessarium est lectionem audire, illud quoque bonum est legere, ratioque & finis præcepti non tantum lectionem publicam spectat, sed etiam privatam. Nam ex utraque possunt homines legem Domini addiscere, & ad timorem illius formari.

XXII. Denique notandum est, quod quamvis in hoc præcepto sint circumstantiæ quædam loci & temporis populo veteri peculiare, finis tamen præcepti & ejus substantia, non minus hodie spectat Christianos, quam olim Judæos. Nec enim hodie minus tenemur legem Christi ab Evangelistis & Apostolis scriptam audire & discere, quam illi legem antiquam à Mose scriptis consignatam. Si enim Deus olim voluit legem suam populo suo legi, ut ex ea lectione redderetur populo isti familiaris, & inde ipse scæminæ &

parvuli voluntatem Dei discerent, quis dubitet plebem Christianam debere lectione simili instrui, ut Dei quoque voluntatem discat, & in cognitione & timore illius magis magisque proficiat?

XXIII. Præterea Dominus in lege non tantum publicam lectionem commendat, sed etiam privatam, idque non tantum Personis quas Ecclesiasticas vocant, ut Levitis & Sacerdotibus, sed etiam Laicis ipsis. Nam Deuteronomii cap. 17. nominatim præcipitur regi, ut curet sibi discibendum legis divinæ exemplar, illudque afferret & legat omnibus diebus vitæ suæ, ut discat timere Dominum Deum suum. Cum autem hujus præcepti ratio non sit regi peculiaris, sed ad fidelem quemvis à populo Dei pertineat, plenum est præceptum ipsum ad alium quemlibet à Rege pertinere. Regi autem istud sigillatim præcipitur, ne quis excusatum se putet à studio legis divinæ magnitudine & multitudine negotiorum quibus distinetur. Si quis enim hujusmodi excusationem posset cum colore prætexere, certe maximè Rex esset, utpote cui incumbit cura totius Reipublicæ, & ad quem negotia omnia referuntur.

XXIV. Adde quod capite sexto Deuteronomii, hoc mandatum toti Israël proponitur, & vehementer etiam urgetur, ut videlicet, verba legis divinæ sint cordibus illorum insculpta, ut ea narrent filiis suis, ut loquantur de illis sedentes domi suæ, & ambulantes in itinere, cubantes & surgentes, ut habeant ea manibus suis alligata tanquam signa, ut sint semper ob oculos ipsorum, denique ut ea inscribant postibus ædium suorum, & portis suis. Qui autem potuissent sibi verba divinæ legis tam familiaria reddere, nisi legem Dei penes se ipsis habere licuisset, & in ea quotidie legere? Aut quis somnare poterit passim & à quibusvis non debuisse legi, quod singuli jubentur inscribere portis suis, & postibus ædium suorum, manibusque & fronti alligata habere? Eosque potuisse tantam legis habere notitiam, & de ea quotidie secum meditari, & apud domesticos suos discere, nisi lex lingua nota & vulgari in manibus eorum versata fuisset? Jam vero quis credat minorem Evangelicæ legis à Christianis notitiam requiri, quam Moisaicæ olim à Judæis? Præsertim cum Apostolus ad Colossenses scribens velit ut Verbum Christi fidelibus inhabitet *ædibus* copiose, cum omni sapientia, & optet ipsis divitias omnes plenitudinis intellectus in agnitionem mysterii Dei Patris & Christi? cap. 2. & 3.

XXV. Præterea laudatur & proponitur imitandum in Novo Testamento exemplum; Loidis avia Timothei, & Eunice matris ejus, quæ ipsum ab infantia in scripturis erudierant. Nam testatur Apostolus 2 Tim. 3. ipsum à puero sacras literas novisse in quibus non fuerat à patre eruditus, siquidem Ethnicus ille erat, ut discimus ex Actorum capite decimo sexto, sed à matre & avia, quarum fidem non simulatam commendat Apostolus capite primo ejusdem epistolæ. Quomodo autem poterunt hæc matres familias, ad piam istarum mulierum exemplum, pueros suos in sacris litteris erudire, si non liceat ipsis sacras literas habere & legere lingua quam intelligant? Aut quis debebit à sacre scripturæ lectione arceri si commendatur in pueris ipsis?

XXVI. Similiter laudantur Actorum cap. 17. Judæi Beroenses, qui audita Pauli prædicatione, Sermonem quidem ejus cum omni alacritate susceperunt, sed tamen scripturas quotidie scrutantes, *anaglyphos* an hæc ita se haberent. Qui autem potuerunt scripturas ita *anaglyphos* inter se conferre atque comparare, si scripturæ lectio ipsis familiaris non fuit, & quidem lingua quam probe intelligerent? Et num tam laudabile exemplum poterunt cæteri populi fideles imitari, si non concedatur ipsis Scripturæ Sacre lectio lingua nota & vulgari?

XXVII. Nec omitti debet quod Petrus cap. 1. posterioris Epistolæ, alloquens fideles ex circumcissione, dicit eos benefacere quod attenderent Sermoni Prophetico, velut lucernæ lucenti in loco caliginoso. Quomodo enim poterant Prophetarum scriptis attendere, nisi ea legerent, & ita ut intelligerent? Respondet Stapletonus Scripturæ Sacre attendi quando legitur, sed multo magis & tutius, quando per vocem prædicantis Ecclesiæ exponitur. At certe novum & inusitatum est prædicationem Ministrorum Evangelii vocare Sermonem Propheticum. Nec unquam ex Stylo scripturæ, aut alius cuiusquam, sanè & Verbo Dei consentaneè loquentis, dicitur attendere Sermoni Prophetico qui auscultat ea quæ dicunt concionatores, dum textum aliquem Scripturæ exponunt. Adde quod Petrus Sermonem Propheticum eo loco diserte opponit Apostolorum testimonio, & vivæ voci eorum qui Evangelium prædicabant. Nam antea dixit, *Non enim arte compositas fabulas secuti, nos am fecimus vobis Domini nostri Iesu Christi potentiam & adventum, sed ut quoculi nostri aspecimus illius majestatem.* Postea vero subiungit, *Et habemus firmiorem Propheticum Sermonem, cui benefacitis attendentes, quasi lucernæ lucenti in caliginoso loco.*

XXVIII. Magna

XXVIII. Magna quoque dignum est consideratione quod cap. i. libri Apocalypsis de eo sic loquitur Joannes, *Beatus qui legit, & Beati qui audiunt verba Prophetiæ hujus, & servant quæ in ea scripta sunt.* Si enim potuit Joannes Beatum illum prædicare qui legit librum istum, qui proculdubio librorum Novi Testamenti obscurissimus est, quanto magis beatos licet prædicare eos qui legunt cætera scripta Prophetarum & Apostolorum? An autem hæc beatitudo pertinebit ad solos doctos & Ecclesiæ præpositos, ab ea vero arcebitur populus Christianus quali ea indignus? Et nonne potius est officium Pastorum plebem tibi commissam ad beatitudinis illius participationem secum vocare? Quis enim non videt Joannem, dum beatum declarat eum qui legit verba Prophetiæ illius, ad lectionem ejus fideles quosvis invitare spe beatitudinis illius fruendæ.

XXIX. Denique Christus apud Joannem capite quinto, turbam Judæorum alloquens, *Scrutamini, inquit, scripturam, quoniam vos putatis in ipsis vitam æternam habere, & ille fuit qui testimonium perhibet de me.* Respondet Stapletonus verba illa dicta non esse ad turbas & populum, sed ad Phariseos & principes populi. At toto capite nulla fit specialis mentio Phariseorum, sed ista refert Joannes tanquam simpliciter ad Judæos dicta, sicut legenti videre est. Præterea Respondet hæc verba non constituere præceptum generale atque perpetuum, sed hoc illis dici per modum veniæ & indulgentiæ, ut videlicet, quia Christi Verbis credere volebant, saltem scripturas veteres inspicerent. Itaque verba ista non continere præceptum, sed partim venialem indulgentiam, partim tacitam reprehensionem, quod plus Mosaicis literis, quam Christi Verbis crederent. Verum hæc Christi Verba nimis clara sunt, ut possint Strophis ejusmodi eludi. Quid enim opus fuit Christum Judæis veniam scrutandæ Scripturæ concedere, cum veniam istam à Christo nec peterent, nec expectarent? Quandoquidem autem Stapletonus vult Christum ibi non alloqui populum, sed principes populi, An Ecclesiæ quoque præpositi venia & indulgentia quadam opus habent, ut scrutentur scripturas? Et nonne potius hoc est ipsorum officium à Deo illis præscriptum, scripturas diligenter evolvere & scrutari?

XXX. Quomodo vero potest fingere Stapletonus Verbis istis Christum tacite Judæos reprehendere, quod plus scriptis Mosaicis quam Christo crederent, cum in hoc capite eos hoc nomine reprehendat, quod Moli non satis crederent? Si enim, inquit, *crederetis Moli, crederetis & mihi: nam ille de me scripsit.* Quod si scriptis illius non creditis, quomodo Verbis meis credetis? Quibus verbis agnoscit Christus æquum fuisse ut plus Mosaicis literis, quam tum simplici ejus testimonio crederent. Ideoque perpetuo Judæos ad Mosen & Prophetas remittit, *Habent, inquit, Mosen & Prophetas, audiant eos.* Et vocationem suam sæpe Molis & Prophetarum testimonio probat & confirmat. Non quod revera Molis & Prophetarum autoritas major fuerit autoritate Christi, sed quoniam Judæis erat notior & confirmator, saltem ante solemniter prædicatum & confirmatum Evangelium. Unde est quod Petrus, loco modo citato, Sermonem Propheticum opponens Apostolorum præconio, audent vocare illum firmiorem, *Habemus, inquit, firmiorem Sermonem Propheticum.*

XXXI. Omnis ergo latebris in quas se inducere conatur Stapletonus, planum est Christum & alloqui Judæos, & eos simpliciter ad scripturas scrutandas hortari. Scrutari autem scripturas non est simpliciter scripturas legere, & multo minus ignota lingua demurmurare, sed earum mysteria & reconditos sensus investigare, ut notat Chrysostomus homilia in hunc locum. Huic autem Christi mandato quomodo poterunt fideles obsequi, nisi scripturam assidue legant, eamque lingua sibi nota habeant?

Theſes

Theses Theologicæ:

D E

Scripturæ Sacræ

PERSPICUITATE.

In quibus exponitur Doctrina Protestantium & cum Scholæ Romane Doctrina comparatur, & confirmatur aliquot argumentis.

Thesis Prima.

PERIQUE Doctores Ecclesiæ Romane ita cum Protestantium Theologis disputant, ac si simpliciter dicerent in scripturis omnia sic plana & perspicua esse, ut absque labore possint à quovis intelligi, nec quicquam obscurum in eis occurrat quod egeat explicatione & interpretis auxilio. Verum hæc non est eorum sententia. Ultrò enim admittunt, quod de Epistolis Paulinis dicit Petrus, de reliquis scripturæ partibus verum esse, nempe in iis esse quædam intellectu difficilia; neque sicasserunt scripturam esse claram & perspicuam, ut careat omni prorsus difficultate & obscuritate.

et obscuritate.

II. Sed ut intelligatur quæ & qualis perspicuitas à Protestantibus scripturæ tribuatur, notandum est primum eos distinguere inter ea quæ sunt ad salutem necessaria & ea quæ ad salutem necessaria non sunt. Et quidem ea quæ sunt ad salutem necessaria in scripturis clarè haberi contendunt. At quantum ad ea quæ non sunt ad salutem necessaria, fatentur scripturam in eis sæpe obscuram esse & valde difficilem, ut videre est in multis vaticiniis, & reconditis quibusdam mysteriis.

III. Rursus ad tollendam hic omnem ambiguitatem, sciendum est per ea quæ sunt ad salutem necessaria intelligi posse, vel ea sine quorum cognitione & hinc explicata nemo ad salutem pervenire potest. Qualia sunt præcepta vitæ, & articuli indei symbolo comprehenti. Vel ea quæ nemo rejicere potest, & contrarium in Ecclesiâ docere absque salutis dispendio. Quæ posteriora longè latius patent prioribus. Multa enim quis ignorare potest, vel generatim tantum & confusè cognoscere, sine salutis dispendio, quæ tamen nemo rejicere & impugnare potest, quin incurrat notam hæreseos, & mereatur ab Ecclesiæ communione pelli, & sic quin peccet in propriam salutem. Porro quum Protestantès asserunt scripturam claram esse in iis quæ sunt ad salutem necessaria, intelligunt necessaria non tantum primo modo, sed etiam secundo modo. Nec enim putant hæreticè aliter incurrì posse, quam pertinaciter asserendo & propugnando illud, cujus scriptura sacra oppositum perspicue docet.

IV. Præterea sciendum est, quum Protestantès dicunt omnia quæ sunt ad salutem necessaria in scripturis clarè haberi, eos id intelligere de toto scripturæ corpore indefinitè & generatim sumpto, non verò de singulis locis, ubi aliquid ad salutem necessarium proponitur. Nam heri potest ut res ad salutem necessaria in aliquo loco obscurè proponatur, cum tamen in aliis clarè contineatur. Sic, exempli gratia, incarnatio filii Dei,

Dei, & mors ejus pro nobis in multis Prophetarum vaticiniis obscurè innuitur, at in Evangelio tam clarè exponitur, ut infideles ipsi, Mahumetani nempe & Judæi istud agnoscant, quamvis Evangelio fidem non adhibeant.

V. Deinde ea quæ sunt ad salutem necessaria in scripturis quidem ita clarè & perspicuè propolita sunt, ut conscientia satisfiat, & in eo pia mens possit acquiescere. At hoc non obstat quominus ingenia curiosa atque prurientia sibi fortè non satisfactum putent, & possint aliquem pulverem excitare, quo sibi ipsis veritatem occultent: quemadmodum in rebus naturalibus & humanis, multa evidenti ratione probantur, & lic ut vir sani judicii sufficienter inde convincatur, & plenè persuadeatur, quæ tamen nonnulli ex protervia negant, & circa quæ pervicaciâ, & certandi studio & mens eorum sic obnubilata est, ut rem quantumvis in se claram non cernant neque percipiant.

VI. Atque ut planior fiat Protestantium hac de re sententia, notandum est eos in scriptura tres rerum gradus agnoscere, quantum spectat ad ejus perspicuitatem, sive obscuritatem. Primo enim in scripturis quædam ita apertè & evidenter posita sunt, ut vel in vitis obtrudantur, nec ullus sit sensu communi præditus, qui non possit ea agnoscere. Ut exempli gratia, mundum esse à Deo creatum, & providentia ejus regi & administrari, Iesum esse Christum & Dei filium, & alia istiusmodi, quæ absolute cuivis ad salutem necessaria sunt.

VII. Alter gradus eorum est ad quæ intelligenda opus est labore & exercitio, lectione frequenti, meditatione & collatione sedula scripturarum. Quibus rebus comprehenditur distinctior & accuratior mysteriorum fidei notitia, & eorum quæ cum iis pugnant, aut cum iis consentanea sunt. In qua notitia fideles magis aut minus proficiunt, prout majus minufve ad eam rem studium adhibent, aut majori, vel minori Dei gratia præditi sunt.

VIII. Denique tertius gradus est eorum quæ in scriptura ita sublimia vel recondita sunt, ut captum hominis superent, quamdiu hic in terris degit, saltem si ordinariam gratiæ mensuram spectemus: nec planè manifestanda sunt nisi quum in coelis Dei præsentia fruamur. *Nunc enim*, ut ait Apostolus, *videmus in enigmate, & tanquam per speculum: tunc autem videbimus facie ad faciem*, 1 Cor. 13.

IX. Porro quod Deus ita scripturas temperavit, ut quædam in iis obscurè, quædam clarè posita sint, & illa ipsa quæ clarè alicubi explicantur, aliis in locis obscurè innuantur, id fecit pro summa sua sapientia. Et primo quidem ut fastum humanum reprimeret, & Doctissimi quique suam in rebus divinis infantiam, & ignorantiam cogerentur agnoscere, & nihil de se præsumere; sed omnem animi tumorem abicere.

X. Deinde per hoc Deus in fidelibus excitare voluit desiderium scælicis & perfecti illius status, quem in venturo sæculo expectamus: ubi non amplius, ut dictum, videbimus obscurè & in enigmate, sed videbimus facie ad faciem. Nam quemadmodum fideles sub lege, plurima mysteriorum divinatorum obscuritate; Umbrarumque & figurarum velo, cogebantur anhelare ad adventum Messie, qui ipsos omnia edoctrurus erat, & multam lucem mysteriis divinis allaturus: ita quoque jam sub Novo Testamento, dum versamur in terris, quod in scripturæ mysteriis nobis occultum agnoscimus, cogit nos exoptare secundum Christi adventum, & perfectum illum Ecclesiæ statum, ubi omnia clarè & perfectè cognoscemus, Deum videntes sicuti est.

XI. Præterea quoque Deus difficilibus illis locis & mysteriis quibus scripturas aspersit, ad laborem nos excitare voluit, & studium scrutandi scripturas, quod facilitate nimia langueretur. Plana enim atque facilia statim negligimus atque fastidimus. Ideoque cavet Deus ne perpetua facilitas in legendis scripturis fastidium gigneret, & ne continua & nimia difficultas à lectione illarum abstergeret. Quam Dei sapientiam notat & egregie describit Augustinus, *Magnifice*, inquit, *& salubriter Spiritus sanctus scripturas sanctas ita modificavit, ut locis apertioribus fami occurreret, obscurioribus autem fastidia detergeret. Nihil enim ferè de obscuritatibus illis eruitur, quod non planissime deum alibi reperitur*. Lib. 2. de Doctr. Christi. cap. 6.

XII. Sedulo quoque animadvertendum est Protestantes non docere scripturam ita esse claram & perspicuam in omnibus quæ sunt ad fidem & salutem alicujus momenti, ut ad scopum ejus assequendum, & doctrinam sacram inde eruendam, nullo sit opus labore studio & diligentia, sed per se fidelis quisque, statim & sine ullo adjumento, illam satis intelligere possit. Nam locorum scripturæ qui perspicui dici possunt sensus quidem nonnunquam ita in promptu est, ut probatione non egeat, & ingerat se vel invitit, quod videre est in iis quæ cuivis ad salutem cognitu necessaria sunt simpliciter & absolute. Nonnunquam tamen etiam, ut scripturæ sensus eruatur, & splendeat, verba diligenter ponderanda

ponderanda sunt, præcedentia & sequentia accuratè expendenda, loca parallela conferenda, & sententia ad fidei analogiam non oscitanter exigenda, sepòlitis præjudiciis, sedatisque animi affectibus.

XIII. Quæ in re opus est, ut Pastores præcant plebi curæ suæ commissæ, tam privatis sermonibus, quam publicis concionibus, & etiam, quum res exigit, editis in scripturam sacram commentariis. Ad hoc enim, inter alia, Deus Ecclesiæ dedit Pastores & Doctores, ut verbum Dei in scriptura contentum exponerent, scripturæ sensum aperirent, & in ejus intelligentiam plebem fidem quasi manuducerent.

XIV. Quem tamen scripturæ sensum à Pastoribus suis commonstratum plebs fidelis non amplectitur cæca quadam obedientia, & propter eorum solam autoritatem; sed eo adducitur ipsa luce veritatis, quum ipsi semel indicata atque commonstrata est. Quemadmodum tyrones qui operam dant literis humanioribus, non possunt classici autores, ut Tacitum, Suetonium, Persium, Horatium per se intelligere, & in multis sensum eorum penetrare, nisi Magister peritus illum indicet, & exponat. Sed ab ejusmodi Magistro manu ducti & docti, per se vident hunc esse verum authoris sensum, ac de eo ipsa rei evidenti persuasi manent, non simpliciter ob sui Magistri autoritatem.

XV. Etenim difficilior est loci alicujus sensum invenire & deprehendere, quam deprehensum ab alio & demonstratum sola veritatis evidentia agnoscere & discernere. Ad prout illud, quum de scripturis agitur, ut invitarentur fideles, Pastores & Doctores dedit Ecclesiæ Christus. Ad posterius istud, in rebus necessariis atque momentolis, præter illuminationem internam Spiritus Sancti, sine qua nemo fidelis esse potest, nihil præterea videtur requiri.

XVI. Est enim adhuc obsciandum Protestantibus non docere, verum scripturæ sensum semel alicui propòlitum, ita se propria luce & evidentia probare, ut à quovis percipi, intelligi & discerni possit, absque divini spiritus auxilio. Etenim mens hominum, quos nondum Dei Spiritus allavit, tantis est à nativitate occæcata præjudiciis, & affectibus pravi quibus variè abripiuntur tantas illi tenebras offundunt, ut planè opus sit divina gratia, & interna Spiritus Sancti operatione, ad hoc, ut scripturam ipsam pro divina, sicut est re ipsa, agnoscere, & verum ejus ac salutarem sensum in multis percipere & discernere valeamus.

XVII. In scripturis quidem multa ita clarè posita sunt, ut homo sensu communi præditus, absque ulla luce supernaturali, percipere possit, & agnoscere scripturam hoc & illud docere, quamvis fidem illi quam patet, non adhibeat. Sed scripturam nemo potest ad salutem intelligere, & in omnibus quæ salutem spectant, verum illius sensum à falso internoscere, absque luce Spiritus Sancti, & speciali Dei auxilio.

XVIII. Nec etiam eam tribuunt Protestantes scripturæ perspicuitatem, ut fidelis quilibet, qui est aliqua Spiritus Sancti luce perfusus, in illa planè omnia intelligat, neque quicquam in ea difficile reperiatur, etiam circa illa quæ spectant vitæ præcepta, & fidei articulos, quorum respectu dantur multi & varii cognitionis gradus. Ipsaque mysteria Redemptionis nostræ, quorum notitia & fides ab omnibus exigitur, sublimitates quasdam & profunditates habent, quæ captum superant eorum etiam qui sunt illuminationatissimi, & in doctrina sacra versatissimi. Itaque semper datur hic locus profectui, & ampliori cognitioni, etiam in iis qui sunt inter fideles maxime perfecti. Unde est quod ipsi Prophetæ, & viri sancti per quos scriptura tradita est, frequenter implorant divinam gratiam, & Spiritus Sancti illuminationem, ut legem Dei ritè percipere atque intelligere possint, & ejus mirabilia ac profunda penetrare. Ut præsertim videre est Psalmo 119. veluti quum David dicit, *Da mihi intellectum, & scrutabor legem tuam.* Item, *Revela oculos meos, & considerabo mirabilia de lege tua.*

XIX. In summa ergo Protestantes non docent scripturam ubique & semper claram & perspicuam esse, sed fatentur in ea multa loca difficilia & obscura reperiri, & etiam nonnulla mysteria & vaticinia in quæ vix penetramus, aut aliquid valemus assequi. Id tantum volunt ea quæ sunt ad fidem & salutem necessaria, qua ratione supra expositum est, in scriptura clarè haberi, aut ex ea posse evidenter elici.

XX. Et tamen non respectu omnium quæ ad fidem & religionem pertinent eam scripturæ tribuunt evidentiam, quæ excludat aut operam Pastorum docentium, & scripturas explicantium, seu viva voce, seu scriptis & editis commentariis: aut curam & attentionem fidelium discitentium & legentium scripturas, ut illis communiter imputant adversarii. Quasi, scilicet, simpliciter vellent scripturas ita cuique apertas & obvias esse, ut etiam plebei & indoctissimi quilibet opus non habeant docente & præcunte

in sacris literis intelligendis, sed per se & sine labore sensum earum ubique assequi & percipere possint.

XXI. Nam contra docent & inculcant ad verum scripturæ sensum percipiendum, & intelligentiam illius assequendam, omnino requiri sedulum legentium studium, & seriam attentionem, & implorationem auxilii divini, sine quo ne tantillum quidem in vera & salutarī scripturæ intelligentia progrediri possimus: ac præterea vivæ vocis Pastorum auditionem, quæ fidelibus nunquam negligenda est, ut quæ sit medium à Deo institutum, quo nos ad fidem ordinariè vocat, & semel vocatos in fide confirmat, deque iis quæ ad fidem & salutem pertinent quotidie magis ac magis instituit & edocet.

XXII. Quod attinet ad Doctores Ecclesiæ Romanæ, in scriptura multa esse perspicua non negant. Nec etiam multum laborant, an ea quæ omnibus & singulis ad salutem cognitu necessaria sunt, & quæ nemo sine salutis periculo ignorare potest, in scriptura sint aptè posita: istudque eorum multi haud gravate concedunt. Bellarminus in primis qui respondens ad illud Augustini, quod à Protestantibus sæpe citari solet, *In his quæ aptè posita sunt in scriptura inveniuntur illa omnia quæ continent fidem morisque vivendi*: dicit Augustinum loqui de illis dogmatibus quæ necessaria sunt omnibus simpliciter, qualia sunt quæ habentur in symbolo Apostolico & in Decalogo. Et postea probat illud ejusdem Augustini, *Credo quod etiam hinc divinarum eloquiorum clarissima auctoritas esset, si homo illud sine dispendio promissæ salutis ignorare non posset*. De verbo Dei, lib. 4. cap. 11. paragr. *Ultimo proferunt*, Nec alia mens est Costeri Jesuitæ. *Non inficiamur*, inquit, *precipua illa fidei capita, quæ omnibus Christianis cognita sunt ad salutem necessariam, perspicue satis esse Apostolicis scriptis comprehensa*. In Enchiridio, cap. 1.

XXIII. Itaque tota lis quæ inter Scholam Romanam & Protestantes intercedit circa scripturæ perspicuitatem, ad hoc reduci potest, an omnes controversiæ fidei & Religionis, quæ sunt alicujus ad salutem momenti, & de quibus licet securus, citra hæresin, opinari non licet, ex scriptura possint clarè & aptè decidi? quod affirmant Protestantes, negant verò Doctores Ecclesiæ Romanæ.

XXIV. Sed ut clarius appareat quatenus & quousque Theologi Scholæ Romanæ velint scripturam sacram obscuram esse, attendendum est ad occasionem hujus controversiæ. Inde enim illa nata est, quod quum Protestantes proferrent varia scripturæ testimonia, quibus multa arguebant in cultu & doctrina Ecclesiæ Romanæ; iisque commoti plurimi de populo Christiano ab Ecclesia Romana secederent, & ad communionem Protestantium sese adjungerent; obtenderunt Doctores Ecclesiæ Romanæ scripturam ambiguum, perplexam, & obscuram esse, & posse trahi in varios sensus, diversasque & oppositas interpretationes pati: ideoque illam compararunt gladio ancipiti, naso cereo, & regulari plumbeæ, quæ ad arbitrium cujusque variè torqueri & inflecti potest. Unde concluderent lites quæ circa res fidei in Ecclesia oriuntur, non posse satis tuto & certò ex ea decidi. Quippe tantas scripturæ offusas esse tenebras, ut quæ sit ejus sententia de controversiis capitibus Religionis Christianæ, fidelibus constare non possit seclusa autoritate traditionis non scriptæ. Itaque plebem Christianam percelli non debere scripturæ locis quibus Protestantes Ecclesiæ Romanæ doctrinam & praxin impugnabant: Nec fidelibus suo ipsorum judicio hac in re standum esse, sed Ecclesiæ, id est, præsulum hodiernorum interpretationi, cum summa animi demissione ipsis esse acquiescendum. Nihil enim proclivius esse, quam ut in hæreses prolabantur qui suo ipsorum lumine & judicio uti volunt in verò scripturæ sensu diligendo atque discernendo, propter Sacræ Scripturæ obscuritatem & ambiguitatem, quæ Ecclesiæ determinatione & autoritate tolli & amoveri debet, ut de Scripturæ sensu certum aliquid statuamus.

XXV. Quapropter inter Protestantes & Ecclesiæ Romanæ Doctores non queritur, An Scriptura Sacra sit aliquo modo perspicua vel obscura. Nam Protestantes ultro constituentur in sacris literis esse loca quædam obscura: nec Scholæ Romanæ Doctores dissententur esse perspicua nonnulla, ut ante ostensum est. Sed de obscuritatis & perspicuitatis gradu live magnitudine tota contentio est. Num scilicet scriptura sacra sit usque adeo obscura, ut quæ sit ejus de controversiis fidei & Religionis, quæ sunt alicujus ad salutem momenti, sententia, fidelibus ordinariè certo constare non possit, quam ex traditione non scripta, judicioque & testimonio Ecclesiæ præsentis sæculi, quantumcumque adhibeant sedulitatem & diligentiam, tum in implorando auxilio divino, tum in expendendis atque conferendis inter se scripturæ locis, tum in audiendis atque consulendis priorum doctorum expositionibus? Protestantes negant tantam in scriptura obscuritatem esse, ut ad verum ejus sensum percipiendum atque dignoscendum necesse sit confugere ad traditionem non scriptam, & judicium præsentis Ecclesiæ tanquam infallibilis cujusdam inter-

pretis, sine cuius auctoritate & determinatione, vera scripturæ interpretatio, & vera de rebus fidei sententia, sua luce seipsam probare atque suadere non possit fidelibus, & his quibus Spiritus Sanctus secundum ordinariam gratiæ mensuram concessus, mentis oculos aperuit. Illud vero affirmant Scholæ Romanæ Theologi : qui non tantum requirunt Doctorum & Pastorum Ecclesiæ peritiā, ad verum scripturæ sensum aperiendum atque commonstrandum, circa dogmata controversa, sed eorum præterea auctoritatem ad illum determinandum, sine quo ambiguus & incertus maneret.

XXVI. Atque ut huius questionis statum brevius concipiam, hic præcipue ac propriè quæritur, An scripturæ stylus & tractandi modus sit usque adeo perplexus & obscurus, ut in rebus quæ ad fidem spectant, sensus salutaris à pernicioso internosci non possit ordinari, sine auctoritate traditionis non scriptæ, & iudicio præsentis Ecclesiæ, tanquam infallibilis ejusdem interpretis. Quod negant Protestantes, affirmat vero Schola Ecclesiæ Romanæ.

XXVII. Sed facile ostendi potest obscuritatem illam quam Scholæ Romanæ Doctores Scripturæ Sacræ tribuunt, apertè pugnare cum Dei consilio in procuranda scriptura. Primo enim negari non potest quin tuerit Dei consilium, quum doctrinam sacram scripto consignari voluit, ut ea ratione facilius conservari & propagari posset, & ab hominum corruptelis & oblivione vindicari. Ea est enim hominum perveritas, incuria, & negligentia, ut quæ simpliciter eorum curæ & memoriæ commissa sunt oblivioni facile mandentur, aut saltem variis modis corruptantur & adulterentur, & obnoxia sint multis & magnis mutationibus. Ideoque Deus ut Doctrinæ cœlesti hominibus semel traditæ caveret, & perpetuo illam apud homines conservaret, iudicavit & re esse illam consignari tabulis authenticis, & libris sacris tanquam fidei custodibus asservendam tradi, ut inde semper pura hauriri posset. Sed frustra Deus hinc illum intendit & hanc conservandæ Doctrinæ cœlestis rationem inivit, si Scriptura Sacra adeo obscura est, ut sine opetraditionis non scriptæ constare fidelibus de illius sensu non possit. Etenim si res ita se habet, cum Doctrina sacra non tam in scripturæ litera, quam in sensu quærenda sit, certè non tam scripturæ commissæ censei debet, quam hominum curæ atque memoriæ relicta; neque minus obnoxia erit hominum fraudibus & oblivioni, quam si scripta non esset. Quippe poterunt homines ad libitum pervertere fidei doctrinam, & scripturæ sensum immutare, nec tamen poterunt argui ex scriptura, si scriptura consueque perplexa & ambigua est, ut in iis quæ pertinent ad fidem moreque vivendi, admittat oppositos & contrarios sensus.

XXVIII. Deinde eo consilio scripturam Deus hominibus tradidit, ut ex ejus lectione omnes voluntatem Dei discere possent, & in doctrina cœlesti institui. Nam, ut ait Paulus, *quæcunque scripta sunt, ad nostram Doctrinam scripta sunt* : ut per patientiam, & consolationem scripturarum spem habeamus, Rom. 15. Et Deuteronomii capite 31. Deus jubet ut liber legis coram universo populo legatur, adstantibus etiam mulieribus, parvulis, & advenis; idque eo fine, ut omnes audiant & discant timere Dominum Deum suum. Et ejusdem libri capite decimo septimo sigillatim præcipitur Regi, ut volumen legis penes se habeat, & legat illud omnibus diebus vitæ suæ, ut discat timere Dominum Deum suum, & custodire verba & ceremonias ejus quæ in lege præcepta sunt. Similiter Apostolus omnibus fidelibus epistolas suas legi cum adjuratione præcipit, 1 The 5. sicut etiam non solum Ecclesiæ præpositis & Pastoribus scribere se prohetur, sed fidelibus omnibus : ut videre cū in plerarumque epistolarum ejus initiis. Jam autem si Deus verbum suum eo fine scriptis mandari voluit, ut ex ejus lectione omnes promiscuè fideles possent in doctrina salutis institui, proculdubio illud ita perspicuè conscribi curavit, ut omnes quoque illud legendo, vel audiendo quæ ad salutem & fidem pertinent inde discere & haurire possent. Non possent autem si scriptura adeo obscura & ambigua esset, ut qui illam legunt & audiunt sensum salutarem & pernicioso discernere nequeant, sed ut natus cereus in quæcunque partem verti, insecti, & torqueri posset. Quid enim aliud potest scriptum istiusmodi, quam ut lectorem, vel auditorem suum perplexum & incertum relinquat de eo quod sibi credendum atque faciendum est? Neque sapientis est legendum proponere quod intelligi non potest, & unde nullus, vel exiguus tractus ad lectorem redire queat.

XXIX. Præterea Doctores Ecclesiæ Romanæ non negant, nec negare possunt, scripturam esse fidei regulam, saltem, ut illi volunt, partialem, & in hunc nmem à Deo datam esse. Quo facit ipse titulus Canonice, quem Christiani scripturæ communī consensu tribuunt. At si scripturæ sensus ex se obscurus, vagus, & incertus est, & opus est Ecclesiæ determinatione atque auctoritate, ut aliquis possit de illo certus esse, certè scriptura

tura nullo modo regulæ nomen meretur, cum regula debeat esse aliquid certum & determinatum, atque in suo genere per se notum. Imo viva Pastorum vox erit scripturæ regula, si scripturæ verba illum non determinent, sed ex Pastorum voce atque testimonio definiendus & determinandus sit; cum scriptura non ex litera, sed ex sensu æstimanda sit. Verba autem scripturæ, & eorum coherencia, sensum ejus non determinant, si lectorem ambiguum & suspensum relinquant, donec accedat Pastorum Ecclesiæ autoritas. Et tamen Pastorum Ecclesiæ Doctrina, ex scriptura probari, & ut ita dicam, mensurari debet: sicut doceri potest exemplo Berceusium, qui audita Pauli prædicatione, consulebant scripturas an res ita se haberet, sicut Paulus dixerat, Act. 17.

XXX. Ac profecto palam sibi contradicunt Scholæ Romanæ Theologi, dum ex una parte admittunt scripturam esse fidei regulam, aut partem regulæ illius facere; & ex altera tamen, quum agitur de Scripturæ Sacre perspicuitate sive obscuritate, in iis quæ pertinent ad fidem, clamant illam esse inftar nali cere, eamque vocant regulam Lesbiam, sive plumbeam. Etenim regula plumbea, quæ ad arbitrium utentis inflectitur, nullo modo regula est, nec eo nomine digna. Ac quicunque aliquid regulam plumbeam vocat, illud de quo agitur negat esse regulam.

XXXI. Præterea perpetuus Ecclesiæ usus est, & ab initio fuit, hæreticos & heterodoxos Ecclesiæ Orthodoxæ autoritatem palam aspernantes, ex ipsa Scriptura Sacra arguere atque convincere, prolatis testimoniis, quibus eorum errores damnantur & rejiciuntur, aut contraria veritas asseritur, seu expressè, seu per bonam & validam consequentiam. Sic initio nascentis Ecclesiæ Christianæ, Apollos *Vebementer Judæos revincebat publice, ostendens per scripturas Iesum esse Christum*, Act. 18. Et Paulus similiter ex scripturis revincit in Epistolis suis ad Romanos & Galatas errores Judæorum aut Judaizantium, circa hominis justificationem, & Cæremoniarum Legalium usum atque necessitatem. Et præter quoque Ecclesiæ Doctores, ut Augustinus, & Athanasius, putaverunt errores Ariariorum & Pelagianorum, etiam sepelita Ecclesiæ Catholicæ & Conciliorum ejus autoritate, plurimis Scripturæ Sacre testimoniis fortiter atque evidenter impugnari & everti posse. Quin ipsi Doctores Ecclesiæ Romanæ, quum disputant adversus eos qui ab Ecclesiâ Romana secesserunt, varia scripturæ loca adversus illos urgent, & ex iis evidenter illos convinci posse gloriantur. Sed si scriptura adeo perplexa & ambigua est, circa fidei dogmata, ut admittat sensus oppositos, & propterea mereatur *gladio ancipiti, & usque cæcis conferri*, errores heterodoxorum non possunt ex ea revinci, & semota Ecclesiæ autoritate, ex ea disputare adversus hæreticos, est illudere, & operantur perdere. Etenim qui possit unquam adversarium convincere ex locis qui tam ejus, quam tuum sensum admittere possint?

XXXII. Sed ipsa Scriptura Sacra à se satis aperte removel talem obscuritatem & ambiguitatem. Sic enim loquitur Moyses de lege quam scripto tradebat populo Israelitico. *Mandatum quod ego præcipio tibi non supra te est, neque procul positum, nec in caelo situm, ut possis dicere: Quis nostrum valet ad caelum ascendere, ut deferat illud ad nos, & audiamus atque opere compleamur? Neque trans mare positum ut causeris, & dicas: Quis ex nobis poterit transfretare mare, & illud ad nos usque deferre ut possimus audire & facere quod præceptum est? Sed juxta te est sermo valde, in ore tuo, & in corde tuo, & facias illum.* Deut. 30. Quis enim non agnoscat tot accumulatis verbis significari, Moysen Israelitis clarè proposuisse quænam esset Dei voluntas, quidque Deus ab ipsis fieri & credi juberet, ut mortem vitare, & vitam consequi possent? Ut deinceps nullam possent ignorantiam prætexcere, si officio suo erga Deum non fungerentur. Nam ad quid aliud spectant quæ Moyses exaggerat verbum illud non esse supra ipsos neque procul positum, sed valde propè esse in ore ipsorum, & in corde ipsorum, nec opus esse qui ad ipsos deferat ut illud audiant? & qui posset verè & cum ratione sic loqui de Doctrina verbis ita ambiguis & obscuris propolita, ut sensus ejus maneret ambiguus & incertus, donec accederet interpres qui autoritate sua illum determinaret, nec tantum aliqua sua peritiam periret?

XXXIII. Ad hoc cum aliis Scholæ Rom. Doctoribus duo respondet Bellarminus. Unum est hocum intelligendum esse de facilitate legem implendi, non autem de facilitate cognoscendi legem. Sed alibi Bellarminus ipse ait, *expositionem esse maxime literalem & propriam, si locus sic accipitur, non de facilitate legi implende, sed cognoscende. Quoniam enim, inquit, ante laram legem potuissent Judæi prætexcere ignorantiam, si non fecissent, quæ Deus ab illis volebat: ideo Moyses posteaquam totam legem illis exposuit, admonet illos ut legem impleant, neque ullo modo ignorantiam obdiant: ideo ait, Mandatum hoc non supra te est, neque procul positum, id est, non in alto loco, vel longinquo, ut illud cognoscere non valeamus.* Lib. 5. de grat. & lib. Arbitr. cap. 6. Deinde verba illa, *ut audire possimus,*

Thesum Theologicarum
DE
SCRIPTURÆ
PLENITUDINE ET SUFFICIENTIA

Adversus necessitatem verbi cujusdam non scripti.

PARS SECUNDA.

*In quâ Pontificiorum sententia exponitur, & indicatur controversiæ status, verâ
que sententia argumentis confirmatur.*

Thesis Prima.



IN HESIBUS præcedentibus de Scripturæ plenitudinæ & sufficientiâ, quam distinctè & dilucidè à nobis fieri potuit, exposita est nostrarum Ecclesiarum sententia. Ut verò rem totam in pauca contrahamus, huic illa redire videtur, nempe, ex quo Deus verbum suum scriptis consignari voluit, Ecclesiam in libris sacris habuisse omnia quæ pro singulis ætatibus, & varia Dei dispensatione ad salutem ita necessaria erant, ut nemo posset citra salutis dispendium contrarium docere, tueri ac tenere: si-ve quod eodem recidit, Scripturam sacram semper continuisse omnia, quæ ad corpus & substantiam religionis pertinebant, & ex Dei Instituto necessaria erant, quamvis determinatio multarum circumstantiarum quæ ad divini cultus, & Ecclesiasticæ disciplinæ exercitium pertinent, fuerit potestati Ecclesiæ permittâ, non verò sigillatim in Scriptura præscripta.

II. Non tamen omnia illa quæ necessaria dicimus in Scriptura de verbo ad verbum reperiri, sed, vel verbis æquipollentibus, vel saltem ita ut singula ex Scriptura deduci possint per necessariam atque evidentem consequentiam, citra opem alterius fidei principii, ad quod Scriptura nos remittat, ut ex eo cognitionem uberiores hauriamus.

III. Ac præterea fidei principia Scriptura quidem contineri, quoniam sunt ipsa Scriptura, non aliquid extra Scripturam; non quòd Scriptura sacra probari debeant aut possint. Reliqua verò omnia quæ ad religionem & doctrinam sacram pertinent, vel disertis textibus probari, aut ex Scripturis per apertas & proximas consequentias deduci, ejusmodi sunt ea quæ propriè dogmata fidei appellari debent: vel solummodo per consequentias remotiores & minus evidentes ex reconditiore Scripturæ penu veluti depromi, cujusmodi sunt multæ Theologicæ veritates in Scholis Orthodoxis proponi & doceri solitæ.

IV. Quibus addendum est Ecclesias nostras illud acutè tenere, quæ ad salutem necessaria sunt, non posse aliunde, quàm ex Scriptura peti certò & infallibiliter, nec ullum esse præter Scripturam Dei verbum, quo confirmari possint ea quæ fidei sunt, ad quæ Scripturam sacram unicam esse fidei regulam, cui non possit alia adungi quæ sit paris auctoritatis.

V. Sequitur jam ut exquiramus quæ sit de hac questione Doctorum Ecclesiæ Romanæ sententia, Primò igitur docent, Scripturam non esse datam Ecclesiæ in hunc finem, ut esset unica fidei regula, atque ut ex ea sola religionis instituta & fidei dogmata

peti & erui deberent. Itaque non esse necesse, ut omnia quæ pertinent ad fidem atque mores, ex Scriptura sacra probentur. *Nō negant, tamen illa, quæ ad salutem singulis simpliciter necessaria sunt, in Scriptura sacra reperiri, ut videre est apud Bellarminum, De verbo Dei lib. 4. cap. 11. par. ultimo proferunt.* Ubi respondens asserunt ad illud Augustini quod à nostris pro sua sententia afferri solet, In his quæ aperte posita sunt in Scriptura inveniri illa omnia quæ continent fidem morisque vivendi. *Loquitur, inquit, de illis dogmatibus quæ necessaria sunt omnibus simpliciter, quæ sunt quæ habentur in Symbolo Apostolico, & in Decalogo.* Et insequentibus probat illud ejusdem Augustini, *Creda quod etiam hinc divinatorum eloquiorum clarissima auctoritas esset, si homo illud sine dispendio promissa salutis ignorare non posset.*

VI. Itaque etiam totam doctrinam, sive de fide, sive de moribus, necessariam non quidem singulis simpliciter, sed toti Ecclesiæ aliqua ratione Scriptura contineri non negant Doctores Ecclesiæ Romanæ: sed solum non expresse contineri asserunt, ut videre est apud Bellarminum lib. 4. de verbo Dei cap. 3. par. 2. Et similiter Stapletonus agens de principiis fidei doctrinalibus, *Controv. 5. quest. 5. art. 1.* dum hanc questionem explicat; Varios modos proponit quibus tota doctrina salutis in Scripturis continetur. Et primo quidem hunc quod Scriptura sacra veram Ecclesiam indicans, & ad eam nos mittens, per eam nos omnia necessaria docet. Deinde etiam istum, quod ex multis illis dogmatibus quæ in Scripturis aperte posita sunt: reliqua possunt firmiter deduci, sicut dogma de duabus in Iesu Christo natis ex filii Dei incarnatione. *Nam, inquit, etiam hoc sensu omnia ad fidem necessaria Scripturis comprehendere verum est & Patres docent.*

VII. Et quamvis in hac questione omnes Doctores Ecclesiæ Romanæ non eodem modo loquantur, sed alii plus, & alii minus Scriptura videantur hac in re tribuere; in eo tamen omnes conveniunt, omnia quæ sunt ad æternam salutem necessaria requisita, in Scriptura sacra contineri explicitè, vel implicitè, expresse vel virtute, & tanquam in fimine, si ad eum sensum Scripturæ intelligantur quem intendit Spiritus sanctus.

VIII. Sed negant omnes ea quæ ad doctrinam fidei & morum in Ecclesia necessaria sunt in Scripturis ita contineri omnia, ut sufficienter inde peti & hauriri possint, sine operæ traditionis, & verbi ejusdem non scripti, quod in Ecclesiæ corde depositum est.

IX. Etenim Doctores Ecclesiæ Romanæ communi consensu docent, Christum Dominum nostrum, & Apostolos ejus, multa docuisse & instituisse ad fidem & divinum cultum pertinentia, quæ in sacris literis expressa non reperiuntur, nec sufficienter inde possunt erui: adeoque doctrinam Christianam & Apostolicam partim Scriptura, partim verbo quodam non scripto, & ore tenus tradito contineri.

X. Istud autem verbum non scriptum Ecclesiarum rectoribus & præpositis commendatum, & eorum fidei commissum, de manu in manum postea traditum fuisse volunt, & perpetua Episcoporum & Pastorum successione sincerum & incorruptum ad nos usque pervenisse.

XI. Atque hæ sunt quas vocant traditiones non scriptas, quo nomine intelligunt dogmata & instituta pertinentia ad fidem atque religionem, quæ Scripturis canonicis consignata non fuerunt. De quibus, ut, quæ sit eorum sententia, distinctius intelligatur, sciendum est, fatentibus ipsis Pontificiis, traditionis nomen ex se generale esse, & significare doctrinam omnem quæ ab uno traditur & communicatur alteri, sive per scriptum, sive extra Scripturam. Et ita tradere est idem quod docere, & traditio idem quod documentum. Sed tamen usus Scriptorum Ecclesiasticorum traditionis vocem plerumque restringit ad doctrinam non scriptam, sed voce traditam: & ita sumunt hanc vocem Pontificiæ Scholæ. Neque tamen per doctrinam non scriptam, intelligunt eam quæ nullibi scripta est, sed, quæ scripta non est à primo auctore, seu potius, ut eorum quidam accuratius dicunt, quæ scripta non invenitur in libris Canonicis Prophetarum & Apostolorum.

XII. Porro traditiones variè partiuntur. Sed partitio quæ hic maxime consideranda est, illa est: quæ sumitur ab authoribus ad quos referendæ sunt. Dicant enim traditiones, alias esse Divinas, alias Apostolicas, & alias Ecclesiasticas. Divinas traditiones vocant ea, quæ, ut existimant, Christus ipse *autogenitus* docuit & instituit: nec tamè usquam in sacris literis inveniuntur. Hujusmodi traditio ipsis est unctio illa ex oleo & balsamo quæ fit in confirmatione, quam inter Sacramenta novæ legis numerant. Agnoscunt enim omnia novæ legis Sacramento immediatè à Christo institui debuisse.

XIII. Apo-

XIII. Apostolicæ verò traditiones ab iis proprie dicuntur, quæ ab Apostolis præcepta & instituta opinantur, quamvis eorum mentio nulla fiat in scriptis Apostolicis. Ad quas traditiones referunt jejunium quod vocant Quadragesimæ, quod ab Apostolis institutum autumant. Et tamen sæpe has voces confundunt, traditiones Divinas vocantes ea, quæ non Christus ipse, sed Apostoli tantum instituisse putantur: quoniam quæ sunt ab iis instituta non sine divini Spiritus afflatu instituerunt. Et vicissim quæ ad Christum referunt, traditiones quæque Apostolicas vocant, quoniam eorum quæ Christus docuit nihil ad nos pervenit, nisi per Apostolorum scripta & prædicationem. Ecclesiasticæ verò traditiones ab iis vocantur quædam consuetudines antiquæ, vel à Prælati, vel à populis inchoatæ, quæ paulatim tacito populorum consensu vim legis obtinuerunt.

XIV. Cæterum omnibus istis traditionibus non omnino eandem auctoritatem tribuunt. Et quidem traditiones illas quas divinas vocant, eandem vim habere volunt, quam divina præcepta & dogmata quæ scripta sunt in Evangeliiis. Et similiter traditionibus, quas Apostolicas dicunt, eandem auctoritatem tribuendam esse statuunt, quam scriptis Apostolicis. Sed traditionibus Ecclesiasticis minorem aliquanto auctoritatem deferunt, eam scilicet, quam habent Canones & Leges Ecclesiæ scriptæ.

XV. Itaque ad duo tantum priora traditionum genera restringunt Decretum Concilii Tridentini, quod habetur Sessione quarta: ubi præcipitur ut traditiones non scriptæ pari pietatis affectu suscipiantur atque ipsi libri Scripturæ Canonice. Verba Concilii sunt, *Synodus perspicuens Evangelii veritatem & disciplinam contineri in libris scriptis, & siue scripto traditionibus, quæ ipsius Christi ore ab Apostolis acceptæ, aut ab ipsis Apostolis Spiritu sancto dictante, quasi per manus traditæ, ad nos usque pervenerunt, Orthodoxorum Patrum exempla secuta, omnes libros tam Veteris quam Novi Testamenti, cum utriusque unus Deus sit auctor, necnon traditiones ipsarum ad fidem, tum ad mores pertinentes, tanquam, vel ore tenus à Christo, vel à Spiritu sancto dictatas, & continua successione in Ecclesia Catholica conservatas, pari pietatis affectu & reverentia suscipit & veneratur.*

XVI. Porro Doctores Ecclesiæ Romanæ plures tradunt regulas, quibus traditiones revera divinæ & Apostolicæ discerni possint ab aliis, quæ falso possent pro talibus obtrudi. Quæ tamen omnes regulæ ad tres reduci possunt. Prima est quod quicquid Ecclesia Romana tanquam de fide credit, nec tamen in Scriptura clare traditum reperitur, hoc ipso censendum est traditionem esse divinam, seu Apostolicam. Idque nititur duobus quæ supponunt fundamentis. Unum est quod Ecclesia Romana errare non possit: Alterum quod tamen Ecclesia illa hodie non regitur novis revelationibus: sed quicquid novit in rebus fidei id totum ab Apostolis & Prophetis didicit.

XVII. Secunda regula nitens iisdem fundamentis hæc est, Quod ea quæ servat Ecclesia Romana quæ sunt ejusmodi, ut nemo nisi Deus legitime potuerit illa instituire, nec tamen in Scripturis reperiuntur à Deo instituta, ab Apostolis tradita fuisse necesse sit.

XVIII. Tertia denique regula eorum est, Quod illud, quod Doctores Ecclesiæ Romanæ communi consensu docent, ex Apostolica traditione descendere revera pro traditione Apostolica habendum sit: licet tale sit ut ab Ecclesiâ potuerit institui. Cujusmodi traditionem volunt esse jejunium illud quod vocant Quadragesimale.

XIX. Sed rursus hæ tres regulæ in unicam contrahi possunt, hanc nempe, Quod quicquid Ecclesia Romana tanquam divinam aut Apostolicam traditionem proponit; pro traditione tali indubitato sic habendum. Quemadmodum enim Doctores Ecclesiæ Romanæ auctoritatem librorum diu notorum quoad nos ab Ecclesiæ presentis testimonio suspendunt, ita quoque nonnisi ejusdem judicio traditiones veras à falsis certò & infallibiliter discerni & distingui volunt.

XX. Porro ex iis quæ dicta sunt, facile colligi potest quatenus Ecclesiæ nostræ cum Ecclesia Romana in hac questione convenient, & quatenus ab ea dissentiant: adeoque quis sit hujus controversiæ status. Et primò quidem Ecclesiæ Romanæ concedimus singula quæ pertinent ad Ecclesiæ politicam, publicque & externi cultus ceremonias, ex Scriptura peti non posse; sed esse potestati Ecclesiæ permilla, & relicta prudentiæ præpositorum Ecclesiæ.

XI. Ultro quoque fateamur illa ipsa quæ pertinent ad substantiam & corpus fidei & religionis in Scriptura non contineri verbatim & expresse, siue immediate, sed multa fidei dogmata solummodo ex Scriptura per bonam & legitimam consequentiam deduci.

XXII. Vicissim verò Doctores Ecclesiæ Romanæ nobis concedunt, omnia quæ sunt omnibus simpliciter ad salutem necessaria; & quorum fides explicita à fidelibus singulis exigitur, in Scriptura clarè & apertè haberi. Ac præterea nobis largiuntur omnia quæ necessaria sunt ad doctrinam fidei & morum in Scriptura saltem virtute & implicite contineri, & ex ea posse per bonam consequentiam deduci.

XXIII. Sed discrimen in eo est, quod omnia quæ ad fidem & religionem necessaria sunt, contendimus ex Scriptura ita peti & probari posse, ut opus non sit alio fidei principio, ad quod Scriptura nos remittat plenius erudiendos. Nec etiam ullum fidei principium & regulam extra Scripturam agnoscimus. Doctores verò Ecclesiæ Romanæ omnia fidei dogmata, & religionis instituta ex Scriptura sufficienter probari non posse contendunt, nisi interveniente Ecclesiæ doctrina atque traditione, quam tanquam alteram verbi divini partem pariter cum Scriptura sacra autoritatis suscipiendum esse docent.

XXIV. Adæque tota hæc quæstio in duobus versatur. Unum est, an Apostoli quædam necessaria docuerint aut instituerint, quæ non sint sufficienter in sacris literis contenta. Alterum, an Apostolorum documenta & instituta aliunde certò & infallibiliter peti & haberi possint, quàm ex Scriptura sacra, nempe ex traditione Doctorem Ecclesiæ qui Apostolos secuti sunt, cui par obsequium fidei debeat atque ipsi Scripturæ sacræ. Utrumque affirmant Doctores Ecclesiæ Romanæ; Theologi verò omnes Orthodoxi utrumque negant.

XXV. Duo igitur affirmamus. Et primò quidem omnia quæ pertinent ad substantiam fidei & religionis plenè & sufficienter in Scriptura sacra contineri. Deinde præter Scripturam non extare ullum Dei verbum quod huiusmodi sit principium & regula, adæque nullas traditiones non scriptas æqualis esse cum sacra Scriptura autoritatis. Minimè verò istud honoris tribuendum esse traditionibus illis quæ Ecclesiæ Romana tanquam Apostolicas & divinas commendat. Prius autem illud sequitur ex posteriori. Etenim si nullum sit præter Scripturam Dei verbum, necesse est illam omnia ad fidem & salutem necessaria continere, vel nos jam aliquibus necessariis carere. Et quod inde sequitur, nullam certam ad salutem nobis superesse viam. Itaque omnis iis testimoniis quibus Scriptura suam ipsius plenitudinem & perfectionem commendat, istud præcipue probare contendemus nullum esse Dei verbum viva voce tantum traditum quod cum Scriptura sacra certa sit fidei regula.

XXVI. Primùm ergo sic argumentamur. In Ecclesia Judaica, cum Scriptura sacra constaret solis Veteris Testamenti libris, tota salutis doctrina Scriptura continebatur, neque extabant ullæ traditiones non scriptæ æqualis cum Scriptura sacra autoritatis. Igitur multò magis credendum est totam salutis doctrinam hodie sacra Scriptura contineri, cum Scriptura jam aucta sit Novi Testamenti libris, in quibus exponitur doctrina Christi & Apostolorum. In Ecclesia verò Judaica non extitisse ullas traditiones non scriptas, ejusdem cum Scriptura sacra autoritatis, ex eo colligitur, quod, si quæ tales habendæ fuissent, proculdubio forent illæ quas Judæorum magistri commendabant & quarum apud populum observationem urgebant. Sed illas vanas fuisse & hominum commenta docet Christus apud Martham cap. 15. & apud Marcum cap. 7. Quum enim Scribæ atque Pharisei, qui tum erant Ecclesiæ Judaicæ Doctores, discipulos Christi arguerent, dicentes. *Quare discipuli tui transgrediuntur traditionem seniorum? Non enim lavant manus quum panem edunt.* Christus vicissim illos increpat, dicens, *Quare & vos transgredimini præceptum Dei per traditionem vestram? Item, Irritum fecistis præceptum Dei per vestram traditionem.* Neque solum arguit eorum hypocrisis, quod mandatorum humanorum observationem urgebant, dum ipsi Dei mandata negligebant, & dogmatibus pravis corrumpabant: sed in genere declarat traditiones eorum tanquam frustraneas rejciendas esse, nec ullas traditiones ut veras & legitimas à falsis & spuris distinguit. Bene, inquit, *de vobis prophetauit Esaias, sicut scriptum est, populus iste labiis me honorat, cor autem eorum procul abest à me. Frustra verò me colunt docentes doctrinas quæ sunt præcepta hominum. Nam amisso Dei præcepto tenetis traditiones hominum, lotiones sextariorum, & poculorum, aliisque similia hujusmodi multa facitis.* Idèoque Paulus Coloss. 2. fideles monet ut sibi caveant ab hominum traditionibus. *Videte, inquit, Ne quis vos decipiat per Philosophiam & inanem fallaciam, secundum traditionem hominum.* Et Galat. 4. sibi ipsi vitio vertit quod ante suam ad Christum conversionem, *Supra modum zelator fuerit patrum traditionum.* Cum ergo Christus & Apostoli damnent, ac pro doctrinis hominum habeant Judæorum traditiones extra Scripturam sacram, pari ratione sequitur, rejciendas & damandas esse traditiones Pontificiorum, cum illæ non majori autoritate nobis commendentur quàm Judæorum olim traditiones.

XXVII.

X X V I I. Respondent adversarii, Christum & Apostolos non reprehendere traditiones, quas Judæi acceperant à Mose & Prophetis, sed traditiones acceptas à quibusdam recentioribus, quæ quidem traditiones partim inanes erant, partim cum Scripturis repugnabant: Sed aliam esse rationem traditionum Ecclesiæ Romanæ, quas illi scilicet à Christo & Apostolis acceperunt. Sed contrà sciendum est, traditiones illas, quas Christus exagitat ut doctrinas hominum, pro traditionibus Moisaicis & Propheti-
cis fuisse venditatas. Nam Judæorum Rabbini, in eo majorum suorum vestigiis insistentes, traditiones suas vocant *thorah scabbahal peh*, quasi dicas, *legem oralem*, nempe quia volunt illas ore tenus à Mose acceptas, qui illas in monte Sinai ab ipso Deo habuerit, non migus quam legem scriptam, cui proinde volunt illas autoritate pares esse. Jam autem Christi tempore Judæorum Doctores erant Ecclesiæ Doctores & Magistri; siquidem nulla tum erat vera Dei Ecclesia nisi apud Judæos. Cum ergo nihilominus Christus aperte rejiciat, & pro doctrinis hominum habeat traditiones quas extra Scripturam proferebant; licet ab antiquis illas accepissent, ad quæ ab ipso Mose traditas gloriarentur, quam fidem facient hodierni Pontificiorum Doctores traditiones illas, quas se ab ipso Christo & Apostolis ejus per manus patrum suorum accepisse se jactant, revera esse instituta Christi & Apostolorum, non verò humana inventa? Et certe cum inde pateat Ecclesiæ magistros in eo posse falli, & pro divinis obtrudere dogmata & præcepta quæ merè humana sunt, inde quoque sequitur nullum extra Scripturam sacram certum Dei verbum reperiri. Etenim, si quod tale verbum Dei exstaret, ab Ecclesiæ præpositis accipiendum esset; nec majori autoritate nobis commendaretur.

X X V I I I. Denique quod tradunt & docent Ecclesiæ Doctores non potest rejici tanquam humana traditio, nisi quia est extra Scripturam. Etenim, si Dei verbum Scriptura sacra determinatum non esset, sed præterea extaret verbum Dei non scriptum, jure possent obtendere Ecclesiæ Doctores sua documenta esse illud ipsum Dei verbum. Et revera, si ad aliquod verbum Dei non scriptum nobis recurrendum esset, unde potius deberet accipi quam ab ipsis? Cum ergo nihilominus contingat, teste Christo, Ecclesiæ Doctores pro Dei verbo proponere quod non est aliud quam humanum commentum; inde manifestum est habendum esse pro doctrina hominum, quicquid extra Scripturæ substantiam proponi potest, & Scripturam regulam esse ad quam omnia examinanda sunt: alioquin, ut diximus, Magistrorum Ecclesiæ præcepta & documenta, tanquam traditiones humanæ, rejici non possent.

X X I X. Præterea valde notandum est quod in sua responsione adversarii concedunt, nempe Christum ibi reprehendere traditiones quasdam à quibusdam Mose & Prophetis recentioribus acceptas. Etenim inde sequitur pari saltem jure damnandas, & rejiciendas esse traditiones illas quas Pontificii Ecclesiasticas vocant, id est, multa quibus putatur Deus coli, & quæ tamen nec Christus, nec Apostoli ejus instituerunt, sed Pastores & Doctores posteriorum seculorum: quæ certè traditiones magnam partem constituent institutorum Ecclesiæ Romanæ. Nam traditiones illæ non sunt minus mandata & præcepta hominum quam quæ olim à senioribus Judæorum instituta erant. Ideoque non minus in illas congruunt Ista verba à Christo prolata, atque confirmata, *frustra colunt me docentes doctrinam & mandata hominum*.

X X X. Ad illud verò quod dicunt adversarii Judæorum traditiones fuisse sacræ Scripturæ contrarias, suas verò non item: observandum est multas Judæorum traditiones non fuisse directè, & sua natura legi divinæ contrarias, sed tantum quatenus erant legis additamenta, cum lex divina quicquam sibi addi prohibeat. Ita mos ille abstinendi manus religione quadam ante cibi sumptionem ex se nihil mali habere videretur, & quod sit directè Scripturæ contrarium. Et tamen hæc est illa ipsa traditio quam speciatim carpit Christus. Quod si dicant Pontificii saltem inanem esse, verum quidem illi dicent. At non minus quadrat in illorum traditiones, Nec enim minus inanes & vanæ sunt. Quod si res ex humanæ rationis judicio æstimetur, mos ille Judæorum compertitur non minorem sapientiæ speciem habere, quam Pontificiorum pleraque instituta. Sed Christus non damnat simpliciter Judæorum traditiones, vel quia inanes erant, vel quia erant Scripturæ contrariæ: sed præterea in genere, quoniam erant mandata & doctrinæ hominum. Quod de traditionibus Pontificiorum non minus verum est.

X X X I. Adde quod de plerisque Pontificiorum traditionibus probare facile est illas non tantum esse præter Scripturam, & Scripturæ additas, quod ipsum aliquatenus Scripturæ contrariatur, sed etiam directè cum Scriptura pugnare. Nam, verbi causa,
juxta

juxta Ecclesiæ Romanæ traditionem, & licet, & expedit Eucharistiæ sacramentum sub sola specie panis fidelibus administrare. Et tamen Christus in Evangelio hoc sacramentum instituens expressè dixit de calice, *Bibite ex hoc omnes*. Similiter Deus in secundo Decalogi præcepto vetat ullam imaginem religiosè coli. Et multis in locis speciatim prohibet: ne quis aliquam Dei similitudinem effingere præsumat. Sed traditio Ecclesiæ Romanæ docet licitum & utile esse Dei & Angelorum, hominûque morte functorum imagines in templis collocare, & coram iis procumbere, illâque venerari & religiosis ritibus colere. Denique eadem traditio perhibet Christum in Missa quotidie offerri in verum & propriè dictum sacrificium, quamvis in ea nihil patiatur. Epistola verò Pauli ad Hebræos prædicat unicam tantum esse Christi oblationem, & Christum sese sæpius non offerre, quia pati sæpius non potest. Unde manifestum redditur traditiones quas Ecclesia Romana ut Apostolicas & divinas commendat non esse Dei verbum & certam fidei regulam. Nam verbum Dei sibi ipsi contrarium esse non potest. Adcoque quod est contrarium Scripturæ, quæ sine controversia ab omnibus Christianis ut Dei verbum suscipitur, Dei verbum haberi non debet.

XX XII. Præterea solum Scripturam esse certam fidei regulam, traditiones verò quæ extra illam proponuntur dubias & incertas esse, inde patet quod si quæ pars doctrinæ Christianæ ab Apostolis solum viva voce tradita, & memoriæ hominum commissa, non verò etiam scriptis mandata esset, certè vel illa ad nos non pervenisset, vel saltem non sine multis corruptelis & depravationibus: adeo ut vix purum ab impuro, germanâque & sincera veritas ab humanis figmentis & commentis additiis discerni & secerni possit. Tanta est enim hominum perversitas, ignorantia & negligentia, ut quæ simpliciter eorum curæ & memoriæ commissa sunt, oblivioni facile mandentur, & penitus obliterentur, aut saltem variis modis corrumpantur & adulterentur. Idcoque Scripturæ usus planè necessarius est ad certam & accuratam rerum memoriam servandam. Quæ verò scriptis consignata non sunt, brevi ex hominum memoria delentur, aut fabulis ita implicantur ut verum à falso distingui non possit. Quod multis experientiis manifestum reddi possit. Nam placita Philosophorum, & instituta Reum publicarum quæ literis tradita non sunt, sed tantum hominum memoriæ commissa penitus interierunt, neque de iis quicquam amplius scitur, nisi si quid forte obiter ab aliquo literis mandatum est. Denique de omnibus illis quæ præteritis temporibus sive gesta, sive dicta sunt, nihil certi habemus præter ea quæ libris tanquam fidis custodibus data sunt aservanda. Si autem Scripturæ ullus ullibi necessarius est, certè præsertim in iis quæ ad religionem & cultum divinum pertinent, circa quæ homines natura maxime obliviosi sunt, & ad mentiendum & confingendum proni. Atque in hujus rei fidem Pontificios rogare possumus, ubi nunc sint illæ Judæorum traditiones quas volunt illos à Mose & Prophetis accepisse. Certè ne ipsi quidem Pontificii explicare audent, aut possunt quid traditionibus illis continebatur. Neque de Judæorum religione & cultu quicquam certi hodie habemus aliunde quàm ex Mosis & Prophetarum scriptis.

XX XIII. At, inquit, adversarii, à mundi creatione ad Mosen usque doctrina cœlestis per solum traditionem sine scripto conservata est. Cur non ergo similiter Apostolicæ traditiones ab Apostolorum temporibus ad nostra usque tempora per mille & sexcentos annos servari potuerint? Sed ad istud dico ante Mosen quidem doctrinam sacram sine scripto aliquandiu servatam fuisse. Verùm intra paucos admodum. Nam apud plurimos statim corrupta est, & absurdissimis fabulis involuta: ita ut Dei fœdus, & doctrina salutis, in una ferè Abrahami familia remanserit, reliquum verò totum genus humanum ad idololatriam & commentitios cultus deflexerit. Adde quod tunc temporis defectum Scripturæ supplebant frequentes Dei apparitiones, & familiaria cum Patriarchis colloquia, quibus doctrinam viva voce traditam apud ipsas sæpius instauravit & renovavit, càmque non tam incorruptè à piis etiam servatam ad puritatem suam & integritatem revocavit. Sed divinæ istæ apparitiones, & extraordinaria Dei cum hominibus colloquia in Ecclesia pridem locum non habent.

XX XIV. Atque, ut adversarios hic magis constringamus, rogamus eos quare Deus tandem voluit legem suam scripto mandari, & reliquum Scripturæ sacræ corpus confici. Certè negare non possunt, quin id factum voluerit Deus, tum ut succurreretur humanæ infirmitati, tum ut occurreretur fraudibus impiorum: & quin fuerit Dei consilium, doctrinam sacram istis libris contentam, ab hominum oblivione, & corruptelis vindicare, & tutam illam reddere contra aliorum quidem negligentiam, aliorum verò fraudes & imposturas. Quandoquidem autem res ita se habet, dicant adver-

sarii

farii cur totius doctrinæ sacræ Deus ita consultum noluit; Sed unam quidem partem scribi voluit, aliâ vero non scriptam remanere. Etenim, an pars illa non scripta minus opportuna est fraudibus diabolicis, & oblivioni minus obnoxia, quàm pars illa quæ scripto mandata est? Et rone testatur experientia in toto orbe, ubi defuit Scriptura, minus fuisse quidem nonnulla vestigia divinæ doctrinæ à Patribus traditæ, sed illa tabulis misceandam in eandem contaminata fuisse, ritusque sacrificiorum & peregrinos introductos, & in horrendam, ut diximus, idololatriam detortos? Adde quod ad verfarum inter causas, quibus divinam providentiam uti volunt in traditionibus conservandis, numerant scripta Doctorum hominum, quibus consignatæ sunt. Si ergo opus fuit traditiones scribi quo facilius conservari possent, cur Deus id factum voluisset potius ab hominibus vulgaribus & errari obnoxiiis, quàm à Prophetis atque Apostolis, quibus cætera doctrinæ salutaris capita scribenda mandavit? Et cur, si ea quæ ex traditione peti volunt ejusdem momenti sunt cum iis quæ sacra Scriptura continentur, hæc tabulis authenticis consignari voluit, ista vero in hominum vulgarium scriptis requiri.

XXXV. Addunt Pontificii traditiones suas conservatas fuisse, & ad nostra tempora integras pervenisse per continuum usum in quo apud populum Christianum fuerunt; quemadmodum, inquit, *conservantur lingue vulgares, etiam si nulla quandoque extens grammatica propter earum usum continuum in aliqua gente.* Sed contra est experientia. Sicut enim homines natura sunt inconstantes & valde mutabiles, ita quæcunque sunt in eorum usu, nisi quid aliud obstat, hoc ipso continue mutantur atque alterantur; licet plerumque sensim & sine sensu. Quod manifestum est ipso exemplo quem illi afferunt. Etenim lingue vulgares perpetuo mutationem aliquam recipiunt, quæ post aliquot sæcula ita notabilis est ut videantur in aliam dialectum transisse. Et ita quoque in quolibet populo antiqui mores, & consuetudines ab hodiernis plurimum discrepant, sæculorum lapsus semper rebus humanis mutationem aliquam afferente. Idemque facilius animadverti potest in Ecclesia ipsa Christiana. Si quis enim peritus historiæ Ecclesiasticæ, ab oculis sibi ponat Ecclesiæ faciem, qualis erat secundo & tertio post Christum sæculo, prout illam ex istius ævi scriptoribus colligere licet; agnoscat statim Ecclesiam Romanam in ritibus & disciplina hodie multum ab ea distare; nec est qui negare possit istis in rebus magnam factam esse mutationem. Unde magis patet necessitas regulæ cuiusdam firmæ atque stabilis, nec simpliciter pendentes ab hominum memoria & bona fide, ad quam corrigi possunt abusus & errores in Ecclesia sensim enascentes: qualis regula est sola Scriptura sacra, minime vero traditio non scripta.

XXXVI. Et certe quàm immerito traditiones non scriptæ auctoritate cum Scriptura æquantur, inde manifestum est, quod in Scripturis sacris Christum Dominum hoc & illud docuisse, atque instituisse testantur nobis Scriptores divinitus inspirati, & extra omne erroris periculum positi. Sed de dictis & factis Christi & Apostolorum extra Scripturam sacram nihil ad nos pervenisse potest, nisi ex testimonio eorum hominum, qui primis post Christum sæculis in Ecclesia floruerunt, & Apostolis ac viris Apostolicis successerunt: quales sunt illi quos Patres antiquos hodie nominamus, & quorum monumenta inter Christianos supersunt. At omnes illi fuerunt erroris obnoxii, & tales ipsi se fatentur, cupiuntque ut scripta sua ad Scripturæ normam exigantur, non vero recipiantur *absolutè* & sine examine. Imo ipsi Doctores Ecclesiæ Romanæ non paucos errores & nævos in iis annotarunt: idque non tantum quum aliquis eorum solitarius, ut sic dicam, loquitur, aliis tacentibus, vel contra dicentibus: Sed etiam quum eorum plurimi in idem consentiant, quod multis exemplis potest fieri manifestum. Sic ex. gr. plerique Patres docuerunt animas sanctorum ante resurrectionem divinæ visionis gloria frui non posse, ut notat Sixtus Senensis, *Bibliotheca sacra lib. 6. annotatione 365.* ubi prolixè citat in hanc rem testimonia Iustini, Tertulliani, Clementis, Origenis, Lactantii, Victorini, Ambrosii, prudenii, Augustini, Theodoretii, & multorum recentiorum. Eiusdem quoque libri annot. 35. observat Veteres sensisse nullam creaturam esse incorpoream, & dogma istud illis sic placuisse, ut inter Catholicos regulæ & synodicas sanctiones receptum fuerit. *Annotatione vero 26.* adducit multa loca Chrysostomi, Origenis, Athanasii, Hilarii, Ambrosii, Hieronymi, Chromatii Episcopi Aquileiensis, Oecumenii, Euthymii, unde probat illos credidisse omne juramentum esse simpliciter illicitum, & Christianis interdictum. Præterea error fuit apud antiquissimos Patres valde solennis, Christum in terris olim aliquandiu cum sanctis in carne regnaturum: quod sensisse olim Papiam Episcopum Hierapolitanum, Irenæum, Apollinarium, Tertullianum, Lactantium, Severum & Victorinum, testis est Hieronym. *lib. de viris illustribus in Papiam, & libro undecimo*

Decimo in Prophetam Ezechielem. Neque Hieron. ipse & Augustinus audent sententiam istam aperte damnare, ut agnoscit idem Sixtus *lib. 5. annot. 233.* Denique in eodem *lib. annot. 171.* refert testimonia Origenis, Ambrosii, Hilarii, Basilii, Lactantii, Hieronymi, unde liquet illos existimavisse omnes homines qui sunt qui fuerunt & qui futuri sunt, uno Christo excepto, examinandos, probandos, & aliquo modo urendos igne conflagrationis mundanæ in die iudicii. Cum ergo prisci illi Ecclesiæ Doctores ita fuerint errori obnoxii, ut dogma falsum atque erroneum ceu veritatem divinam amplecti potuerint, quomodo Ecclesiæ posteriorum sæculorum tam certè esse possunt traditiones illæ quas nonnisi ex eorum fide & testimonio didicit, atque illud quod consignatum videt in divinis ipsis libris Prophetarum & Apostolorum? Et annon omnino à recta ratione abhorret illud, quod testantur homines qui fallere & falli potuerunt, debere apud Ecclesiam auctoritatem parem obtinere cum eo quod Deus ipse per Apostolos & Prophetas testatur?

X X X V I I. Sed ut clariùs appareat, quàm fallaces sunt traditiones, quæ tanquam Apostolicæ extra Scripturam proferuntur, hic valde considerandum est, quod, si unquam traditiones illæ certitudinem aliquam habuerunt, id maxime locum habere debuit primis Ecclesiæ Christianæ temporibus, quum recens adhuc erat memoria Apostolorum. At jam primis post Christum sæculis traditiones non scriptæ ita incertæ & variæ erant, ut Doctores Ecclesiæ de iis inter se certarent, & multi viri alioqui boni traditionum nomine decepti sint, & multa vana atque falsa tanquam Apostolicas traditiones sint amplexi. Ita testatur *Eusebii Historia Ecclesiastica lib. 3. cap. ult.* Papiam illum Episcopum Hierapolitanum, qui proximè post Apostolos vixit, traditionibus multum tribuisse, & inter alia scripsisse quinque libros de sermonibus Domini ex traditione non scripta, sed illos fabulis refertos fuisse. Sic quoque quum aliquanto post de celebratibus Paschatis magna contentione inter Ecclesias Orientis & Occidentis certaretur, An scilicet præcisè decima quarta lunæ, an verò die Dominica post decimam quartam celebrandum esset; Polycrates, & alii Asiæ Episcopi, qui prius illud tuebantur, traditionem Johannis & Philippi obtenebant: Victor vero Romanus, & alii Occidentales asseriebant se Petrum & Paulum sequi, ut videre est apud *Eusebium hist. Ecclesiast. lib. 5. cap. 23. & seqq.* & apud *Socratem lib. 5. cap. 22.* Ita non pauci ex antiquis existimaverunt Apostolos instituisse stata quædam & certa jejunia, hi quidem uno, illi verò alio modo. Sed *Augustinus epist. 86. ad Casulanum,* & *Socrates lib. 5. cap. 22.* negant Apostolos quicquam de jejniis determinasse; sed Ecclesiis liberum reliquisse quando & quomodo jejunandum esset. Et quum Augustinus in ista epistola tractet quæstionem istam, An Sabbato jejunandum sit, quod faciebant Romani, & pauci Occidentales, traditionem Petri Apostoli obtinentes, reliquæ verò Ecclesiæ omnes aut negligebant, aut etiam illicitum ducebant, cæterorum Apostolorum, à quibus Evangelii doctrinam acceperant, traditione nitentes, iudicat interminabilem esse istam contentionem generantem lites, non finientem quæstiones, adeoque ex non scripta traditione nihil certi haberi posse super jejuniorum ratione & modo. Sic etiam *Tertullianus libro de corona militis,* & *Basilium libro de Spiritu sancto,* recensent varias traditiones quas Apostolicas esse volunt, ut ex. gr. nefas esse jejunare diebus Dominicis, & iisdem Diebus oportere stantes precari, ut & diebus omnibus à Paschate ad Pentecosten, quod etiam sanxit Nicæna Synodus. Et tamen ista posterioribus sæculis observata non fuerunt, & pro traditionibus Apostolicis habita.

X X X V I I I. Imo olim inter Christianos, præsertim in Ecclesia Romana atque Africana, & quidem per multa sæcula, obtinuit consuetudo infantibus præbendi sacramentum Eucharistiæ statim atque baptizati essent: istudque ad eorum salutem necessarium existimabatur, ut patet ex *Cypriano in libro de lapsis num. 20* ex Innocentio primo Episcopo Romano in *epist. ad Concil. Milevis.* Item ex *Gelasio Episcopo quoque Romano, in epist. ad omnes Episcopos per Picenum,* & ex *Augustino pluribus in locis.* Qui sententiam istam de necessitate sacræ Eucharistiæ respectu infantium non simpliciter probant, sed illam proferunt tanquam totius Ecclesiæ sui temporis communem, adeoque ex Apostolica traditione descendente, & inde tanquam ex re nota atque concessa argumenta ducunt adversus Pelagianos, ut speciatim videre est apud *Augustinum libro 1. de peccati merito & remission. cap. 24. & lib. 1. contra Julianum cap. 2.* Nec est ullus scriptorum istius ævi qui reclamet. Idque agnoscunt ipsi Doctores Pontificii, ut *Vasquez tom. 3. in 3. Thom. disp. 212. cap. 2. & Maldonatus in Joan. 6. num. 116.* ubi dicit sententiam illam Augustini & Innocentii sexcentos circiter annos in Ecclesia viguisse. Et tamen hæc consuetudo in Ecclesia Romana pridem abrogata est, & à Concilio

Tridentino

Tridentino damnata. Si igitur jam olim primis post Christum temporibus traditiones non scriptæ tam incertæ & variæ erant inter ipsos fideles & Doctores Ecclesiæ, qui sæpe traditionum obtentu decepti sunt quid jam amplius certi post sæcula sexdecim ex traditionibus haberi posse existimabimus? Et quam intutum atque periculosum erit illas assumere pro fidei regula, & ipsis Scripturis sacris autoritate æquare.

X X X I X. At, inquiunt adversarii, Apostolis etiam multa scripta olim falsò supposita sunt, & de quibusdam veris Apostolorum scriptis apud fideles ipsos dubitatum est. Igitur, si hoc argumentum traditionis non scriptæ autoritatem tollit, ipsi Scripturæ suæ non constabit autoritas. Verùm hæc instantia nec apud nos Scripturæ autoritatem evertit, nec argumenti nostri vim contra Pontificias traditiones imminuere potest. Neque enim Scripturæ sacræ autoritatem quoad nos pendere volumus à testimonio doctorum Ecclesiæ, sed Scripturam à fidelibus immediatè & propter se suscipi statui-mus, ut quæ in se habeat divinitatis suæ argumenta & notas insitas: adeoque quorundam olim dubitatio de quibusdam Scripturæ libris autoritati ejus apud nos nihil præjudicare potest. Nec etiam simpliciter traditiones rejicimus, quod quidam olim de iis dubitarunt, sed quia sunt Scripturæ adversæ, nec in se quicquam habent quo divina ip-sis autoritas conciliari possit. Pontificii verò verbi Dei tam scripti, quàm non scripti au-thoritatem quoad nos pendere statuunt à testimonio doctorum Ecclesiæ. Adeoque, si prisci Ecclesiæ Doctores, ex quorum relatione atque testimonio Ecclesia posteriorum sæculorum accepit traditiones suas, nec aliunde didicit illas ab Apostolis originem ha-bere, si, inquam, prisci illi Ecclesiæ Doctores de istis traditionibus tam incerti & va-rii erant, & eorum plerique in iis discernendis lapsi & decepti sunt, juxta placita Pon-tificiorum nulla certa autoritas ipsis constare potest.

X L. Sed regerunt adversarii, si hæremus, num aliquid traditio sit Apostolica, & propter dissidentes veterum sententias res incerta videtur, in Ecclesia est certa autori-tas quæ dubium tollere possit, & cujus judicio veræ traditiones à falsis discernentur, & fidelibus innotescant certò & infallibiliter. Si autem rogamus quis sit tanta autoritate præditus, quum nulli amplius sint in Ecclesia viri à Deo inspirati, ut Prophætæ & Ap-ostoli, non omnes Adversarii eodem modo respondent. Nam eorum plerique dicunt autoritatem illam in Pontifice Romano residere, quem, scilicet, volunt judicem infal-libilem esse in rebus fidei à Christo constitutum. Verùm hæc autoritas in ipsa Eccle-sia Romana certa non est. Nec enim illi ipsi qui Pontifici Romano maximè adulantur, audent asserere hoc esse dogma de fide compertum atque manifestum. Siquidem non pauci sunt quos Ecclesia Romana pro Catholicis habet, & qui in ejus communione ma-nent, qui in Papa non agnoscunt ejusmodi autoritatem. Alii vero contendunt præro-gativam istam infallibilitatis in judicando de rebus fidei reperiri in Concilio, id est, in cœtu generali præpositorum Ecclesiæ. Sed rursus apud Ecclesiam Romanam istud ad-huc minus certum est. Nam Pontificii plurimi reclamant, præcipuè verò ipsi Romani Pontifices. Nec qui hoc negat ab ullo habetur in Ecclesia Romana hæreticus. At, in-iquis, saltem omnes Pontificii consentiunt Concilia generalia quæ Papa probavit atque confirmavit in fide errare non posse, & tutò eis posse credi. Verùm, si Concilia quam-tumvis generalia non sint extra omne erroris periculum ante Papæ confirmationem, & Papa ipse non sit infallibilis, quomodo infallibiliter judicabit an propositum Concilium erraverit, vel non?

X L I. Ac profecto nec Papa, nec Concilium, possunt ullum legitimum, tantæ autoritatis, quam sibi arrogant, documentum proferre. Nec aliud cum specie aliqua obtendere possunt, quàm Scripturæ quædam loca in alienum plane sensum detorta. Sic exempli gratia, Pontifex probare nititur suam infallibilitatem dicto illo Christi ad Pe-trum, *Rogavi pro te, Petre, ne deficiat fides tua*, ubi Christus pollicetur Petro tentatio-ni maximè statim obijciendo, & Christum ipsum ore abnegaturo, fore ut in ejus cor-de fides penitus non extingueretur, sed ex eo lapsu resurgeret, & in fide perseveraret, quæ nihil omnino pertinet ad Episcopum Romanum, & eam quam sibi tribuit infalli-bilitatem. Concilia verò Romana ad vendicandam sibi similem autoritatem, præci-puè abutuntur illa Christi promissione, *ubi duo vel tres erunt congregati in nomine meo, ibi sum in medio eorum*. Sed Christus ibi generali Pastorum Concilio, nihil absolutè promittit, omnibus autem conciliis sive generalibus, sive particularibus, pollicetur Spi-ritus sui assistentiam, modò mediis ab ipso institutis utantur, ac unice sibi proponant Dei Christique gloriam, & Ecclesiæ ædificationem, nec sinant se propriis affectibus abripi. At nullus est Pastorum cœtus de quo infallibiliter certi esse possumus, an condi-tionem illam impleverit.

L

XLII. Adde

X L II. Adde quod, si certi reddimur de veris Scripturis, & traditionibus per auctoritatem quandam infallibilem quæ est in Ecclesia præfenti, sine qua non possunt à falsis & apocryphis discerni certò & infallibiliter, necesse est ut prius nobis constet de auctoritate illa infallibili, quàm de ipsa Scriptura atque traditione, & seposita Scripturæ atque traditionis auctoritate & testimonio nobis innotescere possit. Ideoque jure possumus Pontificis rogare, ut auctoritatem illam, quam Pontifici sive Concilio tribuunt, aliunde nobis probent, quàm ex ipsa Scriptura atque traditione, quandoquidem profitentur se Pontificis sive Concilii auctoritate moveri, ut tantùm traditionibus & Scripturæ deferant, & tam Scripturas quàm traditiones tanquam divinas amplectantur. Quid ergo tandem erit illud propter quod Ecclesiam suam infallibilem esse credunt dum de traditionibus & Scripturis judicat?

X L III. Sed quantacunque auctoritas seu Concilio, seu Papæ tribuatur, agnoscunt doctissimi & probatissimi quique inter Pontificios, Ecclesiam hodie non regi novis revelationibus, nec Papam, neque Concilium immediatè à Deo discere quid Apostoli tradiderint. Unde ergo istud certò discere possunt? Profecto nihil ipsis hic dicendum superest, nisi, quod & revera dicunt, nempe, Papam, sive Concilium id habere ex voce & testimonio Doctorum Ecclesiæ, qui de manu in manum hoc vel illud acceperunt à priscis illis Doctoribus qui Apostolorum fuerunt auditores. Sed jam pluribus instantiis, & ex ipsa adversariorum confessione manifestum fecimus antiquissimos Ecclesiæ Doctores in traditionibus recipiendis atque commendandis sæpe fuisse deceptos, atque hallucinatos, & eorum plurimos communi consensu tanquam dogma & institutum Apostolicum admisisse, quod Ecclesia Romana hodie rejicit & damnat. Quomodo ergo certam fidem eorum testimonia facere potuerunt Conciliis & Pontificibus sæculorum posteriorum? Et quomodo traditiones à Patribus acceptæ respectu Pontificum & Conciliorum ipsorum possunt haberi pro certa regula ex qua controversias propositas dijudicent, non minùs quam ex ipsa Scriptura: Et jam hoc ipsum queritur, qua ratione tolli possit incertitudo quæ nascitur ex Patrum & priscorum illorum Ecclesiæ Doctorum variis testimoniis & pugnantis inter se sententiis, quum agitur de iis quæ Apostoli tradiderunt. Quocirca merito dicitur Augustinus loco citato, th. 37. Quod quum ad Apostolorum traditionem recurritur & circa ipsam pugnatur, *Interminabilis est ista contentio, generans lites, non finiens quæstiones.*

X L IV. Denique, si qua traditio pro vera habenda sit, illa est quam commendat perpetuus & constans Christianorum consensus. Sed hoc minimè convenit traditionibus Ecclesiæ Romanæ, quia non tantùm sunt extra Scripturam, & in plerisque Scripturæ adversantur, sed etiam earum plurimæ sunt in Ecclesia antiqua inaudite & ejus fidei & praxi contrariæ. Cujus generis sunt indulgentiæ, quales à Papa conceduntur, sanctorum canonizatio, celebratio cultus publici lingua non communiter à populo intellecta, prohibitio nè Scriptura sacra in vulgares linguas transferatur, & sine speciali permissione à plebe legatur: præcipue verò mos administrandi sacram Eucharistiam sub altero tantum symbolo, item effigendi & cultu religioso prosequendi imagines Dei ipsius & sanctorum, & plura hujusmodi quæ facile est ostendere locum non habuisse in Ecclesia primitiva, & contrarium plane observatum fuisse. Unde manifestè patet illas esse commenta hominum, nec absque impietate posse cum Apostolorum & Prophetarum scriptis auctoritate comparari.

Theſium

Thesium Theologicarum

D E

S C R I P T U R Æ

PLENITUDINE ET SUFFICIENTIA

Adversus necessitatem verbi cujusdam non scripti.

P A R S T E R T I A.

In qua solvuntur argumenta quibus Doctores Ecclesiæ Romanæ Scripturæ sufficientiam impugnare conantur.

Thesis Prima.



U T A hæc controversia ad duo referri potest, quæ, quanquam valde connexa sunt, distingui tamen debent. Unum est an omnia quæ necessaria sunt ad fidem & religionem plenè & sufficienter in Scriptura contineantur. Alterum an præter Scripturam sit in Ecclesia quoddam aliud Dei verbum paris cum Scriptura sacra authoritatis, quod traditione non scripta ad nos derivatum sit. Prius negant Doctores Ecclesiæ Romanæ, posterius affirmant, & suam, circa utrumque, sententiam multis argumentis confirmare conantur.

II. Primum ergo ut probent Scripturam non continere omnia quæ ad fidem & religionem necessaria sunt, in hunc modum argumentantur. Si Scripturæ omnia necessaria ad fidem & salutem sufficienter continerent, id intelligendum esset, vel de toto Scripturæ Canone, qui simul sumptus sufficiens esset; vel de singulis Scripturæ partibus, quæ singulæ per se sufficerent. At neutrum dici potest. Et quidem de singulis libris manifestum est eos seorsum sumptos, & absque reliquo Scripturæ corpore non continere omnia necessaria ad salutem. Nec enim prophetia quævis Veteris Testamenti, aut Novi Testamenti Epistola quælibet omnia fidei dogmata complectitur. Restat ergo, ut illa perfectio & sufficientia toti Scripturæ sacre, Canonizanda sit. Itaque ut habeatur integra salutis doctrina, necesse est ut integer Scripturæ Canon habeatur. Quod si aliquid desit in Scripturæ Canone, in doctrina quoque aliquid deficere necesse est. Jam autem non habetur integer Scripturæ Canon. Igitur ex Scriptura, prout illam hodie habemus, doctrina salutis non potest sufficienter hauriri. Quod autem nunc non habetur integer Scripturæ Canon inde probant quod multi libri sacri interiderunt, tam ex Veteri, quam ex Novo Testamento. Et ex Veteri quidem Testamento libri Nathan & Gad Videntis, de quib. mentio fit, cap. ult. lib. 1. Paralip. Et libri quoque Ahie Scillonitæ & Addo Videntis, de quibus mentio fit 2. Paralip. 9. hodie non exstant amplius. Ut nec quinquies mille Salomonis Cantica, & tria millia parabolarum quæ loquutus fuisse dicitur 1. Reg. 4. Ex Novo vero Testamento auctor perisse Epistolam ad Laodicenses, cujus mentio fit, ut patant, ult. cap. Epist. ad Colos. Et forte aliam quandam Epistolam ad Corinthios, cujus mentio fieri videtur 1. Cor. 5.

Respondet, quum dicimus Scripturam sufficienter continere omnia necessaria, nos id non intelligere de singulis Scripturæ libris, quasi nullus esset Scripturæ libellus in quo non traderetur omnia fidei dogmata. Sed hoc verum esse de Scripturæ corpore inde

finite sumpto, & secundum partes saltem præcipuas. Dico autem notanter de Scripturæ corpore indefinite sumpto, & secundum partes præcipuas, quia mens nostra non est, doctrinam necessariam ita in toto Scripturæ corpore contineri, ut si inde pars aliqua, & liber aliquis dematur, statim aliquid desit ad integritatem doctrinæ, quod in argumento supponunt adversarii. Nam in Scripturæ corpore, prout illud hodie habemus, doctrina salutis continetur non tantum sufficienter, sed etiam abundanter. Sontque plures Scripturæ libri in quibus nova dogmata non traduntur, & diversa ab iis quæ alibi docentur, sed tantum luculentiores quedam eorundem dogmatum explanationes & applicationes, sive ad contrarios errores refutandos, sive ad mores hominum formandos & instituendos. Itaque absque doctrinæ salutaris dispendio quibuscumque Scripturæ sacræ libris carere possemus, & qui Ecclesiæ dati sunt non præcisè ad necessitatem, verum ad ubertatem & maiorem utilitatem. Quamvis ergo daremus scripta quedam divina & authentica periisse, non inde tamen sequeretur integrum salutis doctrinam in Scriptura non posse amplius reperiri. Nam fieri posset ut alia quedam scripta divina extiterint neque tamen in iis ullum fuerit dogma, sive præceptum, quod hodie non extet in Scripturæ partibus quæ supersunt.

IV. Attamen nobis non est probabile ullum scriptum propriè divinum & authenticum periisse. Nec enim id videtur statui posse absque magna providentiæ divinæ injuria. Ad quid enim Deus curasset librum aliquem divinum & authenticum scribi, ut tamen Ecclesiæ nulli usui foret, sed statim Deus illum intercidere pateretur? Cùmque inter eos Scripturæ sacræ libros, quos divina providentia mirabiliter huc usque conservavit, reperiantur quidam exigui valde, & quorum non magna potest videri necessitas, quis in animum inducere poterit Deum fuisse passurum, ut perirent tot libri non minoris autoritatis; quique tales finguntur ut istos magnitudine, momento, numero & usu superant? Adde quod Pontifici qui *disputat* Ecclesiæ tribuunt, & supra modum illius autoritatem extollunt, non levem tamen hac in re illi contumeliam faciunt, & ignominiam inurant. Quis enim posset tantam in Ecclesia culpam & negligentiam excusare, ut libros divinitus conscriptos, & ipsi datos, ut per eos illustreretur in doctrina salutis, illisque uteretur tanquam fidei norma & regula veritatis, ut tales, inquam, libros, eosque multos, interire sivillet, nec ea, quæ par erat cura, custodivisset.

V. Jam verò quod attinet ad eos libros, quorum exemplo, adversarii probare contendunt, libros quosdam divinos & authenticos periisse, Dico, vel falsum esse quod perierint, vel eos nunquam Canonicos fuisse, & immediatè à Deo inspiratos. Et quidem existimamus propheticos fuisse, & ad Canonem pertinere libros Gad Videntis, & Nathanis Prophetæ, qui cap. ult. lib. i. Paralip. junguntur libris Samuelis, & in quibus scripta fuisse dicuntur gesta regis David, tam prima quàm novissima: sed negamus illos periisse, & etiamnum extare pertendimus. Sunt enim illi ipsi libri qui hodie libri Samuelis vocantur, sive, prout habet vulgata versio, primus & secundus Regum. Nam quod solus Samuel non sit illorum author, inde manifestum est, quod in medio libri primi mors Samuelis describitur. Non potuit ergo Samuel scribere ultra sexdecim circiter hujus libri capita. Reliquum verò libri, & alterum etiam librum, qui ex usu Judæorum Samuelis etiam dicitur, quinam potius scripserint, quam Gad & Nathan Prophetæ, qui tempore illo vixerunt, & illius historie pars ipsi non minima fuerunt? Certè hoc satis aperte indicat ille ipse locus quem adversarii citant: Nam ibi Gad & Nathan Samueli junguntur, tanquam ejusdem Davidis historie scriptores & continuatores.

VI. Idem etiam dicimus de libris Hiddo Videntis, & Ahia Scilonicæ, qui memorantur 2 Chron. 9. ubi Salomonis gesta dicuntur scripta fuisse in libro Nathan Prophetæ, & in Prophetia Ahia Scilonicæ, & in visione Hiddo Videntis. Etenim videtur illi scripsisse librum primum Regum, qui tertius Regum dicitur in versione vulgata. Nullius enim quidem scriptoris nomen præfert, sed aliis non potest commodius tribui, quàm Prophetis illorum temporum.

VII. Quod spectat autem ad libros Salomonis, quorum plurimos interiisse constat, sciendum est non omnia, quæ Prophetæ & alii viri *divini* scripserunt, autoritatem habuisse divinam: Nam, ut rectè monet Augustinus de Civit. Dei lib. 18. Prophetæ alia sicut homines scribere potuerunt, historica diligentia, & alia sicut Prophetæ, inspiratione divina. Quæ ita distincta fuerunt, ut priora quidem ipsis, posteriora Deo per ipsos loquenti tribuenda fuerint. Ita ergo Salomon nonnulla quidem scripsit à Deo inspiratus, in quo genere sunt illi libri Salomonis qui partem Scripture faciunt, & in

Canonem

Canonem sunt relati, veluti Proverbia, Ecclesiastes, & Canticum canticorum. Plurima verò scripsit idem ille propria industria, neque tanquam Propheta, sed tanquam vic omnium suo tempore doctissimus. In quo genere fuerunt multa physiologica, veluti quæ scriptæ de plantis à cedro usque ad hyssopum. Multa quoque ethica, quo pertinent parabolæ illæ quæ proverbiorum libro non continentur. Denique multa poetica, ut illa quinque millia canticorum, de quibus loco citato mentio fit.

V. I. I. I. Similiter Apostoli nostri, præter eas Epistolas, quæ Canonicam autoritatem in Ecclesia habere meruerunt, multas alias potuerint scribere, pias quidem & sanctas, atq̃amen non ejusdem cum prioribus illis autoritatis, ut quæ à Deo non fuerunt inspiratæ, sicut illæ, immediate, & extra ordinem. Talis potuit esse Epistola illa Pauli cujus mentio fieri videtur 1 Corioth. 5. ubi sic ait Apostolus, *scripsi vobis in epistola ne commisceamini cum scortatoribus*. Ista enim videntur commodè referri non posse nisi ad aliquam quandam ad Corinthios epistolam, quæ priorem illam præcesserit. Quanquam sunt multi viri docti, tam ex nostris, quam ex Pontificiis, qui nolunt ibi Paulum designare epistolam quandam quæ fuerit ab illa ipsa quam tunc scribebat diversa. Sed verba ejus sic interpretantur, scripsi vobis in hac epistola. Ut Paulus non respiciat ad aliquam quandam epistolam, sed ad illa ipsa quæ superius scripserat, de repurgando fermento, & è medio ipsorum tollendo illo scortatore, qui uxorem patris habebat.

IX. Quod verò pertendunt Pontificiorum nonnulli periisse quandam epistolam Pauli ad Laodicenses, non habet ullum fundamentum: sed natum est ex ambiguitate, quæ reperitur in verbis veteris interpretis ult. cap. Epad Colof. Sic enim ibi legitur apud veterem interpretem. *Quum lecta fuerit apud vos epistola, facite ut in Laodicensium Ecclesia legatur; & eam quæ Laodicensium est vos quoque legatis*. Per illam verò epistolam, quæ ibi Laodicensium dicitur, intelligunt epistolam ad Laodicenses scriptam, cum revera ibi agatur de epistola scripta à Laodicensibus, ut manifestum est ex Græco contextu, qui sic habet, *ἡ τὴν ἐν Λαοδικείᾳ ἔστι, ἡν οὗτοι ἀναγνῶσθε, & scriptam Laodiceᾷ vos quoque legatis*. Nam certè nullus est Græcè tantisper intelligens qui ignorare possit τὴν ἐν Λαοδικείᾳ, significare epistolam scriptam à Laodicea, non verò ad Laodicenses.

X. Præterea Doctores Ecclesiæ Romanæ, ut probent verbum Dei Ecclesiæ necessarium latius patere quàm Scripturam sacram, sic ratiocinantur. Si Christo & Apostolis fuisset propositum verbum Dei coarctare & restringere ad Scripturam sacram, rem tantimomenti Christus aperte præcepisset. Et Apostoli testarentur se ex Domini mandato scribere, quemadmodum ex Domini mandato toto orbe docuerunt: Sed id nusquam legimus.

XI. Respondeo, verum est Apostolos, non fuisse aggressuros summam Evangelicæ doctrinæ scripto complecti, scriptæque suæ Ecclesiæ tradere, tanquam fidei normam & regulam, nisi ex divino mandato; Sed eos nullum tale mandatum habuisse falsum est. Id ex Augustino poterant adversarii discere. Nam Augustini verba sunt lib. 1, de consensu Evangelistarum cap. ult. *Quicquid Christus de suo dicit & factus nos legere volumus hoc scribendum Apostolis tanquam suis manibus imperavit*. Fieri quidem potest, ut Christus viva voce & expressis verbis istud non præceperit: Sed dubium esse non potest nec negare audent ipsi Pontificii, quin ad hoc fuerint à Deo inspirati, & à Spiritu sancto moti extra ordinem. Quod enim Petrus dicit de scriptis prophetis, *non librum hominis allatam olim prophetiam, sed actus fuisse à Spiritu sancto sanctos Dei homines*, non minus verum est de scriptis Novi Testamenti. Atque, ut docet Apostolus 1. Tim. 3. *Omnis Scriptura*, seu Veteris, seu Novi Testamenti, *divinitus inspirata est*. Itaque Apostoli forte non habuerint externum & vocale scribendi mandatum: At certè mandatum internum habuerunt, eoque fuerunt adducti extraordinario quodam impulsu Spiritus divini, quod est omni mandato fortius. Nec video, ubi constat de divina inspiratione, cui præterea mandatum externum requiratur.

XII. Neque tamen Joanni saltem defuit externum mandatum; ipse enim in Apocalypsi testatur pluribus in locis sibi cœlitus injunctum ut scriberet ea quæ Dominus ipsi revelaverat, ac præsertim Epistolas illas quas, Christi nomine, septem Ecclesiis Asiæ inscribit. Non rectè autem opponit Bellarminus mandatum docendi, quod Apostoli à Christo habuerunt, mandato scribendi: Docet enim non tantum qui viva voce instituit, sed etiam qui doctrinam scripto tradit: Ideoque quod discipulis suis injungit Christus Mat. cap. ult. *Docete omnes Gentes*, ad solam prædicationem viva voce factam restringi non debet, sed ad scriptionem ipsam potest extendi, quæ unus est ex docendi modis.

dis. Nam ibi jubet Christus ut optimis quibusque modis gentes Evangelii cognitione imbuerent, sive sermone & lingua, sive etiam calamo.

XIII. Frustrâ quoque notat Bellarminus varias occasiones quibus ad scribendum invitati fuerunt Apostoli & Evangelistæ. Matthæum, exempli gratia, Evangelium scripsisse ut Hebræis, quos deferbat ad Gentes proficiscens, aliquid memoriale doctrinæ & prædicationis suæ relinqueret. Johannem verò suum Evangelium edidisse rogantibus Asiæ Episcopis, propter Ebionitarum hæresim tunc exorientem. Lucam verò aggressum fuisse Evangelicam historiam scribere, ut nos abstraheret ab incertis aliorum narrationibus. Unde colligit Bellarminus Apostolos & Evangelistæ obiter tantum scripsisse, & per occasionem, non verò quasi ex proprio munere & divino mandato. Sed quamvis scriptoribus sacris variz occasiones scribendi oblatæ fuerint, non ideo tamen absque mandato divino scripserunt. Fuerunt enim à Deo inspirati, quod fortissimum mandati genus est, ut arripere illas occasiones doctrinam sacram scripto consignandi ad perpetuum Ecclesiæ usum, non verò simpliciter ut singulari cuiuspiam incommodo mederentur.

XIV. At, inquit Bellarminus, si doctrinam sacram literis consignare ex professo voluissent, certè catechismum aut similem librum consecissent. At ipsi, vel historiam scripserunt, ut Evangelistæ: vel epistolas, ut Paulus & alii, in quibus nonnisi obiter de dogmatibus tractant. Respondeo scriptores sacros non tam scripsisse, quàm Deum per ipsorum manus: Deum autem in scribendo humanæ & scholasticæ methodo altissimum non esse; Imò istas scholæ leges scripti divini majestatem & simplicitatem non satis decere. Quomodoque verò scripti sint libri sacri, unde satis facile & luculenter doctrina fidei, & præcepta vitæ ab attentis & piis lectoribus colligi possunt. Certè negari non potest Mosen saltem ex aperto & expresso Dei mandato legem à Deo acceptam literis mandavisse. Neque tamen libros magis methodicos scripsit, quàm Apostoli & Evangelistæ. Sed in libris Moisaicis sine ullo certo ordine sparsa sunt præcepta Dei, & historiz variz inserta.

XV. Denique non est majoris ponderis & momenti quod urget Bellarminus, nempe, si Deo fuisse propositum Evangelii doctrinam per Apostolos literis consignare, futurum fuisse ut, vel singuli Apostoli corpus Evangelicæ doctrinæ conscriberent in usum provinciarum illarum quibus prædicabant, vel certè omnes simul congregati antequam discederent in suas provincias, librum aliquem communem ederent: Etenim ut istud Dei propositum ratum fieret, & mandaretur executioni, suffecit ut nonnulli ex Apostolis & Evangelistis scribendi curam Deo inspirante susciperent. Nam scripta à paucis edita poterint universæ Ecclesiæ usui esse, & inservire fidelibus omnium provinciarum. Neque opus fuit hac de re Apostolos in communi consulere, cum Deus non minus singulos seorsim inspiraret, quàm omnes simul congregatos. Adde quod scripta divina non ex hominum consilio, sed ex Dei immediato & extraordinario afflatu fieri debuerunt.

XVI. Tertium argumentum contra Scripturæ sufficienciam Pontificii sumunt ex multis, quæ, ut aiunt, ignorari non debent, & tamen Scripturæ sacræ non continentur. Ac primùm, inquit, tempore Veteris Testamenti sine dubio non minus femine quàm viri remedium aliquod habebant quo à peccato originali purgarentur. Et tamen pro masculis quidem circumcisio instituta erat, quid autem esset pro feminis nusquam habet Scriptura. Deinde eodem tempore non est ullo modo credibile non fuisse ullum remedium pro masculis morientibus ante octavam diem, quo solo poterant circumcidi, & tamen nihil extat hac de re in Scriptura.

XVII. Respondeo isto argumento, si aliquid virium habet, posse probari non tantum Scripturam non continere omnia scitu necessaria, sed totam fidei doctrinam non posse sufficienter hauriri ex Scriptura sacra & traditione non scripta simul sumptis. Etenim hic non minus tacet traditio & verbum non scriptum quàm Scriptura sacra. Alioqui depromant nobis Pontificii ex traditione sua quodnam fuerit illud remedium peccati originalis sub Veteri Testamento in feminis & masculis morientibus ante octavam diem. Quod si dicant traditionem illam intercidisse, retorquebitur in illos argumentum istud quo probare nituntur Scripturam sacram non esse sufficientem fidei regulam, quoniam, ut putant, quidam Scripturæ libri perierunt. Et pari facilitate poterit dici hoc fuisse contentum in quodam ex istis libris prophetis quos interisse contendunt.

XVIII. Ad rem ipsam quod attinet dico, totam vim istius argumenti niti falsa quadam adversariorum hypothesi, nempe, quod gratia Dei necessario pendeat à signis quibusdam

bisdam externis, quodque externus Sacramentorum actus vim habeat gratiam in nobis producendi. Hoc enim posito, mirum ipsis videtur qui potuerint fœminæ salvari sub Veteri Testamento absque circumcissione, aut simili quopiam externo sacramento : Et tamen hac ipsa in re sui obliviscuntur. Nam quum de Sacramentis agunt, istam efficaciam & necessitatem tribuunt solis Sacramentis Novi Testamenti, non verò Sacramentis quæ erant sub lege veteri, quæ juxta ipsorum mentem erant tantum umbræ & figuræ nostrorum, nec in se vim ullam habebant gratiam operandi. Idcirco si suis ipsorum placitis stare velint, neque circumcisio, nec ullus alius ritus sub Veteri Testamento potuit remedium esse peccati originalis.

XIX. Sed quicquid hac de re dicant, vel sentiant adversarii, nos cum Apostolo dicimus circumcissionem fuisse, non remedium aliquod cujus externa applicatione tolleretur statim & aboleretur peccatum originale, sed, ut loquitur Apostolus, *Sigillum justitiæ fidei*, Rom. 4. Itaque verum iustitiæ medium, & originalis peccati remedium in adultis omnibus, tam viris quam fœminis, fuit fides promissionibus divinis adhibita. Ista verò promissio quam fides accipiebat, & à qua gratia & salus pendebat, erat hæc Abrahamo facta, *Ego Deus tuus & seminis tui post te*, sub quo semine non masculi solum, sed fœminæ quoque comprehendebantur. Hujus promissionis virtute, non autem externi alicujus signi, Deus originale peccatum condonabat omnibus infantibus qui ante usum rationis in fœdere moriebantur, sive circumcissionem illi acceperint, sive propter sexum muliebrem, aut ætatem immaturam, illam non acceperint. Quod verò cuiusque familie masculis circumcissionis signum imprimebatur, hoc promissionem totæ familie obsignabat, & in masculis fœminæ Deo consecrabaatur. Et certe quod absque externo sacramento in proprio corpore suscepto potuerint olim servari fœminæ sub Veteri Testamento, & etiam masculi ante octavum diem, ex Lombardo poterat discere Bellarminus. Is enim lib. 4. diff. 1. litter. G. docet mulieres olim salutem & iustitiam adeptas fuisse per fidem & operationem bonam, vel suam; si adultæ erant, vel parentum; si parvulæ. Et similiter parvulos ante circumcissionem in fide parentum servatos fuisse, idque Gregorii Papæ testimonio confirmat.

XX. Et istud quidem profert Bellarminus, cujus præcipuè vestigia sequimur, tanquam exemplum rei necessariæ sub Veteri Testamento, de qua tamen in Scriptura sacra nihil reperitur. Quod autem hodie sub Novo Testamento multa ad fidem pertineant de quibus per Scripturam doceri non possumus, pluribus instantiis probare annuitur. Et primò quidem, inquit, credendum est Beatam Mariam semper fuisse virginem contra errorem Helvidii, ut semper tota Ecclesia credidit. Et tamen nullum de hac re est in Scriptura testimonium.

XXI. Respondeo fides quidem exigit ut credamus Mariam fuisse virginem, quum peperit Christum servatorem nostrum. τὸ δὲ ἰσχυρὸν, ut inquit Basilii, ἀποδομαζυμῶντος τὸν λόγον ὁ μυστήριον, id est, quod sequitur ad rationem mysterii non pertinet, & de eo inquirere curiosum est. Piè quidem credimus Mariam mansisse perpetuò Virginem, & putamus Helvidium qui contrarium asserere est ausus, meritò damnatum fuisse ut hominem temerarium : Non tamen existimamus istud numerandum esse inter fidei articulos, & urgendum esse tanquam rem ad salutem necessariam.

XXII. Nec majorem vim habet alia instantia, quam assert Bellarminus de Paschate, quod, inquit, credendum est in Novo Testamento celebrandum esse diem Dominico non decima quarta Lunæ, quocunque die inciderit, licet de eo in sacra Scriptura nihil extet. Fatemur enim quidem in Scriptura nihil de ista re haberi, sed dicimus quoque rem per se indifferentem esse, quæ solum ad ritus externos Ecclesiæ pertinet, non verò ad ea unde salus pendet. Olim quidem hac de re altero post Christum sæculo, excitata est magna controversia inter Ecclesiam Romanam & Asiaticas Ecclesias, ut propterea sese mutuo excommunicarent. Sed quamvis consuetudo Ecclesiæ Romanæ, quæ tandem ubique obtinuit, rationi magis consentanea videatur, tamen hac in re utrinque peccatum est. Ideoque Irenæus Episcopus Lugdunensis circa illa tempora graviter reprehendit Victorem Episcopum Romanum, quod tanto ardore de re non magni momenti certaret, & nimium de levi causa charitatis vinculum cum Orientalibus Ecclesiis abrumperet. In catalogis quidem hæreticorum, quos patres texuerunt, recensentur Quartadecimani. Sed quicunque catalogos istos diligentius inspicit, videbit patres illos inter hereses numerare opiniones quaslibet ab ipsis improbatas, quamvis de rebus levibus & minime necessariis.

XXIII. Obijciunt præterea, Bellarminus & alii, baptismum parvulorum tanquam rem necessariam, & tamen in sacra Scriptura non traditam : aut saltem quæ sufficienter

sufficienter non probetur ex sacra Scriptura. Sed negamus non posse ex sacra Scriptura probari legitimum esse baptismum infantum. Istud certe multis & validis argumentis ex Scriptura sacra deductis contra Anabaptistas Theologi nostri confirmant. Quæ argumenta referre & vindicare hujus loci non esset, & prolixiorum operam requirit. Sed, quod valde mirum est, ipsi Pontificii ex Scripturis Anabaptistas egregie confutant. Inter alios verò Bellarminus de hac controversia ex Scripturis ita disputat, ut argumenta sua, nulla ratione solvi, nulla arte eludi posse, gloriatur & fidat, *libr. 1. de sacram. Bapt. cap. 9.* Et tamen idem ille sui oblitus, dum Scripturæ sufficientiam impugnare conatur, asserit pædobaptismum ex Scriptura satis probare non posse. Sed hic a Bellarmino studio causæ abrepto, ad Bellarminum alibi evidentia veritatis convictum appellamus.

X XIV. Sed adversarii vim præcipuè faciunt in dogmate de non iterando baptismo in iis qui ab hæreticis baptizati sunt quasi negare non possimus dogma illud ad fidem necessariū pertinere, & hæreticos esse qui illud negant, nec tamen etiam possimus illud ex sacra Scriptura probare. Sed ceritū utrum illud sit ad salutem necessarium, si nihil aliud esset, ambiguum facere posset Cyprianus Christi Martyr, qui sancti nomen post obitum in Ecclesia meruit. Etenim dubium non est illum ē vivis excessisse retinentem ejus sententiæ quam Ecclesia postea communiter repudiavit. Et tamen quis auderet pronunciare salutē excidisse virum doctrina, pietate, constantique in Christum fide præcellentissimum? Neque difficultatem expedit quod excipere solent adversarii ea de re tempore Cypriani nihil dum ab Ecclesia fuisse definitum: Nam si, quod Pontificii volunt, Ecclesia illud dogma accepit ab Apostolica traditione, quid ad sanctionis Apostolicæ auctoritatem accedere potuit ex Ecclesiæ decreto? Sane si necessarium non fuit ex Apostolorum auctoritate, necessarium esse non potuit ex auctoritate Conciliorum. Adde quod ipso vivente Cypriano sententia ejus publicè damnata & reprobatā fuit à Stephano Episcopo Romano, cujus ore voluit Ecclesiam loqui, & illius rescripta esse totidem oracula Christianorum fidem obligantia. Et tamen ejus judicio Cyprianus non acquievit, sed liberum sibi putavit in sententia propria permanere, & Stephani scripta refellere. Itaque, quanquam in illam eamus sententiam, quæ Ecclesiæ communi judicio sancita est, nempe iterandum non esse baptismum apud hæreticos susceptum, eam tamen urgere nollemus, tanquam quæ sit ad salutem simpliciter necessaria. Quod verò illam sequimur ac tuemur, id non facimus quod eam alicujus verbi non scripti auctoritate fultam esse putemus, sed quia, si non ex Scriptura demonstrari, probabilissimè tamen ex ea colligi potest, ut manifestum faciunt argumenta quæ ex Scriptura sacra sedulo in hanc rem collegit Augustinus. Ac præterea protervum & inverecundum esset sententiam ab universali Ecclesia jam receptam, nec ulla in re Scripturæ contrarium rejicere, & animi quadam libidine diversam praxin sequi ab ea, quæ diuturno fidelium usu probata est, nihil Scriptura repugnante.

X XV. Nonnulli quoque Pontificiorum urgent dogma de processione Spiritus sancti ex filio, de qua inter Ecclesiam Græcam & Romanam contentio est: Quasi dogma etiam illud ex Scripturis ostendi, & probari nequiret. Sed primò nobis durum valde videtur dogma istud inter ea numerare quæ absque salutis jactura negari non possunt. Et quamvis in hac questione Ecclesiæ Romanæ sententiam ut veriorē sequamur, si tamen Ecclesiæ Græcæ nullum alium errorem haberent, non ideo de salutē earum actum putaremus, neque communionem cum ipsis detrectaremus. Deinde, licet processio illa Spiritus sancti ex Patre & Filio res planè ardua sit, & longè supra captum nostrum, negamus tamen illam ex Scripturis probari non posse. Imo non aliis argumentis illam nobis persuademus, quàm quæ ex sacra Scriptura duci possunt, ut quod Spiritus sanctus non minus dicitur Spiritus Filii, quàm Patris, quod à Filio ut a Patre mittitur, aliæque ejusmodi, quæ Theologi nostri ex variis Scripturæ locis deducunt & explicant. Quin ipsi Pontificii, dum Græcos dissidentes refellere nituntur, non aliis ferè argumentis utuntur quàm ex Scriptura ductis, quæ plurima congerunt, ut videre est, non tantum apud Petrum Lombardum, sed apud Bessarionem & Bellarminum Cardinales. Ita ut adversarii hic fateri cogantur, vel processionem Spiritus ex Filio per Scripturam probari posse, vel se perperam atque sophisticè contra Græcos argumentari.

XXVI. Sed aliquid gravius est quo putant adversarii se posse probare Scripturam, quamdiu saltem solis libris Moisaicis constitit, omnia ad salutem necessaria non continuisse. Nec enim quicquam ad fidem & salutem magis necessarium fingi potest, quàm dogma de animarum immortalitate & resurrectione corporum. At, inquit, de dogmatibus istis

istis tanti momenti apud Moſen nihil reperitur. Quod ad primum attinet, animorum nempe immortalitatem, dico rem, eſſe quam omnis religio præſupponit. Etiam ſi à brutis, eatenus non differimus, animæque noſtræ non ſecus ac pecudum, cum corporibus intereunt, nec quicquam hominis poſt mortem ſuper eſt, fruſtra eſt pietas, & fruſtra religio: nec aliud reſtat, quam ut cum profanis dicamus, *Edimus, bibimus, gratiam morimur*. Itaque, quandoquidem libri Moſis toti occupantur in tradenda religione & cultu Dei præſcribendo, animæ immortalitas à Moſe præſupponitur, eſtque aliquod ex generali librorum ejus ſcopo doctrinæque in eis contenta indubitatè & aperte deducitur. Sed præterea ſunt multa ſingularia loca apud Moſen unde non tantummodo animæ immortalitas, ſed corporum reſurrectio probari & colligi poteſt. Nam utrumque Chriſtus contra Sadduceos confirmat ex illis Dei verbis, *Ego ſum Deus Abrahami, Deus Iſaaci, & Deus Jacobi*, quoniam, ut inquit, Deus non eſt: Deus mortuorum, ſed Deus viventium. Atque adeo Chriſtus Sadduceos erroris hac in parte arguens ad Scripturam eos revocat, & illis ignorantiam Scripturarum exprobrat. Erratis, inquit, neſcientes Scripturas. Unde maniſeſtum eſt, doctrinam iſtam illis ex Scriptura notam eſſe debuiſſe. Adde quod, ſi ponamus doctrinam de reſurrectione obſcurè tantum fuiſſe Moſaïcis libris inſinuatam, probari non poterit claram & diſtinctam ejus fidem etiam tunc fuiſſe ad ſalutem neceſſariam.

XXVII. Præterea contendunt, ſub toto Veteris Teſtamenti curriculo in Eccleſia ſcitu neceſſarium fuiſſe, quod ſacrificia legalia futurum Chriſti ſacrificium adumbrarent. Id verò notum eſſe non potuiſſe ex ſcriptis Moſaïcis, imò neque ex prophetiis. Reſpondeo reale Chriſti ſacrificium, id eſt, illius mortem & crucem quam ad illam ſacrificia typica habuerunt, myſterium eſſe quod ſolum Evangelium revelavit, quòdque præcedentibus ſæculis tacitum erat, ut pluribus in locis loquitur Apoſtolus. Iſta quidem Apoſtoli noſtri, poſtquam acceſſit lux Evangelii, & rerum ipſarum eventus, vaticini-orum optimus interpres, ex Scriptura ſacra deduxerunt. At verò antea in umbris legalibus & prophetiarum obſcuritate latebant: nec à vulgo fidelium ſaltem poterant pervideri. Et certè quod jam poſt ipſius Chriſti in terris adventum, nihil dum de illius oblatione & morte apud Judæos innoteſcebat, tantum abeſt ut ab initio quicquam de ea reſcruerint, inde maniſeſtum eſt, quod nihil æquè eorum animos à Chriſto alienaverit, ac cruenta illa oblatio quæ in cruce peracta eſt. Neque id verum eſt tantum de Judæis incredulis, ſed de piis & fidelibus quoque: Nam Apoſtoli ipſi paulo ante Chriſti paſſionem illum pro nobis moriturum eſſe nondum intelligebant. Unde eſt quod, quum de ſua morte illis aperte primum loqui cœpit, iſtud à Petro fuerit rejectum magna cum averſatione: Quapropter etiam illum increpuit Chriſtus dicens, *Vade à me Satana*, ut videre eſt Matth. 16. Neque tamen quicquam ad ſalutem neceſſariam priſcis fidelibus deſuit: Nam divina revelatio eſt meſura fidei noſtræ, neque Deus à nobis pleniorẽ fidem exigit, quam poſſit ex hætenus facta revelatione haberi. Quamdiu ergo myſterium oblationis à Chriſto peragenda conſule tantum obſcurè & indiſtinctè revelatum fuit, ſufficiebat ut fideles obſcuram tantum & conſuſam illius fidem haberent. Clara verò & diſtincta illius myſterii fides poſt Evangelii promulgationem neceſſaria demum fuit.

XXVIII. Sequitur iſtantia quæ plus habet difficultatis, & per quam Pontificii demonſtrare ſe putant Scripturam eſſe non poſſe ſufficientem fidei regulam. Nam, inquit, neceſſe eſt noſſe eſſe Scripturam aliquam divinitus inſpiratam, & illam conſiſtere in libris illis quos hodie præ manibus habemus, qui præſerunt, Prophetarum & Apoſtolorum nomen, & à Chriſtianis pro divinis habentur. Sed hoc dogma tam neceſſarium non poteſt ſufficienter haberi ex Scriptura. Nam, etiam ſi Scriptura dicat libros Prophetarum & Apoſtolorum eſſe divinos, nemo certò id credit, niſi prius crediderit Scripturam quæ hoc dicit, eſſe divinam: proinde neceſſe eſt præter Scripturam eſſe aliquod Dei verbum quo doceamur ipſam Scripturam eſſe verbum Dei; alioqui de eo nullam fidem haberemus, quandoquidem fides verbo Dei nititur.

XXIX. Reſpondeo argumentum iſtud utut ſpecioſum ſit, merum eſſe ſophiſma, quod facile oſtendi poteſt. Quamvis enim Pontificii negent totum Dei verbum Scriptura ſacra contineri, negare tamen non poſſunt quin Deus ſaltem potuerit integrum ſuum verbum ſcripto tradere, & Apoſtolis præcipere ut ſcriptis mandarent omnia quæ ipſis revelata erant, & quæ Eccleſiam ſcire opus erat: Et quin, hoc caſu poſito, vera eſſet noſtra theſis, nempe, Scripturam ſacram eſſe ſufficientem & perfectà fidei regulam, & nihil poſſe tanquam ad fidem & ſalutem neceſſarium urgeri, quod ipſa non contineretur. Et tamen, hac hypotheſi facta, liceret eode modo argumentari, & probare omnia ad fidem pertinentia non poſſe ſufficienter haberi ex Scriptura ſacra, quia quia ipſa, quod talis Scriptura divinitus inſpirata

inspirata esset, & constaret his atque illis libris, res esset maximè pertinens ad fidem : Et tamen non possit istud ex Scriptura probari : quoniam, scilicet, nihil probat seipsum, nec potest aliquis credere testimonio alicujus Scripturæ se divinam asserentis, quin prius persuasus sit illam esse divinam. Unde concluderetur necessarium esse verbum quoddam non scriptum præter illam Scripturam, quod testimonium illi perhiberet, & quo nostra fides de Scriptura istiusmodi niteretur. Quæ tamen conclusio, ex hypothefi facta, manifestò falsa esset, adeoque necesse est argumentum allatum falsum & sophisticum esse quandoquidem ex eo falsum concludi potest.

XXX. Quod ut evidentius fiat, rogamus Pontificios, si Scriptura non sit integra & sufficiens fidei regula, dicant nobis quæ tandem illa sit. Respondent regulam illam constare tam verbo scripto, quam non scripto, quod est in ore Ecclesiæ Romanæ : Et verbum illud tam scriptum, quam non scriptum esse sufficientem & totalem fidei regulam, extra quam non sit aliud Dei verbum, & ex qua sola peti possint ea quæ sunt necessaria ad fidem & salutem. Sic verò jam proprium eorum argumentum in ipsos retorqueo. Verbum illud partim Scriptura sacra constans, partim sine scripto traditionibus quibus Ecclesia Romana testimonium perhibet, non est sufficiens fidei regula. Nec enim omnia quæ sunt ad fidem necessaria ex eo probari possunt. Etenim omnium maximè necessarium est ut credamus esse aliquod verbum verè divinum, & verbum istud constare partim Scripturis quibusdam, partim non scriptis traditionibus, & divinas istas Scripturas atque traditiones esse illas ipsas quibus Ecclesia Romana testimonium perhibet ; nõsque posse ac debere testimonio ejus hac in parte credere, tanquam omnino certo atque infallibili. Sed istud dogma tam necessarium, & quod tanquam totius religionis fundamentum profertur, non potest sufficienter haberi ex verbo, seu scripto, seu non scripto, quod est in ore Ecclesiæ Romanæ. Nam quamvis Scriptura asserat se divinitus inspiratam esse, & Ecclesia Romana gloriatur traditiones suas esse divinas, & verbum Dei ab ipsa tanquam ab infallibili teste petendum esse. Nec Scripturæ tamen, nec traditionibus, nec Ecclesiæ Romanæ certò credam, quin prius credam Deum per Romanam Ecclesiam loqui, & tam Scripturam quam traditiones à Deo suam ducere originem. Itaque necesse est, præter Scripturam & traditiones, & ipsum Ecclesiæ Romanæ testimonium, esse quoddam Dei verbum unde discam ista omnia esse divina, & fidem meam obligare : alioqui fides mea de autoritate verbi tam scripti, quam non scripti quod in ore habet Ecclesia Romana, nullo niteretur Dei verbo, & sic non erit fides. Denique nulla fidei regula fingi potest contra quam aliquis non possit simili argumento uti.

XXXI. Ut vero sophistici istius argumenti fallacia detegatur, notandum est illud tanquam rem manifestam supponere id quod falsissimum est, nempe, non esse illam sufficientem fidei regulam cujus testimonio non possint omnia probari quæ ad fidem pertinent, ne quidem excepta illa ipsa regula. Nam, quæcunque tandem fidei regula statuatur, non potest illa proprio testimonio probari. Nihil enim seipsum hoc modo probare potest, cum probatio omnis sit ex notioribus, idem verò seipso non sit notius & ignotius. Et tamen res est maximè ad fidem pertinens, & necessaria, ut ipsam fidei regulam amplectamur, & illi certum assensum præbeamus. Igitur illa fidei regula perfecta est & sufficiens, non quæ seipsam probat, sed ex qua supposita probari possunt omnia, præter ipsam, quæ ad fidem pertinent. Ideò, quamvis Scriptura proprio testimonio sufficienter probari non possit, hoc tamen non arguit illam non esse perfectam & sufficientem fidei regulam. Et dicere Scripturam non sufficere ad probanda omnia quæ fidei sunt, quoniam proprio suo testimonio fidem sibi facere non potest, sophisticari est eodem planè modo ac si quis probaret cælum non omnia tegere quoniam cælum non tegit ipsum cælum : aut cuiusdam scientiæ principia non esse veluti normam & regulam, per quam probantur omnia quæ ad illam scientiam spectant : quoniam ipsa principia per principia non probantur ; Et tamen ad aliquam scientiam pertinet illius principia nosse.

XXXII. Præterea istud argumentum supponit nihil nos per fidem amplecti, nisi quod probari potest divino quodam verbo atque testimonio : quod, licet prima fronte videatur esse verissimum atque indubitatum, undique tamen verum non est. Etenim fides nostra aliter accipit res in verbo Dei revelatas, & aliter ipsum Dei verbum, seu divinam revelationem. Siquidem res ipsas à Deo revelatas credimus & suscipimus propter divinam revelationem, & quoniam Deus illis in verbo suo testimonium perhibet. At de ipso Dei verbo, seu divina revelatione alia ratio est. Nam una pars verbi divini potest quidem alteri testimonium perhibere, & una revelatio suscipi propter aliam revelationem qua nobis confirmetur ; Verum hæc dari non potest pro-

gressus

gressus in infinitum. Sed tandem sistendum est in aliquo Dei verbo, quod fides nostra propter se suscipiat, & quod auctoritatem suam non mutuetur ab aliquo alio extra se Dei verbo, cujus testimonio de eo certi reddamur. Itaque necesse est esse aliquod Dei verbum quod per se nobis innotescat, id est, ex signis & notis inscitis, aliisque argumentis atque incitantis, quibus mens nostra à Spiritu sancto illuminata moveatur ut credat revera tale verbum divinum esse, & ad Deum suum referre originem. Quamvis ergo non sit aliud Dei verbum, quod Scripturæ divinitati testimonium perhibeat, nihilominus Scriptura erit legitimum fidei nostræ obiectum, si quidem fides est assensus quo verbum Dei amplectimur, & propter illud quæcunque testimonio illius confirmantur. Nec effugere possunt adversarii quin fides eorum tandem resolvatur in aliquod Dei verbum cui fidem adhibcant inducti tantum argumentis & motivis quibusdam, non verò propter aliud verbum Dei, cujus testimonio lancietur ejus auctoritas.

XXXIII. Præterea hic observandum est, testimonia, quibus Scriptura sacra se divinam asserit, non esse quidem idonea & efficacia argumenta ad convincendos eos qui in dubium vocant Scripturæ auctoritatem; Et eatenus verum est Scripturam per Scripturam probari non posse. Sed tamen alio sensu Scriptura per Scripturam ipsam probari potest, quatenus Scripturæ insunt multa divinitatis argumenta & notæ quibus ipsa se veram & divinam indicat & asserit. Non secus ac cælum & terra probant & ostendunt suum auctorem Deum esse, non simplici aliqua voce & testimonio, sed ex ipsa suæ naturæ præstantia, & potentie ac sapientie divinæ vestigiis quæ in illis notari possunt: aut ut aliquis liber Aristoteli & Ciceroni se vindicat, non ex solo titulo, sed ex ipsius doctrinæ genio, acumine styli & discernendi modo, qui ejusmodi est ut non possit nisi præstantibus illis ingeniis tribui. Ita enim Scripturæ libri, seu stylum, seu res ipsas spectes, tam altè impressa habent sapientie divinæ vestigia, ut satis appareat illos divinitus inspiratos esse, & Deum habere auctorem.

XXXIV. Huc ergo redit summa responsionis nostræ, in fidei analysi nec dari posse circumum, nec progressum in infinitum, sed mentem nostram necessario sisti in aliquo Dei verbo quod per aliud Dei verbum non confirmetur, sed quod fides nostra suscipiat immediate & propter se, & in cujus notitiam & fidem adducamur per argumenta & signa insita, aliæque, ut loquuntur scholæ, credendi motiva, non ex testimonio alterius cuiusdam verbi divini desumpta. Illud autem Dei verbum, in quo sistitur fides nostra, esse Scripturam sacram, constantem certo numero librorum *divinorum*, ac proinde illam à nobis non suscipi propter aliquod aliud Dei verbum, quod testimonium illi perhibeat, nec etiam illam se nobis probare simplici & nudo suo testimonio, sed nobis innotescere ex signis & notis inscitis, aliisque argumentis atque incitantis. Inde verò minimè sequi illam non esse perfectam & sufficientem fidei regulam: quoniam in tali regula non requiritur ut aliter se probet, sed satis est ut, illà exceptâ, omnia quæ ad fidem pertinent possint testimonio illius confirmari. Imo impossibile est dari talem regulam fidei, quæ seipsam, sicut cætera, possit simplici suo testimonio probare: prorsus verò necessarium primam fidei regulam inter Christianos tanquam principium supponi, nec per alia fidei principia probari nisi forte ad hominem, & à posteriori, ut loquuntur in scholis.

XXXV. Addunt adversarii, Necesse est ut sciatis non tantum Scripturæ libros ex se divinos esse, dictatos à Spiritu sancto, sed etiam sinceros & incorruptos hodie reperiri, & tales ad nostras manus pervenisse. Id autem non possumus ex ipsa Scripturâ discere: ac propterea opus est alio Dei verbo, per quod certi reddamur de Scripturæ ipsius sinceritate & integritate. Sola ergo Scriptura non est fidei regula sufficiens.

XXXVI. Sed illi possunt simili difficultate urgeri. Dicam enim eodem modo, Non tantum necesse est, ut sciamus Apostolos doctrinam à Christo acceptam Ecclesiæ Pastoribus & Rectores sine scripto magna ex parte tradidisse, & simpliciter fidei illorum commisisse, sed etiam ut certi simus traditiones illas Apostolicas per tot sæcula ad nos pervenisse integras atque incorruptas. Illud autem non possumus ex ipsa Apostolica traditione discere. igitur necesse est præter verbum illud quod Apostoli partim scripto, partim viva voce tradiderunt, in Ecclesia extet aliud Dei verbum, per quod hodierna Ecclesia certa reddatur tam Scripturas quam traditiones integras & incorruptas ad ipsam pervenisse. Adeoque falsum est, quod Bellarminus cum Pontificiorum doctissimis quibusque & probatissimis asserit, Ecclesiam nunc non regi novis revelationibus, sed in iis permanere quæ tradiderunt illi qui ministri fuerunt sermonis: Et illa omnia quæ Ecclesia fide tenet, tradita fuisse ab Apostolis, aut Prophetis, aut scripto,

aut verbo. *De verbo Dei non scripto lib. 4. cap. 9.* Quod * si quis dicat fideles certos reddi de sinceritate & integritate tum Scripturæ, tum traditionum per testimonium Ecclesiæ quæ errare non potest, difficultatem hanc minimè tollet. Nam queritur unde hoc dicat Ecclesiæ ipsa, & quo fundamento nitatur hac in parte ipsius Ecclesiæ fides.

XXXVII. Deinde sic urgebo, ut fides mea certum fundamentum habeat, non tantum necesse est ut sciam Ecclesiam infallibile testimonium perhibere, sive per Concilium, sive per summum Pontificem: sed præterea ut certus sim legitimum esse Pontificem illum cujus testimonium audio, & legitimum quoque Concilium cujus decreta mihi objiciantur. De hoc autem non possum certus reddi per testimonium sive Pontificis, sive Concilii ipsius. Nam proprio testimonio sufficienter nihil probari potest. Ac præterea posito quod talis Pontifex fuerit legitimus, & legitimum tale Concilium, oportet ut certus sim sincerum & incorruptum ad manus meas pervenisse Pontificis decretum, & similiter sinceros & incorruptos Canones Concilii. Itaque necesse est ut non tantum præter Scripturam & traditiones, sed etiam præter ipsa Pontificum decreta, & Conciliorum Canones, sit in Ecclesia quoddam Dei verbum, quo certus reddat legitimum esse Pontificem istum, & Concilium istud, & decreta Pontificum, ac Conciliorum statuta, quæ mihi in manus traduntur, sincera esse atque incorrupta, aliqui fides mea non nititur certo fundamento, neque fides dicenda erit, quandoquidem fides verbo Dei nititur.

XXXVIII. Hic certè Pontificii continguntur propriis laqueis, neque se possunt expedire quin objectioni suæ responsum subministrant. Sed respondeo quod sicut non opus est alio Dei verbo, cujus testimonio probetur Scripturam sacram esse divinam, quia Scriptura sacra est prima fidei regula, in qua fides nostra sistitur: Ipsa verò per se innoscere potest ex signis & notis inistis, aliisque argumentis & credendi motivis, quibus possunt fideles sufficienter moveri ut illam amplectantur seu veram & divinam: ita quoque non opus est alio Dei verbo unde discamus Scripturam incorruptam & integram esse. Nam unde discimus illam esse divinam, inde discimus illam integram & sinceram esse, in rebus saltem momentosis & essentialibus.

XXXIX. Namque ut istud inculcem quod satis notari non potest, in fidei probationibus, nec potest dari circulus, nec progressus in infinitum, quorum utrumque est vehementer absurdum: adeoque fides nostra necessariò reducitur ad aliquam auctoritatem, cujus testimonium ut divinum, adeoque ut sincerum & incorruptum suscipimus, propter se & immediatè, per illuminationem internam Spiritus, qui ad nos adducit, non ampliùs externo aliquo, alterius divini verbi testimonio, sed alius generis motivis & incitamentis.

XL. Rursus instant adversarii, non satis est Scripturam in manibus habere, sed necesse est ut verum illius sensum teneamus. Nec enim fidei regula propriè sunt verba Scripturæ, sed potius Scripturæ sensus à Spiritu sancto intentus. Atqui verus Scripturæ sensus ex sola Scriptura haberi non potest. Nam Scriptura sapissimè ambigua & perplexa est, ut, nisi ab aliquo qui errare non possit explicetur, non possit intelligi: nec certi esse possumus de vero Scripturæ sensu, nisi accedat traditio. Igitur Sola Scriptura non sufficit.

XLI. Respondeo in Scripturis esse quidem loca quædam valdè difficilia, & super quorum intellectu mens hæret: Nec satis liquidò perspicere possunt, etiam doctissimi quis si verus eorum sensus. Sed inde non sequitur necessariam esse traditionem aliquam unde petatur istorum locorum intelligentia. Nec enim necesse est ad fidem & salutem in verum sensum ejusmodi locorum penetrare. Quod si necessarium esset, Ecclesiæ quibusdam necessariis careret. Nam, ex confessione ipsorum adversariorum, in obscurissimis istis & perplexis Scripturæ locis traditio non docet, & extra dubium ponit quis sit eorum sensus genuinus: ac de illo non minùs incerti sunt Doctores Pontificii quam nostri.

XLII. Qualiscunque ergo sit Scripturæ obscuritas, negamus illam ita obscuram esse, quin tota doctrina ad fidem & mores necessaria ex ea indubiè & certo colligi possit ab attento & perito lectore. Nec enim asserimus Scripturam ita claram esse in omnibus quæ sunt ad fidem & salutem alicujus momenti, ut ad scopum ejus assequendum, & doctrinam sacram inde eruendam, nullo sit opus labore, studio & diligentia: sed per se fideles quisque statim & sine ullo adjumento illam satis intelligere possit. Quamvis enim Scripturæ sensus sæpe ita in promptu sit, ut probatione non egeat, & ingerat se vel invitis, nonnunquam tamen, ut sensus Scripturæ eruatur, & splendescat, verba diligent

diligenter ponderanda sunt, præcedentia & sequentia accuratè expendenda, & parallela loca conferenda, sepositis prejudiciis, & compositis animi affectibus. Qua in re opus est ut Pastores præeant plebi curæ suæ commissæ, tam privatis sermonibus, quam publicis concionibus, & etiam, quum res exigit, editis scriptis diversæ gentris, in quibus Scripturam explicent & applicent ad varios usus populi Christiani. Ad hoc enim inter alia Deus Ecclesiæ dedit Pastores & Doctores, ut Dei verbum in Scriptura contentum exponerent, Scripturæ sensum aperirent, & in ejus intelligentiam plebem fidelem quasi manu ducerent.

X L I I I. Veruntamen Scripturæ sensum à Pastoribus suis commonstratum plebs fidelis non amplectitur cæca quadam obedientia, & propter eorum solam auctoritatem, sed et adducit ipsa luce veritatis, quum ipsi semel indicata atque commonstrata est. Etenim difficilior est loci alicujus sensum invenire ac deprehendere, quam deprehensum ab alio & demonstratum, sola evidentia veritatis agnoscere & discernere. Quemadmodum multi sunt qui non possunt per se legere epistolam aliquam Scriptam literis exolescentibus aut non satis aptè formatis. Et tamen postquam illis prælecta est, incipiunt agnoscere, & distinguere literarum ductus, & vident propriis oculis quid in illa contineatur.

X L I V. Itaque ut fideles verum Scripturæ sensum in multis assequantur, & uberem fructum ex ea capiant, opus habent quidem interprete sed non interprete qui errare non possit, ut dicunt Pontificii, verum interprete sagaci & perito. At, postquam illis prævixit ejusmodi interpres, Scripturæ sensum tenent, & de eo certi sunt, non propter auctoritatem, sive interpretis, sive traditionis, quam ex interprete suo didicerunt : sed propter vim & lucem veritatis, quam jam in rebus ipsis agnoscunt & animadvertant, si quidem mentem, ut decet, Spiritus sancti virtute purgatam, & illuminatam habeant. Quemadmodum qui student Philosophiæ & literis humanioribus per se statim non possunt intelligere textum Aristotelis, & Horatii vel Juvenalis Satyras, sed ad hoc indigent opera præceptoris & magistri. Et tamen postquam verus, vel Poetæ, vel Philosophi sensus ipsis indicatus & expositus est, illum jam proprio judicio discernunt & vident in ipso auctore : Nec de eo persuasi sunt propter solam magistri sui auctoritatem. Etenim sicut sensus Poematum Horatii & Aristotelici textus ex se incertus & dubius non est, donec accedat aliqua externa auctoritas, quæ super eo pronunciet, sed ex ipsis auctorum verbis atque operum contextura certò deprehendi potest, modò debite expendantur : ita quoque verus Scripturæ sacræ sensus habet in ipso textu propriam lucem, & sui argumenta atque probationes quibus innotescere possit, nec est per se vagus & indeterminatus donec accedat auctoritas traditionis non scriptæ, vel judicii Ecclesiastici, quæ illum certo modo limitet & coarctet.

X L V. Igitur quamvis Scriptura aliquatenus obscura sit, & apud fideles eget explicatione, qua ratione jam expositum est, nihil inde concludi potest contra sufficientiam quam Scripturæ sacræ tribuimus. Etenim, quum dicimus Scripturam solam sufficere ad fidem & salutem, non intelligimus illam nulla indigere interpretatione, ut inde fideles singuli totam fidei doctrinam hauriant, sed solum ad hoc minimè opus esse alio præter Scripturam Dei verbo, & alia fidei regula, sive interprete quodam infallibili, qui Scripturæ sensum aliòquid dubium & incertum determinet, & de eo certos nos reddat.

X L V I. Sed contra istud urgent adversarii, non pauca esse quæ sunt ad fidem magis momenti, quæ ex Scriptura quidem aliquo modo deducuntur ; Sed non ita certò atque evidenter, ut in eo possit animus firmiter acquiescere, ac dubium omne tollatur, donec adhibeatur traditionis auctoritas, quæ verum Scripturæ sacræ sensum confirmet, & extra dubium ponat. Atque in exemplum afferunt doctrinam de æqualitate personarum in divinis, de processione Spiritus à Filio, de peccato originis, & necessitate gratiæ alicujus internæ, ut aliquis bene operari possit, & ad salutem utiliter. Etenim ista ex Scripturis non satis clarè deduci, ut citra traditionis auctoritatem haberi possint pro fidei dogmatibus, inde probant quod hæretici, ut hodie Græci, & olim Ariani & Pelagiani, contra ista ex Scripturis istis probabiliter disputant, neque tantum respondent argumentis, quibus articuli illi ex Scriptura sacra confirmantur, sed vicissim ex Scripturis pro sua sententia loca non pauca cum specie objiciunt. Itaque nunquam posse controversias cum hominibus protervis finire, nisi sit præter Scripturam aliud Dei verbum quod dogmata ista clariùs confirmet, & unde possit verus Scripturæ sacræ sensus circa loca controversia peti certò & infallibiliter.

X L V I I. Respondeo Tophisticen & perversitatem hominum qui veritatem negant, atque

atque illi obstreperunt, & mendacijs atque erroribus faciunt aliquem fucum qui possit homines leves & incautos decipere, non obitare quominus veritas clara & certa sit respectu eorum qui rem debite considerant, & oculo purgato, absque præjudicijs & pravis affectibus. Alioqui nihil prorsus clarum, & certum remanebit. Et dicendum erit non posse ex naturali rectæ rationis lumine probari Deum esse, & illum esse unicum, quia Athei & sophistæ multi ista negarunt, & ratione abusi sunt ut contrarium astruerent: nec ipsis Mathematicis disciplinis constabit sua certitudo atque evidentiâ, quia Sceptici conati sunt illarum certitudinem evertere: & multis sophismatis & fallacibus argumentis earum principia & axiomata reddere dubia. Et quod magis urgere potest Pontificios, probabo similiter ex traditione & verbo non scripto, non satis clarè & certò deduci illa ipsa dogmata, quæ in exemplum allata sunt, adeoque præter verbum ab Apostolis partim scripto partim viva voce traditum, necessarium esse in Ecclesia aliud Dei verbum, unde possint clarius & certius haberi. Nam Ariani & Pelagiani non tantum ex Scripturis disputabant contra Orthodoxos, sed etiam Ecclesiæ traditionem sibi vendicabant, & sententiam suam testimonijs præcorum Ecclesiæ Doctorem confirmari gloriabantur: ut manifestum est ex veterum contra hæreticos illos disputationibus. Immo nequidem, res poterit ipsorum Conciliorum autoritate definiri. Nam Orthodoxorum Concilijs sua quoque Concilia Ariani opponebant, ut Ariminense Niceno. Præcipue verò Græci cum Ecclesia Romana certantes de processione Spiritus sancti à Patre solo, de Monarchia Papæ, & alijs articulis, non tantum ex Scripturis pugnant, sed etiam ex antiqua Ecclesiæ traditione, ex Patrum testimonijs, & decretis Conciliorum, & Ecclesiæ Romanæ suam Ecclesiam, traditioni illius suam traditionem, & Concilia sua Concilijs illius opponunt.

X L V I I I. Igitur si veritas aliqua dubia redditur, & probatio aliqua infirmatur, quia multi sunt qui lucem istius veritatis, & probationis vim non vident & agnoscunt sed contra ex iisdem principijs disputant, & utcumque solvunt argumenta ex illis pro veritate adducta, nullum prorsus Dei verbum supererit, unde satis solidè possint hæretici confutari, & dogmata fidei probari sat certo atque evidenter. Sed profecto quamvis homines præjudicijs & pravis affectibus ducti & occæcati doctrinam salutarem in Scriptura sacra contentam non videant, & argutijs ac vanis sophismatis tenebras illi offundere conentur, id non obstat, quominus illam ex Scripturis evidenter colligant, & firma ac indubitata illius argumenta se in iis habere certi sint illi qui animo sincero, & mente à præjudicijs & affectibus perversis libera, ac Spiritu sancto duce, & faciem præferente, Scripturæ testimonia expendant, & conferunt ut veritatem in illis inveniant.

X L I X. Superest ut unum adhuc Argumentum solvamus. Nam credere nos profitemur, & studiosè asserimus Scripturam sacram continere omnia quæ sunt ad fidem & salutem necessaria, & nullum esse Dei verbum non scriptum. At, inquit, hoc ipsum ex Scriptura probari non potest. Etenim istud non convincunt Scripturæ loca quæ in hanc rem proferuntur, & argumenta ex iis deducta facile solvi possunt. Respondeo veritatem quam hic tuemur posse ex ipsa Scriptura solidè probari, & thesibus præcedentibus ex Scripturis eruta & vindicata fuisse argumenta quibus infirmatur traditionis non scriptæ autoritas, & asseritur Scripturæ perfectio & sufficiencia, & alia plurima proferri à Theologis nostris, & ab adversariorum exceptionibus vindicari.

L. Sed quamvis Scriptura sacra nullam traditionum mentionem faceret, nec propriam perfectionem & sufficienciam ullibi commendaret, nihilominus verè nec sine ratione affirmaremus, nullum esse verbum Dei non scriptum: quia nullum tale comparat, & traditio quæ tanquam divina proponitur habet in se notas quibus agnoscitur humana esse, & argumenta quæ convincunt illam non esse satis tutum fidei fundamentum, quemadmodum superiore disputatione à nobis ostensum est. Nam sicut verum Dei verbum, & legitima fidei principia non opus habent probari alio Dei verbo, & deduci ex alijs fidei principijs, sed fidelibus innotescunt ex signis & notis insitis, aliisque argumentis & credendi motivis, ita etiam, ut merito rejiciamus id, quod falsè ut Dei verbum proponitur, & legitimum fidei principium, non opus est expresso aliquo testimonio, quod desumptum sit ex vero Dei verbo, sed satis est ut in se habeat indicia & notas imbecillitatis humanæ, & desint motiva atque argumenta quibus sufficienter fideles moveri & suaderi possint, ut illud tanquam divinum suscipiant. Ex eo verò quod præter Scripturam nullum aliud extat & comparat Dei verbum, evidenter deducitur illam necessaria omnia continere. Nam per se notum est, homines de rebus divinis & supernaturalibus non teneri plura scire & credere, quam Deo placuit ipsi revelare & manifestare.

Thesum

Thesium Theologicarum
DE
SCRIPTURÆ
PLENITUDINE ET SUFFICIENTIA

Adversus necessitatem verbi cujusdam non scripti.

PARS QUARTA.

*In qua solvuntur argumenta quibus Pontificii traditionibus non scriptis parum
cum Scriptura sacra auctoritatem conciliare nitantur.*

Thesis Prima.



I HESUS novissimis solvimus argumenta, quibus Pontificii ostendere se putant Scripturam non esse plenam & sufficientem fidei regulam. Sequitur ut ea solvamus quibus probare conantur traditiones non scriptas æqualem cum Scriptura sacra auctoritatem habere, & pari pietatis affectu esse suscipiendas.

II. Primum igitur ut probent multa esse Christi & Apostolorum dogmata, atque instituta quæ sacris literis comprehensa non sunt, & tamen apud fideles auctoritatem eandem obtinere debent ac illa quæ scripta sunt, proferunt verba Christi Joan. 16.

ubi discipulos suos alloquens, ait, *Adhuc multa habeo vobis dicere, sed non potestis portare modo.* Cui loco jungunt ea quæ leguntur ultimo cap. ejus Evangelii, *sunt autem & alia multa quæ fecit Iesus: quæ, si scribantur per singula, nec ipsum arbiuror mundum capere posse eos qui scribendi sunt, libros.* Constat ergo, inquit multa Dominum fecisse & dixisse, quæ non sunt scripta. Nam istos libros qui extant una manus capere potest, Joannes autem dicit totum mundum non posse capere libros qui scribendi essent. Et præterea illa quæ promittebat Dominus se dicturum loco citato, dixit haud dubie post resurrectionem suam, ut colligi potest ex Actorum capite primo, ubi testatur Lucas Dominum post resurrectionem per quadraginta dies apparuisse discipulis, & ipsis locutum fuisse de iis quæ pertinent ad regnum Dei. At de gestis & verbis Domini post resurrectionem paucissima scripserunt Evangelistæ. Non autem est ullo modo credibile Apostolos, qui illa viderant aut audierant, non tradidisse Ecclesiis. Nec enim invidi, aut oblivisi erant, ut nollent, aut non possent ea dicere.

III. Respondeo per multa illa quæ testatur Christus se dicenda discipulis habuisse, & quæ tamen discipuli ante Christi mortem portare non poterant, intelligi accuratam & distinctam explicationem mysteriorum Evangelicorum, veluti de efficacia & fructu mortis Christi, de resurrectione illius, de ascensione in cælum, & sessione ad dexteram Patris, de vocatione Gentium, & cultus legalis abrogatione, de statu Ecclesiæ sub Novo Testamento, aliisque hujusmodi, de quibus quidem breviter & generatim Christus discipulis locutus est, etiam ante mortem; sed ea tamen tunc illi intelligere non poterant, nec eorum accuratam explicationem ferre, propter varia præjudicia quibus eorum erat occupata, & tristitiam summam quæ dejectus erat illorum animus, & quia nondum acceperant illum veritatis Spiritum qui mentis ipsorum oculis erat illuminaturus, ut Evangelii lucem ferre & aspicere possent.

IV. Et certe quod discipuli ista tum non intelligebant, inde manifestum est, quod, etiam postquam Christum à mortuis excitatum viderunt, nesciebant tamen quæ futura
esset

esset regni ipsius natura : quam suam ignorantiam produunt illa ad Christum questione, quæ à Luca refertur cap. 1. Actorum. *Domine, num hoc tempore restitues regnum Israeli?* Imò post ipsam Christi resurrectionem Gentium ~~restituit~~ & cum populo Dei in unum corpus collectio à Petro non satis intelligebatur, donec de mysterio isto, speciali visione plenius edoceret, ut videre est Actorum capit. 10. Multa verò illa Christus proculdubio Apostolos docuit, tum viva voce post resurrectionem, tum per Spiritum sanctum abundanter illis superfluum post sessionem ad dexteram Patris. Sed unde Pontificii probant, aut coniciunt illa scripta non esse, cum mysteria ista quæ breviter recondimus, & longè plura, scripta reuerantur in Evangelistarum scriptis, quæ illi proculdubio à Magistro suo hauserant? Itaque, verum est quidem Christum ante mortem habuisse multa dicenda discipulis quæ illi ferre non poterant, & verum quoque Christum illa discipulis suis dixisse & aperuisse post resurrectionem. At falsum est illa non fuisse scripta ab Apostolis & Evangelistis, saltem quoad summam atque substantiam, & quantum nobis ad salutem satis est. Sunt enim illa ipsa mysteria quæ per totum Novum Testamentum sparsa sunt. Nec adversarii possunt contrarium ullo argumento probare.

V. Multo minus verò possunt nobis fidem facere, multa illa, quæ Christus discipulis dicenda habebat, esse traditiones illas, quas nobis hodie obtrudunt de Missæ sacrificio, de invocatione Sanctorum, de cultu imaginum, aliisque huiusmodi; certe istud majori cum ratione non affirmant de suis traditionibus, quam prisci hæretici de figmentis & somniis suis, quibus audacia simili auctoritatem atque fidem conciliare conabantur : Testatur enim August. tractatu in Joan. 97. veteres hæreticos his verbis Christi abusus fuisse, ut figmenta sua populo commendarent, quasi essent illa ipsa quæ Christi dicenda discipulis habebat. Omnes, inquit, insipientissimi hæretici qui se Christi amos vocari volunt, audacias figmentorum suorum hac occasione Evangel. Iesusque colorare conantur, ubi Dominus ait, adhuc habeo multa vobis dicere. Unde patet Pontificios imitari palam veteres hæreticos, dum ex iisdem Christi verbis pro traditionibus suis non scriptis argumentantur.

VI. Quod attinet ad alterum locum, ubi Joannes affirmat non omnia fuisse scripta quæ fecit Christus, neque mundum capere posse libros qui de iis scribi possent, respondet deo neque nos dicere omnia Christi facta scripta fuisse : sed solummodo totam ejus doctrinam, quantum ad salutem sufficit. De gestis verò Christi tantum scriptum est, quantum satis est ut Christum possumus cognoscere, & per notitiam ejus ad vitam æternam pervenire, ut docet idem Joannes cap. 20. *Multa, inquit, alia signa edidit Iesus in discipulorum suorum conspectu quæ non sunt scripta in hoc libro. Hæc autem scripta sunt ut credatis Iesum esse Christum Dei filium, & ut credentes, vitam habeatis per nomen ejus.*

VII. Porro quenam est ista consequentia? Multa signa fecit Christus quæ scripta non fuerunt, ergo sunt multa dogmata ad salutem necessaria quæ sacra Scriptura comprehensa non sunt. Annon potius inde debemus concludere, quod quemadmodum Christus multa quidem signa fecit, quæ in Scripturâ sacra non memorantur, attamen de signis & miraculis ejus ex traditione nihil certi haberi potest, sed tantum ex Scripturâ sacra: Ita quoque de Christi verbis atque doctrina nihil certum atque exploratum, nisi ex eadem Scriptura habemus. Ac præterea, quod sicut de suis factis Christus tantum scribi voluit, quantum ad salutarem ejus notitiam satis est, ita quoque de suis verbis atque doctrina tantum scriptis mandari curavit, quantum ipsi ad fidem atque salutem nostram sufficere visum est.

VIII. Tertius Scripturæ locus, unde Pontificii pro traditionibus non scriptis argumentantur habetur : 1 Corinth. 11. ubi sic Paulus Corinthios affatur, *Lando autem vos fratres, quod omnia mea meministis, & sicut tradidi vobis, traditiones retinetis.* Dicunt enim per traditiones intelligi præcepta quædam de modo orandi in Ecclesia, quæ nusquam scripta inveniuntur. At istud non tantum dici, sed probari quoque oportuit. Nos verò dicimus per traditiones intelligi eo loco totam Evangelii doctrinam, & omnia præcepta quæ à Paulo acceperant : Nam traditionis nomen, ut ante observatum fuit, generale est, & significat documenta quævis quocunque modo tradita, seu viva voce, sive etiam scripto. Porro documentorum & institutorum illorum, quæ Conciliis primum à Paulo tradita fuerant, plurima jam tum scripta erant, alia nondum erant scripta, sed postea scripta sunt in ipsis Pauli Epistolis, & aliis Novi Testamenti libris; qui post exarati sunt. Quædam forte nunquam scripta fuerunt, quæ in genere possunt esse ritus quidam & ceremoniæ, quæ ad illa tempora accommodatæ, erant & alia quæ ad

politiam & ordinem Ecclesiæ temporis illius pertinebant. Nec enim pertendimus omnia ejusmodi scriptis mandata esse. At inde probari non potest omnia, quæ ad fidem, & cultum Dei necessaria sunt, aut jam tum scripta non fuisse, aut postea scriptis non esse mandata. Quænam est enim illa consequentia Paulus laudat Corinthios quod retinerent omnia documenta & præcepta quæ ab ipso acceperant; Ergo Paulus dogmata & instituta quædam necessaria tradidit, quæ neque tum scripta erant, neque postea scripta sunt.

I X. Nec majorem vim habet alterum testimonium, quod ex eodem capite adversarii desumunt. Apostolus, enim, modum expositorum celebrandæ Cænæ Dominicæ, sic sermonem suum orditur, *Ego accepi à Domino, quod & tradidi vobis*: & tandem concludit his verbis, *Cætera quum videro disponam*. Ubi primum Bellarminus urget vocem *tradidi*, quasi faceret aliquid ad traditiones non scriptas. Deinde addit nusquam scriptum inveniri quid Paulus disposuerit. Merito autem Catholicos censere eum non solum disposuisse quæ ad ritus & ceremonias pertinebant, sed etiam tradidisse alia graviora, ut de ordinatione Ministrorum, de sacrificio altaris, de aliorum Sacramentorum materia & forma, nec hæreticos posse contrarium ostendere.

X. Sed, quod ad prius attinet, mirum est Bellarminum vim facere in voce *tradidi*, cum agnoscat ipse verbum tradendi generale esse, neque ad solam doctrinam non scriptam pertinere, sed ad doctrinam quoque scripto traditam. Et certè quæ ibi tradit Paulus de institutione Cænæ Dominicæ, non tantum ab illo eo loci scripta sunt, sed à tribus etiam Evangelistis scripta reperiuntur, nempe, à Matthæo, Marco, atque Luca. Cætera verò quæ pollicetur Paulus se dispositurum quum venerit, merito nostri referunt quicquid contra censent Doctores Ecclesiæ Romanæ, ad ritus & ceremonias, & alia quæ spectant decorum & ordinem, quæque adeo sunt res per se libera, & quæ Ecclesiam ubique & semper non obstringunt, nec apud omnes eodem modo observantur. Et idcirco illa Pauli *tradidit* sigillatim scribi necesse non fuit, cum in hoc negotio sufficiat regula Scripturæ generalis, nempe, ut in Ecclesia omnia fiant ordine & decenter: particularis verò ordinis dispositio, & illius quod decorum spectat, Pastorum & Ecclesiarum ipsarum judicio & arbitrio relicta sit.

XI. Iniquum est autem, & contra disputationis leges, quod Bellarminus à nobis exigit, nempe, ut ostendamus cætera illa quæ Paulus dispositurum se promittit, non esse graviora quædam de sacrificio, scilicet, altaris & Sacramentorum Ecclesiæ Romanæ materia & forma. Cum enim hoc in loco Bellarminus argumentetur, nos verò respondeamus, Bellarmini est probare quæ dicit, nobis verò sufficit propositiones illius negare, & nostras asserere. Itaque non debuit simpliciter dicere, sed demonstrare Paulum aliquid ordinasse de sacrificio Missæ, & illis Ecclesiæ Romanæ Sacramentis, quæ nos adulterina & notha judicamus.

XII. Igitur Bellarmini conjecturas & suspensiones nihil omnino moramur: Et tamen facile possumus ostendere, quod Bellarminus affirmat nos ostendere non posse, nempe, Paulum ibi nihil inuere de sacrificio Missæ, & Sacramentorum materia & forma, aliisque gravioribus. Nam ipse loquendi modus, quo Apostolus utitur, satis indicat ipsum agere de rebus quæ tanti momenti non sunt. Postquam enim institutionem Cænæ Dominicæ breviter exposuit, & reprehendit quosdam graviores abusus, qui apud Corinthios in celebratione illius obtinebant, subjungit verba illa, de quibus quæstio est, *Cætera cum videro disponam*. Ubi quisvis qui textum attentè considerabit, agnoscat facile Paulum inuere per cætera illa quædam minoris momenti quàm ea quæ præcesserunt, & quæ scribi nihil opus fuit, & quorum ordinatio in aliud tempus poruit sine periculo remitti, & videbatur requirere præsentiam Apostoli, qui presens Ecclesiæ Corinthiæ statim consideraret, & perpensis omnibus circumstantiis, statueret quid facto esset opus, & quæ disciplina, quis ordo, in Ecclesia illa sequendus esset.

XIII. Sed, quod majorem vim habet, & adversario potest os obstruere, live per cætera illa, quorum Paulus ordinationem in aliud tempus differt, intelligantur ea quæ tantum faciunt Doctores Ecclesiæ Romanæ, nempe, sacrificium altaris, ordinatio ministrorum, & alia de Sacramentorum materia & forma, tum quædam necessaria nondum fuerunt Corinthiis tradita, quum Apostolus hanc epistolam scriberet. Dicunt enim Pontificii sua hæc esse in primis necessaria. Sed omnia necessaria Corinthiis abundè ab Apostolo tradita fuerant priusquam hanc epistolam ad illos mitteret, ut patet ex epistolæ hujus capite primo, ubi Paulus dicit *Corinthios in omnibus divites factos fuisse in Christo*, in omni verbo, & in omni scientia. Et capite decimo quinto affirmat Evangelium quod prædicaverat Corinthiis, quod acceperant, & in quo stabant, ejusmodi esse, ut per illud lætarentur, siquidem illud retinebant quæ ratione ipsis prædicaverat. Unde manifestum

nifestum est Apostolum integram & perfectam doctrinam illis antea tradidisse neque quicquam eos elasse quod ad salutem & fidem necessarium judicaret. Igitur oportet, ut, vel Pontificii concedant, suas illas traditiones de sacrificio altaris & Sacramentorum suorum materia & forma necessarias non esse, vel agnoscant, non ad illa pertinere, quæ Paulus quum scriberet Corinthiis, nondum tradiderat, sed in posterum sese apud ipsos disposituram esse p. licebatur.

X I V. Sed, etiamsi Paulus disertè non significaret se jam Corinthiis omnia necessaria tradidisse, quis in animum posset inducere Paulum quum Corinthiis Evangelium prædicaret, & Ecclesiam apud ipsos constitueret, nihil ipsis tradidisse de sacrificio illo in quo religionis Christianæ summa constituenda est, & pars ejus longè præcipua? Et quàm præpostera esset ista diligentia Corinthiis scibere de habitu quo viri & feminae debeant in publicis cœtibus adesse, in aliud verò tempus differre institutionem de Sacramentis, & eo quod in cultu divino pars præcipua putatur?

X V. Tertium argumentum pro traditionibus Pontificii sumunt ex illis Pauli verbis quæ habentur cap. 2. posterioris ad Thessalon. *Itaque, fratres, state & tenete traditiones quas didicistis, sive per sermonem, sive per epistolam nostram.* Nam, inquit, Paulus ibi traditiones quasdam opponit doctrinæ scriptæ, & duo proponit genera documentorum quæ Thessalonicenses ab ipso acceperant, alia, scilicet, quæ scripto consignaverat & epistolis suis inferuerat, alia verò quæ viva tantum voce ipsis commendaverat. Et tamen utraque vult pariter teneri.

X V I. Respondeo, verum est quidem Apostolum, quum hæc scriberet, non omnia quæ ad doctrinam Evangelii pertinent, scripto tradidisse Thessalonicensibus, sed quasdam tantum viva voce, quasdam etiam scripto, & utraque pari reverentia à Thessalonicensibus suscipi debuisse: si quidem non minor fides Apostolo prædicanti, quam scribenti adhibenda erat. Ultro quoque fatentur fieri posse ut tunc tota Evangelii doctrina, neque ab Apostolo, neque ab aliis scripto mandata esset, quoniam Novi Testamenti Canon nondum constitutus & consummatus erat. Sed inde non sequitur totam Apostolicæ prædicationis substantiam scripto postea mandatam non fuisse, tam ab ipso Paulo, quam ab Evangelistis & Apostolis reliquis: aut jam aliquid certi de Apostolica prædicatione posse aliter, quam ex Scriptura sacra haberi. Thessalonicenses quidem, qui Apostolum præsentem viderant & audiverant, de vera Evangelii doctrina certi esse non poterant, non tantum ex Scriptura libris qui tum extabant, sed ex viva Apostoli voce quam ipsi perceperant. Sed ex quo Apostoli à vivis excefferunt, de doctrina eorum aliter certi esse non possumus, quàm ex eorum scriptis, quibus Spiritus sanctus consignari voluit quicquid necessarium est ad perpetuum Ecclesiæ usum. Quæ ergo Apostolus partim per sermonem, partim per epistolam, tradiderat Thessalonicensibus, Apostolorum epistolæ & Evangelii postea fuerunt comprehensa, ut, Apostolis amplius viva voce non nocentibus, inde salutis doctrina hauriretur. Itaque ex his Apostoli verbis non sequitur ullo modo etiam num extare certas quasdam traditiones, unde petenda sint quasdam Apostoli præcepta, quæ in Scripturis sacris non continentur.

X V I I. Sed instat Bellarminus, non omnia quæ Apostolus docuit scriptis postea fuisse comprehensa. Nam, inquit, Apostolus in hoc ipso capite indicat se docuisse Thessalonicenses quando Antichristus venturus esset, & quid adventum ejus moraretur. *Es nunc, inquit, quid deinceps scitis. Es nunc retinetis, quia quum essem vobiscum, hoc dicebam vobis?* Hoc autem nusquam scriptum est, quando, scilicet, sit venturus Antichristus. Quare beatus Augustinus lib. 20. de Civit. Dei, dicit illos scivisse quod Apostolus docuerat viva voce, nos autem non posse id scire qui Apostolum non audivimus. Ergo non omnia scripta sunt quæ Apostolus dixit.

X V I I I. Respondeo primò, nos non dicere omnia & singula quæ dixit Apostolus scripto mandata esse, sed duntaxat omnia quæ necessaria sunt ad fidem & salutem. Hujus generis nihil ab Apostolo viva voce traditum & prædicatum fuit quod in sacris literis scriptum non reperiatur. At dicere nolumus Apostolum non communicasse cum quibusdam singulares quasdam revelationes, quæ ad communem totius Ecclesiæ salutem non spectant, quæ quidem revelationes postea scriptæ non fuerint. Quod si Paulus habuit ex peculiari revelatione quando venturus erat Antichristus, istudque docuit Thessalonicenses, certè hoc non ad prius illud genus, sed ad posterius pertinet. Nec enim, puto, dicent ipsi Pontificii rem esse quæ sit ad salutem necessaria scire tempus & horam adventus Antichristi.

X I X. Sed, quod maxime notandum est, rogo Pontificios annon ex Scripturæ & traditione simul integra Apostoli doctrina haberi possit? Proculdubio istud non negabunt

bunt. Doceant ergo nos ex traditione quando dixit Apostolus Thessalonicensibus venturum esse Antichristum. Certè hic non minus tacet traditio, quàm Scriptura sacra. Itaque, si quis est hac in re defectus, ejus non minus traditio, quàm Scriptura sacra inculcari potest. Si verò hoc non obstat quominus tota Apostoli doctrina possit haberi ex traditione; non obstat etiam quo minus possit haberi ex Scriptura.

XX. Sed quod ad rem ipsam attinet, Apostolus non innuit se docuisse Thessalonicenses quando venturus esset Antichristus, sed simpliciter illum venturum esse ante secundum Domini adventum, ac præterea quid tardaret Antichristi adventum. Etenim non dicit, scitis quo tempore venturus est homo peccati, sed simpliciter, *nunc quid detineat scitis*. Quid autem esset illud, non tantum viva voce docuerat ante Apostolus, sed postea repetit & confirmat in hac ipsa epistola, *Tantum enim, inquit, qui nunc retinet, retinebit, usque dum à medio tollatur: Et tunc revelabitur iniquus ille*. Obscure ista quidem quæ fortasse clariùs & uberiùs viva voce explicuerat Paulus; sed quicquid sit traditio nihil hic ad Scripturam adjicit, neque ex ea habemus quicquam ampliùs de iis quæ per hæc innuit Apostolus.

XXI. Locus autem Augustini, quem pro se assert Bellarminus mirificè pro nobis facit. Nam ibi dicit Augustinus quando hoc scriptum non est nos non posse id scire, cum Apostolum ipsi docentem non audiverimus. Unde manifestum est Augustinum non putasse quicquam certi posse haberi de Apostolorum prædicatione, ex traditione sola, sed tantum ex Scriptura sacra, quod certè nos volumus.

XXII. Sed præter Scripturæ sacræ testimonia, quibus Doctores Ecclesiæ Romanæ traditionis non scriptæ auctoritatem fulcire annuntiant, in eundem finem proferunt argumenta quædam ex ratione ducta. Et primò quidem argumentum ducunt ex consensu hæreticorum in traditionibus contemptis. Nam, inquit, hæretici omnium ætatum traditiones rejecerunt. Ideòque traditionum contemptus, & rejectio est veluti hæresos nota & indicium. Quod autem hæretici traditiones semper rejecerint, probant per inductionem & exemplum Valentinianorum, Marcionitarum, Donatistarum, Arianorum, Eunomianorum, Nestorii, Eutychetis, Arianorum, & aliorum quorundam.

XXIII. Respondeo, quicquid hæretici sentiunt, protinus tamen hæreticum non esse. Nam hæretici possunt cum falsis dogmatibus multa vera amplecti. Itaque, licet hæretici illi, quos adversarii recensent, traditiones consensu rejecissent, non inde sequeretur tamen hæresin esse traditiones rejicere. Nam hæretici quidem illi fuerunt, sed non in eo quod non satis tribuebant traditionibus, verum in eo quod contra Scripturæ auctoritatem perversa & impia dogmata defendebant. Alioqui, si quicquid illi senserunt damnandum est, credendum non est lesum esse Christum, & pro Christo patientium esse, quod illi quoque admisserunt.

XXIV. Deinde falsum est quod sumit Bellarminus, nempe, hæreticos omnes traditiones rejecisse. Nam fuerunt quidem hæretici nonnulli qui traditiones non scriptas contempserunt, & soli Scripturæ sese inherere profitebantur, quamvis variè illam corrumperent; sed fuerunt quoque multi hæretici qui traditiones quasdam non scriptas venditabant, & eo furore atque colore utebantur, ut figmenta & somnia sua apud populum commendarent. Id docet Irenæus lib. 3. c. 2. *hæretici, inquit, resistunt & repugnant saluti suæ: quoniam enim ex Scripturis arguuntur, in accusationem convertuntur ipsarum Scripturarum, quasi non recte habeant, neque sint ex auctoritate, & quia variè sint dictæ, & quia non possit ex his inveniri veritas ab his qui nesciunt traditionem; non enim per literas traditam illam, sed per vivam vocem*. Imò hæretici illi, quos hoc in loco perstringit Irenæus sunt ipsi Marcionitæ, & Valentiniani, alique similes, quos tanquam traditionum hostes producit Bellarminus. Quibus consona docet Hieronymus commentar. in Aggæum, De hæreticis enim loquens, *Quæ, inquit, absque auctoritate & testimoniis Scripturarum, quasi traditione Apostolica sponte reperimus & constringunt, percussit gladius Dei*. Et supra recitulum Augustini verba, quibus testatur veteres hæreticos abulos fuisse ad traditiones suas confirmandas, illis ipsis Christi verbis, quibus Doctores Ecclesiæ Romanæ simili modo hodie abutuntur, nempe, *Adhuc habeo multa vobis dicere, sed non possis portare modo*.

XXV. Epiphanius vero hæresi 33. speciatim idem docet de Ptolomæo quodam hæretico, ubi verba ejus refert ex epistola ad Floram, cui pollicetur fore ut veritatem disceret eorum quæ docebat, postquam dignata esset Apostolica traditio, quam, inquit, per succissionem nos quoque accepimus. Hæresi autem 73. refert epistolam Semi-Arianorum in qua gloriantur se amplecti traditam à patribus fidem; & se velut hæreditatem quandam servare eam fidem, quam ex Apostolica temporibus, per patres, qui in medio

diu usque ad eos fuerunt, susceperant. Non est ergo, quod Pontificii nostrum cum hæreticis consensum nobis exprobrent in rejiciendis traditionibus, cum pessimi quique hæretici de quibusdam traditionibus, non scriptis gloriati sint, & eo furo sua perniciofa signamenta tegere voluerint, ut hodie Pontificii.

XXVI. Præterea Pontificii, traditiones non scriptas necessarias esse probant ex more omnium gentium. Nam primò, inquit, Judei traditiones aliquas extra Scripturam habuerunt, & etiamnum habent. Deinde omnes profanæ Respublice magna ex parte legibus non scriptis reguntur, ut olim Athenienses, & Lacedæmonii, & etiam antiqui Galli, sicut testantur Cæsar, Thucydides, & Plutarchus. Ac præterea Philosophi nobilissimi & celeberrimi, Pythagoras & Socrates, cum plurima docuerint, nihil tamen scripserunt. Unde concludit Bellarminus naturam ipsam quodammodo clamare traditiones non scriptas necessarias, vel certe utilissimas esse.

XXVII. Respondeo, quòd ad Judæos attinet, illos quidem jam olim habuisse traditiones non scriptas. At quales essent & quanti faciendæ docet Christus, dum Judæis exprobrat illos traditionibus suis legem Dei & ejus mandata abrogasse & rejecisse, dùmque iis applicat verba Dei apud Isaiam, *Frustra colunt me mandatis hominum*. Itaque habuerunt quidem traditiones suas, sed Deo improbante, & increpante Christo, tantum abest ut eorum exemplum nobis imitandum sit & habendum pro regula. Quanta verò sit vis traditionis non scriptæ, & quàm aptum sit medium ad propagandam atque conservandam veritatem, manifestum facere possunt hodiernæ Judæorum traditiones, quas ex ore Moïsis se habere gloriantur, cum tamen non sint nisi meræ nugæ, & impia, putidissima, ac sæpe blasphemata somnia.

XXVIII. Porro prophanarum Rerumpublicarum exempla nihil moramur. Possunt illæ quidem uti optimè legibus non scriptis, in iis quæ ad civilem gubernationem pertinent, quæque adeo ab humanæ rationis judicio pendent. At inde non sequitur parèm esse rationem eorum quæ pertinent ad fidem & cultum divinum. Cum enim ista habeantur ex divina revelatione, nec in iis quicquam ratio perspicit, hominum curæ atque memoriz non satis tutò committi potuerunt: idèòque divinæ sapientiæ consultum visum est, ut à viris divinitus inspiratis scripto mandarentur, quo facilius in Ecclesia possent incorrupta servari.

XXIX. Tertium argumentum Pontificii sumunt ab Ecclesiæ dignitate. Nam, inquit, ut olim Judæi excellebant omnibus nationibus, quia credita erant illis eloquia Dei, ut dicit Paulus cap. 3. Epist. ad Rom. ita nunc præstat Ecclesia Christi omnibus sæctis, quod ipsa sola noverit omnia mysteria veræ religionis, & conscia sit secretorum sponis. At, si omnia essent scripta, nullum esset Ecclesiæ privilegium. Nam nihil minus scirent hæretici, & Judæi, & Pagani de mysteriis fidei nostræ, quàm nos ipsi, atque antistites nostri.

XXX. Respondeo, ut olim privilegium Judæorum erat, quod ipsis eloquia Dei credita erant, ita quoque Ecclesiæ Christianæ privilegium est quod ipsi commissæ sunt eadem eloquia. Sed, ut Judæi illa scripto consignata habebant, ita quoque Ecclesiæ Christianæ scripto tradita sunt. Est ergo Ecclesia Scripturæ sacræ & doctrinæ celestis in ea contentæ, custos & depositaria. Quod si quam infideles ejus notitiam habent, ab Ecclesia illam mutuuntur. Deinde distinguenda est duplex mysteriorum divinorum notitia. Aliud est enim nosse quid Scriptura doceat, & quæ sint religionis Christianæ mysteria, & aliud ista mysteria credere, & certa fide amplecti: Potest enim aliquis in doctrina Christiana versatissimus esse & eruditissimus, qui tamen doctrinæ Christianæ non credat, sed occultam in corde tegat infidelitatem. Jam autem Ecclesiæ Christianæ privilegium propriè non consistit in priori illa notitia, quæ non aliud est, quàm simplex apprehensio illius quod dicitur, sed in illa notitia quæ fidem quoque includit, & persuasionem certam illius, quod à mente nostra apprehenditur. Ut enim Alcoranum legere & discere possunt, neque tamen credant Mahumeti, & ejus Alcorano: Ita quoque Mahometanus, & quilibet alius infidelis Scripturam legere potest, & totum Religionis Christianæ corpus ediscere, neque tamen propterea religioni Christianæ fidem adhibebit, & gaudebit privilegio fidelium, qui Christum & Evangelium ejus verè norunt & amplectuntur.

XXXI. Quod si habeatur ratio prioris istius notitiæ, quæ tota in simplici quadam apprehensione posita est, certè ut illa quoque Ecclesiæ propria maneret, nec infideles ulli ejus participes essent, doctrina Christiana à nullo unquam debuit scripto mandari, & chartis committi, sed viva tantùm voce in Ecclesia perpetuò tradi. At quamvis Pontificii pertendant non omnia fidei mysteria ab Apostolis & viris doctissimi scripta esse

esse, fatentur tamen illa in quamplurimis Doctorum suorum libris scripta reperiri, idque sigillatim, clarè & dilucide, ut à legente quovis percipi possint. Ac proinde, quamvis inheles ex scriptis Prophetiis & Apostolicis non possent totam doctrinam Christianam haurire, facile tamen illam discere possunt ex Theologorum Christianorum libris. Et sic non minus coadit imaginarium istud Ecclesie privilegium, quam si omnia in libris Prophetarum & Apostolorum perscripta sint, sicut nos contendimus.

XXXII. Denique Doctores Ecclesie Romanæ pro traditione non scripta argumentum desumunt à dignitate mysteriorum religionis Christianæ. Nam inquit, sunt mysteria multa quæ silentium requirunt, nec decet ut in Scripturis, quæ toti mundo leguntur, explicantur. Si enim ad videnda tremenda mysteria Missæ non licet admittere ullos non baptizatos, quomodo licebit eis eadem scripto tradere?

XXXIII. Respondeo, proprium esse superstitionis joculari sua mysteria, & plebem ab eis arcere, ut Ethnici olim faciebant. Sed religionem Christianam sui ipsius non pudet: ac, ut ait Tertullianus, veritas Christi nihil erubescit nisi abscondi. Itaque religio Christiana nemini sui notitiam invidet, sed ad eam ipsos infideles invitat. Fateor quidem hac in re prudentia aliqua opus esse. Nam monet Christus sanctum non esse dandum, canibus, nec margaritas porcis obijciendas esse. Aliter etiam agendum cum parvulis in Christo, aliter cum perfectis. Et prioribus quidem lac præbendum est, posterioribus, cibus solidus reservandus. Itaque Pastorum atque Doctorum est hac in re auditorum suorum rationem habere, & doctrinam Evangelii, quam ex Scripturis hauriunt, dextrè & ad captum eorum, qui audiunt, proponere, nec temerè religionis Christianæ mysteria profanis & impiis ridenda exponere. Sed contra prudentiam istam, à Christo ipso præceptam, non peccarunt Evangelistæ & Apostoli nostri dum integrum Evangelium breviter & summatim scriptis suis consignarunt. Nam illa ipsa scripta proponi & exponi possunt aliis ad modum lactis, aliis verò ad modum solidioris cibi. Neque quicquid scriptum est, protinus censi debet porcis objectum esse, & profanorum sibilis & cachinnis expositum. Alioquin ipsi Doctores Ecclesie Romanæ sanctum canibus quotidie darent, & margaritas porcis objicerent, si quidem illi quotidie Theologicas summas, & Catecheses edunt, & religionis Christianæ mysteria quælibet scripto docent, & explicant, quàm clarè & apertè possunt. Quod certè si ipsis licet, inviolata manente dignitate mysteriorum Evangelicorum, cur idem non licuerit Apostolis & Evangelistis? Si verò non licuit, nec decuit Apostolos scripto explicare omnia fidei mysteria, cur idem hodie magis licebit scholasticis & Theologis Pontificis, qui omnia Pontificiæ Theologiæ dogmata scripto docent, & illa ipsa, quæ dicit Bellarminus, tremendæ Missæ mysteria, quorum nullum prorsus est quod scriptum non reperiatur in Pontificiorum libris.

XXXIV. Deinde nobis edant Pontificii quænam sint illa mysteria, quorum dignitas & majestas tanta est, ut non debuerunt in sacris Scripturis explicari. Nam certè mysterium de mundi creatione, & ejus interitu, de resurrectione corporum, de Filii Dei incarnatione, de duabus in Christo naturis, de tribus personis in una divina essentia, & plura ejusmodi, in Scripturis exposita sunt. An vero Pontificii proferre possunt mysteria his augustiora atque sublimiora? Et num dogma de cultu imaginum, de invocatione Sanctorum, & de successione Papæ in locum Petri Apostoli, sunt aliquid excelsius, & majori veneratione dignum, quàm personarum trinitas in Deo, generis humani redemptio per mortem Dei incarnati pro nobis, ut hæc quidem scribi potuerint, illa vero non debuerint scribi? Denique quis est ille furor existimare, non fuisse de dignitate traditionum, ut ab Apostolis scriberentur, istam vero illarum dignitatem non violari, cum centies à gregariis Doctoribus scriptis mandantur atque omnibus inculcantur.

Theses Theologicæ,

QUIBUS

DEMONSTRATUR DEUM ESSE.

Thesis Prima.

UT Deus nomen Theologiæ dedit, ita ejus est præcipuum objectum. Idcirco res Theologicas tractare aggredienti ab ipso Deo sumendum est exordium.

I. Quæ autem de Deo traduntur ad duo capita revocari possunt. Vel enim spectant Dei existentiam, & quæstionem, AN SIT: vel Dei naturam atque essentiam, & quæstionem, QUID SIT. A priori ratio postulat ut incipiamus.

III. Primum ergo totius Theologiæ theorema, cui omnis religio superædificatur illud est, *Esse Deum*, hoc est mentem æternam, optimam, potentissimam & sapientissimam, quæ sit causa rerum omnium, & à qua omnia pendeant & regantur. Juxta quod dicit Apostolus Hebr. 11. 6. *Accedentem ad Deum oportet credere quod est.*

IV. Porro principium istud non est de genere eorum, quæ ex sola revelatione & Dei verbo habentur: sed res est, quam tota rerum natura inculcat, & nostris pene sensibus ingerit. Nam ut ait Apostolus Rom. 1. 20. *Invisibilia Dei semperna scilicet ejus virtus & divinitas à creatione mundi, per ea, quæ facta sunt, intellecta conspiciuntur.* Quo spectat etiam Job 12. 6 *Interroga, inquit, jumenta, & docebunt te: aut aves, & indicabunt tibi: aut terram alloquere, & docebit te, & ipsos pisces maris, & tibi narrabunt. Quis ignorat quod hæc omnia manus Domini fecerit?*

V. Unde factum, ut etiam citra revelationem, qua Deus seipsum in verbo cognoscendum præbuit, nonnulla Dei cognitio ad omnes fere homines promanaret. Siquidem nulla, aut pene nulla gens est, cui non sit aliqua religionis forma, & qualiscunque divinitatis cultus. Nec aliunde proveniunt conscientiæ terrores & morsus, qui etiam improbissimos & perditissimos quosque, qui omnem Dei timorem excutere conantur, quamvis invitos protrahunt ad ipsius tribunal, & divinæ vindictæ horrorem illis incutunt.

VI. Non est quidem negandum, veram & salutarem Dei cognitionem, apud paucos admodum homines reperiri: Verumque Deum fuisse, & etiamnum esse, plerisque gentibus ignotum, quo nomine dicuntur ab Apostolo *id est in re absque, sine Deo in mundo*, Eph. 2, 12. Sed hoc non obstat, quo minus apud illas ipsas gentes, quas Paulus Atheismi quodammodo insinuat, numinis tamen sensus aliquis remanserit, licet multis & sædis erroribus implicatus. Cujus rei argumentum est illa ipsa idololatria, qua sese gentes profane polluerunt, & relicto creatore, creaturas varias, & ipsa animi sui figmenta coluerunt. Oportet enim ut altè hominibus impressus sit iste divinitatis sensus, quandoquidem homo, plus satis alioqui ad superbiam pronus & fastu tumens, maluerit se abjicere infra bestias, & colere lapides & ligna, quam nullum planè Deum agnosce-
re.

VII. Igitur omnino certum est ex contemplatione mundi, & eorum quæ in eo videntur, homines posse ad dei cognitionem pervenire: nec obstitisse tenebras humanæ menti per peccatum offusas, quin maxima pars hominum, hæc viâ, & natura duce, qualemcumque numinis notitiam adepta sit. Sed quæritur, cujus generis sint rationes illæ, quibus ex operum naturæ consideratione ostenditur esse Deum. An scilicet sint necessariæ, an vero probabiles tantum? Et an Dei existentia sit demonstrabilis ingenio humano, an verò duntaxat illam assequi possit conjecturis nonnullis & probabilibus quibusdam argumentis. In hac autem sumus sententia, cum omnibus fere Theologis tam nostris

nostris quàm Pontificiis, Dei existentiam rem esse, quæ demonstrari potest, & necessariis argumentis evinci.

VIII. Sed cum duplex sit demonstratio apud Dialecticos, altera quæ ex causis effectum, altera verò quæ contrà ex effectus causam monstrat: manifestum est, priori demonstrationis modo non posse doceri Deum esse; cum nec Dei, nec ejus existentia, possit in ullo genere causa proferri: sed demonstrari potest posteriori modo, nimirum ex effectis. Nec enim existimandum est, argumenta quibus probatur esse Deum, rem aliquatenus relinquere dubiam, & suadere tantum, non convincere.

IX. Id autem melius ostendi non potest, quàm prolatis exemplis ejusmodi argumentorum, quæ ex se suam produnt evidentiam & necessitatem. Itaque qua ratione commodius id fieri posse existimamus, ex iis quæ in hoc mundo aspectabili nostris oculis obversantur, per necessariam & evidentem consequentiam deducere conabimur, Deum esse qui ista produxit: eaque quasi unica demonstratione contenti erimus. Nam argumenta singula persequi, quibus probatur esse summum aliquod numen, infiniti esset operis & supra nostri instituti modum.

X. Ut autem sensim ad institutum nostrum viam nobis complanemus, nec reliqui quicquam faciamus ad summam evidentiam, qualis quidem exigi potest in rebus Physicis & Metaphysicis, principia quedam constituenda sunt, quibus veluti fundamentis reliqua superstruuntur, quibusque in tota discursus serie sæpe utendum erit.

XI. Primo igitur certum est, nihil à se ipso fieri, & nihil esse sui ipsius causam. Nam si aliquid se ipsum fecisset, planè necesse foret, illud fuisse antequam esset, quod implicat contradictionem. Etenim quod fit nondum est: nam quod fit transit à non esse ad esse. Quod vero facit aliquid, jam est cum agere præsupponat esse.

XII. Est etiam extra dubium, nihil pendere à seipso: sed quicquid dependet ab alio dependere. Ratio manifesta est: nam si aliquid penderet à se ipso idem esset se ipso prius & posterius. Quod enim dependet, posterius est eo unde dependet.

XIII. Tertium principium prioribus illis non minus manifestum est, in ordine causarum efficientium, quarum una ab alia pendet, non possit dari progressum in infinitum: sed tandem deveniendum esse ad causam aliquam primam atque summam. Nam si daretur in causis progressus in infinitum, nec ulla causa prima esset, omnes & singule cause mediz essent, adeoque ante se causam aliquam haberent: imò nulla esset causa, quæ ante se infinitas causas superiores non haberet. Sed hoc est impossibile: nam si ante omnes & singulas causas infinitæ cause essent, ante totam causarum multitudinem & collectionem essent infinitæ cause. Nam quod est ante omnia & singula, illud est antea totam singulorum multitudinem: sed contradictionem manifestam implicat infinitas causas esse tota multitudine causarum superiores. Nam certe extra totum causarum multitudinem, causa nulla reperiri potest. Alioqui multitudo illa tota non esset. Deinde, si ascendendo ab effectis ad causas, non posset ad primam causam perveniri, pari ratione, descendendo à causis ad effecta, ad ultimum effectum nunquam deveniri posset. Etenim distantia tanta est à summo ad imum, quanta est ab imo ad summum. Et quod infinitum est non magis ascendendo quàm descendendo pertransiri potest.

XIV. Porro ex principiis jam positis sequitur, non omne ens esse factum & sui habere causam: sed dari aliquod ens improductum & independens. Nam si non daretur ens aliquod improductum, sed omne ens factum & productum esset, necesse esset factum esse vel à se vel ab alio. Sed ens ullum à se factum dici non potest, quia nihil esse causa sui, per primum principium à nobis ante positum. Igitur oportet omne ens fuisse ab alio productum. Et ita vel dabitur in causis producentibus progressus in infinitum, quem impossibilem esse jamjam demonstratum est: vel circulus aliquis entium invicem productorum & producentium. Sed cum in eis quæ sunt facta detur ultimum, quod aliud non fecit & produxit, talem circulum non dari evidens est. Præterquam quod ejusmodi circulus est impossibilis. Nam tali circulo posito, sequeretur idem à se ipso fieri, & idem esse sui ipsius causam. Si dicas enim, exempli gratia, Abraham genuisse Isaac, & Isaac genuisse Jacob, & rursus Jacob genuisse Abraham, quod in circulo necessarium est; Inde sequetur Abraham mediâ saltē seipsum genuisse: quo nihil absurdius.

XV. Denique & hoc principium firmiter tenendum est, videlicet causam primam & præcipuam effectus suo non posse esse minus perfectam, neque quicquam in effectus perfectionis esse, quod in causa non continetur, si non formaliter, ut auctor, saltē modo aliquo eminentiori. Nam cum effectus, qua talis, quicquid habet à causa acceperit, manifestum est, effectum nihil habere quod in causa quodammodo non sit. Nihil enim dat quod

quod non habet : quum dare sit, alium participem facere ejus, quod ipse habes.

XVI. His ita constitutis ut intentum nostrum assequamur, & ex iis, quæ in hoc universo spectanda exhibentur, demonstremus esse Deum, duo sunt sigillatim & distincte probanda. Primum corpora illa, quibus constat hic mundus, terram scilicet, solem, stellas atque planetas, non esse entia à se & improducta ; sed habere causam quæ illa produxit. Deinde causam illam non posse esse, nisi summam intelligentiam, optimam, potentissimam & sapientissimam, quæ ipsa est quam Deum vocamus.

XVII. Primum igitur quod corpora illa, quæ sunt universi partes præcipuæ & integrantes non sint entia à se & improducta multis modis probari potest. Nam 1 non sunt entia per se & simplicia, sed tota quædam congesta ex partibus diversæ naturæ : Saltem id manifestum est in hoc terreno & elementari globo, qui constat partibus maxime diversis : veluti petris, aquis, & terra propriè sic dicta, aliisque hujusmodi ; sed quod est à se debet esse aliquid simplex. Nam quod est à se nihil habet se prius. Quod verb constatum & compositum est ex partibus diversis, posterius est partibus ex quibus componitur ; partes enim sunt aliquid prius toto. Deinde res diversæ non coalescunt in unum, nisi per aliquam causam uniantur. Sed quod est à se nullam causam habet, neque dependet ab alio.

XVIII. Deinde quod est à se, est sibi ipsi sufficiens, nec ullo alio indiget. Sed corpora illa, quibus hoc universum constat ; veluti terra, planetæ, res hujusmodi non sunt : sed aliena ope egent, nec possunt alio carere. Minor manifesta est. Nam terra & planetæ lumine solis egent. Neque globus elementaris absque sole subsistere posset : Sed omnino opus habet luce & calore illius foveri, ut in suo statu & esse permaneat. Et sic quoque proculdubio reliquæ universi partes solæ per se esse non possent : multisque modis ab aliis juvantur atque sustentantur. Nec verò minus evidens est, quod est à se sibi sufficere, & alio non indigere : Nam quod alio indiget & sibi ipsi non sufficit, non potest absque alio conservari. At quod non potest absque alio conservari, ab alio pendet ut sit. Quod autem ut sit ab alio pendet, certè illud non est à se. Adde quod ens à se nullam omnino causam habet : Nam à seipso esse, est causam non habere, sed quod non potest absque alio conservari causam aliquam habet, scilicet conservantem. Ac præterea quicquid causam conservantem habet, efficientem quoque habet. Nam conservatio est quædam efficientiæ continuatio.

XIX. Tertio quod corpora, quibus constat hic mundus, entia à se & improducta non sunt, inde manifestum est, quod singula certum finem habent, nec sunt propter se, sed propter aliud : Nam certè quod est à se, illud quoque est propter se, non autem propter aliud : neque potest ad finem referri. Etenim quicquid refertur ad finem, ab aliquo alio, unde pendet, ad finem refertur : Verùm id quod est à se, non pendet ab ullo alio, à quo possit ad finem referri. Adde quod finis omnis est intentione prior re illa cujus est finis, sed quod est à se, ut jam dictum fuit, nihil habet se prius, à quo finis ille intendi poterit. Quod autem singula corpora mundana propter se non sunt, sed referantur ad finem, vel ex eo patet quod sint partes totius cujusdam, harmonice & ordine digesti, nimirum mundi ipsius ad cujus commune bonum referuntur. Nam bonum totius est finis partium singularum. Neque ullus negare potest, quod hoc & illud corpus, exempli causa, terra, sol, aut aliquis planeta, sit magnitudinis hujus aut illius, in hoc vel illo statu, ista vel illa qualitate, figura & motu prædicitum, quod, inquam, omnia ista finem certum habeant, & ita sint vel non sint, quoniam ita exigit oratus, pulchritudo & commodum universi. Adeoque necesse est, ut tota universi harmonia & idea concepta & intenta fuerit ab aliquo, à quo omnia juxta illam constituta & ordinata sint.

XX. Quod corpora illa quæ constituunt totum hoc universum, entia à se non sint, sed ab alio orta & producta, inde probatur, quod singula certam & determinatam perfectionem habent, & naturam ab invicem diversam : istud enim eorum discrimen, & illa determinatio omnino referri debet ad causam efficientem, quæ singulis talem naturam indulsit, ac perfectionem istam & non aliam. Quod si essent à se omnia, unum & idem essent. Unde foret enim quod naturam diversam haberent, ac præterea omni perfectionis termino & limite carerent ? Nam quod essentiam habet determinatam & limitatam, necesse est ita fuisse limitatum ab aliqua causa : sed quod est à se nullam causam habet, quæ limites & terminos ei ponere poterit, sed esse per se habet in ipso fonte, aut potius est ipse esse fons, necesse est in se continere omnem entitatem & perfectionem.

XXI. Jam autem si corpora, quibus hoc universum constat, entia producta sunt, & quæ

quæ sui causam & originem habent, ipsum quoque universum productum esse necesse est. Nam quod constat partibus productis improductum esse non potest.

X X I I. Et certe si mundus hic, & partes illæ quibus constat, est aliquid à se, & quod sui causam non haberet, æternus quoque esset, & durationis initio cerneret. Nam quod est, & tamen nunquam productum est, necesse est semper fuisse. Etenim quod est, & aliquando non fuit, productum esse necesse est. Quod enim transit à non esse ad esse illud certè produci dicitur; sed fieri non potest, ut mundus hic corporeus & visibilis ab æterno fuerit. Nam mundus hic est in perpetuo motu, & quæ duratio temporis mensuratur. Sed motus & tempus, quod metum consequitur, ab æterno esse non possunt; quod multis modis demonstrari potest.

X X I I I. Primum enim si motus, qui, verbi causa, in sole apparet, ab æterno esse dicatur; necesse erit solem ab æterno fuisse, vel in aliquo Zodiaci signo, vel in omnibus Zodiaci signis. At neutrum dici potest absque manifesta contradictione. Etenim si sol ab æterno fuit in aliquo Zodiaci signo, puta in Ariete, non ita in aliis, inde sequitur solem in tempore demum pervenisse ad Taurum & Geminos. Et ita cum supponatur ab æterno motus fuisse, per totam æternitatem unum aut alterum tantum signum peragraverit, id est, infinito tempore, spatium finitum. Nam motus qui est ab æterno infinito tempore antecedit quicquid in tempore factum. Ac proinde sol eodem illo motu, quo intra mensuram signum unum percurrit, tempore infinito non amplius quam unum aut alterum signum percurrere potuerit. Si dicatur autem sol ab æterno fuisse in omnibus Zodiaci signis; necesse erit solem simul in omnibus signis Zodiaci fuisse. Etenim si ab æterno fuit, & in Ariete & in Cancro, & in Libra & in Capricorno, non ante fuit in Ariete quam in Cancro, & in Libra quam in Capricorno. Nam quod ab æterno est, ante se nihil habet. Ac proinde quum non fuerit in uno prius quam in alio, necesse est ut simul in omnibus fuerit. Sed implicat contradictionem solem per Zodiacum moveri, & tamen simul in omnibus Zodiaci signis esse. Nam solem per Zodiacum moveri, est unum signum deferre & ad aliud progredi; præterquam quod ita soli sibi ipsi oppositus & à se ipso distans fuisset.

X X I V. Præterea si motus qui in mundo observantur ab æterno fuerint, nec ullum sui initium habent, necesse est ut hæcenus fuerint infinitæ generationes hominum & cæterorum animalium, utque in illis generationibus detur progressus in infinitum; sed hoc est impossibile. Nam si in hominum generationibus daretur progressus in infinitum, nullus daretur primus homo, unde reliqui progeniti essent, sed omnes omnino homines, nullo excepto, essent ab homine geniti. Atqui fieri non potest, ut omnes omnino homines nullo excepto, sint ab homine geniti. Nam sic tota & integra hominum multitudo ab homine genita esset, quod dici non potest absque contradictione. Etenim si tota hominum multitudo ab homine genita est, necesse est ut illæ à quo genita dicitur, vel sit extra multitudinem, vel in multitudine illa contineatur. Prius dici non potest. Nam fieri nequit ut integra hominum multitudo, re uno quidem excepto genita sit, ab aliquo homine, qui in illa non comprehendatur: quædequidem extraneam hominum multitudinem, nullus homo reperitur. Nec etiam dici potest, totam multitudinem hominum genitam fuisse ab aliquo, qui sit pars illius multitudinis. Nam si ita esset, homo ille, qui cæteros genuisse diceretur, se ipsum quoque genuisset. Nam qui genuit universam hominum multitudinem, singulos quoque genuit, qui in illa continentur, quorum unus ille est. At nihil se ipsum gignit, nec est sui ipsius causa.

X X X V. Deinde nullus est homo ab homine genitus, ante quem alius homo non extiterit. Itaque si omnes omnino homines ab hominibus geniti sunt, ante omnes omnino homines quidam homines fuerunt, & sic priusquam ullus esset homo, fuit aliquis homo, quod manifestè contradictorium est. Imo si omnes homines sunt ab hominibus in infinitum geniti, nullus unquam homo fuit, qui non fuerit posterior infinitis aliis hominibus præexistentibus, adeoque fuerunt infiniti homines, priusquam ulli homines existerent. Adde quod, si ante nos generationes infinitæ fuissent, ordo generationis non potuisset ad nos pervenire: nam infinitum pertransiri non potest.

X X X V I. Ut autem motus illi, qui in mundo observantur, ab æterno esse non possunt, ita nec tempus æternum esse potest. Nam si tempus æternum est, ab æterno est diei & noctis vicissitudo: sed impossibile ab æterno fuisse vicissitudinem diei & noctis. Etenim si ab æterno fuit vicissitudo diei & noctis, tam nox quam dies ab æterno fuit. Nam si vel nox vel dies ab æterno non fuit, vicissitudo illa in tempore demum incipit, sed repugnat utrumque, nempe, diem & noctem ab æterno fuisse. Etenim eorum quæ sunt ab æterno unum non est altero prius. Nam quod habet aliquid

ante

O

ante se, non est ab æterno. Ac proinde quæ sunt ab æterno simul sunt. Atqui plane necesse est, ut vel nox diem, vel dies noctem præcesserit, neque possibile est, quod dies & nox sint simul, siquidem nox est privatio diei: habitum verò & privationem in eodem subjecto simul esse, implicat contradictionem. Uno verbo si dies & nox statuatur ab æterno fuisse, necesse est ut vel dies & nox fuerint simul, id est, simul & eodem respectu fuerit dies & non dies: vel ut in iis quæ æterna dicuntur, unum præcedat alterum, quorum utrumque apertam contradictionem involvit.

XXVII. Deinde si tempus æternum est, nullus fuit primus dies. Nam, si est aliquis primus dies, tempus initium habet, adeoque æternum non est. Atqui necesse est esse primum aliquem diem. Nam, si nullus fuit primus dies omnem diem dies præcessit, ac ante omnes & singulos dies, dies aliquis exiit: Et sic fuit dies antequam esset dies. Præterea si tempus ab æterno est, necesse est hæcenus fuisse infinitas horas, infinitos dies, infinita sæcula, imo etiam infinitas sæculorum myriades. Rogo igitur, num numerus dierum hæcenus elapsum sit æqualis numero horarum, an verò illo minor? si dicatur æqualis esse, inde sequetur partem esse toti æqualem, & totum non esse sua parte majus. Nam cum in singulis diebus sint viginti quatuor horæ, numerus dierum est tantum pars vigesima quarta majoris numeri, & necessario vicies & quater plures horæ quam dies effluxerunt. Si verò dicatur numerus dierum esse minor numero horarum, primum hoc absurdi sequetur dari numerum infinitum, qui tamen sit tantum pars vigesima quarta majoris numeri, & qui in alio numero continetur quater & vicies imo plusquam centies millies, & millies, adhuc pluries, si quis comparare velit non numerum dierum cum numero horarum, sed numerum sæculorum cum numero minutorum, & sæculorum myriades cum minutis decimis. Certè capi non potest, quomodo numerus ille sit infinitus, qui in majori numero toties continetur, & qui est illius partem exigua. Nam numerus, qui in alio continetur, majori illo numero continente terminatur & limitatur, & ita infinitus non est, quippe qui omni termino & fine non caret.

XXVIII. Præterea cum numerus dierum sit, quater & vicies minor numero horarum, rogo iterum, an numerus horarum numerum dierum æquans & non superans, constituat tempus finitum, an infinitum? dici non potest finitum tempus constituere: nam cum numerus dierum statuatur infinitus, numerus horarum ipsi æqualis infinitus quoque est. Sed infinitæ horæ non possunt finitum tempus constituere: nec etiam dici potest numerum illum horarum, qui dierum numerum æquat, & non superat, efficere tempus finitum & æternum. Nam utrinque limitatus est, nimirum hodierno die, & ab altera parte, tempore ter & vicies longiori, quod præcessit. Et certè cum tempus illud, quod constituit numerus horarum, dierum numero æqualis, sit tantum pars vigesima quarta totius temporis antea, absque manifesta contradictione infinitum & æternum dici non potest. Etenim ab hodierno die incipiendo, nulla pars præteriti temporis infinita est, siquidem quævis talis pars temporis præteriti terminatur tempore præcedente & subsequente. At infinitum est, quod caret terminis; quod verò terminos habet, infinitum esse non potest. Nec minus pugnat notio æternitatis, cum eo quod est tantum certa pars temporis præteriti: nam æternum non est quod tempus aliud ante se habet; sed pars ejusmodi temporis præteriti tempus aliud ante se habet, scilicet totum illud, quod est extra partem illam. Cum ergo quælibet assignata pars temporis veluti vigesima, centesima aut millesima, non possit esse æterna & infinita, totum tempus æternum & infinitum esse non potest. Nam quod constat partibus finitis & determinatis, non potest esse infinitum.

XXIX. His adde, quod omne tempus præteritum aliquando fuit futurum, atque etiam tantum futurum fuit, quantum est præteritum. Ideoque si jam tempus præteritum infinitum est, aliquando fuit futurum infinitum. Sed ad finem temporis in futurum infiniti nunquam deveniri potest. Ergo ad finem temporis præteriti nunquam deveniri potuit. Et si posthac tantum temporis nunquam præterit, ut dici possit adhuc infinitum tempus præteritum: profecto nec antehac tantum præterire potuit, ut sit præteritum actum infinitum; obstante, in utroque pariter infinitate. Quod, si usque ad hodiernum diem infinitum tempus præterit, dies hodierna aliquando in infinitum abfuit. Qui ergo potuit ad illam perveniri? Nec parum urget hæc viri doctissimi ratio: nempe, vel nullus dies est ab æterno, vel omnis dies est ab æterno, vel aliquis est ab æterno, & aliquis non est ab æterno. Nam quartum fingi non potest. Sed primum si verum est, tempus non est ab æterno: non enim est ab æterno id cuius nulla pars ab æterno existit. Secundum verum esse non potest, repugnante experientia. Nec etiam ter-

tium:

tium : Nam si dies aliquis ab æterno fuit, ejus duratio fuit infinita, neque principium habet, sed cujuscunque diei duratio viginti quatuor horis limitata est. Unde liquet tempus ab æterno fluere non potuisse ; sed ut loquitur scriptura *Deum esse qui fecit sæcula*, Hebr. 1.

X X X. Quum igitur nec motus nec tempus ab æterno esse potuerint, sed necessariò sui quoddam initium habeant : manifestum est mundum, qui ut diximus, est in perpetuo motu, & cujus duratio tempore mensuratur, ab æterno quoque esse non potuisse, sed aliquod sui initium habere : ac proinde illum ab alio factum esse & productum. Quis autem tanti operis author censerj poterit, nisi causa quædam non tantum potentissima, sed etiam optima & sapientissima, adeoque nisi summa & æterna quædam mens, quæ ab omnibus Dei nomine significatur ?

X X X I. Sed ut res adhuc fiat manifestior, & omnis dubitandi tollatur occasio, quandoquidem evicimus mundum factum fuisse, & existentie suæ causam habere. Rogamus, quæ sit illa causa cui mundus suam originem debeat ? Certè, quantum animo capimus, tres ejus omnino causæ fingi & assignari possunt. Vel enim dicendum est illum casu exortum fuisse, & ex fortuito quodam particularum materię concursu : vel habere quidem causam necessariam ; sed tamen brutam & sui nesciam, quæ naturæ nomine vocetur. Vel denique, ut diximus, mundum opus esse causæ cujusdam intelligentis, optimæ simul & potentissimæ.

X X X I I. Primum illud tribuitur Democrito & Epicureis, qui dicuntur censuisse mundum esse ortum ex quodam fortuito, & temerario concursu atomorum. Verùm hæc sententia ad infaniam accedit. Nam constantia, ordo, & harmonia à casu esse non potest ; sed quæ casu fiunt & exoriuntur, incerta sunt & indigesta, nihilque constans habent, & quod sui simile semper sit. At nihil fingi potest hac universi compage magis ordinatum atque compositum. Et in singulis quoque naturæ operibus summus ordo atque constantia facile observari potest.

X X X I I I. Et certè quis est, qui, dum palatium aliquod splendide, & ex arto extractum contemplatur, aut horologium quoddam affabre factum, quod variis rotis & motibus inter se compositis, horas, dies, & lunæ phases notat & dimittit, in animum inducat ista casu facta esse, & lignis atque lapidibus, ærisque & chalybis particulis quibusdam temerè congestis exorta ? At quodnam Palatium excogitari potest majori arte & symmetria structum, & ubi proportionem omnes melius observatæ sint, quàm ipsum hoc universum, quod oculis nostris observatur ? Aut quænam est machina in qua plures motus, magisque mirabiles, & in summa varietate magis constantes, observari possint ?

X X X I V. Nec etiam potest tantum opus tribui causæ brutæ, & quæ agat ex necessitate, absque ratione & intelligentia. Primò enim inter ea quæ in mundo videntur, multa sunt, non tantum sensu & cognitione prædita, veluti bestię : sed etiam ratione & intellectu, sicuti homines ; sed id quod cognoscit & intelligit, necessariò causam aliquam habet cognoscentem & intelligentem : nam effectus suâ causâ primâ & præcipuâ perfectior esse non potest : nec potest in effectu quicquam perfectionis esse, quod in causâ non sit, si non formaliter, saltem modo quodam eminentiori, ut antè demonstratum fuit. Jam autem simpliciter & absolute perfectius est cognoscere, quàm non cognoscere, intelligere, quàm non intelligere. Ideoque necesse est, ut quod est prima & præcipua causa rei intelligentis, non sit expertus intelligentiæ, alioqui causa esset effectui minus perfecta. Atque hæc est demonstratio, qua utitur Psaltes Plal. 94. dum homines atheos & profanos coarguit. *Intelligite, inquit, stupidi in populo & sævi, quando intelligetis ? An qui plantavit aurem, non audiet ? an qui oculum sinxerit non videbit ? An qui gentes corripit, non arguet ? An qui docet homines scientiam non cognoscerit ?*

X X X V. Deinde videmus in mundo nihil temerè factum esse, & naturam in omnibus agere certum ob finem, & qua ratione congruit ut assequatur illud quod optimum est. Sic nullus est eorum, qui speculantur opera naturæ, qui facile non agnoscat solis motum diurnum & annuum, ita ut est, temperatum esse, ut mediante vicissitudine dierum & noctium, variarumque anni tempestatum, diversæ rerum in natura species generari & conservari possint. In terra verò disposita esse omnia ad usum & commodum animalium, ac præcipuè in animalibus illa tot & tam varia organa ad certos usus singula facta esse, & unumquodque suum habere finem, unum ut nutritioni, aliud ut generationi, aliud ut sensuum functionibus inserviat : & ita de reliquis quæ pene innumera sunt. Jam autem necesse est, ut quod agit propter finem, & ad finem aliquem tendit, vel cognoscat finem illum, vel, si finem non novit, dirigatur ab alio, cui finis ille

fuerit propositus, sicut sagitta ad scopum dirigitur à sagittario. Itaque nat' ura illa quæ statuitur causa rerum, necessariò, vel est aliquid intelligens, ac proinde Deus ipse, vel dirigitur à summa quadam intelligentia, quæ certè Deus erit.

XXXVI. Præterea si quis consideret, tam universum hujus mundi systema & corporum illorum, quibus constat dispositionem, motusque & flexus varios, quàm singula quæ in eo observantur, plantas, dico, & animalia & alia, quæ viderè & tractare possumus, negare non poterit, in omnibus istis elucere infinitas summæ sapientiæ notas: atque non tantùm totius universi, sed animalis cujusque structuram ita mirandam & stupendam esse, & in ea proportionem omnes tam accuratè & exactè observatas; atque tam diligenter & proinde omnibus prospectu, ut ingenium humanum, sapientiam tantam satis capere & mirari non possit. Quis ergo nisi plane stupidus & insipiens opera tantà cum arte & industria facta, tantòque cum ordine & harmonia digesta, referre possit in causam, quæ sit omnino bruta, omnique sapientiæ & cognitionis experta.

XXXVII. Verùm ut magis adhuc urgeamus impios illos, qui nolunt aliam rerum causam agnoscere, nisi brutam quandam naturam: Rogamus eos quid nomine naturæ intelligant. Nam vulgò per naturam, quæ casui opponitur, & iis quæ ex consilio & deliberatione agunt, intelligitur ordo & series causarum, quibus constat hoc universum juxta quem ordinem videmus in terra fieri varias generationes, & in elementari regione alias & alias mutationes: Sic enim, quum planta plantam, & animal aliud animal simile generat, opus esse naturæ dicimus: & similiter quum nives per hyemem terram operiunt, æstate verò terra æstu fatiscit, ad naturam ista referimus: Sed hinc frustra ad illam naturam recurritur. Nam natura illa, ut patet ex dictis, nihil aliud est, quam ordo agentium & patientium, quibus hoc universum constat. Sed hinc queritur hujus ordinis author, & quid est illud quod cælum, solem & terram produxit, & quo videmus ordine dispositi; Quænam est ergo natura, quæ, naturæ hujus, quæ jam operatur, causa est?

XXXVIII. Arbitrantur impii nonnulli naturam hanc, quæ non est aliud quàm mundi systema, exortam esse ex vario situ, figura & dispositione partium materiæ, quæ certa quedam motus mensura agitatur, sese sponte in hunc ordinem digesserunt, qui jam in mundo observatur: nec aliam rerum causam aliudve principium ultra esse querendum. Sed quibus argumentis probavimus mundi partes præcipuas, terram scilicet, solem atque planetas à se ipsis non esse, sed aliquam sui causam & originem habere, iisdem probare possumus, istas quoque materiæ particulas à se non existere, sed esse suum habere ab alio. Etenim id quod est à se, perfectionis nullos limites habere potest, ut ante ostensum est, atqui materiæ & ejus particule sunt entia imperfectissima. De inde quod est à se illud quoque propter se est: Sed materiæ partes non sunt propter se, sed propter aliud, nimirum propter corpora quæ componunt & quorum partes sunt.

XXXIX. Præterea unde est ista materiæ divisio, & variz in partibus ejus magnitudines & figuræ? omnino necesse est, ut sit agens aliquod, quod materiam ita dividerit, & varias partibus ejus figuras impresserit. Quod si omnes à se ipsis suam quantitatem & figuram haberent, nulla esset inter ipsas ratio diversificatis. Nec etiam earum figura variari & mutari possit. Ac proinde materia non esset, ut tamen est, divisibilis in infinitum.

XL. Præcipuè verò, cum demonstraverimus motum & tempus ab æterno esse non posse, quicquid sit de materia ipsa, necesse est, ut motus ille partium materiæ, unde exorta statuitur universa rerum dispositio, aliquod sui initium habeat: ac proinde materia non potest motum illum à se habere; sed motus iste necessariò est à principio extrinseco. Nam illo non concessio materiam æternam esse, & à se existere, cujus contrarium ante probatum est, attamen post æternam quietem moveri non potuit, nisi motor aliquis æternus motum illum ipsi impresserit. Ecquis verò est ille motor, qui torpentem materiam primò commovere & agitare cœpit, & motum ejus tam aptè dimensus est, ut inde mundi systema oriretur? Hic certè necessariò ad summam quandam mentem, id est, ad Deum recurrendum erit.

XLI. His adde, quod in mentem hominis sani cadere non potest, corpuscula quædam variè jactata, absque ullo proposito fine, & absque ullo motore dirigente, potuisse componere tam mirabilem universi structuram, ubi tantus ordo, tanta sapientia, tanta partium omnium consensio & harmonia, quæ per tot sæcula constans & invariabilis manet, à quovis non omnino cæcutiente animadverti potest. Imo si solum hominis corpus consideremus, non puto ullum esse tam stupidum, aut furiosum, qui sibi ipsi persuadere

persuadere possit, tam mirandam fabricam, in qua tot organa numerari possunt, tam artificiosè & concinnè fabrefacta, tam aptè disposita, ad usus tam varios & multiplices interservientia, fabricam, inquam, hujusmodi non aliam habere causam, quam cæcam particularum materiæ jactationem.

X L I I. Itaque concludimus integrum hoc universum, & singula quæ in eo observantur à se ipsis non esse sed sui causam aliquam habere : causam autem illam esse non posse casum & fortunam, nec etiam naturam quandam cæcam & sui nesciam, sed necessario esse mentem æternam, optimam, potentissimam, & sapientissimam quam Deum appellamus. Et sic existimamus, quod nobis propositum erat, nos evidenter demonstrasse, nimirum *Deum esse*.

Theses Theologicæ,

D E

Dei Simplicitate.

Thesis Prima.



SSE Deum, Thesisibus superioribus à nobis demonstratum fuit. Sequitur ut agamus de altera illa questione, scilicet, *quid sit Deus*, atque ea, qua decet, modestia & sobrietate, in ipsam De naturam inquiramus.

I. Hic autem ante omnia proftenda est imbecillitas & ignorantia nostra. Nec enim putandum est mentem humanam, saltem quamdiu in hoc mortali corpore degit capere posse quid Deus sit in se. Id docet Apostolus 1 Cor. 13. dum ait, *nos nunc Deum videre per speculum & in enigmate*. Et Joan. ep.

1. c. 3. proponens tanquam vitæ futuræ privilegium quod *Deum tunc sumus visuri futuri est*. Indicio manifesto quod Deus sicuti est, à nobis jam non cognoscitur. Et certè si ne muscæ quidem & formicæ essentia à nobis jam percipi potest, ut modestiores philosophi agnoscunt, quanto minus existimandum est cognitione nos assequi posse quid sit Dei natura atque essentia.

III. Veruntamen negandum non est, nos posse conceptus aliquos formare qui naturam divinam utcumque repræsentent, quantum scilicet capit ingenii nostri modulus : multatque Deo à nobis tribui, & de Deo enunciari quæ verè ipsi conveniunt, quamvis immensam ejus perfectionem minimè assequantur. Et hæc sunt quæ vocantur attributa divina, quibus essentia Dei, quamquam imperfectè admodum & obscurè aliquatenus tamen adumbratur.

IV. Porro attributa ista duorum sunt generum. Nam vel iis aliquid de Deo affirmatur, vel aliquid de Deo negatur. Etenim duabus viis ad Divinæ naturæ cognitionem contendere possumus. Primum ipsi tribuendo perfectiones omnes quæ in rebus creatis cernuntur. Quum enim sit primum ens, primatque omnium causa, necesse est ut quicquid perfectionis creaturis inest, in eo reperiatur modo quodam eminentiori. Deinde de Deo negando quicquid in creaturis sapit aut secum trahit aliquam imperfectionem. Oportet enim quicquid est imperfectum in rebus creatis à Deo removeri. Cum certum sit causam effectricem perfectiorem esse rebus effectis, eam maxime quæ est prima & summa causa. Unde oriuntur, ut dictum, duo attributorum divinarum gener.

genera, quædam scilicet negativa, alia vero affirmativa. Et prioribus quidem clariùs & distinctius de Deo docetur quid non sit: posterioribus vero confusius & obscurius quid sit. Nam longe facilius est de Deo dicere quid non sit, quàm explicare & capere quid sit. Itaque nobis naturam divinam investigantibus istiusmodi attributa divina breviter percurrenda & consideranda sunt: non omnia quidem & singula, sed præcipua nonnulla quæ plus habent difficultatis, aut in Theologia majorem ulum præstant.

V. Primum autem attributum, quo natura divina utrunque declaratur, est Dei Simplicitas. Hic vero simplicitas non sumitur sensu morali, sed physico & metaphysico, prout simplex opponitur mixto & composito. Nam quum simplicitas Deo tribuitur, per id ab eo removetur omnis compositio.

VI. Porro in rebus creatis multa animadvertuntur compositionis genera. Prima eaque omnium maximè sensibilis est, quæ cernitur in omni corpore, quod constat partibus extensis, quarum una est extra aliam: adeoque quarum una ab alia dividi & separari potest. Secunda compositio, quæ hic consideranda est, est subjecti & accidentis; sicut album constat albedine & corpore illo quod sustinet albedinem. Et sicut in homine, præter naturam humanam, varia sunt accidentia, veluti virtus & vitium, scientia & ignorantia, unde variè homo denominatur, vel doctus, vel indoctus, vel vitiosus, vel virtute præditus.

VII. Sed præterea sunt quædam compositionis genera magis abstracta & metaphysica, quæ hic quoque consideranda sunt. Nam in rebus omnibus creatis essentia potest ab existentia distingui, estque aliud essentia, & aliud existentia. Quippe per essentiam intelligimus id sine quo res concipi non potest, & per quod res quæque definitur. Sic animal rationale est hominis essentia, quia non potes concipere hominem quin concipias animal rationale: estque animal rationale hominis definitio. Per existentiam autem intelligitur id per quod res actu est in rerum natura. Jam autem hæc duo in rebus creatis omnino distinguuntur. Siquidem existentia de illarum essentia non est. Nam possunt esse & non esse. Et potes essentiam illarum concipere, etiamsi de earum existentia non cogites: imo quamvis cogites & scias illas non existare. Veluti cum quis hyeme, quando nulla rosa exstat, naturam rosæ contemplatur. Idèoque res omnes create compositæ dici possunt ex essentia & existentia.

VIII. Est & alia quoque compositio quæ in rebus omnibus creatis animadvertitur. Nam in omnibus illis aliud est natura, & aliud singulare istud quod naturam habet. Ita distinguenda est humanitas quæ est in Petro, & Petrus qui habet illam humanitatem. Estque in omni persona seu supposito, ut loquuntur, aliquid præter naturam à natura ipsa distinctum: imò quod potest ab ipsa natura separari, ut patet ex mysterio incarnationis in Christo. Nam Christus naturam humanam assumpsit, & personam tamen humanam non assumpsit. Siquidem natura humana in Christo subsistit in persona Verbi, & propria subsistentia caret. Unde manifestum est aliud esse naturam, & aliud subsistentiam, sive illud quod personam constituit. Idèoque res omnes create compositæ dici possunt ex natura & supposito, sive dicere mavis ex natura & subsistentia.

IX. Denique est alia quædam compositio rebus omnibus creatis communis. Nam in earum essentia sunt veluti quidam gradus. Sunt enim quædam quibus inter se conveniunt, quædam, quibus inter se differunt. Id quo conveniunt genus appellatur; quo discrepant differentia. Idèoque res omnes create & finitæ & compositæ dici possunt ex genere & differentia.

X. His ita expostis quæritur, an Deo talis simplicitas conveniat, quæ omnes ejusmodi compositiones excludat. Id autem ita esse communi consensu scholæ Christianæ docent. De singulis verò est distinctè ostendendum. Primum E. quæritur an Deo conveniat illa compositio quam primo loco commemoravimus, id est, an Deus ad modum corporum sit extensus, & habeat partes extra partes, quod idem est ac quæritur an Deus sit corporeus, annon? Corporeum esse consueverunt ex Philosophis antiquis non pauci: veluti Anaximenes, Diogenes Apollinaris qui putabant Deum esse æereum: Xenocrates, qui Deum fingeat cœlesti corpore; & Epicurus qui Deo corpus humano simile tribuebat.

XI. Ex Judeis autem Sadducæi cum nullum spiritum esse existimarent, nec tamen Deum esse differenter, omnino videntur sensisse Deum non esse spiritum sed corpus. Nec etiam inter Christianos defuerunt hæretici qui Deum corporeum esse opinati sunt. Tales erant Anthropomorphitæ qui Deo membra humanis similia assignebant, nec parum olim Ecclesiam turbarent. Imo Tertullianus ipse disertis verbis asseruit Deum esse

esse corporeum, libro adversus Praxeam : quominus mirum est eum similiter statuisse animam esse corpus. Veruntamen Augustinus hæres. 86. quæ est Tertuliani istarum Tertullianum hæc in parte excusat, quasi pro eodem sumat *substantiam* & *corpus*, & dicere velit simpliciter Deum esse aliquid reale & subsistens.

XII. Sed quicquid ille & alii senserint, certum est tam ex Scriptura, quam ex recta ratione, Deum omnino esse incorporeum. Primo enim Scriptura Deum disertè spiritum appellat Joan. 4. Nam inquit Christus, *Deus spiritus est*. Spiritus autem & corpus opponuntur. 2. Docet Scriptura Deum ubique esse & omnia replere. Psal. 139. *Quò ibo à Spiritu tuo, & quò fugiam à facie tua?* &c. Et Jer. 23. *Annon celum & terram ego impleo, inquit Dominus?* Jam autem si Deus esset corpus & extensum quid, non posset ubique esse & omnia replere, quin duo corpora simul essent, & daretur penetratio dimensionum, quod absurdum est & impossibile. Ac denique Scriptura satis indicat Deum non esse corpus, dum negat ullum fingi posse corporum simulachrum quod sit Deo simile. Ut Isaïa 40. *Qui similem facietis Deum, aut quam imaginem ponetis ei?* Et Act. 17. *Non debemus existimare sculpturæ artis & cogitationis hominū divinum esse simile.*

XIII. Anthropomorphitæ quidem errori suo obtendebant autoritatem Scripturæ quæ dicit hominem factum esse ad imaginem & similitudinem Dei, unde colligebant Deum habere membra similia humanis. Sed imago Dei in homine non consistit in membrorum situ & conformatione, verum in spiritualibus animæ facultatibus; intellectu, scilicet, & voluntate : ac præterea in donis variis, quibus anima per Dei gratiam decoratur. Quod autem Scriptura variis in locis Deo membra humana tribuit, veluti aures, oculos, manus, pedes, metaphorice intelligendum est. Nam aures & oculi, verbi causâ, Deo tribuuntur ut per id significetur nihil ipsi esse occultum, omniâque dicta & facta nostra ipsi probè nota & perspecta esse. Etenim aures & oculi sunt instrumenta visus & auditus, quibus percipimus ea quæ sunt & dicuntur. Et similiter quia manus sunt actionum nostrarum instrumenta, per manum Dei significatur illius potentia & vis illa quâ res efficit. Et ita de reliquis.

XIV. Sed præter Scripturæ sacræ testimonia, non desunt Philosophis argumenta quibus probent Deum esse incorporeum. Primò enim, sicuti demonstrat Aristoteles Deus est primus motor qui omnia movet, ipse immobilis manens. Sed nullum corpus movet, quin moveat ipsum, ut patet per inductionem. Ideoque Deus non potest esse corpus. Deinde inter res à Deo productas sunt substantiæ immateriales, velut angeli, & anima humana, quæ corporibus sunt præstantiores. Sed Deus est aliquid rebus quibuscumvis ab ipso productis longè præstantius atque nobilius. Ergò multo magis debet esse incorporeus & immaterialis. Denique quod corporeum est, aliquid in se continet quod non est omnino perfectum, nempe partes singulas ex quibus componitur : quarum unaquæque minus quiddam est, & imperfectius quàm ipsum totum. Sed cum Deus undiquaque sit ens primum & ex se, nihil in eo potest esse quod non sit omnino perfectum. Nam ratio nulla reddi potest cur in eo quod est à se, aliqua perfectio desit. Igitur Deus non potest esse corpus.

XV. Secunda compositio, cujus mentionem fecimus est ex subiecto & accidente, de qua etiam questio est, An Deo conveniat, id est, an in Deo sint accidentia quædam ab essentia ipsius distincta. Id autem Theologi communi consensu negant. Nec sine summa ratione. Etenim quum Deus sit primum ens & prima causa, necesse est ut sit ens omnino independens. Adeoque in ipso nihil est quod ab alio dependeat. Sed accidens omne ab alio dependet, nimirum à subiecto : E. in Deo nullum est accidens. Deinde quicquid præter essentiam accidens aliquid habet, hoc ipso arguitur essentiam habere non omnino perfectam. Nam si essentia rei alicujus perfectio nulla deesset, nullam extra essentiam perfectionem suscipere posset. Si quidem quod ex se habet omnem perfectionem, ipsi perfectio nulla adjici potest. Sed Deus essentiam habet omnino perfectam : E. nullius accidentis est capax. Atque, ut verbo dicam, compositio omnis ex subiecto & accidente arguitur imperfectionem tam subiecti, quod ab accidente velut accessoriâ perfectionem mutuatur : quàm ipsius accidentis, quod propterea semper imperfectum convincitur, quia ejus esse semper à subiecto dependet. Verum in Deo nihil est imperfectum, ideoque est talis compositionis expertus.

XVI. At inquires, nonne Deo accidentia multa tribuuntur, veluti sapientia, justitia, bonitas, misericordia, & his similia, unde denominatur sapiens, justus, misericors, & bonus? Respondeo omnia ista non dici eodem modo de Deo, & de nobis. Nam nomi-

na illa in rebus creatis accidentia quædam notant : sed in Deo designant ipsam illius essentiam, quæ propter omnimodam suam perfectionem, & varias operationes, varia fertur nomina : quoniam unico nomine tanta perfectio significari non potest, nec uno conceptu concipi.

X VII. Tertia compositio, quæ à nobis notata fuit, est *ex essentia & existentia*. Nam hæc duo, ut dictum, in rebus creatis omnino distinguuntur. Estque in his alia essentia ratio, & alia existentia quandoquidem tota earum essentia concipi potest absque existentia nec existentia ingreditur earum definitionem. Et hoc quia possunt esse & non esse, nec est ulla res creata quam non existere repugnet. Idcirco earum respectu existentia est aliquid contingens, non verò necessarium, & aliquid accidentarium, non autem essentiale. Sed in Deo res aliter se habet. Nam essentia ejus non potest concipi absque existentia. Et repugnat planè Deum concipere qui non existat. Nec magis potest mente abstrahi & præscindi essentia Dei ab ejus existentia, quam essentia hominis ab animali vel rationali. Nam quamvis in Deo nihil sit prius & posterius, attamen nostrò concipiendi modo primum & maximè essentiale Dei attributum est, quod fit ens primum & necessarium, id est quod primò per se & necessario existat : estque omnino de Dei essentia, esse & existere.

X VIII. Idcirco Deus vocatur à Platone *αὐτὸ ὄν* *ipse ipsum*, quod hodie Philosophi dicunt ens per essentiam, id est, quod vi suæ essentia existit; & cujus essentia & natura est ut perpetuò existat. Atque hoc docet Deus ipse Exodi capite tertio, dum se vocat illum qui est, *Ego sum qui sum*, inquit Moysi. Quo nomine significat esse ipsi conveniri longè alia ratione, quam rebus ab ipso creatis. Nam *existere*, ut dixi, creaturarum respectu est aliquid contingens, Dei verò, necessarium. Creaturis est accidentarium, verum Deo, essentiale. *Esse* creaturarum est participatum & mutuum : sed Deo, *esse* proprium est, ipsique primò & per se competit. Atque hæc est etiam vis nominis illius *Jehovah* quod est Deo maximè proprium. Fit enim ab *heva*, esse, quasi dicas *ipsum est*, id quod est, & *yh* *יהוה* qui est, qui erat, & qui futurus est. Adcirco quum Dei existentia sit de ratione essentia illius, nec una possit ab altera distingui, quasi aliud quid, sed conceptus unius ingreditur conceptum alterius. Deus non potest dici ullo modo compositus ex essentia & existentia, estque prorsus istius compositionis expertus.

X IX. Nec etiam ipsi competit quarta compositio, quæ à nobis commemorata est, ex *natura*, nempe, & *subsistentia*, sive eo quod personam & suppositum constituit. Hæc duo quidem in rebus creatis distingui docuimus. Quippe in eis aliud est natura & essentia, & aliud quod naturam habet. Sicut aliud est Petrus, & aliud, humanitas quæ est in Petro. Et hoc quoniam præter humanitatem, in Petro est aliud quod personam Petri constituit, videlicet, subsistentia, quæ (ut supra probatum est) à natura realiter differt. Atque etiam in Petro est differentia quædam singularis, quæ naturam humanam in Petro ad Petrum contrahit & restringit ad ipsum, quod aliqui pluribus commune est. Idcirco in rebus creatis nominibus concretis & abstractis non idem omnino significatur: Nec unum dici de alio potest. Nam Petrus non est sua humanitas. Nec humanitas Petri est Petrus ipse. Ut nec Gabriel est ipsa natura Angelica, nec natura est ipse Gabriel.

X X. Sed distinctio illa in Deo locum non habet. Nam in Deo Divinæ naturæ nihil est superadditum quod ab ipsa diversum sit. Etenim natura divina est aliquid singulare, quod multiplicari non potest. Idcirco opus non habet differentia ulla contrahente quia fiat Deo propria : sicut Petri humanitas Petri sit propria per quamdam differentiam singularem. Nec etiam in Deo subsistentia est aliquid ab essentia realiter distinctum. Sed personæ divinæ & essentia divina idem sunt. Alioqui non trinitas, sed quaternitas quædam in Deo concipienda esset, nempe natura divina, & tres personæ, sive subsistentiæ. Et hoc quoque exigit divina perfectio. Nam cum essentia divinæ nihil desit, sed ipsa sit simpliciter & absolute perfecta, & omnem in suo conceptu perfectionem includat, non alia re ad subsistendum eget, nec quicquam ipsi superaddi potest.

X XI Idcirco nominibus abstractis & concretis in Deo res una planè, & eadem significatur. Nam Deus est sua essentia, & essentia Dei est Deus ipse. Homo non est humanitas, nec humanitas est homo : sed Deitas est Deus, & Deus est Deitas. Ac similiter quodcumque Divinum attributum, tam in abstracto quam in concreto de Deo rectè & verè enunciari potest. Etenim Deus non tantum est bonus sed etiam ipsa bonitas : nec tantum iustus ; sed ipsa iustitia. Qui loquendi modus autoritate Scrip-
tura

tura comprobatur. Siquidem filius Dei frequenter in Scripturis vocatur sapientia. Et non solum dicitur Deus verus: sed ipsa veritas: nec solum Deus vivens; sed ipsa vita, veluti Joan. 14. Ego sum, inquit, veritas & vita. Quapropter in scholis merito explosa est sententia Gilberti Porretani Episcopi Pictavensis, qui tempore Bernardi docuit, non eandem rem in Deo significari nominibus abstractis & concretis: ut hisce vocibus Deus & Deitas, Persona & Natura. Adeoque hac etiam in parte Deus est omnino simplex & compositione caret.

XXII. Nec magis Deo tribui potest compositio quam diximus ex genere & differentia. Nam Deus est supra omne genus; nec ullo rerum genere includitur. Genus enim dicitur quod pluribus commune est, & eodem modo de pluribus dicitur. Sed nihil est propriè creaturis & Deo commune, & quod eodem modo de creaturis & de Deo dicatur. Si quid enim dicitur de Deo & de creaturis, id non univocè dicitur, sed per analogiam & similitudinem quandam, nec eodem modo est in Deo & in creaturis. Veluti, cum Deum nominamus sapientem & iustum, & quosdam etiam homines sapientes & iustos, iustitia & sapientia in hominibus notat qualitatem quandam, sed in Deo notat ipsum illius essentiam. Quod si esset aliquod genus creaturis & Deo commune, nullum potius esset quam substantia. Et tamen Dei natura magis distat à substantiis creatis, quam substantia creata distat ab accidentibus. Jam autem substantia creata non est in eodem genere cum accidente. Multo minus igitur Deus est in eodem genere cum substantiis creatis.

XXIII. Cum autem Deus non habeat genus, differentiam quæque propriè dictam habere non potest. Nam differentia dicitur id quod genus pluribus commune ad certam speciem contrahit. Et sic in natura divina certi gradus distingui non possunt, nec composita est ex variis gradibus: sed est una simplex essentia, quæ per seipsam differt ab omnibus aliis.

XXIV. Restat unum, quod omiserimus, compositionis metaphysicæ genus, nimirum ex actu & potentia. Actus hic dicitur quicquid rem perficit, determinat, & constituit, & uno verbo, quævis perfectio actus est. Potentia verò dicitur id secundum quod res apta est perfici & determinari, & in se aliquid recipere vel pati. Idcirco res omnes creatæ compositæ dici possunt ex actu & potentia. Nam in iis omnibus est aliquid quod perficit, & aliquid quod perficitur, Et præter perfectiones, quæ actu illis insunt, nulla est quæ non possit aliud recipere, & non sit alicujus mutationis capax.

XXV. Sed ab hac compositione Deus est quoque immunis. Nam in Deo nulla est potentia, nempe passiva qualem intelligimus. Enim Deus est quicquid esse potest: nec potest ipsi quicquam accidere, aut ab eo recipi, ut nec ab eo demerit aut auferri: quandoquidem est primum ens omnino independens, & quod nullam habet causam quæ in ipsum agere possit. Et hoc est quod scholæ dicunt, Deum esse *actum purum*, id est, quod nullum habet potentiam admixtam. Quoniam in Deo nihil est quod perici egeat, aut ab alio perfectionem sumat: sed Deus totus est perfectio mera, cui nihil unquam addi, & unde nihil tolli potest. Et quæ, ut jam dictum, est quicquid esse potest, nec potest esse aliud quam quod est.

XXVI. Porro, ex istis apparet Deum esse simplicissimum, & nullam prorsus compositionem in eo reperiri, quandoquidem singula compositionis genera ab eo remouimus. Et confirmatur ex eo quod Deus est primum ens, adeoque primum unum. Nam ens & unum convertuntur. Perfecta autem unitas compositionem excludit. Nam quod compositum est, aliquo modo non est unum sed multa, quoniam ex multis constat. Deinde primum ens nihil habet se prius. Sed quicquid compositum est posterius est suis partibus componentibus, & dependet ab illis. Ac denique quæ sunt diversa non conveniunt in unum, nisi per aliquam causam uniantur. Deus autem causam non habet.

XXVII. Atque hinc quoque patet quàm verum sit illud axioma quod in scholis tritum est, videlicet, *quicquid est in Deo est ipse Deus*. Nam hoc sequitur absolutum illam Dei simplicitatem. Enim si aliquid esset in Deo, quod Deus non esset, necesse esset naturam divinam non esse omnino simplicem, sed quædam in ea distincta esse, quorum unum non esset alterum: ac proinde Deum esse aliquatenus compositum.

XXVIII. Inde etiam sequitur omnia Dei attributa esse unum inter se, & cum essentia divina, & distingui non reipsa, sed tantum secundum nostrum concipiendi modum. Nam quia Dei essentia infinita est, & infinite perfecta, tota ejus perfectio à nobis simul concipi non potest, & conceptu uno exhaustiri. Ideoque cogimur illam pariri in varios conceptus, quibus respondet una eademque res quæ secundum diversos respectus, & varias operationes, quibus una per se sufficit, diversimode à nobis consideratur.

Theses Theologicae,
DE
PERFECTIONE
ET
Infinitate Dei.

Thesis Prima.



NOVISSIMIS thesibus egimus de divina simplicitate, quæ cum summa & absoluta Dei perfectione necessariam connexionem habet. Nam in rebus quidem corporeis, quæ simpliciora sunt, sunt imperfectiora. Sic elementa sunt imperfectiora mixtis, & animalia sunt plantis perfectiora. Nec est ulla res creata quæ ad suam perfectionem compositionem aliquam non requiratur, & quæ saltem non egeat accidentibus quibusdam perfici. Sed summa perfectio simplicitatem absolutam exigit. Deus est simplicissimus, quia perfectissimus. Ideoque postquam actum

est de Dei simplicitate, ratio postulat ut jam de perfectione illius agamus.

I. Perfectum dicitur id cui nihil deest. Perfectio vero sæpe excellentiam quamlibet designat. Sed aliquid perfectum dicitur duobus modis, vel absolute, vel secundum quid.

III. Secundum quid perfectum est illud cui nihil deest, non simpliciter, sed in suo genere, id est, quod habet omnem perfectionem naturæ suæ congruam & debitam. Ita perfectus equus est cui nihil deest quod pertinet ad naturam equinam, & perfecta planta quæ habet omnem perfectionem plantæ convenientem, quamvis absolute loquendo, sint multæ perfectiones quas non habet equus, vel planta quæ perfecta dicitur.

IV. Simpliciter vero perfectum est id cui nihil omnino deest, & quod habet omnem excellentiam possibilem. Talis perfectio nulli creaturæ competit, sed est proprium naturæ divinæ attributum. Omnis enim creatura perfectionem habet certam & determinatam, hæc illam, ista aliam: sed Deus in se continet quicquid haberi potest perfectionis, nec cogitari potest ulla excellentia cuius natura divina sit expertus.

V. Hæc autem summa naturæ divinæ perfectio colligitur ex duobus. 1. Ex eo quod Deus est rerum omnium causa. 2. Ex eo quod Deus nullam causam habet, sed per se est & à seipso.

VI. Etenim certissimum est in effectu nullam esse posse perfectionem, quæ in causa quodammodo non sit. Quandoquidem ergo Deus est prima rerum omnium causa, nihil in ulla re potest esse perfectionis quod in Deo non reperitur. Atque hoc indicat Scriptura, dum perfectionem aliquam in rebus à Deo factis notans, inde argumentatur Deum multo magis talem perfectionem habere. Veluti Psal. 94. *An, inquit Prophetæ, qui autem placuisti non audieris? an qui oculum formavit non videbit?* Et El. 66. *Nunquid ego quæ alios parere feci ipse non pariam, dicit Dominus? An ego qui generationem cæteris tribuo sterilis ero?*

VII. Itaque

VII. Itaque archè tenendum est, & tanquam firmum certumque axioma, nullam omnino præstantiam & excellentiam in creatura ulla reperiri, quæ in Deo non sit aliquo saltem modo. Sed ad pleniorẽ hujus rei intelligentiam notandum est duo esse perfectionum genera: Sunt enim perfectiones quædam simpliciter tales, id est, quas absolute loquendo, præstat habere, quam non habere, & quæ nullam majorem perfectionem excludunt. Hæ Scholastici vocant perfectiones *simpliciter simpliciter*. Atque hujusmodi perfectiones sunt vita, intellectus, voluntatis libertas. Nam absolute loquendo, præstat vivere, quam non vivere, intelligere quam non intelligere, & præditum esse libera voluntate, quam non esse præditum. Nec ulla est perfectio quantumvis magna, quæ cum vita, intellectu & libera voluntate consistere non possit.

VIII. Sed præterea sunt aliæ quædam perfectiones non *simpliciter*, sed *secundum quid* sic dictæ. Hæ verò sunt, quæ quidem in suo genere dicunt perfectionem aliquam; sed quæ tamen necessarii est cum imperfectione conjuncta: nec ab ea potest separari, quamvis suam naturam retinet. Ideoque sunt quædam perfectiones majores quæ cum istiusmodi perfectione consistere non possunt. Ac proinde, simpliciter & absolute loquendo, præstat talem perfectionem non habere, quam illam habere. Hujusmodi perfectio est anima sensitiva & vegetativa. Nam quamvis in suo genere sit perfectio quædam vegetativum & sensitivum esse, tamen perfectiones illæ connotant quandam imperfectionem, & est major quædam perfectio quæ non potest cum illis consistere, ut verbi causa, perfectio naturæ angelicæ. Ideoque, simpliciter & absolute loquendo, præstat non esse sensitivum, quam esse sensitivum, non esse vegetativum, quam esse vegetativum.

IX. Secundo notandum est perfectionem aliquam posse duobus modis in aliquo esse & contineri: nempe, ut scholæ docent, vel *formaliter & proprie*, vel *virtute*, seu *eminenter*. Illud perfectionem aliquam formaliter habet cui perfectio illa inest secundum totam suam naturam & essentiam, ita ut ab ea denominari possit. Sic ignis habet formaliter calorem, aqua habet formaliter frigus, quia calor & frigus proprie, & secundum totam suam naturam, insunt aquæ, & igni, ita ut ignis calidus, & aqua frigida proprie, & citra figuram ullam denominari possit.

X. Eminenter autem & virtute habere perfectionem aliquam, est in se habere aliquod perfectius, & quod continet totam vim perfectionis illius quæ eminenter haberi dicitur: idque, vel quia potest perfectionem illam producere: vel quia absque illa potest præstare quicquid illa præstat, seclusa omni imperfectione. Ita juxta mentem Peripateticorum Sol formaliter calorem non habet, & proprie calidus non est: sed tamen calorem habet virtute seu eminenter, quia calorem producere potest, & præstare quicquid præstat ignis qui calorem habet. Sic visus & auditus in angelis formaliter non est, nec enim habent naturam sensitivam, attamen sensus illos habent virtute & eminenter, quia cognitionem quam habet homo, sensibus illis mediantibus nobiliori modo per intellectum suum habent.

XI. His ita notatis dicimus perfectiones illas creaturarum quas vocavimus *secundum quid*, in Deo quidem non esse *proprie & formaliter*: attamen Deum omnes illas habere *virtute & eminenter*.

XII. Quod in Deo proprie & formaliter non sint, est per se manifestum. Etenim, ut dictum est, notant & secum trahunt quandam imperfectionem. Sed in Deo nulla est imperfectio. Deinde perfectiones illæ non possunt compati omnes in eodem subjecto. Nec enim unum idemque, potest simul habere naturam humanam, equinam & bovinam. Et esse simul secum & humidum, calidum & frigidum. Sed ista necessario constituunt diversas res, & requirunt diversa subjecta. Ac denique, si omnia ista in Deo formaliter essent, possent de eo dici & affirmari. Quod tamen falsum esse nemo non videt.

XIII. Sed quamvis perfectiones illæ in Deo non sint secundum propriam suam rationem, nihilominus in Deo sunt, ut dictum, virtute & eminenter, quoniam Deus in se vim habet illas producendi, & potest sine iis efficere quicquid illæ efficere possunt. Sic Deus in se formaliter non habet naturam plantæ, vel animalis: sed habet aliquid in se perfectius quod ista virtute continet, sunt enim à Deo quicquid sunt; & Deus est qui ista produxit, & producere potest. Non habet aures & oculos, nec est proprie visus & auditus præditus: sed ille est qui plantavit aurem, & qui oculum formavit, adeoque qui sine auribus, & oculis, percipit omnia quæ sunt & dicuntur.

XIV. Illæ verò perfectiones quæ sunt simpliciter tales, & quas absolute præstat habere, quam illis carere, in Deo formaliter & proprie reperiuntur. Etenim in Deo sunt secundum propriam suam formam & essentiam, vita, intellectus, voluntas, sapientia, bonitas, justitia, & alia istiusmodi: adeoque Deus verè & proprie dici potest vivens, intelligens, liber, sapiens, justus & bonus.

XV. At, inquit, nomina ista propriè significant accidentia quædam, nam intellectus & voluntas sunt potentie naturales, sapientia verò & iustitia, habitus quidam intellectuum & voluntatum exornantes. Sed in Deo nulla sunt accidentia. Ideoque perfectiones, quæ per nomina illa significantur in Deo, non possunt esse propriè & formaliter, sed solummodo eminenter, sicut perfectiones illæ quæ dicuntur secundum quid. Respond. intellectum, voluntatem, sapientiam, iustitiam, & similia duobus modis considerari posse. Vel secundum modum quo creaturis insunt: Et ita sunt accidentia quæ imperfectionis aliquid admixtum habent. Vel præcisè, prout de illis formatur quidam conceptus generalis qui abstrahit ab omni imperfectione, & per analogiam communis est Deo & creaturis. Priore modo perfectiones illæ propriè Deo non competunt. Posteriore verò Deo formaliter insunt, & possunt de Deo vere & propriè enunciari. Nam cum audimus voces illas intellectum, voluntatem, sapientiam, iustitiam, possumus concipere perfectionem quandam absolutam, & quæ non includat ullam rationem accidentis. Et sic Deo tribui possunt rectè & convenienter. Nam perfectiones illæ hoc modo consideratæ verè sunt intra essentiam divinam.

XVI. Ex his ergo manifestum est nullam in ulla re esse perfectionem quæ in Deo quodammodo non sit: nempe, formaliter, ut perfectiones illæ quæ simpliciter simplices dicuntur: vel eminenter & virtute, ut aliæ quæ vocantur perfectiones secundum quid. Et hoc quia Deus est rerum omnium prima & præcipua causa. Unde sequitur quicquid perfectionis est in rebus ab ipso promanare, adeoque in eo, ut sic dicam, præexistere: nec ullam omnino posse dari excellentiam, quæ ab ipso non derivetur, adeoque quæ non in ipso, tanquam in fonte resideat. Quod enim ab alio derivatur & manat, non potest non esse quodammodo in eo unde manat & derivatur.

XVII. Sed præterea quod in Deo sit omnis perfectio quæ esse & haberi potest, inde, ut jam dictum manifestè probatur, quod Deus qui est prima rerum omnium causa nullam ipse causam habet, sed est primum ens omnino independents, quod à seipso est, non ab ullo alio. Nam quod rerum creaturarum natura & perfectio certa & determinata est, ita ut hæc habeat unam perfectionem, ista verò aliam: inde fit quod ab alio sum esse acceperunt. Istud enim earum discrimen, & illa determinatio, omnino referri debet ad causam efficientem, quæ singulis talem naturam indulsit, istumque, non alium, perfectionis gradum. Adeoque primum ens, quod suum esse non accipit ab alio, sed per seipsum est, & vi suæ essentiae existit, non potest habere certam perfectionis mensuram, & esse quiddam ad hoc & illud determinatum: sed est ipse totius esse fons & origo prima, quæ in se continet omnem entitatem & perfectionem.

XVIII. Et certè si à Deo abest aliqua perfectio, necesse est ut perfectio ista sit aliquid possibile, vel non. Si non est quidpiam possibile: sed aliquid quod esse repugnat, certè perfectio non est, sed meritum nihil: Nec Deus quod illam non habet potest dici aliqua perfectione carere. Si verò est aliquid possibile quod sit, aut esse possit, quandoquidem Deus est primum ens, & prima causa, unde reliqua omnia pendent, nec est, nec esse potest, nisi per Dei virtutem, & consequenter ab eo non abest: sed in eo saltem virtute & eminenter continetur.

XIX. Deus igitur est ens perfectissimum, quod non tantum entia singula perfectione superat, sed etiam in se habet omnem omnis entis perfectionem: nec caret excellentia ulla quæ sit aut esse possit. Et hæc est summa Dei perfectio, quam exprimit vox Hebrææ *schaddi*, quæ unum est ex divinis nominibus. Nam Dei Hebræis est sufficientia. Ideoque *Schaddi* propriè significat illum cui nihil deest, & qui nulla re eget, sed in se, & à se habet omnimodam sufficientiam, Græcè dixeris *δυνατός*, qui sibi ipsi sufficit & potest solus omnia efficere, unde non malè vertitur omnipotens.

XX. Argue hoc est nomen quod Deus assumpsit fœdus cum Abrahamo: pangens: *Ego sum*, inquit, *El schaddai, Deus fortis, & omnipotens*, seu potius, *omnisufficient*. Quo titulo Deus innuebat fœdus illud non suum, sed Abrahami causa iniri: nec quicquam eorum quæ illi spondebat sibi deesse. Nulla res creata est, quæ sibi ipsi sufficiat: alia aliis opus habent, nec ulla est quæ saltem Dei continua ope non egeat. Sed Deo proprium est omnia à se habere, nec indigere re ulla. Ideoque creaturae sunt profectus capaces, & possunt semper aliquid accipere: sed Deo nihil nocere, nihil prodesse potest. Nec bonum aut malum ullum ad ipsum unquam pertingit.

XXI. Porro ex ista summa Dei perfectione & sufficientia sequitur ipsum infinitum esse, & essentiam habere infinitam. Quandoquidem enim, Deus habet omnem perfectionem, quæ esse & haberi potest, certum est nihil ipso melius & perfectius esse, vel cogitari posse: adeoque necesse est ipsum esse infinitum. Nam bonum infinitum finito bono melius est.

XXII. Deinde

XXII. Deinde essentia rerum creatarum ideo finita dicuntur, quia perfectio uniuscujusque certum terminum & limitem habet, ultra quem non extenditur. Nimirum hac habet unam perfectionem, ista vero aliam: Ac singula intra fines proprios continentur, nec perfectiones aliarum habent. Ita perfectio quaedam essentialis est in bove, quaedam in equo, quaedam in homine: verum equus non habet perfectionem bovis, nec homo habet perfectionem equi, sed istorum unumquodque suam. Et in summa, nulla est creatura quantumvis perfecta, à qua non absit aliqua perfectio. Cum ergo in Deo res aliter se habeat, & ipse contineat omnem omnis entis perfectionem, modo quodam nobilissimo & eminentissimo, ipsius essentia finita dici non potest, sed infinita esse necesse est.

XXIII. Adde quod perfectiones quae rebus creatis insunt, includuntur certis terminis ultra quos non extenduntur. Omnisque earum vis & activitas certam habet sphaeram quam transgredi non valet. Sed divinae perfectiones omni prorsus limite carent. Nec Deustantum omnem perfectionem habet: sed omnem omnis perfectionis gradum absque ulla limitatione.

XXIV. Et certe quod finium atque limitatum est, necesse est ita fuisse limitatum ab aliqua causa, quae ipsi talem naturam attribuit, & certum assignavit perfectionis gradum. Sed Deus, ut jam dictum, nullam supra se causam habet, quae limitare ipsum poterit, & illi certos terminos ponere: cum ipse sit prima rerum omnium causa. Ideoque necesse est Deum naturam habere plane illimitatam, omnique fine & termino carentem: quod est infinitum esse.

XXV. Neque hanc essentia divinae infinitatem docet tantum ratio & sana Philosophia, sed etiam ipse Scripturae sacrae textus. Nam Psalm. 145. de Deo disertè dicitur, *Dominus magnus est & valde laudabilis, & magnitudinis illius non est finis*, sive, ut habet Hebraeus eodem, *En ehekr, non est investigatio*, quod eodem recidit. Etenim quod finem habet non est penitus investigabile.

XXVI. Et certe ista essentia divinae infinitas inde satis probatur, quod Scriptura Deo tribuit potentiam infinitam, & sapientiam quoque infinitam. Nam essentia Dei & attributa divina sunt plane unum & idem, sicuti patet ex summa Dei simplicitate, quae antè probata & demonstrata fuit. Ideoque si attributa Dei infinita sunt, etiam essentiam infinitam esse necesse est. Præterquam quod subiectum finitum non esset capax potentiae & sapientiae infinite. Nam inter subiectum, & id quod est in subiecto proportio quaedam requiritur. Quod autem, juxta Scripturam, potentia Dei plene infinita sit, inde manifestum est, quod expresse Scriptura docet Deum omnia posse, & ipsi rem omnino nullam esse impossibilem. Nam potentia illa demum finita dici potest, quae hoc usque potest extendi, & non ultra, adeoque cui est aliquid impossibile. Qui verò simpliciter & absolute omnia potest, illius potentia nullum terminum habet extra quem extendi non possit; sed omni fine & termino caret. Et similiter sapientia de intelligentia & sapientia divina dicitur, quod illius non sit numerus nec investigatio quibus verbis, ut patet, res infinita describitur.

Theses Theologicae,
DE
IMMENSITATE
ET
Omnipræsentia Dei

Thesis Prima.



QUANDOQUIDEM essentia divina perfectio omni prorsus limite caret, sequitur Deum, quocunque modo consideretur, infinitum esse. Nam infinitum esse est terminis carere, & intra certos limites non concludi.

II. Sed quamvis Dei infinitas per omnia ejus attributa equaliter fusa sit, nec quicquam sit in Deo quod non sit infinitum: illa tamen solet in duobus praeipue considerari, nempe in eo quod nullis nec loci, nec temporis limitibus circumscribatur, sed sit longe supra omne tempus & locum: adeo ut ejus magnitudo

terminum non habeat, nec duratio principium, aut finem. Quæ prior infinitas *immemensitas* vocatur: posterior autem *æternitas*: de qua utraque seorsum agendum est: atque nunc quidem de priori.

III. Deus igitur immensus est, quia magnitudinis ejus terminus nullus datur, adeoque nullo loco circumscriptus, aut definitus est. Quæ naturæ divinæ præstantia melius percipitur, si quis conferat Deum hac in parte cum rebus creatis. Igitur res omnes creatæ singula suum locum peculiarem habent. Quemadmodum essentia illarum finita est, ita sunt in certo & finito loco. Et quidem videmus corpora certo loci spacio concludi, contineri, & circumscribi, sic ut partes eorum partibus spatii & loci, respondeant, major majori, & minor minori. Quod Philosophi vocant in loco esse circumscriptivè. Qui modus solis corporibus competit: à substantiis verò incorporeis, quales sunt angeli, & anima humana, planè alienus est. Cum enim substantiæ spirituales non sint extensæ ad modum corporum, nec habeant partes extra partes, non possunt habere partes partibus loci respondentes, & loco commensurari. Attamen certis locis definituntur. Ita sunt hic ut alibi non sint. Hinc abscedunt, & alio migrant. Ideoque à Philosophis in loco dicuntur esse definitivè.

IV. Sed Deo proprium est ubique esse, nec ullo certo loco definiri. Nam infinita ipsius substantia omnia penetrat, & omnibus adest. Nullibi ita est ut alibi non sit. A nullo loco exclusus est, & nullo tamen includitur. Totus ubique est, & totus extra quemvis locum est.

V. Quocirca sapienter & acutè dictum est Deum esse circulum cujus centrum est ubique, circumferentia nullibi. Nec etiam absque ratione Hebræorum Magistri Deum vocaverunt *Makem*, id est, locum: quoniam Deus loco non continetur, sed ipse est qui fecit, & continet omnia loca: ita ut potius omnia sint in ipso, quam ipse sit in omnibus.

VI. Verùm ad accuratiorem immensitatis hujus divinæ noticiam, notat Deum rebus adesse tribus modis, nempe, *per potentiam*, *præsentiam*, & *essentiam*, ut Scholastici communiter loquuntur. Quod clarius dixeris & convenientius, *per operationem*, *per cognitionem*, & *per substantiam*.

VII. Nam

VII. Nam Deus *per potentiam* in omnibus esse dicitur, quoniam omnia producit, conservat & gubernat: & operatur omnia in omnibus: juxta illud Apostoli: Actor. 17. *Non longe Deus est ab unoquoque nostrorum, in ipso enim vivimus, movemur, & sumus.*

VIII. *Per præsentiam* verò dicitur Deus in omnibus esse, quoniam omnia quæ sunt, fiunt, aut aguntur ubique locorum, tanquam coram se posita videt & intuetur, secundum illud Apostoli Hebr. 4. *Non est creatura ulla invisibilis in conspectu Dei: omnia autem nuda & aperta sunt oculis ejus.* Hic autem modus quo Deus rebus adest speciali ratione à Scholasticis *per præsentiam* dicitur, quoniam præsens videtur ad cognitionem referri. Nam juxta etymologiam, præsens est illud quod *pre sensibus est.* Quomodo nos aliqui loco præsentem esse dicimus, cum oculis illum collustramus: & quomodo soli etiam in cælo sit positus, præsens nobis dicitur, & nos illi, dum cum aspiciamus.

IX. Denique Deus in rebus dicitur esse *per essentiam*, quia substantia ejus nusquam deest, nec deesse potest: sed, ut diximus, omnia penetrat, & per omnia diffusa est, omnibusque ac singulis rebus tota per seipsam intimè inest: ita ut nulli dentur recessus in ipsa plane creatura, in quibus tota divina essentia non reperiatur.

X. Quæ quævis à nobis dicantur, agnoscimus tamen modum illum quo essentia divina rebus inest, à nobis satis intelligi, ut verbis exprimi non posse. Neque verbis prædictis aliud assertum volumus, quam essentiam divinam à nulla re proliis abesse: nec illam rebus inesse per partes, cum simplicissima sit & indivisibilis, ut aliis thesibus abundè probatum est. Ac licet modus ille quo Deus existit in rebus ipsi sit proprius, ac plane singularis, ejus tamen vestigium quoddam dari videtur in anima humana, quæ per totum corpus ita diffusa est, ut tota sit in toto, & tota in qualibet parte, ut communiter docent scholæ Philosophicæ.

XI. Tribus hæc modis Deus in mundo ubique præsens est, juxta Orthodoxorum communem sententiam. Ex quidem de duobus primis modis dubitatio est. Nec est quisquam inter Christianos, quod sciam, imo nec inter ipsos infideles, qui Deum aliquem agnoscunt, qui neget Deum ubique præsentem esse per suam cognitionem & virtutem: ita ut nulla res sit quæ cognitionem illius fugiat, & ad quam virtus ejus non possit pertinere.

XII. Sed de tertio modo; nimirum de præsentia secundum *substantiam*, repetitus est unus, aut alter qui negaret Deum ita ubique esse. Nam inter Pontificios Augustinus quidem Eugubinus scribens in Psalmum 138. juxta versionem vulgatam, qui juxta Hebræos est 139. pertendit Deum secundum substantiam extra cælum non esse, sed in cælo duntaxat versari. Ex reformatis verò similem errorem erravit Worstius, sub hujus seculi initium, Professor in Academia Lugduno-Batava, qui affirmavit Deum ratione suæ substantiæ, esse tantum in cælo, licet in terra virtute & sapientia sua nobis adsit.

XIII. Itaque ad asserendam Deo immensitatis suæ laudem, contra hominem illum, & si qui sint qui cum ipso sentiant, duo jam, Deo ipso favente, probabimus. Primo in toto universo nullum locum esse, in quo Deus præsens non sit secundum suam substantiam; secundò Deum toto mundo non contineri, & illum immensa sua magnitudine superare.

XIV. Quod ad primum attinet, Scriptura sacra docet apertissime nullum in toto mundo locum esse in quo Deus præsens non adsit: & quidem præsentia reali & substantiali. Id præsertim colligitur ex ipsius Dei verbis, Jeremias capite vigesimo tertio, ubi se terram & cælum implere asseverat. Quod de præsentia alia quam substantiali commode accipi non potest. Nam arguens Pseudo-prophetas, qui fingeant se à Deo missos, ejus mendacia sua ascribere non verebantur, non cogitantes Deum testem & ultorem adesse, his interrogationibus stuporem eorum excitat. *Nenquid ego sum Deus de propinquo, inquit Dominus, & non Deus de longinquo? Potestne quis abscondi in latibulis ubi eo cum non videam, inquit Dominus? Annon cælum & terram impleo, dicit Dominus? Ubi probat neminem posse ab ipsis oculis abscondi, quoniam in toto mundo nullus locus ipso vacuus est. Et certe, si Deus tantum ideo terræ præsens esset, quia de cælo videt & regit ea quæ in terra sunt, non posset rectè dici terram implere. Nec enim Rex qui Galliam imperio suo regit potest dici Galliam implere. Ut nec implet canipum aliquem, qui in turri quadam constituitur, procul illum contuetur.*

XV. Nec minus illam naturæ divinæ omnipræsentiam probant verba Prophetæ Psalm. 139. *Quis ibo a spiritali tuo, & quo a facie tua fugiam? Si abscondero in cælum, ibi illic er. Si stratum posuero in inferno, ecce ades. Si assumam alas anore, & ultra maria audiam: ibi quoque manus tuæ inveniet me, & dextera ista me comprehendet.*

Quæ

Quæ verba docent Deum tam esse in terra quam in cælo, & in summa nullum omnino locum esse ubi non adsit. Nec verba ista ad solam Dei potentiam & cognitionem detorqueri possunt quin recedatur à scopo Prophetæ. Nam cum duæ sint rationes, quibus ita quis oculatari possit, ut non videatur ab alio, una, si sit in eo loco ubi alter non sit; Altera, si sit quidem in eodem loco, sed vilius impediatur tenebræ, neutram sibi prodesse posse Plaltes affirmat. Et prius quidem illud removet verbis citatis, ubi docet a nullo loco Deum abesse. Posterius verò verbis sequentibus, ubi affirmat Deo esse perinde tenebræ atque lucem. Nec etiam verba Prophetæ patiuntur istud interpretamentum. Nam quum de loco supremo dicit Prophetæ, *sebam ariab, in illic es,* & verborum proprietas, & rei veritas exigit ut intelligatur substantiæ divinæ præsentiam. Sed manifestum est, quum postea de loco infimo subjungit, *binnaq, ecce ades,* illum de eadem præsentia loqui, & dicere velle deum ita præsentem esse in terra ut in cælo: adeoque illic etiam secundum suam substantiam adesse.

XVI. Huc etiam referri potest quod legitur apud Isaiam cap. 66. *Hec dicit Dominus, calum sedes mea, terra autem scabellum pedum meorum. Quæ est ista domus quam ædificabitis mihi? Et quis est iste locus quietis mee? Nonne manus mea fecit hæc omnia? Ubi Deus probat se templis manufactis includi non posse, non ratione ducta à distantia loci in quo sit ejus propria sedes & habitaculum, ut somniasse videtur Worstius: sed à substantiæ suæ magnitudine, qua replet universum mundum. Et certè is qui folio insidet, substantia sua non minus attingit scabellum quam solum ipsum. Adeoque Deus dicens cælum esse thronum suum, & terram pedum suorum scabellum, significat se non minus terræ quam ipsi cælo substantia sua adesse.*

XVII. Sed præterea, quod Deus in terra sit secundum substantiam non minus quam in cælo, inde patet quod in terra immediate operatur. Nam non minus est impossibile, ut quis immediate efficiat aliquid ubi non est, quam quum non est. Deum autem agere immediate in terra manifestum est ex terræ creatione, & conservatione: tum ex miraculis in terra editis. Nam creatio & conservatio, & miraculorum etiam patratio sunt actiones Dei immediate, in quibus Deus nullis utitur instrumentis, sed per seipsum immediate agit. Ideoque Apostolus Actor. 17. ex perpetua illa rerum conservatione & sustentatione, ratione cujus dicimur in Deo vivere, moveri, & esse, colligit Deum non esse longe ab unoquoque nostrum: adeoque non procul à nobis in cælo versari, tanquam in habitaculo quodam extra quod non sit.

XVIII. Et huc etiam nos ducit fidei analogia. Nam ex fide certum est naturam divinam in Christo humanæ naturæ esse personaliter unitam. Et sic omnem plenitudinem divinitatis in Christo habitare corporaliter & substantialiter, ut docet Apostolus capite secundo Epist. ad Colossenses. Sed Christus secundum naturam humanam in terris diu versatus est. Ideoque necesse est divinam substantiam in terris etiam adesse, nisi quis dissolvere velit unionem duarum naturarum in Christo: aut dicere Christi naturam humanam personaliter unitam fuisse cum natura divina, etiam tum quum ab ea secundum locum distabat.

XIX. Itaque nullus est locus in universo, ubi Deus non adsit, non tantum virtute & potentia sua, sed etiam per essentiam suam quæ omnia penetrat, & per omnia diffusa est. Sed præterea, quod secundo loco probandum suscepimus, Dei magnitudo tanta est ut totum universum replens ipso tamen non contineatur, sed ipsum longe exsuperet. Id docet Salomon libro primo Regum capite octavo. Nam postquam dixit de templo quod recens extruxerat, *Ædificavi domum habitaculum tibi, firmam sedem in qua æternum habitas,* Nequis existimaret Deum magnifica illa domo in posterum includendum esse, sicuti gentium idola suis templis, absurdam ejusmodi cogitationem removet. Ecce, inquit, *cæli cælorum non capiunt te, quanto minus domus ista quam ædificavi? Ubi per cælos cælorum intelligit cælos extremos, qui continent universum mundum, quos Deum capere, id est, continere & concludere non posse asseverat. Quæ verba accipi non possunt nisi de Dei substantia, non verò de Dei virtute, & exertione providentiæ ejus. Nam cui tam stupido & inepto posset venire in mentem, Dei potestatem & providentiæ unica domo concludi? Nec opus fuit ut Salomon cogitationi tali occurreret.*

XX. Præterea quod Deus mundo non includatur, sed sit toto mundo major & superior, manifestè docet Tisophar apud Jobum capite undecimo. *Excelsior, inquit, est cælo, profundior inferno, longior terræ, & latior mari.* Nam certè si Deus extremis cælo concluderetur, non posset dici cælo excelsior.

XI. Et huc etiam facit quod Deus, apud Isaiam capite quadagesimo, dicitur

invisus

menſus fuiſſe pugillo aquas, & cælos ſpirithama denique tantus ut in conſpectu ejus gentes ſint tanquam gutta & ſimula, tanquam ſlos pulviſculi in lancibus: imo velut nihil, & quid minus nihilo & inſinitate. Quibus verbis Deo tanta magnitudo tribuitur, ut, illius reſpectu, totum hoc univerſum ſit res parva & quaſi nihili. Et certe ſi Deus univerſo concluderetur, nec eſſet illo ſuperior, finem haberet illius magnitudo: quandoquidem mundus eſt aliquid finitum. Sed diſcreto Pſaltere affirmat magnitudinis Dei non eſſe finem: Pſal. 145. *Magnus eſt Dominus, & laudabilis nimis, & magnitudinis illius Encheber, non eſt inveſtigatio*, ed eſt, ut rectè vertit vulgata, *non eſt finis*. Cur enim magnitudinis Dei non eſt inveſtigatio, niſi quoniam illa nec modum habet nec finem.

XXII. Et certe, quandoquidem Deus pro ſua voluntate mundum hunc eſt nihilo creavit, negari non poteſt illum pari facultate poſſe, ſi liberet, plures alios mundos creare in infinitum, & ſine certo numero. A quorum tamen nullo abeſſe putandus eſſet. Nec daretur ulla ratio cur eſſet in hoc, non verò in alio. Præterquam quod ſi Deus hoc mundo includitur, nec eſt extra hunc mundum, qui poſſet extra hunc mundum operari, & alium mundum creare; cum ad productionem ex nihilo requiratur actio immediata: inde ergo ſequitur Dei magnitudinem non habere finem & terminum ullum, nedum ut cælo conſeſſa ſit.

XXIII. At, inquies, quomodo Deus eſt extra mundum cum extra mundum nihil ſit? An Deus eſt in nihilo? Reſpondeo Deum eſſe extra mundum quomodo ante mundum conditum erat ubi eſt mundus. Nempe Deus loco non indiget, ſed eſt ipſe ſibi locus. Juxta illud Tertulliani libro contra Praxeam: *Ante omnia Deus erat ſolus ipſe ſibi, & locus, & mundus, & omnia*. Quod alii volunt, dum dicunt, *Deum extra mundum eſſe in ſeipſo, ſicut ante in ſeipſo fuit*. Idque poſt Auguſtinum in Plalmam 122. *Antequam faceret Deus ſanctios ubi habitabat? In ſe habitabat*. Quo pertinet etiam illud Bernardi, *Non eſt quod quæras ultra ubi erat? præter ipſum nihil erat*. Atque hæc eſt ſententia verſuum iſtorum qui leguntur apud Dionyſium Carthufianum:

• Dic: ubi tunc eſſet quoniam præter eum nihil eſſet?

Tunc, ubi tunc, in ſe, quoniam ſibi ſufficit ipſe.

Quibus addendum eſt extra hunc mundum quidem nullum eſſe locum realem & actua-lem, ſed tamen eſſe locum poſſibilem. Nimirum Deus poteſt ibi creare corpora & loca ubi erit citra ullum ſui motum & loci mutationem.

XXIV. Quod autem Worſtium, & paucos quodam movit ut eſſentia divinae magnitudinem limitarent, & Dei ſubſtantiam cælo incluſam eſſe opinarentur, ſunt multa Scripturae loca ubi cælum terræ oppoſitum deſcribitur tanquam Dei habitaculum & locus in quo reſidet. Sicut id quod legitur Pſalm. 115. Cæli cælorum Domino, terram autem dedit filiis hominum. Et Pſalm. 123. Ad te levavi oculos qui habitas in cælis. Sed ſi ideo putandum eſt Dei ſubſtantiam cælo contineri, & extra cælum non eſſe, quoniam Deus dicitur peculiariter habitare in cælo; pari ratione concludendum erit Deum olim incluſum fuiſſe templo Hieroſolymitano: quoniam ſæpe quoque dicitur Deus templum iſtud elegiſſe tanquam domum & ſedem in qua habitaret. Et præterea, tam tota Eccleſia conjunctim, quam ſinguli fideles ſeorſim, vocantur in Sacra Scriptura Dei templum, in quo etiam Deus dicitur habitare. Et tamen quis inde colliget Deum per ſubſtantiam alibi præſentem non eſſe, quàm in Eccleſia & illius membris?

XXV. Igitur ſciendum eſt, quamvis Deus ſit ubique, non tantum per virtutem & cognitionem ſuam, ſed etiam ſubſtantiam; certas tamen ob cauſas Deum peculiari modo dici eſſe, & habitare in quibuſdam locis & perſonis, nempe, ubi, vel ſua majeſtatis & gloriæ, vel gratiæ & favoris ſigna & effecta dat quedam peculiaria. Sic Deus in cælis habitare dicitur, quia ibi cernuntur illuſtriora quàm in terris potentia & gloriæ divinae documenta. Illic enim videmus ſplendere ſolem & alia ſydera, & mirandis motibus cieri. Indèque derivari in hæc inferiora lucem, calorem, vitam, atque omnem vigorem. Deinde in terra locus eſt peccato & miſeriae quæ a cælo procul abſunt. Sed ubi peccatum & miſeria obtinet, Scriptura Sacra nobiſcum balbutiens, de Deo loquitur perinde ac ſi abeſſet: quia ibi Dei præſens auxilium & efficacia gratiæ non ſentitur, aut ita illuſtri non eſt. Idèoque mirum non eſt ſi dicatur in cælis eſſe aliquo modo, ſecundum quem in terra non eſt. Adde quod angeli, qui Dei filii & miniſtri dicuntur, propriam in cælis habitationem habent, ubi etiam ſedes parata eſt Eccleſiæ, quæ idè in terris peregrina dicitur. Et idècirco non immerito Dei domus & habitaculum peculiari ratione dicitur eſſe in cælis, quandoquidem univerſa, ut ſic dicam, Dei familia illic perpetuo manſura & habitatura eſt.

XXVI. Similiter in templo Hieroſolymitano Deus habitare olim dicebatur, quoniam

Q

ibi certa præsentia suæ symbola collocari voluerat : nempe arcam fœderis, & propitiatorium. Et ibidem singulari quadam ratione se coli præceperat. & preces sibi offerri quas promiserat se exaudirum. Imo aliquando inde viva reddebat oracula, & responsa dabat interrogantibus.

XXVII. Ita quoque Deus dicitur in hominibus sanctis & iustis habitare, quoniam eos regit propitius, & favore suo prosequitur & gratia exornat, singularique in iis operationes edit. Tum quia homines frequentant, imo si possunt inhabitant ea loca quæ amant, ad designandum summum illum amorem quo Deus iustos prosequitur, dicitur eis inhabitare. Juxta illud Christi, Joan. 14. *Si quis diligit me, sermonem meum servabit, & pater meus diligit eum, & ad eum veniemus, & mansionem apud eum faciemus.*

XXVIII. Præcipue verò longè perfectissimo & ineffabili modo Deus est in Christo homine, in quo tam excellenter habitat divinitas, ut ipse verè & propriè Deus esse dicatur. Unde dictum est à Paulo omnem plenitudinem divinitatis in eo habitare *consubstantialem, corporaliter*. Corporaliter, inquam, non tantum, ut id opponatur figuræ, secundum quam Deus in templo Judaico, & in arca fœderis esse & habitare dicebatur: sed maxime propter hypostaticam illam unionem, qua divina natura cum humana & corporea in unam convenit personam; ut verè dicere liceat divinitatem incarnatam, atque, ut sic loquar, incorporatam esse.

XXIX. Sed quamvis Deus, ut jam ostensum est, singulari modo dicatur in quibusdam rebus & personis esse, ob certas rationes à nobis indicatas, hoc non obstat quo minus existat in omnibus rebus, qua ratione quoque suprà expositum est. Imo quibuscumque sit ut, cum in mundo ubique præsens sit, mundo tamen non contineatur, sed immensitate sua mundum infinite superet.

XXX. Neque metuendum est ne Deus locorum sordibus inquinetur. Et ne, si ejus essentia per hæc inferiora & terrena diffusa sit, ubi tam multa polluta & sordida occurrunt, inde pollutionem & immunditiam aliquam contrahat. Nam cum Deus sit spiritus à corpore tangi non potest. Et cum infinito naturæ intervallo creaturam omnem superet, à creatura non potest quicquam recipere, vel pati. Deinde verum est quidem quædam corporaliter immunda & sordida esse respectu nostri, vel alterius creature, cujus naturam offendunt, corrumpunt, aut vitiant. Sed respectu Dei nulla res sordida aut polluta est. Solum verò peccatum, quod non est res, sed rei vitium, & defectus, quodque Deus nec facit, nec contingit, spiritualis immunditia est, & abominatio coram Deo.

XXXI. Porro ex ista Dei immensitate, qui omnia loca tam actualia, quam possibilia replet, sequitur illum esse immobilem, neque posse mutare locum. Nam quod locum mutat & loco movetur necesse est ut locum unum deferat, & alium acquirat. Sed quod ubique jam est, & loca omnia replet, nullum locum acquirere potest, nec ullum locum deterere. Et certè vis se loco movendi est magna quidem perfectio in substantia finita, quæ, cum pluribus in locis simul esse non possit, beneficio facultatis illius potest innumeris locis successivè adesse, & ita suam, ut sic dicam, finitatem & parvitatem quodammodo compensare. Sed Dei infinitas & immensitas efficit ut auxilio isto non egeat: quandoquidem per suam immensitatem habet modo perfectissimo quicquid per motum localem suppleri, & acquiri potest modo longè imperfectiori.

XXXII. Quamobrem quum Deus dicitur in Scriptura ascendere, vel descendere, accedere, vel recedere, hucque & illuc proficisci, ista figuratè accipienda sunt, non de quadam in Deo loci mutatione, sed de variis operationibus, quas Deus hic vel illic edere incipit, vel desinit.

Theses Theologicae,

DE

Æternitate Dei

ET EJUS

IMMUTABILITATE

Thesis Prima.



ÆTERNUM frequenter in Scriptura dicitur id quod principium quidem durationis habet, sed finem habiturum non est: sic beata illa vita quam Deus promittit credentibus in Christum, æterna sepe appellatur, & æterna quoque dicitur pena illa quæ iusto Dei iudicio impiis & impenitentibus olim infligenda est: ut quum rum piorum, tum impiorum finis his verbis describitur apud Matthæum cap. 25. verl. 46. *Et abibunt isti in supplicium æternum, iusti vero ad vitam æternam.*

II. Æternum etiam quandoque dicitur id quod aliquando quidem finem habiturum est, sed tamen propter diuturnitatem, æternitatem imitari videtur: sic quamvis cælum & terra olim transire debeant, tamen Ecclesiastæ 1. dicitur terra in æternum stare: & eodem sensu Deuteronom. cap. 33. mentio fit à Mose, collium æternorum; & eo quoque referri potest, quod decimo septimo capite Genesios Deus pollicetur Abraham se daturum illi, & semini ejus, omnem terram Canaan in possessionem æternam.

III. Præterea illud quod durante certo curriculo, perpetuò locum habere debet, æternum fieri dicitur. Quomodo sumendum est illud Exod. 12. *Celebrabitis hanc diem cultu sempiterno*, ubi agitur de festo Paschæ: quoniam ritus legales & cultus Mosai- cus obtinere debebant usque ad tempus *διὰ πάντων*, & Domini nostri Jesu Christi adven- tum.

IV. Imo quamvis hominum vita brevissima sit, quandoque dicitur in æternum fi- eri, id quod per totam hominis vitam nunquam finiendum est, sed ad mortem usque locum habere debet: ut quum de servo Hebræo qui anno septimo uti noluerat liber- tate per legem oblata, dicitur, *Servus eris domino tuo עַבְדְּךָ לְאֵלֶיךָ in æternum*, Exod. cap. 21. Quo pertinet illud Horatii, *Serviet æternum qui parvo nescit uti.*

V. Æternum verò propriè dicitur id quod simpliciter & absolute caret durationis principio & fine: & hæc est illa æternitas quæ de Deo prædicari solet, & inter ejus at- tributa censeri: est enim Dei essentia omnino expers ortus & interitus. Deus nec esse incepit, nec unquam esse desinet: Atque ut Dei magnitudo tanta est, ut nullo loco contineri, vel definiti possit, sic Dei duratio nullo tempore limitatur, sed omnia præ- cedit & superat tempora.

VI. Illud autem Scriptura multis locis apertè docet, præcipuè vero Psalmò 102. ubi Propheta comparans res quæ inter visibiles maxime sunt permanentes, cælum scilicet & terram, docet illa aliquando habuisse initium, quum sint opus manuum Dei, & fi- nem olim esse habitura: Deum verò permanere semper, & eundem perpetuo & fu- isse & fore. *Initio*, inquit, *Tu Domine terram fundasti, & opera manuum tuarum sunt cæli: ipsi peribunt, tu autem permanes: & omnes ipsi sicut vestimentum veterascent; & sicut opertorium mutabis eos; & mutabuntur: tu autem idem ipse es, & anni tui non deficient.* Quam perpe- tuam

petuam quoque Dei permanentiam celebrat David, Psal. 92. Tu autem, inquit, altissimus in æternum Domine. Et Moyses vir Dei, Psal. 90. Priusquam montes fierent, & formaretur terra & orbis, a sæculo & usque in sæculum tu es Deus. quo etiam respicit quod addit, mille anni ante oculos tuos sicut dies bestiarum quæ præterit: quia scilicet ad immensam & illimitatam Dei durationem, nec mille anni, nec quodlibet designatum tempus ullam proportionem habent.

VII. Propterea Deus apud Isaiam cap. 9. vocatur Pater æternitatis: item primus & novissimus, cap. 41. & 57. capite, exaltus & sublimis habitans æternitatem. Quo pertinet quoque illa descriptio qua Deus seipsum designat cap. 1. Apocalypicos, Ego sum Alpha & Omega, principium & finis, dicit Dominus Deus, cui est, qui erat, & qui venturus est. Quibus docemur Dei durationem omnia complecti tempora, præteritum, præsens & futurum, ac Deum optimo jure dici posse principium sine principio, & finem sine fine: quia scilicet quum sit omnium rerum principium, ipse principio caret, nec etiam finem ullum habere potest, quum sit finis ad quem omnia referuntur.

VIII. Hac in parte verò, Scripturæ ratio manifestè adstipulatur. Quæcunque enim argumenta demonstrant unum esse primum Ens à quo pendent omnia cætera, & unde originem habent, cujusmodi à nobis allata & exposta sunt Theisibus illis quibus demonstravimus Deum esse, ea, inquam, argumenta necessariò probant primum Ens illud, nempe Deum, æternum quoque esse, nec habuisse ullum durationis initium. Nam Ens quod primum est, & aliorum causa, factum esse non potest, quippe nec ab alio factum est, alioqui primum non esset, sed daretur Ens aliud ipso prius: nec etiam à seipso, quum ut fieret deberet non fuisse: ut faceret, deberet fuisse, quæ manifestè pugnantia sunt. Quod autem est & non factum est, nunquam esse incipit, adeoque æternum est. Quocirca Augustinum illud Dei nomen *אין* quod significat Deum esse per se & à se, & illum qui facit ut reliqua omnia sint, adeoque Ens primum & inde pendens, Dei æternitatem includit & connotat. Ideoque authoribus vernaculæ nostræ versionis non malè vertitur *l' Eternel*.

IX. Porro ut Dei essentia non caret simpliciter initio durationis, sed impossibilè est illam non semper fuisse, ita quoque simpliciter & absolute necesse est ut perpetuò duret neque finem unquam habeat. Ut enim Deus à nullo est, nec esse suum ab alio accepit, sic à nullo destrui potest, nec esse suum amittere. Quapropter ab Apostolo dicitur *ἀδόξατος & incorruptibilis* sive immortalis, 1 Tim. 1. 17.

X. Unde patet æternitatem illam quæ Deo competit esse proprium naturæ divinæ attributum, quod cum creatura nulla communicari potest. Quum enim creatio sit productio rei ex nihilo, omnis creatura necessariò incipit, & aliquando non fuit, quandoquidem transit à non esse ad esse. Ac quanvis ex Philosophis nonnulli existimerent creaturam aliquam ab æterno posse existere, atamen, quum Deus sit agens libertimum quod agit absque ulla necessitate, si quæ creatura foret ab æterno, saltem potuisset ab æterno non esse, & habuisse suæ durationis initium, nec esset necesse ut semper fuisset; & similiter quanvis creaturæ quedam nunquam sine finem habituræ, sicut Angeli & humani spiritus, nihilominus nulla est creatura quæ finem non possit habere, si quidem Deo ita visum esset: nam sicut omnia ex nihilo creavit, ita omnia ad ipsius nutum in nihilum possunt recidere, & hæc est ratio cur 1 Tim. 6. 16. dicitur Deus solus habere immortalitatem, nimirum quia licet non possint quedam ab ulla creatura destrui, nihil est tamen præter Deum quod, absolute loquendo, interire & deherere non possit.

XI. Divinæ verò naturæ præstantia non elucet tantum in perpetuà & omnino necessaria illius duratione, sed in eo præterea quod eadem perpetuò manet, nec sæcula præterlabentia quicquam ei addunt aut detrahunt. Siquidem Deus non solum æternus est, sed etiam immutabilis. Res pleræque non tantum durationem habent brevibus admodum terminis circumscriptam, sed etiam quamdiu durant sunt in perpetuo fluxu: nam de earum substantia jugiter aliquid effluit, & aliquid ei de novo accedit, donec tandem penitus intereant & dissolvantur, ut videre est in plantis atque animalibus. Quod si quedam substantia ita firma sit ut eadem perpetuò maneat, saltem novas actus & nova accidentia suscipere potest, & hæcenus est variis mutationibus subdita: at Deus est omnis omnino mutationis expertus, nullam perfectionem cum tempore amittit, nec ulla ei de novo accedit, sed quæcunque perfectio in eo unquam fuit, ea jam actu perseverat ac incessanter perseverabit, & quæcunque in eo unquam erit ea jam actu est, & nunquam non fuit.

XII. Quocirca Deus merito dicitur actus purus, quia actu jam est quicquid fuit, vel erit: nec ulla est in eo potestas qua possit aliquid quod habet deponere, aut aliquid quod non habet suscipere.

XIII. Op-

XIII. Optimo quoque jure a Theologis vita Dei dicitur non tantum interminabilis, sed etiam tota simul, quia de vita ejus, sicut de nostra, nihil cum tempore est, ut, sed Deus quovis momento simul habet, quicquid in toto simul tempore, quini ipsi temporis progressus nihil adjiciat, vel adimat, ut ceteris rebus, quae sunt mutationi obnoxiae, quo respicit Plurarchus tract. de vocula si templi Delphici vestibulo inscripta. Deus, inquit, *ὅς ἐστι τὸ αἰὼν ὅν τὸ αἰὼν πεπληρωμένος*, cum unus sit unico nunc aeternitatem complevit: quia scilicet in tota temporis amplitudine nulum momentum sumi potest in quo habeat aliquid quod ante non habuerit, vel olim habiturus non sit, aut non habeat aliquid quod antea habebat, aut aliquando sit habiturus. Unde tempus merito comparatur flumini perpetuo labenti, nos autem arboris ramusculo, qui fluvio innatus ab eo abripitur, Deus vero arbori altis radicibus alveo implantatus, quam immotam & constanter in eodem statu manentem fluvius ille temporis imago jugi fluxu praeterlabitur.

XIV. Præterea inde est quod Plato, & alii post eum Philosophi pronuntiaverunt; de Deo nec præteritum, nec futurum, sive *fuit*, vel *erit*, sed solum præsens sive *est* propriè dici posse: quia scilicet, Dei aeterna duratio omnia quidem tempora præteritum præsens & futurum complectitur: at vero in Dei natura nihil est præteritum neque futurum: nec enim quicquam de ea præterit, ut etiam ad eam quicquam nondum advenit, sed eadem & immutata perpetuo perseverat. Jam autem præteriti & futuri temporis verba inventa sunt ad significandas mutationes rerum, quae cum tempore transiunt, & tempore mensurantur: nam propriè ac stricte loquendo fuisse dicitur quod non est amplius, ut quum apud Poëtam dicitur *fuit Ilium*, & futurum esse quod nondum est, ut *Alter vatum Typhis*, sed quamvis præteriti & futuri temporis verba hoc sensu Deo non congruant, hoc tamen non obstat quominus de Deo possimus verè dicere *fuit*, modò intelligamus illum eundem omnino jam perseverare qui antea fuerit: itēque *erit*, modò intelligamus talem ab ævo ac etiamnum esse qualis est perpetuò futurus quod est de eo affirmare futurum, sed absque negatione præteriti & præsentis: & affirmare præteritum, sed absque negatione præsentis & futuri: ut quum Deus describitur loco supra citato *qui est, qui erat, & qui venturus est*: quod Augustinus optime explicat tractatu 99. in Joan. *Quamvis inquit natura illa immutabilis & ineffabilis non recipiat fuit & erit, sed tantum est, tamen propter mutabilitatem temporum in quibus versatur nostra mortalitas & mutabilitas, non mendaciter dicimus, est, fuit, & erit: fuit in præteritis seculis, est in praesentibus, erit in futuris, fuit quia nunquam desuit, erit quia unaquam dēra, est quia semper est.*

XV. Porro hanc à nobis descriptam immutabilitatem Deus ipse sibi tribuit Mal. 3. Ego, inquit, *יהוה Domus & non moror*: & illam egregiè describit Plaltes per oppositionem ad res creatas quæ sunt mutationi obnoxiae Psal. 102. quem modò citavimus, ubi postquam dixit caelos ipsos qui initium suæ durationis habuerunt, immutandos, & tandem etiam perituros esse, de Deo dicit *יהוה נחמד Tu idem ipse es, & anni tui non deficient*, & huc quoque respicit Jacobus i. v. 17. dum Deum vocat *Patrem luxuriam*, apud eum non est transmutatio, nec vicissitudo obumbratio.

XVI. Nec minus evidenter ipsa ratio prebat Deum esse omni omnino mutationis expertem. Id enim necessariò colligitur ex ejus absoluta simplicitate, quæ ante à nobis demonstrata fuit Thesis de hoc argumento editis: etenim quicquid mutatur, secundum aliquid manet, & secundum aliquid transiit, nempe subiectum manet, forma vero aut actus aliquis ab eo abscedit. Ac proinde necesse est id quod mutatur à summa simplicitate deficere, & aliquo modo componi ex diversis. Igitur cum Deus sit simplicissimus, nec in eo sit aliud & aliud, planum est in eum nullam mutationem cadere.

XVII. Idem quoque evincitur ex infinita Dei perfectione, nam si Deus mutaretur, mutatio illa fieret vel in melius, vel in deterius. Quorum utrumque d'vine perfectioni repugnat. Nam quod mutatur in melius, necessariò carebat aliqua perfectione quam per mutationem illam adipiscitur: & quod in deterius mutatur, per mutationem illam perfectionem aliquam amittit, adeoque non potest esse summè perfectum. Adde quod res nulla est mutationi obnoxia, nisi vel ex propria ejus impotentia, vel ex alterius majore potentia: Deo vero, qui est Ens primum & independens, nihil est potentius, nec ulla potest ei tribui impotentia, si quidem nulla perfectione caret.

XVIII. Ac præterea, si quis singulas mutationis species percurrere velit, manifestum erit nullam Deo accidere posse. Nec enim incipit aut definit esse qui per naturam æternus est. Non mutatur secundum qualitates & accidentia, is in quo nulla accidentia sunt, sed quicquid in eo est, mera ejus essentia est. Non augetur neque minuitur qui incorporeus est & indivisibilis: & denique non potest loco moveri qui totus ubique est.

XIX. Istud

XIX. Istud autem attributum ita Dei proprium est, ut non possit cum ulla creatura communicari. Nihil enim fingi potest quod à Deo non pendeat tanquam à prima causa creante atque conservante, ac proinde quod ejus potentia non ita subiaceat ut etiam possit in nihilum redigi, Deo sic volente, & suum concursum subtrahente.

Theſes Theologicæ,

DE

VITA DEI.

Theſis Prima.



NOTIONE communissima & generalissima, ac in usu communi loquendi vivere dicuntur ea quæ quovis modo nobis scipſa movere apparent, sic dicimus aquam vivam & ignem vivum, quia flamma pluribus motibus sponte sua cieri videtur, & etiam aqua è fonte scaturiens, cui aquæ mortuæ stagnorum opponuntur.

II. Sed propriè & Philosophicè id tantum scipſum movere, adeoque vivere dicitur, quod scipſum in loco & statu naturali constitutum movere potest, atque ita ut postquam naturaliter à motu destitit, & ab operando cessavit, motum rursus à se inchoare valeat. Quum autem dico id quod vivit à motu desistere, non intelligo simpliciter ab omni motu. Etenim in omni vivente est vigor quidam continuus & motus indefinens qui nisi in morte non cessat. Sed vivere tamen non dicimus nisi quod potest per naturam ab aliquo motu cessare, & rursus eundem motum ex principio interno inchoare.

III. In hac autem vitæ definitione motus non sumitur stricte, & prout à Philosophis definitur Actus entis in potentia quatenus est in potentia, qui motus in subiecto necessario supponit aliquam imperfectionem, & propterea dicitur in scholis *actus imperfecti*: sed sensu generali per motum intelligitur operatio quævis, & illa etiam quæ est *actus perfecti*.

IV. Porro vitæ perfectio, ut ex definitione facile colligi potest, in duobus præsertim consistit: primo, scilicet, in motuum & operationum præstantia & varietate: deinde in agentis, ut sic dicam, *αὐτοπαρσία*: id est, ejus in agendo ab externo motore independentia, atque indeterminatione. Ac proinde perfectius vivunt ea quæ plures & præstantiores motus exercere possunt, & quæ minus ab alio in agendo dependent & determinata sunt.

V. Ut verò ad vitam illam quæ Deo Optimo Maximo competit, & de qua hic nobis agendum est, sensim, & veluti per gradus assurgamus, notandum est Deum plures viventium ordines in creaturis corporeis atque visibilibus creasse & constituisse. Etenim quemadmodum hominum industria & solertia præcipuè elucet in fabricandis variis machinis, quæ sponte moveri videntur, & pluribus usibus in humana vita inserviunt, sic quoque *παντοκράτωρ* Dei sapientia sese manifestavit dum, in hoc mundo sensibili varia, ut sic dicam *αὐτόματη* excogitavit, & incomprehensibili ac plane stupenda arte fabricata est, quæ, nos corpora viventia vocamus. Et certè opera naturæ non aliud sunt ritè expendenti quàm opera artis divinæ, sicut vice versa opera artis humanæ nihil aliud sunt quam opera naturæ quatenus, à niente humana dirigitur.

VI. Primum

VI. Primum igitur cernere est multa corpora terre adnata & adherentia quæ iis sunt organis instructa, & eo interno movendi principio quod animam vocamus, prædita, ut dum terra solis calore aperitur, & spiritus in ea contenti excitantur, varios succos è terra eliciant, & attrahant, quorum beneficio non tantum foveantur & augetur, sed folia, flores & fructus diversæ generis producant, & semina quoque proferunt; unde postea corpora similia sponte germinant atque enascuntur. Et hæc sunt quas plantas vocamus, quæ à Philosophis vivere dicuntur vita vegetativa, cujus tres principes facultates recentent, altricem, autricem atque generatricem.

VII. Sed præter istud primum & infimum viventium genus; in terræ superficie, in aquis, in aere ipso extant corpora plurima longe pluribus & magis admirandis organis distincta, & quæ etiam nobilioribus facultatibus pollent, motibusque multo plures & magis diversos exercere possunt. Etenim non solum vim habent alimento intus suscepto seipsa nutriendi, & augmentum sumendi, ac simile sibi procreandi: sed præterea non sunt ut priora uni certo loco affixa, verum seipsa de loco in locum transferre valent, neque sunt, quemadmodum plantæ, ad unum certum & simplex operationum genus à natura sic determinata, ut non possint nisi semper eodem modo moveri & agere: sed sæpe aliter atque aliter agunt, & motus suos variè temperant, pro diversis impressionibus quas intus ab objectis variis suscipiunt, mediantibus organis quæ Philosophi sensoria appellant. Et ista sunt quæ animalia vocantur, quæ sponte supra terræ superficiem, in aere & in aquis variis motibus cidentur, & per sensus objecta externa percipiunt, adeoque supra plantas pollent facultate sensitiva atque loco motiva.

VIII. Verum supra omnia corpora viventia multum adhuc eminent homines, in his oculis usurpamus corpus brutorum corpori simile, nisi quod sit organis perfectioribus instructum; neque quicquam est in brutis, quod spectat vitam animalem, quod in iis non reperiatur. Sed in iis præterea latet principium quoddam agendi ab eo quod est in brutis diversæ plane naturæ, unde procedunt motus & actiones quæ nullo modo ex sola organorum fabrica, & forma ulla merè corporea consequi possunt: sed necessario tribuenda sunt cuidam principio spiritali & immateriali: qualia sunt intelligere & ratiocinari, Deum novisse, & res purè immateriales, in seipsum, & proprias operationes reflecti, & rerum causas inquirere, ac denique libertate uti, & esse propriarum actionum dominum. Quæ arguunt in hominibus animam latere plane alterius generis quàm sit sensitiva, & vegetativa, nempe, intelligentem, & ratiocinantem, ac proinde spiritualem, & immaterialem.

IX. Quapropter homo vivit vita longè perfectiori quàm animalia bruta: non solum quia longè plures & præstantiores actiones exercet: sed quia seipsum movet, & à seipso agit modo multo excellentiori. Bruta enim, quæ carent ratione & intelligentia, nec finem sibi præstipiunt, neque se ad finem dirigunt, sed simpliciter ad finem ab aut hore naturæ aguntur, eodemque ducuntur necessario impressionibus per sensus ab objectis materialibus acceptis. Itaque illorum operationes non sunt in eorum potestate, nec propriè habent illarum dominium. Homo verò ratione utens finem ipse sibi præstituit, & media ad finem ducentia pro arbitrio rejicit, vel eligit: nec in suis actionibus ab objectis materialibus, & sensuum impressionibus necessario pendet: Sed operationes suas ad finem deliberat, & ex proprio iudicio dirigit, & ita est *dominus*, & propriarum actionum dominus.

X. Et tamen fatendum est inter creaturas quasdam reperiri quarum vita est humana perfectior, substantias, scilicet, purè immateriales, ut sunt spiritus Angelici. Nec enim solum nobilior est eorum intelligentia, & ad multo plura eorum cognitio & virtus extenditur; Sed, cum materiæ non sint alligati, in agendo minus pendent ab extrinseco quàm homines, qui respectu multorum motuum qui ab ipsis, aut in ipsis exercentur, à materiæ pendent, atque determinantur, neque aliter agunt aut aguntur potius quàm bruta.

XI. Jam autem, si quis ex iis quæ dicta sunt ritè perpendat qua in re consistat vita & ejus perfectio, & creaturarum, quæ vivere dicuntur, comparisonem cum Deo instituat; facile agnoscat vitam magis propriè Deo competere quàm ulli creaturæ, & modo multo eminentiori.

XII. Etenim creaturarum viventium nobilissimæ atque præstantissimæ à seipsis quidem agunt & moventur: sed *secundum quid* non verò simpliciter. Etenim non solum à Deo essentiam & virtutem operandi habent, & per eum continuo subsistunt atque conservantur: sed carni nullæ agunt nisi à Deo primo agente actæ: nec ulla earum moventur nisi virtute Dei primi motoris; in quo *vivimus, movemur, & sumus*; ut testatur Apostolus

postolus Actor. 17. & qui operatur omnia in omnibus, juxta ejusdem Apostoli doctrinam: 1 Cor. 12. Deus autem à seipso agit simpliciter & absolute. Nec enim ab ullo in agendo pendet. Et cum sit primus motor, ita seipsum movet, ut ab alio nullo moveatur.

XIII. Deinde quæ sunt inter creaturas præstantissimæ habent quidem respectu quodam potestatem suorum actuum, & sunt proprietarum actionum dominæ, ideòque liberæ dicuntur, & ipsis tribuitur *autonomia*: sed tota illa potestas à Dei summa potestate pendet, & prout ipsi libuerit, flectitur: ac dominium istud non est simplex & absolutum, sed precarium quodammodo, & supremo Dei dominio subditum. Ideòque solus Deus absolute est *autonomus*, & proprietarum actionum Dominus: & solus gaudet libertate in agendo absoluta & prorsus independenti.

XIV. Præterea cum vitæ excellentia æstimeretur etiam, sicut supra dictum est, ex varietate motuum & operationum quæ à vivente exercentur, creaturæ quidem multe reperiuntur quæ variis omnino motibus sese movent, & multifarias actiones exercent, multaque & plane diversa operantur: sed tamen omnium illarum facultates certum obtinent perfectionis gradum, & ad certa actionum genera limitatæ & determinatæ sunt, ultra quæ nihil possunt, nec valent quicquam perficere. At Deus Optim. Maxim. non multa potest, sed omnia: illiusque virtus est prorsus infinita & illimitata, nec terminis ullis definitur & circumscribitur ejus operandi potestas.

XV. Adde quod sicut creaturæ, etiam excellentissimæ, vitæ à seipsis non habent, sed à Deo primâ rerum omnium causâ, sic quoque, simpliciter & absolute loquendo, possunt illæ omnes vitæ destitui, & ab agendo & existendo cessare, siquidem Deo ita visum fuerit. Ut verò Deus à nullo est, ita quoque vitæ ejus à nullo tolli & aboleri potest. Itaque licet creaturæ quædam aliarum respectu immortales dicantur, quia, scilicet Dei beneficio in perpetuum victuræ sunt, nec ulla est causa secunda quæ illas perimere & destruere possit; tamen, si creaturæ cum Deo comparentur, vivunt omnes illæ vitæ mortali & defectibili, solus verò Deus est simpliciter & absolute immortalis & incorruptibilis, & propterea dicitur ab Apostolo *solus habere immortalitatem*, 1 Tim. 6.

XVI. Igitur cum solus Deus simpliciter à seipso agat, atque à nullo moveatur, & absolutum habeat operationum suarum dominium, nec possit unquam ab ullo in agendo impediri, nedum omni motu & actione privari; & virtus quoque ejus sit plane illimitata & indeterminata, solus etiam simpliciter & absolute vivere dicendus est: creaturæ verò vitæ competit tantum secundum quid, & per participationem & dependentiam à Deo. Ac proinde vitæ de Deo & creaturis non univoce dicitur, sed æquivoce & analogice.

XVII. Propterea nihil est frequentius in Scriptura quàm Deum vocare vivum sive viventem, quo titulo vult illa Deum verum quænt colimus falsis Diis opponere, illumque fecernere ab idolis mortuis, quæ omni cognitione & agendi vi destituta sunt.

XVIII. Inde quoque natus est mos in Scriptura probatus jurandi per Dei vitam. Nam pii homines in juramentis suis sæpe hanc formulam usurpant, *Vivit Dominus*. Et Deus ipse dum, ut sese nobis attemperet, jurans introducit, utitur his verbis, *Vivo Ego*.

XIX. Neque Deus in Scriptura simpliciter vivere dicitur, sed etiam vivens absolute vocatur, & titulus viventis ipsi tanquam nomen quoddam proprium tribuitur, ut Genes. 17. ubi puteus ille apud quem Deus Ancille Abraham Agar apparuerat vocatur in persona mulieris istius *pater viventis videntis me*. Et Apoc. 4. ubi viginti quatuor seniores dicuntur adorasse *Viventem in secula*.

XX. Hinc etiam Ethnicis Deum illum supremum quem ipsi prædicabant patrem hominumque Deumque, vocaverunt *ζῶντα*, quasi vivum diceret, scilicet, *ὁ ὢν ὁ ζῶν*, quod apud Græcos vivere significat.

XXI. Neque Deus solum dicitur vivens sed vitæ ipsa: ut cum Dei Filius dicit apud Joan. c. 14. *Ego sum vitæ, veritas & vitæ*: & undecimo capite, *Ego sum resurrectio & vitæ*. Et certe Dei summa simplicitas exigit ut ipse vitæ dici possit: quoniam in illo res non se habet ut in creaturis: in quibus vivere & esse distinguuntur tanquam gradus essentiales; vitæ vero Dei est ipsum ejus esse, neque in eo, ut in nobis, à vitæ distinguere debet quoddam vivendi principium. Veruntamen quum Scriptura Deum & Christum dicit esse vitæ, eo proprie non respicit: sed potius per hoc significat Deum non solum in seipso vivere, sed præterea fontem esse perennem à quo quicquid est in creaturis vitæ, præcipue spiritalis, necessario manat; & quicum non possumus communionem habere quin beatæ & æternæ vitæ fiamus participes, juxta illud Psalmi trigesimali sexti, *quoniam apud te est fons vitæ, & in lumine tuo videbimus lumen*. Nec aliò spectat Christus

Dominus

Dominus noster dum dicit apud Joan. cap. 5. *Patrem habere vitam in seipso, & filio dedisse ut vitam quoque habeat in seipso*; nempe ut per id probet mortuos audiaturos vocem filii Dei, & qui audierint viaturos.

XXII. Porro hic querere solent, & explicare conantur scholastici post Thomam quando omnia sint vita in Deo; sed questio ista prorsus frivola est & nata solum ex mala distinctione, & parvo intellectu textus vulgate veteris initio capitis prima Evangelii secundum Joannem, ubi tanquam unam sententiam verba ista conjungit Thomas *quod factum est in ipso vita erat*. Cum tamen verba illa *quod factum est* pertineant ad præcedentem clausulam *omnia per ipsum facta sunt*; & sine ipso *factum est* nihil *quod factum est*. Sequens verò sententia incipiat ab illis verbis, *In ipso vita erat*.

Theses Theologicae :

D E

SCIENTIA DEI,

S I V E

De cognitione rerum quæ in Deo est:

In qua agitur de objecto cognitionis divinae.

Thesis Prima.



QUÆ argumenta demonstrant Deum esse, eadem quoque probant illum esse intellectum & scientiam prædium: iis enim conficitur necessario dari causam primam, non tantum potentissimam, sed etiam optimam & sapientissimam, quæ rebus singulis fines optimos præstituit, easque commodissime & convenientissime ad finem suum quamque ducit atque dirigit, neque in Dei operibus quicquam clarius elucet, quam *παιδεία* & ejus sapientia, quæ copora mundana, & varias in eis creaturas stupenda quadam arte fabricata est, & etiam prorsus admirando ordine inter se disposuit: adeoque, necesse est ei inesse summam & excellentissimam vim cognoscendi & intelligendi.

II. Et certè, cum inter ipsas creaturas visibiles multe reperiantur, quæ sensu, ratione & intelligentia pollent, quis dubitare possit illarum authorem atque opificem modo longe præstantiori atque sublimiori res cognoscere atque percipere? juxta illud Psal. 94. *An qui plantavit aurem non audiet: aut qui oculum suum non considerat?* Nec enim potest causa effectui suo minus perfecta esse: jam autem evidens est simpliciter perfectius esse id, quod cognoscit atque intelligit, quam illud quod est omni sensu & cognitione privatum; & absolute loquendo melius atque optabilius esse intelligere, quam non intelligere.

III. Ac profecto nullus est, qui, audito Dei nomine, non statim notionem formet intelligentis cujusdam naturæ, quæ summâ & sapientiâ & virtute polleat, ne quidem exceptis ipsis Epicureis, qui licet negaverint Deum hujus universi authorem & rectorem esse, Deum tamen esse falsi sunt, rerumque cognitionem & contemplationem ei non ademerunt.

R

IV. Præ-

IV. Præsertim verò Scriptura intelligentiam & scientiam Dei sæpe prædicat. Sic 1 Sam. 2. 3. Dominus vocatur *Deus scientiarum*, id est, Deus omni scientia præditus. Quo respiciens David Ps. 47. *Sapientie*, inquit, seu intelligentie ejus non est numerus: Psal. vero 239. sic Deum alloquitur, *Mirabilis facta est scientia tua ex me, seu præ me, id est, mirabilior atque sublimior est, quam ut possim eam assequi*. Unde est quod Paulus exclamat. Rom. 11. *O altitudo divitiarum sapientie & scientie Dei*.

V. Ut autem mirabilis hujus scientiæ, quæ in Deo est, plenam atque distinctam, quantum quidem patitur mentis nostræ inbecillitas, cognitionem habeamus, expendendum est primum, quod sit ejus objectum, & ad quid se extendat. Secundo, qualis illa sit, & quæ ejus ratio. Denique quotuplex sit, & quæ sint ejus vulgatæ in schola divisiones.

VI. Quod ad primum attinet, scientiæ divinæ objectum in genere est quicquid sciri & cognosci potest. *Deus enim novit omnia*, ut docet Joan. Epist. 1. cap. 3. 20. Itaque quemadmodum dicitur omnipotens, sic quoque dici potest omniscius. Quod exigit planè ejus infinitas & summa perfectio, alio loco à nobis demonstrata. Si enim Deus non novisset omnia, sed quædam ipsum fugerent, & ab eo ignorarentur, abesset ab eo aliqua perfectio, & scientia ejus aliquos terminos & limites haberet, ultra quos non extenderetur, adeoque prorsus infinita non esset.

VII. Sed ad pleniorē & distinctiorem omniscientiæ divinæ notitiam, necesse est ejus varia objecta percurrere, & seorsim considerare. Primum autem & præcipuum cognitionis divinæ objectum est, Deus ipse. Si enim creaturæ intelligentes seipsas cognoscant: quanto magis istud est de Deo existimandum? Hoc ipsum exigit Dei sapientia: Etenim sapientiæ pars non minima est seipsum novisse. Nec etiam objectum nobilissimum, quod est Deus, latere potest intellectum divinum, qui omnium nobilissimus est. Ac profecto, si Deus seipsum non novisset, rerum creandarum consilium capere non potuisset: ad hoc enim necesse fuit, ut vires suas immentas suamque sapientiam, quibus res omnes condere, disponere & regere posset, probe cognitas & perfectas haberet.

VIII. Porro Deus ita seipsum cognoscit, ut seipsum comprehendat. Quod sic accipiendum non est, quasi intellectus divinus essentiam divinam quibuldam quasi finibus concluderet. Etenim rem comprehendere, non est aliud quàm eam cognoscere, quantum cognoscibilis est, & ita ut nihil ejus lateat cognoscentem; ut loquitur Thom. Aquinas, seu in essentia divina, quantumlibet infinita sit, nihil latere potest intellectum divinum, qui simili quoque modo infinitus est. Talis verò Dei cognitio ipsas Dei propria est, nec competit ulli creaturæ. Nam cum creaturæ omnes finitæ sint, non possunt rem infinitam capere & comprehendere. Ex hac potest illud Apostoli referri, *Spiritus omnia scrutatur, etiam profunda Dei. Quis enim hominum scit, quæ sunt hominis, nisi Spiritus hominis qui in ipso est? ita & quæ Dei sunt nemo cognovit nisi Spiritus Dei*: 1 Cor. 2. 11.

IX. Non minùs autem perfecte quàm seipsum, reliqua omnia præter se Deus novit. Nam, ut ait Apostolus Hebr. 4. 13. *Non est ulla res creata non manifesta in conspectu ejus: sed omnia sunt nuda, & transparentia intus oculus ejus qui cum nobis est negotium. Quod spectat quoque illud Iobi cap. 28. Ipse fines mundi intuetur, & omnia quæ sub celo sunt respicit*.

X. Deus autem res non solum cognoscit in genere, & sub communi aliqua ratione, prout considerantur in scientiis humanis. Id fecerunt Philosophi quidam, inter quos præcipue memoratur Averroes. Tribuitur enim illi quod docuerit Deum universaliter tantum cognoscere, singularia verò non cadere sub intellectum divinum. Verùm istud est manifestus error, cui tum rationis lumen, tum Scriptura Sacra aperte repugnat.

XI. Nam cum Deus res singulas condiderit, & earum unicuique esse contulerit propriam & immediatam quadam efficientiâ, atque id non temere, neque naturali quadam necessitate, sed certo consilio, & ex propriæ voluntatis decreto, non potest illas ignorare. An enim causa libera, atque ex judicio agens, proprium suum opus non intelligit, & percipere non poterit quod ipsa valet efficere?

XII. Neque Deus res semel condidit & produxit, sed illas perpetuò regit & moderatur, & sapientissimè ad finem suum unamquamque dirigit. Non potest autem id præstare, quin res, non solum in communi, sed sigillatim probe ipsi notæ atque spectatæ sint.

XIII. Ac profecto, cum Deus sit unicuique redditurus secundum opera sua, quæ bene acta sunt, scilicet, liberaliter remunerans, malefacta verò pro eorum merito puniens & vindicans, necesse est Deum unumquemque novisse, & singula omnium dicta, facta, atque cogitata, penitus percepta & cognita habere.

XIV. Adde

XIV. Adde quod cum Deus immensus sit, & essentia ejus ineffabili modo omnia loca repleat, singulis rebus adest & intimè præsens est. An autem Deus ignoraret, & non perciperet ea, quæ ipsi proxima & præsentia sunt: imo in quibus est, aut quæ potius sunt in ipso? cum ne homo quidem, nisi dormiens, aut non advertens, non possit quin percipiat ea, quæ attingit, & quæ sunt coram ipso in luce posita? Quo argumento Deus Jeremiæ cap. 23. arguit stuporem eorum, qui fraudes suas atque occulta facinora Deum latere posse existimant. *Putatne, inquit, Deus, e vicino ego sim, & non Deus de longo? si oculi habuerit vir in absconditis & ego non videbo eum, dicit Dominus? Nunquid non calum & terram ego impleo, dicit Dominus.*

XV. Sed cum homines ipsi singulæ nesciant & percipiant, quis cum ratione reliqua, eorum cognitionem Deo adimere poterit? Num enim quidquam homo sciet, quod Deus ignorabit? cum quicquid in homine cognitionis reperitur sit veluti gutta quedam ex immenso divinæ sapientiæ Oceano hausta.

XVI. Præterea potentia omnium perfectissima necessario se porrigit ad omnia, quæ ad ejus potentie objectum pertinere possunt. Ac proinde cum intellectus divinus omnium perfectissimus sit, nihil cum fugit eorum, quæ sunt intelligibilia. Sed omne quod est, intelligibile est, adeoque talia sunt etiam singulæ, quibus juxta Philosophos ratio entis, vel maxime, competit, & sic necesse est illa non minis, imo magis quam universalia sub intellectum divinum cadere.

XVII. Et certe Scriptura testatur Deum nosse singulas stellas, & earum unamquamque, ne nomine suo vocare. Psalm. 147. *Numerat, inquit, multitudinem stellarum & omnibus eis nomina vocat.* Argumento evidenti, quod non solum in genere naturam stellarum noverit, sed quod hæc & illa stella singularis ipsi probè sit nota & perspecta.

XVIII. Neque putandum est Deum res quidem magnas, & alicujus momenti, ut stellas, sigillatim nosse, scientiam verò illius fugere multitudinem & numerum rerum parvarum & vilium; quasi non deceret intellectum divinum ad earum singulas seorsum advertere. Id existimasse videtur Hieronymus scribens in Prophetiæ Abacuc caput primum, *Absurdum est, inquit, ad hoc Dei deducere maiestatem, ut sciat per momenta singula quot nascantur culices, quotve moriantur: quæ cimicum, & pulicem, & muscarum sit in terra multitudo: quanti pisces in aqua nantent, & qui de minoribus majorum præde cedere debeant.*

XIX. Sed argumenta, quæ modo attulimus, probant Deum non minis res parvas ac tenues, quam magnas & graves nosse: Etenim Deus non minis res parvas quam magnas condidit. Non minis parvis, quam magnis rebus adest, & intimè præsens est. Adeoque minimarum etiam rerum curam gerit. Nam *ne unus quidem passerulus in terram cadit sine patre nostro, id est, sine ejus scitu atque permisso, Et etiam capitis nostri Capilli omnes numerati sunt,* ut docet Christus Matth. cap. 10. 29. 30.

XX. Nec ideo vilescit intellectus divinus, quod nec parvas & viles cognoscat: si cur & sol non inquinatur, propterea quod illius radii sæpe finem & stercores feriunt & collustrent.

XXI. Hominum quidem respectu melius est quædam nescire quam scire: & res est vituperabilis ingenique magno & excelsio indigna, si quis ad res parvas & viles adveniat. Verum hoc inde fit, quod intellectus humanus finitus cum sit, neque multorum capax, sufficere non potest omnibus cognoscendis. Ac propterea si rerum vilium atque minutarum cognitionem querat, illic nimium attendat, hoc ipso necesse est illum ea negligere, quæ sunt majoris momenti, & quæ ignoratæ illi noxiæ ac turpe est. At in Deo res aliter se habet. Nam intellectus divinus, propter suam infinitatem per notitiam rerum pusillarum non avertitur à rerum magnarum scientia, aut in ea aliqua ratione impeditur. Nec etiam metus est, ne dum res parvas & viles contemplantur, obliviscatur earum, quæ graves sunt atque momentosæ.

XXII. Adde quod Dei respectu nihil propriè magnum aut pretiosum dici potest. Nec enim ullius indiget, aut aliquem ex ulla re, qui ad ipsum redeat, fructum capere potest, cum sit omnium & sibi sufficiens. Nec etiam quidquam ad ejus magnitudinem accedit. Nam quæ sunt quantumlibet magna in infinitum, sua immensitate superat. Nec minis ab eo distant quæ maxima videntur nobis, quam quæ minima: cum inter Deum & creaturam cujusvis distantia sit infinita, quæ nulla major dari potest. Adeoque, si Deus nil nosse debet, quod non sit coram ipso magnum & momentosum, necesse est omnium scientiam ei adimere, quia omnia sunt ei tanquam nihilum, ut magnificis verbis docet Isaïas cap. 41. *Ece, inquit, gentes quasi strilla fulvæ, & quasi pulvis tenuis statere reputatæ sunt, ecce insule quasi pulvisculus exigui. Omnes Gentes quasi non sint se sunt coram eo, & quasi nihilum & inane reputatæ sunt ei.*

XXIII. Rursum verò alio respectu dici potest coram Deo nullam creaturam parvam & vilem esse. Nam vidit Deus quicquid fecit, & vilius est ei valde bonum, quam in minimis quoque ejus potentia, bonitas & sapientia elucet; imo maxime in illis animalculis, quæ calcamus & pro vilissimis habemus; in quibus Deo placitum est virtutum futurum edere specimina, & quasi miracula, quæ rite contemplantem in admirationem & stuporem dare possunt, & Dei gloriam non parum illustrare.

XXIV. Ut autem Divinæ omniscientiæ Scriptura nos certiores reddat, præcipue urget Deum videre atque intueri quæ sunt hominibus maxime occulta: quales sunt cordium cogitationes, & latentia in hominum animis consilia. *Infernus*, inquit sapiens, & *perditio coram Domino*, quanto magis corda filiorum bonitatem? Prov. 15. 11. Et hac cognitione Deus tanquam sibi propria sapius gloriatur, asserens se eum esse qui scrutatur renes & corda, ut præsertim videre est 17. cap. Jeremiæ, *Fraudulentum est*, inquit, *cor, præ omni re inerscrutabile; quis cognoscet illud? Ego Dominus scrutans cor & probans renes? quid unicuique ju-ta viam suam & ju-ta fructum operum suorum.* Quod agnoscens Solomon 2. Paral. 6. 30. hanc Deo gloriam tribuit, *Tu solus nosti corda filiorum hominum.*

XXV. Jam autem, si per discrimina temporum ire libet, & ex iis rerum genera distinguere, inde quoque manifestum erit, nullum rerum genus à Deo ignorari. Nec enim Deo nota sunt præsentia solum quantumvis occulta, sed præteritorum nihil eum fugit, & de longe quoque prospicit futura.

XXVI. Et certe præteritorum notitiam Deo tribuendam esse, vel inde patet quòd Deus in Scriptura multa pluribus ante sæculis præterita recenset, primamque rerum originem ab initio per Moysen repetit. Hoc quoque facit, quod Scriptura memoriam Deo tribuit, ut quomodo dicitur meminisse pacti vel juramenti sui. Etenim licet Deus idcirco præcipue dicatur meminisse rerum, quia earum rationem habet, aut propter eas aliquod operatur, hoc ipsum tamen supponit Deum illas probè novisse ac tenere. Nec aliò referendi sunt libri illi, in ea quæ sunt & contingunt Deus scribere dicitur, Psal. 56. 9. & Psal. 139. 19. Per hoc enim Scriptura innuit Deum oblivioni præterita non mandare, sed illa Deo tam certò & distinctè cognita manere, ac si ab eo scriptis mandata essent, & continuo lecta. Sed præcipue exactam rerum præteritarum cognitionem in Deo arguit universale illud judicium, in quo unicuique pro præteritis ejus factis, dictis & cogitatis, sive bonis sive malis olim redditurus est: juxta illa ultima Ecclesiæ verba, *Cuncta quæ sunt adducet Deus in judicium de omni abscondito sive bonum sive malum sit.*

XXVII. Futura verò Deum prænotoscere probant innumera rerum futurarum prædictiones per totum Sacra Scripturæ corpus sparsæ, & quibus præcipue Prophetarum libri sciant, ut liber Apocalypsis inter scripta Novi Testamenti. Ideoque scite dixit Tertullianus, *Dei præsentiam tot habere testes, quot Prophetas.* Atque hanc futurorum prænotionem Deus ut proprium sibi vindicat, eaque vult à falsis Gentium Diis discerni, & pro vero vivòque Deo solum agnoscere, quia videlicet, ipse solus futura annunciare possit, & recipia annunciet; ut sapius apud Isaiam videre est, præsertim cap. 41. ubi Deus per Prophetam sic fictitia Gentium numina alloquitur, *annunciate quæ ventura sunt in futurum, & sciemus quod Dii estis vos.*

XXVIII. Porro Deus novit non tantum ea quæ sunt, fuerunt, aut futura sunt, sed & quæcumque possunt esse, licet revera nunquam futura sint. Quum enim homines ipsi novitint multa esse possibilia, quæ nunquam tamen actu ponenda sunt, & in natura rerum exitura, quis rerum ejusmodi cognitionem Deo cum ratione adimat? Adde quod Deus propriam potentiam ignorare non potest: nec potest propriam potentiam posse, quin noverit ad quæ se extendat. Deus autem præter ea quæ fecit, aut facturus est, infinita facere & producere potest: adeoque necesse est, ut distinctè cognoscant infinita posse esse & fieri, quæ tamen nunquam futura sunt.

XXIX. Jam verò, sicut Deus optime novit quicquid est possibile, sic quoque non ignorat quid impossibile sit & fieri non possit. Novit se non posse mori, & seipsum abnegare; & impossibile esse, ut Deus mentiat, quod Deus ipse in verbo suo asserit. Et certe, quum homines ipsi certò & distinctè sciant hoc vel illud fieri non posse, quanto magis istud Deo tribuendum est. Cumque ad intellectum pertineat judicare quid fieri repugnet, & quid non, quid est hujusmodi quod intellectum divinum latere & fugere possit, quandoquidem quicquid est nullo modo intelligibile necessariò cadit sub intellectum infinitum.

XXX. Igitur conclusum esto, Deum perfectè & distinctè novisse omnia, quæ quomodoque fieri & intelligi possunt, singularia & universalia, maxima & minima, patentia & latentia, bona mala, præterita, præsentia & futura; denique, possibilia & impossibilia: quorum omnium quum aliquid mens humana percipiat, eorum nihil menti divinæ atque infinite potest non esse penitus cognitum & perceptum.

Theses

Theſes Theologicæ :

D E

CAUSA PRÆDESTINATIONIS.

I N

Quibus exponitur an detur in homine cauſa vel
ratio aliqua ſuæ Prædeſtinationis.

*Eaque de re proferitur Doctrina Scholæ Romanæ, &
eorum qui inter Proteſtantes ſingulari nomine Reſor-
mati dicuntur.*

Theſis Prima.



THESIBUS præcedentibus obſervavimus Prædeſtinationem in Schola Romana multis modis accipi. Et primo quidem nonnullos Prædeſtinationis vocem reſtringere ad decretum illud, quo Deus ab æterno abſolutè conſtituit gloriam cœleſtem certis hominibus conferre. Juxta alios vero, prædeſtinationem ſolum illud decretum complecti, quo Deus hominibus quibuſdam præparavit media ad gloriam cœleſtem infallibiliter aſſequendam conducibilia. Hodie vero apud pleroſque Scholæ Romanæ Theologos utrumque iſtud decretum ſub prædeſtinationis nomine comprehenditur. Et hoc ſenſu vox iſta in hac diſputatione communiter ſumitur.

II. Porro prædeſtinatio ſub hac nozione accepta, ſecundum Scholæ Romanæ Theologi tripliciter conſiderari poteſt. Et primo quidem ratione actus ipſius voluntatis divinæ, per quem Deus homines ad ſalutem deſtinat. Secundo, ratione effectuum illius actus, qui conferuntur homini in tempore, & qui omnes ad gratiam & gloriam revocantur. Denique ſecundum terminationem atque relationem, quam divina voluntas ab æterno habuit ad effectus illos futuros. Priori modo conſentitur omnes Scholæ Romanæ Doctores, abſque ulla hæſitatione, nullam cauſam divinæ prædeſtinationis ex parte hominis dari, vel cogitari poſſe, ut nec divinæ voluntatis, quæ cum ipſa ſit cauſa rerum omnium, nullam cauſam habere poteſt.

III. Verum hic quæſtio eſt de prædeſtinatione ſecundo & tertio modo conſiderata, nempe, ſecundum effectus quos Deus, ut prædeſtinans & eligens homines, in hominibus, aut circa homines operatur. Et etiam ſecundum reſpectum extrinſecum, quem Dei prædeſtinantis voluntas habet ad effectus illos, ad quos ab æterno liberè terminatur. Videlicet, quæritur, An ſit aliqua cauſa omnium effectuum prædeſtinationis in nobis, quæ effectibus illis non ſit annumeranda. Seu quod eodem redit, An Deus hoc & illos eligens atque prædeſtinans conſideraverit & præviderit in ipſis aliquid quod ſit ratio vel motum prædeſtinationis & electionis iſſorum, ad quod nimirum poſſint referri, tanquam ad cauſam

X. In eadem etiam sententia est Gabriel Vasquez, qui eam prolixè probat & tueretur tomo primo in primam Thomæ, Disputatione nonagesima prima. Ubi suam ea de re mentem his verbis explicat. *Catholica igitur sententia est, nullam causam, nullumve initium, seu occasionem ex parte prædestinati excogitari posse, ob quam Deus, aut in tempore gratiam suam ipsi donaverit, aut in præscientia dare decreverit. Primum autem doctrina hæc non solum intelligenda est de initio fidei, orationis, aut voluntatis consequendi salutem, vel de aliis operibus, quæ circa Deum aliquo modo versantur, qualia sunt religionis, verum etiam de quovis opera moralis virtutis, quod in ipsam solum bonum honestum referatur: Ut nullo modo aliquod huiusmodi esse possit occasio, aut initium donationis, aut prædestinationis gratiæ. Præterea non solum excludimus initium, quod sit meritum condignum, sed etiam meritum congruum, seu impetratorium, aut dispositionem: denique quamlibet causam & occasionem, ob quam Deus huic, potius quam alteri, gratiam donaverit, aut donare præfuerit: ita ut tota ratio preparandi huic potius gratiam, quam illi, fuerit beneplacitum divine voluntatis, nihil autem, vel minimum, ex parte prædestinati.* Disputationis jam dictæ capite undecimo.

XI. Idem quoque docet Petrus à Sancto Joseph in Idea Theologiæ speculativæ. Ubi libro primo, capite decimo nono, hæc est illius Resolutio quarta. *Ex parte prædestinati non datur causa prædestinationis ad primam gratiam.* Quod probat ex illo Pauli, *Quis te discernis?* Unde colligit hominem non esse causam illius discriminis, quo prædestinatus distinguitur à non prædestinato, sed meram misericordiam Dei tale discrimen inter Utrumque constituentis: quod falsum esset, si homo naturaliter Deo præberet motivum, seu rationem cum prædestinandi præ alio, ad gratiæ auxilia quibus salus comparatur. Atque eandem sententiam inter recentiores tenent Dominicus Bannes, Estius, Putcanus, Eustachius à Sancto Paulo, & alii plurimi, quorum singulorum testimonia referre tediousum nimis & superfluum esset.

XII. Quin hæc est ipsius Molinæ sententia. Affirmat enim prædestinationis, quoad integrum effectum, non dari causam ex parte prædestinati. Et hoc probat quia quicquid est in homine, quo in vitam æternam dirigatur, comprehenditur in integro effectum prædestinationis, etiam ipsa preparatio ad gratiam, quæ non fit nisi per auxilium particulare Dei. Ergo nulla ratione fieri potest, ut integri effectus prædestinationis aliqua causa ex parte nostri reperitur. Prædestinatio igitur hoc modo spectata ex parte effectus habet pro ratione divinam voluntatem, ad quam totus effectus prædestinationis ordinatur ut in finem, & ex qua, sicut ex principio movente, procedit. Unde est quod postea assentitur Thomæ dicenti, ex parte hominum prædestinationem & reproborum nullam esse causam, sive rationem, quare quidem eorum sint a Deo prædestinati, alii vero reprobi: sed rationem sumendam, reddendamque esse ex parte Dei. Quæst. 23. art. 5. & 6. Disput. 1. Memb. 6.

XIII. Porro quamvis Doctores Ecclesiæ Romanæ communiter censcant omnes effectus prædestinationis simul & collectivè sumptos, nullam omnino causam in homine habere, nec ex ullo hominis merito, vel opere pendere, sed ex Dei quadam voluntate omnino gratuita & absoluta homini conferri, adeoque nullam ex parte hominis dari, vel reperiri causam divinæ prædestinationis ad omnes suos effectus relatæ, est tamen communis eorum sententia unum effectum prædestinationis esse non tantum rationem, sed verè causam alterius effectus ejusdem prædestinationis: & sic unum effectum esse posse rationem, & causam, saltem improprie dictam, prædestinationis, prout refertur ad aliud effectum. Quo posito quaerunt, An prædestinatio seu electio hominis ad gloriam, prout consideratur distinctè à decreto de conferenda homini gratia, habeat aliquam in homine causam, & facta sit ex fide & meritis prævisis, An vero sit omnino gratuita & absoluta, & secundum nostrum concipiendi modum, debeat censeri facta antè prævisionem fidei & bonorum operum, adeoque nullam ex parte hominis rationem vel causam habere.

XIV. Super qua re viriæ sunt in Ecclesiâ Romana Doctorum sententiæ. Quamvis enim in eo conveniant, quod gloria detur homini ex meritis, quodque Deus gloriam ex meritis dare homini decreverit, eorum tamen multi, & quidem Doctissimi atque celeberrimi, docent electionem hominis ad gloriam omnimodo gratuitam esse, & pendere à solo Dei beneplacito. Nempe volunt Deum ab æterno certis hominibus gloriam coelestem gratuito destinasse atque preparavisse, sed tamen voluisse ut per merita ad illam pervenirent, & propterea decrevisse illis dare gratiam, qua possunt gloriam ipsis destinatam mereri: ita ut donatio gloriæ cadat sub meritum, nec omnino gratuita sit; decretum vero de gloria donanda sub meritum non cadit, sed sit simpliciter & absolute gratuitum.

XV. Hæc est inter alia sententia Bellarmini. Nam libro secundo de Gratia & libero arbitrio cap. 13. Respondens ad quintum testimonium, *Alia, inquit, ratio est prædestina-*

nationis, alia executionis. Constituit enim Deus in prædestinatione, regnum cælorum dare certis hominibus quos absque ulla operum prævisione dilexit, tamen simul constituit, ut quoad executionem, via pervenienda ad regnum, essent bona opera. Itaque illa propositio, Deus ab æterno prædestinavit hominibus dare regnum per opera bona prævisa, potest & vera esse & falsa. Nam si illud, per opera prævisa, refertur ad verbum, prædestinavit, falsa erit: significabit enim Deum prædestinasse homines, quia opera illorum bona præviderat: si refertur ad verbum, dare, vera erit: quia significabit executionem futuram esse per opera bona, sive, quod idem est, glorificationem effectum esse justificationis, & operum bonorum, sicut ipsa justificationis effectus est vocativus, & vocatio prædestinationis.

XVI. Capite vero decimo quinto ejusdem libri ex professo probat, ut patet ex ipso titulo capitis, Non solum ad gratiam efficacem, sed etiam ad gloriam, gratis homines eligi. Ex capitis initio eos sibi refutandos proponit qui distinguunt prædestinationem ab electione, & prædestinationem quidem præparari certis hominibus infallibilia media ad salutem; electionem vero præparari ad gloriam. Denique prædestinationem esse planè gratuitam, electionem autem à bonorum operum prævisione pendere.

XVII. Bellarminus hac in parte assequitur Petrus à Sancto Joseph cujus hæc est Resolutio. Probabilior est sententia quæ docet, electionem efficacem ad gloriam factam esse antecedenter à l'absolutam prævisionem meritorum, adeoque esse mere gratuitam. In idea Theologiae speculativa lib. 1. cap. 20. Resolutione 1.

XVIII. Denique idem ea de re docent Eustachius à Sancto Paulo, Dominicus Bannes, Gulielmus Estius, & alii qui dicuntur Thomistæ recentiores, omnium vero maxime Janenius & ejus Discipuli, qui acriter tuerentur prædestinationem & electionem hominis ad gloriam, & æternam beatitudinem, non minus gratuitam esse, & secundum nostrum concipiendi modum, prævisionem bonorum operum in Deo præcedere, quam prædestinationem hominis ad gratiam.

XIX. Fundamentum autem eorum est quod gloria finis est, merita verò hominis medium ad finem illum consequendum: prior est autem intentio finis electione meritorum. Unde sequitur destinationem hominis ad gloriam, quæ Deus finem intendit, præcedere decretum de conferendis per gratiam meritis, ut mediis ad finem illum necessariis: ac proinde prævisionem meritorum hominis sequi electionem illius ad gloriam, siquæ sic non potest niti illa prævisione, conditione vel causa.

XX. Plurimi tamen Scholæ Romanæ Theologi in ea sunt sententia, non tantum in tempore gloriam dari ex meritis, sed æternam ipsam prædestinationem, seu electionem hominis ad gloriam: factam esse ex prævisis meritis: ita ut, juxta ipsos, ipsum illud decretum quo Deus ab æterno quibusdam hominibus gloriam destinavit, non sit simpliciter & merè gratuitum, sed factum sit non solum post prævisa hominis merita, verum etiam propter illa prævisa.

XXI. Hac est sententia Martini Becani, qui postquam dixit multos ex Scholasticis sentire prædestinationem, seu efficacem electionem ad gloriam factam esse ex prævisis meritis, sequentia verba subiungit. Porro hæc sententia, quæ multo probabilior est, potest duobus modis explicari. Primo de præsentia conditionata, ut sensus sit Deus, antequam efficaciter eligeret aliquos ad gloriam, prævisis per scientiam conditionatam, quinam bene usuri essent gratia Dei; scilicet daretur. Secundo de præsentia absoluta, hoc sensu: Deus absolute prævisis aliquos bene operaturos; antequam illos efficaciter eligeret ad gloriam. Rursum utrumque dupliciter intelligi potest. Primo, Deus efficaciter elegit aliquos ad gloriam ex prævisis meritis, id est, post prævisa merita. Secundo, ex prævisis meritis, id est, propter prævisa merita. Nos dicimus omnibus modis veram esse hanc sententiam. In summa Theol. tom. 1 cap. 14. q. 2. sect. 3.

XXII. Hac in parte vero Becanus, ut in multis aliis, sequitur Gabrielem Vasquez qui tom. primo in primam Thomæ, disputatione 89. hæc duo constituit & multis probare contendit. Prius est, Nullam electionem efficacem ad gloriam ex sola Dei voluntate fuisse, antequam merita præviderentur ex gratia, sed quemlibet ad gloriam electum fuisse ex meritis prævisis, quæ Dei gratia facturus erat. Posterius est, ante merita gratiæ prævisa, nullam peculiarem affectionem dandi gloriam Deum habuisse erga prædestinatos, sed circa omnes etiam reprobos habuisse communem voluntatem simplicem, vel antecedentem, quæ omnibus vitam æternam, tanquam bravium, & præmium commune æque proposuit, & desideravit: cap. 2. In eadem autem cum Vasquez, & cum Becano sententia, sunt alii plurimi, quos Becanus nominat loco supra citato, ut Pighius, Molina, Lessius, Ruardus, Driedo, Eckius, Turriamius, Stapluttonus, Gregorius de Valentia. Et à Veteribus, Alensis, Bonaventura, Aleertus Magnus, Thomas Argentinensis, Henricus Gandavensis, Okam Gabriel, Joannes

nes Major : Quos omnes idem in hac questione secum seire affirmat jam dictus Martinus Becanus.

XXIII. Quod spectat autem Scholæ Reformate Doctores omnes unanimi consensu statuunt prædestinationem ad gratiam & gloriam simul & collectivè sumptas, nullam in homine causam, conditionem, vel rationem reperiri posse, sed illam esse merè & absolutè gratuitam, & à sola Dei libera voluntate pendere. Deum enim dum hos & illos præ aliis elegit; & ad gratiam & salutem ordinavit, nihil in iis spectasse quo illo modo moveri poterit ad illos tanta benevolentia & favore præ aliis prosequendos; nec ullam huius rei rationem asserri posse, præter unicum ejus beneplacitum.

XXIV. Quod si quis seorsim considerare velit electionem ad gloriam, illamque distinguere à decreto conferendi varia gratiarum dona, ad cœlestis illius gloriæ affectuionem necessaria, longè plurimi quoque ex Theologis Reformatis asserunt illam minime conditionatam, sed merè gratuitam & absolutam esse: Deumque ad gloriam absoluto decreto certos homines elegisse, priusquam in iis prævideret ullos futuros bonos motus, ullumque vel bonum opus, vel fidei initium. Quoniam Deus non potuit quicquam tale in iis prævidere antequam decrevisset illis dare gratiam ad omne bonum opus, omnemque fidei actum planè necessariam. Quod decretum, juxta nostrum concipiendi modum posterius esse censet electione ad gloriam, aut saltem non ea prius, sed cum ea coherens; & ejus si non subordinatum, saltem coordinatum.

XXV. Atamen nonnulli sunt, qui secundum nostrum concipiendi modum, decretum de danda gloria posterius esse volunt electione ad fidem & gratiam efficacem, adeoque statuunt Deum ratione prius prævidere hominis fidem & bona opera, quam illum ad gloriam cœlestem prædestinet. Unde sequitur prædestinationem ad vitam & gloriam æternam esse ex fide, tanquam conditione ab æternò à Deo prævisa in eo qui eligitur.

XXVI. Quæ est Pauli Testardi sententia in Irenico, Thesi 289. Nemo, inquit, certe negaverit electionem ad justificationem & glorificationem, si distinctè consideretur esse ex fide prævisa, earumque objectum esse hominem credentem, quatenus credentem. Nam quales justificat & glorificat Deus in tempore, tales decrevit justificare & glorificare ab æternò. Et quod est causa subordinata & conditio justificationis & glorificationis in tempore, illud est causa subordinata, & conditio justificationis in decreto ab æternò: quandoquidem executio decreti Optime respondet.

XXVII. Et his quoque consentanea docet Ludovicus Capellus thesibus de Electione & Reprobatione, quæ insertæ sunt Systemati Theium Salmurienis. Ibi enim Thesi trigesima & trigesima prima hæc sunt illi, verba. Decretum de danda fide prius est, non quidem tempore, omnia enim Dei decreta in eo simul ab æternò sunt, sed rei natura decreto de justificando & sanctificando, adeoque & de glorificando eo qui credit, & ab illis est distinguendum. Nam ut aliud est credere, aliud justificari, aliud sanctificari, aliud glorificari, sic etiam aliud est Dei decretum (non constituit homini dare fidem, aliud quo credentem justificare, sanctificare, & tandem glorificare sibi proposuit, pro nostro, inquam, concipiendi modo. Neque per decretum de glorificando sit prima inter homines separatio, sed per decretum de danda fide, quia reapse per veram fidem, & actum ipsam, homines ab invicem primo separantur, qui consueque pares fuerant. Neque Deus primum decernit hominem absolute glorificare, deinde fidem illi dare, sed contra fidem dare, deinde glorificare decernit. Quia quemadmodum nonnisi credentem actum glorificat, sic nec nisi credentem decrevit glorificare.

XXVIII. Caterum ex dictis apparet circa causam electionis & prædestinationis, prout suos omnes effectus respiciunt, nullam esse controversiam inter Doctores Reformatos, & pleròque Doctores Ecclesiæ Romanæ. Utroque enim in eo consentire, quod omnes effectus prædestinationis, simul & collectivè sumpti, nullam omnino causam in homine habeant, sed ad solam Dei gratiam atque benignitatem in solidum referendi sint. Unde sequitur nullam rationem ex parte hominis, reddi posse, cur hic potius, quam ille, ad gloriam & varia gratiarum auxilia ab æternò fuerit à Deo prædestinatus, sed id totum referendum esse ad merum & unicum Dei beneplacitum, quod à nulla conditione ex parte hominis pendere censendum est. Quod si quæ restat ea de re quaestio, illa est tantum cum nonnullis venustioris Scholæ Theologis, & paucis quibuldam forte Neotericis, reclamante communi hodiernæ Scholæ sententia.

XXIX. An vero electio ad vitam æternam & gloriam cœlestem separatim considerata, & distinctè à decreto conferendi gratiam, sit ex prævisa fide, & prævisis operibus, dubitatur, ut patet ex antedictis, tam in Schola Reformata, quam in Schola Romana. In illa enim, ut in ista, reperitur nonnulli qui sentiunt, electionem ad fidem vivam & operosam, secundum nostrum concipiendi modum, præcedere absolutam electionem ad glori-

am, & rationem aliquam reddi posse cur hic potius, quam ille, sit ad vitam & gloriam æternam prædestinatus. Nempe quia Deus ab æterno prævidit hunc gratiæ beneficio in Christum crediturum, & acturum poenitentiam, ac in fide perieveraturum, nihil tale verò de altero prævidit.

XXX. Verum in Schola Romana communior & vulgatio est sententia quæ suspendit decretum electionis ad gloriam æternam, ex prævia conditione fidei & operum, quam in Schola Reformatâ. Et in hac pauci sunt admodum præ aliis, qui volunt prævisionem fidei vivæ & per dilectionem operantis, in Deo, secundum nostrum concipiendi modum, præcedere efficacem electionem quorundam ad gloriam: cum idem in Schola Romana tueantur & doceant plurimi.

XXXI. Porro prior illa quæstio de causâ prædestinationis secundum omnes suos effectus consideratæ, an scilicet, detur ex parte hominis, non est parvi momenti, & spectat ad fundamenta fidei Christianæ. Nec enim assumari potest dari causam ex parte hominis omnium effectuum prædestinationis, quatenus tam ad auxilia gratiæ, quam ad gloriam cœlestem refertur, quin incidatur in Pelagianismum, & negetur salutem hominis esse gratuitam, & ex sola Dei misericordia & benignitate in solidum pendere, non ex ullis operibus nostris, quod tam clare & constanter affirmat Evangelium: adeoque quin doceatur gratiam dari ex meritis, & hominem per naturæ vires incipere seipsum ab alio discernere, & ad gratiam salutarem, aliquo saltem modo, præparare atque disponere, quod tanquam Pelagianum, & Christianæ gratiæ adversum, pia antiquitas horruit & damnavit.

XXXII. Secus verò videtur de altera illa quæstione, An scilicet, Electio ad gloriam æternam, prout ab Electione ad gratiam distinguitur, sit ex prævia fide & operibus: hoc est, An natura, vel ratione prius Deus prævideat hominem in Christum crediturum, illumque fide viva & per dilectionem efficaci amplexurum, quam absolute decernat illi conferre vitam & gloriam æternam? Modo consistet homines ad gratiam salutarem omnino gratis eligi, nec quicquam in iis esse quo Deus provocetur, ad gratiæ istius auxilia ipsius, potius quam aliis destinanda atque largienda. Ac præterea Deum unico & simplici voluntatis suæ actu, ab æterno simul & semel decreville, quacunque unquam decrevit, & in tempore exequitur. Nec revera in Deo esse plura decreta, sibi succedentia, aut ab invicem realiter distincta, tanquam distinctos, & seorsim ac separatim elicitos, divinæ mentis & voluntatis actus.

XXXIII. Si enim ista, de quibus jam convenit, inter Scholam Romanam & Scholam Reformatam, agnita & concessa fuerint, quod superest controversiæ, non erit de re ipsa, qualiter res, scilicet, in Deo se habeat, sed solum de Methodo aliquos mentis nostræ conceptus digerendi. Nempe omnes jam in eo consentiunt, decretum de danda gloria, & decretum de gratia conferenda, non esse duo decreta realiter in Deo distincta, & inter quæ possit esse realis aliquis ordo prioris & posterioris; sed Deum unico voluntatis actu duo ista constituisse. Verum mens nostra non valens, propter suam imbecillitatem, uno conceptu exhaustire, & simul complecti omnes illos respectus, quos unicus actus voluntatis Divinæ ad varia objecta habet, cogit illam seorsim concipere, prout modo hoc objectum, modo illud respicit, & sic illam diversè nominat, & modo unius decreti, modo alterius nomen illi imponit. Et postea inter varios illos conceptus, quos unius, & nunc alterius decreti nominibus insignit, excogitat aliquem ordinem, quo convenienter inter se disponantur, qui ordo propemodum arbitrarius videtur: Et citra culpam & reprehensionem diversè assignari potest: dum alii nimirum conceptus suos de decretis divinis, secundum ipsam rerum executionem, digerunt, alii verò, si quæ sit relatio mediorum & finis, inter res à Deo decretas, malunt ordinem intentionis sequi, & tanquam prius concipere decretum de re quæ finis est, ut posterius autem illud quod se habet tanquam medium ad illam.

XXXIV. Itaq; non video quid mali, vel periculi sit, si quis decretum de gloria alicui donanda concipiat ut prius decreto de conferendis gratiæ auxiliis, quia gloria se habet ut finis, gratiæ vero auxilia, ut media quæ ad finem illum consequendum necessaria sunt; aut contra, si quis concipiat decretum de præbendis gratiæ auxiliis, ut prius decreto de conferenda gloria, quia re ipsa Deus prius gratiam communicat, & postea gloriam, & ita secundum ordinem causæ efficientis, gratia gloriam præcedit: quamvis prior ille ordo, ut in Scholis Reformatis longè magis receptus est, ita nobis etiam videtur convenienter. Etenim sapientis est finem aliquem intendere, postea verò apud se statuere de mediis quæ ad finem illum obtinendum conducunt. Forte tamen consultius esset quæstiones ejusmodi, quæ nihil ad fructum pietatis faciunt, & nihilominus sæpe gravissimas contentiones excitant, nec movere, nec determinare.

Theses

Theses Theologicæ :

DE

Æterna Hominum

ELECTIONE

ET

PRÆDESTINATIONE.

IN

Qua Exponitur quis sit vocum illarum usus in Ecclesiæ Romanæ & Protestantium Scholis ; tum quomodo in Scholis iisdem varie assignentur Prædestinationis effectus & objectum.

Thesis Prima.



O X Prædestinationis in Schola Romana variè usurpatur. Nam juxta quosdam illius Doctores Prædestinatio solum illud decretum coniecitur, quo Deus ab æterno absolute constituit gloriam cœlestem certis hominibus conferre. Alii vero prædestinatio restringitur potius ad decretum conferendi certis hominibus media ad gloriam cœlestem infallibiliter assequendam conducibilia. Alii denique utrumque decretum ad prædestinationem pertinere contendunt. Ut observat Eustachius à Sancto Paulo in *Summa Theologia, de Prædestinatione, questione* 3.

II. Acceptio prima rarior est. Sic tamen sumere videntur nomen prædestinationis nonnulli veteres Scholastici, ut Gabriel Biel, & Okam, quibus prædestinatio nil aliud esse videtur, quam æternum Dei consilium quo decrevit quibusdam hominibus dare gloriam. Ut patet ex iis quæ refert Gregorius de Valentia, *Tom. 1. Dist. 1. quest. 23. quæ est de prædestinatione, puncto 3.*

III. Scholasticorum vero maxima pars prædestinationem sumit secundo modo, nempe pro gratiæ preparatione, ut ab electione ad gloriam distinguitur. Sicuti videre est apud Martinum Becanum, in *Summa Theologia, tom. 1. cap. 14. quest. 2. conclus. 1.*

IV. Multi tamen ex Doctoribus Ecclesiæ Rom. sic definiunt prædestinationem, ut non tantum gratiæ, sed etiam gloriæ preparatio ad ipsam pertineat. Illis enim prædestinatio est æternum decretum, seu propositum Dei, quo Deus homines quosdam ordinat ac dirigit in beatitudinem supernaturalem, per media supernaturalia reipsa consequendam. In qua sententia sunt memoratus ille Eustachius à Sancto Paulo, Petrus à Sancto Joseph, Gregorius de Valentia, Estius, & alii plurimi.

V. Janſenius vero & ejus discipuli, Augustinum hac in parte sequentes, prædestinatio-

nem sumunt sensu adhuc generali. Nam putant Dei prædestinationem respicere non solum bonum, sed etiam malum, non quidem culpa, sed pena. Adeoque reprobos non minus dici posse ad æterna supplicia à Deo prædestinatos esse, quam electos ad gloriam & beatitudinem. Unde est quod duplicem faciunt prædestinationem, unam ad vitam, & alteram ad mortem. Ut videre est apud Jansenium *De gratia Christi Salvatoris*, lib. 9. cap. 3.

VI. Electio similiter à multis Scholasticis restringitur ad decretum quo Deus hominibus quibuscumque decrevit dare gloriam, præ aliis. Et sic distinguitur à prædestinatione, quæ juxta ipsos, est decretum de conferendis mediis ad gloriam. Ut observat Alphonsus Mendoza Professor Salmanticensis in quaestione Scholastica de prædestinatione, Sectione secunda. Alii verò permulti electionem, sicut prædestinationem, modò minus ad gratiam, quam ad gloriam referunt, & volunt illam complecti decretum de danda Gratia, non secus ac decretum de conferenda gloria.

VII. Ut autem prædestinatio in Schola Romana à variis variè accipitur & definitur, sic non omnes eodem modo effectus illius assignant. Quæ enim prædestinationis nomine intelligunt solum illud decretum, quo Deus ab æterno certis hominibus gloriam cœlestem preparavit, non alium assignant ejus effectum quam gloriæ istius communicationem: neque volunt dona gratiæ inter prædestinationis effectus numerari. Quia in sententia sunt Guilielmus Okam, & Gabriel Biel, referente Greg. de Valentia. *Tom. 1. quest. 23. punct. 3.*

VIII. Alii vero contra petunt sola media ad æternam beatitudinem esse effectus prædestinationis, minime autem ipsam beatitudinis assecutionem. Et hoc quia nomen prædestinationis restringunt ad decretum de gratia communicanda, nec eo comprehendendi volunt decretum de danda gloria. Quæ est opinio Durandi, teste eodem Gregorio de Valentia loco modo citato.

IX. Hodie verò Doctores Ecclesiæ Romanæ communior sententia est, effectus prædestinationis esse, tum ipsam beatitudinem supernaturalem, tum media illa particularia, quibus unusquisque prædestinatus supernaturaliter adipiscitur beatitudinem. Adeoque tres effectus prædestinationis generales numerant, qui notantur ab Apostolo Rom. 8. *Vocationem*, scilicet, *justificationem*, & *glorificationem*. Nempe, prædestinationis nomine intelligunt, tum decretum de conferenda certis quibuscumque hominibus cœlesti beatitudine, tum decretum de mediis quibus ad fruitionem beatitudinis illius deducuntur.

X. Sed sunt nonnulli Scholæ Romanæ Theologi qui longè plura numerant inter prædestinationis effectus: atque inter alia permissionem peccatorum illorum in quæ incidunt electi, adeoque ipsius primi peccati permissionem. Imo ad prædestinationis effectus referunt ipsam creationem & conservationem eorum qui prædestinantur. Quod facit imprimis Estius in 1. *Sentent. Dist. 40. paragr. 7.*

XI. Quin ulterius procedit Alphonsus Mendoza Augustinianus Professor Salmanticensis jam supra memoratus. Nam ex professo tueri primum omnium actum divinorum fuisse prædestinationem, ex qua secuta sunt cætera omnia decreta de condendo mundo, de creandis hominibus, de permittendo peccato, &c. Itaque totius hujus universi creationem & conservationem, imò ipsam Dæmonum & impiorum reprobationem, & justam damnationem, vult numeranda esse inter effecta prædestinationis Christi & electorum. Ac ut verbo dicam, petendit nihil omnino à Deo in quocunque genere vel parvum, vel magnum fieri, vel permitti, quod non sit effectus prædestinationis, & medium ad illam exequendam ordinatum.

XII. Nam in Controversiis Theologicis, jam citata prima quaestione Scholastica de Prædestinatione, Sectione sexta, hæc est ejus secundo conclusio. *Nullus futuri præscientia presupponit in mente Dei ad prædestinationem, sed omnia ex ipsa sequuntur: atque adeo nihil prius ab æterno decrevit Deus facere, vel in tempore facit, nihil permittit, sive intendit, sive naturale, sive supernaturale, sive sit res magni ponderis, sive minimi, & sive nullius, quod non proveniat, sitque effectus, & medium prædestinationis, electorum & Christi. Atque adeo omnia cadunt sub ordine divine prædestinationis, tanquam media ad Christi & sanctorum gloriam ordinata.*

XIII. Unde est hæc ejus tertia conclusio. *Non est aliqua alia providentia in Deo antecedens prædestinationem, ex qua scilicet, providentia proveniant res naturales, & quidam alii effectus supernaturales: sed unica est dumtaxat providentia, ipsaque est prædestinatio, ex qua omnia in universum, nullo propterea excepto habent sequi. Atque adeo juxta hanc conclusionem, totum universum, ut complectitur naturalia, & supernaturalia, bona, & mala, substantiæ*

substantiæ, & accidentiæ, & omnes in universum motos essendi, & operandi, non solum in generali, sed in specie, & individuo, sunt consideranda tanquam unicum obiectum totale divinæ prædestinationis: ita ut nihil omnino sit quod subterfugiat illius obiecti latitudinem, & quod, non cadat sub actû illo prædestinationis.

XV. Ex eo vero licet colligere sub quo respectu duo illi Doctores hominem obijci putent Deo prædestinanti, nempe non ut lapsum neque ut conditum in divina prædeterminatione, sed potius simpliciter ut possibilem, live creabilem. Nam cum permillio lapsus primi hominis, imò & ipsius hominis creatio, ab iis recensetur inter effectus prædestinationis, necesse est ut, ex eorum mente, prævisio lapsus & creationis non præcesserit in Deo, juxta nostrum intelligendi modum, decretum prædestinationis, sed potius illud secuta sit; & sic Deus homines prædestinans illos ut lapsos & conditos considerate non potuit, sed solum ut à se creabiles. Quod cum Mendoza agnoscit Estius. *Non ita nominamus, inquit, prædestinationem hominis lapsi, quasi prævisio lapsus primi hominis, atque in eo totius humani generis, præcesserit in Deo, secundum modum intelligentiæ nostræ prædestinationem aliquorum ex toto hominum genere ad vitam æternam.* Citata Distinctione quadragesima libri primi sententiarum, paragrapho 6.

XVI. Idem autem secum hac in parte sensisse non paucos, ex Scholasticis, tam veteribus, quam recentioribus ostendit Alphonsus Mendoza, jam dicta questione, Sectione quarta. Ubi pro se citat Jacobum Naclantum Episcopum Clugensem, Albertum Pighium, Petrum Gafatinum, Ambrosium Catharinum, & quem ceteris omnibus præfert, Joannem Scotum, cujus citat multa verba, ex quibus patet, juxta Doctorem illum subtilem, Deum electos prædestinasse, & bona gratiæ ipsis voluisse, priusquam vellet hunc mundum sensibilem, quem Deus ab æterno voluit in ordine ad hominem prædestinatum, propter quem totam naturam visibilem creare constituit.

XVII. Sed communior Scholæ Romanæ sententia est, quum Deus certos homines ab æterno prædestinavit, illum eos considerasse ut in Adamo lapsos, & peccato corruptos, Nam communiter ceniunt illius Theologi decretum illud quo Deus quosdam ex hominibus ad salutem prædestinavit, secundum nostrum concipiendi modum posterius esse prævisiõe lapsus primi hominis, & inde consequentis peccati originalis, quo totum genus humanum infectum est.

XVIII. Quod spectat autem illos qui inter Protestantes singulari nomine Reformati dicuntur, eorum plurimi voce prædestinationis significant totam illam providentiæ divinæ partem, qua Deus apud se ante mundum conditum decrevit & statuit ea quæ singulorum hominum, vel æternam salutem, vel interitum & exitium spectant. Ac proinde æternam Dei prædestinationem distinguunt, in eam quæ est ad vitam & salutem, & in eam quæ est ad mortem & exitium. Et prior illa est quæ communiter Electio; posterior quæ Reprobatio in Scholis appellatur. Sic utuntur voce prædestinationis Zanchius, Beza, Ursinus, Perkinsus, Polanus, Bucanus, & alii complures, ac ipsa quoque Synodus Dordracena.

XIX. Non pauci tamen Doctores Reformati prædestinationis vocem, juxta scripturæ usum, in bonam partem tantum sumendam esse putant. Ac proinde per prædestinationem designant illos solos divinæ mentis & voluntatis actus, quibus Deus de certis hominibus ad vitam & gloriam cælestem perducendis, & mediis quæ ad hunc finem assequendum necessaria sunt illis subministrandis, immutabiliter apud se constituit. Nec enim restringunt prædestinationem ad solam gratiæ præparationem, quemadmodum multi Scholastici; sed tam decretum de fine, quam decretum de mediis, id est, tam decretum de danda certis hominibus gloria, quam decretum de gratia illis communicanda, prædestinationis nomine complexuntur.

XX. Et eodem quoque sensu vocem Electionis usurpant. Siquidem per Electionem intelligunt decretum, quo Deus ab æterno quosdam homines ab aliis selegit, ut illos in hac vitâ gratiæ Christi participes redderet, in altera vero gloria coronaret: adeo & electio & prædestinatio pro Synonymis ab ipsis habeantur.

XXI. At tamen nonnulli videntur per electionem propriè designare decretum de certis quibusdam hominibus efficaciter ad Christum vocandis & fide vera vivaque donandis. Ut electio, juxta ipsos, potius gratiæ communicationem, quam donationem gloriæ respiciat. Sic electionis vocem communiter usurpant Testardus in Irenico, Ludovicus Capellus Theobaldus de Electione & Reprobatione, & Moses Amyraldus passim, alique qui cum illis Cameronius Methodum & doctrinam sequuntur.

XXII. Non parum quoque variant in Schola Reformata Theologorum sententiæ, circa questionem illam sub qua ratione & quomodo homo sit obiectum divinæ prædestinationis.

Primo

Primo enim nonnulli in assignando objecto prædestinationis atque electionis, supra lapsum hominis, in eo supra ipsam hominis creationem ascendunt. Et enim decretum prædestinationis certorum quorundam hominum ad salutem in Deo, secundum nostrum concipiendi modum, prius fuisse volunt, non solum pravisione lapsus hominis in peccatum, sed ipso quoque decreto de homine creando. Ac proinde objectum prædestinationis ipsis est homo non conditus & lapsus in Dei præsentia: sed potius homo creabilis. Unde est quod ab aliis Theologis *supralapsarii* vocantur. Quo de numero sunt Zanchius, Beza, Piscator, Perkinsus, Ursinus, Gomarus, Polanus, Voetius, Twissus, & alii non pauci.

XXIII. Veruntamen maxima pars Doctorum Scholæ Reformate Deo prædestinanti objectam fuisse volunt massam peccato corruptam, nec decretum de homine creando & de primo lapsu hominis permittendo ingredi volunt decretum totale prædestinationis & partem illius facere. Sed ex eorum sententia in Deo, secundum nostrum concipiendi modum, prius exitit lapsus hominis prævisio, quam decretum de misericordia in salutem quorundam hominum exerenda, atque manifestanda: quod à Theologis vocatur electio, seu prædestinatio. Ac proinde, juxta ipsos, objectum electionis & prædestinationis est homo lapsus & peccato corruptus: neque in eo describendo atque definiendo supra hominis lapsum & creationem assurgere debemus. Atque hæc sententia maximè conformis est Canonibus Synodi Dordracenæ, illamque sequuntur longè plurimi Reformatorum, quorum nomina recensere & prolixum nimis & superfluum foret.

XXIV. Sed inter Reformatos reperiuntur nonnulli qui electionis objectum constituent hominem non lapsum simpliciter & peccato corruptum, sed præterea jam ad gratiæ Christi participationem & communionem vocatum externa prædicatione. Nec enim decretum de Christo Redemptore mittendo, & de gratia ejus per verbi prædicationem hominibus offerenda, volunt facere partem decreti prædestinationis, & subordinari decreto de his & illis hominibus æterna salute donandis. Quin potius statuunt, secundum nostrum concipiendi modum, Deum prius decrevisse Christum in mundum mittere, quam certos quosdam homines ad vitam & salutem per veram in Christum fidem efficaciter perduceret.

XXV. Hæc fuit sententia Georgii Sohnii olim Theologiæ in Heidelbergensi Academia Professoris. Nam operum tomo secundo, sic definit hominum prædestinationem, *Decretum Dei quo ipse homines universos a se præscitos ut corruptos, & per Evangelium ad Christum vocatos ad vitam, vel mortem æternam ab æterno præordinavit, ad declarandam in æternum gloriam suam.* Hanc vero definitionem explicans ista addit, *Prædestinatio illa facta est secundum præscientiam Dei, id est, a se præscitos homines, atque a se ut peccato corruptos, & per Evangelium de Christo vocatos, Deus præordinavit.* Nam ab æterno eos prædestinans consideravit, non simpliciter ut homines a se condendos, sed ut homines in peccatum lapsuros, & per Christum iterum in Evangelio vocandos. Quibus postea subjungit, *Itaque objectum, seu materia prædestinationis est genus humanum lapsum, & per Evangelium iterum vocatum.* Nam vocatio hic est universalis. In exegesi præcipuorum articulorum Confessionis Augustanæ, tractatu de æterna prædestinatione pag. 1000. Quam Sohnii sententiam probat & sequitur Testardus libro de natura & gratia, capite de voluntate & decreto gratiæ, sectione nona. Et ad hanc quoque necesse est accedere omnes illos qui in doctrina de hominum Redemptione atque electione, Cameronis Methodum & Doctrinam sequuntur, siquidem propriis placitis stare velint.

XXVI. Ut autem varii variè sentiunt de Prædestinationis & Electionis Objecto, sic quoque de effectibus prædestinationis atque electionis illos diversâ sentire necesse est. Nam qui consentiunt objectum prædestinationis esse hominem non conditum & lapsum, sed simpliciter hominem creabilem, & à Deo producibilem, inter media quibus Deus finem in prædestinatione intentum assequitur, ponunt creationem & lapsum permissionem. Adeoque creatio & lapsus permissio sunt ipsis effectus prædestinationis, in his quidem ad vitam, in aliis vero ad mortem & interitum. Prout videre licet apud Bezam, Perkinsum, Bucanum, Polanum, & alios ejusdem sententiæ.

XXVII. Illi vero qui prædestinationis & electionis objectum constituunt hominem consideratum à Deo ut lapsum, & peccato corruptum, quique non subordinant decretum creationis & permissionis lapsum decreto de illustranda Dei justitia & Misericordia in hominum quidem salute, in aliorum vero justa punitione, non putant inter effectus prædestinationis numerari debere hominum creationem, ut nec lapsum permissionem. Sed tantum electionis effecta esse volunt varia illa media, quibus Deus homines à peccato liberat, eosque ad felicitatem & vitam æternam perducit: inter quæ primum & præcipuum ponunt ipsam Mediatoris Christi donationem, & missionem in mundum.

XXVIII. Denique illi quibus objectum electionis & prædestinationis non est homo lapsus simpliciter, sed præterea ad Christi gratiam & communionem vocatus, non possunt inter effectus electionis numerare millionem Christi in mundum, & Redemptionem morte ejus peractam. Siquidem decretum de Christo mittendo, & de humano genere per Christum redimendo, juxta ipsos, præcedit decretum electionis, & ab eo præsupponitur. Sed primum & proprium electionis effectum ipsis est *fidei vœre in tempore donatio*: quam sequitur, ut ejusdem electionis effectus, *collatio reliquorum Christi beneficiorum*, quibus ad salutem æternam pervenitur.

XXIX. Porro ex dictis patet voces electionis & prædestinationis, tam in communione Romana quam Reformata, non eodem modo & sensu usurpari: & varias esse vocum illarum acceptiones apud utriusque Scholæ Theologos. Veruntamen quosdam esse vocum istarum usus in Schola Romana plurimum receptos, quos non admittit Schola Reformata, & vicillim voces illas à multis Reformatis usurpari eo sensu qui non habet locum in Schola Romana.

XXX. Sic plerisque Scholasticorum solenne est, ut vidimus, per prædestinationem intelligere solius gratiæ preparationem, illamque distinguere à decreto electionis quo gloria certis hominibus ab æterno destinata est, præteritis cæteris: ita ut electio sit decretum de fine, prædestinatio vero decretum de mediis. Reformati autem nunquam vocem prædestinationis eo modo restringunt: sed perpetuo sub illa comprehendunt, tam decretum de danda gloria tanquam fine, quam decretum de conferendis auxiliis & donis gratiæ, ut mediis ad finem illum consequendum necessariis atque efficacibus. Et vix etiam videas apud illos vocem electionis restringi ad decretum de communicanda gloria. Imo eorum non pauci electionem videntur restringere ad decretum de fide donanda, existimantque illam potius respicere gratiam quam gloriam, quæ acceptio in Schola Romana usitata non est. In qua etiam rarissime, si Janseum & ejus discipulos excipias, vox prædestinationis aliter sumitur quam in bonam partem; vixque unquam accommodatur ad decretum de quorundam hominum interitu. Cum contra apud plerosque Doctores Reformatos prædestinatio sit vox media, qua ipsis in genere designatur Dei decretum, quo homines vel ad vitam, vel ad mortem ordinantur: cujusque proinde duas species constituunt, Electionem, scilicet, & Reprobationem.

XXXI. Præterea ex supra dictis manifestum est, nec Ecclesiæ Romanæ, nec Ecclesiæ Reformate Doctores inter se convenire de effectibus electionis, seu prædestinationis, dum in bonam partem sumitur. Etenim, prout ante à nobis relatum est, variæ sunt & discrepantes super hac re sententiæ, tam in Schola Romana, quam in Schola Reformata. Eademque, aut ferè eadem in isto negotio utroque reperitur judiciorum & sensuum diversitas. Nam quemadmodum non pauci Scholæ Reformate Doctores ipsam creationem & lapsus permissionem numerant inter effectus prædestinationis quorundam ad salutem, idem quoque faciunt Theologi nonnulli Ecclesiæ Romanæ, ut præter Estium, & Alphonsum Mendozam, aliisque supra memoratos, Dominicus Bannes in prima Thom. quest. 23. ad secundum articulum, dubitatione secunda. Et sicut à plerisque Scholæ Romanæ Doctoribus istud negatur atque rejicitur, sic idem etiam negat & rejicit Doctorum Scholæ Reformate magna pars.

XXXII. Quemadmodum autem Theologi, tum Ecclesiæ Romanæ, tum Ecclesiæ Reformate, de effectibus electionis & prædestinationis variè Philosophantur, sic apud utroque judicia variant, nec parva reperitur opinionum diversitas circa prædestinationis & electionis objectum, id est, quum quaeritur sub qua ratione, & quo respectu homo prædestinanti Deo obijciatur. Eademque propemodum sententiarum discrimina quæ inveniuntur in Schola Reformata, in Schola quoque Romana locum habent. Ut apparere potest repetenti quæ supra dicta sunt.

XXXIII. Etenim, quod est valde observandum, quemadmodum sunt inter Reformatos nonnulli, qui prædestinationis objectum esse putant simpliciter hominem creabilem, nunimè vero hominem consideratum ut jam condendum & lapsurum; quique censent decreto prædestinationis antecedentem non esse prævisionem lapsus & creationis ejus qui eligitur, sic eandem quoque sententiam tuerentur in Ecclesiâ Romana non pauci; omnes illi, scilicet, qui creationem prædestinatorum, & permissionem lapsus eorum in peccatum, inter effectus prædestinationis locum habere existimant, quique perpendunt creationem ipsam ingredi decretum prædestinationis, & esse medium ad finem illius consequendum isti fini à Deo prædestinante subordinatum. Quo de numero post Scotum, Pighium, Nacianum, Catharinum, supra docuimus esse Gulielmum Estium, Alphonsum Mendozam & Dominicum Bannes, ex cujus doctrina, loco supra citato,

Deo

Deo prædestinanti obijcitur homo duntaxat possibilis. Ac sicut in Schola Romana plurimi ab hac sententia recedunt, ita quoque illam damnat & improbat major pars Doctorum Scholæ Reformate. Et denique sicuti plures inter Reformatos obiectum prædestinationis constituunt hominem lapsum, sic etiam in Schola Romana hæc sententia communiter obtinet.

XXXIV. Jam autem si quis quærat quanti momenti sit illa quæstio de prædestinationis obiecto atque effectibus, Respondeo in illa videri multum esse logomachia. Etenim qui circa hæc dissident, prædestinationem non eodem modo definiunt: sed alii sub hac voce plura, alii vero pauciora decreta divina comprehendere volunt. Et hunc & illum actum divinæ providentiæ in prædestinatione includi hi quidem negant, illi vero affirmant. Nam qui prædestinationis obiectum faciunt hominem creabilem vel possibilem, sic ampliant definitionem electionis & prædestinationis, ut illam ingreditur divinum propositum de homine creando & lapsu ejus permittendo; imo nonnulli, ut Alphonsius Mendoza, universam providentiam ad prædestinationem quodammodo revocant. Quo posito necesse est effectum ejus esse creationem; & hominem consideratum, ut jam à Deo creandum, non recte ejus obiectum constitui.

XXXV. Qui vero putant hominem lapsum & peccatorem in præscientia divina esse obiectum prædestinationis, & consequenter negant hominis creationem & peccati permissionem inter effectus prædestinationis debere numerari, sic eam definiunt, ut non complectatur decretum divinum de homine creando, & lapsu ejus permittendo, sed decretum istud ab ea præsupponatur, tanquam aliquid prius, secundum nostrum concipiendi modum. Ubiqueque vero non convenit de rei definitione, certum est ibi multum esse logomachia & contentiones verbalis.

XXXVI. In hoc autem negotio & aliis similibus hæc regula videtur tenenda, nimirum, ut quum agitur de vocum significatione, sequamur, si fieri possit, scripturæ usum, aut saltem non aliter eas accipiamus, quam in Scholis Christianis communiter accipi solent. Itaque cum prædestinatio à communi providentia in Scholis distingui soleat, & communiter ad illam referantur dona gratiæ, ad hanc vero naturæ bona, minus convenienter creatio poni videtur inter effectus prædestinationis, & consequenter ejus obiectum constitui homo nondum à Deo condendus, sed simpliciter creabilis. Nimirumque ampliant vocem prædestinationis, qui sub ea comprehendunt decretum ipsum de homine creando, & lapsu ejus permittendo.

XXXVII. Quod si quis ulterius quærat, unde sit ut Theologi alii sic restringant, alii vero sic extendant prædestinationis vocem? Respondeo hoc inde esse quod alii plures, alii pauciores divinæ providentiæ actus atque effectus referunt ad finem à Deo intentum in quorundam hominum prædestinatione, qui est illustratio misericordiæ divinæ in eorum salute. In hoc enim Theologi consentire videntur, quod ad prædestinationem & reprobationem hominum revocandi sunt omnes providentiæ Dei actus atque effectus, qui ad manifestationem tum misericordiæ, tum justitiæ divinæ in certorum hominum vel æternæ salutis, vel justæ punitionis per se referuntur. Finem autem illum à Deo intentum in hominis creatione, alii negant, alii affirmant. Juxta hos posteriores æternum Dei decretum de homine condendo prædestinationis decretum ingreditur, & partem illius facit, minime vero, secundum priorum sententiam, ad quam accedimus ut probabiliorem. Quippe hominis creatio per se & directe referri non videtur ad misericordiæ, vel justitiæ divinæ manifestationem, sed potius ad illustrationem potentiæ, bonitatis, & sapientiæ divinæ.

Theses Theologicæ:
D E
REPROBATIONE
EJUSQUE
OBJECTO,
Causis & Effectis.

I N

Quibus exponitur Doctrina Scholæ Romanæ.

Thesis Prima.



X communi Scholarum usu Reprobatio pridem significat quandam divinæ Providentiæ partem, quæ versatur circa eos, qui à summo creaturæ rationalis fine, nempe, æterna & cœlesti beatitudine excidunt, æternisque suppliciis à Deo adjudicantur, ad ostensionem justitiæ ipsius. Veruntamen Scholæ Romanæ Theologi vocem istam non omnes eodem modo sumunt. Exerim sub reprobatione alii plures, alii pauciores actus providentiæ divinæ complectuntur: adeoque vocem reprobationis alii strictiori sensu, alii verò latiori usurpant.

II. Multi enim reprobationem restringere videntur ad æternam illam ordinationem, qua quidam regno cœlesti excluduntur, & sempiternis poenis subijciuntur. Quo pertinet definitio quæ est apud Petrum Lombardum, libro primo sententiarum, Distinctione quadragesima. *Reprobatio est præscientia iniquitatis quorundam, & preparatio damnationis eorundem.* Cui assensum est definitio Durandi in eandem distinctionem questione secunda. *Reprobatio est prævisio inepituitudinis alicujus ad vitam æternam, & propositum excludendi ab eâ.* Et similiter Molina Reprobationem definit, *Judicium æternum quo creatura rationalis à Deo judicatur indigna vita æterna, & digna pœnis æterna, cum proposito eam perpetuo excludendi à regno cœlesti, aut simul etiam puniendi cruciatibus æternis, prout fuerit ipsius peccatum.*

III. Alii vero putant reprobationem includere non tantum rejectionem à gloria cœlesti, sed etiam peccati reprobationem permissionem, & rejectionem à gratia divina, congrua saltem atque efficaci. Quo sensu Thomas Aquinas Reprobationem sumit in prima parte Summæ Quæst. 23. Art. 3. Ubi hæc sunt illius verba, *Reprobatio includit voluntatem permittendi aliquem cadere in culpam, & inferendi damnationis pœnam pro culpa.* Et in hunc quoque sensum Gregorius de Valentia Reprobationem definit, *Alium divini intellectus, quo formaliter Deus statuit reprobis peccata permittere, non dando eis singularem gratiam qua ab eis liberarentur, & propter illa eis à regno cœlesti excludere, ac in æternum punire.* Cum qua operatione intellectus divini addit conjunctam esse operationem divinæ voluntatis, cujus vi mandatur executioni quod de reprobis ab æterno statutum est.

T

IV. Verum

IV. Verum sunt qui existimant non omnem divinæ providentiæ actum, quo reprobatorum peccata permittuntur, & fieri sinuntur ad reprobationem eorum pertinere. Nam inde saltem eximunt actum illum quo Deus permittit eos inlici culpa originali, & illum quoque quo putant Deum permittere ut aliqui eorum ex statu gratiæ atque justitiæ in peccatum incidant, quos actus ad communem solum providentiam, non vero ad decretum reprobationis spectare opinantur: ad quod solum referunt derelictionem hominis in peccato, ac obdurationem, qua Deus in poenam peccatorum præcedentium, permittit ut aliqui ingraviores peccata labantur.

V. Alii vero cujuscunque peccati permissionem in reprobis ad decretum reprobationis revocandam esse censent. Imputant reprobationem complecti omnem providentiæ actum qui versatur circa eos qui à summo fine deficiunt. Nec enim censent ullum esse providentiæ actum circa creaturas rationales, qui non ad earum prædestinationem, aut reprobationem pertineat. Adcoque reprobatio ab eis describitur, *Providentia Dei circa eas qui à salutis æternæ deficiunt, ordinans eos ad certum finem, qui est ostensio justitiæ ipsius.* Ut videre est apud Estium, & alios Thomistas recentiores.

VI. Porro de natura actuum divinæ voluntatis atque Providentiæ, quibus totale decretum reprobationis constat, inter se certant Doctores Ecclesiæ Romanæ. An scilicet, sint positivi, an vero negativi? sive, An negative, an vero affirmativè explicari debeant?

VII. Et primo quidem inter eos convenit, respectu damnationis & punitionis reprobatorum, actum positivum reperiri in divina voluntate, quo Deus vult punire in perpetuum reprobos, ob eorum peccata prævisa ab ipso Deo. Verum sunt qui existimant dari præterea actum positivum divinæ voluntatis circa permissionem peccati reprobatorum, & circa subtractionem auxilii efficacis seu gratiæ congruæ, qua posita non peccarent, aut penitentiam agerent. Pertendunt enim actum illum affirmativè explicari debere, & non solum negativè. Adeo ut, juxta illorum sententiam, Deus habuerit hunc actum ab æterno, *Volo permittere hæc peccata. Volo his & illi non dare auxilia, quæ si reciperent, non peccarent.* Quæ est sententia Gregorii de Valentia de Reprobatione puncto primo. Præcipuè vero Dominici Bannes in primam Thomæ quæst. 23. art. 2. dubitatione 2. conclusione 3. Et Gulielmi Estii in primum sententiarum Distinct. 40. paragr. 16. & aliorum inter Thomistas recentiores.

VIII. Quin Thomistæ iidem recentiores volunt Deum, quo instanti quosdam eligit & prædestinat ad vitam æternam, alios actu positivo in regnum suum admittere nolle, & à gloria cœlesti excludere, antequam ullæ eorum peccata præviderit, & permittere decreverit. Quæ est doctrina Didaci Alvares lib. 12. de Auxiliis gratiæ divinæ, Diffinitione 109. sectione 5. ubi hæc est ejus prima conclusio. *Reprobatio Dei æterna includit actum positivum, quo voluit quosdam non admittere ad vitam æternam.* Tertia verò conclusione affirmat actum positivum, quo Deus ab æterno voluit non admittere quosdam in regnum suum non fuisse conditionatum, sed absolutum, antecedentem in ligno rationis præscientiam mali usus liberi arbitrii, futuri ex hypothesi, quod constitueretur in tali ordine rerum. Ac proinde Doctores illi in æterna reprobatione non agnoscent ullum intellectus divini, aut divinæ voluntatis actum, quam positivum & propriè dictum.

IX. Verum alii contra, integrum & totale reprobationis decretum constituunt ex actibus diversi generis, quos alios quidem positivos, alios vero tantum negativos esse censent. Etenim putant Deum, quo instanti quosdam ad vitam æternam elegit & præordinavit, erga alios scilicet habuisse negativè, non positivè id est, simpliciter illos non elegisse, & ad vitam non ordinavisse, non verò actu positivo voluisse illos vita cœlesti excludere. Et simpliciter quod spectat gratiæ subtractionem, & peccati permissionem, existimant Deum quoque eodem modo se habere. Nempe hac in parte non aliud de Deo concipiendum esse, nisi quod ab æterno non habuit voluntatem quibusdam opem ferendi, & eam gratiam largiendi, qua posita non peccarent, aut à peccato resurgerent, sicut habuit erga prædestinatos. Et tamen actus illos negativos quibus Deus quosdam elegit, illisque gratiam congruam & efficacem dare non decrevit, adeoque in peccatum labi, & in eo manere sinuit, volunt esse quodammodo reprobationis partem & ad eam pertinere.

X. Ac proinde duplicem reprobationem distinguunt, unam positivam, alteram negativam. Et ex utraque volunt reprobationem totalem constitui. Ut videre est apud Putcanum quæstione generali de reprobatione, dubitatione 2. conclusione 1. *Advertit, inquit, nomine reprobationis totalis significari hoc loco id quod conjungit ex reprobatione negativa & positiva. Negativa autem reprobatio definitur, Derelictio quorundam in blasma perditionis*

ditionis; & negatio gratiæ congruentis, cum permissione excidendi aliquos ab ultimo fine, & permittendi eorum peccata pro eo tempore, vel potius instanti, in quo Deus eligit aliquos ad vitam æternam ex massa perditionis. Derelictio autem in Massa perditionis, & volitio de non danda gratia congruente, seu efficaci, non sunt alii elicti à Deo verè & realiter. Habet enim se Deus tantum negativè ad eos quos deserit in massa perditionis, in eo instanti in quo eripit aliquos ex eadem massa, & destinat illos in vitam æternam; & propter hanc causam derelictio in massa perditionis nuncupatur, reprobatio negativa. Reprobatio vero positiva definitur, destinatio quorundam ad penas æternas, propter eorum peccata finalia. Hactenus Puteanus.

XI. Hanc quoque distinctionem reprobationis positivæ & negativæ probat Petrus à Sancto Joseph in Idea Theologiæ speculativæ libro 1. capite 20. Et reperitur etiam apud Eustachium à Sancto Paulo, qui sic illam proponit & explicat. Est reprobatio duplex. Negativa, qua Deus non voluit aliquibus dare gloriam, oppositurque electioni quorundam ad gloriam. Sicque ex hoc simpliciter quod Deus aliquos non elegerit, censetur eos reprobasse. Et ad hanc pertinet ex consequenti aliquorum exclusio ab æterna vita: & eorundem ordinatio ad æternam damni penam, ex præviso originali peccato. Reprobatio vero positiva dicitur, qua quidam ordinantur ad æternam sensus penam, propter prævisa in ipsis delicta. In summa. Tractatu primo. Disput. 17. quæst. 2.

XII. Porro sicut Doctores Ecclesiæ Romanæ reprobationem variè definiunt, & plures, vel pauciores actus Divinæ providentiæ sub ea comprehendunt, ita quoque variè effectus illius assignant, nec omnes eodem modo hac de re Philosophantur. De duobus tamen inter ipsos convenit. Primum est æternam quorundam hominum damnationem, propter eorum mala demerita, esse æternæ ipsorum reprobationis effectum, & æternas illas penas positivè ipsis à Deo infligi, ex vi illius decreti, quo ejusmodi poenis eos adjudicavit, propter prævisa eorum peccata. Alterum est peccata in quæ reprobi incidunt, & quibus jussim in se damnationem accersunt, esse quidem aliquid eorum damnationem necessario antecedens & ad eam præsuppositum; eaque Deo sciente & permittente fieri; non tamen illa esse reprobationis effectus, nec eorum causam in ullum Dei decretum refundendam esse, sed simpliciter in hominum liberum arbitrium.

XIII. Verum ex communi numero excipiendus hac in parte videtur Joannes Viguierius Dominicanus in Tholosana universitate Theologiæ professor. Videtur enim peccatum ponere inter reprobationis effectus positivos, licet illud ibidem à Deo esse neget. Non est, inquit, similis ratio de causa reprobationis & prædestinationis, quæ in quantum ad omnes effectus positivos, non habet causam in prædestinato, sicut reprobatio; quæ non habet nisi duos effectus positivos in reprobo, scilicet, peccatum, & penam æternam: peccati liberum arbitrium est causa, & peccatum est causa pænæ æternæ.

XIV. Sed hoc misso, nonnulli Scholæ Romanæ Theologi non alium effectum reprobationis agnoscunt, quam exclusionem à regno cœlesti, & damnationem ad pœnas infernales. Et hoc quia reprobationem stricte sumunt pro solo decreto quodam ex prævisis peccatis dammandi, & à gloria excludendi. Nec putant Deum quicquam circa reprobos providere, ex intentione illos dammandi, & æternis poenâ efficiendi, ante prævisam eorum perseverantiam finalem in peccato. Ac proinde negant peccati permissionem, qua reprobi in varia peccata cadere solentur, ad reprobationem, tanquam ejus effectum, referendam esse. Nec volunt rationem, cur Deus peccata reproborum permittat, ex decreto reprobationis ipsorum desumendam esse.

XV. Verum Doctores Ecclesiæ Romanæ plurimi & celeberrimi inter effectus reprobationis permissionem peccati numerant. Sed non omnes eodem modo. Etenim in Scholâ Romana super ea re non parva est sententiarum diversitas. Quæ ut melius capi possit, notandum est Deum dici peccata permittere in quantum ea non impedit. Deus autem, quantum ad hoc propositum attinet, peccatum impedit dando eam gratiam, qua posita, videt peccatum non fecuturum: non impedit verò, quum negat ejusmodi gratiam. Itaque Deus peccata permittere censetur, quum negat eam gratiam, quatin si daret, non patrerentur hæc & illa peccata.

XVI. Est autem duplex talis peccati permissio. Una qua Deus permittit aliquem labi in primum peccatum. Altera qua permittit illum in peccato perseverare, & deteriorem fieri, nova peccata veteribus addendo, & se magis ac magis in malo obfirmando. Prior simpliciter dicitur peccati permissio: posterior specialiter vocatur exaceratio, induratio, & aggravatio.

XVII. Porro quidam Doctores Ecclesiæ Romanæ omnem omnino peccati permissionem in reprobis reprobationis effectum esse putant. Sic apud Martinum Becanum in sum-

ma Theologiæ Scholasticæ, tomo primo, de Reprobatione questione 2. hæc est ejus prima conclusio. *Effectus reprobationis in adultis sunt quatuor. Primus est permissio peccati. Secundus, Obduratio in peccato. Tertius exclusio à regno cælesti. Quartus inflicto Pænæ sensus.* Secunda vero ejus conclusio sic habet. *Effectus reprobationis in parvulis sunt tres. Primus, est permissio contrahendi peccatum originale. Secundus, permissio moriendi in peccato originali. Tertius, exclusio à gloria.*

XVIII. Præsertim verò illi qui recentiores Thomistæ dicuntur hanc sententiam arctè tenent, permissionem peccati cujusvis, quod tandem in reprobatorum damnationem cedit, esse effectum reprobationis ipsorum, non excepta permissione primi illius peccati, quo primus noster parens defecit, & excidit ab innocentia illa in qua fuerat à Deo creatus. Quo de numero est Gulielmus Estius, ut patet ex iis quæ scribit in *primum* sententiarum, Distinctione 40. paragr. 11. Ubi probat & laudat sententiam eorum qui docent permissionem cujuscumque peccati, etiam primi illius, quod homo, vel Angelus commisit, effectum esse providentiæ Divinæ circa utrumque proinde & reprobationis tam Angelorū, quam hominum eorum, qui ex illo peccato ducti sunt, aut ducendi in damnationem.

XIX. Alii verò concedunt aliquam quidem peccati permissionem in reprobis esse effectum reprobationis, qualis est permissio perseverantiæ finalis in peccato, & permissio eorum peccatorum, in quæ Deus finit reprobos cadere in penam peccatorum præcedentium, & propterea quod vult illos ob aliquod, vel aliqua præcedentia delicta punire. Sed negant permissionem qua quis jam à peccato justificatus, relabi permittitur in peccatum propter quod damnetur, in Deum reprobantem rectè referri. Ac multo magis negant permissionem illam, qua Angelum, vel primum hominem Deus permittit, innocentia relicta, cadere in peccatum, dici posse effectum reprobationis Angeli, vel hominum in peccato originali morientium. Et hoc quia ejusmodi peccati permissionem volunt ad communem tantum providentiam referendam esse, & suavem rerum dispositionem, qua Deus creaturas rationales finit libertate sua uti: Ac præterea putant decretum reprobationis, respectu hominum, supponere massam humani generis jam peccato corruptam. Quæ sententia est Petri à Sancto Joseph, & Eulachii à Sancto Paulo, ut videre est ex iis quæ docent circa reprobationem locis jam ante citatis.

XX. Rursus illi qui vel omnem, vel aliquam saltem peccati permissionem ad reprobationem, tanquam effectum ad causam, referendam esse dicunt, non omnes, ut jam innui, eodem modo istud intelligunt. Estius enim & alii Thomistæ recentiores, dum asserunt omnem peccati permissionem, respectu reprobatorum, esse effectum reprobationis ipsorum, per hoc significatum volunt, permissionem peccati in reprobis à Deo ordinari per decretum reprobationis, ad ostensionem justitiæ ipsius in reprobatorum justa damnatione. Ut videre est apud Estium in *primum* sentent. Distinct. 40. paragr. 5. *Nam, inquit, effectus reprobationis divine dicitur omne illud quod Deus agit circa reprobos, in ordine ad manifestationem justitiæ suæ, per eorum justam damnationem.* Et paragrafo sequenti inde probat peccati permissionem contineri sub ordine reprobationis divinæ, tanquam effectum ejus, quoniam in reprobis ordinatur à Deo ad ostensionem justitiæ Dei vindicantis peccatum.

XXI. Sed Becanus & Gregorius de Valentia Jesuitæ, quum docent peccati permissionem esse effectum reprobationis, non intelligunt quod Deus reprobatorum peccata permittat, eo tunc ut ejus justitia manifestetur in eorum damnatione. Sed permissionem illam referre videntur ad alios fines. Quod satis indicat Martinus Becanus, dum duplicem reprobationem, seu potius duplicem actum reprobationis distinguit, unum, videlicet, qui est rejectio quædam à gratia, alterum vero qui est rejectio à gloria. Et prioris quidem actus effectum esse concedit peccati permissionem, & reprobi obdurationem, non autem posterioris. Ut apud ipsum videre est loco modo citato.

XXII. Et similiter Petrus à Sancto Joseph permissionem perseverantiæ finalis in peccato statuit esse effectum reprobationis negativæ, non autem positivæ, saltem de lege ordinaria. Quoniam ex ejus mente, ista quidem permissio ex eo consequitur quod Deus aliquem non elegit ad vitam, & eatenus erga ipsum, juxta illius mentem, negativè schabuit, qua in re constituit ejus reprobatio negativa; non autem pender ab isto decreto, quo Deus constituit in reprobi damnatione justitiam suam ostendere, sed potius à tali decreto, ut jam facta præsupponitur. Quoniam Deus neminem damnare constituit, ordinariè scilicet, nisi post prævisum ejus peccatum finale, id est, postquam prævidit illum in peccato moriturum esse. Qua de re videndus est Petrus ille à Sancto Joseph in *Idea Theologiæ speculativæ*, capite de Electione & Reprobatione.

XXIII. Cæterum queritur amplius, An bona reprobo concessa, & ipsa ejus creatio sint

sint effectus reprobationis? Cujus quæstionis sensus est, An reproborum creatio, & bona diverti generis, quæ à Deo ipsis conceduntur, ordinentur à Deo per decretum reprobationis ad declarationem justitiæ illius, in justa & æterna illorum damnatione? Id negant plerique Doctores Ecclesiæ Romanæ, ut exempli causa, Becanus, Gregorius de Valentia, Euthachius à Sancto Paulo, & Petrus à Sancto Joseph, affirmant verò sæpius jam dicti Thomistæ recentiores, & nominatim Etlus in distinctionem 40. libri primi sententiarum paragr. 5. ubi disquirunt qui effectus sint in Reprobationem referendi.

XXIV. Etenim ibi satis apertè docet omnia quæ à Deo circa reprobos providentur ordinari ad finem illum qui est offensio justitiæ ipsius; ac proinde ad decretum reprobationis referenda esse. Nam præter peccati permissionem, obdurationem, & excæcationem, dicit multa alia esse, quæ rectè ponantur effectus reprobationis, *Quorum alii, inquit, sunt remoti, alii propinqui, alii communes, alii singulares, alii secundum se indifferentes, sed ordinati à Deo ad finem reprobationis, alii verò secundum se determinati.* Et postea subiungit, unde nec negandum videtur ipsam creationem hominis reprobi hac generali ratione posse vocari reprobationis ejus effectum. *Creantur enim hujusmodi ad manifestationem justitiæ Dei per eorum justam damnationem: quomodo supra effectum reprobationis definiebamus.*

XXV. Illo verò paragrafo ubi exponit qui sint prædestinationis effectus, postquam dixit effectus quosdam prædestinationis esse prædestinatis cum reprobis communes, exempli causa, hæc verba subiungit, *Ut incarnatio, passio, meritum & sacrificium Christi, prædicatio Evangelii, & alia hujusmodi, quæ pertinent quidem per se ad ordinem prædestinationis, sed tamen quibusdam, qui ea per suam incredulitatem, ac malitiam sibi convertant in materiam gravioris damnationis, sunt effectus reprobationis.*

XXVI. Porro ex diversitate ista sententiarum, quæ circa naturam reprobationis, & illius effectus, in Schola Romana obtinet, in promptu colligere est, quam variè quoque illam circa ejus objectum sentire necesse sit. Etenim Doctores illi qui omnes eos actus, Divinæ providentiæ, qui versantur circa eos qui à summo fine excidunt, includunt decreto reprobationis, & consequenter ipsam reproborum creationem numerant inter illius effectus, quod faciunt, ut dictum est, recentiores Thomistæ, Doctores, inquam, illi, si sibi constare velint, dicere non possunt objectum reprobationis esse hominem qui consideratur ut jam conditus, & peccato corruptus, sed simpliciter hominem creabilem. Quod satis agnoscit Etlus in distinctionem 40. libri primi sententiarum, ubi tractat quæstionem illam, *Utrum permissio peccati sit effectus reprobationis?* Respondens enim ad sextum argumentum adversæ sententiæ, Nulla, inquit, *necessitas cogit ut dicamus reprobationem & prædestinationem hominum præsupponere massam corruptam.*

XXVII. Neque massam illam corruptam pro objecto reprobationis totalis habere quoque possunt ii, qui licet alioqui à recentioribus Thomistis dissentiant, inter effectus tamen reprobationis ponunt permissionem cujusvis peccati in reprobis, etiam peccati primi ob quod aliquis damnetur, & peccati originalis. Quo de numero sunt Jesuitæ nonnulli, & inter alios Martinus Becanus, ut patet ex iis quæ supra de ipso retulimus.

XXVIII. Plurimi tamen Doctores Ecclesiæ Romanæ putant hominum reprobationem, ut & electionem supponere massam generis humani jam corruptam, & peccato Originali infectam. Adeoque pro objecto Reprobationis statuunt hominem jam lapsum, & peccato originali corruptum. Quam sententiam tenet Petrus à Sancto Joseph *Theologia speculativa* cap. 20. *Resoluzione* 5. Et Euthachius quoque à Sancto Paulo, *Tractatus summæ Theologiæ Disputatione* 17.

XXIX. Verum ii qui divinam reprobationem restringunt ad decretum de quibusdam hominibus, propter prævisam eorum perseverantiam finalem in peccato, à gloria excludendis, & æternum damnandis, & unicum ejus effectum putant esse exclusionem à gloria, & sempiternæ pœnæ inflictionem, illi, inquam, pro objecto reprobationis habere non possunt simpliciter hominem ut lapsum & peccato corruptum in prævisione divina, sed hominem ut prævisum in peccato morientem, sive peccatum illud sit actuale, sive solum originale.

XXX. Sed inter Doctores Ecclesiæ Romanæ præcipua concertatio est de Causa Reprobationis, An scilicet Reprobatio, ratione suorum effectuum, habeat aliquam in homine causam? Et, An Deus hominem reprobandum ad istud moveatur malo quopiam hominibus reprobatum merito? Et omnes quidem in eo conveniunt Reprobationem relatam ad aliquos suos effectus, præcipuè vero ad ultimum suum effectum, qui est æterna hominis damnatio, habere causam in homine, nempe prævisum illius peccatum. Nec enim ullus est, quod sciam, inter Doctores Ecclesiæ Romanæ, qui non agnoscat Deum, dum æterno suo decreto aliquem pœnis æternis adjudicat, id facere propter prævisam ejus

peccata.

peccata. Sed quæstio est, An reprobatio relata ad omnes suos effectus simul & collectivè sumptos habeat in homine causam? Et an sit aliquod malum in reprobis meritum, ob quod in eos cadat totus reprobationis effectus?

XXXI. Verum quæstio ista rursus adhuc duplicem sensum habere potest. Nam reprobatio potest bifariam considerari, *absolutè*, vel *comparatè*. Absolutè, ut quum simpliciter quæritur, An ille qui reprobatus est aliquo suo merito dignus sit qui à Deo isto modo reprobatus fuerit, id est, à Gratia, & Gloria rejectus? Comparatè, ut quum quæritur, An in reprobis insit aliqua causa, vel ratio, cur potius illi quam alii reprobati fuerint. Nam fieri potest ut aliquis in se & simpliciter aliqua poena dignus sit, qui tamen ea poena non sit dignior quàm alter qui præstatur ab ea immunis. Verbi gratia, quum princeps ex duobus furibus jubet alterum suspendi, alteri verò furti gratiam facit, ille qui suspenditur est suspendio dignus, & si simpliciter quæritur, cur princeps illum voluerit suspendi, voluntatis hujus in fure ratio est, nempe, crimen illud quod admittit. Sed si quærat aliquis, quare quum uterque furti reus esset, princeps voluit hunc pro merito inorte affici, potius quam illum quem liberum dimittit, hujus voluntatis ratio amplius in ture non est, sed tota referenda est ad principis beneplacitum. Igitur eo modo quæri potest, An Judas in se malum aliquod meritum habuerit, ob quod ab æterno prævisus fuit à Deo reprobatus? Deindeposito quod in se dignus fuerit à Deo reprobati, An ex parte ejus ratio reddi possit cur potius quam Petrus reprobatus fuerit?

XXXII. His ita expolitis, duæ sunt super hac quæstione in Schola Romana sententiæ; quæ videntur extremæ, & è diametro pugnant. Etenim nonnulli sunt qui asserunt nullum esse reprobationis effectum, qui non habeat causam aliquam in homine: ac proinde integrum reprobationis decretum à Deo constitutum esse ob prævisum quoddam in homine peccatum. Neque hoc tantum, sed præterea volunt ex parte reproborum rationem reddi posse, cur potius quam alii reprobati fuerint, præferim, si de adultis quæstio sit, illorum videlicet, perseverantiam in peccato, quam Deus ab æterno prævidens illos potius quam alios reprobavit. Ita sentire necesse est illos qui divinam reprobationem restringunt ad solam voluntatem aliquos damnandi. Etenim tota Schola Romana consentiente, Deus neminem damnare vult ante prævisum illius peccatum: & peccata in quibus aliquis moritur sunt ratio cur potius damnetur, quam alius qui non similiter moritur in peccatis. Et ad hanc quoque sententiam accedunt illi Doctores Ecclesiæ Romanæ, qui volunt aliquam prædestinationis in homine rationem, vel causam reperiri. Illi enim multo magis censent causam reprobationis, quavis ratione spectatæ, seu comparatæ, sive absolutè, sive quoad omnes effectus, sive quoad aliquos tantum, penes reprobos desidere.

XXXIII. Sed alii contra contendunt reprobationem totalem, & acceptam secundum totam latitudinem suorum effectuum, nullam omnino causam ex parte hominis habere, quocunque tandem modo consideretur, sive absolutè, sive comparatè. Nec enim simpliciter dicunt nullam ex parte hominum rationem reddi posse, cur hi potius quam alii reprobati fuerint: sed præterea contendunt reprobationis, quoad omnes suos effectus, nullum esse in homine reprobato meritum, & decretum reprobationis integrum & totale nullius peccati prævisionem sequi. Quam sententiam tenere necesse est, si sibi constare velint, omnes eos qui docent permissionem cujuscunque peccati, quod in reprobis damnationem cedit, sub reprobationis decreto contineri. Si enim permissio primi peccati sub reprobationis decreto includitur, cum idem istud peccatum non possit esse illius permissionis causa, consequens est ipsum totius reprobationis causam dici non posse, & multo minus ullum ex peccatis illis quæ primum consequuntur.

XXXIV. Sed præcipuè istud consequitur ex doctrina eorum, qui creationem ipsam reproborum ad reprobationem, tanquam causam referunt, ac proinde objectum reprobationis statuunt, non hominem conditum & lapsum, sed simpliciter hominem creabilem. Quod faciunt, ut ante dictum, recentiores Thomistæ, ut Alvares, Estius, Rispolis, & alii. Sed præter eos multi, qui cum eis per omnia in hoc etiam negotio non sentiunt, hanc doctrinam arctè tenent, nullam reprobationis, ut nec electionis, ex parte hominum causam dari posse. Inter quos sunt Cajetanus, ut pater ex iis quæ scribit in quæstione Thomæ de Prædestinatione. Sixtus Senensis Bibliothecæ Sanctæ lib. 6. Annotatione 252. Et libr. 2. littera R. Ubi de libro Repudiij agit. Dominicus Bannes in primam Thomæ quæstione 23. Puteanus ad quæstionem Thomæ supra dictam. Et referente Estio in distinct. 41. libri primi sententiarum, Petrus à Soto, Iodocus Tiletanus, Titelmans, Guillaudus, alique sæculi superioris scriptores.

XXXV. Pra-

XXXV. Præsertim vero inter veteres Scholasticos valdè communis fuit & celebris ista sententia, quam tenuerunt Ægidius Romanus, Bassolius, Marilius, Gregorius Ariminensis, Dionysius Cisterciensis, Lyranus in caput 9. Epistolæ ad Romanos, alique quos citant Elijus loco memorato & Vasquez ad quæstionem Thomæ de prædestinatione, ubi latè disputat de causa Reprobationis. Sic, exempli gratia, inter multas conclusiones quas Gregorius Ariminensis ponit de prædestinatione quarta est, *Quod nullus est reprobatus propter malum usum liberi arbitrii, quem Deus præcivit illum habiturum.* Quinta, *Quod nullus est reprobatus, quia præcitus fore finaliter cum obice gratiæ divini.* Sexta, *Quod quicumque Deus reprobavit, sine quacunque causa in ipso reprobato ipsum reprobavit.* Et similiter hæc verba sunt Marilii ab Inghen, *Nullus prædestinatus est prædestinatus ob aliquam causam, quæ in eo de futuro debebat existere. Similiter nec aliquis reprobatus ob aliquam causam reprobatus est, quæ in eo de futuro debebat fore.* In libri 1. sentent. Dist. 42. quæst. 4.

XXXVI. Sed inter istas sententias quas modo retulimus, est alia quædam media, quæ statuit reprobationem absolute consideratam habere quidem ex parte hominis rationem & causam aliquam, nec Deum quoniam reprobasse, nisi post prævisum quoddam ejus peccatum, sive malum meritum, ob quod dignus in se esset, qui à Deo reprobaretur: Sed tamen, si reprobatio consideretur conjunctim cum electione, & oppositè ad illam, tum eam ad solum Dei beneplacitum referendam, nec ullam ex parte hominum assignari posse illius rationem. Nec enim prævisa peccata alicujus reprobis causam esse cur potius reprobatus sit quam alter, nec ut ille ad vitam electus: cum in multis electis eadem quæ in multis reprobis peccata reperiantur, aut etiam forte graviora, & commune sit omnibus tam electis quam reprobis peccatum Originale. Hanc sententiam tenent Gregorius de Valentia, Eustachius à Sancto Paulo, & Petrus à Sancto Joseph, & inter Theologos recentiores illam hodie non pauci sequuntur.

XXXVII. Verum inter eos qui reprobationis, absolute saltem consideratæ, ex parte hominum dari causam aliquam existimant, magna reperitur adhuc sententiarum varietas, dum explicant quæ sit illa causa. Etenim sunt nonnulli qui reprobationis, quoad primum suum effectum, qui juxta ipsos est prima gratiæ, & vocationis congruæ negatio, quæ rejicitur homo à gratia prædestinatorum, causam constituent in solo peccato primi parentis, non vero in ullo peccato proprio eorum qui reprobantur, sive peccatum illud statuatur actuale, sive originale. Putant enim quamlibet peccati permissionem, & gratiæ negationem merito peccati primi parentis jure tribuendam esse: nulli vero alii peccato posse jure ascribi permissionem peccati originalis in parvulis qui reprobantur, aut permissionem primi peccati actualis in reprobis adultis, qui post remissum peccatum originale à gratia Dei excidunt, & in peccatum relabuntur. Hæc est sententia Gabrielis Vasquez tom. 1. disput. 95. cap. 3. & seqq. Ad quam sententiam accedit Becanus in summa Theologiæ ubi de causa Reprobationis.

XXXVIII. Alii vero Augustinum hac in parte secuti, primi effectus reprobationis, sive rejectionis à gratia prædestinatorum, causam peti posse putant à peccato originali, quo inquinatos homines Deo reprobandi obijci existimant; non vero ad alia peccata referendam esse. Consent enim in poenam peccati originalis denegari omnia auxilia gratiæ quæcumque non conceduntur, & peccatum illud esse causam sufficientem, cur Deus omnibus tam parvulis, quam adultis gratiæ suæ auxilia & remedia justè denegare possit, illa vero actu neget iis qui reprobantur, primæ autem gratiæ congruæ atque efficaciæ negationem non posse alii peccato tribui.

XXXIX. Ad hanc sententiam accedit Petrus à Sancto Joseph. *Probabilis est, inquit, reprobationem hominum negativam non fuisse constitutam, nisi ob peccatum Originale prævisum.* Et paulo post, *Dicendum est, inquit, ejusmodi peccatum fuisse simpliciter causam propter quam Deus homines negativè reprobare voluerit, etsi non fuerit causa, quare hunc potius quam illum eo modo reproberit; cum omnes peccato originali æqualiter infecti fuerint.* In Idea Theologiæ speculativæ lib. 1. cap. 20. Resolutione 5.

XL. Quidam autem existimant in omnibus reprobis, reprobationis etiam quoad primum suum effectum, non eandem causam assignari debere. Dicunt enim causam reprobationis, ex parte reprobatorum, in quibusdam esse solum peccatum originale, scilicet, in parvulis qui absque Baptismo decedunt: in quibusdam vero solum actuale, nempe in iis reprobis quibus peccatum originale remissum est per baptismum, sive aliud remedium: deniq; in quibusdam peccatum originale & actuale simul, nimirum in reprobis illis quibus nunquam justificationis gratia conceditur, quibusque nunquam remissum est peccatum originale. Hanc sententiam, referente Dominico Bannes, tenuit Dominicus

nicus Soto scribens in cap. 9. Epistolæ ad Rom. & Petrus de Soto major Professor Salamancaensis.

XL. Sed quod mirum inter eos ipsos qui permissionem peccati numerant inter effectus reprobationis, & cum Thoma concedunt reprobationem includere voluntatem permittendi quorundam hominum culpam, & non tantum damnationis poenam inferendi pro culpa, nonnulli sunt qui docent nihilominus causam reprobationis esse hominum mortem & perseverantiam finalem in peccato, sive actuali, sive originali. Quod certe posterius dogma cum priori secundum rectam rationem coherere non potest. Nam permissio peccati non potest sequi peccati finalis prævisionem, quandoquidem prævisio peccati est illius permissione posterior. Deus enim nullum peccatum prævidet, quod non prius permittere apud se decreverit. Et tamen hæc est sententia Gregorii de Valentia. *Est, inquit, secunda sententia à nobis omnino defendenda, quæ assertit peccata ea cum quibus reprobis à vita decedit, esse causam meritoriam reprobationis illius, non modo quoad ultimum effectum reprobationis, qui est æterna puniitio; sed etiam quoad primum illius effectum, qui est illa permissio de qua supra diximus.* Tom. 1. quæst. 23. disput. 1. puncto 3.

XLII. Rursus vero eorum qui simpliciter negant ullam esse causam reprobationis, quoad omnes suos actus & effectus consideratæ, non est eadem mens atque sententia, neque omnes ad istud asserendum rationibus iisdem ducuntur. Quidam enim reprobationem constituentes ex duobus actibus, uno positivo, qui est destinatio ad poenas æternas, altero vero negativo, qui est præteritio & derelictio quorundam, dum alii ad vitam æternam eliguntur, atque prædestinantur, ideo dicunt nullam dari causam reprobationis totalis ex parte hominum: quoniam actus ille negativus quo constat prima pars reprobationis, sequitur quidem prævisionem peccati originalis, quo integra generis humani massa corrupta est, non tamen sit ob istud peccatum, nec istud peccatum est ejus causa meritoria: quandoquidem multi eodem peccato infecti non reprobantur. Quæ est sententia Bellarmini de gratia & libero arbitrio lib. 2. cap. ultimo.

XLIII. Alii vero idcirco negant dari causam ullam reprobationis totalis, quoniam permissio cujuscunque peccati, quod in reprobationem perditionem cedit, est effectus reprobationis. Primi vero peccati permissio non potest ad ullius peccati prævisionem tanquam causam referri: quandoquidem peccato primo nullum prius est. Cæteroquin putant Deum neminem à gloria decrevisse excludere, nisi propter ejus peccata prævisa. Quæ in sententia sunt plerique qui negant reprobationem esse ex prævisis meritis, aut ejus dari rationem aliquam ex parte hominis. Nempe hoc intelligunt de reprobatione totali, ut jamdictum, quæ includit decretum negandi gratiam prædestinatorum, non vero de illa parte reprobationis, quæ est decretum aliquem rejiciendi à gloria.

XLIV. Veruntamen nonnulli sunt qui causam reprobationis ideo dari negant, quoniam Deus actu positivo decrevit certos homines à vita & gloria cœlesti excludere, antequam ulla eorum peccata prævideret. Quam sententiam Vasquez loco supra citato tribuit Antonio Cordubæ: eamque sequuntur atque profitentur recentiores Thomistæ, & inter alios Didacus Alvares, ut manifestum faciunt quæ supra ex ipso retulimus.

Theses Theologicæ:

D E

REPROBATIONIS

Natura, Objecto,

CAUSA & EFFECTIBUS.

I N

*Quibus exponitur Doctrina eorum qui inter Protestantes
singulari nomine Reformati dicuntur, ac cum Schola
Romanæ Doctrina comparatur.*

Thesis Prima.

X Theologis Reformatis non pauci sub decreto Reprobationis includere videntur quæcunque Deus ab æterno decrevit atque ordinavit circa eos qui à salute excidunt, & inferorum pœnis adjudicantur. Etenim ad decretum reprobationis revocant ætæm divinæ voluntatis quo Deus statuit reprobos creare & eorum peccata quæcunque permittere: ac censent Deum ea intentione reprobos condidisse, & permisisse eorum peccata, etiam primum illud quo infecti nascuntur, ut tandem in eorum justa punitione sese peccati vindicem ostenderet.

II. Etenim sumentes prædestinationem sensu quodam generali, prout electionem & reprobationem sub se tanquam duas species complectitur, sic illam definiunt. *Prædestinatio est consilium Dei æternum, iustissimum & immutabile, de creandis hominibus, de permittendo eorum lapsu in peccatum, & mortem æternam, de minuendo filium in carnem, ut fiat víctima, deque aliquibus per Spiritum Sanctum & Verbum, propter Mediatorem, in vera fide & conversione servandis, per & propter eum justificandis, ad gloriam suscitandis, & donandis vita æterna, de aliquibus verò relinquendis in peccato & morte, suscitandis ad iudicium, & abjiciendis in æternas pœnas.* Quæ est descriptio Urini explicationis Catecheticæ parte 2. capite de prædestinatione, questione 2.

III. Congruit definitio Hieronymi Zanchii quam concepit his verbis. *Prædestinatio est æternum immutabileque Dei decretum, quo apud semetipsum ab æterno constituit: primum omnes homines tum creare, tum ut in peccatum laberentur, & in mortem ruerent permittere: deinde horum alios in Christo sua tum gratia, tum æterna vita gratis donare, alios vero hæc gratia non dignari, sed cum Satana tum excacare, & indurare, tum æterno exitio perdere: idque ut in illis divina bonitas & misericordia, in istis vero divina potentia*

V

& iustitia declaratur: atque ita in omnibus Deus glorificetur. Tomo septimo, tractatione de prædestinatione num. 9.

IV. Affinis est quoque descriptio Bucani. *Decretum prædestinationis*, inquit, *est quo Deus homines à se creando, antequam eos conderet, jam sum quosum eos conderet constituit, sic ipsius gloriæ inferuire, pro suo jure & mera voluntate decrevit, ut eorum alii essent vasa & exempla ipsius bonitatis & misericordiæ, alii autem vasa ipsius iræ, id est, iuste in scelera ultioni, atque potentia. loco 36. quæst. 8.*

V. Eadem quoque est doctrina Bezzæ, qui in brevi explicatione totius Christianismi, decretum prædestinationis in eo constituit, quod Deus homines, ut reliqua omnia, ad gloriam suam decrevit creare, sed duobus modis penitus diversis: ita, nempe, ut alios, quos sibi visum fuerit, pro arcana sua voluntate, faciat per misericordiam gloriæ suæ participes, in alteris vero, quos item placuerit in eum usum suscitare, iram ac potentiam suam ostendat, ut in ipsis quoque glorificetur. Cap. 2. de prædestin. Aphorismo 2. Et capite quinto, Aphorismo primo, repetit dominum idcirco reprobos creavisse, ut in eorum iusta condemnatione glorificetur.

VI. Porro ad eandem sententiam accedunt Gomarus, Piscator, Twissus, & Voetius. Adeoque illam tenent & profitentur quicunque inter Reformatos vocantur supralapsarii, propterea quod, dum assignant objectum prædestinationis, supra lapsum hominis ascendunt.

VII. Sed tamen major pars Doctorum Ecclesiæ Reformatæ non censet decretum de homine creando, & de permittendo lapsu primi hominis, adeoque totius humani generis ruina inde consecuta, partem facere reprobationis. Totum enim decretum reprobationis revocant ad voluntatem illam, qua Deus statuit certos quosdam homines non eligere, sed eos in peccatis propriis relinquere, & tandem propter eorum peccata iuste damnare.

VIII. Hæc fuit sententia Synodi Dordracenæ, quæ capite de divina prædestinatione, Articulo XV. decretum reprobationis in eo constituit, quod Deus homines quosdam, ex liberrimo, iustissimo, & immutabili beneplacito decrevit in communi miseria, in quam se sua culpa præcipitarunt, relinquere, nec salvifica fide & conversione donare; sed in vis suis, & sub iusto iudicio relictos, tandem non tantum propter infidelitatem, sed etiam cætera omnia peccata, ad declarationem iustitiæ suæ damnare & æternum punire.

IX. Cui definitioni consentiunt pleraque judicia particularia Theologorum qui Synodo illi interfuerunt. Sic in iudicio Theologorum Nassaviensium, hæc est eorum prima thesis de Reprobatione. Voluntas Dei per quam ab æterno sapienter, liberè, & immutabiliter statuit, ex toto genere humano misero & peccatore, certos quosdam non eligere, ipsosque propter eorum peccata iuste damnare, totum est decretum reprobationis. Et eadem quoque sententia fuit Theologorum Leydensium, ut videre est in thesibus Riveti de reprobatione thesi 3.

X. Porro hi Theologi in reprobatione duplicem actum distinguere solent. Unus ab iis dicitur negativus, quo Deus ab æterno decrevit hunc non eligere, sed præterire & à lapsu non erigere: alter vero positivus, sive affirmationis, quo peccatores sibi derelictos, & administratione communis providentiæ, qua non delituantur, abusus, post longam tolerationem, ad meritis poenas describere, iisdemque eos efficere decrevit. Quæ verba sunt Riveti eadem disputatione thesi septima.

XI. Consentit Polyander thesibus de reprobatione editis anno 1625. thesi 19. Ubi in reprobatione observat duas distinctas præordinationes. Prior, inquit, est *negativa, quæ vocabulis præteritionis & non electionis: posterior est affirmativa, quæ voce prædamnationis designatur.*

XII. Si vero quærat in utra istarum præordinationum reprobatio præcipue consistat, hic variare videntur Doctorum sententiæ. Et quidem Polyander ille in hac postrema præordinatione reprobationem potissimum collocare videtur. Nam dum definit reprobationem, illius tantum expresse meminit thesi 18. *Reprobatio, inquit, est prædestinatio certorum hominum in peccatum prolapsorum, ac perisatem Dei in iniustitia deinentium, vel Evangelium sibi prædicatum variis modis ac gradibus rejicientium, ad exitium mortis æternæ.*

XIII. Vetustiores quoque Scholæ Reformatæ Doctores videntur rationem reprobationis præcipue ponere in quorundam hominum prædestinatione ad exitium & mortem sempiternam, ut patet ex eorum definitionibus. Verum Synodus Dordracena in reprobatione potissimum considerat decretum de neganda certis hominibus gratia, qua

corda

corda eorum ad fidem & relapscentiam flecterentur, & emollescerent. Ut videre est cap. de prædestinatione. Articulo VI. *Quod, inquit, aliqui in tempore fide à Deo donantur, aliqui non donantur, id ab ipsius æterno decreto provenit, secundum quod decretum electorum corda, quatenus dura, graviorè emollit, & ad credendum inflectit, non electos autem, justo iudicio, suæ malitiæ & duritiæ relinquit. Atque hic potissimum sese nobis aperit profunda, misericors pariter & iuxta hominum equaliter perditorum discretio, siue decretum illud electionis & reprobationis in Verbo Dei revelatum.*

XIV. Similiter Rivetus disputatione illa de reprobatione, quæ est quinta tredecim illarum quas habuit de iusta & gratiosa Dei circa salutem humani generis dispensatione, reprobationem propriè constituit in actu illo negativo, quo Deus quosdam homines ab æterno non elegit, sed præterit. Hæc enim sunt illius verba thesi 8. *His præmissis dicimus ad alium illum negativum, nempe præteritionem quæ propriè est reprobatio, quatenus electioni opponitur, nullam causam requiri, quæ antecedere deberet, ut Deum moveret ad reprobandum.*

XV. Quinimo Theologi Magnæ Britanniæ in iudicio suo quod habetur in actis Synodi Dordracenæ totam reprobationis rationem collocant in actu isto negativo, quo Deus constituit quibusdam hominibus non largiri gratiam illam, quæ efficaciter & intalibilibiter ad fidem & salutem electi perducuntur. Sic enim loquuntur illius sui iudicii capite secundo. De Reprobatione, Thesi prima Orthodoxa. *Reprobatio propriè loquendo, siue non electio, est decretum Dei æternum, quo liberrima voluntate statuit quorundam hominum in Adam lapsorum non eo usque misereri, ut eos ex sua miseria efficaciter per Christum eruat, & infallibiliter ad felicitatem perducatur.* Posteaque subiungunt, ipsorum iudicio, reprobationem quatenus opponitur electioni, non inferre, vel denotare alias ulla actiones proprias, præter negationem ejusdem gloriæ, & ejusdem gratiæ, quam in electione sua filiis suis Deus præparavit.

XVI. Professores verò Salmurienfes reprobationem ad solam gratiæ salutaris negationem restringere videntur. Nam aperte distinguunt decretum reprobationis à decreto damnationis. Et reprobationem temporalem, cujus decretum æternum est reprobatio illa de qua jam quæstio est, definiunt per exclusionem à gratia salutari. Sic enim disputatione priori de Electione & Reprobatione sic se habet eorum XXXVI. Thesis. *Aliud est ipsa damnatio, aliud reprobatio: aliud etiam est damnationis, aliud reprobationis decretum, & utriusque decreti causa. Damnatio est ipsa pænæ merito debita iustissima institutio, Reprobatio est exclusio, seu denegatio salutari Dei gratiæ, qua homo credit, & vera ducitur pœnitentia.* Quibus consentanea docet Paulus Testardus in Synopsi Doctrinæ de Natura & gratia. Thesi 294. *Reprobatio, inquit, est indurationis, hoc est, traditionis in reprobam mentem, iusto iudicio non indulta vocationis efficacis gratiæ, propositum. Minus propriè verò & magis extensa significatione, præter illud propositum, condemnandi & pœnis afficiendi, tum temporalibus cum maledictione, tum æternis, decretum.*

XVII. Porro quemadmodum Theologi Reformati Reprobationem variè definiunt, & plures vel pauciores actus divinæ providentiæ sub ea comprehendunt, ita quoque variè assignant illius effectus, siue, ut quidam loqui malunt, ejus consequentia, & media quibus executioni mandatur. Etenim illi qui reprobationem tam laxè definiunt, ut complectatur decretum de homine creando, & lapsu generis humani permittendo, quique volunt Deum certos quosdam homines eo sine creasse, ut gloriam suæ iustitiæ in iusta eorum condemnatione ostenderet & patefaceret, illi, inquam, necesse habent inter reprobationis effectus, siue media numerare reproborum creationem, & permissionem cuilibet peccati quod est ipsis perditionis causa, vel occasio. Sic juxta Zachariam Arminium, reprobationis effecta sunt 1. creatio reproborum, 2. privatio gratiæ divinæ seu desertio. Quo nomine videtur intelligere permissionem cujusvis peccati. Institutionis Catecheticæ parte 2. de Prædest. quæst. 4.

XVIII. Eadem est Doctrina Zanchii in summa prælectionum quæ habetur tomo septimo, tractatione de prædestinatione num. 22. *• Creari, inquit, & fini labi in peccata & in mortem effecta sunt prædestinationis communia electis atque reprobis. Deseri vero in peccata perpetuo, excacari, indurari, ac denique damnari effecta sunt reprobationis propria impii.* Gulielmus quoque Perkinsus docet prædestinationis hominum, tam ad mortem, quam ad vitam, medium commune esse creationem hominis, & lapsus permissionem. Intelligit autem permissionem illam qua Deus defectionem Adami & posterorum iuste permittit, non impediendo quomodo possit. Ut videre est in ejus libello de prædestinatione statim sub initium. Quibus accedit Polanus Syntagmatis Theologici libro 4. capite

10. ubi Thesi 3. docet Reprobationis effectus esse excitationem, seu creationem reprobatorum, ut Deus in ipsis ostendat suam potentiam & iustitiam: Deinde permissionem lapsus seu peccati in quo reprobati pereunt.

XIX. Similiter Bucanus loco 36. quæstione 38. inter communia media reprobationis ponit creationem hominis in integritate & iustitia, deinde lapsus hominum & eorum corruptionem. Et quæstione 39. inter media peculiaris executionis decreti de reprobandis hominibus refert peccatorum actualium inhnitam sobolem: quæ si media sint reprobationis, eorum permissio est reprobationis effectus.

XX. Quamvis autem ille & alii ex Theologis Reformatis inter reprobationis media, seu consequentia numerent varia reprobatorum peccata, imo & ipsum lapsum primi hominis, nolunt tamen ulla peccata dici effectus reprobationis, & docent Deum quidem illa velle per nittere, non tamen verè efficere. Ut videre est apud Ursinum & Bucanum locis citatis. Præcipue apud Polanum capite illo decimo libri quarti, ubi de effectis reprobationis agens, multis argumentis probat peccatum non esse effectum reprobationis æternæ. Neque volunt peccata esse media per se infervientia fini prædestinationis, seu reprobationis, sed tantum per accidens, & ex ordinatione Dei ex malo bonum elicientis. Ut videre est apud Perkinsum loco jam indicato.

XXI. Hic tamen nonnulli Theologi distinguunt inter peccata, quatenus peccata sunt, & inter eadem peccata, quatenus quandoque sunt aliorum peccatorum poenæ. Et negant quidem peccata, simpliciter ut peccata sunt, esse effectus reprobationis; sed pertendunt quædam peccata in reprobis & esse, & merito dici reprobationis effectus, quatenus sunt peccatorum præcedentium poenæ. Qualis est eorum qui sunt traditi in reprobum sensum cæcitas mentis, & cordis durities; quæ videlicet, ut est poena præcedentis rebellionis, seu reprobationis, sed tantum per accidens, & ex ordinatione Dei ex malo bonum elicientis. Ut videre est apud Perkinsum loco jam indicato.

XXII. Quæ est Doctrina Zachariæ Ursini loco præallegato. Ubi quoque, quod durius est, perseverantiam in peccatis inter reprobationis effecta diserte & expresse ponit. Quod tamen nec ab aliis probatur, nec probari debet. Siquidem perseverantia in peccatis peccatum ipsa maximum est, adeoque non potest ad decretum Dei, tanquam causam referri, quin Deus ex consequenti statuatur peccati autor.

XXIII. Imo nequidem dicendum videtur peccatum, ut poena est, esse ex reprobatione, & à Deo infligi, quemadmodum loquitur Ursinus. Nec enim unquam peccatum poena est proprie dicta, & à Deo infligta, sed quum Deus in poenam alicujus peccati peccatorem desinit, & sibi ipsi permittit, unde fit ut deterior fiat, & in graviora crimina labatur, id quod poenæ rationem habet est illa desertio, & derelictio Dei: quod verò tum dicuntur peccata peccatis puniri impropria locutio est.

XXIV. Autem reprobi dici possint ad peccandum præordinati, & decreto Dei destinati, quæritur inter Scholæ Reformatæ Doctores. Ad hoc Respondet Zanchius, neminem quidem prædestinatum esse ad peccatum admittendum, quatenus peccatum est, sed tamen tam electos, quam reprobos fuisse præordinatos ad peccatum, etiam ut peccatum est; quatenus ex eo gloria Dei illustranda erat, atque illustratur; quæ verba sunt Thesi ejus sextæ de Reprobatione quæstione secunda, quæ habetur capite secundo Libri quinti de natura Dei.

XXV. Sed durè id dicitur, & cum aliquo piarum aurium offendiculo, ac simpliciter falsum est ad peccatum, ut peccatum est, ullum fuisse à Deo prædestinatum, vel præordinatum, quæcunque postea restrictio addatur: licet ad hoc præordinati sint, tam electi quam reprobi, ut in varia peccata labi & incidere sinnerentur, & Deus quoque præordinaverit ex eorum peccatis, quæ ipse permiserit gloriam suam illustrare.

XXVI. Alii hic distinguunt inter decretum effectivum atque approbativum, & inter moderans five permissivum, & ex decreto quidem effectivo atque approbativo negant fieri peccata reprobatorum: sed pertendunt ea verè & legitime tribui decreto Dei quod vocant moderans atque permissivum: adeo ut, juxta ipsos, homines dici possint ad peccandum præordinati decreto permissivo, non autem effectivo. Quæ est doctrina & distinctio Bucani loco 36. quæstione 40. Cui affinis est Doctrina Perkinsi libro de Prædestinatione, Responsione ad tertiam criminationem. Aliis autem, & rectius, videtur vitandas esse duras hujusmodi Locutiones.

XXVII. Sed hoc misso, cum plerique ex Theologis Reformatis totale decretum reprobationis non alios divinæ voluntatis actus complecti existiment, quam illum quo Deus statuit certos quosdam homines in peccati massa relinquere, & tandem propter eorum peccata justè damnare, ex eorum sententia sequitur permissionem peccati primi hominis,

minis, & ex eo consequentis peccati originalis, non esse referendam ad reprobationem, tanquam ejus effectum, sed solum ad communem providentiam pertinere.

XXVIII. Et multo magis necesse est illos idem asserere de creatione, quæ ex eorum mente, à reprobatione, ut à causa, non pendet, sed à decreto quodam communis providentiæ, quod juxta nostrum concipiendi modum, reprobationis decretum antecedit, & ab eo præsupponitur.

XXIX. Cæterum permissionem eorum peccatorum, quæ in reprobis peccatum originale sequuntur, & gratiæ quæ electis confertur negationem, & tandem mortem æternam, quæ peccatis reproborum justo Dei judicio rependitur, ut propria reprobationis effecta & consequentia recensent & agnoscunt. Ut videre est in Theſibus Riveti de Reprobatione.

XXX. Hac in parte tamen à communi sententia recedit Petrus Molinaus. Negat enim simpliciter permissionem peccati esse effectum reprobationis. Et improbat definitionem Thomæ, qui reprobationis decretum dicit esse voluntatem permittendi aliquem cadere in culpam, & damnationis poenam inferendi pro culpa. Nam, inquit, *permisso quæ Deus permittit peccatum non pertinet ad prædestinationem, sed ad providentiam, quantumlibet inserviat prædestinationi.* In Anatome Arminianismi capite 26. num. 4.

XXXI. Illi verò qui decretum reprobationis restringunt ad solam voluntatem negandi quibusdam hominibus gratiam efficacem atque salvificam, qua electi vera fide & poenitentia donantur, quod faciunt, ut jam dictum, Professores Salmurienſes, & Testardus in Irenico, illi, inquam, non putant damnationem esse proprium & immediatum reprobationis effectum, sed solam negationem efficacis illius gratiæ, quæ operatur in electis fidem & relapscentiam.

XXXII. Sicut autem Theologi Reformati reprobationem variè definiunt, & plura vel pauciora Dei decreta sub reprobationis nomine complectuntur, nec effectus illius eodem modo assignant, ita quoque variant circa ejus objectum eorum sententiæ. Nam qui decretum de homine creando, & lapsu ejus permittendo reprobationis partem facere existimant, ut Polanus, Beza, Zanchius, Gomarus, Ursinus, Bucanus, Twissus, & alii, illi reprobationis secundum omnes suos actus consideratæ objectum esse volunt, non hominem lapsum & conditum, sed simpliciter hominem creabilem. Quam sententiam ante paucos annos acerrimè defendit Voetius Professor Ultrajectinus.

XXXIII. Nonnulli verò objectum prædestinationis generaliter sumptæ, adeoque reprobationis, docent esse hominem, consideratum quidem ut conditum, sed ut nondum peccato corruptum. Quæ est sententia Francisci Junii in Amica Collatione cum Jacobo Arminio de Prædestinatione.

XXXIV. Verum juxta mentem Synodi Dordacensæ, & plerosque hodiernos Scholæ Reformatæ Doctores, objectum reprobationis non est homo simpliciter ut creatus & conditus in Dei prævisione, sed quem Deus considerat, ut in Adamo lapsum, & Originali peccato infectum. Nec enim in describendo reprobationis decreto supra lapsum hominis ascendunt.

XXXV. Verum juxta Sohnum Professore olim Heydelbergenſem, objectum reprobationis, ut & electionis, non est homo simpliciter ut in Adamo lapsus, & peccato corruptus, sed præterea ut à Deo vocatus, & ad fidem & poenitentiam, sive per Verbum, sive per opera naturæ & providentiæ vocatus atque invitatus. Ut videre est apud authorem illum tractatu de æterna prædestinatione.

XXXVI. Cum illo autem hac in parte consentire videntur Theologi Bremenses in judicio suo Dordacensæ Synodo oblato, & Salmurienſes in suis Theſibus, alique qui in Doctrina de Gratia universali illis astipulantur. Nam putant illi Deum, antequam discrimen ullum per electionem & reprobationem inter homines ponere decreverit, statuisset communiter Christum redemptorem omnibus parare, omnesque, variis gradibus atque modis ad gratiæ illius participationem vocare atque invitare: ac tum demum, quum videret omnes, si sibi relinquantur, incredulos fore atque impenitentes, decrevisse quorundam duritiem & contumaciam gratia sua pervincere, alios vero indurare, similem gratiam eis non largiendo, & permittendo, ut Deo vocanti & invitanti resisterent, nec ei obsequantur.

XXXVII. Jam quod spectat causam reprobationis, id est, quæstionem illam, An deus ex parte hominis causa, vel conditio quædam ex cujus prævisione Deus motus & inductus fuerit ad hunc vel illum hominem reprobandum, sive per quam hic & ille dignus sit qui ab æterno reprobus fuerit, Theologi Reformati in varias quoque abeunt sententias.

sententias. Etenim qui tam laxè reprobationem describunt, ut complectatur æternam Dei consilium de creandis reprobis, & quibuscunque eorum lapsibus permittendis: quique objectum reprobationis constituunt hominem, non conditum & lapsum in prævisione divina, sed simpliciter hominem creabilem, & inter communia media reprobationis numerant creationem, & permissionem lapsus primi hominis, illi, inquam, constanter & concorditer affirmant totius reprobationis, & omnium ejus actuum & effectuum simul & collectivè sumptorum, nullam dari ex parte hominis rationem vel causam, ex cuius prævisione Deus impulsus fuerit ad hunc aut illum hominem reprobandum, & per quam hic & ille aliquo suo merito dignus sit in quem totus reprobationis effectus caderet. Adeoque non solum pertendunt ex solo Dei beneplacito pendere cur ille potius quam iste reprobus fuerit, sed etiam Deum reprobantem nihil magis in reprobis prævidisse, cur digni essent qui à Deo reprobarentur, quam in electis aliquid prævidit, quo mererentur à Deo eligi, & ad vitam prædestinari. Unde sequitur totalem & integram reprobationem, quocunque tandem modo consideretur, live comparatè, live absolute, ad solam & meram Dei voluntatem referendam esse: nec rationem ejus ullam ex futuris hominum peccatis peti & reddi posse.

XXXVIII. Si quis tamen effectus reprobationis sigillatim & seorsim consideret, agnoscunt eorum quosdam in homine meritum habere & justè reproborum peccatis in eos accersi. Ut, verbi causâ, æterna damnationis poena, quæ est ultimus reprobationis effectus, ex Theologorum omnium sententia, nulli reprobo infligitur, nisi propter ejus peccata, & mala demerita. Idemque sentiunt de induratione & excæcatione, & de illa desertione qua impii traduntur in reprobum sensum, quæ sunt iustissimæ poenæ quibus Deus gratiæ suæ contemptum vindicare solet.

XXXIX. Verum si libeat decretum reprobationis parti in varios actus, & decreta partialia, ac seorsim considerare illum divinæ voluntatis actum, quo reprobi ad mortem æternam destinantur atque ordinantur, Theologi jam dicti, qui ex eo quod, dum assignant objectum prædestinationis, supra lapsum hominis ascendunt, supralapsarii vocantur, non videntur idem omnino sentire, sed in diversas abire sententias. Nam eorum multi pertendunt Deum ab æterno certos quosdam homines æternis Inferorum cruciatibus destinasse, ante prævisionem culpæ ullius in iis futuræ: ac proinde decretum de damnandis his & illis hominibus nullam ex parte hominum rationem vel causam habere: imo decretum illud concipi debere tanquam aliquid prius decreto de permittendis reproborum peccatis; quod posterius decretum sequitur prævisio peccatorum in quæ reprobi, Deo permittente, incidunt.

XL. Hæc est expressa doctrina Polani Syntagmatis Theologiæ libro 4. cap. 10. *De causâ efficiente Reprobationis æternæ.* Ubi hæc est Thesis illius secunda. *Causa efficiens impellens propter quam decretum reprobationis, sive affirmativæ, sive negativæ, à Deo factum, non est peccatum, ad quod pertinet & malus usus liberi arbitrii.* Thesi vero sæpti negat æternam prævisionem peccati esse causam decreti reprobationis. Et hoc quia, juxta illius sententiam, in eodem capite ubi naturam reprobationis explicat, Deus in decreto prædestinationis primum ordinavit creaturas ad finem illarum, nempe vel ad vitam, vel ad mortem æternam; deinde demum subordinavit media ad exequendum consilium suum; inter quæ media locum habent reproborum peccata.

XLI. Idem quoque docet Hieronimus Zanchius libro quinto de Natura Dei, capite secundo. Ubi refutat eos qui fatentur quidem meram Dei voluntatem, non vero prævisâ hominum peccata, esse causam reprobationis negativæ, quæ est decretum illud quo statuit quorundam non misereri, & eis suam denegare gratiam; sed affirmativæ reprobationis, id est, decreti illius quo Deus constituit quosdam æternis adjudicare poenis, contendunt causam esse peccata impiorum, non verò solam Dei voluntatem, quos dicit in eo falli, quod primariam causam, cur Deus quosdam æternæ morti destinavit asserunt esse prævisâ ipsorum opera mala, & negant esse solam Dei voluntatem. Quoniam peccata, ex ipsius mente, sunt quidem in impiis causa damnationis, sed non causa decreti divini de ipsis damnandis atque puniendis, quod in Deo, juxta ipsum, præcedit peccatorum omnium prævisionem, adeoque decretum de lapsu generis humani permittendo: quod, juxta ipsum, tanquam decretum de mediis, subordinatum est priori decreto, tanquam decreto de fine. Fuit, inquit, hoc primum quod de reprobis constituit Deus ab æterno, nempe quorundam hominum ad exitium sempiternum destinatio. Ad hoc autem ordinata fuerunt ipsorum peccata, & ad peccata desertio, gratiæque denegatio.

XLII. His etiam consentit Beza in brevi explicatione totius Christianismi, capite secundo,

secundo, Aphorismo quinto. Ubi dicit, quum de reprobis interitu agitur, quamvis tota culpa intra ipsos maneat, Spiritum Dei tamen nos usque in altum illud mysterium subvehere, quod omnes damnationis illorum causas ordine antecedit; cuius quidem arcani nulla alia causa hominibus nota est, præter justam ipsius Dei voluntatem. Et Bezam quoque secutus est Piscator, quod vel inde manifestum est, quod decretum de lapsu Adami permittendo longè posterius facit decreto de reprobis damnandis, & multa alia decreta interferit, ut refert Gulielmus Twissus in vindiciis Perkinianis, Digressione prima, de objecto prædestinationis.

XLIII. Porro Twissus ille, licet Piscatorem & alios in eo reprehendat, quod statuant decretum de quibusdam damnandis ratione prius esse prævisione peccati, simul tamen etiam negat prævisionem istam in Deo priorem esse damnationis decreto. Docet enim decretum de quibusdam damnandis, & decretum de peccatis eorum permittendis, ipsamque peccatorum illorum prævisionem naturæ & ratione in Deo simul esse, & esse re coordinatas non verò subordinatas. Ac proinde nihilominus cum iis in eo consentit, quod peccata prævisa non sint ullo modo causa, vel ratio cur Deus æterno decreto quosdam damnationi sempiternæ addixit.

XLIV. Verum Perkinus quamvis cæteroque de numero Doctorum illorum qui dicuntur supralapsarii affirmat quidem decretum integrum reprobationis in Deo præcedere omnem peccati considerationem in hominibus reprobandis, adeoque nullam illius rationem, vel motivum ex parte hominum assignari posse, sed ad unicam Dei voluntatem esse referendum: sed tamen actum illum divinæ voluntatis, quo certi quidam homines ad poenam ordinantur censet in Deo habere præcedentem quandam peccati prævisionem & considerationem. Nam decreti reprobationis docet esse duplicem actum. Prior, juxta ipsum, est propositum deferendi quosdam homines, justitiamque in eis declarandi. Hujus actus affirmat extra Deum causam impulsivam dari non posse: quoniam, ut censet, oritur ex mero Dei beneplacito, nullo habito respectu vel boni, vel mali in creatura. Secundum actum reprobationis dicit esse ordinationem ad poenam, sive justum exitium. Hanc autem ordinationem rursus distinguit, pro vario cogitandi modo in simplicem & comparatam. Ordinatio simplex illi est qua iste, puta Cain, vel Judas, ordinatur ad poenam. Et hanc dicit à Deo fieri cum respectu Originalis vel actualium peccatorum, & peccatum in divina præscientia illam antecedere ordinis ratione, quamvis negat inde sequi peccatum esse causam decreti damnationis. Ordinationem vero comparatam esse dicit, qua unus, non alius, & in pari conditione iste magis quam ille ad poenam ordinatur. Atque istius reprobationis comparatæ asserit causam esse meram Dei voluntatem, etiam absque respectu ullius peccati.

XLV. Qua in re errare videtur. Siquidem, quemadmodum ipse ante colligit, quod sicut Deus damnat homines propter peccatum, ita decrevit eos damnare propter peccatum: sic colligere possumus quod sicut Deus damnat hunc potius quam illum, quoniam hic non ille in peccatis moritur: ita quoque decrevit hunc potius quam illum damnare, quia prævidit hunc potius quam illum in peccato moriturum.

XLVI. Quod attinet ad eos quibus objectum reprobationis est homo lapsus & peccato corruptus, omnes in eo conveniunt quod Deus neminem æterno suo decreto damnationi addiderit, nisi ex peccato illius præviso, & propter ejus peccatum futurum. Imo ex eorum doctrina manifestè sequitur quod integrum reprobationis decretum in Deo præviam habeat quandam futuri olim in homine reprobando peccati considerationem.

XLVII. Attamen ad quæstionem illam, An decretum reprobationis habeat aliquam in homine causam, quæ Deum ad hunc & illum reprobandum impulerit, respondent per distinctionem eorum quamplurimi. Nempe, ut jam observatum est, in decreto reprobationis duos actus distinguunt. Unum negativum, quo Deus certos homines in gratiæ salutiferæ & æternæ gloriæ, quam electis destinat, communicatione præterire decrevit. Alterum vero positivum, quo constituit illos æternis suppliciis inferni addicere. Et prioris illius actus in hominum meritis causam esse querendam negant, sed asserunt illum ad solam Dei voluntatem referendum esse. Verum posterioris actus positivi & affirmativi, quo certi quidam homines damnationi æternæ destinantur, fatentur causam non ad solam Dei voluntatem referri debere, sed ad prævisa peccata illorum qui damnationem illam commerituri præsciuntur. Quam doctrinam communi consensu tradunt perique omnes Theologi, qui Synodo Dordracenæ interfuerunt. Ut videre est in eorum judiciis, quæ in actis illius Synodi Canonibus ejus subjuncta reperiuntur.

XLVIII. Alii vero addunt aliam distinctionem à nobis supra expositam. Nam si repro-
batio

batio comparatè desideretur, & queratur, exempli gratia, cur Judas potius quam Petrus reprobatus fuerit, tum negant hominum peccata & mala demerita illius causam esse: sive ratio habeatur prioris illius actus negativi, qui dicitur non electio, vel præteritio, sive etiam posterioris actus affirmativi, quem vocant prædammationem. Quamvis enim Deus in Juda prævideret damnationis meritum, antequam illum suo decreto ad damnationem ordinaret, in multis quoque electis prævidit peccata quæ ad eorum damnationem sufficerent, nisi decrevisset erga illos misericordia uti.

XLIX. Si autem reprobatio consideretur absolute, & quæstio sit, An iste, vel ille aliquo suo merito dignus fuerit quem Deus reprobareret, tum respondent prævisa reprobationis peccata fuisse causam sufficientem ob quam Deus illos justè reprobarè & rejicere posset, idque non tantum respectu posterioris actus, qui est prædammatio; sed etiam respectu prioris, qui est præteritio & gratiæ denegatio, licet id minus audacter & expresse asserunt, quam de posteriori. Quæ est Doctrina Riveti disput. de Prædestinatione. Sic enim loquitur thesi decima tertia. *Aliud est inquirere de causa cur reprobi digni sint reprobatione, aliud cur Deus hunc potius hunc quam illum reprobareret? Prior illa in peccato querenda est & statuenda, posterior autem in sola Dei arcana volumatae.*

L. Verum Ludovicus Capellus prima parte Thelium de Electione & Reprobatione, quæ sunt insertæ Tomo secundo Thelium Salmurienisium, negat quidem decretum de noneligendis, sive prætereundis quibusdam hominibus in communicatione gratiæ salutaris atque efficacis, habere causam ex parte hominum, si comparentur inter se electi & reprobi; quamvis si hæc præteritio absolute consideretur, illi qui reprobantur sint ista præteritione suo merito & peccato digni, & ut tales fuerint à Deo considerati, dum conditum est ab ipso reprobationis decretum.

LI. Quod spectat autem decretum de quibusdam damnandis, quocunque tandem modo consideretur, asserit illius causam & meritum esse in peccatis hominum. Nempe, peccata eorum prævisa, non tantum fuisse causam cur æternæ damnationi decreto Dei adjudicaretur, sed & cur potius illi quam alii. Nec enim vult quempiam ad æternam damnationem præordinatum, nisi ex prævisione incredulitatis & impoenitentiae finalis. Ut videre est thesi 36. Thesi vero sequenti hæc sunt illius Verba. *Reprobationis, si in se & absolute consideretur, causa est peccatum, hoc est, homo qui peccator meretur reprobari à Deo, sive dignus est cui Deus neget, si velit, gratiam suam & donum fidei, indignus est cui Deus tantum conferat beneficium. Neminem autem Deus Reprobat, sed à gratis excludit, nisi quem in peccato jacentem & corruptum consideravit, & ab æterno prævidit.* Thesi vero 38. *Reprobationis, inquit, comparatè consideratæ causa nulla alia est quam merum Dei beneplacitum.*

LII. Porro Theologi illi qui docent reprobationem, saltem absolute consideratam, in præviso hominum peccato habere causam, motivum, vel rationem, non explicant plerique quodnam peccatum intelligant. An solum Originale, An etiam actuale, & An solum finalem impoenitentiam, An etiam alia peccata? Celeberrimus tamen Molinæus Anatomes Arminianismi capite 26. postquam numero 6. & 7. asseruit peccatum esse causam meritoriam reprobationis, non tamen causam discriminis inter electos & reprobos, paragrapho sequenti asserit homines non reprobari ob solum peccatum ab Adamo contractum, & ob labem quæ reprobis cum electis communis est, sed etiam ob peccata actualia, quæ toto vitæ cursu sunt commissuri.

LIII. Si verò dicendum sit, non quid quisque fortè sentiat, sed quid ex cuiusque Doctrina consequatur, & quid unumquemque sentire necesse sit, si propriis principiis stare velit, cum juxta maximam partem Doctorum Reformatorum, & præcipue illorum quibus constitit Dordracena Synodus, objectum reprobationis totalis, & quoad omnes suos actus consideratæ, sit humanum genus ut in Adamo lapsum, & Originali peccato infectum, non verò homines, ut jam peccatis actualibus & vitiis contaminatos, dicere necesse habent reprobationem, quoad primum illius actum, qui est præteritio, sive non electio, non habere præcedentem ullius peccati considerationem, præterquam Originalem, adeoque si præteritionis & non electionis absolute consideratæ dignitatem vel meritum aliquod in homine esse dicant, id totum referre debent ad peccatum Originale.

LIV. At vero, si reprobatio consideretur quoad actum posteriorem, qui est prædammatio, & quædam ad mortem æternam ordinatio, quandoquidem illi dicunt propter quæ peccata aliquis damnatur, propter eadem prævisa ab æterno illum fuisse decreto Dei ad damnationem ordinatum, atque destinatum: manifestum autem est homines damnari non propter solum originale, sed propter actualia quævis toto vitæ decursu commissi,

info

imo neminem damnari, nisi qui in peccato ad mortem usque perseverat, inde sequitur, juxta illorum sententiam, reprobationem, quantum spectat hunc actum, & quatenus illa concipitur, ut præordinatio quorundam hominum ad mortem æternam, & cruciatus sempiternos, non factam esse nisi ex prævisa perseverantia finali in peccato, adeoque propter illam, & respectu illius.

L.V. Unde quoque evidenter & aperte colligi potest perseverantiam finalem in peccato esse causam & rationem reprobationis, quoad ultimum istum actum, non solum quum reprobatio consideratur absolute, sed etiam quum illa comparate consideratur. Nec enim Deus simpliciter hunc & illum damnat, quia in peccato moritur, sed etiam quum quaeritur, cur Deus hunc potius quam istum æternæ morti adjudicat, rectè & verè responderi potest, istud Deum ideo facere, quia hic in peccato moritur, iste verò ante mortem à peccato refurgit. Ac quemadmodum concludunt Doctores illi de quibus jam agimus, quod sicut Deus damnat homines propter peccatum in quo ad mortem perseverant, ita quoque illos propter idem peccatum damnare decrevit, sic etiam concludere debent, quod sicut Deus damnat hunc potius quam illum, quia hic & non ille vitam in peccato finit, ita quoque decrevit hunc potius quam illum damnare, quia prævidit hunc potius quam illum vitam in peccatis esse finitum.

L.VI. Qui vero volunt objectum electionis & reprobationis esse hominem vocatum ad gratiæ Christi participationem, sive per expressam atque explicitam Evangelii prædicationem, sive alio quodam modo, illi possunt admittre non solum Originale peccatum, sed etiam peccata actualia, & vitia ab homine voluntarie contracta, esse causam reprobationis, non tantum quoad actum posteriorem qui est prædamnatio, sed etiam quoad priorem, qui est præteritio, saltem quum reprobatio absolute consideratur. Nam si Deus homines eligens & reprobans, illos considerat ut divinæ vocationi resistentes, quantum in ipsis est, & si sibi relinquunt, proculdubio videt illos dignos quos rejiciat, non tantum respectu peccati originalis, in quo concepti & nati sunt, sed etiam respectu peccatorum actualium, quibus se voluntarie polluerunt & contaminarunt: licet nullam videat in illis dignitatem, cur hi potius quam illi, vel per gratiam convertantur, vel naturæ suæ pravitati & contumaciæ relinquuntur.

L.VII. Ex his vero colligere est communioem & probabiliorem in Scholis Reformatis de Reprobationis causa sententiam, illam esse quæ statuit Reprobationem, quoad actum illum qui est præteritio sive non electio, habere quidem meritum & rationem aliquam ex parte hominis reprobat, si reprobatio in se & absolute spectetur, non habere vero, si spectetur comparate. Verum si agatur de altero illo actu qui est prædamnatio, & ad mortem destinatio, tum perseverantiam hominis in peccato esse illius meritum & causam, quocunque tandem modo aliquis eam consideret.

L.VIII. Jam autem, si quis juxta illa quæ à nobis exposita sunt, Doctrinam Scholæ Romanæ circa reprobationem, cum Doctrina Theologorum Ecclesiæ Reformatæ circa eundem articulum comparet, facile videbit hæc de re nullam propriè quaestionem & controversiam esse, quæ Ecclesiam Reformatam ab Ecclesia Romana dividat. Nec enim de Reprobationis natura, objecto, causa & effectibus, quicquam est quod unanimi consensu neget Schola Romana, affirmet verò Schola Reformata, vel contra. Sed si quid Doctores Ecclesiæ Romanæ in Reformatis nonnullis communi consensu damnant, id quoque multi alii ex Reformatis in iis reprehendunt. Et vice versa, si qua in re Reformati communiter à sententia quorundam Doctorum Scholæ Romanæ recedant, in eo quoque illi à multis Theologis suæ communionis damnantur.

L.IX. Sed vix quicquam tale in hoc negotio occurrit. Nam in variis quaestionibus quæ de Reprobatione moventur, magna est, ut apparet sententiarum diversitas, tam in Schola Romana quam in Schola Reformata. Et vix ulla est quæ in utraque Schola & adversarios suos & fautores suos non habeat. Nam utrinque sunt & qui plures actus, & qui pauciores sub nomine Reprobationis comprehendant, & consequenter qui plures, vel pauciores etiam effectus illi assignent.

L.X. Atque ut Reformati quidam creationem hominis & primi etiam lapsus permissionem inter Reprobationis effectus, sive media, ut loquuntur, connumerant, idem quoque faciunt nonnulli ex Scholæ Romanæ Doctoribus. Ut vero plurimi ex his ejusmodi effecta, non ad reprobationem, sed ad communem tantum providentiam revocant, idem quoque tacit Doctorum Reformatum maxima pars.

L.XI. Utrique vero communi consensu negant peccata esse effecta reprobationis, adeoque per calumniam Reformatis imputatur quod contrarium affirmant, & peccata ponant inter Reprobationis effectus. Quod si quid uni vel alteri ex Reformatis excidit quod videatur

eo pertinere, ut quum Zacharias Urtinus inter effectus reprobationis, imprudenter & contra propriam ipsius doctrinam, perseverantiam in peccato numerat, idem videmus contigisse Viguerio Dominicano, cujus verba Theſibus ſuperioribus à nobis relata ſunt. Fatendum eſt tamen non nullos Reformatos in hac materia duris quibuſdam verbis & locutionibus uſos, quæ aliquam ſpeciem & occaſionem calumniæ dederunt, ut in exemplis ante allatis, & præſertim ex Hieronymo Zanchio videre eſt. Sed ab eis abſtinent plerique Reformati, nec cæterorum modum loquendi probant.

LXII. Præterea ut multi vetuſtiores inter Reformatos in assignando reprobationis objecto ſupra lapſum hominis aſcendunt, ſic etiam ex doctrina veterum plerorumque Scholaſticorum, non aliter assignari poteſt. Plerique vero in utraque Schola Theologi recentiores objectum reprobationis hominem lapſum conſtituunt.

LXIII. Denique circa cauſam reprobationis eodem modo dimicãre videntur inter ſe Theologi tam Eccleſiæ Romanæ quam Eccleſiæ Reformatæ. Etenim inter utroſque ſunt qui reprobationis totalis quocunque modo conſiderari poſſit ſeu abſolutè, ſive comparatè, ex parte hominum qui reprobantur, cauſam vel rationem ullam dari poſſe negant, ſed illam ad ſolum Dei beneplacitum referunt.

LXIV. Sunt etiam qui cauſam & meritum aliquod reprobationis, ſaltem abſolutè conſideratæ, in peccatis hominum reperiri exiſtimant. Et præterea qui cauſam illam referunt ad ſolum peccatum originale, & etiam qui non ad originale ſolum, ſed ad peccata tam originale quam actualia ſimul.

LXV. Ad hæc plurimi Scholæ utriuſque Doctores hic diſtinguunt reprobationem in negativam & affirmativam, ſive poſitivam. Et negativæ quidem reprobationis cauſam ex parte hominum non dari poſſe docent, ſed illam ad ſolam Dei voluntatem referunt. Reprobationis vero poſitivæ & affirmativæ cauſam & meritum in reprobis iſtis reſidere agnoſcunt.

LXVI. In hac tamen quæſtione unum eſt quod affirmant pauci quidam Reformati, quod verò Doctores Eccleſiæ Romanæ unanimo conſenſu damnant. Nempe, quorundam hominum prædeſtinationem ad mortem atque exitium æternum factam eſſe ex mero Dei beneplacito, nec cauſam ejus & rationem ullam quærendam eſſe in peccatis hominum, quippe quorum permiſſio effectus ſit iſtiusmodi prædeſtinationis.

LXVII. Sed hanc quoque ſententiã rejicit longè maxima pars Doctorem Scholæ Reformatæ. Nec ab ea multum abhorret opinio quorundam Doctorem Eccleſiæ Romanæ, quam diſputatione præcedenti retulimus. Illorum, nempe, qui docent Deum decreto poſitivo certos quosdam homines ab æterna & cœleſti gloria excluſiſſe, ante ullam peccati in iſtis præviſionem, & permiſſionem cujuſcunque peccati eſſe effectum illius decreti, quo Deus conſtituit juſticiã ſuã in certis quibuſdam hominibus declarare & maniſeſtare. Quam ſententiã tenent & propugnant Didacus Alvarez & Gulielmus Eſtius, & cum iſis alii nonnulli Thomiſtæ recentiores.

Theses Theologicæ:

D E

DECRETORUM
Divinorum Ordine

CIRCA

ELECTOS & REPROBOS.

I N

*Quibus exponitur Doctrina Scholæ Romanæ, & eorum
etiam qui inter Proteſtantes ſingulari nomine Refor-
mati dicuntur.*

Thesis Prima.

OCTORES Scholæ Romanæ huic quæſtioni tanquam fundamentum certum & immotum præſtruunt in Deo, qui ſimpliciſſimus eſt, non eſſe plures actus voluntatis & intellectus, qui idem ſunt in Deo cum ipſa ejus eſſentia; ſed Deum unico actu ſimpliciſſimo voluiſſe & ordinaviſſe quæcunque ab æterno voluit & ordinavit, ac proinde in Deo non eſſe plura decreta, inter quæ ſit verus & naturalis ordo prioris & poſterioris. Sed dum cogitamus Dei intellectum & voluntatem ad varia objecta referri atque terminari, inde formantur varii conceptus, quæ Dei decreta vocantur, & quali plura eſſent concipiuntur, cum id quod eis reſpondet in Deo rêvera ſit unum.

II. Quandoquidem ergo Deus multa & diverſa circa ultimum hominum finem, & media ad finem illum conducentia voluerit & ordinaverit, prout actus divinæ voluntatis & intellectus ad hunc & illum finem, & ad hæc & illa media, circa hos & illos homines reſertur, ab humana mente in plures dividitur, inter quos ratio quendam ordinem conſtituit, ſecundum quem humani conceptus de actu illo divino variè conſiderato diſponi & digeri debent.

III. Atque hoc totum illud eſt quod quærit Schola Romana, quum de decretorum divinorum ordine circa electos & reprobos diſputat. Et certè cum omnes convenienter qualiter res ſe in Deo habeat, nempe, ut jam diximus, unicum ſolummodo in eo decretum eſſe, in quo non datur prius & poſterius, inde ſequitur tantum quæſtionem eſſe poſſe de conceptuum humanorum ordine, quæ res videtur propè arbitraria: cum pro libitu quis poſſit conceptus iſtos & decreta divina multiplicare, & præterea ratio varios

ordines excogitare queat, Secundum quos conceptus illi digeri possint, & quorum respectu unum Dei decretum, modo prius, modo posterius alio concipiatur.

IV. Nam si quis ordinem illum incipiat à causa finali, decretum de objecto quod habet rationem finis concipietur ut prius decreto de alio objecto, quod ad finem istum habet rationem mediū. Si quis vero potius rationem habeat causæ efficientis atque disponentis, tum decretum de mediis, qua finem promouent & ad finem disponunt, prius censibitur decreto de fine. Unde sit ut inter doctores magna sit super ea re sententiarum diversitas.

V. Inter veteres Scholasticos Joannes Scotus sic hac de re Philosophatur. Ex ejus mente, primum habuit Deus simul suo conspectui presentes Petrum & Judam, verbi causa, atque decrevit efficaciter Petrum beare, antequam ejus merita præficeret: circa Judam verò nihil de gloria decrevit, sed negativè circa illum se habuit. Secundo statuit vocare Petrum, & gratiam suam illi dare: at circa Judam negativè eodem modo se habuit. In tertio præhincit permittere, ut Judas laberetur in peccatum usque ad ultimum vitæ, & ex duabus illis negationibus politis prævidit ipsum in peccato moriturum. Quarto prævidens Deus utriusque exitum decrevit Petro dare gloriam, & Judam æterni supplicii punire. Ut refert Gabriel Vasquez tom. 1. disput. 95. cap. 1. Ubi testatur multos recentiores hac in parte Scoti sententiam sequi. Addunt tamen nonnulli, ut Corduba, & Didacus Alvarez, Deum in primo illo instanti, ante prævisa ulla opera, decrevisse, non quidem punire Judam poena sensus, sed ei beatitudinem & gloriam denegare.

VI. Juxta Bellarminum iste fuit ordo prædestinationis in mente divina, secundum nostrum intelligendi modum. Primum prævidit Deus, si hominem conderet, cum lapsurum cum omni posteritate, & simul vidit posse se variis modis liberare vel omnes, vel aliquos, pro arbitratu suo. Deinde voluit hominem condere, ac ut laberetur permittere, & quosdam ex numero lapsorum misericorditer liberare, aliis in massa perditionis relictis. Tertio excogitavit remedia salvandis electis idonea, in quibus primum locum habuit incarnatio & passio Salvatoris. Quarto approbavit ea remedia, & tunc elegit Christum & nos in ipso ante mundi constitutionem. Quinto disposuit, ordinavit, & quodammodo imperavit ut ita fieret.

VII. Becanus autem sic explicat ordinem prædestinationis & reprobationis. Ex nostra, inquit, sententia, ordo prædestinationis & reprobationis hic est. Primo statuit Deus creare totum genus humanum ad æternam beatitudinem, & simplici affectu desideravit omnes ad eam pervenire. Secundo ex hac voluntate decrevit illi dare gratiam in statu innocentie, permittens illis liberum usum arbitrii, in quo continetur etiam permissio peccati. Tertio vidit primum hominem cum tota sua posteritate libi, id est, vidit actuale peccatum Adami in quo omnes peccaverunt. Nihil adhuc dico de Originali in singulis contratio. Quarto volens remedium homini lapsi preparare prædestinavit Christum & merita ejus. Quinto statuit merita Christi diverso modo applicare hominibus. Nam beatam Virginem voluit præservare à peccato Originali per merita Christi, reliquos omnes permisit concipi in peccato originali. Hi iterum divisi sunt. Nam quosdam parvulos reprobavit propter originale, alios ex sola misericordia baptismum vel aliud remedium concessit, & ad vitam prædestinavit. Adultis vero omnibus providit de sufficienti gratia, quanquam aliis majorem largiri decreverit. Sexto absolute vidit illos bene uti gratia, illos male. Septimo absolute voluit his dare premium æternum, illis supplicium & damnationem æternam. In summa Theol. tom. 1. cap. 15. quest. 5.

VIII. At verò secundum Gregorium de Valentia, Primo vidit ab æterno Deus hominum omnium non solum naturas sed etiam peccata, si quidem illa etiam, cum solius nature vitio committantur, ad ordinem quoque naturalem pertinent. Secundo preparavit illis Redemptorem prædestinando Christum. Tertio voluit omnibus propter Christi meritum prævisum conferre auxilia gratiæ sufficientia, & plerumque etiam abundantia, quibus posset salutem consequi beneficio Christi Redemptoris. Quarto eos quos vidit (non dico quia vidit, sed quos vidit) aut per cooperationem suam cum Dei auxilio, aut per applicationem baptismi in divina gratia vitam finire, misericorditer prædestinavit; alios verò, quia vel divine gratiæ cooperati non fuerunt, vel quia ea defuit baptismus, prædestinationis beneficio non est dignatus, sed eos potius propter peccata, vel actualia, vel originalia, in quibus vitam finituros esse præcivit, iuste reprobavit.

IX. Denique Eustachius à Sancto Paulo in prima parte summæ, ita concipit scriem divinorum actuum in negotio prædestinationis. In primis, inquit, Deus ab æterno determinavit se conditurum totum hoc Universum, ac in eo tum angelos, cum primis parentes,

per ipsos ceteros omnes homines futuros. Tum prævisa rerum omnium creatione determinavit Deus se permissurum, ut nonnulli angeli, ac primi parentes, tanquam totius generis humani capita in peccatum laberentur, quod quidem per viam generationis ordinari in omnes posteros propagaretur; sicque ex universa hominum futurorum multitudine fieret quedam veluti massa perditionis. Tercio præviso illo Angelorum & primorum parentum lapsu, ac universali massa perditionis, statuit se missurum filium suum in carne saltem passibili, dilectum & electum super omnes, & caput omnium eligendorum ac prædestinandorum. Quarto præviso Christi primi electi & prædestinati futura missione, non tantum bonos Angelos in ipso, verum etiam aliquos homines ex Massa perditionis elegit ad gloriam: simulque tum malos Angelos positivè reprobavit, cum etiam reliquos homines saltem negativè reprobavit, & ex consequenti ab æterna gloria in æternum exclusit. Quinto præsupposita electione, & prævisa futura electorum gloria, & exclusione reproborum ab ipsa, determinavit se colaturum electis media quibus infallibiliter pervenirent ad prædictam gloriam, nempe gratiam vocationis, justificationis, & perseverantiæ finalis, cui gratia certo prævidebat illos cooperaturos: reprobis vero quibusdam determinavit se permissurum, ut in solo peccato originali morerentur, sicque ad penam tantum damni illos, destinavit; aliis vero, iisque adultis, determinavit se permissurum, ut pro sua libertate, in peccata quadam actualia laberentur. Deinde prævisis primis illorum peccatis determinavit se propter illa subtrahendum, aut negaturum auxilia specialia, quibus proculdubio converterentur: imo etiam, ut probabile iudicamus, saltem pro aliquo tempore, auxilia etiam necessaria & sufficientia: & præterea se permissurum ut in alia subsequenti peccata labantur, & in illis finaliter perseverent. Quibus omnibus prævisis, determinavit se illos æternis suppliciis additurum. Tract. i. disp. 16. quæst. 5.

X. Atque ita Doctores Ecclesiæ Romanæ actus divinos circa electos & reprobos pro arbitratu suo dividunt, multiplicant, & vario ordine disponunt, adeo ut hic ferè sint quot capita tot sententiæ. Sed ne lingulas minutias moremur, quæ hic occurrunt quæstiones alicujus momenti istæ videntur esse. An concipere debeamus primo omnium Deum decrevisse in certis quibusdam hominibus misericordiæ suæ gloriam ostendere, in aliis verò suam manifestare justitiam peccati ultricem & vindicatricem. Deinde in hunc finem decrevisse homines condere, atque ut laberentur in peccatum permittere, tum ex eo lapsu quosdam erigere, alios vero in peccato & perditione relinquere, & cætera quæ spectant electionem & reprobationem. Adco ut decreto de manifestanda gloria misericordiæ & justitiæ divinæ subordinatum sit decretum de homine creando & lapsu ejus permittendo. Id affirmant Estius, & alii nonnulli Thomistæ recentiores: negant vero plerique Doctores Ecclesiæ Romanæ.

XI. Item an ante decretum prædestinationis & reprobationis præsupponenda sit in Deo scientia conditionata, qua prævidcrit Deus, ante ullum suum decretum, quomodo hi & illi homines usuri essent suo libero arbitrio, si hoc & illo modo vocarentur, hisque & illis auxiliis gratiæ donarentur. An scilicet, gratiæ cooperaturi essent, an verò illi resisturi & posituri obicem contumacia sua. Id negant non pauci Doctores Ecclesiæ Romanæ, & præsertim Dominicani, affirmant tamen plurimi, maxime Jesuitæ.

XII. Præterea, An decretum de lapsu generis humani permittendo, & etiam decretum de mittendo Christo Redemptore præcedat integrum prædestinationis & reprobationis decretum, an vero eo includatur, & partem illius faciat? Negant plurimi, affirmant nonnulli.

XIII. Deinde quoque num decretum absolutum & fixum de danda quibusdam hominibus gloria concipi debeat ut prius decreto de danda illis gratia efficaci & finali perseverantia? Quod affirmant multi, & multi quoque negant.

XIV. Similiter num in reprobatione decretum de quibusdam à gloria excludendis, & vita æterna his deneganda sit prius decreto de illis à gratia rejciendis, & prævisione mali usus liberi eorum arbitrii? Affirmant Didacus Alvarez, & nonnulli alii Thomistæ recentiores, reliqui vero negant.

XV. An autem decretum de quibusdam damnandis, & ad supplicium æternum ordinandis præcedat in Deo decretum de permittendis eorum peccatis, & prævisionem peccatorum illorum, negant communi consensu Doctores Ecclesiæ Romanæ.

XVI. Quod spectat autem Ecclesiæ Reformatæ Doctores eodem modo de decretis divinis in genere Philosophantur quo solent Scholæ Rom. Theologi. Etenim omnes in eo conveniunt unum Dei decretum non esse altero prius tempore & duratione. Et hoc quia agnoscent omnia Dei decreta non minus quam Deum ipsum æterna esse. In æternis autem unum non potest duratione alterum præcedere.

XVII. Præ-

XVII. Præterea iidem Theologi communiter docent Deum esse simplicissimum & compositionis omnis prorsus expertum. Unde sequitur omnia in Deo secundum rem ipsam unum & idem esse. Ac quemadmodum divina voluntas ab ipsa Dei essentia realiter non distinguitur, ita divinæ voluntatis actus nec inter se, nec ab ipsa divina voluntate distingui realiter, seu ex natura rei, sed tantum secundum nostrum concipiendi modum. Ac proinde sicut unus non potest ab alio realiter distingui, ita quoque unus altero non potest esse natura prior vel posterior. Ideoque cum decreta divina sint divinæ voluntatis actus, manifestum est unum non posse natura alterum præcedere, nec inter illa reperiri propriè dictum naturæ ordinem. Sed qui inter decreta divina concipitur ordo à ratione sola pendere atque constitui.

XVIII. Ut hoc autem melius intelligatur sciendum est, quod quamvis Deus simplicissimus sit, propter illius tamen infinitatem, tota ejus perfectio à nobis simul percipi non potest, & conceptu uno exauriri. Et ideo cogimur illam partiri in varios conceptus, quibus respondet quidem una eademque res, quæ secundum diversos respectus, & varias operationes, quibus una per se sufficit, diversimodè à nobis consideratur. Sed tamen illi conceptus nostri distinguuntur ab invicem, possuntque inter se variè comparari, & ordo quidam inter eos statui potest, analogia ducta ab iis quæ in rebus creatis animadvertuntur.

XIX. Ita quoniam Deus per suam essentiam & intelligit & vult, formamus unum conceptum intellectus divini, & alium conceptum divinæ voluntatis, quorum conceptuum unus non est alter. Atque etiam conceptus istos inter se componendo, dicimus intellectum divinum priorem esse divinæ voluntate: quoniam animadvertimus creaturas rationales, in quibus intellectus à voluntate distinguitur, prius natura intelligere quam velle.

XX. Similiter quamvis voluntatis divinæ re ipsa plures actus non sint, sed unus tantum omnino simplex & indistinctus, nihilominus, quoniam idem ille divinæ voluntatis actus ad plura & diversa objecta terminatur, adeoque varias relationes habet, à nobis ad modum plurium concipitur. Nec enim possumus simul concipere tot & tam diversos respectus. At propterea necesse habemus seorsum concipere voluntatem divinam, quatenus est, exempli gratia, de mundo creando, & quatenus est de illo destruendo; quatenus refertur ad quorundam salutem, & quatenus refertur ad quorundam damnationem; quatenus respicit permissionem peccatorum, & quatenus respicit illorum condonationem. Et sic quot diversa sunt volitionis divinæ objecta, & respectus ad res externas, totidem concipi possunt divinæ voluntatis actus, qui re ipsa sunt eadem divina volitio, sed diversimodè tantum relata & considerata.

XXI. Et hæc sunt quæ decreta divina nominamus. Quæ mens nostra inter se comparat, & ordine quodam inter se digerit, analogia ducta ab iis quæ contingunt in humana voluntate. Atque hoc est illud quod inter Theologos queritur, nempe, quo ordine mens nostra digerere debeat varios illos conceptus quos de divina voluntate formamus. Unde patet quæstionem de decretorum divinorum ordine potius Philosophicam, quam Theologicam esse, & talem ut Theologia illa facile carere possit.

XXII. Et certè non illam invexit pietas & fides Christiana, sed nimia potius temeritas hominum in arcana Dei irrumpentium. Quicquid sit talem censemus, ut de ea viri boni, salva fide & charitate inter se dissentire possint, nec propter illam debeant inter se movere rixas & exercere odia. Nec enim disputatur de ordine quodam actuum divinorum qui re ipsa Deo inest, sed solum de ordine variorum conceptuum, quos de uno simplici Dei actu formamus. Qui conceptus, cum aliud non sint quam mentis nostræ opera, videntur posse inter se componi multis variisque modis, quorum nullus erit incommodus, & absurdus, prout unus hanc, ille aliam sequetur analogiam.

XXIII. Et certè sæpè contingit ut quod uno respectu concipitur, tanquam aliquid quod est natura prius, alio respectu rectè concipiatur tanquam aliquid posterius. Ita generaliora priora sunt particularibus, si habeatur ratio naturæ generantis; & particularia sunt priora generalioribus, si habeatur ratio naturæ intendentis. Ac proinde hic non tam certatur de re ipsa, quam alii negent, alii affirmant, quam de varia methodo tradendi & explicandi rem eandem.

XXIV. Quod ut clarius pateat sciendum est non omnes Scholæ Reformatæ Doctores ex eodem fundamento petere rationem prioris & posterioris in decretis divinis. Etenim in hoc negotio duplici via procedunt Theologi. Quidam enim, ut decenti & convenienti ordine quæ in Deo concipimus decreta digeramus, putant attendendum esse ad ordinem quem Deus in executione servat: nec alium volunt esse ordinem exequendi, ali-

um vero decernendi: sed decreta de rebus eodem ordine inter se componenda, quo ordine res ipsæ quæ decreta sunt in tempore existunt.

XXV. Atque hæc est sententia multorum Theologorum qui Synodi Dordracenæ decreta suscipiunt: & præcipue ex iis qui Cameronis sententiam sequuntur in articulo de Gratia & Prædestinatione. Ut speciatim videre est apud Paulum Testardum in Synopli doctrinæ de Natura & Gratia, num. 278. Ubi agens de decretorum divinorum ordine docet tutissimum esse in digerendis decretis divinis eundem sequi ordinem quem ipsæ res decreta inter se in tempore servant. *Nam, inquit, eodem ordine res ab æterno decrevis Deus facere quo eas exequitur in tempore, & decreta Dei impossibile est aliter quam à posteriori cognoscere.*

XXVI. Juxta quod in sequentibus docet primum decretum Dei circa hominem esse illud quo constituit hominem creare in statu naturæ integræ atque mutabilis. Quod Decretum sequuta est prævisio lapsus Adami liberè peccantis, sequæ, & totum genus humanum ab eo propagandum naturali generationis lege in altum miseriz gurgitem demergentis. Huic vero prævisioni subjungit in Deo affectum misericordiæ erga genus humanum. Unde dicit ortum secundum decretum quod in plura dividit, videlicet in propositum. I. Dandi mundo Christum Mediatorem, Victimam, Gratiæ thesaurum. II. Fide cum Christo unum factos credentes, pro modo revelationis & testimonii iustificandi & glorificandi: gratiam rejicientes incredulitate condemnandi, & pœnis æternis plectendi. III. Gratiam in Christo paratam sufficientibus in se mediis ad eliciendam aliquo saltem gradu fidem mundo testandi. IV. Certos quosdam è mundo lucem in tenebris lucentem non comprehendente, & testimonio gratiæ in se sufficienti miserè abutente, ac cum cæteris, quibus non sunt meliores, aliquin in incredulitate perituros, efficaciter vocandi, adeoque iustificandi & glorificandi: reliquos cordis sui duritiæ relinquendi, deserendi, indurandi, damnandi, adeoque & pœnis æternis plectendi.

XXVII. Huic ordini consentit etiam Josue Placeus, licet non velit ordinem decretorum divinorum peti ex solo ordine quores in tempore existunt. Primum enim Dei decretum circa hominem vult esse decretum de illo creando, postea vero decretum de lapsu ejus permittendo, quæ duo decreta, juxta ipsum, non includuntur prædestinatione, sed ab ea præsupponuntur. Cum autem factis duobus prioribus illis decretis, Deus haberet ob oculos præscientiæ suæ genus humanum perditum, inclinatus est, ut ait, à misericordia quadam quam necessariam vocat, ut veller ex toto genere humano servare omnes credentes. Quoniam autem id justitia Dei, nisi ipsi satisteret, pati non poterat, decrevit mittere filium suum, per quem omnes credentes iustificarentur ac servarentur. Id quod generi humano significare decrevit cum mandato credendi. Quia vero prævidit fore ut nemo hominum, quamvis invitatus Evangelii prædicatione, credere verè, nisi ad prædicationem Evangelii accederet efficacia spiritus omnem cordis humani malitiam & resistentiam vincens, decrevit propter Christum certos quosdam vocare efficaciter ad fidem, ut donati ea ratione Christo, per eum primo iustificarentur, deinde glorificarentur, secundum ordinem constitutum decreto generali præcedente.

XXVIII. Circa vero reprobationem unum decretum generale agnoscit de damnandis omnibus perseverantibus in incredulitate: alterum vero quo statuit, multis in nativa sua incredulitate cum electis paritor jacentibus non indulgere internam illam spiritus efficaciam, qua indulta, fides iustificans infallibiliter gignitur in electis. Unde sequitur finalis eorum incredulitas, & tandem damnatio, cui ex incredulitate prævisa adjudicantur. Quæ omnia latius explicata reperiuntur tractatu speciali, cujus titulus est, *Josue Placei sententia de Ordine decretorum Dei defensio.*

XXIX. Alii vero contra existimant decreta Dei disponenda esse ordine planè contrario illi quo res decreta executioni mandantur. Et hoc quia in constituendo ordine decretorum, quæ sunt divinæ voluntatis actus, attendendus est ordo non executionis, sed potius intentionis. Jam autem, juxta Philosophos, quod prius est in intentione posterius est in executione.

XXX. Hæc inter alios est Piscatoris sententia, ut refert Twissius in defensione Perkinii adversus Arminium, Digressione prima de objecto prædestinationis. Nam capite septimo Responſionis ad Parascenven Conradi Vorſtii enumerat Piscator octo decreta Dei subordinata, juxta decretorum divinorum executiones, secundum spatia temporum gradatim succedentes. Horum primum esse vult de patefacienda gloria Dei per modum misericordiæ in electis, per modum justitiæ in reprobis. Secundum de salvandis electis & reprobis damnandis. Tertium de Electis iustificandis & sanctificandis, non autem reprobis. Quartum de Electis vocandis, non autem reprobis. Quintum de Electis reconciliandis

ciliandis per Christum Mediatorem, reprobis non item. Sextum de certis hominibus ex lapsu eligendis, reliquis verò reprobandis. Ubi electionem & reprobationem sumit pro quibusdam Dei actibus externis & temporalibus, non autem pro Dei decretis, quæ tamen acceptio est maximè utilitata. Septimum de permissione peccati in Adamo. Octavum & ultimum de hominis creatione.

XXXI. Non sic decreta divisa continuit Zanchius, sed tamen vult quoque ordinem decretorum divinorum colligi ex eventu & ordine quo res eveniunt, juxta regulam illam, *Quod primum est in intentione, id est, in consilio & cogitatione, illud ultimum est in executione.* Ut videre est apud ipsum de Natura Dei lib. 5. cap. 2.

XXXII. Hic vero singularis est Gul. Twissii sententia. Nam circa electos & reprobos non vult concipi debere nisi duo decreta, quæ subordinata sint, & quorum unum sit altero prius. Unum est de fine, alterum est de mediis. Decretum de fine est illud quo statuit Deus gloriam suam illustrare in exercenda erga certos quosdam homines misericordia, erga alios justitia vindicante. Decretum de mediis est quo Deus decrevit in hunc finem homines creare, ut laberentur permittere, quibusdam Redemptorem & servatorem preparare, illosque fide in illum donare, justificare, & glorificare: alios vero in peccato relinquere, indurare, excecāre, atque tandem damnare. Quod decretum de mediis posterius est decreto de fine & illi subordinatum.

XXXIII. Verum si quis decretum illud de mediis in plures actus dividat, plura quidem Dei decreta concipiet, unum, verbi causa, de homine creando, aliud de lapsu illius permittendo: unum de Christo mittendo, aliud de electis ipsi per fidem inferendis: unum de glorificandis & beandis electis, aliud de illis vocandis, & justificandis: Et similiter unum de reprobis damnandis, & aliud de peccatis eorum permittendis, iisque indurandis. Sed omnia ista decreta pertendit esse inter se non subordinata, sed coordinata, nec unum ut altero prius debere concipi. Ut videre in defensione ejus Perkiniana, Digressione de objecto prædestinationis, & alibi sæpissimè.

XXXIV. Similiter agnoscit quidem Deum per decretum illud de gloria sua illustranda, statuisse manifestare non solam suam justitiam & misericordiam, sed sapientiam quoque & omnipotentiam, aliasque virtutes. Sed si quis rursus hoc decretum de fine velit in plura dividere, quæ circa singulas Dei virtutes versentur, & conferre, exempli gratia, decretum de manifestanda sua ipsius bonitate, potentia, & sapientia, cum decreto de ostendenda misericordiæ & justitiæ gloria, docet quoque ista decreta simul esse concipienda, nec inter illa querendum ordinem prioris & posterioris. Nihilominus addit Deum quidem simul decrevisse virtutum suarum omnium gloriam illustrare, sed ita tamen ut explicatio cæterarum virtutum explanationi justitiæ & misericordiæ divinæ inferret. *Ejusdem operis l. 1. part. 2. sect. 2.*

XXXV. Sed quamvis singuli propemodum Theologi, dum decreta Dei ordinant, in apicibus quibusdam à se invicem discrepent, omnes tamen illi Doctores qui, ut ante memoravimus, objectum electionis & reprobationis constituunt hominem, ut nondum lapsum & conditum in prævisione divina, & inter effecta electioni & reprobationi communia numerant hominis creationem & lapsus permissionem, illi, inquam, omnes in conveniunt primum decretum quod concipiendum est in Deo circa homines illud esse quo Deus constituit in certis quibusdam hominibus gloriam misericordiæ, in aliis vero gloriam justitiæ suæ ostendere: Cui decreto subjiciunt & subordinant tanquam eo posteriora decreta de homine creando & de lapsu ejus permittendo, ac de Christo Mediatore & Redemptore electis donando; cæteris vero in lapsu & perditione relinquendis. Quæ decreta rursus, ut patet ex dictis, variè nec omnes eodem modo dividunt & ordinant.

XXXVI. Sed omnes illi qui docent objectum prædestinationis esse hominem quem Deus in æterna sua præscientia considerat ut jam lapsum & peccato corruptum, hoc ipso necesse habent fateri decreta de hominis creatione, & de permissione primæ illius culpæ, quæ totum genus humanum obnoxium reddidit peccato & perditioni, priora esse decreto prædestinationis, nec illius partem facere. Veruntamen eorum plerique actus divinæ voluntatis, & intellectus etiam divini circa electos & reprobos longè aliter ordinant, quam illi supra memorati, qui Cameroni sententiam sequuntur in doctrina de gratia & prædestinatione.

XXXVII. Ac ne opiniones singulorum referam, hæc est inter eos de decretorum divinorum ordine in negotio prædestinationis communior sententia. Primum statuunt Deum, cum ab æterno prævideret lapsum primi hominis, & inde derivandum illi totum humanum genus corruptionem, decrevisse erga certos quosdam homines à se in æterno
suo

suo consilio designatos uti misericordia, illos à perditione conmerita liberando, & æterna salute donando : in aliis verò suam iustitiam ostendere, ipsos prætereundo, & in nativa sua corruptione, & maledictione debita relinquendo. Secundum dei decretum, juxta eorum sententiam illud est, quo decrevit Deus filium suum in mundum mittere ad redimendos & reconciliandos eos quos ad salutem æternam destinavit, non item illos quos in decreto priori præterivit. Deinde alteri isti decreto tertiuna subiungunt quo Deus statuit electos ad salutem donare fide & resipiscencia, reliquis vero, qui reprobi dicuntur, gratiam illam denegare, & illos corruptioni & malitiæ propriæ permittere. Hanc autem desertionem sequitur in Deo prævisio finalis eorum incredulitatis & impenitentia. Ac denique decretum de illis æternum damnandis & sempiterna poena afficiendis.

XXXVIII. Ad hæc ferè breviter redeunt quæ de decretorum divinorum ordine plerique Reformati Philosophantur : licet adhuc plura & minutiora inter eos observari possent opinionum discrimina. Verum ista satis sunt, ut inde colligamus quæ sit eorum sententia circa præcipuas illas quæstiones quas breviter supra attigimus, & simul quid possit hic esse controversiæ inter Scholam Romanam & Scholam Reformatam.

XXXIX. Et primo quidem ad quæstionem illam, An secundum nostrum concipiendi modum prius sit in Deo decretum de illustranda gloria misericordiæ & iustitiæ suæ in certis quibusdam à se designatis hominibus, nempe, iustitiæ in his, misericordiæ in illis, posterius vero decretum de hominibus condendis, itemq; decretum de non impediendis, sed permittendis eorum lapsibus & peccatis, ad illam, inquam, quæstionem diverlimodè, ut patet ex dictis, Respondent Theologi, in utraque Schola tam Romana quam Reformatam. Nimirum Doctores illi qui, tum in hactum in illa Schola, in assignando objecto prædestinationis supra lapsum hominis & creationem illius ascendunt, illi, inquam, affirmant in Deo præcedere decretum de manifestanda misericordia & iustitia divina, subsequi vero decretum de hominis creatione & permissione lapsus & peccati illius : quia scilicet, existimant hominis creationem & peccati permissionem ex intentione Dei fuisse media quædam destinata ad misericordiæ & iustitiæ divinæ manifestationem.

XL. Alii vero, qui sunt numero longè plures in utraque Schola, existimant prius in Deo esse decretum de homine creando & lapsu ejus permittendo, quam decretum de excercenda erga reprobos iustitia, erga electos misericordia. Idque quoniam censent Deum sibi proposuisse, quem constituit hominem creare, bonitatis potentia & sapientiæ suæ exercitium, non vero iustitiæ & misericordiæ. Ac præterea putant à ratione abhorere ut cogitemus Deum decrevisse homines quosdam à debita miseria liberare, aut in eorum justo exitio gloriam suam ostendere, antequam consilium cepisset de illis creandis, & posset illorum culpam & miseriam prævidere. Cum sit consentaneum ut prius cogitemus de efficiendo opere aliquo, quam de illo vel reparando, vel destruendo atque abjiciendo : nec cum ratione possimus de alicujus culpa puniendi, aut miseria sublevanda consilium inire, quin prius illum ut reum & miserum consideremus. Quod nobis quoque videtur longè probabilius.

XLI. An vero decreto prædestinationis præmittenda sit in Deo scientia conditionata, qua ante ullum suum decretum præviderit quomodo & hi & illi homines usuri essent suo libero arbitrio, si hoc & illo modo vocarentur, hisque & illis auxiliis gratiæ donarentur, negant Reformati plurimi cum Dominicanis & Thomistis recentioribus, præcipuè verò Twissus & Retorfortis, qui contra Jesuitarum scientiam median ex professo scripserunt. Nonnulli tamen in Deo videntur admittere scientiam illam conditionatam, ut Ludovicus Crocius in Schola Bremensi Professor, Gomarus & Valæus, & alii quorum meminimus in Theibus nostris de scientia Media. Sed tamen sententia ista, quæ in Schola Romana hodiè communissima est, rarior in Schola Reformatam videtur.

XLII. Præterea ex dictis apparet Reformatos plerosque docere Deum absoluto decreto statuisse hos & illos homines servare & glorificare, erga alios vero iustitia sua uti, priusquam decerneret Christum Redemptorem in mundum mittere. Attamen contra illi qui Cameroni doctrinam & Methodum sequuntur sentiunt Deum prius decrevisse filium suum in mundum mittere, quam absolute statueret hos & illos homines salute & gloria donare, alios autem ab illa excludere. Twissus vero existimat decreta illa de Christo mittendo & de quibusdam servandis atque glorificandis esse coordinata, & unum altero prius non esse concipiendum. Sed in Schola Romana communior sententia tenet decretum de Christo mittendo præcedere decretum de certis quibusdam hominibus servandis. Licet non pauci ad primam illam plerorumque Reformatorum sententiam accedant.

XLIII. Similiter nec Scholæ Romanæ, nec etiam Scholæ Reformatæ Doctores inter se concipiunt, num decretum certum & fixum de danda his & illis hominibus gloria, concipi debeat in Deo tanquam prius decreto de danda illis gratia efficaci, & finali perseverantia. Longè plurimi id affirmant in Schola Reformata: sed in eo à communi sententia recedunt Theologi Salmurienses, & alii nonnulli. Siquidem volunt in Deo præcedere decretum de danda fide & relapscentia: ex prævisa vero fide & relapscentia gloriam certis quibusdam hominibus decerni. Ut videre est in Testardi Irenico, & Ludovici Capelli Thesibus de electione & reprobatione. Twissus vero, conformiter principiis à se positis, statuit decretum de danda gloria nec prius nec posterius esse decreto de danda fide & gratia efficaci: sed hæc duo decreta in Deo simul esse concipienda, nec unum alteri subordinatum esse.

XLIV. Verum ut in Schola Reformata prævalet sententia eorum qui statuunt decretum de conferenda certis quibusdam hominibus gloria prius esse decreto de illis fide donandis & iustificandis ac sanctificandis: sic ex opposito in Schola Romana communior & receptior, hodie saltem, opinio tenet prius esse decretum de electis fide donandis atque iustificandis, quam de illis gloria cælesti coronandis.

XLV. Porro istud inter Reformatos sententiarum discrimen non inde solum provenit, quod in digerendis decretis divinis alii executionis, alii vero potius intentionis ordinem sequendum esse putant: sed inde quoque quod dubitatur & disputatur inter illos, num Dei decernentis respectu, gloria cælestis concipienda sit tanquam finis aliquis, sanctitas vero atque iustitia qua fideles induuntur in hac vita tanquam medium ad illam destinatum, quod alii affirmant, alii vero negant; quoniam sanctitas atque iustitia, quæ est bonum morale, ex suo genere est aliquid præstantius felicitate & gloria cælesti, quam velut bonum quoddam Physicum concipiunt.

XLVI. An autem Deus prius decreverit quoddam vita & gloria cælesti excludere quam ullum eorum peccatum præviderit, & isto decreto sit posterius decretum de gratia qua peccatum vitare deneganda, quod affirmant pauci quidam Ecclesiæ Romanæ Doctores, inter Reformatos quoque venit in disputationem. Et sat multi sunt qui illud affirmant, illi, scilicet, omnes qui vocantur supralapsarii, excepto uno Twisso, qui inter hæc quoque decreta negat querendum ordinem prioris & posterioris. Alii vero Reformati, & quidem longè majori numero, istud negant, & censent Dei decretum de quibusdam ab æterna gloria rejiciendis sequi prævisionem cujusdam saltem in iis peccati, adeoque decretum de non danda gratia, qua illos ab isto peccato præservasset.

XLVII. Unicum ferè restat quod in hoc negotio communi consensu damnant Ecclesiæ Romanæ Doctores, affirmant vero nonnulli Reformati, nempe Dei decretum de quibusdam damnandis, & æterna pena plectendis in Deo prius esse decreto de peccatis eorum permittendis, & prævisione cujusque peccati. Hoc tenent & docent Polanus in Syntagmate suo, ubi de reprobatione. Beza variis in locis. Piscator loco supra allegato. Et præcipuè Zanchius l. 5. de Natura Dei cap. 2. Fuit, inquit, hoc primum quod de reprobis constituit Deus ab æterno, nempe, quorundam hominum ad exitium sempiternum destinatio. Ad hoc autem ordinata fuerunt eorum peccata, & ad peccata desertio, gratiaque denegatio. Prior igitur in mente Dei reprobationis pars fuit affirmativa, hoc est, destinatio ad mortem æternam, propter iræ suæ ostensionem, eoque gloria suæ illustrationem. Posterior vero pars fuit negativa, hoc est, decretum non miserendi, ut ea ratione possent iuste damnari.

XLVIII. Verum hæc sententia communiter à reliquis Reformatis rejicitur, & certè jure merito. Siquidem nec damnatio finis est peccatorum, aut permissionis peccationeque etiam damnatio prius quam peccata in tempore existit. Adeoque nulla ratio est ob quam damnatio debeat censeri prius à Deo decreta, quam peccati permissio. Nam, meo quidem judicio, decretorum divinorum ordo sumi debet ab analogia voluntatis humanæ ordinatæ procedentis: ita ut concipiamus Deum prius illud decrevisse quod prius voluisset, si vellet ad modum hominis ratione utentis. Porro in iis quæ inter se habent rationem mediæ & finis, certum est nos prius natura velle & intendere finem, quam velimus media ad finem. Ac proinde quoque in Deo decretum de fine prius est concipiendum quam decretum de mediis. In iis vero quæ inter se comparata non sunt ut medium & finis, si quis decretorum Dei ordo statuendus sit, sequi debet ordinem existentia rerum, & peti ab eo ordine qui cernitur inter res ipsas, dum successivè in tempore existunt.

Theses Theologicæ:

In quibus exponitur

SENTENTIA

Eorum qui

REMONSTRANTES

Dicuntur, sive

ARMINIANI,

Et etiam

Doctorum Confessionis Augustanæ,

Circa Hominum

PRÆDESTINATIONEM

ATQUE

ELECTIONEM.

Thesis Prima.



OST QUAM exposuimus & inter se comparavimus Doctrinam Scholæ Romanæ & Scholæ Reformatæ circa Prædestinationem, Electionem, & Reprobationis naturam, objectum, effectus atque causas, & etiam circa ordinem quo decreta divina in hoc negotio digerunt, non inutile visum est breviter subungere quæ sit istæ de rebus sententia eorum qui in Belgio Remonstrantes se dicunt, & etiam Theologorum Confessionis Augustanæ.

II. Ac primo quidem, ut incipiamus ab usu vocum qui apud illos obtinet, Remonstrantes prædestinationem dupliciter accipere solent. Primum ut significet decretum illud generale, quo Deus constituit, pro liberrimo suo arbitrio, non hunc & illum præcisè servare vel damnare, sed in genere credentes salvare, & incredulos reprobare, id est, unam certam quandam rationem in mente sua designare atque instituire, secundum quam velit salvare & damnare, cum ipsi possibile & liberum esset circa hominum salutem sive perditionem alia via atque ratione agere atque procedere, ac de toto isto negotio aliter statuere atque determinare.

III. Secundo ut significet decretum divinum speciale quo constituit, juxta præcedens illud decretum, hos servare, illos vero perdere, hoc est, hos consideratos ut fideles æternæ vitæ destinare, illos consideratos ut infideles, sive qui credere nolunt æternæ, mortis atque exitio addicere.

Y 2

IV. Fidei

IV. Prior actus, juxta illos, simpliciter & in genere, prædestinatio ad vitam & ad mortem dici debet: posterior vero, prædestinatio hujus aut illius ad vitam vel ad mortem.

V. Similiter electio duplex ab iis distinguitur: prior est ad gratiam, & posterior ad gloriam. Electio ad gratiam ipsis non est decretum quoddam quo Deus absolute statuerit hunc & illum respicientia & fide donare, sed simpliciter homines sic vocare ad communionem & participationem singularium beneficiorum quæ Evangelio comprehensa sunt, ut possint credere si velint, & quandoque etiam credant: & possint quoque, si lubet, non credere, & etiam quandoque non credant.

VI. Electio vero ad gloriam ipsis est qua Deus vult hominibus vitam & gloriam æternam. Sed rursus hæc electio duplex ab iis statuitur. Observant enim gloriam dupliciter considerari posse, vel sub ratione finis, vel sub ratione præmii: & similiter geminum esse divinæ voluntatis actum; unum quo Deus amat & intendit bonum aliquod hominis, adeoque procurat & offert hominibus media ad bonum illud adipiscendum idonea: alterum vero quo simpliciter statuit & decernit bonum aliquod actu & re ipsa hominibus conferre.

VII. Unde fit ut concipiant Deum primo cupere & optare beatitudinem & gloriam hominum, tanquam finem quandam in quem fertur ejus voluntas; deinde ex isto affectu & amore gloriæ ac salutis æternæ, quam creaturis suis communicatam cuperet, efficaciter quasi moveri ad considerandum & suggerendum ea media quæ obtinendo isti fini necessaria sunt. Ratione autem istius affectus pertendunt Deum dici posse velle salutem hominum, & quidem efficaciter, licet sæpe contingat homines non rectè uti oblatis à Deo mediis, & sine quem Deus intendit excidere. Is enim, inquit, censetur efficaciter velle finem, aut aliquid sub ratione finis, qui amore finis movetur ad ea media querenda, aut subministranda, quæ isti fini obtinendo conducunt & necessaria sunt, siue finis ipse obtineatur, siue non.

VIII. Sed præterea agnoscunt alterum divinæ voluntatis actum, quo Deus vult gloriam actu & re ipsa quibusdam hominibus conferre, tanquam fidei & obedientiæ ab iis præstitæ mercedem & præmii. Uterque iste actus voluntatis divinæ ab ipsis Electio ad gloriam vocatur. Et priori dicunt homines ad gloriam eligi sub ratione finis, posteriori vero eligi ad gloriam sub ratione præmii.

IX. Prior illa electio ad gloriam præcedit electionem ad gratiam; quia ex illa oritur decretum communicandi ea media per quæ ad gloriam perveniri potest: posterior sequitur electionem ad gratiam, quandoquidem in homine electo præsupponit rectum istorum mediorum usum.

X. Præterea quoniam, ex eorum hypothese, media quæcumque per gratiam oblata respui & rejici possunt, hinc est quod, posita priori electione ad gloriam, docent non poni necessario gloriæ & salutis æternæ collationem, adeoque posse in æternum perire qui isto modo electus est. Sed electio ad gloriam sub ratione præmii æternæ salutis communicationem actualem & realem sibi conjunctam habet.

XI. Denique electio illa ad gloriam sub ratione finis communiter, & sine ullo discrimine, se extendit ad omnes illos qui divinæ vocationis gratiosæ participes sunt, posterior vero pertinet ad solos eos qui in fide & obedientia ad mortem usque perseverant.

XII. Huic distinctioni affinis est alia. Cum enim supponant aliquos posse ad tempus veram fidem atque charitatem habere, & in statu gratiæ aliquandiu permanere, postea vero in totum, atque etiam finaliter à vera fide & gratia excidere, hos, quamdiu veram fidem & charitatem retinent, volunt singulari modo electos posse & debere dici, oppositè ad eos qui ad gratiam vocati, & sic generali illa à nobis modo descripta electione comprehensi, gratiæ tamen relinunt, eaque non rectè utuntur, quos pro illo tempore, reprobatos quoque dici posse autumant: licet postea in melius mutati in fide atque charitate ad finem usque perseverent, & sic de numero Electorum fiant, & vita æterna donentur: quemadmodum priores illi reprobi tandem fiunt, & damnationi æternæ adducuntur.

XIII. Porro electionem istam eorum qui ad tempus credunt dicunt esse incompletam, revocabilem, & non peremptoriam: cui opponunt electionem eorum qui in fide perseverant & moriuntur, quam demum dicunt esse completam & irrevocabilem, atque, ut ipsi loqui amant, peremptoriam, quia semper & infallibiliter adjunctam habet æternæ beatitudinis communicationem.

XIV. Adeoque, ex eorum mente, electio dividi potest in generalem, qua Deus vult quodammodo salutem omnium, & eis ad salutem necessaria media offert & communicat, ita ut ipsi possint uti, si velint. Et particularem, qua electi sunt ii qui vocationi divinæ respondent,

spondent, & mediis per gratiam oblati rectè utuntur. Rursus vero electio ista particularis distinguenda est in electionem incompletam & revocabilem, quæ competit iis qui ad tempus solum Christo per veram fidem & charitatem adherent: & in electionem completam atque peremptoriam, quæ electi sunt illi soli, quos Deus considerat ut in fide & gratia morientes, & Christo ad ultimum usque spiritum adherentes.

XV. Reprobationem similiter distinguunt in reprobationem à gratiosa vocatione quæ per Evangelium fit, & in reprobationem à gloria, seu felicitate æterna. A gratia tamen simpliciter neminem rejectum seu reprobatum volunt. Etenim hæc est thesaurorum sextæ de prædestinationis decreto, quæ habetur in scriptis eorum Synodicis, ubi sententiam suam de Prædestinatione declarant. *Nec à vita æterna, nec à mediis ad eam sufficientibus ullus rejectus est absolute aliquo & antecedente decreto: sic ut meritum Christi, vocatio, omnisque donis spiritus prodesse ad salutem omnibus possint, & revera profint, nisi ea ipsi in exitum sibi peripetiam abusi versant.*

XVI. Reprobatio vero à gloria & vita æterna, ex eorum quoque sensu, distinguenda est in reprobationem incompletam & revocabilem, & in reprobationem completam & peremptoriam. Priori illa reprobatione incompleta & revocabili reprobati censendi sunt ii qui infideles aliquandiu manent, & nullis monitionibus atque adhortationibus ad meliorem frugem adduci queunt, quamdiu tales manent. Quia in statu illo sunt, in quo si perseverent, æternum à facie Dei rejiciendi & condemnandi sunt: etiam si fiat ut postea per fidem vitam in melius commutent, & in ea fide ad finem usque vitæ constanter permaneant. Reprobatio vero completa & peremptoria in eos solos cadit quos Deus mori videt in incredulitate & impenitentia.

XVII. Porro quum de Electione & Reprobatione simpliciter loquuntur, non intelligunt ut plurimum electionem ad gratiam, & reprobationem ab eadem gratia: Sed electionem ad gloriam, & reprobationem ab eadem gloria, & adhuc non qualemcunque, sed peremptoriam & irrevocabilem.

XVIII. Electionis autem ejusmodi peremptoriæ & irrevocabilis primum & adæquatum objectum statuant esse omnes & solos auxilio divinæ gratiæ credentes in Iesum Christum, & in fide illa vera perseverantes, vel morientes. Contra vero reprobationis peremptoriæ ad æternum & lamentabile exitum objectum primum & adæquatum esse omnes & solos infideles, id est, vel ab incredulitate sua desistere nolentes, vel in fide vera non perseverantes. Neminem enim volunt rejectum à vita æterna citra considerationem antecedentæ infidelitatis, & perseverantiæ in infidelitate. Ut nec Deus, ex eorum sententia, decrevit absolute quenquam vitæ & gloriæ æternæ donare, absque prævia consideratione finalis ejus perseverantiæ in vera fide atque charitate.

XIX. Cæterum in assignando reprobationis objecto, infidelium nomine observant se non intelligere infideles tantum negativè sic dictos, quales sunt infantes, surdi, & amentes, & illi quoque qui de Evangelio nihil unquam audierunt, veluti gentes illæ ad quas nondum pervenit Evangelii prædicatio: sed infideles hic se appellare eos solum quos Deus ad fidem vocat, quibusque omnia media ad credendum necessaria offert & subministrat, & qui tamen credere nolunt, & spernunt gratiam à Deo oblatam.

XX. Ejus vero Electionis quam incompletam dicunt atque revocabilem, juxta eorum mentem, objectum sunt omnes illi qui pro tempore credunt, licet aliquando sint à fide defecturi. Et similiter reprobationis revocabilis & non peremptoriæ, quæ electioni isti opponitur, objectum censendi sunt omnes illi qui gratiæ resistunt, & Evangelio credere recusant, licet aliquando sint in melius mutandi, & in obsequium fidei redigendi, adeoque finaliter in fide perseveraturi.

XXI. Denique Electionis illius generalis, quam vocant electionem ad gloriam aut finem, ex eorum doctrina, dicendum est objectum esse totum genus humanum, quod Deus considerat ut lapsum & miserum, adeoque ejus ope & gratia indigum, ut inde possit emergere, & ad gloriam & felicitatem æternam pervenire.

XXII. Jam quod attinet ad electionis fructus sive effectus, Electionis illius quam peremptoriam vocant, & quæ semper ab illis intelligitur, quum de Electione simpliciter sermo est, fructum sive effectum nolunt esse donationem & missionem Servatoris, vel fidem in Servatorem: cum, ut patet ex antedictis, electio ista fidem præsupponat, & sit ex fide in servatorem prævia.

XXIII. Multo magis verò negant reprobationis, quæ jam dictæ electioni opponitur, effectum vel consequens esse negationem servatoris, aut gratiæ qua in Christum servatorem credi possit negationem, & quæ inde sequitur, impenitentiam & infidelitatem: quandoquidem infidelitas, ex eorum sententia, est aliquid antecedentum ad reprobationem.

XXIV. Illius

XXIV. Illius autem generalis & indefinitæ prædestinationis, siue qua Deus constituit non hos & illos præcise, sed in genere omnes & solos fideles & credentes salvare, docent, fidem posse dici aliquatenus fructum, quia ex illo decreto fuit necessitas alterius decreti de conferendo media talia sine quibus fides concipi & haberi nequit, imo per quæ ingenerari fides & potest, & fides. Sed tamen, ex eorum mente, fides nonnulli abusive dicitur fructus aut effectus electionis etiam illius: cum ea posita, ut aiunt fieri nihilominus possit ut, nemo credat, & omnes omnino infideles maneant.

XXV. Imo nequidem ejus electionis quæ ad gratiam est, fides aliter effectus dici potest, quam per eandem catachresin, juxta eorum sententiam. Nec enim agnoscunt fidem electionis ipsius ad gratiam esse effectum infallibilem, & consequens necessarium: sed hac tantum ratione, quod sine electione ad gratiam fides ingenerari nequit, & beneficio illius solius in omnibus qui credunt ea ingeneretur & efficiatur: cum aliqui posita ex parte Dei gratia qualibet ad quam aliquis electus dicatur, fides semper possit non sequi ex hominis culpa & perversicia.

XXVI. Quod autem spectat causas electionis & prædestinationis, decretum quidem generale, quo Deus constituit in genere credentes salvare, & incredulos reprobare, docent esse liberrimum, nullamque aliam causam habere, quam puram putam Dei voluntatem & arbitrium. Nec decretum istud, ut aiunt, ullius rei prævisionem, tanquam occasionem aut causam sui, habere dici potest. Statuunt enim fidei dignitatem, aut meritum, aut prærogativam quandam intrinsecam hic neutquam venire in considerationem, cur videlicet, Deus eam seligere ex aliarum rerum omnium ordine voluerit: siue cur citra eam non salvare, & per eam solam homines salvare decreverit: solum verò Divinæ voluntatis beneplacitum hic locum habere.

XXVII. Alterius vero decreti, quo Deus definit atque peremptoriè illos quidem ad vitam, alios autem ad mortem prædestinat, rationem & causam ex parte hominum dari & assignari posse docent. Etenim quod Deus hos & illos ad vitam & gloriam eligit, ratio est eorum in fide perseverantia, quam Deus ab æterno prævidet, adeoque fides illorum in hoc decreto considerata venit tanquam causa sine qua non, & conditio ab iis præstita. Quod tamen non obstat, ex eorum mente, quominus hoc decretum gratuitum censeri possit: quia fides propterea non est causa quæ aut impellat, aut efficiat virtute, merito, vel intrinseca dignitate ac perfectione sua, ut Deus hunc credentem salvare velit.

XXVIII. In iis verò quos Deus decreto suo à vita æterna rejicit, & reprobat, infidelitas & contumacia considerata venit, non tantum veluti causa sine qua non, sed etiam tanquam meritoria causa propter quam Deus velit hunc hominem condemnare, & excludere à vita æterna: quoniam intrinseca sorditas, turpitudine, & malitia quæ est in infidelitate, illud meretur.

XXIX. Porro Remonstrantes in sua Synodo hunc decretorum divinorum ordinem constituent in Electione & Reprobatione. Ubi declarant sententiam suam circa articulum primum de Prædestinatione. Primum, inquit, Deus ad laudem reducantis bonitatis suæ decrevit creare hominem ad imaginem suam. 2. Hac ratione creato homini legem posuit, quam præstari ab eo, non tantum possibile, sed & æquissimum erat, addita proinde comminatione mortis si illam transgredereetur. 3. Quum Adam liberrimè transgressus esset legem hanc, ac proinde malo mortis & condemnationis, non seipsum modo, sed Deo ita ordinante, per naturalem generationem posteros omnes involvisset, mansit quidem affectus misericordie in Deo ad liberandum hominem miserum, sed quia obstabat justitia quæ læsa erat, & veritas comminationis divine, quominus transgressori tali beneficeret, in actum exire non voluit Deus misericordiam suam, nisi prius justitiæ satisfactum esset, & ante omnia manifestum fieret, Deum peccatum serio odisse, & justitiam amare. 4. Ut autem justitiæ divine satisfaceret, Deus constituere voluit Mediatorem, qui pro peccatoribus omnibus piacularem ultimum fieret, & pro iis mortem subiret, quique per sanguinem suum, ad eorumdem reconciliationem effusum, juxta acquireret certa lege iisdem conferendi salutem & vitam æternam. 5. Sanguine hoc effuso, vel ut effuso, considerato, decrevit Deus ut omnes ii qui in Redemptorem illum verè crederent, & in fide ad finem usque vite perseverarent, ex misericordia & gratia, salutis & vite æternæ per eum participes fierent: ii vero qui credere in eum nolent, & in incredulitate ac inobedientia illa sua perseveraturi essent, ea propter æternæ mortis & condemnationis pena plecterentur. 6. At vero quia fieri non poterat, ut peccatores ex scriptis, aut viribus suis naturalibus, crederent in hunc Redemptorem suum, & in fide tali perseverarent, ac proinde ut incredulitatem rei non peragerentur: hinc est quod Deus decrevit in media ad fidem & respiciendam necessariam & sufficientiam suppeditare, per quæ

aut alicui & re ipsa ad fidem concipiendam idonei redderentur, aut ad fidem tandem aliquando concipiendam magis magisque disponerentur, prepararentur & quasi quibusdam gradibus provincerentur. Ex quo ultimum deinde decretum fuit, de salvandis nominatim illis, qui beneficio mediorum illorum credituri, & in fide perseveraturi erant: damnandis vero, vel reprobandis à salute omnibus illis qui ad finem usque vite impenitentes & increduli mansuri erant, aut saltem in incredulitate moriuri.

XXX. Porro Theologorum confessionis Augustinæ, qui Lutherani appellantur, eadem propemodum hac in parte sententia est quæ Remonstrantium, seu Arminianorum, nisi quod minus subtiliter & curiosè hanc quæstionem tractant, neque rem ita *diverzant*: Ac paulum diverso sensu vocibus quibusdam utuntur, non probantes eorum usum qui obtinet apud Remonstrantes. Ut quod prædestinationem medio sensu usurpent, & duas ejus species assignent, unam ad vitam, & alteram ad mortem. Item quod affectum illum quo Deus vult omnes homines servari electionem vocent.

XXXI. Cæterum cum iis negant Deum absoluto decreto præcise quenquam ad salutem & vitam elegisse ante prævisionem finalis ejus perseverantiae in fide & obedientia. Ac multo magis Deum ejusmodi decreto quosdam à gloria & vita æterna exclusisse ante prævisionem finalis eorum impenitentiae & incredulitatis.

XXXII. Nec etiam volunt Deum simpliciter & absolute quosdam homines elegisse ad fidem & respicientiam, cæteros verò ab illà gratia rejecisse. Siquidem docent Deum affectu quodam generali omnibus hominibus salutem velle & cupere, & ex illo affectu iis omnibus procurare media ad salutem necessaria & sufficientia. Imò Deum, quantum in ipso est, velle in omnibus hominibus efficacem esse per Verbum & Spiritum Sanctum. Quod vero Dei Spiritus in quibusdam fidem operatur, in aliis verò minime, juxta illorum doctrinam, inde est quod illi quidem spiritus per verbum operantis efficaciam admittunt, alii verò Verbum Dei contemnunt & resistunt Spiritui Sancto.

XXXIII. Itaque decreti reprobationis, quo hominum plurimi à regno Dei excluduntur, & infernalibus poenis adjudicantur, causam & meritum volunt penes ipsos homines esse, videlicet præviam eorum impenitentiam & incredulitatem.

XXXIV. Decretum vero prædestinationis & electionis ad vitam docent, quidem esse gratuitum, & in homine causam & meritum non habere, sed tamen, ut jam dictum, absolutum esse negant: quoniam nulli à Deo ad salutem electi sunt, nisi ex præviam illorum fide & respicientia, & quidem tali quæ ad mortem usque perseveret.

XXXV. In ordinandis autem Dei decretis eundem ordinem servari debere existimant qui in ipsa decretorum executione cernitur, non aliter quam Arminiani. Docent enim primo Deum decrevisse omnes homines ad vitam æternam in Adamo creare. Deinde prævidisse Adamum cum omni posteritate lapsurum. Postea vero decrevisse in remedium lapsus mittere filium, qui omnibus vicissim hominibus vitam repararet. Et quia medicina non prodest absque applicatione, decrevisse etiam beneficia filii per verbum toti mundo offerre, & Spiritus Sancti efficacia fidem in cordibus hominum accendere. Tum autem prævidit quosdam furenter verbum & oblata bona repudiaturus, quosdam vero tantum efficacia Spiritus Sancti per verbum perseveranter in Christum credituros. Quam præscientiam demum secuta est Electio & Reprobatio. Illos enim reprobavit, hos vero in Christo elegit.

XXXVI. Adeoque electio ipsis non est aliud quam æternum Dei decretum quo ad vitam & gloriam æternam ordinavit illos quos efficacia Spiritus Sancti per verbum perseveranter in Christum prævidit credituros. Reprobatio verò eorum quos Deus in incredulitate & impenitentia morituros prævidit justo Dei judicio ab æterno facta morti æternæ adjudicatio. Quæ latius diducta videre est apud Joannem Gerardum in locis Theologicis, Tom. 2. tractatu de Electione & Reprobatione. Item in libro Concordiæ, Titulo de Prædestinatione.

XXXVII. Jam autem docent quidem Theologi Augustini in sensu composito electum non posse perire, & reprobum non posse servari, hoc est, fieri non posse ut quis simul sit electus & pereat, reprobus & servetur: Sed tamen docent in sensu diviso illum qui electus est posse gratia excidere, quo casu non esset electus; & illum qui reprobus est posse gratiam amplecti, quo casu non esset reprobus.

XXXVIII. Ad quæstionem verò, An quis certus esse possit de propria electione respondent de hoc non posse haberi certitudinem absolutam, sed tamen fideles & posse & debere de electione sua non dubitare, verum de ea certam concipere fiduciam.

Theses Theologicæ :

D E

CERTITUDINE

QUÆ

Fidei Competit.

Thesis Prima.

CERTITUDO in genere est quædam assensus firmitas quæ mens rei propositæ citra dubitationem & formidinem assentitur, eique tenaciter & firmiter adhæret.

II. Porro docendi causa certitudo distingui potest in *subjectivam* atque *objectivam*. Certitudinem subjectivam voco, quam assensus quilibet actu in mente alicujus obtinet. Objectiva verò certitudo dicitur, quæ per se alicui assensui debetur: seu, quæ ratione habita objecti, menti inesse debet: & quam objectum, ut

sic dicam, jure suo à mente exigit.

III. Est autem hæc distinctio apprimè observanda. Nam quandoque certitudo subjectiva maxima est, ubi objectiva exigua, vel nulla. Videlicet homines nimis quàm sæpe sibi firmiter persuadent ea quæ, vel in se falsa sunt, vel quibus assentiendi nullum habent solidum & firmum fundamentum. Et contrà ubi objectum certitudinem maximam exigit, debilis est mentis assensus, propter ejus aliquod vitium, aut defectum.

IV. Cæterùm illa certitudo, quæ menti quidem inest, nullum tamen in objecto legitimum fundamentum habet, veri nominis certitudo non est, sed potius obstinata & cæca persuasio.

V. Ad veri nominis autem certitudinem menti ingenerandam requiritur ex parte objecti fundamentum aliquod solidum quo intellectus innitatur: ac præterea ut vim & soliditatem ejus mens ritè apprehendat, eique objectum tale quale est videatur. Nam aliquando contingit, ex ingenii tarditate aut mentis præjudicio, ut vim & lucem objecti mens non satis percipiat, ac proinde levem tantum concipiat persuasionem rei illius, de qua tamen nullus est hærendi & dubitandi locus.

VI. Multa verò possunt intellectum movere ut propositæ rei assentiat, illamque veram esse firmiter & certò judicet. Et primò quidem clara objecti perceptio, quam pluribus modis fieri contingit. Nam quandoque res ipsa sese sensibus externis ingerit, & corporeo sensu percipi potest. Ita certi sumus eorum quæ videmus atque palpamus, ut solem esse lucidum, ignem calidum, & nivem frigidam. Et hæc certitudo vocatur certitudo *experientia*.

VII. Aliàs verò objectum sensus ipsos non ferit, sed menti tantùm sese offert, & clarè ac distinctè ab ea percipitur. Idque adhuc bifariam. Vel enim res proposita immediatè, sive propria & inlita luce, sine ullo discursu & ratiocinio, mentem movere ad assensum.

assensum. Quo pacto percipimus veritatem principiorum, & eorum quæ sunt per se nota. Quale est, idem fieri, non potest esse & non esse, bis duo sunt quatuor, si æqualibus æqualia addas tota erunt æqualia, & quæ sunt ejusmodi. Et hæc certitudo potest ad distinctionem dici certitudo *intelligentiæ*. Vel res, quæ menti judicanda offertur, propria quidem luce mentem ita non terit, sed intellectus discurrendo & ratiocinando ex principiis per se notis colligit & judicat omnino & simpliciter impossibile esse ut res aliter se habeat. Quomodo mens percipit veritatem conclusionum, quas ex primis principiis evidenter deducit; & quas propterea dici potest videre luce quadam ex illis reflexa. Et hæc certitudo dicitur certitudo *scientiæ*.

VIII. Præterea intellectus quandoque rei cuiuspiam firmum assensum præbet, non propter aliquam demonstrationem, cujus vi clare percipiat simpliciter impossibile esse ut res aliter se habeat; sed quia ex multis signis & indicis colligit & judicat revera rem ita se habere, neque ut res sunt, & moraliter loquendo, fieri posse ut alio modo se habeat, quamvis contrarium non sit absolute impossibile. Sic vir, qui ab uxore aut viro familiari epistolam aliquam accipit non dubitat quin sit illius, sed istud pro certo sibi persuadet; eo adductus characterum ductibus, stili ratione, materiæ contentâ, aliisque similibus; quamvis fieri possit ut malus aliquis genius simile quiddam effinxerit.

IX. Denique est certitudo quædam quam fam constans ingenerat, & consensus hominum tam confirmatus & celebris, ut à mente prorsus excludat omnem formidinem & dubitationem. Ita nemo est, cui sit aliquis rerum & literarum usus, qui non indubitatè & certissime sibi persuadeat populum Romanum olim Consules suos habuisse: & postea fuisse Imperatoribus subiectum. Item esse in Thracia urbem nomine Constantinopolim, quæ sedes est magni cujusdam imperii: & Hispaniæ regem Americæ partem maximam subegisse, & illi dominari. Ista verò postrema certitudinis species, ut & illa de qua Theſi superiori, in Scholis certitudo *moralis* appellari solet.

X. Si quis autem compararet moralem hanc certitudinem cum prioribus illis certitudinis speciebus, fatendum est illam esse gradus inferioris, nec ex suo genere tantam, quanta est certitudo scientiæ, sive intelligentiæ. Nam intellectus fortius & potentius convincitur de veritate eorum, quæ ipse clarè & distinctè percipit, & quorum contrarium videt planè impossibile esse, quàm eorum quæ judicat & colligit ita se habere ex hominum constanti fama & testimonio, aut ex variis signis & indicis, licet absolute impossibile non sit, ut alio modo se habeant.

XI. Atamen certitudo, quam moralem dicimus, non definit esse veri nominis certitudo. Nec putandum est eo nomine designari assensum aliquem infirmum, dubium atq; fluctuantem: sed excludit illa prorsus dubitationem & hesitationem. Nam pondus & gravitas autoritatis illius quæ nititur, & moralis evidentia signorum & indiciorum quæ illam ingenerant, sufficient ad animum penitus suadendum, & præstandum ut constanter ac intrepide rei assentiantur, sicut manifestum est ex exemplis propofitis, & aliis quæ magno numero facile esset congerere.

XII. Adeoque majori certitudine non opus est ad viram institucndam. Nec pleraque munia, & officia, quibus vita constat, aliam quàm moralem persuasionem in nobis præ exigunt. Nam verbi causa, tantum moraliter certi sumus hos esse nostros parentes cognatos & consanguineos, illos verò esse nostros principes, atque magistratus; quibus tamen in conscientia tenemur ea præstare, quæ ejusmodi gradus & dignitas, aut sanguinis conjunctio, jure divino & humano exigit.

XIII. Atque hic observandum venit fieri posse ut assensus moralis quodam respectu sit in animo firmitior, eique tenacis & fortius adhareat, quàm assensus alius, qui nititur demonstratione, vel experientia. Quod ut intelligatur notanda est alia certitudinis distinctio quam Scholastici nonnulli proferunt. Nimirum alia est certitudo quæ dici potest cognitionis, seu speculationis, alia verò quæ certitudo adhesionis vocatur. Prior illa certitudo pendet à sola convictione mentis, sed posterior etiam ab effectu voluntatis. Priorem objectum debetè propofitum à mente extorquet, non expectato voluntatis consensu. Posterior verò sequitur voluntatis imperium, & consensum. Quo major est illa certitudo, quæ dicitur cognitionis, eo longius omnem dubitationem à mente removet. At quo major est ista, quam dicimus adhesionis, eo mens assensum arctius amplectitur: & firmius retinet.

XIV. Prioris certitudinis mensura est ipsa rei evidentia & clara perceptio, quæ quo major est, eo quocumque in mente certitudo major. Nam certum & evidens hoc respectu convertuntur. Ac profecto nihil etiam moraliter certum dici potest, quod non ratione aliqua sit evidens. Nam quamvis assensus certus à Philosophis dividi solet in assensum *evidentem*, qualis est scientiæ, & intelligentiæ: & in assensum *obscurum atque inevidentem*, qualis est

est qui nascitur ex signis & indicis, & ad quem humana impellit autoritas: tamen hic ipse est quodammodo evidens, scilicet evidenter quæ moralis dicitur. Nam cum certo iudicamus aliquid ita esse, ad hoc moti hominum sana, consensu & testimonio, ut in exemplis ante propositis, illud eo facimus quod intellectus noster ex variis iudiciis & argumentis colligit & videt, tum fide dignos esse testes qui proferuntur, tum revera hoc & illud testimonium ab ipsis perhiberi.

XV. Sed Posterior ista certitudo nascitur ex momento & gravitate rei, quæ quo magis facit ad hominis bonum, honorem, & commodum; eo quoque illam animus fortius apprehendit, & difficiliter paritur se ab ea divelli. Sic vir cordatus quidvis aliud potius concedet, quam ut abneget proprios parentes: quia, scilicet, res est conscientiam attingens, & unde pendet ipsius honor & exultatio.

XVI. Sed præter illa supra enumerata, quæ mentem movere & impellere possunt ut firmetur & certo rei assentiat, unum superest, nempe, testimonium divinum, & divina revelatio; quæ obiectum est fidei illius de cuius certitudine disputatio præsens instituta est. Porro illam esse summam & absolutam, & ipsam scientiarum certitudinem superare, non tantum agnoscit scholarum consensus, sed communis quoque Christianorum sensus: ita ut etiam in sermone triviali, articuli fidei pro exemplo rei, omnium certissima, nominari soleant.

XVII. Hic verò ante omnia notandum est, fidem duobus modis considerari posse. Vel secundum *essentiam*, ut loquuntur Philosophi, id est, qualis esse potest, & debet natura sua, & secundum perfectiones quæ illi ex suo genere debentur, & ratione habitæ obiecti quod respicit. Vel secundum *existentiam*, id est, qualis actu est in hoc aut illo subiecto. Si fides consideretur hoc posteriore modo, manifestum est ei, saltem semper, non competere certitudinem illam summam & absolutam. In multis enim fides infirma est, & tentationibus variis succutitur, ac perpetuam habet cum dubitatione & diffidentia luctum. Quævis erat fides illius qui Domino Iesu Christo dicebat, *Credo Domine, succurre incredulitati meæ*. Et discipulorum, quos Christus vocat *inopetis*, & qui propterea illi quoque dicebant, *Adauge nobis fidem*.

XVIII. Nec ideo ejusmodi fides debilis & infirma, definit esse vera & salutaris. Talis enim proculdubio erat fides discipulorum, & illius qui filium habebat lunaticum, quem sic Dominum Iesum Christum orabant. Adeoque, ut fides vera sit & salutifera, non necessarium in ea requiritur supremum ille & absolutissimus certitudinis gradus.

XIX. Verum, quum tanta prædicatur à Theologis fidei certitudo, priore modo illam considerant, & rationem habent, non ejus certitudinis, quam actu in mente hujus aut illius obinet, quæ subjectiva dici potest: sed ejus quam sibi ex se, & natura sua vendicat, sive quam obiectum fidei jure suo à mente postulat, quæ ideo certitudo objectiva dicenda est.

XX. Hanc esse summam atque absolutam, ac, ut diximus, ipsam scientiarum certitudinem superare, ex eo probant Theologi, quod fundamentum quo nititur est ipsa auctoritas & veritas divina, quæ nihil est magis firmum, atque immutabile, & quod minus fallere possit. Nam ratio propria & ut Scholæ loquuntur, formalis, cur credendis fides assentitur, est divinum testimonium, seu divina revelatio. Nempe hunc & illum articulum credimus, verbi causa, in Deo tres esse personas distinctas, & Christum esse Deum & hominem in una persona, quoniam istud Deus dixit & revelavit in verbo Evangelii.

XXI. Sed fatendum est istam Theologorum rationem sic nudè propositam non omnem scrupulum ex animo tollere, nec per hoc inquirenti menti satisfacere. Ad hoc enim, ut testimonium & auctoritas quævis mentem nostram de realiqua certam reddat, duo omnino requiruntur. Primum ut judicemus illum, qui testimonium perhibet, dignum esse cui fides adhibeatur, & fallere, vel non posse, vel non velle. Deinde ut certi sumus tale testimonium verè ab eo perhiberi, nec esse fictitium & supposititium.

XXII. Jam autem est quidam per se notum Deum esse summè veracem, ac plane fieri non posse ut mentiatur, & falsum testimonium perhibeat. Adeoque si quis certò & evidenter percipiat aliquid à Deo dici & asseri, inde proculdubio in mente ejus formabitur certitudo summa atque absoluta.

XXIII. Verum tota difficultas est, unde, & quomodo certi esse possimus hoc, vel illud à Deo fuisse dictum, & revelatum: Et quod proponitur, tanquam Dei verbum, & testimonium revera in se tale esse. Etenim verbum illud, quo credenda confirmantur, verè divinum esse, sensu non percipitur, nec etiam res est per se intellectui nota, neque etiam aliquid propriè demonstrabile, ad modum conclusionis alicujus Mathematicæ, cujus contrarium planè impossibile esse mens videt & clarè perspicit, nec de eo potest tantisper dubitare.

XXIV. Nec

XXIV. Nec etiam hic recurrit potest ad alterum quoddam Dei testimonium quo Dei verbum innotescat. Nam una quidem verbi divini pars potest alteri parti testimonium perhibere, & una revelatio per aliam confirmari, atque innotescere, quemadmodum Novum Testamentum testimonium Veteri perhibet, & auctoritatem illius confirmat. Sed hic dari non potest progressus in infinitum, & sistendum est tandem in aliquo Dei testimonio, in quo mens acquiescat, & quod non debeat per prius aliud innotescere.

XXV. Atque hæc difficultas ex aequo urget omnes Theologo Christianos, & illis solvenda incumbit. Sive enim dicamus, ut revera dicendum est, Scripturam sacram esse unicuique Dei verbum hominibus traditum, ex quo solo omnia credenda peti & confirmari possint, & quod alio quopiam Dei verbo confirmari non possit, nec egcat: Sive cum Doctoribus Ecclesie Romanæ, præter Scripturam, esse aliam revelationem, sine scripto Ecclesie fidei commendatam; cujus auctoritate atque testimonio Scriptura nobis solemniter innotescat, & certa reddatur; semper, ut dixi, deveniendum est ad primam quandam revelationem, in qua mentem sibi necesse sit, & qua alia non sit certior, aut notior, cujus auctoritate nobis commendetur atque consignetur. De hac igitur questio est quo pacto, & qua ratione de illa certi reddamur.

XXVI. Et omnes quidem Theologi, tam nostri, quam Romanenses, ad hoc, ut aliquis Dei verbum & revelationem, sicuti par est, suscipiat, & de ea certus reddatur, agnoscunt opus esse arcana quadam Spiritus Sancti operatione, quam communiter vocant internum Spiritus Sancti testimonium. Sed nemo eorum, quod sciam, per testimonium istud intelligit expressam aliquam Dei vocem, quam fidelis intus audiat, & sentiat, & cujus auctoritate, & velut indicio, propositam extrinsecus revelationem amplectatur. Sed per hoc in genere non aliud intelligunt, quam operationem quandam Spiritus Sancti, quæ fidem nobis ingenerat, & quæ se ad fidem non habet instar medii, sive argumenti, quo fides innitur; sed potius instar causæ efficientis. Nec etiam, ex eorum communi sententia, interna illa Spiritus Sancti operatio necessitatem excludit aliorum mediotorum & incitamentorum, quorum intuitu mens nostra ad suscipiendam revelationem, quæ ipsi proponitur, moveatur atque impellatur.

XXVII. Cum autem, ut ante dictum est, hæc esse divinam revelationem, & illud esse Dei verbum, res non sit mathematicè, seu logicè demonstrabilis; incitamenta & media illa, quæ nos movent ad Dei verbum ut tale suscipiendum, non possunt esse pluraquam argumenta moralia, quæ non mathematicè, sed moraliter evidens faciunt menti bene affectæ quod proponitur tanquam Dei verbum, & doctrina cœlestis, revera in se tale esse. Adeoque argumenta illa non possunt ex se menti ingenerare, nisi certitudinem illam, quam moralem diximus, & quæ ex suo genere inferior est illa certitudine, qua principiis per se notis, & conclusionibus inde evidentè deductis assentimur. Etenim, licet homo cujus mens intus Dei Spiritu illustrata, & qui ad notas & varia verba Dei debite attendit, judicet & videat impossibile esse ut ab alio quàm à Deo prodierit, probationes tamen inde deductæ, quibus impellitur ad ita judicandum, non nisi morales sunt, & quod istud videre dicitur non de alia quàm de morali evidentiâ intelligi debet.

XXVIII. Unde corrui videtur certitudo illa summa, & ipsa scientiarum certitudine major quam Theologi fidei tribuunt. Si enim dogmatis credendis assentimur, quoniam illa Deus in verbo suo revelavit, Deum verò revelasse non periuademur vi alicujus demonstrationis, sed argumentis tantum moralibus; inde sequitur fidem ad illa tandem argumenta reduci, ac proinde fidei non competere nisi certitudinem moralem, & quæ sit scientiarum certitudine inferior.

XXIX. Porro ad tollendam hæc difficultatem, nihil attinet querere an judicium illud, quo statuimus revelationem, quæ nobis proponitur, & per quam nobis credenda confirmantur, verè divinam esse, fidei actus sit, & dici debeat: an verò judicium quoddam fidem præcedens, & ab ea prærequiritum; quod ex Theologis alii affirmant, alii verò negant. Sed hæc verè est mera *λογυζα*. Nam prout libebit fidei definitionem restringere, vel ampliare, sic quoque actus ille vel fide includetur, vel ab ea excluditur. Etenim, si quis fidem definiat assensum quo aliquid verum esse statuimus, propter Dei dicentis auctoritatem & testimonium, tum judicium istud non est actus fidei, sed tantum aliquid quod fidem necessariò antecedit, & ab ea præsupponitur. Nam testimonium illud, quod reliquorum omnium credendorum argumentum est, non creditur propter aliud testimonium divinum, cujus auctoritate mens nostra moveatur; nisi quis hic velit admittere circulum, aut progressum in infinitum, quorum utrumque absurdum est, ut ante observatum

observatum fuit. Si quis autem fidem definiat assensum illum quo verbum divinum ut tale suscipimus, & propter illud assentimur omnibus quæ nobis in eo credenda proponuntur; tum assignandi erunt duo fidei actus, quorum prior erit iudicium illud quo statuimus hoc verbum verè divinum esse, alter verò assensus quem præbemus omnibus quæ illo continentur. Utique verò de eo sit, & siue iudicium istud dicatur actus fidei, siue non, profecto, si sumus incerti an revelatio quæ nobis proponitur divina sit, non possumus propter eam certum assensum præbere illis quæ nobis ejus auctoritate commendantur.

XXX. Multi Theologi, ut hinc se expediant, negant fidem sic reduci ad ista argumenta, siue incrementa, ut inde tota ejus certitudo pendeat. Nam Spiritum Sanctum iis quidem uti ut nos ad fidem impellat, & adducat, sed tamen menti fidelium majorem de verbo Dei certitudinem imprimere, quam per se argumenta istiusmodi ferant. Itaque summam illam fidei certitudinem referunt ad internum Spiritus testimonium, id est, ut jam explicuimus, ad occultam & potentissimam Spiritus Sancti operationem, qua immediatè certissimam illam de verbo Dei persuasionem mentibus fidelium induit. Quod & nos in aliis Theibus secuti sumus.

XXXI. Verum ista sic nudè & breviter proposita scrupulum aliquem in animo relinquunt. Sicut enim non congruit creaturæ rationali, ut ulli rei assensum præbeat, quin ante ipsa per se veritatem ejus percipiat, vel ex quibusdam signis & argumentis colligat, aut saltem ad credendum moveatur gravi quadam auctoritate; ita quoque eidem congruere non videtur, ut certior sit ejus assensus quam poscant argumenta quibus movetur ad assentiendum. Alioquin in isto assensu erit saltem gradus aliquis ratione omni destitutus, ac nulli solido fundamento subnixus, quod abhorret à genio creaturæ rationalis. Constituendum est autem Spiritum Sanctum fidem, aliisque virtutes, siue virtutum actus in nobis operari modo quodam naturæ congruo & consentaneo, & qui licet sit supra naturam, minime tamen est naturæ contrarius.

XXXII. Ut scrupulus iste tollatur existimamus commodè hic adhiberi posse distinctionem illam qua videtur Bonaventura inter Scholasticos Doctores percelebris. Nam comparans ille fidem cum scientiis quoad certitudinem, distinguit certitudinem, ut nos antè fecimus, in certitudinem *cognitionis*, seu *speculationis*, quæ pertinet ad solum intellectum, & certitudinem *adhesionis*, quæ præcipue respicit voluntatem, & ab illa pendet. Dicitque fidem esse scientiis certiore, non certitudine speculationis, seu certitudine speculationis, seu certitudine solum adhesionis. *Quoniam*, inquit ille, *fideles Christiani, nec argumentis, nec tormentis, neque blandimentis adduci possunt, vel inclinari, ut veritatem quam credunt, vel ore tenus negent: quod nemo peritus alicujus scientiæ faceret, si acerrimis tormentis cogitur sententiam suam de conclusione aliqua Geometrica, vel Arithmetica retrahere. Scilicet enim & ridiculus esset Geometra qui pro sua sententia in controversiâ Geometricâ mortem auderet subire, nisi in quantum fides dilatat non esse mentitum.*

XXXIII. Igitur respectu certitudinis illius, quam speculationis, seu cognitionis diximus, fides non est certior scientiæ propriè dictæ; sed ab illa potius certitudine superatur. Etenim quò major ista certitudo, eò longius ab assensu removel omnem dubitationem. Sed fides dubitationi, magis est obnoxia quàm scientiæ, verbi causa Mathematicæ. Nam si quis perceptam habet vim demonstrationis alicujus Geometricæ de conclusione tantisper dubitare non potest. Sed fideli sæpe luctandum est cum dubitatione atque diffidentia, quibus fides ejus impeditur.

XXXIV. Quod si quis dicat istud tantum probare certitudinem fidei, quam vocamus ante subjectivam, esse scientiarum certitudine minorem, non verò certitudinem fidei objectivam, de qua jam est questio. Respondeo fidem illam quæ actu in fidelibus tentationibus variis quatitur, & luctatur cum diffidentia, non desinere esse veram fidem. Si quis verò minus perceptam haberet vim demonstrationis alicujus Geometricæ, & de veritate conclusionis dubitaret, in eo non esset veri nominis scientia. Arque hoc ipso patet scientiam per se & ex suo genere dubitationem magis excludere quàm fidem.

XXXV. Adde quod, ut ante dictum est, certitudinis illius, quæ cognitionis dicitur, mensura, est evidentia. Nam quod dubitationem ex animo excludit est veritas perceptio, & mentis convictio. Ac proinde quo quis clarius veritatem percipit, hoc ipso à mente ejus longius remouetur omnis dubitatio. Non veniunt autem Theologi fatari mentem nostram minus clarè percipere hoc esse Dei verbum atque testimonium, quàm percipit res per se notas, aut conclusiones Logicè demonstratas. Non est ergo quod timeant agnoscere assensum illum eatenus esse minus certum.

XXXVI. Nec

XXXVI. Nec propterea fides, saltem ex hac parte, incerta relinquitur. Quod enim non attingit certitudinem scientiæ & intelligentiæ statim tamen incertum non est. Quippe, ut ante ostensum est, certitudo quæ moralis dicitur, etiam si sit inferioris gradus, est tamen veri nominis certitudo, quæ mentem securam & indubiam reddit. Nec alia requiritur ut homines ad munia & officia vitæ obligentur in conscientia, & efficaciter etiam impellantur: vel usque ad vitam propriam exponendam, & mortem ultero subeundam, quod facit aliquando subditus pro principe, & pater pro liberis, quos suos esse non aliter certus est.

XXXVII. Ac profecto iudicium illud, quo mens nostra statuit verbum ac testimonium, quod proponitur ipsi ut credendorum argumentum, verè divinum esse, non nascitur quidem ex tali preceptione, qualis est illa qua intellectus noster admittit lucem innatam primorum principiorum, & veritatem propositionum quæ necessariò ex iis deducuntur: sed tamen fundatur in argumentis, notis & indiciis, quæ moraliter saltem, evidens reddunt rem ita se habere, adeoque possunt, ac debent ex mente bene affecta tollere omnem dubitationem, & illam certam & securam reddere.

XXXVIII. Homo verò semel indubiè statuens, ac certò persuasus ex variis indiciis notis & argumentis, verbum quod dirigitur ad ipsum divinum esse, & revelationem illam à Deo ortam, si debite attendat, & serio consideret Deum esse qui loquitur, & quam grave sit & atrox Dei verbum spernere & vocem rejicere, autoritate tanti testis perculsus totus in ejus obsequium fertur, ac Dei verbum summa cum veneratione suscipit, & arctissime complectitur, eique tenaciter & firmiter adheret, ac pro certo statuit, & efficaciter judicat quidvis potius patiendum esse, & omnibus renunciandum, quam ut Dei verbum rejiciat, & fidem derogat is quæ illo continentur, & auctoritate illius confirmantur.

XXXIX. Unde oritur in fide major quædam certitudo quam sit in ulla scientia. Si quidem mens fidelis sic affecta atque disposita Dei verbum, & quæ fidei sunt, avidius suscipit, arctius amplectitur, & firmius retinet: quam quilibet aliud sub quovis tandem lumine proponatur, & quocunque demonstrationum robore confirmetur. Atque adeo vir vera fide imbutus mente animoque fixum & ratum habet omnibus aliis potius scientiis renunciare quam fidem abjicere. Nec est ulla cognitio quam ita firmiter ac studiose custodiat & retineat; Neque ullus assensus, quem agrius & difficilius à mente sibi revelli pateretur.

XL. Itaque fides, qua verbum divinum amplectimur, objectum suum quidam minus clare percipit, quam assensus, qui locum habet in scientiis humanis: veruntamen fidei assensus in mente firmior est, eamque potentius & efficacius afficit, ac alius penetrat: ita ut quemvis alium assensum potius quam hunc fidelis paratus sit excutere.

XLI. Quæ fidei firmitas potèntius & tenax in mente adhælio ex evidentia objecti non nascitur, sed ex rei ipsius gravitate & momento. Scilicet mens Spiritu Sancto illuminata percipit quamlibet aliam cognitionem ad bene beatæque vivendum nihil aut parum conferre, verum ex hac hominis beatitudinem pendere, nec posse illam rejici, nisi cum certa totius hominis perniciè: ideoque tenacius, & potentius illi adhaereat; quam ulli qualicumque cognitioni, sive scientiæ. Denique, ut breviter quæ fusiùs dicta sunt concludam, fides non tam procul à mente dubitationem removeret, quam scientia, quæ demonstratione nascitur; sed tamen mens fidei tenacius adheret, illamque ut sic dicam, studiose magis, & anxie custodit. Et ideo, licet fides minus certa forte dici possit certitudine speculationis, quam scientiæ prorsus demonstrativæ, proculdubio tamen omnibus illis certior est certitudine adhesionis.

XLII. Porro hinc liquere potest, quam non sine ratione alias docuerimus totam certitudinem, quæ in fide reperitur, non resolvi in ipsam verbi divini lucem, id est, in varias notas & argumenta quibus verbum Dei tale esse se probat, nec argumenta illa esse mensuram totius ejus certitudinis; Sed Spiritum Sanctum fidelium mentibus majorem de verbo Dei certitudine imprimere quam per se ferant ejusmodi notæ & argumenta: adeoque summam istam certitudinem, qua verbum Dei fides amplectitur, referendam esse ad internam operationem Spiritus Sancti, qui plenum illum & firmum assensum fidelium mentibus imprimit vi quadam, quæ sit omni argumento & ratione major.

XLIII. Etenim certitudo illa adhesionis, qua fides humanas scientias superat, non mensuratur rei evidentia, nec simpliciter pendet à vi argumentorum quibus aliquid verum esse probatur: Et in ea fidelium menti ingeneranda præcipue sese exercit efficacia & vis Spiritus Sancti, qui non solum eis oculos aperit, ut percipiant verbi divini lucem, id est,

T H E S E S T H E O L O G I C A E :

In quibus inquitur,

An omnibus Hominibus detur Gratia sufficiens
ad Conversionem, & Peccata vitanda ?

*Et ea de re exponitur Doctrina Scholæ Romanæ, ac
cum Protestantium Doctrina comparatur.*

T H E S I S I.

DE hac questione non omnino convenit inter Doctores Ecclesiæ Romanæ. Primo enim sunt qui improbant distinctionem gratiæ in sufficientem atque efficacem, nec volunt ullam esse gratiam sufficientem quæ non sit efficax. Illi verò aptè docent non omnibus hominibus dare gratiam sufficientem sive ad conversionem, sive ad peccata vitanda ; cum planum sit gratiam ad ista efficacem non omnibus dari. Quam sententiam tuentur Jansenius & ejus Discipuli, ut Augustini doctrinæ conformem.

II. Sed communis Doctorum Ecclesiæ Romanæ sententia est in contrarium : saltem quantum attinet Doctores hodiernos atque recentiores. Existimant enim omnibus à Deo gratiam sufficientem dari ad conversionem, & peccata vitanda. Ut autem ita sentiant inducuntur Scripturæ locis, in quibus dicitur Deus velle ut omnes homines serventur, & ad agnitionem veritatis veniant : item nolle ququam perire, sed omnes ad resipiscenciam venire ; aliisque similibus. Nec enim ista constare videntur, ut Deus velit hominum salutem & conversionem ; & tamen iis gratiam ad fidem & salutem necessariam denegat. Ac præterea, nisi omnibus hominibus sufficiens gratia detur, putant multos excusari posse, si non convertantur, & à peccatis abstineant ; nempe omnes illos quibus talis gratia non obtigit. Nec enim existimant quendam julte condemnari posse, quod non fecerit ea : ad quæ non habuit auxilia necessaria & sufficientia : cum tamen Scriptura doceat omnes illos esse inexcusabiles, qui in peccatis perseverant, & ad Deum non convertuntur.

III. Veruntamen omnes qui in ista Thesi generali de sufficienti gratia omnibus concessa convenire videntur, gratiam illam non eodem modo explicant atque intelligunt. Etenim qui recentiores Thomistæ appellantur, quique docent gratiæ efficaciam consistere in liberi arbitrii Physica quadam determinatione, dicunt omnibus hominibus gratiam à Deo sufficientem dari, quoniam illis à Deo auxilium sufficiens datur ut bene operari possint : quamvis cum illo auxilio nunquam aliquis bene operetur ; sed ad hoc necessario requiratur aliud auxilium efficax à sufficienti realiter distinctum, quod voluntatem ab bonum determinet, & quod à Deo omnibus hominibus non conceditur. Itaque juxta illos, datur omnibus hominibus gratia sufficiens ut bene operari possint : sed tamen quæ sine novo auxilio non sufficiat ut actu bene operentur.

IV. At verò Molina, & plerique alii Scholæ Romanæ Theologi, docent omnibus dari gratiam sufficientem, non tantum ut bene operari possint, sed etiam ut sine alio auxilio prævio actu operentur, si velint, & licum sit in eorum libertate atque potestate gratia illa uti, vel non uti.

V. Est autem observandum inter omnes Scholæ Romanæ Doctores convenire, quod non omnibus hominibus detur gratia quæ immediate ad adipiscendam salutem sufficiat.

D d 2

Ad

Ad hoc enim fatentur adulatorum respectu necessariam esse fidem in Christum, quam quis habere non potest, nisi Christus ipsi prædicetur, aut alio quodam modo innotescat: cum tamen palam sit multis hominibus Christi nomen prorsus inauditum esse.

VI. Itaque quum gratiam quandam universalem & sufficientem urgent, intelligunt eam quæ saltem mediate sufficiat, ut ejus beneficio homines ad salutem æternam perducantur: quatenus, scilicet, si bene utantur ea gratiæ mensura quæ primo ipsis indulgetur, paratus sit Deus semper ampliorem largiri, donec tandem eos ad salutiferam filii sui notitiam adducat, per media seu ordinaria, seu etiam extraordinaria: sicut Cornelio contigit, qui Deum pie colens pro modulo cognitionis ipsi à Deo indulto per angelum mōitus fuit ut Petrum accerferet, à quo in via salutis amplius instrueretur, & Evangelii doctrinam perciperet.

VII. Imo neque volunt omnibus hominibus gratiam dari quæ sit immediate sufficiens ad peccata vitanda, & tentationes vincendas, sed eam tantum qua possit, mediate saltem, peccata vitare, & tentationes vincere. Agnoscunt, videlicet, multos cum auxilio præsentis impares esse tentationi vincendæ, & si Deus majus auxilium addat, certo fore ut pravæ cupiditati succumbant: sed petunt illis saltem non deesse auxilium quo Deum orare possint, & gratiam tum illis necessariam ab ipso impetrare.

VIII. Cæterum Scholæ Romanæ Theologi quæstiones varias hic movent circa quas non est eadem omnibus sententia. Et primo quidem de infantibus quærunt, An etiam omnibus illis gratia sufficiens ad salutem à Deo datur? Id negant in Schola Romana non pauci: quoniam multi infantes decedunt, antequam potuerit illis administrari Baptismus, sine quo tamen existimant nullum infantem posse ad salutem pervenire. Quod clarum est, præsertim in iis infantibus, qui in utero materno sine parentum culpa extinguuntur.

IX. In ea est sententia Vasquez, qui monet hic non quæri an Christus instituerit media ad salutem parvulis omnibus ex se sufficientia: sed an illa ita providerit & disposuerit, ut in libera facultate alicujus applicationem illorum reliquerit. Et postea, adhibita quadam distinctione, docet quibusdam parvulis, editis nimirum in lucem, & iis qui negligentiam parentum in utero materno moriuntur, provisâ fuisse remedia sufficientia, quæ applicari illis possent, licet adulatorum negligentia non fuerint applicata: quibusdam vero parvulis non fuisse à Deo ullo modo concessum, posse humana diligentia applicari sufficientia remedia, sive editis in lucem, quum aqua non conceditur, sive in utero materno vj sola naturæ morientibus. *Tom. 1. in 1 Thomæ disputat. 96.*

X. Sed contra alii affirmant, etiam respectu ipsorum infantum, gratiam omnibus sufficientem dari: idque quoniam Deus, quantum in ipso est, baptismum omnibus infantibus paravit, & parentibus, ac aliis in quorum potestate sunt infantes, fide immediatam, sive mediatam facultatem dedit ipsos baptizandi, & ita salutem eorum procurandi.

XI. Hæc est sententia Caroli Joseph Tricassini Concionatoris Capucini, in libro nuper edito de necessaria ad salutem gratia omnibus & singulis data, secundæ partis sectione ultima, ubi hæc est ejus conclusio, *Omnes & singuli parvuli habent gratiam sufficientem ad salutem, non quidem in seipsis, enim ejus recipiende sunt incapaces, sed in suis parentibus, & parentum amicis, qui possunt eos perducere ab baptismum, & per hoc ad salutem.*

XII. Postea verò explicat quomodo parentes possint eos ad baptismum perducere. Nempe si infideles sunt, gratiam habent qua possint vel immediate, vel saltem mediate credere, & ita suis baptismum procurare. Si verò fideles sunt, possunt orare pro salute parvulorum suorum, ut Deus servet eos usque ad nativitatem, quo tempore solliciti debent esse, ut cito procurent ipsis baptismum. Possunt etiam cavere à peccatis, ne ob ea priventur parvuli sua vita temporali antequam nascantur. Et specialiter possunt cavere matres ab iis omnibus, quæ possunt sibi, & parvulis suis, quos gestant in utero, esse noxia & lethifera. Quæ si bene observent, parvuli eorum sunt perverituri ad baptismum, & sic ad salutem æternam.

XIII. Quod attinet autem ad adultos, illi ipsi qui docent adultis omnibus gratiam sufficientem dari, inter se non consentiunt, An gratia ista sufficiens perpetuo illis adsit, An verò iis detur pro loco tantum & tempore; ita ut aliquando ea destituti sint. Nam hodierni Jesuitæ, & plerique alii Scholæ Romanæ Doctores statuunt adultis omnibus, ad finem usque vitæ perpetuo adesse gratiam, qua & vitare possint singula peccata quorum occasio se offert, & ad quæ tentantur atque impelluntur, & qua possint quoque ad Deum converti, & se esse statu peccati eripere.

XIV. At

XIV. At verò alii quædam hic utuntur distinctione. Sunt enim qui sentiunt neminem quidem esse cui non in aliquo saltem vitæ momento, Deus largiatur gratiam qua possit sese ad Deum convertere, & salutis fieri particeps: sed negant istam gratiam semper omnibus præsto esse: multos enim illa iuste propter peccata à Deo destitui. Verum pertendunt Deum nunquam ulli homini denegare gratiam qua possit à novis peccatis abstinere, & tentationi ingruenti resistere, scilicet, vel immediate, vel ut dictum est, saltem mediate, per auxilium, quod quidem non habet, sed quod precibus impetrare potest. Qua in sententia est Cardinalis Bellarminus, ut videre est primis capitibus libri secundi de Gratia & libero arbitrio.

XV. Nonnulli tamen ex parvioris gratiæ universalis atque sufficientis nequidem admittunt semper omnibus adesse gratiam qua possint peccata vitare: quia scilicet, quidam propter nimium gratiæ divinæ abusum, & in vindictam ac poenam peccatorum præcedentium, sic à Deo deseruntur, ut deinceps prorsus mancipentur pravis suis cupiditatibus, nec amplius possunt non peccare. Quo de numero putant esse illos quos scriptura induratos & occæcos vocat.

XVI. Hanc sententiam Vasquez tribuit Tostato Episcopo Abulensi, Cardinali Cajetano, Joanni Episcopo Rossensi & Cardinali, & Ruaro Tappero Professore Lovanienli; quos censere affirmat, interdum propter priora peccata, ita destitui homines per aliquam certam vitæ periodum, ut nec sufficiens & necessarium eis concedatur auxilium, quo observare valeant mandata credendi, poenitendi, & alia hujusmodi, atque peccata devitare. *Tom. 1. in 1. Thome, disp. 96. cap. 2.*

XVII. Quod spectat Scholæ Reformatæ Doctores, eorum longè plurimi non agnoscunt ullam gratiam quæ sufficiat ad hominem convertendum, & perducendum ad salutem, quæ etiam reapse hominem non convertat, & ad salutem perducatur. Adeoque, juxta eorum sententiam, nulla est gratia sufficiens, quæ etiam efficax non sit: nec debet hæc ab illa distingui. Ac proinde cum doceant gratiam Dei in solis electis esse efficacem, tantum abest ut agnoscant omnibus hominibus dari gratiam sufficientem tunc ad conversionem, sive ad peccata vitanda, ut hanc solis electis obtingere pertendant.

XVIII. Veruntamen nonnulli hodie reperiuntur Theologi inter Reformatos qui tunc et prædicant gratiam quandam universalem, quam communem esse volunt omnibus hominibus, & quam etiam dicunt ex se & per se ad salutem sufficere. Adeoque rogati an omnibus hominibus detur gratia sufficiens? Respondent ita esse. Sed gratiam illam constituunt, non in interna quadam spiritus operatione, quæ mentem, voluntatem, & affectus hominis moveat & excitet, ut feratur in Deum, & peccatum fugiat: sed tantum in externa divinæ misericordiæ prædicatione & declaratione, & invitatione ad fidem & resipiscenciam, sub spe remissionis peccatorum obtinendæ, & participandæ salutis; sive ista declaratio atque invitatio fiant per externum verbi præconium; sive per effecta varia divinæ providentiæ, quæ sese circa homines peccato corruptos exerunt.

XIX. Hanc autem gratiam sufficientem vocant, non quod, ex eorum mente, simpliciter sufficiat ad hominem actu convertendum, absque ullo alio auxilio divino: sed quia salutem homini sic possibilem reddit, ut possit salvari, si velit: nec ullum sit, ut loquuntur, Phycum impedimentum quod saluti illius obstet: cum & salus illi debite offeratur, & facultates naturales habeat, mentem, scilicet, atque voluntatem quibus possit illam amplecti, si rectè iis utatur.

XX. Agnoscunt autem istas naturales hominis facultates, nempe mentem atque voluntatem, ita peccato corruptas & vitiatas esse, ut nisi accedat interna quædam Dei gratia, quæ mentem illuminet & voluntatem flectat, contingere non possit ut homo bene utatur suis illis facultatibus, & parcat atque obsequatur Deo vocanti & invitanti ad gratiæ suæ extrinsecus oblatæ participationem; quod illi propter vitium inherens, absque interna ejusmodi gratia moraliter impossibile est.

XXI. Neque propterea minus inexcusabiles existimant eos qui Deo vocanti obsequium non præstant. Idque quoniam ista moralis impossibilitas sita est in ultroque voluntatis in malo obduratione & obfirmatione, quæ minime peccatum excusat, ut patet exemplo dæmonum: cum solum excusentur per illa impedimenta, quæ à propria nostra voluntate non pendunt, & quæ quantum velimus, & annitmur ipsi, tollere non valemus.

XXII. Ac præterea putant gratiam istam communiter hominibus omnibus oblatam satis esse, ut Deus dici possit nolle quenkumque perire, sed omnium hominum salutem & conversionem velle & serio cupere: quandoquidem per id Deus salutem reddit omnibus possibilem, sub conditione quæ pendet ab eorum voluntate, & quam possunt præstare.

stareli velint: cum nulla sit causa externa, aut externum impedimentum quod saluti eorum obstat, sed solum eorum perversa voluntas, quæ media à Deo oblata respuit & contemnit, iisque uti obliuione renuit.

XXXIII. Ceterùm internam gratiam, sine qua nemo potest misericordiam divinam amplecti, volunt esse electis propriam & peculiarem, neque ullis quam electis obtingere, tantum abest ut sit omnium communis. Ut videre est apud Amyraldum in dissertationibus de gratia particulari, & de gratia universalis; & apud Paulum Tetsardum, de natura & gratia, cap. 7. cujus titulus est, *De gratia supernaturali, & potentia salutis per eam indulta, ejusque universalitate.*

XXIV. Gratiam autem illam, quam vocant universalem, docet universalem esse, non tantum respectu adultorum, sed etiam respectu ipsorum infantium, quibus, scilicet, Deus potestatem salutis fecerit, quatenus voluit ut infantes sequantur conditionem parentum: omnibus verò parentibus salutem propriam possibilem reddidit: adeoque salutem infantium qui sunt ex ipsis, oriundi, & qui habentur tanquam eorum quædam appendices.

XXV. Verum hic omittendum non est clarissimum Amyraldum in sua Dissertatione de Gratia Particulari referre tertiam quandam sententiam, quam nonnullis ex Reformatis tribuit, licet nomen eorum non ead. Illi igitur, eo referente, non solum admittunt quandam Gratiam Universalem externam atque objectivam, quæ sufficiat ad salutem; sed præterea gratiam aliquam subjectivam & internam, quæ sit quoque Universalis, & cujus omnes homines participes à Deo fiant, ut ejus beneficio credere possint & converti, quod absque ea fieri non posset. Quamvis præter istam gratiam subjectivam & universalem, non negent esse aliam electis peculiarem. *Faciunt, inquit, utramque gratiam* (tam internam scilicet, quam subjectivam vocat, quam externam, quam nominat objectivam,) *aliquomodo universalem: Ut tametsi non negent in electis peculiarem quandam efficaciam sese exercere, putent tamen, quemadmodum Deus misericordiam suam omnibus hominibus revelat, quæ ad fidem & penitentiam invitatur; sic etiam omnium mentes intrinsecus extenuis affici, quoad objectivam gratiam, si velint, amplecti & retinere queant.* Atque hos dicit doctrinam suam typis non vulgasse, sed privatis tantum animadversionibus, quæ tamen longè latius dissipatæ per manus hominum volitaverunt, gratiam subjectivam solis electis particularem carpsisse, & dogma de decreto Reprobationis absoluto, tanquam à vero abhorrens, censuisse è finibus religionis exterminandum.

XXVI. Porro qui in Belgio Remonstrantes dicuntur, sive Arminiani, inter dogmata sua præcipua reponunt illud de Gratia quadam universali atque sufficienti, quam Deus omnibus eo sine largitur, ut possint, si libeat, rescipere & ad Deum converti. Etenim cum plerisque hodiernæ Scholæ Romanæ Theologis aperte docent & tuerentur, non tantum omnibus & singulis hominibus salutem à Deo extrinsecus offerri, sed Deum quoque intus sic in omnium animis agere, ut planè sit ipsis liberum, & in eorum potestate situm gratia ista interna atque universali bene vel malè uti: & ita vel salutem oblatam rejicere, vel saltem sensim & per gradus ad veram conversionem & idem pervenire, adeoque salutem æternam adipisci.

XXVII. Illi verò Theologi Confessionis Augustanæ qui Lutherani appellantur distinctionem quidem gratiæ in sufficientem atque efficacem respuunt, ut inutilem atque superfluum; sed tamen in hac questione idem, aut propè idem cum Remonstrantibus sentire videntur. Censent enim omnes universaliter ad salutem à Deo vocari atque excitari, & quidem vocatione, quæ ex se, & ex Dei intentione efficax est: quod verò effectum in multis non sortitur, inde esse quod multi Deum vocantem respuunt, & vocationi divinæ resistunt, nec admittunt efficaciam gratiæ ipsis oblatæ, aut semel admissa non bene utuntur; sed sponte Divinam gratiam abijciunt. Cum alii contra Deo vocanti aures præbeant, nec spiritus in ipsis operationi impedimentum ponant. Quæ pluribus deducta videre licet apud Joannem Gerhardum, Tom. 2. tractatu de Elect. & Reprob. cap. 7.

XXVIII. Porro ex dictis constat dogma de gratia quadam sufficienti, quæ omnibus hominibus detur, in Ecclesia Romana nondum haberi tanquam fidei articulum, qui sine hærescos nota negari non possit, sed licet à plurimis Doctoribus teneatur, esse tamen adhuc nonnullos qui repugnent: Et vicissim non paucos ex Reformatis hodiè gratiam quandam universalem, & in suo genere sufficientem tueri, quamvis in contrarium sit communior Ecclesiarum Reformatarum sententia. Adeoque quod plurimi in Schola Romana affirmant, omnibus hominibus dari gratiam sufficientem, tum ad conversionem,

gonem, tum ad nova peccata vitanda, à plurimis Reformatorum simpliciter negatur.

XXIX. Illi verò ipsi Doctores reformati, qui, saltem verbis tenus, gratiam quandam universalem atque sufficientem cum plerisque Scholæ Romanæ Theologis continentur, re ipsa tamen ab ipsis dissident. Quod enim Scholæ Romanæ Theologi intelligunt de gratia quadam interna atque subjectiva, quæ conversionem hominis, non solum Physicæ, sed etiam moraliter possibilem reddit, id totum Reformati referunt ad gratiam solum externam atque objectivam; quæ posita, homini interna gratia destituta, conversio nihilominus moraliter impossibilis manet.

XXX. Illi tamen qui, Mose Amyraldo testante, inter Reformatos agnoscunt gratiam quandam universalem atque sufficientem, non externam solum atque objectivam, sed subjectivam quoque & hominibus inhærentem, eatenus non videntur à Thomistis recentioribus & Dominicanis differre; cum utrique præter gratiam illam universalem quæ neminem actu convertit, ad actualem conversionem velint necessarium esse peculiare quoddam auxilium, quod omnibus non obtingit, sed illis duntaxat qui actu convertuntur.

THESES THEOLOGICÆ:

DE

FIDEI JUSTIFICANTIS

Natura & Essentia, ejusque distinctione à Fide historica, five mortua atque otiosa.

In quibus variæ Protestantium sententiæ referuntur atque expenduntur; & breviter refelluntur quæ super ea re quidam liber recens scriptori harum Thesium imputat.

THESIS I.

Fidem Historicam Protestantes nominant nudum & simplicem assensum quem multi præbent iis quæ Verbo Dei proponuntur, propter Dei dicentis & testantis auctoritatem; sic tamen ut inde ad recte agendum non moveantur, nec reddantur meliores. Tali fide dicitur credidisse Simon Magus, cujus tamen cor rectum coram Deo non erat, & qui nihilominus in felle amaritudinis, & vinculis iniquitatis, iudice Petro, positus manebat, Act. 8. Et simili quoque modo credebant illi Judæorum primores, qui Christum non consitebantur, quoniam magis diligebant gloriam hominum, quam gloriam Dei, Joan. 12.

II. Porro fides ista dicitur historica, non quod sit eorum solum quæ historice narrantur in Scripturis. Nam qui hac fide præditi sunt vera credunt quæcunque in Verbo Dei continentur, non minus promissiones, dogmata, & præcepta, quam historias & narrationes. Sed appellatio ista sumitur à modo quo versatur hæc fides circa suum objectum. Nempe veluti quum legimus historias ad nos nihil attinentes, eas nude contemplamur, nec inde commovemur & afficimur intus: ita qui fidem illam habent, quæ Verbum Dei docet otiose speculantur; nec ea ad praxin referunt.

III. Et hæc est fides quam Jacobus, epistolæ capite secundo, fidem mortuam vocat; quia scilicet, omni motu & actione, non secus ac cadaver quoddam, destituta est.

Adcoque

Adeoque nihil prodest ad salutem, sed potius culpam prægravat & damnationem augeat illorum qui in ea hærent. Juxta quod dicit ibidem Jacobus, *Quid proderit, fratres mei, si fidem quis dicat se habere, opera autem non habeat? nunquid poteris fides salvare eum?* Quin ejusmodi fidem non veretur eodem loco dæmonibus tribuere; *Tu credis, inquit, quod Deus unus est, bene facis; & dæmones credunt, & contremiscunt.* Unde est quod Protestantes illam vtræ fidei nomine dignam non putant; quia videlicet, eorum judicio, ea sola fides vera meretur appellari quæ iustitiam & salutem affert illi qui ea præditus est, quod ejusmodi fidei non compatitur.

IV. Unde colligunt omnino ab hac fide distinguendam esse fidem illam quam scriptura summis laudibus & elogiis ornat, ad quam nos tam frequenter & vehementer hortatur, cuique iustitiam & salutem nostram tribuere solet, tanquam indivulse cum ea coherentem. Ut quum apud Joannem dicitur, *Sic Deus dilexit mundum, ut filium suum unigenitum daret; ut omnis qui credit in eum non pereat, sed habeat vitam æternam.* Et similiter apud Marcum, *Qui crediderit, & baptizatus fuerit, salvus erit.* Quibus consonat illud Pauli in Epistola ad Romanos, *Finis legis est Christus in iustitiam omni credenti.* Unde patet esse quandam fidem, quam quicumque habet coram Deo iustus est, & Deo gratus & acceptus ad salutem & vitam æternam; & quæ proinde alia est ab ea fide quæ in ipsis impiis & dæmonibus reperitur. Ea verò fides piorum & iustorum propria à Protestantibus sola digna censetur nomine fidei veræ, salvificæ, & justificantis. *Joan. 3. Marc. 16. Rom. 10.*

V. Ethinc apparet Protestantibus per fidem justificantem non intelligere eam quæ quocunque modo præparat ad justificationem, sive proxime, sive remote; sed quæ hominem reapse iustificat, aut quam semper & infallibiliter comitatur justificatio. Et similiter non aliam fidem salvificam nominant, quam quæ revera hominem in statu gratiæ & salutis constituat.

VI. Quantum verò inter se differant fides historica & fides justificans, inter Reformatos non omnino convenit. Quidam tantum inter utramque discernere esse volunt, ut distinctionem fidei in historicam & justificantem nolint dici distinctionem generis in species, sed vocis ambiguitatem in sua significata. Quæ in sententia est Samuel Marcius in Academia Groningana Theologiæ Professor celeberrimus, ut videre est in ejus Systemate, loco undecimo, Thesi 21. Alii verò dicunt esse divisionem generis in species, non tamen univocas, sed analogas. Quæ est sententia Doctissimi viri Christophori Wittichii; antehac Noviomagi, & nunc Lugduni Batavorum Theologiæ Professoris; in Theologia Pacifica, cap. 11. numero 136. ubi citat Poræum & Professores Leydenenses, tanquam idem cum ipso in hac parte sentientes.

VII. Sed quomodo fides justificans ab historica differat, ex fidei justificantis definitione, & actu ac partium ejus expositione melius constare poterit. Porro fides justificans à Reformatis varie describitur, & plures proferuntur ejus definitiones, quæ videri possunt plus minusve commodæ, sed tamen quoad sensum eodem fere recidunt. Juxta Calvinum fides justificans est, *Divine erga nos benevolentie firma certaque cognitio, quæ gratuite in Christo promissionis veritate fundata, per Spiritum Sanctum revelatur mentibus nostris, & cordibus obsignatur: cui consentit descriptio brevis illius Catechismi vulgaris, in quodam dicitur esse Certa persuasio, vel fiducia quam debes habere quilibet Christianus, quod Deus pater ipsum amat propter filium suum Jesum Christum.*

VIII. Beza autem in Annotationibus in caput primum ad Romanos fidem definit esse Firmam illam & constantem animi persuasionem, quæ certus est apud se unusquisque fidelium, non modo in genere verum esse verbum Dei, ac proinde promissiones de gratuita per Christum reconciliatione; sed etiam istas ad se proprie pertinere credit. Utsino & Pareo Fides justificans est non tantum certa notitia, quæ firmiter quis assentitur omnibus quæ Deus nobis in verbo suo patefecit, sed etiam certa fiducia, à Spiritu Sancto per Evangelium in corde fidelis accensa, quæ in Deo acquiescit, certo statuens non solum aliis, sed sibi quoque remissionem peccatorum, æternam iustitiam & vitam donatam esse; idque gratis ex Dei misericordia, propter unius Christi meritum. In Explicationibus Catecheticis, parte secunda, quaestio-
ne 21.

IX. Eadem est quoque descriptio Riveti olim in Academia Leydensi Sacræ Theologiæ Professoris celeberrimi: *Salvificam, inquit, illam & justificantem fidem dicimus, ex certa revelationis divine notitia, firmam à Spiritu Sancto per verbum Evangelii animis nostris ingeneratum assensum, omnibus quæ nobis Deus in verbo suo patefecit, sed præsertim salutaribus in Christo promissionibus, quo certa fiducia in Deo acquiescent, unusquisque fidelis firmiter statuit, non solum in genere promissam esse credentibus remissionem*

tionem peccatorum, sed sibi in particulari concessam; eternamque justitiam, & ex ea vitam, ex Dei misericordia, propter unius Iesu Christi meritum donatam esse. Disputatione de Fide justificante. Similiter Petrus Molinæus, celeberrimus etiam, dum viveret, in Academia Sedanensi Professor, idem definit esse *Firmum assensum promissionibus Evangelii*, quo fideles non tantum credunt eas esse veras, sed etiam ad se particulariter pertinere, spiritu adoptionis testimonium intrinsecus perhibente eam esse filium Dei, unde pax conscientia, & fiducia, & opera charitatis. Theſibus de Justificatione & Fide justificante, part. 2. Theſi 12.

X. Samuel Mareſius in Syſtemate, loco undecimo, fidem dicit esse *Donum, quo promissionibus Evangelii in Christo, tanquam veris & certis acquiescimus, easque nobis fiducia- liter applicamus*. Quibus continet Wendelinus in Academia Anhaltina Theologiæ Professor notissimus, docens, fidem esse *id quod electi credunt divine veritati, & firma voluntatis assentione promissiones gratiæ salutaris in Christo accipiunt, sibi que Christum cum omnibus beneficiis ejus ad vitam eternam applicant*. Christiænæ Theologiæ lib. 2. cap. 24. Theſi 4. Nec ablimilis est definitio Henrici Atingii olim in Academia Hydelbergensi Professoris, cui fides est, *Cognitio gratiæ Dei in Christo Redemptore, & ejusdem fiducialis, apprehensio, qua quisque fidelis illam sibi singulariter applicat*. Locor. commun. parte 1. pag. 217.

XI. Bucano verò Laufannensi Theologiæ Professori, fides definitur, *Notitia, assen- sus, expectatio promissa in verbo gratiæ, adeoque salutis propter Christum obtinende firma fiducia & apprehensio*. Vel, *Ex mentis notitia & approbatione judicioque speciali, volun- tatis sui cordis desiderium & apprehensio, qua Christum crucifixum cum beneficiis suis in verbo & sacramentis oblatum singuli &c. idcirco nobis ipsis applicamus*. Loco 29. quæſt. 7.

XII. Juxta Gulielmum Amelium Anglum, Professorem Franckeræ, *Fides est ac- quiescentia cordis in Deo, tanquam in autore vite, vel salutis eterne; id est, ut per ipsum ab omni malo liberemur, & omne bonum consequamur*. Per illam autem cordis acquie- scentiam intelligit actum voluntatis, quo movetur & extendit sese ad amplectendum bonum ab intellectu probatum, ut explicat ipse mentem suam in *Medulla Theologiæ*, lib. 1. cap. 3. Ejusdem autem operis, lib. 2. cap. 5. fides ab eo definitur, *Virtus qua Dei fide- litati adherentes nitimur ipso, ut quod proponit consequamur*. Amelio hac in parte consen- tit supra laudatus Wittichius, siquidem illo definiente, *Fides est fames & sitis justitiæ, & acquiescentia cordis in Deo, ut fonte & autore salutis; ut ei animas nostras in angus- tiis & tentationibus committamus*. In *Theologia Pacifica*, cap. 11. num. 128. Quibus affinis est fidei definitio quam tradit vir Doctissimus Joannes Mestrezatius, Verbi Divini, domi vixeret Minister apud Parisienses, in Gallicis suis Homiliis: ubi fidem justificantem dicit esse *persequium peccatoris penitentis ad Dei in Christo misericordiam*.

XIII. Apud Petrum Martyrem fides definitur, *Firmus certusque animi assensus verbis Dei, à spiritu divino efflatus ad salutem credentium*. Postea verò exponit quid per assen- sum firmum intelligat, nempe, *Illum qui tam arum sit virium & efficaciæ, ut secum tra- bas affectum fiducia, spei, charitatis, & omnia tandem bona opera, ut presentis vite infir- mitas patiatur*. Locor. commun. Classe 3. cap. 4. num. 3, & 5. Musculus similiter fidem definit, *Constantem assensum cordis ad ea que vel narrantur, vel promittuntur verbo*. Loco de Fide, Sectione 1. Et eodem redit definitio fidei quæ legitur apud Josuam Placuum, Professorem Salmurienſem doctissimum & acutissimum, cui Fides est *Tenax & efficax persuasio veritatis eorum que verbo Dei nobis revelata sunt, speciatim verò pro- missionis de remissione peccatorum & vita eterna nobis per Christum paria*. Theſibus de Justitiæ. Theſi. 36.

XIV. Similiter fides Zanchio definitur, *Virtus à Deo nobis donata, qua quicquid propositum olim suis nomine Dei à Prophetis & Apostolis, nunc autem nobis ex ipso- rum scriptis predicatur, persuasi sumus esse Verbum Dei, illudque totum, tam legem, quam Evangelium ut certum Dei verbum credimus ac profiteamur*. Tom. 4. lib. 1. cap. 12. de Fide, Theſi prima. Sed hæc definitio fidei ipsi generica est. Nam postea Theſi ſecunda fidem sic definitam dividit in vivam & mortuam. Vivam, quæ per dilectionem efficax est, & profert opera pietatis. Mortuam, quæ hac efficacitate de- stituta est. Cum autem fides viva, & fides justificans sint reapse unum & idem, quan- doquidem omnis fides justificans viva est, & vicissim omnis fides viva est justificans, inde videtur facile confici posse, ex doctrina Zanchii, vera definitio fidei justificantis. Nempe, si dicamus illam esse *qua totum Dei Verbum, tam legem quam Evangelium, ut certum Dei verbum credimus ac profiteamur, eo assensu qui sit per dilectionem efficax*. Sed tamen in eodem & libro & capite, fidem justificantem aliter artius definit. Fides

E c

enim

enim justificans ipsi est, *Firmus & indubitatus assensus in promissiones Dei de remissione peccatorum, & iustitiâ accipienda, æternaque viâ consequenda à Deo, per & propter filium Jesum Christum, ex assensu Spiritus Sancti in nobis excitatum.* Titulo *De fiducia*, in Explicatione prima Thæsos.

XV. Sed omisiss aliis privatorum doctorum definitionibus, hic maxime considerandæ sunt fidei descriptiones quæ publicis Ecclesiarum Reformatarum Confessionibus sunt veluti sancitæ. Qualis est illa quæ habetur in Declaratione doctrinæ Catholicæ Ecclesiarum Reformatarum, in conventu Thoruniensi, ab Ecclesiarum Polonicarum deputatis lecta & exhibita, Anno 1645. Et in Confessione Ecclesiæ Anglicanæ, Parliamenti, ut vocant, Anglicani, circa idem tempus, jussu & mandato publicata. Et Ecclesiæ quidem Polonicæ, Declarationis suæ capite quarto, paragrapho octavo, sic suam de fide sententiam exponunt. *Veram autem fidem & justificantem eam demum dicimus, quæ promissionem Evangelii, quæ respicientibus remisso & vitâ in Christo offertur, assensu practico seu fiduciali amplectitur, & corde verè contrito sibi applicat, quæque deinceps per caritatem est efficax:* cap. 4. sect. 2. num. 8. Illa verò, quam diximus Anglicana Confessio sic describit fidem salutarem; *Per hanc fidem Christianus verum credit quicquid est verbo Dei revelatum, propter Dei ipsius in verbo loquentis auctoritatem, & differenter agit ac assensum super singulis quæ continent istud verbum; mandatum scilicet, obsequens, ad minus contrivisens, & amplectens Dei promissiones, tam quæ ad hanc vitam, quam quæ ad futuram pertinent. Sed præcipui actus salutaris illius fidei sunt acceptare & recipere Christum, & in eo sola acquiescere ad justificationem, & vitam æternam, virtute fidei gratiæ:* cap. 14.

XVI. Porro quod tam variè fidem definiunt Doctores Reformati, inde est quod nonnulli totam ejus essentiam describere nituntur, nempe, tam id quod habet commune cum fide, quam historicam vocant, quam id quod est illius proprium: alii verò solum id notare intendunt quo fides justificans ab historica differt. Præterea alii fidem justificantem ex una proprietate, alii verò ex alia describunt; quæ tamen non sunt inter se opponenda, sed componenda: cum tam horum, quam illorum Theologorum judicio, utramque proprietatem fides illa sibi vendicat; licet hujus, aut illius tantum expressam faciant in sua descriptione mentionem.

XVII. Adde quod alii fidem justificantem describunt secundum esse suum completum & perfectum, & secundum id quod ex se apta nata est in fidei producere. Ut quæ illi tribuunt firmam & certam persuasionem quod fidelis sit in Dei gratia, & quod peccata illi remissa sint; absque quo tamen fides in fidei infirmo, saltem ad tempus, potest subsistere: alii verò fidem definiunt ex iis sine quibus vera fides, quantumlibet parva & debilis, non ad minimum quidem constare potest. Ut qui illam definiunt per famem & sitim iustitiæ, & cordis in Deo acquiescentiam. Quæ postea distinctius & clarius intelliguntur, quum sigillatim explicaverimus varios fidei actus, Secundum Scholæ Reformatæ Doctores.

XVIII. Cæterum ex illis omnibus fidei justificantis & salutiferæ definitionibus apparet duo esse quæ, juxta Reformatos, fidem vivam & justificantem ab historica & mortua distinguunt. Primum est quod fides illa Historica Theoretica est, & intellectu Theoretico hæret; fides verò Justificans est assensus practicus, per quem ea quæ creduntur, quælibet suo modo, revocantur ad praxim, & quo voluntas & effectus hominis efficaciter moventur atque afficiuntur, ut rebus creditis conformiter agant. Alterum est quod fides historica divinis promissionibus assensum duntaxat generalem præbet, fides verò justificans illas credenti cuilibet sigillatim applicat.

XIX. Hinc quoque liquet, ex Reformatorum mente, fidem justificantem ita diversam esse à fide historica, ut omnem ejus virtutem includat; atque sic ab ea distingui, ut perfectum ab imperfecto, sive ea distinctione qua gradus superior ab inferiori differt. Etenim fides justificans ad fidem mortuam atque historicam se habet quemadmodum anima rationalis ad sensitivam & vegetativam, quarum vim & facultates, vitam, sensum, & motum eminenter complectitur, & gradum rationis addit. Nam sic quoque fides justificans facit ut omnia credamus quæ verbo Dei docentur, quod præstat fides historica. Sed supra illam habet, quod mentem Theoreticam luculentius irradiat, practicam verò potenter afficit & altè penetrat; & acriorem veritatis sensum, assensumque firmiorem animis nostris ingignit, quam fides illa iners & otiosa. Tum etiam quæcumque ex verbo Dei hausit, ad actionem refert, vitamque institutendam, & credenti cuique sigillatim certa quadam ratione applicat.

XX. Sed ut planius & manifestius fiat quid Reformati sentiant de fide justificantis cura atque essentia, paucis exponenda sunt ea quæ docent de ejus objecto, partibus, & actibus.

actibus. Primum ergo quod spectat fidei salvificæ & justificantis objectum, ad illud communiter pertinere affirmant omnia illa quæ Deus in verbo suo revelavit. Nec enim quicquam eorum fides illa non suscipit, quum ipsi proponuntur, sed tamen proprium ejus & præcipuum objectum esse censent Evangelii promissiones, quibus misericordia & gratia Dei per Christum offertur omnibus verè credentibus & resipiscenibus.

XXI. Sic docet Andr. Rivetus in Synopsi purioris Theologiæ Professorum Leyden-
sium, *Quamvis*, inquit, *fides in sua latitudine sumpta, ut complectitur supernaturalem*
notitiam, assensum & fiduciam, quæcunque in Dei verbo tanquam ad salutem conducentia
nobis sunt revelata, complectitur; est tamen quoddam fidei objectum speciale, quatenus est
justificans. Postea verò explicat quodnam sit illud speciale fidei justificantis objectum:
Fidei, inquit, *quatenus est justificans, speciale objectum, & quod eam propriè à reliquis fidei*
acceptionibus discriminat, est promissio Evangelica de Christo mediatore. Eatenus enim prop-
riè justificat & salvat, quatenus Christi meritum, in Verbo Evangelii sibi revelatum, ap-
prehenditur & amplectitur. Disputatione de Fide, Thesi 19, & 26.

XXII. Similiter Marcus in Systemate docet fidei justificantis objectum adæquatum
esse Dei Verbum; objectum autem proprium speciale & proximum esse doctrinam de
Iesu Christo, & promissionem remissionis peccatorum in ipsius sanguine. *Loco undecimo,*
Thesi 36. Et eodem planè modo Henricus Altingius dicit objectum fidei generatim
& adæquatè consideratum esse totum verbum Dei, & quicquid in eo continetur; sed
specifice & propriè consideratum objectum esse Evangelium, sive Christum Redemp-
torem, prout in Evangelio & Sacramentis offertur. *Locor. communium parte 1. pag. 218,*
& 219. Quibus reliqui omnes Theologi consentiunt, nec opus est plurium testimo-
nia congerere.

XXIII. Cæterum hic sedulò monent Theologi Reformati promissiones Evangelicas
objectum esse fidei justificantis, non simpliciter, quatenus earum veritas in genere con-
sideratur, exempli causa, morte & passione Christi salutem & peccatorum remissionem
partam esse omnibus qui in Christum credunt & resipiscunt; sed etiam quatenus con-
siderantur ut ad hunc & illum sigillatim spectantes, & ab eo per fidem apprehendendæ,
& ipsi applicandæ. *Non enim sufficit*, inquit Andreas Rivetus, loco modo citato, *si*
quis rei gestæ historiam, nempe quod Christus passus est, norit; nec etiam si quis assentiatur &
credat, Christum esse passum pro peccatis omnium hominum: Sed insuper requiritur, ut ac-
cedat fiducia certa, qua firmissimè peccator credat, non solum aliis credentibus, sed sibi quoque
privatim remissionem peccatorum propter Christi meritum donatam esse, & propter ejusdem
satisfactionem in gratiam se esse receptum, idque sibi fiducialiter applicet.

XXIV. Quibus consona docet Wendelinus Christianæ Theologiæ lib. 2. cap. 24.
ubi hæc est ejus undecima Thesis; *Proprium, principale, & proximum objectum Fidei est*
promissio Evangelica de peccatis per & propter Christi mortem expiatis, omnibusque, peccatori-
bus penitentibus & credentibus, propter Christum Crucifixum fide apprehensum, in gratiam
ex misericordia receptis; hanc promissionem in specie singuli fideles per fidem sibi applicant,
& sic ad salutem dicuntur credere. Quibus hanc subjungit explanationem, *Fidei justifican-*
ti objectum proprium est Christus pro nobis, me, te, crucifixus, & gratuita remissi peccato-
rum propter Christi mortem, & fufum pro nobis sanguinem, singulis per fidem applicanda;
quæ alias appellatur specialis misericordia.

XXV. Eadem est doctrina Pargi in Bellarmini librum primum de Justificatione, cap. 8.
ubi affirmat objectum fidei genericum esse omnia quæ Deus in verbo suo revelavit; spe-
cificum, promissionem specialis misericordiæ. Affini quoque ratione Amesius distinguit
inter objectum fidei quæ justificat, & quæ justificat. Et facile concedit fidei quæ justifi-
cat objectum tam late patere quam Dei verbum; sed fidei quæ justificat objectum re-
stringit ad promissionem misericordiæ: Et misericordiam illam concedit esse specialem,
sed observat nos per misericordiam specialem non intelligere eam quæ fidem antecedit,
sed quæ per ipsam fidem specialis evadit. Quibus verbis significat fidem hominem non
justificare, quia credit sibi esse remissa peccata, sed quia per fidem ad Christum confugit,
ut sibi in particulari peccata remittantur, & confidit sibi esse remittenda; quæ fide remissi-
onem peccatorum reipsa obtinet. Et propterea quoque in sequentibus dicit proprium
objectum fidei justificantis, quæ talis, non esse propositionem aliquam, sed Christum
ipsum, in quo acquiescit ad justificationem à Deo consequendam. Nempe, quia vult
fidem propriè non justificare, quatenus credit veram propositionem aliquam, quæ-
cunque tamen illa sit; sed quatenus ad Christum confugit & eo innitur, ut per eum
misericordiam, & peccatorum veniam consequatur. *In Bellarmino Enerbato, libr. 5.*
cap. 1, & 2. num. 22.

XXVI. Non ab simili modo Trencartius, dum viveret, in Academia Leydenſi Profeſſor, diſtinguit obiectum fidei ratione intellectus, & ratione voluntatis. *Obiectum*, inquit, *reſpectu intellectus*, eſt veritas divina; *reſpectu voluntatis*, eſt ſingularis Dei gratia, promiſſionibus expoſita in Chriſto Jeſu. *Utrumque* autem verbo Dei continetur & circumſcribitur; quod totum & ſolum, tanquam obiectum ſuum adequatum amplectatur fides; & in eo Chriſtum crucifixum cum omnibus ſuis beneficiis, tanquam obiectum ſuum principale, primum, proximum, & proprium. In inſtitutione Locorum communium, titulo de Fide.

XXVII. Quod attinet ad fidei actus, Reformati plurimi tres fidei iuſtificantis actus, ſive partes diſtinguere ſolent. Primus eſt notitia qua verbum Dei, ſaltem ſecundum ea quæ ſunt ad ſalutem ſcitu neceſſaria, cognoviſimus & intelligimus. Secundus eſt aſſenſus quem præbamus omnibus illis quæ verbo Dei nobis revelata ſunt. Tertius eſt fiducia qua credens generale promiſſionis verbum ſpeciatim ſibi applicat. Hæc eſt doctrina Urſini & Paræi in Explicationibus Catecheticis, quæſtione 21. Wendelini Chriſtianæ Theologiæ lib. 2. cap. 24. Theſi 13, 14, & 15. Tileni diſputatione de fide iuſtificante, Theſi 20. & Trencartii quoque, loco ſupra citato.

XXVIII. Muſculus ſimiliter fidei tres gradus ſive partes aſſignat. Sed illas aliter explicat. Prima pars fidei ipſi eſt qua quædam de Deo credimus: Veluti, quod ſit Deus quod ſit unicuſque, omnipotens coeli & terræ creator, &c. Quod Chriſtus ſit Dei filius unigenitus, verus Deus, & verus homo, Redemptor & Mediador noſter, &c. Et quod Spiritus Sanctus ſit divinitate Patri & Filio æqualis, mentium illuminator, paracletus, doctor, conſolator, &c. Secunda fidei pars eſt qua credimus Deo, hoc eſt, verbo ejus fidem adhibemus, tanquam Dei Verbo, de cuius veritate prorsus inſallibili impium ſit dubitare. Tertia fidei pars eſt qua credimus in Deum. Credere autem in Deum dicit eſſe ſpem omnem in Deum dirigere, firmæque fiducia ab illius bonitate pendere. *In locis communibus Sacræ Theologiæ, loco communi de Fide.*

XXIX. Bucanus quoque docet tres eſſe partes fidem conſtituentes; ſed in earum expoſitione habet etiam aliquid ſingulare. Prima pars fidei illi eſt notitia Chriſti crucifixi, & beneficiorum ejus. Secunda, conſenſus, ſeu judicium duplex; unum generale, approbans tanquam verum quod in verbo Dei de Chriſto, ejuſque beneficiis docetur; alterum ſpeciale, quo ſibi credens adjudicat res illas bonas & ſalutares, quæ offeruntur in verbo, hoc eſt, univerſales Evangelii promiſſiones ad ſe pertinere judicat; ac denique tertia pars eſt cordis apprehenſio, qua ſit ut corde & voluntate, nunquam manu apprehendamus, & ambabus ulnis amplectamur; id quod mens noſtra, non verum modo, ſed etiam ſanctum, bonum, & ſalutare, & ad nos quoque peculiariter pertinere judicavit. *Loco 29. quæſtione 6.*

XXX. Perkinſius in orta fidei quinque gradus obſervat. Primus eſt notitia Evangelii per illuminationem Spiritus Sancti; quam ſequitur in illuminatis omnibus fides generalis, qua præbent aſſenſum Evangelio: Secundus eſt ſpes veniæ, qua peccator, etſi nondum ſentit remiſſum eſſe peccatum, remiſſibile tamen eſſe credit: Tertius eſt curies & vehemens expetiſio gratiæ, quæ eſt oblata in Chriſto Jeſu: Quartus, acceſſus ad thronum gratiæ, ut apprehenſo ibidem Chriſto, inveniamus miſericordiam apud Deum: Quintus eſt ſpecialis perſuaſio cordi à Spiritu Sancto impreſſa, qua promiſſiones Evangelicas quiſque ſibi ſpeciatim applicat. *In Armilla aurea, cap. 36.*

XXXI. Ameſius autem ſic ea de re Philoſophatur; *Ad fidem divinam*, inquit, *quinque iſta concurrunt*; 1. *Noſtitia rei à Deo teſtata*; 2. *Affectio pia erga Deum, quæ facit ut maxime valeat apud nos ipſius teſtimonium*; 3. *Aſſenſus qui præbatur veritati teſtate, propter hanc affectionem erga Deum, qui eſt ejus teſtis*; 4. *Acquiſcentia in Deum ad illud quod proponitur conſequendum*; 5. *Electio vel apprehenſio rei ipſius, quæ in teſtimonio nobis exhibetur*. Primum, nempe, notitia ex ejus mente, ad fidem requiritur, ſed illam non conſtituit. Tertium, ſcilicet, aſſenſum vult eſſe eſſentium fidei. Adeoque docet fidem propriè conſiſtere in tribus reliquis, videlicet in pia illa affectione, acquiſcentia in Deum, & apprehenſione boni, quod nobis in Verbo Dei proponitur. *In Medulla Theologiæ lib. 2. cap. 5.*

XXXII. Chriſtophorus VVittrichius jam ante memoratus, diſtinguit actus fidem antecedentes, actus fidei eſſentiales, & actus fidei accidentales, & qui ſolum fidei corroboratæ conveniunt. Juxta ipſum, actus fidem antecedens eſt notitia revelationis: Actus verò fidei eſſentialis primus, eſt aſſenſus, tum generalis omnibus revelatis, tum ſpecialis huic veritati, quod Chriſtus ſit ſufficiens ſalvator omnibus ad ſe confugientibus, adeoque etiam mihi, ſi ſerio deſiderem juſtitiam, atque ad Chriſtum confugere velim. *Secundus,*

actus fidei essentialis est amor Christi synceras, qui statim oritur ex quo Christu s cognitus est, tanquam objectum conveniens, & ita apprehensus per assensum istum iudicalem. Tertius est fiducia, qua nobis persuademus auxilium certum nos accepturos à Christo Salvatore in omnibus angustiis & tentationibus, innixi promissionibus factis omnibus ad se confugientibus. Actus verò accidentales, & qui solum fidei corroboratæ conveniunt, sunt, primo, fiducia de remissione peccatorum à Deo impetrata; secundo, solidum gaudium ex illo sensu ortum; tertio, pax & tranquillitas conscientie. Quod latius explicans, observat ad fidei salutificæ essentiam, sive rationem formalem, non requiri fiduciam remissionis peccatorum, sive in præterito, sive in futuro, sed eam esse effectum fidei magis corroboratæ & plenæ. Quoniam experientia docet infirmos quosdam fideles revera habere fidem, quia habent famem & sitim iustitiæ, qui tamen nondum possunt sibi propter suam imbecillitatem persuadere, quod habeant, vel sint consecuturi remissionem peccatorum. *In Theologia pacifica, cap. 11. n.º 138.*

XXXIII. Neque verò solus ille est qui putat certitudinem illam, quam quis habet de impetrata aut certo obtinenda remissione peccatorum suorum, non pertinere ad fidei salutificæ essentiam, sed solum ad illius complementum & perfectionem. Id docet pluribus in locis Perkinsius, præsertim verò in controversia de fide implicita, quæ decima sexta est in Catholico ejus Reformato. Ubi dicit quendam esse fidei implicitæ & indistinctæ modum, respectu apprehensionis; quando nimirum, homo aliquis, nequit certo & distincte de se dicere, *credo ego remissionem peccatorum meorum*; quod ait multis Dei filiis accidere, qui infirma fide præditi sunt. Et tales habere fidem, sed implicitam; periade atque in minuto aliquo & arido grano implicita sunt folia, flores & fructus; & Deum nihilominus hujusmodi fidem acceptare ad æternam eorum salutem. Unde dicit declarandam esse Catechismorum quorundam institutionem, qui videntur fidem in summo & perfectissimo sui gradu definiri, dum eam esse dicunt certam atque completam mentis persuasionem de amore Dei & favore erga nos in Christo. *Nam licet, inquit, omnis fides ex natura sua certa sit persuasio, sola tamen perfecta persuasio est firma & consummata fides. Ac proinde debebat fides definiri, non solum in genere & gradibus summis, sed etiam varii ejus gradus & mensura declarari; ut & qui infirmi sunt, verè & rectè de suo statu possint edoceri.* Quæ idem author prolixè confirmat in tractatu cui titulum fecit *Gratum suavi*; ubi postquam asseruit firmam fidem illam esse, quæ plenam apprehensionem, & Dei in Christo misericordiæ persuasionem efficit & operatur: & omnibus hoc non esse concessum; ideoque esse gradum fidei inferiorem, qui vera fides est, licit infirma atque exigua, subjungit verba sequentia, *Quicunque autem hanc infirmam fidem habent, possunt verè affirmare se credere omnia sua peccata esse remissibilia: Et quod eorum condemnationem desiderant, sed huc usque ea esse remissa sine dubitatione affirmare non audent; nihilominus divina misericordia eos non deficit aut destituit.* In cujus rei confirmationem profert testimonium Bradfordi, Knoxii, Tassini & aliorum. *In explicatione & probatione tertie Thesos.*

XXXIV. Similiter Anselmus, Perkinsii vestigiis insitens, & respiciens ad assensum specialem, quo aliquis apprehendit gratiæ jam factæ possessionem actualem, dicit *Particularem istam certiorationem intellectus in quibusdam deesse, ad tempus, qui tamen veram fidem in cordibus suis habent interim latentem, & hoc docere experientiam.* In *Medulla Theologiæ*, cap. 3. num. ultimo; & in Bell. Enervato concedit non omnes justificatos mox esse certos de sua justificatione, lib. 6. de Justif. cap. 2. 11. Sed præsertim in hanc sententiam clarè & apertè concedit Petrus Molinæus, Petri Molinæi filius, Theologiæ Doctor, & Præbendarius Cantuariensis, piis animabus notus libro perutili de Pace animæ, aliisque piis operibus Gallicè ab ipso editis. De quo tamen contemptim loquitur, & quem cum Ludovico Molinæo ipsius fratre imprudenter confundit scriptor ille qui Reformatis imputat, quod doctrina sua de Justificatione, Christianam Ethicam subvertant. Is igitur, tractatu Gallico de forma sive natura fidei justificantis, docet fidem justificantem non satis accuratè & prudenter definiri per firmam fiduciam, & plenam certitudinem, qua fidelis credit peccata sibi esse per Christum remissa; quia firma illa & plena certitudo, de propria salute & remissione peccatorum suorum, notat quidem fidei supremum gradum, & summam perfectionem; non tamen fidei formam essentialem, quæ potius in his tribus consistit, 1. Ut Christi merita amplectamur; 2. Ut ea nobis appropriemus, & nostra faciamus; 3. Ut extra ipsum salutem non queramus, secundum quod habet Belgica Confessio, asserens veram Fidem esse, quæ Jesum Christum cum omnibus suis meritis amplectitur, illumque sibi eum proprium effectum vindicat, nihilque deinceps extra illum querit. *Art. 22.*

XXXV.

XXXV. Quin celeberrimus Petrus Molianus istius Petri Molinæi pater, ante huiusmodi idem hac in parte docuit; nam postquam pluribus egit de illa persuasionem qua quis promissionem Evangelii sibi applicat, credens peccata sibi per Christum esse remissa, sequentia verba subiungit, *Nec tamen hæc eo pertinent, ut albo fidelium expungantur, quotquot hanc fidei æmulationem nondum sunt affecti, quam Deus non dat omnibus eodem tempore, nec mensura. Set ut doceamur hanc fiduciam à Deo juberi, & ab eo obnixè petendam esse, & toto consatu in id incumbendum, ut precibus & bonis operibus roboretur & crescat. Adde quod infirmæ fidei, sed non simulate, suus est locus, etiam lippientibus oculis cernitur via. Nec qui serpentis enei aspectu sanabantur pariter erant perficaces.* Fide iustific. part. 2. Thesi 39.

XXXVI. Sed præterea huic sententiæ apertè favet confessio Anglicana Anni 1645. nam separatim capitibus agit de Fide salutari, & de certitudine quam quis habet quod sit in Dei gratia, supponens hæc esse inter se diversa. Et capite 18. ubi agit de ista certitudine, dicit eam non ita esse de essentia fidei, quin verè fidelis possit ea diu carere, & eam expectare, & luctari cum multis difficultatibus, priusquam certitudinis ejus particeps fiat.

XXXVII. Ex his ergo satis patet, non solum VVittichium fidei corroboratè duntaxat tribuere; quod fidelem certum reddat de inpetrata, aut in futurum obtinenda remissione peccatorum; quandoquidem non tantum cum eo consentiunt privati Doctores à nobis citati, sed & ipsæ Reformatorem publicæ Confessiones. Nec etiam solus ille est, qui amorem Dei Chritique syncerum inter essentielles actus fidei recenset. Idem hac in parte sentit cum eo VVendelinus. Quoniam enim fidei partes ad res revocat, nimirum, notitiam, assensum, atque fiduciam, docet tamen amorem ad actus quoque fidei pertinere. Probat enim non solum intellectum, sed etiam voluntatem esse subiectum fidei, *Quia fides quoque est amor, at amor est actus voluntatis: Quod confirmat testimonio Augullini dicentis, Hoc est credere in Christum, diligere Christum.* Chrit. Theol. lib. 2. cap. 24. in explicatione Theses octavæ.

XXXVIII. Quibus planè similia leguntur apud Chamierum, qui etiam eodem argumento utitur, ut probet fidem esse in voluntate, & non solum in intellectu. *Omnis amor, inquit, est actus voluntatis; at fides est amor; ergo est actus voluntatis.* Fidem autem esse amorem, probat quia vera fides est ea quæ credit in Deum: At credere in Deum est amare Deum, juxta illud Augullini, *Quid est credere in Deum? credendo amare.* Panstratæ tomo 3. lib. 12. cap. 4. numero 16.

XXXIX. Et Wittichius ipse loco supra citato in confirmationem sententiæ suæ proferit verba Coccei, dum viveret, in Academia Leydensi Professoris. *Fides illa, inquit, est species amoris Dei, quo diligo Deum ut expiantem peccata, & sanantem à peccati morbo & pena, ut sim ad gloriam ejus.* Ad ultima Molis, pag. 336. Et alio in loco, *Omnino igitur fides cum Charitate connexa est; cum & ipsa fides nihil sit, nisi charitatis Christi effusio in cordibus nostris, & ejus sensus, & quædam & reciprocatis. Jam amat qui credit: & nisi amet, nec credit.* In Examine Apologiæ, pag. 209. Sed contra sentiunt multi ex Theologis Reformatis, ut Samuel Marcius, Robertus Baronius, Bucanus, & denique quotquot fidem in solo intellectu locant, ut Petrus Molinæus, & Professores Salmurienfes. Nam omnes illi docent quidem Dei amorem ex vera fide nasci, & esse effectum ab ea planè inseparabilem, nolunt tamen esse actum à fide elicitum, quoniam hoc esset fidem cum charitate confundere.

XL. Sed quantumvis Doctores Reformati videantur inter se dissentire, in explicandis & enumerandis fidei salvificæ & iustificantis actibus, in eo tamen omnes conveniunt notitiam rerum credendarum fide salvifica includi, & partem ejus aliquam facere, aut saltem, ad eam requiri. Per notitiam verò minime intelligunt, scientiam propriè dictam, quæ est, juxta Philosophos, cognitio rei per causam, nec accuratam aliquam rei intelligentiam, quæ modus & ratio ejus percipitur, agnoscunt enim mysteria divina, quæ fidei obijciuntur, non esse res quæ possint evidenter demonstrari, & accuratè à nobis percipi atque intelligi, sed in eo genere solum per revelationem innotescere quod res sit, rei verò revelatæ, ut plurimum, causam & modum ignorari, si non ab omnibus, saltem à maxima fidelium parte. Sed per notitiam hic tantum intelligunt rerum quæ Verbo Dei credendæ proponuntur apprehensionem & conceptionem aliquam, quæ mens utunque capit quid sit illud cui debet assentiri, ut de quo Deus in Verbo testimonium perhibet.

XLI. Nec etiam necesse putant ad fidem singulorum, ut explicitè & distinctè noverint quæcunque Dei Verbo traduntur atque continentur. Etenim absque multorum expressa notitia

notitia fatentur fidem consistere posse; nec ab omnibus eandem exigi cognitionis mensuram; sed ampliorem & distinctiorem cognitionem requiri in Ecclesiæ Doctore, vel Pastore, quam in muliere, aut fidei privato. Verum hoc tantum volunt fidelibus omnibus, respectu præcipuorum fidei articulorum, necessarium esse expressam & explicatam aliquam notitiam. Neque veram esse posse & salutarem fidem aliam, quæ de articulis & dogmatibus fidei nihil distinctè apprehendit, sed confusè tantum credit quod credit Ecclesia; etsi planè nesciat quid Ecclesia credat, aut credere debeat. Qualis fides ab iis implicita vocatur, & damnatur eo nomine. Cæteroque non negant ad fidem sufficere, si sigillatim & expressè noscantur & apprehendantur summa doctrinæ salutaris capita, reliqua verò quæ tradit Dei verbum, saltem generatim & confusè credantur.

XLII. Neque tamen; quum dicunt ad fidem sufficere explicatam & expressam summam aliquot fidei capitum notitiam, propterea existimant pium & laudabile esse in ejusmodi qualicumque notitia acquiescere, nec cognitionem ampliorem quærere. Quamvis enim paucorum articulorum fides explicata & expressa tanquam ad salutem planè necessaria exigatur, petunt tamen unumquemque teneri omnem operam adhibere, ut pro vocationis modo, in doctrina salutis magis magisque proficiat, pleniusque & copiosius in verbo Dei instruat. Ad quod sedulo fideles hortatur Apostolus, ut præsertim videre est in epistola ad Colossenses; ubi optat ut sint *Instructi in caritate, & in omnes divinitus plenitudinis intellectus, in agnitionem mysterii Dei ac patris & Christi Jesu*. Et monet ac præcipit, ut *Christi verbum habitet in vobis abundanter, in omni sapientia, nos mutuo docendo & commonefaciendo Psalmis, Hymnis, & Canticis Spiritualibus*: cap. 2, & 3. Unde est quod scribens ad Hebræos ipsos graviter increpat, quod cum deberent esse magistri propter tempus, rursus tamen indigerent, ut docerentur elementa exordii sermonum Dei; & opus haberent lacte, ac non solido cibo. *Hebr. 5*. Ex quibus merito colligit reformati graviter errare & peccare illos qui, sub prætextu fidei implicitæ, crassam & stupidam plebis ignorantiam fovent. Quæ omnia tam clarè & apertè, & tam unanimi consensu à Doctorebus Reformatis traduntur, ut minime necessarium sit eorum testimonia hac in parte citare.

XLIII. Præterea plurimi Scholæ Reformatæ Doctores non solum, ut supra vidimus, fiduciam specificant inter actus fidei; sed eam esse volunt actum fidei proprium formatum, atque perfectum, & partem ejus primariam. Alii tamen videntur in diversa esse sententia; docent enim fiduciam esse quidem partem & effectum fidei, non tamen fidei actum propriè dictum. Hæc est inter alios sententia Garissolii, dum viveret, in Academia Montalbanensi Professoris. *Si quæras, inquit, Annon Fides sit fiducia? Respondet, Fiduciam quidem indissolubili nexu cum fide coherere; non tamen, si propriè loquamur, esse fidem, sed effectum, necessario quodam partem, à fide pullulantem*. In Explicatione Catechesos Religionis Christianæ, ad Sectionem decimam octavam.

XLIV. Eadem fuit sententia Bezæ, qui scribens in locum Pauli *Ephes. 3*. *In quo libertatem habemus cum fiducia per fidem ipsius*; inde colligit fiduciam à fide, ut effectum à causa differre. Ex hoc loco, inquit, apparet manifestè fiduciam à fide, ut effectum à causa differre, ac proinde à nonnullis perperam pro fide substitui nomen fiduciam, quamvis ita duo semper cohercant. Idem quoque docet Petrus Molinæus, Disputatione secunda de Justificatione & fide iustificante, Thesi 19. & sequentibus. *Consensus, inquit, aliud esse fidem, aliud fiduciam, & hanc esse illius fructum & effectum inseparabilem*. Quibus accedit Antonius Fayus, in Thesis Genevæ disputatis, Thesi 20. *Libertas, inquit, per quam facillius patet ad Deum accessus, & fiducia per quam clamamus Abba Pater, sunt effectus fidei*.

XLV. Zanchius autem fidem in genere acceptum prout ab ipso supra definita est, à fiducia distinguit, & refellit eos qui dicunt fidem nihil aliud esse quam fiduciam. Quoniam fiducia promissionibus tantum & Evangelio nititur; fides autem ipsam quoque legem respicit, & quicquid est Dei verbum. *Tom. 4. lib. 1. cap. 12. tit. De Fide*. Sed in eodem capite, titulo *De Fiducia*, docet fidem qua iustificamur aliud non esse revera quam fiduciam, aut certe parum ab ea differre. *Fides itaque iustificans, inquit, & fiducia idem sunt, vel certe parum inter se differunt*; idque docet comparata definitio nem fidei iustificantis, cum fiduciam definitione. *Fides enim iustificans, inquit, est firmus & indubitatus assensus in promissiones Dei de remissione peccatorum, & iustitia accipienda, æternaque vita consequenda à Deo, per & propter filium Iesum Christum, ex afflatu Spiritus Sancti in nobis excitatus*. Et quid fiducia? *Certissima persuasio de veritate promissionum Dei, qua non dubitamus, quin consecuturi simus, quæcumque nobis simpliciter pro sua gratia pollicetur est Deus*. Hoc est enim confidere, idem firmiter credere, & sine
nulla

ulla dubitatione sperare te habiturum quod ab aliquo tibi promissum est, seu securum esse de rebus promissis propter veritatem promittentis. In Explicatione Theſis primæ.

XLVI. Sed hic observandum est fiduciam apud Doctores Reformatos pluribus modis sumi, adeoque plures eorum, qui hac in parte diverse loquuntur, idem reapse inter se sentire: alios verò qui videntur eodem modo loqui, revera tamen quoad sensum inter se discrepare. Et Christophorus Wittichius quidem jam sæpe memoratus, qui fiduciam ponit inter actus fidei essentielles, per fiduciam illam intelligit acquiescentiam cordis in Deo, ut auctore & fonte salutis. Quod ut clarius reddat, dicit distingendos esse diversos fiduciae actus. Et quatenus, inquit, per fiduciam intelligitur acquiescentia in Christo & Deo, tanquam unico fonte & auctore salutis, tanquam sufficienti servatore omnibus ad se confugientibus, dico omnino ad fidei essentiam pertinere. Sed si per fiduciam intelligatur persuasio de remissione peccatorum, sive in præterito, sive in futuro, dico posse esse fidem quæ ea destituitur; sed præterea addo, istos fideles esse infirmos. Et subiungit se hanc sententiam primum didicisse olim ex Reverendo Widmario, celeberrimi Mareſii collega. In Theologia pacifica, cap. 21. num. 139.

XLVII. Sed illam proculdubio postea quoque didicerat ex Guil. Amesio, qui eodem planè modo Philosophatur de fiducia illa, quæ est, juxta ipsum, fidei actus primarius atque essentialis. Fides ista, inquit, qua credimus non tantum Deum aut Deo, sed in Deum, est vera ac propria fiducia; non qua hac voce notatur certa & absoluta persuasio de bono futuro, sed qua significat electionem & apprehensionem sufficientis ac idonei medii, ac in quo persuasio & expectatio talis fundatur. Quo sensu dicuntur homines fiduciam habere in sapientia, potentia, amicis, & opibus suis. In Medulla Theologicæ, lib. 1. cap. 3. num. 13. Et postea numero 15. addit, Credere igitur in Deum, est credendo adherere Deo, inniti Deo, acquiescere in Deo, tanquam in vita ac salute nostra omnisufficiente. Unde concludit assensum generalem quem Dei verbo adhibemus non esse fidem salvificam, quia potest esse sine ulla vita: assensum vero specialem, quo statui-mus Deum esse Deum nostrum in Christo, non esse actum primum fidei, sed actum ex fide emanantem. Nulla enim, inquit, est major in te quam in alio certitudo hujus veritatis, nec verior ejus apprehensio, antequam te ad Deum fide singulariter applicaveris. In hinc tamen capitis subiungit, assensum illum solidum, qui adhibetur promissionibus Evangelii, fidem & fiduciam dici, quia nomen illud quodammodo meretur, sive consideretur ut est assensus generalis, quo firmiter credit aliquis veras esse gratiæ promissiones factas credentibus & resipiscen-tibus: seu consideretur, ut est assensus specialis, quo credit aliquis de divinæ gratiæ jam esse participem; idque quia, qua est assensus generalis parit fidem propriè sic dictam Amesio, id est, fiduciam qua aliquis Deo adhæret, & ei innititur: quatenus verò est assensus specialis apprehendens gratiæ jam factæ possessionem actualem, ex jam dicta fiducia fluit & nascitur. Adeoque, ex illius mente, assensus generalis est causa fiduciae, in qua propriè dicta fides consistit, assensus verò specialis est illius fidei effectus. Uterque tamen assensus impropiè potest appellari fides secundum illum tropum, quo causæ nomen effectus, & effectui quandoque nomen causæ tribuimus. Assensus tamen, inquit, ille solidus Evangelii promissionibus adhibitus dicitur fides & fiducia; parim quia parit fidem qua est assensus generalis; parim quia fluit ex illa fiducia, qua est assensus specialis & solidus apprehendens gratiæ jam factæ possessionem actualem. Sic enim nititur fiducia cordis, tanquam medio, vel argu-mento, ejus vi sola, conclusio talis potest inferri. Docet etiam experientia, particularem istam certiorationem intellectus in quibusdam deesse ad tempus, qui tamen fidem veram in cordibus suis habent interim latentem.

XLVIII. Quibus consentanea docet idem Amesius in Bellarmino Enervato; ubi observat fidem specialem misericordiæ duplici ratione sic vocari. Primo qua Christum apprehendit, vel innititur ipsi, ad specialem misericordiam per ipsum apprehendendam: Secundo qua misericordiam specialem, ut jam donatam, apprehendit. Et priore sensu dicit fidem specialem misericordiæ antecedere justificationem, & maxime propriè dici justificare: fidem verò specialem misericordiæ, posteriore sensu, sequi justificationem, nec eo respectu nos per fidem justificari. Ibidem verò verbis Cardinalis Contareni explicat quid significet per apprehensionem illam qua Christum apprehendimus, & ipsi innitimur, ad specialem misericordiam per ipsum apprehendendam: Nempe non illam apprehensionem quæ pertinet ad cognitionem, intellectus; sed qua dicimur illud apprehendere quo pervenimus, & quod post motum nostrum attingimus. Et subiungit fidem justificationem à multis tamen Theologis describi per posteriorem illum fidei actum, quo certi reddimur de impetrata & donata nobis Dei in Christo misericordia, quia

quia una & eadem est fides quæ misericordiam Dei in Christo applicat apprehendendo, & applicationem illam jam factam certam reddit. Et quia perfectio & consolatio fidei in hac certitudine potissimum apparet, quamquam à fide potest ad tempus separari. Quæ mens ejus adhuc clarior evadit verbis sequentibus, ubi dicit propriè peccata remitti, adeoque nos justificari per actum illum fiducia qua Christo innititur, vel in misericordia Dei per ipsum reclinamus; qui natura precedit actum illum quæ credimus peccata jam esse remissa. Lib. 5. de Fide justificantis, cap. 2. Quibus expensis nitum est virum doctum & acutum, quo celato nomine, in Reformatos invehit est, tanquam Christianæ Ethicæ subversiores, vexare & non intelligere verba illa Amesii, loco modo citato, *Fides justificans præcedit justificationem ordine nature, non tempore, quæ justificatio est effectum ejus, non omnimodo.* Quasi non satis clarum esset Amesii mentem esse, fidem justificantem natura non tempore præcedere justificationem, ratione quorundam actuum, quorum respectu tribuitur ipsi Justificatio nostra, tanquam ejus effectum, qualis est illa fiducia qua Christo innititur, atque ad illum confugimus: ratione verò aliorum actuum, fidem non præcedere, sed sequi justificationem, cujus generis est actus ille fidei, quo certi sumus meritum Christi nobis applicatum, nosque misericordiam per Christum esse consecutos.

XLIX. Ac cum fiducia illa qua Christo innititur & ei adhaeremus, sit juxta Amesium, proprius & formalis fidei actus, qua justificans est, non debuit idem vir doctus mirari cur Amesius, eodem in loco dicat, *proprium objectum fidei justificantis, quæ talis, esse illud in quo fides acquiescit ad justificationem, nempe Christum consequendam, vel Dei misericordiam in Christo; non propositionem, vel axioma:* & eo nomine Amesium exagitare, tanquam hominem abutendum, & nescientem quid dicat. Clarus est enim Amesii sensus: videlicet, ejus fiduciae qua Christo innititur, & cui Amesius tribuit justificationem, tanquam actui proprio fidei, qua justificans est, immediatum & proprium objectum esse Christum ipsum, non verò hanc propositionem, *mibi sunt per Christum remissa peccata:* licet fides justificans, perfecta justificatione, per alium actum attingat veritatem & certitudinem ejusdem propositionis. Quæ ratio est, ut notat ibidem Amesius, cur nonnulli Theologi sic loquuntur, quasi ista propositio, *mibi sunt per Christum remissa peccata,* esset proprium objectum fidei justificantis.

L. Sed hac de Amesio satis. Ad cujus sententiam accedit Davenantius Episcopus Sarisburiensis, qui Dordracenæ Synodi pars fuit. Nam, inquit, *fiduciae vocabulum duo designat. Ipsum actum impitendi & adherendi Jesu Christo, quo quasi ambabus ulnis Christum amplectimur, & per eum actum veniam, gratiam, & gloriam conamur obtinere a Deo Patre: atque hunc putamus esse illum actum, ad quem semper sequitur justificatio, id est, absolutio a peccatis, & acceptatio in gratiam favoreque divinum; sive peccator illo ipso primo momento, quoqueque concipiat obtente remissionis, sive non. Solet etiam aliquando fiducia denotare consequens effectum fidei justificantis, nempe plenam persuasionem, & quasi vividam sensum remissionis impetratæ, & obtente favoris divini. Fatemur hanc fiduciam non esse fidem justificantem, sed fidei justificantis filiam; quam anima justificata, nonnisi post multa fidei & sanctitatis exercitia soli erit. Concludimus ergo fiduciam illam in Mediatorem a Deo constitutum, nobisque in Evangelio propositum; esse illum actum cui Deus remissionem peccatorum, sive justificationem peccatoris dignatur insulgere. In libro cui titulus est, *Determinationes quarundam questionum Theologicarum*, quæst. 37. Et in questionis ejusdem principio docet proprium & formalem actum fidei quæ justificat esse illum quo peccator promissionem salutis in Christo omni credenti factam apprehendit, & in hanc Mediatorem toto corde per eadem obtinenda fiducialiter recumbit: Atque ut rem magis illustret, ostendit fidei actum, quem semper & immediatè sequitur justificatio, non esse nudam notitiam verbi divini: nec ascensum generalem, quo agnoscimus & admittimus pro veritate divinitus revelata quicquid traditum est in Scripturis: nec etiam gratuitarum promissionum apprehensionem conditionalem: illis quidem actibus, qui communes sunt respicientibus & impenitentibus, homines parari ad justificationem recipiendam: Sed descriptam fiduciam, per quam peccator in oblatum sibi Mediatorem recumbit, & illi innititur, ac divinæ misericordiæ se justificandum subicit, esse ultimum illum actum cujus præsentiam ipsa justificatio concomitatur.*

LI. Horum autem vestigia sequitur Pet. Molinaus, Petri Molinaei filius, jam supra nominatus; nam tractatu supra citato, de forma, sive natura fidei justificantis, duplicem quocunque fiduciam distinguit. Prior est per quam ad Deum confugimus, & ipsi innititur,

de qua dicitur apud Platen, *In te Domine confido, non confendar in aeternum*, Psalm. 31. & apud Iliam, cap. 50. *Confidat in nomine Domini, & innitatur super Deum suum*. Posterior est qua, Spiritu Dei contestante Spiritui nostro, confidimus Deum nobis esse in Jesu Christo reconciliatum, & vitam aeternam ad nos pertinere; unde nascitur pax conscientiae, & sanctorum quaedam securitas. Quae posterior fiducia ex priori nascitur, juxta illud Apostoli, *In quo habemus fiduciam & accessum in confidentia per fidem ejus*, Ephes. 3. 12. Priorem fiduciam vocat *fiduciam per fugi*, posteriorem *fiduciam sensus*. Quibus positis affirmat, non fiduciam sensus, sed solam fiduciam per fugi, live motum illum conscientiae, quae reatus sui conscientia Dei per Christum misericordiam amplectitur atque apprehendit, esse instrumentum iustificationis nostrae, & formam essentialem huius iustificationis. Idque quoniam Dei promissiones factae sunt illis qui ad Christum veniunt, & iustitiam ac Dei gratiam in Christo quaerunt atque esuriunt, non verò illis qui jam Christum possident, & compotes gratiae facti sunt. Ac praeerea quoniam fiducia illa sensus, iustificationem jam factam praesupponit; ac proinde non potest esse illius causa, aut instrumentum. Et postea observat duplicem esse in fide actionem: unam directam, per quam Christum amplectimur, eique adhaeremus; alteram verò reflexam per quam actionem illam nostram recognoscimus, & sentimus nos Christum apprehendisse; ex quo sensu posterior fiducia nascitur. Et per priorem actum nos proprie credere in Christum, & iustificari; non verò per posteriorem. Adeoque multos esse qui Christum verè apprehendunt, nec dum tamen sentiant se illum apprehendisse; qui nihilominus coram Deo verè iustificati sunt, etsi de eo nondum certi & persuasi sint; quoniam haec persuasio non pertinet ad fidei essentiam, sed solum ad ejus perfectionem, & est verè ac robustè fidei fructus, ac consequens quoddam.

LII. Atque haec quoque fuit proculdubio sententia viri celeberrimi Joannis Mestrezatii, qui ut supra observavimus, fidem iustificantem definit variis in locis, Perfugium peccatoris penitentis ad Dei misericordiam in Christo. Nec etiam alia mens fuit Guil. Perkinii, ut videre est ex iis quae docet de ortu & gradibus fidei iustificantis. Postquam enim quatuor gradus, live motus cordis in fide observavit, quorum primus est notitia Evangelii, & assensus illi praebitus per Spiritus Sancti illuminationem. Secundus spes veniae, qua peccator, etsi nondum sentit remissum esse peccatum, remissibile tamen esse credit. Tertius, esuries & vehemens expertio gratiae, quae est oblata in Christo Jesu. Quartus, accessus ad thronum gratiae, ut apprehensio ibidem Christo, inveniamus misericordiam apud Deum, subjungit hunc gradum sequi immediate remissionem peccatorum coram Deo, quae est ipsa nostra iustificatio. Et tandem succedere quintum & summum fidei gradum, qui est specialis persuasio cordi à Spiritu Sancto impressa, qua promissiones Evangelicas quisque sibi speciatim applicat. Nam accessus ille ad thronum gratiae, ut apprehensio ibidem Christo, inveniamus misericordiam apud Deum, est illa ipsa fiducia per fugi, quae à nobis modo descripta est, quam immediate, juxta auctorem illum, sequitur iustificatio. Specialis autem persuasio, qua promissiones Evangelicas quisque sibi speciatim applicat, non aliud est quam quae dicitur fiducia sensus, qui ex mente Perkinii, iustificationem jam factam consequitur, ac proinde non est illius organum, nec ad intimam fidei essentiam, sine qua fides, nequidem ad momentum constare potest; sed solum ad fidei perfectionem pertinet; ut supra quoque vidimus Perkinium docentem.

LIII. Et eodem etiam redire videntur quae docet Antonius Valaeus in locis communibus, titulo *De nostri Justificatione Deo*. Postquam enim sibi proposuit illam objectionem, qua videtur probari fidem non esse fiduciam: Sed fides est fiducia remissionis peccatorum, tum per fidem non possemus iustificari; quia iustificatio est effectus fidei: effectus autem fidei non potest esse ejus primum obiectum, cum omne obiectum actum potentiae, à qua apprehenditur antecedit. Respondet, negando *Actum primum fidei quo iustificamur, esse actum illum quo recipitur remissio peccatorum, sed quo recipitur Christus cum merito ejus in remissionem peccatorum, non praetritam, sed sequentem; atque illud non tam per assensum particularem, quam per fiduciam illam voluntatis quae generalem assensum sequitur. Non possumus enim, inquit, assentiri rei nisi verè. At si quem nondum apprehendimus Christum per fidem, nondum est verum nobis esse remissa peccata, sed sit verum quam credimus. Unde patet juxta Valaeum fiduciam qua iustificamur esse actum voluntatis, non intellectus, eamque nasci ex assensu generali quem promissionibus Evangelii adhibemus, & praecedere assensum specialem quo certi sumus de remissione peccatorum nostrorum, quae proprium & directum ejus obiectum non est, sed Christus cum merito ejus. Quae planè consonant cum supra exposita Amesii sententia.*

LIV. Nec

LIV. Nec alia quoque potuit esse mens eorum qui Confessionem Anglicanam conscripserunt Anno 1645. Etenim præcipuos fidei salutaris actus dicunt esse acceptare & excipere Christum, & in eo solo acquiescere, sive illi soli inniti, ad justificationem, sanctificationem, & vitam æternam, *cap. 4. nem. 2.* Et præterea distinguunt fidem salutarem à certitudine quod aliquis sit in Dei gratia, de qua separatim agunt, *cap. 18.* Ubi ut supra notavimus, dicunt illam certitudinem non ita esse de fidei essentia, quin verè fidelis possit ea diu carere. Unde manifestum est, secundum eorum doctrinam, fiduciam illam sensus, quæ est hæc ipsa certitudo, non esse formalem & proprium actum qui essentiam fidei constituit, quandoquidem fides sine illo, saltem ad tempus subsistere potest: Sed fiduciam aliam per quam Christo innimur, & in eo acquiescimus, ut misericordiam à Deo consequamur.

LV. Alii tamen Scholæ Reformate Theologi aliter explicant fiduciam istam, quam dicunt esse proprium & specificum actum fidei justificantis: Nempe docent eam esse persuasionem qua fideles singuli certo apud se statuunt, se propter Christi meritum Deo gratos & acceptos esse, sibi que donatam esse salutem & vitam æternam. Sic Wendelinus explicat fiduciam quam fidei tribuit. *Fiducia*, inquit, *est tertia & principalis pars fidei justificantis, qua generalis Evangelii promissiones nobis applicamus, & nos propter Christi meritum iustos à Deo reputari, æternæque vite heredes fore plene persuasum habemus.* Lib. 1. cap. 24. Theii 15. Et in Explicatione addit, *Respectu fiducie hujus fides appellatur salvifica & justificans.* Neminem enim justificat Deus, nisi qui fiduciam in Christo collocat, & propter ejus meritum sibi peccata remitti spernit credit. Itaque ad salutem non sufficit notitia mysteriorum divinarum, vel assensus etiam generalis; sed necessario requiritur quoque fiducia.

LVI. Similiter Rivetus, in fidei definitione quam supra attulimus, tribuit illi *Certam fiduciam per quam unusquisque fidelis, in Deo acquiescens firmiter statuit, non solum in genere promissam esse credentibus remissionem peccatorum, sed sibi in particulari concessam; æternamque justitiam, & ex ea vitam, ex Dei misericordia, propter unius Jesu Christi meritum donatam esse.* Eodem modo Sohnius, sæculo superiori Theologiæ Professor in Academia Heydelbergensi, fiduciam, quam habet pro parte postrema fidei justificantis, dicit esse *Qua non tantum promissioni gratiæ generaliter assentimur, sed etiam nobis quisque promissionem illam applicamus, certo statuente eam ad nos quoque pertinere, id est, non tantum alios, sed nos quoque: Deum habere propitium, juxta promissionem gratiæ; ideoque in Christo, & per Christum in Deo prorsus acquiescimus & letamur.* Oper. Sohnius, t. 2. p. 789.

LVII. His accedit Paratus, dum fidem dicit esse *certam fiduciam, qua in Deo acquiescimus certo statuente, non solum aliis in generali, sed & mihi, tibi, in particulari, remissionem peccatorum, æternam justitiam, & vitam donari, ex Dei misericordia, propter unius Christi meritum.* In lib. 1. Bell. de Justif. c. 4. in Appendice.

LVIII. Sed omnium accuratissimè mentem suam hac de re exponit Robertus Baronius Scotus, dum viveret, in Academia Abredonensi Professor. Ac ne quid hic superfluo obcuritatis & ambiguitatis, distinguit multiplices fiduciæ acceptiones, & quatuor hujus vocis significata enumerat. *Fiducia*, inquit, *primo modo accipitur, pro firma persuasionem, seu pro firmo & stabili judicio intellectus; quo apud nos statuimus, & propter Dei testimonium in verbo suo credimus, Dominum nostrum Jesum Christum, pretioso suæ sanguine nos redemisse, & Deum patrem propter ejus meritum, omnia nostra peccata remississe; eundem etiam, propter illud Christi meritum & sacrificium in cruce oblatum, liberaturum nos ab omnibus hujus vite miseriis & calamitatibus, & tandem donaturum nos ineffabili illius gloriæ eternitate.* Secundo accipitur *pro interna acquiescentia in divina benevolentia & gratia, per quam igitur ab illa pendimus, non aliunde auxilium & salutem expectantes.* Tertio *pro spiritali fortitudine & animositate, qua animi nervos & robur opponimus eis malis, sive temporalibus, sive spiritalibus, cum quibus in hac lacrymarum valle confluctamur.* Quarto *pro pace, tranquillitate, & quasi serenitate conscientie, seu securitate spiritali, qua quietem a servili timore importat.*

LIX. Quibus subjungit fiduciam primo modo acceptam esse *basin & fundamentum trium sequentium.* Quia enim, inquit, *firma persuasione, & certo judicio mentis Evangelicæ promissiones nobis ipsis applicamus, ideo in Dei benevolentia & misericordia acquiescimus; ideo contra mundum, satanam, & carnem nostram fortiter preliamur; ideo denique conscientiam tranquillam & serenam habemus.* Unde patet quod quamvis plures notiones fiduciæ proponat, illum tamen omittere, aut non satis attingere, & rectè explicare,

fiduciam illam per fugi, quæ juxta auctores supra memoratos, est proprius & formalis actus fidei justificantis. Quippe per eam non acquiescimus in divina gratia & misericordia, quasi jam ejus sumus participes; sed ad hoc ut ejus participes fiamus, ad Christum confugimus, & illi innitimur, eique adhærenus. Deinde fiducia ista; nascitur quidem ex firmo & solido assensu quem promissionibus Evangelicis adhaeremus; sed tamen præcedit assensum specialem, quo bona promissa ad nos pertinere, & nostra jam esse judicamus, ut patet ex iis quæ supra sunt. Cum contra Baronius velit tres posteriores fiduciæ species nasci ex prima, quæ ex ejus mente, est illi ipse specialis assensus, quo statuimus Deum nobis omnia nostra peccata remisisse, nosque propter Christum esse in gratiam receptos. Ac præterea per secundam, juxta Baronium, fiduciæ speciem, quæ proximè ad descriptam fiduciam accedit, acquiescimus in Dei gratia & misericordia, tanquam de ea jam certo persuasi; non verò simpliciter ad Christum confugimus ut eam consequamur; quod proprium est fiduciæ illius, quæ verbis Amelii, Wittichii, & Petri Molinæi prolixè fuit à nobis exposita.

LX. Sed quicquid de eo sit, postquam Robertus Baronius quatuor illas fiduciæ acceptiones proposuit, ad quæstionem istam; An fiducia sit actus fidei? respondit duabus assertionibus: Prima est hæc, *Fiducia secundo, tertio, aut quarto modo accepta, non est fidei actus, sed est effectum & consequens fidei*: Secunda vero illius assertio sic habet, *Fiducia primo modo accepta est verus & proprie dictus fidei salvificæ actus, imo est præcipuus & specificus ejus actus*. In Philosophia Theologiæ ancillante, Exercitatione tertia, Articulo 18.

LXI. Articulo tamen vigesimo ejusdem Exercitationis cui titulus est, *Utrum obiectum fidei salvificæ sit remissio peccatorum jam impetrata? An vero sit remissio peccatorum impetranda & obtinenda?* affirmat & multis argumentis probat, *Actum fidei salvificæ, qui est causa instrumentalis justificationis, non esse fiduciam veniæ, aut remissionis peccatorum impetratæ; sed fiduciam veniæ impetrandæ*. Nam, inquit, inter alia, *Quicumque Deum orat, ut ei peccata remittat, confidens se esse unum ex eorum numero pro quibus Christus est mortuus, & nunquam assensum ejus proci propter Christum, is proculdubio remissionem peccatorum consequitur*. Nulla igitur necessitas nos cogit asserere actum fidei salvificæ, qui est causa instrumentalis justificationis, esse fiduciam veniæ impetratæ.

LXII. Ut autem istud conciliet cum doctrina Articuli decimi octavi à nobis exposita, nonne se propterea non negare quod fideles habeant ejusmodi fiduciam veniæ impetratæ per meritum Christi: aut quod hæc fiducia non sit fidei salvificæ actus: sed hoc solum se velle, quod fiducia illa veniæ impetratæ non sit ille actus fidei qui est causa instrumentalis justificationis nostræ; quoniam est natura posterior justificatione, & quid eam consequens. Et postea sic de re tota concludit; *De obiecto igitur fidei salvificæ hæc tenenda sunt*. Primo tenendum est, *obiectum fiduciæ non solum esse remissionem peccatorum impetrandam & obtinendam, sed etiam eorum remissionem jam impetratam*. Secundo, *fiduciam in hac duo tendere per duos distinctos actus, quorum alter præcedit justificationem, ut ejus causa instrumentalis; alter eam sequitur, ut ejus effectum & consequens*. Tertio, *actum fiduciale, qui justificationem præcedit, ut ejus causa, esse persuasionem de Christi satisfatione pro nobis in particulari, & de remissione peccatorum obtinenda per & propter ejus satisfationem*. Quarto, *actum fiduciale, qui justificationem sequitur, esse persuasionem de remissione peccatorum jam impetrata, & de nostra perseverantia in eo statu, usque ad finem vite*. Denique in fine Articuli, ad quoddam Bellarmini argumentum respondens, dicit fidem justificationem præcedere justificationem, sed non secundum omnes ejus actus, quosdam enim actus fidei justificantis justificationem sequi. Et similiter fidem specialis misericordiæ justificatione posteriore esse, sed non secundum omnes ejus actus: etenim persuasionem de veniæ seu remissionis peccatorum impetranda esse actum illius fidei, quam specialis misericordiæ vocant: eam autem justificationem præcedere, saltem ordine naturæ.

LXIII. Eodem modo plures alii Theologi varios actus distinguunt in fiducia illa, quæ alias ab iis dicitur fides specialis misericordiæ; & observant quosdam præcedere justificationem, quosdam verò minime. Istud videre est apud Wendelinum; *Fide*, inquit, *specialis misericordiæ, quatenus præcedit justificationem (si modo tempore, & non ordine tantum præcedit) non credit homo sibi, jam ante fidei actum, remissa esse peccata, quoad applicationem; sed peccatorum remissionem Christi merito impetratam sibi quoque obtenturam, in ipso justificationis actu credit peccata sibi remitti; & sic accipit remissionem peccatorum*: Unde expresse, dicitur peccatorum remissio accipi per fidem Act. 26.

Post

Post justificationem credit præteritam applicationem; credit quoque sibi remissum iri futura peccata, per futuram applicationem. Habet igitur fides justificans pro objecto suo speciali, remissionem peccatorum futuram, præsentem, & præteritam. Christ. Theolog. lib. 2. cap. 24. ad Thesin 11.

LXIV. Hæc est quoque doctrina Professorum Leydensum, in Censura capitis undecimi Confessionis Remonstrantium, cuius author Andreas Rivetus. Non dicimus, inquit, fiduciam illam qua justificamur, esse remissionis peccatorum jam perceptæ, vel objectum illius fiduciæ esse remissionem peccatorum antea perceptam: sed fiduciam illam qua credimus quisque, nobis remitti peccata in præsentem, non proprie in præterito, nec in futuro, etsi etiam utrumque ad fidem justificationem pertineat, sed non ad justificandi actum, ut ita dicamus, formalem. Dum ergo per verbum Evangelii offertur a Deo cuilibet credenti misericordia & remissio peccatorum per Christum, non solum fides credit in genere hoc verum esse, remissum iri nempe peccata omnibus vere in Christum credentibus, sed etiam hoc sibi fidenter persuadit qui credit, promissionem illam ad se pertinere, & illo fiduciæ actu recipi; proinde ipsi tum remitti peccatum, suam esse beatitudinem illam de qua Apostolus ad Romanos 4. vers. 7. Quomodo extensa manu, & accepto munere, sui beneficii particeps, qui vacuus accesserat. Itaque simul sunt remissio peccatorum, & fiducia de eadem remissione in homine fidei; & qua fide recepta est misericordia illa, & gratia specialis, eadem postea retinetur; & quæ de futuro creditur, in præsentem amplexa est, de præterito postea certa manet. Sed qui credit se justificatum iri, si credat in Iesum Christum, nondum præterea justificatus est; nisi actu & in præsentem credat sibi iustitiam dari, quam eodem actu accipiat. Quæ autem postea credit de præterito, non eum justificat, sed supponit justificationem. Sunt autem omnes illi actus unius & ejusdem fidei justificantis, primus quidem ad justificationem disposens, secundus proprie justificans, tertius conscientiam pacificans.

LXV. His planè gemina docet Samuel Maresius, in Systemate, loco undecimo, Thesi 7. Triplex, inquit, fidei actus venit in justificatione considerandus & distinguendus: Unus dispositivus, quo credo Christum suis meritis esse remissionem peccatorum, juxta doctrinam Evangelii, adeoque & mihi remissum iri mea peccata, si respuero, & vera fide acquievero in merito Christi. Et cum hunc fidei actum continentur misericordia nostræ ex Dei lege agnitio, & illa fames & sitis iustitiæ: de qua Matth. 5. vers. 6. his simul res ponitur in statu, ut loquuntur Pragmatici, sententiæ suæ absolutoriæ consequendæ & audiendæ. Quare ut fides quoad hunc actum, præcedit actualem remissionem peccatorum in foro poli & conscientie, ita etiam præexistit in Verbo ad illam obitendam. Secundus justificatorius formaliter, quo ubi per spiritum adoptionis, ipsa justificatoria & absolutoria sententia mihi pronuntiatur & intimatur, credo in præsens mihi de peccato dolenti, & serium emendationis studium deinceps pollicenti Deo per Christum esse remissa omnia mea peccata, tum ea quæ hactenus commisi, tum ea in quæ possum labi deinceps per infirmitatem; & Deum illa nunquam mihi imputaturum ad condemnationem, sed ex imputata Servasterii mei iustitia, me pro innocente habiturum, & certo donaturum vita æterna. Atque hic actus simul est tempore cum aliqui justificatione & remissione peccatorum. Tertius consolatorius, quo in præterito credo fuisse jam mihi remissa omnia mea peccata, & me nulli amplius subesse condemnationi, ut loquitur Paulus, Rom. 8. vers. 1. atque confido illam sententiam absolutoriam mihi antea intimatam, extensum & applicatum iri Dei misericordia ad peccata quotidiane incursum, quorum etiam quotidie eo sensu remissionem peto in Oratione Dominica. Et hic fidei actus justificationem & remissionem peccatorum subsequitur. Unde liquet quo sensu & quousque fides sit conditio ad illam perquisita; nam priori sensu fides se habet ad justificationem antecedentem, secundo simul tanec, tertio consequenter.

LXVI. Similia quoque apud Patrem videre est. Fides enim, inquit, specialis misericordie in peccatore respiciente naturæ ordine præcedit justificationem: ut videre est in Publicano, qui prius ex fide implorat misericordiam; propitius esto mihi peccatori, hoc est, confidit se accepturum veniam peccatorum: eandem quoque comitatur; in actu enim justificationis confidit sibi remitti peccata: eandem & sequitur; justificatus enim eadem fiducia sibi esse remissa peccata descendit in domum suam. Unde postea colligit obiectum speciale fidei justificantis esse promissionem Evangelii de futuro, & præsentem, & præterito, cuius, mihi, tibi, illi, credenti in filium, per fidem in sanguine ejus remittentur, remittuntur, remissa sunt peccata. Et tandem concludit his verbis, Et sic ante justificationis actum, ante dico naturæ, non tempore, fides vel fiducia nostra, pro objecto habet pro-

propositionem hanc de futuro, mihi credenti remittentur peccata; in ipso actu justificationis hanc de presenti, mihi remittuntur peccata; post actum justificationis hanc de præterito, mihi remissa sunt peccata. In l. 1. Bel. de Justif. c. 10. Responsione ad secundam rationem.

LXVII. Ex quibus patet Theologos illos, quum fidem definiunt per certam fiduciam, qua unusquisque fidelis firmiter statuit, non solum in genere promissam esse credentibus remissionem peccatorum, sed sibi in particulari concessam; ut facit Andreas Rivetus: aut etiam dicunt talem fiduciam esse verum & propriè dictum fidei salvificæ actum; imo esse præcipuum & specificum ejus actum, quæ sunt Roberti Baronii verba: mentem tamen eorum non esse persuasionem istam quod peccata nobis remissa sint; esse illum fidei actum quo justificamur: sed illos fidem ita describere, quia talis persuasio est quedam veræ fidei proprietas, quam apta nata est ex se producere, & quæ pertinet ad ejus perfectionem. Et quoniam hæc persuasio, est revera quidam actus fidei justificantis, quo à fide mortua & historica distinguitur, & qui maximi momenti est ad fidelium pacem atque tranquillitatem, & pietatem in eis fovendam, licet justificationem sequatur, non præcedat, nec sit justificationis instrumentum, sed consequens quoddam.

LXVIII. Sed si quis jam querat cur fidem justificantem definiunt ab actu qui revera non justificat, sed sequitur jam factam justificationem, potius quam ab illo quo revera justificamur: Ad istud eo videntur inducti quod actus iste posterior, præcedentem supponat, & clarius fidei perfectionem explicet, & ad consolationem fidelium maxime faciat. Præsertim verò inde quod certitudo illa, quam fidei tribuunt de propria gratia & justificatione, in controversiam maxime vocaretur à Doctoribus Ecclesiæ Romanæ quibuscum ipsis res est. Quod significat Amesius his verbis in Bellarmino Enervato. *Quia, inquit, una & eadem est fides quæ misericordiam in Christo specialiter applicat apprehendendo, & applicationem istam jam factam certam reddit; & perfectio, vel consolatio ejus in hac certitudine apparet, quam etiam hostes gratiæ præcipue impugnant: idcirco per istam certitudinem (quæ tamen quoad sensum a fide potest ad tempus separari) fides justificans solet a multis describi.* Lib. 5. de Fide justificante, cap. 2.

LXIX. Sunt tamen inter Reformatos, qui concedere videntur fidei actum quo justificamur, esse persuasionem quod peccata nostra per Christum deicta atque remissa sint. Nec putant ullam esse repugnantiam, si dicamus Deum nobis peccata remittere, & peccata nostra delere, propterea quod illa remissa & deleta esse credimus. Sed observant peccata nostra deleta dici posse duobus modis; primo quoad decretum Dei, & mortem Christi ex decreto illo jam obitam: secundo verò quoad efficacem applicationem, tum ex parte Christi donantis remissionem peccatorum; tum ex parte credentium, fide am accipientium. Adeoque mens eorum est, nobis donari atque applicari remissionem peccatorum, quia certa fiducia Christum amplectimur, & persuasi sumus Christum, juxta Dei decretum, peccata nostra morte sua delevisse atque expiasse. Quæ est doctrina Henrici Altingii, locorum communium parte secunda, Controversia secunda de Fide justificante, contra Samolatenianos.

LXX. Chamierus autem simpliciter concedit peccata nobis esse remissa antequam credamus, & fidem justificatione posteriorem esse. Fidem tamen qua credimus peccata nobis jam esse remissa, dici justificare, quia efficitur in justificato, & requiritur a justificato; adeo ut nemo, qui quidem fruatur usu rationis, justificatus sit, nisi qui habeat hanc fidem, neque ullus habeat hanc fidem qui non sit justificatus. *Parastratie Catholicae* lib. 13. cap. 6.

LXXI. Nec videtur ab hac sententia alienus Petrus Molinaus, sapius jam citatus, & Theologiæ in Academia Sedanensi Professor. Etenim justificationem censet esse ab æterna, & in eo differre à regeneratione, quæ fit in tempore, & habet initium. Nam loquens de justificatione hominis coram Deo, *Illa, inquit, est ab æterno & ante sæcula, quippe pars decreti electionis, quantum ejus sensus datur fidelibus certo tempore. At hæc, nempe regeneratio, fit in tempore, & habet quandam initio, nempe primus scintilla fidei, & primulus motus penitentiae.* De justificatione & Fide justificante, part. 1. Thesi 34. Proinde, ex ejus hypothesi, peccatori peccata remissa sunt antequam credat, nec aliter fides justificat, quam quia per fidem habemus justificationis sensum.

LXXII. Cæterum ab ea persuasionem distinguit fiduciam, quæ ex illa nascitur, & quam vult esse fidei justificantis perpetuam comitem; nec fidem ipsam, sed fidei effectum, sine quo non est vera fides. Per fiduciam enim intelligit spem firmam, & animi quandam constantiam, securitatem, & tranquillitatem; oppositam terrori & trepidationi, per quam,

quam, ut verbis ejus utar, terrores excutuntur, & voluntas placida pace componitur & læticia perfunditur, & fidelis Deum familiariter & multa cum libertate compellat. *Conferemus*, inquit, aliud esse fidem, aliud fiduciam. Hanc esse illius fructum & effectum inseparabilem. Nam simul ac mens firmo assensu credidit promissiones Evangelii ad se pertinere, illico terrores excutuntur, & voluntas placida pace componitur, & læticia perfunditur; per quam fit ut animus plenus fiducia, dictante spiritu adoptionis, Deum familiariter, multaque cum libertate compeles. De Justif. & Fide justif. parte 2. Theſi 19.

LXXIII. Neque per fiduciam aliud intelligunt Beza & Garisfolius, alique supra à nobis citati, qui cum eo docent fiduciam non esse fidei partem, sed solum effectum inseparabilem, qui cum fide quidem indivulſe coheret, veruntamen est ab ea distinguendus. Unde patet Molinaum, Bezam, & Garisfolium recipi consentire cum Theologis illis, qui volunt quidem fiduciam fidei præcipuam partem constituere; sed fiduciam nomine intelligunt certam illam persuasionem, qua fidelis de divina erga se gratia & benevolentia plenè persuasus est, & bona in Evangelio fidelibus promissa ad se peculiariter pertinere judicat. Nam Theologi modo nominati istam quoque persuasionem pro fidei parte agnoscunt: Sed eam nolunt fiduciam dici, & hoc nomine potius designandam existimant animi tranquillitatem, libertatem, atque constantiam, quæ ex tali persuasionem de Dei erga nos benevolentia oritur. Et siccum in re ipsa utrique consentiant, modo solum loquendi differunt.

LXXIV. Porro ex iis quæ fuerunt hæcenus à nobis exposita facillè videre est, ex communi quidem Reformatorum consensu, ad naturam fidei justificantis pertinere, ut generale Verbum Evangelii, & promissiones gratiæ credenti cuique speciatim applicentur. Sed tamen non omnes Scholæ Reformatæ Doctores applicationem istam eodem modo exponere & intelligere. Nam eorum multi sic loquuntur quasi per applicationem istam non aliud intelligerent, quam judicium illud quo fidelis statuit bona per Evangelium promissa & oblata peculiariter ad se pertinere, sequæ bonorum illorum & esse & fore competentem: Ut exempli gratia celeberrimus Petrus Molinaus, Ursinus, Partius, & Daniel Tilentus.

LXXV. Nonnulli verò, ut Robertus Baronijs, expresse docent fideles, seu renatos, non uno actu, sed duobus actibus, meritum Christi & Dei misericordiam sibi applicare. Prior actus est certa persuasio, seu judicium mentis, quo apud nos statuimus Salvatorem nostrum Jesum Christum pro nostris peccatis plenissime satisfecisse, & per consequens non solum alijs, sed nobis quoque remissionem peccatorum, æternam justitiam & vitam donatam esse, idque gratis ex Dei misericordia, propter unius Christi meritum. Posterior actus applicationis gratiæ est ædens amor quo voluntas gratiam Dei amplectitur, serio expectans perfectiorem istius gratiæ sensum in hac vita, & claram Dei visionem in futura. Quæ verba sunt Baronii in Philoſophia Theologiæ ancillante, Exercit. 3. Artic. 19. Ubi docet quoque utrumque, hunc actum ad fiduciam requiri, quia nemo dici potest confidere, seu fiduciam habere de bono obtinendo, nisi & firmam habeat persuasionem in intellectu; & desiderium vel amorem istius boni in voluntate. Prior tamen actus, juxta ipsum, est ipsa essentia, seu ratio formalis fiduciæ; posterior verò est tantum actus ei annexus & concomitans. Unde est etiam quod applicationem gratiæ per priorem actum præcipue fieri docet.

LXXVI. Similiter Bucanus docet Christum nobis applicari, non tantum per judicium & approbationem mentis, sed etiam per cordis desiderium & apprehensionem: ut patet ex illa ejus fidei descriptione quam supra attulimus. Dum scilicet, dicit, *Fidem esse, ex mentis notitia & approbatione, judicioque speciali, voluntatis sive cordis desiderium & apprehensionem, qua Christum crucifixum cum beneficijs suis in Verbo & Sacramentis oblatum singuli privatim nobis ipsis applicamus.* Et idem etiam hac in parte, cum Baronio & Bucano, sentire necesse est, omnes illos qui amorem & desiderium numerant inter actus fidei justificantis; quod faciunt Wendelinus, Charnierus & alij.

LXXXVII. Alii verò distinctius ea de re loquentes, docent fidelem quidem, post justificationem, sibi promissiones divinas applicare per certam persuasionem quod bona promissa ad eum pertineant; sed peccatorem poenitentem, ante justificationem, applicare sibi easdem promissiones, per fiduciam illam qua confugit ad Dei gloriam & misericordiam in Christo, eamque toto corde & exoptat; Deique bonitate & fidelitate nitens, non aliunde quam à Deo per Christum à malis suis liberationem, & salutarijs boni communicationem expectat. Quæ est doctrina Perkinſi, Davenanti, Amesii, Wittichii;

Witichii, & plurium aliorum, qui per fiduciam istam, quam fidei partem potissimum faciunt, jam dictum animi motum intelligunt.

LXXXVIII. Denique sunt qui existimant applicationem istam, per quam viva & salvifica fides ab historica & mortua distinguitur, restringendam non esse ad promissiones Evangelii, quanquam illae sint potissimum & praeceptum illius obiectum; sed fideles per veram illam fidem quae salvantur & iustificanter, non solum sibi applicari promissiones gratiae, sed & cetera quae continent Dei verbum; quidque, scilicet, suo modo. Istam vero applicationem in eo consistere, quod verè fidelis omnia quae verbo Dei continentur practice considerat; & ad actionem atque usum suum peculiarem refert. Ita credit, verbi causa, Evangelii promissionibus de remissione peccatorum, de felicitate & gloria aeterna, ut in illis summum suum bonum & beatitudinem, ad quam ipsi sit totis viribus aspirandum istam esse firmiter & efficaciter iudicet: Ita fidem adhibet Redemptionis nostrae mysteriis, ut in illis consolationem, & pacem conscientiae sibi quaerendam planè existimet: denique sic divina praecepta considerat, ut secundum ista sibi vitam esse exigendam certò apud se constituat, & constanter proponat.

LXXXIX. Atque hanc de illa quae fit per fidem applicatione, sententiam fuisse eorum qui confessionem fidei in Anglia ante aliquot annos ediderunt, colligi posse videtur ex ea quam tradunt fidei salvificae descriptione, quam supra attulimus. Nam ex eorum sensu, *Per hanc fidem Christianus verum credit quicquid est verbo Dei revelatum, propter Dei iussus in verbo loquentis auctoritatem, & discretè agit ac afficiit super singula quae continent istud verbum; mandatus scilicet, obsequens, ad minus contemiscens, & amplectens Dei promissiones, tam quae ad hanc vitam, quam quae ad futuram pertinent. Sed praecepta aeterni salutaris iussus fidei sunt acceptare & recipere Christum, & in eo solo acquiescere ad justificationem, sanctificationem, & vitam aeternam.*

LXXX. Itaque si quis quaerat quis sit proprius & essentialis fidei salvificae actus, secundum mentem Doctorum illorum respondendum est, hunc actum esse assensum practicum toti Verbo Dei adhibitum, sed speciatim promissionibus Evangelii. Quae sententia est Josuae Placaei in Thesibus Salmutienfibus, ubi ut supra vidimus, fides ab eo definitur, *Tenax & efficax persuasio veritatis eorum quae Verbo Dei nobis revelata sunt, speciatim vero promissionis de remissione peccatorum, & vitae aeternae nobis per Christum parata.* Ex Petri quoque Martyris, cui fides est assensus praebitus Verbo Dei, qui tantarum sit virium & efficaciar, ut trahat secum affectum fiducia, spei, charitatis, & omnia tandem bona opera, ut praesentis vitae infirmitas patitur. Denique Volfgangi Musculi, qui fidem definit, *Constantem assensum cordis ad ea quae vel narrantur, vel promittuntur Verbo.*

LXXXI. Porro ut de singulis istis quae à nobis haecenus exposita fuerunt, & circa quae Scholae Reformatae Doctores variè sentire & loqui videntur, mentem nostram aperiamus, ostendimus ex communi Reformatorum sententia, fidem historicam à fide salvifica & iustificante accuratè distinguendam esse, & inter utramque magnum esse discrimen. Nempe fidem historicam esse nudum & simplicem assensum praebitum Verbo Dei; profectum quidem à Spiritu Sancto, sed in solo intellectu theoretico inhaerentem, & qui voluntatem & affectus non moveat: Fidem verò salvificam non solum theoreticam mentem illuminare, sed practicam quoque efficere, ac voluntatem & affectus commovere; & quod inde consequens est, eandem salvificam fidem ea quae Verbum Dei docet ad credentis usum referre, & speciatim Dei promissiones credenti applicare: quod non praestat fides historica; siquidem illa quae credit otiosè contemplantur, tantquam res ad se nihil attinentes.

LXXXII. Veruntamen inter se disceptant iidem Reformati, An fides historica & iustificans sint species comprehensae sub eodem genere, aut univoco, aut saltem analogo; an verò solum vocis homonymiae diversae acceptiones? Sed hanc questionem putamus esse merè Philosophicam: Et modo constat qua in re inter se differant fides historica atque iustificans, Theologiae nihil interesse qua voce Philosophica discrimen illud designetur. Si tamen volumus uti vocibus Philosophicis secundum morem in Scholis usitatum, non video quid obstat, quominus fides historica & iustificans dicantur species ejusdem generis; cum non tantum utrique sit nomen quoddam commune, sed etiam ratio quaedam per nomen significata; quandoquidem utraque est assensus quidam Deo loquenti adhibitus, ex Spiritus Sancti illuminatione.

LXXXIII. Supra quoque docuimus fidem iustificantem à Reformatis pluribus & discrepantibus modis describi atque definiti. Quae discrepantia inde primo oritur, quod multi in sua definitione omittunt id quod fides iustificans commune habet cum fide historica,

historica: & solum notare volunt id quo fides justificans ab historica differt. Ut qui in sua definitione mentionem non faciunt assensus quem fides justificans præbet toti Verbo Dei ipsi revelato atque proposito. Deinde sunt qui fidem justificantem ab una proprietate, alii verò qui ab alia describunt.

— LXXXIV. Ita Calvinus, & Beza, & vulgares quidam Catechismi, fidem describunt solum ab illa fiducia, seu persuasione, quam secum trahit fides salvifica & justificans de gratia Dei, & ejus erga nos benevolentia. Nam Calvinus & Beza, ut supra retulimus, fides justificans est, *Divina erga nos benevolentia firma certaque cognitio, quæ gratuita in Christo promissionis veritate fundata, per Spiritum Sanctum revelatur mentibus nostris & cordibus obsignatur.* Et brevis quidam Catechismus vulgaris fidem definit esse, *Certam fiduciam seu persuasionem, quam debet habere quilibet Christianus, quod Deus Pater ipsum amat, propter filium suum Jesum Christum.* Ad quas definitiones proximè accedit descriptio celeberrimorum vitorum, Petri Molinæ, & Samuelis Marelli, & Henrici quoque Altingii. Nam Petro Molinæ fides est, *Firmus assensus promissionibus Evangelii, quo fidei credit eis non tantum esse veras, sed etiam ad se peculiariter pertinere.* Marelio verò, *Donum quo promissionibus Evangelii in Christo, tanquam veris & certis acquiescimus, easque nobis fiducialiter applicamus.* Denique Altingio, *Cognitio gratia Dei in Christo Redemptore, ejusdemque fiducialis apprehensio; quæ quicunque fidelis illam sibi singulariter applicat.*

— LXXXV. Alii verò idem definiunt ab alio actu, scilicet, ab illa fiducia, qua peccator poenitens ad Deum confugit, & Deo adheret, eique innititur, ut misericordiam per Christum consequatur. Ita Amelio fides definitur, *Acquiscentia cordis in Deo, tanquam in auctore vitæ, vel salutis æternæ; ut per ipsum ab omni malo liberemur, & omne bonum consequamur.* Wittichio, *Fames & sitis justitiæ, & acquiescentia cordis in Deo, ut fonte & auctore salutis; ut ei animas nostras in angustiis & tentationibus committamus.* Et Joanni Mestrezatio, *Perfugium peccatoris poenitentis ad Dei misericordiam in Christo.*

— LXXXVI. Cæterum omnes illi quanquam in sua definitione mentionem non faciunt assensus quem fides salvifica præbet toti Verbo Dei nihilominus fatentur talem assensum in fide includi, aut ad eam requiri, ut satis manifestum est ex iis quæ ante fuerunt à nobis exposita. Nec etiam qui fidem describunt ab ea persuasionem quam habet fidelis de Dei erga se gratia & benevolentia, negant in fide præcedere fiduciam illam qua quis Deo adheret, & ad eam confugit ut misericordiam ab eo consequatur. Sicut vicissim qui fidem definiunt à fiducia illa, qua quis in Deum recumbit, ut veniam & misericordiam ab eo obtineat, non negant in fide sequi alteram istam fiduciam, qua quis de Dei amore & benevolentia erga se persuasus est.

— LXXXVII. Sed tamen incommode & imperfectè fidem justificantem definiunt, qui dicunt illam esse certam persuasionem de Dei erga nos benevolentia & misericordia, & quod bona Evangelio promissa ad nos pertineant. Nec enim ista persuasio est actus quo justificamur, sed qui justificationem jam factam consequitur; & sine illo fides, saltem infirma, potest ad tempus subsistere. Jam autem est contra rationem, ut fides justificans describatur ab eo actu qui justificationem jam factam præsupponit, potius quam ab eo per quem justificamur; imò à tali actu sine quo fides consistere potest, & à quo potest separari. Adde quod est etiam à ratione alienum fidem justificantem ab unico actu describere, cum tamen ad eam concurrant alii actus eo non minus necessarii. Contra quod peccant illi quoque qui in fide definienda mentionem faciunt solius illius fiduciae per quam ad Deum confugimus, & gratiam ab eo quaerimus & expectamus.

— LXXXVIII. Itaque magis probamus definitiones illas, quæ naturam fidei justificantis plenius & distinctius exponunt & declarant. Qualis est descriptio Fidei quæ reperitur in confessione Anglicana Anni 1645. dum dicit fidem salutare esse per quam Christianus verum credit quicquid est Verbo Dei revelatum, propter Dei ipsius in Verbo locutis auctoritatem, & disseruerit agit ac afficitur super singulis quæ continent istud Verbum; mandatis scilicet, obsequens, ad minas contritiscens, & amplectens Dei promissiones, tam quæ ad hanc vitam, quam quæ ad futuram pertinent. Sed fidei illius præcipuus actus est; acceptare & recipere Christum, & in eo solo acquiescere ad justificationem, sanctificationem, & vitam æternam, virtute fidei gratia.

— LXXXIX. Sed omnium commodissima, plenissima & brevissima simul, videtur definitio supra allata Josue Placei, cui fides justificans est, *Tenax & efficax persuasio veritatis eorum quæ Verbo Dei nobis revelata sunt, speciatim vero promissionis de remissione peccatorum, & vitæ æternæ nobis per Christum paratæ.* Nam cum dicit fidem illa esse persu-

G g

fionem

sionem veritatis eorum quæ Verbo Dei nobis revelata sunt, exprimit totum illud quod hæc fides habet commune cum fide historica. Quum verò addit peritiam illam esse tenacem atque efficacem, sub verbis illis complectitur totum illud quod fidem justificantem, ab historica, discernit atque discriminat. Cum Placii autem definitio ne coincidit jam ante memorata Petri Martyris descriptio, dum ait *Fidem esse firmum certum, ne assensum Verbis Dei, a Spiritu divino assensum, ad salutem credentium*. Et assensum firmum exponit per eum, qui sit tantarum virtutum & efficacie, ut sicum trabas affectuum fiducie, spei, charitatis, & omnia tandem bona opera, ut presentis vite infirmitas patitur. Et etiam Musculi idem definitis, *Constantem assensum cordis ad ea quæ vel narrantur, vel promittuntur verbo*. Verbis meis dicerem fidem salutarem esse, assensum firmum, practicum, atque fiducialem adhibendum omnibus quæ sunt a Deo revelata, speciatim autem promissionibus Evangelii.

XC. Quod spectat fidei salvificæ objectum, observatum est Doctores Reformatos plerisque distinguere inter objectum fidei adequatum, genericum & commune; & inter ejus objectum proprium, & speciale, sive specificum. Objectum genericum & commune dicunt esse totum Dei Verbum, seu quicquid est credenti a Deo revelatum. Proprium verò, specificum, & speciale, promissiones Evangelii. Quod ut rectè intelligatur, notandum est, dum Reformati dicunt objectum speciale & proprium fidei salvificæ & justificantis, esse promissiones Evangelii, mentem eorum non esse, quod objectum istud ita sit justificanti fidei proprium, ut non sit etiam objectum fidei historice. Fides enim historica, ex eorum hypothesi, credit veras esse Dei promissiones, non minus quam historicas, quæ in Verbo Dei narrantur. Sed promissiones Evangelicas docent esse proprium objectum fidei justificantis, quia fides quatenus salvat & justificat, circa promissiones illas propriè variatur. Et hoc est quod alii dicunt, totum Dei Verbum esse objectum fidei quæ justificat, sed promissiones Evangelii esse objectum ejus quæ justificat.

XCI. Quum verò fides quatenus justificat & salvat, dicitur circa promissiones Evangelii propriè versari, ibi propriè idem significare debet, dicitur *proprie* atque *potissimum*; non verò idem quod *unice*. Nec enim fides, quatenus salvat atque justificat, circa promissiones illas unice versatur. Nam fides nos salvare & justificare dicitur, quatenus est conditio fœderis gratuiti, quo Deus non amplius à nobis præcisè exigit, sub poena æternæ mortis & maledictionis, omnibus suis numeris perfectam & absolutam legis observationem; quod postulabat fœdus legale sive operum; sed fidem vivam, & quæ per dilectionem operetur. Cum enim lex Moysi diceret, *fæc & vives*, Evangelium dicit, *crede & servabis*. Fides autem illa quam postulat Evangelium, ut conditionem sub qua salutem nobis offert, non respicit solas Evangelii promissiones, sed etiam ejus præcepta & dogmata; quale est illud de Resurrectione Jesu Christi Domini nostri, ut manifestum est ex istis Pauli verbis, *Quia si confitearis in ore tuo Dominum Jesum, & in corde tuo credideris quod Deus illum suscitavit a mortuis, salvus eris*. Corde enim creditur ad justitiam, ore autem fit confessio ad salutem, Rom. 10. Adeoque fides illa, sub cujus conditione, Deus nos propter Christum à peccatis absolvit, & tanquam justos habet, non est ille solus mentis & voluntatis actus quo promissiones gratiæ amplectimur, sed etiam ille quo mysteriis Evangelicis, ut veris assentimur. Et idcirco non probamus eos qui videntur objectum fidei quæ justificans est, ad promissionem gratiæ restringere; licet hæc promissio sit præcipuum illius objectum.

XCII. Quod autem multi ex Protestantibus dicunt, misericordiam specialem esse proprium objectum fidei justificantis, per hoc non aliud significare volunt, quam proprium esse fidei justificantis, prout distinguitur à fide historica, ut promissiones divinæ misericordie sigillatim cuique credendum applicet: cā ratione ut ante justificationem peccata sibi esse remittenda confidat, & post justificationem credat sibi esse remissa. Sed quoniam hic loquendi modus obscurus est, & etiam calumnizæ obnoxius, mallem, quod multi faciunt, ab eo abstinere, & simpliciter dicere potissimum fidei justificantis objectum esse promissiones gratiæ, prout sunt assensu practico & fiduciali à credente apprehendendæ; & ipsi applicandæ, quod eodem recidit.

XCIII. Quod attinet ad partes, sive actus fidei, vidimus quoque Scholæ Reformatæ Doctores inter se non consentire, qui & quales illi sint, eoque pluribus modis enumerare. Et primo quidem queritur de noticia, prout ab assensu distinguitur, & significare quandam rei, quæ ad credendum proponitur, apprehensionem & præconceptionem, an sit pars fidem constituens, ut Bucanus & alii censent; an verò solum actus ad fidem prærequisitus & antecedaneus, quæ est sententia Guiljelmi Amicii, & Christophori

Witichii.

Wittichii. Ad quam posteriorem sententiam accedimus. Quamvis enim nemo rite credere possit, qui non habeat aliquam notitiam & conceptionem rei quæ credenda est, fides tamen non consistit in illa notitia, quæ sine ulla fide in aliquo consistere potest, & inesse menti profus profana, & in qua nemo possit verè dicere, vel minimum esse fidei initium. Siquidem multi Athei non ignorant quæ sint illa quorum fides à Christianis exigitur.

XCIV. De ipso assensu dubitant nonnulli an sit actus fidei formalis & essentialis : ut observavimus supra de Amesio, qui docet assensum esse actum fidei, non propriè ipsam fidem ; quam constituit potius in quibusdam voluntatis actibus à nobis ante recensitis. Sed Amesius in eo deserit communem doctrinam Scholæ Reformatæ, quæ statuit cum reliquis omnibus Scholis Christianis, assensum ad fidei essentiam pertinere. Et certè quis cum aliqua ratione negare possit credere Evangelio sicut oportet, esse fidei actum ? At credere sicut oportet Evangelio, quid est aliud quam ei debito modo assentiri ? Et nonne Paulus ipse expressè ponit ut actum fidei salvificæ, credere quod Deus Jesum suscitavit à mortuis ?

XCv. Similiter dubitatur, An amor sit actus fidei formalis & essentialis ? Affirmant viri doctissimi Chamierus, Wendelinus, Wittichius & Cocceius ; alii verò negant. Quantum ad me attinet, puto hic esse aliqua distinctione opus. Fides enim potest duplici modo sumi. Primo præcisè, secundum id quod habet à spe & charitate ; ac reliquis Christianis virtutibus distinctum. Hoc sensu amor non est fidei actus formalis, sed ad aliam virtutem, nempe charitatem pertinet. Secundo fides sumitur, pro aggregato quodam plurium actuum sive habituum, qui comprehenduntur sub nomine fidei per charitatem operantis. Et ita plerique Reformati notant se fidem sumere in hac questione, nempe, non pro uno actu vel habitu simplici, sed pro complexu plurimum actuum vel habituum. Unde est quod illam locant non in solo intellectu, sed etiam in voluntate ; quia complectitur actus, tum ab intellectu, tum à voluntate elicitos, & habitus facultatem utramque informantes. Ut videre est apud Chamierum, Wendelinum, Paræum, & alios, ubi de subiecto fidei disputant. Ad fidem autem prout comprehendit omnes actus, quos complecti solemus sub nomine fidei per charitatem operantis, proculdubio pertinet, tanquam actus ei essentialis amor Dei Christianique syncerus, sine quo fides viva & per dilectionem operans concipi non potest.

XCvi. Præcipuè verò Scholæ Reformatæ Theologi de fiducia variè loquuntur : dum quidam dicunt, ut supra visum est, fiduciam esse partem fidei primariam, & proprium illius actum, alii verò istud negant, & docent fiduciam esse quidem fidei prolem atque effectum ; sed non tamen actum ejus propriè dictum : ac præterea fiduciæ nomine, alii quidem istud, alii verò aliud intelligunt. Quæ de re ut mentem nostram aperiamus, repetendæ sunt variæ fiduciæ acceptiones, quæ supra fuerunt à nobis recensitæ. Primum ergo fiduciæ nomine intelligitur actus ille per quem in Deum recubimus, illi innititur, & ei adheremus ; tanquam fonti & auctori salutis, ut vitam & salutem ab eo consequamur. Secundo, fiducia apud multos designat firmam persuasionem de gratia & venia à Deo impetrata, & de nostra cum eo reconciliatione. Tertio, fiducia sumitur pro spirituali fortitudine & animositate, qua animi nervos & robur opponimus eis malis & periculis quibuscum in hac vita mortali consistamus. Denique, fiducia sumitur pro conscientie serenitate & tranquillitate, seu pro spirituali quandam securitate, quæ opponitur timori servili.

XCvii. De fiducia tertio & quarto modo accepta nullo modo dubitari debet quin sint fidei fructus & effectus solummodo, non verò partes fidem constituentes, aut fidei actus propriè sic dicti. Et de hoc consentiunt omnes Scholæ Reformatæ Doctores.

XCviii. Quod spectat fiduciam primo modo acceptam, nempe pro actu illo, quo Deo innititur & ad eum confugimus, ut vitam & salutem ab eo consequamur, de illa idem dicendum videtur, quod de amore jam diximus, nempe eam non esse formalem fidei actum, si fides præcisè sumatur, & prout à cæteris virtutibus omnibus distinguitur, ac eis opponitur. Sed si fides sumatur pro aggregato illo variorum actuum, qui fidei vivæ, & per dilectionem operantis nomine designantur, dubitari non debet quin fiducia hæc partem ejus faciat, & ea includatur.

XCix. Sed præcipua questio est de fiducia sumpta secundo modo, videlicet pro firma illa persuasionem qua quis statuit gratiam se à Deo consecutum esse, & bona Evangelio promissa ad se pertinere. Multi ut supra ostendimus, ab hac fiducia fidem definiunt, & sic loquuntur quasi fides salvifica & justificans sine illa consistere non possit, & vocant illam partem fidei primariam, & præcipuum atque specificum fidei salvificæ actum, ut

CIV. Nec tollit difficultatem quod dicit Chamierus, fidem dici justificare, quia omnes justificari, tandem ejus participes fiunt; nec in ullo reperitur qui non sit justificatus. Nam sic quoque dici possemus per fidem & bona opera electi esse ad gratiam: quia in omnibus electis ad gratiam reperiuntur tandem fides & bona opera; nec fides & bona opera in ullo reperiuntur, qui non sit etiam ad gratiam electus.

CV. Itaque non pauci Scholæ Reformate Doctores, vim rationis istius penetrantes, negant persuasionem per quam certo aliquis confidit peccata sibi esse per Christum condonata, actum illum esse cujus respectu fides nos justificare dicitur: licet eandem persuasionem dicant esse actum proprium & specificum fidei justificantis, & præcipuum ejus in fidei definitione mentionem faciant. Qua in re ipsi quoque à recta ratione discedunt. Nec enim ratio patitur, ut dicamus, actum qui non justificat esse proprium & specificum actum fidei justificantis, prout distinguitur à fide historica & non justificante: & ut salvificam fidem definiamus ab actu qui ex ea manat & nascitur quidem, sed tamen essentiam ejus non constituit, & solum ad ejus perfectionem spectat.

CVI. Ut autem explicent quomodo nihilominus fiducia illa, quæ promissiones gratiæ credenti cuicque sigillatim applicat, sit actus ille per quem justificamur, in fiducia ista triplicem actum distinguunt, ut verbis eorum supra exposuimus. Primus actus est quo credimus in futuro, peccata nobis esse remittenda: secundus, quo in presenti credimus, peccata nobis remitti: tertius, quo credimus in præterito peccata jam esse remissa. Per primum actum, juxta illos, homo disponitur quidem ad justificationem, sed donec in eo hæret, nondum est justificatus; per secundum accipit remissionem peccatorum, & actum justificatur; per tertium percipit & sentit jam factam justificationem: unde oritur ejus consolatio. Unde est quod dicunt primum actum esse dispositivum ad justificationem, secundum formaliter justificatorium, & tertium consolatorium. Quæ ratio videtur, cur dicant illum esse in fide præcipuum, quia ad fideliū animarum consolationem maxime & proximè facit.

CVII. Sed in conimis subtiliter, & minus solidè videntur Philosophari. Nam secundum Scholæ Reformate doctrinam, hominis justificatio consistit in indivisibili, & proinde fit in instanti. Quippe in eo sita est, quod simul ac peccator implevit eam conditionem, quam Deus ab eo postulat, in peccata ipsi remittantur, cessat esse iræ divinæ obnoxius, & incipit esse Deo gratus, & acceptus ad vitam æternam, propter Christi meritum & satisfactionem. Sed quomodo potest homo præcisè observare & notare illud instans, quo conditio ista primum in eo impleta est, & tornata ultima & proxima dispositio ad justificationem, ut in presenti credat sibi tum remitti peccata? Et si ad justificationem hominis requiritur, ut in presenti credat sibi peccata remitti, in quos scrupulos necesse est conjici multos viros pios & bonos, qui non potuerunt unquam instans istud animadvertere, in quo ipsis in presenti peccata remitterentur? Nec quis potest ulla cum ratione negare, in homine seria pœnitentia ducto, ad obtinendam à Deo remissionem peccatorum, sufficere syncerum ad Dei misericordiam in Christo perflugium, cum fiducia veniæ impetranda.

CVIII. Deinde non satis solidum & accuratum videtur, quod distinguunt actum qui disponit ad justificationem, ab eo quem dicunt esse formaliter justificatorium. Nec enim, ex sententia Reformatorum, fides justificat, tanquam forma quadam per quam justificamur; sed vel ut instrumentum Christi meritum apprehendens, sicut loquuntur multi; vel ut alii non pauci liqui malunt, tanquam conditio fœderis gratiæ, quam Deus propter Christum ad justitiam imputat. Quæ tamen, si accuratius perpendantur, eodem recidunt. Nec enim ullus dixerit fidem esse nostræ justificationis instrumentum Physicum; neque aliter potest hic intervenire fides, quam ut instrumentum morale. Instrumentum autem morale justificationis fidei esse non potest, nisi quatenus Deus credentibus promittit remissionem peccatorum, quam nemo assequi potest, nisi fidei vivæ & efficacis interveniu. Quod idem plane est, ac esse conditionem fœderis gratuiti, quo Deus gratiam & gloriam offert credentibus & recipientibus. Similiter fides ad justificationem, non disponit Physicè, sed tantum moraliter. Sed dispositio moralis ad beneficium aliquod, non aliud est quam conditio, sub qua illud obtinendum & recipiendum est. Ac proinde fides non aliter justificat, quam per modum cujusdam dispositionis; siquidem eodem hac in parte redeunt, instrumentum morale, dispositio moralis, & conditio sub qua aliquid recipitur. Unde sequitur, hic non esse distinguendum inter actum fidei qui disponit ad justificationem, & inter cum qui formaliter justificat.

CIX. Sed inter actus fidei quidam sunt qui proprius, alii qui remotius ad justificationem

non esse proprium & formalem actum fidei iustificantis, ratione cuius sit conditio, vel instrumentum nostræ coram Deo justificationis.

CXVI. Nam manifestum fecimus longè plurimos Scholæ Reformatæ Doctores, fiduciam illam non habere pro conditione sub qua, vel instrumento per quod iustificemur. Et primo quidem istud ita clarè de Amelio ostendimus, ut nullus possit esse dubitationi locus. Quandoquidem, ut patet, ex testimoniis ejusante citatis, docet propriè peccata remitti, adeoque nos justificari, *per actum illum fiduciae qua Christo imitimur, vel in misericordiam Dei per ipsum reclinamus: quæ natura præcedit actum illum quo credimus peccata jam esse remissa.* Fiduciam illam per quam iustificamur esse actum voluntatis, non autem intellectus; adeoque objectum fidei quatenus iustificat non esse veritatem alicujus propositionis, qualis est hæc, *mibi sunt per Christum remissa peccata*; sed Christum ipsum, vel Dei misericordiam in Christo. Item salvificam fidem qua in Deum credimus, esse quidem veram ac propriam fiduciam: Verum non qua hac voce notatur certa & absoluta persuasio de bono futuro, sed qua significat electionem & apprehensionem iusticiæ ac idonei medi, ac in quo persuasio & expectatio talis fundatur. Quo sensu dicuntur homines fiduciam habere in sapientia, potentia, amicis, & opibus suis. Et sic credere in Deum, esse credendo adherere Deo, imitari Deo, acquiescere in Deo, tanquam in vita & salute nostra omni sufficiente. Proinde quemadmodum assensus generalis quem Dei Verbo adhibemus non est fides salvifica, quia potest esse sine ulla vita: ita quoque assensus specialem, quo statuimus Deum esse Deum nostrum in Christo, non esse actum primum fidei, sed solum actum ex fide emanantem. Verum fiduciam illam quam habet pro actu fidei proprio, & cui tribuit nostram justificationem, esse medium inter assensum generalem, quo firmiter credit aliquis veras esse promissiones factas credentibus & respicientibus; & inter assensum specialem, quo credit aliquis se divinæ gratiæ jam esse participem. Quoniam assensus ille generalis fiduciam istam parit, assensus verò specialis ex eadem fiducia fluit. Nec tamen vult ex ista fiducia qua Deo innititur & ei adheremus, sic fluere istum assensum specialem, quo percipimus & apprehendimus gratiæ jam factæ possessionem actualem, quin possit, saltem ad tempus, ab ea separari: non enim omnes iustificatos mox certos esse de sua justificatione; & experientiam docere, particularem istam certiationem intellectus in quibusdam desse ad tempus, cui tamen fidem veram in cordibus suis habent interim latentem.

CXVII. Probavimus quoque idem cum Amelio sentire hac in parte Davenantium. Nam juxta ipsum, fiduciæ vocabulum duo designat. Primo, ipsum actum innitendi & adherendi Jesu Christo, quo quasi ambabus ulnis Christum amplectimur, & per eum actum veniam, gratiam & gloriam conamur obtinere à Deo Patre: atque hunc putat, esse illum actum, quem semper sequitur justificatio, id est, absolutio à peccatis, & acceptatio in gratiam favoremque divinum; sive peccator illo ipso primo momento *inexpetens* concipiat obtentæ remissionis, sive non. Secundo, solet etiam aliquando fiducia denotare consequens effectum fidei iustificantis, nempe plenam persuasionem, & quasi vividum sensum remissionis impetratæ, & obtenti favoris divini. Et fatetur hanc fiduciam non esse fidem iustificantem, sed fidei iustificantis filiam; quam anima justificata, nonnisi post multa fidei & sanctitatis exercitia solet eniti.

CXVIII. Eadem distinctione cum Davenantio utitur etiam, ut supra ostensum est, Petrus Molinaus, Petri Molinæ filius Theologiæ Doctor & Canonicus Cantuariensis, cujus quoque testimonio usi sumus in Thesis, istis quas vellicat author ille, quicum jam nobis res est. Docet enim fiduciam illam, quæ est causa formalis fidei iustificantis, & instrumentum justificationis nostræ, esse fiduciam quam vocat *persequi*, per quam ad Deum confugimus, & ipsi innitimur, Christumque amplectimur, & ei adheremus; non verò fiduciam, quæ fiducia *sensus* ab eo appellatur; per quam sentimus nos Christum apprehendisse, & per eum veniam à Deo esse consecutos. Quinimo multos esse qui Christum verè apprehendunt, necdum tamen sentiunt se illum apprehendisse; & qui sunt coram Deo verè iustificati, etsi de eo nondum certi & persuasi sint. Quoniam hæc persuasio non pertinet ad fidei essentiam, sed solum ad ejus perfectionem; & est veræ ac robustæ fidei fructus & consequens quoddam.

CXIX. Similia docuimus apud Perkinsum haberi in pluribus ejus operibus. Nam actum illum fidei, quem immediate sequitur peccatoris justificatio, dicit esse accessum ad thronum gratiæ, ut apprehenso ibidem Christo, inveniamus misericordiam apud Deum. Et postea tandem succedere quintum & summum fidei gradum, qui est specialis persuasio, qua promissiones Evangelicas quisque sibi applicat. Hunc autem fidei gradum summum & perfectissimum pertendit abesse à multis fidelibus, qui nequeunt distinctè & certo de se dicere, *credo ego remissionem peccatorum meorum.* Quorum licet fides

fides infirma sit, verè tamen sunt Dei filii. Et nihilominus eos divina misericordia non deficit, aut destituit. Adeoque Catechismos quosdam, qui fidem dicunt esse certam & plenam persuasionem de amore Dei & favore erga nos in Christo, fidem in summo & perfectissimo sui gradu designare.

XXX. In eandem quoque sententiam citavimus Wittichium Professore[m] Leydensem, qui inter actus fidei salvificæ accidentales, & qui fidei tantum corroboratæ conveniunt, ponit fiduciam de remissione peccatorum à Deo impetrata. Et observat ad fidei justificantis essentiam, live rationem formalem, *Non requiri fiduciam remissionis peccatorum, live in præterito, live in futuro, sed eam esse effectum fidei magis corroboratæ & plenæ. Quoniam experientia docet infirmos quosdam fideles revera habere fidem, qui tamen nondum possunt sibi, propter suam imbecillitatem, persuadere, quod habeant vel sint consecuturi remissionem peccatorum.* Actus autem fidei essentiæ docet esse, assensum tum generalem omnibus revelatis, tum specialem huic veritati, quod Christus sit sufficiens salvator omnibus ad se confugientibus, adeoque etiam mihi, si scio desiderem justificationem, atque ad Christum confugere velim. Deinde amore Christi sincero inde orientem. Ac tertio fiduciam qua nobis persuademus, auxilium certum nos accepturos à Christo salvatore in omnibus angustis & tentationibus, innixi promissionibus factis omnibus ad se confugientibus. Denique distinguit fiduciam illam, per quam acquiescimus in Christo & Deo, tanquam unico fonte & autore salutis, & servatore sufficienti omnibus ad se confugientibus, quam dicit ad fidei essentiam omnino pertinere, à fiducia prout significat persuasionem de remissione peccatorum, live in præterito, live in futuro, qua dicit fidem posse destitui, sed ejusmodi fidem infirmam esse. Quam doctrinam testatur se primum accepisse à præceptore suo reverendo Widmaro Professore Groningano.

XXXI. Præterea his adjungimus Antonium Valeum, qui negat *Alium primum fidei quæ justificatur, esse actum illum quo recipitur remissio peccatorum, sed quo recipitur Christus cum merito ejus, in remissionem peccatorum, non præteritam, sed sequentem; atque id non tam per effectum particularem, quam per fiduciam illam voluntatis, quæ generalem assensum sequitur.* Nec alia potest esse mens Joannis Mestrezatii, cui fides justificans definitur *per fugium peccatoris penitentis ad Dei misericordiam in Christo.*

XXXII. Promptum est quoque colligere ex fidei definitione, quam tradunt Petrus Martyr, & Volfgangus Musculus, illos non existimasse firmam persuasionem de impetrata à Deo remissione peccatorum, esse primum & specificum actum fidei salvificæ, & illum ipsum quo justificamur: quandoquidem nullam omnino mentionem ejus faciunt in definitione fidei justificantis, quam, ut sæpius jam indicavimus, Musculus dicit esse *Constantem assensum cordis ad ea quæ vel narratur, vel promittuntur Verbo.* Martyr autem, *Firmum certumque assensum. Verbis Dei, a Spiritu divino assistum ad salutem credentium.* Et per firmum assensum declarat se intelligere, *Eum qui sit tantorum virium & efficaciar, ut secum trahat effectum fiducie, spei, charitatis, & omnia tandem bona opera.* Ubi per fiduciam intelligit, ut patet, affectum voluntatis, non mentis persuasionem, & illam facit effectum fidei, non verò actum proprium & formalem. Sicut & Musculus exponit credere in Deum, quod ipsi est tertia & potissima fidei pars, per spem omnem in Deum dirigere, firmæque fiducie ab illius bonitate pendere. Ac præterea certum est ex definitione fidei justificantis, quam ex Zanchio retulimus, illum non constituere proprium & formalem actum fidei justificantis in fiducia seu persuasionem de justitia & peccatorum venia quam à Deo consecuti sumus; sed in fiducia de illa obtinenda. Siquidem fidem dicit esse firmum & indubitatum assensum in promissiones Dei, de remissione peccatorum & justitia accipienda, æternæque vitæ consequenda à Deo per & propter Christum.

XXXIII. Sed præsertim manifestum est, ex iis quæ supra retulimus, Theologos illos, quorum opera edita est Anglicana Confessio Anni 1645. Formalem & essentialem fidei actum non ponere, in illa persuasionem, qua quis certus & securus est de Dei erga se gratia & benevolentia, & de impetrata suorum peccatorum remissione. Siquidem separatim agit illa Confessio de Fide salvifica, cap. 14. & de Certitudine quam quis habet quod sit in gratia Dei, cap. 18. Et ibi agens de ista certitudine, docet eam non sic esse de essentia fidei, quin verè fidelis possit ea diu carere, & eam expectare, & fluctari cum multis difficultatibus, priusquam certitudinem illam adificatur.

XXXIV. Imò illi ipsi Scholæ Reformatæ Doctores, quorum testimonio præcipue nititur autor ille, qui corruptæ Christi Ethices Reformatos accusat, ut toti eorum Scholæ tribuat eam sententiam, quod actus fidei per quem justificamur, sit certa persuasio de

obtentâ

obtentâ à Deo peccatorum venia, expressè & disertè negant se istud sentire; ut abundè supra probatum est, allatis verbis & testimoniis Roberti Baronii, Riveti, Wendelini, Paræi, Marefii. Baronium nempe, distinguere inter fiduciam veniæ impetrandæ, & fiduciam veniæ impetratæ: utramque ipsi esse actum proprium fidei iustificantis; sed priorem præcedere justificationem, & esse ejus instrumentum; posteriorem verò sequi justificationem, nec ejus instrumentum esse. Rivetum autem, Wendelinum, Paræum, & Marefium subtilius adhuc distinguere inter nduciam, qua credit aliquis peccata sibi remittenda, illam qua credit peccata sibi in præsentî remitti; & illam qua credit sibi remissa esse. Primum actum juxta ipsos, hominem disponere ad justificationem, secundum cum actu & recipiâ justificare, tertium verò minime; sed per eum percipi jam factam justificationem, & inde fidelis animæ solatium pendere. Quam subtilitatem quamquam non probemus, certum est eis tribui non posse, nisi per injuriam, & contra veritatem, quod doceant actum illum per quem justificamur, esse illum quo statuunt fideles singuli per Christum sibi remissa esse peccata; quandoquidem verbis expressis istud negant. Idque in illis ipsis tractatibus & quæstionibus, ubi eundem actum dicunt esse præcipuum & specificum fidei specificæ actum, & per eundem fidem justificantem definiunt. Nimirum dicunt illum esse præcipuum actum fidei salvificæ, quia præcipuè facit ad pacem conscientiæ, & fidelium consolationem; & specificum quoque, quia fidem salvificam ab historica discriminat: Et expressam ejus mentionem faciunt in fidei definitione, quia de tali fiducia & persuasione maxima erat mota controversia inter Scholam Romanam, & inter Reformatam.

CXXV. Quin ipse petrus Molinæus pater, in Thesibus illis ubi fidem definit per assensum adhibicum promissionibus Evangelii, *quo fidelis non tantum credit eas esse veras, sed etiam ad se peculiariter pertinere*, observat tamen se non albo fidelium expungere quotquot hanc fidei *æquæpæciæ* nondum sunt assecuti, & fiduciam illam à Deo quidem juberi, sed non dari omnibus fidelibus eodem tempore, vel mensura: & dari fidem infirmam, nec tamen simulatam, quæ certa ejusmodi persuasione adhuc destituitur; & quæ non propterea definit esse salutaris. Et quibus patet virum illum celeberrimum, dum fidem definit per assensum quo quis credit promissiones Evangelii, non tantum esse veras, sed etiam ad se peculiariter pertinere; per id significatum velle qualis fides esse debeat, secundum esse suum completum & perfectum, & ita ut nullus actuum, quos producere apta nata est, illi desit, non verò definire quid ad fidei essentiam necessariò requiratur, ita ut sine eo consistere non possit; juxta illud quod superius fuit ex Amesio & Perkinsio notatum.

CXXVI. Quæ cum ita sint, judicet æquus lector, & ipsa Viri Docti, qui Theses meas carpit, conscientia, num ab ipso jure reprehendar, tanquam is qui deseruerim doctrinam in Schola Reformata universim hæcenus receptam; ac dolosè & dissimulanter, & contra propriam meam conscientiam, obtrudere coner, seu doctrinam in eadem Schola probatam, opinionem quandam novitiam, & ante paucos tantum annos propositam & admittam à duobus velttribus solum obfcuri nominis inter Reformatos Ministris: Idque propterea quod negem actum formalem fidei salvificæ, & cujus respectu ipsi tribuitur justificationis, esse persuasionem qua fideles singuli statuunt sibi esse remissa peccata? Quandoquidem palam est ea in re me sequi, aut astipulantes habere Viros in Schola Reformata, tum hoc seculo, tum superiori, Doctissimos & Celeberrimos, Zanchium, Martyrem, Musculum, Perkinsium, Davenantium Episcopum Sarisburiensem, qui Synodo Doracene & interfuit & subscripsit, Amesium Franckeræ Theologiæ Professore, Joannem Mestretzium, apud Parisienses V. D. M. notissimum, Petrum Molinæum filium, Theologiæ Doctorem & Canonicum Cantuariensem, Antonium Valæum Professore Leydensem, Widmarium Professore in Academia Groningana, & Christophorum Wittichium antehac Noviomagi, & nunc Lugduni Batavorum Theologiæ iidem Professore; ac denique ipsam Confessionem Anglicanam, ante annos paulo minus quam triginta, Theologorum Presbyterianorum communi consensu conscriptam & editam. Ut omittam Theologos ipsos quorum testimonia mihi objicit vir Doctus, Rivetum, Wendelinum, & Davidem Paræum; quibus addere possunt Robertum Baronium Professore Abredonensem, & Samuelem Marefium Professore Groningantum, idem mecum hac in parte sentire, & docere verbis disertis & expressis; licet alioqui mihi non omnino probetur eorum in hac quæstione doctrina.

CXXVII. Judicandum etiam lectoribus relinquo, quam vana sit vir Docti gloria, qua jactat se non timere, ut ullus Reformatorem audeat ipsum accusare, quod

H h

quæ-

quicquam iis imponat, dum intrepide asserit, ex communi eorum sensu, proprium & formalem actum fidei iustificantis esse certam fiduciam de obtenta à Deo remissione peccatorum? & præterea annon æquius sit de Reformatorum sententia iudicare, ex illis quæ ipsi diserte docent & affirmant, dum ex protello tractant hanc Quæstionem, quam ex consequentiis aliunde petitis, quales sunt ille quibus plurimum utitur vir Doctus, quicum jam mihi res est, ut probet eam esse communiter receptam Scholæ Reformate doctrinam, quam à plurimis ejus Doctores expressè tamen rejici ostendimus.

CXXVIII. Nec difficilior est alterum crimen eluere quod mihi impingit vir Doctus. Nempe, si ipsi creditur, ego non tantum dissimulo quæ sit vera Scholæ Reformate doctrina, ut ejus loco substitutam, opinionem quandam noviciam & privatam, ultimis hæc demum annis, à duobus vel tribus obscuri nominis inter Reformatos hominibus admissam & probatam: Sed ulterius in mea dissimulatione pergens, audeo calumniam accusare Doctores Ecclesiæ Romanæ, quod eam dicant esse Reformatorum communem sententiam, quæ revera talis est.

CXXIX. Atque ut criminis illius me convincat, proferit primam Thesium illarum quas vellicandas sibi proposuit. Verba Theses sunt, *Inter varias calumnias quibus Protestantium Doctrina in iustificationis negotio impetitur, hæc quoque frequenter occurrunt. Quod communi consensu doceant, omnes & singulos Homines posse & debere certa fide credere sibi fuisse remissa peccata, & se coram Deo justos esse. Id illis tam firmiter persuasum esse debere, quam hoc, Jesum Christum esse Dei filium & Mundi Redemptorem, & similia fidei dogmata. Talem persuasionem ita necessariam esse, ut absque ea nemo vere fidelis & justus esse possit, non secus ac si credere detrectaret aliquem ex præcipuis & fundamentalibus fidei articulis. In ejusmodi persuasionem fidem veram & salvificam constituendam esse, tanquam in ejus actui proprio atque præcipuo: adeoque hominis tali fide, & conscientia sola, coram Deo justificari, licet aliqui ritibus indulgeant, nec studeant bonis operibus. Istud præsertim videre est apud Bellarminum & Becanum Jesuitas, quia talia vel supponunt, vel etiam expresse & diserte nobis affingunt, in sua contra nos disputationibus.*

CXXX. Ubi diligenter observatum velim inter me & virum Doctum quæstionem non esse, An quidam ex Reformatis occasionem dederint talia ipsis imputandi? Nec enim Thesis asserit ista non posse absque calumnia ullis ex Doctores Reformatis tribui. Sed hoc quæri, An Scholæ Reformate Theologi ista communi consensu doceant, tanquam fidei inter ipsos receptæ dogmata atque articulos, quibus subscribant omnes hæcenus noti & alicujus nominis Reformati, exceptis solum duobus vel tribus novis hominibus? quod affirmat vir Doctus. Et quod in Thesis asserui, & de novo constanter assero, non posse absque calumnia poni & affirmari. Itaque ad Thesis meæ defensionem iussit, si manifestè ostendam multos ex Reformatis veteribus & recentioribus, qui scriptis suis sunt apud suos celebres, & in Scholæ Reformate pro viris piis & Orthodoxis habentur, quæ nobis imputat vir Doctus rejicere & repudiare. Contra verò nihil egerit vir Doctus, etiam si proferre posset aliquot ex Reformatis, qui vel ista docuerint, vel saltem ea scripserint ex quibus videntur apertè deduci, dummodo sint qui contrariam asserant, & aliud hac in parte se sentire profiteantur, nec propterea tamen pro Heretodoxis à suis habeantur.

CXXXI. Sed jam breviter singula perstringamus. Atque ut ea ordine retrogrado resumamus, incipiendo à posterioribus; Annon clarum est, ex iis quæ fuscè supra deduximus, Per calumniam Theologis Reformatis tribui, quod communi consensu doceant proprium & formalem fidei actum, per quem iustificamur, esse certam persuasionem quæ singulis fidelibus inest, quod peccata ipsis remissa sunt, & quod sunt coram Deo justis: adeoque talem persuasionem ita necessariam esse, ut absque ea nemo verè fidelis & justus esse possit, non secus ac si credere detrectaret aliquem ex præcipuis & fundamentalibus fidei articulis? Nam sapius jam allata sunt testimonia Perkinii, Davenantii, Amesii, Mestrezatii, Petri Molinæ, Antonii Valæ, & Wittichii, qui in eo sequitur Widmarium, qui expressè negant fiduciam, quæ est fidei salvificæ actus formalis atque præcipuus, eam esse quæ certi & persuasi sumus de gratia jam impetrata, sed eam per quam ad Deum confugimus eique ininitur, ut misericordiam per Christum consequamur: & priorem illam fiduciam posse à verè fideli & iustificato abesse, & saltem ad tempus à fide separari: quæ est etiam aperta doctrina Confessionis Anglicanæ, à Theologis Presbyterianis conscriptæ atque publicatæ. Num igitur citra calumniam dici possunt communi consensu docere Reformati, quod negant tot inter eos

Theologiz

Theologiae Professores scriptis suis celebrata, imò illae ipsae, quibus plurimi eorum subscribunt, fidei Confessiones? Ut omitam eos qui questionem illam expressè non moventes, alia tamen in re formam & essentiam fidei constituunt quam in illa persuasionem de obtenta jam à Deo remissione peccatorum, ut Musculum & Petrum Martyrem, quibus fides est simpliciter firmus & constans assensus cordis ad ea quae vel narrantur, vel promittuntur Verbo, à Spiritu Sancto afflatus ad salutem credentium: quique firmum assensum exponunt, per eum qui sit tantarum virium & efficaciar, ut secum trahat affectum fiducia, spei & charitatis, & omnia tandem bona opera; & similiter credere in Deum, qui ipsis est præcipuus actus fidei salvificæ, exponunt per spem omnem in Deum dirigere, firmæque fiducia ab illius bonitate pendere.

CXXXIII. Nec minus evidenter probare possum non omnes Scholæ Reformate Doctores sentire & docere, quod singuli fideles tam firmiter & certo persuasi esse debeant se esse iustos coram Deo, & sibi esse remissa peccata, adeoque salutis æternæ se fore compotes; quam certo credere tenentur Christum esse Dei filium, & mundi Redemptorem, & similia fidei Christianæ dogmata: ac per consequens falsum & calumniosum esse, si quis dicat à Reformatis istud *communi consensu* doceri. Et primo quidem ex eo quod plurimi ex Reformatis, sicut jam ostensum est, agnoscunt talem persuasionem de propria salute, & remissione peccatorum suorum, posse saltem ad longum tempus, à fide separari, & non esse fidei salvificæ essentialem, sed ad perfectionem ejus accidentalem solummodo pertinere, ex eo, inquam manifestè sequitur, juxta eorum sententiam, id fidelibus tam firmiter persuasum esse non debere, quam hoc quod Jesus Christus sit Dei filius, & mundi Redemptor. Nam certa persuasio de hoc articulo non potest à vera fide separari: neque potest aliquis ea persuasionem ad tempus destitui, & tamen verè fidelis manere, secundum receptam & omnibus probatam Scholæ Reformate doctrinam.

CXXXIV. Sed præterea mentem suam ea de re disertè & clarè aperiunt Theologi Magnæ Britanniae, ex Anglicano Clero ad Dordracenam Synodum deputati, in judicio suo super quinque Articulis Doctrinæ Remonstrantium, quod actis Synodi illius insertum est; illi ergo numero quinque, quorum præcipui erant Georgius Episcopus Landavensis, & Davenantius qui postea fuit Episcopus Sarisburiensis, Ecclesie sue nomine, loquentes de persuasionem, quam habere potest quivis fidelium de gratia & salute propria, hanc Thesin constituunt; *Persuasio hæc non habet illum certitudinis gradum, qui omnem contrarii formidinem perpetuo excludat; sed aliquando vivida est, aliquando languida; aliquando, ut in gravissimis temptationibus, nulla.* Et postea in ejusdem Theses explicatione, assertionis suæ rationem reddentes, dicunt debilitatem istius persuasionis à de primo ortiri, quod non habet eundem certitudinis gradum cum fide dogmatica. *Primo, inquit, debilitas oritur ex ipsa fundamentalis hujus personalis fiduciæ dependentiæ, quæ infra fidem dogmaticæ certitudinem videtur subsistere. Assensum quippe nostrum afficiunt fidei Catholici articuli, ut principia immediata, ac prima. Fidei autem specialis veritas, non in se deturitur, ut quidam necessario consequens, sed tantum subiungitur per modum assumptionis. Ergo illius quæ hanc persuasionem facit conclusionis, non potest esse firmitudo major, quam quæ præmissarum debili in ipsis. Subsumptio autem illa experimentalibus nititur incitiis per privatam hominis conscientiam pensatis. Quæ cum nunquam in dubium vocantur, an sint signa genuina; sæpe autem temptationum nube occultentur, ne ad presens solatium effulgeant; quid mirum si non semper in promptu sit vegeta & valida fideliū de sua æterna salute persuasio?*

CXXXV. Porro ex hac Doctrina Theologorum Britannicorum, secundum quorum suffragia conditi sunt Canones Synodi Dordracenæ, & quorum hocce iudicium actis, ut dixi Synodi illius insertum est, colligere licet quanta cum ratione vir ille Doctus qui meas Theses carpit, profert verba ejusdem Synodi, quasi definierit persuasionem quam habent fideles de gratia & salute propria, esse ejusdem rationis, firmitatis, & certitudinis cum divina illa fide; quæ fidei articulis immediate à Deo revelatis assentitur. Verba unde istud exculpere conatur, habentur in quinto doctrinæ capite, articulo nono, qui sic habet: *De hac delictorum ad salutem custodia, veraque fideliū in fide perseverantia, ipsi fideles certi esse possunt, & sunt, pro mensura fidei, quæ credunt se esse & perpetuo mansuros, veram & vivam Ecclesie membra, habere remissionem peccatorum, & vitam æternam.* Quibus verbis judicet lector? An definitum sit fidem quæ fideles certi sunt, se remissionem peccatorum & vitam æternam habere, equalis esse certitudinis, firmitatis & necessitatis cum divina illa fide, quæ præcipuis fidei articulis assentitur? Et num verisimile sit virum Doctum melius sensu Dordracenæ Synodi percipere, quam illos ipsos qui ad conscribenda ejus decreta operant consulerunt, & primi illis suscripserunt?

H h 2

CXXXVI. De-

CCCCVI. Deinde cum Theologis illis Magnae Britanniae, idem hac in parte sentire Amelium, clarè ostendunt ejus verba quae alicubi citat in rem suam vir doctus. Dixerat Bellarminus statum questionis de certitudine quam quis habere possit, vel debeat de sua justificatione, & remissione peccatorum suorum, si absque fallacia & ambiguitate constituitur, hunc esse; *Utrum debeat, aut possit alius, sine speciali revelatione, certus esse certitudine fidei divina, cui nullo modo potest subesse falsum sibi esse remissa peccata.* Respondet Amelius his verbis, *Sine omni fallacia & ambiguitate, non ponitur in hoc statu certitudo fidei divina; quia non distinguit Bellarminus inter gradus certitudinis hujus, respectu principiorum quae immediate revelantur, & conclusiones ex illis evidenter deductas, & inter certitudinem fidei in se, & illam quae est ex fide, vel in apprehensione, vel in spe. Sed istis subtilitatibus, admittimus hunc statum questionis, & affirmativam partem tuebimur contra Pontificiorum negativam.* Sensus Amelii satis manifestus est illis qui sunt in Amelii lectione & doctrina verati; nempe in omnibus, quae dicuntur fide divina crebri, non esse parem certitudinis gradum: Nam fide divina credi, non tantum principia immediatè revelata, sed etiam conclusiones, quae ex principis illis evidenter deducuntur; fidem autem non pari cum certitudine versari circa conclusiones & circa principia. Proinde cum hac propositio, *mibi sunt remissa peccata*, non sit immediatè à Deo revelata, sed solum conclusio ex principis revelatis deducta, fidem minori cum certitudine illam amplecti, quam ipsa principia.

CCCCVII. Præterea indicat Amelius distinguendum esse, inter fidem in se, & respectu actuum qui ad ejus essentiam requiruntur, consideratam; & inter fiduciam ex fide orientem, per quam vel præsens aliquod bonum apprehendimus, vel futurum speramus. Majorem autem certitudinis gradum in ipsa fide esse & requiri, quam in fiducia ex fide nascente, per quam, vel de bono præsentis, vel de futuro persuasi sumus; licet eadem fiducia, fidei quoque nomine designetur. Jam verò juxta Amelium, quum fideles dicuntur fide divina certi, vel de accepta gratia, vel de salute obtinenda, per fidem ibi intelligenda est, non fides justificans & salvifica in se, sed fiducia ex fide oriens, per quam, vel apprehendimus jam concessam à Deo remissionem peccatorum, vel futuram salutem speramus. Proinde fiducia ista, quae ex fide nascitur, ex mente Amelii minor competit certitudo, quam fidei, si in se consideretur.

CCCCVIII. Patet igitur, secundum expressam Reformatorum multorum doctrinam, inter ea quae ad fidem pertinent, varios esse certitudinis gradus, quoniam fides eorum respectu, non eodem modo se habet. Sunt enim quædam circa quae assensus noster unicè & immediatè nititur divina revelatione: alia verò circa quae partim divina revelatione, partim alius generis mediis atque argumentis nititur; cujusmodi sunt conclusiones ex una propositione revelata deductæ, & ex altera, quae vel fama constanti, vel rationis lumine, vel sensuum tum exteriorum, tum interiorum experientia, cognita nobis & manifestata est. Et hæc & illa ad fidem referuntur, & assensus uterque pro actu fidei apud Reformatos habetur. Veruntatem in utrisque, ex eorundem Reformatorum sensu, par firmitas & certitudo non est: sed maxima in iis quae sola revelatione nituntur; in aliis verò major vel minor pro proportionem certitudinis & evidentiae, quae inest propositioni, quae revelata adjungitur, ut ex ea hæc vel illa conclusio deducatur, sicut jam exposueram, in Thesis quas reprehendit vir doctus: idque non solum ex mea privata, sed ex plurimum Scholæ Reformatae Doctorum aperta sententia. Unde apparet quàm vana sit illius probatio, dum ex eo quod Reformati actum fidei vocant, persuasionem illam, quam verè fidelis, & justus habet de propria gratia & remissione peccatorum suorum, colligit secundum communem Reformatorum sententiam, unumquemque fidem, pari cum certitudine & firmitate persuasum esse de remissione peccatorum suorum, ac est de eo quod Christus est Dei filius & mundi Redemptor.

CCCCIX. Et certè non solum inter Reformatos, sed in ipsa Schola Romana, non quinque assensus ad fidem divinam refertur, hoc ipso statim æquatur firmitate & certitudine cum assensu fidei Catholicae, sive dogmaticæ. Nam in ipso Concilio Tridentino Catharinus petendit hominem justum hde divina certum esse posse de propria gratia: Et Vasquez quoque Jesuita fidem divinam vocat, fiduciam quam peccator penitens habet de venia à Deo impetranda, & quam homo justificatus potest habere de illa impetrata. Nec tamen isti viri putant illam privatam fidem, parem habere cum fide Catholica certitudinem. Et ad Catharini sententiam respexit Concilium Tridentinum, dum definiens, quod nullus scire valeat certitudinem fidei, se gratiam Dei esse consecutum, post verbum illud fidei inserit, *cui non potest subesse falsum*, ut aliqua evadendi rima Catharino superesset, nec videretur simpliciter Decreto Concilii

cilii damnatus. Ut & revera post Canonem illum in sententia priori persistit, & conatus est verba Concilii, secundum suum sensum, interpretari.

CXL. Frustra verò vir Doctus objicit testimonia virorum, qui sunt multum inter Reformatos celebres, Andrea Riveti, & Joannis Dallai; quos ex quibusdam eorum verbis probare conatur, eandem certitudinem tribuisse fiduciam, quam quis habet de gratia & salute propria, quæ convenit eorum judicio fidei, quæ adhibenda est ipsis fundamentalibus fidei articulis. Sed certè notum omnibus est, viris etiam doctissimis, dum disputationis æstu abripiuntur, incautè multa excidere. quæ emollire & torquere quodammodo opus est, ut ad bonum sensum reducantur; nec dubito viros illos Doctos, si hac de re moniti fuissent, mentem suam fuisse declaraturos ea ratione, ut ab exposita jam sententia non discessissent.

CXLI. Sed ad institutum meum non necesse est, ut operam ponam in eorum dictis emolliendis atque excusandis. Esto enim Joannes Dallaus & Andreas Rivetus hac in parte aliud senserint, quàm Amicius, & Theologi Britannii, quorum sententia jam exposita est; & eandem certitudinem tribuerint fiduciam quam singuli fideles habere possunt de remissione peccatorum suorum quæ competit ipsi fidei qua debemus amplecti hdei articulos. An istic sequitur posse tribui Reformatis, quod idem communi consensu cum duobus illis viris de re proposita doceant? Et quis nescit utrumque illorum habuisse peculiare quasdam opiniones, quibus hinc & inde multi ex Reformatis sese opposuerunt? Ac etiam quare potius ex duorum illorum virorum sententia Reformatorum fidem necti deberemus, quam ex doctrina Amicii, & Theologorum Britannorum Ecclesiæ Anglicanæ nomine loquentium, & ab ea ad Synodum Dordracenam deputatorum?

CXLII. Unicum restat in quo vir Doctus me calumniæ convincere tentat. Nempè in eo quod dixi per Calumniam Reformatis tribui, quod communi consensu deceant, omnes & singulos homines certa fide posse & debere credere sibi fuisse remissa peccata, & se coram Deo justos esse. Et ut intentum suum assequatur, interpretatur mea verba, & conjicit me intelligere per omnes & singulos homines, omnes & singulos fideles. Et postea probat ex Paræzo, hanc esse revera communem Reformatorum doctrinam, quod omnes & singuli fideles debeant & possint certa fide credere se esse coram Deo justos, & sibi fuisse remissa peccata, ac proinde istud circa calumniam Reformatis imputari posse.

CXLIII. Sed nihil opus fuit viro docto hic citare Paræzum. Nam ipsæ meæ Theses, quas illi carpere libuit, integræ ferè in eo insunt, ut probent secundum communem Reformatorum doctrinam, 1. Fideles singulos absque speciali revelatione, posse certò credere se esse in Dei gratia: 2. Fideles singulos, non tantum posse, sed etiam debere ea de re certò persuasos esse; & si de eo certi non sint, istud quandam defectum & quandam infirmitatem, in eorum fide arguere: 3. Denique certitudinem illam communiter apud Reformatos certitudinem fidei vocari. Itaque vir Doctus in sua conjectura fallitur. Nam per omnes & singulos homines, non intellexi solummodo omnes & singulos fideles. Nec tamen mens mea fuit Reformatos accusari ab Ecclesiæ Romanæ Doctoribus, quod doceant omnes homines in universum, absque ulla exceptione, teneri certò credere se esse in Dei gratia. Verum per omnes & singulos homines intellexi omnes & singulos quibus annuntiatur Evangelium, & qui sunt in externa Ecclesiæ communione; etiam si alioqui flagitiosè vivant & vitiis indulgeant.

CXLIV. Neque etiam dixi à Doctoribus Ecclesiæ Romanæ expressè & verbis totidem affirmari, quod communi consensu Reformati doceant, omnes & singulos quibus prædicatur Evangelium, & qui sunt in externa Ecclesiæ communione, posse & debere certa fide credere, quomodocunque vivant, se justos esse coram Deo, & sibi esse remissa peccata; sed hoc manifestè supponi in illorum contra Reformatos disputationibus. Cujus rei liber viri Docti plenam fidem facere potest. Quid enim aliud toto libro inculcat, quam juxta Reformatos, illos ipsos qui in vitiis voluntur, & atrocium criminum sunt rei, posse & debere certò & firmiter credere se gratiam Dei esse consecutos, & sibi esse peccata remissa; ac in eo consistere actum fidei per quem justificamur: & nihil aliud in Calvinistarum communione requiri, à peccatore etiam flagitiosissimo, ut moribundus in cælum voleat? Jam verò si juxta Reformatos, illi ipsi qui totos libidinibus & vitiis se dedunt, tenentur certò credere peccata sibi esse condonata, & in hoc consistit formalis fidei actus per quem justificamur, nec aliud ab ipsis ad peccatoris salutem exigitur, annon secundum eorum doctrinam, omnes & singuli quibus Evangelium prædicatur, & qui sunt in externa Ecclesiæ communione, tenentur istud credere, qualiter

qualiscunque sit eorum vita; cum teneantur omnes fidei iustificantis totalem actum elicere? Et tamen falsissimum est, ex Reformatorum sensu, omnes & singulos qui vivunt in externa Ecclesie communione, quamquam perdite vivant, & in vitiis volentur, debere certa fide credere se fore salvos, & sibi esse remissa peccata. Imo docent & inculcant apud suos Reformati, ejusmodi homines teneri credere quod sunt in via perditionis, nec aliter possunt ad vitam pertinere, quam serio & reapse criminibus & vitiis suis renunciando, & credendo fide quæ sit per dilectionem efficax. Quæ fide demum posita, & in se ab ipsis agnita, credere possunt & debent se justos esse coram Deo, & Deum sibi per Christum reconciliatum esse. Neque contrarium potest Reformatis tribui, vel de iis supponi, absque atroci calumnia.

CXLV. Jam ergo clarum est, & abundè probatum, me in Thesibus, quas arguit vir Doctus, communem Scholæ Reformatæ doctrinam non deseruisse, nec privatam quandam sententiam, pro doctrina in eorum Scholis recepta falsò obtrulisse: nec injuria de Scholæ Romanæ Doctores me quæsum esse, quod per calumniam Reformatis imputent quatuor illa, de quibus hætenus prolixè actum est, quasi communi consensu ab illis doceantur: adeoque Vitum Doctum immeritò me dolosæ dissimulationis, & animi parum Sinceri accusasse; & mihi ipsi crimen calumniæ impigisse, quod injustè & absque ratione Scholæ Romanæ Doctores, ut Reformatos hac in parte calumniantes traducam. Unde sequitur varias conclusiones & declamationes, quas tam putri fundamento inædificat vir facundissimus per se corrumpere & evanescere, ut non opus sit singula minutatim excutere & persequi.

P A R S S E C U N D A :

I N Q U A

Exponitur Doctrina Scholæ Romanæ, & cum Protestantium Doctrina comparatur.

T H E S I S I.

Fides absolute spectata, secundum Doctores Ecclesiæ Romanæ, non aliud est quam assensus, Spiritu Sancto movente & inspirante, adhibitus omnibus iis quæ sunt hominibus à deo revelata; idque propter Dei revelantis veritatem & auctoritatem.

II. Cæterum fides illa, vel à Dei dilectione, aliisque piis operibus separatim existit, ut contingit in multis peccatoribus; vel cum amore Dei, & aliis bonis operibus juncta est. Priori respectu dicitur mortua atque otiosa, posteriori viva & efficax.

III. Hanc fidei distinctionem prolixè & accuratè tradit Jaubertus Archiepiscopus Arelatensis, Tomo primo adversus Molinæ Clypeum, cap. 40. in cujus initio observat fidem bifariam sumi: Primò pro actu vel habitu supernaturali mentis, per quem credimus verum quicquid in Scriptura continetur, & quicquid Deus revelavit, idque quia Deus dixit & revelavit; qui actus exprimitur in Scholis per *credere Deo*, & potest esse sine charitate, & bonis operibus; ac tum fides mortua vocatur, quoniam charitatis vita destituitur: Secundò verò aliam esse fidem quæ dicitur viva, quia charitate animata est, atque per eam operatur: & fidei hujus actus exprimitur per *credere in Deum*, eaque in solo justo reperitur: ac per eam homo sperat & expectat promissionum divinarum complementum.

IV. Eodem redit distinctio in Scholis Romanis plurimum usitata, per quam fidem distinguunt in *formatam* atque *informem*. Nam fidem *informem* vocant illam quæ sola est & sine charitate, fidem verò *formatam* illam quæ est cum charitate & dilectione conjuncta. Docent enim charitatem esse fidei formam, non quidem internam & propriè dictam, quæ fidei absolute & in se considerate essentiam constituat, sed formam quandam externam & improprie dictam, quæ esse quoddam externum & respectivum fidei tribuit; nempe quod proficit ad vitam æternam, & fiat, ut loquuntur, salutis meritoria.

V. Sic

V. Sic Scholæ Romanæ mentem explicat Gul. Estius: *Non enim, inquit, charitas forma fidei dicitur, quasi ad essentiam fidei pertinens, aut quia fidem proprie informet; cum unus habitus non sit subiectum alterius. Sed habens, quia p. charitatem alius fidei perficitur & formatur, ut meritorius sit, & ad eternam salutem proficiat; quomodo & aliarum omnium virtutum forma charitas appellatur. Ad Distinct. 23. lib. 3. Sententiarum, paragr. 8.*

VI. Quibus consona sunt quæ observat Gregorius de Valentia, eandem fidei distinctionem in formatam & informem explicans. *Theologi, inquit, affirmant fidem a charitate tanquam a forma perfici. Nec tamen sentiunt, quod charitas proprie sit forma dei, aut essentialis, ut anima dicitur forma hominis, aut accidentalis & extrinseca, ut albedo corporis. Hoc enim falsum esse ex eo perspicuum est, quod charitas & fides sunt duæ virtutes specie distinctæ, quæ duas diversas potentes perficiunt. Salvo igitur volens Theologi, charitatem, quoniam perfectionem aliquam addit fidei, metaphorice dici posse formam ipsius; secundum analogiam videlicet ad formam proprie dictam, quæ suo modo subiectum perficit. Tom. 3. in Summam Thomæ; Disput. 1. quæst. 4. puncto 3.*

VII. Porro quod dedit illis occasionem vocandi charitatem fidei formam, illud est quod fides quæ valet ad salutem, ad Apostolo describitur fides quæ per charitatem operatur. Et quod Jacobus fidem sine charitatis operibus mortuam vocat. Etenim forma est illud per quod aliquid vivit & operatur, loca verò ista docent & innuunt fidem per charitatem vivere & agere; adeoque charitatem esse respectu fidei, quod est anima respectu corporis. Spiritus autem, seu anima est forma corporis viventis.

VIII. Cæterum docent Scholæ Romanæ Theologi illum qui fidem solum mortuam & informem habet, non bene credere, neque sicut oportet, ut videre est apud Bellarminum, lib. 1. de Justificatione, pluribus in locis. Sed pretendunt nihilominus illam esse Dei donum, & ad gratiam Christi pertinere, & titulum ac nomen veræ fidei mereri. Nempe, ex ipsorum mente, assensus ille quem præbent verbo Dei multi mali Christiani, in se quidem bonus est, & à Deo inspiratus, ac per eum intus & reipsa, non externè tantum atque simulatè, assentiuntur doctrinæ divinæ atque verissimæ; malè tamen credunt & non sicut oportet, quia fide sua non rectè utuntur, nec ad debitum finem illam referunt, neque faciunt illa quæ fides faciendâ dicitur. Hoc est quod docet Stapletonus. *Est, inquit, actus fidei sine charitate bonus est, tamen non bene fit; ideoque perfectè bonus non est. Ideo autem non bene fit, quia ad finem boni ultimum talis actus non dirigitur. De Justif. lib. 8. cap. 9.*

IX. Agnoscunt tamen fidem mortuam & informem diverso sensu & respectu posse dici veram & non veram, & veræ fidei titulum posse ad fidem formatam restringi. Ut præsertim videre est apud auctorem illum qui in Reformatos nuper invecit est tanquam Christianam Ethicem subvertentes. Observat enim in rebus verum sære summi pro eo quod est in perfectionis sibi debitæ statu. Ita verum Regem dici qui facit quod in se est ut regnum suum rectè administret: verum Episcopum illum qui continuò gregis sibi committit salutem invigilat: verum Christianum qui vivit ut Christiano homine dignum est. Sed tamen non esse nomen veri Regis simpliciter denegandum illi qui, quamvis Rex legitimus sit, Regis officio non rectè fungitur; veri Episcopi illi qui ritè vocatus atque ordinatus non implet partes boni Episcopi; & veri Christiani illi, qui Christi Baptismate tinctus, & Christianæ doctrinæ mysteriis omnibus non simulatè credens, indulget operibus carnis, nec vitam agit suæ professioni respondentem. Unde concludit, quamvis quod superest fidei in Christianis illis, qui ex accepta in Baptismo gratia, non per infidelitatem, sed per alia peccata exciderunt, vera fides sit & dici debeat, bono sensu tamen dici posse eam solam fidem esse veram, quæ est per charitatem animata: quoniam scilicet ea sola est quæ nobis prodest, quæ nos reddit Dei filios, & Christum in cordibus nostris habitare facit. Quod postea multis Patrum testimoniis probat, & ex publico ipso Officio Ecclesiæ Romanæ.

X. Et eodem modo Stapletonus concedit fidem mortuam & informem dici posse fidam & hypocriticam, quantum ad justitiæ vitam & veritatem spectat. *Est autem, inquit, hæc fides sine charitate mortua quidem, & ficta seu hypocritica, quantum ad perfectæ justitiæ vitam & veritatem spectat, non autem quantum ad seipsam, sibi quæ propriam virtutem. De Justif. lib. 8. cap. 9.*

XI. An autem fides informis sit virtus, inter se disputant Doctores Scholastici. Virtutem esse negat Thomas: Alii verò, ut Durandus & Bonaventura simpliciter affirmant fidem etiam mortuam & informem esse virtutem. Sed inter eos est de nomine certamen. Etenim qui affirmant mortuam istam fidem virtutem, virtutem esse sumunt sensu generali,

generali, prout describitur habitus animi recte rationi contentaneus, idemque inclinans ad actum legi divinae contentaneum. Quo sensu in Schola Romana nemo negat fidem informem virtutem dici posse. Quia quantumlibet informis sit, manet semper juxta eos, habitus quo intellectus voluntatis imperio captivatus in obsequium Christi, trahitur ea credit quae divinitus credenda praecipuntur. Qui verò negant fidem informem esse virtutem, virtutis nomen resirungunt ad illam qua recte vivitur, & quae simplicitur bonum facit habentem. Juxta quam acceptionem concedunt omnes nec fidem, nec ullum habitum moraliter bonum, seculis charitate virtutem esse; ut docet Estius ad distinctionem 23. lib. 3. Sentent. paragr. 9.

XII. Quodcumque verò discrimen constituent Scholae Romanae Theologi inter fidem vivam & mortuam, formatam & informem, nolunt tamen illas esse diversas fidei species, sed accidentali tantum perfectione inter se differre, & utranque esse unam & eandem specie fidem. Nempe fidei accedit, ut quandoque charitati conjuncta reperiat, quandoque ab ea separatim existat, quod fidei est essentiale in utroque statu retinens, & à charitate quum adest accipiens perfectionem solum externam atque respectivam.

XIII. Imò communis Scholae Romanae doctrina est eandem numero fidem modo formatam & vivam, modo mortuam & informem esse posse. Nempe Petri fides eadem in se & intrinsicè manens, alias fides informis & mortua dicitur absente charitate, alias verò fides viva & formata si charitas adsit. Sed prior sententia quae statuit fidem vivam & mortuam ad eandem fidei speciem pertinere, est in Ecclesia Romana definita, & inter dogmata fidei recensetur: Posterior verò quae ponit eandem numero fidem modo formatam, modo informem esse; non est paræ certitudinis, nec tanquam dogma fidei habetur: & contrarium tenuerunt quidam veteres Scholastici, licet Doctores hodierni calculo suo illam communiter approbent.

XIV. Ista docet inter alios Gregorius de Valentia. Primo enim probat eandem fidem posse esse tum formatam per charitatem, tum etiam informem; *Quoniam*, inquit, *illa quae non pertinent ad essentiam rei, sed rei accident, non multiplicant ipsam; cum possit eadem res variis accidentibus subesse: sed quod fides per charitatem sit formata, aut non sit, accedit ipsi, nec ad ipsius essentiam per se pertinet.* Postea verò observat ex fide certum esse quod eadem fides vera secundum speciem constare possit cum charitate & sine charitate; quod verò etiam eadem numero non esse ex fide certum; *Neque fuit*, inquit, *in Concilio Tridentino de hoc controversia adversus hereticos; sed solum voluerunt Patres statuere, quod fide etiam vera Catholica & Theologica possit esse sine charitate, & re ipsa sit in peccatoribus fidelibus. Non autem definiunt quod etiam eadem numero.* Subjungit tamen id jam ad eò certum esse, ut communiter Theologi sentiant, oppositum esse temerarium, eo quod repugnet in re gravi communi Doctorum sententiae. *Tom. 3. in Summam Thomae, Disput. 1. Quest. 4. puncto 4.* Quibus assentit Ruardus Tapperus; postquam enim conclusit tanquam de fide certum, quod eadem fides secundum speciem maneat sine charitate; addit, *Verisimile etiam esse, quod eadem quoque numero maneat.* *Tom. 2. art. 8. pag. 64.* Et idem etiam observat Estius loco supra citato.

XV. Porro fidem mortuam historicam dici nolunt, Primo quia non circa solas historias versatur, sed assentitur omnibus quae Verbo Dei continentur, sive sint historiae, sive dogmata, sive promissiones. Deinde quoniam ista non historicè credit, hoc est, non propter humanam aliquam auctoritatem, quomodo credimus iis quae narant historici; sed propter testimonium Dei in Verbo loquentis, & revelantis ea quae credenda proponuntur.

XVI. Sed hoc misso, fateantur Doctores omnes Ecclesiae Romanae fidem mortuam, & quae cum charitate juncta non est, ad salutem non prodesse, nec ad justitiam assequendam valere, neque fidem ullum actu servare & justificare, nisi quum viva est, & per dilectionem efficax. Hac est praesertim Thomae Aquinatis doctrina. Etenim negans fidem informem esse virtutem, fidem formatam virtutem esse probat, ex eo quod per illam justificamur, quia scilicet, non justificamur, nisi per illud quod habet rationem virtutis. *2. 2. Quest. 4. art. 5.* Idem verò post Thomam expresse docet Martinus Becanus Jesuita, eandem sententiam omnibus suis Catholicis tribuit. *Catholicis*, inquit, *docent fidem non justificare, nisi sit formata charitate. Item, Catholici docent cum Augustino, fidem posse informem existere; non tamen, nisi formatam justificare.* In Summa Theologiae Scholasticae, tom. 2. tractatu 4. cap. 2. num. 7.

XVII. Porro quamvis Scholae Romanae Theologi fateantur & agnoscant fidem mortuam

tiam & infontem ad salutem non prodesse, & ad iustitiam inotilem, quod inter alios expresse, idque multis in locis, assenti Thomas Stapletonus, docent tamen fidem in se, & ex sua natura, sive adjunctam habeat charitatem, sive non, esse primam & maxime necessariam dispositionem ad iustitiam consequendam. Quoniam, scilicet, fides in se spectata est primus animæ actus quo Deo coniungimur. Adeoque per fidem quæ nondum formata est impetratur charitas qua postea formetur, si tamen id fiat quod fides suggerit, id est, si oratio fidei adhibeatur. Ut videre est apud eundem Stapletonum de Iustificatione, lib. 8. qui est de Fide Iustificante, cap. 17.

XVIII. Proinde fidem absolute spectatam, nempe, prout est assensus, movente Spiritu Sancto, toti Verbo Dei adhibitus, dicunt esse nostræ iustificationis fundamentum & radicem, unde videlicet nostra coram Deo iustitia incipere & veluti progeminare solet, & sine qua impossibile est ad eam pervenire; quamvis si in illo nudo assensu hæreatur, nec charitas accedat, quæ illum periciat, fides ejusmodi non possit hominem ad iustitiam & salutem perducere. Non secus ac fundamentum est principium domus, & id quod ad illius ædificationem primo & præcipue requiritur; sed tamen ut fiat domus ad habitationem, necesse est accedant parietes & tectum, sine quibus positum fundamentum nullius est usus. Quod sic verbis Arnoldi Jesuitæ docet Jaubertus Arclatenfis Archiepiscopus. *Quamvis, inquit, in Ecclesia Catholica tenemus impossibile esse sine vera fide Deo placere, & esse iustum; & fidem esse radicem arboris, & fundamentum domus; nihilominus si fides non sit per charitatem operans, domus est sine tecto, & arbor sine fructu, quorum neutrum quicquam Domino suo prodgit.* Adversus Molinæi Clypeum, Tom. 1. c. 40. num. 5.

XX. Hæc ergo communis doctrina Scholæ Romanæ solum quidem fidem formatam & vivam actum iustificare, sed tamen fidem, etiam quum nondum formata est, esse dispositionem quandam ad iustificationem, & hoc respectu quoque posse iustificantem dici, nempe: per modum dispositionis necessariæ & prærequiritæ, quamquam, nisi alia accedant, inutilis maneat, nec ullum actum iustificet. Inter se verò non omnino consentiunt quomodo sint interpretanda illa Paulinarum Epistolarum loca, ubi, toties affirmat & contendit Apostolus hominem iustificari fide, ex fide, & per fidem. Et multi quidem exiitant Paulum ibi per fidem intelligere illam quæ viva atque formata est, & mentem ejus esse, non coram Deo reddi, at haberi iustos per fidem illam quæ per dilectionem operatur. Alii verò putant Paulum ibi fidem absolute sumere, & prout abstrahit à fide tum vivam, tum mortuam; & sensum ejus esse, fidem esse primam & maxime necessariam dispositionem ad iustitiam consequendam, hominemque per fidem disponi ad iustificationem, & sic, ut non posse ad eam pervenire. Quam utramque sententiam refert, nec improbit Thomas Stapletonus citato lib. 8. de Iustif. cap. 16, & 17.

XX. Cæterum quum dicunt Scholæ Romanæ Theologi fidem, etiam nondum formatam iustificantem esse suo modo, quoniam scilicet, disponit ad iustificationem, & est iustitiæ hominis coram Deo radix & fundamentum, per fidem nondum formatam non intelligunt fidem inertem atque otiosam, & quæ merè speculari sit; sed fidem quandam actuosam, & quæ incipit esse per bona opera efficax, quæque charitatem quodammodo parturit, & ad eam contendit, licet illam nondum adepta dici possit. Illud aperte docet Valquez. *Potremo, inquit, observandum est, quem dicimus fidem esse reipsa fundamentum & radicem ædificii & fructus spiritualis, non esse intelligendum de quocunque actu fidei, sed de eo qui ita congruit cum affectu, ut ipsum excitet & moveat. Fides autem quæ affectum non movet, neque ex se actiosa est, ut alliciat voluntatem ad bonum, non habet rationem radicis & fundamenti, solum actum, tamen si vera fides dicenda sit.* Tom. 2. in primam secundam, Disp. 210. cap. 7. num. 54. Quibus consona sunt quæ supra citavimus ex Stapletono, dum ait, Per fidem quæ nondum formata est impetrari charitatem qua postea formetur, si tamen id fiat quod fides suggerit, id est, si oratio fidei adhibeatur. De Iustif. lib. 8. cap. 17.

XXI. Quod ipse ad fidei iustificantis objectum, sedulo notant & accuratè docent Doctores Scholæ Romanæ ad illud pertinere quæcunque Verbo Dei Ecclesiæ tradita atque revelata sunt, nempe non gratiæ promissiones tantum, sed minas etiam, præcepta & dogmata, quæ alicuique Deo revelare visum est, & Ecclesiæ proponere. Nec solum doceri fidem, quæ salvat atque iustificat objecta illa omnia spectare & considerare, verum etiam id tacere quatenus iustitiam atque salvificam est: adeo ut fides iustificet, non simpliciter quatenus promissiones gratiæ amplectitur sed etiam quatenus dogmatis assentitur, & mythena cœlestiumque & præcepta eo quo par est obsequio & reverentia suscipit. Hæc enim singula fides in iustificationis negotio varic respicit ex ipsorum sententia.

XXII. Non negant tamen fidei justificantis objectum præcipuum & potissimum esse Dei gratiam & misericordiam in Christo peccatoribus credentibus atque poenitentibus per Evangelii promissiones oblatam. Id inter alios concedit & agnoscit Thomas Stapletonus, suamque hac in parte doctrinam verbis Concilii Tridentini confirmat, libro 8. de Justificatione, cap. 12. ubi loquens de facta per Christum redemptione, Hoc, inquit, objectum non unicum respicit fides, sed certè maxime & potissimum, quando bonumè disposita ad justificationem. Quod & hinc verbis Patres Tridentini docuerunt, Sess. 6. cap. 6. Disponuntur ad iustitiam credentes vera esse quæ divinitus revelata & promissa sunt: atque illud in primis à Deo justificari impium per gratiam ejus, per redemptionem quæ est in Christo. Fides ergo justificans, seu disposita ad iustitiam principaliter quidem respicit Christum ut Mediatorem, & redemptionem per illum factam, non tamen unicum & proprium est illud fidei justificantis objectum, ut volunt hæretici; cum tot præterea alia objecta fides respiciat, dum ad justificationem disponitur, ut dictum est.

XXIII. Sed inter varia illa fidei justificantis objecta Doctores Scholæ Romanæ negant esse promissionem specialis misericordiæ; quin potius certam promissionem specialis misericordiæ, non tam ad fidem quam ad præsumptionem pertinere contendunt: ut testatur Bellarminus, lib. 1. de Justif. cap. 4. sub finem. Et cap. 8. probare conatur fidem esse justificantem, quamvis non respiciat misericordiam specialem; imò non esse justificantem, si eam misericordiam fortè respiciat. Quin ipse Vasquez contendit, cum cæteris, misericordiam Dei specialem non esse objectum fidei necessarium, ut hæreticos confingere dicit: cum tamen ad justificationem requiratur particularis fides & fiducia divina promissionis & misericordiæ, ut uberius infra explicabitur. Sed quod negare intendit illud est ad fidem justificantem necessarium esse, ut quisque credat sibi peccata esse remissa. Quod & alii intelligunt, dum negant misericordiam specialem ad objectum fidei justificantis spectare.

XXIV. Jam autem, si quis quærat de fidei salvificæ & justificantis actibus, qui & quales illi sunt, in eo consentiunt Doctores omnes Ecclesiæ Romanæ proprium fidei justificantis actum consistere in assensu quem fideles adhibent iis omnibus quæ Deus revelavit per Verbum suum Ecclesiæ traditum, idque propter divinam auctoritatem & testimonium. Negant verò notitiam esse fidei actum, & fidem esse notitiam, scientiam, seu intelligentiam. Imò peritendit Bellarminus fidem distinguere coarctatam scientiam, & melius per ignorantiam quam per notitiam definiti. Lib. 1. de Justif. cap. 7. sub finem.

XXV. Verum ut hac in parte mens eorum percipiatur, observandum est illos, dum negant fidem esse notitiam, & asserunt fidem opponi quodammodo scientiæ & intelligentiæ, illos, inquam, per notitiam, scientiam & intelligentiam designare cognitionem aliquam evidentem, aut saltem distinctam atque accuratam. Itaque per hoc significatum volunt, primo fideles evidenter non cognoscere mysteria quæ credunt; nec iis assentiri propter aliquam, quam in ipsis percipiunt, evidentiam, sed solummodo propter auctoritatem Dei testimonium ipsis in Verbo perhibentis. Deinde quoque ad fidem necessario non requiri distinctam & perspicuam apprehensionem eorum quæ creduntur; qualis est in iis qui fidei mysteria aliis explicare argumentis probare, & adversus contradicentes tueri & vindicare possunt: sed ad fidem concipiendam sufficere rudem quandam & confusam apprehensionem mysteriorum divinarum, qualis est in idiotis, qui credunt mysteria Trinitatis & Incarnationis, etiam si mysteria illa distinctè & accuratè nec intelligant ipsi, nec aliis explicare possint. Ac tandem qualiscunque mysteriorum divinarum conceptio & apprehensio in credente reperitur, fidem in apprehensione illa proprie non consistere, sed potius in assensu quem mysteriis istis præbet ille qui credit.

XXVI. Cæterum non negant, imò expressè docent fidem non esse sine apprehensione aliqua, rudi saltem & confusa, eorum quæ creduntur: ac proinde in eo qui credit hæc duo reperiri, 1. apprehensionem, 2. iudicium sive assensum, licet apprehensio illa proprie non sit fides, sed aliquid fidei præcedens.

XXVII. Ultrouque concedunt ad salutem non sufficere, ut aliquis generatim & implicitè credat quod Ecclesiæ credit, etiam si nullius mysteriorum divinarum expressam & explicitam cognitionem habeat. Quamquam enim doceant, respectu multorum fidei dogmatum, privatis sufficere generalem quandam & implicitam fidem, nihilominus requirunt in fidelibus singulis, tanquam ad salutem necessariam, cognitionem aliquam expressam & explicitam primorum, saltem & præcipuorum fidei articulorum, cujus

generis

generis sunt quæ Apostolorum Symbolo continentur. Licet cognitio illa quantvis explicita sit, rudis tamen adhuc & confusa manet.

XXVIII. Denique etsi deccant ad salutem sufficere, si quis implicite credat pleraque fidei dogmata, neque putent ad salutem necessariò requiri primorum etiam & præcipuorum articulorum fidei accuratam & distinctam notitiam, sed rudem tantum & confusam, nihilominus non negant utilem & laudabilem esse scientiam rerum divinarum, quippe quæ amorem Dei magis ac magis accendit : & sicut laude digni sunt qui discendo proficiunt, ita merito reprehendi, qui semper discunt, & ad scientiam veritatis nunquam perveniunt.

XXIX. Quæ omnia satis aperte tradita reperiuntur apud Bellarminum capite illo septimo jam citato, ubi disertè monet in eo qui credit duo esse, apprehensionem, & iudicium live assensum; quamvis ejus apprehensio non sit fides, sed aliquid fidem præcedens. Deinde apprehensionem non dici propriè notitiam, si sit rudis & confusa, qualis reperitur in fidelibus rusticis : distinctam autem & perspicuam, qualis est Theologi, vel Philosophi, non necessariò requiri ad fidem. Ac præterea distinguit duplicem assensum, unum qui sequitur rationem & evidentiam rei, alterum qui sequitur auctoritatem proponantis, & vult priorem tantum dici notitiam, si propriè loqui velimus; posteriorem verò assensum dici fidem; juxta illud Augustini, *Quod intelligimus aliquid rationi debemus, quod autem credimus auctoritati.* Unde colligit mytheria fidei quæ rationem superant credi, non intelligi; ac per hoc fidem à scientia distingui, & hoc respectu melius per ignorantiam quam per scientiam definiri. Ac denique caput illud septimum concludit his verbis: *Tametsi distinguuntur fides à scientia, tamen utilis est etiam, & laudabilis scientia rerum divinarum, quippe quæ amorem Dei semper magis & magis accendit : & sicut laude digna sunt qui discendo proficiunt, ita merito reprehenduntur qui semper discunt, & ad scientiam veritatis nunquam perveniunt.*

XXX. Similia docet Valquez in primam secundæ, Disput. 205. capite 3 ubi titulus capituli est, *Fidem justificantem non esse perfectam intelligentiam mysteriorum, sed assensum monstratur.* Ex eo enim quod dicit Calvinus lib. 3. Institutionis, cap. 2. *Non ignorantia, nec sensus nostri submissione, sed cognitione certa & explorata regnum cælestium adire.* Colligit Calvinum, & qui cum sequuntur, in fidelibus singulis, requirere tanquam ad fidem plane necessariam accuratam & distinctam cognitionem dogmatum fidei, per quam aliquis novit ea recte explicare, defendere, & aliis tradere. Contra quod ibi pertendit fidem non requirere exactum rei creditæ intelligentiam & scientiam; sed solum assensum rei creditæ propter testimonium. *Sicut, inquit, experimento didicimus simplices revera credere multa quæ neque aliis tradere, nec defendere sciunt rationibus; sed sola auctoritate testimonii manui illorum assensum habent.* Et hoc sufficit ad fidem justificantem. Itaque non removet à fide tanquam minus necessariam simpliciter omnem rei creditæ notitiam & apprehensionem, sed exploratam tantum, ut loquitur, & exactam notitiam & scientiam, quæ multo magis penetrat rem creditam, quam simplex cognitio fidei.

XXXI. Gregorius autem de Valentia tractans quæstionem hanc, *An scilicet necessarium sit ad salutem credere explicitè omnia quæ fidei sunt, vel sufficiat aliqua credere explicitè?* Observant primò nos habere fidem explicitam de aliqua veritate, quum elicimus assensum immediate circa ipsam : implicitam verò, quum assensum alicujus veritatis non habemus secundum seipsum, sed habemus illum quasi implicitum in alio actu nostro, qui habet aliud immediate objectum. Ut exempli causa, quum explicitè & immediate credimus scripturam esse Dei Verbum, implicitè credimus omnia quæ sacra scriptura continentur, etiam si eorum expressam notitiam non habeamus, nec de illis unquam cogitaverimus. Postea verò mentem suam explicans de proposita quæstione, asserit hoc gratiæ tempore, omnibus necessarium esse explicitè credere articulos illos fidei qui continentur in Symbolo Apostolorum: alias verò fidei veritates, quæ præter articulos illos in sacris literis, vel in Ecclesiæ definitionibus continentur, non necessarium esse explicitè credi à vulgaribus fidelibus, quibus in Ecclesia non incumbit ex officio alios erudire, & connumerare in fide; sed satis iis esse credere implicitè ejusmodi veritates. *Commentariorum Theologicorum in Summam Thome, tom. 3. disput. 1. quæst. 2. puncto 3.*

XXXII. Eritus verò propositam quæstionem solvit his verbis, *Sane dicendum videtur in primis unumquemque Christianum teneri ad distinctam seu explicitam fidem eorum articulorum, quorum distincta cognitio ad vitam rectè instituendam est necessaria.* Deinde ea fidei dogmata quæ publice sunt satis obvia in Ecclesiastica doctrina, sive per predicationem Pastorum, sive per frequentationem sistorum, & usum ceremoniarum, explicitè tenenda sunt omnibus iis qui iusta ratione non impediuntur, quominus ea sic publicè in Ecclesia proponi

atque doceri videant, audiant & intelligant; eoque magis quo circa talia docenda major versatur Ecclesie cura. Cujusmodi ferè sunt quæ diligentius inculcari solent contra grassantes hereses. In libr. 3. Sent. Dist. 25. §. 2.

XXXIII. Præterea Doctores Ecclesie Romanæ, hodie saltem, communi consensu ad fidem (vivificam & justificantem pertinere nolunt, ut quis persuasus sit se misericordiam à Deo consecutum esse, & sibi remissa esse per Christi gratiam peccata. Ac ejusmodi persuasionem negant esse fidei actum, & potius ad temerariam quandam præsumptionem spectare existimant: nedum ut putent per illam hominem justificari. Fuere tamen nonnulli superiori sæculo in Ecclesia Romana Theologi, iique non incelebres, qui senserunt & scriptis publice mandaverunt ad justificationem hominis omnino requiri, ut homo certo credat, non tantum generaliter quod propter Christum vere peccatis remittantur peccata, sed etiam quod ipsi homini remissa sint propter Christum per fidem. Hanc sententiam Georgius Cassander, in consultatione ad articulum quartum Confessionis Augustanæ, tribuit Theologis Colonienfibus, quorum verba recitat ex libro quem ediderunt anno superioris sæculi trigésimo sexto in Concilio quodam suæ dioceseos, cuique titulum fecerunt Enchiridion Christianæ Religionis. Ubi, teste eodem Cassandro, sic legitur: *Dicimus hominem per fidem donum justificationis tum demum accipere, quum & perterritus & concessus in penitentia rursus erigitur per fidem, credens sibi esse remissa peccata propter meritum Christi, qui in se credentibus remissionem peccatorum pollicitus est, & quum novum in se sentit affectum, quo detestans malum, & carnis infirmitati resistens, ad bonum faciendum intus accenditur, tamen affectus nondum perfectus sit.*

XXXIV. Ambrosius Catharinus autem qui concilio Tridentino ut Episcopus interfuit, negat quidem persuasionem, quam quis habet de obtinenda à Deo peccatorum suorum venia & remissione, esse fidei Catholicæ actum, aut omnino aliquid ad justificationem hominis requisitum; sed tamen existimet quolibet justificatum, siue peculiari revelatione, posse hanc divinam, non Catholicam, sed privatam, certo credere sibi esse remissa peccata; dum scilicet, in se sentit & experitur ea sub quorum conditione Deus nobis in verbo promissit peccatorum remissionem. Ut enim assensus aliquis censetur esse divinæ fidei, non opus esse ut revelationi proxime innitatur, & ab ea solum oriatur, sed sufficere si colligatur ex principiis revelatis, junctis aliis quæ experimento, aut alia ratione evidenter nota sunt, prout Catharini sententiam explicat Vasquez, in l. 2. Disput. 200. cap. 3.

XXXV. Et Vasquez ipse putat persuasionem illam quæ quis debite credit sibi jam peccata remissa, & se per Dei gratiam justificatum esse, posse fidem divinam vocari, licet ejusmodi fides à fide Catholica & dogmatica specie differat, & pertineat ad fidem privatam: Cujus postquam varias species enumeravit, subiungit sequentia verba; *Hujus etiam generis est fides quæ quis credit se à Deo per orationem obtenturum id quod petit, vel spirituale, vel temporale ad spiritualia tendens. Addamus etiam fidem quæ quis credit se justificatum esse, Disput. 209. cap. 4. qualis autem sit ista fides explicat capite quarto Disputationis sequentis: Similem, inquit, existimo fidem quæ quis credit se justificatum esse & sanctum apud Deum; non quia hoc revelatum sit à Deo, & ratione revelationis, tanquam proprii objecti, sed per alias conjecturas id credat, impellente ad hoc Spiritu Sancto, ut aliquando contingit. Quæ quidem credulitas, quamvis non pellat omnem formidinem, nisi quando speciali revelationi innisitur, nihilominus Dei donum est, & ad justificationem secundam aliquo modo confert.*

XXXVI. Cassander autem jam dictus admittit quidem hanc esse naturam fidei justificantis, ut fidem certum reddat adoptionis suæ & reconciliationis cum Deo propter meritum Christi, & sensum divinæ gratiæ, quem in nobis efficit Spiritus Sanctus, percipiat. Verum hæc certitudo remissionis peccatorum nostrorum, juxta ipsum, sequitur justificationem, non verò est aliquid quod requiratur ad illam obtinendam, & sub quo remissio peccatorum nobis remissa sit.

XXXVII. Præterea communis Theologorum in Schola Romana doctrina est fiduciam veniæ & misericordiæ à Deo impetrandæ non esse fidei justificantis actum, sed aliquid à fide distinctum; quod vehementer urgent & contendunt contra Protestantibus, ut videre est in eorum de fidei natura Disputationibus apud Bellarminum, Gregorium de Valentia, Stapleronum & alios.

XXXVIII. Nec tamen negant fiduciam illam unam esse ex conditionibus, siue dispositionibus ad justificationem necessariis & prærequisitis: ut videre est in ipso Concilio Tridentino, Sessione sexta, capite sexto; ubi inter dispositiones in adultis necessarias ad justificationem

justitiam consequendam, spem & fiduciam divinæ misericordiæ collocat. *Disponuntur autem, inquit, ad ipsam justitiam, dum excitati divina gratia & adjuvi, fidem ex auditu concipientes, liberè moventur in Deum, credentes vera esse quæ divinitus revelata & promissa sunt, atque illud inprimis, à Deo justificari impium per gratiam ejus, per redemptionem quæ est in Christo Jesu: & dum peccatores se esse intelligentes, à divina justitiæ timore, quo utiliter concutuntur, ad considerandam Dei misericordiam se convertendæ, in spem eriguntur, fidentes Deum sibi propter Christum propitium fore, illumque tanquam omnis justitiæ fontem diligere incipiunt.*

XXXIX. Quam autem docent fiduciam non esse partem sive actum fidei, loquuntur de fide absolute spectata, & secundum propriam naturam, non verò de fide viva, quam formatam appellant, & quam solam actu servare & justificare concedunt, cuiusque actus exprimitur per credere in Deum. Fides enim hoc modo considerata fiduciam includit, & fiduciam inter illius actus numerari debet, ut & ipsa dilectio Dei, ex confessione Doctorum Ecclesiæ Romanæ. Licet secundum eorum doctrinam, dilectio non sit actus fidei simpliciter spectatæ, & prout est virtus à charitate distincta. Quæ de re videndus est Jaubertus Arelatenus Archiepiscopus, in Clypeo fidei Catholicæ, contra Molinæi Clypeum, Tom. 1. capite quadragésimo. Ubi pluries affirmat & repetit fiduciam & dilectionem includi in fide viva, & fidem vivam consistere non solum assensu qui præbatur veritati divinæ, sed etiam fiducia quæ ex charitate manet. Præsertim numero 8, 9, & 11. ubi etiam observat, neminem esse Doctorum Catholicorum qui non admittat in fide cognitionem aliquam supernaturalem, & in fide viva fiduciam divinæ misericordiæ. & qui non fateatur Deo injurium esse qui credit Deo, nec tamen in eum sperat, & cum diligit. Quomodo etiam Lombardus verbis Augustini dicit, quod credere in Deum est credendo amare, credendo in eum ire, credendo ei adhærere, & membris ejus incorporari. Lib. 3. Sententiarum, Distinctione 23.

XL. Est autem hic observandum Gabrielem Vasquez non solum agnoscere fiduciam esse fidei vivæ partem, sed etiam illum nomen fidei tribuere persuasioni illi, qua aliquis per veram poenitentiam se ad Deum convertens, confidit Deum sibi peccata remissurum, sequè justificandum esse. Nam ad justificationem docet non tantum conducere, sed necessariam esse, non solum fidem Catholicam dogmatum, historiæ, & promissionum quæ univérse factæ sunt, sed etiam fidem privatam promissionis, qua quisque credit sibi Deum non defuturum, neque negaturum auxilium efficax, & se tandem à Deo justificandum. Nam, inquit, si aliquis existimaret Deum sibi negaturum auxilium efficax ad salutem, omnis ad justificationis progressus & dispositio impediretur, ut manifestè constat. Inter reliqua enim necessaria ad justificationem primam debet esse spes veniæ; hæc autem sine fide peculiari esse non potest. Nam quamvis aliquis crederet ea quæ univérse promissa sunt, nempe, verè poenitentibus peccata remitti, & poenitentia aliisque operibus bonis à Deo obtineri veniam & justificationem; tamen nisi etiam crederet se iis operibus quæ exercet à Deo veniam consequenturum, quæ sanè est fides peculiaris promissionis, non poterit nunc veniam sibi à Deo sperare, ac proinde neque justificationis compos erit; siquidem spes non minus necessaria est dispositio ad justificationem quam fides. Quocirca fidem illam quam Concilium Tridentinum Sessione sexta, cap. 8. docet esse humanæ salutis initium & fundamentum, & radicem omnis justificationis, & sine qua cum Apostolo dicit esse impossibile placere Deo, & ad consortium filiorum pervenire, fidem, inquam, illam non solum esse fidem Catholicam & dogmaticam, sed etiam fidem privatam promissionis; & pertendit verba Concilii de utraque exponenda & intelligenda esse, ut videre est cap. 5. Disputationis 2 10. jam citatæ.

XLI. Præterea Doctores Ecclesiæ Romanæ non simpliciter & absolute negant fidelem posse & debere promissiones gratiæ & salutis speciatim sibi applicare. Sed duplicem distinguunt promissionum divinarum specialem applicationem, sive appropriationem. Unam qua aliquis sic sibi appropriat, & ad se pertinere putat promissiones veris Dei filiis factas, quali fide divina certus esset se de eo numero esse. Alteram, qua aliquis moraliter certus atque persuasus se esse Dei filium per gratiam ejus adoptatum, promissionibus divinis condit, & earum erga se complementum expectat. Priorem illam applicationem damnant & rejiciunt, posteriorem verò probant & amplectuntur. Ut videre est apud eundem Jaubertum Archiepiscopum Arelatensem, Tom. 1. adversus Molinæi Clypeum, cap. 40. num. 9.

XLII. Porro ex iis quæ tum hisce Thesisibus, tum præcedentibus fuerunt exposita, circa naturam fidei salvificæ & justificantis, ejusque distinctionem à fide mortua sive otiosa, patet Theologos utriusque Scholæ, tum Romanæ tum Reformatæ, in eo consensire

sentire quod fides illa divina, quæ ad Spiritum Sanctum ut a nihorem referenda est, vel est ætiola & bonis operibus destituta, vel ætiosa, & per dilectionem operans.

XLIII. Rursus ostendimus Doctores Scholæ Romanæ, non minus quam ipsos Reformatos fateri fidem illam otiosam & vacuum bonis operibus jure merito dici mortuam & hypocriticam, eamque esse ad salutem & justitiam inutilem, neque quonquam per illam fervari & justificari, & etiam illum qui credit tantum illiusmodi fide non credere bene & sicut oportet.

XLIV. Ex alia verò parte, ut etiam ex antedictis liqueri potest Reformati non negant, & ultrò Scholæ Romanæ Doctoribus concedunt, illam etiam fidem quam historicam vocant, & per quam mensura præbet assensum Dei Verbo, ut tamen inde voluntas non moveatur ad bene agendum, inter Dei dona debere recenseri, & esse quandam humani intellectus perfectionem, per quam hominum mentes illuminantur in cognitione veritatis illius quæ per se salutis est: & illos qui sunt ista fide donati in maxima culpa esse quod ad propriam salutem tali lumine non utantur, quod scilicet, ex se & sua natura justitiæ & salutis viam hominibus ostendit.

XLV. An autem fides illa mortua atque otiosa vera fides dici debeat inter se disputant Scholæ utriusque Doctores. Veram esse communiter affirmant Scholæ Romanæ Theologi, Reformati verò negant. Sed videtur esse merum de nomine certamen. Nam Doctores Reformati veræ fidei titulum tribuendum putant illi soli fidei quæ revera homines salvat & justificat, quo sensu fidem mortuam veram esse non decet Scholæ Romanæ Doctores: imo eorum nonnulli patiuntur eo respectu, ut vidimus, veræ fidei nomen ad fidem vivam restringi. Sed tamen fidei etiam mortuæ atque otiosæ veræ fidei titulum jure tribui posse volunt, quoniam est assensus, qui non omnino fictus, sed verè Dei verbo adhibetur, quique recipit fides in scriptura vocatur, & revera est donum Spiritus Sancti, & perfectio quædam mentis humanæ, qua in boni salutaris notitia illustratur, quod Theologi Reformati non negant.

XLVI. Non probant quoque, ut supra notatum est, Ecclesiæ Romanæ Doctores quod Reformati fidem illam historicam appellant, & dogmaticam potius dici malunt. Sed ut pater ex dictis, falluntur eorum plerique, dum putant Reformatos per historicam fidem intelligere solum illum assensum qui historicis scripturæ adhibetur, & quo historie illæ veræ esse creduntur fide tantum humana, qualis etiam profanis historicis adhiberi solet. Etenim, ut jam dictum, Reformati fidei historie nomine designant illam etiam quæ divina quidem est, & toti Dei Verbo assensum præbet, set otiosa tamen est & mere speculativa, quæ communiter nomen fidei mortuæ obtinet.

XLVII. Vicissim verò Theologi Reformati non probant quod Schola Romana fidem illam mortuam & otiosam, fidem informem, vocat; fidem verò formatam illam quæ activa est, & per dilectionem operans; quasi charitas esset forma fidei. Sed per hoc Doctores Ecclesiæ Romanæ significatum nolunt charitatem esse fidei formam internam & propriè dictam, quæ essentiam illius absolute constituat, quod merito videtur Reformatis absurdum; sed solummodo formam quandam externam, à qua fides non habet simpliciter quod sit, sed tantum quod valeat & proficit ad salutem: in quo certè præter locutionem ipsam, quæ in se barbara est, & scripturæ inusitata, nihil est quod merito reprehendi debeat.

XLVIII. Videri posset majoris momenti quod communi consensu docent Scholæ Romanæ Theologi; nempe fidem salvificam atque justificantem non esse quid diversum & specie distinctum ab ista fide mortua & informi; quod etiam non satis concordare videtur cum eo quod jamjam diximus eos fateri atque agnoscere, nimirum fidem mortuam & informem ad salutem nihil prodesse, & ad justitiam esse inutilem. Quomodo enim illa constare possunt, fidem mortuam nihil ad salutem prodesse, & tamen illam esse unicam & eandem cum fide salvifica atque justificante, nec ab ea specie distingui.

XLIX. Sed ad mentem eorum penitus intelligendam, in memoriam revocandum est illos docere quidem fidem vivam & charitate formatam esse eundem specie habitum cum informi & mortua fide: imo eandem numero fidem ex mortua vivam, & ex viva mortuam successive fieri posse: sed tamen eos non negare quin fides viva mortuam superet perfectione, saltem externa & accidentali, per quam una ab altera merito distinguitur. Deinceps illos quoque communi consensu fateri solam fidem vivam atque efficacem posse hominem actu servare & justificare, illam verò quæ mortua & otiosa manet salutem hominis nihil promovere, neque quicquam facere ad hominem justificandum. Adeoque longe plurimi Ecclesiæ Romanæ Doctores loca illa ubi fides & justitia fidei tribuitur, de fide viva & formata exponenda esse contendunt, & ad eam solam referenda; ut supra

fuit

tuit à nobis observatum. Quod si qui dicant fidem nondum formatam ad iustitiam hominem disponere; & esse iustitiæ & salutis initium, fundamentum & radicem, per fidem nondum formatam non intelligunt fidem oriolam & merè speculativam, sed fidem quandam ætiosam, quæ incipit esse per bona opera efficax, quæque charitatem quodammodo parit, licet illam adhuc non sit plene adepta, ut patet ex iis quæ supra ex Stapletono & Vasque citata sunt.

L. Itaque quamvis Doctores illi dicant fidem iustificantem specie non differre à fide dogmatica, quam historicam Reformati appellant, nihilominus cum Reformatis agnoscunt solam fidem vivam atque efficacem hominem, ut iam dictum est, actu servare & iustificare, minime vero istud convenire fidei mortuæ atque otiosæ. Ac juxta eorum hypothesin ista simul consistunt solam fidem vivam iustificare, & tamen fidem iustificantem à fide mortua & merè dogmatica non esse specie diversam, quia, scilicet, supponunt fidem vivam tantum accidentaliter à fide mortua differre. Ac proinde huc reddit tota questio; An scilicet fides viva & per charitatem operans à fide mortua specie, vel genere differat, quod tenent Reformati: An verò inter utramque sit accidentale tantum quoddam discrimen; quod communiter docet Schola Romana? Quæ quidem questio merè Scholastica & Philosophica est, nec admodum magni momenti, dum constet salutem atque iustitiam non fidei mortuæ, sed vivæ tribuendam esse, quod utrinque in confesso est.

LI. Quod si nonnulli Scholæ Romanæ Theologi iustificantis nomen quandoque ipsi fidei mortuæ & otiosæ tribuunt, per id non significant illam actu iustificare, sed solum illam ad iustificationem non proxime, sed remote disponere. In hac autem definitione Reformati non agunt de remota quadam dispositione, nec multum laborant. An fides mortua sit istiusmodi quædam ad iustificationem remota dispositio. Sed id solum docere & asserere intendunt, nullam aliam fidem quam vivam atque efficacem homines ad iustificationem infallibiliter & proxime disponere: quæ in re assentientes habent Scholæ Romanæ Theologos.

LII. Jam autem in definienda fide iustificante multum dissentire videntur à Reformatis Doctores Ecclesiæ Romanæ. Nam hi quidem fidem unanimi consensu definiunt, firmum assensum adhibebat omnibus iis quæ sunt Verbo Dei revelata propter Dei revelantis auctoritatem & testimonium: Reformati verò varias, & quæ multum diversæ videntur fidei iustificantis definitiones tradunt. Et quidem nonnulli sunt qui iam allatam fidei definitionem probant atque usurpant, nisi quod addunt fidem salvificam assensum esse efficacem, & qui potissimum circa promissiones gratiæ versetur. Alii verò plerique fidem definiunt, certam fiduciam qua nobis Christi meritum applicamus; aut salutis per Christum obtinendæ certam fiduciam & apprehensionem. Vel etiam, ut ante larius expositum fuit, acquiescentiam cordis in Deo, tanquam in auctore vitæ & salutis æternæ, ut per ipsum ab omni malo liberemur, & omne bonum consequamur, & quæ sunt in hunc aut similem sensum.

LIII. Verum observandum est scopum Doctorum Ecclesiæ Romanæ hic esse fidem definire, prout absolute & in se consideratur, & eam tradere fidei definitionem quæ non soli fidei vivæ, sed etiam mortuæ competat. Quo respectu nemo inter Reformatos fidem ab iis recte definiri negabit. Etenim dum illi fidem simpliciter definiunt, & prout est genus ad fidem historicam atque iustificantem, eadem omnino definitione utuntur. Reformati verò dum fidem iustificantem definiunt, definitione sua plerumque id solum includere intendunt quod fides viva atque iustificans fidei generatim consideratæ superaddit.

LIV. Itaque dum Doctores Ecclesiæ Romanæ ita laxam fidei definitionem tradunt, per id negare nolunt fidem vivam, quam tamen solam actu servare & iustificare fatentur, esse assensum prædictum atque efficacem, imo etiam includere divinæ gratiæ & misericordiæ fiduciam. Et vice versa Doctores Reformati, dum fidem iustificantem tam recte definiunt, per id docere non intendunt ad naturam ejus nihil pertinere quod definitione ista non exprimitur, aut negare quod sit firmus assensus omnibus quæ Verbo Dei continentur adhibitis: sed tali definitione istud solum exponere volunt quod fidei vivæ atque iustificantis maxime proprium esse existimant, & quod juxta ipsorum mentem illam à fide historica sive mortua potissimum distinguit atque determinat.

LV. Circa fidei obiectum patet ex antedictis Reformatos Ecclesiæ Romanæ concedere omnia in universum quæ Dei Verbo continentur ad fidei iustificantis obiectum pertinere; adeoque frustra Doctores Ecclesiæ Romanæ cum Reformatis disputant, quasi fidei obiectum ad solas promissiones gratiæ restringerent. Vicissim vero Theologi Ecclesiæ

Romanæ,

Romanæ, licet contendant fidei justificantis objectum tam late patere quam patet Dei Verbum, non negant tamen fidem justificantem circa promissiones Evangelicas potissimum versari, quemadmodum ex ipso Concilio Tridentino Thomas Stapletonus supra deduxit & probavit: ita ut nulla videatur hæcenus ea de re esse controversia, quandoquidem utrique concedunt promissiones gratiæ esse præcipuum fidei objectum, & tamen objectum fidei ad promissiones illas non esse restringendum.

LVI. Proinde id solum hic videtur controversi, An misericordia Dei specialis pertineat ad fidei justificantis objectum, & sit ejus præcipua pars? quod Protestantibus communiter affirmant, negant vero Doctores Ecclesiæ Romanæ. Verum hic observandum est misericordiam illam specialem dupliciter considerari posse, ut jam superioribus Theibus ostendimus, nempe, vel ut gratiam quandam antecederem, & quam ille qui credit jam adeptus est, veluti quum quis credit sibi jam esse remissa peccata; vel ut aliquid per fidem obtinendum, veluti quum credimus peccata nobis esse remittenda. Et videntur quidem ex Reformatis nonnulli actus illius fidei per quem justificamur objectum constitucere misericordiam quandam specialem antecedentem, quasi justificarem per actum illum fidei quo certo statuimus peccata per Christum nobis esse remissa. Quia in re quoque nonnulli ex Doctoribus Ecclesiæ Romanæ asipulantes habent, sicut patet ex iis quæ supra de Theologis Colonienlibus ex Georgio Cassandro relata sunt. Sed Theologi Reformati complures, non misericordiam quandam antecedentem, sed quam fidelis à Deo se consequitur conhdit, illius fidei actus per quem justificamur objectum constituunt. Neque dicunt nos justificari per fidem qua credimus peccata nobis jam esse remissa, sed qua credimus peccata per Christum esse remittenda.

LVII. Qualem etiam fidem ad justificationem necessariam esse expresse docet Vasquez locis ante citatis, & de talj fide parat exponendum ipsius Concilii Tridentini Canonem, ubi agitur de fide per quam justificamur. Veruntamen plerique Doctores Ecclesiæ Romanæ misericordiam specialem quoquomodo consideratam negant esse fidei objectum, hoc est, negant fidei proprium actum esse ut credamus nobis in particulari peccata vel remissa, vel certo remittenda esse.

LVIII. Nec tamen propterea negant ad justificationem requiri fiduciam divinæ misericordix, qua fidelet, quis in divinam misericordiam recumbat, & speret siue confidat, se peccatorum suorum remissionem à Deo obtenturum. Adeo ut hic quoque videatur aliquid esse logomachix. Nam dum Doctores Reformati, plerique saltem, affirmant misericordiam specialem esse fidei quatenus justificat objectum, non agunt de misericordia speciali antecedente, ac præterea sub fide fiduciam includunt, & statuunt specialem illam misericordiam objectum esse fidei, quia circa illam versatur fiducia quam fidei actum esse existimant. Dum verb negant Doctores Ecclesiæ Romanæ misericordiam specialem esse fidei justificantis objectum, agunt potissimum de misericordia speciali antecedente, ac præterea fidem à fiducia distinguunt. Neque idcirco negant misericordix divinæ fiduciam ad justificationem requiri, & omnino necessariam esse.

LIX. Licet autem plerique ex Theologis Reformatis misericordiam illam specialem antecedentem non faciant objectum fidei respectu actus illius primarii atque præcipui per quem remissionem peccatorum consequimur, constanter tamen docent fidem justificantem circa illam versari actu quodam reflexo atque secundario, host est, illum qui fide justificatus est, per ejusdem fidei actum reflexum certum esse posse de gratia quam est à Deo consequutus: Quod negant Doctores Ecclesiæ Romanæ. Sed quamvis negent fideles & jultos de impetrata à Deo remissione peccatorum suorum per fidem certos esse posse, concedunt tamen illos de ista remissione fiduciam posse concipere, & quidem ita certam, ut pellat ex animo dubitationem atque anxietatem, quod à Protestantium sententia vix differt. Adde quod non desunt in Schola Romana qui persuasionem seu fiduciam illam quam homo fidelis & justus concipit de remissione peccatorum suorum, pertendant esse ejusdem fidei divinæ actum; quod supra de Catharino & Vasquez ostensum est.

LX. Quod attinet ad fidei actus, quæritur primo de notitia & cognitione rerum credendarum, An & quousque ad fidem pertineat & necessaria sit? Concedunt autem, ut ante visum est, Reformati Doctores Scholæ Romanæ ad fidem concipiendam aliquam objecti credendi conceptionem & apprehensionem necessariam esse: imò ad fidem salvandam requiri expressam atque explicitam præcipuorum aliquot articulorum fidei notitiam. Denique, etiam dicant ad salutem sufficere plerumque dogmatum religionis fidem implicitam, imò præcipuorum ipsorum mysteriorum eadem & consilium tantum

tantum cognitionem, non negant tamen utilem & laudabilem esse distinctiorem & accuratorem notitiam rerum divinarum, ut quæ magis ac magis animos in Dei amorem accendant: ac proinde fideles hortationibus posse & debere compelli, ut pro modo vocationis, & singulorum captu, in mysteriorum fidei notitia magis ac magis proficiant.

LXI. Vicissim verò Doctores Reformati Scholæ Romanæ Doctores concedunt fidei naturam atque essentiam in assensu potius quam in notitia consistere, licet notitia quædam in fide includatur, aut ad eam prærequiratur. Fatentur quoque notitiam illam, quam includit aut præsupponit fides, non esse scientiam strictè & propriè dictam, id est, cognitionem evidentem rei per causas; nec etiam, si non evidentem, saltem distinctam atque accuratam aliquam notitiam, qua non tantum res, sed etiam modus rei percipitur.

LXII. Præterea non negant ad fidem salvificam non necessariò à singulis requiri singulorum fidei dogmatum expressam, seu distinctam & explicitam apprehensionem, sed sufficere si expressè & noverint fundamentalia atque præcipua fidei mysteria. Imò nequidem respectu præcipuorum istorum fidei mysteriorum necessariò à privatis exigunt distinctam atque accuratam illorum intelligentiam, qua istiusmodi mysteria tueri, explicare & probare possint. Quod quidem in Doctore & Pastore necessarium est, in privato ex eorum sententia non item.

LXIII. Itaque frustra disputant Ecclesiæ Romanæ Doctores contra Reformatæ Scholæ Theologos, quasi fidem non habeam in assensu, quam in notitia rei creditæ constituent. Item quali ad fidem singulorum requirant exactam, accuratam, & distinctam cognitionem mysteriorum fidei, per quam aliquis illa explicare, tueri ac defendere possit; ut teneatur facere Doctor aliquis, & Verbi Divini Minister.

LXIV. Et similiter Reformati Scholæ Romanæ Doctores imputare non debent, quod ad fidem privatorum nullam rerum credendarum cognitionem requirant, & quod in iis rerum divinarum ignorantiam illarum scientiæ atque cognitioni præferendam censeant. Ac supra modum videntur exagitare illud Bellarmini, nempe, quod fides contra scientiam distinguitur, & quod fides melius per ignorantiam, quam per scientiam definiatur. Etenim licet illud durè atque incommode dictum sit ex Bellarmini tamen sensu, per hoc nihil significatur, quod ab ipsa Reformatorum doctrina dissentiat, ut pater ex iis quæ antea fuerunt exposita. Ubi ostendimus Bellarminum scientiam ibi propriè sumere pro notitia quadam evidenti, qualem non habemus respectu eorum quæ ad fidem pertinent.

LXV. Quod spectat ad assensum, reperiuntur inter Reformatos unus & alter qui negant illum esse fidei actum, sed solum quid fidem præcedens, & ab ea præsuppositum. Cæteri verò communiter assensum inter actus fidei numerare solent. In eo tamen videtur esse aliquis dissensus inter Theologos Ecclesiæ Romanæ, & inter Scholæ Reformatæ Doctores, quod priores illi quidem proprium & præcipuum fidei actum consistere velint in assensu qui toti Verbo Dei adhibetur, id verò negant Reformati. Verum si quis proprius inspiciat mentem Doctorum Ecclesiæ Romanæ, agnoscat illos, dum docent fidem in assensu propriè consistere, loqui de fide simpliciter & absolute considerata, & prout abstrahitur à fide tam viva quam mortua, minime verò agere de eo quod fidem vivam, quæ sola actu justificat, à mortua distinguit. Reformatorum verò mens est assensum esse quid commune fidei mortuæ, quam historicam vocant, & fidei vivæ, quæ sola salutem & iustitiam affert: ac proinde proprium & specificum actum fidei, quatenus salvat & iustificat, alia in re quam in nudo & simplici assensu statuendum & collocandum esse. Et ita quoad rei summam videntur utrique, hac etiam in parte inter se consentire. Amelius autem, & si qui alii sint qui negent assensum esse fidei salvificæ actum, id solum sibi volunt, assensum non esse id quod fidem salvificam ab historica & mortua discernit.

LXVI. Præterea patet ex iis quæ supra fuerunt dicta & exposita, Doctores Reformatos communi consensu docere proprium esse fidei salvificæ & iustificantis promissiones gratiæ & salutis speciatim cuilibet credenti applicare, quam specialem applicationem Ecclesiæ Romanæ Doctores rejicere videntur. Sed primo quod attinet ad illos ex Reformatis qui applicationem istam in eo consistere volunt, quod fides viva atque iustificans otiosa non sit & speculativa, sed quæcumque in Dei Verbo ipsi obijciuntur ad praxin & proprium credentis usum referat, manifestum est illos nihil hac in parte docere quod à Theologorum Ecclesiæ Romanæ doctrina abhorreat. illi enim, ut supra visum est, ultro fatentur fidem, nisi efficax & actualis sit, iustificare & servare non posse.

LXVII. Siquis verò, ut plerunque fieri solet, per applicationem specialem intelligat

persuasionem illam quæ fidelis statuit promissiones gratiæ & salutis specialiter ad se pertinere, talem applicationem non simpliciter & omnino, sed cum distinctione aliqua rejiciunt Ecclesiæ Romanæ Doctores. Etenim, ut ante diximus, observant duplicem esse promissionum divinarum specialem applicationem. Unam qua aliquis sic sibi applicat, & ad se pertinere putat promissiones veris Dei filiis factas, quasi fide divina certus esset se de eorum numero esse. Alteram, qua aliquis moraliter certus atque persuasus sese esse Dei filium per gratiam ejus adoptatum, promissionibus divinis confidit, & eorum erga se complementum expectat. Priorem illam applicationem damnant & rejiciunt, posteriorem probant & amplectuntur.

LXVIII. Itaque quæstio non est, An fidelis possit & debeat gratiæ promissiones sibi applicare, sed an applicatio ista sit fidei actus? quod tenent Reformati: An verò non fidei, sed fiduciæ tantum actus censeri debeat? quæ est sententia Doctorum Ecclesiæ Romanæ. Et tamen inter ipsos Ecclesiæ Romanæ Doctores non desunt qui istam persuasionem, quam fidelis aliquis concipit de gratia Dei, sive jam obtemta, sive in posterum obtinenda, fidei nomine donent, quo de numero esse Gabrielem Vasquez Jesuitam manifestum faciunt quæ supra ex ipso allata fuerunt.

LXIX. Vicissim verò Reformati plerique applicationem istam ad fiduciam pertinere non negant, sed ideo contendunt illam esse fidei actum, quod fiduciam cum fide confundant, & fidei partem facere exilliment. Nam sunt quidem inter Reformatos qui fiduciam à fide distinguunt, & fiduciam non fidei partem, sed effectum esse sentiunt; ut Reformatorum plurimi fiduciam inter actus & partes fidei numerant, & per fiduciam fidem definiunt, tanquam per id quod est in ea præcipuum. Doctores autem Ecclesiæ Romanæ communi consensu pertendunt fiduciam esse à fide distinguendam, nec illam fidei partem, aut actum constitueres. Verùm dum sic docent, fidem considerant simpliciter & absolute, & prout à fide tam viva quam mortua præcindit: sed si quis speciatim fidem ut vivam consideret, hoc respectu non negant, imò expressè docent, fiduciam fide includi, ut liquet ex iis quæ supra citavimus.

LXX. Similiter quoque res se habet de Dilectione. Nam vidimus quosdam inter Reformatos negare dilectionem esse fidei actum, alios verò istud docere atque affirmare. Omnes verò Doctores Ecclesiæ Romanæ in ea esse sententia, quod dilectio non sit fidei actus, sed ad aliam virtutem pertineat, nempe ut jam dictum, si fidei natura absolute consideretur. Alioquin ultro fatentur fidem vivam & formatam dilectionem includere, & credere in deum, qui est illius actus, esse Deum amare, & in Deum tendere.

LXXI. Unde patet hic quoque multum esse logomachiz & verbalis contentionis. Nam dum Reformati plerique Theologi fiduciam & amorem ad fidem pertinere dicunt, & inter ejus actus numerari debere affirmant, fidem ut vivam considerant; & prout à fide mortua seu histogica distinguitur: & asserunt fiduciam & dilectionem esse fidei actus, quoniam amor atque fiducia, quæ à fide viva separari non possunt, fidem vivam à mortua discriminant. Cæteroqui non negant, si quis in communi fidem definiat, & per illa tantum quæ fidei tam mortuæ, quam vivæ competunt, hoc respectu nec amorem, nec fiduciam esse fidei partem, nec ejus ingredi definitionem. Et vice versa, dum Doctores Ecclesiæ Romanæ negant amorem atque fiduciam esse fidei actus, & fidem per amorem aut fiduciam esse definiendam, fidem ut sæpius dictum est, considerant secundum id quod commune habet fidei tam mortuæ, quam vivæ. Si quis verò fidem vivam ut talem consideret, minime dissidentur fiduciam & dilectionem ea includi, & tanquam actus ejus considerari posse.

THESES THEOLOGICÆ:
DE
SUBJECTO FIDEI,
SIVE

De Facultate cui Fides inhæret : & de connexione
Fidei cum Charitate & Bonis Operibus.

In quibus Protestantium Doctrina exponitur, & cum
Scholæ Romanæ Doctrina comparatur.

THESIS I.

DE facultate cui fides inhæret, & quæ pro fidei subjecto habenda est, non idem sentiunt Doctores Reformati. Non desunt inter eos viri celeberrimi qui putant proprium fidei subjectum esse intellectum, non verò voluntatem. Nec enim ullum actum fidei tribuendum esse, qui non ab intellectu & mente eliciatur. Hæc est sententia Petri Molinæ, ut manifestè colligitur ex Theſibus illius de Fide justificante, parte secunda, Theſi 18, & 19. Hanc quoque sententiam tenet Robertus Baronius in Philosophia Theologiæ Ancillante: *Fides, inquit, est in solo intellectu, propriè, subjectivè, & respectu suæ essentie.* Exercit. 3. artic. 21. num. 5.

II. Præsertim verò illud, tanquam rem certam atque exploratam, affirmat Moses Amyraldus, Theſibus de Fide, parte 1. Theſi 15, & seqq. *Subjectum, inquit, cui habitus fidei innascitur, atque inheret facultatem eam esse quæ in homine intellectus appellatur, debet esse extra controversiam apud omnes, qui saltem rem istam considerant non omnino oscitanter. Nempe, cum habere fidem nihil aliud sit quam credere, credere autem sit esse persuasum de veritate alicujus rei, fieri nequit quin fides pertineat ad intellectum. Nam & veritas est objectum intellectus; & persuasio non sit aliter, quam admittendo, aut introducendo in intellectum eas rationes, eaque argumenta, quibus unaquæque res sese veram esse demonstrat.*

III. Illi ergo Theologi censent propriam fidei sedem esse solum hominis intellectum, & fidem, secundum totam formam & essentiam in solo intellectu esse & residere. Quippe integram fidei naturam constituunt in apprehensione veritatis cœlestis à Deo revelatæ, & in judicio atque assensu quodam qui circa eandem veritatem versatur. Nec alium proprium fidei actum agnoscunt, quam Verbum Dei nosse, eique, ut par est, credere atque assentiri, quæ duo ad intellectum, non ad ullam aliam facultatem, pertinent.

IV. Verùm hic per intellectum, non mentem theoreticam sed practicam intelligunt: quandoquidem fidei proprium actum esse docent, non assensum quemvis, sed assensum practicum, qui voluntatem movet atque afficit. Ac proinde quamvis existiment fidem subjective esse in solo intellectu, illam tamen volunt esse in voluntate effective, id est, per suos effectus. Nempe, quia licet proprius ejus actus in mente recipiatur, multos tamen illa motus & operationes in voluntate excitat, quæ necessariò illam comitantur, & sine quibus vera & salvifica fides nec esse, nec dici meretur.

V. Sic rem istam explicat Tilenus, disputatione de Fide justificante: *Fides, inquit, est in intellectu primo, per se, & propriè; in voluntate secundariò, nempe dysponens, quatenus eam movet & afficit. Sicut scientia, quæ bonum à malo internoscimus, subjective inest menti, voluntariè effective, quam elicit, aut imperat actiones quas ratio dicit.*

Kk 2

VI. Similia

VI. Similia docet Rob. Baronius Articulo supra citato. Quamvis enim numero quinto asserat fidem esse in solo intellectu propriè subjective, & respectu suæ essentia; idque quoniam omnes fidei partes, notitia, scilicet, assensus, & etiam, ipso iudice fiducia in intellectu existunt; numero tamen septimo affirmat fidem ad voluntatem pertinere multis modis. Et primo quidem ratione originis: secundo, ratione actus annexi: tertio, ratione fructuum, qui ex fide in voluntate nascuntur. Quod postea explicans, Pertinet, inquit, ad eam ratione originis, quia intellectus noster pia voluntatis inclinatione, & imperio ad assentiendum movetur, & in caperitatem redigitur. Unde assensus fidei appellari solet actus imperatus à voluntate; item denominari solet voluntarius & liber actus, videlicet quia dependet à principio liberè agente, hoc est, à voluntate; atque hinc est quod dixit Augustinus, Nemo enim credere nisi volentem. Pertinet etiam fides ad voluntatem ratione Actus annexi & concomitantis; nam in eo ipso instanti, quo fides in intellectu assentitur Evangelicis promissionibus, easque certo & stabili iudicio sibi applicat, voluntas ardenti amore gratiam & favorem Dei amplectitur. Denique pertinet ad eam, ratione fructuum & operationum, quia illuminationem fidei in mente sequitur sanctificatio & emollitio voluntatis.

VII. Ceterum fidem salvificam ad voluntatem pertinere ratione multorum actuum & fructuum fidei annexorum, & eam concomitantium, nemo est inter Doctores Reformatos qui dubitet. An autem assensus ille quem Verbo Dei præbemus, ratione originis ad voluntatem pertineat, & censei debeat à voluntate imperatus, inter eos omnes non habetur pro corrupto. Salmè Moses Amyraldus istud non videtur fuisse concessurus. Nam Theobaldus de *Causa Fidei* docet fidem necessariam oriri & produci ex appellu objecti, id est, doctrinæ Evangelicæ, ad intellectum rite affectum atque dispositum per immediatam Spiritus Sancti operationem: quemadmodum sensatio necessario sequitur ad præsentiam objecti sensibilis, si sensus organum naturæ convenienter se habeat. Unde sequitur ad fidei actum à mente eliciendum nullum voluntatis imperium requiri.

• VIII. Contra tamen sentiunt præstantes alii Scholæ Reformatæ Doctores, & cum Rob. Baronio docent ad fidei assensum prærequiri motum & affectum aliquem voluntatis, quo mens ad assentiendum veritatibus fidei impellatur. Id manifestè colligitur ex Amelii Doctrina. Nam inter ea quæ præcedunt assensum, quem veritati divinæ præbemus, unum est, juxta ipsum, *Affectio pia erga Deum, quæ facit ut maxime valeat apud nos ipsum testimonium*. In *Medulla Theol.* lib. 2. cap. 5.

IX. Sed præsertim multus est super ea re Daniel Chamierus, *Panstratiæ* Tom. 3. lib. 12. cap. 4. de Fide, paragr. 9. & sequentibus. Ubi multis argumentis probat fidem esse voluntariam, id est, à voluntate ortum suum habere, & esse actum intellectus à voluntate imperatum; alios enim actus intellectus à voluntate pendere, alios vero non pendere, fidem vero esse de priorum numero; adeoque quemadmodum omnia bona opera sunt à voluntate nostra, tanquam à causa, ita etiam fidem ab eadem nostra voluntate ut à causa secunda esse. Itaque tanquam suum adoptat illud Thomæ, *Credere ad intellectum pertinet, prout est à voluntate motus ad assentiendum*. Cujus rei hanc rationem affert par. 13. Nempe quod motus quo fertur intellectus ad verum, & qui dicitur assensus, fit dupliciter. Alias, per rationem, id est, evidentiam rei; quomodo in scientiis plerisque conclusiones persuadentur ex vi principiorum. Et hic assensus necessarius est, nempe quia quodammodo cogitur animus vi rationum. Alias, is motus fit à voluntate, nimirum, quum res est obscura, id est, remotior à captu mentis humanæ, quæ tum cogitur quasi palpare in tenebris, luce illa rationum destituta. Itaque, quomodo in tenebris non potest oculus objectum apprehendere, propter subtractionem lucis intermedie, ita intellectus obscuras res non potest percipere, deficiente rationum lumine. Proinde tum voluntatis partes esse necesse est, hæc enim intellectum movet ad assensum rei aliquoquin incognitæ. Jam in Theologia quis nescit non esse rationum evidentiam. Oportet ergo in Theologia, vel assensum nullum esse, vel esse à voluntate movente intellectum. Hactenus Chamierus.

X. Sed hoc misso, quod spectat facultatem cui fides inhaeret, reperiuntur inter Theologos Reformatos nonnulli qui putant illam non esse mentem, sive intellectum, sed voluntatem solam. Omnes enim illos actus quibus propriè constat fides voluit esse actus mentis, sed voluntatis. Hæc est sententia Guil. Amelii in *Medulla Theologiae*, lib. 2. cap. 5. num. 12. & seqq. Postquam enim dixit quinque ad fidem concurrere, quorum primum est, Notitia rei testatæ: 2. Affectio pia erga Deum, quæ facit ut maxime valeat apud nos ipsius testimonium: 3. Assensus qui præbetur veritati testatæ: 4. Ac-

quiescentia

quiescentia in Deo ad illud quod proponitur consequendum: & 5. Electio vel apprehensio rei ipsius quæ in testimonio nobis exhibetur subjungit, *Primum hoc est in intellectu, sed non constituit fidem. Secundum, quartum, & quintum sunt in voluntate, & constitunt fidem. Tertium est in intellectu, sed prout movetur à voluntate, neque est propriè fidei virtus, sed effectum.* Unde patet illum ita fidem in voluntate collocare, secundum propriam formam & essentiam, ut tamen aliquos actus in intellectu prærequiratur, & quidam etiam illius effectus ad intellectum pertineant; at quali è diametralis sententia ejus primæ supra relatæ opponatur.

XI. In Bellarmino verò Enervato eadem de re sic Philosophatur, *Observandum est nos ita in voluntate fidem quæ justificat collocare, ut antecedentem intellectus assensum ad fidem requiri doceamus, & vim ac virtutem fidei in intellectu consequentem agnoscamus, quæ utraque ratione fidem populariter ita describere solemus. quasi partim esset in intellectu, & partim in voluntate.* Tom. 4. lib. 4. cap. 1. Ubi obiter notandum in priori loco, quem modo citavimus, Amelium ponere assensum, tanquam effectum fidei, in hoc verò posteriori, illum antecedentem intellectus assensum ad fidem, requirere; inter quæ videtur esse manifestæ contradictio. Nam si assensus est effectum fidei, quomodo fidem antecedit? Nisi quis ita sic conciliare velit, ut dicat, juxta Amelium, assensum esse fidei affectum, quia sequitur unum ex illis quæ fidem constituunt, ex Amelii mente, nempe piam illam erga Deum affectionem, quæ facit, ut maximè valeat apud nos ipsius testimonium: Eundem tamen assensum, secundum Amelium, fidem antecedere, respectu aliorum actuum, quibus etiam constat fides; qui sunt illa, quam vocat, Acquiescentia in Deo ad illud quod proponitur consequendum, & electio vel apprehensio rei ipsius, quæ in testimonio nobis exhibetur.

XII. Porro inter duas istas sententias, quæ in hoc negotio videri possunt extremæ, & quasi è regione oppositæ, est tertia quædam media, quæ in Schola Reformata longe communior est. Illa est quæ statuit fidem justificantem, nec in solo intellectu; nec in sola voluntate esse, sed utrique facultati propriè, formaliter, & subjectivè inesse. Et hoc quia constet pluribus actibus partim ab intellectu, partim à voluntate ortis & elicitis. Nec enim fides justificans ipsis est unus simplex habitus, vel actus, sed aggregatum plurium actuum, vel habituum.

XIII. Hanc sententiam tenet Daniel Chamierus, qui probat primo fidem esse in intellectu, deinde etiam illam esse in voluntate. Et inter alia hoc argumento utitur, Omnis amor est actus voluntatis: At fides est amor: Ergo est actus voluntatis. Fidem autem esse amorem, inde probat quod vera fides est ea quæ credimus in Deum. Credere autem in Deum, teste Augustino, est credendo amare. *Panfr. tom. 3. lib. 12. cap. 3. & 4.*

XIV. Eodem quoque argumento utitur Wendelinus, ut probet, fidem non in solo habere intellectu, sed ad voluntatem quoque pertinere. *Theol. Christi. lib. 1. cap. 24.* in explicatione Theos octavæ. Ubi etiam observat fidem non esse virtutem simplicem; sed diversis consistere partibus, noticia, assensu & fiducia, quæ ad eandem potentiam non pertinent.

XV. Bucanus verò ad quæstionem illam, *Quod est subjectum fidei in quo?* Respondet sequentibus verbis: *Anima hominis, & in mente quidem tam noticia seu intelligentia, tam judicium & consensus acquiescens in verbo & promissione divina; in voluntate verò & corde, apprehensio, seu amplexus.* Loc. 29. quæst. 18.

XVI. Rursum similiter proprium & speciale fidei justificantis subjectum in homine, est non solum intellectus, sed etiam voluntas. *Notitia enim, inquit, & assensus ad intellectum pertinent, fiducia autem ad voluntatem. Nec ad justificationem sufficit, ut intellectus comprehendat quæ Dei sunt, nisi voluntas eadem apprehendat & amplectatur, non solum in thesi, sed etiam in hypotesi.* Et postea monet fidem, quatenus est justificans, Non esse habitum unum numero simplicem absolutè, sed esse unum habitum aggregatione, & quodammodo compositum ex duobus, qui coordinatione tantum unum sunt, nempe quatenus fides simul involvit habitum existentem in voluntate, quo voluntas prompta fit ad credendum & confidendum Deo, quomodo duo habitus possunt esse una virtus, & due res unus actus; & multa scientiæ dicunt habitum, tantum coordinatione unum, &c. In Synopsi purioris Theologiæ. Disput 31. Theol. 14. & 16.

XVII. Denique Altingius docet proprium fidei subjectum esse partim intellectum hominis, partim voluntatem; quia promissio gratiæ offertur in verbo, non in actu, & agnoscenda & approbanda ut vera, sed etiam amplectenda ut bona; adeoque inestimabilis & voluntati offertur, & tam hac accipi, quam illa approbari certum est. *Locor. comus.*

parte 1.

part. 1. loco 13. De vocatione interna, & Fide justificante. Quibus consentanea tradunt Antonius Valerus, Trencatius, Paræus, & complures alii, quorum testimonia sigillatim citare prolixum nimis & superfluum foret.

XVIII. Ut autem aperiam quid mihi quoque hac de re videatur, illud primo ut certum habeo, fidem veram & salvificam, ratione originis suæ, à voluntate quodammodo pendere. Nec enim à quoquam in dubium vocari potest quin ejusmodi fides sit opus bonum, ac laude & præmio dignum, cui Deus salutem animæ, tanquam mercedem ejus gratuitam promittit, ut docet Petrus Apostolus capite primo prioris Epistolæ. Omne autem opus bonum & laudabile liberum, & voluntarium est, & à voluntate libera ortum habet.

XIX. Illud tamen non minus certum est, veram & legitimam fidem non esse assensum præ arbitrarium, & qui certa & solida ratione delituitur. Res enim quæ in Verbo Dei credendæ proponuntur, in se quidem sunt obscuræ atque inevidentes, sed tamen qui illis eam, quam oportet, fidem adhibent, & convicti sunt Deum esse veracem, & rationibus certis & idoneis moventur, ut credant rebus illis testimonium à Deo perhiberi.

XX. Verum ut rationum istarum vim percipiamus, & ad illas mentem, ut docet, advertamus, quodammodo pendet à nostra voluntate. Etenim ut quisque est affectus, ita judicat. Ac cupiditates terrenæ quæ voluntatem nostram à cœlestibus avertunt, mentem etiam obscurant, & distinent, ne se applicet iis quæ cupiditatibus ejusmodi repugnant, aut vim penetret rationum quæ nos ab iis abducere debent, quales sunt illæ quibus veritates fidel comprobantur. Ac proinde ut fidem concipiamus, necesse est per Dei gratiam voluntatem nostram immutari, & novos affectus in ea excitari, ne quicquam impediat quominus animum, sicut convenit, applicemus ad ea quæ fidem luadent meditanda & consideranda, & vim eorum ita percipiamus, ut eorum ponderi credamus, & fides animis nostris ingeneretur, non ex mero aliquo voluntatis imperio, sed quia omnibus expensis vera esse fidei mysteria judicamus, eo certissimis argumentis adducti, & motivis maxime momentosis impulsii. Quod tamen ut fiat requiritur bonus aliquis voluntatis motus, & pia quidem ejus affectio, quæ quodammodo veritati aditum in mentem aperiat; ut ex dictis manifestum est.

XXI. Nec tamen hoc sufficit, ut dicamus fidei subjectum non esse solum intellectum, sed etiam voluntatem, ut nonnullis Doctoribus Reformatis videtur. Nam inde sequitur quidem fidem esse à voluntate, non tamen in voluntate, sicut in subjecto recipi. Sicut libera quævis contemplatio à voluntate quidem imperata est, sed à sola mente elicitur, & in sola mente, tanquam in subjecto proprio, recipitur.

XXII. Ut autem rectè fidei subjectum assignetur, notandum est fidem posse duplici modo sumi. Primo quidem præcise, prout spei & charitati, ac cæteris omnibus virtutibus opponitur. Et tum fides est unus simplex habitus, neque aliud quam firmus ac serius, & animum altè penetrans assensus, quem adhibemus Dei verbo, & omnibus quæ sunt in eo revelata. Fides hoc modo sumpta est in solo intellectu, nec ulla sui parte voluntati inhæret. Nam veritati assensum præbere, intellectus est, non verò voluntatis. Et hæc tamen verum objectum intellectus, ut bonum voluntatis objectum habitum est.

XXIII. Sed ut plurimum fidei nomine, tum in scriptura, tum apud scriptores Ecclesiasticos, designatur aggregatum quoddam pluribus actibus vel habitibus constans, & quod præter jam dictum assensum, includit sinceram Dei dilectionem, & ardens gratiæ ejus desiderium, ac fiduciam qua ad Deum confugimus, & in favore ejus acquiescimus. Et hæc est quam fidem vivam, salvificam & justificantem solemus appellare, & quæ à Paulo dicitur fides per dilectionem operans, quamq; Schola Romana fidem formatam vocat. Fidei autem sic acceptæ subjectum non est sola mens, sed etiam voluntas, cujus actus est Dei amor, & desiderium gratiæ divinæ, ac fiducia qua Deo iungimur & illi adheremus.

XXIV. Et ita quidem conciliari possunt sententiæ eorum qui dicunt fidem esse in solo intellectu, & eorum qui contra pertendunt fidem intellectum & voluntatem occupare, & utrique facultati, tanquam subjecto inesse. Sed omnino improbabilis est sententia Amelii & eorum qui cum illo censent fidem esse in sola voluntate, cum alienum sit à recta ratione statuere fidem in assensu, saltem ex parte, non consistere, & assensum non esse fidei actum. Neque hoc statui potest, quin immutetur communis & usitata ratio vocabuli fidei, quod à viro sapiente & cordato fieri non debet.

XXV. Quod spectat ad Doctores Ecclesiæ Romanæ, communis Scholæ Romanæ doctrina

doctrina est, fidem esse subjectivè in intellectu solo, non autem in voluntate. Nec tamen negant fidem ad voluntatem aliquo modo pertinere, & non intellectum solum, sed etiam voluntatem concurrere ad fidei actum. Quam rem explicat Guil. Ellius in tertium Sententiarum, Distinctione 23. ubi dicit fidem partim intellectus esse, partim voluntatis; intellectus quidem tanquam subjecti, & propriae potentiae, quoniam ipsum credere, sive assentiri, qui est fidei actus, est cognitivæ partis; voluntatis verò quia fides ab ea dependet, tanquam ab imperante & consentiente principio. Cum enim, inquit, *humana menti proprium sit ratione discutere & examinare, sine rebus propositis assentiendum, annon? Ea verò quæ ad religionem pertinent talia ferè sint quæ rationis examen non admittant, utpote iudicio humane sapientiæ ut plurimum improbabilia, ut docet Apostolus. 1 Cor. 1. 18. professio vel nunquam, vel rarè intellectus noster rebus huiusmodi acquiesceret, nisi voluntatis imperio & inclinatione in assensum duceretur, & ut loquitur Apostolus, 2 Cor. 10. in captivitatem redigeretur in obsequium seu obedientiam Christi. Necessaria est igitur intellectui in credendo hæc benigna voluntatis inclinatio, tum ut ad eas rationes se convertat quæ fidem gignant nutritique, vel saltem ostendans id quod creditur non esse absurdum; tum ut eas rejiciat quæ assensum impedire aut remorari possint.* Unde de Abrahamo dicitur Rom. 4. quod non consideravit corpus suum emortuum, &c. Est igitur assensus fidei ex consequenti etiam voluntatis actus, nimirum à voluntate imperatus, tum quoad ejus initium, tum quoad ejus continuationem.

XXVI. Quibus conformia sunt quæ scribit Thomas Aquinas in illa verba Pauli, Corde enim creditur ad justitiam. Corde creditur, inquit, id est, voluntate. Nam cetera quæ ad exteriorem Dei cultum pertinent, potest homo nolens; sed credere non potest, nisi volens. Intellectus enim credentis non determinatur ad essentialem veritatem, ex necessitate rationis, sicut intellectus scientis, sed ex voluntate. Et in eadem verba Salmeron: Aut corde credere, ad excludendam fitionem, cum qua multi accedunt ad Baptismum; & ad indicandum quod fides conferens justitiam à voluntate imperatur, ad differentiam fidei coactæ, qualis est in demonibus, & erat in illis qui crederent in eum à signis coacti, ipse autem Christus non crederet semetipsum iis. Nam hæc fides justitiam non offert: nam ut scientia virtute rationis demonstrantis gignitur, ita fides non demonstratur, sed virtute suscipitur voluntatis captivantis intellectum in obsequium Christi, qui illam infundit.

XXVII. Porro quum dicunt Doctores Ecclesiæ Romanæ subjectum fidei non esse voluntatem, sed intellectum solum, & præcudubio intelligendum est de fide absolute & in se considerata. Nam si sermo sit de fide viva, & per dilectionem operante, quam formatam appellant, dubitari non potest, quin illa, etiam ex eorum mente, non intellectum tantum, sed voluntatem etiam occupet, & in ea sedem habeat; quandoquidem includit, ipsis agnoscantibus, fiduciam & dilectionem, qui actus à voluntate non imperantur tantum, sed eliciuntur quoque: ac proinde in ista facultate, tanquam in subjecto proprio recipiuntur.

XXVIII. Huc spectant verba illa Cardinalis Contareni, in tractatu de Justificatione: *Fides incipit à voluntate, quæ obediens Deo & fidei, efficit ut intellectus assentiatur, absque hesitatione, traditis à Deo, & ideo promissionibus divinis confidat, & concepiat ex illis firmam fiduciam, quæ pertinet ad voluntatem; ut quasi circulo quodam incipiat à voluntate hæc fides, & desinat in voluntatem.* Quibus consonat illud Cardinalis Cajetani, *Credere in Deum est credendo confidere, & tendere in Deum, quod continet in se actum intellectus & voluntatis:* in Joh. 6. Et eadem fuit sententia veterum Scholasticorum, qui teste Bonaventura in 3. Sent. dist. 23. docuerunt, *Fidem quodammodo esse in potentia cognitiva, & quodammodo in potentia affectiva; & ipse docet fidem, ut est virtus, & principium meriti, respicere liberum arbitrium, ut subjectum.*

XXIX. Porro, ut liquet ex dictis, nonnulli Scholæ Reformatæ Doctores Theologis Scholæ Romanæ concedunt, fidem in solo intellectu esse, tanquam in proprio subjecto; licet voluntatem quoque moveat & afficiat: sed Reformati plerique utramque facultatem tantum voluntatem, quam mentem subjectum esse fidei perpendunt: quod communiter negant Doctores Scholæ Romanæ. Verum ex iis quoque quæ supra fuerunt exposita, patet hic etiam esse contentiorem de verbis. Nam quum negant Doctores Ecclesiæ Romanæ fidem esse in voluntate, tanquam in proprio subjecto, fidem, ut jam dictum est, absolute considerant, & secundum illa quæ ipsi conveniunt, sive viva, sive mortua sit; quo respectu nullus inter Reformatos affirmabit voluntatem esse fidei subjectum. Quum vero dicunt Doctores Reformati fidem non esse in solo intellectu; sed etiam in voluntate,

voluntate, loquuntur de fide viva & per charitatem operante, prout fidei mortuæ & historicæ opponitur: Quo respectu Doctores Ecclesiæ Romanæ non inviri fatentur, non solum intellectum, sed voluntatem etiam esse fidei subjectum, quandoquidem ipsis ultro concedentibus, fides sic considerata includit fiduciam & dilectionem ipsam, quæ sunt voluntatis actus.

XXX. Cæterum hic observandum est totam hanc Disputationem de Fidei Subjecto, uti plures alias, esse Philosophicam, & nihil ad pietatem & Religionem attinere. Nam ad hanc quidem maxime pertinet, ut sciamus quid nobis agendum & faciendum sit, ut Christi Domini nostri mandata obsequamur de Evangelio vera vivaque fide amplectendo: An autem actus illi quibus constat vera fides sint mentis vel voluntatis, ad pietatem nihil omnino facit, non magis quam illa quæstio, *An mens & voluntas sint due facultates realiter distinctæ; an vero una eademque diversimode solum considerata?* Item, quod hodie quoque vocatur in controversiam, *An judicium sit actus mentis, aut voluntatis?* Quæ Philosophis possunt per totum discutienda & examinanda relinquì.

XXXI. Atque hæcenus de fidei subjecto. Superest paucis exponendum, quid Scholæ, tum Reformatæ, tum Romanæ Doctores sentiant circa connexionem fidei cum dilectione & bonis operibus. Et quidem Reformatorum concors sententia est veram & salvificam fidem esse à charitate penitus inseparabilem: ita ut vera fides in eo esse non possit qui charitatem non habet, & in quo Dei & proximi dilectio non reperitur. Quia scilicet, ea est veræ fidei indoles, ut charitatem & virtutes cæteras in anima fidelis necessario gignat, quemadmodum lux solis sine calore non est, sed perpetuo illum comitem habet.

XXXII. Agnoscunt tamen non solum humanam quandam fidem & persuasionem Dei Verbo & Doctrinæ Christianæ adhiberi posse, ab iis qui perditæ & flagitiosæ vivunt, & dilectione Dei destituuntur; sed etiam multos esse quorum Spiritus Sanctus mentes illuminavit, ut verbi divini veritatem agnoscant, & theoreticè illi assentiantur, qui nihilominus vitis indulgent, nec Deum sincere diligunt. Sed quamquam tales in Scriptura sæpius credere dicantur, & Dei Verbum quandam illis fidei speciem tribuat, illam tamen fidem veram & salvificam dici nolunt; quoniam, juxta ipsos, illa sola fides veræ & salvificæ titulum meretur, quæ iustitiam & salutem homini actu confert, quod præstare non potest modo descripta fides. Nam ad salutem homini, teste Jacobo, nihil prodest. Et propterea quamquam à Spiritu Sancto procedat, & assensum non omnino fictum veritati divinæ præbeat, illam tamen simpliciter & absolute veram dici nolunt: sed historicæ nomine eam, distinguere solent à fide viva atque salvifica, cui nomen veræ fidei appropriant. Ac proinde quod dicunt veram fidem esse penitus à charitate inseparabilem, ex eorum mente intelligendum est, de fide viva atque efficaci, quæ sola ad salutem prodest, & hominem actu iustificare valet.

XXXIII. Contra verò Doctores Ecclesiæ Romanæ unanimi consensu statuunt, veram & salvificam fidem à charitate & bonis operibus esse separabilem: ac fieri posse ut aliquis Evangelio vere credat, & veram fidem concipiat, Spiritu Sancto inspirante, nec tamen bonis operibus studeat, & Deum sincere diligat: & rursus ut aliquis charitatem abiciat, & veram fidem retineat, quod in multis reapse contingere existimant. Nimirum, juxta illos, quicumque Spiritu Sancto movente & illuminante, Verbo Dei & iis quæ sunt in eo revelata reapse assentitur, vere credere censendus est, & fides talis quantumlibet mortua & informis vera fides dici meretur.

XXXIV. Imò quamvis fidem mortuam ad salutem nihil prodesse, & ad iustitiam esse inutilem fateantur, quia neminem actu salvat & iustificat, nihilominus illam ornant sæpe titulo salvificæ & iustificantis, quoniam remote saltem, hominem ad salutem & iustitiam disponit. Et sic, secundum ipsos, fides salvifica atque iustificans à charitate & bonis operibus separata existere potest.

XXXV. Si quis autem in specie querat, An fides viva, quam solam ad salutem & iustitiam prodesse concedunt, à charitate separari possit? secundum ipsorum doctrinam per distinctionem quandam respondendum est. Nam in sensu quidem diviso à charitate separari potest, id est, fieri potest, ut fides quæ viva est à charitate separatur, & sic non amplius viva, sed mortua sit. Sed in sensu composito fides viva, quæ sola actu salvat & iustificat, à charitate non potest separari; quia fides sine charitate viva esse non potest, & ad salutem utilis. Nec ista sunt compatibilia, ut fides viva maneat, & tamen sine charitate existat.

XXXVI. Porro, ut clarum est ex iis quæ dicta sunt, Theologi Scholæ Reformatæ Ecclesiæ Romanæ Doctoribus concedunt, esse quandam fidem, quæ si Spiritus sancti donum,

num & per quam aliquis reipsa Dei Verbo assentitur, quæ tamen juncta non est cum charitate & bonis operibus; & in multis improbis hominibus reperitur. Consentient etiam utriusque Scholæ Doctores, ejusmodi fidem actu neminem servare & justificare; neque negabunt Reformati illam esse quædam remota ad salutem præparationem. Quæstio solummodo est, an propterea quod remotè ad justitiam & salutem disponat, illi tribui debeat nomen salvificæ & justificantis, & nomen veræ fidei; quia verò objecto, Spiritui Sancto movente, revera assentitur, quamvis de cætero credenti maneat inutilis. Quæ quæstio, ut apparet, de nomine tantum est, cum de re ipsa consistit? Quamquam rationi, & Scripturæ stylo congruentius sit, eam solum fidem justificantem & salvificam vocare, quæ actu servat atque salvificat, non verò eam quæ actu & re ipsa ad justitiam & salutem habentis nihil prodest. Ut & veræ fidei nomen merito appropriari potest, illi quæ finem suum assequitur, & per quam aliquis credit benè & sicut oportet. Præsertim cum sæpe Scriptura fidem simpliciter nominans, ejusmodi fidem, & non aliam intelligat.

XXXVII. Vicissim Scholæ Romanæ Doctores Reformatis concedunt, fidem vivam à charitate & bonis operibus separatam nunquam existeri; nec ullam fidem actu servare & justificare, quæ cum charitate & bonis operibus juncta non sit. Quod verò dicunt fidem quæ jam per dilectionem operatur, & hominem in statu gratiæ & salutis constituit, à dilectione separari posse, & in eo remanere in quo non amplius est ea charitas, & illud studium bonorum operum quæ ad salutem necessaria sunt: quo casu fides ab actu justificandi cessat, nec pro illo tempore hominem Deo gratum reddit, & acceptum ad vitam æternam, à Reformatis non negatur.

XXXVIII. Certè istud planè congruit cum doctrina Reformatorum in Regno Poloniae, ut manifestum facit eorum Confessio in Colloquio Thoruniensi exhibita. *Falso, inquit, accusamur quasi statuamus semel justificados, Dei gratiam, ejusque certitudinem, & ipsum Spiritum Sanctum non posse amittere, quamvis in peccatis pro lubitu volutemur, cum contra potius doceamus ipsos etiam renatos, quoties in peccata contra conscientiam recidunt, in iisque aliquandiu perseverant, nec fidem veram, nec Dei gratiam justificantem, nedum ejus certitudinem, aut Spiritum Sanctum, pro illo tempore, retinere; sed novum ire ac mortis eternæ reatum incurrere, ac propterea, nisi speciali gratia Dei excitante (quod in electis fieri non dubitamus) ad respicientiam iterum renovemur, reipsa etiam damnandos esse.* Cap. 4. de Gratia. sect. 2. num. 11.

XXXIX. Nec enim possunt Renati, quum in peccatis conscientiam perseverant, amittere veram fidem, quin fides eorum separetur, à Dei & proximi dilectione, & sic delinit esse vera, id est, salvifica atque justificans, quia cessat ab actu salvandi & justificandi, neque talis est, ut Deo hominem gratum & acceptum reddat. Quod etiam conforme est sententiæ Davidis Paræi; *Fides, inquit, in lapsis habitualiter tantum manens, propriè justificans dici, aut eos justificare non potest.* In lib. 1. Bellarm. de Amfitione Gratia, cap. 7. sub finem. Quod probans Rob. Baronius, dicit *Fidem, quoad actum illum vivum, quo justificat, in renatis mortaliter peccantibus interrumpi, & delinquinæ pati, ita ut durante eo statu, eos justificare, aut fides justificans dici non possit.* Disput. de Peccato mortali & veniali. sect. 7. num. 5.

XL. Ac sanè remota se habere, & fidem quæ nunc viva est & efficax, & per quam aliquis jam justificatus & sanctificatus est, à charitatis aliisque bonis operibus, separari posse, & talem evadere, ut habentem non amplius justificet atque sanctificet, convincunt exempla virorum sanctorum, & viva ac salvifica fide proculdubio præditorum, qui tamen in atrocia scelera inciderunt, & charitati planè repugnantia, & ad tempus notabile in iis perseverarunt; neque tamen propterea simpliciter & absolute infideles facti sunt, & Verbo Dei assensum præbere desisterunt. Ut res clara est in Davide, qui per aliquot menses non solum adulterio se polluit cum uxore Uriæ, sed nefandum adulterium, proditione & cæde ipsius Uriæ viri optimi cumulavit: nec tamen interea fidem omnem Dei Verbo & Legi Moïsi denegavit. Quis enim dicere ausit & sustineat, Davidem quamdiu tam diris criminibus indulsit, nihilominus eo ipso tempore dilectionem Dei & proximi retinuisse, & habuisse eam fidem, cumque Dei amorem, quæ ipsam Deo placentem redderent, & ad vitam æternam acceptum, & quæ sunt illa conditio cui salus & gloria æterna promissa est: ac non potius illum, illo temporis intervallo, æternæ damnationis reatu confictum mansisse?

XLI. Profectò istud de Davide & aliis sanctis similiter lapsis expresse docent & affirmant Theologi Magni Britan. in suo judicio circa quintum Remonstrantium articulum, quod actis Dordracenæ Synodi insertum est. Ubi exemplis Petri & Davidis probant

regenos ac justificados quandoque suo viro in atrocita peccata incidere, & iis damna-
bilem reatum contrahere, & eorum merito, secundum Dei ordinationem, morti æter-
næ subiacere, & præsentem ad regnum cælorum ingrediendum aptitudinem amittere.
Et consequenter affirmant, quamquam certum fuerit electos Dei servos Davidem & Pe-
trum ad regnum cælorum perventuros, propter Dei electionem; tamen non minus
certum esse, quod si ille in adulterio & homicidio, hic in Christi abnegatione & per-
jurio impoenitentes fuissent à morte deprehensi, neuter eorum salvus esse potuisset.
Quibus subiungunt hanc Thesin, *In illo interstitio, quod est inter contractum, ab homine,*
scilicet, electo & justificato, ex gravi peccato reatum, & fidei ac penitentiae actum reno-
vatum, stat talis peccator suo merito damnandus, Christi merito & firmo proposito absolvend-
us: non prius autem, quam per excitatam fidem ac penitentiam veniam impetraverit, alius
absolutus. Ex quibus aperte sequitur, juxta Theologos illos, fidem quæ jam justificat,
& per charitatem operatur, posse à charitatis operibus, quæ sunt ad salutem necessaria
separari, & sic etiam ab actu justificandi cessare, & relinquere illum in quo inest dam-
nationi eternæ obnoxium, pro illo tempore.

THESES THEOLOGICÆ:

DE

USU & ACCEPTIONE

VOCIS

JUSTIFICANDI

IN SCRIPTURIS & SCHOLIS.

THESIS I.

Justificare, quod est Hebraicè *hisdik*, Græcè *δικαίνω*, in Scriptura Sacra sumi-
tur plerumque sensu forensi, id est, non significat ex injusto justum facere, sed
justum declarare, habere, agnoscere illum qui fuerat alicujus criminis, vel culpe
accusatus, aut vocatus in suspicionem.

II. Hæc est proculdubio hujus verbi significatio ubicunque Deus dicitur justificari
ab homine, sive inter homines, quod satis frequens est in Scriptura Veteris & Novi
Testamenti. Sic *Psal. 51. Tibi soli, inquit Propheta, peccavi & malum coram te*
feci, ut justificeris in sermonibus tuis, & vincas quum judicaris. Ubi justificari exponi-
tur per *in judicio vincere.* Deus autem in judicio vincit, quum apparet illum ita sese
erga homines gerere ut semper verax & justus maneat, sive puniat, sive misereatur,
frustra vero profani de providentia illius querantur. Sic quoque apud *Matthæum, cap.*
11. justificata dicitur sapientia à filiis suis, quia qui fuerant vera sapientia donati at-
que illuminati, agnoverunt & prædicaverunt summam Dei sapientiam in vita & do-
ctrina, tum Christi, tum Joannis, splendenter atque elucenter, contra varias calu-
mias Scribærum atque Phariseorum. Qua ratione etiam populus & Publicani, au-
dito Chilli de Joanne Baptista testimonio, *Justificaverunt Deum, baptizati baptismo*
Joannis: Pharisei autem & legisperiti consilium Dei spreverunt in semetipsos, non bap-
tizari ab eo. Ut legitur apud *Lucam, cap. 17. vers. 29.*

III. Eodem sensu sumitur verbum justificandi, ubi dicitur homo seipsum justificare,
quando vel suam innocentiam asserit, vel suam justitiam vendicat. Ut quum apud *Lu-*
cæm, c. 10. Legisperitus quidam volens justificare seipsum, dixit ad Jesum, Quis est proximus

meus

meus. Et quum in eodem libro, cap. 16. sic increpat Chritus Phariseos, *Vos estis qui justificatis vos coram hominibus, Deus autem novit corda vestra.*

IV. His adde loca ubi iustificare ponitur tanquam actio iudicis, veluti quum *Psal. 82.* jubenter iudices, quibus eo loco tribuitur Deorum, & filiorum Dei appellatio, *Iustificare humilem & orphanum;* apud *Esaiam* verò cap. 5. vix dicitur iudicibus qui *Improbum iustificant pro muneribus.*

V. Sed maxime manifesta est ista vocis huius acceptio in locis illis in quibus iustificatio opponitur condemnationi. Cujus rei exemplum habemus, *Prov. 17. Qui iustificat impium, & qui condemnat iustum, abominabilis est uterque apud Deum;* & *Matth. 12.* Per verba tua iustificaberis, & per verba tua condemnaberis. Quibus jungi potest illum *Jobi* cap. 9. *Si memet iustifico, meum ipsum os me condemnabit.*

VI. Porro hanc perpetuam esse vocis iustificandi in Scriptura sacra significationem, neque unquam illa designari realem immutationem, per quam aliquis ex impio iustus sanctusque efficitur, affirmant quidam inter Protestantes. Sed plerique aliter sentiunt, & meo quidem iudicio, magna cum ratione. Nam verbum istud in aliquot Scripturæ locis non, nisi durè & coactè admodum, potest admittere sensum illum forenssem, neque iustificari significat solum iustum declarari, vel pronuciari, sed revera pium iustumque fieri. Talis est omnium ferè iudicio locus qui habetur apud *Danielem*, cap. 12. *Qui docti fuerint fulgebunt quasi splendor firmamenti; & qui iustificant multos, quasi stelle in perpetuas æternitates.* Ubi per eos qui multos iustificant, non intelliguntur illi qui multos iustos habent, sive declarant, sed, ut habet versio Vulgata, *qui ad iustitiam erudiunt multos;* aut, ut vertit nostra vernacula, qui ad iustitiam multos introducunt: adeo ut iustificare idem ibi sit quod iustum reddere doctrina & exemplo vitæ.

VIII. Neque etiam quadrat sensus forensis loco qui habetur *Ecclesiastici*, cap. 18. vers. 22. *Ne expelles usque ad mortem iustificari.* Ubi scopus scriptoris est homines monere ut resipiscant, & probi sanctique fiant per verum ac sincera pietatis studium. Unde est quod verba illa vernacula nostra vertit, *N'atten point a estre homme de bien jusque à la mort.*

VIII. Imò in ipsis Paulinis Epistolis reperiuntur quædam loca ubi viri inter Protestantes doctissimi & celeberrimi, existimant iustificari non esse simpliciter in iudicio divino absolvi, & pronunciari iustum, sed sanctum & iustum effici per Spiritus Sancti innovationem: Ejusmodi est celebris ille locus qui legitur. *Rom. 8.* vers. 30. *Quos prædestinavit, hos & vocavit; & quos vocavit, hos & iustificavit; quos autem iustificavit, hos & glorificavit.* Cum enim ibi Paulus catenam quandam textat divinorum beneficiorum, quorum sumus per Christi gratiam participes; ab ipsa nostra prædestinatione, usque ad gloriam illam quam in cælis expectamus, nullo modo videtur omisurus fuisse illud singulare atque præcipuum, quo, scilicet liberamur à peccati servitute, & vera sanctitate & iustitia nobis inherente donamur; neque tamen illius distinctam & expressam mentionem facit. Unde sequitur illud comprehendi sub aliquo beneficiorum ab Apostolo enumeratorum. Ad nullum autem convenientius revocari potest quam ad iustificationem, quam plerique Theologi agnoscunt gratiam istam quandoque in Scriptura connotare atque includere. Quod enim dicunt quidam eo loci Paulum sanctificationem sub glorificatione complecti, durum est, atque alienum, nec congruit stylo & usui Scripturæ, ex qua nullus omnino potest proferri locus, in quo glorificare sit sanctitate & iustitia donare.

IX. Similiter putant viri illi Docti iustificationem non designare solum à peccati poenis absolutionem, sed realem in nobis abolitionem, veramque nostri immutationem & innovationem, 1 *Cor. 6.* *Ex hæc quidem fuistis, scil. avari, ebrioli, rapaces, maledici, fornicarii; sed abluti estis, sed sanctificati estis, sed iustificati estis, in nomine Domini Iesu, & in Spiritu Dei nostri.* Paulus enim ibi tribuit iustificationem nostram Spiritui Sancto, cuius proprium est nos interiori innovare. Deinde manifestum est per iustificationem Paulum significare mutationem aliquam, per quam Corinthii cessaverunt esse id quod antea erant, nempe fornicarii, ebrioli, &c. quales regnum Dei possideri non possunt. Per solum autem à peccati poenis absolutionem, non definit aliquis his vitiis infectus esse, sed per internam Spiritus Sancti renovationem. Adde quod, si iustificati non aliud ibi significat quam à peccati poenis absoluti, frigida & diluta erit oratio Pauli, qui postquam dixit quod magis est, quali tamen exaggerans subjungit id quod minus. Plus enim est abluti, quam simpliciter à poena absoluti: nam absolutio præter condonationem poenæ, includit veram à peccati sordibus purgationem.

X. Tertius locus istius generis reperitur in epist. ad *Timum.* cap. 3. ubi dicitur quod *Deus salvos nos facit per lavacrum regenerationis, & renovationis Spiritus Sancti, quem effudit*

in nos abunde per Iesum Christum servatorem nostrum, ut iustificati gratia ipsius, heredes simus secundum spem vite æternæ. Nam ut manifestum est, Apostolus ibi docet Deum nos regenerasse per Spiritum Sanctum, quem in nos abunde effudit; ut sic per gratiam ejus iustificati, hæreditatem vitæ æternæ legitimè sperare possimus; adeoque supponit necesse esse nos regenerari, & renovare per Spiritum, ut iustificemur, quo sensu sumit ibi vocem justificationis. Si autem nobis opus est regeneratione, s. interna per Spiritum Sanctum renovatione, ut pro iustificatis apud Deum habeamur, cerè iustificatio ex mente Apostoli eo loco complectitur nostram sanctificationem.

XI. Porro inter Doctores illos qui existimant in locis allegatis justificationem non includere solam peccati remissionem, sed etiam internæ cujusdam iustitiæ donationem, numerari possunt Beza, Zanchius, Bullingerus, & Professores Leydenenses, in sua purioris Theologiæ Synopsi. Sic enim loquitur Beza in notis suis majoribus ad locum ex Epistola ad Titum modo citatam. *Iustificationis nomen largè accipio, ita ut complectatur quicquid à Christo consequimur, tum per imputationem, tum per Spiritus in nobis sanctificandis efficaciam, ut sumus ægri, id est, perfecti & integri in eo.* Sic quoque accipitur *iustificandi verbum*, Rom. 8. 30.

XII. Zanchius verò in Epist. ad Ephes. cap. 2. vers. 4. loco de Justificatione, Thesi 13. postquam observavit verbum iustificandi duplicem habere significationem, ac primum verbo condemnandi opponi, & significare aliquem à criminibus de quibus accusatur absolvere, iustumque & innocentem in iudicio pronunciare, subiungit, *Alteri verbi significatio est hominem ex iniusto iustum fieri, sicut etiam sanctificari est ex profano sanctum fieri.* Quæ ratione dixit Apostolus, 1 Cor. 6. 11. Et hæc eratis quidam; sed abluti estis, sed sanctificati estis, sed iustificati estis, in nomine Domini Iesu & per Spiritum Dei nostri.

XIII. Anthonius Thyfius etiam in Synopsi purioris Theologiæ Professorum Leydenium, Disp. 33. Thesi 3. testatur in eadem se esse sententia: *Neque tamen diffiniamur, inquit, propter summam & arctissimam connexionem, justificationem quoque sanctificationem ipsam, ut consequens, videri nonnunquam completi.* Rom. 8. 30. Tit. 3. 7. &c.

XIV. Henricus autem Bullingerus in eundem locum, 1 Cor. 6. 11. sic scribit; *Diversis verbis eandem rem significat Apostolus, quum ait, Abluti, sanctificati & iustificati estis.* Abluti verò dixit propter sanctum Baptisma, sanctificati propter Spiritum Sanctum, iustificati autem propter fidem iustificantem, &c.

XV. Quin Calvinus ipsi probabile videtur locis istis ipsam regenerationem comprehendere sub justificatione, quanquam hoc non esse necesse existimet. Nam in suis in Epistolas Pauli Commentariis, exponens illud Apostoli Rom. 8. Quos vocavit, hos & sanctificavit; *Justificatio, inquit, non male ad continuum divina gratia tenorem possit extendi, à Vocatione ad mortem usque: sed quia hoc verbum in tota epistola pro gratuita iustitiæ imputatione usurpat Paulus, nulla necessitas cogit ab hoc sensu deflectere.* Et similiter ad Tit. 3. 7. hæc habet: *Si regenerationem accipimus proprio & usitato sensu, videri posset Apostolus iustificatos ponere pro regeneratis; atque hoc aliquando significat, sed rarius.* Nulla tamen necessitas cogit à propria & magis genuina significatione discedere, Et paulo post, *Hoc quidem constat, Paulum justificationem asserere gratuitum esse Dei donum; tantum queritur quid per nomen justificationis significet.* Contextus videtur postulare ut longius quam ad iustitiæ imputationem extendatur: in quo sensu raro, ut dixi, invenitur apud Paulum: Nihil tamen impedit quin ad remissionem peccatorum possit restringi.

XVI. Inter Protestantes autem pauci reperiuntur qui non agnoscant verbum iustificandi sensum forensè non habere Apoc. 22. vers. 11. *Qui iustus est, iustificetur adhuc; & qui sanctus est, sanctificetur adhuc.* Ubi satis apparet, ex mente Spiritus Sancti, iustificari illic non esse iustum declarari; imò nec simpliciter ex iniusto iustum fieri, sed ex jam pio iustoque magis iustum ac piùm: adeoque iustificari, eo loco significat in pietate & iustitia pergere, progredi, atque auferere.

XVII. Porro Doctores Ecclesiæ Romanæ communi consensu fatentur justificationem omnibus istis modis in Scriptura Sacra sumi: neque iustificari significare solum, vel iustitiam acquirere, vel in iustitia crescere: sed frequenter etiam declarari, vel agnoscì iustum. Id videre est apud Becanum Jesuitam in Summa Theol. tom. 2. tract. 4. cap. 3. q. 1. *Iustificare in Sacra Scriptura tripliciter, inquit, usurpatur. Primo ut sit idem, quod iustum facere, ut Rom. 4. 5. Credenti in eum qui iustificat impium. Secundo ut sit idem quod iustiorè facere, ut Jacob. 2. 24. Videtis quoniam ex operibus iustificatur*

ficatur homo, & non ex fide tantum, Et Apoc. 22. 11. Qui iustus est iustificetur adhuc. Tercio ut sit idem quod declarare, seu pronunciare aliquem iustum, ut Prov. 17. 15. Qui iustificat impium, & qui condemnat iustum, abominabilis est uterque apud Deum. Hinc fit ut iustificatio sumatur etiam tribus modis. Primo pro acquisitione iustitiæ. Is enim quem Deus iustificat, id est, iustum facit, dicitur acquirere iustitiam. Secundo pro augmento iustitiæ. Cum enim iustitia latitudinem habeat, is qui semel iustitiam nactus est, potest in ea crescere & proficere. Tercio pro declaratione iustitiæ. Nam qui antea suspectus, aut etiam reus esset iniustitiæ, potest pronunciari & declarari tanquam iustus, etiamsi iustus non sit.

XVIII. Similia docet Bellarminus de Justif. lib. 1. cap. 1. inter alia enim observat nomen justificationis in sacris literis accipi pro acquisitione iustitiæ, ut 1 Cor. 6. Hæc quidem fuitis; sed abluti estis, sed sanctificati estis, sed iustificati estis. Ad Rom. 8. Quos vocavit hos iustificavit. Deinde, pro incremento iustitiæ. Nam, inquit, quemadmodum xistat dicitur calefieri, non solum qui sit calidus ex frigido, sed etiam qui ex calido sit calidior; sic etiam iustificari dicitur, non solum is qui ex impio fit iustus, sed ille quoque qui ex iusto fit iustior. Sic loquitur Ecclesiasticus, cap. 18. Ne verearis usque ad mortem iustificari: & Jacobus in Epistola sua, cap. 2. Videtis quod ex operibus iustificatur homo, & non ex fide tantum: & Joannes in Apoc. cap. 22. Qui iustus est, iustificatur adhuc. Denique, pro declaratione iustitiæ, modo quodam forensi; ut ille dicitur iustificari, qui cum esset ab accusatore factus reus alienius iniquitatis, à iudice per sententiam declaratur iustus, atque absolvitur. Sic utitur hac voce Salomon, Proverb. 17. Qui iustificat impium, & qui condemnat iustum, abominabilis est uterque apud Deum: & Mai. cap. 5. Vt qui iustificatis impium pro numeribus, & iustitiam iusti auferitis ab eo: & Luc. cap. 7. Iustificata est sapientia ab omnibus filiis suis: & cap. 10. Ille autem volens iustificare seipsum.

XIX. Imò in ipsis Pauli Epistolis occurrunt quædam loca, ubi Doctores Ecclesiæ Romanæ fatentur & observant iustificandi vocem accipi forensi significatione. Talis est locus qui habetur Rom. 2. 13. Factores legi iustificabuntur. Ad quem Estius in suis Commentariis notat iustificari idem illic esse quod iustum haberi, sive declarari, iustissima phrasi Scripturæ, ut ipse loquitur. Adeoque iuxta ipsum, sensus illius loci est, Qui legem facti observant iusti iudicabuntur, declarabuntur, habebuntur à Deo. Quam interpretationem probat quoque Kuardus Tapperus ad Art. 8. pag. 32. Circa prædicta, inquit, considerandum est, quod in Scripturis iustificari non solum significat, iustitiæ imbuï, donari & ornari, sed quandoque etiam iustum pronunciari, declarari, iudicari, comprobari ac depreari. Sedundum quam significationem interpretatur beatus Augustinus sententiam Apostoli Pauli, Factores legis iustificabuntur, id est, inquit, iusti habebuntur, iusti deputabuntur.

XX. Similiter sensu forensi accipiunt multi Ecclesiæ Romanæ interpretes verba Pauli, Rom. 8. 33. Quis accusabit adversus electos Dei? Deus est qui iustificat. Sic enim scribit ad hunc locum Toletus; Iustificandi verbum in hoc loco, in ea significatione accipitur, quæ est opposita antitheto, nempe condemnationi, ut idem sit hoc loco iustificare, ac iustum pronunciare, sicut iudex sua sententia innocentem absolvit & pronunciat. Quæ ratione quoque eundem locum exponit Pterius. Et idem etiam antea docuerat, referente Andrea Riveto in Summæ Controversiarum, Tractatu 4. quæst. 1. Adamus Salsbourn; Deus est qui iustificat, id est, qui à peccatis & intentata actione absolvit. Quæ verba retinuit Estius in Commentario.

XXI. Porro ex variis vocis iustificandi in Scriptura receptis sensibus, Scholæ Protestantium, in suis de hominis justificatione Disputatiõibus, primum illum solum adoptarunt, iuxta quem iustificatio sumitur forensi significatione. Nam per justificationem hominis coram Deo nihil aliud intelligunt quam peccatoris absolutionem, qua liber pronunciatur à pœnis peccato debitæ, quæ sunt à regno cœlesti exclusio, & damnatio ad cruciatus æternos. Adeoque ex eorum mente, iustificatio reapse nihil aliud dicit quam pœnæ condonationem.

XXII. Inde est quod hominis justificationem distinguunt ab illius regeneratione, sive sanctificatione, quæ docent esse duo beneficia, natura sua distincta, licet ab invicem separari non possint. Deus enim, ex illorum sententia, neminem à pœna peccatorum absolvit, quin eum à peccati servitute liberet, & peccati fordes ab eo abstergat, iustque animum nova iustitia exornet, & vero ac synectro Dei amore perfundat & imbuat. Sed justificationis nomen solum absolutionem, per sanctificationem verò purgationem à peccati sordiditate, & internæ iustitiæ donationem significare solent. Quamvis agnoscant
hæc

hæc voces quandoque in Scriptura Sacra permutari; ut observat Chamierus, tom. 3. lib. 10. cap. 1. num. 6. *Non sumus*, inquit, *tam inepti vocabulorum æstimatores, ut nesciamus, aut tam importuni Sophistæ, ut nolimus justificationis sanctificationisque voces permutari; imò sanctos hac præcipue ratione scimus appellari, quod in Christo habeant remissionem peccatorum. Et legimus in Apocalypsi, Qui iustus est justificetur adhuc, quod nisi de profectu inherenter justitiae, nequeat intelligi; & aliis fortè locis non negamus promissionem venire in usum.*

XXIII. Proinde quum negant fideles justificari per opera, aut per ullam justitiam quæ ipsis inhaereat; per id negare nolunt fidelibus inesse veri nominis justitiam, quam Deus per Christum gratam & acceptam habeat, ipsosque Dei gratia movente atque excitante, multos & varios fructus edere bonorum operum, quæ Deus, juxta liberalem suam promissionem, caelestii & æternæ gloriæ remuneretur; sed eorum sententia est solommodo docere, nullam esse in fidelibus inherentem justitiam, nec ulla bona opera ab ipsis, etiam per Dei gratiam profecta, quæ possint ferre rigidum & districtum examen divinæ justitiæ, si Deus velit cum ipsis in iudicium intrare, absque clementia & misericordia: neque quendam in Dei iudicio absolvi posse, si Deus vitam & opera ejus severe discutiat; adeoque fideles coram Dei tribunali à peccati poenis, quam lex interminatur, absolvi, & immunes pronunciari, per meram Dei gratiam in Christo, non verò propter aliquam justitiam quæ illis inest, ejusque merito atque intuitu.

XXIV. Quam autem affirmant nos, per imputatam Christi justitiam, coram Deo justificari; ista formula nihil aliud significant, quam Christi passionem & obedientiam, à Deo nobis ita donari, & communicari, ut verè nostra sit, & censeri debeat, eamque sic nobis donatam esse justitiam illam, cujus merito atque intuitu solvimur à legis maledictione, quæ constat, ut dictum est, perpetua à regno Dei exclusionem, & abjectionem in ignem æternum.

XXV. Denique quando dicunt nos fidem, & quidem sola, justificari, intelligunt fidem vivam & efficacem per bona opera, minimò vero fidem mortuam atque otiosam, esse solam conditionem, quam Deus à nobis exigit, ut per Christum simus participes remissionis peccatorum, Deoque ad vitam æternam accepti: sive solum & unicum ex parte nostra instrumentum, quo tantum beneficium percipimus & apprehendimus; quæ certè omnia tantæ sunt veritatis & evidentiae, ut citra calumniam exposita atque intellecta, à nullo cum aliqua specie negari possint, imò de illis nobiscum, quoad rem ipsam, consentiant Ecclesiæ Romanæ Doctores, sicuti jam aliquot Disputationibus manifestum fecimus.

XXVI. Neque merito possunt accusari Protestantibus, quod saltem hac in parte vocibus abutantur. Cum enim nostra à peccati poenis absolutio, & realis peccati in nobis deletio per infusionem novæ justitiæ, sint duo beneficia, connexa quidem & inseparabilia, sed naturâ tamen distincta; quidni Protestantibus licuerit, duo hæc per naturam distincta, distinctis quoque vocibus, accuratioris doctrinæ causa, in Scholis suis signare, ac priori gratiæ nomen justificationis, posteriori verò sanctificationis nomen appropriare? Præsertim cum omnium consensu, justificandi vox in Scriptura sacra sæpissimè designet absolutionem judicariam; & justificari dicatur, non qui reipsa justus efficitur, sed ille qui pro justo habetur atque reputatur.

XXVII. Doctores verò Ecclesiæ Romanæ justificandi vocem in Scholis suis aliter usurpant. Nec enim apud eos justificatio designat solam poenæ peccato debitæ condonationem, sed præterea realem peccati abolitionem, & internæ cujusdam justitiæ adeptionem. Et sic, ex eorum sensu, dicitur justificari, non solum qui à peccati reatu absolvitur, sed cui justitia de nova infunditur, aut qui in accepta jam ante justitia progreditur & crescit. Unde duplex apud eos distinguitur justificatio, *prima* scilicet, & *secunda*. *Prima*, per quam aliquis ex peccatore, injusto, & impio, sanctus & justus efficitur. *Secunda* verò per quam, qui ante justus erat, ex justo fit justior, & quodam justitiæ incrementum accipit, sed quum de justificatione simpliciter loquuntur, ordinariè primam intelligunt, quæ ex eorum usu justificatio impii dici solet.

XXVIII. Itaque quum dicunt homines per justitiam inherentem coram Deo justificari, hæc non est eorum mens, Christi fidelibus talem inesse justitiam, per quam possint coram Dei tribunali subsistere, si Deus illos ad strictum legis rigorem, omni misericordia remota, examinet: aut ejus merito atque intuitu à peccatis suis absolvantur. Sed istud solum significare volunt, fideles per Christi gratiam nova & inherente justitia indui, quæ apud Deum pro verâ & sincera habetur, quamque Deus gratam & acceptam habet, & in extremo iudicio regni sui gloria remuneraturus est.

XXIX. Similiter quum negant nos per imputatam Christi justitiam justificari, negare non

non intendunt quin Christi iustitia fidelibus donetur atque communicetur, quinque ejus unius & solius merito evadant inferni poenas, peccatis suis aliqui debitas; sed servus eorum est, Christi meritum & obedientiam non esse formam illam, à qua fideles in Scriptura iusti sanctique nominantur, sed istam eorum denominationem à nova iustitia sumi, qua intus Spiritus Sancti virtute donati sunt.

XXX. Quando verò docent nos, non sola fide, sed etiam per opera justificari, per id minime significatum volunt fideles bonis cujusdam operibus remissionem peccatorum suorum, propriè loquendo mereri, eamque non esse omnino gratuitam: sed hoc solum fidei actum, à spe, à fiducia, ab odio peccati, à dilectione Dei, distinctum & sejunctum, non esse unicam & solam conditionem, quam Deus à nobis exigit, ad hoc ut spiritus sanctificans donum, & remissionem peccatorum nostrorum ab ipso consequamur. Neque ut salutaris istius gratiæ participes fiamus, sufficere nudum assensum Evangelii verbo adhibitum, sed præterea requiri peccati detestationem, novæ vitæ propositum, aliquos divinæ dilectionis actus, spem veniæ, & fiduciam in Deum, & ita quæ alia sint quibus constat vera ad Deum conversio. Ac præterea hominem, quem gratia Christi semel iustum reddidit, exercitio bonorum operum in iustitia & sanctitate crescere, & acceptæ iustitiæ, juxta divina promissa, recipere augmentum; quæ omnia facillè Protestantes concedunt, nec iis averfus illa pugnare est animus, quando cum Doctoribus Ecclesiæ Romanæ, de justificatione gratuita disputant.

XXXI. Neque etiam, modo quis fateatur remissionem peccatorum nostrorum omnino gratuitam esse, & in solo Christi merito fundatam, nec ullam esse piorum iustitiarum & opera bona, quæ possint ferre severum & rigidum iudicii divini examen, crimen esse exilium, si quis ita extendat vocem justificationis, ut internam nostram renovationem sub ea complectatur. Agnoscunt enim à Patribus vocem istam sæpius hoc sensu usurpatam esse, nec tamen iis propterea licem movendam cesserunt. Sic enim loquitur Chemicus in Examine Concilii Tridentini; *Nequaquam tales sumus turbatores, qui veræ & solide, & salutaris concordia ita sumus iniqui, & adeo cupidi contentionum, ut etiam si de rebus istis consensum esset pia & salutaris consensus, quesituri tamen essimus materiam rixarum, ex verborum pugnis. Patribus enim, licet plerumque verbum justificare accipiant pro renovatione, qua efficiuntur in nobis per spiritum opera iustitiæ, non movemus licem, ubi juxta Scripturam recte & commode tradunt, quomodo & quare persona Deo reconcilietur, accipiat remissionem peccatorum & adoptionem, & acceptetur ad vitam æternam.* In Exam. Conc. Trid. de Justif. pag. 129.

XXXII. Imò inter Theologos Confessionis Augustanæ celeberrimus Joh. Brentius ita accipit vocem justificationis, sub qua hominis renovationem comprehendere existimavit, eamque suam sententiam Epistola ad Melancthonem hac de re scripta testatus est, ut patet ex Melancthonis ad ipsum responsione, quæ legitur in Conciliis ejusdem Melancthonis, pag. 245. *Imaginaris, inquit ad Brentium, fide justificari homines, quia fide accipiamus Spiritum Sanctum, ut postea iusti esse possimus; videlicet, impletione legis, quam efficit in nobis Spiritus Sanctus.* Neque tamen propterea quisquam Protestantum graviora censura notandum putavit Brentium. *Quem absit, inquit Johannes Gerardus, ut propterea erroris Pontificii de justificatione rem justificari velimus; quod termino justificationis, in latini significatione, Latinam vocis compositionem secutus utatur.* Loc. Theol. tom. 3. cap. de Justif. per fidem, num. 245. ubi prolixum citat Brentii hac de re locum, ex ejus Apologia Confessionis Wittenbergenlis, de Justificatione.

XXXIII. Et certè quum vox justificationis, etiam plerorumque Reformatorum iudicio, in Scriptura eo sensu quandoque usurpetur, ut ipsam hominis sanctificationem videatur complecti, jure damnari non possunt, qui cæteroqui sanam doctrinam retinentes, hoc vocabulo notione in Verbo Dei consecrata utuntur, quod inter Reformatos fecit Martinus Borthius, olim in Academia Basilienſi Professor, si vera sunt quæ citari video ex illius Commentario in Gen. cap. 15. ubi hæc verba illi tribuuntur, inter plura ejusdem generis: *Ut igitur Beatus Paulus, in justificatione nostri, quum ait, Quos justificavit eos glorificavit, comprehendit omnia, quæ ad reconciliandos nos Deo Patri, & ad renovationem nostri aptam assequende gloriæ pertinent, ut sunt fides, iustitia, Christus, & donum iustitiæ à Christo exhibitum quo regeneremur ad implendam justificationem quam lex requirit; ita etiam nos omnia in hac causa, quæ recuperatione iustitiæ & innocentie continentur, complecti volumus.* Hæc autem quum traduntur, non nova, sed confessæ omnibus & veteribus & nostris, sacrarum literarum Professoribus, qui quidem rectè & verè docuerant, traduntur: nisi fortassis quadam distinctius dicamur à nobis, quam vulgè dicunt in hoc justificationis negotio; sed in re ipsa abesse dissensionem, nequaquam dubi-

tamus.

tamus. Etenim omnes in impiorum iustificatione, hæc comprehendendi movent; *Christum iustitiam nostram; remissionem peccatorum morte illius nobis pariam; Spiritum Sanctum vi imputate & ascriptæ iustitiæ Christi nobis donatum; quo freti & peccatorum gratiam nobis fieri per fidem credamus; & renovationem nostræ, Deum & proximum puro amore diligendo, meditemur, &c.* Sed liber iste nobis ad manum non est.

XXXIV. Cæterum semper questio remanet quo sensu apud Paulum per gratiam iustificatio, ubi affirmat Deum iustificare impium, & nos iustificari gratis, per Dei gratiam, non ex operibus, sed fide. An, scilicet, ibi iustificatio designet solum absolutionem quandam judicalem à reatu peccati, & quæ sit ab hominis sanctificatione distincta, ut volunt Protestantes; an verò præterea significet internam nostram renovationem, per Spiritus Sancti gratiam, in qua consistit nostra regeneratio & sanctificatio, ut volunt Doctores Ecclesiæ Romanæ. Ad quam questionem, Observamus primo, Ubi de ipsa re & doctrina convenit, neque Scripturæ tribuitur sensus ab analogia fidei alienus, non multum laborandum & contendendum esse, circa diversum alicujus loci interpretationem, & variam hujus, aut illius vocis, in eo acceptionem, sed liberum cuicque suum hac in re iudicium inquiri soleri, & debere. Quemadmodum Protestantes, qui quoad rei substantiam inter se consentiunt, facillè patiuntur quosdam ex suis, hanc ipsam iustificandi vocem, certis in locis, aliter atque aliter accipere; ut *Dan. 12. 3. Rom. 8. 30. 1 Cor. 6. 11. Tit. 3. 7. Apoc. 2. 11.* Ubi quibusdam videtur sensus forentis retineri posse; alii verò aliter existimant; sicut supra pluribus à nobis expositum est.

XXXV. Secundo observandum est, aliis illis locis magis contentiosis, & de quibus nulla lis est Protestantibus inter se, sed cum Doctoribus Ecclesiæ Romanæ quocunque sensu sumatur iustificandi verbum; siue, scilicet, restringatur ad solam absolutionem à reatu peccati, siue nostram quoque sanctificationem completi censatur, sensum semper fore contrarium, & Apostolico stylo, ac analogiæ fidei congruentem. Sicut enim verum est nos à peccatis absolvi, *gratis per Christi gratiam*, sic etiam *gratis*, & *per Christi gratiam* sanctificamur, & regeneramur. Quemadmodum *Deus impium* à peccatis absolvit, ita quoque eundem Spiritu suo sanctificat. Sicuti *per fidem* remittuntur peccata, sic etiam *fide* corda purificantur & sanctificantur. Denique quemadmodum absolutio nostra non est *ex operibus*, ita quoque nostra sanctificatio, seu regeneratio, juxta stylum & Phrasin Apostoli, *ex operibus* esse dicenda non est.

XXXVI. Primum enim, secundum Pauli doctrinam, & loquendi modum, id quod gratia non est, ex operibus est. Quippe res sunt oppositæ, & quæ se invicem destruant, *gratiam esse, & esse ex operibus. Si autem gratia*, inquit Apostolus, *jam non est ex operibus. Alioquin gratia, jam non est gratia. Sin ex operibus, jam non est gratia: quandoquidem opus, jam non est nobis*, Rom. 11. 16. Hominis autem sanctificationem, esse donum Dei gratuitum, & gratiam plane singularem, nemo est qui possit in dubium vocare; ac proinde, juxta Apostoli doctrinam, *ex operibus* non est.

XXXVII. Denique quod eodem recidit, ex Apostoli mente, quod est *ex operibus*, est secundum debitum. Nam, ut ipse ait, *Ei qui operatur, merces imputatur, non secundum gratiam, sed secundum debitum*. Rom. 4. 4. Jam autem sanctitas & iustitia nova, quam in Christo adipiscimur, datur nobis gratuito, non secundum debitum, ut cuivis manifestum est; adeoque certum etiam est ex operibus nos non sanctificari, sanctosque & iustos apud Deum effici.

XXXVIII. Præterea salus illa qua per Christum salvari dicimur, *Ephes. 2.8. 2 Tim. 1. 9. Tit. 3. 4.* non consistit in sola condonatione peccatorum nostrorum, sed etiam in liberatione à servitute vitiorum, & in nostri reformatione ad Dei imaginem, quæ consistit in vera iustitia & sanctitate; ac proinde nostra sanctificatio, in salute ista, & quidem præcipue, includitur & comprehenditur. Et tamen Apostolus omnibus istis locis, affirmat nos non esse salvatos ex operibus, & secundum opera. Sic enim ad Ephesios scribit, *Gratia estis salvati per fidem; & hoc non est vobis, Dei enim donum est: non ex operibus, ut ne quis gloriatur*. Et Timotheo commemorat, quod *Deus nos liberavit, seu salvos fecit; & vocavit vocatione sancta, non secundum opera nostra, sed secundum propositum suum, & gratiam quæ data est nobis in Christo Iesu ante tempora sæcularia*. Quibus similia sunt de quibus monet Titum, *Cum autem*, inquit, *benignitas, & erga homines amor apparuit salvatoris nostri Dei; non ex operibus iustitiæ quæ fecimus nos, sed secundum suam misericordiam, salvos nos fecit per lavacrum regenerationis, & renovationem Spiritus Sancti, quem effudit in nos abunde per Iesum Christum salvatorem nostrum*. Ac proinde quantumvis extendatur iustificatio, & completi censatur utramque partem salutis illius, quæ per Christum in hac vita fidelibus obtingit,

remissio-

remissionem, scilicet, peccatorum, & renovationem interioris hominis, non minus tamen verè dicimur iustificati, per Christi gratiam, fide, non operibus, quam si strictius sumatur pro sola à peccati reatu absolutione.

XXXIX. Adde quod Apostolus ultimo illo loco, ex epistola ad Titum desumpto, non vult operibus iustitiæ tribui, id quod tribuendum est renovationi per Spiritum Sanctum. *Salvos, inquit, nos fecit, non ex operibus iustitiæ quæ fecerimus nos, sed per lavacrum regenerationis & renovationis Spiritus Sancti.* Unde sequitur nostram sanctificationem, quæ per lavacrum illud regenerationis, & spiritum renovantem in nobis peragitur, ex sensu Pauli non debere dici ex operibus iustitiæ quæ nos fecerimus. Quandoquidem opposita sunt, aliquid per spiritus renovationem fieri, & esse ex operibus iustitiæ quæ fecimus nos.

XL. Præterea postquam Apostolus, verbis ex epistola ad Ephesios allegatis, posuit nos salvatos esse fide, & non ex operibus, hoc inde confirmat, quod bona nostra opera sunt salutis nostræ fructus atque effectus, adeoque causa ejus esse non possunt. *Ipsi enim, inquit, salutura sumus: creati in Christo Iesu ad bona opera, quæ præparavit Deus ut in illis ambulemus.* Quibus verbis significat opus esse ut per Dei gratiam præparemur, atque instaureremur, quæ est novæ ejusdem creationis species, priusquam posimus bona opera exercere. Nam in ultimis Apostoli verbis hypallage quadam est, ac dum ait, Deum bona opera præparasse, ut in illis ambulemus, dicere vult Deum non gratia sua præparare, ut ambulemus in bonis operibus. Hæc verò ratio non minus clare probat nos sanctificari fide, & non ex operibus. Nam eodem planè modo, bona nostra opera non sunt causa, sed fructus nostræ sanctificationis, per quam ex impiis, quales natura sumus, verè sancti & iusti reddimur. Atque, ut dixit Augustinus, bona opera sequi iustificatum, non præcedere iustificandum, ita quoque dicere possumus eadem bona opera sanctificandum non præcedere, sed sequi sanctificatum. Quia non prius bene operamur, quam Deus nos sua gratia sanctificet: sed Deus nos sua gratia sanctificat, ut postea bene operari possimus.

XL. Denique quemadmodum sapius dicit Apostolus nos *sine operibus legis* iustificari, ita non minus verè, & ad Apostoli stylum accommodatè, dicere possumus nos *sine operibus legis* sanctificari. Nam per opera legis Apostolus intelligit talem legis observationem, quæ divinæ gratiæ necessitatem excludat, & cui merces reddenda sit, secundum debitum, non secundum gratiam; juxta illud ante citatum, *Ei autem qui operatur, merces non imputatur secundum gratiam, sed secundum debitum.* Item, *Sin ex operibus jam non est gratia: quandoquidem opus jam non est opus.* Adeoque ex operibus legis iustificari, est eam præstitisse legi obedientiam cui vita debeat, juxta legis promissa; & ratione cujus, ex pacto fœderis legis, in Dei judicio, ab omni pœna absolvi quis debeat. Iustificari verò sine operibus legis, est in judicio divino absolvi, & ab omni reatu immuncem pronunciarì, cum quem lex reum peragit, quique non id legi præstitit obsequium, ut juxta legis rigorem absolvi mereatur. Jam verò quis non videt hoc sensu nos quoque sine legis operibus sanctificari. Nec enim, ut sancti apud Deum habeamur & simus, requiritur ut legi divinæ, secundum totum ejus rigorem, satisfecerimus, nisi ad eam *duxerimur*, quam fœdus operum exigit, simus examinandi, nullo modo in legem peccasse reperiatur. Sed quemadmodum Deus à reatu absolvit impium, id est, eum quem lex peccati arguit & convincit, dummodo fide viva & efficaci Christi meritum amplectatur: sic quoque illum in quo reperitur fides per charitatem operans, tanquam verè sanctum & iustum probat atque agnoscit, licet alioqui legem sæpius transgressus sit, & deficiat in multis, quæ necessaria essent, in eo qui ex legali fœdere, sanctus & iustus pronuncandus esset.

XLII. Præterea dum Apostolus affirmat hominem iustificari sine operibus legis, speciatim docere vult ad nostram coram Deo iustificationem, necessarium non esse ut observemus legis Mosaicæ ceremonias; sicut præsertim videre est in Epistola ad Galatas. Qua ratione quoque sine operibus legis sanctificamur. Nec enim magis necesse est nos observare legis ceremonias, ut sancti simus apud Deum, quam ut ab omni reatu in judicio illius absolvamur.

XLIII. Cum ergo, sive vocabulum *iustificationis* restringatur ad solam à reatu absolutionem, sive etiam ad novæ & internæ iustitiæ adptionem extendatur, æqualiter verum sit nos gratis, per Christi gratiam, fide, non ex operibus, & sine operibus legis iustificari: nec etiam, sive hoc, sive illo modo sumamus iustificationem, quicquam officiat Apostoli scopo, qui unicus est docere, ad hoc ut simus salutis & iustitiæ participes, non opus esse legem Mosaicam, & fœdus operum, sive legale observare, juxta solemnem clausulam, *Fac & videres*: sed sufficere ut Christi Evangelio credamus, fide viva, & quæ per dilectionem operetur, nequa alia ratione homines peccatores, iustos coram Deo fieri & reputari posse.

M m

cum

cum hæc, inquam, ita se habeant, superfluum videtur hæc de re litigare, nec est quod propterea cuiquam molesti simus, quod apud Apostolum justificationem sic, vel sic accipiat; quandoquidem in eo vera fides, & sana doctrina nihil periclitatur.

THESES THEOLOGICÆ:

In Quibus exponitur, Quomodo

FIDES JUSTIFICET.

THESIS I.

NOS fide, per fidem, & ex fide justificari, Scriptura ita disertè & frequenter inculcat, ut nemo Christianus, hæc de re dubitare possit. Sed non consentiunt inter se Theologi, qua ratione id sit intelligendum; & quo sensu justificatio hominis peccatoris à Spiritu Sancto fidei tribuatur. Resque est quam multum obscurant Theologorum disputationes, & magna contentione agitata controversiæ, quibus aliquid lucis, quantum Deus dabit, asserre est animus.

II. Antea omnia verò scire oportet quæ sit illa fides quæ justificare dicitur. Ad cuius rei intelligentiam, notandum est in Scriptura sacra quandoque dici credere, & fidem habere, illos ipsos qui Verbo Dei qualemcumque assensum præbent, & de veritate doctrinæ celestis convicti & persuasi sunt; etiam si præceptis ejus non obtemperent, nec vitam suam ei studeant conformare. Sic apud Joannem *cap. 12. v. 42.* multi ex prioribus Judæorum dicuntur in Christum credidisse, qui tamen Christum non contebantur, propter metum Judæorum, & quia, ut notat Joannes, gloriam hominum magis quam gloriam Dei diligebant. Et ita quoque Simon Magus, prædicante Philippo, credidisse narratur, & ad signa & virtutes magras quæ ab eodem Philippo cdebantur, obstupuisse, *Act. 8. v. 13.* Et tamen hoc ipso tempore, *Cor. ejus,* arguente Petro, non erat rectum in conspectu Dei; & ipse in felle amaritudinis & iniquitatis nexu positus erat, ut videre est ejusdem capitis commate 21, & 23.

III. Sed tamen Scriptura plerumque fidei nomine designat, non assensum quemlibet qui doctrinæ à Deo revelatæ præbetur, sed illum solum qui hominem sic movet & afficit, ut inde nascatur amor, & fiducia in Deum, & debita præceptis illius obedientia. Hæc est illa fides quam divinæ literæ tantopere laudant & commendant: cui victoriam de mundo tribuunt, & cum qua salutem, vitam, & adoptionem individuo nexu coherere testantur. Ut quum dicit Joannes, *Omnia qui credunt Iesum esse Christum ex Deo natus est, & hæc est victoria quæ vincit mundum, fides nostra.* 1 Joh. 5. v. 1. & 6. Et Christus ipse, *Deus ita dilexit mundum, ut filium suum unigenitum daret, ut omnis qui credit in eum non percat, sed habeat vitam æternam.* Joann. 3. v. 16. Item, *Hæc est voluntas ejus qui misit me, ut omnis qui videt filium, & credit in eum, habeat vitam æternam; & ego suscitavi eum ultimo die,* Joann. 6. v. 40. Etenim non omnes qui quomodocumque Christo, & verbis ejus credunt, vitam habent æternam, & adoptantur à Deo in filios, & victoriam de mundo reportant, sed illi soli qui debitam ex fide obedientiam Deo præstant, & idem habent in bonis operibus efficacem.

IV. Itaque prior illa fides in multis impiis & hypocritis reperitur: posterior dumtaxat in verè piis & bonis. Prior assensus est merè speculativus, qui in intellectu theoretico hæret. Posterior est assensus practicus, qui affectum movet, & voluntatem afficit. Quocirca prioris actum Scholæ exprimunt per *credere Deo*, Quod significat simpliciter Deo

Deo loquenti assentiri: posterioris per credere in Deum, quod cum assensu fiduciam in Deum, & Dei amorem includit; juxta illud Augustini, *Quid est credere in Deum? credendo amare, credendo diligere, credendo in eum ire, & ejus membris incorporari*: Proinde prior illa fides mortua & otiosa est. Sicut enim corpus sine Spiritu mortuum est, ita & fides sine operibus mortua est; ut testatur Jacobus epistolæ cap. 2. altera verò viva est, & per charitatem operans, totamque quam Christus à nobis exigit, obedientiam secum trahit.

V. Porro fides illa mortua, iners, & otiosa, quam Protestantes historicam vocant, justificare non potest. Nam disertè docet Jacobus ejusmodi reperiri posse in ipsis Demonibus, illamque ad salutem, adeoque ad justitiam consequendam nihil prodesse. *Quid proderit, inquit, frater mei, si fidem dicat aliquis se habere, opera autem non habeat? Nunquid poterit fides salvare eum?* Jac. 2. v. 14. Et postea, *Tu credis Deum unum esse, bene facis; & Demones credunt, & contremiscunt.* v. 19. Unde est quod Paulus, scribens ad Galatas, affirmat nihil in Christo valere, nisi fidem quæ per dilectionem operatur: & per consequens fidem ipsam, nisi per dilectionem operetur, eorum in numero esse quæ nihil in Christo valent. Nam, inquit, in Christo Jesu neque circumcisio aliquid valet, neque præputium, sed fides quæ per charitatem operatur. Gal. 5. v. 6. Ac ne quis in eo fallatur, & charitate ac bonis operibus vacuus, fide cujusdam inertis & otiosæ nomine tibi blandiatur, aliis in locis eandem sententiam repetens, pro fide quæ per charitatem operatur, modo novam creaturam, modo observationem mandatorum Dei substituit. Sic enim idem Apostolus, epistolæ jam citatæ cap. 6. commate 15. loquitur, *In Christo Jesu neque circumcisio aliquid valet, neque præputium, sed nova creatura.* Et 1 Cor. 7. v. 19. *Circumcisio nihil est, & præputium nihil est, sed observatio mandatorum Dei.* Ita ut Apostolo hæc tria sint æquivalentia, *Observatio mandatorum Dei, Nova creatura, & Fides per charitatem operans.*

VI. Quoties ergo fide justificari dicimur, id intelligendum est, non de fide mortua, sed viva, non de otiosa, sed de efficaci, ex qua nova obedientia, & bona opera procedunt, & quæ secum affert vitæ totius immutationem. Porro inter Theologos Protestantes est tamen, etiam vivam & efficacem, non esse justitiam illam per quam coram severo Dei judicio stamus, aut justitiæ illius partem vel initium. Etenim, cum hîc præcipuum officium sit ad misericordiam divinam confugere, quæ ratione per eam, & illius virtute posset homo ferre rigidum justitiæ divinæ examen? cum repugnantia sint, egere Dei misericordia, & posse justitiam illius provocare.

VII. Nec minus inter eos constat fidem nos non justificare, aut justitiam nobis à Deo impetrare, proprio merito atque dignitate. Quamvis enim divinæ bonitati congruum & consentaneum sit, ut in gratiam recipiat credentem & respicientem, ac omnino postulet summa Dei æquitas atque sapientia, ut peccata condonet, potius peccatori per fidem & poenitentiam ad misericordiam ipsius confugienti, quam impetranti atque incredulo, qui divinam gratiam respuit atque contemnit: ex justitia tamen non tenetur Deus credenti peccata remittere, illumque justitiæ Christi participem facere, & acceptare ad vitam æternam. Quodque Deus erga credentem ita benignè & paternè se gerit, ad meram ejus gratiam & misericordiam omnino referendum est. Quod Scriptura frequenter & evidenter docet, dum pluribus in locis inculcat, *nos justificari gratis, & secundum gratiam, non secundum debitum*; præsertim verò tertio, & quarto capite epistolæ ad Rom. Nam, si fides mereretur justificationem, justificatio gratuita non esset, & non ex mera gratia, sed ex debito justificaremur.

VIII. Ad ista respiciunt Doctores Orthodoxi, dum negant fidem nos justificare ut opus. Nec enim per hoc aliud significare intendunt, quàm quod fides non sit justificationis causa, ut loquuntur Scholæ, formalis, vel meritoria, id est, ut jam diximus, justitiæ illius, qua coram districto Dei judicio stare possumus, pars, vel meritum, seu pretium quo illa acquiritur, atque obtineatur. Sed, quamvis de his consentiant Theologi Reformati, non convenit tamen inter illos, qua ratione fides justificare dicatur.

XI. Quidam enim volunt fidem propriè non justificare, & justificationem fidei, non nisi admodum propriè tribui: quia, scilicet, per fidem habemus sensum justificationis jam ante illam, & sine illa factæ. Nam existimant justificationem esse aliquid quod fidem præcedit; & electos Dei justificatos esse, etiam antequam credant, & convertantur, Idque, quoniam ex eorum mente, justificatio vel ab æterno facta est, vel saltem tum quam hominibus promissus est Christus Mediator, qui peccata nostra in se suscepit, & se pro nobis sponsores justitiæ divinæ offerret. Itaque justificatio propriè accepta ipsis aliud non est, quam certà Dei voluntas de electis à peccato, propter Christum,

absolvendis: nec, respectu hujus justificationis, fides aliam vim, aut officium habet, quam ut nos in ejus notitiam ducat, & de illa certos & securos reddat.

X. Sed abutuntur illi voce justificationis. Nam justificatio non est Dei voluntas de hominibus à peccato absolvendis, seu de remittendis homini peccatis, sed ipsa actualis remissio peccatorum, & ab eis absolutio. Atque, ut aliud est voluntas salvandi, sive sanctificandi; aliud verò salus, & sanctificatio ipsa: sic planè distingui debent, decretum seu voluntas de quibusdam justificandis, & condonandis eorum peccatis; & ipsa actualis eorum justificatio, & peccati condonatio. Nam voluntas justificandi, & peccata remittendi, æterna quidem est, & fidem præcedit: sed ipsa remissio, & justificatio in tempore fit, & fidem sequitur.

XI. Quod manifestum fiet, si diligenter attendamus quid sit, & qua in re consistat remissio peccatorum quæ, quoad substantiam, idem est cum peccatoris justificatione: Remittuntur enim alicui peccata, quum cessat esse poenæ propter peccata obnoxius. Atque idem planè sunt remissionem peccatorum consequi, & desinere esse poenæ peccato debite obnoxium. Jam autem nemo desinit obnoxius esse poenæ quam admissa peccata merentur, priusquam illa per veram poenitentiam derelinquat, & ad Dei misericordiam in Christo confugiat. Nam lex Dei est firma & stabilis, & in verbo ejus sapius inculcata quod quicumque peccato indulget, nec ab eo, per veram ad Deum conversionem recedit, judicio & iræ divinæ obnoxius manet. Quo pertinet illa Davidis: *Non stabunt iniqui ante oculos tuos*: Psal. 5. 6. *Odisti omnes qui operantur iniquitatem; Vultus autem Domini super facientes mala*: Psal. 34. Item illud Domini nostri Iesu Christi: *Nisi poenitentiam habueritis, omnes similiter peribitis*. Et, *Qui non credit in filium non videbit vitam; sed ira Dei manet super eum*. Quandiu ergo aliquis in peccato perseverat, necdum ad Deum conversus est, & fide Christum Redemptorem amplexus, tandiu obiectum est odii & iræ divinæ, & certa Dei lege perditioni æternæ obnoxius. Ac proinde in eo statu peccata nondum illi remissa sunt. Nam cui Deus peccata remittit, illum amplius odio non habet, nec illum vultu irato aspicit; aut est illi propter peccatum infernus. Nec amplius versatur talis in damnationis æternæ periculo, aut reatum ejus in se habet.

XII. Ab æterno quidem decrevit Deus electos, à poena peccatis ipsorum debita, immunes præstare; verum, non infringendo legem, cujus vi damnationi æternæ subijciuntur, qui in peccato manent, nec ei renunciant; aut illos ab ista lege excipiendo: sed in tempore eis impertiendo gratiam, per quam in Christum credant, & ad Deum verè convertantur. Quà demum acceptà, non prius, desinunt esse iræ & damnationi æternæ obnoxii, sicut erant quum peccato inserviebant. Idque virtute ordinationis illius Evangelicæ, qua Deus statuit à poenis peccati liberare, & pro iustis habere, omnes illos qui in Christum viva fide crederent, à peccato sese averterent, & studium novæ vitæ amplecterentur. Juxta illud Pauli ad Romanos, *Si confessus fueris ore tuo Dominum Iesum, & credideris in corde tuo quod Deus eum suscitavit ex mortuis, salvus eris*. Rom. 10. 9. Et ad custodem carceris Philippiensis, *Crede in Dominum Iesum Christum, & servaberis*. Act. 16. 31. Quo spectat etiam illud Solomonis, *Qui abscondit scelera sua non prosperabuntur; qui autem confessus fuerit, & reliquerit ea, misericordiam consequetur*. Prov. 28. 13. Et quod dicit Deus apud Ezechielem, *Si impius egerit poenitentiam ab omnibus peccatis suis quæ operatus est, & custodierit omnia precepta mea, & fecerit judicium & justitiam; omnium iniquitatum ejus, quas operatus est, non recordabor: in justitia sua, quam operatus est, vivet. Nunquid voluntatis meæ est mors impii, dicit Dominus Deus, & non ut convertatur à viis suis, & vivat?* Ezech. 18. 21. Unde est quod Petrus ad Judæos dicit, *Respicite, & convertite vos, ut deleantur peccata vestra*. Et ad Simonem Magum, *Poenitentiam age ab hac nequitia tua, & roga Deum, si fortè remittatur tibi hæc cogitatio cordis tui*.

XIII. Quibus in locis, ut apparet, remissio peccatorum proponitur tanquam beneficium quoddam à Deo consequendum, & nobis ab eo promissum, idque sub certa tantum conditione. Unde pater illam minimè concipiendam esse, tantum decretum aliquod, ante tempore secularia factum, à nulla, ex parte hominis, conditione pendens, & per quod peccata, actu & re ipsa, homini remissa sunt, etiam antequam credat & convertatur. Nec enim decreta Dei sunt promissionum divinarum objecta, & quidem promissionum quæ sub conditione fiunt: ut nec pertinent ad eorum numerum, quæ, cum ratione, precibus à Deo postulamus; quo de genere non sunt præterita, sed futura, cum tamen peccatorum nostrorum remissio unum sit ex præcipuis, quæ Christus Dominus noster jubet nos à Deo assidue petere, inserta hæc, in orationem ab eo dictam,

tam, clausula, *Dimitte nobis debita nostra, sicut & nos remittimus debitoribus nostris.*

XIIII. Et certe si quis percurrat omnia Scripturæ loca, ubi de justificatione hominis mentio sit, ne unum quidem reperiet, ubi vel minimum indicium appareat, per justificationem intelligi æternum quoddam Dei decretum. Imò vix unus est, ubi non occurrat aliquid, unde facile colligere liceat, per illam designari beneficium quoddam in tempore collatum, quodque hominis fidem & conversionem sequitur, non verò antecedit. Nam, ut omittam plurima illa loca, ubi dicimur, ex fide & per fidem justificari, & credere in Christum ut ex fide justificemur, quibus in locis fides manifestè proponitur, tanquam aliquid ad justificationem prærequiritum; justificatio non semel tribuitur Spiritui Sancto in electos Dei effuso, & per illum fieri dicitur; argumento manifesto neminem, juxta mentem Scripturæ Sacre, justificationem esse, priusquam Spiritum Sanctum à Deo acceperit. Nam. *Tit. 3. v. 6.* testatur Apostolus Deum in nos Spiritum Sanctum abunde effudisse, ut justificati gratia ipsius hæredes simus secundum spem vitæ æternæ. *Dr 1 Cor. 6. v. 11.* fideles quos alloquitur dicit sanctificatos & justificados fuisse, in nomine Domini Iesu, & per Spiritum Dei nostri.

XV. Præterea eodem in loco, Apostolus satis evidenter opponit præsentem fidelium statum, in quo à peccatis justificati erant, conditioni eorum præcedenti in qua flagitiis variis indulserant. Quæ oppositio vana & nulla esset, si, etiam antequam illis renunciarent, & quum illis adhuc immergi jacerent, jam tum nihilominus erant justificati. *Et hæc quidem, inquit, eratis, nempe scortatores, idololatræ, mœchi, mœculorum concubitores, fures, avari, ebriosi, maledici, rapaces; sed abluti estis, sed sanctificati estis, sed justificati estis, in nomine Domini Iesu, & per Spiritum Dei nostri.*

XVI. Præcipuè vetò hic valdè observandus est Pauli locus, qui habetur *Rom. 8. v. 29, 30.* Ubi Apostolus seriem & catenam contextens gratiarum & beneficiorum, quæ ex æterno Dei in electos amore manant, & singula suo ordine recensens, vocationem diserte præponit justificationi, tanquam aliquid quod eam antecedit. Nam, inquit, *quos præscivit, etiam prædestinavit conformes fieri imagini filii sui, ut sit ipse primogenitus in multis fratribus. quos autem prædestinavit, hos & vocavit, & quos vocavit, hos & justificavit; quos autem justificavit, hos & glorificavit.* Nam ultro cæcus sit oportet, qui non agnoscat, ex mente Apostoli, justificationem esse aliquid medium inter vocationem & glorificationem.

XVII. Adde quod, si dicimus justificationem esse aliquid vocatione prius, & electos, non tantum in divino decreto, sed actu & re ipsa justificados esse, priusquam in Christum credant, & convertantur, multa sequuntur absurda, & quæ Apostolicæ doctrinæ planè adversantur. Nam qui justificatus est, & remissionem peccatorum suorum à Deo consecutus, transit à morte ad vitam, nec amplius in morte manet. Qui verò nondum est ad Deum conversus, adhuc in morte manet; quandoquidem, nec Deum, nec proximum vera charitate diligit. Nam ut affirmat Joannes, *Qui non diligit fratrem manet in morte.* 1 John 3. 14. Posita autem illa, quam refutamus, hypothesis, vel necesse est aliquem, qui justificatus est in morte adhuc manere, nec transiisse de morte ad vitam: vel, contra expressum Apostoli dictum, aliquem nec proximum, nec Deum diligere, & in morte tamen non manere.

XVIII. Præterea quicumque jam justificatus est, hoc ipso Dei filius est, à Deo adoptatus, & hæres vitæ æternæ constitutus: sed quicumque peccato indulget, nec ab eo per veram poenitentiam recessit, ille ex diabolo est. Nam, ut idem Joannes testatur, *Qui facit peccatum ex diabolo est. Et per hoc manifesti sunt filii Dei, & filii diaboli: Quisquis non dat operam justitiæ non est ex Deo.* 1 John. 3. 8, & 10. Igitur, vel necesse est neminem qui dat operam peccato, & ei mancipatus est, habendum esse pro justificato: vel admittendum, contra manifestam Apostolorum sententiam, aliquem peccatum facere, & justitiæ operam non dare, & tamen illum non esse ex diabolo, sed ex Deo: aut, quod veritati non minus repugnat, illum actu simul esse filium Dei, & filium diaboli; vel saltem aliquem justificatum esse qui nondum tamen sit Dei filius.

XIX. Præterea qui jam justificatus est, & cui peccata omnia remissa sunt, hoc ipso idoneus est qui admittatur in regnum cælorum: Et si supponatur in eo statu mori, nihil est propter quod debeat in infernum detrudi, & ab ingressu regni Dei arceri. Nam cui remissa sunt omnia peccata remissa, ille est ab omni pœna peccati liber, præsertim verò à tormentis inferorum, & gloriæ ac felicitatis cœlestis privatione. Apostolus autem sæpius affirmat, illos qui sceleratè vivunt, & patrant ea quæ carnis opera

vocat,

vocat, non ingressurus in regnum cælorum. *Noīte, inquit, errare, neque fornicari, neque idolis servire, neque adulteri, neque molles, neque masculorum concubitores, neque fures, neque avari, neque ebriosi, neque maledici, neque rapaces, regnum Dei possidebunt.* 1. Cor. 5. v. 10. Et alibi, postquam varia carnis opera recensuit, qualia sunt, adulterium; scortatio, impuritas, lascivia, idololatria, veneficium, inimicitia, lites, emulationes, ex-candescentie, rixæ, dissidia, hæreses, invidia, cædes, comestiones, ebrietates; & his similia, subiungit, *Que prædico vobis, sicut prædixi, eos qui talia agunt, regni Dei non fore heredes.* Gal. 5. v. 21. Vel ergo falsum dixit Apostolus, vel falsum est illos; qui scelera jam enumerata designant, necdum illis renunciarunt, jam justificatos esse; aut dicendum, contra sensum communem Christianorum, & manifestam veritatem, peccata quæ jam remissa supponuntur, & à quibus aliquis censetur jam justificatus, posse tamen obflare, si mos illum rapiat, quominus in gloriam cœlestem admittatur, & consequenter efficere, ut æternis in inferno suppliciis adjudicetur.

XX. Itaque planè dicendum putamus neminem actu & revera justificatum esse, priusquam Spiritus Sanctus eidem & resipiscentiam in eo creans & excitans. Christum ipsi applicuerit. Quæ est expressa sententia Confessionis Anglicanæ Parliamenti, ut vocant, Anglicani, ante aliquot annos autoritate edita. Sic enim habet *cap. 11. art. 4.* prout ex translatione Gallica vertere licuit. Deus ab æterno decrevit justificare omnes electos. Et in complemento temporum Christus pro peccatis eorum mortuus est, & propter justificationem eorum resurrexit. Attamen iustificati non sunt, donec Spiritus Sanctus illorum unicuique suo tempore Christum reapte applicuerit. Atque idem sentire, si sibi constare velint, necesse est omnes illos qui existimant fidem esse medium ejus interventu justificemur, qui proculdubio longè maximam partem Reformationum constituunt.

XXI. Porro qui sunt in hac sententia, non eodem modo explicant qua ratione hic fides interveniat, & concurrat ad peccatoris justificationem. Nam hic varii varie loquuntur. Plurimi dicunt fidem justificare, quoniam est nostræ justificationis causa instrumentalis, per quam Christi iustitia Evangelii verbo oblata accipitur, & nobis applicatur, in remissionem peccatorum nostrorum. Nec alia videtur esse mens eorum qui docent fidem justificare relativè sive objectivè. Per hoc enim aliud significatum nolu-nt, nisi quod fides propria virtute non justificat, sed solummodo quatenus apprehendit Christi meritum & obedientiam, per quam solam propriè eorum Deo justificamur. Alii dicere malunt fidem justificare quoniam est conditio quam fœdus gratiæ, sive Evangelium, postulat à nobis ut justificemur. Siquidem remissionem peccatorum in Christi sanguine, & vitam æternam omni credenti offert.

XXII. Simplicissimum nobis videtur si dicamus, fidem justificare, quia credenti, sua fides imputetur ad iustitiam. Sic enim Apostolus ipse mentem suam explicat, de justificatione per fidem ex professo agens. *Rom. 4. Credenti, inquit, in eum qui justificat impium, reputatur fides ejus ad iustitiam.* Et in hunc finem citat illud Moysi; *Credidit Abraham Deo, & reputatum est ei ad iustitiam.* Fides autem ad iustitiam imputari dicitur, quia Deus illum qui viva fide in Christum credit pro justo habet & reputat, eum à pœna peccati liberans, & ad vitam æternam acceptans, propter Christi mortem & obedientiam.

XXIII. Eodem verò redit sententia eorum qui docent fidem nos justificare ut est fœderis gratiæ conditio. Etenim in eo mens eorum alia non est, quam Deum, ut nos pro iustis habeat, & propter Christum ad vitam & gloriam æternam acceptet, non aliud in Evangelio à nobis exigere, quam ut Christo fide viva & per dilectionem operante adhareamus: & sub hac non verò alia conditione, salutem & remissionem peccatorum nostrorum, Evangelii verbo nobis offerri & promitti: atque hanc esse rationem cur in Scriptura fide justificari dicimur.

XXIV. Quin huc tandem necesse est devenire illos ipsos, qui dicunt fidem nos justificare per modum instrumenti, quod apprehendit Christi iustitiam, & remissionem peccatorum accipit, si velint mentem suam verbis clavis & propriis, & quæ cum veritate & ratione congruunt exponere. Nam, quum dicunt fidem esse instrumentum justificationis, intelligere non possunt instrumentum Physicum & propriè dictum. Nec enim fides physicè & propriè remissionem peccatorum, in qua justificatio consistit, operatur. Morale verò instrumentum justificationis quomodo potest esse fides, nisi quatenus est conditio quedam, ad illam ex parte nostra prærequisita? & similiter, quum dicitur fides apprehendere Christi iustitiam, propter quam absolvimur in Dei iudicio, & remissionem peccatorum oblatam accipere, planum est voces illas *acceptationis*, &

appre-

appellatur, non esse fumens peritio, sed in sapientia salutis. Etiam fides non alia de causa debetur accipere remissionem peccatorum, & apprehendere Christum iustitiam, quam quia Deus sollicitus de salute nostram peccatorum concedit, & filii sui iustitiam in pietate, ac necessitate salutis nostrae fide credens, ut ejus siamus compotes, & propter Christum inquit, & sanguinem ejus accipemur ad vitam æternam. Ac plane frigidum esset, & alienum à pietate christi quibuscum agimus, apprehensionem illam experiri de iustitia, quam per fidem habemus, de imputata nobis Christi obedientia, remissionem peccatorum, in eadem ipsa Deo imputata, quia scilicet, dicimur apprehendere quæ non tunc periclitamur. Hinc jam à nobis satis reclaratum est, argumentis iis quibus & confirmat, fidem de qua agimus iustificare, quam præbendo nobis sensum & notitiam nostræ pietatis salutis.

XXV. Nil erit prædictum per Paulum, & S. Petrum magis congruum dici potest, quam justificationem non fidei tantum, quia fides conditio est quam Evangelium à nobis exigit, ut apud Deum iusti & filii Christi habeamus, ac sicut cum talibus nobiscum agat Deus, nos propter Christum, propter peccata debitis eximens, & regni celestis hæredes intromittens. Sed venit hoc alia quaestio discutienda, nempe, An fides sola iustificet? solum iustificare communis & recepta est Protestantium doctrina; quæ tamen cum cautione tractanda & exponenda est, ne quis sit errori & calumnie locus.

XXVI. Et primò quidem hæc observandum est, quomodo justificationem soli fidei ascribimus, per id nos non negare, quomodo justificationem, præter fidem quæ ad eam ex parte nostra requiritur, multas causas extra nos habeat, sive principales, ut Dei misericordiam, & Christi meritum; sive instrumentales, ut Evangelii verbum & Sacramenta. Itaque per illud solum significamus, intra nos, & ex parte nostra, unam fidem esse per quam iustificemur. Adde ut fides hæc opponatur solis operibus: nec per hoc datur aliud intelligi, quam fidem iustificare, opera verò minime.

XXVII. Quam in re præcitemus habemus Apostolum Paulum, qui in suis Epistolis idem frequenter urget & inculcat, præsertim cap. 4. epist. ad Rom. ubi docet Abrahamum non esse iustificatum ex operibus, sed ex fide, juxta illud Scripturæ, *Credidit Abraham Deo, & imputatum est ei ad iustitiam.* Unde colligit Deum iustificare non operantem, sed credentem, & imputare homini iustitiam absque operibus, quod etiam Davidis testis monio confirmat. Capite verò præcedenti, hæc est ejus conclusio, multis ante argumentis probata & confirmata, *Colligimus hominem fide iustificari absque operibus legi.* Quibus consentanea sunt quæ scribit ad Galatas, cap. 2. v. 16. *Scientes, inquit, non iustificari hominem ex operibus legi, sed per fidem Iesu Christi, etiam in Christum Iesum credidimus, ut iustificemur ex fide Christi, & non ex operibus legi: propterea quod non iustificabatur ex operibus legi ulla caro.*

XXVIII. Præterea, quando cum Paulo asserimus, hominum iustificari sola fide & sine operibus, ex ante dictis satis patet, ab eo nos multum abesse, ut sentiamus fidem quæ sola est, & solum à bonis operibus exilisse, vini habere iustificandi. Siquidem non aliam fidem iustificantem agnoscimus, quam quæ viva est, & ex se bona opera parit.

XXIX. Nec etiam, dum sic loquimur, asserimus volumus iustitiam illam novam, quam Spiritus Sanctus in fidelibus er at, & à qua sæpè in Scriptura iusti sanctique nominantur, consistere sola fide, non verò etiam charitate, cæterisque virtutibus, ad quas deinde gratiæ beneficio formantur, & Christo conformes redduntur. Ut neque per id negare intendimus, præter fidei actum, multos alios à Deo prærequiri, & per gratiam quæ in nobis excitari, prout quomodo donetur illa iustitia habituali; cujus respectu non homines sed et de novo ad Dei imaginem creati in Scriptura dicimur. Quales autem sunt timor Domini divini, peccati detestatio, serium vitæ emendandæ studium, pietas, puritas Dei in oratione, & si qui sint similes. Quam ultrò quoque contemur, iustitiam illam in fidelibus à Deo donatam, exercitio bonorum operum quotidie magis ac magis augeri atque incrementum. Deumque illos, qui accepta gratia recte utuntur, bonis operibus solum vacantes, ampliori indies gratia orare, atque cumulare; juxta illud Christi fideles & promissum, *Hab uti dabitur.*

XXX. In id, quomodo solum fidem iustificare dicimus, ne id quidem significamus, solum credidisse actum præcise sumptum, prout actibus amoris & spei opponitur, & distinguitur à respectu, sive poenitentia, esse conditionem, quam novum fœdus, sive Evangelium postulat, ut peccatorum nostrorum remissionem consequamur, & propter Christum ab iis absolvamur. Nam veniæ spes & Dei dilectio, itemque dolor de

de peccato, & novæ vitæ propositum, ac uno verbo, actus omnes ad veram & fir-
mam conversionem requisiti, sunt etiam quiddam necessarium & omnino prærequi-
situm, ut aliquis à Deo in gratiam recipiatur, & ab eo deinceps habeatur pro justifica-
to. Imò fides illa viva & per charitatem operans, quam justificare solam affirmamus,
omnia illa includit, & involvit.

XXXI. Ac quemadmodum Scriptura frequenter asserit, nos per fidem habere remis-
sionem peccatorum: Ita, non minus sepe, & expresse docet, relapsionem, & totam
peccatoris conversionem ad Deum, esse conditionem, sine qua remissio peccatorum à
Deo obtineri non potest, & quæ, non minus quam fides, ad illam præxigitur, licet
illam nec efficiat, neque promoveatur. Quod pertinet illud Solomonis jam antea cita-
tum, *Qui ascendit scelera sua non prosperabitur, qui autem confessus fuerit, & reli-
querit ea, misericordiam consequetur.* Et quod dicit Christus apud Lucam, *Nisi resi-
piscatis, omnes similiter peribitis.* Unde est quod Petrus sic Judæos hortatur, *Pœ-
nitentiam agite, & baptizetur unusquisque vestrum in nomine Iesu Christi in remissionem
peccatorum.* Act. 2. v. 38. Et, *Pœnite mini & convertimini, ut deleantur peccata vestra.*
Act. 3. v. 19.

XXXII. Sed quomodo Scriptura docet hominem justificari fide, & non operibus, seu
sine operibus, quod nos dicimus sola fide justificari, sensus simpliciter est, neminem
justificari posse præstando opera quæ lex ab homine requirit, ut per eam justificetur:
sed solum credendo in Christum fide viva & efficaci, quod postulat Evangelium, ut
apud Deum pro iustis habeamur. Per opera autem quæ lex propriè sumpta, & ut
opponitur gratiæ, sive Evangelio, exigit ad hominis justificationem, intelligitur, per-
fecta & nullo unquam peccato interrupta, omnium mandatorum legis observatio, quæ
omnem transgressionem, & omne peccatum excludit. Lex enim dicit, *Fac & vives,*
&c., *Qui fecerit ea vivet in eis.* Maledictionem verò distinctè denunciat omnibus pec-
catoribus atque transgressoribus, dum ait, *Maledictus omnis qui non permanserit in omni-
bus quæ scripta sunt in libro legis hujus, ut faciat ea.*

XXXIII. Itaque lex justificat non credentem, sed operantem, idque secundum de-
bitum, non secundum gratiam. Nec enim lex rigide accepta ulli gratiam facit, aut
promittit, sed unicuique severe denunciat quod illi ex stricto jure debetur. Ac proinde
nullum impium & peccatorem justificat, quantumvis supponatur pœnitentia ductus
redire ad meliorem frugem. Ideoque cum omnes homines & in peccato nati, & mul-
torum male admissorum rei sint, nullus omnino potest ex legis operibus, & per legem
justificari.

XXXIV. Sed ab omnibus, à quibus non possumus per legem Mosis justificari, per
Christum omnis qui credit justificabitur. Nam Deus in Evangelio promittit, se propter
Christum, credentes omnes in gratiam recepturum, & liberationem à maledictione le-
gis, ac remissionem peccatorum omnium, in Christi sanguine, offert omnibus indiscri-
minatim, qui Christum fide viva, & per dilectionem operante, amplexi fuerint; il-
lisque tanquam iustis vitam & gloriam æternam pollicetur. Ideoque Evangelium ad ju-
stificationem maximos etiam peccatores admittit, modò peccatis suis renunciantes, &
cedentes fructus pœnitentiæ dignos, in Christum fide viva & efficaci credant. Nec enim
justificat ex debito, sed ex gratia. Nec dicit, *Fac & vives*, verum, *Crede & serva-
beris.*

XXXV. Quoties ergo affirmat Apostolus nos non justificari operibus, sed fide, non
aliud docere intendit, quàm nullum omnino justificari posse per observationem legis,
qualem fœdus legale postulat, ut per illud vitam habeamus, & vitæ Dei maledi-
ctionem: sed Deum pro iustis habere, ac remissionem peccatorum omnium ex mera
sua gratia donare, omnes illos qui corde sincero Evangelium suscipiunt, illicque veram
ex hâc præstant obedientiam.

XXXVI. Hanc esse Apostoli mentem, agnoscat facile quis attentè considerabit
quæ Paulus hac de re differtit in Epist. ad Rom. & Epist. ad Galatas. Nam Paulo justifi-
cari ex operibus simpliciter, justificari ex operibus legis, & justificari per legem, idem
sunt. Sicuti pro eodem habet justificari ex fide, & justificari sine operibus. Justitia
autem legis, secundum Pauli doctrinam, in eo consistit ut quis accurate faciat omnia
quæ lege jubentur, quemadmodum iustus ex fide est ille qui viva fide credit in Christum,
quantum talis sua fides ad justitiam imputatur. Nam opponit sedulo legem, quæ fidem
non postulat, sed perfectam obedientiam, & dicit, *Qui fecerit ea homo, vivet in
illis.* Item, *Execrabilis quisquis non manserit in omnibus quæ scripta sunt in libro legis,
ut faciat ea.* Verbo fidei sive Evangelio, quod justitiam & salutem gratuito credentibus offert

offert, utpotè cujus summa hæc sit, *Si professus fueris ore tuo Dominum Jesum, & credideris in corde tuo quod Deus eum suscitavit ex mortuis, servaberis.* Rom. 10. & Gal. 3.

XXXVII. Proinde juxta Paulum, per legem, sive opera nemo justificatur, nisi qui nullus est transgressionis reus, quique planè isti clausulæ satisfecit, *Qui fecerit ea homo vivet in illis.* Illi verò qui credit in eum qui justificat impium, Deus justitiam sine operibus imputat, quoniam Deus illum pro justo habet, etiam si non sit defunctus operibus quæ lex exigit ad justificationem. Et similiter, quum credentem & operantem opponit Apostolus, docetque Deum justificare non operantem, sed credentem, per operantem intelligit illum qui opera lege præscripta sic præstitit, ut gratiâ opus non habeat, sed debeat illi ex justitia merces: sicuti videre est cap. 4. epist. ad Rom. *Ei qui operatur, inquit, merces non imputatur ex gratia, sed ex debito.* Ei vero qui non operatur, sed credit in eum qui justificat impium, imputatur fides sua ad justitiam. Ubi, quum dicit Apostolus non operari eum qui credit, manifestum est eum dicere nolle, quod qui credit sit bonis omnibus operibus vacuus. Nam in eo qui viva & salutari fide credit, necessariò multa bona opera reperiuntur, qualia sunt, dolor de peccatis admissis, & anteaquæ vitæ detestatio, votum & studium vitæ melioris, veniæ spes, & fiducia in Deum, denique & timor, & amor, & pia nominis ejus invocatio. Sed dicitur non operari qui credit, quoniam non præstat opera juxta legem ad vitam obtinendam necessaria. Ac quamvis fidem ejus multa pia & sancta opera comitentur, Deus tamen, ut loquitur Apostolus, justitiam illi imputat sine operibus, quoniam caret operibus legis, id est, perfectâ illa & exactâ obedientia, sine qua lex nullum justum pronunciat.

XXXVIII. Unde est quod Apostolus in sequentibus probat Deum imputare homini justitiam sine operibus, quia nemo pervenit ad vitam & beatitudinem, & ex consequenti justus apud Deum habetur, nisi cui Deus peccata remittit: juxta illud Davidis, *Beati quorum remissæ sunt iniquitates, & quorum tecta sunt peccata.* Nam ut multa bona opera reperiri possint in eo qui opus habet remissione peccatorum, si tamen Deus illum pro justo habet, necessariò imputat illi justitiam sine operibus illis quæ lex gratiæ opposita exigit ad hoc ut hominem justum pronunciet. Siquidem opera illa constant omnibus numeris absoluta legis observatione, quæ destinatus est ille qui vel semel legem transgressus est, quique ulla peccati remissione opus habet.

XXXIX. Atque hinc sele aperit via commodâ & facilis conciliandi Paulum cum Jacobo, qui in speciem Paulo contradicit: Paulus enim, ut jam vidimus, affirmat Deum credenti imputare justitiam sine operibus, & justificare eum qui credit, & non operatur: & multis in locis vehementer contendit hominem justificari per fidem sine operibus legis. Jacobus verò contra disertis verbis asserit, & multis argumentis probat, quod ex operibus justificatur homo, & non ex fide tantum. Sed quamvis eorum verba videantur inter se pugnare, sensus tamen optimè concordat. Paulus enim negare vult hominem justificari faciendo opera, quæ lex, ut fœderi gratiæ opponitur, exigit ad hominis justificationem, quod Jacobus minimè affirmat. Jacobus autem asserere intendit, hominem non justificari solo & nudo assensu qui verbo Evangelii adhibetur, sed fide tali quæ sit per dilectionem operans, & quam multa bona opera comitentur, quod Paulus ipse expresse docuit, tantum abest ut illud neget. Adeoque, quum dicit Jacobus, *Videtur igitur ex operibus justificari hominem, & non ex fide tantum,* idem est ac si diceret, Videtis Deum pro justo non habere illum qui verbo Dei simpliciter & nudè credit & assentitur: sed illum qui cum fide conjungit bona opera, & qui fidem habet in bonis operibus efficacem.

XL. Porro his sufficienter expositum putamus quæ sint fidei partes in justificatione, & quo sensu opera ab illa excludantur. Sed quoniam hic multe quæstiones motæ sunt, & non parva animorum contentione agitata inter Scholam Romanam & Scholam Reformatam, operæ pretium erit breviter inquirere quid de supra expositis capitibus sentiant Scholæ Romanæ Theologi; ut ita facilius & clarius percipi possit quamam propriè in quæstionem vocentur, ac quanti momenti sint quæ hic agitari solent controversiæ.

XLI. Primum igitur sciendum est Doctores Ecclesiæ Romanæ fidem, ut & nos, distinguere in vivam & mortuam, & distinctionem illam eodem modo exponere. Nam per fidem mortuam intelligunt assensum otiosum & inertem qui verbo Dei adhibetur: quemque nec Dei dilectio, nec ulla verè bona opera comitantur. Et per fidem vivam illam quæ activa est, & operans per dilectionem, quæque & Dei amorem, & fiduciam in eum includit. Et prior etiam actum per credere Deo, posterioris per credere in Deum, significare solent. Quæ distinctio apud eos ita recepta atque vulgaris est, ut superfluum sit eorum hac de re hic referre testimonia.

N r

XLII. Præ-

XLII. Præterea faterentur fidem mortuam atque otiosam hominem non justificare, illamque nihil omnino prodesse ad justitiam & salutem: ac proinde nos sola fide viva, & quæ per dilectionem operetur, justificari. Ita Thomas Stapletonus Anglicus in Academia Duacensi Professor, alteris pluribus in locis, fidem sine charitate & opere obedientiæ mortuam esse, id est, ut ipse exponit, ad salutem & justitiam prorsus ineptam, vanam, & inutilem. Sicuti videre est libro de Justificatione, cap. 2. & cap. 12. Et Prolegomenis in librum quintum, ex Apostolo docet, fidem ad justitiam consequendam nihil valere, nisi operetur per dilectionem. Similiter Bellarminus lib. 1. de Justif. cap. 14. multis argumentis probat fidem quæ separata est à spe & dilectione, ac proinde quæ viva non est, justificare non posse. Quibus accedit Vaquez, Tom. 2. in primam secundæ disput. 210. cap. 7. num. 54. ubi observat fidem, quam Concilium Tridentinum docet habere rationem radicis & fundamenti in nostra justificatione, esse illam quæ movet & excitat affectum: fidem autem quæ affectum non movet, necque ex se actualis est, ut alliciat voluntatem ad bonum, rationem istam radicis & fundamenti non habere. Idcirco, merito Becanus Jesuita, in Summa Theologiæ Scholasticæ, Tom. 2. tract. 4. cap. 2. num. 7. Catholicis suis tribuit, quod communi consensu docent solam fidem formatam, quo nomine Schola Romana designat illam quæ cum charitate juncta est, justificare, Catholici, inquit, docent fidem non justificare, nisi sit firmata charitate. Item, Catholici docent cum Augustino, fidem posse informem existere, non tamen nisi formatam justificare.

XLIII. Itaque non aliam fidem justificare docent, quam illam quæ, non tantum Deo, sed etiam in Deum credimus, id est, quæ junctam habet fiduciam in Deum, & spem veniæ ab eo obtinendæ. Unde nascitur Dei amor & dilectio, ut colligere est ex ipso Concilio Tridentino, sess. 6. cap. 6. *Disponuntur autem, inquit, ad ipsam justitiam, dum excitati divina gratia, & assumpti fidem ex gaudiis concipientes, libere moventur in Deum, credentes vera esse quæ divinitus revelata, & promissa sunt; atque illud in primis, a Deo justificari impium per gratiam ejus, per redemptionem, quæ est in Christo Jesu, & dum peccatores se esse intelligentes, à divine justitiæ timore, quo utiliter concutiuntur, ad considerandam Dei misericordiam se convertendo, in spem eriguntur, fidentes Deum sibi propter Christum propitium fore, illamque tantquam omnium justitiæ fontem, diligere incipiunt, &c.*

XLIV. Præterea Doctores Ecclesiæ Romanæ agnoscunt fidem non justificare, tantquam causam meritoriam remissionis peccatorum nostrorum, & doni justitiæ: quumque homo ex statu peccati in statum gratiæ transfertur justificationem ejus esse merè gratuitam, nec ullis nostris meritis deberi, sed divinæ gratiæ, per Christi solius merita nobis partæ, unicè esse ascribendam. Quod expressè definivit Concilium Tridentinum, eadem sess. 6. cap. 8. *Gratis autem ideo justificari dicimur, inquit, quia nihil eorum quæ justificationem præcedunt, sive fides, sive opera, ipsam justificationis gratiam promeretur; si enim gratia est, jam non ex operibus: alioquin, ut Apostolus inquit, gratia jam non est gratia.*

XLV. Inter se disputant Theologi Pontificii, An fides, saltem de congruo, non mereatur justificationem. Et quidem eorum nonnulli pertendunt fidem neque de condigno, neque de congruo mereri remissionem peccatorum, & primam quam vocant justificationem, quia homo ex peccatore & non justo fit justus, idque quia Concilium Tridentinum simpliciter excludit à fide meritum justificationis, neque ullam hac in re distinctionem adhibet; quæ in sententia est Thomas Stapletonus prolegomenis in librum 5. de Justificatione. Alii verò putant Concilium Tridentinum excludere solum meritum de condigno, non verò negare quin fides de congruo mereri possit justificationem hominis peccatoris per fidem Christum amplectentis, quæ est Bellarmini & Vaquezii sententia.

XLVI. Porro per meritum de condigno intelligunt opus cui merces ex justitia debetur, per meritum autem de congruo opus cui nihil quidem debetur ex justitia, sed quod à bonitate divina aliquid impetrat; cuique decet bonitatem & aequitatem divinam aliquid tribuere. Itaque consentiunt Doctores omnes Ecclesiæ Romanæ peccatorum remissionem, & justificationem hominis peccatoris esse donum Dei gratuitum, & ex justitia non deberi fidei. Quod verò dicunt eorum nonnulli fidem illam mereri de congruo, per hoc non aliud significatum volunt, quam fidem quæ per dilectionem operatur peccatorum veniam & justificationem à bonitate divina impetrare, & congruum esse divinæ bonitati & sapientiæ, ut peccatorem, qui fide efficaci per bonæ operis, ad misericordiam Dei in Christo confugit, à peccatis absolvat & justitia donet.

LXVII. Cæterum fidem justificare dicunt per modum dispositionis, aut etiam tantquam justitiæ partem & initium; quo respectu revocatur fides ad causam formalem justifica-

justificationis. Ad cuius rei intelligentiam, observandum est Doctores Ecclesie Romanæ per justificationem non significare solam à peccatis abolutionem, sed renovationem quoque interioris hominis, quam sanctificationis nomine designamus. Ac præterea fidem duobus modis ab illis accipi: Et 1. quidem pro actu fidei, qui per actuale Dei auxilium in anima excitatur, priusquam adepta sit gratiam habitualement; 2. Pro fidei habitu, qui cum habitibus spei & charitatis, in iam credentis animam infunditur. Priori modo sumpta fides justificat, ex eorum mente, per modum dispositionis: quia per illam anima præparatur & disponitur ad accipiendam à Deo remissionem peccatorum; & simul quoque iustitiam illam habitualement, à qua iusti sanctique fideles in Scriptura vocantur. Fides verò sumpta posteriori modo pertinet ad causam formalem justificationis: quoniam ipsa pars novæ illius iustitiæ, quam Spiritus Sanctus in fidelibus creat, & per quam illos verè & reapse iustos, sanctosque constituit.

XLVIII. Verum quod fidei hac in parte tribuunt, reliquis quoque virtutibus Christianis convenire putant, & operibus ex gratia Dei factis. Itaque fidem solam si præcisè considerare, & prout virtutibus aliis opponitur, justificare negant. Nam sicut, ex eorum doctrina, fidei actus hominem disponit ad consequendam à Deo gratiam justificationis, & eatenus illum justificare dicitur; ita quoque timor iudicii divini, peccati odium & detestatio, spes misericordiae, propositum vitæ emendandæ, iunctio Dei dilectio, & actus alii similes, ad veram penitentiam & conversionem ad Deum requisiti, sunt dispositiones, ex ordinatione divina, necessariae ut aliquis à Deo remissionem peccatorum impetret, & habituali iustitia donetur. Ac quemadmodum fidei habitus pars est iustitiæ, quam Deus in justificatione peccatori infundit, sic quoque partes illius sunt habitus spei, & charitatis: nec constat illa sola fide, sed virtutibus Christianis omnibus. Adeoque ex eorum sensu, virtutes reliquæ, non minus quam fides, pertinent ad causam formalem justificationis, & bona multa opera, quæ cum fidei actu justificationem peccatoris præcedunt, non minus quam actus ille,ificent per modum dispositionis.

XLIX. Sed quamvis existiment iustitiam illam, per quam formaliter coram Deo justificamur, consistere fide, spe & charitate, nolunt tamen fidem, & virtutes cæteras constituere iustitiam ullam, quæ possit ferre rigidum iudicii divini examen: ita ut, si Deus fideles distictè judicare velit, nec uti erga eos ulla clementia & misericordia, possint per iustitiam sibi insulam atque inhaerentem, damnationem vitare, & sperare vitam æternam. Agnoscunt enim fideles, etiam maxime perfectos, quoniam se coram severo Dei tribunali sistunt, teneri cum David dicere, *Ne intres in iudicium cum servo tuo; non enim coram te justificabitur ullus vivens.* Idque tum propter peccata, quæ justificationem eorum antecedunt: tum propter illa in quæ iustificati ex inimitate quotidie labuntur. Itaque mens eorum solum est, virtutes ipsas per Spiritum Sanctum fidelibus insulas, esse formam illam à qua fideles in Scriptura iustificati, & iusti coram Deo denominantur: & constituere iustitiam veram & sinceram, non tantum hominum, sed Dei quoque ipsius iudicio: quamque Deus quum iudex sedebit ultimo die, ex Evangelio mundum iudicaturus, solenniter probabit, laudabit, & præmiabitur vita & gloria æterna.

L. Et similiter, quamvis dicant actus penitentiae, timoris, spei, & dilectionis, esse cum fidei actu dispositiones quasdam ad justificationem, non intelligunt propterea opera ejusmodi, proprie loquendo, justificationem, vel efficere, vel mereri. Non sunt enim, ex eorum mente, dispositiones physicae, quæ propria sua virtute remissionem peccatorum, & iustitiam novam efficiant, vel attingant: sed dispositiones solummodo morales, id est, condiciones, quæ juxta divinam ordinationem, remissionem peccatorum, & iustitiæ habitualis donum, in nobis præcedere debent, & sine quibus Deus beneficia ista homini non vult, nec solet conferre, ut videre est apud Petrum à Sancto Joseph in *Idea Theologiae speculativæ*, lib. 4. cap. 9. Resolutione 3. nec etiam, ut ante ex ipso Concilio Tridentino probatum est, ullis operibus tribuunt vim promerendi gratiam justificationis, quæ, ut notat idem Concilium, non est sola peccatorum remissio, sed & sanctificatio, & renovatio interioris hominis: quam remissionem & renovationem Theologi omnes Ecclesie Romanæ agnoscunt esse merè gratuitam, & nullis nostris actibus, aut dispositionibus ex iustitia deberi: licet quidam eorum, non probantibus actibus, dicant penitentiam, ut & fidem, gratiam istam mereri de congruo: quoniam congruum & consentaneum est bonitati divinæ, ut eam credentibus & penitentibus benigne largiatur.

LI. Attamen Doctores Ecclesie Romanæ distinctionem hanc adhibent inter justificationem primam, quæ homo ex peccatore & impio fit iustus & sanctus, per peccati remissionem,

fionem, & per adoptionem gratiæ sanctificantis atque regenerantis, & inter justificationem secundam, quæ homo jam iustificatus in iustitiâ & sanctitate crescit, & ex iusto iustior, ex sancto sanctior evadit. Et prima quidem illa est quam gratuitam esse volunt; sed quod attinet ad secundam justificationem, docent illam esse ex meritis, & hominem iustum sic per bona opera in iustitiâ & sanctitate crescere, ut etiam ex condigno, mereatur augmentum gratiæ sanctificantis, atque iustificantis.

LII. Ex his verò quæ jam expolita sunt, manifestum est Doctores, tam Scholæ Romanæ, quam Scholæ Reformatæ, agnoscere communi consensu. 1. Fidem rectè distinguere in mortuam & vivam, oisiam & activam; unam quæ est bonis operibus vacua; alteram verò quæ per dilectionem operatur, & secum involvit fiduciam in Deum. 2. Solam fidem vivam iustificare, mortuam autem nihil ad iustitiam & salutem proficere. 3. Non solum credendi actum præcisè sumptum, sed multos alios quoque, qui ad veram poenitentiam, & seriam ad Deum conversionem concurrunt, esse conditiones a Deo prærequisitas, ut aliquis ab eo peccatorum veniam & infusionem novæ & habitualis iustitiæ impetret. 4. Remissionem peccatorum, & renovationem interioris hominis esse donum Dei merè gratuitum; quod nec fidei, nec ullis operibus quantumcunque ex gratia Dei factis, ex iustitiâ debetur. 5. Divinæ bonitati & sapientiæ congruum & conveniens esse, ut peccatori quem serio poenitet, & qui per fidem ad Dei misericordiam confugit, remittantur peccata, & Spiritus Sancti gratia donetur: non verò incredulis & impenitentibus. 6. Novam iustitiam quam Spiritus Sanctus in fidelibus creat, constare non solo fidei habitu, sed etiam reliquis virtutibus Christianis. 7. Iustitiam illam exercitio bonorum operum non conservari solum, sed etiam augeri, illoque qui gratiâ jam receptâ rectè utentes, bonis operibus vacant, ampliori in dies gratiam accipere. 8. Iustitiam quæ per Spiritus Sancti gratiam fidelibus inest, veram & sinceram esse, non tantum hominum, sed Dei ipsius iudicio: adeoque fore ut Deus, quum iudicabit vivos & mortuos, solenne & gloriosum testimonium illi perhibeat, & vitæ æternæ præmium retribuât. 9. Nullam esse in piis iustitiam quæ possit ferre rigidum iudicii divini examen, si Deus hominem absque misericordia iudicet, & erga ipsum nullâ indulgentiâ & clementia uti velit.

LIII. Sed quamvis in his consentiant Doctores utriusque Scholæ, nihilominus inter eos controversatur, quomodo fides justificet. Nam Pontificii sicuti jam diximus, docent fidem iustificare per modum dispositionis; aut etiam tanquam partem formæ, id est, iustitiæ per quam iustificamur: quod Reformatis non probatur. Verum cum iustificatio Pontificiorum sensu, non solum remissionem peccatorum, sed sanctificationem quoque, & renovationem interioris hominis complectatur, dum sic loquuntur sensus eorum est, actum fidei, à quo incipit nostra ad Deum conversio, esse moralem dispositionem, id est, conditionem quam Deus præexigit ut ab eo accipiamus peccatorum veniam, & iustitiæ habitualis donum: tum quoque fidei habitum esse partem novæ illius iustitiæ, quam Spiritus Sanctus in nobis efficit, & per quam iusti sanctique verè nominamur & sumus; non tantum apud homines, sed etiam apud ipsam Deum, qui iustitiam illam ita probat & gratam habet, ut eam vitæ & gloriæ æternæ, in extremo iudicio, iuxta promissiones Evangelii, remuneraturus sit: quod à Scholæ Reformatæ doctrina non est alienum.

LIV. Cum autem Reformati distinguant justificationem à sanctificatione, & per justificari non aliud intelligant, quam in iudicio divino absolvi, quando negant fidem nos iustificare per modum dispositionis, aut per modum formæ, id est, ut iustitiam, seu partem iustitiæ per quam iustificamur, mens eorum est, fidem non esse talem dispositionem, quæ remissionem peccatorum nostrorum mereatur, vel efficiat: & etiam fidei, vel actum, vel habitum, non esse partem iustitiæ illius, propter quam, & cuius merito à reatu peccatorum nostrorum absolvimur, quæ est sola Christi obedientia; licet sit conditio sine qua istam absolutionem consequi non possumus: quod non pugnat cum doctrina Ecclesie Romanæ.

LV. Præterea in questione est, an fides sola justificet, an verò etiam opera. Et quidem fidem solum iustificare, non opera, petendum Doctores Scholæ Reformatæ; sicuti jam observavimus. Sed in eo mens eorum est, ad hoc ut iusti habeamur, & absolvamur in Dei iudicio, non exigî à nobis opera, quæ lex, gratiæ opposita, postulat ad peccatoris justificationem, id est, omnibus numeris absolutam legis observationem, quæ omne peccatum, & omnem omnino transgressionem excludit, sed sufficere ut credamus in Christum fide vivâ, & per bona opera efficaci: etiamsi ante peccato servierimus, & postea non desinamus multis, ex infirmitate, lapsibus esse obnoxii. Ae

præterea,

Præterea, quum opera justificare negant, per id significare volunt, condonationem peccatorum nostrorum, & absolutionem ab illorum reatu in Dei iudicio, merè gratuitam esse, & nullis operum meritis deberi: tum etiam nullas virtutes, nec opera ulla nostra constituisse iustitiam talem, quæ possit districto Dei iudicio opponi, & per quam, si Deus nos severè examinet, nec ullam nobis gratiam faciat, mortem æternam evadere, & ad beatam immortalitatem pervenire queamus: quæ omnia facilè admittit Schola Romana.

LVI. Quum verò Scholæ Romanæ Theologi affirmant nos, non fide solâ, sed operibus quoque justificari, sententia eorum est, non solum credendi actum, præcisè consideratum, sed multos alios, quales sunt timor iudicii divini, dolor de peccato, ejus delectatio, propositum novæ vitæ, spes misericordiæ à Deo obtinendæ, & inde oriens Dei amor & dilectio, & si qui sunt istiusmodi, esse morales dispositiones, id est, conditiones quæ, ex ordine à Deo constituto, in nobis præcedere debent remissionem peccatorum, & renovationem internam per Spiritum Sanctum; & sine quibus Deus non solet gratiam istam nobis largiri. Deinde cum fide virtutes cæteras, constituit veri nominis iustitiam, à qua fideles in Scriptura sancti iustique nuncupantur: & quam etiam Deus iudicio suo comprobabit, quum illam in ultimo die vitæ æternâ remunerabitur: quorum utrumque patet ex ante dictis à Theologis Reformatis concedi. Adeo ut hæcenus hic de vocibus tantum, non de re ipsa contendere videatur.

LVII. Quod autem dicunt nonnulli Theologi Pontificii, bona quedam opera mereri de congruo remissionem peccatorum, & donum iustitiæ, peculiaris est eorum sententia, ut jam indicavimus, non verò doctrina communis Ecclesiæ Romanæ. Neque tamen per hoc significare volunt, iustitiæ infusionem, & peccati remissionem operibus poenitentiae ex iustitia deberi, & non esse donum Dei gratuitum, sed hoc tantum, decere bonitatem divinam, eique congruum & conveniens esse, ut illis qui verè ad Deum convertuntur, & edunt fructus poenitentiae dignos, peccata remittantur, & habitualis iustitia donetur: quod Theologi Reformati non negant: licet in hoc negotio, meritò vocem meriti repudient, quia non est in Scripturæ usu, & sonat aliquid superbum.

LVIII. Sed præterea Doctores Ecclesiæ Romanæ, alio sensu opera justificare docent; quia, scilicet, juxta mentem illorum, merentur ex condigno secundam, quam vocant, justificationem, id est, augmentum gratiæ illius, per quam homo in sanctitate & iustitia crescit; quæ est unanims eorum sententia. Verum admittimus quidem exercitio bonorum operum hominem in iustitia & sanctitate proficere, & majorem à Christo, secundum illius promissa, gratiam obtinere. Sed tamen negamus propterea dicendum esse, quod opera nostra gratiam istam mereantur. Quoniam, videlicet, inter se pugnant *gratia*, & *debitum*. Nec gratia est, id est, donum Dei gratuitum, quod operibus nostris ex iustitia debetur. Siquidem Apostolus disertè opponit illud quod est secundum gratiam, ei quod est secundum debitum. *Rom. 4. v. 4.* Quo pertinet illud ejusdem Apostoli, *Si ex gratia, non ex operibus; alioquin gratia jam non est gratia: si autem ex operibus, jam non ex gratia; alioquin opus jam non est opus. Rom. 11. v. 6.* Sed quæstionis hujuscæ momentum accuratius alias, Deo favente, expendemus, quum de Meritis operum ex professo agemus.

LIX. Cæterum quod diximus, in multis illis ante expositis quæstionibus, Scholam Romanam in re ipsa cum Reformata confestire, etsi verbis multum inter se contendant, verum, quod has præcisè quæstiones attingit, reperitur, si quis communem & solennem Scholæ Romanæ doctrinam, cum ea quæ communi calculo in Scholis quoque nostris recepta est, comparet. Non negamus autem, quin privati Doctores nonnulli, circa prædictas quæstiones, in utraque Schola, quadam singularia doceant, quæ ab adversæ partis sententia non verbis tantum, sed re ipsa discrepant. Nec enim affirmare volumus ipsam communem doctrinam Ecclesiæ Romanæ, in allis controversiis, non pugnare cum illa eadem veritate, quam hic agnoscere coguntur, & eam, ex consequenti saltem, non evertere. Denique fatendum est etiam iis, qui rectè in hac parte, sentiunt, inter disputandum multa excidere, in quibus sibi ipsis contradicere videntur, & quæ benigno egent interprete, ut ad bonum & commodum sensum revocari queant.



THESES THEOLOGICÆ:
DE
JUSTITIA
PER
CHRISTI GRATIAM
Fidelibus inhærente.

THESIS I.

Solenne est Doctoribus Ecclesiæ Romanæ in Protestantes invehî, quasi nullam in fidelibus internam & inhærentem justitiam agnoscerent, nec concederent ullam interioris hominis per Spiritus gratiam renovationem & sanctificationem. Sic Belarminus affirmat Calvinum cum Lutherano nullam inhærentem justitiam admittere. De Just. l. 2. c. 1. Becanus eidem Calvino tribuit hæc propositionem, *In justificatione non injundi gratiam & justitiam, qua homo interior renovatur, & in se fiat justus & sanctius; sed tantum impusari illi externam justitiam Christi, qua extra se justus esse censetur.* De Inst. Calvini, c. 2.

II. Similiter Campianus, Rat. 8. de Protestantibus loquens, Docens, inquit, ne renatos quidem & sanctos quicquam esse aliud intrinsecus nisi veteram corruptionem & contagionem. Et paulò post, *Præclaras isti partes assignant gratiæ, quam neque infusam cordibus nostris, neque ad resistendum sceleribus validam esse laudant; sed extra nos in solo Dei favore collocant, cui favor non emendat impios, sed veterem illam sentinam adhuc manentem & fixentem, ne deformis & olivosa putetur, Deo connivente, dissimulet.* Quibus audacius adhuc clamitans Duræus, Minime miror, inquit, Calvinum nullam in nobis interioris hominis renovationem agnoscere, cum beatos ipsos sceleribus suis, etiam in beatissimis illis sedibus, perpetuo esse contaminatos existimet. Rat. 8.

III. Ad calumniæ hujus depulsionem visum est paucis agere de justitia & sanctitate illa quam in anima fidei Spiritus Sanctus operatur, ac quid & quantum ei Reformati tribuant breviter exponere.

IV. Igitur communi consensu Theologi Reformati & Orthodoxi docent, Deum fideles, quos in gratiam recipit, intus renovare & sanctificare, illisque novam justitiam & sanctitatem infundere, qua Dei creatoris & Redemptoris sui imaginem reterant. Quæ de re privatorum sententias congerere superfluum foret, & infinite opera. Sed tamen, ut clarius & certius appareat quam pudenda sit ista calumnia, visum est quædam

& testatur illos non amplius esse tenebras, sed lucem in Domino, *Eph. 5. 8.* Dat illis cor novum & Spiritum novum, & affirmat ab illis auferri cor lapideum, & in ejus locum cor carneum substitui, *Ezech. 16. 26.* ac docet illos carnem crucifixisse cum ejus concupiscentiis, *Galat. 5. 24.* Quibus in locis describitur per partes sanctitas & justitia illa quam fidelibus virtute Spiritus Sancti inesse asserimus.

X. Sicut autem arbor mala fert fructus malos, & arbor bona bonos fructus producit, ita fideles per Christi gratiam renovari & sanctificati, & justitia jam descripta donati, edunt bona & sancta opera, quæ in scriptura quoque justitiæ nomine veniunt; ut quum dicit Joannes, *Qui facit justitiam justus est sicut ipse justus est, 1 Joh. 3. 7.* Et Christus ipse discipulis suis, *Dico vobis, quod nisi abundaverit justitia vestra plusquam Scribarum & Phariseorum, non intrabitis in regnum celorum, Matth. 5. 20.* Et prior illa quidem justitia habitualis, posterior actualis in Scholis appellatur.

XI. Ab utraque verò fideles in Scriptura frequenter justii sanctique nominantur, & quidem oppositæ ad impios & peccatores, à quibus illos Scriptura iustorum titulo distinguit. Ut quum apud Petrum dicitur, *Oculi Domini super istos, & aures ejus in preceptis eorum: vultus autem Domini super facientes mala, 1 Pet. 3. 12.* Item, *Si justus vix servatur, impius & peccator ubi comparabitur? 1 Pet. 4. 18.* Neque fideles in genere solum justii sanctique nuncupantur; sed & sigillatim ex fidelibus multi hoc titulo insigniuntur, ut exempli gratia, Noe qui dicitur fuisse vir justus & integer in generationibus suis, *Gen. 6. v. 9.* & Lot, quem Petrus Apostolus justii nomine designat, *2 Pet. 2. v. 7, 8.* item Joseph ab Arimathæa, *Luc. 23. 50.*

XII. Quandoquidem autem Scriptura Dei vox est, ex eo quod fideles à justitia ipsis inherente sanctos & justos denominat, certum est illos tales apud Deum censeremur, & revera sanctos atque justos esse, non solum coram hominibus, & eorum opinione; sed etiam Dei ipsius judicio. Id docet manifestè Lucas, dum de Zacharia atque Elizabeth parentibus Joannis Baptistæ testatur *Ambo illos fuisse justos in conspectu Dei, incedentes in omnibus præceptis & constitutionibus Domini inculpate, Luc. 1. 6.*

XIII. Et certè cum sanctitas & justitia illa quam in fidelibus format & efficit Spiritus Sanctus, sit, Apostolo docente, sanctitas & justitia veritatis, id est, sanctitas vera, germana & sincera, non simulata & hypocritica, & in ea sit quoddam imitamentum, & similitudo quædam ipsius sanctitatis & justitiæ divinæ, fieri non potest quin Deo placeat & probetur, juxta illud Propheta, *Justus Dominus justitiam diligit; illum qui rectus est afficit vultus ejus, Psal. 11.* Quo respiciens Petrus, agnoscit in qualibet gente acceptum esse Deo quemvis, qui Deum timet & justitiam operatur, *Act. 10. 11.*

XIV. Quantopere verò Deus gratam habeat sanctitatem & justitiam quæ fidelibus inest, inde patet quod eam non tantum in hoc seculo, sed etiam in futuro magnificè remuneratur. Nam, ut ait sapiens, *Justis retribuentur bona, Prov. 13. 21.* & pietas, quæ sanctitate & justitia illa constat, promissiones habet non solum hujus, sed futuræ vitæ, ut docet Apostolus *1 Timoth. 4. 8.* Quumque Deus olim vivos & mortuos judicabit, justitiæ fidelium testimonium solenne perhibebit, eamque coram universo mundo laudaturus & præmiaturus est vita & gloria æterna, quam gratuito promissit omnibus qui sanctitati & justitiæ student. Nam, ut Christus ipse Dominus noster ait, *Justi fulgebunt sicut sol in regno Patris sui, Matth. 5. 43.* Unde est quod vitæ illa, & gloria æterna vocatur ab Apostolo *Corona justitiæ, 2 Tim. 4. 8.* Reposta est, inquit, mihi corona justitiæ, quam Deus justus iudex mihi reddet in die illa.

XV. Porro Justitia hæc quæ Deo tantopere placet, cuique vitam & gloriam æternam pollicetur, multum ab humana & civili discrepat. Sed in eo præsertim, quod justitia humana industria & viribus humanis acquiritur. Constat enim habitibus virtutum mortalium, quæ crebrò repetitis earundem actibus in anima paulatim formantur. Ad justitiam autem illam quam Deus gratam & acceptam habet humanæ vires attingere non valent: nec quisquam ex se & propriis viribus, ad eam sese disponere & præparare potest: sed, ut ex jam dictis satis evidens est, necesse est illam divinitus infundi, & in nostris animis cœlesti gratia operante formari. Quandoquidem illi qui talem justitiam adipiscuntur, & Dei beneficio sancti justique evadunt, à Deo vivificari, regenerari, & de novo creati dicuntur. Cum ante essent in peccatis mortui, *Joan. 3. 6.* & ex carne geniti nihil essent nisi mera caro, *Rom. 8. 8.* in qua qui sunt Deo placere non possunt, sed sunt inimici Dei mente & operibus malis, *Col. 1. 21.*

XVI. Verum

XVI. Verum quamvis nullus ex se ad veram justitiam & sanctitatem pervenire, aut ad eam sese disponere possit; sed necesse sit illam à Deo modo quodam naturam superante in animam infundi, non solet tamen Deus justitiam illam in anima creare, & homines Spiritu sanctificante donare, quin prius ipse illos ad hoc disponat & præparet quibusdā actibus atque affectibus intus in animis eorum excitatis, vi & auxilio gratiæ illius qua Deus homines à se alienos, & adhuc mortuos in peccatis prævenit.

XVII. Tales actus ad veram justitiam & sanctitatem dispositorii seu preparatorii sunt peccati sensus atque agnitio, timor judicii divini, propositum vite melioris, & anteaquæ vitæ odium & detestatio; tum veniæ spes quædam & misericordiæ divinæ fiducia, aliqua etiam Dei dilectio, in primis verò fides efficax atque actuosa, ex qua spes, dilectio, & fiducia illa oriuntur. Nam priusquam homo accipiat Spiritum sanctificationis, & internam illam gratiam per quam anima renovatur, & Christianis virtutibus ornatur, secundum ordinem à Deo constitutum, & legem ab eo positam, necesse est illum verbo Dei credere, & timore percussus, deque peccatis attritus & dolentem, ad misericordiam divinam confugere, cum proposito vitæ emendandæ, & à peccatis in posterum abstinendi.

XVIII. Spiritus enim ille sanctificans, & animam gratiâ replens atque exornans, non promittitur in Evangelio nisi credentibus & penitentibus. *Qui credit in me*, inquit Christus, *flumina de ventre ejus fluent aquæ vivæ*. Hoc autem dicit de Spiritu quem accepturi erant credentes in eum. Joan. 7. 38. Petrus verò Judæos jam corde compunctos alloquens, sic exponit iis quid esset eorum officii, *Penitentiam agite, & baptizetur unusquisque vestrum in nomine Jesu Christi in remissionem peccatorum; & accipietis donum Spiritus Sancti*. Act. 2. 38. Ac priusquam aliquis justitia satietur, requiritur ut illam sitiat & esuriat, juxta Christi pronuntiatum, *Beati qui esuriunt & sitiunt justitiam, quoniam ipsi saturabuntur*. Matt. 5. 6.

XIX. Nec tamen gratia illa per quam intus sancti justique in conspectu Dei reddimur, tribuenda est actuum illorum, qui etiam ex divina ordinatione præcedunt, merito & efficientiæ. Etenim sanctificatio & adoptio fidelium Dei donum est planè gratuitum. Nec eam aut penitentia, aut fides prærequisita per se efficere aut promereri potest. Ideoque ab Apostolo simpliciter *gratia*, seu donum Dei gratuitum vocatur. Rom. 6. vers. ult. *Stipendii peccati mors; donum autem Dei est vita æterna*. Quippe, juxta sententiam doctrinæ interpretum, Diodati scilicet & Beze, vita æterna ibi rationem non habet subjecti, sed prædicati. Nec simpliciter intendit Apostolus dicere vitam æternam esse quid quod gratiâ à Deo donatur, sed potius justitiam & sanctitatem, quam Deus gratuito nobis donat, dum nos Spiritu & Verbo regenerat, nos ad vitam æternam, tanquam ejus finem & præmium ducere; sicut peccatum impoenitentibus, & peccati servis mortem æternam affert.

XX. Proinde cum nostra regeneratio, seu sanctificatio in solidum gratiæ divinæ tribui debeat, certum est, juxta sensum & stylum Apostolicum, illam non esse ex operibus; neque nos ex operibus regenerari, seu sanctificari, id est, operum nostrorum merito & efficacia sanctos justosque coram Deo reddi. Nam Apostoli sententia sive regula generalis hæc est, *Si per gratiam, non ex operibus; alioquin gratia jam non est gratia: si ex operibus, jam non est gratia; alioquin opus jam non est opus*. Rom. 11. 6.

XXI. Et certè pars illa salutis, cujus per Dei gratiam in hac vita sumus participes, præcipue consistit in liberatione à servitute peccati, & adoptione veræ justitiæ & sanctitatis: Et tamen Apostolus salutem illam operibus abrogat, cap. tertio epistolæ ad Titum. *Quem autem*, inquit, *benignitas est erga homines amor apparatus Salvatoris nostri Dei, non ex operibus justitiæ quæ fecimus nos, sed secundum suam misericordiam salvos nos fecit, per lavacrum regenerationis, & renovationem Spiritus Sancti, quem effudit in nos abundè per Jesum Christum Servatorem nostrum*. Ubi opera justitiæ quæ ipsi fecerimus opponit lavacro regenerationis, & renovationi per Spiritum Sanctum: ac salutem nostram (id est, redemptionem à peccato, sive à servitute & sordibus peccati, cum vera justitia & sanctitate conjunctam) tribui non vult operibus illis, ut causæ efficienti, sive meritoriz; sed operationi Spiritus nos renovantis atque regenerantis, ut ita res sint oppositæ, ex operibus esse & per Spiritus gratiam fieri.

XXII. Quo respiciens idem Apostolus, Eph. 2. dicit nos Christo convivificatos, & servatos esse gratiâ per fidem; non ex operibus, ne quis gloriatur. *Quoniam sumus Dei opus, sive factura, creati in Christo Jesu ad opera bona, quæ preparavit Deus ut in illis ambulemus*. Ubi docet nos à peccatis nostris servari, sive liberari, non vi & merito operum nostrorum;

nostrorum, sed per gratiam illam: qua Deus non solum nobis peccata condonat, sed nos etiam virtute Spiritus Sancti quasi de novo creat, ut novi homines facti, deinceps pie & iuste vivamus, & studeamus operibus bonis.

XXIII. Porro iustitia & sanctitas illa, ad quam fideles per Spiritus Sancti gratiam renovantur, quandiu durat huius vite tempus, nunquam pervenit ad summum; sed perpetuo opus habet augeri & perfici. Adeoque illi ipsi qui progressus in ea quam maximos fecerunt, ad mortem usque agnoscere debent se nondum perfectos esse; & assidue in id incumbere, ut in Christi gratia magis ac magis proficiant, sanctificationem perficientes in timore Dei. Id exemplo suo docet ipse Paulus, quem sanctitate nullus fidelium superasse videtur. Jam enim inorti proximus, profectur se nondum metam apprehendisse, nequa jam perfectum aut consummatum esse. Et postea subiungit, *Unum autem ago, ea quidem quae à tergo sunt oblitiscens, ad ea verò quae à fronte sunt contendens, scopum versus sciri: ad palmam supernae vocationis Dei in Christo Jesu.* 1 hil. 3. 14. Idcirco homines etiam sanctissimos spectat Angeli vox illa ultimo Apocalypsis, *Qui iustus est iustificetur adhuc; & qui sanctus est sanctificetur adhuc.*

XXIV. Neque verò sanctitas & iustitia fidelium simpliciter à summo perfectionis gradu in hac vita deficit, sed multis quoque naevus est obscurata; nec obstat quominus qui ea praediti sunt in peccata saepius ex inirmitate labantur. Haec sunt enim ipsorum Apostolorum voces; *In multis offendimus omnes.* Jac. 3. 2. Item, *Si dixerimus nos peccatum non habere, ipsi nos seducimus, & veritas in nobis non est.* 1 Joh. 18. Ac propterea Salomon univèrsè pronunciat; *Non est homo iustus in terra, qui faciat bonum, & non peccet.* Eccl. 7. 20. id est, sic iustus ut semper bonum faciat, absque ullo peccato.

XXV. Huc vero non alio spectant quæ Theologi Protestantes docent de imperfectione iustitiae illius quæ per Christi gratiam fidelibus inhaeret. Etenim, quum peritendum illam inchoatam duntaxat & imperfectam esse, non perfectam atque absolutam; per id non aliud significatum vult, quam iustitiam istam in terris nunquam attingere supremum perfectionis & excellentiae gradum, quin plurimum ab eo abesse: ideoque per gradus varios quotidie agendam, & promovendam esse; donec tandem in vita futura plenè consummetur & proficiatur. Ac praeterea fideles quantumcunque in iustitia & sanctitate profecerint, suos semper habere defectus, & multis lapsibus manere obnoxios, donec corpus hoc mortale exuerint.

XXVI. Caterum quum iustitiam quæ fidelibus inest inchoatam nominant, per id negare nolunt illam completam esse quoad essentiam & partes integrantes. Et similiter, quum imperfectam affirmant, per id non significant aliquid ei deesse, quod necessario pertineat ad veram rationem iustitiae & sanctitatis. Ulro enim illi concedunt perfectionem partium essentialium atque integram. Nec putant illam esse iustitiam & sanctitatem, vel mancā & mutilam, vel apparentem & falso sic dictam; sed veram & synceram, suis omnibus membris & partibus constantem: utpote per quam homo toti legi divinae, licet non exactè, conformis reddatur, & quæ proinde iustitiae & sanctitatis verae, totam & integram rationem habeat. Unde est quod in hoc negotio, diligenter & saepe distinguunt inter *perfectiōnem graduum, & perfectiōnem partium*, sive essentialium, sive integram. Ac priorem quidem illam inhaerenti nostrae iustitiae convenire pernegant, sed posteriozem illi denegandam non esse fatentur & asserunt.

XXVII. Hic autem certe tanta est veritatis evidentia, ut etiam qui verbis videntur contradicere, re ipsa tamen idem dicere comperiantur. Nam Scholæ Romanae Doctores plane quidem adversa Reformatis loquuntur. Nolant enim iustitiam per Spiritu Sanctu fidelibus infusam, inchoatam solum & imperfectam dici: & acriter contendunt illam esse, & dici debere, perfectam atque absolutam. Sed, quum mentem suam distinctius explicant, in eundem plane sensum cum Theologis Reformatis recidunt. Quippe quando iustitiam, de qua agimus, absolutam vocant, non intelligunt talem esse ut pervenerit ad summum, & ei nihil addi possit. Et similiter, quum dicunt perfectam, non intelligunt perfectam simpliciter, & talem cui nihil omnino desit. Fatentur enim iustos in hac vita suos adhuc habere naevos, & in varia peccata incidere: non ita gravia quidem, ut propter illa iustitia excidant, sed quæ tamen egeant divina misericordia & condonatione. Et hominum etiam sanctissimorum docent iustitiam esse ejusmodi, quæ quotidie perfici, & augmentum sumere possit. Itaq; iustitiam fidelium in hac vita propterea tantum absolutam vocant, quoniam absolute, simpliciter, & revera talis est; non verò tantum iustitia quædam improprie, secundum quid, & per aliquam fictionem sic dicta. Et similiter illam perfectam vocant, quoniam illi nihil deest quod ad essentiam

VERE

verae justitiae pertineat: licet desit illi quaedam perfectio accidentaria, & multis gradibus à summa perfectione absit.

XXVIII. Quod autem hæc sit Doctorum Scholæ Romanæ sententia, dum justitiam quæ regentis inhaeret, perfectam & absolutam vocant, clarissime docet Vasquez, tom. 2. in primam secundæ, disput. 202. cap. 4. num. 26. ubi hæc sunt illius verba: *Porro autem nostram justitiam, & sanctitatem veram esse, & perfectam manifeste patet. Nam si Scriptura docet nos justos, immaculatos, & mundos esse, ut cap. 2. memoravimus, efficitur justitiam nobis inhaerentem veram & perfectam esse. Dico autem perfectam, non quod in summo, aut excellenti gradu sit, sed quod ad rationem justitiæ nihil profus ei desit, quominus ea vere justis constituamur & simus.* Et paulo post hæc addit: *Si ergo Scriptura absolute nos justos pronunciat, sequitur quidem tum nobis justitiam inesse, tum etiam veram & perfectam esse. Quocirca perfectio nostræ justitiæ non debet probari ex quibusdam Scripturæ testimoniis, in quibus commendatur perfecta & insignis caritas; sed potius ex illis in quibus docemur nobis inesse justitiam: nam justitia non est quæ vera & perfecta non est, eo sensu quo perfectam & justitiam habemus explicuimus. Ubi manifestum est illum verum & perfectum pro eodem sumere, & agere de perfectione essentia, non gradum.*

XXIX. Bellarminus vero non minus aperte significat quo sensu renatorum justitiam & sanctitatem perfectam & absolutam vocet, lib. 2. de *Justif. cap. 13.* nam ibi fatetur virtutes infusas, quibus fidelium justitia constat, ita suo quodam modo perfectas esse, ut quotidie magis ac magis perhci debeant. Et paulo post subjungit virtutem semel infusam egere quotidie nova remissione peccati. Justi enim, inquit, tamen multa bona & justa opera faciunt, tamen sæpe etiam labuntur in peccata levia & venialia. Capite vero sequenti justitiam habitualement, ita & non aliter perfectam esse asserit, ut per eam absolute, similiter, & proprie justis nominemur & simus. De justitia vero actuali sic loquitur, *Quamvis aliquo modo sit imperfecta, propter admixtionem venialium delictorum, & egerat quotidiana remissione peccati; tamen, non propterea desinit esse vera justitia, & suo etiam quodam modo perfecta.*

XXX. Atque sic quidem loquuntur ac docent rigidiores ex Pontificis. Si qui sunt inter eos aequiores, rotunde, simpliciter, & aperte fatentur justitiam quæ nobis inhaeret tenuem, inchoatam, & imperfectam esse. Quo de numero in primis est Cardinalis Conarensis: is enim Tractatu de Justificatione, anno 72. superioris sæculi, post Concilium Tridentinum edito: idque cum approbatione Doctorum regentium Theologicæ facultatis Parisiensis, clare & expresse docet & inculcat justitiæ fidelibus inhaerentis imperfectionem. *Hæc nostra justitia, inquit, est inchoata & imperfecta, quæ tueri nos non potest quin in multis offendamus, quia assidue peccemus.*

XXXI. Porro cum justitia & sanctitas fidelium, seu quis habeat rationem virtutum quibus interiori à Deo ornati sunt, seu bonorum operum quæ inde promanant, & in quibus se exercent, imperfecta tantum & inchoata sit: nec solum illi sint in peccatis mortui, antequam Deus illos in gratiam recipiat: sed etiam post acceptam gratiam, variis lapsibus adhuc obnoxii maneant: certum est neminem, vi propriæ justitiæ, & bonorum suorum operum, posse coram severo tribunali Dei consistere, & ferre rigidum divini judicii examen: neque quemquam hominum damnationem vitaturum, & apud Deum infinitam, & vitam æternam dignum pronuntiandum fore, si Deus respiciat tantum ad justitiam quæ illi inhaeret, & bona illius opera, nec erga ipsum ulla indulgentia & clementia uti velit; sed cum eo agere secundum legis præcise consideratæ rigorem.

XXXII. Id manifeste docet Psalter, *Si iniquitates inquit, observaveris Domine, Domine quis sustinebit?* Psal. 130. 3. Quod Job etiam agnoscit his verbis, *Vere scio quod ita sit, & quod non justificetur homo composuit Deo.* Si volueris contendere cum eo, non poteris ei respondere unum pro mille. Job 9. 1. Unde est quod Propheta hac deprecatione apud Deum utitur, *Et non intres in iudicium cum servo tuo: quia non justificabitur in conspectu tuo omnis vivens.* Psal. 143. 2. Quo pertinet etiam quotidiana illa precatio, quæ ex Christi præcepto, vel qui sunt inter homines sanctissimi, uti debent, *Dimitte nobis debita nostra, sicut & nos dimittimus debitoribus nostris.*

XXXIII. Atque hic quoque est tanta vis veritatis, & tam vividus conscientia sensus, ut ultro ei dent manus, nec repugnare audent, etiam qui plurimum justitiæ inhaerenti tribuere videntur. Nam Doctores Scholæ Romanæ agnoscunt neminem, per justitiam sibi inhaerentem & infusam, posse in iudicio divino subsistere, siquidem Deus severe & absque misericordia, agere cum homine vellet. Probant enim illud Gregorii primi, *Quantalibet justitia polleant, nequaquam sibi ad innocentiam, vel electi sufficiunt.*

si in judicio districto requirantur. Et uluò fatentur, ac docent hominem quemlibet egere divina condonatione, non tantum respectu peccatorum illorum, quæ justificationem illius præcefferunt: sed etiam propter lapsus varies ex inhumanitate, in quos, etiam postquam justificatus est, identidem incidit: & propter quos merito cælo excluderetur, nisi clementia divina subveniret.

XXXIV. Telis sit Vasquez ipse inter Pontificios rigidissimus justitiæ inherentes assertor. Is enim Tom. 2. in primam secundæ disput. 202. cap. 6. num. 44. ad locum sibi objectum ex Psalmo 142. juxta versionem vulgatam, respondet *Psalmistam merito Deo postulare ne intret cum ipso in judicium, hoc est, ne ipsum judicet non præmissa misericordia gratiæ suæ. Nam, inquit, nisi prius Deus misericordia sua ipsum præveniat, ut à peccatis justificetur, non poterit non in judicio Dei damari, hoc autem quisque nostrum dicere potest, etiam post justificationem à mortali; quia adhuc multis venialia manent, quæ, nisi Dei misericordia deleantur, præsumam ad judicium Dei vocentur, non poterit homo omnino justificari, hoc est, omnino effugere Dei judicium & ultionem.*

XXXV. Præcipue verò Cardinalis Contarenus, jam citato tractatu de Justificatione, candidè agnoscit justitiam, quæ per gratiam Christi fidelibus inheret, non posse severo Dei judicio opponi: sed cum judicium illud cogitamus, deberi nos Christi justitiæ niti, ut salutis nostræ fundamentum. Ego, inquit, *profusus existimo pie & christiane dici, quod debeamus niti, niti, inquam, tanquam re stabili, quæ certo nos sustentat, justitiæ Christi nobis donata, non autem sanctitate & gratia nobis inherente. Hæc etenim nostra justitiæ est inchoata & imperfecta, quæ tueri nos non potest, quin in multis offendamus, quin assidue peccemus. Idcirco in conspectu Dei non possumus ob hanc justitiam nostram haberi iusti & boni, quemadmodum dicit, et filios Dei esse bonos & sanctos.*

XXXVI. Sicut autem sanctitas & justitiæ illa, quam fidelibus indit Spiritus Sanctus, non oblat quominus egant divina clementia, & misericordia, ad remissionem peccatorum suorum, tam quæ admittunt ante suam justificationem, quam quæ post illam quotidie admittunt: ita quoque remissio illa, respectu nostri, planè gratuita est; nec putandum est Deum nos in gratiam recipere, & peccata nobis condonare, propter justitiam ullam quæ nobis inest, live propter illa opera, quibus ad veram justitiam & sanctitatem disponamur: quasi opera quædam nostra aut justitiæ nobis per Spiritum Sanctum impressa, meritoria essent remissionis peccatorum nostrorum.

XXXVII. Id manifestè Scriptura Sacra docet, dum ait, Deum *gratuito*, id est, gratuito donare nobis omnes offensas, *Coloss. 2. 13.* Item quum toties repetit & inculcat nos servari & justificari gratia, per Dei gratiam, & non ex operibus, *Rom. 3. Ephef. 1. Tit. 3.* N. e enim cuiquam dubium esse potest, quin salus illa & justificatio remissionem peccatorum includat. Adcoque Christi passio & obedientia usque ad mortem crucis, unicuique illud meritum quo Deus movetur ad nobis largiendam delictorum veniam, nosque à peccati reatu liberandos. Unde est quod Apostolus ait, *Nos in Christo habere redemptionem per sanguinem ejus, id est, remissionem peccatorum: nosque justificari per redemptionem quæ est in Christo Jesu, quem proposuit Deus propitiationem per fidem in sanguine ipsius.*

XXXVIII. A quæ hac etiam in parte, consentientes habemus ipsos Pontificios. Nam totam hominis impii & peccatoris justificationem, quæ juxta eos constat peccatorum remissione, & renovatione interioris hominis, gratuitum esse agnoscunt. Nec statuunt ullam ejus causam meritoriam præter Christi mortem & obedientiam, ut videre est in ipso Concilio Tridentino. Nam Sess. 6. cap. 7. enumerans causas justificationis, non aliam ejus causam meritoriam recenset quam passionem Christi. *Hujus, inquit, justificationis causæ sunt finalis quidem gloria Dei & Christi, ac vna æterna. Efficies vero misericors Deus, qui gratuito abluuit: meritoria dilectissimus unigenitus suus Dominus noster Jesus Christus, qui cum esset inimici, propter nimiam charitatem, quæ dilexit nos, sua sanctissima passione in ligno crucis justificationem meruit, & pro nobis Deo patri satisfecit. Capite vero sequenti, expresse negat quicquam eorum quæ justificationem præcedunt, ipsam justificationis gratiam promereri. Gratia autem, inquit, justificari ideo dicimur, quia nihil eorum quæ justificationem præcedant, siue fides, siue opera, ipsam justificationis gratiam promeretur. Si enim gratia est, jam non ex operibus: alioquin, ut Apostolus inquit, gratia jam non est gratia.*

XXXIX. Ideoque Becanus queritur suos calumniam pati, quasi docerent impii justificationem, & remissionem peccatorum, esse ex meritis, non vero gratuitam: &

asserit

afferit dispositiones quæ præcedunt justificationem, tametsi bona opera sint, non tamen mereri primam gratiam justificantem, & remissionem peccatorum: & consequenter primam justificationem esse merè gratuitam, nec ullo modo deberi nobis ex justitia. In summa Theologia Scholastica, tom. 2. tract. 4. cap. 4. similiter Bellarminus Committit malæ fidei accusat, quod dicat inter Protestantes & Ecclesiam Romanam in controversiam vocari, quid sit id, propter quod Deus hominem in gratiam recipiat? An sit meritum filii Dei, an inchoata in nobis novitas? Ac prout agnoscit nos in gratiam non recipi propter meritum ullum quod nobis inest. Nec novitatem vitæ esse meritum nostræ cum Deo reconciliationis. *De justif. lib. 2. cap. 2.*

XL. Quamvis autem in multis quæ hæcenus recensuimus, circa naturam & meritum justitiæ, & sanctitatis quæ regentis inest, inter se consentiant Protestantes & Pontificii; inter eos tamen quæstio est magna contentione animorum agitata, An per justitiam quæ nobis inheret formaliter coram Deo justificemur? quod affirmant Pontificii, post Concilium Tridentinum, Protestantes verò magno consensu negant. De cujus quæstionis statu atque momento, ut rectè judicaretur, necesse est partium contendendum mentem distinctius & clarius exponere.

XLI. Quod spectat ergo Protestantes, verbum *justificare* in hac quæstione sumunt sensu forensi; nec per justificari aliud intelligunt, quam à peccato absolvi, & infontem pronuciari. Hæc verò voces *coram Deo*, ipsis idem sunt atque in districto Dei judicio, & secundum legis rigorem instituto. Itaque, quia negant nos per inherentem justitiam coram Deo justificari, eorum mens est, neminem ratione sanctitatis & justitiæ ullius quæ in ipso reperitur, & bonorum quæ fecerit operum, posse in severo Dei judicio infontem pronuciari, & ab omni culpa absolvi: nec quinquam posse in Dei judicio damnationem elugere, & ad vitam æternam, ut ea dignum acceptari, si justitiam & opera nostra Deus rigide examinet, nec ulla natura erga nos clementia & misericordia.

XLII. Cæterum minime negant, ut clarum est ex iis quæ fuerunt ante exposita, in iis qui per Dei gratiam renati sunt, reperiri justitiam & sanctitatem veram; per quam sancti justique & reveræ sunt, & vere dici possunt, idque non solum coram hominibus, sed etiam in conspectu Dei, qui justitiam illam agnoscit & probat, ut germanam & sinceram, nec potest illam non amare, atque gratam habere, ut in qua virtutum ipsarum divinarum similitudo quædam, & imago splendeat. Quapropter etiam Deus in ultimo judicio in quo homines misericorditer, & ex Evangelico fœdere judicabit, non autem secundum legis præcise sumptæ rigorem, renatorum justitiæ & bonis operibus, gloriosum & solenne testimonium perhibebit, & vitam æternam illis benigne retribuet, secundum gratuita quidem Evangelii promissa, sed in quorum complemento justitia quoque divina elucebit.

XLIII. Ne quis autem adversariorum calumniari possit, hanc non esse germanam Reformatorum sententiam, dum negant nos formaliter coram Deo justificari per justitiam quæ nobis inheret, illosque plus detrahere justitiæ inherenti, quam ipsi tribuamus, hic inferre visum est, quæ paucis hac de re tradit jam citata Consilio Reformatorum ex Polonia, cap. 4. sect. 2. num. 13. *Negamus etiam, inquit, per justitiam illam inherentem propriam nos ita justificari, ut per, & propter eam coram judicio Dei à reatu mortis absolvamur, in filios adoptemur, & vita æterna digni pronunciemur, quo sensu forensi vox justificandi à Spiritu Sancto in hac doctrina usurpatur. Est enim sano sensu dici possit, fideles per charitatem, aliisque virtutes infusas justificari, id est, justos, sanctosque fieri; hæc tamen justitia in hac vita imperfecta est, eaque, ut supra dictum, coram severo Dei judicio nunquam potest consistere, quod solum in hac doctrina maxime spectatur.*

XLIV. Quibus consona sunt quæ docet Joannes Davenantijs Sarisburiensis nuper in Anglia Episcopus, quide justitia habituali & actuali tractatum edidit accuratissimum. Is enim disputatione de Justitia habituali, cap. 22. sic loquitur, *Concedimus esse in omnibus justificatis justitiam quandam inherentem, quam si formalem causam statuamus justificationis (licet eam vocabulum procedat) bene repugnabimus, sed prædictæ justificationis, quæ respondet stricto exanti cælesti judicio, nec formalis, nec meritoria esse ullo modo potest.* Tertio verò capite, probat ab hac, insula, sive inherente justitia, fideles, seu renatos, omnes vocari & censeri justos; idque ab ipso Deo. Non quidem, quod hæc sanctitas insula, aut inherens justitia perfecta sit: sed quod vera, ac minime hypocritica, Deoque nota & grata, qui illam insudit mentibus renatorum. Quod autem

autem sæpe apud Reformatos occurrit, per justitiam inherentem neminem justum esse coram Deo, *cap. 2.* docet intelligendum, non quasi simpliciter & absolute dictum, sed comparate solum, & secundum quid. Nempe non aliud significari per hoc, quam nos justitiam nullam habere, qua niti possimus, si stricte discutiamur coram tribunalis divino: vel nos justitiam non habere quam lex Dei exigit, ad maledicti vitæ, & vitæ æternæ consecutionem.

XLV. Jam verò Doctores Ecclesiæ Romanæ, justificari sumunt non forensi, sed morali sensu. Eitque *justificari* ipsis idem ac sanctificari, & à peccatis sordibus mundari. Itaque quum pettunt hominem formaliter justificari coram Deo per justitiam inherentem, id sibi volunt justitiam à Spiritu Sancto infusam, esse formam à qua fideles in Scriptura sancti justique nominantur, & per quam reapse tales constituuntur; non solum apud homines, sed etiam apud ipsum Deum, qui justitiam quam ipsis indidit probat & acceptat, ut veram & synceram: quæ proinde in igne ultimi judicii, quum Christus vivos & mortuos judicabit, mansura & constituta est; & à Christo laudem & præmium vitæ, & gloriæ æternæ acceptura.

XLVI. Cæterum, ut supra satis probatum est, non sentiunt homines per justitiam sibi inherentem, & bona sua opera, posse coram severo tribunalis Dei consistere, & damnationem vitare, ac vitam æternam consequi, si Deus ipsos, & eorum opera, rigide excutiat; nec quicquam ipsis misericorditer condonet, atque indulgeat. Itaque facile concedunt neminem eo sensu coram Deo justum reperiri, sed omnes egerè divina clementia, & delictorum suorum venia & remissione. Quin ultro fatentur remissionem illam, esse donum Dei plane gratuitum, quod nullis hominum meritis ex justitia debetur: licet ipsa naturæ divinæ bonitas & æquitas quodammodo postulet, ut in gratiam recipiat eos, qui per fidem & poenitentiam, ad misericordiam ipsius confugiant: Quo respiciant nonnulli Doctores Ecclesiæ Romanæ, ut Bellarminus & Becanus, dum dicunt fidem & poenitentiam mereri de congruo remissionem peccatorum. Quem tamen loquendi modum alii repudiant, ut Thomas Stapletonus.

XLVII. Ex his verò facile colligitur, Protestantès & Pontificios, in hac quæstione quidem, sibi invicem verbis contradicere, sed tamen de re ipsa inter eos esse consensum. Etenim, si tollantur voces ambiguae & contentiosæ, & res eadem terminis aliis exprimitur, Pontificii non affirmant, ut patet, quod Protestantès negare intendunt, dum inficiantur quæquam per justitiam inherentem coram Deo justificari. Neque vicissim Protestantès impugnant quod defendunt Pontificii, dum verbis plane contrariis affirmant, nempe justitiam illam inherentem esse causam formalem nostræ cum Deo justificationis. Ita ut tota difficultas pendeat ex vario usu vocis justificandi, quam illi quidem uno sensu, hi verò alio usurpant.

XLVIII. Idenque judicium faciendum videtur de affini controversia, An scilicet homo peccator quibuscumque operibus ad justificationem præparetur & disponatur? quod similiter docent & tuerentur Pontificii, Protestantès verò negant. Nam quum istud affirmant Doctores Ecclesiæ Romanæ, mens eorum alia non est, quam Deum, priusquam hominem peccatorem Spiritu suo sanctificante donet, illique fidei, spei, & charitatis, aliarumque virtutum Christianarum habitus infundat, consuevisse illum gratia sua prævenire, per quam in eo quosdam actus excitat fidei, spei, & dilectionis, ut & timoris judicii divini, doloris de peccato, & propositi novæ vitæ, & si qui sunt similes, qui sunt veluti quædam conditiones præviæ, & morales dispositiones, sine quibus Deus non solet Spiritum illum suum in peccatores effundere.

XLIX. Quam autem hoc non abhorreat à doctrina Reformatorum, patet ex iis quæ ante docuimus Thesi 16. & sequentibus. Quibus conformia sunt quæ satis prolixè disputat Amelius, *Disput. Theologica de Preparatione peccatoris ad conversionem*; quæ jubuncta est ejus rescriptioni ad Nicolaum Gervinchovium, ubi disertis verbis, *Th. 3.* asserit, in omni peccatore post usum rationis convertendo & regenerando, ex ordine præcedere dispositiones quasdam eo facientes, quamvis dispari gradu, secundum sapientiam dispensationis divinæ.

L. Quæ sint autem illæ dispositiones, explicat postea verbis Theologorum Britannorum qui Synodo Dordracenæ interfuerunt. Qui sic loquuntur in judicio suo ad Art. 3. & 4. *Sunt quedam opera externa, ab hominibus ordinariè requisita, priusquam ad statum regenerationis, aut conversionis perducantur, &c. Sunt etiam quedam effectus interni ad conversionem, sive regenerationem prævia, quæ virtute verbi, Spiritusque in nondum justificatorum cordibus excitantur. Qualia sunt, potius voluntatis divina,*

divine, sensus peccati, timor pœnæ, cogitatio de liberatione, spes aliqua veniæ. Quibus potest subjungunt; Nam sicut in generatione hominis naturali, multe sunt præviæ dispositiones, quæ formæ inductionem præcedunt; ita & in Spirituali, per multas antecedentes gratiæ actiones, ad Spiritualem naturam perveniunt.

LI. Quod autem hic sedulo cavendum putant Reformati illud est, ne putetur homo viribus naturalibus liberi arbitrii, posse se quadatenus ad gratiam præparare, aut operibus quibuscunque, etiam gratiæ auxilio factis, remissionem peccatorum, & eorum ablationem, aut Spiritus Sancti donum quoquomodo promereri: quo tendere putant illa quæ Pontificii docent de præparationibus, & dispositionibus variis ad gratiam justificantem, & sanctificantem. Nec alio animo & sine disputant contra Pontificios, & impugnant dispositiones seu præparationes.

LII. Nam alioquin non inviti concedunt ante ipsam justificationem, sensu forensi sumptam, seu quod idem est, ante peccatorum remissionem, in homine multa prærequiri, quæ facile patiuntur vocari dispositiones: modo ne putentur esse justificationis causæ efficientes, vel meritoria. Qualia sunt ea quæ jam sæpius memoravimus, peccari, scilicet, sensus, agnitio, & detestatio, timor judicii divini, gratiæ divini desiderium & spes, aliqua Dei dilectio, & quæ sunt hujusmodi. Ad quæ respiciens Petrus, Act. 3. 19. sic Judæos hortatur, *Pœnitimini & convertimini, ut deleantur peccata vestra.*

LIII. Quæ de re videri potest Paræus in Bellarminum lib. 5. de Justit. cap. 3. *Secundo, inquit, tenendum est, non esse idem dicere dispositiones præcedere justificationem, seu requiri ante justificationem, & dispositiones requiri ad justificationem, seu justificationem acquiri per dispositiones. Nos posterius negamus. Prius recte intellectum concedimus. Similiter Amelius in Bellarmino Enervato, Tom. 4. lib. 5. cap. 4. responsione ad quartum argumentum, concedit dilectionem aliquam esse priorem remissione peccatorum, live justificatione, ut dispositionem prærequisitam; licet dilectio nulla remissionem præcedat ut dispositio causans. Et resp. ad quintum argumentum, pœnitentia quæ est dolor & detestatio peccati, ipso latente antecedit quidem justificationem, ut dispositio ex ordine prærequisita; sed non ut causa. Quibuscum consentiunt quæ Theol. Britannii in judicio jam citato dicunt. Ad statum justificationis, in quo pacem habemus apud Deum per Dominum nostrum Jesum Christum, non solum gratia divina homines perducere per subito entusiasmum, sed multis præviis actionibus ministerio Verbi subdolo, & præparatos. Hoc videre licet in illis, qui audita Petri concione, peccati onus sentiunt, timeant, dolent, liberationem desiderant, spem aliquam veniæ concipiunt: quæ omnia ex illis verbis concipi possunt, Act. 2. 37. Quum hæc audivissent, compuncti sunt corde suo, & dixerunt ad Petrum & reliquos Apostolos, Viri Fratres, quid faciemus?*

LIV. Præsertim verò hac in parte Reformatorum sententiam accuratè exponit & illustrat Davenantius, de Justitia actuali, capite 31. ubi hæc est quinta illius conclusio: *Bona quedam opera sunt necessaria ad justificationem, ut conditiones concurrentes, vel præcursoria; licet non sint necessaria, ut causæ efficientes, aut meritoria.* Cui statim subjungit, *In hisce bonis operibus numero illa interna, quæ apud Deum magni momenti sunt, quamvis in hominum oculos non incurrant; ut dolere de peccato, detestari peccatum, humiliter se Deo subijcere, ad Dei misericordiam confugere, in Christo Mediatore spem figere, novæ vitæ propositum inire, aliaque consimilia.* Divina enim misericordia non justificat stipitem, hoc est, nihil agentes; neque equos & mulos, hoc est, recalcitrantes, & libidinibus suis obstinatè adhaerentes; sed homines, eosdemque compunctos & contritos, ac Verbi Spiritusque divini ductum sequentes. Quomodo igitur ad sanitatem ægrotantis requiritur, ut morbum sentiat, sanitatem appetat, medicum adeat, morbum delegat, pharmacum recipiat; neque tamen ulla harum actionum, aut illis omnibus conjunctim sumptis, tanquam causis propriè meritoriis; aut propriè efficientibus, consequitur valetudinem, sed sola opera medici, & virtute pharmaci: sic ad justificationem obtinendam requiruntur quidam actus, aut præcedentes aut concurrentes; non tamen illorum efficacia, aut merito justificationem adipiscimur, sed gratia Dei miserantis & opitulantis nobis, atque virtute divini illius pharmaci, sanguinis Christi scilicet, quo animæ leprose & morbidæ abluntur & curantur.

LV. Quæ paulò latius referre visum est, ne adversariis sit obstrictandi locus, ac ne quis dubitare possit, Protestantes non simpliciter negare in peccatore requiri quasdam dispositiones, live conditiones præparatorias, ante justificationem, quæcumque tandem ill modo sumatur, live Pontificiorum, live Protestantium sensu: sed ejusmodi solum ad justificationem dispositiones negare, quæ vel viribus liberi arbitrii tribuantur, vel concurrere consentantur ad justificationem efficienter, aut meritorie.

LVI. Verum

LVI. Verum ipsi Doctores Ecclesie Romanæ, aut eorum saltem plurimi, nullas ejusmodi dispositiones agnoscere videntur. Quandoquidem profitentur cum Concilio Tridentino, nihil eorum quæ præcedunt justificationem, justificationis gratiam promereri; & illas qualescunque dispositiones tribuunt, non naturalibus liberi arbitrii viribus, sed auxilio gratiæ excitantis & prævenientis. Testis sit unus pro omnibus Thomas Stapletonus Anglus, Protestantium hostis intensissimus, & acerrimus justitiæ inherētis defensor, quique omnium accuratissime doctrinam Pontificiorum de justificatione tractavisse videtur. Is enim Prolegomenis in librum quintum de Justificatione, postquam enumeravit varias dispositiones ordinariè ad illam requisitas, juxta Concilii Tridentini mentem, inter alia duo monet. Unum est, Non per opera tanquam à nostris viribus profecta, sed tanquam effectus gratiæ prævenientis, & adjuvantis, nos disponi ad primam justitiam. Alterum, Non sic disponi nos per ista opera, ut mereamur primam justitiam, ne quidem ex congruo. Et postea adhuc diligenter inculcat, opera purè moralia, & solius naturæ viribus producta, ad justitiam Christianam non disponere, neque præparare; nec ullo modo quicquam, quod ad vitam; aut gloriam Spiritualem pertinet mereri. Ac denique notat ex dispositionibus non consequi ipsam justitiam, tanquam ex sua causa effectum. Qua in re plurimos Doctores Ecclesie Romanæ ipsi adstipulantes hinc citare liceret, sed brevitaris causa supersedemus.

LVII. Itaque cum Protestantes non simpliciter negent ante justificationem conditiones quasdam, & dispositiones morales prærequiri, quo nihil amplius hac in parte exigit Ecclesia Romana, nec Pontificii velint has dispositiones rationem habere causæ efficientis, vel meritoriz, respectu nostræ justificationis, à quo hic unice Protestantes abhorrent: hinc concludere licet, nullam inter utrosque de istis dispositionibus controversiam realem existere, sed solummodo quandam logomachiam, quæ, formularum & vocum quarundam ambiguitate discussa, evanescit.

THESES THEOLOGICÆ:
DE
JUSTITIA CHRISTI
FIDELIBUS imputata.

T H E S I S I.

HOrno semel per peccatum factus mortis æternæ reus non potuit à pœna peccato debitâ liberari, & jus ad vitam æternam habere, nisi per summam clementiam Dei peccata illi condonantis, eumque ad vitam æternam gratuitò acceptantis.

II. Porro Deus naturâ quidem ad hoc propensus est ut miseris succurrat, verùm non misericors solum, sed & justus est, ac quemadmodum misericordia & peccatori ignoscere compellit, ita postulat justitia ne peccatum impunitum sinat, sed legum suarum vim & majestatem tucatur, pœnam de peccatis sumendo.

III. Proinde sapientiæ divinæ visum non est peccata condonare, nisi justitiæ foret satisfactum, & pœna de peccato condigna quodammodo sumpta.

IV. Sed impossibile erat homini peccatori simul peccatum remitti, & tamen illum pro merito puniri. Cum enim peccatum mortem & perditionem æternam mereatur, fieri non potuit ut peccator servaretur, fieretque vitæ & salutis particeps per divinam misericordiam, & tamen simul pœnam peccato condignam subiret.

V. Ut igitur Dei misericordia erga homines sese exeret, & tamen justitiæ etiam suus esset locus, oportuit vadem aliquem & sponsores intervenire, in quem pœna hominibus debita derivaretur.

VI. Ejusmodi verò vadem hominem quoque esse conveniebat, ut peccatum puniretur in eadem naturâ in quâ patratum fuit; sed hominem non eodem cum cæteris hominibus statû involutum. Etenim qui pro peccatis propriis mortis & maledictionis in judicio divino reus ipse fuisset, non potuisset ultrò pœnam eandem pro aliis subire.

VII. Neque etiam id potuit simplex & nudus homo, qui oneri maledictionis divinæ succubisset, nec potuisset ferre pœnas æquivalentes iis quas totum genus humanum commeruerat, ad quod vis & dignitas infinita requirebatur. Unde sequitur talem Vadem Deum & hominem simul omnino esse debuisse.

VIII. Hinc est quod Deus Optimus Maximus generis humani misertus, illudque ex debita perditione eripere volens, æternum suum filium, & eundem cum ipso Deum in mundum misit, qui in personam eandem assumptâ natura humana, ac proinde simul verus Deus & verus homo, per omnia nobis similis existens, sese pro nobis Deo Patri Mediatorem & sponsores obtulit, qui pœnas nobis debitas exantlaret, iramque divinam à nobis averteret, justitiæ divinæ pro nobis satisfaciendo.

IX. Quod ut effectum daret, tempore per divinam providentiam præstituto, & prophetis oraculis prædicto, filius ille Dei, qui zapinam non ducebat se esse æqualem Deo, accepta servi forma inter homines comparuit, omnesque naturæ humanæ misérias atque infirmitates, excepto peccato, ultrò in se suscepit; vitæque sanctissimæ & innocentissimæ per aliquot annos in his terris peracta, sponte tandem morti maledictæ & probrosæ nostro nomine se objecit, Deo Patri factus obediens usque ad mortem, mortem autem crucis.

X. Qua de re multis ante Christi adventum sæculis clarè admodum fuit vaticinatus

P p

Isaías,

Isaias, cap. 53. ubi juxta morem propheticum, de rebus futuris verbis præteriti temporis loquens, sic venturi Messie passionem pro nobis describit. *Verè languores nostros ipse tulit, & dolores nostros portavit; nos autem reputavimus eum plagis afflictum, percussum & humilitatum à Deo. Ipse autem vulneratus est propter prævaricationes nostras, & tritus est propter iniquitates nostras: castigatio pacis nostre super eum, & livore ejus sanati sumus. Omnes nos quasi oves erravimus, unusquisque in viam suam declinavit; & posuit Dominus in eo iniquitatem omnium nostrum.* Et postea, *Propter prævaricationem populi mei plaga fuit ei. Item, Effudit in mortem animam suam, & cum prævaricatoribus annumeratus est; ipse quoque peccatum multorum tulit, & pro peccatoribus oravit.*

XI. Quo respiciens Petrus Apostolus dicit, Christum passum esse pro peccatis nostris, justum pro injustis; & ipsum peccata nostra pertulisse in corpore suo super lignum. Et Paulus, Christum factum esse pro nobis maledictum; quia scriptum est, *Maledictus omnis qui pendet in ligno.*

XII. Et hinc quoque est quod Scriptura Sacra de morte Christi frequenter loquitur, eum de sacrificio quo peccata nostra fuerunt expiata; ut præsertim videre est in epistola ad Hebræos, & apud Isaiam cap. jam citato; ubi dicitur Messias animam suam posuisse oblationem pro peccato. Ac præterea tanquam de pretio quo sumus à morte & perditione redempti: ut quum dicit Paulus Christum se ipsum *animo* dedisse pro omnibus. Et Christus ipse, filium hominis non venisse ut sibi ministraret, sed ut ministraret, &que animam suam in redemptionis pretium pro multis. Unde et quod Petrus affirmat nos non fuisse redemptos corruptibilibus, auro, & argento, sed pretioso sanguine agni immaculati & in-contaminati Christi.

XIII. Porro Christi passionem, & obedientiam illam Deo Patri pro nobis præstitam usque ad mortem crucis nobis à Deo imputari, donari & communicari il soli negare possunt, qui Christum morte sua pro peccatis nostris Deo satisfecisse negant. Neque enim percipi potest quomodo exhibita à vade satisfactio non imputetur ei cujus nomine facta est: Aut quomodo censetur fidejussor aliquis creditori pecuniam pro debitore solvisse, & solutionem istam acceptasse creditor, & tamen solutam pecuniam non imputari debitori illi pro quo saluta est. Proinde quicumque fatetur Christum pro fidelibus morte sua satisfecisse, & penas illis debitas dedidisse, per evidentem & necessariam consequentiam agnoscit meritum mortis Christi & obedientiam ejus fidelibus à Deo donari atque imputari.

XIV. Illa verò Christi obedientia sic nobis donata atque imputata, ea sola iustitia est propter quam & cujus merito à reatu peccatorum nostrorum absolvimur, & perditionem æternam nobis debitam effugimus, adeoque ex illis ira & perditionis, quales omnes per naturam sumus, in Dei filios & vitæ æternæ hæredes adoptamur.

XV. Verum est quidem Deum neminem propter Christum à peccatis absolvere, quin simul illum induat habitu justitiæ & sanctitatis veræ, quæ à primis initis paulatim contendit ad perfectionem, ad quam demum in futuro seculo pervenimus. Sed iustitia illa licet Deo probetur, & promissionem habeat vitæ & gloriæ æternæ, nullomodo tamen causa est propter quam, & cujus merito à sempiternâ porrâ peccatis nostris debita liberamur, & filii Dei per adoptionem, adeoque regni cœlestis hæredes institui-mur. Verum simul cum remissione peccatorum nostrorum iustitiam ejusmodi propter Christi meritum & satisfactionem à Deo accipimus. Et tunc tam iustitia ista quam remissio peccatorum respectu nostri merè gratuitum Dei donum. Neque hæc ab illa tanquam à causa meritoria & impulsiva pendet.

XVI. Præterea sciendum est Deum, ut nobis Christi satisfactionem & meritum imputet, & propter Christum nos peccatorum veniam & filiorum adoptionem, donec illud à nobis exigere, ut in Christum fide vivā & efficaci credamus, veramque & seriam peccatorum nostrorum poenitentiam agamus. Nec enim deceret ejus sapientiam peccata remittere illis qui obstinatè in peccatis perseverare volunt, & gratiæ ac salutis participes facere illos qui Christi gratiam aspernantur, eumque tanquam servatorem & Redemptorem suum, uti par est, agnoscere & colere recusant. Sed quamvis fides & poenitentia sint conditio quedam à Deo prærequisita ut beneficium istud ab eo accipiamus, & sine qua non convenit nos ejus fieri compotes; nec fides tamen, nec poenitentia remissionem peccatorum & adoptionem filiorum merentur; neque causa sunt propter quam, & cujus dignitate, merito, & efficaciam, tam eximiam gratiam consequimur. Sed tota & in solidum ad Christi obedientiam & meritum est referenda: quantum verò nos spectat simpliciter, & omni ex parte gratuita est, nec ullis nostris actibus, sive operibus, debetur.

• XVII. Id

XVII. Id planè & apertè docet Scriptura Sacra, dum toties inculcat nos per Christi sanguinem atque redemptionem, non ex operibus, sed gratis servari, justificari, & remissionem peccatorum consequi. Ut in illis Apostoli verbis, *Omnes enim peccaverunt, & egent gloria Dei. Justificati gratis, per gratiam ipsius, per redemptionem quæ est in Christo Jesu; quem proposuit Deus propitiationem per fidem in sanguine ipsius.* Rom. 3. vers. 23. Item, *Gratia enim estis salvati per fidem, & hoc non ex vobis; Dei enim donum est.* Non ex operibus, ut ne quis gloriatur. *Ipsius enim sumus sacrificia, creati in Christo Jesu in bonis operibus, quæ preparavit Deus ut in illis ambulemus.* Ephes. 2. vers. 8, 9, 10. Quibus consona sunt quæ scribit ad Titum, *Quum autem benignitas & erga homines amor apparuit Salvatoris nostri Dei, non ex operibus justitiæ quæ fecimus nos, sed secundum suam misericordiam salvos nos fecit per lavacrum regenerationis & renovationis Spiritus Sancti: quem effudit in nos abundè per Jesum Christum Salvatorem nostrum; ut justificati gratia ipsius heredes simus secundum spem vitæ æternæ.* Tit. 3. vers. 4, 5, 6.

XVIII. Eodem quoque spectat quod dicit idem Apostolus Christum nos redemisse ab execratione legis, dum factus est pro nobis ipse execratio: *Gal. 3.* Deum scisse peccatum eum qui non noverat peccatum, ut nos efficeretur justitia Dei in ipso: *2 Cor. 5. 21.* Christum à Deo nobis factum fuisse sapientiam, justitiam, sanctificationem & redemptionem: *1 Cor. 1. 30.* Et sicut per unius hominis inobedientiam peccatores constituti sunt multi, ita per unius obedientiam multos esse constituendos justos: *Rom. 5. 12.*

XIX. Huc autem, non alio respiciunt Scholæ Reformatæ Doctores, quum dicant Christi justitiam ad justitiam nobis imputari, nosque justificari & justos esse coram Deo per imputatam Christi justitiam, non vero per justitiam ullam quæ nobis inhæreat. His enim & similibus formulis nihil aliud significare volunt quam Christi obedientiam usque ad mortem crucis, Deo Patri nostro nomine præstitam, ita nobis à Deo donari ut verè nostra censeatur, eamque esse unicam & solam illam justitiam propter quam & cujus merito & virtute absolvimur à reatu peccatorum nostrorum, & in Dei filios ac vitæ æternæ hæredes adoptamur: Nec ullam in nobis esse justitiam, aut ulla bona opera quibus beneficia tanta promereamur; quæve ferre possint districtum judicii divini examen, si Deus juxta legis suæ rigorem nobiscum agere velit. Ac proinde, quum severum Dei tribunal cogitamus, & maledictionem transgressoribus à lege intentatam, juxta terribilem illam clausulam, *Maledictus omnis qui non permanferit in omnibus quæ scripta sunt in libro legis hujus, ut faciat ea;* nihil nos ei posse opponere, nisi Christi meritum & satisfactionem, in qua soli, peccatorum conscientia exterriti, iutum adversus iram divinam perfugium, & animarum nostrarum pacem & solatium invenire possumus.

XX. Cæterum minime per id negare volunt fidei veræ vivæque, & seræ ac synceræ poenitentis actus in nobis à Deo requiri, ut propter Christi mortem & obedientiam, remissionis peccatorum nostrorum, & adoptionis in Dei Filios participes fiamus. Ac præterea Christum morte & passione sua non solum fideles reatu peccatorum solvere, sed eam quoque ipsis gratiam promeruisse, per quam ad Dei Christique imaginem reorientur, veraque justitia & sanctitate induantur. Quæ justitia, licet his in terris ad summum perfectionis gradum non proveniat, & multis ex infirmitate lapsibus obscuratur, non deficit tamen in essentialibus, Deoque grata atque accepta est: ac quævis per eam fideles non possint coram Deo justificari, si Deus erga ipsos nulla indulgentia & clementia uti velit, nihilominus promissionem habet vitæ & gloriæ æternæ; quam Deus illi olim ultimo die, juxta Evangelium gratiæ mundum judicans, misericorditer & fideliter reddet.

XXI. Hanc autem esse genuinam Doctorem Ecclesiæ Reformatæ sententiam dubitare non possunt qui eorum scripta candidè expenderint, ut innumeris eorum testimoniis manifestum fieri posset: Instat multorum esse debet quod protestantur hac de re Reformatorem in regno Poloniæ deputati, in declaratione suæ sententiæ, quam in Thoruniensi conventu obtulerunt. Ibi enim capite quarto, quod est de Gratia, dicunt Deum rogatos & sincere resipiscentes, non tantum propter solum Christi meritum ex mera gratis imputatione; à peccatis justificare, seu absolvere, & in filio adoptare; sed simul etiam Spiritu charitatis in corda nostra effuso, ad sincerum sanctorumque obedientiam novæ studium in dies magis magisque renovare, & sanctificare, seu justos & sanctos facere.

XXII. Et postea multas à se calumnias amolientes testantur nos falso accusari, *Quasi omnem inherentem justitiam fidelibus negemus, eosque sola externa justitiæ Christi imputatione,*

ratione, quæ sit sine ulla interna renovatione, justificari aiamus. Cum tamen solis penitentibus, & viva fide in Christum credentibus justitiam imputari, simulque per eandem fidem à Spiritu Sancto corda contriti vivificari, ad ardentem erga Christum charitatem & novæ obedientiæ studium excitari, à prævis videlicet cupiditatibus mundari, atque ita justitiam & sanctitatem vitæ novæ inchoari, & in dies perfici doceamus. Id tantum addimus, inquit, per hanc inherentem justitiam propriam, quia in hac vitâ imperfecta est, neminem eorum severo Dei judicio posse consistere, aut in ea confidere, ut à reatu mortis per eam justificetur, seu absolvetur; sed per & propter solam perfectissimam Christi justitiam & meritum vivæ fide apprehensam.

XXIII. Cum vero fideles in Scriptura Sacra frequenter justî sanctique nominentur, fatentur Ecclesiæ Reformatæ Doctores appellationem istam ordinariè non sumi à Christi justitiâ ipsi donatâ atque imputatâ tanquam à formâ quadam, quæ, licet externa sit, ipsos tamen denominet: sed potius à justitiâ & sanctitate illa ad quam per Christi gratiam & meritum renovati sunt; adeoque fideles rectè quidem & verè dici per & propter Christi justitiam & obedientiam justificari & justos constitui; non tamen ab illa tanquam à formâ quadam justos sanctosque nominari; sed causam formalem istius denominationis esse justitiam quæ nobis inhæret.

XXIV. Monet istud Davenantiæ Episcopus Saisburiensis, qui de doctrinâ Justificationis Reformatorum omnium accuratissimè scripsit, & maximo cum Scholæ Orthodoxæ applausu. Nam libro de Justitiâ habituali, cap. 27. *Illud, inquit, obiter observetis velim, nos haud affirmare denominationem justî in Scriptura usitatè sumi à forma extrinseca, sed justificati. Justî enim quemadmodum & sancti in Scripturis vocantur nonnulli ab inchoata justitiâ in ipsis inherente: sed justificati dicuntur à perfectissima Christi justitiâ ipsis imputata.* Et ejusdem libri capite tertio duas hæc propositiones sigillatim probat & explicat. Primo, *Donari sive infundi omnibus justificatis habituales quandam, sive inherentem justitiam.* Deinde, *Ab hac infusa, sive inherente justitiâ fideles seu renovatos omnes vocari & censeri justos, idque ab ipsis Deo.*

XXV. Porò hæc sententiæ Orthodoxæ explicatio probe animadvertenda est contra Doctores Ecclesiæ Romanæ, qui Reformatorum hac in parte doctrinam aut non intelligunt, aut militiæ se derident. Quum enim audiunt Scholæ Reformatæ Doctores passim dicentes, nos coram Deo justificari, & justos constitui per justitiam Christi quæ nobis imputatur, non verò per ullam nobis inherentem justitiam, inde colligunt hos non agnoscere justitiam ullam quæ fidelibus in sit, & cujus ratione verè apud Deum justii & sancti censentur, nosque traducunt quasi doceremus fideles semper in se impios, immundos, & injustos manere: Christi verò justitiam ad hoc solum illis imputari ut peccata eorum tegantur, non tollantur. Ac proinde, quum fideles justii & sancti in Scriptura vocantur, denominationem istam non sumi ab aliqua forma, sive justitiâ quæ ipsis inheret, sed à sola justitiâ Christi, quæ cum extra eos sit, illos tamen denominat, quoniam illis à Deo imputatur.

XXVI. Ita Becanus Jesuita Theologorum nostrorum sententiam proponit & interpretatur in Summa Theologiæ Scholasticæ, Tom. 2. tract. 4. cap. 2. cujus titulus est *De Justificatione ex sententia Calvinistarum*, ubi audacter asserit ex Calvinistarum, quos vocat, sententia 1. In justificatione non tolli peccata, sed tantum tegi & non imputari. 2. Nec infundi homini justitiam inherentem qua interius renovetur, & in se fiat justus; sed imputari illi justitiam Christi quæ extra se justus habeatur. 3. Hominem manere igitur in se peccatorem immundum & impium, & solum censeri pro mundo, pio & justo propter alienam justitiam ipsi imputatam. 4. Et omnia ipsius opera esse immunda, spurca, inquinata, atque adeo peccata mortalia; tamen non obstant illi quia per justitiam Christi teguntur & occultantur. 5. Hinc fieri ut justificatione non consistat in interna renovatione animi, aut sanctificatione, sed in sola peccatorum occultatione & non imputatione.

XXVII. Atque inde est quod Doctores Ecclesiæ Romanæ, existimantes nos ejusmodi monstrâ sub doctrinâ de imputatione justitiæ Christi tegere & alere, illam tam acriter impugnant. Sed quam ab eo sumus alieni ex vera & genuina sententiæ nostræ expositione manifestum fecimus. Siquidem ultro confitemur, & illum qui justificatur simul intus à peccatis per Spiritum Sanctum mundari, & fidelibus infundi justitiam inherentem, quâ interius renovetur, & in se justus fiat. Neque dicimus fideles apud Deum pro mundis, piis & justis censeri, licet in se impii & immundi maneant, sed illos revera pios, mundos, & sanctos per Spiritum Sancti gratiam fieri: Multa quæque eorum

opera

opera agnoscimus pia, sancta & iusta esse, non simpliciter spurca & immunda, atque adeo peccata mortalia. Ac denique præter justificationem illam judicariam, quam ad solum Christi meritum & justitiam referimus, quamque constitutum in absolutione à reatu mortis & perditionis, quam legem Dei violando, apud severum ejus tribunal commisituri sumus, latemur cum Davenantio, de Just. habituali, c. 21. *Dari quandam, ut ita loquamur, justificationem, cujus causam formalem justitiam nobis inherenter dici non improbamus.* Et cum Theologis Polonis, in sua Confessione, cap. 4. *Non negamus sano sensu dici posse fideles per charitatem aliasque virtutes infusus justificari, id est, justos sanctosque fieri.*

XXVIII. Quum vero Theologi nostri negant nos justificari, sive justos esse coram Deo per justitiam propriam, & nobis inherenter, verum per solum Christi justitiam nobis imputatam, mens eorum est, neminem tam justum & sanctum reperiri, quin apud Dei tribunal mortis & damnationis reus comperiatur, si Deus nolit cum ipso misericorditer agere, sed juxta legis rigorem illum dillicte judicare. Quoniam videlicet omnes per legem divinam peccati convincuntur, neque maledictionem quam lex peccatoribus omnibus denuntiavit, ullo modo vitare & effugere possunt virtute & merito propriæ justitiæ, & bonorum quæ fecerint operum, si Deus nullam ipsis gratiam facere velit, sed jure suo erga eos uti. Quod vero fideles liberantur à morte & perditione æterna, quam peccatis suis jure commuerunt, & in Dei filios & regni coelestis hæredes adoptantur, id unice deberi merito mortis & passionis Christi, quam Deus ita nobis donat & communicat, ut vere nostra sit & censeri debeat; non autem ulla ex parte bonis quibuscum nobis operibus, aut alicui justitiæ nostræ, cujus merito atque dignitate Deus non movetur atque impellatur, ut nos ab exitio nobis alicui debito liberet, & jus ad vitam æternam hereditatem concedat.

XXIX. Hæc est vera & germana Reformationum doctrina de justificatione nostra per Christi Domini nostri justitiam nobis imputatam; quam ita manifestam reddit, tum fidei analogia, tum ipse communis Christianorum sensus, & interna conscientie vox, ut nequidem Doctores Ecclesiæ Romanæ illi aperte contradicere audent, sed quum simpliciter & nude proponitur, coganter ei dare manus, & veritate illius subscribere.

XXX. Quippe nullus eorum est, quantum equidem novi, qui dicere audeat fideles propria & sibi inherente justitia fretos, posse coram severo tribunali Dei consistere, & in eo reos non peragi, etiam si Deus illos absque misericordia judicet: Aut qui reclamet Stapletono fatenti, *Si secundum severum judicium Deus homines judicaret, nullum hominis justitiam in suo judicio stare posse.* Lib. de Justif. cap. 14. Et Valquesio agnoscenti unumquemque nostrum, tam ante justificationem, quam post justificationem, teneri cum Psalmista dicere, *Ne intres in judicium cum servo tuo.* Quoniam, nisi Deus nos misericordia sua præveniat, ut à peccatis justificemur, non poterimus non in judicio Dei damnari. Et adhuc post justificationem à peccato mortali, multa venialia manent, quæ, nisi Dei misericordia deleantur, prius quam ad judicium Dei vocemur, non poterit homo omnino justificari, hoc est, omnino effugere Dei judicium & ultionem. *Tom. 2. in 1. 2. Diss. 202. cap. 6. num. 44.*

XXXI. Nec etiam, quod inde consequens est, ullus est Doctorum Ecclesiæ Rom. qui non agnoscat nos omnes apud Deum egere remissione peccatorum, ut possimus mortem æternam vitare, & adoptari in Dei filios, ac vitæ æternæ hæredes: illam vero remissionem & adoptionem in filios Dei respectu nostri gratuitam esse, nec ullis nostris operibus deberi. Id expresse docet ipsum Concilium Tridentinum, Sess. 6. cap. 8. declarans, *Nos ab Apostolo dici justificari gratis, quia nihil eorum quæ justificationem præcedunt, sive fides, sive opera, ipsam justificationis gratiam promeretur.* Nam sub justificatione remissionem peccatorum cum sanctificatione, & renovatione interioris hominis complectitur, ut videre est Sess. 6. cap. 7. Et cap. 3. ejusdem Sessionis justificationem impii describit, *Translationem ab eo statu, in quo homo nascitur filius primi Adæ, in statum gratiæ, & adoptionis filiorum Dei, per secundum Adam Jesum Christum Salvatorem nostrum.* Unde patet ex mente illius Concilii, remissionem peccatorum, & renovationem nostram, ac adoptionem in Dei filios esse beneficia quæ nobis à Deo gratis conceduntur, & quæ nulla nostra opera promerentur.

XXXII. Idem vero Concilium, Sess. 6. cap. 8. docet istius justificationis quæ juxta ipsum non est sola peccatorum remissio, sed & sanctificatio, & renovatio interioris hominis, per quam homo fit ex injusto justus, & ex inimico amicus, ut sit hæres secundum spem viæ æternæ, causam meritariam esse Dominum nostrum Jesum Christum, qui sua sanctissima passione in ligno crucis, nobis justificationem meruit, & pro nobis Deo

Deo Patri satisfecit: ac neminem posse esse justum, nisi cui merita passionis Domini nostri Jesu Christi communicantur. Quod certe re ipsa idem est cum eo quod Theologi nostri significare intendunt; quando dicunt justitiam Christi nobis imputari, & nos per illam coram Deo justificari. Quid enim, ut jam sæpius inculcatum, dum sic loquuntur, aliud sibi volunt quam remissionem peccatorum nostrorum, & adoptionem in Dei filios, & regni cœlestis hæredes, nullis nostris meritis debere: sed soli Christi merito & satisfactioni, quæ nobis à Deo vere donantur & communicantur.

XXXIII. Imo nequidem nostrum loquendi modum simpliciter damnare audent Scholæ Romanæ Theologi; concedunt enim sano sensu dici posse justitiam Christi nobis imputari, & hæri nostram. Quin sanus ille sentus juxta quem locutionem istam interpretantur est ille ipse quem nos intendimus. Id manifeste patet ex Bellarmino, lib. 2. de Justif. cap. 7. §. Quarto refellitur. *Nam, inquit, si solum vellent hæretici nobis imputari Christi merita, quia nobis donata sunt, & possumus ea Deo Patri offerre pro peccatis nostris, quoniam Christus suscepit super se onus satisfaciendi pro nobis, nosque Deo Patri reconciliandi. recta esset eorum sententia.*

XXXIV. Quibus consona sunt quæ addit ejusdem libri cap. decimo, Resp. ad primum argumentum. *Dicitur, inquit, Christus justitia nostra, quoniam satisfecit Patri pro nobis, & eam satisfactionem, ita nobis donat & communicat, quum nos justificat, ut nostra satisfactio & justitia dici possit. Nam etiam si per justitiam nobis inhaerentem vere justitiamur & simus, tamen non per eam satisfacimus Deo pro culpis nostris & pœna eterna. Sed est illa justitia inherens, cum remissione culpe & sempiternæ pœnæ, effectus satisfactionis Christi, quæ nobis in justificatione conscribitur & applicatur. Et hoc modo non esset absurdum si quis diceret nobis imputari Christi justitiam & merita; cum nobis donentur & applicentur, ac si nos ipsi Deo satisfecissimus: modo non negetur esse in nobis præterea justitiam inherentem, eamque veram & absolutam esse justitiam, cui justo Dei judicio non debeat pœna, sed gloria.*

XXXV. Similia quoque habentur apud Gabrielem Vasquez, Tom. 2. in 1. 2. Disp. 222. cap. 1. nam verba ista Concilii Tridentini, *Quoniam nemo possit esse justus, nisi cui merita passionis Domini nostri Jesu Christi communicantur*, dicit idem omnino significare ac si diceret, *nisi cui merita passionis Domini nostri Jesu Christi imputantur.* Disputatione vero 203. affirmat recte dici posse merita Christi nobis imputari, quum agitur de causa meritoria justificationis, *Quoniam imputari nobis Christi merita idem est quod merita illa nobis applicari, & communicari.*

XXXVI. Jam vero quis nostrum aliud cogitavit, quum nos per solam Christi justitiam nobis imputatam justificari dixit, quam hoc ipsum Christum Deo Patri pro nobis satisfecisse, & eam satisfactionem ita nobis à Deo donari, & communicari, quum nos justificat, ut nostra satisfactio & justitia dici possit: adeoque remissionem culpe & sempiternæ pœnæ, quam in justificatione nostra à Deo consequimur, esse effectum solius satisfactionis Christi, non vero justitiæ ullius nobis inhaerentis? Aut quis inde collegit in nobis non esse justitiam per gratiam Christi productam, à qua vere justitiamur & simus: quæque vera sit atque absoluta, quoad essentiam, & partes integrantes, licet in gradibus à summa perfectione deficiat, eique multi navi & maculæ adhæreant ex quotidianis fidelium lapsibus: quod fatentur Doctores Ecclesiæ Romanæ, & nominatim Bellarminus ipse, ut in Theſibus de Justitia per Christi gratiam fidelibus inhaerente antea fuit à nobis probatum? Unde patet Scholæ Romanæ Theologos immerito carpere nostram de imputatione justitiæ Christi doctrinam, quandoquidem nihil hac in parte reverſentimus, quod vis veritatis ipsos non cogat agnoscere.

XXXVII. An autem justitiæ quæ per Spiritus Sancti gratiam fidelibus inest gloria debeat, ut contendit Bellarminus, alia quæſtio est, quam, Deo favente, alias expendemus, quum de bonorum operum meritis ex professo agemus. Id solum breviter dicimus, quantumlibet bonis hominum operibus per se nihil à Deo deberi: attamen Deum justitiæ, & sanctitatis fidelium, coronam vitæ & gloriæ cœlestis liberaliter promississe, & juxta promissa sua misericorditer simul & fideliter esse redditurum, quum olim mortuos & vivos judicabit. Quæ in re non exercebit propriè dictam illam justitiam, quæ aliquis exſolvit quod stricto jure debet, sed tantum justitiam communem quædam ratione sic dictam, quæ est, ut vetustiores Scholaſtici loquuntur, concedentia bonitatis divinæ, & ad quam pertinet fides in promissis servandis. Quod major & sanior pars Scholæ Pontificiæ nobiscum ultro fatetur & agnoscit.

THESES THEOLOGICÆ:

In quibus Exponitur,

AN & QUOMODO

PECCATUM

Tollatur in iis qui

JUSTIFICANTUR.

THESES I.

Peccatum tolli in iis quos Deus in gratiam recipit, res est quæ constat inter Christianos, & quam Scriptura ita clare atque aperte docet, ut à nemine, qui ejus autoritatem reveretur, in dubium vocari possit.

II. Nam Scriptura Sacra, Dei erga homines bonitatem commendat, sæpe testatur eum fidelium peccata tollere, transferre, delere, imò projicere in profundum maris. Ita Moyses in Exodo hanc Deo gloriam tribuit *Domine Deus, misericors & element, patiens & multe miserationis, ac verax, qui custodis misericordiam in millia; qui auferis iniquitatem, & scelera atque peccata.* Exod. 34. Quod imitatus Michæas Propheta, *Quis Deus, inquit, similis tui, qui auferit iniquitatem, & transfert peccatum reliquiarum hereditatis tuæ? Non immittet ultra furorem suum, quoniam volens misericordiam est. Revertetur & miserebitur nostri; deponet iniquitates nostras, & projiciet in profundum maris omnia peccata nostra.* Mich. 7. Quibus verbis alludit Propheta ad Ægyptios, populi Dei hostes, quos Deus olim aquis rubri maris obruit, & in profundum illius submergit.

III. Sic verò Deus ipse apud Isaiam populum suum solatur, *Ego sum, ego sum ipse qui deleo iniquitates tuas propter me, & peccatorum tuorum non recordabor.* Esa. 43. Item, *Delevi ut nubem iniquitates tuas, & quasi nebulam peccata tua.* Esa. 44. Unde est quod fideles à Deo fidenter hanc gratiam implorant, quemadmodum David, Psal. 51. *Averte, inquit, faciem tuam à peccatis meis; & omnes iniquitates meas dele.* Et ejusdem gratiæ spe peccatores ad poenitentiam & conversionem invitantur. *Poenitemini & convertimini,* inquit Petrus Apostolus, *ut deleantur peccata vestra.* Act. 3.

IV. Quoniam autem Deus tantum beneficium nobis confert per & propter Christum, idcirco dicitur à Joanne Baptista, *Agnus Dei qui tollis peccata mundi.* Joan. 1. Quo spectat alter Joannes, dum ait in prima epistolâ, *Sciis quia ille apparuit, ut peccata nostra tolleret.* Et Apostolus quoque in epistolâ ad Hebræos docens Christum apparuisse *eis à peccatis divergens* ad destinationem, sive abolitionem peccati: & illum semel oblatum fuisse ad exhaurienda, sive tollenda multorum peccata.

V. Verùm ut distinctius intelligatur quomodo Christus tollat hominum peccata, observandum est in peccato duo esse. Unum est pravitas & scelerata quædam, quæ peccatorem maculat & deturpat, Deoque odiosum reddit, ac rationi & legi divinæ adversatur: Alterum est obligatio & ordinatio ad poenam quam justitia divina exigit, & lex interminatur.

VI. Ultrinque

& nos à fœda peccati servitute in libertatem vindicare. *Peccatum*, inquit Paulus, *vobis non dominabitur; non enim estis sub lege, sed sub gratia.* Rom. 6. Nam, ut ibidem docet, *Vetus noster homo simul cum Christo crucifixus est, ut destrueretur corpus peccati, ut ultra non serviamus peccato.* Et sub finem illius capitis, *Liberati*, inquit, *à peccato, facti estis servi iustitiæ.*

XIII. Peccata quoque nostra comparantur morbis atque vulneribus, quibus animæ nostræ ægræ & sauciæ sunt: & propterea Deus dicitur per gratiam suam nostras infirmitates, sive morbos sanare. Quod Dei beneficium agnoscit & celebrat David, *Psal.* 103. *Benedic, inquit, anima mea Domino, & noli oblivisci omnes retributiones ejus. Qui propitiatur omnibus iniquitatibus tuis: Qui sanat omnes infirmitates tuas.* Ac quia Christus ille est qui morte sua nobis gratiam illam inpetravit, dicimus ejus livore sanati. *Cujus livore*, inquit Petrus, *sanati estis.* Et propterea Malachias etiam Propheta vocat illum iustitiæ solem, in cujus alis, id est, radiis sanitas est; *Orietur vobis timentibus nomen meum sol iustitiæ, & sanitas in pennis sive in alis ejus.*

XIV. Verum Scriptura de peccato non loquitur simpliciter tanquam de morbo, sive infirmitate; sed etiam tanquam de morte, in qua sine Dei gratia jacemos, & à qua per illam excitamur, & in novam vitam resurgimus. Nam, ut ait Apostolus, *Deus qui Deus est misericordia, quem effemus mortui in peccatis, convivificavit nos Christo, cujus gratia estis salvati.* Eph. 2. & similiter Col. 2. *Vos*, inquit, *cum mortui essetis in delictis convivificavit cum illo.* Et antea dixerat fideles in baptismo Christo consépultos, simul cum illo resurgere.

XV. Ex quibus omnibus certo & evidenter colligitur, peccatum per Christi gratiam in fidelibus tolli, non tantum quoad reatum, seu obligationem ad poenam, sed etiam quoad maculam & pravitatem ipsam, quæ animam inficit. Nam si Deus solummodo poenam peccatoribus debitam relaxaret, propter Christi meritum & satisfactionem, peccata verò quibus illam commeruerunt in membris eorum, sicut antea, hæreret sineret; non obstatet ista poenæ relaxatio, quominus in se peccato infecti, & servitute illius mancipati; vitiis ægri, imò in peccatis mortui, sicut prius manerent: adeoque dici non possent per Christi gratiam à peccatis abluti, mundati, & sanctificati; à servitute peccati liberati, à spiritualibus infirmitatibus sanati; & denique à morte excitati, ut novam vitam cum Christo inchoent, non ambulantes amplius secundum carnem, sed secundum spiritum.

XVI. Porro ista à peccatis purgatio & emundatio tota simul & semel non fit, sed sensim & per gradus varios promovetur. Unde est quod Apostolus illos ipsos quos supponit gratiæ Christi participes, & quorum numero ipse se includit, hortatur ut se magis ac magis mudent, & perficiunt sanctificationem. *Hæc ergo*, inquit, *habentes promissiones, charissimi, mundemus nos ab omni inquinamento carnis & spiritus, sanctificationem perficientes in timore Dei.* Quo spectat illud Apocalypseo, *Qui iustus est iustificetur adhuc; qui sanctus est sanctificetur adhuc.*

XVII. Propterea Christus Dominus, loquens de illis qui sunt ipsius sanguine & spiritu abluti, *Qui lotus est*, inquit, *non indiget nisi ut pedes lavet, sed est mundus totus.* Quibus verbis innuit illis ipsis qui sunt per ejus gratiam mundati & sanctificati, semper aliquid terrenarum sordium adhærescere, à quo purgari & ablui debeant: quemadmodum illi qui corpus abluerunt, non possunt quin pedibus quibus terram contingunt, pulveris aliquid colligant, quo saltem illa parte contaminantur. Ideoque Patrem orat pro discipulis, quos jam ante mundos pronunciaveat, ut illos verbo suo sanctificet; *Sanctifica*, inquit, *illos in veritate tua; verbum tuum est veritas.*

XVIII. Et enim quamdiu in hoc mortali corpore degimus, perpetuo manent in nobis pravitatis & corruptionis nativæ reliquæ. Illa quidem eos qui sunt per veram atque vivam fidem Christo insiti amplius damnare non potest, & felicitate æterna excludere: ac præterea per Christi gratiam ita fracta & debilitata est, ut amplius in iis non regnet, sed spiritui cedat atque subiciatur. Veruntamen non est penitus sublata & eradicata. Unde est quod fideles ipsi sentiunt se multum ad malum proclives, & in bene agendo difficultatem magnam experiuntur. Nec in iis ad mortem usque cessat, carnis adversus spiritum rebellio, quæ legi divinæ repugnat, illosque in diversum trahit, & contra quam ipsis perpetuo luctandum.

XIX. Adde quod ingenitam istam corruptionem in ipsis quoque piis augent habitus vitiosi, per peccata anteacta, & jam remissa contracti; qui paulatim quidem per Christi gratiam delentur atque abolentur: sed tamen non sunt penitus extirpati, ac propterea non desinunt fideles ad varia peccata inclinare atque impellere.

Qq

XX. Unde

XX. Unde fit ut qui sunt per Christi gratiam justificati & sanctificati, nihilominus in varia peccata ex infirmitate quotidie incurrant, juxta illud Jacobi, *In multis offendimus omnes*. Jac. 3. Et Salomonis in Ecclesiaste, *Non est homo justus in terra, qui faciat bonum, & non peccat*. Eccl. 7. Item in Proverbiis, *Quis potest dicere, mundum est cor meum, purum sum à peccato?* Prov. 20. Quo respiciens Joannes pronunciat, *Quod si dixerimus nos peccatum non habere, ipsi nos seducimus, & veritas in nobis non est.* 1 Joan. 1.

XXI. Illi ergo quos Deus per Christum in gratiam recepit à peccatorum quidem maculis purgati sunt, verum non ita ut nihil sordium in iis superlit. Anima quidem eorum Christo medente curata convalescit; vis morbis in iis fracta est, & sunt extra mortis periculum; sed tamen semper est aliquid ex languore & infirmitate priori residuum. Denique peccatum in iis regnum amplius non obtinet, & vires ejus quotidie magis ac magis atteruntur; sed tamen hærent adhuc quadam illius reliquiæ, quibuscum est ipsis assidue pugnandum.

XXII. Atque hoc est quod sibi volunt Theologi Reformati, dum quandoque contendunt peccatum per Christi gratiam, cujus in hac vita participes sumus, non tolli, nec extingui, sed in nobis manere; licet non imputetur, & per Christi meritum & justitiam coram Deo tegatur. Nec enim intelligunt peccatorem, quum justificatur, talem in se manere qualis antea erat, ac in iis sordibus voluntari, & esse eodem modo peccatis obnoxium; sed solum per Christi meritum & satisfactionem iusto quod meretur supplicio eximi. Agnoscunt, ut jam diximus, Deum illos qui susceperunt peccatorum condonati à peccati quoque sordibus & maculis mundare, veraciter justitia & sanctitate donare, ita ut peccato non amplius serviant, sed membra sua sistant arma justitiæ Deo. Verum eorum mens est, peccatum non ita ex fidelibus tolli, quin aliquid peccati in iis reliquum sit, quatenus quotidie à multa peccata labuntur, quorum respectu dicere, opus habent in precibus quotidianis, *Dimitte nobis debita nostra*. Ac præterea, quoniam etiam in sanctissimis & perfectissimis quibusque manet prava illa concupiscentia, & vitium nobis innatum, quod continuum cum mente bellum gerit, eosque ad malum impellit, & in bene agendo impedit & retardat, motusque repugnantes rationi & legi divinæ in iis subinde excitat.

XXIII. Nam istam concupiscentiam peccatum meritis appellari contendunt, quoniam est aliquid malum in genere morum, Deoque displicens atque odiosum, quodque rationi & legi divinæ adversatur, & ab ordine à Deo in ipsa creatione constituto recedit. Quippe peccatum in genere, ipsis est qualibet mala dispositio, vel actio creaturæ rationalis suæ naturæ repugnans alicui legi creatoris, quæ, aut indita, aut præscripta fuit eidem creaturæ. Ideoque pravas dispositiones, & vitiosos habitus, seu innatos, sive acquisitos, in fidelibus ipsis post justificationem eorum residuos, peccati rationem & naturam habere docent, quatenus personam in qua reperiuntur afficiunt modo contrario illi qui fuit à Deo in prima creatione positus: & sunt aliquid *aversum*, id est, vituperabile & malum, non simpliciter Physicum, sed Morale; quod cum peccato, in tota sua latitudine sumpto, converti & reciprocum esse censent. Concedunt tamen concupiscentiam quæ in ipsis regnatis hæret, non esse peccatum strictissimè hujus vocis significatione, juxta quam peccatum quandoque, & Augustino præsertim, significat Malum ex ordinatione divina puniendum, & quod personam in qua reperitur in judicio divino ream actu constituit, & ad poenam obligat: ut videre est apud Joannem Davenantium, de Justitia habituali, cap. 9, & 13. Ubi distinguit, ut jam expositum est, peccatum in latius & strictius sic dictum; atque utitur ista distinctione ut concilier dicta quædam Augustini, quæ in speciem contraria videntur, nempe, in quibus modo negat, modo affirmat concupiscentiam quæ in renatis manet, esse peccatum.

XXIV. Atque hæc sententiæ orthodoxæ explicatio probè tenenda & observanda est, propter Doctores Ecclesiæ Romanæ, qui nostros exagitant, quasi docerent in justificatione non tolli peccata, sed tantum regi & non imputari: adeoque hominem, etiam post justificationem, manere in se immundum, injustum & impium, & solum censeri pro justo, pio & mundo, propter alienam justitiam ipsi imputatam: ac proinde omnia justificatorum opera esse immunda, spurca & inquinata, imò peccata mortalia, tamen non obesse illis, quia per Christi justitiam teguntur & occultantur, ut videre licet apud Becanum Jesuitam, in Summa Theologiæ Scholasticæ, tom. 2. tract. 4. cap. 2. cujus titulus est, de Justificatione ex sententia Calvinistarum: & apud Gabr. Vázquez, tom. 2. in 1. 2. disputat. 202.

disputat. 202. cap. 4. ubi affirmat hæreticos, quos vocat, dogmatizare quod in iustificatis peccata non verè tollantur atque eradicentur, sed maneant, quamvis recta & occultata.

XXV. Sed ista falsò atque injurià nobis tribui patet ex iis quæ diximus, siquidem ultro confitemur Deum illos quos iustificat, atque in gratiam recipit, à peccatis purgare, & ex peccatoribus, immundis & impiis, pios, justos & sanctos reddere; & ita per spiritum in illis operari, ut abnegata omni impietate, & mundanis cupiditatibus, bonis operibus studeant, & proferant fructus. penitentià dignos.

XXVI. Quod autem nihilominus pertendimus per Christi gratiam peccatum non sic tolli & aboleri, quin aliquid peccati, dum hanc vitam vivimus, in ipsis fidelibus & iustificatis superfit: cujus ratione semper Dei misericordià & gratià egeant, prout supra fuit à nobis expositum; res ita certa & explorata est, ut ipsi Doctores Ecclesiæ Romanæ cogantur ei dare manus, & veritati illius subscribere.

XXVII. Primò enim ultro confitemur, neminem in hac vita, saltem juxta legem ordinariam, absque omni peccato vivere; sed illos ipsos qui iustificati sunt & iustificanti gratiam conservant, obnoxios manere multis quotidianis & levioribus peccatis; quæ cum gratia iustificante simul consistere possunt: nec illam statim excutiant, quemadmodum excuti putant peccatis gravioribus & atrocioribus, quæ Apostolus carnis opera vocat. Quod ex professo probat & tuerur Bellarminus contra Pelagianos, lib. 1. de Amis. gratiæ & statu peccati, cap. 5, & 6.

XXVIII. Deinde quamvis dicant Scholæ Romanæ Theologi; in eo qui iustificatur peccata tolli & aboleri prorsus, & quum peccata à Deo remittuntur relictam ex iis maculam totam elui: attamen non negant habitus vitiosos per actualia peccata contractos, etiam post illa remissa remanere, vique & auxilio gratiæ divinæ paulatim delendos & abolendos esse, eaque in re ex parte consistere fidelium in virtute & sanctificatione progressum, ut videre est apud Bellarminum de Amis. gratiæ & statu peccati, lib. 1. cap. 13.

XXIX. Præsertim verò remisso per gratiam iustificanti peccato originali, agnoscunt nihilominus in iustificatis manere id quod in hoc peccato materiale vocant, nempe, pronitatem ad malum, & difficultatem in bono, & quandam, ut loquuntur, deordinationem & perversitatem naturæ contra ordinem in prima creatione positum. Quà deordinatione fit ut inferiores animæ facultes pronæ sint ad resistendum & rebelandum rationi, atque legi divinæ, totusque homo sit ad malum proclivis, & magnam in bene agendo difficultatem sentiat. Et ista ad malum pronitas & naturæ depravatio, est id quod vulgò in Scholis concupiscentia & fomes appellatur.

XXX. Porro hanc concupiscentiam, qualis in ipsis renatis remanet, non negant legi divinæ repugnare, quatenus incitat ad ea quæ lege prohibentur, & retrahit ab iis quæ lex divina jubet. Itaque fatentur illam esse aliquid illaudabile & vituperabile, adeoque defectum, vitium, & malum morale, cui obfistendum sit quodque frangendum atque cohibendum, imò destruendum & crucifigendum est. Quà in re fidelibus sedulò laborandum & connitendum censent; quoque plus in hoc opere profecerint, eo majorem fore ipsorum perfectionem atque sanctimoniam.

XXXI. Quin concedunt concupiscentiam, etiam qualis est in iustificatis, esse rem quam Deus damnat atque odit. Ut autem istud concilient cum eo quod definit Tridentina Synodus, nempe in renatis Deum nihil odisse, distinguunt duplex in Deo odium; unum quod in personam redundat, alterum quod non redundat in personam. Priori modo dicunt Deum non odisse concupiscentiam quæ reliqua est in renatis; quia non reddit personam in qua est Deo odiosam. Sed posteriori modo fatentur Deum odio habere concupiscentiam, quia res est Deo displicens, quamque Deus ex renatis sublatam vult, & auferendam curat. Licet illa non obstat quominus persona fidelis Deo grata sit atque accepta. Non enim, inquit Bellarminus, apud quem est illa distinctio, Deus propter concupiscentiam, quæ est in renatis, vult renatis, vult renatos damnare: sed potius vult concupiscentiam paulatim consumere, ut renatis perfecti sanentur & liberentur. De Amis. gratiæ, lib. 5. cap. 13. sub finem.

XXXII. Denique quamvis negent concupiscentiam, quæ est in renatis, peccatum vocari debere, secundum veram & propriam hujus vocis acceptionem, agnoscunt tamen illam dici posse iniquitatem & peccatum largiori, & improprio quodam sensu: quoniam scilicet ex peccato orta est, & ad peccatum ducit: imò in seipso habet quandam inordinationem, quatenus, scilicet, per eam facultates inferiores quæ, secundum

ordinem à Deo primitus institutum, parere debent superioribus, illis in obediētes & refractarij redduntur. Adeoque in hunc sensum interpretantur plura Apostoli loca in epist. ad Rom. ubi concupiscentiam peccati nomine designat; ut videre est apud eundem Bellarminum, lib. 5. de Amis. gratiæ, & statu peccati. cap. 13. Ex quibus omnibus prudenti cuius colligendum relinquo, quàm parum absint ipsi Scholæ Romanæ Doctores à Protestantium in hoc Articulo doctrina, in quam tamen tam odiose declamant, & tam acerbè invehuntur.



THESES THEOLOGICÆ

DE

CERTITUDINE

Quam quis habere possit & debeat,

DE

Sua coram DEO JUSTIFICATIONE.

PARS PRIMA:

In qua exponitur Sententia Ecclesiæ Reformata.

THESIS I.

Inter rarias calumnias quibus Protestantium Doctrina in Justificationis negotio impetitur, hæ quoque frequenter occurrunt, Quod communi consensu doceant, Omnes & singulos homines posse & debere certa fide credere sibi fuisse remissa peccata, & se coram Deo justos esse. Id illis tam firmiter persuasum esse debere, quam hoc Iesum Christum esse Dei Filium & mundi Redemptorem, & similia fidei dogmata. Talem persuasionem ita necessariam esse, ut absque ea nemo verè fidelis & justus esse possit; non secus ac si credere detestaretur aliquem ex præcipuis & fundamentalibus fidei articulis. In ejusmodi persuasione fidem veram & salvificam constituendam esse, tanquam in ejus actu proprio atque præcipuo. Adeoque homines tali fide, & quidem sola, coram Deo justificari, licet alioqui vitiis indulgeant, nec studeant bonis operibus.

II. Istud præsertim videre est apud Bellarminum & Becanum Jesuitas, qui talia vel supponunt, vel etiam dilerè & expressè nobis assingunt, in suis contra nos Disputationibus. Cum ergo Thesis nostris præcedentibus de Justificatione, & quæstionibus annexis, multas jam ejusmodi calumnias discusserimus nuda & perspicua veritatis expositione; juxta Doctorum Reformatorum sensum, his quoque consimili modo occurrere visum est præsentì Disputatione.

III. Primum ergo apud nos certum atque constitutum est neminem legitimè & verè statuere posse, se à peccatis suis coram Deo justificatum, sequè Deo gratum esse & acceptum ad vitam æternam, nisi qui ex corde vitiis & cupiditatibus mandanis renuntia-

verit,

verit, ut juxta quam nos docet gratia Evangelica, sobrie, pie & iuste in praesenti seculo vivat. Ac proinde quicumque in peccatis suis haerent, & indulgent carnis affectibus, quantumlibet fidem Christi profiteantur, & assensum aliquem Evangelicae Veritati praebeant, si quacunq; ratione in animum suum inducant, et apud Deum esse misericordiam consecutos, Deumque sibi in Christo placatum & propitium esse, protul-
dubio mera est haec fallacia Satanæ, & securitas carnalis atque perniciofa: Nec enim remissio peccatorum promittitur, ac misericordia & gratia divina offertur, nisi illis qui serio resipiscunt, & peccata sua non modo confitentur, sed etiam deserunt. Juxta illud Salomonis, *Qui abscondit scelera sua non prosperabitur; qui autem confessus fuerit, & reliquerit ea, misericordiam consequetur.*

IV. Sed quod attinet ad eos qui seria peccati poenitentia ducti ad Dei clementiam in Christo confugiant, & Christi præceptis ex vera fide, & animo sincero obtemperare student, existimamus eos securos esse posse de Dei erga se misericordia; & certo confidere sibi esse remissa peccata: adeoque sanctitatem & justitiam illam quam sectantur; & cui assiduam operam navant, ad vitam æternam Deo acceptam esse.

V. Id præbet variis exemplis sanctorum tam Veteris quam Novi Testamenti. Ita David de sua in Dei conspectu justitia confidit, & certam vitæ æternæ fiduciam præ se fert, dum sic ait *Psal. 47. Ego autem in justitia apparebo conspectui tuo, satior quum apparuerit Gloria tua. Sive, ut habet veritas Hebraica, Ego in justitia video faciem tuam; & similitudine tua satior quum evigilavero.* Quibus consentanea sunt quæ leguntur *Psalmo sequenti: Retribues mihi Dominus secundum justitiam meam, & secundum puritatem manuum mearum retribues mihi. Quia custodivi vias Domini, nec inique gessi à Deo meo. Quoniam omnia judicia ejus in conspectu meo, & justitias, sive statuta, ejus non repuli à me. Et ero, sive fui, immaculatus cum eo, & observabo me ab iniquitate mea. Et eandem quoque fiduciam, ostendit, dum animæ suæ ita gratulatur, *Psal. 103. Benedic anima mea Domino, & noli oblivisci omnes retributiones ejus. Qui propitiatur omnibus iniquitatibus tuis, qui sanat omnes infirmitates tuas. Qui redumis de interitu vitam tuam: Qui coronat te in misericordia & miserationibus. Qui replet in bonis desiderium tuum: renovabitur ut aquila juvenis tua.**

VI. Neque minus de Dei gratia confidebat; seque vera in Dei oculis justitia præditum credebat pius Rex Ezechias, quum æger ac morti proximus, suam inter precandum audet commemorare pietatem & integritatem, apud *Esaiam*, cap. 38. *Obsecra, inquit, Domine, memento quæso quomodo ambulaverim coram de in virgine, & in corde perfecto; & quod bonum est oculis tuis, fecerim.*

VII. Quam sapè verò Paulus loquitur tanquam omnino securus de Dei erga ipsam benignitate & misericordia; & ut sentiens atque percipiens Christum per gratiam suam in ipso viventem atque habitantem. *Vivo autem, inquit, jam non ego; vivis verò in me Christus. Quod autem nunc vivo in carne; in fide vivo filii Dei, qui dilexio me, & tradidit semetipsum pro me.* Gal. 2. Quibus consona sunt quæ scribit 1 Tim. 1. *Gratias ago ei qui me confortavit in Christo Jesu Domino nostro; quia fidelem me existimavit, ponens in ministerio, qui primus blasphemus fui, & persecutor, & contumeliosus. Sed misericordiam Dei consecutus sum, quia ignorans feci in incredulitate. Superabundavit autem gratia Domini nostri cum fide & dilectione qua est in Christo Jesu.* Unde est quod 2 Tim. 4. sic in Domino gloriatur, *Bonum certamen certavi, cursum consummavi, fidem servavi. In reliquo deposita est mihi corona justitiae, quam reddet mihi Dominus in illo die iustus iudex.*

VIII. Neque verò putandum est id in sanctis illis viris fuisse perulière; ceteros verò fideles, qui nullo singulari privilegio gaudent, non posse similiter apud se certo statuere an sint in Dei gratia, & beneficiorum nobis per Christum patrum revera participes. Nam multis modis ex Scriptura colligitur omnes qui Christo per veram vivamque fidem infiti sunt, absque ulla temeritate, certam ea de re posse concipere fiduciam & persuasionem. Primo enim Apostolus *Rom. 8.* docet fideles omnes, accipere spiritum adoptionis, per quem Deum ut patrem agnoscunt & invocant; & spiritum Dei spiritui eorum testimonium perhibere quod sunt filii Dei, & Christi cohæredes. *Non enim accepistis, inquit, spiritum servitutis iterum in timore; sed spiritum adoptionis filiorum, in quo clamamus Abba Pater. Ipse enim spiritus testimonium reddit spiritui nostro quod sumus filii Dei. Si autem filii, & hæredes, hæredes quidem Dei, cohæredes autem Christi.* Annon autem jure merito certi esse possunt de eo quod

quod spiritus Dei nobis testatur suis in nobis motibus & effectibus? Et quomodo spiritus idem dici posset animo nostro de adoptione nostra testimonium reddere, nisi testimonium ejus efficaciter in nostris cordibus operantis certo percipere & agnoscere possemus? Jam verbū si certi sumus Deum esse Patrem nostrum, & nos esse ejus filios, hoc ipso proculdubio certi sumus, nobis per Christum remissa peccata, & nos per gratiam ejus renovatos in justitiam & sanctitatem veram, quæ Deo grata atque accepta sit.

IX. Præterea spiritus Christi in fidelium animis generat cœlestem quandem pacem, & gaudium innarrabile. Nam ut docet Apostolus, *Gal. 5. 22. Fructus spiritus est charitas, gaudium, pax.* Et *Rom. 14. 17. Regnum Dei justitia est, pax, & gaudium in spiritu sancto.* Imò pacem illam Dei dicit exuperare omnem sensum sive intellectum, *Phil. 4.* Et Petrus affirmat credentes exultare lætitia inenarrabili & glorificata, capite primo prioris Epistolæ. Jam autem quæ pax, & quod spirituale gaudium concipi potest in iis qui nesciunt an Deum habeant Judicem insensum, an vero propitium patrem: Et an sint in statu salutis, an verò damnationis & perditionis æternæ. Et unde nasci potest ineffabilis illa lætitia verè credentium in Christum, nisi ex intimo & vivo sensu divini erga se amoris & favoris, & certa fiducia beatitudinis & gloriæ æternæ.

X. Deinde quicumque certus est se habere spiritum Dei inhabitantem, dubitare non potest quin sit per veram fidem justificatus, & Deo acceptus. Nec enim spiritus ille datur aliis quam verè credentibus. Sed fideles possunt certo agnoscere atque discernere an Dei spiritum habeant. Alioqui frustra diceret Joannes, *Epist. 1. cap. 3. In hoc scimus quoniam manet in nobis, ex spiritu quem dedit nobis.* Et cap. seq. *In hoc agnoscimus quod in eo manemus, & ipse in nobis; quoniam de spiritu suo dedit nobis.* Si enim agnoscere & judicare non possumus num Dei Christique spiritum habeamus, quomodo spiritus ille poterit nobis esse nostræ communionis cum Christo argumentum? Et quomodo ex eo quod spiritum Dei habemus colligere possumus quod in nobis maneat Christus, & nos in ipso.

XI. Similiter, nisi ex signis certis & indubitatis dignoscere possemus, an Christus per fidem veram & vivam in nobis habitet, frustra juberet Paulus ut nos ipsos probaremus & excuteremus, An Christus sit in nobis, & an simus in fide. Neque miraretur illum, tanquam sui ipsius ignarum, qui Christum in se habitantem habens istud non sentiret, atque perciperet, *Vos ipsos, inquit, tentate, an sitis in fide. Annon cognovistis vosmet ipsos, quia Iesus Christus in vobis est, nisi forte reprobi estis?* 2 Cor. 13. Quæ manifestè præsupponunt esse certa signa quibus judicare queamus, an simus fide in Christum præditi; Christumque fidelibus inhabitantem sui sensum non obscurum illis præbere.

XII. Præterea perpetuum fidelium officium est Deo gratias agere propter beneficia ipsis in Christo collata, remissionem, scilicet, peccatorum in Christi sanguine, & vindicationem à servitute peccati & potestate tenebrarum virtute spiritus illius. Siquidem Paulus scribens ad Colossenses hortatur nos, ut cum gaudio gratias agamus Deo Patri, qui dignos, sive idoneos, nos fecit in partem sortis sanctorum in lumine, & qui eripuit nos de potestate tenebrarum, & transtulit in regnum Filii dilectionis suæ; in quo habemus redemptionem per sanguinem ipsius, remissionem peccatorum. Et similiter Petrus priore Epistolâ vult, ut annuntiemus virtutes ejus qui de tenebris vocavit nos in admirabile lumen suum. Jam autem qui possumus Deo gratias agere propterea quod nos transtulit in regnum Filii sui, & in numerum sanctorum adscripsit, si certo scire non valemus, an verè ad regnum Christi pertineamus, & de sanctorum ejus numero sumus? Quis enim legitime & congruenter potest Deo gratias agere de beneficio illo, quod an spectet ad ipsum, & ejus sit particeps ignorat vel dubitat. Nam qui gratias agit de eo quod incertus est an ipsi donatum sit necne, illudere potius videtur quam gratum animum testari.

XIII. Inde quoque manifestum est fideles qui sunt in Dei gratia, de eo non tantum posse, verum etiam debere certos esse. Et si de eo certi non sint, ac super ea re fluctuent & dubitent, istud in iis arguere defectum & infirmitatem aliquam culpabilem. Nam carere illa dispositione, illoque animi affectu, sine quo officio tuo fungi non possis, vitiosa est imperfectio. Ac proinde cum omnes qui sunt per veram fidem beneficium Christi participes, de accepta gratia teneantur Deo gratias agere, neque id quicquam ritè præstare possit, qui de accepta illa gratia certus non sit, inde consequens est talem certitudinem iis inesse debere, & vitio ipsis ac culpæ vertendum si destituti illa reperiantur.

XIV. Et

XIV. Et certè gaudium illud spirituale quo fideles in Christo latantur, quodque non potest esse sine certitudine de propria gratia, & ex ea sponte nascitur, non tantum est fructus quidam Spiritus Sancti ex pietate & fide enascens; sed aliquid quod ad officium fidelium pertinet; nec ab iis abesse potest sine quadam ipsorum culpa. Siquidem ad gaudium istud frequenter hōratur Scriptura; *Semper gaudete*, inquit Apostolus, 1 *Thess.* 5. & cap. 4. *Epist. ad Philipp.* *Gaudete in Domino semper; iterum dico, gaudete.* Et fidelium varia officia describens *Rom.* 12. inter alia ponit istud, *Spe gaudentes.*

XV. Præterea, non potest non esse defectus vituperabilis id quod perfecta charitas expellit, quodque cum ea consistere non potest. Sed cum incertitudine de justificatione & gratia propria perfecta charitas non potest consistere. Nam, ut ait Joannes, 1. 4. *Timor non est charitatis, sed perfecta charitas foras mittit timorem; quoniam timor pœnam habet. Qui autem timet non est perfectus in charitate.* Verùm qui dubitat num sit justificatus, & per gratiam Christi Deo acceptus, non potest non timere, timore illo qui pœnam secum habet. Adeoque perfecta charitas compati non potest secum quævis dubitationem.

XVI. His adde, quod jubemur adire, cum fiducia ad thronum gratiæ, *Hebr.* 4. quodque dicimur in Christo habere fiduciam, sive audaciam, & accessum in confidentia per filium ejus, *Ephe.* 3. sed qua cum audacia, vel fiducia, potest ad Deum accedere, qui incertus & anceps est an Deus ipsi sit placatus, an infensus? quidve potest aliud in animo gignere talis incertitudo, quam timorem anxium, & meram trepidationem?

XVII. Porro quamvis fideles de propria gratia & remissione peccatorum suorum, sine aliqua culpa dubitare non possint, attamen de verè fidelium numero excludendi non sunt quicunque ea de re non sunt omninò certi. Istud quidem arguit parvam & modicam fidem; non autem nullam & non veram: & licet cum fide perfecta non consistat, nihilominus cum syncerâ, sed infirma consistere potest: Nempe prout fides nostra vel major vel minor est, magis vel minus firma, eo etiam nos reddit de Dei gratia magis, vel minus certos, nôque de ea magis, vel minus dubitare sinit.

XVIII. Itaque non pauci sũt syncerâ fide in Christum præditi, & per consequens verè Deo reconciliati, qui tamen de acceptâ gratiâ certi non sunt; & quidam ante mortis articulum certitudinem illam non assequuntur. Imò, tentatione ingruente, contingit viris etiam sanctissimis, gravissimè circa illud fluctuare & angui, num sint in Dei gratia, eique ad salutem accepti. Non quod circa veritatem promissionum divinarum hæsitent, sed quia nimium spectant propriam indignitatem atque infirmitatem.

XIX. Patet id exemplis Prophetarum ipsorum quæ leguntur in sacra Scripturâ. Qualem enim animi æstum experiebatur in se sanctus Propheta, & quibus iactabatur dubitationibus, circa Dei gratiam, favorem atque auxilium, dum *Psal.* 77. in querelas illas erumperet, *Nunquid in æternum projiciet Deus? aut non apponet ut benevolus sit adhuc? An defecit in sæculum misericordiâ ejus, & consumptum est eloquium à generatione in generationem? an oblitus est miserere Deus? An continebit in ira sua misericordias suas?* Et similiter quibus terroribus & anxietatibus percelleretur *Psaltes*, dum sic querebatur *Psal.* 88. *Super me confirmatus est furor tuus, & omnes fluctus tuos induxisti super me. Ut quid Domine repellis animam meam, averis faciem tuam à me? In me transferunt ira tua: & terrores tui conturbaverunt me. Circumderunt me sicut aqua: tota die circumdederunt me simul.*

XX. Verùm in sanctis illis viris id fuit magnum humanæ infirmitatis argumentum, non autem opus virtutis imitandum. Itaque siqua talis fidelium animis occurrat dubitatio minimè fovenda est, sub humilitatis prætextu, sed adversus illam seriò luctandum; fidelibusque toto studio contendendum ut ex eam animo deponant, in fide proficientes, ad certam de gratia Dei fiduciam perveniant. Quam ad rem juvabit oratio frequens, & pietatis praxis, assiduumque bonorum operum exercitium. Quo spectat Petrus Apostolus, dum vult nos satagere ut per bona opera nostram vocationem & electionem certam faciamus. 2 *Pet.* 1.

XXI. Porro cum fides vera, licet infirma, saltem, ad tempus consistere possit absque fiducia certa & absoluta de obtenta à Deo remissione peccatorum, & nostra per Christi gratiam reconciliatione, inde patet fiduciam istam non esse propriam & formalem æstum fidei salvificæ atque justificantis. Nec enim fides justificans unquam consistere potest sine actu suo proprio & formali.

XXII. Adde

XXII. Adde quod fiducia illa de jam impetrata per Christum reconciliatione, & condonatione, peccatorum suorum, præsupponit veram fidem in corde præexistentem. Nec enim quisquam istud legitime sibi persuadere potest, nisi propriam fidem sentiens atque percipiens, sic apud se ratiocinetur; Quicumque credit in Christum verà fide vivaque, remissa sunt ipsi peccata, & juxta Evangelium justus est apud Deum. Atqui talem fidem sentio atque experior. Ergò mihi sunt remissa peccata, & apud Deum justus propter Christum habeor. Unde manifestum est fiduciam quæ ista conclusione exprimitur, esse aliquid fidem sequens ac præsupponens; quodque nascitur ex propriæ fidei sensu & consideratione. Sed fidei actus proprius & formalis non præsupponit fidem, sed illam constituit; nec est quiddam oriens ex fidei jam existentis sensu, sed in quo ipsa fidei essentia consistat.

XXIII. Præterea modo descripta fiducia est aliquid posterius justificatione, & quod justificationem jam factam consequitur. Prius enim necesse est aliquem justificatum esse, quam ut verè sibi persuadere queat se jam esse justificatum. Sed fidei justificantis actus proprius atque specificus est aliquid, natura saltem, justificatione prius. Quandoquidem juxta Scripturæ doctrinam, & Theologorum communem sententiam, fides est nostræ justificationis conditio, sive instrumentum.

XXIV. Plurimi quidem Theologi docent fiduciam in Deum per Christum esse ipsum formalem & specificum actum fidei vivæ & justificantis. Verùm observant Viri docti duplicem esse fiduciam. Unam quam vocant *perfusionem*, atque *adherentiam*, quæ fidelis Deo adhæret, & in Christo salutem & justiciam quarit, quæ fiducia in Scriptura voce *חֶסֶד* & *פֶּשַׁע* exprimi solet. Alteram quam dicunt *fiduciam sensus*; quæ quis de justitia & salute jam impetrata confidit, & ad Deum accedit absque timore atque formidine. Quæ fiducia Hebraica voce *אֱמוּנָה* significatur, & in Novo Testamento *πίστις* & *πίστis* dicitur. Prior illa pertinet ad essentiam fidei vivæ & justificantis, & justificationis nostræ instrumentum est; seu conditio sine qua nemo justificatur. Altera vero est fidei fructus, sive effectus, quem perpetuo non exerit; quique non semper apparet & sentitur in fidelibus & justificatis, & unde non pendet necessarius salus & justificatio. Petrus Molinaus, Petri Molinæ filius, Tract. Gallico de Fide Justificante.

XXV. Atque ut res magis illustretur, ab iisdem Viris Doctis rectè observatum est, duplici isti fiducia, duplicem opponi dubitationem, & hæsitationem. Unam quæ quis dubitat circa Dei promissiones, an scilicet veræ sint, necne; & an debeat querere in Deo perfugium, & salutem in Christo. Alteram verò quæ quis de veritate divinæ promissionis minime dubitans, & certus ad Deum confugere, ac salutem in Christo querere, de propria tamen salute & peccatorum suorum remissione dubitat, ex propriæ suæ infirmitatis sensu: & quia concussus tentationibus, non videtur fidem satis firmam in se agnoscere; ut nec fructus satis poenitentia dignos. Prior illa dubitatio perniciofa & mortifera est, & cum fidei natura & veritate simpliciter pugnat. Posterior non item. Etenim quamvis fides perfecta illam expellat, ex quodam fide defectu, & quasi morbo nascatur; cum fide tamen vera, licet infirma atque languida, consistere potest. Et dum fidei morbum quendam arguit, simul tamen est fidei adhuc vivæ, nec dum mortuæ, augmentum. Adeoque quod dicit Jacobus, Epist. cap. i. *Eum qui dubitat nihil à Domino expectare debere*, de priori dubitatione intelligendum est, non de posteriori.

XXVI. Inde verò manifestum est certitudinem quam quis habet de sua coram Deo justificatione, non esse planè ejusdem generis & rationis, cum certitudine illa quam habemus de Fidei articulis, & dogmatibus quæ Deus in Verbo suo revelavit. Hæc enim in fidei omnino necessaria est. Nec quisquam potest fidelis permanere, & pro tali merito haberi; & tamen dubitare de fidei articulis, exempli causa, An Iesus sit Christus, & Dei filius; & An mortui sint olim resurrecturi. Cum tamen, ut jam dictum, omnis qui dubitat an sit justificatus, & acceptus Deo ad vitam æternam, non statim propterea judicandus sit carere vera fide, nec esse in Dei gratia, ut nec ullo modo potest pro dogmate fidei haberi, quod hic, vel ille sit justificatus, & gratiæ divinæ particeps.

XXVII. Solenne quidem est Scholæ Reformatæ Theologis certitudinem fidei vocare, illam quæ quis confidit, se esse Deo reconciliatum, & sibi per Christi sanguinem peccata fuissa remissa: sed id ab illis ideo fit quod certitudo ista nitatur altera propositione in verbo Dei revelata, hæc scilicet, *Quicumque credit in Christum remissionem habet peccatorum in sanguine ejus*. Altera verò quæ fidelis nota est interno sensu & experientia, nempe

nempe quod ipse verè credit in Christum, & fiduciam suam in morte illius collocat. Fidelis enim, dum seipsum l'excutit, & animi sui motus occultos examinat, proculdubio sentire & percipere potest se non fide in Christum credere, seque Deum letio amare, & illius timore duci; quæ vivæ fidei sunt signa & *indicia*. Hoc autem sufficere putant ut aliquid ad fidei assensum referatur; nimirum, si deducatur ex una propositione quam Deus in Verbo suo revelavit, & ex altera quæ experientia, aut alia quadam ratione certa sit. Nec tamen propterea censent quicquid ad fidei assensum refertur, esse ejusdem omnino rationis & necessitatis. Nam ad fidem aliqua ratione pertinet quicquid testimonio divino ullo modo nititur. Sed sunt quædam quæ testimonio divino nituntur in solidum: alia verò quæ ex parte quidem divino testimonio; ex parte verò humano sensu, testimonio, vel ratiocinio. Quæ autem sunt prioris generis proculdubio majus aliquid habent, quam quæ sunt posterioris.

XXVIII. Imo quamvis, ut jam probatum est, certa illa persuasio, quam fidelis habere potest de remissione peccatorum suorum, & sua cum Deo per Christum reconciliatione, non sit formalis actus fidei justificantis, aliqua tamen ratione pro fidei illius actu haberi potest. Quod ut intelligatur, in fide illius atque justificante duplex actus distinguendus est. Unus directus, atque primarius. Alter reflexus & secundarius. Directus est ille quo fidelis Christum, ut Redemptorem & Salvatorem nostrum, agnoscit atque amplectitur, & in eo salutem & justitiam quærit. Reflexus verò ille est quo fidelis in propriam fidem reflectitur, eamque recognoscit, illiusque effecta, timorem, videlicet, & dilectionem Dei, & charitatem erga proximum, in corde suo sentit & experitur. Unde colligit se Christo verè insertum esse, ejusque gratiæ & beneficiorum revera participem.

XXIX. Itaque illa de qua agimus persuasio, fidei quidem actus est, sed reflexus, non directus; non primarius, sed secundarius. Nec ad fidei essentiam, sed ad perfectionem ejus solum pertinet. Prior ille est quo justificamur, cuique promittitur salus, & peccatorum remissio. Alter verò non item. Hic enim posterior, ut jam diximus, præsupponit fidem, tanquam in nobis ante existentem; & justificationem, ut jam factam sequitur; ac proinde in eo ipso fide natura & essentia consistere nequit; sed quidam ejus est fructus & complementum. Nec potest esse justificationis conditio, sive causa instrumentalis; sed solum quidam ejus sensus & apprehensio.

XXX. Cæterum, prout fides, vel major, vel minor est; vividior sive sanguinior: ita quoque sui sensum majorem, vel minorem; acriorem, vel remissiorem animis nostris ingignit. Unde est quod crescente & augescente fide, fiducia illi de Dei erga nos amore & favore, & nostra apud Deum gratia atque justitia, eadem proportionè roboratur atque invalescit; & ex adverso minuitur, atque debilitatur, quæ ratione fides decrevit atque remittitur.



THESES THEOLOGICÆ

D E

CERTITUDINE

Quam quis habere possit & debeat,

D E

Sua coram DEO JUSTIFICATIONE.

PARS SECUNDA:

In qua exponitur Sententia Doctorum Ecclesiæ Romanæ, & colligitur atque expenditur Controversiæ status.

THESIS I.

UT suam hæc de re sententiam exponunt Doctores Ecclesiæ Romanæ, multas certitudinis distinctiones præmittunt; ut videre est apud Bellarminum de Justificatione, lib. 3. cap. 2. Primo enim ipsi una est certitudo *objecti*, id est, rei cognita, vel creditæ; altera verò *subjecti*, id est, hominis cognoscentis, vel credentis. Prior certitudo est immutabilitas rei, quæ revera aliter se habere non potest, quam creditur vel cognoscitur. Qua ratione dicimus certum esse Deum esse bonum, peccatum esse malum. Posterior certitudo est firmitas quædam assensus nostri ad rem quæ credenda vel cognoscenda proponitur. De qua certitudine loquimur, quum dicimus hæc de re certus sum, hoc mihi compertum est; id est, ita firmiter adhæreo huic sententiæ, ut prorsus de illius veritate non dubitem. Ad præsentem autem quæstionem pertinet certitudo non prioris, sed posterioris generis.

II. Porro ista assensus firmitas quandoque nullum habet in re ipsa fundamentum; sed oritur solum ab assentientis errore, affectu, vel pertinacia, & tum non est veri nominis certitudo. Qui enim certò credunt quæ falsa sunt, non tam certi, quam persuasi dici debent. Alias verò firmus ejusmodi assensus clara perceptione, aut solida ratione, vel legitimo aliquo testimonio nititur. Et tum demum vera est, & propriè dicta certitudo: quæ locum non habet, nisi ubi persuasio, non modo firma, sed vera atque legitima est. In præsentî verò quæstione ratio non habetur certitudinis illius prioris, & improprie dictæ; sed posterioris solum certitudinis, quæ non tantum notat firmitatem assensus in credente, vel cognoscente; sed etiam legitimum ejus, ex parte rei, fundamentum.

III. Rursus certitudo vera & legitima dividitur in Scholis in *evidentem* & *obscuram*. Et in utraque tres quasi gradus distinguuntur. Certitudo Evidens est earum rerum quæ aliquo modo videntur, id est, clare percipiuntur. Cujus certitudinis primum gradum obtinent prima principia quæ per se nota sunt, id est, quæ solis vocabulis explicatis, sine alia ratiocinatione, ab omnibus vera esse cognoscuntur. Ut non posse idem simul esse & non esse: Totum esse majus sua parte, & quæ similia sunt. Secundum gradum certitudinis Evidentis obtinent conclusiones ex primis principiis evidenter deductæ; atque hæc dicitur certitudo *scientiæ*. Tertium gradum obtinent ea quæ sensibus corporis percipiuntur, quæ dicitur certitudo *experientiæ*.

IV. Certitudo Obscura est earum rerum quas sola fide vel opinione tenemus. Cujus certitudinis primum gradum habent quæ propter divinam auctoritatem certo creduntur.

duntur. Et hæc est certitudo fidei divinæ, estque simpliciter & absolute certitudo, quoniam nulla ratione potest ei subesse falsum. Secundum gradum obscuræ certitudinis habent ea quæ creduntur ob auctoritatem humanam, sed ita confirmatam & celebrem, ut omnem prorsus formidinem excludat. Qualia sunt Ciceronem & Virgilium fuisse insignes viros; Augustum magnæ parti Orbis terrarum feliciter imperasse; multas esse civitates præclaras in provinciis à nobis longe distitis, Constantinopolim in Thracia, Goam in India, Mexico in America. Atque hæc dicitur certitudo fidei humanæ, sive certitudo moralis. Quæ tamen non tanta sit, ut ei nullo modo falsum subesse possit (si quidem omnis homo mendax) tamen tanta est, ut temerarius merito judicetur, qui contra sentiat aut disputet.

V. Tertium gradum habent illa quæ tot signis & conjecturis nituntur, ut securum hominem reddant, & anxietatem expellant, non tamen excludant omnem formidinem. Atque hæc dicitur certitudo conjecturalis, & opinionis est potius quam fidei. Veluti quum quis ex stylo atque dicendi modo, sive ex ipsis characterum ductibus, agnoscat epistolam, aut librum ab aliquo scriptum; vel ex variis indicis colligit agrum aliquem tali vel tali morbo laborare.

VI. Præterea Doctores Ecclesiæ Romanæ hic distinguunt certitudinem fidei in certitudinem fidei Catholice, quæ creduntur ea quæ per Ecclesiæ doctrinam & testimonium omnibus constare debet à Deo esse revelata; & in certitudinem fidei private, quæ creduntur ea quæ private alicui personæ, non verò toti Ecclesiæ à Deo revelata sunt; aut saltem quod ad commune fidei objectum non pertinet.

VII. Cæterum ex Scholæ Romanæ sententia certitudo quælibet etiam conjecturalis, quæ infimum obtinet gradum, excludit dubitationem, & illi opponitur. Nec enim ullo modo certus de aliqua re dici potest qui de ea dubitat. Nam qui propriè loquendo dubitat neutri parti contradictionis assentiri audet, & inter utramque judicium suspendit. Qui verò certus est, quanvis conjecturaliter tantum, alteri parti tamen assentitur, & determinatè judicat rem ita se habere.

VIII. Verùm licet omnis certitudo dubitationem excludat, juxta mentem Doctorum Ecclesiæ Romanæ, non excludit tamen omnem formidinem. Nam secundum eorum doctrinam, aliud est dubitare, aliud verò formidare. Qui dubitat, ut jam dixi, judicium planè suspendit, & inter utramque partem contradictionis quasi neuter & medius hæret. Qui verò circa unam contradictionis partem judicium definitum & determinatum format, & statuit rem ita se habere; & simul tamen judicat fieri posse ut res aliter se habeat, ille non dubitare quidem, sed formidare propriè dicitur. Sic, exempli gratia, qui accepta syngrapha alicujus hominis ipsi noti nomen præferente, postquam scripturæ modum & litterarum ductus atque figuras diligenter inspexit, determinat & absque hæsitacione judicat illam esse istius hominis, de eo certus dici potest: & tamen simul judicat non impossibile esse quin dæmon, aut aliquis exercitatus & insignis impostor tale quiddam effingeret. Ac proinde juxta Scholæ Romanæ stylum, in eo quidem homine circa rem propositam non erit dubitatio, sed tamen circa istud non carebit omni formidine.

IX. Sic formidinem & dubitationem distinguit & explicat Vasquæ, *Omnis*; inquit, *formido sine dubitatione opposita partis esse potest. Dubitatio enim est hesitatio intellectus inter utramque partem contradictionis, ita ut in neutra parte ei appareat convenientia extremorum inter se, in cujus cognitione assensus consistit*——. *Formido autem non oritur ex dubio inter utramque partem contradictionis, si quidem esse potest cum determinato assensu opinionis: sed, oritur ex judicio quidam reflexo, quo quis expendens principia, ex quibus deduxit assensum, judicat ea talis esse naturæ, ut fortassis illud de quo est opinio in re aliter sit quam apparet: quod judicium esse per extrinseca principia, & ita cum assensu determinatio alterius partis reperiri supra monuimus.* In primam secundæ, Tom. 2. Disp. 200. cap. 8. sub finem.

X. Quamvis autem, juxta Doctores Ecclesiæ Romanæ, dubitatio, propriè loquendo, sit plusquam formido; neque omnis qui formidat propterea dubitet; quandoque tamen formidinem ipsam sub dubitatione comprehendunt, & ad significandam formidinem utuntur ipsa voce dubitationis. Adeoque, juxta ipsos, dubitatio bifariam sumitur. Primo strictè & propriè, secundo latè atque impropriè. Dubitatio priori modo sumpta significat eam animi dispositionem, per quam neutri parti assentiri quis audet, illi enim propriè dubii sunt, qui ita fluctuant ut nihil decernere audeant. At per dubitationem latius & impropriè sumptam intelligitur ipsa quoque formido, quam interdum habemus de contraria parte, etiamsi uni parti assentiamur. Uti videre apud Bellar. de Justif. lib. 3. cap. 10. sect. Dices ergo.

R r 2

XI. Denique

XI. Denique distinguunt illi inter certitudinem fidei & certitudinem spei seu fiduciae. Certitudo fidei à solo Dei verbo & sola Dei promissione pendet, nec ullo alio fundamento nititur: Ideoque ex suo genere absoluta est, & infallibilis, & omnem non modo durationem, sed formidinem etiam excludit. Certitudo verò spei, seu fiduciae, duplici fundamento nititur. Unum est ex parte Dei, quod est ipsa Dei promissio. Ex hoc respectu certitudo spei ipsam fidei certitudinem aequat. Alterum est ex parte hominis, quod est dispositio, qualem Deus in verbo suo exigit ut homo fiat promissi beneficii particeps. Ut enim aliquis legitime speret sive gratiae, sive gloriae dona, non sufficit ut certus sit promissionis divinae veras & firmas esse, sed praeterea requiritur ut in se sentiat & agnoscat conditiones illas, sub quibus Deo placuit gratiam & gloriam hominibus polliceri. Hac autem ex parte spes & fiducia nostra non habet certitudinem tantam quam ipsa fides: sed certitudinem solummodo moralem sive conjecturalem, quatenus aliquis diligenter seipsum excutiendo atque examinando, colligit ex variis signis & animi sui motibus, se vera peccatorum poenitentia duci, & sincere Deum amare, aliaque praestare quae Deus à nobis postulat, ut bonis ab ipso promissis potiamur. Quae certitudo non est prorsus infallibilis, nec excludit omnem timorem & sollicitudinem; sed tamen ex animo tollit dubitationem atque anxietatem.

XII. Ita Philosophatur hac de re Bellarminus, lib. 3. de Justif. cap. 2. sub finem, Sect. Deinde. *Adversarii*, inquit, *ut fidem cum fiducia, ita certitudinem fidei cum certitudine fiducia confundunt. Multum autem interest inter utranque certitudinem. Nam certitudo fidei, quia nititur sola Dei auctoritate, omni ex parte dubitationem excludit. Certitudo fiducia partim nititur divina promissione, partim propria dispositione: & quod attinet ad divinam promissionem, omnem similiter formidinem excludit, & est absolute & simpliciter certitudo; quod attinet ad propriam dispositionem, non excludit quidem penitus formidinem, neque est certitudo simpliciter, sed secundum quid, & conjecturalis; tamen tanta est, ut satis esse possit ad securitatem gignendam. Quae eadem fusius persequitur atque amplificat ejusdem libri cap. 11. Sect. Quod autem. Ubi praeterea observat duplicem in spe certitudinem considerari posse: unam ex parte intellectus, quam modo verbis illius descripsimus; alteram ex parte voluntatis, quae est firma adhesio voluntatis ad rem speratam: quae maxima esse potest, etiamsi ex parte intellectus non sit homo certus se rem illam consecuturum. Certitudo verò illa quae in fide est, solum intellectum afficit.*

XIII. Similia docet Thomas Stapletonus, lib. 9. de Justif. cap. 11. *Hoc*, inquit, *in loco fidei certitudo quam ponunt haeretici, à spei certitudine, quam ponunt Catholici, diligenter distinguenda est; ut ita intelligatur, an negando certitudinem fidei, ponamus fideles in perpetuis dubitationibus; sicuti ergo spes à fide, sic & certitudo spei à certitudine fidei distinguuntur. Fides soli verbo Dei nititur tanquam suo proprio objecto, ideoque certitudo fidei ex verbo Dei nascitur, sine ulla consideratione ullius qualitatibus ex parte credentis. Verum enim est quod fides dicit, qualiscunque ille est, vel qualitercunque affectus est qui credit. Itaque hac certitudo est prorsus & omni modo infallibilis. Spes autem nititur non solum verbo Dei, sed etiam studio humano & diligentia per Christi gratiam praestita: ideoque ejus certitudo ex utroque nascitur. Itaque certitudo ejus, ex parte verbi & promissionis Dei, non minor est quam certitudo fidei, ex parte autem conditionis sperantis hominis, dubia & infirma est. Et postquam aliquot argumentis ostendit spem fidelium non niti sola promissione Dei, sed etiam propria fidelis cuiusque dispositione, subiungit, Pendet ergo certitudo spei non solum à promissionibus divinis, (ex qua parte est firmissima non secus quam certitudo fidei) sed etiam à conditione & dispositione nostra qui speramus: & ex hac parte licet spei certitudo certitudine fidei minor sit, (quia de nostra dispositione legitima ex fide certi esse non possumus sine speciali revelatione,) tamen non est dubitatio aliqua fluctuans modo in hac partem, modo in illam, secundum quam modo se acceptum Deo, modo non acceptum aliquis cogitet, alternantibus ex aquo sententiis, semperque anxius & suspensus, id est, neutri parti firmiter assentiens; ut haeretici nos docere mentiantur: sed est certitudo ex parte subiecti — certa & firma — qualis est certitudo omnis moralis, quae magnis argumentis gravique auctoritate nititur, quaeque ad animi quietem & tranquillitatem plane sufficit.*

XIV. His ita expositis, inter omnes Doctores Ecclesiae Romanae convenit, eos qui verè fideles & iusti sunt, posse de propria gratia aliquo modo certos esse, & ad aliquam veram & legitimam de remissione peccatorum suorum, & sua coram Deo justificatione, certitudinem pervenire, etiam citra ullam specialem revelationem. Sed quae & qualis sit illa certitudo, & ad quod genus pertineat, inter eos non constat, & quaedam

quædam est in eorum Scholis sententiarum hac de re diversitas. Ut videre est apud Bellarminum, lib. 3. de Justif. cap. 11. Sect. Tres enim; ubi dicit inter Catholicos tres numerari de hac questione sententias.

XV. Prima est eorum qui censent homines justos, sine speciali revelatione, habere posse de sua justificatione certitudinem fidei divinæ, non Catholicæ quidem, sed privatæ. Ita sentit & docuit Ambrosius Catharinus, unus ex iis Episcopis, quibus constitit Tridentina Synodus, cujus sententiam prolixè refert & explicat Valquez in 1. 2. Tom. 2. Disp. 200. cap. 3. Ubi notat ex Catharino duobus modis haberi posse hunc fidei assensum de propria justificatione. Uno modo directè & proximè per revelationem Dei internam, & testimonium Spiritus Sancti, cui interius attestanti assentiamur: altero modo non ex directâ revelatione, sed ex quibusdam certo revelatis, adjunctis aliis quæ sensu percipiuntur, & experimento intra seipsum homo didicit. Ut enim assensus aliquis censeatur esse divinæ fidei, non opus esse revelationi proximè inniti, & ab ea solum oriri; sed sufficere, si colligatur ex principiis revelatis, junctis aliis quæ experimento, aut alia ratione evidentè nota sunt. Atque hoc posteriori modo censuit Episcopus iste quicumque justificatur certum esse posse divinam fidem privatam se esse in gratia. Quia, scilicet, omnis adultus qui justificatur Catholica fide credit illum justificari, qui ad Sacramentum ritè dispositus accedit, aut qui extra Sacramentum contritione & dilectione disponitur: hujus autem dispositionis habere potest quilibet justus evidens experimentum, adeoque potest etiam divina fide credere se justificatum esse. Porro dispositionem illam ad justificationem necessariam & sufficientem evidentè notam esse ipsi justificato, inde probat quia, nisi ita esset, sugillaretur divina providentia, quæ requireret aliquid à nobis, quo ad gratiam remissionis peccatorum disponamur, ita occultum & absconditum ut nobis ipsis manifestum non sit. Adde quod necesse est ut stupidus ille sit, qui de se ipso nosse non potest, utrum ex animâ & recta conscientia, an verò fide ad Sacramentum accedat.

XVI. Verùm hæc Ambrosii Catharini sententia difficulter videtur conciliari posse cum Tridentinæ Synodi decreto, quod habetur Sess. 6. cap. 9. sub finem. Ubi asseritur quod *Nullus scire valeat certitudine fidei, cui non potest subesse falsum, se gratiam Dei esse consecutum.* Ideoque post Concilium Tridentinum, sententia hæc, tanquam erronea, communiter in Schola Romana rejecta est: licet Catharinus ille, qui Concilii istius pars fuit, eam non tantum semper retinuerit, sed publicè quoque defendere, tanquam minimè damnatum in Concilio Tridentino, cujus verba pertendit, ex mente eorum qui decretum condiderunt, dogma illud suum non ferire.

XVII. Secunda sententia quæ circa hanc questionem locum habet in Schola Romana, non docet quidem teste Bellarmino, justos habere posse de propria gratia certitudinem fidei divinæ; tamen affirmat posse, imò etiam solere præsertim homines perfectos, pro hujus vitæ statu, ad eam securitatem venire, ut nullam habeant de sua justificatione formidinem: planè ad eum modum quo credimus sine ulla hæsitacione, & formidine deceptionis, Cæsarem imperasse in Italia, Alexandrum in Græcia, Ciceronem Oratorem, Livium Historicum, Virgilium Poetam fuisse; Constantinopolim esse Urbem in Thracia, & Antiochiam in Syria, quamvis neutram viderimus. Quæ certitudo illa est quæ propriè moralis dicitur, & distinguitur à conjecturali.

XVIII. Hanc sententiam Valquez Disput. modò citatæ cap. 8. tribuit Dominico Soto, Andrea de Vega, & Ruaro Tappero. Et revera Tapperus ille ad Art. 9. Lozan. de præsenti questione disserens; *In hoc, inquit, omnes Scholastici conveniunt, quod omnimoda certitudo gratiæ à nobis haberi non potest, sed probabiliter eam assequi liceat per signa, quæ hoc sunt certiora quo clariora & manifestiora.* Aliquando autem tam aperta sunt, ut nulla formido, nulla vacillatio sit conjuncta hujusmodi cognitioni. Et pag. sequenti, postquam proposuit tanquam questionem problematicam, & utrinque probabiliter disputabilem. *An nullo tempore in vitæ sanctimoniam exercitati, imò & pœnitentes, sine revelatione Dei, ex signis, Scripturarum testimoniis, & experimentis visitacionem Spiritus Sancti, certitudinem habere possint sine temeritate, justaque ratione, non quidem infallibilem, sed quæ sit sine nequâ & formidine, ne fortassis ita non sit sicut arbitramur, hoc est, gratiam non habeant:* satis in licet quo inclinat ipse, addens, fieri posse quod efficacissima habeantur argumenta pro præsentia gratiæ, & nulla occurrat causa verisimilis dubitandi vel formidandi.

XIX. Quæ sint verò illa argumenta postea explicat ipse Vegæ verbis quæ citat ex ejus libr. 9. super Concilium Trid. cap. 48. *Illæ, inquit Vega, quies & securitas quæ plerique migrant de hac vita, illud ardens desiderium quo charitas, quum fuerit perfecta, clamat,*

clamat, Cupio dissolvi & esse cum Christo; & letitia, qua exultant, dum intelligentes sibi propinquum esse diem mortis, dicunt cum Davide, Lætatur sum in his quæ dicta sunt mihi, in domum domini ibitrus. Heu mihi, quia incolatus meus prolongatus est. Alacritas etiam & admiranda constantia Martyrum, & despicientia tormentorum, quid aliud sunt quam testimonia apertissima huiusmodi certitudinis quam de sua iustitia & gratia apud Deum habent? Non sic exultarent adveniente morte, non sic illam desiderarent, non sic latarentur in tormentis, neque tanta quiete & placiditate animi de hac vita discederent, qui hæsitarent, & dubii seu ancipites essent de suo statu, vel quovis modo formidarent. Deinde postquam multa in hanc sententiam citavit ex Bernardo, ac præfertim hæc verba ex Epistola ejus 107. Si superna cum miseratione respexerit, immiseritque spiritum compunctionis, ut ingemiscat, respiscat, mutet vitam, domet carnem, amet proximum, clamat ad Deum, proponatque de cætero vivere Deo: ex hac superni luminis gratuita visitatione, & subita mutatione dextera excelsi, agnoscat se maritus quidem, non jam ira, sed gratia filium, quippe qui paternam erga se divine bonitatis experiri affectum. Tandem concludit, quod sicuti hi, qui ista in se sentiunt atque experiuntur, cum Tridentini Synodi decretis. Hæc enim sunt verba istius Synodi, Sess. 6. cap. 9. *Nam sicut nemo pius de Dei misericordia, de Christi merito, deque Sacramentorum virtute & efficacia dubitare debet; sic quilibet dum seipsum, suamque propriam infirmitatem, & indispositionem respicit, de sua gratia formidare & timere potest: cum nullus scire valeat certitudine fidei, cui non potest subesse falsum, se gratiam Dei esse consecutum.* Ubi cum Concilium decernat quemlibet iustum de sua gratia formidare posse planum est, ex ejus mente, fideles in hac vita non posse pervenire ad eam de propria gratia certitudinem, quæ omnem formidinem & timorem ex iis, hac in parte, expellat.

XXI. Igitur in Ecclesia Romana plurimum obtinet, & longè communior est tertia quedam sententia, quæ non tantum fidelibus negat certitudinem fidei circa propriam iustitiam, sed etiam moralem illam certitudinem quæ excludit omnem formidinem & timorem deceptionis, & nisi adsit quedam specialis revelatio, locum hic habere vult eam solum certitudinem quam conjecturalem vocant, & certitudinem spei, seu fiducie, quæ cum quadam formidine & timore conjuncta est; sed tamen ex animo expellit dubitationem & fluctuationem, per quam quis non auderet judicare se Deo acceptum, & de peccatorum suorum remissione confidere, & proinde sufficit ad animum tranquillandum, & pacem conscientie fidelibus & iustis gignendam.

XXII. Huic sententiæ accedit Bellarminus, lib. 3. de Justif. cap. 11. Responsione ad postremam rationem. Ubi postquam asseruit nullum esse Catholicum scriptorem, qui doceat oportere homines perpetuo dubitare, & hæsitare de sua cum Deo reconciliatione, tres refert Catholicorum suorum sententias. Primam Catharini, qui iustis tribuit certitudinem fidei divinæ de sua justificatione: secundam, eorum qui putant posse iustos ad eam securitatem venire, ut nullam habeant de sua justificatione formidinem: & tertiam, quam ipse probat, ut veriolem & communiorem, quæ non tollit quidem omnem formidinem, tamen tollit omnem anxietatem & hæsitationem, & ipsam etiam dubitationem, si dubius dicatur qui non audet alteri parti assentiri. Neque enim, inquit, bona est argumentatio, Catholicos non habent certitudinem fidei de sua justificatione, igitur semper dubitant, hærent, anxii sunt, sicut neque contra qui rectè concluderet; Catholicos non sunt anxii, neque hæsitent de sua justificatione, igitur certi sunt certitudine fidei sibi remissa esse peccata. Datur enim aliquid medium inter hæc extrema, videlicet, certitudinem quadam moralem ex parte intellectus, & spei, ac fiducia, ex parte voluntatis. Quibus consona sunt quæ scribit ejusdem libri cap. 3. scilicet. Deinde, Neque enim, inquit, Catholicos negant, certam fiduciam in Deo collocandam esse, & certo confidendum post altam legitimam penitentiam, & Sacramentum Baptismi, vel Absolutionis ritè perceptum, remissa esse peccata. Sed adversarii, in fidem cum fiducia, ita certitudinem fidei cum certitudine fiducia

fiducia confundant. Cap. verò decimo, Sect. *Vides igitur*, concedit ex poenitentia fructibus, ut ex signis quibusdam, gigni persuasionem & securitatem gratia, non tamen certitudinem fidei Catholicae vel Divinae.

XXIII. Similia docet Thomas Stapletonus, lib. 9. de Justif. cap. 11. *Quammodum*, inquit, qui legitime certat, certo credit se coronandum; & qui filius est primogenitus, pariter heredem se futurum; & qui itineri se committit, se ad finem saluum periturlum; denique ut omnis Christianus certo credit infantem baptizatum fuisse & esse, aut filium matris suae quae dicitur filium se esse; & tamen nihil horum certitudine fidei habetur, sed solum certitudine, partem spei & fiducia, partim morali; sic de remissione peccatorum & gratia Dei certo credere potest se eam esse consecutum, qui quae Deus praecipit ad ea consequenda sese praestitisse sibi conscius est: nec tamen, vel certitudine fidei item credere potest, aut debet: vel quia talem certitudinem non habet, propterea, incertus anceps, aut dubius est, aut per modum fluctuantis se habet. Talis enim ut describit Jacobus, similis est fluctui maris, qui a vento movetur & circumfertur. Nec ergo Protestantium extremam sententiam, quae est certitudo fidei excludens omnem formidinem & timorem propriae indispotionis, cum securitate illa qualis huic peregrinationi non competit; nec animi perpetuo suspensi fluctuationem incertam & inconstantem, quae huc illicque momento impellitur, docent Catholici circa remissionem peccatorum aut presentem iustitiam, sed mediam sententiam docent: quae est certitudo spei ex parte promissionum divinarum firmissima, & certitudo, vel conjecturalis, vel etiam moralis, ex parte propriae dispositionis, cujus quisque sibi conscius est, qui legitime dispositus est: quae sane utraque & omnem dubitationem in sensu Protestantium, id est, quae neutri partis assentitur excludit; & firmam conscientiae pacem & consolationem affert contra omnes luctus tentationum, vel dissidentiae, vel pusillanimitatis, vel denique desperabundae dubitationis.

XXIV. Denique his consentit Valsquez, sic claudens cap. 9. Disputationis illius 200. scilicet jam citata: *Concludamus igitur*, posse quidem justum certum esse de sua gratia, certitudine sumpta pro determinato & vero assensu, non tamen certitudine sumpta pro assensu sine formidine ulla, neque pro certitudine cui non possit subesse falsum, & ita de certitudine loquimur in hac controversia.

XXV. Unde patet quomodo secum sint conciliandi Ecclesiae Romanae Doctores, qui in hac quaestione loqui videntur repugnantia & contradictoria. Quando enim nostrorum argumentis respondet, aut hujus controversiae statum explicant, atque constituunt, negant se fidelibus tollere omnem de propria gratia certitudinem; concedunt illos esse posse de sua coram Deo justificatione verè persuasos, certos, & securos; neque necessarium esse ut de remissione peccatorum suorum perpetuo haesitent, fluctuent, & dubitent: Et tamen quando contra nos disputant, aut apud plebem suam concionantur, multis argumentis probare contendunt fideles circa propriam iustitiam dubios & incertos esse, nescire an sint in Dei gratia; nec illos nisi temerè, posse certò & absque dubitatione statuerè, peccatorum remissionem se per Christum esse consecutos. Verùm quum affirmant fideles & justos nescire an sint in Dei gratia, neque id certò cognoscere & judicare posse, loquuntur de certitudine quam vocant fidei divinae, aut de ea saltem quae omnem formidinem oppositae partis excludit; non verò de conjecturali illa certitudine, quae opponitur quidem propriae dictae dubitationi, & significat verum & determinatum assensum alterius partis contradictionis, sed quae tamen cum aliqua formidine consistere potest. Et quum fidelibus tribuunt aliquam dubitationem de sua apud Deum gratia atque iustitia, per id non intelligunt propriè dictam dubitationem, sive haesitationem & fluctuationem mentis, quae neutri parti contradictionis assentiri & accedere audeat, sed dubitationem solum latius sumptam, quae consistit cum judicio mentis fixo atque determinato, & dicit solum aliquam formidinem oppositae partis. *Quamvis enim*, inquit Valsquez, *cum assensu determinato alterius partu per propria principia*, non possit esse dubitatio inter utramque partem per eadem principia, bene tamen potest esse formido illa quam diximus, per principia extrinseca & universalia, per quae intelligimus posse rem illam aliter se habere, & fortassis aliter tunc esse quam opinamur; quae sanè formido videtur esse genus quoddam dubitationis. Cap. illo nono jam citato, ubi pluribus rem illam explicat.

XXVI. Porro Doctores Ecclesiae Romanae docent fideles & justos non tantum posse, sed etiam debere de remissione peccatorum suorum, & suo coram Deo justificatione non dubios atque ancipites, sed certo persuasos esse; hancque certitudinem in eis crescere atque augescere, secundum quod in iustitia & sanctitate proficiunt: Ideoque ad illorum officium pertinere, ut majorem ac firmiorem indies ea de re certitudinem acquirant: quod fit, dum toto studio in pietate & bonis operibus sese exercent, in

eo animadvertunt clariora & manifestiora divinae adoptionis, & Spiritus Sancti in se inhabitantis signa. Proinde, si iusti nonnulli sibi suadere & confidere non audent se Deo gratos & acceptos esse, & ab eo in numerum filiorum adoptatos, istud in his defectum & infirmitatem aliquam arguere. Perfectiores enim, ut iam dixi, solere aliter affectos dispositos esse, & certam de sua cum Deo reconciliatione fiduciam habere, non verò super eo fluctuare atque ambigere.

XXVII. Hæc manifestè colliguntur ex iis quæ jam ex Vega, Stapletono, & ipso Bellarmino retulimus; ubi docent fideles & iustos non oportere suspensos, dubios & anxios esse circa hoc an sint in Dei gratia, & ab iis alienum esse ejusmodi fluctuationem & hæsitationem; adeoque qui sunt inter illos perfectiores, eo ipso habere pleniorē & firmiorem de propria gratia & iustitia persuasionem. Sed præterea disertè & expressè fatentur, Theologi Scholæ Romanæ, iustos de sua justificatione non posse dubitare, si prudenter se gerant; imò debere illos absolutè credere se esse in gratia, si velint ea operari ad quæ requiritur gratia, ut videre est apud Vasquezium, disp. pluries allegata, cap. 8. *Observa*, inquit, *non dixisse Concilium, quemlibet de sua gratia dubitare posse, sed de sua gratia timere posse, quod idem est atque formidare; omnis autem formido sine dubitatione opposita parvis esse potest. Dubitatio enim est hæsitatio intellectus inter utramque partem contradictionis, sive ut in neutra parte ei appareat convenientia extremorum inter se, in cuius cognitione assensus consistit. Quamvis autem iustus non sit dubius de sua iustitia, quinimo suo dubio debeat absolutè credere se esse in gratia, si velit aliqua operari ad quæ requiruntur gratia, ut administrationem & receptionem Sacramentorum; tamen etiam cum hoc absoluto assensu potest habere formidinem de sua iustitia, &c. Cum igitur dicimus quemlibet iustum de sua justificatione posse prudenter formidare, non intelligimus posse dubitare, si prudenter se gerat, & de neutra parte contradictionis iudicare.*

XXVIII. Præsertim verò expressa est hæc de re Stapletoni doctrina, lib. 9. de Just. cap. 20. ubi postquam questus est Catholicis per calumniam à Protestantibus tribui, quod doceant peccatorem in feria poenitentia & vera fide constitutum, nec posse, nec debere certa fiducia statuere peccata sibi remitti: posse quidem bene sperare, & de Dei misericordia optima quæque sibi pulliceri; sed hæc tamen sine certa fiducia in medio fluctuantis dubitationis suspensa esse relinquenda, quia fidei possit subesse falsum, & spes possit fallere; sic inter alia suorum sententiam exponit, *Non negamus*, inquit, *debere poenitentes certa fiducia statuere sibi remitti peccata, sed negamus certa fide, cui subesse falsum non potest, hoc esse à quoquam statuendum. Certam autem fiduciam, qualem spei certitudo affert, agnoscimus & docemus. Et postea, Non relinquimus peccatorem in medio fluctuantis dubitationis suspensum, postquam poenitentia rite peracta sibi conscius est. Et cap. sequenti, loquens de Patribus & de Doctoribus Ecclesiæ Romanæ, Docent*, inquit, *verè poenitentes, & qui suam indispositionem legitime attendunt, & quantum in ipso est, teste conscientia reformant, Deique mandata observant, & peccata fugiunt, saltem mortifera, firmam & certam de Dei gratia consolationem, & persuasionem, non fidei, sed fiducia & spei, concipere debere. Et postquam ex Patribus & Scholasticis quoque plura loca citavit, His omnibus in locis, inquit, docet certa & firma consolatio, spes, fiducia, & varia certitudo, tam remissionis peccatorum, quam iustitiæ præsentis coram Deo, in illis omnibus qui suam indispositionem attendentes, nullius sibi vel criminis, vel affectatæ negligentia sunt consci. Sola autem certitudo fidei, qualem docent Protestantés, non docetur: quia nimirum certissime credunt boni fideles se esse in gratia; nec falli in hac sua opinione, non tamen credunt se falli non posse; cuius generis certitudo soli fidei divini infusa propria est.*

XXIX. Itaque Doctores Ecclesiæ Romanæ non habent dubitationem, sive dissidentiam, de gratia Dei, & ejus erga nos benevolentia, pro virtute, aut aliquo laudabili fidei adjuncto: sed pro defectu & infirmitate, quæ si quis fidelis & iustus labores, ipsi conandum & contendendum est ut ea se liberet, & per studium honorum operum & preces assiduas, ad certam de Dei gratia fiduciam perveniat, anxietatem illam mentis, & nimios conscientia scrupulos excutiendo. *Aliunt Protestantés, inquit Stapletonus pluries jam citatus, nos docere quod hæc dubitatio de gratia Dei est virtus fidei; quæ ita ornet & commendet fidem, ut sine ea sit inanis fiducia, non fides justificans. Sed mendacium est, quia non dubitatio, sed iustus timor & tremor cum quo operari salutem nostram jubet Paulus, nempe de propria nostra indispositione, vel insufficiencia conceptus, est virtus à Catholicis laudata: nec ut erret & persiciat fidem, cum qua nihil commune habet, sed ut hominem ab inani fiducia & securitate, seu potius presumptione in hac infirmitate reprimat;*

reprimat; quem tamen timorem cum vera fiducia & spe firma conjunctum esse disertè Catholicis docent: quæ sanè dubitationi in sensu Protestantum prorsus adversa est Lib. 9. de Justif. cap. 10. Et paulo ante in eodem capite, *Adiuvant nostram doctrinam circa gratiam Christi esse meram dubitationem, quæ nullam affert conscientie certam & firmam consolationem, quæ in luctu temptationum se erigere & sustentare possint. Merdaciū est, quia spem certam & firmam docemus, tam remissionis peccatorum in particulari contra tentationes diffidentia circa reconciliationem cum Deo, quam presentis iustitie coram Deo, contra tentationes pusillanimitatis, aut præpostere dubitationis de benevolentia Dei erga nos.*

XXX. Porro ex iis qua à nobis tam in hac disputatione, tam in præcedenti exposita sunt patet, inter Theologos Ecclesiæ Romanæ & Protestantæ quæstionem non esse, An fideles per Christi gratiam justificari de eo possint, & debeant firmiter esse persuasi, & suæ cum Deo reconciliationis certam habere fiduciam; quandoquidem jam ostendimus, communi cum Protestantibus consensu, id fateri Doctores Scholæ Romanæ: quorum aperta doctrina est, eos qui viva fide in Christum præditi sunt, non tantum posse, sed etiam debere, de remissione peccatorum suorum, & suæ apud Deum iustitie confidere, & certam habere persuasionem.

XXXI. Nec etiam, quod inde consequens est, inter eos quæritur, Num dubitatio illa, qua quis hæsitat & fluctuat, super eo num sit in Dei gratia, & in Deum habeat propitium atque benevolum, sit aliquid in fidei laudandum & fovendum; An verò defectus & tentatio quædam contra quam ipsi luctandum est, & ex qua modis omnibus niti debet, ut se expediat. Illud enim audivimus modò fatentem Stapletonum, nec dissentiunt reliqui Scholæ Romanæ Theologi, qui facile concedunt fideles esse nimium, ut loquuntur, scilicet upulōs, si non arguente eos conscientia gravis alicujus peccati, cujus poenitentiam non egerint, de propria gratia dubitent.

XXXII. Præterea hic non controversatur, An certitudo & fiducia illa, quam fideles possunt & debent habere de justificatione & adoptione sua, tanta sit ut sufficiat ad pellendam omnem mentis anxietatem, & tranquillitatem ac pacem conscientie gignendam, fidelesque monendi, ut hoc, ut serio & toto affectu de tanto beneficio Deo gratias agant. Utrique enim rectè in confesso, nec negatur à Doctores Ecclesiæ Romanæ.

XXXIII. Hic quoque quæstio non est, Num persuasio plena & absoluta de impetrata peccatorum venia, & sua cum Deo reconciliatione, in fidelibus tam necessaria sit, ut sine ea nullo modo iusti & accepti Deo esse possint, imò pro fidelibus haberi non debeant. Nam superiori disputatione manifestum fecimus, Theologos Protestantæ communiter agnoscere, multos esse fideles qui nondum adepti sunt plenam illam persuasionem, quique nimium oculos in infirmitatem propriam figentes, sæpe non parum formidant & dubitant, an sint divinæ gratiæ participes, & fidem illam habeant cui promittitur salus & remissio peccatorum: qui propterea tamen non debent numero verè fidelium excludi, nec desinunt Deum habere propitium & placatum in Christo.

XXXIV. Nec etiam ulla controversia est, An aliquis legitimè possit sibi persuadere se justificatum esse, & Deo gratum, qui tamen in se Dei amorem non sentiat, nec agnoscit fructus poenitentia digno, sed perseveret in suis peccatis, absque vitæ in melius mutandæ proposito. Quicquid enim Protestantibus imputare soleant eorum adversarii, perpetuò illi docent & inculcant præsumptionem vanam & temerariam esse, si quis peccatis indulgens confidat se Deo placere, & per Dei misericordiam eximendum esse poenis, quas peccata ejus alioqui merentur: nec putant ullam veram fiduciam, & de gratia Dei certitudinem nasci, nisi ex conscientie bonæ testimonio, & dilectionis Dei experimento.

XXXV. Et certè qualiscunque tandem sit illa certitudo, & quocunque nomine in Christianis Scholis appellatur, in eo conveniunt omnes omnino Theologi illam non oriri solum ex divina permissione, sed etiam ex interno sensu propriæ fidei & respicientiæ, sine quo neino rectè concludere & statuere poteit justitiam, vitam & salutem verbo Dei promissam ad se pertinere; & se ejus esse vel esse participem. Nam ut hoc aliquis legitimè creditur, non sufficit ut assentiat generalibus illis Scripturæ pronunciis, *Quicumque credit in Christum, remissionem habebit peccatorum in nomine ejus; Qui credit in filium, non veniet in judicium suæ damnationem, sed transivit à morte ad vitam: sed necesse est ut verè subleat, Atqui ego credo, id est, in me sentio & experior fidem illam quam Deus exigit, scilicet fidem vivam, quæ operatur per dilectionem, & quæ nunquam est sine studio bonorum operum, & serio vitæ in melius mutandæ proposito.*

XXXVI. In eo quoque consensus est, quantacunque sit illa fiducia & certitudo

ad quam omne fideles eniti & contendere debent, & ad quam qui sunt inter eos perfectiores perveniunt, illam tamen non omnem timorem expellere, sed esse quandam timorem qui cum eo compatiatur, & qui debeat ejus esse perpetuus comes. Etenim hic distinguunt Protestantium Theologi inter timorem *dubitantis* sive *diffidentis*, & inter timorem *pæfolicitudinis*, qui securitati carnali opponitur, cum quo jubemur nostram salutem operari. Illum foras mittit charitas, ex qua fiducia apud Deum oritur, hic verò cum spe & fiducia firma optimè stat & conciliatur.

XXXVII. Præterea, juxta communem Protestantium doctrinam, ut clarum est ex iis quæ superiori disputatione exposita fuerunt, certitudo quam quis habet de sua coram Deo justificatione, non est ejusdem omnino rationis cum certitudine illa, quam habemus de fidei articulis, & dogmatibus illis quæ verbo Dei expressè continentur; nempe neque tanta est, neque paris necessitatis; cum pro infideli meritò habeatur, qui revocat in dubium an Iesus sit Dei filius, non verò statim quicumque dubitat an peccatorum suorum remissionem adeptus sit, quia pro certo statuere non audeat suam fidem & penitentiam satis veram & sinceram esse. Adeoque hic quæstio non est, An eadem omnino fide qua fidei dogmata creduntur, teneatur quisque fidelis credere se esse in Dei gratia, seque verè regnitum & justificatum esse; cum inter hæc diversitatem quandam agnoscant Protestantes.

XXXVIII. Nec etiam inter Scholam Romanam & Reformatam controversia est, An certa fiducia de impetrata à Deo peccatorum venia sit proprius, formalis, & specificus actus fidei justificantis, ratione cujus in Scriptura dicimur fide justificari. Neque enim id communiter asserunt Protestantes. Referunt quidem alij in peccatore penitente & justificando, fiduciam de obtinenda peccatorum remissione à Dei per Christum misericordia, tanquam conditionem necessariam & præviam ad justificationem, minime verò fiduciam de remissione illa jam impetrata. Sicut autem Protestantes ultro fatentur fiduciam de jam impetrata remissione peccatorum, non esse illud per quod justificatur impius, sive aliquid ad ejus justificationem prævium. Ita quoque Doctores Ecclesiæ Romanæ non negant ad hoc, ut aliquis à peccato justificetur, necessariam esse in eo spem veniæ, & fiduciam de obtinenda à Deo misericordia. Imò res est quam sanxit & definiit ipsa Tridentina Synodus, sess. 6. cap. 6. ubi inter alia dicitur: *et homines ad justificationem disponi, dum peccatores se esse intelligentes, à divina justitia timore, quo utiliter concitantur, ad considerandam Dei misericordiam se convertendo, in spem eriguntur, fidentes Deam sibi propter Christum propitiū fore.* Quod probat ex illo Christi dicto ad paralyticum, *Confide fili, remittuntur tibi peccata tua.* Marc. 2.

XXXIX. Quibus consentanea sunt quæ leguntur apud Vasquezium, in 1. 2. tom. 2. disp. 210. cap. 4. ubi disertè docet ad justificationem, tum primam tum secundam, non tantum conducere, sed necessarium esse, non solum fidem Catholicam dogmatum, historiarum & promissionum, quæ universæ factæ sunt; sed etiam fidem privatam promissionis, qua quisque credat sibi Deum non defuturum, neque negaturum auxilium efficacem, & se tandem à Deo justificandum. Nam, inquit, si aliquis existimaret Deum sibi negaturum auxilium efficacem ad salutem, omnis ad justificationem progressus & dispositio impediretur, ut manifestè constat. Inter reliqua enim necessaria ad justificationem primam debet esse spes veniæ; hæc autem sine fide peculiari esse non potest. Nam quamvis aliquis crederet ea qua universis promissa sunt, nempe verè penitentibus peccata remitti, & penitentia aliisque operibus bonis à Deo obtineri veniam & justificationem. Tamen nisi etiam crederet se iis operibus quæ exercet à Deo veniam consequiturum, qua sanè est fides peculiaris promissionis, non poterit nunc veniam sibi à Deo sperare, ac proinde neque justificationis compos erit, siquidem spes non minus necessaria est dispositio ad justificationem quam fides.

XL. Verum est quidem Protestantes nonnullos sic loqui de illa persuasione quam fideles habent de gratia Dei & remissione peccatorum suorum, quasi in ea propriè consisteret fides justificans: sed eodem etiam modo loquuntur quidam, quos Schola Romana pro Catholicis habet. Nam in libro edito à Canonicis Colonienfibus Anno 1536. in Concilio quodam Provinciali, qui liber *Archiridion Colonienfe* vocatur, hæc expressa verba leguntur: *Non jubemus ut perpetuò de justificatione & acceptione sua dubitent homines, &c. Fatemur enim verum esse ad justificationem hominis omnino requiri, ut homo certo credat, non tantum generaliter quòd propter Christum verè penitentibus remittantur peccata, sed quòd ipsimet homini credenti remissa sunt propter Christum per fidem, &c.* Quibus consentit liber qui dicitur *Antididagma*, & cujus authores sunt iidem Colonienfes: dicunt enim authores illi titulo *De Justificatione*, Nos justificari per fidem, qua absque

du-

dubitatione firmiter confidimus nobis qui veram pœnitentiam habemus, peccata nostra propter Christum esse remissa. At quemadmodum Doctores Ecclesiæ Romanæ aliud jam hæc de se sentiunt, sic rem eandem aliter explicant plerique saltem Theologi Ecclesiæ Reformatæ, nec inter actus fidei ad justificationem coram Deo prævios ponunt, ut diximus, persuasionem de facta jam nostri cum Deo reconciliatione, sed solam fiduciam de illa obtinenda.

XXI. Igitur eo redire videtur controversia quæ hic inter Protestantes & Romanenses intercedit, An scilicet certitudo, quam fideles Christi gratiæ participes habere possunt & debent, de sua coram Deo justificatione, sit certitudo *fidei divinæ*? An vero solum certitudo alterius generis, & alio nomine vocanda. Prius affirmant communi consensu Protestantes; posterius paucissimis exceptis Schola Romana, juxta quam ista certitudo non est fidei, sed *spei* seu *fiducia*, cui competit certitudo certitudine fidei inferior, *moralis* scilicet vel *conjecturalis*, quæ aliquid minus est quam certitudo moralis stricte dicta, quæ gravi prorsus argumento & autoritate nititur, cum conjecturalis ex signis probabilibus colligatur; quanquam certitudo illa conjecturalis sæpe latiori sensu moralis etiam dicitur.

XXII. Verum hic est animadvertendum non eadem mente, nec eodem sensu, à Romanensibus negari certitudinem de qua hic agimus esse fidei divinæ, quod istud communiter à Protestantibus affirmatur. Quando enim Doctores Ecclesiæ Romanæ negant fideles & justos, fidei divinæ certos esse quod sint in Dei gratia, id solum sibi volunt istud ab iis nec tanta firmitate, nec etiam tanta necessitate credi, quanta credi possunt & debent fidei articuli in verbo Dei expressè revelati, quod facile concedunt Scholæ Reformatæ Doctores, ut pluribus expositum est superiori disputatione. Quod autem nihilominus certitudinem istam dicunt esse fidei divinæ, inde est quod putant ad fidem divinam pertinere, non tantum ea quæ solo Dei verbo nituntur, sed etiam illa quæ ex verbo Dei colliguntur, adjunctis aliis quæ vel humano sensu & experientia, vel alia quadam ratione nota sunt; licet hæc posteriora partim ex Dei verbo, partim aliunde deducta prioribus illis certitudine cedant. Jam verò qui fide viva veraque Christo infusi sunt, certò colligere possunt se justificatos & Deo gratos esse, ex generalibus verbi Dei pronuntiatis, quibus asseritur *Corde credi ad justitiam*, & *Credenti suam fidem ad justitiam imputari*; adjuncto conscientie proprio testimonio, quo dum seipsum probant & examinant, agnoscunt se non fictè sed sincere in Christum credere, seque fiduciam in Deo collocare, & illius amore duci, quæ sunt certa erga fidei vivæ signa & indicia. Quod ipsum ultro fatentur Scholæ Romanæ Theologi.

XXIII. Unde jure merito videri potest hic multum esse logomachiae, & verbalis contentionis; quandoquidem non eodem sensu negant & affirmant, Doctores utriusque communionis certitudinem fidei divinæ inesse illi persuasioni, quam qui fide per charitatem operante præditi sunt, habere possent & debent de sua coram Deo justificatione. Cum enim inter utrosque conveniat unde nascatur, & quibus fundamentis nitatur illa certitudo, nempe altera propositione disertè & clarè verbo Dei expressa, altera verò quæ nobis innotescit conscientie nostræ testimonio, & interno quodam sensu, quo fidem & pœnitentiam propriam percipimus, Protestantibus talis certitudo videtur dici posse fidei divinæ, quia Dei testimonio, etiamsi non solo nititur; Romanensibus verò contrarium videtur, quia non nititur solo Dei testimonio, sed altera propositione, quæ non æquè certa est, ac illa quæ expressè verbo Dei traduntur; juxta Philosophos autem in Syllogismis conclusio censetur sequi partem debiliorem.

XXIV. Neque enim illi ipsi Scholæ Romanæ Doctores, qui certitudinem istam nolunt dici *fidei divinæ*, multum repugnant quin nomen illud ei tribuatur, modo non æquiparetur certitudini fidei illius quam Catholicam & Dogmaticam vocant. Id videre est apud Vegam, qui concedit propter Ecclesiæ pacem hanc certitudinem esse posse commodo sensu certitudinem fidei appellari, quia à fide divina bona ex parte profluit, & ad eam fides mediâtè concurrat, & qui certi sunt de sua justitia, certitudinem ejus bonam partem fidei debent. *Nisi enim*, inquit, *per fidem assentirentur illi majoribus illi præpositionibus de fide*; Facienti quod in se est Deus non denegat gratiam; Convertens se ad Deum toto corde, invenit & obtinet gratiam ipsius, *Nunquam illi certitudinem aliquam haberent de sua gratia, &c.* Additque per fidem sciri posse, An simus in gratia; neque id negare Conc. Tridentinum, sed tantum negare sciri hoc posse certitudine fidei: nimirum hæc duo distinguit, *scire per fidem*, & *scire certitudine fidei*. Et prius hic vult habere locum, non verò posterius, juxta Conc. Tridentini mentem. In Conc. Trident. decret. de Justif. lib. 9. cap. 47.

XLV. Sed quod mirum est ille ipse Valquez, qui tam operose refutat Catharinum, certitudinem fidei divinæ iustis de sua gratia tribuentem, disputatione supra sapius allegata, alibi tamen ex professo docet, & probare contendit fidei nomen ut rationem convenire illi persuasioni, qua quis credit se justificatum esse, quam vult esse quandam fidei speciem à Catholica sive Dogmatica distinctam. Nam fidei privatz, quæ Catholice opponitur, & quæ non convenit omnibus, sed aliquibus tantum, cuiusque objectum toti Ecclesiæ ad credendum propositum non est, enumerans varias species, dicit ad eam pertinere fidem, qua aliquis credit se justificatum esse. Postquam enim primum in eo ordine collocavit fidem, qua aliquis credit ea quæ sibi peculiariter revelata sunt; secundam vero fidem miraculorum subjungit; *Tertia fides est huic similis, nempe qua quis credit se à Deo consequiturum aliquid quod tamen sibi soli speciatim promissum non est, ut cum quis credit se habiturum auxilium congruum ad justificationem, & perseverantiam, se etiam aeternam salutem adepturum, quia sibi gratia Dei efficax non denegabitur. Hujus etiam generis est fides, qua quis credit se à Deo per orationem obtenturum id quod petii, vel spirituale, vel temporale ad spiritualia pertinens. Addamus etiam fidem qua quis credit se justificatum esse. Hac enim etiam ad domum Dei pertinet, si homo id credat sicut oportet.* In 1.2. tom. 2. disp. 209 cap. 4.

XLVI. Quæcunque autem æquivocatio lateat in illa voce *certitudo fidei*, quæ in Schola Rom. strictius pro sola certitudine quam articulis fidei, sive expresso Dei verbo præbemus. Apud Protestantes vero latius usurpatur, & extenditur ad ea quæ non ex solo Dei verbo proxime & immediate, sed ex aliis etiam aliunde notis deducuntur, ac proinde utut merito videri possit certamen solum de vocibus esse, inter Protestantes & eos Scholæ Rom. Theologos, qui agnoscunt in fidelibus reperiri posse certitudinem tantam de accepta gratia, & excludat omnem formidinem, licet istam certitudinem non *fidei divinæ*, sed *moralis* solum dici velint, nihilominus aliquod reale dissidium manet inter eosdem Protestantes, & Doctores illos Ecclesiæ Rom. qui volunt absque quadam speciali revelatione, locum hic habere posse certitudinem tantum *conjecturalem*, quæ sit jam dicta *moralis* inferior, nec ut illa omnem formidinem deceptionis excludat, à quo vehementer omnes Paetestantes abhorrent.

XLVII. Et tamen dissidium istud obscurius redditur, si consideremus quæ partes diffidentes, dum inter se disputant, hinc & inde proferunt. Quandoquidem omnes Doctores Ecclesiæ Rom. hic admittunt veri nominis certitudinem, quæ consistit in vero determinato & fixo assensu, qui excludit omnem fluctuationem & hesitationem, nec animum dubium & suspensum relinquit: & tantam in homine fideli fiduciam, ut sufficiat ad pacem & tranquillitatem animi, & spirituale gaudium, & hominem securum reddat de Dei gratia: adeoque fatentur bonos fideles certissime credere se esse in gratia, nec se falli in hac sua opinione; & formidinem illam, quæ cum ista fidelium persuasionem consistit, aiunt in eo constituendam esse, quod boni isti fideles credunt quidem se in eo *non falli*, sed tamen non credunt se *falli non posse*, talem quippe certitudinem propriam esse solius fidei divinitus infusæ.

XLVIII. Doctores vero Scholæ Reformatæ fatentur certitudinem quam habent fideles, quod ipsum fides & poenitentia vera & sincera sit, & ex consequenti quod sunt coram Deo justificati, non æquare certitudinem quæ requiritur in assensu quem articulis fidei debemus, & quæ credere tenemur Christum esse Dei filium, & mundi servatorem. Non negant etiam esse quandam timorem piæ sollicitudinis securitati carnali oppositum, qui nunquam à fidelibus in hac vita abesse debet: imo sæpe fideles de gratia Dei erga se dubitare atque formidare, neque hoc obitare tamen quominus fideles & iusti maneant; adeoque non improbant Calvini verba, quæ leguntur in Antidoto Conc. Trid. ad Sess. 6. ubi loquens de eo quod experiuntur fideles in recognoscenda erga se gratia; *Nos certe, inquit, dum fidem docemur esse debere certam & securam, non certitudinem aliquam imaginamur qua nulla tangitur dubitatione, nec securitatem que nulla inquietudine sollicitatur; quin potius dicimus, perpetuum esse fidelibus certamen cum sua ipsa ipsorum diffidentia. Tantum abest, ut eorum conscientias in placida aliqua quiete collocemus, qua nullis omnino turbis interpellatur. Item, Sentit hæc in se divisionem pium pectus, quod partim ob divinæ bonitatis agnitionem suavitatem perfunditur, partim ob sue calamitatis sensum amaritudine angitur, & ob sua iniquitatis testimonium trepidat, & mortem exhorrescit; qua variatio ex fidei imperfectione contingit.* Quæ certe dum utrinque conceduntur atque proferuntur, in eo videntur partes diffidentes proximè ad se invicem accedere.

XLIX. Et certe si Doctores Ecclesiæ Romanæ, quam dicunt certitudinem de qua hic

hic quæstio est, non esse sine aliqua formidine, non aliud intelligunt quam quod, dum homo fidelis & pius credit se esse in gratia, credit quidem se in eo non falli, non tamen credit se falli non posse, quia facile contingit errare & falli in iudiciis quæ de seipsis ferunt; quomodo videtur formidinem istam explicare Thomas Stapletonus? Facile concedemus certitudinem quam habent fideles de sua iustitia, conjunctam esse cum tali iudicio; sed negamus huiusmodi iudicium sufficere ad hoc, ut assensus aliquis dicatur non esse sine formidine. Nam recte agnoscit ipse Stapletonus tale iudicium abesse à solo assensu, quem per fidem verbo Dei præbemus, non vero ab ullo alio assensu. Quoniam dum fidem Deo loquenti adhibemus, non solum iudicamus verum esse quod dicit, sed simul impossibile esse ut verum non sit, quia impossibile est mentiri Deum, qui est ipsa veritas. Quando vero iudicamus verum esse quod sensus, ratio, vel humanum aliquod testimonium nobis persuadet, non possumus ita iudicare impossibile simpliciter esse ut in eo fallamur, quia omnis homo mendax, & ratio sapissime fallit, & sensibus potest multis modis illudi: nec deinde impossibile est ut aliquid verum non sit, hoc ipso quod percipitur sensu, aut ratione colligitur, aut quotlibet humanis testimoniis confirmatur: sicut fieri nequit ut verum non sit quod Deus testatur, hoc ipso quod à Deo testimonium habet. Adeoque quilibet assensus, non modo moralis, aut conjecturalis, sed etiam qui ratione nititur & experientia, formidinem adiunctam haberet; quod nec verum est, nec dicunt Doctores Ecclesiæ Romanæ. Quis enim dicat non sine formidine credi quod nix alba sit, ignis calidus, & glacies frigida, aut quod omne triangulum habeat tres angulos æquales, duobus rectis; imo quod Augustus olim Romæ imperavit: quoniam nulla est tam conitans inter homines fama, nulla demonstratio, nulla perceptio sensuum, quæ mereatur tam certum assensum, quam Dei ipsius loquentis autoritas.

L. Si vero dicatur aliqua formido deceptionis nunquam abesse à certitudine, quam fideles habent de sua iustitia, quia cum illa semper stat iudicium istud, *Fortasse oppositum in re est, & Forte se res habet aliter quam opinor*, prout formidinem illam exponit Vasquez; dicimus tale iudicium pugnare cum quacunque certitudine quæ veri nominis sit, non excepta morali sive conjecturali. Etenim omnis certitudo, etiam moralis sive conjecturalis, excludit fluctuationem & hæsitationem, fatentibus ipsis Scholæ Romanæ Doctores, nec reperitur nisi in assensu fixo & determinato, quorum ita se habere iudicamus. Qui vero opinans atque coniciens quod res eo modo se habet, nihilominus iudicat fortasse eam aliter se habere, non caret hac in parte hæsitatione & fluctuatione; & licet ad unam partem magis inclinet, non tamen habet ad eam assensum fixum atque determinatum, ac proinde non habet vel minimum illum certitudinis gradum, qui reperitur in certitudine quam conjecturalem appellant. Conicit ergo ille, suspicatur atque opinatur, nullo vero modo certus est. Cum enim aliquis certo colligit & statuit, ex variis signis atque indiciis, rem sic vel secus se habere, ut (exempli gratia) hunc & illum ægrotum hydrope vel phthisi laborare, hanc epistolam ab eo amico vel cognato missam vel scriptam esse; non amplius apud se dicit, *Fortasse non ita est, sed Proculdubio res eo modo se habet, nec ratio patitur ut iudicem eam aliter se habere*; quamvis simul iudicet absolute loquendo, non impossibile esse ut sese aliter habeat.

LI. Sed quod maxime querimus illud est, Ecclesiæ Romanæ Doctores in hac quæstione non satis sibi ipsis constare. Nam quum Protestantium argumentis, aut accusationibus, ipsis occurrendum est, testantur se non negare fidelibus & iustis omnem de gratia Dei certitudinem: se quidem hic non agnoscere certitudinem illam quæ fidei divinæ dicitur, sed tamen admittere certitudinem aliam inferioris generis, nempe *moralem*, juxta quosdam, quæ in perfectioribus formidinem excludat: aut saltem juxta plures *conjecturalem*, quæ semper cum aliqua formidine juncta sit, nisi adsit specialis quædam revelatio. Et illam tamen tantam, ut non sinat hominem hæsitare atque fluctuare, nec illum accipere & suspensum relinquat, & sic abunde sufficiat ad conscientię pacem gignendam & fovendam, & hominem spiritali lætitia muleendum. Adeoque palam affirmant, fideles, pios, & iustos non debere de sua iustitia, & remissione peccatorum suorum ambiguos & dubios hære, verum certam de illa concipere fiduciam, quam si non jam adepti sint, eorum officium est ad eam precibus & votis frequentibus, & studio bonorum operum contendere.

LII. Verum, ut supra notavimus, quando adversus Protestantes disputant, & eorum sententiam refellere conantur, multa proferunt argumenta quibus probare contendunt, fideles non esse certos de adepta iustitia, ipsos nescire an sint in gratia, & an Dei odio, vel amore digni sint, eos qui convertuntur & pœnitentiam agunt, dubios & ambiguos esse

esse de remissione peccatorum suorum, & num fideles propriam conscientiam excutiunt, & inquirunt an habeant fidem vivam & sinceram, & poenitentiam veram, multa se iis dubitandi argumenta offerre, nec sine temeritate judicare & statuere posse, quod ipsorum fides & poenitentia habeat eas veritatis & sinceritatis notas, quas Deus necessario in justificandis exigit.

LIII. Quia in re aut sibi aperte contradicunt, aut vehementer vocibus abutuntur. Dicunt quidem ut ista inter se concilient, ut jam quoque fuit à nobis observatum, quum aiunt homines justos, *incertos esse, nescire, ignorare* an sint in gratia; mentem suam esse quod ea de re non habeant certitudinem fidei divinæ, neque istud sciant & cognoscant, quomodo res fidei noscuntur. Cæterum dum ita loquuntur, se nolle à fidelibus & piis excludere notitiam & certitudinem moralem aut conjecturalem, de sua apud Deum gratia atque iustitia. Et similiter quum tribuunt fidelibus aliquam dubitationem de propria gratia, se non intelligere dubitationem propriè sic dictam, per quam aliquis neutri parti contradicitionis audet assentiri, sed dubitationem quandam latius sumptam, quæ alias in Scholis formido dici solet.

LIV. Sed absurdè omnino & contra rationem dicitur, aliquis hoc vel illud nescire, & de eo incertus esse, propterea quod de eo fide divina certus non est: nam sic dici possemus illa ipsa nescire, ac de iis incerti esse, quæ demonstratione tenemus, sicut Terram esse Seclæ minorem; aut quæ percipimus sensu, ut Saccarum esse dulce, vel quæ testatur fama constans, ut Romanos olim hisce Provinciis imperasse, & Homerum atque Virgilium fuisse Poetas insignes, quoniam de nullo istorum fide divina nos certos reddidit. Quis tamen ferat dicentem quod ista incerta sint, aut quod aliquid horum & similia à peritis & doctis ignoretur atque nesciatur?

LV. Imò non videretur vim vocum invertere, & contra communem hominum sensum loqui, quidiceret quempiam de iis dubitare atque incertum esse, eaque nescire atque ignorare; quæ tamen ex variis signis certò colligit, quæque verè atque determinatè judicat ita esse? An quæcunque signa atque *symptomata* indicent ægrum Pleuritide vel Arthritide laborare, de eo tamen semper poterit dici medicus incertus & dubius? An qui syngrapham sive epistolam ab amico vel noto accipit, quæcunque *testimonia* concurrant, ut judicet illam ejus esse, cumque revera de hoc certum reddant, nihilominus simpliciter istud nescire dicendus est?

LVI. Profectò non fert communis hominum, imò nec ipse Schola usus, ut dicamus aliquem ignorare, dubitare, incertum & ancipitem esse, quum non solum verè, sed etiam firmiter & determinatè judicat rem ita se habere, absque quo tamen nemo ullam habet certitudinem, vel moralem vel conjecturalem. Quum vero dicitur quispiam dubius & incertus, sive rem aliquam nescire, statim concipimus illum inter utramque partem contradicitionis hære, nec quicquam circa id de quo quæstio est, determinatè apud se judicare atque statuere. Quod manifestum est ipsa plebis Romanensis experientia. Quum enim assueta sit audire Doctores suos publicè disputantes, & assentes in suis apud eam concionibus, fideles ignorare an sint in Dei gratia, & nescire an Deus ipsos vel amet vel oderit; eosque dubios & incertos esse, num revera adepti sint peccatorum remissionem, & justitiæ donum, inde colligit fideles circa ista esse debere animo suspensio atque ancipiti, neque posse de istis firmum & determinatum apud se ferre iudicium absque temeritate atque arrogantia: ac proinde pios & justos circa hæc ne quidem habere certitudinem quam Scholæ concedunt, nempe moralem sive conjecturalem. Et ita Scholæ Romanæ hac in parte dogmata multum discrepant à sensu, quem ipsius Doctores, plebi ipsi auscultanti, prædicationibus suis ingenerare solent.

THESES THEOLOGICÆ
DE
DISTINCTIONE
PECCATI
IN
MORTALE
ET
VENIALE.
PARS PRIOR.

In qua exponitur Doctrina Scholæ Romanæ.

THESIS I.

Observant Doctores Ecclesiæ Romanæ peccatum veniale triplici modo dici, vel à causa, vel ab eventu, vel ex ipsa natura & ratione peccati. Peccatum veniale à causa vocant peccatum, quod ex ignorantia vel ex infirmitate committitur. Quod genus peccati non dicitur veniale, ut distinguatur contra quodcunque mortale; sed contra peccatum mortale ex malitia. Tamen enim peccata ex ignorantia, vel ex infirmitate, sæpe sint merè mortalia, tamen dicuntur omnia venialia, quia est in eis aliquid imminuens culpæ pravitatem, & ratione cuius is qui peccavit vicinior est indulgentiæ. De quo genere peccati loquitur Apostolus quum ait, *Fui blasphemus, & contumeliosus, & persecutor; sed misericordiam consecutus sum, quia ignorans feci in incredulitate.* 1 Tim. 1.

II. Peccatum veniale ab eventu ipsis dicitur peccatum quodlibet, quod per pœnitentiam expiatur, & adu veniam à Deo consequitur, quantumlibet alioqui in se grave & atrox fuerit. Adeoque peccata hoc sensu venialia non opponuntur absolute peccatis mortalibus, sed eis solum quæ re ipsa nunquam remittuntur, ac per hoc ad mortem perducunt æternam.

III. Denique peccata venialia ex natura & ratione peccati, illis dicuntur peccata leviora, quæ ut ipsi iudicant cum proximi charitate non pugnant, & æternæ pœnæ reatum non inducunt: Et hæc est apud ipsos propria venialis peccati acceptio. Atque hoc sensu sumpta peccata venialia, simpliciter & absolute opponi censent peccatis mortalibus; quo nomine designant peccata graviora, quæ cum charitate & amore Dei consistere non possunt, & hominem apud Dei tribunal æternæ pœnæ reum constituunt.

IV. Igitur existimant esse quædam peccata, quæ cum charitate & amore Dei compati nullo modo possunt, & in quæ homo cadere non potest, quin à Deo prorsus avertatur, & inimicus ejus fiat, atque sic in totum privetur vita spiritali, quæ consistit in nostra cum Deo conjunctione, per gratiam ejus in nobis habitantem, & incidat in

in novum reatum gehennæ & mortis æternæ; quam vitare nullo modo potest, si in eo peccato à morte deprehendatur, & nisi ante mortem, ex eo peccato, per novam Dei gratiam resurgat, & de novo Deo reconcilietur. Itaque si quis iustus talia peccata committit, excidit omnino iustitia sua; nec amplius pro iusto & sancto haberi potest: neque in eo reperitur sanctificatio illa, sine qua nemo videbit Dominum. Et hæc sunt quæ vocant peccata lethalia, quia sunt veluti quædam plagæ lethales, quæ mortem animæ inferunt, vitam gratiæ prorsus in ea extinguentes, & hominem gehennæ, quæ mors secunda in scripturis dicitur, reum constituentes.

V. Verùm præter ista peccata, docent esse quædam peccata leviora, quæ non nihil quidem retardant hominis cursum ad Deum, & amoris Dei fervorem imminuunt; sed tamen hominem non planè à Deo avertunt, nec amorem Dei in eo extinguunt. Ac proinde per ejusmodi peccata homo non fit Deo inimicus, neque privatur vita spirituali, quoniam gratiam, quæ est vitæ illius principium, non excutit. Nec etiam talia peccata mortis æternæ reatum asserunt, sed solum pænæ ejusdem temporalis: ut nec per illa homo iustus iustitia sua spoliatur, & amittit sanctitatem illam quæ necessaria est, ut quis Deum videre possit. Adeoque quamvis mors in ejusmodi peccata hominem deprehendat, non propterea tamen est in æternum salute excludendus, & æternis inferni tormentis adjudicandus. Unde colligitur, hujusmodi peccata esse quidem animi vulnera, sed facile curabilia; non verò morbos aut plagas lethales: Et propterea peccata non mortalia, sed tantum venialia rectè appellari.

VI. Porro peccata ista venialia in duo rursus genera dividunt; docent enim quædam esse venialia ex genere suo, alia verò tantum ex imperfectione operis.

VII. Peccata venialia ex genere suo vocant, ea quæ habent quidem per obiectum rem malam & inordinatam; sed quæ charitati Dei & proximi non repugnat: quale est verbum otiosum, risus nimius, & alia id genus. Et his opponunt peccata mortalia ex genere suo, ut perjurium, adulterium, & similia; quæ aperte cum charitate Dei & proximi pugnant.

VIII. Venialia ex imperfectione operis ea dicunt, quæ tametsi ex genere suo mortalia esse possent, tamen ob imperfectionem operis venialia efficiuntur: quia videlicet sola imperfectio operis facit, ut cum charitate & amore Dei pugnare non judicentur.

IX. Rursus verò peccata venialia ex imperfectione operis in duo membra secant: Alia enim ipsis dicuntur venialia ex subreptione, alia ex parvitate materiæ. Ex subreptione venialia vocant ea quæ non sunt perfectè voluntaria; quales sunt subiti motus iræ, cupiditatis, inviditiæ, & alii similes, qui prius in animo existunt, quam ratio planè deliberare potuerit essent necne admittendi. Quæ quidem & peccata sunt, cum præveniri aut continuò repelli potuissent, si ratio vigilasset: & tamen venialia sunt, cum pleno voluntatis assensu caruerint. Ex parvitate materiæ venialia vocant ea quæ in re parva ac levi committuntur; quale est furtum unius oboli, quod neque proximum notabiliter lædit, neque ejusmodi est, ut apud æquos homines amicitiam tollere quæat.

X. Caterum quamvis Doctores Ecclesiæ Romanæ communi consensu doceant, esse peccata quædam leviora, quæ cum vera iustitia & sanctitate simul stant, & hominis amicitiam cum Deo non dissolvunt, nec hominem involvunt reatu pænæ & mortis æternæ; ac propterea dicuntur peccata venialia. Alia verò graviora, quæ hominem statim ex iusto injustum constituunt, illumque Deo inimicum reddunt, ac proinde morti & pænæ æternæ obnoxium; ideoque vocantur peccata mortalia. Nihilominus inter eos non omnino certum & definitum est, An peccata illa leviora id habeant ex natura sua, & talia per se sint, ut iustitiæ divinæ repugnet illa ad mortem æternam imputare, & propter illa hominem in perpetuum & prorsus abicere; cum propter levitatem suam non nisi pœnam & iram temporalem iuste mereri possint. An verò per se quidem possent iuste puniri perpetua à Dei regno exclusionem, & sempiternis gehennæ ignibus & cruciatibus; sed quod ad tantam pœnam non imputentur, verum ad temporalem duntaxat, id referendum esse ad Dei voluntatem atque benignitatem, quæ solum gravioribus & atrocioribus peccatis mortis æternæ pœnam lege sua constituit: levioribus autem supplicia tantum quædam temporalia in lege sua minatur, & reipsa infligit, cum si strictò jure uti ipsi liberet, longè severius & acerbius posset cum homine agere.

XI. Etenim nonnulli sunt inter Doctores Ecclesiæ Romanæ, & quidem non infimæ notæ, qui docent omnia peccata iuste à Deo morte æterna puniri posse; quod verò quædam eorum ad pœnam solummodo temporalem imputantur; nec mortis æternæ reatum

reatum in peccantem inducunt, & idcirco à peccatis mortalibus distinguuntur, id trihuendum esse Dei clementiæ atque indulgentiæ, quæ hæc in parte toto suo jure erga hominem uti non vult. Hæc est sententia Joannis illius Gerson, qui ante annos plus minus ducentos sexaginta Academiæ Parisiensis Cancellarius fuit, & inter Theologos Sorbonicos celeberrimus, quam prolixè tradit & tuetur in tractatu quem inscribit *De Vita Spiritualis*, lectione prima; ubi agens de quidditate & quantificatione peccatorum, ut loquitur, hæc ponit conclusionem, *Omne peccatum, pro quanto est offensæ Dei, & contra legem ejus æternam, est de sua conditione & indignitate mortiferum, secundum rigorem justitiæ, & à vita gloriæ separativum.*

XII. Atque hanc suam sententiam in sequentibus multis argumentis confirmat: nam omnem offensam in Deum de se mortiferam esse probat, ex eo quod potest jussu à Deo puniri poena mortis, tam temporalis quam æternæ; imò annihilationis poena. Et hoc quia nulla poena talis ita mala est, quantum mala est quavis offensæ Dei. Mortem autem & annihilationem non esse tam malam, quam ipsam Dei offensam. Inde deducit, quoddam potius toleranda esset omnis mors poenalis & annihilatio, quam committenda quantumlibet parva offensæ in Deum, quoniam opposito dato, dari posset casus, in quo offensæ Dei licitè fieri posset; neque si aliter vitari non posset mors & annihilatio.

XIII. Præterea, inquit, quolibet offensæ Dei, nisi remitteretur, repelleret à gloria Dei perpetuo. & absque termino puniretur; alioqui maneret dedecus culpæ sine deo & justitiæ. Quod autem offensæ dimittitur aut remittitur, est ex pura liberalitate Dei remittentis, & non amplius imputantis. Denique non minus est fugibilis offensæ Dei, quam sit eligibile illud bonum, pro quo adipiscendo nullo modo deberet committi. Sed pro infinito bono non debet fieri offensæ Dei; & si quis infinita bona possideret, posset justè omnibus à Deo spoliari, si caderet in offensam Dei.

XIV. Postea verò ex ista conclusione plura corollaria deducit, quorum hoc primum est; Nulla offensæ Dei est venialis de se, nisi tantummodo per respectum ad divinam misericordiam, quæ non vult de seculo quamlibet offensam imputare ad mortem, cum illud posset justissimè. Et ita concluditur, quod peccatum mortale & veniale in esse tali non distinguuntur intrinsicè & essentialiter, sed solum per respectum ad divinam gratiam, quæ peccatum istud imputat ad poenam mortis, & aliud non.

XV. Tertium autem ejus corollarium sic habet; Obligamur Deo ad gratificationem, & gratiarum actionem, ex hoc quod peccata nostra venialia non imputat ad mortem, sicut teneamur ex remissione mortalium; quoniam utrobique concurrat misericordia Dei, non imputans peccata nisi ad poenam temporalem, quæ de sua indignitate imputabilia sunt ad mortem, nunquam de possibili, aliud de lege statuta. Imò fortè ita diceretur de omnibus justitiis nostris, quæ quantum de se sunt, sunt sicut pannus menstrualis, præsertim post peccatum, aut absente gratia.

XVI. His consentanea docet Joannes Rossensis in Anglia Episcopus, in refutatione assertionis Lutherani, ad articulum trigelimum secundum; ubi postquam induxit Lutherum dicentem, *Veniale peccatum non natura sua, sed Dei misericordia tale esse*; subiungit, *Quod veniale peccatum solum ex Dei misericordia tale sit*; in hoc regimè sentio: sed quoniam & nos mortale quoque peccatum per Dei misericordiam fieri posse veniale credimus, vellemus apertius nobis exponere, quid ipse discriminis arbitreris inter mortale venialeque peccatum statui debere. Istud verò discrimen ipse postea in eo constituit, quod mortale protinus effugit ab animo gratiam, & in odio Dei constituit ipsum peccatorem; at veniale non ita. Et paulo post concedit veniale peccatum esse damnabile, si districtè judicetur. Inde verò negat sequi veniale peccatum mortale esse; Nam, inquit, mortale peccatum fugat à nobis gratiam, propter quod & meritò damnandum venit; non autem identidem veniale. Quod discrimen abundè satis est, ut veniale dici mortale nequeat.

XVII. Verum quum hæc sententia sub finem superioris seculi, ab aliquot Theologis in Belgio teneretur, & publicè asseretur, singulari Bulla cum multis aliis eorum assertionibus, damnata fuit tanquam erronea, à Pontificibus Pio V. & Gregorio XIII. Qua in Bulla inter multos alios articulos hunc quoque damnant, *Nullum est peccatum ex natura sua veniale, sed omne peccatum meretur poenam æternam*; ut refert Bellarminus lib. 1. de Amissione Gratiæ & Statu Peccati, cap. 10. parag. Confirmatur.

XVIII. Unde est quod Schola Romana hodie communi consensu contrarium statuit, videlicet quædam peccata natura sua venialia esse, & non tantum ex Dei misericordia atque indulgentia; licet istud nondum habeat pro fidei articulo, & re omnino certa & definita.

XIX. Porro quamvis communis Scholæ Romanæ doctrina sit, peccatum veniale natura sua mortem æternam non mereri, docet illa nihilominus peccatum veniale æterna pœna puniri, in iis qui cum peccato mortali ex hac vita decedunt, & inferis adjudicantur. Idque post Thomam Aquitatem, qui asserit peccato veniali deberi pœnam æternam, si cum peccato mortali inveniatur in aliquo damnato, quia in inferno nulla potest esse remissio. In 1.2. quæst. 87. art. 5. in 3. arg.

XX. Scotus quidem aliter sensit: Nam in quartum Sententiarum, distinctione vigesima prima, docet peccato veniali, quod conjunctum permanet cum mortali, non deberi pœnam æternam in alia vita; sed tandem pœnam illius in inferno finire, permanente sola pœna quæ peccatis mortalibus debetur. Quæst. 1. parag. In ista quæstione.

XXI. Sed communis Scholæ Romanæ sententia contrarium tenet, scilicet pœnam peccati venialis in damnatis fore perpetuam. Idque quoniam peccatum quodvis quantumlibet leve, hominem supplicio & pœna dignum reddit, quamdiu in eo manet, & per pœnitentiam aliquam retractatum & expiatum non est. Jam autem in damnatis nulla datur pœnitentia, & peccati expiatio; adeoque in iis perpetuæ manent maculæ ex peccatis etiam venialibus contractæ. Nec enim ullum omnino peccatum per aliquem dilectionis sive contritionis actum retractare possunt; quoniam ista locum in inferno non habent. Et sic cum peccati venialis macula & pravitæ æternum in iis perseveret, in æternum quoque per eam supplicio & pœna digni manent.

XXII. Inde tamen sequi negant peccatum veniale natura sua veniale non esse, & ex se pœnam æternam mereri. Quoniam qui non sunt in peccato mortali, si venialiter peccent, non propterea privantur gratia, charitate, & vita spiritali: ac proinde in iis peccatum istud facile tolli & deleri potest, per aliquem dilectionis & contritionis actum. Quo posito, etiamsi Deus pœnæ isti peccato debita nihil condonare vellet, non ad pœnam æternam, sed ad pœnam tantum temporalem obligati manerent. Quod autem in damnatis peccatum istud, nec quoad culpam tolli, nec etiam quoad pœnam remitti potest; id esse tantum per accidens, & quia in illis conjunctum reperitur cum peccatis mortalibus, propter quæ sunt in æternum Dei gratia & vita spiritali privati.

XXIII. Unde colligunt peccatum veniale ex se & natura sua à peccato mortali dupliciter differre: Primum in eo quod peccatum mortale, cum vivam animam extinguat, & Dei gratiam ex anima expellat, nullum in homine principium relinquit, cujus vi tolli & deleri queat: sed ad hoc opus est ut Deus de novo quasi hominem ex mortuis excitet. Cum res secus se habeat in peccato veniali, sicuti jam dictum est. Deinde in eo quod, si cogitemus peccatum mortale retractatum fuisse per aliquem actum contritionis & dilectionis, & ita ex anima sublatum, quoad pravitatem & maculam ex eo relicta; at nihilominus Deum de jure suo, & pœna quam exigere potest, nihil homini remittere velle, qui peccatum tale admisit ad pœnam æternam obligatus manet, propter legem Dei semel per illud violatam. Cum sublata culpa peccati venialis, nullum pœnæ æternæ debitum in homine manere possit, sed solummodo debitum pœnæ cujusdam temporalis. Quæ est Bellarmini doctrina de Amissione Gratia, lib. 1. cap. 14. Responsione ad 3. Objectionem.

XXIV. Quærent autem hic Theologi Ecclesiæ Romanæ, An peccatum veniale sit contra Dei legem, An verò tantum præter Dei legem. Et quidem sunt inter eos multi qui existimant peccatum veniale non tam esse contra legem, quam præter legem; & in eo constituent discrimen peccati mortalis & venialis, quod mortale sit contra legem, veniale solum præter legem. Quæ est Bellarmini sententia lib. 1. de Amiss. Grat. & Statu Peccati, cap. 1. in Explicatione quinti Argumenti. Alii verò censent tam veniale quam mortale peccatum esse contra Dei legem; quem sententiam tenet Vusquez, tom. 1. in 1.2. disp. 143. cap. 3.

XXV. Verum qui dicendum putant peccatum veniale non tam esse contra legem, quam præter legem, multa observant, quibus hanc suam sententiam exponunt atque emolliunt. Et primò dicunt se nolle negare, quod sit aliqua lex quæ peccatum veniale prohibeat; proindeque quin peccatum veniale sit contra legem spectatam materialiter, id est, secundum rem ipsam vel prohibitam. Sed mentem suam esse, quod peccatum veniale non sit contra legem formaliter consideratam, id est, in ordine ad finem legis, qui est charitas, quia tale peccatum charitatem non tollit. Ut videre est apud Eustachium à Sancto Paulo, in 2. parte Summæ Theologicæ, tract. 5. disp. 7. quæst. 1. sub finem.

XXVI.

XXVI. Alii notant peccatum veniale non dici simpliciter esse contra Dei legem, quia per legem Dei intelliguntur communiter praecepta obligantia sub mortali, & quorum observatio necessaria est ad salutem; juxta illud, *Si vis ad vitam ingredi, serva mandata*. Concedunt tamen aliquo sensu verum esse quod peccatum veniale sit contra legem, quia generatim omne peccatum est praevicatio legis; ac praeterea, quia dubitari non potest, quin peccatum veniale repugnet rectae rationi, quae est quaedam in nobis impressio divinae legis. Ita Petrus à Sancto Joseph. in *Idaea Theologiae Moralis*, lib. 2. cap. 3. Resolutione 5.

XXVII. Bellarminus verò pertendit rectè dici peccata venialia, cujuscunque tandem generis sint, non esse contra legem, sed praeter legem: quia si sunt contra praeceptum aliquod legis propriè dictae, ut peccata venialia, quae dicuntur ex subreptione; quale est desiderium rei illicitae non planè deliberatum, non sunt perfectè voluntaria: adeoque hoc ipso non sunt perfectè contra legem, nisi materialiter, quia lex propriè voluntati tantum nostrae ponitur. Vel si perfectè voluntaria sunt, praeceptum quod transgrediuntur non est perfectè & in rigore lex. Nam, inquit, cum finis praecepti sit charitas, & ex fine mensurentur praecepta, si quod praeceptum constituatur de re; quae parum admodum ad eum finem pertineat, ut si speciali praecepto caveatur, ne quis verbum otiosum loquatur, id praeceptum non poterit esse perfectè & in rigore, & ut alii loquuntur, anonomasticè lex. De Amissione Gratiae & Statu Peccati, lib. 1. cap. 11. sub finem.

XXVIII. Qui verò docent peccatum veniale esse contra legem, & praeceptum aliquod, non autem solum praeter legem; distinguunt inter praecepta necessaria ad charitatem servandam, & salutem consequendam: & inter praecepta quae ad hoc utilia quidem sunt, sed non necessaria; & quorum violatio non impedit salutem. Et dicunt peccatum veniale non esse sicut peccatum mortale, contra praeceptum aliquod necessarium ad salutem consequendam, & charitatem servandam; sed praeter illud. Verum propterea negari non debere peccatum veniale esse contra praeceptum aliquod quod simpliciter praeceptum sit, licet non sit ex praeceptis praecipuis & necessariis ad salutem. Ut videre est apud Gabr. Valquez modò citata disputatione, cap. 3. & 4.

XXIX. Quibus consentanea tradit Becanus Jesuita in *Summa Theologiae Scholasticae*, tom. 2. tract. 2. cap. 2. quaest. 7. ubi haec est ejus prima conclusio; *Nullum peccatum veniale est propriè contra finem legis*. Secunda verò haec, *Tamen si nullum peccatum veniale sit contra finem legis, omne tamen veniale est aliquo modo contra legem, sive perfectè sive imperfectè*.

XXX. Et quidem dicit esse perfectè contra legem peccata venialia ex suo genere; ut risum immodicum, verbum otiosum; & etiam venialia ex parvitate materiae, ut furtum rei exigui momenti; si talia peccata deliberatè fiant. Peccata verò quae venialia sunt ex defectu perfectae deliberationis, quales sunt subiti & indeliberati motus irae, odii, invidiae, superbiae, luxuriae, &c. esse imperfectè contra legem. Ut exempli gratia, motum indeliberatum concupiscentiae esse imperfectè contra legem illam Decalogi, *Non concupisces*.

XXXI. Unde colligit peccatum veniale & peccatum mortale non esse eodem modo contra legem. Primum, quia mortale est ita contra legem, ut sit etiam contra finem legis; non item veniale. Secundo, quia omne mortale est perfectè contra legem, multa venialia imperfectè. Tertiò, quia omnia mortalia sunt contra legem aliquam, quae simpliciter necessaria est ad salutem, venialia deliberata non item.



THESES THEOLOGICÆ
DE
DISTINCTIONE
PECCATI
IN
MORTALE
ET
VENIALE.
PARS POSTERIOR.

In qua Protestantium Doctrina exponitur & confirmatur, & expenditur Controversiæ status.

THESIS I.

Theologi Protestantes ante omnia uno consensu constituunt peccatum omne, natura sua, mortem æternam, & Dei odium atque iram mereri; nec ullum esse peccatum, quantumlibet leve hominum judicio videri queat, quod non possit à Deo pœna sempiterna puniri, & hominem Dei amore excludere, si Deus cum homine rigide agere velit. Juxta illud legis Mosaicæ, *Maledictus omnis qui non permanserit in omnibus quæ scripta sunt in libro legis hujus.*

II. Imò docent in reprobis & impœnitentibus, peccata quælibet, etiam minima, quale est verbum otiosum, pœna æterna actu & re ipsa aliquando punienda esse. Juxta illud Christi in Evangelio, *Dico autem vobis, quoniam omne verbum otiosum, quod locuti fuerint homines, reddent rationem de eo in die judicii.* Nec enim ex communi Christianarum Scholarum doctrina, post diem judicii, ulli alii pœnæ quam æternæ locus erit.

III. Vice versa verò docent nullum esse peccatum tam grave & tam atrox, quod veniam à Dei misericordia consequi non possit, mediante peccatoris fide & pœnitentia: Excepto solum peccato quod vocant in Spiritum Sanctum. Quo nomine intelligunt totalem, & ultroëam atque deliberatam, ex destinata malitia, divinæ veritatis semel agnitæ & gustatæ abjectionem. Quod peccatum nec in hoc, nec in futuro, seculo remittitur; propterea quòd impossibile est, quia in tale peccatum lapsi sunt renovari ad pœnitentiam, juxta doctrinam Apostoli *Heb. 6.*

IV.

IV. Quin docent in electis omnia peccata, quantumvis atrociora, gratis remitti atque condonari; nec ulla poena propriè & strictè sic dicta puniri. Idque quoniam Deo per gratiam suam eos movente atque excitante, ante finem vitæ ferid convertuntur, atque peccato renunciant, & per fidem ad Christi meritum & justitiam confugiunt; ac propter eam à Deo peccatorum suorum remissionem consequuntur.

V. Cæterum quamvis peccatum quodlibet ex se mortem æternam mereatur, & refectionem à Dei amore & benevolentia, multum tamen ab eo absunt, ut cum Stoicis sentiant peccata omnia paria & æqualia esse. Siquidem fatentur inter peccatum & peccatum magnum discrimen reperiri, & unum altero longè gravius & atrocius esse; adeoque licet peccatis singulis æterna quædam poena respondeat, inter peccatorum poenas varios tamen esse gradus, & unum altero longè mitius puniendum esse. Prout docet Evangelium servum illum, qui cognita heri sui voluntate, illum non executus est, pluribus & durioribus plagis cædendum fore, quam illum qui eam ignorans violavit, licet & iste non sit hoc impune laturus.

VI. Super hac re diserta est Confessio Helvetica posterior, quæ in Confessionum Harmonia sive Syntagma te habetur, & quam subscriptione sua comprobant, non solum Ecclesiæ vicinæ Tigurinorum & Bernensium, aliorumque quorum est Confessio; sed & remotiores Hungaricæ, Polonicæ, Scoticæ, Gallicæ, aliæque Reformatæ. Nam in ista Confessione hæc ad verbum leguntur; *Fatemur non omnia peccata esse æqualia, licet ex eisdem corruptionis & infidelitatis fonte fluant; sed alia aliis esse graviora, sicut Dominus dixerat, Tolerabilius fore Sodoma, quam civitati quæ verbum Evangelii contemneret. Damnamus ergo omnes qui his contraria docuerunt, in primis Pelagium, cum omnibus Pelagianis, unâ cum Jovinianistis, peccata cum Stoicis paria facientibus.*

VII. Porro ex hac peccatorum inter se disparitate & inæqualitate, & aliorum præ aliis levitate sive gravitate, fit ut Deus cum filiis suis quos adoptavit in Christo, & Spiritu suo regnuit, juxta gratiosum sœdus Evangelii benigne agens, peccata quædam leviora in iis catenus tolleret, ut etiam si non sint sine ejusmodi peccatis, in quæ quotidie incurrunt, & in aliquo eorum moriantur, non tamen eos propterea declararet indignos qui in cælum admittantur, & gloriæ & felicitatis æternæ participes fiant. Adeoque peccata talia consistere possunt cum bona conscientia, & munditia cordis, eaque mensura sanctificationis, quam Deus à nobis exigit in hac vita, ut in altera ipso frui, ipsulumque videre possimus. Neque ejusmodi peccata ex homine fideli & pio excutiant conscientiam pacem, & gaudium spiritus, ac remissionis peccatorum ipsius, & salutis æternæ spem atque fiduciam. Cujus generis peccata sunt, exempli gratia, verbum otiosum, risus immoderatus, cogitatio vana, & navi ac defectus omnes adhærentes bonorum piorum operibus, in quibus à summa legis æquitate semper deficiunt.

VIII. At verò sunt alia peccata graviora, quæ simul stare non possunt cum bona conscientia, & justitia ac sanctitate illa sine qua nemo videbit Dominum, & ad quam omnes qui sunt verè pii & fideles, in hac vita per Christi gratiam renovantur. Unde est quod ipsum gratiæ Evangelium illos quibus ordinarium est talia peccata patrare, & qui in aliquo eorum à morte deprehenduntur, absolutè pronuntiat regno cælorum excludendos. Ac proinde qui incidunt in ejusmodi peccata, & aliquandiu in iis perseverant, æternæ mortis reatu confriti sunt, & præsentem, ut sic dicam, aptitudinem amittunt ad ingrediendum in regnum cælorum; nec pro tempore illo retinere possunt conscientiam pacem, salutis fiduciam, & gaudium quod est Spiritus Sancti fructus, ac sincerae pietatis & probitatis comes. Neque bene sperare licet de salute ejus, quem mors dèrepente opprimit ejusmodi aliquod grave scelus patrantem; quale est verbi causa adulteria, idololatria, & deliberatum homicidium.

IX. Quæ certè ex Scripturis sacris evidenter colliguntur: nam Scriptura sacra docet multis in locis neminem sine peccato vivere; ut quum dicit Jacobus, *In multis offendimus omnes.* Et Salomon in Ecclesiaste, *Non est homo justus in terra, qui faciat bonum & non peccet.* Et Joannes similiter, *Si dixerimus nos peccatum non habere, nos ipsos seducimus, & veritas in nobis non est.* Unde necessario sequitur, cum fideles nulli, quantumlibet pii & justitiam studentes, sine peccatis in hac vita degant, quædam esse peccata quæ cum vera justitia & sanctitate simul stent, & cum quibus servare liceat bonam conscientiam, eaque dona & fructus Spiritus, quæ piorum in hac vita propria esse Scriptura declarat, Jac. 3. Eccl. 7. Joan. 1.1.

X. At verò hæc eadem Scriptura non minus apertè & frequenter inculcat peccata illa

illa graviora, quæ vocat opera carnis, hominem regno cælorum excludere; nec qui ejusmodi peccata committit posse Deo placere, & regni ipsius hæredem fieri. Nolite errare, inquit Paulus, neque fornicarii, neque idolis servientes, neque adulteri, neque molles, neque masculorum concubitores, neque fures, neque avarii, neque ebriosi, neque maledicti, neque rapaces, regnum Dei possidebunt. Item, Manifesta sunt autem opera carnis, quæ sunt adulterium, immunditia, impudicitia, luxuria, idolorum servitium, veneficia, inimicitia, contentiones, emulationes, ira, rixa, dissensiones, scilicet, invidia, homicidia, ebrietas, comestiones, & his similia; quæ prædico vobis sicut prædixi, quoniam qui talia agunt regnum Dei non consequentur. Unde non minus evidenter patet, illos qui consueverunt istiusmodi flagitia patrare, & quos mors opprimit alicui illorum operam dantes, esse non posse salutis æternæ participes; ac proinde omnia ejusmodi peccata omnino pugnare cum sanctitate illa, cui vita & gloria æterna promissa est; nec cum illis posse bonam conscientiam retineri, ac legitimam salutis æternæ fiduciam: sed quamdiu aliquis in ullo peccatorum istiusmodi manet, tamdiu mortis & perditionis æternæ reum teneri, non tantum juxta legis rigorem, sed quoque juxta ipsam Evangelii prædicationem. 1 Cor. 6. Gal. 5.

XI. Hanc doctrinam apertè tradunt Theologi Magnæ Britanniæ, in suo judicio circa quintum Remonstrantium articulum, quod insertum est Actis Synodi Dordracenæ: ibi enim capite de Perseverantia, quoad ipsos electos, ipsiusque certitudine, quoad rem, hæc est eorum secunda Thesis; *Quamvis electi in hoc statu* (adoptionis scilicet ac salutis) *constituti, ratione reliquiarum concupiscentia, in omni opere bono aliquid omittant, & leviora peccata subreptionis, negligentia & inadvertentia quotidie committant, inde tamen nec justificationis status concutitur, nec juris ad regnum cælestis hereditarii usus intercipitur.*

XII. Cui Thesi hanc statim subjungunt declarationem & confirmationem; *Ex legis quidem rigore quodvis, vel levissimum peccatum est mortiferum, & excludit peccatorem à favore Dei & regno cælorum. Sed cum filiis cum Christo jam adoptatis & justificatis, Deus nunquam agit stricto jure. Sunt quidem peccata aliqua, ob quæ Deus hisce filiis suis iram atque indignationem denunciatur. imò è talis exclusionem, mortemque æternam interminat. Qualia ea sunt videre licet 1 Cor. 6. 10. Gal. 5. 25. Col. 3. 6 de quibus in Thesibus sequentibus dicitur. Sunt autem & alia quædam peccata, ob quæ Deus misericors non solet filios suos vel ad tempus lumine vultus sui privare, nec metum condemnationis, aut mortis illis incutere. Hujusmodi sunt rebelles concupiscentia moris, de quibus conqueritur Apostolus Rom. 7. item defectus & nervi, qui etiam optimis renatorum operibus adhaerescunt. Denique, ea quotidiana humana infirmitatis delicta, quæ committuntur absque certo aliquo proposito ea committendi, & quotidiana remissionis postulatione dimittuntur. De his Jac. 3. 2. In multis offendimus omnes; & 1 Joh. 1. 8. Si dixerimus quoniam peccatum non habemus, ipsi nos seducimus. Hisce peccatis non obstantibus rectè dixerit quisvis fidelium, Nihil condemnationis est iis qui sunt in Christo Iesu. Imò in medio harum calamitatum, cuiusvis justificato Deus dicit quod Apostolo dicit, Sufficit tibi gratia mea, nam virtus mea in infirmitate perficitur. Non excidunt à statu justificationis suis infirmitatibus, quorum infirmitate virtus Dei perficitur, quique interim gloriari possunt virtutem Christi in se habitare, ut eodem loco habetur.*

XIII. Postea verò hæc est eorum tertia Thesis; *Idem regeniti & justificati quandoque suo vitio incidunt in atrociora peccata, atque hisce indignationem Dei paternam incurrunt, reatum damnabilem contrahunt, præsentem ad regnum cælorum ingrediendum aptitudinem amittunt.*

XIV. Quam Thesin sic in sequentibus confirmant; *Exemplo Davidis ac Petri constat posse renatos in gravissima peccata seipso precipitare, Deo id quandoque permittente, ut discant cum humilitate agnoscere, non suis viribus aut meritis, sed solius Dei misericordia se fuisse à morte æterna servatos, & vita æterna donatos. Dum hujusmodi peccatis inhaerent, iisque securè acquiescunt, indignatio Dei paternam contra eos suboritur. Si iustitias meas profanaverint, & mandata mea non custodierint; visitabo in virga iniquitates eorum, & in verberibus peccata eorum. Tribulatio & angustia in omnem animam hominis operantis malum. Quinetiam reatum damnabilem contrahunt, ita ut dum in eo statu impænitentes persistunt, nec debeant nec possint aliter sibi persuadere, quam se esse morti obnoxios. Si secundum carnem vixeritis, moriemini. Sunt enim capitali crimine constrikti, cujus merito, secundum divinam ordinationem*

nationem moris subjacent, quare nonnisi nondum mori traditi sint, neque si patrum Dei amorem speremus, iradendi; sed ab hoc peccato prius eripiendi, ut sic ex mortis reatu eripiantur. Denique, pro præfenti conditione, amittunt aptitudinem ad ingrediendum regnum celorum; quia in illud regnum non intrabit aliquid co inquinatum, aut abominationem faciens. Cælestis enim corona non imponitur nisiis, qui bonum certamen certant, & cursum suum in fide & sanctitate consummaverunt. Ineptus ergo ad hanc coronam adeptus, quisquis impietatis operibus adhuc inhaerescit. Psal. 89. 31. Rom. 2. 9 & 8. 13. Apoc. 21. 27. 2 Tim. 4. 8.

XV. Thesis autem quarta sic habet; Dei immuta ordinatio postulat, ut fidelis sic exorbits, per renovationem fidei & penitentiam actum prius redeat in viam, quam ad viam metam, hoc est, regnum cæleste perducere possit.

XVI. Atque huic Thesi hæc subditur explicatio; Ex electionis decreto ita ad finem prædestinantur fideles, ut non aliter quam per viam à Deo institutam, quasi per viam quandam regiam ad eundem finem perducantur. Nec minus rata & certa sunt hæc Dei decreta de mediis, de modo ac ordine eventuum, quam de fine, ac ipsis eventis. Siquis igitur instituat viam divinæ ordinationi contrariam, puta latam illam viam immunditiæ & impietatis, qua relictâ ducit ad gehennam, nunquam poterit in eam isto pacto pervenire. Imò si mors illum oppræsserit in hoc devio errantem, non poterit non in mortem incidere sempiternam. Hac est perpetua & clara vox Scripturarum, Nisi penitentiam egeritis, vos similiter peribitis. Ne errate, neque idololatraz, &c. regni Dei hereditatem possidebunt. Frustra ergo sunt qui opinantur electum in talibus flagitiis se volutantem, & ita morientem, vi electionis nihilominus necessario salvandum fore. Nam Deo quidem decernente certa est & firma salus electorum: at eodem Deo decernente, non nisi per viam fidei, penitentiam, ac sanctitatis est certa. Absque falsitate nemo videbit Dominum. Sicut ergo certum fuit ex Dei decreto & præmissio, illos omnes, qui in eadem cum Paulo navi navigabant, incolumes à naufragio emeruros; & tamen illud Pauli dictum simul certum fuit, Nisi hi manserint in navi, salvi esse non potestis: ita certum fuit, electos Dei servos, Davidem & Petrum, ad regnum celorum perventuros; & tamen non minus certum, si ille in adulterio & homicidio, hic in abnegatione & perjurio, impenitentes permansissent, quod neuter eorum salvus esse potuisset. Luc. 13. 1 Cor. 6. 9. Heb. 12. 4. Act. 27. 31.

XVII. Denique, quibusdam in hæc sententiam interjectis, addunt Thesin istam quintam; In illo interdicto, quod est inter contractum ex gravi peccato reatum, & fidei ac penitentiam actum renovatum, stat talis peccator suo merito dammandus, Christi merito & firmo Dei proposito absolvendus; non prius autem quam per excitatam fidem ac penitentiam veniam impetravit, actum absolutus.

XVIII. Porro Britannis istis Theologis Reformatos cæteros quoad rem ipsam consentire ostendere non est difficile; nam in illis ipsis Actis Synodi Dordracenæ Theologi Bremenses, in suo circa eundem articulum iudicio Thesi undecima docent, Renatos quum in gravia aliqua peccata labuntur, bonam conscientiam, cordis puritatem, & lætitiæ spiritus, amittere; quod ipsis non accidit, quum in peccata leviora quotidie incurrunt.

XIX. Quibus consentit Paræus in Bellarminum de Amissione Gratiæ, lib. 1. cap. 7. ubi fatetur fidelem, quum in gravia peccata (sicut David) incidit, amittere munditiem cordis, reſtitutionem & novitatem spiritus, lætitiæ salutis, solatium gratiæ, bonitatem conscientiæ, &c. Et postea docet in fideli qui hoc modo lapsus est, fidem iustificandi actum non exercere. Fides, inquit, tunc dicitur iustificare, quum actum proprium accipiendi remissionem peccatorum exercere potest, atque e recet. Tunc verò actum non exercet, neque exercere potest fides agra, saucia, sordibus carnis oppressa, peccatorum compedibus quas ligata. Et infra, Iustificatus verò lapsus Deus non imputat peccata, nempe respicientibus; ante respicientiam certè imputat, infligendo penas temporales, & imputaret etiam infligendo penas æternas, nisi respicerent. Ac tandem sic concludit, Tunc igitur fides in lapsis habitualiter tantum manens propriè iustificans dici, aut eos iustificare non potest.

XX. Poloni verò Theologi in declaratione suæ sententiæ, in colloquio Thoruniensi oblata, expresse docent renatos, quoties in peccata contra conscientiam recidunt, in iisque aliquandiu perseverant, nec gratiam iustificantem, nec Spiritum Sanctum, pro illo tempore retinere; sed novum iræ ac mortis æternæ reatum incurrere; cum res secus se habeat, quando non peccant contra conscientiam, sed ex infirmitate & inadvertentiâ.

vertentia. Etenim hæc sunt eorum verba, *Falso accusamur, quasi statimamur semel iustificatos Dei gratiam, ejusque certitudinem, & ipsum Spiritum Sanctum non posse amittere, quamvis in peccatis prolebitur voluntur.* Cum contra potius doceamus ipsos etiam renatos, quoties in peccata contra conscientiam recidunt, in ipsaque aliquandiu perseverant, nec fidem veram, nec Dei gratiam iustificantiem, nedum ejus certitudinem, aut Spiritum Sanctum pro tempore illo retinere; sed novum ira ac mortis æternæ ea incurrere: ac propterea, nisi specialis Dei gratia excitante, (quod in electis fieri non dubitamus) ad recipientiam iterum renoventur, reipsa etiam damnandos esse. Titulo de Gratia, sect. 2. num. 11.

XXI. Huc facit distinctio peccati in Reformatorum Scholis usitata, qua distinguitur peccatum in illud quod conscientiam vastat, & in illud quod non vastat conscientiam. Quæ distinctio habetur apud Gul. Amesium & Lud. Crocium. Etenim per peccatum vastans conscientiam intelligitur illud quod cum vera pietate & bona conscientia consistere non potest: per peccatum verò quod non vastat conscientiam, illud quod ex infirmitate & negligentia commissum reperiri potest in eo, qui & verè pius est, & bonam habet erga Deum conscientiam. *Ames. in Medulla Theologia, lib. 1. cap. 14. num. 11. Lud. Croc. in Syntag. Sac. Theolog. lib. 3. cap. 38. num. 23 & 24*

XXII. Eodem verò recidit distinctio peccati in *regnans* & *non regnans*; prout illam tradit & explicat Ursinus in Catecheticis explicationibus Davonis Paræi opera recognitis: *Peccatum regnans, inquit, est cui peccans non repugnat per gratiam Spiritus Sancti, idæque sit obnoxius æternæ morti, nisi poenitentiam agat, & veniam per Christum consequatur. Scit est omne peccatum quod non deploratur, & cui non resistitur gratia Spiritus Sancti, & propter quod, non tantum ex ordine justitiæ Dei, sed ex re ipsa, æternarum poenarum reus est qui illud habet. Talia sunt omnia peccata in non renatis: quædam etiam in renatis, ut error in fundamento fidei, & lapsus contra conscientiam; cum quibus fiducia remissionis peccatorum & consolatio vera non consistit, donec recipiant. Quod enim etiam renati possint cadere in peccatum regnans, satis ostendunt tristissimi lapsus sanctissimorum hominum, ut Aaronis, Davidis, &c. Non regnans peccatum est cui peccans repugnat per gratiam Spiritus Sancti: idæque non est obnoxius æternæ morti, quia poenitentiam agit, & veniam consequitur per Christum. Talia peccata sunt omnes defectus, inclinationes, & cupiditates prave, & multa peccata ignorantia, omissio, & infirmitatis, reliqua in Sanctis quamdiu sunt in hac vita: quæ tamen agnoscunt, deplorant, & oderunt, & repugnant eis, & petunt assidue sibi ea remitti propter Christum Mediatorem, dicentes, Dimitte nobis debita nostra. Ideoque in his fidem & consolationem retinent. Parte prima, titulo De Peccato Actuali.*

XXIII. Ex quibus omnibus evidenter constat, Doctores Scholæ Reformatæ duo peccatorum genera, ut diximus, agnoscere. Unum leviorum, quæ simul stare possunt cum bona conscientia, & puritate illa cordis, sine qua nemo videbit Dominum; & quæ proinde personam fidelem, in qua reperiuntur, æternæ damnationi actu obnoxiam non reddunt, & ineptam quæ in regnum cælorum ingreditur; etiam si in aliquo ejusmodi peccato a morte deprehendatur. Alterum verò graviorum, in quæ lapsus aliquis, & antequam ex iis per poenitentiam resurgat, servare non potest bonam conscientiam, & cordis munditiem necessariam ad Deum videndum: sed per ea fit actu mortis æternæ reus, eique obnoxius, & ineptus ut in regnum cælorum admittatur; adeo ut si mors illum in eo statu opprimeret, in æternum damnandus esset, & à gloria cælesti excludendus.

XXIV. Porro ex iis quæ dicta sunt apparet, Reformatos non probare distinctionem peccati in mortale & veniale, prout in Schola Romana communiter exponitur. Cum enim existiment omne peccatum per se, & natura sua, poenam & mortem æternam mereri, concedere non possunt peccata quædam esse per se non mortalia, sed venialia. Attamen distinctionem istam non prorsus rejiciunt, sed commodo sensu illam usurpari posse fatentur.

XXV. Et primum quidem patiuntur venialia dici peccata, quæ actu veniam consequuntur, propter peccatoris fidem & resipiscientiam, ut in se gravissima sint: singulari vero quadam ratione mortalia, quæ mortem & perditionem æternam peccantibus re ipsa afferunt, propter ipsorum incredulitatem & impenitentiam. Quod Schola Romana vocat mortale & veniale ex eventu, ut antea observatum fuit.

XXVI. Similiter agnoscunt aliquo sensu venialia dici posse peccata, quæ ex causa sua hoc habent, ut facilius veniam consequantur; quoniam non ex certa & destinata

ma-

malitia sunt; sed ex infirmitate & ignorantia. Prout Apostolus ait se fuisse blasphemum, persecutorem & injuriosum, sed gratiam consecutum esse, quod ignorans fecisset. Id quod dicitur in Scholis *Veniale ex causa*. Nam peccata ista Pauli, cum proculdubio mortem æternam mererentur, misericordiam tamen & veniam consecuta sunt, quia peccaverat ex ignorantia. Unde Deus pater miserationum facilis est commotus, ut ei qui non ex malitia peccaret, veniam largiretur. Et hoc sensu venialia peccata opponuntur iis, quæ cum ex destinata malitia committantur, rarius & difficilius misericordiam & veniam impetrant, & sæpius morte æterna puniuntur. Quam distinctionem refert & probat Joannes Rainoldus Anglus de libris Apocryphis, lectione 164.

XXVII. Præterea nonnulli Doctores Reformati venialia quandoque appellant peccata omnia quæ possunt, mediante penitentia, remissionem & veniam consequi: mortale vero illud quod remitti non potest, sed mortem æternam necessario affert. Quod sensu mortale est solum peccatum in Spiritum Sanctum, reliqua vero omnia peccata venialia. Adeo ut hæc distinctio eadem sit cum illa Joannis, capite quinto primæ epistolæ, ubi distinguit peccatum ad mortem, & peccatum quod non est ad mortem: & cum ea qua Scholæ vulgò distinguunt peccatum in remissibile & irremissibile. Hoc sensu peccatum distinguunt in mortale & veniale Gomarus in Syntagmate Disputationum Leydensium, disp. 13. thes. 19. & Piscator, volumine primo Thesium Theologicarum, loco 7. disp. 2. th. 64.

XXVIII. Sed sunt adhuc qui distinctionem peccati in mortale & veniale alio sensu sumunt. Nam Zacharias Ursinus in Explicationibus Catecheticis, & David Paræus, qui illas recognovit, dicunt peccatum regnans singulari modo mortale, peccatum verò non regnans singulari modo veniale dici posse. Et sic peccatum mortale est cui peccans non resistit per gratiam Spiritus Sancti, & propter quod fit actu & re ipsa mortis æternæ obnoxius. Cujusmodi sunt in renatis ipsis lapsus contra conscientiam, cum quibus fiducia remissionis peccatorum, & consolatio vera non consistit, donec resipiscant. Veniale verò, cui peccans resistit per gratiam Spiritus Sancti, & propter quod, Deo miserante, non fit actu mortis æternæ obnoxius. Cujus generis peccati sunt, omnes inclinationes & cupiditates prævæ, & multa peccata ignorantie, omissionis & infirmitatis, reliqua in sanctis, quandiu sunt in hac vita, quæ tamen agnoscunt, deplorant & oderunt, & in quibus etiam fidem & consolationem retinent, ut habet locus jam ex Ursino citatus, titulo *De Peccato Actuali*.

XXIX. Simili modo videtur explicari distinctionem peccati in mortale & veniale, Joannes Davenantius Episcopus Sarisburiensis. Nam mortalia vocat ratione singulari peccata illa graviora, quæ conscientiam vastant, & novo mortis æternæ reatu contrungunt fideles ipsos qui in ea labunter, eosque, quamdiu ab iis non resurgunt, ineptos reddunt qui in regnum cælorum ingrediantur. Ad quod genus peccatorum non pertinere docet defectus, qui bonis ipsorum operibus adhærent atque intermixti sunt, licet peccati rationem habeant, & juxta summum legis rigorem mortem mereantur. Unde concludit ejusmodi defectus peccata mortalia appropriatè dici non debere. Ut apud ipsum videre est, *De Justitia Actuali*, cap. 35.

XXX. Notandum est, inquit, peccatum dici posse mortale, vel mortiferum tripliciter. Primo quod trahit secum meritum æternæ mortis absolutum, certum, & irrevocabile. Hoc sensu peccatum in Spiritum Sanctum solummodo habetur mortale. Secundò usitatè vocatur mortale peccatum, quod peccantem involvit reatu mortis, sed remissibile; quodque illum partem in regno Dei habere non sinit, donec resipiscat, & in viam arctam redeat. Hujusmodi sunt illa omnia quæ recensentur ab Apostolo 1 Cor. Ne errate, neque fornicatores, &c. regnum Dei possidebunt. Eadem doctrina Galat. 5. repetitur. Manifesta sunt opera carnis, quæ sunt adulterium, fornicatio, &c. Qui talia agunt regnum Dei non consequentur.

XXXI. In hac classe ponenda sunt, non modo illa quæ nominatim enumerantur ab Apostolo, sed cetera omnia, sive externa sive interna, quæ sunt ejusdem rationis, uti aperte indicavit Apostolus in hoc loco posteriore, in quo dixit, quod qui faciunt hæc & similia excludentur è regno Dei. Similia autem habentur omnia in quibus carni concupiscenti adversus spiritum præstatur obedientia, usque ad prepetrationem actionis impiæ. Hæc enim omnia mortalia usitatè dicuntur, quia statuant peccantem sub novo reatu mortis, & ipsa via ad infernum, donec per resipiscentiam ab hujusmodi peccatis desistat: juxta dictum Apostoli Rom. 8. Si secundum carnem vixeritis, moriemini; si autem spiritu facta carnis mortificaveritis, vivetis.

XXXII. Tertiū peccatum quodvis dicitur mortale quibusdam nostris Theologiis, quod habentem, vel peccantem, ex rigore legis morte involveret, si persona absque misericordia Dei in Christo, iudicaretur: quamvis jam insito in Christum ad mortem non imputetur, sed remissum sit etiam illi, qui adhuc eodem implicatur. In hisce peccatis ponimus reliquias originalis peccati, quæ regeneratis inhererent, defectum plenarie dilectionis, quæ bonis illorum operibus miscentur; vitiosus denique cupiditates, & motiores quibus repugnant, quasque sanctis gratia motibus superant, & mortificant, atque in mortali hoc suo corpore dominari non permittunt. Hæc omnia, si rei naturam species & legem Dei, peccata sunt, & proinde mortalia, id est, morte digna. Nam anima quæ peccaverit morietur. Stipendium peccati mors. Si autem misericordiam Dei & statum persone, non sunt mortifera, sed condonata: qui reatu Christi sanguine renovatur ab illis qui in Christum inseruntur, & veterem hunc Adamum in se dominari non patiuntur. Nulla est condemnatio iis qui sunt in Christo Iesu, Rom. 8. 1. Non dixit Apostolus, nihil est natura sua damnabile, aut morte dignum in renatis; sed nulla est condemnatio iis qui sunt insiti in Christum. Nec simpliciter dixit, Nulla est condemnatio iis qui sunt in Christo Iesu; sed cum additamento hoc, qui non incedunt secundum carnem. Nam quoties renati frama laxantes carni, & concupiscentiis ejus obediētes, incidunt in fornicationem, homicidium, aut consimilia peccata, implicantur reatu mortifero, nec nunquam perfrui poterunt vita æterna, nisi per renovatum altum penitentia & fide ab eodem liberentur.

XXXIII. Quibus observatis probat defectus culpabiles, qui bonis renatorum operibus adhærent, licet verè peccata sint, & secundum strictum legis rigorem mortem mereantur, & propterea quoadquod à scriptoribus nostris mortalia nuncupentur, interea tamen non debere singulariter & appropriatè, secundo, scilicet, sensu jam explicato mortalia peccata vocari. Quod inter alia hoc argumento demonstrat; Illud peccatum appropriatè mortale appellatur, quod inducit novum reatum mortiferum, donec eluatur novo altu penitentia. Sed peccatum quod adhæret bonis operibus renatorum, utcumque juxta rigorem legis, posset damnare hominem extra Christum, tamen renatum & in Christo insitum non modo non damnat; sed neque novo aliquo reatu involvit. Nam cum quilibet renatorum habeat in se quasi duos homines, novum & veterem Adamum, quicquid vetus Adamus tumultuatur, & relinquitur, legi, non imputatur homini renato & novo normam legis pro posse suo sequenti, & rebellionem concupiscentia avertenti, & quantum in se est refrananti.

XXXIV. His affinia sunt quæ prolixè & accuratè tradit circa distinctionem peccati in mortale & veniale Rob. Baronius ante aliquot annos in Academia Abredonenſi apud Scotos Theologiæ Professor, disputatione Theologica de vero discrimine peccati mortalis & venialis. Ibi enim cum reliquis Reformatis asserit, omne peccatum ex se mortale esse, nec ullum peccatum esse veniale nisi per accidens: ac præterea omnia peccata reproborum mortalia esse & dici debere; tum quod mortem æternam natura sua mereantur, tum quod in illis actu morte æterna puniantur. Sed pertendit tamen in fidelibus & renatis peccata quædam mortalia, alia verò venalia summa cum ratione dici. Et mortalia quidem peccata graviore & atrociora in quæ fideles ipsi aliquando labuntur. Venalia verò peccata leviora in quæ quotidie incurrunt: quia Deus ob illa iram & indignationem iis denunciatur, imò exclusionem è cælis mortemque æternam ipsis interminatur: ob hæc verò condemnationis aut mortis æternæ metum iis non incutit; imò nec sensum faroris sui, aut fiduciam de remissione peccatorum ab iis auferit.

XXXV. Nam jam dicta Disputatione parte prima, sectione secunda, hæc est ejus assertio prima, Omne peccatum ex se est mortale, nullumque est veniale, nisi per accidens. 2. Omnia peccata reproborum peccata sunt mortalia: ideoque non tantum ex merito, sed etiam ab eventu. 3. Et si omnia reproborum peccata sunt mortalia, non tamen è contrario dicendum est omnia electorum peccata esse venialia. Nam, inquit, peccata eorumdem atrociora, & conscientiam vastantia non solum merentur exclusionem à favore Dei, & à regno cælesti; sed etiam ab eo favoris gradu, quo antea à Deo diligebantur, eos altu excludunt, & si in iis perseverarent, eos è regno cælesti in æternum excluderent. De qualibus peccatis Scriptura affirmat docet, quod quicumque ea facit regni cælestis, & vitæ æternæ particeps esse nequeat, 1 Cor. 6. & alibi; & Denm odisse & abominari qui talia faciunt, Prov. 6. & 22.

XXXVI. Quarta vero ejus assertio hæc est, Quædam regnitorum peccata rectè dicuntur venialia; quia juxta gratiosum Dei factu, & paternam benignitatem, non excludunt illos à spe regni cælestis, aut ab eo favoris gradu quo prius à Deo diligebantur. Cujusmodi peccata dicit esse rebelles & involuntarios concupiscentiæ motus. Item leſes & nævos, qui

qui bonis renatorum operibus adhærescunt. Denique ea quæ ex materiæ parvitate venialia vocantur, quia videlicet in re levi, aut minoris momenti committuntur. De quibus peccatis Scripturam loqui cenlet Jac. 3. *In multis offendimus omnes, & 1 Joh. 1. Si dixerimus non peccatum nos habere fallimus nos ipsos, & veritas in nobis non est; & Eccefacta 7. Non est homo justus in terra, qui faciat bonum & non peccet.*

XXXVII. Postea verò quintam & sextam assertionem his verbis enunciat, *Quod hujusmodi regeneratorum peccata eos non excludant à favore Dei, & à spe regni celestis, id simpliciter & absolute habent, non ex natura sua, sed ex Dei misericordia. Sed verò peccata regeneratorum leviora comparative considerentur, (hoc est, si conferantur cum eorumdem peccatis gravioribus,) sique queratur cur illa potius quam hæc sint venialia, & à favore Dei non excludant? dicendum est ea ex se & sua natura hoc habere. Etsi enim, inquit, absolute loquendo, hæc peccata sunt gravia, comparative tamen levia sunt: & hæc comparativa eorum levitas, quæ in ipsorum natura est fundata, præcudubio est ratio, ob quam Deus voluit ea sub fædere gratiæ clementiæ punire, quam atrocitas & conscientiam vastantia peccata.*

XXXVIII. In sequentibus autem prolixè recenset varia discrimina inter peccatum quod mortale, & inter illud quod veniale vocat. Et primo quidem dicit peccata mortalia à venialibus differre ratione evitabilitatis, hoc est, ratione virium quas per Dei gratiam habemus ad ea vitanda. *Potest enim, inquit, homo regentis vi & subsidio gratiæ, partim interna, seu inherentiis, quæ habitualis dicitur, partim externa seu assensibus, quam gratiam auxilii specialia vocant, potest, inquam, vitare illa carnis opera manifesta, illa peccata atrocitas, quæ 1 Cor. 6. 9, & 10. & Galat. 5. 19, 20, 21. recensentur. Illa verò leviora peccata, quæ venialia vocantur, nullis sanctorum per eam gratiæ mensuram quam Deus iis in hac vita admetiri solet, diu vitare potest, nedum toto tempore vitæ suæ.*

XXXIX. Secundo peccata ista inter se differre dicit ratione obligationis, quæ ad ea vitanda obligamur. Ad cuius rei intelligentiam, notat primò fædus operum, sive legem præcipi sumptam, obligare ad omnia & singula legis præcepta perfectæ, quod omnes particulas, conditiones, & circumstantias exactæ obedientiæ, servanda: & proinde ad vitanda omnia, etiam levissima peccata; idque strictè & præcisè, sub periculo & pena æternæ damnationis. Secundo, fædus gratiæ non simpliciter tollere obligationem legis quæ nos ad omnes gradus, conditiones, & circumstantias perfectæ obedientiæ præstandas, & per consequens ad omnia, etiam levissima peccata fugienda obligat. Quoniam adhuc tenemur ad perfectionem illam, quantum in nobis est, entis atque aspirare, & serio dolere quod ab ea deficiamus, ejusque rei veniam quotidiana à Deo precibus implorare.

XL. Tertiò fædus gratiæ, etsi obligationem istam simpliciter & omnino non tollat, tollere tamen rigorem, seu severitatem & terribilitatem istius obligationis. *Quamvis enim, inquit, universam justitiæ perfectionem nobis ob oculos ponat ut affectandam, & pro viribus assequendam, non tamen strictè & præcisè sub periculo & pena æternæ damnationis eam exigit. Nam ad certam quidem obedientiæ mensuram, quæ videlicet per gratiam ordinariam est possibilis, strictè & præcisè, hoc est, sub æternæ damnationis periculo obligat, exigendo ut eam actu habeamus. Ad ulteriorem verò mensuram, quam viribus gratiæ ordinariis assequi non possumus, obligat minus strictè, videlicet, exigendo ut eam habeamus solum in voto & conatu. Verbi gratia, ad perfectionem partium, ut vocant, obligat præcisè. Nam non aliter vitam æternam promittit, quam hac conditione ut eam actu habeamus. Ad perfectionem verò eam, quæ graduum dicitur, non tam strictè & præcisè obligat; sed tantum exigit, ut pro viribus gratiæ nobis concessæ eam assequi studeamus & conemur.*

XLI. Unde colligit fideles, etiam secundum immixturam Evangelicam, strictè & præcisè, sub periculo æternæ mortis obligari ad vivendum sine omnibus illis peccatis, quæ mortalia vocantur. Quoniam ad perfectionem partium attinet, ut non solum de peccatis illis gravioribus penitentiam agamus, sed etiam ut ab iis omnino abstinemus, hoc est, ut in posterum ea non committamus; juxta illud Christi, *Ecce sumus factus ei, ne peccata amplius.* At non sic obligari, ut vivant in posterum sine omni peccato, etiam levissimo. Quoniam vivere sine levioribus illis peccatis, quæ venialia vocantur, peritiner ad perfectionem graduum, quæ omnes obedientiæ humanæ nexos & defectus excludit.

XLII. Tertiò dicit peccatum mortale & veniale differre ratione ipsorum actuum: quoniam sceleritas, sive deformitas, quæ in peccatis venialibus invenitur, multo mino est ea quæ peccatis mortalibus inest: propterea quod in omni peccato veniali est aliquod quod offensam per illud commissam extenuat, & apud gratiosum judicem quodammodo

modo excusat. Quod postea probat percurrrens tres illas peccati venialis species, quæ à Scholasticis distingui solent. Nam earum primam, hoc est, peccatum veniale ex genere suo, apud Deum gratiose, & secundum multitudinem miserationum suarum iudicantem, excusat, ut ait, offensæ levitas (comparativa scilicet, cum nullo peccatum absolute sit leve) quam habet ex ipsa natura specifica actus in se considerati, absque respectu ad modum agendi, aut ad particularem materiam in qua committitur. Ut patet, verbi causa, in verbo otioso, in risu nimio, &c. Secundam verò peccati venialis speciem, hoc est, peccatum ex subreptione, excusat levitas offensæ quam habet, non ex natura specifica actus in se considerati, sed ex modo qua actus ille ab agente procedit; quia videlicet, agens non plenè & sufficienter deliberavit: ut, exempli gratia, in subito appetitu vindictæ, aut libidinis. Quoniam appetitus vindictæ, ex natura sua specifica, non est peccatum leve; sed per accidens est leve, quia fit ex indeliberatione. Tertiam verò speciem, hoc est, peccatum veniale ex parvitate materiæ, excusat levitas offensæ quam habet, non ex propria natura talis actus, sed ex limitatione ejus ad particularem materiam; ut in furto unius oboli. Nam furtum ex natura sua specifica non est peccatum leve, sed ex accidenti, quia committitur in re minoris momenti.

XLIII. Quarto differre dicit peccata mortalia & venialia, ratione poenitentiae ad eorum remissionem requisitæ. Primo, quia ordinarium & quotidianum poenitentiae exercitium gratiose à Deo acceptatur, & pro sufficienti habetur ad expurganda peccata venialia. Sed sicut ipsa peccata mortalia sunt gravia, horrenda, & in vitæ Christianæ cursu rara & extraordinaria; ita poenitentia quæ ad ea expurganda necessario requiritur, singularis, magis accurata, & extraordinaria esse debet; qualis fuit Davidis post adulterium & homicidium, & Petri post Christi abnegationem.

XLIV. Deinde, quia ad expurgandum peccatorum mortalium reatum requiritur specialis eorum agnitio & confessio, specialis item dolor & contritio. At pro venialium maxima parte expurganda acceptatur generalis, sed humilis, seria, & dolorosa nostræ corruptionis agnitio, adjunctam habens generalem illam deprecationem, *Ab oculis munda me*. Propterea quod leviora illa & quotidiane incuriosis delicta, multo maxima ex parte scientiam nostram fugiunt. Licet ea hujus generis peccata, quæ a nobis observantur, speciatim quoque agnoscenda atque deploranda sint.

XLV. Tertio denique, quia poenitentia ad peccatorum mortalium remissionem, & ad salutem eorum qui ea committunt necessaria debet esse perfectè practica, hoc est, exire debet in reale & actualem ab omnibus hujus generis peccatis cessationem, ut videre est *Prov.* 28, 13. *Job.* 5, 14. Nam si aliquis uno aut altero peccato mortali relicto, in alia subinde labatur, is neque gratiam in hac vita, nec gloriam in futura consequi poterit, ut docet Apostolus *1 Cor.* 6, 9, 10. *Galat.* 5, 21. Contra verò poenitentia ac venialium peccatorum remissionem requisita, nec est, nec esse potest perfectè practica, quoad hujus generis peccata. Nam ut omnes fatentur, nemo sine hujus generis peccatis vivere potest: & per consequens, non periclitatur piorum salus, etsi ante finem vitæ non possint hoc peccati genus effugere.

XLVI. Quinto peccata mortalia à venialibus differre affirmat ratione effectuum, qui peccati actus consequuntur, hoc est, ratione detrimenti quod peccantibus afferunt; quia calamitates & damna, quæ ex peccatis mortalibus fidelibus accidunt, multo graviora & tristiora sunt iis quæ consequuntur peccata leviora, sive venialia. Postea verò sigillatim exponit tria mala sive damna, quæ mortalia reatorum sequuntur; juxta verò dispensationem providentiæ divinæ sub fœdere gratiæ, non sequuntur peccata leviora ab ipsis commissæ.

XLVII. Primum malum sive damnum est exclusio peccantis ab eo gradu favoris divini quo prius à Deo diligebatur. Quamvis enim, quum renatus & electus in grave quoddam peccatum labitur, & aliquandiu in eo perseverat, Deus non propterea revocet æternum propositum eum salvandi & glorificandi, juxta quod futurum est, ut Deus det ipsi gratiam à lapsu illo resurgendi, & sic ad destinatum finem perveniendi; tamen pro tempore illo quo peccato isto involutus manet, non amplius placet Deo, sicut antea placebat, sed incurrit in Dei odium atque displicentiam, secundum generalia Scripturæ pronuntiata, quibus declarat Deum odisse omnes qui iniquitatem operantur, & eum non delectari in iis qui se subducunt.

XLVIII. Præterea durante hoc statu non solum Deo displicent peccata à renatis commissæ; sed etiam eorum obedientia, orationes, & gratiarum actiones. Imò nihil ab iis procedere, potest quod pro tunc Deo gratum & acceptum sit. Illo verò favore atque

atque complacentia qua Deo grati atque accepti sunt qui incedunt non secundum carnem, sed secundum spiritum, non exidunt fideles propter leviora peccata, in quæ quotidie incurrunt. Ac quamvis ea in se, non solum Deo displiceant; sed etiam merito efficere possint, ut universa nostra obedientia sæda sit in oculis Domini, etique penitus displiceat, Deus tamen iis non obstantibus, imperfectam nostram obedientiam in Christo acceptat, & oculos suos ab ei adhaerentibus nævis quasi avertens, sinceritatem & humilitatem ejusdem gratiosè intuetur, & ex iis complacentiam & oblectationem capit.

XLIX. Deinde quum renati vitio suo in atrocia peccata labuntur, tunc benevolentia Dei erga ipsos ita ligata & impedita est, per obicem quem eorum peccata illi ponunt, ut non possit, hoc statu durante, in eos referre remissionem peccatorum, aut pacem & gaudium conscientæ, & similia Spiritus Sancti dona. Nihil tale vero sequitur ex levioribus & quotidianis fidelium peccatis, quæ non obstant quominus Deus semper promptus & paratus maneat ad conferendum in eos solita atque ordinaria gratiæ suæ salutaris effecta & testimonia; nimirum fiduciam remissionis peccatorum, pacem conscientiæ, & lætiam spiritualem: quamvis peccata etiam levissima, ex se & sua natura, nos reddat incapaces & indignos gratiæ divinæ donis.

L. Hujus verò discriminis inter utriusque generis peccata rationem esse dicit, quod renati in atrocia, & conscientiam vastantia peccata prolapsi, præstare desinunt eam obedientiam quam sœdus gratiæ à nobis exigit, ut necessariam ad consequenda ulteriora gratiæ dona in hac vita, & ad obtinendam visionem Dei beatificam in vita futura. Adeoque quamdiu fideles & renati gravibus & atrocibus illis peccatis impliciti manent, incapaces sunt istorum beneficiorum, non tantum ex demerito suo, sed etiam secundum sententiam sœderis gratiæ, donec per singularem, extraordinariam, & perfectè practicam penitentiam ad Deum redeant, & omnem hujusmodi malignitatem actionum suarum ex adverso oculorum Dei amoveant. At quando electi & justificati leviora illa peccata, ex inadvertentia, aut infirmitate committunt, non desinunt præstare obedientiam illam, quem sœdus gratiæ, ut præcisè necessariam ad salutem exigit. Atque iis non obstantibus, dicuntur secundum spiritum ambulare; imò & Deum toto corde sequi, & incedere in omnibus mandatis & constitutionibus Domini inculpatè.

LI. Secundum effectum peccati gravioris, quod mortale appellat, & quo differre dicit à peccatis levioribus, quæ venialia dicuntur, est multiplex gratiæ per Spiritum Sanctum nobis inherens a nullo. Quamvis enim per peccata etiam graviora, non omnino deleantur & tollantur, juxta ipsum, habitus fidei, spei, & charitatis, multum tamen per illa diminuuntur & debilitantur, idque non tantum, ut ait, extrinsecè quoad fervorem & facilitatem, seu promptitudinem his habitibus utendi; sed etiam intrinsecè, quoad ipsam eorum entitatem. *Habent enim, inquit, hi habitus sufficientem graduum latitudinem, intra quam sicut de facto augentur, ita etiam remitti possunt per actus iis contrarios.*

LII. Ac præterea quamvis reliquias habituum istorum manere doceat etiam in iis qui gravissimè peccant, monet tamen eorum præcipuos actus & operationes in illis cessare, atque intercidere. Nec enim in eo statu, fidei justificantis, & fiduciæ ac spei de propria salute, & remissione peccatorum suorum, actus ab iis exerceri posse, & spiritualem consolationem ac pacem retineri. Nihil verò tale renatis accidit, quum in peccata leviora ex infirmitate labuntur: Nec enim ejusmodi peccata impediunt, quominus fides & spes, sanctaque illa fiducia, quam Spiritus Sanctus nobis ingenerat, solitos actus in iis exerant: sed cum talibus peccatis simul in iis manent misericordiae divinæ fiducia, & salutis certa spes, ac remissionis peccatorum suorum sensus ac persuasio.

LIII. Denique docet tertium effectum peccati mortalis esse, quod homo justificatus, quum ejus reatum contrahit, præsentem aptitudinem ad ingrediendum regnum cœlorum amittat: quoniam in illud regnum non intrabit aliquid co inquinatum, aut abominationem faciens: & cœlestis corona non imponitur nisi iis qui bonum certamentum certant, & cursum suum in fide & sanctitate consummarunt; adeoque ineptus est ad hanc coronam adeundam quisquis impietatis operibus adhuc adhaerescit. Quamvis autem peccata quolibet quantumvis levia exclusionem è regno cœlesti, ex justitiæ rigore mereantur, tamen juxta providentiæ divinæ administrationem sub sœdere gratiæ, peccata istius generis præsentem aptitudinem ad cœleste istud regnum ingrediendum non tollunt: Sed si mors hominem in hujusmodi tantum peccato deprehendat,

hendat, non propterea cælo excluditur, & privatur æterna gloria & beatitudine.

LIV. Quod spectat Theologos Confessionis Augustanæ, in eo quoque omnes conveniunt omnia peccata esse natura sua mortalia; adeoque in irrogenitis nullum esse peccatum veniale. Verum in regenitis peccata quædam mortalia, seu mortifera potius dici posse, quoniam eos novo mortis æternæ reatu involunt, ac vitam in eis spiritualem extinguunt: alia verò venialia, seu potius non mortifera, quoniam ad mortem illis non imputantur, sed propter Christum benignè condonantur. Prioris generis, juxta illos, est peccatum omne contra conscientiam, & ex malitia profectum; posterioris verò, peccata infirmitatis, prævæ concupiscentiæ, & similes humani lapsus. Cum hac autem distinctione coincidere volunt alteram illam, qua peccatum distinguitur in regnans & non regnans. Ac per peccatum mortale, live regnans, docent renatos excutere fidem & Spiritum Sanctum, ac amittere gratiam & vitam æternam: minimè verò in hæc mala incurrere per peccata quæ venialia dicuntur.

LV. Qua de re tota prolixè agit Joannes Gerardus in locis Theologicis, ubi circa hanc distinctionem mentem suam explicat his verbis. *Quod peccata quædam dicuntur venialia, quædam tantum mortalia, id non fit propter naturam peccatorum, sed propter misericordiam Patris, meritum Filii, & sanctificationem Spiritus; ac respicit hæc divisio non omnes homines in genere, sed tantum renatos; nec desumenda est ex lege, qua omnia peccata qualiacunque & quantalacunque sint, accusat & damnat; sed ex Evangelio, quod ostendit credentibus in Christum peccata infirmitatis, ignorantie, & prævæ concupiscentiæ non imputari, si eis resistant, hoc est, si renati, 1. Hæc mala in corde habentia agnoscunt: 2. De illis serio doleant: 3. Merito Mediatoris veluti ambraculo tegi petant & credant: 4. Fravos eis nequaquam laxent, sed spiritui eis resistent, crucifigentes carnem cum concupiscentiis. Ex quibus omnibus apparet, 1. In non renatis nulla esse peccata venialia; sed omnia venialia: 2. Venialia peccata esse talia non ex natura ipsius actus, sed ex conditione persone delinquentis, quæ si est in Christo per fidem, peccata infirmitatis teguntur: 3. Nomen mortalis peccati non esse satis commodum, dicendum potius erat mortiferum ac regnans: 4. Nec venialium peccatorum nomen satis commodum est, dicenda potius erant peccata infirmitatis, lapsus humani, prævæ concupiscentiæ, &c. Neque enim ideo dicuntur venialia, quod in se & ex se venia sint digna; sed quod Deus credentibus ea dimittat & venia digneatur. Tom. 2. tract. 13. de Peccatis actualibus, cap. 19. num. 92.*

LVI. Postea verò ad quædam loca à Bellarmino objecta respondens, *Hoc saltem, inquit, ex illis & similibus dictis probari potest, esse quoddam peccatorum discrimen; ita ut quædam à veniis committantur, nec tamen è regno celorum actu eos excludant, quædam verò, si à veniis committantur, fidem & Spiritum Sanctum excutiant, quod nos non negamus. Capite jam citato num. 100. Deinde numero sequenti subiungit, quod Renatis sepe in levissimis, & aliquando incanis obrepas peccatum per quod non desinunt esse iusti. Et quibusdam interjectis, Ubi verò, inquit, in Christum fides, per charitatem efficitur, ibi homo spiritualiter vivit, hanc spirituales vitam non amittit per quavis peccata ignorantia & infirmitatis, modo ea agnoscat, deprecet, & Christo adhærens spiritu concupiscentiæ carnis mortificet; sed per peccata contra conscientiam admissa, per qua Spiritus Sanctus excutitur, fides & vita spiritualis amittitur.*

LVII. Porro ex iis quæ Theſibus hæc & superioribus exposita fuerunt, patet longè maximam partem Doctorum Scholæ Romanæ statuere communi consensu, quod sint quædam peccata quæ per se & sua natura non sunt mortalia, sed venialia: quoniam per se reatum mortis æternæ non inducunt; nec animæ vitam spirituales, quæ in Dei amore & gratia consistit, extinguunt: Veruntamen istud apud eos nondum haberi pro fidei articulo, & re planè certa atque definita: quia in Schola Romana Theologi nonnulli sunt, & quidem ex celeberrimis, qui contrarium tenent, & qui peccata omnia per se & sua natura mortalia esse existimant, nec ulla esse venialia existimant, nec ulla esse venialia censent, nisi per Dei clementiam & misericordiam.

LVIII. Inde quoque manifestum est eisdem Scholæ Romanæ Doctores non negare, quin omnia peccata, adeoque illa ipsa quæ venialia dicuntur, in iis qui extra Dei gratiam vitam finiunt, æternis pœnis plecti possint, & talibus pœnis de factò puniantur, & quidem iustissimè, & juxta Dei iudicium, quod est secundum veritatem.

LIX. Vicissim verò liquet ex iis quæ diximus, Theologos Scholæ Reformatæ ultro fateri & docere, inter peccata esse varios malitiæ gradus, & omnia peccata non esse
inter

inter se paria : nec etiam omnia paribus pœnis à Deo puniri ; sed quædam longè mitius, alia verò longè gravius in Dei iudicio olim esse plectenda.

LX. Præterea docuimus Reformatos agnoscere quædam esse peccata gravia & atrocia, quæ conscientiam vastant : ita ut, quandiu homo in iis perseverat, actusque & re ipsa ab iis non recedit, non possit pro ipso & sancto haberi, & in eo statu bonam servare conscientiam, & lætam spiritus, ac fiduciam salutis retinere : Alia vero esse peccata leviora, quæ non obstant quominus fidelis, etiam si in ea quotidie incurrat, bonam conscientiam servet, & eam iustitiæ ac sanctitatis mensuram retineat, quæ in hac vita necessaria est, ut aliquis in futura Deum videre possit ; adeoque quæ non tollunt ex homine pacem internam, & legitimam salutis atque remissionis peccatorum fiduciam.

LXI. Quin ostendimus Reformatos, salutem plerisque, apertè docere quædam esse peccata, in quæ fidelis incurrens reatu novo mortis æternæ reatu actu involvitur, & ineptus redditur qui ingrediatur in regnum cælorum, donec per pœnitentiam iis renunciarit, & ab iis re ipsa & in totum abstinerit : ita ut si mors illum deprehenderet in eiusmodi peccato, verbi causa latrocinantem atque adulterantem, & vitæ proximi sui insidiantem, minimè servari posset, & vitæ ac gloriæ cælestis particeps fieri : alia verò peccata novum mortis æternæ reatum non inducere, nec hominem ineptum reddere qui admittatur in regnum cælorum, etiam si mors illum in aliquo huiusmodi peccato deprehendat. Cuiusmodi sunt ex eorum mente peccata quædam leviora, ut cogitatio frivola, risus immodicus, verberum otiosum, & defectus bonis operibus fidei- lium adhærentes, & ratione quorum à perfectione summa, quam legis rigor exigit, deficiunt.

LXII. Præterea patet ex dictis plurimos ex Protestantibus, nempe Theologos omnes Confessionis Augustanæ, & nonnullos ex ipsis Reformatis, distinctionem peccati in mortale & veniale bono sensu sumptam admittere, & peccata mortalia singulari quædam ratione vocare peccata graviora atque atrociora, quæ conscientiam vastant, & novo mortis æternæ reatu actu involvunt ipsos renatos & iustificatos, quum in ea incurant : venialia verò peccata illa leviora, quæ cum bona conscientia & sensu remissionis peccatorum consistere possunt, & per quæ persona fidelis novo mortis æternæ reatu non obstringitur ; nec inepta, fit quæ in regnum cælorum admittatur, etsi in aliquo tali peccato moriatur.

LXIII. Itaque id solum in controversia manet, inter Scholam Romanam & Theologos Protestantes, An sint quædam peccata quæ natura sua Dei gratiam non excludant, nec æternam mortem mereantur, & propter quæ sola Deus non possit iustè hominem abjicere, & ab amicitia sua in æternum & prorsus repellere, si rigidè cum eo agere veller. Quod communiter affirmant Doctores Ecclesiæ Romanæ ; Protestantes verò negant.

LXIV. Rationes autem præcipuæ quibus nituntur hæc sunt. Et primo quidem omnia peccata ex se & sua natura mortalia esse probant, ex eo quod peccata etiam levissima, seclusa Dei misericordia & gratiosa condonatione, peccantem regno cælesti in perpetuum excludunt, ac proinde pœnæ æternæ mancipant. Quod enim peccato competit seclusa Dei misericordia, illi proculdubio natura sua & per se competit. Jam verò peccatum omne, quantumlibet leve videatur, in perpetuum regno cælesti excludere, seclusa Dei misericordia, inde manifestum est, quod peccatum quodlibet etiam levissimum, peccantem maculat atque coinquinat. Nihil autem coinquinatum ingreditur in regnum cælorum. Adeoque etiam ille qui vel levissimè peccavit regnum cælorum intare non potest, nisi prius Deus illum misericorditer emundet, & peccatum ei gratiosè condonet.

LXV. Præterea peccata quælibet, utut levia nobis appareant, post diem iudicii in impœnitentibus pœna æterna puniuntur ; juxta illud Christi apud Matthæum, *Dico autem vobis, quoniam omne verbum otiosum quod loquuti fuerint homines, reddent rationem de eo in die iudicii.* Nec enim post diem iudicii ullus locus erit pœnis temporalibus. Si autem peccata quævis possunt pœna æterna puniri, & de facto puniuntur in impœnitentibus, proculdubio pœna tali digna sunt, & æternam pœnam mereantur ; a quo Deus iniustè ageret, peccatum puniens graviore pœna quam ipsi debeatur : cum contra communis sit sententia Theologorum, Deum peccatores punire infra condignum. Omne autem peccatum quod æterna pœna dignum est mortale dici & vocari potest.

LXVI. Tertiò

LXVI. Tertiò, peccata quæ dicuntur venialia, ex se pœnam æternam mereri sic probatur. Quod potest nunquam remitti, potest in æternum puniri, idque iustè. Peccata autem quævis, etiam levissima, in quacunq; tandem persona reperiantur, absolute loquendo, possent nunquam remitti: quoniam peccatum quodvis, quum à Deo remittitur, ex misericordia & gratia remittitur; quod importat ipsum nomen remissionis. Quicquid autem Deus ex gratia & misericordia facit, id simpliciter & absolute loquendo, posset non facere: & proinde ipsis iustis, simpliciter loquendo, & sine respectu ad promissiones in Evangelio gratutis factas, posset Deus ipsa levissima peccata non remittere, adeoque illa in æternum punire.

LXVII. Præterea Deus cum homine integro sœdus legale pangs, ab eo exigebat obedientiam undequaque perfectam, & omnibus suis numeris absolutam, tanquam conditionem sine qua non poterat vitam æternam & beatam assequi, & maledictionem divinam effugere. Jam autem perfectio illa, quam lex in rigore suo, & prout primum fuit homini lata postulat, excludit omne peccatum, etiam levissimum. Ac proinde quolibet peccato etiam levissimo, homo integer poterat vita æterna excludere, & maledictionem divinam incurrere. Unde manifesto sequitur omne peccatum, quantumlibet leve, esse natura sua mortale, non veniale. Quod verò sub sœdere legali, homo integer quolibet peccato promissione vitæ æternæ excidisset, inde patet quod sub illo sœdere, nullus erat locus veniæ & remissioni, cujus promissiones Evangelico sœderi propriæ sunt. Neque lex præcisè sumpta, & ut Evangelio & gratiæ opponitur, locum dabat pœnitentiæ, absque qua peccatum omne vita cœlesti in æternum excludit.

LXVIII. Denique omne peccatum, etiam illud quod veniale dicitur, infinitam Dei Majestatem offendit, ac proinde habet malitiam quodammodo, nimirum objectivè, infinitam. Atque etiam macula ex quovis peccato contracta, ex se & seclusa Dei misericordia, in æternum durat. Unde sequitur cuilibet peccato deberi pœnam objectivè infinitam, quæ nempe privet bono infinito; & præterea quæ sit infinita extensivè, id est, quæ in æternum duret, ut ita pœna cum culpa proportionem habeat. Et sic peccatum quodvis natura sua mortale dici debet, utpote pœna æterna ex iustitia plecendum.

THESES

THESES THEOLOGICÆ
DE
REMISSIONE PECCATORUM.

*In quibus exponitur quid ea sit, & quomodo ac quando
Electis obtingat.*

T H E S I S I.

Peccatum cum sit aliquid Dei naturæ & legibus adversum, & quo summa Dei Majestas offenditur, hominem Dei favore & gratia excludit, eumque reddit obnoxium pœnis, quibus divina iustitia postulat talem offensam vindicari, eamque debitorem apud Deum illum constituit.

II. Quum debitum illud solvitur, & cessat homo obnoxius esse pœnis illis quas iustitia divina à peccatoribus exigit, homini peccata remitti dicuntur: retineri verò quamdiu peccator eorum respectu manet apud Deum ad pœnam obligatus. Adeoque remissio peccatorum in eo consistit, quòd qui antea erat à favore Dei exclusus, & pœnis quas lex Dei transgressoribus minatur obnoxius talis esse definit.

III. Porro, Deus ab æterno decrevit electis omnibus omnia omnino peccata remittere. Nec enim in tempore ulla gratia fruuntur, quæ ipsis ab æterno præparata & destinata non sit. Sed multum distingui debet decretum de condonandis sive remittendis electorum peccatis, ab actuali peccatorum illorum remissione & condonatione. Aliud est enim præstare ut electi desinant reapse obnoxii esse pœnis quas peccatum meretur, & aliud decretum formare de hoc ipso olim præstando. Sicut aliud est electum sanctificare, & aliud futuram ejus sanctificationem decernere. Deus autem non aliter electis peccata remittit, quam præstando ut cessent obnoxii esse pœnis, ad quas peccatum eos obstringit.

IV. Non decrevit autem Deus electis suis peccata remittere, nisi modo qui deficeret ejus iustitiam & sapientiam. Ideoque noluit ut immunes fierent à pœnis quas peccata ab ipsis admissa merentur, nisi aliqua ratione satisfaceret iustitiæ ipsius peccatorum vindici, & sic manifestaretur quanto odio prosequitur peccatum. Ac proinde statuit nulli peccata condonare, aliter quam interveniente morte & passione Christi filii sui, quæm dedit hominibus vadem, qui in se eorum peccata susciperet, & pœnas eis debitas exantlaret: gravissimos cruciatus tum anima tum corpore perferendo, & tandem mortem crucis maledictam & ignominiosam pro eis ultro subeundo. Nec enim ulli peccata remittuntur, aut remissa sunt unquam, nisi merito atque intuitu satisfactionis Christi, olim aliquando præstandæ, & nunc suo tempore præstitæ.

V. Nec tamen etiam posita Christi satisfactione, electorum ulli peccata remissa dici possunt, nisi fuerit ipsi secundum Dei legem & institutum applicata. Adultis autem usum rationis habentibus non applicatur Christi meritum & satisfactio, id est, fructum ex Christi merito non percipiunt, nisi mediante vera pœnitentia, ac fide viva & per dilectionem efficaci.

VI. Nemo enim propter Christi mortem & passionem cessat obnoxius esse iræ divinæ, quam peccata ejus provocarunt, quin prius peccata suo retractaverit ac deseruerit per seriam poenitentiam, cui juncta sit fides, per quam ad Dei misericordiam in Christo confugiat. Quippe hæc est lex ab æterno à Deo constituta, ut quicumque in peccato perseverat, ad pœnas peccato debitas maneat obligatus; ab illa verò obligatione immunis fiat peccator statim, atque peccato renunciat, & corde contrito quærit, & implorat Dei gratiam & misericordiam.

VII. Unde est quoddam Evangelium perpetuo ponit fidem & poenitentiam, tanquam conditiones ad remissionem peccatorum prævias. *Si, inquit Dominus Iesus, poenitentiam non egeritis, omnes similiter peribitis.* Luc. 13. Et post eum Petrus Apostolus, *Pœnitimini & convertimini, ut deleantur peccata vestra.* Act. 3. 19. Quibus consonat quod ait Salomon, *Qui abscondit scelera sua non dirigitur, seu non prosperabitur: Qui autem confessus fuerit, & reliquerit ea, misericordiam consequetur.* Prov. 28. 13. Similiter hæc sunt verba Christi, *Qui credit in eum, nempe Dei filium, non judicatur: qui autem non credit jam judicatus est, quia non credit in nomen unigeniti filii Dei.* Joan. 3. Quibus consonat quod subdit eodem capite Joannes Baptista, *Qui est incredulus filio non videbit vitam, sed ira Dei manet super eum.*

VIII. Et certè à sapientia divina prorsus abhorret, ut pœnas peccato debita videret ille qui in peccato se obfirmat, nec vult ab eo desistere: & ut fiat beneficii mortis Christi particeps, qui sanguinem Christi conculcat, & recusat ipsi parere eumque tanquam servatorem & redemptorem suum colere atque agnoscere.

IX. Non abs re autem hic fuerit observare, quemadmodum sunt quædam peccata leviora, quibus ipsi fideles & iusti nunquam in totum in hac vita carent, alia verò graviora, quæ Apostolus vocat *opera carnis*, & quæ cum vera iustitia & sanctitate compati non possunt; ita quoque diversam esse rationem poenitentiae, quæ ad horum & illorum remissionem requiritur. Nam ad peccatorum istorum graviorum remissionem impetrandam, opus est speciali quoque dolore seu contritione. At pro peccatis illis levioribus, & quæ Theologi vocant *quotidiana incursum*, acceptatur à Deo generalis, sed humilis & seria corruptionis nostræ agnitio, adjunctam habens generalem illam deprecationem, qua utitur Propheta, Psalm. 19. *Ab occultis munda me, Domine.* Quia delicta illa leviora multo maxima ex parte scientiam nostram fugiunt.

X. Præterea, poenitentia quæ necessaria est, ut peccata graviora homini condonentur, debet esse perfectè practica, hoc est, exire debet in realem & actualem, ab omnibus ejusmodi peccatis cessationem. Nam si quis uno aut altero hujus generis peccato relicto, in alia subinde labatur, is neque gratiam in hac vita, nec gloriam in vita futura consequi poterit: *Nam qui talia faciunt, regnum Dei non possidebunt*, ut pluribus in locis repetit Apostolus. Contra verò, poenitentia ad peccatorum leviorum remissionem requisita, nec est, nec esse potest, perfectè practica, quoad ejus generis peccata. Nam nemo sine ejusmodi peccatis vivere potest; & per consequens non periclitatur piorum salus, etsi ante finem vitæ, non possint hoc peccati genus in totum effugere; ut rectè observat Robertus Baronius Abredonensis in Scotia Academicæ Professor, Disput. Theologica de Peccato Mortali & Veniali, part. 1. sect. 6. num. 11. & 12.

XI. Porro, ex iis quæ dicta sunt patet, ut homo peccatorum remissionem consequatur, ex ejus parte nil amplius requiri, quam, ut actuosa & efficaci fide ad Dei gratiam per Christum confugiat, & studeat operibus poenitentia dignis. Sed quæritur quæ sit illa Dei actio, per quam homo à reatu peccatorum absolvitur, & fit remissionis peccatorum particeps. Istud autem non videtur melius intelligi posse, quam si consideremus quomodo contrahatur reatus ille quem tollit remissio peccatorum, & cui opponitur quali è diametro.

XII. Reatus autem ille in eo consistit, quoddam homo per peccatum Majestatem Divinam offendens, obnoxius sit pœnis quas Deus justus iudex à peccatoribus exigat. Proinde, talis reatus est relatio quædam, quæ, posito peccato, in homine resultat, vi legis illius æternæ, qua statutum est ut peccator, quamdiu in peccato manet, subjaceat ejusmodi pœnis, & earum debitor apud Deum existat. Nec ad reatum illum producendum opus est præterea ulla alia Dei actione, quæ in tempore ad eum terminetur: aut ut Deus singularem quandam sententiam pronunciet, qua peccator iste declaratur addictus pœnis quas peccatum meretur. Relationes enim non producuntur per actus

actus aliquos qui proximè & per se ad illas terminentur, sed ad positionem fundamenti resultant, absque ulla nova alia actione. Ut exempli gratia, statim atque paries albus hic extructus est, hoc ipso exsurgit quedam cum eo similitudo, in omnibus aliis parietibus albis, quantumcunque hinc distantibus: neque opus est alia actione, quæ per se & immediatè producat tales similitudines.

XIII. Jam verò remissio peccatorum in eo sita est, quod in homine cesset relatio illa quæ reatus vocatur, & ejus loco alia exsurgat, ratione cujus homo dicitur Deo reconciliatus, & à peccato absolutus. Sicut ergo reatus posito peccato resultat, vi æternæ legis jam dictæ, & in verbo Dei publicatæ: ita quoque peccato per veram poenitentiam retractato atque derelicto, & posita fide actuosa, qua peccator ad Dei clementiam in Christo confugiat, cessat relatio illa per quam peccator obnoxius erat maledictioni & iræ divinæ, & exsurgit alia per quam Deo gratus est, & ad vitam æternam acceptus, idque vi legis alterius, qua Deus etiam ab æterno sanxit, ut peccator omnis per veram contritionem à peccato recedens, & misericordiam divinam seriò implorans, ac per fidem vivam & efficacem amplectens, immunis esset à pœnis quæ peccato debentur, & Deo fieret gratus & amicus, jussive ad vitam æternam haberet: quam legem Deus quoque in verbo suo publicari curavit.

XIV. Proinde ut peccata homini remittantur, & ab iis censeatur apud Deum absolutus, ac Deo reconciliatus, sufficit ut Deus per gratiam suam peccatorem ad veram poenitentiam adducat, illique fidem vivam & efficacem ingeneret. Hoc enim posito, statim cessat homo obnoxius esse maledictioni & iræ divinæ, & incipit esse Deo gratus & acceptus ad vitam æternam, vi alterius illius jam memoratæ legis ab æterno à Deo sancitæ. Nec opus est præterea alia quadam Dei actione, per quam remissio peccatorum in homine producat proxime & immediatè: aut ut Deus in tempore sententiam quandam pronuntiet, per quam peccator iste in singulari declaretur à Deo absolutus, & in gratiam à Deo receptus. Nec enim talis sententia magis necessaria est, ut homo apud Deum reus esse desinat, quam opposita quadam sententia opus est, ut homo post peccatum admissum, apud Deum reus pœnæ æternæ fiat. Cum ad utrumque abundè satis sit æternum Dei decretum, circa tum peccatores tum poenitentes & fideles constitutum, & Evangelio solenniter promulgatum.

XV. Porro, ex iis quæ dicta sunt patet, electis ab æterno peccata remissa non esse, sed illis demum in tempore remitti. Contrarium quidem asserunt Theologi nonnulli; sed perperam confundunt Dei decretum cum ejus executione. Nam Deus ab æterno quidem decrevit electis peccata remittere, sed in tempore tantum peccata illis actu remittuntur. Quid enim est actu peccata remitti, nisi actu solvi reatum mortis æternæ, qui peccatis ante contractus est? Jam autem reatum illum electi solum in tempore contrahunt; dum scilicet peccato originali infecti nascuntur, & postquam adoleverunt in varia peccata incidunt; adeoque reatu illo possunt actu solum in tempore solvi.

XVI. At inquires, Cujuscunque Deus peccata punire non vult, peccata illi actu remissa sunt. Sed Deus ab æterno non vult electorum peccata punire. Ergo electis ab æterno peccata actu remissa sunt. Respondeo, illam propositionem, *Cujuscunque Deus non vult peccata punire, peccata illi actu remissa sunt*; aut saltem esse, aut saltem veram solum cum distinctione. Nam duobus modis dicitur Deus nolle peccata alicujus punire: Et primò quidem, quoniam aliquis est in eo statu, in quo secundum ordinem à Deo constitutum, peccata hominis puniendi non sunt. Sic Deus punire non vult peccata hominis, quem peccati peniter, & qui Christum fide amplectitur, quia secundum ordinem à Deo constitutum, peccata hominis credentis & poenitentis puniendi non sunt. Cujuscunque Deus peccata eo sensu punire non vult, peccata illi actu remissa sunt. Sed secundò, dici potest Deus nolle peccata alicujus punire, quia decrevit illum in eum statum transferre in quo, secundum divinæ justitiæ ordinem, peccata ejus amplius puniendi non erunt, licet nondum actu sit in eum statum translatus. Sic Deus nolebat punire peccata Pauli ante conversionem, quia decreverat illum per gratiam suam immutare, & efficere ut Christum, quem tum persequeretur, vera vivaque fide amplecteretur, qua ratione illum ex eo statu erepturus erat, in quo damnationi æternæ subiacebat. Falsum est autem actu remissa esse peccata illi, cujus hoc sensu & modo duntaxat Deus dicitur nolle peccata punire. Quia ille quem Deus in statum gratiæ transferre decrevit, potest ad

tempus in statu perditionis hærere. Qui autem est adhuc in statu mortis & perditionis, nondum illi actu peccata remissa sunt. Uno verbo, cujuscunque Deus non, vult peccata punire, peccata illi vel actu remissa sunt, si priore modo Deus ea punire nolit: vel aliquando saltem remittenda, si solum Deus ea punire nolit posteriori modo.

* XVII. Et hinc quoque manifestum est, nemini peccata actu remissa esse, priusquam per veram fidem & seriam poenitentiam ad Deum conversus fuerit. Cujus oppositum tamen Theologi nonnulli videntur asserere. Sed in eo vel male sentiunt, vel non bene loquuntur; nam quicunque peccato servit, & in Christum non credit, ira Dei manet super eum, sententia Dei damnatus est, & ut Scriptura dicit, manet in morte, necdum transiit à morte ad vitam. Peccato autem servit, & in Christum non credit, qui nondum est ad Deum per fidem & poenitentiam conversus. Quis autem capere valeat hæc duo simul consistere posse, ut actu alicui peccata remissa sint, & tamen ille maneat in morte, & ira Dei maneat super eum?

XVIII. Ac præceterò si ante fidem & conversionem electis peccata actu remissa essent, frustra & sine ratione Scriptura proponeret fidem & poenitentiam, tanquam conditionem sub qua nobis offertur remissio peccatorum, & sine qua illam consequi non possumus. Adde quòd illi cui peccata remissa sunt pacem habet cum Deo, & est ipsi reconciliatus. At quomodo hoc convenire potest illis qui sunt adhuc à Deo alienati, & inimici ejus mente & operibus malis? Qualis fidelium & electorum ipsorum, ante vocationem & conversionem suam, conditio describitur ab Apostolo Paulo, Col. 1. 21. Denique, Scriptura sacra beatum prædicat illum cujus recta sunt peccata, & iniquitates remissæ: Sed quis beatum prædicare audebit illum, qui adhuc peccatum faciens, nondum ex Deo sed ex Diabolo est, & charitate vacuus, ac fratrem odio habens, vitam æternam non habet in seipso manentem, nec translatus est de morte ad vitam, teste Apostolo Joanne, epist. 1. cap. 3. *Qui facit peccatum, inquit, ex Diabolo est. Item, Omnis qui non facit iustitiam non est ex Deo, & qui non diligit fratrem suum.* Et, *Qui non diligit manet in morte.*

XIX. At inquires, Antequam electus aliquis credat & convertatur, Christus jam in cruce persolvit pœnas peccatis illius debitas: ac proinde illarum amplius debitor non est apud Dei tribunal: nec enim amplius quis tenetur debito quod vas ejus pro illo exsolvit. Qui autem non est amplius apud Deum debitor pœnæ, quam peccata ejus alioqui mereretur, annon actu illi peccata remissa sunt? Respondeo, quod Christus pro nobis in cruce præstitit illud est, ut mediante fide atque poenitentia, possimus à Deo veniam peccatorum consequi, non obstantè amplius iustitia divina, cui per mortem Christi satisfactum est. Sed mortis Christi pretium nullius debitum & reatum actu tollit, nisi prius ipsi applicetur per fidem & poenitentiam. Adeoque in morte Christi habemus quidem pretium sufficiens, quod pro peccatis nostris Deo offerre possimus, sed eorum nomine æternæ pœnæ semper rei tenemur, donec pretium illud fide amplexi nostrum fecerimus, ac tale factum Deo obtulerimus. Itaque Christi morte & passione remissio peccatorum nobis quidem impetrata est sub conditione fidei, quæ comitem habeat poenitentiam & recipiscenitiam; sed remissio peccatorum nobis actu concessa minime censeri debet, priusquam conditionem illam impleverimus; & mors Christi nobis fuerit per fidem applicata.

XX. Et certè non alia mens videtur esse illorum ipsorum Theologorum, qui dicunt prius nobis peccata esse remissa quam credamus; nam eorum nonnulli, ut inter alios Henricus Altingius*, observant peccata nostra deleri dici posse duobus modis; primo, quoad decretum Dei, & mortem Christi ex decreto illo jam obitam; secundo, verò quoad efficacem applicationem, tum ex parte Christi donantis remissionem peccatorum, tum ex parte credentium fide eam accipientium. Et primo quidem modo peccata nostra deleta & remissa esse priusquam credamus, secundo modo verò non nisi quum actu credimus illa deleri & remitti. Sed certè hoc non sufficit, ut simpliciter & absolute dicamus, peccata nobis esse remissa ante fidem. Quum enim audimus nobis remissa esse peccata, statim in mentem nobis venit remissio peccatorum, non decreta solum & sub certa conditione impetrata, sed actu concessa atque applicata. Ac proinde sic loqui periculosum est, nec satis accuratum, & calumniæ non parum obnoxium. * *Loquitur. comm. part. 2. Controv. 2. de Fide Justif. contra Samosatranos.*

XXI. Igitur nulli debent dici peccata remissa, priusquam in Christum crediderit,

rit, & peccatorum suorum pœnitentiam egerit. Quum verò aliquis credit & convertitur, tum denum ei remissio peccatorum acta conceditur. Sed peccatorum quæ hætenus ab ipso commissa sunt, & quorum illum serid pœnitet, non verò, ut quidam dicere videntur, etiam futurorum. Omnino enim est contra rationem, ut dicamus, peccata quæ nondum commissa sunt actu esse remissa. Etenim tum demum peccatum remittitur, quum solvitur reatus, quo aliquis constrictus ob peccatum tenetur. Ac proinde peccatum remitti non potest, ubi nullus est ortus ex peccato reatus. Sed nemo reus est ob peccatum futurum, & nondum admissum. Quandoquidem reatus est relatio quædam ex posito peccato resultans, & quæ ad positionem peccati consequitur. Et certè si aliquis esset ob futurum peccatum reus, homo in statu innocentie ante peccatum jam reus fuisset, & opus habuisset remissione peccatorum. Sed implicat contradictionem, aliquem simul reum & innocentem esse, & cum propter peccatum careat, illum tamen remissione peccatorum egere. Nec ullus Theologus ab Adamo ante lapsum istud dicere sustineat, nempe illum in eo statu jam tum indiguissè, ut Deus illi peccata remitteret.

XXII. Præterea, neminem pœnitere potest peccati quod nondum admissum est: Sed sine pœnitentia peccatum remitti non potest, & ut aliquis peccati veniam à Deo impetret, necesse est ut prius peccati pœnitentia ducatur. Neque potest aliquis solvi reatu peccati illius in quo perseverat, & à quo recedendi propositum non habet. Sed si peccata omnia futura simul remittuntur ei qui se ad Deum convertit, homini qui semel ad Deum conversus est, omnia peccata, quantumlibet gravia, in quæ postea labitur, censeri debent illi remissa esse, etiam quum illa committit, & tantum à vera pœnitentia abest, ut peccatum peccato graviori cumulet. Exempli gratia, censeri debet remissum fuisse Davidi adulterium cum uxore Uriæ, etiam quum non solum in adulterio illo persistebat, sed ipsius Uriæ mortem machinabatur, & illum in ebrietatem impellere tentabat, & proditoriè illi blandiebatur. Adeoque dicendum erit, Davidem in eo statu non fuisse mortis æternæ obnoxium, sed acceptum Deo ad vitam æternam, & idoneum qui regnum celorum ingrederetur; & ita factum esse quod Scriptura per os Joannis pronuntiat, *Qui non diligit maxet in morte. Et scitis quoniam omnis homicida non habet vitam æternam in semetipso manentem.* Nisi quis dicere velit, Davidem proximum suum sicut ad salutem oportet dilexisse, dum uxorem ejus constuprabat, & injustè mortem illi moliebatur. Aut peccata illi actu esse remissa, qui tamen manet mortis æternæ reus, & merito suo vita æterna excludendus, si mors illum deprehenderet; à quibus abhorret communis Christianorum sensus.

XXIII. Verum hic dicit aliquis, Quicumque per veram fidem & pœnitentiam ad Deum se convertit, hoc ipso unitur Christo tanquam membrum capiti, & sit unum cum Christo corpus; adeoque censetur in Christo passus & mortuus, & in eo lytrum sufficiens pro peccatis suis omnibus dependisse. Qui autem lytrum sufficiens solvit, debito suo manet exsolutus; nec postea amplius esse pœnæ laudæ reus, qua in re peccatorum remissio fita est. Respondeo, Christi mortem & passionem, quum illi perfidem unimur, ita nostram fieri, ut censeamur in eo pretium sufficiens solvisse pro peccatis omnibus quorum hætenus rei sumus, & quæ per pœnitentiam veram atque sinceram retrahimus & deseruimus: non verò pro peccatis illis quorum adhuc rei non sumus, & ratione quorum remissione nondum indigemus, & de quibus nondum etiam potuimus agere pœnitentiam, sine qua nullius peccati remissio propter mortem Christi conceditur: cum remissionem illam non aliter Christus nobis meruerit, quàm sub conditione fidei & pœnitentiæ, per quam nobis meritum Christi applicandum est. Unde sequitur, nos dici non debere absolutè pretium sufficiens in Christo solvisse pro aliquo peccato, nisi per necessarios actus fidei & pœnitentiæ impleverimus illius respectu conditionem illam, sub qua pro nobis Christus satisfecit, & remissionem illius promeruit.

XXIV. Verum est quidem, illos qui de fide Christum amplexi sunt, in Christo paratum remedium habere ad peccata etiam futura: hoc est, certos esse posse, quòd cum in peccata quolibet inciderint, eorum veniam & condonationem sint per Christi mortem adepturi, modò per renovatos pœnitentiæ & fidei actus ad eam confugiant, ut panaceam illam ad novum istud malum quo prementur applicant. Sed inde non sequitur, peccata futura jam illis remissa esse, sed solum per Christi gratiam remittenda, modò illi & sibi non desint. Neque aliud sibi velle videntur

illi ipsi qui aliter ac nos hac in parte loquuntur: cum dicant per varios fidei actus subinde elicitos, nostram absolutionem & justificationem applicari & extendi ad quotidianam nostram peccata, reflectendo versus meritum Christi, & reconciliationem nobis in eo partam & oblatam. Ut videre est apud Samuelem Marefium loco 1.1. Th. 58. Si enim nostra justificatio per novos fidei actus applicatur atque extenditur ad peccata in quæ quotidie labimur, ante actus illos novos ad ea se non actu extendebat, nec erat iis actu applicata: ac proinde peccata illa antequam committerentur, ex mente doctorum illorum virorum, actu remissa nondum erant. Sed fatendum est illos periculose loqui, & prætextum ac occasionem præbere doctrinam nostram calumniandi: ut manifestum est ex iis quæ inde contra Reformatos deducere conatur Author ille famosus, qui Christianæ Ethices subversæ illos, magna cum verborum pompa, non ita pridem accusavit.



THESES THEOLOGICÆ:

In quibus exponitur

ECCLESIAE ROMANÆ

Doctrina circa

IMAGINUM CULTUM

ET

ADORATIONEM.

THESIS I.

IN Ecclesia Romana permulti, præcipuè qui sunt de plebe cordatiores, & Doctores etiam nonnulli, queruntur se calumniam pati, quum dicuntur à Protestantibus imagines Dei Christique, & etiam Sanctorum mortuorum adorare, ac profitentur non tantum se, sed Ecclesiam quoque suam ab hac adoratione esse alienissimam, nec eam cultum adorationis rei ulli omnino deferre, quam uni soli vero Deo. Igitur operæ pretium duximus diligenter inquirere in veram Ecclesiæ & Scholæ Romanæ doctrinam circa imaginum cultum & adorationem, tum ne quis ipsi sententiam alienam affingat, tum etiam ut pateat an merito Reformati calumniæ acculentur, quum Ecclesiæ Romanæ adorationem imaginum tribuunt.

II. Ut autem certò habeatur, quæ sit vera doctrina Ecclesiæ Romanæ de cultu imaginum, primò consulenda sunt Consilia quæ apud ipsam habentur pro Generalibus, & à Pontifice Romano probatis. Præterea videndum est quæ sit Universalis & apud omnes recepta Ecclesiæ istius praxis. Denique examinandum est, quid ea de re statuat communis doctorum in ea receptorum consensus: nam ex tribus hisce fontibus hauriri potest vera & genuina Ecclesiæ Romanæ Doctrina. At tanquam fidei Romanæ dogma tutò haberi potest, quod est in Generalibus Ecclesiæ Romanæ Consiliis definitum, quod firmat ejus praxis universalis, & quod communi consensu Doctores illius tenent & amplectuntur.

III. Porro, tria sunt Concilia quæ Ecclesia Romana Universalibus accenset, quæ de imaginibus & earum cultu agunt. Primum & antiquissimum est Nicenum secundum, celebratum anno Christi 787, Imperantibus Constantino & Irene illius matre.

tre. Secundum est Concilium Constantinopolitanum, celebratum Anno Christi 869, Imperante Basilio. Tertium est Tridentinum, seculo decimo sexto per plures annos celebratum, ut omnibus notum est.

IV. Quod spectat secundum Concilium Nicenum, quod in Schola Romana Universale septimum appellatur, constans & manifesta illius doctrina est, adorandas esse Christi & Sanctorum imagines. Nam in Epistola hujus Concilii ad Constantinum & Irenem, circa finem hæc verba habentur; *His ita se habentibus in confesso & sine ulla dubitatione credimus, acceptam & placitam coram Deo esse venerandarum imaginum depictionem, & earum quæ diffusionem Domini nostri Iesu Christi exprimunt, & Virginis quoque Deiparæ intemeratæ, quinetiam gloriosorum Angelorum, & omnium Sanctorum, has quoque adorandas & salutandas putamus. Qui vero ita non est animatus, sed circa venerandarum imaginum adorationem laborat & dubitat, eum anathematizatis sanctis & veneranda nostra Synodus.* Tom. 3. Conc. Edit. Colonienſis Anni 1666, pag. 391. littera A.

V. In eodem quoque Concilio, Actione secunda, perlecta Adriani Papæ Epistola ad Tharafilum, rogantibus Papæ Legatis num illi consentirent necne; inter aliarum respondet Tharafilus, *Concordamus, & vim litterarum litterarum confirmamus, & imaginum picturas, secundum præscam patrum nostrorum traditionem, recipimus, & has desiderio nostro adoramus, ut in nomine Christi Dei nostri, & intemeratæ Domine nostræ Deiparæ Virginis, sanctorumque Angelorum & omnium Sanctorum saltem.* Quibus Tharafilus verbis ipsa Synodus subiunxit, *Universa Sancta Synodus sic credit, & sic docet.* Ejusdem Tomi pag. 313. littera B.

VI. Porro, Patres istius Synodi adorationem illam, quam imaginibus deferendam putant, à veneratione distinguunt, tanquam quæ plus aliquid importet quam simplex veneratio. Etenim damnant illos qui se quidem imagines venerari consentunt, sed tamen illas adorare recusant: ut videre est Actione quarta, ubi post lecta quædam verba Anastasii Episcopi Theopolitani, sic loquitur Tharafilus Patriarcha, *Omnes igitur qui sacras imagines se venerari consentunt, adorationem autem recusant à sancto Patre tanquam hypocritæ redarguuntur. Nam cum verè adorationem, quod est honoris symbolum, recusant, contrarium facere cognoscunt, nimirum sacris convitiis dicere.* Tomi jam citati pag. 335.

VII. Cæterum Concilium istud accuratè distinguit adorationem quam jubet imaginibus deferri, à cultu quodam quem Deo vult esse peculiarem; quem cultum quandoque *Latriam* simpliciter, & quandoque etiam *Latriam in spiritu* vocat, quia scilicet præcipue in internis actibus fidei, spei, fiduciæ, invocationis, & similibus consistit. Sic Tharafilus post citata verba, quibus literis Adriani Papæ consentire se profiteretur, & cum eo imagines Christi, Deiparæ Virginis, & Sanctorum adorare, immediate subiungit, *Sed apertis verbis testatur, nos dumtaxat in unum Deum verum latriam & fidem nostram referre & reponere.*

VIII. Similiter Actione quarta referuntur & probantur verba Anastasii Episcopi Theopolco, *Nemo autem offendatur in adorationis vocabulo. Siquidem & homines, & sanctos Angelos adoramus, non autem quod latrias, hoc est, divinum cultum exhibeamus. Inquit enim Moses, Deum tuum adorabis, & illi soli latrias præstabis: Quo loco diligenter observabis, quæ ratione posteriori dicto (nimirum Latriam) adjectis soli, adorabis verò hoc ipsum non est appositum. Quamobrem adorare licet, Latria verò nequaquam. Neque etiam licebit per se cadav, quod est propriè Deum adorare.*

IX. His consona sunt quæ leguntur Actione septima in Epistola Synodica ad Augg. quam supra citavimus: *Divina Scriptura dicens, Deum tuum adorabis, & illi soli cultum exhibebis: adorabis absolute poni, neque adjicit soli ut significetur vox diversæ notioni & equivoca. Cultum verò exhibebis sive servire soli dixit; quam ob causam latriam uni Deo tribuimus, adque illum referimus.*

X. Istam autem adorationem quam imaginibus deberi existimant, & à cultu latriæ distinguunt, *honorariam* vocant, & docent esse honoris emphasim seu demonstrationem, prout habetur in verbis Anastasii Episcopi Theopolco, jam supra memoratis, *Quid enim aliud est, inquit, quam honoris alicui exhibiti, veluti emphasis adoratio? Istam autem honorariam constitutionem in externis quibuscumque honoris signis atque testimoniis, quæ si quis imaginibus Christi & Sanctorum deferre recuset, illum habent pro hypocrita, etiamsi alioqui eas se venerari, id est, reverenter habere*

bere profiteatur. Ut videre est in Tharasi verbis, quæ subjuncta sunt verbis Anastasii, & supra fuerunt à nobis relata.

XI. Quæ verò sint ista honoris testimonia, imaginibus Christi & Sanctorum debita, Synodus explicat variis in locis. Nampe juxta ipsam, talia sunt oscula & amplexus, item luminarium & suffituum oblatio. Istud colligere est ex iis quæ leguntur in Synodi definitione, quæ habetur initio Actionis septimæ. Ubi docet Iesu Christi, Deiparæ Virginis, & omnium Sanctorum imagines dedicandas & collocandas in Templis, & aliis locis publicis & privatis: non solum ut per hanc imaginum picturam inspectionem, omnes qui contemplantur, ad prototyporum memoriam, & recordationem, & desiderium veniant; sed etiam ut illis salutationem & honorariam adorationem exhibeant, non (inquit) secundum fidem nostram, veram latrariam, qua solam divina natura compescit: sed quemadmodum typo veneranda & vivificantis crucis, & sanctis Evangelistis, & reliquis sacris, oblationibus suffituum & luminarium reverenter accedimus, quemadmodum veteribus piè in consuetudine adductum est. Imaginis enim honor in prototypum refertur, & qui adorat imaginem in ea quoque adorat descriptum argumentum. Tomi jam citati pag. 386.

XII. Consona sunt quæ leguntur in Epistola Synodica prima ad Augustos: *Sunt autem hæc*, nempe Christi & Sanctorum imagines, adoranda quoque, hoc est, exosculanda & amanda; idem enim significat hæc, juxta antiquam Græciæ dialecticam: nam προσκυνεῖν, id est, adorare; & ἀγαπάειν, id est, amplecti; & φιλεῖν, id est, amare significat. Propositio autem πρὸς intentionem significat desiderii, quemadmodum in προοίμῳ. Unde concludit epistola vocem προσκυνεῖν significare amplexum & vehementem amorem. Tomi sæpius allegati pag. 390.

XIII. Doctrinam istius Synodi confirmat Concilium quod Octavum Generale dicitur, celebratum ut diximus in urbe Constantinopoli, Anno Christi 867. Nam Additione decima hic est tertius ejus Canon: *Sacram Domini nostri Iesu Christi effigiem, eadem qua sancta Evangelia veneratione colendam statuimus. Quemadmodum enim per syllabas ex Evangelio pronuntiatas salutem consequuntur omnes, ita per imagines arte coloribusque pictas & expressas, docti juxta & indocti ex objectare utilitatem capiunt. Quicunque enim in syllabis oratio, hæc in coloribus pictura docet & representat. Ergo quicumque Christi Salvatoris imaginem non adoratur, is in secundo Christi adventu non videatur ipsius faciem. Eadem ratione intemerata genitricis illius effigiem, sanctorumque Angelorum, quemadmodum illos sacrarum litterarum pagine describunt, ac diviorum omnium veneramus & adoramus. Qui aliter sentiunt Anathema sunt.* Quod autem Concilium istud imagines, ratione cultus venerationis, cum Evangelio comparat, respicit morem Græcorum, qui ipsum codicem Evangeliorum certis ritibus colunt & adorant, ut fit de imagine crucis.

XIV. Denique priorum istorum Consiliorum decretis subscribit, & consentanea sanxit Tridentina Synodus, docens quidem imaginibus non inesse divinitatem, vel virtutem aliquam, propter quam sint colendæ; nec etiam in eis fiduciam esse figendam, sed tamen illis venerationem & honorem deberi, illasque osculandas, & coram eis caput aperiendum, & procumbendum esse; quoniam honos qui eis exhibetur, refertur ad prototypa, quæ illæ repræsentant; ut per imagines Christum ipsum adoremus, & Sanctos quorum illæ similitudinem gerunt. Synodi istius verba sunt Sessione vigesima quinta; *Imagines porro Christi, Deiparæ Virginis, & aliorum Sanctorum, in Templis præsertim habendæ & retinendæ, eisque debitum honorem & venerationem impertinendum, non quod credatur inesse aliqua in eis Divinitas vel Virtus, propter quam sint colendæ: vel quod ab eis sit aliquid petendum, vel quod fiducia in imaginibus sit figenda; veluti olim fiebat à gentibus, quæ in idolis spem suam collocabant. Sed quoniam bono, qui eis exhibetur, refertur ad prototypa quæ illæ repræsentant; ita ut per imagines quas osculamur, & coram quibus caput aperimus & procumbimus, Christum adoremus; & Sanctos quorum illæ similitudinem gerunt veneremur, id quod Conciliorum, præsertim secunda Nicæna, decretis contra imaginum oppugnatores est sancitum.*

XV. Ex quibus manifestum est, juxta doctrinam Ecclesiæ Romanæ, & Conciliorum illius placita, primo cultum aliquem, honorem & venerationem imaginibus Christi & Sanctorum deberi. Secundo, cultum illum legitime exhiberi imagines osculando, salutando, & amplectendo, coram eis procumbendo, & caput aperiendo, ac ipsis offerendo suffituum & luminaria. Denique, cultum illum adorationis voce rectè exprimi; non tamen imagines ut deos adorandas esse, & cultu latrariæ colendas,

das, id est, adoratio summa & absoluta, quæ uni vero Deo reservanda est; sed adorationem quæ illis exhiberi debet, sub alternam esse sive relativam, & referri ad prototypa, atque in eis terminari. Adeoque ab imaginibus nihil esse petendum, nec ponendam esse in iis fiduciam, nec ullam divinitatem & virtutem iis tribui debere.

XVI. Verum quæ & qualis sit illa adoratio quæ, juxta mentem Ecclesiæ Romanæ, imaginibus Christi & Sanctorum debetur, certius colligi non potest quam ex istius Ecclesiæ praxi solenni & universali. Hoc autem nomine merito donandus est cultus ille, qui in templis Ecclesiæ Romanæ imaginibus palam exhibetur, scientibus & videntibus omnibus, ac per solennes quasdam & publicas ceremonias, in quibus plebs Romana pietatis suæ partem constituit; non repugnantibus, nec improbantibus Pastoribus ordinariis, nec Episcopis, neque Papa; sed contra cum multorum Doctorum & Episcoporum expressa approbatione, & aliorum tacito consensu; quandoquidem ea de re silent, neque quicquam contra proferunt.

XVII. Talis est non solum consuetudo imagines Christi & Sanctorum salutandi, osculandi, & genu coram eis flectendi, ac etiam suffitus & luminaria ipsis offerendi, quæ ut modo vidimus, expresse præbent Ecclesiæ Romanæ Concilia; sed præterea mos ille receptus, quo imagines super altaribus locantur, vestibus & monilibus pretiosis ornantur, solenni pompa per vias publicas circumferantur, vota eis nuncupantur, donaria consecrantur, & religiosæ peregrinationes ad eas suscipiuntur.

XVIII. Ista enim passim in tota Ecclesia Romana fiunt, nec disertè & publicè improbantur ab ullis, qui in Ecclesia illa autoritate, doctrina & dignitate eminent, ac pro Orthodoxis habentur, sed contra à multis publicè probantur, atque defenduntur. Ut, exempli gratia, à Costero Jesuita in Enchiridio Controversiarum capite de usu & veneratione imaginum. Proinde inquit, reprehendendi non sunt Christiani qui Christum in sua imagine flexis genibus, apertis capitibus, junctis manibus adorant & precantur, ab eoque misericordiam, auxilium & opem implorant. Neque illi qui imagines vestibus, monilibus, & id genus aliis ornare solent. Nec reprehensione digna, sed commendanda est Christianorum consuetudo, quæ cereos, in honorem sanctorum, coram imaginibus accendunt. Denique Ecclesiæ consuetudo circumferendi statua & imagines in supplicationibus antiquo usu comprobata est, & merito commendanda.

XIX. Similia videre est apud Joannem Molanum Theologum Lovaniensem, qui in libro de historia sacrarum Imaginum, earum publicam circumgestionem, & positionem super altaria, studiumque illas vestibus pretiosis ornandi, tuetur & propugnat. Nam libro secundo capitis trigésimi quarti, lemma est, *Imaginum in supplicationibus circumgestatio à superstitione contra hereticos defenditur.* Et trigésimi noni capitis titulus est *Sanctorum imaginibus non prophane & Ethnice, sed religiose altaria exornari.* Sequentis vero capitis, *Imagines Sanctorum rellæ auro & argento regi, & coronis, vel pretiosis vestibus exornari.*

XX. Sed in quibusdam videtur Ecclesiæ Romanæ praxis non satis cum decretis Conciliorum ipsius concordare. Nam, ut supra vidimus, Synodus Nicæna secunda, cum Anastasio, docet, Imagini non licere honorificari. Et similiter Synodus dus Tridentina ab imagine nihil esse petendum. Et tamen in publico Ecclesiæ Romanæ usu sunt quædam precesiones quæ ad imagines ipsas diriguntur.

XXI. Nam in Breviario Ecclesiæ Romanæ, juxta Synodi Tridentinæ decretum restitutum, & jussu Pii Papæ V. in lucem edito, reperitur hæc ad crucem à Christo distinctam directæ precatio, *O Crux splendidior cunctis astris, mundo celebris, hominibus multum amabilis, sanctior universis, qua sola fuisti digna portare talentum mundi, dulce lignum, dulces clavos, dulcia ferens pondera, salva presentem catervam in tuis hodiè laudibus congregatam.* In Festis Maii ad diem III, & in Festis Septembris ad diem XIV.

XXII. In hymno qui incipit, *Vexilla Regis prodeunt*, & qui decantari solet Sabbato ante Passionem, & solennibus aliis diebus, ornatur primo Crux variis Elogiis quibus à Christo distinguitur, & vocatur *Arbor decora & fulgida, Ornata regis purpuræ, Electa digno stipite tam sancti membra tangere. Beata cujus brachiis sæclis pendit pretium.* Deinde hæc ad eam oratio concipitur, *O crux ave spes unica, hoc Passionis tempore, Ange piis iustitiam, Reisque dona veniam.*

XXIII. Hanc vero precesionem ad crucem, ut à Christo distinguitur, dirigi, sicut

ex ipsius hymni verbis manifestum est, agnovit *Thomas Aquinas* Scholæ Romanæ princeps. Inde enim colligit crucem esse cultu Latriæ adorandam, hoc utens argumento, *Illi exhibemus latriæ cultum in quo ponimus spem salutis; sed in cruce Christi ponimus spem salutis: cantas enim Ecclesiæ, O crux ave spes unica, Hoc Passionis tempore, Auge piis justitiam, Reisque dona veniam. Ergo Crux Christi est adoranda adoratione latriæ.* Articuli vero conclusio his verbis concepta est, *Crux Christi in qua Christus crucifixus est, tum propter representationem, tum etiam propter membrorum Christi contactum, latriæ adoranda est: crucis vero effigies in alia quavis materia, priori tantum ratione latriæ adoranda est.* In Summa parte tertia quæstione 25. Articulo quarto.

XXIV. Vim autem manifestam verbis ipsis faciunt qui, ut absurdum istud vitent, hodie volunt crucem, per Metonymiam quandam, pro Christo ipso accipi in ejusmodi precationibus. Nam quæ loquendi leges patiuntur, ut crux pro Christo crucifixo sumatur, iis ipsis in locis ubi Christo opponitur, & à Christo contradistinguitur, & celebratur tanquam contactu corporis Christi nobilitata?

XXV. Reperitur & Oratio quædam, quæ fertur à *Johanne* Papa XXII. edita, cum concessione indulgentiarum decies mille dierum illam devotè dicentibus, inspicendo Veronicam, ad quam oratio illa dirigitur. Vocatur autem Veronica effigies quædam vultus Christi impressa Sudario, quod in æde Sancti Petri Romæ assertari dicitur, ut etiam in quadam civitate Hispaniæ, teste *Marineo* Siculo libro quinto de rebus Hispaniis. Ista vero Imago Veronica dicitur nomine mulieris, à qua Sudarium traditur faciei Christi sanguine & sudore aspersæ admotum esse, & vultus ejus effigiem in se retinuisse. Porro sic se habet oratio illa quæ legitur in libro qui Antidotarius animæ inscribitur:

*Salve Sancta facies nostri Redemptoris,
In qua nitet species divini splendoris,
Impressa pamiculo nivei candoris,
Dataque Veronica signum ob amoris.*

*Salve decus seculi, speculum Sanctorum,
Quod videre cupimus spiritus caloribus;
Nos ab omni macula purga vitiorum,
Atque nos consortio juxte beatorum.*

*Salve vultus Domini imago beata,
Ex æterno munere mirè decorata:
Lumen funde cordibus ex vi tibi data,
Es à nostris sensibus tolle colligata.*

*Salve robur fidei nostre Christiane.
Destruens hæreticos qui sunt mentis Vana:
Horum auge meritum qui te credunt sanè,
Illum effigiem qui rex sit ex pane.*

*Salve nostrum gaudium in hac vita dura,
Labili & fragili cito peritura:
Nos deduc ad propria, O felix figura,
Ad videndum faciem quæ est Christi pura.*

XXVI. Præterea Concilium Tridentinum statuit non esse credendum, imaginibus inesse virtutem aliquam propter quam sint colendæ. Sed contrarium supponit Ecclesiæ Romanæ praxis; non tantum in illa modo descripta oratione, in qua imagini vultus Christi tribuitur vis per quam lumen fundat cordibus, sed in aliis etiam, quæ in Ecclesia illa sunt magis solennes atque usitatæ. Nam cum Episcopus benedicit crucem ex lapide, vel metallo, ad Christum Dominum nostrum orationem habet, quæ Pontificali Romano inserta est, titulo De benedictione novæ crucis. In qua oratione opponens veram crucem cui Christus affixus est, cruci isti ex metallo vel lapide; A Christo Domino petit, ut crucem illam consecrandam, veræ suæ crucis sanctitate sanctificet, ac præstet ut merito crucis istius lapideæ, vel argentæ, animæ famulorum Christi omni careant perpetrato peccato. Orationis verba sunt, *Nullum tibi debitum amplius minus est, quam quod tibi tunc corporis dedicavisti affixio; nec tibi est magis familiaris oblatio, quam qua familiari matrum tuarum extensione*

extensione sacra est. Illis ergo manibus hanc crucem accipe, quibus illam amplexus es; & de sanctitate illius hanc sanctifica; & sicuti per illam mundus expiatus est à reatu, ita offerentium famulorum tuorum anima devotissima hujus crucis merito, omni carcam perpetrato peccato; & tua vera crucis obsequi, enitescant successibus assiduis triumphatores.

XXVII. Ibidem est oratio ad Deum Patrem directa, in qua ab ipso petit Episcopus, ut signum crucis quod prae manibus habet; sed remedium salutari generi humano, & protectio ac tutela contra jacula inimicorum, oratio his terminis concepta est, *Rogamus te Domine sancte, Pater omnipotens, sempiternae Dei, ut digneris benedicere hoc signum crucis tuae, ut sit remedium salutare generi humano; sit soliditas fidei; profectus bonorum operum; redemptio animarum; sed solamen & protectio ac tutela contra saeva jacula inimicorum, &c.* Quam orationem qui ad Deum habent, si fidant se exaudiri, necesse est ut credant istam lapideam vel metallicam crucem exinde à Deo habere virtutem, per quam hominibus procurare possit varias benedictiones, tum temporales, tum spirituales, contra quam definit Synodus Tridentina. Nam alioqui quomodo dici posset, illam factam fuisse, ut petit oratio, remedium humano generi salutare, & tutelam contra saeva inimicorum jacula?

XXVIII. Idem dico de cereis illis imacunculis, quae agnus Dei vulgo nominantur, & quas Papa consecrare solet anno primo sui Pontificatus, & etiam post, septimo quoque anno, ut sint symbolicae quaedam imagines Domini nostri Jesu Christi, qui est verus Dei Agnus qui tollit peccata mundi. Nam Papa, dum illas consecrat, multis iteratis precibus Deum rogat, ut imagines illae virtutem accipiant contra diabolicas versutias, contra tempestates, contra pestem, contra morbum caducum, aliaque mala atque incommoda. Ut videre est in libro sacrarum ceremoniarum capite qui titulus est de consecratione Agnus Dei. Ubi inter plures alias orationes similes, una est in qua Papa quaedam praefatus sic Deum alloquitur, *Sicut ille Agnus de cuius sanguine postes & superlimina domus linebantur immolatus, populum suum à persecutione Aegyptiaca, media nocte liberavit: & quemadmodum ille Agnus innocens tua voluntate immolatus in ara crucis Iesus Christus filius, Protoplastum nostrum de diabolica potestate eripuit; sic isti agni immaculati virtutem accipiant, quos consecrandos offerimus in conspectu Divinae Majestatis tuae. Tu eos benedicere, sanctificare, & consecrare digneris, ut tua larga benedictione sanctificati eandem virtutem accipiant contra omnes Diabolicas versutias, & fraudes maligni spiritus, ut illos devotè super se ferentibus, nulla tempestas eisdem praevalcat, nulla adversitas dominetur, nulla aura pestilens, neque aeris corruptio, nullusque morbus caducus, nulla maris procella & tempestas, nullum incendium, neque ulla iniquitas dominetur eis, neque praevalcat homo: partus cum matre incoluntur conservetur, &c.*

XXIX. Urbanus vero Papa V. plane confidebat orationem suam exauditam fuisse, cum ad Imperatorum Graecorum milit tres Agnus Dei, cum hisce verbis, qui sunt in fine capitis jam citati transcripsi.

*Balsamus & munda cera, cum Chrismais unda
Constituunt Agnum, quod munus do tibi magnum,
Fonte velut natum per mystica sanctificationem.
Fulgura de sursum depellit, omne malignum
Peccatum frangit, ut Christi sanguis, & angit.
Pregnans servavit, simul & partus liberatur.
Dona defert dignis, virtutem destruit ignis.
Portatus munda, de sultibus eripis unda.*

Quae cum ita sint, iuxta mentem Papae, qui Ecclesiae Romanae caput est, excipiendi sunt isti agni cerei de numero imaginum, quibus Concilium Tridentinum declarat, nullam inesse virtutem, propter quam colendae sint.

XXX. Quod spectat Doctores Ecclesiae Romanae, videntur quidam eorum contraria docere iis quae ab istius Ecclesiae Conciliis definita sunt offendimus. Sunt enim qui simpliciter negant adorandas esse imagines, & clamant sibi per calumniam obijci quod imagines Christi & Sanctorum adorent, ut fuit jam supra à nobis observatum. Cum tamen Ecclesiae Romanae Concilia, nempe Nicaenum secundum & Constantinopolitanum, quod octavum Generale vocant, à Concilio Tridentino probata, anathemate sanxerint imaginibus esse deferendam adorationem. Verum mens

istorum Doctorum non est Concilia jam dicta damnare, aut ab eorum doctrina ullo modo recedere. Et enim quum imagines negant esse adorandas, istud intelligunt de adoratione summa & absoluta, qua adoratur aliquid tanquam summus finis, & primum principium, ac omnis boni primarius author, quam adorationem soli Deo deberi agnoscunt; non vero de adoratione relativa, vel inferiori, qua imagines coli posse non negant; & quam solum etiam imaginibus tribuendam esse, Ecclesiæ Romanæ Concilia sanciant.

XXXI. Contra vero inter eos qui in Schola Romana eminent reperiuntur multi, qui non docent simpliciter imagines esse adorandas, sed pertendunt imagines Dei Christique esse adorandas latria, quo nomine Schola Romana designare solet summum illum cultum qui Deo proprius est: Cum tamen Ecclesiæ Romanæ Concilia à latria sedulo distinguant adorationem quam volunt imaginibus Christi & Sanctorum deferri, ut pluribus ante ostendimus. Sed nec illi videri volunt à Conciliis istis dissentire, & sententiam suam cum Synodorum suarum definitionibus conciliari facile posse putant. Nempe dicunt imagines Dei Christique latria quidem esse colendas, non tamen propter se, sed propter prototypa, adeoque latriam illam, non absolutam, sed relativam esse; aut saltem cultum latriæ illis deferri, non per se, sed per accidens, quatenus considerantur cum prototypo junctæ, & unum quid cum illo constituentes. Jam vero Concilia quæ nullis Imaginibus latriam deferri volunt, intelligenda esse de latria absoluta, non vero de relativa; aut de latria per se, non de latria per accidens.

XXXII. Itaque Doctores Ecclesiæ Romanæ, utut paulum diversè loquantur, de his tamen, quæ sunt ab istius Ecclesiæ Conciliis sancita & definita, inter se consentiunt. Primo, scilicet, imagines non ad simplicem commemorationem in templis habendas & retinendas esse, sed imaginibus Christi, & Beatæ Virginis, ac aliorum etiam sanctorum, aliquem cultum & honorem deberi, & merito posse tribui. Secundo honorem illum voce adorationis rectè & bono sensu exprimi posse. Tertio reverentiæ & submissionis signa, quæ imaginibus illis exhibentur eas apertione capitis salutando, item eas osculando, genu corum illis flectendo, ac denique incensum & luminaria offerendo, honoris illius esse notas legitimas, & minime culpandas.

XXXIII. Ac proinde merito Vasquez asserit, * juxta Scholæ Romanæ mentem, Catholicam veritatem esse, quod imaginibus deferenda sit adoratio, hoc est, signa servitutis & submissionis, amplexu, luminaribus, oblatione suffituum, capitis nudatione, &c. Adeoque non simpliciter errantibus, sed Iconomachis hæreticis accenset eos, qui temporæ septimæ Synodi judicarunt imagines ubique retinendas esse, non ad solum ornatum, sed etiam ad excitandam fidelibus memoriam exemplaris, ut coram eis ipsum venerarentur, imaginibus tamen nullum signum honoris, aut submissionis, neque osculo, nec inclinatione corporis, nec alio modo exhibeant, quia istud dicebant esse idololatriam. Quare nec osculabantur imagines, neque ipsis corpus inclinabant, nec thurificabant: sed recti coram eis, in memoriam exemplaris excitati, in ipsum mente sola ferebantur. Quo nomine fuerunt in Synodo septima damnati, & contra eos in illa Synodo definitum est, non sufficere si quis dicat imagines se venerari, nisi illas etiam adoret. * In 3. parti. Tho. tom. 1. disputas 106. cap. 1. & 2.

XXXIV. Ab eo vero, ut putat, errore Vasquez ibidem vindicat Helcot, Durandum, & Picum Advandulanum, quos ostendit non negavisse amplexari nos debere imagines, salutare & osculari, atque ipsis caput nudare; etiamsi dixerint imagines per hoc improprie tantum adorari, & illam non esse proprie adorationem imaginis, sed exemplaris. Qua propter in fine capitis secundi modo citatæ disputationis, affirmat scelus & crimen esse imagines non adorare, & errorem intolerabilem judicari debere, si quis doceat eas nullo modo esse adorandas.

XXXV. Sed quanquam Scholæ Romanæ Theologi communi consensu agnoscant imagines, aliquo saltem modo, colendas & adorandas esse, adeoque pium & laudabile esse, ipsas devotè osculari, thus ipsis adolere, luminaria accendere, & coram eis genu flectere, sive procumbere, minime tamen inter se consentiunt quæ & qualis istius cultus ratio atque natura sit. Quod observat Vasquez tom. jam allegati disput. 108. cap. 1. Cum catholici omnes, inquit, contra Iconomachos in aliquo cultu, & adoratione imaginibus deferenda facile conveniant, variant in modo seu ipsa natura adorationis.

XXXVI. Ut

XXXVI. Ut autem dissensus iste melius percipiat, ante omnia notanda: atque explicanda sunt quedam distinctiones, quibus uti solent in hac questione, ut mentem suam clarius exponant. Primum igitur observant, aliquid honorari vel per se, vel per accidens. Per se honoratur, inquit, suppositum in quo inest ratio venerationis: per accidens, id quod est coniunctum rei qua adoratur, nec est ipsa ratio adorationis. Ut cum honoratur Rex, per se honoratur homo ille qui est Rex; per accidens honoratur purpura, & reliqua adjuncta, & accidentia omnia ejus, excepta regia dignitate: quæ licet non sit id quod honoratur, est tamen id quo homo ille honoratur. Itaque persona honoratur per se, in qua; regia dignitas honoratur per se, in qua; reliqua honorantur per accidens.

XXXVII. Secundo dicunt posse aliquid honorari proprie, vel improprie. Id honoratur, inquit, proprie, quæ ille habet in se rationem venerationis non dependentem aliunde; & hoc modo sola natura rationis est venerabilis. Proprie aliud honoratur, id, quod habet in se quidem causam honoris, sed illa causa tota pendet ab alio. Et hoc modo signa rerum sacrarum sunt venerabilia; habent enim in se relationem similitudinis, sive representationem rei sacræ, & proinde quandam excellentiam, sed illa tota pendet ab ipsa re sacræ.

XXXVIII. Tertio notant posse aliquid honorari proprie, vel improprie. Id, ut aiunt, proprie dicitur honorari, quod vere ratione sui ipsius honoratur. Improprie dicitur honorari, quod honoratur loco alterius. Legatus Regis aliquando honoratur ut legatus, & tunc ipse proprie honoratur, licet propter alium honoretur: aliquando honoratur loco Regis honore proprio Regibus, & tunc ipse improprie honoratur, proprie autem Rex in ipso tunc honoratur. Id clarius apparet cum sumus celebratur absente corpore, circa statuum, & sunt erga statuum omnia quæ circa corpus fierent, &c. Quæ distinctiones omnes sunt Bellarmini libro secundo de Ecclesia triumphante capite vigesimo.

XXXIX. His ita observatis quæritur in Schola Romana, An imagines sint proprie adorandæ, an vero solum improprie? Et fuerunt inter veteres Scholasticos nonnulli, qui fatentur quidem imagines aliquo modo adorandas esse, & licitum esse eas osculari, & coram iis procumbere, & circa illas alia honoris signa exercere, non tamen per hoc imagines proprie, sed improprie tantum & abusive adorari; quia, scilicet, actiones illæ, quanquam circa imagines fiant, non tamen fiunt in honorem imaginum, sed in honorem prototypi, nec imagines sunt terminus ad quem refertur illa adoratio.

XL. Hæc sententia tribuitur Durando, & Holcot, & Pico Mirandalano, sed communiter rejicitur à Scholasticis recentioribus, & habetur pro temeraria. Ut videre est apud Vasquezium, Suarezium, Bellarminum, Gregorium de Valentia, Puceum, & alios, qui communi consensu statuunt imagines proprie & verè adorandas esse.

XLI. Sed quamvis recentiores in eo consentiant, imagines proprie & verè adorandas esse, nihilominus inter eos controvertitur quis sit illius adorationis modus atque ratio. Fatentur quidem illi omnes imagines non debere adorari propter se, sed tantum propter exemplar quod representant, & cujus similitudinem gerunt. Sed quæstio est, An licet imago propter exemplar adoretur, tamen per se, & in se possit esse integrum objectum adorationis, ita ut adoretur adoratione diversa ab ea qua ipsum exemplar adoratur, & quæ sic terminetur in ipsam imaginem, ut ejus materia proxima & immediata sit imago sola, non autem exemplar. Quemadmodum Legatus Regis honoratur propter Regem, cujus nomine Legationem obit, sed tamen potest & solet honorari, honore cujus ipse terminus proximus est, & quo Rex, directe saltem non honoratur, ac proinde qui est diversus ab eo, & inferior eo quo Rex ipse honorandus est.

XLII. Quidam, ut Gabriel Vasquez, hunc adorationis modum tanquam superstitiosum, & stultum rejiciunt, quia, videlicet, stultum est creaturam rationalem se subijcere creaturæ irrationali, & servam illius sese exhibere. Adeoque pertendunt imaginem per se, sine prototypo, vel ab eo separatam adorari licite non posse; Non solum quia necesse est propter exemplar, tanquam propter rationem remotam, sicut legatum propter Regem, imaginem coli: sed quia qui imaginem adorât, in ea quoque, & per eam, exemplar, ut terminum, & materiam proximam venerationis, venerari debet. Quæ sunt verba Gabrielis Vasquez tomo primo in tertiam Thomæ disputat. 103. cap. 3.

XLIII. At

XLIII. At vero plures alii docent licitum & honestum esse imagines adorare, non adorato simul exemplari, & ita ut ipsæ sint proximus & integer terminus adorationis. Que de numero est *Franciscus Suarez*, qui affirmat, *licet verum sit imagines non posse adorari, nisi propter exemplar, nihilominus illas in se & propriè adorari posse, non adorato directè, & ut quod, exemplari.* Tomo primo in tertiam Thomæ, Disputatione quinquagesima quarta Sect. 5.

XLIV. Ita quoque sentit Bellarminus cujus hæc est propositio, *Imagines Christi, & sanctorum venerande sunt, non solum per accidenti, vel improprie, sed etiam per se & propriè, ita ut ipsæ terminent venerationem ut in se considerantur, & non solum ut vicem gerunt exemplaris.* De Ecclesiâ triumphante libro secundo capite vigesimo primo.

XLV. Eadem est etiam Puteani Doctrina, qui agnoscit imaginem Christi, ac proinde sancti cuiusvis imaginem, sic adorari posse, ut adorationis nostræ objectum materiale sit imago sola. In tertiam partem Thomæ quæstione vigesima quinta Articulo tertio.

XLVI. Inter hos vero Theologos, qui docent imagines adorari posse, non adorato simul exemplari, & peculiari cultu qui in ipsas terminetur, quæritur cujus generis sit cultus ille & quo nomine vocandus. Juxta Bellarminum; *Cultus, qui per se propriè debetur imaginibus, est cultus quidam imperfectus, qui analogicè & reductivè pertinet ad speciem ejus cultus qui debetur exemplari.* Rem autem sic explicat ipse; *I. imaginibus non convenit propriè nec latria, nec hyperdulia, nec dulia, nec ullas alius eorum qui tribuuntur naturæ intelligenti. Non enim est capax res inanimata, & rationis expertus ejusmodi cultuum: sed talis quidam inferior & varius pro varietate imaginum. Itaque imaginibus sanctorum non debetur propriè dulia, sed cultus inferior, qui dici potest dulia secundum quid, vel dulia analogicè, sive reductivè. Similiter imaginibus Beate Virginis non debetur hyperdulia simpliciter; sed hyperdulia secundum quid, sive analogicè & reductivè. Denique imaginibus Christi non debetur latria vera, & simpliciter, sed cultus sine comparatione inferior, qui tamen reducitur ad latriam, ut imperfectum ad perfectum.* De Ecclesiâ triumphante lib. 2. cap. 25.

XLVII. Juxta alios vero simpliciter dicendum est, Imagini Christi, cum adoratur sola, & seorsim ab exemplari, deberi quidem latriam, sed relativam, non autem absolutam. Hæc est enim Puteani conclusio prima ad articulum tertium quæstionis vigesimæ quintæ modo citatæ. *Quando objectum materiale adorationis nostræ est sola imago Christi, & ratio adorandi solus Christus, per imaginem istam representatus, adoratio hæc non est propriè adoratio latriæ, aut, ut alii loquuntur, non est adoratio latriæ absoluta. Cæterum adoratur latria absoluta quod adoratur propter excellentiam increatam, quæ reipsa est in re quæ adoratur. Adoratur autem latria respectiva quod adoratur quidem propter excellentiam increatam, verum quæ reipsa non est in re quæ adoratur, sed ad quam res illa habitudinem aliquam & relationem habet.*

XLVIII. Porro secundum istam Puteani doctrinam similiter dicendum est, imagines Virginis Mariæ adorandas esse hyperdulia, non absoluta, sed respectiva: imaginibus vero sanctorum reliquorum deberi quoque duliam respectivam & non absolutam.

XLIX. Præterea quæritur inter Doctores Ecclesiæ Romanæ, An uno & eodem adorationis actu imago & exemplar simul adorari possint & debeant, nempe dum consideratur exemplar tanquam imagine vestitum, imago vero ut exemplar continens, & ipso velut animata; ita ut in adorantis mente imago & exemplar unum quid constituent. Hunc imagines adorandi modum quidam ex Doctoribus Scholæ Romanæ non agnoscunt, & imaginis adorationem existimant semper actum esse diversum ab eo quo ipsum exemplar adoratur. Quæ est opinio Martini Peresii de Ayala libro de Traditionibus, ubi de cultu imaginum agit, & Ambrosii Catharini opusculo singulari de adoratione imaginum, ut testantur Valquez & Suarez disputationibus sæpius jam citatis.

I. At vero contra plurimi Ecclesiæ Romanæ Doctores in ea sunt sententia, imaginem adorari posse & debere eadem adoratione cum exemplari, ita ut imago propter prototypum, & prototypum in imagine adoretur uno eodemque actu, cujus objectum adæquatam sint exemplar & imago simul. Hanc sententiam prolixè tractet & explicat Franciscus Suarez, tomo primo in tertiam Thomæ, disputatione quinquagesima quarta jam sæpe memorata. Ubi, ut clarius mentem suam exponat, observat imaginem, quamvis in se revera non contineat prototypum, secundum proprium

proprium esse reale illius, continere tamen in esse representativo: Unde fit ut homo, proposita huiusmodi imagine; ipsum exemplar apprehendat, ac si revera in illa adesset, & per modum unius utrumque simul concipiat: ea igitur posita apprehensione, animum adorantis, uno adorationis motu, primario in exemplar, concomitanter vero in imaginem ferri, quam deosculando Christum ipsum adorat; non per deceptionem, quia non iudicat imaginem esse Christum, sed per simplicem ac vivam representationem exemplaris in imagine, ac sic adesset.

LI. Vasquez vero non tantum existimat imaginem uno eodemque actu cum exemplari adorari posse, sed imagines non nisi cum exemplari adorari posse & debere contendit. *Per vulgata, inquit, & antiqua Theologorum sententia, quam ego veram existimo, est, motum adorationis in imaginem, sita in ejus prototypum & exemplar transire, & utrumque sub eandem venerationem cadere, ut nec sola cogitatione, imago per se sine illo, vel ab eo separata adorari possit.* Et postea docet, non solum imaginem cum exemplari eodem motu adorationis posse adorari; verum etiam ipsum per se, nisi exemplar contineat, & cum eo coniungatur, non esse alicujus venerationis, & adorationis capax, ac proinde non nisi cum exemplari, cum quo integrum & proximum terminum adorationis constituit, esse colendam. Disputationis centesimæ octavæ jam supra allegatæ capite tertio.

LII. Fundamentum autem sententiæ ejus est quod nulla res inanima, aut irrationalis sine rationali, capax est secundum te honoris, cultus, & reverentiæ, seu adorationis. Et hoc quia adoratio est voluntas exhibendi alicui excellenti notam, & signum submissionis, excellentiæ ipsius debitum: Jam vero animus submissionis, & servitutis erga illum solum versatur, quem quis apprehendit, ut sibi superiorem, & excellentia majori præditum, qualis respectu hominis non est imago sine exemplari considerata. Ut pluribus exponit ipse disputationis jam dictæ capite nono. Ubi etiam affirmat, illum qui imaginem per se, non adorato in ipsa exemplari, veneratur, stultitiæ, seu idololatriæ insimulari posse: *aut quia rei irrationali se subijcit, & contra rectam rationem se servum exhibet: aut quia dum illi se submittit, aliquod nomen, aut dignitatem, aut virtutem ei tribuit; quod est error gentilium, non Christianorum religio.*

LIII. Cæterum, quod etiam ex jam dictis satis colligitur, observat idem Vasquez, actum adorationis duobus constare. Unum est nota exterior submissionis, ut genuflexio, capitis apertio, &c. Alterum est submissionis affectus, quo quis ex apprehensione excellentiæ, & dignitatis, alicui ut excellenti, notam illam vult exhibere; sine quo nota exterior non esset adoratio & cultus; cum ea fieri posset animo quoque joci aut irrisionis. Nec enim nota exterior, & interior affectus submissionis, duæ sunt adorationes: sed ex utroque unus actus reverentiæ & honoris constat: sicut in universum actus virtutis, interiori & exteriori constituitur.

LIV. Rursus ergo quæritur, An quum imago & exemplar simul uno eodemque actu adorationis coluntur, utraque pars istius actus, id est, tam interior submissionis affectus, quam ejus nota exterior, non ad solum exemplar, sed ad imaginem quoque pertineat atque terminetur? Et quidem Vasquez, conformiter fundamento ab eo posito, existimat, quum Imago & exemplar simul adorantur, solam anteriorem notam submissionis ad imaginem pertinere, atque ad eam terminari; interiorem vero submissionis affectum circa solum exemplar versari, & illud solum respicere. Nam Capite septimo sæpius dictæ Disputationis 108, ex variis Conciliorum & Patrum testimoniis manifestè colligi dicit, unam eandemque adorationem esse imaginis, & exemplaris, non sicut quidem Theologi putant, *sed si aut unus sit affectus submissionis, qui in solum exemplar feratur: nota autem exterior illius, solum imaginem respiciat, & per illam ex effectu illo submissionis, cogitatione, & desiderio, in ipsum exemplar transmittatur.*

LV. Contra vero Franciscus Suarez, quando uno eodemque actu imago cum exemplari conjunctim adoratur, pertendit non tantum exterius submissionis signum, sed ipsam quoque internam animi submissionem ad imaginem terminari, & submissionem illam non exemplar solum respicere, sed ipsam etiam cum exemplari imaginem: ita ut illius adorationis totius & integræ, objectum sit imago, non vero ejus dumtaxat quod in illa adoratione exterius & sensibile est. *Dicendum est, inquit, fieri recte posse, ut prototypum in imagine, & imago propter prototypum, uno actu interiori & exteriori adoratur.* Tom. 3. in 3. Tho. disp. 54. Sect. 3. Et ibidem addit, quum aliquis imaginem & prototypum per modum unius objecti apprehendit, ho-

minem

minem ferri ad colendum illud objectum, sicut unico corporis motu, ita etiam unico voluntatis actu: neque oportere in tali actu rationes formales distingueret. Postea vero inde inferit, per hanc adorationem adorari etiam imaginem, non solum actu externo, qui ad adorationem non sufficit, sed etiam interiori motu & intentione adorantis, atque non ita abusive tantum, sed verè ac propriè.

LVl. Porro ex hac hypothesi, quod imago possit & debeat, uno eodemque adorationis actu cum exemplari ipso coli, sequitur imagines coli posse & debere eodem genere cultus, quo colitur ipsum exemplar. Ac proinde sanctorum imagines coli posse dulia, qui est cultus sanctis peculiaris: Imagines vero Beatæ Virginis coli posse hyperdulia, qui cultus est ipsi proprius; ac tandem imagines Dei Christique coli posse latria, qui cultus est Deo debitus; quod etiam fatentur & docent cum Thoma Aquinate plerique Scholastici.

LVII. Quomodo vero imago latria adorari possit, neque tamen in eo committatur crimen idololatriæ, variis modis ostendere conantur S. holæ Romanæ Theologi. Et primo quidem dicit Bellarminus, imaginem quandoque vicem gerere exemplaris, & ea quæ fierent circa ipsum exemplar, si adesset præsens, fieri circa imaginem, mente tamen unice defixa in exemplari, non in imagine, & tunc dici posse imaginem coli eodem cultu quo exemplar, non propriè tamen, sed impropriè. Sic ex illius mente in die Parasceves, seu feria sexta ante Pascha, cum crucifixus paulatim detegitur, & adorandus proponitur, multa quæ pertinent ad latriæ cultum, circa imaginem crucifixi fiunt; sed omnia illa per imaginem ipsi Christo vero exhiberi intelliguntur: tunc autem propriè loquendo honor ille latriæ non deferretur imagini, sed soli exemplari; tamen impropriè dici potest ipsa etiam imago latria honorari.

LVIII. Præterea docet imaginem Christi adorari posse latria, non impropriè tantum, sed etiam propriè, verum per accidens, non per se: ut si quis Christum adoret, prout objective in sua imagine relucet, ut ipsum sic repræsentatum, & quasi vestitum imagine veneretur. Tunc enim necessario adorari imaginem eodem cultu quo Christum ipsum; quoniam imago concipitur eo tempore conjuncta cum exemplari quod adoratur: qui autem adorat aliquem, adorat etiam omnia quæ cum illo conjuncta sunt; sicut qui adorat Regem vestitum, adorat simul Regem & vestes. Sed adorationem illam esse per accidens, non per se: quia, in eo casu imago nec est ipsum suppositum quod adoratur, nec ratio adorationis, sed quiddam adjunctum. Existimat autem Bellarminus prohiberi quidem imaginem colere latria propriè & per se, non tamen illam latria colere impropriè vel per accidens. Quoniam tamen non debet simpliciter affirmari, id quod verum est solum impropriè, vel per accidens, idcirco non vult dicendum esse imaginibus deberi cultum latriæ, sed contrarium potius, præsertim si sermo ad populum habeatur. *De Ecclesia triumphante lib. 2. cap. 22. & 23.*

LIX. Vasquez autem difficultatem istam aliter expedit, juxta posita ab ipso principia. Quamvis enim pertendat unico adorationis actu, imaginem cum exemplari coli, nec aliter esse colendam: in actu tamen illo, ut jam explicuimus, duas partes distinguit, unam quæ est ipsa animi submissio, alteram quæ est ejus submissionis signum. Et priorem illam partem, quæ est animi submissio, non vult ullo modo respicere imaginem secundum se, atque ad eam terminari, sed referri ad solum exemplar: solum vero partem alteram, quæ est submissionis nota quædam exterior, imagini vult exhiberi, & per illam ad exemplar transire. Nempe cum aliquis coram imagine procumbit, aut genua flectit, id facit, ex ejus sententia, in signum servitutis atque reverentiæ, quam deferendam putat, non imagini, sed prototypo soli. Jam vero latriæ vocem significare vult, non notam exteriorem submissionis, & reverentiæ secundum se, sed affectum subjectionis, ipsam vero notam prout subest, & perficitur interno servitutis affectu erga Deum. Unde colligit rectè a Synodo Nicæna secunda negari imaginibus deferendam esse latriam: quia, scilicet, illis non est exhibenda illa animæ submissio, in qua latria propriè consistit.

LX. Cæterum jamen pertendit, absolute dici posse imagines adorari adoratione latriæ. Quanquam enim imaginibus non sit deferendus ille servitutis affectus, qui latria dicitur, per accidens tamen latria coluntur: idque quoniam imaginibus deferretur exterior adoratio, per signa derivata ab affectu servitutis latriæ circa exemplar; quod satis esse putat, ut dicatur imago per accidens cum prototypo, non per se adoratione latriæ adorari.

LXI. Denique

LXI. Denique, Franciscus Suarez, qui putat imaginem cum exemplari adorari posse uno & eodem adorationis actu, tam interno quam externo, idque non abusive tantum, sed verè & propriè, consequenter etiam docet imaginem Christi cum Christo ipso adorari posse verè & propriè adoratione latriæ, cujus actus qui sit unus atque indivisibilis, ad prototypum simul & imaginem terminetur. Neque tamen id pugnare putat cum Conciliis Ecclesiæ Romanæ, quæ prohibent latriam deferri imaginibus, nec aliis ullis creaturis. Quoniam quum imago Christi prædicto modo adoratur, actus latriæ per se primo tendit in Christum, in imaginem verò concomitanter tantum; licet autem creatura ipsius iudicio non possit per se primò latria adorari, latria tamen coadorari potest; *Sicut, inquit, purpura Regis coadoratur honore regio.* Addit, eundem illum adorationis actum, quo adoratur Christus & ipsius imago, esse respectu Christi latriam absolutam, respectu verò imaginis latriam respectivam; quia honor ille Christo deferretur propter excellentiam quæ in ipso est, imagini verò propter excellentiam Christi quem repræsentat. Nihili autem repugnare quin creatura latria adoretur, modo latria illa relativa sit & non absoluta, id est, modo cultus ille creaturæ deferatur propter Deum, & non propter ipsam.



THESES THEOLOGICÆ
DE
CULTU IMAGINUM:
PARS ALTERA.

*In qua Ecclesiæ Reformatæ Doctrina exponitur atque
confirmatur.*

T H E S I S I.

EX iis quæ Thesibus præcedentibus allata sunt liquido patet, Concilia Ecclesiæ Romanæ non docere quidem ullas imagines habendas esse pro diis, aut aliquam virtutem iis esse tribuendam, ob quam coli debeant cultu summo atque absoluto: eadem tamen Concilia constanter statuere imagines, non solum Christi, sed etiam Deiparæ Virginis, & reliquorum Sanctorum aliquo cultu dignas esse, non propter se, sed propter exemplar quod repræsentant.

II. Manifestum quoque secimus cultum quem Ecclesia Romana imaginibus deferret, juxta communem Scholæ ipsius usum, imò & Conciliorum quibus se subijcit definitiones, *adorationis* voce rectè exprimi; adeoque cultum illum ex Conciliorum eorundem doctrina, & Romanæ Ecclesiæ praxi, imaginibus ritè & piè exhiberi, coram iis promouendo, genua flectendo, & caput aperiendo, itemque eas osculando, & offerendo cereos & incensum.

III. Unde liquet, Doctores Ecclesiæ Romanæ immeritò queri de Protestantibus, quod Ecclesiæ Romanæ tribuant imaginum adorationem, quasi scilicet istud calumniosum esset. Quænam enim est calumnia, si Ecclesiæ Romanæ tribuamus id, quod non tantum ejus Schola faciendum esse docet, sed quod ipsa in suis Conciliis facere se protestatur, & sub anathemate rectè & piè fieri decernit?

IV. Nec est quod dicant adorationem quam deferunt imaginibus non esse summam & absolutam illam, quam soli Deo deberi agnoscunt; neque se habere imagines proprias, sed eas colere tantum adoratione quadam inferiori, quæ ad prototypa refertur. Etenim quum Protestantæ Ecclesiæ Romanam inculant ut adorantem imagines, nolunt Ecclesiæ Romanæ tribuere quod imagines pro diis habeat, adeoque quod imagines colat alia adoratione quam relativa, & quæ sit infra summam. Quin ab eo tantum absunt, ut ne quidem ipsis Ethnicis cordatioribus saltem, & non planè stupidis, simile quid citra injuriam tribui posse arbitrentur: cum eorum sapientes & philosophi sæpius declarent se lapideas aut ligneas imagines deos non existimare; nec se alia mente eas colere, quam ut in iis & per eas honorem deferant iis numinibus quorum ipsæ sunt signa & simulacra. Cum ergo Protestantæ non alio modo credant & dicant imagines ab Ecclesiæ Romana adorari, quam eo quæ ipsa probat & profitetur, planum est eos hac in parte nihil illi per calumniam imputare.

V. Cæterum quanquam tota Ecclesiæ & Scholæ Romana in eo consentiat, imaginibus Christi & Sanctorum cultum aliquem exhiberi & posse & debere, eumque cultum rectè & convenienter adorationis voce significari; pluribus tamen ostensum est in cultus illius natura explicanda, multum inter se discrepare Scholæ Romanæ Doctores, ac super eo in varias abire sententias. Quæ varietas ut melius capi possit, & breviter ob oculos poni, advertendum est eum Francisco Suarez; *Tribus modis intelligi posse fieri adorationem ad imaginem, seu in presentia imaginis*: Primo, dirigendo totam mentis intentionem ad exemplar in imagine representatum, tanquam ad objectum propriè, per se, & corde adoratum, & non ad imaginem. Secundo, dirigendo adorationem tam ad exemplar representatum, quam ad imaginem in qua representatur, ex utroque mente & animo conficiendo unum objectum adequatum, ad quod per se terminatur, & quod sit adequata materia circa quam versetur adoratio, ex intentione adorantis. Tertiò, dirigendo adorationem ad solam imaginem, tanquam ad materiam seu rem per se adoratam, ad exemplar verò solum ut ad rationem adorandi. Tomo primo in tertiâ Thomæ disput. 54. sect. 4.

VI. Jam verò nonnulli sunt inter veteres Scholasticos, qui putant imagines primo tantum modo adorandas esse, nempe licere quidem coram eis procumbere, & genua flectere, & cereos ac incensum offerre; sed tamen illum qui exercet istos actus adorationis totam mentis intentionem dirigere debere, non ad imaginem ipsam, sed ad solum exemplar imagine representatum, ut ad objectum quod per se & propriè adoratur. Unde colligunt, imagines non adorari nisi improprie atque abusive. Sed in Scholâ recentiori sententia ista tanquam temeraria & improbabilis omnino rejicitur; & statuitur tanquam certum quid & indubitatum, imagines propriè & verè adorandas esse.

VII. Alii ergo docent imagines non tantum primo modo jam dicto, sed etiam secundo licitè coli posse; nempe non solum exemplar coram imagine posse adorari, sed adoranti licere adorationem suam referre atque terminare ad exemplar & imaginem simul, unum scilicet objectum totale ex duobus hisce mente conficiendo. Sed rejiciunt tanquam illicitum tertium modum adorationis, in quo imago sola est res per se adorata, quamvis adoretur propter exemplar, quod est ratio adorationis illius.

VIII. Contrà verò nonnulli sunt qui rejiciunt secundum illum adorandi modum, in quo uno & eodem adorationis actu exemplar & imago simul, tanquam unum objectum totale adorantur; sed putant imagines posse & debere coli, non tantum primo, verum tertio quoque modo; ita ut adoratio dirigatur ad solam imaginem, tanquam rem per se adoratam; exemplar autem non nisi indirectè respiciat, nempe ut illud propter quod imago adoratur: quamquam enim imago in se & per se adorari debeat, non tamen illam adorari nisi propter exemplar; quemadmodum medium per se & in se amatur, quamquam non nisi propter finem ametur.

IX. Denique, maxima pars Theologorum Ecclesiæ Romanæ censet, imagines tribus hisce modis rectè & pie adorari posse; nimirum adorationem propriè & per se dirigendo, vel ad solum exemplar, vel ad solam imaginem, vel ad exemplar & imaginem simul, tanquam unum objectum totale.

X. Rursus, qui censent uno & eodem adorationis actu imaginem & exemplar simul posse & debere coli, in eo inter se dissentiunt, quod quidam id solum quod est in adoratione externum, ad imaginem referri & terminari existimant, internum verò cordis motum

motum referendum esse ad solum exemplar. At vero plures alii contendunt imaginem cum exemplari simul adorari posse, non tantum eodem actu adorationis externo, sed etiam eadem interiori mentis subiectione, ut latius expositum fuit Theobis superioribus. In quibus etiam ostensum, cultum qui deferretur imagini, juxta multorum sententiam, ejusdem esse generis & rationis cum eo qui deferretur exemplari; ita ut imagines Christi latria colendæ sint, Sanctorum verò dulia, beatæ autem Mariæ Virginis hyperdulia; juxta alios verò cultum qui propriè & per se imaginibus exhibetur, alterius esse generis & ordinis inferioris, quam cultum exemplaris ipsius; sed tamen analogicè ad eum referri & reduci.

XI. Sed quicquid sit de ista sententiarum in Schola Romana diversitate, omnes ejus Doctores in eo ut sæpius jam dictum conveniunt: 1. Cultum aliquem imaginibus Christi & Sanctorum esse defendendum. 2. Cultum illum adorationis vocabulo rectè significari posse. 3. Cultum illum legitime exhiberi coram imaginibus caput aperiendo, & genua flectendo, ipsisque luminaria & thura offerendo.

XII. Omnem verò ejusmodi cultum, quocunque tandem nomine vocetur, Protestantibus communi consensu rejiciunt ut superstitionis, & verbo Dei contrarium. Atque in eo consistit hujus controversiæ status, inter Ecclesiam Romanam & Protestantium Ecclesias omnes; *An scilicet pium sit, Deoque gratum & acceptum, coram imaginibus vel Christi vel Sanctorum procumbere, caput aperire, incensum adolere, cereos accendere, & ritus alios similes exercere religionis ergo.* Quod uno ore negant Protestantes, affirmant vero Doctores Ecclesiæ Romanæ tanquam aliquid ab Ecclesia sua sub Anathemate sancitum, & solenni ac univèrsali praxi illius confirmatum.

XIII. Porro, quod Protestantes movet ut sic sentiant expressum est Dei mandatum Decalogo contentum, & sæpius in sacra Scriptura repetitum; *Non facies tibi sculptile, neque omnem similitudinem eorum quæ sunt in cælo desuper, & quæ in terra deorsum, nec eorum quæ sunt in aquis sub terra; non adorabis ea neque coles.* Ubi cum Deus simpliciter vetet ne similitudinem ullam eorum quæ sunt in cælo, vel in terra, vel sub terra, adoremus & colamus; inde meritò colligunt, imagines Dei, vel Christi, vel Sanctorum in cælis regnantium, nulla adoratione vel cultu prosequendas esse, ut nec ullas omnino alias; quandoquidem imagines, tum Christi tum Sanctorum, sunt de numero similitudinum, quibus repræsentantur ea quæ sunt in cælo, quibus Dei lex omnem cultum abrogat.

XIV. Ad hoc varia respondent Doctores Scholæ Romanæ, sed quæ refellere difficile non est. Primò enim nonnulli sunt, qui concedunt quidem isto Dei præcepto, omnem profus imaginem adorationem & cultum prohiberi, qualicunque tandem ille sit, ac in eo mentem Dei esse ne ullæ effigies vel alicujus creaturæ, vel Dei ipsius colendæ proponantur, & modo adorationi accommodato erigantur atque constituantur. Sed pertendunt istud præceptum positivum esse & ceremoniale; adeoque fuisse Evangelio abrogatum, ut cætera quæ ad ritus legales pertinebant: neque amplius Ecclesiam eo teneri, & ad observationem ejus esse obstrictam. Hæc est sententia Gabrielis Vaquez, quam fusè proponit, & tueri conatur Tomo primo in Tertiâ Thomæ, Disputatione centesima quarta. Eteam quoque amplectitur Lorinus Jesuita, scribens in caput decimum septimum Actuum Apostolicorum. Qui in re sequuntur Ambrosium Catharinum, Martinum de Ayala, & Dominicum à Soto, superioris seculi Scriptores.

XV. Sed si prohibitio ista, *Non facies tibi sculptile, &c.* sit lex quædam positiva, ad tempus solum vetans, ne ulla Dei ipsius vel creaturæ cujusvis imago ad cultum proponantur, profectò lex illa præceptum singulare constituit, quod non debet confundi cum primo, *Non habebis Deos alienos coram me*; quod præceptum morale est, & juris merè naturalis. Ac planè aliud est, unicui Deum agnoscere, nec ullum alium pro Deo habere, & Deum illum in nulla imagine colere, nec figuram aliquam ad adorationem & cultum fabricare; præsertim ex Scholæ Romanæ hypothèsi, quæ putat eos qui Dei & Sanctorum imaginibus adorationem & cultum deferunt, nihil facere contra legem illam, *Non habebis Deos alienos coram me.* Ac proinde in Decalogo non decem sed undecim præcepta numerari debent; nec Decalogus, sed potius Hendralogus nominari debet: cum tamen istud divinæ legis breviarium Moses nomet decem verba, id est, decem præcepta. Si quidem, prout vult Ecclesia Romana, lex de non concupiscendo duo præcepta continet, unum quo prohibetur concupiscentia uxoris, alterum quo prohibetur concupi-

scientia domus alienæ. Unde sequitur in secunda tabula septem esse præcepta, quibus adjungenda erunt non amplius tria, sed quatuor præcepta primæ tabulæ, quandoquidem prohibitio de nullis imaginibus ad cultum faciendis, necessario singulare quoddam præceptum constituit.

XVI. Sed unde colligit illi, præceptum quo Deus prohibet ne imagines ullæ colendæ proponantur, positivum esse & ceremoniale? In quarto quidem præcepto aliquid esse ceremoniale, quatenus præcisè Sabbatum, id est, septimum diem cujusque septimanæ sanctificari jubet, colligimus ex Pauli Apostoli verbis disertis, Coloss. 2. 16. ubi monet fideles non esse damnandos in cibo vel in potu, aut in parte seu distinctione diei festi, aut Neomeniæ, aut Sabbatorum, quæ omnia erant umbræ futurorum, quarum corpus in Christo est: sed ubi Christus sive Apostoli tale quilibet significaverunt, de prohibitione qua vetuantur imagines ullæ ad cultum fieri? Et num in toto Novo Testamento vel unum verbum exstat, quo insinuetur Christianis licere Deum & Sanctos ejus in imaginibus colere, quod ante non licebat?

XVII. Et certè legem illam positivam non esse, quæ solos Judæos spectaret, sed moralem, quæ omnes homines in universum & semper obstringit; inde manifestum est, quod imaginum cultus, & earum fabricatio, ad numen representandum, in Dei verbo gentibus exprobratur, ut passim apud Prophetas videre est. Nec enim gentibus vitio verti solet, quod leges positivas Israelitico populo à Mose datas, transgressæ sint; sed solum quod legem moralem per naturam hominum cordibus impressam violarint.

XVIII. Nec in Veteri solum, sed in Novo quoque Testamento, crimini gentibus vertitur, quod Deum in imaginibus depingere ausæ sint, & sub hominum forma & diversorum animalium figuris representare. Nam Paulus in Epistola ad Romanos capite primo, gentium sapientes stultitiæ in eo arguit, quòd *Mutaverunt gloriam incorruptibilis Dei in similitudinem imaginis corruptibilis hominis, & volucrum, & quadrupedum, & serpentium.*

XIX. Nec est quod quis regerat, sapientium illorum ex gentibus stultitiam in eo fuisse, non quod simpliciter Deo imagines collocarent, sed quod fingentes Deum corporeum, & membris variis distinctum, similem illum putarent, quoad externam formam hominum, vel brutorum variorum imaginibus. Quicquid enim esse possit de rudī & Ethnica plebe, & de Epicureis Deo illi suo inerti, nec colendo, humanæ similis formam tribuentibus, certum est illos gentium sapientes, de quibus agit Apostolus, qui Deum sub variis brutorum vel hominum figuris & primebant, ut in iis Deum colerent, ac præsertim Ægyptios, ad quos speciatim respicere videtur, non existimasse hominum vel brutorum simulachra, quæ Deo consecrabant, quoad externam formam & corporis lineamenta, similia Deo fuisse, sed solum tenuiter, & symbolicè Deum adumbrasse, ac fuisse duntaxat numinis *ἡλικιὰς ὁμοιότητας*, & *συνεῖα ἀνθρώπων*, exiles similitudines, & obscura signa, ut loquuntur Plutarchus & Maximus Tyrius.

XX. Et quidem quod attinet animalium figuras, aut etiam ipsa animalia viva ab Ægyptiis culta, Plutarchus idem, tractatu de Iside & Osiride, prolixè docet varias numinis virtutes atque beneficia, iis fuisse mysticè & symbolicè adumbrata. Apud Augustinum verò de Civitate Dei Varro testatur; *Antiquos, qui deorum simulachra hominis specie fecerunt, hoc videre secutos, quod mortalium animus qui est in corpore humano, similis est immortalis animi: tanquam si vasa ponerentur causa notandorum deorum, & in Liberi adeo Oenophorum susteretur quod significaret vinum, per id quod continet id quod continetur; ita per simulachrum quod formam habet humanam significari animam rationalem, eo quod velut vase natura ista solet contineri, cujus natura volunt Deum esse vel Deos.* Lib. 7. cap. 5.

XXI. Quibus consona leguntur apud Maximum Tyrium, oratione qua disquirat, *Utrum statua sint ponendæ diis.* Ubi postquam præstituit Deum esse omnium quæ sunt patrem ac conditorem, Sole antiquiorem, antiquiorem cælo, tempore & ævo majorem, subjungit, *Cum vero ejus essentia nostros sensus excedat, petimus subsidium à verbis; ab hominibus & animalibus, ab auris eboris argenti quæ figuræ, &c. ut per hæc ad intelligentiam numinis pertingamus.*

XXII. Ex quibus patet gentium sapientes gravissimè peccasse, quum Deum expresserunt sub variis figuris, & in iis colendum illum proposuerunt, etiam si mysticam

mysticam & symbolicam tantum significationem figuris illis tribuerent; adeoque non lege positiva duntaxat, sed morali, quæ omnes homines perpetuò obligat, in Decalogo prohiberi, ne ullæ Dei similitudines, ut nec cuiusquam alterius rei ad cultum exponantur.

XXIII. Unde est quod præsei Ecclesiæ Doctores communi consensu affirmant, Decalogum nihil aliud continere, quam brevem summam legis Moralis atque Naturalis, ad cuius observationem omnes communiter tenentur, excepto solum præcepto de Sanctificatione Sabbati, seu diei septimæ; in quo observarunt aliquid esse ceremoniale, nempe præfixam & rigidam diei à creatione septimæ observationem, & scrupulosam in ea cessationem ab omni opere: quamvis quoad substantiam, & quatenus certam diem solemniter Deo sanctificari jubet, etiam morale sit.

XXIV. Id videre est apud Irenæum, lib. 4. cap. 34. *Decalogi, inquit, verbum omnibus similiter Dominus locutus est; ideo permanent apud nos, extensionem & augmentum, sed non dissolutionem accipientia per carnalem ejus adventum.* Tertullianus verò libro de Idololatria, cap. 4. loquitur de lege quæ vetat fieri ullam similitudinem eorum quæ sunt in cælo vel in terra, tanquam à Deo toti mundo lata; *Lex divina, inquit, proclamat, Ne feceritis idolum: Et conjungens, Neque similitudinem eorum quæ in cælo sunt, & quæ in terra, & quæ in mari. Toto mundo ejusmodi artibus interdictum.* Et capite sequenti, Si (inquit) eundem Deum observas, cum eo scilicet qui est legis auctor, habes legem ejus. *Ne feceris similitudinem.* Et similiter Cyprianus verba hæc secundum præcepti, *Non facies tibi cuiusquam similitudinem*, tanquam ad Christianos pertrahentia refert, lib. 3. ad Quirinum, cap. 59. Præsertim verò Augustinus disertis verbis affirmat, *Ad nos pertinere maximum Decalogum, qui duobus illis lapideis tabulis continetur, excepta Sabbati observatione carnali.* Contra duas epistolas Pelagianorum, lib. 3. cap. 4.

XXV. Ac propterea longè maxima pars Doctorum Scholæ Romanæ, commentum istud quorundam recentiorum repudiat, & fatetur ad legem moralem atque naturalem pertinere interdictum istud, *Non facies tibi sculptile, nec similitudinem omnium quæ in cælo sunt & super, & quæ in terra deorsum, & quæ versantur in aquis sub terra: non adorabis, & non coles.* Adeoque non minus hodie Christianos, quam olim Judæos, ad ejus observationem teneri. Sed ut hodiernum imaginum cultum cum interdicto tam expresse conciliat, dicunt eo solum vetari, ne quis imaginem ullam vel picturam pro Deo habeat, eamque ceu Deum adoret, exhibens illi cultum summum & absolutum, qui uni Deo servandus est. Minimè vero eo prohiberi, ne quis imagines vel Dei ipsius, vel sanctorum hominum & Angelorum colat adoratione quadam inferiori, sive relativa, qualem profitentur se deferre imaginibus, quas non propter se, sed tantum propter exemplaria colunt.

XXVI. Quam vanum sit autem istud effugium inde manifestum est, quòd sensus communis dicat, eum qui pingit vel fingit imaginem aliquam Dei qui in cælis est, aut aliarum quæ sunt in eis potestatum, eique imagini aliquem cultum & honorem religiosè deferat, id eo animo facere, ut per illam Deum honoret, & alia ad quorum similitudinem facta est; ac proinde honorem qui in isto casu imagini deferatur, ad alium referri, & sic non absolutum sed relativum esse. At hoc ipsum est præcisè quod Deus hoc præcepto vetat; non vero solum ne quis imaginem Dei faciat, eique cultum exhibeat, non propter Deum quem illa exprimi existimat, sed tantum propter ipsum quam habeat pro summo Deo, qui illa exprimitur: quod ita absurdum est & contradictorium, ut cadere non possit in eum, qui saltem adhuc aliquo modo ratione utitur. Quo modo enim ille ipse, qui Dei imaginem in tabula pingi curat, in animum suum inducere poterit, tabellam illam esse ipsum Deum, quem in ea voluit esse representatum, eique tabellæ deberi summum religionis cultum, non propter nomen cuius imago est, sed propter ipsam quam scit meris coloribus & lineis constare? Quæ insania tam rara est atque inusitata, ut non opus fuerit illam singulari interdicto in lege cohiberi.

XXVII. Præterea Deum in isto mandato non prohibere solum imaginem adorationem summam & absolutam, sed relativam quoque & subalternam, inde colligi potest, quòd in Scriptura multi graviter arguuntur, tanquam mandati divini transgressores, quod imagines fecerint, quibus verum Deum exprimi putabant, & in quarum cultu Deo vero religiosum honorem deferre intendebant.

XVIII. Crimen istud fuit Israelitarum, quum vitulum aureum in deserto fuderunt; mens enim ipsum erat in figura ista exprimere & colere Jehovah Deum Patrum suorum, qui eos de terra Ægypti eduxerat; forte quia viderant in Ægypto summum numen sub bovis symbolo coli & adorari. Id testantur ipsi vitulo constato exclamantes, *Ecce Deus tuus Israel, qui te eduxit de terra Ægypti*. Quamquam enim in Textu Hebræo sint verba pluralis numeri, sensum tamen habent singularem, cum de unico vitulo dicantur, & in Scriptura satis usitatum sit, etiam quum de vero Deo sermo est, vocem *Elohim*, quæ Deum significat, verbo pluralis numeri jungere: ut quum Abraham dicit, Gen. 20. ver. 13. *Postquam errare fecerunt me Elohim de domo patris mei*. Quod vulgata rectè vertit numero singulari, *Postquam eduxit me Deus*. Et similiter quum David Deum sic alloquitur, *Qua est autem; ut populus tuus Israel, gens in terra, propter quam iverunt Elohim, ut redimeret eam sibi in populum, id est, propter quam ixit Deus*, ut habet etiam illius fuisse figuram, & visibile signum; prout nihil usitatus est, quàm imaginem vocare nomine rei quam illa repræsentat. Nec enim puto quemquam, qui rem attentè consideraverit, sibi persuadere posse populum tam numerosum, uno quasi instanti, in eam insaniam incidere potuisse, ut crederet vitulum, quem recentè ex propriis monilibus fabricaverant, non tantum in signo & repræsentatione, sed revera & proprio sensu, esse illum ipsum Deum, qui priusquam de vitulo consilando cogitarent, tanta & tam miranda, ipsis inspectantibus, & in eorum liberationem, opera ediderat.

XXIX. Similiter quum Aaron, in honorem vituli à se fusi, festum indixit, præconis voce clamavit, *Cras sollemnitatis domini est*; ubi Textus Hebræus habet, *Cras sollemnitatis est Jehovæ*, quod nomen proprium est veri illius Dei, quem Patriarchæ coluerunt. Argumento manifesto Israelitis ad verum Patrum suorum Deum retulisse honorem illum, quem imagini à se constatæ exhibebant.

XXX. Eiusdem quoque criminis reus fuit Micha ille & mater ejus, de quibus narratur historia quædam in libro Judicum capite decimo septimo; nempe quum ille matri suæ furatus esset mille & centum argenteos, & illa super eo perplexa & anxiosa esset, ultro tandem factus est penes se esse istam pecuniam, & eam matri suæ restituit. Illa vero dixit se consecravisse & vovisse hoc argentum Domino, seu Jehovæ, ut habet Textus Hebræicus. Atque ex ea pecuniæ summa tulit ducentos argenteos, & dedit eos argentario, ut faceret ex eis sculpsile atque constatile, quod fuit in domo Michæ. Qui ædiculam quoque in ea Deo separavit, & consecravit unum filiorum suorum, qui factus est ei sacerdos. Cumque postea filium substituisset Levitam, qui in ista ædícula sacerdotio fungeretur, dixit se in posterum sperare quod Jehova beneficeret ipsi, habenti Levitici generis sacerdotem. Ex quibus patet sculpsile & constatile istud, ex eorum mente, fuisse vero Deo, nempe Jehovæ consecratum, & eos cultum istum retulisse ad Jehovah, à quo remunerationem illius expectabant. Unde clarè sequitur, adorationem ab illis imagini isti exhibitam non fuisse nisi relativam, quæ tamen ut scelus gravissimum in Scriptura reprehenditur.

XXXI. Eadem fuit ratio cultus vitulis exhibiti à rege Jeroboam, & successoribus ejus. Quod enim in istis vitulis, se Jehovah verum Deum colere professi sint, patet exemplo Jehu, qui cultores omnes Baalis deleturus, gloriabatur de suo erga Jehovah zelo, sic dicens amico suo Jonadam filio Recab, *Veni mecum, & vide zelum meum pro Domino*. Et tamen non recessit à peccatis Jeroboam filii Nebat, qui peccare fecit Israel, nec dereliquit vitulos aureos qui erant in Bethel & in Dan: Deum scilicet non aliter colens quam in istis imaginibus, quarum proinde cultum referebat ad verum Deum Jehovah; ut videre est lib. 2. Regum cap. 10.

XXXII. Ac præterea idem apertè colligitur, ex iis qui dicuntur de Joram filio Achab, ejusdem libri cap. 3. Sic enim de isto Joram loquitur historicus sacer, *Fecit malum coram Domino, sed non sicut pater suus & mater*. Tulit enim statuas Baal quas fecerat pater ejus. Verumtamen in peccatis Jeroboam filii Nebat, qui peccare fecit Israel, adhaesit, nec recessit ab eis. Ubi Spiritus Sancti iudicio, quanquam graviter peccaret rex Joram colens vitulos aureos; peccatum tamen ejus minus grave declaratur, quam peccatum eorum qui statuas Baalis, id est, Solis colebant. Unde

de hoc, nisi quia cultores Baal creaturam simpliciter creatori substituebant, Solem scilicet in suis statuis loco veri Dei colentes. Jeroboam verò & ejus successores in eo tantum peccabant, quòd verum Deum Israel se colere professi, illum colebant in imaginibus, contra voluntatem ejus, ab ipsis excogitatis. Si enim qui colebant vitulos, illos pro diis habebant, aut in iis colebant Apim Ægyptiorum bovem; profectò illorum impietas hac in parte major adhuc & absurdior erat, quam eorum qui adorabant Solem, quo nulla creaturarum visibillium videtur admiratione dignior, & propius Dei imaginem referre.

XXXIII. Et certè cum cultus ille vitulorum, ut ex Scriptura sacra manifestè colligitur, à rege Jeroboam fuerit actu quodam excogitatus, ut scilicet subditis suis non amplius esset necesse Hierosolymam proficisci, ad solemnem cultum Deo exhibendum, ne frequens istud cum urbe Jerusalem commercium, occasio ipsis esset in gratiam cum domino Davidica redeundi, proculdubio modo finem illum obtineret, incepta religione quam minimum immutavit, ne subditorum suorum animos à se alienaret. Religionem autem apud decem tribus ipsi adhærentes receptam non simpliciter inmutasset, sed funditus subvertisset, si Jehovæ Dei Israelis cultu penitus abrogato, pro summo Deo populo suo proposuisset, vel bovem Ægypticum, vel vituli figuram nuper à se fabricatam.

XXXIV. Neque est quod quis objiciat Jeroboam de vitulis à se confatis dixisse, *Eccè dii tui Israel, qui eduxerunt te de terra Ægypti*; quod de vitulo auro Israelitæ jam in deserto dixerant. Etenim ex iis quæ ante dicta sunt patet, primò verba quamvis sint pluralis numeri, sensum tamen ibi habere singularem, secundùm linguæ Hebraicæ genium, & frequentem Scripturæ usum. Deinde nomen Dei vitulis istis tribui, quia Dei symbola & imagines erant, non quòd crederentur in se esse numen illud ipsum, quod antequam formarentur, Israelitas ex Ægypto miraculosè eduxerat. Quammodum hodie, qui imaginem quandam habitu Imperiali & Papali effictam, dicunt esse Deum Patrem, non propterea credunt imaginem istam sine ulla figura, & ad literam esse Deum Patrem, sed solum ejus symbolum & representationem.

XXXV. Leve est etiam quod apponit Bellarminus, ut probabile reddat Israelitas in vitulo non intendisse verum Deum colere, nimirum quod dicantur obliti Dei servatoris sui, quum vitulum adoraverint; Psal. 106. *Fecerunt vitulum in Horeb, & adaverunt sculpitile; & obliti sunt Deum qui salvavit eos, qui fecit magna in Ægypto, mirabilia in terra Chanaan, terribilia in mari rubro.* Etenim in Scriptura illi Deum obliti dicuntur, non solum ex quorum mente fides & cogitatio de Deo prorsus deleta est, sed qui agunt quasi Dei non meminissent, mandatis ejus apertè obliuantes, quantumlibet in verum Deum credere se profiteantur. Sic Psal. 50. propheta fures, mœchos, & maledicos graviter reprehendit, accusans illos quòd Deum obliti sint: quamvis plurimi, qui vitis ejusmodi indulgent, aliquam de Deo fidem retineant, nec omnem memoriam de Deo exuerint.

XXXVI. Sed majori cum specie opponi potest, quòd Deus Jeroboam per prophetam exprobat, *Fecisti tibi deos alienos & constatiles, ut me ad iracundiam provocares; me autem projecisti post tergum tuum.* Lib. 1. Reg. cap. 14. ver. 9. Quomodo enim dicitur, vitulos constans, sibi fecisse deos alienos, si in vitulis illis Deum coluit. Imò secundo Paralipomenon capite undecimo dicitur, Jeroboam constituisse sacerdotes dæmoniis, & vitulis quos fecerat. Unde sequitur in vitulis istis, non verum Deum, sed Dæmones fuisse adoratos. Sed juxta Scripturam sacram, diis alienis & dæmoniis ipsis inservire censentur, qui cultum usurpant divinæ voluntati adversum, quantumvis in eo Deum se colere existiment. Quæcunque sit enim eorum intentio, Deus cultum istum planè repudiat, eoque solus gaudet diabolus, quo instigante legem Dei violant, & cultus in ea damnatos instituunt. Adeoque hic distinguendum est eorum judicium à Dei judicio: quod ad ipsos attinet, Deo se honorem exhibere judicant: Deus verò per eorum inobedientiam se contumelia affici judicat, & adversarium suum Satanam honorari, dum hac in parte ejus voluntati obsequuntur.

XXXVII. Sed sunt inter Doctores Ecclesiæ Romanæ qui agnoscunt Jeroboam & successores ejus, adeoque Micham, & priscos Israelitas in deserto, verum Deum in suis imaginibus coluisse. Sed perpendunt illos, non propter hoc simpliciter in Scriptura argui; verùm alia duplici de causa: Et primò quidem, quòd imaginabatur

bantur Deum esse corporeum, & ipsi idolo similem. Deinde quia isti idolo sacrificabant, cum juxta Scripturæ doctrinam uni Deo sacrificandum sit.

XXXVIII. Sed quod ad primum attinet, gratis fingitur, & dicitur Jeroboam & populum ejus putavisse Deum esse corporeum, & quoad externam formam bovi similem. Aliud consuit Josephus historicus, qui propius ab ipso aberat, & quis fuerit cultus apud decem tribus receptus, melius novisse poterat. Dum enim inducit Jeroboam loquentem, & populo suo suadentem, nihil esse necesse ut Hierosolyma Dei colendi causa ascenderent, hæc inter alia verba ipsi tribuit, *Sicut nullum locum Dei præsentia destituit, nec ipsum includi ullo loco, sed ubique præces & vota exaudire, & respicere ad eos qui ipsum colunt.* Antiquitatum Judaicarum lib.8. cap.3.

XXXIX. Et certe cum Israelitæ, quos Jeroboam sibi subicere, & à domo Davidis abducere tentabat, hæcenus in ea sententia fuissent Deum esse immensum, & ubique præsentem, quid spectasset homo vaser, dum conatus esset ipsis persuadere Deum esse bovem vel bovi similem, cum absque eo facilius posset intentum suum obtinere? Et quomodo potuisset ingenti multitudini, sententiam ab illius sensu tam longè abhorrentem, uno quasi momento probabilem reddere?

XL. Adde quod Jeroboam, dum vitulos conflat, ut essent divinitatis symbola quædam atque imagines, ininitatus est, ut plerique volunt, morem Ægyptiorum, apud quos diu commemoratus erat, quique bovem Apim magna cum superstitione colebant. Ægyptii verò bovem istum non habebant pro summo Deo, ut existimat Bellarminus; sed illum in honorem Serapidis, summi apud illos Dei, venerabantur tanquam quoddam illius symbolum. Id patet ex Augustino de Civitate Dei, lib.18. cap.5. ubi dicit Ægyptum mirabili vanitate deceptam, in honorem Serapidis bovem Apim aluisse deliciis affluentibus. Et confirmatur ex Plutarcho, qui harum rerum peritus, & Ægyptiis sacris incitatus, testatur animalia ab Ægyptiis culta, non habita fuisse pro diis, sed tantum pro deorum symbolis: quoniam Ægyptiorum sapientes sibi videbantur divinarum quarundam virtutum characteres in iis observare. Tractatu de Iside & Osiride jam supra citato, sub finem. Quibus addi potest testimonium Authoris Recognitionum, quæ tribuuntur Clementi Romano. Is enim libro quinto refert Ægyptios dicere de animalibus quæ ab ipsis coluntur, *Figuras esse, & allegorias virtutum quarundam, quibus adjutricibus regatur hominum genus.* Pag. 99.

XLI. Nonnulli verò censent, nec omnino improbabiler, Jeroboam in vitulis istis imitari voluisse Cherubim Arcæ impositos in Templo Hierosolymitano. Quod enim illi Cherubini fuerint facie vitulina probabile redditur, ex comparatione capitibus primi Prophetæ Ezechiel cum capite decimo. Siquidem capite primo, commate decimo, sic describuntur animalia quæ throno Dei supposita in visione illi apparuerunt; *Similando autem vultus eorum facies hominis, & facies leonis à dextris ipsorum quatuor; facies autem bovis à sinistris ipsorum quatuor, & facies aquilæ ipsorum quatuor.* Capite verò decimo, ubi, teste Propheta, eadem prorsus visio repetitur sic, commate decimo quarto, describuntur facies eorundem animalium; *Quatuor autem facies habebat unum: facies una facies Cherubini, & facies secunda facies hominis & facies tertia facies leonis, & facies quarta facies aquilæ.* Ubi quod in primo capite dicitur facies bovis, in hoc signanter dicitur facies Cherubini: Indicio non omnino levi, Cherubinos vulgo tum notos habuisse faciem bovis. Si ergo vitulos quos fecit Jeroboam, fuerunt imitamenta Cherubinoꝝ illorum qui Arcæ erant impositi; ut placuit Monacho Doctori Sorbonico, & Caffarello post eum, multo minus existimaverit Jeroboam, summum numen esse bovem, vel bovi quoad formam simile: cum ex hac hypothefi, vitulos istos habuerit tantum pro mysticis quibusdam divinæ præsentis symbolis.

XLII. Quod verò dicunt Doctores Ecclesiæ Romanæ, Jeroboam, etiamsi verum Deum in vitulis colere voluerit, nihilominus graviter peccasse, quod vitulis illis sacrificaverit, quoniam sacrificium soli Deo debetur, & inter externos Itrix actus præcipuus est. Hoc, inquam, non satis concordat cum ipsorum hypothefibus; docent enim, ut thesibus præcedentibus probatum est, nihil prohibere quo minus imagines personæ divinæ latraria colantur; id est, cultu summo qui Deo proprius est, modo id fiat non per se, sed per accidens; non absolute, sed tantum relative; non primariò, sed solum secundariò & concomitanter. Si se-

mel

mel autem conceditur, Israelitas in vitulis coluisse verum Deum, manifestum est totum illum cultum respectivum fuisse, non autem absolutum; & vitulos non propter se, sed propter Deum adoratos; nec primario, sed tantum concomitanter & secundario. Jam verò, si Dei imagines cæteris Latriæ actibus, tum internis tum externis, quæ ratione jam dictum est, Deo coadorari possunt, cur non quoque sacrificiis, & victimarum oblationibus, eodem modo colì potuerint? Nimirum aut improprie, aut per accidens, aut concomitanter, quomodo, & non aliter, ex data hypothesi, Israelitæ vitulos coluerunt.

XLIII. Vazquez quidem cum aliis Scholasticis rationem aliquam assertit, cur imagines sacrificiis coli, ne quidem per accidens, aut relative possint; nempe quia in sacrificiis protestatio quædam est divinæ omnipotentis & dominationis. Verum si hæc ratio bona est, ut revera est, inde quoque sequitur reliquos Latriæ actus, ne quidem relative sive concomitanter imaginibus exhiberi posse. Nec enim ullus Latriæ actus est, in quo non includatur agnitio & protestatio virtutis cuiusdam & excellentiæ divinæ, absque quo Latriæ actus dici non posset. In hoc enim juxta Scholæ Romanæ usum Latria differt à Dulia, quod Dulia sit honor qui debetur excellentiæ creatæ, Latria verò honor qui debetur excellentiæ increatæ. Quod si agnitio divinæ alicujus excellentiæ, quæ est in cæteris Latriæ actibus, non obstat quin imaginibus relative exhiberi possint, cur obstatit quæ est in sacrificiis omnipotentis & dominationis divinæ protestatio?

XLIV. Certè in sacrificiis & victimarum immolationibus, divinæ omnipotentis protestatio major non est quam in actibus spei, quibus salutem nostram à Deo expectamus. Et tamen, juxta Thomam Aquinatem Scholæ Romanæ principem, in cruce, quæ est imaginis species, ponimus spem salutis. Probat enim crucem illam, in qua Christus crucifixus est, & etiam ejus effigies, Latria colendas esse; quoniam illi exhibemus Latriæ cultum, in quo ponimus spem salutis. In cruce verò ex illius mente ponimus spem salutis; secundum illud quod cantat Ecclesia Romana, *O crux ave spes unica, Hoc passionis tempore, Auge piis justitiam, Reisque dona veniam.*

XLV. Sed quod juxta rei veritatem non solum non liceat imaginibus immolare, sed ne vel minima quidem religiosi cultus pars ipsis impendenda sit, evidenter colligi potest ex historia quæ habetur capite decimo octavo libri secundi Regum; ubi dicitur, Ezechias rex Juda confregisse Serpentem Aneum, quem fecerat Moyses; quoniam filii Israel adolebant ei incensum: eoque nomine pietas regis istius commendatur.

XLVI. Nam si unquam extitit imago, quæ venerationem aliquam mereretur, proculdubio fuit ille Serpens. Nam expresso Dei mandato Moses vir tantus illum fabricaverat; instrumentum fuerat insignis admodum liberationis Israelitis in deserto concessæ, & memoriam ejus in populo isto conservabat; ac denique eximius erat Christi olim venturi, & in crucem tollendi, typus. Et tamen Ezechias, Deo instigante, non solum prohibuit ne Judæi illum colerent; sed propter istud tantum, quod filii Israel adolebant ei incensum, indignabundus illum confregit atque comminuit. Quomodo ergo tum Dei voluntate congruit quod sanxit Synodus Nicæna secunda, scilicet ad imagines reverenter accedendum esse oblationibus substitutum atque luminarium? Et quantula pars est honoris, qui Christi & Sanctorum imaginibus deferretur, in Ecclesia Romana thuris censio atque oblatio?

XLVII. Denique, si præcepto quo prohibemur facere & colere similitudinem ullam eorum quæ sunt in cælo vel in terra, vetamur solummodo imagines pro diis habere, easque cultu absoluto tanquam Deos colere; inde sequetur hoc præcepto, non fuisse vetitum cultum simulachrorum à sapientibus gentium institutum. Ut enim jam indicavimus disputationis hujus initio, distinguebant imagines à numinibus ipsis, nec eas colebant cultu absoluto, sed qui ex colentium mente referebatur ad numina, quorum ipsæ simulachra erant.

XLVIII. Id sæpius protestatur Celsus apud Originem, præcipue lib. 7. ubi postquam dixit ridiculam esse sapientiam, si quis contemnat statuas, ideo quod lapis, aut lignum, aut æs, aut aurum, ab hoc vel illo expolita, non sit Deus, subjungit; *Quis enim alius; nisi sit totus fatuus, hæc Deos credit, non Diis dicatis statuas?* Et similiter, Arnobio teste lib. 6. adversus Gentes, illud dicere simplachrorum assertores solebant, *Non ignorasse antiquos nihil habere numinis*

signa, neque ullum omnino inesse his sensum; sed propter indomitum atque imperitum vulgum, salutariter ea concilioque formasse, ut velut quadam specie objecta his numinum abjicerent asperitatem metu, arbitratique presentibus sese sub diis agere, facta impia deponerent, & ad humana officia morum immutatione transirent.

XLIX. Proinde profitebantur se in suis simulachris invisibilem Deum adorare; *Nas* (inquiunt) *ad honorem invisibilis Dei imagines visibiles adoramus.* Apud authorem Recognitionum, quæ Clementi Romano tribuuntur, libro quinto: & similiter apud Lactantium, *Non ipsa* (inquiunt) *timemus, sed eos ad quorum imaginum fidei, & quorum nominibus consecrata sunt.* Institutionum lib. 2. cap. 2.

L. Quicquid ergo esse possit de rudi & stolta plebe, quæ forte inter Ethnicos simulachra quandoque, tanquam si essent ipsa nomina, suspexerit; saltem qui Ethnicam superstitionem instituerant atque tuebantur. Non censebant, ut idem Arnobius loquitur, auri argentique materias esse per se Deos, & religiosa numina, sed ex his deos colebant, & in iis numen ipsum venerabantur. Adeoque licet peccaverint contra Dei mandatum, *Non habebis deos alienos coram me;* quando vero Deo falsos alios adjunxerunt, dici tamen non possunt, in fabricatione & cultu imaginum transgressi esse interdictum illud de nulla similitudine colenda atque facienda, si tantum per illud vetamur imagines ut deos habere & colere; cum nihilominus, non obstantibus istis eorum coloribus & exultationibus quas referunt prisici Ecclesiæ Doctores interdictum istud graviter violasse ab iis censeantur.



THESES THEOLOGICÆ DE ANGELORUM & HOMINUM Sanctorum Cultu & Veneratione.

*In quibus exponitur Doctrina Ecclesiæ & Scholæ
Romanæ.*

T H E S I S I.

ANte omnia Doctores Ecclesiæ Romanæ, ac Bellarminus in primis, observant cultum in genere tres diversos actus complecti. Et primò actum intellectus, quo apprehendimus ejus quem colimus excellentiam. Secundò, actum voluntatis, quo nos illi interius inclinamus, & aliquid volumus facere actu interiore vel exteriori, quo protestemur ejus excellentiam, & nostram subjectionem. Tertiò, actum exteriorum, quo caput inclinamus, vel genu flectimus, vel aliquid aliud signum subjectionem ostendimus. * *De Sanctorum Beatitude lib. 1. cap. 12.*

II. Secundò, observant tot esse species cultus, sive honoris, quot sunt species excellentiæ: quoniam honor sive cultus debetur personæ propter excellentiam. Sed quod ad præsens institutum attinet, tres esse species excellentiæ: Prima est excellentia divina & infinita, cui respondet prima species cultus, quæ ab Ecclesiæ Romanæ Theologis Latria dicitur. Secunda est excellentia humana seu naturalis, quæ posita est in humanis virtutibus, dignitatibus, gradibus, &c. cui responderet secunda species cultus, quæ dici potest cultus civilis, & observantia quædam humana. Tertia est excellentia quædam media inter divinam & humanam, qualis est gratia & gloria Sanctorum, quæ dona sunt supernaturalia; & huic responderet tertia species cultus, quæ in Scholâ Romana Dulia appellatur.

III. Cæterum quoniam beata Virgo, ut Mater Filii Dei, ita præstat aliis Sanctis, ut juxta Doctorem illorum sententiam, dici possit Domina & Regina nostra, quod aliis Sanctis non convenit, nisi admodum imperfectè; ideo Scholastici hanc tertiam speciem,

speciem, quam vocant Duliam, dividunt in Duliam propriè dictam & Hyperduliam, hanc tribuentes Beatæ Virgini, illam verò cæteris Sanctis.

IV. Porro, quamquam Theologi Ecclesiæ Romanæ, cultum Beatæ Virginis & Sanctorum proprium communiter Duliam & Hyperduliam vocent, ut à cæteris cultus speciebus distinguant, iste tamen vocis Dulix & Hyperdulix usus nondum est auctoritate publica Conciliorum in Ecclesia Romana sancitus atque definitus. Ac propterea Martinus Perellus Episcopus Hispanus, in suo opere de Traditionibus, referente Bellarmino, testatur sibi non multum probare nomen Dulix sumptum pro cultu Sanctorum, cum Dalia propriè significet servitutem, & nos non simus servi Sanctorum, sed conservi.

V. Imò illi ipsi qui hunc vocum Latriæ & Dulix usum, prout in Schola Romana usurpantur, maximè probant, agnoscunt tamen voces illas apud profanos Scriptores, & in usu communi confundi; imò in sacra Scriptura apud Græcos Interpret. s. *λατρεία* quandoque dici de servitio humano; sepe vero tam in Novo quam in Veteri Testamento *λατρεία* pro cultu solius Dei summi. Veruntamen pertendunt Scholam Theologicam, non sine causa excogitavisse distinctionem illam Latriæ & Dulix. Nam cum in re inveniantur manifesta distinctio inter cultum Dei & Sanctorum, oportuisse etiam ad vitandam æquivocationem utrumque cultum distincto vocabulo designari. Nec sine ratione ad hoc delectas volunt Latriæ & Dulix voces; quia *λατρεία* in Novo Testamento ad solum Dei cultum signandum adhibetur, *δουλεία* verò sumitur pro omni servitute tam Dei quam hominum. Quicquid verò de eo sit, quemadmodum licuit antiquæ Ecclesiæ contra veteres hæreticos nova invenire vocabula, ut voces *ἁγιασμός*, Trinitatis, &c. Sic etiam licuisse Ecclesiæ posteriori contra hæreticos posteriores, vocabula quædam nova invenire, aut saltem vocabulis antea usitatis in alia significatione uti.

VI. Quòd autem non simus Sanctorum propriè servi, sed conservi, non obstat ex eorum sensu, quo minus Dulix vox apta sit ad significandam observantiam qua Sanctos colimus, quia in Scripturis Dulia non solum accipitur pro servitute mancipiorum, sed etiam pro honoraria subjectione; ut quum dicit Apostolus, Per charitatem *δουλείᾳ* servite invicem, Gal. 5. Jam vero, quamquam non simus Sanctorum mancipia, quodam tamen imperfecto sensu Sanctorum servi sumus, quatenus illi nos movent & juvant ad bene operandum exemplo suo, & intercessione apud Deum. Ac præterea, quoniam ratione majestatis & gloriæ quam possident, nos qui adhuc peregrinamur à Domino multo sumus eis inferiores.

VII. Præterea observant Scholæ Romanæ Doctores, has tres cultus species non esse univocas, id est, ejusdem rationis, nec sub eodem univoco genere contineri; sed esse tantum analogas propter quandam proportionis similitudinem, quæ est inter excellentiam divinam & cultum qui illi debetur, & excellentiam creatam ac cultum qui illi respondet. Cæterum quemadmodum excellentia non dicitur univocè & eadem ratione, de excellentia Dei & creaturarum: ita cultum debitum ob excellentiam docent non posse univocè dici de cultu Dei & creaturarum.

VIII. Si quis verò quærat, an cultus qui Sanctis impendendus est dici debeat religiosus, necne respondent religionem, propriè & strictè loquendo, significare virtutem specialem quæ habet pro objecto cultum Dei, & quæ distinguitur specie ab ea virtute qua colimus Sanctos: quæ observantia quædam est alius partè rationis; aliquando verò latius accipi Religionis nomen, videlicet pro omni illa virtute qua colimus Deum, vel amicos Dei, aliasque res sacras, & quæ distinguitur à cultu politico & mere humano. Ac priori sensu negant cultum Sanctorum esse religionis actum, concedunt verò posteriori sensu. Sive quod eodem recidit, dicunt Sanctos coli debere cultu religionis, non primariò sed secundariò.

IX. Similiter quum quæritur an Sancti sint adorandi, & an cultus Sanctis debitus adorationi dici debeat, an non. Respondent eodem modo, adorationem aliàs strictè sumi pro cultu Latriæ, qui soli Deo convenit; & hoc sensu Sanctos non esse adorandos. Aliàs verò largiùs accipi, & extendi ad cultum humanum, & qui debetur creaturis, & latiori hac significatione Sanctos adorari debere, & eorum cultum dici posse adorationem.

X. Obiter autem hic notandum apud Doctores Scholasticos adorationis, vocem alio adhuc respectu, modo strictiorem modò verò ampliorem, significatum habere. Etenim latiore sensu adoratio comprehendit totum cultum, qui sive Deo sive

sive Sanctis exhibendus est, sed quandoque strictius sumitur pro specialibus quibusdam actibus cultus sive Deo sive Sanctis debit. Unde est quod Scholastici quandoque inter actus adorationis numerant sacrificium, collationem, & susceptionem Sacramentorum, petitionem gratiæ & veniæ, percussionem pectoris, templorum constructionem, institutionem festorum, vota denique & juramenta. Quandoque volunt adorationem esse specialem religionis actum à sacrificio, ab oratione, voto, juramento, &c. distinctum. Ut videre est apud Thomam Aquinatem in secunda secundæ quæstione 84. ubi adorationi primum locum inter actus exteriores Latræ assignat, & adorationis nomine intelligit eam per quam aliquis corpus suum ad Deum venerandum exhibet. Adeoque adoratio stricto illo sensu sumpta consistit in externis submissionis signis, ex interno affectu ei quem colere volumus exhibitis. Qualia signa sunt prostratio corporis, genuflexio, aut aliquid simile.

XI. Porro Latræ, id est, cultum Deo proprium à Dulia, id est, cultu creaturis debito docent facile & optime distinguendo actus interiores. Nam Latræ interior est quædam summa voluntatis prostratio & inclinatio, cum apprehensione Dei ut primi principii & ultimi finis, atque adeo summi boni, qualis adoratio soli Deo convenit. Dulia vero interior ipsis est longè minor inclinatio voluntatis, cum apprehensione alicujus excellentiæ plusquam humanæ quidem, sed multum infra divinam.

XII. Sed quantum ad actus exteriores dicunt non esse facile distinguere Duliam à Latræ; quoniam omnes ferè actus exteriores, quibus uterque cultus exhibetur communes sunt tam Dulæ quam Latræ. Excipiunt tamén sacrificium, & quæ ad illud referuntur, templa, altaria, sacerdotes, quæ ad solum Latræ cultum pertinere existimant. Nec enim licere cuiquam sacrificium offerre quam Deo, & templa, altaria, sacerdotes, dicare.

XIII. Quamquam autem Doctores Ecclesiæ Romanæ sacrificium Sanctis offerri nolint, licitum tamen esse putant in honorem Sanctorum sacrificium offerre, non ipsis Sanctis, sed Deo. Adeoque frequens est in Ecclesiâ Romana Missas celebrare in honorem Sanctorum: Quamvis ex illius Ecclesiæ doctrina Missa sit propriè dictum sacrificium, in quo verum Christi corpus quotidie immolatur & offertur Deo Patri. Unde est quoddam Missas vocant de nomine Sanctorum, ut quum dicitur Missa Sancti Rochi, Missa Sancti Antonii, &c. Sic autem vocant Missas, ubi singularis commemoratio fit alicujus Sancti, & per ejus meritum & intercessionem imploatur Dei auxilium, Deoque solennes aguntur gratiæ pro gloria illi vel illi Sancto collata.

XIV. Præterea licet in Ecclesiâ Romana sacrificia Sanctis non offerantur, illis tamen variæ sunt oblationes, & solenne est eis donaria consecrare, in memoriam beneficiorum quæ putantur ab illis accepta, sive per eos impetrata; qualia plurima visuntur in templis & sacellis de illorum nomine vocatis.

XV. Etenim quamvis Doctores Ecclesiæ Romanæ negent templa Sanctis esse construenda, in ea tamen consuetudo est, ut templa, sive Ecclesiæ ut vocant, hujus aut illius Sancti nomine appellentur & dicantur; verbi causa, Ecclesiâ Beatæ Virginis, Sancti Petri, Pauli, Francisci, &c. Quæ de re mentem suam non omnes ejus Ecclesiæ Doctores eodem modo exponunt: Et primò quidem nonnulli sunt, ut refert, Bellarminus*, qui existimant ædes sacras non posse propriè erigi nisi Deo; quemadmodum sacrificia non offerantur nisi Deo: quia tamen plurima sunt templa quæ Deo consecrantur, ut possint inter se aliquo modo distingui, hoc ab uno, illud ab alio Sancto denominari; non quòd eis erigantur, sed quòd in illis templis præcipuè colantur eorum memoriam, & ipsi in illis locis Patroni invocentur. Proinde quum aliquod templum aut ædes sacra dicitur, exempli causa Sancti Petri; sensus est juxta ipsos, templum esse dicatum Deo in memoriam & nomen Sancti Petri; vel dicatum esse Deo, ut ibioretur Deus per intercessionem Sancti Petri. Quemadmodum Missa quædam dicitur Sancti Petri, non quòd ipsum sacrificium offeratur Petro, sed quòd offeratur Deo in gratiarum actionem pro gloria Sancto Petro data, & simul interpelletur Petrus tanquam Patronus & Advocatus apud Deum. * *De Cultu Sanctorum lib. 3. cap. 4.*

XVI. At Bellarminus ipse est in alia sententia; nam capite jam allegato hæc est illius quarta propositio, *Sacra domus non solum Deo, sed etiam Sanctis relictè adificatur* &

& dedicantur. Ac ut mentem suam exponat & illustret, observat ædem sacram sub duplici ratione considerari posse; primò ut Templum est, secundo ut est Basilica. Edes sacra habet rationem templi, quatenus ad offerenda sacrificia erigitur: Basilica verò dicitur quatenus erigitur ad ornatum sepulchri alicujus Sancti, & commoditatem visitantium ejusdem reliquias. Jam verò fateatur idololatriam fore, si quis domos sacras Sanctis erigeret sub ratione templi, sed negat esse idololatriam si quis erigat illis Basilicas. Sicut etiam, inquit, non est idololatria donare Sanctis thecas aureas vel argenteas, quibus includantur reliquiae eorum: nihil enim aliud sunt Basilicae, quam magna quaedam theca, quibus minores thecae & ipsa sepulchra clauduntur. Unde colligit, Aliter dici Missam Sancti Petri, aliter Basilicam Sancti Petri, quoniam Missa non offertur ullo modo Sancto Petro, nec primario nec secundario: At Basilica verè edificatur Sancto Petro, si non primario saltem secundario. Adeoque pertinet sacras domos ipsis Sanctis verè & propriè aificari, non tamen sub ratione templi sed Basilicæ, vel memoriæ.

XVII. Cæterum Pontificale Romanum de ædium sacrarum dedicatione sive consecratione agens, nec Templi nec Basilicæ nomine eas designat, sed simpliciter Ecclesias vocat, ac sub ea appellatione dicit eas in honore & nomine Sanctorum dedicari. Nam pag. 173. editionis Parisiensis anni 1615, jubet ut in Litanis quæ in ejusmodi solenni dedicatione recitari solent, *Suo loco his nominetur Sanctus ille, in cujus honore & nomine Ecclesia dedicatur.* Et postea Pontifex sæpius Deum rogat, ut Ecclesiam quam consecrat, velit in memoriam hujus vel illius Sancti purificare & benedicere.

XVIII. Verum in usu communi, & in libris popularibus, qui plebis Romanæ manibus teruntur, absque scrupulo dicuntur Tempia Sanctis, ne præsertim Beatæ Mariæ Virgini dicari atque consecrari. Sic in vulgari libello cui titulus est, *Methodus colenda & honoranda Virgini Mariæ*, cujusque author est Alexis de Salo Capucinus, caput octavum hisce verbis incipit, *Ecclesia qua semper Spiritu Sancto ducitur, ab omni tempore templum & altaria crexit & consecravimus Matri Dei.* Et postea ejusdem libri folio 262. dicit, *Christianos illi templa construere, altaria erigere, & vota consecrare.* Et similiter in Manuali Sodalitatis impresso Leodii anno 1624. leguntur hæc verba pagina 110. *Ipsam colimus atque veneramus templis, oratoriis, & altaribus, erectis quidem primò Deo, sed in honorem & memoriam carissime ipsius matris.*

XIX. Porro, quod supra dixit Bellarminus ædes sacras erigi Sanctis, ut ornentur eorum sepulchra, & ad commoditatem illorum qui visitant Sanctorum reliquias; adeoque Basilicas, quæ de Sanctorum nomine vocantur, esse thecas quasdam majores, quibus minores thecæ, & ipsa Sanctorum sepulchra clauduntur; sic accipiendum non est, quasi juxta Bellarmini mentem, non liceret ædem sacram edificare Sancto, nisi ubi sunt ejus reliquiae: aut quasi ædes sacra non alia ratione Sancto dicata diceretur, quam quia servandis ejus reliquiis destinata est. Nam Bellarminus ipse eodem in loco mentem suam explicans, docet Basilicas erigi posse Sanctis in hunc finem, ut qui illuc conveniunt, ipso Basilicæ nomine admoniti, ibi tanquam patronum colant & deprecantur, sanctum cuius nomen præfert, & in cujus honorem & memoriam consecrata dicitur.

XX. Ac præterea pertendit, ædes sacras Sanctis erigi posse, non tantum ubi sunt propriè sic dictæ eorum reliquiae, verbi causa ossa & vestes; sed etiam in locis ubi habitaverunt, aut aliquid præclari gesserunt. Quo nomine dicit multas Ecclesias extructas fuisse Beatæ Mariæ, & Angelis etiam ipsis, quorum nullæ possunt haberi reliquiae, scilicet in locis ubi apparuerunt, & miracula aliqua ostenderunt. Imò addit, quod etiam passim fieri videmus, posse erigi Basilicas Sanctis ad memoriam eorum conservandam, vel per imaginem, vel per ipsum solum nomen. Nam sic Ecclesiae multæ Beatæ Virginis nomine vocantur, & illi dicatæ sunt, in quibus tamen nullæ videntur ejus reliquiae, nec etiam ullum antè miraculum eo in loco fecisse perhibetur.

XXI. Quod spectat ad altaria, quæ de Sanctorum quoque nomine appellantur, & dicuntur illis esse consecrata, notat similiter Bellarminus unum eundemque lapidem dici altare, quatenus in eo sacrificatur Deo; & eundem dici tumulum vel sepulchrum, quatenus tetigit ossa Martyris alicujus. Omnia enim altaria esse sepulchra Sanctorum. Jam verò quæ dicuntur altaria dicari Sanctis, non sub ratione

altaris, sed sub ratione sepulchri. Nam esse idololatriam erigere Sanctis altaria; sed tamen non esse idololatriam erigere illis lapideos tumulos.

XXII. Sed cum ista Bellarmini doctrina & observatio non satis quadrat praxis Ecclesiæ Romanæ. Nam quam innumera altaria Beatæ Virginis in ea dicata sunt, & de ejus nomine vocantur, & quæ tamen non sunt ejus tumulus vel sepulchrum, imò in quibus nullæ servari dicuntur illius reliquæ?

XXIII. Sed quod maxime notandum est, alia planè ratione quam qua statuit Bellarminus, altaria Sanctis dicari manifestè indicat Pontificale Romanum, in quo describuntur ritus benedictionum & consecrationum ab Episcopis fieri solitarum, qui liber est publica Pontificum Romanorum autoritate sancitus. Etenim in eo libro separatim habetur consecratio altaris, ut sepulchrum quoddam est, & ejusdem ut altare est. Et quidem ut sepulchrum consecratur his verbis, *Consecratur & sanctificetur hoc sepulchrum in nomine Patris, Filii, & Spiritus Sancti*. Cum verò lapis idem ut altare consecratur, utitur his verbis Pontifex, *Sanctificetur hoc altare in honorem Dei omnipotentis, & gloriosæ Virginis Mariæ, atque omnium Sanctorum, & ad nomen & memoriam Sancti N. in nomine Patris, Filii, & Spiritus Sancti*. Edit. Parisiensis An. 1615. pag. 229.

XXIV. Ubi observandum est altare quodlibet sanctificari quidem in nomen & memoriam singularis alicujus Sancti, à quo suam accipit denominationem, & cujus respectu poterit habere rationem tumuli, ut loquitur Bellarminus. Verùm omnia & singula altaria sanctificari præterea, non tantum in honorem Dei omnipotentis, sed & in honorem Virginis Mariæ, ac omnium Sanctorum, ad quos nihil pertinet ratio illa tumuli, sub qua solum licitum est, ex nuper allata Bellarmini doctrina, altaria Sanctis dedicare.

XXV. Quamvis autem non liceat, secundum Doctores Ecclesiæ Romanæ, instituere Sanctis sacerdotes, attamen quod proximè accedit, usitatum est in illa Ecclesia in honorem Sanctorum, ac præsertim Mariæ Virginis, instituere confraternitates atque sodalitates, quæ se eorum cultui ac venerationi peculiariter dicant, ac pro instituto suo singulari quadam ratione illos adorant & invocant.

XXVI. Ad festa quod attinet, Ecclesiæ Romanæ Doctores solent quidem illa numerare inter ea quæ ad cultum Deo proprium pertinent: & tamen in Ecclesia Romana solenne est dies festos instituere in honorem Sanctorum. Ut autem ista concilient, dicunt eorum multi festa quæ dicuntur Sanctorum, non Sanctis propriè, sed Deo diciari; verum in memoriam & honorem Sanctorum. Quemadmodum Templi soli Deo sacrantur, sed in Sanctorum quoque honorem atque memoriam. Et similiter Missæ sacrificium non offertur alii quam Deo, & tamen hoc non obstat quominus in honorem Sanctorum Missa celebretur, ut antea fuit expositum.

XXVII. Sed pertendunt alii, ac præcipuè Bellarminus, honorem dierum festorum immediate & terminativè pertinere etiam ad Sanctos, quanquam ad Deum primario, ad Sanctos tantum secundario spectet. Cujusmodi cultum dicunt esse dulciæ, non latræ, & proinde religionis quidem cultum; sed religionis, non ut est nomen specialis virtutis, quæ hominem erga Deum cultum bene disponit, sed ut est nomen generale. Sicut videre est apud Bellarminum, De Cultu Sanctorum lib. 3. cap. 16.

XXVIII. Ad cultum quoque Sanctorum pertinere volunt Doctores Ecclesiæ Romanæ vota, quæ illis nuncupantur. In ea enim Ecclesia valde usitatum est nuncupare vota Sanctis, ac præsertim Beatæ Virginis, quod licitè fieri Doctores illius pertendunt. Verum cum Theologi votum ponant inter actus religionis soli Deo debitos, inde nascitur difficultas, quomodo ergo Sanctis vota fieri possint absque idololatria? Ad hoc juxta doctrinam Thomæ respondendum est, Vota propriè Sanctis non fieri: nam vota quæ Sanctis fieri dicuntur includere duas promissiones; unam quæ fit Sanctis, & illam non esse formaliter votum, sed materiam voti; alteram quæ fit Deo, & illam esse formaliter votum. Ut quum quis dicit (exempli gratia) Voveo Beatæ Mariæ me peregrinaturum ad talem ejus domum, promittit Virgini hanc peregrinationem, sed hæc promissio non est votum: & simul implicite & tacite promittit Deo, se impleturum promissionem Virgini factam, & hæc secunda promissio est verè votum.

XXIX. Verùm hæc solutio Bellarmino non satisfacit; quoniam ista Thomæ observatio rectè quidem applicari potest ad vota quæ includunt promissionem homini mor-

mortali factam. Nam qui vovet verbi causa obedientiam Prælato, revera votum non Prælato, sed Deo soli facit, licet ipsi Prælato obedientiam promittat. Nec enim illo voto Prælatum, sed Deum colere & honorare intendit. At qui vovet jejunium vel peregrinationem Sanctis, intendit ipsos Sanctos religiose honorare. Adde quod sunt Sanctis quædam promissiones, quas apparet non solum esse materiam voti, sed votum quoddam formaliter. Unde quum quis se addicturus ordini religioso, votum hac forma concipit, *Voveo Deo, & beatæ Mariæ, & omnibus Sanctis, me Prælato tali vel tali obedire*. Ibi enim sola promissio Prælato facta est materia voti, altera vero quæ ad Deum & Sanctos simul dirigitur, est formaliter ipsum votum.

XXX. Itaque aliud respondet cum Cajetano Bellarminus, nempe vota fieri Sanctis, non ut sunt creaturæ quædam rationis participes, sed quatenus sunt Dii per participationem, & ut in iis Deus habitat per gloriam, ita ut vota quæ fieri dicuntur Sanctis, fiant Deo in Sanctis: quomodo maledicta in Sanctos dicuntur Blasphemis, quia Deus in Sanctis maledicatur.

XXXI. Nihilominus pertendit vota illa quæ fiunt Deo in Sanctis non terminari ad solum Deum, seu etiam ad ipsos Sanctos, ita ut revera ipsis fiant, quomodo elemosyna quæ datur Christo in paupere, verè datur ipsi pauperi. Ac ut ostendat in eo nullam esse idololatriam, dicit non eadem ratione votum fieri Sanctis & Deo; nam Sanctis quidem aliquid verè & propriè promitti, quemadmodum propriè & verè Deo promittitur: verum non eodem fine, neque eadem mente aliquid Deo & Sanctis promitti. Nempe quia quum aliquis Deo quippiam vovet & promittit, id facit in signum gratitudinis erga primum principium omnium bonorum, & in recognitionem beneficii ab ipso, tanquam à primo Authore accepti, & proinde illa promissio est cultus Latriæ; at Sanctis promittitur aliquid in signum gratitudinis solum erga mediatores & intercessores, per quos à Deo beneficia accepimus; & proinde illa promissio non est cultus Latriæ sed Dulis.

XXXII. Ultramque tamen illam promissionem, tam quæ fit Sanctis, quam quæ fit ipsi Deo, rectè votum dici existimat: nam quidem ex usu Scripturæ, in qua fatetur votum de sola promissione Deo facta dici; verum ex usu Ecclesiæ. Juxta quem votum est nomen quoddam generale, quod analogicè dicitur de promissione facta Deo & Sanctis. Inter quæ vota alii hoc discrimen constituunt, quod votum Deo factum sit absolutum, illud verò quod fit Sanctis relativum: nimirum quia licet ad Sanctos, ut jam dictum, quodammodo terminetur, ultimo tamen ad Dei gloriam & honorem refertur.

XXXIII. Cæterum doctrina illa Bellarmini jam exposita, de votis quæ Sanctis nuncupantur, atque ad ipsos terminantur, in Ecclesia Romana communis & popularis est, utpote tradita libris, qui sunt in communi usu plebis Romanæ; sic enim habet libet qui dicitur *Manuale Sodalitatis Beate Mariæ*; Ad hæc votis illi nuncupatis honorem tribuimus, non tantum quatenus Deo vovemur, ex parentis ejus Mariæ amore ac reverentia, illam quasi talem obligationis, qua nos Deo obstringimus appellantes, ac illius gloriosa ac potenti intercessione stantes, & sperantes factam promissionem exequi votumque dependere, sed etiam ipsum votum & promissionem in eam terminantes. cap. 2. part. 3. num. 7.

XXXIV. Porro, Theologi Ecclesiæ Romanæ juramentum etiam numerant inter actus Latriæ sive Religionis, id est, cultus qui soli Deo debetur. Et tamen in Ecclesia Romana consuetudo obinet, ut juretur quoque per Sanctos, & per eorum reliquias. Quod et excusant dicunt cum Thoma Aquinate, non esse jurandum nisi per Deum primum & principaliter; sed tamen licitum esse per creaturas jurare, saltem secundario, nempe quatenus in ipsis divina veritas elucet. Et ita per Sanctos jurari, non secundum se, sed in quantum veritatem divinam crediderunt & observaverunt. Ut apud eundem Thomam videre est 2.2. quest. 89. art. 6.

XXXV. Sed inter cultus Sanctis debiti partes in Ecclesia Romana non parum commendatur singulariter sic dicta adoratio, quæ consistit in externis submissionis & reverentis signis, ex interno & vero animi affectu profectis, qualia sunt totius corporis prostratio vel inclinatio, genuflectio, capitis apertio, & si quæ sunt istius modi. Hæc est adoratio qua Gabriel Vasquez contendit, & pluribus probare conatur, Sanctos esse adorandos. In tertiam partem Thomæ, tomo primo disputatione 97. ubi sic incipit secundum ejus caput, *Opposita sententia Catholica est, respectu Ecclesiæ* usq.

usu, & traditione confirmata, nempe Sanctis deberi sacram adorationem.

XXXVI. Præcipue verò libri illi vulgares, quos Ecclesiæ Romanæ Doctores & Rectores in manus plebis tradunt, beatæ Virginis adorationem internam & externam vehementer commendant; & à suis devotis exigunt, ut crebris corporis inclinationibus & genuflectionibus suam erga sanctam Virginem reverentiam testentur, tam domi privatim, quam in Ecclesiis publicè. Id speciatim videre est in Methodo colendæ & honorandæ Virginis, quam Italicè edidit Alexis de Salo Capucinus, & quæ postea fuit in Gallicam Linguam versa, & sæpius impressa cum pluribus Doctorum approbationibus. Etenim author ille in Præfatione testatur scopum suum esse docere multos devotos & egregios modos reverendi & adorandi cum profundissimis (ut loquitur) *reverentiis*, id est, corporis inclinationibus, seu genuflectionibus, regnam cælorum heram atque dominam nostram. Et postea pollicetur primò se ostensurum adorationum talium præstantiam. Secundo, quam sint sanctæ Virgini gratæ. Tertiò, se aditurum de ratione qua istæ adorationes, seu genuflectiones sint ad praxim redigendæ, & devotè fieri possint tam internè quam externè.

XXXVII. Cæterum quamvis Doctores Ecclesiæ Romanæ adorationem qua Sancti coluntur, non ad Latriam, verum ad Duliam pertinere doceant, quam verò beatæ Virgini deferunt, ad Hyperduliam nihilominus nonnulli eorum in quæstionem vocant, an non etiam Latria Virgo Maria possit adorari? Et ad quæstionem illam affirmativè respondent. Id præsertim videre est apud Franciscum Mendozam Jesuitam: Proposita enim ista quæstione, *Utrum Beata Virgo adoratione Latria adorari queat?* Ad eam solvendam notat tria dignitatis genera in Virgine observari posse. Prima dignitas consistit in illius sanctitate, ob quam adoratione Dulix colendam esse dicit. Secunda, in eo quòd est Mater Dei, propter quam Hyperdulix cultu adorandam esse statuit. Tertia, in eo quòd tetigit Christum Dominum nostrum, ratione cujus existimat Virginem adoratione Latriæ coli posse. Sicut ex sententia Thomæ, crux & clavis, aliaque quæ Christi corpus tetigerunt, Latriæ cultu colenda sunt. Postquam enim sibi multa in contrarium opposuit, quæstionem sic tandem concludit, *Nihilominus dicendum esse posse, Beatam Virginem ratione solius contactus adorari adoratione Latria.* Neque Divus Thomas absolutè hoc negat, sed quando est scandalum aut periculum idololatriæ, ut ejus interpres Cajetanus exponit. *Quare si quis idoneus sit ad discernendas rationes adorationis, & cavendum omne scandalum, poterat Beatam Virginem ratione contactus adorare adoratione Latriæ: quamvis enim hæc adoratio Latria non sit primaria & absoluta, est tamen secundaria & respectiva, ab uno eodemque habitu religionis proficiscens.* In Virid. lib. 2. de floribus sacris problem. 4. ut refertur apud Carolum Drelincurtium de honore Beatæ Virgini debito tom. 1. pag. 355.

XXXVIII. Cui doctrinæ consentanea sunt quæ leguntur apud Franciscum Suarez celeberrimum quoque Jesuitam; inquirens enim ob quam potissimum rationem Beata Virgo sit adoranda, docet triplicem posse rationem adorationis in Virgine intelligi. Et primam rationem, propter quam Virgo potest adorari, dicit esse extrinsecam, qualis in cruce, vel clavi Christi reperitur. *Sicut enim, inquit, crux & Christum tetigit, & instrumentum fuit nostræ redemptionis; ita multo perfectius Beatissima Virgo & Christum tetigit, & ad nostram redemptionem est cooperata.* Hoc igitur modo adorabilis est Beata Virgo ratione extrinseca, id est, quatenus Christum tetigit, ita ut tota ratio hujus adorationis sit Christus. Loquitur autem de adoratione Latriæ, respectivè saltem & secundariè, quam hujusmodi ratio juxta ipsum tetigit. Et propterea statim subjungit, *Et tamen observandum, quanquam hæc ratio speculative considerata sufficiens sit, ut propter eam Virgo sit adorabilis: practicè tamen, seu in usu non esse hoc modo adorandam, præsertim communi ac publicæ Ecclesiæ adoratione, non quia hoc sit intrinsecè malum, nam revera non est. Nam si quis idoneus sit ad discernendas rationes adorationis, & cavendum omne periculum, & ad scandalum vitandum, nulla est in hujusmodi adoratione deordinatio aut malitia.* Sed tamen communem hujus adorationis usum vitandum esse dicit, tum propter periculum ne quis Virgini divinam excellentiam tribuat; tum quod major est honor personæ adoratæ, quod propter intrinsecam & propriam excellentiam, absolutè colatur adoratione quadam inferiori, quam si adoretur Latria respectiva propter personæ divinæ contactum.

Pro:

Proinde vult ut Virgo communiter adoretur propter alias rationes, nempe tum propter intrinsecam sanctitatem quam habet, tum propter dignitatem Matris Dei; quibus respondet cultus Latriæ inferior, & à Latria distinctus. In tertiam partem Thomæ quæst. 37. art. 4. disput. 2.2. sect. 2.

XXXIX. Nec est quod quis miretur, viros ita celebres in Schola Romana, ut sunt Valquez, Suarez, & Mendoza, aliique non pauci, palam asserere, tanquam veritatem Catholicam, quòd Sancti sint adorandi; cum tamen id à plurimis in Ecclesia Romana negetur, multique contra fateantur Deum solum esse adorandum, nec se alium quam Deum adorare. Etenim nulla est inter eos propterea contradictio: nam qui negant Sanctos esse adorandos, hoc intelligunt de adoratione planè summa & absoluta, qualis soli Deo competit. Qui verò dicunt adorandos esse, istud intelligi volunt de adoratione quadam infra supremam, quam priores isti Sanctis non denegant.

XL. Sed præcipua pars cultus qui sanctis Hominibus & Angelis impenditur in Ecclesia Romana consistit in eorum invocatione, & precibus quæ ad illos diriguntur, tum voce tum etiam solo cordis affectu, & interna mentis loquela. Quæ de re ut accuratius teneatur Scholæ Romanæ doctrina, observandum est Theologos illius communiter supponere Sanctos cum Christo regnantes, non quidem omnia & singula quæ hic geruntur nosse, sed ea saltem omnia quæ ad ipsorum beatitudinem pertinent & faciunt. Ad Sanctorum autem beatitudinem facere existimant, ut noscant cultum qui illis exhibetur, & preces ac orationes quibus fideles in terris degentes ad eorum opem confugiunt. Ac proinde apud istos Theologos certum est, Sanctos defunctos viventium preces percipere & intelligere.

XLI. Quomodo vero Sancti orationes viventium audiant atque percipiant, res non est inter eos certa & definita, sed de qua varii variè opinantur. Costerus in Enchiridio dicit, dubium non esse quin Sancti in cælis cognoscant quæ in terris gerimus, inter-nunciis Angelis, & iis qui ex hac vita migrant; præsertim vero quin divina revelatione ipsis innotescant quæ ad ipsorum gloriam promovendam ab hominibus fiunt. Deum enim qui Sanctorum suorum perfectum gaudium desiderat, nihil eorum ipsos celare, quæ aliquo modo vel agere id vel perficere possunt. Ejusmodi vero esse orationes, quæ ad ipsos à viventibus effunduntur, & quæcunque in ipsorum gloriam ab iisdem susci-piuntur.

XLII. Cæterum ex illius sensu longe aliter viventibus absentia revelantur, atque Sanctis qui æterna gloria fruuntur. Illis enim nota sunt occulta inspiratione, his autem contemplatione divinæ essentiae, in qua veluti in speculo res omnes & ab illis videntur, & sunt longè perfectius quam in semetipsis existant. Addidit non esse inconveniens, si fateamur Sanctos in cælis videre opera nostra in terris. Cum enim nulla corporis mole præpediantur, non impediri etiam locorum distantia, nec corporibus interjectis, quo minus preces nostras audiant, actiones intueantur, adeoque in cordibus nostris & cogitationibus illa videant, quæ volumus ipsis esse manifesta. Quemadmodum enim sine externa voce, aut sensibili signo, Angeli tum sibi mutuo, tum animabus loquuntur, & vicissim ab illis audiuntur & intelliguntur; ita homines sola voluntate sua spiritibus, tam bonis quam malis, interna desideria & cogitationes aperire posse, & ab illis intelligi, nonobstante corpore quo vestiuntur, vel quavis loci intercapedine, tametsi magna. Nolentium verò cogitationem & mentem nemini patere præter unum Deum, qui solus scrutatur corda & renes, & cui voluerit Deus revelare. Cap. 12. de Veneratione Sanctorum in explicatione propositionis secundæ.

XLIII. Imò Henricus Holden Doctor Parisiensis affirmat ipsa ratione naturali demonstrari posse, quod quisvis purè spiritus perfectè cognoscat & intelligat, rerum omnium corporearum naturas, motus, & actiones omnes: ac propterea ignorantiam crassam bardamque tribuit illis, qui existimant Sanctos in cælo regnantes non audire mortalium preces. In Divinæ Fidei Analyti lib. 2. cap. 7.

XLIV. Bellarminus verò ex multis hac de re sententiis duæ videntur maximè probabiles. Una eorum qui dicunt Sanctos videre in Deo, à principio suæ beatitudinis, omnia quæ ad ipsos aliquo modo pertinent, & proinde etiam orationes nostras ad se directas. Altera eorum qui putant, Sanctos non videre in verbo orationes nostras à principio suæ beatitudinis, sed solum tunc revelari eis à Deo orationes nostras quando eas fundimus. Quomodo Prophetæ Deo revelante cognoverunt futura,

& multi Sanctorum hic in terris donum à Deo habuerunt, quo cognoscerent cogitationes hominum, & facta etiam occultissima. Quorum sententiarum prior Bellarmino videtur simpliciter probabilior, posterior vero magis idonea ad convincendos hæreticos. De Sanctorum Beatitudine lib. 1. cap. 20.

XLV. Secundò supponunt Doctores Ecclesiæ Romanæ, Sanctos in cœlis non solum viventium necessitates nosse, sed majori, quam dum in terris agerent, charitate Deum pro illorum salute deprecari. Neque tantum illos in communi pro Ecclesiâ Militante orare, sed etiam in particulari pro necessitatibus singulorum, qui ad illorum opem & patrocinium confugiunt. Ac proinde Sanctos meritò dici posse intercessores nostros, & advocatos apud Deum & mediatores, non quidem *redemptionis*, quod soli Christo competit, sed *intercessionis*.

XLVI. Monent tamen Sanctos non immediatè intercedere apud Deum pro nobis, sed eorum intercessionem niti merito Christi, per quem beneficia pro nobis à Deo petant: hæc enim sunt Bellarmini verba, *Sancti non sunt immediati intercessores nostri apud Deum, sed quicquid à Deo nobis impetrant, per Christum impetrant.* Lib. 1. de Beatitudine Sanctorum cap. 17. prop. 2.

XLVII. Præterea, quamvis doceant Scholæ Romanæ Theologi, nullum esse mediatorem redemptionis præter Christum, cujus mors & obedientia Deo Patri præstita unicum est pretium, quo sumus à morte æterna redempti; perpendunt tamen Sanctos non solum orationibus, sed etiam meritis suis nobis prodesse. Non quod bonis suis operibus nobis propriè meriti sint gratiam & salutem, aliaque quibus egemus beneficia, ut Christus nobis illa promeruit; sed quia Deus sanctis illorum operibus, & ea qua excelluerunt pietate atque charitate, sæpe movetur atque inducitur, ut nobis beneficia varia impertiat; licet ad id nullo jure aut speciali aliqua promissione obstrictus. Unde est quod in Missæ Liturgia Deum orare solent per merita Sanctorum, quorum se putant habere reliquias. Nempe per id Deo quasi ob oculos ponentes egregia illa quæ Sancti pro ejus gloria fecerunt, & passi sunt, ut inde facilius & libentius flectatur, ad ea quæ petunt ab ipso largiendum.

XLVIII. Præterea statuunt Doctores Ecclesiæ Romanæ, *Non solum ab Angelis, sed etiam à spiritibus beatorum hominum, regi & gubernari fideles viventes.* Quod pluribus probare contendit Bellarminus de Sanctorum Beatitudine lib. 1. cap. 18. Similiter Costerus constare putat ex Scripturis, *Sanctos in cælo regnantes cum Christo hæc terrena curare & administrare.* Dari scilicet Sanctis authoritatem impios cogendi, cohibendi, puniendi, & pios ex ipsorum manibus eripiendi. Item eos esse bonorum Dei administratores. Addit Sanctos posse beneficio gloriæ suæ, quicquid reges potestate, quicquid opulenti divitiis, quicquid docti sapientia unquam præstare valeant. *Si ergo reges, inquit, exercitum hostes profligant, divites egenis subveniunt, medici arte curant; id præstare poterunt Sancti non minus quam id præstiterunt Angeli, quorum unus 185 millia una nocte prostravit, alius Tobie lumen reddidit, pecuniam à Gabelo tulit, & nuptiis filii parentum pauperum, totamque familiam ditavit; tertius Petrum carcere liberavit, &c.* In Enchiridio Controversiarum cap. 12. in explicatione prop. 4.

XLIX. Porro, in Ecclesiâ Romana solenne est, ut singula regna, urbes, atque pagi; singula quoque collegia, tum artificum tum eorum qui honestioribus professionibus vacant, aliquem ex Sanctis habeant pro patrono quodam singulari, cujus tutelæ sese peculiariter commendant. Sic Lucas Medicorum, Yvo Advocatorum, Crispinus Cerdorum patroni habentur. Et Hispania Jacobum Apostolum, Dominum Venetorum Marcum Evangelistam sibi patronos pridem asciverunt. Et ita de cæteris. Ac præterea quoque mos est ut in certis morbis, periculis, & necessitatibus, ad unum potius Sanctorum quam ad alium confugiatur. Sic qui in mari periclitantur implorant opem Pauli Apostoli, & Nicolai Myrensis Episcopi; Margareta parturientibus, Rochus laborantibus peste, Apollonia illis quos torquet dentium dolor; peculiari quadam ratione subvenire putantur.

L. Monent tamen ejus Ecclesiæ Doctores, omnes Sanctos æqualiter pro quibuscunque necessitatibus intercedere posse, & liberum esse singulis fidelibus ad singulos Sanctos recurrere, ut eorum ope atque auxilio quælibet bona sibi necessaria impetrent. Nec putandum Deum inter Sanctos sic officia divisisse, ut unius rei cura huic aut illi demandata sit, aliis verò minime; sed ad unum potius Sanctorum quam ad alium, ab hominibus hujus aut illius gentis & professionis, & in his atque illis necessitatibus recurri occasione sumpta, vel ex arte & professione quam

exercuisse Sancti perhibentur. vel ex supplicii & mortis genere, quo vitam suam gloriosè clauferunt, vel ex singularibus gratiæ divinæ donis, quibus eminerunt, vel ex insigni aliquo miraculo, sive ante mortem sive post mortem ab ipsis patrato, sive etiam simpliciter ex quadam vocatione & nominum allusione & affinitate. Ut exempli causa, Lucam Medici sibi patronum delegerunt, quia Medicinam ipse exercuit. Et qui navigant ad Paulum & Nicolaum confugiunt, quia in gratiam Pauli Deus ex naufragio servavit animas ducentas & septuaginta sex, quæ cum ipso navigabant; & similiter quia ad preces Nicolai Episcopi Myrensis, Deus miraculose navem à naufragio servasse perhibetur. Ut videre est apud Cardinalem Perronium, in refutatione responsionis regis Magnæ Britanniæ, lib. 5. cap. 3. Et etiam apud Jaubertum Archiepiscopum Arelatensem, tom. 2. contra Molinæ Clypeum cap. 1. sect. 24.

LI. Atque hæc quidem sunt quibus Scholæ Romanæ Doctores invocationem Sanctorum superstruunt; cæterum quomodo Sancti sint invocandi, & quod discrimen sit inter invocationem illam, quam Deus sibi ut proprium vindicat, & eam qua Sanctorum auxilium imploramus, sic exponit Catechismus ex Decreto Concilii Tridentini editus, *Non enim, inquit, eodem modo Deum & Sanctos ejus imploramus; nam precamur Deum ut ipse vel bona det, vel liberet à malis; à Sanctis autem, qui gratiosi sunt apud Deum, petimus ut nostri patrocinium suscipiant, ut nobis à Deo impetrent ea quorum indigemus. Hinc duas adhibemus formulas modo differentes; ad Deum enim propriè dicimus, Miserere nobis, Audi nos: ad Sanctum, Ora pro nobis.* Catech. Rom. part. 4. cap. 6. sect. 1. num. 3.

LII. Similiter hæc est assertio Bellarmini, *Non licet à Sanctis petere, ut nobis tanquam auctores divinarum beneficiorum gloriam, vel gratiam, aliæque ad beatitudinem medii concedant.* Adeoque juxta ipsum, *Nihil debemus à Sanctis petere, nisi ut à Deo impetrent quæ nobis utilia sunt.* De Sanct. Beatitudine lib. 1. cap. 17. Cardinalis Perronius. Priorem invocationem, qua aliquis invocatur, ut ipse bonorum author, orationem absolutam vocat. Posteriores, qua aliquis rogatur ut pro nobis oret, orationem relativam, quæ scilicet non in ipso sed in Deo terminatur. Et priorem illam quoque soli Deo referendam, sola verò posteriori apud Sanctos utendum docet. Adversus Regis Magnæ Britanniæ responsum lib. 5. cap. 1.

LIII. Verutamen in publico Ecclesiæ cultu orationes multæ ad Sanctos diriguntur, in quibus non simpliciter rogantur ut pro nobis orent, sed ut nostri misereantur, nosque liberent à malis corporis & animæ, ac ea bona quibus egemus donent. Sic in hymno qui incipit *Lux mundi beatissima, hæc ad Beatam Virginem dicuntur, Te adesse deprecemur, Supplicibus nunc vocibus, Jam veni dulcis Domina, Nostra tolle incommoda, Dona confer celestia.* Et in hymno *Ave Mariæ Stella*, ad eandem hæc habetur oratio, *Virgo singularis, Inter omnes mihi, Nos culpa solutos, Mites fac & castos; Vitam presta puram, Iter para tutum, Ut videntes Iesum, Semper collemur.* In hymno quoque *Memento salutis auctor*, hæc leguntur, *Mariæ mater gratiæ, Mater misericordiæ, Tu nos ab hoste protege, Et hora mortis suscipe.* Denique in Antiphona *Alma Redemptoris Mater*, sic appellatur eadem Maria;

*Virgo primæ ac posterimæ, Gabrielis ab ore
Sumens illud ave, peccatorum misere.*

In Litanis verò, non quidem usu publico Ecclesiæ Romanæ receptis, sed Bonaventuræ Plalt. adjectis, & in usum plebis Romanæ editis, postquam sæpius Beatæ Virgini sub variis titulis & elogiis invocata dictum est, *Ora pro nobis*; tandem illi quoque dicitur, *Propitia esto, Parce nobis Domina. Ab omni malo libera nos Domina. Ab ira Dei & indignatione ejus; A periculosa desperatione, A superbia precipitatione, A luxuria detrahente, &c. Libera nos Domine.* Item, *Peccatores, Te rogamus audi nos; Ut sanctam Ecclesiam piissimæ Dominiæ conservare digneris, Te rogamus audi nos.* Denique dicitur illi, *Mater cum Filio tuo sanctissimo, misere nobis; Mater charissimæ Domini, misere nobis.* In Psalterio Dominiæ nostræ Gallicè edito Parisiis, apud Claudium Chappelet anno 1601.

LIV. Similiter his verbis incipit hymnus quidam de Joanne Baptista, *Baptista Christi inclute, Qui Christum prodixi indice, Nos miserando respice, Culpasque nostras*
Bbb 2
ablu.

ablus. Et in alio hymno ad eundem dicitur, *Solve polluti labii reatum Sancte Joannes. Ad Joannem autem Apostolum hæc habetur oratio, Terogamus, te precamur, Sancte Dei Apostole, tolle pestem, aufer ulcus, & foveo languidos: Pelle morbum, cede hostem, & remove scandalum.* Et in alio hymno eidem Joanni dicitur, *Te pronis aime cordibus, Cæli Senator poscimus: Daverbi vultum cernere, Qui verbum doces credere.*

LV. Ad Sanctum quoque Martinum cani solet hic hymnus, *Martine par Apostoli, Festum colentes tu fove, Qui vivere discipulos vis aut mori, nos respice. Fac tu quod olim gesseras, Nunc Prasules clarifica, Ange decus Ecclesiæ, Fraudes elide Satana. Qui ter Chaos evicerat, Morbos reatu suscitavit: Divijeras ut chlamydem, Nos indue justitia.* Denique Sancto Benedicto dicitur in hymno de ejus translatione, *Angustum per iter scandere largiens, Dona regna perennia.* Et in hymno de Sancto Nicolao, qui incipit, *Exultat aula cælica,* hæc dirigitur ad ipsum precatio, *O venerande Pontifex, Pius nec tardus Opifex, Cunctis qui corde credulo, Te querunt in periculo, Ausfer mortis dispendia, Confer vitæ subsidia: Ut post carnis exilia, Tecum simus in gloria.*

LVI. Ut autem istas preces, & plures alias similes, quæ sunt in Ecclesia Romana usitatæ, Bellarminus cum supra posita doctrina conciliet notat, quum dixit, Non debere peti à Sanctis, nisi ut orent pro nobis, se non agere de verbis, sed de sensu verborum. *Nam quantum ad verba, inquit, licet dicere, Sancte Petre miserere mei, salva me, aperi mibi adiutorem cæli.* Item, *Da mibi sanitatem corporis, da patientiam, da mibi fortitudinem, &c. dummodo intelligamus, salva me, & miserere mei, orando pro me, Da mibi hoc, & illud tuis precibus & meritis.* De Sancto. Beatitudine lib. 1. cap. 17.

LVII. Et similiter Catechesis Romana, postquam dixit ad Deum dici *Miserere nobis,* ad Sanctum *Ora pro nobis;* per correctionem quandam, ut mentem suam explicet, subiungit, *Quoniam etiam licet alia quadam ratione petere à Sanctis ipsis, ut nostri miserentur: sunt enim maxime misericordes: itaque possumus precari eos, ut conditionis nostræ miserum permoti, sua nos apud Deum gratia & deprecatione juvent.*

LVIII. Verum modo allati Bellarmini expositio, qua dicit preces ad Sanctos conceptas, quibuscunque verbis exprimantur, hunc sensum habere, secundum Ecclesiæ Romanæ mentem, ut Sancti quæ postulantur præstent orando atque impetrando, non alia verò ratione. Hæc, inquam, expositio non satis quadrat illis ad Sanctos orationibus, in quibus non simpliciter rogantur ut peccata solvant, corda sanctificent, & cælum aperiant; sed ut id faciant *jussu, præcepto, potestate;* quales orationes in publico cultu Ecclesiæ Romanæ non paucæ reperiuntur.

LIX. Sic in hymno qui incipit, *Exultat cælum laudibus,* ad Apostolos dicitur, *Qui cælum verbo clauditis, Serafque ejus solvitis, Nos à peccatis omnibus Solvite jussu questum.* Quorum præcepta subditur *Salus & languor omnium. Sanate agros moribus, Nos reddentes virtutibus.* Quibus consona sunt illa quæ in Breviario ad Apostolos eodem dici solent; *Qui templa cæli clauditis, Serafque verbo solvitis, Nos à reatu noxios Solvi jubete questum.* Præcepta quorum proinsum, Languor salisque sentiunt. Sanate mentes languidas, Augete nos virtutibus. Ad Petrum verò speciatim concipitur hæc precatio;

*Jam bone pastor Petre, clemens accipe
Vota precantium, & peccati vincula
Resolve tibi potestate tradita,
Qua cunctis cælum verbo claudis, aperis.*

Quo pertinet etiam illud ad Joannem Baptistam, *Nunc potens nostri meritis opimis Petroris durus lapides repelle, Asperum planans iter & reflexos Dirige calles.* Ubi Sanctus ille rogatur, ut ista nobis præstet, tanquam potens nostri per merita sua effectus.

LX. Gertè ratio non patitur, ut quæ precibus à Deo impetramus, ea dicamur facere jussu, potestate, præcepto. Ac proinde precum illarum authores aliud sibi voluerunt, quam ut simpliciter à Sanctis peterent, ut bona quæ ipsos rogabant, precibus suis à Deo impetrarent: ac videntur Sanctos habuisse, non tantum pro suis apud Deum intercessoribus, sed etiam pro bonorum illorum sub Deo largiatoribus,

ac

ac administratoribus; quales etiam Coſterus loco ſupra citato teſtatur illos ſe exiſtimare, aſſerens Sanctos eſſe adminiſtratores honorum Dei. Unde poſtea concludit, Sanctos eſſe rogandos, tum ut pro vobis apud Deum intercedant, tum ut ipſi nobis opitulentur. Enchirid. cap. 12. in expoſitione quintæ propoſitionis. Juxta quod idem Coſterus ſcribens in hymnum *Ave Maria Stella*, in verba iſtius hymni, *Solve vincula rei*, hac utitur gloſſa, *Solve precibus, ſolve meritis, ſolve auctoritate, ſolve imperio*. Externa omnia vincula ſolo nutu & voluntate removere poteſ. Et alia ejuldem hymni verba, *Mala noſtra pelle*, explicans; *Mala igitur*, inquit, *noſtra pelle oratione, meritis, poſteſtate*.

LXI. Præterea bona pars cultus quem Sanctis deferre ſolent in Eccleſia Romana conſiſtit in laudibus, titulis, atque elogiis, quibus illos ornare intendunt, quæque in ſuis precibus & hymnis, ac quibuſlibet ſuæ devotionis libris magno ſtudio accumulunt. Quo genere honoris Beatam præcipuè Virginem proſequuntur. Itaque paſſim illam in ſuis hymnis atque Litaniiſ vocant abſolutè Reginam, & Dominam, Reginam Cœli, Reginam & Dominam Mundi, Reginam Angelorum, imò Monarcham Inclytam. Vocant illam Matrem Miſericordiæ, Matrem Gratiæ, & Fontem omni gratia ſcæntem: item Januam Cœli, Felicem Cœli Portam, Feneſtram Paradifi, Fœderis Arcam, Stellam Maris, Stellam Matutinam, Salutem Infirmorum, Refugium Peccatorum, Auxilium Chriſtianorum, Lucem Mundi pellemem cuncta ſchiſmata. Ibidem ſalutatur Spes Mundi, Spes & Vita noſtra, & Lux cuncta ſchiſmata & quæque nubila pellens. Illi etiam dicitur, *Per te mundus ſalvatus eſt, Per te ſuſcitatus eſt, Per te jam mors damnata eſt, Per te vita donata eſt*. Quorum ſingularum exempla reperiuntur, tum in ordinariis Sanctæ Virginis Litaniiſ, tum in Hymniſ Eccleſiaſticis, cum Libro Pſalmorum impreſſis, Parisiſ apud Gulielm. Chaudiere anno 1582; ubi quoque reperiuntur hymni ſuperius citati.

LXII. Præterea, in Breviario Pariſienſi, in Feſto Aſſumptionis, eidem Virgini dicitur, *Gaude Virgo Maria, cunctas hereſes ſola interemiſti in univerſo mundo*. Et ſecunda die infra octavam Aſſumptionis, de eadem hæc verba leguntur; *Illa eſt que proximè juncta Deo exercituum, meretur & ipſa ſuo modo exercituum & virtutum potens vocari*. Hæc eſt noſtra Bellatrix, de qua Serpenti antiquò diſtum eſt, *Ipſa conteret caput tuum*. Quo nomine poſtea narratur Rex Philipppus Valeſius, qui inſignem victoriam de rebellibus Flandriſ obtinuerat, equum & arma in quibus vicerat gloriſſimæ Virginis devoviſſe. Denique, extat hymnus in fine operum Almaini, quem Antoninus teſtatur in Eccleſia Romana publicè cani, in quo hæc dicuntur ad Mariam Virginem, *Mediatrici hominum, Ablutrix criminum, Conſolatrix omnium, Peccatorum venia, Munda ſordes ſclerum*. Ac in Litanii� illis Bonaventuræ Pſalterio adjectis, quarum ſuprà facta mentio eſt, Virgo Maria vocatur *Salus & Beatiſſimo*, ac *Cordium Illuminatrix*.

LXIII. Privati verò Doctores certatim conantur iſtis elogiis aliquid addere, novæque laudes, ac novos titulos excogitant, quibus Beatam Virginem extollant. Sic Viegas in Apocalypſin dicit, illam eſſe Principem & Dominum omnium creaturarum. Jacobus de Voragine, illam in Cœlo, in Mundo, & in Inferno dominari. Coſterus, illam eſſe Reginarum Reginam, & abſolutè Reginam appellari tanquam omnium locorum & omnium creaturarum. Qui ſub nomine Anſelmi de Beatæ Virginis Excellentiiſ ſcripſit, Mariam eſſe Dominam ſummam, & unicam Dominatricem cœli & terræ. Salazar verò Jeſuita Virginem Deiparam verè & propriè, & non per ſimilitudinem Reginam & ſupernam Imperatricem eſſe, ex eo quia Mater eſt ſummi Regis & Imperatoris rerum omnium; non electione aliqua aut privilegio, ſed jure ipſo naturali. Mendoza ſimiliter hoc Virginis imperium non eſſe metaphoricum, ſed propriè ac germanum, ex materna dignitate deductum. Nec ſolum illam eſſe Reginam orbis, ſed orbis Reges facere. Denique, jam dictus Salazar, illam eſſe Reginam ob politicum & civile Imperium; Dominam ob directum dominium rerum omnium, & heram ob poteſtatem in ſervos & mancipia. Eamque jure divino ſpirituale animarum Imperium adeptam eſſe.

LXIV. Neque tantum creaturas omnes Virgini tanquam Domine propriè dictæ ſubjiciunt, ſed etiam imperium & auctoritatem illi tribuunt in ipſum Chriſtum jam gloriſe in cælo regnantem. Quo ſpectat vetus illa proſa rhythmica, à noſtris læpius citatæ, *Gaude Mater virgo calice, Tu ancillam Jeſu Chriſti, Te vocare volu-
iſti*.

sti : Sed ut docet Lex Divina, Tu illius es Domina : Nam Lex docet & ratio, Matrem præse Filio. Ergo ora suppliciter, Et præcipe sublimiter, Ut nos in mundi vespere, Ad regna ducat Suprema. Quibus concinunt illa veteri Missali Parisiensis inserta, O felix Puerpera, Nostra pians scelera, Jure Matris impera Redemptori.

LXV. Ac quanquam ista fuerint ex Missalibus quibusdam erasa, in aliis non ita pridem excusis reposita sunt, & rem ipsam probant ac tuentur non pauci Doctores Ecclesiæ Romanæ. Sic Cardinalis Damianus de Maria Virgine loquens, Accedit, inquit, ad illud aureum Divina Majestatis tribunal, non rogans, sed imperans, Domina non Ancilla. Sic Albertus Magnus in iis quæ Biblia Mariæ dicuntur, Maria, inquit, oras ut Filia, jubet ut Soror, imperas ut Mater. Sic Pelbartus Temelwariensis, Verè igitur maximum dominium Beata Virginis, quæ non solum creaturis, sed etiam ipsi Deo tanquam Mater Filio principatur. Item, Pro salute supplicantium sibi, non solum potest Filio supplicare, aliorum Sanctorum more, sed etiam potest Filio autoritate materna imperare. Ideo sic Ecclesia orat, Monstra te esse Matrem; quasi diceret Virgini, Imperiosè & materna autoritate supplica pro nobis. Sic denique Bernardinus de Bustis, apud quem hæc verba leguntur; Hæc est vera propositio, Domini imperio omnia famulantur, etiam & Virgo. Et iterum hæc est vera, Imperio Virginis omnia famulantur, etiam Deus.

LXVI. Nec etiam istorum recentiores pudet; testis sit Franciscus Costerus Jesuita, qui sic Virginem alloquitur, Alii omnes precantur ut Servi, tu ut Mater auctoritatem habens, exaudiri pro tua reverentia. Item, Quid enim est Matrem esse Dei? Mater causa est filii, mater est superior filio, matris debetur honor a filio, matri tenetur morem gerere filius. Testis sit quoque Jesuita Salazar, cui constare videtur, Virginem sanctissimam patriam in filium potestatem obtinuisse, ne quid universalem ejus ditionem effugeret. Et Mariam jure materno quadam supra Christum potestate regia fuisse gavissam; atque adeo Christum Deum & Hominem fuisse aliquid illius proprium, sub illius patria potestate & quasi Domino constitutum, non alio modo quam alios filios. Neque enim verisimile esse ratione Divinitatis, cui humana natura erat sociata, Christum à patria potestate emancipatum fuisse, quam alii parentes jure naturali obtinent in filios: quin putat hoc jus etiamnum apud sanctam Virginem manere, illamque eo adhuc sæpius uti. Sanè, inquit, Virgo sanctissima hoc jure & potestate sua sæpius usa; sed tum maxime quum ad filium pro nobis intercedit. Testis denique sit Joannes de Argento etiam ipse Jesuita, cujus ista verba citantur de Beata Virgine, Quasi sua conditionis obita, in filium dominium suscipiens, supra ipsum Dei thronum solium suum collocavit. Et hæc præterea, quibus sentire se proficetur Iesum adhuc Mariæ servire; Domine Iesu, Salvator amabilissime, permitte me aliquid matri tue prestare? & si non vis hoc mihi credere, saltem permitte mihi dum matri tue servio, ego serviam tibi. Unde est quoddam Beatæ Virginis excellentias hunc titulum ponit, quod sit Domina Dei; Hæc est, inquit, Suprema Beatissima Virginis dignitas, hæc summa & adoranda ejus potestas, ut Deus subijciatur illi, & ipsa in illum dominium habeat.

LXVII. Neque solum omnium Domina & Regina in Ecclesia Romana Sancta Virgo dicitur, sed ipsum Deæ nomen à multis illi tribuitur. Frequens id est in sacris eorum Poematis, ut in illo Lipsii, Tunc tibi laudes Dea dicit omnis sexus & ætas. Item, An sudas Dea sanguinem hoc in aëre. Et in illo Costeri, Nos porro ad superos trade Dea calle secundo: & pluribus aliis. Sed & illiqui scribunt oratione soluta non raro Deæ nomen Beatæ Virgini tribuunt: sic Mendoza Jesuita dicit, per orationem Virginem fieri universæ tanquam Deam creaturæ: sic Philippus Beroaldus, Quid majus, inquit, in laudem Deæ nostræ dicitur, quam quod materno affectu & indulgentia nos fovet? Sic Ambrosius Catharinus, unus ex patribus Synodi Tridentinæ, aliquid ex Augustino citans; Verbum protulit, inquit, Augustinus pro Domina Dea nostra, quod non pigeat referre. Item, Non hominem dici eam sit fas quæ mater est Dei, quæ amicta Sole, & coronata duodecim stellis, Lunam habet sub pedibus. O Dea ceriè, quæ adeo particeps fuisti Divinitatis, ut sola servata sis tanquam paradysus Dei, Dei manibus excolendus. Quin ipse Cardinalis Bembo, nomine Leonis X. ad quandam Italianæ civitatem scribens, monet ut meliora ligna in usum ædis Lauretanz donent, Ne tum nos, inquit, tum etiam Deam ipsam inani inutilium lignorum donatione lussisse videamini. Antoninus verò & Bernardinus de Bustis supponunt Beatam Virginem Deam

Deam Deam rectè dici posse, sed in solatium peccatorum, eam tamen dici malunt *Reginam misericordiae*.

LXVIII. Eo quoque referri potest quod dicunt Alexis de Salo & Joannes de Argento, Deum esse in Virgine non solum per essentiam, potentiam, & praesentiam, ut in cæteris creaturis; nec solum per gratiam, ut in anima iusti; sed modo longè excellentiori, id est per identitatem.

LXIX. Porro, Dominium istud quod Virgini tribuunt, juxta ipsorum Doctrinam, non est nomen inane, aut solum titulus quidam honorarius, sed vera & realis potestas, quam multis modis erga genus humanum exercere censetur. Etenim illam esse dicunt quæ Dei gratiam & dona varia cæteris omnibus dispensat: ita Jesuita Salazar affirmat omnem gratiæ & auxilii defluxum, media Virgine seu Luna, ad nos deportari; & cuncta bona spiritualia in potestate Virginis & arbitrio esse; imò si fides illi habenda est, *Fideles quamvis agunt in mundo, viro suo bajulat virgo, qui nihil boni spiritus seu inspirationis hauriunt, quod non illis inspiret Maria.* Liceat sic dicere, Omnes Maria spiritum vivunt. Conforme est quod dicit Cornelius de Snekis, illam esse gratiarum divinarum thesaurariam; & Christum in ea totius boni plenitudinem posuisse, eo quod nihil Dominus nos habere voluit, quod per ejus manus non transiret. Similiter docet Pelbartus, nimirum Mariam esse dispensatricem omnis gratiæ, illamque jurisdictionem & auctoritatem obtinuisse in omni processione temporali Spiritus Sancti, ita quod nulla creatura aliquam gratiam vel virtutem Spiritus Sancti obtinuit, nisi secundum ipsius dispensationem; adeoque si ipsi creditur, *Omnia dona, omnes virtutes & gratia, & omnia bona, quæ vult, quando vult, quomodo vult, & quantum vult, per manus ipsius administrantur.*

LXX. Propterea Bernardinus ille de Buisi sæpius nominatus, dicit Deum fecisse Virginem Cellariam suam; quia in tantum eam Deus dilexit, ut nihil nos habere voluerit, quod per manus ejus non transiret. Unde est quod Alexis de Salo dicit Virginem Mariam esse collum, per quod Servator noster, qui caput est, in Ecclesiam influit omnem motum & sensum spirituales, esse truncum per quem radix vitæ ramis suppetat, & flores, fructus, & folia producit. Et pelvim qui abundantiam vivarum gratiæ aquarum excipit, easque per suos canales aliis distribuit, secundum uniuscujusque meritum & capacitatem. Quod suo calculo confirmat Osorius Jesuita, dicens omne bonum nostrum à Virgine pendere; & Filium, ut Mater honoretur, omnem dispensationem gratiæ ei commississe. Quinimo decernit Salazar reliquos omnes Sanctos nihil posse, nihilque boni ab eis defluere, nisi Virgine seu Luna intercedente, atque illorum influxus moderante.

LXXI. Neque id tantum de bonis spiritualibus intelligi volunt, sed etiam de temporalibus: sic enim idem Salazar ea de re philosophatur, *Solent, inquit, viri generosi & uxorum amantes, eisdemque plurimum fidentes, pecunie claves & tutelam eis committere, & quicquid domesticarum expensarum est eis tradere; ipsi verò aliis gravioribus muneribus vacant.* Ergo ad eundem modum Deus Opt. Max. sanctissima sponsa suæ Mariæ tantundem tribuit ac fides, ut ipsi temporalium bonorum tutelam, & claves dederit; adeo ut quicquid bonorum bonorum in hac magna mundi domo expenditur, id per Mariæ manus recessum transiret, & illius arbitrio distribueretur.

LXXII. Quin eo usque nonnulli progrediuntur in Ecclesia Romana, ut dicant Mariam esse rerum causam, & mundum fecisse, cumque conservare & gubernare; quippe hæc sunt verba Gabrielis Biel, *Ad illam enim, scilicet Mariam, sicut ad medium, sicut ad arcam Dei, sicut ad rerum causam, sicut ad negotium seculorum respiciunt, & qui in cælo habitant, & qui in inferno, & qui nos preceserunt, & qui nos sumus, & qui sequentur, & nati natorum, & qui nascentur ab illis.* Et de eadem Alanus, qui ut Sanctus colitur, totidem verbis dicit, *Hæc Maria est omnium Dominæ, quæ mundum fecit universum, & quæ in eo sunt omnia conserva & gubernat.* Idcirco Salazar post Bonaventuram non veretur Virgini dicere, *Dispositione tua Virgo sanctissima perferas mundus, quem & tu cum Deo ab initio fundasti.*

LXXIII. Neque hæc adhuc videntur ipsis satis; addunt Virginem plus fecisse Deo, quam videtur ipse Deus fecisse generi humano. Postquam enim Bernardinus alter, nempe Senensis, qui fuit in numerum sanctorum relatus, longam comparisonem inter Deum & Beatam Virginem instituit, concludit tandem his verbis; *Reddendo ergo singula singulis, scilicet quod fecit Deus homini, & quod fecit Beata Virgo ipsi Deo, videtis ut pro soluto dicere liceat, quod plus Maria Deo, quam ipse Deus homini fecit; unde Deus propriè*

propter Virginem obligatur nobis plurimum. Quæ pluribus deducta, & suis locis citata, videre est apud Andræam Rivetum, lib. 2. Apolog. pro sanctissima Virgine Maria. Et apud Carolum Drelincurtium, libris accuratè & prolixè scriptis de honore Beatæ Virginis Mariæ debito; ex quibus hæc pauca de multis excerpta sunt, & ad quos curiosum læctorem remittimus, si cui plura hujusmodi legere, & apud autores inquirere libeat.

LXXIV. Cæterum ista quidem à privatis tantum Doctoribus dicuntur; nec sunt autoritate publica definita, verum ea Ecclesiæ Romanæ non improbari, non pauca nec levia manifestum faciunt. Et primò quidem hoc inde colligitur, quod qui durius sunt ea de re locuti, in Sanctorum numero habentur, ut Bernardinus Senensis, Antoninus, Alanus, Bonaventura. Non leve quoque hujus rei indicium est, quod libri in quibus talia leguntur, sunt plerique Doctorum atque Episcoporum approbatione muniti; imò nonnulli Pontificum ipsorum. Præsertim verò quod ista magno studio inserta sunt, & diligenter inculcata libris qui in manus populi traduntur, & devotioni plebis fovendæ destinati sunt, idque non prohibentibus neque reclamantibus, sed potius apertè faventibus Episcopis & reliquis Pastoribus.

LXXV. Præterea, hujus rei argumentum est, quod quum Protestantes ista obijciunt, viris in Ecclesia Romana gravibus & magni nominis, ea nolunt apertè damnare; sed modis omnibus excusare conantur, ut videre est apud Cardinales Bellarminum atque Richelium; & apud Petrum le Camus, Episcopus illum multitudine scriptorum, ante paucos annos celebrem, in sua collatione cum Carolo Drelincurtio, circa honorem Beatæ Virginis Mariæ debitum.

LXXVI. Denique, idem probant Indices Expurgatorii, qui accuratè præstant & deleri quoque jubent quæ suspecta, aut etiam ambigua videntur, in Scriptoribus Ecclesiæ Romanæ. Et tamen intacta sinunt quæ in hoc negotio scandalum Reformatis movent, & quotidie ab illis observantur & obijciuntur, ut modum & rationem omnem longè excedentia. Nec enim quæ ex Bernardino, Bembo, Costero, Catharino citavimus, ulla censura notantur in Indicibus Expurgatoriis. Qui tamen Indices jubent, ex Indicibus Augustini deleri frequentes propositiones, *Sanctis nec templa statuimus nec sacrificia. Tempia Angelis non sunt construenda. Sanctis edificare templa non licet. Tempia creaturis edificare sacrilegium est.* Unde merito colligimus, illis quibus censura librorum in Eccl. Rom. commissa est, has quidem propositiones aut improbari aut suspectas esse; minime verò illas de quibus jam agimus, & in quibus elogia supra citata Beatæ Virginis tribuuntur.

LXXVII. Porro, ad honorem Sanctorum in Ecclesia Romana, maxime facere videtur cultus qui defertur eorum reliquiis, & imagines quæ illis in locis sacris statuuntur, & variis modis coluntur, sed ista speciali disputationi reservare visum est. Hic solum monendum superest, rem quidem esse de fide in Ecclesia Romana, ut credamus, Sanctos licite & pie invocari posse; cæterum fatentur non esse necesse, ut fideles singuli Sanctos orent & invocent, posse enim aliquem ad salutem pervenire, Deum per Christum invocando, absque tali invocatione; ut videre est apud Henricum Holden de resolutione fidei lib. 2. cap. 7. *Profitemur quidem, inquit, posse Sanctos haud inutiliter invocari, sed tamen Catholicos omnes ad actuale hujusmodi invocationis exercitium, nullatenus tanquam necessariam Christianam astruimus. Poterunt namque salvari, imò & re ipsa salvantur forsitan aliqui Catholici, qui Sanctos in celo coronatos nunquam invocaverunt.*



THESES THEOLOGICÆ De Angelorum & Hominum Sanctorum Cultu & Veneratione. PARS SECUNDA.

In qua Protestantium Doctrina exponitur, ac cum Scholæ Romanæ Doctrina comparatur, & confirmatur variis Argumentis.

THESIS I.

THEsibus superioribus, quàm breviter & dilucidè à nobis fieri potuit, exposuimus Doctrinam Ecclesiæ & Scholæ Romanæ, circa Angelorum & Hominum Sanctorum cultum & venerationem: eorum autem quæ paulo fufius à nobis dicta sunt hæc summa est; Ecclesiam Romanam Angelis & Hominibus Sanctis cultum aliquem deferre,

ferre, qui medius est inter eum quem Dei Majestas exigit, & eum qui debetur illis, qui inter homines ceteros eminent vel dignitate ac potestate civili, vel donis, virtute ac præstantia quadam, quæ tamen ordinem naturæ non excedunt.

II. Cultum eum non contineri sub eodem univoco genere cum eo qui Deo proprius est, sed cum eo solum quandam analogiam habere. Illum tamen posse religiosum dici, non propriè & strictè loquendo, sed latiori & minus propria significatione. Et similiter illi accommodari posse adorationis nomen; licet adoratio sæpe ad cultum Deo proprium restringatur.

III. Ut vero cultus ille facilius posset à divino distingui, Scholas utrumque cultum proprio quodam nomine signasse: & divino cultui quidem *Latria* vocem, illi vero qui Sanctis Angelis & hominibus deberetur, *Dulia* nomen appropriavisse. Quæ *Dulia* rursus distinguitur in hyperdulia, quæ Beatæ Virginis, & *Duliam* propriè sic dictam, quæ Sanctis reliquis competit: quævis agnoscunt in Scripturæ usu discrimen istud inter *Latriam* & *Duliam* exactè non servari.

IV. Cæterum honorem illum quem Sanctis deberi contendunt, à divino quoad actus internos multum distare, & facile distingui posse: non item verò quoad adus externos, & externa cultus & honoris signa, quæ pleraque communiter in cultu Dei & Sanctorum adhibent, excepto sacrificio, & quæ ad sacrificium propriè referuntur, qualia sunt aræ, templa, sacerdotes.

V. Nec enim licitum putant sacrificium propriè sic dictum ulli creaturæ offerre, quanquam apud ipsos valde usitatum sit Sanctos colere atque honorare sacrificiis Deo in eorum honorem oblati. Idque non tantum ea ratione, ut gratiæ Deo agantur pro gratia & gloria in ipsos à Deo collata; sed sic etiam, ut ipsi in Liturgia solenni invocentur, & per eorum preces ac merita divinum implorentur auxilium, & quod magis est, ut ipsum quod offertur sacrificium corporis & sanguinis Christi, ut existimant, per eorum merita & preces Deo commendetur. Veluti quum in Missa Sancti *Andrea* dicunt, *Sacrificium nostrum tibi, Domine, quasumus; Beati Andrea Apostoli precatio sancta conciliet: ut in cuius honore sollemniter exhibetur, ejus meritis efficiatur acceptum.* Ex in Missa Sancti *Jacobi*, *Oblationes populi tui quasumus, Domine, Beati Jacobi Apostoli passio sacra conciliet.*

VI. Similiter, quamvis altaria, sub altarium ratione, ex Scholæ Romanæ doctrina, Sanctis propriè consecranda non sint, ostendimus tamen illius doctores existimare quod possint, sub ratione saltem tumuli, illis consecrari: imo, juxta praxin Ecclesiæ Romanæ, altaria singula sanctificari, non solum in honorem Dei, sed etiam in honorem Beatæ Virginis, & omnium Sanctorum: ac eodem modo templa, ex illius Ecclesiæ sententia atque usu, non præcise quæ talia Sanctis esse construenda; sed tamen illis Extrui & dicari posse ac debere, sub ratione ædium sacrarum, & Basilicarum, in quibus sollemniter, & variis ritibus colantur, atque invocentur.

VII. Itaque per totam Ecclesiam Romanam usitatum esse Sanctos in ædibus illis dicatis, & de illorum nomine nuncupatis, variis ritibus colere, coram eorum reliquiis, statuis, & imaginibus corpus inclinando & genua flectendo, cereos accendendo, & adolendo thura, ac donaria omnis generis illis offerendo. Quibus addunt dies festos, qui sunt peculiariter Sanctorum cultui dicati; & sodalitia quoque de Sanctorum nomine vocata, & in eorum honorem singulariter instituta: atque etiam frequentia vota, quæ Sanctis religiose nuncupant & exsolvunt.

VIII. Sed præcipuam partem cultus qui Sanctis exhiberi solet positam esse docuimus in eorum invocatione, per quam Sanctorum in Christo defunctorum opem & auxilium privatim & publicè implorant: Supponentes eos non tantum in genere pro Ecclesia Militante, sed etiam pro singulis fidelibus intercedere; quin eos constitutos esse generis humani custodes, patronos, atque protectores, qui singulorum necessitates non solum videre possint, verum etiam preces solo corde conceptas audire.

IX. Prorefiteri tamen Doctores Ecclesiæ Romanæ Sanctos invocandos esse, non ut ipsi dent bona quibus egemus, quasi eorum essent authores atque largitores, sed ut illa à Deo precibus & meritis suis nobis impetrent. Quod non obstat quominus sæpe bona quæcunque corporis & animæ simpliciter à Sanctis postulent, & apud Sanctos utantur iisdem precandi formulis, quibus utuntur apud Deum: etsi dicant alio sensu se illas ad Sanctos quem ad Deum dirigere.

X. Quod spectat autem Theologos Ecclesiæ Reformatæ, solent illis imputare, Scholæ Romanæ Doctores, quod Sanctis omnem cultum & honorem denegent, & simpliciter doceant Sanctos non esse colendos. Verum ab eo multum absunt, & contra omnes unanimiter proficiuntur. Concedunt enim non tantum divinæ, sed etiam creatæ excellentiæ cultum & honorem suum debere: atque etiam quo major est excellentia gratiæ & gloriæ quam Sanctis Deus communicat omni civili dignitate, quibusque naturæ donis & privilegiis, eo etiam majori honore & observantia colendam illam & prosequendam esse.

XI. Sed quantalibet sit illa observantia qua colere & honorare debemus quos Deus in hac vita, salutifera gratia ornavit, & in altera gloria coronavit, pertendunt illam solo gradu differre ab honore illo quo colere tenemur eos qui potestate & dignitate civili, aut naturali aliqua virtute atque præstantia, inter alios eminent & excellunt; ab eo vero quem divina Majestas postulat & exigit, toto genere discrepare.

XII. Quo vero nomine sit honor iste signandus, parum referre existimant, dummodo de re ipsa constet, quibus, scilicet, in rebus ille constituendus sit, & quibus actibus & signis testandus atque exhibendus. Nolunt tamen simpliciter Religiosum dici, quoniam religio solum cultum divinum propriè & directè spectat; sed potius civilem, vel ut loquitur *Augustinus, Societatis & dilectionis*. Non quod cum confundant cum illo cultu quem civilis dignitas, & naturæ quædam præstantia requirit: hunc enim, ut distum, gradu saltem superat. Sed cum duplex sit civitas, Una terrena, & altera cælestis, civilem dici posse putant denominatione sumpta, non à civitate terrena, sed cælesti; ad quam pertinet gratia & gloria, cui cultus & honor ille deferendus est.

XIII. Sic mentem suam ea de re replicat, *Abrahamus Ramburtius*. Sciendum est, inquit, duplicem esse honorem. Est religiosus soli Deo debitus: est civilis creaturis adhibitus. Civilis rursus impenditur, vel respectu civitatis mundanae, qui complectitur omnia officia reverentia, amoris, timoris, qui hominibus debetur, etiamsi sint à fide alieni. Sic principes, parentes, senes, sapientes, concives honoramus. Vel civilis dicitur ratione civitatis supernæ, quo honore domesticis fidei prosequimur: atque hic pertinet omnino illa qua nos invicem complectimur. Rom. 12. 10. & professio officiosa opinionis, quam concipimus de fratribus nostris Philip. 2. 3. & sollicitudo qua invicem afficiuntur membra. Deinde observantia & reverentia, juxta varias conditiones, excellentia doles, atque etiam gloriam eorum, qui civitatem illam supernam constituunt. Atque hoc sensu honoramus: Sanctos & Angelos, charitate, ut loquitur *Augustinus*, non servitate, cultu dilectionis & societatis, quo in hac vita coluntur Sancti Dei; Ut supra dictum est. Laudamus eos debito modo; amamus, imitamur quantum possumus, eorundem virtutes predicamus, ut Zelus noster augeatur & incalcescat. In Thesouro Thesium Sedanensium, tom. 2. Thesis de cultu Religioso, &c. Idolatrico, th. 16.

XIV. Similia docet *Vossius* in Thesisbus Theologicis. Ubi postquam posuit honorem, qui Sanctis, Angelis, & hominibus debetur, minime dici debere cultum Religiosum, aut servitutis, cum tantum sit cultus humanus ac civilis, immediatè subiungit: *Ridicula quidem Bellarmino hæc appellatio videtur, sed immerito; quia & Sancti illi homines fuerunt; & una cum Angelis nostri sunt civitates, teste Apostolo, qui eos docet commune nobiscum participium habere. Sed confundit Bellarminus civitatem secularem & Ecclesiasticam, quarum illa natura, hæc gratia est. Nam non minus, hujus quam illius ratione cives unius civitatis, una Resp. unus populus dicimur. Pars quidam in patria est; pars à patria peregrinatur, ut Apostolus loquitur, sed quanquam illi à nobis, nos ab illis absumus, tamen & illi inter se, & nos inter nos presentes sumus, & utriusque præsens Deus in Filio per Spiritum Sanctum. Quare cum nihil obstat, quominus unius civitatis cives dicamur, nec casus quicquam erit: quominus æque civilis bonos dicamur qui civibus cælestibus exhibentur, quam qui civibus terrenis: nam gradu quidem honores isti differunt, sed uterque est laudandus.* Disput. 7. thesi 47. & seqq.

XV. Paulo aliter vero ea de re Philosophatur *Daniel Chamierus*. Nam observat civilem cultum dupliciter intelligi posse: vel formaliter, vel causaliter. Civilis cultus formaliter ipsi est, ille qui in se revera civilis est, & distinctus, imò separatus à religioso. Civilis cultus causaliter, quicumque tandem in seipso sit; est tamen à causis merè civilibus. Cum aliqui cultus formaliter civilis possit esse à causis non civilibus, sed supernaturalibus. Et talis est, ex ejus mente,

honor

honor qui Sanctis cum Christo regnantibus debetur. Quamvis enim eorum dignitas sit supernaturalis, ideoque cultus qui illis debetur non sit casualiter civilis, est tamen omnino distinctus à cultu Religioso; ac proinde formaliter civilis: nisi quis malit eum officiosum dicere. *Panstratia tom. 2. lib. 19. cap. 5. num. 2. & 3.*

XVI. Porro quamquam honorem quo Sancti colendi sunt religiosum dici nolit, sed potius civilem, sive officiosum, agnoscit tamen illum à religione fluere, & esse religionis actum, non elicitum quidem sed impetratum. Ut videre est libri jam citati capite primo num. 11. Ubi docet cultum Dei à cultu hominum religione distinguí essentialiter. Hoc est duplicem esse cultum: alium religiosum, alium civilem. Illum religionis actum elicitum: hunc vero ejusdem actum impetratum. Nam colore Deum, inquit, est ipsa Religio: quomodo amare est ipse amor: & religio est colore Deum, quomodo amor est amare. At vero cultus civilis fluit à religione, id est, cultu Dei: quomodo in Samaritano vulnera lavare, & obligare, fluxit ab amore. Nimirum ut sit effectus Religionis, non ipsa Religio: quomodo effectus non est causa.

XVII. Carolus vero Drelincourtius observat aliquid religiosum duplici modo dici: primo rigide & exacte, prout religio propriè significat id quod animas Deo religat, & modum illum colendi præscribit. Et hoc sensu solum Deum religiosè colendum esse docet: nec ea ratione religiosum esse, honorem quo Sancti coluntur: cum sit ejusdem planè speciei cum eo quo fideles in terra degentes colimus, & gradu solum ab eo differat. Sed quandoque Religiosum latiori significatu id omne dici quod non solum religionis essentiali constituit, sed etiam ex ea pendet, & ab ea fluit. Et sic Religiosum dici posse honorem, qui personis & rebus quibuscunque deferretur Dei honorandi causa, quia, scilicet, vel divino cultui inserviunt, vel in eis elucet divinæ gratiæ & gloriæ dona. Et hoc sensu concedit religiosum esse honorem quo Beatos Spiritus, & Sanctam Virginem Christi matrem colimus. *Responsione ad questionem Petri le Camus Episcopi jam dicti, pag. 27.*

XVIII. Cæterum vulgatam distinctionem cultus Religiosi in *Latriam* & *Duliam* communiter improbant Scholæ Reformatæ Doctores. Idque duplici nomine. Et primo quidem, quoniam unicus est cultus qui propriè & simpliciter Religiosus dici mereatur: nempe, cultus qui Deo proprius est. Ille vero qui creaturis, etiam præstantissimis & sanctissimis deferretur, religiosus dici nequit; nisi impropriè & æquivocè. Deinde quia in Scripturæ usu sæpius confunduntur *Latriæ* & *Dulie* voces. Siquidem apud Græcos interpretes Veteris Testamenti *λατρεία* aliquando de servitio humano usurpatur: frequenter vero *δουλεία* tam in Veteri, quam in Novo Testamento, ad solum cultum divinum restringitur.

XIX. Theologi tamen Reformati nonnulli testantur sibi non incommodum videri, si *Latriæ* vox divino cultui reservetur, tanquam illi propria; honori vero & obsequiæ qua creaturæ colendæ sunt, singulariter aptetur vox *Dulie*, illique à divino & religioso cultu distinguendo inserviat. Id videre est apud *Chamierum*. Postquam enim pro certo constituit, cultum Religiosum in solidum Deo concedendum: civilem vero ad creaturas pertinere: addit huic rei significandæ, nos uti posse vocabulis *δουλεία* & *λατρίαι*: dummodo sciamus non esse ea nomina diverforum graduum, quasi secundum plus & minus: sed diverforum generum: ut omnino diversi sit generis cultus religiosus, & cultus civilis: neque *δουλείαι* neque *δουλοῦναι* ambo inter se comparari. *Panstratiæ tom. 2. lib. 19. cap. 1. num. 11.*

XX. Quibus similia tradit *Gerardus Joannes Vossius* in Thesibus Theologicis. Discrimen, inquit, vocabulorum *λατρίαι* & *δουλείαι*, quo illa uni Deo, hæc creaturis etiam dicitur convenire, nec in Scripturis Sanctis, nec in scriptoribus classicis observatur: ut etiam Valla, Vives, alique agnoscunt. Imo *δουλείαι* vox, nisi eam metaphoricè sumamus, Sanctis minus quam Deo competit: quia ratione cultus religiosus, non creatura, sed Dei *δούλος* sumus: quemadmodum ex Pontificis Peresius agnovit, frustra improbane Bellarmine. Nihilominus eos qui distinctionem hanc probant, minimè improbanus: partim quia vitanda est viro prudens omnis *δοξολογία*, partim quia nec inuisile videtur, si cultibus toto genere differentibus, qualis est Dei & creatura, ad homonymiam vitandam diversa imponentur nomina: partim denique quia nec ab ea abhorruit Augustinus. Nec ideo prævaricamur, vel Pontificiorum causam juvenius quicquam, quia (ut Colvinus hæc de distinctione agens agnoscit) de re non de voce questio est. Nempe, hoc est quod in Pontificis damnamus; quod cultum suum Deo illatum non servans; sed divinum honorem magna parte transferendum sanctis. Appendice ad disputationem decimam, quæ est quarta de Invocatione Sanctorum.

XXI. Cæterum ut jam videamus qua in re consistat honor, quem Beatis in cælo spiritibus, sive hominum, sive Angelorum, deberi fatentur. Scholæ Reformatae Doctores, ante omnia in genere statuunt nullum cultum licetè illis exhiberi posse, quam qui competit creaturæ absenti, aut quæ instar absentis est, & cum qua nullum nobis est mutuum commercium.

XXII. Itaque ab eo cultu primo remouent omnia quæ, secundum Scripturæ Doctrinam, ad diuinum cultum pertinent. Ut autem cultus pro diuino habeatur non necesse est, ex eorum mente, ut qui illum exhibet, objectum quod colit habeat pro supremo Numine, a quo omnia pendeant, ipsum vero a nullo, & quod sit rerum omnium primum principium & finis ultimus: adeoque cultum suum absolute in eo terminet, nec ad alium ullum superiore referre intendat. Sed sufficit ut cultus sit talis, qui reuera creaturæ convenire non possit, propterea quod quiddam diuinum in ea supponit; etiamsi aliter per errorem iudicet ille à quo cultus ejusmodi deservit.

XXIII. Proinde cultus ipsis diuinus est, qui supponit eum qui colitur, licet ipse sit inconspicuus, nec sensibus ullis expositus, nihilominus omnes ipsum colentes, quovis tempore & loco, tanquam præsentem intueri; & quamvis, vel ab innumeris, ubivis terrarum dispersis hominibus, diversissimis votis simul rogetur atque invocetur, omnium tamen vota, etiam quæ sola mente concepta sunt, percipere & intelligere, & singulis quam ab ipso petunt opem, uno momento ferre posse. Etiamsi qui cultu hujusmodi utitur, illum quem ita colit profiteatur se non habere pro Deo, sed tantum pro Dei amico & ministro, in quo se summum ipsum Deum honorare cogitet: quia quicquid homines fingere & præsumere possint, reuera tanta majestas & potestas nulli competit, nisi Deo.

XXIV. Cæterum ad actus & signa cultus Deo proprii, Theologi Reformati plerima pertinere putant, non minus quam sacrificia. Qualia sunt, secundum eorum sententiam, Dies festi, ædes sacræ, & donaria in ædibus sacris dicata & appensa, juramenta, vota, & preces, quibus bona corporis & animæ, ac præsertim dona gratiæ & gloriæ, ab aliquo poscimus. Proinde quemadmodum, Scholæ Romanæ judicio, Latræi creaturæ deferre censeretur, qui sub quocunque prætextu illi sacrificaret; nec excusaretur dicendo, se creaturæ cuiusdam sacrificium offerre, non absolute, sed relative; nec tanquam Deo ipsi, sed tanquam amico cuidam & ministro ipsius Dei, ad quem tandem honor ille sacrificii, ex ejus intentione, sit ultimo referendus: Sic quoque, juxta Reformatos, à crimine diuini cultus creaturis oblatis, non purgatur ille qui creaturis ullis ædes sacras dicat, donaria offert, illis vota facit, & per eas jurat, ab iisque petit gratiam & gloriam, quantumlibet profiteatur se ista creaturis præstare atque exhibere, aliter quam ipsi Deo, & sic ut velit ista ad Dei cultum & gloriam referre.

XXV. Itaque prorsus illicitum putant Angelis, & hominibus Sanctis in cælum receptis, ædes sacras dicare, non tantum ut illis ubi sacrificium offeratur, sed etiam ut illic ritibus quibuscunque colantur atque invocentur, quanquam non damnent morem Ecclesiæ veteris, in qua solenne fuit ædes sacras inter alia eo fine struere, ut ibi memoria Martyrum conservaretur, & gratiæ Deo agerentur de victoriis per Dei gratiam ab iis reportatis, eoque nomine Sacrificia Eucharistica Deo offerrentur, quod in Sanctorum virorum maximum honorem cedebat. Ut apud *Andream Rivetum* videre est, in consideratione ad articulum tertium Judicii viri docti, de ejus Apologia pro Beato Virgine, quod in fine istius Apologiæ legitur.

XXVI. Eodem modo negant licitum esse dies festos Angelis & hominibus beatis consecrare, cum festa ad cultum Dei solennem pertineant, quamvis nihil obflare putent quin certis diebus Sanctorum quorundam fiat peculiaris & solennis commemoratio, & gratiæ Deo agantur pro beneficiis in ipsos & per ipsos collatis, eorumque virtutes ac egregia facta populo Christiano imitanda proponantur. Nam ejusmodi festa Deo soli consecrata sunt, quanquam in magnum Sanctorum virorum honorem cedant, ut in Ecclesiâ Anglicana obtinet; in cuius Liturgia memorantur Apostolorum & quorundam aliorum virorum Sanctorum festa.

XXVII. Similiter omnino improbant consuetudinem jurandi per Sanctos, nec minus vetitum censent per creaturas quascunque jurare, quam illis sacrificare, quoniam Scriptura non minus illos damnat, qui jurant per eos qui Dii non sunt, quam illos qui offerunt sacrificium præterquam Deo soli. Nec plus rationis vident ut secundario juraretur per Sanctos, quatenus in iis elucet divina veritas; quam ut iis secundario quoque sacrificetur, quatenus in illis apparent insignia Omnipotentis & Bonitatis divinæ.

XXVIII. Idem

XXVIII. Idem sentiunt de votis, quæ Scriptura Domino soli concipi & exsolvi jubet, nec putant minus à vera pietate abhorreere, ut quis vocetur Sanctis, quatenus sunt Dii quidam per participationem, vel impetratores bonorum quibus egemus, quam ut quis sub eodem titulo iis offerat sacrificia & victimas.

XXIX. Denique non existimant illos effugere crimen læsæ majestatis divinæ, qui in suis precibus iisdem formulis Sanctos compellant atque Deum; poscentes ab iis gratiam & gloriam, ac bona quælibet corporis & animæ: licet non habeant Sanctos pro primis bonorum illorum autoribus, sed solum tanquam eorum sub Deo largitores & administratores: sicuti crimen illud non effugeret, qui sub prætextu simili Sanctis immolare vellet.

XXX. Præterea Scholæ Reformatæ Doctores non solum censent illicitum esse, quæ ad cultum divinum pertinent, ad Angelos vel Sanctos in cælum receptos transferre, sed etiam multæ sunt cultus & honoris species, quibus erga homines nobiscum in terra viventes uti licet, quas tamen, eorundem Doctorem judicio, ratio & pietas vetat erga mortuorum spiritus adhibere.

XXXI. Sic viros sanctos quibuscum versamur officiose salutamus, caput illis aperimus, & corpus inclinamus: sed talibus honoris signis uti solemus tantum erga præsentem. Et absurdum esset, si quis in honorem hominis Sancti, apud Americanos, aut Sinen- ses peregrinantis, hic in Gallia domi suæ, vel in loco sacro, corpus inclinaret, aut genua flecteret. Ideoque cum Sancti in cælo cum Christo regnantes tantum à nobis absint, quantum à terra cælum, à ratione putant omnino alienum esse, ut honoris ejusmodi signa erga illos adhibeamus.

XXXII. Id inter alios observat *Daniel Chamierus*. Postquam enim constituit cum honorem qui Sanctis deferendus est, esse eundem specie cum eo quem vivis deferri oportet; & ab eo differre tantum intentione & remissione, quæ varios quidam gradus efficiunt, sed non variant species: notat distinguendum esse quoad actus honoris illius. Quosdam enim Sanctis deberi: ut qui deferri possunt quibuscumque hominibus absentibus. At quæcumque præsentibus tantum deferuntur, ut genuflexiones, salutaciones, inclinationes, similiaque multa, ea non deberi Sanctis: & multo magis quæ indigentibus, ut vestes, lumina, panem, vinum. Panstratiæ Tom. 2. lib. 19. cap. 2. num. 20.

XXXIII. Ad eum autem honorem quem deferimus iis quibuscum hic versamur, aut quibuscum nobis est mutuum aliquod commercium, illud quoque pertinet, quod eos de quorum sumus pietate persuasi, rogare solemus, ut nos apud Deum precibus suis juvent, ac nobiscum postulent ea quibus egemus bona & auxilia. Nec enim quicquam virum pium procul degentem, & cum quo nullum potest epistolarum commercium habere, voce, vel corde rogabit, ut pro ipso Deum oret: ut si quis olim Hierosolymis *Paulum* Romæ victum allocutus fuisset, & verbis, vel tacita & interiori loquela, precum ejus apud Deum auxilium implorasset. Inde est quod Protestantes & Reformati omnes, Sanctos in Christo defunctos, non perinde ac vivos, rogant ut illos suis orationibus apud Deum adjuvent. Quoniam, scilicet, illi procul à nobis beatitudine & gloria cælesti fruuntur: nec ulla ratio superest, qua possimus cum illis animi nostri sensa communicare.

XXXIV. Quod si quis supponat Sanctos in cælo cum Christo regnantes, posse simul omnes homines, in quacunque mundi parte positos, intueri, eorumque preces audire, & cogitationes nosse; atque etiam opem quam ab ipsis postulant ferre, & quæcumque sunt in eorum honorem percipere atque agnoscere; hoc ipso putant Sanctis Divinum quid tribui, & ea de quibus jam agimus honoris signa, non amplius ad humanum, sed ad Divinum cultum pertinere.

XXXV. At, inquires, quid ergo restat ex Doctorem Ecclesiæ Reformatæ sententia, quo Sanctos honorare & colore possimus, Respondeo, juxta ipsos, honorem illum consistere, in pia & frequenti illorum commemoratione; in eo quod magnifice de ipsis sentiamus; laudes eorum, quum se fert occasio celebremus; eorumque virtutes & egregia facta sedulo recolamus, & in animum revocemus. Præsertim verò in eo, quod eorum exemplum sequamur, doctrinam amplectamur, & spem, fidem, charitatem, zelum, fortitudinem, patientiam & humilitatem, qua nobis præluxerunt, toto animi conatu emulemur.

XXXVI. Sic *Frederico Spanhemio* Honor Beatæ Virgini Mariæ debitus (ex quo de honore Sanctis alius convenienti judicium fieri potest) est *primo cogitatio, & commemoratio honoris insignis illius, quo Deus illam præ omnibus creaturis pro gratia sua*

sua bonitate dignatus fuit, ut mater illius & esset & diceretur, qui omnium Pater est, & Dominus. Secundo Prædicationis virtutum ejus, quæ nobis in sacris literis describuntur, pietatis, charitatis, humilitatis, constantiæ, & aliarum id genus virtutum, quæ singulariter in eximio hoc Dei organo eminere, & omnibus in exemplum proponi debent. Tercio commendatio gloriæ & beatitudinis quæ fruuntur in cælis. Dubiorum Evangelicorum part. 2. dub. 48. num. 4.

XXXVIII. His consimilia sint quæ de honore quem Beatæ Virgini exhibemus, docet Carolus Derelincurtius. Honor, inquit, quem ipsi reddimus in pluribus consistit: Primo enim memoriam illius veneramus, de illa cum omni reverentia loquimur, & plurimum ejus laudibus delectamur. Deinde toto corde & omnibus anima viribus Deum laudamus propter gratiam & beneficia quæ per illam nobis exhibuit. Tercio credimus verba quæ ex ejus ore exierunt: fidem & Religionem illius amplectimur, & conamur sequi documenta, quæ Spiritus Sanctus per istud gratia sue organum nobis relinquit. Præterea ipsam, ut in bene credendi, ita etiam in bene vivendi exemplum proponimus. Illius pietatem, charitatem, zelum puritatem, humilitatem, patientiam, constantiam, ac in genere omnes virtutes Christianas, quibus in excellenti gradu ditata fuit, nitimur imitari. Denique beatitudinem ac felicitatem illius extollimus. Libello de honore Beatæ Virgini Mariæ exhibendo. cap. 2.

XXXVIII. Andreas Riverius autem sic pluribus Philosphatur de honore qui debetur creaturis rationalibus, sive Angeli, sive homines sint; Si adsint, inquit, Angeli, id nobis incognitum est, quando, & ubi, nisi aliquando visibili specie, ut olim factum est, nobis appareant. Alioquin, aliquis nobis adesse sepius, & nos juvare novimus; sed quia nobis non est cum eis sermonis commercium, nec ubique sunt: nec cordium nostrorum recessus scrutantur: ideo non solemus cum iis verba commutare, neque signis externis eos salutare. Quod cum presentibus hominibus facimus, & cum Angelis olim fecerunt Patriarchæ, qui domus sue exceperunt, quos homines putarunt. Extra hanc occasionem de Angelis loquimur, (Angelos lucis intelligo) cum honore & reverentia, eorum naturam, officia, obediendi Deo promptitudinem magni facimus, & hanc nobis imitandum proponimus.

XXXIX. De hominibus vero loquens, Si qui fuerint, inquit qui claruerint magnis virtutibus, maxime pietate in Deum, & meritis erga Ecclesiam, eorum memoria nobis sancta est & veneranda; de iis reverenter loquimur, eorum virtutes recolimus, nobis & aliis ad imitandum proponimus, eos prosequimur debitis laudibus, & si quid aliud sit, quod iis quas non videmus, & qui non audiunt nos, deferre possimus: quod genus honoris & cultus eo magis est estimandum, quod ab omni adulatione alienum est, nec potest proficisci, nisi ab ea mente, quæ de eorum excellentia persuasa est, & eorum dignitatem magni facit, citra ullum propria utilitatis respectum.

XL. Postea vero monet, pro ratione donorum Dei in talibus, & excellentiæ majoris vel minoris, nos etiam augere observantiam & venerationis gradus: & laudes iis debitas non requere; sed cuique pro ea quam in eo agnoscimus mensura, tribuere quod suum est. Neminem vero qui opera nostra non habet opus, & cui non potest usui esse, nos colere servitute proprie dicta. Nec enim nos Sanctorum qui obierunt servos esse, sed ejusdem hereditatis consortes futuros, eorumque vestigia, quantum possumus, etiam premere: quod maxime voluerunt, dum in terris versantes, exemplo præverunt, Christum imitando, ut eos imitaremur.

XLI. Denique addit nos in primis Beatissimam Virginem laudare & honorare, pro ratione donorum quæ à Deo accepit maxima. Quæ, inquit, sinobiscum in terris versaretur, magno nobis honori duceremus eam cum famæ telto excipere, ei officia omnia exhibere, quæ filii debent parentibus, cum facta sit mater fratris nostri primogeniti. Reverenter etiam cum ea colloqueretur; venerabundi salutaremus, & sanctissima ejus nomina exciperemus. Sed quandoquidem in terris nobiscum non versatur, nec eam videmus, nec audimus, nec infirmam, aut ubique presentem credere debemus, quæ nunc in cælo versatur, postquam sua ætate interservisset consilio Dei, ut de Patre ipsius Davide scribitur; nos omnibus iis modis & rationibus, quibus absentes jure coli possunt & glorificari, Beatissimam Virginem reveremur & colimus, dempto religionis cultu, qui ei soli tribuitur, qui ubique present est, & Omnipotens, & qui servatur corda & renes: cujus in eo voluntati obtemperamus, quum matrem Domini Beatam & benedictam inter mulieres predicamus: idque multis nominibus; quod credidit; quod ei factum sit juxta Verbum Angeli; quod Filium Dei enixa, eum infan-tem diligenter curavit & lactavit, eique optime Matris officia omnia detulit; quod eum salvatorem suum agnovit, etiam in cunis vagientem; quod ipsa verbis fidem adhibuit, contradicentibus multis, quod post sanctiatis & pietatis exquisita in tota vita hac temporalis ex-
ercitia

estitit Deo gratissima, p[er] in Domino obdormivit, & sanctissimam animam Deo reddidit; quæ in cœlis fruatur ea beatitudine, quam se cœlestibus Deus promisit, eaque in vase illo selecto, pro ratione gratia hic acceptæ, etiam gradibus gloria prout Deus novit, emihente. Talem nos laudibus prosequimur, ejus memoriam gratis animis celebramus, de ea reverenter loquimur, eam virtutem exemplar Christianis omnibus, maxime piis mulieribus propotimus, omnesque ad ejus imitationem, in iis qua sunt imitanda, exhortamur. Apolog. pro sanctiss. Virg. Maria lib. 2. cap. 1.

XLII. His quoque consentanea tradit Joannes Dallam in libro de Objecto cultus religiosi. Quod enim, inquit, Angelos ceterosque beatorum spiritus adorare, & precibus, aliisque religiosiis honoribus colere refugimus, id non ab nullo in eos contemptu perficimur, sed ab inia nostra in Deum Opt. Max. officii conscientia, cui uni scilicet, precēs & reliquos religionis cultum deferendos esse credimus. Salvo hoc Dei cultu, de cetero consistemus magnum esse divini istamnes cœlestes spiritus operis excellentiam, beatissima Mariæ, & sanctissimæ Christi Mariæ, fideliūque Ministrorum eximiam sapientiam, fidem, charitatem, sanctitatem denique atque beatitudinem. Ad hac egregia in pietatis negotio facta, dicta, & vivamina, & sepe & libenter, quoties occurrat occasio, celebramus, & nobis nostrisque pro sua cuique virili, imitanda prædicamus: nomen postremo ac memoriam non nisi cum laude usurpamus: quæ profecto omnia ad studium Sanctorum Dei & Angelos & homines, a nobis pro eo ac docet honorari, magnis, fieri.

XLIII. Postea vero honorem, quem & Angelis & Sanctis cœlo receptis nobis dei ferri par est, & divinorum & Ecclesiasticorum auctorum sententia, his duobus totum contineri censet, ut & ipsius & ipsius, laude & imitatione. Quorum illud prius in cœsum est, ut bene præclareque de iis, veluti de eximiiis Dei ministris, sentiamus ac loquamur: alterum vero hoc constat, ut eorum mores, & quod communi Domino ac Deo præstiterint obsequium, fideliter ac studiose imitemur. De objecto cultus religiosi lib. 3. cap. 1.

XLIV. In ista autem Sanctorum Angelorum & hominum iniqua? siac laude, cal vendum putant Scholæ Reformate Doctores, ne studio Sanctos extollerent, tribuamus ipsis titulos & elogia, quæ soli Deo & Christo debentur: neve pedem inferentes in ea quæ non vidimus, quicquam eis tribuamus quod per Dei verbum non constat. Cui ergo Scriptura sacra non doceat, nec indicet Sanctos in Christo defunctos rebus humanis præesse, & viventium Patronos ac Tutores à Deo esse constitutos, nolunt illos ut tales celebrari: nec etiam iis tribui quod pro singulis fidelibus orent, & singulorum preces simul audire & exaudire possint, cum hoc nulla revelatione divina constipertum sit.

XLV. An vero saltem in genere pro Ecclesia Militante orent quidam inter Reformatos pro certo affirmare nolunt, ac iudicium suum ea de re suspendunt, ut sæpe jam dictus Carolus Drilincurtius, qui censet incertum esse an Sancti pro Ecclesia orent, & istud inter occulta Dei, nec nobis revelata ponit, quia istud Scriptura nullibi clare & expresse docet. De honore B. Virgini exhibendo tom. 2. pag. 106. num. 179. & seqq.

XLVI. Similiter Chamierus quæstione proposita, utrum Sanctorum animæ pro nobis orent in genere, hoc est universaliter pro Ecclesia Christiana, & fidelium universitate, pronunciat id nullo certo argumento constare: quamvis fateatur nonnihil habere veri similitudinis; & rem relinquat in medio, ut quisque fruatur suo iudicio. Panstr. tom. 2. lib. 8. cap. 3.

XLVII. Alii vero non gravatè concedunt, & probabile existimant Sanctos in cœlis cum Christo regnantes, in genere saltem pro Ecclesia hic pugnante orare: quoniam id videtur planè consentaneum & charitati qua servant, & communioni quæ est inter utramque Ecclesiam, Militantem atque Triumphantem. Sic ea de re sententiam suam exponit Andreas Rivetus. Non negamus, inquit, Sanctorum Ecclesiam cum Christo regnantem, de membris hic pugnantibus esse sollicitam. Sed ea cura est communis, non ex cuiusque conditionis notitia sed ex generali eorum scientia, qua norunt quod, cum tota Ecclesia nondum sit recepta ubi regnant, semper aliqui militent in terra, pro quorum conservatione ac complemento, eos Deum precari, ut ejus regni incrementum semper petunt, non dubitamus. Summe controversiarum tractatu secundo. quæst. 48.

XLVIII. Nec aliamens est Petri Molinai. Beati spiritus, inquit, etsi non videntur qua hic sunt, nec norint singulos, sciunt tamen Ecclesiam primi ab adversariis, & ei proposita esse perpetua certamina. Cumque ex glorificatione aucta potius sit quam imminutio eorum charitas, consentaneum est eos de Ecclesia militante esse sollicitos. In Thesaurio Theorem Sedanen sium Tom. 1. Thesis de Sanctis part. 3. th. 3.

XLIX. Quæ.

XLIX. Quicquid vero de eo sit, communi consensu negant Theologi Reformati Sanctos esse & rectè dici Intercessores & Advocatos nostros. Quoniam intercessores nostri apud Deum titulum solus ille meretur, qui potest omnium & singulorum preces simul & omni tempore audire, atque percipere, idque habet muneris, ut illas Deo offerat & commendat. Quod uni Domino nostro, Jesu Christo convenire sentiunt: Nec quisquam dixerit fideles hic degentes esse intercessores & advocatos nostros, propterea quod alii pro aliis, ex charitate mutua, orare debeamus.

L. Nolunt quoque bona quæ nobis obtingunt sanctorum meritis tribui, & per eorum merita quicquam à Deo postulari: quia Sancti, qui totum quod erant gratiæ divinæ debebant, nec sibi, nec aliis quicquam propriè loquendo, mereri potuerunt. Neque tamen propterea negant, vi communionis Sanctorum fieri, ut bona & pia opera, quæ à singulis Ecclesiæ membris per Dei gratiam fiunt, benedictionem & favorem Dei, in totum corpus quodammodo provocent, atque alliciant: imo quandoque Deum, hominum piorum & iustorum intuitu, impiis ipsis, quibus immixti sunt, parcere, & tempus ac media poenitentiam agendi concedere: quemadmodum Dominus Abrahamo professus est se parcurum fuisse Sodomæ ipsi & Gomorrhæ, si in ea vel decem homines iusti reperti fuissent.

LI. Porro ex iis quæ hæcenus thesibus hisce & superioribus exposita fuerunt, manifestum esse nullam hic esse controversiam, An Beatorum homines, tum Angeli, aliquo cultu & honore digni sint, & à nobis afficiendi: id enim ultro fateatur & docent Scholæ Reformatæ Doctores; nec contrarium, nisi per calumniam ipsis imputari potest.

LII. Præterea inde patet Scholæ Romanæ Doctores cum Reformatis agnoscere, cultum qui Sanctis hominibus & Angelis debetur, non sub eodem genere univoco cum divino cultu contineri; ac proinde non esse ejusdem cum illo speciei: nec cultum istum Religiosum esse, propriè & strictè loquendo: sed solum latiori quadam & minus propria significatione: juxta quam cultum qui Sanctis debetur religiosum dici posse expressè admittunt inter Reformatos insignes Theologi.

LIII. Illud quoque à nobis ostensum, Doctores Scholæ Romanæ fateri, distinctionem cultus Religiosi in Latrariam & Duliam esse Scholæ inventum: nec vocum istarum discrimen, prout in Schola Romana usurpantur, in Scriptura exactè servari: Duliam enim sæpius ad cultum Deo proprium restringi, Latrariam vero aliquando ad servitium humanum extendi. Vicissim autem Scholæ Reformatæ Doctores non rultum repugnare, quin distinctionis causa, Latraria divini cultui, Dulia vero observantiæ illi, quæ creaturæ coli possunt & debent, accommodetur.

LIV. Tota ergo difficultas & quæstio huc redit, Qua in re consistat honor qui creaturis Sanctis & Beatissimæ Virgini Mariæ legitime exhibere potest? An scilicet, ædes sacræ non solum possint de nomine Sanctorum & Angelorum vocari distinctionis causa; sed etiam eo fine condi, ut in iis Angeli, & homines Sancti in coelum jam recepti publicè invocentur, & variis ritibus colantur; coram iis tanquam nos intuentibus, genua flectendo, & corpus inclinando, thus iis adolendo, cereos accendendo, & donaria varia offerendo? An per eos jurare liceat, & vota illis concipere relative ad Deum, id est, quatenus Dei veritas in iis elucet, & in iis Deus per gloriam habitat? Ac denique, An illos rogare possimus ut pro nobis orent, neque hoc simpliciter, sed ad illos dirigere preces, alio quidem sensu, verum iisdem verbis & formulis conceptas, quibus sunt illæ quas ad Deum concipimus? Quod affirmant Scholæ Romanæ Doctores, & Ecclesia Romana praxi sua confirmat, negant vero communi consensu Protestantæ.

LV. Præterea illud in controversia est, An Sanctos in Christo defunctos celebrare liceat ut generis humani custodes & patronos, quibus rerum nostrarum regimen à Deo commissum sit: Et illos habere ut tales apud Deum Mediatores atque Intercessores, qui omni tempore omnium hominum preces sive corde sive ore conceptas audire atque percipere, Deoque offerre & commendare possint, ac suis suffragiis ac meritis adjuvare? Præsertim vero, An Beata Virgo agnoscenda sit atque prædicanda ut Regina cæli, & mundi totius, ac creaturarum omnium Domina: ut illa per quam mundus salvatus est, & quæ sola omnes hæreses interemit & an Mater misericordiæ, Mater & fons gratiæ, vita & spes nostra salutari debeat: quæ omnia probat praxis Ecclesiæ Romanæ. Improbant vero & damnant Protestantæ.

LVI. Quibus quoque scandalum movent Elogia alia plurima, quæ in Beatam Virginem & Sanctos concervantur, à privatis quibuldam Doctoribus; sed Ecclesia Romana non

non improbane neque prohibente: Ut quòd Mariz Virgini titulus *Dea* tribuitur, quòd Sancti *Tutalaria Numina* nuncupantur, ut in inscriptione illa quam ante paucos annos memini me legere in Ecclesia apud Trecentenses Beato Petro dicata, *Petrus, Helena, Massidia, Tutalaria Trecentium Numina*. Et quòd Virgini Mariæ tribuitur imperium & dominium in Filium ipsum, & potestas omnia gratiæ & naturæ dona sub Deo dispensandi, & quibus vult communicandi. Quod illuminatrix cordium & rerum causa appellatur; imò dicitur mundum fundasse & secisse, & quæ in eo sunt omnia conservare & gubernare. Et plura ejusmodi, quæ brevitatis causa in præsens omittimus.

LVII. Porro, beatos spiritus, sive Hominum sive Angelorum, non esse colendos eo cultu, qui ipsis in Ecclesia Romana exhibetur, dum scilicet ædes sacre & altaria in eorum honorem construuntur atque dedicantur, cerei illis accenduntur, incensum adoletur, & coram ipsis tanquam intuentibus genua flectuntur; dum vota eis nuncupantur, & variæ sunt illis oblationes, ac juramenta per eorum nomen concipiuntur; dum denique precibus solennibus ad eorum auxilium & opem confugitur, & hymni illis publicè canuntur in gratiarum actionem pro beneficiis à Deo acceptis, & siqua sunt istiusmodi. Nec Angelos (inquam) beatos, nec Sanctos in Christo defunctos eo modo colendos esse, inde probant primùm Protestantes, quòd talis cultus non debuit ab hominibus sine Dei verbo excogitari. Alioquin sine fide exhibebitur; cum absque Dei verbo nemo certus esse posset illum Deo gratum & acceptum esse. Adeoque si constet ejusmodi cultum nullo Dei præcepto & revelatione niti, inter *idola hominum* ab Apostolo damnatas merito rejici potest. Jam verò totum istum cultum in Dei verbo nullum fundamentum habere, ex eo patet quòd in universa Scriptura, seu Veteris seu Novi Testamenti, nullum ejus existat præceptum aut exemplum.

LVIII. Et quidem quod ad Vetus Testamentum attinet, fatentur ipsi Doctores Ecclesiæ Romanæ cultum, qui Sanctis defunctis, apud ipsos exhiberi solet, in Ecclesiæ Veteris Testamenti usitatum non fuisse. Cujus rei hanc rationem afferunt, quòd animæ Sanctorum tum temporis nondum fruebantur illa cælesti gloria & beatitudine, ad quam post Christi adventum evectæ sunt; sed in quodam veluti carcere detinebantur, quem carcerem *Limbum Patrum* vocant. At saltem nulla ratio est cur cultus quem Angelis exhibent, si quidem legitimus sit, sub Veteri Testamento non debuerit Angelis exhiberi. Imò si unquam colendi sunt Angeli, tum maxime coliti debuerunt, cum in populo veteri gubernando Angelorum ministerio Deus ple- runque sit usus, & frequentes fuerint in Ecclesia Judaica illorum apparitiones; quia scilicet Deus illis internuntiis apud fideles sæpius utebatur. Cum in Ecclesia Novi Testamenti locutus sit nobis Deus per Filium, cui & non Angelis mundum hunc futurum subjecit, ut docet Apostolus Heb. 2. 3. Et tamen neque ex Scriptura sacra, nec etiam ex ullis historiæ & gentis Judaicæ monumentis ostendi potest vel minimam cultus publici partem Angelis impensam fuisse: Exempli causa, in honorem eorum ullum sacellum vel oratorium fuisse consecratum, ullave festa celebrata, & vel unicum cereum, aut thuris granum illis oblatum & accensum fuisse; aut in publicis fidelium coetibus ullas fuisse ad ipsos preces conceptas, & hymnos decantatos, vel ullam denique adorationis speciem exhibitam. Quin contrarium planè apud omnes indubiè constat. Cum tamen nihil prohiberet, imò maxime conveniret, Angelos tali cultu apud Judæos prosequi, si quidem istud apud nos liceret.

LIX. Sub Novo verò Testamento Christus & Apostoli hac in parte nihil omnino immutarunt; nec ullum novum cultum instituerunt, quo deinceps Angeli & Justorum spiritus ad videndam Dei faciem admissi colerentur. Etenim hujus rei nullum præceptum, aut exemplum, vel etiam minimum indicium apparet in tota Novi Testamenti scriptura: in qua nullibi monemur Angelos aut Sanctos defunctos invocare, ad eorum opem confugere, hymnos illis publicè canere, eosque thure, incenso, altaribus & ædibus sacris, aut quibuscumque aliis externis adorationis actibus honorare.

LX. Neque solum altum est de rebus istis silentium in scriptis Novi Testamenti, sed nec ex Ecclesiastica trium primorum seculorum traditione simile quid exculpi potest. Non pauci fuerunt illustres per istud tempus apud Christianos Scriptores, quorum monumenta supersunt, & qui in manibus hominum versantur: quales apud Latinos Tertullianus, Cyprianus, Lactantius, & Arnobius;

& apud Græcos Justinus, Athenagoras, Irenæus, Clemens Alexandrinus, Origenes, & alii complures; apud quos nullibi legitur, cultum aliquem hodierno in Ecclesia Romana similem, Angelis & Sanctis mortuis, vel exhibitum olim, vel jam exhibendum esse: contrarium verò multis & manifestis admodum indicis colligitur.

LXI. Primum enim, qui secundo & tertio post Christum seculo vixerunt Scriptores Ecclesiastici, in ea plerique fuerunt sententia, omnium fidelium, etiam sanctissimorum, animas certis extra cælum locis, ad supremam iudicii diem contineri, neque ante receptum ex resurrectione corpus in patriam illam cœlestem admitti. Eorum quidem nonnulli, ex singulari quadam prerogativa, specialem locum Martyribus assignant, Paradisum scilicet ut vocant. Sed eo nomine minime designant cælum ipsum summum, in quo Martyres Dominum, videant facie ad faciem: verum regionem quandam subcœlestem, sinu quidem Abraham, in quo reliquorum piorum animæ requiescunt, lætiores & amœniores, non tamen cœlestis gloriæ capacem: ut adversus Cardinales Bellarminum atque Perronium, fusè demonstrat inclytæ memoriæ Joannes Dallæus*. Unde patet primis illis Christianismi seculis, nondum ut traditionem Apostolicam receptum fuisse, dogma de illo Sanctorum cultu & invocatione, quæ in Ecclesia Romana jam obtinet. Etenim cultus ille nititur hypothese de Sanctorum gloria & beatitudine summa; ad quam cum non admitterentur, juxta Scholam Romanam, Sanctorum animæ ante Christi adventum, ideo fatentur illos nondum fuisse sollemniter cultos & invocatos. * *De Patria & Satisfactionibus, lib. 5. cap. 3, 4, 5, & 6., & De Objecto Cultus Religiosi, lib. 3. cap. 22.*

LXII. Deinde ex vetustissimis quæ supersunt Liturgiis constat, veteres illos Christianos obtulisse Deo preces & supplicationes pro omnibus omnino mortuis, etiam pro Sanctissimis, pro Martyribus, pro Apostolis, adeoque pro ipsa Deipara Virgine. Pro quibus à Deo petunt in Liturgiis illis ut eos requiescere faciat in regione viventium, & largiatur iis promissionum suarum bona, & præstet requiem bonamque memoriam: non verò simpliciter, ut frustra contendit Bellarminus, pro iis gratiarum actiones offerunt. Jam verò ex quo publicè receptus est Religiosus Sanctorum cultus & invocatio, tanquam oraculum illud Augustini habitum est, *Injuriam facere Martyri qui orat pro Martyre*. Nec unquam aliquis in animum inducet ut utatur solenni illa invocatione, quam Sanctis cum Christo regnantibus deberi docet Ecclesia Romana, apud eos quos opus sit precibus nostris Deo commendari.

LXIII. Præterea, cum Gentium sapientes unum tantum summum Deum agnoscere se profiterentur, alios verò quos Deos vocabant unici illius summi numinis esse ministros, & secundo solum post eum loco coli; ac Christianis obijcerent, quod supremi illius Dei cultu contenti, negligerent inferiores sub illo Potestates, quibus tamen sua quoque veneratio debetur. Veteres illi Christiani bona fide agnoverunt se revera tantum unum summum Deum colere, idque tanquam legitimum & rectum defenderunt; nec vel minimam cultus religiosi partem ipsis bonis & sanctis Dei Ministris debitam esse concesserunt, aut cultum religiosum in summum & subalternum, vel absolutum atque relativum distinxerunt. Quod tamen ab ipsis postulabat candor, charitas, atque prudentia; si de Sanctorum & Angelorum cultu idem cum hodierna Ecclesia Romana sensissent.

LXIV. Nam ad istam Ethnicorum criminationem sic cum Arnobio respondent: *Ad cultum Divinitatis obeundum satis est nobis Deus primus, Pater rerum ac Dominus, Constitutor, Moderatorque cunctarum. In hoc omne quod colendum est colimus, quod adorare convenit adoramus; quod obsequium venerationis exposcit, venerationibus promeremur. Cum enim Divinitatis ipsam teneamus caput, à quo ipsa Divinitas Divinorum omnium, quæcumque sunt, ducitur, supervacuum putamus personas ire per singulas, cum & ipsi quasi sint, & quæ habeant nomina nesciamus, & cuius sint præterea numeri, neque liquidum, neque comprehensum, neque exploratum habere possumus.* Quod postea illustrat illa ipsa ab aulis Principum allata similitudine, quam eadem hac in re Ethnici usurpabant: *Atque, inquit, ut in terrestribus regnis necessitate nulla compellimur, regalibus in familiis constitutos nominatim cum principibus adorare, sed in regum ipsorum cultu quicquid illis annexum est, tacita vi se sentiri honorificentia comprehendere; non alia ratione quicunque hi Dii sunt, quos esse nobis proponitis, si sunt progenies regia, & principali*

pals oriuntur à capite, etiamsi nulli accipiant à nobis nominatum cultus, intelligunt se tamen honorari communiter cum suo Rege, atque in illius venerationibus contineri. Arnob. contra gentes. lib. 3. init.

LXV. Quibus congruunt quæ docet Origenes simile tractans argumentum. Nam Celsi contententi nunquam quidem à Dei cultu deficiendum esse & animam in illum intentam esse debere in omni opere & cogitatione, verum id non ob stare quominus placandæ propitiandæque sint variæ potestates sub Deo constitutæ, idque ad summi numinis honorem redundare, Respondet insignis ille veteris Ecclesiæ Doctor, * Ad hoc ut Angeli Dei nobis propitii sint, & pro nobis omnia faciant, sufficit & noster primo in Deum affectus, nostraque dispositio, quantum quælibet humana natura valet, imitans ipsorum Angelorum Deum imitantium iudicium, & secundo Filii Dei verbique pro nostra virilis apprehensio. Item, "Provis nobis est placandus Deum universorum Dominus, & hinc ut propitium habeamus, orandum est; qui pietate & omni virtute propitiatur. Sin & post hunc supra omnes Deum aliquos alios propitios velit, cogit quod scire moto corpore umbra quoque ipsius moveatur; ita cum aliquis summum Deum habet propitium, sequitur ut propitios habeat omnes ejus amicos, Angelos, animas, spiritus, sentiant enim qui sint favore Dei digni, quibus non ipsi solum bene volunt; verum etiam cum iis, qui Deum colere volunt, operam jungunt, eumque placant, & una nobiscum precantur & postulant; ita ut audeamus dicere hominibus, qui cum firmo animi proposito meliora eligunt, ac sequuntur, quoties ii Deum precantur, innumerabiles potestates sacras una cum iis non vocatas precari, fragili ac mortali nostro generi se una socias præbentes, ac ut sic dicam concertantes, & nobis in hoc agone collaborantes. * Contra Celsum lib. 5. "Contra eundem Celsum lib. 8.

LXVI. Ubi valde notandum est quod dicit Origenes, innumerabiles potestates sacras, quo nomine Angelos & Spiritus Beatos designat, una cum iis Deum colere volunt, precari quidem, sed *exaltas, non vocatas*. Nec enim solum in genere docet unum Deum esse adorandum, & religiose colendum indivisibiliter & inseparabiliter, sed etiam preces nostras ad eum solum dirigendas esse, nec ulla precatiois & invocationis specie erga Beatos Angelos, aut alias quascunque creaturas utendum. Apagæ, inquit, hoc Celsi consilium jubemus orari *dæmonas* (id est, Spiritus qui summo Deo ministrant, ex Platoniorum more atque loquendi usu) qui ne tantillum quidem audiendus est. Soli enim Deo Optimo Maximo preces offerenda sunt; Et vero unigenito Dei verbo, primogenito creatura totius offerenda, qui ut Pontifex rogandus est, ut nostram, quæ ad eum pervenit, orationem perferat ad Deum suum & Deum nostrum, Patrem suum & Patrem nostrum. Eodem contra Celsum lib. 8. Eiusdem vero operis libro quinto, Omnem, inquit, precatorem, atque orationem, omnem obsecrationem, & gratiarum actionem Deo summo rerum omnium Domino, per orationis verbum, Deumque, Pontificem qui supra omnes Angelos est, emittere, seu deferre decet. Ipsum autem etiam verbum orabimus, & interpellabimus, & gratias ei agemus, precesque etiam offeremus, si modo intelligere possimus propriam & Catarchesticè dictam precandi rationem. Angelos enim à nobis, qui eorum scientiam, sive notitiam, rem scilicet, supra homines constitutam minimè accepimus, invocari, à ratione alienum est. Et ut demus, eorum notitiam, quæ mirabilis & arcana est, comprehendere, hæc ipsa notitia eorum naturam, & quibus, vel ad quæ singuli præficti atque ordinati sint demonstrant, prohibebit ne audeamus ullum alium precari, quam Dominum qui est supra omnia, quique abundè ad omnia sufficit, per servatorem nostrum Dei filium.

LXVII. Hic etiam observandum est Origenem, ut multos alios illius ævi Scholæ Christianæ Doctores, existimasse Solem, Lunam, & reliqua Sydera esse animantia quædam rationalia, & virtute prædita, & cognitionis lumine illustrata à sapientia illa quæ est splendor æterni luminis: nec cum ullo modo repugnare Celsi illos prædicanti, tanquam illustratissimos rerum superiorum præcones, ac verè cœlestes Angelos, ipsique planè persuasum fuisse, quod Sol, Luna, & Stellæ preces Deo offerrent rerum omnium Domino per unigenitum ejus. Proinde si aliquo religionis cultu, ex Originis mente, digni sint Angeli Dei, eo quoque par est dignum existimari Solem, Lunam, & Astra. Et tamen querente Celsi quod Judæi Solem, Lunam, & Planetas non colant, non solum in genere negat has esse creaturas illas visum & *perceptum* colere atque adorare; sed etiam asserit illicitum esse illis supplicare; & hymnos canere. *Judicamus*, inquit, non decere eos precari qui ipsi precantur. Quin addit solem & sydera ipsa ita velle, nosque ad Deum, quem

ipsa precantur, remittere potius quam ad seipsa dejicere ac demittere, vel eam quam habemus precandi potestatem à Deo arduere, & aliquam ejus partem etiam sibiipsis sumere. Et postea subiungit, Cum Dominus ubique nobiscum & prope nos adsit, absurdum esse querere eum precari, qui non ad omnia usque pertingit, Solem, & Lunam, vel aliam aliquam Stellam. Ac denique Celsus scribenti, Eo nos magnum Deum magis colere videri, si & soli hymnos canamus. Respondet se contrarium scire; Hymnos enim, inquit, in solum Deum universorum Dominum dicimus, & in unigenitum ejus Deum verbum. Adversus Celsum, lib. 5.

LXVIII. Neque est quod quis dicat cum Cardinali Perronio, quum negat Origines Angelos precandos & invocandos esse, illum agere de Oratione quum absolutam vocant, non vero de ea quæ Relativa dicitur, qua sola apud Angelos utendum esse docet Schola Romana. Etenim Celsus ipse, adversus quem agit Origines, non existimabat Angelos, sive ut loquitur cum Platone, dæmonas colendos esse cultu summo & absoluto, sed eo qui ad Deum summum, cujus ministri essent, referretur. Adeoque contra Christianos invocandos illos esse contendebat, non absoluta quadam precatione, quasi primi & summi essent honorum largitores, sed relativa solum, ut eorum sub Deo summo impetratores & administratores. Ac proinde cum Origines neget illos invocandos esse, qua ratione Celsus, & alii sapientes Ethnicorum volebant, planum est, juxta Origines, nec absoluta, neque relativa invocatione licitum esse apud illos uti. Adde quod Origines dicens illos pro nobis precari & nos non vocatos, satis indicat illos ne quidem rogandos esse ut Deum pro nobis precentur: quod est precationem relativam illis denegare, non vero tantum absolutam.

LXIX. Itaque Origines pulsatus Celsi objectionibus, quasi Christiani summi Dei Ministros, & Angelicas potestates contemnerent, & nullo honore prosequerentur, non alium honorem illis exhibendum esse concedit, quam cum qui consistit in laude & imitatione: Eos, inquit, predicamus beatos, & bene loquimur de illis, quibus à Deo commissæ sunt utilitates hominum, non tamen honorem Deo debitum his reddimus. Sæpius jam citato libro adversus Celsum Philosophum octavo. Ac præterea loco quem supra descripsimus ex libro quinto ejusdem operis, affirmat Angelos, quantum humana natura fert, nobis imitandos esse; idque satis fore ut beati illi Spiritus bene nobis velint, & pro nobis in omnibus satagant: sed nullibi, quod tamen ad ejus scopum maxime fecisset, & calamitiam Ethnicorum plenius adhuc retulisset, memorat nos eorum orationes precibus ambire, aut quicquam eorum quæ in Ecclesiâ Romana hodie usitata sunt, in eorum honorem fieri.

LXX. Proinde quum Origines octavo illo adversus Celsum libro, insinuat quandam disparitatem, id est, honoris & observantiæ speciem veris Dei Ministris, Gabrieli Michaeli, cæterisque Angelis & Archangelis deberi; disparitas ista, juxta doctrinam Origines, nullo modo constitui potest. in quadam eorum adoratione, & invocatione, quæ in solidum & indivisibiliter uni summo Deo deberi contendit: sed in illa beatitudinis, gloriæ & sanctitatis agnitione & celebratione, & etiam obsequii & amoris erga Deum pia imitatione, quibus Sanctos Angelos colere non posse fatetur.

LXXI. Sed ut ad Sacram Scripturam redeamus, non salum in ea nullum præceptum aut exemplum de Angelorum, sive de Sanctorum mortuorum cultu reperitur, sed sæpius ipsa docet unum Deum adorandum, & illi soli serviendum esse: adeoque nec Angelis, nec Sanctis in Christo defunctis religiosum ullum cultum esse deferendum. Respondent Scholæ Romanæ Doctores, scripturam solum prohibere ne creaturis deferamus cultum illum summum atque absolutum, quo aliquis colitur tanquam primum principium, atque ultimum finis, cui cultui Latræ nomen appropriaverunt, non vero prohibitum esse Dei Ministris & amicis, quales sunt Angeli, & justorum Spiritus in gloriam cœlestem receptis; inferiorem illum religionis cultum quem ipsi Duliam appellant, exhibere.

LXXII. Verum Scriptura sacra, dum creaturas adorare & illis servire prohibet, non vetat simpliciter ne creaturas agnoscamus ut primum principium atque ultimum finem, easque sub hac ratione colamus; sed ne quovis prætextu exercamus erga illas adorationis religioſæ actus, quales sunt aliquem publicè invocare, hymnos illi canere, incensum adolere, ædes sacras & festos dies dicare, per nomen ejus jurare, vota illi nuncupare, & quæ sunt similia.

LXXIII. Rem autem ita se habere inde manifestè probatur, quod Ethnicorum sapientes arguuntur ab Apostolo, ut ii qui τὸ θεῖον καὶ τὸ ἀνθρώπινον τῇ κτίσει μιμούμενοι

ἱερόν, ist est, qui creaturam cultu divino coluerunt, præter creatorem, sive potius quam creatorem: quia scilicet, Solem, Lunam, & Altra, Heroas, & Genios religiose colebant. Et tamen certum est, illos Ethnicorum sapientes Solem, Heroas, & Genios non pro summis Diis habuisse, sed pro Ministris summi illius Dei, quem vocabant Patrem hominumque Deumque, quemque etiam in divinis illis inferioribus honorari existimabant. Rom. 1. 26.

LXXXIV. Sic refert * *Orosius* Paganos fateri solitos, non se plures Deos sequi, sed sub uno Deo Magno plures Ministros venerari. Sic etiam † *vetus Recognitionum* scriptor eisdem Paganos dicentes introducit, *Unum esse & nos dicimus Deum qui est omnium Dominus. Sed & isti Diis sunt. Sicut enim unus est Cæsar, & habet sub se multos iudices, verbi gratia Prefectos, Consules, Tribunos, & ceteras Potestates; simili arbitramur modo, cum unum sit omnium Deus, etiam istos ad similitudinem earum, quas diximus Potestatum, ordinatos esse in hoc mundo Deo, illi quidem majori subiectos, nos tamen & quæ in hoc mundo sunt dispensantes.* * *Oros. histor. lib. 6. init. † Clem. Recogn. lib. 5.*

LXXXV. Unde est quod *Celsus* apud *Origenem* affirmat, *Eum qui plures Deos veneratur, hoc ipso in quantum unum aliquem Deo maximo subditum colit, rem gratam summo Deo facere:* & addit, *Quod neminem honore prosequi licet, nisi quem ille honorari vult: quapropter qui veneretur ejus subditos non offendere illum cujus omnes sunt. Ideoque sic coli vult inferiores illas sub summo Deo potestates, Ut Deus nullo pacto unquam relinquatur, non noctu, non interdum, non in privato, non in publico, non in cogitationibus ulla, non in operibus, sed sive cum his, sive sine his semper intenta sit ad Deum anima. Et postea, Sic, inquit, magnum Deum magis venerari videberis, si hos quoque hymnis honores & laudibus.* * *Quibus consonum est quod docet Hierocles, Deos ita agnoscendos & colendos, ut sunt ab autore suo & parente distincti, non autem eorum dignitatem supra modum esse atollendam; denique cultum esse referendum ad eorum officium unicuique, quem Deum Deorum tanquam summum & optimum propriè nominare queas.* * *Orig. contra Cels. lib. 8. Hierocl. in carm. Pythag. pag. 10.*

LXXXVI. Proinde cum jam dicti Ethnicorum sapientes Solem, Lunam, & Genios inferiori duntaxat aliquo cultu coluerint, non tanquam Deos summos, sed solum tanquam summi Dei ministros, totumque istum cultum ad honorem ipsius summi Dei retulerint, ut ex allegatis testimoniis patet; & nihilominus ab apostolo dicantur *creatura latræ Latriæ & cultum divinum exhibuisse creatura*, manifestum est eos non purgari à crimine Latriæ Angelis & Sanctis defunctis exhibitæ, qui colunt illos precibus & hymnis votis & juramentis per eorum nomen conceptis, oblationibus variis, ædibus sacris, & diebus festis eorum honori dicatis, etiam si protestentur se omnia ista Sanctis & Angelis exhibere, non tanquam diis summis, sed tanquam Dei Ministris & amicis, adeoque Diis solum per participationem; idque relativè ad Deum ipsum summum, in cujus honorem tandem ista cedant & referantur.

LXXXVII. Neque est quod dicat aliquis Ethnicos ab Apostolo accusari Latriæ creaturis exhibitæ, quoniam obtulerunt eis sacrificia, quæ omnium confessione ad Latriæ cultum spectant. Nam Scriptura sacra non solum Gentes damnat quod creaturis immolarint, sed vel eo nomine quod illas osculo sacro coluerint. A quo crimine vir Sanctus *Job* protestatur se fuisse immunem, *Si vidi, inquit, statum quem fulgeret, & lunam incedentem clarè: Et latatum est, sive potius seductum est in abscondito cor meum, & osculatus sum manum meam ore meo.* Job. 31. 26.

LXXXVIII. Adde quod, si juxta Doctorem Scholæ Romanæ hypothefes, licet creaturas etiam Latriæ, modo non absoluta, sed relativè colere, nulla solida ratio reddi potest, cur ipsis relativè sacrificare non liceat. Et si bonum & pium est, Angelis & Sanctis cum Christo regnantibus vota nuncupare, & per eos jurare, quatenus illis Deus per gloriam inhabitat, & divina veritas in iis elucet, ac sunt Dii quidam per participationem, cur impium & prohibitum sit, eo nomine & respectu, sacrificia illis dem offerre. Neque etiam prisci Ecclesiæ doctores sola sacrificia divino illi cultui, quem creaturis deferre nefas est, reservarunt; sed ut supra vidimus, preces quoque & hymnos, quos in solum Deum universorum Dominum dici volunt.

LXXXIX. Verum Scriptura sacra non solum in genere dicit unum Deum esse colendum, & Latriam non esse creaturis exhibendam, sed etiam in specie vetat ne *Spem* ullam, id est, cultum ullum religiosum Angelis deferamus. Si autem non licet Angelos religiose colere, multo minus licebit cultum illum erga Sanctos defunctos adhibere; cum Angeli naturæ præstantia homines superent, nec sint Sanctis gratia & gloria

gloria inferiores. Angelorum autem *Synaxiar*, sive cultum religiosum expresse damnat *Paulus* Apostolus. *Nemo*, inquit, *vos seducat volens in humilitate, & religione Synaxiarum Angelorum, quæ non vidit ambulans, seu pedem inferens in ea quæ non vidit, frustra inflatus sensu carnis suæ.* Ubi Apostolus simpliciter prohibet *Synaxias*, id est cultum religiosum Angelorum. Non potest autem ulla cum ratione negari illos *Synaxiarum*, id est, religiose colere Angelos, qui ædes sacras in honorem Angelorum construunt, dies festos illis dicant, in locis religiosis sollemniter eos invocant, & eorum patrocinium ac protectionem precibus ambiunt, ac quasi coram præsentibus atque intuentibus genua flectunt, & in terram procumbunt. Adeoque tales, secundum *Pauli* mentem, aut ab illis seducti sunt, aut temere sensu carnis suæ inflati.

LXXX. Quod si quis ejusmodi cultus, ex Apostoli sententia Angelis debitus fuisset, si licitum existimavisset festa & oratoria Angelis consecrare, & in publicis fidelium cœtibus hymnos illis canere, eosque invocare, ac coram illis procumbere, non simpliciter damnavit Angelorum culturam, sed siquid immodicum in Angelorum religioso cultu apud Colossenses ab Impostoribus fuisset introductum, illud distinctè notavisset, & legitimum Angelorum cultum ab illegitimo quadam ratione secevisset: ut facerent proculdubio Doctores Scholæ Romanæ, siquæ secta jam exoriretur, quæ ipsorum judicio, nimium quid Angelis in hoc generi tribueret.

LXXXI. Ad hoc varia respondent & committuntur Doctores Ecclesiæ Romanæ; sed quorum vanitas statim appareat rem absque affectu & præjudicio pensanti & consideranti. * Cardinalis *Perronius* per Religionem Angelorum intelligi non vult eam quæ Angeli coluntur, sed potius eam quæ ab Angelis tradita est; & eo nomine designari conjicit religionem Judicam, seu ritus Mosaicos, quoniam aliis in locis lex à *Paulo* dicitur, "*Ordinata per Angelos in manu Mediatoris.*" Ac proinde ex ejus mente scopus Apostoli est, Colossenses revocare à cultu Judaico, & Mosaicæ legis ceremoniis. * *Adversus Regem Magnæ Britanniæ*, lib. 5. cap. 6. "*Gal. 3.*"

LXXXII. Sed primum istud *Perronii* commentum plane novum est, & apud Christianos omnes ad ejus ulque tempora inauditum. Nec enim veteres tantum, ut *Origenes*, *Chrysostomus*, *Hilarium* sub *Ambrosii*, *Pelagium* sub *Hiranyini* nomine, *Theodoretus*, *Theophylactus*, & *Oecumenius* per Angelorum Religionem intelligunt eam cujus Angeli obiectum essent; sed nequidem ullus interpretum Ecclesiæ Romanæ, quo sensu *Perronius*, ante ipsum *Pauli* verba sumpsit. Neque etiam tanti Cardinalis autoritas doctissimis post eum in Ecclesia ista viris commentum illud probare potuit. Sed ab iis diserte tanquam inane rejectum est, ut inter alios à *Petavio* Jesuita Nobili Antiquario. Theol. dogm. Tom. 3. lib. 2. cap. 9. paragr. 16.

LXXXIII. Et certè non solum in Scriptura sacra nusquam lex Mosaica Angelorum *Synaxiarum* Religio appellatur, sed neo hujus nomenclaturæ exemplum ullum reperiri potest apud auctores quoscumque sive profanos, seu Ecclesiasticos. Neque si usitata esset ejusmodi appellatio, isti *Pauli* loco accommodari posset. Cum enim *Paulus* in præcedentibus, Colossenses clavis & disertis verbis, adversus impostorum Judaizantium fraudem abunde munierit, dicens *Nemo vos judicat in cibo, aut in potu, aut in parte diei festæ, aut Neomenia, aut Sabbatorum; quæ sunt umbra futurorum, corpus autem Christi;* quid attinebat rem eandem verbis illis obscuris & ambiguis repetere? Adde quod istos Angelorum religionis introductores *Paulus* affirmat *ambulare in iis quæ non viderunt*, id est, pedem inferre in ea quæ non norunt, & de incognitis garrere: quod optimè quidem quadrat in cultores Angelorum, qui de Angelorum natura, ordinibus atque numeribus incomperita multa effutunt: in addictos vero legi Mosaicæ non convenit; cum disciplina Mosaica in sacris voluminibus accuratè explicata, & omnibus qui eam noscere vellent exposita esset.

LXXXIV. Itaque alio recurrunt Scholæ Romanæ Theologi, ut Ecclesiæ suæ fidem & praxin adversus tam disertam Apostoli legem tueantur. Eo vero redit plurimum & Doctiorum solutio, Apostolum non damnare religiosum cultum & invocationem Angelorum, vel Sanctorum; sed solum cultum & adorationem falsam, superstitiosam & idololatriam. Qualem docuisse dicunt *Simonem Magum*, & *Cornilium*, ac utriusque Discipulos. Sed istud merum est eorum figmentum, quod in Apostoli verbis atque doctrina fundamentum nullum habet. Nec enim Apostolus ullo pacto docet aut innuit esse quandam Angelorum *Synaxiarum*, seu religionem
piam

piam atque licitam, se autem solum damnare illam quæ immodica est & idololatrica. Sed simpliciter & in genere damnat religionem Angelorum. Proinde quicumque fuerint veterum Hæreticorum circa Angelorum naturam, officia, & cultum errores, id non obstat quominus Pauli interdictum violent etiam illi qui hodie religioſo cultu Angelos proſequuntur, & *ſynodalia* quamcunque Angelis & Sanctis exhibent; quandoquidem Apoſtolus *ſynodalia* Angelorum adſolūtè prohibet, non verò eam duntaxat quam Simon vel Cerinthus illis detuliſſe dicuntur. Maniſeſtum eſt autem illos Angelos & Sanctos *ſynodaliſen* qui eos colunt votis, præcibus, hymnis, baſilicis, oratoriis, feſtis, donariis, & omnis generis oblationibus, ut in Eccleſia Romana ſolenne eſt: & conſequenter quod facit hac in parte Eccleſia Romana ab Apoſtolo damnari, non minus quam quod ſeciſſe traditur vel Simon vel Cerinthus, aut ſi qui fuerint ſimiles hæretici.

LXXXV. Regerunt Scholæ Romanæ Doctores quibuſcunque ritibus & actibus Angeli & Sancti apud ipſos colantur, cultum illum divinum non eſſe; quoniam Angelos & Sanctos non ut Deos, ſed ut Dei Miniſtros, & noſtros upud Deum interceſſores colunt: *ſynodalia* autem ſeu Religionem eſſe cultum Deo proprium, & qui alicui ut Deo exhibetur. Sed ex ipſo Apoſtoli textu ſatis colligi poteſt illos quos ibi arguit, & à quibus cavendum docet non habuiſſe Angelos pro Diis, ſed pro ſummi Dei nuntiis & miniſtris, noſtrisque apud Deum mediatoribus & deprecatoribus, quod arguit ipſum Angelorum nomen quod illis tribuebant; Angelus enim Nuntium ſignificat. Adde quod ſeductores illi Chriſtianos ſe proſitebantur, & colebant Angelos ſub humilitatis prætextu, quaſi indigni eſſent qui immediatè ad Deum accederent, & propterea opus apud ipſum haberent Angelorum mediatione & interceſſione. Unde ſatis liquet apud ipſos Angelos coluiſſe cultu quodam ſubalterno, infra illum quem ſummo Deo deberi putabant. Adeoque juxta Apoſtoli mentem, Angelis *ſynodalia* deferre etiam eos qui colunt Angelos cultu quodam inferiori, nec Angelos pro Diis habent.

LXXXVI. Quænam autem eſſet iſtorum Pſeudochriſtianorum, qui veteribus Angelici didi ſunt, erga Angelos Religio, colligere poſſumus ex Synodo Laodicens; cuius reperitur hic Canon codici Canonum Eccleſiæ univerſæ inſertus: *Quod non oportet Chriſtianos Eccleſiam Dei relinquere & abire, & Angelos nominare, & congregationes facere, quod eſt prohibitum.* Quid verò ſit ex mente iſtius Concilii Angelos nominare, explicat Theodoretus in epiſtolam ad Coloſſenſes ſcribens, & locum illum quem urgemus exponens; *Qui legem, inquit, defendebant, eos etiam ad Angelos colendos inducebant, dicentes legem fuiſſe per eos datam; manſit autem perdit hoc rûtim in Phrygia & Piſidia.* Proinde Synodus quæ convenit apud Laodicenam Phrygia, lege prohibuit ne precarentur Angelos. Et in hodiernum uſque diem oratoria Sancti Michaelis apud illos illorumque finitimos videre eſt. Illi ergo humilitate nimirum ducti hoc fieri ſuadebant, dicentes univerſorum Deum nec cerni, nec attingi, nec comprehendi poſſe, & oportere per Angelos divinam ſibi benevolentiam conciliare.

LXXXVII. Igitur ex mente Patrum Synodi Laodicens, & Theodreti Canonem illius exponentis, Angelos nominare, & Angelos precari, ut per eos divinam benevolentiam nobis conciliemus, eſt cultum illicitum Angelis exhibere, & peccare contra præceptum Apoſtoli, damnantis Angelorum culturam & religionem. Et ad veterum hæreticorum morem, non ad uſum Eccleſiæ orthodoxæ pertinet, oratoria Angelis, & ipſo Sancti Michaeli ſtruere: quod quam bellè congruat cum hodierna praxi Eccleſiæ Romanæ judicandum omnibus relinquo. Siquidem illa, ut ſateatur & obſervat Dionyſius Petavius Jeſuita; *Angelorum præſidium & patrocinium precibus & votis ambiri, eoſque mediatores ad Deum allegari; tum oratoria & baſilicas in illorum honorem excitari, ac feſtos dies & bilares eorum dicat cultui.* Theol. dogm. lib. 2. cap. 9. num 13.

LXXXVIII. Nam ita abſurdum eſt, ut non egeat refutatione, quod obſervat Eſtius*; nempe Theodoretum per oratoria Sancto Michaeli dicata, non intelligere loca ab hæreticis ſanctificata illicito ſuo Anglorum cultui; ſed quæ ante hæreticorum idololatria polluta, tum temporis Episcoporum Catholicorum prudentia in oratoria Sancti Michaelis converſa erant. Nam inſanum oportet fingere Theodoretum, ut dicat quod pertendit Eſtius, hæreticos veteres ſolitos Angelos precari, id verò prohibuiſſe Synodum Laodicenam, & propterea loco ubi Angelos precabantur,
Or

Orthodoxorum prudenti concilio, fuisse in oratoria Sancti Michaelis mutata. Adde quòd de ista locorum conversione & mutatione, deque præsumpta illa Episcoporum prudentia, ne hilum quidem apud Theodoretum innuitur. Legentibus vero etiam invitissimè obtrudit Theodoretus Scopus, qui est probare quod dixerat, hoc vitium eorum qui Angelos invocabant perdiu in Phrygia & Pisidia mansisse, ex eo quod ad tempora usque Theodoretus ipsius, vivebantur apud Phrygas & finitimos eorum Pisidas, oratoria ab ipsis Michaeli dicata. Qualia oratoria in reliquis orbis Christiani partibus non reperiebantur. Commentar. in Epist. ad Col. cap. 2.

LXXXIX. Cæterum nec Angelos nec beatos justorum spiritus precandos & invocandos esse ex eo constat, quod Scriptura sacra orationem & invocationem pro insigni cultus divini parte habet, & eximio atque præcipuo nostræ religionis erga Deum officio. Unde est quod templum Dei in Scriptura dicitur * *Domus Orationis*, & fidelium preces atque orationes " *ut spirituale quoddam sacrificium* proponuntur, & eum solum docemur invocare, in quem fides nostra recumbit. Juxta illud Apostoli, * *Quomodo invocabunt in quem non crediderunt?* Isa. 56. 7. Matth. 21. 13. * *Psalm. 141. 2. Heb. 13. 15. Rom. 10. 14.*

XC. Respondent Doctores Ecclesiæ Romanæ, Orationem illam quam Scriptura proponit, ut partem cultus qui Deo proprius est, esse orationem *absolutam*, qua rogatur aliquis, ut ipse bonorum author atque largitor; non autem *relativam*, qua rogamus aliquem ut Deum pro nobis oret, & ea quibus egemus nobis à Deo impetret: se verò Angelos & Sanctos invocare non ut ipsos bonorum auctores, sed solum ut eorundem bonorum impetratores, & nostros apud Deum intercessores; adeoque se non aliud ab Angelis & Sanctis petere, quàm ut Deum pro nobis orent, quemadmodum absque ulla in Deum injuria, rogamus ipsos fideles nobiscum in terra viventes, ut nos apud Deum precibus suis juvent.

XCI. Sed Ecclesiæ Romana, dum Angelos & Sanctos invocat, non simpliciter dicit illis, *Ora pro nobis*; nec solum ab eis petit, ut apud Deum pro nobis intercedant, sed pluribus apud eos orationibus utitur, ejusdem omnino formæ cum iis quas ad Deum concipere solemus: idque non tantum in privata fidelium devotione, sed in publico & solenni cultu; in quo Beatæ Virgini dicitur, *Tu nos ab hoste protege, Et hora mortis suscipe; Vitam præsta puram, Iter para salutem; Nos culpis solutos, Adites fac & castos.* Et Joanni Baptistæ, *Nos miserando respice, Culpasque nostras ablue.* Joanni autem Apostolo, *Tolle pestem, aufer ulcus, & foveo languidos; Pelle morbum, cede hostem, & remove scandalum.* Quibus similia multa aliis quoque Sanctis dici solent, ut in priori harum Thesium parte à nobis fusè ostensum est.

XCII. Regerunt quum Sanctos eo modo precantur, mentem suam non esse ut Sancti ea bona præstent & largiantur ipsi, propria quadam potestate; sed solum ut illa meritis & precibus suis à Deo obtineant. Adeoque licet verba aliud sonent, se tamen aliud non intelligere, quam ut Sancti intercessionem suam quæ petunt à Deo impetrent. sed certè nihil eos cogit ut aliter sentiant, & aliter loquantur. Si non aliud rogant Sanctos quam ut Deum pro ipsis orent, cur utuntur apud ipsos verbis orationis absolutæ; nec contenti sunt Sanctis ingeminare illud solenne, *Ora pro nobis?*

XCIII. Certè Sanctos hic nobiscum viventes omnium confessione rogare licet, ut Deum pro nobis orent: nec tamen ferretur qui viro sancto in terris versanti diceret, ut Mariæ Virgini dici solet, *Nostra tolle incommoda, Dona confer celestia: Nos culpis solutos, Adites fac & castos.* Aut ut dicitur S. Benedicto, *Angelum per iter scandere largiens Dona regna paternina.* Sive ut habet hymnus ad S. Nicolaum, *Aufer mortis dispendia, Confer vite subsidia: Ut post carnis exilia, Tecum sumus in gloria.* Quod si quis Apostolus ipsos ea ratione fuisse allocutus, orationem ejusmodi ut impiam compellissent, & jussissent ista non à se sed à Domino peti. An ergo putabimus jam ipsis gratum esse posse, quod olim dum in terris viverent, ut impium & sacrilegum averfati fuissent?

XCIV. Adde quod in usu Ecclesiæ Romanæ non paucæ preces ad Sanctos directæ reperiuntur, in quibus ab ipsis non solum postulantur bona gratiæ & gloriæ, sed etiam rogantur ut ea nobis præstent *tradita sibi potestate, & jussu ac præcepto suo.* Quod planè aliud est quàm ejusmodi bona suis orationibus nobis à Deo impetrare, veluti quum Apostolus in communi dicitur, *Qui celum verbo clauditis, Seraf-*
que

que eas solvitis, Nos à peccatis omnibus, Solveite jussu quasumus. Quorum præcepto subditur, Salus & languor omnium, Sanate egros moribus, Nos reddentes virtutibus. Item, Nos à reatu noxios, Solveite jubete Quasumus. Et speciatim ad Petrum Apostolum, Peccati vincula resolve tibi potestate tradita, Quia cunctis caelum Verbo claudis, aperis. Ut supra quoque subus à nobis probatum est.

XCv. Etiam si vero Ecclesia Romana non aliud à Sanctis petere quam ut Deum pro nobis orent, istud tamen ut legitimum minimè defendi posset exemplo precum illarum quas fideles à se invicem postulant; dum scilicet, aliqua necessitate pressi, fratres suos rogant ut ipsos apud Deum orationum suarum auxilio juvare velint. Nam ex eo quod in Scriptura monemur & fratres nostros precibus adjuvare, & mutuum ejusmodi auxilium ab ipsis petere, non sequitur aliquem in Europa degentem, posse absque stultitia, aut etiam impietate, ore vel corde compellere virum Sanctum commorantem apud Sinas aut Americanos, eumque quasi videntem & audientem rogare, ut apud Deum pro ipso intercedat, & quæ sentit sibi opus esse impetret. Quomodo ergo inde concludemus nos posse pie & cum ratione, à Sanctis in Christo defunctis postulare, seu voce, seu etiam solo cordis affectu, ut Deum pro nobis precentur; cum illi jam in coelestem Paradisum evekti, tantum à nobis absint, quantum summum à terra coelum; nec ullum, donec simili beatitudine fruamur, super sit nobis cum ipsis commercium; & ratio mutuos conceptus communicandi? Itaque ex precibus quas à se mutuo postulant fideles in terra simul Militantes, non magis sequitur Sanctos in coelum jam receptos à nobis invocari posse, quam olim sequebatur, secundum doctrinam Ecclesie Romanæ, animas patrum in Limbo detentas à fidelibus tum temporis viventibus fuisse invocandas.

XCvi. Supponunt quidem Scholæ Romanæ Theologi Spiritus justorum in coelum admissos non obstante tanta locorum distantia, ea scire atque percipere quæ in terris geruntur; & Sanctorum singulos posse simul omnium hominum ipsos invocantium, non solum preces audire, & necessitates videre, sed & intimas cogitationes & arcanos cordis affectus intueri, & certo novisse. Verum hoc absque Dei verbo, & certa ratione supponi non debuit: istudque ex conjecturis & suspicionibus nostris pronunciare, planè est pedem inferre in ea quæ non vidimus.

XCvii. Neque nostrum est contrarium probare; quamvis multa in hanc rem ex Scriptura afferri possent. Nam ut ab implorandis Sanctorum defunctorum precibus atque suffragiis abstinere debeamus, sufficit ut nesciamus an ipsi nos audiant; nec videamus istud in Dei Verbo revelatum. Affirmantibus vero sem ita se habere probandum incumbit quod dicunt; & quam Sanctorum animabus tribuunt rerum nostrarum notitiam, invicto argumento, aut claro aliquo Scripturæ oraculo demonstrare tenentur. Alioquin ista ipsorum erga pias Sanctorum animas devotio profusus nutritur, & absque fide fiet.

XCviii. Quam autem infirma atque levia sint quæ ad tantæ rei fidem faciendam ex Scriptura proferunt, excutienti facile apparebit. Primum igitur Sanctos in coelis cum Christo regnantes nosse quæ in terris geruntur, ac proinde percipere preces omnium qui illos invocant, & eorum cogitationes ac corda intueri, ex eo probant quod nonnulli viventes absentia & futura; adeoque cordis occulta non ignorarunt. Ut, exempli causa, *Helisæus*, qui dicebat servo suo *Giezi*, * *Nonne Cor meum in præsentem erat, quando descendit homo de curru suo in occursum tuum?* Et *Samuel* qui *Sauli* inquebat, *Omnia quæ sunt in corde tuo dicam tibi; & de asinis Patris tui quos perdidisti.* Et sic *Petrus* absens sciebat *Ananiam* & *Sapphiram* fraudasse de pretio agri. Et * *Paulus* intuitus cor claudi mendici, cognovit eum fidem habere, ut salvus fieret. Sed cujusmodi est ista consequentia, Prophetæ atque Apostoli occulta quædam, quæ ad munus ipsorum pertinebant, Deo revelante, noverunt: ergo Beatorum animæ, in gloriam coelestem receptæ, norunt ea quæ in terris geruntur, ac omnium qui eos invocant necessitates vident, ac preces percipiunt, live ore, live solo corde & affectu conceptas? Inde quidem sequitur Deum posse quas libuerit hominum hic viventium necessitates, actiones, & cogitationes Beatis Spiritibus justorum revelare; sed an istud faciat, vel non, inde concludi nullo modo potest.

* 2 Reg. 5. " 1 Sam. 9. † Act. 5. * Act. 14.

XCix. Quod si quis dicat officium Sanctis defunctis à Deo demandatum exigere ut rerum nostrarum notitiam habeant, quia scilicet, Patroni & intercessores nostri à Deo constituti sunt, ignotum probat per æque ignotum. Nec enim Dei ver-

E c e

bum

THESES THEOLOGICÆ

DE

PRIMI HOMINIS IMMORTALITATE.

In quibus Exponitur Doctrina Scholæ Romanæ, & cum Protestantium Doctrina comparatur.

THESIS I.

PRIMUM hominem, antequam peccaret, non fuisse morti obnoxium; quemadmodum jam sumus omnes, sed aliquo sensu immortalem, res est apud omnes Doctores Ecclesiæ Romanæ confessæ. Nam communi consensu tumentur adversus Pelagianos necessitatem moriendi, quæ jam nobis incumbit, ex peccato ortum habuisse; nec fuisse locum habituram, si homo in primæva illa integritate permanisset.

II. Verum ut quæ sit hac de re eorum sententia melius percipiatur, observant primum hominem in statu integritatis aliquo sensu mortalem, & aliquo sensu immortalem fuisse. Bisariam enim aliquis mortalis dici potest, ac totidem modis immortalis. Uno modo mortalis est quem necesse est mori. Altero modo mortalis dicitur qui potest mori. Et rursum uno modo immortalis est qui non potest mori. Altero modo quem non necesse est mori.

III. Priori modo, ex eorum mente, *Adam* in primo statu non fuit mortalis, sed tantum posteriori. Siquidem cum mori necesse nihil erat: Nec si in originali justitia perseverasset, revera fuisset mortuus. Sed tamen contingere poterat ut moreretur, quemadmodum revera post lapsum illius contigit. Per peccatum autem & ipse, & tota ejus posteritas facta est mortalis priori modo, quia necessitatem moriendi incurrit. Similiter homo in statu innocentie priori modo non erat immortalis; nec enim erat talis qui simpliciter mori non posset. Verum immortalis erat posteriori modo, siquidem poterat non mori, & fidelis manens in Dei obsequio mortem expertus non fuisset.

IV. Unde colligi potest discrimen inter immortalitatem primi hominis in statu integritatis, & illam quæ competet justis post beatam resurrectionem. Nam Sancti post resurrectionem nullo modo mortales erunt: nec enim solum immunes erunt à necessitate moriendi, sed prorsus mori non poterunt, & peccando mortem aut mortalitatem incurtere. Et ita immortales erunt utroque modo, quia non solum poterunt non mori, sed mori non poterunt, & mors non poterit unquam ullam in eos habere potestatem.

V. Hac in re tamen explicanda inter Doctores Ecclesiæ Romanæ notari potest quedam diversitas. In hoc illi quidem conveniunt omnes *Adamum* in statu integro potuisse non mori, & revera si peccasset nunquam fuisse moriturum. Sed inter se disputant. An *Adam* integer manens dici tantum debeat potuisse non mori? Num vero etiam dici possit, illum in isto statu non potuisse mori?

VI. Nonnulli sunt qui dicant hominem, etiam stante ejus innocentia, mori semper potuisse, & primi hominis immortalitatem in eo tantum consistere quod non esset necessitas moriendi subiectus, sicut jam per peccatum sumus. Hominem enim quamvis permanentem in integritate mori potuisse, si ferro, igne, vel alio quocunque modo vis ejus corpori allata fuisset ab alio qui innocentiam primam deferisset: quamvis nihil tale fuisset eventurum, eo quod Deus per suam providentiam omne periculum avertisset.

VII. Quia addunt primum hominem, & omnes ejus posteros, nature necessitate tandem

E c c 2

tandem mortuos fuisse, nimirum propter Elementorum pugnam, ex quibus compositum est corpus humanum, nisi Deus, antequam illud accideret, eos transulisset ad statum immortalitatis, talemque mortem, si accidisset, non magis homini quam bestiis poenalem futuram fuisse, sed utrisque naturalem. Unde sequitur hominem, quanquam persistentem in integritate, semper habuisse moriendi potestatem; nec de eo verè dicitur quod in eo statu mori non posset: quamvis posset non mori, & non esset necessitati moriendi subiectus. Hanc sententiam *Episcopus* tribuit Scoto & quibusdam aliis. *In lib. 2. sentent. distinct. 19. num. 2.*

VIII. Ipse vero ibidem & numero sequenti testatur se, cum multis alijs, in diversa esse sententia. Nam omnino dicendum putat quod homo, stante prima innocentia, non potuit mori. Nec enim simpliciter futurum fuisse ut homo in obsequio Dei persistens non moreretur, sed etiam ordinem rerum à Deo semel institutum necessario istud exegisse, neque aliter potuisse fieri.

IX. Ad cujus rei intelligentiam monet hominem non esse à Deo institutum ut creaturam merè servilem, sicut instituta est brutorum natura, quæ proinde naturaliter & morti sunt obnoxia, & pro utilitate hominum occidi possunt: imò & alia alijs per mortem in usum nutrimenti cedunt: sed Deum fecisse hominem, perinde ut angelos, natura sua liberum, & aliarum rerum Dominum, atque insuper ipsius Dei per gratiam & iustitiam velut socium & amicum. Indeque statim intelligi se hominem institutum esse, ut ei nihil adversum accideret, quamdiu in Dei amicitia permaneret: sed futurum ut semper iuncta essent, sequè invicem consequerentur hæc duo: bonum esse & beatum esse: itemque innocentem esse & expertem esse miseriam. Et hanc legem ita esse perpetuam, sic iustitia divina postulante, ut ea sublata ordo universi deformaretur.

X. Hæc tamen intelligenda dicitur juxta ordinem semel institutum. Nam, inquit, si de absoluta Dei potentia loquamur, non dubium quod ita potuerit humanam naturam, absque ulla ejus injuria, tanquam totius creature Dominus, statuere, ut licet homo in anima conservaret innocentiam, corporis tamen conditione brutis animalibus similis esset, morti ceterisque non minus quam illa obnoxius. Itaque licet Adam in statu innocentie peccare potuerit, & per peccatum morti fieri obnoxius, & sic verum sit in sensu diviso Adamum integrum potuisse mori, pertendit tamen idem falsum esse in sensu conjuncto, quia mori non poterat, quamdiu servaret innocentiam.

XI. Verum utcumque istam primi hominis immortalitatem explicant Scholæ Romanæ Theologi, in eo videntur jam omnes convenire illam dici debere supernaturalem, non vero naturalem, prout scilicet, naturale opponitur supernaturali. Id præsertim affirmat & multis argumentis probare conatur *Bellarminus*, lib. de Gratia primi hominis cap. 9. Et Becanus in summa Theologiæ Scholasticæ, tom. 1. tract. 9. cap. 4. quæst. 1.

XII. Fuerunt quidem nonnulli superiore sæculo, inter ipsos Doctores Ecclesiæ Romanæ, qui existimaverunt immortalitatem primi hominis non fuisse gratiæ beneficium, sed naturalem ejus conditionem. Verum hæc sententia fuit à Pontificibus Romanis Pio V. & Gregorio XIII. damnata in bulla singulari, in qua ipsos articulos recentiorum quorundam Theologorum damnaverunt. Inter quos articulos hic est 75. *Immortalitas primi hominis non erat gratiæ beneficium, sed naturalis ejus conditio.* Ut testatur idem *Bellarminus*. Lib. de Grat. primi hominis.

XIII. Ut autem distinctius intelligatur quæ sit de hac quæstione Doctorum Scholæ Romanæ sententia, visum est hic referre quæ ea de re accuratè & perspicuè ad modum tradidit Gul. *Episcopus* in secundum sententiarum Distinctione 19. num. 9. Ibi enim ad quætionem, *Utrum immortalitas primi status fuerit homini naturalis*, per multas & varias distinctiones Respondit. Et docet eam illi quidam ratione naturalem, & quadam ratione supra naturam fuisse; sicut & mors homini lapsio quadam ratione naturalis est, quadam ratione contra naturam.

XIV. Primo enim naturale dicitur quod inest à prima institutione naturæ. Et hac ratione dicit immortalitatem fuisse primo homini naturalem, mortem vero contra naturam, quoniam homo initio institutus est immortalis, id est, à moriendi necessitate liber.

XV. Item naturale dicitur id in quod naturaliter fertur cujusque appetitus, Et etiam

etiam sic concedit immortalitatem homini naturalem esse, & mortem contra naturam, quoniam omnes natura appetunt immortalitatem, mortem vero refugunt.

XVI. Præterea naturale significare potest quod cuique inest à nativitate, sive sit naturæ bonum atque conveniens, & naturali appetitui consuetaneum, sive non. Et ita quoque fatetur primo homini immortalitatem, mortalitatem vero nobis naturalem esse. Ille enim immortalis conditus fuit, nos autem nascimur morti obnoxii.

XVII. Rursum addit naturale dici id quod in ipsa natura causam habet. Et etiam, inquit, hoc patio immortalitas fuit primo homini quodammodo naturalis. Nam in optima humani corporis temperie tanquam interna causa, & in ligno vitæ tanquam externa causa (quatenus utraque ad illius effectum naturalis erat) immortalitas consistebat.

XVIII. Cæterum docet alia ratione eandem immortalitatem homini fuisse supernaturalem: partim quidem ratione iustitiæ, à qua bona illa corporis constitutio, & ex consequenti immortalitas ipsa dependebat. Erat enim, inquit, illa iustitia supernaturalis, quatenus per eam anima Deo subieciatur, & adharebat, ut bono ac fini suo supernaturali. Quia subiectione durante, meras animæ viis quædam supernaturalis, per quam poterat corpus, ab omni corruptione præservare. Partim ratione corporis, sive materiæ ex qua homo factus est. Quæ cum terrena fuerit, causam in se immortalitatis non habebat, sed potius mortalitatis. Quamvis igitur, inquit, primus homo in ipsa natura causam quandam habuerit immortalitatis, non tamen plenam & totalem. Quin potius si dona supernaturalia cogitatione ab eo separamus, & sola in eo consideremus naturalia, mortalis erat, ita ut necesse esset eum mori. Erat enim compositus ex contrariis, quorum pugnam necessario tandem consequitur ipsius compositi corruptio. Juxta hunc igitur modum immortalitas erat primo homini supernaturalis. Quoniam autem supernaturale propriè non opponitur ei quod primo, secundo, vel tertio modo naturale dicitur ex modis jam enumeratis, sed ei tantum quod quarto modo: secundum quem tamen non potest immortalitas primo homini dici simpliciter naturalis: quia ad eam homini præstandam solæ causæ naturales, ut diximus, non sufficiebant; idcirco potius absolute supernaturalis dici debet immortalitas homini integro, quæ naturalis. Unde propositio illa quæ dicitur immortalitatem primi hominis non fuisse gratiæ beneficium, sed naturalem conditionem, merito à sede apostolica improbatæ est: maxime si scijus ejus sit immortalitatem ita esse debitam naturæ humanæ, ut Deus non potuerit eam creare mortalem. Hoc enim constat esse falsissimum.

XIX. Quod spectat autem Scholæ Reformatæ Doctores, illi quoque communi consensu docent hominem in statu innocentis fuisse aliquatenus immortalem. Nec etiam dissimili ratione explicant istam immortalitatem. Nam cum Doctoribus Ecclesiæ Romanæ, distinguunt inter immortalitatem qua aliquis non potest mori, & inter eam qua aliquis potest non mori, & est à necessitate moriendi immunis. Priori modo solos beatos post resurrectionem immortales fore docent; sed posteriori tantum hominem in statu integro fuisse immortalem; ita ut in ea esset possibilitas moriendi, quæ non est in beatis, non esset vero, quæ jam est in nobis per peccatum, moriendi necessitas.

XX. Hanc rem sic exponit Josue Placcus Thesibus de statu Adam ante lapsum Thesi. 32. Non erat, inquit, immortalis Adamus, quomodo nos erimus post beatam resurrectionem: poterat enim, ut peccare, sic mori. Nec erat mortalis, quemadmodum nos mortales sumus in hoc statu peccati: poterat enim, ut non peccare, ita non mori.

XXI. Et similiter Patres immortalitatem illam, qua homo ante peccatum corpore immortalis erat, dicit fuisse potentiam non moriendi, seu negationem actus moriendi ex hypotbesi unionis cum anima originaliter perfecta licet corpus hominis esset in se mortale. Immortalitas, inquit, significat primo impotentiam moriendi absolutam & naturā. Sic solus Deus immortalitatem habet. Sic Patres negant, & vos negamus hominem immortalem fuisse naturā. Secundo impotentiam moriendi ex gratia creationis: Sic Angeli animæ humane sunt immortales. Tertio impotentiam moriendi ex gratia doni: sic corpora beatorum immortalitatem habebunt. Quarto potentiam non moriendi, seu negationem actus moriendi, ex aliqua hypotbesi, licet in se sit mortale. Sic homo ante peccatum immortalis erat corpore, ex hypotbesi unionis cum anima originaliter perfecta, immortalis. In lib. adversus Bell. de Grat. primi hominis, cap. 9.

XXII. Tilenus quoque Disputatione de statu eterno primi hominis thesi nona, Scien-

endum

Eturum fuisse, sed solummodo vita terrena atque animali, quæ in coelestem atque gloriosam nunquam commutanda fuisset. Quæ est doctrina *Mosis Amyraldi* Thesibus de tribus foederibus divinis.

XXXIII. Communior vero sententia tenet, hominem si primigenia integritate nunquam excidisset, assumendum tantem fuisse ad beatam & gloriosam in coelis immortalitatem, post decusum aliquod in his terris spatium, prout sapientia divinæ visum esset. Idque per immutationem similem illi quam experientur pii & sancti homines, quos ultimum iudicium in terra vivos deprehendet.

XXXIV. Si hanc, quæ communior & probabilior est, sententiam sequamur, certum est hominem nunquam perpetuo victurum fuisse absque auxilio supernaturali. Nam immutatio illa per quam homo fuisset in vitam coelestem assumptus, non fuisset naturalis, sed supernaturalis.

XXXV. Hominem autem in æternum vivere potuisse vita terrena atque animali, ut prior illa sententia asserit, absque ullo supernaturali dono, vel auxilio, nullo modo mihi probabile videtur. Nec enim capere possum quomodo corpus ex elementis constans, adeoque naturaliter & in se corruptibile, absque ullo supra naturam auxilio, à corruptione possit in perpetuum præservari. Quia in re iudicium sequor *Petri Molinæ*, cui quoque dubium non est quin, homo quantumvis perfectio corporis temperamento naturali, opus habeat auxilio supernaturali, & Dei ope continua ad servandam hanc dignitatem. De statu Innocentiæ Thesi 50.

THESES THEOLOGICÆ

DE

JUSTITIA PRIMI HOMINIS

AN

Naturalis fuerit, vel supernaturalis.

In quibus Exponitur Doctrina Scholæ Romanæ, & cum Protestantium Doctrina comparatur.

THESIS I.

Communis Ecclesiæ Romanæ Doctrina est, primum hominem, antequam Diabolo instigante peccaret, prædicum fuisse vera justitia & sanctitate, cujus respectu Deo gratus & acceptus erat ad vitam æternam. Id manifeste docet Concilium ipsum Tridentinum Sessione quinta decreto De peccato Originali. Ubi anathema dicit, illi qui non constituitur primum hominem Adam, cum mandatum Dei in Paradiso fuisset transgressus, statim sanctitatem & justitiam in qua constitutus fuerat amississe. Et præterea illi qui asserit Adamum acceptam à Deo sanctitatem & justitiam quam perdidit, sibi soli, & non nobis etiam perdidisse.

II. Porro justitia & sanctitas illa, ex mente Doctorum Ecclesiæ Romanæ, non in eo solum consistebat, quod mens hominis imbuta erat vera Dei cognitione, & quæ ad æternæ beatitudinis ademptionem sufficeret; ejus vero voluntas puro & casto amore Deum complectebatur: sed præterea in eo quod caro spiritui, & corpus animæ siue difficultate & repugnantia parebat, & appetitus sensitivus ita rationis ductum sequebatur, ut adversus eam nunquam rebellaret, & in diversa hominem traheret: ac proinde Adam in illo integritatis statu nullam in se hucnam carnis & spiritus, nullamque membrorum adversus legem mentis rebellionem, qualem frequenter in nobis sentimus, experiretur: sed ad bonum ferretur, & à malo sese averteret sine pugna & dif-

& difficultate, neque haberet in se prædictam illam concupiscentiam, cum qua jam nascimur, & quæ usque ad mortem in nobis perseverat.

III. Queritur autem an ista iustitia & sanctitas primo homini fuerit naturalis, necne? Ad quam questionem ut respondeant Doctores Ecclesiæ Romanæ, observant naturale variis modis sumi. Primo enim naturale dicitur omne quod habetur à nativitate: & ita naturale opponitur *adventitio*. Secundo naturale vocatur illud quod est naturæ consentaneum, quodque naturam non destruit, sed potius ornat & perficit. Quo sensu naturale opponitur ei quod est *contra naturam*. Tercio naturale vocatur quod aut est pars naturæ, aut fuit ex principiis naturæ, vel ab illis fluere aptum est. Quia significatione corpus & animus, facultates quoque tum sentiendi, tum intelligendi, & operationes quæ ab eis facultatibus, absque auxilio naturæ superante exercentur, naturalia dicuntur: & ita naturale opponitur *supernaturali*.

IV. Jam vero nonnulli sunt inter Doctores Ecclesiæ Romanæ, qui iustitiam & sanctitatem illam, quæ, fatente tota Ecclesia Romana, in primis parentibus ante peccatum reperiebatur, pertendant naturalem modis omnibus fuisse, & non solum quatenus naturale distinguitur ab *adventitio*, sive ab eo quod est contra naturam, sed etiam quatenus opponitur *supernaturali*. Nec enim iustitiam istam fuisse gratiam supernaturalem, sed ad naturalem hominis nondum corrupti statum pertinuisse, & fuisse conditionem naturæ integræ debitam. Id testatur Medina in 1. 2. quæst. 18. articulo 2. *Intelligunt*, inquit, *Doctores quidam per hominem constitutum in puris naturalibus hominem constitutum in natura integrâ, cum dono & vigore senante naturam, adeo ut in bono & officio virtutum posset permanere, & perseverare si vellet; Quæ sententia sine dubio videtur esse Augustini*. Et hi sunt viri illi insigniter eruditi, qui, teste Bellarmino, censent idem sensisse Thomam ipsum cum cæteris authoribus probatoribus, & eos hac in parte contrarium tenuisse ejus quod Bellarminus ipse docet.

V. Verum hæc sententia fuit à Pontificibus Romanis videlicet Pio V. & Gregorio XIII. superiori sæculo damnata. Nam inter multos articulos in singulari Bulla hæc Pontificum damnatos, iste est vigesimus primus. *Humane naturæ sublimitas, & exaltatio in consortium divinum debita fuit integritati primæ conditionis, ac primæ naturalis dicenda est, non supernaturalis*. Sextus vero & vigesimus his verbis conceptus est, *Integritas primæ conditionis non fuit indebita humane naturæ exaltatio, sed ejus naturalis conditio*. Ut refert Bellarminus de gratia primi hominis, lib. unico, cap. 1.

VI. Itaque Doctorum Ecclesiæ Romanæ communis sententia est, iustitiam & sanctitatem, qua primus homo ante lapsum ornatus erat, naturalem quidem dici posse, quatenus naturale opponitur ei quod est contra naturam, & significat id quod est naturæ consentaneum, & quod naturam non destruit, sed ornat & perficit: aut etiam quatenus naturale opponitur ei quod est adventitium, & significat id quod inest ab origine, seu à nativitate. Admittunt enim primum nostrum parentem in iustitia fuisse creatum: & idcirco iustitiam illam, qua in integritatis statu præditus erat, vocant Originalem. Sed negant istam iustitiam fuisse naturalem, quatenus naturale opponitur supernaturali; quia scilicet, ex eorum mente, ex principiis naturæ non fluxit, sed fuit donum Dei gratuitum, quod hominem supra naturalem conditionem evexit.

VII. Ut autem hac in parte mentem suam clarius explicent, observant aliqui supernaturali dici duobus modis, *per se & per accidens*. Per se dicitur supernaturalis, quod ex genere suo non est aptum fluere ex principiis naturæ: qualis fuit ascensus Eliæ igneo curru in coelum, robur Sampsonis, & alia id genus. Per accidens supernaturalis vocatur quod interdum obtinetur divino miraculo, licet alioquin ex naturæ principiis fluere soleat. Talis fuit sensus videndi quem Dominus cæco nato restituit: sapientia Salomoni divinitus tributa, & alia non pauca quæ in scripturis leguntur.

VIII. Jam autem iustitiæ donum in primo homine volunt supernaturalis fuisse, non tantum per accidens, quia nimirum fuerit gratis & immediatè, & modo quodam naturam superante à Deo collatum: sed etiam per se, & ex suo genere quia iustitia illa quæ primum hominem ornatam nec fluxit, nec fluere potuit ex principiis naturæ etiam non corruptæ. Nec enim posse hominem, etiam nondum peccato in-

infectum, propriis naturæ viribus Deum & nosse & amare, quantum requirit iustitia & sanctitas Deo grata & accepta, ad vitam & beatitudinis æternæ præmium. Neque etiam per solas vires & dona naturæ posse corpus animæ, sensumque & appetitum rationi ita perfecte subijci, ut nulla in homine existat carnis adversus spiritum rebellio, neque ullam in bene agendo difficultatem & repugnantiam, aut ad male agendum proclivitatem in se experiatur, sicuti res in homine integro se habebat, in quo scilicet nulli erant inordinati, & adversus rectam rationem rebelles concupiscentiæ motus.

IX. Hæc est doctrina Bellarmini de gratia primi hominis libro unico, cap. 4. Ubi hæc est ejus quarta propositio. *Rectitudo illa cum qua Adamus creatus fuit, & sine qua post ejus lapsum omnes homines nascuntur, donum supernaturale fuit.* Quam propositionem ut explicet, observat primo hominem naturaliter constare ex carne & spiritu, & ideo partim cum bestiis, partim cum Angelis, communicare naturam: & quidem ratione carnis & communionis cum bestiis, habere propensionem quandam ad bonum corporale & sensibile, in quod fertur per sensum & appetitum: ratione vero spiritus & communionis cum Angelis, habere propensionem ad bonum spirituale & intelligibile, in quod fertur per intelligentiam & voluntatem. Ex his autem diversis vel contrariis propensionibus existeret in uno eodemque homine pugnam quandam, & ex ea pugna ingentem bene agendi difficultatem, dum una propensio alteram impedit.

X. Deinde dicit divinam providentiam initio creationis, ut remedium adhiberet huic morbo seu languori naturæ humanæ, qui ex conditione materiæ oriebatur, addidisse homini donum quoddam insigne, iustitiam videlicet Originalem, quæ veluti aureo quodam fræno pars inferior parti superiori & pars superior Deo facile subjecta contineretur. Sic autem subjectam carnem spiritui, ut non posset ipso invito moveri, neque ei rebellis fieri, nisi ipse fieret rebellis Deo; in potestate tamen spiritus fuisse Deo rebellem fieri, & non fieri. Unde colligit primi hominis iustitiam naturalem quidem fuisse, quatenus naturale dicitur id omne quod habetur à nativitate, & quatenus naturale dicitur id quod est naturæ consentaneum, sed non fuisse naturalem, quatenus naturale distinguitur à supernaturali, & significat id quod fuit ex principiis naturæ.

XI. *Adversarij, inquit, censent rectitudinem illam, in qua creatus est Adam fuisse illi naturalem hoc ultimo modo (nempe quatenus naturale opponitur supernaturali) nimirum quod fuerit veluti quedam sanctas debita naturæ, aptaque nasci ex ipsa natura bene constituta, id est non corrupta: & nunc hominibus qui eam rectitudinem amiserunt in Adamo, deesse bonum aliquod naturale, quale deesse pecudi, si cæca, vel claudicans, vel febricitans nasceretur. Et nunc si alicui homini originalis illa iustitia divinitus redderetur, dicerent esse donum supernaturale per accedens, non per se, ut diximus de oculis redditum cæco nato. Nos vero existimamus rectitudinem illam etiam partis inferioris, fuisse donum supernaturale, & quidem per se, non per accedens, ita ut neque ex principiis naturæ fluxerit, neque potuerit fluere. Et quia donum illud supernaturale erat, ut statim probaturi sumus, eo remoto, natura humana sibi relicta pugnam illam experiri capitis partis inferioris cum superiore, quæ naturalis futura erat, id est, ex conditione materiæ sequutura, nisi Deus iustitiæ donum homini addidisset. Quare non magis differi status hominis post lapsum Adæ, à statu ejusdem in puris naturalibus, quam differi spoliatus à vultu: neque deterior est humana natura, si culpam originalem detrahatur, neque magis ignorancia & infirmitate laborat, quam esset & laboraret in puris naturalibus condita. Proinde corruptio natura non ex alicujus doni naturalis carentia, neque, ex alicujus malæ qualitatis accessu, sed ex sola doni supernaturalis ob Adæ peccatum amissione profuxit. Quam sententiam communem esse Doctorum Scholasticorum veterum & recentiorum, multis postea allatis eorum testimoniis probat.*

XII. Sed quamvis Doctores Ecclesiæ Romanæ in eo communiter hodie consentiant quod iustitia & sanctitas hominis in integritatis & innocentie statu fuit donum quoddam supernaturale, & gratia proprie sic dicta ac naturæ superaddita: inter eos tamen hic restat sententiarum notabile discrimen. Etenim eorum nonnulli iustitiam & sanctitatem primi hominis sic volunt fuisse supernaturalem, & ad gratiam non ad naturam pertinuisse, ut fuerit tamen quodammodo innocentia

turæ debita. Ita ut impossibile fuerit primum hominem sine tali gratiâ à Deo condi & creari : quia scilicet, hoc repugnasset divinæ bonitati, justitiæ, & sapientiæ. Alioquin enim futurum fuisset, ut Deus crearet hominem vel malum, vel miserum, aut potius utrumque. Nam non potest non malus & non miser non esse qui Deum nec novit, nec amat puro & casto amore, prout creaturam rationalem decet : & in quo corporei sensus & appetitus rationem invitam & renitentem trahunt ad hæc inferiora, nec mentis imperiis & dictamini parent, sed adversus eam rebellant atque tumultuantur. Est autem bonitati divinæ contrarium, ut condat hominem malum & peccatorem, aut saltem miserum, absque ulla ipsius culpa.

XIII. Itaque non existimant debitum omne cum gratiâ pugnare, sed solum illud quod in bonis operibus & meritis fundatur. Proinde quamvis Deus, dum creaturam rationalem condit, debeat, id exigente bonitate, & sapientiâ ejus, ei dona conferre, & auxilia præbere quæ necessaria sunt ad Deum puro & casto amore prosequendum, vitamque justam tranquillam & beatam degendam, dona & auxilia ista nihilominus, ex eorum mente, non ad naturam, sed ad gratiam propriè dictam pertinent : quoniam talia dona & auxilia nullo modo meritis creaturæ debentur, & creatura ex se ad ista non sufficit, nisi supra naturam à Deo adjuvetur.

XIV. Hæc est doctrina eorum qui *Jansenii* doctrinam & placita sequuntur, ut videre est in brevi Catechismo quem de gratiâ ediderunt. Ibi enim capite quarto, postquam asseruerunt primum hominem fuisse creatum in statu sanctitatis & justitiæ, cognitionis & amoris divini, Deo simul naturam formante, & gratiam communicante, docent hominem in alio statu creari non potuisse : quoniam Deus nihil facere potest quod ordinatum non sit : jam vero creaturam rationalem inordinatam fore, nisi in statu gratiæ crearetur. Id autem ita esse probant ex eo, quod creaturæ intellectualis ordo essentialis est, ut ad Deum tendat tanquam ad centrum suum, & originem suam. Illuc autem tendere non potest, nisi per auxilium quod gratia subministrat. Unde sequitur creaturam talem futuram extra proprium ordinem, si nondum peccato corrupta, gratia privaretur.

XV. Ista petita sunt ex *Jansenio* ipso qui in libro posthumo, qui *Augustinus* inscribitur, prolixè doctrinam eandem ex *Augustino* colligit, probat, & amplificat. Precipue vero primo & secundo libro de statu naturæ puræ, ubi multis argumentis confirmat & ostendit hominem non potuisse in statu naturæ puræ, sine omni gratiâ creari : quia per solas naturæ, etiam non corruptæ vires, absque gratiæ naturam adjuvantibus auxiliis, nequit homo Deum ullo vero amore diligere, & ulla qualicumque Dei contemplatione & fruitione beari. Adeoque si Deus supponeretur hominem in statu naturæ puræ, sine omni gratiâ creare, necessario illum crearet & malum & miserum : quod Dei bonitati & sapientiæ omnino repugnat. Ac præterea docet gratiam dilectionis Dei, in qua primus homo creatus est, verissimam testem rationem gratiæ, quamvis Deus eam nullo justitiæ debito, sed ex condicentia infirmitatis creaturæ, ex lege suæ sapientiæ suæque bonitatis, & sanctitatis, & misericordiæ propriæque rectitudinis, creaturæ innocentis largiatur, ne aliquam omnino peccata, & dilectio ejus in inferiora diffuens, in ipsum revolvantur Deum, qui ei dilectio em ex nemine nisi ex Deo principio & sine suo religere præcepit. Quæ sunt ipsa *Jansenii* verba, lib. 1. de statu naturæ, cap. 20. cujus titulus est, *Quomodo Bona voluntas, in qua condi debet creatura rationalis, esset grata.*

XVI. Nam ut ibidem videre est, ex ejus sententia, gratiæ etiam propriissimè dictæ non repugnant debita quælibet, seu connaturalitates, decentiæ, congruentiæ & æquitates, quæ oriuntur ex aliis capitibus, quam ex jure creaturæ. Ideoque quamvis nihil connaturalius fuerit creaturæ ad imaginem Dei conditæ, quam ut cum Dei notitia & amore crearetur : nihilque congruentius, decentius & æquius respectu Dei fieri, quam ut rationali creaturæ innocentis, quæ ad Deum velut finem suum naturalem ordinata est, ea darentur quæ ad assequendum finem illum necessaria sunt, idque Deus sibi ipsi, suisque attributis quodammodo deberet : attamen illa Dei cognitio atque dilectio, sine qua Deo tui nulla creatura potest, gratia dici meretur, etiam creaturarum innocentium respectu ; tum quia nullis meritis creaturæ debetur, tum quia cognitio & dilectio hujusmodi naturæ cujuscumque creaturæ vires superat, nisi supra naturam à Deo adjuvetur.

XVII. Sed in diversum ab it communior Doctorum Scholæ Romanæ sententia. Etenim

nim existimant justitiam & sanctitatem, quæ in primo homine fuit, non solum fuisse donum supernaturale, & quod ad naturam non ad gratiam pertinebat : sed etiam aliquid naturæ humanæ, quamvis innocenti & nondum peccatrici, prorsus ind debitum : ita ut nihil repugnaret sapientiæ, bonitati, & justitiæ divinæ hominem sine tali justitia creari. Unde est quod inter status hominis possibiles ponunt statum puræ naturæ, sive hominis, ut loquuntur, in puris naturalibus. In quo statu ex eo¹ rum mente, homo nec justus, nec injustus esset : nec ullius peccati reus, nec etiam, ulla gratia præditus.

XVIII. Nam ut mentem Scholasticorum hac in parte refert & explicat jam dictus *Tansemus*, de statu naturæ puræ libro primo, capite primo, juxta illos, pura natura dicitur puritate negativa, quia scilicet, nihil habet superadditum sive bonum ; sive malum, quod ei debitum non sit : ita neque peccatum habeat, potnamque peccati comitem neque ullum gratiæ naturam superantis donum.

XIX. Ut vero facile intelligatur, quid hujusmodi naturæ status comprehendat, naturam lapsam intueri jubent, in qua quicquid præter peccati reatum deprehendimus, hoc ad puram naturam pertinere profitentur. Quippe Regula *lō* lennis eorum est, naturam puram à natura lapsa discrepare sicut nudum à spoliato, qui non aliter differunt, nisi quod hic amiserit, quod alter nunquam habuit : ut proinde pura natura se habeat instar negationis, lapsa instar privationis.

XX. Itaque quum docent hominem à Deo creari posse, nullo omnino precedente peccato, in statu naturæ puræ, id sibi volunt, hominem eo casu creandum esse sine ordinatione ad beatitudinem sempiternam, seu claram visionem Dei, & consequenter sine fide in intellectu, & sine charitate Deum diligente condendum. Præterea repugnantiam illam carnis & spiritus, quam in nobis experimur, tali homini fore prorsus naturalem. Uique adeo ut ordo merè naturalis postulet, ut Deus duos illos appetitus contrarios reciprociis moribus constiteri sinat, neque concursum suum subtrahendo, neque dono quopiam superaddito mutuum pugnam hostilitatemque comprimendo.

XXI. Ac proinde quantum ad internas animi vires, tantam in pura natura futuram ignorantiam, beneque cogitandi judicandi, & vivendi infirmitatem, peccandique pronitatem, quantam in natura lapsa experimur. Quantum ad externam vero majorem. Nam præterquam quod objecta sensibilia, concupiscentiam excitantia essent eadem, mala pravorum hominum consilia, & exempla potentius tunc ad malum provocarent. Nam cognitio Dei virtutumque quæ *Adam* communicata fuerat, & memoria promissionum & comminationum Dei priorisque status & præteriti lapsus recordatio, & promissio venturi Christi, cum spe redemptionis ejus, quæ per traditionem à capite in posteros diffusa promanarunt ; peccandi facilitatem in natura lapsa mitigare potuerunt ; ut hac in parte cæcitas, corruptio morum generalior, peccandique pronitas in pura natura proclivior futura fuisse videatur.

XXII. Hæc est Doctrina *Bellarmini* libri jam citati capite septimo. Ulbi Respondens ad septimam objectionem affirmat, hominem in puris naturalibus conditum futurum fuisse quales nos sumus, quoad corporis mortalitatem, rebellionem membrorum, ignorantiam, difficultatem & similia. Et postea in solutione Objectionis octavæ negat naturalem carnis nostræ impetum magis nunc esse rebellem, quam ante sine gratia futurus erat : & pura naturalia saniora futura fuisse ante peccatum, quam modo sint post peccatum. Adeoque in sequentibus concedit hominem condi potuisse in tali puræ naturæ statu, ut in eo esset præceptum ad vitia inclinatio, & impetus sensualitatis. Et pertendit nihil absurdum sequiturum esse, si homini sic in puris naturalibus condito Deus negaret gratiam quæ malis ejusmodi medetur, & homini necessaria est ut ad beatitudinem æternam perveniat.

XXIII. Cæterum negat ibidem *Bellarminus*, Hominem sic in puris naturalibus creatum, propterea futurum esse in diaboli potestate. Qua in re à sententia *Ruardi Tapperi* recedit. Is enim affirmat hominem posse à Deo creari sine Originali justitiâ. Et tunc non solum in eo locum habituras jam dictas infirmitates, difficultatem, & ignorantiam ; sed etiam illum affligendum fore omnibus iis quæ experimur malis, etiam damnatione, & æremonum vexatione. Nam, inquit, creari possit homo sine justitiâ Originali, & omnibus malis quæ nunc experimur, affligetur, *merb*

morbis scilicet, damnatione, demonum vexatione, & universi aliis, quæ tamen in eo non essent supplicia & pænæ, sed cruciatus tantum, sicut sunt in bestis. In explicatione secundæ articuli facultatis Lovaniensis, pag. 72. ubi agit de peccato Originali.

XXIV. Quod spectat autem Protestantes, & qui inter eos speciali nomine Reformati dicuntur, communi consensu illi quoque docent Deum creavisse hominem in iustitia & Sanctitate vera: juxta illud Ecclesiastæ Deus fecit hominem rectum. Nec enim rectitudo ista alia in re consistere potest, quam in conformitate cum voluntate & lege divina, in qua hominis iustitia consistit. Quod etiam Paulum respicere putant, dum fideles hortatur, ut induant novum hominem, qui secundum Deum creatus est in iustitia & sanctitate veritatis. Ubi manifestum est illum alludere ad primam creationem, in qua homo creatus dicitur ad Dei imaginem & similitudinem; ad quam ex ejus mente, pertinet sanctitas & iustitia illa quam Christus in fidelibus spiritu suo operatur.

XXV. Cæterum sanctitatem & iustitiam illam in qua primus homo à Deo conditus est, non in eo solum constituunt, quod Deum creatorem suum, uti par erat, agnoscebat, & puro ac sincero amore ei adherebat; sed in eo quoque quod omnes ejus facultates sic bene constitutæ & ordinatæ erant, ut inferiores superioribus, superiores vero Deo sine difficultate & repugnantia parerent; nec in eo ulla esset aut ad malum proclivitas, aut ad bene agendum difficultas & renitentia: qualis est illa quæ jam in omnibus & singulis hominibus reperitur. Proindeque ex eorum sententia, in homine recens condito nihil inordinatum, nihil immoderatum fuit. Nec in eo locum habuit ulla *ἀντιλογία*, vel pugna facultatum illius inter se: sed omnes ejus facultates summa cum *ὑποταγή* inter se concordantes atque ordinatæ, eundem finem, videlicet illum ad quem à Deo naturæ autore creatus fuit, conspirabant.

XXVI. Porro iustitiam istam primo homini ante lapsum naturalem fuisse, & dici debere contendunt. Non quidem quod fuerit pars essentiam naturæ humanæ constituens, aut quod ex humanæ naturæ principis necessario fluxerit: sed quia fuit aliquid naturæ concreatum, & ad dotes nativas humanæ naturæ nondum lapsæ pertinens. A eoque iustitia illa Originalis, secundum eorum doctrinam, domum naturale fuit, non supernaturale. Et se habet respectu animæ hominis integri, quomodo respectu corporis se habebat iusta membrorum proportio & pulchritudo, vigor atque decor, quæ in eo tum reperiebantur. quæque naturalem quandam, non vero supernaturalem perfectionem hominis spectabant: licet non essent de essentia hominis, neque etiam ex naturæ humanæ principis necessario fluxerent.

XXVII. Sed ut clarius & certius in hac questione Scholæ Reformatæ sententia percipiatur, operæ pretium erit breviter hic referre, quomodo præcipui aliquot illius Doctores mentem suam hac de re explicent: maxime cum videri possit inter eos hic esse nonnulla diversitas. Primum igitur *Tilemii*, Syntagmatis Theologici parte prima, Disputatione trigesima tertia, Thesi decima quarta asserit, iustitiam illam recte dici naturalem, eo sensu quo naturalia & supernaturalia mutuo sibi opponuntur, & ab invicem distinguuntur. Thesi vero decima septima dicit tam naturalem primo parenti fuisse hanc iustitiæ originalis qualitatem, quam erat ipsa natura & forma substantialis per creationem accepta. Adeoque Thesi precedenti affirmat qualitatem istam ex primigenia Dei in homine imagine confestim emicuisse, ut solent accidentia ex subjectis suis.

XXVIII. *Amesius* in *Bellarmino* Enervato, tomo quarto capite primo, explicans quomodo iustitia Originalis primo homini naturalis fuerit, Nos non dicimus, inquit, iustitiam illam fuisse vel essentialem partem naturæ Physicæ, aut Physico modo ex ejus principis fluere, sed conditionem esse moralem naturæ illi debitam, quæ ad justè operandum fuit creata.

XXIX. *Josue Placens* in Syntagmate Thesum Salmutiensium Disputatione de statu *Adami* ante lapsum, Thesi decima octava, dicit rectitudinem originalem primi hominis naturalibus donis annumerandam fuisse, quoniam nihil aliud fuit, quam congruentia cum lege naturæ; & perfectio quæ fuit simul cum natura creata, & quæ per naturalem generationem propaganda erat, adeoque perfectio naturalis naturalibus hominis facultatibus respondens. Thesi vero vigesima sexta concedit iustitiam Originalem fuisse quidem gratiam, hoc est, donum gratuitum ab eisdem tribus personis profectum, à quibus natura ipsa creata fuit: & gratiam non fuisse, quo

quo sensu hoc nomen opponitur naturæ, & significat effecta favoris divini quo Deus peccatores prosequitur in Christo.

XXX. Sic vero suam ea de re mentem exponit *Petrus Molinæus*. *Contendimus, inquit Adamo ante lapsum naturale fuisse Deum cognoscere & amare. Nec in natura integra agnoscimus ullam proclivitatem ad rebellionem, quia nihil erat quod coerceretur, quamvis esset quod regeretur. Nec putamus puritatem Adami ante lapsum fuisse frænum extrinsecus injectum, aut sessorum adhibendum, sed virtutem naturalem.* Disputat. de statu Innocentiæ. Thesi XXV. in Thesauro Thesium Sedanensium.

XXXI. *Paræus* autem in librum *Bellarmini* de Gratia primi hominis cap. 1. dicit supernaturale esse quod homini supra naturæ principia, vel dotes natives inest ad ejus perfectionem. Naturam autem distinguit in integram, qualis erat in statu creationis ante lapsum, & in corruptam, qualis est in statu peccati. Unde observat supernaturale duobus modis dici. Vel enim significat id quod est supra naturam integram, vel id quod est supra naturam corruptam. Jam vero concedit iustitiam originalem supernaturalem fuisse posteriori modo, quia superabat naturam corruptam. Sed negat priori modo fuisse supernaturalem, quoniam videlicet, non fuit supra dotes & perfectiones natives naturæ integræ. Capite vero quinto dicit defendi posse iustitiam Originis primo homini tanquam naturæ bonum fuisse naturalem, non minus quam facultatem videndi, sentiendi, &c. Quoniam ex mente illuminata notitiæ illustres de Deo & rebus divinis : ex voluntate, & corde iusto Sancto, ut ex limpidissimo fonte operationes iustæ Sanctæ scaturiebant, non minus naturaliter, licet mediante libero arbitrio, quam visio ex oculo, &c. Sed addit non esse necesse hoc urgere, propterea quod *Adamo* naturale fuit, non tantum quicquid ejus naturam constituat, vel ex principiis naturæ constitutæ per se fluere : sed etiam quicquid principii naturæ ad ejus perfectionem per se adiacebat, & sine quo natura in suis principiis non erat primitus condita. Ad quem vocis naturalis sensum potissimum spectare Theologos nostros affirmat, quum iustitiam Originis primo homini fuisse naturalem contendunt. Unde colligit *Bellarminus* pervertere statum quæstionis, dum docet hic non queri, An iustitia Originalis primo homini naturalis fuerit, prout naturale significat id quod inest à nativitate quod utrinque conceditur, sed an fuerit naturalis, prout naturale distinguitur à supernaturali, & significat vel id quod naturam constituit, vel aptum est fluere ex principiis naturæ.

XXXII. Denique *Ramburtius* in Sedanensium Thesium Syntagmate, Disputatione de imagine Dei in homine, & iustitia Originali. Thesi vigesima septima sic de hac quæstione sententiam suam pronunciat, *Nos statuimus iustitiam Originalem completi totam hominis integritatem & sanctitatem, eamque homini fuisse naturalem : ita ut in Adæ natura, simul atque existit, insitum fuerit diligere Deum, eique obtemperare, hocque dono excelluisse hominem statim atque conditus est. Quod ita non volumus accipi, ac si ex naturæ viribus profluxerit hæc sanctitas, sed quod nativa fuerit homini hæc integritas : ita ut in eo per naturam, ut à Deo conditus est, & in hoc statu subsistit, nulli fuerint motus inordinati : quemadmodum naturalem dicimus esse aliquam cognitionem Dei, quatenus nihil est tam naturale, quam quod ita naturæ insidet, ut sine ejus, ut sic dicam, ejuratione non possit amoveri. Hæc igitur iustitia fuit in Adamo simul ac exortus est, nebulæ huic iustitia repugnans expertus est.*

XXXIII. Ex his autem apparet multos ex Reformatis manifestè docere iustitiam Originalem primo homini naturalem fuisse, quoniam erat perfectio ordinis naturalis, creaturæ rationali peccato nondum corruptæ debita, ut quæ ex naturæ humanæ, quæ pura & innocens adhuc supponitur, facultatibus veluti emicat : non secus ac sanitas & bona valetudo ex corpore secundum naturam rectè se habente. Alios vero, ut *Paræum* in primis, videri iustitiam illam eo tantum nomine primo homini naturalem dicere, quod esset perfectio quædam primo homini concreata, & quæ ad ejus natives & Originales dotes pertinebat : Ac quum supernaturalem illam fuisse negant, non aliud sibi velle, quam illam non fuisse aliquid primigeniis & natives dotibus hominis superadditum.

XXXIV. Urcunque tamen de eo sit, & quacunq; tandem ratione dicatur Originalis iustitia primo homini fuisse naturalis, communis videtur esse Reformatorum sententia, omnino bonitati & sapientiæ divinæ repugnare, ut Deus hominem condant absque iustitia Originali, & talem qui Deum, ut par est, non agnoscat. & amet, &
ad

ad malum sit pronus atque proclivis & in quo sensus atque appetitus rationi repugnant, & sunt legi divinæ rebelles. Nec enim existimant ejusmodi erga Deum amoris privationem, & præcipitem ad malum & vitia inclinationem, ac rebellionem sensus & appetitus adversus mentem, & legem divinam in creatura rationali posse peccato & culpa carere. Adeoque absurdum & creatori injurium ducunt, si dicatur ejusmodi inferiorum animæ facultatum rebellionem, & quæ inde sequitur totius hominis ad malum pronitatem, & repugnantiam ad bonum aliquid esse consequens hominis compositionem ex anima rationali & corpore organico, quodque necessarium, & secundum ipsam rerum naturam inde resistat nisi Deus aliquid supra naturam addat, quod subiciat rationem Deo, & partem inferiorem animæ rationi subdat.

XXXV. Ac proinde planè scilicet um & impossibilem censent statum illum hominis in puris naturalibus, cujus sæpe in Schola Romana mentio fit; in quo supponitur homo peccato non corruptus, & tamen iustitia & sanctitate vacuus. Deoque non adhærens puro & casto amore, sed propria concupiscentia ad inferiora tractus, ignorans quæ ad veram beatitudinem necessaria sunt, ad bonum perficiendum infirmus & impotens, & ad vitia præcipiti inclinatione proclivis, sicut colligere est ex Doctorum Reformatorum, qui supra citati sunt, & plurimorum aliorum dissertationibus dum de iustitia Originali adversus Bellarminum, aliosque Doctores Scholæ Romanæ disputant.

XXXVI. *Paræus* tamen asserere non audet non potuisse naturam humanam abque Originali iustitia creari. Nec dicimus, inquit, naturam humanam non potuisse à Deo sine Originali iustitia creari. Nos enim terminum divinæ potentie? saltem dicimus, Deum, cum hominem integrum conderet, non potuisse seipsum negare; hominem integrum sine integritate condere. In libr. 1. Bellarm. de Grat. Primi hominis cap. 6. Responsione ad rationem quartam.

XXXVII. Porro quamvis pretendant Doctores Reformati iustitiam Originalem primo homini fuisse naturalem, affirmare tamen nolunt, saltem eorum complures, primum hominem creavisse omni gratia supernaturali, & non aliis quam naturalibus donis à Deo fuisse ornatum. Istud præsertim videre est apud Petrum Molinæum, supra citata disputatione de statu innocentie, thesi 49. & 50. Non imus tamen iusticiam inquit, quin in Adamo fuerint quædam dona supernaturalia. Nam si aliquam cognitionem hauserit ex revelatione: aut si quid habuit ad quod humana natura quantumvis pura non potuit pervenire sine dono Dei peculiari & extraordinari; id sine dubio fuit supernaturale: nec id Adam perstans in integritate ad post vos propagasset. Præterea quemadmodum non dubium est quin homo quantumvis perfectus corporis temperamento naturali, opus habeat auxilio supernaturali, & Dei ope continuo, ad servandam hanc dignitatem ita eisi Adami natura esset pura & sancta, opus tamen haberet jugi auxilio supernaturali ad conservandam istam puritatem. Cum etiam inanimata & irrationalia divino sustententur influxu.

XXXVIII. *Ramburtius* similiter in Adamo agnoscit dona supernaturalia, thesi vigesima nona modo citatæ disputationis. Neque propterea, inquit, dona supernaturalia ab Adamo removemus. Gratia enim Dei hæc eadem dona naturalia exornabat, indies attollebat: quemadmodum gratia non destruit naturam sed eam dirigit, & altius quam quo per vires suas eniti potest erigit. Ideo primus homo non modo fuit eximia creatura, sed etiam filius Dei, assumptus ad cernendam hæreditatem celestem, id est, non tantum habuit per naturam rationem servus fidelis, Domini voluntatem probe intelligentis eamque perfectè exequentis, sed etiam per gratiam dignitatem filii paternam benedictionem & hæreditatem sperantis.

XXXIX. Quibus similia apud *Tilenum* legere est. Criminosè inquit, & calumniosè Pelagianorum sententiam nobis affingunt Pontifici, quasi nulla supernaturalia dona in primo homine fuisse contendamus, cum Theologicas virtutes ipsi tribuamus dicens. De iustitia Originali thesi trigesima octava. Paulo ante vero distinctius explicans qua in re consisteret gratia Adamo collata, Ut à natura, inquit, id habebat voluntas Adams, ut posset iuste & sanctè operari, sic ut reapse operaretur, Deumque super omnia amaret: efficaciter movebatur à gratia. At quemadmodum virtus non propterea caret ut naturali ad proferendum vinum, quod externis illi opus est auxilii, puta sole plurvia & cultura, ut aliu proferat, sic & in Adamo non ideo naturalis non fuit voluntatis rectitudo, & affectuum directio, licet in actu secundo gratiæ morientis auxilio exercitaretur & adjuvaretur.

XL. Pro-

XL. Proinde Doctor ille ad gratiam supernaturalem in primo homine refert, tum auxilium actuale quo excitabatur ad bene agendum, tum virtutes Theologicas fidem, spem, & charitatem quibus ornatus erat. Sed difficile capi potest quomodo virtutes istæ in *Adamo* fuerint dona supernaturalia, & tamen rectitudo, seu justitia Originalis ipsi naturalis erat, aut quæ possit esse justitia & Rectitudo Deo grata & accepta sine fide, spe, & charitate. Ut & in iis quæ ante ex *Rav burtio* retulimus, non satis inter se concordare videntur quæ simul affirmat doctrinam ille vir, nempe primi hominis justitiam & sanctitatem naturalem fuisse, non supernaturalem, & tamen eam ex viribus naturæ non profuxisse. Quomodo enim potest non esse supernaturale quod ex naturæ viribus non profluit? Nisi dicamus cum cum *Paræo* supernaturale vocare quod adventitium est, & ad nativæ dotes superadditur. Originalem vero justitiam eo solum nomine naturalem vocari, quod à prima Origine fuerit homini insita, & ipsi concreta, & sic ad nativæ ejus dotes pertinuerit; quomodo ipse se videtur explicare. Quæquam non satis quadrat quod subjungit, justitiam primi hominis illi fuisse naturalem, sicut naturalis nobis est aliqua Rei cognitio. Nam cognitio illa Dei quam naturalem vocat non superat naturæ vires.

XLI. Ex iis autem quæ hæcenus exposita fuerint, planum est Scholam Romanam, & Scholam Reformatam in eo consentire, quod primus homo ante lapsum prædictus fuerit vera justitia & sanctitate, per quam & Deum mente sicuti decet agnoscebat, & voluntate diligebat, nihilque habebat in se inordinatum, & quod legi ac voluntati divinæ repugnaret, quodque se ultro rectæ rationi non submitteret.

XLII. Inde quoque manifestum est, Scholæ Romanæ Theologos, plerisque saltem, cum Reformatis docere primum hominem fuisse in justitia illa & sanctitate creatum; adeoque primum hominem nunquam ea caruisse, sed eam illi à prima Origine fuisse insitam.

XLIII. Proindeque quod illinc manifestè sequitur, plerique Doctores Ecclesiæ Romanæ cum Protestantibus agnoscunt justitiam Originalem primo homini naturalem fuisse, quatenus naturale significat idem quod nativum, & opponitur ei quod est adventitium & superadditum.

XLIV. Imo patet, ex iis quæ ante retulimus, in Ecclesia Romana non deesse, quod plerisque Reformatis doceant justitiam Originalem pertinuisse ad dona naturæ, non gratiæ, prout naturæ opponitur: adeoque primo homini naturalem fuisse, quatenus naturale opponitur supernaturali.

XLV. Præterea, ut ex dictis colligere est, in Ecclesia Romana non pauci Reformatis concedunt justitiam Originalem, qualiscunque tandem dicenda sit, seu naturalis, seu supernaturalis, fuisse perfectionem ita homini innocenti debitam, ut salva sapientia & bonitate divina, non potuerit absque illa creati: adeoque status hominis in puris naturalibus, qualem describit Scholæ Romanæ vulgus, & in quo supponitur homo non peccator, & tamen justitia vacuus, & in vitia pronus, ac concupiscentia rationi rectæ repugnanti laborans, esse aliquid merè fictitium; & quod bonitas, justitia & sapientia divina in rerum natura unquam dari prohibent.

XLVI. Vicissim vero Protestantes Doctoribus Scholæ Romanæ concedunt justitiam Originalem non fuisse primo homini naturalem, quatenus naturale significat, id quod naturam constituit, aut quod necessario, sive modo physico, fluit ex humanæ naturæ principiis. Ac præterea multi Scholæ Reformatæ Doctores non negant primum hominem habuisse dona quædam supernaturalia: & gratiam quandam homini, etiam innocenti, necessariam fuisse, ut rectè & secundum justitiam operaretur. Quin eorum nonnulli justitiam Originalem ex naturæ viribus non fluxisse fatentur.

XLVII. Verum hic controversia est inter Scholam Romanam, paucissimis exceptis, & inter Scholam Reformatam, Num justitia Originalis primo homini naturalis fuerit, vel supernaturalis. Naturalem fuisse, non supernaturalem, communi consensu affirmant Scholæ Reformatæ Doctores; contra vero Scholæ Romanæ Theologi plerique omnes perpendunt illam fuisse non naturalem, sed supernaturalem. Quæ quidem controversia respectu quorundam Theologorum realis, respectu vero aliorum verbalis esse videtur. Realis est respectu eorum qui sentiunt justitiam

tiam Originalem fuisse perfectionem ordinis naturalis naturalibus hominis facultatibus respondentem, & quæ non ad gratiam sed ad naturam pertinebat. Reapse enim contrarium significare volunt Scholæ Romanæ Theologi, quum asserunt iustitiam illam fuisse supernaturalem. Sed eadem controversia verbalis est respectu aliorum, qui docent iustitiam istam non aliter primo homini fuisse naturalem, quam quia erat illi concreata, & inter dotes ejus natives numerari debet. Ac quum eandem iustitiam negant fuisse supernaturalem, nihil aliud significare volunt, quam eam non fuisse homini supra primigenias dotes superadditam. Quod concedunt Doctores Ecclesiæ Romanæ, saltem, eorum quamplurimi.

XLVIII. Præterea vero quæstio est inter Scholam Reformatam & plurimos Scholæ Romanæ Doctores, Annon sapientiæ & bonitati divinæ repugnet hominem creati absque iustitia Originali; & an inter status hominis possibiles numerari debeat status ille quem Schola Romana vocat *pura naturæ*: In quo non sit homo peccato corruptus, & tamen vera iustitia careat, multaque ignorantia & infirmitate laboret, & ad malum trahatur propria concupiscentia, & appetitu adversus rationem rebellente, non secus ac res se habet in statu naturæ corruptæ. Quod affirmat vulgus Doctorum Ecclesiæ Romanæ, Schola vero Reformatam communi consensu negat, uno forte vel altero excepto.

XLIX. Et certò nisi ita statuamus, gravissima sequentur absurda. Primo enim inde sequetur concupiscentiam illam, per quam caro pugnat adversus spiritum, & quam Scholæ Romanæ Doctores, etiam post remissum peccatum Originale, concedunt habere rationem vitii & mali cuiusdam moralis, quod Deo displicens & odiosum est, quamque *Joannes* negat esse à Patre, sequetur, inquam, inde concupiscentiam illam potuisse habere Deum ipsum auctorem; qui scilicet, ex hac hypothesis, hominem cum illa creare potuerit. Nec vim argumenti tollit quod *Bellarminus* Respondet, concupiscentiam istam ex materia fuisse emerisuram, præter Dei intentionem: Ut rubiginem ex gladio; cujus propterea faber ferrarius author non est. Nam faber ferrarius non fecit ferri materiam unde rubigo exoritur, sicut Deus corporis nostri materiam creavit. Et tamen, citra fabri culpam, non potest inesse rubigo gladio ex manibus illius prodeunti.

L. Posito enim quod Deus hominem aliquem creet cum eadem ignorantia, proclivitate ad malum, & repugnantia ad bonum, cum qua jam ex *Adamo* nascimur; nec ulla gratia supernaturali illum juvare velit, quod fieri posse censent communiter Scholastici, homo ille nec Deum diligit, nec actus & affectus suos ad normam rectæ rationis componet, sed libidini suæ in Omnibus indulgebit, & in diversis flagitia, prout se dabit occasio necessario ruet; ut faceret homo ex *Adamo* natus, si omni gratiæ divinæ auxilio destitueretur. Ac proinde sic Deus erit author peccati; ut qui creaverit hominem, qui nulla sua culpa, sed quali illum Deo formare visum fuit, peccatum vitare non potest, ac quodam naturæ vitio & impetu in varia scelera sese precipitem eat, nec creatorem suum, sicuti par est, diligere valet. Vel dicendum est dari posse creaturam rationalem, quæ Deum agnoscere & amare non tenebitur, quæque potuerit se omni immunditia polluere, & iræ, luxuriæ ac gulæ indulgerent, stuprisque & cædibus in sui similes grassari, & reliqua patrari quæ lex naturæ & æterna vetat, nec tamen propterea ullius criminis & peccati rea sit. Quorum utrumque est vehementer absurdum; & manifestam quandam impietatem involvit.

LI. Hoc autem semel concessio, fieri non posse ut homo à Deo creetur absque iustitia & sanctitate, tanti momenti non videtur altera illa quæstio. An Iustitia & Sanctitas illa in qua Deus primum hominem condidit, & sine qua creati à Deo non potuit, pertineat ad naturæ, vel ad gratiæ dotes, & naturalis dicenda sit, vel supernaturalis: Modo, quod omnes concedunt, statuamus illam esse gratuitum Dei donum, quod nullis creaturæ meritis debebatur.

LII. Ratio tamen exigere videtur, ut dicamus illam ad naturæ dotes pertinuisse, & naturalem potius fuisse quam supernaturalem. Etenim naturale non supernaturale est, id quod ad naturæ rectam constitutionem pertinet, & sine quo natura nec sana est, nec rectè constituta. Jam vero natura humana absque Sanctitate & Iustitia illa, quæ homini integro inerat, non sana, sed ægra est, nec potest dici rectè constituta; siquidem facultatum adversus rationem rebellio, & pronitas totius hominis ad rebellandum Deo, naturæ rationalis morbus est & vitium quoddam.

LIII. Præ

LIII. Præterea creaturæ rationali non corruptæ naturale est id sine quo naturalem suum finem assequi nequit. Sed finis creaturæ rationalis est, ut Deum agnoscat, amet atque colat. Ad hoc fuit enim à Deo condita. Hunc finem autem assequi non potest, si abique iustitia & sanctitate creetur; Et si consideretur ut destituta donis illis quæ per Adami peccatum amisimus.

LIV. Nec etiam est ulla naturalis facultas cui sua perfectio naturalis non respondeat. Morales autem facultates, ratione quarum homo est virtutis & vitii capax, homini naturales sunt, non minus quam cæteræ. Quia in re autem earum naturalis perfectio consistere potest, nisi in ipsa iustitia & sanctitate, de qua jam quæstio est?

LV. Adde quod ad naturæ dotes in creatura rationali non corrupta sed pura pertinet, ut conformis sit legi naturæ, & ad illius regulas se componat. Ac proinde quicquid sine quo non potest naturæ legi sese conformare, & omnes motus suos illi subdere, dotes & ordinem naturæ non excedit. Ad legem autem naturæ se componere non potest, homo destitutus omni iustitia & sanctitate, & infirmitatibus illis quibuscum hodiè nascimur, obnoxius. Adeoque sanctitas & iustitia illa, per quam tolluntur tales infirmitates, ad naturæ non corruptæ dona spectare censenda est.

LVI. Unde videtur quoque cum ratione non satis congruere quod ex Reformatis nonnulli supra citati dicunt, licet iustitia & sanctitas illa in qua primus homo creatus est, fuerit ei naturalis, illum tamen eguisse auxilio quodam supernaturali, quo ad bene agendum moveretur & excitaretur. Quanquam enim certum sit sine iugis Dei auxilio nihil boni unquam hominem agere, non tantum in rebus spiritalibus, sed ne quidem in rebus civilibus & humanis: adeoque ante lapsum ipsum opus fuisse homini perpetuo auxilio Dei, in quo *vivimus, movemur, & sumus*: Attamen non necesse est ut auxilium istud fuerit Ordinis supernaturalis; sed potuit ad hoc sufficere auxilium quod non superaret ordinem naturæ primitus à Deo institutæ. Nam auxilium requiritum ad hoc ut creatura quæque nondum corrupta atque vitiosa, naturæ suæ conformiter agat, & ad finem suum naturalem tendat, ad naturæ ordinem pertinere existimandum est.

LVII. Verum inde non sequitur falsum esse quod diserte docent Reformati complures, nimirum in primo homine fuisse dona quædam supernaturalia. Nam potuit Deus ad naturæ primigeniæ dotes, & auxilia ei necessaria, supra naturam quod libuit addere; sed quid illud & quantum fuerit, non audemus, scriptura tacente, definire. Illud tamen ex scriptura certum, in primo homine fuisse notitiam quandam supernaturalem: quandoquidem Deus illi supra naturam sese revelavit, & de voluntate sua expresso verbo illum edocuit.

LVIII. Neque ex eo quod homo constat corpore terreno & anima spiritali, sequitur in eo naturalem esse pugnam sensus & appetitus adversus rationem: adeoque talem pugnam atque rebellionem non posse tolli, nisi per donum supernaturale. Nam naturalis quidem est homini duplex inclinatio, una erga bonum terrenum, quatenus corporeus est, altera vero erga bonum spirituale, quatenus præditus est anima intelligente: sed quemadmodum anima suo corpore longè præstantior est, ita quoque naturæ recte constitutæ convenit, ut corporis motus & inclinationes animæ Imperiis & iussibus subjiciantur, & sic appetitus rationi pareat. Quum vero res aliter se haberet, in eo apparet quædam naturæ deordinatio.

LIX. Nec posito quod restitudo homini contrèata ipsa naturalis fuerit, non supernaturalis, ita difficile est, ut Bellartinus existimat, ostendere qua ratione corruptio illa quæ jam nobis inest, & per quam ratio cogitur affectibus subesse, naturam humanam invasi. Vitium enim illud ortum habuit à parte animi superiore, quum à Deo discedens, ferri cœpit in objectum appetitus sensitivi tanquam in finem suum. Nam inde secuta est facultatum moralium in homine *perversio*. Si quidem primigenia earum restitudo in eo consistebat quod ad Deum tanquam finem summum omnes illarum motus & affectus, ex mentis & rationis imperio, dirigebantur. A quo fine ratio deviare non potest, & bona terrena illi substituere, quin sensui & appetitui, quorum jam objectum pro fine summo est, turpiter, & contra propriam naturam servire cogatur.



THESES THEOLOGICÆ,
DE
LIBERO HOMINIS ARBITRIO
IN GENERE.

In quibus exponitur
SCHOLÆ REFORMATÆ
DOCTRINA.

T H E S I S I

Perique Doctores Ecclesiæ Romanæ Calvino, & aliis qui cum eo in Religio-
nis negotio sentiunt, tribuere solent quod ab homine tollant liberum arbi-
trium, cumque omni libertate in agendo spoliunt, aut saltem doceant in eo
liberum Arbitrium per peccatum penitus amissum & extinctum fuisse. Istud
videre est apud Bafilium Jesuitam in Catechesi quam refutat Rivetus in sum-
ma Controversiarum, Tract. 4. quæst. 4. Ubi disputat contra Reformatos, quasi libe-
rum hominis arbitrium simpliciter negarent: & apud Martinum Becanum Jesuitam
alterum qui dicit Lutheranos & Calvinistas affirmare per peccatum primi parentis
penitus sublatum esse liberum arbitrium. *In summa Theol. Scholæst. Tract. 1. cap. 2.
quæst. 9.*

II. Sed constans est Reformatorum omnium sententia liberum arbitrium simpliciter
consideratum, & secundum propriam naturam atque essentiam, esse aliquid quod à
creatura rationali separari non potest: adeoque liberè agendi facultatem ab homine
per peccatum prorsus sublatam non fuisse: imo hominem per peccatum corruptum
non minus liberè agere quæ agit, quam agebat ante peccatum: ac seu sibi relictus
peccato in dulgeat, id planè summa cum libertate facere, sive per gratiam motus & exci-
tatus meliori vitæ studeat, actus illius quoque liberos esse, neque per gratiæ Dei effi-
caciæ quicquam libertati voluntatis ejus præjudicari.

III. Inter eos etiam constat liberum illud arbitrium quod ab homine inseparabile
est, non esse actum, aut habitum aliquem, sed potius quandam animæ facultatem:
neque tamen isto nomine designari facultatem quandam, quæ sit à mente & voluntate
distincta; sed liberum arbitrium homini convenire, quatenus intellectu & voluntate
preditus est.

IV. Verum non explicant omnes eodem modo qua in re sita sit libertas ratione
cujus homo liber in agendo dicitur, & à qua denominatur liberum ejus arbitrium.
Ex primo quidem ex Reformatis non pauci, libertatem illam cujus respectu homo di-
citur esse liberi arbitrii, nec servituti, nec necessitati simpliciter opponi docent, sed
potius coactioni. Ac plerumque loquuntur quasi coactio sola libertatem perimeret, &
libertatem describunt *immunitatem à coactione*.

V. Nec tamen eorum mens est quæcunque sponte, & non coacta agunt, agentia esse
libera. Agnoscunt enim bruta sponte agere, & ea nihilominus libertate spoliunt.
Itaque ad libertatem præterea requirunt, ut qui agit non simpliciter naturæ im-
pulsu

pulsu ducatur ; sed ex consilio & ratione agat. Adeoque ex eorum mente, plena libertatis definitio erit, si quis dicat illam esse *immunitatem à coactione in eo qui agit ex rationis judicio*.

VI. Sic Marcus Wendelinus, Christianæ Theologiæ lib. 1. cap. 5. in explicatione Theos. 18. liberum arbitrium definit, *Voluntatis affectionem, qua proprio suo motu, absque coactione, eligit, vel repudiat rem ab intellectu monstratam*. Et huius quoque similis est definitio Zachariæ Ursini, *Est itaque, inquit, liberum arbitrium facultas seu potentia volendi, aut nolendi, seu eligendi, aut repudiandi objectum ab intellectu monstratum, proprio motu, sine coactione*. In explicationibus Catecheticis, parte 1. quæst. 8. dum. 1.

VII. Ex hac verò sententia sequitur libertatem proprie consistere in libentia, illa, qua voluntas intellectus judicium sequitur, non verò in aliqua voluntatis differentia, aut potestate quadam ad opposita, sine qua consistere potest voluntatis libertas ; quamvis revera voluntas ad multos suos actus indifferenter se habeat, ut docet idem Wendelinus loco modo citato. Ubi postquam tradidit jam à latam definitionem liberi arbitrii, subiungit, *Hoc in genere ad arbitrii libertatem sufficit, : quod enim adduxi nonnulli, per arbitrium liberum voluntatem sua natura manere indignantem ad oppositum, seu diversum eligendum, vel actionem suspendendam; ad liberum arbitrium in genere non pertinet. Quia libertas arbitrii consistit quoque sine indifferentia ad utrumque oppositum, quam contrarietatis libertatem appellant. Adeoque libertas quoque est, quæ ad oppositorum alterutrum determinata est : qualis in beatis, qui libere agunt bene, ita ut per confirmationem in bono non possint male agere. Imo ne contradictionis quidem libertas simpliciter ad arbitrii libertatem est necessaria : quia libere Deum laudant Beati, qui tamen non possunt non laudare*.

VIII. Quamvis igitur ille, & qui cum eo sentiunt, agnoscant discrimen esse inter actus voluntatis ; nempe ad quosdam voluntatem determinatum esse, aliorum verò respectu natura sua manere idoneam ad opposita, consent tamen voluntatem, tam horum quam illorum respectu, liberam dici debere, & tamen hos quam illos libere à voluntate produci & elici. Ac proinde distinguunt quidem inter voluntarium simpliciter, & illud quod fit ex electione : sed inter voluntarium & liberum non distinguunt. Nam utrumque volunt æque latè patere & quicquid voluntarium est, hoc ipso esse liberum. Nec ullam necessitatem quæ voluntarii naturam non evertat, libertatis naturam evertere existimant. Adeoque quamvis Deus per naturam bonus sit, docent tamen illum esse libere bonum quoniam non coacte sed voluntarie bonus est. Sicuti videre est apud Zachariam Ursinum loco jam allegato. *Liberum, inquit, vocatur liberum, hoc est, spontaneum : quod opponitur coacto, hoc est, involuntario, & coactio non autem dicitur, seu necessario. Potest enim voluntas consistere cum dicitur, sed non cum coactio, ut Dei & sancti Angeli dicuntur, hoc est, necessario sunt boni : non tamen dicitur, hoc est, coactè sed liberrimè : quia principium suæ bonitatis habent in seipsis, liberam voluntatem*.

IX. Alii verò discrete & distinctè affirmant, libertatem illam à qua homo liber in agendo dicitur, non esse immunitatem à sola coactione, quæ est necessitas quam infert vis agentis externi, contra inclinationem illius quod cogi dicitur : sed libertatem illam opponi præterea necessitati naturali, sive determinationi per naturam ad unum. Porro necessitas illa, quam naturalem vocant, à materia juxta ipsos oritur, idque duplici modo. Vel enim actio externa non dependet ab ulla actione interna à qua imperetur : sed posita facultate, & objecto materiali extrinsecus admoto, non potest non exerceri actio, & quidem talis, tantaque. Cui necessitati subjiciuntur, quæcunque sensu & ratione carent. Vel pendet quidem actio externa ab internæ imperio, ut & suspensum possit, & non eodem modo semper fieri, sed tamen non nisi à re aliqua materiali determinationi oritur : sicuti contingit in brutis, quorum actiones externæ à sensu pendunt atque imperantur, & magnam varietatem, etiam circa unum & idem objectum admittunt, prout sensus eorum variè, tum internè tum externè afficiuntur ; sed ipsi eorum sensus ab objecto aliquo materiali semper moventur & determinantur. Homo verò ab utraque ista necessitatis specie immunis est. Nec enim in actibus illis, quorum respectu dicitur liberi esse arbitrii, à materia externè admota, aut etiam à toto materiali sensu in agendo determinatur. Sed cum sit agens intellectualis, agit atque appetit ex judicio atque imperio rationis.

X. Quia in re libertatem arbitrii constituunt. Idque quoniam illi qui ex judicio rationis agunt finis notitiam habent, cumque sibi præstituant, & ad eum actiones suas dirigunt atque accommodant : & ita sunt quodammodo actionum suarum Domini.

Cum contrā res inanīm, & animalia bruta quæ solo sensu ducuntur, finem suum non cognoscant; ideoque ad eum seipsa non referant, sed duntaxat ad illum tendant instar mancipiorum, imperata quidem facientium, cur vero imperentur, aut quorsum ignorantium. Neque tam propter finem agunt, quam ad finem ab agente superiore aguntur. Adde quod brutorum sensus & appetitus rebus materialibus astrictus est; hominum vero voluntas, cum sequatur ductum mentis & rationis, quæ pro objecto habet non tantum sensibilia, sed etiam intelligibilia, non solum præsentia, sed etiam futura, versatur circa omnia bonorum genera, modos atque gradus, nec ullis, ut sic dicam, limitibus includitur: Unde nascitur maxima appetitionum electionumque necnon actionum externarum varietas.

XI. Quæ latius diducta videre licet apud Josuam Placeum ante paucos annos in Academia Salmuriensi Professore, tractatu de libero hominis Arbitrio. Ubi sic concludit ea quæ pluribus ante hac de re disseruit. *In eo igitur consistit naturalis voluntas libera, quod cum à coactione, & necessitate materia, & rerum sensibilibus sit libera, tam immaterialia quam materialia, tam intelligibilia, quam sensibilia, tam futura quàm præsentia, tam honesta quam utilia, aut jucunda, bonumque contraria, omnes adeo bonorum & malorum ordines, gradus, relationes pro objecto habere possit omni loco & tempore, finem ultimum, fines intermedios ad eosque conducentia media eligere potest pro arbitrio, hoc est, mentis practicæ judicio, sine qua ne rationalis quidem est, nedum libera. Et postea repetit ex sua sententia non omnem necessitatem cum voluntate, id est, cum libertate arbitrii pugnare, sed eam duntaxat quæ vel à coactione est, vel à materia sine sensu, vel à sensu sine ratione. Item, libertatem suam esse in immunitate à triplici necessitate, coactionis nempe, determinationis à materia, & determinativis à sensu.*

XII. Sed sunt qui ad libertatem actionum humanarum putant non sufficere immunitatem à coactione, & à necessitate determinationis à materia vel à sensu; sed libertatem illam præterea excludere necessitatem quamlibet naturalem, etiam si à materia, vel à sensu non oriatur. Nec etiam, ut actio libera sit, satis esse existimant, ut homo quovis modo ex judicio rationis agat; ad hoc etiam requiri tale iudicium quod sit conclusio cuiusdam deliberationis, & consultationis; adeoque illa solum liberè à nobis fieri, de quibus consultare & deliberare licet. Ac proinde cum sint quidam voluntatis nostræ actus ad quos per naturam determinata est, & circa quos nemo unquam consultat atque deliberat, qualis est actus ille quo beati esse volumus, & nolimus esse miseri, circa hos voluntatem liberam esse non sentiunt: nec etiam ad modum causæ libere se habere, respectu motuum illorum qui in voluntate subito excitantur, ex perturbatione aliqua vehementi, priusquam mens nostra seipsam colligere potuerit, & deliberationem aliquam institueret. Unde est quod distinguunt inter liberum & voluntarium, & statuunt voluntarium latius patere quam liberum: cum voluntarium omne liberum non sit.

XIII. Hæc est doctrina Andreæ Riveti olim in Academia Leydensi Professoris, Summæ Controversiarum tract. 4. quæst. 3. *Liberiatis rationem agnoscimus, inquit, consistere non posse, non solum cum coactione proprio dicta sed etiam cum necessitate naturali, quæ agens ad unum naturā determinatum est; nec sufficere ad libertatem si homo sponte aliquid faciat, quod etiam causis naturalibus competit, sed necessariam esse deliberationem præviā, & rationis iudicium, quæ locum non habent ubi est determinatio ex naturæ necessitate. Et postea, Nos inquit, in libertate hæc tria distinguimus, quibus liberi arbitrii naturam per se explicamus 1. Ut sit libertas in subiecto, nempe in voluntate, quæ ex principio suo interno, sine discursu & consilio, agit semper sponte citra coactionem; sed cum consilio & deliberatione liberè citra necessitatem. Sine prima libertate à coactione determinatur natura voluntatis, cui necessitas imponitur ut cogi non possit in actu suo, ut vocant, elicita. Sine deliberatione autem ex indifferentia intellectus, libera velle non potest, nempe si natura ad unum determinata esset. Et propterea liberum arbitrium cum Thoma dicit esse rariæ electivam. Et cum Bellarmino agnoscit ad essentiam liberi arbitrii pertinere, ut quia habeat optionem diversarum rerum, & electio fiat cum pleno atque perfecto rationis iudicio.*

XIV. Similis est hac in parte Doctrina Mosis Amyraldi nuper in Academia Salmuriensi Professoris, Tractatu de libero hominis arbitrio, p. 61. & seqq. Ubi primo distinguit duplicem voluntatis motionem: Unam quæ non est sejuncta quidem ab ea cognitione quæ à ratione ducit originem, sed est istiusmodi tamen ut cognitio ex qua nascitur ac efflorescit, non sit ipsa orta ex præviā consultatione: alteram quæ non modo conjuncta est cum aliqua cognitione, sed nascitur ex ea notitia quam voluntas, i. e.

consul-

consultatio antecessit; & quæ nihil aliud est quam Conclusio quæ ex deliberatione conficitur, consideratis, scilicet, atque comparatis inter se pluribus objectis, aut uno & eodem objecto spectato diversimodè, adeo ut mens aliquandiu hinc & inde rationum liberata ponderibus, tandem in unam partem inclinetur. Deinde observat illam voluntatis motionem, quæ nullam mentis consultationem & deliberationem sequitur, adhuc duplicem esse, nimirum voluntatem per unam in finem, id est, beatitudinem & felicitatem ipsam ferri; per alteram in media quæ ad finem istum ducere existimantur.

XV. Postea vero neutram istarum motionum ad liberum arbitrium pertinere ostendit. Non priorem, quia liberum arbitrium est id quod Aristoteles *περὶ τὴν ἐκλογὴν* appellavit. Jam vero, inquit, *περὶ τὴν ἐκλογὴν* omnem antecedit aliqua *ὑποβουλὴ*. Nemo autem de extremo illo sine consilio, sed fertur in eum non necessario dumtaxat, sed etiam *ὑποβουλή*. Non etiam superiorem, quia etsi motus iste à superiori differat, est etiam cum eo reque *ὑποβουλή*. Siquidem usque adeo subitus est, usque adeo velociter vel ex perturbatione aliqua ortus, vel ex ingenio alicujus & improvise atque inopinati objecti presentia navis erumpit, ut omnem consultationem antevertat. Unde colligit motum ejusmodi esse quidem *ἑκείνους* id est, spontaneum & voluntarium, non autem *ὑποβουλή*, id est, liberum atque electivum. Ac propterea recte dici solere primos passionum nostrarum imperus non esse in nostra potestate; quoniam ea sola sunt in nostra potestate de quibus consilium capimus, an sint à nobis, vel usurpanda, vel omittenda: ac proinde quæ omnem deliberationem præcurrunt, illa in potestate nostra esse non arbitramur. Unde tandem concludit pag. 65. *Restat ergo ut ad arbitrium nostrum pertinere putentur ea de quibus deliberare possumus, quæque illi nullo ex arbitrio nostro libero projecta esse dicamus de quibus ita deliberavimus, ut deliberationem & consultationem secuta sit appetitio: quæ in re sua necessaria, jam sæpe sitam esse diximus.*

XVI. Sed præter necessitatem quæ est à coactione, à materia, vel à sensu, aut à quavis alia naturæ determinatione, quædam necessitas est quæ concipitur oriri ab aliqua causa externa, velut ab ipso Deo, sic facultatem ipsam movente atque impellente, ut veram imponat agendi necessitatem, id est, ab agente tollat potestatem aliter agendi; licet qui agit supponatur agere sponte, & non invitus. Quam necessitatem Scholæ motivam atque impulsivam vocant. Non desunt autem inter Reformatos, qui hanc quoque necessitatem cum humana libertate pugnare existiment, quique putent cum ea consistere non posse ullam proprie dictam necessitatem, quæ in Scholis appellatur necessitas consequentis, oppositè ad necessitatem quæ consequentia dicitur.

XVII. Hæc est sententia Gulielmi Amelii olim in Academia Franekerana Theologi, Nos, inquit, concedimus liberum arbitrium, in eo quod agi liberum esse ab omni necessitate, non proprie non possit necessario agere quoad exercitium sui actus, quamvis respectu divine ordinationis certo & infallibiliter agat. In Bell. Enervato tom. 4. lib. 4. cap. 1.

XVIII. Idem quoque sentit Rob. Baronius olim in Academia Abredonensi Professor in Metaphysica sua generali ad Theologiæ usum accommodata, ubi inter alia multa hæc duo asserit. Primo voluntatem, in suis actionibus eliciendis non teneri, vel constringi necessitate absolute dicta, quam appellant *necessitatem consequentis*. Deinde voluntatem, etiam hominis lapsi, nulla necessitate motiva, vel impulsiva teneri respectu Dei. *Ille etiam, inquit, hominibus liberum arbitrium dedit, & per consequens non tollit totaliter eam facultatem, ei imponendo necessitatem, aut per decretum suum æternum, aut per temporariam motionem, & inflexionem.* Sect. 12. Disp. 1. de libertate Arbitrii num. 17.

XIX. Ut autem quid mihi quoque videretur aperiarn, existimo primam sententiam quæ libertatem definit *immunitatem à coactione in eo qui agit ex judicio rationis*, ipsam non differre à secunda sententia, quæ libertatem opponit non tantum *coactioni*, sed etiam necessitati quæ à materia vel à sensu oritur, quam alii *physicam necessitatem* vocant. Quandoquidem enim statuit immunitatem à coactione non esse dignam nomine libertatis, nisi in eo qui ratione utitur; evidenter supponit à libertatem requiri, ut agens rationis judicium sequatur, non vero à materia, vel à sensu determinetur. Adeoque hæc secunda sententia à priori non differt, nisi quod proponitur distinctius & explicatius.

XX. In utraque autem istud incommodum est quod omnino confundunt *liberum & voluntarium*, & statuunt omnes actus voluntatis liberos esse. Nam juxta sensum communem hominum, & receptum loquendi usum, istud solum liberum nobis esse dicitur, quod in nostra potestate est, quod potest aliter se habere, & de quo nobis consultare & deliberare licet. Jam vero, ut supra ostendimus, sunt quidem voluntatis actus, ad quo

quos per naturam sic determinata est, ut nullo modo possint aliter se habere, & de quibus nulla potest intrinsece deliberatio. Adde quod omnes actus qui à nobis libere procedunt possunt præceptis quibusdam subiacere, & lege aliqua divina, vel humana mandari, sive prohiberi. Illud autem nullo modo convenit iis actibus circa quos voluntas plane immutabiliter se habet, ita ut in nullo statu poterit, vel possit unquam aliter agere. Denique cum illi quibuscum nobis res est, fateantur & agnoscant magnum discrimen esse inter actus voluntatis, nempe quosdam sic esse in nostra potestate, ut de iis possimus consultare & deliberare; illosque pro vario mentis practicæ judicio, vel facere, vel omittere, aut etiam contrarium agere; aliorum vero plane diversam esse rationem; cur nolunt res natura distinctas distinctis quoque vocibus signare, & juxta usum in Scholis receptum illis quidem liberi, his vero voluntarii nomen appropriare? cum sapientis sit sine necessitate à communi loquendi modo non recedere.

XXI. Cæterum inter Doctos illos viros qui *liberum* & *voluntarium* confundere videntur, nonnulli sunt qui movent libertatem voluntatis, sive liberum Arbitrium duplici modo sumi, *late*, scilicet, & *stricte*. Libertas voluntatis in genere, sive late sumpta, juxta ipsos, nihil aliud est quam *τὸ ἐκ τῶν ἰσχυρῶν spontaneὺν διανοητικὸν*, id est, spontaneum præcæterum intellectus lumine, vel judicio. Adeoque in hoc proprie consistit generalis ista voluntatis libertas, quod voluntas hæcenus Dominium sui actus habeat, ut nequaquam cogi possit, sed pro libito, ex certa ratione, consideratione, aut judicio, sese moveat, & cohibeat, agat, aut non agat.

XXII. Hæc est illa libertas, quam ex eorum sententia, voluntas in omnibus suis actionibus exercet, idque non tantum quum versatur circa media ad finem spectantia, aut ea quæ parum, aut nihil ad finem conducunt, sed etiam, quum versatur circa ipsum finem. Ac proinde ipsa necessitas quæ voluntatis naturam sequitur, eique consentanea est, & per quam determinata est ad summum finem prosequendum, hanc voluntatis libertatem minime evertit, aut minuit.

XXIII. Strictius vero usurpata libertas, sive liberum arbitrium restringitur, ipsis fatentibus ad media relata ad finem, aut ad ea quæ parum, aut nihil ad finem conducunt, & versatur circa *τὸ ἐκ τῶν ἰσχυρῶν* id est, circa ea quæ sunt in nostra potestate, & recte ab Aristotele definitur *spontaneum ex prævia deliberatione ortum, sive Deliberativa appetitio eorum quæ sunt in nostra potestate*. Quo in sensu liberi actus dicuntur qui sunt merè contingentes, & qui à nobis pro arbitrio fieri possunt, aut non fieri. Eoque respectu libertas includit quandam indifferentiam, neque aliter voluntas libera est quam quatenus est indifferens, nempe, cum possit circa idem objectum agere, vel non agere, & cum possit tam illud, quam aliud, aut ejus oppositum eligere. Ex hoc sensu Deus libere se non amat, quia naturæ necessitate seipsum vult & amat: nec etiam homo libere vult esse felix, & non vult esse miser, quia sic vult & non aliter per naturalem quandam necessitatem.

XXIV. Hæc est doctrina Johannis Strangii, S.S. Theologiæ Doctoris & Professoris primarii in Academia Glasguensi, Tractatu de voluntate & actionibus Dei circa peccatum, lib. 3. cap. 14. Ubi postquam hæc quæ diximus exposuit & latius deduxit, dicit se non negare vocem liberi arbitrii stricto illo sensu rectè usurpari, quando in alio & latiori sensu affirmet omnes voluntatis actiones esse liberas. Et simili quoque modo liberum arbitrium distinguit Celeberrimus Alexander Morus, De Gratia & libero Arbitrio, Disp. 1. Thesi 28. Ubi duas proponit definitiones, unam liberi arbitrii latius accepti, alteram vero liberi arbitrii strictè sumpti. Juxta priorem notionem liberum arbitrium ab ipso describitur, *Dei intelligentiæ naturæ maxime propria qua nihil vult, aut averfatur, nisi quod esse bonum, aut malum intellexit*. Juxta vero posteriorem, *voluntas quatenus media post consultationem ab intellectu monstrata eligit*.

XXV. Unde patet, ut agnoscat Strangius loco citato, *ἀπορρηγίας* meram esse inter eos qui affirmant omnes voluntatis actiones liberas esse, & inter eos qui liberas esse negant. Nam qui istud affirmant libertatem late sumunt pro libentia illa qua voluntas ultro sequitur judicium intellectus, quo sensu nemo est qui neget omnem omnino voluntatis actionem liberam esse. Qui autem istud negant, libertatem accipiunt pro illa per naturam indeterminationem, & indifferentiam, quæ voluntati competit respectu actuum illorum qui sub deliberationem, & consultationem cadunt. Quo sensu manifestum est, & omnibus concessum voluntatem liberam non esse respectu quorundam ipsius actuum. Sed cum latior ista libertatis acceptio minus recepta sit atque usitata, quantum autem fieri potest cum pluribus loquendum sit, quando simpliciter loquimur, omnino convenit, ut potius negemus, quam affirmemus voluntatem liberam esse in iis actibus,

actibus, circa quos priorem tantum, non vero posteriorem & stricte dictam libertatem exercet.

XXVI. Præterea videtur in eo iusto timidior tercia sententia quod non audet libertatem actionum humanarum ab omni necessitate propriè dictæ vindicare: ne scilicet, in eo quicquam præjudicetur decretorum divinorum immutabilitati, & efficaciæ gratiæ divinæ, aut determinationi voluntatis per iudicium rationis practicæ. Nam ut providentiæ & gratiæ divinæ sua constet efficacia & decretis Divinis sua vis & immutabilitas, adeoque etiam sua menti in voluntatem iura, non necesse est liberum hominis arbitrium ulli propriè dictæ necessitati subijcere, ut ostendunt viri inter Reformatos Doctissimi, & nos quoque cum illis, si Deus dederit, ostensuros speramus.

XXVII. Itaque cum Amelio & Roberto Baronio dicere non veremur humani arbitrii libertatem opponi necessitati cuiusvis propriè dictæ, nec ullum hominis actum, si stricte & propriè loquamur, liberum esse, nisi ponamus in homine veram & intrinsicam potestatem aliter agendi, aut saltem actum suum suspendendi, & ab actione cessandi. Per necessitatem enim propriè dictam intelligimus illam, quæ ad certam actionem sic agens determinat, ut in eo non maneat vera & intrinseca potestas non agendi, aut aliter agendi.

XXVIII. Itaque libertas hominis in agendo non male constituitur in quadam ejus circa actus suos indeterminatione & indifferentia. Verum observandum est, istam indifferentiam non intelligi, ut quidam suspicari videntur, statum ancipitem hominis fluctuantis, necdum certi quo vergat atque inclinet; sed veram potestatem agendi, vel non agendi, & actionem suam sic, vel sic instituendi; quæ manet etiam in eo, qui proprio iudicio atque electione se ad actiones has, aut illas determinavit, & apud quem certum & constitutum est hoc & non aliud agere.

XXIX. Proinde vulgata illa definitio, juxta quam libertas humana in eo constituitur, quod possit omnibus ad agendum requisitis, homo possit agere, vel non agere, hoc aut illud agere, licet quidam ea abutantur, bonum tamen & commodum sensum habere potest. Nam in actionibus omnibus deliberatis, quæ solæ propriè & stricte libere sunt, homo non solum antequam agat, sed etiam dum agit, habet veram & realem potentiam non agendi, aut aliter agendi. Non potest quidem homo agere duo opposita simul, aut simul & agere & ab actione cessare: Sed tamen quum hoc agit, manet in eo potestas ad actum oppositum, aut ad cessationem ab illa actione. Quod Scholastici dicunt in libero arbitrio esse *simulatem potentiam* ad opposita, sed non *potentiam simulatam*, id est, potentiam ad opposita simul habenda. Cujus rei ratio est, quia potentia ad unum actum non opponitur potentie ad illius actus negationem aut ad actum contrarium; sed duo contraria, aut contradicentia non possunt esse simul in eodem subiecto.

XXX. Præter authores quartæ sententiæ, id agnoscit Joannes Strangius in libro illo tertio jam citato cap. 15. Quanquam enim neget hanc esse definitionem libertatis in genere, latetur tamen illam convenire libero arbitrio strictius sumpto, prout non obstantibus prærequisitis ad agendum, superest ei indifferentia activa per quam immunis est ab omni necessitate antecedente, sive ea proveniat à prædeterminatione divina, sive à natura ipsius voluntatis, & certa objecti conditione. pag. 698. Strictior autem ista libertatis acceptio maximè usitata est, & propterea censeri debet maximè propria. Rem autem istam sic explicat pag. 696. *In rebus, inquit, ad finem spectantibus, aut in rebus adiacentibus, in quibus non est necesse ut intellectus iudicet ea habere necessariam connexionem cum bono in communi, verum est in sensu diviso, tum de actionibus elicitis, tum Imperatis, quod voluntas non tantum possit omnibus ad actionem prærequisitis, sed etiam cum voluntas determinata est, sive à Deo, sive à seipsa ad agendum, & cum agit, retinet potentiam ad agendum hoc, aut illud, vel ad agendum aut non agendum. Ac proinde in ejusmodi rebus voluntas, non tantum antequam determinatur & agit, sed etiam cum determinatur & agit, manet libera, & omnino libere agit, quia etiam cum agit, retinet facultatem qua possit non agere, licet ex hypotefi quod determinetur aut agat, fieri non possit ut non agat; quia quicquid est, supposito quod sit, necessario est, licet simpliciter sit res contingens. Posita itaque determinatione divina, sive per gratiam efficacem, sive quacunque alia ratione, inferitur quædam necessitas consequentiæ, quod infallibiliter sequatur ille actus voluntatis ad quem determinata est à Deo, sed non est necessitas consequentiæ, quod sua natura manet contingens.*

XXXI. Non improbat quoque Andreas Riverus ut liberum arbitrium dicatur, talis facultas voluntatis, qua possit omnibus ad agendum prærequisitis, possit agere, aut non agere. Modo id intelligatur non in sensu composito sed in sensu diviso. Nempe, si quis dicat, possit

positis omnibus antecessantibus requisitis, secundum ordinem rationis, vel temporis ad actum, liberum arbitrium possit operari, vel non operari, ita videlicet, ut cum eisdem prærequisitis stet simul in libero arbitrio facultas, & potentia, qua possit operari, vel non operari si velit, ut distinguit Didacus Alvarus, quia etiam motio Dei efficax qua ad talem actum voluntas determinatur, non tollit à libero arbitrio facultatem operandi illum actum, vel operandi actum contrarium; sed solum efficit, quod cum liberum arbitrium possit operari, & non operari talem actum, infallibiliter, liberè tamen, operetur illum. Quæ sunt verba viri illius Doctissimi, summæ controversiarum tract. 4. quest. 3. Quibus addit liberum arbitrium creatum, non solum antequam determinetur ad unum actum, sed etiam in ipso instanti, in quo determinatur à Deo, & seipsum determinat ad eundem actum, simul habere potentiam, qua potest actum contrarium producere si velit, non tamen ad actum contrarium simul habendum, quia duo actus contrarii simul in eadem potentia esse non possunt, sed successive.

XXXII. Præsertim vero Ludovicus Crocius dum viveret in Schola Bremensi Theologæ Doctor & Professor, hanc & non aliam libertatis definitionem tradit, *Libertas humane voluntatis, est ejus naturalis proprietas, qua ab intellectu, aut sensu sub ratione boni sibi proposita eligere & possit omnibus ad agendum requisitis, actionem suscipere velle, aut suscipere potest.* In Theol. Syntag. lib. 3. cap. 37. thes. 3. Ibi subiungit liberum arbitrium eodem sensu à Patribus antiquis dictum esse. Ut & in ejusdem Theos. explicatione notat libertatem quæ voluntatis proprietas naturalis est, opponi necessitati, sive illa sit à causâ æterna cogente, sive à natura intrinseca ad unum absolute determinante.

XXXIII. Cæterum quando libertas constituitur in quadam agendi indifferentia, & in eo quod qui liber dicitur potest agere, vel non agere, hoc, aut illud agere, sedulo animadvertendum est quod istud ita accipi non debet, quasi ad essentiam libertatis pertineret, ut qui liber est possit bene, vel male agere. Nam posse male agere non est aliquid quod ad libertatis perfectionem pertineat, sed potius quædam est imperfectio libertatem comitans in persona creata, & quæ libertati accidentaria est. Nam Deus qui est omnium in agendo liberrimus male agere non potest: ut nec possunt sancti Angeli ex quo fuerunt à Deo in gratia confirmati. Et hæc quoque prærogativa est Animarum Beatarum, quæ ad Dei Visionem semel admittæ fuerunt, ut amplius peccare non possint. Neque tamen propterea vel sancti Angeli, vel anime Beatæ libertatem suam amiserunt.

XXXIV. Et ex adverso posse bene agere, & operari quæ Deo grata sint & placeant, perfectio quædam est, quæ potest abesse ab agente libero, salva manente libertatis natura atque essentia. Quippe omnium consensu libertas in agendo mansit in dæmonibus & angelis tenebrarum, nec prorsus illa perit in hominibus æternæ damnationi à Deo addictis, & tamen nec Diabolus, nec homines damnati bene agere possunt & aliquid facere quod à Deo probetur. Imo neque in hac vita homo per peccatum corruptus & gratia Dei destitutus, quicquam præstare valet quod revera sit bonum & Deo placens. Juxta illud Domini nostri, † *Sine me nihil potestis facere*, & consentaneum Apostoli dictum; * *Non quid sufficientes sumus cogitare aliquid à nobis, quasi ex nobis: sed sufficientia nostra ex Deo est.* Et nihilominus homo induratus & plane à Deo desertus suam in agendo libertatem retinet. † *Joan. 15. ver. 5.* * *2 Cor. 3. ver. 5.*

XXXV. Repugnat quidem divinæ bonitati, justitiæ, & sapientiæ, ut formet creaturam aliquam intelligentem, sive rationalem, adeoque liberam, quæ bene agere non possit, & quæ necessitatem aliquam male agendi à Deo ipsam inditam habeat. Nec enim Deus Opt. Max. quicquam creare potest quod bonum non sit. Sed creatura quæ bona à Deo producta fuit, culpa & vitio suo potest fieri mala, & eos male agendo contrahere habitus quibus ad malum ita determinetur, ut amplius bene agere non possit; voluntate, scilicet, in malo obdurata, nec valente, nisi gratiæ divinæ auxilio, sese ex iis laqueis extricare in quos sese ultro induit.

XXXVI. Neque tamen creatura, quæ propria culpa in hanc male agendi necessitatem conjecta est, in iis quæ male agit, propterea libere non agit. Nec enim pravi habitus, quibus mens & voluntas ejus est præpedita, obstant quo minus de iis quæ agit consulat atque deliberet, & quæ voluntas ultro, absque ulla vi cogente, rationis prævæ judicium sequatur. Imo ille ipse qui bene agere non potest, potest tamen à singulis malis actibus abstinere, nec ulla necessitate ad hoc, aut illud peccatum patrandum constringitur. Verbi causa, quum Diabolus temptationibus suis aliquem movet atque sollicitat, ut Deo rebellet & carni obsequatur, posset illum non tentare; & quum homo quispiam Dei iusto iudicio occæcatus atque induratus, flagitium aliquod admittit, ut eadem, adulterium, posset adulterio & cæde, illa se non pollueri, nec ullam in eo potest prætexere necessitatem.

XXXVII.

XXXVII. Porro sic exposita libertatis humanæ natura atque essentia, quaerendum superest ad quam hominis facultatem propriè spectet atque pertineat. Doctorum Scholæ Reformatæ communior sententia est libertatem humanam originem quidem à mente & ratione ducere, sed tamen esse propriè voluntatis affectionem. Quod enim homo inter varia eligere potest, & hoc nunc amplecti, alias rejicere, inde est quod de rebus variè judicare potest, & diversas boni, malive rationes in iis apprehendere: sed tamen nullus actus liber in homine censetur, nisi qui à voluntate, vel elicitur, vel saltem imperatur. Adeoque soli voluntatis actus per se liberi esse existimantur: qui vero per facultates alias exercentur, eatenus tantum liberi sunt, quatenus à voluntate pendent, & ea vel consentiente, vel saltem negligente, & connivente fiunt. Et hoc est quod Scholæ dicunt libertatem esse *formaliter* in sola voluntate, in intellectu vero tantum *radicaliter*. Sic statuit hac de re Ludov. Crocius loco supra citato. *Libertas, inquit, quæ arbitrio tribuitur, propriè est affectio voluntatis, quamvis radicem suam in intellectu & ratione habeat.*

XXXVIII. Quidam tamen inter Reformatos aliter ea de re Philosophantur. De quorum numero est Vir Clarissimus Moses Amyraldus. Ille ergo, ut mentem suam in hac questione explicet, observat libertatem tribus actuum generibus tribui. Et 1. quidem actibus earum facultatum quibus imperat voluntas. 2. Actibus voluntatis ipsius. 3. Actibus intellectus. Primo respectu, ex ejus sententia, libertas non est aliud quam *facultas vivendi, seu agendi ut velis*. Eatenus enim liberi censemur, quum nullo cogente, vel impediante, facimus id quod volumus. Secundo respectu libertas ab ipso definitur, *Facultas volendi ut judicamus esse volendum, & ut quisque proprio judicio determinatur ad id, non alieno*. Nam quemadmodum actiones corporeæ censentur esse libere, quia pendent ex principio libero, nempe voluntate, sic actiones voluntatis liberas esse dicit, quia pendent itidem ex principio libero, nempe ex arbitrio intellectus. Libertatem autem intellectus sitam esse dicit in ejus *αινεσις*, id est, in eo quod intellectus ex se & per se agit, estque *αὐτεξουσία*, id est, potens suum ipsius operationum, quia, scilicet, ad eas exercendas neque vi cogitur, neque ex alieno imperio pendet: adeo ut libertas, respectu actionum mentis & intellectus sit *potestas judicandis de rebus αὐτεξουσία*, & quæ neque à vi externa, neque ab externo imperio est. Quæ latius exponit Vir ille Doctissimus, *libello de libero arbitrio Sect. 1. pag. 20. & seq.*

XXXIX. Ex qua doctrina sequitur libertatem illam quæ in actionibus externis reperitur, in iis dependenter esse à voluntate: eam vero quæ convenit actibus voluntatis, in illis dependenter esse ab intellectu, intellectum vero esse per se liberum, adeoque libertatem primario & præcipue intellectui competere, & in eo esse reponendam, tanquam in propria & naturali sede: ac proinde libertatem non esse *formaliter*, ut multis placet, in sola voluntate; in intellectu vero tantum *causaliter* & *radicaliter*, sicuti docet, & probare contendit idem ille Vir doctissimus libelli sui pag. 30. & sequentibus: Et præcipue quidem hoc argumento, quod ejus judicio, intellectus naturaliter magis est sui juris quam voluntas; quoniam voluntas intellectus ductum sequitur, ac ejus veluti gubernationi subiecta est, qua de causa à Græcis appellatur *ὑποκίνητος*. Absurdum autem putat, in ea potius facultate libertatem esse *formaliter*, quæ alieno imperio subest, quam in ea quæ nullius alius facultatis legibus obstricta tenetur.

XL. Et tamen in ejusdem sectionis fine concludit libertatem, propriè loquendo, non esse *formaliter*, vel in intellectu, vel in voluntate, si seorsum considerentur, sed in utraque facultate conjunctim. Quia, scilicet, homo liber esse non censetur, neque simpliciter quatenus judicat, nec simpliciter quatenus appetit, sed quatenus appetit ex judicio atque consilio rationis. Quemadmodum humanitas neque *formaliter* est in anima intelligente, neque *formaliter* in sola natura sensitiva, sed in homine quatenus ex duabus illis naturis componitur. Ac proinde, juxta illius sententiam, *liberum arbitrium non est una quæpiam & facultatis rationalis quæ in homine sunt; nec etiam quicquam tale cuius una pars potius ad intellectum, altera potius ad voluntatem pertineat: sed est utriusque facultatis, intellectus, scilicet, ac voluntatis, ex indole atque affectio secundum quam concurrunt, quæque pro ingenio suo, ad actiones hominis, fit ut homo, quatenus homo est, liber esse censeatur. Quoniam quæquidmodum in definitione hominis, rationis quam natura animalis consideratio longe magis excellit, fit in definitione liberi arbitrii, intellectus quam appetitus ratio longe potius esse videtur. Corroborat enim multis aliis rebus ut appetit, unus homo inter creaturas aspectabiliter, quia solus est præditus intellectu, libere appetere putatur.*

XLI. Intellectum autem quoquo modo consideratum non vult esse principium libertatis in homine, sed tantum quatenus de rebus agendis, aut appetendis pronunciat: neque id solum in genere, sed etiam in singulari; & ita ut hominem ad agendum

impellat, aut ab actione retrahat : quo respectu vocatur intellectus practicus : qui, scilicet, dicat in rebus singulis, quid jam, hic & nunc agendum, aut non agendum, appetendum, aut fugiendum sit. Nec tamen adhuc ad liberè agendum, judicium quodvis intellectus practici sufficere existimat : sed requirit judicium tale quod sit conclusio consultationis, & deliberationis. Adeo ut, ex ejus mente, intellectus practicus quovis modo & simpliciter in homine non sit principium actionum liberarum : sed tantum quatenus de rebus agendis judicat *per se & de re*, id est, habita prius deliberatione, & consultatione : sicuti videre est sect. citata. pag. 31. & seqq.

XLII. Porro Josue Placeus vir quoque Doctissimus, Amyraldi dum viveret Collega, istud habet cum eo commune, quod existimat libertatem non esse formaliter in sola voluntate ; nec solam voluntatem sed etiam intellectum esse facultatem liberam ; verum in eo differt à Collega, quod alter ille distinguit inter libertatem quæ competit intellectui, & libertatem quæ competit voluntati, utrique suam peculiarem definitionem assignat ; hic vero vult illam eandem libertatem à qua voluntas libera nominatur, intellectui quoque convenire : Etenim libertas illa, ex ejus mente, sita est in immunitate à triplici necessitate, coactionis nempe, determinationis à materia, & determinationis à sensu. Quæ immunitas ut ipse arbitratur, ad intellectum ex æquo pertinet. Ac præterea in eo sententia illius priori opposita est, quod si voluntas & intellectus inter se conferantur, libertas penes voluntatem ipsi magis esse videtur. Idque quia censet imperium & dominium in homine esse potius penes voluntatem, quam penes intellectum : propterea quod intellectus voluntatem non movet per suum actum veluti per imperium, sed per objectum quod ipsi proponit ; voluntas autem mentem movet, & applicat ad intelligendum per suum actum, tanquam per imperium. Quicquid sit, tamen putat ille Vir Doctus quosdam membris nostræ alicuius liberos esse, adeoque bonos, aut malos moraliter, qui tamen ex voluntatis imperio non sunt, nec ab ejus consensu, ut à sui quodam principio pendent, cujusmodi actus censet esse fidem & hæresin illi oppositam. Ut videre est in ejus *Opusculis Peshumis, tract. de lib. Arbitr. pag. 163. & 164.*

XLIII. Celeberrimus autem jam dictus Alexander Morus, cum Viris illis Doctis, censet intellectum atque voluntatem liberum arbitrium inter se veluti partiri : & liberum arbitrium non esse aliud quam intellectum atque voluntatem, quatenus hæ duæ facultates concurrunt, & quodam quasi vinculo, sive conjugio inter se continentur. In utra vero potius facultate consistat, in medio relinquit. *Sicut enim, inquit, arbitrium intellectus terminatur in voluntate, ita libertas voluntatis rad. com. habet in intellectu.* Adeo ut, ex ejus mente, liberum arbitrium dici possit intellectus quatenus voluntatem movet atque afficit : vel voluntas quatenus ab intellectu movetur. Sive ipsius Aristotelis verbis à *opusculis, tract. de opibus divinis. De Gratia & libero arbitrio, disp. 1. Theol. 21.*

XLIV. Quantum ad me attinet, existimo nullum actum ullius facultatis, etiam mentis ipsius in homine, liberum esse, nisi qui à voluntate quodammodo pendeat, & ea vel imperante, vel aliquomodo consentiente fiat ; adeoque ut clarius dicam, quem homo non potuisset omittere, si voluisset. Quis enim ab homine liberè actum dicat, quod ab homine, etsi maximè voluerit, non potuit aliter fieri ; & ad quod nullo modo directè vel directè, mediatè, vel immediate, supponitur illius concurrere voluntas ? Ac cum omnis actio libera sub præceptum cadere possit, & virtutis, vel vitii rationem induere, necesse est ut à voluntate quodammodo procedat. Hactenus enim in Scholis communi consensu recepta est Augustini sententia, peccatum non habere rationem peccati, si non sit voluntarium, id est, si voluntas ejus aliqua ratione principium & causa non sit, prout communis fidelium sensus dictum illud interpretatur.

XLV. Neque tamen inde consequens est, ut libertas dicatur esse formaliter in sola voluntate. Etenim quemadmodum omnis actio libera ortum suum voluntati aliquomodo debet, sic quoque omnis actio libera nascitur ex aliqua mentis consultatione, & deliberatione. Et sicut intellectus nullam actionem liberè elicit quam non potuerit impedire voluntas, ita quoque nullus actus voluntatis liber est, de quo non licuerit menti consultare, atque deliberare. Unde sequitur æquo jure, ad mentem atque voluntatem referendas esse actiones liberas, ac proinde, si inde colligitur libertatem formaliter esse in voluntate, inde quoque colligi posse, illam formaliter esse in intellectu.

XLVI. Sed mihi potius dicendum videtur neque in intellectu, neque in voluntate libertatem esse formaliter, sed in homine quatenus per intellectum & voluntatem agit. Siquidem

Siquidem libertas propriè loquendo, non est affectio hujus, aut illius facultatis, sed aliquid oriens ex plurium facultatum relatione mutua & concursu; & quod proinde nulli certæ facultati propriè attribui potest, sed solum supposito in quo facultates illæ reperiuntur, hæque si exactè loquamur, nec mens, nec voluntas liberæ dicendæ sunt, sed homo ipse quatenus facultatibus illis certo modo utitur. Quum vero voluntas libera vocatur, enunciatio non est, ut Scholæ loquuntur, *formalis*, sed *causalis*: quia, scilicet, voluntas intellectui juncta, causa est actionum, quarum respectu homo liberè agere dicitur. Quæ observatio non est omnino de nihilo, ut in sequentibus videri poterit. Facit enim ad solvendas quasdam difficultates quibus se implicant non pauci, dum totam libertatis rationem in voluntate, non simpliciter in homine quaerunt.

XLVII. An autem ad libertatem hominis plus conferat intellectus quam voluntas, aut voluntas plusquam intellectus, res est quam definire Theologi non interest, & cujus accuratiorem inquisitionem neglexit ipse hodiernorum Philoſophorum Princeps Aristoteles, ac propterea nos illam cum doctissimis quibusdam Theologis in medio quoque relinquimus.

XLVIII. Cæterum utcumque inter se variant Scholæ Reformatæ Doctores, in explicando quæ sit natura libertatis, & quibus facultatibus conveniat, aut non conveniat; nihilominus facile admittunt definitionem liberi Arbitrii quæ traditur à Bellarmino, *De Gratia & libero Arbitrio lib. 3. cap. 3.* Nempe quod *Liberrum Arbitrium est libera potestas ex his quæ ad finem aliquem conducunt unum præ alio eligendi, aut unum & idem repudiandi, vel acceptandi, pro arbitrio nostro, intelligenti naturæ, ad magnam Dei gloriam attributa, vel concessa.* Id videre est apud Rob. Baronium in *Metaphysica sua generali, sect. 12. Disp. de Libertate Arbitrii*, ubi hanc definitionem non solum probat, sed etiam per partes accuratè explicat. Eandem quoque definitionem non improbat Parezus, quandoquidem quibusdam in eam animadvertis, fatetur de libero Arbitrio absolute considerato, inter nos & Bellarminum nullam esse controversiam, in locum jam dictum Bellarmini scribens. Neque multum discrepat à Bellarminiana definitio illa, quam tanquam planiorem, & pleniorè illi substituit; videlicet *quod sit potentia volendi, nolendi, eligendi, repudiandi objectum ab intellectu monstratum, sine coactione spontaneo ac deliberato motu, & aptitudine voluntatis ad volendum, aut nolendum opposita.* Et similiter Amesius fatetur istam definitionem illum sensum habere posse, ut de ea non sit contendendi causa, in *Bell. enerv. Tom. 4. lib. 4. cap. 1.*

THESES THEOLOGICÆ

DE

LIBERO HOMINIS ARBITRIO

Absolute & in se spectato.

In quibus exponitur

DOCTRINA SCHOLÆ

ROMANÆ.

THESIS I.

DE Liberi Arbitrii natura & essentia multas quæstiones movent, & inter se agitant Doctores Scholæ Romanæ; quæ tamen potius ad Metaphysicos, quam ad Theologos pertinent: neque omnes hic recensere & excutere est animus; sed ea solum breviter attingere quæ aliquo modo spectant ad eas controversias quibus hodiè fervent, & super quibus inter se digladiantur Scholæ Christianæ.

II. Omittimus igitur ea quæ disputare solent circa liberi Arbitrii genus, an, scilicet, sit actus, habitus, vel potentia, & ad quid eorum quæ sunt in anima revocari debeat. Quanquam enim veteres nonnulli docuerint liberum arbitrium neque in potentia quædam, neque etiam in habitu aliquo consistere, sed potius in actu quodam, quam sententiam tribuit Bellarminus Herveo Theologo sententiariorum: alii vero existimaverint liberum arbitrium non esse actum, neque potentiam, sed habitum quendam naturalem confluentem ex intellectu & voluntate; quam sententiam tenuit Bonaventura Cardinalis, & in Schola Romana Doctor Celeberrimus, nihilominus in eo jam tota Schola Romana consentit, liberum Arbitrium esse potentiam quædam & facultatem.

III. Rursus, posito quod liberum Arbitrium sit potentia quædam, quæsitum est quæ sit illa potentia, neque de hac re omnibus idem visum. Thomas & Bonaventura, teste Bellarmino, referunt nonnullos sensitisse liberum arbitrium non esse unicam & particularem animæ potentiam, sed potius potentiam quædam universalem, quæ sub se tanquam species complectatur omnes potentias animæ, tum sentientis, tum intelligentis, quæ actus quomodocunque liberos edunt. Alii vero, ut Alexander Halensis Scholasticus nobilis ipsius Thomæ Aquinatis & Bonaventuræ præceptor, dixerunt liberum arbitrium esse quidem potentiam quædam particularem, sed quæ sit ab intellectu & voluntate distincta. Verum quæstio ista prætermitti quoque potest, quandoquidem in eo jam consensuerint omnes Scholæ quod liberum arbitrium non sit quid ab intellectu & voluntate reapse distinctum.

IV. Sed ulterius quæritur an liberum arbitrium utraq; facultate constet, & an utraq; ad ipsum pertineat, An vero sit ad solam voluntatem restringendum. Nonnulli, ut Durandus in Schola Romana Doctor magni nominis, existimaverunt liberum Arbitrium facultatem utramque complecti, mentem, scilicet, atque voluntatem: neque voluntatem solam, sed etiam rationem esse formaliter, ut loquuntur, liberam: imo libertatem prius & magis convenire rationi quam voluntati.

V. Ad

V. Ad quam sententiam accedit Petrus Gassendus Vir Celeberrimus Ecclesiæ Dmi-
ensis in Provincia præpositus, tractatu de libertate, Fortuna & Fato, qui habetur in
fine tomæ secundæ operum ipsius. Ubi dicit sibi videri libertatem in intellectu esse
primo & per se, in voluntate autem *secundario, & dependenter*. Fundamentum autem
illius est, quod cum ex communiori Scholæ Romanæ sensu, ut jam jam videbitur, li-
bertas sit in quadam potestatis liberæ indifferentia & indeterminatione, ratio in-
differens est in judicando de rebus agendis, & de illis potest hoc, vel illo modo judicare;
adeoque quicquid est in voluntate indifferentiæ in rebus appetendis, ex hac quæ in
ratione est indifferentia oritur. Quod enim voluntas potest unum & idem objectum
respuere, vel amplecti, & inter varia objecta istud, vel illud eligere, inde est quod ra-
tio varia de objectis illis judicia ferre potest, prout diversæ boni vel mali rationes, in
iis illi se offerunt.

VI. Porro mentem quovis respectu liberam esse non vult, sed tantum quatenus ad
objecta plurima indifferentem quodammodo se habet, & sua natura ita flexilis est, ut
verum pro objecto habens, possit nunc unum nunc aliud judicare de quapiam re, &
nunc unum, nunc aliud judicium de ipsa pro vero habere: licet non possit ab eo quod
verum apparere dissentire, nec ei quod falsum videtur assentiri, neque etiam de re ali-
qua judicium mutare, nisi ex parte objecti sese offerat major, vel minor species, sive ve-
ri, sive falsi. Adeo ut intellectum humanum comparet liberæ, quæ modo in hac, modo
in illam partem inclinatur, prout isti, vel illi lanci, aliquid ponderis accedit, vel de-
cedit: & cuius altera Lanx semel depressa non potest attolli, nisi Lanci oppositæ aliquid
ponderis addatur, prout ista latius diducta videre est apud Virum illum Clarissimum,
tomo supra citato pag. 82.

VII. Verum hæc sententia communiter in Schola Romana rejicitur. Nam plerique
illius Doctores existimant intellectum non esse formaliter liberum, sed libertatem esse
per se & formaliter in sola voluntate. Ac proinde docent liberum arbitrium non esse
potentiam à voluntate diversam, nec aliud quam ipsam voluntatem, certo tamen res-
pectu & modo consideratam: ita ut quamvis voluntas & liberum arbitrium sint po-
tentia reapse eadem, nihilominus Liberum Arbitrium à voluntate sit ratione dis-
tinctum.

VIII. Etenim ex eorum mente voluntas latius patet quam liberum Arbitrium &
quoad objecta & quoad actiones. Nam quæcunque sunt à libero arbitrio eadem
quoque à voluntate sunt, sed non contra. Et quicquid objectum est Liberi Arbitrii
objectum est quoque voluntatis, sed non quicquid est objectum voluntatis est etiam
liberi arbitrii objectum. Quippe finis summus id est, beatitudo est objectum volunta-
tis, sed non est objectum liberi arbitrii, ad cuius objectum pertinent tantum media ad
finem. Unde fit ut illi actus, quibus volumus esse felices, & nolumus esse miseri, sint
actiones voluntatis, sed non actiones liberi arbitrii: quia voluntas in ultimum finem
non fertur libere sed naturaliter.

IX. Porro quamvis Theologi Scholastici communiter statuunt intellectum non esse
liberum per se & formaliter, agnoscunt tamen in eo esse radicem & causam, saltem sine
qua non, libertatis illius quæ est in voluntate: quæ, scilicet, ex eo nascitur quod intel-
lectus humanus non tantum varia objecta voluntati proponat, sed ea quoque inter se
comparet; ac in uno & eodem objecto varias boni & mali rationes percipiat, & vo-
luntati quodammodo demonstrat. Unde fit ut voluntas possit unum & idem objectum
respuere, vel amplecti, & inter objecta varia istud, vel illud eligere: qua in re posi-
um est libertatis exercitium.

X. Ut vero negent intellectum esse formaliter liberum, eo præcipue moventur, quod
bene, vel male moraliter agere proprium est ejus facultatis quæ formaliter & per se
libera est. Virtus autem & vitium proprie, ut ipsis videtur, ad solam voluntatem per-
tinent; neque ulla actio laudem, vel vituperium, præmium, vel poenam meretur, nisi
quatenus à voluntate procedit. Adeo ut ipsius intellectus operationes peccati & meriti
rationem non habeant, nisi in quantum voluntariæ sunt, & certo quodam modo à vo-
luntate imperantur.

XI. Quod autem videtur in hac questione præcipuum, illud est in quo proprie po-
sita sit, illa libertas à qua voluntas libera dicitur, & in qua consistit ratio liberi arbitrii.
Qua de re non omnino convenit inter Theologos Ecclesiæ Romanæ. Sed ut discre-
pantes eorum sententiæ melius intelligi possint, primum tenendum est quæ sint in Scho-
lis usitatæ libertatis, acceptiones atque distinctiones.

XII. Libertas ergo opponitur 1. *Servituti*, 2. *Coactioni*, 3. *Necessitati*. Rursus vero
servitus

servitus & proinde illi opposita libertas est *propria* vel *Metaphorica*. Proprie dicta servitus est illa qua qui sunt inter homines conditione servi, sunt in Dominorum suorum potestate. Metaphorica vero servitus est, quum Dominium in homines figurate rebus quibusdam tribuitur. Ut quum homines peccatis indulgentes dicuntur in scriptura esse peccati servi, & qui per iustam Dei sententiam sunt exitio & morti addicti, similiter dicuntur servi mortis & corruptionis. Illi vero servituti qua homines sunt peccato mancipati opponitur alia servitus nempe servitus iustitiae, quae est libertas à peccato, sive libertas gratiae, ut vocatur in Scholis. Et servituti miseriae, sive mortis & corruptionis, opponit scriptura libertatem quam vocat gloriae filiorum Dei.

XIII. Porro Doctores Ecclesiae Romanae notant libertatem de qua hic agitur, & à qua denominatur liberum arbitrium, non esse libertatem illam quae opponitur servituti, seu propriae, seu Metaphoricae. Idque quoniam homines conditione servi non propterea carent libero Arbitrio; Neque etiam per peccatum eo spoliati sunt illi quos scriptura sacra vocat peccati servos.

XIV. Nulli quoque dubium est quin libertas de qua hic, coactionem maxime excludat; sed quaeritur an soli coactioni opponatur, non etiam necessitati; & an ad eam sufficiat in agente rationali, immunitas à coactione? Et quidem non pauci inter veteres Scholasticos in ea videntur fuisse sententia, libertatem arbitrii in genere consideratam, oppositam non esse necessitati simpliciter, sed coactioni tantum.

XV. Ita procul omni dubio censuit Bonaventura, cuius haec verba sunt in secundum sententiarum distinct. 7. quaest. 2. *Ad illud quod dicitur quod libere velle, & necessario opponitur, dicendum quod duplex est necessitas, quaedam à causa extrinseca, utpote necessitas coactionis: & haec opponitur ei quod est libere velle. Quaedam vero est à dispositione intrinseca, & haec huic non opponitur: imo stat simul cum libertate. Talis est in libero arbitrio demonum, qui ita conglutinant sibi malum, ut nullo modo velint ab eo separari. Et distinctione vigesima quinta quaest. 2. Liberum arbitrium, inquit, dupliciter potest considerari: aut secundum quod liberum est, aut secundum quod deliberans. Si loquamur de ipso secundum quod liberum sit, concedo quod potest esse non solum respectu contingens, sed etiam necessarii, sicut patet in Deo, & in Christo, & in Angelis, & in hominibus beatis. Cum enim duplex sit necessitas, videlicet, coactionis & immutabilitatis, necessitas coactionis repugnat libertati arbitrii, non autem necessitas immutabilitatis: eo quod arbitrium dicitur liberum, non quia sic velit hoc ut possit velle ejus oppositum, sed quia omne quod vult appetit ad sui ipsius imperium, quia sic vult aliquid, ut velit se velle illud, & ideo in actu volendi seipsum movet, & sibi dominatur, & pro tanto dicitur liberum; quamvis immutabiliter ordinetur ad illud. Et paulo inferius, Alius liberi arbitrii, ut liberum est non solum potest esse circa necessarium, sed etiam necessarius in se.*

XVI. Atque hanc doctrinam ab institutore suo Alexandro de Hales auferat Bonaventura. Is enim pluribus in locis libertatem essentialem liberi arbitrii constituit in libertate à coactione. Praesertim vero haec sunt illius verba. *Duplex est necessitas, inevitabilitatis & coactionis. Necessitas coactionis tollit liberum arbitrium, sed non necessitas inevitabilitatis, licet ergo in angelis sit necessitas inevitabilitatis, nihilominus tamen est liberum arbitrium, 2. p. q. 72. memb. 3. art. 3.*

XVII. Eandem etiam doctrinam secutus est, ejusdem Alexandri Halensis Discipulus alter, Thomas Aquinas. Nam *naturalis necessitas*, inquit, secundum quam voluntas aliquid ex necessitate velle dicitur ut felicitatem, libertati non repugnat, ut Augustinus docet in primo de civitate Dei. Libertas enim voluntatis violentiae, vel coactionis opponitur. Non est autem violentia, vel coactio in hoc quod aliquid secundum ordinem suae naturae moveatur; sed magis in hoc quod naturalis motus impeditur: sicut cum impeditur gravis ne descendat ad medium. Unde voluntas libere appetit felicitatem, licet necessario appetat illam. Sic autem & Deus sua voluntate libere amat seipsum, licet de necessitate amet seipsum. quaest. 10. de Potent. art. 2. ad 1.

XVIII. Hinc est quod docet opus quoddam esse posse laude, vel vituperio dignum, meritorium, vel demeritorium, ex hoc quod est spontaneum, non coactum, & voluntarium, tamen si voluntas illius respectu sit ad unum determinatam. Nempe in tertium sententiarum scriptum, *Impotentia coactionis*, inquit, quae opponitur voluntario, tollit rationem meriti & demeriti, non impotentia quae est ex perfectione in bonitate, vel malitia, quia hoc voluntarium non tollit, sed ponit voluntatem confirmatam ad unum. Et in eodem libro, ut explicaret quomodo Christus mereri potuerit per liberum arbitrium determinatum ad unum numero, scilicet ad diligendum Deum: † *Dicendum*, inquit, quod etiam si esset determinatum ad unum numero sicut ad diligendum Deum, quod non facere

* Dist. 12.
q. 2. art. 1.
ad 3.

† Dist. 18.
art. 2. ad 5.

non potest & tamen ex hoc, non amittit libertatem, aut rationem laudis, sive meriti, quia in illud non coacte, sed sponte tendit, & ita est actus sui Dominus.

XIX. Neque hac in parte diversâ est ipsius & eorû Doctrina. Etenim tria hæc circa libertatem voluntatis clare & aperte docet. 1. Libertatem voluntatis omnino consistere posse cum necessitate. Quippe hæc sunt illius verba, *Cum necessitate ad volendum fiat libertas in voluntate. Nam in eo est libertas volendi, quia delectabiliter & eligibiliter elicitur actum, & permanet in actu.* 2. Voluntatem, sive necessario sive contingenter agat, semper agere liberè, nunquam naturaliter. *Voluntas, inquit, semper habet suum modum cauſandi proprium, scilicet, liberè.* Et rursum, *voluntas ut voluntas, est principium actuum liberè. Non magis igitur voluntas potest esse naturaliter activa, quam natura, ut est principium distinctum contra voluntatem. potest esse liberè activa.* 3. Non solum in creaturis sed & in ipso Deo hoc habere locum, quod & ipse diligat seipsum liberrimâ, quamvis necessaria voluntate. *Voluntas divina, inquit, necessario vult bonitatem suam, & tamen in volendo eam est libera.* Quodlib. 16. ut citat Janſenius in suo Augustino, De gratia Christi ſalvatoris, lib. 6. cap. 25.

XX. Porro ista scholæ lumina inſequentibus præximè ſeculis ſecuti ſunt alii magno numero Scholaſtici, ut Thomas de Argentina juxta quem *Necessitas coactionis tollit rationem meriti, necessitas immutabilitatis præveniens ex perfectiune virtutum non tollit, sed auget.* Martilius ab Inghen ex cujus ſententia *Necessarium & inevitabile, non per naturam, sed per gratiam, non tollit rationem laudabilem.* Gabriel Biel ſecundum quem *Actus beatitudinis est liberè elicitus, & ita contingit eſſe immutabilis & perpetuus.* Libere, inquam, contententer, licet non liberè contradiſſerie, quæ libertas ſiſſet ad rationem meriti. Nicolaus de Orbellis c. 1. hæc verba ſunt à Bonaventura deſumpta, *Dicitur liberum arbitrium ſimpliciter, non quod ſic & elicitur ut poſſit velle oppoſitum, ſed quia omne quod vult appetit ad ſui ipſius imperium quia ſic vult aliquid ut vult ſe velle illud, & ideo in actu volendi ſeipſum movet, & ſibi dominatur;* & pro tanto dicitur liberum, quævis immutabiliter ordinatur ad illud. Denique Stephanus Bultſter cui de cetero quod *Actus liberi arbitrii deliberantis, quævis poſſit eſſe circa neceſſarium, ſemper eſſe contingens.* Actus vero liberi arbitrii, ut liberum eſt, non ſolum poſſe eſſe circa neceſſarium, ſed etiam neceſſarium in ſe. Quorum omnium, & peritum aliorum leca prolixè citata videre licet apud jam dictum Janſenium libro illo ſexto de gratia ſalvatoris, cap. 29. & ſequentibus.

XXI. Imo ſententiam iſtam ſuperiori ſæculo in Schola Rom. retinuerunt adhuc Theologi nonnulli, ut Alſonſus de Caſtro ordinis Minorum, lib. de hæreſibus in verbo Libertas. Eſt, inquit, ad hoc *Alia libertas quæ opponitur neceſſitati, vel ut verius dicam coactioni.* Et ſubjungit, quando dicimus hominis arbitrium eſſe liberum, illud intelligi de hac libertate. Alſonſi vero verba poſtea adoptavit & ſua ſic it Joſeph Angler, designatus Episcopopus Bofarenſis, ex ordine quoque Minorum, in ſecundum liberum ſententiarum ſcribens. Nam poſtquam loquutus eſt de libertate gratiæ & libertate gloriæ, Tertio, inquit, eſt *libertas quæ opponitur neceſſitati, vel, ut verius dicam, coactioni. Et hæc eſt libertas naturæ, de qua loquimur in præſentia.* Ex poſtea, ubi diſtinxit triplicem libertatem, Unam à coactione, Alteram à peccato, Tertiam à miſeria, hæc eſt illius Coucluſio, *Quoad libertatem primo modo, æquè in homine & in Angelo eſt liberum Arbitrium:* Et ratio eſt, quia neque mali Angeli, neque boni, neque mali hominis voluntas erigi poſſet. In ſequentibus vero poſtquam propoſuit quæſtionem illam, *Utrum Actus liberi Arbitrii ſit contingens tantum, vel etiam neceſſarius.* Obſervat ex Bonaventura, liberum arbitrium poſſe dupliciter conſiderari, vel quatenus liberum eſt, vel quatenus deliberans eſt. Deinde ſubjungit duas concluſiones. I. *Actus liberi arbitrii poſſet eſſe, & eſſe neceſſarius.* Ratio eſt, quia in Deo, angelis & in hominibus beatis, eſt liberum arbitrium, quod quidem immutabiliter, & neceſſario in ſuam actum exiit, quia Deus per naturam, & Angelus & homo beatus per gloriâ, immutabilis eſt. II. *Si liberum Arbitrium ſecundo modo accipiatur, actus illius contingens eſt.* Ratio eſt, quia non conſiliamur, neque conſultamus de neceſſariis, & impoſſibilibus, ſed de contingentiis, quæ ſacere vel non ſacere in noſtra poteſtate ſitum eſt. Ad diſtinctionem 24. & 25. quæſt. unica de libero Arbitrio, art. 1. 2. & 3.

XXII. Cæterum Doctores illi, ut facile colligi poſſet ex illis ipſis quæ hæcenus citata ſunt, quando affirmant libertatem Arbitrii oppoſitam eſſe, non neceſſitati ſimpliciter, ſed potius coactioni, per id ſignificatum volunt, naturam & eſſentiam libertatis conſiſtere in eo quod agens eſt à coactione immune, ut ſupponere videntur qui contra eos diſputant. Fatentur enim multa agere non coacte, neque tamen libere. Quippe nullum

nullum agens ipsis liberum est nisi illud quod agit ex intellectus judicio. Sed istud tantum sibi volunt in eo qui agit ex judicio rationis, solam coactionem libertatem perimere, non vero necessitatem. Et esse quidem impossibile ut quis simul coacte, & tamen libere agat; sed posse fieri ut aliquis agat libere, quanquam necessario.

XXIII. Præterea non est hæc eorum sententia, libertati semper esse adjunctam necessitatem, neque liberum arbitrium, præcipue hominis, respectu plerorumque suorum actuum, esse indifferens & indeterminatum. Agnoscunt enim, homines, quamdiu in vita sunt, non tantum agere libere, sed ita affectos esse, ut in agendo nulla naturali sive propriè dicta necessitate teneantur, sed possint agere & ab agendo cessare, agere hoc aut illud, & circa idem obiectum contrarios actus exercere. Sed putant libertatem simpliciter consideratam non consistere in ejusmodi ad agendum indifferencia, & indeterminatione, aut tam semper habere comitem; verum absque illa posse manere & conservari, & quandoque etiam in eo reperiri, qui nullo modo est ad agendum indifferens, sed inevitabiliter & immutabiliter agit.

XXIV. Nam præter libertatem illam quæ in scholis vocatur, *Libertas contrarietatis* sive *specificatio*, per quam quis potest agere hoc, aut illud, aut etiam actus contrarios edere, & libertatem *contradictionis*, sive *exercitii*, per quam quis saltem potest ab agendo cessare, & actionem suspendere; statuunt esse quandam libertatem *complacentie*, quæ reperitur in eo qui nulla vi externa adactus, nec etiam ullo cæco & bruto impulsu ductus, sed proprio judicio, ad actionem aliquam movetur, quamvis propter luminis quo ducitur evidentiam, à se impetrate non possit ut contrarium actum eliciat aut etiam ab illa actione desistat. Quam distinctionem non tantum tradit Gabriel Biel verbis ante allegatis, sed etiam ex recentioribus Johannes Viguerius in Academia Tolosana Theologæ Doctor & Professor. Loquendo, inquit, de *indeterminatione*, sive *libertate voluntatis* circa obiectum ultimi finis, in patria est omnino determinata sive non est libera, nec quoad specificationem, neque quoad exercitium: sive non est libera nec quoad specificationem, neque quoad exercitium: sive non est libera libertate contradictionis, vel contrarietatis; est tamen libera libertate Complacentie: quia exoptat & delectatur in illo obiecto, in institutionibus Theologicis cap. 3. § 3. versu 1.

XXV. Illum autem qui ex certo rationis judicio agit, sive necessario, sive contingenter agat, existimat agere libere quoniam semper agit & appetit ad sui ipsius imperium, & sic vult aliquid ut velit se velle illud, suam ipsius voluntatem probans, dum tacite vel expresse supra ipsam reflectitur, & ita in actu volendi seipsum movet, & sibi dominatur, ut loquitur Bonaventura loco super citato. Vel quia, ut ait Scotus, *Voluntas propter firmitatem libertatis suæ, sibi ipsi necessitatem imponit in eliciendo actum, & in perseverando, sive figendo se in actum.* Quod lib. 26.

XXVI. Atque hanc Scholasticorum veterum sententiam, hoc sæculo renovavit, & illustrare conatus est Cornelius Jansenius Episcopus Iprensis, ut videre est in volumine illo cui titulum fecit *Augustinus* toto libro sexto de Gratia Christi Salvatoris. Ibi enim prolixè deest libertatem non opponi necessitati cuilibet, sed illi soli quæ est à vi externa contra agentis inclinationem, quam coactionem dicimus. Idque quoniam in eo qui ex judicio rationis agit, sola coactio libertatem tollit, non autem necessitas inevitabilitatis & immutabilitatis. Adeoque agens liberum oppositum non esse agenti necessario, sicut nec opposita sunt agens naturale & agens contingenter, sed agens liberum oppositum esse soli agenti naturali, quemadmodum agens contingenter oppositum est soli agenti necessario. Proinde non magis, repugnare ut qui libere agit necessario agat, quam repugnare ut quod per naturam agit, agat etiam contingenter; quia sicut causa naturalis ab alia causa potest in agendo impediri, ita causa libera in agendo potest esse ad unum determinata immobiliter & immutabiliter.

XXVII. Porro libere juxta ipsum agit, quod ex judicio rationis agit, ac proinde eum voluntas sit appetitus rationalis, existimat voluntatem & naturam esse plane oppositas, neque magis voluntatem agere posse per modum naturæ, quam naturam per modum causæ liberæ. Ideoque sicut nulla actio causæ naturalis potest esse libera, ita quoque nullam actionem voluntatis posse naturalem esse, & non liberam: ac proinde liberum æque late patere atque voluntarium, & quicquid voluntarium est eo ipso liberum esse; quia voluntas semper & essentialiter servat proprium suum operandi modum à natura distinctum.

XXVIII. Nihilominus agnoscit motus quosdam in voluntate oriri qui propterea tamen liberi non sunt: illos, scilicet, improvisos qui plenum rationis judicium præveniunt, & qui motus primo primi vocari solent. Quanquam enim ex voluntate sine violentia

lentia fluant, deest tamen illis quod est in libertate præcipuum ex ejus sententia, quia in hominis potestate non sunt, & sunt sine plena rationis advertentia, & invia, quodammodo ac repugnante voluntate, quia dum in motus illos reflectitur, eis non consentit, & eos omnino nollet sibi inesse. *De Gratia Christi Salvatoris lib. 6. cap. 37.*

XXXIX. Itaque juxta viri illius principia, dicendum est voluntarium bitariam accipii posse. Et 1. quidem sensu quodam latiori & minus proprio, prout complectitur omnes motus qui quacunq; ratione in voluntate oriuntur, & ita voluntarium latius patet quam liberum; quoniam isto sensu motus primo primi voluntarii sunt, neque tamen liberi. 2. Strictè & propriè. Et sic voluntarii sunt illi omnes & soli voluntatis actus, qui ratione advertente, & re considerata judicium ferente, fiunt. Et ita voluntarium cum libero convertitur, neque illo Latius patet. Ac proinde cum voluntas non sine pleno & certo rationis judicio feratur in finem ultimum, non minus libere circa illum versatur quam dum appetit media, quæ ad finem illum ducere videntur. Neque tantum homines in hac vita degentes, dum beati esse volunt, & nolunt esse miseri, liberum actum voluntatis edunt; sed ipsi quoque in coelo beati, dum tota voluntate Deo clarè viso adhærent, quoniam in utrisque voluntas fixum, certum & evidens constanterque probatur intellectus judicium hac in parte sequitur, & dum in se reflectitur ipsa, suum illum actum quam maxime probat.

XXX. Si quidem ad communem libertatis rationem, & propriam ejus essentiam, pertinere non existimat voluntatis quandam indifferentiam & indeterminationem respectu actus qui liber dicitur, per quam voluntas possit contrarium agere, aut saltem actum illum omittere, vel suspendere. Quippe ex ejus mente, libertas solum in eo consistit, quod agens liberum sibi & actui suo dominetur, & seipsum agat & moveat, non autem ab alio agatur & moveatur, quod locum habere contendit etiam in iis actibus, ad quos voluntas determinata est necessariò & immutabiliter.

XXXI. Etenim quæcumque reperitur in voluntate necessitas, ut verbis Scoti mentem suam exprimit, non est prævia ad voluntatem, ut voluntas intelligatur cadere sub necessitate, tanquam impellente in actum, & figente in actum quoniam si sic esset, voluntas ageretur & non ageret, nec sciret in tali actu libertas. Sed est necessitas concomitans, ita quod ipsa intelligatur cadere sub voluntate, sic quod voluntas, propter firmitatem libertatis suæ, sibi ipsi necessitatem imponit in eliciendo actum, & in perseverando, sive figendo se in actum. *De Grat. Chr. Salvat. lib. 6. cap. 37.*

XXXII. Atque ut clarius ostendat agens rationale in omnibus quæ vult & appetit, seipsum quodammodo agere & movere, etsi actus voluntatis ejus necessarius sit & immutabilis, observat potestatem agendi & movendi se, quæ est agentis liberi propria, in eo sitam esse, quod cum ratio, tum voluntas, ad quas facultates libertas pertinet, super suos actus se reflectere possint; ita ut ratio possit de proprio suo judicio judicare, num rectè judicaverit; & similiter voluntas non solum possit velle & appetere, sed ipsam quoque suam volitionem, suumque appetitum velle. Et quia in omni rationali motu, sive necessarius sit, sive non necessarius, semper adest tacite, vel expresse, hujusmodi super se reflexio, semper etiam in omni suo motu agens rationale seipsum movet & dominatur sibi, & ita propriam libertatem exercet.

XXXIII. Nam juxta ipsum, veræ libertatis propria indicia sunt facere quod agenti lubet, quod ei placeat, quod ei videtur. Unde colligit Beatos in coelo in diligendo Deum, quem clarè vident, perfectissime seipsum movere, & perfectissimum sui actus dominium habere, & ita liberrimos esse, quia plenissimo & tranquillissimo judicio judicant sibi diligendum esse Deum, & in eo se sanctissime judicare judicant; eorum vero voluntas amando, rationem sequi vult, & hoc se velle vult, ac cessare non vult. Quæ vero necessitas in actu illo apparet ab ipsa voluntate, & Domini ac libertatis ejus perfectione proficiscitur, quia ipsa sibi necessitatem facit, non per motum naturæ, sed perfectissime libertatis, movendo & determinando se.

XXXIV. Cæterum quanquam Doctor ille ad propriam libertatis essentiam pertinere nolit ut voluntas ad suos actus indifferenter se habeat, ita nempe ut possit agere, & non agere, hoc vel etiam contrarium agere; tamen cum veteribus Scholasticis aperte fateatur talem indifferentiam hominum viatorum voluntati adesse; eorum enim libertatem non solum expertem esse coactionis, sed etiam necessitatis immutabilis voluntariæ, hoc est, eam ad utrumque indifferentem esse. Id solum negat in illa indifferentia sitam esse generaliter humani arbitrii libertatem. Quippe hanc indifferentiam certissimum quidem esse in creatura rationali libertatis indicium, non tamen libertatis esse causam, vel rationem. Et propterea adesse vel abesse posse voluntatis arbitrio, sine dispendio libertatis. *De Gratia Chr. Salvat. lib. 6. cap. 34.*

XXXV. Atq; hanc Janfenii doctrinam amplexi sunt, & etiamnum amplectuntur qui se discipulos Augustini vocant, & ab adversariis dicuntur Janfenistæ, ut videre est in libro cui titulum fecerunt, *Manuali Catholicorum*, Thesi Apologetica & dogmatica Vigesima prima. Ubi hæc sunt eorum verba, *Essentia libertatis nullo modo consistit in indifferentia. Nam ex Sanctis Patribus, Ubi voluntas ibi libertas. Est enim Liberum Arbitrium ex Sancto Prospero, Rei sibi placitæ Spontaneus appetitus. Et ex S. Damasceno Arbitrii Libertas nihil aliud est quam voluntas. Et Paulo post, Quod voluntariè fit, etiam si necessario fiat, liberè tamen fit. Deus namque seipsum necessario amat, & tamen liberè. Item, sola itaque necessitas coactionis, aut violentiæ repugnat Libertati, non autem necessitas simplex, immutabilis, seu naturalis inclinationis.*

XXXVI. In illo vero scripto quod vocant trium columnarum, ubi distinguunt varios sensus quinque famosarum propositionum, quas damnarunt Pontifices Romani Innocentius X. & Alexander VII. tertiæ propositioni hunc sensum tanquam bonum & sibi probatum tribuunt. *Ad merendum & demerendum, in statu naturæ lapsæ, non requiritur in homine libertas à necessitate infallibilitatis, sed sufficit Libertas à coactione cum iudicio rationis, si consideretur præcisè essentia libertatis & meriti, quanquam ex ratione status semper reperitur indifferencia potentia, qua voluntas, etiam sub gratia proximè necessaria & ex se efficax, potest non velle, non tamen ut unquam simul cum eadem gratia non velit.* Ubi agnoscunt semper in statu naturæ lapsæ, Libertati adjunctam esse voluntatis indifferenciam. Et propterea in articulis illis Convenarum Episcopo oblati, non verentur dicere, *Quod ad merendum & demerendum in statu naturæ lapsæ non sufficit Libertas à coactione; sed requiritur libertas à necessitate. Quamvis enim, inquit, gratia per se efficax infallibiliter & insuperabiliter voluntatem ad agendum determinet atq; ita nunquam voluntas illi actu dissentiat: non tamen inducit necessitatem, quia non tollit dissentiendi potestatem.*

XXXVII. Verum ista Sententia quæ libertatem arbitrii statuit oppositam esse, non necessitati, sed coactioni tantum; à Pontificibus Romanis damnata est. Nam Bellarminus meminit decreti cuiusdam Pii V. quod postea à Gregorio XIII. renovatum fuit, in quo inter alias multas propositiones, hæc quoque censura notantur. *Quod voluntariè fit, etiam si necessitate fiat, liberè tamen fit. Item, sola violentia repugnat libertati hominis naturali.*

XXXVIII. Idcirco Scholæ Romanæ communis hodiè doctrina est, ad libertatem arbitrii non sufficere solam immunitatem à coactione, sed præterea requiri immunitatem à necessitate, saltem absoluta atque naturali, qua res sunt per naturam ad unum determinatæ, & simpliciter non possunt aliter agere quam agunt. Atque in hoc capite conveniunt tam illi qui recentiores Thomistæ, quam qui Molinistæ vocantur.

XXXIX. Itaque quod voluntarium est liberum esse nolunt, si voluntas sit ad illud necessarii determinata, ut Beatorum Spirituum voluntas ad diligendum Deum quem clarè vident. Ac proinde voluntarium concipiunt tanquam genus quoddam, quod sub se duas species complectatur, videlicet liberum quod fit cum delectu & prælectione, & voluntarium stricte & propriè sic dictum, quod fit quicquid libenter, non tamen liberè; quia necessario & immutabiliter. Voluntarii verò genus faciunt spontaneum, quoniam sponte agunt non tantum ea quæ sunt intellectu & voluntate prædita, sed etiam bruta quæ ratione carent. Imo & ipsa inanima, ut lapis quum deorsum tendit. Nam sponte agere est naturæ impulsu agere.

XL. Itaque libentiam, sive complacentiam distinguunt à libertate: nec volunt ullam esse libertatem propriè dictam, nisi eam quæ sit, vel *contrarietatis*, seu *specificationis*, per quam aliquis potest circa idem obiectum elicere actus contrarios, vel appetere objecta contraria sive disparata: Vel saltem *contradictionis*, sive *exercitii*, per quam possit aliquis agere, & actionem suam suspendere, sive inhibere.

XLI. Nec enim volunt libertatem esse sine quadam agentis liberi ad agendum indifferentia & indeterminatione; & eos solos actus liberos esse putant quorum contrarium facere possumus, aut saltem eos omittere, & ab iis cessare: juxta vulgarem illam libertatis descriptionem, per quam in eo consistere dicitur quod agens liberum posuit omnibus ad agendum prærequisitis possit agere, vel non agere, hoc aut illud agere.

XLII. Observant tamen nonnulli Thomistæ recentiores indifferenciam ad agendum, vel non agendum, esse quidem libertatis humanæ proprietatem, quæ ab illa separari nequit; verum in ea libertatis essentiam non consistere; sed potius in independetia, & eminentia supra bona finita, & vi illa regendi; sive in dominio quodam, quo se suæque ad ultimum finem referat. Ut videre est apud nuperum scriptorem Vincen-

tium

tium Baronium Dominicanum in tertia parte Theologiæ dogmaticæ, de Libertatis humanæ & scientiæ Dei principijs adversus Theophilum Raynaudum Jesuitam *Disp.* 1. *Artic.* 3. §. 1. Sed juxta communiora hodiernæ Scholæ placita, ipsa libertatis essentia constituenda est in ista ad agendum, vel non agendum indifferentia.

XLIII. Porro Doctores Ecclesiæ Romanæ per indifferentiam illam quæ libertatis essentiam, vel constituit, vel saltem necessariò sequitur, significare nolunt cum voluntatis statum in quo inter duo opposita nutat, neque ad unum magis inclinat quam ad alterum; sed in æquilibrio quodammodo suspensâ, paulo momento huc & illuc impellitur. Agnoscunt enim libertatem in eo reperiri qui ad agendum eo sensu minime est indifferens; sed cujus voluntas altè impressis habitibus ad certas actiones vehementer inclinata est, quique firmum propositum habet sic & non aliter agendi, à quo non nisi ægrè admodum dimoveri potest. Sed indifferentia illa in qua, ex eorum mente, sita est arbitrii libertas, non aliud est quam vera potestas agendi & non agendi, quæ manet etiam in eo qui fixo & constanti mentis, & voluntatis proposito ad agendum determinatus est.

XLIV. Præterea observandum est, ex communi Doctorum Ecclesiæ Romanæ sensu, ad libertatem non requiri indeterminationem & indifferentiam ad bene, vel male agendum. Nec esse de libertatis ratione posse bene operari, & multo minus adhuc posse male operari. Agnoscunt enim Deum esse agens liberrimum, qui tamen male agere non potest: ut nec potuit unquam Christus homo: neque jam possunt angeli, & spiritus coelestes qui, ex singulari Dei beneficio, sunt immutabiliter in bono confirmati, nec propterea tamen minus liberi sunt. Contra vero, iis fatentibus, Cacodæmones & Spiritus damnatorum, in inferno nihil boni agere possunt, & tamen libere agunt, ac in iis mansit liberum arbitrium. Idque quoniam, licet illi ad bene agendum, & hi contra ad male agendum determinati sint, possunt tamen ab his & illis actibus abstinere, & inter plura bona, vel mala eligere. Ut videre est apud Puteanum in 1. 2. *quest.* 1. *art.* 1, 2, 3, 4. *dubit.* 3. Et apud Gulielmum Estium in 2. *sent. dist.* 14. §. 5.

XLV. Cæterum descriptio illa in qua libertas dicitur esse id per quod positis omnibus ad agendum prærequisitis, agens liberum potest agere, & non agere, hoc & illud agere, non eodem sensu exponitur ab omnibus Scholæ Romanæ Theologis. Quod ut intelligatur, notandum est verbis istis posse tribui multiplicem sensum. Et primo quidem verba illa ita possunt accipi quasi iis significaretur agens liberum posse agere & non agere simul; & eodem tempore contrarios actus exercere. Hic sensus tanquam manifestè falsus ab omnibus rejicitur. Fatentur enim omnes in agente libero simul compari non posse actum & cessationem ab actu, aut unum actum & ejus contrarium; ac proinde verbis illis aliud non significari, quam quod agens liberum simul habet potestatem ad actum contrarios, & quod simul in eo reperitur potestas agendi, & potestas quoque non agendi, quod si Scholis dicitur per hoc agenti libero tribui *simulatem potentie*, non *potentiam simulatam*.

XLVI. Secundo vero, hujus descriptionis hic sensus esse potest, quod positis omnibus quæ prærequiruntur ad actum aliquem voluntatis liberæ, tam ex parte objecti, quam ex parte Dei, & intellectus ipsius, possit actus ille tam non sequi quam sequi, & etiam contrarius actus in ejus locum substituiri ut quamvis componi & conjungi non possint actus aliquis & ejus privatio, vel contrarius actus; tamen cum omnibus illis quæ prærequiruntur ad aliquem actum Humanæ voluntatis, verbi causâ, conversionis & dilectionis Dei, conjungi possit, & sæpe de facto conjungatur, illius actus privatio, & actus etiam illi oppositus: Et sic, non obstante quocunque objecti lumine, & etiam illecebra, quocunque dictamine & judicio intellectus, ac denique quacunque divina motione, quæ impellant ad conversionem, & tamen actualem voluntatis ipsius determinationem præcedant, possit reapse conversio non sequi; & sæpe de facto contingat, ista omnia pari modo se habentia, in uno quidem habere junctam conversionem, in alio verò minime, propterea quod voluntas in uno se sic determinavit, in alio vero secus.

XLVII. Atque hic sensus probatur & admittitur ab iis, qui in Schola Romana Molinistæ dicuntur. Nec enim volunt quicquam esse eorum quæ tam ex parte Dei, quam ex parte intellectus, voluntatem humanam ad consensum præparant, & antecederent movent atque impellunt, cum quo stare non possit voluntatis dissensus. Ac statuunt quodlibet rationis judicium, & quamlibet etiam divinam motionem, componi posse, non solum cum actu ad quem voluntatem præmovent & dirigunt, sed etiam cum actus illius carentia, imo cum actu contrario: adeo ut eadem gratiæ divinæ motio in uno conversionem ad Deum operetur, in alio vero non: propterea quod unus gratiæ divi-

divinæ ductum ultro siqui voluit, alter vero minime. Et ita diverso respectu & re-gant & affirmant, agens liberum positum omnibus ad agendum requisitis, posse, in sensu composito, agere & non agere, hoc & illud agere. Si quis enim intelligat in agente libero componi posse actum & cessationem ab actu, actum unum & ejus oppositum, fateatur, sensum illum compositum falsum esse, & solum sensum divinum, qui illi opponitur, verum. Siquis vero pertendat non quidem cum actu ipso, sed tamen cum omnibus ad agendum requisitis, componi posse privationem actus, & actum oppositum, sensus ille compositus, juxta illos, verus est.

XLVIII. Verum aliter sentiunt qui dicuntur Thomistæ recentiores. Nam juxta eorum doctrinam, utroque ille sensus compositus falsus est. Siquidem putant non solum cum actu jungi non posse ejus privationem aut actum oppositum; sed ne quidem cum iis quæ sunt ad agendum, prærequisita inter quæ locum habet divina quædam præmotio, consistere posse negationem actus, & multo minus actum contrarium. Idque quia positus quæ prærequiruntur ad aliquem actum, actus ille sequitur certo & infallibiliter; nec unquam contingere potest ut non sequatur. Et tamen concedunt, positum omnibus ad agendum prærequisitis agens liberum posse agere, atque non agere, hoc & illud agere: quia licet cum istis prærequisitis stare non possit actus negatio, vel suspensio actus; optime tamen cum iis consistat potestas non agendi sive etiam contrarium agendi. Non secus ac cum actuali voluntatis consensu stare quidem nequit voluntatis dissensus, sed tamen manet ipsa dissentendi potestas: Et cum actu sedendi, compati non potest ambulandi actus, quamvis illi non repugnet potestas ambulandi, quæ in sedente per actum sedendi non tollitur. Eo igitur modo prærequisita ad agendum, tum ex parte Dei, tum ex parte intellectus nostri, actum ipsum secum per consequentiam necessariam trahunt, & tamen potestatem non agendi minime tollunt. Quoniam efficiunt quidem ut voluntas agat, sed ita tamen agat, ut possit non agere, & aliter agendi potestatem non amittat.

XLIX. Sic mentem suam hac de re exponit Didacus Alvares Archiepiscopus Tranensis & Salpenis, inter recentiores Thomistas præcipuus. *Dicendum est, inquit, ad libertatem arbitrii necessario requiri, quod positum omnibus antecedenter secundum ordinem rationis vel temporis ad actum prærequisitis possit operari, vel non operari, ita videlicet ut cum iisdem prærequisitis sit simul in libero arbitrio facultas, & potentia, qua possit operari, vel non operari, si velit. Et probatur, Nam si aliquod ex prærequisitis ad operandum talem actum in particulari tolleret à libero arbitrio facultatem, seu potentiam ad non operandum, vel ad operandum actum oppositum, ut efficeret motio Dei efficax, qua ad talem actum prædeterminatur: sed hujusmodi motio non tollit à libero arbitrio facultatem non operandi illum actum vel operandi actum contrarium, sed solum efficit, quod cum liberum arbitrium possit operari, & non operari talem actum; infallibiliter tamen & libere operetur illum. Non tamen est de ratione, aut de finitione liberi arbitrii, quod positum omnibus, secundum ordinem causalitatis antecedenter prærequisitis, ad operandum talem actum, possit eundem actum non operari: in sensu composito, si compositio fiat inter ejusmodi prærequisita, & carentiam talis actus, seu actum contrarium. Itaque hæc duo simul sunt impossibilia, quod scilicet, in libero arbitrio, pro aliquo instanti temporis, sint omnia antecedenter prærequisita secundum ordinem causalitatis, ad productionem talis actus, & non producat illum sed producat actum contrarium. Et nihilominus cum hac impossibilitate fiat simul libertas arbitrii. In summa operis de auxiliis Divinæ gratiæ lib. 4. cap. 4. num. 5. & 6. Ideoque ad vitandam omnem æquivocationem, hæc est, juxta ipsum, liberi arbitrii legitima definitio, liberum arbitrium est facultas voluntatis, & rationis ad utrumlibet agendum, vel non agendum, & agendum unum, vel alterum.*

THESES THEOLOGICÆ

DE

LIBERO HOMINIS ARBITRIO

Absolute & in se spectato.

PARS TERTIA.

*In qua colligitur & expenditur status & momentum
questionum quæ ea de re in Schola Romana
& Reformata agitantur.*

THESIS I

THESIS I. Superioribus breviter & dilucide, quantum in nobis fuit exposuimus doctrinam de Libero hominis arbitrio absolute & in se spectato, primo juxta Scholæ Reformatæ Doctores, deinde juxta mentem Doctorem Scholæ Romanæ. Ac ante omnia manifestum fecimus nullam esse controversiam de Libero hominis arbitrio circa questionem, *An sit*. Quandoquidem Reformati omnes fatentur non solum hominem quam primum à Deo conditus est, præditum fuisse libero arbitrio; sed etiam in homine lapsu idem liberum arbitrium mansisse, nec in eo prorsus extinctum & amissum, fuisse; quanquam per lapsum hominis valde infirmatum fuerit, & in servitutem peccati redactum, donec per Christi gratiam in libertatem afferatur.

II. Secundo patet ex iis quæ ante fuerunt à nobis exposita, utramque Scholam in eo convenire quod liberum arbitrium non sit æctus aut habitus aliquis, sed ad facultates animæ pertineat: neque tamen sit facultas quedam reapse ab intellectu & voluntate distincta. Quæ autem hodie de liberi arbitrii in homine natura questionēs moventur alicujus momenti, ad hæc revocari possunt: *Cujus facultatis respectu homo dicatur esse liberi arbitrii?* Deinde, *Qua in re sita sit libertas à qua liberum in nobis dicitur arbitrium?*

III. Quæ vero circa questionēs illas contentio superest, ut ex præcedentibus Thesibus liquere potest, non est proprie inter Scholam & Scholam; sed inter privatos Doctores qui, in utraque Schola, de hisce rebus varie sentiunt & philosophantur. Quippe nulla prope sententia in una Schola circa hæc obtinet, quæ non habeat aliquos in altera Schola patronos. Et nulla saltem ab adverſæ Scholæ Doctores rejicitur, quam domesticique aliqui non impugnent.

IV. Etenim, ut hinc ordiamur, quum queritur ad quam facultatem spectet liberum arbitrium, magna pars Theologorum tum hujus, tum illius Scholæ, censet libertatem humani arbitrii à ratione quidem originem quodammodo ducere, & tamen habere fundamentum in in-determinatione, sive in *indifference* quadam judicii practici; sed tamen illam voluntati soli, tanquam suo subjecto inesse: quod Scholæ dicunt libertatem esse in intellectu *radicaliter* tantum, seu tanquam in causa sine qua non, sed *formaliter* in sola voluntate. Adeo ut liberum arbitrium non aliud sit quam voluntas, sive impliciter, quatenus rationis judicium & dictamen sequitur, sive quatenus inter plura media à ratione commonstrata unum eligit, alterum repudiât; hoc admittit, vel non admittit.

V. Verum sicut ab ista communiori sententia nonnulli Doctores Reformati recedunt,

dunt ita quoque & nuper, & olim, habuit illa in Schola Romana contradictores; olim quidem Durandum, nuper vero Gassendum, ex quorum sententia libertas non est in sola voluntate, sed etiam in intellectu, imo potius & prius in intellectu quam in voluntate. Quanquam fatendum est Doctores Reformatos in hac questione liberius versari, & majori cum diversitate sensuum & opinionum, dum alii libertatem ita communem faciunt voluntati & intellectui, ut tamen, juxta hos, ut Josium Placem, potiori jure ad voluntatem pertineat juxta alios vero, ad intellectum, quæ est sententia Mosis Amyraldi. Alii vero pertendunt libertatem non esse affectionem hujus aut illius facultatis, sed aliquid ex plurium facultatum concursu, & relatione mutua in homine oriens: adeoque subiectum libertatis propriè non esse hanc, aut illam facultatem, sed simpliciter hominem, quatenus intellectu & voluntate sua certo modo utitur. Ad quam sententiam nos quoque accedimus, quandoquidem homo liber est non simpliciter quatenus vult, nec simpliciter quatenus judicat; sed quatenus ex mentis judicio deliberato, & certo rationis consilio appetit & vult.

VI. Quod spectat autem naturam libertatis, ut clarum etiam est ex iis quæ præcedentibus disputationibus exposita fuerunt, non minor est in utraque Schola sententiarum varietas. Et primo quidem abundè probavimus, tam in hac, quam in illa Schola, non deesse qui doceant, aliis reclamantibus, libertatem arbitrii oppositam non esse necessitati simpliciter, sed coactioni tantum. Verum illud quoque manifestum fecimus, quæ hic est controversia, aut merè verbalem esse, aut saltem non magni momenti. Etenim qui affirmant libertatem in genere opponi non necessitati, sed coactioni solum diversæ sententiæ Theologis concedunt, ad libertatem non sufficere immunitatem à coactione; nec libertatem in ea propriè consistere; sed in eo quod agens liberum seipsum movet & seipsum agit: ratione quadam agentis intellectuali propria, quæ nec in rebus inanimis, neque in brutis reperitur.

VII. Ac præterea, quanquam existiment solam coactionem in agente rationali libertati officere, non vero necessitatem, nihilominus agnoscunt agentia libera in plerisque suis actibus, non solum immunia esse à coactione, sed neque esse ad unum necessitate quadam determinata. Adeoque inter actus creaturæ liberæ, ex eorum sensu nonnulli quidem necessarij sunt, sed plerique tamen contingentes.

VIII. Unde est quod in agentibus liberis triplicem libertatem notant. Prima est quæ dicitur in Scholis libertas contrarietatis, sive specificationis per quam aliquis potest hoc, aut ejus contrarium, vel diversum agere. Secunda est quæ dicitur libertas contradictionis per quam licet aliquis non possit hoc agere & ejus contrarium, potest tamen agere, & ab actione cessare. Quæ utraque libertas opponitur necessitati, & determinationi ad unum, & comitem habet quandam actuum contingentiam. Denique his adjungunt tertiam libertatem, quæ vocatur *simplex sive complacentia*, per quam agentis liberi voluntas atque intellectus, dum in seipsa reflectuntur, vel tacite vel expresse, proprios actus probant, & sibi ipsis quodammodo imperant; & ita ratione quadam peculiari seipsa movent, atque agunt; dum, scilicet, intellectus judicat se rectè judicare, & sibi judicandum esse prout judicat; voluntas vero vult se velle, & in proprio actu seipsam figit atque firmat. Quæ libertas esse potest sine libertate contrarietatis, vel contradictionis, & consistit cum necessaria atque immutabili determinatione ad unum.

IX. Quum autem libertas extenditur ad actus necessarios atque immutabiles, fatentur illam latiori significatione sumi; libertatem vero strictius acceptam versari tantum circa contingentia, & quæ possunt sic, vel secus se habere.

X. Qui vero contra pertendunt, libertatem opponi non coactioni solum, sed etiam necessitati, Theologis diversum sentientibus concedunt voluntatem, seu agens liberum, suorum quorundam actuum ratione habere se necessario; quamvis plerorumque aliorum respectu sese habeat contingenter. Ac præterea quanquam existiment voluntatem liberam esse respectu tantum actuum qui non necessario, sed contingenter ab ea eliciuntur, nihilominus agnoscunt in illis ipsis actibus ad quos voluntas immutabiliter & necessario determinata est, esse quandam voluntatis libertatem & complacentiam, quæ in eo consistit, quod dum voluntas in suum actum reflectitur, illum probat & sibi imperat, quatenus, scilicet, non vult simpliciter, sed etiam vult se velle, & in proprio actu acquiescit.

XI. Unde patet, ut dixi, contentionem hic esse verbalem, non realem. Nempe utrique consentiunt quomodo res se in seipsa habeat. Nimirum voluntatem quorundam actuum respectu, habere se necessario; quamvis plerorumque aliorum respectu sese habeat contingenter. Ac præterea quanquam existimant voluntatem liberam esse respectu

respectu tantum eorum actuum qui non necessario, sed contingenter ab ea eliciuntur, nihilominus agnoscunt in illis ipsi actibus ad quos voluntas immutabiliter & necessario determinata est, esse quandam voluntatis libentiam & complacentiam, quæ in eo consistit quod dum voluntas in suum actum vel tacite, vel expresse reflectitur, illum probat & sibi imperat, quatenus, scilicet, non vult simpliciter, sed etiam vult se velle, & in proprio actu acquiescit.

XI. Unde patet, ut dixi, contentiorem hic esse verbaalem, non realem. Nempe utrique consentiunt, quomodo res se in seipsa habeat. Nimirum voluntatem quorundam actuum respectu, habere se necessario, aliorum vero respectu, contingenter. Illam respectu quorundam gaudere libertate contrarietatis, vel contradictionis: sed respectu aliorum esse ad unum determinatam, id est, non posse contrarium agere, vel ab agendo cessare. Et tamen in actibus illis quos necessario elicit voluntas, eam sibi complacere, & suos ipsius actus maxime velle & probare.

XII. Quæstio solum remanet, An actus illi quos voluntas elicit necessario, & inevitabiliter, & respectu quorum propterea ad unum determinata est, liberi dicendi sint? Negant alii, statucentes eos nulli modo liberos, sed voluntarios solum dicendos esse, quoniam nulla ab ipsis nominatur libertas, quæ non sit contrarietatis, vel contradictionis. Alii vero concedunt actus illos liberos quidem non esse, libertate strictius dicta, per quam possumus idem velle & nolle, sive diversum aut contrarium velle, aut saltem velle & non velle, sive à volendo cessare: sed nihilominus pertendunt eosdem actus liberos dici posse & debere libertate latius sumpta, quæ est libertas simplex, sive complacentia. Ita ut quæstio ad istud reducatur; An simplex complacentia, quæ voluntati competit respectu omnium suorum actuum, sive necessarij, sive contingentes sint, mereatur, vel non, libertas appellari latiori quadam significatione? quæ quæstio ut apparet solum est de nomine.

XIII. Et revera inter eos qui docent libertatem in genere oppositam esse non necessitati sed coactioni, id diserte affirmat Strangius Scholæ Reformatae Doctor. Postquam enim multis docuit voluntatem liberam esse non tantum quum versatur circa media, sed etiam quum versatur circa finem, ac proinde Deum libere se amare, & homines libere velle esse societate, quia libertas voluntatis in genere non est aliud quam spontaneum intellectuale: Et postea assensus est libertatem strictius etiam usurpari, prout versatur circa rationem, id est, ea quæ sunt in nostra potestate, & restringitur ad media relata ad finem, aut ad ea quæ parum, aut nihil ad finem conducunt, quo respectu libertas includit quandam indifferentiam, & actus liberi sunt mere contingentes: Deinde quoque observavit in hoc sensu à multis negari quod Deus libere se amet, & beati in cœlo libere Deum diligant; concludit tandem his verbis, *Neque nobis videtur hac de re litigandum, quia aliqui tantum esset ἀναγκασία non enim negamus, sic vocem liberi arbitrii recte usurpari, quanquam in alio sensu illas actiones diximus esse liberas.* De voluntate Dei lib. 3. cap. 14. pag. 687.

XIV. Inter eos vero qui docent libertatem oppositam esse non solum coactioni, sed etiam necessitati, idem agnoscit Guilielmus Estius Scholæ Romanæ Theologus. Etenim ad loca quædam Bonaventuræ contra sententiam ipsius objecta sic Respondet Bonaventura, quæst. 2. *docet liberum arbitrium dupliciter posse considerari: vel ut liberum, vel ut deliberans: Et quidem quatenus liberum est, dicit esse posse respectu necessarij, sicut patet in Deo, & beatis; quia licet in illis habeat necessitatem immutabilitatis, non tamen coactionis. Quatenus autem deliberans, non est, inquit, nisi de contingenti, quia nemo deliberat de necessario & impossibili. Ex qua distinctione satis apparet, quo sensu dixerit liberum arbitrium quatenus liberum est respicere etiam necessaria, & habere posse actum necessarij. Nam illud quatenus liberum, non aliud est quam quatenus voluntarium & non coactum. Itaque perinde est atque si dicatur, voluntatem quatenus libera est à coactione, versari circa actiones etiam necessarias. Illud vero, quatenus deliberans id est, ut ipse exponit, quatenus consilians utrum eligat hoc, an illud; intelligitur de libertate quæ propria est libero arbitrio ut tali. Igitur Bonaventura non in re discrepat ab alijs, sed minus commode, & præter communem consuetudinem locutus est.*

XV. Neque majoris momenti videtur controversia quæ in Schola Reformata manet inter illos ipsos Theologos qui fatentur arbitrii libertatem opponi non coactioni tantum, sed etiam necessitati: dum alii simpliciter docent omnem proprie dictam necessitatem libertati repugnare: alii vero concedunt quidem libertatem oppositam esse naturali necessitati, veruntamen pertendunt multiplicem necessitatem cum eadem arbitrii libertate consistere posse: nimirum agenti libero posse quandam agendi necessitatem imponi

pet

per efficaciam gratiæ & providentiæ divini, aut etiam per mentis iudicium practicum, quæ tamen necessitas libertati nihil noceat.

XVI. Etenim qui pertendunt omnem propriè dictam necessitatem cum libertate pugnare, per necessitatem propriè dictam eam duntaxat intelligunt per quam agens, non tantum ad agendum determinatur, sed etiam quæ tollit ab eo potestatem non agendi, aut aliter agendi, sive quæ constituit agentem in eo statu, ut non solum agat certo & infallibiliter, sed etiam revera non possit non agere; idque non tantum in sensu composito, sed etiam in sensu diviso: ac proinde quæ facit ut agens, sive dum agit, sive dum est proxime ad agendum paratus, non habeat talem non agendi, sive aliter agendi potestatem, qualis est in sedente, etiam dum sedet, potestas ambulandi, & vicissim in ambulante sedendi potestas, etiam dum ambulat.

XVII. Itaque concedunt quidem motionem gratiæ divini, & providentiæ quoque divini efficaciam, aut etiam ultimum dictamen iudicii practici, sic hominem ad agendum & volendum determinare, ut necessario sequatur actio quæ libera dicitur, & impossibile sit ut posita providentiæ & gratiæ divini motione & efficacia, non exeratur actus ille ad quem Deus sive per motionem gratiæ, sive per providentiæ communis efficaciam hominem præparat, movet, & determinat. Sed necessitatem istam non habent pro propriè dicta, quoniam cum illa stat vera non agendi potestas. Nempe Deus hominem, quem secundum propositum vocat, sic movet ad credendum Deo, & diligendum Deum & proximum, ut licet infallibiliter inde sequatur fides & dilectio, & posita tali motione, impossibile sit hominem non credere atque diligere, non tamen ab eo tollat potestatem non credendi, & non diligendi, quia cum motione divina non potest quidem compati actus illi contrarius, sed cum ea tamen consistit potestas ad actum contrarium. Non fecus ac necesse est sedentem, dum sedet, sedere, & ambulantem, dum ambulat, ambulare, & impossibile est ut sedens non sedeat, & ut ambulans non ambulet; & nihilominus manet in sedente vera potestas ambulandi, & in ambulante potestas sedendi; non quidem in sensu composito quasi simul possent ambulare & stare, sed in sensu diviso, quoniam quilibet actus, licet excludat actum oppositum, non tamen excludit potentiam ad illum.

XVIII. Igitur, juxta hanc doctrinam, homo ad hoc vel illud agendum efficaciter à Deo motus, vel iudicii proprii dictamine impulsus, necessario quidem agit necessitate quadam infallibilitatis; sed simul tamen veram non agendi potestatem retinet. Et potest quidem non agere, sed certo tamen acturus est: neque contingere potest ut carentia actionis conjungatur unquam cum tali iudicio, vel cum ejusmodi Dei motione.

XIX. Qui vero contra docent multiplicem necessitatem cum libertate consistere, & illum quem gratia movet aut iudicii proprii dictamen ad agendum impellit, non posse non agere, non aliud sibi volunt quam impossibile esse ut homo qui movetur à Deo ad aliquem actum, gratia illa quæ in hominibus operari dicitur velle & perficere, vel saltem providentiæ communis efficacia, aut etiam rationis propriæ iudicio, non eliciat actum illum ad quem sic supponitur motus & excitatus: adeoque ex positione talis gratiæ atque auxilii & talis quoque iudicii, necessario sequi hominem sic, vel sic acturum.

XX. Cæterum facile concedunt, ab eo quem gratia movet, exempli causa, ad orandum, & elemosynam pauperi largiendam, non omnino propterea tolli potentiam non orandi, & elemosynam illam non largiendissimo cum ipso actu invocandi & dandi elemosynam non minus stare potentiam ad privationem illorum actuum, aut etiam ad actus contrarios, quam cum actu loquendi stat potestas silendi, & cum actu sedendi stat potestas non sedendi, aut etiam ambulandi.

XXI. Utrique ergo in eo conveniunt, necesse esse ut agat ille quem ad agendum movet atque impellit divini gratiæ, vel providentiæ vis & efficacia, & rationis propriæ dictamen, quoniam ab illa motione Dei & iudicii proprii determinatione actio hominis separari non potest: & tamen cum ejusmodi actu, adeoque cum motione Dei ad talem actum consistere potestatem ad cessationem ab illo, aut etiam ad actum oppositum, qua ratione sæpius expositum & repetitum est.

XXII. Proinde quum isti quidem asserunt eum quem Deus movet ad actum hunc, aut illum necessario agere: alii vero pertendunt nulla propriè dicta necessitate illum ad agendum impelli, verbis quidem discrepant, idem autem recipi sentiunt. Nempe priores dicunt ejusmodi hominem necessario agere, quia impossibile est actum ejus à divina motione seungi; quod alii non negant. Juxta posteriores autem nulla propriè dicta necessitate

necessitate ad agendum tenetur, quia cum ipso ejus actu, ac proinde multo magis cum motione ad actum, optime consistit potestas ad actum contrarium, vel saltem ad actus istius carentiam, quod priores facile concedent.

XXIII. Indidem quoque apparet facile componi posse dissidium quod adhuc superesse videtur inter Doctores Scholæ Reformatæ: dum alii, scilicet, affirmant libertatem arbitrii includere quandam agentis liberi indifferentiam, per quam positis omnibus ad agendum prærequisitis, potest agere, vel non agere, hoc aut illud agere; alii vero negant talem indifferentiam libertate includi aut ad libertatem omnino pertinere.

XXIV. Nam qui volunt libertatem nonesse sine aliqua agentis liberi indifferentia, per indifferentiam non intelligunt eum statum in quo agens non inclinatur in unam partem magis quam in aliam, sed stat in incipiti æquali momento huc illuc impellendum quod contrariantes maxime averfiantur. Nec enim ullus est eorum qui tueretur istam indifferentiam, qui non censeat illam in eo quoque reperiri, qui firmo certoque judicio hoc & non aliud sibi agendum esse constituit: & cujus quoque voluntas, habitibus aliter radicatis, & quos ægerrime excutere potest, in hanc, aut illam partem vehementissime fertur. Adeoque nomine indifferentiæ, in hoc negotio, non aliud designant, quam potentiam veram & intrinsecam non tantum agendi, sed & ab actione cessandi, non tantum hoc agendi, sed & diversum vel oppositum ejus. Quæ potentia non solum in eo reperitur qui dubius & anceps est an agat, vel non agat, sed in eo etiam qui nullo modo hæsitat & dubitat de eo quod sibi agendum sive non agendum est, quique proposito fixo, & immoto ad sic & non aliter agendum sese determinat.

XXV. Ac præterea quum dicunt agens liberum, positis omnibus ad agendum prærequisitis, posse agere vel non agere, hoc, aut illud agere, mens eorum non est quod positis omnibus ad aliquem actum voluntatis prærequiruntur, inter quæ locum habet gratiæ divini motus, & practicæ mentis judicium, possit actio voluntatis non sequi & sic carentia actionis ejus jungi cum omnibus illis per quæ voluntas ad agendum moveretur atque disponitur. Fatentur enim impossibile esse ut Deus hominem quempiam gratia sua efficaci ad aliquem actum pietatis moveat, & tamen actus ille ab eo non eliciatur: aut ut aliquis, omnibus expensis, judicet hic & nunc istud sibi agendum & appetendum esse, & tamen idem istud non agat & appetat; Verum id solum sibi vult, illum qui, quæ jam dictum est ratione, ad agendum movetur, licet infallibiliter & certo acturus sit, & contingere non possit ut non agat; illum, inquam, nihilominus veram iam se retinere potentiam non agendi, & aliter agendi, quæ manet non solum in eo qui proximè ad agendum paratus & dispositus est, sed in eo ipso qui jam de facto agit, quoniam etiam cum actu aliquo stare non possit ejus carentia, aut actus contrarius, optime tamen cum eo componi potest potentia ad actum illum contrarium, ut jam pluries inculcatum fuit.

XXVI. Qui verò contra pugnant ad libertatem arbitrii non requiri aliquam agentis indifferentiam, indifferentiæ nomine significare videntur, voluntatis *impulsus*, quum in hanc partem non magis quam in aliam propendet, & huc non magis quam illuc flexilis est, qua in re nullus eorum qui in Scholis Christianis Theologi nomen ferunt, libertatem unquam constituit.

XXVII. Et similiter quum dicunt falsum esse quod agens liberum, positis omnibus quæ sunt ad agendum requisita, possit agere, & non agere, hoc & illud agere, sententia eorum non est, per ea quæ ad agendum præparant & impellunt, ab agente libero tolli facultatem aliter agendi, aut actionem suspendendi: quandoquidem agnoscunt facultatem illam per actum ipsum non tolli; nedum per ea quæ ad agendum impellunt. Nec enim negant eum qui per Dei gratiam agentis miseretur, in se semper habere potestatem non miserendi, & qui mundi hujus voluptates contemnit, retinere facultatem illas quærendi atque amplectendi, quæ per divinam gratiam ab eo non aufertur. Adeoque non aliud intendunt quam hoc, positis omnibus quæ requiruntur ad agendum, contingere non posse ut agens liberum non agat: licet alioqui maneat in eo facultas qua posset non agere, aut aliter agere. Exempli gratia, fieri non posse quin positis omnibus quæ ex parte Dei necessaria sunt ad fidem & conversionem hominis producendam, homo convertatur & credat; quanquam semper, & etiam quum credit & convertitur, in eo maneat facultas, qua non credere & non converti posset.

XXVIII. Unde patet hos Theologos, quum negant libertatem consistere in quadam agentis indifferentia, duo tantum ob oculos habere, quorum unum est libertatem non consistere in ejus qui liber dicitur incipiti statu, in quo non magis inclinatur & propendet ad agendum, quam ad non agendum: alterum, posita gratiæ & providentiæ divini

motione & efficacia, & etiam proprii iudicii dictamine, contingere non posse ut agens liberum non agat id ad quod, tum efficacia illa motione Dei, tum iudicio proprio, impellitur; quod utrumque ultro fatentur illi ex Reformatis qui occent arbitrii libertate includi quamdam ad agendum indifferentiam. Et Rursus ex dictis non minus evidens est Doctores illos qui tuerent istam indifferentiam hoc solum in animo habere quod divina motio, & practicae mentis iudicium sic hominem ad agendum movent, ut ex una parte quidem certo & infallibiliter agat, ex altera tamen non tollatur ab eo facultas non agendi, aut aliter agendi. Non secus ac quum homo reipsa agit, eadem facultas non tollitur ab eo per actum ipsum ad quem motus & impulsus est.

XXIX. Ex omnibus autem hisce manifestum est Reformatorum hac in parte doctrinam recte expositam atque intellectam, & ex mente eorum à quibus proponitur, reipsa non differre à sententia eorum qui in Schola Romana receptiores Thomistae appellantur. Quamvis enim contendant libertatem opponi non coactioni solum, sed necessitati quoque naturali & proprie dictae, nihilominus agnoscunt positum omnibus quae sunt ad agendum praerquiri, necessarium sequi actum creaturae liberae necessitate quadam infallibilitatis. Quia licet agens liberum semper in se retineat potestatem non agendi, etiam quum reipsa agit, & à fortiori quum est in proximo ad agendum; positum tamen omnibus quae, tum ex parte Dei, tum ex parte intellectus praerquiruntur ut voluntas agat, agit illa certo & infallibiliter & impossibile est actionem ejus non sequi. Nempe ex eorum doctrina, cum omnibus illis quae sunt ad agendum praerquiritur optime conjungi & consistere potest potentia non agendi, aut aliter agendi, non tamen carentia actus, & multo minus actus contrarius.

XXX. Adeoque per indifferentiam ad agendum, vel non agendum, in qua ex eorum mente libertas constituenda est, aut quae saltem libertati est necessario juncta, non aliam intelligunt, quam quae supra jam descripta fuit. Nimirum neque talem per quam causa libera concipiatur dubia & anceps an agat, vel non agat; neque etiam per quam positum omnibus quae sunt ad agendum requiratur, contingere possit ut agens liberum tam non agat, quam agat; sed quae non aliud sit quam vera non agendi, & aliter agendi potestas, quae manet in causa libera, quum positum omnibus quae ad agendum requiruntur, non solum est in proximo ut agat, sed etiam infallibiliter & certo actura est, prout Alvarez suam hac de re sententiam clare admodum & discrete exponit in summa operis de auxiliis divinae gratiae, lib. 4. cap. 14. unde desumpta sunt verba quae ex eodem Alvarez superiori disputatione à nobis relata sunt.

XXXI. Ac profecto eandem plane hic esse sententiam Didaci istius Alvarez, & aliorum qui cum eo recentiores Thomistae nuncupantur, cum sententia Doctorum Ecclesiae Reformatae, testis idoneus est Vir Doctissimus Andreas Riverus ante annos quatuordecim in Academia Leydensi Professor, dum non aliis verbis quam quae sunt ex ipso Alvarez desumpta, mentem suam de arbitrii humani libertate exprimere voluit. In summa controversiarum tract. 4. quaest. 3. Fatetur enim tolerari posse definitionem liberi arbitrii per quam dicitur facultas voluntatis quae, positum omnibus ad agendum praerquisitis, possit agere aut non agere, dummodo id intelligatur non in sensu composito, sed in sensu diviso, Nempe, inquit, si quis dicat positum omnibus antecedenter requisitis, secundum ordinem rationis, vel temporis ad actum, liberum arbitrium posse operari, vel non operari, ita videlicet ut cum eisdem praerquisitis sit simul in libero arbitrio facultas & potentia, quae possit operari, vel non operari si velit, ut distinguit Didacus Alvarez, quia etiam motio Dei efficax quae a talem actum voluntas determinatur, non tollit à libero arbitrio facultatem operandi illum actum vel operandi actum contrarium, sed solum efficit, quod cum liberum arbitrium possit operari vel non operari talem actum infallibiliter, liberè tamen operetur illum. Quod cum facit, manet potentia ad alium, quia ad tales actus non est naturaliter determinata. Nam ut ait idem, in causa contingenti & libera, simul est potentia ad unumquemque oppositum, non tamen est potentia ad opposita simul habenda, quia potentia ad actum unum, non repugnat potentiae ad actum contrarium, nec etiam repugnat actui contrario, actus autem contrarii repugnant inter se in eodem subiecto; unde liberum arbitrium creatum non solum antequam determinetur ad unum actum, sed etiam in ipso instanti, in quo determinatur à Deo, & seipsum determinat ad eundem actum, simul habet potentiam quae potest actum contrarium producere si velit, non tamen ad actum contrarium simul habendum, quia duo actus contrarii simul in eadem potentia esse non possunt, sed successivè. Quae omnia verba ex Didaco Alvarez vel expresse citata, vel saltem mutuata sunt, ut & illud quod subiungit tanquam ejusdem doctoris conclusionem quae ipsi probatur, nempe, non esse de ratione liberi arbitrii, aut definitione ejus, quod positum omnibus secundum ordinem

nem casualitatis antecedenter prærequisitis ad operandum talem actum, possit enim actum non operari in sensu composito, si compositio fiat inter huiusmodi prærequisita, & earentiam talis actus, seu actum contrarium, id est, cum auxilio Dei efficaci, non simul stare quod liberum arbitrium non producat actum dilectionis, aut eliciat actum dilectionis Dei contrarium.

XXXII. Nulla ergo Reformatis controversia superest, quæ realis sit & alicujus momenti, nisi cum iis qui in Schola Romana Molinistæ dicuntur, denominatione sumpta à Ludovico Molina Jesuita celeberrimo, qui ante annos centum circiter scripsit & docuit. Quippe indifferentiam ad agendum & non agendum, in qualibet arbitrio consistit, & volgatam definitionem per quam dicitur esse *id quod, positis omnibus ad agendum prærequisitis, potest voluntas agere & non agere, hoc aut illud agere*, longe aliter intelligunt quam Thomistæ recentiores, ut præcedenti disputatione manifestum fecimus.

XXXIII. Patentur quidem cum aliis per indifferentiam de qua hic quæstio est, non significari eam voluntatis constitutionem per quam non magis huc propendat quam illuc, sed inter duo opposita hæreat, quasi suspensa in æquilibrium: cum agnoscant libertati nihil præjudicari per habitus quibus voluntas ad hoc potius quam illud agendum fortiter inclinatur, & diffculter aliò ferri potest. Ex præterea non negant in sensu quodam composito falsum esse quod voluntas possit agere & non agere, hoc & illud agere; nempe, si quis per hoc significari putet actum & ejus earentiam, aut duos actus contrarios in voluntate simul stare & componi posse. Admittunt quæque per indifferentiam in qua libertatis essentia consistit, non intelligi potestatem bene vel male agendi. Agnoscunt enim libertatem arbitrii manere etiam in eo qui non potest bene agere, ut in spiritibus damnatis: & multo magis adhuc illam in eo reperiri qui male agere non potest, ut in sanctis qui faciem Dei vident, & cum eo in coelo regnant.

XXXIV. Sed acriter defendunt voluntatem in se sic indeterminatam & indifferentem esse, ut positis omnibus ad agendum prærequisitis, live ex parte Dei, live ex parte objecti, live ex parte intellectus, fieri possit & sæpe etiam eveniat, ut voluntas non agat: adeoque nihil esse eorum quæ voluntatem antecedenter ad agendum movent atque incitant, quo posito non possit voluntatis actio non sequi, & sæpius etiam reapse non sequatur: & sic cum omnibus illis quæ actionem voluntatis præcedunt, & ad eam prærequiruntur, revera conjungi & componi posse, non solum potestatem ad non agendum aut aliud agendum; sed ipsam actus earentiam, & actum quoque contrarium. Quod negant, ut satis liquet ex antedictis, non solum Reformati, verum etiam Thomistæ illi recentiores. Quippe sentiunt cum iis quæ vel ex parte Dei vel ex parte intellectus ad agendum necessaria sunt, posse quidem in voluntate consistere potestatem non agendi, vel agendi oppositum; sed tamen iis positis voluntatem semper agere, nec fieri posse ut aliter eveniat: quoniam ex hac hypothesis voluntas agit certò & infallibiliter, licet in se retineat non agendi potentiam.

XXXV. Porro cum iis ista apud Romanos Pontifices, & cæterum Cardinalium ad hoc deputatorum sæpe fuerit mota & agitata, hæc tamen illum nondum desinierunt, & licitum fuisse eis voluerunt hanc aut illam sententiam pro arbitrio tenere & tueri. Quamquam sicut sub hujus sæculi initium & præcedentis finem Thomistarum sententia favere visi sunt Romani Pontifices Paulus V. & Clemens VIII. Sic postremis hisce annis oppositæ doctrinæ magis favisse videntur eorum successores Innocentius X. & Alexander VII. Un' e factum est ut jam in Schola Romana longè communior evaserit, & à maxima parte Theologorum teneatur.

XXXVI. Ac præterea sicut hac in parte communibus armis Molinistæ impugnant cum Reformatis illi qui Dordracenæ Synodo subscribunt, nonnulli Doctores Ecclesiæ Romanæ, ut qui vocantur Jansenistæ, & Thomistæ illi quoque recentiores: sic à parte Molinistarum itant, & eorum in hac quæstione doctrinam acerrimè defendunt illi ex Reformatis qui in Belgio dicuntur Remonstrantes live Arminiani, alique qui Dordracenam Synodum non sequuntur.

XXXVII. Eorum autem sententia hoc præcipue nomine à Scholæ Reformatæ Doctores rejicitur quod divinæ gratiæ efficaciam minuit, & libero arbitrio plus tribuit quam par est in salutis negotio. Etenim scriptura docente, quicquid in nobis boni est, in solidum divinæ gratiæ acceptum ferri debet; juxta illud Apostoli, *Quid habes quod non accepisti?* sed ex ista doctrina sequitur, quod homo possit credere & Deum diligere, tribuendum esse quidem gratiæ auxiliis, hominem ad fidem & dilectionem moventibus & excitantibus, verum quod homo gratiæ moventi consentiat & ad credendum &

Deum diligendum sese determinet, sic à libertate arbitrii pendere, ut gratiæ divinæ propriæ effectus non sit, quandoquidem posita gratia consensus illi sæpe non consequitur; & ita gratia divina dici potest tantum ejus conditio, vel causa sine qua non.

XXXVIII. Præterea scriptura docet gratiam divinam esse quæ discrimen inter homines ponit, inter eos scilicet qui convertuntur & qui non convertuntur, inter credentes atque incredulos, inter eos qui Deo vocanti parent & eos qui illi resistunt: secundum illud Pauli, *Quis te discernis?* sed ex doctrina eorum de quibus jam agimus, sequitur non gratiam divinam, sed simpliciter voluntatem humanam hoc discrimen inter homines constituere. Supponit enim æquali gratia pluribus oblata, hunc credere, illum non credere; hunc converti, illum non converti: Et consequenter quod hic potius quam ille credit & convertitur, ad aliquam gratiæ efficaciam referri non debere, sed solum ad liberam voluntatis humanæ determinationem; quia nimirum hic gratiæ moventi & prævenienti consentire voluit, ille vero noluit.

XXXIX. Adde quod si gratia divina sic tantum homines movet, præparat & incitat ad volendum & perficiendum ea quæ Deus jubet, ut tamen ipsum velle & perficere, ea posita, possit in homine non sequi, & de facto sæpe non sequatur, operatur illa quidem in homine vires seu dispositiones necessarias ad bonum volendum & perficiendum, non autem ipsum velle & perficere. Sed Apostolus contra testatur, *Deum esse qui operatur in nobis & velle & perficere pro bona voluntate.* Phil. 2. 13.

XL. Denique si positis omnibus ad agendum prærequisitis, etiam ex parte Dei, non exciua qualibet gratiæ efficacia, semper contingere potest ut voluntas non agat, nulla datur Dei gratia saltem ordinaria, quam infallibiliter & certò sequatur hominis conversio, & qua qui donantur omnes, nullo excepto, ad Christum veniant. Sed contra Christus ipse docet esse quandam Dei gratiam, quam nemo accipit qui non veniat ad ipsum. Nam *quicumque*, inquit, *audivit & didicit à Patre venit ad me*, Joannis capite sexto.

XLI. Et certe si multi eorum qui per Patris gratiam trahuntur & intus à Deo docentur, in Christum tamen non credunt, nec ad eum veniunt, quomodo Christus ibidem hanc rationem asserret cur non omnes qui audiunt Evangelium ad ipsum veniant; quod, scilicet necesse sit illos qui ad ipsum veniunt à Patre trahi & doceri? *Nolite*, inquit, *murmurare inter vos. Nemo potest venire ad me, nisi Pater qui misit me traxerit eum. Est scriptum in Prophetis, Et erunt omnes docti à Deo. Omnis ergo qui audivit à Patre & didicit venit ad me.* Profectò si illi ipsi qui non credunt Evangelio per Patris gratiam trahuntur, absurdum esset dicere, Ne miremini quod isti & illi quibus prædicatum fuit Evangelium in Evangelium tamen non crediderunt; quoniam necesse est eos qui credunt in Evangelium per gratiam divinam trahi.

XLII. Cum ergo sit quædam divina gratia, & quidem electis omnibus communis, ad cujus motionem atque impulsionem hominis conversio infallibiliter & certò consequitur; & tamen omnium consensu conversio hominis ad Deum sit liberæ voluntatis actus: planum est libertatem in eo male constitui, quod positis omnibus ad agendum prærequisitis ipsaque ordinaria gratiæ motione, voluntas semper possit tam non agere quam agere, non tantum in sensu diviso sed in sensu quoque composito, ita ut cum illa gratiæ motione conjungi possit carentia actus ad quem hominem moveret.

XLIII. Itaque vulgata illa descriptione Liberi Arbitrii per quam definitur facultas qua positis omnibus ad agendum prærequisitis, potest aliquis agere & non agere, hoc aut illud agere, turior est ea quam substituit Alvarez, *Liberum arbitrium est facultas voluntatis & rationis ad utrumlibet agendum vel non agendum, & agendum unum vel alterum.* Aut etiam illa Bellarmini, *Liberum arbitrium est libera potestas ex his quæ ad finem aliquem conducunt unum præ alio eligendi, aut unum & idem repudiandi vel acceptandi pro arbitrio nostro, ad magnam Dei gloriam attributa vel concessa.*

THESES THEOLOGICÆ

In quibus inquiritur,

Quomodo Divinus Concurfus &

Cooperatio

CUM

ARBITRII HUMANI

Libertate Conciliari possit.

Et ea de re varia Scholarum placita referuntur.

THESIS I

DURANDUS, Vir inter Veteres Scholasticos celebris, censuit & docuit Deum cum causis secundis concurrere remotè & mediate solum; nempe quia rebus omnibus propriam naturam & essentiam dedit, & facultatem agendi contulit, ac utramque Virtute sua continuo conservat: ea lege, ut creaturæ singulæ Virtute semel à Deo indita, & perpetuo conservatâ, proprios motus deinceps obeant: absque eo quod Deus earum actus & effectus immediate & per se attingat: Unde sequitur Deum actuum creaturæ causam tantum remotam esse; solam vero creaturam causam proximam & immediatam.

II. Inter recentiores vero Ludovicus quidam à Dola ex ordine Capucinatorum, cujus liber cum multis Doctorum approbationibus in lucem editus est, ad illam Durandi sententiam accedit. Dicit enim, *Deum cum homine in agendo concurrere nihil aliud esse quam Vel liberum arbitrium creare, ut in actibus naturalibus, Vel dare in supernaturalibus potentiam, seu habitum agendi, per quam ipsa Voluntas totum faciat in omni actu supernaturali, absque ullo alio Dei concursu immediato actionem actu promovente.* Prout hujus Viri Verba referuntur à Samuele Retorforti Theologiæ Professore in Academia Andreatopolitana, Disputatione Scholastica de divina providentiâ, cap. 25.

III. Porro, juxta hos Doctores nulla est difficultas in conciliando divino concursu cum libertate actuum humanorum, quandoquidem Deus ad illos immediate non concurrat, sed mediate tantum per liberum arbitrium quod semel creavit & perpetuo conservat.

IV. Verum ista opinio communiter in Schola Romana rejicitur. Paucissimis enim exceptis, consentiunt Doctores Ecclesiæ Romanæ tum Veteres tum recentiores, Deum ita cooperari causis secundis ut nulla sit actio causæ secundæ quæ proxime non procedat à Deo sicut & à causa secunda, & nullam actionem posse à creatura exerceri, nisi Deus cum creatura conferat Esse illi actioni, & quidem per se & immediate.

V. Istud autem colligunt ex quibusdam Scripturæ locis. Præcipuus ille est qui habetur Act. 17. 28. *In ipso vivimus & movemur & sumus.* Quum enim dicit Apostolus nos in Deo, id est, per illum & esse & vivere, satis docet Deum esse qui & naturam & facultates omnes nobis initio dedit & jugiter conservat; adeoque quum addit nos quoque in Deo moveri, plane docere videtur omnes nostros motus atque actiones sic ut naturam ipsam, immediate à Deo procedere, & Virtute illius fieri.

VI. Huc etiam referunt quod dicit Christus Joan. 5. 17. *Pater meus usque modò operatur & ego operor.* Etenim jugis illa operatio quæ ibi Deo tribuitur, commodius exponi

exponi non potest quam de influxu continuo quo Deus ad omnes rerum creaturarum actiones concurrat easque cum illis producat: præsertim cum manifestum sit Christum illis intelligere operationem similem ejus quam modò in sanatione claudi exercuerat.

VII. Idem præterea inferri posse putant ex omnibus istis locis ubi Scriptura Deo singulariter tribuit ea quæ quotidie fiunt in natura per causas secundas. Ut quum Psalm. 104. dicitur *Deus rigare montes de superioribus suis; producere fœnum jumentis & herbam quæ homini serviat*, Et Psalm. 135. *Educere nubes ab extremo terre, fulgura in viam facere; Et producat: Ventos de thesauris suis*. Et in Novo Testamento *scænum agri circumvespire*, id est, ornare floribus, Et *Unicuique seminum dare proprium corpus*, Matth. 6. 30. 1 Cor. 15. 38. Nec enim videtur Scriptura his & similibus modis loquendi usura fuisse, si in ejusmodi rebus nulla singularis & immediata Dei actio interveniret: nec aliam causam haberent proximam & immediatam, quam naturam ipsam à Deo creatam.

VIII. Istis vero Scripturæ sacræ testimoniis addunt etiam argumentum à ratione naturali peritum, sic enim ratiocinantur. Nullæ substantiæ creatæ in rerum natura permanere possunt, nisi Deus illas immediate, influxu suo conservet: multò magis ergo simili influxu egent substantiarum motus & actiones: quomodo enim verum esse posset accidentia minus à Deo pendere ad sui conservationem quam ipsas substantias? Cum vero id quod ad conservationem rei est necessarium, majori cum ratione necessarium sit ad primam ejusdem rei productionem: inde consequens est ut nihil omnino à causis secundis valeat produci, nisi simul actualis immediatusque influxus causæ primæ interveniat.

IX. Ex his & similibus, communi jam fere consensu, concludunt Doctores Ecclesiæ Romanæ Deum cum causis omnibus secundis, sive necessariis, sive liberis, aut contingentibus, ad singulos eorum actus concurrere & cooperari, & quidem proximè & immediate. Attamen quum quaeritur quæ sit illa causa primæ cum causæ secunda cooperatio, & qua in re consistat, magna reperitur inter Doctores Scholasticos sententiarum varietas.

X. Thomas & perique illius sequaces quales præcipue sunt Dominicani, docent ad divinum concursum explicandum, non satis esse si dicamus simpliciter, Deum influere in actus & effectus varia causarum secundarum, illisque, tribuere & conservare suum esse sicut ipsas causas secundas & earum Virtutes creavit & conservat: Sed præterea requiri contendunt, ut Deus ipsas causas secundas præmoveat & applicet ad opus, absque quo nihil illæ profus acturæ forent. Hoc enim exigere dependentiam causarum secundarum à Deo, ut à primo movente. Quippe ex eorum mente Deus propterea dicitur primum movens, quia ipse omnes alias causas antecedenter movet & applicat ad operationes suas, adeoque prius natura, etsi non tempore, effectus omnes causarum secundarum producit. Ut loquitur Eltius in 2. Sententia ad distinct. 24. paragr. 14.

XI. Quæ videtur esse Doctrina Catechismi ipsius Romani Tridentini Concilii jussu in lucem editi, cujus hæc Verba sunt in explicatione Symboli ad primum articulum sub finem. *Non solum Deus Univerſa quæ sunt providentiæ suæ tueretur atque administrat, Verum etiam quæ moventur & agunt aliquid, intima Virtute ad motum atque actionem ita impellit at quamvis causarum secundarum efficientiam non impediatur, præveniens tamen: cum ejus occultissima Vis ad singula pertineat, & quemadmodum sapiens testatur, Attingat à fine usque ad finem fortiter, &c.*

XII. Igitur illi volunt Deum citere atque applicare causam secundam ad agendum, & ratione ac natura prius quam creatura operetur, illam à Deo moveri efficaciter in singulis ejus actionibus, Deumque esse qui agit & facit ut creatura agat & faciat quicquid illa facit & agit: ita ut sine hac Dei præmotione nihil omnino possit agere creatura, & data hac præmotione impossibile sit in sensu composito causam secundam non illud agere & facere, ad quod à prima causa præmoveatur.

XIII. Cum vero juxta eorum sententiam, divina ista præmotio locum habeat non minus in agentibus liberis quam in necessariis, inde oritur non parva difficultas, quomodo istud cum creaturarum libertate consistere possit. Si enim Voluntas nostra nihil agere potest, nisi à Deo prius moveatur, atque ad opus applicetur, quomodo censeri poterit domina sui actus, & indifferens esse ad agendum, vel non agendum; quandoquidem non habet in sua potestate divinam illam motionem & applicationem, quæ ad singulos ejus actus prærequiritur? Et rursus quum Deus voluntatem movet & applicat ad opus, qui possit dici Voluntas liberè operari, cum non possit non operari, & motioni divinæ resistere?

XIV. Bellarminus

XIV. Bellarminus ut difficultatem illam solvat, dicit influxum, seu Virtutem Dei, qua voluntas movetur & applicatur ad opus, recipi in causis secundis secundum illarum dispositionem. Illa vero dispositio secundum quam recipitur in Voluntate motus Dei, Bellarmino nihil aliud est quam negativa quadam determinatio præcedens tum influxum Dei, tum actum elicitem Voluntatis. Nimirum illa ex ejus sensu, in eo consistit, quod Voluntas sinat se moveri ab objecto per rationem ipsi proposito, vel ab eo se moveri, non sinat. Quam determinationem dicit esse negativam, quia non consistit in actu positivo, sed in negatione actus; cum tamen Voluntas non minus sit libera ut agar, quam ut non agar. Unde fieri putat ut Voluntas sit verè libera, & ipsa se determinet tamen si Deus illam moveat & applicet ad opus, quia, scilicet, ipsa Dei motio in ejus potestate est. Nam, inquit, si se moveri sinat ab objecto proposito, Deus eam applicat & movet, ad actum eligendum: si non sinat, Deus eam non applicat neque movet: ad hoc, scilicet Deus se libere obligavit, quando liberam Voluntatem creavit. De Liber. Arbitr. lib. 4. cap. 16.

XV. Itaque ad argumentum, ex Bellarmini mente, dicendum est, quamquam Voluntas ad agendum egeat Dei motione prævia, & applicatione ad opus, illam tamen semper esse actus sui dominam; quia nimirum motionem illam quadantenus habet in sua potestate, qua ratione jam expositum est. Et quamvis posita Dei motione impossibile sit quin voluntas moveatur, voluntatem tamen semper in agendo liberam esse, quia fuit in ejus potestate à Deo non moveri; nempe se non disponendo per negativam illam determinationem ad motionem Dei recipiendam, quod erat penes voluntatem.

XVI. Verum ista Bellarmini solutio non placet multis eorum qui cum Thomà sentiunt, Voluntati, ut reliquis omnibus causis secundis, necessarium esse ad agendum præviam quandam Dei motionem & applicationem. Stantunt enim Deum, absque ulla consideratione illiusmodi negativæ determinationis quæ in Voluntate creata præcesserit. Voluntatem pro suo arbitrio movere; neque movere simpliciter, sed ad sic, vel sic operandum efficaciter impellere: ita ut Voluntas ad hoc, & non aliud agendum, hoc volendum, illud nolendum à Deo determinetur, prius naturâ quam ipsa se determinet.

XVII. Et hæc est quæ ab ipsis dicitur *Prædeterminatio*, quam etiam *Physicam* appellant, non prout *Physicam*, id est, naturale opponitur *Supernaturali*, sed prout *Physicam* opponitur *Moralis*. Nimirum volunt Deum Voluntates creatas ad agendum prædeterminare, non simpliciter objectum proponendo, suadendo, alliciendo, quæ sunt Causæ *Moralis* propria; sed immediatè ipsam Voluntatem movendo & actionem veram, realem & propriè dictam in eam exercendo, quod est proprium causæ quæ *Physica* vocatur.

XVIII. Istiusmodi vero prædeterminationem locum habere volunt non tantum in actibus bonis causarum liberarum, sed etiam in malis. Cum enim existimemus tam esse causæ secundæ dependentiam à prima ut nihil omnino operari possit, nisi à prima moveatur, & ad agendum applicetur tanquam illius instrumentum, huic suo dogmati consentaneè docent, etiam ad actus illos quibus adheret aliqua malitia & pravitas, Voluntatem creatam sic à Deo præmoveri & prædeterminari, ut posita Dei motione, illam hoc & illud agere necesse sit.

XIX. Inde tamen sequi negant Deum esse peccati auctorem: quoniam Deus in actu peccati non aliud efficit quam id quod in eo est positivum, adeoque bonum; ac proinde non ad aliud movet & determinat: pravitas vero & vitiositas quæ tali actui adheret, non est aliquid positivum, quod opus habeat causâ propriè efficientem, sed solum rectitudinis debitorum privatio, quæ ex defectu creatæ Voluntatis oritur.

XX. Hanc doctrinam accuratè & distinctè tradidit Didacus Alvares in Summa Operis de Auxiliis divinæ gratiæ libro secundo. Etenim in eo libro capitis septimi Lemma est, *Quod Deus prævia motione Voluntati creatæ inherente eam ad modum causæ Physicæ moveat, applicet, seu prædeterminet ad omnes actus suos bonos in particulari, salvâ ipsius libertate*. Et in eo capite hæc sunt illius verba, *Per hanc motionem & applicationem Deus transmutat realiter Voluntatem de uno in aliud, & facit illam de Nolente Volentem*. Item, *Deus hac actuali motione efficaci ad modum causæ Physicæ, id est, verè efficienter, prædeterminat hominis Voluntatem ad liberos actus bonos, ut Voluntas à Deo mota per hujusmodi auxilium se libere & infallibiliter determinet ad actum secundum libere præcedendum*.

XXI. Caput vero nonum hunc titulum præfert, *Quod Deus prævia motione liberum arbitrium, verè efficienter, sive ad modum causæ Physicæ, præmoveat ad actum peccati, in quantum actus, & ut ens est*. Ipsum vero caput incipit his verbis, *Quæ dicta sunt de prædeterminatione*

determinatione Voluntas ad actus bonos, extendi debent ad actum peccati, in quantum actus & ens est. Unde quicquid entitatis reperitur in quocunque actu peccati, etiam si actus sit intrinsece malus, debet reduci in Deum, tanquam in primam causam præmoven-tem, & prædeterminantem actuali motione Voluntatem creatam ad talem actum in quantum actus est, & secundum quod est ens. Postea vero ostensurus quomodo ex eo quod Deus est causa prima præmovens, & prædeterminans voluntatem creatam ad actum intrinsece malum, exempli gratia ad actum blasphemiae, aut odii in Deum, non sequitur Deum esse causam malitiae moralis quæ talibus actibus inest, dicit *deformitatem peccati, seu malitiam moralem non sequi intrinsece, & ex natura rei ad actum blasphemiae vel odii Dei, secundum suam essentiam, ut actus est; neque ut est ens in genere naturæ, etiam in individuo; sed ut procedit à voluntate creata deficiente; & ideo in voluntatem deficientem, & non in Deum, debere refundi malitiam moralem, & defectum peccati.*

XXII. Atque his consentanea sunt quæ leguntur apud Eustum loco supra citato ubi exposita eadem sententia, & multis in illius confirmationem adductis, sic concludit, & adversus voluntatis humanæ libertatem sibi objicit, Cum igitur ex dictis pateat voluntatem nostram ad actiones suas efficaciter moveri & determinari à Deo tanquam prima causa, primoque agente, movente, deliberante, & proinde ab eo præveniri ac prædeterminari, restat explicandum quomodo cum efficaci illa motione, ac determinatione, imo præmotione ac prædeterminatione divinâ, consistat libertas voluntatis nostræ. Non enim videtur relinqui liberum ad utrumlibet id quod à priori causa efficaciter movetur & determinatur in alteram partem.

XXIII. Ad hoc vero respondet ad rationem liberi arbitrii; hoc sufficere, ut ex prævio iudicio intellectus practici, sic eligat unum oppositorum, ut tamen ex eisdem intellectu diversis iudicio possit eligere alterum; quia, scilicet, radix & fundamentum libertatis arbitrii est in intellectu, quatenus ille diversas boni rationes circa opposita potest considerare, & voluntati proponere, rationem vero liberi arbitrii non includere, ut dum agens liberum ex iudicio prævio eligit, ad sic iudicandum atque eligendum non moveatur ab aliqua causa superiori. Ac proinde cum motio Dei voluntatem prædeterminans non impediat quominus homo plenum atque perfectum habeat iudicium rationis, & iudicet aliud medium esse contingens, aliud autem cum fine ex necessitate connexum, & posset quoque ex diverso iudicio aliud eligere, hoc ipso, talem motionem libertati Voluntatis nostræ nihil officere. Quippe proprium esse Voluntatis increatæ ut electionem suam ab aliquo priori non habeat.

XXIV. Alia tamen ratione conciliare conatur Alvares Physicam illam Voluntatis humanæ prædeterminationem ad actus ipsius singulos per Dei moventis impulsus, cum libera ejusdem Voluntatis electione. Postquam enim hanc sibi objectionem proposuit, Si prævius ille Dei influxus in causam est necessarius, ut Voluntas operetur, sequitur quod sine illo operari non possit, & ita peribit ejus libertas, Respondet, Prævia illa motio, sive influxus immediatus in causam, non est necessarius ut Voluntas possit operari, si velit; id enim habet per propriam Virtutem, aut per habitus supernaturales; sed solum est necessarius ut actualiter operetur. Unde ex eo quod voluntas non moveatur à Deo prævia illa motione, non sequitur quod non possit velle, aut operari; sed solum infertur quod de facto non sit operatura.

XXV. Ejusdem vero libri cap. 6. Responsione ad secundum argumentum, ex eo quod Deus aliquem prædeterminavit ad hoc, vel illud volendum, negat sequi quod absolute loquendo, non sit in potestate ejus aliud velle, quamvis ex suppositione divinæ illius prædeterminationis, impossibile sit in sensu composito, quod velit aliud objectum. Uno verbo distinguit inter *velle & operari, & posse velle atque operari*; & concedit absque influxu illo prædeterminante voluntatem nunquam operari, cum eo vero voluntatem nunquam non operari: sed pertendit, cum illo voluntatem habere potestatem non operandi, & contra absque illo voluntatem habere potestatem operandi, scilicet in sensu diviso. Nimirum ex ejus mente, cum influxu isto prædeterminante stat potentia voluntatis ad non agendum aut aliter agendum; non ita vero actus oppositus, aut cessatio ab actu. Et vice versa, absque illo influxu manet in voluntate potentia agendi, licet absque illo nunquam in actum educatur. Inde autem colligit fieri ut omit- tens actum qui est in præcepto libere illum omitat, & peccet quia per auxilium sufficiens poterat implere illud præceptum; ex Dei autem misericordia poterat habere motionem illam ad agendum necessariam, sua vero culpa impeditur ne illi donaretur à Deo.

XXVI. Sed multo major pars Doctorem Ecclesie Romanæ sententiam istam hodie rejicit,*

rejecit, & pretendit influxum illum præmoventem & prædeterminantem voluntates hominum ad singulos ipsorum actus, humani arbitrii libertatem prorsus evertere; ac præterea inde sequi Deum esse peccati auctorem, ut qui, ex ista sententia, homines prædeterminet etiam ad actus intrinsecè malos, & quandam malè agendi necessitatem iis imponat.

XXVII. Itaque longe aliter de concursu illo Dei philosophantur. Primo enim statuunt, Deum cum causis secundis concurrentem & cooperantem non aliquid agere, aut imprimere in ipsam facultatem quæ agit, exempli gratia, in voluntatem nostram; sed tantum immediate influere & agere in ipsam actionem, & effectum causæ secundæ, eamque producere illo ipso momento quo producitur à causa secunda.

XXVIII. Deinde consequenter docent actionem causæ primæ concurrentis cum causa secunda, non esse actionem reipsa diversam ab actione causæ secundæ, sed illam ipsam actionem, quatenus esse suum à causa prima accipit. Ita quum Deus, verbi causa, cum voluntate concurrat in volendi, vel nolendi actu, ipse non exerit, ex eorum mente, actionem aliquam in voluntatem, distinctam ab actione voluntatis ipsius; sed tantum esse confert actioni voluntatis simul cum voluntate, & actionem illam conservat. Ac proinde divina hac in parte cooperatio non est aliquid diversum à volitione nostra, sed ipsa nostra volitio, quatenus à Deo immediate pendet quoad sui productionem & conservationem.

XXIX. Præterea, quod etiam manifestè sequitur ex dictis, negant causam secundam à causa prima ad agendum moveri, aut ab eadem in agendo ad talem actionem edendam determinari. Adeoque, juxta eorum sententiam, causa secunda, & proinde voluntas, non ideo operatur quia Deus illam movet, & applicat ad agendum; sed potius Deus illi cooperatur, quia ipsa sese ad agendum disponit. Concursus autem & influxus divinus est aliquid ex se indifferentes, quod à causis secundis ad varias actionum species determinatur.

XXX. Hæc & plura ejusdem generis prolixius diducta & exposita videre est apud Ludovicum Molinam in Concordia Liberi Arbitrii cum gratiæ donis, &c. quæst. 14. disputat. 26. Ubi affirmat primo Deum ita cum causis secundis concurrere ad earum operationes & effectus, ut quemadmodum causa secunda immediate elicit suam operationem, & per eam terminum, seu effectum producit; sic Deus concursu quodam generali immediate influat cum ea in eandem operationem, & per operationem, seu actionem, terminum illius, seu effectum producat. Secundo, Deum, quando concurrat cum causis secundis, influere ut causam universalem, influxu quodam indifferenti ad varias actiones & effectus, determinari verò influxum illum generalem ad diversas species actionum & effectuum à particulari influxu causarum secundarum, qui pro diversitate virtutis cujusque ad agendum diversus est. Non secus ac influxus solis qui etiam universalis est, determinatur ab influxu hominis, ut producat homo; & ab influxu equi, ut oriatur equus. Quod si causa libera sit, in ipsius potestate esse ita influere, ut producatur potius hæc actio quam illa, puta velle, quam nolle, aut ambulare, quam sedere, & hic effectus potius quam ille, nempe hoc artefactum, potius quam aliud; Vel etiam suspendere omnino influxum, ne ulla sit actio. Tercio, ad nullius effectus productionem satis esse influxum Dei per concursum universalem, sine influxu causæ secundæ particularis à qua determinatur, neque vicissim influxum causæ particularis, sine influxu Dei per concursum universalem, quo adjuvetur, & quem de lege ordinaria statuit nunquam denegare. Hos verò duos influxus mutuo ab invicem pendere, ut in rerum natura existant: imo non esse duas actiones, sed unam numero actionem, quæ ut est à Deo illo modo influente, dicitur concursus generalis; ut verò à causa secunda, puta ab igne calefaciente, dicitur concursus, seu influxus ignis. Neque actionem illam habere quod sit hujus speciei, nempe calefactio, potius quam frigefactio, quia est à Deo per concursum universalem, sed quia est ab igne cum Deo cooperante per suam particularem virtutem.

XXXI. Doctores autem illi ex hac sua concursus divini explicatione, putant se facile ostendere posse, quomodo cum actuum humanorum libertate concursus ille conciliari possit. Cum enim duplex tribui soleat voluntati libertas, una scilicet, quoad exercitium actus, & altera quoad ejus specificationem, neutri quicquam præjudicat concursus divinus ita explicatus. Non priori quæ est quoad exercitium, quandoquidem iste concursus necessitatem agendi voluntati non imponit: siquidem voluntas non operatur quia Deus operatur, sed potius è converso ideo Deus operatur,

quia Voluntas operatur, quamvis alioqui in eodem momento temporis & naturæ, Deus & Voluntas operari incipiant. Quod Scholasticis* vocibus sic exprimunt, voluntatem prius natura operari quam Deum, non prioritate instantis in quo, sed à quo.

XXXII. Quamvis verò Voluntas, sine Deo concurrente, nihil omnino possit, ex lege tamen à Deo, cum liberam illam condidit, constituta, concursus ille semper ipsi præsto est, quia Deus voluit, & ab æterno decrevit ad omne opus liberæ voluntatis concurrere, quando ad operandum ipsa se determinaverit. Nec minus eadem Voluntas libera est quoad actus sui specificationem. Quod enim voluntas bene vel male agit, istud potius fugit quam appetit, ex vi quadam divini concursus non procedit, sed ex propria Voluntatis determinatione, quæ ad hujus potius quam alterius speciei actionem edendam, concursu divino ex se indifferenti libere utitur.

XXXIII. Quod ad Reformatos attinet, qui in Belgio *Remonstrantes* dicuntur, sive *Arminiani*, non alium Dei concursum cum causis secundis agnoscunt quam illum generalem atque indifferentem, & qui à causæ secundæ concursu determinetur. Id videre est apud Jacobum Arminium, a quo reliqui omnes denominantur. Nam contra Perkinsum disputans, non tantum affirmat concursum illum Dei ex se indifferentem esse, sed cum quoque nihil conferre voluntati creaturæ, quo ad agendum vel inclinatur, vel juvetur, vel confortetur, & voluntatem creatam habere Dei concursum in potestate sua, priusquam operetur, paratum sibi & expositum. In Antiperkinio pag. 733. Quibus similia docent Grevinchovius contra Amesium sect. 32. pag. 368. Et Corvinius contra Tilenum cap. 9. pag. 354.

XXXIV. Sed & ex iis Reformatis qui Dordracenæ Synodo subscribunt, nonnulli hac in parte idem sentire videntur cum Molinistis & Remonstrantibus, neque alium Dei generalem cum causis secundis concursum agnoscere, quam simultaneum, atque indifferentem, quo Deus non in causam ipsam, sed in actum ejus cum ipsa influat, quique causam secundam ad hanc, vel illam actus speciem non determinet, sed a causâ secunda pro illius natura, aut etiam libertate, variè modificetur.

XXXV. Hac saltem est procul omni dubio sententia Roberti Baronii Scoti, dum viveret, in Academia Alredonenſi Theologiæ Professoris, ut videre est in ejus *Metaphysica* ad Theologiæ usum accommodata; ubi de Dei concursu, adeoque de ejus cum arbitrii nostri libertate concordia, idem omnino se sentire profiteretur cum Fonseca & Suarezio, nempe concursum illum ex se indifferentem esse, & a causâ secunda ad certam actionis speciem determinari: neque opus esse ut Deus causas secundas præmovere, sed sufficere ut simul cum iis in earum effectus & actiones influat: adeoque Dei concursum & influxum revera non aliud esse quam ipsam causæ secundæ actionem, in quantum à prima causâ, simul cum secunda, esse suum accipit, & ab ea dependet. Sectione octava, Disp. 3. De concursu seu cooperatione Dei.

XXXVI. Nec multum abesse videtur ab ista Sententia Joannes Strangius Scotus, etiam ipse & in Academia Glasguenſi Professor. Quanquam enim censeat actionem ad quam Deus & creatura simul concurrunt, prius natura esse à Deo, quam à creatura, & influxum Dei in actionem illam, esse naturâ priorem quam influxum creaturæ; & præterea neget Deum concurrere tantum generali influxu; ut sol eodem modo concurrat ad generationem hominis & equi: sed influxum Dei statuat specialem ad speciales effectus, prout specie distinguuntur, non moraliter, sed Physicè, multis tamen contendit & probat ad omnes & singulos creaturarum actus, necessariam non esse illam Dei præmotionem, & prædeterminationem, quam Thomæ Schola tuetur & defendit. * *De voluntate & actionibus Dei circa peccatum lib. cap. 11. † Lib. 2. cap. 3.*

XXXVII. Per præmotionem autem & prædeterminationem illam declarat se intelligere actionem Dei, qua Deus ciet & applicat secundam causam ad agendum, adeoque prius natura & ratione quam creatura operetur, eam realiter & efficaciter movet ad singulas ejus actiones, agens & faciens ut creatura agat & faciat quicquid illa agit & facit: ita ut sine hac Dei præmotione nihil prorsus possit agere creatura; illa verò posita, impossibile sit in sensu composito causam secundam illud non agere ad quod à causâ prima præmoveretur. Ejusmodi præmotionem & prædeterminationem agnoscit quidem ille à Deo adhiberi ad opera gratiæ, & ad plurimas alias Voluntatis operationes, nempe quandocunque ipsi libet & opus est: negat tamen eam ad communem Dei concursum spectare, aut universè adhiberi ad omnes creaturarum actiones præsertim eas quibus peccatum necessario annexum est. *Lib. 2. cap. 4. sub finem.*

XXXVIII. Ut *

XXXVIII. Ut autem sic sentiat, eo præcipue se moveri testatur, quod si ad omnes peccati actiones Deus necessario diabolos hominesque impios determinaret, inde sequi existimar peccata nostra Deo merito imputari posse: qua etiam ratione se maxime per-morum affirmat Robertus Baroni-us ille supra citatus.

XXXIX. Sed uterque præterea istam prædeterminationem eo nomine rejciendum putat quod libertati Voluntatis officit, nec videtur cum ea conciliari posse. * Distin-guit tamen Strangius inter libertatem latius acceptam quæ Voluntati essentialis est, & quæ reperitur in quolibet actu qui sit sponte & cum ratione; & inter libertatem stric-tiore sensu sumptam, quæ consistit in quadam agentis indifferentia, & Voluntati respec-tu plerorumque ipsius actuum competit. Priorem illam libertatem non evertit, juxta ipsum, divina præmotio & prædeterminatio, qua Deus homines suaviter movet, & prout creaturæ intelligenti consentaneum est: sed tamen cum strictiore ista libertate consistere nequit, ut quæ posita sit in indifferentia, cum qua pugnat antecedens quævis determinatio, & quæ in Voluntatis ipsius potestate non sit. Quomodo verò tali liber-tati nihil noceat concursus ille Dei simultaneus, & qui semper præsto est creatæ Volun-tati, superius expositum fuit. Nec Theologi isti cum cum strictè dicta voluntatis liber-tate aliter conciliant quam Scholæ Romanæ Doctores. * *Strangius de Voluntat. Dei circa peccatum, lib. 2. cap. 8.*

XL. Plurimi tamen inter Theologos Reformatos censent cum Thomæ Scholæ Deum non solum ad singulas creaturarum actus simul cum iis concurrere atque cooperari, sed etiam creaturas nihil agere posse, nisi ad hos & illos actus efficaciter à Deo præmovean-tur & prædeterminentur: idque locum haberet in causis liberis quam in necessariis, & tam in malis actibus quam in bonis; licet Deus non moveat, neque prædeterminet ad malitiam & pravitatem actus, sed tantum ad illud quod est in eo positum & natu-raliter bonum. Ac quemadmodum ex eorum sententia causa secunda sine tali præde-terminatione nihil agere & operari potest, ita quoque illa supposita, impossibile est eam non agere atque operari.

XLI. Ejusmodi causarum secundarum præmotionem & prædeterminationem, æ præcipue humanæ voluntatis, admittendam statuit Guil. Amesius; quia alioquin, ipsius judicio, roletur subordinatio causæ primæ & causarum secundarum in suis operationibus. Subtraheretur dominio providentiæ, & gubernationi Dei efficaci, operationes omnes Vol-un-tatis humanæ. Homo non subditus, sed socius Dei erit. Imo Deus pendebit ex hominis nutu, etiam in iis quæ præcipuam rationem habent in totius mundi procuratione. Nec ho-mo dicere debebit, *Si Deus voluerit faciam hoc aut illud*, sed potius Deus dicere debebit, *Si homo voluerit faciam hoc aut illud*. In Bellarmino Enervato tomo quarto, libro quar-to, capite secundo.

XLII. In eadem sententia est Samuel Retorfortis Scotus, ante paucos annos in Aca-demiâ Andreapolitanâ Theologiæ Professor. Nam Concursum Dei ex se Generalem, & indifferentem, & qui à causæ secundæ concursu determinatur, tanquam commentitium & impium pluribus argumentis refutat. Quippe, ut ipse existimat, istiusmodi concursus Deo injurius est; quoniam Deo libertatem in decernendo eripit, & infert scdam Dei à creaturæ suæ lubrico nutu dependentiam, quandoquidem supponit Deum à creatura, non verò creaturam à Deo determinari. Præterea tollit usum precum illarum quibus à Deo petimus, ut corda nostra, & aliorum flectat, prout salutis nostræ & illorum ex-pedit: Siquidem id fieri non potest, nisi per operationem qua Deus Voluntates homi-num determinet. Et ob eandem rationem frustra gratiæ Deo agerentur de bonis pro-curatis per agentia libera. Nec etiam erit à Deo Cópia divitiarum quæ obveniunt homi-nibus actibus liberis mercandi. Et denique neganda erit particularis Dei providentia, quam Scriptura tam sæpe commendat. *De divina Providentia cap. 15.*

XLIII. in Exercitationibus autem Apologeticis pro divina gratiâ asserit, Deum in omnibus actibus naturæ, tum gratiæ, voluntatem determinare per impulsum vere realem ad modum causæ Physicæ; quanquam subjungit item præcipuam non esse, an prædeterminatio ista Physica dicenda sit, sed an Deus actus liberos prædeterminet indeclinabiliter: *Quæstio enim, inquit, est, Annon ita moveat voluntatem Dei, ut sub illa motione non possit mota non permoveri, vel annon Actio Dei in Voluntatem ita ipsam flectat, ut non possit non liberè se flectere illuc quo Deus ipsam inclinat: nos verò ex Scripturæ pro-batibus necessitatem Voluntatis à Dei motione qua indeclinabiliter permoveatur? Quid si quis concedat, addit se Physicæ prædeterminationi valedicere paratum esse: quam-vis revera Deus ad modum causæ Physicæ Voluntatem determinet. Exercit. 3. cap. 1.*

XLIV. Tuissus autem Theologus Anglus distinguit concursum Dei ab ejus prædeterminatione licet utrumque necessarium putet ad omnes creaturæ actiones. Et concursum quidem agnoscit esse simul & natura, & tempore cum operatione creaturæ, sed vult ipsi adjunctam esse motionem quandam præviā in ipsam voluntatem. *Etiā concursus, inquit, admittimus simultaneum tam naturæ quam tempore in actum; sed concursus istum dicimus complicare motionem præviā in ipsam voluntatem, præviā, inquam, non tempore, sed naturæ.* Vindiciarum lib. 2. part. 3. Et in eodem lib. pag. 18. Concursum indifferentem & indeterminatum, qualem Jesuitæ docent, his Verbis respicit, *Ego vero concursum istum indifferentem atque indefinitum perperam insitui tam eviderenter demonstrari posse existimo, quam solem meridianum lucere.*

XLV. Cæterum ex rationibus ab Amesio & Retorforti allatis clarum est eos istud præcipue negatum velle, & tanquam maximum errorem abhorre, quod non alia sit Dei circa creaturam actus operatio & efficacia, quam quæ in concursu quodam ex se indifferenti & indefinito consistat. Quod certe minime affirmare intendunt omnes illi qui alioquin generalem Dei concursum, qui ad singulos actus creaturarum necessarius est, statuunt esse ex se indifferentem, & à causis secundis varie determinari. Quippe præter illum Dei concursum generalem, agnoscunt magnam esse providentiæ divinx vim & efficaciam, in variis rerum eventis procurandis, promovendis, moderandis atque dirigendis; & præsertim circa hominum Voluntates, & actus ab illis libere elictos, quod Strangius multis in locis diligenter observat.

XLVI. Quod spectat autem conciliationem concursus istius prædeterminantis cum arbitrii libertate, ex mente Amesii dicendum est cum Didaco Alvares prædeterminationem Dei non impedire quominus Voluntas libere agat, quoniam efficit quidem ut Voluntas agat certo & infallibiliter, sed tamen ab ea non tollit potestatem aliter agendi. Et similiter Tuissus dicit, *Deum ita movere voluntates hominum ut aliquid agendum, ut quicquid sit, liberæ voluntatis ipsorum conditioni convenienter fiat: ita ut in ipso momento quo agunt, possint non agere, nempe in sensu diviso. Nam in sensu composito præsumptum est.*

XLVII. Juxta Retorfortem vero ad libertatem duplex indifferentiā concurret, una objectiva, quando intellectus proponit aliquid eligibile voluntati, ut medium summo bono absolute intento non necessarium: alia interna, vitalis, electiva, qua voluntas ex se potest tam hoc velle quam nolle, salva tum essentia libertatis, tum salvo naturalissimo agendi modo suo. Neutri autem indifferentiæ Dei prædeterminatio ulla tenus præjudicat. Non objectivæ, quoniam non impedit quominus intellectus objectum eligibile voluntati proponat, ut idoneum quidem ad finem consequendum, sed tamen non habens cum eo connexionem necessariam. Non etiam internæ, quoniam Deus determinans voluntatem ad hoc volendum, non obstat quominus possit per naturam illud velle. Denique omnes illi Theologi in hoc conveniunt, ex Dei præmotione & prædeterminatione imponi quidem aliquam necessitatem actibus voluntatis, sed necessitatem tantum hypotheticam, quæ non pugnat cum libertate, quam evertit sola necessitas à vi externa, aut à naturali determinatione orta.

XLVIII. Non desunt etiam inter Scholæ Reformatæ Doctores qui circa Dei generalem concursum ad omnes creaturarum actus necessarium, idem sentire videntur cum Durando, & Ludovico à Dola, Scholæ Romanæ Doctores. Nam vir Clarissimus Moses Amyraldus non videtur alium concursum Dei generalem, quo cum causis omnibus secundis concurrat, agnoscere, præter continuam illam efficaciam, qua rei cujusque naturam, & vires ei à natura concessas tuetur & sustentat. Unde colligit concursum illum ad libertatem nihil attingere. *Fac enim, inquit, naturam & ejus vires consistere possit citra opem talis concursus, operabuntur illæ certe libere. Accedat ergo concursus qui nihil aliud præstat, quam ut quæ aliqui considerent, atque evanescunt, in statu naturali consistant & conserventur, libertas inde nihil detrimenti capiet.* Quæ verba satis indicant, hac in parte, Virum Clarissimum idem, ut jam dictum, cum Durando veteri Scholastico sentire. *De libero Arbitrio cap. 4. sub finem.*

XLIX. Veruntamen præter istum concursum generalem agnoscit magnam esse providentiæ Dei efficaciam, qua actus voluntatis nostræ tam bonos, quam malos & indifferentes, conformiter suo æterno decreto in tempore determinat. Sed totam illam divinæ providentiæ efficacitatem quæ sese in bono exerit, reducit ad duos actus, nempe ad objecti propositionem, quam libertatem nihil violare manifestum est. Deinde ad internam subjecti dispositionem, quæ in eo consistit, ut facultates liberentur ab impedimentis, quæ ad nativam eorum constitutionem accesserunt, aut

etiam

etiam supra naturæ sortem aliquo modo evehantur, qua in re non minus evidens est hominis libertati nihil præjudicari.

L. Similiter quoad actus malos, circa eos docet esse duplicem Providentiæ actum, unum externum, & alterum internum. Et externum quidem dicit circa duo occupari. *Vel enim, inquit, versatur in propositione objectorum, qua facultates commovere, idem est: Vel in eo consilio, quod Deus nihil agit quidem, sed finit & patitur Diabolum irresistens suam explicare, ut objectorum efficacitatem adjuvet.* Internus autem Dei actus, qui in malis hominum operibus intervenit, in eo juxta ipsum consistit, quod Deus ex pluribus objectis ad malum inducentibus, quæ homo in mente agitat, unum vel obscurat, vel omnino ex mente eripit, aut etiam unum aliquod objectum ab ea parte offerri procurat, qua est maxime aptum, & idoneum ad movendum. In quibus omnibus pariter nihil potest officere humanæ libertati.

LI. Denique circa actus indifferentes efficaciam Dei, eodem modo revocat ad objectorum propositionem, administrationem causarum quæ objecta juvare possunt, & internam operationem, quæ facit, ut unum objectum alteri prævaleat, & eo modo menti se offerat, quo aptum est illam commovere. Et tamen per istas operationes, quæ ex omnium confessione, libertatem nihil lædunt, vult omnes humanos actus efficaciter à Deo determinari, & certissime æterna decreta Dei de illis adimpleri; quia scilicet, facultates humanæ, nempe mens & Voluntas, ad certas actiones determinantur ab objectis, quæ illis proponuntur congruenter & consentaneè illarum affectioni & dispositioni. Unde oritur quædam in operationibus earum necessitas quæ cum libertate optime consentit; & sufficit tamen, ut quæ Deus in æterno suo consilio certissime designavit, & fienda determinavit, ab hominibus certissime pariter & indeclinabiliter peragantur.

LII. Joke Placens vero Theologus Doctissimus, atque subtilissimus, cum Theologiis reliquis, agnoscit quidem voluntatem in agendo, ut alias causas secundas, à Deo dependere, tanquam à prima causa; quæ autem & quanta sit illa dependentia, pro sua modestia delineare non audet, nec vult judicium suum interponere super variis illis questionibus, quæ de Dei concursu & cooperatione cum omnibus causis secundis in Scholis agitari solent. Hæc enim sunt illius verba, *Voluntas pendet à Deo, ut à prima causa, à qua causæ secundæ omnes, in agendo dependent. Quanta autem sit causarum secundarum in causando dependentia à prima causa, disputatur acriter inter Pontificios, Concurrete quidem cum omni causa, ut convenienter facultatibus suis operetur, in confesso est apud omnes. Sed hunc concursum plerique, omnes immediatum, proximum, ac eundem plane cum ipsa actione causarum secundarum esse contendunt, aliis quibusdam reclamantibus. Deque illo ipso concursu immediato inter se obnixè totis viribus Dominicani, & Jesuitæ digladiantur: illis pro Physica quæram prædeterminationem, his contra illam fortiter pugnantibus. Nos quidem quæ reverentia erga infinitam Dei majestatem ducimur, non audent definire quanta sit dependentia causæ secundæ à prima. Nobis sufficit, modo ne Deo ullam peccatorum nostrorum vel minimam labem aspergat, non posse nimirum statui. Tractatu de liber. Arbitr. p. 174.*

LIII. Istam verò voluntatis à prima causa dependentiam, sic, paucis interjectis, cum ejusdem voluntatis libertate conciliat. *Quomodocumque autem Voluntas nostra pendeat à Deo, ac quicquid in ea Deus operetur, constat semper illi libertas ea quam in immunitate à triplici necessitate, coactionis, determinationis à materia, & determinationis à sensu potest esse diximus.*

LIV. Nec multum absumilis est Parzi sententia. Damnat enim temeritatem Doctorum Scholasticorum varias questiones circa Dei concursum moventium & determinantium, *Quia inquit, temeraria curiositate investigare, & definire sunt ausi quod sciri & explicari, satis non potest.* Sententiam vero Cajetani, cui Concordia Liberi Arbitrii cum divina Providentia videtur inexplicabilis, & non intelligibilis in hac viâ, judicat esse tutissimam, quia judicia Dei sunt inscrutabilia, & viæ ejus impervestigabiles. In genere solum vult hoc pro certo haberi, hominis voluntatem Dei nutu regi, & quo vult inclinari. Ut verò istud cum nostra libertate conciliet, dicit illud non agere libere quod aliunde regitur sine deliberatione & electione propria. Quod verò Deus regit monstrans intellectui objectum, & eo efficaciter movens & efficiens Voluntatem, ad hoc vel illud sponte eligendum, id nihilominus libere eligere, etsi nutu Dei quoisple vult inclinatur. Sicut inquit, *exempli causa, tyro litteras pingere discens libere scribit licet manus ejus à Patre duxa regatur.* Ex hac etiam respicit quod addit paulo post, & sæpe repetit, *Deum concursu suo quidem determinare voluntatem humanam, sed non determinatione Physica, bruta, violenta, verum spontanea, cum judicio proprio, & electione conjuncta.* Animadversionibus in Bellarmini librum quartum de lib. Arbitr. cap. 14.

L.V. Quan

LV. Quantum ad me attinet, horumce Doctissimorum Virorum modestiam maxime laudandam censo: & modum divini concursus, quo cum causis secundis prima cooperatur, pro certo desinare mihi temerarium & nimium audax videtur, cum ingenii nostri tenuitas divinæ potentiae, & sapientiae abyssum penetrare & scrutari non valeat: nec ea res sit satis ratione percepta, aut sat distincte in sacra Scriptura revelata.

LVI. In primis autem percipere non possum quomodo statui possit, Deum causas libera, etiam ad actus intrinsece malos Physice præmovere, & prædeterminare, quin inde sequatur Deum esse peccati auctorem. Quis enim capiat, exempli gratia, Deum influxu quodam omnem humanæ voluntatis morum antecedente, imposuisse primo homini necessitatem fructum vetitum appetendi, & appetitum comedendi: atque etiam quotidie efficientia quadam proprie dicta, homines prædeterminare, & ut sic barbare loquar necessitare ad hoc ut Deum blasphement, & cum odio habeant: & tamen culpam, quæ ab istis actibus separari non potest, in Deum ipsum refundendam non esse?

LVII. Sed modo Deus auctor peccati non constituatur, cum Doctissimo Placeo, iudico causarum secundarum in agendo dependentiam à prima nimiam statui non posse. Et maxime quoque mihi probabile videtur Deum, juxta communem Scholarum sententiam, ad omnes & singulos creaturarum actus immediate concurrere.

LVIII. Præsertim autem illud mihi certissimum est, quod etiam ab omnibus Theologis concedi puto, divinæ providentiæ vim & efficaciam, etiam circa actus malos, minime restringendam esse ad concursum quandam ex se generalem & indifferentem, sed Deum multis modis sapientiæ ipsius cognitio, varios rerum eventus etiam in quibus hominum malitia intervenit, procurare, promovere, dirigere atque moderari.

LIX. Nec minus apud me certum est, quocunque modo Deus in causis liberis agat & operetur, id facere semper ipsarum naturæ congruenter, nec quicquam libertati earum præjudicare: ac proinde quum voluntates humanas ad hunc aut illum actum efficaciter mover, ab iis non tollere potestatem aliter agendi.

T H E S E S T H E O L O G I C Æ

D E

C O N C O R D I A

Libertatis Humanæ cum Præscientia Divina.

T H E S I S I

SOCINUS & ejus asseclæ intelligere non valentes, qua ratione certo præsciri possint futura contingentia, & quæ non habent causam necessariam & determinatam, ejusmodi futurorum certam præscientiam in ipso Deo dari negant.

II. Sed mirum est homines divinam auctoritatem Scripturæ tribuentes, hoc in animum inducere posse. Nihil enim evidentius ex Scriptura colligitur, quam Deum futura quælibet prænosse, quod manifestum faciunt quæ in Scripturis habentur Prophetarum prædictiones. Nam ut scite Tertullianus, Præscientia Dei tot habet testes, quot Deus fecit Prophetas. Neque enim Prophetæ potuerunt, inspirante Deo, ea prædicere quæ post multa demum secula contigerunt, & ab hominibus libere sunt facta, nisi quæ talia sunt ab æterno Deo nota sunt.

III. Porro Deum multa prædixisse pluribus post seculis ab hominibus libere agenda, innumeris exemplis ex Scriptura probari potest. Sic decimo quinto capite Geneseos, Prædixit Deus Egyptios afflicturos semen Abrahami quadringentis annis, & eos popu-
lum

lum illum sic affligendo, graviter peccaturos esse, & iram Dei in se provocaturos. *Scito, inquit Deus Abrahamo, quod peregrinum futurum sit semen tuum in terra non sua: & subjicient eos servituti, & affligent quadringentis annis. Verumtamen gentem cui servituri sunt ego iudicabo.*

IV. Sic quoque Deuteronomii capite trigésimo primo Deus ad Moſen dixiſſe legitur, *Eccē tu dormiturus es cum Patribus tuis: poſtea ſurges populus iſte, & fornicabitur poſt Deos alienigenas terræ, ad quam pergit ut habitet in medio ejus, & derelinquet me, irruumque faciet paſſum meum; quod pepigi cum eo.* Quas prædictiones certas & infallibiles fuiſſe, eventus docuit illis per omnia reſpondens.

V. Similiter apud Prophetas multis in locis prædicta eſt incredulitas Judæorum futura tempore Meſſiæ, & propter eam iſtiſque populi futura quoque reſectio. Præſertim apud Iſaiam capite quinquageſimo tertio. *Quis credidit auditui noſtro, & brachium Domini cui eſt revelatum?* Et ibidem hæc incredulitas tanta futura eſſe prædicitur, ut Regem ſuum Meſſiam deſpectui ſint habituri, quin & vulneraturi, acerbiffimæque & ignominioſiſſimæ morte & medio ſublaturi, prævaricatoribusque, & ſcleratis adnumeraturi. Et Meſſias ipſe Jeſus Dominus noſter, quum in terris verſaretur, omnia iſta quæ primores gentis Judæicæ in ipſum admiſſuri erant, ſclera & flagitia ſigillatim prædixit, addens *oportere iſta omnia ſic fieri; & ſic præſcienda omnia quæ ſcripta ſunt per Prophetas de filio hominu.*

VI. Inſignis eſt præſertim prædictio Chriſti de Juda, quod ipſum proditurus eſſet, idque multo antequam Saran immiſiſſet iſtud in cor ejus. Imo pluribus ante Chriſti adventum ſeculis, eandem prodicionem prædixerat Deus per Prophetas. Huc enim teſtatur Chriſtus ſpectare verba Davidis Palmo quadrageſimo primo; *Qui manducat mecum panem, levavit contra me calcaneum ſuum,* Joan. 13. Et Petrus reſpicieſ ad ea quæ leguntur Palmo centefimo nono dicit, *Oportuiſſe impleri ſcripturam hanc, quam prædixit Spiritus Sanctus per os Davidis, de Juda, &c.* Act. 1.

VII. His addi poſſunt quæ leguntur apud Danielem prædicta de Antiochi Epiphanis impietate, ſuperbia, libidine, & ſævitia, qua in Judæos graſſaturus erat, & ipſum Dei templum profanaturus. Itemque apud Paulum de adventu filii illius perditionis qui in templo Dei ſeſſurus, & ſupra ipſum Deum ſe elaturus erat, plurimoque in errorem mendacibus ſignis inducturus. Quæ omnia cum ab hominibus liberè paranda fuerint, à Dei ſpiritu in ſcripturis loquente, certò, clarè, & ſigillatim, uti factum videmus, prædicti non potuerunt, niſi Deus omnium futurorum eventuum, quantumlibet contingentium, certam & diſtinctam notiſſimam habeat.

VIII. Et certe ſi Deus ab æterno futura quælibet non præſcit, ſed ignorat ea quæ ſunt à creaturis liberè agenda, omniſcientia Deo amplius tribuenda non eſt; neque verè dici poſſet omnia ſcire, ſiquidem nonnulla ſunt quæ latent ejus ſcientiam.

IX. Inde ſequitur etiam Deum non eſſe omnis mutationis expertem. Cum enim Deus præſentia cognoscat, ſi antequam eſſent illa ignorabat, aliquid didicit ipſo rerum eventu, & factus eſt ex non ſciente ſciens, quod ſine aliqua in Deo mutatione concipi non poſſet. Quin inde conſequens eſt, ſcientiam Dei perfectam non eſſe, quandoquidem, ex hac hypotheſi, quotidie in cognitione augetur & proficit.

X. Neque contra tam apertam veritatem ullam vim habent quæ obijcere ſolent Sociniani. Quale eſt, Scripturam Deum inducere propter hominum peccata triſtitia affectum, & poenitentia ductum, *Videns, inquit illa, Dominus quod multa malitia hominum eſſet in terra, & cuncta cognitio cordis intentæ eſſet ad malum omni tempore, poenituit eum quod hominem ſeciſſet in terra: Et tactus dolore cordis intrinſecus, Delebo, inquit hominem quem creavi à facie terræ,* Geneſeos capite ſexto. Unde colligunt Deum, antequam ſic homines fuerent in omne ſcelus, non pro certo noſſiſſe tantam eorum fore malitiam; Nam alioqui videtur abſque ratione dici, illa viſa, dolore tactus, & poenitentia affectus fuiſſe quod hominem creaviſſet. Neque enim aliquis poenitentia ducitur ob ea quæ fecerit, niſi nova quædam ipſum cognitio ſubeat, aut contingat quiddam ipſi inexpectatum & non ante præviſum.

XI. Et certe Deum quiddam circa liberas hominum actiones de novo diſcere plane conſici videtur ipſius Dei verbis Abrahamum alloquentis, ejusdem libri capite vigefimo ſecundo. Poſtquam enim Abraham ſe paratum oſendiſſet ad filium, ex Dei mandato, immolandum; *Nunc cognovi, inquit Dominus, quod timeas Deum quia non peperciſti unigenito tuo filio propter me.*

XII. Imo Scriptura docere videtur quædam aliter contingere quam Deus ipſe conceperet, quandoquidem affirmat quædam ab hominibus fieri, contra quam ipſe expectarat.

Et irat. Ut quum Deus ita de contumacia & rebellione populi Judaici queritur, *Quid est quod debui ultra facere vineae meae, & non feci ei? Cur expectavi ut faceret uvae, & fecit labruscas?* apud Isaiam cap. quinto.

XIII. Verum ad ista dicendum est, scripturam saepe Deo tribuere homini in membra & effectus tropice atque figurate non autem quod ad litteram & proprie ipsi conveniant: ac proinde multa quae de Deo dicuntur *ἀνθρωπινῶς* intelligenda esse debemus & modo qui Deo dignus sit. Itaque quum scriptura dicit, Deum fuisse poenitentia ductum, nihilo magis necesse est ut illi proprie sumamus, quam quod alibi legitur viscera Dei commota fuisse, & in naves ejus ascendisse fumum. Imo quum poenitentiam scriptura proprie sumit, expresse illam à Deo removeret. Ut quum Samuel dicit ad Saul, *Triumphator, live fortitudo, Israelis non mentietur, & poenitentia non fleletur: neque enim homo est ut agat poenitentiam*, 1 Sam. 15. Poenitentia igitur in Deo significat non affectum, sed effectum. Ac quum ait scriptura Deum poenituisse, antecedens pro consequente sumit, & significat Deum illud fecisse, quod faceret homo quem poenitet operis à se facti: nempe statuisse homines à se factos, de terra, propter ipsorum iniquitatem delere; sicut homo destruit opus cujus ipsum poenitet.

XIV. Eodem modo Deus propter hominum peccata contristari dicitur, non quod in se sentiat affectum aliquem nostrae tristitiae similem, sed simpliciter ad significandum hominum peccata Deo multum improbari atque displicere, & talia esse quae Deo tristitiam afferrent, si nostri similis esset, atque *ὁμοιωμένη*: ita ut hic consequens pro antecedente sumatur, tristitia, scilicet, pro eo quod in subiecto capaci tristitiam gignere aptum est.

XV. Similiter apud Isaiam, Dominus à vinea sua dicitur expectasse uvae cum illa fecerit labruscas: non quod Deus anceps & dubius esset de eo quod faceret populus Judaicus, vinea ista figuratus, post tot adhibita media ad illum ad veram pietatem formandum; sed quoniam ea fecerat quae plane populum istum in rectam viam relacere debebant, & quae, si homo erga hominem adhibuisset, legitime sperare & expectare posset cor ejus inde emolliendum esse, & flecendum ad amorem & ultroneum obsequium.

XVI. Quum autem Deus dicit ad Abrahamum, *Nunc cognovi quod timeas Deum, quia non pepercisti unigenito tuo filio propter me*: significare non vult se prius de Abrahami pietate dubitasse, neque Abrahamum ipsi fuisse satis cognitum; sed tantum Abrahamum, dum paratus fuit proprium filium, Deo jubente, immolare, sui erga Deum amoris & timoris, certum & indubitatum experimentum dedisse, & tale quod posset convinci, qui ea de re haecenus dubitasset, neque fuisset satis certus & persuasus.

XVII. Neque majorem vim habet argumentum quod petunt illi quos impugnamus, ex libri Numerorum capite 14. Ubi dicitur Deus jurasse se introducturum populum suum in terram Canaan; & tamen propter ipsorum peccatum atque incredulitatem rursus jurat se non amplius id facturum. *Virgo ego, ait Dominus, sicut loquuti estis audiente me, sic faciam vobis. In solitudine hac jacebunt cadavera vestra. Omnes qui numerati estis à viginti annis & supra, & murmurastis contra me, non intrabitis terram super quam levavi manum meam, ut habitare vos facerem, praeter Caleb filium Jephuné, & Josué filium Nun.* Quis enim, inquiunt, ex ipsis hominibus ita amens est, ut ex animo juret se aliquid facturum, quod se facturum minime esse jam probe novit, seu causas cur id nullo modo facturum sit, jam exploratissimas habeat? Aut quid Deo indignius quam se aliquid facturum jurare, non animo, sed verbis tantum?

XVIII. Sed verum est quidem Deum saepius juravisse se daturum posteris Abrahami terram Canaan, & ad illa juramenta multis in locis memorata respiciunt verba quae modo citavimus. Juramentum autem istud speciatim spectavisse illos ex Israelitis qui in deserto fuerunt rebelles, non probatur ex verbis citatis, *Non intrabitis terram super quam levavi manum meam, ut habitare vos facerem* V O S facerem Nam ibi particula Vos indefinite designat gentem Israeliticam, non vero singulariter personas quatum illam constituebant. Neque tamen in eo quicquam esset absurdi, si diceremus Deum speciatim hominibus illis ingressum in terram Canaan cum juramento promississe, non absolute sed sub conditione, quanquam praevideret conditionem illam ab iis non esse implendam; modo conditio ista pertinuerit ad eorum officium, & talis fuerit quam possent & deberent implere. Neque inter ipsos homines amens esset, qui juraret alicui se hoc aut illud facturum, modo in viri boni officio perstaret, quanquam haberet pro certo fore ut alter ille officio suo minime fungeretur.

XIX. Sed qui hodie contendunt in Deo non esse certam praescientiam futurorum contingentium,

contingentium, eo præcipue moventur, quod si ea quæ libere homines facturi sunt Deus certo prævidet, & quidem ab æterno, non potest, ut ipsi existimant, homines serio monere, hortari atque obtestari, ut convertantur atque resipiscant. Ad quid enim opus est sollicitè aliquem hortari atque compellere, ut faciat id quod pro comperto habes illum esse facturum; aut cui bono uti sollicitatione, & obtestatione multa, apud eum quem exploratum tibi est nihil eorum quæ rogas facturum esse.

XX. Sed tantum abest ut prævisa hominum contumacia, vel obedientia obset quominus Deus serio illos monere, rogare, & hortari possit: ut contra Deus illum non possit prævidere, quin prius prævideat, & apud se constituat se ita serio cum hominibus acturum. Nam divinæ monitiones, hortationes, & obtestationes sunt media quibus procuratur hominum obedientia; & præsupposita quædam, sine quibus Deo rebelles, & in ipsum contumaces esse & dici non possunt.

XXI. Cæterum non dedecere sapientiam divinam, ut illos quos Deus certo scit monitis, hortatibus, & præceptis ipsius nequaquam obtemperaturos, nihilominus compellat, hortetur & invitet modis omnibus ad resipiscantiam, convinci possunt illi ipsi quibus cum nobis res est. Fatentur enim quosdam, divino judicio pertinacem eorum malitiam ulciscente, sic excæcatos & induratos esse, ut resipiscere nequeant. Et tamen negare non possunt Deum erga illos ipsos quos optime novit sic affectos & dispositos esse, uti monitionibus, & obtestationibus quibus homines solet ad officium compellere, ut vel ex solo Pharaonis exemplo manifestum est. Si ergo in his, aut circa hos, fatentibus adversariis, locum habere possunt seriæ Dei obtestationes, comminationes, querelæ, sine ulla iustitiæ Dei violatione, aut sapientiæ imminutione, cur idem in cæteris, quos Deus ab æterno, ex libero voluntatis & mentis proposito, novit non obsequituros, locum habere non valeat?

XXII. Vana sunt ergo quæcumque ex scripturis proferuntur adversus æternam Dei præscientiam, qua certo & distincte novit quæcumque sunt à creaturis tempore quovis libere agenda. Sequitur jam ut videamus quomodo creaturarum libertas in agendo cum æterna istâ Dei præscientia stare possit. Non parum enim hic est difficultatis quæ pridem ingenia Doctorum exercuit. Nam cum impossibile sit Dei præscientiam falli, fieri non potest quin eveniant ea quæ Deus eventura prævidit; adeoque omnia necessario eveniunt, & impossibile est quin ipsa hominum voluntas eos producat & eliciat actus, quos ab ea producendos Deus ab æterno prænoscit: & sic videtur prorius perire actionum humanarum libertas. Etenim qua ratione liberum dici poterit, quod impossibile est non fieri, aut aliter fieri?

XXIII. Ad hoc Respondent plurimi Christianarum Scholarum Theologi, & recte quidem meo iudicio, præscientiam Dei nullam imponere rebus necessitatem, nec enim illam esse rerum causam, sed potius res ipsas futuras illius causam certa ratione dici posse: Videlicet, quia res non ideo futuræ sunt, quoniam Deus illas futuras esse præscit; Sed contra Deus illas futuras esse præscit, quia revera futuræ sunt.

XXIV. Ad id vero quod obijcitur, fieri non posse quin eveniant ea quæ Deus ab æterno præscit esse futura, ac proinde omnia necessario evenire, quantumquidem omnia futura Deus prævidet, ex communi Scholarum sententia dicendum est, impossibile quidem esse ut non eveniant ea quæ Deus futura prænovit, sed in sensu composito solum, non autem in sensu diviso. Quibus verbis innuitur non posse simul consistere, ut aliquid sit prævissum à Deo tanquam futurum & tamen non eveniat: Sed nihilominus, simpliciter, & absolute loquendo, rem illam quæ prævisa est posse non evenire, si consideretur ex sua natura, & citra respectum ad Dei prævisionem. Exempli gratia Judas quem Deus præviderat Christum esse proditurum, poterat tamen, siquidem voluisset, Christum non prodere. Nec Dei præscientia necessitatem illi imposuit prodendi Christum. Neque inde sequitur potuisse falli præscientiam Dei; quia si Judas Christum non prodidisset, proditio ejus prævisa non fuisset; sed prævidisset Deus Christum à Juda non fuisse prodendum.

XXV. Itaque necesse est quidem omnia illa fieri, quæ Deus futura prævidet, supposita semel ista prævisione: quemadmodum necesse est fieri omnia illa, quæ nos ipsi fieri videmus, supposita nostra visione. Sed sicut visio nostra non mutat naturam rerum, nec facit ut in se necessarium sit, quod ex sua natura liberum, sive contingens est: quavis ex hypothesi quod aliquid fieri videmus, non possit illud non esse: sic prævisio Dei nihil immutat in rebus futuris, nec earum libertatem, aut contingentiam tollit: quavis illud quod futurum à Deo prævidetur, & sic supponitur futurum non possit non esse futurum. Nam sicut ex hypothesi quod res actu sit, impossibile est eam non esse actum,

eodem planè modo ex hypothesi quod res futura sit, fieri non potest ut non sit futura.

XXVI. Uno verbosicut ex visione rerum præsentium inducitur quædam earum necessitas, sed hypothetica tantum, & quæ in Scholis dicitur necessitas *consequens*, sive *consequentia*, quæque optime consistit cum earum libertate, sive contingentia: sic etiam ex rerum futurarum prævisione, siquitur quidem eas necessario eventuras esse, sed necessitate tantum ex hypothesi, & quæ dici solet *infallibilitatis* quæ non obstat quo minus in se & absolute liberæ sint, & contingentes. Nam si qua necessitas contingentiam & libertatem tollit, illa demum est quæ dicitur *antecedens* atque *absoluta*, nec solum *consequentia*, sed etiam *consequens*.

XXVII. Alii tamen aliter conciliare nituntur Dei præscientiam cum libertate hominis. Falsam enim esse putant hanc propositionem, *Quia res futura sunt, ideo cognoscuntur à Deo*: hanc autem esse veram, *Quia Deus præscit aliquid esse futurum, ideo futurum est*. Nam juxta ipsos scientia Dei est causa rerum. Neque tamen existimant hoc præjudicare hominum libertati. Quia Deus ab æterno non solum præscit homines hoc aut illud acturos esse, sed etiam præscit modum quo acturi sunt, nempe libere atque contingenter. Ac proinde, posita Dei præscientia, necessario quidem sequitur verbi causa, quod Petrus loquutus sit, imo ista Dei scientia causa est, suo modo, quod Petrus sit loquutus; Sed quod locutus sit non quovis modo, verum contingenter & libere. Unde inquirunt, ex præscientia Dei potius inferatur actuale exercitium libertatis humanæ, quam destruat. Nam talis præscientia non aufert à voluntate Petri loquentis liberam facultatem qua possit non loqui, si velit: imo potius in ea facultatem ejusmodi ponit. Quæ est Doctrina eorum qui dicuntur Thomistæ recentiores ut apud Didacum Alvarem videre est in *summa Operis de Auxiliis gratiæ Divinæ lib. 1. cap. 11.*

XXVIII. Simplicius autem adhuc & confusius ad hanc difficultatem respondent ex Doctoribus Reformatis nonnulli, Dei præscientiam rebus omnibus futuris necessitatem quidem aliquam inducere, sed non omnem necessitatem cum libertate pugnare; verum illam duntaxat quæ est à coactione, aut à determinatione Physica.

XXIX. Et sic quidem variis modis ostendere conantur Christiani Theologi, quomodo posita futurorum omnium in Deo præscientia, stare possit humana libertas. Sed non minor est difficultas in explicando quomodo posita libertate, qua creaturæ possint agere, & non agere, eorum futuri actus possint à Deo prævideri certo & infallibiliter. Quomodo enim certo cognosci potest quod neque in se, neque in causis suis, certam habet existentiam; sed tam non esse & fieri, quam fieri & esse potest.

XXX. Ut ex difficultate ista se expediant, multum laborant Scholastici Doctores, & variis modis nituntur exponere qua ratione Deus futura contingentia & libera præsciat. Et primo quidem illi, qui modo jam dicti sunt, Thomistæ recentiores, certitudini isti qua Deus ab æterno futura quælibet contingentia præscit, duo fundamenta præstruunt. Unum est res omnes futuras in æternitate Deo præsentis esse, non tantum in esse objectivo, sive in esse cognito: sed etiam in esse reali, & secundum proprias suas existentias. Nam, inquirunt, ita se habet Deus in ordine ad futura contingentia, sicut existens in alta specula, ex qua intuetur totam viam in ordine ad transeuntes per illam; licet enim unus pergat post alium, & posterior non videat priorem; ille tamen qui est in specula, omnes simul intuetur, & habet presentes sibi: ergo similiter Deus habet sibi præsentis in specula æternitatis, omnes res præteritas, & futuras: licet istæ succedant illis. Quæ sunt verba Didaci Alvarez lib. 1. c. 8. Ubi præsentiam istam futurorum in æternitate, inde præterea probat, quod æternitas est duratio indivisibilis tota simul existens: adeoque quicquid ullo tempore coexistit æternitati, illi toti coexistit, & consequenter illi toti præsens est.

XXXI. In principio vero capitis sequentis inde colligit, *Quod actualis existentia rerum in æternitate, considerata ex parte divinæ æternitatis, est propria ratio, propter quam Deus certo cognoscit, omnia futura etiam contingentia*. Idque quoniam ea quæ sunt præsentia cognoscens, quamvis secundum se contingentia sint, jam considerantur ut determinata, & ut determinate vera in ordine ad illam mensuram, in qua sunt præsentia, & in ordine ad cognitionem, qua ut præsentia sibi cognoscuntur.

XXXII. Alterum fundamentum, quo niti existimant certitudinem divinæ scientiæ, respectu eorum quæ sunt contingenter futura, est absolutum divinæ voluntatis decretum. Nam potest etiam, inquit ibidem Alvarez, ex alio capite desumi certitudo scientiæ divinæ, comparatione futurorum contingentium, nimirum ex decreto absoluto, & efficaci suæ voluntatis prædeterminantis in particulari omnia futura, etiam libera, cum omnibus suis

suis circumstantiis, si sunt bona, vel ea permittentis si sunt mala. Atque ut clarius explicet quid sit illud decretum efficax voluntatis divinæ permittentis mala, Observat in sequentibus duplex decretum præsupponi ex parte Dei ad præscientiam infallibilem peccatorum. Alterum est decretum absolutum producendi actum peccati, in quantum actus & ens est: Alterum vero est decretum non dandi auxilium efficax ad vitandum peccatum, seu decretum permittendi ejus malitiam, quæ soli voluntati create, seu defectibili tribuitur. Et in his duobus decretis affirmat certo cognosci omnia peccata futura, quoniam Deo deferente & non adjuvante peccatorem ne cadat, infallibiliter est peccaturus.

XXXIII. At vero sunt alii in Schola Romana Doctores, qui præsentiam istam futurorum in æternitate, secundum proprias suas existencias rejicientes ut vanam atque commentitiam, affirmant omnia futura contingentia, tam quæ ex causis secundis liberis, quam quæ ex aliis causis naturalibus eveniunt, in sola divino decreto, quo illa fieri decrevit, certo & infallibiliter cognosci. Quæ opinio multis veteribus Scholasticis tribui solet, Veluti *Scoto, Ricardo, Hervæo, & Joanni Majori*, aliisque non paucis. Atque hanc quoque sententiam amplectuntur Theologi inter Reformatos plurimi, docentes cum Calvino, *Deum non alia ratione prævidere quæ futura sunt, quam quia ut fierent decrevit*: Præsertim vero Gulielmus Tuisius inter Theologos Anglos celeberrimus, istam Calvinii Doctrinam pluribus explicat, tuctur & illustrat, tota fere dissertatione de scientia Media, adversus Penotrum & Suarezium.

XXXIV. Sed utraque hæc sententia minime probatur plerisque recentioribus Scholæ Romanæ Theologis. Nec enim solum rejiciunt supra dictam præsentiam futurorum in æternitate, secundum esse ipsorum reale; sed neque agnoscunt aliquod efficax Dei decretum, quo præscripti sint causarum liberarum actus, antecederent ad propriam ipsarum determinationem. Itaque ut aliquam præscientiæ divinæ, respectu futurorum contingentium, rationem reddant, alio confugiunt. Et primo quidem nonnulli sunt, qui existimant ea quæ contingenter & libere futura sunt, a Deo cognosci in causa proxima, id est, in voluntate non nude sumpta, sed ut applicata est hic & nunc, cum hoc judicio, hoc objecto, hac inclinatione, ac denique cum omnibus aliis quæ illam possunt vel impedire, vel determinare ad volendum.

XXXV. Ad hanc sententiam accedit Bellarminus. *Probabile, inquit, nobis videtur, Deum futuras actiones liberas non videre nisi in humana voluntate.* Et paulo post, *Deus igitur quia perfecte cognoscit omnes propensiones, & totum ingenium animi nostri, & rursus non ignorat omnia, quæ illi possunt occurrere in singulis deliberationibus, & denique perspicillum habet, quid magis congruum & aptum sit, ut moveat talem animum, tali propensione & ingenio prædictum infallibiliter colligit, quam in partem suæ animus inclinaturus.* Quibus subjungit in ipsa contingente causa præcisè considerata, nullam esse determinationem: sed tamen si quis conjungat cum causa contingente, vel libera, omnia quæ possunt occurrere & impedire, & videat propensiones & aptitudines tum ipsius causæ, tum omnium objectorum & circumstantiarum, quod solus Deus facere potest, existit inde aliqua determinatio, & ratione illius verum erit dicere, hoc erit tali tempore. *De gratia & libero Arbitrio lib. 4. cap. 15.* Responsio ad sextum argumentum.

XXXVI. Alii vero simpliciter dicunt Deum certo prænosse futura contingentia, quia quicquid aliquando est, sive contingenter, sive necessario, antequam esset, verum tuit esse futurum: quicquid autem verum est certo cognoscit intellectus divinus; quoniam nulla veritas latere potest intellectum infinitum, qualis divinus est. Itaque juxta ipsos, *Certitudo divinæ præscientiæ ex duplici capite petenda est. Primo ex infinita vi & perspicacitate divini intellectus. Secundo ex determinata veritate futurorum contingentium.* Quæ sunt verba Becani Jesuitæ, in *summa Theologiæ* tomo 1. tractatu 1. cap. 10. quæst. 11. *conclusionem primam.*

XXXVII. Sed singulæ istæ sententiæ non parva difficultate laborare videntur. Primo enim quod attinet præsentiam illam realem futurorum in æternitate, quatenus, scilicet, censentur ab æterno æternitati ipsi coexistere, apparet eam merum esse commentum. Nam ut unum alteri coexistat, necesse est ut existat utrumque. Quod enim non existit, coexistere non potest. Ac proinde cum res contingentes ab æterno non existerint, ab æterno non poterunt æternitati coexistere. Neque quicquam ad hoc juvat, ea quæ præsumitur æternitatis indivisibilitas. Nam ei quod nullam admittit in se divisionem atque successionem, ea quæ in tempore sunt coexistere successive possunt. Quemadmodum palum in aqua dehumum & immotum non eadem aquæ semper circumfluunt, sed perpetuo novæ atque novæ. Neque magis necesse est quod æternitati Dei aliquando existit,

semper illi coexistere; quam necesse est ut quod immensitati ejus alicubi coexistit, ubique illi coexistat.

XXXVIII. Deinde cum inter illa quæ Deus futura prævidet, multa sint peccata, & moraliter mala, diffculter admodum intelligi potest quomodo Deus futura cujusvis generis præscire poterit, in absoluto aliquo voluntatis suæ decreto. Nam bona quidem Deus efficere & decernere potest, absque ullo bonitatis & sapientiæ suæ præjudicio: sed bonitati divinæ repugnat, ut ad illa quæ in se mala sunt, creaturarum voluntates moveat & prædeterminet. Quis enim dicere possit, Deum absolute & efficaciter, decreto quodam suo, Angelorum qui defecerunt voluntatem ad hoc determinavisse, ut se contra Deum superbia efficerent, & primorum parentum, ut neglecto Dei mandato, pomum vetitum appeterent, quin hoc ipso statuatur Deus peccati auctor? Aut quis in animum inducere queat hominum voluntates æterno Dei decreto, antecedente omnem quocunque modo prævisam voluntatis creaturæ determinationem, ad actus blasphemiarum & odii in Deum singulariter determinatas esse, nec Deum tamen esse peccatorum istorum causam.

XXXIX. Neque etiam intelligo quomodo futuri actus causæ liberæ, in ea certò præcognosci possint, prout consideratur in iis circumstantiis, quibus est ad agendum proximè disponenda; nisi præsupponamus, illi quamdam sic agendi necessitatem imponi, ex objecti propositione sub talibus circumstantiis; quod secum quoque non parvam difficultatem trahit. Nam inde sequitur Adamo, prout ante peccatum affectus & dispositus erat, necessitatem peccandi impositam fuisse per tentationem quæ illi oblata est, & circumstantias quæ illam comitabantur: quod argè admitti potest, quin videatur à culpa excusandus.

XL. Quod spectat autem quartam sententiam, quæ divinæ præscientiæ certitudinem querit in infinitate intellectus divini, & in determinata veritate eorum quæ contingenter futura sunt, nihil illa ponit quod certum non sit & indubitatum. Nam quandoquidem evidens est, divinas prædictiones de futuris contingentibus in scripturis extare, hoc ipso manifestum est, veras propositiones de iis formari posse: nec enim quicquam Deus affirmat nisi verum. Omni autem veræ propositioni necesse est ut in re veritas respondeat. Et sic cum determinate & vere dici possit, hæc & illa libere & contingenter futura, consequens est, ut eorum veritas determinata sit. Nec minus est evidens, posita veritate futurorum contingentium, illam ab intellectu divino, qui infinitus est, percipi & cognosci. Nam cum verum sit objectum intellectus, intellectus infinitus ad omne verum se extendit: alioquin hoc ipso infinitus non esset, sed limites & finem haberet, quippe qui non posset aliquam veritatem attingere.

XLI. Sed quamvis ista sententia nil nisi verum contineat, quæstioni tamen minime satisfaciit, neque præcipuam difficultatem tollit. Quod enim hic maxime intellectu difficile est, illud est unde habeant contingentia quod futura sint, & ex mere possibilitibus, ab æterno in naturam futurorum transcant, ut sub ea ratione possint à Deo percipi. Nec enim ad aliud hic videtur recurri posse, quam ad divinæ voluntatis decretum, cum ab æterno nihil extra Deum extiterit, cui mutatio illa tribui possit.

XLII. Ac præterea illud magna difficultate non caret, quomodo res quæ supponitur pendere à causa quæ est in se indeterminata, & quæ illam tam non producere quam producere potest, certo tamen ab intellectu divino cognosci queat, cum sic nec in se, nec in sua causâ certam habeat ullam existentiam. Nam intellectus divinus, quantumlibet infinitus, non potest videre quod non est, nec objecti sui naturam immutat. Neque vera esset ejus perceptio, atque apprehensio, si, ut aiunt nonnulli, *plus cognosceres in causa, quam de facto in ipsa sit*. Becanus tom. 1. tract. 1. cap. 10. quæst. 7.

XLIII. Itaque cum rem tantam scrutanti, undique se tenebræ obscurant, & occurrant trixæ ac pedicæ, ex quibus nos non satis extricare valemus, nihil magis tutum & ingenuum puto, quam ignorantiam nostram hic aperte profiteri, & serio illud Davidis usurpare, *Mirabilis facta est scientia tua præ me, & sublimior, quam ut assequi possim*. Ac quanquam aliorum ingenia nolim ex mea tenuitate metiri, & super hac re modestam disquisitionem damnare, facile tamen adducor ut credam mysterium hoc ad ea pertinere, de quibus dicit sapiens, *Altiora te ne quæsieris, & fortiora te ne scrutatus fueris*. Nec mirum videri debet, si mens nostra tam angustis limitibus definita, percipere non possit qua ratione intellectus divinus, cui plane nulli sunt fines, ea cognoscat & attingat quæ sunt à cognitione nostra remotissimæ.

XLIV. Neque etiam istud quicquam offit certitudini quam habere debemus, tum de Dei Præscientia tum de humana libertate, quorum utrumque in scripturis certum &

& immotum fundamentum habet, astipulante rationis lumine, & quod attinet libertatem humanam, ipsa nostra experientia. Etenim quam multa sunt non dico jam in rebus divinis, sed in ipsa natura, imo in nobis ipsis, de quorum existentia dubitare non possumus, & quorum tamen modum & rationem mens nostra inquirere & scrutari non potest, quin se in laqueos induat, unde ipsa se non potest expedire? Quid clarius quam esse lumen & visionem; sed quid difficilius quam penetrare atque explicare quæ sit natura luminis, & quomodo fiat visio? Quid notius quam corporis membra solo nutu volunta is innumeris modis moveri: Verum quam arduum est capere & docere, quæ ratione istud fiat? Aut quid experientia quotidiana magis confirmatum est, quam mulieres prægnantes Phantalæ sola vi prodigiosa multa in foetibus suis creare, & quid tamen super ea re Philosophi commenti sunt, quod tantillum prudenti viro satisficiat? Ac proinde si in rebus humanis res ipsa certa esse non definit, quanquam rei modus nobis incertus, aut planè ignotus sit? multo magis id locum habere debet in rebus divinis quæ sunt à sensibus remotæ & mentis nostræ captum longè superant.

THESES THEOLOGICÆ

DE

CONCORDIA

Libertatis Humanæ cum Decretis Divinis.

PARS PRIMA.

Quæ est,

Decognitione quæ Deo tribuitur contingenter futurorum non absolute, sed sub conditione, quam vocant in Scholis scientiam mediam, seu conditionatam.

THESIS I

Inter ea quæ sunt in Scholis excogitata ad conciliandam libertatem humanam cum certitudine & immutabilitate decretorum divinarum circa actus humanos, increbuit in primis scientia illa conditionata, ex qua rationem istius conciliationis petendam esse censuerunt Ludovicus Molina & Fonseca Jesuitæ primi, & post eos plurimi, tum in Schola Romana, tum inter ipsos Protestantis. Itaque, Deo favente, de concordia Libertatis humanæ cum decretis divinis acturi, & varia Doctorum placita ea de re expositura; ab illa scientia initium sumendum nobis esse merito duximus.

II. Igitur maxima pars Doctorum Scholæ Romanæ in ea est sententia, Deum non solum præscire ea quæ libere & contingenter quidem, sed tamen simpliciter & absolute futura sunt; verum etiam illa quæ, licet nunquam futura sint, libere tamen evenitura essent, posita hac, aut illa conditione. Exempli causa, Deum non tantum cognoscere quid singuli facturi sumus ad finem usque vitæ, in variis illis statibus in quibus, ex certa
Dei

Dei Providentia sumus collocandi; sed præterea quid facturi essemus, si planè diversus esset futurus rerum status, & aliæ atque aliæ agendi occasiones sese nobis offerrent.

III. Porro, cum præscientia eorum quæ sunt absolute futura, necessariò sequatur decretum aliquod divinæ voluntatis, quo statuerit hæc & illa agentia creare, & in hoc, vel illo rerum ordine consistere, atque cum illis, prout necesse est, ad agendum concurrere; hanc scientiam eorum quæ simpliciter futura non sunt, sed ex hypothesi tantum futura essent, volunt in Deo præcedere liberum omne voluntatis decretum. Nempe juxta nostrum concipiendi modum, Deum, priusquam ullum de re quacunque decretum condiderit, certò & distinctè novisse quid creatura quælibet possibilis liberè factura sit, si voluerit Deus illam creare, & concursum suum illi non denegare, atque hæc & illa objecta, sub circumstantiis istis & illis ei proponere.

IV. Quamquam autem ista scientia liberum quodvis decretum in Deo antecedit; nihilominus, ut patet ex dictis, in conditione sub qua res futura dicitur, includitur decretum, non quidem quod actu Deo inesse concipiatur, sed quod necessario in Deo ponendum esset ad hoc, ut res illa esse posset. Ac proinde conditionata illa futuritio, quæ scientiæ hujus objectum est, non desini à quodam Dei decreto pendere: Verum non à decreto jam facto, sed quod faciendum à Deo supponitur, ut res illa verè futura dici possit. Nimirum more nostro Deus concipitur sic apud se cogitans, *Si decernerem hunc Angelum, vel hominem creare, & concursum meum illi non subtrahere, in tali rerum dispositione hoc ageret, & non aliud; quamquam posset aliter agere.*

V. Id observat Gabriel Valquez in primam partem Thomæ Nihilominus, inquit, dicendum est ita Deum certo cognoscere futura sub conditione, ut etiam sub conditione subintelligatur Dei decretum de concurrente cum arbitrio, hoc modo, Deus bene novit, si Petro in hac occasione, vel illa, darem hanc, vel illam vocationem, & ego cum illa cooperarer, secundum quod illa postularet, nec miraculose subtraherem concursum meum, fieret tale opus: possem tamen subtrahere, si placeret: utrum autem Deus esset negaturus concursum, an concessurus, in eo casu nihil decrevit ipse. Tom. 1. disput. 67. cap. 4.

VI. Nec absimilia sunt quæ leguntur apud Franciscum Suarezem. Adde præterea, inquit, simpliciter totum hunc effectum pendere à voluntate Dei, ut absolute sit, vel non sit, & consequenter etiam in illis conditionatis debere in antecedente includi voluntatem divinam, scilicet, si ipsa velut talem effectum, vel saltem vellet permittere, & ad illum concurrere; & hoc modo etiam illa scientia habet habitudinem ad voluntatem divinam sub prædicta conditione. Libro secundo de scientiâ quam habet Deus de futuris contingentibus sub conditione propositis, prius ratione quam de ipsâ conditione aliquid decernat, capite sexto.

VII. Cæterum quemadmodum ad hoc, ut in tempore agant causæ liberæ, non putant necessarium esse, ut à Deo præmoveantur, & prædeterminentur ad hunc aut illum actum: ita quoque Dei decretum unde pendet sive absoluta, seu conditionata futuritio actuum liberorum, non putant esse decretum aliquod causis liberis præmovendi, & prædeterminandi; sed absque tali decreto, vel simpliciter posito, vel saltem supposito, Deum certo prænosse quicquid factura sunt agentia libera vel absolute, vel sub conditione. Nempe ad hoc, ut res sit & prævideatur futura, sufficere si ponamus, vel supponamus in Deo decretum de subministrando concursu, quem solum putant ad agendum necessarium, & qui talis est ex eorum mente, ut semper præsto sit liberis agentibus, nec illa ad agendum vel applicet, vel prædeterminet.

VIII. Porro hanc scientiam vocant scientiam *Mediam*, quoniam, juxta ipsos, medium tenet inter scientiam quæ dicitur in Scholis scientia *Visionis*, & illam quæ dicitur *simpliciter intelligentiæ*. Per scientiam autem visionis intelliguntur notitiam illam qua Deus novit ea quæ extra ipsum existunt in aliqua temporis differentia, nempe quæ sunt præterita, præsentia, vel futura. Quæ omnia Deus ab æterno tam clarè, certò, & distinctè cognoscit, ac si actu ipsi præsentia essent, non secus ac illa quæ coram intuemur. Unde est quod dicitur scientia *Visionis*, ad similitudinem, scilicet, Visus corporei, quo res oculis objectas cernimus. Atque hæc scientia dicitur quoque scientia *libera*, quia sequitur liberum decretum divinæ voluntatis de rebus creandis atque conservandis, sine quo, ut nihil existere potest, ita quoque nihil potest videri præsens, vel prævideri futurum. Adeoque, si Deus nihil creare decrevisset, ejusmodi scientia Deo tribui non posset.

IX. Per scientiam verò simplicis intelligentiæ significant eam qua Deus novit & intelligit omnia possibilium rerumque essentias & connexiones omnes, seu necessarias, sive quomodocunque possibiles. Atque hæc scientia dicitur *naturalis*, non libera; quia præcedit

præcedit, juxta nostrum concipiendi modum, omne Dei decretum de rebus faciendis: neque potuit in Deo non esse, quamquam nihil extra se creare voluisset.

X. Scientia autem quam Deo tribuunt contingenter futurorum sub aliqua conditione, media ab illis vocatur, quoniam nec omnino convenit cum scientia visionis, nec etiam, cum scientia simplicis intelligentiæ, sed de utraque aliquid participat. Nec enim est de rebus merè possibilibus & abstracta ab omni consideratione existentiae, qualis est scientia simplicis intelligentiæ: neque etiam est de rebus absolute futuris in aliqua temporis differentia, ex decreto Dei; qualis est scientia visionis: Sed partim refert scientiam liberam, cuius est de rebus liberè futuris, si modo conditio poneretur, & in libertate Dei situm est, ut conditio illa ponatur: partim scientiam naturalem, quia præcedit omne decretum Dei & Deus ea carere non potuit, etiam si non decrevisset mundum, aut aliquid creare.

XI. Nihilominus scientiam istam futurorum sub conditione nonnulli non medium, sed conditionatam simpliciter appellant, quoniam censent illam facile revocari posse, vel ad scientiam visionis, juxta quosdam; vel juxta plures alios, ad scientiam simplicis intelligentiæ: quo de numero sunt Vasquez & Gregorius de Valentia. Quanquam observat Vasquez nihil obesse, si doctrinæ & claritatis gratia, inter duas illas scientias divinæ species tertium aliquod membrum constituatur: atque hanc diffensionem vocum esse, non rerum, nec multum referre, si qui hac in re varè loquantur. *Tom. 4. disp. 67. sub finem.*

XII. Cæterum scientiam talem Deo convenire, qua certò prænoscat contingenter futura sub aliqua conditione, probari posse putant Scripturæ testimoniis, & argumentis ex ratione ductis. Et primò quidem ex Scriptura proferunt varia exempla prædictionum de iis quæ non contingerunt quidem, sed quæ, positis his aut illis rebus, eventura erant. Quale est illud quod legitur 1 Sam. 23. v. 11, 12. Ubi quum David rogasset Dominum, *An si in Urbe Kebila maneret Saul, venturus esset ad capiendum ipsum. Et si ille veniret, An Keabila ipsum tradituri essent in manus Saulis?* respondit accepit & *Salem venturum, & Keabila ipsum in manus Saulis tradituros, si in urbe Kebila maneret.* Ac pròinde utrumque istud, quod à libera Saulis & Kehilitarum voluntate pendeat, certò prævisit Deus sub conditione quæ locum non habuit, David fugam arripiente, qua de causa neutrum revera factum est.

XIII. Simile est quod Deus interdicens Israelitis, ne filios, vel filias suas matrimonio jungerent cum filiabus vel filiis populorum à sedere Dei alienorum, hujus sui præcepti hanc rationem reddit, quod alioqui gentes illæ externæ Israelitarum corda seducerent, & inclinerent ad Deos suos. *Non ingredimini ad eas, neque de illis ingredietur ad vestras: certissime enim advertit corda vestra ut sequamini Deos earum,* 1 Reg. 11. 2. Unde patet, Deum certò prævisisse Israelitarum corda seductum iri si illegitimis ejusmodi connubiis sese implicarent. Quod & in Solomone ob conditionem positam impletum est, in plerisque verò aliis Israelitis non item, propterea quod in illis locum non habuit illa conditio antecedens.

XIV. Ex novo quoque Testamento multum urgent Christi verba quæ habentur Matth. 1. 2. 1. *Vae tibi Corazaim, va tibi Bethsaida: quia si in Tyro & Sidone factæ essent virtutes quæ factæ sunt in vobis, olim, sacco & cinere poenitentiam egissent.* Ubi affirmat Christus poenitentiam acturos fuisse Tyrios & Sidonios, si eadem media Deus erga illos adhibuisset, quibus erga Judæos usus est. Adeoque Deus, illorum poenitentiam sub ista conditione futuram fuisse ab æterno novarat. Ac vim quoque faciunt in eo quod Dominus in quodam Pauli raptu jubet eum ocyus Hierosolymis exire, propterea quod non essent testimonium de ipso suscepturi. Nempe prævidebat Deus, quod si Christum Paulus Judæis prædicaret, non essent fidem ejus testimonio habituri, Act. 22. 18.

XV. Præterea multis argumentis ex ratione ductis probari posse putant talem scientiam in Deo reperiri. Et primò quidem inde quod in propositionibus de futuro contingenti sub aliqua conditione determinata est veritas, vel falsitas, non minus quam in propositionibus de iis quæ sunt absolute futura; ac pròinde sunt illæ quoque scientiæ divinæ objectum: quandoquidem nulla veritas latere potest intellectum infinitum, quæsi divinus est. Propositiones autem de futuris contingentibus sub aliqua conditione determinate veras, vel falsas esse, ex eo conficitur, quod inter eas vera potest esse contradictio, haud secus ac inter eas quæ sunt de rebus absolute futuris. Siquidem prorsus hæc sibi contradicunt, *Si Petrus in talibus circumstantiis ponatur, peccabit, Et, Non si Petrus in talibus circumstantiis ponatur, peccabit.* In omnibus autem contradictoriis, necesse est alteram partem contradictionis veram, alteram falsam esse.

XVI. Deinde

XVI. Deinde si verum est, quod Petrus positus in talibus circumstantiis peccet, sane non solum antequam in iis poneretur, sed etiam antequam in iis ex decreto Dei ponendus esset, verum erat. quod si in iis poneretur, peccaret, adeoque Deus ante suum decretum novit illud sub tali conditione futurum fuisse. Et prius ratione quam verum sit aliquid absolute futurum, verum est illud fuisse futurum conditionate.

XVII. Præterea sapientis est priusquam aliquid decernat, animo conceptum habere quid futurum sit ex rebus à se decernendis, atque faciendis. Cum ergo Deus sapientissimè omnia decreverit, necesse ut ratione prius quam decrevit hunc, aut illum creare taliaque illi obijcere, & hoc, vel illo modo cum eo concurrere, nosset quid esset, ex istis omnibus consecuturum, & quid iis positus, creatura liberè factura, vel omiffura esset, qua in cognitione consistit scientia conditionata, de qua quæstio est.

XVIII. Adde quod, nisi talem scientiam Deo tribuamus, infinitæ poterunt quæstiones Deo proponi, ad modum illarum quas proposuit David, ad quas Deus nihil certum & perspicuum respondere poterit, nisi rem esse quæ sciri non potest; quod non parum divinæ omniscientiæ detrudere videtur. Exempli gratia, quærat aliquis, quid facturus fuisset iste, qui placida morte in Christo decessit, si oblatum ipsi fuisset martyrium? An si iste, vel ille talis puellæ quæ alteri nupsit, prior nuptias ambivisset, assensum fuisset impetraturus necne? si certus aliquis in regem Poloniæ eligeretur, quomodo in illo regnò sese gesturus esset? & infinita huiusmodi, de quibus cum homines sagaces, & rerum periti conijcere possint, non est verisimile ea simpliciter à Deo nesciri. Ac indignum Deo videtur, illum non certò compertum habere, quod homo probabili conjectura affe- qui potest. Quod si quis dicat, Deum talia quidem scire, & de iis distinctè & perspicuè respondere posse, sed talem scientiam præsupponere liberum decretum de rerum istorum futuritione, in hoc vel illo casu, inde sequetur in Deo esse infinita decreta de rebus nunquam revera futuris, ac proinde frustranea, inania, & otiosa quod valde absurdum est.

XIX. Veruntamen non pauci Doctores Scholæ Romanæ, & præsertim illi qui Thomistæ recentiores dicuntur, præter scientiam naturalem, quæ dicitur scientia simplicis intelligentiæ, & scientiam liberam, quæ scientia visionis vocatur, negant in Deo dari scientiam ullam mediam, per quam scilicet, ante omne voluntatis suæ decretum, Deus, sciverit ea quæ nec simpliciter possibilia sunt, nec etiam sunt absolute futura, sed futura essent sub hac, vel illa conditione, & à creaturis intelligentibus hoc, vel illo dato liberè fierent.

XX. Putant enim nihil esse ullo modo futurum, vel absolute, vel sub conditione, nisi virtute alicujus decreti, quod actu in Deo præcedat, & quo Deus constituerit id quod futurum dicitur, vel efficere, vel saltem permittere; adeoque ante decretum divinæ voluntatis prædeterminantis voluntatem ad alteram partem contradictionis, vel contrarietatis, non esse scibile quid in particulari faciet homo, vel quid facturus esset, si constitueretur in talibus circumstantiis; sed solum quid posset facere: Idque quoniam ante tale decretum, res nec est futura, neque non futura sed mere possibilis, & indifferens ad hoc, ut futura sit, vel non futura sit.

XXI. Itaque non negant quidam contingenter & liberè futura sub aliqua conditione à Deo certo præsciri, & in Scriptura prædici, quemadmodum Deus Davidi prædixit, quod si in urbe Kehila maneret Saul, venturus erat ad ipsum prehendum; & rursus quod, si Saul ad urbem illam veniret, incolæ erant ipsum in manus Saul tradituri: Sed pertendunt certam illam Dei præscientiam sequi liberum in Deo decretum, quo statuerit ut hæc aut illa fiant, si adimpleatur hæc vel illa conditio. Exempli causa, Deum præcivisse quod David manente in urbe Kehila, Saul venturus esset, & Kehilani essent Davidem tradituri, quia, posita illa conditione, Deus decreverat utrumque permittere, & ad substantiam illorum actuum voluntatem Saulis, & incolarum urbis Kehila prædeterminare. Prout latius videre est apud Didacum Alvarez de Auxiliis *divine gratiæ lib. 1. cap. 6. cuius Titulus est, Quod præter scientiam mere naturalem, & mere liberam, nulla sit, etiam in Deo, scientia media constituenda.* Et sequenti quoque capite, in quo Doctorum diversæ sententiæ objectiones dissolvit.

XXII. Quod spectat autem Protestantes, variaz quoque sunt eorum hac de re sententiæ. Et primò quidem illi qui in Belgio Remonstrantes vocantur, videntur communi consensu scientiam illam mediam qualis hætenus descripta est probare, & agnoscere Deum non solum quæ sunt absolute futura prævidere, sed etiam quæ cumque libere futura essent, in quocunque rerum ordine Deo placeret agentia libera collocare.

XXXIII. Et primò quidem solennem à temporibus Molinæ distinctionem triplicem
in

in Deo scientia, ut commodam refert Simon Episcopius. *Observandum venit*, inquit, triplicem Deo scientiam tribui solere, *Unam, quæ necessaria est, & practica, atque simpliciter intelligentiæ dicitur, quæ ex natura sua omni voluntatis liberæ actui prior est quæ Deus seipsum & alia omnia possibilia intelligit. Alteram liberam, quæ Vithonis dicitur, & actui Voluntatis liberæ posterior est, quæ Deus omnia, quæ facere, aut permittere decrevit eodem ordine novit quod ea decrevit facere, aut permittere ut fiant. Tertiã Mediam, quæ Deus novit quid homines, aut Angeli pro sua libertate facturi essent, sub conditione, si cum his aut illis circumstantiis, in hoc vel in illo statum, aut ordine constituerentur. An hæc divina scientia distinctio rectè fiat, nos non expendimus. Quia ea commodè & doctrinæ gratia fieri possit, nevisquam dubitamus.* Institutionum Theologicarum libro quarto, capite 19. De ordine & modo scientiæ divinæ.

XXIV. Nicolaus verò Grevinchovius prolixè pro hac scientia disputat in Responso quod opposuit *Dissertationi de Redemptione generali, & Electione ex fide præviſa*, pag. 393. & seqq. Cujus Responſi examen instruit Guliel. Ameſius in libro cui titulus est, *Rescriptio Scholastica & brevis ad Nic. Grevinchovii Responſum*. Et similiter Curcellæus satis ostendit sibi probari scientiam illam Mediam seu conditionatam, quam in Scholis Deo tribuunt, dum in eo laudat Gomarum, quod ab Arminio edoctus, in posterioribus suis Theſibus, De Æterno Dei decreto, & De prædeterminatione, *Scientiam conditionatam in Deo agnovit; cuius op.*, inquit, *ingens illud æreus, quod Deum primi hominis peccati, & per consequens cæterorum omnium, quæ ex eo fluere putantur, anteborem faceret, à sua sententia amolitur.* Præfatione præfixa libro cui titulus est Jacobi Arminii *Examen Theſium Francisci Gognari de Prædeterminatione*.

XXV. Sed & inter Reformatos qui Dordracenſi Synodo ſubſcribunt, reperiuntur nonnulli agnoſcentes in Deo scientiam illam conditionatam, per quam ante omne voluntatis suæ decretum, novit quid causa libera quælibet, in quovis rerum ordine, pro ingenta sibi libertate, factura esset. Inter quos primum numerandus videtur Franciscus ille Gomarus, in hanc sententiam jam à Curcellæo citatus. Etenim scribens in locum Matth. 11. v. 21. Postquam observavit Tyriorum Pœnitentiam, posita miraculorum Christi conditione, futuram, intelligi hujusmodi, quæ communis est Electis & Reprobis, credentibus & non credentibus; qualis, ex ejus mente, fuit Ninivitarum cum sacco Pœnitentia; subjungit hæc ipsa verba, *Quod autem Christus de futura hac Tyriorum, posita illa conditione, pœnitentia asserit, illius veritas ex indefinita divini ipsius naturæ præscientiæ constat, quæ novit quidnam, quo posito antecedente, fuisset secularium etiam si nequorum eveniret.* Nam posita ea conditione, alterutrum fuisset eventurum, aut pœnitentiam agentem, aut non agentem, omnibus notum est ex principio illi, quod duo opposita non possunt esse simul vera: sed utrum eorum fuisset futurum, cum res fuerit contingens, solus prævidit, qui infinita sua scientia omnia videt, nec solum necessaria, sed etiam futura contingentia certo prædicit. Similis locus est Ecce. 3. v. 6, 7. Ut refert Baldvinus Walæus commentario suo in libros historicos Novi Testamenti ad locum Matthæi citatum.

XXVI. Robertus quoque Baronijs expresse probat sententiam Fonſecæ ponentis in Deo scientiam quandam conditionatam, ante liberum ipsius decretum, quæ futurorum absolutam præscientiam antecedit. Deum, verbi causa, prius conditionatè tantum scivisse quid eventurum esset, si Eva seducta à Serpente Adamum tentaret; postquam autem decrevit permittere ut Adamus obtemperaret uxori suæ suadenti, non amplius conditionatè, sed absolute prævidisse Adamum lapsum.

XXVII. Atque sic suam & Fonſecæ sententiam ex de re declarat. Nempe *Quemadmodum illi qui sapienter magnum aliquod opus moliantur, prius apud se cogitant quid ex eo consequitur sit, quam absolute & determinatè illud facere decernant; ita Deum Op. Max. more nostro intelligendi, priusquam absoluta determinatæque voluntate velles mundum condere, quasi apud se deliberantem cogitavisse quid esset futurum, si cælum & terram, & ea omnia quæ in iis continentur, hoc ipso modo & ordine quo actua ea postea disposuit, constitueret, & scientia quadam hypothetica scivisse qui & qualis eventus eveniret, si res omnes eo modo & ordine disponerentur, quo jam dispositæ sunt; neque Deum scivisse tantum quid eveniret, si causa naturalis hoc ordine ac modo quo disposita sunt constituerentur: sed etiam quid eveniret si causæ liberæ haberent hæc occasiones agendi, aut non agendi oblata, quas jam habent, aut quas causæ liberæ quæ prius existebant habuerunt: Deum enim, cujus judicia incomprehensibilia sunt, certo cognovisse quid esset eventurum, si hæc aut illæ occasiones hominibus, vel Angelis offerrentur;*

N n n

exempli

exempli causa, Deum per scientiam hanc conditionatam novisse quid esset eventurum, si Adami uxor seducta à Serpente Adamo suaderet ut pñum ederet. In Metaphysica generali à Theologiæ usum accommodata scēt. 1. 2. disp. 2. num. 55, & 56. & pluribus aliis locis in eadem disputatione.

XXVIII. Præsertim verò Antonius Walæus in Academia Leydensi Professor agnoscit in Deo scientiam mediam, quæ ex hypothesis res futuræ cognoscuntur, est absolute futuræ non sint, aut nondum sint. Et censet, verbi causa, Deum præscivisse Adamum sua libertate esse abusurum, si Deus eum talem conderet, donis ejusmodi ornaret, tentari permitteret, &c. & rem sic se habere de cæteris liberi arbitrii eventibus, ex Angelorum aut hominum arbitrio pend. nibus. Atque hanc suam scientiam probat iis Scripturæ locis quæ supra citata sunt, & pluribus adhuc aliis, ut quod legitur Matthæi capite vigesimo quarto. Nisi abbreviati fuissent dies illi, non fieret salva ulla caro, Et si fieri posset seducerentur etiam electi, id est, nisi singulari gratia præservarentur. Ex quibus & similibus locis manifestum esse dicit dari talem aliquam scientiam in Deo, ante omne decretum ejus, de eo quod certo futurum fuit. In locis communibus, loco de scientia Dei, pag. 160. editionis tñ quarto.

XXIX. Ibidem vero monet non esse necessarium, ut hæc scientia hypothetica statuatur tertia aliqua species scientiæ quia illa ad scientiam simplicis intelligentiæ pertinet. Nam illud, inquit est absolute necessarium, ut Deus omnes modos possibiles causarum secundarum, siue solæ, siue cum aliis agant, ab æterno conspexerit, ac proinde quid ex unaquaq; tertæ hypothesis posita infallibiliter fieret, vel non fieret, si causas illas produceret, eas conservaret, & cum eis hoc aut illo modo concurreret, vel hoc aut illo modo disponderet, aut disponi sineret. Hoc nemò Christianus negabit.

XXX. Sed præcipuè cavendum esse docet, nequis ista scientia abutatur vel ad decretum electionis à bono usu liberi Arbitrii hominis perpendendum, ut faciunt illi qui volunt, Deum priusquam hominem elegerit, prævidisse quomodo, si hæc aut illa gratia præveniens & concomitans, in hoc aut illo ordine rerum, vel in hoc aut illo statu homini offerretur, ille per liberum arbitrium ei esset assensurus, aut non assensurus, adeo ut liberum arbitrium gratiam Dei eis determinet, non contra. Vel etiam ad negandam omnem Dei operationem efficacem in hominis convertendi voluntate præter moralem institutionem: quoniam, ut postea demonstraturum se confidit, Deus non tantum moraliter, sed etiam Physicè agit in hominis voluntate, quando eum convertit.

XXXI. Atque hanc scientiam futurorum conditionatam, & quæ liberum decretum præcedat, in Deo admittit quoque Paulus Ferrius Verbi divini apud Metenses Minister Celeberrimus, Præscivit, inquit, Deus sua quam conditionatam vocant scientia, hominem quocunque illum modo faceret, hoc vel illud effecturum; ac proinde lapsurum si labilem crearet & tentari sineret & ipsum sibi ipsi committeret, pro innata ipsi ipsius libertate ad utrumque, & creatura infirmitate: si autem laberetur, futurum ut omnes perirent, si vellet, vel aliquos inde posset eruere, ut ita in illis iustitiam, in istis gratiam suam declararet, &c. Et postea rationem divinæ Providentiæ circa lapsum hominis exponens, Primum inquit, Deus prævidit fore ut homo caderet, si crearetur labilis & tentaretur. Deinde (quia vidit expedire ita esse) placuit ipsi ut hoc fieret non inferendo vim homini, sed hominem ita creando, tentationique & sibi permittendo. Quibus subiungit, paucis interjectis, Deum circa lapsum Hominis nihil statuisse, quin prius prævideret, præposita libertate & tentatione, fore ut infallibiliter laberetur. In vindictis pro scholastico Orthodoxo, pag. 203, 209, & 210.

XXXII. Verum plures alii Reformatorum Theologi scientiam istam Mediam & conditionatam in Deo tanquam vanam & superfluum rejiciunt: non omnes tamen eodem modo, neque iissem fundamentis nitentes. Et primo quidem nonnulli sunt qui concedunt omnes propositiones quæ negant vel affirmant contingenter aliquid futurum sub quacunque conditione, determinatè veras vel falsas esse, ac proinde etiam à Deo cognoscibiles; nec enim ulli dubium est quin Deus omnem veritatem certò cognoscat atque apprehendat. Adeoque affirmant nullam esse quæstionem de futuris liberis & conditionatis, ab humano vel angelico intellectu imaginabilem, ad quam non perspicue respondere possit Deus, posita hac vel illa conditione, rem sic se habituram. Negant tamen inde sequi ullam esse in Deo scientiam conditionatam, quæ liberum Dei decretum antecedit. Idque quoniam Deus ista quidem scit, sed ex libero voluntatis suæ decreto, quo non tantum modos & connexiones rerum in tempore futurarum, sed etiam nunquam futurarum, & tantum fieri possibilem, apud se ab æterno præfinivit; sed cum ipso discrimine, quod ista fieri vellet, hæc nollet: quæ tamen si vellet, sic futura essent quemadmodum præfinivit;

finiverat. Quæ sunt verba Matthiæ Netheni apud Gilbertum Voetium, virum Celeberrimum, & eodem Voetio probante, *Disputationum Theologicarum parte prima thesibus de conditionata sive Media in Deo scientia, sectione tertia, num. 18.*

XXXIII. Atque ut viri illi Doctissimi mentem suam ea de re distinctius explicent, aiunt, *se considerare in objecto scientiæ divinæ duos status, possibilitatis & futuritæ, sed tria momenta. Primum, quando Deus intuendo suam omnipotentiam vidit quid absque contradictione à se fieri possit. Alterum, quando omnium fieri possibilem modis, connexiones, & concatenationes apud se decreto absoluto præfinivit, id est, quid causa, quid effectum, quid medium, quid finis, quid prius, quid simul, quid posterius foret, aut non foret; Sed cum hac cautione, si vellet eas futuras. Tertium, quando inter illas res, sub conditione tali præfinitas, discrimen statuit, relicta quibusdam conditione illa, & superaddito tali decreto, Nolo futuras, ab aliis sublata conditione, ejusque in locum substituto tali decreto, Volo futuras. In tertio momento, rem demum extrahi ex statu possibilitatis in statum futuritæ: in prioribus duobus manere in statu possibilitatis; hoc tamen discrimine, quod eas in primo per naturam, & ante omnem voluntatis actum cognoscat, in secundo post actum voluntatis. Quæ sunt quoque eorum verba tertia illa sectione, num. 13. Ex quibus verbis patet eos futura contingentia sub conditione non habere pro verè futuris, sed pro mere possibili-bus, & tamen velle ut eorum cognitio, non ad scientiam Dei naturalem, sed ad liberam pertineat.*

XXXIV. Porro hanc suam doctrinam fatentur illi se sumpsisse à Samuele Retorforti Scoto, ex quo, ut certissimum fundamentum, ibidem supponunt: *Quod voluntas Dei ad nulla entia, vel quæ actus sunt vel quæ sunt in potentia seu aliquando actum, seu in actu nunquam deducenda sit indeterminata, dubia, aut suspensa; seu habens in se potentialitatem, suspensionem & privationem actus secundi, qualis reperitur in voluntate creata, sed quod sit per eminentiam sui actui, respectu omnis entis, ab æterno determinata. Unde colligunt, Deum necessarîo velle, vel non velle omnes concatenationes & connexiones entium possibles, adeoque in omnibus propositionibus conditionatis de futuro contingenti, verum esse ex definita & certa Dei voluntate, quod si talis vel talis conditio poheretur, sequeretur hoc & non aliud.*

XXXV. Et certe Retorfortis ille, nuper in Academia Andreaopolitana, Theologiæ Professor, Vir quoque Doctus & subtilis, eodem utens principio, affirmat Echilitas Davidem in manus Saulis tradituros, si apud eos permanisset, & Tyrios acturos poenitentiam, si signa vidissent, & alia ejusmodi, *Deus cognovit scientia libera in decreto prædeterminante, quod concatenationem entium omnium possibilem absolute præfinivit, quod certe, inquit, spectat ad admirandam Dei providentiam, cujus voluntas ad nulla entia, vel quæ actus sunt, vel quæ possibilia sunt, est indeterminata & suspensa.* In Exercitationibus Apologeticis pro divina gratia, cap. 5. de scientia Media.

XXXVI. Alii verò existimant, multas aut innumeras potius propositiones de futuris contingentibus sub aliqua conditione fieri & fingi posse, quæ sub scientiam divinam non cadunt, nec quicquam exprimunt quod ab ipso Deo sciri & cognosci possit, non quod Deum existiment veritatem ullam ignorare, aut aliquid esse revera futurum quod Deus futurum non fiat, sed quoniam existimant propositiones istas nihil significare quod determinatè verum vel falsum sit; & quæ in eis futura sub certa conditione negantur vel affirmantur, non esse magis futura, quam non futura, sed indifferentia ad utrumque.

XXXVII. Exempli causa, affirmat aliquis, quod si Deus mundum alium crearet, & certos Angelos in eo conderet, in his, aut illis circumstantiis, Angeli isti essent in officio suo & amore Dei perseveraturi. Ex eorum mente, id quod affirmatur in conditionali ista propositione neque verum, neque falsum est, ac proinde ut tale à Deo cognosci non potest; sed res est ex se mere possibilis, & quæ indifferens est, ut ita sit, vel non sit; Eamque ita se habere novit Deus; ac proinde, si dicatur ista propositione nullam veritatem Deo scibilem contineri, omniscientiæ divinæ nihil propterea detrahatur.

XXXVIII. Etenim absurdum putant sententiam eorum qui infinita decreta Deo tribuunt de connexionibus contingentibus cujusque possibilem cum altero possibili ætiam in iis in quibus nullus ordo, subordinatio; aut coherentia apparet. Quasi Deus decrevisset quæcunque futura essent in infinitis mundis à se creabilibus, suppositis infinitis diversis conditionibus. Quæ est sententia jamjam ex Samuele Retorforti, & Theobaldo Voetii relata: quam expressè rejicit Strangius, Tractatu de Voluntate & Actionibus Dei circa peccatum, lib. 1. cap. 5. & lib. 3. cap. 13 Et Tuissius quoque in dissertatione de scientia Media. lib. 3. pag. 472.

XXXIX. Neque tamen negant omnem in Deo scientiam eorum quæ essent, vel fuissent
N n n 2 continen-

contingenter futura, sub aliqua conditione, quæ nunquam posita est, nec etiam unquam ponenda. Agnoscunt enim ejusmodi quædam in scriptura prædici, adeoque Deo nota & perspecta fuisse. Sed pertendunt istam scientiam non præcessisse liberum voluntatis divinæ decretum. Non quod admittant in Deo decreta quædam conditionata, quibus velit aliquid fieri sub conditione quæ nunquam locum habitura est: aut etiam explicita & formalia decreta de connexionione duorum eventuum quorum neutrum revera existit: sed quoniam ex absolutis quibusdam Dei decretis de rebus reapse futuris sequitur, posita tali, vel tali conditione, hæc & illa futura fuisse.

XL. Exempli causa, noverat Deus Saulem venturum in urbem Kehilam, & Kehilanos Davidem Sauli tradituros, si David ea in urbe maneret: quia decreverat Davidem ex manu Saulis eripere, non per miraculum aliquod, aut extraordinariam quandam animi mutationem live in Saule, live in Kehilanis, sed per Davidis recessum & fugam; Unde sequitur Davidem in manus Saulis fuisse tradendum si mansisset apud Kehilanos: quanquam explicitum ejusmodi decretum in Deo non ponamus, *Volo ut Cæiani Davidem tradant si maneat apud ipsos.*

XLI. Sic rem istam exponit Guil. Amesius in sua rescriptione ad Grevinchovii Responsum cap. 15. *Dignum, inquit, & hoc accurata contemplatione: decretum Dei vel ut formale statutum & explicitum concipi, vel ut implicitum & virtuale, quod virtute alterius decreti includitur: implicitum vero tantum dari in futuris conditionatis contingentibus, quæ nunquam existunt, quia virtute actualis decreti, hoc vel illo posito existenter. Decreverat Deus liberare Davidem à manibus virorum Ceila mediante fuga, non mutatione animorum præter ordinem. Ex hoc actuali fuit conditionatum illud contingens: si non fugiat David, traditur. Et hoc sensu aut futurum conditionatum decreto libero inniti, adeoque per Visionis scientiam intelligi quæ non sit de iis tantum quæ absolute futura sunt; sed & de iis quæ ex actuali decreto jam facto fluere, hac vel illa conditione posita.*

XLII. Porro præcipuum fundamentum quo nituntur Tuissus, Retorfortis, Voetius, Amesius, & alii, dum negant in Deo dari cognitionem contingenter futurorum sub aliqua conditione, ante liberum ipsius decretum, illud est quod, ex eorum mente, Nihil futurum est priusquam decreverit Deus illud esse futurum. Unde sequitur, ante Dei decretum nihil ut futurum concipi atque cognosci posse. Nihil autem vel absolute vel conditionate futurum esse, priusquam decernat Deus illud esse futurum, inde probant, quod nulla causa fingi vel cogitari possit, per quam res ex possibili ab æterno futura fiat, præter Dei decretum. Cum enim nihil temporale causa possit esse ejus quod æternum est, ad nihil eorum quæ in tempore sunt, futuritionis, quæ est ab æterno, causa referri debet, sed necesse est ut ista futuritio causam habeat aliquam æternam, quæ alia esse non potest quam liberum Dei decretum: ut milles repetit Tuissus in sua dissertatione de scientia Media.

XLIII. Voetius vero, seu apud ipsum Nathenus, postquam multis disputavit contra scientiam Mediam, sic tandem concludit, *Ex iis quæ hactenus contra scientiam mediam disputata sunt, manifestum est totam præsentis controversiæ difficultatem recidere in hoc punctum: An futura conditionata libera, ex sua natura ad futuritionem & non futuritionem indifferentia, ab æterno potuerint transire in statum rei futuræ aliter quam per decretum divinum, quod causa sit omnis qualiscunque etiam futuritionis? Hoc est fundamentum fundamentorum, cui tota causæ moles incumbit; hoc est postulatum illud quod & nos adversariis concedere, & ipsi nobis probare non possunt.*

XLIV. Strangius vero qui non putat, cum modo dictis Theologis, cujuslibet eventus ab æterno futuritionem non aliunde quam ex Dei libero decreto pendere, alio argumento, quod invictum esse existimat, probare contendit contingentia libera, ut futura non posse à Deo cognosci, ex ulla hypothefi, ex qua non necessario inferatur determinatio voluntatis creatæ. Argumentum autem ejus tale est. *Conditionata quorum consequens non habet necessariam connexionem cum antecedente non possunt certo sciri, ac proinde nec sunt subiecta à Deo cujus scientia est certissima & omnino infallibilis. At ejusmodi sunt conditionata quæ statuuntur esse objectum scientiæ mediæ, &c.* Majorem probat, quia, inquit, *Nisi objectum sit certo verum, certo cognosci non potest: quædam enim res est incerta, certo sciri non potest; nihil autem est certo verum quod non est necessario verum, necessario inquam vel absolute, vel ex hypothefi. Ac proinde conditionata scientia ut sit certa & infallibilis, oportet ut objectum ejus sit conditionata propositio necessaria: nulla autem conditionalis propositio est necessaria, in qua illatio non est necessaria.* Tractatu de Voluntate Dei circa peccatum, lib. 3. cap. 11.

XLV. Ut

XLV. Ut autem quid ipse quoque sentio paucis aperiam, Primo illud certum est, & ut patet ex dictis, ab omnibus concessum, Nihil esse sub ulla conditione libere futurum & ut tale cognosci posse, nisi in conditione sub qua futurum dicitur, includatur Dei decretum de non denegando creaturæ concursu ad agendum necessarium. Nempe propositiones omnes de futuris conditionatis, ut veræ esse possint, sic exponendæ & intelligendæ sunt; creatura hæc, vel illa in tali rerum ordine constituta, hoc aut istud faciet, modo Deus velit cum ea concurrere, prout concurrere solet, & ut concurrat necesse est ad hoc ut creatura actionem suam elicere possit.

XLVI. Secundò, illud quoque concedendum existimo, propositiones omnes de futuris conditionatis liberis & contingentibus, in quibus ejusmodi conditio subintelligitur, de terminatæ veras vel falsas esse. Saltem hoc negare non possunt Thomistæ recentiores, & alii qui cum ipsis in hoc negotio sentiunt, & aliqui scientiam Mediam acerrimè impugnant. Cum enim ad hoc ut creatura agat, ex eorum sententia, necesse sit Deum illam præmovere & prædeterminare, posita autem Dei prædeterminatione, necessariò sequatur creaturæ actio, juxta eorum hypothefes infallibilis & necessaria est hæc conditio-
nalis, Si Deus vellet talem creaturam in hoc, aut illo statu constituere, & nihil ad agendum necessarium ipsi denegare, hoc aut illud ageret: quandoquidem in illa conditio-
ne continetur decretum Dei de illa ad agendum prædeterminanda.

XLVII. Et certe quæ rationes suadent absolutas propositiones de futuris contingentibus determinatam veritatem, vel falsitatem habere, in hisce conditionatis locum etiam habere videntur. Nempe quod fieri non potest, quin ex duabus contradictoriis, altera sit vera, altera falsa. Item quod in omni disjunctiva vera, una pars saltem debet esse vera. Nam hæc disjunctiva vera est, *Si Petrus in occasione tali constituitur, nec Deus ei solum concursum suum denegat, peccabit, vel non peccabit.* Et hæc quoque duæ sibi mutuo contradicunt, *Petrus si in eo rerum ordine collocetur, nec Deus nolit cum eo ad agendum concurrere, hoc agat: Ex Petrus si in eo rerum ordine collocetur, nec Deus nolit cum eo ad agendum concurrere, hoc non agat.*

XLVIII. Quod si quis dicat nihil futurum esse, nisi dependenter à Dei decreto: & sic ante decretum Dei, rem non esse magis futuram quam non futuram, sed indifferenter ad hoc, ut futura vel non futura sit; adeoque neutrum de ea vere affirmari posse: Respondeo ad hoc, ut res absolute futura sit, prærequiri quidem quoddam Dei decretum, à quo pendeat ejus futuritio: sed ad hoc ut res non sit simpliciter futura, sed tantum futura esset sub aliqua conditione, non requiri decretum quod actu in Deo sit; sed sufficere decretum quod, juxta hypothefin, in Deo ponendum esset.

XLIX. Præterea certum est, & ab omnibus concessum, nullam omnino veritatem qualiscunque sit, fugere intellectum divinum: ac proinde cum propositiones de libere futuris, sub conditione sapientis exposita, determinatam veritatem habeant, sunt illæ quæ quæ divinæ scientiæ objectum. Adeoque novit Deus quid singulæ creaturæ possibiles facturæ essent, si vellet illas in hoc aut illo statu condere, nec eis quicquam negare eorum quæ ad agendum necessaria sunt.

L. Hanc etiam propositionem, quæ ex præcedenti sequitur, negare non possunt illi qui sine Dei concursu prævio & prædeterminante, nullam a creaturis actionem edi posse putant. Manifestum est enim, fieri non posse quin Deus cognoscat, quid acturæ essent singulæ creaturæ possibiles, si vellet eas non tantum creare, sed etiam ad agendum applicare & prædeterminare. Istud fatetur Tuissius, qui postquam observavit Suarezium docere propositiones conditionatas de futuris contingentibus, quæ sunt objectum scientiæ divinæ, includere in antecedente voluntatem divinam, scilicet, *si ipsa vellet talem effectum, vel saltem vellet illum permittere, & ad illum concurrere*, subjungit, *juxta hunc sensum concedimus conditionales illas obtinere quas fingunt Jesuitæ.* Dissertatione de scientia Media, lib. 3. pag. 465.

LI. Nec minus evidens est, juxta eorundem Doctorum principia, scientiam illam qua Deus cognoscit quid creatura quælibet possibilis actura esset in hoc aut illo rerum statu, si Deus illi concursum ad agendum necessarium subministrare vellet, in Deo locum habere ratione priusquam de rebus quicquam decreverit. Etenim priusquam concipiamus Deum aliquid decernere, verum est, quod si Deus creaturam aliquam vellet concursu suo ad agendum movere & prædeterminare, ageret procul dubio id ad quod moveretur & determinaretur. Nec veritas hujus propositionis ab aliquo Dei decreto antecedente pendet, quo decreta sit connexio possibilis illius decreti cum eventu qui ex illo sequeretur.

LII. Imo etiam plane commentitium, neque tantum sapientiæ, sed etiam divinæ bonitati

bonitati repugnans videtur illud decretum quo nonnulli volunt, ut supra retulimus, Deum omnium fieri possibilem connexionem & concatenationem apud se præfinivisse, priusquam decerneret aliquid esse futurum. Nam si ita esset, oporteret ut Deus, antequam hunc mundum creare statueret, huiusmodi decreta apud se concepisset, si velim Adamum creare, volo ut ejus lapsus cum ejus tentatione necessario cohereat. Si velim creare Davidem, & illum videre Bathschabam, volo ut cum isto visu connexa sit istius mulieris concupiscentia. Item, volo ut tales occasiones peccandi consequantur talia peccata, si decernam tales occasiones fore. Imo volo ut in infinitis mundis à me creabilibus hi & illi eventus contingenter possibiles cum his & illis ejusdem naturæ eventibus nexum habeant inseparabilem. Quæ cerè decreta non tantum plane otiose, frivola & frustranea sunt, sed maxime dedecent bonitatem & justitiam illius qui *Deus volens iniquitatem est*.

LIII. Negari ergo cum aliqua ratione non potest, & debet ab omnibus concedi, dari in Deo scientiam quandam eorum quæ libere & contingenter futura sunt, sub certa conditione, antequam ullum actuale de rebus futuris decretum in Deo concipiatur. Tota difficultas est, An conditio sub qua res futura dicitur, includere debeat decretum de causâ secunda ad agendum præmovenda ac prædeterminanda, an vero sufficiat ut decretum, quod juxta conditionem illam in Deo ponendum esset, sit solum de præbendo concursu quodam ex se indifferenti, & qui à causâ secunda ad certam actionis speciem determinetur.

LIV. Omnes illi Theologi qui sine concursu Dei causam secundam ad agendum applicante & prædeterminante nihil fieri existimant, perpendunt nullam propositionem de futuris contingentibus & conditionatis veritatem aliquam habere, adeoque ut veram esse cognoscibilem, nisi in conditione supponatur decretum de agente libero præmovendo & prædeterminando. Volunt enim actionis cujusvis futuritionem à tali decreto pendere, imo juxta nonnullos, tanquam à causâ unica atque solitaria, & sine tali decreto nullam causâ secundæ actionem futuram esse posse. Verum in ea sumus sententia causas secundas multa in tempore agere ad quæ à Deo non prædeterminantur. Nec enim videmus quomodo Deus autor peccati non esset, si prædeterminaret causas liberas ad actus per se vitiosos & intrinsece malos, verbi causa ad blasphemiam, & ad Dei odium. Si autem actio aliqua causâ liberæ esse potest sine Dei præmotione & prædeterminatione, ad hoc ut actio aliqua futura sit, vel futura esset, non necesse est poni, vel supponi in Deo decretum de creatura ad agendum præmovenda & prædeterminanda: sed sufficit decretum de eo concursu præbendo, sine quo creatura nihil agere potest, & qui ad ejus actionem revera necessarius est.

LV. Præsertim vero illud nullo modo probare possum quod Guil. Tuius pluribus in locis asserit, decretum Dei & ejus voluntatem esse solam & unicam causam futuritionis cujuslibet eventus. Quid enim, An Dei decretum sola causa est cur Adam inobediens Deo futurus fuit: Et similiter cur Angeli illi qui ceciderunt, fuerunt adversus Deum superbia sese elaturi? Quis hoc dicentem audire sustineat? aut hoc dicere possit quin Deum peccati authorem manifeste faciat.

LVI. At, inquit Doctus ille vir, futuritionis quæ ab æterno fuit nulla causa dari potest quæ ab æterno non fuerit. Nihil enim temporale causa est ejus quod ab æterno est. Sed nihil ab æterno fuit præter Deum ipsum, qui non nisi per liberam suam voluntatem ad extra operatur. Respondeo, argumentum istud supponit futuritionem esse aliquid reale à re ipsa futura distinctum, & quod causam aliam habeat quam res ipsa futura. At hoc falsissimum est. Nam futuritio nihil aliud est quam respectus quidam rationis, & extrinseca denominatio rei quæ futura dicitur: non vero ens aliquid à re futura distinctum, & quod requirat causam quandam diversam ab ipsius rei futuræ causa. Et hoc patet ex ipso argumento. Nam recte ponit argumentum ab æterno nihil fuisse præter Deum: ac proinde futuritio quæ ab æterno fuisse dicitur, vel nihil reale fuit, vel fuit ipse Deus.

LVII. Igitur quod est causa cur res in tempore aliquando existat, idem plane causa est cur res ab æterno extitura fuerit. Sicut quod causa est cur res aliquando fuit, causa est cur in æternum dicitur præterita. Nec magis requiritur causa ab æterno existens, ut res ab æterno futura fuerit, quam requiritur causa in æternum duratura, ut in æternum res præterita sit. Ad effectum futurum sufficit causa futura, sicut ad præteritum sufficit causa præterita.

LVIII. Cum ergo Deus in tempore causa peccati non sit, tantum abest ut dicendum putem Dei voluntatem esse causam unicam futuritionis peccati, ut plane & simpliciter negandum existimem illam esse istius futuritionis causam, vel solam, vel cum causa secunda.

secunda. Verum est quidem hominem non peccare, nisi dependeret à Dei voluntate. Nec enim peccare posset, nisi Deus ipsum peccare permitteret. Et sic quoque peccati futuritio pendet à decreto Dei de peccato permittendo. Sed quemadmodum Dei voluntas non propterea dicenda est propria causa cur homo actu peccet; sic etiam inde non sequitur Dei decretum esse propriam causam futuritionis peccati.

LIX. Sed etiam nonnulli eorum qui statuunt quosdam actus liberos absolute esse futuros, & ut tales à Deo præsciri, absque ullo decreto causas liberas ad istos actus prædeterminandi, ut Doctissimus Strangius; negant tamen futura contingentia libera à Deo cognosci posse ex ulla hypothese quæ non inferat necessario determinationem voluntatis creatæ, & proinde quæ non includit absolutum decretum de eorum futuritione. Ut apud eundem Strangium videre est *de Voluntate Dei circa peccatum, lib. 3. cap. 11.*

LX. Ratio autem ejus est, ut supra retulimus, quod nihil certò cognosci potest quod non sit certò verum: nihil autem certò verum est quod necessarium non sit vel absolute, vel ex hypothese. Unde colligit futura conditionata non posse esse objectum scientiæ divinæ, quæ infallibilis & certissima est, nisi in conditione includatur aliquid unde quod dicitur futurum necessariò inferatur. Sed si hæc ratio valeret, nullum contingens Deus præscire posset tanquam absolute futurum, nisi quod prius absolute futurum decrevisset: quod tamen non admittit Strangius, qui fatetur homines multa libere agere ad quæ à Deo non prædeterminantur.

LXI. Sed, ait vir ille Doctus, quicquid Deus prævidet ut absolute futurum, quantumlibet in se contingens sit, & simpliciter loquendo possit non esse, necessarium est tamen ex hypothese, non quidem ex hypothese divini alicujus decreti prædeterminantis, sed ex hac illa ipsa hypothese, quod futurum est. Etenim quemadmodum quicquid est, dum est, necessario est; ita etiam quicquid futurum est, hoc ipso quod supponitur futurum, necessario futurum est, & sic à Deo certò cognosci potest.

LXII. Sed quod vir doctissimus de absolute futuris dicendum existimat, non minori cum ratione ad conditionate futura applicari potest. Dicam enim eodem modo Deum certò prævidere quod libere futurum esset sub aliqua conditione; quia licet causa libera posset aliter agere, nec ista conditio illi necessitatem agendi imponeret, nihilominus re ipsa sic ageret. Ex hypothese autem quod sic ageret, necesse est ut sic agat posita conditione, & ita res est quæ possit à Deo certò sciri.

LXIII. Nihil ergo video cur negemus Deo scientiam eorum quæ libere futura essent sub certa conditione, quanquam in conditione ista non includatur decretum de causa libera ad hoc vel illud prædeterminanda. Et si quæ argumenta scientiam istam videntur evertere, ut quod capi non potest qua ratione Deus infallibiliter cognoscat futurum esse quod posset non esse, pugnant illa quoque cum præscientia contingentium quæ sunt absolute futura; quam tamen in Deo dari verbum Dei ponit extra omne dubium.

LXIV. Sed certè tantum de nobis præsumere non debemus, ut divinam scientiam limitare ausimus, & negare quod Deus aliquid sciat quia quomodo sciret comprehendere non valeamus. Nam divinus intellectus omnimodo infinitus plus scit proculdubio quam valeamus capere & assequi. Saltem ille minus periculose errat, qui putat Deum scire ea quæ forte scibilia non sunt, quam qui negat Deum scire quæ revera scit, & quæ intra divinæ omniscientiæ objectum continentur.

LXV. Addo scientiam istam futurorum conditionate, qualem hæcenus descripsimus, nullam necessariam connexionem habere cum erroribus variis, ad quos tuendos atque incrustandos plurimi ea abutuntur. Præsertim verò pertendimus illam nullo modo pugnare cum gratia per se efficaci, neque necesse esse ut illam adhibeamus ad conciliandam divinæ gratiæ efficaciam cum arbitrii humani libertate. Ut in sequentibus, Deo favente, ostendemus.

THESES THEOLOGICÆ
DE
CONCORDIA
Libertatis Humanæ cum Decretis Divinis.
PARS SECUNDA.

IN QUA

Exponitur Sententia Doctorum Ecclesiæ Romanæ.

THESIS I

Communis & recepta Theologorum doctrina est, eaque ex Scripturæ manifestis documentis hausta, æternam Dei voluntatem esse rerum omnium causam, ac immutabilibus providentiæ Divinæ Decretis omnia subjacere, etiam actus humanos; neque quicquam, non tantum à causis brutis sive inanimis, sed etiam ab hominibus & Angelis fieri, nisi secundum æternam Dei præordinationem & determinationem.

II. Inde autem omnino perire videtur libertas, tam in Angelis quam in hominibus. Nec enim ullus divinæ voluntati resistere potest. Adeoque si Deus vult Angelos & homines id agere quod agunt, aliter agere non possunt; & sic libere non agunt, nec sunt actuum suorum Domini. Deinde si voluntatis humanæ actiones immutabilibus Dei decretis determinatæ sunt, tolli videtur omnis voluntatis indeterminatio, & in agendo indifferentia, in qua ratio libertatis consistit.

III. Hæc difficultas tam ardua visa est Scholasticis nonnullis ut hæc in parte suam ignorantiam ingenue fassi sunt, & existimaverint rem esse quæ superat mentis humanæ captum, quamdiu mortali hoc corpore gravatur. Quo de numero fuit Cardinalis Cajetanus inter Scholasticos vir admodum celebris. Is enim, quantumvis acutus & subtilis, hæc in re nunquam sibi potuit satisfacere, & putavit concordiam liberi arbitrii cum divina providentia, in hac vita esse inexplicabilem & non intelligibilem, ut videre est in ejus commentariis in primam partem Thomæ, quæst. 22. art. 4.

IV. Alii tamen Scholæ Romanæ Theologi confidunt hunc nodum se solvere posse, & in hunc finem varia conquirunt & comminiscuntur. Nec enim idem omnes censent, vel de Decretis Divinis, vel de ratione libertatis humanæ.

V. Ex primo quidem qui dicuntur Thomistæ recentiores docent quæcunque in mundo contingunt & geruntur, ac proinde etiam liberos voluntatis, actus, sigillatim à Deo prædeterminata & prædefinita esse, idque absoluta & efficaci voluntate prius ratione quam Deus ullam voluntatis creatæ determinationem prævideret, sive absolute, sive sub conditione futuram. Hæc est expressa sententia inter alios Didaci Alvarez Archiepiscopi Tranenſis & Salpenſis in summa Operis de auxiliis divinæ gratiæ, libro secundo, capite quinto, quod incipit his verbis, *Ex divinis literis, si attente perpendantur, habemus quod Deus sua absoluta & efficaci voluntate prædeterminavit omnes actus etiam liberos in particulari, futuros in tempore, prius in signo rationis, quam intellectus divinus cognosceret actus illos esse futuros, etiam ex hypothesi quod voluntas creata constitueretur in tali ordine rerum, & in talibus circumstantiis.*

VI. Eandem doctrinam tradidit Matthæus de Rispolis in tractatu cui titulus est, *Sra-*

tas controversia prædefinitionum & prædeterminationum cum libero arbitrio. Ibi enim libro primo questione prima, multis docet & probare contendit in Deo dari prædefinitiones & prædeterminationes æternas actuum voluntatis, idque in particulari, & decreto absoluto, quod nullam præsupponit scientiam conditionatam futuræ determinationis ipsius voluntatis, si collocetur in tali rerum statu. Et his quoque consentit Gulielmus Etkius ut manifeste colligitur ex iis quæ apud ipsum leguntur ad distinctionem trigessimam nonam libri primi sententiarum, & ad vigesimam quartam libri secundum.

VII. Nec ab hac æterna Dei prædeterminatione excipiunt auctores illi malos ipsos voluntatis actus, quos etiam absoluto & efficaci decreto prædefinitos esse volunt, saltem quantum ad illud quod in istis actibus est reale atque positivum; malitiam enim ipsam, quæ non aliud est quam debita rectitudinis privatio, non efficaciter à Deo decretam, sed solum permissam esse consentitur. Istud præsertim videre est apud Didacum Alvares in citata jam summa de auxiliis libro secundo, capite nono, cujus hoc est initium, *Quæ dicta sunt de prædeterminatione voluntatis ad actus bonos, extendi debent ad actum peccati, in quantum actus & ens est. Unde quicquid entitatis reperitur in quocunque actu peccati; etiamsi alias sit intrinsicè malus, debet reduci in Deum tanquam in primam causam præmoventem & prædeterminantem voluntatem creatam ad talem actum, in quantum actus est, & secundum quod est ens.*

VIII. Quanquam autem Deus, ex eorum mente, æterno suo decreto prædeterminaverit & prædefinierit quæcunque in tempore à causis quibuscumque fiunt, istud nihil obstare pertendunt quominus multa non necessario, sed contingenter & liberè fiant, quoniam æterna Dei providentia non omnibus eventibus & effectibus præparavit causas necessarias, sed quibusdam causas liberas, sive contingentes; neque solum determinavit hoc vel illud fieri, sed etiam modum quo res quæque fieret, adeoque voluit ut quædam necessario, alia vero contingenter & liberè fierent. Et sic tantum abest ut æterna Dei Providentia libertatem tollat actuum humanorum, ut contra quicquid est in rebus libertatis & contingentiae ad ipsam tanquam ad causam primam referendum sit: quia, scilicet, Deus non tantum res esse voluit, sed etiam voluntate sua statuit & definitivè modum & rationem quo singulæ esse deberent.

IX. Itaque quod Deus ab æterno decrevit ut homines hoc aut illud agerent, & voluntate sua in hæc vel illa objecta ferrentur juxta sensum istorum Doctorum nihil hominum libertati officit: quia Deus non simpliciter decrevit ut hoc aut illud agerent, sed etiam ut liberè agerent, id est, ut ex propria rationis judicio hoc vel illud tanquam sibi maxime conveniens & commo-um eligerent, & quidem ita ut ex diverso judicio oppositum eligere possent, qua in re, juxta eorum sententiam, propriè consistit libertas humana, quam proinde non evertit decreti divini determinatio.

X. Consent enim, ut loquuntur, impertinens esse libero arbitrio utrum suam electionem sibi impressam habeat à causa priori, an non: modo electio illa fiat ex judicio intellectus practici, qui diversas boni rationes circa opposita possit considerare, & voluntati proponere.

XI. Quod si quis dicat nomen liberi arbitrii designare causam independentem ab aliqua priori respectu liberæ suæ actionis respondent istud falso & immerito tanquam verum assumi, & ejusmodi liberum arbitrium soli Deo competere, qui omnino est à causa superiori independens. Creaturas vero liberas non minus in suis actibus liberis à prima Causa pendere, quam causas necessarias in actibus necessariis.

XII. Ad id vero quod objicitur, posito decreto divino circa aliquem actum humanæ voluntatis, voluntatem humanam non posse aliter agere, adeoque tolli ejus in agendo indifferentiam, in qua posita est libertas, respondent, non quidem simul consistere ut Deus decreverit voluntatem aliquid agere, istud vero voluntas non agat, aut aliter agat: sed tamen decretum Dei non obstare quominus in voluntate maneat potestas aliter agendi: quoniam decretum Dei actum quidem determinat, sed facultatem relinquit flexibilem ad oppositum. Ac proinde quum homo juxta Dei decretum aliquid agit, vere dici potest illum posse non agere, & aliter agere, quia, videlicet, Deus decrevit quidem ut hoc agat, sed tamen ita agat ut potens maneat aliter agendi: Adeoque, licet in sensu composito verum non sit, posito decreto Divino voluntatem posse agere, vel non agere, verum est tamen in sensu diviso: quia cum decreto Divino non consistit quidem actus oppositus, sed optimè tamen consistit facultas ad actum oppositum.

XIII. Quod si aliquis urgeat, posito decreto Divino de actione aliqua, nullo modo posse dici hominem posse aliter agere, quoniam inde sequeretur decreta Dei posse frustrari & irrita esse, quod simpliciter impossibile est, negant istam consequentiam, quia si homo

aliter ageret, quod supponitur possibile, Deus aliter decrevisset. Nec pugnare existimant cum immutabilitate decretorum divinarum quod homo dum illa exequitur, potestatem servare aliter agendi, sed solum si quis dicat, contingere posse ut homo contrarium agat ejus quod à Deo decretum est, id quod Theologi isti minime dicunt.

XIV. His similia multa legere est apud Gulielmum Estium locis ante citatis & apud Didacum Alvarez in summa de Auxiliis libro secundo, capite sexto, ubi dissolvit objectiones contra prædeterminationem voluntatis ex decreto Dei extrinseco provenientem. Ad illud enim quod sibi objicit ex ejus sententia sequi hominem non posse velle, nisi id quod Deus efficaci decreto vult cum velle: nec posse operari nisi actus prædeterminatos à Deo? adeoque nos non libere velle id quod volumus, sed ex necessitate absoluta, quia non possumus aliter facere, si Deus vult ut faciamus illud; Et eadem ratione non libere omitti à nobis eos actus qui sunt in præcepto: Quia si necessarium est ad hoc ut talem actum faciamus, ut Deus prædeterminaverit voluntatem nostram ad eundem actum, illum facere non possumus, si Deus suo decreto absoluto & efficaci non prædeterminavit actum illum fieri à nobis. Respondet, quod sic: aliud est posse currere, aliud vero actum currere; ita aliud est posse velle, vel producere actum aliquem in particulari, aliud autem de facto illum producere: ut ergo homo vere possit velle aliquid objectum, non requiri quod ex æternitate præcesserit in Deo absolutum & efficax decretum prædeterminans ejus liberum arbitrium ad volendum idem objectum, quamvis id requiratur ut illud actu velit. Unde ex hoc quod in Deo non fuerit hujusmodi decretum, non sequi quod homo non possit velle tale objectum absolute loquendo: sed solum sequi quod de facto non velit illud. Nec etiam sequi quod si Deus prædeterminavit me ad volendum hoc in particulari, non sit, absolute loquendo, in mea potestate aliud velle; quamvis ex suppositione divinæ voluntatis efficaci, impossibile sit in sensu composito quod velim aliud objectum.

XV. Ad id vero quod objicitur prædeterminationem decreti divini ad hunc aut illum actum ex voluntate tollere indifferentiam ad operandum, in qua indifferentia posita est libertas: Respondet, Indifferentiam quæ opponitur Determinationi ad unum ex necessitate, esse de essentia libertatis, & hanc habere liberum arbitrium etiam in eo instanti, quo efficaciter prædeterminatur à Deo ad operandum; imo in ipso instanti quo operatur, non autem esse de essentia libertatis in determinationem, ut importat potentialitatem, & privationem actus secundi, & ut opponitur determinationi ad alteram, partem per modum libertatis, qui in facultate ad utrumlibet consistit.

XVI. Si quis autem urgeat esse de ratione potentie liberæ, ut possit omnibus requisitis ad operandum, possit operari & non operari: sed posito Decreto efficaci Dei prædeterminante nostrum liberum arbitrium ad operandum hoc in particulari, non posse voluntatem non operari illud, quia voluntati Dei nullus potest resistere: Respondet, de ratione potentie liberæ esse ut possit omnibus requisitis ad operandum, possit operari & non operari absolute & simpliciter loquendo: non tamen inconveniens esse, quod ex suppositione voluntatis Divinæ efficaci, non possit in sensu composito non operari actum illum, ad quem prædeterminatur à Deo.

XVII. Denique si quis dicat necessitatem opponi libertati: sed si Deus efficaci voluntate nos prædeterminat ad operandum quamlibet operationem nostram, fore necessariam, quoniam necesse est ut si Deus velit aliquid fieri, illud fiat: Respondet, actus omnes prædeterminatos à Deo necessario evenire necessitate *Illationis*, & ex suppositione ejusdem decreti, non tamen necessitate absoluta, quæ libertatem evertit; imo ex eadem prædeterminatione inferri actuale exercitium nostræ libertatis. Quia Deus non solum prædeterminavit, ut voluntas velit tale objectum, sed etiam prædefinivit, ut libere illud velit.

XVIII. Rursus si aliquis instet, necessitatem illam quam inducit decretum divinum tollere libertatem voluntatis creatæ, quoniam illud quod est necessarium ex suppositione, efficitur necessarium simpliciter respectu alicujus, quando non est in ejus potestate tollere, vel ponere suppositionem illam, ad quam necessario sequitur actus, qui dicitur ex suppositione necessarius. Sed non est in potestate voluntatis creatæ tollere, vel ponere suppositionem illam efficaci decreti voluntatis Dei prædeterminantis liberum arbitrium creatum ad operandum; cum illud decretum sit à solo Deo, & nullo modo dependeat ex libera operatione nostri arbitrii, etiam præcognita per scientiam mediam ac proximè actus voluntatis qui dicuntur necessarii ex suppositione ejusdem decreti Divini, absolute & simpliciter sunt necessarii, & ita non liberi: Respondet, Quando suppositio antecedens aliquem actum tenet se ex parte primæ & universalissimæ causæ, scilicet Dei, posse

posse aliquid esse necessarium ex suppositione, respectu creatæ voluntatis, & tamen liberum illi simpliciter: quamvis non sit in potestate illius ponere, vel tollere suppositionem, ex qua necessario necessitate infallibilitatis istud consequitur. Secus autem contingere, quando suppositio antecedens tenet se ex parte alicujus causæ creatæ, quæ sit voluntati extrinseca. Idque quoniam solus Deus, qui est autor voluntatis creatæ, propter suam infinitatem & omnipotentiam, potest illam immutare conformiter ad suam naturam, & movere efficaciter, atque applicare ad producendum actum in particulari, non solum secundum substantiam, sed etiam secundum modum libertatis; quod tamen non potest aliqua causa creata, quia est limitata, & finita, atque inferior ad ipsam voluntatem.

XIX. Verum ista ratio conciliandi libertatem humanam cum providentiæ Divinæ decretis non satisfacit plurimis Scholæ Romanæ doctoribus. Itaque inter eos reperitur nonnulli qui, ut nodum hunc secant, negant ullos actus liberos, sive naturalis, sive supernaturalis ordinis, ab æterno à Deo esse prædefinitos; ut nec in tempore ulli tales actus, juxta eorum sensum, à Deo prædeterminantur: quia prædefinitionem pariter ac prædeterminationem voluntatis libertati repugnare existimant. Horum, referente Joanne Strangio, meminit Suarez libro tertio de Auxiliis, cap. 17. num. 1 & 2.

XX. Similem quoque sententiam quibusdam ex suis tribuit Gabriel Vasquez tomò primo in Thomam, disputatione nonagesima nona, capite quinto. Ubi referens varia suorum hac de re placita. *Demum, inquit, aliqui hac oppressi difficultate dicunt Deum ab æterno non voluisse opera nostra sigillatim, sed in genere tantum, & in universum definisse paratum esse cum quovis operari, juxta ipsius determinationem.* Quibus subjungit illos hanc opinionem amplecti, ut defendant ex præfinitione Dei nullam necessitatem imponi nostræ voluntati contra libertatem suam. Tum etiam quia si necessarium esset Deum præfinire, & velle ab æterno opera etiam gratiæ sigillatim, sequeretur iis qui non operantur, neque vocationi consentiunt, aliquid necessarium deesse ad operandum, scilicet decretum illud, ac proinde mirum non esse si non operarentur, cum sine illo operari non possint.

XXI. Ab his autem non multum absunt quidam alii, qui concedunt quidem Deum singulos hominum actus ab æterno præfinisse; sed præfinitionem illam sequi prævisionem futuræ determinationis ipsius voluntatis. Nec enim ulla hominum opera, etiam quæ sunt bona supernaturaliter, in particulari esse prædefinita absoluto decreto Dei, ante prævisionem voluntatis nostræ determinationem, non tantum conditionate, sed etiam absolute futuram. Quæ est Doctrina Leonardi Lessii Jesuitæ in tractatu de Prædestinatione.

XXII. Et eandem quoque sententiam tribuit Gabriel Vasquez, loco modo citato, Ambrosio Catharino, Antonio de Corduba, Julio Sireno, Osorio, & aliis nonnullis quos docere affirmat, *Deum non præfinisse actus nostros, sive bonos sive malos, secundum substantiam ipsorum, ante prævisionem determinationem arbitrii nostri: deinde determinationem ad unam partem potius quam ad aliam, sive in bonis, sive in malis actibus quæ ad substantiam ipsorum, esse quidem à nobis, & à Deo: sed primam radicem, & causam illius esse liberum arbitrium.* Ex quo illos inferrebit, prius intelligi determinationem nostram, quam Dei prædestinationem, & præfinitionem. Et eundem etiam ordinem illos assignare dicit in operibus gratiæ, quod attinet ad consensum, & cooperationem: quamquam concedant ante nostram, & Dei cooperationem præcedere gratiam operantem & excitantem, nempe vocationem. Nam, ut refert idem Vasquez, tria instantia distinguunt, Primum in quo voluntas nostra gratia præveniatur; Secundum in quo ipsa se determinet ad consentiendum, vel repugnandum vocationi: Tertium in quo Deus cum illa concurrat. Adeoque ex eorum mente, Deus præfinit ad quid voluntas se determinatura sit, tam in operibus gratiæ, quam in operibus naturæ, antequam cum illa ad hunc, aut illum actum concurrere decerneret, & sic antequam ullos actus nostros præfiniat.

XXIII. Facile autem isti conciliant arbitrii nostri libertatem cum decretis divinis; quandoquidem juxta ipsos, decreta Divina sequuntur prævisionem determinationis, quæ à voluntate nostra futura est, tanquam prima ejus radice & causa. Ac proinde non magis ex decretis Divinis quam ex Dei præscientia, ulla oritur in nostris actionibus necessitas præcedens, sed solum sequens quæ non tollit, sed integram supponit nostram libertatem.

XXIV. Alii vero hic duplicem distinctionem adhibent. Et primo quidem inter præscientiam futurorum *absolutam*, & inter præscientiam futurorum *conditionatam*. Absoluta præscientia est, per quam Deus prævidet hoc, aut illud simpliciter & reuera
O o o 1 futurum.

futura. Præscientia vero conditionata est per quam Deus prævidet, non quod est simpliciter & absolute futurum; sed quod futurum esset; si hæc & illa ponerentur: exempli gratia, quo esset ultro inclinatura & propensura Adami voluntas, si in tali statu crearetur, & offerrentur ipsi hæc & illa objecta. Quæ est illa scientia quam *modam* Scholæ vocant, de qua præcedentibus Theſibus abundè egimus.

XXV. Hoc posito concedunt decreta Dei circa actus humanos, vel permittendos, vel efficiendos, in Deo, juxta nostrum concipiendi modum, antecedere præscientiam determinationis voluntatis humanæ, quæ absolute futura sit. Deus enim verbi causa, ex eorum mente, decrevit permittere ut Adamus pomum vetitum appeteret, & ad actum istum cum eo concurrere, priusquam absolute præviderit Adami voluntatem eo se determinaturam. Et prius decrevit Paulum gratia sua prævenire, & cum eo ad conversionis actum cooperari, quam absolute præviderit fore ut Pauli voluntas ad hoc se determinaret.

XXVI. Sed pertendunt Deum de liberis hominum actionibus nihil decrevisse & constituisse, antequam prævideret in quam partem humana voluntas esset inclinatura, & sese determinatura, posito quod collocaretur in hoc aut illo rerum statu. Nec absolute Deum voluisse ut voluntas eadem has potius eliceret actiones quam illas, priusquam præſcierit quid singuli homines acturi essent atque volituri, si tales vel tales agendi occasiones ipsis obijcerentur.

XXVII. Hæc, scilicet, est eorum doctrina, Deum ante omne decretum de rebus conſendis & efficiendis, ab æterno prævidisse quid posita quacunque conditione futurum & futurum esset: & infinitas præ oculis habuisse rerum formas, dispositiones ac modos, quibus singulis positis sciebat quid inde foret eventurum. Speciatim vero docent: non potuisse Deum ignorare quid eventurum esset, si causas liberas crearet, nempe homines & Angelos, & iis offerri curaret agendi occasiones quæ postea oblatæ sunt, & postmodum offerrentur; & constitueret eos in iis circumstantiis, in quibus postea fuerunt constituti & in posterum constituerentur, quid item si ejusmodi circumstantiæ infinitis modis variatæ fuissent, & longe aliæ agendi occasiones oblatae.

XXVIII. Postquam autem Deus sic prævidet & consideravit quid eventurum esset, si homines & angeli collocarentur in his vel illis circumstantiis, & his aut illis objectis ad agendum excitarentur, ac quid inde boni posset elicere, & quomodo hæc vel illa ad manifestationem gloriæ suæ dirigere; tum demum, inquam, Deus, juxta Doctorum illorum sententiam, constituit homines & Angelos creare, in statu in quo postea creati sunt; & procurare ut istæ potius quam aliæ agendi occasiones iis proponerentur; atque cum iis concurrere ad actiones illas ad quas eorum voluntates, modo concursum suum iis non denegaret, prævidebat sese determinaturas: quod decretum tandem secuta est absoluta præscientia, qua præſcivit eos hoc, vel illo modo acturos.

XXIX. Igitur non aliter volunt Deum præordinavisse & prædefinivisse hominum actiones, quam quia voluit illos in eo statu creare, eaque agendi motiva auxilia, & occasiones iis subministrare, unde consequi prævidebat illos tali modo acturos, hæcque potius quam illas volitiones elicituros esse; quamquam semper in eorum potestate maneret, vel sic, vel aliter agere; nulla nempe necessitate per omnia ista ipsis imposita, sic potius quam aliter agendi.

XXX. Hac autem ratione videri posset nil obſtare, quominus dicatur Deus prædefinivisse omnes actus liberos, quicunque tandem esse possint. Veruntamen authores istius sententiæ distinguunt inter actus bonos & malos. Et quidem actus bonos concedunt rectè dici posse æterno Dei decreto fuisse prædefinitos. Sed de malis aliter sentiunt. Nam quamquam Deus decreverit homines collocare in eo statu in quo prævidebat, per scientiam conditionatam, eos male acturos; eorum tamen actus malos neque vult, neque probat. Dei autem prædefinitio includit, aut præſupponit approbationem Divinæ voluntatis. Verum etsi mali actus à Deo non sint prædefiniti, est tamen prædefinita illorum permissio quia permissio illorum est bona.

XXXI. Hæc inter alios est Fonseca doctrina. Statuit enim, *Ante omnem præſcientiam actuum liberorum, nullos eorum ab æterno esse prædefinitos: quia aliqui tolleretur libertas voluntatis creata: sed post præſcientiam futurorum actuum liberorum in statu conditionato, bonos tantum à Deo esse prædefinitos, quia eos solum approbat: etsi autem mali non sint prædefiniti; esse tamen prædefinitam eorum permissionem, quam Deus approbat.* In 6. Metaph. cap. 2. quæst. 5. sect. 7.

XXXII. Porro Doctores isti putant non esse difficile providentiæ decreta cum arbitrii nostri libertate conciliare, si admittatur ipsorum hypothesis. Nam secundum ipsos Dei

Dei Providentia finit voluntates nostras, secundum propriam cujusque inclinationem agere : nec aliter Deus decrevit hominum animos ducere, & variè inflectere, quam per objectorum intus & extra propositionem ; aliasque rationes quæ voluntati non tollunt potestatem sic, vel fecus agendi ; eique permittunt, ut loquuntur Scholæ, actionis suæ specificationem. Ac proinde tota certitudo decretorum Dei nititur infallibilitate Scientiæ illius Mediæ, per quam Deum præscire asserunt, ante omne voluntatis suæ decretum, in quam partem voluntas creata inclinatur & propensura sit, si hæc vel istæ agendi occasiones ipsi proponantur : non vero aliqua vi atque efficacia, qua voluntas necessario moveatur ut sic agat.

XXXIII. Non tamen hæc difficultatis istius solutio satisfacit Gabrieli Vasquez. Probat quidem ille quod dicunt auctores sententiæ modo expositiæ, Deum antequam decreta sua condant circa actus liberos, per scientiam quandam conditionatam præscire quò voluntas sit inclinatura, & ad quid se determinatura, si ponantur istæ vel illæ circumstantiæ : sed probare non potest quod concedere non verentur, nempe decreta Dei de actibus liberis in Deo priora esse, secundum nostrum concipiendi modum, absoluta prævisione determinationis ejusdem voluntatis. Nam si concedatur Deum quacunque ratione actus voluntatis nostræ præfinivisse, priusquam absolute præsciat quæ futura sit voluntatis inclinatio, & determinatio, putat inde oriri necessitatem quandam antecedentem, quæ futurorum actuum libertati repugnat.

XXXIV. Non tamen ad eos accedit, qui putant Deum absolute præscire ad quid voluntas se determinatura sit priusquam decernat cum illa concurrere ad hunc aut illum actum, & actum ejus ulla ratione præfiniat. Idque quia judicat impossibile esse, voluntatem nostram prius natura operari, aut se determinare, quam Deus cum illa operetur. Unde sequitur, nec in æternitate intelligi posse illius determinationem, sine decreto Dei concurrendi cum illa. Et præterea quoniam hæc opinio aliquid gratiæ Dei cooperanti derogare videtur, *Cum enim, inquit, voluntas nostra non tantum indigeat ad operandum excitatione, sed etiam cooperatione gratiæ, ut consentiat excitationi: indigebit etiam ut se determinet ad consensum: quomodo ergo in aliquo priori intelligitur determinata sine gratiæ cooperatione?*

XXXV. Itaq; ipse aliud excogitat, nempe Definitionem Dei, quæ præfiniat opera nostra figuratim, non præcedere ordine causæ determinationem nostræ voluntatis, nec etiam illam sequi ; sed eam comitari. Unde colligit necessitatem, quæ sequitur positionem decreti Dei, non esse antecedentem, sed comitantem nostram libertatem & determinationem : ac proinde libertatem nostram ea necessitate nec impediri, nec lædi : cum libertati præjudicet sola necessitas præcedens : non vero quæ libertatem ipsam, vel sequitur, vel comitatur.

XXXVI. Fundamentum autem sententiæ ejus est, quod ex parte Dei nulla operatio, quæ voluntatis nostræ consensum antecedit, necessitatem imponit voluntati ut consentiat : illa vero Dei cooperatio, per quam efficit ipsum voluntatis nostræ consensum, nullo modo præcedit voluntatis nostræ determinationem, sed cum ea simul est tempore, natura, atq; ratione. Unde sequitur decretum Dei de consensu illo operando, non posse esse prius prævisione determinationis voluntatis humanæ : quia quæ omnimodo simul sunt in tempore, non possunt ordinem prioris & posterioris habere in præscientia & decretis Divinis. Ex quibus concludit nullum opus liberum nostræ voluntatis prædefinitum à Deo fuisse, ante prævisam determinationem liberam nostræ voluntatis : sed determinationis illius prævisionem, & decretum Dei voluntatis nostræ actum prædefiniens simul in Deo debere concipi.

THESES.

THESES THEOLOGICÆ
DE
CONCORDIA
Libertatis Humanæ cum Decretis Divinis.

PARS TERTIA.

IN QUÀ

Exponitur Scholæ Reformatæ Doctrina.

THESIS I.

JACOBUS Arminius, & qui ejus dogmata in Belgio secuti Remonstrantes dicuntur, quemadmodum in explicanda libertatis humanæ natura, cum Molina & ejus discipulis consentiunt; ita quoque videntur eam eodem modo cum Providentiæ Divinæ decretis conciliare. Saltem huc tendunt quæ docet Arminius Responsione ad Articulum 7. Operum ipsius pagina 143. Ubi non negat quidem Deum Decreto suo æterno futura contingentia prædefinivisse & prædeterminasse; sed distinguit duplicem Dei determinationem qua statuit ut aliquid fiat: Unam talem, qua, posita qualicumque actione, motione, impulsu Dei, causa secunda libera manens quoad potentiam & usum potentie, ad agendum, vel non agendum, adeo ut actionem suam, si velit, suspendere possit; alteram talem qua posita non manet libera causa secunda, saltem non ad usum potentie ut actionem suam suspendere possit, postea actione, motione, & impulsu Dei; sed ex qua fit ut necessario in alteram partem flectatur, ablata indifferentia ad alterutram partem; antequam actus ipse determinatus productus sit à creatura libera. Si priore modo vox determinationis intelligatur, talem determinationem Dei non negat respectu futurorum liberorum & contingentium. Sed si secundo sensu sumatur vox determinationis, planè negat Deum futura contingentia decreto suo determinasse ad alterutram partem.

II. Porro distincte non explicat quomodo ista simul consentiant, ut actio quædam æterno Dei decreto determinata sit, & tamen posita illa determinatione voluntas semper maneat indifferens ad talem actionem, & possit semper illam elicere, vel non elicere. Ex iis tamen quæ subjungit colligendum relinquit rem ita se habere, quoniam Deus ut sua decreta circa hominum actus exequatur, non aliter movet eorum voluntatem quam iis administrando & proponendo ea objecta atque argumenta, quibus ad volendum quidem inducantur, sed ita tamen ut semper in eorum potestate sit objectis illis non moveri. Verum illius Discipuli, ut inter alios Nicolaus Grevinghovius, ad nodum hunc solvendum diserte adhibent scientiam mediæ, sicuti solent Jesuitæ plurimi, qua ratione thesibus præcedentibus expositum fuit.

III. Sed inter eos etiam Reformatos, qui aliqui videntur ab Arminiano dogmate alieni, & Dordracenæ Synodo subscribunt, operiuntur nonnulli qui hanc quoque viam sequuntur, ut Providentiæ Divinæ decreta cum arbitrii humani libertate concilient. Quo de numero est Robertus Baronius Abredoniæ in Scotia ante aliquot annos Theologiæ Professor. Is enim in Metaphysica ad Theologiæ usum accommodata Foscæ doctrinam hac in parte laudat, eique aperte subscribit, Sect. 12. disput. 2. num. 65.

IV. Nam eo in loco proponit duas conclusiones Foscæ quas dicit sibi maxime utiles videri

videri ad stabiliendam concordiam Providentiæ Divinæ, & libertatis arbitrii humani. Prior est quod ante omnem præscientiam actuum liberorum eorum nullus fuit ab æterno prædefinitus. *Quorum vel eorum*, inquit, *hic sensus est, Antequam Deus præciperet, vel prævidit in quam partem humane voluntates inclinaturæ essent, si hæc vel illa occasiones eis offerrentur, non absolute voluit voluntatem elicere has actiones potius quam illas, neque decrevit concurrere ad eliciendas has actiones potius quam illas.* Secunda conclusio est, *Postquam Deus secundum nostrum concipiendi modum prævidit in quam partem inclinaturæ essent nostræ voluntates, cum hæc aut illa occasiones eis offerrentur, ab æterno decrevit cum voluntatibus nostris concurrere ad eliciendas, in hoc vel illo tempore, has vel illas actiones, in quas voluntates inclinaturæ prævidebat.* Exempli causa, Deus ab æterno prævidit Adamum, si tentaretur ab Uxore, appetiturum pomum, & propterea decrevit concurrere cum Adamo ad eliciendam appetitionem pomi.

V. Sic ergo explicari posse putat ordinem Decreti Divini circa primum illud peccatum. Primo inquit, *Deus habet præscientiam conditionatam qua prævidet Adamum appetiturum pomum si offeratur illi talis occasio; habet item præscientiam, qua novit se posse illam actionem Adami dirigere ad gloriam suam.* Secundo, quia prævidit se posse ex illa præva actione Adami, quam Adamus habiturus esset, si ei offeratur talis occasio, quia, inquam, prævidisse posse ex illa actione magnum bonum elicere, scilicet, manifestatorem gloriæ suæ, ideo voluit illam occasionem Adamo offerri, id est, voluit permittere Evam & Serpentem seduciam Adamum tentare. Tertio, secundum præscientiam non conditionatam, sed absolutam prævidit voluntatem Adami inclinaturam esse ad appetitionem pomi, eo scilicet tempore quo Adamus tentandus esset. Quarto, partim ne præcipere Adamo usum sui liberi Arbitrii, partim ut gloriam suam manifestaret, decrevit concurrere cum voluntate Adami ad eliciendam illam voluntatem. Unde evidenter patet non ideo Adamum fuisse lapsurum, vel appetiturum pomum, quia Deus decrevit cum ejus voluntate concurrere ad eliciendam appetitionem; sed contra, ideo Deum decrevisse concurrere ad eliciendam illam actionem potius quam aliam, quia prævidit voluntatem ejus in talem partem inclinaturam fuisse, cum talis occasio illi offerretur.

VI. Ex quibus postea dicit manifestè sequi Deum per decreta Providentiæ suæ non imponere nobis necessitatem hoc vel illud volendi: ac præterea Dei decreta non esse causas cur hoc vel illo tempore, hanc vel illam voluntatem eliciamus; & per consequens ex infallibilitate decretorum divinorum non sequi omnes actiones nostras liberas evenire necessario necessitate causali: quia tantum ex illa infallibilitate decretorum sequitur actiones nostras liberas evenire necessario ea necessitate consequentiæ, quæ non est causalis vel motiva. Atque adeo decreta Providentiæ Dei non magis tollent libertatem arbitrii nostri, & contingentiam nostrarum actionum, quam præscientia Dei: si cur enim res non ideo eventura est, quia præcisa est, ita etiam nos non ideo acturi sumus, secundum has vel illas actiones, quia Deus decrevit nobiscum concurrere ad has vel illas actiones eliciendas: sed potius Deus decrevit concurrere ad tales actiones, quia prævidit nos ita acturos.

VII. Joannes Strangius Scotus vir ante paucos annos inter suos celeberrimus, hic singulari quadam ratione philosophatur. Nam æternâ Dei decreta circa omnes & singulos hominum actus versari concedit, sed non eodem modo. Primo enim quod attinet actus malos, ex ejus sententiâ, obijciuntur decretis divinis, non quod Deus illos fieri decreverit & prædefinierit, sed quia Deus decrevit permittere ut fiant, tum bonum ex illis elicere, eosque ad fines varios ordinare. Illam autem permissionem efficacem esse, negat, id est, talem, ut ea posita, necessario sequatur quicquid fieri permittitur.

VIII. Quod spectat autem actus quibus natura sua malitia annexa non est, vult eos omnes dici posse à Deo decretos atque prædefinitos, sed rursus non omnès eadem ratione. Alios enim, juxta ipsum, Deus absolute decrevit, alios autem respectivè. Intelligit autem illa absolute à Deo decerni & prædefiniri, quæ ante considerationem voluntatis nostræ decrevit, imo ad quæ statuit voluntatem nostram prædeterminare. Respectivè vero, quæ Deus decrevit fore secundum liberam nostram electionem, in iis in quibus liberam nobis optionem concedit, ita ut licitum sit hoc vel illud eligere.

IX. Priori modo censet Deum decrevisse & prædefinisse omnes actus verè bonos, & qui per se ad æternam hominis salutem conferunt, ad quos Deus ab æterno consensuit voluntatem nostram efficaciter prædeterminare, ut revera illam in tempore actu præde-

terminat:

terminat. Sed præter bona hominum opera, existimat quoque multa alia esse ex eorum genere quibus malitia necessario non adheret, ad quæ voluntas hominum in tempore à Deo prædeterminatur, & consequenter quæ fuerunt ab æterno à Deo absolute decreta atque prædefinita, ut exempli gratia, heroica Cyri gesta, & quæ erga Iosephum Pharaon Rex Ægypti gessit, & infinita ejusdem generis.

X. Veruntamen ut putat voluntatem hominum ad multos actus etiam ex se non malos, absolute à Deo in tempore non prædeterminari, sed liberam ipsi optionem permitti, ex duobus aut pluribus, quæ utraque aut omnia sunt licita; sic etiam non putat omnes voluntatis actus, etiam qui peccati rationem non habent, fuisse absolute à Deo prædefinitos in æternis ipsius decretis: sed ut loquitur, respectivè solum; quia scilicet, prædefiniti non sunt ante & citra considerationem determinationis voluntatis creatæ, sed cum respectu ad eam.

XI. Verbi causa, inquit, tria ista quæ Deus permisit Optioni Davidis capite vigesimo quarto libri secundi Samuelis, omnia erant licita, id est, quodvis eorum potuit David licite eligere. Permissio enim horum Dei respectu non solum fuit Physica, sed etiam moralis. Deus permisit ei liberam optionem, ut quodcumque ex tribus mallet, id eligeret, non restringit ad unum, itaque non decrevit ut solum unum eligeret: sed præsciit futuræ electionis Davidis, ejusque habitæ ratione, rellè dici potest simpliciter decrevisse pestem suam, & septuaginta millia hominum cecisum iri. Deus enim decrevit id efficere quod David electurus erat, hoc autem electuram eum Deus præviderat; ergo hoc idem efficere Deus decrevit. De voluntate Dei circa peccatum lib. 3. cap. 2.

XII. Ibidem vero rem illam illustrat simili quod occurrit inter homines. Si rex, inquit, servo suo optionem concedat hoc vel illud, vel tertium præmium aut munus eligendi ac petendi, certe non decrevit eum restringere ad unum horum; sed decrevit dare ei illud certum præmium, aut munus quod ille eligerit aut petierit. Multo magis id de Deo dici potest. Rex enim servo optionem dedit, ignarus forte ac incertus quid ille electurus esset: At Deo, quem nihil latere potest, ab æterno certum erat quid David electurus esset.

XIII. Sub finem vero capitis rem eandem accuratius explicat his verbis, Quotiescumque Deus permittit create voluntatis arbitrio electionem & optionem ad duo aut plura, vel ad agendum, aut non agendum, non est existimandum Deum illam ad unam duntaxat perstringere. Sed si decreto permittentis præscientiam Dei conjungamus de eventu futuro, sic dici potest Deum præfuisse singulos actus licitos qui eveniant, quia ipse eam voluntatem concedit, & cum ea cooperatur, idemque ab æterno decrevit. Non quod Deus prius præviderit eventum futurum, ac deinde eum decreverit fore, id enim ineptum est, nempe illud decernere futurum, quod ante decretum præsciri esse futurum, nec quod prius absolute decernat, ac deinde id præsciat futurum. Nam sic non permisisset, nec decrevisset permittere libero voluntatis arbitrio ut id & aliud ageret & non ageret sed quod unus eorumque instanti simul præsciat ac decernat seu prædefiniat. Certe in æternitate nihil est prius aut posterius; itaque cum præscientia & prædefinitio sint ab æterno, neutra est altera prior aut posterior. Nos quidem pro nostro concipiendi modo, diversa rationis instantia distinguimus in æternis Dei actibus. Sed nec secundum instantia rationis unam altera priorem aut posteriorem dicimus.

XIV. Ut autem decreta divina cum voluntatis humanæ libertate conciliet, duplicem voluntatis libertatem distinguit. Unam latius & communius sumptam, quæ voluntati essentialis est, & in eo consistit quod voluntas proprio suo motu, certoque rationis judicio movetur: Alteram sensu strictiore acceptam, quam constituit in quadam voluntatis indifferentia ad opposita duo vel plura. Decreta Dei quibus absolute voluntatis actus prædefiniti sunt, latetur hanc posteriorem libertatem tollere, quandoquidem voluntatem ad unum prædeterminant, nec sinunt amplius eam indifferentem ut agat vel non agat: sed ex ejus sententia voluntatem non privant libertate priori, quia hæc optime consistunt, ut voluntas rationis Judicium sequatur, & motu naturæ sue consentaneo feratur, & tamen ad agendum à Deo prædefinita, & in tempore præterminata sit; quoniam scilicet, Deus voluntatem movet suaviter, & eo modo qui congruit & conveniens est naturæ voluntatis.

XV. Cæterum decreta Dei quibus mala fieri permittit, aut quosdam voluntatis actus non absolute sed tantum respectivè prædefinit, voluntatem, juxta ipsum, liberam sinunt non solum priori & latiori sensu, sed etiam sensu illo posteriori atque strictiori, quia nempe antecederent ad voluntatis ipsius determinationem, ab ea non auferunt indifferentiam ut agat vel non agat. Siquidem Dei permissio in eo statu voluntatem relinquit, ut possit quod permittitur agere vel non agere: quæ vero sunt à Deo respectivè

pective decreta, non, ut jam dictum est, prædefinita sunt ante & citra considerationem determinationis ipsius voluntatis, quæ proxime exposita videre est apud eundem Strangium lib. 2. c. 8.

XVI. Proinde secundum hujus viri doctrinam, quanquam homo in pluribus quæ in hac vita degens agit, illa libertate gaudeat quæ sita est in potestate ad opposita se determinandi; plurimum tamen aliorum respectu quæ sunt absolute Dei decreto prædefinita, libertatem eam non retinet, sed eam solum quæ in eo sita est quod homo libens agit, & ex rationis propriæ judicio. Quod præcipue locum habere putat in conversione hominis ad Deum & operibus gratiæ. Nam, inquit, *citra prædeterminationem Dei non potest homo converti, non potest pie agere; & posita prædeterminatione gratia non potest non converti, non potest non pie agere; Proinde in illis operibus est agnoscamus manere libertatem, quæ voluntati est essentialis, tamen libertatem in strictiore isto sensu usurpatam illis locum habere negamus.*

XVII. Hic quoque viam singularem sequi videtur inclytæ & celeberrimæ memoriæ vir Moses Amyraldus. Ille ergo quæcunque ab hominibus fiunt sive bona, sive mala, sive de eorum genere quæ habentur indifferentia, æternis Dei decretis designata, & prædefinita esse existimat, eaque decreta certissime & indeclinabiliter executioni mandari: sic tamen ut nec in eo violetur hominis libertas, nec Deus autor peccati statuatur.

XVIII. Ut autem modum explicet quo ista simul constant, supponit hominis facultates liberas, quales sunt juxta ipsum intellectus & voluntas, ab objectis determinari. Voluntatem enim necessario sequi dictamen intellectus, neque hominem posse aliter velle quam volendum esse judicat. Si vero intellectui sic vel sic affecto atque disposito, objectum hoc aut illud, sub tali luce proponatur, id est; his vel illis rationum momentis instructum & munitum, ita ut sit proportio & convenientia inter objectum tale & intellectum prout tunc se habet, necessario intellectum ad assensum vel dissensum determinandum esse, & hoc aut illud judicium de objecto sibi oblato determinatè pronuntiaturum prout exigit ista proportio seu convenientia, quæ inter intellectum & objectum fore supponitur.

XIX. Nec istam necessitatem seu determinationem, quæ juxta ipsum oritur à convenientia objecti cum facultate, libertati quicquam officere putat, quoniam libertatem non constituit in facultatis liberæ indeterminatione & indifferentia & immunitate ab omni necessitate, sed cum ea pugnare putat eam solum necessitatem quæ est à vi externa, à materia, vel à sensu, quam Physicam & brutam appellare possumus, aut saltem eam quæ tollit omnem consultationem & deliberationem.

XX. Deinde Providentiæ Divinæ efficaciam qua divina decreta executioni mandantur, respectu humanarum actionum in genere, in eo constituit quod Deus hominis facultates conservat, & objecta varia modis variis atque innumeris illis offerri vel aufferri vel finire vel procurat: Unde necessario & infallibiliter oriuntur actiones decretis Dei designatæ, & tamen liberarum facultatum naturæ ac dispositioni, & objectorum ipsiæ propolitorum conditioni congruentes, ac proinde liberæ: quandoquidem vis nulla facultatibus illata est, nec earum libertatem ullo modo violat objectorum quorumcunque oblatio & propolitio.

XXI. Speciatim vero respectu bonarum actionum, præterea quæ jam dicta sunt, non aliud Deo tribuit quam quod facultates ipsas ab adnatis vitiis repurgat, aut novis virtutibus instruit, & supra naturam ac primigeniam conditionem elevat, quibus actionibus libertatem earum nihil omnino lædi sed adjuvari potius planum est.

XXII. Quod spectat autem malas actiones, quantumcumque decretis divinis subiaceant, ex suis principis ostendi facile posse existimat Deum nullatenus earum author rem dici posse: quoniam Deus hominum mentem & voluntatem ad malum non inclinat, nec eas ulla ratione vitiat, sed solum proprios motus ultro exerecere sinit: neque alia ratione circa eas versatur divina providentia, quam quod ista potius quam alia objecta, hacq; potius quam illa ratione ipsi offerri procuret aut permittat. Unde tamen necessario resultant istæ vel illæ actiones prout exigit relatio proportionis & convenientiæ inter talia objecta, & facultates sic vel sic affectas: Quo fit ut decreta divina de illis & circa illas indeclinabiliter executioni mandentur: nec minus interea facultates ipsæ libere moveantur; quandoquidem vis nulla ipsi infertur, neque aliter agunt quam fert ipsarum natura atque dispositio.

XXIII. Cum ergo Deus circa hominum facultates, seu in bonum seu in malum ferantur, nihil operetur quod cum earum nativa libertate repugnet, & tamen ad

Dei operationem infallibiliter sequantur isti vel illi actus, sive boni sive mali; Deus autem non aliter res ab aeterno decreverit quam exequitur in tempore: inde colligit hæc optime consistere, ut homines liberè agant, & interim dum liberè agunt ea peragant inevitabiliter quæ æternis Dei decretis constituta & designata sunt. Quæ latius deducta videre licet apud virum illum Doctissimum disputatione de libero arbitrio capite quarto.

XXIV. Cæterum ad difficultatem istam expediendam viam paulo diversam insunt Scholæ Reformatæ Theologi complures. Non solum enim docent quæcunque ab hominibus fiunt æternis Dei decretis esse prædefinita, sed decreta illa putant effectum suum sortiri, non solum, ut censet vir ille Doctissimus, per aliquam facultatum liberarum immutationem, quæ in earum restitutione, aut novarum virum adjectione consistat, ac præterea per variorum objectorum tum intus tum extra propositionem, verum etiam per physicam & realem efficaciam, qua facultates ipsæ ad hos & illos actus liberos præmoveantur, & prædeterminentur.

XXV. Nempe hæc est eorum doctrina, Absoluta & energetica, ut loquuntur, Dei decreto quæcunque fiunt à causis etiam liberis & contingentibus decreta & ordinata esse. Hoc decretum nunquam irritum esse posse, sed omnino necesse esse ut impleantur quæ sic à Deo decreta sunt. Adeoque illa ipsa quæ causæ contingentæ & liberæ operantur, hujus decreti respectu necessario fieri, nec aliter evenire posse.

XXVI. Porro hujusmodi decreto subiacere contendunt non tantum bonas causarum liberarum actiones, verum etiam malas: Utraque enim Deo decernente & volente fieri. Cæterum decretum illud absolutum & energeticum distinguunt in decretum effectivum quo Deus constituit aliquid efficere, & in decretum permissivum quo Deus constituit aliquid permittere. Isti autem Dei decreto effectivo subjiciunt non tantum bonas creaturarum actiones, verum etiam malas: si considerentur in se, & secundum illud quod in iis positivum est, ac prout distinguuntur à malitia quæ ipsas denominat. Etenim has & illas fieri existimant Deo non solum decernente, sed etiam causas secundas cientes & movente, & ad hoc aut illud agendum applicantes & determinantes. Ipsam autem actionum liberarum malitiam à Deo non effici, sed permitti tantum docent.

XXVII. Attamen decretum illud quo malum, qua tale, Deus permittere statuit, licet non effectivum, efficax tamen esse volunt: unde est quod omnia quæ fiunt, tam bona quam mala, tribuunt decreto Dei. ut græca voce vocant, *energetica*, quod postea subdividunt in *effectivum* & *efficax*. Nam juxta ipsos, non minus necesse est ut posito Dei decreto permissivo, malum Deo permittente fiat; quam posito Dei decreto effectivo, necesse est ut fiat bonum Deo probante & efficiente. Adeoque pertendunt verè dici posse & debere non solum quod Deus malum permittere velit, sed etiam quod velit malum fieri ipso permittente: Quia, scilicet, divina voluntas non tantum fertur in mali permissionem, sed etiam in eventum ipsius actionis malæ.

XXVIII. Nec tamen inde sequi putant Deum esse peccati autorem: quoniam licet malum Deo decernente fiat, nihilominus non sit Deo efficiente, sed creatura ex certa permissione Dei deficiente. Ac quamvis quod in actione mala positivum est ad Deum ut ad causam efficientem referatur, non tamen propterea Deus mali causa est, quia nempe actionis quantumvis malæ entitas est bona, malitia vero formaliter in quadam rectitudinis privatione consistit.

XXIX. Quod si quis objiciat Deum plane videri autorem eorum quæ vult esse & fieri, quoniam voluntas Dei est causa rerum, respondent quod aliud est velle rem aliquid per se, aliud velle rem quoad eventum. Deinde quod Deus primo & propriè vult non impedire peccatum: & tantum ex consequenti vult eventum peccati: quia quod Deus non impedit, ideo evenit quia non impedit.

XXX. Ac præterea distinguunt duplicem Dei voluntatem, unam generalem, alteram specialem. Specialis voluntas ipsa est qua Deus aliquid simul approbat & efficit. Atque voluntatis hujus objectum ab ea pendet, & eam sequitur ut effectus causam. Qua voluntate docent Deum velle bonum, & malum qua malum nolle, juxta illud, *Deus non volens iniquitatem ei su.* Voluntas vero generalis ex eorum sententia est, qua Deus vult aliquid non esse, vultque etiam certis de causis quædam non prohibere, & consequenter vult evenire, quæ tamen simpliciter non probat: sive est decretum Dei, quo vult aliquid non quoad approbationem, & quoad effectum à se, sed tantum quoad permissam quandam effectum ab aliis: & sic, inquiunt, res facienda non pendet à voluntate Dei, sed tantum à voluntate deficientis creaturæ.

Atque

Atque hac voluntate dicunt Deum velle peccatum, ut lapsum Adami exempli gratia, non quidem simpliciter, sed solum quia vult illud evenire.

XXXI. Ut vero necessitatem illam quam Dei decretum quibuscumque eventibus imponit cum eorum contingentia & libertate concilient, distinguunt primo inter necessitatem absolutam & necessitatem quæ est ex hypothesis. Necessitas absoluta est qua simpliciter aliquid aliter esse non potest. Necessitas autem ex hypothesis est, qua quod in se & simpliciter potest non esse, vel aliter esse, posita tamen certa conditione, aliter se habere non potest. Deinde necessitas ab ipsis distinguitur in eam quæ est coactionis, & eam quæ est tantum infallibilitatis. Necessitas coactionis est, quæ per causam extra agentem vim rebus infert, & coactè impellit ut hoc vel illud faciant. Necessitas vero infallibilitatis est, qua res quoad eventum certo & immutabiliter futura est: ita tamen ut si causam rei per se spectemus, possit vel non evenire, vel aliter evenire. Quæ de necessitate intelligendum est illud axioma, *Omne quod est, dum est, necessario est.*

XXXII. His positis distinctionibus, dicunt ea quæ sunt à causis liberis & contingentibus necessario quidem evenire, respectu decreti divini, veram non absolute sed solum ex decreti illius hypothesis; nec eam necessitatem esse coactionis sed tantum infallibilitatis, quia nimirum Deus præordinavit ut fierent: illud vero necessitatis genus causarum secundarum libertatem non tollere, sed potius stabilire: quoniam videlicet libertas & necessitas non se invicem perimunt, sed libertas & coactio. Nam, inquit, ex decreto Dei non tantum necesse est ut causa contingens & libera agat, sed etiam ut agat contingenter & libere: quia Deus decreto suo non solum determinavit singulos rerum eventus, sed etiam eorum modum & rationem.

XXXIII. Quibus addunt, Deum movere causas liberas prout illarum naturæ congruum & consentaneum est, nempe voluntatem molliiter flectendo, & per objecta ab intellectu monstrata inclinando, nec aliter quam ut homo de eo quod acturus est secum consultet atque deliberet, & ex proprio iudicio quod sibi sequendum videatur eligat. Quinimo causam liberam sic à Dei decreto, & quæ decretum sequitur motione determinari ad hoc sive istud agendum, ut tamen simul in ea maneat potestas non agendi & aliter agendi, non quidem in sensu composito sed in sensu diviso: quia licet cum divina præordinatione ad hunc aut illum actum non consultat actus oppositus aut cessatio ab eodem actu, optime tamen cum ea consistit potestas ad actum contrarium, aut ad ipsius actus suspensionem: Quæ doctrina est Gulielmi Perkinsi in libello de prædestinationis modo & ordine, & Tuisi illius vindicis, & complurium aliorum clarissimorum apud Reformatos virorum, ut prolixè videre est apud eundem Tuisium toto libro secundo vindiciarum libelli illius Perkinsiani.

XXXIV. Porro quanquam omnium Doctorum istorum virorum suspiciam ingenium & eruditionem, in nulla tamen ex dictis sententiis acquiescere possum. Non enim omnem scrupulum eximunt. Nec eorum ulla est quæ non insigni quadam difficultate laborare mihi videatur.

XXXV. Etenim sententia illa quæ divinis decretis præstruit scientiam conditionatam de futura inclinatione & propensione voluntatis in hanc vel illam partem, si talis occasio agendi ipsi offeratur; Et quæ statuit Deum non aliter præordinavisse hominum actiones, quam quia voluit illos, in eo statu creare, illasque occasiones agendi iis offerre, unde consequi prævidebat illos, mediante ipsius generali concursu, tali modo acturos, & has potius quam illas volitiones elicituros esse non necessitate quadam, vel ab objectis ipsis, vel ab aliqua Dei actione imposita, sed quia ipsi per se sic se essent determinaturi, cum contrarium esset in eorum potestate: hæc, inquam, sententia multa quidem incommoda vitat quibus urgentur aliæ sententiæ: sed cum ea difficulter conciliari potest gratia victrix & per se efficax, quæ liberum sibi subijcit arbitrium, minime vero libero arbitrio subijcienda est, quam prædicat Schola orthodoxa.

XXXVI. Adde quod, etsi Deus, priusquam aliquid de nobis decernat, præsciat quid voluntas futura sit, ex hypothesis quod constituitur in talibus circumstantiis, & ejusmodi motiva accedant; tamen si Deus aliquid simpliciter futurum præfinit, ante prævisam absolute voluntatis nostræ determinationem, inde nascitur quædam necessitas antecedens, quandoquidem quod Deus prædefinit omnino necesse est fore: quæ necessitas non minus libertati repugnare videtur, quam si nulla talis scientia conditionata præcelsisset, cum scientia ista non faciat ut tale Dei decretum sit in nostra potestate.

XXXVII. In sententia Joan. Strangii illud omnino mihi videtur improbabile, quod inter eas quæ ab hominibus consulto & deliberatè fiunt, discrimen quoad libertatem

statuit; quasi quædam duntaxat liberæ essent ea libertate quæ sita est in indifferentia, & per quam homo potest agere vel non agere, hoc vel illud agere; aliæ vero solum libertate simplici ad quam non requiritur voluntatis indeterminatio, sed tantum ut homo sponte, & cum judicio agat. Ad quod genus pertinere putat, non solum omnes actiones bonas, sed etiam multas quæ ex suo genere nec bonæ, nec malæ sunt. Cum enim experiamur nos eodem modo uti ratione & judicio nostro, ac eligendi potestate, non tantum in omnibus vitæ civilis actionibus, sed etiam in bonis, quare putabimus alias aliis magis esse liberis, neque eandem libertatis speciem omnibus competere?

XXXVIII. Præterea vero quid cogit ut dicamus Deum, dum nos movet ad bona opera, à nobis auferre per gratiam suam potestatem aliter agendi, cum sine hoc constare possit gratiæ divinæ suæ efficacia: nec desint sapientiæ divinæ rationes quibus præster ut hoc agamus, idque certo ac infallibiliter, quanquam à nobis non tollat potentiam ad actum oppositum, & ad nostri etiam actus suspensionem?

XXXIX. Istud quoque non placet in sententia Mosis Amyraldi, quod supponit mentem atque voluntatem in omnibus suis actibus ab objectis sic determinari, ut si hæc vel illa eis objiciantur, tali modo ac ratione, necessario hoc aut illud agant, neque possint aliter agere, aut ab actione cessare. Si enim potentia rationales non minus quam brutæ ad certam actionem determinentur à suis objectis, quodam erit discrimen inter brutorum spontaneos motus, & liberarum actiones creaturarum rationalium? Et quomodo dici poterunt agentia libera actuum suorum domini, & in sua potestate proprios actus habere, si objecta ipsis, non minus quam agentibus cæteris, necessitatem agendi imponant?

XI. Præsertim si concipiamus primo homini fuisse necessitatem impositam edendi de fructu vitæ, per objecta quæ, juxta Dei decretum, & divina providentia procurante & administrante, ipsi oblata fuerunt; nec Adamum potuisse ab eo abstinere, habita ratione, tum virium quas à Deo acceperat, tum incitamentorum quibus ad hoc fuit inductus, non video quæ in eo fuerit culpa supplicio digna, & quomodo Deus non sit peccati ejus autor, cum ejus iste illicitus necessario securus sit ex proportionem virium quas Deus ipsi indulerat, cum tentationibus & objectis variis, quæ, nulla ejus culpa, sed Deo sic ordinante ac disponente, ipsi proposita sunt.

XLII. Denique in postrema plurium tamen Doctorum illustrium sententia probare non possumus, quod dicunt Deum velle ut mala fiant, licet ipso non efficiente, sed tantum permittente. Nec enim putamus, Deum recte dici posse velle id quod non probat. Et dici non potest mala fieri Deo approbante. Nec percipimus sensum distinctionis illius, qua distinguunt inter malum & inter mali eventum, & aiunt Deum malum quidem non velle, sed nihilominus velle mali eventum; Deumque mala ipsa nolle, sed tamen velle ut mala contingant; seu quod idem est, velle malorum existentiam; quomodo potest enim existentia rei à re ipsa distingui, & qua ratione potest aliquis rem quampiam nolle, & simul velle ut res illa existat?

XLIII. Nec minus durum est quod dicunt decreto Dei effectivo prædefinitas esse illas ipsas actiones quibus necessario malitia annexa est. Quomodo enim Deus autor peccati non erit, si æterno suo decreto prædefinivit actum illum quo aliquis Deum ipsum odit, & nomen illius blasphematur, & juxta decretum suum, hominem in tempore ad istam actus speciem præmoveret & prædeterminat?

XLIII. Idem absurdum videtur ex eo manifestè sequi quod dicunt malum etiam quia malum, præordinatum esse decreto Dei, quod licet effectivum non sit, nihilominus efficax est, & tale ut eo posito necessario malum consequatur. Quid enim, an dicemus ex Dei decreto necesse fuisse ut primus homo in Deum rebellaret, & mandatum ab eo acceptum transgrediretur? Ac quomodo potuit justè ob peccatum puniri, cui citra ullam antecedentem culpam, imposita fuit peccandi necessitas? Et annon potius istius transgressionis culpa debet in eum refundi, à cujus decreto necessitas tam dura orta fuisse supponitur?

XLIV. Scio magnos illos viros qui locutionibus ejusmodi utuntur, consequentias istas non admittere, & dicta sua quantum possunt reducere ad sensum bonum atque commodum: sed quantumvis ejusmodi duræ locutiones interpretatione benigna emolliantur, Christianæ plebis aures non possunt non offendere, & animis audientium non injicere varios scrupulos, absque ulla necessitate. Quid enim opus mordicus adherere istis loquendi modis, qui nec diserte sunt in scriptura expressi, nec sunt in usu veterum Ecclesiæ Doctorum?

XLV. At inquit aliquis quid alienas sententias carpis? Si melius quid habes accersere,
vel

vel imperium fer. Respondeo, quædam in hoc negotio apud me certa esse atque indubitata, alia vero à me ignorari. Ex scriptura clarum est, & ratio quoque ipsa altipulatur, omnia Dei providentiæ regi, & ita subesse decretis divinis, ut nihil Deo incio sive invito fiat. Quicquid bene fit, ad illum ut bonorum omnium autorem referendum esse; sed malorum omnium culpam penes creaturam solam residere. Nihil tamen mali contingere, nisi quantum Deus certo consilio finit & non impedit; Deumque sic moderari malas hominum actiones, illisque ea ratione uti, ut inde multa bona eliciat, illasque ad varios & optimos fines dirigat.

XLVI. Nec minus ratione & experientia certum, & etiam scripturæ autoritate confirmatum, homines seu bene, sive male agant, libertate sua uti, & ita libere moveri, ut laude vel vituperio, vel poena vel præmio merito digni habeantur, prout bene vel male egerint.

XLVII. Ex quibus consequitur sic agnoscendam esse libertatem humanam, ut tamen providentiæ divinæ nihil derogetur; & contra, vim & efficaciam providentiæ divinæ sic extollendam esse, ut tamen creaturæ libertas sua afferatur. Cæterum, modo salva sit creaturæ rationalis in agendo libertas, & diligenter caveatur ne creaturæ culpa in Deum transferatur quasi peccati causa vel author esset, providentiæ divinæ decretis & efficaciz, nimium non posse tribui.

XLVIII. Sed sigillatim exponere quæ sit decretorum divinorum ratio, & qua ratione Deus creaturas rationales sic regat & moveat, ut naturæ suæ congruenter, id est, libere semper agant, fateor rem esse quæ captum meum superat. Non dubito quin sapientiæ & potentiæ divinæ, quæ utraque infinita est, rationes abundè suppetant quibus id præstent effectum; sed illas assequi, non puto tenuitatis esse meæ. Nec enim in iis quæ legi aut excogitare potui quicquam inveni quod mihi omni ex parte satisfaceret, & in quo animus, tanquam re comperta & percepta, posset acquiescere. Itaque malo ingenuè ignorantiam meam hac in parte fateri, quam jactare me scire, quæ ipse nescire mihi conficius sum: & aliis tanquam vera obrudere, de quorum veritate non sum ipse plene persuasus.

XLIX. Nec me pudet hujus meæ ignorantiz. Tuto enim ignoratur, quod nec Deus aperit in verbo suo revelavit, nec humana ratio per se investigare potest. Jam autem scriptura sacra manifestè docet quidem, omnia divina providentiæ regi, nec quicquam, nisi ipso consulto sinente, fieri, & ab æterno Deo nota esse & definita omnia opera sua: modum vero quo Deus causas secundas movet, quæ sit ratio decretorum illius, & qua ratione illa exequatur, & omnia ad finem destinatum perducatur, scriptura sacra non aperit, nec fludet humanæ curiositati super eo satisfacere.

L. Imo satis indicat rem esse quam Deus voluit humanis ingeniis esse occultam atque imperviam, & in cujus profundum mentis nostræ acies penetrare non valet. Quo pertinet illud Dei apud Isaiam. *Non enim cogitationes meæ, cogitationes vestre; neque via vestra via mea. Quia sicut exaltantur celi à terra, sic exaltata sunt viæ meæ à viis vestris, & cogitationes meæ à cogitationibus vestris.* Item illud Apostoli in epistola ad Romanos, *O Altitudo divitiarum sapientiæ & scientiæ Dei! quam incomprehensibilia sunt judicia ejus, & investigabiles viæ ejus! Quis enim cognovit sensum Domini? Aut quis consiliarius ejus fuit?*

LI. Nec tamen propterea damno virorum Doctorum conatum, qui nituntur lucem aliquam his tenebris inferre, ac per se experiri quo possit in re tanta animus noster asurgere; modo id fiat cum debita modestia, & vera ac seria imbecillitatis nostræ agnitione: & ita sic quicque proprii ingenii conjecturas & commenta proferat, ut aliorum etiam rationes audiat, nec putet se solum sapere, acerbè & hostiliter contendens & rixans cum iis, qui se statim dictatis illius subijcere nolunt. Verum ista qualiacunque Scholæ reservanda sunt, nec facile apud plebem movendæ difficultates, quæ eos scrupulos animis injiciunt, quos additæ solutiones obscuræ & infirmæ discutere non valent.

THESES THEOLOGICÆ

In Quibus Exponitur

Quomodo se habeat Liberum Hominis Arbitrium in statu naturæ lapsæ, respectu boni salutaris atq; spiritualis.

QUA DE RE

Doctrina Ecclesiæ Romanæ cum Protestantium Doctrina comparatur.

THESIS I.

THESISBUS ante editis ostendimus Scholæ Romanæ Doctores cum Protestantibus in eo, verbis saltem, consentire, quod in statu Naturæ Lapsæ liberum hominis Arbitrium, sine Gratia Christi nihil omnino possit, in iis quæ ad veram pietatem pertinent, & per se æternæ salutis conducunt: & tamen, quum Liberum hominis lapsi Arbitrium consideratur respectu boni salutaris & spiritualis, Doctores Scholæ Romanæ non eodem modo de illo cum Protestantibus loquuntur.

II. Primo enim Scholæ Romanæ Theologi, quantumlibet gratiæ divinæ auxilium ad pietatis opera necessarium agnoscant, nihilominus dici volunt hominem in rebus divinis & spiritualibus, etiam ante gratiam, esse Liberi arbitrii. Non quod in eo genere sine gratia quicquam possit, sed quia, mediante auxilio gratiæ, liberè potest bonum spirituale amplecti, & sic ut veram potestatem habeat illud rejiciendi, atque ab eo recedendi.

III. Hanc doctrinam ut toti Scholæ Romanæ communem proponit & refert Bellarminus libro sexto de Libero Arbitrio pluribus in locis. Præsertim vero capite decimo quinto, ubi hæc est prima illius sententia. Homo ante omnem gratiam, liberum habet arbitrium, non solum ad opera naturalia & moralia, sed etiam ad opera pietatis & supernaturalia. Quo sensu autem istud ab eo asseratur, patet ex ejusdem libri capite nono. Ubi quæstionem his verbis proponit, Sitne homo, post lapsum primi hominis, verè liberi arbitrii in iis rebus quæ pertinent ad salutem, ut quamvis nihil possit sine auxilio Gratiae, tamen per gratiam prævenientem excitatus & à Deo adjutus, ita valeat operari, ut possit etiam non operari.

IV. Atque huc spectat Canon Concilii Tridentini qui est quartus Sessionis sextæ. Si quis dixerit, Liberum hominis Arbitrium à Deo motum & excitatum nihil cooperari assentiendo Deo excitanti atque vocanti quo ad obtinendam justificationis gratiam se disponat ac præparet, neque posse dissentire, si velit, sed velut inanime quoddam nihil omnino agere, merique passive se habere: anathema sit.

V. Porro Scholæ Romanæ Doctores circa modum quo gratia divina efficax est, multum inter se dissentiunt: dum alii volunt gratiam libero arbitrio non solum novas vires tribuere, hominemq; ad bene agendum invitare & sollicitare, aut etiam in bene agendo adjuvare quod omnes concedunt; sed etiam tantam ejus esse efficaciam, ut voluntatem, ad bene agendum flectat & determinet infallibiliter & insuperabiliter: alii vero istud negant, ut pluribus alias à nobis ostensum est. Cæterum omnes in eo conveniunt, quantacunque sit gratiæ divinæ efficacia, illam nihilominus à libero arbitrio non tollere potestatem repudiandi bonum ad quod hominem movet atque allicit.

Adeoque

Adeoque illi ipsi qui perpendunt gratiam per se efficacem esse, & conversionis actum infallibiliter in homine operari, conformiter tamen Canoni Tridentino fatentur semper in homine manere potestatem à gratia dissentendi, & illi resistendi. Ac proinde omnes in eo consentiunt liberum arbitrium per gratiam præventum & excitatum, sic posse bene operari, ut contrarium in ejus facultate maneat.

VI. Itaque perpendunt Liberum arbitrium, respectu boni ipsius salutaris, per peccatum extinctum & amissum non esse, sed solum debilitatum, sauciatum & attenuatum. Quia in re sequuntur doctrinam Synodi Tridentinæ, cujus hic quoque Canon est quintus Sessionis sextæ. *Si quis liberum hominis arbitrium post Adæ peccatum amissum & extinctum esse dixerit, aut rem esse de solo titulo, imo titulum sine re, figmentum denique à Satana inventum in Ecclesiam : anathema sit.*

VII. Liberum autem arbitrium, etiam in spiritualibus, non penitus amissum & extinctum esse volunt, sed duntaxat sauciatum atque attenuatum, quia post peccatum in homine mansit, & ante gratiam superest, potentia quædam remota & imperfecta ad opera pietatis faciendæ : licet ad eadem opera potentiam perfectam & proximam non habeat, & nihil omnino ex se hac in parte facere valeat. Istud videre est apud Bellarminum libro quinto de libero arbitrio capite decimo quinto, ubi hæc est ejus secunda sententia: *Habet homo ante omnem gratiam potentiam remotam & imperfectam ad opera pietatis faciendæ. Tertia vero sententia hæc est : Non habet homo ante omnem gratiam potentiam proximam & perfectam ad opera pietatis : & ideo nihil omnino in hoc genere ea se facere potest.*

VIII. Poro hæc verba Bellarmini, quibus asserit in iis quæ salutem & pietatem spectant, hominem nihil omnino ex se facere posse, explicant quo sensu tribuat homini peccatori & gratia Dei destituto potentiam quandam imperfectam ad spirituale & salutare bonum. Nec enim propterea existimat hominem sine gratia in eo genere aliquid præstare quidem posse, verum languide atque imperfecte : sed solum mens ejus est, in homine manere post peccatum potentiam quandam, quæ viribus novis per gratiam acceptis, in bonum spirituale libere ferri potest, circa quod ante per se sola nihil omnino agere poterat. Quod observat ipse Bellarminus respondens ad hoc Kemnitii dilectum. Aut habet homo ex se aliquas vires, quamvis exiles ; aut nullas omnino. Si habet aliquas, ergo potest aliquid sine Dei gratia. Si nullas ; ergo extinctum est liberum arbitrium. Respondet enim hominem habere potentiam tantum remotam & vires imperfectas, & ideo nihil per se posse. Sed si perficiatur ea potentia, & vires addantur, illam posse multa præstare.

IX. Ut ostendat autem quomodo homo ante gratiam arbitrium liberum habeat, etiam in spiritualibus, cum tamen ante gratiam bonum facere non possit, dicit in eo statu arbitrium hominis liberum quidem eo respectu esse : sed tamen ejus libertatem esse quasi ligatam atque impeditam : solvi autem & expediri, quum potentia proxima ad operandum per Dei gratiam prævenientem ei confertur. Atque ut eam rem illustret, Simile, inquit, aliquid experimur in potentia videndi, nam absente specie sensibili, habet homo potentiam & libertatem videndi ; non enim ea species causa est libertatis, aut potentia videndi ; sed tamen potentia remota est, & libertas ligata, donec accepta specie potentia perficiatur, & in actum prodire possit.

X. Præterea vero notandum est, quum Bellarminus dicit libertatem hominis circa bonum spirituale per peccatum fuisse ligatam, non extinctam, mentem ejus non esse quod liberum arbitrium per gratiam solutum, & bono consentiens, atque illud prosequens, id faciat per vires quas jam ante habebat, non quas gratia de novo ipsi suppeditavit : sicut homo cujus soluta sunt vincula, dum ambulat id facit per vires quas jam ante habebat, & quæ de novo ipsi non sunt additæ, sed solum quarum usus impedito quodam cohibebatur. Queritur enim Kemnitius per fraudem & deceptionem simile quid Catholicis Doctoribus imputare. Scribit Kemnitius, inquit, *Catholicos in ea sententia esse, ut liberum arbitrium per gratiam excitatum exeat vires quas habebat, etiam antequam excitaretur, & per illas suas vires vocationi divinæ consentiat : ita ut gratia præveniens non tribuat vires libero arbitrio, sed quasi sopitas excitet. At non hoc sentiunt Catholici : sed agnoscunt quidem liberum arbitrium in homine, etiam antequam eum gratia divina præveniat : quia liberum arbitrium est res naturalis, quæ per peccatum non amittitur : sed tamen non dicunt, nec sentiunt liberum arbitrium habere potestatem ullam, saltem proximam, ad actus pietatis, sed eam accipere à Deo per gratiam prævenientem. Cap. 13. Responsione ad primum argumentum.*

XI. Itaque Bellarminus eodem loco docet liberum arbitrium hominis peccatoris ex

se non habere ut cooperetur ad ipsius conversionem, sed cooperandi potestatem à gratia recipere. Sicut lapis, inquit, ex se non habet, ut cooperetur, si forte convertatur in carnem; sic etiam liberum arbitrium ex se non habet, ut cooperetur ad suam ipsius conversionem: potest tamen à Deo recipere potestatem operandi per gratiam prævenientem, quod non potest latius.

XII. Quæ doctrina est ipsius Ludovici Molinae. Docet enim consensum quem voluntas nostra præbet Deo per gratiam prævenientem vocanti, à Deo esse non tantum tanquam ab alliciente, invitante, & excitante, sed etiam tanquam à cooperante per auxilium gratiæ; adeoque in eo consensu nihil reipsa esse quod supernaturale non sit; ac proinde ad id tantum nihil habere in iis quæ ad justificationem necessaria sunt, de quo gloriari possit, & quod à Deo per gratiam non acceperit. Sic enim ex antepositis quibuscumque ratiocinatur. *Quo sit ut consensus liberi arbitrii Deo excitanti ac vocanti per gratiam prævenientem, nihil in re sit quod non sit supernaturale, & quod non simul à Deo emanet, non solum tanquam ab alliciente, excitante, & invitante ad id arbitrium nostrum, sed etiam tanquam à cooperante per auxilium gratiæ, atque adeo sit ut nihil omnino habeat aditus ex iis, quæ ad justificationem sunt necessaria, & quibus à non justificato discernatur, de quo gloriari possit, ac si id à Deo non acceperit; tamen si ad multa ex iis, quæ ad justificationem sunt necessaria, libere cooperetur ac insuat; ita ut in ipsius potestate sit non cooperari, & non influere, atque adeo impedire ne in reum natura existant.* Disputatio 40. ad art. 3. quæst. 14.

XIII. Ideoque itatim anathema dicit illis qui affirmaverint consensum quem præbent Deo excitanti per gratiam prævenientem, naturalem esse, aut posse elici sine eiusdem prævenientis gratiæ auxilio & cooperatione. *Nostrâ itaque sententiâ, inquit, anathema censeri debet, qui affirmaverit consensum arbitrii nostri Deo excitanti & vocanti per auxilium gratiæ prævenientis, esse actum naturalem, aut posse elici sine auxilio & cooperatione eiusdem prævenientis gratiæ: sed iterum esse etiam anathema qui dixerit eundem consensum non esse in libera arbitrii nostri, ad modum explicatum, potestate, cooperationemque liberam arbitrii nostri, non esse necessariam ad supernaturales actus quibus ad gratiam disponimur, & quibus ab iis discernimur qui non justificantur.*

XIV. Quamquam vero Scholæ Romanæ Doctores cum Concilio Tridentino statuant liberum hominis arbitrium cooperari Deo vocanti atque excitanti, & humanam voluntatem non solum active, sed libere se habere, respectu primorum actuum quibus ad Deum convertimur; ita ut allicienti & trahenti gratiæ non solum consentire, sed & ab ea dissentire possit: fatentur tamen initium justificationis & conversionis nostræ à solo Deo esse, non à libero nostro arbitrio, & eo respectu hominem merè passivè se habere. Id videre est apud Josephum Angles Episcopum Bolanensem, cujus hæc est Conclusio, *Initium nostræ justificationis non est à libero arbitrio nostro; sed est solum ab ipso Deo, nobis merè passivè nos habentibus.* Quod postea multis scripturæ locis probat: Ut illo, *Non vos me elegistis.* Item, *Sine me nihil potestis facere.* Et, *Nemo potest venire ad me, nisi Pater meus traxerit eum.* In floribus questionum Theologicarum, Tractatu de Libero Arbitrio, quæstione unica. Articulo 3. difficultate 7. Conclusionem 1.

XV. Atque ut eam rem illustret, in eodem articulo distinguit tria genera operum, quæ ad nostram justificationem spectant. Nam dicit quædam opera antecedere nostram justificationem, quædam esse extrema, & quædam intermedia. Primi generis sunt juxta ipsum, ipsa prædestinatio, vocatio interior per inspirationem & exterior per cogitationem, vocatio per flagella, terror poenarum, gloriæ desiderium, &c. Secundi generis sunt infusiones qualitatum supernaturalium, ut infusio fidei & gratiæ gratum facientis, sive justificantis. Tertiū vero generis sunt opera intermedia quæ sequuntur post auxilia prævenientia, & ante cedunt gratiam justificantem: quales sunt actus fidei, spei, dilectionis, & poenitentiae disponentes nos ad gratiam.

XVI. Hæc vero tria operum genera docet inter se differre respectu causæ efficientis in hoc quod opera primi & secundi generis, ut auxilia prævenientia & gratia habitus, sunt à Deo sine nobis; quemadmodum Petrus & Paulus passivè tantum se habebant, & nihil cooperabantur quando sunt à Christo vocati; & etiam quemadmodum aer passivè se habet recipiens lumen à sole: qua ratione nobis, nihil in eo agentibus, induntur virtutes infusæ, quæ sunt qualitates supernaturales: sed quod attinet opera tertiū generis, quæ sunt dispositiones intermediae ad gratiam, ad ea homo justificandus non se habet passivè tantum, verum etiam activè: quia hoc respectu Deo libere cooperandum voluntas elicit actum poenitentiae, & amoris, & intellectus fidei actum producit. *Septima difficultate ad art. 7.*

XVII. Cate-

XVII. Cæterum Jansenius agnoscit quidem post peccatum in homine mansisse facultatem quæ dicitur liberum arbitrium, & per quam recte aut perperam volumus & agimus, quæque, ut jam ex se ad malum prona est, ita & per gratiam ad bonum flecti potest, illudq; libere amplecti: sed tamen pertendit, secundum Augustinum, & re veritatem, bono sensu dici posse libertatem arbitrii, respectu veri & salutaris boni, per peccatum in homine perditam & amissam esse. Non quod peccatum hominem spoliaverit ea libertate, quæ voluntati essentialis est; & quæ coactioni ac determinationi per naturam opponitur: sed quia prorsus per peccatum in homine perit libertas illa ad bonum quæ opponitur servituti, donec per Christi salvatoris gratiam liberetur hominis voluntas. Nempe, ex ejus sententia, homo per peccatum sic est factus peccati servus, ut quicquid agat non amplius nisi peccare possit. Quoniam potest quidem à singulis peccatis abstinere; sed quum ab uno peccato abstinet, in aliud incidit, & peccatum peccato, non veris virtutis actibus commutat. Quippe cujus voluntas affectu pravo à Deo averfa, & bonum suum in creaturis quærens, donec sursum per Dei gratiam attollatur, à vero fine semper & ubique aberrat, & ideo quicquid agat, peccato carere non potest, ut prolixè videre est apud Authorem illum libro de gratia primi hominis cap. 6. & 7. & De statu naturæ lapsæ lib. 2. cap. item 6. & 7. & pluribus aliis in locis.

XVIII. Quod spectat autem Protestantes, tam eos qui Theologi Confessionis Augustinæ, quam qui singulariter Reformati dicuntur, communi consensu docent, hominem lapsum, ante Christi gratiam, viribus omnibus destitutum esse in iis quæ pertinent ad opera pietatis, quæ per se ad salutem profunt & referuntur, & actus internos ac spirituales virtutum Christianarum & Theologicarum: nec satis esse putant, hominem liberum nostrum arbitrium hoc respectu languere, & debilitatum esse, fractum & attenuatum, sed volunt illud prorsus extinctum & amissum esse: adeoque hominem ante gratiam comparari debere, non homini ægro & captivo, sed homini mortuo: juxta scripturæ morem, quæ sæpe inculcat homines ex se & sine gratia in peccatis mortuos esse. Unde non patiatur dici hominem, ante gratiam liberum arbitrium habere ad opera pietatis & supernaturalia, sed volunt illum eatenus libertate sua spoliatum esse.

XIX. Ista & similia passim repetunt & plurimum urgent, non tantum Scholæ Reformatæ Doctores, sed & jam dicti Theologi Confessionis Augustinæ, præsertim in eo qui liber concordat: apud ipsos dicitur. *Credimus, inquit, quantum abest, ut corpus mortuum seipsum vivificare, atq; sibi ipsi corporalem vitam restituere possit, tantum abesse ut bono, qui ratione peccati spiritualiter mortuus est, seipsum in vitam spirituales revocandi illam facultatem habeat.* Et propterea damnant erroris eos qui docent, Licet homo non renatus, ratione liberi arbitrii, ante sui regenerationem infirmior quidem sit, quam ut conversionis suæ initium facere, atq; propriis viribus sese ad Deum convertere, & legi Dei toto corde parere valeat: tamen si Spiritus Sanctus predicatione verbi initium fecerit, suamq; gratiam in verbo homini obtulerit, tum hominis voluntatem, propriis & naturalibus suis viribus quodammodo aliquid, licet id modiculum, infirmum & languidum admodum sit, conversum adjuvare, atque cooperari, & seipsam ad gratiam applicare, præparare, eam apprehendere, amplecti, & Evangelio credere posse. In Epitome articulorum de quibus controversiæ ortæ sunt inter Theologos August. Confessionis. Articulo 2.

XX. Et in folida eorundem articulorum declaratione & repetitione, quæ in eodem libro Concordiæ inserta est, damnant dogma Synergistarum. *Qui fingunt hominem in rebus spiritualibus non prorsus ad bonum esse mortuum, sed tantum graviter vulneratum & semi-mortuum esse. Et quamvis liberum arbitrium infirmum sit, quam ut initium facere, & seipsum propriis viribus ad Deum convertere, & legi Dei toto corde obedire possit; tamen si Spiritus Sanctus initium faciat, & nos per Evangelium vocet, gratiam suam, remissionem peccatorum, & æternam salutem nobis offerat, tunc liberum arbitrium propriis suis naturalibus viribus Deo occurrere, & aliquo modo (aliquid saltem, etsi parum & languidum) ad conversionem suam conferre, eam adjuvare, cooperari, sese ad gratiam præparare & applicare, eam apprehendere, amplecti, Evangelio credere, & quidem in continuatione & conservatione hujus operis, propriis suis viribus, una cum Spiritu Sancto cooperari posse.* Art. 2. in rejectione errorum num. 4.

XXI. Adeoq; iidem Confessionis Augustinæ Doctores cum Reformatis docent in hominis conversione voluntatem ejus pure passive se habere, id est, nihil agere, sed solum motum atq; actionem Spiritus Sancti in se recipere, quod inter alios sensit ipse Lutherus. Ut loco jam citato agnoscunt iidem Doctores.

XXII. Propterea tamen non negant Protestantes quum peccator omittit actus

fidei, spei, & charitatis, aliarumque virtutum quæ in Evangelio ipsi præcipiuntur, omissionem istam liberam esse, adeoque pœna & supplicio dignam: idq; juxta Reformatos, quoniam homo, ut gratia destitutus, sciens tamen & volens actus à Deo præscriptos omittit: nec ulla vi externa, aut impedimento Physico prohibetur, quominus is defungatur, sed solum prava voluntatis propriæ dispositione, quæ nativam ejus in agendo libertatem non tollit. Quibus addi potest, juxta Confessionis Augustinæ Doctores, gratiam Dei ad bene agendum necessariam omnibus hominibus quodammodo præsto esse, & Deum paratum esse illam omnibus & singulis conferre, si fecerint quod in ipsis est.

XXIII. Præterea quamquam negent Protestantes hominem in statu peccati libertatem suam habere respectu actuum divinatorum & spiritualium, fatentur tamen voluntatem ejus, quantumvis peccato corruptam, actuum istorum respectu, variis modis liberam dici posse. Nec enim corruptio per peccatum inducta impedit, juxta ipsos, quominus hominis voluntas, actuum quorumvis respectu, libera sit non solum à vi externa & coactione, sed etiam à qualibet Physica necessitate, & bruta determinatione. Id solum volunt, hominis corrupti voluntatem, antequam per Dei gratiam liberetur, non esse liberam à servitute peccati, seu necessitate peccandi ex vicio. Ac proinde illam, circa bonum spirituale, carere illa libertate quæ servituti opponitur.

XXIV. Sic Protestantium Doctrinam exponit David Paræus. Nam proposita questione quam format Bellarminus, *sive homo post lapsum primi hominis vere liberi arbitrii, in iis rebus, quæ pertinent ad salutem, dicit questionem illam lubricam & Sophisticam esse, quia, inquit, obscurum est quamnam arbitrii libertatem ad divinas actiones velis, an à coactione, à Physica necessitate, à bruta determinatione: quæ liberi ultro à nobis datur: an vero à servitute peccati, seu necessitate peccandi ex vicio, vel à dependentia motionis divina: quæ homini in statu peccati abque blasphemia arrogari non potest.* In lib. 6. Bellar. de Grat. & lib. arbitr. cap. 8.

XXV. Quibus consentanea sunt quæ docet Josue Placeus tractatu de libero hominis arbitrio capite quarto, quod est de Libero Hominis Arbitrio in statu peccati. Est inquit, in posteris *Adami facultas arbitranda & volendi libera à triplici necessitate coactionis, scilicet qualem pati potest corpus nostrum, determinationis à materia, maxime qualis cernitur in lapidibus & spiritibus, & sensus qualis competit brutis animalibus, cujus ratione homo est subj. Etum dicitur vel vitii, vel virtutis, ac Dei legi obnoxius. Quibus postea subjungit, Quam igitur arbitrii libertatem amisit Adamus? Amisit facultatem absolutam non peccandi sitam in iustitia originali, quæ postea est partim in naturali facultatum moralium integritate, perfectione, rectitudine absq; ullo vicio, morbo, &c. error, partim in appetitu veri finis ultimi, & ex illo appetitu enatis habitibus bene vivendi incubatis, qui secundum naturæ ordinem paulatim crevissent ad summum usq; perfectionis gradum. In hujus libertatis locum successit servitus peccati sita in depravatione atq; obliquitate facultatum moralium, præsertim voluntatis: ea vero depravatio consistit in aversione a vero fine ultimo, & conversione ad finem ultimum falso apparentem. Ex quo sequitur, cum quicquid appetitur, sit aut finis ultimus, aut medium ad illud, nihil sani reliquum esse factum in facultatibus nostris moralibus. Neque id solum, sed quamdiu sic affecti sumus, fieri non posse quin peccemus.*

XXVI. Illud quoque hic observandum est Scholæ Reformatæ Doctores in hac questione distinguere inter potentiam proximam & activam, & inter potentiam remotam & passivam. Et concedunt hominem in statu peccati, & ante gratiam, habere quidem potentiam quandam remotam & passivam ad actus spirituales & supernaturales, sed negant hominem ita consideratum ad eisdem actus habere potentiam ullam proximam & activam. Qua distinctione utitur Paræus in lib. 6. Bellar. de Lib. Arbitr. cap. 15.

XXVII. Et eandem etiam distinctionem adhibent Theologi Leydenenses in sua purioris Theologiæ Synopsi, in statu corruptionis, inquit, seu in homine naturaliter tantum genito & originali peccato obstricto, quamvis is non amisit, ut in intelligentia intellectiōem, ita neque in voluntate naturalem libertatem electionis, sed retinuerit cum animæ substantia naturales ejus facultates, quæ actionum sunt principia, & potentiam remotam & passivam suscipiendi contrarii: attamen amisit, ut ab intelligentia, ita & à voluntate rectitudinem & bonitatem, imo contrarium habitum vitiosum accepit. Adeoque liberum arbitrium potentia proximam & activam, Diabolo instigante, sub cujus potestate & dominio est, non amplius in bonum quod vere bonum, sed tantum in malum quamvis specie bonum, attamen in generibus & gradibus mali electione remanente, necessario respectu principii proximi, sponte, voluntate & libenter tamen fertur. Eligis enim malum, & bonum repudias. Disput. de Lib. Arbitr. Thei 18, & 19.

XXVIII. Affine

XXVIII. Affine est quod legitur apud Alexandrum Morum de Victoria Gratiæ, disputatione tertia, thesi 15. Concedit enim posse dici hominem ante Gratiā habere potentiam quandam remotā & imperfectā ad opēra pietatis & supernaturalia, modo per id delinqueret potentia naturalis volendi & nolendi quæ proportionem atque adeo capacitatem homini conciliat, qualem nec in lapidibus reperias nec in brutis. Nempe id sibi vult, hominem, quantumlibet peccato corruptum, naturales quasdam facultates habere quæ per Dei gratiam possunt ad pietatis opēra moveri, quales facultates desunt in brutis atque inanimis. Et hoc est quod alii intelligunt per potentiam passivā & remotā. Nempe per istud significant hominem esse per naturā capacem recipiendorum gratiæ divinæ auxiliorum, per quæ facultates ejus, novis viribus assumptis, ferantur in opēra spiritalia atque salutaria.

XXIX. Josue Placeus, vero videtur aliquid amplius dicere, sed tamen quod eodem redit, quantum ad summam rei. Docet enim, quantacunque sit hominis corruptio, illum posse non peccare si vellet, & si ad non peccandum voluntas ejus esset, uti decet, comparata. Adeoque facultatem non peccandi in homine, si istud serio velit & ut oportet, non ascribendam esse gratiæ, sed naturæ. Affirmat enim *eam facultatem etiam homini corrupto inesse, ut non modo peccare possit si velit, sed etiam non peccare, si quidem uti par est, a peccato voluntas ejus abhorreret.* Quare, inquit, non bene consideraverimus naturas videntur illi qui facultatem non peccandi, si ad non peccandum, uti decet, comparata esset voluntas, gratiæ tribuunt, cum sit potius ascribenda naturæ, quæ sit ut involuntarii & peccati rationes inter se pugnent. Unde colligit frustra nobis obijci ea scripturæ loca, quibus tribuit eam facultatem homini, ut possit bene agere si velit: nempe quomodo eum decet velle. *Tractatu de libero arbitrio cap. 4.*

XXX. Atque ut mentem suam clarius exponat vir ille Doctus, distinguit inter potentiam non peccandi & salutare bonum operandi conditionatam & absolutam. Potentiam non peccandi & bene operandi conditionatam vocat, per quam homo non peccare & bene operari potest si velit, & modo velit, sicut ipsum velle par est. Absolutam vero potentiam vocat per quam homo simpliciter potest non peccare, & bene agere.

XXXI. Rursus potentia ista absoluta ab eo distinguitur in primam & secundam. Prima ab ipsa vocatur ipsa naturalis facultas, per quam homo capax est bene & male agendi, quod brutis non convenit. Potentia absoluta bene agendi quam secundam vocat, consistit in habitibus potentiam naturalem ad bene agendum determinantibus, sive inclinantibus.

XXXII. Cum autem in actione morali discerni possit materia seu substantia actionis à forma, hoc est bonitate vel malitia morali, dicit potentiam primam esse principium materiale actionum moralium, secundam verò principium formale. Quoniam à voluntate, quæ est potentia naturalis, per quam bene vel male agere possumus, est ipsum velle: ab habitibus vero voluntatem inclinantibus vel determinantibus, est bene vel male velle.

XXXIII. Quibus positis, affirmat in nobis per peccatum corruptis esse potentiam primam, sive principium materiale tam bene quam male agendi, sed amissam esse per peccatum Adami potentiam secundam, sive principium formale bene agendi, nec amissam modo, sed in contrariam potentiam conversam, ut ad id quod demum est bene agere secundum Deum, in omnibus nostris facultatibus moralibus insit universalis repugnancia, eo tenacior quod & ab ipso ortu insita est, & perpetua consuetudine, quasi altera natura, confirmata.

XXXIV. Eodem refertur alia distinctio qua utitur idem Placeus, & cum eo alii plurimi. Hic enim distinguunt inter potentiam sive impotentiam *Physicam*, & *Moralem*. Impotentia Physica ad bene agendum est, cum potentia naturalis intelligendi & volendi, sine qua nemo vel bene vel male agere potest, aut deest, aut sui compos non est: Impotentia vero moralis est quum mens quidem & voluntas adest, & est etiam sui compos, sed per habitus quosdam ad male agendum determinata est. Vel ut aliis verbis rem eandem explicat Placeus, impotentia physica est quæ posita est extra voluntatem, hoc est per quam rem non potes, quantumlibet velis & coneris. Impotentia vero moralis est quæ sita est in ipsa voluntate, hoc est, per quam non potes aliquid quia non vis, & habitu firmo ac penitus inharrente ad oppositum voluntas tua determinata est. Qualis impotentia cernitur in demonibus respectu amoris in Deum. Etenim Deum amare non possunt, non quod iis desit ulla facultas naturalis necessaria ad Deum amandum, sed quia propria & libera voluntate in Dei odio prorsus obfirmati sunt.

XXXV. Jam vero docent illi Theologi hominem etiam peccato corruptum, absque ulla gratia inherente sive subiectiva, habere quandam potentiam Physicam sive naturalem ad opera pietatis, quatenus nulla deest ipsi facultas naturalis necessaria ad opera istiusmodi obeunda, nec etiam ullo Physico impedimento prohibetur, quominus illis vacet; veruntamen illum moraliter ad ista opera omnino impotentem esse, quia naturales illius facultates, mens scilicet & voluntas, habitibus vitiosis ita obstruit & præpeditæ sunt ut nihil in hoc genere, sine gratia sanante & liberante possit.

XXXVI. Sunt quidem inter Reformatos qui distinctionem istam improbare videntur, ut inter alios Alexander Morus. Nam impotentiam hominis ad bonum existimat Physicam esse & dici debere, quoniam nobis innata est, & in nos cum ipsa natura propagatur: eandem verò incautè moralem appellari, quia in usu communi illud Moraliter impossibile dicimus, non quod simpliciter fieri non potest, sed quod solum difficillimum est atque vix, ægrè, & rarò fit. Itaque mavult, quod ad hanc quæstionem attinet, impotentiam hominis distingui in eam quæ est involuntaria, & extrinsecus accersita, aut profecta ab infirmitate: & in eam quæ interna & voluntaria est, & proficitur à malignitate, non ab infirmitate. Ad quod posterius genus revocat impotentiam quæ homini tribuitur respectu boni salutaris. *De Victoria Gratia Disput. 6. Thesi 13.*

XXXVII. Sed qui aliter in hac materia loquuntur, non aliud tamen sentiunt. Nam impotentiam hominis circa bonum spirituale idem moralem vocant, quia voluntaria est, & à vitio profecta: non quod putent in hoc genere hominem ex se posse quicquam facere vel conari, licet ægrè, rarissime atque difficillimè. Et ultro etiam concedunt talem impotentiam homini à primo ortu insitam esse, eamque propterea solum Physicam dici nolunt, quia non procedit ex carentia potentia seu facultatis alicujus naturalis sed tantum ex vitiosa & culpabili ejus corruptione: quod alii minimè negant: adeoque hic est merum inter Reformatos de vocibus certamen.

XXXVIII. Cæterum quamvis passim doceant Protestantes hominem in prima sui conversione merè passivè se habere, mens tamen eorum non est primos actus quibus homo ad Deum convertitur, incipiendo peccatum odisse atque detestari, & Deum amare, ac illi credere & fidere, non esse actus vitales, facultatibus hominis elictos, ac proinde activè ab eo procedentes: Sed illud solum sibi volunt, gratiam Dei nostram voluntatem prævenire & voluntatem nostram merè passivè se habere respectu primorum illorum auxiliorum, quibus Deus voluntatem nostram ad bonum movere incipit, & novarum illarum quas Deus illi gratuito infundit & sine quibus nihil boni incipere, vel conari, nec etiam gratiæ divinæ cooperari potest.

XXXIX. Id sæculo monet Perkinsus. Dicimus, inquit, in prima peccatoris conversione liberum hominis arbitrium cum gratia certa quadam ratione concurrere, velus socium ac cooperans. Ad conversionem enim tria requiruntur: verbum, Spiritus Sanctus & voluntas hominis. Nam voluntas hominis non est saltem & omnimodò passiva; sed est etiam ipsius quadam operatio, etiam in prima anima conversione. Etenim quum quis convertitur, fit id quidem à Deo: verum hominem non cogente in vitium, sed ita voluntatem ejus inclinante, ut etiam ipse homo conversionem suam velit. Nam quum jam homo convertitur, vult etiam ipse ex Dei gratia suam conversionem. Et postea quibusdam subjunctis, Meminisse debemus, inquit, quod etiam in ipso primo momento conversionis, operatio gratia Spiritus Sancti, ac voluntas hominis desiderans eam, in homine simul sint: hoc ita men discriminis, quod operatio Spiritus Sancti, quantum ad ordinem & causam attinet, prior est, ac voluntatem movet & excitat: hæc vero mota & ad agendum excitata à gratia, deinceps seipsam quoque movet & operatur. In Catholico Reformato Controv. 1. cap. 1. Conclusione 5.

XL. Et eodem quoque redit doctrina Theologorum confessionis Augustinæ. Quod Lutherus, inquit, scripsit hominis voluntatem in conversione pure passivè se habere, id rectè & dextre est accipiendum, videlicet, respectu divinæ gratiæ in accendendis novis motibus: hoc est, de eo intelligi oportet, quando spiritus Dei per verbum auditum, aut per usum Sacramentorum hominis voluntatem aggreditur, & conversionem atque regenerationem in homine operatur. Postquam enim Spiritus Sanctus hoc ipsum jam operatus est, atque effectus, hominiquè voluntatem sola sua divina virtute & operatione immutavit atque renovavit: tunc revera hominis nova illa voluntas instrumentum est & organum Dei Sp. Sancti, ut ea non modo gratiam apprehendas, verum etiam in operibus sequentibus inter Theologos Confessionis Augustinæ art. 2. qui est de libero arbitrio.

XLI. Quod idem postea confirmant in solida ac perspicua repetitione & declaratione

tione quorundam articulorum Augustinæ Confessionis, de quibus aliquandiu inter nonnullos Theologos eidem addictos disputatum fuit, quæ ut præcedens Epitome inserta est libro Concordiæ. Quando, inquit, Lutherus affirmat hominem in conversione sua purè passivè se habere, id est, plane nihil agere, sed tantummodo pati id quod Deus in ipso agit, certe non sentis quod conversio absque prædicatione & auditione verbi Dei fiat: neque hæc ita accipi voluit, quasi in conversione per Spiritum Sanctum prorsus nulli novi motus in nobis exciterentur, neque ulla spiritalis operatio in nobis inchoetur, sed hoc voluit Lutherus, hominem ex seipso aut naturalibus suis viribus non posse aliquid conferre, vel adjumentum adferre ad suam conversionem: & hominis conversionem non tantum ex parte sed totam prorsus esse operationem, donum, & opus solius Spiritus Sancti.

XLII. Et tamen eo non obstante, censent iidem Theologi hominis conversionem ita liberam esse, ut homo possit Spiritui Sancto conversionis opus in nobis aggredienti resistere, & obicem ponere, imo & de facto quandoque resistat & obicem ponat: nec ullam esse Spiritus Sancti efficaciam, quam homo pertinacia & contumacia sua, fructu & effectu suo frustrari non valeat. Huc tendit quod affirmant Theologi Rintelenenses in suo Colloquio cum Marpurgensibus, Castellis auctoritate Hassiæ Landgraviæ habito. Etenim ad quæstionem illam, *An Gratia conversionis ita se habeat, ut homo in virtute gratiæ Evangelio obsequium præstare, & per conatam malitiam ei resistere, & obicem ponere aque possit?* Affirmativè respondent, negantibus Marpurgensibus.

XLIII. Etsi vero negent Reformati gratiam per quam Deus homines ad se convertit, talem esse, ut homo quandoque obicem illi ponat, & effectum ejus impediatur; & pertendant nunquam contingere, ut Deo conversionis opus aggredienti, homo sic resistat, ut inconvertus maneat; quoniam gratiæ divinæ efficacia tanta est in homine peccatore, ut conversionem ejus operetur infallibiliter & insuperabiliter: fatentur tamen efficaciam illam non obstat, quominus hominis conversio sit opus verè liberum, & quod ab homine non solum activè sed etiam liberè procedit: quia, scilicet, gratia divina, quantumlibet per se efficax, hominem tamen non movet nisi ut creaturæ Rationali & liberæ congruum & consentaneum est. Nempe præstat infallibiliter non solum ut homo faciat & velit, sed ut liberè faciat & velit, & ut in operibus bonis, ad quæ gratia illum movet non minus agat ex proprio judicio, electione, & deliberatione, ac li sine gratia ageret.

XLIV. Quinimo quamvis pertendant, posita gratia per quam Deus homines convertit, fieri non posse quin conversio sequatur; nec simul stare posse gratiæ convertentis motum atque impulsum, & talem voluntatis humanæ resistantiam, quæ conversionis actum impediatur: attamen agnoscunt simul cum efficacia gratiæ consistere potentiam ad actum oppositum, & negationem actus ad quem gratia hominem impellit. Nempe hominem, etsi convertatur infallibiliter, semper retinere veram potentiam se non convertendi, & contrarium actum eliciendi.

XLV. Id expresse docet Amelius in Bellarmino Enervato. Nam explicans quod sensus homo per prævenientem gratiam excitatus & à Deo adjutus, ita valeat operari, ut possit etiam non operari, observat istud *posse operari & non operari*, posse dupliciter exponi primo ut sensus sit, quod potentia ad non operandum, sit simul in eodem subiecto cum gratia, & auxilio quod requiritur ad operandum, & hunc sensum dicit esse verissimum. Secundo modo dicta verba sic intelligi posse, ut sensus sit quod gratia, & auxilium ad talem operationem particularem datum, & carentia talis actus, seu actus contrarius aliquando simul sint, aut esse possint in eodem subiecto: quem sensum dicit esse falsum.

XLVI. Ideoque ad quæstionem, An homines per liberum arbitrium agant in operibus pietatis, Respondet, si phrasia illa *agere per liberum arbitrium*, significat liberum arbitrium in istis operibus agere ut principium quod, illam à nobis admitti: si vero significet libertatem naturalem esse principium quo actionis spiritalis, non vero accipere & posse & velle suum à gratia, eam à nobis rejici tanquam Plagianam. *Lib. 4. de Lib. Arbitr. cap. 3. de viribus liberi arbitrii.*

XLVII. Porro ex iis quæ hæcenus exposita sunt patet Protestantibus non negare, post peccatum & ante gratiam, homini inesse potentiam quandam remotam & imperfectam ad opera pietatis & supernaturalia. Et hoc nomine illos designare facultatem naturalem volendi & nolendi, quæ respectu istorum operum proportionem quandam & eapacitatem homini conciliat, qualis nec in lapidibus, nec in brutis reperitur.

XLVIII. Præterea eisdem fateri potentiam istam in homine post peccatum residuam respectu eorundem operum liberam esse, non tantum à coactione, sed etiam ab omni Phylæa

Physica necessitate, & determinatiere biuta. Urde est quod eorum multi dicere non verentur, hominem ante gratiam potentiam Physicam habere salutare bonum operandi, illumque posse bene operari si velit, licet, ad hoc sit moraliter impotens, propter voluntatem ejus pravis habitibus in malo confirmatam.

XLIX. Ex dictis quoque planum est, Protestantes agnoscere liberum arbitrium, quod post peccatum in homine mansit, esse principium quoddam, aut ut alii dicunt, materiale actionum piarum & spiritualium, licet ante gratiam careat illa libertate, quæ est principium quo sive formale actionum illarum. Liberum vero arbitrium, recuperata illa bene agendi libertate, per auxilia gratiæ à Deo subministrata, cooperari divinæ gratiæ, non solum in actibus primam conversionem hominis sequentibus, verum etiam in iis in quibus prima illa conversio consistit. Ac proinde Protestantes eosdem non negare quin omnia bona hominis opera, quæ gratiæ tribuenda sunt, activè & liberè ab hominis voluntate, quam gratia movet & excitat, procedant: adeoque quin homo sibi innata & essentiali libertate utatur, sive dum actus ipsi in Evangelio præceptos, propria impulsus malitia, omittit, sive dum illos, gratia auxiliante, elicit.

L. Nec minus clarum fecimus Confessionis Augustinæ Doctores eam libertatem homini tribuere, per quam divinæ gratiæ effectum, non tantum impedire possit, sed de facto saepe impediatur: Reformatos vero docere gratiam quidem liberum hominis arbitrium ad bene agendum movere atque determinare infallibiliter & insuperabiliter, si d propterea tamen ab eo non tollere veram potentiam aliter agendi, & ab actione cessandi: ita ut homo posita gratia, non possit illi dissentire, ut Scholæ loquuntur in sensu composito, possit tamen in sensu diviso.

LI. Ex quibus omnibus evidenter sequitur, Bellarminum & alios Scholæ Romanæ Doctores frustra disputare contra Protestantes, quasi negarent simpliciter hominem in sua conversione cooperari divinæ gratiæ, & conversionem ipsam esse opus liberum, & quod homo, divina gratia movente & excitante, liberè eliciat. Ac planè nullum & falso positum esse statum controversiæ, quem constituit Bellarminus inter Protestantes omnes & Ecclesiam Romanam. An scilicet, homo post peccatum, ita sit liberi arbitrii in iis rebus quæ pertinent ad salutem, ut quamvis nihil possit sine auxilio gratiæ, tamen per gratiam prævenientem excitatus & à Deo adjutus, ita valeat perari, ut possit etiam non operari?

LII. Nam inter Protestantes collectivè consideratos, & Scholam Romanam etiam collectivè consideratam nulla prorsus est ea de re controversia, quamquam in utraque Schola disputetur inter Theologos, quo sensu homo, posita gratia, possit operari & non operari. Sunt enim in Schola Romana plurimi qui, positis quibusvis gratiæ auxiliis, volunt hominem sic posse bene operari, & non operari, ut id verum sit etiam in sensu composito, non solum in sensu diviso: hoc est, qui volunt nulla esse gratiæ auxilia, quorum effectum homo contumacia sua aliquando non impediatur, & effectum suo frustretur: Et inter Protestantes plurimi quoque idem sentiunt atque profitentur, nempe omnes Theologi Confessionis Augustinæ, & etiam qui Remonstrantes dicuntur. Ac quemadmodum in eo ab iis dissentiant qui singulariter dicuntur Reformati, quorum doctrina est, omnia gratiæ auxilia ad actuale hominis conversionem necessaria & prærequisita nunquam suo effectu carere, sed omnem cordis humani contumaciam & resistenciam infallibiliter ab illis superari: sic quoque in Schola Romana reperiuntur non pauci qui idem, quoad summam rei, cum Reformatis hac in parte sentiunt, & dissentiant à reliquis Scholæ Romanæ Theologis: Ac decent gratiam divinam sic per se efficacem esse ut liberum hominis peccatoris arbitrium ad bonum determinet indeclinabiliter & insuperabiliter, quamvis ab eo non tollat potestatem dissentiendi, & aliter agendi. Quod de numero sunt non tantum Janseus & ejus discipuli, sed etiam qui dicuntur Thomistæ recentiores, ut Didacus Alvarez, & Gulielmus Estius.

LIII. Vicissim vero manifestum fecimus Scholæ Romanæ Theologos cum Protestantibus fateri liberum hominis arbitrium, ante gratiam, sic esse peccati servum, ut nihil possit in iis in quibus vera & salutifera pietas in Deum consistit. Imo primum initium justificationis & conversionis nostræ à solo Deo esse, non vero a nostro libero arbitrio, & eo respectu hominem merè passivè se habere.

LIV. Nec minus clarum est ex dictis, Ecclesiæ Romanæ Doctores, ut Bellarminum, & Molinam ipsum, quod liberum arbitrium gratiæ cooperatur, non tribuere naturæ viribus, sed novis illis quas voluntas nostra per auxilium gratiæ accepit. Nec eorum mentem esse, liberum arbitrium quum gratiæ consentit, & ductum illius sequitur, id facere per vires quas jam ante habebat, & quarum solummodo usus impediatur, ante

ante quam effet per gratiam solutum, quod suis falso imponi queritur Bellarminus, sed per vires quas Deus ipsi supra naturam addidit: ita ut consensus quem voluntas hominis gratiæ vocanti & excitanti præbet, sit opus non naturale, sed supernaturalale.

LV. Proinde fatendum est inter Protestantes & Ecclesiam Romanam non esse hic eum quem ponit Perkinsus controversiæ statum. An, scilicet, voluntas hominis naturalem potentiam habeat cooperandi gratiæ divinæ in rebus spiritualibus, quod dicit affirmari ab Ecclesiæ Romanæ Doctöribus, à nostris vero negari; quia juxta nos quod voluntas cooperatur, habet à gratia; at juxta Scholæ Romanæ Doctores à seipsa. Dicunt, inquit, *voluntatem hominis concurrere & cooperari gratiæ Dei in prima conversione hominis peccatoris per seipsam, & naturali quadam sua potentia, eamque solum à Spiritu Sancto juvari. At nos dicimus, cooperari quidem gratiæ voluntatem hominis in prima conversione; sed non à seipsa motam, sed à gratiâ: à qua necesse est prius moveatur & erigatur, antequam seipsam movere, aut quicquam bene velle possit.* Qua in re falli Perkinsum manifestum est ex iis quæ supra retulimus: cum expressè doceant Doctores Scholæ Romanæ voluntatem humanam gratiæ cooperari, non per vires proprias, sed per eas quas ipsi gratia de novo sufficit. *In Catholico Reformato Contr. 1. cap. 2.*

LVI. At, inquires, quid ergo illud est de quo contenditur inter Protestantes & Scholam Romanam, dum hæc quidem affirmat hominem ante gratiam arbitrii sui libertatem habere, non solum ad opera naturalia & moralia, sed etiam ad opera pietatis & supernaturalia: illi vero istud negant. Respondeo, multos quidem ex Doctöribus Ecclesiæ Romanæ variis modis nimium tribuere libero arbitrio, ut superioribus disputationibus à nobis ostensum est: sed quod ad hanc præcisè quæstionem attinet, videri certamen esse de vocibus.

LVII. Nam dum negant Protestantes hominem ante gratiam libertatem suam habere, quantum spectat ad opera spiritualia & supernaturalia; per id negare non intendunt hominem ante gratiam præditum esse ea libertate, quæ voluntati essentialis est, & quæ opponitur necessitati Physicæ & brutæ determinationi, etiam circa res spirituales & supernaturales: adeoque hominem in eo statu libere omittere actus supernaturales in Evangelio præceptos; quum vero per gratiam moveretur, iisdem actibus liberè defungi, & sic aut aliter agendi, saltem in sensu diviso, veram potestatem habeat: sed illud solum sibi volunt hominem in eo statu non esse liberum à servitute peccati, & à dependentia motionis divinæ per auxilium supernaturale, & sine tali auxilio, in negotio salutis eum nihil omnino posse. Quum vero Schola Romana affirmat hominem ante gratiam liberum esse in rebus spiritualibus & quæ ad pietatem spectant, per id inficari non vult hominem ante gratiam esse peccati servum, & nihil profus eum sine gratia posse, in iis in quibus vera erga Deum pietas consistit. Sed mens ejus solum est, hominem per naturam talem esse, & ea essentiali libertate præditum, ut gratia auxiliante libere in bonum feratur, & veram semper potestatem habeat illud faciendi, aut non faciendi.

LVIII. Similiter quum dicunt Protestantes liberum arbitrium in homine per peccatum extinctum & amissum esse, non vero simpliciter fauciatum & attenuatum, respectu boni salutis atque spiritualis, illud tantum sibi volunt, nullas in homine post peccatum superesse vires quibus ex se in bonum feratur, sed quicquid in salutis æternæ negotio potest & operatur, nulla ex parte tribui debere propriis liberi arbitrii viribus, sed solum illis quas de novo Christi gratia ei suppeditavit. Quum vero contra Scholæ Romanæ Theologi contendunt liberum hominis arbitrium non esse penitus amissum, sed tantum captivatum, ligatum, & vulneratum, etiam in iis quæ salutem æternam hominis promovent, per id significare nolunt, liberum hominis peccatoris arbitrium in operibus piis atque salutaribus, aliquid licet ægrè & difficulter sine gratia posse: imo ne quidem docere intendunt hominem per gratiam excitatum & adjectum, & quasi vinculis solutum, propriis viribus illi cooperari, non autem per novas vires quas gratia superaddit: sed hoc duntaxat sibi volunt, naturalem hominis libertatem circa nullum objectum per peccatum amissam esse, sed tantum hominis mentem & voluntatem pravis qualitatibus per peccatum inductis impediri, ne, sicut oportet, ferantur in verum & salutare bonum: adeo ut opus non sit facultates illas de novo nobis dare, & novum quoddam liberum arbitrium in nobis creare; sed solum mentem atque voluntatem à vulneribus peccati sanare, & novis viribus additis auxilio gratiæ juvare, ad hoc ut bene agere possimus.

LIX. A quo non abludit doctrina Reformationum supra exposita, juxta quam statu-

me

III. Ad bonum autem istud quod Physicum dicitur, pertinet tum natura ipsa, & ejus facultates, tum commoda & dona quaecunque illam extra rationem virtutis perficiunt, cuiusque tandem generis sint, sive ex principiis naturae oriantur, sive supra naturam à Deo concedantur. Ac propterea hoc bonum non dicitur bonum Physicum, seu naturae, ut per id opponatur bono supernaturali, sed solum ut opponatur bono morali, quod modo descriptum est.

IV. Hoc sensu bonum morale à Protestantibus frequenter usurpatur, ut praesertim videre est in thesibus Salmuriensibus. In hac vero disputatione Scholae Romanae Theologi bonum morale paulo strictius sumunt. Nam bonum morale opponunt non tantum bono naturae seu Physico, sed etiam bono supernaturali. Adeoque sub bono morali non comprehendunt virtutes Theologicas, sive infusae, & actus inde promanantes qui sunt ordinis supernaturalis; sed solum omne illud quod recte rationi & legi naturae conforme est, & tamen supra naturam non assurgit. Ac proinde totum illud bonum positum est in observatione legis illius, quae naturaliter cordi hominis est inscripta, quam Deus in Decalogo summam comprehendit, & quae non est aliud quam rectae rationis dictamen.

V. Porro legis istius praecepta duplici modo observari possunt. Primo duntaxat secundum operum substantiam. Secundo quoad modum quo ordinantur ad salutem aeternam & beatitudinem nobis promissam. Quoad operis substantiam praeceptum legis servat, qui voluntarie abstinet ab eo quod aliquo legis praecepto prohibetur, verbi causa, à furto, & ab homicidio, & qui voluntarie praestat aliquid quod lege jubetur, ut est honorem parenti exhibere, curam gerere suorum, & egenti de suo subvenire. Sed ut ista nobis profint ad salutem aeternam, requiritur praeterea ut fiant ex charitate, & ex illo Dei amore quem commendat Evangelium, ac ut ad Dei gloriam dirigantur. Adeoque legis praecepta servare posteriori isto modo, est non solum opus quod lege praecipitur, sive externum sit, sive internum etiam, praestare, sed praeterea istud ex charitate facere.

VI. Rursus observant Doctores Ecclesiae Romanae illos qui legis praecepta quoad operum substantiam observant, nec tamen istud ex charitate praestant, in duplici adhuc esse differentia. *Potest enim, inquit, legis aliquod praeceptum servari quoad substantiam operis, etiam cum peccato, & ita ut actio laudabilis vel honesta censeatur non debeat. Quum scilicet, aliquis agit ex prava cupiditate, & in malum aliquem finem, ut si quis depositum amico restituat, & largiatur aliquid egenti, sed in gratiam meretricis, & ut affectui impudico serviat. Sed quamvis aliquis Dei charitate non ducatur, potest aliquod praeceptum quoad substantiam operis servare, non ex prava cupiditate, sed ex affectu naturali non malo, & finem malum non intendens: seu quia existimat id esse sui officii, & rationi congruum: ita ut in eo novum peccatum non incurrat, sed opus quod ab eo praestatur, moralem quandam honestatem habeat.* Ac in ejusmodi mandatorum legis observatione consistit illud bonum quod Scholastici morale appellant, & opponunt bono non tantum naturali, sed etiam supernaturali.

VII. Porro Doctores Ecclesiae Romanae communi consensu agnoscunt neminem absque specialis gratiae auxilio posse praecepta divina observare, vel in totum, vel in parte, quoad modum illum quo ad vitam & salutem aeternam ordinantur: nempe, ita ut observatio ista sit aliquid quod ejus salutem per se promoveat, & gratiam vel gloriam ipsi promereatur.

VIII. Nullus quoque eorum negat gratia opus non esse; ut quaedam legis praecepta quoad operis substantiam servantur: sed ita tamen ut actio moraliter bona & honesta non sit, ut quae ex malo fine, & cupiditate prava vitietur: Quod per se notum & manifestum est.

IX. Verum inter eos quaeritur An absque speciali gratia, & solo generalis auxilii beneficio, sic possint praecepta divina servari, ut quamvis istud ex charitate non fiat, nec sit aeternae vitae meritum, in eo tamen peccatum vitetur, & actio sit bona & honesta moraliter? Super qua re variae sunt & discrepantes eorum sententiae.

X. Ex primo quidem multi ex veteribus Scholasticis petuntur hominem in statu naturae corruptae posse propriis viribus, absque specialis gratiae auxilio, omnia & singula legis naturae praecepta servare quoad operum substantiam, & sic totum quod vocant morale bonum efficere. Haec est sententia Durandi in secundum sententiarum, distinctione vigesima octava, quaestione quarta. Ubi affirmat & aliquot argumentis probare contendit, aliquem sine gratia implere posse divina praecepta, quae, scilicet, sunt juris naturalis, non autem supernaturalis. Adeoque concedit fieri posse, ut absque

R r r

gratia

gratia aliquis omni peccato careat, tam omissionis, quam commissionis, licet in eo maneat peccatum originale, propter quod foret salute excludendus.

XI. Postquam enim sic contra propriam sententiam argumentatus est, *Nullas damnatur nisi pro peccato commissionis, vel omissionis: sed qui praecepta legis implet, nihil omittit: qui autem omne malum vitat, nihil committit: si igitur sine gratia praecepta legis homo possit implere, cum sine gratia possit peccatum vitare, tunc sine gratia posset homo vitare damnationem: sed qui non damnatur est in gloria: Ergo homo non habens gratiam posset in gloria esse.* Respondet, quod absque peccato omissionis & commissionis damnaretur homo pro solo peccato originali, nisi per gratiam liberaretur.

XII. Pertendit quidem Vasques Durandum ibi loqui, non de gratia quavis, sed solum de gratia habituali & justificante; & non putat aliquem esse Doctorem Catholicum qui docuerit hominem posse evitare omnem tentationem contra jus naturale, ac proinde servare omnem naturalem legem, non solum brevi, sed etiam longo tempore, sine ullo auxilio gratiae per Christum. Durandum enim & alios veteres Scholasticos, quum disputant de victoria tentationum, & de observatione praeceptorum naturalium, An sine gratia possit quis vincere omnes tentationes, & observare omnia praecepta; per gratiam non intelligere auxilium gratiae moventis, sed gratiam habitualement, quae iustum. In primam 2. tom. 2. Disput. 189. cap. 2.

XIII. Sed legenti & expendenti Durandum patet Vasquem in eo falli, & mentem Durandi esse, hominem per naturae vires, & absque auxilio quocunque gratiae per Christum implere posse divina praecepta. Etenim sententiam suam probat hoc argumento. *Illud quod homo naturaliter facit, sine gratia per seipsum facere potest: sed gentes quae legem non habent, naturaliter quae legis sunt faciunt, ut dicitur, Rom. 2. Ergo praecepta legis sine gratia impleri possunt.* Unde patet Durando idem esse sine gratia facere, quod naturaliter & per seipsum facere. Qui autem aliquid facit mediante aliquo gratiae per Christum auxilio, illud dici non potest naturaliter & per seipsum facere, etiam si aliqui gratia habituali & justificante careat. Adde quod Durandus ad eandem distinctionem scribens quaestione secunda, objicit sibi illa Christi verba, *sic me nihil potestis facere.* Ad quae respondet verba ista intelligenda esse de generali influenza Dei, quae rerum principia in esse conservat, sine qua nihil esset, aut fieret.

XIV. Eandem vero cum Durando sententiam amplexi sunt Scotus & Gabriel Biel. Opinatur enim cum illo, hominem, etiam peccato corruptum, posse omnia praecepta moralia, seu legis naturae, secundum substantiam operum, servare per vires suas, sine gratia, licet non in ordine ad finem supernaturalem: ut testatur Estius in secundum sententiarum, Distinctione vigesima sexta paragrapho quadragesimo propositione octava. Verum haec sententia in Schola Romana communiter hodie rejicitur. Atque Estii iudicio manifestum est illam ad Pelagii haeresin spectare, & contrariam ad fidem Catholicam.

XV. Verum in Schola Romana, non tantum olim reperti sunt, sed etiam hodie quoque reperiantur, qui fatentur quidem non posse servari omnia praecepta, & vinci omnem tentationem universam, & ut dici solet, collectivè ab homine in statu, quem modo habet: sed tamen posse singulatim, sine ullo auxilio gratiae per Christum, servari quodlibet praeceptum naturale, quantumvis difficile, & vinci quamlibet tentationem quantumvis vehementem. Hanc sententiam Vasquez Disputationis modo citatae capite secundo tribuit Ruaro Tappero Theologo Lovaniensi ad articulum septimum Academiae Lovaniensis, Paragr. *Hac confirmantur.* Et certè ibi doctor ille loquens de operibus quae ex suo genere naturae nostrae vires non excedunt, qualia sunt omnia quae naturali lege praecipuntur, dicit haec singula, quamvis simus infirmi, & gratia destituti, in nostra esse potestate. *Nemo enim est, inquit, qui non potest nolle, & etiam vitare homicidium, & quodlibet aliud peccatum etiam veniale. Nam nulla passio, nulla mortis formido inducere potest necessitatem ipsam sequendi, ut non maneat in nostra potestate ipsum velle & nolle, quamdiu non absorbetur, sed liberum manet iudicium rationis.* Quibus statim subiungit, *Necessitas igitur peccandi quae ex nostra est infirmitate, opponitur inevitabilitati quoad universa, non quoad singula, nec est ad aliquod peccatum in specie committendum.* Eandem vero sententiam à quibusdam recentioribus suo tempore retentam fuisse testatur Vasques jam supra citata disputatione capite secundo. Additque viginti ante annis illam non parum fuisse in Hispania communem.

XVI. Sed in Schola Romana longe communior est tertia quaedam sententia. Illa statuit hominem in statu corruptionis, absque speciali gratiae divinae auxilio, servare non posse legis naturalis praecepta, nec omnia collectivè, nec etiam singula seorsim: quoniam

quoniam inter illa sunt quæ vires naturæ corruptæ superant : quale est præceptum de non concupiscendo, & illud quo jubemur Deum ut auctorem naturæ ex toto corde diligere. Imo urgente gravi tentatione, qui sunt in hac sententia futentur, nullum mandatum legis moralis impleri, nec ullum morale bonum perfici posse. Sed quum nulla gravis tentatio occurrat, pertendunt cum solo Dei concursu generali, & absque peculiari gratiæ auxilio, opera legis moralis faciliora sic; quoad substantiam operis, servari posse, ut omne novum peccatum vitetur. Exempli causa, aliquem nulla interiori gratia à Deo præventum, posse parentibus honorem exhibere, egenti subvenire, interrogatum vera respondere, depositum amico reddere; non ex prava cupiditate, quo in casu actiones illæ vitio non carerent, sed ex naturali quadam propensione non mala: nec etiam in malum aliquem finem, sed simpliciter quia id iudicat rationi consentaneum, & ad officium suum pertinere. Quo posito, existimant ejusmodi actionem nullum peccatum in se includere, sed revera moraliter bonam & honestam esse, quanquam ad salutem æternam nihil prosit: nec sit gratiæ, vel gloriæ ullo modo meritoria.

XVII. Hanc sententiam latè tuentur & explicant Bellarminus & Estius cum plurimis aliis, qui tamen, licet fateantur quædam legis moralis præcepta difficiliora sine gratia servari non posse, concedunt nihilominus hominem in statu naturæ corruptæ, ad aliquod breve tempus posse sine gratia servare omnia præcepta legis naturæ, quæ servanda per idem tempus occurrunt: *Quoniam, ut aiunt, præcepta legis affirmativa non obligant ad semper, nec omnia occurrunt simul implenda: præcepta vero negativa servantur etiam nihil agendo, ut illud, Non occides. Potest autem homo ad tempus aliquod, quoad hujusmodi præcepta, negativè se habere, nulla in contrariam occurrente tentatione. Ut videre est apud Estium in 2. sentent. distinct. 26. paragr. 40.*

XVIII. Quibus similia apud Bellarminum quoque leguntur. Explicans enim quod sensu negaverat, solis naturæ viribus servari posse omnia præcepta moralia secundum substantiam operis, *significare non volumus, inquit, non posse aliquem ad brevissimum tempus omnia servare: cum possit fieri, ut aliquando nullum occurrat præceptum affirmativum, & nulla adsit tentatio provocans ad violanda præcepta negativa. Itaque sententia propositionis illius hæc est, ut non possint longiore aliquo tempore, quo varia præcepta observanda se offerunt, solis naturæ viribus, ita omnia adimpleri, ut omni ex parte peccatum vitetur. De gratia & libero arbitrio lib. 5. cap. 5.*

XIX. Attamen in Schola Romana reperiuntur non pauci qui affirmant nullum opus morale ex omni circumstantia bonum posse fieri sine auxilio gratiæ. Hæc est sententia Gabrielis Vasques in primam secundæ tomo secundo disputatione centesima & nonagesima. Ubi pro se plurimos citat ex Scholasticis, tam veteribus quam recentioribus, Et inter alios Alphonsum à Castro, qui hanc assertionem ut Catholicam ponit, *Librum hominis arbitrii ex sola sua potestate, addita etiam illa communi & generali Dei concussatione, non potest sine aliquo Dei speciali auxilio bonum aliquod operari, quoniam semper circa illud præcedit quedam monitio, aut attractio, aut inspiratio, aut aliquod donum naturæ superadditum, quod ipse Deus merè gratis, quibus illi placet, donat. Libro septimo adversus hæreses. Verbo Gratia: hæresi 1. assertione 3.*

XX. Quibus consentanea docet Joannes Rossensis in Anglia Episcopus. Patrum, inquit, sententiam sequi malui quam Scholasticorum, cum in hac re mutuo sibi pugnent, Patres enim asserunt neminem quicquam posse boni velle sine Dei speciali auxilio, nec sufficere generalem illum influxum. Nonnulli contra Scholasticis sic contendunt, hunc sufficere, ut quis absque illo auxilio bene moraliter agere, & bonum facere posset, non solum ex genere, verum etiam quod debitis undique circumstantiis ornatum sit. Articulo 36. adversus Lutherum, paragr. Neutrum sanè potest.

XXI. Igitur ex horum Doctorum sententia, homo in statu peccati absque Dei gratia nihil operari potest quod verè sit virtutis opus, quodque simpliciter bonum & honestum dici mereatur: quoniam in eo statu, quæcunque opera ab homine fiunt, ut ut speciosa sint, & extrinsecus honesta videantur, ex circumstantiæ alicujus defectu vitiosa redduntur, & quandam peccati rationem contrahunt. Quæ gratia autem sit necessaria ad hoc, ut homo corruptus bene operari possit & verum legi morali obsequium præstare, studiosè explicat Vasques, modo citata disputatione. Etenim initio capitis primi monet quæstionem hic non esse, An gratia habitualis & gratum faciens atque iustificans, quæ juxta ipsum in charitate consistit, necessaria sit ad hoc, ut quis secundum legem moralem bene operetur. Neque etiam queri utrum omnia opera ejus qui in peccato est, peccata sint. Imo neque an fides necessaria sit ad bene operandum, sed solum an sine quodam gratiæ auxilio homo possit secundum virtutem operari. Caterum, inquit,

in hac controversia quaestio nobis futura non est, an infidelis aliqua bona facere possit, neque disputandum erit, an sine charitate aliquid bonum fieri queat; neque utrum omnia opera existentis in peccato peccata sint, an aliqua bona ille efficere possit: sed controversia nunc est, an sine auxilio gratiae Dei possit homo aliquid bonum opus, secundum virtutem, operari; quae sane quaestio longe diversa est.

XXII. Concedit igitur ille nec charitatem quam Spiritus Sanctus in fidelium corda diffundit, nec ipsam fidem necessariam esse, ad hoc ut aliquis bene operetur, & legi morali atque naturali veram exhibeat obedientiam; sed ab homine non tantum in peccato jacente, verum etiam adhuc infideli, posse opus aliquod moraliter bonum procedere. Hoc solum negat hominem peccatorem, & omni gratiae divinae auxilio destitutum, posse bene agere, & secundum virtutem & honestatem naturalem.

XXIII. Quae fit autem illa gratia quam ad hoc necessario requiri existimat, fusius explicat ipse ejusdem disputationis capite duodecimo. Ubi duplex auxilium gratiae per Christum distinguit, unum quod suapte natura sit ordinis supernaturalis, alterum quod sit ordinis naturalis. Et prius quidem illud necessarium non putat ad quodlibet opus virtutis moralis, sed solum posterius, quod est ordinis naturalis. Ejus enim sententia est, posse quidem hominem singula opera moralis virtutis efficere sine auxilio gratiae per Christum, quod suapte natura sit ordinis supernaturalis, quale ad opera virtutum insularum necessarium est; non tamen posse ullum opus morale secundum virtutem ex omni parte bonum operari, sine aliquo auxilio gratiae per Christum, quod suapte natura ordinis naturalis sit, & per causas naturales aeterna Dei misericordia nobis preparetur.

XXIV. Quanquam autem istud auxilium juxta ipsum sit ordinis naturalis, affirmat tamen illud distinctum esse à dono creationis, & communi influxu, quo Deus cum omnibus causis naturalibus concurrat. Illud vero praecipue constituit in sancta quadam cogitatione, qua nos à Deo praeveneri ad singula bona opera necessarium existimat. Nam necessitatem gratiae ad singula bona opera probat ex preparatione cogitationis, qua praeveneri per opera singula. Nam, inquit, quamvis finis liberi arbitrii, & voluntas nostra libere feratur in utramque partem; tamen quia sine cogitatione moveri nulla ratione potest; & ab extrinseco principio ad hanc primam cogitationem, potius quam ad oppositam applicari debet; efficitur ut quoties cogitatione ad bonum excitatur, cum posset non excitari, gratiam peculiarem à Deo recipiat distinctam à gratia & dono creationis. Quoniam cum liberum esset Deo non admovere nos ad hanc & illam boni cogitationem, peculiare in hoc nobis beneficium confert: five haec applicatio sit proximè ab ipso Deo, five per causas alias extrinsecas. Nam quocumque modo fiat, tandem ad Deum referenda est: eo quod omnes causae ad hanc cogitationem excitandam ita ordinatae sunt divina providentia, & praesentia, ut contrariae possent ordinari, vel ipsae aliter disponi. Itaque ad hanc cogitationem boni, liberali Dei voluntate nobis preparatam, reducit peculiarem gratiam Dei, qua omnia opera bona etiam moralia efficiamus.

XXV. Statuit ergo Doctor ille non omnem sanctam cogitationem vel esse fidem ipsam, vel incipere post fidem, aut à fide: sed vult sanctas cogitationes hominibus à Deo inspirari per causas naturales, etiam antequam credant & fidem concipiant. Et nihilominus observat hoc genus auxilii quod est ordinis naturalis, quandoquidem consistit in bonis cogitationibus quae naturae lumen non transcendunt, dici posse quodammodo supra naturam nostram, quatenus est supra nostram industriam, & sollicitudinem, sine qua Deus nobis talem cogitationem preparavit, & concessit, cum posset oppositam immittere. Tum etiam quia haec auxilia, quae nobis conferri ad recte vivendum quocumque genere virtutis, & ad vincendas tentationes, & concupiscentias, dantur nobis à Deo ex intentione nostrae beatitudinis quae est finis noster supernaturalis, Tom. 2. in 1. 2. disput. 189. cap. 16.

XXVI. Unde est quod idem auxilium ad quodlibet bonum opus morale necessarium, licet quoad substantiam sit ordinis naturalis, ad gratiam tamen Christi pertinere contendit. Quoniam videlicet opera moraliter bona, quae per tale auxilium fiunt, etiam ab infidelibus, ad justificationem, & consequenter ad aeternam salutem, quodammodo disponunt, & gratiae justificantis sunt impetratoria. Sicut, inquit, Christus mortuus est, ut impii justificarentur, ita etiam ut recte viverent: nam & bonis operibus & recta vita, etiam secundum virtutem moralem, spiritum compunctionis, & justificationis à Deo impetramus. Qua ratione putat sufficienter probari, hoc auxilium gratiae distinctum à dono creationis requisitum ad singula bona opera moralia esse per Christum. Jam citata disputatione 190. cap. 12.

XXVII. Quanquam ergo Doctor ille auxilium aliquod gratiae Christi necessarium putet, ad hoc ut aliquis bene moraliter operetur, nihilominus cum longe maxima Scholae Romanae

Romanæ parte, sentit gratiam illam in eum cadere posse qui fide destitutus est. Neque fidei nomine solum veram fidem in Christum intelligit, sed etiam qualemcunque unius veri Dei cognitionem, cuiusmodi reperiri potest, non tantum in hæreticis, sed etiam in infidelibus & gentilibus multis. Nam ejus sententia est, in quocunque genere infidelium, etiam gentilium, nec unum verum Deum cognoscentium posse esse aliqua moralium virtutum opera, & aliquando esse, licet id raro contingat. Disput. 191. cap. 2.

XXVIII. Quam sententiam amplectitur Estius in secundum sententiarum Distinctione quadragesima prima paragrapho tertio. Ibi enim asserit quasdam infidelium actiones non tantum non esse peccata, sed & moraliter, licet imperfecte, bonas. Et notat hoc in loco à se infidelem non dici Judæum aut hæreticum, tamen si revera talis fidem non habeat, propterea quod fides integra virtutis sit nomen, sed paganism, seu Ethnicum; qui ne unius quidem Dei, in quem suas actiones referre possit, cognitionem habeat. Censet enim ejusmodi infidelem aliquando operari ex naturali affectu, qui ex se ad bonum tendit, & actiones quasdam non in malum finem dirigere, sed ad bonum & finem ultimum in genere & confuse cognitum; quod sufficit ejus judicio ut non habeant rationem peccati. Nam sicut iusti in hac vita non omnes suas actiones in Deum, quem habent pro fine ultimo, referunt, eas nimirum in quibus quotidie offendunt: ita nec necesse putat, ut iniusti, licet infideles, referant omnes suas actiones in illud quod prava voluntate statuerunt sibi summè diligendum. Quemadmodum enim concupiscentia interdum in iustis furripit aliquos motus voluntatis, qui non referuntur in Deum, ut finem ultimum, ac ne referri quidem possunt; sic naturalis ad bonum instinctus aliquando, ex ejus mente, in infidelibus elicit actiones quasdam, quas homo non refert ad illud quod in particulari pro summo bono diligit, sed ad bonum & finem ultimum, saltem in genere, licet quis sit ille finis in particulari & distinctè ignoretur.

XXIX. Quibus affine est quod docet Vasquez, nempe ad hoc ut opera nostra sint bona & honesta, debere quidem referri in Deum ut ultimum finem, non tamen voluntate aliqua præcedente, ex qua habitu dicantur referri, sed ex sola natura operis, sine alia motione voluntatis. Adeoque sufficere ad hoc ut infidelis bonum opus faciat, si sciat illud esse bonum & propter ipsam virtutis honestatem illud amet: hoc ipso enim tale opus sufficienter ad Deum referri. *Nuper citata Disput. cap. 2. & 3.*

XXX. Caterum ista Gulielmi Estii & Gabrielis Vasquez sententia Pontificum Romanorum calculo comprobatur. Si quidem opposita doctrina damnata esse videtur in Bulla edita à Pio V. & à Gregorio XIII. confirmata. Nam inter alias propositiones quæ in ea Bulla damnatæ sunt, contra Doctorem quendam Lovaniensem, una est his verbis concepta. *Omnia opera infidelium sunt peccata, & Philosophorum virtutes sunt vitia.* Ut testatur Vasquez loco jam allegato.

XXXI. Reperiuntur tamen in Schola Romana nonnulli, qui contra quod Bulla citata decernitur, affirmant nullum opus infidelium esse moraliter bonum. Idque quoniam ut opus sit secundum virtutem, & moraliter bonum, non solum fieri debet id quod oportet, sed etiam debet fieri quando, & quantum, & cujus gratia oportet. Finis autem cujus gratia omne opus fieri debet, est Deus ab agente dilectus, in quem reliqua referantur: quia cum Deus solus sit propter se diligendus, omnis affectus qui non fertur in Deum tanquam in finem est malus. Unde concludunt nullum opus infidelium bonum esse, propterea quod veri Dei notitiam non habent, ac proinde nullam suam operationem in verum Deum tanquam in finem ultimum referunt.

XXXII. Hanc sententiam Vasquez, sæpius citata disputatione centesima nonagesima prima, tribuit Gregorio Ariminensi, Doctori inter Scholasticos celebri, quem observat per infideles, à quibus nullum bonum opus procedere queat, intelligere eos qui sunt infideles simpliciter, id est, Gentiles qui non habent notitiam unius veri Dei; non autem Schismaticos & Hæreticos, eosque ex infidelibus qui aliqua fide credunt & cognoscunt esse unum Deum. Adeoque Doctor ille, ut quis bene operetur, non existimat necessariam esse fidem infusam & supernaturalem, sed quamcunque fidem & cognitionem unius veri Dei. Nec tamen desunt in Schola Romana qui ad operandum bene moraliter, requirant fidem non quamlibet, sed ipsam Christi fidem, quo de numero est Linconienis quidam, eodem Vasquez referente.

XXXIII. Præsertim vero postremam hanc sententiam amplectuntur Janfenius & ejus Discipuli. Sentiunt enim omnes illi ad bonum opus morale necessariam esse gratiam, non quamlibet, sed quæ sit ordinis supernaturalis, & per quam primo creatur in hominibus fides; neque hæc qualiscunque, sed Christiana & infusa, quam ex pio affectu, Deo in verbo suo loquenti adhibemus. Ab ejusmodi fide incipere volunt omnem bonam

bonam volitionem, sine qua impossibile est esse aliquod bonum opus. Adeo ut opera omnia, non tantum Gentilium, sed omnium qui fide in Christum destituti sunt, quales sunt haeretici, vera & mera peccata sint, utcunque hominibus laudabilia & bona appareant.

XXXIV. Hanc doctrinam ut Augustini tradit, & accurate exponit Jansenius Episcopus Iprensis in volumine quod inscripsit, *Augustinus*, De statu naturae lapsae libro tertio. Ibi enim capite decimo quarto pertendit, *sensisse Augustinum ac ejus discipulos, & consequenter Ecclesiam Catholicam, qua doctrinam eorum in hac parte adversus Pelagianos amplexa fuit, arbitrium post lapsum hominis ita captivum esse, & boni faciendi libertate spoliatum, ut quicquid fecerit ante gratiam, hoc est, ante fidem, unde libertas à peccato incipit, non tantum nihil ad pietatem & salutem conferat, sed neque sit moraliter bonum, utpote quod sit verum & proprie dictum peccatum.* Et ibidem hanc ut indubitatum Augustini & discipulorum ejus sententiam proponit, nullum, videlicet, opus bonum, ne quidem moraliter, ab humano arbitrio fieri posse, nisi per gratiam, non quamlibet, sed fidei liberetur: ut proinde ante fidem non sit ei liberum, à peccato, dum hic & nunc agere meditatur, abstinere, sed quocunque se verterit, quadam humanis viribus insolubili peccandi necessitate teneatur. Adeoque per Adami lapsum sic in homine perisse libertatem ad bonum, ut non solum non possit ante gratiam, totam justitiae moralis legem implere; sed ne quidem unum opus ejus: & ita perisse libertatem abstinendi à peccato, ut nec in uno quidem opere peccati culpam possit effugere: ac proinde inductam esse peccandi necessitatem, non tantum in aliquibus, sed in omnibus actibus. Ante gratiam enim non solum hominem non posse sine omni peccato vivere, eo quod necessarii aliquando cadat; sed omnem ejus actum, antequam credat, peccatum esse, sive peccati tentationem fugere, sive amplecti videatur.

XXXV. Capite vero primo libri sequentis ex professo & speciatim probare aggreditur, juxta Augustinum & veritatem ipsam, omnia opera facta ante fidem, à qua religio Christiana incipit, non aliud quam peccata esse, & falso ac per errorem ipsis tribui bonitatem moralem. Et quod inde consequens est, capite octavo ostendit Philosophorum virtutes non fuisse veras virtutes, sed vitia.

XXXVI. Nec ad hoc ut quis bene moraliter operari possit, sufficere censet fidem inermem atque otiosam, sed requiri putat fidem actuosam, & quae sit aliquo modo per dilectionem operans. Non existimat enim ullum opus esse moraliter bonum, & effugere rationem peccati, quod non ex amore Dei & coelesti quadam charitate procedit. Istud praesertim videre est capite decimo sexto libri tertii jam citati, *De statu naturae lapsae*. Ubi ex Augustino docere aggreditur nullum opus, bonum, hoc est, sine peccato, fieri ab homine posse, nisi ipsum beneficium diligatur: id est, nisi ipsa justitia praecepti delectet animum. Ipsa vero praecepti justitia delectari, ipsi non est aliud, quam opus bonum ex coelesti charitate prosequi: quoniam Deus justitia est, nec illa, nisi sola charitate diligitur. Est igitur justitiam legis diligendo benefacere, non est aliud quam Deum ipsum charitate Spiritus Sancti diligendo, benefacere: quia Deus est ipsa justitia & veritas. Adeoque verbis ipsis Augustini affirmat nullum esse fructum bonum, qui de charitatis radice non surgit. Et tum demum, ac non aliter, aliquem incipere justitia legis delectari, quum adest fides quae per dilectionem operatur. Capite vero decimo sexto libri sequentis, ideo fidem ad bonum opus necessariam esse docet, quia ipsa est quae auxilium ad Deum amandum impetrat. Ibidemque affirmat nullum bonum opus, & nullam bonam voluntatem esse, nisi ex intentione fidei bonae, id est, ejus quae per dilectionem operatur.

XXXVII. Atque ut omne bonum opus, juxta ipsum, ex sincero Dei amore procedere debet, ita quoque illud ad Deum ut finem referri necesse est. Quantumcumque vero quod aliquis agit sit, secundum substantiam, bonum, nisi faciat illud propter Deum & Dei respectu, in eo peccatum vitare non potest. Istud probare contendit capite decimo septimo libri tertii sapienter allegati de statu naturae lapsae, ubi ejus pronunciatum est, *Nullum omnino fieri posse opus bonum, hoc est, sine peccato, nisi ad finem in quem referri vera sapientia praecipit, hoc est in Deum propter se dilectum, referatur: alioquin nec recte fieri, neque bonum opus esse, sed veri peccati contaminatione pollutum.* Unde quoque in eo libro & sequenti passim arcessit fidei necessitatem ad bene operandum, quoniam ipsa est quae ad finem illum intentionem in agendo dirigit.

XXXVIII. Itaque minimè probat quod plerique Scholae Romanae Theologi pro certo sumunt & statuunt, nempe ad bonum opus morale satis esse, ut procedat ex affectu naturali non malo, & ut qui agit malum finem non intendat, etiamsi de Deo non cogitet, imo

imo nec unius veri Dei notitiam & fidem habet. Ut quum quis, de numero eorum qui Deum ignorant, aliqua naturali compassione motus indigenti subvenit, aut parentibus honorem exhibet, & amico mutuum vel depositum reddit, quia id æquum & iustum, ac rationi congruum iudicat: nec tamen istud habuit, vel actum ad Dei gloriam refert, sed in sola actionis honestate acquiescit, virtutem non propter aliud, sed propter se expetens.

XXXIX. Etenim non putat ullum esse affectum non malum qui ex sincero & casto Dei amore non profluat. Omnem enim hominis affectum, vel ad charitatem & dilectionem Dei, vel ad concupiscentiam & cupiditatem pravam pertinere; nec quicquam esse inter duo ista medium. Cum prorsus necesse sit, ut omnis noster affectus & amor, vel ad Deum tendat, & tandem in Deo terminetur; vel terminetur & sistat se in creatura aliqua, qualiscunque tandem ea supponatur: si autem sit de priori genere, illum ad charitatem spectare, & proinde bonum esse: si vero de posteriori, ad cupiditatem, & proinde malum.

XL. Id præsertim videre est libri illius tertij de statu naturæ lapsæ sæpius jam citati capite decimo nono. Cujus titulus est, *Non datur medium inter charitatem & culpabilem cupiditatem*. Ubi istud probat ex eo quod nullum est medium inter amorem Dei, amoremque creaturæ. Omnes enim, inquit, affectus animi in alicujus rei amore vel caridine versantur: qui cum non possit esse alius, nisi vel Creatoris, vel creaturæ; & ille bonus hic culpabilis sit, utpote amor mundi ab Apostolo vocatus, ipsa ratio peccati, quæ in omni malefaciendi genere dominatur: profecto liquet omnem amorem præter istam charitatem esse culpabilem illam cupiditatem.

XLI. Et capite præcedenti prolixè probat vitiosum esse omnem amorem mundi & creaturæ, quum scilicet, creatura quævis amatur propter se & non propter Deum. Unde colligit omnia opera, quæ non referuntur ad Deum in æterna vita possidendum, hoc ipso mala esse, quod in iis homines mundum, non Deum, diligunt: adeo; creaturæ serviunt non Creatori, & concupiscentiæ, seu cupiditati obediunt, quam Diabolus in homine plantavit, non charitati, quam Deus. Nec enim, inquit, inter Creatorem & creaturam, inter mundum & Deum, aliquid mediumungi potest, quod operando sentiantur: vel inter cupiditatem & charitatem medius modus, quo in suis actionibus moraliter bonis impellantur. Creatura vero cupiditate servire, potius quam Creatori, mundum inter operandum diligere, non Deum, solus impius negaverit esse peccatum. In operibus igitur illis, quantumcunque bona, & Philosophica, & sine peccato facta videantur, si sine Dei fide fiant, non sinitur dubitare Christianus, eos qui fide intentionem dirigente carent, servire creaturæ, non Creatori: impossibile est enim quin alicui operando serviatur. Illi quippe servit homo quod ut finem operis sui intuetur, ac diligit, siue sit ipsum opus ejus, siue objectum operis, siue (quod perpetuum est, nec excludit illa duo præcedentia) ipsemet qui opus moraliter bonum videtur operari. Hoc ipso enim quo vel vanum illum splendorem operis, ut Stoici, vel honorem, vel divitias, vel voluptatem, vel curiositatem suam operando spectat, ut alii Philosophi spectaverunt, sibi utique quicquid ut ultimum spectat appetit, non vero Deo, quem penitus nescit: atque ita nulla tergiversatione excusari potest, quin creatura in ipso opere serviat, non creatori.

XLII. Proinde, juxta ipsum, maxime vitiosum est ipsam virtutem propter se expetere, & virtutis officium fungi propter solam honestatem atque pulchritudinem, quæ se menti nostræ probant & commendant. Qui enim non alius affurgit, nec in eo intendit Deo servire & illi se probare, propriam excellentiam pro summo fine habet; sibi que uni, qui creatura est, servire & placere cogitat, quæ proculdubio summa superbia est, & maxima à vero fine deviatio, adeoque peccatum coram Deo gravissimum, quantumcunque tales actiones in oculis hominum splendeant. Nec quicquam eo excusari possunt qui virtutem ea ratione sectantur, quod virtus natura sua ad Deum referri possit, licet eo non spectet qui ex virtute agere videtur: cum cætera omnia humanæ vitæ bona, quæ non nisi vitiosè propter se expetuntur, ad Deum quoque in se spectata referri possunt.

XLIII. Quæ vir ille doctus prolixè edidit libro quarto de statu naturæ lapsæ capite undecimo, & aliquot sequentibus. Hoc ergo, inquit, proprium Philosophicæ virtutis, quando erat etiam defecatissima, fuit malum, quod virtutis quadam celsitudine ruinosa delectati, illam ideo expetere, ut in oculis suis excellere, sese oblectarent, sibi placerent, qui per illam Deo, seu, ut Augustinus loquitur, veritati placere debuissent. Quod sibi placendi malum ita arcte adheret iis, qui neque Deo, neque hominibus placere desiderant, ut fieri omnino non possit, quin in illud incendant. Nam ut paulo post subiungit,

jungit, *Qui non levat oculos suos ad Deum, ut ei de pulchritudine virtutis placeat, sed ipsam utique, velut finem boni, pulcherrimam celsissimamque miratur, impossibile est, ut eam vel appetens non inde sibi placeat, vel non inde sibi placere volens appetat.* Cum enim necessarium omnino sit, ut aliqua re mens humana delectetur, quo quæso alio oblectari potest mens aliena à Deo, ceterisque viliores consensuens creaturas, ut supponimus, quam illo quod in rebus creatis præstantissimum credit? Hoc est autem mens ipsa virtute jam decorata, quem sui ipsius ornatum omnium pulcherrimum arbitrat. Sibi ipsi ergo necessario de virtute placet, qui per eam Deo, vel aliis hominibus placere non cupit. Unde concludit, sola voluntate placendi per virtutem Deo, evitari posse, ne virtus non modo Gentilium Philosophica, sed & Christiana sibi ipsi superbiendo placeat, & vitium, quæ virtus esse putabatur, fiat.

XLIV. Porro cum, ex Jansenii mente, nullum sit bonum opus quod non ex cœlesti quadam charitate profuatur, atque ad Deum in æterna vita possidendum non referatur, inde quoque consequens est, nullum esse bonum opus, quod non ad Dei cultum & pietatem pertineat, & suo modo proficit ad animæ salutem. Adeoque frustra Scholasticos distinguere bona opera in ea quæ solum moraliter bona sunt, nec possunt inter actus pietatis & religionis censeri; ac proinde facienti nihil profutur ad vitam æternam: & ea in quibus pietas & religio consistit, & quæ sic ad salutem animæ & vitam æternam aliquid conferunt.

XLV. Quod corollarium Jansenius ipse ex doctrina sua educit, de statu Naturæ lapsæ libro quarto capite secundo, ubi hæc sunt illius verba, *Fieri enim nullo pacto potest ut opus quod ex fide & amore Dei nascitur, non etiam hoc ipso sit opus pietatis, justitiæ, cultus Dei, meritorium, beatificum. Quæ namque præclarior pietas, & justitia, & cultus Dei, quam Dei amor ex fide? Quid magis meritorium atque beatificum, id est, ad beatitudinem aliquid conferens, quam Dei amor ex fide? Et postea, se sentire cum Augustino declarari, quod nullum omnino sit, vel esse possit bonum opus, quin hoc ipso, sicut fidem amoremque Dei, velut sui principium, postulat; ita sit etiam pietatis & cultus Dei, æternæque vite suo modo meritorium.* Et cap. decimo quinto reprehendens divisionem virtutum & affectuum, quæ utebatur olim Julianus Pelagianus, dicendo quosdam esse per quos summus sterilitur boni; alios vero per quos fructuosè boni sumus, id est, qui ad vitam æternam consequendam, ut docent Scholastici, aut profutur, aut non profutur. Cum enim, inquit, nulla virtus aut sit, aut esse possit, quæ non faciat opus ex fide atque dilectione veri Dei, ad quem omne opus virtutis referri debet; & si non referatur, ipso non recto sine peccato est: impossibile est virtutem ullam esse sterilem. Fides enim & amor Dei sterilis esse nullo modo potest: sed si sterilis est, non jam virtus, sed vitium esse debet.

XLVI. Quamvis autem vir ille nullum bonum opus agnoscat, nisi quod à charitate & fide quodammodo per dilectionem operante procedat, non negat tamen peccatores, hoc est, in peccato mortali constitutos, & qui nondum justificati sunt, & peccatorum suorum remissionem adepti, posse quædam bona opera facere. Atque in eo subscribit Tridentinæ Synodo, quæ anathema dicit iis qui affirmant omnia opera quæ ante justificationem fiunt, vera esse peccata. Si quis dixerit, inquit, *Opera omnia quæ ante justificationem fiunt, quacunque ratione facta sint, vera esse peccata, vel odium Dei mereri, anathema sit.* Canone septimo Sessionis sextæ.

XLVII. Istud videre est apud Jansenium De statu naturæ lapsæ libro quarto capite quarto. Nam, inquit, quamvis verissimum sit opera peccatorum omnium, imo etiam justorum, quæ non referuntur ad eum finem ad quem referri debent, hoc est, ad Deum, sed in creaturis hærent, vera esse peccata: falsum est tamen eandem de peccatoribus fidelibus, quam infidelibus esse rationem. Hoc ipso enim quo peccatores fide imbuti sunt, quamquam perfecta illa charitate Deum super omnia diligente, hoc est, justificatione, destituti sint, multa tamen bona ex illa fide operari possunt; sicut in primis ipsum credere & operari velle, & si adhuc viribus careant, infirmitatem suam ingemiscere, ex fide justificationem, vel operandi vires impetrare, cujusmodi opera Augustinus semper peccatoribus tribuit. Et postea probare volens fideles quantumlibet peccatis mancipatos non carere imperfecto quodam amore Dei, qui sincerus tamen sit & veræ pietatis initium, quali Dei amore carent profus infideles. Hoc ipso, inquit, quo adhuc fideles permansent, non possunt non habere affectum illum veræ pietatis atque dilectionis, ex quo credunt Deo, ex quo sperant subinde beatitudinem, ex quo orant pro impetranda perfecta charitate, atque justitia; ex quo etiam alia nonnulla bona sincero Dei intuitu operantur, quamvis necdum ita diligant, ut eam omnibus terrenis amoribus, ac delectationibus præferant.

XLVIII. Distinguit enim ille inter charitatem propriè dictam, quæ Deus super omnia

nia diligitur: & inter charitatem quandam imperfectam, qua Deus gratis quidem & propter se, non tamen super omnia diligitur. Ex eius mente prior illa charitas est ipsa iustitia nostra; nec reperiri potest, nisi in iustificatis, ac proinde non amplius in peccato hurentibus. Posterior vero reperiri potest etiam in peccatoribus, neccum per Dei gratiam à peccatorum suorum reatu liberatis: in quibus per auxilia à Christo subministrata, excitantur quidam actus fidei & dilectionis, per quos peccatores ad recipiendam à Deo iustitiam, & peccatorum suorum remissionem disponuntur.

XIX. Et tamen, juxta ipsum, amor ille imperfectus non est solum, ut opinantur recentiores nonnulli Scholastici, amor quidam Dei implicitus, & in intentione alicujus honestatis moralis involutus, sed verus & formalis aliquis Dei amor; sine quo amore creatoris nullus, secundum Augustinum, bene utitur creaturis, sive fidelis, sive infidelis, sive iustus, sive peccator sit: & quo fidelis, etiam peccator, in quibusdam operibus nequaquam caret. Adeoque ex viri illius sententia, charitas seu amor de quo jam questio est, & quo fideles, quamvis in peccato facientes, non omnino destituntur, est imperfecta Dei dilectio, seu imperfecta quædam in Deo complacencia, quæ charitatem illam vulgo notam, & Deum super omnia diligentem prævolat, & omnem inchoat iustitiam. Ut latius videre est apud authorem citum, cap. illo 4. lib. 4. de statu naturæ lapsæ.

L. Cæterum quamvis non pauci Scholæ Romanæ Theologi nullum bonum opus morale sine gratia Christi perfici posse existiment, ac censeant plerique illius Scholæ Doctores difficiliora saltem legis moralis præcepta sine gratiæ istius auxilio servari non posse: imo ne uni quidem ex facilioribus, nisi auxiliante Christo, obsequium præstari posse, si gravis aliqua tentatio urgeat; in eo tamen omnes conveniunt hominem, etiam in statu naturæ lapsæ, circa res morales libertatem habere, liberique arbitrii esse, & dici debere, non solum in rebus civilibus atque naturalibus, sed etiam in moralibus.

LI. Istud videre est apud Bellarminum. *Controversia est, inquit, inter Catholicos omnes ab una parte, & Hæreticos omnes hujus temporis (neque enim hac in re vel apud nostros, vel apud adversarios ulla est opinionum varietas) siue homo in statu naturæ lapsæ liberi arbitrii in bono morali eligendo, & malo evitando, sive quod idem est in præceptis morum observandis, aut prævaricandis. Et quidem Catholici omnes, tum veteres tum recentiores, tanquam dogma fidei Catholica prædicant partem affirmantem.* De libero Arbitrio lib. 5. cap. 13.

LII. Itaque apud eos Dogma Catholicum est, hominem etiam peccato corruptum, quum bene moraliter agit, libertate sua uti: nec eum minus liberè legis moralis præcepta transgredi, vel committendo quæ vetant, vel omittendo quæ jubent: sive ad bene moraliter agendum gratia necessaria supponatur, sive non. Quæ questio ab hac diversa est, & super qua, ut vidimus, Doctores Scholæ Romanæ non eodem modo opinantur: cum tamen nullus inter eos neget, hominem lapsum circa bonum morale liberum suum arbitrium habere.

LIII. Sic quæstionis hujus sensum exponit ipse Bellarminus, *Non enim, inquit, disputamus hoc loco, possitne lex solis naturæ viribus adimpleri, nec ignoramus auxilium gratiæ esse modis omnibus necessarium, cum lex sola non faciat justos, sed contra potius per gratiam iustificati faciant legem. Sed questio nostra est, utrum posito auxilio gratiæ, homo sit verè liberi arbitrii, ita ut possit legem implere, vel eandem, si maluerit, prævaricari. Quomodo si quis querat, An possit homo pro arbitrio videre, & non videre; non oportet obicere, quid si lumen absit? intelligitur enim questio positis omnibus quæ necessario requiruntur. Nos igitur dicimus, posito auxilio necessario, quodcumque illud sit, hominem verè proprièque liberum esse in moralibus.* De Gratia & libero arbitrio libro quinto cap. 18.

THESES THEOLOGICÆ

DE

GRATIÆ NECESSITATE,

ET

Liberi Hominum Arbitrii viribus circa bonum morale, in statu Naturæ lapsæ.

PARS POSTERIOR.

IN QUÀ

Protestantium Doctrina exponitur, & cum Scholæ Romanæ Doctrina comparatur.

THESIS I.

LEGIS Moralis & naturalis præcepta, juxta communem Protestantium Doctrinam, duobus modis observari possunt. Primum absolute, quoad operis materiam, sive quoad affectionem operis ipsius in se considerati. Deinde eo modo qui necessarius est, ut actio verè & in oculis Dei bona & honesta sit. Legem quoad operis materiam servare, est facere quod lex in genere præcipit, aut abstinere ab eo quod prohibet: Ut egenti subvenire, parentes honorare, ab homicidio furto & adulterio abstinere, non habita ratione principii à quo fluit, aut finis ad quem tale opus refertur. Sed ut actio verè bona & honesta sit, requiritur præterea ut ex debito principio fiat, & in finem quem Deus exigit referatur. Quæ circumstantiæ si desint, actio coram Deo vitiosa censetur, & peccati naturam induit.

II. Primò igitur apud Protestantes quaeritur an homo per peccatum corruptus, sine Dei gratia, & propriis liberi sui arbitrii viribus, possit legis moralis præcepta, saltem quoad operis materiam, implere? Ad quod communi consensu Respondent, quædam esse legis moralis præcepta quæ, ne quidem secundum operis materiam, sive ut Schola Romana loquitur substantiam, ab homine lapsò sine gratia servari possunt. Quale est præceptum de non concupiscendo, & de Deo totis viribus & supra omnia diligendo.

III. Nec minus in eo consentiunt, sine gratia Christi saluifera posse quædam legis præcepta ab homine corrupto, saltem absolute & quoad operis materiam, servari. Id videre est apud Amesium in Bellarmino enervato. *Concedimus etiam, inquit, posse hominem sine fide, cum auxilio speciali & etiam sine illo, bonum aliquod morale perficere, si perficere accipiat pro affectione ipsius operis in se considerati, sine respectu principii à quo fluit, & finis ad quem referri debet, lib. 4. de libero Arbitrio capite tertio. Quibus consona sunt quæ tradit Melancthon in Apologia confessionis Augustanæ. Potest, inquit, humana voluntas aliquo modo efficere justitiam civilem, seu justitiam operum. Potest loqui de Deo, exhibere Deo certum cultum opere externo, obedire Magistratibus, parentibus in externo opere eligendo. Potest continere manus à cade, ab adulterio, à furto.*

IV. Neque

IV. Neque ab his abludit quod docet Alexander Morus, bona moralia absolute spectata ab homine in statu peccati perfici posse. *Potest enim, inquit, quivis castè sobrieque vivere quoad actus externos, manus à furto & homicidio abstinere, locomotivam regere, catibus Ecclesie interesse, Evangelium audire libenter, non instar surdae apidis aures obstruere: quæ omnia honesta sunt & civilia, Deoque minus ingrata quando utcumque usurpantur, quam ubi profana contempzione omittuntur.* De Victoria gratiæ disputatione secundæ, Thesi 41.

V. Et certe ipsa experientia planum est hominem etiam Ethnicum & nulla salutari Dei cognitione imbutum, posse depositum & mutuum reddere, cognatos colere, parentes honorare, Eleemosynam pauperibus largiri, temperantem & sobriè vivere, & plura ejusmodi: & sic multa facere apud homines, quos interiora latent, speciosa & laudabilia: & ex quibus exurgit justitia quædam & honestas civilis: qualis fuit in Socrate, Epaminonda, Phocione, Scipione, Catone, & pluribus apud Gentiles laudatis viris, quorum exempla plerisque Christianis pudorem suffundere debent.

VI. Quamvis autem, ex Protestantium sensu, ad ejusmodi civilem justitiam atque honestatem gratia Christi necessaria non sit, multi tamen eorum observant illam speciali cuidam Dei auxilio esse tribuendam. Homines enim prorsus sibi relictos, nequidem ejusmodi civilem justitiam assequi posse, & qui apud Ethnicos virtutis nomine laudantur, non sine Deo singulari modo auxiliante, & nativam eorum corruptionem coercente, laudabiles ullas actiones egisse: Absque hoc enim futurum fuisse, ut non minus quam alii plurimi, in execranda quæque facinora ruerent.

VII. Quæ sententia est Mosis Amyraldi disputatione de Libero arbitrio. *Mea sententia, inquit, si Deus omnes homines nativa suæ corruptioni permitteret, omnemque Providentiæ suæ efficacitatem sustineret, tum quæ versatur in temperamento corporis moderando, tum quæ sese exerit in cujusque hominis animo vel regendo, vel coercendo, vel ad virtutis quæcunque studium incitando, nemo esset qui injustitia, libidine, truculentia, avaritia, & omni vitiorum seducitate Nerones, & Caligulas, & Sardanapalos, & quosvis alios in numero desperatissimorum, non æquaret, aut superaret,* pag. 173.

VIII. Quibus consentanea sunt quæ docet Alexander Morus jam citata Disputatione. Porro, inquit, libertas illa, quæ leges condunt, Republicam temperant, in commune consulunt, victorias reportant, & virtutibus variis prælucunt, etiam ii qui versantur in statu peccati, non ita locum habet in iis, quasi ex ipsius naturæ incunabulis existeret. A Deo enim est luminum Patre, à quo donum omne bonum descendit, quod illi ipsi agnoverunt, quum neminem virum insignem oriri absque divino afflatu scribunt: & ratio ipsa persuadebat: cur enim Hieron filius tam degeneres, cur eodem partu editi tam dissimiles occurrerent? cur educatione optima imbuti immanes belluæ fierent? thesi quadragesima sexta. Quibus thesi sequenti subjicit, Nempe Dei provida manus in ipso exortu probe indolis quædam veluti semina spargit, ac deinde cultura opportunitates objicit, quæ tamen parum prodesse, nisi hominum nequitia Deus spiritus sui habentis moderaretur: nam cum velit humanam societatem ordine legitimo contineri, omnium pariter serocire proterviam non sinit, sed alios metu panæ compefcit, alios amore præmii accendit: alioqui summa rerum esset confusio, si quam prout sunt omnes ad mala omne genus, tam in ea prorumperent.

IX. Itaque ex horum Doctorum sententia si natura hominis in se consideretur, omnes homines pares nascuntur, nec alter altero melior aut pejor est: quod vero discrimen inter eos hac in parte cernitur, tribuendum est arcanæ Dei dispensationi, per quam hominum affectus, non intus purgantur quidem, sed coercentur ne ferventius ebulliant. Quamvis enim lateat in singulorum pectoribus quædam veluti Lerna malorum omne genus, tamen alios Deus indulgere vitiiis, & quibusdam veluti furis agitari patitur: alios pudore, legum reverentia, existimationis bonæ, ac immortalis famæ amore tangit & in officio quadantenus continet: ut quod omnes Imperatores non fuerunt Caligula, aut ceteri homines Timoni similes, non id naturæ quæ mater aliis, aliis fuerit noverca imputemus, sed Deum agnoscamus alios permittentem suæ libidini, alios variis modis frangentem atque reprimentem.

X. Ex Protestantium igitur sententia, ab homine in statu peccati, & sine gratia Christi multa fieri possunt civiliter bona & honesta, quæ singulari cuidam efficacitati divinæ providentiæ tribui merentur. Et ista quidem talia sunt, ut minus malos reddant eos in quibus reperiuntur, & apud homines laude digna censi possint. Imo quæ sunt ejusmodi Deus interdum aliquo temporali præmio remuneratur. Sic nempe, inquit Alexander Morus, quam sibi placeant verè bona significat, quum illam tenuem bonitatis umbram indonatum abire non patitur. Deinde ad exemplum ista se comparat, ut ceteri ad

meliozem frugem invitentur. Ac insuper quemadmodum, si omnes pii florent in hoc saculo, vix homines iudicium futurum expectarent: ita quum aliquando certe vident iis esse melius qui aliqua pietatis cura tanguntur, de providentia nominis admonentur. Denique pro ratione bonitatis qua fulget in opere, Deum pramium temporale admittitur: & curta fluxaque bona rependit externa virtuti, qui cursui spirituali calesce ac aeternum Regni & constituit. Jam allegata Disputatione thesi 45.

XI. Verum communi consensu statuunt Protestantes nullum bonum morale in hoc statu naturæ corruptæ, sine gratia Christi, ab homine sic perfici posse, ut actio coram Deo revera bona & iusta habeatur, neque peccatis debeat accenseri. Ac proinde quæcunque ab hominibus sine Christi gratia fiunt, ut ut speciem virtutis habeant, & eternam aliquam bonitatem atque honestatem, peccati rationem in iudicio Dei non effugere; adeoque pulcherrima & illustrissima heroum facinora, splendida esse peccata, larvas & simulachra virtutum: ut cum Augustino loquitur sæpe jam dictus Morus thesi 42. *Bellarminus, inquit, per moralia opera, qua Deo iocunda sunt & qualia Deum possulat, intellexit: quo sensu plane nihil hominem posse, atque adeo pulcherrima ipsius & illustrissima facinora splendida esse peccata, larvas & simulachra virtutum Augustino facile credimus.* Quibus conforme est quod apud Daviden Paræum legitur, *Dicimus, inquit, morales non renatorum virtutes qualescunque, siue fide cum immunditia cordis factas, ut maxime coram mundo sint honestæ, iustæ, laude & premiis dignæ: tamen coram Deo esse peccata, non quidem suo genere, sed per accidens.* In lib. 5. Bellar. de gratia & libero Arbitrio, cap. 4. *Dicit autem tales virtutes esse peccata per accidens, quoniam licet res sint ex suo genere bonæ, in quibusdam tamen essentialibus deficiunt: nempe quia nec ex debito principio oriuntur, nec referuntur in legitimum finem.*

XII. Quod enim actiones hominis peccatoris sine Christi gratia factæ, quamvis ex suo genere, & secundum operis materiam bonæ sint, revera tamen, secundum Protestantium doctrinam, rationem peccati habeant, causa est, quia neque ex Dei amore procedant, neque ad Dei gloriam diriguntur. Utrumque enim ad opus quodlibet verè bonum, & Dei iudicio tale, planè necessarium putant: neutrum verò in homine lapsio sine gratia Christi salutifera locum habere posse existimant.

XIII. Et quidem quod nullum opus, secundum naturæ legem, verè bonum esse possit, nisi fiat ex Dei amore, inde probant, quod illa naturæ lex ab homine exigit, ut Deum creatorem suum, à cuius bonitate habet quicquid est, & potest, totis viribus & supra omnia diligat. Qui autem ex solo creaturarum amore, non vero ex amore Dei ad agendum movetur, in eo testatur se Deum supra creaturas omnes non diligere, sed creaturæ amorem amorì divino præferre, ac proinde vitiosè agit.

XIV. Cæterum frustra hic distinguunt nonnulli quendam amorem Dei virtualem atque implicitum, ab amore Dei formali atque explicito: quasi aliquis Deum formaliter non diligens, imo Deum ignorans, censeri tamen posset illum implicitè amare, cum diligit actiones quasdam à Deo præceptas, quæ hoc ipso Deo placere censendæ sunt. Nam qui Deum ignorat, aut non operatur ex Dei amore, vel actuali vel habituali, proculdubio ex sui amore operatur, ac seipsum supra omnia diligit: nec actionem honestam diligit, nisi ut ea gaudeat, atque sibi placeat. Omnis vero sui amor qui divino non subordinatur, vitiosus & peccaminosus est. In amore autem aliquo vitioso laudabilem quendam Dei amorem implicitum esse, profus est contra rationem.

XV. Similiter eadem naturæ lex postulat, ut creatura rationalis omnes suas actiones ad Dei gloriam dirigat: quoadquidem Dei gloria est naturalis rerum omnium finis: quoniam *universa propter semetipsum operatus est Dominus. Et ex ipso, & per ipsum, & in ipsum sunt omnia.* Adeoque ad naturæ legem pertinet Pauli præceptum, *Omnia in Dei gloriam facite.* Ac proinde nulla actio quam agens ad Dei gloriam non refert, revera bona & iusta esse potest: cum actionum bonitas ex legitimo fine præcipue medienda sit. *Prov. 16. 4. Rom. 11. 36. 1 Cor. 10. 31.*

XVI. Neque est quod quis dicat ad Dei gloriam quodammodo referri actiones quæ sunt ob finem aliquem non malum, etiam si agens de eo non cogitet. Exempli causa, quum aliquis verum Deum non cognoscens pecuniam egenti largitur, ut ei subveniat, ejusmodi actionem ad Dei gloriam spectare: quoniam omnis quæ est in rebus creatis bonitas ad Deum per se spectat atque refertur. Nec enim ut actio in Dei gloriam fieri censenda sit, sufficit ut finis ejus res sit naturaliter bona, & proinde quæ ex sua natura ad Deum referri queat. Alioqui qui laborat non alium ob finem, quam ut opes acquirat possit dici in Dei gloriam laborare, siquidem opes per se res bona, non mala sunt. Et tamen labor ejusmodi proculdubio labor improbus est, & ad vitium non ad virtutem spectat.

XVII. Jam

XVII. Jam vero Deum supra omnia diligere, & actiones suas ad ejus gloriam referre, res est quæ ad Dei spirituales cultum & pietatem maximè pertinet. Et ex consequenti certum esse debet ad hoc omnino necessariam esse salutiferam Jesu Christi gratiam, sine qua, fatente tota Schola Romana, nihil valet prorsus liberum hominis lapsi arbitrium ad spirituale bonum volendum & perficiendum. Ex quibus omnibus merito concludunt Protestantes hominem Christi gratia destitutum, & in simplici lapsæ naturæ statu, nihil facere posse quod boni moralis veram rationem obtineat, & apud Deum verè justum atque honestum habeatur: Quandoquidem homines sibi prorsus relictæ, & à vero fine in agendo aberrant, & ex malo principio, amore scilicet proprio, operantur.

XVIII. Hiis consentanea sunt quæ leguntur apud Josuam Placeum tractatu de Libero hominis arbitrio. Ubi postquam docuit Adamum amisisse libertatem absolutam non peccandi, & in ejus locum successisse servitutem peccati, sitam in depravatione atque obligitate facultatum moralium, præsertim voluntatis; eam verò depravationem consistere in aversione à vero fine ultimo, & conversione ad finem ultimum falso apparentem: Ex quo sequitur, cum quicquid appetitur, sit aut finis ultimus aut medium ad illum, nihil sani reliquum esse factum in facultatibus nostris moralibus, & quamdiu sic affecti sumus fieri non posse quia peccemus, hujus rei rationem subjungit his verbis. *Nam seu appetamus finem ultimum, seu media, aberramus semper à vero scopo, quantumcumque virtutum splendore lucere videatur homo irrogenitus, quia quicquid appetit, quicquid loquitur & agit, in scopum ultimum collineat, qui falso illi apparet scopus, cum plurimum abest à vero scopo, & eo ipso peccat, nec potest non peccare, quamdiu male judicat de scopo.* pag. 199.

XIX. Similiter Alexander Morus observat peccatorem gratia Dei carentem variis modis deficere in quibuslibet operibus, quantumvis alioquin eximia videantur, quo fit ut apud Deum, qui secundum rei veritatem judicat, revera non bona sed mala censentur, quoniam bonum est ex integra causa, malum ex defectu vel unius circumstantiæ. Quippe quatuor defectus in operibus ejusmodi notat, respectu principii, subjecti, modi, & finis. Eorum enim principium non est Spiritus, sed caro, id est, affectus carnalis, fructus autem carnis placere Deo nequeunt. Subjectum est homo destitutus gratia illa per quam *ὁ ἀνθρώπος καὶ τὸ πνεῦμα τῷ Θεῷ*, id est, cultum Deo placentem exhibemus. Modus ex aliqua generositate, non ex fide petitur, sine qua nemo Deo placet. Ac demum finis planè desideratur, salus proximi, gloria Dei. In victoria Gratiæ Disput. 2. thesi 43.

XX. Verum est quidem etiam piorum & justorum opera per gratiam Dei facta suos quoque nævos & defectus habere; sed hi defectus sunt tantum accidentales, qui boni operis essentiam non tollunt. Qui vero vitiant opera eorum qui sunt Christi gratia destituti, sunt defectus essentielles, cum quibus salva manere non potest ipsa boni operis natura atque essentia. Siquidem operis bonitas præcipuè pendet à fine in quem tendit, & à principio unde oritur. Sed hominis qui est gratiæ Christi expertus, opera omnia, ut supra ostendimus, & à vero fine aberrant, qui est Dei gloria; & à malo principio, cupiditate, scilicet, terrena originem ducunt: per quæ opus aliqui ex suo genere bonum, omnino vitiantur. Piorum vero & justorum opera procedunt à Dei amore, & ad ejus gloriam tendunt, ac in eo solum deficiunt, quod nec in iis tam pure Dei gloria queritur, nec Dei amor unde fluunt tantum fervorem habet, quam par esset. Adeoque piorum opera imperfectè quidem sed verè bona sunt; eorum verò qui gratia Christi carent opera quævis, ut ut in oculis hominum luceant, coram Deo revera mala sunt, nec boni operis naturam retinent: licet alia sint aliis minus mala.

XXI. Istud observat Alexander Morus Disputatione sæpius jam citata thesi quadragesima quarta. *Opera infidelium, inquit, bona non sunt, sed alia sunt aliis minus mala. Opera vero fidelium tamen si repleta maculis & variè mutila & imperfectè bona, bona tamen, verè bona sunt — languide ingrediuntur, sed in viâ salutis; ac debili motu, sed in scopum jaculantur: alii citato cursu feruntur, sed extra viam, & arcum strenuè tendunt, sed non in verum scopum desinant.*

XXII. Cæterum ex dictis facile colligitur, secundum Protestantes, nullum opus esse verè bonum in genere morum, quod non etiam ad salutem æternam ordinetur, & partem faciat cultus & pietatis erga Deum, quandoquidem nihil boni operis nomine dignantur quod non in gloriam Dei collineet, & ex dilectione illius oriatur. Proinde apud eos locum non habet illa distinctio bonorum operum quæ in Schola Romana obtinet, ut sint quædam duntaxat naturaliter & moraliter bona, sed verè bona tamen, etiam

etiam in Dei oculis, quanquam ad salutem aeternam non profint: alia vero quae profint ad salutem, & supernaturalem bonitatem habeant. Etenim, juxta ipsos, omnia opera quae verè bona sunt, à supernaturali principio ortum habent, à gratia Christi, videlicet, & etiam ad vitam aeternam aliquid conferunt. Quod si quandoque operibus eorum qui sunt extra Christi gratiam moralem, aliquam bonitatem tribuunt, eo nomine designant bonitatem quandam solum externam & civilem, & quae non reddit opus Deo gratum & placens, nec obstat quominus re ipsa peccatum sit, & dici mereatur.

XXIII. Ceterum in hac quaestione, gratiae Christi nomine non dignantur auxilia illa ordinis naturalis quae Deus non denegat infidelibus ipsis in infidelitate sua permanentibus: Sed gratiam Christi vocant eam duntaxat quae incipit à fide, & ea non qualicumque, verum Christiana & divinitus infusa, quaque iners & mortua non sit, sed quae per dilectionem operari incipiat.

XXIV. Adeoque omnia infidelium opera, quantumvis speciosa, inter peccata connumerant. Ac pro infidelibus habent, non solum eos qui prorsus verum Deum ignorant, verum etiam omnes illos qui verà in Christum fide destituuntur, nec cognoscunt unum solum verum Deum, & quem misit Jesum Christum. Omnium qui tales sunt opera, quamlibet egregia & honesta videantur, non actus veræ virtutis, sed peccata illius colore fucata esse existimant, ut ex jam dictis satis manifestum est. Quoniam sine fide Deo placere nihil potest, & peccatum est quicquid fit sine fide, non ea solum quae conscientiae fluctuanti opponitur, sed ea quoque quae conscientiam ex Dei verbo ut par est informat, & certam reddit, & etiam hominem justificare valet. Hæc est doctrina Davidis Parati. *Dicimus, inquit, ad opus morale bonum, quod sit ad legem, cultum & beneplacitum Dei ordinatum, requiri non modo speciale auxilium singularis providentiae Dei, nec modo speciale gratiam singularis motionis divinae, sed etiam speciale gratiam fidei justificantis.* In Bellarm. lib. 5. de Gratia & libero Arbitrio, capite 4.

XXV. Neque simpliciter asserunt Protestantes gratiam per quam fides ingeneratur, necessariam esse ad quodvis bonum opus, & neminem sine illa verum & Deo gratum obsequium legi naturali præstare; sed præterea satis aperte docent, gratiam illam sine qua nemo bene operari potest, & vel unicum opus revera bonum efficere, esse ipsam gratiam regenerantem & justificantem. Id præsertim videre est apud Josuam Placeum, qui negat hominem posse non peccare sine gratia regenerationis. Hæc enim sunt illius verba. *Ad morales quod attinet actiones, quas, scilicet, lex aut præcipit aut prohibet, multiplicat quaestiones Bellarminus sine ulla necessitate. Nos ad hanc unam quicquid nobis est cum Pontificiis controversia de Libero Arbitrio in statu peccati revocamus. Possit ne homo irrogenitus non peccare sine gratia regenerationis? affirmant Pontificii, nos negamus.* Tractatu de libero Arbitrio pag. 201. Quibus consonat quod apud Amesium legitur in Bellarmino evertuto. *Primo, inquit, nostri decet nihil boni spiritualis efficere hominem posse antequam sit regenitus: sed Bellarminus auxilium gratiae suadentis & assistentis tantum requirit. Secundo, nostri illud auxilium requirunt ad bonum spirituale, quod est proprium efficaciter vocatorum: sed Bellarminus auxilium generale intelligit, quod pro loco & tempore nemini deest.* Lib. 4. de libero Arbitrio cap. 3. Ubi sub nomine boni spiritualis complectitur quicquid verè bonum est in genere morum: quoniam, ut supra ostendi, Protestantes in hoc genere nihil revera bonum existimant, quod non ex sincera Dei dilectione procedat, adeoque ad pietatem & spirituales Dei cultum aliquo modo pertineat.

XXVI. Quod vero ante justificationem, ex Protestantium sensu, nemo possit ullum opus verè bonum facere, inde patet quod censura sua notant Canonem illum synodi Tridentinae, qui est septimus sessionis sextae. *Si quis dixerit opera omnia, quae ante justificationem sunt, quacunque ratione facta sint, verè esse peccata, vel odium Dei mereri, aut quanto vehementius quis nititur se disponere ad gratiam, tanto cum gravius peccare, anathema sit.* Ac præterea frequenter laudant & probant quod dicit Augustinus, *Bona opera sequi justificationem, non precedere justificandum.* Ut præsertim videre est apud Calvinum in Antidoto Synodi Tridentinae ad Canonem citatum. Et apud Kemnicium in examine ejusdem Synodi, ubi agit de præparatione ad justificationem.

XXVII. Hac autem in parte videtur doctrina Protestantium non carere difficultate. Et enim qui inter eos de rebus Theologicis accuratius Philosophantur, agnoscunt fidem, eamque vivam & actuosam, esse conditionem ad justificationem hominis prærequisiteam. Jam vero credere in Deum est quoddam opus verè bonum, neque fides viva est sine aliqua Dei dilectione, quae ipsa quoque est quoddam bonum opus; adeoque opera quaedam quae justificationem præcedunt, sunt verè bona.

XXVIII.

XXVIII. Fatentur etiam resipiscentiam, sive poenitentiam esse conditionem sub qua remissio peccatorum, in qua hominis peccatoris justificatio consistit, offertur in Evangelio. Sic docet celeberrimus Marelius peccatorum remissionem resipiscentiæ competere, *Conditionaliter, prout hac nobis sub resipiscentiæ & fidei conditione offertur in Evangelio*, Disputatione de Resipiscentia & libertate Christiana, Thesi 32. Et similiter Amesius in Bellarmino Enervato libro quinto de fide justificante capite tertio, Concedit poenitentiam antecedere justificationem ut dispositionem ex ordine prærequiritam, sed non ut causam. Quod idem videre est apud Kemnitium ipsum loco modo citato. Jam autem in poenitentia & resipiscentia bona opera multa involvuntur, quale est vitæ novæ propositum, peccati detestatio, & quædam etiam dilectio Dei, quæ oritur ex spe veniæ a Deo obtinendæ. Ac proinde non pauca bona opera præcedunt justificationem. Quin idem Amesius loco jam allegato disertis verbis agnoscit Dei *Dilectionem aliquam esse priorem remissione peccatorum, sive justificatione, ut dispositionem prærequiritam, licet dilectio nulla remissionem præcedat ut dispositio causans.*

XXIX. Unde est quod Davenantius asserere non formidat, Bona quædam opera necessaria esse ad justificationem, ut conditiones concurrentes, vel præcursorias, licet non sint necessaria ut causæ efficientes, aut meritoria: in hisce vero bonis operibus numerat interna illa quæ apud Deum magni momenti sunt, quamvis in oculos hominum non incurrant; ut dolere de peccato, detestari peccatum, humiliter se Deo subicere, ad Dei misericordiam confugere, in Christo Mediatore spem figere, novæ vitæ propositum inire, aliæque consimilia. *Divina enim misericordia non justificat, inquit, stipes, hoc est, nihil agentes: neque equos & mulos, hoc est, recalcitrantes & libidinibus suis obsecratæ adherentes: sed homines eosdemque compunctos & contritos, ut verbi spiritusque divini ductum sequentes.* De justitia actuali cap. 31.

XXX. Quod si bona quædam opera præcedunt hominis justificationem, regenerationem ejus præcedere quoque debent, si quidem, ex communi Protestantium doctrina, regeneratio est justificatione natura posterior. Adde quod hominis regeneratio & sanctificatio reapse sunt unum & idem. Ac proinde spiritus quo homo regeneratur non est alius ab eo quo homo sanctificatur. Spiritus autem sanctificationis, ut expresse docent qui sunt inter Protestantes doctissimi atque celeberrimi, in Evangelio nobis non promittitur, nisi sub conditione fidei ejusque vitæ atque efficacis, quæ sine multis bonis operibus constare non potest. Nec datur ille spiritus, nisi iis qui serio cupientes ex vitis emergere, & veram justitiam sitientes & esurientes, illum assiduis precibus ex fide factis a Deo postulant. Juxta illud Domini Jesu. *Quanto magis Pater vester cælestis dabit spiritum sanctum petentibus ab ipso?* Luc. 11. 13. Jam autem Deum ex fide orare proculdubio opus verè bonum est.

XXXI. Atque hoc etiam facit quod inter Protestantes viri magni nominis agnoscunt esse quædam dispositiones ad sanctificationem, quæ vi spiritus Dei excitantur in hominibus sanctificandis & regenerandis, quales sunt actus varii, fidei, timoris, dilectionis, ut videre est apud Paræum in librum 1. Bellarmini de Justificatione cap. 3. Actus autem fidei atque dilectionis non possunt non esse bona quædam opera; quæ cum supponantur esse dispositiones quædam ad sanctificationem, sive regenerationem, non possunt etiam non illam quodammodo antecedere.

XXXII. Si ergo bona opera nonnulla, ex ipsâ Protestantium Doctrina & confessione, antecedit hominis regenerationem & justificationem, quomodo statuere possunt gratiam ipsam qua regeneramur atque justificamur necessariam esse ad quodvis opus bonum, & damnare captionem Concilii Tridentini, quo anathema pronuntiatur in eos qui dicunt *opera omnia quæ ante justificationem sunt, quacunque ratione facta sint, verè esse peccata?*

XXXIII. Ad solvendam hanc difficultatem observandum est, apud Protestantes gratiam regenerationis & justificationis modo latius, modo strictius sumi. Ex Protestantium sensu, justificatio strictè & præcisè accepta, non est aliud quam hominis peccatoris absolutio, propter Christi satisfactionem ipsi donatam atque imputatam, & sic concipitur ut beneficium distinctum à fide, per quam sumus illius participes, & quæ ideo fides justificans vocatur. Sub gratia vero justificationis, si latius sumatur, includitur ipsa fides per quam justificamur. Hoc sensu sumunt Protestantes justificationem, quum negant ulla opera verè bona illam antecedere. Idem enim cum ipsis est antecedere justificationem quod antecedere fidem justificantem. Nihilque eatenus justificationem præcedit, quod non fidem etiam præcedat. Adeoque quum dicunt omnia quæ sunt ante justificationem, non esse bona opera, sed peccata, non aliud sibi volunt, quam ante fidem

fidem nullius bonum opus in homine existeret posse, sed omnia infidelium opera esse peccata.

XXXIV. Id videre est apud Calvinum atque Kernitium, ubi censura sua notant Canonem fatis dictum Synodi Tridentinae. Kernitius enim Canonem illum damnans, supponit per eum anathema dici illis qui negant infideles, per sua opera se disponere ad gratiam. Nam, inquit, *Canone septimo anathema dicuntur illi, qui irrogant infidelibus per sua opera se disponere ad gratiam.* In prima parte Examinis pagina 157. col. 2. In præcedentibus vero justificationem sensu strictiori sumens, fatetur poenitentiam, fidem, contritionem, & propositum in peccato non pergendi, esse secundum scripturam præparationes quasdam ad justificationem? *Vult enim Deus, inquit, à notitia & assensu verbi sui nos ordiri. Et ante justificationem oportet procedere contritionem, hoc est, seriam agnitionem peccatorum, pavorem conscientie agnoscantis iram Dei adversus nostra peccata, & dolentis propter peccatum, in qua contritione non retinetur, sed abijcitur propositum perseverandi & pergendi in sceleribus.* Ad hoc vero necesse est accedere fidem, quæ agnitione & fiducia misericordiae Dei promissæ, propter filium Mediatorem, rursus erigat & consolentur animum, ne oppressi desperatione ruamus in æternum exitium: sed fides accedat ad Deum; querat, desideret, petat, apprehendat & accipiat remissionem peccatorum. Pag. 155.

XXXV. Et similiter Calvinus eundem illum Canonem Concilii Tridentini refutans non alius utitur argumentis, quam quæ probant sine fide nihil boni fieri posse. Ut quod Deus non moratur externas larvas, sed fidem cordis inspicit. Quod non nisi fide purificantur corda. Quod quicquid agant infideles, facta sua ad Deum non referunt. Quod denique, juxta Augustinum, si quis bonus fructus in homine laudatur, in fide quaerenda est radix. Et Religio nostra justos ab injustis, non operum, sed ipsa fidei lege discernit, sine qua quæ videntur bona opera, in peccata vertuntur. In antidoto ad septimum Canonem Sessionis sextæ. Unde patet Calvino eo loci idem esse aliquid facere ante justificationem, quod facere ante fidem & in infidelitate. Nec illum aliud velle quam quod omnia opera ante fidem non bona, sed mala sint. Cum quo optime constat justificationem pro remissione peccatorum acceptam, seu pro peccatoris absolutione, prævios habere quosdam non solum fidei actus, sed timoris, spei & dilectionis, ac propositi novæ vitæ, qui boni fiat & Deo grati.

XXXVI. Eodem modo regeneratio seu sanctificatio aliquando strictè accipitur, pro habituali quadam hominis immutatione per habitus justitiæ & sanctitatis infusos, quandoque vero latius pro omnibus illis gratiæ divinæ in nobis affectis, quibus à statu peccati in statum justitiæ & filiorum Dei transferimur. Et sic gratia regenerationis, sive sanctificationis complectitur initium, progressum & complementum, efficacia illius gratiæ per quam Deus peccati Dominium in nobis abolet, & nos efficit justitiæ servos, sive ut loquitur scriptura, facit ut veterem hominem exuamus, & induamus novum, qui secundum Deum creatus est, in justitiæ & sanctitate veritatis, Quod dicit Amesius *regenerationem aliquando sumi pro tota serie auxiliorum, quibus ad eam movemur.* Disput. Theologica de præparatione peccatoris ad conversionem. Thesi 11.

XXXVII. Regeneratio sumpta priori illo & strictiori sensu, prævios habet plures actus fidei, spei, timoris, doloris de peccato, dilectionis quoque, & implorationis auxilii divini, qui proculdubio opera bona sunt & Deo accepta, quibusque homo ex Dei instituto præparatur ad accipiendum donum spiritus sanctificantis atque regenerantis. Adeoque gratia regenerationis stricto illo sensu sumptæ ad illa facienda necessaria non est. Sed sine gratia regenerationis acceptæ, posteriori & latiori sensu, nemo quicquam boni operari potest. Nam impossibile est hominem bene agere, priusquam Deus incipiat per gratiam suam in eo operari, ut eum exolvat à peccati vinculis, & in filiorum Dei libertatem afferat. Cujus gratiæ prima initia ad regenerationem latius sumptam, ut jam diximus, revocantur.

XXXVIII. Etsi vero gratia prorsus necessaria sit, ad hoc ut homo corruptus possit aliquod bonum opus facere, nec sine gratia valeat quicquam operari bene & divinæ legi conformiter: id tamen non obstat, ex Protestantium sensu, quominus in eo statu homo, dum male agit, sive committendo ea quæ lex prohibet, sive omittendo ea quæ præcipit, id liberè faciat, & vim nativam liberi sui arbitrii exerat.

XXXIX. Quamvis enim absente gratia, Homo sit peccati servus, ut scriptura loquitur, & quicquid agat non possit nisi peccare: ista tamen male agendi necessitas naturalem arbitrii ejus libertatem non tollit. Libertas enim illa quæ essentialis est omni agenti intellectu & voluntate prædito, non consistit in eo ut quis indifferens sit ad bene vel

vel male agendum, & parem ad utrumque facultatem habeat. Alioqui nec daemones in inferno, nec Angeli in coelo liberè operarentur, cum illi quidem ad male agendum, hi vero contra ad bene agendum sint determinati. Verum in eo sita est ista naturalis arbitrii libertas, ut quis agat non coactus, nec etiam bruto naturæ impulsu, sed prævio mentis judicio & deliberatione eligat quod ipsi lubet & videtur. Adeoque libertas illa opponitur coactioni, & naturali; seu brutæ determinationi, minime vero servituti peccati, quæ non obstat quominus homo, dum peccat, deliberatè agat, & ex rationis propriæ dictamine, absque ulla coactione, & naturali seu brutæ determinatione.

XL. Adde quod homo in statu peccati sibi relictus, in genere quidem ad male agendum determinatus est, non tamen ad singulas malas actiones est determinatus, sed potest ab hac vel illa abstinere: sicut homo carcere conclusus potest per carcerem liberè discurrere. Qua similitudine ad hanc rem illustrandam utitur Gulielmus Perkinsus, *Nam, inquit, esse quasdam res, quæ necessario & liberè simul fiunt, exemplo demonstrabo. Sit aliquis in carcerem detrusus, cui necessario ibi sit manendum, quique non possit exire quo velit. Is tamen talis movere se potest, ac liberè deambulare intra ipsum carcerem. Similiter se res habet cum voluntate humana, quæ licet peccati vinculis constricta, naturaliter aliud non faciat quam ut peccet, atque ita peccet necessario: tamen eadem peccat propria ac libera voluntate. In Catholico Reformato, Controversia prima de libero arbitrio Conclusionem quartam.*

XLI. Similiter gratiæ cum adest præsentia atque efficacia, ex Protestantium mente, nihil omnino præjudicat humanæ libertati. Neque minus liberæ sunt actiones quæ gratia movente & auxiliante fiunt, quam si absque gratia fieri supponantur. Nec enim gratia vim ullam humanæ voluntati affert, sed eam movet liberæ facultati congruenter, nimirum præeunte & interveniente deliberato mentis judicio, & sic ut à voluntate non tollat aliter agendi potestatem. Adeoque bona quælibet opera, ita sunt effecta gratiæ divinæ, ut sint etiam actus liberi arbitrii à gratia liberati, & agentis non ex propriis viribus, sed ex illis quas ipsi gratia suppeditavit.

XLII. Neque sic in hac vita per gratiam liberatur hominis arbitrium, quin semper, ut bene, sic male agere possit: sicut ultro Paræus contra Bellarminum disputans agnoscit. *Quis Christianus, inquit, unquam dubitavit hominem donatum gratia arbitrium habere liberatum & liberum ad bonum eligendum, præstandum ex vi gratiæ: ad malum quoque eligendum, faciendum ex imbecillitate naturæ, quæ à gratiæ nec regeneratur; nec regitur perfecte in hac vita: unde renati libertate voluntatis, tam ad bene quam ad male operandum, in hac vita utuntur? Nulla igitur hac questio esse potest, utrum posito gratiæ auxilio homo sit verè liber arbitrii? In librum V. Bellarmini de Gratia & libero arbitrio, capite XIII. Quibus conformia sunt quæ repetit author ille, ejusdem libri capite XXVIII. In statu gratiæ sic liberè eligit bonum voluntas renovata, ut dum ad id eligendum efficaciter movetur à gratiâ, possit quidem contrarium eligere per defectum naturæ, nolit vero per efficaciam gratiæ.*

XLIII. Quod si quis quærat, An homo in statu naturæ lapsæ, sine gratiâ, sit liber ad bonum morale eligendum, & præcepta Dei servanda? ad hoc negativè respondent Protestantes: adeoque eorum plurimi negant post peccatum in homine mansisse liberum arbitrium respectu boni moralis. Non aliud tamen per hoc sibi volunt, quam hominem per suum lapsum factum esse servum & captivum peccati, ejusque arbitrium privatum esse ea libertate quæ servituti peccati opponitur: licet in eo manserit libertas illa quæ essentialis est agenti intellectuali, & à qua hominis arbitrium absolute consistere liberum denominatur.

XLIV. Ad quæstionem ergo à Bellarmino propositam, *sit ne homo in statu naturæ lapsæ liberi arbitrii in bono morali eligendo & malo evitando, sive, quod idem est, in præceptis morum observandis, aut prævaricandis?* Respondent per distinctionem, videlicet, in eo statu hominem ante gratiam liberi arbitrii esse in præceptis morum violandis atque prævaricandis. Posita vero gratiâ, illum arbitrii sui libertate uti posse tam ad præcepta morum observanda, quam ad illa transgredienda. Sine gratiâ autem illum non esse arbitrii liberi ad eadem præcepta servanda; quoniam abeunte gratiâ in bono nihil potest, non ex defectu Physicæ alicujus facultatis; semper enim præditus est mente & voluntate, quæ essentiali quadam libertate nunquam spoliatur, & præter quas nulla naturalis facultas requiritur ad bonum faciendum: sed quia voluntas ejus in malo obfirmata est, donec per gratiam à Deo liberetur, & exolvatur servitute peccati, quæ cum priori illa libertate consistere potest.

T t t

XLV. Itaq;

XLV. Itaque queruntur sibi per calumniam à Bellarmino & aliis imputari, quod sine cum gratia, five ante gratiam, doceant hominem in moralibus nunquam liberi arbitrii esse. *Quis*, inquit Paræus, *hominem per nos nunquam habere liberum arbitrium dixerit, citra insigne calumniam? In statu peccati arbitrium habet liberum tantum ad malum, quia capitivum ad bonum: In statu gratia liberum ad utrumque. An nunquam ergo habet liberum arbitrium?* In lib. V. Bellar. de gratia & libero arbitrio cap. 28.

XLVI. Porro ex iis quæ tum in hac, tum in præcedenti disputatione latius exposita sunt, patet Scholam Romanam cum Protestantibus in eo consentire, quod præcepta legis moralis, sine gratia non possunt ab homine lapsò eo modo servari, quo sunt ad beatitudinem coelestem ordinata, & sic ut eorum observatio ad vitam æternam homini jus acquirat, ac sempiternam ejus salutem promoveat. Vicissim vero Protestantes agnoscere cum Schola Romana, hominem lapsum, sine gratia Christi, posse servare quædam legis moralis præcepta, saltem quoad opus externum, five absolute, & quoad materiam vel effectum operis ipsius, ut loquuntur Protestantes. Quod Schola Romana dicit secundum operis substantiam. Hæc enim eodem redeunt, quamvis Protestantes nonnulli posteriorem istum loquendi modum improbent: quia substantia rei materiam & formam comprehendit. Hic autem agitur non de operis moralis forma, quæ a fine & principio pendet, sed de operis tantum.

XLVII. Istud videre est apud Davidem Paræum sæpius jam citatum. *Fallit igitur*, inquit, & fallitur Bellarminus, *externum actum operis, & substantiam operis pro eodem sumendo quæ ut pars & totum differunt. Ad substantiam operis requiritur materia & forma, non minus quam ad substantiam hominis requiritur corpus & anima. Actus externus lege præceptus est pro materia: interna conformitas & mundities, quæ habetur, ex fide, est pro forma operis, ad quam finis etiam legitimus requiritur. Nam ipse Philosophus non laudat actum virtutis, nisi ex fine, si fiat in eam virtutem. Non igitur qui externum operis actum præstat, substantiam operis præstitit.* In Bellar. lib. V. de Gratia & lib. Arbitrio capite 5.

XLVIII. Verum nullus est apud Protestantes qui non damnet quod quidam in Schola Romana docuerunt, omnia, nempe, & singula legis moralis præcepta, quoad operis substantiam, five materiam, posse sine Christi gratia servari. Ab hoc enim numero eximunt Protestantes, ut supra vidimus, præcepta quædam quæ spectant actus animi internos, quale est præceptum de non concupiscendo, & de Deo supra omnia diligendo.

XLIX. Præterea manifestum est ex iis quæ diximus, communi Protestantium calculo improbari, quod longè maxima pars Scholæ Romanæ docet, nimirum præcepta legis moralis faciliora, absque Christi gratia, ab homine corrupto sic observari posse, ut actus sit verè bonus & in eo peccatum vitetur, quanquam ad salutem æternam non proficit: ac multo magis eorum sententiam qui in ista Schola tenuerunt, totam Naturæ legem posse citra gratiam impleri ab homine lapsò, aut si non ejus omnia præcepta collectivè, saltem singula disjunctivè, ut in Hispania multi, teste Gabriele Vasquez, sub finem superioris sæculi sentiebant.

L. Imo facile ex dictis colligitur, ipsum Gabrielem Vasquez, qui sine gratia Christi nullum opus moraliter bonum perfici posse fatetur, à Protestantibus tamen in eo multum dissentire; quia per gratiam Christi intelligit auxilia quædam ordinis naturalis, quæ infidelibus ipsis, qui tales manent, possunt obtingere. Ac consequenter docet cum plurimis Scholæ Romanæ Theologis, infideles quoscunque posse, mediantibus auxiliis talibus, opera quædam verè moraliter bona facere. Protestantes verò per Christi gratiam intelligunt eam solam quæ incipit à fide in Christum, eaque viva atque efficaci; ac proinde negant infideles omnes, id est, quicunque non sunt vera fide in Christum imbuti posse facere ullum opus verè & coram Deo bonum, quodque non habeat peccati rationem, etsi hominum oculis honestum & laudabile videatur.

LI. Apparet quoque ex iis quæ supra retulimus, contrariam sententiam, quæ statuit fidem in Christum necessariam non esse, ad hoc ut aliquis bene moraliter operetur, in Ecclesia Romanâ non ita certam & definitam esse, ut contrarium tenere non liceat; quandoquidem Janfenius, & qui eum sequuntur insignes viri non pauci, idem hac in parte cum Protestantibus apertè docent, nec propterea tamen, ut propter alia multa, publica censura fuit notatus Janfenii liber.

LII. Imo non videtur in tota hac quæstione de liberi arbitrii in homine lapsò viribus & gratiæ necessitate circa bonum morale, ullum esse verum & reale discrimen inter Protestantium & Janfenii doctrinam. Non solum enim cum illis agnoscit Janfenius gratiam Christi, & fidem in eum efficacem & actuosam, necessariam esse ad quodvis opus

opus moraliter bonum, sed etiam, quod consequens est, nullum opus esse verè bonum, quod ex aliquo sincero Dei amore non procedat, & in ejus gloriam non tendat: adeoque frustra apud Scholasticos bona opera distingui, in ea quæ pertinent ad pietatem, & salutem æternam promovent, & ea quæ nec ad pietatem spectant, nec profunt æternæ salutis.

LIII. Verum est quidem Janfenium nihilominus statuerè, cum Concilio Tridentino, opera quædam bona ab homine fieri posse, priusquam sit justificatus, nec omnia opera quæ fiunt ante justificationem esse peccata, & Deo displicere. Cujus contrarium Protestantès videntur communiter asserere, censura sua notantes Canonem Tridentinum, quo anathema dicitur quicumque dixerit, omnia opera quæ fiunt ante justificationem, quæcunque ratione facta sint, esse peccata.

LIV. Sed manifestum est ex iis quæ superius exposita fuerunt, Protestantès, quàm docent, quicquid sit ante justificationem non bonum opus, sed peccatum esse, & cum Augustino dicunt bona opera non præcedere justificationem, sed sequi justificationem, non aliud sibi velle, quàm nihil omnino boni fieri posse ante fidem justificationem, & eos sub justificatione complecti ipsam fidem per quam justificamur: adeoque tum pro eodem habere, bona opera fieri ante justificationem, & fieri ab eo qui adhuc infidelis est. Cæterum, si quis justificationem distinguat ab ipsa fide justificatione, & sumat illam præcisè pro peccatoris absolutione, & peccatorum ejus remissione, Protestantès eosdem non inficari quin boni quidam actus, & opera quæ Deo placeant, antecedant nostram justificationem. Qualis est in primis ipse actus fidei quæ justificat impium, per fugium peccatoris ad Dei misericordiam, dolor de peccatis præteritis & eorum detestatio, propositum novæ vitæ, imploratio divinæ gratiæ, spes veniæ obtinendæ & actus alii similes, qui prius natura in homine existant, quàm peccata illi remissa sint, & priusquam haberi possint pro justificato.

LV. Ex sensu vero Janfenii Synodus Tridentina non definit bona opera fieri ante fidem, sed solum fieri ante justificationem, & anathema non dicit illi qui dixerit opera omnia quæ fiunt ante fidem esse peccata, sed tantum illi qui dixerit peccata esse omnia quæ fiunt ante justificationem. Nec aliter ipse Bellarminus exponit Canonem Synodi Tridentinæ. Neque definit, inquit, Concilium opera infidelium non esse peccata, sed non esse peccata omnia opera, quæ justificationem præcedunt. Præcedunt enim justificationem, etiam illa opera quæ fiunt à fidelibus, posteaquam in peccatum ceciderunt. Non enim Concilium sequitur regulas Lutheri, qui per omne peccatum mortale voluit fidem amitti: sed regulas Domini, qui Luc. 18. probavit orationem Publicani, qui cum fide oravit pro remissione peccatorum. Neque definit idem Concilium, opera fidelium peccatorum absolute non esse peccata, sed addidit, quocunque modo facta. Ut intelligeremus definiri solum à Concilio, quædam opera fidelium peccatorum non esse peccata, illa videlicet, quæ fiunt cum auxilio speciali Dei. De his enim solis propriè Concilium definisse voluit, quoniam propositum illi erat agere de justificatione, & iis operibus, quæ ad justificationem disponunt: illa verò sola opera ad justificationem disponunt, ut in eodem Concilio habetur, quæ initium sumunt à gratia Dei excitante. De Gratia & libero Arbitrio lib. 5. cap. 4. Ex quibus omnibus concludere licet verbalem solum esse contentionem inter Protestantès dum negant, & Janfenium, dum affirmat Bona quædam opera fieri ante justificationem: imò inter Protestantès, & sæpius citatum Canonem Tridentinum, prout illum Janfenius & Bellarminus exponunt.

LVI. Præterea satis manifestum fecimus, Protestantès docere quidem in statu naturæ lapsæ, hominem sine gratia esse peccati servum, & veluti captivum: sed illam tamen peccati servitutem, secundum ipsos, non ob stare, quominus liberè in peccatum feratur, & bonum lege præceptum aversetur & omittat; ac in eo Arbitrii sui libertatem plenè exerceat; cum id faciat non coactus, & ex rationis corruptæ deliberato judicio, ac quum hoc aut illud peccatum committit, potestatem habeat ab eo abstinendi.

LVII. Vidimus quoque illos ultro Scholæ Romanæ Doctoribus concedere, quod divina gratia, sine qua nihil boni homo agere potest, sic humanam voluntatem movet, ut libertati ejus nihil omnino præjudicet. Quodque bona opera quæ per gratiam ab homine fiunt, sunt etiam actus liberi arbitrii non quidem propriis viribus agentis, sed à gratia moti & excitati. Imò Protestantès eosdem non negare quin, posita gratia, homo possit bene & male agere, illosque ipsos qui inter eos sunt rigidiores gratiæ assertores, ut qui singulariter Reformati dicuntur, eam quidem efficaciam gratiæ tribuere, quæ voluntatem ad bonum flectit, & determinat, sed tamen ab ea non tollit omnem aliter agendi facultatem.

LVIII. Adeoque vana est & nulla controversia quam Bellarminus potissimam vocat & esse fugit inter Protestantés omnes ex una parte, & omnes Scholæ Romanæ Doctores ex altera, nimirum An posito auxilio ad agendum necessario, quodcunque tandem illud sit, homo sit verè proprièque liber in moralibus; sive An posito auxilio gratiæ, homo sit verè liberi arbitrii, ita ut præcepta legis violare, vel fervare possit. Nec enim quicquam horum Protestantés inficiantur, sed utrumque libenter cum Scholæ Romanæ Theologis affirmant.

LIX. Nec repugnat quod sæpe apud eos legitur, hominem post peccatum, & ante gratiam, non esse liberi arbitrii, respectu boni moralis, Per hoc enim, ut diximus, nihil aliud significatum volunt, quam voluntatem humanam ante gratiam esse peccati servam, & ex se ad bonum nullas vires habere, quamvis semper in ea maneat libertas illa quæ est voluntati essentialis, & quam, fatente ipsa Scholæ Romana, servitus peccati non tollit, sicut dæmonum exemplo evidens est.

THESES THEOLOGICÆ

In quibus exponuntur

Variæ distinctiones & acceptiones Gratiae, quæ apud Doctores Scholæ Romanæ sunt in Usu.

THESIS I.

AD intelligentiam & elucidationem multarum quæstionum, quæ circa gratiam & liberum arbitrium, magna contentione animorum, agitantur, plurimum conducit nosse varias acceptiones & distinctiones gratiæ, quæ usitatæ sunt in Scholis Christianis. Itaque non parum facit ad scopum nostrum, qui est lucem aliquam inferre controversiis illis, quæ Scholæ Christianas exercent & dividunt, si acceptiones & distinctiones istas, quantum fieri poterit, breviter & dilucidè exponamus.

II. Ut autem à Scholæ Romanæ ordiamur, observant ejus Theologi, ut inter alios Bellarminus * & Gulielmus Estius, † gratiæ vocabulum generalissimè sumptum bifariam accipi. Et primo quidem notare ipsum Dei amorem & benevolentiam, per quam hominibus benè vult & facit: deinde etiam quodcunque gratuitum Dei beneficium, & omne illud quod gratiosè nobis à Deo conceditur. Ac duplicem hanc gratiæ notionem usitatam esse agnoscunt, tum in scriptura divina, tum apud scriptores Ecclesiasticos, & ipsos etiam Scholasticos Doctores. Priorem illam gratiam, *gratiam æternam & intreatam* vocant: alteram vero *gratiam temporariam & creatam*. Et eodem recedit quod alii, cum Estio, dicunt, Gratiam, scilicet, intelligi posse, *vel ex parte Dei, vel ex parte nostra*. * *Lib. 1. de gratia & lib. Arb. c. 1. & 2.* † *In dist. 26. lib. 2. sententiarum Scil. 1.*

III. Porro cum non solum quæ naturam superant gratuito nobis à Deo donentur, sed ipsa naturæ bona, absque ullis nostris meritis, ex gratuita Dei benignitate habeamus, idcirco gratia latissimè sumpta, ut Doctores iidem observant, naturæ non opponitur, sed naturam ipsam comprehendit: quæ quandoque gratiæ nomine designatur, propterea quod est gratuitum quoddam Dei beneficium, gratis nobis à Deo collatum. Verum hæc acceptio gratiæ est quidem frequens in usu communi, in quo naturæ dotes atque commoda gratiæ divinæ ascribere solemus, sed in scripturis & Scholis rarissima, & parum usitata est. Plerumque enim ibi gratia restringitur ad illa Dei beneficia quæ naturæ ordinem excedunt, neque ex natura fluunt, aut ad eam constituendam & conservandam necessaria sunt, sed ex gratuita Dei benignitate ipsi superaddita.

IV. Et hoc sensu gratia opponitur naturæ. Quoniam illa dona quæ nobis supra naturam

naturam à Deo conferuntur, singularem quodam modo gratuita sunt: quia, scilicet, non tantum sub meritum personæ non cadunt, sed neque naturæ debentur. Quamvis enim Deus absolute nihil cuiquam debeat, neque ad quicquam obligetur, tamen ex hypothefi quod creaturam velit esse & operari, illi quodammodo ea præstare debet, sine quibus nec esse, nec operari potest.

V. Cæterum gratia illa naturæ opposita à nonnullis Scholæ Romanæ Doctorebus sæculo distinguitur in eam quæ homini ante lapsum collata est, & eam quæ homini lapsò per meritum Christi confertur. Ac priorem illam gratiam vocant, *gratiam Adami*: Posteriores vero *gratiam Christi*. Prior ab illis dicitur *gratia sanitatis*: hæc vero posterior *gratia Medicinalis*. Prior collata est homini non merenti: posterior etiam indigno.

VI. Hanc distinctionem, ut maximi momenti, sæpius inculcat & urget Janfenius Episcopus Iprensis libro cui fecit titulum *Augustinus*. Ubi gratiæ istius utriusque discrimen, prolixè ex Augustino colligit & explicat. Illud autem discrimen in eo constituit, quod gratia data homini ante lapsum adiutorium erat, sine quo primus homo non poterat velle bonum; sed quod non præstabat ut bonum actu vellet. Gratia vero quam Christus homini lapsò largitur, efficit ut homo actu velit, & est auxilium, non simpliciter *sine quo*, sed quo ipsum velle bonum in homine producit.

VII. Nam observat vir ille adiutoria voluntatis duplicis esse generis. Adiutorium unum esse *sine quo* voluntas velle non potest, sic tamen ut velle & nolle, uti vel non uti adiutorio, in ejus libero relinquatur arbitrio: aliud quo fit determinatè ut voluntas velit. Ac gratiam hominis integri pertendit adiutorium fuisse primi generis, gratiam vero qua Christus hominem corruptum sanat adiutorium secundi generis. In eo, inquit, *utrinque gratia, sanitatis & medicinalis differentia in eo sita est*, quod illius primæ integritatis adiutorium sic adiuvabat voluntatem, ut cum eo operaretur ipsa, si vellet; nunc autem ipsum adiutorium facit ut velit. Hoc est, adiutorium ante ruinam erat tale, ut influxus adiutorii perinde atque voluntatis in opus, ab ipso libera voluntatis nutu penderet, adeoque salva maneret illa libertatis in utramque partem flexibilis indifferentia: nunc vero post ruinam tale est, ut faciat annuere, & insuere, & velle voluntatem. De Gratia Christi salvatoris lib. 2. c. 4.

VIII. Quibus conformiter toto opere docet præcipuum hoc esse discrimen inter gratiam primæ Adæ & secundæ Adæ, quod illa dabat operari bonum, si homo vellet: hæc dat insuper ut velit. Illa subjecta fuerat nutui & potestativo dominio voluntatis: hæc suo nutui & dominio voluntatem subiecit. Illa pedisæquali obsequio ductum voluntatis sequebatur: hæc imperioso principatu voluntatem trahit quasi pedisæquam. Illa superabiliter & declinabiliter voluntatem præeuntem comitabatur: hæc insuperabiliter & indeclinabiliter voluntatem subsequenter ducit & agit.

IX. Verum quamquam hac in parte Janfenius multos sectatores habeat, eos nempe qui singulari modo se discipulos Augustini vocant, hæc tamen illius doctrina rejicitur à maxima Scholæ Romanæ parte: eique palam repugnant, tam qui Molinæ Jesuitæ Methodum & doctrinam sequuntur, quam qui recentiores Thomistæ appellantur. Nam priores illi volunt gratiam Christi, non minus quam gratiam primo homini nondum lapsò collatam, sic in potestate voluntatis esse, ut pro innata libertate, illa uti, vel non uti possit, & re ipsa sæpe non utatur: adeoque à libero arbitrio pendere, ut gratia Christi sit efficax, vel non efficax; & effectum suum in hominis conversione obtrineat, vel non obtrineat.

X. Contra vero qui dicuntur Thomistæ recentiores, putant gratiam prædeterminantem, & voluntatem ad bonum efficaciter applicantem ab innocentie statu non fuisse alienam. Et Adam, si quid boni ante peccatum egit, ut egit, proculdubio, illud egisse vi cuiusdam gratiæ Physicæ voluntatem illius prædeterminantis, eique non tantum boni facultatem largientis, sed illam efficaciter ad bonum præmoventis; sine qua efficaci Dei præmotione, voluntas hominis in nullo ejus statu, juxta ipsorum principia, ad bonum ferri potest.

XI. Porro gratia quæ per Christum homini corrupto confertur, communiter in Scholâ Romana distingui solet, in gratiam quam vocant *gratis datam*; & in gratiam *gratum facientem*. Quæ partitio, ex Doctorem Scholæ istius mente, sic accipiendi non est, quasi aliqua sit gratia non gratis data; nam quam vocant gratum facientem agnoscunt etiam esse gratuito donatam: Sed quod alibi sæpe fit, uni speciei quæ proprio nomine caret, relinquunt nomen generis; ut monet Bellarminus loco supra citato.

XII. Igitur

XII. Igitur gratia gratis data ipsis est donum supernaturale, absque ullo debito; ad aliorum spirituales salutem præcipue collatum. Gratia vero gratum faciens donum supernaturale, absque ullo debito, ad propriam uniuscujusque salutem spirituales potissimum datum. Licet enim commune sit gratia gratis datæ cum gratia gratum faciente, ut tam propria quam alienæ saluti conducant: tamen illud interest, quod gratia gratum faciens datur potissimum ad propriam salutem illius qui accipit; secundario vero ad salutem aliorum: nimirum ut nos ipsi primum sancti iustique efficiamur, deinde cæteri videant opera nostra bona, & glorificent Patrem nostrum qui in cœlis est. Contra vero gratia gratis data alienam salutem spectat præcipue. Constat enim iis donis quæ directe & per se, ad salutem ejus in quo sunt, non conducunt; sed multum juvant ad alios ad poenitentiam & fidem adducendos.

XIII. Itaque ad gratiam gratis datam pertinent sermo scientiæ, sermo sapientiæ, donum prophetiæ, discretio spirituum, generalium, operatio virtutum, gratia sanitatum, & plura ejusmodi quæ Apostolus enumerat capite duodecimo prioris ad Corinthios, inter quæ dona quædam sunt, ex quibus beneficia corporalia consequuntur, ut bona valetudo, ex gratia sanitatum; sed quia præcipuus atque ultimus finis omnis gratiæ gratis datæ est salus animæ sempiterna, idcirco omnem ejusmodi gratiam, ad aliorum salutem spirituales conferri in superius allata definitione dictum est.

XIV. Sub gratia vero gratum faciente comprehendunt ea omnia in quibus aliqua pars, vel initium salutis & justitiæ consistit; & quæ hominem vel Deo gratum & amicum reddunt, vel ad reconciliationem & amicitiam cum Deo disponunt, & ad hoc per se dirigunt. In quo genere sunt fides, spes, bona voluntas, imo quæcumque fidei, & bonæ voluntatis initium, poenitentia, remissio peccatorum, charitas, justitia, bona opera, virtutes earumque augmenta, perseverantia, ac denique vita æterna, ad quam, tanquam ad gratiam consummatam, priora illa Dei beneficia destinantur. Et de qua dicit Apostolus Rom. 6. *Gratia Dei, vita æterna.* Ut videre est apud Estium in 2. sentent. dist. 26. paragr. 1.

XV. Porro gratiam illam gratum facientem vocant, quia aliquid in homine ponit quod Deo placet, eique probatur, & hominem, quadantenus saltem, & aliquo respectu, Deo gratum & placentem reddit. Neque tamen eorum mens est, gratiam illam quam in homine ponunt, & gratum facientem vocant, omnem divinæ dilectionis actum erga nos prævenire, & esse propriæ causæ amoris quo Deus hominem prosequitur. Nam docent gratiam illam esse simul divini amoris effectum & objectum. Procedit enim ab illo amore, quo Deus homini bene vult: cum sit maximum bonum quod Deus homini conferat: & eatenus est amore divino posterior. Sed simul est aliquid Deo maxime placens, & cujus respectu homo non potest non esse Deo gratus: & eatenus est objectum divini amoris, & divinam erga nos dilectionem aliqua ratione præcedit.

XVI. Cæterum gratiam gratum facientem Schola Romana dividit in gratiam actualem, & gratiam habitualement, seu quod pene eodem recidit, in gratiam *permanentem*, & gratiam *Auxilii specialis*, ut mavult loqui Bellarm. lib. 1. de Gratia & libero Arbitrio cap. 2. Et revera discrimen aliquod notari potest inter gratiam actualem, & inter gratiam istam auxilii specialis. Nam per gratiam quæ dicitur auxilii specialis, non ipsæ bonæ actiones nostræ, sed potius eorum quoddam principium significatur: bona vero nostra opera sunt gratia quædam actualis, & sub ea comprehenduntur.

XVII. Verum hæc divisio, quanquam communiter recepta, à non nemine tamen improbata est. Nam quod sit aliqua Dei Actualis in homine gratia, à nullo quidem inter Theologos Ecclesiæ Romanæ unquam dubitatum fuit. At vero secus est de gratia habituali. Agnoscunt enim Doctores Scholastici, in Ecclesiâ Romana rem non fuisse antehac ita certam, & videri solum definitam esse in Concilio Viennensi sub Clemente V. & in Synodo Tridentina superiori sæculo: prius vero fuisse aliquatenus, dubium atque problematicum, An daretur aliqua gratia habitualis.

XVIII. Ecce Albertus Pighius Doctor non incelebris, paulo ante tempora Concilii Tridentini, ausus est hac in parte communi sententiæ Scholæ Romanæ sese opponere. Hæc enim, referente Bellarmino, sunt illius verba libro quinto de Libero Arbitrio. *Gratiæ acceptionem variam, non ex Scholis, sed ex divinis scripturis petemus. Quandoquidem in illis ferè imaginantur qualitatem aliquam increatam animæ nostræ à Deo; vel eandem cum charitatis habitu, vel distin-*
flam

istam ab eodem. *Quæ commentitia universa existimo, nec ex scripturis ullam auctoritatem habere.*

XIX. Et quamquam hodie nullus est post Concilium Tridentinum, qui Pighium sequatur; & sententia ejus communiter damnetur, saltem ut valde temeraria: nihilominus adhuc inter se disputant Scholæ Romanæ Theologi *An de fide sit dari gratiam habituale*, & an Concilia prædicta intenderint rem illam, tanquam de fide definire. Quod post Concilium Tridentinum, negavit Dominicus Soto Doctor insignis, qui illi interfuit. Licet communiter alii sentiant probabilius esse quod dogma istud sit de fide.

XX. Jam autem sub gratia habituali comprehendunt omnes habitus virtutum infusos, ac præsertim gratiam illam in qua consistere volunt justitiam per quam formaliter coram Deo justificamur: quæ ab iis dicitur *Gratia justificans*, & plerumque Gratia simpliciter & sine addito: & ad quam in communi usu, gratiæ gratum facientis nomen restringi solet.

XXI. Etenim sciendum est apud scriptores Ecclesiæ Romanæ, gratiam gratum facientem ordinariè sumi sensu longe strictiore, quam sumitur in modo allata divisione. Juxta quam ita opponitur gratiæ gratis datæ, ut sub se comprehendat omne donum internum, quod per se salutem accipientis juvat, atque ad eam dirigitur. Nam per gratiam gratum facientem intelligunt habitum & qualitatem quandam, per quam homo propriè & formaliter justus constituitur, adeoque simpliciter Deo gratus & amicus. De qua gratia multas inter se versant quæstiones, quarum hæc præcipua est, An gratia ista sit habitus aliquis à charitate distinctus, an vero omnino idem cum charitate.

XXII. Et quidem Thomas Scholæ Romanæ princeps, & alii plurimi docent gratiam illam justificantem & gratum facientem esse qualitatem quandam realiter distinctam à charitate, & reliquis omnibus habitibus virtutum. Quippe volunt gratiæ subiectum esse ipsam animæ substantiam, in qua immediatè sedem suam habeat: charitatis autem, & aliarum virtutum subiectum esse animæ potentias, mentem, scilicet, atque voluntatem. Existimant enim ita se habere gratiam ad virtutes infusas, quemadmodum se habet anima ad suas potentias. Et sicut anima dat esse naturale corpori; ex ipsa autem potentia fluunt, quæ sunt animæ instrumenta: sic etiam gratiam, de qua jam quæstio est, dare animæ esse quoddam supernaturale: ex ipsa vero quodammodo fluere habitus virtutum infusarum, quæ sunt principia proxima operationis supernaturalis.

XXIII. Nonnulli contra, ut Durandus, nihil omnino interesse volunt inter gratiam, & charitatem: ac nequidem ratione, sed solo nomine distingui affirmant. Neque magis distinctas esse charitatem & gratiam, quam esse charum & gratum. Gratiam enim dicunt, quia per illam homo fit Deo gratus: charitatem vero, quoniam per illam homo redditur Deo charus.

XXIV. Sed alii magno numero mediam quodammodo viam insunt. Dicunt enim gratiam & charitatem neque omnino esse indistinctas, neque tamen reipla, sed solum ratione distingui. Nimirum hæc est eorum sententia, unum atque eundem habitum, qua parte subiectum respicit, atque hominem ipsum in quo inest exornat, Deoq; gratum & amabilem reddit, gratiam nominari: qua parte vero respicit opus, & voluntatem promptam efficit ad Deum super omnia diligendum, illum propriè dici charitatem. Quæ sententia est Bellarmini lib. 1. de Gratia & lib. Arbitrio cap. 6.

XXV. Quod attinet ad gratiam actuale, sive ut loquitur Bellarminus, gratiam Auxilii specialis, ut quid eo nomine delignent intelligatur, notandum est primo auxilia quibus Deus hominem in agendo adjuvat, in Scholis distingui solere in *interna*, & *externa*. Externa sunt occasiones & opportunitates agendi, exempla, consilia, præcepta, hortationes, & plura quæ singula persequi longum esset: interna in quibusdam animi motibus consistunt. Auxilia externa non pertinent ad gratiam illam de qua jam quæstio est, sed ad interna restringitur.

XXVI. Rursus illud Dei auxilium internum, quo homines in agendo egent, Scholæ Romana distinguit in *Generale* & in *speciale*. Auxilium generale vocant, illud quo Deus cum omnibus creaturis concurrat, & in agendo iis cooperatur, sive bene, sive etiam male agant: sive ea quæ faciunt sint intra naturæ vires atque modum, sive naturam quadantenus superent. Nam juxta communem Scholæ Romanæ sensum, in ipsis malis actibus quod positivum est bonum est, nec fieri nisi Deo cooperante potest. Auxilium vero speciale dicitur, quod non datur à Deo, nisi ad actus bonos, & qui vires naturæ excedunt. Ac proinde gratia auxilii specialis à Bellarmino definitur,

definitur, *Motio Dei qua homo ad operationes, quae naturam suam aliquo modo superant, adjuvatur.*

XXVII. Observat autem ille operationem aliquam tribus modis naturae vires superare posse. Primo simpliciter & absolute. Ut si operatio ex suo genere sit ordinis altioris quam sint res naturales. Quales sunt actus virtutum Theologicarum fidei, spei, & charitatis, quae non acquiruntur per iteratos & frequentatos actus, sed divinitus in animam infunduntur. Secundo non simpliciter, sed ratione status peccati; quoniam homo per peccatum debilitatus multa non potest sine tali auxilio facile efficere. Tertio ratione modi, loci, temporis, aut alterius cujuscunque circumstantiae: quoniam contingere potest, ut id quod neque ex genere suo, neque ratione status, vires naturae superat, easdem tamen superet ratione circumstantiae. Ita, inquit, poterit homo justus preceptum aliquod Decalogi facile adimplere, si nulla extrinsecus diabolica tentatio accedat. Si vero ejusmodi tentatio accedat, sine speciali auxilio id facere non poterit.

XXVIII. Itaque ad gratiam actualem pertinent, ex doctorum Scholae Romanae sententia, omnes boni & salutes motus, quos in animis nostris Deus excitat. Qui motus & Dei sunt, quoniam ab eo procedunt: ut nostri quoque, quoniam sunt actiones vitales, à facultatibus nostris, Deo speciali modo movente, elicitur.

XXIX. Boni autem illi motus, vel intellectum spectant, quales sunt internae illuminationes & cogitationes pie à Deo immixtae, ac uno verbo quaelibet illustrationes & inspirationes, quibus mens in veritatis salutiferæ notitiam ducitur: vel voluntatem, ut pia desideria & salutes motus atque affectus, quibus immediate voluntas afficitur.

XXX. Rursus autem Gregorius de Valentia, clarioris doctrinae causa, motus qui ad actualem gratiam reducuntur, in duo genera distinguit. Unum, inquit, continetur iis motibus, quibus Deus mentis nostras excitat, vocat, & invitat, ut ad ipsum per fidem, spem, charitatem, penitentiam, & hujusmodi actiones convertantur. Alterum continetur his motibus, seu actionibus, quibus Deus excitant, vocant, & invitanti respondemus, & aperimus mentis nostrae januam, quum ad eum convertimur. Tomo 2. Disput. 8. quaestione 3. puncto 2.

XXXI. Prioris generis motus, juxta ipsum, sunt indeliberati, & physice tantum non libere à facultatibus nostris elicit: posterioris vero liberi sunt & deliberati. Ad prius genus pertinent pie cogitationes & pia desideria, absque nostro consensu immediate à Deo immixta: ad posterius vero, omnes virtutum Christianarum actus, quos Dei gratia juvante eliciunt.

XXXII. Præterea gratia auxilii specialis, sive, ut aliis dicitur, actualis, dividi solet in gratiam excitantem, & gratiam adjuvantem; seu, ut loquitur Bellarminus, in auxilium excitans, & auxilium adjuvans. Quæ distinctio non eodem modo à Theologis Scholae Romanae exponitur. Bellarminus, & omnes cum eo Jesuitæ, alique plurimi, ad gratiam excitantem, quam vocantem etiam appellant, dicunt pertinere divinas illuminationes, & inspirationes, quibus Deus cor nostrum pulsât, ut à somno peccati, vel negligentiae in bonis operibus excitemur. Ad gratiam autem adjuvantem, seu auxilii adjuvantis, spectare divinam cooperationem, directionem, & protectionem, quibus juvamus, tum ut eligamus, tum ut faciamus quod Deus præveniens inspiravit. Juxta illud Apoc. 3. Ecce sto ad ostium & pulso, si quis audierit vocem meam, intrabo ad illum, &c. Quæ sunt verba Bellarmini lib. 1. de lib. Arbitrio cap. 2.

XXXIII. Atque eodem recidit expositio Gregorii de Valentia. Nam gratiam vocantem, seu excitantem, inquit, appellant Theologi divinas quasdam inspirationes, seu motus quasdam divinitus in mente hominis excitatos, quibus Deus hominem ad se allicit & invitat, & ad actiones pias atque salutes movet, ut fidei, spei, charitatis, & penitentiae actibus convertatur. Gratiam autem adjuvantem appellant, Dei dona & beneficia, quibus Deus hominem divinae vocationi & excitationi consentientem adjuvat, tum in eo ipso quod consentit & convertitur, tum in aliis actionibus pietatis, per quas contenditur ad beatitudinem. Itaque ad hanc gratiam adjuvantem in primis pertinet quod Deus peculiari concursu cum homine cooperatur ad conversionem, id est, ad credendum, sperandum, diligendum, penitentiam, &c. Item quod hominem singulari cura & providentia custodit, & protegit à malo, & dirigit atque stimulat ad bonum, & ei variis inspirationibus, ad vincendas tentationes, & ad observanda mandata robur praebeat. Tom. 2. disput. 8. quaest. 3. punct. 3.

XXXIV. Igitur, ex mente Doctorum istorum, Gratia excitans consistit in mentis quadam illuminatione, & piis quibusdam cogitationibus, affectibus & desideriis, in hominum animis, non expectato illorum consensu, immediate à Deo excitatis. Ad quæ promptè mens & voluntas hominis physice quidem concurrunt, quoniam sunt actus

vitales,

vitales, à facultatibus illis profluente, sed tamen non libere: quia sunt actus indeliberati, qui mentis consultationem, & electionem voluntatis præveniunt.

XXXV. Gratia vero adjuvans, ex eorundem Doctorem sententia, præcipue consistit in dono & auxilio quodam ordinis supernaturalis, quo voluntas elevatur, & juvatur ad eliciendos actus, qui naturales ejus vires superant. Quod auxilium voluntatem movet physicè atque effectivè: sed tamen non concurret ad opus supernaturale prius natura, quam liberum arbitrium: neque se habet propriè, ut causa totalis, respectu actus supernaturalis, sed ut causa partialis duntaxat.

XXXVI. Qui autem distinctius enumerant ea in quibus gratia illa excitans consistit, ad eam referunt, primo internam quandam auditionem, & præconceptionem veritatum fidei, quæ assensum antecedit. Deinde coruscationes quasdam divinas, quibus ita derepente percellitur mens nostra, ut nova quadam & inusitata luce experiamur nos cognoscere & intueri magnitudinem & dignitatem rerum divinarum; aut etiam foeditatem peccatorum, & exiguitatem rerum humanarum, & alia ejusmodi, quæ attentius animadversa, atque considerata, vehementer hominem movent, ut ad Deum se totum convertat.

XXXVII. In hoc genere quoque ponunt interiorem quandam delectationem in voluntate, ex ejusmodi illustrationibus sequi solitam. Et præterea varios motus qui divinitus excitantur in appetitu: qualia sunt amor, timor, spes, dolor, & confusio, & similes affectiones, quibus trahitur, & inclinatur interdum ratio superior, ut virtutem legetur, & declinet vitia.

XXXVIII. Imo quanquam auxilium illud speciale, quod in excitans & adjuvans dividunt, in internis animi motibus, ut dictum est, propriè consistat; multi tamen ad gratiam excitantem revocant etiam externa quædam: ut sunt occasiones & opportunitates, quas divina providentia suppeditat homini, ut in eo excitentur hujusmodi motus, tam in intellectu, quam in appetitu. Cujusmodi sunt infirmitas, pericula, boni focii, adversitates, & alii varii eventus: sicut videre est apud Gregorium de Valentia loco modo citato. Et similiter Alvarès notat gratiam excitantem comprehendere excitationem, tum externam, quæ fit per creaturas & signa sensibilia; tum etiam internam, quæ fit à Deo immediate, quum immittit pias cogitationes, & proponit ea quæ inducere possunt liberum arbitrium ad actum fidei & charitatis, & alias supernaturales operationes. *De auxiliis divine gratie lib. 8. disp. 75.*

XXXIX. Verum alii Scholæ Romanæ Theologi distinctionem gratiæ in excitantem atque adjuvantem diverso plane modo exponunt atque intelligunt. Patet enim ex dictis, juxta priores illos, gratiam excitantem esse, per quam homo excitatur & sollicitatur ad bonum, licet illud nondum velit: adjuvantem autem esse, per quam homo adjuvatur ut velit, ac deinde faciat. Quo referunt illud Apocalypicos, *Ecce ego sto ad ostium & pulso, si quis audierit vocem meam, & aperuerit mihi januam, intrabo ad illum, &c.* Sed posteriores isti de quibus jam agimus, locum illum de gratia excitante non exponendum esse censent. Dicunt enim non esse idem pulsare & excitare. Quoniam multis adhibetur pulsatio, tum per externum ministerium prædicationis, exhortationis & increpationis, tum per internas illustrationes & inspirationes, qui tamen à somno peccati, vel negligentiae non excitantur, neque evigilant, sed consopiti manent, qui proinde nondum dici possunt excitantem gratiam habere. Quemadmodum & iis accidit, qui corporis somno continentur, ut pulsatione adhibita, non tamen statim expergiscantur.

XL. Igitur per gratiam excitantem intelligunt illam qua homini peccatori, aut à bono opere cessanti, & tanquam quodam sopore depresso, ita immittitur cogitatio, desiderium, & voluntas boni operis, ut jam verè excitatus à somno peccati, aut negligentiae bonorum operum dici possit. Gratiam vero adjuvantem vocant illam qua is qui jam est excitatus adjuvatur, ut perfectius velit quod jam velle incepit: utque perficiat quod jam voluit. *Excitat enim, inquit, gratia ut velimus, adjuvat ut faciamus. Excitantis gratia est velle; adjuvantis facere atque perficere.* Quæ interpretatio est Gulielmi Estii in lib. 2. sentent. distinct. 26. paragr. undecimo.

XLI. Eodem modo istam gratiæ partitionem in excitantem atque adjuvantem explicat Jansenius Episcopus Iprensis, de gratia Christi salvatoris libro quarto capite decimo sexto. *Quemadmodum, inquit, hac proprie vocatur Excitans, qua bonum voluntatis motum in potentia voluntatis excitat, ubi non erat nisi malus, vel qua excitat potentiam voluntatis mortuam sepitamque Deo, ut accepto bene volendi motu, incipiat vivere & vigilare; ita Adjuvans illa proprie ab Augustina & Patribus vocatur, qua jam excitato*
Uuu
acceptoque

acceptoque bona voluntatis motu, hominem jam volentem conantemque adjuvat, ut vel efficiat quod voluerit, vel ut fortius velit quod velle cepit, carnisque concupiscentiam accepta voluntati pertinacissime resistentem superet. Quod ut clarius explicet, in præcedentibus docet, in ista divisione excitationem gratiæ non tam esse quamlibet provocationem, vel incitationem ad actum, quam primam suscitationem, seu excitationem, sive emicationem sopitiæ, mortuæ extinctæque volitionis bonæ.

XLII. In Scholis quoque Romanis trita & celeberrima est gratiæ divisio in *Operantem*, & *Cooperantem*. Quæ sumpta est ex verbis Augustini, in libro de Gratia & libero Arbitrio capite decimo septimo. *Ipse*, inquit, *ut velimus operatur incipiens, qui volentibus cooperatur perficiens*. Et paulo post, *ut velimus*, inquit, *sine nobis operatur*. *Quum autem volumus, & sic volumus, ut faciamus, nobiscum cooperatur*. Adeoque juxta communem & consulam quandam notionem, Gratia Operans dicitur, quæ sola sine nobis operatur. Cooperans vero, quæ non operatur sine nobis, sed cum cooperatur.

XLIII. Sed non convenit inter Theologos Ecclesiæ Romanæ, quæ sit illa gratia quæ sine nobis operatur: & etiam quæ sit illa quæ nobis cooperatur, & quomodo, & quatenus illi cooperemur. Vetusiores Scholastici, testante Bellarmino, gratiam Operantem vocant ipsam habitum gratiæ, ut formaliter nos justos & gratos Deo reddit, Id enim Deus in nobis, sine nobis facit. Gratiam cooperantem esse voluit eundem habitum, ut operis meritorii principium est. Quum enim bona opera facimus, non sola gratia operatur in nobis: sed & nos ipsi verè cooperamur.

XLIV. Verum hodierni plerique Ecclesiæ Romanæ Doctores, per gratiam operantem intelligunt, eam per quam in nobis producuntur illi animi motus, qui sunt indeliberati, & a libero consensu voluntatis nostræ non pendent. Quales sunt piæ cogitationes, & mentis illustrationes, & etiam pia quædam desideria, quibus a Deo moveamur atque sollicitamur ad fidem & conversionem.

XLV. Ac movent hanc gratiam rectè dici in nobis, sine nobis operari, non quod mens & voluntas nostra mere passivè se habeant ad motus illos quos in nobis producit: Cum enim sint motus vitales, à potentia vitali, inquirunt, efficienter procedere debent: sed quia per illam Deus in nobis operatur, sine nobis moraliter, seu liberè concurrentibus; licet non sine nobis Physicè operantibus. Non enim, ut aiunt, illæ actiones nobis tribui solent, quæ sunt sine libertate, quæque dicuntur actiones hominis; sed eæ duntaxat ad quas nos liberè determinamus, & quæ propriè actiones humanæ appellantur.

XLVI. Consequenter autem per gratiam cooperantem intelligunt illam quæ in nobis producit liberum illum voluntatis consensum, quo vocationi divinæ obsequimur, alioque deinceps voluntatis nostræ actus, quibus in bono pergitur, magisque ac magis ad Deum convertimur. Illam vero vocari dicunt non operantem, sed cooperantem, quoniam liberè cum ea concurrimus; nec actus illi qui ei tribuuntur, à sola gratia procedunt, sed etiam à nostro libero Arbitrio.

XLVII. Itaque quod dicit Augustinus gratiam sine nobis operari ut *Velimus*, intelligunt de actu voluntatis indeliberato, & de imperfecto quodam desiderio. Quod autem addit, *Quum Volumus* nobiscum cooperatur intelligunt de actu voluntatis consummato, & de electione perfecta & deliberata. Et sic gratiam operantem & cooperantem exponunt communiter hodiè Jesuitæ, & plurimi Doctores Ecclesiæ Romanæ, qui à partibus eorum stant contra Dominicanos & Thomistas recentiores. Ut videre est apud Becanum libello de Auxiliis Gratiae juxta Catholicos, qui liber est inter ejus opuscula. Et Petrum à sancto Joseph in Idea Theologiæ speculativæ, lib. 4. cap. 6. Resolutione 4.

XLVIII. Quibus consentanea docet Gabriel Vasquez, nempe gratiam operantem esse ipsam sanctam cogitationem, quæ est ante consensum, atque eodem modo motum voluntatis subitum, sine nostra libertate ex pia illa cogitatione ortum, quo deterremur à malo & ad bonum provocamur: gratiam vero cooperantem esse in consensu libero, in quo jam meritum aliquod reperitur, sive vitæ æternæ condignum, sive impetratorium alicujus doni. Deum enim in nobis sine nobis operari sanctam cogitationem, & primum motum voluntatis non deliberatum, quæ duo sunt initium bonæ operationis & salutis nostræ: at consensum ipsum, quem huic vocationi præbemus, Deum operari nobiscum. in 1. Thom. 10. 1. Disput. 88. cap. 6. num. 20.

XLIX. Caterum Andreas Vega, inter Doctores illos qui Concilio Tridentino interfuerunt non parum celebris, eadem quidem, quæ jam dicti Doctores, ad gratiam operantem refert, nempe sanctam cogitationem & primum motum voluntatis, quo homo subito

subito movetur ad bonum. Sed censet alia de causa Deum dici ista in nobis *sine nobis* operari. Nimirum quia ad istius motus, & sanctæ istius cogitationis productionem, Deus solus physice operatur, homo autem passive omnino se habet; In eo siquidem hominem non solum non agere liberè, sed nequidem physice actionem ullam elicere. Quod autem istum Doctorem impulit ut ita sentiret, illud est, quod cum Scholasticis illis, qui Nominales appellantur, existimavit in homine à solo Deo efficiente posse produci intellectionem, & volitionem aliquam, intellectu & voluntate omnino patiente, nec agente ullo modo, etiam illa qualitate homo informatus intelligere & velle dicitur: quia licet ista grammaticè ut actiones hominis exprimantur, non sunt tamen revera, in eo casu, actiones & productiones mentis & voluntatis, sed solum qualitates, quæ suo effectui formali reddunt hominem intelligentem & volentem, quæ de re videndus Vasquez disputationis modo citatæ cap. 3.

L. At vero sunt alii qui per gratiam operantem designari putant eam, quæ efficit in homine primum actum deliberatæ voluntatis: qualis est conversio, sive ab infidelitate ad fidem, sive à peccatis cæteris ad poenitentiam. Per gratiam vero cooperantem intelligunt illam quæ efficit consequentes actus voluntatis: quales sunt velle orare, velle bona opera facere, & alii similes. Ita ut gratia operans nihil sit aliud quam auxilium speciale efficacis respectu primi actus voluntatis: gratia vero cooperans sit auxilium speciale efficacis quoque, respectu actuum sequentium.

LI. Hæc est sententia Bellarmini, qui pertendit merito posse dici Deum operari in nobis, *sine nobis*, primum illud *Velle* deliberatum, quo ad Deum convertimur: licet non tantum physice, sed etiam liberè à voluntate nostra elicatur. Nam, inquit, si consideremus causam efficientem illius actus, ea non solum est Deus per auxilium speciale, sed etiam voluntas per liberum arbitrium; & hoc modo Deus illum operatur non *sine nobis*. At si consideremus causam ejusdem actus moralem, id est, causam suadendo, hortando, consulendo, ea solus est Deus. Non enim ipsa se voluntas impellit suadendo, & hortando, ut velit quod non vult; sed Deus per inspirationes suas intrinsece anima loquens, ei suadet, & persuadet ut velit. Igitur, juxta illum, gratia operans est, quæ prævenit conatum & industriam nostram, & operatur ut velimus quod antea volebamus, sine nobis operantibus ut velimus; non tamen sine nobis libere consentientibus, dum volumus.

LII. Gratia autem illa quæ requiritur ad reliquos actus voluntatis, post primum, ex ejus sententia, dicitur cooperans, quoniam postea quam coepimus converti ad Deum, jam nos ipsi non tantum per liberum arbitrium producimus, Deo juvante, reliquos actus; sed etiam nos incitamus & impellimus, Deo cooperante, ad eos. Itaque, inquit, gratia operans est quæ facit nos velle credere; quia id in nobis fit, sine nobis petentibus, ac multo minus laborantibus & conantibus: Et gratia cooperans, quæ facit nos velle orare, jejunare, & elemosinas dare: quia id non fit nisi conatu, & industria nostra cooperante. Unde colligit Deum non operari velle nostrum *sine nobis*; sed tantum operari ut velimus *sine nobis*: quoniam scilicet, Deo cooperamur volendo, id est, liberè producendo actum volendi; sed non cooperamur faciendo ut velimus. Quia non ipsi nos movemus & incitamus ad volendum: sed ipse solus interna inspiratione nos movet atque impellit.

LIII. Eodem recidit quod docet Estius, Gratiam operantem vulgo dici in nobis *sine nobis* operari, quoniam primus conversionis actus, seu primus bonus voluntatis motus, qui ejus gratiæ effectus est, à voluntate quidem est, tanquam à principio activo & libero; sed tamen Deus illum per gratiam suam operatur, sine prævio in nobis alio motu voluntatis, quo ad primum illum motum conemur; aut aspiremus, aut quo voluntas eum sibi imperet. Quippe cum interdum homini, etiam valde repugnanti, inspiretur bonus affectus voluntatis, ut in Paulo contigit. Cujus conversio, quantum attinet ad mutationem illam ex malo in bonum factam per gratiam operantem, forma est & exemplar conversionis omnium peccatorum. Quoniam per Dei gratiam ex averfis convertuntur, & ex nolentibus volentes redduntur. Reliquos vero voluntatis actus, qui primum illum consequuntur, & quibus Deo pergimus adherere, gratia Dei quidem operatur quoque in nobis; sed tamen voluntas nostra ad Deum jam conversâ, non solum illos liberè producit, verum etiam per alios anteriores actus sibi imperat. Et ita modo quodam singulari cooperatur divinæ gratiæ, quæ propterea hoc respectu dicitur cooperans. In 2. Sentent. Dist. 26. Sect. 11.

LIV. Non dissimili modo Gratiam operantem & cooperantem explicat Janfenius Episcopus Irenensis. Gratia, inquit, operans est illa quæ sola sine studio, sine oratione, sine merito hominis præcedente, voluntatem, seu velle operatur, per quod voluntas ex mala fit bona, & ex injusta iusta. Cooperans vero quæ homini jam volenti, conantique cooperatur;

firmam illam augendo roborandoque voluntatem, ut id efficiat & perficiat quod voluerit & conatur. Ibidemque ex Augustino docet gratiam operantem esse, qua cum ante nollemus, efficitur ut velimus: cooperantem, qua quando jam actu volumus, efficitur ut fortius velimus, ita ut superando quævis obstacula, etiam reipsa faciamus. Illam operari ut quoquomodo voluntatem bonam, seu velle bonum habeamus: hanc ut illa bona voluntas augeatur & roboretur. Unde colligit cooperantem gratiam nunquam dici respectu primæ voluntatis bonæ, quando in eam erumpit potentia voluntatis, quoniam illa prima voluntas, seu volitio bona, est solius gratiæ operantis effectus, sed solum respectu bonæ voluntatis postquam homo jam velle coepit, ut illud velle perievere, augeatur, bonisque operibus velut fructibus cumuletur.

LV. Gratiæ operans igitur, ut diligenter observat, sola primam bonam voluntatem in homine efficit, non quod homo non simul in illam voluntatem, hoc est, in voluntatis motum atque consensionem influat, sed quia motum illum gratia operatur, nobis nihil ad eum habendum conferentibus, petendo, desiderando, studendo, meditando, atque ita nihil omnino boni meriti, respectu illius voluntatis, asserendo. Illud enim impossibile esse, hoc ipso quo statuitur, esse primam voluntas bona, ad quam ex mala convertitur. Vicissim vero gratia cooperans sic dicta est, quia operatur aliquid in nobis non sola, sed nobis simul cooperantibus; non per simultaneum tantum influxum, quo etiam cooperamur gratiæ operanti, sed præviæ ad effectum istius gratiæ, Volendo, credendo, desiderando, petendo, pulsando, fatagendo, adeoque etiam promerendo; ita ut ejus gratiæ cooperantis effectus sit universum primæ voluntatis illius bonæ incrementum, usque ad apicem perfectionis humanæ. *De gratia Christi salvatoris lib. 4. cap. 15.*

LVI. Ab his omnibus differt sententia Didaci Alvarés. Existimat enim ille ad quamcunque piam operationem, five sit interior, five sit exterior; five sit prima illa qua ad Deum convertimur, five quælibet alia eam sequens, semper concurrere gratiam operantem, & gratiam cooperantem. Et quidem gratiam operantem esse, per quam Deus Physicè prædeterminat voluntatem nostram ad consensum in quodvis bonum opus: cooperantem vero, per quam Deus quamlibet actionem piam nobiscum operatur. Utrumque enim necessarium esse, & ut Deus præmoveat liberum nostrum arbitrium Physicè & efficienter ad quemvis actum supernaturalem; & ut concurret cum eodem libero arbitrio, quod jam à Deo præmotum se movet ad bonum opus. Gratiæ autem operantem dici in ordine ad primum effectum, respectu cujus voluntas nostra solum se habet, ut mota: cooperantem vero, in ordine ad secundum, in quo mota se movet. Idque quoniam voluntas nostra in ordine ad motionem præviam, quæ movetur à Deo ad actus supernaturales, habet se passivè, cum talis motio non producantur activè à nostro libero arbitrio, sed solum à Deo, à quo est auxilium illud operantis gratiæ. Et rursus voluntas mota à Deo producit activè & liberè operationes supernaturales, cum gratia Dei concurrente. Ac proinde gratia Dei, priore illo respectu, operatur sine nobis: posteriore vero illi cooperamur. *De Auxiliis divine gratiæ lib. 9. Disp. 81.*

LVII. Hic autem quarunt Doctores Ecclesiæ Romanæ, quomodo Gratiæ operans distinguatur ab excitante: & gratia cooperans à gratia adjuvante. Sed ex jam dictis facile colligi potest quid ad hanc questionem, juxta uniuscujusque placita respondendum sit. Etenim illi qui, cum Vasquezio, Molina, & plerisque Jesuitis, per gratiam excitantem intelligunt tantum gratiam *Pulsantem* & *Sollicitantem*, & quidem sæpe frustra: per gratiam vero *Adjuvantem*, illam qua Deus concurret auxilio speciali cum libero arbitrio, dum gratiæ consentit, & ei obsequitur: Ac rursus per gratiam operantem, illam quæ in nobis efficit pias cogitationes, & motus ineliberatos, ad quos Physicè quidem, sed non liberè concurrimus; per cooperantem vero, illam quæ in nobis producit liberos voluntatis actus, quibus Deo vocanti & invitanti respondemus; illi, inquam, existimant gratiam operantem eandem esse cum excitante, & gratiam adjuvantem eandem cum cooperante. Nempe juxta illos, eadem gratia, & dicitur excitans, quatenus per sanctas cogitationes, & desideria pia nobis immissa nos sollicitat & excitat ad bonum; Et operans, quatenus ista in nobis operatur, sine nobis liberè concurrentibus, & consentientibus. Et similiter eadem gratia & adjuvans dicitur, quatenus nos adjuvat, dum invitanti gratiæ consentimus; Et cooperans, quatenus non operatur sine nobis liberè nostrum consensum præbentibus.

LVIII. Eodem modo gratia excitans eadem est cum operante, & gratia adjuvans eadem cum cooperante, omnibus illis, qui cum Janzenio & Estio per gratiam exci-

rantem intelligunt illam, quæ revera excitat peccatorem à somno peccati; & per adjuvantem illam qua homo adjuvatur, ut perficiat bonum quod jam velle incepit: Ac per operantem eam quæ in nobis efficit primum conversionis actum, per cooperantem eam quæ alios sequentes, ad quos non tantum libero quodam voluntatis influxu, sed etiam prævio aliquo studio & conatu nostro cooperamur.

LIX. Sed qui, cum Janenio & Estio, volunt quidem gratiam operantem dici, quæ in nobis operatur primam conversionem; & cooperantem, quæ nos movet ad bona opera quæ inde consequuntur: sed pertendunt cum Jesuitis gratiam excitantem esse, qua pullamur ut à somno vitiorum evigilemus, etiam si culpa nostra sopiti sæpe maneamus, adjuvantem vero quæ nos roborat & adjuvat, dum somnum istum revera excutimus: illi, inquam, ut Bellarminus, gratiam excitantem ab operante distinguunt, & consequenter gratiam adjuvantem à cooperante: Nam illis gratia excitans latius patet quam operans. Adeoque gratiam excitantem dividunt in sufficientem atque efficacem; Et rursus efficacem in operantem & cooperantem, ut videre est apud eundem Bellarminum libro 1. de Gratia sæpius jam citato.

LX. Similiter Alvarès gratiam excitantem distinguit ab operante: quoniam gratia excitans ipsi est gratia quædam voluntatem ad bonum moraliter tantum trahens & alliciens. Operans vero, gratia non solum moraliter, sed etiam physicè voluntatem ad bonum præmovens & prædeterminans. Adeoque, juxta ipsum, gratia excitans eadem est cum gratia sufficiente. Gratia vero operans & cooperans pertinent ad gratiam efficacem.

LXI. Sed inter Scholæ Romanæ Theologos præcipua hic controversia est de modo quo Dei gratia cum voluntate nostra cooperatur. Etenim Jesuitæ, & alii complures Scholæ Romanæ Doctores, negant gratiam adjuvantem, sive cooperantem prius natura concurrere ad opus supernaturale, quam liberum arbitrium; Et hoc ne admittant, gratiam prædeterminare liberum arbitrium. Unde, ipsorum iudicio, periret libertas voluntatis; cui, ex ista hypothese, gratia divina imposeret aliquam agendi necessitatem, quæ cum libertate consistere non posset. Sic inter alios sentit & ratiocinatur Petrus à sancto Joseph, in idea Theologiæ speculativæ, libro quarto, capite sexto, ubi sic incipit ejus tertia Resolutio, *Gratia adjuvans non concutit prius naturam ad opus supernaturale, quam liberum arbitrium.*

LXII. Contra vero pertendunt alii gratiam adjuvantem atque cooperantem, secundum causalitatis ordinem, prævenire liberum arbitrium, & prius quam illud agere: Ac quanquam simul tempore tam gratia, quam liberum arbitrium influant in piam operationem, natura tamen quodammodo priorem esse gratiæ influxum, nec ordine causalitatis cum influxu liberi arbitrii simultaneum. Hæc est sententia Didaci Alvarès in Epitome de Auxiliis divinæ gratiæ, libro tertio capite decimo nono, cujus hoc lemma est, *Quod Gratia cooperans, in quantum cooperans, sit præveniens, seu præmovens liberum arbitrium ad consensum, & non solum pariter, & simultaneè cum illo in piam operationem influens.* Idem vero caput his verbis incipit, *Ex præmissis constat, quod gratia cooperans, quatenus ab excitante distinguitur, sit præveniens liberam cooperationem arbitrii creati, non quidem prioritate temporis, sed rationis dumtaxat & causalitatis.*

LXIII. Neque propterea quicquam præjudicari putant libertati voluntatis humanæ; quoniam gratia Dei sic movet & determinat liberum arbitrium creatum ad agendum, ut ab eo non tollat potestatem aliter agendi: ita ut posita gratia, agat quidem infallibiliter, sed semper in sensu diviso potens sit non agere, aut aliter agere.

LXIV. Præterea qui Molinæ Jesuitæ Methodum & doctrinam sequuntur, docent gratiam adjuvantem, sive cooperantem, non se habere propriè ut causam totalem, respectu actus supernaturalis, sed ut causam partialem dumtaxat. Et hoc quia gratia adjuvans, ex eorum sententia, non producit actum supernaturalem, nisi dependenter à libero Arbitrio.

LXV. Admittunt quidem totum actum supernaturalem à gratia pendere: verum addunt illum non pendere ab ea totaliter, sed partialiter tantum: quia gratia, scilicet, nequit illum producere, nisi dependenter à concursu voluntatis. Ac proinde gratiam posse quidem dici causam totalem actus boni totalitè effectus, sed non totalitè causæ, de qua hic agitur: quoniam totus quidem effectus à gratia pendet, sed tamen ut à causa quæ illum non producit sine alia causa concurrente, & simul cum ea agente. Unde est quod comparant gratiam & liberum arbitrium duobus equis currum eundem simul trahentibus, quorum neuter altero prius agit, & alterum movet ad agendum, & qui tractionis illius sunt causæ tantum partiales: licet tota tractio dici possit, ab equis singulis

singulis dependere, quia singuli ad totam tractionem aliquid conferunt.

LXVI. Itaque ex eorum mente, gratia adjuvans ut sic & praevis considerata, non movet hominem ad agendum, sed illum juvat in actuali operatione. Gratia excitans vero, etsi hominem moveat ad agendum, non tamen illi imponit agendi necessitatem; sed illi suas partes relinquit, ut se nimirum determinet ad opus pium, cum aliqui possit ab eo abstinere, si velit, & aliter se determinare. Unde nec illa dici debet causa totalis, sive adaequata bonae operationis, ut videre est apud eundem Petrum à sancto Joseph loco supra citato.

LXVII. Contra vero Estius & Thomistae recentiores docent gratiam Dei ita esse totalem causam boni operis, ut quicquid est in opere boni totum faciat, & totum opus sit gratiae divinae ascribendum, tanquam causae totali, non solum tanquam partiali.

LXVIII. Sed quamvis absolute & proprie loquendo, asserant totum bonum opus esse à gratia Dei, nihilominus docent idem bonum opus totum esse à libero etiam arbitrio. Quia nihil prohibet aliquid totum esse à duabus causis, quarum una sit alteri subordinata: sic nimirum ut inferior causa omnem suam operandi virtutem, omnemque motum accipiat à superiore. Atque hoc docent perpetuum esse in causa prima, & causa secunda; qualiscunque demum sit causa secunda, sive liberè agat, sive naturaliter, quia, scilicet, necessarium est, ut quicquid fit à causa secunda referatur ad primam: Nec ullo modo potest in his admitti partitio operum: ut aliquid ulla sui parte existimetur fieri à causa secunda, quod non etiam totum, & omni parte fiat à causa prima applicante causam secundam ad omnem suam operationem.

LXIX. Dicunt igitur totum bonum simul & individuo opere peragi à gratia & libero arbitrio: nec esse distinctum quod est ex libero arbitrio, & quod est ex gratia; quia non est distinctum quod est ex causa prima, & quod est ex causa secunda. Sed inter utrumque agens docent illud esse discrimen, quod liberum arbitrium, sicut suum esse habet à Deo, ita & totum hoc quod bene operatur habet à gratia Dei, in ipso, & per ipsum operantis: non autem contra, vel in totum, vel ex parte, Deus in eo quod operatur, dependet à libero hominis arbitrio. Facit enim Deus ut homo faciat, non autem facit homo ut Deus faciat. Quae eadem ratio est in omni opere, seu actione, quae fit à quacunque causa secunda. Adeoque juxta hos Doctores, gratia divina, & liberum arbitrium non cooperantur ut causae partiales, quae in agendo pendeant ab invicem, sed ut causae totales atque subordinatae, quarum inferior pendet & movetur à superiore, non contra. Ut latius videre est apud eundem Estium in 2. sentent. distinct. 26. paragr. 29.

LXX. Porro cum jam allatis gratiae divisionibus coincidunt aliae quaedam, quae parum aut nihil ab iis differunt. Ut quum gratia dividitur in gratiam *prævenientem* & in gratiam *subsequentem*: & in *ducentem* atque *comitantem*. Nam per gratiam ducentem atque prævenientem Theologi intelligunt illam eandem quam excitantem & operantem vocant: & per gratiam comitantem sive subsequentem, illam quae alias dicitur adjuvans, sive cooperans. Etenim illa gratia quae nos ad bonum excitat, & eatenus in nobis sine nobis operatur, eadem nos quoque prævenit: quae vero nos adjuvat in actuali operatione, nobisque cooperatur, eadem voluntates nostras in bene agendo censetur comitari, & priorem illam gratiam subsequitur. Nonnulli tamen quaedam subtilia discrimina inter hasce gratiae divisiones quaerunt, sed quae referre & commemorare non multum facit ad nostrum institutum. Quod potissimum hic considerandum restat, est celebris illa gratiae divisio in *sufficientem* atque *efficacem*: sed quia accurata ejus expositio res est longioris disquisitionis, in proximam disputationem illam differre visum est.

THESES THEOLOGICÆ

In quibus exponuntur

Variæ distinctiones & acceptiones Gratia, quæ usitatae sunt in Scholis Reformatis.

T H E S I S I.

JUXTA communem Doctorum Scholæ Reformatæ sensum Gratia ut plurimum designat ipsum Dei amorem & favorem quo nos immerentes prosequitur, aliquando vero etiam quædam ejus dona & effecta creata. Sic Tilenus thesibus de variis divinæ voluntatis nominibus disputatione prima thesi 20. docet Dei gratiam sumi *active & passive*. *Ac prior, inquit, significatio benignam & propensam Dei voluntatem omnia liberaliter & gratis, non ex merito nostro, vel ex debito suo largientem. Posterior donum aliquod gratis datum declarat.*

II. Et ita quoque Petrus Martyr in locis communibus, *Nomen, inquit, gratia in sacra scriptura bisariam accipitur. Primum quidem & precipue significat Dei erga homines benevolentiam & gratuitum favorem quo prosequitur Electos. Deinde quia Deus Electos suos præclaris donis afficit, gratia interdum significat ea etiam dona que nobis à Deo gratis conferuntur.* Classe 3. loco 2. paragr. 7.

III. Similiter Aretius in locis communibus loco vigesimo quinto docet sacras literas, quum de gratia loquuntur, primo hac voce intelligere gratuitam Dei misericordiam qua se manifestat in hominis reconciliatione & justificatione. Deinde per gratiam significare quoque dona Spiritus sancti; quæ ibidem agnoscit recte dici posse gratiam infusam. Et eodem recidit distinctio Polani. *Gratia Dei, inquit, quovis modo dicitur, Est enim vel in Deo residens, vel à Deo data.* In Syntagmate Theologiæ Christianæ parte 1. lib. 2. cap. 21.

IV. Quamvis autem Theologi Reformati agnoscant per Dei gratiam in scriptura sacra quandoque designari divini favoris & amoris erga nos munera & effecta, paucis tamen in locis gratiam eo sensu sumendam esse putant. Siquidem omnia illa loca ubi dicimur per Dei gratiam electi, vocati, justificati, servati, contendunt minimè exponenda esse de dono aliquo nobis inhaerente, sed tantum de gratuito Dei amore & benevolentia. Uti præsertim apud Polanum videre est. *Gratia, inquit, Deo gratum atque acceptum faciens, atque ita & gratia salvans, qua sumus electi in Christo ad salutem æternam, efficaciter vocati, justificati, regenerati, qua demique æternum servamur, non est qualitas nobis infusa, non aliquid in nobis creatum & inherens, non charitas qua nos Deum diligimus, aut ulla alia virtus in nobis.* Syntagmatis Theologici lib. 2. cap. 21. modo citato.

V. Porro quum gratia fumitur pro divini favoris donis atque effectis observat Tilenus illam communi quadam significatione ipsam naturam, & illius dotes & munera complecti, propriè tamen restringi ad dona quædam supernaturalia hominibus à Deo concessa. Quæ dona rursus vult duorum esse generum. Quædam enim propriè & directè spectare salutem ejus qui recipit, ut effecta gratiæ illius activæ qua nos Deus justificat: Qualia sunt fides & charitas & spes. Alia vero non tam pertinere ad peccilarem eorum quibus dantur salutem, quam ad communem totius Ecclesiæ usum & ædificationem: qualia sunt donum prophetiæ, linguarum & miraculorum & si qua sunt istiusmodi.

VI. Eodem redit quod docet Zanchius libro quarto de Natura Dei cap. 2. quæst. 1. Scilicet ea Dei dona quæ nomine gratiæ aliquando significantur, vel ad vitam æternam pertinere, uti sunt fides, spes & charitas, & quæ cum iis conjunctæ sunt virtutes: vel non pertinere ad vitam æternam, uti donum linguarum, miraculorum, & alia de quibus Paulus 1 Cor. 12. Quibus similia legere est apud Polanum loco præallegato.

VII. Neq;

VII. Neque multum abludivit distinctio Cameronis tomo primo prælectionum digressionem de gratia, ubi dicit gratia dona quædam esse quæ nullis contingant, qui inde non servantur: alia vero quæ illis etiam obtingunt qui non servantur. Item Dei dona dividi in ea quæ aliis tantum, non etiam nobis profunt, qualia sunt omnia Dei dona in impios collata: & ea dona quæ sæpe aliis profunt, aliquando non profunt, semper tamen iis profunt in quos sunt collata, qualia sunt fides, spes, & charitas.

VIII. Istæ vero donorum gratia divisiones apud Reformatos receptæ parum aut nihil differunt à solenni apud Scholasticos gratia divisione in gratiam gratis datam & gratiam gratum facientem: ut agnoscit Tilenus ante citata disputatione prima de variis divinæ voluntatis nominibus thesi 22. Sed tamen Theologi Reformati plerique istam Scholæ Romanæ distinctionem carpunt & reprehendunt. Et primo quidem iis displicet quod quædam Dei dona specialiter dicantur gratia gratis data: quia nulla est gratia quæ non gratis donetur. Nec minus gratuita Dei dona sunt spes, fides & charitas, quam donum prophetiæ, sanationum & similia.

IX. Deinde iis non probatur quod quidquam in nobis creatum & inharrens dicatur gratia Deo gratum atque acceptum faciens, ut videre est apud Polanum Arctium & Petrum Martyrem locis supra citatis. Non quod negent Dei dona, quæ Scholæ Rom. Doctores per gratiam gratum facientem designant, esse aliquid Deo placens, quo Deus delectetur, & quod ipsi gratum sit: Sed quod istis donis non primum Dei favor hominibus conciliatur; cum ipsa sint effecta favoris & amoris divini, & procedant à Deo nobis favente, nosque diligente, etiam antequam illa acceperimus: juxta illud Joannis, *Non quod dilexerimus Deum; sed quia prior ipse dilexit nos.*

X. Hanc autem esse Doctorum illorum sententiam patet ex ipsorum verbis. Sic enim Petrus Martyr in locis communibus Classe tertia loco secundo numero octavo de gratia infusa Scholasticorum loquens, *Non est, inquit, parvus error quod volunt nos hoc haberi, seu creatura reddi gratos Deo. Necessarium enim est, cum ille nos hujusmodi dono affecerit, eum nos amasse prius. Amor enim Dei precedit omnia ejus dona.* Et numero decimo tertio, *Nec minus errant, inquit, qui garrunt in scholis, aliam esse gratiam gratis datam, aliam gratum facientem. Omnem enim gratiam oportet gratis dari. Nam alioqui, ut Paulus ait, non esset gratia. Cumque per gratiam gratum facientem intelligunt habitum, ut supra docuimus, male statunt homines per ejusmodi dona apud Deum gratos effici. Nam apud eum per solam ejus misericordiam, & propter Christum recipimur in gratiam.*

XI. Et similiter Camero in jam supra memorata digressionem de gratia, *Ceterum, inquit, observandum est dona Dei nunquam dici hoc sensu gratiam, quasi iis conciliaretur Dei favor, eaque donata nos redderent Deo gratos & acceptos. Sed si quando dona Dei dicuntur gratia hoc sensu, hominum ratio habetur, qui istis donis inducuntur in amorem, non autem habetur ratio Dei. Quod ut percipiatur, intelligendum est humanum amorem qui conciliatur istis donis, non efficere hac dona, sed invenire. Ac amor divinus idem invenit & effecit hac dona: ut pictor qui delectatur opere suo, idem gaudet pulchritudine operis, & autor fuit istius pulchritudinis. Itaque nulla debuit dici gratia gratum faciens proprie loquendo, sed potius dicenda fuit illa gratia gratum faciens.*

XII. Unde patet Doctores Reformatos non negare fidem, spem, charitatem, & similia Spiritus Sancti dona esse res Deo gratas, & quarum ratione homo in quo reperiuntur, Deo placeat & gratus sit: sed tantum ista dona non prævenire Dei favorem & benevolentiam erga nos, verum ejus esse effecta & munera.

XIII. Porro Tilenus hac in parte non videtur aliud in Scholasticis reprehendere, quam quod dona illa quæ vocant gratiam gratum facientem, confundant cum gratia justificante & salvante, quæ ex Theologorum Reformatorum sententia, non est aliquid in nobis inharrens, sed tantum gratia Dei activa & externa. Loquens enim de spe, fide & charitate, *Hanc gratiam, inquit, gratum facientem vocant Scholastici, & cum illa insperamus periculosissime confundunt. Thesi illa 22. sæpius citatæ disputationis de variis divinæ voluntatis nominibus.*

XIV. Nonnulli quoque ex Scholæ Reformatæ Doctoribus distinctionem gratia in gratis datam & gratum facientem admittunt quidem, sed alio sensu, quam qui apud Scholasticos Doctores receptus est. Nam Testardus in Irenico per gratiam gratis datam intelligit eam per quam Deus hominem ad salutem invitat: per gratiam vero gratum facientem, illam per quam Deus hominem efficaciter immutat, convertit atque sanctificat.

sanctificat. Vel gratia gratis data ipsi genus quoddam est; gratia vero gratum faciens ea generis illius species per quam homini fides ingeneratur, peccata remittuntur, sanctitas infunditur. Ut videre est thesi tricentesima. *Distinctio*; inquit, *gratia in gratis datam, & gratum facientem sic potest admitti, ut gratis data dicatur ea que tantum prevenit invitando a parte Dei, qualis est generalis: gratum faciens, que etiam gratis data est, sed hominem efficaciter immutando, de abominando facit Deo gratum & acceptum. Vel ut gratia gratis data sit genus gratia generalissimum & omnem gratiam significet; gratia vero gratum faciens sit gratia gratis data species ea, qua fidem ingenerat, peccata remittit, sanctificat, subijciunt uno verbo preparat.*

XV. Rivetus autem in summa controversiarum tractatu quarto questione secunda; per gratiam gratis datam intelligit omnia dona gratiæ; per gratiam vero gratum facientem, quam etiam *gratia dante* vocat, intelligi vult ipsam Dei favorem, a quo dona illa procedunt. Quo sensu Paulus Ferrius in specimine Scholastici orthodoxi capite trigelimo, distinctionem eandem usurpat. Nam per gratiam gratum facientem significat gratiam Deo immanentem, quæ non ponit aliquid circa gratificationem, sed est ipse Dei amor: sub gratia vero gratis data comprehendit omnia beneficia vocationis, justificationis, &c. ex gratia gratis dante, tanquam ex fonte uberrimo in nos dimanantia.

XVI. Porro apud plerosque Doctores Reformatos non reperitur expressè posita gratiæ distinctio in actualem & habitualem. Imo videntur illam repudiare vetustiores quidam ex Reformatis. Nam Petrus Martyr loco supra citato ex professo refutat sententiam Scholasticorum, qui finxerunt, ut ait, gratiam esse habitum infusum in animam. Sed recentiores Scholæ Reformatæ Doctores, ut etiam veteres plerique, agnoscunt dari quandam gratiam habitualem. Nam de virtutibus Theologicis loquuntur ut de habitibus divinitus infusis. Et Robertus Baronijs Scotus Theologiæ in Academia Abredonensi professor testatur hac in parte Modernorum, ut loquitur, Theologorum consensum esse unanimum. Atque etiam hanc de gratia habituali sententiam prolixè adversus Grevinchovium tueri Gulielmus Amesius in rescriptione ad responsum Nicolai Grevinchovii capite decimo.

XVII. Imo illos ipsos ex vetustioribus qui dissentire videntur, revera non dissentire puto. Quum enim contra Scholasticos contendunt gratiam non esse habitum in animam infusum, manifestè de gratia justificante agunt. Itaque ipsos eorum simpliciter non est, nullos habitus virtutum in fidelium animas à Deo per spiritum sanctum infundi, & ejusmodi habitus nullibi gratiæ nomine designari: sed hoc tantum, gratiam per quam in scripturis dicimur servari & justificari, in sanctis istis habitibus nullo modo consistere: sed per gratiam istam unice significari Dei misericordiam & benevolentiam. Cujus rei argumentum est, quod aliquando gratiam qua servamur, justificamur, imo & regeneramur, non tantum negant esse habitum & qualitatem infusam, sed quicquam in nobis creatum & inhaerens, uti de Polano supra retulimus. Et tamen idem Polanus in eodem capite agnoscit esse quandam gratiam inhaerentem, quæ, inquit, est tum fides, tum gratia conversionis & regenerationis, quam gratiam Christi Redemptoris, item gratiam Christianam vocant. Adeoque quum negat gratiam regenerantem esse quicquam in nobis creatum & inhaerens, loquitur tantum de causâ efficiente & impulsivâ regenerationis nostræ, non de causâ quam vocant Scholastici formalem.

XVIII. An autem præter habitus virtutum detur gratia quædam habitualis immediate ipsam animæ essentiam penetrans atque efficiens, ut ex Scholasticis multi opinantur, res est de qua expressè non agunt plerique Scholæ Reformatæ doctores, sed à qua non multum abesse videtur, esse illud novum & supernaturale, & habitualis omnium facultatum innovatio, quam in regeneratione homini tribui agnoscunt. Paulus tamen Ferrius Pastor Ecclesiæ Metensis nuper in Domino defunctus disertè ejusmodi quandam gratiam admittit. Et censet ante ipsum conversionis actum, à Deo in ipsam substantiam animæ infundi habitualem quandam gratiam, quæ totam animam instar spiritualis cuiusdam lucis penetrat, & ex animæ substantia in omnes ejus facultates sese infundat: Et sic eas præparat ut ductum gratiæ efficacis sequantur, eique facile & sponte pareant, ut videre est in homilia illa quam publice edidit in Heb. 12.28. Verum hanc sententiam pluribus scio non placere.

XIX. Distinctio gratiæ in excitantem atque adjuvantem, non ita frequens est in Schola Reformatâ, ut in Schola Romana. Ejus tamen meminit, eamque probare videtur in citata modo homilia doctissimus ille Ferrius. Et ea quoque utuntur in Synodo Dordracena Theologi Britannii.

Xxx

XX. Cate

XX. Cæterum non improbant Scholæ Reformatæ Doctores quod Scholastici gratiam distinguunt in *Operantem* & *cooperantem*. Sed cum Thomistis recentioribus per gratiam Operantem intelligi volunt illam per quam aliquis primum ad Deum convertitur: per cooperantem vero illam per quam aliquis jam ad Deum conversus ad bene agendum movetur. Sic Aretius loco supra citato, *Gratia*, inquit, *alias est operans, alias cooperans. Illa dicitur voluntatem nostram sanare & mutare in melius. Hac mutam confirmat, & ut recte agat efficit.*

XXI. Sic etiam Petrus Martyr loco sæpius memorato dicit gratiam operantem esse quæ ab initio voluntatem nostram sanat & immutat: cooperantem vero quæ efficit ut ea immutata & sanata recte agat. Quibus addit gratiam operantem & cooperantem esse unam gratiam non duas. Hujus autem variae denominationis rationem esse docet, quod voluntas quum primum sanatur concurrat cum gratia passivæ: *Nam*, inquit, *ea immutari dicitur, & nos dicimus regenerari. Postea vero activæ & passivæ se habet. Nam a Deo impulsæ ipsa quoque vult & eligit.*

XXII. Neque tamen vel ille vel alii Reformati negant, propterea primum conversionis actum esse actum vitalem, & actionem à facultate illa, quæ voluntas in nobis dicitur, elicitam: imo non inficiantur esse actionem liberam, & ex earum numero quæ in Scholis *humana* vocantur. Hoc solum sibi volunt, quum Deus hominem convertit, primum illud quod gratia in nobis operatur quiddam esse quod liberam hominis motionem ad bonum omnino prævenit. Adeoque non videntur hac in parte Reformati à senioribus inter Scholasticos dissentire, licet aliis verbis mentem suam exprimant.

XXIII. Admittunt quoque Scholæ Reformatæ Doctores distinctionem gratiæ in *prævenientem* atque *subsequentem*, sed non omnes eodem sensu. Aretius vult gratiam prævenientem eandem esse cum gratia operante; & gratiam subsequentem eandem cum cooperante, quod etiam plurimi Scholastici sentiunt. *Nam*, inquit, *gratia præveniens dicitur, quod voluntatem præveniat, ut initium conversionis non sit à nobis, sed à Deo præstante: subsequentem, quod conversionem consequantur mox facta, & bona opera, quæ omnia sine gratia efficere non possumus.*

XXIV. Martyr vero vult gratiam modo prævenientem, modo subsequentem dici, quoniam sunt multa & diversa munera, quibus nos ordine quodam ornât misericordia Dei. Ita ut omnis gratia quæ prior est, dici possit præveniens respectu posterioris. *Primum enim*, inquit, *sanatur voluntas, ea sanata incipit bene velle: post quæ bene valuerit incipit exequi: deinde in bene agendo perseverat: postremo coronatur. Prævenit ergo gratia voluntatem nostram sanando, eandem sequitur efficiendo ut quæ recta sunt placeant. Prævenit ut velimus, subsequitur impellendo ut quæ volumus perficiamus. Prævenit movendo ad bona opera, subsequitur donando perseverantiam. Prævenit perseverantiam largiendo, subsequitur eam coronando.*

XXV. Sed præter solennes illas gratiæ divisiones usitatas in Schola Rom. multæ sunt à Doctoribus Reformatis excogitatæ. Sic Tilenus Dei gratiam distinguit in *decernentem* atque *exequentem*. *Illæ*, inquit, *denotat æternum Dei propositum de vobis eligendis ante jacta mundi fundamenta: Ista complectitur totam admirandam hujus mysterii æconomiam, secundum temporum ad graduum varietatem. De diviniæ voluntatis nominibus disp. 1. th. 24.*

XXVI. Præterea multi Scholæ Reformatæ Theologi gratiam distinguere solent in gratiam *Universalem*, & gratiam *particularem*: sed non omnes eodem sensu. Polanus syntagmatis sui libro 2. capite 21. postquam initio capitis distinxit gratiam in eam quæ in Deo residet, & eam quæ à Deo data est, sub finem ait, *Gratia hominibus à Deo data vel universalis est, ut tum gratia naturalis quæ omnibus & singulis hominibus datur, tum gratia supernaturalis ante lapsum; vel particularis, ut gratia supernaturalis post lapsum, quæ parvi dumtaxat humani generis confertur.*

XXVII. Nam antea distinxit gratiam in *naturalem*, & *supernaturalem*. Et per gratiam naturalem intelligit ipsam naturam, & dona omnia tum naturæ integræ, tum quæ in natura corrupta remanserunt. Per gratiam vero supernaturalem dona quæcunque supra naturam hominibus à Deo collata. Ideoque rursus gratiam supernaturalem distinguit in gratiam *supernaturalem ante lapsum hominis*, per quam designat dona supra naturam homini integro collata: & in gratiam *supernaturalem post lapsum hominis*, quo nomine complectitur omnia dona supra naturam homini peccatori collata.

XXVIII. Itaque per gratiam universalem significat dona tam naturalia quam supernaturalia

naturalia ante peccatum primis parentibus collata, quia scilicet pertinebant ad totum genus humanum, quod illis solis constabat, & in omnes eorum posteros propaganda erant, si perstitissent in Dei obsequio. Et præterea post humani generis corruptionem, beneficia & dona naturæ quæ post peccatum remanserunt, & sunt omnibus hominibus communia, vult quoque posse nomine universalis gratiæ designari. Sed post peccatum nullum donum sive beneficium supernaturale vult esse universale. Et idcirco post lapsum omnem gratiam supernaturalem dicit esse particularem. Ac propterea gratiam quam particularem vocat, distinguit in eam quæ communis est electis & reprobis, & quæ à Deo datur ad aliorum salutem, qualia sunt charismata quæ dicuntur a Scholasticis gratiæ gratis datæ : & in eam quæ est electorum propria, & destinata est ad salutem eorum quibus datur, ut sunt fides, regeneratio, resipiscentia, charitas, spes vitæ æternæ, donum perseverantiæ, quæ Scholastici revocant ad gratiam gratum facientem.

XXIX. Paulus vero Testardus ante aliquot annos Blaesensis Ecclesiæ Pastor in synopsi doctrinæ de natura & gratia, thesi 300. distinctionem gratiæ in Particularem & Universalem sensu longe diverso usurpat. Nam, inquit, gratia erga peccatores duplex est, Generalis & Particularis. Generalis quæ toti mundo datur, Oblatio & facultas salutis. Particularis quæ est Electorum tantum, salutis applicatio. Cujus fundamentum proximum est electio libera : medium vocatio efficax : corona justificatio, custodia, glorificatio. Et statim gratiam illam particularem dicit esse vel prævenientem, qualis est Electio & Vocatio : Vel misericorditer remunerantem, qualis est justificatio, custodia, glorificatio.

XXX. Itaque ex ejus mente, gratia universalis sive generalis est illud Dei beneficium quo salus omnibus hominibus offertur, & ita illis omnibus & singulis possibilis redditur, ut salvari possint, si velint, & per ipsos tantum stet quominus salutem adipiscantur. Censet enim Deum omnibus Christum Redemptorem parasse, & morte ejus sic expiata fuisse omnium hominum peccata, ut ex parte Dei nihil amplius obset quominus quicumque à peccato recedit, & ad Deum convertitur, salutis fiat compos, & liberetur à perditione : cum justitiæ ejus vindicatrici pro peccatis omnium hominum abunde Christi morte satisfactum fuerit. Neque id tantum, sed Deum omnes homines vocare ad salutis in Christo participationem ; alios quidem expresso Evangelii verbo, alios vero voce creaturarum, & variis benignitatis & patientiæ divinæ testimoniis, quæ in operibus naturæ & providentiæ relucet, hominesque ad resipiscentiam, ac consequenter ad salutem invitant.

XXXI. Per gratiam vero particularem intelligit illam qua Deus certos ex hominibus revera salutis participes efficit, Christi beneficium illis non simpliciter offerendo, sed efficaciter & reapse applicando. Vocat autem gratiam illam particularem, quoniam non ut prior ad omnes extenditur, sed est paucorum propria, electorum, scilicet, ut quæ consistat in ipsa electione, & beneficiis inde promanantibus : qualia sunt vocatio interna & efficax, justificatio, perseverantiæ donum & glorificatio.

XXXII. Eodem modo istam gratiæ divisionem in particularem & universalem usurpat & explicat Clarissimus vir Moses Amyraldus in duobus illis tractatibus quos inscripsit, *De gratia universali & particulari*. Ei vero consentiunt atque astipulantur omnes ii in Gallia qui Cameroni Methodum & doctrinam sequuntur, & in Germania atque Polonia plurimi, qui pacem & concordiam cum Lutheranis quarunt & sectantur. Verum in Belgio Reformati plerique, & in Gallia & Anglia non pauci distinctionem istam improbant & oppugnant, nec ullam admittunt Christi gratiam universalem.

XXXIII. Ex dictis vero satis patet, Theologos istos nomine gratiæ universalis non intelligere gratiam aliquam in hominibus inhaerentem, sed tantum externum quoddam Dei beneficium, quo filium morti tradidit, ut divinæ justitiæ pro peccatis omnium hominum satisficeret, & quo justitia ejus ita pacata, homines extrinsecus vocat ad communionem salutis, quam Christus illis morte sua peperit. Et contra per gratiam particularem illos præcipuè designare doni & auxilia Dei, quibus intus in hominibus agens in illis conversionem & fidem operatur, illosque tandem reipsa salutis æternæ participes efficit.

XXXIV. Unde nata est alia gratiæ distinctio, in gratiam, scilicet, *Objectivam* atque *subjectivam*, quam Clarissimus ille Moses Amyraldus tradit, in quo suæ dissertationis de gratia Particulari. Docet enim ibi duplicem gratiam necessariam esse ad fidem in hominum animis ingenerandam. Unam quæ ad modum objecti se habet, misericordiam

Dei in Christi satisfactione extrinsecus offerentis : alteram quæ mentem intrinsecus afficit atque illuminat, ut objectum admittatur. Priorem illam *objectivam* vocat, quoniam externa est, & per se nihil in homine ponit ; sed solum tanquam quoddam objectum ipsi proponitur, quod fide amplecti debeat. Posteriorem vero *subjectivam* appellat, quoniam hominem intrinsecus immutat, & in eo tanquam in subjecto recipitur. Et Objectivam quidem istam gratiam contendit esse universalem, & ad omnes omnino homines pertinere : gratiam autem subjectivam docet esse particularem, & peculiariter electis destinatam.

XXXV. Porro qui in Belgio Remonstrantes dicuntur sive Arminiani, de gratia eodem fere modo Philosophantur, atque illi ex Scholæ Romanæ Doëtoribus qui Molinistæ hodie appellantur. Utuntur enim distinctionibus gratiæ in excitantem atque adjuvantem, prævenientem atque subsequenter, operantem & cooperantem eodem quo illi sensu, ut videre licet in declaratione sententiæ Remonstrantium circa articulum tertium & quartum, quæ habetur in eorum Synodo.

XXXVI. Nam ibi per gratiam excitantem intelligere se dicunt gratiosam & impromeritam Dei ac Spiritus Sancti operationem, quæ primum intellectum rerum salutarium cognitione imbuat, & illustrat, adeoque veritati divinæ assentiri facit, & secundo in ipsam voluntatem agit per eandem illuminationem & sensus verbo comprehensos.

XXXVII. Addunt tamen se minimè diffiteri quin Spiritus Sanctus immediatè agat in voluntatem, infundendo in illam vires ac potentiam supernaturalem ad credendum, per quam tamen potentiam voluntas non necessitetur, & irresistibiliter determinetur. Hanc autem gratiam notant excitantem vocari, quia voluntatem ad assensum liberum trahit, allicit, invitat, & incitat, & homine obicem non ponente, eam actu velle facit. Et eandem quoque gratiam dici prævenientem, quia voluntatem nostram prævenit : ac denique Operantem, quia volitionis quoque causa est.

XXXVIII. Hujus autem gratiæ necessitatem monent ex eo oriri, quod actus supernaturales, quales sunt illi in quibus consistit hominis conversio, congenitam & ingentam voluntatis potentiam longe excedunt, ideoque viribus supernaturalibus, & speciali gratia antecedente ipsam voluntatis actum, ad hunc eliciendum opus est ; quod ad alios actus naturales voluntatis ejus potentiæ proportionatos opus non est.

XXXIX. Adjuvans vero gratia ipsis est quæ voluntatem juvat, & effectivè cum ea concurrat ad producendum actum ; idque non moraliter tantum, sed & Physicè, sive potius plusquam moraliter : quia nimirum vox *Physicè* in hoc negotio ipsis valde incommoda videtur, propter actum de quibus quæstio est supernaturalitatem : nec tamen occurrit alia propria vox per quam positivè hoc enuncient. Atque hanc gratiam observant dici quoque cooperantem, quia cum voluntate operatur ; & subsequenter respectu prævenientis & excitantis gratiæ.

XL. Quod attinet ad distinctionem gratiæ in actualem & habituales, ea ab illis rejicitur, tanquam Scholasticorum figmentum, quod in scriptura fundamentum non habet. Modo tamen intelligatur per gratiam habituales talis fidei, spei & charitatis in voluntatem infusio, ut citra ullam intervenientem voluntatis operationem eos habitus adipisci dicatur homo. Quippe censent per crebros fidei, spei & charitatis actus à speciali Dei gratia provenientes, tandem in nobis produci fidem, charitatem & spem habituales : quemadmodum per iteratos actus justitiæ & liberalitatis in nobis producuntur liberalitatis & justitiæ habitus. Existimare vero habitus virtutum Theologiarum immediatè à Deo sine propria hominis operatione produci, eorum esse qui simul & semel infundi optant omnes illos habitus, quos actibus crebris comparare nimis laboriosum esse arbitrantur.

XLI. Si vero per gratiam habituales intelligere libeat potentiam quandam supernaturalem concessam voluntati ad hoc ut credere & bene agere possit, profitentur eam se lubentes admittere. Unde patet eòs, licet gratiam habituales negent, agnoscere tamen quandam qualitatem permanentem, & potentiam supernaturalem, quæ per gratiam infusa sit. Quod eodem ferè recidit, & à sententia eorum qui aliter loquuntur, parum aut nihil differt.

XLII. Cæterum ex iis quæ à nobis fuerunt hætenus exposita circa varias gratiæ divisiones & acceptiones, tam in Scholâ Romana, quam in Scholâ Reformatâ, manifestum est Theologos Ecclesiæ Rom. ultro docere atque concedere gratiam in scriptura sacra non semper sumi pro quibuscumque Dei donis & auxiliis nobis inhaerentibus, sed per gratiam quandoque intelligi ipsum Dei favorem, unde procedunt dona & auxilia illa. Et vicissim Doctores Reformatos non negare in scriptura gratiæ nomen sæpe
tribui

tribui divini favoris donis atque effectis. Ideoque frustra Reformati nonnulli Scholæ Romanæ Doctores arguunt, quasi per gratiam nunquam aliud intelligi velient quam donum aliquod supernaturale nobis infusum. Et contra absque ratione Scholæ Romanæ Doctores Reformatos exagitant, & de iis queruntur, quasi nullam agnoscere gratiam nobis inhærentem.

XLIII. Præterea patet ex dictis circa distinctionem gratiæ in gratis datam & gratum facientem, non esse nisi certamen de vocibus. Nam quod Reformati contendunt nullam esse gratiam quæ non gratis data sit, & omnem gratiam ideo gratiam appellari quod gratuito sit donata, admittitur à Scholæ Romanæ Doctoribus, qui monent quandam gratiæ speciem singulariter à se dici gratiam gratis datam: non quod altera gratiæ species etiam non sit gratis data; sed quia visum est Scholæ conveniens speciem istam nomine generis appellare, quod proprio nomine careat.

XLIV. Alteram vero gratiæ speciem Doctores iidem non ideo nominant gratiam gratum facientem, quod præcedat omnem actum dilectionis divinæ erga nos, & sit causa qua Deus primum movetur ut nobis bene velit; id quod Reformati merito falsum & absurdum iudicant: cum Deus prius diligat nos, quam illum diligamus.

XLV. Nec propterea tamen Schola Reformatæ negat id quod Romana gratiæ gratum facientis nomine intelligit, fidem, scilicet, spem & charitatem esse aliquid cujus ratione homo Deo gratus & placens est singulari quodam modo, ad quem respiciens Paulus ad Hebræos dicit, *Impossibile esse sine fide placere Deo*. Quo spectant Theologi Ecclesiæ Romanæ, dum gratiam istam gratum facientem appellant.

XLVI. Et sic utrique facile concedent esse aliquem divinæ dilectionis actum qui præcedit illa dona & virtutes, quæ Scholastici designant nomine gratiæ gratum facientis: quia scilicet, Deus nobis bene vult priusquam illa habeamus: & simul esse quandam actum ejusdem dilectionis quem præcedunt ejusmodi dona, nempe quia Deo sine illis non possumus placere atque ipsi probari. Talia vero dona atque virtutes hominem qui illis ornatus est formaliter Deo gratum & placentem constituunt. Juxta illud Petri Actorum decimo, *In veritate comperi quod non est personarum acceptor Deus: sed in omni gente qui timet eum, & operatur justitiam, acceptus est illi*.

XLVII. Deinde planum est ex iis quæ fuerunt ante exposita, Scholæ Reformatæ Doctores admittere virtutes quasdam divinitus infusas, & dona quasdam gratiæ salvificæ, quæ sint in anima per modum habitus & qualitatis permanentis: adeoque immerito à Theologis Romanæ communionis illis imputari, quod negent dari gratiam aliquam habitualement, & quæ sit qualitas in anima inhærens; cum istud ab Ecclesiæ Reformatæ Doctoribus vel nullis, vel paucis negetur.

XLVIII. Id vero solum in questione est, An in illis scripturæ locis ubi dicimur per Dei gratiam servari & justificari, gratia significet externum Dei favorem & benevolentiam: an vero gratiam aliquam quæ nobis inhæreat, seu actualis illa sit, sive habitualis. Prius affirmat Schola Reformatæ, posterius Romana.

XLIX. Ac proinde non quaeritur simpliciter, An Detur aliqua gratia salvifica nobis inhærens per modum sive actus, sive habitus: sed istud tantum, An de ejusmodi gratia intelligenda sint ea scripturæ loca ubi salus nostra & justificatio gratiæ Dei tribuitur, quod affirmant Doctores Ecclesiæ Romanæ, Reformati vero negant. Quæ questio quanti sit momenti, alibi fusius à nobis expensum est.

T H E S E S

THESES THEOLOGICÆ

In quibus exponitur

Doctrina Scholæ Romanæ circa partitionem Gratiæ in sufficientem atque efficacem, & concordiam libertatis humanæ cum Gratiæ efficacia.

THESIS I.

JANSENIUS Episcopus Iprensis, & qui doctrinam illius sequuntur, illam solam gratiam *sufficientem* vocant, præter quam nihil aliud ex parte Dei per modum principii necessarium est, ut homo velit & operetur. Gratia vero *efficax* ea sola illis est, quæ naturæ creatæ non solum dat volendi vires, sed etiam ipsum velle in ea operatur, & volendi facultatem ad volendum ipsa per se flectit & determinat. Adeoque, juxta ipsorum principia, nulla gratia verè sufficiens est, & tamen non efficax, nisi illa quæ sic dat creaturæ posse velle, ut præterea nullum divinum auxilium ad volendum prærequiratur; & tamen sic creaturæ libertati subdita est, ut penes ejus liberum arbitrium remaneat gratia ista uti vel non uti. Vicissim vero ea sola gratia verè efficax est, non quam quocunque modo sequitur voluntatis actus, sed quæ sibi subjicit creaturæ voluntatem, eamque ad volendum efficaciter per se movet, ipsum volendi actum vi sua infallibiliter in ea producendo.

II. Gratiam, quæ ratione jam dicta sufficiens esset, Angelis & hominibus in eorum creatione tributam esse volunt. Utrisque, scilicet, ex eorum sensu, Deus dedit auxilia necessaria ad bene agendum, sed in eorum libero arbitrio reliquit, ut auxiliis istis uterentur, vel non uterentur. In primo vero illo creaturæ integræ statu locum non habuit gratia efficax, ut quæ nec hominibus, nec angelis, ante lapsum necessaria esset. Ac proinde, licet in Beatis Angelis gratiam à Deo acceptam secuta sit in bono perseverantia, propterea tamen non debent dici habuisse gratiam efficacem, sed sufficientem duntaxat. Et ex adverso Angelis Apostatis, ac primis hominibus nullum gratiæ Dei auxilium defuit, necessarium ad hoc ut in bono perseverarent.

III. Ex quo vero homo in peccatum lapsus est, juxta Doctorum istorum sententiam, fieri non potest ut ad Deum se convertat, aut jam convertus ad bonum aliquod opus se moveat, sine prævio quodam gratiæ auxilio, quo non simpliciter ad bonum invitetur & sollicitetur, aut etiam in bono opere adjuvetur, sed quo voluntas ejus ad bonum flectatur atque determinetur, & bonus volendi actus efficaciter in ea producatur. Id enim exigere voluntatis infirmitatem, quam prava concupiscentia in homine post peccatum inhaerens, continuo pondere ad terrena incurvat, & quæ propterea ad singulos dilectionis coelestis impetus, actuali & efficaci Dei auxilio sursum erigi opus habet.

IV. Unde sequitur omnibus qui actu non convertuntur & bene operantur, deesse aliquod divinum auxilium ad agendum necessarium atque prærequisitum; adeoque illos non debere dici gratiam sufficientem habere ut sese convertant & bene operentur: cum illud solum dici debeat sufficiens, quod necessaria omnia complectitur. Quicunque autem auxilia omnia ad bonum aliquod opus prævia & necessaria habet, illum infallibiliter & certo bene acturum: & sic omnem gratiam, quæ verè dici possit sufficiens, etiam efficacem esse: ac proinde frustra gratiam salutarem Christi Redemptoris, quæ lapso homini necessaria est, in Scholis solere distingui in *efficacem* & *sufficientem*.

V. Itaque, ex eorum mente, omnis vera & proprie ac speciali modo sic dicta Christi gratia, agro homini sanando comparata, & ad singulos piæ voluntatis affectus & motus necessaria, gratia per se efficax est, & talis ut à nullo duro corde unquam respuatur: quippe

quippe quæ semper velle donat, & cordis duritiem aufert, pro mensura doni divini. Ac quanquam homo si vult, illi dissentire potest, semper tamen efficit ut homo illi non dissentiat, nec dissentire velit.

VI. Neque tamen eorum mens est, propriam hanc Christi gratiam hominem semper actu & re ipsa convertere, & poenitentiam veram ac seriam in eo operari. Idque quoniam homo ea gratia motus, non semper vult aut agit efficaciter & perfecte quod volendum & agendum est: & sæpe contingit hominem peccatorem in solis inefficacibus desiderijs quæ gratia efformavit hæere, nec ea ad operis effectum ob infirmitatem suam ac vitium proprium perducere; abjicere etiam desideria ista, & reluctantem ac vincente concupiscentiâ, non respicere a peccato, non agere poenitentiam ut oportet, & quantum oportet ut à peccato resurgat, illiusque veniam à Deo consequatur.

VII. Nec eo minus censent eam ipsam Christi gratiam in tali homine esse efficacem, & effectum illum consequi ob quem præcisè & proximè data est, & qui fuit à Deo intentus, qui alius non est, scilicet, quam boni & inchoati desiderij motus. Quod autem istud desiderium caruerit ultimo & perfecto effectu operis ad quod impellebat & excitabat, hominis solius vitium esse non Dei, & in homine causam esse, non in Deo. Verum si Deus vellet tantam gratiam conferre quanta sufficit, & quanta necessaria est, ut homo iste poenitentiam agat, ut oportet, à peccato suo resurgat, & ad Dei gratiam iustificantem perveniat, hominem illum certissimè poenitentiam acturum, à peccato resur-recturum, & ad Dei gratiam iustificantem perventurum fore. Sed Deum ut vult, quantum vult, & ubi vult, unicuique misereri. Sicuti videre est in expositione vera & Catholica quinque propositionum de gratia, quæ inserta est libro cui titulus, *Journal de Saint Amour*.

VIII. Et sic etiam Janfenius ea de re mentem suam explicat de Gratia Christi salvatoris lib. 2. c. 27. Postquam enim pluribus docuit nullam Christi gratiam effectum parere, adeoque sufficientem, nec tamen efficacem esse, his verbis in capitis illius principio occurrit scrupulo quem ipse sibi proponit. *Nec vero moveat quæquam quod confert, multos divinitus mente collustrari, imo vero & in ipsa voluntate motibus divina gratia percelsi, qui tamen ab ejus interna suasionem & inclinationem dissentiant, ut propterea falsum putet gratiam in eo cui datur, semper operari effectum, ob quem datur. Considerandum est enim, multiplices esse divina gratia effectus, quemadmodum & voluntatis. Est enim velle perfectum, quod Augustinus posse vocat, est & imperfectum, quod velleitatem appellare solent: & hoc ipsum diversos gradus habet, donec ad ipsam primam tenuissimamque boni complacentiam veniatur. Hec ergo primus est celestis illius roris effectus, quem ut minimum in omnibus operatur, quibus cum infundit Deus. Nam quemadmodum inundatio divine gratia, totam hominis voluntatem secum, instar impetuosæ cujusdam torrentis, rapit: sic ut omnia humani cordis retinacula, quibus terrenis rebus irretitur, velut violentia quadam tempestate dirumpat; ita lenis ille velut aura tenuis afflatus, complacentiam quandam voluntatis tenuissimam, rei tam pulchra, quæ simul obicitur contemplanda, contemplatam suaviter impetrat, & celerrimè quasi furim post se rapit. Hec igitur gratia, quamvis nullo modo sufficiat, ut homo Dei mandatum operetur, ut Deum super omnia diligat, ut speret, ut oret, ut credat: ad hoc tamen facit aliquid, ut istarum, vel alterius cujusdam celestis rei liberæ quasdam non voluntates, sed velleitates excitet, quas, nisi divinitus infundantur, obtinere humana potestate nemo potest. Non enim quævis gratia, ad quovis effectum inferendos sufficit, ut quidam imaginati sunt, sed potestates operationum difficultatis attemperande sunt.*

IX. Ex quibus apparet falso Janfenio tribui propositionem illam, *Interiori gratia in statu nature lapsa nunquam resistitur.* Quæ tamen secunda est quinque famolarum propositionum, quæ tanquam Janfenii Episcopi Iprensis, ut hæreticæ damnatæ sunt à Pontificibus Romanis Innocentio X. & Alexandro VII. constitutionibus ea de re editis. Præterquam enim quod ejus propositionis verba in operibus viri istius nullibi leguntur, contrarium expresse docet loco modo citato, ubi disertè affirmat quod confert multos divinitus mente collustrari, imo vero & in ipsa voluntate motibus divina gratia percelsi, qui tamen ab ejus interna suasionem & inclinationem dissentiant.

X. Porro quod docent illi Theologi ne unum quidem bonum opus ab homine post lapsum posse fieri, absque ejusmodi Dei auxilio efficaci voluntatem ad bonum flectente & determinante, intelligunt de potentia proxima & completa: nec aliud per hoc significatum volunt, quam hominem non esse proximè & completè potentem ad bonum aliquod opus faciendum, quamdiu abest gratia efficax, ad illud propter voluntatis morbum & languorem necessaria. Cum enim gratia hæc per se efficax simul det velle & posse

posse proximum & completissimum, quicumque hanc gratiam non habet, is non habet velle & posse proximum quod illa largitur.

XI. Ceterum ultro agnoscunt & fatentur, verum esse quod homines, etiam absente Christi gratia efficaci, dici possint multis modis posse Dei præcepta fervare, & facere bona opera. Id prolixè videre est apud Jansenium Episcopum Iyrensem, de Gratia Christi salvatoris libro tertio cap. 15. Ubi observat in rebus ad vitam bonam seu pietatem spectantibus, multipliciter hominem dici *posse* aliquid. Primo remotissimè, per solam liberi arbitrii flexibilem facultatem ad bonum & ad malum. Quæ potestas in natura nuda liberi arbitrii constituta est, quamdiu nondum ad malefaciendum per supplicium æternæ damnationis obdruit. Adeoque soli dæmones & damnati hoc sensu dici debent non amplius posse credere, diligere, & benefacere; quia non sunt in eo statu ut ad bonum per Dei gratiam flecti possint. Et è contrario omnes profus homines quamdiu mortalem hanc vitam in terris degunt, rectè dicuntur ea ratione posse credere & Deum diligere, quia sunt per Dei gratiam ad ista flexibiles.

XII. Secundo, juxta eundem Doctorem, paulo propinquius dicimur, posse bene vivere, omnibusque tentationibus resistere, & peccata cavere per fidem, quamvis dilectione Dei, & actuali Dei adjutorio, internisque viribus voluntatis careamus. Nam quamvis fides ista omnia per se nullo modo possit, quia tamen est semen orationis, per quam charitatem & gratiam adjuvantem & voluntatis vires impetrare solemus, hinc per ipsam fidem ista posse dicimur.

XIII. Tertio, ex ejusdem Doctoris sententia, dicimur multo plenius propinquiusque per charitatem, per quam homo iustificatur, posse quæ pertinent ad veram pietatem. Idque quia charitas seu dilectio ista, non est aliud quam voluntas seu velle bonum; quæ quamdiu deest nobis, impossibile est bene vivere, quum autem adeit, posse dicimur. Charitas autem per quam datur bene operandi potestas, varios gradus & incrementa habet, secundum quæ potestas illa vel major, vel minor est: & initio infirma existens, nec ad omnia bona opera sufficiens, paulatim crescit, donec eo usque virum adolefcat, ut cuncta invitantia, cuncta mirantia, cuncta cruciantia superentur.

XIV. Quæ vero dicit de *posse*, quod per fidem & charitatem datur, de donis istis habitualibus potissimum intelligenda monet: quoniam per illa dicuntur iusti orare, diligere, bene vivere, tentationesque superare posse, etiam quando nihil istorum agunt. Quandoquidem sunt virtutes in animo permanentes, quæ hoc ipso robustum animum efficiunt, ad opera quædam peragenda, quamvis si adhuc imperfectæ sint, ad opera sublimioris ordinis non sufficiant.

XV. Sed pertendit nos dici non debere *completissimè posse* bene facere, & pietatis officii fungi, nisi quando sancti spiritus inspiratione sic voluntas præparatur, ut non nudè possit, sed etiam velit. Adeoque, ex ipsius doctrina, hoc completissimum posse nunquam habetur, nisi quando re ipsa quoque agitur, & est proprius effectus non fidei aut charitatis, seu bonæ voluntatis habitualis, sed illius gratiæ actualis, quam Christus hominibus infirmis attulit per crucem suam. Quæ gratia non solum *posse*, sed etiam ipsum *agere* adjuvat: ut quæ dat non modo posse si velis, sed & velle quod potes. Ac proinde quantacunque fide, & charitate, seu habituali bona voluntate præditus aliquis fuerit, etiam robustissima, nisi tentatione, quamvis levi, oboriente, tali spiritus inspiratione, seu actuali gratia muniatur, sine dubitatione succumbet: quia sine illa, voluntas seu charitas habitualis post lapsum primi hominis in actum exire non potest. Propterea quod innatæ concupiscentiæ fomes semper animum languentem deorum premit; & semper visibilibus objectis undique intus & foris sese offerentibus proritur, nisi spiritus sancti munere motus ejus vel præveniantur orituri, vel compri-mantur exorti.

XVI. Ex quibus, ut ex iis quæ superius allata sunt, manifestè colligitur, quo sensu à Jansenio asserta fuerit hæc propositio. *Aliqua Dei præcepta hominibus iustis volentibus & conantibus, secundum præsentem quas habent vires, sunt impossibilia: deest quoque iis gratia qua possibilia fiunt.* Quæ est prima jam dictarum quinque propositionum, quas ante annos aliquot damnarunt Romani Pontifices, ut assertas à Jansenio, & quidem, ut dicunt, in sensu quo Jansenius illas asseruit; quanquam sensum illum quem damnare intendunt, non explicant, neque determinent.

XVII. Quicquid vero de illo sensu existimaverint, ex iis quæ sunt exposita certum est, Jansenium verbis illis non aliud significatum voluisse, quam aliquando contingere, occulto sed iusto Dei judicio, ut fideles & iusti nonnulli à Deo non accipiant gratiam per se efficacem ad orandum, ad tentationem superandam, & ad præceptum aliquod

aliquid observandum : & tunc, licet habeant aliquam præcepti implendi voluntatem, sed parvam, invalidam, & imperfectam, & ad præceptum illud plene & ut oportet observandum impari, non esse illos, secundum præsentem quas habent pro isto momento vires, proxime & completè potentes, ad orandum ut oportet, ad tentationem superandam, & ad præceptum ut oportet observandum. Adeoque hanc impotentiam non aliam esse nisi eam quæ oritur à voluntatis infirmitate, & à carentia auxilii efficacis, quod simul & posse proximum ac completissimum, & velle donat.

XVIII. Cæterum Doctor ille, & qui cum eo sentiunt, pertendunt eam bene agendi impotentiam, quæ reperitur in omnibus illis, qui destituti sunt gratia Christi ad hac vel illa bona opera necessaria, non tollere obligationem qua tenentur illa facere, nec eos excusare, quominus hac in parte officio suo fungantur. Atque ut hoc ostendant, notant duplicem esse præcepti faciendi impotentiam. Una est, inquit, ex defectu alienius, quod non potest quantumlibet magna voluntate, hoc est quantumlibet fortiter volendo, suppleri. Talis est impotentia illius qui caret rebus temporalibus ad largiendam elemosynam, & scientia ad eum docendum qui defectu instructionis perit, & huiusmodi infirmita. De tali impotentia verissimum est, quod Deus non jubet impossibilia. Nam hoc ipso quo talis oritur impossibilitas, vel præceptum extinguatur, vel certe ad illud implendum, is cui præcipitur, non amplius obligatus est. In huiusmodi etiam impossibilibus voluntas pro facto reputatur. Non est enim culpa voluntatis quod non fiat, sed propter inopiam potestatis.

XIX. Altera impotentia est quæ ex defectu ipsius voluntatis, seu volitionis oritur, quæ si adesset, quanta adesse debet, præceptum facillime impleteretur. Tantummodo enim fortiter volendo impletur, unde si fortiter vult, hoc ipso jam impletum est, & non impletum esse non potest. Talis enim voluntas sicut secum affert plenum velle, ita & posse quod voluit. Hæc impotentia faciendi nullo modo excusat eum, qui non implet quod præcipitur. Posset enim implere si vellet. Quod si noluerit, atque ideo non potuerit, quis non eum dixerit, pro ipsa iam perversa obduratæque voluntate culpandum?

XX. Atque ut hæc ad rem præsentem applicent, dicunt impotentiam divina mandata faciendi, quæ in peccatoribus reperitur, esse talem, ut non desinant ea implere posse si voluerint. Velint enim, aiunt, pleneque velint, mox ut voluerint implebuntur: si autem nolint, ideoque non possint, quis nolentibus vitio non veritas duritiæ inique voluntatis, scilicet defectum potestatis? Nam revera defectus talis potestatis non est aliud quam duritia male voluntatis, à qua suscepta recedere non posse, non est aliud quam tenaciter nolle. Sic hæc de re Philosophatur Janfenius ille Episcopus Irensis de Gratia Christi Salvatoris lib. 3. cap. 15.

XXI. Quibus addit, gratiam iis quibus negatur justè à Deo negari, propterea quod culpa sua indignos se ea reddiderunt, unde est quod ejus carentia non possit excusare eorum impotentiam ad beneficiendum. Secus vero futurum si Deus creaturam omni peccato carentem destitueret auxiliis necessariis ad bene agendum: non enim nullam fore in creatura culpam, quoniam in eo sequeretur Dei institutionem, nec dici posset ab ea recessisse.

XXII. Nec magis difficile putat impotentiam illam, quæ ex absentia gratiæ oritur, cum Arbitrii humani libertate conciliare. Nam impotentia ista, juxta ipsum, nihil aliud est, quam obstinatio voluntatis in malo, & ad bonum inflexibilitas, ex libera primum electione orta. Adeoque sicut non tollit à Deo libertatem voluntaria illa firmitas, qua non potest à semel suscepta volitione retrocedere; ita nec immobilitas illa peccantium hominum aut angelorum, qua non possunt recipere voluntatem bonam, nullo modo eorum libertatem infringit. Nec ulla hic est necessitas quæ repugnet libertati, culpamque absterget exorbitantis voluntatis. Nam qualiscunque in eo necessitas reperitur, nascitur illa tota ex duritia & obstinatione volendi, quæ non tollit neque minuit culpam pertinaciter volentium, sed potius eam auget & accumulat, quia per eam voluntas firmitus adhærescit malo.

XXIII. Cæterum sub finem sæculi superioris, & pluribus annis antequam Janfenius scriberet, Doctores Lovanienses nullam quoque gratiam ad conversionem hominis sufficientem agnoverunt, præter eam quæ illum reapse & actu convertit. Affirmant enim subsidium quod aliquando administratur iis, qui neque credunt, neque convertuntur ad Dominum, non esse sufficiens ad fidem & conversionem, quoniam gratia ad conversionem sufficiens ipsa convertit; quæ vero non convertit, non sufficit. In justificatione censura adversus Jesuitas Lovanienses capite 16.

XXIV. Verum exceptis illis qui Janfenio adherentes, se discipulos Augustini vocant, tota Schola Romana admittit hodie partitionem istam gratiæ Jesu Christi in

Y y y

sufficientem

sufficientem atque *efficacem* : ac pro ea pugnant tam ii quos recentiores Thomistae appellant, quam qui Molinæ Methodum & placita sequuntur. Sed omnes illam non eodem sensu exponunt atque intelligunt.

XXV. Nam illi qui dicuntur Thomistæ recentiores, sufficientem gratiam appellant illam quæ dat posse operari, etiam si ad hoc ut actu sequatur operatio bona, ex parte Dei novum auxilium prærequiritur : efficax vero gratia illis est, quæ non simpliciter dat posse operari, sed per se & efficaciter hominem movet ad bene operandum, & sic dat posse cum effectu. Adeoque, juxta ipsos, gratia efficax, quoad entitatem, realiter distincta est à gratia sufficienti ; quia, scilicet, gratia efficax sufficienti superaddit auxilium quoddam divinum ad bonam actionem prævium & necessarium.

XXVI. Quamvis autem gratia quam ab efficaci distinguunt, non complectatur istud ultimum prærequisitum ad bene agendum, nihilominus pertendunt illam rectè sufficientem dici : quia licet non sufficiat ut aliquis actu operetur, dat tamen vires bene operandi, & ad hoc sufficit ut quis bene operari possit. Imo vero per ejusmodi gratiam sufficientem dicunt non simpliciter dari bene agendi potentiam, sed potentiam talem quæ mereatur dici *proxima & completa* ; quanquam, ipsis fatentibus, novum Dei auxilium necessario bonam actionem præcedere debeat. Quemadmodum homo sanus cujus oculi sunt bene constituti, etiam si in tenebris degat, habet ex ipsorum sensu, potentiam videndi *proximam & completam*, quanquam ad hoc ut visio fiat, præter oculos bene constitutos, necessario requiratur lumen, quod præsentia objecta illustret.

XXVII. Gratiam quæ ea ratione sufficiat ad bene operandum, dari contendunt illis ipsis qui reapse à bono opere deficiunt. Nempe quia Deus dat illis auxilia, per quæ bene agere possint, quæque subministrant eis potentiam proximam & completam bene operandi, scilicet, ut loquuntur Scholæ, in actu primo : etsi desit illis aliud auxilium, quod præexigitur ad ipsum bonum opus, quodque omnes quibus datur infallibiliter ad tale opus movet, & benignè etiam conceditur omnibus illis qui actu bene operantur. Qui propterea dicuntur habere gratiam ad bene agendum, non solum sufficientem, sed etiam efficacem.

XXVIII. Quæ vero datur aliis, merito, juxta ipsos, dicitur sufficiens, quia licet non sufficiat ad dandum *posse cum effectu*, verè tamen sufficit ad dandum *posse simpliciter*. Nec enim ullum aliud auxilium necessarium est, ut qui illam acceperunt verè dicantur posse opera, ad quæ sufficiens dicitur : quamvis opus sit novo auxilio, ut actio reapse sequatur. Nempe novum illud auxilium non superaddit potentiam novam aliquam virtutem, quæ tribuat illi posse in actu primo, ut dictum est : sed proprium ejus est potentiam, quæ jam ad agendum idonea est, ad actum movere atque applicare.

XXIX. Quippe ut notat Álvarez, duplex est Auxilium ad operationem aliquam sufficiens. Unum est enim *completè sufficiens*, nimirum ultra quod nullum aliud auxilium est absolute necessarium, ut illa operatio actu producatur. Alterum non *completè* quidem, sed tamen *verè sufficiens est*, quod, scilicet, tribuit *posse* comparatione ejusdem operationis : ita ut nullum aliud auxilium sit absolute necessarium, ut homo verè dicatur posse operationem illam producere : quemadmodum ut dicatur homo posse videre, non aliud requiritur quam ut habeat potentiam visivam : quanquam ultra potentiam visivam, alia plura requirantur ut aliquis actu videat. Et in hoc sensu asserit, per auxilia gratiæ, quam sufficientem vocat, verè posse hominem operari actum illum, comparatione cujus dicitur sufficiens : etiam si nunquam sit operaturus, nisi Deus auxilio efficaci efficiat, ut illa reducatur ad actum secundum. Atque sic auxilium ad credendum sufficiens est illud, quo potest homo credere : & auxilium sufficiens ad perseverandum illud, quo potest perseverare si velit : quanquam ut sit voliturus, requiratur præterea auxilium efficax. *Epit. de auxiliis divine gratiæ lib. 3. cap. 17.*

XXX. Quin ista gratiæ divinæ partitio in sufficientem atque efficacem, secundum Doctorum istorum hypothefes, locum habere debuit in natura etiam integra. Etenim, ex illorum doctrina, ut creatura quævis agat, non satis est ut habeat agendi potentiam à creatore concessam, sed præterea necesse est ut causa prima illam ad agendum applicet atque præmoveat. Ac proinde ut creatura integra reipsa bene ageret, non solum opus habuit auxilio, quo darentur ipsi bene agendi vires ; sed præterea alio, quo Deus facultates ejus ad bene agendum efficaciter moveret ac prædeterminaret. Unde sequitur Angelos Apostatas habuisse quidem auxilium sufficiens ad perseverandum, sed ipsis defuisse auxilium efficax necessarium ut actu perseverarent : bonis autem Angelis datum esse auxilium ad perseverandum, non tantum sufficiens, sed etiam per se efficacem.

XXXI. Cate-

XXXI. Ceterum agnoscunt gratiam, quæ uno respectu sufficiens tantum est, alio respectu esse efficacem. Nempe quæ sufficiens est respectu actus alicujus perfecti, ad quem disponit, & ad quem ordinatur, efficax est respectu actuum imperfectorum, per quos homo ad actum illum perfectum disponi solet. Imo quamvis, ex eorum mente, omnis gratia sufficiens inefficax sit, ad plenum illud opus, ad quod dicitur esse sufficiens; est tamen plenissime & cumulatissime efficax ad actum proximum & inmedium, ad quem à Deo datur & destinatur.

XXXII. Id inter alios docet expresse Didacus Alvarès numero tertio capitis jam citati. Omne, inquit, *auxilium sufficiens, comparatione unius actus, semper est efficax respectu alterius, ad quem efficiendum decreto absoluto divina voluntatis destinatur.* Ut, verbi gratia, *auxilium sufficiens ad actum fidei, efficaciter producit in homine pias cogitationes, & notitias credendorum, vel piam desideria habendi fidem, & alios hujusmodi actus imperfectos, qui regulariter loquendo antecedunt assensum fidei.* Similiter *auxilium sufficiens ad actum contritionis producit efficaciter in homine considerationem peccatorum inferni, vel attritionem, aut alios hujusmodi actus imperfectos qui regulariter perfectam contritionem antecedunt.*

XXXIII. Porro cum gratia quæ sufficiens vocatur, sic dicatur relatè ad diversa opera, ad quæ hominem disponit, & respectu quorum illi posse donat, prout de variis operibus agitur: ita gratia illa sufficiens, in variis constituenda est. Nec enim eadem gratia hominem ad omnia sufficientem reddit. Sic in homine iusto, gratia sufficiens ad opera veræ pietatis, & quæ vita æterna digna sunt, consistit tum in ipsa gratia habituali, & spiritus sancti donis, quibus jam præditus est, tum in variis illustrationibus & illuminationibus, quibus ad hæc & illa opera invitatur & sollicitatur. In homine fidelis, & nondum iustificato, fides cum ejusmodi spiritus sancti motibus, auxilium sufficiens est ad orandum & petendum ac impetrandum à Deo gratiam iustificantem, & donum spiritus sancti. Et in eo qui nondum fidelis est, gratia sufficiens ad fidei actum sunt, ut jam dixit Alvarès, notitia credendorum, pias cogitationes, & pia desideria habendi fidem, & quæ sunt ejusmodi.

XXXIV. Sed quicquid sit, Doctor ille vult nullam gratiam sufficientem esse ad ullum bonum opus, & piam operationem, nisi eam quæ non tantum intellectum intus illustrat, sed voluntatem etiam quodammodo movet & afficit. *Gratia excitans, inquit, quæ illustratur, vel movetur solum intellectus, non est idem quod gratia sufficiens, simpliciter loquendo, sed solum secundum quid, quia non solum intellectus, sed etiam voluntas indiget motione divina, & præveniente gratia, quæ potens reddatur ad opera pietatis exercenda, eo quod voluntas magis corrupta est per peccatum quam intellectus.*

XXXV. Hoc autem inde probat quod, *Ad salutem non solum est necessarium, ut intellectus cognoscat quid faciendum sit, quidve fugiendum; sed etiam oportet quod voluntas velit bonum amplecti, & malum fugere, ac Deum super omnia diligere: sed per gratiam excitantem in solo intellectu receptam, non potest voluntas aliquid velle, quod sit ad salutem conducent, nec Deum super omnia diligere: Quia gratia existens in intellectu, extrinseca est voluntati, ac per consequens, non tribuit illi sufficiens principium, quo possit opera pietatis exercere.* Unde concludit, solam gratiam in intellectu receptam, non esse gratiam sufficientem ad salutem. *Epir. de Auxiliis lib. 3. cap. 16.*

XXXVI. Auxilium autem gratiæ efficacis proprium recentiores illi Thomistæ constituunt in gratuita & benigna Dei operatione, quæ propriè in libero hominis arbitrio operatur ipsam conversionem, seu alium quemcumque actum veræ pietatis. Videlicet ipsum voluntatis motum efficienter attingendo, hoc est, voluntatem ipsam applicando & determinando ad volendum & eligendum. Quæ operatio Physica vocatur, id est, propriè dicta. Qualis nimirum agnoscitur in Deo ad alios quoscumque effectus ab ipso procedentes. Quoniam vero fieri nequit ut Deus voluntatem determinet, & non ipsa determinetur, agatque id ad quod tanquam causa secunda applicatur à Deo; sequitur, fieri non posse ut gratia ista non habeat suum effectum. Unde hac ratione, juxta hanc sententiam, efficax dicitur Gratia Dei efficacitate non morali, sed physica & propriissime dicta. Quæ verba sunt Estii in 2. sentent. dist. 28. paragr. 2.

XXXVII. Inde est quod gratiam illam dicunt esse efficacem *per se*, id est, talem quæ vi sua movet & determinat liberum arbitrium: idque, ut ipsi loquuntur, *infallibiliter, insuperabiliter, indeclinabiliter*: quoniam fieri non potest ut voluntas humana illam effectui suo frustretur, obsterque ne præster illud ad quod propriè à Deo donatur; propterea quod hæc divina gratia omnem hominis resistantiam vincit, & vis ejus in eo consistit, ut homo fiat ex nolente volens.

XXXVIII. Quapropter etiam dicunt efficaciam gratiæ istius esse absolutam, respectu bonæ actionis, nec pendere à consensu liberi arbitrii: quia ut bona actio sequatur, non expectat liberi arbitrii consensum, sed eum potenter efficit; utpote quæ liberum libi subijcit arbitrium, nequaquam vero ejus potestati subijcitur.

XXXIX. Nec tamen putant per istam gratiæ efficaciam voluntatis humanæ libertatem ulla ex parte, vel tolli vel minui; & propterea minus esse liberam bonas hominibus operationes, quæ à gratia ista ut à causa sua pendent. Idque quia Deus per gratiam suam, non simpliciter facit ut faciamus opera bona, & ejus voluntati conformia, verum etiam facit ut ea faciamus, secundum modum humanæ naturæ convenientem, adeoque liberè. Siquidem efficax illa gratiæ divinæ motio id præstat in nobis, ut ex prævio judicio intellectus practici bonum eligamus, & quidem ita, ut ex diverso ejusdem intellectus judicio possemus malum eligere: quod ad plenam rationem libertatis sufficit. Nam quamvis gratia certo & infallibiliter præster, ut in bonum hoc aut illud voluntate nostra feramur, prævio mentis practiciæ judicio: non tamen obstat quominus intellectus ejus ductum sequens retineat potestatem aliter judicandi, & voluntas potestatem aliter eligendi, qua in re ratio libertatis sita est. Nempe omnino liber est, qui ex se ad agendum, aut non agendum ita indifferens est, ut dum agit potestatem habeat non agendi, aut aliter agendi.

XL. Quamvis enim gratia efficaciter operetur, ut liberum arbitrium moventi gratiæ consentiat, & ductum illius sequatur, non tamen tollit ab eo dissentienti potestatem. Præstat quidem Christi auxilium efficax ut hominis voluntas, & semper & certissimè amplectatur bonum illud ad quod movetur; sed non impedit, quominus dum gratia illam movet, potentiam semper habeat non faciendi tale bonum, imo etiam malum oppositum faciendi. Nempe, ex Doctorum istorum sententia, actualis creatæ voluntatis dissensus, cum actuali motione gratiæ efficacis consistere non potest; sed tamen cum eadem motione optime consistit potentia dissentienti. Et hoc est quod dicit Alvarez *liberum arbitrium motum à Deo auxilio efficaci, non posse illi dissentire in sensu composto, sed in sensu diviso.*

XLI. Porro Janenius & qui cum sequuntur, eadem cum Thomistis recentioribus docent, circa modum quo Christi gratia medicinalis & efficax in voluntates humanas operatur, easque ad agendum movet. Nempe cum illis volunt efficaciam gratiæ illius esse absolutam, nec à consensu liberi arbitrii pendere, & eum expectare, ut effectum suum sortiatur. Illam esse cordis humani victricem, & talem cui nemo valeat resistere. Eam inseparabiliter adjunctum habere effectum ob quem à Deo præbetur: Et à nullo corde quantumvis duro respui, quia ideo præstat ut ipsa cordis durities auferatur. Illam non relinquere voluntatem in æquilibrio, sed potentissimè secum abripere: adeoque illam voluntati humanæ *inseparabiliter & indeclinabiliter* dominari. Quibus similia multa legere est apud dictum Janenium totis octo libris de gratia Christi salvatoris, præcipue libro tertio.

XLII. Imo idem ille cum Thomistis asserit, huic Christi adjutorio verè competere officium voluntatem *physicè prædeterminandi*. Quippe tale illud esse ut voluntatem ad actum pertrahat, non si voluerit, sed ei efficacissimè præbendo ut velit. Quoniam non expectat ut voluntas secum influat, sed facit secum influere voluntatem, applicans eam ad volendum agendumque, quicquid per eam Deus volendum agendumque constituerit. Cum enim per terrenas cupiditates, ut ait, voluntas ad non volendum, imo ad repugnandum determinata sit; tollit istam depressionem, atque determinationem in contrarium, & reflectit eam in bonum, non solum si libero arbitrio hoc videatur, & velit; sed ineffabili sua luce atque suavitare, faciendo ut ei sic videatur, & velit. Sic Deus, juxta ipsum, ex nolentibus & repugnantibus volentes & consentientes facit; voluntatem, scilicet, inclinando, applicando, determinando, & quia prævenit ipsam voluntatis determinationem, etiam prædeterminando; non solum moraliter, sed vera, reali & physica determinatione. Quoniam moralis prædeterminatio illa dicitur quæ tantum se habet ex parte objecti, & per modum allicientis, blandientis, rogantis, consulentis, &c. sive extrinsecus, sive intrinsecus; sed hæc se habet in ipsa potentia voluntatis, quam propriæ suæ suavitatis magnitudine ad volendum applicat, & applicando determinat, utpote causans in ea hoc ipsum ut se determinet, ideoque prædeterminat. *De gratia Christi salvatoris lib. 8. cap. 3.*

XLIII. Eadem quoque cum Thomistis ratione, Episcopus iste, & qui doctrinæ illius adhærent, jam descriptam gratiæ Christi efficaciam, cum Arbitrii humani, in hoc statu, libertate conciliari posse docent. Nimirum quia illa Christi gratia quæ voluntatem ad

ad agendum determinat, ab ea minime tollit potestatem aliter agendi, etiamsi infallibiliter efficiat ut agat. Agens autem illud liberum censei debet, quod sic agit, ut habeat potestatem non agendi, aut aliter agendi. Neque ad libertatem necesse est, ut cum omnibus ad agendum requisitis stet simul ut non agat voluntas; sed solum ut possit non agere. Itaque, secundum illorum hypothesen, posita gratiæ divinæ motione, necesse est quidem in sensu composito animum illam sequi, nec potest voluntas Deo moveri resistere, & dissentire ab eo quod per eam vult operari Deus; adeoque vis divinæ gratiæ eo respectu rectè dicitur indeclinabilis & insuperabilis: sed tamen in sensu diviso verum est, voluntatem, etiam quum gratia illam moveret, posse Deo resistere, gratiæ dissentire; & aliò quam quò Deus illam ducit declinare: quia dum gratiæ consentit, non propterea amittit potentiam dissentiendi, & dum Deo moveri cedit, potentiam resistendi; ac dum sequitur Dei ductum, potentiam divertendi quo trahit concupiscentia. Ut videre est apud Janseium de gratia Christi salvatoris lib. 8. cap. 4. Sicut ergo, inquit, in sensu composito vera sunt ejusmodi Phrasen, quibus voluntas, acta per divinam gratiam, dicitur non posse resistere Deo, non posse dissentire ab eo quod per eam vult operari Deus non posse declinare, non posse superare: ita è contrario in sensu diviso vera sunt, quibus dicitur posse declinare, posse dissentire, posse superare.

XLIV. Quibus familia repetit & inculcat ejusdem libri capite vigesimo. Dicimus, inquit, liberum arbitrium quantumcumque vehemens atque efficax gratia delectatione preventum atque determinatum ad faciendum bonum, adhuc tamen posse bonum non tantum non facere, sed etiam malum. Verum est istud non quidem in sensu composito, ut vulgo dici solet, sed in sensu diviso. Nimirum quia eodem tempore, quo voluntatis arbitrium sub gratia delectatione efficaciter eam movere positum est, imò quo etiam actum voluntatis bonum facit, est in eadem voluntate potestas illud non faciendi, imò peccandi; non quod cessatio ab actu quem tunc elicit, aut actuale peccatum cum gratia delectantis influxum consistere possit, (quod sensus compositus postulare) sed quia cessandi & peccandi potestas cum eadem gratia, simul in eodem voluntatis arbitrio conjungi potest. Nam quamvis duo actus contrarii sint oppositi: & in eadem voluntate simul esse non possint: potestates tamen ad opposita non sunt opposita, nec sibi invicem, nec actibus oppositis, & in eodem simul subiecto, sive agente, sive quiescente commorantur. Sic ergo voluntas quantumcumque gratia suavitatis capiatur, potest non agere id quò rapitur, quia verum non agendi potestatem, etiam sub gratia rapiente retinet: quamvis fieri nequeat ut ipsa non actio, cum gratia operatione in eadem simul voluntate copuletur. Quod capite sequenti paucioribus complectitur, Potentia quippe, inquit, dissentendi non repugnat actuali gratiæ motioni & consensui; quamvis fieri nequeat ut actualis dissensus, cum actuali Dei motione jungatur.

XLV. Quamquam vero Janseius, & qui sunt in eadem cum ipso sententia, agnoscant cum gratiæ divinæ efficacia sic esse conciliandam indifferentiam, seu potestatem illam, ad bonum & ad malum, ad agendum & non agendum, quam non negant in iis omnibus reperiri qui degunt in hoc mortali corpore; & in qua multi ipsam libertatis essentiam constituere videntur: nihilominus petunt inde petendam non esse veram genuinamque divinæ gratiæ cum libera voluntate concordiam. Quoniam Augustinus & primi ejus discipuli concordiam istam aliter instituunt. Nimirum ut gratiam cum libero arbitrio concilient, simpliciter dicunt, eam idcirco non tollere liberum arbitrium, quia facit ut liberum arbitrium non instar lapidis otiosum sit & nihil agat, nec ut invitum cogatur ad bonum, sed ut etiam ipsum velit & agat, liberum enim definiebant quod est in nostra potestate, hoc autem in nostra esse potestate dicebant quod fit quando volumus, seu quod aliquis si vult facit, si non vult non facit. Quibus positis sequitur omnem omnino voluntatem, seu volitionem rationalem liberam esse: quia quemadmodum impossibile est, ut non fiat quando volumus, & fiat quando nolumus, ita consequenter impossibile est, ut non sit in nostra potestate, & hoc ipso libera non sit. Ac proinde cum gratia non aliud præstet quam ut volitionem bonum, ex rationis recto judicio, eliciamus, hoc ipso facit ut liberè agamus, nec libertatem nostram destruit sed astruit. Quam rationem conciliandi libertatem humanam cum infallibili gratiæ divinæ efficacia, omnium optimam & maximè genuinam existimat esse Janseium de Gratia Christi Salvatoris lib. 8. cap. 19. Idque quoniam, juxta ipsum, essentia libertatis in genere consideratæ, minime consistit in indifferentia, qua potest aliquis velle vel non velle, istud velle, vel contrarium: sed in eo potius quod aliquis ad volendum & agendum, non aliqua vi externa, nec bruta necessitate, sed propriæ rationis judicio movetur, & eatenus est actus sui Dominus.

XLVI. Cæte-

XLVI. Cateram quamquam Janſenius & Thomiſtæ recentiores in eo conveniunt quod gratia Chriſti, per quam homines convertuntur & bene operantur, ſit gratia per ſe efficaci, quæ liberum ſibi ſubjicit arbitrium, nequaquam vero libero arbitrio ſubdita eſt; & quæ, ut effectus illius ſequatur, voluntatis humanæ conſenſum non expectat, ſed conſenſum illum infallibiliter & potenter efficit: inter ſe tamen diſſentiunt de gratiæ illius natura atque ſubſtantia; nec eodem modo explicant qua in re conſiſtat, atque poſita ſit. Utriſque gratiæ iſtius modus operandi idem eſt, diverſa vero illius eſſentia.

XLVII. Conſtat quidem inter utroſque gratiam illam, ſine qua nullus ad Deum convertitur & bene agit, & quam omnes qui accipiunt, certo & infallibiliter convertuntur & bene agunt, eſſe auxilium quoddam quod voluntatem ipſam per ſe & immediate movet atque afficit, non vero intellectum ſolum; nec eam in ullo habitu permanenti conſtituendam eſſe. Sed quid illa ſit, inter hos & illos non omnino convenit: imo ne quidem inter ipſos Thomiſtas.

XLVIII. Licet enim omnes illi efficaci iſtud auxilium nomine prædeterminationis phyſicæ ſignificent, & dicant eſſe gratuitam & præviam Dei motionem, quæ voluntatem creatam movet & applicat ad bene operandum; nonnulli tamen ſunt qui dicunt præmotionem illam Dei qua voluntates humanæ ad bene agendum moventur, ſe habere ad modum qualitatis non permanentis, ſed tranſeuntis cum operatione voluntatis ipſius. Alii vero dicunt motionem actualem qua Deus movet & applicat voluntatem ad operandum, eſſe realiter ipſam voluntatis operationem, quatenus procedit à Deo, voluntatem ad agendum applicante & præmovente efficaciter. Denique alii perpendunt motionem illam præviam, nec ſe habere ad modum qualitatis in voluntate receptæ, nec eſſe idem cum ipſa voluntatis operatione; ſed aliquid quod habet eſſe quoddam incompletum, per modum quo colores ſunt in aere, & virtus artis in instrumenti artificis, quod proprio & convenienti nomine dici poteſt *motio virtuoſa*. Ut apud Didacum Alvarès videre eſt lib. 3. de Auxiliis divini gratiæ diſput. 19. Ubi poſtremam hanc ſententiam tanquam veram & ſuam tueretur.

XLIX. Inde vero colligit iſtud Dei auxilium, voluntatis creatæ actioni prævium, produci in illa effective à ſolo Deo, & nullo modo dependere efficienter ab influxu voluntatis ipſius: adeoque voluntatem in ordine ad illud prævium auxilium Dei ſe habere paſſivè: quamvis eadem voluntas ſe habeat activè & liberè, in ordine ad actum liberum, ad quem prævio illo auxilio movetur. *Diſputatione modo citata numero ſexto.*

L. Porro Doctores illi agnoſcunt iſtam Dei motionem ad omne bonum opus præviam & neceſſariam in poteſtate hominis non eſſe; quia datur & negatur ex divino beneplacito. Sed nihilominus affirmant in facultate noſtræ voluntatis eſſe ſeiſpſam impedire ne habeat motionem illam. Unde colligunt quod, ſi non operetur altum, qui eſt in præcepto, imputabitur illi ad culpam, eo quod ſua culpa ſe impedivit, ne daretur illi auxilium efficaci, quod neceſſarium erat, ut actualiter operaretur altum virtutis, qui eſt in præcepto: ſicut ſi Deus imponeret homini præceptum volandi, & quantum eſt ex parte ſua, offerret illi alas, & adjutorium neceſſarium ut volaret; ipſe autem ſua libertatem reſponderet; Domine nec volo alas accipere nec volare: merito reputaretur reus, & tranſgreſſor præcepti, etiamſi non poſſet abſque aliis volare; quia ſua culpa ſe impedivit, ne illi donarentur à Deo. Quæ ſunt verba ejuſdem Alvarès libri jamjam citati diſputatione decima octava num. 20. Ubi ſuam doctrinam confirmat Auguſtini dicto, *Ut homines non adjuventur gratia Dei, in ipſis cauſa eſt, non in Deo.*

LI. Caterum neceſſitatem auxilii iſtius voluntatem efficaciter ad omnem piam operationem præmotionis & prædeterminantis non arceſſit ſimpliciter ex voluntatis humanæ corruptione & infirmitate; ſed in genere ex dependentia omnis cauſæ ſecundæ à Prima, ſine cujus impulſu & prævia motione, nulla cauſa eſt quæ quicquam agere poſſit, juxta ipſorum hypotheſes. Ac præterea ex indifferentia liberæ voluntatis, quæ non eſt apta ut aliquid agat, niſi ab agente ſuperiori determinetur.

LII. Quamquam vero iſtud auxilium efficaci in motione quadam voluntatem phyſicè prædeterminante conſtituant; agnoſcunt tamen illud præſupponere motionem moralem, quæ ſit per objecti propoſitionem congruam, per quam apparet objectum illud amabile & conveniens voluntati. Nec enim voluntatem poſſe aliquid appetere, niſi prius per intellectum ei proponatur tanquam conveniens. Ac

proinde neminem per auxilium gratiae physice determinari ad bonum prosequendum; quin mens ejus fuerit notitia istius boni illuminata, & voluntas ad illud appetendum invitata, & moraliter inclinata internis spiritus sancti suasionibus & suggestionibus. Verum inde nunquam consequitur, secundum illorum doctrinam, voluntatis consensus, nisi alterum illud auxilium accefferit, quod voluntatem ad consentum illum efficaciter & physice moveat.

LIII. Janfenius autem eam Christi gratiam, quae hominem jam boni cognitione illustratum, & variis modis pulsatum, allectum, & sollicitatum ut bonum amplectatur, ad illud tandem reapse prosequendum efficaciter & certo determinat, non aliud esse vult, quam *coelestem quandam atque ineffabilem suavitatem, seu spirituales delectationem, qua voluntas prevenitur & flectitur ad volendum faciendumque quicquid Deus eam velle & facere constituerit.* Nec enim ullum esse genus actionis aut voluntatis bonae, ullumve effectum gratiae efficaci, qui non isti Coelesti delectationi, tanquam verae gratiae Christi, veraeque causae tribuendum sit. Illam esse per quam bonum, quod praedicatur nobis, incipimus concupiscere: per quam bonum jam cogitatum pia voluntate credimus atque suscipimus. Sine coelitus infusa ejusmodi delectatione, nec orationem ullam Deo gratam fundi posse, nec Deum pure & caste diligere, nec cupiditatem nostrarum tentationibus resisti, nec denique ullum bonum opus fieri. Ut prolixè Doctor ille ex Augustino probare contendit. *De gratia Christi salvatoris libro 4. cap. 1. & seqq.*

LIV. Ut autem explicet quid sit ista coelestis suavitas & delectatio, quam veram Christi gratiam, ex sua & Augustini sententia esse existimat, distinguit in appetitum & in voluntate tres circa bonum actus. Primus est simplex amor, sive complacentia, quae est veluti quaedam coarctatus appetitus ad bonum ut sibi conveniens. Secundus est motus quidam inde consequens, qui dicitur desiderium, per quod appetitus tendit in bonum sibi conveniens & aptum. Tertius est quies in bono quod jam aliquis adeptus est. Et actus ille proprie dicitur gaudium & delectatio, per quam animus in bono praesenti, cum quadam satisfactione & fruitione conquiescit.

LV. Quamquam vero delectatio in tertio illo actu proprie consistat, nihilominus observat in prioribus actibus simplicis amoris & desiderii, inesse quandam delectationem: quia cum omnis amor ad delectationem, tanquam ad quietem ac centrum suum, per desiderium tendat, fieri non potest quin ipse motus quoque aliquid ex illa suavitate participet. Nam simul atque motus incipit, participat de quiete, quatenus etiam primum momentum motus habet partialem terminum suum.

LVI. Quod in amore ac desiderio rerum spiritualium, sapientiae, veritatis, sanctitatis, justitiae & charitatis, multo maxime locum habet. Nam qui diligit res terrenas, non hoc ipso quod eas diligit, etiam adipiscitur, nec tanquam in adeptis conquiescit, neque quasi fruens animo delectatur. Quisquis vero diligit justitiam, veritatem, sapientiam, charitatem, hoc ipso bona illa adipiscitur, habet & possidet; & per hoc etiam iis cum delectatione fruitur, & cum fruitione delectatur. Adeoque qui diligit Deum, qui est ipsa aeterna sapientia, veritas, charitas, justitia, ipso quoque dilectionis actu, tanquam objectum suum possidente, fruitur & delectatur Deo. Unde sequitur etiam actibus amoris & desiderii, praesertim quum circa Deum ut res divinas versantur, delectationis & suavitatis nomen recte tribui, ut fit passim ab Augustino.

LVII. Praeterea notandum est actus amoris & desiderii, quibus afficitur voluntas, vel deliberatos & liberos esse, qui praevia consultatione, ex certo rationis judicio eliciuntur: vel indeliberatos, & ita non liberos, qui nimirum ab objecti alicujus propositionem, in voluntate subito oriuntur, priusquam mens consultare & deliberare possit.

LVIII. Quibus animadversis, observat idem Doctor coelestem delectationem, in qua ponit Christi auxilium efficacem, ad omnem piam operationem & bonum voluntatis actum, necessarium, non esse delectationem illam proprie dictam, per quam voluntas in bono praesenti acquiescit, & eo fruitur; & quae est desiderii, quo voluntas fertur in bonum, quasi terminus: nec etiam ullum esse voluntatis motum liberum atque deliberatum: Sed actum quandam indeliberatum coelitus immisum in voluntatem, & per quem, vel ei bonum propositum suaviter tantum placet, vel etiam in bonum appetendum commovetur. Qui actus coelitus immisus, licet voluntas eum libere non eliciat, ab ea tamen active procedit, & vitalis est illius quidam motus.

LIX. Istam autem delectationem in nullo amore, vel desiderio libero consistere, juxta Doctoris illius principia manifestum est. Quandoquidem etiam ad desiderandum

dum & amandum Deum, & quodlibet verum ac spirituale bonum, libero voluntatis motu, necessaria est: cum desiderium & amor ejusmodi sint actus boni, qui sine suavitatis gratia non possunt à voluntate proficisci. Quia de re pluribus agit Jansenius, libro quarto de gratia Christi salvatoris capite undecimo, cujus titulus est, *Delectatio ista celestis, secundum Augustini mentem, est actus vitalis & indeliberatus anime: & quidem amoris ac desiderii precedentis consensum, ac delectationem illam, quæ & quies animi, & gaudium dicitur.*

LX. Hæc vero divinitus infusa delectatio, ex Authoris istius mente, ad bonum quemlibet actum voluntatis ideo necessaria est, quod secundum expressum Augustini pronuntiatum, *voluntas moveri nullo pacto potest, nisi aliquid occurrat quod delectet atque invitet animum.* Nec enim quicquam amplectitur voluntas, quin prius erga illud aliquo delectationis sensu afficiatur. Quod locum habet, non tantum in bonis, sed etiam in malis. Nam voluntas non fertur in malum, nisi præparetur atque impellatur præcedente quadam delectatione, qua malum sub falsa boni specie ipsi blanditur.

LXI. Cum vero sæpe contingat hominis animum circa opposita aliquo delectationis sensu simul affici; ac præsertim in fidelibus, quamdiu corpus hoc mortale gerunt, lucta sit duarum delectationum, unius terrenæ, alterius coelestis, unius noxiæ, alterius beneficiæ: utralibet vicerit, animum secum pronum & consentientem trahit. Nec unquam aliter evenire potest, quam ut major delectatio voluntatem rapiat in illud quod magis delectat. Ac ubicunque animus, inter justitiam & peccatum constitutus, in diversa trahitur, quod amplius delectaverit, secundum illud operetur necesse est.

LXII. Quam suam sententiam Jansenius illustrat his Augustini verbis, ex commentario in epistolam ad Galatas desumptis, ubi Augustinus agens de fructibus spiritus, qui sunt gaudium, pax longanimitas, benignitas, bonitas, fides, mansuetudo, continentia. *Regnant, inquit, spirituales isti fructus in homine in quo peccata non regnant. Regnant autem ista bona, si tantum delectant, ut ipsa teneant animum in tentationibus, ne in peccati consensionem rnat. Quod enim amplius nos delectat, secundum id operemur necesse est. Ut verbi gratia, occurrat forma speciosa femina, & movet ad delectationem fornicationis: sed si plus delectat pulchritudo illa intima, & sincera species castitatis, per gratiam qua est in fide Christi, secundum hanc vivimus, & secundum hanc operamur; ut non regnante in nobis peccato, ad obediendum desideriis ejus, sed regnante justitia per charitatem, cum magna delectatione faciamus quicquid in ea Deo placere cognoscimus. Quod autem de castitate & fornicatione dixi, hoc de cæteris intelligi volumus.*

LXIII. Itaque illud efficax adiutorium divinæ gratiæ non in qualibet circa bonum delectatione ponit, sed in tali delectatione, quæ in homine cui datur, omni delectatione opposita major sit, atque illam superet; & quam idcirco, cum Augustino, vocat *Vittricem delectationem.* Si enim major sit carnis delectatio, nunquam illa quam spiritus infundit, à voluntate consensum impetrabit. Nam minor delectatio non potest majorem vincere: sed eam sequitur animus, quæ magis eum afficiendo suavitate detinuerit. *De gratia Christi salvat. lib. 4. cap. 6.*

LXIV. Porro quamquam victrix illa delectatio, in qua Christi gratia medicinalis & efficax consistit, voluntatem ad bonum, secundum illius doctrinam, impellat infalibiliter, & bono, quod ita suave est, certo consentire faciat: nihilominus quæ in uno victrix est, quia minor ei se opponit carnis delectatio, quæque idcirco voluntatem in consensum inducit, in alio tamen majori & fortiori carnis delectatione vincetur, nec per eam fluctetur voluntas, quam captivam abducat delectatio terrena potentior atque valentior.

LXV. Cæterum necessitatem victricis istius delectationis, quam oporteat coelitus infundi ad vincendas tentationes, & peragenda justitiæ opera, ex voluntatis infirmitate petit, qua fit ut nihil boni amplecti possit, nisi delectet. Quia voluntas per se, & sua sola volendi libertate, interna voluptatis dolorive impedimenta superare non potest. Nec homo ex se sufficit, ut Pelagiani volebant, ingentis sibi motibus dare leges. Siquidem terrenæ delectationes, ex innata homini concupiscentia ortæ, voluntatem ita depriment, & à vero bono revocant, ut erigere se non possit, & in operationes coelo dignas prorumpere, nisi Deus immitat coelestem quandam delectationem atque suavitatem, terrenis illis majorem atque potentior, per quam carnalium concupiscentiarum visco expediatur, & in libertatem ex illa captivitate afferatur.

asseratur. Absque quo voluntas non potest bonum tam fortiter & intense velle, ut tentationem contrariam superet. Ut nec in ejus potestate situm est, ut coelestibus pro libitu delectari, juxta illud Augustini ad Simplicianum. *Quis habet in potestate tali visio attingi mentem suam, quo ejus voluntas moveatur ad fidem? Quis autem animo amplectitur aliquid quod eum non delectet? Aut quis habet in potestate, ut vel occurrat quod eum delectare possit, vel delectet quum occurrerit? Quum ergo nos ea delectant quibus proficiamus ad Deum, inspiratur hoc & praebeatur gratia Dei, non nutu nostro & industria, aut operum meritis comparatur.*

LXVI. Ex quibus & multis aliis similibus hanc conclusionem elicit Jansenius: *Hac igitur volendi imbecillitas, quae ex terrenarum rerum delectationibus deorsum voluntatem ad creata atque carnalia diligenda deprimentibus, nascitur, vera causa est, cur delectatio iustitiae, seu operis boni quod praecipitur, necessaria sit, quia sublevaris animus vel fortiter velle possit, quod jam tenuiter vult, vel etiam velle quod non vult. Cujus delectationis suavitate, nisi Deus voluntatem deliniverit, nunquam poterit ipsius praecipi iustitiam vel implere, vel velle: sed si quos actus circa praecipium exercere videatur, non nisi in terrenarum concupiscentiarum ac delectationum, vel proprii fastus fructum terminabuntur. Coelestis enim illa suavitas mollit viam, ut voluntas ex carnalium rerum visco emergere possit, & seipsam iniustitiam diligendam figere. Ex quo consequenter fit, ut si illa desit, voluntas veluti torpens ac mortua nihil omnino boni amplecti possit; quemadmodum etiam e contrario, nihil in carnalibus diligendo proficui potest, nisi quod eam delectaverit. De gratia Christi salvatoris lib. 4. cap. 7.*

LXVII. Ceterum hanc delectationis coelestis necessitatem ad volendum atque operandum, & voluntatis nostrae infirmitatem, qua fit, ut nec moveri ad bonum possit, nisi quid delectaverit, nec inter duo quae delectant aliud eligere, quam quod delectando superaverit, sedulo monuit author ille, non ex essentia & natura voluntatis, sed ex ejus poena proficisci. Nec enim putat hanc esse naturam humanae voluntatis absolute consideratam, ut non possit libere bonum objectum proficui, nisi prius delectaverit: ac multo minus existimat necessarium esse, ut viso objecto bono, voluntas tangatur aliqua delectatione.

LXVIII. Itaque totum istud tribuit imbecillitati cuidam voluntatis per peccatum contractae, & quae inter peccati poenas numeranda est. Nec enim ante peccatum, juxta illius hypoteses, delectatio ulla voluntati dominabatur, & in alterutram partem illam flectebat ac determinabat, efficaciter ejus consensum eliciendo. Non priusquam homo per peccatum integritate sua primaeve eecidisset, nulla terrenarum rerum delectatio voluntatem ejus ad malum sollicitabat & eliciebat; idque quoniam omnis ejusmodi delectatio nascitur ex concupiscentia, quae peccati fructus est. Ac proinde primum peccatum primi hominis sine delectatione praecedente perpetratum est. Delectatio quippe prima secuta est perversam voluntatem, non voluntas delectationem. Si quidem omnis repugnantia bonae voluntatis supplicium est male; quod Deus creaturae rationali non infligit immerita.

LXIX. Quod spectat autem bonas actiones, ea quidem gratia primus homo praeditus erat, ut illas exercere posset, usque debite & perfecte fungi: sed gratia illa non erat ejusmodi, ut eum faceret velle & operari: quoniam ejus libero arbitrio subiacebat, & penes eum erat gratia ista uti, vel non uti. Ac proinde in eo locum non habebat illa delectatio victrix, quae liberum sibi subjicit arbitrium, & voluntatem ad bonum movet efficaciter & infallibiliter. Unde manifesto sequitur, illam quae jam obtinet delectationis victricis necessitatem ad bene operandum, ex ipsa voluntatis natura non oriri. Nam alioquin oporteret illam in homine perpetuam fuisse: cum tamen in homine integro locum non habuerit, nec etiam fuerit ei necessaria.

LXX. Itaque quod coelestem illam delectationem ad actus bonos necessariam reddit, non aliud est, juxta hunc doctorem, quam voluntatis humanae corruptio & depravatio. Quia, scilicet, voluntas per peccatum primi hominis in libidinum imperium praecipitata est. Ex quo fit ut in omnibus actionibus ante gratiam, delectatione quadam libidinosa praeviente ac titillante provocetur, cui contentiando peccat, & si sibi relinquatur, non consentire non potest. Cui malo curando immittitur a Deo delectatio boni seu iustitiae, tanquam unica aegrotae voluntatis medicina, qua ut directe contraria morbo quo affligitur, extorquetur, ejus in bonum, quod ab ea Deus postulat, consensus; & ita voluntas retorquetur sursum, ut blandienti delectantique spiritui affixa, & quasi suspensa ex Deo, non amplius in veterem libidinis servitutem detrahatur. Quae pluribus diducit Jansenius cap. 9. libri saepius jam citati.

Zzz

LXXI. Ex

LXXI. Ex quibus omnibus facile colligitur quomodo conveniat sententia Janfenii cum sententia Thomistarum, & quomodo ab illa discrepet, circa gratiam quam sufficientem, & circa eam quam efficacem vocant. Nempe, quod spectat gratiam quæ sufficiens dicitur, Janfenius cum illis agnoscit eos ipsos qui non convertuntur, nec bene operantur, multiplicem à Deo gratiam accipere; & non solum eorum intellectum illuminari, sed & voluntatem variis gratiæ motibus percelli: Nec diffitetur, acceptis ejusmodi gratiæ auxiliis, hominem verè dici, *posse* converti, & bene operari. Et vice versa Thomistæ fatentur omnibus illis qui non convertuntur, nec bene operantur, deesse auxilium quoddam plane necessarium ut quis actu convertatur & bene operetur.

LXXII. In eo vero discrimen est quod Thomistæ gratiam, quam actu non sequitur bona operatio, nihilominus dicunt sufficientem esse, & per illam dari potentiam bene operandi *proximam* & *completam*. Quod negat Janfenius & qui eum sequuntur. Quæ in re apparet meram esse logomachiam & quæstionem de nomine. Quandoquidem Janfenius non propter aliud negat gratiam ejusmodi *sufficientem* esse, & per eam dari potentiam *proximam* bene operandi, quam quia deest illi auxilium aliquod ad bonam actionem planè necessarium, quod Thomistæ concedunt.

LXXIII. Quod attinet autem gratiam efficacem, Thomistæ cum Janfenio docent nullam esse Christi gratiam quæ ratione quadam efficax non sit, hoc est, quæ non producat certo & infallibiliter effectum aliquem, ad quem efficiendum præcise à Deo data est, & absoluto Dei decreto destinata. Janfenius vero cum illis agnoscit gratiam Christi, non *moraliter* tantum, sed etiam *physicè* voluntatem determinare. Ac communi consensu, & pari contentione, petunt utrique gratiam divinam *ex se* & *per se* efficacem esse: ejus efficaciam à consensu liberi arbitrii non pendere, sed esse absolutam: & gratiam libero arbitrio dominari, non vero potestati illius subjacere.

LXXIV. Carterum circa naturam gratiæ efficacis in multis dissentiunt: ut prolixè notat & refert Janfenius de gratia Christi salvatoris libro octavo capite primo. Nam Thomistis recentioribus gratia voluntatem physicè prædeterminans, ut supra fuit expositum, est motio quædam virtuosa, quæ habet esse quoddam incompletum: & in voluntate est per modum quo colores sunt in aere, & impetus in re quæ impellitur. Janfenio vero gratia illa est affectio realis & vera voluntatis, consistens in amore & desiderio quodam boni coelestis & spiritualis, quo suaviter & cum ingenti jucunditate sursum rapitur animus humanus. Ac proinde Thomistis efficax istud auxilium in voluntate tantum passivè recipitur, Janfenio vero est quid activè ab ea procedens, & motus illius vitalis.

LXXV. Deinde juxta Thomistarum mentem, auxilium Physicè prædeterminans tale est, ut in quibuscunque circumstantiis voluntas collocetur, semper faciat facere, & operetur effectum suum, omnemque superet resistantiam. Nempe si idem auxilium, quod hunc vel illum hominem ad bene operandum movet & determinat, reliquis omnibus daretur, omnes similiter moveret, adeoque hunc ipsum quibuscunque supponeretur concupiscentiæ motibus agitatus. Verum, ex Janfenii sensu, aliter se habet Christi adjutorium efficax. Nam delectatio victrix, in qua adjutorium illud collocat, relativa est. Tunc enim est victrix quando delectatione opposita major est. Quod si contingat alteram ardentiorē esse, in solis inefficacibus desideriis hærebit animus, nec efficaciter unquam volet quod volendum est. Proinde quæ in uno victrix est, propter debiliores concupiscentiæ motus, in alio superabitur & inefficax erit, propter motus ejusdem concupiscentiæ vehementiores. Nec quæ in hoc homine ad vincendam præsentem tentationem sufficit, sufficiet alio tempore, si fortior & acrior urgeat tentatio.

LXXVI. Præterea physicam prædeterminationem voluntati humanæ ad bene operandum necessariam esse, ideo existimant Thomistæ recentiores, quod voluntas, ut omnes reliquæ causæ secundæ, opus habet à Deo causa prima præmoveri, ut actu operetur. Atque etiam illam necessitatem petunt à voluntatis indifferentia, quam propterea necesse sit à causa superiori ad agendum determinari. Sed Janfenius non alia de causa gratiæ divinæ auxilium efficax humanæ voluntati necessarium putat, quam propter vulnus à peccato inflictum, & infirmitatem ex concupiscentia homini lapsio adhærente contractam.

LXXVII. Ac proinde, secundum Thomistarum hypothesen, auxilium physicè prædeterminans necessarium fuit, homini etiam integro, & citra ullam peccati considerationem. Sed juxta Janfenium, adjutorium efficax, quo fit ut homo velit & operetur, nullum locum habuit in statu innocentie; Sed solum adjutorium *sine quo* homo quidem

quidem bene agere non poterat; & cum quo poterat facile consistere, ut homo bene non ageret; Utpote quod libero arbitrio subdebatur, minimè vero liberum hominis arbitrium sibi subiebat.

• LXXVIII. Cæterum à sententia Jansenii Iprensis, & recentiorum etiam Thomistarum, multum distat doctrina Ludovici Molinae Jesuitæ celeberrimi, quem plures alii sequuntur. Quod ut clarius pateat, summa sententiæ illius, circa gratiam efficacem atque sufficientem, ex scriptis ejus est breviter repetenda. Ille ergo non vult ullum gratiæ auxilium sufficiens dici, præter illud, quo posito, nihil amplius ex parte Dei prærequiritur, ut actio reapse sequatur. Atque hoc modo sufficiens gratiæ auxilium docet à Deo concedi, tam iis qui bene non agunt, neque se ad Deum convertunt, quam iis qui convertuntur & bene operantur.

LXXXIX. Inde est quod auxilium sufficiens dividit in auxilium efficax, & auxilium inefficax. Auxilium efficax est quod sequitur effectus, id est, bonum opus ad quod hominem movet. Inefficax vero quod caret effectu, & per quod homo actu non convertitur, nec bene operatur.

LXXX. Ut autem auxilium sit efficax, non pendet, juxta ipsum, ex peculiari Dei motione, qua posita semper consentiat & cooperetur liberum arbitrium, remota vero nunquam consentiat aut cooperetur. Imo qui ita sentiunt, errare putat in fide. Postquam enim retulit sententiam eorum, qui dicunt ipsi auxilio Dei, sive Deo efficaciter, aut inefficaciter per illud moveri, tribuendum esse quod liberum arbitrium consentiat, aut non consentiat: ita ut quoties Deus moveris per auxilium, quod ex modo motionis divina, atque ex Deo ipso habet quod sit efficax, liberum arbitrium consentiat, & cooperetur ad salutem; quod si moveris per auxilium, quod ab eo non habet ut sit efficax, liberum arbitrium non consentiat, nec cooperetur ad salutem: subiungit, Certè non dubitarem sententiam hanc, hoc modo explicatam, errorem in fide appellare. Ratio autem ejus est, quod ita ipsi sic perire videtur arbitrii libertas: quia, scilicet, hominis conversio & perseverantia, non ab innata & propria ejus libertate penderet, sed à qualitate auxilii & motionis divina. Si namque, inquit, arbitrium nostrum ab efficacia auxilii divini habet quod consentiat, aut non consentiat Deo vocanti, & cooperetur, aut non cooperetur ad salutem, perseveretque aut non perseveret in gratia, certè non ab innata & propria libertate id pendet, sed à qualitate auxilii & motionis divina; atque adeo neque est quod illi cedat in laudem & meritum, quin potius perit omnino libertas arbitrii ad salutem. Libro de Concordia liberi arbitrii cum gratiæ Donis, &c. Quæstione 23. Artículo 4. & 5. disputat. 1. membro 6.

LXXXI. Itaque, ex illius mente, Divisio auxilii sufficientis, in efficax & inefficax, sumitur ab effectu, qui ab arbitrii libertate pendet. Adeoque penes humanum arbitrium situm est, & in illius potestate positum, ut auxilium gratiæ, quod ex se sufficiens est, vel sit efficax, vel maneat inefficax. Illudque auxilium sufficiens efficax dicitur, cum quo arbitrium pro sua libertate convertitur, cum tamen, nihil ex auxilio impediatur, potuerit non converti, adque in sensu composito, non tantum in sensu diviso: illud vero inefficax dicitur, cum quo arbitrium, pro eadem sua libertate, non convertitur, cum tamen potuerit converti, & absque ullo alio gratiæ Dei auxilio reapse & de facto, conversionis actum elicere. Afferimus, inquit, auxilia prævenientis atque adjuvantis gratiæ, quæ lege ordinaria viatoribus conceduntur, quod efficacia, aut inefficacia ad conversionem, seu justificationem sint, pendere à libero consensu & cooperatione arbitrii nostri cum illis, atque adeo in libera potestate nostra esse, vel illa efficacia reddere, consentiendo & cooperando cum illis, ad actus quibus ad justificationem dispoimur, vel inefficacia illa reddere, continendo consensum & cooperationem nostram, aut etiam eliciendo contrarium disensum. Eiusdem libri quæst. 14. art. 13. disp. 40.

LXXXII. Igitur secundum illius hypothesen, auxilium efficax & auxilium inefficax, ab eventu sic denominantur: nec auxilium efficax quicquam in se plus habet quam auxilium inefficax. Adeoque contingere potest & sæpe etiam contingit, ut ex duobus aequali gratia Dei præventis, unus convertatur, alter non convertatur. Quinimo quandoque accidit, ut qui majora gratiæ auxilia acceperit, maneat impenitens, aut negligat bene operari: Ille vero cui Deus pauciora & minora auxilia concesserit, veram poenitentiam agat, & studeat bonis operibus; quia prior uti noluerit gratia illa majore sibi à Deo concessa, alter vero minore gratia, pro sua libertate, bene usus fuerit. Ac etiam aliquando fit, ut ex duobus in quibus gratia efficax est, ille qui minore gratia adjuvatur, ferventius & majore cum zelo operetur; ille vero qui majori, languidius atque remissius.

LXXXIII. Hæc est expressa Molinæ doctrina quæstionis 14. articulo 13. disputatione 12. *Fieri potest, inquit, ut duorum, qui aequali auxilio interius à Deo vocantur, unus pro libertate sui arbitrii convertatur, & alter in infidelitate permaneat: Sæpe etiam accidit, ut cum quo auxilio unus non convertitur, alius convertatur. Imo fieri potest, ut aliquis præventus & vocatus longe majori auxilio, pro sua libertate non convertatur, & alius cum longe minori convertatur. Sæpe enim Deus vocat, & peccatores renunt, despiciuntque omne consilium Dei.*

LXXXIV. Hinc patet nullo modo Molinæ laborandum esse, ut efficaciam gratiæ divinæ cum arbitrii humani libertate conciliet. Siquidem Dei gratiam libero hominis arbitrio subicit; nec vult ullum ejus auxilium esse tantæ efficacitatis, ut liberum arbitrium ad agendum ex se determinet; sed qualecunque Dei auxilium ad bonam actionem prævium supponatur, cum eo semper stare posse voluntatis humanæ dissensum, & in hominis potestate manere illo pro libitu uti, vel non uti.

LXXXV. Nihilominus vult actum liberi arbitrii quo gratiæ divinæ consentit, non esse merè naturalem, sed supernaturalem; & gratiæ Dei tribui debere; Idque non solum quatenus dicitur præveniens, & hominem allicit & invitat ad bonum, eique quodammodo novas vires sufficit: sed etiam quatenus per eandem gratiam, Deus cum libero hominis arbitrio in actum illius influit, quo respectu dicitur gratia coadjuvans. Nempe, ex ipsius mente, gratia illa Dei qua Deus hominem prævenit, voluntatem in agendo juvat, & cum ea cooperatur, qua ratione habitus potentiæ inherens, cum illa ad actum ipsius concurrat. Ac proinde illa ipsa gratiæ cooperatio à libera voluntate pendet, nec concipi debet ut voluntatem movens & ejus actione prior: quemadmodum influxus habitus in actum aliquem à potentia pendet, nec potentiam ad operandum movet, sed potentia se ad agendum movente simul cum ea in actum potentiæ influit.

LXXXVI. Sic hæc de re Philosophatur Molina variis in locis. Præsertim vero disputatione quadragesima ad articulum 13. quæstionis 14. *Tertio asseruimus, inquit, prævenientem gratiam, qua arbitrium adulti à spiritu sancto prævenitur, excitatur, allicitur, ac inquitur ad prædictos credendi, sperandi, diligendi, ac pœnitendi actus, esse instrumentum spiritus sancti, quo ulterius efficienter concurrat ac influit cum arbitrio ipso, ad eisdem actus producendos, quando arbitrium ipsum prædictæ gratiæ consentit, & cum ea influit & cooperatur eisdem actus. Quare ejusmodi actus simul sunt efficienter ab arbitrio ipso per suum in eos influxum, & à Deo qui novo influxu, novæ actione per prævenientem gratiam, tanquam per instrumentum in eosdem influit. Sicut enim habitus tam naturales quam supernaturales virtutum, quia inclinant potentias ad actus, habilesque proinde ad illos eas reddunt, concurrunt cum eis efficienter ad actus, suo partiali ac proprio influxu in eos influendo: ita cum gratia præveniens allicit, invitet, & inclinet potentias ad supernaturales illos actus eliciendos, utique quando potentia consentium gratiæ excitant, in actusque influnt, ad quos gratia allicit & invitat, ipsamet etiam gratia influit & cooperabitur cum potentiis eisdem actus. Porro sicut, quod existat in rerum natura influxus habituum ad actus virtutum; quos potentie eliciunt, pendet ab influxu ipsarummet potentiarum ad eosdem actus; eo quod habitus sufficiens causa non sit sine potentiarum concursu ad tales actus producendos: ita quod in rerum natura existat novus ille influxus gratiæ prævenientis in actum credendi, sperandi, diligendi, ac pœnitendi, pendet a cooperatione & influxu liberi nostri arbitrii in eosdem actus per intellectum & voluntatem; eo quod similiter gratia præveniens causa sufficiens non sit eorundem actuum sine nostri arbitrii in eos cooperatione ac influxu.*

LXXXVII. Unde fieri pertendit, *Ut consensus liberi arbitrii Deo excitanti & vocanti per gratiam prævenientem, nihil in re sit quod non sit supernaturale, & quod non simul à Deo emanet, non solum tanquam ab alliciente, excitante & invitante ad id arbitrium, sed etiam tanquam à cooperante per auxilium gratiæ. Ac proinde, ex ipsius sententia, Anathema censeri debet, qui affirmaverit consensum arbitrii nostri Deo excitanti & vocanti per auxilium gratiæ prævenientis esse actum naturalem, aut posse elici sine auxilio & cooperatione ejusdem prævenientis gratiæ. Quanquam iterum pronunciet esse etiam Anathema, qui dixerit eundem consensum non esse in libera arbitrii nostri ad modum aut non reddere ejusmodi prævenientem spiritus sancti gratiam: quæ sunt verba ejus in eadem quadragesima disputatione.*

LXXXVIII. Quæ sint verò gratiæ, & liberi arbitrii partes, circa bonos illos actus, in quibus consistit hominis conversio, distinctius explicat disputatione 37. ad eundem articulum.

articulum. Ubi postquam supposuit ad bonum quemlibet actum hæc tria concurrere; primo concursum generalem Dei ut primi agentis; secundo particularem gratiae divinae influxum; ac denique liberum hominis arbitrium: docet actum aliquem bonum, ut; exempli gratia, actum credendi, sperandi, poenitendi, à concursu Dei generali habere ut sit actus aliquis, non tamen hic potius quam ille: à libero arbitrio, ut quoad substantiam, sit actus hic & non alius: denique à gratia ut sit actus supernaturalis. *Et enim, inquit, à Deo influente per solum concursum generalem emanat ut à causa universali, à qua proinde non habet magis quod sit assensus credendi, aut dolor de peccatis, quam vel actus oppositus, vel actus cuiusvis alterius potentia. Ab influxu vero liberi arbitrii, una cum notitiis & ceteris necessariis, ut quoad substantiam actus producantur, habet tanquam à causa particulari, ut, quoad substantiam actus, sit, potius assensus fidei, aut dolor de peccatis, quam aliquis alius diversus actus. A gratia vero præveniente, seu à Deo ut per illam tanquam per suum instrumentum una cum libero arbitrio influit in eundem actum, habet ut sit actus supernaturalis, specie distinctus ab actu purè naturali credendi, aut dolendi de peccatis, quem liberum arbitrium suis solis viribus tunc eliceret, si cum eo non influeret simul gratia præveniens.*

LXXXIX. Igitur, ex illius mente, gratia Dei & liberum hominis arbitrium sunt duæ partes unius integræ causæ actus credendi, sperandi; aut poenitendi, prout salutem oportet; singulique ejusmodi actus pendent ab influxu tam liberi arbitrii, quam gratiæ divinae: atque à libero quidem arbitrio habent, ut quoad substantiam sunt credere, sperare, poenitere; ab influxu vero gratiæ, ut sint supernaturales, & quales ad salutem sunt necessarij. Adeoque quivis eorum actuum, totus est à libero arbitrio, & totus à gratia: sed à neutro est ut à tota & integra causa, verum ut à parte integræ causæ. Prout autor ille suam sententiam exponit, initio jamjam citatæ disputationis.

XC. Porro quum Doctor iste dicit, si duobus hominibus æqualia auxilia ex parte Dei dentur, fieri posse ut unus pro sua libertate convertatur, & alter non: monet id se intelligere de auxiliis gratiæ prævenientis, quæ præveniens est. Nam si agatur de gratiæ ejusdem auxiliis, quæ tenus est cooperans, id est, quatenus per eam Deus influit in actum quem homo libere elicit, non amplius verum est, æquali auxilio dato, unum converti, alterum non converti. Siquidem impossibile est aliquem non converti, & tamen Deum in eo efficere, cum libero ejus arbitrio, conversionis actum. Sed quoniam gratia præveniens & cooperans reapse sunt unum & idem, & gratiæ cooperatio à liberi nostri arbitrii cooperatione pendet, non secus ac concursus & influxus cuiusvis habitus, ab operatione potentiae cui inest: simpliciter & absolute loquendo dicendum putat, unum cum æqualibus, aut etiam cum minoribus auxiliis pro sua libertate converti, ac salvari, quando alius neque convertitur neque salvatur. Licet si in summo rigore loquamur, dici non debeat cum æqualibus gratiæ auxiliis unum converti, alterum non converti: quoniam in eo qui convertitur est influxus quidam gratiæ, qui in alio non est; ille nimirum qui pendet à liberi nostri arbitrii consensu.

XCI. Similiter juxta hunc Doctorem affirmandum non est, existentibus in duobus adultis æqualibus auxiliis gratiæ prævenientis, illum qui convertitur, pro sola sua libertate converti. Quoniam licet conversio illa à libertate pendeat, fiatque ab arbitrio pro sua libertate; non tamen sit pro sola sua libertate, sed cooperante simul auxilio gratiæ prævenientis per influxum à quo sortitur rationem gratiæ cooperantis: quamvis cum hic pressò sit, gratiamque prævenientem dependenter à cooperatione arbitrii comitetur, solum exigatur cooperatio libera arbitrii nostri. Disputatione quadragesima ad articulum 13. quæstionis 14. paragr. ad secundam.

XCII. Inde vero sequitur, juxta illius hypotheses, positis quibuscvis auxiliis gratiæ prævenientis, quæ præveniens est, hominem posse non converti, tam in sensu composito, quam in sensu diviso. At posito ejusdem gratiæ auxilio, quatenus est cooperans, hominem posse quidem non converti in sensu diviso; Verum id falsum esse in sensu composito; quia fieri non potest, ut adsit influxus gratiæ cooperantis, quatenus est cooperans conversionem, quin peccator per suum arbitrium convertatur; quod tamen arbitrii libertati nihil officit: quia influxus iste gratiæ cooperantis, ab arbitrii humani consensu, ut sæpe jam dictum est, pendet. Ut videre est in eadem disputatione paragr. hinc patet.

XCIII. Quæ sit autem natura divinae illius gratiæ, quæ diverso respectu præveniens & cooperans est, & quam liberum hominis arbitrium efficacem vel inefficacem reddit, prolixè explicat Molina disputatione 45. ad articulum 3. quæstionis 14. Et primo quidem

quidem in genere gratiam illam constituit in mentis quadam illuminatione, & in motibus quibudam voluntatis.

XCIV. Ista vero mentis illuminatio ipsi nihil est aliud, quam notitiæ quædam ab externo concionatore, aut aliunde acceptæ, & à Deo peculiari, & supernaturali influxu adiutæ, ut aliquo modo jam ad salutem accommodatæ sint. Observat enim Deum illis quos ordinaria ratione illuminat, non immittere novas species & ideas, quibus fiant cognitiones illæ, quarum interventu mens eorum illustratur; sed cognitiones illas fieri per species humano modo acquisite, & à concionatoribus, aut alia aliqua ratione excitatas, quibus Deus se inserit per suum influxum, ut cognitiones istæ ad salutem plus minus accommodatæ fiant, pro ratione majoris, vel minoris influxus. Quare, ex ejus sententia, Deum illuminare non aliud est, quam illo modo influxu suo cooperari ad tales cognitiones quibus voluntas excitatur.

XCv. Motus vero voluntatis, in quibus gratia præveniens consistit, ex illius mente, sunt certi quidam affectus, quibus prævia cognitione, voluntas erigitur, & invitatur, tum ad eliciendam spem, tum ad diligendum Deum, aut dolendum de peccatis, antequam actum spei, aut amoris, vel doloris ex dilectione ejus eliciat. Ad hujusmodi vero motus & affectus non cooperatur voluntas, quæ liberum arbitrium est, sed solum quæ voluntas, & natura quadam est. Quippe velit nolit, præsentē cognitione, naturaliter in ea insurgunt. Rationem autem gratiæ non habent, nisi Deus tumul in eisdem specialiter influat, ut evadant supernaturales, & certo quoque modo ad salutem accommodentur.

XCvi. Quod ut plenius intelligi possit, observat ex contemplatione rei valde amabilis, & quam multum refert adipisci, naturaliter confurgere in voluntate motum quendam, quo voluntas ad illam afficitur: qui motus non est volitio, sed affectio voluntatis ad illam rem, ad cujus bonitate quasi tangitur & allicitur, ad volendum eam. Atque hic motus, juxta ipsum, volitionem antecedere solet, non tantum in hominibus, sed etiam in angelis; idque tam in statu naturæ integræ, quam in statu naturæ corruptæ. Quoniam prius tempore, vel natura fuit Luciferum ad id affici voluntate, quod per superbiam obtinere voluit, quam illud liberè vellet. Sicut prius etiam fuit, Evam affici ad pomum vitæ, quam illud comedere vellet contra legem Dei.

XCvii. Porro post ejusmodi motum in voluntate ex rei contemplatione exortum, in voluntatis potestate situm est, rem simpliciter velle vel non velle. Sed motus iste, quo ad rem afficitur, non liberè, ut jam dictum, sed merè naturaliter in voluntate oritur, posita rei contemplatione. Voluntas tamen indirectè potest hujusmodi motum in se impedire, arcendo nempe cogitationem, & divertendo ad alia, ac procurando ut mens voluntati alia proponat, quæ eam ad omnino contraria allicere solent.

XCviii. Quod si existente affectu ad aliquam rem, quam mens ut amabilem concipit, & voluntati offert, menti occurrat via & aditus, quo obtineri posse credatur, naturaliter etiam confurgit in voluntate motus quidam quasi erectionis illius ad sperandum, qui tempore, vel natura antecedit actum liberum spei. Adeoque motus ille à notitia bonitatis objecti, & notitia viæ qua obtineri posse creditur, cooperante voluntate, non ut libera, sed natura quadam est, efficitur; exurgitque naturaliter in voluntate, eo major, quo notitia bonitatis objecti, & viæ qua obtineri possit, major & verisimilior est, sicuti se res habet in affectu illo voluntatis ad objectum cognitum simpliciter ut bonum.

XCix. Jam autem Doctor ille non aliud gratiæ tribuit quam ut perficiat naturam, eamque adjuvet in suis motibus, ut unusquisque ex supernaturali auxilio & gratia talis sit, qualis ad salutem oportet. Ac prout ad dignoscendos & explicandos motus gratiæ, vult attendi ad progressum & ordinem, quem natura ipsa, potentiæ cognoscences & appetentes servarent, si illos eisdem actus, qui gratiæ tribuuntur, suis solis viribus quoad substantiam actus producerent, quod fieri posse ille existimat. Ut ea ratione intelligatur quo pacto Deus per auxilia ac dona gratiæ, se inferat & cooperetur cum natura, eamque adjuvet, ut supra suas vires eòs actus producat quales ad salutem necessarii sunt.

C. Itaque motus illos in quibus constituit gratiam prævenientem, censet esse operationes vitales, à facultatibus nostris active procedentes, sed quæ tamen liberè ab eis non eliciuntur, nec dici debent actus liberi arbitrii, propriè loquendo, quamquam multum à libero arbitrio pendeant. Idque quoniam liberum arbitrium variis modis potest actus illos juvare, vel impedire, eosque desiderare & petere à Deo, & quodammodo seipsum aptare & disponere, ut juxta communem cursum & ordinem divinæ providentiæ, facilius sibi à Deo donentur.

CI. Exem-

CI. Exempli gratia, notitiae illae rerum credendarum, quibus accedente quodam influxu supernaturali, mens nostra salutariter illustrari incipit, liberè comparari possunt, aurem præbendo concionatoribus, & libros pios evolvendo, aliave simili quapiam ratione: ut & ab eis potest aliquis sese liberè avertere, & ita divina illuminationi obstatulum ponere: Licet notitiae istae rationem gratiae prævenientis obtineant, solum ab influxu Dei supernaturali, non verò à libero hominis arbitrio. Et eodem modo pii illi affectus, qui posita Dei illuminatione, naturaliter & necessario in voluntate resulant, & qui rationem habent gratiae prævenientis, ex parte voluntatis, si peculiariter quidam Dei influxus ad eos accedat, possunt à libero hominis arbitrio impediri, dum homo liberè cessat à pia cogitatione, aut adducit & quaerit rationes allicientes voluntatem in partem oppositam; & contra juvari, si quis mentem ultro retineat in pia illa cogitatione.

CII. Sed ut clarius pateat quæ sit Molinae sententia, non alienum erit verbis ipsius exponere ordinem & rationem motuum gratiae prævenientis, qua vocatur ad fidem; spem, dilectionem, & contritionem, quibus hominis conversio constat. Sic ergo jam dicta disputatione ea de re philosophatur. *Dum homo, inquit, nondum ad fidem supernaturaliter interius vocatus, cogitat & expendit res credendas, per notitias concionatoris ministerio, aut aliunde comparatas, insuit Deus in easdem notitias influxu quodam particulari ac supernaturali, quo cognitionem illam adjuvat, tum ut res melius & dilucidius expendatur, & penetretur, tum etiam ut notitia illa jam limites notitiae supernaturalis; & ad finem supernaturalem in suo ordine & gradu accommodata attingat. Ex cognitione vero & penetratione earum rerum quæ ad fidem spectant, nempe quum expenditur quam digna sint quibus assensus adhibeatur, quantumque id expediat, oritur naturaliter in voluntate motus affectionis ad res ita cognitæ, quo allicitur, & quasi invitatur, ad imperandam intellectui assensum, quo eis assentiatur. Cum hoc ergo motu quasi se inserit etiam Deus; influens in illum per auxilium particulare, illumque eo auxilio quasi acuit, ut magis urgeat & alliciat, efficitque illum supernaturalem, ut in suo ordine & gradu sit etiam ad salutem accommodatus.*

CIII. Porro liberum arbitrium his duobus motibus gratiae prævenientis adjutum & excitatum, liberam adhuc habet potestatem imperandi, aut non imperandi assensum fidei. Quod si voluntas fidem amplecti velit, actumque credendi imperet intellectui, influente simul motu gratiae prævenientis, quam habet, elicit in seipsa actum supernaturalem, quo fidem amplecti vult, quoque assensum imperat intellectui: simulque intellectus motu imperio illo supernaturalis voluntatis, illustrationeque divina adjutus, elicit actum supernaturalem assentiendi revelatis, hisque duobus actibus supernaturalibus intellectus & voluntatis homo rite dispositus suscipit habitum fidei supernaturalem, à Deo solo infusum, quo deinceps similes actus supernaturales valeat producere.

CIV. Quod spectat gratiae motum, quo ad spei actum excitamur, sic mentem suam de illo explicat. *Dum intellectus, inquit, illustratus jam lumine fidei supernaturalis; sempiternam beatitudinem homini à Deo preparatam cogitat, bonitatem ac excellentiam illius, tum multa alia & præclara Dei opera, ac beneficia in hominem collata de quorum numero sunt Christi incarnatio ac passio, consideratque reliqua media qua sibi ad vitam æternam consequendam abundantissime suppeditata sunt, naturaliter oritur in voluntate non solum affectus ad beatitudinem, quo allicitur & invitatur ut eam amore concupiscentie velit, sed etiam motus erectionis, quo attrahitur & allicitur ad eam ipsam à Deo sperandam. Quamvis autem hic motus à libero arbitrio pendeat, si à cogitatione ex qua motus oritur cesset; nihilominus sublati impedimenti, merè naturaliter insurgit, eique quasi se ingerit Deus specialiter influendo, eumque acuit & efficit supernaturalem, ut in suo ordine & gradu sit qualis ad salutem necessarius est; per eumque supernaturaliter erigit, & quasi invitat voluntatem, ut eliciat actum supernaturalem sperandi sempiternam beatitudinem, & media ad illam comparandam necessaria. Per ejusmodi ergo gratiam liberum nostrum arbitrium, à Deo præventum & excitatum elicit, si vult, primum actum spei supernaturalis liberum, quo rite dispositum consequitur à Deo habitum spei supernaturalis, per quem in posterum elicere possit alios similes actus supernaturales quotiescunque voluerit.*

CV. Quibus consentanea quoque circa gratiam ad actum Dilectionis Dei, & contritionis de peccatis necessariam edisserit. *Deinde, inquit, quum intellectus lumine fidei illustratus, præexistente actui spei supernaturalis in voluntate, Dei bonitatem tum secundum se, tum erga nos considerat, & tam multa ac magna beneficia quibus tam suaviter nos prævenit, naturaliter excitatur in voluntate motio amoris amicitia erga Deum quo ea*
potentia

potentia allicitur, & ad Deum diligendum invitatur. Huic etiam motui se inserit Deus, illumque suo supernaturali influxu, non solum acuit & incendit, sed etiam efficit supernaturalem qualis videlicet, in suo ordine & gradu est ad salutem necessarius.

CVI. Quod si simul accedat cognitio magnitudinis, multitudinis, atque ingratitude peccatorum, quibus Deum offendimus, liberum arbitrium gratia eadem preventum, ut elicere potest actum dilectionis Dei supernaturalis, ita poterit elicere actum veri doloris de peccatis, propter Deum ex affectu amoris supernaturalis dilectum, qui est vera contritio, & ultima dispositio ad gratiam gratum facientem, quæ in eodem instanti, posterius tamen natura, contritionem ipsam consequitur.

CVII. Caterum autor ille distinguit inter auxilium gratiæ prævenientis, & inter gratiam ipsam prævenientem. Et quidem per gratiam prævenientem intelligit illas cognitiones mentis, & affectiones voluntatis, quas Deus influxu quodam particulari acuit & adjuvat, ut fiant supernaturales; & in gradu & ordine suo, quales ad salutem oportet. Per auxilium vero gratiæ prævenientis intelligit influxum illum supernaturalem, quo Deus cognitiones istas, humana ut plurimum ratione acquisitas, & affectiones, posita ejusmodi cognitione merè naturaliter in voluntate insurgentes, quo modo dictum est, acuit, adjuvat & incendit, ut evadant supernaturales, & quales ad æternam hominis salutem conducit.

CVIII. Porro ex dictis facile colligitur recentiorum Thomistarum doctrinam, quam exponit Didacus Alvarès, è diametro oppositam esse doctrinæ quam tradit Molina, circa gratiam illam quæ dicitur efficax, & cui tribuitur hominis conversio. Prorsus enim inter se pugnant, sive spectetur modus quo gratia hominem movet ad actus quibus ad Deum convertitur, sive natura ipsa & quidditas gratiæ, & qua in re illa ponenda est.

CIX. Nam quod attinet ad modum operandi gratiæ, Thomistæ recentiores, ut Didacus Alvarès, volunt gratiam illam per quam homo convertitur, esse efficacem per se, neque talem reddi per liberi arbitrii consensum, sed illa potenter & infallibiliter liberum arbitrium ad consensum determinari; sicut ante fuit expositum. Contra vero Molina, & qui eum sequuntur, pertendunt gratiam quæ hominem convertit, ita libero arbitrio subijci, ut efficacia ejus à consensu liberi arbitrii pendeat, & sit in libera hominis potestate illam vel efficacem, vel inefficacem reddere, quorum utrumque de facto sæpius eveniat.

CX. Quod spectat autem essentiam gratiæ, qua movetur voluntas ad actus conversionis, & quæ conversionem re ipsa operatur, Recentiores Thomistæ illam ponunt ut supra dictum, in motione aliqua virtuosa, quæ habet esse quoddam incompletum, & est in voluntate per modum quo colores sunt in aere, & impetus in re quæ impellitur. Molina vero gratiam quæ, consentiente libero arbitrio, hominem efficaciter movet ad conversionem, ponit in affectibus quibusdam voluntatis, ex prævia mentis illuminatione ortis, quibus Deus per suum influxum se inferens, allicit voluntatem ut velit, & vires volendi tribuit, simulque concurrit cum voluntate si voluerit.

CXI. Proinde hac in parte propius à Molina Janfenius distat quam Thomistæ recentiores. Quanquam enim cum illis Janfenius prorsus consentiat circa modum operandi gratiæ efficacis, contendens efficaciam salutis Christi gratiæ nullatenus à consensu arbitrii humani pendere, sed consensum illum per se efficere, idque infallibiliter & insuperabiliter; nihilominus quod spectat naturam & substantiam gratiæ quæ dicitur efficax, minus abest ejus sententia à doctrina Molina, quam à Doctrina Thomistarum. Quippe, ut ex antedictis manifestum est, gratiam illam efficacem, cui, juxta ipsum, hominis conversio, & omnia bona fidelium opera in solidum tribui debent, constituit in quibusdam affectibus amoris & desiderii, qui ab hominis voluntate, non liberè quidem, sed activè procedunt, ejusque sunt actus vitales, & quibus voluntas ad bonum libere amplectendum fertur & inducitur. Tales enim affectus intelligit nomine celestis suavitatis & delectationis, in qua gratiam efficacem ponit.

CXII. Verum in eo differt à Molina, quod affectus istiusmodi, secundum Molina doctrinam, merè naturaliter in voluntate oriuntur, posita mentis illuminatione: nec aliud præstat Deus, quam quod affectibus illis peculiari influxu se ingerit, eosque reddit supernaturales. Juxta Janfenium vero, posita quacunque mentis illuminatione, affectus isti in hominis corrupti voluntate per naturam non exurgunt, sed necesse est illos totos coelitus immitti, non simpliciter quadam divina motione acui, & intendi, ut fiant supernaturales.

CXIII. Præterea Molina ad naturam voluntatis absolutè consideratæ pertinere existimat,

stimat, ut statim atque intellectus aliquod objectum ipsi offert ut bonum & delectabile, erga illud motu quodam afficiatur, & tangatur affectu, qui voluntatem illicet & proritat, ut tale objectum liberè amplectatur. Nec putat voluntatem in objectum aliquod ut bonum liberè ferri, quin ejusmodi motus & affectus naturaliter exoriri in ea praeferat. Adeoque quum homo, & Angelus integer, à vero bono declinare coepit, & terrenum ac privatum bonum spirituali & divino præferre, in utroque malam voluntatem, juxta ipsum, antecessit ejusmodi motus & affectus, quo homo ad porum veritum comedendum, Angelus ad propriam excellentiam admirandam atque suscipiendam, excitabatur & alliciebatur.

CXV. Janfenius autem illum amorem & desiderium, quod delectationis nomine significat, & quo voluntas jam trahitur, priusquam quicquam liberè velit & amplectatur, ac quo præsertim illam affici necesse est, antequam prosequatur bonum cœleste & spirituale, necessario præcedere non censet omnes voluntatis actus, si consideretur absolute, & citra infirmitatem per peccatum contractam. Etenim secundum illius doctrinam, non est simpliciter de natura voluntatis, ut non valeat liberè bonum objectum amplecti, nisi prius delectaverit: ac multo minus ad naturam voluntatis pertinet, ut si objectum bonum & jucundum ipsi offeratur, tangatur aliqua delectatione. Præsertim vero docet peccatum primum sive hominum, sive Angelorum, sine delectatione præcedenti perpetratum esse: nec ullum fuisse vel in hominibus, vel in angelis integris affectum, quo ad primum malum voluntatis actum sollicitati & invitati sint.

CXVI. Sed inter Doctores Ecclesie Romanæ multi sunt qui mediam quodammodo viam insistant, inter sententiam Molinæ, & inter sententiam Thomistarum recentiorum, quæ videtur quasi in extremo positæ. Quamvis enim quod ad rei summam cum Molina sentiant, in quibusdam tamen ab eo discedunt, & doctrinam ejus emolliere conantur. Quo de numero sunt Bellarminus & Vasquez, ac præcipue Petrus à Sancto Joseph Fulienlis Monachus.

CXVII. Primo enim cum Molina existimant dari quandam gratiam sufficientem, ad hominis salutem & conversionem, per quam, licet homo actu non convertatur, potest tamen, si voluerit illa uti, actu converti, sine ullo alio prævio Dei auxilio. Nec putant eam gratiam sufficientem rectè dici, præter quam aliud Dei auxilium ad bonam actionem præcedentem requiritur, ut actus reapse sequatur.

CXVIII. Id docet Petrus ille à Sancto Joseph in tractatu Theologico de gratia Divina Disputatione 6. Sectione 6. Ubi hæc est ejus prima assertio. *Certum est ex fide dari gratiam aliquam sufficientem ad salutem, quæ scilicet homo converti possit, licet actu non convertatur.* Secunda vero sic se habet. *Ea gratia dicitur sufficiens, quæ sufficit non tantum ut homo operari possit, sed etiam ut actu operetur si velit.*

CXIX. Quam Doctrinam repetit & confirmat in Idea Theologiæ speculativæ libro quarto. 7. Ubi hæc est ejus Resolutio 2. *Ea tantum gratia dicitur absoluta, & verè sufficiens ad aliquam operationem, quæ sufficit non tantum, ut homo dicatur utcumque posse operari, sed etiam ut actu operetur, si velit.* Quod dicit se statuere contra auctores Physicæ prædeterminationis, qui volunt auxilium illud esse verè sufficiens ad operationem, quod tribus posse operari, etsi necessario requiratur aliud auxilium realiter à sufficiens distinctum, ut quis actu operetur. Nec enim, exempli causa, hominem aliter dici habere sufficientem & proximam potestatem ad videndum, nisi quia habet quicquid requiritur ut actu videat, si videre velit.

CXX. Secundo pertendunt, cum eodem Molina, nullam Dei gratiam sic efficacem esse, ut voluntatem ad benè agendum Physicè prædeterminet, & sic ut aliquam imponat agendi necessitatem, quæ sit ad bonam ipsam actionem antecedens. Nec enim censent illam talem necessitatem cum arbitrii humani libertate consistere posse. Quamquam alioqui non negent gratiam Physicè movere & inclinare voluntatem ad bonas operationes.

CXXI. Id videre est apud Petrum istum à Sancto Joseph tractatus jam citati disputatione septima, quam penè totam insumit in refutanda gratiæ Physicæ prædeterminatione. Et in idea quoque Theologiæ speculativæ capite illo septimo libri quarti. Ubi hæc ejus est sexta Resolutio. *Etsi juxta probabilem sententiam, gratia efficax realiter, & Physicè voluntatem moveat & inclinet ad opus bonum, non tamen ad illud eam Physicè prædeterminat.* Cujus Resolutionis primam partem inde probat, quod gratia efficax est motio quadam realis in anima existens, eamque, veluti per modum cujusdam impetus impressi, ad opus bonum inclinans: quare sicut in rebz corporeis, impetus effectivè & realiter ad motum localem concurrat; ita proportionè servata, impetus

impetus voluntatis impressus ad motus spirituales, & supernaturales anima realiter cooperari debet.

CXXII. Præterea quum explicant quid sit gratia efficax, per quam homines actu convertuntur, illam constituunt in eadem mentis illuminatione, iidemque voluntatis motibus atque affectibus, in quibus juxta Molinam posita est. Nam gratiam efficacem nolunt esse quid realiter distinctum à gratia excitante, sive præveniente, quæ secundum illos consistit tum in variis inspirationibus & illuminationibus intellectûs, quibus mens incipit cogitare de præmio vitæ æternæ, pœnis inferni, pulchritudine virtutis, &c. tum in variis affectibus voluntati divinitus immixtis, quibus incipit amare bona cœlestia, pœnas tartareas timere, affici erga virtutem, &c. ut apud Petrum à sancto Joseph legere est tractatu de gratia divina disp. 7. sect. 1. *Hi enim motus, inquit, alieunt voluntatem, eique vires tribunt ad consentiendum, & consentientem jurant ad consensum, cum illa effectivè concurrendo.*

CXXIII. Cæterum quanquam in rebus iisdem cum Molina ponant gratiam efficacem, eodem modo tamen non explicant in quo consistat ejus efficacia. Nam ut supra fuit expositum, Molina vult gratiam efficacem dici ab eventu, quia voluntas humana ei cooperatur; adeoque secundum illius hypothesen, efficacia gratiæ simpliciter pendet à libero hominis arbitrio, in cujus potestate est gratiam quæ ex se sufficiens tantum est, vel efficacem, vel inefficacem reddere. Et sic consequenter viri istius principii dicendum est gratiæ efficaciam consistere in assensu & cooperatione voluntatis humanæ. Hoc autem dilerte negant Doctores illi quorum sententiam exponimus. Ac pertendunt gratiam quæ efficax dicitur, ex se ante consensum voluntatis esse efficacem: nec si proprie loquendum sit, gratiam efficacem esse, quia voluntas consentit; sed potius ideo voluntatem consentire quia gratia efficax est.

CXXIV. Hæc est expressa Bellarmini Doctrina libro primo de Gratia & Libero Arbitrio cap. 12. ubi postquam retulit opinionem eorum, quæ gratiam efficacem constituunt in assensu & cooperatione humana, ita ut ab eventu dicatur gratia efficax, quia voluntas humana cooperatur; quique existimant in potestate homines esse, ut gratiam faciat esse efficacem, quæ alioquin ex se non esset nisi sufficiens: subiungit, *Hæc opinio aliena est omnino à sententia Beati Augustini & quantum ego existimo à sententia etiam scripturarum divinarum.* Et similiter Petrus à Sancto Joseph hanc ponit assertionem, *Efficacia gratiæ non consistit in cooperatione voluntatis.* De gratia Divina disputat. 7. Sectione 9. num. 61. Efficaciam autem gratiæ non consistere in illa voluntatis cooperatione probat, quia non ideo gratia est efficax, quia voluntas operatur; quin potius ideo voluntas operatur, quia gratia est efficax. Ac proinde efficacia gratiæ non potest formaliter sumi à cooperatione voluntatis, cum sit causa illius, eamque præcedat. In idea Theol. specul. l. 4. cap. 7. ad 7. Resolutionem.

CXXV. Itaque juxta illos, Efficacia gratiæ consistit in certa congruitate, & contemplatione vocationis divinæ cum libero arbitrio, quæ posita, juxta præscientiam Dei sequitur infallibiliter effectum. Quæ sunt verba Petri à Sancto Joseph capite septimo libri quarti, in Idea Theologiæ speculativæ, Resolutione 7. In tractatu vero de divina gratia observat congruitatem illam non esse sumendam simpliciter à loco, vel tempore; quasi gratia ideo sit efficax, quia datur loco & tempore congruo. Etsi enim certum sit, gratiam congruam & efficacem non nisi tempore congruo dari; ejus tamen congruitatem & efficaciam à tempore potissimum desumendam non esse; sed in vocatione ipsa assignandum aliquid, propter quod tali tempore & loco effectum est habitura; siquidem alia vocatio, etsi sufficiens, eodem illo tempore nihil proficeret. Ideoque ex ejus sensu, Congruitas illa gratiæ nihil est aliud quam portio quadam, & accommodatio inter gratiam ipsam, & voluntatem sic affectam, ut infallibiliter sequatur operatio. Disput. 7. Sect. 9. num. 66.

CXXVI. Hoc autem sic explicat paragrapho sequenti. *Dem, inquit, per scientiam suam infinitam, certissime novit quid unusquisque homo facturus sit, posito hoc aut illo rerum statu: An consensum daturus, necne; & quæ modus vocationis idoneus, non tantum ut homo suadeatur, sed etiam ut persuadatur: aliter enim constat moveri ambitiosum, aliter avarum, & sic de aliis. Ambitioso expedit proponere rerum humanarum inconstantiam, quæ multis ex summo honorum culmine repente dejecti sunt. Avaro vitæ brevitatem, & incertam mortis horam, &c. Et quia inter ambitiosos diversa sunt ingenia, sicut inter avaros; uni proponenda sunt exempla, alii rationes ex Philosophia, vel Theologia desumptæ, alii similitudines ex rebus notioribus capta; ut ita unus istos, alius alio modo ad penitentiam inducatur. Imo vero unus & idem homo diversis diebus, horis, ac momentis aliis est à seipso.*

Nunc

Nunc ira, nunc gaudium, nunc tristitia afficitur, unde aliter hodie movendus, & excitandus ac bene: & qua rationes efficaciter una hora suassent, altera fortasse erunt inutiles: adeo verum est, quicquid recipitur ad modum recipientis recipi, nec omnia nobis eadem semper apparere, sed prout quisque affectus est, talem ei finem videri. Itaque homo interdum, tum propter circumstantias loci, aut temporis; tum propter varios passionum affectus quibus agitur, ita dispositus est, ut talis cogitatio seu illustratio intellectionis, & talis affectus seu motus voluntatis sint illi debite accommodata, & temperata ad conversionem illius perficiendam: quare in tali contemperatione auxilii & voluntatis sic dispositae, efficacia gratia constituta est.

CXXVII. Supponuntur autem auctores istius sententiae Deum ab eterno praescire per scientiam quam Scholae mediam, seu conditionatam vocant, quid hic aut ille homo facturus sit, si vocetur hoc aut illo modo, & si ad ipsum convertendum tales illustrationes & inspirationes, aliae huiusmodi media, tum externa tum interna adhibeantur. Ex quidem si hoc modo vocetur Petrus, verbi causa, illum secuturum, minime vero, si alio modo. Licet si hoc si illo modo vocetur, possit si velit sequi, vel non sequi.

CXXVIII. Deinde hoc posito dicunt Deum certos homines, exempli gratia, Tyrios & Sidonios decrevisse vocare & excitare ad conversionem, iis mediis & ea ratione, quae quidem potestatem eis revera dabat sese ad Deum convertendi si vellent, sed quae tamen certo praevidebat nullum apud ipsos effectum habitura; non vero iis mediis, quae si adhiberentur, praevidebat ipsos convertendos. Contra vero voluisse Ephesios, verbi gratia, vocare, non ea ratione quae ab ipsis responsa esset, sed quae certo praeciebat ipsos ad fidem fore adducendos. Unde sequitur. Deum decrevisse illis quidem dare gratiam, qua converti possent si vellent; at vero his gratiam qua actu converterentur.

CXXIX. Prior illa gratia est quam *sufficientem* vocant: posterior vero quam vocant *efficacem*. Qui priori modo vocantur, dicuntur vocari modo *non congruo*: Qui posteriori modo *congruo*. Posterior haec vocatio originem habet a decreto, quo eorum qui vocantur conversio praedefinita est: prior vero non item. Et tamen gratia quae per priorum istam vocationem confertur, & sufficiens appellatur, iuxta mentem istorum Doctorum, non distinguitur realiter, seu quoad entitatem physicam, aut vim agendi, à gratia efficaci; sed tantum moraliter seu per ordinem ad operationem secuturam: Licet enim quis non habeat auxilium efficax, quo de facto convertatur, potest tamen per illud quod dicitur sufficiens, actu converti si velit, sine novo auxilio, quod se habeat tanquam boni operis principium.

CXXX. Quanquam autem illi Theologi censcant auxilium quod dicitur efficax, non differre Physice & quoad entitatem realem, seu vim agendi, sed solum moraliter &, ut loquatur, per ordinem ad secuturam operationem, ab eo quod solum sufficiens dicitur; nihilominus existimant illum qui efficaci auxilio donatur, longe maiorem à Deo gratiam accipere, quam cui sufficiens duntaxat conceditur. Idque quoniam doni siue gratiae alicujus praesentia & magnitudo praecipue metienda est tum ex animo donantis, tum etiam ex utilitate & fructu qui reddit ad accipientem. Jam autem auxilium efficax datur à Deo ex certo proposito hominem convertendi: sufficiens vero ad tale propositum referri non potest. Praeterea conversio quam operatur auxilium efficax, maximum est bonum quod inde reddit ad eum cui Deus auxilium tale largitur. Auxilium vero sufficiens, quantumlibet in se magnum sit, cum tamen supponatur accommodatum & congruum non esse dispositioni illius qui accipit, ipsi manet prorsus inutile; quin per accidens ad maiorem ejus damnationem cedit.

CXXXI. Itaque Doctores isti cum Molina dici nolunt ex duobus qui aequali gratia praeventi sunt contingere posse ut unus convertatur, alter non convertatur. Nam qui convertitur, semper maiorem gratiam à Deo accipit, quam ille qui non convertitur. Supposita vero in pluribus omni ex parte aequali gratia, vel omnes convertentur, vel nullus convertetur. Ex eorum mente fieri quidem potest, ut in eo qui convertitur non sit, ex parte auxilii divini quo praeventur, major mentis illustratio, & vehementior voluntatis motio, quam in eo qui non convertitur. Quia admittunt fieri posse ut in eo qui rebellis manet, mens spiritu divino luculentius illustretur, & voluntas fortius & vividius percellatur, quam in eo qui reipsa per gratiam efficacem ad conversionem & fidem adducitur. Sed in eo qui convertitur, qualiscunque divina motio, siue major siue minor, majoris gratiae semper, juxta ipsos, rationem habet, quoniam dispositioni illius qui recipit accommodata, &

contemperata est; adeoque ex insigniori benevolentia Dei erga ipsum procedit, & cedit in in maiorem ejus utilitatem.

CXXXII. Sic docet Bellarminus, sententiam suam cum sententia Molinæ & Illii comparans, iis tamen non nominatis. Prima, inquit, opinio vult efficaciam gratiæ pendere à voluntate humana, nostra vero pendere vult à voluntate Dei. Et, si proponatur questio, antrum si duo homines habeant eandem omnino gratiam excitantem & adjuvantem, scilicet in actu primo, & eundem concionatorem audiant, & eadem signa videant: utrum, inquam, fieri possit, ut unus credat, alter non credat? Prima illa opinio respondebit, fieri posse: quia libera voluntas manet, & potest pro arbitrio gratiam sequi vel ei resistere. At postea sententia respondebit, posse quidem fieri, ut duo homines, eadem interna motionem accepta, eundem concionatorem audiant, & eadem signa videant, & unus credat, alter non credat; tamen non posse fieri, ut si eandem omnino gratiam excitantem duo homines accipiant; unus credat, alter non credat. Siquidem ad gratiam non solum pertinet motio, sive excitatio interna, sed circumstantia loci, temporis, personæ, &c. Si enim eadem motionem accepta, unus crevit, alter non credit, sine dubio unus accepit motionem eo modo, loco & tempore, quo Deus prævividit ejus ingenio congruere, alter non ita accepit; ac per hoc longe maiorem habuit Dei gratiam, is qui crevit, quam qui non credit. Qui enim non credit, habuit gratiam qua posset si vellet credere; qui autem credit, habuit gratiam qua posset & vellet credere. Tunc enim Deus in nobis operator velle; quum ita vocat, ut videt securos. Et ideo verè non potest fidelis adversus infidelem gloriarì, aut inflari: quia qui eum principaliter discernit ab infideli, non est ipse per liberum arbitrium, sed Deus per gratiam efficacem, quam ei dedit, alteri non dedit. De gratia & libero arbitrio lib. 1. c. 13. sub finem.

CXXXIII. Quibus similia tradit Petrus à Sancto Joseph in fine disputationis septimæ tractatus de gratia divina. Auxilium divinum, inquit, duobus modis spectari potest, vel in genere entis, vel in genere beneficii. Si priori modo spectetur, fieri potest ut unus cum equali, aut etiam cum majori auxilio non convertatur, & alter convertatur cum minori. Ratio est, quia cum gratia non determinet voluntatem, oblato duobus hominibus equali auxilio in ratione entis, uterque manet indifferens ad consentiendum, aut non consentiendum. Quare unus illorum liberè poterit consentire, etsi alter minime consentiat. Si vero auxilium spectetur sub ratione doni, & beneficii, tunc fieri non potest ut posito equali auxilio, unus convertatur, non alter; quia auxilia tunc dicuntur equalia in ratione beneficii, quando aequè profunt: quare si unus ita profuit, ut ipsa effectum habeat, aliud minime, jam in genere beneficii equalia non sunt.

CXXXIV. Cæterum quamquam authores illius sententiæ efficaciam gratiæ velint esse aliquid in auxilio divino, quod voluntatis operationem antecedit; ac proinde quod ab ejus consensu & cooperatione ea ratione non pendet, ut à hominis potestate situm sit gratiam vel efficacem, vel inefficacem reddere, ut volunt Molina, & qui cum sequuntur: nihilominus non negant gratiæ efficaciam à libero arbitrio aliquo modo pendere. Etenim, juxta ipsos, efficacia gratiæ duobus modis considerari potest, vel in actu primo, vel in actu secundo. Priori modo spectata ea nihil aliud est, quam vis efficiendi, quæ non distinguitur ab ipso auxilio; & hac ratione efficacia gratiæ non pendet à libero arbitrio, sed à Deo. Posteriori modo efficacia gratiæ sumitur pro ipsa efficientia, seu influxu actuali gratiæ in opus super-naturale. Et sub hac etiam consideratione efficacia gratiæ pendet à Deo. Sicut enim influxus instrumenti in opus pendet ab agente principali, quod tali instrumento utitur: ita influxus gratiæ in opus super-naturale pendet à Deo, ut ab agente primario, quod per gratiam, ut per instrumentum quoddam Deum, operatur. Verum quia hæc actualis efficientia gratiæ, non tantum pendet à Deo, sed etiam ab ipso libero arbitrio, ut à causa partiali, sine cujus operatione gratia non ageret, ideo dicunt hoc respectu id est, in actu secundo, gratiæ efficaciam etiam à libero arbitrio pendere. Quemadmodum ea de re mentem suam explicat Petrus à Sancto Joseph in tractatu de gratia divina disput. 7. num. 62.

CXXXV. Qualiscunque tamen sit illa dependentia gratiæ efficacis, quoad actum secundum, à libero arbitrio; nihilominus ex eorum sensu, efficacia gratiæ talis est, ut ea posita in actu primo, infallibiliter sequatur effectus, id est, liberi arbitrii consensus & cooperatio: siquidem auxilium illud efficax esse dicitur, quod efficaciter, & infallibiliter voluntatem movet ad consensum eliciendum, & facit ut faciat. Ut loquitur idem Petrus à Sancto Joseph in citata disputatione num. 61. Adeo ut supposita efficacia illa auxilii divini, quam habet à solo Deo, & antecedenter ad voluntatis consensum, nunquam contingere possit, ut homo non faciat illud ad quod ejusmodi auxilio movetur.

Sicut

Sicut ex adverso remota tali efficacia, quantumcunque gratia sufficiens supponatur, profus contingere nequit, ut sequatur illa bona operatio, ad quam sufficiens dicitur. Qua in re quoque à Molina disceunt, juxta cujus hypothesin, quacunque Dei gratia actuale voluntatis consensum antecedente posita, fieri potest ut effectus, ad quem ordinatur gratia, vel sequatur, vel non sequatur: nec in alterutram partem eventus infallibilis est.

CXXXVI. Neque tamen difficile putant istam eventus infallibilitatem, ad positionem, vel remotionem auxilii ejus quod efficax dicitur, cum humani arbitrii libertate conciliare. Quamvis enim nunquam eveniat, ut voluntas consensum suum denegat motionibus in quibus consistit gratia efficax, id est, quæ secundum Dei præscientiam, ita voluntati congruit, & sunt attemperata, ut voluntatem flexuræ sint; nihilominus voluntas motionibus illis præventa & excitata, ab illis non prædeterminatur; sed seipsam ita ad agendum determinat, ut illis præsentibus possit non agere, & suspendere consensum, vel etiam ad dissensum se determinare, si natura ejusmodi motionum in se spectetur.

CXXXVII. Ac quamvis ipsis fatentibus, quodammodo necesse sit, eum qui gratiam efficacem accepit, illi consentire, & ea præstare ad quæ gratia illum movet; cum repugnet gratiam aliquam esse efficacem, & ea posita effectum non sequi: necessitas tamen illa libertati non officit; quoniam ex eorum doctrina, consequens est & non antecedens. Nam ipsis ea demum gratia efficax est, quæ constat iis auxiliis, quæ voluntati pro loco & tempore sic accommodata sunt, ut ab æterno præviderit Deus fore ut iis voluntas liberè moveri se sinat, si ei efferantur, quamquam etiam resistere possit; adeoque in congruitate à qua gratia dicitur efficax, includitur liberè futurus voluntatis consensus, à Deo per scientiam conditionatam ab æterno prævisus. Ac proinde nullo modo libertatem hominis lædit, fiduciamus necesse esse ut efficaci gratiæ consentiat, cum ea solum gratia efficax appelletur, cui supponitur voluntas liberè consensura, si Deus illam erga hominem adhibeat: & sic necessitas illa non præcedat, sed sequatur prævisum sub conditione voluntatis consensum.

CXXXVIII. Addunt gratiam efficacem in effectu suo producendo infallibilem esse, non absolute & Metaphysicè, sed potius moraliter: quoniam cum sit voluntatis dispositioni maxime congrua & proportionata, voluntatem infallibiliter sed ratione admodum suavi, & voluntatis genio consentanea movet. *Ad eum modum quo Homo summa egestate & inopia laborans, quamvis Physicè possit centum aureos sibi oblato respuere, tamen moraliter loquendo, positis rebus ut sunt, seu habita ratione status, conditionis, & calamitatis, eos infallibiliter acceptabit, quia sunt valde accommodati ad sublevandam illius miseriam.*

CXXXIX. Denique gloriantur qui sunt in hac opinione, gratiæ efficaciam sic à se expositam, non solum cum arbitrii humani libertate, optimè consistere; sed etiam cum certitudine divinæ prædestinationis. Quandoquidem secundum illam, prædestinatio habet suum effectum, per auxilia quidem in se repudiabilia; ita tamen genio voluntatis accommodata, ut juxta præscientiam Dei, effectum infallibiliter sint habitura.

CXL. Atque ita à nobis quam dilucidè fieri potuit, breviter exposuere sunt quatuor sententiæ; in Schola Romana maxime solennes & receptæ, circa gratiæ divinæ sufficientiam & efficaciam. Præter quas etiam possent aliquot aliæ referri: Sed quia videntur valde improbabiles, & authores obscuriores, ac sectatores pauciores habent; & prolixum nimis ac tædiosum foret minutiora discrimina notare, quibus Doctores singuli aliquatenus inter se discrepant, his contenti esse possumus; nec videtur operæ pretium in minutias istas scrupulosius inquirere.

CXLI. Ne tamen quedam paginæ hic vacent, summatim adjiciemus, quasi exempli causa, sententiam Gregorii de Valentia Jesuitæ satis nobilis, quam plures viri docti referunt & resutant. Ille igitur existimat gratiam efficacem consistere in aliquo dono, quod homo jam præventus à gratia vocante & excitante, possit cum auxilio Dei consequi, per piump usum sui liberi arbitrii: quodque in uno genere causæ, scilicet efficientis, sit natura prius quam ipsa-libera conversio; & in alio posterius, scilicet in genere causæ materialis atque dispositivæ.

CXLII. Hoc autem donum consistere vult in infusione habituum gratiæ ac virtutum; quatenus per eos habitus mens hominis roborata elicit actum conversionis. Adeoque secundum ejus opinionem, gratia efficax aut est gratia habitualis, quæ infunditur, aut ipsa ejus infusio; quatenus scilicet, per illam gratiam infusam liberum arbitrium elicit suam ipsius conversionem, Deo simul ad eam concurrente.

CXLIII. Ut

CXLIII. Ut vero aliquis censeatur habere sufficientem gratiam ad piam actionem, ex ejus sententia, necesse est ut habeat, aut omnia dona & auxilia, quæ ad actionem tanquam illius principia, sive initia requiruntur, aut sic aliquod vel aliqua ex hujusmodi donis, ut per illud vel illa jam præventus & excitatus, possit usu aliquo liberæ facultatis suæ, auxiliante Deo, acquirere reliqua omnia ejusmodi dona sive auxilia. Ut videre est apud jam dictum Gregorium tom. 2. disputat. 8. quæst. 3. punct. 4.

CXLIV. Unde patet hunc Doctorem nolle eandem esse entitatem realem gratiæ sufficientis, & gratiæ efficaci; sed gratiam efficacem novum auxilium ad sufficientem addere, quod conversionem hominis præveniat: qua in re ad Thomistas recentiores accedit, & dissentit à Molina, & authoribus gratiæ congruæ: Et simul tamen eum nolle efficaciam gratiæ divinæ esse absolutam, sed pendere ab usu liberi hominis arbitrii, qua in re deferit Thomistas, & ad Theologos istos posteriores accedit.

CXLV. In ejus vero sententia hoc peculiare incommodum occurrit, quod quæ de gratia efficaci dicit, in sola peccatoris ad Deum conversione locum habere possint, non vero in bonis operibus hominis jam conversi; ad quæ nulla requiritur nova habitualis gratiæ infusio, & ad quæ tamen gratia efficax se extendit. Ac præterea mihi quidem intelligibile non est, quomodo infusio gratiæ habitualis possit esse hominis conversione prior in genere causæ efficientis, & simul tamen eadem conversione posterior in genere causæ dispositivæ.

THESES THEOLOGICÆ

In quibus exponitur

Doctrina Protestantium circa distinctionem Gratiae in sufficientem atque efficacem, & concordiam libertatis humanæ cum efficacia gratiæ divinæ.

THESIS I.

ILLI Confessionis Augustinæ Theologi qui Lutherani appellantur, non admittunt vulgatam gratiæ divisionem in sufficientem atque efficacem. Idque quoniam una eademque Dei gratia est quæ in credentibus operatur, & ab incredulis repellitur. Adeoque, juxta ipsos, illa ipsa gratia quam aspernantur & conculcant increduli & impenitentes, ex se & in se efficax est, nec debet tantum sufficiens dici oppositè ad quandam gratiam efficacem.

II. Quippe docent Deum omnes quibus verbum prædicatur, quantum in ipso est, velle convertere, & eandem omnibus & singulis offerre gratiam: Verum divinæ gratiæ & spiritui sancto conversionis opus aggredienti multos resistere: ac propterea gratiam effectum suum in illis non fortiri: alios vero divinam gratiam admittere, & non ponere ipsi impedimentum; unde fit ut gratia sit in ipsis efficax, & conversionem actu in illis efficiat. Sed quoniam ex parte Dei eadem gratia est quæ Simonem Petrum convertit, & Simonem Magum non convertit, quoniam alter ipsi resistit, alter non resistit, idcirco unam ab alia non putant esse distinguendam.

III. Istud videre est apud Joannem Gerardum Theologum Jenensem tomo secundo tractatu de libero arbitrio capite sexto sectione prima. *Concedimus, inquit, sane spiritui sancto conversionis opus aggredienti multos resistere, consilium Dei adversus seipsos spernere, & seipsos via æterna indignos judicare, atque hac ratione sua culpa gratiam conversionis à se repellere: sed propterea ipsam gratiam in sufficientem & efficacem dividendam esse negamus, siquidem una eademque Dei gratia est, qua in credentibus operatur, & qua ab incredulis repellitur.*

IV. Cæterum

IV. Ceterum ut explicet unde sumatur gratia Divinae efficacia, observat primo duo extrema cavenda esse; neque enim efficaciam gratia ad conversionem, tribuendam esse cooperationi voluntatis humanae; nec etiam tribuendam absoluto Dei certos quosdam homines eligentis decreto, sed incedendum via media: quod multi convertuntur & filiantur ad solam gratiam divinam referri debere, quod multi non convertuntur & pereunt, agnoscendum esse ipsorum pereuntium culpa unice fieri: atque in hac pia simplicitate mentem Christianam secure acquiescere posse, etsi ex omnibus difficultatibus non valeret sese expedire.

V. Postea vero ostendere conatur quomodo ista inter se consent, efficaciam gratia divinae non esse tribuendam cooperationi voluntatis humanae, & tamen ejusdem gratia efficaciam tribuendam quoque non esse Physicae cuidam Dei actioni, qua determinet voluntatem ad volendum & eligendum bonum, quod illi fuit per gratiam excitantem inspiratum. Sic autem ea de re sententiam suam exponit. *In conversionis opere Spiritus Sanctus, inquit, tale invenit subiectum, quod nullas habet ad cooperandum vires, siquidem mens hominis nondum renata est caca, voluntas aversa ac Deo inimica: hoc igitur omni genere medendi atque auxiliandi gratia agit, ut eum quem convertere vult, ex nolente volentem, ex inimico obedientem faciat, illud vero non fit eo modo, ac si homine nec cogitante, nec cognoscente, vel etiam invito hominem converteret, ipseque vim asserat; sed Spiritus Sanctus donat novas vires, quibus assentiri vocationi possit; nec tamen uno statim momento homini admittit veterem illam libertatem, vel potius miseram servitutem, qua oblatam gratiam repudiare possit. Absit igitur ut dicamus, Spiritus Sancti gratiam in conversione Physica quadam actione determinare voluntatem ad volendum & eligendum bonum. Siquidem patitur Spiritus Sanctus sibi resisti, permittit opus suum impediri, videt multos seipsos conversione, & conversionis fructu, ipsa scilicet vita aeterna indignos iudicare. Voluntas igitur in omnibus hominibus est post lapsum: ut autem voluntas velit bonum spirituale, id non habet ex suis viribus, siquidem peccato servit: renovat igitur Spiritus Sanctus in conversione hominis voluntatem, ac donat ei novas vires, quibus instructa bonum actu velle & eligere possit: interim ex adhaerente natura pravitate potest homo nolle bonum, potest Spiritus Sancti opus impedire: ac proinde nonnumquam dicendum, quod in conversione Physica quadam actione gratia determinet voluntatem ad volendum ac eligendum bonum. Quippe hac ratione, ut ait idem doctor, converterentur omnes immutabili necessitate, quos Spiritus Sanctus converteri vult. Quod absurdum ille iudicat.*

VI. Eandem doctrinam tradit & distinctius explicat Georgius Calixtus, antehac Theologus in Academia Julia Professor, Epitome Theologiae ex ore distantis excepta. Ibi enim tractatu de ministerio verbi pagina 241. docet, quando minister verbi legalem & Evangelicam doctrinam hominibus proponit, Deum per hoc suum medium & instrumentum efficacem esse, & in cordibus humanis contritionem de commissis peccatis, fiduciam in meritum Christi, peccatorum odium, novaeque vitae studium excitare, nisi tamen ipsi homines supapte pertinacia & perversa tenebras magis diligant quam lucem.

VII. Ex ejus enim sententia, nullum dubium est, quin homo oblatam gratiam spernere, rejicere, & Spiritui Sancto fidem operato resistere possit. Quoniam Deus homines absoluta sua potentia non trahit & convertit, verum hoc facit secundum ordinem & modum quem semel instituit. Contra vero certum est, hominem posse sollicitum esse de sua salute, posse curam suscipere de mediis ad eam, juxta illud, Multi quaerunt intrare & non poterunt. Quippe posse hominem audire verbum Dei, imo cum omni alacritate verbum suscipere & scrutari studio discendae & cognoscendae veritatis.

VIII. Hoc autem qui faciunt, eos Deus, secundum hujus Doctoris mentem, majoribus auxiliis dignatur, ut intelligant verbum, ex eo peccata sua agnoscant, & promissionibus Evangelicis fidem habeant: non quidem quod ista qualiscunque opera tantae sit dignitatis aut meriti, sed quod suo verbo Deus eum velit honorem haberi, hunc ordinem servari, & hoc ab homine praestari, priusquam ipse majora & specialiora, & suo genere supernaturalia suppediet auxilia.

IX. Distinguit enim author ille inter actiones suo genere supernaturales, id est, quae natura sua vires humanas superant, nec in hominum manu posita sunt, & propterea spiritui sancto sunt attribundae, quales sunt credere, Deum timere atque diligere, aliaque, similes, quibus constat vera ad Deum conversio: & inter actus quosdam in hominis potestate sitos, quos ab ipso Deus praestari velit, priusquam ad auxilia & dona supernaturalia progressus fiat, saltem quoad modum ordinariam. Quales actus sunt verbum Dei audire, illud scrutari, ad illud attendere, & de mediis ad salutem curam aliquam suscipere.

X. Credere

X. Credere, inquit, actio est suo genere supernaturalis, siue sua natura supra vires humanas, propterea Spiritui Sancto eam ascribimus, quod is animum humanum ad credendum excitet, efficiatque ut homo credat, diligat, Deum timeat, imo ut credere, timere & diligere velit, atque sic actus supernaturales, veramque conversionem ingredientem, siue constituentes Deotribuimus, & in manus hominum posites negamus: ita tamen ut non negemus esse quosdam in hominibus potestate suos, quos ab ipso Deus prestari velit, priusquam ad auxilia & dona supernaturalia progressus sit, cerè quoad modum ordinarium.

XI. Quibus consona sunt ea quæ alibi tradit idem autor. *Id autem observandum est, inquit, posito quod Deus Evangelium revelaverit, & passum inter homines predicari faciat per homines, non esse supra vires nature quod quis Evangelium audiat, contemplat, consideret, & cum iis quæ ab aliis, Iudeis puta vel Mahumetanis, tanquam divinitus revelata profertur comparat.* In iudicio de controversiis Theologicis quæ inter Lutheranos & Reformatos agitantur, num. 33.

XII. Itaque juxta ipsum, quicumque verbum audiunt, neque aspernantur consilium Dei in semetipsos, ac verbum Dei non suffocant curis aut divitiis, aut voluptatibus hujus vite, ii, inquam, Dei opem & operam sentiunt, ejusque gratuita benevolentia ad fidem & vitam deducuntur. Qui vero contra faciunt, suæ negligentiae & contumaciæ imputare debent, quod à Deo fide non donentur.

XIII. Quanquam autem Dei verbum sit instrumentum quo Deus uti solet in hominum conversione, non tamen vult illos ipsos quibus verbum prædicatum non est, omnibus ad salutem mediis destitui: sed Deum sic se gerere & affectum esse erga ipsos, ut si pereant id fiat propria ipsorum culpa, non quod necessariis auxiliis careant. Quoniam si recte utantur facultatibus & viribus in natura corrupta relictis, Deus paratus est iis prospicere de mediis quibus ad pleniorum cognitionem, adeoque tandem ad veram & salutem fidem deduci possint.

XIV. Postquam enim hanc sibi questionem proposuit, *Quomodo ad fidem perveniant, qui neque inter Christianos degunt, neque fando unquam quicquam acceperunt de Christianis; a quibus, scilicet, solis verbum audire datur: annon illi sine illa sua negligentia culpa pereunt, ideo quod iis Deus non prospexerit, quo verbum sicut alia gentes audire possent?* Inter alia Respondet, *Omnibus hominibus superesse aliquam intellectus & voluntatis vires, & naturales notitias, quibus si qui recte uti fuerint, salutis suæ curam habuerint, & de ea quantum possunt laboraverint, iis Deum de mediis prospecturum, quibus ad pleniorum & perfectiorum, adeoque revelationi divina innixam cognitionem deducantur.* Causæ rei exemplum nos habere existimat in Cornelio Centurione, & in Eunuchæ reginæ Candaces.

XV. Quod si autem, inquit, alii horum dissimiles, quæ præsto sunt mediis & auxiliis neglexerim, igniculos immatos respinxerint, & veritatem, ut ait Paulus, in injustitia detinuerint, non certe aliquo fato, aut divino decreto, sed propria sua culpa ab illustriore lumine prohibentur. In jam citata Epitome Theologiæ pag. 244.

XVI. Porro ex antedictis manifestum est, Augustinæ Confessionis Theologos non admittere quidem distinctionem gratiæ in sufficientem atque efficacem, quæ in Schola Romana plurimum usitata est, sed tamen illud ponere quod per gratiam sufficientem plerique Scholæ illius Doctores significatum volunt. Nempe illis qui per prædicationem Evangelii non convertuntur, nullum ex parte Dei deesse auxilium quod ad conversionem ipsorum necessarium sit, & sine quo converti non possint: adeoque incredulis ipsis verbum Dei rejicientibus eam offerri gratiam quæ abundè sufficiat illis ad poenitentiam & fidem adducendis, si ea uti non recusent.

XVII. Nec minus evidens est Doctores illos, secundum principia à se posita, non multum laborare ut efficaciam gratiæ cum arbitrii humani libertate conciliant: quandoquidem statuunt voluntatem ad bonum per gratiam Physicè non prædeterminari; nec ullam voluntati per gratiam bene agendi necessitatem imponi: sed hominem liberè posse vel gratiæ divinæ efficaciam admittere, ea per naturam præstando, quæ sapientia divina ab eo præexigit, ut gratia suam in illo efficaciam exerat; vel obicem & impedimentum eidem gratiæ ponere, ea negligendo sine quibus gratia in hominem agere non solet, nempe Dei verbum, audire, scrutari, atque meditari.

XVIII. Quæ est doctrina Georgii Calixti in citato iudicio de Controversiis quæ inter Lutheranos & Reformatos agitantur numero 32. Ubi postquam constituit Evangelium esse organum divinum ad fidem & salutem hominibus impertiendum destinatum, cum quo per aures ad mentem immisso conjuncta est gratia divina supernaturalis, per quam præstatur, ut homo qui sibi relictus pridem non poterat assilum & fidem præbere

bere jam possit, subjungit, *Facultatem itaque credendi, qua destitimus ante erat, consequitur, necessitate tamen nulla astringitur, quia si indoli & pravitati sua frenos laxat, potest obistere & obtusi Spiritui Sancto, & Verbum Dei repellere* — Quod itaque homo Evangelium audiens & considerans credat, imo credere possit, acceptum ferendum est, non natura viribus, sed gratia cum Evangelio connexa, & per illud suppeditata: quod autem gratia possit refragari, congenita pravitati & indoli imputandum. Quia enim per gratiam quidem suam Deus efficax est & operatur, non tamen potentia absoluta, sed conditiones & ordinem admittente, inde fit quod successu & eventu frustrari possit.

XIX. Neque his repugnat quod dicunt iidem Theologi, conversionem hominis esse unius & solius Spiritus Sancti opus, & hominis voluntatem in conversione pure passivè se habere. Nec enim per id negare intendunt actus fidei, spei, timoris, & amoris, in quibus vera ad Deum conversio consistit, esse actus vitales ab hominis voluntate libere elicitos, sed hoc, ad actus istos eliciendos; aliosque similes nihil prorsus valere naturales voluntatis vires; nec voluntatem ulla tenus ex naturalibus illis suis viribus gratiæ divinæ quæ hominem convertit cooperari posse, neque illam quicquam ex suo tribuere, quum Spiritus Sanctus per verbum auditum illam inmutare atque innovare aggreditur, & novas vires illi sufficere.

XX. Huc redit quod habet liber Concordiæ in Epitome articulorum de quibus controversiæ ortæ sunt inter Theologos Augustinæ confessionis capite de libero arbitrio sub finem. Quod, inquit, *Lutherus scripsit, hominis voluntatem in conversione parè passivè se habere: id rectè & dextre est accipiendum, videlicet respectu divina gratia in accendendis novis motibus. Hoc est, de eo intelligi oportet, quando spiritus Dei per verbum auditum, aut per ipsum sacramentorum hominis voluntatem aggreditur, & conversionem ac regenerationem in homine operatur. Postquam enim Spiritus Sanctus hoc ipsum jam operatus est, atque efficit, hominiquæ voluntatem sola sua divina virtute & operatione immutavit atque renovavit: tunc revera hominis nova illa voluntas instrumentum est & organum Spiritus Sancti, ut ea non modo gratiam apprehendat, verum etiam in operibus sequentibus Spiritui Sancto cooperetur. Relinquuntur igitur ante conversionem hominis duæ tantum efficientes causæ ad conversionem efficaces, nimirum Spiritus Sanctus & verbum Dei, quod est instrumentum Spiritus Sancti, quo conversionem hominis efficit. Hoc verum homo certè audire debet: sed tamen ut illud ipsum vera fide amplectatur, id nequaquam suis viribus propriis, sed sola gratia & operatione Spiritus Sancti obtinere potest.*

XXI. Qui in Belgio Remonstrantes dicuntur, sive Arminiani, maximè probant & arcte retinent gratiæ distinctionem in sufficientem atque efficacem, eamque putant multis scripturæ locis subnixam, & necessariam planè ad iustitiam divinam tuendam. Proinde negant gratiam sufficientem aliam non esse, quam quæ est efficax, hoc est, quam quæ actu ipso hominem conversum dat. Licet enim, inquit, maxima sit gratia sufficientis ad operandum in homine conversionem efficacia & virtus, tamen non semper illa, vitio nempe & culpa hominis, habet effectum, ipsumque conversionis amplexu. Ut videre est in eorum Synodo in declaratione sententiæ Remonstrantium circa tertium & quartum articulum. pag. 15.

XXII. Quæ sit autem ratio sufficientis istius gratiæ, distinctius explicant in declarationis jam dictæ initio, thesi sexta. Quamquam, inquit, pro liberrima Dei voluntate, maxima sit gratia divina disparitas; tamen Spiritus Sanctus tantum gratia omnibus & singulis, quibus verbum predicatum, confert, aut conferre paratus est, quantum ad promovendam suis gradibus hominem conversionem sufficit: eoque gratia sufficiens ad fidem & conversionem non tantum iis obtingit, quos, juxta decretum absolute Electionis, salvare velle dicitur Deus; verum etiam iis, qui actu ipso non convertuntur.

XXIII. Cæterum efficaciam gratiæ positam nolunt in omnipotente quadam agendi vi, & voluntatis ad bonum inevitabili determinatione; aut etiam in vocationis congruitate, ut Scholastici quidem. Sed in tali gratia operatione qua effectum suum certissime sortitur, quum novam illi contumaciam, & rebellionem homo non opponit, quam ex se opponere potuisset. Quæ sunt eorum verba eadem pagina 15. citatæ declarationis.

XXIV. Pagina vero sequenti ut actus gratiæ divinæ sigillatim exponant, observant tria in homine corrupto egere correctione & regeneratione, mentem, voluntatem, affectum, ac triplici huic subjecto gratiæ divinæ triplices actus accommodant. Primum ergo, ut ipsi sententiam suam exprimunt, *Mentem Deus verbo & Spiritus sui illuminatione de voluntate sua salutifera certiore reddit, eamque ut assentiantur verbi veritati facit. Et quamquam homo possit vel per negligentiam, vel per malitiam voluntatis, hanc*

B b b b

illuminationem

illuminationem & revelationem, tunc cum ea primus vel externè, vel etiam internè ^{mentis} sit, respuere, contemnere, nec eam aliè in animum admittere, unde ignorantia affectata oritur; fieri tamen non potest ut si quando veritas clarè & perspicuè à Spiritu Sancto menti præsentetur, intellectus non assentiatur, aut iudicium suspendat, sed ab objecto ita propulso, & à spiritu insinuat, determinatur ad assensendum, nec potest intellectus ex se illi illuminationis resistere, cum ab objecto suo determinetur.

XXV. Voluntatem insuper Deus in obsequium suum flectit, & ad actus fidei & obedientiæ ita inclinat per Spiritum suum sanctum verbo utentem, ut voluntas per illam operationem non solum possit obedire, sed & per illam operationem obediat quovis obediri; non ex se, aut per se, aut à se.

XXVI. Addunt & hoc ad exaggerandam omnimodo gratiam, etiam supernaturalem potentiam voluntatis conferri, & hac ratione Deum immediate in voluntatem agere, modo illa actio voluntatem non necessitet antecedenter, & libertatem potentiamque non volendi tollat.

XXVII. Deinde subjungunt mente illuminata, & voluntati concessa supernaturali potentia, partim per illuminationem, partim per virium immediatam infusionem, Deum quoque affectus nostros, & partem illam sensivam corrigere, & bonis desideriis, quorum objecta monstrat intellectus, actus vero imperat voluntas aspicere; quibus affectibus magis, magisque correctis, castigatis, & in ordinem redactis, promptior & facilius, ac minus impedita postmodum redditur voluntas ad exercendos pietatis actus, non usque adeo, uti ante, reluctantis affectibus, & lege illa in membris belligerante.

XXVIII. Cæterum ut exponant quæ sint in hac gratiæ efficacia & operatione tum verbi Dei, tum Spiritus Sancti verbo utentis partes, dicunt verbum suadere, sed spiritum verbo utentem persuadere: ac præterea tutius semper esse statuere, actionem spiritus, qua in voluntatem agit, sibi subordinatam habere actionem verbi, quam si actionem ipicimus faciamus collateralem actioni verbi in voluntatem, & juxta verbum operari dicamus, non per verbum, ne Enthusiastis doctrinæ suæ principia, & nescio quos arcanos motus, tractiones, impulsus, quos facile quisque sibi imaginari potest, largiri videamur.

XXIX. Verum ut clarius adhuc mentem suam explicent circa gratiæ Divinæ vim & efficaciam, multas quæstiones movent, ad quas breviter & distinctè respondent. Si quærat ex nobis, inquirunt, An Dei convertentis actio tantum moralis sit suadendo, proponendo, invitando? Respondemus plusquam morale esse, & si excitantem spectemus gratiam, dicimus in ipsam voluntatem quoque potentiam supernaturalem infundi distinctam ab illuminatione; si vero cooperantem, dicimus eam, Physicam vocari posse, & realem ac propriam habere efficaciam.

XXX. Si quærat, An nulla sit spiritus actio immediata in voluntatem? non diffinemus eam dari. Si quærat, An idem sit modus operandi quoad efficaciam gratiæ in vivificatione intellectus, affectus & voluntatis? Respondemus non esse, sed modum agendi in voluntatem esse resistibilem. Nec tamen videntur simpliciter negare per gratiam quosdam motus irresistibiliter in voluntate produci, sed juxta eorum hypotheseas, hoc videtur restringendum ad efficaciam illam, per quam voluntas simpliciter ex mala, bona redditur.

XXXI. Si quærat, An præter mentis illustrationem, & affectuum excitationem, & voluntatis invitationem nihil faciat Gratia per modum principii, vel antecedentem ad conversionem? Respondemus facere. Quod autem gratia præterea facit, videtur, ex eorum mente, esse novarum illarum virium infusio, de qua antea locuti sumus.

XXXII. Si quærat, An postis omnibus operationibus quibus ad conversionem in hominibus efficiendum Deus utitur, conversio sæpe vel nunquam non sequatur? Respondemus, postea gratia antecedente & præveniente sæpe non sequi, postea cooperante nunquam non.

XXXIII. Si quærat, An conversio contingens & incerta sit, An vero necessitate causa aut eventus infallibiliter sequatur in eo qui convertitur? Respondemus conversionem esse contingentem quia libera est; nec tamen Deo incertam, quia præcognita est; nec sequi necessitate causa, siue consequentis, quia resistere poterat homo, sed necessitate consequentis, siue ratione præsentia infallibiliter sequi, in eo quem conversum iri præcavit Deus.

XXXIV. Si quærat, Qua causa sit cur hic convertatur, ille non? Respondemus, hic convertitur, quia Deus hunc non opponentem novam contumaciam convertit, ille non convertitur, quia novam contumaciam opponit. Quæres, cur hic opponit novam contumaciam, alter non? Respondemus, hic opponit quia opponere vult; ille non opponit quia à gratia ^{moveatur}

moveatur ne opponere velit. Queres, Annon ille qui non opponit novam contumaciam, & per consequens convertitur, majorem habeat gratiam quam qui opponit, & per consequens non convertitur: Respondemus antecedentem & prævenientem gratiam aequalem esse posse: sed cooperantem habet prior, non posterior.

XXXV. Porro ex his manifestum est Remonstrantes, secundum propria principia, facile conciliare posse arbitrii libertatem cum gratiae efficacia: quandoquidem supponunt gratiam quæ voluntatem movet ad conversionem, agere modo resitibili, hoc est, tali ut voluntas gratiæ cedere possit, & operationem illius suscipere, & rursus etiam possit gratiæ obicem ponere, & operationem illius impedire. Quod his verbis exponunt ipsi declarationis sæpius allegatæ pagina decima septima. Hinc autem sua conversioni, ad quam scilicet à gratia movetur, homo ex infusa sibi pravitate, & in res mundanas affectu, obicem ac impedimentum liberum ponere potest, & ponit sæpe, siue voluntas prædicationem Evangelii externam negligat, & suscipere deque habeat, tum quoniam ejus audiendi copia sit homini: aut audientium persunctorie tractet magis rebus mundanis intentus: aut alio modo impediat, quominus ipsi doctrina Evangelica veritas, necessitas, utilitas à Spiritu Sancto persuadeatur: siue verbo quidem ejusque veritati assentiat, sed voluntatem secundum verbi sensus præscriptum componere, eique obedire non velit: & laxatis carni habenis spiritum extinguat, spiritus resistat, & bona desideria cogitationisque sapiens calius insusum & oblatas volens elidat & exterminet. Quare dicimus hominis voluntatem ad volendum bonum non necessitari, sed hominem posse ex se resistere, hoc est, non velle, & sæpe aliter non velle, & resistere gratia sufficientis operationibus.

XXXVI. Præter Remonstrantes autem, ex Reformatis qui subscribunt Synodo Dordracenæ nonnulli quoque gratiam distinguunt in sufficientem atque efficacem, sensum tamen non parum diverso. Quippe hac distinctione utitur Paulus Testardus, dum viveret Pastor Ecclesiæ Blæsenfis, in Irenico thesi trecentesima, & in libro de Natura & Gratia pluribus in locis. Sed per gratiam sufficientem intelligit illam ipsam quam universalem vocat, per gratiam autem efficacem, eam quam nominat particularem.

XXXVII. Itaque, ex ejus mente, gratia ista sufficiens non est gratia aliqua subjectiva, quæ hominem intus disponat ad fidem & resipiscenciam, sed tantum gratia quedam objectiva, quæ in eo consistat quod salus homini possibilis redditur, tum per Christi satisfactionem, quæ sustulit obstaculum illud quod iustitia divina opponebat, ne homines peccatorum veniam impetrarent: tum per externam Dei vocationem, & invitationem ad fidem & resipiscenciam, siue per verbum prædicationis, siue per opera naturæ & providentiæ.

XXXVIII. Gratiam autem illam dicit esse sufficientem, quoniam dat homini posse servari si velit: adeo ut si homo salutis particeps non fiat, stet tantum penes ejus pravitatem & malignitatem, neque de Deo queri possit, quasi aliquid ipsi denegaverit, sine quo absolute non possit esse salvus: cum habeat objectum in sufficienti lumine propositum, & mentem & voluntatem, quæ per se possint & debeant illud amplecti atque suscipere: ac quominus id fiat, obstat sola ejus perversitas, cujus ipse causa est, ac propter quam nullam habet rationem de Deo querendi.

XXXIX. Agnoscit tamen ille nunquam contingere posse ut, si non aliud accedat, aliquis per solam istam sufficientem gratiam salvetur: idque propter nativam hominis pravitatem atque improbitatem, quæ impedit ne bene utatur mediis illis à Deo propositis, & alioquin in se ad salutem sufficientibus. Et sic fidem & resipiscenciam, ad quas homo sufficienter facultatibus Physicis instructus est, moraliter illi impossibilem reddit. Unde emergit necessitas particularis alicujus gratiæ, quæ pravitatem hominis corrigat, & ita mentem atque voluntatem intus disponat atque afficiat, ut excussis prævis habitibus, salutem extrinsecus oblatam amplectatur, & fide atque resipiscencia ad misericordiam divinam confugiat, quam gratiam particularem ideo vocat efficacem.

XL. Verum alii Reformati gratiæ distinctionem in sufficientem atque efficacem communiter repudiant. Quippe censent nullam gratiam revera sufficientem esse & dici posse, quæ etiam non sit efficax. Idque quia ut homo reapse convertatur, requiritur tale Dei auxilium, quo non simpliciter ad bonum moveatur & alliciat, sed quo voluntas ejus flectatur & determinetur, ut bonum velit & illi adhæreat, absque quo nunquam foret, ut eò ferretur voluntas, obstante ingenua hominis pravitate.

XLI. Etenim communis est Reformatorum omnium, qui Dordracenam Synodum sequuntur, sententia, gratiam Dei, cui tribuenda est hominis conversio, & omnia quæ eam subsequuntur bona opera, esse efficacem per se, nec ejus efficaciam ullo modo pendere à cooperatione, siue consensu voluntatis humanæ, cum causa sit

infallibilis scilicet consensus, sive cooperationis. Idque congruenter decretis istius Synodi. Siquidem in refectione errorum circa tertium & quartum articulum Canone 8. damnat eos qui docent Deum in hominis regeneratione eas sua omnipotentia vires non adhibere, quibus voluntatem ejus ad fidem & conversionem potenter & infallibiliter flectat, sed positi omnibus gratia operationibus, quibus Deus ad hominem convertendum utitur, hominem tamen Deo, & spiritui regenerationem ejus intendenti, & regenerare ipsum volenti, ita posse resistere, & actu ipso sepe resistere, ut sui regenerationem prorsus impediatur, adeoque in ipsius manere potestate, ut regeneretur, vel non regeneretur. Canone vero nono damnat eos quoque qui docent, Gratiā & liberum arbitrium esse causas parciales simul concurrentes ad conversionis initium; nec gratiam ordine causalitatis, efficientiam voluntatis antecedere: Id est, Deum non prius hominis voluntatem efficaciter juvare ad conversionem, quam voluntas ipsa hominis se moveat ac determinet.

XLII. Quomodo autem Deus in Electis veram conversionem operetur, sic explicat eadem Synodus. Non tantum, inquit, evangelium illis externè prædicari curat, & mentem eorum per Spiritum Sanctum potenter illuminat, ut rectè intelligant & dijudicent quæ sunt Spiritus Dei; sed ejusdem etiam spiritus, regenerantis efficaciam ad intima hominis penetrat, cor clausum aperit, durum emollit, præputiatum circumciscit, voluntati novas qualitates infundit, facitque eam ex mortua vivam, ex mala bonam, ex volente volentem, ex refractariā morigeram, aptique & roborat eam, ut cœu arbor bona fructus bonarum actionum proferre possit. In capite doctrinæ de hominis corruptione & conversione, ejusque modo articulo undecimo.

XLIII. Articulo vero sequenti addit eam Dei operationem esse plane supernaturalem, potentissimam simul & suavissimam, mirabilem arcanam & ineffabilem, virtute sua nec creatione, nec mortuorum resurrectione minorem aut inferiorem: adeo ut omnes illi, in quorum cordibus admirando hoc modo Deus operatur certo, infallibiliter & efficaciter regenerentur, & actu credant.

XLIV. Proinde cum illa Dei operatio in iis sese non exerat qui re ipsa non credunt & penitentiam agunt, idcirco qui isti Synodo subscribunt Theologi, negant illis gratiam sufficientem dari, quantumcunque externa verbi predicatione ad penitentiam & fidem invitentur, & quibusdam etiam internis Spiritus Sancti motibus percellantur.

XLV. Est enim observandum Reformatos qui negant omnes eos qui non convertuntur gratiam ad conversionem sufficientem habere, non negare tamen quin aliquotusque gratia Dei operetur in multis qui sese in peccatis obfirmant, nec ad Deum per fidem & respicientiam accedunt. Sunt enim, ex eorum mente, quædam ad conversionem sive regenerationem prævia, quæ communia sunt Electis & reprobis, & virtute verbi spiritusque, tam in horum quam in illorum cordibus excitantur. Qualia sunt notitia voluntatis divinæ, sensus peccati, timor pænæ, cogitatio de liberatione, spes aliqua veniæ, alique motus similes.

XLVI. Fatentur multos, quos Deus eo modo vocat ad fidem & conversionem, nolle Deum vocantem sequi, & Spiritui Sancto quæ ad salutem eorum faciunt suggerenti resistere, ac tandem motus illos per verbum & Spiritum Sanctum in iis excitatos penitus extinguere, & sic propria culpa in æternum perire.

XLVII. Hæc est inter alios Theologorum Britannorum doctrina, actis Synodi Dordrechtanæ inserta. Exponentes enim suam sententiam de articulis tertio, & quarto, & agentes de iis quæ ad conversionem sunt antecedanea, sic ea de re statuunt thesi secunda & sequentibus. *Sunt quædam effecta interna ad conversionem, sive regenerationem prævia, quæ virtute verbi, spiritusque in nondum justificatorum cordibus excitantur; qualia sunt notitia voluntatis divinæ, sensus peccati, timor pænæ, cogitatio de liberatione, spes aliqua veniæ. Quos Deus mediante verbo per spiritum suum hunc in modum afficit, eos ad fidem conversionemque verè, & serio vocat & invitat. Quos ita affectis Deus non deseris nec desistis in vera ad conversionem via promoveri, priusquam ab illis per neglectum voluntariam, aut hujus gratiæ initialis repulsam, deseratur.*

XLVIII. Hi præcedens effectus, virtute verbi spiritusque in hominum mentibus producti, rebellis voluntatis vitio, suffocari ac penitus extinguiri possunt, & in multis solent; adeo ut nonnulli in quorum mentibus virtute verbi spiritusque impressa fuit aliqualis notitia veritatis divinæ, aliquis dolor de peccatis suis, aliquod desiderium & aliqua cura liberationis, videntur plane in contrarium, veritatem rejiciant & odio habeant, concupiscentiis suis se tradant, in peccatis occalleant, & absque desiderio vel cura liberationis in iisdem computrescant.

XLIX. Addunt

XLIX. Addunt ne electos quidem ipsos in hisce præcedentis ad regenerationem actibus ita se gerere unquam, quin propter negligentiam & resistentiam suam possint iustis à Deo deferri & derelinqui: sed eam esse erga illos specialem Dei misericordiam, ut quavis hac gratiam excitantem & illuminantem repellant aliquamdiu, aut suffocent, eos tamen iterum, iterumque urgeat Deus, nec desistat promovere, donec eosdem gratia suæ prorsus subjugaverit, ac in statu filiorum regeneratorum collocaverit.

L. Porro quavis Scholæ Reformatae Doctores in eo conveniant gratiam non tantum in hominis mentem, sed etiam in voluntatem efficaciam suam exerere, eamque potenter & infallibiliter ad bonum flectere & determinare: inter eos tamen est aliquis dissensus de modo quo gratia voluntatem nostram mover, ut in Deum feratur, & bono consentiat.

LI. Nam Paulus Testardus, & Moses Amyraldus, aliique qui cum iis in gratia negotio Cameronis Methodum & doctrinam sequuntur, efficaciam gratiæ divinæ, quæ hominem ad Deum convertit, eique fidem in Christum ingenerat, & Dei amore cor illius accendit, in eo consistere docent, quod salutaris veritas in Evangelio propolita eo modo menti offeratur, & arcana virtute spiritus mens intus ita disponatur, ut homo firmissimam & efficacissimam veritatis illius persuasionem inde concipiat, statuatque nihil melius, & ad veram beatitudinem obtinendam conducibilius, quam ut quis Christo adherat, & Evangelio illius obsequatur. Unde fit ut voluntas, quæ ex eorum hypothesi, necessario sequitur ductum & iudicium intellectus practici, bonum illud salutare per Evangelium oblarum, & ab intellectu monstratum suscipiat, atque avidè complectatur: & sic à rebus vanis & terrenis aversa tota convertatur ad Deum, qua in re consistit ejus innovatio & sanctificatio.

LII. Adeoque volunt illi efficaciam gratiæ divinæ primario & immediate in solam mentem sese exerere, in affectus autem atque voluntatem consequenter solum & secundario: sic ut renovatio voluntatis & affectuum non fiat, nisi mediante intellectus renovatione, dum ad eas facultates, intellectus ductui subjectas, lucis mentem renovantis fructus & irruptione pervenit. Ut videre est apud Paulum Testardum in Irenico thesi 224 & sequentibus.

LIII. Ex dictis vero patet eorum sententiam non parum discrepare ab opinione illorum qui sentiunt totam gratiæ efficaciam sitam esse in morali quadam suasionem, quæ voluntatem relinquit in indifferentia, & possit ab illa rejici, vel admitti. In iis enim qui per Dei gratiam convertuntur, non solum agnoscunt quandam spiritus Dei per verbum operantis suasionem, sed vehementem plane & fortem persuasionem, quæ voluntatem secum rapit & efficacissimè mover, ac suavisimè quidem, sed certo tamen & infallibiliter ad bonum determinat, & consensum ab ea exprimit, non vero tanquam à dubia & indifferenti expectat.

LIV. Verum alii Scholæ Reformatae Theologi volunt immediatam gratiæ operationem non solum mentem attingere, dum eam illuminat, & nova luce perfundit, sed ipsam quoque voluntatem, in qua consensum illum, quem divinis monitis adhibet, realiter & Physicè operatur.

LV. Hanc sententiam tradit & explicat Amesius in Bellarmino enervato libro tertio de Gratia capite tertio. *Nos dicimus*, inquit, *una cum suasionem moralem conjungi etiam realem efficientiam Dei, qua novum principium spiritualis vite cordi hominis efficaciter vocati ingeneratur, & homo simul excitatur ad hujus vite actus eliciendos.*

LVI. Ibidemque omnino probat, & ut suam agnoscit sententiam Didaci Alvarés, quæ est, Deum per auxilium gratiæ efficax Physicè, sive ad modum causæ Physicæ prædeterminare arbitrium creatum, ut infallibiliter consentiat & cooperetur Deo vocanti atque excitanti. Posteaque ipsius Alvarés verbis utens, dicit Physicæ prædeterminare nihil aliud esse, quam verè, efficienter, vel realiter facere, ut ipsum arbitrium infallibiliter Deo cooperetur. Et Auxilium gratiæ ex se efficax, prout venit à Deo antecedenter ad liberam cooperationem arbitrii, & auxilium Physicè prædeterminans idem significare.

LVII. Quantumcumque vero tum hi tum illi Scholæ Reformatae Doctores efficaciam gratiæ divinæ exaggerent, nolunt tamen illam quicquam humanæ voluntatis libertati præjudicare, sed quæcumque bona opera per Dei gratiam ab homine fiunt, ab iis libere fieri, adeoque primum ipsum actum conversionis non minus liberum esse, quam qui eum sequuntur, nec solum esse vitalem voluntatis nostræ operationem, sed ab ea libere elici.

LVIII. Quomodo vero ista inter se consent, non eadem ratione omnes ostendere conantur.

conantur. Et quidem modo citatus Amesius sic post Didacum Alvarés conciliare nititur immediatam illam & efficacem gratiæ divinæ in voluntatem operationem & determinationem, cum voluntatis ipsius libertate in agendo, & gratiæ obsequendo. Nempe libere operari dicit illum qui dum agit retinet potestatem non agendi. Jam vero gratiam, quamvis voluntatem moveat & determinet ad agendum, ab ea tamen non tollere non agendi potestatem. Quippe potentiam ad non operandum simul consistere in eodem subiecto cum gratia & auxilio quod requiritur ad operandum, & efficit ut aliquis operetur: licet simul nunquam sint nec esse possint in eodem subiecto gratia & auxilium ad talem operationem particularem datum, & carentia talis actus. Quod alii dicunt gratiam actum quidem determinare, sed tamen à facultate non tollere omnem indifferentiam & indeterminationem.

LIX. Illi vero priores qui Cameronis doctrinam sequuntur, ex sua hypothesi, non difficulter ostendi posse putant quomodo certa & infallibilis, & à voluntatis nostræ consensu minimè dependens gratiæ operatio cum libertate humana optimè consentiat. Nam juxta eorum doctrinam, certa & infallibilis est illa operatio, quoniam mens ritè affecta, & sese habens naturæ congruenter, non potest vñum oblatum & agnatum non amplecti, & non judicare bonum id cuius bonitas ipsi in aperto ponitur: quandoquidem ex convenienti appulsu & applicatione objecti ad facultatem, quæ recte se habet, necessariò sequitur operatio naturæ conveniens. Et similiter voluntas non potest non velle & sequi id quod, omnibus expensis, intellectus volendum & sequendum judicat.

LX. Neque tamen quicquam hic officit libertati, sive ex parte intellectus, sive ex parte voluntatis. Non ex parte intellectus, quia erga ipsum gratia hæc duo tantum præstat, primo ut Evangelica veritas in convenienti luce ipsi proponatur: Deinde ut in statum congruentem restituatur, aut etiam aliquantum supra naturæ fortem evehatur. Licet autem intellectus non possit vero agnito assensum non præbere, nulla tamen vis ipsi à proposita veritate affertur, dum assentitur vero, & in eo naturæ suæ maximè congruenter agit: ac proinde si qua species libertatis ipsi competit, hac in parte nihil læditur. Et multo minus interna gratiæ operatio, quæ aut amissas vires intellectui restituit, aut etiam novas sufficit, præjudicare potest libertati intellectus, si quam habere censetur.

LXI. Ex parte vero voluntatis, quanquam quæ descripta est gratiæ operatio, necessariò ejus consensum eliciat, nullatenus tamen illi libertatem admittit. Nec enim voluntatem movet, & determinat, nisi per intellectus practici judicium. Sed ex virorum illorum doctorum sententia, necessitas & determinatio actuum voluntatis, quæ ex mentis practicæ judicio oritur, non obstat quominus libere à voluntate procedant: quandoquidem libertas voluntatis non opponitur cuivis necessitati, sed illi tantum, quæ est à vi externa, à materia, vel à sensu. Quæ latius diducta videre est apud Mosen Amyraldum tractatu de libero arbitrio, præcipue Sectione quarta. Et similiter in libro posthumo Josuæ Placcii de eodem argumento.

LXII. Sed vetustiores Scholæ Reformatæ Doctores simplicius respondent gratiam non tollere à voluntate libertatem, licet aliquam ei necessitatem imponat, quia non omnis necessitas cum libertate pugnat, sed ea solum quæ est à vi externa, vel à naturali determinatione. Gratia verò voluntatem non cogit, neque vim ei ullam affert, sed illam suaviter flecit, & modo qui est ejus naturæ consentaneus.

LXIII. Porro quod fatentur Scholæ Reformatæ Doctores, hominem qui per Dei gratiam convertitur, libere ipsum primum conversionis actum elicere, prima specie satis concordare non videtur, cum eo quod communiter docent, idque cum Theologis confessionis Augustanæ, videlicet, hominem ad opus regenerationis & conversionis suæ mere passivè se habere. Quomodo enim voluntas humana potest conversionis actum libere elicere, & simul tamen ad sui conversionem mere passivè se habere? an mere passivè se habet voluntas quæ supponitur libere operari?

LXIV. Hunc nodum solvunt Theologi Britannii in explicatione suæ sententiæ circa tertium & quartum articulum, actis Synodi Dordrechtanæ inserta. Ubi observant conversionem duplici sensu sumi. Et primo quidem denotare immediatum opus Dei hominem regenerantis. Secundo denotare actionem hominis per fidem & poenitentiam salutiferam se ad Deum convertentis. Ad opus conversionis, sive regenerationis primo modo sumptæ homo, juxta ipsos, se habet passivè, neque est in potestate voluntatis humanæ impedire Deum sic immediatè convertentem & regenerantem. In conversione vero secundo modo accepta voluntas acta à Deo agit, actusque, quibus constat nostra ad Deum conversio, elicit.

LXV. Cære-

LXV. Cæterum conversionem prout immediatum opus Dei designat, dicunt esse quæ Deus animos electorum suorum prius variis actibus gratiæ suæ excitatos & præparatos, intima quadam, & mirabili operatione regenerat, & quasi de novo creat; infundendo spiritum vivificantem, & omnes animæ facultates novis qualitatibus imbuendo. Hanc vero conversionem, ex eorum sensu, sequitur, non tempore sed natura, nostra conversio actualis, Deo proliciente ipsum actum credendi & convertendi ex mutata voluntate, quo acta à Deo agit & ipsa, convertendo se ad Deum & credendo, hoc est, actum suum vitalem eliciendo. Addunt divinam illam actionem non lædere voluntatis libertatem, sed roborare: nec extirpare radicibus vitiosam resistendi possibilitatem; sed efficaciter & suaviter dare homini firmam obediendi voluntatem.

LXVI. Eodém redit quod docent Theologi Hassiaci in expositione suæ sententiæ circa articulum tertium & quartum, quæ inserta quoque est actis ejusdem synodi. Ibi enim sic se habet eorum sexta thesis de hominē in statu gratiæ. *Voluntas itaque hominis ad qualitates, seu facultates & vires supernaturales, nec non ad inclinationes novas recipiendas, habet se mere passivæ; ita ut actio Spiritus Sancti supernaturales illas vires in voluntatem infundentis, eandemque efficaciter & potenter ad conversionem & fidem suscitantis & inclinantis, non à voluntate humana, ejusque cooperatione, vel consensu pendeat: Ad ipsos vero fidei, charitatis, spei, &c. actus, minisque bonos, non purè passivè, sed passivè & activè se habet: cum Dei gratia præveniente acta & mota, ac subsequente adjuta, ipsa etiam agat, fideique, charitatis, spei, aliarumque virtutum actus producat. Atque hinc non Deus in nobis, seu per nos, sed nos gratia Dei credere, sperare, diligere dicimur.*

LXVII. Porro ex iis quæ hæcenus exposita fuerunt, colligere promptum est Remonstrantes, & Theologos confessionis Augustanæ, circa doctrinam de gratia sufficienti atque efficaci, methodo quidem & dicendi formulis aliquatenus differre, sed quoad summam rei inter eos esse consensum. Nempe negant Augustanæ confessionis Theologi gratiam rectè dividi in efficacem & sufficientem, id affirmant autem Remonstrantes, & distinctionem illam maxime probant. Verum Theologorum confessionis Augustanæ mens non est illis qui Verbum Dei audientes non convertuntur, ex parte Dei aliquid auxilium deesse sine quo converti non possunt; adeoque gratiam quæ ipsis datur & offertur, minimè sufficere ad fidem & pœnitentiam ipsis ingenerandam. Contra enim asserunt, gratiam quæ offertur ipsis incredulis & impenitentibus, mereri nomen non solum sufficientis, sed efficaciæ quoque; quoniam ex se efficax est ad ipsos, nisi ultro obicem ponere pergant, ad respicientiam & fidem adducendos.

LXVIII. Contra vero Remonstrantes non ideo gratiam distinguunt in sufficientem atque efficacem, quod putent gratiam quam accipiunt illi qui increduli manent, & in peccatis perseverant, non habere vim & efficaciam necessariam & prærequisitam ad hoc, ut sequatur in illis conversio, ac propterea solum nomen sufficientis, non vero etiam efficaciæ mereri. Agnoscunt enim illos qui Evangelium sibi prædicatum respuunt, nullo carere auxilio ad concipiendam fidem necessario; sed ideo solum gratiæ cuius sunt participes denegant efficaciæ nomen, quod effectum ad quem destinatur in iis reapse non producat, propter impedimentum quod illi ponunt homines ejusmodi, non ipsi gratiæ uti & efficaciæ necessaria desit.

LXIX. Utrique ergo fatentur & docent gratiam quæ datur illis qui Evangelio parere renunt, satis vitium habere ad ipsos convertendos, & propterea solum effectum suum in illis non fortiri, quod motibus ejus resistant, & voluntariè obicem illi ponant. Ex adverso vero fideles & qui serio ad Deum convertuntur, potuisse si libuissent, gratiæ quæ in ipsis efficax est, obicem ponere, & effectum ejus impedire sua contumacia, neque per eam gratiam ullam ipsis fuisse necessitatem impositam credendi, & se ad Deum convertendi.

LXX. Nihil ergo pejor hac in parte sentiunt Remonstrantes illis qui Lutherani dicuntur; ac proinde cum Reformati communionem horum non refugiant, sed ultro eos ad pacem & concordiam fraternam invitent, non debent Remonstrantes propter hoc doctrinæ caput, si nihil gravius errent, à communione sua repellere; sed eorum hac in re sententiam habere pro tolerabili, & quæ pietati perniciofa non sit.

LXXI. Si quis etiam comparet quæ Thesis superioribus de Molina retulimus, cum Remonstrantium doctrina hisce Thesis exposita, manifesto apparebit, Remonstrantes de gratiæ efficaciæ & sufficientiæ, reipsa non aliud sentire quam plurimos Scholæ Romanæ doctores qui Molinam hodie sequuntur. Nempe utrique consentiunt ex duobus hominibus æquali gratia præventis unum posse converti, alterum non converti, quia unus gratiæ obicem liberè posuerit, alter non posuerit. Et illis ipsis qui non convertuntur

tur

tur Deum communicare auxilia gratiæ ad ipsorum conversionem tam abunde sufficientia, ut ex parte Dei nihil amplius prærequiratur, ad hoc ut reapse sequatur eorum conversio.

LXXII. Nec minus quoque manifestum fecimus illos qui Synodo Dordracenæ subscribunt; cum Thomistis recentioribus, & cum illis etiam qui Janzenio adherent idem, quoad rei summam, sentire & docere, circa doctrinam de gratia efficaci & sufficienti; & si quibus in rebus dissentire videantur, contentionem vel esse verbalem, vel non admodum momentosam.

LXXIII. Etenim Reformati qui Synodum illam probant, cum istis Scholæ Romanæ Doctoribus fatentur & agnoscunt, illos qui per Dei gratiam convertuntur, conversionis actus libere elicere, & gratiam Divinam præstare quidem infallibiliter ut credant & respiciant, sed modo tamen qui sit naturæ rationali & liberæ consentaneus, & sic ut ab illis simpliciter non tollat potestatem aliter agendi, & pios illos actus omittendi.

LXXIV. Ultro etiam concedunt, illis ipsis qui Evangelium audientes non convertuntur, neque peccato renunciant, præter externam prædicationis gratiam, multa interna gratiæ auxilia communicari, Deumque variis modis intus cor eorum pulsare, & mentem illustrare, ut à peccato recedant, & eam quam par est fidem Evangelio adhibeant: ita ut propria tantum culpa pereant, & per solam eorum perversitatem & contumaciam steret, quin salutis fiant participes.

LXXV. Vicissim vero tam qui Janenistæ vocantur, quam Thomistæ recentiores agnoscunt tantam esse gratiæ efficaciam, ut voluntatem ad bonum non solum invitet atque sollicitet, sed potenter etiam flectat & determinet; nec ejus efficaciam à liberi arbitrii consensu esse suspendendam, cum ipsa consensum illum, in iis quos convertit, infallibiliter & insuperabiliter proliat atque efficiat.

LXXVI. Nec minus apertè fatentur omnibus illis qui credere renunt, aut in peccatis indurantur, auxilium aliquod deesse ex parte Dei prorsus necessarium & prærequiritum, ad hoc ut quis actu fidem concipiat, & veram de peccatis pœnitentiam agat.

LXXVII. Itaq; quod Thomistæ recentiores affirmant, illos in quibus gratia non est efficax ad conversionem, nihilominus gratiam sufficientem ad eam habere, id vero Reformati cum Janenio negant, mera logomachia est. Siquidem Thomistæ per hoc affirmare non intendunt, iis qui non convertuntur nullum deesse auxilium ad eorum conversionem ex parte Dei antecedaneum, quod unice negare volunt Janenius & Reformati, quum dicunt illos non habere gratiam sufficientem, Thomistis alioqui facile concessuri gratiam quæ talibus datur, secundum quid & in suo genere sufficientem dici posse.

LXXVIII. Hoc præsertim videre est in judicio Theologorum Nassövio-Watera vicorum circa Tertium & quartum articulum, quod habetur in actis Synodi Dordracenæ. Ibi enim explicantes suam Thesin de intentione Dei in hominis vocatione, dicunt gratiam prædicationis & illuminationis, quæ hypocritis cum piis communis est, ad conversionem secundum quid sufficientem esse, hoc est, in ordine causarum secundarum, seu mediorum; quatenus nulla alia conversionis media, sive externæ prædicationis, sive internæ illuminationis, præter illa requiruntur: Sed non esse sufficientem ad conversionem simpliciter, hoc est, sine internæ tractionis gratia; sine qua quenquam converti & ad Christum venire Scriptura pronunciat impossibile.

LXXIX. Quod vero discrimen est inter Thomistas atque Janenium, & inter ipsos Scholæ Reformate Doctores, in explicanda natura gratiæ efficaci, & definendo qua in re illa constituenda sit, dum illam ponunt Thomistæ in motione quadam virtuosa, quæ est in voluntate per modum quo impetus in re quæ impellitur, Janenius in affectibus amoris & desiderii boni celestis & spiritualis, quibus suaviter sursum rapitur animus humanus, discipuli Cameronis in potentissima mentis illuminatione & persuasione quæ voluntatem & affectus secum rapit, alii in omnipotenti & efficacissima Dei operatione qua novum principium spiritualis vitæ cordi hominis vocati inditur, & homo simul excitatur ad hujus vitæ actus alicendos, res est quæ ad disputationem merè Scholasticam pertinet, & de qua viris doctis sic & sic loqui, & opinari licet: & quæ hic plerique viri docti proferunt componenda potius quam opponenda videntur.

LXXX. Caterum tanta varietas sententiarum & opinionum circa naturam atque essentiam gratiæ efficaci, & rationem ac modum quo in animis hominum operatur, quæ à tot jam seculis Scholas Christianas exercet, arguit rem esse perplexam, obscuram, & quæ undique multis difficultatibus scætet: Nec spes est fore contentionum finem, nisi curiositati modus aliquis statuatur, & omittantur quæstiones arduæ & non necessariæ. Ac profecto longe consultius foret, & paci ac pietati Christianæ conducibilis

bilius in totum ab ejusmodi quæstionibus abstinere, quam sine fine rixari de rebus, quæ difficultate sua ingenium humanum obruunt, & in quibus vix quicquam sibi potest satisfacere.

LXXXI. Præsertim quæstiones illar apud plebem Christianam, in homiliis & concionibus, non tantum nullo cum fructu, sed maximo sæpe cum damno proponuntur, dum simplicium animis injiciuntur varii scrupuli, quos disputantium ars & eloquentia satis postea discutere non potest. Proinde tutissimum esset, & Christianæ prudentiæ ac sobrietati maxime conveniens, dum de rebus istis sermo apud populum præcipue haberetur, in iis consistere de quibus Christiani Doctores conveniunt, & quæ sufficiunt quoque ad pietatem & fidem informandam. Qualia sunt quicquid boni nobis inest, & à nobis fit Divinæ gratiæ deberi. Deum esse qui omne bonum in nobis operatur. Sine Christo & spiritus illius auxilio in iis quæ æternam nostram salutem promovent, nihil nos quicquam posse. Nihil esse quod à Deo gratis non acceperimus, & de quo possumus supra alium gloriar. Adeoque teneri nos in omnibus Dei gratiam implorare, & si quid à nobis bene & recte factum fuerit, de eo illi gratias agere.

LXXXII. Deum tamen qui naturæ nostræ author & conditor est, & qua ratione animus humanus movendus sit, optimè novit, sic per gratiam suam in nobis operari, ut libertati nostræ nihil decedat, eumque nos ad bona facienda movere, non tanquam truncos aut stipites, sed ut creaturas rationales deceat. Proindeque divinæ gratiæ necessitatem atque efficaciam nulla ex parte tollere nostram ad bona opera curam & sollicitudinem: nec minus propterea nobis laborandum & vigilandum esse, quod in omnibus Dei auxilio egemus. Quantacunque vero sit gratiæ necessitas, impios qui malè agunt, & verbo Dei parere reculant, nullam occasionem habere de Deo querendi. Deum enim sic eos invitare ad respiciendam, & illis ea ad salutem media subministrare, ut propria culpa tantum in perditionem ruant, & eorum diuturnæ contumaciæ & rebellionis tribuendum sit quod salutem æternam non adipiscantur.

LXXXIII. Ista quæ nullus in dubium vocat, Christianis omnibus meo judicio sufficere deberent, absque ulteriori & curiosiori investigatione, tum intimæ naturæ libertatis humanæ, tum modi quo gratia in nobis operatur, & quo etiam ejus efficacia cum arbitrio nostri libertate concilianda est; de quibus nulla diserta, clara, & expressa extant scripturæ oracula. Si quis tamen pertendat licere de his rebus ulterius & accuratius in Scholis Philosophari, opandum saltem esset id fieri summa cum animi moderatione, & agnitione sincera propriæ nostræ caliginis atque ignorantie in rebus tam arduis, quæ omnem ex disputationibus, circa materiam per se tam gravem atque difficilem, acerbicatem tolleret, & animos ad mutuam Christianam & fraternam tolerantiam formaret. Quod Deus per eandem illam suam gratiam in iis qui Scholis Christianis præfunt præstare velit.

LXXXIV. Appendicis loco subnectere visum est quid auxiliis gratiæ divinæ in hominis conversione, & pietatis negotio tribuant hodierni Sociniani. Supponunt igitur hominis voluntatem per naturam peccato sic affectam non esse, quin possit velle aut nolle aliquid facere, in rebus ad religionem salutemque æternam spectantibus, & porro etiam, ubi Evangelicam doctrinam auribus præceperit, ipsa credere ac Dei præceptis parere: Deum enim voluisse ut voluntas nostra, ex qua vitæ pietas proficiscitur, & æstimatur, in nostro arbitrio & potestate sita esset: licet interim externum ipsius actum vel promovere, vel impedire, vel permittere pro arbitrio soleat: Unde concludunt velle bonum quod nobis inest, nostrum esse non Dei.

LXXXV. Quod si quis objiciat, si res ita se habet, multum de Dei gubernatione, quæ in mundo regendo cernitur, detractum iri: respondent, internum voluntatis nostræ actum, quem solum ordinariè in nostra potestate Deus collocavit, in mundi gubernatione nullum habere momentum, sed externum ejus effectum, qui in Dei potestate ita situs est, ut nihil nisi Deo decernente, juvanteque, ut permittente fieri queat. Liberum autem arbitrium eousque vim suam porrigere, ut Deo nunc juvante, nunc permittente tantum, homo non solum de re quapiam peragenda cogitationem suscipere, sed etiam exitu eam complere possit.

LXXXVI. Speciatim quod ad bonas actiones attinet à voluntate imperatas, quas Deus vult à nobis perfici, agnoscunt illas sæpissime absque Deo auxilio fieri non posse. Quod tamen non obstat reputant quominus suo modo sint in nostra potestate. Idque quia Deus suum auxilium nulli homini suppliciter ad ipsum accedenti denegat. Adeoque si quis divino auxilio destitutus, illius præceptis non obtemperaverit, is sibi culpam assignare debet, & sic nullam habet peccati excusationem: propterea quod Dei opem

ferio non imploravit : aut quæ Deus illi ad pietatem colendam suppeditavit adjumenta noluit amplecti. Quod malum nonnisi ab hominis ipsius improbitate fluit. Hac enim fit ut voluntatem suam ad ea non accommodet quæ Deo probantur : quod si faceret, nallum dubium esset, quin ea perficendi omnem viam rationemque tentaret, & quod consequens est, ad divinam opem nunquam non confugeret, & sic ea circumseptus facile & rerum divinarum scientiam assequeretur, & in Dei studio totam mentem suam defigeret.

LXXXVII. Caterum duplici ratione Deum hominum conatibus opitulari dicunt : quarum altera externa est, & vel in minando, vel in promittendo consistit : quanquam in promissis major vis sit homines Dei studio inflammandi : altera vero internum auxilium est quod tunc nobis Deus affert, quum vel promissa nobis facta, ac externis documentis confirmata animis nostris divina virtute penitus insculpit, vel pleniori voluntatis suæ notitia nos instruit.

LXXXVIII. Quod si quis dicat ipsum velle nostrum, non minus quam opus externum, quum de salutari bono quæstio est, Deo in Scriptura tribui, juxta illud Pauli ad Philippenses, *Deus est qui operatur in nobis & velle & perficere pro bona voluntate* : Respondent istis verbis & similibus quibus Deo tribuitur hominis conversio, non significari Deum omnino & necessario in hominibus efficere quod verba sonant : sed Deum nihil eorum omittere quæ ad id efficiendum, libertate voluntatis nostræ salva, pertineant. Nimirum quia Deus nos ad bonum volendum allicit & invitat beneficiorum magnitudine, & promissionum tum certitudine, tum summa præstantia atque amplitudine, quibus efficit, non ut velle possimus, quod nobis naturaliter inest, sed ut reipsa velimus : quod tamen efficit ea ratione, ut semper in nostra potestate situm sit efficaciam isti divinæ resistere. Quæ pluribus diducta videre est apud Volkeliu Socinianum, *De vera Religione libro quinto capite decimo octavo.*

T H E S E S

THESES THEOLOGICÆ

In quibus exponitur

An & quatenus homo per CHRISTI gratiam

L E G E M

Implere possit, & Dei mandata servare.

T H E S I S I.

IN eo statu homo à Deo conditus est ut posset legi quam Deus ipsi tulit obedientiam integram & perfectam præstare absque omni labe vel culpa. Nec enim æquum fuisset Deum ab innocenti creatura ea exigere ad quæ præstanda, vel nullas, vel non sufficientes vires ei concessisset. Atque hoc confirmat scriptura, dum docet Deum fecisse hominem rectum. Nec enim posset cenferi rectus ille qui sese legi Dei, quæ rectitudinis norma est, conformare non posset.

* Eccl. 7.
29.

II. Verum homo sponte legem Dei transgressus, amisit ea dona & auxilia per quæ poterat legem Dei servare; & ita peccati servus effectus est, ut ex se, ne quidem in uno opere, omni ex parte legi satisfacere possit, Deoque gratum & acceptum obsequium exhibere: tantum abest ut legem sic adimplere queat, ut necesse est ei qui per legem vult ad vitam pervenire. Quod Scriptura sacra satis aperte docet, dum affirmat homines, extra Christi gratiam, in peccatis esse mortuos, & nos sine illo nihil posse facere: neque c sufficientes esse cogitare aliquid à nobis, quasi ex nobis: ac d sapientiam carnis inimicam esse Deo, & legi Dei subiectam non esse, neque se subijcere posse.

a Eph. 2.
b Joan. 15.
c 2 Cor. 3.
d Rom. 8.

III. Sed Deus generis humani culpa sua perdit, misertus, in mundum misit Christum filium suum, qui non solum homines liberaret à poenis, quas peccatis suis iuste commeriti erant: Verum etiam illos à servitute peccati eximeret, & eam conferret gratiam, per quam rursus possent Deo in vera iustitia & sanctitate servire, novamque mandatis ejus inchoare obedientiam.

IV. Hanc gratiam, tanquam pertinentem ad novum fœdus in Christo ineundum, Deus per Prophetas sæpius promissit. Sic enim loquitur Deus apud Ezechielem, cap. 11. Dabo eis cor unum, & spiritum novum tribuam in visceribus eorum: & auferam cor lapideum de carne eorum, & dabo eis cor carneum: ut in præceptis meis ambulent; & judicia mea custodiant faciantque ea: & sint mihi in populum, & ego sim eis in Deum. Et rursus cap. 36. Effundam super vos aquam mundam, & mandabimini ab omnibus inquinamentis vestris, & ab universis idolis vestris mundabo vos. Et dabo vobis cor novum, & spiritum novum ponam in medio vestri: & auferam cor lapideum de carne vestra, & dabo vobis cor carneum. Et spiritum meum ponam in medio vestri: & faciam ut in præceptis meis ambuletis, & judicia mea custodiat & operemini. Et habitabitis in terra quam dedi Patribus vestris: & eritis mihi in populum, & ego ero vobis in Deum.

V. Quibus consona sunt quæ habentur apud Jeremiam, cap. 31. Ecce dies venient, dicit Dominus, & seriam domui Israel, & domui Juda fœdus novum. Non secundum pactum quod pepigi cum patribus vestris in die qua apprehendi manum eorum, ut educerem eos de terra Ægypti: quod pactum irritum fecerunt, & ego dominatus sum:

D d d d

CUTYM

eorum, dicit Dominus. Sed hoc erit pactum quod seriam cum domo Israel post dies illos, dicit Dominus. Dabo legem meam in visceribus eorum, & in corde eorum scribam eam: & ero eis in Deum, & ipsi erunt mihi in populum. Et cap. sequenti, Dabo eis cor unum & viam unam, ut timeant me universis diebus: & bene sit eis, & filiis eorum post eos. Et seriam eis pactum sempiternum: & non desinam eis benefacere: & timorem meum dabo in corde eorum: ut non recedant à me.

VI. Similia quoque prædixerat Moyses, Deut. 30. Circumcidet, inquit, Dominus Deus tuum cor tuum, & cor seminis tui, ut diligas Dominum Deum tuum ex toto corde tuo, & in tota anima tua, ut possis vivere. Et paulo post, Tu autem reverteris, & audies vocem Domini Dei tui, faciesque quæversam mandata quæ ego præcipio tibi hodie. Et abundare te faciet Dominus Deus tuus in cunctis operibus manuum tuarum.

VII. Et certè, nisi Deus talem hominibus gratiam largiretur per quam possent verum & sincerum divinis mandatis obsequium præbere, nullus eorum salvus esse posset, & legitime confidere Deum erga ipsum usurum beneficentia & misericordia illa, quam nobis in Christo offert & exhibet. Nec enim Deus cum aliis misericorditer & benignè acturum sese pollicetur, quam cum iis qui foedus ejus servant, & mandata illius faciunt. Ut videre est, Psal. 103. Misericordia autem Domini ab æterno & usque in æternum super timentes eum: & iustitia ejus in filios filiorum. His qui servant testamentum ejus, & memores sunt mandatorum ipsius ad faciendum ea. Quibus congruit illud quod legitur apud Ezechielem, cap. 18. Si autem impius egeris penitentiam ab omnibus peccatis suis quæ operatus es, & custodieris omnia præcepta mea, & feceris iudicium & iustitiam: vita vivet & non morietur. Omnium iniquitatum ejus, quas operatus es, non recordabor: in iustitia sua quam operatus es vivet.

VIII. Eodem etiam spectat quod Christus in Apocalypsi beatos demum pronunciat illos qui mandata Dei custodiunt. Omnes autem eos qui virtus indulgent, quique amant & faciunt mendacium, à civitate Dei excludendos declarat. Beati, inquit, qui custodiunt mandata illius, ut sit potestas eorum in ligno vitæ, & per portas intrent in civitatem. Fors autem canes, & venefici, & impudici, & homicidæ, & idoli servientes, & omnes qui amant & faciunt mendacium, Apoc. 22.

IX. Neque vero quicquam est in communione Christi, aut eum verè nosse & amare, censei potest, qui mandata Dei non servat. In hoc scimus, inquit Johannes, quoniam cognovimus eum, si mandata ejus observamus. Qui dicit se nosse Deum, & mandata ejus non custodit, mendax est, & veritas in eo non est. 1 Joan. 2. & cap. 3. Qui servat mandata ejus, in illo manet, & ipse in eo. Similiter cap. 5. Hac est charitas, Dei ut mandata ejus custodiamus. Unde est quod Paulus, 1. Cor. 7. solam observationem mandatorum Dei alicujus momenti in Christo esse docet, Circumcisio, inquit, nihil est: & præputium nihil est: sed observatio mandatorum Dei.

X. Verum fideles per divinam gratiam posse Dei mandata servare omnium evidentissimè probat ipsa experientia. Nam, Scriptura teste, multi sancti & pii homines de facto Dei mandata servarunt. Id de seipso David affirmare non veretur, Psal. 119.

* Festinavi, inquit, & non tardavi custodire mandata tua. Item, † Custodivit anima mea testimonia tua: & dilexit ea vehementer. Servavi mandata tua & testimonia tua: quia omnes viæ meæ in conspectu tuo. Lucas autem Evangelista idem testimonium perhibet de Zacharia & Elizabeth illius uxore. Erant, inquit, iusti ambo ante Deum, incedentes in omnibus mandatis & justificationibus Domini, sive, quærela. Quin omnes pii & fideles in scriptura frequenter describuntur per eos qui mandata Dei custodiunt: Ut quam dicit David psalmo modo citato, Socius ego sum omnium timentium te, & custodientium mandata tua.

XI. Itaque jure merito Joannes epist. primæ cap. quinto affirmat mandata Dei non esse gravia. Etenim, præterquam quod nihil à nobis exigunt quod naturæ & rationi valde consentaneum, & nobis maxime conducibile non sit, Deus etiam suis vires sufficit, per quas mandata ejus effecta dare possint, & per gratiam suam præstat, ut illa pii & fideles observent.

XII. Porro cum fideles, in quibus gratia divina operatur, dicantur in scriptura Dei mandata servare, dubium non est quin aliquo etiam sensu, dici possint Dei legem implere. Nam Dei mandata sunt idem cum Dei lege. Dei vero mandata servare, & illa eadem implere unum idemque significant. Et certè negari non potest quin vera & sincera charitas, id est, dilectio Dei & proximi, reperiat in eis qui per spiritum Dei regentur. Nam qui credunt in Christum, & sunt per spiritum ejus, de quo nati, transiverunt à morte ad vitam. Sed, ut testatur Joannes Apostolus, Qui non diligit

manet

* Pausa
Heth.
† Pausa
Schin.

manet in morte. 1 Joan. 3. Ac perinde quicunque spirituali vita vivunt, necessario Deum & proximum diligunt. Charitas autem est impletio legis, & qui diligit, legem implevit, ut expresse docet Paulus, Rom. 13.

XIII. Præterea iustitiam legis in nobis impleri, & nos legem & ejus iustitiam implere eodem plane recidere videntur. Jam vero docet Apostolus Christum in hunc mundum venisse ut iustitia legis impleteretur in nobis, qui non ambulamus secundum carnem, sed secundum spiritum. Nam, inquit, quod erat impossibile legi, quia per carnem infirma erat, Deus filium suum mittens, in similitudinem carnis, peccati, & de peccato, damnavit peccatum in carne, ut iustificatio, sive iustitia legis impleteretur in nobis, qui non ambulamus secundum carnem, sed secundum spiritum. Rom 8.

XIV. Porro, quamvis vero & commodo sensu dici possint qui spiritu Dei aguntur. Dei legem implere, & ejus mandata servare, juxta Scripturæ stylum & consuetudinem: multum tamen ab eo abfuit, ut possint legem perfecte implere, & Dei præceptis exactam atque omnibus numeris absolutam obedientiam præbere.

XV. Nam perfecte legem implere est omni ex parte legi satisfacere, secundum totum illius rigorem, nec deficere in ullo eorum, quæ lex præcisè sumpta ab homine postulat, ut possit vi fœderis legalis, juxta Clausulam *Fac & vives*, ad vitam pervenire, & felicitatem quam lex pollicetur pro jure suo exigere, absque ullo metu poenarum quas lex comminatur prævaricatoribus. Nemo autem eo sensu & respectu legem implet, nisi qui prorsus immunis est à peccato, nec unquam legem transgressus est. Omnes enim qui vel semel peccaverunt, lex rigide sumpta judicat & damnat, & addicte maledictioni, juxta alteram istam terribilem Clausulam, *Maledictus omnis qui non permanferit in omnibus quæ scripta sunt in libro legis hujus ad faciendum ea.* Quippe lex neminem gratis justificat & absolvit, sed tantum ex debito, secundum Pauli doctrinam, Rom. 4. Omnis peccator autem, quicunque tandem ille sit, eget Dei gratia & misericordia, nec nisi gratis justificari potest.

XVI. Jam vero nullus est hominum qui legem non sit quandoque transgressus. Si quidem omnes in peccato nascuntur, & per naturam servi sunt peccati, imo in peccatis mortui, atque in ea morte & servitute perpetuo jacerent, nisi inde per Christi gratiam excitarentur & liberarentur. Quod jam breviter supra ostendimus: idemque Scriptura toties & tam apertè inculcat, ut superfluum videatur testimonia ejus hac de re congerere. Præsertim vero Paulus hanc doctrinam sæpius urget atque ingerit in suis Epistolis, & maxime in ea quam scripsit ad Romanos quatuor primis capitibus. Ubi pluribus argumentis convincit, *Omnes peccavisse, & Omnes, tam Judæos quam Græcos, esse sub peccato, juxta illa Scripturæ dicta, Non est justus quisquam, non est intelligens, non est requirens Deum. Omnes declinaverunt, simul inutiles facti sunt; non est qui faciat bonum, non est usque ad unum.* Unde concludit neminem ex operibus legis coram Deo justificari: sed omnes justificari gratis per gratiam Dei per redemptionem quæ est in Christo Jesu. Ex eo vero sequitur nullum esse qui legem Dei perfecte & omni ex parte impleat: quandoquidem, si quis legem eo modo impleat, proculdubio per opera legis justificaretur, idque ex debito, non autem ex gratia.

XVII. Verum non solum homines sunt per naturam peccato immersi, & per legem peccati convicti: sed etiam postquam sunt per gratiam renati, multum ab eo abfuit, ut undique perfectum obsequium legi præstent. Etenim sanctissimi quique in multa peccata quotidie labuntur: Juxta illud Jacobi, *In multis offendimus omnes.* Et Joannis epistola prima cap. 1. *Si dixerimus quod peccatum non habemus, ipsi nos seducimus, & veritas in nobis non est.* Quibus congruit quod pronunciat sapiens, Eccl. cap. 7. *Non est homo justus in terra qui faciat bonum, & non peccet.*

XVIII. Neque tantum levioribus & minutis peccatis homines per Christi gratiam regenerati obnoxii manent: sed vix ulli eorum sunt qui non quandoque incidant in gravia peccata; quibus novo mortis æternæ reatu constricti tenentur, & præsentem aptitudinem ad regnum cœlestem amittunt; donec speciali Dei gratia excitante, inde per singularem poenitentiam resurgant. Id manifestum faciunt frequentes sanctorum lapsus in Scriptura memorati, ut Davidis, qui incidit in adulterium & homicidium: & Petri, qui ter Christum cum juramento abnegavit. Idemque sæpe confirmat quotidiana fidelium experientia.

XIX. Quin illud ipsum obsequium quod fideles legi exhibent, suis defectibus & pævis non caret, & in illis ipsis operibus quæ conformiter legi edunt summam, æstimationem legis non assequuntur; semperque illo respectu restat iis materia profectus, & aliquid ad quod contendere debeant. Quod evidens est Pauli Apost. exemplo. Nec enim facile reperiretur aliquis cui tantam gratiæ mensuram, indulserit Christus. Et tamen ipse fateatur se nondum

dum esse perfectum, & se ad ulteriora perpetuo contendere. *Phil. 3. Non inquit, quod jam apprehenderim, aut jam perfectus sum: sciquar autem, si quo modo comprehendam, in quo & comprehensus sum a Christo Jesu. Fratres, ego me non arbitror comprehendisse. Unum autem ago, quæ quidem retro sunt obliuiscens, ad ea vero quæ sunt priora me extendens, ad definitum persequor, ad bravium supernæ vocationis Dei in Christo Jesu.*

XX. At, inquires, Apostolus ipse eo in loco supponit quosdam esse perfectos, & se in eorum numero collocat. Verbis enim citatis subiungit, *quicunque ergo perfecti sumus hoc sentiamus.* Et 1 Cor. 2. *Sapientiam, inquit, loquimur inter perfectos.* Multisque viris sanctis in scriptura testimonium perhibetur quod perfecti fuerint. Ita de Noë dicitur Gen. 6. *Noë vir iustus fuit atque perfectus in generationibus suis, & ambulavit cum Deo.* Et de Job Deus ipse Satanam alloquens dicit, *Nunquid considerasti servum meum Job, quod non sit ei similis in terra, Isch Tham, i. Vir integer, sive, perfectus, & rectus, ac timens Deum, & recedens à malo?* cap. 1. & 2. Imo David, *Psal. 18. non veretur sibi talem perfectionem tribuere. Fui, inquit, immaculatus, sive perfectus, cum eo, & custodi me à iniquitate mea.* Et retribuit mihi Dominus secundum iustitiam meam, & secundum pietatem manuum mearum in conspectu oculorum ejus.

XXI. Quæ difficultas ut solvatur observanda est duplex perfectionis distinctio. Est enim perfectio quædam absolute sic dicta, alia vero secundum quid & comparatè tantum. Absolutè perfectum est illud cui in suo genere nihil deest. Comparatè vero perfecti dicuntur ea quæ licet à summa perfectione absint, multa tamen superant alia ejusdem generis, cum quibus instituitur eorum comparatio. Quum dicimus in hac vita nullos esse perfectos, sive qui perfectum divinæ voluntati obsequium præbeant, istud intelligimus de perfectione absoluta, quæ pervenit ad summum, & ad quam nihil addi potest, quo sensu Paulus agnoscit se nondum esse perfectum, quia nondum pervenerat ad illum gradum amoris & obsequii erga Deum, ad quem evecti sunt beati spiritus cum Christo regnantes; quorum non tantum cognitio, sed obsequium etiam & amor, nullum amplius potest sumere incrementum, cum totis omnino viribus, totoque voluntatis affectu terantur in Deum. Verum hoc non obstat quo minus fideles qui virtute cæteris præcellunt, & qui in veritate divinæ notitiæ, & pietatis ac iustitiæ studio majores progressus fecerunt, perfecti nominentur, non quidem simpliciter, sed respectu eorum qui multum illis hac in parte cedunt, quique sunt adhuc, ut Paulus loquitur, infantes in Christo, & quodammodo carnales, præ illis qui singulari ratione spirituales appellantur, ut videre est 1 Cor. 3. Et hi sunt inter Christianos, ut sic dicam, adultiores, & ætatis ac staturæ, si ita loqui licet, magis provectæ, quos Paulus locis ante citatis perfectos vocat, dum ait, *Sapientiam loquimur inter perfectos, & Quicunque perfecti sumus hoc sentiamus.*

XXII. Huic distinctioni affinis est altera, juxta quam distingui solet perfectio in perfectionem partium & perfectionem graduam. Perfecta secundum gradus obedientia illa est quæ attingit summum perfectionis gradum, & per quam aliquis legi ita perfecte se conformat & subijcit, ut in eo nihil prorsus desiderari queat, neque hoc respectu possit in melius proficere. Hac ratione contendimus, & per se manifestum est legem à nullo perfecte in hac vita impleri. Verum obedientia quæ multum à summo gradu perfectionis absit, nihilominus esse & dici potest perfecta secundum partes; quoniam respectu partium, sive essentialium, sive integrantium, nihil illi deest eorum quæ necessaria sunt ut sit obedientia vera & Deo accepta. Hoc sensu perfecta est obedientia piorum in hac vita, & hoc respectu fideles qui sunt per Christi gratiam renovati, & spiritu illius ducti, perfecte Dei legem implere possunt, id est, verum & sinceram, Deoque gratum obsequium mandatis illius præbere. Nec enim essentialis ejusmodi perfectio aliud est quam ipsius rei veritas atque sinceritas.

XXIII. Ut autem istud clarius innotescat, observandum est ad hoc, ut obedientia nostra vera & sincera sit, tria præcipue requiri. Primum est ut præstetur non tantum corpore & opere externo, sed interno quoque animi affectu. Neque enim quicquam prodest ea facere quæ lex jubet, nisi id fiat ex Dei amore, & voluntatis illius implendæ ac gloriæ ejus promovendæ studio. Ut nec satis est quandam affectum Deo obsequendi habere, nisi mandata ejus, quum res id postulat, ipso opere compleantur. Præterea non sufficit ad veram obedientiam ut quædam Dei mandata, reliquis neglectis, servemus: sed necesse est ut omnibus legis Divinæ præceptis nos serio subijciamus, illaque, cum sese offert occasio, implere studeamus. Denique debet esse obedientia nostra constans & perseverans: Nec satis est Deo ad tempus obsequi, sed in ejus obsequio, tam per res adversas quam per res secundas, ad finem usque perseverandum est.

XXIV. Ho-

XXIV. Horum omnium respectu nihil deest obedientie eorum qui verè pii & per spiritum Dei regeniti sunt. Nec enim corpore tantum Deo serviunt, sed mentem & affectum voluntati ejus subjiciunt. Nec solum opere præstant quæ lege præcipiuntur; sed etiam in eo gloriam Dei spectant, & amore illius moventur. Non his, aut illis mandatis duntaxat obedire satagunt; sed universæ legi Dei & singulis ejus mandatis sese conformare nituntur. Nec solum ad aliquod tempus, & quando res prospere fluit, sed etiam quum ingruunt tentationes & persecutiones, & ad ultimum usque vitæ spiritum mandata Dei ob oculos habent, & actiones suas ad eorum normam exigunt.

XXV. Itaque jure merito potest eorum obedientie tribui perfectio illa, quæ perfectio Partium in Scholis appellari solet. Siquidem integræ legi, & universis illius præceptis, tum corporis actus, tum animi affectus, idque constanter & perseveranter exigere conantur. Et certe, nisi hoc esset, scriptura fidelibus non tribueret iustitiam & sanctitatem veram, dum ait, illos indui novo homine, qui creatur secundum Deum, in iustitia & sanctitate veritatis, Ephel. 4. Nam verè iustitia non est, quæ respectu partium, ad essentiam iustitiæ omnino pertinentium, manca & mutila est. Et hæc est illa perfectio cuius nomine laudantur Job & Noë, & quam David sibi ipsi tribuere non formidat. Etenim per perfectionem solum ibi designatur integritas atque sinceritas sanctorum istorum virorum. Siquidem vox Hebræa *Tham* sive *thamim*, quam ibi interpretes per perfectum exponunt, integrum & sincerum propriè significat.

XXVI. Negamus igitur fideles perfectè Dei legem implere posse, si sermo sit, de perfectione quæ absoluta dicitur & graduum; tum quia omnes illi, non minus quam cæteri homines, per naturam sunt peccatores; tum quia post acceptam gratiam non desinunt in multis offendere, & gravibus etiam lapsibus obnoxii manent: neque in bonis ipsis operibus quæ faciunt summam illam *expleantur*, quam lex in rigore suo exigit, assurgunt. Et tamen cum scriptura dicimus & docemus, fideles Dei mandata per Christi gratiam servare, & aliquo etiam modo legem implere, quoniam veram Deoque probatam obedientiam legi divinæ, secundum omnia illius præcepta, exhibent: quæ obedientia licet multum infra summam perfectionem subsadat, nihilominus, juxta scripturæ stylum, perfecta dici potest; quoniam vera atque sincera est, nec quicquam ei deest eorum quæ ad obedientiam veræ & Deo acceptæ, naturam & integritatem necessàrio requiruntur.

XXVII. Atque hæc Sententiæ Orthodoxæ explicatio diligenter observanda est propter doctores Ecclesiæ Romanæ, qui in hac quæstione, ut in multis aliis, Scholæ Reformatæ doctrinam, aut non intelligunt, aut studio pervertunt. Siquidem Theologis Protestantibus tribuitur quod simpliciter negat Christi fideles Dei mandata servare posse, & legem ita implere, ut quædam eorum opera iusta appellari possint. Imo quod docet, e legem planè impossibilem esse homini etiam per Christi gratiam justificato: adeo ut non possit ulla bona opera facere, nec in eo sit ulla vera actualis iustitia. Sicut videre est apud Bell. de Justif. lib. 4. cap. 10. & apud Becanum in summa Theologiæ Scholasticæ, tom. 2. tract. 4. cap. 4. cujus titulus est, *De merito bonorum operum ex sententia Calvinistarum*.

XXVIII. Unde est quod, hac falsa nitentes hypothesi, eum inter nos & ipsos controversiæ statum ponunt qui planè nullus est, hunc scilicet, *Utrum homines justificati, & gratia Domini adjuvante, possint ita legem divinam implere, ut opera ipsorum, non modo non sint appellanda peccata, sed etiam verè ac propriè iusta dici mereantur*. Quæ sunt verba Bellarmini capite illo 10 jam citato. Quibus conformia sunt quæ leguntur apud Gabrielem Vasquez tom. 2. in. 1. 2. disp. 212. cujus titulus est, *An iusti homines possint ita adimplere legem, ut ipsorum opera, non modo non sint peccata, sed etiam iusta dicenda sint*.

XXIX. Verum nunquam fuit animus Protestantium quicquam horum negare. Non docent justificatis legem Dei esse plane impossibilem. Non insciantur fideles veram Dei mandatis præstare obedientiam, & legem Dei per Christi gratiam sic à piis impleri, ut opera bona faciant. Nec dicunt opera, quibus divino spiritu movente legi se conformare student, appellanda esse peccata, & revera talia natura sua esse: sed fatentur illa posse & debere sancta & iusta dici. Id solum ab ipsis est perpetuo negatum, à fidelibus legem impleri posse perfectè, quia illorum obedientia, quamvis vera & sincera sit, longe tamen à summa perfectione semper abest.

XXX. Ac nequis calumniatur Protestantibus diversum sentire, & nos alienam ipsis assignare doctrinam, hac de re quædam eorum testimonia velut in specimen proferemus. Nam singula persequi infinitæ operæ, & superfluum esset. Et res alioqui est attendendi per

per se satis manifesta. Igitur Patrus scribens in Bellar. lib. 4. de Justif. cap. 10. In quaestione, inquit, est, An iustificati possint legem divinam implere, quod adversarius absolute affirmat, nos de impletione imperfecta, inchoata damus, de perfecta regamus. Et postea explicans quid sit legem implere, Legem Dei implere, inquit, si absolute loquaris, est legi divinae obedientiam perfectam, sine ullo defectu, prestare, quod iustificatos non posse nos docere fuitor. Quibus subiungit nos docere homini iustificato legem implere impossibile esse, non plane, ut nobis fallo imponit Bellarminus, sed quoad legis exigentiam, quæ omnem defectum excludit, adeoque hominem in statu gratiæ posse legem implere inchoatè, hoc est, novam obedientiam legis, secundum omnia ejus præcepta inchoare: non posse vero implere absolute sine omni peccato.

XXXI. Similia tradit Guilielmus Amesius in Bellarmino enervato tom. 4. lib. 6. c. 7. Nos, inquit, non docemus legem esse pluri impossibilem homini, Adamo puta, ante lapsum, & postea Christo: nec non si qui in Christo perfectè satisfecerunt, sed de aliis, qui inchoatam tantum satisfactionem habent, ex ordinaria gratiæ in ista vita dispensatione, ut legem divinam perfectè & exactè observem, nos dicimus hoc fieri non posse. Et postea, Respondens ad argumenta Bellarmini, concedit sanctos, qui in scriptura laudantur, observasse mandata proposito & conatu, non omnimodo effectu: quoad essentiam, non quoad complementum: quoad qualitatem sinceritatis, non quoad quantitatem intentionis vel extensionis.

XXXII. Eodem recidunt quæ habet Joannes Davenantius de justitia actuali, c. 47. Etenim excutiens Canonem illum Tridentinum, Si quis dixerit Dei præcepta homini iustificato, & sub gratia constituto esse ad observandum impossibilia, anathema sit. Observasse velim, inquit, in hoc Canonè fabricando artem Papisticam. Norunt adversarii nostros non legere Renatus diligentem observationem præceptorum divinorum, sed negare perfectam illam & absolutam observationem, quæ legi ita cumulate satisfaciat, ut nullum ejus apicem violet; quæ pactum legale ita adimplet, ut ejusdem beneficio vitæ æternæ hereditatem consequatur. Frustra igitur hac anathematum fulmina contra Protestantem jaculantur, qui non assensum esse impossibilem Renatus observare præcepta Dei, studiose enim in illorum omnium observatione se exercere: sed esse impossibile observando justitiam legis adæquare, & omnem æquitas effugere.

XXXIII. Denique Robertus Baronius Scorus, in Academia Abredonensi Theologiæ Professor, tractatum brevem edidit de possibilitate implendi legem Dei consideratam secundum mixturam Evangelicam, quem subiunxit, instar appendicis, disputationi de peccato mortali & veniali, ubi distinguit inter obedientiam quam lex Evangelio opposita exigit, ab eo qui, vi fœderis legalis, ad vitam & felicitatem pervenire contendit, juxta solennem illam clausulam fac & vives: Et inter legis obedientiam quam ipsum Evangelium, seu fœdus gratiæ, ut præcisè necessariam ad salutem, à nobis postulat, & sine qua neminem ad vitam æternam admittit. Quia, licet Evangelium maximis etiam ipsis peccatoribus, & legis transgressoribus, quos lex rigide sumpta damnat, & à vitæ excludit, spem salutis faciat modo serio respiciant, & Christum fide amplectantur, neminem tamen patitur vitam æternam sperare, qui non acta penitentia, verum aliquid & sincerum legi divinæ obsequium præstet: quandoquidem declarat sine vitæ sanctionibus neminem visurum esse Dominum. Posita vero ista distinctione duplicis obedientiæ, unus quam fœdus operum gratiæ oppositum, alterius quam ipsum fœdus gratiæ postulat: affirmat Doctor ille obedientiam quam fœdus operum, sive lex in rigore suo considerata, ab homine exigit, homini Renato non esse possibilem, neque hoc respectu legem à fidelibus ullis impleri posse: sed eam, legis obedientiam quam ipsum Evangelium necessarium esse ad salutem declarat, per ordinaria gratiæ auxilia regentis esse possibilem, illosque eatenus posse legem implere, & Dei Christique mandata servare. Etenim sectio prima modo dicti tractatus hæc est ejus prima assertio, Ea legis obedientia quam fœdus operum, seu lex secundum rigorem suum considerata, à nobis exigit ut præcisè necessariam ad salutem, neque per naturæ vires, neque per ordinaria gratiæ auxilia, nobis est possibilis. Secunda vero assertio sic habet, Ea legis obedientia quam Evangelium seu fœdus gratiæ à nobis ut præcisè necessariam ad salutem exigit, per ordinaria gratiæ auxilia nobis est possibilis. Imo omnia Dei mandata, sive legalia, sive Evangelica, singulatim ex ea parte impleri possunt, ex qua à Deo nunc proponuntur, ut strictè & præcisè obligativa, sub periculo & pœna damnationis æternæ.

XXXIV. Verum hic non opus est privatorum Doctorum testimonia recensere, cum quæsit in hac quaestione Ecclesiarum nostrarum sententia, publicis earum confessionibus & declarationibus, cuius notum & compertum esse possit. Sic enim habet confessio

confessio Reformatorum in regno Poloniæ quæ fuit in Colloquio Thorunienfi oblata, cap. 4. sect. 2. part. 10. *Falso, inquit, accusamur, quasi præcepta Christi nullo modo a fidelibus servari posse statuamus: Cum tamen illa, non quidem propriis viribus, sed per gratiam spiritus sancti, non tantum servari posse, sed etiam omnino servari ab omnibus debere doceamus. Et quidem non voto tantum, aut proposito inefficaci, sed etiam ipso opere, & vero, sincero, ac totius vite perseveranti studio. Quamvis in hac vita non ita perfecte à quoquam servantur, aut servari possint, ut legi Dei satisficiamus, eamque per omnia impleamus; sed ut simul & imperfectionis & infirmitatis propria sensu, variorum lapsuum & delictorum veniam quotidie à Deo petere opus habeamus.* Et eandem quoque doctrinam aliis verbis exprimit confessio Anglicana anni M. DC. XLV. c. 19. paragr. 7. ubi dicit spiritum Christi voluntatem hominis ita domare & flectere, ut alacriter ac cum voluptate faciat, id quod requirit Dei voluntas, in lege ejus revelata.

XXXV. Ex his manifestum est Ecclesiæ Reformatæ Doctores non negare fideles per Christi gratiam aliquo modo, & sensu posse legem implere, & Dei mandata servare, veram, scilicet, iis præstando obedientiam. Itaque quum aliquando dicunt fidelibus ipsis impossibile esse implere Dei legem, & observare illius mandata, id juxta eorum mentem, exponendum est non de quavis impleione & observatione, sed de illa demum quæ sit perfecta atque absoluta: quod diligenter monent, quum quæstionis hujus statum explicant. Tum enim observant omnes, cum Chemnio, in Examine Sessionis sextæ Concilii Tridentini, inter Pontificios & Protestantas non quæri simpliciter, *An lex per Dei gratiam impleri possit, sed an possit impleri perfecte.* Cum inchoatam atque imperfectam ejus impleionem Renatis ultro concedant Protestantes.

XXXVI. Ex iis etiam quæ allata sunt patet, quum Protestantes iidem affirmant legis divinæ mandata à fidelibus servari inchoatè, non absolutè imperfectè, non consummatè: per id eos negare nolle quin obedientia illa quam legi præstant integra atque sincera sit, & quin per eam toti legi divinæ, & singulis ejus præceptis se submittant: adeoque quin constituat justitiam talem quæ Deo placeat & probetur, & quam Deus omnino benigne sit remuneraturus: contra quam ipsis tribuere solent Ecclesiæ Romanæ Doctores. Proindeque Protestantes Renatorum obedientiæ non denegare perfectionem illam, quam partium diximus, & ab ea solum removere, quam graduum appellant. Quæ distinctio in hunc usum ab ipsis adhiberi solet, ut videre est apud Joannem Daventantium, de justitia actuali, cap. 51. *Neque nos, inquit, unquam inficias ivimus posse Renatos, & spiritu charitatis imbutos, etiam hostes suos diligere, posse etiam ceteros actus facere qui mandantur in Decalogo. Sed in operibus hisce faciendis, assequuntur illam solummodo quam Theologi appellant perfectionem partium, non perfectionem graduum.*

XXXVII. Quibus consentanea sunt quæ leguntur apud Paræum in Bell. lib. 4. de Justit. cap. 11. pag. 1077. *In qua allegatis, inquit, quæ perfectionem aliquibus tribuant, vel ab omnibus requirunt, perfectio intelligitur non graduum, sive is obedientiæ gradus quem legis æquum, requirit, sed perfectio partium, sive integritas opposita hypocrisis, hoc est, verus & non simulatus affectus & studium obediendi Deo, & repugnandi cupiditatibus: atque initium obedientiæ secundum omnia Dei mandata. Quæ in re quoque vestigia Paræi premit Vendelinus, Christianæ Theologiæ lib. cap. 26. in explicatione thesæos 10. sect. 3. *Perfectio, inquit, quæ sanctis tribuitur non est graduum, sed partium, non est absoluta, sed limitata, quam sinceritatem appellamus.* Verum merito posset videri superfluum hac de re Reformatorum citare testimonia: cum distinctio ista perfectionis in illum usum adhibita, tam frequens sit apud eos, ut pauci sint apud quos reperiri non possit.*

XXXVIII. Id solum igitur in hac quæstione Protestantes negare intendunt, fideles per Christi spiritum renovatos legem implere posse, secundum totam illam perfectionem, quam lex rigide sumpta, ab homine exigit. Porro lex rigide sumitur quum estimatur ex prima sua institutione, & spectatur quatenus primo homini lata fuit, & continet primum illud fœdus cum homine initum, ex cuius observatione pereunem & beatam vitam, à Dei bonitate & justitia simul expectare debebat. Lex autem sic considerata exigebat ab homine perpetuam obedientiam, nullis peccatis interruptam, nec ullis defectibus, & navis obscuratam, & per quam homo cum summa alacritate, absque ulla pugna, vel renitentia affectuum interiorum, in omnibus omnino, sine exceptione, sese voluntati divinæ submitteret. Qualem, scilicet, obedientiam primi nostri parentes, in statu innocentia, Deo exhibere poterant, & exhibere reapse tenebantur, ut in beato illo statu manerent, & tandem æternam cum Deo felicitate fuerentur.

XXXIX. Talem autem obedientiam jam à Christi fidelibus, quantumvis ampla spi-

ritus

ritus ejus copia donatis, præstari non posse per se manifestum est. In omnibus enim illis caro luctatur adversus spiritum, & plures motus rectæ rationi rebelles, adeoque legi divinæ repugnantes, identidem excitat. Proindeque magnam ad male agendum pronitatem, & in bene agendo difficultatem non parvam in se experiuntur. Unde fit ut quotidie in multis offendant, juxta dictum Jacobi, & inter eos, vel nulli, vel rari sint, qui non etiam in gravia peccata quandoque labantur.

XL. Rem vero ita se habere, neque fideles in hac naturæ corruptione atque infirmitate, posse ad modo descriptam perfectionem assurgere, res est ipsa experientia, & communi fidelium sensu, ac interno conscientiæ testimonio tam evidens, ut eam negare nec possint, nec audent ipsi Doctores Ecclesiæ Romanæ: sed hac in parte cogantur veritati dare manus. Cujus rei fidem abundè facere potest vel unus Stapletonus, vir inter suos non parvæ auctoritatis, idemque acerrimus Protestantium hostis, ac Pontificiæ doctrinæ defensor, qui magno cum suorum applausu, libros integros duodecim scripsit de justificatione, & questionibus annexis, totumque librum sextum insumpsit in pertractanda præsentis questionis de implementatione legis. Atque ut istud clarius pateat, breviter hic in summam redigere visum est quæ Doctores iste dicto libro prolixè edidit.

XL. Igitur cap. 2. postquam dixit, juxta Doctrinam Catholicam, certum esse homines justificatos, per bona opera quæ in Deo fiunt, divinæ legi, pro hujus vitæ statu, plenè satisfacere, hanc doctrinam explicat multis propositionibus, quarum hæc est prima, quam illo capite probare contendit. *Renovati & justificati in Christo gratiam Spiritus sancti accipiunt quæ legem implent.* Cap. vero tertio hæc est secunda ejus propositio. *Hæc tamen impletio legis non intelligitur necessario & præcisè in omnibus mandatis legis, toto tempore & cursu justitia humana: sed ille censetur implere legem, satisfacere legi, & in conspectu Dei justus habetur, qui voluntatem & affectum habens implendi universa legis præcepta, eatenus implet quatenus humana fragilitas, in reliquiis natura corrupta per gratiam adjuncta, implere in hac vita, vel potest, vel solet.* Et postea ex eo quod scriptura affirmat, neminem in hac vita sine peccato esse, & tamen multos justos in omnibus Dei mandatis ambulasse testatur, colligit aliquem esse modum omnia mandata faciendi, sive totam legem implendi, quamvis universalis & omnimoda adimpletio non sit, atque in fine capitis observat, longè aliud esse ad justitiam requiri ut universa lex ab homine justo, per totam ejus vitam, vel certè post primam ejus conversionem perpetuo adimpleatur, quod damnat ipse tanquam Pelagianum: aliud vero dicere justificationem in Christo posse aliqua bona opera facere, quæ ita legeri Dei impleant, seu legi satisfaciunt, ut in conspectu & judicio Dei illa opera sint verè bona, laudabilia & justa, ipseque homo ea faciens verè propterea justus coram Deo habeatur: Quod orthodoxam esse sententiam asserit.

XLII. Cap. 4. Tertia illius propositio sic habet. *Qui mandata legis observat, utcumque in multis offendat, justus tamen coram Deo esse potest, si plures habet virtutes quam vitia.* Circa quod observat neminem esse justum qui non plura habeat peccata venialia quam virtutum opera; sed hic comparari opera virtutum cum gravibus peccatis, quorum uni levia multa non æquiparantur: adeo ut sensus sit illum justum haberi qui post primam conversionem, in toto progressu justitiæ suæ, in toto cursu & conflictu præsentis vitæ, plures habet præclaras virtutes quam gravia & lethifera peccata: Vel qui multo frequentius magisque assidue pietatis & charitatis operibus incumbit, quam in grave aliquod flagitium delabitur: denique qui sæpius vincit quam vincitur.

XLIII. Cap. 5. Docet mandatorum impletionem in hac vita talem non esse ut omni prorsus peccato careat: tamen talem & tantam esse ut gravibus illis & lethiferis peccatis omnino carere possit & debeat. Justos quidem ipsos etiam interdum lethaliter peccare: Verum in tali peccato constitutos justos non esse, neque legem implere: nec veram justitiam cum tali peccato, nondum per poenitentiam: delecto, consistere licet cum aliis levioribus peccatis, etiam quotidie commissis, vera hujus vitæ justitiæ consistat.

XLIV. Cap. 6. Hæc est ejus quinta propositio. *Justitia hujus vitæ Evangelica, etsi non careat omni prorsus peccato, ideoque ex hac parte perfecta non sit: tamen suo modo perfecta est, quia id semper agit, ut careat peccato proficiendo de die in diem.* Explicat autem postea quo sensu dicat illam esse suo modo perfectam, nempe, quia vera justitia & vera obedientia est. Verum enim & plenum & perfectum hic pro eodem habet. Ac perfectum & plenum intelligit, cui nihil deest ad veram rationem & essentiam justitiæ & obedientiæ, ut pluribus indicat paragr. in hac ergo. & cap. 7. paragr. 1. Ubi dicit perfectam charitatem & justitiam dici quæ vera est: quemadmodum perfectum odium dicitur illud quod est verum.

XLV. Capitis

XLV. Capituli septimi summam complectitur hæc thesis, *Quamvis iustitia hujus vite non sic adimpleat omnia mandata, quin sæpius offendas, sitque potius in profectu quam in perfectione, id est perfecta operatione, aut possessione virtutum, tamen in eorum mandatorum quæ facit iustam observationem, seu adimplerem non peccat, utcumque mandatum ipsum perfectissime non impleat, quoad modum, seu gradum adimplendi.* Et postea monet diligenter notandum, Catholicam Ecclesiam non docere perfectissimam mandatorum obedientiam esse ad iustitiam & salutem necessarium: sed veram obedientiam, & huiusmodi qualem lex divina in hac vita à nobis exigit ut habeamus. *Aliud enim est, inquit, vere & plene satisfacere legis mandato, ut illius, scilicet, transgressor non sis: sed illud verè & plene custodias, ita ut nec lex ipsa, nec Deus propter legem, quicquam in tuo opere iuste damnet: aliud vero plenissime & perfectissime legi divine satisfacere, ita sane ut nec lex, nec Deus propter legem quicquam in tuo opere amplius desideret. Illud enim in omni opere iusto verum est. Illud in hac vita fitur & esuritur, non autem comprehenditur, non habetur.*

XLVI. Capite octavo probandam & illustrandam suscipit, septimam hanc propositionem. *Iustitia bonorum operum in fide est vera coram Deo iustitia, utcumque mixta peccatis & imperfecta, tum quoad universa mandata implenda, tum quoad modum implendi, verèque & plane legi Dei satisficit: non solum quia quam proximè accedit ad plenam & perfectam iustitiam: aut quia gravibus saltem criminibus caret: aut etiam quia id agit proficiendo de die in diem ut omni prorsus peccato careat, & plene satisficiat: sed adhuc præterea quia quicquid deest illi ad plenam & perfectam adimplerem mandata præmittendo, & frequenter venialiter peccando, sive propter imperfectionem in modo & ratione implendi, id totum Christi misericordia & gratia induget atque ignoscit, facitque indulgendo ut perinde simus coram Deo iusti, ac si universa ad amissum omnia mandata, eademque perfectissime fecissemus.*

XLVII. Denique cap. 15. sic explicat quò sensu Renati legem impleant, & legi satisficiant, ex sententia Ecclesiæ Romanæ. *Nempe, inquit, quoties impleri legem à Renatis, vel Renatis plene satisfacere legi divine docet Catholica Ecclesia, per verbum implendi, aut plene satisfaciendi intelligit illam implendi modum qui opponitur transgressioni legis: quæ est aversio à tota latitudine legis, vel commissione, vel omissione facta, id est, veram mandatorum observationem & executionem intelligit. Non autem per verbum implendi, aut plene satisfaciendi intelligit plenam quasi mensuram modumque plenissimum, quo tota lex impleri possit, ut, videlicet, universa lex in tota sua latitudine semper & perfectissime observetur. Hæc enim ad plenam sanitatem & perfectam alterius vite iustitiam pertinet. Illud ad presentis vite certamen legitimum, cursumque rectum spectat. Quibus consequenter in eodem capite explicat quomodo iustitia fidelium in hac vita certo respectu perfecta sit & non perfecta. Recolere, inquit, necesse est esse quidem nostram in hac vita iustitiam aliquo sensu imperfectam: & inchoatam quandam esse in nobis novitatem: sed ideo imperfectam, quia non omni modo, & ex omni parte perfecta est: ita ideo inchoatam, quia non est plena, qualis in altera vita erit: ubi tanta erit ut ei nihil addi queat: esse nihilominus pro capacitate hujus vite, pro ratione iustitiæ presentis, quæ in consilio, non in victoria, quæ mors & lex peccati abstergentur, in studio & cursu, non in travio & præmio, demque in via, non in patria consistit, veri nominis iustitiam.*

XLVIII. His non absimilia reperiuntur apud Andradium celebrem quoque Scholæ Romanæ Theologum & non parum hominis inter eos qui Concilio Tridentino interfuerunt. Nam in defensione fidei Tridentinæ lib. 5. fol. 330. agnoscit legem cœlestem quandam & angelicam integritatem & iustitiam, ab omni scelerum contagione maximè secretam & liberam, nobis præscribere, à qua Paulus ipse multum se distare fassus sit. Et postea subiungit, usurpans Augustini verba, *Dei admirabilem legem ita hominum vitam instituere, affectionesque ita moderari, ut non modo officia præscribas quæ describere sine scelere non possint, sed illa etiam designet, quæ expeti omni conatu debeant, quamvis à mortalibus carnis pondere pressis præstari perfecte nequeant.* Quis enim, inquit, ita insaniet, ut omnes sese putet amoris numeros posse explere, quos Deus Opt. Max. illa oratione complexus est, *Dilige Dominum Deum tuum ex toto corde tuo, tota anima tua, & omnibus viribus tuis, cum ipsas intelligat felices mentes, quæ omni sollicitudine vacuæ beatissimo numinis conspectu ævo sempiterno fruuntur, his amoris finibus nequaquam excedere?* Verum cum absolutissimam amoris iustitiæque imaginem Deus voluisset mortalium oculis subicere, non ea solummodo præscripsit, quæ ab illis possent præstari, sed quæ amore & desiderio essent prosequenda. Quo etiam omnia illa pertinent præcepta, quæ nefarii cupiditatis omnino interdiciunt: nam quamvis illis prorsus carere mortales nequeant,

Eccc

ant, in quibus vitiarum igniculi nondum confederunt, cupiditatibus tamen parere ita præceptis illis prohibentur, ut simul quo omnia sunt piorum studia & cognitiones referenda planè demonstrent.

XLIX. Eadem de fidelium in hac vita imperfectione circa legem implendam, ex Augustino quoque, docet Ruardus Tapperus Professor Lovanienſis, in deſenſione articuli ſecundi pag. 76. Ubi affirmat, poſt ſanctum illum Doctorem, eſſe quidem hic ſanctitatem, novitatem & juſticiam, ſed non plenam, nec perfectam, niſi modo quodam: ſicut non hic eſt plena dilectio. Et legem, cujus plenitudo dilectio eſt, tunc demum ita implendam ut nihil omnino deſit, quum dilectio Dei perfecta erit. Dei vero dilectionem non futuram eſſe perfectam antequam Deum videamus.

L. Denique cum obedientiam, quam fideles per Chriſti gratiam legi præſtant, eo maxime nomine imperfectam eſſe cenſeant Proteſtantes, quod & quotidianæ incurſionis peccatis, quæ venialia vocant Pontificii, aſſidue obſcuretur, & gravioribus quoque, quæ mortalia dicunt, non raro interrumpatur, utrumque hoc agnoſcunt & ſupponunt ipſa Concilia Eccleſiæ Romanæ, & nominatim Tridentinum. Nam Sefſione ſexta, cap. undecimo, affirmat omnes in hac mortali vita, quantumvis ſancti & juſti ſint, in levia ſaltem & quotidiana peccata, quæ venialia dicuntur, quandoque cadere. Et in eadem Sefſione Canone 23. anathema dicit eis qui docent hominem ſemel juſtificatum poſſe in tota vita omnia peccata, etiam venialia, vitare, niſi ex ſpeciali Dei privilegio. Sefſione vero 14. cap. 5. probat & confirmat conſtitutionem Concilii Lateranenſis, per quam jubentur omnes & ſinguli fideles, poſteaquam ad annos diſcretionis pervenerunt, ſaltem ſemel in anno, peccata ſua conſiteri ſacerdoti: cum tamen idem Concilium, in eodem capite doceat non eſſe neceſſarium peccata venialia conſiteri, ſed mortalia tantum. Unde manifeſtè paret Concilium iſtud ſupponere omnes & ſingulos fideles, non ſolere annum integrum emetiri, quin grave aliquod peccatum admittant, quod non niſi per ſolemennem poenitentiam expiari poſſit.

LI. Ex quibus omnibus colligere promptum eſt in obedientiâ quam Renati per Chriſti gratiam legi præſtant, Proteſtantes ultro agnoſcere perfectionem illam eſſentialem, quæ conſiſtit, in ejus veritate & ſinceritate, pro qua pugnant Doctores Eccleſiæ Romanæ. Et viciffim Doctores Eccleſiæ Romanæ, quum dicunt fideles legem perfectè adimplere poſſe, per id tamen eorum obedientiæ tribuere non velle perfectionem quæ graduum dicitur, quam Proteſtantes ab ea remouent, & quæ conſiſtit in exactiſſima & abſolutiſſima conformitate cum lege, conſiderata juxta rigorem illum, ſecundum quem obſervari poterat & debebat ab homine, quum primum a Deo creatus eſt. Proindeque Doctores Eccleſiæ Romanæ immerito traducunt Eccleſiarum noſtrarum hac in parte doctrinam, quaſi tollet et gratiæ Chriſti efficaciam, & pietatis ſtudium in fidelibus multum imminueret, cum revera nihil hic doceant Proteſtantes, quod ipſi Doctores Eccleſiæ Romanæ, juxta propria placita, fateri non cogantur.

THESES THEOLOGICÆ
DE
VERITATE
BONORUM OPERUM
QUE PER
Christi Gratiam
FIUNT A
REGENITIS.

THESIS I.

CHRISTUS non uno in loco pronunciat malam arborem non posse facere bonos fructus. Porro homines universi per naturam arbores malæ sunt. Quippe in peccato nati sunt & concepti, & sensus ac cogitatio cordis humani ad malum prona est à pueritia, ut Deus ipse apud Mosem testatur cap. 6. Gen. Ac proinde ab hominibus, si sibi ipsis relinquantur, nullum opus procedere potest verè bonum & Deo gratum, & quod sit ad salutem alicujus momenti: sed quicquid homines absque Dei gratia, & solius naturæ viribus cogitant, aut faciunt, quantumcunque exterius splendere videatur, semper tamen intus aliquid putre habet, unde simpliciter vitiosum redditur.

II. Verum eos qui per naturam arbores putres & malæ sunt Christus gratiæ suæ efficaciac bonas arbores reddit. Homines enim per Spiritum suum, à corruptione peccati repurgat atque sanctificat, efficitque ut veterem hominem exuentes, novum hominem induant, & hiant novæ creaturæ, neque amplius peccato, sed justitiæ serviant.

III. Quod autem illi qui sunt eo modo Christi spiritu innovati, & facti bonæ arbores, ac, ut quandoque Scriptura loquitur, arbores justitiæ, possint opera bona sancta & justa facere, & reapse producant bonos ejusmodi fructus, qui Deo placeant atque accepti sint, res ita certa atque evidens est, ut de eo nemo ambigere possit, quin communi Christianorum sensui renunciet, & verbo Dei omnem autoritatem tollat.

IV. Idem enim Christus, qui negat arborem malam bonos fructus facere, ex opposito affirmat bonam arborem facere bonos fructus. Apostolus vero docet * nos esse Dei ^{Ephes. 1.} facturam creatos in Christo Iesu ad bona opera, quæ preparavit Deus, ut in iis ambulemus. Et † Christum dedisse semetipsum pro nobis, ut nos redimeret ab omni iniquitate, & munderet sibi ^{† Tit. 2.} populum peculiarem sectatorem bonorum operum. Quæ certè absque ulla ratione dicerentur, si fideles à Christo redempti, & in Christo de novo creati, nulla opera verè bona facere possent.

V. Præterea quomodo dici possent fideles ambulare secundum spiritum, & non secundum carnem: Ac spiritui & non carni serere. Item indui esse novo homine qui creatus est secundum Deum, in justitia & sanctitate veritatis, & facti justitiæ servi, qui membra sua exhibent arma justitiæ Deo, si ab iis nulla opera verè sancta & justa procedunt? Aut quid aliud quam opera justitiæ & sanctitatis intelligere possumus, per fructum illum de quo dicit Dominus, qui manet in me, & ego in eo, hic fert fructum multum? Joh. 5.

Eccc 2.

VL. Neque

VI. Neque dubium esse potest quin illud verè bonum & iustum sit, quod rectè factum à Deo iudicatur, & quod Deus ipse ad iusticiam imputat. At fideles quos Dei gratia renovavit, faciunt quæ Dei iudicio recta sunt, & quæ agunt divino spiritu impellente, ad iusticiam ipsi à Deo imputantur. Ita 15. cap. lib. 1. Regum, David dicitur fecisse rectum in oculis Domini. Et Deus ipse in eodem lib. cap. 14. Regem Ierobolam per Prophetam increpans, dicit illi, *Non fuisti sicut servus meus David, qui custodivit mandata mea, & secutus est in me toto corde suo, faciens quod placitum esset in conspectu meo.* Et Psal. 106. Quod zelo accensus Phinees ad iram Dei placandam aggressus est, dicitur ipsi fuisse ad iusticiam imputatum. *Stetit Phinees, inquit Propheta, & executus est iusticiam: & fecit subsistere ultionem: & reputatum est ei in iusticiam in generatione & generationem usque in sempiternum.*

VII. Et certè quis negare audeat Deum querere atque diligere ex toto corde, & ex tota anima, esse opus verè bonum sanctum & Deo placens? sed Dei gratia id præstat in ipsius populo ut Deum ea ratione diligat, juxta illud quod dicit Moses, Deut. 30. *Circumcides Dominus Deus tuus cor tuum, & cor feminis tui, ut diligas Dominum Deum tuum ex toto corde & ex tota anima, ut possis vivere.* Atque hanc Deus gratiæ suæ vim exercuit in Davide, qui hoc Dei beneficium agnoscens & celebrans, Psal. 119. sic de seipso testatur: *In toto corde meo exquisivi te.* Et similiter in Josia, de quo scriptum est lib. 2. Reg. cap. 23. 23. *similis non fuit ante eum Rex, qui reverteretur ad Dominum omni corde suo, in tota anima sua, & in universa virtute sua.*

VIII. Ac profecto qui pertenderent in fidelibus nulla opera verè bona iusta & sancta reperiri, hoc ipso illos salute excluderent, & æternis infemi ignibus adjudicarent. Nam sine sanctificatione nemo videbit Dominum. Et nisi inquit Christus, *abundaverit iustitia vestra plusquam scribarum & Phariseorum, non intrabitis in regnum celorum.* Quinimo declarat Dominus arborem omnem quæ non fert fructum bonum excidendam esse, & in ignem mittendam, Matth. cap. 7. Item palmitem omnem, qui fructum in eo non fert, tollendum esse atque colligendum, ut in ignem mittatur, & ardeat, Joh. 15.

IX. Igitur opera quæ per Dei gratiam à fidelibus fiunt, cum vere bona & iusta sint, nec revera sunt, nec sunt appellanda peccata. Quis audeat inter peccata numerare Abrahami in filio offerendo obsequium, Iosephi continentiam, Eliæ zelum & fervorem, & Pauli constantiam atque alacritatem in exequendo munere à Christo demandato, inter tot adversa atque pericula, aliaque virorum sanctorum egregia facta, quæ Spiritus sanctus in scriptura laudat, & in exemplum aliis proponit?

X. Tantum abeat ut ista, & similia piorum opera, quæ per Dei gratiam & auxilium præstant, inter peccata numeremus, ut illa à peccatis toto genere discrepare libenter agnoscamus. Siquidem peccata lege divina prohibentur: Opera vero quæ fideles per Dei gratiam faciunt lege præcipiuntur. Peccata Deo displicent, & sunt ipsi odio & abominationi: Opera vero piorum Deus amat, & eis delectatur. Illa Deus severè vindicat: hæc vero secundum suam bonitatem remuneratur. Illa obstant hominis salutem: hæc verò inter media salutis locum habent, & sunt via ad salutem à Deo præparata. Illa minime Deum auctorem habent, sed pravam voluntatem demonis & hominis: hæc vero sunt Deo ascribenda, & fiunt spiritu illius movente. Denique per illa profanatur & blasphematur Dei nomen: per hæc vero sanctificatur atque glorificatur.

XI. Neque solum à peccatis manifestis, id est actionibus per se malis & lege veritatis differunt bona fidelium opera: sed etiam ab ipsis infidelium egregiè factis, quæ speciem virtutis habent, & civiliter bona ac laudabilia sunt. Etenim in eiusmodi actibus infidelium quibus virtutem aliquam exercere videntur, puta benignitatis, iustitiæ & temperantiæ, substantia quidem actionis bona est, veruntamen actio simpliciter est mala: quia non procedit ab eo principio à quo manare debent actiones omnes verè bonæ & sanctæ, scilicet, à Dei amore: neque tendit in finem ad quem spectare debent eadem actiones, nimirum ad Dei gloriam. Sed fidelium opera per gratiam Dei facta ad gloriam Dei tendunt, & ex charitate procedunt. Ideoque actiones illæ infidelium, utur hominum iudicio speciosæ videantur, Deo gratæ & acceptæ non sunt: nec quicquam auctoribus suis ad salutem æternam profunt. Sed fidelium opera Deo grata atque accepta sunt, & æternæ salutis remunerationem ab eo accipiunt.

XII. Sed quantumvis bona sint fidelium opera, minime tamen perfecta sunt. Hic enim observandum est aliud esse opus verè bonum & sanctum, & aliud opus perfectè & undique bonum. Fidelium opera per gratiam Dei facta verè quidem bona esse asserimus. Verum negamus esse perfectè bona, & ita ut ipsis nihil omnino desit.

XIII. Quippe

XIII. Quippe duplex in iis occurrit imperfectio. Nam primo bonis operibus frequenter adhaerent peccata quaedam leviora, quae illa suo contagio aliquo modo commaculant, & sunt veluti pulvis quidam iis aspersus, quo nitor eorum non parum obscuratur. Sic inter precandum saepe animus distrahitur. In audiendo Dei verbo non raro alienae cogitationes irrepunt. In largienda elemosyna oriuntur motus quidam diffidentiae, & nonnulla inanis gloriae titillatio. Et similiter quum pro Christo patendum est, divinae gloriae zelo immiscet se aliquis gloriae apud homines affectus. Quae sunt veluti strumae quaedam bonis ejusmodi operibus adnatae, quibus pretium eorum deteritur & imminuitur.

XIV. Sed praeterea ipsi actus boni per se considerati, idque etiam in viris pro hujus vitae mortalis & infirmæ statu maxime perfectis, multum tamen à summa perfectione deficient. Neque id tantum volumus pios homines in bene agendo non attingere perfectionem illam ad quam beatae mentes in coelo perveniunt: sed illos quoque multum subsistere infra perfectionis gradum quem lex rigide sumpta ab homine exigit, & ad quem homo ex prima creationis lege obligabatur.

XV. Nempe lex illa à primo homine postulabat, ut omni cum alacritate atque promptitudine, absque ullo torpore, sive renitentia Deo obsequeretur, & reapse primus homo, quamdiu integer mansit, tale obsequium Deo exhibere poterat: nec tantillum ab ea perfectione recessisset absque vitio & culpa, cujus se in Dei judicio reum constituisset. Quantum vero jam ab ea perfectione absint qui sunt per Christi gratiam renati, testatur cujusque eorum sensus & conscientia. Etenim quum legi divinae obediunt & bene operantur, id non faciunt sine magna difficultate. Prava concupiscentia, quae post acceptum Dei Gratiam in iis manet, quando divino cultui & aliis actibus lege praecipis vacandum est, multum illis languoris & torporis injicit: quum vero mala vitanda sunt, propensionem & inclinationem in iis ad illa excitat. Unde fit ut in bonis aegre sequantur Spiritus sancti ductum, & in malis aegre avellantur ab illecebris peccatorum. Proindeque nec mala fugiunt, nec bona prosequuntur tanto cum ardore, atque ex tam puro Gloriae Dei zelo, quam lege exigente, homo integer manens id praestare potuisset. Et ita bona eorum opera legi quidem conformia sunt, sed tamen non juxta *aeleas* illam, quam lex ex prima sua institutione aestimata exigit, & secundum quam hominum peccato corruptus, opera sua legi conformare poterat & debebat.

XVI. At, inquit aliquis, si Renatorum opera à perfectione debita deficient, simpliciter mala, non bona dicenda sunt. Nam actio bona esse, & simpliciter talis dici non potest, nisi in se habeat omnia quae ad moralem bonitatem actionis requiruntur. Juxta illud in scholis vulgatum, *Bonum est ex integra causa: malum est ex quovis defectu*. Ut difficultas haec solvatur Observant Theologi, in operibus, alioquin ex suo genere, & quoad substantiam bonis, duo genera defectuum notari & occurrere posse. Primum est, quando aliquid ex requisitis ad bonitatem moralem actionis nullo modo, seu in nullo gradu eis inest. Ut, exempli gratia, quum opus non procedit ex debito principio, videlicet ex fide, & ex Dei amore: vel non refertur ad debitum finem, nimirum ad Dei gloriam. Alterum est quum omnia quae ad bonitatem moralem requiruntur insunt actioni secundum speciem, & in aliquo gradu, sed tamen non illo gradu, nec secundum illam perfectionem quam lex in rigore suo considerata postulat. Ut, exempli gratia, quum actio procedit ex debito principio, sed minus perfecta, id est, quum procedit quidem ex fide, & charitate, sed tamen ex fide aliquatenus infirma, & ex charitate eum fervorem non habentem quem exigit legis *aeleas*. Et quum refertur quidem ad debitum finem, sed tamen non cum tanta intentionis puritate quantam lex ex rigore justitiae postulat.

XVII. Defectus prioris generis specificus est & essentialis & actionem aliqua essentiali perfectione privat. Sed posterioris generis defectus gradus est & accidentalis, & ab actione tollit perfectionem tantum accidentalem & individuaalem. Atque actus ille cui aliquid priori modo deest, ita malus est ut simpliciter bonus dici non possit: si vero solum posteriori modo ipsi aliquid deest, non definit esse verè & proprie bonus licet imperfectam tantum bonitatem habeat.

XVIII. Ad prius genus pertinent actus infidelium qui videntur honesti & ex virtute perfecti. Non enim ex fide promanant, & ex Dei amore, nec etiam ad Dei gloriam referuntur, ut supra jam diximus, ac proinde non possunt inter opera bona & sancta numerari, & talia dici simpliciter. Actiones vero fidelium auxilio Spiritus sancti, & per Christi gratiam factae, ad alterum istud genus referri debent: siquidem non tantum bonae sunt ratione objecti, & quoad substantiam, sed etiam ratione principii & finis, quando-

quæ verè bona & iusta sint, & actiones fidelium, etiam quæ sanctissimæ & optimæ videntur, esse sua natura peccata, & quidem mortalia, quæ novum mortis æternæ reatum in fideles inducunt. Istud videre est apud Bellarminum, lib. 4. de Justif. cap. 10. ubi loquens de Protestantibus, quos hæreticos vocat. *Docent, inquit, legem divinam esse plane impossibilem, homini etiam iusto, & inde colligunt nullam esse in nobis veram actualem iustitiam, sed omnia opera iustorum esse peccata mortalia ex natura sua.* Et similiter Becanus in summa Theologiæ Scholasticæ, tom. 2. tract. 4. cap. 4. cuius titulus est, *De merito bonorum operum ex sententia Calvinistarum*, Calvinistis, quos vocat, tribuit, quod doceant iustos non posse ulla bona opera facere, sed omnia iustorum opera esse damnabilia, seu peccata mortalia.

XXIV. Sed ex scriptis Protestantium ostendere promptum est, ipsos minimè negare, quin Renati per Christi gratiam possint facere opera, quæ verè bona & iusta sint, & apud Deum talia habeantur, nosque hæcenus eorum sententiam bona fide exposuimus. Huius rei inter alios testis locuples esse potest Ioannes Davenantius Episcopus Sarisburiensis, qui Dordracenæ Synodo interfuit, & cuius scripta apud Reformatos magni sunt. Nam Doctor ille libro de iustitia habituali & actuali, §. 33. cuius titulus est, *de veritate bonorum operum*, & aliquot sequentibus, doctrinam supra à nobis traditam, præ cæteris copiosè & accuratè explicat: Estque hæc ejus dicto capite prima thesis, *Opera bona Renatorum habent in se supernaturalem bonitatem, Deo in ordine supernaturali gratiam & acceptam, atque ad præmia gratiosa ex pacto, seu promissione ejus ordinatam.* Atque hæc triplici differentia opera bona Renatorum distingui notat ab operibus civilis iustitiæ, quæ sunt quandoque ab hominibus impiis, infidelibus, & nondum Renatis. *Nam quantumvis, inquit, splendere videantur istorum opera, non sunt hoc sensu Theologico verè bona: impute quæ nec manent à supernaturali bonitate agentis, nec verè Deo complacent, neque ad præmia ex promissione Dei ritè ordinantur.* Postquam vero tria ista pluribus probavit atque exposuit, in fine capituli ex præcedentibus hæc tria summam colligit. Primo bona opera fidelium habere in se bonitatem verè supernaturalem; quatenus sunt movente Spiritu sancto, mediante gratia supernaturali, in ordine ad finem supernaturalem. Secundo talia opera esse grata & verè accepta Deo; quia semper fiunt à persona reconciliata per Mediatorem; quia manant à corde purificato per fidem; & conformato ad imaginem sanctitatis divinæ; denique quia in praxi bonorum operum, Renati agunt pro viribus & modulo gratiæ acceptæ. Postremo hæc opera habere ordinationem ad præmia divina, propter promissionem Dei præcedentem, propter conditionem, seu statum Operantis, ac denique propter ipsam qualitatem operum.

XXV. His consentanea docet Robertus Baronijs ante aliquot annos in Academijs Abredonensi apud Scotos Theologiæ Professor, in appendice de possibilitate implendi legem Dei, quæ subjuncta est disputationi de Peccato mortali, & veniali. Nam in Appendice ista, sect. 2. num. 3. affirmat, Bona opera Renatorum omnia habere quæ ad moralem actionis bonitatem essentialiter requiruntur. *Sunt enim, inquit, bona primo quoad objectum, quia versantur circa rem licitam, & lege divina præscriptam. Secundo quoad principium, quia fiunt, ex fide, & vero Dei amore. Tercio quoad finem, quia ad Dei gloriam referuntur. Et quarto quoad circumstantias, quia debita circumstantia in iis faciendis observantur.* Quin Lutherus, quem Doctores Ecclesiæ Romanæ hic præcipue exagitant, expresse docet fideles, per spiritum quem fides impetrat, opera facere quæ verè bona sunt. *Sola fides, inquit, iustificat, solaque legem implet. Fides enim per meritum Christi impetrat spiritum sanctum. Hic spiritus cor novat, exultat & excitat, & inflammat, ut sponte faciat ea quæ vult lex. Ac tum demum ex fide, sic in corde efficaciter agente & vivente, sponte fiunt opera verè bona. Hoc vult Apostolus capite tertio. Nam cum ibi demonstrasset prorsus opera legis, & potuisset videri legem, per fidei doctrinam destructuram & abolituram, per occupationem occurrir, Legem, inquit, non destruiamus, sed stabiliamus. Id est, docemus quomodo lex credendo, seu per fidem verè impleatur.* Præfat. in Epist. ad Rom. quæ habetur, tom. 5. edit. Witebergensis, pag. 97. *Quam doctrinam tradit quoque Augustana Confessio, art. 20. Quia, inquit, per fidem accipitur Spiritus sanctus, jam corda renovantur, & induunt novas affectus, ut parere bona opera possint.*

XXVI. Nec minus expresse negant Protestantes Opera fidelium, per gratiam Christi facta, esse ex natura sua peccata, præsertim vero mortalia. Querunt enim id sibi per calumniam ab Ecclesiæ Romanæ Doctores imputari. Ita Paræus scribens in Bellar. de Just. l. 4. c. 10. *Calumniam, inquit, atrox est nos dicere omnia opera iustorum esse peccata mortalia ex natura sua.* Rivetus etiam in summa controversiarum, tract. 4. quæst. 17. *Ostendimus, inquit, suo loco sententiam nostram de operum imperfectione, talem non esse, qualem*

qualem nobis per calumniam affingunt, qui non dicimus opera bona esse peccata; sic enim absurde contradictionem in adjecto poneremus; sed iis immisceri peccata, nec esse pure vel perfecte bona. Similiter Amesius in Bellarmino Enervato, tom. 4. lib. 6. cap. 8. *Quætionem istam, inquit, sic proponit Bellarminus, quasi opera bona (secundum nostram sententiam) ex natura sua essent peccata mortalia, quod est falsissimum; sed ipsi sunt in conclusione primi argumenti, satis ostendit non ignotum sibi fuisse quid hæc in re doceamus: opera, scilicet, bona iustorum, dum adhuc sunt in statu imperfectioris, esse imperfecta, & in sese peccato maculata.* Quibus paria scribit Joannes Davenantius libro de iustitia habituali & actuali, cap. 35. Ubi contra doctores Ecclesiæ Romanæ, Vociferantes nos a medio tollere bona opera, atque inter ea, & peccata quæ vocantur mortalia, nullum discrimen ponere, quoniam nostri quodvis Renatorum opus, aliquo defectu laborare, atque aliqua peccati macula contaminari asserunt, hanc thesin constituit, *Prædicta opera Renatorum, licet imperfecta, & inhabitantis peccati contagione maculata, non habenda sunt loco mortalium peccatorum, neque habentur à Protestantibus.*

XXVII. Protestantes igitur docent quidem bona Renatorum opera aliquatenus peccato infecta & maculata esse, quoniam semper ipsis adhærescit aliquis defectus vitiosus, qui si ad legis rigorem exigatur, peccatum censeretur & haberi debet: minimè tamen concedunt inde sequi bona illa opera esse peccata, simpliciter & absolute loquendo. Quod si quandoque ab ipsis peccata appellantur, locutio est, ex eorum mente, impropria atque abusiva, per quam negare nolunt opera ejusmodi in se & revera bona & sancta esse, & à peccatis toto genere discrepare; sed solum significant ipsis aliquid peccati inesse, atque adhærere. Etenim, juxta eorum sententiam, Renatorum opera ex fide & charitate facta, sunt per se, simpliciter, & absolute bona, sed tantum per accidens, secundum quid, & aliquo respectu mala & vitiosa: adeoque si propriè loquendum est, non dicendum est illa esse peccata, sed solum quadatenus peccato aspersa atque maculata, ut rectè & accurate exponitur apud Robertum Baronium in citata appendice de possibilitate implendi legem Dei, Sect. 2. *Bona Renatorum opera, ex Theologorum nostrorum sententia, non sunt, inquit, simpliciter & absolute loquendo peccata, sed tantum secundum quid, & quodam respectu. Ratio est: quia habent omnia, quamvis non perfectè & in summo gradu, quæ ad moralem actionis bonitatem essentialiter requiruntur. Dicuntur tamen mala & peccati labe aspersa secundum quid, & quodam respectu, quia quedam ex his requisitis in iis infunt eo perfectionis gradu, quo secundum legis rigorem inesse debent. Verbi gratia, quamvis fiant ex fide & charitate, non tamen sunt ex fide simpliciter & absolute firma, nec ex charitate eum fervorem habente, quem lex requirit.*

XXVIII. Præterea, quod hic valde observandum est, Scholæ Reformatæ Doctores docent quidem in bonis fidelium operibus esse defectum quandam vitiosum cujus ratione peccati convinci, & rei peragi possunt in Dei judicio, si Deus velit cum iis abique misericordia & severe agere, & erga eos uti toto rigore legis primo homini latæ: quoniam eorum opera non sunt ad summam legis exactæ, neque adequant totam illam perfectionem, quam Deus ab homine integro exigebat, & juxta quam homo integer Deo revera obsequi potius erat. Sed simul sententur Deum cum fidelibus non ita rigide agere, neque ab iis postulare præcisè & sub poena maledictionis æternæ, ut legem suam servant exactissimo illo & perfectissimo modo, quo homo ante lapsum illam servare poterat & debebat, ut per illam æternæ felicitatis particeps fieret: quoniam furus ab eo rigore legis per Christum liberati: neq. jam Deus, ut nos in vitæ æternæ possessionem mittat, obedientiam aliam à nobis necessario & præcisè exigit, quam veram & sinceram, & qualem in hujus vitæ infirmitate, ex gratiæ indulgentia modulo, præstare valeamus. Unde fit ut Deus bona nostra opera, utut imperfecta sint, ad vitam æternam acceptet, & quod iis deest nobis clementer non imputet. Adeoque propter defectus qui in iis occurrunt, nullo novo mortis reatu constringimur, sicut quum incidimus in ea peccata de quibus dicitur, *Quod qui talia agunt regnum Dei non consequuntur.* Et ratio est quoniam omnes illi defectus ad peccatum originale quodammodo pertinent, & sunt necessaria & inevitabilia, quamdiu hic vivimus, ejus consecutaria. Proinde, peccato Originali semel piis remisso, defectus istiusmodi cum illo condonati & remissi censentur, nec fidelibus possunt amplius imputari, & eos apud Deum reos constituere, & consequenter nulla nova remissione indigent. Peccatorum autem graviorum, quæ Opera carnis vocat Apostolus, remissio non pari modo in peccati Originalis remissione includitur, unde fit ut fideles, qui in illa labuntur, in novum mortis reatum conjiciant, à quo liberari non possunt, nisi peccata ista per novam & singularem Dei gratiam ipsis remittantur.

XXIX. Id

XXIX. Id diligenter monet jam supra laudatus Davenantius, lib. de Justitia habitu-ali & actuali, cap. 35. Peccatum, inquit, quod adhaeret bonis operibus Renatorum, utcum-que juxta rigorem legis possit damnare hominem extra Christum; tamen Renatum & in Christum insitum, non modo non damnat; sed neque novo aliquo reatu involvit. Nam cum quislibet Renatorum habeat in se quasi duos homines, novum & veterem Adamum; quicquid vetus Adamus tumuluetur & reluctetur legi, non imputatur homini Renato & novo, normam legis pro posse suo sequenti, & rebellionem concupiscentia averfanti, & quantum in se est refrananti. Hoc illud est quod Augustinus notavit epist. 200. ad Afelicum: Quamvis irfunt, dum fumus in corpore mortis hujus, desideria peccati; si nulli eorum adhiberemus assensum, non esset unde diceremus, dimitte nobis debita nostra. Non vult Augustinus inhabitantem concupiscentiam non esse peccatum ex natura sua; neque negat ejusdem motiones aut desideria, quibus bona actiones nostra impediuntur & maculantur, esse peccata juxta rigidum legis judicium: sed illud vult, hominem Renatum à reatu originalis peccati ita liberatum esse per Christum, ut reus agi non possit propter inordinatas motiones ejusdem, quamdiu per spirituales hominem reprimuntur & subjunguntur. Unde colligit multum nos abesse, ut propter ejusmodi defectus vitiosos, quibus innata concupiscentia bona fidelium opera maculat, illa pro mortalibus peccatis habeamus, cum mortalia peccata singulari modo appellentur, illa quæ novum reatum mortiferum inducunt, & peccantem in regno Dei partem habere non sinunt, donec resipiscat & ab iis recedat. Quod defectibus istis, qualescunque sint, minime convenit. Licet igitur, inquit, concupiscentia inhabitans afflet suum virus bonis actionibus Renatorum; tamen tales actiones non reputantur peccata mortalia, quia hæc labes quæ oritur à veteri Adamo, non est illi imputabilis qui inferitur in novum, modo per illum non sinat voluntatem suam vel à bene agendo avelli, vel ad malum perpetrandum impelli.

XXX. Quibus similia tradit Robertus Baronius sæpius jam citatus in dicta Appendice de possibilitate implendi legem Dei, sect. 2. ubi hæc est ejus prima assertio. Quamvis bona Renatorum opera simpliciter & absolute, ex nostrorum Theologorum sententia, peccata essent, non tamen inde id sequeretur, quod adversarii ex nostra doctrina colligunt, videlicet omnia Renatorum bona opera esse peccata mortalia. Et ratio est, inquit, quia quamvis nostri Theologi doceant omnia peccata, ex se & sua natura, esse mortalia, non tamen docent omnia peccata, secundum administrationem providentiæ divinæ in iis puniendis subfocdere gratia, esse mortalia; sed contra leviores Renatorum offensas esse peccata, per Dei gratiam & misericordiam, venialia affirmant.

XXXI. Dictum est quidem à Luthero, & quibusdam aliis ex Protestantium numero, Omne opus justum damnabile esse, & peccatum mortale, si judicio Dei judicetur. Et omnia hominum, quantumvis laudabilia opera, esse morte digna peccata. Item, Quamlibet bona opera, si exacto rigore censentur, æterna potius damnatione, quam vitæ premio digna esse. Sed, ut respondeam Davenantii verbis, nihil aliud per hoc significare voluerunt, quam Renatos in suis optimis operibus, non implere perfectionem legis, sed admiscere aliquem defectum, qui habet rationem peccati, & per consequens inducet reatum mortis apud districtum judicem, si persona operans à beneficio Mediatoris, & misericordiam excluderetur. Itaque licet, hæc in parte eorum locutio habeat aliquid duri & incommodi, nihil tamen, quoad rem ipsam, contrarium senserunt iis quæ supra fuerunt à nobis exposita. Sed docere solum intenderunt, meritum cujuscunque vel levissimi peccati esse mortem & damnationem, secundum judicium Dei districtum, & quod juxta summum legis rigorem institueretur: Et simul optimas quasque Renatorum actiones non carere aliqua curvitate peccati, si ad rigorem illum examinentur. Minime vero per hoc confundere voluerunt, defectus qui in bonis operibus reperiuntur, cum peccatis gravioribus, quæ speciali sensu mortalia in scholis dicuntur, quoniam Renatos ipsos, quoties in illa labuntur, & aliquandiu in iis perseverant, novo mortis æternæ reatu constrictos tenent, donec iis per novum & singularem pœnitentiæ actum renunciant.

XXXII. Quomodocunque autem loquantur Protestantes, tota eorum in hac quæstione doctrina, ad hæc capita summatim reducit. Primo nullum esse peccatum, quantumvis leve videatur, propter quod Deus non posset hominem regno cœlesti justè excludere, & sempiterno supplicio punire, si rigide agere vellet, absque ulla gratia & misericordia. Secundo omnia Renatorum opera imperfectione aliqua laborare, tum quia bonorum operibus frequenter adnascuntur culpæ quædam leviores, quæ illa quadantenus vitiant & obscurunt: tum quia, dum bene operantur, non assequuntur perfectionem illam, quam

quam lex ab homine integro postulabat, & juxta quam legi divinæ obsequi, & tenebatur, & revera poterat. Tertio defectum illum, qui Renatorum in bonis operibus adhæret, posse homini ad culpam imputari, si Deus adversus hominem toto suo jure uteretur, nec eum ex fœdere gratiæ judicaret, & benigne cum eo propter Christum ageret. Jam vero Protestantibus, in singulis hisce capitibus, astipulantes habent viros celeberrimos, & primi nominis Doctores, in ipso sinu Ecclesiæ Romanæ.

XXXIII. Primum enim nonnulli Scholæ Rom. Theologi, & quidem non infimæ notæ docent omnia omnino peccata, in se & sua natura, mortem æternam in justo Dei judicio, mereri: quod vero peccata quædam ad penam solummodo temporalem imputantur, nec mortis æternæ reatum in peccantem inducunt, & idcirco à peccatis mortalibus distinguuntur, tribuendum id esse indulgentiæ & clementiæ Dei, qui hac in parte toto suo jure erga hominem uti non vult. Hæc est sententia Joannis illius Gerſon, qui ante annos circiter 250. Universitatis Parisiensis Cancellarius fuit, & inter Theologos Sorbonicos celeberrimos, quam prolixè tradit, & tucur. in tractatu quem inscribit de vita spiritali lectione prima. Ubi agens de quidditate & quantificatione peccatorum, ut loquitur, hanc ponit conclusionem. Omne peccatum, pro quanto est offensæ Dei, & contra legem ejus æternam, est de sua conditione & indignitate mortiferum, secundum rigorem justitiæ, & à vita gloriæ separativum. Unde postea deducit inter alia multa istud Corollarium. Nulla offensæ Dei est venialis de se, nisi tantummodo per respectum ad divinam misericordiam, quæ non vult de facto quamlibet offensam imputare ad mortem, cum illud posset justissimè.

XXXIV. Quibus consentanea docet Joannes Rossensis in Anglia Episcopus, qui fuit, Papæ martyr, & scripsit adversus Lutherum, in Refutatione assertionis Lutherani ad articulum 32. Ubi quum Lutherum induxisset dicentem, veniale peccatum non natura sua, sed Dei misericordia tale esse, subjungit, Quod veniale peccatum solum ex Dei misericordia veniale fit, in hoc tecum sentio. Sed quoniam & nos mortale quoque peccatum, per Dei misericordiam fieri posse Veniale credimus, vellem apertius nobis exponeres, quid ipse discriminis arbitreris inter mortale venialeque peccatum statui debere.

XXXV. Imo quamvis communis Scholæ Romanæ doctrina sit, peccata leviora per se & natura sua venialia esse, quoniam mortem animæ non inferunt, & vitam spirituales, cujus principium est gratia & charitas per Spiritum sanctum infusa, non extinguunt, sicut faciunt peccata graviora, quæ propterea mortalia dicuntur: nihilominus Theologi Scholastici communiter docent illa ipsa peccata quæ venialia vocant, nisi per gratiam Dei remittantur, hominem in perpetuum regno cœlesti excludere, & pœnis æternis puniri. Adeoque omnes illos qui extra Christum moriuntur, pro peccatis etiam venialibus, pœnas sempiternas in inferno luere. Qua in re sequuntur Thomam Aquinatem, qui in 1. 2. quæst. 8. art. 5. in 3. arg. dicit Peccato veniali deberi penam æternam, si cum peccato mortali inveniat in aliquo damnato, quoniam in infirmo nulla potest esse remissio. Quando vero Protestantes dicunt omne peccatum esse natura sua mortale, non illud sibi volunt quam hoc ipsum, peccatum quodvis etiam levissimum, si Deus aliud non condonet, nec utatur erga peccantem aliqua clementia, & misericordia, posse justè à Deo plecti pœnis sempiternis, & perpetua à regno Dei exclusionem.

XXXVI. Præterea Doctores Ecclesiæ Romanæ fatentur, & agnoscunt in quibuscumque bonis fidelium operibus aliquem esse defectum & imperfectionem, non solum quia manant à charitate quæ quotidie crescere opus habet, necdum attingit illam perfectionem, qua beatæ mentes Deum clarè visum diligunt, & in eum toto animi ardore ac plenissimo affectu feruntur: sed etiam quia fideles ab eo longè absunt ut faciant Dei voluntatem ea cum promptitudine, alacritate & hilaritate, cum qua homo integer, & nondum peccato corruptus, Deo obsequatur. Idque propter innatam & perpetuo hærentem in iis concupiscentiam, quæ illos in bene agendo retardat, & pravis suis moribus, quibus eos ad malum impellit atque sollicitat, dum se ad bona opera accingunt, multum impedit atque inturbat.

XXXVII. Hanc doctrinam, cui nullus in Ecclesia Romana contradicit, prolixè tradit Thomas Stapletonus, de Justif. lib. 6. cap. præsertim 10. & 11. Ubi inter alia observat naturam nostram corruptam ad primam suam perfectionem, quam ante peccatum primi parentis habuit, in hac mortalitate restaurari non posse; donec absorpta fuerit mors in Victoria, omnisque concupiscentia prava prorsus extincta. Idque quoniam, Augustino docente, justitia primi hominis erat obedire Deo, & legem concupiscentiæ non habere, & erat quoque amor ejus imperturbatus in Deum. Nempe sine ulla distractione, aut

aut perturbatione totus ferebatur in Deum. Quibus subiungit hanc primævam hominis iustitiam debuiffe à lege præcipi, quia lex ideo data est, ut extinctam propemodum naturæ legem in hominibus restauraret. Legem tamen illam præcipere, ut doceret unde excidissimus, & ad quid in hac vita proficiendum, & in altera perveniendum esset; non autem ut ad eam primævam perfectionem nos, ita jam fractos & debilitatos, obligaret sub pœna prævaricationis & peccati. Quippe naturam humanam, esse ab ejusmodi obligatione exemptam, propter corruptionem quæ illi certè inest, sed quæ jam Renatis per Christum non amplius imputatur. Unde patet juxta ipsam Scholæ Rom. doctrinam bona Renatorum opera non habere perfectionem illam, quam primæva lex naturæ imperabat, & ad quam homo ante lapsum, ipso creationis jure obstrictus erat.

XXXVIII. Concedunt etiam Scholæ Romanæ Theologi bonis iustorum operibus sæpe admisceri peccata leviora, quæ illa quodammodo vitiant atque inficiunt. Ut clarum est ex iis quæ scribit Costerus Jesuita in Enchiridio controversiarum, cap. 6. *Festendum est, inquit, nonnulla iustorum opera, subinde non ea puritate existescere, quin leves saltem maculas contrahant, aut pulvere venialium peccatorum aspergantur. Disfrabimur enim in orationibus, irreptit inanis gloria conferenti elemosynam, negligenter, obiterque multa perficimus.* Quibus consentanea sunt quæ leguntur apud Eslum in secundum sententiarum distinct. 41. paragr. 4. *Ubi quorundam suorum sententiam referens sic ait, Aliud est hominem in aliquo opere peccare, aliud vero ipsam opum peccatum esse. Nam & iusti in iis operibus quæ indubitate bona sunt, sæpenumero peccant, dum iis se aliquosque vel concupiscentia, vel negligentia, vel alicujus levioris circumstantia ad integritatem boni operis requiritæ defectus admiscet; uti contingit in oratione prolixiorē ad Deum, in concione ad populum, in studio sacrarum literarum; aliisque ejusmodi. Quo respexisse videtur. Gregorius, quando in fine Moralium ait, bona quæ nos habere credimus, pura bona esse nequaquam posse. Neque id diffidentur rigidissimi inter Pontificios, ut Bellarminus & Suares. Nam Bellarminus, lib. 4. de Justif. cap. ult. sub finem exponens Gregorii verba modo citata. Fieri non potest, inquit, ut non aliquando subrepat aliquid, quo bona aliqua opera vitientur. Suares vero in 3. tom. 3. disp. 74. *Hæreticorum, inquit, iudicio, omnia opera nostra, quamvis bona, sunt aliquomodo coinquinata & immunda, quod licet ita univèrsè dictum, verum non sit, sæpe tamen ita accidere non est dubium.**

XXXIX. Denique quamvis ex sensu Doctorum Ecclesiæ Romanæ, defectus ille qui bonis Renatorum operibus inest, fidelibus & piis non imputetur ad culpam, nec ullum ex eo reatum contrahant, non negant tamen quin, si Deus rigide & districte cum piis agere vellet, possit illis defectum hujusmodi culpræ tribuere, & propterea illos coram se reos peragere, licet ex benignitate quadam id non faciat. Id manifestum est ex iis quæ docet Andreas Vega, lib. 11. in Concil. Trid. cap. 40. *Multa, inquit, quæ nunc sunt bona opera, & iusta, & meritoria, ad eam sanctitatem & puritatem exacta, quæ Deo deberemus servire, quamque Deus à nobis possit ex rigore exigere, tum propter suam bonitatem, tum propter eximia sua in nos beneficia, vere vitia essent, & mala opera, & injustitia. Non solum enim verum est vitam quorumvis iustorum multis peccatis venialibus jugiter sordidari & deturpari, sed ipsa etiam perfectorum opera, à bonitate illa longè deficere, quæ deceret nos Deum colere, laudare & honorare. Sunt quippe multis imperfectionibus, quoad hic vivitur, conjuncta: neque tam pura, neque tam sancta & ferventia, quam magnitudo divinae bonitatis & beneficentia in nos exigeret. Et cum Deus modo, propter eximiam suam in nos, dulcedinem & suavitatem, ne ad culpam quidem venialem eos nobis destitutus & imperfectione impuleret, posset tamen culpe eos nobis tribuere, si districte, & præter suavitatem, & benignitatem suam, nobiscum vellet agere. Et infra ibidem. Propterea Gregorius affirmat, omne meritum virtutis nostra, vitium esse, quia nullum opus nostrum, tam pure, tam sanctè, tam ferventer, tam omni ex parte perfectè sit à nobis, quam fieri deceret, ut Deo juxta magnitudinem suæ bonitatis & suorum in nos beneficiorum serviremus, & quam ipse à nobis posset exigere, si vellet districte judicare, Denique ultimis verbis istius capituli concludit, multa nanc à nobis fieri bona opera, & absque ulla macula peccati, quæ tamen, si Deus districte vellet nobiscum agere, & injustitiæ essent, & mala ac non bona probarentur. Ut quidem refert Rob. Baronius in dicta Appendice de possibilitate implendi legem Dei, Sect. 3. num. 9. Nec enim penes me Vegæ libros habeo. Quinimò fatentur Doctores Ecclesiæ Romanæ non solum bona fidelium opera imperfecta esse quoad modum legem implendi, quia non plenissime & perfectissime legi divinæ satisfaciunt, sed semper in iis lex, & Deus propter legem aliquid desiderant ut loquitur Stapleton de Justif. l. 6. c. 7. Verum etiam id quod bonis iustorum operibus deest ad summam perfectionem, in qua nihil secundum legis rigorem desideretur, id, inquam*

per Christi gratiam & misericordiam illis ignosci atque indulgeri. Quod manifestè supponit imperfectionem istam sua natura habere aliquid vitiosum atque culpabile, & quod possit nobis ad culpam imputari, si Deus erga nos nulla benignitate uteretur. Nec enim aliqui talis imperfectio opus haberet Dei indulgentia & gratia per Christum. Istud videre est apud eundem Stapletonum de Justif. lib. 6. c. 8. Ubi hæc est ejus septima Propositio, *Justitia bonorum operum in fide est vera coram Deo justitia, utcumque mixta peccatis & imperfecta, tum quoad universa mandata implenda, tum quoad modum implendi, verique & plenè legi Dei satisfaci: non solum quia quam proximè accedit, ad plenum & perfectam justitiam: aut quia gravioribus scilicet criminibus caret: aut etiam quia id agit proficiendo de die in diem, ut omni prorsus peccato careat, & plenè satisfaci: sed adhuc præterea quia quicquid deest illi ad plenam & perfectam adimpletionem, mandata præmittendo, & frequenter venialiter peccando, sive propter imperfectionem in modo & ratione implendi, id totum Christi misericordia & gratia indulget atque ignoscit; facitque indulgendo ut perinde simus coram Deo justii, ac si universa ad amissum omnia mandata, eademque perfectissimè fecissemus.* Quibus verbis Doctor ille manifestè agnoscit Dei gratiam & misericordiam nobis indulgere atque ignoscere, non solum id quod deest justitiæ bonorum nostrorum operum, propter graviora mandata prætermittenda, & peccata venialia in quæ frequenter incurrimus; sed etiam id in quo deficit, à perfecta legis adimplerione propter imperfectionem in modo & ratione implendi: adeoque isti Dei indulgentiæ deberi quod perinde coram Deo justii sumus, ac si universa ad amissum omnia mandata, eademque perfectissimè fecissemus, quamvis reapse neutrum præsterimus. Unde colligitur, ex mente Doctorum Ecclesiæ Romanæ, Dei clementiam atque indulgentiam duplici modo sese erga nos exercere. Primo nobis ad culpam non imputando ea quæ, si Deus vellet, justè imputare posset, ita ut nullo reatu teneamur propter ea quæ nos aliqui coram illo possent reos constituere. Secundo vero tollendo & delendo deest pas illas, propter quas in Dei judicio rei, & pœnæ obnoxii revera facti sumus. Prioris generis est indulgentia illa, qua Deus bonorum operum defectus nobis non imputat: posterioris autem, qua peccata contra legem perpetrata remittit.

XL. Eodem pertinet quod legitur apud Joannem Gerson, lib. de vita spirituali animæ, lect. 1. Coroll. 3. Ubi dicere audent, forte omnes justitias nostras nobis posse ad pœnam æternam imputari, quoniam quantum de se sunt, sunt, sicut pannus menstruatus, *Obligamur, inquit, Deo ad gratificationem & gratiarum actionem, ex hoc quod peccata nostra venialia non imputat ad mortem, sicut tenemur ex remissione mortalium, quoniam utrobique concurrunt misericordia Dei non imputans, nisi ad pœnam temporalem, qua de sua indignitate imputabilia sunt ad mortem, unum de possibili, aliud de lege statuta. Imo forte ita diceretur de omnibus justitiis nostris, qua quantum de se sunt, sunt sicut pannus menstruatus, præsertim post peccatum, aut absente gratia.*

XLI. Atque inde forte est, quod veteres Scholastici, & multi etiam ex recentioribus, existimaverunt justitiam illam, seu actuale, sive habituale, quæ fidelibus, inest, non habere ex se veram rationem justitiæ & sanctitatis, quæ suapte natura Deo necessario placeat, & nos ei gratos & acceptos ad vitam æternam reddat: sed hoc ei accedere ex peculiari quodam favore, per quem compleatur in ratione justitiæ, quæ possit nos justificare, id est, verè coram Deo justos & sanctos reddere. Sicut eorum mentem explicat Gabriel Vasques in 1. 2. tom. 2. Disp. 204. cap. 1. & 2. Ubi doctrinam istam refellere conatur, & contra contendit ipse, justitiam inhzrentem sine novo favore & acceptance Dei, nos reddere verè justos & sanctos.

XLII. Ex quibus omnibus colligere promptum est Scholæ Rom. Doctores Protestantium mentem in hac questione, ut in multis aliis non ritè percipere. Quum dicunt enim Protestantes, defectum qui bonis omnibus Renatorum operibus inest, esse natura sua vitiosum, atque culpabile, & aliquam in se peccati rationem habere, per hoc significare nolunt, ut supponunt & existimant eorum adversarii, defectum istum fidelibus actu & reapse à Deo ad culpam imputari, ac proinde fideles, quoties bene operantur, novum æternæ mortis reatum contrahere, qui mova & singulari quadam remissione soli opus habeat, quod audivimus supra Davenantium Protestantium nomine diserte & expresse negant: sed hoc solum fideles, dum vacant bonis operibus, id non ita perfecte facere, quin quadantenus à primæ naturæ lege deflectant, adeoque Deum, si districte agere vellet, nec quicquam de suo jure remittere, posse hoc ipsis imputare ad culpam, & eo nomine illos coram se reos peragere, licet hoc minimè faciat, fideles benigne in Christo respiciens. Quod certe negare non audent, sed fateri coguntur ipsi Doctores Ecclesiæ Romanæ, ut ex allatis testimoniis patet.

Thefes

Theses Theologicæ,
IN
Quibus exponitur An & Quatenus Teneantur
FIDELES
SERVARE
Dei Legem
ET
BONA OPERA FACERE.

Thesis. I.

SOLENT Ecclesiæ Romanæ Doctores Protestantibus tribuere quod doceant fideles non teneri ad legis divinæ observationem, ac proinde ipsis non esse necesse ut bona opera faciant: Christum enim eos liberasse à subjectione legis & mandatorum divinatorum; & libertatem Christianam in eo consistere quod fideles nulli legi subditi sint coram Deo & in conscientia.

II. Id tribuit ipsis Bellarminus de Justificatione lib. 4. c. 1. paragr. *Quarto probamus.* In eo, inquit, libertatem Christianam constituunt quod homo justus sit liber à debito legis implenda coram Deo, & per hoc omnia opera sunt illi jam indifferentia, id est, nec præcepta, nec prohibita. Unde colligit in eodem capite, Protestantes, ut ipsi videtur, omnino existimare posse hominem salvari, etiamsi nulla bona opera faciat, nec mandata divina custodiat. Et capite quinto ejusdem libri: *Adversarii*, inquit, in eo ponunt Christianam libertatem, ut nulli legi subditi sint; in conscientia & coram Deo, & Christum habeant pro Redemptore, non pro legislatore, Moyses autem cum suo Decalogo nihil ad eos pertineat.

III. Similia quoque Becanus Jesuita imputat Reformatis, quos Calvinistas vocat, in summa Theologiæ Scholasticæ tom. 2. tract. 3. c. 5. quæst. 2. Affirmat enim Calvinistas docere præcepta Moralia, seu Decalogi, non posse à nobis servari, ac proinde Christum nos liberasse ab eorum observatione, & libertatem Christianam, seu Evangelicam, in eo consistere, quod simus liberi ab observatione Legis. Et ejusdem tom. tract. 4. c. 4. quæst. 2. quæstionem hanc movet, quasi controversiam inter Calvinistas & Ecclesiam Romanam, *An iusti teneantur facere aliqua bona opera, & legem servare.* Et num. 2. *Calvinista*, inquit, docent opera non esse necessaria ad salutem, seu fideles non teneri ad observationem legis.

IV. Ad Refutationem calumnix tam atroci, breviter exponere nobis propositum est, An & quatenus fideles teneantur ad legis Observationem, & studium bonorum operum, ex communi Ecclesiæ Reformatæ Doctrina. Quod ut melius intelligi possit, tanquam fundamentum quoddam præstruendum est, legem, quam moralem vocamus, homini integro & recens condito ea ratione fuisse latam & impositam, ut perpetuam & exactam, atque ex omni parte perfectam obedientiam illi præstare teneretur, sub periculo & pœna mortis & damnationis, nec aliter vitæ & felicitatis æternæ compos reddi posset, quam diligenter & studiosè vitando omnem omnino legis transgressionem;

&c

& constanter, absque ullo lapsu, sive defectu, in obsequio ejus perseverando. Atque hoc est quod vocamus pactum legale, sive fœdus operum, quo vita & felicitas obtinenda proponitur per obedientiam undique perfectam, atque omnibus numeris absolutam; mors autem & maledictio cuilibet transgressioni severè denunciatur, nulla spe remissionis per fœdus istud transgressoribus facta.

V. Hanc legem sensim ex animis hominum exolescentem, & tenebris per peccatum accersitis multum obscuratam, Deus per Moysen denuo promulgari curavit, & speciatim populo Israëlítico repeti, ac scriptis consignatam tradi, additis multis præceptis positivis circa divina cultus ritus externos, & formam judiciorum, ac Reipublicæ administrationem in prædicto populo. Quæ omnia sanxit duabus solemnibus clausulis, Quorum una est, *Fac & Vives*. Altera, *Maledictum omnis qui non permanserit in omnibus quæ scripta sunt in Libro legis hujus, ut faciat ea*.

VI. Porro cum lex eo modo considerate obedientiam undique perfectam ab homine exigat, si beatitudinis particeps esse velit, nec iis qui in eam peccant spem misericordie & veniæ faciat, sed simpliciter illis maledictionem & iram denunciet, impossibile est hominem semel peccati reum, per eam ad salutem & vitam pervenire: Neque aliud erga illum legis officium est quam ut eum peccati convincat, & damnationi ac morti subiciat. Quo respectu Lex Paulo dicitur iram operari, & vocatur *littera Occidens*, & ministerium legis, *Ministratio mortis & Condemnationis*, 2 Cor. 3. Et eodem pertinet quod dicit idem Apostolus, Rom. 3. *Propterea ex operibus legis non justificabitur omnis caro coram eo; Per legem enim cognitio peccati*.

VII. Itaque cum omnes homines primi Parentis culpa in peccatum lapsi sint, omnibus pereundum erat, si Deus rigide cum ipsis, ex lege primum lata agere voluisset. Sed Deus humani generis misertus, pacto legali fœdus gratiæ substituit, per quod possunt homines peccatorum salvari, & ex morte ac perditione in quam incurrerant erepti, vitæ beatæ atque immortalis fieri participes. Quippe per fœdus istud Deus peccatorum veniam quibuscunque legis transgressoribus offert, modo pœnitentiam agant, & fide viva Christum Redemptorem amplectantur; iisque vitam æternam & gloriosam in cœlis promittit, modo in posterum legi verum & sincerum obsequium præbeant, & serio mandatis ejus sese conformare nitantur; etiamsi eorum opera ad summum rigorem legis exacta non sint, neque adqueant totam illam perfectionem quam prius illud fœdus ab homine integro severè exigebat. Ac præterea postorius hoc fœdus adjunctum habet quandam spiritus efficaciam, qua flectit hominum animos, ut Deo loquenti fidem adhibeant, & amorem ejus in corde concipiant, & sic ultro ferantur in ejus obsequium. Juxta quod dicit Deus apud Prophetam, Hocerit pactum quod feriam cum domo Israel post dies illos, dicit Dominus. Dabo legem meam in visceribus eorum & in corde eorum scribam eam. Unde est quod fœdus istud, oppositè ad legem antiquam, vocatur *lex spiritus vitæ*, & ministerium ejus *ministratio justitiæ, & ministratio spiritus*, 2 Cor. 3.

VIII. Cæterum statim atque homo in peccatum lapsus est, quædam fœderis istius rudimenta in gratiæ promissionibus ipsi proposita sunt: ac per illud salvi facti sunt quicunque ab orbe condito salutem adepti fuerunt: sed demum per Dei filium in carne manifestatum clarè expositum fuit, & solenniter promulgatum.

IX. Quod vero interea pactum legale per Moysen denuo repetitum atque promulgatum est, id eo fine factum ut fœderi isti gratiæ subserviret, atque homines ad Christum adduceret per fidem in nomen ejus justificandos. Nempè lex homines peccati convincens & propriæ ad præcepta Dei servandæ impotentia, simulque iram & maledictionem ipsis intentans atque denuncians, cogebat illos ad misericordiam divinam confugere à qua & anteaكتورum peccatorum remissionem, & spiritus sancti gratiam impetrarent, per quam possent à servitute peccati liberati novam obedientiam legi inchoare atque exhibere. Ac præterea in suis umbris atque figuris ostendebat illis Christum Redemptorem in quo & per quem Dei gratia & misericordia sese erga homines exercere debebat. Unde est quod lex dicitur Pædagogus ad Christum, ut ex fide justificemur, Gal. 3. Christus vero vocatur à Paulo finis legis ad justitiam omni credenti, Rom. 10.

X. Porro novum istud fœdus in Christo fundatum, & per Christum initum, novam, ut dixi, obedientiam legi divinæ præstandam, à salvandis exigere, tanquam officium quoddam necessarium, & conditionem sine qua ad vitam æternam pervenire, & perditionem vitare non possunt, ex scriptura sacra certo & evidenter constat. Hæc est enim vox Christi in Evangelio loquentis, *Si vis ad vitam ingredi, serva mandata*. Et in

in Apocalypsi ii soli ab eodem Christo beati pronunciantur, qui mandata Dei custodiunt. *Beati, inquit, qui custodiunt mandata illius ut sit potestas eorum in ligno vite, & per portas intrent in civitatem. Foris autem canes, & venefici, & impudici, & homicidæ, & idolis servientes, & omnis qui amat & facit mendacium, Apoc. 22.*

XI. Nec ad pactum legale, cuius non est respicienti promittere remissionem peccatorum, quam scriptura proponit ut beneficium novo fœderi peculiare, Jer. 31. sed ad fœdus gratiæ spectat, quod legitur apud Ezechielem cap. 18. *Si impius egerit penitentiam ab omnibus peccatis suis quæ operatus est, & custodierit omnia præcepta mea, & fecerit iudicium & iustitiam: vita vivet & non morietur. Omnium iniquitatum ejus, quas operatus est, non recordabor: in iustitia sua quam operatus est vivet. Nunquid voluntatis mea est mors impij, dicit Dominus Deus, & non ut convertatur à viis suis, & vivat? si autem averterit se iustus à iustitia sua, & fecerit iniquitatem secundum omnes abominaciones quas operari solet impius, nunquid vivet. Omnes iustitia ejus quas fecerat non recordabimur: in pravariatione qua pravariatus est, & in peccato suo quod peccavit, in ipsis morietur. Ubi Deus diserit & expresse exigit, ab omnibus qui mortem peccatis suis debitam vitare, & vitam obtinere volunt, ut ab omnibus peccatis penitentiam agant, & præcepta ejus deinceps custodiant.*

XII. Ac propterea Paulus sine hoc reliqua omnia nihil in Christo esse, nec quicquam ad salutem facere pronunciat, 1 Cor. 7. *Circumcisio, inquit, nihil est: & præputium nihil est: sed Observatio mandatorum Dei. Denique quam necessarium sit, etiam sub Evangelio & fœdere gratiæ, servare divina mandata, scriptura Novi Testamenti satis aperte docet, dum declarat eos qui mandata Dei non servant, Deum nec amare, nec nosse. In hoc scimus, inquit Joannes, quoniam cognovimus eum, si mandata ejus observamus. Qui dicit se nosse Deum, & mandata ejus non custodit, mendax est, & veritas in eo non est, 1 Joan. 2. & cap. 5. Hec est charitas Dei ut mandata ejus custodiamus.*

XIII. Neque minus manifestum est, ex ejusdem sacre scripturæ Doctrina, idem gratiæ fœdus à fidelibus postquam in gratiam recepti sunt, non exigere præcisè, sub pœna & periculo damnationis æternæ, perfectam obedientiam, & quæ ad summum legis rigorem exacta sit, qualem scilicet homo nondum lapsus, ex legis præscripto, præstare debuit & poruit. Nam si res ita se haberet, nemo fidelium pollet ad vitam pervenire, & per fœdus gratiæ salvari: quandoquidem ad viros etiam sanctissimos pertinet quod scriptura dicit, *In multis offendimus omnes, Jac. 3. Et si dixerimus nos peccatum non habere, ipsi nos seducimus, & veritas in nobis non est, 1 Joan. 1.* Neque est fidelium ullus qui non debeat cum Paulo dicere, *Non quod jam perfectus sum, Phil. 3.* Quoniam omnibus insunt corruptionis nativæ reliquæ, quæ fidelibus etiam bene agentibus obstrepunt, nec patiuntur eos tam promptum atque servens obsequium Deo præbere, quam postulat legis rigor & æquitas: & in causa sunt cur sepe cessitent & labantur.

XIV. Deus igitur, ex gratioſo fœdere cum fidelibus agens, postulat quidem ab iis ut præceptis divinis quæ lege continentur sese conformare studeant, si velint æterna gloria coronari, nec ad vitæ æternæ possessionem admittit eos qui peccatis indulgent, & contra legis divinæ mandata, carnis affectibus serviunt, sed tamen eorum obedientiam ad totum legis rigorem non excutit, & quanquam in multis à summa perfectione deficiant, modo vera atque sincera sit, & qualem fert modulus gratiæ ab eo indulta, illam ad vitæ & gloriæ cœlestis præmia acceptat. Quippe Deus quia fideles utitur illa clementia & misericordia quam sibi à Deo spondebat Rex pius Ezechias, *Dominus bonus, inquit, propitiabitur cunctis qui in toto corde requirunt Deum patrum suorum: & non imputabis quæ minus sanctificati sunt, 2 Paralip. 30.* Et huc spectat illa promissio qua Deus solatur eos qui ipsum timent, & cogitant nomen ejus apud Malachiam Prophetam cap. 3. *Ei erunt mihi, ait Dominus exercituum, in die qua ego facio, in peculium: & parcam eis, sicut parci vir filio suo servienti sibi.*

XV. Quamvis autem Deus jam à fidelibus non exigit, præcisè & sub pœna maledictionis æternæ, omnibus numeris perfectum obsequium, & quale homo integer, ex pacto legali præstare tenebatur, ut per illud viveret, & felicitatem æternam obtineret, lex tamen, ex ea parte qua perfectionem ejusmodi præcipit, censeri non debet a Christo abrogata. Christus enim in lege morali nihil immutavit, sed eam potius de novo sanxit & confirmavit, & à variis hominum corruptelis vindicavit. Docet hoc Christus ipse apud Matthæum, *Non veni, inquit, legem solvere, sed implere. Cui concinit illud Pauli in epist. ad Rom. legem ergo destruimus per fidem? Absu: sed legem statuimus.*

XVI. Et certè si lex, quatenus absolute perfectam obedientiam ab homine postulat, irrita

irrita profus facta esset, nec amplius vim ullam obligandi haberet, nullus jam esset in fidelibus defectus, neque ulla imperfectio quod perfectionem talem non assequuntur, neque propter hoc tenerentur ad misericordiam divinam confugere, & severum ejus judicium humiliter deprecari. Sicuti jam fideles nullo modo egent clementie divinae, nec minus perfecti sunt, propterea quod non servant varios legis ritus atque ceremonias, quas Christus à medio sustulit atque abrogavit. Et tamen communis Christianorum sensus agnoscit varias illas infirmitates, quibuscum luctantur fideles, & quae obstant ne legi omnino exacte & perfecte obsequantur, ipsis esse perpetuam humiliationis coram Deo materiam, & eo nomine illos teneri cum David dicere, *Ne intres in judicium cum servo tuo: non enim justificabitur coram te omnis vivens.*

XVII. Lex igitur hodie quoque obedientia omnimodo perfectam fidelibus praecipit. Siquidem universam justitiae perfectionem nobis & affectandam, & pro viribus assequendam proponit; jubetque ut ad illam toto nisu contendamus: licet eam à nobis praecise non exigat sub poena mortis aeternae. Sub illa quidem poena nos ad certam, ut sic loquar, obedientiae mensuram obligat, eam, videlicet, quae per ordinariam gratiam est possibilis, exigendo ut eam actu & reapse habeamus, si cupiamus esse salvi. Ad ulteriorem vero mensuram, quam viribus gratiae ordinariis assequi non possumus, obligat minus stricte, videlicet, exigendo ut eam habeamus, saltem in voto & conatu. Nempe Deus à nobis, etiam sub fœdere gratiae, stricte & praecise postulat ut corde & opere universa legis mandata servare annitumur, quae in re consistit essentialis illa obedientiae nostrae perfectio, quae idem est cum ejus veritate & sinceritate, & perfectio partium in scholis appellatur. Nisi enim talem Deo praestemus obedientiam, non possumus vitam aeternam adipisci. Absolutam vero illam perfectionem, quae defectum omnem excludit, & perfectio graduum dicitur, non tam praecise & arte exigit: sed requirit solummodo, ut pro viribus gratiae nobis concessae, eam assequi studeamus & conemur.

XVIII. Fideles igitur per Christum exempti sunt à legis maledictione, reatu, & rigore, quoniam iis qui cum fide & poenitentia ad Christum confugunt, non amplius metuenda est legis Maledictio, propter antea facta peccata, aut etiam propter eos ex infirmitate lapsus atque defectus, quibus, dum sunt in Christi communione, obnoxii manent. Quo spectat illud Pauli, in epistola ad Galatas, *Christus nos redemit de Maledictione legis, factum pro nobis Maledictum*, Gal. 3. v. 13.

XIX. Et tamen illi ipsi qui sunt Gratiae Christi participes, debitores semper manent legis servandae, id est, verum & sincerum obsequium Legi exhibendi, absque quo nec mortem aeternam effugere, nec vitam & gloriam coelestem adipisci possunt.

XX. Imo fideles non sunt simpliciter & profus soluti ab obligatione praestandi Legi divinae obedientiam perfectam & exactam, & qualem ipsa legis *axioma* postulat. Siquidem, ut jam diximus, tenentur ad illam quantum in ipsis est contendere, & si illam minus assequantur, in eo suam imperfectionem agnoscere & deslere, & propterea divinam clementiam & misericordiam jugiter implorare.

XXI. Neque est quod quis objiciat fideles non amplius esse subditos legi, sed omnino lege solutos, quoniam, ut docet Paulus, non amplius sunt sub lege. *Non enim esset, inquit, sub lege, sed sub gratia*, Rom. 6. Nam dicuntur fideles non amplius esse sub lege, quia liberati sunt à maledictione atque rigore legis, quo sensu jam expositum est: & praeterea quoniam Christus eos in totum exemit jugo illo caeremoniarum, quod lege Moisaica populo Judaico impositum fuerat. Quippe cum omnes illae caeremoniae umbræ tantum & figurae essent futurorum bonorum, postquam Christus corpus ipsum & veritatem attulit, nulli amplius usui fuerunt, & idcirco profus à Christo abolitæ. Verum hoc non obstat quominus fideles teneantur servare legem moralem, quam Christus non abrogavit, sed potius de novo sanxit & illustravit.

XXII. Similiter quum Paulus scribit ad Timotheum, legem justo positam non esse, sed exlegibus, & iis qui subijci nolunt impiis & peccatoribus, nefariis & profanis, patricidis & matricidis, homicidis, scortatoribus & similibus sceleratis, minime per hoc significare vult fideles nulli Legi amplius esse subiectos; sed simpliciter homini qui in Christo justificatus est, & qui serio sanctitati & justitiae studet, etiamsi in multis ex infirmitate labatur, non amplius esse timendas legis minas & maledictionem, quae non in alios incubitura est, quam in eos qui, sprete Christi gratia, sceleribus indulgent, & ut loquitur scriptura, operantur iniquitatem. Et eodem spectat Paulus in epistola ad Galatas, ubi postquam enumeravit varios illos fructus, quos Spiritus Sanctus in Renatis producit, addit, *Adversus hujusmodi non est lex*. Nempe quia non habet amplius vim damnandi,

damnandi, & reos peragendi eos qui tales fructus spiritus edunt, sive, propter peccata quibus antea indulserunt, & defectus quibus semper in hac vita obnoxii manent: sive propter neglectum rituum Moisaicorum, à quorum observacione Christus suos exsolvit.

XXIII. Cæterum quam hæcenus exposui doctrinam, de fidelium erga legem subjectione, & obligatione qua tenentur illi veram præstare obedientiam, inter Protestantes esse communiter receptam, notum est omnibus qui eorum scripta, vel leviter attigerunt: Hujus rei præcipuè fidem facere potest qui dicitur Concordiæ liber, communi Theologorum Confessionis Augustanæ in Germania consensu editus, sic enim habet in solida Declaratione articulorum quorundam Augustanæ confessionis, de quibus inter nonnullos Theologos eidem addictos disputatum fuit, Articulo sexto qui est de Tertijs legibus. *Lex Dei est instar speculi limpidissimi, in quo voluntas Dei & que ipsi placeant, perspicue oculis nostris proponuntur: igitur ea credentibus semper inculcanda, & apud eos diligenter & assidue est urgenda. Esi enim iusto Lex non est posita, ut Apostolus testatur, sed injustis: hoc tamen non ita nudè accipiendum est, quasi iustis sine lege vivere liceat, lex enim divina cordibus ipsorum inscripta est. Hæc est ergo verborum Pauli vera & genuina sententia, quod lex eos, qui per Christum Deo reconciliati sunt, maledictione sua obruere nequeat: & quod renatis, coactione sua molesta esse non possit: quandoquidem illi secundum interiorem hominem lege Dei delectentur. Et circa finem ejusdem articuli asserit fideles non esse sine lege, & licet non sint sub lege, eos tamen esse in lege.*

XXIV. His concessit Doctrina Confessionis Anglicanæ Anni M.DC.XLV. cap. 19. num. 5. *Lex Moralis, inquit, ad sui obsequium obligat omnes homines, tam eos qui iustificati sunt, quam alios: neque id tantum respectu materie in ea contentæ, sed etiam respectu auctoritatis Dei Creatoris qui eam dedit. Et Iesus Christus in Evangelio obligationem istam nullo modo sustulit, sed potius confirmavit.*

XXV. Eidem Doctrinæ subscribitur etiam Theologi Leydenenses, in Synopsi Purioris Theologiæ, communi consensu ab ipsis edita. Disp. 35. Thesi 14. Ubi postquam thesi præcedenti docuerunt, nos esse per Christum liberatos à iugo durissimæ illius exactionis, per quam lex exactissimam mandatorum observantiam, sub poena Maledictionis fere verè postulabat, nullo spe salutis homini peccatori proposita, hæc verba subiungunt. *Non idcirco legem supervacuum esse docemus, quin potius doctrinam ejus immotam, & obedientiam esse necessariam omnibus, statuimus, & eam denique veram libertatem agnoscimus, quum Deo secundum præscriptum legis ejus servimus. Et Thesi 16. Ut ergo, inquit, furor Antinomorum rejicimus, qui legem Moralem ex Ecclesia proscribendam & eliminandam censent, sic jure de atroci Bellarmini calumnia conquerimur, qua nos libertatem Christianam in eo consistere mentitur, quod homo iustificatus fide, nulli legi subiaceat in conscientia, sed liber à debito legis implendæ, omnia pro indifferentibus habeat, neque præceptis neque prohibitis.*

XXVI. Porro cum tota lex divina versetur in Operibus bonis præcipiendis & malis prohibendis, hoc ipso quod fideles tenentur legi parere, & servare illius mandata, manifestum est illos teneri bonis operibus studere, & vitare peccata, sive mala opera; quod scriptura sacra vocat vivere secundum spiritum, & non secundum carnem. Hoc est quod docet Paulus in Epistola ad Romanos, *Debitor sumus non carni, ut secundum carnem vivamus. Supple sed spiritui ut vivamus secundum spiritum, cap. 8. v. 12.*

XXVII. Ac præterea cum supra à nobis probatum fuerit. Deum à fidelibus postulare sub poena Damnationis æternæ, & exclusionis à regno cælorum, ut veram obedientiam Legi suæ præbeant, consequens est illos sub eadem poena obstrictos esse ad vitiorum fugam, & bonorum operum studium: nec posse eos qui vitis indulgent, & bona opera negligunt, ullo modo ad vitam æternam pervenire. Nam ut affirmat Author Epistolæ ad Hebr. 12. 14. *sine sanctimoniali Nemo videbit Dominum.* Et Christi ipsius pronuntiatus est, *Omnis Arbor quæ non facit fructum bonum exciditur, & in ignem mittitur, Matth. 7. 19. Quibus congruit illud Pauli in ep. ad Rom. 8. 13. Si secundum carnem vixeritis moriemini; si autem spiritu facta carnis mortificaveritis vivetis.* Et in epistolâ ad Gal. 6. 7. *Nolite errare: Deus non irridetur. Quæ enim seminaveris homo hæc & metet. Quoniam qui seminat in carne sua, de carne metet corruptionem: qui autem seminat in spiritu de spiritu metet vitam æternam.* Et in eadem epistolâ, postquam varia peccata, quæ carnis opera vocat, enumeravit, de omnibus dicit & repetit, quod qui talia agunt regnum Dei non consequentur. Quibus affine est quod scribit ad Corinthios. *Nolite errare: Neque fornicarii, neque idolis servientes, neque adulteri, neque molles, neque masculorum*

celorum concubitores, Neque fures, neque avari, neque ebriosi, neque maledici, neque rapaces regnum Dei possidebunt.

XXVIII. Infinita possent alia in doctrinæ hujus confirmationem ex scriptura congrui: sed non opus est hic pluribus insilire, quandoquidem res est tam certa & evidens, ut à nemine qui vel nomine Christianus sit, in dubium vocetur. Præsertim vero quàm absint Protestantes, ut censcant bona opera fidelibus non esse necessaria, & posse illos vitam æternam obtinere, etsi ad finem usque in peccatis perseverent, & à morte deprehendantur bonis operibus vacui, testatum faciunt omnibus eorum scripta publica & privata, & vel invitis ingerit Dogma illud, quod hic calumniæ occasionem præbet, nempe, homines fide sola servari & justificari. Ubique tñm urgent atque inculcant, fidem illam, cui soli tribuenda est justitia & salus esse fidem vivam, & quæ sit per dilectionem operans. Absq; bonis operibus fidem esse mortuam, & ad salutem inutilem, imo fidem veram non posse consistere cum peccato regnante, & bonorum operum contemptu.

XXIX. Sed ut fortius ista calumnia repellatur, visum est hi. quædam exscribere ex publicis scriptis illorum ipsorum, qui sunt adversarii hoc nomine maximè suspecti. Sicigitur habet jam supra citatus Concordiæ liber, cui subscripserunt plerique Augustanæ Confessionis in Germania Theologi, in solida Declaratione articulorum quorundam, de quibus inter eosdem Theologos motæ fuerant quædam controversiæ, Articulus quarto qui est, *De bonis operibus*, pag. 702. *Quod igitur ad necessitatem, an libertatem bonorum operum attinet, negari non potest, quod in Augustana Confessione, ejusdemque Apologia, hæc verba sepe usurpentur atque rejectantur: Bona Opera esse necessaria: & quod necessesse sit bona opera facere: quia necessario fidem & reconciliationem cum Deo sequi debent, & quod necessario ea opera que Deus præcepit, à nobis fieri faciunda. Sed & sacre literæ vocabulis Necessitatis, Necessarii, Debiti, Debemus, Oportet, &c. mutatur, quædam de iis rebus agunt, quas ratione mandati, ordinationis & voluntatis divine præstare tenemur. Quare propositiones hæc, Bona opera esse necessaria, & Necessesse esse bene agere, in commemorata pia & genuina sententia immerito à quibusdam rejiciuntur. Hæc enim retinenda, atque urgenda sunt, ad redarguendam atque refutandam securitatis Epicuræ opinionem, qua multi fidem mortuam, aut persuasionem quandam vanam, que sine penitentia & bonis operibus est, pro vera fide falso habent: quasi scilicet, in suo eodemque corde, simul stare possit vera fides, & malum propositum in peccatis perseverandi & progrediendi, quod tamen profusum est impossibile: aut, quasi aliquis veram fidem, justitiam, & salutem habere ac retinere valeat, etiamsi arbor putrida, & insuavis fructus, maceræque, neque ultior bonos fructus ferat: imo, quamvis in peccatis contra conscientiam perseveret, aut rursus destinata malitia in scelera priora relabatur. Hæc falsa & impia sunt. Interim tamen de hoc etiam discrimine commone factio observanda est, quod per vocabulum necessitatis intelligenda sit necessitas Ordinis, mandati, & voluntatis Christi, ac debiti nostri, non autem necessitas coactionis.*

XXX. His similia leguntur in Confess. Saxonica, art. 6. Ubi affirmat si quis contra conscientiam ruit, illum effundere bona à Deo accepta. Et in hanc rem citat illud Pauli Galat. 5. Qui talia faciunt regnum Dei non possidebunt. Unde conclusit necessariam esse curam vitandi tales lapsus. Et deinde subiungit, *Hæc manifestis necessitas, proposita summa pœna, videlicet amissionis vitæ æternæ, si quos non movet ad bene operandum, hi sunt jam ex iis de quibus dicitur, Qui faciunt peccatum ex diabolo est. Et sunt necessitatis causæ plures. Debitum, id est, ordo immutabilis, ut creature Deo obtemperant. Item, curâ vitandi pœnis presentes, &c.*

XXXI. Porro quamvis inter omnes Protestantes conveniat justificatis & salvandis omnibus necessaria esse bona opera & neminem servari posse qui bona opera negligat, & peccata vitare non curet, eorum tamen aliqui non probant, si quis dicat Bona opera esse ad salutem necessaria, & impossibile esse salvari sine bonis operibus. Nam quod simpliciter negent istas formulas in commodum aliquem sensum exponi posse; sed quia existimant illas esse periculosas, ac primum esse inde concludere salutem nostram non esse omnino gratuitam, & salutis respectu opera nostra habere aliquod meritum, & efficientiam. Hæc est sententia eorum qui concinnarunt sæpius jam dictum Concordiæ Librum, eique subscripserunt, sic enim habet liber ille, in Epitome articulorum de quibus controversiæ motæ sunt inter Theologos Confessionis Augustanæ, titulo quarto, qui est de Bonis operibus. Parte Negativa, num. 1. p. 590. *Rejicimus & damnamus subsequenter phrasen eam docetur: Bona, opera necessaria esse ad salutem: Neminem unquam sine bonis operibus salvatum: Impossibile esse sine bonis operibus salvari. Et in solida declaratione articulo illo quarto quem modo citavimus, Interim tamen, inquit, diligenter,*

diligenter in hoc negotio cavendum est, ne bona opera articulo justificationis & salutis nostrae immisceantur. Propterea merito hec propositiones rejiciuntur: Bona opera fidelibus necessaria esse ad salutem ita ut impossibile sit sine bonis operibus salvari. Et postea subjungunt, Merito hoc ratum, certum & fixum esse debere: quod Phrasæ seu propositiones illæ, de bonis operibus ad salutem necessariis, non sint docende, defendende, pingende: sed potius ex Ecclesiâ, ut falsæ & non sincere, explodende atque rejiciende.

XXXII. Sed planè contrà sentimus propositiones illas, Quod bona opera sint ad salutem necessaria: & quod impossibile sit servari sine bonis operibus: non solum in Ecclesiâ docendas atque retinendas, sed perpetuo apud plebem fidelem urgendas & inculcandas esse. Continent enim ipsissimam Christi & Apostolorum Doctrinam; locis jam ante citatis clarè & expresse traditam. Quid enim aliud est, sine sanctimonia neminem visurum Dominum, quam neminem sine bonis operibus salvandum? quippe quæ sanctimonia sine bonis operibus; & quæ salus sine Visione Domini? Et similiter quum Christus discipulis suis ait, *Nisi abundaverit justitia vobis plusquam Scribarum & Phariseorum, non intrabitis in regnum celorum* quid aliud significare vult quam fieri non posse, ut quisquam in regnum cœleste admittatur sine studio operum pietatis & justitiæ, quæ commendat Evangelium?

XXXIII. Ac cum illi ipsi quibuscum nobis res est, perpetuo urgeant, sine bonis operibus fidem esse mortuam, & ad salutem inutilem, atque ad salutem omnino necessariam esse fidem vivam, & quæ per dilectionem operetur, & sit per bona opera efficax, manifestum est, juxta propriam ipsorum doctrinam, bona opera quiddam esse sine quo vera fides, & ex consequenti, salus & justitia nemini obtingit. Cur ergo dicere videntur bona opera esse ad salutem necessaria, cum ad salutem necessariū sit id omne quo absente salus nobis non constat, nec ejus possumus esse participes?

XXXIV. Similiter cum ultro doceant, ut supra retulimus neminem justitiam & salutem habere, ac retinere posse, qui sit & maneat Arbor infrugifera, nec bonos ullos fructus ferat, cur dicere nolunt impossibile esse salvari sine bonis operibus? Nam id quo quum quis caret, salvari omnino non potest, annon impossibile est sine eo salvari?

XXXV. Præterea nonne dicendum est, quod impossibile sit salvari sine eo ad quod mandato & præcepto divino tenemur atque obligamur, & quidem proposita pœna amissionis vitæ æternæ? sed fideles teneri sub ejusmodi pœna, ut ab operibus carnis abstineant, & vivant secundum spiritum, idque ex scriptura evidens esse agnoscunt illi quibuscum jam agimus: ut patet ex citatis verbis Confessionis Saxonicæ; & ex ipso Concordiæ libro læpius allegato, Articulo illo quarto De Bonis Operibus, in solida Declaratione, pag. 706. Ubi postquam damnavit, tanquam falsam & Epicuream opinionem illam, qua diceretur fidem, gratiam Dei, justitiam & salutem haberi & retineri posse, etiamsi homo pravis suis concupiscentiis indulgeat, Spiritui sancto repugnet, & atrociter flagitia contra conscientiam tuam delinquit, subjungunt sequentia Verba. *Contra hanc pestilentissimam persuasionem, singulari diligentia, hæc verissime, immotæ, divine comminationes, pœnæ, & admonitiones, Christiani per fidem justificati, sæpe repetende atque inculcande sunt: Nolite errare: neque fornicari, neque adulteri, neque avari, &c. regnum Dei possidebunt. Et alibi, Qui talia agunt regnum Dei non consequentur. Et ad Romanos, si secundum carnem vixeritis, moriemini. Et propter talia venit ira Dei super filios incredulitatis.*

XXXVI. Neque est quod quis objiciat, infantes multos ad vitam æternam pervenire, & admitti in regnum cœlorum; & tamen infantes omnes bonis operibus destitutos esse. Patet enim per se Responsio, Videlicet, quum dicuntur bona opera esse ad salutem necessaria; & Neminem sine bonis Operibus servari, istud intelligi de illis qui per ætatem bonorum, vel malorum operum capaces sunt, ad quem numerum non pertinent infantes; qui ut bonis operibus carent, ita malorum operum rei non sunt; & qui, ut absque proprio ullo actu, peccato contaminati sunt, ita quoque per Dei gratiam, sine ullo suo opere, possunt à peccato, in quo nati & concepti sunt, purgari atque emundari.

XXXVII. At, inquit, nonne adulterum multi in ipso mortis agone convertuntur, quum deficiente vita, non superest bene operandi tempus; qui tamen ipsi quodque liberantur à morte æterna, & ad beatitudinis ac gloriæ cœlestis fruitionem admittuntur: sicut alter ille latronum pendentium in cruce cum Christo, à quo benignam illam vocem audivit, *Hodie mecum eris in Paradiso*? Respondeo illos qui in ipsa morte ferid atque roto corde ad Deum convertuntur, proculdubio salute non excludi; sed nec etiam tales bonis operibus omnino carere: siquidem necessario in iis reperiuntur seria apud

Deum peccatorum suorum confessio & detestatio, vehemens gratiæ ejus desiderium, preces ad Deum toto affectu suscepi, veniæ spes atque fiducia, sincerus erga Deum amor, & firmum propositum, mandatis ejus in posterum obsequendi, & à peccatis quibus indulsissent abstinendi, si ad hoc ipsis vita à Deo prorogaretur.

XXXVIII. Scriptura quidem ubique prædicat nos gratia, & non ex operibus salvari: sed per hoc significare vult salutem nostram esse omnino gratuitam, nec illam bonorum operum meritis ascribendam esse, sed Dei *gratiam* & misericordiam: quæ nox in peccatis jacentes prævenit, excitat, atque vivificat, ut impetrata per Christum remissione peccatorum nostrorum, deinceps ambulemus in novitate vitæ, & ad vitam æternam tandem perveniamus. Unde sequitur quidem bona opera non esse pretium quo salus nobis acquiritur, & in iis fiduciam salutis nostræ non esse collocandam: minime vero inde concludi potest, bona opera non esse aliquid sine quo salus nostra non perficitur: & viam à Deo præparatam per quam, & non per aliam, ad vitam æternam perveniendum sit; quod solum intendimus affirmare, dum dicimus bona opera esse ad salutem necessaria, & impossibile esse sine bonis operibus servari.

XXXIX. Itaque formulæ istæ nihil habent quod possit animos à Doctrina de salute gratuita avocare, & quod non omnino cum forma sanorum verborum congruat: adeoque perpetuo Christianorum consensu probatæ sunt, & ad hæc ultima tempora ab omnibus absque scrupulo ulatæ; nec improbari & rejici possunt absque magno piarum animarum offendiculo, & quin homines per se plus satis ad malum proni, atque in bono negligentes, occasionem inde arripiant in peccatis suis sibi blandiendi, & remittendi bene operandi studium. Quis enim è plebe prædicari audiens bona opera non esse ad salutem necessaria, & non esse impossibile servari sine bonis operibus, non inde colligat se posse tuto vitiis indulgere, & salutis fieri compotem, etsi opera pietatis non curet? scio aliam esse mentem Theologorum illorum quibuscum nobis res est, & hanc disputationem, ut plurimas alias, tandem ad meram quandam logomachiam reduci. Quamvis enim dici nollint bona opera esse ad salutem necessaria, & Neminem sine bonis operibus salvari, nihilominus docent & asserunt, Neminem servari qui in peccatis manet, & bona opera negligit. Sed videntur ista inter se pugnare: & postquam quis asseruit Bona Opera non esse ad salutem necessaria, & impossibile non esse salvari sine bonis operibus, quæ postea subjicit, tollere non possunt scandalum locutionis ita periculose, & quæ sic à communi sensu Christianorum abhorret, & quæ per se, & ut verba sonant, male vivendi licentiæ tam latam fenestram aperit.

XL. Merito igitur Protestantes alii, & speciatim qui Reformati dicuntur, quorum hic sententiam tuemur atque exponimus, sentiunt ita laudem salutis nostræ, in solidum divinæ gratiæ, & Christi merito esse tribuendam, ut tamen plebs Christiana sedulo doceatur, Bona opera esse ad salutem necessaria, non quidem ut salutis causæ meritorias, sive efficientes; sed ut viam quæ sola ad salutem perducatur; & tanquam medium à Deo ordinatum, per quod adeunda sit vitæ æternæ possessio, & sine quo frustra quis se speret ejus fore participem. Nec contrarium, ut sit, potest nostris tribui, nisi per summam injuriam, de qua tam frequenter in suis concionibus & scriptis conqueuntur, ut eorum hac de re testimonia congerere, operæ nimis prolixæ & superflue foret.

XLI. Itaque privatorum testimoniis omnibus, sufficere hic referre quæ leguntur in publica confessione, Ecclesiarum Reformatarum nomine exhibita, in Colloquio Throniensi, Anno 1645. Falso, inquit, accusamur, Quasi per hanc doctrinam studium bonorum operum tollamus, coramve necessitatem negemus: cum tamen nec fidem justificantem, nec ipsam justificationem, sine sanctificatione & bonorum operum studio, in adultis nullo modo consistere ex jam dictis manifestum sit. Quo sensu ea ad salutem omnino necessaria esse agnoscimus, quamvis non ut causæ justificationis, aut salutis meritorias, cap. 4. de Gratia. Sect. 2. num. 9.

Theses Theologicæ,
DE
RELATIONE
BONORUM OPERUM
AD
Vitam Æternam.

PARS PRIOR.

In qua exponitur sententia Ecclesiæ Reformatæ.

T H E S I S I.

SCHOLÆ Romanæ Doctores, Ecclesiæ Reformatæ Doctores tribuere solent, quod doceant bona fidelium opera nullam relationem habere ad salutem & vitam æternam, quasi sint ejus non tantum, vel merita, vel causæ : sed etiam conditiones, aut simile quidpiam. Illud videre est apud Bellarminum de Justificat. lib. 4. cap. 7. *Adversarii, inquit, in eo conveniunt ut bona opera non sint necessaria ad salutem, nisi necessitate presentie. Cujus propositionis hic sensus est, ut bona opera fieri debeant, quoniam aliquis fides non esset viva, nec vera, nisi bonos fructus faceret, quomodo ignis non est ignis, nisi calefaciat ; tamen bona opera non habeant ullam relationem ad salutem, quasi sint merita, causæ, conditiones, &c. Iniqui distinguunt fidem ab operibus, quoniam fides habet relationem ad salutem, quia illum apprehendit ; ideo necessaria dicitur ad salutem ; opera vero nullam omnino relationem habent, & ideo sunt quidem necessaria sed non ad salutem.*

II. Bellarminum autem hac in parte, vel non satis percipere, vel non fideliter recitare Protestantium doctrinam queruntur qui adversus Bellarminum scripserunt, ut Patrus in librum citatum. *Falsum est, inquit, quod dicamus opera esse necessaria, non nisi necessitate presentie. Et quod bona opera nullam omnino relationem habeant ad salutem, ne quidem ut conditiones, hoc, inquam, falsum est. Etiam si enim non habeant relationem causalem, habent tamen, vel possunt habere relationem ordinis, qualem habet medium ad finem, amecedens ad consequens, conditio sine qua non ad effectum cujus conditionis presentia quidem non efficit ; absentis vero impedire potest salutem. Verbi causa, pugna est necessaria ad victoriam : Victoria ad coronam : nec pugna tamen per se efficit victoriam (utraq; enim pars pugnat) nec victoria coronam : (gratis enim datur, juxta promissionem) absentia vero pugnae potest impedire victoriam & coronam.*

III. Similiter Amicus, in Bellarmino Enervato, lib. 6. cap. 6. ad eadem verba Bellarmini sic ait, Nos non negamus Bona Opera ullam relationem ad salutem habere : habent enim relationem adjuncti, consequentis & effecti ad salutem, ut loquuntur, adeptam ; & adjuncti antecedentis & disponentis ad salutem adipiscendam ; atque etiam argumenti confirmantis fiduciam & spem salutis : sed negamus ulla opera nostra causam esse posse meritoriam justificationis ac salutis.

IV. Sed ut clarius innotescat quæ sit, hac in parte Scholæ Reformatæ Doctrinâ, & si fieri possit, omnis ansa in posterum calumniæ præcidatur, operæ præteritum duximus paulo distinctius & latius exponere quid de bonorum operum relatione ad salutem, juxta scripturæ doctrinam, Reformati sentiant.

V. Primo

* Heb. 13.
† Mat. 5.

V. Primo igitur certum est bona opera esse conditionem sine qua Gloria cœlestis obtineri, & æternum exitum vitari omnino non potest. Nam * *sine sanctimonia nemo videbit Dominum.* Et † *Nisi, inquit Christus, abundaverit iustitia vestra plusquam Scribarum & Phariseorum, non intrabitis in regnum celorum.* Item, *Omnis arbor quæ non fert fructum bonum exciditur & in ignem mittitur.*

VI. Neque bona opera simpliciter sunt conditio quædam, quæ supponitur in iis qui vitam æternam adipisci debent; sed sunt via quæ ducit ad illam, & medium quo idem à Deo ordinatum per quod certo & efficaciter ad beatitudinem æternam pervenitur. Nam, ut ait Apostolus Rom. 2. *Tribulatio & angustia in omnem animam hominis operantis malum; gloria autem, honor, & pax omni operanti bonum.* Et iis qui secundu[m] patientiam boni operis, gloriam & honorem & interruptionem querent, reddet Deus vitam æternam: iis autem qui sunt ex contentione, & qui non acquiescunt veritati, credunt autem iniquitati, erit ira & indignatio. Quo pertinet illud ejusdem Apostoli, Rom. 8. *Si secundum carnem vixeritis, moriemini: si autem spiritu facta carnis mortificaveritis, vivetis.* Unde est quod scriptura dicit per bona opera certam reddi vocationem & electionem nostram, & ministrari nobis introitum in regnum Domini nostri Jesu Christi. Satagite, inquit Petrus, ut per bona opera certam vestram electionem & vocationem faciat. Hæc enim facientes non peccabitis aliquando. Sic enim abundanter ministrabitur vobis introitus in æternum regnum Domini & salvatoris nostri Jesu Christi, 2 Pet. 1. Et eodem spectat quod dicit Jacobus epist. cap. primo. *Qui introspexerit in legem perfectam libertatis, & permanferit in ea, non auditur oblivisus factum: sed factor operis, hic beatus in facto suo erit.*

VII. Atque hæc est ratio cur fideles bonis operibus studentes dicantur suam salutem operari, Phil. 2. *Cum metu & tremore, inquit Paulus, vestram salutem operamini.* Quamobrem etiam ad Corinthios scribens afflictionibus quas pro Christo ferunt patienter fideles, tribuit quod æternam gloriam in nobis operetur. *Id enim, inquit, quod in presenti est momentaneum & leve tribulationis nostræ, supra modum in sublimitate æternæ gloriæ pondus operatur in nobis, non contemplantibus nobis quæ videntur, sed quæ non videntur,* 2 Cor. cap. 4.

VIII. Quanquam enim bona fidelium opera æternam eorum salutem & gloriam non efficiant per se & propriè, rectè tamen illam dicuntur operari, quia sunt media ed tendentia atque ducuntia, & quæ ex Dei ordinatione atque promissione, vita & gloria æterna infallibiliter & necessario consequitur. Adeoque, licet Scholæ Reformatæ Theologi rectè negent bona opera esse salutis causas propriè dictas, quoniam ipsum salutis effectum immediatè & per se non attingunt, possunt tamen latiori & improprio sensu, dici salutis causæ efficientes, nempe, quatenus causa efficiens dicitur omne id quod quovis modo operatur & concurrit ad effectum aliquem, ut Protestantium sententiam explicat Johannes Davenantius, de Justitia habituali & actuali c. 32. *Quod Bellarminus, inquit, in sine sententiæ declaratione affirmat bona opera esse necessariis ad salutem ratione efficientiæ, verum est, si efficientiam latè sumat, pro illo omni quod quovis modo operatur, & concurrit ad effectum salutis: falsum, si efficientiam intelligat, vel meritoriam, quæ sola sita est in iustitia Christi, vel apprehensivam, quæ sola pertinet ad virtutem fidei: vel propriè efficientem, hoc est, quæ pertingit ad ipsum effectum salvationis; quo sensu solus Deus est causa efficiens salutis nostræ. Et postea, Non efficientiam omnem negamus operibus bonis in relatione ad salutem, sed efficientiam meritoriam; vel efficientiam propriè sumptam; nimirum quæ attingit, vel producit ipsum effectum salutis. Efficientiam autem latè sumptam, quæ scilicet, operatur aliquid præcedens effectum salutis, bonis operibus libenter concedimus.*

IX. Sed ut melius concipere possimus quæ sit inter bona opera & vitam æternam relatio, expendere oportet varias similitudines, quibus scriptura sacra illam explicat. Et primo quidem comparat bona opera sementi, vitam æternam messi, sive fructui, qui inde colligitur. *Quæ enim, inquit Paulus, seminaveris homo, hæc & metes.* Quoniam qui seminat carni, de carne metet corruptionem. *Qui autem seminat spiritui, de spiritu metet vitam æternam,* Gal. 6. Simile est quod legitur Psal. 126. *Qui seminant in lacrymis, in exultatione metent.* Et Psal. 58. *Utique fructus est iustus.* Quoniam sicut ille qui terræ committit semina, tempore à Deo & Natura constituto, convenientem fructum inde colligit, ita qui pietati & iustitiæ student, fructuaneam operam non sumunt, sed postquam aliquandiu promissionis divinæ complementum patienter expectant, inde tandem in futura vita enascitur ipsis amplissima felicitatis & gloriæ seges.

X. Præterea vita æterna frequenter comparatur bravio & coronæ, bona opera vero cursum atque certamen. Ut quum Paulus scribens ad Timotheum, ait, *Bonum certamen*

certavi,

certavi, cursum consummavi, fidem servavi. Quod superest, reposta est mihi corona justitiae, quam reddet mihi Dominus in illa die, justus iudex. Et in epistola priorē ad Corinthios, Nescitis quod ii qui in stadio currunt, omnes quidem currunt; sed unus accipit præmium? Sic currite ut comprehendatis. Omnis autem qui in agone contendit ab omnibus se abstinet. Et illi quidem ut corruptibilem coronam accipiant, nos autem incorruptam. Nempe quia sicut qui certat in agone, non coronatur, nisi legitime certaverit, ita quoque nemo debet beatam vitam atque immortalem sibi à Deo polliceri, nisi qui certat adversus proprias cupiditates, & carnem suam in Dei obsequium redigit. Ac præterea quoniam sicut iis qui in stadio, vel in palestra alios superabant, certa præmia erant constituta, ab iis qui ludus illos instituerant, sic etiam vita & gloria æterna præmium est quod ex Dei lege, & promissione, certo manet omnes illos, qui serio & sincerè se in bonis operibus exercent.

XI. Præsertim vero scriptura loquitur de bonis operibus tanquam de p. n. s. quædam atque labore nobis à Deo iuncto: de vita autem & gloria æterna, ut de mercede à Deo promissa, & quæ labori illi à Deo retribuitur. Ita Christus eos alloquens qui propter iustitiam persecutionem patiuntur, *Gaudete, & exultate; quoniam merces vestra copiosa est in caelis*, Matt. 5. Et ad mercedem illam respicit Psalter, dum in custodiendis iudiciis divinis dicit mercedem esse magnam, Psal. 19. Et Salomon etiam in Proverbiis dicens, *Illi qui iustitiam seminat merces fidelis*. Idcirco Paulus ad Corinth. scribens, *Unusquisque, inquit, propriam mercedem accipiet, secundum suum laborem*, 1. Cor. 3.

XII. Porro quum scriptura sacra vitam æternam vocat bonorum operum mercedem, vocem mercedis sumit non strictè & propriè; sed laxiore sensu, & quod interius improprio; prout significat omne id quod iuxta pactum quodlibet, labori & operi alicui retribuitur. Ad cuius rei intelligentiam, observandum est ad mercedem propriè dictam duo omnino requisita esse. Primo ut inter laborem & mercedem sit proportio, non quavis, sed proportio quædam æqualitatis. Deinde ut stricto iure, & ex iustitiâ propriè dicta, merces labori debeatur. Neutrum autem hic locum habet.

XIII. Nam quod ad primum attinet, vita & gloria æterna remuneratio talis & tanta est, ut bonorum nostrorum operum pretium & valorem, si ex se æstimetur, longissime excedat. Est enim illa bonum undique perfectum. Bona vero opera nostra multis laborant defectibus: nec exacta sunt ad legis divinæ rigorem atque æquitas. Quod si inter bona fidelium opera sumenda sunt ea quæ maxime eniunt, & præstantissima videntur; nulla occurrunt quæ præferri possint passionibus pro Christo patienter ex Dei amore toleratis. Et tamen de iis loquens Apostolus, cap. 8. epist. ad Rom. Existimo, inquit, quod non sint condigne passioner huius temporis ad præteritam gloriam, quæ revelabitur in nobis. Quibus affine est quod modo citavimus ex eodem Apostolo, *Id enim quod in presenti est momentaneum & leve tribulationis nostræ, supra modum in sublimitate æternam gloriæ pondus operatur in nobis*, 2 Cor. 4.

XIV. Et certè Deum operibus nostris, quæ ex ejus amore fiunt, tribuere mercedem multo largiorem & uberiorem, quam per se exigere possint, satis indicat Christus Lucæ cap. 6. dum ait, Deum suis remittere mensuram non tantum bonam, sed superfluentem. *Dare, inquit, & dabitur vobis. Mensuram bonam & confertam, & coactam, & superfluentem dabit in sinu vestro*. Quibus verbis divinæ remunerationis, supra ea quæ præstare possumus, amplitudinem exaggerat.

XV. Quamvis autem inter bona fidelium opera, & vitam cœlestem atque immortalem, quam Deus illis retribuit, non sit proportio æquivalentiæ, sive æqualitatis pretii & valoris, interea tamen est, ut patet ex jam dictis, habitudo multiplex, & proportio quædam, ut sic dicam, convenientiæ: cuiusmodi notare licet inter sententiam & mensem; inter semen & fructum qui ex eo oritur: inter certamen & coronam, quæ in certamine vincenti destinatur, quibus similitudinibus utitur scriptura in hoc negotio: Item inter medium & finem: inter viam & terminum, ad quem via illa ducit: inter bonum morale; id est, virtutem atque sanctitatem, & bonum physicum ex adverso illi respondens, id est, felicitatem & beatitudinem: inter initium rei, & ejus consummationem; sive inter rem inchoatam, & rem eandem consummatam. Denique inter res ejusdem ordinis, & quæ ab eodem principio manant, & per naturam inter se quandam connexionem habent. Nam bona opera ad gratiam pertinent, quæ est gloria inchoata: cum contra gloria sit gratia consummata. Deinde bona opera rationem habent boni moralis, vita æterna vero boni, ut sic dicam, physici. Ac præterea utraque sunt ordinis supernaturalis, & eundem Spiritum sanctum autorem habent.

XVI. Inde est quod scriptura dicit Deum reddere singulis, tam bonis, quam malis, *κατά τὰ ἔργα αὐτῶν*, secundum opera ipsorum, id est, prout eorum operibus congruit & confen-

consentaneum est. Etenim conveniens est, & omnino divinam sapientiam decet, ut bonis bene sit, sicuti malis male. Et ut qui bene & laudabiliter in hoc sæculo se gesserunt, & quidem supra quam ferat naturæ modus; in altero sæculo bene & feliciter, supra naturæ quoque modum sese habeant.

XVII. Propterea etiam qui in hoc mundo pie & iuste vivunt, & patiuntur pro Christo, vita & gloria coelesti in scriptura sacra digni pronuntiantur. Ut in illo Apocalyp-
 3. 4. *Ambulabunt mecum in Albis, quia digni sunt.* Et 2 Thess. 1. Ubi docet Apostolus
 piorum fidem & patientiam probari multis persecutionibus & tribulationibus, ut dig-
 ni habeantur regno Dei, pro quo & patiuntur. Quanquam enim non sunt condignæ pas-
 siones huius temporis ad futuram gloriam, quæ revelabitur in nobis, ut supra citabamus
 ex eodem Apostolos, scilicet, afflictio levis & momentanea, ad æternam gloriæ pon-
 dus nullam æqualitatis proportionem habet; nihilominus qui adversa pro Christi no-
 mine constanter tolerant, & adversus proprias concupiscentias lactantes, divini spiritus
 motibus obsequuntur, digni sunt regno Dei, & corona gloriæ, quia Deo dignum est, eos
 qui ad ejus iustum legitime certant, eis donare brevius quæ decent ejus bonitatem, &
 munificentiam: & illis qui ex ejus amore, & in ejus gloriæ virtutem sectati sunt, ea
 largiri præmia quæ non ad officii ab ipsis præstiti tenuitatem exigantur, sed majestati
 & magnitudini remunerantis respondeant.

XVIII. Cæterum ejusmodi naturæ consensionem & convenientiam, inter vitam æ-
 ternam & bona piorum opera à Doctoribus Reformatis agnoscit, fidem facere possunt
 * De justitia
 actuali cap.
 33.

virī celeberrimi, Joannes Davenantius, & Moses Amyraldus. Nam prior ille explicans
 quomodo bona Renatorum opera ad præmium vitæ æternæ referantur, & ordinata sint,
 non tantum observat illa esse ad præmium ordinata, quia Deus gratuito, secundum be-
 neplacitum voluntatis suæ, promittit præmia huius vitæ & futuræ bonis operibus homi-
 num fidelium & Renatorum: sed præterea affirmat bona illa opera habere quandam
 ordinationem, aut saltem aptitudinem ut ordinentur ad præmia divini triplici veluti de
 causa. 1. Ex conditione ipsius operantis. 2. Ex conditione ipsorum operum. 3. Ex dif-
 ficultate faciendi bona opera. Primo, inquam, ex conditione ipsius operantis. Nam, inquit,
 cum ipse operans supponatur fidelis & justificatus, præsumitur etiam in gratiam & amicitiam
 divinam admitti. Lex autem amicitiae requirit ut quelibet obsequia, quæ amicus ex-
 hibet magno suo amico, pensentur non pro tenuitate officii præstiti; sed pro dignitate & mani-
 ficientia ejus cui offeruntur. Quandoquidem igitur Renati inter amicos Dei numerantur, jux-
 ta dictum Christi, * Vos amici mei eritis, si feceritis quæcunque mando vobis, quando
 hoc pia voluntate conantur, possunt expectare à Deo benevolo & amico, ea præmia quibus a-
 micos suos solet corroborare. Deinde ex conditione ipsorum operum. Nam, inquit, hec o-
 pera quæ dicuntur bona, semper manare debent ab amore Dei, & spectare ad bonorem Dei.

Tale autem opus quamvis non habeat condignitatem ad præmium celeste, habet tamen, ut
 ita dicam, ordinabilitatem. Nam facere aliquid ex charitate Dei, amorem Dei provocat erga
 facientem, qui cum in effectu, non in effectu situs sit, boni alicujus collationem secum offerat est
 necesse. Sic referre opera nostra ad bonorem Dei, illum quasi excitat ad nos honorandos, & di-
 vinitus præmiis efficiendos, sic docet sacra scriptura, † Honorantes me honorabo. Quisquis
 vobis dedit poculum aquæ in nomine meo, quia Christi estis, non perdet mercedem.

† 1 Sam. 2.
 30.
 Marc. 9. 41.

Quasi diceret nullum opus tam tenue est, quin si fiat ob amorem, & in bonorem meum, præmi-
 um luculentum acquirat facienti. Denique dicit ipsam difficultatem faciendi opera bona,
 quæ oritur ex Diabolo & mundo adversante, & carne reluctante & stimulante ad con-
 trarium, dare illis quandam convenientiam ad præmia divina. Nam, inquit, legitime
 certanti ad iustum brachia, præmium aliquod conferendum semper decernitur. Quandoqui-
 dem igitur bona opera non fiunt sine adversariis & certamine; nam caro concupiscit adversus
 spiritum (ut nihil dicam de Diabolo & mundo, qui bene operantibus quasi bellum indicunt)
 habent ex hac parte difficultatem quandam ad præmia ordinationem. Potest igitur qui in bo-
 norum operum palestra sudaverit & dimicaverit, dicere cum Apostolo, Certamen bonum
 certavi, cursum meum absolvi, fidem servavi. De reliquo reposita est mihi iustitiæ
 corona, quam reddet mihi Dominus, &c. 2 Tim. 4. 7, 8.

XIX. Similiter bonorum operum cum vita æterna convenientiam pluribus quo-
 que persequitur, et accuratè exponit Vir Celeb. M. Amyraldus, in libello Gallico
 de Merito operum adversus Theoph. Brachetum Millerium pag. 50. Ubi ratio-
 nem reddens, cur Deus dicatur iustus reddere secundum ipsorum opera, obser-
 vat particulam *secundum*, id est, *secundum*, in genere significare omnem relationem,
 seu convenientiam, quæ est inter duas res, inter bona vero iustum ope-
 ra, et inter vitam æternam reperiri convenientias admodum claras et
 expressas.

expressas. Primo enim bona opera esse bonum quoddam Morale, vitam autem & gloriam bonum Phycicum, ut loquantur: prius illud in virtute, alterum in gaudio & lætitia consistere: & sic in eo hæc duo convenire, quod utrumque bonum quoddam est, quamvis non ejusdem generis. Deinde bona opera referre Dei imaginem, quatenus bonus & sanctus est: Vitam autem & gloriam, quatenus est felix & beatus: & sic duo ista in eo convenire, quod in utroque imago Dei peculiari quodam modo elucet. Tertio Deum propterea sanctitatem & bonis operibus delectari, quoniam aliquid de naturæ illius præstantia participant: sicut è contra Deus peccatum odit, quoniam puritati naturæ ejus adversatur. Quarto hinc factum esse ut Deus sanctitati & bonis operibus promiserit beatitudinem, sicut ex adverso peccatas & supplicia peccato minatus est.

XX. Et postea pag. 60. & seqq. explicans quomodo fideles qui bonis operibus student regno Dei digni sint, primo docet illos ratione sanctitatis quæ ipsis inest, regno cœlesti dignos pronuntiari, non quidem absolute, si Deus illos rigide examinet: sed tamen comparatè ad impios, qui peccati fordibus immergi sunt. Deinde notat duo esse in rebus dignitatis genera. Unum quod consistit in quadam relatione iustitiæ. Quo sensu Operarius dicitur dignus esse mercede sua. Alterum quod solum consistit, in quadam naturæ convenientia: ut quum dicitur, *Facite fructus pœnitentiæ dignos*, id est, qui ipsi congruant & consentaneæ sint. Atque hoc posteriori sensu affirmat pios esse æterna gloria & felicitate dignos, quoniam sicut felicitas & status peccati natura repugnant, & comparari non possunt: ita quidam est naturæ consensus inter felicitatem, & sanctificationem, quam vera pœnitentia produxit. Ac præterea quoniam posita promissione remunerationis quæ bonis piorum operibus facta est, digni sunt illi remuneratione, quia sunt in statu quem exigit promissio, & quam postulat illa dispositionem habent.

XXI. Porro quamvis inter bona fidei opera, vitam ac gloriam æternam quam Deus illis retribuit, sit quædam convenientia ratione cujus fideles vita æterna digni in Scriptura dicuntur, minimè tamen existimandum est bonis eorum operibus vitam æternam per se & stricto jure deberi. Nam ut operi & labori præmium ex juris rigore debeat, non sufficit simplex inter opus & præmium convenientia: sed requiritur ut opus quoad pretium & valorem præmio æquipollet, & inter utrumque sit illa proportio æqualitatis quam hic locum non habere ex Scriptura jam ostendimus.

XXII. Et certe si bonis iustorum operibus deberetur vita æterna stricto jure, non effet cur illi rigidum & severum Dei iudicium extimescerent & deprecarentur. Quid enim illis à Deo, timendum est, qui pro suo jure vitam & gloriam æternam ab eo possunt exigere? Et tamen videmus homines etiam sanctissimos, & qui bonis operibus maximè illustres fuerunt, severum ejusmodi iudicium deprecari. Testis sit David vir secundum cor Dei cujus hæc est vox, *Psal. 143. Non intres in iudicium cum servo tuo: quia non justificabitur in conspectu tuo omnis vivens.* Et Job vir rectus & simplex timens Deum & recedens à malo, qui cap. 9 sic affatur amicis, *Verè scio quod ita sit, & quod non justificetur homo compositus Deo. Si volueris contendere cum eo, non poteris ei respondere unum pro mille.*

XXIII. Præterea quicquid sumus & possumus à Deo habemus; ipse vero nihil potest à nobis accipere, nec bonorum nostrorum eget. Juxta illud sæpius in Scriptura repetitum *Quis prior dedit illi & retribuetur ei?* Duplici jure, nempe, creationis & redemptionis, Dominus est, & herus noster: nos vero ejus servi & mancipia qui omnia nostra ipsi in solidum debemus. Proinde quicquid boni perfecimus, cum tot nominibus ipsi debitum sit, & tamen ei prorsus inutile, per se non potest ipsum ad retribuendam mercedem obligare, nedum tantam & tam magnificam. Hoc est quod docet Christus in parabola *Luce 17. Quis autem vestrum habens servum arantem, aut pascentem boves, qui regresso de agro dicat illi statim, transi, & recumbe & non dicit, Para quod canem, & præcinge te, & ministra mihi, donec manducem & bibam: posthac tu manducabis & bibes? Nunquid habet gratiam servo illi, quia fecit quæ ei imperaverat? Non puto, sic & vos, quum feceritis omnia quæ præcepta sunt vobis, dicite, servi inutiles sumus: quod debuimus facere fecimus.*

XXIV. Itaque si quid juris per bona nostra opera ad vitam æternam habemus fundatum

G g g g

darum est in gratuita promissione Dei, qui pro immensa sua bonitate, in verbo suo declaravit se velle obsequia nostra, utut languida atque tenuia, vita & gloria aeterna præmiari: cum tamen absque ulla injustitia, talem & tantam mercedem operibus nostris nec dare nec promittere posset.

XXV. Ideoque Scriptura sacra vitam æternam ita mercedem vocat, ut etiam significet illam esse donum gratuitum quod per misericordiam Dei nobis obtingit. Huc pertinet quod *Petrus* capite prioris epistolæ, jubet fideles *perseverare in gratiam quæ nobis offertur in revelatione Jesu Christi*. Nam per revelationem Jesu Christi manifestum est ipsum intelligere ultimam Christi apparitionem, in qua non alia gratia nobis offerenda est, quam æterna vita & gloria corporis & animæ qua ex gratuita propter Christum promissione, fideles omnes tum à Deo donabuntur. Inde est etiam quod *Paulus Onesiphoro*, cujus charitate recreatus fuerat, æternam felicitatem & salutem exoptans, Dominum rogat *ut det illi invenire misericordiam à Domino in illa die*, 2. Tim. 1. 18. Apertè significans Deum in die extremi judicii, quum piorum opera gloria coronabit, misericordia erga illos usurum. Ac præterea in hanc rem citare solent Theologi quod legitur, *Psal. 103. Qui coronat te in misericordia & miserationibus*. Et quod legitur apud *Paulum*, Rom. 6. *Stipendia peccati mors: gratia autem Dei, vita æterna in Domino nostro Jesu Christo*.

XXVI. Et certè maximo jure vita æterna gratia dici debet; non solum quia Deus illam ex mera liberalitate, nullo jure obstrictus, nulla necessitate ductus bonis fidelium operibus promittit: sed etiam quia ipsa bona fidelium opera ex Dei Gratia procedunt, & sunt gratuitum Spiritus Sancti donum. Adde quod obsequia nostra, quibus tam amplam remunerationem Deus pollicitus est, multis defectibus laborant, & sunt frequentibus lapsibus intercisâ: & proinde multa condonatione, & magna clementia ac benignitate egent, ut ad vitam æternam à Deo acceptentur.

XXVII. Porro cum justitiæ rigor misericordiam & gratiam excludat, hoc ipso quod vita æterna divinæ gratiæ & misericordiæ accepta ferenda est, certum est illam operibus nostris ex justitia strictè dicta non reddi. Ea enim strictè & propriè justitia dicitur quæ jus suum unicuique absque gratia & favore tribuit: & per quam aliquis servat, prout lege tenetur, æqualitatem rei cum re; & accepta debito & æquali præmio compensat: absque quo foret iniquus & injustus. & alterum eo quod ipsi debetur contra jus fasque fraudaret. Quæ justitia in Deo hominum respectu nullum potest habere locum, cum Deus omnibus omnia dederit, nec simpliciter quicquam ulli debeat.

XXVIII. Neque tamen negandum est Deum sic ex gratia & misericordia bona regnitorum opera remunerari, ut etiam in eo servat aliquem justitiæ modum & eatenus possit denominari justus latiori quadam significatione. Primo enim servare & adimplere promissa aliqua ratione ad justitiam pertinet, & in justitiam quodammodo peccat qui recusat stare promissis. Deus autem quum vitam & gloriam æternam bonis piorum operibus rephedit, in eo ratam facit suam promissionem, & servat ea quæ gratuito promittit. Huc spectat quod dicit Apostolus epistola ad *Hebræos*, *Non enim injustus est Deus, ut obliviscatur operis vestri, & dilectionis quam ostendistis in nomine ipsius, qui ministrastis, sanctis & ministrastis* Hebr. 6. 10. Nam Deum, si charitatem fidelium oblivisceretur, injustum fore dicit, quia tum negaret ipsis præmia quæ pollicitus est, quod à justitia, id est, fidelitate Dei, alienum est.

XXIX. Præterea quum Deus eos qui pietati & charitati student felicitatē & gloria coronat, justitiam aliqua ratione exercet, quia in eo facit quod decet bonitatem & æquitatem ejus, quæ postulare videtur ut bonis beneficiat, & justitiam a sanctitatem veram, quam justus cum sit non amare non potest, pro sua magnitudine amplissimè remuneretur. Sacra vero Scriptura in Deo sæpe justitiam nominat concedentiam bonitatis ipsius, ut Scholastici loquuntur: & Deum justum vocat quum facit ea quæ congruunt ejus sapientiæ, æquitati & benignitati. Eo referre potest quod dicit Apostolus, 2. *Thess. 1. Justum est apud Deum retribuere tribulationem iis qui vos tribulant: & vobis qui tribulamini requiem nobiscum in revelatione Domini Jesu*. Dicit enim justum esse apud Deum tribuere requiem iis qui propter Christum injustè affliguntur, quia istud omnino divinæ sapientiæ & æquitati consentaneum est.

XXX. Adde

XXX. Adde quod ille speciem aliquam iustitiæ exercet; qui quum præmia distribuenda sunt, nullius personam accipit; sed singulis tribuit quod est rationi congruum, quodque lex ab ipso posita postulat. Deus autem non minus in distribuendis præmiis cœlestibus, quam in suppliciis inferni infligendis, ab omni personarum acceptione cavebit: adeoque absque ullo ad gentem, conditionem & dignitatem hominum respectu, singulorum piis & sanctis operibus, præmia in Evangelio constituta tribuet, & propriam mercedem unicuique reddet secundum proprium laborem; qui plus in opere Dei laboraverint, & graviora atque duriora certamina pro ipsius gloria fortiter subierint, plus etiam laudis & gloriæ ab eo in ultimo iudicio reportaturis. Quo spectat Apostolus, cum à Deo, ut iusto iudice sibi pollicetur gloriæ coronam, 2. Tim. 4. v. 7. 8. *Bonum, inquit, certamen certavi, cursum consummavi, fidem servavi. De reliquo reposita est mihi corona iustitiæ, quam reddet mihi Dominus in illa die iustus iudex: non solum autem mihi, sed & iis qui diligenter adventum ejus.*

XXXI. Atque hanc esse mentem & doctrinam Ecclesiæ Reformatæ fidem quoque facere possunt duo illi Celeberrimi Theologi modo citati. *Davenantius* enim de Iustitia Actuali cap. 60. locum ex epist. ad *Hebr.* citatum exponens, docet Deum iniuste acturum, si non redderet præmium bonis operibus, quoniam ageret contra rationem sapientiæ suæ, quæ est ipsi tanquam lex: non quod eriperet nobis aliquid debitum operibus nostris, secundum rationem iustitiæ propriè dictæ, quæ in æqualitate dati & accepti consistit. Item Deum dici ex iustitia agere, quum bonis operibus dat vitæ æternæ præmium; non quod æqualitatem observet inter dignitatem operum & præmiorum: sed quod fidem servet in exhibitione promissorum. Et cap. 66. affirmat totum hoc jus quod nos habere dicimur ad vitam æternam, in eo positum quod Deus quasi sibi ipsi debitor est, ut agat conformiter tum condecentiæ bonitatis suæ, tum fidelitatis promissionis suæ.

XXXII. Quomodo vero deceat bonitatem divinam vitæ æternæ piorum opera remunerari explicat ejusdem libri c. 57. Responsione ad 3. argumentum. Ubi fatetur congruum esse bonitati & munificentiæ divinæ rependere vitam æternam illis qui minora beneficia nondum ullis meritis adæquarunt. Quia vitæ æternæ non magis superat opera piorum hominum dignitate & excellentia, quam ipse Deus superat homines, ac propterea condecens est ut quum homines Deo exhibent obsequia pro viribus suis, Deus retribuat illis præmia pro maiestate sua. Cum concipi possit quædam proportio Geometrica, inter Deum infinitum, & hominem miscellum, atque inter infinitum Dei præmium, & curtum hominis obsequium.

XXXIII. Denique sub finem capitis 60. docet Deum in retribuendo præmia fidelibus, iustum iudicem agere, & similitudinem quandam iustitiæ distributiæ exercere, nec personarum esse acceptorem: quoniam in illa retributione, licet præmium cuiusque multum opus illius excedat, tamen unicuique reddit secundum qualitatem bonorum operum, bonis scilicet operibus retribuendo bonum præmium: ac præterea secundum proportionem quandam operum, quia maioribus & sanctioribus operibus tribuit majora & clariora præmia. Neque spiritalia præmia, quæ secundum divinam ordinationem proponuntur fidelibus sanctis & piè viventibus, dat nobilibus, opulentis, seu quibuscunque aliis, absque respectu ad fidem & sanctitatem eorum, quod esset similitudinem quandam iniustæ personarum acceptionis incurtere. *Quando, inquit, Deus summus cali ac terre imperator dat singulis Christianis militibus fortiter pugnantibus vitam æternam & beatam: quibusdam autem in hac vita beatis, pro diversa mensura gratiæ quam egregiè exercuerunt, diversam & egregiam mensuram gloriæ, vitas æternas quas quam Scripturæ à Deo remouent, & tenet proportionem inter diversorum opera & præmia. Non tamen inde efficitur iniquis quæque vel egregiè militis virtutem, ex æquo respondere præmio vitæ beatæ, aut gradui quem tenet in vita beatæ, si æqualitas rei ad rem attendatur.*

XXXIV. His affinia tradit vir Celeb. *M. Amyraldus*, in tractatu Gallico de Iustificatione adversus *Milletterium* pag. 200. Ubi docet Deum, quatenus bona fidelium opera coronat, Iustum nominari posse triplici respectu, live tribus de causis. Et primo quidem quia naturæ divinæ puritas, quæ iustitia etiam vocatur, vera causa est amoris quo Deus prosequitur quicquid in creaturis eam refert & imitatur: juxta illud *Psal. 11. Dominus iustus iustitiam diligit.* Deinde quia si

quis homines pios cum impiis comparet, & discrepantem horum & illorum retributionem, quod in se & absolute loquendo puræ misericordiae est, videtur aliquo modo esse iustitiae. Ad quod applicat illud *Pauli*, *Iustum est apud Deum tribuere tribulationem eis qui tribulant vos: & vobis qui tribulamini requiem in revelatione Domini Iesu de caelo*. Tertio quia quum Deus misericorditer nos remuneratur, id facit consequenter ad promissiones suas. Jam autem fides in promissis iustitiae quoque solet appellari: juxta illud *Ciceronis*, *Fundamentum iustitiae fides est*.

XXXV. Haecenus ergo manifestum fecimus, juxta rei veritatem, & communem Scholæ Reformatæ doctrinam, magnam quidem esse convenientiam atque habitudinem inter vitam æternam & bona Renatorum opera: sed tamen inter ea non reperiri proportionem illam æqualitatis, in qua iustitia propriè dicta fundatur: adeoque bonis operibus vitam æternam per se & stricto jure non deberi, neque ex iustitia propriè dicta rependi. Unde sequitur quod probandum suscepimus, nempe vitam æternam, respectu bonorum operum, non habere rationem mercedis propriæ & strictè sic dictæ.

XXXVI. Cum autem merces & meritum sint relata quorum uno posito, ponitur & alterum; altero sublato tollitur & alterum; hoc ipso quod vita æterna, bonorum operum respectu, non habet propriè dictam rationem mercedis, manifestum est quoque bona opera respectu vitæ æternæ, non habere propriam rationem meriti.

XXXVII. Et certè quamvis Theologi variant in assignanda meriti propriè dicti ratione, atque alii plures, alii pauciores condiciones ad eam requirant; omnes tamen Protestantés in eo conveniunt ad meritum propriè sumptum duo omnino necessaria esse; Unum ut opus sit par & æquale mercedi: alterum ut mercedem tantquam stricto jure debitam, ex iustitia propriè sic dicta exigere possit. Quæ duo cum à nostris operibus, abesse in hoc negotio sentiant & doceant communi consensu Protestantés omnes; inde fit ut etiam unanimiter negent bona nostra opera esse vitæ & gloriæ æternæ meritoria.

XXXVIII. Attamen quemadmodum Scriptura sacra vitam æternam vocat bonorum operum mercedem, communiori & laxiore sensu ita quoque prisca Ecclesiæ Doctores meriti nomen bonis operibus tribuunt, latiori quadam significatione. Nempe meritum appellant opus omne ad laudem, vel præmium imputabile; sive opus omne quo aliquid consequimur atque impetramus, & quod est ad præmium aliquod ordinatum. Ac proinde quum affirmant fideles bonis & sanctis suis operibus vitam & gloriam æternam mereri, non aliud sibi volunt; quam bona opera esse media à Deo ordinata, per quæ ad vitam & gloriam æternam perveniatur; & condiciones quibus gratuito à Deo promissa est.

XXXIX. Ejusmodi vero impropriam meriti rationem neque nos bonis fidelium operibus inesse negamus; nec vocem meriti hoc sensu acceptam simpliciter damnamus & rejiciendam censemus. Agnoscimus bona fidelium opera ipsis ad gloriam æternam imputari, & ad præmium vitæ coelestis ordinata esse, ut abundè liquet ex iis quæ fuerint ante expolita.

XL. Idem nobiscum docet & observat *David Pareus*, Proœmio in lib. 5. *Bell. de Justif.* ubi postquam retulit *Gabr. Biel* meritum definire opus imputabile ad laudem, subiungit, *Hoc sensu si forent contenti adversarii nulla foret questio*. Neque enim est dubium bona opera esse digna laude apud Deum & homines. Ac præterea addit. *Dici etiam potest meritum esse opus imputabile ad præmium, hoc est dignum præmio*. Neque hoc simpliciter negabimus, modo servetur distinctio gratiæ & juris.

XLI. Quibus consentanea leguntur apud *Joan. Davenantium* de Justitia actuali cap. 53. *Nam, inquit, apud Patres mereri nihil aliud denotat quam beneficium aliquod à Deo, mediante opere bono consequi, sive impetrare: & meritum nihil aliud sonat apud eosdem, quam opus bonum à Deo ordinatum ad remunerationem*. Mereri igitur vitam æternam est facere illa opera quæ, juxta Dei ordinationem, sunt media perveniendi ad eandem. Siquis hoc sensu bona opera Renatorum appellet merita, nimirum quia sunt ordinata à Deo ad mercedem: atque docet Renatos mereri vitam æternam, quia ambulantes in via mandato, um divinatorum, tandem Deo remunerante coronam gloriæ æternæ consequuntur, in modo loquendi conspirat cum Patribus, in ipsa re cum nobis. Et similiter cap. 54. *Oppugnamus, inquit, non nudum nomen meriti innoxio sensu à Patribus olim frequentatum: sed superbam & falsam meriti condign. opinionem à Pontificiis nuper*

nur in Ecclesiam introductam. Nam quod Pater sub meriti nomine intellexerunt, nimirum opus homini fidelis & Renati supernaturali bonitate præditum, in ordine supernaturali Deo gratum & acceptum, atque ad præmia gratiosa, tam huius quam future vite, ex munificentissimi Dei promissione ordinatum, id totum nostri semper concesserunt.

XLII. Imo merendi & meriti voce hoc sensu sumpta utuntur nonnullæ Protestantium confessiones. Nam *Wertembergica* Confessio, Titulo de Bonis operibus, incipit his verbis. Docemus bona opera divinitus præcepta necessario facienda esse & mereri gratuita Dei clementia, sua quedam, sive corporalia, sive spiritualia præmia. Et *Augustana* quoque Confessio Artic. 6. sic habet, Semper igitur sentiendum est nos consequi remissionem peccatorum, & personam pronunciari iustam, id est, acceptari gratis propter Christum per fidem. Postea vero placere etiam obedientiam erga legem, & reputari quandam Iustitiam, & mereri præmia. Et postea art. 20. tit. de bonis operibus. Quamquam, inquit, hæc nova obedientia procul abest à perfectione legis, tamen est iustitia, & meretur præmia, ideo quia persona reconciliata sunt. Atque ita de operibus iudicandum est: que quidem amplissimis laudibus ornanda sunt, quod sint necessaria, cultus Dei, & sacrificia spiritualia, & mereantur præmia.

XLIII. In Apologia vero ejusdem confessionis similia plura habentur. Sic enim loquitur ad articulum 6. Docemus bona opera meritoria esse, non remissionis peccatorum, gratiæ, aut justificationis, sed aliorum præmiorum corporaliū & spiritualium, in hac vita, & post hanc vitam: quia Paulus, inquit, unusquisque recipiet mercedem juxta suum laborem. Erunt igitur dissimilia præmia, propter dissimiles labores. Similiter ad articulum 20. Postea, inquit, Opera quia placent Deo, mereantur alia præmia corporalia & spiritualia. Sunt enim discrimina gloriæ Sanctorum.

XLIV. Sed quamvis Protestantes vocem meriti præcis Ecclesiæ Doctoribus, sensu illo improprio & innoxio usitatam agnoscant; imo & in quibusdam recentiorum confessionibus usurpatam, nihilominus hodie ab hoc vocabulo absterne: nec patiuntur bonis fidelium operibus respectu vitæ & gloriæ celestis, meritum aliquod tribui, & illa vitæ, vel gloriæ meritoria dici: propterea quod illa vox in Scholis Pontificiis in sensum pravum detorta est. Ad significandam, scilicet, in bonis operibus, respectu vitæ æternæ, condignitatem quandam; ob quam censeantur esse pretium ei æquivalens, & propter quod ex iustitia propriè dicta illis debeatur. Multo melius & tutius est, inquit Davenantius, ab hoc verbo abstinere. De Iustitia Actuali cap. 53. Et cap. sequenti, Utique, inquit, nostri Theologi jam absterneant à vocabulo meriti, quo Patres frequenter utuntur, id tamen faciunt non quod à Patribus dissentiant; sed ne Papistis consentiant, qui illud vocabulum in sensum perniciosum & Hereticum oborto quasi collo rapuerunt. Quibus similia leguntur in Theobis Vossii, Disput. 4. De bonorum operum meritis. Nos, inquit, merendi vocabulum non in totum quidem damnare ausumus, ut quo tum veterum plurimi utuntur, tum Reformati usi sint in confessionibus suis; Augustana dico, & Wertenbergenfi: nihilominus potius cum Scripturis loquendum putavimus: præsertim cum meriti vox ambigua sit, ac nostro imprimis sæculo, superbiæ nomine periculosa.

THESES



THESES THEOLOGICÆ;
DE
BONORUM OPERUM
RELATIONE
AD
VITAM ÆTERNAM.

PARS SECUNDA.

*In qua refertur Sententia Doctorum Ecclesiæ Romanæ,
& colligitur atque expenditur Controversiæ status.*

T H E S I S I.

THESIS I. Superioribus, quantum in nobis fuit, accuratè exposuimus quid Theologi Reformati sentiant circa bonorum operum relationem ad vitam æternam: sequitur ut etiam breviter exponamus quæ sit hac de re sententia Ecclesiæ Romanæ.

II. Et quidem factis notum & manifestum omnibus est, ex communi Doctorum scholæ Romanæ consensu, bona opera reatorum condigna esse vitæ & gloria æternæ, illis eam jure deberi, & ex justitia esse retribuendam; adeoque bona opera vitæ æternæ de condigno meritoria esse. Sed necesse est ista distinctius exponi ut quæ sit eorum mens clarè percipiatur. Nam nisi quis scripta illorum evolverit, ex istis loquendi formulis facile quid concipiet ab eorum mente diversum. Ac præterea, quamvis eo modo loquantur omnes, non idem tamen omnes sentiunt atque intelligunt.

III. Primum enim, quamvis communiter doceant bona opera justorum ad vitam æternam habere condignitatem & proportionem quandam, attamen alii plus, alii minus hac in parte bonis operibus tribuunt. Siquidem nonnulli sunt qui bonis operibus ex gratia Christi factis æquale omnino pretium cum vitæ æternæ tribuere videntur. Inter hos numerare possumus *Gabrielem Vazquez*. Nam tom. 2. in 1, 2, Disput. 214. cap. 11. dicit vitam æternam & bona justorum opera inæqualia quidem esse secundum id quod formaliter habent: quoniam ex gr. gaudium æternæ beatitudinis multum excedit tribulationem præsentis vitæ quam pro Christo patiuntur justî: sed hoc non obstat quominus inter bona illa opera & vitam æternam sit æqualitas secundum dignitatem & meritum: quemadmodum peccata & poena æqualia quoque non sunt secundum quod est in utroque formaliter: quandoquidem plus est tormenti & doloris in poena quæ infligitur propter peccata, quam sit delectationis in ipso peccato. Et tamen nemo negabit, inter peccatum & poenam esse æqualitatem condignitatis, & poenam hoc respectu peccato æqualem esse, non majorem quam peccatum mereatur & dignum sit. Unde postea disp. 215 cap.

2. colligit

2. colligit à Colonienſibus Jeſuitis rectè diſtūg cœlum proponi nobis venale; & quod meritis condignis tanquam pretio æquali comparandum ſit. Quibus conſentit *Puteanus* Monachus Auguſtinianus, ante aliquot annos in Academia Tholoſana Theologie profeſſor. Nam in 1, 2. q. 114. art. 1. dubitatione 7. dicit inter meritum noſtrum & vitæ æternæ præmiū reperiri perfectiſſimam æqualitatem & condignitatem. Quod idem repetit dubit. 8. ad tertiam & quartam concluſionem.

IV. Alii vero minus durè hac in parte loquuntur. Ita *Thomas Stapletonus* de Juſtificatione lib. 10. cap. 2. Dicit quidem opera gratiæ habere quandam condignitatem & æqualitatem ad vitam æternam, qualem debet habere meritum ad præmiū: quoniam ſemen vitæ æternæ eſt ipſa gratia, quæ proinde illi gloriæ æqualis eſt in virtute, etſi non ætæ; ſicut ſemen eſt æquale arbori. Sed poſtea ſubjungit, rationem meriti non deſiderare ſtriſtā juſtitiae æqualitatem, quoniam non eſt opus ſervile, aut mercenarium; ſed eſt opus virtutis atque adeo charitatis, quæ amicitiam ponit; ut ſic de Deo tanquam de Patre mereamur. In huiusmodi autem juſtitiae operibus præmiū non ex rei æqualitate, ſed ex perſonæ dignitate, vel acceptatione compenſatur.

V. Similiter *Bellarminus* de Juſtificatione lib. 5. cap. 17. dicit quidem bonum opus juſti eſſe par & æquale mercedi vitæ æternæ: ſed iſtud poſtea exponit de æqualitate proportionali, cap. 18. Ubi dicit ad meritum ex condigno non requiri æqualitatem abſolutam inter meritum & præmiū; ſed ſatis eſſe proportionalem, qualis inter fontem & flumem quod ex fonte oritur: inter ſemen & rem cujus eſt ſemen, cui ſemen æquale eſt, non quoad molem, ſed quoad virtutem; ac denique inter viam & terminum ad quem via illa ducit, quibus ſimilibus mentem ſuam explicat, cap. 17. Negari non poteſt, inquit, quin beatitudo longe excellat actioni meritoriae, cum in illa ſit cognitio & charitas perfecta; in iſta vero ſit cognitio & charitas imperfecta. Sed non requiritur abſoluta æqualitas inter meritum & præmiū, ſecundum juſtitiam diſtributivam, ut dici poſſit præmiū deberi merito ex condigno, etiam ex parte operis: ſed ſufficit ut ſit proportio quedam ſecundum quam is qui meretur dici poſſit, dignus eo præmio. Nam hic etiam in terris qui doctrina & bonis moribus prædiſtus eſt, & pro Eccleſia aliquamdiu laboravit, dignus Episcopatus judicari ſolet, quamvis abſolute dignitas episcopalis ampliſſima ſit, & nullo pretio comparabilis. In rebus quoque naturalibus diſpoſitio ad formam multo imperfectior eſt ipſa forma, & tamen ex naturali quadam juſtitia ſubjectio rei diſpoſitio forma debetur. Sic igitur qui Deum ex toto corde diligit, ac per hoc mundus eſt corde, pacificus, humilis, miſericors, dignus eſt quo ad beatitudinem illam admittatur, quæ diligentiſſimis Deum, mundis corde, pacificis, mentibus, miſericordibus, humilibus, ut rei diſpoſitis promiſſa eſt. Et Paulo poſt, Ideo dicimus, inquit, ex condigno fidei formata per charitatem deberi viſionem cum ardentiffima charitate, quia dignum eſt ut res à Deo inchoata & diſpoſita tandem perficiatur, & abſolvatur.

VI. Qualiſcunque vero ſit bonorum operum, reſpectu vitæ æternæ, condignitas, nolunt Doctores Eccleſiæ Romanæ illam competere bonis operibus, quatenus ſolem ex propria natura æſtimantur, & ſecundum bonitatem quæ ipsis intrinſecè inneſt; ſed dignitatem iſtam ortum habere docent, ſaltem magna ex parte, à principio unde manant & à dignitate perſonæ operantis. Nempe opera juſtorum condigna eſſe vitæ & gloriæ æternæ, quia ſunt ab iis quos Deo jam viſum eſt in filios adoptare, quique ſunt in ſtatu quendam ſupernaturalem eveſti, & inhabitantem in ſe habent Spiritum Sanctum, qui eſt ejuſmodi operum principium. Ita ut, ſi homo à Deo in pura natura creatus & relictus, abſque ulla gratia & favore ſupernaturali, bona opera & legi conformia faceret, opera ejuſmodi vitæ æternæ digna cenſeri non deberent. Quemadmodum in rebus humanis Paterfamilias eadem obſequia in filiis longè pluriſ æſtimat quam in ſervis.

VII. Hoc eſt quod ſibi vult *Thomas Stapletonus*, de Juſtis lib. 10. cap. 2. Fundamentum, inquit, meriti proprium eſt primo & maxime quod opera juſtorum ſunt opera Filiorum Dei, quæ proſciſcuntur ex gratia inhabitantis Spiritus Sancti in nobis. Et paulo poſt ſubjungit. Datur ergo hereditas, nec quia filii tantum ſumus, ſed quia filii filii boni compatiētes Chriſto: nec ruſum quia boni tantum ſumus, ſed quia boni filii. Neque enim bonitas, ſeu juſtitia operum in aliis quam in filiis Dei ad hereditatem regni celeſtis jus habet: Neque ſola adoptio, ſine juſtitia bonorum operum, illud jus per modum meriti conſequitur. Quorum prius contra novitiam quorundam hodie Theologorum

jum

rum sententiam facit, qui docens ex naturali hominis constitutione, opus bonum & obedientiam legis, ex operis integritate vitam eternam mereri, non ex aliqua operantis dignitate. Posterus contra hereticos hodie facit, qui beatitudinem dari ratione adoptionis tantum, quia filii Dei per fidem sumus, dogmatizant. Et in fine capitis sequentis, cum Augustino docet iustos habere merita, non quia opera eorum in seipsis considerata sunt verè merita: sed quia opera iustorum filiorum Dei sunt, non futura alioqui merita.

VIII. Atque hæc est ut testatur Vasquez in 1. 2. tom. 2. disp. 216. communis & recepta sententia Scholasticorum, qui in eo conveniunt ad hoc ut opera sint meritoria vitæ æternæ, necessariam esse adoptionem filiorum Dei, in iis qui meriri debent. Opinio vero contraria Michaelis Baii Professoris Lovaniensis damnata est à Pio V. & Gregorio XIII. Pontificibus Romanis, in bulla qua censura notarunt Varias illius doctoris sententias. Nam inter plurimas propositiones quæ in ista Bulla erroris notantur, occurrunt istæ duæ. Pelagii sententia est Opus bonum citra gratiam adoptionis factum non esse regni cælestis meritorium. Item, Opera bona per spiritum adoptionis facta non accipiunt rationem meriti ex eo quod fiunt per spiritum adoptionis inhabitantem corda filiorum Dei, sed tamen ex eo quod sunt conformia legi. Ut refert Bellar. de Justif. lib. 5. cap. 13. Ubi docet quod, etiamsi quis legem perfectè impleat, tamen non mereretur vitam æternam, nisi esset elevatus ad statum supernaturalem, & damnat tanquam erroneam sententiam eorum qui dicunt operibus bonis vitam æternam deberi, ex eo quod sunt vera legis obedientia, non quia fiunt à persona elevata per gratiam ad statum filiorum Dei.

IX. Præterea Doctores Ecclesiæ Romanæ, ad hoc ut opera nostra apud Deum vita & gloria cælesti condigna habeantur, docent necessarium esse ut sint sanguine Christi tincta atque aspersa, hoc est ut ex Christi merito & obedientia ipsis valor aliquis & pretium accedat, quod alioquin, etiam per gratiam Dei facta non haberent: ita ut Christus nobis non solum meruerit ut bona & iusta opera faceremus; sed etiam ut nostra opera jam facta mererentur, & vim merendi ab eo acciperent.

X. Hæc est Doctrina Thomæ Stapletoni lib 10. de Justif. cap. 4. Nostra autem inquit, & iustitia, & merita Christi iustitia & meritis innuntantur, non solum quia, tanquam principium universale reformandi generis humani, gratiam impertit qua & iustitiam operemur, & operando mereamur; sed etiam quia unum cum Christo facti, id consequuti sumus ut nostra merita, tanquam Christi capitis nostri merita, per illum, & propter illum, apud Deum mereamur. Ille enim hoc nobis meruit ut nostra bona opera, quæ illi incorporamur, ad meritum usque vitæ æternæ coram Deo valeant. Hæc enim sensu per passionem consummatus factus est omnibus obtemperantibus sibi causa salutis, id est efficit ut obedientia nostra mandatis eius præstita, nobis ad salutem obtinendam efficax, hoc est, vitæ æternæ meritoria esset.

XI. Similita tradit Franciscus Suarez in tertiam Thom. tom. i. disp. 41. sect. 3. Ubi multis Scholasticorum testimoniis ostendit communem Scholæ sententiam esse, propter Christum, non solum nobis conferri auxilium ad efficiendum opus meritorium, sed etiam dari ipsi operi valorem, propter quem acceptetur ut condignum meritum talis gratiæ, vel gloriæ. Et Christi meritum talem influxum habere in nostra merita, & in omnem effectum eorum, ut quicquid nos meremur, non solum detur nobis propter nostrum meritum, sed etiam propter meritum Christi: & nostra opera non habeant rationem meriti quam nunc habent, tantum ex sua bonitate & qualitate, & proxima gratia à qua procedunt; sed etiam ex conjunctione ad meritum Christi, in quo innuntantur, & à quo habent vim & efficaciam.

XII. Rem autem istam Costerus Jesuita in Enchiridio Controversiarum capite de meritis illustrat, hoc simile, Sicut, inquit, si Rusticus quispiam characteres formans manu Regis scribendo moveretur, Scriptura illa qua ex parte à Rustico conficitur nullius est ponderis: sed quia Rex Scriptoris manum in scribendo, & delineando conformavit, magnam habet dignitatem: ita opera nostra propter Christum, qui nobis seu membris utitur, & Spiritum Sanctum inhabitantem, & per nos operantem, digna sunt cælesti præmio.

XIII. Atque hanc eandem doctrinam tribuit Vasquez Alphonso Virvesio Episcopo Canariensi, Hæc Cardinali. Tappero, Lindano, & multis aliis superioris sæculi Scriptoribus, quos docere testatur Opera iustorum auxilio gratiæ facta, multo maiorem dignitatem ex merito & gratia Christi sortiri. Imo opera iustorum perexiguam

ignam sanè dignitatem ex se habere, maximam autem quatenus innituntur gratiæ & meritis Christi, & sunt quodammodo merita ipsius. Additque *Cajetanum* affirmare quidem operibus iustorum inesse rationem meriti ex dignitate operum, eo quod procedant à Spiritu Sancti gratia, existimare tamen clarius deduci rationem meriti in operibus iustorum, ex eo quod actio iusti non tam est actio illius quam actio ipsius Christi, Quoniam Christus tanquam caput in membra influit & operatur, ac meretur: ita ut quisque iustus dicere possit, *Mereor ego jam non ego, mereor vero in me Christus*, in primam 2. Tom. 2. Disp. 214. cap. 2. Et huic quoque sententiæ aperte favent verba Concilii *Tridentini* sess. 6. cap. 16. Ubi dicitur quod sine virtute Christi, quam in iustificatos jugiter influit, bona eorum opera nullo pacto Deo grata & meritoria esse possent.

XIV. *Vasquez* tamen ipse abit in diversam sententiam, pendens operibus iustorum nullum dignitatis accrementum provenire ex meritis, aut persona Christi, quod alias eadem non haberent, si fierint ex eadem gratia à solo Deo liberaliter collata. cap. 7. modo citatæ disputationis, cuius titulus est, *Ex meritis aut Gratia Christi non habere nostra maiorem dignitatem quam alias ex gratia Dei haberent*. Et tamen in eo capite observat se non negare aliquid gloriæ nobis dari intuitu meritorum Christi, ultra quod id opera nostra condigne merentur. Sed negat propterea opera nostra fieri digniora quam alias essent, si extra Christum fierent per similem gratiam liberaliter à Deo donatam. Aliud enim esse opus habere maiorem, vel minorem dignitatem; & aliud operanti maiorem, vel minorem remunerationem tribui.

XV. Multi quoque Doctores Ecclesiæ Romanæ condignitatem illam, quam bonis operibus respectu vitæ æternæ tribuunt, à gratuito Dei pacto, quo vitam æternam eis pollicitus est, pendere existimant: nec enim bona Opera, seclusa gratuita Dei promissione, gloriæ cælesti digna censerit posse: per illam autem fieri vitæ æternæ condigna, à quadam ratione illi æquivalentia. Hæc est sententia *Gregorii de Valentia* Jesuitæ, in summa Theologiæ Tom. 2. disp. 8. quæst. 6. punct. 4. Observat enim opus iusti dupliciter considerari posse. Primo absolute & per se secundum bonitatem quam habet, tum ex objecto suo, tum ex circumstantiis, tum ex suo principio, scilicet, ex gratia, & sic agnoscit, non esse æqualitatem inter opus iusti ita consideratum & vitam æternam: quoniam dignitas vitæ æternæ longè superat ejusmodi operis præstantiam. Deinde opus iusti considerari posse quatenus habet respectum ad promissionem divinam, propter quam vita æterna remunerari debet. Et hoc respectu contendit, vitæ æternæ præmio condignum esse, & illi æquale. Quoniam hac ratione opus consideratum, scilicet, ut subsistat quoque illi promissioni, eaque velut fulcitur, omnino valet vitam æternam, quatenus per id iustus, nisi peccati obicem opponat, certo vitam æternam est consecuturus, Adeoque per promissionem divinam fieri ut opus iusti, quod per se consideratum, non est æquale vitæ æternæ, sit ei æquale. Quam rem postea illustrat exemplo. Nam, inquit, si pecunia jussu principis fiat ex vili aliqua materia, qua, videlicet, ex natura sua considerata non tantum valeat quantum res quæ pro illa sunt commutande, tunc quidem, si pecunia hæc absolute, sine respectu ad constitutionem principis consideretur, certum est eam secundum justitiæ commutativæ rationem, non esse æqualem iis rebus, quas potest aliquis pro ea consequi; bene autem si consideretur ut subsistat constitutioni & legi principis, quæ decretum est in qui huiusmodi pecuniam exhibuerit, consequatur res necessarias, secundum factam pecuniæ taxam. Nam si hac ratione consideretur huiusmodi pecunia, tanti merito estimabitur quanti res ipse quæ per eam comparari possunt. Ita profus si res habet in proposito. Nam si opus iusti consideretur præcisè ex se, non est æquale gloriæ. Si autem ut subsistat etiam divinæ promissioni, ob quam per illud certo potest comparari gloriæ, tanti potest estimari quanti illa, atque extentus est æquale gloriæ.

XVI. Similia docet *Alphonsus à Castro* advers. hæres. l. 10. in verbo *Meritum*. Si *Lutherus* inquit, quando dicit nullum esse hominis meritum ad gloriam, accipit meritum pro tali opere quod ex sua natura, & ex seipso æquale est præmio; certe illius sententia non est de errore notanda; quoniam non est aliquid opus nostrum ex se tale, quod æquari possit gloriæ æternæ: sed non sic capitur meritum, ut talem æqualitatem innuat; sed aliam æqualitatem, quæ non consistit ex natura rerum, sed ex pacto quodam, quo inito æquale sit opus, quod antea non dicebatur æquale.

H h h h

XVII. Prz-

XVII. Præsertim vero in hac sententia sunt Canonici Colonienſes, in Enchiridio titulo de Inſtitutione. Neque veretur, inquit, Scriptura vitam æternam bonorum operum mercedem appellare, non ut putemus beneficia noſtra digna eſſe vita æterna, ſed debere illis vitam æternam, propter operum ipſorum dignitatem: quis enim tam ſuperbius eſt ut ſic ſentiat? ſed magis quod Deus fidei noſtræ, quam per ejusmodi opera exerceat, vitam æternam gratuito ſi pollicetur. Ut reſert Gabriel Vaſquez in 1. 2. Tom. 2. diſp. 214. cap. 1. Ubi eandem doctrinam tribuit veteribus multis Scholaſticis, quos docere reſtatur bona opera juſtorum ex gratia procedentia, ſi ſecundum ſe ſpectentur, & ſine Dei pacto & acceptatione, non eſſe vita æterna condigna, nec habere condignitatem & rationem meriti vitæ æternæ: ſed totam dignitatem & totam rationem meriti quæ in illis eſt, petitam eſſe ex pacto & promiſſione Dei.

XVIII. Vaſquez autem ipſe exiſtimat bona opera Renatorum eſſe vita æterna condigna, etiam ſcluſa Dei promiſſiones & ex ſe, abſque Dei pacto, parem ad eam valorem & dignitatem habere. Ut videre eſt modo citata diſputatione cap. 4. & ſeqq. ubi probare nititur prius eſſe æqualitatem dignitatis, inter opera & vitam æternam, quam eis accedat pactum & promiſſio Dei, Cui ſententiæ ſeſe adjungit Puteanus in 1. 2. quæſt. 114. art. 1. dubit. 5. Ubi expreſſe dicit operationes ex gratia factas eſſe æquales, ſeu condignas præmio vitæ æternæ, etiam ſcluſa promiſſione divina. Item Petrus a ſancto Joſeph in Idea Theologiæ ſpeculativæ lib. 4. cap. 11. Reſolutione 4. Ubi affirmat opera hominis juſti ex ſe habere quandam condignitatem cum præmio vitæ æternæ: idque probat ex eo quod ſunt ſupernaturalia, & procedunt à filio Dei adoptivo? & propterea habent proportionem quandam cum præmio ſupernaturali gloriæ æternæ, quæ eſt hæreditas filiorum Dei. Quibus ſimilia leguntur apud Martinum Becanum in ſumma Theol. Scholaſt. tom. 2. tract. 4. c. 5. num. 11. Opera, inquit, hominis juſti & exiſtentis in ſtatu gratiæ per ſe digna ſunt, & proportionem habent cum vita æterna, quia procedunt ex gratia quæ eſt ſemen gloriæ. Et poſtea ſubjungit ejusmodi opera, ſcluſa promiſſione, eſſe digna vita æterna, non dignitate quidem juſtitie: ſed proportionis mediæ ad finem.

XIX. Quamvis autem plurimi Doctores Eccleſiæ Romanæ pertendant bona opera juſtorum condigna eſſe vita & gloria æterna, etiam abſque Dei promiſſione, & citra reſpectum ad illam; concedunt tamen omnes unanimi conſenſu, ſolum Dei promiſſionem eſſe quæ Deum obligat ad vitam æternam bonis regeneritorum operibus reddendam, & ſepoſita iſta promiſſione Deum poſſe, ſine cuiuſquam injuria, & citra injuſticiam ullam, vitam æternam bonis quibuſlibet operibus denegare; quippe quæ per ſe, abſque Dei pacto, nulli jus ad vitam æternam acquirant.

XX. Hæc eſt Doctrina Gabrielis Vaſquez, qui tamen in hac quæſtione videtur omnium eſſe rigidiffimus. Quamquam enim, ut jam diximus, contendat prius eſſe æqualitatem dignitatis inter opera & vitam æternam, quam eis accedat pactum & promiſſio Dei; nihilominus fatetur, quod niſi Deus promiſſiſſet mercedem, non poſſemus illam ab eo poſtulare, & jure aliquo exigere: debitum enim remunerationis vitæ & gloriæ æternæ, non ex operibus quantumvis dignis, ſed ex Munificentia Dei, qui promiſiſit, cum poſſet non promittere, ortum eſſe. Ut videre eſt tomo jam allegato, diſput. 213. cap. 8. Quibus conſentanea ſunt quæ apud eundem leguntur diſput. 204. cap. 2. ſub finem. Poſſet Deus, ſi veller, habenti juſtitiam & ſanctitatem, abſque ulla injuſtitia & ingratiſtudine, vitam æternam denegare. Quamvis enim homo juſtus per juſtitiam inherenter ſit Deo gratus & dilectus, & eo ipſo dignus æterna gloria, aut tanquam filius hereditate paterna per gratiam habitualem; aut per merita & bona opera, tanquam operarius mercede & præmio, & hæc ratione dici poſſet acceptus ad gloriam æternam, hoc eſt dilectus tanquam dignus illa; tamen cum Deus ſit auctor omnium, poſſet liberè ei nunquam conferre beſtitudinem.

XXI. Similia docet Becanus loco noviffimè citato, Opera, inquit, hominis juſti & exiſtentis in ſtatu gratiæ per ſe digna ſunt, & proportionem habent cum vita æterna, quia procedunt ex gratia quæ eſt ſemen gloriæ: nihilominus tamen Deus non teneretur ex juſtitia compenſare illa, ſcluſo pacto & promiſſione. Item jam ſæpius citatus Putecanus in ſumma Theol. quæſt. 114. art. 1. dubit. 5. Ubi affirmat quidem operationes ex gratia factas ex ſe condignas & æquales eſſe præmio retributionis vitæ æternæ;

æternæ; sed simul fateatur illis non deberi vitæ æternæ remunerationem ante præmissionem divinam.

XXI. Quin contraria sententiâ, quæ statuit bonis operibus vitam æternam per se, ante gratuitam Dei præmissionem deberi, expressè damnata est à Romanis Pontificibus in Bulla primâ à Pio Papa V. edita, & postea à Gregorio XIII. renovata quam refert Bellarminus lib. de Justif. cap. 1. ubi testatur inter multas propositiones Bulla istâ notatas hanc esse undecimam, *Quod pie & justè in hac mortali vita conversati usque in finem vitam consequuntur æternam, id non gratiæ Dei propriæ, sed ordinationi naturali statim initio creationis constituta.* In lo Dei judicio disputandum est: neque in hac retributione bonorum ad Christi meritum respicitur: sed tantum ad primam institutionem generis humani, juxta quàm in lege naturali constitutum est, ut justo Dei judicio obedientie mandatorum vita æterna reddatur.

XXIII. Posita vero gratuita Dei præmissione, communis Scholæ Romanæ doctrina est vitam æternam bonis operibus ex justitiâ deberi. Quæ tamen & qualis sit illa justitiâ, ex qua bonis operibus vita æterna retribuenda est, non omnino convenit inter Doctores Ecclesiæ Romanæ. Nam eorum plerique fatentur locum hic habere non posse justitiâ strictè & propriè sic dictam; nec fidelium bonis operibus vitam æternam ex rigore justitiæ deberi. Illud repetit & inculcat Vasquez multis in locis, præsertim vero in 1. 2. tom. 2. disp. 213. cap. 4. ubi sæpius affirmat in Deo respectu nostri non esse justitiâ ullam propriè sic dictam, sed tantum secundum quendam communem rationem & significationem. Et eandem quoque sententiam tribuit Scoto & Gabrieli & plurimis aliis veteribus Scholasticis, quos docere asserit operibus justorum ex æquitate justitiæ vitam æternam reddi & deberi, sed tamen in Deo hominum respectu non esse justitiâ secundum proprietatem, sed solum communem quendam rationem. Nempe quod in Deo justitiâ vocatur dixerunt esse tantum decentiam quandam bonitatis ipsius. Et justitiâ non esse in Deo concedendam ut significat debitum necessitatis; sed ut significat decentiam quandam congruitatis, ut videre est apud eundem Vasquez in primam partem Thomæ disp. 86. cap. 2. Sic vero Vasquez ipse sententiam propriam explicat. Nos, inquit, qui dicimus inter Deum & nos non posse esse justitiâ propriè, sed communem quendam rationem, non tribuimus Deo obligationem dandi gloriam in remunerationem bonorum ex justitiâ accepti, quasi ipse compensare debeat ex justitiâ bona opera quæ à nobis accepit: sed decimus ex solo præmissione verbo, ac proinde ex sola fidelitate debere dare vitam in remunerationem, ut infra ex Augustino probabimus. Quare si eam non daret, quod fieri nequit, esse quidem infidelis, quia non servaret veritatem præmissionis; non tamen injustus propriè, quia non faceret contra justitiâ propriè. Diceretur nihilominus injustus, quatenus fidelitas est justitiâ quædam, nempe pars potestativa justitiæ, & ita in fidelitas hæc communem rationem infidelitatis dici posset. Atque hoc sensu dixit Paulus ad Hebræos, Non est injustus Deus ut obliviscatur operis vestri.

XXIV. His consentit Becanus in summa Theologiæ Scholasticæ tom. 2. tract. 4. c. 5. quæst. 8. quod ad primum, inquit, attinet Meritum hominis justî coram Deo non est de rigore justitiæ. Ita Dicitur Thomas 3. parte, quæst. 1. art. 2. & alii possunt. Ratio est, quia rigor justitiæ requirit talem contractum ut inter contrahentes nulla intercedat gratia & liberalitas, in qua meritum fundatur. Hoc autem non fit inter Deum & hominem, quia totum meritum hominis fundatur in gratia & liberalitate Dei, præsertim in gratia justificante quæ illi gratis datur, & in liberali præmissione Dei, quæ voluit retribuire præmium meritis nostris, quæ ipsi non erant nililia, & multis aliis titulis ipsi debita. Hoc sensu dixit Concilium Tridentinum, Sess. 6. cap. 16. Eam esse Dei benignitatem ut voluerit esse nostra merita, quæ sunt ipsius dona.

XXV. Similia leguntur apud Costerum Jesuitam in Enchiridio, capite de Meritis, ubi hæc est illius tertia propositio. Inter Deum & homines non potest exacta, qualis est inter homines, justitiâ intercedere. Non enim potest Deus ad eum modum debere nobis, ut misericordi gratia sua seposita, ex re aliqua nobis remaneat obligatus. 1. Quia factura ejus sumus, qui omni ex parte nos fecit & possidet, & cujus sunt omnia nostra. 2. Quia cum aliis innumeris beneficiis nos sibi obstrinxerit, tum pretio sanguinis, vitæque suæ nos eruit. Unde si Pater filio, ob beneficium unius sui, & Dominus servo, quem pretio & pecunia sibi comparavit, nullo jure quicquam debeat: multo minus debitor effici, vel obligatus munere potest homini Deus

H h h 2

creator

creator & redemptor noster. 3. Quia pecunia Dei est qua quicquid ab ipso mereamur, hoc est, gratia Dei in qua tota meriti nostri ratio ad Deum consistit. Hæc est quoque sententia Basilii Jesuitæ apud Rivetum in summa controversiarum tract. 4. quest. 17. Meritum, inquit, primo significat actionem cui ex rigore justitiæ debetur compensatio. Non autem sumus consuevi teneantur ut nobis vindicemus hoc privilegium, quod soli filio Dei incarnato tribuimus, qui justitia sua salutem nobis meruit. Denique Bellarminus ipse hac in parte quoque suis astipulatur lib. 5. de justis. cap. 18. Nam ad quoddam Bernardi testimonium Respondens agnoscit vitam non deberi piis ex rigore justitiæ, qui gratiam nullam præsupponit, & Deum absolute non facturum injuriam iustis, si eos privet mercede justitiæ; quamvis ex hypothese Deum injuriam facturum esset, si vitam æternam bonis operibus ex conventionem non redderet.

XXVI. Itaque juxta hos Doctores, qualiacunque sint hominis opera, Deus absolute loquendo, & si seponas gratuitam & misericordem ejus promissionem, nihil proflus homini debet, nec quicquam ex justitia ei reddere tenetur; & eatenus locum inter Deum & hominem non habet justitiæ rigor. Et tamen, supposita Dei promissione, justitia requirit ut homini bene operanti reddatur quod ei promissum est. Ac præterea Deus, dum justorum opera vita æterna & gloria cœlesti remuneratur, exercet speciem quandam justitiæ illius quæ dicitur distributiva, quia nullius personam accipit, sed unicuique reddit secundum propria opera, ac talem proportionem inter opera & præmia servat, ut ei cujus opera præstantiora sunt & abundantiora plus etiam gloriæ & laudis retribuatur. Qua in re quoque satisfacit justitiæ commutativæ, & servat quandam ejus modum, quia nemini minorem, sed potius majorem & ampliorem mercedem retribuit, quam quæ illius opera digna sunt.

XXVII. Hæc est doctrina Bellarmini de Justificatione lib. 5. cap. 14. Ubi affirmat substantiam judicii Divini, quum Deus operibus justorum præmia reddit, futuram esse secundum justitiam commutativam. Et quidem substantiam illius judicii fore secundum justitiam distributivam, quoniam Deus ut summus iudex præmia pro meritis distribuit: & in eo non erit acceptor personarum, quod vitium justitiæ distributivæ contrarium est. Modum autem ejusdem judicii futurum secundum justitiam commutativam, quoniam Deus non solum constituet æqualitatem proportionalem inter merita & Præmia, ut illi plus habeat præmii qui plus habet meriti; quod proprium est justitiæ distributivæ: sed etiam constituet absolutam æqualitatem inter opera & mercedes, ut unusquisque non minorem habeat mercedem quam justo judicio mereatur, quod est justitiæ commutativæ.

XXVIII. Porro quum dicit Bellarminus Deum constituturum absolutam æqualitatem & ut postea repetit æqualitatem perfectam inter opera & mercedes, non intelligit, mercedem ita fore æquandam merito, ut nec sit supra, nec infra meritum, & sic unusquisque nec plus, nec minus accipiat à Deo quam meritis est: sed simpliciter, ut ipse se explicat, mercedem non fore merito minorem, & Deum singulis non minus attributurum, quam justo judicio mereantur ipsorum opera. Nam aliqui non negat imo expressè docet ejusdem libri cap. 16. Deum remunerari bona opera supra condignum, & opera bona justorum acceptura in Die extremi judicii ampliorem mercedem quam justo Dei judicio mereantur accipere. Scopus ergo Bellarmini est solummodo dicere, Deum in illa distributione, ita servaturum esse justitiam distributivam, ut non peccet in commutativam, secus ac sæpe contingit rebus humanis. Ut quum principes, verbi causa, stipendia militibus, habita ratione muneris & dignitatis cujusque distribuunt, & eandem observant justitiam distributivam, sed singulis multo minus tribuunt quam ex pacto debent, & hoc respectu non servant justitiam commutativam; quam minime læderent; si plus singulis tribuerent quam illis ex jure deberetur.

XIX. Verum inter Doctores Ecclesiæ Romanæ quidam reperiuntur qui docent bonis justorum operibus vitam æternam ex rigore justitiæ deberi, & ex justitia strictè dicta rependi. Quippe hic locum habere existimant illam ipsam justitiam quæ commutativa dicitur, quæ servat, ut loquuntur scholæ, æqualitatem rei ad rem, & acceptis æqualia reddit. Ad hoc enim duo requiri & sufficere existimant: Unum ut opus quoddam exhibeatur quod in se sit æquale mercedi: alterum ut pactum quoddam interveniat quo merces sit operi promissa. Utrumque autem locum hic habere pertendunt. Nec enim solum bonis justorum operibus vitam æternam à Deo promissam

promissam, sed etiam illa opera parem in se dignitatem ad vitam æternam habere, & esse ejus pretium æquivalens. Hanc sententiam *Vasquez* tribuit Theologis quibusdam recentioribus quos docere affirmat in operibus justorum reperiri rationem meriti respectu gloriæ cœlestis etiam secundum justitiæ rigorem. Idque quoniam justis Deo bona opera offerunt quibus non tantum illi desertur honos sed quæ sunt præmio vitæ & gloriæ æternæ æque digna, & quibus etiam Deus præmium tale se daturum promissit. Unde sequitur juxta ipsos Deum illis esse vitæ & gloriæ æternæ debitorem ex justitia commutativa rigide & strictè sic dicta. Sicuti pluribus exponit Doctor ille in primam Thom. disp. 85. capite primo & seqq.

XXX. Eandem doctrinam tribuit *Francesco Suarezio Joannes Davenantius* de justitia Actuali cap. 66. Ubi affirmat; juxta hunc Doctorem & alios ejusdem sententiæ, in remuneratione operum (post promissionem à Deo factam) reperiri omnes condiciones justitiæ commutativæ: adeoque Deum, posita promissione, retribuire secundum justitiam commutativam. Istud autem probant percurrendo singulas condiciones justitiæ commutativæ, quas hic locum habere contendunt. Prima, est æqualitas rei ad rem. At hæc, ut putant, invenitur inter hominis meritum & præmium vitæ æternæ: quia licet opera gratiæ, secundum *emittentem*, non sint omnino æqualia præmio gloriæ. Attamen secundum *valorem moralem*, sunt ei æquivalentia. Secunda justitiæ commutativæ proprietas est, ut interveniat commutatio talis, quæ ponat mutuam dationem & acceptationem: ex utraque parte. At, inquit, inter hominem & Deum est talis commutatio: nam Deus accipit opera nostra, & dat nobis pro illis sua præmia; nos è contra accipimus divina præmia, & damus Deo opera nostra. Denique tertia ejusdem justitiæ conditio est, ut ex acceptione oriatur debitum, & obligatio justitiæ in retributore, ex vi juris comparati ab alio per opus ei exhibitum & datum. At in Deo, ut aiunt, est tale debitum & obligatio justitiæ ad retribuendum orta ex ipso opere, quatenus ipsum opus fundatur in promissione, sive pacto Dei præcedente.

XXXI. Deum quoque ex justitia strictè sumpta piorum opera remunerari docet *Petrus à Sancto Joseph*, in *Idea Theologiæ speculativæ* lib. 1. cap. 17. Ubi hæc est ejus quarta Resolutio. *In Deo est justitia propriè & strictè sumpta, prout est specificè virtus ab aliis distincta.* Istud autem ex eo probat, quod Scriptura, ut ait, judicat Deum ex vera justitia tribuere gloriam æternam, pro meritis bonorum operum: & in collatione beatitudinis, ex parte Dei exerceri justitiam propriè dictam: Et eadem quoque fuit sententia *Cajetani*, ut patet ex illis quæ ex eo refert *Joannes Davenantius*, de justitia actuali cap. 57. ubi cum inducit affirmantem, quod bonum opus justit, secundum strictam justitiam, vitam & gloriam æternam meretur.

XXXII. Porro manifestum est ex iis quæ diximus, etiam Doctores illos qui dicunt bonis justorum operibus vitam æternam ex rigore justitiæ deberi, non exilimare quod absque gratuita Dei promissione, vita æterna bonis operibus ex justitia debeatur. Quandoquidem strictum istud justitiæ debitum non fundant in sola operis dignitate, sed etiam in libera Dei promissione, sine qua nullum tale debitum exilare posset. Nam sicut ille qui in vinea alterius laborat, etiam si labor ejus tali pretio condignus sit, non constituit sibi Dominum vineæ debitorem retributionis, nisi Dominus pretium fuerit pollicitus: sic etiam, ex eorum sensu nec nobis Deus ex justitia deberet retributionem bonorum, nisi verbo suo fidem obfirmasset, ut observat *Vasquez* in 1. th. Disp. 85. cap. 1.

XXXIII. Nec etiam negant Doctores iidem, quod alii communiter docent, Deum bona opera justorum remunerari supra condignum. Quam enim obiter supra *Bellarmino* tribuimus, communis est & recepta Scholæ Romanæ sententia, nempe Deum non tantum retribuire bonis operibus mercedem quæ illis condigne debetur, sed etiam aliquid indebitum adjicere. Juxta illud Evangelii, *Mensuram bonam, & confertam, & coagulatam; & superfluentem dabunt in sinus vestros.* Quin Romani ipsi Pontifices, *Pius* scilicet *Quintus*, & *Gregorius XIII.* istud in suis constitutionibus expressè definiverunt: ut videre est in eorum Bulla aliquoties jam citata. Ibi enim, inter plures damnatas sententias decima quarta his verbis exprimitur, *Opera bona justorum non accipient in die judicii extremi amplius mercedem, quam juxta Dei judicio mereantur accipere.* Ut testatur *Bellarminus* lib. 5. de justis. cap. 19. cuius titulus est, *Deum remunerari opera bona supra condignum.*

XXXIV. Ut autem ista concilient Opera bona justorum esse condigna vita & gloriæ

gloriâ æternæ, imo vitam & gloriam æternam ipsis ex rigore iustitiæ deberi; & tamen Deum ejusmodi opera remunerari supra quam condignè mereantur, dicunt ultra gloriam qua bona opera digna sunt, & quæ illis jure debetur, Deum aliquem gradum gloriæ adjicere: adeoque aliquid æternæ gloriæ dignitati meritum reddi, & ejusdem gloriæ quiddam supra meritum dignitatem addi. Ego vero libenter concedam, inquit Vasquez, Deum æternæ vitæ præmio remunerare nostra merita uberiori quam ipsa condignè mereantur: non quia ipsa condigna non sint æterna vita, & incremento illius, sed quia Deus, ex affluentia gratitudinis, aliquid magis addat gloriæ, quam merita sanctorum condignè postulent, tom. 2. in. 1, 2. disp. 215. cap. 4. Et postea Scholasticorum mentem clarius exponens dicit ex eorum sensu quem ipse probat, dari aliquid æternæ gloriæ dignitati meritum, & aliquid etiam supra eorum dignitatem addi. Quibus affinia sunt quæ leguntur apud Cajetanum. Ex hoc, inquit, quod Deus remunerat supra condignum, non evitatur condignitas boni operis ad vitam æternam; quia Deus, cum bono operi merenti gloriam ut unum reddit gloriam ut duo, non admittit prædicto operi, quin secundum strictam iustitiam meruerit gloriam ut unum, in 1, 2. quest. 114. art. 3.

XXXV. Præterea quamvis Doctores Ecclesiæ Romanæ communi consensu doceant Operibus bonis Renatorum vitam & gloriam æternam ex iustitiâ deberi, seu iustitiâ illa sic dicatur solummodo secundum communem quandam & latiorém significationem, ut multi existimant; sive stricto & propria sensu, ut sentiunt alii; nulli tamen eorum negant quin vita æterna, respectu fidelium, rationem habeat, non tantum mercedis debitæ, sed etiam gratiæ sed doni gratuiti. Idque quoniam res est in Tridentina Synodo definita. Nam Sessione 6. cap. 16. sic loquitur ista Synodus, Bene operantibus usque in finem, & in Deo sperantibus proponenda est vita æterna, & tanquam gratia filiis Dei per Jesum Christum misericorditer promissa, & tanquam merces bonis ipsorum operibus & meritis fideliter reddenda.

XXXVI. Porro vitam æternam respectu fidelium rationem gratiæ multis nominibus habere exillimant. Et primo quidem quia vita æterna bonis nostris operibus misericorditer à Deo promissa est, cum alioqui Deus potuisset, absque ulla iniustitiâ, & creaturæ injuriâ, vitam æternam bonis operibus non promittere, nec illa tanto præmio dignari. Deinde quia bona nostra opera Dei dona sunt & effecta gratiæ, quæ illa in nobis gratis omnino operatur. Utrumque hanc rationem tangit, Gregorius de Valentia Tom. 2. quest. 6. puncto 4. §. Quocirca Meritum, inquit, hoc vitæ æternæ sic est meritum ex condigno, ut tamen liberalitate & misericordia divina nitatur: nempe illa qua Deus misericorditer promissum, se compensaturum vitæ æternæ bona opera justorum. Item ob eam causam liberalitate & misericordia meritum hoc justorum nititur, quoniam non est tale, nisi quatenus proficitur à gratia & charitate, quibus liberaliter à Deo donamur.

XXXVII. Neque solum, ex mente Doctorem Ecclesiæ Romanæ, fideles habent à Christi gratia quod bona opera faciant, sed etiam quod eorum opera sint vita æterna condigna, talia non futura, nisi fierent ab iis quos Deus per Christum in filios adoptavit, ut patet ex iis quæ supra fuerunt exposita. Adde quod Doctores iidem nolunt vitam æternam fidelibus simpliciter reddi, tanquam mercedem ipsorum laboribus & meritis debitam: sed etiam donari ut paternam hæreditatem, quam Christum morte sua ipsis immediatè, simul cum adoptione in Dei filios promeruit.

XXXVIII. Istud videre est apud Bellarminum de Justif. lib. 5. cap. 14. Ubi refutat quendam Doctorem Lovanicensem à Pontificibus Romanis damnatum, qui docuit opera bona ex natura sua esse meritoria vitæ æternæ, ita ut non requiratur pactum aliquod, vel gratuita promissio, ad hoc ut ex iustitiâ merces vitæ æternæ bonis operibus debeat. Et addidit, quod inde manifestè sequitur, Christum nobis non meruisse vitam æternam, nisi quatenus gratiam bene operandi nobis meruit. Contra autem pertendit Bellarminus bonis hominum operibus vitam æternam non deberi, nisi ex gratuita & misericordi Dei promissione; & præterea Christum immediatè nobis in eruisse, non solum gratiam bene operandi, sed ipsam vitam æternam, nobis ut filiis donandam.

XXXIX. Et primo quidem bonis operibus, absque Dei promissione, eaque plane gratuita, mercedem vitæ æternæ non deberi, probat tribus rationibus. Prima ratio, inquit, semper ex parte ipsorum operum, quæ si considerentur ex natura sua, revocata promissione, & dignitate principii, operantis, nullum habent proportionem ad beatitudinem

inducem illam supernaturalem; proinde non eis debetur ex iustitia merces vite eterne, si ex natura sua tantummodo considerentur. Secunda ratio sumitur ex parte Dei, qui nulla re indiget, & cujus sunt omnia jure creationis. Hinc enim sequitur, ut non teneatur Deus acceptare opera ad premium, jure reddendum, nisi ipse promissione sua liberali, se antea obligare voluerit. Tertia ratio sumitur ex parte hominum, qui merentur. Nam cum finis omnes conditione servii, & municipia Dei, non possit esse iustitia inter nos & Deum, nisi ipse liberali conventionione operibus nostris, aliqui debitis, etiamsi nullus merces illis reddenda esset, premium constitutere voluisset.

XL. Quod vero Christus immediate nobis promeruerit, non solum gratiam bene operandi, sed ipsam vitam eternam, probat hac ratione in Scripturis fundata. Nam, inquit, hoc ipso quod incipimus esse filii Dei, incipimus jus habere ad hereditatem salutis eterne. Nam si filii & haeredes, inquit Apostolus ad Rom. 8. & ad Gal. 4. Quod si filius & haeres per Deum. Incipimus autem esse filii Dei, antequam incipiamus bene operari: nam (ut supra ex Augustino probavimus) non vivimus homines recte nisi prius filii Dei efficiantur; igitur jus habemus ad eternam hereditatem per gratiam regenerationis, antequam incipiamus bene operari: imo etiam baptizati infantes, per solam eam gratiam, ante omnia bona opera salvantur: meruit igitur Christus nobis ipsam hereditatem, dum gratiam regenerationis & adoptionis promeruit. Quod autem voluerit ut eandem etiam nos bonis operibus mereremur, argumentum est amplioris gratiae, & benignitatis ipsius, qui (ut supra demonstravimus) non solum vitam eternam nobis habere voluit jure hereditatis, sed etiam jure promeritorum, quae ut haberemus ipse etiam dedit.

XLI. His Bellarmini similia tradit quoque Franciscus Suarez in 3. Tho. Tom. 1. Disp. 41. Sect. 3. Ubi docet non tantum merita nostra esse dona Christi, quia bene operandi gratiam nobis meritis est; sed etiam Christi meritis deberi quod vita eterna nostris operibus promissa est. Promissa, inquit, facta nobis operibus referenda est in Christi merita. Et postea multis explicat Christum nobis meruisse & primam gloriam, & augmentum gloriae. Adeoque gloriam, non minus quam gratiam ipsam, nobis dari propter Christum & intuitu meritorum ejus: & sic idem premium nobis dari duplici titulo, & simul Christi meritis, & nostris retribuit. Adulatur, inquit, qui justificatur, per alium contritionis meretur. Condigno primam gloriam, & nihilominus illa eadem prima gloria datur propter merita Christi sicut & gratia, ut expresse dixit Concilium Tridentinum. Alias non meruisset. Christus omnibus hominibus gloriam, sed tantum gratiam qua ipsi mererentur gloriam, quod falsum est. Sed utrumque ipse nobis meruit a quamvis nos etiam possumus adungere nostrum meriti respectu gloriae. Idemque dicendum est de augmento gratiae & gloriae: ut totius saluti, & vite eterne ipsorum Christus sit perfectissima causa, & omnis sanctorum beatitudo merces sit operum Christi.

XLII. Quantumcunque autem hic divinae gratiae tribuant Doctores Scholae Romanae, nihilominus omnes communi consensu statuunt bona Renatorum opera vitam & gloriam eternam vere apud Deum mereri, veraciter & recte dici ejusmeritoria. Id expresse definivit Concilium Tridentinum Sess. 6. cap. 16. Ubi leguntur haec verba. Bene operantibus usque in finem, & in Deo sperantibus propenda est vita eterna & tanquam gratia filius Dei per Jesum Christum misericorditer promissa & tanquam merces, ex ipsius Dei promissione bonis ipsorum operibus & meritis fideliter reddenda. Haec est enim illa corona iustitiae quam post sumum certamen & cursum, repositam sibi esse aiebat Apostolus, à justo iudice sibi reddendam: non solum autem sibi, sed & omnibus qui diligunt adventum ejus: Cum enim ille ipse Christus Jesus, tanquam caput in membro, & tanquam vitis in palmites, in ipsis justificatos iugiter virtutem infusus, quae virtus bona eorum opera semper antecedit & comitatur, & subsequitur, & sine qua nullo pacto Deo grata & meritoria esse possent: nihil ipse justificatis amplius deesse credendum est quo minus plene, illis quidem operibus quae in Deo sunt facta, divina legi pro huius vitae statu satisfecisse, & vitam eternam suo etiam tempore si tamen in gratia decesserint, consequendam verè promeruisse censuimus. Eadem vero Sessione Canon trigessimus secundus his conceptis est verbis, Si quis dixerit hominis iustificati bona opera ita esse dona Dei, ut non sint etiam bona ipsius iustificati merita: aut ipsum iustificatum bonis operibus quae ab eo per Dei gratiam & Jesu Christi meritum, cuius vivum membrum est, sunt, non verè mereri augmentum gratiae, vitam eternam & ipsius vite eterne, si tamen in gratia decesserit, consecutionem aequè etiam gloriae augmentum, Anathema sit.

XLIII. Ve-

XLIII. Verum licet Doctores Ecclesiæ Romanæ, tanquam fidei suæ articulum teneant, bona iustorum opera vitam æternam verè promereri; inter eos tamen non convenit, quid in genere ad meriti rationem requiratur, & unde pendeat meritum quod bonis iustorum operibus inesse existimant, qualeque & quantum illud sit.

XLIV. Ad cujus intelligentiam, sciendum est in Schola Romana solere distingui *meritum de condigno & meritum de congruo*. Porro meritum de condigno ipsis non idem est atque meritum strictè & rigidè sumptum. Nec quicumque bona opera de condigno mereri docent, propterea bonis operibus tribuunt strictam & rigidam meriti rationem. Exemplo esse potest *Johannes Bunderius* superioris sæculi scriptor non ignobilis. Meritum vero, inquit, condigni duplex reperitur. Unum strictè, seu propriè captum, diciturque voluntaria actio propter quam alicui merces debeat rigore justitiæ ita, videlicet, injustus censetur qui hanc mercedem non reddit. Tale quidem meritum non est hominis ad Deum. Si enim Deus nemini redderet operum suorum mercedem injustus non esset. Nam quicquid est nostri officii, ei debitum est. Et quod suum est ei reddimus. Aliud dicitur meritum quod non suapte natura aut simpliciter dignum est mercede: sed ex suppositione retribuentis. Quale foret bravi meriti in bastilio, in chorea, in theatris. Ejusmodi est meritum hominis ad Deum, qui ex liberalitatis suæ ordinatione, statuit opera nostra acceptare, tanquam digna salicitate æterna; secundum illud Apostoli. Dignos nos fecit in partem fortis sanctorum. Dicitur hoc meritum inniti justitiæ, quia justum est ut qui legem condidit, eam servat. Veramque efficiat suam promissionem qui spondit. Si autem Deus suæ repromissionis legem non servaret, sponditionemque non faceret efficacem, aliis injustitiam non faceret, sibi ipsi vero injuriam irrogaret, in Compendio concertationis titulo 6. art. 5.

XLV. Idem etiam observat *Bailius* Jesuita, apud *Andream Rivetum* in summa Controversiarum tract. 4. quæst. 17. Meritum, inquit, primo significat actionem cui ex rigore justitiæ debetur compensatio. Non autem sumus consque temerarii, ut nobis vindicemus hoc privilegium, quod soli filio Dei incarnato tribuimus, qui justitiæ suæ salutem nobis meruit. Sed agnoscimus secundum meriti modum, per analogiam, quod Theologi nostri appellant meritum de condigno, quod pendet à promissione liberali, quam Deus hominibus dedit, quod eorum labores velit compensare susceptos ad illius bonorem & gloriam. Deus cum sese sponte obligaverit ad compensandum nos, ex misericordia infinita, tenetur stare promissioni. Gloriam suam nobis promisit cum hac conditione, si mandata ipsius servemus. Si opera nostra consideremus, quatenus à nobis procedunt, nihil mereri possunt; sed sic contemplerimur animata, & quasi revivificata gratia divina, merentur. Cum Deus solenni promissione se obligaverit ad mercedem ei reddendam. Et supra protulimus multa alia loca Theologorum Ecclesiæ Romanæ, qui negant bona opera apud Deum ex rigore justitiæ mereri, & tamen meritum de condigno defendunt.

XLVI. Meritum igitur de condigno vocant opus omne quod secundum modum aliquem æqualitatis, sive justitiæ, aliquo munere ab altero compensari debet. Adeoque, juxta illos, ad meritum condigni requiritur, ut merces operi debeatur ex justitiâ. Sufficit vero ut aliquatenus ex justitiâ debeatur, nempe, vel ex justitiâ commutativa, quæ attenditur penes æqualitatem rei ad rem: vel ex justitiâ distributiva, quæ attenditur penes æqualitatem proportionum meriti ad præmium. Nec etiam pertinet ad essentiam & rationem meriti unde oriatur illa justitiâ, & quodnam fundamentum habeat, & an justitiâ sit strictè sic dicta; an vero tantum secundum communem quandam significationem. Itaque ex eorum mente, quantumvis opus ex se videatur mercede dignum, si tamen ex aliqua justitiæ obligatione merces illi non debeatur, non debet censeri mercedis meritum de condigno. Vicissim vero, etsi opus, per se & natura sua, non sit mercede dignum, sive par & æquale mercedi; si tamen ex aliquo pacto & conventionem merces illi debeatur, & propter conventionem jure possit exigi, tale opus verè de condigno meritum censetur. Sic v. g. miles in bello, junctis ab Imperatore muneribus fungens, stipendia promissa de condigno meretur. Sed quantumvis fortiter se gerat, ac proinde dignus sit quem Imperator ad gradum altiore promoveat, gradum tamen illum non dicitur de condigno mereri; quoniam Imperator nulla lege astrictus est, ut illud honoris militi conferat. Si vero princeps obsequia famulorum, non ita magna, promississet se ingenti mercede compensaturum, quando famuli ea obsequia exhiberent,

exhiberent, ea essent vere merita ex condigno famulorum; licet obligatio illa qua Princeps ea compensare deberet, non ex sola bonitate obsequiorum ejusmodi, sed in primis ex Principis promissione oriretur.

XLVII. Meritum vero de congruo est opus quod etsi non debeat, secundum aliquem modum justitiæ, compensari aliquo munere, congruum est tamen & decet, secundum honestatem quandam, ut compensetur. Quo pacto dici potest filius, quando debitam obedientiam præstat suo parenti, mereri hoc modo à parente aliquam remunerationem. Ac proinde in eo differunt meritum de condigno, & meritum de congruo, quod in merito de condigno est quædam justitiæ obligatio ad illud compensandum. In merito vero de congruo nulla talis obligatio reperitur sed solum decentia quædam ad compensationem invitans.

XLVIII. Sic de merito in genere Philosophatur *Gregorius de Valentia* Tom. 2. disp. 8. quest. 6. puncto 1. & 2. Et *Becanus* in summa Tom. 2. tract. 4. cap. 5. quest. 1. Quibus consentire videtur *Bellarminus* lib. 5. de Justis. pluribus in locis, præsertim cap. 17. Ubi docet quod etsi opus multo inferius sit mercede ex conventionem promissa, ut si dominus vineæ conducere operarios, & non denarium diurnum, sed centum aureos nummos pro mercede promitteret, nihilominus ibi foret meritum de condigno, non ratione operis, sed ratione pacti. Atque hæc est communis Scholæ Romanæ sententia.

XLIX. Nonnulli tamen de merito alio planè modo Philosophantur. Etenim ad meritum, etiam ex condigno, nullo modo requiri putant, ut merces illi ex justitiâ debeat, sed solum ex gratitudine. Imo quotiescunque actione aliqua acquiritur jus justitiæ ad compensationem, ibi, ex eorum sententia, nullum est meritum propriè sic dictum. Proinde contra quam priores jam citati, dicerent militis operam, cui est à Rege stipendium promissum, respectu stipendii non habere rationem meriti propriè dicti: sed egregia ejusdem Militis facinora, propriè & ex condigno ab eodem Rege mereri honorificam remunerationem, ad quam Rex non tenetur ex justitiâ, sed ex gratitudine. Etenim veram meriti rationem in eo consistere volunt quod sit opus laude & gloria dignum. Nec mercedem quæ respondet merito propriè dicto, volunt esse aliquid pretio æstimabile; sed aliquid quod ad laudem & gloriam refertur. Meritum autem in genere describunt, Actionem quæ ex gratitudine præmium aliquod tale consequi potest. Cui præmio si habeat dignitatem & valorem, æqualem, erit meritum ex condigno: si vero ex liberalitate abundantius præmium recipiat, & supra proprium valorem, erit meritum de congruo.

L. Hæc est doctrina *Gabrielis Vasquez* in 1. 2. Tom. 2. disp. 213. cap. 5. Ubi docet primo rationem meriti in universum esse dignitatem laudis & honoris, sive apud Deum, sive apud homines: quæ dignitas laudis sequitur bonitatem actionis humanæ. Ad laudem autem revocat ipsam æternam beatitudinem, quam dicit veram rationem laudis apud Deum, habere. Deinde notat non solum non requiri ad rationem meriti simpliciter, sive meriti ex condigno, quod pro eodem habet, debitum justitiæ, sive commutativæ, sive distributivæ: sed etiam quotiescunque actione aliqua acquiritur jus justitiæ ad compensationem, ei actioni non inesse veram rationem meriti, nisi impropria & latissima significatione: quatenus etiam in rebus irrationalibus, meritum pro valore usurpamus. Unde colligit postea rationem & obligationem justitiæ nihil omnino ad rationem meriti pertinere. Nam, inquit, sicut ratio meriti non est valore qui pretio æstimari debeat; sed solum in valore bonitatis moralis, quæ laude, aut aliquo hujusmodi remuneretur: ita etiam ratione meriti non attenditur in materia justitiæ, quæ postulet solutionem ex justitiâ. Idque quoniam materia justitiæ in datis & acceptis, vel quocunque alio modo, est pecunia, vel id quod pecunia tanquam pretio æstimatur: ratio vero meriti non est quid pretio æstimabile: nec valorem habens pecunie, aut pretii; sed laudis vel similis remunerationis.

LI. Denique postquam ex multis conclusit, rationem meriti esse proprietatem actionis humanæ studiosæ, id est, quæ sit secundum virtutem, cui ex grati animi officio, solum laus, aut gloria, aut aliquid ad eam spectans retribuat, sic distinguit meritum condignum à congruo. Ceterum, inquit, cum gratitudo non tantum magna obsequia, sed etiam parva cumulate remunerare soleat, ad hæc distinguere debemus in prædicta materia gratitudinis duplicem rationem meriti. Alteram vocare

possumus congruum, seu impetratorium, alterum autem condignum. Priori modo meritum est quævis alio studiosa, facta in obsequium alicujus, cui potest ex gratitudine aliquid reddi supra dignitatem ipsius operis. Et hoc meritum dicitur congruum, quia congrua materia est cui ex gratitudine retribuitur id, quod etiam dignitatem ejus, excedit. Et dicitur quoque impetratorium, quis impetrat id quod datur intuitu ipsius. Idem enim est ex parte operis impetrare, quod ex parte retribuents, intuitu operis elargiri. Posteriori autem modo meritum est, comparatione alicujus premii, obsequium quod natura sua exigit præmium hujusmodi, tanquam parem gratiam sibi referri, ex grati animi lege, & cui illud præmium, veluti æqualis remuneratio, & legitima compensatio, respondet, secundum rectam obsequii & mercedis estimationem. Et hoc appellant Scholastici dignum, seu condignum.

LII. His animadvertis queritur inter Doctores Ecclesiæ Romanæ, cujus generis sit meritum illud quod tribuendum existimant bonis justorum operibus, respectu vitæ & gloriæ æternæ. Atque ex veteribus Scholasticis nonnulli censuerunt meritum hoc non esse proprie meritum de condigno, sed potius ad meritum de congruo reduci debere. Hanc sententiam Vasquez modo citata disputatione cap. 3. tribuit Paulo Burgenfi Episcopo quem scripsisse dicit nullum, secundum legem communem, merito condigno mereri vitam æternam: & etiam Durando, quem testatur docuisse merita nostra apud Deum non esse condigna mercede gloriæ; sed ea duntaxat ratione dici merita, quia Deus lege & ordinatione sua postulat opera nostra, ut ipsam gloriam tribuat: nec enim inter opera meritoria justorum, & vitam æternam esse æqualitatem condignitatis, adhuc instar illius quæ est inter semen, & fructum ejus: adeoque merita justorum, comparatione vitæ æternæ, solum esse merita congrua. Addit Bellarminus Durandum videri omnino velle merita nostra ex gratia procedentia, & posita promissione, adhuc non esse talia, ut eis ex justitia debeatur merces, sed ex sola Dei liberalitate. Tamen si concedat Doctor ille meritum quod justii habent vitæ æternæ medium esse inter meritum congruum existentis in peccato, & meritum simpliciter condignum, quod est ex justitia: & ita partim dici posse meritum congruum, partim meritum condignum. Qua in re quoque testatur Bellarminus Gregorium Ariminensem ipsi assipulari.

LIII. Sed Scholæ Romanæ pars longè maxima pridem in diversam sententiam abiit. Siquidem illius Doctores, communi fere consensu statuunt, Opera justorum de condigno mereri vitam & gloriam æternam. Veruntamen multum inter se dissentiant, nec eodem modo explicant unde pendeat, & qua in re consistat ista bonorum operum in justis meritoria condignitas. Triplex enim, juxta ipsos, est meritum de condigno. Unum ratione pacti tantum: alterum ratione operis tantum: tertium ratione pacti & operis simul. Ratione pacti tantum meritorium illud opus dicitur, cui merces quidem ex promissione debetur, sed quod tamen est multo inferior mercede; nec in se ullam cum ipsa paritatem habet & æqualitatem: ut si Dominus vineæ conducere operarios, & non denarium diurnum, sed centum nummos aureos pro mercede promitteret. Ratione operis tantum mereri aliquis censetur, cum tota ratio meriti, non in pacto aliquo, sed in operis valore & dignitate fundatur. Denique ratione pacti & operis ille meretur, qui præstat opus quod non tantum in se est par & æquale mercedi; sed etiam cui merces est ex conventionem promissa.

LIV. His autem omnibus modis, bonis justorum operibus, meritum ex condigno, respectu vitæ æternæ, à quibusdam in Schola Romana tribuitur. Primo enim non pauci sunt inter veteres Scholasticos, qui censent bona justorum opera ex pacto tantum esse meritoria. Idque quoniam, juxta ipsos, bona illa opera ex gratia procedentia, si secundum se spectentur, & sine Dei pacto & acceptatione, non sunt vitæ æternæ condigna, nec habent rationem meriti vitæ æternæ: Unde colligunt totam dignitatem, & rationem meriti quæ in illis est, petitam esse ex pacto & promissione Dei. Hanc sententiam Vasquez * tribuit Scoto, Gabrielis, Okam, & Willielmo Parisiensi. Quibus accedere dicit, ex recentioribus Andriam de Vega, & Alphonsum à Castro. Item Canonicos Colonienfes, Joannem Bunderium, quorum testimonia jam supra retulimus. * In 1. 2. Tom. 2, disp. 214. cap. 1.

LV. Alii vero ex opposito censent bona justorum opera, ex se & absque respectu

etiam ad promissionem divinam, esse vitæ æternæ condignè meritoria. Et antehac quidem reperti sunt in Ecclesia Romana nonnulli, qui docuerunt opera bona ita per se & natura sua, vitæ æternæ meritoria esse, ut non requiratur pactum aliquod gratuitum, ad hoc ut illis merces vitæ æternæ ex iustitia debeatur: adeoque sic opus bonum vitæ æternæ ex propria natura meritorium esse: sicut opus malum ex natura sua mortis æternæ meritorium est. Sed hanc sententiam damnavit pluribus jam citata Bulla Romanorum Pontificum. In qua erroris notatur ista propositio, *Sicut opus malum ex sua natura est mortis æternæ meritorium, sic opus bonum ex sua natura est vitæ æternæ meritorium.* Et præterea illa quæ assereret, Quod pie & iuste in hac mortali vita conversati usque in finem, vitam consequuntur æternam, id non gratiæ Dei propriè deputandum esse; sed ordinationi naturali statim initio creationis iusto Dei iudicio constitutæ; ut testatur Bellar. lib. 5. de Justif. cap. 14.

LVI. An autem post istam Pontificis Bullam, quidam Doctores Ecclesiæ Romanæ in eadem sententia persistant; mihi non compertum est? Certum est tamen in ea repositos, qui decerent bona iustorum opera vitæ æternæ de condigno meritoria non esse, ratione pacti, sed solummodo ratione operis. Verum hoc non obstat quominus fateantur solum Dei promissionem esse quæ Deum obligat ad vitam æternam bonis regeneratorum operibus reddendam; & absque hac promissione, Deum posse extra iniustitiam ullam, vitam æternam bonis quibuscumque operibus denegare: quoniam per illa, absque Dei pacto, nulli jus ad vitam æternam acquiritur. Nimirum existimant non pertinere ad meriti rationem ut merces illi jure debeatur, & ex iustitia ei reddenda sit: sed sufficere ut sit opus mercede dignum, atque illi par & æquale, quoque illam ab animi grati officio postulet. Bona vero iustorum opera quæ ex gratia procedunt, juxta illorum mentem, ante Dei promissionem, & citra respectum ad illam, vitæ æternæ mercede digna sunt, & parum ex se ad eam valorem & dignitatem habent.

LVII. Hæc est doctrina *Gabrielis Vasquez* in 1, 2. Tom. 2. Disp. 214. cap. 4. & seqq. Ubi probare contendit variis argumentis, Opera bona iustorum ex seipsis, absque ullo pacto, aut acceptationis favore, condigne merere vitam æternam: & quamvis operibus iustorum divina promissio accesserit, eam tamen, aut ullum aliud pactum, seu favorem, ad rationem ipsam meriti nullo modo pertinere: prius enim esse æqualitatem dignitatis inter opera, & vitam æternam, quam eis accedat pactum & promissio Dei. Ac nihilominus concedit, quemadmodum supra dicebamus, quod, nisi Deus promississet mercedem, non possemus illam ab eo postulare, & jure aliquo exigere: ac debitum remunerationis vitæ æternæ, non ex operibus quantumvis dignis, sed ex munificencia Dei, qui promissit, quum possit non promittere, ortum esse: ut videre est Tomo modo citato, disp. 213. cap. 8. Quoniam ex ejus sensu meritum non includit debitum iustitiæ.

LVIII. Sed communior Scholæ Romanæ sententia inter duas illas quasi extremas media est. Statuit, videlicet, bona iustorum opera per gratiam Christi facta vitam æternam de condigno mereri, neque ex solo Dei pacto, nec etiam ex sola dignitate operis; sed ratione pacti atque operis simul. Non quidem quod, juxta illos, sine pacto vel acceptatione Dei, non habeat opus bonum proportionem ad vitam æternam: sed quia non tenetur Deus acceptare ad illam mercedem opus bonum, quamvis par & æquale precedi, nisi conventio interveniat. Itaque qui sunt in hac sententia ab authoribus primæ sententiæ differunt, quod, contra quam illi, censent bona opera, ante promissionem, & citra respectum ad illam esse vitæ æternæ condigna, & ad eam habere quandam proportionem atque æqualitatem: à *Vasque* vero tertiæ sententiæ propugnatores, quod putant hoc ad meriti rationem non sufficere; sed præterea ad illam requiri ut operi debeat ex iustitia merces. Quod debitum, cum sit in divini promissione fundatum, non vero in ipsa operum natura, ideo cum authoribus primæ sententiæ fateantur bona opera, ante promissionem, non esse vitæ æternæ de condigno meritoria. Hæc est sententia *Bellarmini* lib. 5. de Justif. cap. 17. *Petri à Sancto Joseph* in Idea Theologiæ speculativæ lib. 4. cap. 11. Resolutione 4. *Becani* in summa Theol. Tom. 2. tract. 4. cap. 5. num. 11. & aliorum plurimorum, quorum nomina & testimonia sigillatim referre diligentia superflua esset.

LIX. Jam vero ut rem totam in pauca contrahamus, ex iis quæ hæcenus exposita

posita sunt patet Ecclesie Romanæ Doctores communi consensu fateri. 1. Opera bona regnitorum non esse vitæ æternæ condigna, si solum ex intrinseca bonitate æstimentur, nec habita ratione personarum à quibus procedunt; & quod sunt obsequia non servorum simpliciter, sed eorum quos Deus gratiose in filios adoptavit. 2. Quæcumque bonis hominum operibus putetur inesse dignitas, Deum absolutè loquendo, id est, secluso pacto & promissione divina, nihil quicquam iis debere; nec ullo iurè teneri ut illa vitæ æternæ, & gloria cœlesti coronet. 3. Quod Deus bonis iustorum operibus vitam & gloriam æternam promissit, omnino & in solidum liberalitati ejus & benignitati tribuendum esse, non ulli obligationi. 4. Vitam æternam, respectu fidelium, habere rationem, non tamen mercedis debet, sed etiam doni gratuiti. 5. Christum sanguine suo vitam æternam nobis, ut filiis Dei donandam, immediatè promeritum esse non vèro tantum mediatè, quia, scilicet, nobis meruit gratiam per quam faciamus bona opera, quibus vitam & gloriam æternam consequamur. 6. Prius fideles jus ad vitam æternam, ut paternam hereditatem, tanquam Dei filios per Christum adoptatos habere, quam illam ut mercedem liberaliter à Deo promissam operibus suis obtineant. 7. Quod ex istis omnibus sequitur, bona opera iustorum ex se & natura sua non esse meritoria vitæ æternæ; sicut mala opera sunt mortis æternæ meritoria. 8. Bona fidelium opera in extremo die acceptura esse mercedem ampliorem, quam iusto iudicio mereantur accipere.

LX. Præterea quoque manifestum fecimus multos Doctores Ecclesie Romanæ fateri bona iustorum opera, ante Dei promissionem, & citra respectum ad illam, non esse vitæ æternæ condigna, neque pretium ipsi par & æquale, quia vitæ æternæ dignitas longè superat ejusmodi operum præstantiam, etiam si considerentur secundum totam bonitatem quam habent, non solum ex objecto suo, & ex suis circumstantiis, sed etiam ex suo principio scil. ex gratia Christi. 2. Plurimos ex iis qui statuunt bona opera, etiam ante Dei promissionem esse vitæ æternæ condigna, non tamen propterea inter bona opera, & vitam æternam ponere æqualitatem absolutam & strictam; sed tantum aliqualem, & proportionalem, qualis est viæ ad terminum, mediolorum ad finem, & seminis ad fructum, & qualem reperire licet inter eos ejusdem generis, & quæ ex eodem principio manant, quæque se ad invicem habent, sicut inchoatum atque absolutum. 3. Bona fidelium opera non acceptari à Deo ad præmium vitæ æternæ, nisi quatenus tincta & aspersa Christi sanguine, id est, propter pretium quod ex merito Christi iis accedit, sive ex peculiari Dei favore, & benevolentia, quam Christus sanguine suo nobis promeritus est. 4. Bonis Operibus per gratiam Christi factis, etiam posita promissione Dei, non deberi vitam æternam stricto iure, sive ex rigore iustitiæ; sed solum ex iustitia tali quæ præsupponit misericordiam, atque illam comitem habet: Adeoque bona opera, respectu vitæ æternæ, non habere rationem meriti strictè sumpti; nec illam mereri secundum iustitiæ rigorem. 5. Iustitiam quam Deus exercet, dum bonis operibus vitam æternam retribuit, esse solum iustitiam communi quadam ratione sic dictam, nempe, non aliud quàm Dei fidelitatem, aut condescensionem bonitatis illius, sive reëctitudinem divinæ voluntatis, sese legi, seu dictamini sapientiæ divinæ conformantis.

LXI. Denique his non obstantibus ostendimus, ex communi Scholæ Romanæ sententia, bona opera iustorum non solum debere, sed etiam vitam æternam verè promereri, sed etiam illius meritoria ex condigno. 1. Quosdam Doctores Ecclesie Romanæ bonis iustorum operibus, citra ullum respectum ad promissionem divinam, tribuere perfectam cum vitæ æternæ æquivalentiam, & pretium illi plane par & æquale. Adeoque nonnullos ex ipsis consueque progredi, ut saltem posita Dei promissione, velint bona iustorum opera vitam & gloriam æternam mereri, secundum ipsum iustitiæ rigorem, & vitam æternam illis esse retribuendam, propriè & strictè loquendo, ex illa iustitia quæ commutativa dicitur, quæ servat æqualitatem in datis & acceptis.

LXII. Illis vero quæ priori harum Thesium parte fusius exposita sunt, ostensum est Doctores Ecclesie Reformate, non negare inter bona fidelium opera, & vitam æternam multiplicem esse relationem, sive habitudinem: illosque ultro fateri & docere 1. Renatorum opera per gratiam Christi facta Deo placere & probari, illi quæ promissam à Deo vitam & gloriam æternam. 2. Bona ejusmodi opera habere

re, cum tanto præmio quandam naturæ convenientiam, & aptitudinem ut ad illud ordinentur: non solum quia sunt Opera filiorum & amicorum Dei, verum etiam quia ab amore Dei manant, & ad honorem illius referuntur, bonaque sunt & sancta bonitate quadam supernaturali: ac proinde congruum & consentaneum est divinæ bonitati & munificentiae, proponi illis gloriam & felicitatem supernaturalem. 3. Bona opera piorum ideo posse dici vitam æternam digna; non quidem dignitate illa quæ in relatione iustitiæ consistit, sed quæ consistit in quadam naturæ convenientia. 4. Bona & sancta opera fidelium ad gloriam æternam similem habitudinem & proportionem habere ei quam habent via ad terminum, & media ad finem; semen ad fructum, & sementis ad Messiem; certamen ad coronam liberaliter Propositam & labor ad mercedem gratuito pormissam; denique initium rei ad ejus consummationem. 5. Itaque vitam æternam fidelibus & sanctis duplici nomine donari, & tanquam hereditatem jure adoptionis ad ipsos pertinentem, & tanquam mercedem, quam Deus piis eorum laboribus & obsequiis gratuito promittit. 6. Vitam æternam Remotorum bonis operibus retribuendam esse, non tantum ex misericordia, sed aliquo etiam modo, ex iustitia: Quatenus, nempe, iustitia significat in Deo fidelitatem in promissis servandis & æquitatem illam, juxta quam Deus nullius personam accipiens, singulorum operibus reddit, quod ejus tum bonitati, tum sapientiæ congruum & consentaneum est.

LXIII. Deinde docuimus Theologos Reformatos negare quidem bona fidelium opera vitæ æternæ propriè loquendo meritoria esse, quoniam ex se parum cum ea valorem non habent, nec eam jure stricto & rigido exigere possunt; quod putant ad meritum verum & propriè dictum requiri. Et nihilominus eos agnoscere bona Remotorum opera dici posse vitam & gloriam æternam meriti latiori quodam & improprio sensu, apud præfatos Ecclesiæ Doctores usitatum, & in publicis quibusdam Protestationum scriptis & confessionibus recepto; juxta quem, scilicet, meritum significat opus omne ad præmium aliquod, quocunque modo ordinatum. A quo tamen loquendi modo hodie sibi abstinendum judicant, ne favere videantur iis qui perpendunt bona opera vitæ æternæ meritoria esse de condigno & secundum iustitiæ rigorem.

LXIV. Porro ex omnibus istis colligimus, id quod capitale est in hac controversia, nempe, bonis operibus vitam æternam per se non deberi; nec Deum teneri illa tanto præmio coronare, nisi ex pacto gratuito, & liberali præmissione sua; ac Deum bonis operibus redditurum esse mercedem ampliorem, quam iusto iudicio mereantur accipere, id inquam, tantam habere veritatis evidentiam, ut in Schola Romana communiter recipiatur, & contrariam sententiam damnaverint ipsi Pontifices Romani. Deinde nullam questionem, quæ sit realis & alicuius momenti, nobis hic superesse, nisi cum iis qui dicunt, ut *Franciscus Suarez*, bonâ iustorum opera vitam æternam mereri secundum strictum iustitiæ rigorem, & vitam æternam ipsis esse reddendam ex iustitiâ propriè sic dictâ; eaque commutativâ, quæ acceptis paria reddit: aut saltem qui cum *Vasquezio* asserunt bona opera, citra respectum ullum ad promissionem divinam, esse pretium vitæ & gloriæ æternæ æquivalens, quodque parum cum ea valorem atque dignitatem habeat, & ratione cujus cælum proponi bonis venale dici possit. Omnes autem illos qui dicunt bona opera vitam & gloriam de condigno mereri; & tamen docent totam dignitatem & rationem meriti, quæ bonis operibus inest, à gratuito Dei pacto pendere: aut saltem, si ante ipsam Dei promissionem, vita æterna digna dici debeant, non tamen cum ista habere strictam iustitiæ æqualitatem; sed tantum quandam convenientiam, atque habitudinem; nec vitam æternam ipsis esse retribuendam ex iustitiâ propriè sic dictâ; sed ex Dei fidelitate & bonitatis ejus condescenduntia; quæ latiori modo iustitiâ dicitur: adeoque bona opera non habere respectu vitæ æternæ rationem meriti strictè sumpti, & secundum totam iustitiæ rigorem: omnes, inquam, illos doctores, quoad rem ipsam nobis astipulari, licet loquendi modum merito nobis improbatum sequantur.

LXV. Nempe meritum de condigno longe aliter atque nos definiunt. Quoties autem non convenit de definitione ejus quod hinc negatur, & inde affirmatur, necesse est non de re per nomen significata, sed de nomine esse contentionem. Ad meritum enim duo sunt juxta mentem nostram, omnino requisita. Unum ut opus illud quod vocatur meritorium, per se & sua natura, quoad pretium & valo-

rem æquale sit præmio quod mereri dicitur. Alterum ut præmium illud, propter illam æqualitatem, operi debeat ex iustitiæ rigore, sive ex iustitia propriè & strictè sic dicta. Adeoque quum negamus opera bona fidelium de condigno mereri vitam æternam, negare intendimus opera ista, quoad pretium & valorem per se esse vitæ æternæ aequalia, & propterea vitam & gloriam æternam illis ex rigore iustitiæ deberi, quod etiam nobiscum negant illi de quibus jam agimus. Sed pertendunt istud minimè necessarium esse ad hoc ut opera nostra vitam æternam de condigno mereri censeantur. Quippe, ex eorum mente, meritum de condigno reperiri potest etiam ubi locum non habet exacta iustitia, proprièque & strictè sic dicta, & ubi opus mercedi par non est, nec habet cum mercede æqualitatem strictam & absolutam. Sed ad fundandum verum meritum de condigno, sufficit promissio quælibet, sub cuiuslibet operis conditione facta, quantumvis opus illud ex se sit infra valorem & dignitatem mercedis, neque merces ei debeatur ex alia iustitia, quam illa quæ exigit ut conditione præstita donetur id quod fuit liberaliter sub tali conditione promissum. Adeoque, quum dicunt bona Renatorum opera vitam æternam de condigno mereri, per id significare nolunt inter bona opera & vitam æternam esse *commensurationem per omnimodam æqualitatem*: sed tantum per quandam convenientem proportionabilitatem, sicut fructus rectè dicitur commensurari semini, ut loquitur Bonaventura. Nec etiam bonis operibus illis vitam æternam deberi ex iustitia, quæ communi & impropria ratione sic appellatur, quatenus iustum est ut Deus impleat promissionem suam de vita æterna bonis operibus donanda; decetque bonitatem & sapientiam Dei ut pia sanctaque opera filiorum, quos adoptavit in Christo, tam magnifico præmio benignè remuneretur. Quæ duo Theologi Reformati facile concedunt.

XXVI. Proindeque quum illi moderatiores Scholæ Romanæ Theologi asserunt bona Opera Renatorum vitam æternam verè atque ex condigno mereri, affirmare non intendunt id à quo tantopere Protestantes abhorrent, nempe inter bona fidelium opera, & vitam æternam esse æqualitatem valoris, qualis esse debet inter pretium & rem emptam, & quod consequens est, vitam æternam illis ex rigore iustitiæ propriè sic dictæ deberi: sed solum id quod Reformati fatentur, nempe inter vitam æternam, & bona opera iustorum esse convenientiam & proportionem quandam, qualis reperitur inter semen & fructum, inter medium & finem, inter rem affectam atque inchoatam, & rem eandem consummatam, & inter certamen, & præmium quod liberaliter illi promissum est: præterea, posita Dei promissione, ejus fidelitatem atque veracitatem, & condecensiam bonitatis illius exigere ut bonis piorum operibus vitæ æternæ præmium rependatur. Et sic inter utroque superesse videtur merum de nomine certamen. Nimirum, cum convenient de relatione atque habitudine quæ est inter vitam æternam, & bona piorum opera, quæritur num relatio & habitudo ista rectè & convenienter appellari possit meritum de condigno? quod affirmant Doctores Ecclesiæ Romanæ, Reformati vero negant, existimantes hanc loquendi formulam abusivam, & periculosam esse, & à ratione maxime alienam.

LXVII. Rem autem sicut jam diximus se habere, & plurimos Doctores Ecclesiæ Romanæ, licet hac in parte malè atque incommode loquantur, reipsa tamen veritatem doctrinæ nostræ agnoscere, ac proinde de ipsa re propriè litem nobis esse, solum cum quibusdam rigidioribus Scholæ Romanæ Doctoribus, testatur pluries nobis citatus Davenantius de Iustitia actuali cap. 53. Ubi postquam ostendit ipsum Thomam Aquinatem per meritum, etiam condigni, nihil aliud denotare quam opus ex Dei ordinatione impetratorium mercedis, absque æqualitate valoris ad mercedem, absque debito iustitiæ in Deo ad retribuendam mercedem. Et Durandum diserte negare meritum de condigno strictè sumptum posse esse hominis ad Deum: ac Doctorem illum per actum meritorium nihil aliud intelligere, quam actum ordinabilem ad præmium. Atque his duobus posse annumerari, Scotum, Gregorium, Gabrielem, Okanum, Alfontium, aliosque quamplurimos, ex melioris notæ Pontificiis, qui ex professo docuerunt opera iustorum auxilio gratiæ facta, non tamen habere intrinsecam condignitatem ad vitam æternam: sed quod attinet ad hanc remunerationem, eam inibi totaliter gratiosa Dei acceptance, ac promissione, subiungit, Non igitur cum Patribus, neque cum hisce sanioribus Pontificiis sit ulla nobis eris de nudo meriti vocabulo (quamquam multo melius & iusti-

us est ab hoc vocabulo abstinere) sed contra nuperos Papistas dimicabimus, qui meritum ita defendunt, ut propter hæc opera quæ merita appellant, Deum ipsum ex iustitia hominibus debitorem affirmet, atque condignitatem, sive æqualitatem inter hæc merita hominum; & vitæ æternæ præmium constituent. Cujus erroris refutationem, ut & aliorum qui hic notari possunt in Doctoribus Ecclesiæ Romanæ, in disputationem aliam reservamus, quandoquidem hæc jam plus satis excrevit.

THESES THEOLOGICÆ
DE
BONORUM OPERUM
RELATIONE
AD
VITAM ÆTERNAM
PARS TERTIA

*In qua notantur atque refutantur errores Doctorum
Ecclesiæ Romanæ.*

T H E S I S I.

Posteriori harum Thesium parte, quantum in nobis fuit, dilucide exposuimus Scholæ Romanæ Doctrinam circa bonorum operum meritum & valorem, respectu vitæ & gloriæ æternæ; & varias Scholasticorum hac de re sententias breviter recensuimus: ac etiam inde collegimus quid hic inter Scholam Romanam & Reformatam controversum maneat. Restat ut. errores varios qui in hac quæstione, sive quoad rem ipsam, sive quoad loquendi modum, in Doctoribus Scholæ Romanæ notari possunt paucis refellamus.

II. Primus & gravissimus error eorum est qui docent bonis justorum operibus vitam æternam ex iustitia deberi, etiam citra ullum gratuitum Dei pactum, & liberalem ejus promissionem: adeoque bona opera per se & sua naturâ mereri vitam æternam; sicut mala opera per se mortem æternam merentur. Sed quam istud contra omnem rationem dicatur potest variis argumentis ostendi.

III. Primò enim quicquid boni homo præstare potest multis hominibus id totum Deo debet, & quantumlibet exactè officio fungatur, respectu Dei non aliud quam debitum exolvit. Nemo vero alteri exhibens id quod illi debet in solidum, hoc ipso potest illum ad mercedem, vel præmium reddendum obligare.

IV. Præterea longè major est dependentia hominis à Deo quam inter homines servi à Domino, & filii à Patre. Jam vero servus quicquid agat, jus non habet mercedem à Domino exigendi; quia quicquid est, aut habet servus, id totum Domini est, & quicquid acquirit Domino acquirit. Et similiter filius, quicquid præstet parenti in cujus potestate est, non potest illum sibi debitorem constituere: quia nemo potest patri reddere æquivalens pro beneficiis acceptis: tantum abest ut possit illum

illum ex iustitia obligare ad beneficia nova conferenda. Quanto minus igitur poterit homo Deum sibi rei ullius debitorem reddere; cum longe plus juris atque potestatis Deus in nos habeat, quam Dominus in servum & Pater in filium, & nos ipsi pluribus nominibus sumus obstricti, quam filius Patri, & servus Domino.

V. Imo nec inter pares jure tenetur aliquis alterius laborem & operam remunerari, nisi ad istud ultro se conventionione aliqua obstrinxerit; vel saltem alicujus superioris lege sit obligatus. Quid ergo potest Deum ad vitam æternam hominibus donandam obstringere, ante liberam ejus promissionem; cum nullum habeat se superiorem, nec ulla fingi possit ab alio lex ipsi esse posita?

VI. Adde quod, nequidem juxta Dei pactum in lege olim cum homine initum, fidelium bonis operibus vita & gloria æterna debetur. Nec enim opera ista, tantibus ipsis Doctores Ecclesiæ Romanæ, assequuntur totam illam perfectionem quam lex primo homini lata ab eo exigebat, & quam in primævo integritatis statu revera præstare poterat & debebat, ut fieret vitæ æternæ particeps. Ac proinde ut Deus illum quocunque modo bonis piorum operibus debere censeri possit, necesse est ut ad hoc gratiosa & liberali promissione sese de novo obstrinxerit.

VII. Huc accedit quod bona nostra opera à gratia Dei procedunt, & sunt ipsius gratuita dona. An ergo Deus gratiam unam nobis conferendo hoc ipso ad aliam dandam jure tenebitur? Et quis concipere queat illum qui beneficium ab alio accipit hoc ipso jus acquirere ad beneficium novum ab eo exigendum?

VIII. Sed in tam crasso errore confutando nimium immoramur, & poteramus illud in totum omittere, quandoquidem communiter in Schola Romana hodie rejicitur: & aperte damnatus est ipsis Romanorum Pontificum Bullis, in quibus erroris notatur ista propositio, *sicut opus malum ex sua natura est mortis æternæ meritum; sic opus bonum ex sua natura, est vitæ æternæ meritum*. Item hæc, *Quod pie & iuste in hac mortali vitæ conversati usque in finem, vitam consequuntur æternam; id non gratia Dei proprie, sed ordinationi naturali statim initio creationis constituta; jussu Dei iudicio deputandum est*. Ut antea ex Bellarmino manifestum fecimus.

IX. Veruntamen etiamnum in Schola Romana vigent errores admodum affines, & illo non multo minus graves, & pietati, ac rectæ rationi adversi. Licet enim jam, quantum equidem novi, communi consensu agnoscat, ante Dei pactum & promissionem, bonis iustorum operibus vitam & gloriam æternam ex iustitia non deberi, nihilominus quidem ejus Doctores, atque inter alios *Gabriel Vasquez*, Jesuita pertendunt vitam æternam, etiam sine Dei pacto, debitam esse bonis operibus, si non ex iustitia, saltem ex gratitudine, ut patet ex iis quæ de eo retulimus superiori disputatione.

X. Sed in eo primum ipsius *Vasquezii* constantiam desideramus. Quamvis enim affirmet * bona iustorum opera ante Dei promissionem & citra respectum ad illam esse vitæ æternæ de condigno meritoria; & meritum definiat opus cui præmium ex gratitudine debetur; nihilominus alibi veritate victus agnoscit † Possē Deum, si vellet, habenti iustitiam & sanctitatem, absque ulla injustitia & ingratitude, vitam æternam denegare, quoniam Deus est author omnium, adeoque nemini obstrictus. Quomodo enim hæc duo simul consistere possunt, Nempe fidelium bonis operibus vitam æternam deberi, saltem ex gratitudine, & tamen Deum posse absque injustitia, vel ingratitude, bonis operibus illis vitam æternam non donare?

* In 1, 2. Tom. 2. disp. 214. cap. 4. & seqq. † In 1, 2. Tom. disp. 204. cap. 4. sub finem.

XI. Verum quamquam postremum istud negare vellet, *Vasquez*, attamen veritas hæc ex Evangelio aperte constaret. Nam *Luce* cl. 17. Christus docet fideles similes esse servis quibus, etsi sedulo ac diligenter officio functi sint, dominus non tantum nullam mercedem debet, sed nequidem gratias ipsis agere, aut habere tenetur: *Quis vestrum, inquit, habet, servum arantem, aut pascentem, qui regresso de agro dicat illi statim, Transi & recumbe? Et non dicat ei, Para quod cenem, & præcinge te & Ministra mibi, donec manducem & bibam, & posthæc tu manducabis & bibes? Nunquid gratiam habet servo illi, quia fecit quæ ei imperaverat? Non puto, sic & vos quum feceritis omnia quæ præcepta sunt vobis, dicite, servi inutiles sumus; Nam quod debuimus facere fecimus*. Quantum ergo fideles ab eo debent esse animo alieni, ut existiment operibus quæ juxta Dei præcepta fecerint, Deum ex gratia animo alieni, ut existiment operibus quæ juxta Dei præcepta fecerint, Deum ex grati animi officio,

cio, tantam mercedem debere, quanta est vita & gloria æterna? An enim Deus æternus & immensus plus debet nisi illis hominibus à se creatis & redemptis, quam herus emptitio servo, qui planè ejusdem est cum heri naturæ, nec ulla in re coram Deo minor?

XII. Præterea ex grati animi officio nihil debetur nisi iis à quibus beneficium aliquod acceptum est. Deus autem à creatura sua nihil accipit. Neque quicquid boni agamus ullum inde ad eum redit emolumentum. *Quid prodegi Deo si iustus fueris? aut quid ei confers si immaculata fuerit via tua?* Inquit Eliphaz apud *Jobum* cap. 22. Ac proinde nobis nihil procedere potest quod Deum ex gratitudine debitorem erga nos constituere possit, nedum debitorem tantæ remunerationis.

XIII. Inno tantum abest ut opera nostra rationem habeant beneficii in Deum collati, ut contra potius numerari debeant inter beneficia maxima à Deo accepta, quorum nomine Deo summe obstricti sumus, & ad gratias agendas obligati. Siquidem quot à nobis bona opera sunt, totidem sunt Dei munera, & mera gratiæ ipsius effecta. An ergo idem illud quod tanquam maximum Dei beneficium agnoscendum & celebrandum est, nostrum quoque in Deum beneficium erit, cujus nomine nobis gratiam & habere, & referre tenebitur?

XIV. Tertius error eorum est qui fatentur quidem bonis operibus citra promissionem divinam nihil deberi; verum posita semel Dei promissione, vitam & gloriam æternam illis ex iustitia propriè & strictè sic dicta, cum *Summe* deberi & rependi contendunt. Sed inter Deum & homines locum habere non posse iustitiam propriè sic dictam, præsertim computativam, ut *Summe* ille opinatur, non solum agnoscunt plerique Doctissimi & celeberrimi Scholæ Romanæ Theologi; verum ex ipsis conditionibus, quas ad talem iustitiam requirunt illi quibuscum nobis res est, illud ostendere non est difficile.

XV. Ut jam enim cæteras omittam, ad hoc ut præmium aliquod ex iustitia de qua agimus rependatur, necesse est ipsis fatentibus ut interveniat commutatio talis, quæ ponat mutuam dationem & acceptationem ex utraque parte. Verum Deus à nobis nihil propriè accipit. Nam ipsa bona opera quæ facimus Deus potius nobis dat, quam nos illi. In omnibus enim bonis actionibus Deus est qui dat nobis, velle & perficere. Dicimus quidem opera nostra bona offerre Deo; sed non tanquam pretium æquale præmiis ab eo expectandis, per modum commutationis: solum vero tanquam sacrificia laudis, & qualiacunque grati animi testimonia. Nec etiam quævis datio & acceptio constituit actum iustitiæ commutativæ inter duas personas, sed illa tantum in qua reperitur mutuum quodammodo damnum, & mutua quoque utilitas: sive illa per quam aliquid accipienti accedit, & contra danti aliquid decedit. Sed hæc, ut manifestum est, Deo convenire nullo modo possunt. Nam quum dat non abdicat à se rei datæ dominium: quum accipit, non percipit ullam ex rebus nostris utilitatem. Ac proinde Deus quum præmia dispensat nulloatenus exercet actum iustitiæ commutativæ; quandoquidem neque dando potest quidquam à se alienare; neque accipiendo aliquid ad se pertrahere quod antea ipsius non erat, aut unde fructum aliquem capiat.

XVI. Deinde ut promissa merces ex rigore juris operi debeatur & ex commutativa iustitia retribuatur, necesse est ut opus per se à sua naturâ sit promittenti indebitum, & tale ut qui mercedem promittit non possit absque mercede pro jure suo illud exigere. Nam qui præstat id quod jam alteri debet, nil dat illi, sed tantum reddit ei quod suum est: ac proinde nullum jus per hoc in eum acquirere potest. Nec Promissio gratuita operi jam debito facta efficit ut opus minus quam antè debitum sit, adeoque ut qui præstat illud censeretur potius debeat dare aliquid promittenti, quam si absque promissione opus idem exhibuisset. Itaque qui operibus pleno jure jam sibi debitis liberaliter aliquid pollicetur, ut quum Pater Filiorum & Dominus servorum obsequiis aliquid promittunt, tenetur quidem ratum facere quod pollicitus est; Verum non ex iustitia propriè dicta, sed ex fidelitate. Et quamquam Pater non præstans quod promissit filio, & Dominus quod promissit servo, argui possit infidelitatis sive inconstantiæ; Non tamen servus, vel filius, propterea jure potest in Dominum, vel Patrem, agere, tanquam qui acceptis æqualia non Reddit, & injustè detinet quod justè partum est alieno labore.

XVII. Præterea juris rigor & stricta iustitia gratiam omnem, ut notum est, excludunt, ac proinde repugnat vitam æternam fidelibus & piis ex juris rigore deberi, &

K k k k

tamov

tamen simul ex gratia donari, & eorum respectu rationem aliquam habere doni gratuiti. Vitam æternam autem fidelibus proponi ut donum quoddam gratuitum & gratiam à Deo misericorditer & benigno expectandam manifestum est ex Scriptura Sacra, in qua jubemur expectare misericordiam Domini nostri Jesu Christi in vitam æternam. *Vos ipsos, inquit Judas Apostolus, in dilectione Dei servate; expectantes misericordiam Domini nostri Jesu Christi in vitam æternam.* Quam veritatem quoque Agnoscit & prædicat Concilium ipsum Tridentinum, docens vitam æternam bene operantibus usque in finem proponendum esse, non solum tanquam mercedem bonis eorum operibus fideliter reddendam, sed etiam tanquam gratiam filiis Dei per Jesum Christum misericorditer promissam: & justos sperare debere æternam retributionem à Deo per ejus misericordiam, & Jesu Christi meritum. Hæc sunt enim verba Concilii istius Sess. 6. cap. ult. *Bene operantibus usque in finem, & in Deo sperantibus proponenda est vita æterna, & tanquam gratia filiis Dei per Jesum Christum misericorditer promissa, & tanquam merces ex ipsius Dei promissione bonis ipsorum operibus & meritis fideliter reddenda.* Et Canone 26. *Si quis dixerit justos non debere pro bonis operibus, quæ in Deo fiunt facta, expectare, & sperare æternam retributionem à Deo, per ejus misericordiam, & Jesu Christi meritum, si bene agendo, & divina mandata custodiendo usque in finem perseveraverint, anathema sit.* Ubi valde observandum est, juxta Concilii Tridentini verba, non solum ad misericordiam Dei referendum esse, quod homines fiunt ex peccatoribus justi: sed etiam quod justis, secundum Dei promissam, vita æterna in extremo judicio retribuenda est. Jam vero quis capiat vitam æternam esse retributionem quam justis debent expectare à Deo per ejus misericordiam, & Jesu Christi meritum, & talem mercedem quæ sit quoque gratia misericorditer, promissa; & tamen illam justis stricto jure deberi, & ex rigide, ac proprie dicta justitia rependi? Et si Deus vitam æternam justis retribuit ex misericordia, quomodo etiam ex stricta justitia, quæ misericordie & gratiæ opponitur?

XVIII. Neque minus repugnant hæc duo, ut quis ex rigore juris in regnum celorum admitti mereatur, & tamen simul ex rigore juris ab eodem regno mereatur excludi. Certum est autem, ex ipsa confessione Doctorum Ecclesiæ Romanæ. Homines quantumlibet justos, juxta legem ordinariam, in hoc mortali corpore non vivere sine peccatis quibusdam levibus & quotidianis, quæ nisi per misericordiam divinam remittantur, hominem excludunt à regno celorum, in quod nihil potest immundum ingredi. Unde est quod sanctissimi quique cum Propheta David dicere opus habent, *Ne intres in judicium cum servo tuo, Non enim justificabitur coram te omnis vivens.* Et juxta Christi præceptum quotidie orare. *Dimitte nobis debita nostra.* Quomodo ergo possunt iidem pro jure suo vitam æternam à Deo, tanquam ex rigore sibi debitam exigere? si opus est ut Deus piis & justis quibuslibet ipsorum debita dimittat, ad hoc ut in regnum coeleste admittantur, qua ratione Deus censeri potest iis regnum illud rigido & stricto jure debere?

XIX. Sed nec illi Doctores Ecclesiæ Romanæ qui fatentur hic locum non habere strictum jus, & etiam posita promissione divina, vitam æternam piis ex justitia proprie sic dicta non deberi, sunt ab omni errore hac in parte immunes. Multi enim eorum nihilominus contendunt, etiam seclusa divina promissione, bona justorum opera sic esse vitæ æternæ condigna, ut pretium sit illi æquale, & eadem cum ea valorem habeant; non quidem ex se, & sua natura, & simpliciter quatenus sunt actiones legi Dei conformes, sed habita ratione principii operantis, quia, scilicet, fiunt per spiritum inhabitantem, & Jesu Christi gratiam, & ab iis quos Deus in filios adoptavit.

XX. Sed certe tantum abest ut obsequiis quæ Deo præstant fideles, & amoris quo Deum diligunt, valor & pretium apud Deum accrescat, ex eo quod Deus illos in filios adoptavit, & regni sui hæredes instituit, atque per jure sui spiritus auxilium, ad pios istos actus illos excitat, movet atque impellit, ut si supponamus amorem eundem, & obsequia eadem exhiberi, ab iis quos Deus nondum tanto honore dignatus est, & quibus paria non confert auxilia, videantur plus habitura pretii, & laude ac mercede majori fore digna. Nam certe qui minoribus beneficiis provocatus, nihilominus tantundem amat atque diligit, plus meretur gratitudinis; & plus laudis debetur ei, qui minoribus adjutus auxiliis, opera tamen non minora præstat. Proinde, si bona opera ex intrinseca tantum actus in se considerati bonitate æstima-

ra, & ratione suæ ad voluntatem & legem divinam conformitatis, non sunt gloria cœlesti condigna, nec æqualis cum ea valoris & pretii, valorem illum habere non possunt ex gratia, cujus vi & auxilio fiunt, aut ex dignitate personæ à qua fiunt.

XXI. Nec etiam à Christi sanguine & merito bonis iustorum operibus accedere potest ejusmodi dignitas, ut sibi fingunt Scholæ Romanæ Theologi. Nam Christi sanguis habet quidem eam vim, ut eo tincta fidelium opera, à Deo ad vitam æternam acceptentur: verum id non præstat novum quandam valorem operibus illis indendo, & eorum in se pretium augendo, sed efficiendo ut eorum defectus à Deo ignoscantur, nec rigide in ejus judicio excutiantur, Deumque movendo atque impellendo ut æternam gloriam atque felicitatem, quæ longe valorem eorum exuperat ipsis polliceatur, & suo tempore conferat, interno eorum pretio & valore nil propterea immutato.

XXII. Ac profecto quicquid hic comminiscantur Doctores Ecclesiæ Romanæ, necesse est ut fateantur bona fidelium opera, etsi fiant per Christi gratiam, & spiritum inhabitantem, non attingere tamen, propter hærentem adhuc fidelibus concupiscentiam, perfectionem illam quam postulat summa legis *aussine* & quam lex à primo homine exigebat, quæque, dum integer manlit, in ejus operibus revera reperiatur. Quomodo ergo possunt opera ista pretio exæquare undiqueque perfectam & plane summam illam gloriam & felicitatem, quam Deus illis gratis promittit, & qua majorem homini integro sperare non licebat; cum tamen proculdubio Deus Optimus & benignissimus fuerit ejus obsequium supra condignum remuneraturus, nec præmium quod esset infra operum illius dignitatem ipsi proposuerit. Certè, si dicantur bona opera fidelium paria esse cum vita & gloria æterna valoris, necesse est ut illis perfectiora extra omne dubium, integri hominis opera, gloriam illam pretio & valore multum superarint, adeoque ut Deus illis in lege sua promiserit præmium minus quam mererentur: si quidem nihil majus vita cœlesti atque immortalis, obsequio hominis integri promissum est.

XXIII. Quod attinet Doctores illos Scholæ Romanæ, qui docent bonis iustorum operibus, non solum, etiam posito Dei pacto, vitam æternam ex stricta iustitia non deberi: sed nec opera illa, ante Dei pactum & promissionem, quocunque tandem modo considerentur, esse gloria cœlesti condigna, & æqualis cum ea valoris, adeoque bona fidelium opera esse quidem vitæ & gloriæ æternæ meritoria de condigno, sed ratione pacti tantum, non vero operis ipsius ratione; quod, inquam, istos doctores attinet, ex præcedenti nostra disputatione clarum est, illos cum Ecclesiæ Reformatæ Theologis re ipsa consentire, & differre tantum verbis, atque loquendi modo.

XXIV. Merito tamen querimus Doctores istos, qui quoad rem ipsam veræ doctrinæ consentiunt, vehementer vocibus abuti, quam meritum de condigno vocant id quod nullo modo nomen illud meretur, si legitimum & ordinarium vocabulorum usum sequi velimus. Etenim qua cum ratione vitam æternam de condigno mereri dicatur opus, quod per se non est tanto præmio dignum, sed cui præmium illud supra propriam ejus dignitatem liberaliter promissum est? Certè potest quidem promissio pollicentem obligare ut donet illud quod promissum, sub conditione cujuslibet operis: sed opus propterea non sit condignum præmio, vel mercede, quæ valorem ejus longissime superat. Sicuti labor diurnus vinitoris unico denario abunde compensandus, non acquirit novum pretium & valorem, etiam si centum aurei liberaliter ei promittantur: neque propterea fit æqualis tantæ mercedi, & si rectè velimus loqui, ea condignus.

XXV. Adde quod ista locutio non solum abusiva, sed valde periculosa est: ac, cum aliquid superbum per se sonet, præsumptioni humanæ adbanditur, & occasionem præbet in re ipsa graviter errandi, operibus nostris nimium tribuendo, & aliqua ex parte imminuendo gloriam divinæ misericordiæ. Quod in Schola Romana contigisse negare non possunt illi quibuscum nobis res est: quandoquidem nobiscum damnant excessum illorum ex suis, qui ita meritum de condigno explicant, ut doctores homines vitam æternam ex rigore justitiæ mereri, & pro ea solvere prægium æquivalent.

XXVI. Quod si superveniens divina promissio efficere posset ut opus, quod in se non est re promissa condignum, nec parem ad eam valorem & dignitatem habet, illam ex condigno mereri diceretur: actus fidei & poenitentiae, quibus in verbo Dei

sepe

sæpe promittitur gratia justificans, & remissio peccatorum, possent dici illam de condigno mereri. Et tamen ipsa Synodus Tridentina declarat, * nos ideo dici in Scriptura justificari gratis, quia nihil eorum quæ justificationem præcedunt, sive fides, sive opera, ipsam justificationis gratiam promeretur. Et constans est Scholæ Romanæ sententia, remissionem peccatorum esse donum planè gratuitum, & quod non cadit sub meritum de condigno. * *Seff. 6. c. 8.*

XXVII. Respondent adversarii promissionem gratiæ quæ fit peccatori, sub conditione si credat & poenitentiam agat, non esse propriè dictam promissionem, vel pactum: sed assertionem solummodo rei certo futuræ, ut homo securus reddatur de obtinendo beneficio, si opus injunctum præstiterit: Sed regero, cum *Davenantio*, hoc esse verbum iudere, non recipi argumento satisfacere. Etenim nulla promissio diuina aliud est, quam assertio de beneficio aliquo in hominem conferendo, vel absolute, vel cum conditione operis ab homine præstandi. Ac proinde ex parte promissionis nullum discrimen inuenitur, quando Deus poenitentibus pollicetur remissionem peccatorum, & quando piè viventibus pollicetur regnum cælorum. In utroque enim Deus exponit & declarat definitam suam voluntatem, & stabilem ordinationem, de remunerando tali opere, collatione talis beneficii. Cum ergo, fatentibus quibuscum nobis res est, promissio Divina non faciat actum poenitendi condignè meritorium remissionis peccatorum; neque etiam diuina promissio facere poterit actum piè vivendi de condigno meritorium glorificationis,posito, ut agnoscunt, quod ex se non sit ad eam condignus.

XXVIII. Huc accedit quod eadem Tridentina Synodus, nihil eorum quæ justificationem præcedunt, ipsam justificationis gratiam promereri, probat ex eo quod repugnat, ut aliquid sit gratia, seu donum gratuitum; & tamen sit ex operibus, id est ex merito operum. *Nihil eorum*, inquit, *quæ justificationem præcedunt, sive fides, sive opera, ipsam justificationis gratiam promeretur: si enim gratia est, jam non ex operibus; alioquin, ut idem Apostolus inquit, gratia jam non est gratia.* Unde à pari colligitur fideles vitam æternam non posse propriè & de condigno mereri: quandoquidem ipsa quoque gratia est, Scriptura Sacra docente, & agnoscantibus omnibus. Adeoque mirari subit quomodo Synodus ista, cap. 16. ejusdem Sessionis sextæ, definire potuerit fideles, iis operibus quæ in Deo facta sunt, vitam æternam verè promereri: cum tamen ibidem doceat, bene operantibus usque in finem, & in Deo sperantibus, vitam æternam proponendam esse tanquam gratiam filiis Dei per Jesum Christum misericorditer promissam. Et *Can. 26.* debere justos pro bonis operibus quæ in Deo facta fuerint, sperare æternam retributionem à Deo, per ejus misericordiam & Jesu Christi meritum. Si enim ex eo quod remissio peccatorum gratia est, & dicitur in Scriptura, sequitur illam gratis nobis donari, & absque propriis meritis: quia repugnat, juxta Apostolum, ut aliquid gratia sit, & tamen ex merito operum: cur non etiam pari ratione sequitur, ex eo quod vita æterna Dei donum & gratia est, illam quoque non cadere sub meritum, sed gratis à Deo conferri.

THESES THEOLOGICÆ:

DE

NECESSITATE GRATIÆ

In statu Naturæ lapsæ respectu Boni salutaris, & quod
ad veram in Deum pietatem pertinet.

PARS PRIOR:

In qua exponitur Doctrina Scholæ ROMANÆ.

T H E S I S I.

IN Schola Romana triplex bonum distingui solet. Primum est Bonum *Naturale*; secundum est Bonum *Morale*; tertium est Bonum *Supernaturale*. Ad bonum naturale pertinet cognitio eorum quæ naturali rationis lumine demonstrari & investigari possunt, qualia sunt quæ traduntur in Scientiis & artibus humanis atque Philosophicis. Tum etiam actiones quæ naturaliter tantum, aut civiliter bonæ sunt; ut comedere, bibere, ambulare, agros colere, domos ædificare, uxorem ducere, magistratum gerere, & quæ sunt ejusmodi.

II. Bonum morale consistit in notitia & praxi eorum quæ lex naturalis prescribit, & in quibus est aliqua virtutis & honestatis ratio. Bonum verò supernaturale vocatur omne illud quod ad beatitudinem & salutem æternam per se refertur & conducit. Adeoque hoc bonum vocatur bonum salutare atque beatificum, seu bonum ad salutem vitæ æternæ pertinet. Ad vitam æternam autem per se conducunt atque referuntur omnia illa & sola in quibus vera erga Deum pietas & religio consistit, & quæ sunt ejus pars, vel initium quoddam; & quæ propterea sunt gratiæ vel gloriæ apud Deum impetratoria. Qualis est tum ipsa fides, tum opera plurima ex fide prodeuntia, ut diligere Deum, orare, pœnitere, sperare, confidere, & quæ similia sunt. Ideoque hoc bonum aliquando etiam dicitur, bonum ad pietatem spectans.

III. Quod attinet ad bonum civile, sive naturale, in eo Schola Romana consentit, ad illud gratiam Christi necessariam non esse: & tamen nullum opus qualitercunque bonum ab homine fieri posse sine Dei auxilio & cooperatione, saltem generali, quæ ad omnes actiones atque effectus causarum secundarum necessario requiritur. Quoniam scilicet, Deus causa est universalis, quæ omnia in omnibus operatur. Nec potest ullum bonum esse in creatura, quod non à primo fonte bonitatis, id est, à Deo profluat. Unde est quod gratiarum actiones Deo referendæ sint, pro quocunque nostro bono sine exceptione.

IV. Quid verò Schola Romana doceat de gratiæ necessitate circa bonum illud quod morale vocat, & distinguit à supernaturali, fuit à nobis expositum fuit Theibus superioribus, nec opus est hic quicquam repetere. Nunc igitur videndum superest quæ & quanta sit in homine lapsio gratiæ Christi necessitas circa bonum supernaturale, sive quod ad pietatem & salutem æternam pertinet, secundum mentem Doctorum Ecclesiæ Romanæ.

V. Communis, hodie saltem, eorum sententia est in hoc genere boni hominem lapsum sine Christi gratia nihil omnino posse. Bonum, inquit Ethius, quod non potest homo lapsus vel habere, vel agere sine gratia Christi, est omne illud & solum, quod conducit ad salutem æternam, & de hujusmodi bono intelligendum est illud, sine me nihil potestis facere, Joan. 15.

L I I I

Hoc

Hic bonum aliquando vocatur bonum salutare, aliquando bonum ad pietatem pertinent, aliquando bonum beatificum, ut apud Augustinum, aliquando bonum pertinens ad salutem vite æternæ, ut in Concilio Arausicano. Et paulo post subiungit, Palam est non sola opera quæ vitam æternam promerentur, ut sunt opera justificationis; verum etiam quæ meriti dignitatem nondum habentia, ad salutem tamen æternam quomodocunque conducunt & provehant, gratia Christi esse deputanda. In librum secundum Sentent. distinct. 26. paragr. 15. cuius lemma est, *Quod bonum non possit homo sine gratia Christi.*

VI. Simiter Bellarminus affirmat & multis argumentis probat nullum opus pietatis vel inchoari vel perfici posse, sine speciali gratia Dei. Et quod idem est, *Non posse voluntatem humanam aliquid velle in illis, quæ ad pietatem & ad salutem pertinent, sine auxilio gratiæ Dei.* Capite secundo & quarto libri sexti de Gratia & Libro arbitrio. Et eodem etiam spectat quod legitur apud Puteanum, *Actus qui per se conducit ad beatitudinem æternam consequendam, nequit fieri ab homine sine speciali Dei auxilio; postulat enim hæc, ut illud omne quod ad eam habendam iuvat, sit ordinis supernaturalis, sicut & hæc est simpliciter ordinis supernaturalis.* In primato secundæ, quest. 109. art. 3. dubit. 2. Quibus concinit Petrus à Sancto Joseph in Idæa Theologiæ speculationis. Certe est, inquit, ex fide hominem sine gratia nihil posse efficere, quod verè ad illius salutem conducatur. Lib. 4. de Gratia, cap. 5.

VII. Ipse Ludovicus Molina ex professo probare contendit liberum arbitrium cum solo concursu Dei generali nihil posse quod ad supernaturalem finem conducatur. Etique hæc ejus conclusio: *Liberum nostrum arbitrium cum solo concursu Dei generali nihil efficere potest, non solum quod vitam æternam, aut gratiæ incrementum promeretur, sed neque quod, tanquam ordinem ad finem naturalem transcendens, commensuratum cum fine supernaturali aliquo modo sit, etiam tanquam remota dispositio ad gratiam, tam ex parte voluntatis, quam intellectus: sed ad id omne indiget auxilio & ope supernaturali, vel per influxum Dei immediatum, vel per habitum supernaturalem ad eam rem collatum.* Quare cum post peccatum primorum parentum statueris Deus nihil bonum, quæ ordinis sunt supernaturalis, atque ad finem supernaturalem peculiariter ordinantur, conferre hominibus, nisi meritis Christi, necessarius fuit nobis Christus, tanquam Redemptor, ut hæc omnia nobis conferrentur, possemusque coram Deo sempiternam felicitatem promereri. De concordia Liberi arbitrii cum Gratiæ donis: disputatione sexta ad articulum decimum tertium questionis decimæ quartæ.

VIII. Et certè res est Concilii in Ecclesia Romana receptis definita. Quo pertinet illud ex Concilio Arausicano adversus Pelagianorum reliquias celebrato, *Si quis per naturam bonum aliquod, quod ad salutem pertinet vite æternæ cogitare ut expedit, aut eligere sive salvari, id est, Evangelicæ prædicatione consentire posse confirmari absque illuminatione, & inspiratione Spiritus Sancti, qui dat omnibus suavitatem in consentiendo & credendo veritati, hæretico fallitur spiritu.* Et etiam Canon illud Synodi Tridentinæ, qui est tertius Sessionis sextæ, *Si quis dixerit, sine præveniente Spiritus Sancti inspiratione, atque ejus adiutorio hominem credere, sperare, diligere, aut penitere posse sicut oportet, ut ei justificationis gratia conferatur: anathema sit.*

IX. Cæterum opera quæ ad salutem conducunt, secundum doctrinam Ecclesiæ Romanæ, vel ipsam vitam æternam, & gratiæ justificantis incrementa promerentur; vel non sunt quidem vite æternæ meritoria, sed tamen ad obtinendam justificationem profunt, & hominem ad eam præparant & disponunt. Ad opera prioris generis Schola Romana docet necessariam esse gratiam habitalem, per quam homo spiritualiter innovatur & regeneratur: ad posteriora verò sufficere existimat gratiam actualem, quæ in speciali quodam Dei auxilio consistit.

X. Ut autem homo tum ad fidem, tum ad alia pietatis opera moveatur satis esse non putant Scholæ Romanæ Theologi externa ulla auxilia per misericordiam Dei subministrata, qualiacumque tandem supponantur, sed præterea requiri petendum internam quandam Spiritus Sancti efficaciam per quam in animis hominum operetur. Sic exempli gratia, ad mysteria fidei ut oportet credenda, non sufficit, juxta ipsos, ut divinitus revelata fuerint, & ut ista revelatio, sive scripto, sive viva voce nobis proponatur: ac præterea ut adhibeantur argumenta idonea quæ suadeant ea quæ tanquam à Deo revelata proponuntur, à Deo revera revelata fuisse; sed præterea requiritur speciale quoddam auxilium, quo intus afficiatur & commoveatur animus: dum, scilicet, mens internè per Spiritum illustratur, voluntas autem inclinatur ad hoc ut mentem Dei captivet & submittat.

XI. Istud videre est apud Bellarminum, cap. 1. lib. 6. de Gratia & libero arbitrio. Ubi

Ubi propolita questione, *Utrum qui prædicatorem audit, aut doctrinam à Deo revelatam per se legit, & habet congruentem persuasionem miraculorum, aut alterius testimonii, quo res quæ credenda proponitur, efficiatur, credibilis; possit eam rem credere sine speciali illustratione divina: partem affirmantem rejicit tanquam Pelagianam; negantem verò tuetur & defendit.* Quibus conforme est quod docet Petrus à Sancto Joseph capite quinto libri quarti de Gratia jam citato, ubi hæc est ejus resolutio prima; *Non potest homo credere mysteria fidei, ut oportet ad salutem, sine gratiæ auxilio, etiam potquam sufficienter sunt propolita, & probatum ea à Deo esse revelata.*

XII. His accedit jam citatus Molina. Ex cujus sententia, ad actum credendi, qualis ad justificationem exigitur, *Concurrat necesse est particulare auxilium gratiæ præveniens atque excitans, non solum ex parte intellectus, sed etiam ex parte voluntatis.* Propositis namque homini adulto pro capite ipsius, in quæ ad fidem pertinent, utique ut talem assensum præbeat, qualis ad salutem necessarius est, opus est, ut saltem natura ordine præcedat illustratio supernaturalis in intellectu, & motio, seu affectio similiter supernaturalis ad ibi assensum præbendum ex parte voluntatis; quæ duo interea vocatio Dei appellantur, illisque mediantibus, deicit Deum trahere credentes ad fidem. Deinde sequitur liberum imperium voluntatis, quo adultus imperat intellectui ut assentiat; ultimo verò præbatur assensus, qui fides nuncupatur. In citato libro concordiæ, ad quæst. 14. art. 13. disp. 8.

XIII. Similiter ad excitandos in homine peccatore actus spei, amoris, dilectionis, doloris de peccato, propoliti novæ vitæ, fiducia in Deum, aliosque similes, quibus ad Deum convertatur, necessariam censent Scholæ Romanæ Theologi gratiam internæ inspirationis, per quam Deus in voluntatem immediate agat, & novas vires ei suppediet, ad eliciendos ejusmodi actus, prout ad salutem convenit, ut fufius alias à nobis ostensum est, Thelibus de distinctione Gratiae in sufficientem atque efficacem.

XIV. Sed quamvis in genere de istis consentiant Scholæ Romanæ Doctores, nec ullus eorum aperte doceat, suæ gratia Christi aliquid fieri posse quod ad salutem æternam conducat, multi tamen eorum multa passim affirmant quæ doctrinam istam indigne saltem videntur evertere, neque cum ea conciliari possunt. Primo enim inter eos in questionem vocatur, An Dei præcepta supernaturalia de internis actibus fidei, spei, dilectionis, atque contritionis, possint quoad actus substantiam servari absque gratiæ Christi auxilio. Et sunt qui illud palam affirmare non verentur, nempe, sine Christi gratia, hominem lapsum & corruptum posse fidei, spei, contritionis, & amoris actus in Evangelio præceptos, quoad substantiam saltem, elicere, adeoque in eo licet satisfacere præcepto divino, ut contra illud non peccet.

XV. Hæc est manifestè doctrina Ludovici Molinæ Jesuitæ celeberrimi. Docet enim actus credendi, sperandi, diligendi, poenitendi, qui necessarij sunt ad infidelis adulti justificationem, posse quoad substantiam, ab homine lapso elici, per solas vires liberi arbitrii, cum concursu Dei generali. Quo in casu actus illi, ex ejus mente, sunt merè naturales, nec ad justificationem & salutem idonei. Ad hoc enim requiruntur actus quidem ejusdem generis, sed supernaturales, & qui non à solo libero arbitrio, sed etiam à principio quodam supernaturali, gratia scilicet, procedant. Unde fieri putat ut à prioribus specie differant, licet cum iis planè iidem sint secundum substantiam. Quamquam verò actus ejusmodi, per solas vires liberi arbitrii producti, hominem justificare & servare non possint, ex ejus tamen doctrina sequitur, per eos vitare peccatum, quod alias admitteretur in præcepta Dei supernaturalia, quibus credere, sperare, diligere, & poenitere jubemur.

XVI. Et primo quidem quod spectat credendi actum, fatetur mentem humanam mysteria fidei per se investigare & assequi non posse, nisi divinitus revelata fuerint, & hæc revelatio congruenter fuerit homini propolita. Sed semel propolitis & explicatis iis quæ credenda sunt, adhibitis insuper argumentis quæ afferri solent, ut homines merito sibi persuadeant, ea revelata esse à Deo, & jussa credi; & denique accidente externa vocatione ad fidem per concionatores, aliosque Ecclesiæ Ministros, perpendit in facultate liberi arbitrii esse cum solo concursu generali Dei rebus propolitis assentiri tanquam à Deo revelatis, actu tamen qui sit merè naturalis, quique ex parte intellectus non sit satis ad justificationem: adeoque mentis illustrationem, internam vocationem, & attractionem per auxilium supernaturale, necessaria quidem esse ad assentiendum iis qui fidem spectant actu supernaturali, qualis ex parte intellectus ad justificationem, requiritur, sed non ut actu merè naturali assensum ipsis præstare valeamus. *Ad quæst. 14. art. 3. disp. 7.*

XVII. Auxilium autem istud supernaturale, ex ejus mente, ad hoc necessarium non est ut

ut intellectus faciliè rebus fidei assentiatur, contra intellectus duritiem, & discretè, contra intellectus errores, ut censuit Durandus: neque item ut actus assentiendi sit certus & firmus certitudine & firmitate ex parte credentis, ut Sorus voluit. Quoniam hæreticus potest firmitus illo modo assentiri articulis fidei quam multi fidelium assentiuntur per fidem infusam. Sed idè auxilium ejusmodi constituendum est, quoniam ad illos actus eliciendos, ut sine supernaturali sint accommodati, & quales sunt ad salutem necessarij, requiritur, ut vel per inspirationem Spiritus Sancti eliciantur, vel per concursum habitus supernaturalis. *In fine Disputationis octavæ, ad eundem Articulum.*

XVIII. Itaque secundum hujus viri placita, per solas vires liberi arbitrii, & sine ullo Dei particulari auxilio, potest aliquis assentiri omnibus mysteriis supernaturalibus, tanquam revelatis à Deo, & quia à Deo revelata sunt, assensu certo & firmo ex parte credentis, & cui ex parte objecti falsum subesse non. possit. Et tamen qui hoc modo credit, non credit sicut oportet ad salutem & justificationem; quoniam assensus ejus merè naturalis est, non supernaturalis; licet fortè firmior & certior ex parte subjecti, neque minus ex parte objecti infallibilis, quam sit in multis assensus ex supernaturali principio oriens, & proinde sufficiens ad justificationem.

XIX. Quamvis autem talis assensus, ex sententia illius Doctoris, homini justificando & salvando non sit idoneus, sufficit tamen illi ut vitet peccatum incredulitatis, nec transgrediatur mandatum quo jubemur credere iis quæ Deus nobis in verbo suo revelavit. Affirmat enim eos qui Christum audierunt, & miracula illius viderunt, potuisse vitare peccatum incredulitatis, cum solo concursu generali Dei, assensum præbendo doctrinæ Christi, quæ ex tot miraculis mirum in modum credibilis effecta erat. Et ex eo quod à culpa tethali non sint excusandi illi qui, auditis iis quæ fides docet, post adductas rationes, quæ afferri solent ad persuadendum ea à Deo esse revelata, assensum non præbuerint; concludit in facultate liberi arbitrii esse, cum solo concursu generali, actu merè naturali illis tunc assensum præbere. *Disput. 7. jam citata.*

XX. Postea verò idem affirmat de spe quod ante de fide docuit, nempe hominem posse elicere spei actum quoad substantiam cum solo concursu generali Dei. *Quoties enim, inquit, faciliè concedit, præexistente, in intellectu assensu, qui revelatis assentitur, in facultate liberi arbitrii cum solo concursu generali Dei esse, elicere actum, non quidem supernaturalem, & qualis ad salutem est necessarius, sed merè naturalem sperandi à Deo, quæ ac eo revelata ac promissa sunt nobis, atque adeo qui dicatur spes, non quidem Christiana, sed quoad substantiam actus. Etenim in eo actu non plus difficultatis est, quam in actu assentiendi revelatis, imò multo minus. Disputatione 13. ad eundem Articulum 13.*

XXI. Spes autem illa quam non Christianam vocat secundum ejus hypothesen, à Christiana non aliter differt, quam quia est à solo libero arbitrio, hæc verò etiam à quodam auxilio Dei supernaturali, per quod Deus in eam influit, cum aliquo utraque sit eadem secundum substantiam. Quod tamen discrimen illi sufficere videtur, ut hæc ab illa specie differat. Ut supra jam indicavimus. Et ut pluribus ipse docet *Disput. 38. Ad instigum, inquit, & causalitatem Dei, quo actus nostri evebuntur ad esse supernaturale, ac proinde quo evebuntur ad esse distinctum specie ab esse naturali actuum, qui circa eadem objecta à nobis eliciuntur, recurrendum sanè est, non minus in actibus fidei, quam spei, & charitatis, ut distinctio eorum specifica, & conveniens quorundam eorum fini supernaturali, & non aliorum, explicetur.*

XXII. Eodè quoque modo Philosophatur de attritione, atque contritione; quarum prior est dolor de peccato conceptus ob mala in quæ nos conjicit, cum proposito deinceps à peccato cavendi: posterior ejusdem peccati detestatio orta ex consideratione bonitatis & beneficiorum Dei, cum simili proposito in posterum abstinendi à peccato. Utamque vult Molina ab homine peccatore, per solas vires liberi arbitrii, cum generali Dei concursu elici posse. Etenim pluribus argumentis confirmat hanc quam dicit esse complurium Scholasticorum sententiam, nempe, *Liberum nostrum arbitrium cum solo concursu generali Dei elicere posse non solum actum attritionis naturalem, id est, dolorem de peccato ex Dei timore, cum proposito amplius non peccandi lethali, sed etiam contritionis naturalem, qui idem propositum non peccandi amplius letaliter includat. Disput. 14. ad Art. 13. Quest. 14.*

XXIII. Ratio verò quæ illi videtur potissimum huic sententiæ patrocinari, est, *Quod præexistente maxime lumine fidei, quo agnoscimus Deum conditorem nostrum, innumeraque & maxima beneficia, tum nature, tum gratiæ, quæ in nos contulit, usque ad proprii sanguinis in cruce effusionem, quo insuper cognoscimus iustis sempiternam felicitatem*

tatem, impii vero ignem sempiternum, extremamque miseriam esse propositam; lethale autem peccatum tam extremum esse malum, adeoque divinam majestatem offendere, ut vel unum sit satis, ut qui illud commiserit, nisi de eo doleat, statuatque nihil tale deinceps committere, supremam amittat felicitatem, in extremamque incidat miseriam, proculdubio tam potens est hæc cogitatio ad excitandam & permovendam voluntatem, ut liberum arbitrium ejus, qui hæc sibi persuaserit, atque proprio acimine, aut alterius suggestionem & hortatu rem attentè consideraverit, cum solo concursu Dei generali elicere valeat, intuitu quidem extremorum malorum in quæ alias incidet, dolorem, seu dejectionem suorum scelerum, cum proposito cavendi in posterum omnia peccata lethalia, in quo consistit attritio quoad substantiam alius; intuitu vero bonitatis ac beneficiorum Dei, similem dejectionem ac propositum, in quibus posita est ratio contritionis quoad substantiam alius. In fine membri primæ Disputationis jam dictæ.

XXIV. Addit autem hujusmodi attritionem & contritionem insufficientem esse ad salutem, eo quod peculiari impulsu Spiritus Sancti excitata non sit, nec effecta. Et postea membro quarto dicit propositum absolutum non peccandi, quale jam descripsit, & quod ad attritionem & contritionem sufficere judicat; esse extra totam latitudinem ordinis gratiæ, & proinde nihil conducere ad finem supernaturalem, esseque actum merè naturalem & proprium libero arbitrio; quod lumen ipsum naturale, moralisque ac naturalis Philosophia docent, denegare non debere viribus naturalibus liberi arbitrii, Deo cooperante solum tanquam causa universali, per generalem concursum, eo pacto quo cum reliquis causis secundis cooperatur.

XXV. Itaque ut actus ejusmodi proit ad hominis justificationem, & coneratur aliquis sicut oportet ad salutem, juxta ejus hypothesen, necesse est accedere quendam Dei influxum per auxilium supernaturale, cujus virtutis actus ille, immutata substantia, supernaturalis fiat, & alterius speciei quam absque isto auxilio foret.

XXVI. Porro cum omnis vera contritio oriatur ex Dei dilectione, qua Deus syncerè & super omnia diligitur, idque non tantum ut author naturæ, sed etiam ut author gratiæ; si quis per naturæ vires, absque auxilio gratiæ, possit elicere, quoad substantiam, actum contritionis, consequens est ut eodem modo elicere possit actum dilectionis Dei super omnia, & quidem non solum ut est author naturæ, sed etiam ut est author gratiæ. Inde est quod idem Molina, insistens suis principiis docet quoque in natura lapsæ, hominem ex solis viribus naturæ, posse cum concursu Dei generali, elicere actum absolutum dilectionis Dei super omnia, cum absoluto proposito illi in omnibus placendi; qui actus talis erit, quoad actus substantiam qualis requiritur ad contritionem, & peccatoris justificationem, & tamen ad justificationem nequam sufficet, propterea quod naturalis erit, non supernaturalis. Nec enim putat conducere ad salutem & justificationem, si quis Deum super omnia diligit, & syncerè apud se statuat illi, quantum poterit, in omnibus placere, ac propter Deum offensum doleat, cum spe veniæ ab eo obtinendæ, nisi aliquod Dei auxilium supernaturale in omnia ista influat, eaque reddat supernaturalia, ut commensurari possint supernaturali fini æternæ beatitudinis. Atque in hunc sensum explicat Canonem Tridentinum, quo definitur hominem, sine preveniente Spiritus Sancti inspiratione, atque ejus ad jutorio, non posse credere, sperare, diligere aut poenitere sicut oportet, ut ei justificationis gratia conferatur. Quali ista omnia possit quidem homo sine Spiritus Sancti inspiratione, sed actus fidei, spei, dilectionis & poenitentiae ad justificationem inutiles manerent, nisi per Spiritus Sancti auxilium fierent. Ut sic diligere Deum ut oportet, non sit simpliciter illum super omnia diligere, sed illum diligere, ex spiritus inspiratione, & ita de cæteris.

XXVII. Ut autem ejus sententia clarius percipiatur, in dilectione Dei super omnia distinguunt tres quasi gradus. Primus est quidam imbecillus & imperfectus voluntatis motus, qui *Velleitas* in Scholis dicitur, quo aliquis velle & cuperet in omnibus & super omnia Deo placere, & mandata ejus omnia servare, ex aliquo in Deum dilectionis affectu; sed tantum propria concupiscentia victus, id simpliciter & absolute non vult, & mavult carnalibus affectibus indulgere.

XXVIII. Secundus gradus est quo aliquis ita Deum diligit ut determinata voluntate statuatur, & absolute ac serio sibi proponat Deo per omnia placere, & ejus omnia mandata servare: licet postea contingat, ut mutata voluntate, præcepta Dei non servet, nec impleat opere quod antea proposuerat. Denique tertius gradus est quo aliquis sic Deum diligit, ut non solum determinatè & absolute apud se constituat in omnibus Deo placere, & mandatis illis obsequi, sed sic in ea voluntate & proposito perseverat,

ut

ut recipia Dei præceptis obsequatur, & vitam Deo gratam atque placentem agat. Tertium hunc gradum vocat dilectionem Dei super omnia absolutam & efficacem. Secundum verò dilectionem Dei super omnia absolutam, sed inefficacem.

XXX. Porro, ex ejus mente, secundus ille dilectionis gradus à tertio non differt ratione ipsius dilectionis actus in se considerati. In utroque enim dilectio Dei æquè intensa esse potest; imò fortè in secundo quam in tertio intensior, sed totum discrimen inter utrumque pendet ab actuali mandatorum Dei observatione, quæ postea sequitur, vel non, prout homo, secundum innatam libertatem, in proposito suo constans manet, vel fluctus. A quo, proposito qui Deum intensius dilexerat excidere poterit, altero qui minus intense, in proposito suo perseverante.

XXX. Porro ad contritionem, & hominis coram Deo justificationem, sufficere censet secundum illum gradum, quo aliquis absolute Deum super omnia diligit, dilectione tamen inefficaci, id est, quam postea sequitur mandatorum Dei prævaricatio. Quod probat exemplo Adami, qui ante primum peccatum iustus erat & Deo gratus, & absolute Deum super omnia diligebat, quam dilectionem tamen inefficacem fuisse sequens ejus lapsus ostendit. Et exemplo quoque adulterum, qui in statu naturæ lapsæ, cum contritionis actu justificatur, adeoque qui, pro illo tempore, Deum super omnia dilectione absoluta diligunt; & postea corrumpunt in lethale peccatum, nec implent quod effectum supernaturalis dilectionis, tempore justificationis statuerant. Eorum enim dilectio, quæ satis fuit illis justificandis, ex eventu illo redditur inefficax.

XXXI. Jam autem fatetur ille neminem sine auxilio gratiæ Deum diligere posse super omnia dilectione non tantum absoluta, sed efficaci. Quoniam nemo potest in accepta iustitia & obsequio Dei perseverare sine auxilio Dei superaddito, ut definitur, ipsum Concilium Tridentinum. Sed quod pertendit illud est, hominem lapsum viribus propriis, & sine speciali aliquo Dei auxilio, posse quoad actus substantiam attingere secundum illum dilectionis gradum, quo Deus diligitur super omnia absolute, & cum vero & serio proposito illi in omnibus placendi, et si postea propositum illud recipia impleri non possit, omnia Dei mandata observando, sine aliquo Dei particulari auxilio. Qualis dilectio, licet inefficax, sufficit ad hominis justificationem. Ut apud Doctorem illum videre est sæpe memorata disputatione 14. ad art. 13. quæstionis 13. memb. tertio & quarto.

XXXII. Cæterum hanc suam sententiam plurium Scholasticorum autoritate confirmat Molina, ac pro se citat Scotum, Gabrielem Biel, Ochamum, & multos alios ex recentioribus Cajetanum & Sotum, quem docere affirmat hominem *Existentem in peccato lethali posse ex suis viribus naturalibus elicere, quoad substantiam actus, quemcumque actum quem in se valet elicere, qui in gratia est constitutus*. Veruntamen in Schola Romana contrarium tenent alii plurimi. Inter quos primus se offert Petrus à Sancto Joseph, cujus hæc est Resolutio, *Non potest homo servare quoad substantiam, ullum præceptum affirmativum super naturale de interno actu, absque gratiæ auxilio*. Et rationem addit, quia præcepta ejusmodi sunt de actibus fidei, spei, & charitatis, qui actus quomodocunque considerentur, quoad substantiam sunt supernaturales, ac proinde vires naturæ superant. In *Idea Theologiae Speculative*, libro quart. qui est de Gratia, cap. 5. Resolutione 4.

XXXIII. Præsertim verò Didacus Alvares Molinam ex processo refutat; & conclusionibus ejus conclusiones planè adversantes statuit, libro sexto de *Auxiliis Divine gratiæ*. Primo enim fatetur quidem aliquem posse per naturæ vires assentiri mysteriis in verbo Dei revelatis, sed assensu tantum humano fallibili & opinativo, qui scilicet, aliqua humana ratione, vel autoritate nitatur; non autem assensu firmo & infallibili ex parte credentis, & cujus ratio formalis sit divina revelatio; qui solus assensus nomen fidei meretur, non verò prior ille. Nam disputatione quadragesima nona hæc est illius tertia conclusio; *Homo potest ex solis viribus naturæ, mysteriis supernaturalibus sibi propositis assentiri assensu quodam opinativo & fallibili, quantum est ex parte credentis, non quidem tanquam revelatis à Deo, ita quod divina revelatio seu veritas, prima revelans sit ratio formalis assentiendi, sed propter aliud motivum, aut rationem humanam*. Quarta vero ejus conclusio sic se habet; *Homo non potest actu miræ naturali, cum sola concursu Dei generali, assentiri omnibus mysteriis fidei supernaturalibus, tanquam à Deo revelatis, assensu certo & firmo, sive infallibili ex parte credentis, sed ad eliciendum talem actum necessario requiritur speciale auxilium prævenientis gratiæ*.

XXXIV. Disputatione verò quinquagesima secunda negat vel contritionem, vel attritionem, qualis à nobis supra descripta est, posse sine gratia per naturæ vires haberi, etiam

etiam quoad solam actum substantiam. Hec est enim ibi prima illius conclusio: *Libertatem nostrum arbitrium cum solo concursu generali Dei elicere non potest actum attritionis, id est, dolorem de peccatis omnibus ex Dei timore, cum proposito absoluto amplius non peccandi lethali, cum spe veniæ; sed ad huiusmodi attritionem est simpliciter necessarium speciale auxilium gratiæ.* Et subiungit speciale illud auxilium requiri, non solum ratione fidei poenarum inferni, nec solum ratione spei veniæ, quæ includitur in prædicto dolore, sed etiam ratione ejusdem doloris cum proposito absoluto de cætero non peccandi lethali. Secunda vero conclusio hæc est: *Multo minus potest liberum arbitrium absque auxilio gratiæ elicere actum contritionis, id est, dolere de peccatis propter Deum summè dilectum, cum proposito absoluto de cætero non peccandi.*

XXXV. Denique disputatione quinquagesima prima negat hominem in natura lapsa posse sine gratiæ speciali, diligere Deum super omnia dilectione absoluta, & quæ juncta sit proposito illi placendi in omnibus. Sive consideretur Deus ut author naturæ, & qualis naturæ lege diligendus proponitur, sive ut finis supernaturalis, & qualis se amandum offert in Evangelio. Sic enim habet ejus secunda conclusio: *Homo in natura lapsa, præsertim si existat in peccato mortali, non potest absque speciali auxilio præventiæ gratiæ diligere Deum super omnia, absoluta dilectione naturali, neque habere propositum absolutum placendi illi in omnibus.* Ubi naturalem dilectionem vocat eam per quam diligitur Deus qualis se in natura exhibet. Tertia verò ejus conclusio est: *Homo in natura lapsa non potest diligere Deum super omnia, ut est finis supernaturalis ex solis viribus naturæ, etiam si sermo sit de actu dilectionis, quantum ad substantiam, & de homine fidei.*

XXXVI. Admittit tamen in natura lapsa hominem sine auxilio gratiæ posse habere quandam actum dilectionis Dei super omnia imperfectum & conditionatum, qui non est plena voluntas. Sed solum velleitas quædam Deo in omnibus placendi. Quippe hæc est ejus prima conclusio jam dicta disputatione: *Homo in natura lapsa, existens in mortali, potest absque speciali auxilio gratiæ habere actum conditionatum dilectionis Dei super omnia, seu velleitatem quandam quæ explicatur his verbis; vellem super omnia diligere Deum, & illi in omnibus placere.* Et rationem affert, quod talis dilectio non est vera dilectio Dei super omnia, nec per illam avertitur homo à peccato mortali, nec convertitur de facto in Deum tanquam in finem ultimum. Unde concludit illam posse naturæ viribus haberi.

XXXVII. Idem quoque quod Alvarès hac in parte docet Estius. Nam in secundum Sententiarum scribens, ad distinctionem vigesimam sextam, & paragr. 38. hanc ponit quidem propositionem, quæ postrema est illius Sectionis: *Non potest homo lapsus solis naturæ viribus Deum diligere super omnia, neque ut bonum suum beatificum, neque etiam ut auctorem naturæ, nequidem puncto temporis.* Sed propositio præcedens, quæ sexta est, licet habet: *Potest homo lapsus aliquo dilectionis modo Deum super omnia diligere ex solis naturæ viribus.* Quibus subiungit dilectionem istiusmodi non esse dignam nomine veræ dilectionis, nec simpliciter esse dilectionem Dei super omnia, sed tantum secundum quid, nec ullo modo vocari posse dilectionem ex toto corde. Eam autem solere vocari dilectionem inefficacem, quia procedit à voluntate inefficaci, quia nimirum sic Deum diligit homo, ut tamen non propterea statuat præceptis ejus obedire. Nam, inquit, homo tunc diligit Deum efficaciter voluntate, quando statuit deliberatè Deum & cultum ejus omnibus aliis bonis antepone; ita ut cum offendere nolit propter alia bona quæ diligit. Atque hæc simpliciter & propriè est dilectio Dei super omnia.

XXXVIII. Itaque aliter Estius, & aliter Molina sumunt distinctionem illam dilectionis Dei efficacis & inefficacis. Estius & Didaco Alvares dilectio efficax est, quæ junctum habet propositum absolutum & deliberatum Deo in omnibus placendi, & servandi ejus mandata, adeoque quæ includitur observatio mandatorum Dei, quantum ad animi præparationem, licet fortè actu non sequatur, propterea quod homo à bono illo proposito delinquit, sicut in Adamo contigit. Molina verò non alia dilectio Dei est efficax, præter illam quam actu & re ipsa sequitur impletio præceptorum Dei, quantumvis serium atque absolutum supponatur quis habuisse propositum Deo obsequendi, quod postea, pro nativæ voluntatis humanæ inconstantia mutaverit. Ac rursus Didacus Alvares & Estius pro dilectione Dei inefficaci habent solam illam dilectionem, per quam homo vellet tantum Deo in omnibus placere, si per carnales effectus liceret, istud autem absolute non vult. Secundum Molinam verò inefficax esse potest etiam illa dilectio, cujus vi statuit homo verè & absolute obsequium Deo in omnibus deferre; nempe, si postea contingat illum, mutata sententia, obedientiam Deo debitam denegare.

XXXIX. Ca-

XXXIX. Cæterum inefficacem illam dilectionem negat Estius ad veram pietatem pertinere, & inter ejus opera numerandam; quia Deum non omnibus præponit, nequidem secundum desiderium & inchoationem quandam; ut facit imperfecta illa Dei dilectio, per quam Dei gratia homines ad justificationem præparat & disponit.

XL. Bellarminus vero simpliciter negat Deum ab homine posse sine auxilio gratiæ diligi, non tantum super omnia, sed etiam imperfecta illa dilectione, qua afficiatur quidem aliquis erga Deum, sed nondum illum rebus cæteris præfert. *Nos existimamus*, inquit, *non posse Deum sine ope ipsius diligi, neque ut autorem nature, neque ut largitorem gratiæ & gloriæ; neque perfectè neque imperfectè à ullo modo: Atque hanc non dubitamus sententiam esse Sancti Augustini, imo etiam Scripturarum & Conciliorum, quicquid alii minus consideratè in hac parte scripserint.* Lib. 6. de Grat. & Lib. arbit. cap. 7.

XLI. Similiter Vasquez in genere affirmat probabilius esse Deum non posse diligi sine auxilio gratiæ. *Universe*, inquit, *astruo nullum amorem erga Deum posse esse ex solis viribus naturalibus, sed necessario oriri debere ex aliquo auxilio gratiæ; per auxilium autem gratiæ non intelligo illud, quod est supernaturalis ordinis ad actionem supæ naturæ supernaturalem; sed auxilium gratiæ, sive supernaturale sit secundum substantiam, sive ordinis naturalis, juxta naturam & qualitatem amoris, quod tamen ex meritis Christi nobis communicatur.* Significat autem se loqui de amore amicitie erga Deum, non verò de alio, id est, de amore quem Scholæ vocant *concupiscentiæ*. Diligimus autem Deum amore amicitie quoties, Deo volumus bonum aliquod, aut de bono ipsius gaudemus, quia bonum illius est, ex complacentia ipsius, & non ex complacentia nostri. Ut ipse se explicat, Tom. 2. in primam secundæ, disputatione 194. cap. 1. & 4.

XLII. Præsertim verò Jansenius omnem Dei amorem verum, castum, syncerum, in quocunque hominis statu, ac proinde multo magis in statu nature corruptæ, gratiæ Dei deputandum docet, non solis liberi arbitrii viribus. Nam ille quoque duplicem Dei amorem distinguit: Unum cum Deus amatur gratis & propter Deum ipsum; alterum verò quo quis Deum non diligit propter se, sed propter aliud quippiam, quod ab eo sperat, & obtinere cupit. Priorem illum amorem castum & gratuitum vocat, eumque solum pro vero Dei amore habet. Quotiam alter ille propriè non est amor Dei, sed ejus rei quam aliquis per Deum assequi cupit. Ideoque prior solus laudabilis est, & facit ad salutem, & propterea auxilio divinæ gratiæ debetur; alter vero vitiosus & peccaminosus est, neque ex gratia Dei, sed ex hominis prava cupiditate manat.

XLIII. *Si enim*, inquit, *propter aliud quippiam Deus diligitur, non est ille verus & castus amor Dei, sed illius rei quam per Deum assequi cupit. Nam, ut optime Augustinus, Qui propter beneficia terrena Deum querunt, non nique Deum, sed illa querunt, quia eo modo timore servili, non liberali dilectione Deus colitur. Cujusmodi cultus & amor etiam à sceleratis hominibus haberi potest & solet, utpote qui ex creature malè dilectæ cupiditate proficiuntur. Nam & invidi, & avari, & hæretici, & quicquid aliud sane doctrine adversatur, Deum colunt & laudant, & diligunt & gratias agunt, eo impensius quo invicem eorum cupiditates implere possunt.* Quibus subjungit se non agere de ejusmodi falso sic dicto Dei amore, Sed de illo quo Deus diligitur propter Deum, seu quod idem est, quo Deus ipse, non aliud quippiam diligitur, ita videlicet ut cor non sit deorsum incursum, sed rectum cum Deo. Talem autem amorem castum Dei, & recti cordis cum Deo, qui solus est verus amor Dei, non rei alterius, nullo pacto haberi posse sine vera & magna & propriè dicta gratia Dei, pertendit indubitatam esse Augustini doctrinam. De statu Nature pure, lib. 1. cap. 11.

XLIV. Porro quemadmodum Bellarminus & Vasquez censent dilectionem Dei in verbo illius præceptam, sine Christi gratia nullo modo haberi posse, idem quoque statuunt de fide illa divina, per quam mysteria à Deo revelata suscipere jubemur; ejus, scilicet, actum, etiam secundum solam substantiam consideratum, sine speciali Dei auxilio, non posse à quoquam elici. Illud enim planè sequitur ex eo quod docet Vasquez, & quod affirmat communi Theologorum consensu suo tempore firmatum fuisse, nempe assensum credendi divina, prout exigit Christiana fides, esse ordinis supernaturalis, non solum ex parte efficientis; sed etiam in seipso; nec solum secundum quandam modum, sed etiam secundum substantiam. Unde colligit esse diversos assensus secundum substantiam, alterum fidei humanæ, quo ex testimonio humano credimus articulos fidei, qui naturalis est secundum substantiam suam; alterum verò fidei divinæ quo credimus eodem articulos ex divino testimonio, qui supernaturalis est secundum suam

suam substantiam. Ad quem proinde docet necessarium esse lumen actuale vel habituale superioris ordinis quam lumen naturale. Quod tamen naturale lumen, sufficit ut ex testimonio humano assentiri possimus rebus & mysteriis supernaturalibus. *In primam secundæ, Tom. 2. Disput. 187. cap. 2.*

XLV. Bellarminus autem in actu fidei divinæ atque Catholice quæ mysterium aliquod fidei suscipimus, requirit tres condiciones, unam, ut certo credatur, ex parte objecti, id est, tanquam à Deo revelatum, & quod nullo modo falsum esse possit: alteram, ut firmiter credatur ex parte subjecti, id est, ut homo nihil dubitet, & malit potius mori, quam articulum fidei non credere: tertium, ut ex pio affectu credatur, id est, ex quadam inclinatione pia erga Deum, quia incipit homo cervicem Deo flectere, eique se subijcere ad obedientiam fidei, etiam in iis rebus quæ rationem humanam superant. Ac talis fidei actum sine speciali auxilio Dei ab homine unquam produci posse negat. *Lib. 6. de Grat. & Lib. arbit. cap. 3.*

XLVI. Ceterum doctrinæ illi quam aliqui Schola Romana habet pro fidei articulo, nimirum nihil per se ad salutem conducens, & ad veram erga Deum pietatem pertinens, sine gratia Christi ab homine posse fieri, non solum adversantur ii qui volunt præcepta supernaturalia de actibus internis fidei, spei, charitatis atque contritionis, posse sine aliquo speciali auxilio Dei, quoad actus substantiam ab homine lapsio servari; sed illi præterea qui docent, saltem legis naturalis præcepta, itidem quoad actus substantiam impleri posse, per solas residuas in natura corrupta vires. Ut plures inter Scholasticos sensisse Thesibus præcedentibus à nobis ostensum est.

XLVII. Nam præcepta legis naturalis Decalogo summatim comprehensa servare, sic ut præceptis singulis satisfiat, & peccatum vitetur, res est ad vitam æternam & salutem maximè conducens, siquidem hæc via est per quam ad vitam æternam pervenitur. Etenim juveni roganti, *Magister bone, quid boni faciam ut habeam vitam æternam?* respondit apud Matthæum Jesus Dominus noster, *Si vis ad vitam ingredi, serva mandata:* ea scilicet, quæ ipse postea enumerat, *Non homicidium facies, non adulterabis, non facies furtum, non falsum testimonium dices; honora patrem tuum & matrem tuam, diliges proximum tuum sicut teipsum.* Quæ omnia pertinent ad legem naturalem. Ac cum inter præcepta legis naturalis præcipuum illud sit, *Diliges Dominum Deum tuum ex toto corde tuo & in tota anima tua, & in tota mente tua,* paradoxum planè stupendum est, aliquem posse Deum sic diligere, & tamen in eo nihil ad salutem conducens, & ad veram in Deum pietatem pertinens facere. Nam quæ pietas est in Deum, si hæc non est, *Ex toto corde Deum diligere?* Matth. 19.

XLVIII. Nec quicquam facit ad rem quod cum multis aliis Scholasticis observat Durandus. *In præceptis divinis, inquit, aliud est quod præcipitur cadens sub obligatione, aliud verò quod finaliter intenditur.* Quod enim præcipitur est actus virtutis quoad substantiam actus solum: ut honorare parentes, credere unum Deum, & similia; quod autem intenditur, sed non percipitur, est, ut homines per talia opera sic disponantur, quod opera eorum acceptentur ut remunerentur illa vita æterna, quod fit per gratiam. Et sic loquitur Salvator Matth. 19. *Si vis ad vitam ingredi serva mandata.* Nam Deus vitam æternam promissit omnibus præstantibus ea ad quæ præcepta legis ejus obligant: ac proinde quicunque obligationi istæ satisfacit, & servat divina mandata, prout observare tenetur, facit aliquid ad vitam æternam maximè conducens, & cui vita æterna ex Dei promisso debetur. Adeoque si sine gratia nemo potest facere quicquam ad salutem conducens, nemo quoque sine gratia ea præstare potest ad quæ præcepta moralia obligant.

XLIX. Præsertim verò doctrinæ de necessitate gratiæ divinæ ad ea quæ faciunt & profunt ad salutem, repugnant ii qui docent hominem propriis viribus posse gratiam acquirere, aut se ad illam quoquo modo præparare atque disporre: sed quia res est paulo longioris disquisitionis, & quæ meretur seorsum expendi & considerari, in aliam Disputationem eam remittere visum est.

P A R S P O S T E R I O R :

In qua

*Protestantium Doctrina exponitur, & cum Scholæ
Romanæ Doctrina comparatur.*

T H E S I S I.

IN Scholis Protestantium distingui solet bonum naturale & civile à bono salutari atque spirituali. Ad bonum naturale pertinent actiones naturaliter bonæ, & quæ sunt ad vitæ conservationem necessariae, vel utiles. Quales sunt ambulare, comedere, bibere, & quæ sunt ejusmodi. Civiliter verò bonæ sunt quæ societate civili tuendæ & fovendæ conducunt, atque inserviunt, qualia sunt plurima vitæ communis officia, aut etiam ea quæ Magistratum spectant, & munera tum publica, tum privata quibus constant familiae, civitates, & Respublicæ. Quæ per se satis intelligi possunt; ut exempli gratia, artem aliquam exercere, iudicis, militis, mariti, uxoris, servi officio fungi, & sexcenta istius generis.

II. Bonum salutare, quod & Theologicum, spirituale & cœlestidicitur, illud est quod prodest homini ad salutem æternam, & quod pertinet ad verum Dei cultum, pietatem, & religionem; quales sunt actus virtutum Theologicarum & Christianarum, ut fidei, spei, charitatis, humilitatis, mansuetudinis, continentiae, patientiae, modestiae, benignitatis, &c.

III. Cæterum inter bonum civile & spirituale nullum medium agnoscunt, morale videlicet, quod & complectatur actiones quasdam, quæ verè bonæ sunt, & secundum virtutem, & in quibus non sit ratio peccati; sed quæ tamen nullatenus ad pietatem pertineant, nec sint ad salutem utiles. Nec enim putant ullam actionem esse verè bonam, cujus amor Dei principium non sit, & quæ non ad Dei gloriam referatur: ac peccatum esse censent quicquid eo non spectat, nec procedit ex Dei dilectione, quantumvis speciosum & honestum sit in hominum oculis. Unde sequitur nullam actionem revera bonam esse, quæ ad pietatem quoque non pertineat, & non possit homini ad salutem prodesse. Ut pluribus alias à nobis ostensum est. *Thesibus de Gratiæ necessitate circa bonum morale.*

IV. Quandoquidem tamen Protestantes bonum morale opponunt bono spirituali, sed tum bonum morale cum civili confundunt; & per bonitatem moralem intelligunt solum quandam externam bonitatem quæ consistere potest cum actione simpliciter mala, quæque revera, & apud Deum, habet rationem peccati. Plerumque verò per bonum morale significant quicquid veram virtutis & pietatis rationem habet, sive in eo legi naturali pateatur, sive præceptis Dei supernaturalibus.

V. Porro quod spectat bonum civile sive naturale, agnoscunt Protestantes, ejus respectu hominem, etiam in natura lapsa, usum liberi sui arbitrii habere. Ac quamquam homines in genere nihil possint sine generali concursu & cooperatione Dei, in quo vivimus, movemur, & sumus; & præterea ad vitæ civilis actiones plerumque egeant speciali aliquo providentiæ divinæ auxilio, ad actiones tamen naturales & civiles, non putant ullo modo necessariam esse eam Christi gratiam, quæ consistit in moribus quibusdam intus ab ejus spiritu excitatis, aut habitibus ab eo infusis: sed hominem eas posse naturali sua quadam facultate perficere, & ad eas aliquam habere voluntatis ex natura libertatem. Ut loquitur Perkinsus in Catholico Reformato, controversia 1. concl. 2. & 3.

VI. Sed illud arctissime tenent, atque urgent instantissime hominem semel peccato corruptum ex se sine Christi gratia nihil omnino posse in iis quæ ad pietatem & salutem æternam pertinent: ad hoc enim, ut homo vel minimum in eo genere præstet, prorsus necessarium esse salutiferam gratiæ divinæ auxilium, quod hominem non tantum adjuvet, sed præveniat quoque, & novas ei vires sufficiat: nec satis esse ut homo doceatur extrinsecus, & externis quibusvis auxiliis adjuvetur, sed præterea opus esse interiori gratia, per quam non solum mens illuminetur, sed etiam afficiatur & commoveatur voluntas.

VII. De

VII. De hoc inter se consentiunt non tantum qui singulariter Reformati vocantur, sed & illi qui dicuntur Theologi Confessionis Augustinæ; sic enim habet ipsa Confessio Augustiana articulo decimo octavo: *De Libero Arbitrio docent quod humana voluntas habet aliquam libertatem ad efficiendam civilem iustitiam, & diligendas res rationi subiectas, sed non habet vim sine Spiritu Sancto efficiende iustitiæ Dei, seu iustitiæ spiritualis.* Quod etiam confirmat Apologia Melancthonis eidem Confessioni, in eo qui dicitur liber Concordiæ subiecta. *Potest, inquit, humana voluntas aliquo modo efficere iustitiam civilem, seu iustitiam operum: potest loqui de Deo, exhibere Deo certum cultum opere externo, obedire Magistratibus, parentibus in externo opere eligendo: potest contineri maritus à cædæ, ab adulterio, à furto. Illud autem falsum est, non peccare hominem qui facit opera præceptorum extra gratiam.*

VIII. Imo circa gratiæ necessitatem ad bonum salutæ & spirituale, idem cum aliis Protestantibus docent illi ipsi qui sub Remonstrantium nomine reliquis Reformatis, multas controversias in negotio Gratiæ moverunt. Hæc enim in eorum Confessione leguntur. *Homo itaque salvificam fidem non habet à seipso, neque ex Arbitrio sui liberi viribus regeneratur, aut convertitur: quandoquidem in statu peccati nihil boni, quod quidem salutare bonum sit, cuiusmodi est in primis conversio & fides salvifica, ex seipso, vel à seipso, vel cogitare potest, nedum velle aut facere, sed necesse est ut à Deo in Christo, per verbum Evangelii, eique adjunctam Spiritus Sancti virtutem regeneretur, atque totus renovetur, puta intellectui, affectibus, voluntate, omnibusque viribus; ut salutaris bona rectè possit intelligere, meditari, velle, perficere. Gratiæ itaque Dei ita minus esse principium, progressum & complementum omnis boni; adeo ut ne ipse quidem regeneretur, absque precedente ista, sive preveniente, excitante, prosequente & cooperante gratia, bonum ullum salutare cogitare, velle aut peragere possit, nedum ullis ad malum trahentibus temptationibus resistere. Ita ut fides, conversio, & bona opera omnia, omnesque actiones piæ & salutaris, quas quis cogitando potest assequi, gratiæ Dei in Christo, tanquam causæ suæ principali & primariæ, in solidum sunt adscribendæ.* Cap. 17. art. 5, & 6.

IX. Obiter autem hic observandum est Remonstrantes non exigere tum reliquis Protestantibus ad bonitatem actionis moralis, quæ Deo grata sit, & peccato careat, ut fiat ex fide, & in Dei gloriam: sed sufficere, iuxta ipsos, ut rectæ rationi conformis sit, nec fiat ob finem ullum malum. Illud videre est apud Episcopium, in Apologia pro Confessione Remonstrantium, ad paragraphum quartum capitis sexti. *Nam ut actio moraliter bona sit, sufficit, inquit, si rectæ rationi conveniat, id est, si fiat ex animo qui virtutis, bonitatis & probitatis studio revera ducitur, etiamsi legis & Evangelii notitia careat, & à quo exclusum est, tum propositum faciendi quicquam contra divine voluntatis regulam, tum privata gloria studium: Ut enim formaliter includatur, tum propositum faciendi tantum id quod lex divina, vel Evangelium jubet, tum studium Divinæ gloriæ, tum fides in Christum, actionis moraliter bonæ natura non postulat, uti ex rei natura satis liquet: multa enim fuerunt omni ævo hodieque sunt, qui de lege & Evangelio nè fando quidem audierunt, quos tamen moraliter bonos ac virtuosos esse, aut fuisse, nemo facile negaverit. Non putant tamen aliquem per ejusmodi actus ita Deo placere, ut propterea sit in cælum transferendus, & æterna vita donandus. Et in hunc sensum exponunt illud Epistolæ ad Hebræos, Impossibile est placere Deo sine fide. Nempe quod Apostolus ibi non significet, sine fide neminem ullo modo Deo placere: sed solum non sine fide nullum Deo placere posse sicut Enoch placuit, id est, ad hoc quis cum Enoch in cælum transferatur, & æternum cum Deo vivat: ut apud Autorem illum ibidem videre est.*

X. Cæterum hanc doctrinam utriusque Scholæ Theologi, id est, tam Protestantis, quam qui communioni Romanæ sunt addicti, non solum ex Conciliis adversus Pelagianos, & eorum reliquias olim celebratis hauserunt, sed ex ipsa Scriptura Sacra, in qua traditur admodum manifestè. Huc pertinet illud Christi, *Joan. 15. Sine me nihil poteris facere.* Et illud quod scribit Paulus ad Corinthios, *Non quod sufficientes finis cogitare aliquid à nobis, quasi ex nobis, sed sufficientis nostra ex Deo est.* 2. Cor. 2. Præsertim vero quod dicit idem Paulus in priori ad eosdem Corinthios Epistola, *Quid habes quod non acceperis? si autem acceperis, quid gloriaris quasi non acceperis?*

XI. Nec parum istud confirmatur ejusdem Apostoli dicto, *cap. 2. ad Philippen- ses; Cum metu & tremore vestram salutem operamini. Deus est enim qui operatur in vobis & velle, & perficere, pro bona voluntate.* Unde est quod in eadem Epistola, capite primo,

M m m m 2

testatur

testatur se confidere quod qui capit in ipsis opus bonum perficiet usque in diem Christi Jesu. Et propterea quoque Petrus agnoscit divinam virtutem donasse nobis omnia quae pertinent ad vitam & pietatem, per cognitionem ejus qui vocavit nos propria gloria & virtute. 2a Pet. 1. 3.

XII. Inde fit quod pro bonis omnibus operibus nostris tenemur Deo gratias agere, & assidue Dei Christique auxilium & gratiam implorare, ut nos in via salutis dirigat & actiones nostras aspirando praeveniat, & adjuvando prosequatur, ac Spiritu suo nos intus moveat & gubernet, ut quae placita sint ipsi facere valeamus, quas preces improbare nemo potest non omnino impius.

XIII. Sed ut clarius pateat Protestantium Doctrina, observandum est eos distinctionem aliquam adhibere inter ea quae pertinent ad pietatem & salutem. Sunt enim multae actiones externae quae aliquo modo ad pietatem spectant, & saluti conducunt, ut verbum Dei legere & audire, Baptismum suscipere, ad sacram Coenam accedere, publicis fidelium coetibus interesse, & quae sunt ejusmodi. De talibus hic quaestio non est. Ac quavis ista suo modo ad salutem prodesse possint, certum est apud omnes externa illius generis fieri posse per vires liberi arbitrii, absque ulla interna Iesu Christi gratia, ac cum solo Dei concursu & auxilio generali.

XIV. Adeoque per ea quae saluti conducunt, & ad pietatem pertinent, & ad quae Theologi Christi gratiam prorsus necessariam esse docent, intelliguntur solae actiones internae, in quibus Dei cultus spiritualis consistit, & quae sic ad salutem profunt ut salutis per Christum partem sint pars, aut initium quoddam: & per se promoveant aeternam nostram beatitudinem, atque ad eam referantur. Qualia sunt in Deum credere, & illi confidere, ab eo gratiam & gloriam sperare, Deum & proximum sincere diligere, de peccatis serio ex sensu divinae bonitatis dolere, firmiter propositum vitae emendandae suscipere, & quae sunt ejus rationis.

XV. Ista autem Protestantes ex propria natura, & quoad substantiam, actus salutem nostram provehere, & ad pietatem pertinere contendunt. Nec enim quonquam posse sine aliqua pietate, quam Deus probet & acceptet, verbo Dei ferium, solidum & fiducialem assensum praebere, Deum & proximum vero & sincero amore prosequi, secundum divina promissa gratiam & gloriam ab eo expectare, propter Deum offensum ex animo dolere, detestari peccatum, & studium in posterum placendi Deo teneri. Ac prorsus contra rationem putant, si quis dicat hominem quae sunt ejusmodi praestare & tamen nihil conduens ad salutem facere, cum Deus omnibus ista praestantibus salutem, absque personarum acceptione, promiserit.

XVI. Sentiant ergo ista ad salutem aeternam prodesse, non quia sunt ex aliquo principio supernaturali, sed quia simpliciter sunt: ac proinde gratiae divinae auxilium necessarium non esse, ut actus illi, qui alioqui possent per liberi arbitrii vires naturaliter elici, supernaturales evadant, & ita profint ad salutem: sed ut liberum arbitrium, cujus vim naturalem tales actus in se superant, illos simpliciter elicere possit, & ita quae Deus exigit ad salutem facere. Imo si quis absque gratiae auxiliis tales actus praestaret, tantum abest ut putent illos ideo minus Deo gratos & acceptos fore; ut contra potius statuatur, illos hoc ipso futuros Deo gratiores & acceptiores. Nam rationi est prorsus consentaneum, ut plus praemii & laudis debeat, illi qui minoribus beneficiis provocatus, & paucioribus auxiliis adjutus aequaliter diligit, & tantundem boni praestet.

XVII. Quamvis autem, juxta Protestantes, actus fidei, spei, dilectionis, & poenitentiae, qui sunt in Evangelio praecipui superent, etiam secundum substantiam, vim naturalem liberi arbitrii, agnoscunt tamen gratia Christi opus non esse, ut quis quomodoque credat, speret, diligat, poeniteat: sed solum ut credat, speret, diligat, & poenitentiam agat, sicut oportet ad salutem. Non enim quilibet assensus mysticis fidei praebitis fides illa est quam Evangelium ad salutem exigit; sed assensus firmus & solidus, non levis & perfunctorius, & qui revera Dei veritate, non humano aliquo testimonio nitatur. Quique aptus sit ex se bona opera producere, & sine aliquo pio in Deum affectu non sit.

XVIII. Talis assensus substantiam esse supra naturam peccato corruptae vires pertinent Protestantes. Nec enim eo modo rebus omnibus Deo revelatis assentiri quisquam potest quin habeat bonam aliquam cogitationem. Sed ex supra allato Apostoli testimonio, non sumus sufficientes aliquid boni cogitare à nobis, quali ex nobis. Neque negari potest illum Christianè credere qui ea ratione credit; sed omnis Christiana fides Dei donum est. Adde quod sic credere est ad Christum venire: Sed nemo, inquit

Christus,

Christus, *potest ad me venire, nisi datum fuerit ei à Patre meo.* Joan. 6. Ac præterea qui eo modo credit & Patrem & Filium novit, *sed nemo novit Filium nisi Pater, neque Patrem quis novit nisi Filius, & cui voluerit Filius revelare.* Matth. 7. Et denique quomodo potest quis absque Spiritus Sancti interna illustratione & inspiratione, omnibus in Evangelio revelatis serium & firmum assensum præbere, ex pio in Deum affectu, & mentem captivando in veritatis illius obsequium, Apostolo dicente, *Nemo potest dicere Jesum esse Dominum, nisi in Spiritu Sancto.* 1. Cor. 12.

XIX. Cæterum non existimant Protestantés inde sequi gratiam Christi necessariam esse ad assensum qualemcumque adhibendum rebus fidei atque religionis. Ut si quis quadantenus de iis persuasus sit, non ulla solida veritatis perceptione motus, sed vanis aliquibus præjudiciis abreptus, aut ductus sola consuetudine & autoritate majorum, vel humanis quibusdam argumentis & rationibus. Qualem assensum multi infideles, & alii in gravissimis religionis capitibus errantes, nonnullis Christianæ fidei articulis præbent. Etenim quemadmodum ejusmodi persuasio ad pietatem non pertinet, nec confert ad salutem æternam, sic ad eam concipiendam naturales vires hominis sufficiunt.

XX. Similiter quicumque remissionem peccatorum & beatitudinem æternam à Deo sperat, non statim actum edit spei illius Christianæ, quam Scriptura commendat. Talem enim spem solus ille legitime concipere potest, qui præditus fide vera & efficaci piè & sanctè vivit, & insinit viam mandatorum Dei, quæ sola ad æternam beatitudinem ducit: aut qui in peccata lapsus seriam de illis poenitentiam agit, & propter offensum Deum graviter dolens, sibi proponit in posterum offensam illius cavere, & ab omnibus illis abstinere quæ Deo displicere novit. Atque hæc est demum spes illa quæ divinæ gratiæ in solidum debetur, & cujus actus etiam secundum substantiam, est longè supra hominis peccato corrupti vires. Si quis verò graviter in fidei capitibus errans, & carnis operibus ac vitiis indulgens, nihilominus Deum sibi fore propitium sperat, & gloriam ac felicitatem æternam ab eo expectat, talis spes proculdubio inanis ac fallax est, nec inter opera virtutum numeranda: neque Dei gratiæ principium ejus esse potest.

XXI. Eodem modo si quis solo metu poenæ de peccatis doleat, nec dolor iste junctum habeat porpositum deinceps peccata cavendi, & spem veniæ à Deo consequendæ non est hæc poenitentia, quam Deus ab homine postulat, & ad quam nemo sine gratiæ Dei auxilio pervenire potest: sed ille demum ducitur poenitentia sicut oportet ad salutem, qui non solum angitur metu poenæ ipsi propter peccatum impendens, verum etiam quia Deum offendit, & Dei amore indignum se reddidit, ac bonitati ejus fuit ingratus; ideoque statuit in futurum quæ Deo placita sunt facere, & quæ illum offendunt fugere, cum fiducia Deum illi propitium & misericordem fore. Posterioris hujus poenitentis actus à priori toto genere, & secundum substantiam differt; atque ille demum est quem Protestantés, absque Christi gratia, etiam substantiæ solius ratione, non putant esse homini possibilem.

XXII. Denique si quis Deum amare supponatur, non propter ipsum, & ut eo fruatur, sed solum propter aliquod commodum temporale ab eo consequendum, ejusmodi dilectio inordinata & vitiosa est, nec partem facit veræ pietatis. Sed ad pietatem pertinet, & proinde gratiæ divinæ ascribendus est, ille solum Dei amor, quo bonitas ipsa divina diligitur, & quo Deus amatur aliquo saltem gradu, non propter aliud, sed propter ipsum Deum. Talem dilectionem, quæ sola facit ad salutem, sic putant Protestantés gratiæ divinæ deberi, ut actus ejus nullo modo possit, absque speciali Dei auxilio, ab homine elici. Idque quoniam Scriptura dilectionem simpliciter numerat inter fructus Spiritus, *Gal. 5.* Et absolute pronunciat charitatem ex Deo esse, 1. *Joan. 4.* Unde sequitur nec ejus initium, aut minimum gradum, sine Dei gratia, & Spiritus ejus inspiratione, à nobis esse posse. Quod quoque convincit illud absolute à Christo dictum, *Sine me nihil potestis facere,* Joan. 15.

XXIII. Cæterum ex hac in Verbo Dei fundata, & in Scholis Christianis communiter jam recepta doctrina, nempe quod nihil ad veram pietatem & salutem faciens, ab homine in peccatum lapsus, sine gratia Christi fieri possit, colligunt Protestantés, non solum præcepta Dei supernaturalia de internis actibus fidei, spei, charitatis, atque contritionis, non posse ab homine lapsos, absque speciali auxilio Dei, etiam quoad actus substantiam servari, quoniam actus illi, secundum substantiam suam considerati, partem faciunt veræ pietatis; sed præterea pertendunt inde quoque evidenter sequi ne ipsa quidem legis naturalis præcepta, ab ullo homine mortali sine eodem Dei auxilio, secundum substantiam suam impleri posse.

XXIV. Nam

XXIV. Nam inter præcepta legis naturalis primum locum tenet illud de Deo super omnia diligendo, quo nihil cogitari potest quod sit verè in Deum pietati magis intimum: imò hæc est summa pietatis, ut Deum ex toto corde diligamus, & timeamus illi in omnibus placere. Quod si peccator viribus propriis, absque gratiæ Christi auxilio, posset Deum super omnia diligere, & absolutum propositum illi in omnibus placendi suscipere, posset peccator viribus propriis à peccato resurgere, & se ad Deum convertere, quod tamen manifestè Pelagianum esse nemo negare auit. Nam certè qui Deum amat super omnia, ac sibi proponit à peccato abstinere, & tenetur studio Deo in omnibus placendi, ille proculdubio à peccato averfus est, & ad Deum conversus. Possemus quoque viribus propriis absque speciali Dei auxilio provocare Deum ad nos diligendos, & gratiam nobis communicandam; quandoquidem Deus absque exceptione diligit omnes qui diligunt ipsum: juxta illud apud Salomonem, *Diligentes me diligo*. At hoc est contra communem Christianorum sensum, & illud Joannis in prima epistola, *Non quasi nos dilexerimus Deum, sed quia prior ipse dilexit nos.* 1. *Joan.* 4.

XXV. Neque tantum inde colligunt Protestantés, ullum hominem peccato corruptum posse, sine gratia Christi, omnia & singula Legis naturæ præcepta servare, sed præterea ne unum quidem legis naturalis præceptum, sine gratiæ illius auxilio, ab homine, lapsio sic servari posse, ut hac in parte legi satisfiat, ipse vero se obligatione ex lege nascenti exsolvat, & ita nullum admittat peccatum. Idque quoniam lex spiritualis est, & propterea in singulis præceptis non simpliciter præcipit, aut prohibet opera quædam externa, sed vult ut fiant quæ præcipit, & caveantur quæ prohibet ex amore iustitiæ, & animo ea in re Deo placendi atque obsequendi, quod proculdubio spectat ad pietatem, ideoque sine gratiæ auxilio heri nequit.

XXVI. Porro ex illis quæ Theſibus hæc & superioribus suis exposita sunt, patet non solum omnes Protestantium Scholæ, sed etiam omnes Scholæ Romanæ Theologos, in hac generali Theſi consentire, quod nihil ad veram pietatem pertinens, & æternæ salutis conducens, sine gratiæ Christi auxilio fieri possit.

XXVII. Sed inde quoque liquet multos Scholæ Romanæ Doctores, nec cum Protestantibus, nec cum aliis Scholæ Romanæ Doctores convenire circa illa quæ salutem conducere, & ad veram pietatem pertinere censenda sunt, aut non. Nam, ut ostendimus, Molina cum aliis non paucis, existimat actus interiores, non solum in lege morali, sed etiam in ipso Evangelio præceptos, quales sunt in Deum credere, super omnia illum diligere, ut largitorem gratiæ & gloriæ, salutem æternam ab eo sperare, propter illum offensum dolere, cum absoluto proposito in posterum illi in omnibus placendi, omnes, inquam, eos actus, si tantum secundum propriam substantiam & in se considerentur, salutem non prodesse, nec partem facere veræ illius pietatis, quæ via est ad æternam vitam & beatitudinem: ideoque tales actus, eo respectu, non superare vires naturales liberi arbitrii, sed ab homine lapsio posse speciali gratiæ Christi auxilio elici. Actus autem ejusmodi tum demum salutem prodesse, & ad veram in Deum pietatem spectare, si per auxilium quoddam supra naturam concessum, supernaturales evadant, eadem eorum manente substantia. Contra verò Protestantés, cum plurimis & celeberrimis Scholæ Romanæ Theologis pertendunt, ejusmodi actus in seipsis, & ratione propriæ substantiæ, partem facere veræ pietatis, & quiddam esse quod ad vitam æternam maximè conducit: ac proinde illos, eodem respectu, omnino superare vires humani arbitrii, à quo producti non possunt, sine speciali gratiæ divinæ auxilio.

XXVIII. Quæ cerè sententia evidenti planè rationi nititur. Nam actibus illis Deus remissionem peccatorum, & vitam æternam promittit, si fiant prout à Deo fieri percipiuntur, & prout ad illos faciendos homines per Christi legem obligantur: & quod consequens est, si hoc modo fiant, maximè profunt ad salutem, & ad veram pietatem spectant. Jam autem Deus simpliciter præcipit, ut verè & non fidei Evangelio credamus, ut peccatorum veniam & salutem ab eo speremus, ut illum super omnia & ex toto corde diligamus, ut ex ejus amore de peccatis doceamus, & illa deinceps cavere firmiter nobis proponamus; non verò ut ista faciamus ex habitu infuso, aut ex alio aliquo principio supernaturali, quod in nostra potestate non est. Deus quidem ex sua benignitate quædam auxilia nobis supra naturam subministrat, ut ista præstare possimus, sed non jubet ut talia auxilia habeamus. Ideoque illius generis auxilia ad præceptum quidem faciendum juvant, sed tamen sub præcepti obligatione non cadunt, nec materiam præcepti faciunt.

XXIX. Neque

XXIX. Neque hoc negare potest, vel negat de factò Molina. Supra enim illum docentem audivimus, illos quibus Evangelium cum sufficientibus signis & miraculis, aut persuasionibus & argumentis aliis proponitur, sine alio Dei speciali auxilio, & cum solo concursu generali Dei, posse per naturales vires Liberi arbitrii vitare peccatum incredulitatis, & ex consequenti posse satisfacere omnibus, ad quæ credendi præceptum obligat. Quod signanter affirmat de illis qui Christum audierunt, & miracula illius viderunt. Nec putat incredulos culpæ lethalis reos fore quod Evangelio sibi proposito non credant, nisi possent credendis, actu merè naturali tunc assensum præbere: adeoque juxta ejus hypothesin, necesse ut isto assensu naturali, præcepto divino de credendo satisfiat. Et eadem ratione protulduo facile concedet, illum qui actu merè naturali & sine gratiæ Christi auxilio, Deum ut Redemptorem nostrum super omnia diligit, cum absoluto proposito illi placendi in omnibus, ut fieri posse existimat, illum, inquam, sic servare præceptum Evangelicum de Deo super omnia diligendo, ut in eo peccatum vitet, & se liberet obligatione quæ ex illo præcepto oritur. Ac profecto, nihil vanius & absurdius fingi posset, quam, si quis affirmaret, aliquem Deum super omnia diligere, & serium atque absolutum propositum habere Deo placendi in omnibus, & tamen illum peccare contra præceptum de Deo super omnia diligendo.

XXX. Itaque juxta Protestantès, & magnam quoque Scholæ Romanæ partem, credere, sperare, diligere, de peccatis dolere, sicut oportet ad salutem & justificationem; & ista omnia facere, ita ut peccatum vitetur, & obligationi ex Evangelii præceptis orienti satisfiat, idem omnino sunt, & eodem recidunt. Sed secundum Molinam, & illius sequaces, aliud est credere, sperare, diligere, sicut oportet, ut in Evangelica præcepta non peccetur, & aliud credere, sperare, diligere, sicut oportet ad salutem & justificationem. Quoniam ad peccatum vitandum sufficit, ut tales actus, secundum substantiam, ab hominibus producantur; sed ut profint ad salutem & justificationem, requiritur præterea, ex Molinæ & sequacium sensu, ut fiant beneficio supernaturalis cujusdam auxilii. Cum ex adverso censeant Protestantès, bonitatem actuum ejusmodi internorum ex sola eorum substantia pendere; nec illos fieri magis Deo gratos ac commendabiles, adeoque magis ad salutem utiles, si fiant per auxilium quoddam supernaturale, quam si absque tali auxilio fierent.

XXXI. Præterea, ut ante expositis manifestum est, illud controversum manet inter Protestantès omnes, & multos Scholæ Romanæ Theologos, quibus cæteri hac in parte reclamant. An saltem omnis præceptorum legis moralis impletio, per quam peccatum adversus illorum singula vitetur; & satisfiat iis ad quæ hominem sub poena mortis obligant, sit aliquid per se ad salutem æternam conducent, & in quo vera pietas consistat, adeoque quod simpliciter superet Liberi Arbitrii in natura corrupta vires, & ad quod Christi gratia prorsus necessaria sit? Negaverunt hoc multi ex præcis Scholasticis, & inter alios Scotus, Durandus, & Gabriel Biel. Negant etiam Molina & ejus Discipuli, qui docent legis naturalis præcepta sic posse per naturæ vires, citra speciale Dei auxilium ab homine lapsò, quoad substantiam, si non omnia collectivè, saltem singula distinctivè servari, ut contra illa non peccetur. Sed ex adverso Protestantès affirmant, & cum iis non pauci Scholæ Romanæ Theologi, non posse omnia legis moralis præcepta impleri, & peccatum adversus illorum singula caveri, quin hoc ipso fiat aliquid ad vitam æternam maxime proficuum, & quod ad veram erga Deum pietatem pertinet.

XXXII. Eorum verò ratio est, quod simpliciter omnibus præcepta legis moralis servantibus, Christo Domino nostro confirmante, vita æterna promissa est, secundum illud, *Fac & vive*. Ac præterea inter legis illius præcepta præcipuum locum habet illud, *Dilige Dominum Deum tuum ex toto corde tuo, & in tota anima tua, & in tota mente tua*, in cujus præcepti observatione pietatis vis & summa consistit. Omni prorsus autem ratione caret, si quis dicat talem Dei dilectionem non esse Deo gratam & acceptam, ad vitam æternam, nisi fiat ex aliquo Dei auxilio supernaturali: cum potius contra videatur debere Deo gratius & acceptius esse, si quis non tantis ad id beneficiis & auxiliis obstrictus, Deum nihilominus tam singulari amore prosequitur.

XXXIII. Denique ex dictis apparet illud in questione adhuc positum esse inter Protestantès omnes, si Remonstrantes excipias, & inter maximam partem Doctorum Scholæ Romanæ, An observatio cujuslibet præcepti legis moralis, per quam ita satisfiat iis, ad quæ præcepto isto obligamur, ut contra illud non peccetur, sit aliquid ad salutem & pietatem pertinens. Negant longè plurimi Scholæ Romanæ Doctores, & propterea docent quædam legis mandata, sine gratia Christi, quoad actus substantiam,

stantiam, ab homine lapso sic servari posse, ut peccatum omne vitetur, & obligationi erga legem satisfiat. Affirmant verò Protestantes, cuiusvis præcepti obligationem, per quam defungimur iis ad quod tale præceptum obligat, & vitamus peccatum adversus illud alias committendum, partem esse veræ pietatis, & ad salutem æternam per se aliquid facere, quoniam præcepta singula non simpliciter nos obtrungunt, ad hæc vel illa cavenda, vel præstanda; sed etiam ut id faciamus, ex sincero in Deum amore, & animo illi placendi & parendi, ut creaturam rationalem deest: ac proinde ad talem observationem pertendunt necessariam esse illam Christi gratiam, sine qua Scholæ consentiunt nullum opus fieri posse, quod verè pium & salutiferum sit.



THESES THEOLOGICÆ:

In quibus exponitur

DOCTRINA PROTESTANTIUM

Circa Quæstionem illam,

*An homo in statu Peccati, solis Naturæ viribus, possit
se ad Gratiam præparare & disponere?*

T H E S I S I.

EX iis quæ Thesisbus præcedentibus à nobis latius exposita sunt, colligere promptum est quid sentiant Protestantes circa quæstionem illam, An homo peccato corruptus, possit viribus propriis, & sine speciali aliquo Dei auxilio, se ad gratiam præparare? Et primo quidem quod attinet illos, qui inter Protestantes singulariter Reformati dicuntur, docuimus eos præsertim accuratè docere, & acutè retinere, nihil ad salutem conducentis; sine Dei gratia, ab homine fieri posse. Ex quo planè sequitur, ipsis fatentibus & agnoscantibus, hominem per se nihil posse, quo gratiam Christi salutarem ullo modo impetret, consequatur & obtineat, aut quacunque ratione ad eam se disponat. Illud enim per quod talis gratia obtinetur, est aliquid non parum ad salutem conducentis.

II. Præterea illud quoque inter eos certum est, & pluribus supra fuit à nobis confirmatum, nihil verè moraliter bonum, & quod Deo probari possit, ab homine lapso procedere posse, sine peculiari aliquo Dei auxilio. Prorsus autem absurdum est & contra rationem, statuere hominem ad gratiam Dei consequendam disponi, per illud quod nequidem moraliter bonum est, neque Deo probari potest.

III. Quin tenent gratiam illam, sine qua nemo verè moraliter operari potest, esse ipsam Christi gratiam quæ à fide incipit: ac proinde omnia infidelium opera, non ad virtutem, sed ad vitium pertinere, & quantumlibet luceant in oculis hominum, revera tamen coram Deo peccata esse; neque bona, sed mala: ut quæ deficiant in essentialibus, quandoquidem non à bono principio, sed ab amore proprio, & cupiditate prava oriuntur, & à verò & legitimo fine, qui est Dei gloria, aberrant. Unde manifestè sequitur nihil eorum quæ præcedunt vocationem ad fidem, posse hominem ad Christi gratiam præparare. Quomodo enim posset quis gratiam Dei inpetrare, & ad illam à Deo obtinendam præparari, per opera quæ coram Deo mala sunt, & peccati rationem habent, qualia sunt omnia quæ faciunt homines priusquam ad fidem vocentur?

IV. Præ-

IV. Præsertim verò ut ita sentiant moventur Apostoli dicto, *Quis te discernit?* Nam si homo per naturæ vires potest consequi gratiam, per quam præcellit iis qui non eo modo propria libertate usi sunt, & gratia privati manent, certè ab homine est initium discriminis, quo pii & fideles ab aliis discernuntur. Et Apostolo querenti, *Quis te discernit?* posset aliquis verè respondere, Ego faciens per naturæ vires quod erat in meca potestate, incepti me discernere ab aliis qui idem facere neglexerunt, & propterea impetravi à Deo gratiæ dona, quibus illi sua culpa carent, & quæ, idem quod ego præstando, infallibiliter consecuti fuissent.

V. Sed quod hic capitale est, exilitant omnes illas præparationes & dispositiones, ex solis naturæ viribus procedentes, ratione quarum gratia quæcunque tandem modo, uni potius quam alii detur, pugnare cum tot Scripturæ dictis, quæ asserunt hominis salutem & justificationem esse prorsus gratuitam, nec ascribendam esse ullis operibus humanis, sed in solidum divinæ gratiæ. Ut quum Apostolus tam diligenter inculcat in Epistola ad Romanos, nos *Justificari gratia & per Dei gratiam, non ex operibus, & sine operibus.* Et scribens ad Ephesios dicit, *Gratia salvati estis per fidem; & hoc non ex vobis, Dei enim donum est; non ex operibus, ne quis gloriatur. Ipsius enim sumus factura, creati in Christo Jesu in operibus bonis, quæ preparavit Deus, ut in iis ambulemus.* Quibus congruunt quæ scribit ad Timotheum, *Liberavit & vocavit nos Deus vocatione sua sancta, non secundum opera nostra, sed secundum propositum suum, & gratiam quæ data est nobis in Christo Jesu ante tempora secularia.* Et similiter ad Titum. *Quum autem benignitas, & humanitas apparuit Salvatoris nostri Dei, non ex operibus iustitiæ, quæ fecimus nos, sed secundum suam misericordiam salvos nos fecit per lavacrum regenerationis, & renovationis Spiritus Sancti.* Rom. 3. Ephes. 2. 2 Tim. 1. Tit. 3.

VI. Etenim si Deus nos servat, vocat, & iustificat, gratis & per gratiam suam, sine operibus nostris, non secundum opera nostra, neque ex operibus iustitiæ quæ fecerimus nos, planum est nulla esse nostra opera, quæ salutarem Dei gratiam præveniant, & illam quoquo modo mercantur, aut quibus ex aliqua certa lege donetur; quibusve Deum ulla ratione invitemus atque provocemus, ut nos salvet, vocet, atque iustificet. Nam si ita esset Deus non servaret, vocaret, & iustificaret, non solum secundum suam misericordiam, atque benignitatem, sed etiam secundum opera illa, quorum intuitu gratiam suam nobis concederet. Adde quod in hoc negotio Paulus ita gratiam opponit operibus, ut opera quævis excludat, & opera gratiam evertant. *Reliquie, inquit, secundum electionem gratiæ salvæ facti sumus; si autem gratia, jam non ex operibus, alioquin gratia jam non est gratia.* Rom. 11.

VII. Itaque gratiæ & doctrinæ Evangelicæ omnino repugnare putant, si quis dicat facienti quod in se est per vires naturæ gratiam concedi: non tantum quia gratia sic prorsus gratuita non esset; sed quia censent per naturam hominem in genere morum nihil operari posse quod revera peccatum non sit, adeoque quod iram Dei non mereatur, tantum abest ut possit Dei beneficentiam erga hominem provocare.

VIII. Quod si quis regetur homines naturæ & sibi relictos, posse saltem minus quam alios peccare, & ita minus indignos Dei gratia se reddere: respondent Deum in gratiæ suæ communicatione sæpe gravissimos peccatores eligere, & eos preterire qui minus mali videbantur: ac proinde nullam esse legem, per quam Deus gratiam minus peccantibus donet. Præterquam quod exilitant illud ipsum discrimen quod cernitur inter homines, qui sunt extra Christi gratiam, & juxta quod alii gravius & atrocius, alii levius et mitius peccant, illud, inquam, discrimen ad aliquod speciale providentiæ divinæ auxilium referendum esse; quo fit ut omnes pariter in flagitia et scelera coerceda legibus non ruant, & absque quo, non minus quam sceleratissimi quique, præcipientes in illa ruerent.

IX. Sunt quidem inter Reformatos non pauci qui expressè docent, Deum nullis omnino hominibus deesse, si officium faciant, ratione sui status, & conditionis in qua reperiuntur; neque illis media ad salutem æternam necessaria denegare: Adeoque illis ipsis quibus nulla tenus Dei verbum illuxit, Deum, pro sua summa benignitate, auxilia ad salutem sufficientia largiturum fore, si officio suo erga Deum fungerentur, quantum exigit eorum status & conditio, & per Phycas facultates licet. Sed simul addunt neminem ita suo officio fungi, sine speciali Dei gratia atque auxilio, propter moralem facultatum hominis depravationem: gratiam autem illam, per quam homines convertuntur, & ad officium suum faciendum formantur, Dei verbo, saltem ex lege ordinaria, alligatam esse: Et ideo, secundum legem ordinariam, neminem benè operari, & quod sui est officii facere, nisi quem Deus ad fidem in Christum vocaverit per Evangelii præ-

N n n n

præ-

prædicationem. Quam doctrinam prolixè tradit & exponit *Moses Amyraldus*, Homilia in vers. 19, & 20. cap. 1. Epist. ad *Rom.* At sunt alii qui nequidem dici volunt à Deo dandam esse gratiam salvificam, illis qui relictis in homine naturæ donis rectè uti fuerint. Quæ sententia est Professorum Belgicorum in suo Judicio circa tertium & quartum Articulum, Actis Synodi Dordracenæ inserto. *Quamquam*, inquit, *habenti, seu donis rectè utenti dabit incrementum, non propterea tamen Deus post lapsum iis, qui naturalibus imaginis Dei reliquiis rectè fuerint uti, supernaturalem ac salvificam gratiam largietur; quia gratia hæc non secundum opera, sed secundum merum ac liberum Dei beneplacitum conferitur.* Thesi 4. Cui sententiæ in eadem Synodo accedunt Deputati Synodi *Zuyds-Hollandiæ*, damnantes eos qui dicunt Deum ulteriorem gratiam & salutarem vocationem donare, quocunque tandem modo id fiat illis qui probi sunt, & naturalibus aut aliis donis acceptis benè utuntur, etiam in iis gentibus ubi nihil unquam de Evangelio auditum est.

X. Cæterum quamquam Reformati omnes accuratè doceant neminem propriis viribus ad gratiam ullo modo se præparare atque disponere, nonnulli tamen eorum observant, quædam opera externa, quæ in arbitrii humani potestate sita sunt, ab hominibus ordinariè requiri, priusquam perducantur ad statum regenerationis. Qualia sunt verbum audire, velle genæ, Ecclesiam adire, & quæ sunt istius generis. Nec enim fuit Deus homines ad fidem vocare per illuminationem quandam immediatam, qualis olim Prophetis & Apostolis obtigit, seu mediante Verbi divini prædicatione, auribus corporis percepta, aut saltem librorum Sacrorum lectione. Juxta illud *Rom. 10. Quomodo credent ei quem non audierunt?*

XI. Istud inter alios notant Theologi Magnæ Britannici, in Judicio suo circa tertium & quartum Articulum, quod insertum est Actis Synodi Dordracenæ. Etenim cap. 2. quod est de Antecedentibus ad Conversionem, hæc est eorum Thesis prima, *Sunt quedam opera externa, ab hominibus ordinariè requisita, priusquam ad statum regenerationis, aut conversionis perducantur, quæ ab iisdem quandoque liberè fieri, quandoque omitti solent, ut adire Ecclesiam, audire Verbi præconium, & id genus alia.* Quæ esse in nostra potestate & ratio dictat, & experientia probat, ut postea subiungunt.

XII. Præterea Doctores iidem observant esse internos quosdam actus, tum mentis, tum voluntatis, ad Regenerationem hominis præcedaneos, quibus homo convertendus ad eam præparatur. Cujusmodi actus sunt cognitio quædam voluntatis divinæ, peccati sensus, timor pœnæ, cogitatio de liberatione, spes aliqua veniæ. Quos actus tribuunt cuidam gratiæ initiali, quam illuminantem & excitantem vocant, & quæ præcedit ipsam gratiam convertentem atque regentem.

XIII. Etenim hæc est capite jam citato eorum secunda Thesis. *Sunt quedam effecta interna ad conversionem sive regenerationem prævia, quæ virtute Verbi Spiritusque in nondum justificatorum cordibus excitantur; qualia sunt notitia voluntatis divinæ, sensus peccati, timor pœnæ, cogitatio de liberatione, spes aliqua veniæ.* Ad cujus Thesis confirmationem, addunt gratiam divinam non solere homines perducere ad statum justificationis & regenerationis per subitum entusiasmum, sed multis præviis actionibus ministerio Verbi subactos & præparatos. Idque ipsam rei naturam requirere; *Nam*, inquit, *sicuti in generatione hominis naturali, multe sunt præviæ dispositiones, quæ formæ inductionem præcedunt, ita & in spirituali per multas antecedentis gratiæ actiones, ad spirituales natiuitatem pervenitur.* Et ejusdem rei argumentum petunt, ex eo quod Deus ad homines regenerandos utitur hominum ministerio & verbo, tanquam instrumento. *Quod si Deus*, inquit, *immediatè vellet hominem impium regenerare, & justificare, nulla cognitione, nullo dolore, nullo desiderio, nulla veniæ spe præparatum, nec hominum ministerio, nec Verbo prædicato ad hanc rem opus esset.* Nec Ministris Verbum Dei rectè secantibus, cura incumberet aptè prudenterque auditorum conscientias primo legi terroribus sanciendo, deinde Evangelicis promissis erigendi, ac eisdem hortandi ad penitentiam fidemque à Deo per preces lacrymasque petendam.

XIV. Porro docent neminem qui initiali ista gratia benè utatur à Deo deferri, sed Deum ad ulteriorem gratiam promovere, omnes qui illis auxiliis adjuti, faciunt illud ad quod per ejusmodi gratiam excitantur. Sic enim habet eorum quarta Thesis. *Quos ita afficit Deus, non deserit, nec desistit in vera ad conversionem via promovere, priusquam ab illis per neglectum voluntariam, aut hujus gratiæ initialis repulsam deferatur.* Talentum enim gratiæ à Deo semel concessum nemini eripi, nisi qui prius quo vitio illud sepepaverit. Et inde esse quod nos passim in Scripturis monemur, ne Spiritui resistamus, ne Spiritum extinguamus, ne gratiam Dei frustra accipiamus. Neque Deum solere,

aut

aut velle unquam absque prævia hominis culpa, eripere cuiquam gratiæ excitantis auxilium, aut subsidium ullum, quod semel contulit ad conversionem hominis ordinatum.

XV. Sed Theisibus sequentibus notant fieri posse, & solere, ut initials illi divine gratiæ effectus, rebellis voluntatis vitio suffocentur, & sic homo in qua Deus crepit per gratiam agere, iussu a Deo deferatur, nec perveniat ad veram conversionem. Etenim hæc est eorum Thesis quinta. *Hi præcedanei effectus virtutis Verbi Spiritus sancti, in hominum mentibus producti, rebellis voluntatis vitio suffocari ac penitus extinguiri possunt, & in multis solent: adeo ut nonnulli in quorum mentibus virtutis Verbi Spiritus sancti impressa fuit aliqualis dolor de peccatis suis, aliquod desiderium & aliqua cura liberationis, inveniunt planè in contrarium, veritatem rejiciant & odio habeant, concupiscentiis suis se tradant, in peccatis occalleant, & absque desiderio, vel cura liberationis in eisdem compautescant.* Thesis verò septima sic habet: *Non electos in hisce præcedaneis ad regenerationem actibus, divino Spiritui gratiæque resistentes, ejusdemque initials effecta in scriptis Libris sui arbitrii vitio extinguentes Deus, quandocunque ipsi visum fuerit, iussu illa designant: quos sua culpa derelictos, eodem demerito mature induratos & inconvertibiles verè pronunciamus.*

XVI. H. lvetii quoque Theologi in Actis ejusdem Synodi, distinguunt inter actus qui conversionem præcedunt, & inter eos qui eandem constituunt, quos utroque pariter divine gratiæ ascribunt. Si homo, inquit, divinis naturæ relictis utitur, si miseriam suam verè agnoscat, & mortem spiritualem ita sentiat, ut liberationem vitæ æque verè & salutariter esuriat sitiatque, si Domino pulsanti cor aperit, & corde aperto potè attendat, si faciat alia id genus plura, quæ conversionem vel inchoandam præcedunt, vel progrediendâ conti-
nuant, omnia hæc nec Libero arbitrio, nec homini naturali, neque viribus aut meritis humanis ullis, sed soli Deo, à quo bona donatio omnis, & donum perfectum omnè succurrit descen-
dit, grati humilesque ascribimus. In Expositione suæ Sententiæ de modo quo Gratia divina in homine fidem & Conversionem operatur, Thesis tertia. Ubi satis apparet, per actus qui conversionem inchoandi præcedunt, ab iis prima illa significari. Numerum miseriam suam verè agnoscere, spirituales mortem præsentificare, & liberationem vitæ æque esurire & sitire.

XVII. Nec multum ab similibus videtur sententia Theologorum Palatinorum in judicio suo de eodem Articulo Actis jam dictæ Synodi inserto. Nam censura sua notantes propositionem illam Remonstrantium, in qua dicitur quod, *Ipsam hominis conversionem, sive regenerationem bona cuedam opera, cum conditiones præcensuissæ antecesserint: agnitionis peccati, & ex ea offensa hominis dolor, humilitas, desiderium gratiæ, precis propriarum ac tentamen vitæ in melius commutande; tanquam certum admittunt actus quosdam agnitionis peccati, doloris, contritionis, &c. præcedere fidem & conversionem in homine regenerando, dum ministerio legis & Evangelii preparatur ad accipiendam gratiam.*

XVIII. Putant tamen pleræque alias condiciones, contra Scripturæ veritatem, à Remonstrantibus poni, ut conversioni prævias, cum ex Theologorum istorum sententia, eam aut consequantur ut fructus, aut inchoent ut salutaria ejus initia. Nam *Dolorem* secundum Deum, quum magis angitur peccator offensæ Dei quam peccatæ metû, dicunt esse jam credendum proprium. *Humilitatem* sinceram & non hypocriticam esse fructum regenerationis. *Desiderium gratiæ*, sive famem ac sitim iustitiæ, esse fidem initialem, ejusque inchoationem quandam: *Precis* in cordibus excitari à Spiritu Sancto, qui propterea apud *Zachariam* vocatur Spiritus precatationis. Denique *Propositum ac tentamen vitæ in melius commutande*, esse ab inchoata conversione, sicut successus & constantia in eodem proposito est à continuatione ejus.

XIX. Theologi vero Hassiaci, in hac quæstione, aliter loquuntur, quam Theologi Britannii. Simpliciter enim rejiciunt inter heterodoxa hæc Remonstrantium Thesis, qua scilicet, statuunt, *Hominem in statu peccati, ante fidem & Spiritum renovationis, habere posse, & verò etiam sepe numero habere, zelum, curam, & studium, quod ad obtinendam salutem adhibeat: & verbum Dei audire, de peccato commissio dolere, gratiam salutarem & Spiritum renovationis expectare posse: idque ad obtinendam fidem, & Spiritum renovationis, homini ultimum, & quam maxime necessarium esse.* Item, *Hominem in statu peccati, ante sui vivificationem seu regenerationem, habere agnitionem mortis sue scilicet spiritualis, ejus dolorem & deplorationem, desiderium & votum liberationis, famem & sitim vitæ.* Item, *Peccatorum confessionem, dolorem, initialem timorem, &c.* In sententia Theologorum Hassiacorum, de Gratia Libero & Arbitrio, inserta Actis Synodi Dor-
dracensæ.

XX. Cum Theologis autem Hassiacis hac in parte consentiunt Theologi Embdeni in.

N n n n 2

actis

actis ejusdem Synodi. Nam dogma de operibus ante regenerationem preparato irris planè repudiant, & vocant figmentum Pelagianum. Et doctrinæ Remonstrantium hanc opponunt Antithesin: *Miseriam suam agnoscere, dolere, deplorare, liberationem desiderare, esurire, sitire, querere, &c. nemo potest sine speciali gratia Spiritus regenerantis, à quo nos queri & invenire primum oportet, antequam nos illum queramus. Inveni autem à Deo non agnoscimus & confitemur citius peccatum, quam Deus ignoret; neque esurimus & sitimus iustitiam ipsius beneficio, quin statim saturemur. Tribuere itaque hominibus ista, vel in totum, vel ex parte ante regenerationem, Deo est contumeliosum. Ideoque Theologi isti regenerationis gratiam vocant primam, nec ante illam gratiam aliquam initialem agnoscunt.*

XXI. Quod spectat eos qui in Belgio Remonstrantes vocantur sive Arminiani, illi in sua Synodo ad Articulum tertium & quartum, Thesi prima & secunda docent, *Hominem in statu peccati, nihil boni, quod quidem salutare bonum sit, ex se & à se posse cogitare, velle aut facere; sed necessè esse, ut à Deo in Christo per Spiritum ipsius Sanctum regeneretur atque rehortetur intellectu, affectibus, voluntate, omnibusque viribus, ut salutaria bona rectè possit intelligere, meditari, velle, atque perficere. Item, Gratiam Dei esse principium, progressum & complementum omnis boni, ita ut bona opera, actionesque quas quis cogitando potest assequi, gratia Dei in Christo ascribende sint. Unde sequitur hominem lapsum, per naturæ vires, & sine auxilio Dei, non posse Christi gratiam mereri, sive impetrare, aut quicquam facere per quod gratiam illam acquirat; quandoquidem id per quod gratia acquiritur & impetratur, suo modo & ordine non potest non esse salutare, & est saltem boni operis initium.*

XXII. Et certè fatentur apertè Remonstrantes vocationem qua Deus homines ad salutem primum vocare incipit, prorsus immeritam & indebitam esse, & ex absoluto Dei beneplacito pendere, citra ullam conditionis antecedentæ præstationem aut intuitum. *Quoniam, inquit, homo in peccatis mortuus, audita predicatione legis primum, mox Evangelii docentem admittere possit, & aures præbere (externas saltem) meliora docere cupienti: tamen in ipso vocationis principio, nihil in illo Deus ista vocationis gratia dignum, propter quod vel eam mereatur, vel ei Deus conversionem debeat reperit, sed potius plurima, quæ indignum illum illa gratia reddunt, si quidem Deo visum esset pro severitate sua agere. Quamobrem totius Scriptura indebitam & immeritam illam vocationis, quæ modo huic, modo illi populo fit, gratiam exaggerat, quæ non est facta homini sub conditione, sed ex absoluto Dei beneplacito, citra ullam conditionis antecedentæ præstationem aut intuitum.*

XXIII. Quibus addunt in hac vocationis gratiosæ, mediiorumque ad fidem necessariorum, varia & dispari, administratione, ratione, temporis, personarum, & mensuræ, suscipiendas & venerandas esse profundas divitiarum sapientiæ & cognitionis Dei, inscrutabilia ejus judicia, & vias imprevestigabiles. Solum enim Dei beneplacitum & liberrimam voluntatem, nulli conditioni à Deo astrictam, gratiæ ipsius dispensatrici & promtam condandæ esse; non autem ullam hominis dignitatem aut meritum, ita ut omnes quotquot vocat Deus, ex se gratia illa indigni sint: licet alii sint illa aliis minus indigni. *In declaratione sententiæ Remonstrantium circa tertium & quartum jam dictum Articulum.*

XXIV. Itaque damnant tanquam dogma Pelagianum, si quis dicat hominem promereri posse gratiam, qua adjuvatur in operibus bonis, per opera solius naturæ viribus præstita, saltem per desiderium & imperfectam boni cupiditatem. Cui erroræ sententiam opposcentes, *Nos verò dicimus, inquit, nos bene velle, quia Deus nos gratia sua prævenit, inquit nobis excitatis cupiditatem boni; nec gratiam sic fore gratiam, quia non dabitur gratis, sed propter meritum hominis.*

XXV. Postquam verò tribuerunt Semipelagianis, quod agnoscerent gratiam prævenientem, sed eam duntaxat quæ præveniat opera bona, non item quæ præveniat initium fidei & bonæ voluntatis, per quæ Deum ab homine præveniri credebant, idque non semper, sed interdum, rursus illi sententiæ suam opponunt his verbis; *Nos verò dicimus Deum initium fidei & bonæ voluntatis prævenire, & utrumque esse gratiæ, quod voluntas nostra excitetur ad bene incipiendum, & quod sic preparata ad regenerationis gratiam perducatur. Quibus addunt, Dicebant Semipelagiani, hominem per prævias dispositiones naturæ viribus præstitis consequi pro mercede gratiam, & ut ut meriti vocem interdum resurgerent Majilienter, nequaquam tamen meritum ipsum excluderant. Nos verò negamus hominem propter naturæ conatus gratiam mereri. In eadem Declaratione, pag. 23.*

XXVI. Ibi-

XXVI. Ibidem tamen in Declaratione Sententiæ suæ circa eundem tertium & quartum Articulum, statuunt non omnia opera infidelium, & eorum quæ verbis divini notitia destituuntur, peccata censeri debere, & damnationem eorum augere; licet non habeant vitæ æternæ promissionem. Nam ex eo quod Gentes ab Apostolo dicuntur habere opus legis inscriptum in cordibus, & facere ea quæ sunt legis, colligunt, *Opera illa quæ à salubris præstantur, quatenus juxta normam & præscriptum recte rationis, sive legis naturalis sunt, non esse peccata, aut condemnationem ipsorum aggravare; quin potius Deum illa ipsa beneficiis quamplurimis prosequi, licet, si examinentur juxta legem perfectionis ipsius, quæ in Scriptura promissionem habet vitæ æternæ, opera bona dici non mereantur.*

XXVII. Præterea ex eo quod homo in statu peccati nihil boni salutaris, ex se & à se cogitare, velle & perficere possit, negant sequi omnem curam & studium ad obtinendam salutem adhibendum, ante ipsam fidem & Spiritum renovationis, vanum & irritum esse, quin docent multa utiliter, imò necessario ab homine fieri, ad obtinendam fidem, & Spiritum renovantem atque sanctificantem. Quorum tamen omnium quæ obtinendæ fidei inserviunt, sine gratia homo nihil potest. Hæc est enim eorum tertia Thesis, ad jam dictum Articulum; *Nec tamen credimus zelum omnem, curam & studium ad obtinendam salutem adhibendum, ante ipsam fidem & Spiritum renovationis, vanum atque irritum, quinimo noxium magis homini esse, quam utile & fructuosum, sed contra statimur audire verbum Dei, dolere de peccato commissio, expetere gratiam salutarem & spiritum renovationis, (quorum tamen nihil circa gratiam homo potest,) non modo noxium non esse & inutile, sed potius utilissimum, & quam maxime necessarium ad obtinendam fidem & spiritum renovationis.*

XXVIII. Unde patet illos admittere quasdam ad fidem dispositiones, sed quæ tamen gratiæ divinæ tribuenda sunt, & salutarem aliquam gratiam, quæ donationem fidei prævenit. Quæ de re mentem suam accuratius exponunt in Declaratione jam dicti Articuli. Dicimus, inquit, *Deum hominem peccatorem primum per legis prædicationem, facia semper Spiritus Sanctus lege utentis, operatione, ad peccatorum suorum agnitionem adducere, nec non ad serium dolorem super peccatis suis, ut desperans de sui vel justificatione, vel renovatione, propter carnis impotentiam, avidè desideret, expetat, & anhelat liberationem, quæ ita per legem fractio & subactio annunciat. Hanc enim ex ordinatione divina dispositionem præcedere necesse est, priusquam ad concipiendam in Christum fidem apertè reddi possit homo. Ideoque hæc agnitio peccatorum, dolor ob peccata, desiderium & cura obtinendæ salutis, non modo non noxia sunt homini, sed & utilis, & tanquam voluntati divinæ congruentes actus, ipsique Deo grati ad ulteriorem homini gratiam communicandam estimari debent.*

XXIX. Quantum ad Theologos Confessionis Augustinæ, qui Lutherani appellantur, non solum docent & inculcant, hominem peccato corruptum nihil omnino boni spiritualis & salutaris posse, sine Dei gratia & propriis viribus; sed etiam hominem ex se ad Dei gratiam non posse se præparare, applicare, & accommodare, aut virtute propria aliquid ad conversionem suam, vel ex minima parte conferre. Illud præsertim videre est in solida Declaratione quorundam Articulorum Augustinæ Confessionis, quæ inserta est libro Concordiæ, cui plerique & præcipui ex Lutheranis subscripserunt. Ibi enim Articulo secundo, qui est de Libero arbitrio, hæc est eorum confessio communis. *Credimus quod hominis non renati intellectus, cor & voluntas, in rebus spiritualibus & divinis, ex propriis naturalibus viribus, profusus nihil intelligere, credere, amplecti, cogitare, velle, inchoare, perficere, agere, operari, aut cooperari possunt, sed homo ad bonum profusus corruptus & mortuus sit; ita ut in hominis natura, post lapsum, ante regenerationem, ne scintilla quidem spiritualium virium reliqua manserit, aut restet quibus ille se ad Dei gratiam præparare se, aut oblatam gratiam apprehendere, aut ejus gratia ex sese & per se capax esse possit, aut se ad gratiam applicare, aut accommodare: aut viribus suis propriis, aliquid ad conversionem suam, vel ex toto, vel ex dimidia, vel minima parte conferre, agere, operari, aut cooperari, ex seipso, tanquam ex semetipso possit, sed homo sit peccati servus, & mancipium Sathanæ à quo agitur. Inde adeo naturale Liberum arbitrium, ratione corruptarum virium, & naturæ suæ depravatæ, distaxat ad ea quæ Deo displicent & adversantur activum & efficax est.*

XXX. Et postea rem eandem confirmantes hæc verba subjungunt. *Sicut igitur homo, qui corporaliter mortuus est, seipsum propriis viribus præparare aut accommodare non potest, ita homo spiritualiter in peccatis mortuus, seipsum propriis viribus*

viribus ad consequendam spirituales & celestem iustitiam & vitam preparare, applicare, aut vertere non potest; nisi per Filium Dei a morte peccati liberetur & vivificetur. Quia adhauc omnes illos qui cunctillam aliquam & desiderium gratiæ divini & eternæ salutis in cordibus suis sentiunt, certos esse posse, quod ipse Deus initium illud tanquam flammulam veræ pietatis in cordibus ipsorum accenderit.

XXXI. Veruntatem non solum volunt gratiam illam per quam Deus hominem convertit, vivificat, & regenerat, & quæ prædictionem Evangelii, ex eorum meritis, semper comitatur, talem esse quam homo possit respicere, vel admittere; & quæ voluntatem ejus ad conversionis actus non determinet infallibiliter; sed præterea docent, ut Dei gratia in nobis sit efficax, & ab eo per Verbum prædicatum accipiamus credendi potentiam, ex parte hominis prærequiri conditionem; quæ est ad gratiam prævenientem acquirendam necessaria, & quam potest homo per vires naturæ sibi relictas implere; nempe ut attentè audiat, & meditetur Verbum divinum.

XXXII. Hæc est expressa Doctrina Joannis Henrichii in Academia Rintelensi Theologiæ Professoris, viri inter Augustanæ Confessionis Theologos, non solum doctissimi, sed etiam moderatissimi. Etenim in Dissertatione ante paucos annos edita de Gratia & Prædestinatione, affirmat omnino Deum hominibus velle dare gratiam, seu potentiam credendi, sub conditione, non autem absolute. *Quantvis enim quis nondum ulla gratia sit præventus, tamen, inquit, Deus ei vult dare gratiam prævenientem, si attentè audiat & meditetur verbum divinum. Atque hanc conditionem, quæ ad gratiam prævenientem acquirendam est necessaria, potest homo per naturæ vires sibi relictas implere.* Capite 1. Ojectione 12.

XXXIII. Addit ibidem propterea non esse metuendum Pelagianismum. *Audire enim, inquit, & animo agitare verbum Dei est actus naturalis, qui proinde vires naturæ hand excedit.* Deinde Pelagius dicebat gratiam dari secundum merita. At nos non statim attentam illam verbi divini meditationem esse verum & meritorem causam acquirendæ gratiæ prævenientis, sed causam duntaxat ejus sine qua non, & conditionem sub qua datur gratia præveniens.

XXXIV. Quemadmodum autem, ex ejus sententia, Deus dat potentiam credendi sub conditione, si verbum ejus attentè meditemur, quod præstamus per vires Liberi arbitrii: ita quoque fidem ipsam non dat, nisi in virtute gratiæ prævenientis, homo non ponat obicem Spiritui Sancto fidem producturo, sed ad cooperandum illi se determinet. *Quod si autem quis, inquit, gratia præveniente jam sit donatus, vult Deus ei largiri gratiam cooperantem, si in virtute gratiæ prævenientis Spiritui Sancto ulterius operatur, & ipsius fidei actum producturo obicem non ponat, sed ad cooperandum se determinet.* Omnino igitur in tali homini est aliquid positivum, per quod conditionem ulteriorem & cooperantem gratiæ acquirendæ necessariam sufficiat implere. Hoc autem positivum non est aliquid naturale, sed supernaturale, puta gratia præveniens, vel qualitas per tam producta, cujus beneficio requisitam conditionem præstare valeat.

XXXV. His consentanea docet Georgius Calixtus, ipse etiam ante paucos annos in Academia Julia sive Helmstedensi, Theologiæ Doctor & Professor. Et vir quoque modestissimus & pacis amantissimus. Nam in Epitome Theologiæ, capite de Ministerio Verbi, cum reliquis Augustanæ Confessionis Theologis, in solidum Deo tribuit, & in hominum manu positos esse negat, actus constituentes veram conversionem, quales sunt in Deum credere, Deum timere atque diligere, quos actus præterea dicit ex suo genere esse supernaturales. Sed simul affirmat esse quosdam actus in hominis potestate sitos, quos Deus vult ab homine præstari, priusquam ei supernaturalem gratiam largiatur: & quos quicunque præstant Dei opem & operam sentient, ejusque gratuita benevolentia ad fidem & vitam deducuntur. Quales actus sunt, ipsius judicio, non solum Verbum audire & illud meditari; sed etiam sollicitum esse de sua salute, & curam suscipere de mediis ad eam, ino cum alacritate verbum Dei scrutari, studio cognoscendæ & discendæ veritatis.

XXXVI. Hæc enim sunt illius verba. *Credere sanè actio est suo genere supernaturalis, siue sua natura supra vires humanas, propterea Spiritui Sancto eam ascribimus, quod is animi humani ad credendum excitet, efficiatque ut homo credat, diligat, Deum timeat; imò ut credere, timere & diligere velit: atque sic actus supernaturales, veramque conversionem ingredientibus siue constitutibus Deo tribuimus, & in manu hominum positos negamus: ita tamen, ut non negemus esse quosdam actus in hominis potestate sitos, quos ab ipso Deo præstari velit, priusquam ad auxilia & dona supernaturalia progressus fiat, certè quoad modum ordinatum,*

XXXVII. Paulô

XXXVII. Paulò antè verò explicans, quomodo in hominis potestate situm sit, gratiam illam per quam Deus, mediante suo verbo, in nobis excitat conversionis actus, respuere vel admittere, Nullum, inquit, dubium est, quin homo oblatam gratiam spernere, rejicere, & Spiritui Sancto fidem operaturo resistere possit. Neque enim Deus homines absoluta sua potentia trahit & convertit, verum hoc facit secundum modum & ordinem, quem semel instituit. Contra certum est, hominem posse sollicitum esse de sua salute, posse curam suscipere de mediis ad eam, posse audire verbum Domini, & cum omni alacritate verbum suscipere & scrutari, studio discende & cognoscende veritatis, ut fecerunt Berthoeses. Hoc qui faciunt, eos Deus majoribus auxiliis dignatur, ut intelligant verbum, ex eo peccata sua agnoscant, & promissionibus Evangelicis fidem habeant. Non quidem quod ista qualiscunque opera tante sit dignitatis, aut meriti: sed quod suo verbo Deus cum velis honorem haberi, hunc ordinem servari, & hoc ab homine præstari, priusquam ipse majora & specialiora, & suo genere supernaturalia suppediet auxilia.

XXXVIII. Quamvis autem ex ejus, & aliorum ejusdem Scholæ Theologorum sententia, Evangelii verbum sit medium ordinarium, sine quo Deus in hominum salute procuranda efficax non est, censent tamen illos ipsos apud quos verbum istud non prædicatur, nec auditur, posse, si velint, gratiam consequi, per quam ad veram atque salutarem conversionem adducamur; nempe si faciant quod ipsis per vires nature licet, & rectè utantur donis in natura corrupta relictis. Nam facienti quod in se est, Deum gratia sua non deesse, & paratum esse omnibus & singulis media ad salutem sufficientia conferre, nisi per ipsos steterit, & officium facere neglexerint.

XXXIX. Ita postquam jam dictus Calixtus, loco supra citato hanc questionem movit, Quomodo ad fidem perveniens, qui neque inter Christianos, degunt, neque fando nunquam quicquam acceperunt de Christianis, à quibus, scilicet, solis verbum audire datur? Annon illi sine ulla suæ negligentie culpa pereunt, ideo quod iis Deus non prospexerit, quo verbum, sicut aliæ gentes, audire possent? Præter alia quædam, hoc tanquam maxime faciens ad rem respondet, Omnibus hominibus superesse aliquam intelligentiam & voluntatis vires, & naturales notitias, quibus si qui rectè uti fuerint, salutis suæ curam habuerint, & de ea quantum possunt laboraverint, iis Deum de mediis prospecturum, quibus ad pleniorum & perfectiorum, adeoque revelationi innixam cognitionem deducantur. Cujus rei exemplum affert in Cornelio Centurione, & Eunuchio reginæ Candace; & postea subjungit, Quod si alii hominum dissimiles, quæ præsto sunt media & auxilia neglexerint, igniculos innatos restrinxerint, & veritatem, ut ait Paulus, in injustitia detinuerint, non certè aliquo fato, aut divino decreto, sed propria sua culpa, ab illustriori lumine prohibentur.

XL. Quibus paria tradit supra citatus Joannes Henrichius. Deus, inquit, paratus quidem est omnibus hominibus ejusmodi gratiam concedere, per quam converti & servari possint: sed per ipsos homines sæpe fiat, quominus ipsis talis gratia à benignissimo Domino conferatur. Certè qui jus naturæ omnium mortalium cordibus insculptum in falsitatem non commutant, Deumque prout naturaliter cognosci ac coli potest, glorificant, iis Deus ulteriori gratia nullatenus vult deesse, sed etiam ad verbi sui notitiam eos pro benignitate sua deducere, per quod gratia donati credere & converti possint.

XLI. Postquam autem sententiam suam probare conatus est, ex eo quod dicit Apostolus, Deum apud gentes quas vivit suis ipsarum viis incedere, non passum esse se expertum esse testimonii, bona tribuendo, dando cælitus pluvias, ac præstituta tempora fructibus proferendis, & hominum corda implendo cibo & delectatione, & alibi Deum illis manifestasse quod de ipso cognosci potest: ita ut sint inexcusabiles, propterea quod, cum Deum cognoverint, tamen ut Deum non glorificaverunt: subjungit, Notum est illud, Facienti quod in se est, Deus non deest sua gratia. Sensus autem hujus axiomatis est, Qui lumine naturæ rectè utitur, veritatem nec injustè detinet, nec in falsitatem commutat, & Deum quemadmodum novit, ita quoque colit & glorificat, ei Deus vult de auxiliis ulterioribus externis prospicere, & si his etiam rectè, porroculia suppediet, donec tandem ad annuntiationem Evangelii perveniat, per quam demum interna & spiritualis gratia conferatur.

XLII. Et in sequentibus postquam dixit Deum velle omnes vocare, & omnibus dare Evangelium, si omnes faciant quod in se est, nec suapte culpa impedimentum Deo Evangelium dare parato objiciant, addit, Faciunt autem quod in se est, sicut ex boëtius instituta dissertatione liquet, qui rectè utuntur lumine naturæ, & ubi lumen naturæ

naturæ deficit, ibi alius principium inquirunt, adeoque salutis desiderio accensi accedunt ad illa loca, in quibus verbum Dei prædicatur; ut ita ignorantie suæ consulant.

XLIII. Ut autem sententiam suam à Pelagianismo alienam esse ostendat, dicit *Pelagium* in eo errasse, quod vires naturæ relictas ad actus supernaturales sufficere contenderet. Nihil autem esse absurdum, si dicatur viribus naturæ præstari, quod vires naturales non excedit: quale est illud quod tribuit homini facienti ante gratiam quod in se est. Deinde *Pelagium* asseruisse dicit gratiam ipsam specialem ac internam secundum merita dari, seu opera per vires naturæ relictas præstita revera gratiam promereri: quæ autem, juxta ipsum, ab homine præstantur, non mereri uberiora illa Dei auxilia, sed habere se duntaxat, tanquam occasionem, quam Deus acceptat, & quasi arripit, ut benignitatem suam exercent.

XLIV. Similiter ut probet se non sentire cum Semipelagianis, dicit Semipelagianos eo nomine cum primis reprehendi, quod viribus naturæ nondum gratia præventis & excitatis competere posse affirmaverint invocationem Dei, desiderium regenerationis & fidei, sive credulitatis affectum, & fidei quoddam initium. Sed pertendit verum illum luminis naturalis usum, quem tribuit homini ante gratiæ auxilium, cum fide non ita rectè connecti, ut ad eam dispositio, vel initium ejus haberi debeat. *Dissertatione supra memorato capite primo, Responsione ad primam Objectionem.*

XLV. Hactenus autem breviter exposita, tum Scholæ Romanæ tum Protestantium, super præsentis quæstione doctrina, fortasse multis non ingratus erit, scire quid hodierni Græci de hac re sentiant. Illud autem discere possumus est ex *Metrophane Critopulo*, quondam Hieromonacho, & in Ecclesia Constantinopolitana Patriarcha Protosyngelo, postea verò, ut ferunt, Patriarcha Alexandrino. Extat enim liber ejus hoc ipso sæculo scriptus, sub hoc titulo, *Confessio Catholica & Apostolica in Oriente Ecclesie* quæra Latinitate donavit *Joannes Horæus* in Academia Julia Professor. Quo in libro *Metrophanes* ille summatim & dilucidè Ecclesiæ Græcæ doctrinam exponens, singulari capite, quod quartum est istius Operis, tractat de Prædestinatione, & simul propter argumenti connexionem, de Gratia & Libero Arbitrio. Et primo quidem constituit hominem per peccatum orbatum fuisse spiritali lumine & facultate illud comparandi, intermortuo quantum ad hoc attinet Libero Arbitrio. In eo tamen mansisse naturale lumen, seu legem naturalem, quæ in naturali discrimine, boni à malo consistit, quæ naturali lege affirmat hominem lapsum bonè & malè uti posse.

XLVI. Porro, juxta ipsum, legitimus ille naturalis luminis usus non in eo spectatur quod non peccet, & nihil mali faciat; id enim, ut ait, spirituale est & maximum Dei in creaturis rationalibus donum: sed ut animi cupiditatibus non ubique obsequatur, ceu bruta animantia; & quum mali aliquid admisit, id ignoscat & doleat, nec gloriatur, aut jactet se re tali; sed erubescat, ut decet ratione præditum, quum fecit quæ bruta decet. Abutitur autem lumine naturæ qui malum à se commissum agnoscere recusat, nec inde pudore aliquo suffunditur, non quidem propter Deum, quod esset spirituale, sed saltem ut rectè rationis honorem istum habeat.

XLVII. Ex eo verò quod Scriptura dicit, *Cogitationem hominis valde intentam esse in mala*, monet non sequi hominem non posse ulli malo resistere, nec aliter facere posse, quam ut semper malis studeat: sed simpliciter hoc dicto significari, quod homo sit ad peccandum pronus, & in peccatum propendat.

XLVIII. Addit autem Deum omnes illos qui naturali lumine rectè & secundum rationem utuntur, etiam spiritali lumine collustrare, & Liberum arbitrium transgressionem emortuum gratia sua suscitare. Non tamen legitimum luminis naturalis usum esse boni istius causam, nec Deum teneri iis qui innato lumine rectè utuntur bona illa prædicta dare; sed cum prudens sit, non velle illis qui sponte naturali illo lumine abutuntur spirituale concedere.

XLIX. Rem autem hoc exemplo illustrat. *Sis*, inquit, *vir aliquis bonus & pauperum magnus amator, qui bonitate sua impulsus, sibi ipsi legem præscribat de drachma uni pauperum quotidie largienda. Hoc editus egressus querat aliquem elemosine indignum, & in duos mendaces incidat, quorum unus sit ebrius, nugator, superbus, omnia quæ collegerit cum fortis & in cauponis absumentis; alter autem mendicorum sit mansuetus, humilis, aspectu & voce miserabilis: utri borum drachmam illam dabis qui bonitate sua ad eam dandam impulsus est? secundo utique illi, inquit, quisquis sanæ mentis est. Sed quæ causa, ut simpliciter quidem vir ille bonus impelleretur ad drachmam uni pauperum dandam? sola hæc causa bonitas dantis est. Ut autem eam donec huic & non illi, prima quidem & principalis causa est prudentia dantis; secunda autem & minus principalis, accipientis*

accipientis miserabilis conditio, cuius vir ille bonus & prudens miseretur. Quibus subiungit, Eodem modo de Deo cogitandum est : nam quod absolute quidem gratiam suam aliquibus impartiri velit, ejus unicam causam bonitatem ipsius esse dicimus : quod autem non his, sed istis eam impartiat, prima quidem & præcipua, est Dei prudentia & sapientia, quæ omnia sapienter administrat, secundaria autem accipientium diversarum capacitas ; quamvis nec à se- ipso aliquis habeat quicquam tanti valoris, ut ad ipsum attrahere possit tanta & tam ampla atque æterna Dei dona.



THESES THEOLOGICÆ:

In quibus exponitur

DOCTRINA SCHOLÆ ROMANÆ

Circa Quæstionem illam,

*An homo in statu Peccati, solis Naturæ viribus, possit
se ad Gratiā præparare & disponere ?*

THESIS I.

Thesibus ante editis à nobis ostensum est Doctores Scholæ Romanæ in eo convenire, quod homo lapsus in peccatum non possit propriis viribus, & sine speciali aliquo Dei auxilio, quicquam facere quod illi ad salutem æternam prosit, & ad veram in Deum pietatem pertineat. Et simul tamen manifestum fecimus multos Scholæ ejusdem Doctores quædam doctrinæ isti repugnantia, tradere, ea tribuentes viribus hominis naturalibus, quæ ad veram in Deum pietatem pertinere, & æternæ salutis conducere censenda sunt, licet ipsi id non agnoscant. Unum autem consultò à nobis omissum est, & in disputationem singularem reservatum, quod licet non parum faciat ad salutem, humani tamen arbitrii viribus, nullo speciali Dei auxilio adjutus tribuunt non pauci Scholæ istius Theologi: dum scilicet, affirmant hominem peccato corruptum posse propriis viribus se ad Christi gratiam præparare atque disponere.

II. Sed ut eorum doctrina distinctius percipi possit, observandum est, ex Scholæ Rom. usu duplicem gratiam distingui : unum habituales, per quam homo formaliter justus constituitur, & quæ sæpe gratia dicitur absolute & per excellentiam; aliam verò actuales, per quam homo movetur ad actus fidei, spei, & poenitentiae, quibus disponi solet ad justificationem. Ac primum de gratia illa habituali & justificante in Schola Romana quaeritur, An homo propriis viribus, sine speciali Dei auxilio, se præparare & disponere possit, ut ad illam consequendam à Deo necesse est.

III. Et quidem ante hac plures majjori nominis in Schola Romana Theologi aperte docuerunt hominem posse propriis viribus legis naturalis præcepta servare, adeoque quod lex illa præcipit, super omnia Deum diligere, & ex illa dilectione de peccatis commissis dolere, ac certum propositum à peccato deinceps cavendi suscipere; & per hæc ad gratiam justificationis ita se disponere, ut si non ex condigno, saltem ex congruo illi debeat, id est, si non ex iustitia, saltem ex æquitate, & ex quadam bonitatis divinæ, ut sic dicam, condecencia.

IV. Hanc sententiam Vasquez, tribuit Soto, Gabrieli Biel, & Cardinali Cajetano ; qui, eo testante, asserunt Possè hominem dolere de peccatis, propter Deum super omnia dilectum, ex propriis viribus, & hanc esse ultimam dispositionem ad gratiam habituales justificationem,

O o o o

ficantem, & meritum ad illam, non quidem condignum sed congruum: atque hanc contritionem posterius natura informatam gratia habituali esse jam meritoriam de condigno regni colorum. Addit Doctores illos in eo solum differre, quod Scotus dicit, non statim, sed paulo post fieri justificationem, continuata contritione illa per aliquod breve tempus: Gabriel verò & Cajetus in eodem temporis momento fieri asserunt: atque se ab errore longè abesse arbitrantur, quod non concedunt merita condigna ad gratiam nostræ justificationis, sicut Pelagium affirmasse putant. Tom. 1. in 1. 1. Disp. 91. cap. 10.

V. Et revera Gabriel ille docet duplicem esse dispositionem ad Gratiam, unum scilicet, præviā, & aliam concomitantem. Dispositio prævia, quæ non est sufficiens, sunt, ex ejus mente, primi actus considerationis peccati & offensæ Dei, qui disponunt ad eliciendum ex naturalibus actum, seu motum diligendi Deum super omnia. Illa verò dilectio Dei super omnia naturaliter elicitā, est dispositio concomitans, cum quā simul est infusio gratiæ, seu charitatis. Etenim, juxta ipsum, quando ex naturalibus elicitur actus dilectionis Dei super omnia, illa est immediata, sufficiens & ultima dispositio aptans ad gratiæ susceptionem: & ea existente, statim infunditur gratia; & ita actus ille meritorius est, sicut in Phyticis ultima dispositio necessitat ad formam. In 4. Sent. Distinct. 14. Quæst. 1.

VI. Alibi vero docet infidelem tunc facere quod in se est, ex viribus naturæ, ut justificetur statim gratia Dei, quum suum arbitrium rationi naturali conformet, & toto corde petit illuminari, ad cognoscendam veritatem & justitiā: infidelem verò facere quod in se est, si secundum regulam fidei, detestatur peccatum, proponens Deo obedire propter ipsum. Quæ omnia, inquit ille, præstare potest viribus naturæ, sine auxilio aliquo gratiæ anterioris. Ut testatur Vasquez loco supra citato.

VII. Atque ex historia Concilii Tridentini patet in eo Concilio Franciscanos magna cum contentione defendisse jam dictam opinionem Gabrielis & Scoti affirmantes opera moralia, ex viribus naturæ ante gratiam facta, hominem verè & propriè præparare ad justificationem, ac illam infallibiliter, & ex certa lege de congruo mereri, hominemque per naturam posse talem dolorem de peccato concipere, ut remissionem ejus de congruo mereatur. Lib. 2. ad Annum 1546.

VIII. Et post ipsas Concilii Tridentini in hac materia determinaciones, superioris sæculi anno sexagesimo quarto, Joannes de Combis Ordinis Minorum Theologiæ Doctor, de novo publicavit, & Notis illustravit Compendium totius Theologiæ veritatis, in quo opere caput duodecimum libri quinti sic incipit: *Quamvis nullus sibi mereatur primam gratiam, secundum quod dictum est, potest tamen peccator se habilitare ad gratiam, faciendo quod in se est, quia nulli talium gratia denegatur. Hoc autem non est ex merito digni, vel condigni, sed congrui.* Dum autem dicit, *Secundum quod dictum est*, alludit ad hoc quod habetur capite præcedenti, *Dicendum ergo quod nullus mereatur sibi primam gratiam merito digni, vel merito condigni, sed tantum modo merito congrui.*

IX. Nec alia videtur fuisse opinio Durahili. Non solum enim docet hominem sine gratia, & per naturæ vires, sic posse præcepta divina implere, ut ea omnia faciat ad quæ per præcepta legis obligatur: sed præterea affirmat, sine dono supernaturali, ac motione speciali Spiritus Sancti, posse hominem se ad gratiam habitalem preparare: dum scilicet, bonum morale per naturæ vires operatur. Nam, inquit, si speciale adjutorium vocetur immediata motio voluntatis à Deo, sine tali potest homo se preparare ad gratiam: quia illud bonum quod habet ad gratiam immediatum ordinem, videtur esse preparatorium ad ipsam: sed bonum morale est hujusmodi. Cum ergo tale bonum possit homo sine immediata motione voluntatis à Deo, patet quod absque tali adjutorio, potest se homo ad gratiam preparare.

X. Admittit tamen hominem non posse eo modo ad gratiam se preparare, sine externis quibusdam providentiæ divini adjumentis, quale est exterior admonitio hominis, aut agnitio corporis, vel aliquid simile. Ad primum autem argumentum respondens, *Dicendum*, inquit, quod mors spiritalis peior est, quam corporalis, quoad autem quem privat: sed melior est secundum aptitudinem quam in subiecto relinquit, ratione cujus potest se dispendere ad recuperandam vitam gratiæ, non autem naturæ. In 2. Sent. Dist. 28. Quæst. 5.

XI. Eandem sententiam tribuit Gulielmus Estius Altiſſodorenſis, Thome Argentinensis, & etiam Almaino & Scholasticis Veterioribus; & illam quoque tenuisse affirmat inter Neotericos Alfonso à Castro, qui libro secundo de Lege Pœnali, capite decime quarto, docet hominem viribus naturæ, ac liberi arbitrii facientem quòd in se est, quoad observationem legis naturalis, eodem momento accipere Dei gratiam; eo quod divina bonitas non patiatur hominem moralitèr jultè viventem, vel momento illustrari

sua gratia, qua dignus sit vita æterna, etiam si nondum sit imbutus fide Christi, nec adhuc spem suam ponat in Christo, ut refert idem *Estius* in 2. Sent. Dist. 26. paragr. 34 & 35. Ubi præterea dicit *Alfonsum* istum pro ea sententia fortiter adeo pugnare, ut diversam sententiam impietatis & hæreseos condemnet, non absque grandi temeritate.

XII. Porro hæc doctrina videtur aperte repugnare Concilio Tridentino. In quo definitum est, sine præveniente Spiritus Sancti inspiratione, neminem diligere & pernitere posse, sicut oportet, ut ei justificationis gratia conferatur. Sic enim habet Canon textus Sessionis sextæ; *Si quis dixerit, sine præveniente Spiritus Sancti inspiratione atque ejus adjutorio, hominem credere, sperare, diligere, aut pernitere posse sicut oportet, ut ei justificationis gratia conferatur; anathema sit.* Nam si quis per naturæ vires potest de peccatis dolere, propter Deum super omnia dilectum, & per hoc se ad gratiam justificationis immediate disponere; & sic ut justificatio ex congruo illi debeat, ad hoc necessaria non est præveniens Spiritus Sancti inspiratio, ut homo per delectionis & penitentiae actus ad gratiam illam se disponat. Ideoque post promulgationem Concilii Tridentini, communiter in Schola Romana rejecta est illa sententia, quæ statuit hominem, sine speciali Dei auxilio, posse se proxime & sufficienter ad justificationis gratiam preparare.

XIII. Ab eo tamen non multum abest Doctrina quam tribuit *Estius Dominico Soto, Melchiori Cano, Francisco à Victoria*, & pluribus aliis, quos affirmat docuisse, attitorem, quæ sola cum Sacramento sufficiat ad obtinendam gratiam justificationis, haberi posse ex solis naturæ viribus. Cum enim, ut idem *Estius* observat, nemo adultus justificetur sine præparatione necessaria ante Sacramenti susceptionem; si sola attitio ex facultate naturæ habita, cum Sacramento sufficiat ad justificationem, evidenter sequitur posse hominem sine auxilio gratiæ, solis naturæ viribus, ad ipsam justificationis gratiam sese preparare. *In 2. Sent. Dist. 26. Sect. 34.*

XIV. Verum non solum ante, sed etiam post ipsum Tridentinum Canonem, reperti sunt in Schola Romana non pauci qui docerent, hominem quidem non posse, sine speciali gratiæ divinæ auxilio, se disponere ad justificationem proxime & immediate: sed tamen illum posse solis naturæ viribus ea impetrare & consequi auxilia, quibus opus habet, ut se directe & immediate disponat ad gratiam habitalem & justificantem. Quæ dispositio est ad justificationem remota atque indirecta. Hanc sententiam *Vasquez* tribuit *Ricardo, Antonio Pantuse*, & pluribus aliis, quibus testante, tribuunt arbitrio nostro dispositionem aliquam ad gratiam justificantem, non tamen propinquam, sed remotam, & ut appellat *Ricardus* indirectam, qua homo impetrat à Deo auxilia gratiæ, quibus ad justitiam promovetur. Itaque ex horum Theologorum sensu, homo per proprias vires non se disponit ad ipsam gratiam habitalem proxime & immediate: sed tamen ea ratione se disponit ad gratiam habitalem, per quam habitalem gratiam preparatur.

XV. Gratia autem istius actualis auxilia homo, juxta ipsos proxime obtinet & impetrat, per opera moraliter bona, solis liberi arbitrii viribus, absque speciali Dei adjutorio facta, quæ propterea dici possunt dispositiones remotæ ad gratiam absolute sic dictam, id est, justificantem. Quod recentiores quosdam Theologos sensisse testatur *Alvarus*, scribens illos asserere, quod *Sicut unum peccatum permitti solet in præmium alterius peccati, sic propter elemosinas, & alia moraliter bona, facta ab existente in lethali peccato, consuevit sæpe Deus optulari citius, ac magis uni quam alteri, ut à peccato resurgat: eaque ratione ejusmodi opera non immerito appellari dispositiones remotas ad gratiam, De Auxiliis Divinæ Gratiæ, libro septimo, Disputatione 55.*

XVI. Quibus consentanea tradunt *Joannes Driedo* & *Ruardus Tapperus*, Professores Lovanienses. Docent enim bene utenti naturæ viribus exercitio aliorum bonorum operum moralium, Deum misericordia sua præsto esse, ut auxilia gratiæ suæ conferat, quibus paulatim ad remissionem peccatorum disponatur. Et quod *Ruardus Tapperus* attinet, *Quamvis*, inquit, injuriam faciat divinæ gratiæ, quisquis dixerit hominem, ex ingentis legis naturæ stimulis, per vim liberi arbitrii posse credere, placere Deo, absque peccato, sive jure & recte vivere. Non tamen eidem gratiæ derogare videtur, si dixerit hominem, ex solis ingentis naturæ stimulis, sese modo quodam preparare, apertius facere, ad quem adiuvandum veniat Deus: non quod adjuvari mereatur, ut dicit Pelagius, sed quod se tam docilem & tractabilem exhibeat, ut debeat Deum, & dignum sit ejus bonitate illum adjuvare; præsertim si per lumen rationis internæ, ad unum Deum ex mundi fabrica suspiret, cumque ut parentem diligat ac colat, & injurias sibi fieri nolens, alteri non faciat.

XVII. Ac paulo ante affirmat Scholasticos plerumque docere, *Quod in cuiuslibet hominis potestate positum est & reliquum, quod infundatur ei fides, & caritas quamvis illa à se habeat*

habere non possit. Nam aliquid facere potest, quo facta fides & charitatem, Deo dante secundum suam infallibilem ordinationem, accipiat: quemadmodum qui in domo est, fenestris ex omni parte clausis, non potest seipsum illuminare, nec lumen in oculis suis producere, fenestram tamen aperire potest, quo facta lumen ei statim accedet.

XVIII. Negat tamen postea hominem per virtutem naturæ, ad gratiam propriè sic dictam, id est, iustificantem, ita se præparare posse, ut ad eam sit sufficienter & ultimè præparatus; nisi præcesserit tractus Dei inspirantis initia quædam gratuitæ fidei, aut charitatis. Homo itaque, inquit, sibi relictus, absque omni auxilio Dei gratuito, faciens quantum in se est, non ita tractabilem & docilem se exhibet, ut se faciat aptum & sufficienter præparatum ad accipiendam Dei gratiam, nempe habitualement & iustificantem, ut dictum, nisi interceperis tractus & inspiratio Dei, qua accipiuntur initia quædam fidei, & pius erga Deum affectus. Ad Articulum septimum, qui est de Libero Arbitrio, paragr. Doctores autem Scholastici.

XIX. Atque hanc Tapperi Doctrinam iisdem penè verbis expressam videre est apud Joannem Driedonem. Quamvis enim, inquit, injuriam facit divine gratiæ quisquis dixerit hominem, ex solis ingenitis legis naturæ stimulis, per vim Liberi arbitrii posse justè & rectè vivere, absque peccato esse, & placere Deo; hæc nempe est impia, olimque damnata heresis Pelagiana: non tamen derogare videtur eidem gratiæ, si quis dixerit quemquam, ex solis ingenitis legis naturæ stimulis, sese præparare, & sese aptum facere, ad quem adjuvandum veniat Deus, non quod adjuvari mereatur, sed quod sese tam docilem atque tractabilem exhibeat, ut deceat Deum, & dignum sit divina bonitate adjuvare illum, præsertim qui per lumen rationis internæ, ad unum Deum ex mundi fabrica cognitum suspirat, eumque ut parentem diligit, & colit, & injurias quas sibi fieri nolle alteri non facit: qui etiam si passione ulla, vel occasione vitiis transgreditur naturalis legis præcepta, ingemiscit ad Deum naturalis legis autorem.

XX. Addit in hoc argumento oportere nos esse circumspectos, ne fallantur contentientes hæresi Pelagianorum, qui inter alia in eo erraverunt, quod dicerent homines absque gratuito Dei auxilio, posse sufficienter sese præparare ad gratiam. Hoc enim, inquit, falsum esse patet ex verbo Christi dicentis, Nemo potest venire ad me, nisi Pater meus cœlestis traxerit illum. Unde colligit post lapsum Adæ, hominem sibi relictum in solis talentis naturæ, facientem quantum in se est, sed non intus tractum à Patre cœlesti non habere in potestate ut veniat ad Christum, atque ita illum non sufficienter sese ad gratiam præparare. Et ideo, inquit, talis gratiam iustificantem non accipiet, nisi superveniat specialis tractus Dei, intus suggerentis animæ, ut ipsa dissentiens à peccatis, consentiat Deo, tanquam auctori gratiæ gratis iustificantis. Proinde nemo faciens quantum in se est, sine tractu Dei inspirantis initia quædam gratuitæ fidei, aut charitatis, sufficienter ad gratiam sese præparat. Libro de Redemptione & captivitate generis humani, cap. 2. parte 2.

XXI. Sed longè communior inter recentiores Scholæ Romanæ Doctores est ea sententia, quæ asserit neminem posse propriis viribus ad gratiam se præparare, vel mediate, vel immediate, vel proxime, vel remote, id est, vel ea faciendo quibus, ex ordine à Deo constituto, debeat infusio gratiæ habitualis; vel saltem quibus, ex eorum ordine, obtineat auxilia gratiæ actualis, qua mediante præparetur ad gratiam habitualement.

XXII. Atque ut, exempli causa, paucos e multis referam, hanc partem tuetur Petrus à Sancto Joseph, cujus hæc est Resolutio: Non potest homo sive proximè, sive remote se disponere ad gratiam habitualement sine auxilio gratiæ. Et rationem asserit, quod initium justificationis sumitur à remotis dispositionibus; tale autem initium est opus gratiæ Dei. Quandoquidem in omni bono opere Deus incipit, non autem nos, secundum Concilia in Ecclesia Romana recepta. In Idea Theologiæ speculative, lib. 4. cap. 5. Resolutio 5.

XXIII. Sic quoque Puteanus Tolosanus Professor post Thomam docet neminem absolute posse se disponere ad gratiam iustificantem obtinendam, sine peculiari Dei dono. Et hanc doctrinam pertinere ad documenta fidei Catholice: quoniam definita est in Concilio Arausicano 11. Et etiam in Tridentino, cap. 11. Sess. 6. ubi dicitur initium salutis nostræ esse à Deo. Et Sess. 16. cap. 4. ubi definitur contritionem etiam imperfectam esse donum Dei. Et postea quamvis excusare conetur, eos qui dicunt actiones etiam factas sine speciali Dei dono, esse dispositiones ad gratiam iustificantem, non quidem proximas, sed tantum remotissimas, idque quoniam illi qui sine gratia bene moraliter operantur, non sunt ita indisplicati ad gratiam iustificantem: docet tamen rectius negari simpliciter ejusmodi actiones ad gratiam disponere quia verum est quidem illos

illos in quibus opera moraliter bona reperiuntur, non habere respectu gratiæ tot impedimenta, sed tamen falsum est in eis esse aliquas dispositiones. *Ad Quest. 109. Art. 6.*

XXIV. Similiter *Stapletonus* negat opera quæcunque purè moralia, & solius naturæ viribus producta, ad iustitiam Christianam disponere aut præparare, & ullo modo quidquam, quod ad vitam aut gloriam spiritualem pertinet, mereri. *Prolegomeno I. in lib. 4. de Justificatione.*

XXV. Quin & ipse *Molina* fatetur Liberum arbitrium sine speciali auxilio, aut dono supernaturali Dei, nihil posse fini supernaturali quoquo modo commensuratum, & consequenter quod sic dispositio proxima vel remota ad gratiam iustificantem. *Liberum nostrum arbitrium*, inquit, cum solo concursu Dei generali nihil efficere potest, non solum quod vitam æternam, aut gratiæ incrementum promoveatur, sed neque quod, tanquam ordinem ad finem naturalem transcendens, commensuratum cum fine supernaturali aliquo modo sit, etiam tanquam remota dispositio ad gratiam, tam ex parte voluntatis, quam ex parte intellectus: sed ad id omne indiget auxilio & ope supernaturali, vel per influxum Dei immediatum, vel per habitum supernaturalem ad eam rem collatum. *Quest. 14. Art. 13. Disp. 6.*

XXVI. Verum ex iis qui docent neminem ad gratiam propriis viribus se posse disponere, vel proximè, ea faciendo quæ immediatè consequatur infusio gratiæ habitualis, per quam homo regeneratur atque sanctificatur: vel remotè ea præstando per quæ impetret auxilia gratiæ actualis, cuius interventu ad gratiam habitualement præparetur; ex iis, inquam, non pauci quod verbis concedunt, reipsa destruant & evertunt. Primo enim simul docent, eo non obtinente, hominem peccato corruptum posse propriis viribus, & sine ullo Dei dono, vel auxilio supernaturali, quoad actus substantiam, ea omnia facere, per quæ, mediante divino auxilio, peccatores ad gratiam iustificantem & sanctificantem præparari & disponi solent. Nempe firmum & certum assensum præbere omnibus illis quæ Deus in verbo suo revelavit, idque quia Deus illa revelavit, & propter revelantis Dei veritatem & auctoritatem: Deum quoque super omnia diligere, & serium ac absolutum propositum inire Deo placendi in omnibus: præterea de peccatis in Deum admissis dolere, non tantum propter impendentes gehennæ poenas atque cruciatus, sed ex Dei amore, & divinæ bonitatis sensu, & ita ut simul apud se constituat deinceps peccata fugere, & abstinere ab iis quæ cum Dei amore & dilectione pugnant: ac denique spem veniæ concipere, & de misericordia divina confidere. Quæ omnia censet *Molina* cum pluribus Scholasticis, fieri posse ab homine lapsio; per naturales vires Liberi arbitrii, cum solo concursu Dei generali; ut fusius alias à nobis ostensum est. *Thesibus de Necessitate Gratiæ in statu Naturæ lapsæ, respèctu Boni salutariis.*

XXVII. Jam verò quid est magis prodigio simile, & à communi Christianorum sensu & Evangelicâ doctrinâ abhorrens, quam si dicamus peccatorem quempiam toti verbo Dei credere, Deum sincere & super omnia diligere, peccata detestari, & melioris vitæ propositum suscipere, adeoque misericordiam & veniam à Deo sperare; & nihilominus hominem ejusmodi nullam, nequidem remotam, ad gratiam dispositionem habere? Quid enim est ad Deum converti, si hoc non est? Et, An aliquis potest à Deo averfus esse, dum verbo Dei credit, promissis ejus confidit, sincere Deum amat, idque super omnia, peccata serio desit ac detestatur, & absolutum propositum habet Deo in omnibus placendi, & omnem illius offensam fugiendi? Aut num potest fieri, ut quis eo modo sit ad Deum conversus, & tamen censetur in statu perditionis, nec satis dispositus ad consequendam à Deo peccatorum veniam, & Spiritum sanctificantem, cum toties Deus in verbo suo juret se nolle mortem peccatoris, sed ut convertatur & vivat?

XXVIII. Ac frivolum plane est quod hic *Molina* & alii dicunt, actus jam recensitos esse quidem dispositiones ad gratiam iustificantem, si fiant ex aliquo principio supernaturali, unde proportionem accipiant cum fine itidem supernaturali, qualis est salus nobis per Christum parta: secus verò si fiant per naturales vires liberi arbitrii; quo in casu naturæ fines non transcendentes, non possunt cum supernaturali fine commensurari. Quod enim actus credendi, poenitendi, sperandi atque diligendi disponunt ad consequendam remissionem peccatorum & Spiritum sanctificantem, non habent inde quod fiant per auxilium supernaturale; sed ex eo quod actibus illis Deus gratiam suam in Evangelio promissit: ac pro suo beneplacito, declaravit credentibus, poenitentibus, sperantibus & diligentibus, se peccata remissurum esse, & daturum Spiritum sancti-

sanctificationis. Neque necessarium est auxilium supernaturale, ut actus illi, qui alioqui possent naturaliter per vires liberi arbitrii elici, supernaturales evadant, & proportionem habeant cum fine supernaturali: sed ut actus illos qui vires naturæ corrumpit superant, homines præstare possint, & per eos gratiam quam Deus illis promisit consequi.

XXIX. Ac profecto non potest ulla cum specie negari actus illos ad gratiam Dei recipiendam homines præparare, si fiant quo modo fieri præcipiuntur in Evangelio. Nec enim aliter ad gratiam præparant, quam quia Deus illis qui credunt, diligunt, sperant, & poenitentiam agunt, ultro gratiam suam pollicitus est. Jam autem dubium non est, quin gratiam suam Deus pollicitus sit omnibus illis qui credunt, sperant, diligunt, & poenitentiam agunt, prout ista facere in Evangelio jubentur. Nec etiam minus certum est Evangelio non præcipi, ut homines credant, diligant, &c. ex principio supernaturali, quod in propria potestate non habent. Illique ipsi quibuscum nobis res est, ut inprimis *Molina*, docent homines posse cum solo concursu Dei generali, si Evangelium ipsis congruenter proponatur, vitare peccatum incredulitatis; adeoque etiam peccatum impenitentiae, & alia similia, quibus Evangelica præcepta violantur; ac proinde præcepta illa simpliciter obligant, ut faciamus quæ jubent secundum substantiam actus, non verò ut illa faciamus per auxilium supernaturale. Ex quibus omnibus sequitur actus sæpe jam dictos ad gratiam disponere, quomodo disponere possunt, quatenus simpliciter huius, ex Evangelii præscripto, non verò quatenus huius per auxilium supernaturale.

XXX. Sed præterea, quamvis *Molina* & Discipuli ejus negent homines ad gratiam disponi per actus credendi, sperandi, diligendi, & poenitendi, quos per naturales vires liberi arbitrii elici posse supponunt, cum solo Dei concursu generali; nihilominus actibus istis ea tribuunt, ex quibus sequitur illos homines ad gratiam revera disponere. Docent enim, quod homo ex viribus suis naturalibus aggredi voluerit opus aliquod, ex iis quæ ad justificationem spectant, toties Deum illi præsto esse, ut illud exequatur, prout ad salutem oportet: adeoque neminem naturaliter elicere actus illos credendi, sperandi, &c. quin impetret à Deo auxilia, quibus ad justificationem potest immediate & proximè disponi. Unde sequitur actus illos ad justificationem, mediatè saltem & remotè, disponere.

XXXI. Hæc est aperta *Molina* doctrina; Nam, inquit, sicut Deus semper præsto est per concursum generalem libero arbitrio, ut naturaliter velit, aut nolit, prout placerit; ita illi præsto est per auxilium gratiæ sufficiens, ut quoties ex viribus suis naturalibus aggredi voluerit opus aliquod, ex in qua ad justificationem spectant, illud exequatur prout ad salutem oportet. Statuit enim omni homini facienti ex suis naturalibus, quod in se est, semper Deum conferre auxilia sufficientia ad fidem & justificationem. Et affirmat, Quotiescumque liberum arbitrium ex suis viribus naturalibus conatur, præstare est ad conandum totum id, quod ex se potest, tam circa ea quæ fides habet ad discenda & amplectianda, quam circa dolorem de peccatis ac justificationem, à Deo conferri gratiam prævenientem, auxiliis quibus id faciat ut oportet ad salutem. Non quidem quasi eo conatu dignus efficiatur talibus auxiliis, ullaque ratione ea premereatur: sed quoniam id obtinuit nobis Christum ob sua merita: atque inter leges, quas tam ipse, quam Pater æternus statuerunt de auxiliis & donis, quæ nobis Christus promeruit, merò gratis conferendis, una eaque rationi maximè consentanea fuit, ut quoties ex nostris viribus naturalibus conaremur facere, quod in nobis est, præsto nobis essent auxilia gratiæ, quibus ea ut oportet ad salutem efficeremus: ut ea ratione, dum essemus in via, semper in manu liberi nostri arbitrii posita esset salus nostra, per nosque ipsos itaret, quod ad Deum non converteremur. Disput. 10. ad Art. 13. Quest. 14.

XXXII. Itaque, ex hujus Doctoris sententia, salus hominis quadam ratione posita est in naturalibus liberi arbitrii viribus: illique ipsi qui nondum gratia Dei præventi sunt, potestatem habent filios Dei fieri. His enim, inquit, eatenus facta est potestas ut filii Dei fiant, quantum in se est contentur, præsto illis aderit Deus, ut fidem & gratiam consequantur, neque desiderio suo fraudentur. Et postea subjungit, Quod si conantibus suis naturalibus, facientibusque quod in se est, vel ut fidem amplectantur, vel ut de peccatis doleant, Deus non est semper præsto per auxilia & gratiam prævenientem, ut actus sint quales ad salutem oportet, quamam ratione verum erit, Deum velle omnes homines salvos fieri? In eadem Disputatione.

XXXIII. Cæterum quamquam velit per nos ipsos semper stare, quod ad Deum non convertamur, fidemque & gratiam non consequamur; quia Deus semper paratus est

ad opitulandum nobis, si conemur & faciamus, quod per vires naturæ possumus; nihilominus docet omnes istos conatus, & actus naturales, quibus præstamus, quoad substantiam, quæ à Deo præcepta sunt, & per quæ alioqui solent homines disponi ad gratiam iustificantem, non esse veras ad eandem gratiam dispositiones: quoniam actus ejusmodi gratiam istam haud quaquam merentur, nec ipsa illis ullo modo debetur, sed quod Deus præstet est omni facienti per vires naturæ quod in se est, unicè referendum est ad Christi meritum, & respectu nostri planè gratuitam Dei benevolentiam. Ut patet ex iis quæ ante retulimus.

XXXIV. Qua de re mentem suam accuratius explicat jam dicta Disputatione nona ad eundem Articulum. Ubi loquens de gratia, per quam formatur in nobis actus credendi sicut oportet ad salutem. *Quicquid, inquit, ex solis suis naturalibus homo efficiat, sive ut actus merè naturali revelatis assentiatur, sive ut postquam edoctus fuerit supernaturali assensum esse ad salutem necessarium, optet ita credere, aut etiam conetur ex dono & auxilio Dei supernaturali assentiri, sive denique auxilium illud sibi donari petat, aut ad illud recipiendum satagat se disponere, sanè id totum nullius est meriti, aut vigoris ut ei gratia præveniens propter ejusmodi dispositiones impendatur: sed quoties confertur, ex solis Christi meritis, donoque Dei, ac proinde misericorditer omnino, non solum tanquam subiecto non digno, sed etiam tanquam indigno propter peccatum, originale saltem in quo est, tribuitur: & merè gratis ea, quæ meritis gratia dicitur, conferri solet cuiusque datur.*

XXXV. Atque ut clarius exponat autor ille, quæ ratione à libero hominum arbitrio, & naturæ ipsius viribus, pendeat salus nostra, & interna tractio & vocatio Dei, quæ aliquis ad salutares actus fidei & contritionis inducitur & compellitur, sic Disputatione nona ea de re Philosophatur. *Pater, inquit, vocationem Dei internam nullatenus pendere à libero arbitrio ejus qui vocatur. Tum quia potuit accedere, aut non accedere, ad audiendum vel legendum verbum Dei, unde notitias compararet, quibus se inferere, & ad fidem vocare solet. Tum etiam quia postquam accessit, potuit divertere alio cogitationem, neque intendere iis quæ credenda proponebantur. Tum denique quia accedere potuit, vel animo addiscendi atque amplectendi quod verum bonumque esse judicaret, vel animo irridendi, aut impugnandi quæ dicerentur: licet autem Deus non vocet ad fidem, propter merita aliqua ejus qui vocatur, imò sepe eos etiam misericorditer vocet, qui pertinaciter resistunt & contradicunt: nihilominus magis indignus, ut supernaturaliter adjuvetur & vocetur, is est, qui sinistra intentione, quam qui paratus obedire veritati, eamque amplecti, ad audiendum accedit: rationique valde consentaneum est, ut tunc potius quam illum misericorditer adjuvet Deus, utpote minus ineptum & minus indignum ad dona Dei recipienda.*

XXXVI. Addit idem intelligendum esse de excitatione interna fidelis ad poenitentiam per gratiam prævenientem; quoniam pendet quam maxime, à libero cuiusque arbitrio, quod libere ad audiendas conciones, ad lectionem Scripturarum sacrarum, ad orationem ac meditationem rerum spiritualium, aliaque similia per quas excitari solent cogitationes piæ; quibus dum voluntas excitatur, quasi inferere se solet Deus, infundere affectum amoris aut timoris supernaturalis, per quæ prævenit, allicit & invitat voluntatem, ad contritionem, aut attritionem, quæ cum Sacramento satis sit ad veniam impetrandam.

XXXVII. Porro licet *Molina*, & qui eum sequuntur, dicere nolint hominem per naturales vires Liberi arbitrii disponere se posse, vel ad gratiam habituales atque iustificantes, vel ad gratiam actuales atque prævenientes, quod esset ad eandem gratiam habituales removere se disponere; ex iis tamen quæ hætenus retulimus, satis colligitur illos admittere saltem quasdam conditiones, quæ à viribus Liberi arbitrii pendent, & sine quibus ordinariè Deus gratiam suam dare non consuevit; quibus verò positis illam ex certa lege & infallibiliter, propter Christi merita concedit. Nec enim Deum, exempli gratia, alios ut plurimum ad fidem & poenitentiam interius vocare, quam qui ad verbum ejus audiendum, vel legendum accedunt, illicque attentos se præbent, atque intendunt iis quæ credenda proponuntur, idque animo addiscendi & amplectendi quod bonum verumque judicaverint, quæ omnia per solas naturæ vires facile præstantur. Omnes illos verò infallibiliter salutarem Dei gratiam impetrare, qui per eandem naturæ vires cliciunt, quoad substantiam, actus credendi, sperandi, diligendi, poenitendi, & optant ac satagunt illa facere sicut oportet ad salutem, auxiliumque ad hoc necessarium sibi donari petunt: quæ omnia Doctores iidem per naturales vires Liberi arbitrii fieri posse docent.

XXXVIII. Sed alii Scholæ Romanæ Theologi, non solum negant hominem ad gratiam

gratiam quamcunque propriis viribus disponere se posse, vel proximè vel remotè, vel mediâtè vel immediâtè; sed præterea docent non dari ex parte hominis conditiones ulla, vel sine quibus non, vel quorum intuitu, Deus illi primam gratiam largiatur, & per quas ad gratiam illam recipiendam, ulla se vel minima ratione præparet, & idoneum reddat.

XXXIX. Istud præsertim diligenter inculcat & urget *Guilielmus Effius*. Vim enim magnam facit in Canone Araulicano, quo ille qui sine gratia Dei desiderantibus, conantibus, laborantibus, petentibus, querentibus, pulsantibus, aut quicquam tale facientibus nobis, misericordiam dicit conferri divinitus; non autem ut hæc omnia sicut oportet agere valeamus, per inspirationem Sancti Spiritus in nobis fieri confiteatur, damnatur tanquam resistens Apostolo dicenti, *Quid habes quod non accepisti?* & *Gratia Dei sum quod sum*. In secundum Sent. Dist. 26. Sect. 34. ubi probare contendit, *Neminem sine gratia posse se ad gratiam præparare*.

XL. Sectione verò trigesima exponens quo sensu Patres definierint contra Pelagianos, *Gratiam non dari secundum merita nostra*; observat per gratiam illos intellexisse non solum donum habitualis gratiæ, sed generaliter gratiam Dei per Christum; ut comprehendit etiam gratiam adjutorii specialis, seu quemcunque hujus gratiæ effectum, id est, omne bonum hominis pertinens ad pietatem & salutem vitæ æternæ. Similiter nomine meriti illos designasse, non solum meritum quod vocatur condignum, sed omnem præparationem, seu dispositionem, qua quid ab alio dandum obtineatur, aut impetretur: five rationem habeat meriti condigni, five congrui: five sit aliquid utroque minus, ac uno verbo omne bonum alicujus retributionis aliquo modo provocativum; seu bonum quodvis præcedens respectu sequentis, quod illius intuitu quocunque modo potest acquiri. Et ut clarius se exponat, addit meritum intelligi respectu gratiæ, quicquid ad gratiam consequendam per se ordinem quandam habet. Adeoque sententiam Patrum, quum dixerunt gratiam non dari ex meritis, affirmat hanc fuisse; Quod scilicet, homo ex seipso, & ex propriis viribus, nullam habere possit præparationem ad gratiam Dei; nec quicquam boni facere posse, quo gratiam, seu beneficentiam Dei, in eo quod ad salutem æternam pertineat, erga se provocet, aut invitet.

XLI. Itaque vulgare illud Scholarum dictum, facienti quod in se est Deum gratiam largiri exponendum affirmat, non de eo qui facit quod in se est per naturæ vires: sed de eo qui facit quod est in ipsius potestate, cum adjutorio gratiæ Dei ipsi moventis. Talem enim consequi gratiam ulteriorem; ut gratiam justificationis, vel ejus augmentum; vel etiam fidem explicitam & perfectam, si prius tantum in imperfectam, aut implicitam habebat. Ac rejicit quod nonnulli dicunt, homini facienti quod in se est, id est, quantum potest ex viribus naturæ, Deum semper dare gratiam, non quidem ob aliquod meritum ejus, nec quasi respicientem ad ejus opus, tanquam præparationem ad gratiam, sed ex pura liberalitate & misericordia. Idque quia veritas dicto illi non constat, nisi intelligatur, Deum dare gratiam ideo, quia homo facit quod in se est; ut videlicet, aliqua ratio dandæ gratiæ significetur ex parte hominis. Quæ ratio alia non potest esse quam meritoria, secundum generalem meriti significationem, quam supra exposuimus. Unde non consistit Deum ideo dare gratiam homini quia facit quod in se est, & gratiam illi dare purè liberaliter & misericorditer. *In ead. m. Distin. 2. Sect. 35.*

XLII. Eandem quoque doctrinam fufius expofitam apud *Alvarem* videre est. Etenim libro feptimo de Auxiliis Divinæ Gratia, difputatione quinquagefima quinta, hæc est illius feconda Conclusio: *Nulla difpofitio remota ad gratiam haberi potest ex fola facultate nature; five fit petere, five defiderare ipsam gratiam, five quodlibet aliud; fed ad illam neceffario requiritur fpeciale auxilium præmoventis gratia*. Et poftca tertiam hanc Conclusionem fubjungit; *Sententia que affert, quod propter elemofynas, & alia opera moraliter bona, facta ab exiftente in peccato mortali, Deus conferat uni magis, quam alteri auxilium gratia fecondum legem ordinariam, vel citius adjucet illum; eft contra Sanctum Auguftinum, S. Proferum, & S. Thomam*.

XLIII. Sequenti verò Difputatione tractans Quæftionem illam, *Utrum facientibus totum quod in fe eft, ex fola viribus nature, dentur à Deo infallibiliter, & ex certa lege, auxilia prævenientis gratia, quibus id, propterea oportet ad salutem, exequantur*, hanc ponit Conclusionem, quæ Difputationis illius prima eft: *Nulla lex fuit unquam ftatuta dandi auxilia prævenientis gratia facientibus totum quod in fe eft ex fola facultate nature, neque Chriftus Dominus meruit, aut voluit effe talem legem*. Et rationem addit, quia fi auxilia prævenientis gratia darentur ex aliqua lege & conventione, facientibus totum quod poffunt ex facultate nature, darentur illis ex iuftitia fundata in pacto & conventionem divinam;

divina; quoniam quicquid datur ex lege & pacto homini operanti, datur illi ex iustitia saltem imperfecta. Adeoque auxilia illa essent aliquo modo operibus debita, & sic merè dona gratiæ non essent, quia *Si ex gratia, jam non ex operibus; alioquin gratia jam non est gratia.* Rom. 118

XLIV. Secunda verò ejus conclusio est, *Falsum est quod asseritur in primo dicto primæ sententiæ, quod videlicet, Deus secundum legem ordinariam, seu communem modum quem servat, non det auxilia prævenientis gratiæ nisi facientibus quod in se est, ex facultate naturæ.* Et ratio ejus est, quod alias, secundum legem ordinariam, & communem modum quem Deus servat, Gratiæ adjutorium subjungeretur humilitati, aut obedientiæ humanæ: & quod Deus secundum eandem legem & modum quem servat, expectaret voluntatem nostram, ut priora excitantis gratiæ auxilia nobis conferat: quorum utrumque est contra Canonem Concilii Arauticani secundi. Adde quod gratia quæ dicitur præveniens revera talis non esset, sed à natura & creata voluntate præveniretur.

XLV. Ideoque alibi negat excitationem internam ejus qui vocatur pendere ab illius conatu atque industria, etiam ut ab aliqua conditione sine qua non. Nimirum si sermo sit de conatu & industria procedente ex solis naturæ viribus. Etenim si loquamur de industria & conatu procedente ex aliquo priori auxilio gratiæ excitantis nullum esse inconveniens, fateri quod una excitatio interior dependet ex alia, & eam præsupponit, secundum communem modum, quem Deus servat in hominibus vocandis & excitandis. Sic excitationem ad actum poenitentiae, pendere ab excitatione ad actum timoris poenarum inferni. Et excitationem ad pias cogitationes desideria & orationes, quibus peccator pulsatur ad ostium divinæ misericordiæ antecedere plures alios actus, per quos ad justificationem proximè disponitur. Imo quod aliquis accedit ad audiendum verbum Evangelii, animo intendendi iis quæ dicuntur, & veritatem cognoscendi & suscipiendi, non esse à nobis, ex nobis, sed ex auxilio cujusdam præoperantis gratiæ. Et sic tandem veniendum esse ad primam excitationem, sive ad gratiam prævenientem primam simpliciter, quæ à conatu & industria ejus qui vocatur, ut à conditione sine qua non, etiam secundum communem modum; quem in vocandis hominibus Deus servat, minimè dependet; ut sic primum initium salutis in ipsum Deum auctorin gratiæ, & non in facultatem naturalem nostri arbitrii reducat. Lib. 8. Disp. 78.

XLVI. Nec alia est hac in parte doctrina ipsius Bellarmini. Etenim non simpliciter negat hominem posse solis naturæ viribus, ad gratiam recipiendam, ulla se ratione disponere: sed addit illud sic intelligendum esse, *Ut non solum non possit homo suis viribus se preparare ad habitum gratiæ gratum facientis, sed neque ad gratiam adjutorii specialis: & rursus, non modo non possit ita se preparare, ut ex condigno illi gratia conferatur, sed neque ut ex congruo; ac demum nihil agere possit, ejus causa Deus illi gratiam dare dicatur.* Lib. 6. de Gratia & Lib. Arbit. cap. 5.

XLVII. Itaque capite sequenti postquam sibi objecit tritum illud Scholarum, *Faciendi quod in se est Deus non denegat gratiam;* unde sequi videtur, ut si quis faciat quod potest solis naturæ viribus, is hoc ipso disponatur ad gratiam, aut certè ad auxilium speciale, per quod deinde præparetur ad gratiam: respondet tunc facienti quod in se est non denegari gratiam, quum homo faciat quod in se est, cooperando gratiæ Dei à qua movetur. Nam ei, inquit, qui facit quod in se est ex solis naturæ viribus, non debetur gratia, sed poena: non quidem pro eo quod facit ex solis viribus naturæ; sed quoniam pro uno aut altero bono morali, quod fortasse faciet, plurima peccata letalia sine dubitatione committet. Addit illos qui docent, hominem faciendo quod in se est solis naturæ viribus ad gratiam preparari, aut exilimare illum suis viribus posse desiderare & petere gratiam, quod judicat ad hæresin Pelagianam pertinere: aut illos opinari quod possit homo propriis viribus servare omnia præcepta moralia, & innocentem vitam agere secundum rationem, & hac sanctitate morali provocare Deum ad auxilium speciale sibi donandum, quo tandem ad fidem gratiamque perveniat: quod rursus eadem hæresi affine est.

XLVIII. Ad hanc sententiam accedit quoque Vasquez. Catholica igitur sententia est, inquit, nullam causam, nullumve initium, seu occasionem ex parte prædestinati excogitari posse, ob quam Deus, aut in tempore gratiam suam ipsi donaverit, aut in præsentia dare decreverit. Primum autem doctrina hæc non solum intelligenda est de initio fidei, orationis; aut voluntatis consequendi salutem, vel de aliis operibus, quæ circa Deum aliquo modo versantur, qualia sunt religionis: verum etiam de quovis opere moralis virtutis, quod in ipsum solum bonum bonorum referatur: ut nullo modo aliquod hujusmodi

esse possit occasio aut initium donationis aut predestinationis gratiæ. Præterea excludimus non solum initium quod sit meritum condignum, sed etiam meritum congruum, seu imperatorium, aut dispositionem; denique quamlibet causam & occasionem, ob quam Deus huic potius, quam alteri gratiam donaverit, aut donare præferat: ita ut tota ratio preparandi huic potius gratiam, quam illi fuerit beneplacitum divine voluntatis; nihil autem vel minimum ex parte predestinati. Inl. Tho. to 1. disp. 91. cap. 11.

XLIX. Idcirco capite præcedenti vulgarem illam propositionem, *Faciendi quod in se est Deus non denegat gratiam*, intelligendam esse docet de eo qui facit quod in se est non ex viribus naturæ, sed ex auxilio gratiæ; quod scilicet, Deus illi non denegat ulteriora dona gratiæ suæ ad salutem necessaria, sed in dies ad hæc ille magis se disponat.

Quam suam sententiam iterum confirmat Vasquez, Tomo secundo, in primam secundæ: *Vera*, inquit, sententia est nullum opus ex nobis; hoc est, virtute propria Liberi arbitrii, neque minimum aliquid initium præcedere, occasione cujus nobis donetur primum auxilium gratiæ. Disp. 199. cap. 2. cujus Lemma est, Neminem ex propriis viribus posse ullo modo ad primum gratiæ auxilium se preparare.

LI. Præsertim verò Jansenius accuratè defendit arbitrium humanum suis viribus nihil proferre posse, quo ad gratiam benè operandi præparetur. Ejus verò rationes sunt, quod liberum arbitrium nullum opus, vel moraliter bonum, suis viribus facere valeat: adeoque nec possit ad Dei gratiam se preparare vel disponere. Opus enim, inquit, quo se disponeret, vel quod facienti gratia conferretur, ut minimum esse debere moraliter bonum. Deinde quod quicquid liberum arbitrium ante gratiam facit est veri nominis peccatum. Non est autem quod quis speret peccatum faciendo se gratiam consecuturum. Proinde quicquid in homine salutarem Christi gratiam præcedit, imo fidem in Christum, à qua incipit illa salutaris gratia, ex ejus sententia, est meritum damnationis: tantum abest, ut vel meritum gratiæ, vel ordinem aliquem ad gratiam habeat.

LII. Ex quibus postea colligit, *Faciendi quod in se est per naturæ vires, nulla stabili lege dari gratiam*. Neque enim, inquit, ulla lex est, aut ordinatio Dei, qua peccantibus, & nihil omnino boni operis facientibus, gratia certa lege conferatur. Sed hoc fit non solum omnino gratia, sed etiam juxta profundissimas, & ab humano intellectu remotissimas divine gubernationis leges; ex quibus nonnunquam gravissimis peccatoribus gratia datur, minimisque denegatur. Addit, quum quæritur, An facientibus quod in se est per vires naturæ, ex stabili lege gratia donetur, quæstionem eo redire, utrum minus peccantibus gratia detur infallibiliter? perspicuum autem esse ex Scriptura, ex Augustino, & ex ipsa experientia, minora peccata non esse regulam distributionis gratiæ divinæ, nec ejus rei haberi in impetienda gratia rationem: ac nihil esse unde quis legitime deduci possit in eam suspensionem, ut omnibus levius peccantibus gratiam dari arbitretur. De gratia Christi Salvatoris, lib. 1. cap. 5.

THESES THEOLOGICÆ:

In quibus inter se conferuntur Sententiæ

Protestantium & Doctorum Scholæ Romanæ

Circa Quæstionem illam,

*An homo in statu Peccati, solis Naturæ viribus, possit
se ad Gratiā præparare & disponere ?*

THESIS I.

Dubius an te editis Disputationibus, quam dilucidè & candidè à nobis fieri potuit, exposuimus doctrinam Scholæ Romanæ, circa Quæstionem illam, An homo lapsus per naturæ vires, sine speciali auxilio Dei, ad gratiam se præparare queat ? Et ea de re varias Theologorum ejus opinionones retulimus. Deindè recensuimus diversas quoque circa eandem Quæstionem Protestantium sententiās ; & sigillatim ostendimus, quid singulariter sic dicti Reformati, quid Remonstrantes, quid Doctores Confessionis Augustanæ, de hoc argumento doceant. Superest ut breviter sententiās istas inter se comparemus, & ex dictis colligamus quid hic in Scholis resset controversiæ.

II. Primum ergo ex iis quæ supra fuerunt à nobis exposita, patet non omnes Scholæ Reformatæ Doctores inter se convenire, aut saltem eodem modo loqui, circa quædam ad præsentem Quæstionem spectantia. Nam Professores Belgicæ & Zuydtholandicæ Synodi Deputati in judiciis suis Dordracenæ Synodo oblatis, dici nolunt Deum gratiam salvificam largiturum esse, illis qui post lapsum rectè uti fuerint naturalibus imaginis Dei reliquiis : & damnant eos qui asserunt, Deum ulteriorem gratiam & salutarem vocationem donare, illis qui probi sunt, & naturalibus, aut aliis donis benè utantur, etiam in illis gentibus ubi nihil unquam de Evangelio auditum est. Contra verò *Moser Amyraldus*, & alii Scholæ Cameronicæ Theologi, palam docent Deum non defuturum iis, qui Evangelica Dei cognitione destituti, & naturæ solum relictæ, rectè uterentur viribus & lumine ipsis à Deo indultis, & officio suo erga Deum & proximum fungerentur, quantum postulat ille status & conditio : Adeoque futurum, ut Deus ejusmodi homines perire non sineret, sed de mediis ad salutem æternam necessariis, pro sua sapientia, ipsis prospiceretur esset.

III. In hac autem Quæstione illud mihi certum est, & etiam à *Cameronicis* Discipulis concessum, neminem eorum qui sub sola lege naturæ vivunt, & ad quos verbum Dei nondum pervenit, posse sine speciali gratiæ Dei auxilio, rectè uti naturæ lumine, & pietatis officiis erga Deum sese exolvere, juxta quod recta ratio, pro illo statu exigat. Idque propter summam mortalium omnium facultatum depravationem, ex primo nostro parente in ejus omnes posteros derivatam.

IV. Illud quoque planè concedendum videtur, quod neque negant iidem *Cameronicis* Discipuli, gratiam illam per quam homines ad officium faciendum moventur, pro ratione sui status, à verbo Dei separatam non esse ; nec solere Deum hominibus per ejusmodi gratiam adesse, nisi mediante quadam ex verbo suo institutione : ac proinde, secundum legem ordinariam, neminem quod sui est officii facere, & benè uti ullis Dei donis, nisi quem Deus per verbum vocaverit.

V. Sed durum nobis videtur, & à bonitate divina alienum, ut dicamus, etiam dato quod aliquis ex Adam potleris, cui nihil est unquam de verbo Dei auditum, rectè & benè lumine naturæ uteretur, essetque probus atque Dei timens, quantum suggerit illud lumen; nihilominus Deum ejusmodi homini gratiam salutarem largiturum non fore, sed permissurum ut cum cæteris periret. Etenim Deus non deserit quenquam, quin prius ab ipso deseratur. Et quomodo ille qui non delectetur morte peccatoris, sed ut convertatur & vivat: nec vult querquam perire, sed omnes ad resipiscentiam venire, ultro pririre sineret creaturam rationalem officio suo erga ipsum fungentem, secundum rectæ rationis normam, & lumen ab ipso indultum?

VI. Nec in animum inducere possum aliam fuisse mentem Theologorum Belgicorum in Synodo Dordracena. Agunt enim contra Remonstrantes, quos supponunt in ea fuisse sententia, quod homo sine gratiæ divinæ speciali auxilio, possit lumine & donis naturæ rectè uti, & re ipsa benè quandoque utatur; quodque de facto Deus gratiam suam largiatur illis qui lumine isto rectè utuntur. Ideoque, quum negant Deum salutarem gratiam donare illis qui naturæ donis benè uti fuerint, eo solum impelli videntur, quod non putarent quenquam donis illis rectè uti: aut verò uti posse sine Dei gratia, quam tamen Deus verbo Evangelii destitutis concedere non solet. Quod verò Deus facturus esset ex hypothesi quod aliquis nullam verbi Dei cognitionem habens, sic uteretur naturæ lumine, ut pietatis officiiis erga Deum fungeretur, quantum lumen istud secundum rectam rationem requirit, de eo nequidem eos cogitasse veritabile est.

VII. Præterea ex antedictis apparet plures Scholæ Reformatæ Doctores agnoscere in homine interna quædam opera ad ejus vivificationem & regenerationem antecedentia & præparatoria: idcirco illos ponere ante gratiam convertentem atque regenerantem, gratiam quandam initialem quæ hominem ad ipsam conversionem disponat & excitet. Alios verò contra contendere regenerationis gratiam esse primam, nec ab alia gratia præcedi: neque ante regenerationem dari ulla opera, quæ hominem ad eam præparent.

VIII. Quæ sententiæ, utcumque in speciem contradictoriæ, videntur tamen inter se posse conciliari. Quod ut intelligatur, observandum est gratiam regenerationis triplici modo sumi, *latè, st. i. iure, strictissime*: Regenerationis gratia *latè* sumpta, complectitur Spiritus Sancti in homine effecta, per quæ à morte peccati excitatur, & in statum gratiæ & vite spiritualis transfertur. Regenerationis gratia *strictissime* accepta præcisè significat habitualement quandam hominis immutationem per quam habitus iustitiæ & sanctitatis veræ divinitus illi infunditur. Medio sensu verò accepta regenerationis, præter habitualement illam immutationem, comprehendit illos fidei & poenitentiae actus in quibus nostra ad Deum conversio consistit.

IX. Si gratia regenerans latissimo sensu sumatur, prout complectitur omnia Spiritus Sancti effecta, quibus à morte peccati excitamur, & ad statum gratiæ & iustitiæ promovemur, certum est hominem nullis operibus ad eam præparari. Si enim eo respectu darentur quædam opera ad regenerationis gratiam disponentia, necesse esset illa ex solis naturæ viribus provenire, quandoquidem omnia Spiritus Sancti in nobis effecta prævenirent. Sed supra ostendimus hominem propriis viribus se non posse ullo modo ad Gratiam præparare, & hanc esse communem Reformatorum doctrinam. Jam autem gratiam regenerationis latissimo isto sensu accipiunt illi Theologi, qui simpliciter negant ulla esse opera quæ hominem ad gratiam regenerantem præparent & disponant.

X. Si verò gratia regenerationis strictius accipiatur, prout incipit ab actibus fidei & poenitentiae, qui constituunt veram conversionem, quomodo eam sumunt Theologi Britannii, in suo judicio Dordracenæ Synodo oblato, certum est quædam esse Spiritus Sancti effecta, quibus solet homines ad eam præparare. Etenim priusquam fidei veræ & salvificæ actus in hominis corde formetur, præcedere consueverunt, ex Dei ordinatione, ut rectè monent illi Theologi, notitia quædam voluntatis divinæ, sensus peccati & horror divinæ maledictionis, quæ peccatoribus in lege denunciatur, cogitatio aliqua de liberatione, illiusque desiderium, & alia istius generis. Nec enim sic repente aliquis ex infideli per Dei gratiam in fidelem mutatur, ut antea nihil de se vel de Deo cogitaverit; nec ullam vel minimam propriæ salutis curam habuerit.

XI. Quod si regeneratio strictissime sumatur, nempe pro habituali illa innovatione, per quam Spiritus Sanctus hominem ornat habitu iustitiæ & sanctitatis, quomodo sumunt illam Doctores Reformati, quando distinguunt regenerationem à iustificatione, & docent illam esse iustificatione natura posteriorem: hoc respectu regeneratio præcedentes habet non solum quos diximus actus, sed etiam ipsos actus fidei & poenitentiae, in quibus consistit hominis ad Deum conversio. Nec enim solet Deus spiritum inhabitantem

bitantem & sanctificantem dare, nisi credentibus & pœnitentibus. Adde quod fides & relapscentia, sunt conditiones quædam ad justificationem peccatoris antecessaræ, & consequenter ad ejus regenerationem, quæ statuitur ipsa justificatione natura posterior.

XII. Rursus hic observandum est conversionem hominis duplici modo considerari posse, vel secundum illa quæ ipsam inchoant, vel secundum illa quæ jam factam constituunt. Quod in Scholis dicerent vel *in fieri*, vel *in facto* esse. Et sic quædam pertinere possunt ad hominis conversionem, ut ejus rudimenta & inchoamenta duntaxat, quibus proinde politis non statim censetur facta conversio. Quemadmodum fundamenta domum inchoant, & sunt pars illius; nec tamen si sistatur in illis, domus propterea constructa censetur. Alia verò sic pertinent ad hominis conversionem, ut illam factam constituent, & illis politis, conversio ponatur.

XIII. Inde est quod Theologi Reformati variè loquuntur, de iis quæ ad conversionem præparant & disponunt. Dum alii dicunt hunc aut illum actum conversionem hominis præcedere, alii verò negant, & affirmant talem actum partem esse conversionis, atque ad illam pertinere. Exempli causa, Theologi Britanni in suo judicio jam sepe memorato, inter actus præparatorios ad hominis conversionem ponunt liberationis & gratiæ desiderium: Palatini verò contra negant tale desiderium esse conditionem ad conversionem præviam. Sed mens Britannorum est, antequam facta sit hominis conversio, oportere illum gratiæ divinæ desiderio tangi: Etposito aliquo ejusmodi desiderio, non statim dici posse, hominem esse ad Deum conversum. Palatini verò negationis rationem afferunt, quod desiderium istud, & quædam ejusdem generis conversionem inchoent, ut salutaria ejus initia, & pertineant ad fidem quandam initialem.

XIV. Præterea ex iis quæ supra retulimus, manifestum est Remonstrantes quantum quidem ex eorum Synodo judicare licet, cum Reformatis in eo convenire, quod homo propriis viribus, & sine aliquo Dei speciali auxilio, ad salutarem gratiam nequeat ullo modo se præparare atque disponere. Ac quanquam ad obtinendam fidem & Spiritum renovationis putent necessarium esse de peccatis dolere, gratiam expectare, & propriæ salutis studium & curam aliquam habere, simul tamen illos agnoscere quod istorum omnium nihil homo sine gratia possit. Imò illos etiam fateri quod donatio divinæ gratiæ, & salutis vocatio non pendeat ex aliqua conditione per vires hominis præstanda, sed ad absolutum Dei beneplacitum referenda sit, citra ullius antecessaræ conditionis intuitum.

XV. Negant quidem omnia opera infidelium, & eorum qui verbi Dei notitia carent, rationem peccati habere, & condemnationem eorum aggravare, sed simul docent, ut vidimus, nulla esse opera ejusmodi infidelium, quæ bona dici mereantur, juxta perfectionem quam lex exigit, ut ad vitam æternam acceptentur, & proinde quibus sit promissa salus. Unde consequens est quoque, ut homini gratiam salvificam parare non possint.

XVI. Nec minus clarum est ex dictis, multos saltem ex Scholæ Reformatæ Doctoribus Remonstrantibus concedere, quod si quispiam lumine naturæ rectè & rationi congruenter uteretur, & Deum quæreret, quantum lumen istud postulat, Deum illi non desitutum, nec denegaturum media ad salutem necessaria: & vicissim Remonstrantes Doctoribus Scholæ Reformatæ facillè concessuros, neminem lumine naturæ sic posse benè uti, & ea ratione suo erga Deum officio fungi, nisi per aliquod gratiæ auxilium Deus homini addit. Sed in eo discrimen est quod Remonstrantes volunt ejusmodi gratiam communiter & ordinariè adesse & expositam esse, omnibus illis qui sub naturæ lege vivunt, & ad quos Dei verbum non pervenit; istud autem negant Doctores Reformati.

XVII. Constat quoque ex dictis Theologos Confessionis Augustinæ in genere fateri, cum Reformatis & Remonstrantibus, hominem non posse per vires Liberi arbitrii, absque speciali auxilio, salutarem gratiam mereri, & ad eam se præparare: sed in eo nihilominus ab utroque dissentire, quod salutaris istius gratiæ donationem, ex conditione quadam per liberi arbitrii vires præstabili suspendant: nec velint Deum illam ordinariè largiri, nisi illis qui per naturæ vires faciunt eo respectu quod in se est. Unde sequitur rationem, cur initia gratiæ salutaris Deus potius his quam illis concedat, non esse simpliciter referendam ad absolutum Dei beneplacitum, ut volunt Reformati, & fatentur Remonstrantes: sed etiam ad aliquid quod se tenet ex parte hominis, & ab ejus arbitrio pendet. Quia in re etiam à nobis ostensum est Græcos hodiernos, cum Theologis Augustinæ Confessionis ejusdem sententiæ esse.

XVIII: Do-

XVIII. Docuimus quidem Scholæ Reformatæ Doctores agnoscere ad conversionem, ex lege ordinaria, antecedanea esse externa quædam opera, quæ per arbitrii vires fieri possunt; qualia sunt verbum Dei legere, vel audire, & saltem corporis aures illi præbere, sed tamen nolunt ista esse conditionem ex qua donatio gratiæ suspendatur; sed medium per quod Dei providentia procurat, ut ad communionem gratiæ adducantur, illi quibus Deus absolute decrevit eam dare.

XIX. Itaque quod Theologi Confessionis Augustinæ affirmant, facienti per vires naturæ quod in se est, Deum nunquam negare gratiam, pernegant Doctores Scholæ Reformatæ: quia ex eorum sensu, homo sibi relictus, & per solas naturæ vires, nihil unquam facere potest, quo Deus moveatur, ut uni potius quam alteri, gratiam suam largiatur: etsi Deus illam negaturus non esset homini facienti quod creaturam rationalem decet, & quod est sui officii, secundum quemlibet statum in quo, secundum divinæ providentiæ ordinem, constitutus reperitur. Nempe propter summam ex peccato ortam depravationem, & vitiosos habitus, quibus prorsus occupantur mens, & voluntas ejus, quicquid extra gratiam agit homo, male agit, nec in quocunque statu officio suo fungi potest, nisi Deo per gratiam suam auxiliante.

XX. Ex supra dictis autem obiter hic notandum, in doctrina Theologorum Confessionis Augustinæ, quædam videri non satis coherere. Nam in libro Concordiæ, in quo communi consensu doctrinam suam declarant & exponunt, mirum in modum exaggerant gratiæ necessitatem, & liberi hominum arbitrii impotentiam ad omne bonum salutare. Siquidem affirmant post lapsum nullas vires relictas in homine superesse, quibus se ad gratiam præparare, applicare, accommodare & vertere quoquo modo possit; aut ad conversionem suam quicquam, vel ex minima parte, agere & conferre. Adeoque dicunt omnes illos qui scintillulam aliquam, & desiderium gratiæ divinæ & æternæ salutis in cordibus suis sentiunt, certos esse posse, quod ipse Deus initium illud veræ pietatis tanquam flammulam in cordibus ipsorum accenderit. Et simul tamen vidimus illos docere, quod homo possit propriis viribus oblatam sibi gratiam admittere, vel respicere; & ea facere quibus Deus, ex lege ab ipso posita, gratiam suam non denegat: & sine quibus illam concedere non solet. Nam propriis viribus gratiam admittere & ejus efficaciam, cum oppositum sit in tua potestate, nonne est propriis viribus aliquo modo ad gratiam se vertere & accommodare? Et ea facere quibus gratiam per quam convertimur Deus nunquam denegat, annon est aliquid ad conversionem suam saltem ex minima parte conferre?

XXI. Quin ostendimus illos inter actus naturales qui sunt in manu hominum positi, numerare studium discendæ & cognoscendæ veritatis, aliquam de propria salute sollicitudinem, & curam de mediis ad illam: Quomodo autem istud conciliari potest, cum eo quod ex libro Concordiæ jam repetivimus, omnes illos qui sentiunt in cordibus suis desiderium aliquod gratiæ divinæ, & æternæ salutis, certos esse posse quod Deus scintillam ipsam in cordibus ipsorum accenderit?

XXII. Præsertim verò aliàs à nobis ostensum est, Augustinæ Confessionis Theologos in Apologia pro ista Confessione docere, quod homo extra gratiam, etiam dum facit externa præceptorum legis opera, semper peccat; nec quicquam facit quod verum & apud Deum bonum sit. Cum quo non satis concordat quod ex alia parte docent, Deum facienti quod in se est per naturæ vires, non deesse, & de mediis ad salutem necessariis providere. Cum enim, ipsis fatentibus, homo per naturæ vires, & extra gratiam, nullum bonum opus faciat; & quicquid agat, semper in Deum peccet, num dicendum erit Deum homini ea facienti, per quæ in Deum peccat, non deesse, & gratiam suam ex certa lege dare?

XXIII. Præterea ex iis quæ in priori harum Thesium parte fusius deduximus, constare potest nullam in hac questione esse controversiam inter Doctores Scholæ Reformatæ, & Jansenium ejusque Discipulos. Siquidem Jansenius cum Reformatis agnoscat hominem suis viribus nihil proferre posse, quo ad gratiam bene operandi præparetur. Idque quoniam homo per solas naturæ vires nequidem moraliter bene agere potest; sed quicquid sine Dei gratia operatur veri nominis peccatum est: ac proinde aliquid quod damnationis meritum in se habet, tantum abest ut possit gratiam divinam mereri, aut existimare quendam ad illam ordinem habere. Itaque planè falsum esse quod multi in Scholis sentiunt, homini facienti quod in se est per vires naturæ Deum, ex stabili lege, gratiam suam largiri; quandoquidem homo ex se & per naturam nihil potest, nisi fortè minus peccare: sed clarum est ex Scriptura, & experientia, gratiam Dei non semper donari minus peccantibus.

XXIV. Inde

XXIV. Inde quoque manifestum est, quod præcisè hanc quæstionem spectat, nullam Reformatis esse controversiam cum Thomistis recentioribus, ut *Cælielmo Estio*, & *Didaco Alvaræ*. Quamquam enim, cum longè maxima Scholæ Romanæ parte, doceant quædam moraliter bona ab homine in statu peccati fieri posse sine speciali gratiæ divinæ auxilio, nihilominus accuratè docent & acriter defendunt, ut pluribus à nobis ante probatum fuit, nullam in homine dari dispositionem seu præparationem proximam vel remotam, aut bonum quodcunque cujus intuitu primam gratiam à Deo obtineat, aut quod ordinem aliquem ad illam consequendam habeat: adeoque vulgare Scholarum axioma, *Facienti quod in se est, Deus non denegat*, & *gratiam ei largitur*, exponendum esse non de eo qui facit quod in se est per naturæ vires, sed de eo qui facit quod est in ipsius potestate, cum adjutorio gratiæ Dei ipsam moventis.

XXV. Imo excitationem internam ejus qui vocatur, non pendere ab ullo ejus conatu, sive industria, ex solis naturæ viribus procedente, etiam ut ab aliqua conditione sine qua non. Ac quod aliquis accedit, verbi causa, ad audiendum verbum Evangelii, animo intendendi iis quæ dicuntur, & veritatem cognoscendi & suscipiendi, non esse à nobis, ex nobis, sed ex auxilio cujusdam præoperantis gratiæ. Denique propter eleemosynas, & alia opera moraliter bona, facta in peccato mortali, Deum non conferre uni magis quam alteri auxilium gratiæ, secundum legem ordinariam, vel citius adjuvare illum.

XXVI. Quin patet ex iis quæ Theſibus superioribus à nobis relata sunt, in sententiam eandem concedere celeberrimos quosdam ex Jesuitis, nempe *Bellarminum*, & *Vasquez*. Quorum utrumque docere ostendimus, hominem lapsum ex se nihil agere posse, cujus causa Deus illi gratiam dare dicatur. Nec ullam causam, ullum initium, ullam occasionem, ex parte hominis excogitari posse, ob quam Deus huic, potius quam illi gratiam in tempore donet, aut donare præſinerit; adeo ut tota ejus rei ratio pendeat ex beneplacito divinæ voluntatis, minime verò ab ulla conditione ex parte hominis. Ac proinde quod dicitur, *Facienti quod in se est Deus non denegat gratiam*, intelligendum esse de eo qui facit quod in se est cooperando gratiæ Dei à qua movetur. Quoniam illi qui facit quod in se est viribus naturæ non debetur gratia, sed pena: quia pro uno aut altero bono morali quod fortasse faciet plurima peccata mortalia sine dubitatione committet. Et sic ne cum his quidem hac in parte restat ulla controversia Theologis Scholæ Reformatæ.

XXVII. Sed ex Theſibus iisdem planè liquet ante Synodum Tridentinam, in Schola Romana celebrem, & quamplurimorum calculo probatam fuisse sententiam, quæ ita-ruit hominem posse naturæ viribus, & sine speciali aliquo Dei auxilio, se proximè præparare & disponere ad gratiam, non solum actualem atque prævenientem, sed etiam habitualement, atque justificantem, eamque, si non de condigno, saltem de congruo mereri. Idque ea præstando ad quæ lex Moralis obligat, & quod ejus caput & summa est, super omnia Deum diligendo. Item, post legem violatam, propter Deum offensum, ex ejus amore dolendo, & certum propositum à peccato deinceps cavendi suscipiendo.

XXVIII. Hanc sententiam ostendimus tenuisse maximi nominis in Schola Romana viros, *Joannem Scotum*, *Durandum*, *Gabrielem Biel*, *Almainum*, *Alfissiodorenses*, *Thomam Argentinensem*, Cardinalem *Cajetanum*, & complures allos. Eamque ipso Concilii Tridentini tempore communiter secutos fuisse Franciscanos, propter sui *Joannis Scoti* auctoritatem. Adeoque etiam post Concilii Tridentini in hac materia determinationes, eam de novo cum plausu publicatam fuisse, & *Alfonsum à Castro*, Doctorem ex isto Ordine, superiori sæculo illam tam vehementer & acriter propugnasse, ut oppositam sententiam hæreseos fuerit insinulare ausus.

XXIX. Nec minus patet ex iis quæ fuerunt hisce Theſibus exposita, Protestantes omnes ab hac sententia maximè abhorre, eamque communi calculo damnare, tanquam apertè contrariam Evangelicæ doctrinæ de gratuita salute & justificatione nobis per Christum parta, quam Apostolos toties inculcat, & tam sedulo urget contra ejus adversarios. Quin hic est error præcipuus, quem Protestantes ob oculos habuerunt, quum circa superioris sæculi initia, tanto cum ardore quæsti sunt doctrinam de gratuita nostra justificatione in Schola Romana corruptam & depravatam fuisse.

XXX. Istud præsertim videre est in ipsa Confessione Augustana. Quod enim maxime urget, & opponit doctrinæ quam in adversæ partis Doctoribus impugnat, illud est, quod homo non possit propriis operibus, aut meritis justificari. Nam Articulo quarto testatur Protestantium Ecclesias magno consensu docere, *Quod homines non possint justificari coram Deo propriis viribus, meritis aut operibus, sed gratis justificentur propter Christum*

Christum per fidem, quum credunt se in gratiam recipi, & peccata remitti propter Christum, qui sua morte, pro nostris peccatis satisfecit. Et Articulo quinto repetit hanc esse Evangelii doctrinam, Quod Deus non propter nostra merita, sed propter Christum justificat, hoc qui credunt, se propter Christum in gratiam recipi. Ac denique in fine Articuli cum Anabaptistis qui externum verbi ministerium rejciunt, damnat eos qui sentiant Spiritum Sanctum hominibus contingere per ipsorum preparationes & opera.

XXXI. Rursus verò Articulo sexto inculcat bona opera à Deo mandata, esse facienda, propter voluntatem Dei, Non ut confidamus per ea opera justificationem coram Deo mereri. Et Articulo vigesimo scopum suum in hoc negotio exponens, Principio, inquit, nostri admonuerunt Ecclesias, quod opera non possint reconciliare Deum, aut mereri remissionem peccatorum, & gratiam, & justificationem, sed hanc tantum fide consequimur, credentes quod propter Christum recipiamur in gratiam, qui solus positus est Mediator & propitiatorum, per quem reconciliatur Pater. Itaque qui confidit operibus se mereri gratiam, est assernatur Christi meritum & gratiam, & querit sine Christo humanis viribus viam ad Deum; cum Christus de se dixerit, Ego sum via, veritas, & vita. Et postea, ut clarius mentem suam aperiant, illam exprimunt & confirmant ipsis Ambrosii verbis, Vilefecit redemptio sanguinis Christi, nec misericordie Dei humanorum operum prerogativa succumberet, si justificatione quæ fit per gratiam meritis præcedentibus deberetur, ut non munus largientis, sed merces esset operantis.

XXXII. Idem quoque manifestum est ex Apologia Protellantium Confessione Augustinæ subjuncta. Nam capite de Justificatione, loquentes de iis quæ adversarii in Confessione ipsorum damnabant, his verbis incipiunt; In quarto, quinto, & sexto articulo, & infra in articulo vigesimo damnant nos, quod docemus, homines non propter sua merita, sed gratis propter Christum consequi remissionem peccatorum fide in Christum. Et in sequentibus exponentes quæ in re Scholastici, quibus se opponunt, præcipue errant, dicunt illos fingere, Quod ratio sine Spiritu Sancto possit diligere Deum super omnia. Et subiungunt, Ad hunc modum docent homines mereri remissionem peccatorum, faciundo quod in se est, hoc est, si ratio dolens de peccato eliciat actum dilectionis Dei, aut bonæ operatur propter Deum.

XXXIII. Et postea hanc doctrinam Scholasticorum refutantes, Si mereamur, inquit, remissionem peccatorum his nostris actibus elicitis, quid præstat Christus? si justificari possumus per rationem & opera rationis, quorsum opus est Christo, aut regeneratione? Deinde refutata distinctione meriti de condigno, & meriti de congruo, in hoc incumbunt, ut probent falsum esse quod ratio propriis viribus possit Deum super omnia diligere, & legem Dei facere, & quod non peccant homines facientes præcepta sine gratia. Unde concludunt per ejusmodi opera nos non posse consequi justificationem & remissionem peccatorum.

XXXIV. Præsertim verò quid præcipue spectarent Protestantes, dum negarent hominem operibus suis justificari, & cui errori sententiam suam hac in parte opponerent, clarum est ex ejusdem Apologiæ verbis, dum respondet loco Pauli, Factores legis justificabuntur; & Jacobo dicenti, Hominem justificari ex operibus, & non ex fide tantum. Summa est nec Paulum, nec Jacobum docere, nos per nostra opera renasci, & opera nostra esse propitiationem pro peccatis nostris. Et apud utrumque Apostolum justificari non significare ex impio iustum effici, sed usu forensi iustum pronuciari: & Jacobum agere de operibus quæ fides efficit, non quæ fidem præcedunt. Adeoque sensum Pauli & Jacobi simpliciter esse illos iustos pronuciari qui habent fidem & bona opera, & faciunt quæ lex præcipit. Non tamen inde sequi opera nostra mereri remissionem peccatorum, opera nostra nos regenerare, & esse pro nobis propitiationem.

XXXV. Apologiæ verba sunt, Ita de Jacobi verbis sentimus, Justificatur homo non solum ex fide, sed etiam ex operibus, quia certe iusti pronunciantur homines habentes fidem & bona opera. Nam bona opera in Sanctis, ut diximus, sunt iustitiæ, & placent propter fidem. Nam hæc tantum opera prædicat Jacobus quæ fides efficit, sicut testatur quum de Abraham dicit, fides adprebat opera ejus. In hanc sententiam dicitur, Factores legis justificabuntur, hoc est, iusti pronunciantur qui corde credunt Deo, & deinde habent bonos fructus, qui placent propter fidem, ideoque sunt impletio legis. Hæc simpliciter ita dicta nihil habent vitii, sed depravantur ab adversariis, qui de suis affugunt impiis opinionibus. Non enim sequitur hinc opera mereri remissionem peccatorum, opera regenerare corda, opera esse propitiationem, opera placere sine propitiatore Christo, &c. horum nihil dicit Jacobus, &c.

XXXVI. Ex

XXXVI. Ex quibus omnibus apparet quæstionem primam atque originalem inter Protestantæ & Scholam Romanam, in justificationis negotio fuisse, An homo per opera naturæ viribus facta, possit se disponere ad gratiam justificantem, atque regenerantem, & illam ex congruo mereri: atque alias quæstiones, inter disputandum, ex hac prima fuisse ortas: Adeoque primum & præcipuum errorem, in materia justificationis, in quem insurgere ceperunt Protestantes, illum fuisse quem diximus, videlicet, quod homo per vires naturæ possit ad justificationis gratiam se præparare, & de congruo mereri remissionem peccatorum.

XXXVII. Fatendum est quidem, ut præcedentibus Theſibus monuimus, in decretis Synodi Tridentinæ reperiri quædam, quæ videntur hunc Scholæ vetustioris errorem corrigere. Nam anathema pronunciat in eos qui dixerint, sine prævenientis Spiritus Sancti inspiratione, atque ejus adjutorio, hominem credere, sperare, diligere, aut penitere posse sicut oportet, ut ei justificationis gratia conferatur. Et docet nihil eorum quæ justificationem præcedunt, live fidem, live opera, ipsam justificationis gratiam promereri. Sed hoc non obstat quominus, ante Synodum illam, in Schola Romana regnarit, & cum plausu excepta fuerit, opinio quæ statuit opera moralia naturæ viribus facta, hominem ad gratiam justificantem proximè disponere, & illam saltem de congruo mereri; quod docuisse ostendimus viros in ea Schola celeberrimos, & qui maximum numerum Sæctatorum habuerunt; nullo modo repugnantibus, aut improbantibus illis qui tum Ecclesiæ Romanæ præerant.

XXXVIII. Ex quanquam post tempora Concilii Tridentini, hæc doctrina communiter, saltem quoad loquendi modum ut vidimus, rejecta fuerit, & à paucis, ita crudè & apertè, retenta atque propoſita; multi tamen, ut etiam supra à nobis probatum est, doctrinam istam verbis quidem emollierunt, sed rem ipsam, aut saltem quod in ea capitale est, semper retinuerunt. Nam *Dominicus à Soto, Franciscus à Viſſoria, Maleſior Canus*, & alii complures mentionem non fecerunt meriti de congruo, quod operibus naturæ conveniret, sed nihilominus dixerunt hominem per naturæ vires cum habere posse de peccatis dolorem, ac ut vocant attritionem, quæ cum Sacramento sola sufficiat ad obtinendam gratiam justificationis. Quod quid aliud est quam hominem posse per opera facta viribus naturæ ad gratiam justificantem proximè sese disponere, & sine prævenientis Spiritus inspiratione, penitere sicut oportet, ut ei justificationis gratia conferatur?

XXXIX. Ostendimus quoque plurimos Scholæ Romanæ Theologos, tam ante quam post Synodum Tridentinam, negare quidem hominem, per solas naturæ vires, posse ad justificantem gratiam se præparare proximè & sufficienter; sed in ea simul esse sententiam, quod possit naturæ viribus benè moraliter operando, ea impetrare & consequi auxilia, quibus opus habet, ut se proximè & immediatè ad eandem gratiam disponat. Quod est ad gratiam justificationis se præparare saltem remotè atque mediatè, & ea facere quibus Deum debeat, & bonitate illius dignum sit, prima salutaris gratiæ initia non denegare. Istud autem annon est illam de congruo mereri, secundum morem loquendi Scholarum? Ac quicquid de eo sit, & quomodocumque res illa exprimatur, semper propriis operibus homo salutarem gratiam consequitur; nec salus, & consequenter justificatio nostra planè gratuita est, prout illam Scripturæ prædicant: sed à præcedentibus quibusdam hominis operibus pendet, contra toties iterata Apostoli pronuntiata.

XL. Nec minus in eo peccant *Molina* & ejus sequaces, quamvis hæc planè tollant meriti vocem, & negent hominem per proprias vires ad gratiam se præparare, non tantum proximè, sed etiam remotè, ut ante docuimus. Etenim à nonnullis quidem verbis odiosis abſtinent, sed tamen rem eandem sub aliis terminis reponunt. Siquidem ostendimus illos, dum negant hominem propriis viribus posse gratiam mereri, aut ad illam quocumque modo se disponere: simul tamen docere quod homo possit per naturæ vires, & sine supernaturali aliquo Dei auxilio, quoad actus substantiam omnia illa præstare, per quæ, auxilio divino mediante, peccatores ad gratiam regenerationis & justificationis præparari & disponi solent: Evangelio scilicet, credere, & firmum ac certum assensum præbere omnibus illis quæ Deus in verbo suo revelavit, idque propter revelantis Dei veritatem & auctoritatem; Deum quoque super omnia diligere, & absolutum propositum habere illi placendi in omnibus; præterea de peccatis dolere, non tantum ex metu poenarum inferni, sed ex Dei dilectione, & divinæ bonitatis sensu; atque sic ut simul apud se constituent, deinceps peccata fugere, & abſtinere ab iis quæ cum Dei amore pugnant: ac denique spem aliquam veniæ concipere, & de misericordia divina confidere.

XLII. Per ista autem quis capiat hominem nequidem remotè disponi, ad consequendam à Deo gratiam & remissionem peccatorum suorum? Nam ad gratiam illam obtinendam non potest non esse dispositus qui se ad Deum convertit per actus fidei, spei, dilectionis, & poenitentiae in Evangelio præceptos, Scriptura sacra per os Petri dicente, *Panitemini & convertimini, ut deleantur peccata vestra.* Nec ulla unquam Scholæ subtilitas efficiet, ut communis ipsè Christianorum sensus non clarè videat, & certo iudicet, illum qui verbo Evangelii credit, promissis ejus confidit, supra omnia Deum amari, peccata detestatur, & absolutè ac certò sibi proponit, quæ Deo sunt placita facere, & omnem offensam illius fugere, revera esse ad Deum conversum, nec à Deo in eo statu quacunque de causa aversum censerì posse. Proinde si quis per naturæ vires potest actibus fidei, spei, contritionis, & amoris erga Deum in Evangelio præceptis quoad substantiam fungi, ut volunt *Molina*, & ejus Magistri atque Discipuli, nonne, velint nolint, inde consequens est, peccatorem posse naturæ viribus sese ad Deum convertere, seque ad justificationem ab eo consequendam immediatè præparare? quæ est ipsa *Gabrielis & Scoti* sententia, Apostolica doctrinæ de gratuita justificatione directè contraria, à qua tamen alieni esse videri volunt.

XLIII. Superioribus autem de hac questione Disputationibus satis præclusimus effugium *Moline* & eorum qui cum eo hac in parte sentiunt. Nempe ex eorum scriptis ostendimus, illos docere quidem actus sæpe jam enumeratos esse proximas dispositiones ad gratiam justificantem, & illam de congruo mereri, si fiant ex dono atque principio aliquo supernaturali, unde sumant proportionem cum fine supernaturali, qualis est salus & justificatio nobis per Christum parata: talium verò dispositionum rationem habere non posse, si fiant per naturales liberi arbitrii vires; quia in eo casu naturæ fines non transcendunt, nec possunt cum supernaturali fine commensurari.

XLIII. Simul autem fuit à nobis probatum, quod hæc dicunt fundamento ac ratione plane destituti. Et hoc quia actus credendi, sperandi, diligendi atque poenitendi, non præparant hominem ad consequendam à Deo remissionem peccatorum & spiritum sanctificantem, neque vix ejusmodi habent, ex eo quod ab homine fiant per auxilium-supernaturale; sed ex eo quod actibus illis Deus gratiam suam in Evangelio promissit: ac ultro & pro suo beneplacito declaravit, credentibus, poenitentibus, sperantibus & diligentibus se largiturum esse peccatorum veniam & spiritum sanctificantem, illosque tandem ad vitam æternam esse perducendos, licet actus illi ex sua natura proportionem cum tanta salute non habeant. Itaque verum est quidem actus illos, simpliciter & secundum substantiam suam consideratos, hominem ad salutem æternam non disponente: sed quod istud præstant, habent ex divina promissione, non ex eo quod fiant per auxilium supernaturale. Nec requiritur auxilium istud; ut actus illi qui alioqui possent naturaliter à Libero Arbitrio elici supernaturales evadant, & proportionem habeant cum fine supernaturali, sed ut homines possint edere actus illos qui naturæ corruptæ vires ex se superant, & per eos gratiam quam Deus illis promissit consequi.

XLIV. Rem autem ita se habere inde confirmavimus, quod Deus gratiam & salutem promissit, absque exceptione, omnibus illis qui credunt, sperant, diligunt, & poenitentiam agunt, prout ista facere verbo Dei jubentur: & ex consequenti, quod iidem actus, ea ratione præstiti, ex Dei instituto, ad salutem & gratiam præparant omnes illos in quibus reperiuntur. Non præcipit autem Deus ut credamus, speremus, & poenitentiam agamus, ex principio supernaturali, quod in potestate nostra non habemus, sed simpliciter, ut ista seriò & sincère præstemus. Quod ostendimus ipsum *Molinam* agnoscere, dum docet homines posse per naturæ vires, cum solo Dei concursu generali, si Evangelium ipsis congruenter proponatur, vitare peccatum incredulitatis: adeoque etiam peccatum impoenitentiae, & alia ejusdem generis, quibus Evangelica præcepta violantur. Unde manifestè sequitur, præcepta illa simpliciter obligare, ut faciamus quæ jubent, secundum substantiam actus: non verò ut illa faciamus per auxilium supernaturale: alioquin enim in præcepta peccaret, qui ista aliter faceret, & per solas vires Liberi Arbitrii. Et sic quicquid contra asserat *Molina*, evidens restat omnes illos qui actibus jam dictis funguntur, secundum substantiam actus, per illos ad obtinendam à Deo salutem disponi, quandoquidem faciunt illa quæ Deus jubet, & quibus salutem promissit, quomodo illa facere jubentur. Adeoque si homo potest per naturæ vires, actus illos elicere secundum substantiam, prout censet *Molina*, potest quoque per naturæ vires ad gratiam & salutem se præparare atque disponente.

XLV. Sed idem quoque potest ex *Moline* placitis alia ratione deduci. Quamvis enim

Molina

Molina & ejus Discipuli dicere polint actus credendi, sperandi, diligendi, poenitendi, quos supponunt elici posse per naturales vires liberi arbitrii, ad gratiam disponere, probavimus tamen eos actibus istis ea tribuere, ex quibus sequitur homines per ejusmodi actus ad salutarem gratiam disponi. Docent enim, ut pluribus à nobis ostensum est, quoties homo ex viribus suis naturalibus, aggredi voluerit opus aliquod ex iis quæ ad justificationem spectant, toties Deum illi præsto esse, ut illud exequatur, prout ad salutem oportet: idque non tantum quia sic divinam bonitatem decet, sed etiam quia certa lex ea de re, propter Christi meritum, à Deo constituta est. Adenque statuunt neminem exerere naturaliter actus fidei, spei, amoris atque poenitentiae, quoad eorum substantiam, quin impetret à Deo auxilia, per quæ actus illi supernaturales evadunt, ac proinde hominem ad justificationem immediate & proxime disponunt.

XLVI. Unde sequitur, contra quam protestatur *Molina*, actus istos naturaliter uti vult elicitos, remote saltem disponere ad justificationem, proxime verò ad gratiam quæ specialis auxilii in Scholis dici solet: quandoquidem illam à divina bonitate impetrant, idque infallibiliter, & ex certa ac stabili lege. Omnis enim conditio, qua mediante aliquid obtinemus infallibiliter, est ad eam rem quædam moralis dispositio. Immo indidem sequitur actus istos naturaliter elicitos, eandem gratiam de congruo mereri, secundum morem loquendi Scholarum. Meritum enim de congruo illud est cui aliquid non ex iustitia debetur, sed solum ex quadam bonitatis divinæ condescendia. Gratia autem de qua hic questio est, actibus ejusmodi, fatente *Molina*, datur, quia sic divinam bonitatem decet; & quod amplius est, ex stabili lege propter Christum posita. Ideoque ex ejus hypotheli gratiam istam de congruo merentur, licet illud dicere & affirmare non auit.

XLVII. Ex quibus omnibus apparet doctrinam Apostolicam de gratuita salute & justificatione, Christi sanguine nobis acquisita, in Ecclesia Romana plurimum corruptam & depravatam fuisse, non solum ante tempora Concilii Tridentini, sed etiam post istius Concilii promulgationem, ab iis qui Scholæ Veteris errorem aperte Pelagianum, quoad substantiam rei retinuerunt; licet variis modis illum interpollarint, & emollire conati sint.

XLVIII. Atque inde manifestum est, Protestantes qui superioris sæculi initio litem Ecclesiæ Romanæ moverunt, circa varios errores & abusus qui in ea regnabant, & palam obtinebant, non animo calumniandi, nec sine causa atque fundamento, Scholam Romanam accusasse quod Evangelicam doctrinam perverteret in negotio justificationis, humanis operibus & meritis ex parte tribuens illud Dei beneficium, quod gratiæ Christi per fidem veram vivamque acceptæ, unicè tribuendum erat. Si quidem quo tempore de eo queri coeperunt, in Schola Romana regnabat, & faventibus ac applaudentibus qui tum temporis Romanam Ecclesiam regebant, à plurimis & celeberrimis illius Doctoribus publice defendebatur sententia quæ ponit hominem operibus ante gratiam factis ipsam gratiam justificationis de congruo mereri, cumque propriis viribus posse Deum super omnia diligere, & ex Dei amore propter eum offensum de peccatis dolere, & absolutum propositum vitæ in melius mutandæ suscipere, per quæ ad justificationem ita disponderetur, ut propterea immediate & infallibiliter ea illi conferenda esset.

XLIX. Ac quanquam videatur Tridentina Synodus sententiam illam damnasse, neque amplius nudè & aperte, ut olim, in Ecclesia Romana proponatur, attamen istius Synodi decreta, sicut ex historia ejus manifestum est, iis verbis, & ea arte, de industria concepta sunt, ut multi errores illi sententiæ affines, atque ad eam proxime accedentes, facile possint sub eorum ambiguitate latere. Nam & qui docent hominem per opera naturæ viribus facta ad gratiam justificantem se posse disponere, non proxime, sed remote; aut etiam gratiam justificationis immediate consequi, verùm cum Sacramento, non sine Sacramento: tum maxime qui cum *Molina* negantes hominem operibus factis per naturæ vires ad gratiam vel proxime, vel remote se disponere; simul tamen affirmant actus fidei, spei, dilectionis & contritionis in Evangelio præceptos, quoad substantiam, per vires liberi arbitrii, sine speciali Dei auxilio elici posse, & hominem per tales actus naturaliter elicitos, gratiam salvificam ex certa lege consequi, omnes, inquam, illi Tridentina decreta in sensum suum non difficulter trahunt.

L. Nam exempli gratia, quod Concilium istud anathemate damnat omnes illos qui dixerint, *Sine præveniente Spiritus Sancti inspiratione, atque ejus adjutorio, hominem credere, sperare, diligere, aut poenitere posse sicut oportet, ut ei justificationis gratia conferatur*, *Molina* putat pro se, non contra se facere. Quali Concilii mens esset, hominem

sine Spiritus Sancti inspiratione, posse quidem credere, sperare, diligere, poenitere, & actus illos verbo Dei mandatos exercere, non tamen sicut oportet, ut ei iustificationis gratia conferatur: quoniam ad hoc actus illi per se non sufficiunt, nisi eleventur ad statum quandam supernaturalem auxilio Spiritus Sancti; quod auxilium, divina bonitate postulante, infallibiliter, & ex certa Dei lege impetrant.

LI. Quod autem Ecclesia Romana non improbat ista Tridentinorum Canonum interpretamenta, ex eo colligi potest, quod à Tridentini Synodi temporibus, Pontifices Romani, Bullis eo fine editis, multa damnaverunt atque improbaverunt, quæ ipsis erronea, vel suspecta videbantur in scriptoribus suæ communionis: nec tamen quicquam de illis quæ ex *Tappero*, *Melchioro Cano*, *Molina*, & pluribus aliis excerptimus, unquam vel levi censura notarunt; quamvis passim infinita similia occurrant.

LII. Adde quod librorum Censores, ex mandato Inquisitionis, in suæ Scholæ autoribus, quæ vel leyem erroris speciem habere judicant, summa cum cura atque vigilantia, quotidie delent, corrigunt, immutant, & conficiunt ac augent Indices, quos vocant Expurgatorios, in quibus sedulo annotant quæ in singulis libris aut expungenda esse, aut correctione egere existimant: ut quæ vel falsi aliquid contineant, vel saltem quod scandalum movere, & in sequiorem sensum trahi possit. Sic, exempli gratia, Index librorum expurgatorum impressus *Madridi* apud *Alphonsum Gomezium*, Anno 1584. ex *Ferò* in *Mattheum*, cap. 12. super illud, *Aut facite arborem bonam*, &c. deleri jubet ista, *Christus hic aperte pronuntiat nos ex natura nostra malas arbores esse*. Et ex libro cui titulus est, *Ordo Baptizandi, cum modo Visitandi*, *Venetis* edito 1576. hæc verba deleri jubentur, *Credis quod Dominus noster Iesus Christus pro nostra salute mortuus sit, & quod ex propriis meritis, vel alio modo nullus potest salvari, nisi in merito passionis ipsius?* Item ex Indice Bibliorum *Roberti Stephani* tanquam suspectæ deleri jubentur hæc propositiones; *Credendo in Christum remittuntur peccata. Fide accipitur Spiritus Sanctus. Fide purificantur corda. Non propter opera liberati sumus. Resipiscencia donum Dei.* Et ex *Notis* in *Ecclesiastem* deleri jubet sequentia, *Hæc propositio damnat opera hominis sine gratia.* Nec tamen in Indicibus illis, quicquam ex iis quæ à me, ex communionis Romanæ scriptoribus citata sunt, circa opera ad gratiam præparatoria & dispositoria, aut liberi arbitrii vires sine gratia, respectu actuum fidei, dilectionis, & contritionis, quoad eorum substantiam, ulla, quod sciam censura unquam notatum fuit, nequidem tanquam vel leviter suspectum.

LIV. Unde est quod Protestantæ post Concilium Tridentinum semper putant habere se iustam materiam querendi de Ecclesia Romana, quod Doctrinam Apostolicam de gratuita salute & iustificatione illibatam non servet, sed gravissimos Scholæ suæ ea de re errores in crustare quam tollere maluerit. Nec dubium cuiquam esse potest, utri potius hac in parte, favet Ecclesia Romana, an *Moline*, an ejus adversarii.

LV. Porro sicut lis litem, & quæstio quæstionem, ut plurimum ferere solet, ex hac prima & originaria, ut sic dicam, controversia de iustificatione, An scilicet homo possit ad eam pervenire, & illam à Deo consequi per opera facta naturæ viribus? quæ procul omni dubio realis est, & magni momenti, & cujus pars affirmans in Schola Romana tempore *Lutheri* publicè & communiter obtinebat, aliæ plurimæ quæstiones ortæ sunt, inter quas non paucae tandem ad logomachiam videntur reduci. Et Protestantium de iis sententia, proposita verbis nudis ac simplicibus, & à Scholarum tricis expedita, tam certa atque evidens est, ut veritatem illius agnoscant, saltem qui sunt in Schola Romana eruditiores, & moderatiores; ut alias à nobis ostensum est pluribus Disputationibus, in quibus, ut statim legentibus apparet, scopus noster fuit Protestantium doctrinam, in materia iustificationis, ab adversariorum calumniis vindicare, & probare veritatem ejus, si omni ambiguitate sublata proponatur, ita clara & perspicua esse, ut ipsi præcipui Scholæ Romanæ Doctores cogantur illi dare manus, sicut multis eorum testimoniis manifestum fecimus.



THESES THEOLOGICÆ:
DE
USU & EFFICACIA
SACRAMENTORUM
NOVI TESTAMENTI.

In quibus

Ecclesiæ & Scholæ ROMANÆ Doctrina exponitur.

THESIS I.

Catechismus Romanus, ex decreto Concilii Tridentini editus, varios usus & fines explicat propter quos Sacramenta à Deo instituta sunt. Primus est, ut humani ingenii imbecillitatem adjuvent. *Ut igitur, inquit, quæ oculis Dei virtute efficiuntur, facilius intelligere possemus, idem summus rerum omnium artifex sapientissimè fecit, ut eam ipsam virtutem, aliquibus signis, quæ sub sensum cadunt, pro sua in nos benignitate, declararet.* Nam, ut præclare à Sancto Chrysostomo dictum est, *Si homo corporis concretionem caruisset, nuda ipsa bona, neque ullis integumentis involuta ei oblata essent: quoniam verò anima corpori conjuncta est, omnino opus fuit, ut rerum quæ sentiuntur adminiculo, ad ea intelligenda uteretur.* Parte secunda, de Sacramentis in genere, num. 14.

II. Præterea Sacramenta in eum finem instituta docet, ut credendi tarditatem erigunt. Quia enim animus noster non faciliè commovetur ad ea quæ nobis promittuntur credenda, propterea Christum salvatorem nostrum, quum nobis peccatorum veniam, cœlestem gratiam, & Spiritus Sancti communicationem pollicitus est, quædam signa oculis & sensibus subjecta instituisse, quibus eum quasi pignoribus obligatum haberemus, atque ita fidelem in promissis futurum dubitare nunquam possemus.

III. Ex Catechismi quoque illius mente Sacramenta sunt Christianismi veræque Religionis symbola, & sanctæ societatis vincula. Nempe ad hoc instituta sunt, ut notæ quædam & symbola essent, quibus fideles inter noscerentur, cum præsertim nullus hominum coetus queat sive veræ, sive falsæ Religionis nomine, quasi unum corpus coagmentari, nisi aliquo vili bilium signorum foedere conjungantur. Utrumque igitur prætare novæ legis Sacramenta, quæ & Christianæ fidei cultores ab infidelibus distinguunt, & ipsos fideles sancto quodam vinculo inter se connectunt.

IV. Sacramenta etiam instituta censet Catechismus ille, ut sint testimonia nostræ fidei, ejusque certa declaratio. Ac præterea ut sint incitamenta fidei & charitatis. Quia Sacramentis fidem nostram in hominum conspectu profiteri, & notam facere videmur. Ac magnam deinde vim habent Sacramenta, non solum ad fidem in animis nostris excitandam & exercendam, sed etiam ad eam charitatem inflammandam, qua amare inter nos debemus, cum arctissimos non vinculo colligatos, & unius corporis membra effectos esse ex sacrorum mysteriorum communione recordamur.

V. Addit Catechismus idem Sacramenta à Christo data, ut sint humilitatis excitandæ instrumenta. Etenim Sacramenta humanæ mentis superbiæ edomare ac comprimere, nosque

nosque ad humilitatem exercere, dum sensibilibus elementis subijcere nos cogimur, ut Deo obtemperemus, à quo antea impiè defeccramus, ut mundi elementis serviremus.

VI. Denique Sacramenta instituta affirmat, ut illa tanquam remedia atque medicamenta ad animarum sanitatem, vel recuperandam, vel tuendam prælio essent. Virtutem enim, quæ ex passione Christi manat, hoc est, gratiam quam nobis in ara crucis meruit, per Sacramenta quasi per alveum quandam, in nos ipsos derivandam esse, aliter verò nemini ullam spem salutis reliquam esse posse. Ideoque clementissimum Dominum Sacramenta verbo suo & promissione sancita relinquere in Ecclesia voluisse; per quæ passionis suæ fructum nobis re ipsa communicari, sine dubitatione crederemus: si modo unusquisque nostrum ad se eam curationem piè & religiosè admoveret.

VII. Et hic est præcipuus Sacramentorum usus, secundum Doctores Ecclesiæ Romanæ, ut monet *Gul. Estius* in lib. 4. Sentent. Dist. 1. num. 2. Postquam enim inter alia, Sacramenta instituta dixit, ut iis tanquam peccatorum nostrorum remediis, infirmitatis nostræ subsidii, & sanctificationis nostræ instrumentis per Christi passionem efficacibus uteremur, subiungit, *Quæ sanè præcipua est institutio Sacramentorum novæ legis causa, eisque propria, Etque significatus hic Sacramentorum usus, per hoc quod Samaritanus Evangelicus vulneribus hominis semivivi curandis vinum & oleum infudisse legitur.*

VIII. Est igitur Scholæ Romanæ doctrina Sacramenta esse signa efficacia, à Christo instituta, ut communicent eam gratiam quam significant. Proinde non solum dicunt Sacramenta esse gratiæ Christi signa, sed etiam illius causas; non principales quidem, verò instrumentales: ut videre est apud *Martinum Becanum* Jesuitam, cujus hæc est conclusio; *Licet Sacramenta novæ legis non sint causæ principales gratiæ, sunt tamen instrumentales.* In Summa Theol. tom. 6. cap. 3. de Sacramentis in communi, quæst. 1. Observat autem Sacramenta posse duobus modis intelligi conferre gratiam, & esse ejus causas. Primo quidem immediatè; secundo mediante fide quam excitent, & quæ ipsa postea gratiam impetret. Posteriore sensum adversariis suis tribuit, sed priorem asserit esse Catholicorum; qui fidem requirunt quidem, tanquam præviam dispositionem in eo qui Sacramentum suscipit, sed pertendunt Sacramentum ipsum gratiam conferre proximè & immediatè. Et eodem modo *Bellarminus* pluribus probare conatur Sacramenta esse veras causas instrumentales gratiæ, quæ illam immediatè & proximè conferant, & aliter quam excitando fidem ad concionis modum. *Lib. 2. de Sacramentis in genere cap. 3.*

IX. Atque hæc doctrina habetur tanquam de fide in Ecclesia Romana, ut quæ sit in Concilio Tridentino definita. Nam hujus Concilii sessione septima, Canon sextus anathema pronunciat in eum qui dixerit, *Sacramenta novæ legis non continere gratiam quam significant, aut gratiam ipsam non ponentibus obicem conferre.* Et Canone septimo, in eum qui dixerit, *non dari gratiam per hujusmodi Sacramenta semper omnibus, quantum est ex parte Dei, etiamsi ritè ea suscipiant.*

X. Sed ut conveniant inter se Scholæ Romanæ Theologi, Sacramenta novæ legis esse gratiæ causas instrumentales, quæ illam immediatè & proximè conferant; vehementer tamen inter se disputant, quales, & cujus generis causæ sint, & qua ratione gratiam efficere & producere dicantur; nempe, An gratiæ sint causæ Physicæ, an verò Morales duntaxat?

XI. Causam Physicam vocant illam quæ propriè & immediatè influit in effectum, sive quæ est principium immediatum eliciens actionem per quam res aliqua produciatur. Causa verò Moralis efficiens illis est, quæ movet causam Physicam ad operandum, non tamen eo modo quo finis movet, sed per antecedentem suam existentiam: ita videlicet, ut causa Physica dicatur operari, vel efficere aliquid intuitu alterius, non ut sit alterum istud, quo casu finis rationem haberet, sed quia est, & præexistit. Illud ergo quod jam existens causam Physicam, quæ illud inruetur, ad operandum movet, causa efficiens Moralis vocatur.

XII. Quæ causa Moralis, non minus quam Physica, rursus dividitur in causam principalem & instrumentalem. Ad causam Moralem principalem pertinent, qui rem præcipiunt, aut consulunt, sive ad eam hortantur & incitant. Ad instrumentalem autem publica scripta quibus homines coguntur ad servandam fidem, aut etiam pretia quibus aliqui ex servitute redimuntur, & multa istis similia, qualia sunt omnia signa ad quæ aliquid ex pacto & conventionem certa fieri solet. Quibus positis quaerunt Doctores Scholastici, An Sacramenta Novæ legis sint solum causæ Morales instrumentariæ in

pro-

productione gratiæ, An verò etiam Physicæ? ut videre est apud Becanum, capitulo tertio jam citato, questione octava.

XIII. Eandem verò questionem simplicius & clarius proponit Gual. Estius: Cum sit, inquit, apud Theologos orthodoxos indubitatum Sacramenta novæ legis gratiam quam significant præstare sive conferre, atque cum aliquo modo causare in genere causæ efficientis: non parum tamen inter eos controversatur de modo causandi. Possit autem ea opinionum diversitas ad duos generales modos revocari. Nam alii volunt Sacramenta esse propriè dicta instrumenta Dei, tanquam principalis causæ, ad gratiam producendam: & proinde virtutem aliquam iis tribuunt, qualis instrumentali causæ convenit, quatenus movetur ab agente principali. Alii verò neque propriè dictam, id est, Physicam instrumenti rationem in Sacramentis agnoscunt, neque virtutem aliquam creatam eis inesse putant, qua gratiæ effectum operentur: sed dicunt hactenus tantum Sacramenta esse efficacia gratiæ signa, quia divina virtus Sacramentis ad producendum gratiæ effectum certò & infallibiliter ex Christi promissione assistit: ut videlicet, habeant rationem causæ sine qua non, vel potius causæ instrumentalis generaliter dictæ, instrumentum morale vocant. In lib. 4. Sentent. Distinct. 1. num. 5.

XIV. Porro videri possent ista non satis inter se congruere, nempe, ex unanimi Scholæ Romanæ Doctorum consensu, Sacramenta Novæ legis gratiam proximè & immediate conferre atque efficere: & tamen multos eorum asserere, quod eadem Sacramenta non habeant verum & proprium in eandem gratiam influxum, nec sint principium immediatè eliciens actionem per quam producitur. Sed tamen, ex eorum mente, ista inter se non pugnant. Quum enim dicunt Sacramenta gratiam immediatè & proximè conferre, istud non sibi volunt Sacramenta esse immediatum gratiæ principium, quod illam virtutem quadam ipsi inexistente producat, sed hoc tantum, posita actione Sacramentali, gratiam in subiecto ritè disposito immediatè & proximè produci, per vim quandam divinam, quæ Sacramentis perpetuò assistit, & gratiam, nisi obex ex parte subiecti ponatur, infallibiliter & statim efficit: non verò solum mediante fide suscipientis, qua gratia ista impetretur.

XV. Cæterum in Schola Romana plurimi efficaciam omnem Physicam Sacramentis negant, nec aliam quam moralem tribuunt: adeoque ex eorum mente signum Sacramentale per se productionem gratiæ non attingit: sed solum ad ejus præsentiam, Deus per se & immediatè, secundum pactum & promissionem suam, gratiam in Sacramento significatam operatur.

XVI. Hanc sententiam inter recentiores tenet Gabriel Vasquez in 1. 2. Tom. 2. Disp. 184. cap. 3. num. 2. Ubi testatur sibi nunquam placuisse opinionem eorum qui existimant Sacramentis Novæ legis tribuendam esse rationem instrumenti Physici, idque multum referre. Nam, inquit, præterquam quod ego existimo impossibile esse hoc genus instrumenti ita voluntariè assumpti, & probabilioris censeo eorum opinionem, qui dicunt Sacramenta novæ legis, ut moralia tantum instrumenta, gratiam operari: parum refert ad animarum salutem, & ad excellentiam Sacramentorum uno, aut alio modo esse causi instrumentarias gratiæ. Adde etiam quod satis superque videtur moralis ratio causæ, & instrumenti per modum solum impetrationis: ut dicantur gratiam continere & causare.

XVII. Gabrielem Vasquez sequitur more suo Becanus, cui probabilius est Sacramenta non esse Physica instrumenta gratiæ, sed tantum moralia. Cujus rei primum ipsi argumentum est, quod Baptismus qui fidè recipitur, postea, recedente fictione, confert gratiam: quod non potest facere, cum jam præteritus sit, per vim quandam Physicam, sed per solam efficientiam moralem: & tamen in tali casu habet veram rationem Sacramenti. Quo argumento alii ejusdem sententiæ Theologi, tanquam præcipuo communiter utuntur. Tom. 6. cap. 3. de Sacram. in communi. quest. 2. concl. 4.

XVIII. Idem sentit Melchior Canus, Relezione de Sacramentis, parte quarta, de Sacramentis causantibus gratiam. Nos, inquit, cum Florentino Concilio pronuntiamus, nostra Sacramenta & continere gratiam, & eam suscipientibus dignè conferre: continere, inquam, non ut causa naturalis continet suum effectum, sed ut causa moralis. Crimen significat continere dicitur captivi redemptionem, quoniam pecuniam continet: & Sacramenta que continent sanguinem Christi, continere dicuntur gratiam, & remissionem peccatorum: & sicut crimen pecuniam administrans redemptionem confert, ita Sacramentum confert gratiam pretii sanguinis applicans: Et hæc est illa Sacramentorum virtus, quæ adeo multorum ingenia torfit. Virtus enim redemptionis in marsupio est, in quo pretium redemptionis servatur, & virtus Sacramentorum sanguis Christi est, qui in Sacramentis adhibetur.

XIX. His assipulatur *Petrus à Sancto Joseph*, cujus hæc est Resolutio, *Sacramenta nove legis non produciunt gratiam Physicè, sed tantum moraliter*. Istud autem inde probat quod miracula non sunt multiplicanda sine necessitate: at nulla est necessitas ponendi in Sacramentis causalitatem Physicam, valde miraculosam respectu gratiæ: quia Sacramenta, cum Christi merita virtualiter contineant, possunt per modum causarum moralium gratiam tam certò conferre, quam si ad eam Physicè causandam elevarentur. *In Idea Theologiæ Sacramentalis, lib. 1. cap. 6. Resol. 2.*

XX. Denique *Gul. Estius* hanc opinionem non tantum judicat probabiliorē, li rationem consulamus, sed affirmat illam fuisse & esse inter Scholasticos Doctores communem sententiam; & citat *Dominicum à Soto* contententem eam esse ferè omnium Doctorum, etiam Neotericorum. *In lib. 4. Sem. Dist. 1. num. 5.*

XXI. Non desunt tamen in Schola Romana Doctores maxime celebres, qui Sacramentis Novi Testamenti tribuunt respectu gratiæ Physicam quandam efficientiam: & volunt Deum Sacramentis, ut instrumentis propriè dictis, uti ad gratiæ productionem: ita scilicet, ut ipsa Sacramenta, Deo movente, attingant productionem illam, instrumentaliter concurrente cum Deo, tanquam principali causa ejusdem gratiæ. Nec propterea omnem causalitatem moralem Sacramentis abrogant. Sed ad gratiam in homine producendam illa moraliter quoque concurrere fatentur. Verùm præterea volunt Sacramenta supra naturam elevari ad gratiam Physicè causandam. Istud monet *Becanus* in Summa Theologiæ Scholasticæ. Postquam enim hanc quæstam conclusionem posuit, *Sacramenta nove legis sunt cause morales productionis gratiæ*: subiungit, *Ita passim Theologi, non solum illi qui putant Sacramenta non habere altam causalitatem quam moralem; sed etiam alii qui docent habere efficientiam Physicam*. Tom. 6. cap. 3. de Sacram. in communi, Quæst. 2. Conclus. 4. Et similiter *Petrus à Sancto Joseph* loco proxime citato, monet omnes concedere, quod Sacramenta sunt cause morales gratiæ, quamvis nonnulli præterea causalitatem aliquam Physicam illis tribuant.

XXII. Porro inter eos qui volunt Sacramenta, non solum moraliter, sed Physicè quoque concurrere ad gratiæ productionem, est Cardinalis *Bellarminus*, qui postquam retulit sententiam eorum qui docent Sacramenta verè justificare, & tamen solum Deum producere gratiam ad præsentiam Sacramentorum, ita ut Sacramenta non sint cause Physicæ, nisi, sine quibus non fieret effectus, declarat se putare longè probabiliorē & tutiorē sententiam, quæ dat Sacramentis veram efficientiam: quod inter alia inde probat, quod alloqui non esset differentia inter modum agendi Sacramentorum, & signorum Maglicorum. Suam autem sententiam explicat subiungendo, *Quod Sacramenta sint cause efficientes etiam Physicæ, sed instrumentales, virtus autem divini indita non sit aliqua nova qualitas inherens spirituali, vel corporali, sed sit solum motus, sive usus Dei*. Per hoc enim, Inquit, quod Deus utitur hac actione Sacramentali ad gratiam producendam, elevat eam, & facit eam attingere effectum supernaturalem, quem non possit attingere, si à quocunque alio moveretur. Lib. 2. de Sacram. in genere, cap. 11. paragr. Secundo posset. Eandem verò sententiam tribuit *Becanus Cajetano*, *Andræ Vega*, & *Suarezio*. *De Sacram. in commun. cap. 3. quæst. 3.*

XXIII. Cæterùm Tridentina Synodus, non solum definivit Sacramenta gratiam conferre, & gratiam per Sacramenta dari, sed præterea gratiam per Sacramenta conferri ex opere operato. Hic enim est Canon octavus Sessionis septimæ: *Si quis dixerit, per ipsa nova legis Sacramenta ex opere operato non conferri gratiam, sed solum fidem divinæ promissionis ad gratiam consequendam sufficere, anathema sit*.

XXIV. Porro Doctores Ecclesiæ Romanæ sedulo monent quis sit verus; & quis sit falsus horum verborum sensus, & queruntur Protestantibus perperam verba illa interpretari. Primum ergo observant, per opus operatum non intelligi opus meritum, seu dignitatem operis vel ex parte Ministris, vel ex parte recipientis: ac proinde Sacramenta non dici gratiam conferre ex opere operato, quoniam gratiam conferunt ex dignitate & merito operis, quod exercet, vel is qui celebrat, vel is qui suscipit.

XXV. Secundo notant falsum esse quod conferre gratiam ex opere operato, sit conferre gratiam peccatori sine fide, & bono motu cordis ejusdem peccatoris: ut vis operis operati sit excogitata ad excludendam fidem, & poenitentiam internam in negotio justificationis. In adultis enim qui Sacramenta suscipiunt requiri fidem & poenitentiam tanquam prævias dispositiones, sine quibus Sacramentum effectum suum non habet. Quæ duo monet *Bellarminus* lib. 2. de Sacramentis in genere, qui est de Effectu Sacramentorum cap. 1. & *Becanus* in Summa Theol. Scholasti. tom. 6. cap. 3.

XXVI. Estius verò in Distinctionem primam libri quarti Sententiarum observat primo quoniam

quum Sacramenta dicuntur gratiam ex opere operato conferre, per eam phrasin non significari, quod Sacramenta ex natura & conditione operis, seclusa divina institutione, effectum aliquem spirituales producant. *Nisi enim, inquit, divinitus ad talem effectum instituta atque ordinata essent, nihil tale valerent, nibilo magis quam alie qualibet externe actiones. Imo seclusa divina institutione, superstitiosum foret ab ejusmodi actionibus supernaturali aliquem effectum infallibiliter expectare.*

XXVII. Deinde monet non ita valere, ex divina institutione Sacramenta, ut in suscipiente nullam preparationem, nullum bonum cordis motum requirant; quod dicit hæreticos Catholicis falso asserere, occasione quorundam verborum *Gabrielis Biel* male intellectorum. Et addit constantem esse omnium Scholasticorum doctrinam, Sacramenta non esse iis impendenda qui nolunt à peccatis recedere, aut infidelitatem desereret. Unde manifestum est, juxta Scholasticorum Doctrinam, in suscipiente requiri motum fidei & poenitentiae; parvulis interim exceptis, pro quibus utrumque supplet fides & pietas matris Ecclesiae.

XXVIII. Tertiò nec istud ea phrasi significatum dicit, Sacramentis inherere, vel inesse virtutem aliquam creatam, qua effectum mysticum operentur. Id enim ista phrasi non significari, ex eo clarum esse, quod tam illi qui eam virtutem non agnoscunt, quam qui eam statuunt, communiter hanc locutionis formam amplectuntur. Quibus addere possumus, secundum mentem Ecclesiae Romanae, Sacramenta non dici conferre gratiam ex opere operato, quod sint ejus causae Physicae, quomodocunque illa causalitas Physica explicetur. Quandoquidem omnes ejus Ecclesiae Doctores, post Concilium Tridentinum admittunt Sacramenta gratiam conferre ex opere operato, atque istud habent pro fidei dogmate: & tamen eorum plerique asserunt Sacramenta esse gratiae causas morales tantum, & Physicam omnem efficientiam iis prorsus denegant.

XXIX. Igitur juxta mentem Ecclesiae Romanae, Sacramenta novae legis dicuntur ex opere operato valere, & gratiam conferre, quia gratia confertur eo ipso quod tale opus sit, non quidem in quantum naturalis quaedam actio est, sed quatenus ad effectum gratiae divinam habet institutionem, atque infallibilem promissionem, licet promissio illa, cum sit conditionalis requiratur in adultis debitam preparationem. Quomodo locutionem istam exponit *Epistius*, loco supra citato.

XXX. Quod ut clarius evadat, notat *opus operatum* dici ad distinctionem operis operantis. Hoc autem duplex intelligi posse; alterum Ministri, alterum susipientis. Nec enim Sacramenta valere ex opere, id est, ex fide seu devotione Ministri: quemadmodum contra Donatistas multis locis docet *Augustinus*. Neque etiam ex opere susipientis. Quamvis enim in suscipiente, si rationis usum habeat, preparatio quaedam per fidem & poenitentiam necessaria sit, idque ex ipsa Sacramentorum institutione, non tamen inde Sacramenta suam vim & efficaciam mutuari, sed eam accipere ab eo à quo sunt instituta. Unde fit, ut si duo supponantur aequaliter per fidem & poenitentiam preparati ad suscipiendum, exempli gratia, Baptismum, quorum alter Baptismum suscipiat, alter non suscipiat, horum ille qui Sacramentum suscipit gratiam sit consecutus, quam nondum consequetur is qui Sacramentum non suscipit. Rursus si duos adultos constituas ad Baptismum preparados quidem, sed inaequaliter, aequalem quantum est ex parte Sacramenti, gratiam precepturi sint, si ambo baptizentur; tamen ille qui magis preparatus accedit, insuper aliquid amplius accepturus sit, juxta preparationis ac devotionis suae modum.

XXXI. Eodem redit expositio *Petri à Sancto Joseph*. Quum enim Sacramenta dicuntur gratiam conferre ex opere operato, per hoc significari dicit quod Sacramenta vim habeant conferendi gratiam, citra ullam dispositionem, aut meritum susipientis, vel administrantis. Quod ut intelligatur, notat primo gratiam duobus modis conferri posse. 1. Ex opere operantis. 2. Ex opere operato. *Gratia confertur, inquit, priori modo, quando tribuitur homini ratione cujusdam operationis bonae, & honeste promissae ab illo elicita est. Posteriori vero, dum non habetur ulla ratio meriti, vel dispositionis propriè susipientis Sacramentum, sed tantum operis externi quod illi applicatur, cujus vi datur gratia: & hoc modo dicimus Sacramenta novae legis conferre gratiam.* Secundo notat; *Hoc non ita debere intelligi, ut nulla dispositio requiratur ex parte susipientis; licet enim Sacramentum ex se, & absque ordine ad ullam dispositionem, habeat vim producendi gratiam, ut tamen eam actu producat, necesse est ut suscipiens non ponat obicem, & per aliquos actus, si adultus sit, ad eam recipiendam se disponat.* Unde jam in debita susceptione Sacramenti duplex confertur gratia, alia respondens dispositioni, alia ipsi Sacramento: cum in Sacramentis antiquae legis non conferretur ullus gradus gratiae ex opere operato,

sen vi ipsius Sacramenti; sed tantum ex opere operantis, sen juxta dispositionem suscipientis. In Idæa Theologiæ Sacramentalis, lib. 1. cap. 6.

XXXII. His quoque conformis est expositio Becani. *Catholici docent, inquit, nos duobus modis gratiam à Deo obtinere; primo ex opere operantis, ut quando obtinemus illam ex meritis bonorum operum, vel ratione propriæ dispositionis præcisæ, quatenus est ab operante. Secundo ex opere operato, ut quando ratione operis externi, sen Sacramenti applicati datur aliqua gratia ultra omne meritum operantis, ... Quum ergo asserimus in conclusione, Sacramenta nosse legis conferre gratiam ex opere operato; sensus est, conferre gratiam ex vi ipsius actionis Sacramentalis à Deo ad hoc institutæ, non ex merito agentis, vel suscipientis. In Summ. Theol. num. 6. cap. 3. conclus. 3.*

XXXIII. Ex quibus omnibus patet apud Doctores Ecclesiæ Romanæ Sacramenta dici conferre gratiam ex opere operato, non quod actio Sacramentalis ex natura sua, & seclusa Dei institutione, ad talem effectum vim aliquam habeat; aut etiam quod Sacramenti susceptio, seu administratio sit opus gratiæ divinæ meritorium: vel quod ad productionem gratiæ sufficiat in ipsis adultis sola Sacramenti susceptio, absque penitentia & fide suscipientis, vel denique quod opus Sacramentale ad modum instrumenti Physici & propriæ dicti gratiam efficiat: sed solum quia virtute institutionis divinæ, certa gratia datur infallibiliter iis qui ad Sacramentum ritè præparati accedunt, supra eam quam potest fides & devotio propria illis impetrare: sive Physicè, sive moraliter duntaxat Sacramenta censeantur ad productionem gratiæ concurrere. Quæ de re in utramque partem in Schola Romana opinari licet.

P A R S S E C U N D A :

In qua

Protestantium Doctrina exponitur, & cum Scholæ Romanæ Doctrina comparatur.

T H E S I S I.

QUI inter Protestantes Reformati dicuntur agnoscunt multiplicem esse Sacramentorum usum, eaque ob varios fines in Ecclesia fuisse à Deo instituta. Sunt enim publicæ testæ professionis nostræ, quibus fideles ab infidelibus dignoscuntur atque discernuntur. Sunt etiam mutua charitatis vincula, quibus fideles in unum corpus, & unum societatem atque communionem colligantur & coagmentantur. Secundum illud Pauli ad Corinthios scribentis, *In uno spiritu omnes nos in unum corpus baptizati sumus, sive Judei, sive Gentiles; sive servi, sive liberi; & omnes in uno spiritu potati sumus: 1 Cor. 12. 13.*

II. Præterea in eorum administratione atque susceptione consistit divini cultus externi pars memorabilis. Ac sicut olim milites Sacramento militari solenniter se suis ducibus obstrangebant, ita quoties Sacramenta à Christo instituta suscipimus, obsequium illi spondemus & vovemus, & felicitatis ac obedientiæ solenne quoddam, ut loquuntur, juramentum illi præstamus.

III. Sed ista non sunt unicuique, nec primarius Sacramentorum finis, secundum Scholæ Reformatæ Doctores. Volunt enim Sacramenta in hunc potissimum finem à Christo instituta esse, ut salutiferæ in Christo gratiæ promissiones fidelibus obstringent, eandemque gratiam suo modo illis offerant, exhibeant & conferant. Quæ gratia salutifera, tum in remissione peccatorum, tum in regeneratione, ac interna Spiritus renovatione præcipue consistit.

IV. Itaque Sacramenta nolunt esse signa nuda & vacua, quæ gratiam Christi solum theoreticè commemorarent, & animo præsentem sistant: sed signa practica & efficacia, quæ sunt cum rei ipsius exhibitione juncta. Unde est quod docent Sacramenta non esse solum gratiæ signa, sed etiam gratiæ organa atque instrumenta, per quæ Deus illam non tantum obsignat, sed nobis quoque offert atque exhibet.

V. Hæc est aperta Samuelis Maresii doctrina, Syllæmatis loco ultimo, qui est de Sacramentis, Aphorismo 22. *Finis Sacramentorum, inquit, non est tantum, ut sint publicæ testæ professionis nostræ, aut signa nonnisi Theoreticè commemorativa, aut vincula*
mutua

mutue charitatis, — sed ut sint instrumenta moralia, per quæ Deus, ut per Verbum suum, nobis gratiam suam offert ac exhibet, & obsignat fidelibus promissiones Evangelii. Sunt enim signa tantum commemorativa, vel discretiva, sed etiam gratiæ divine obsignativa, ac suo modo exhibitiva rei significatæ; prout clavium traditione quis mittitur in ædium possessionem, & olim Episcopi per anulum & baculum investituram suam consequantur.

VI. Concivis Windelinus Sacramentorum formam constituens in rerum signatarum significatione, oblatione, & præbitione, qua revera spiritualiter præbetur id quod lignis figuratur, idque occulta Spiritus Sancti virtute: & docens primum finem Sacramenti esse invisibilis gratiæ Dei, & nostræ cum Christo conjunctionis significationem, exhibitionem, & oblationem visibilem. Unde est quod postea concedit, Sacramenta esse ordinaria organa conferendæ gratiæ. *Christianæ Theologia lib. 1. cap. 20. Thesi 9, & 10. & in fine Expositionis Theses 11.*

VII. Similiter Antonius Valens, postquam constituit Sacramenta signa non esse significantia tantum, ut trophæa erecta signa sunt obtentæ victoriæ, sed obsignantia, qualia sunt sigilla, & annuli dati in fidem conjugii: ulterius querit, annon sint etiam signa rei promissæ exhibitiva? & respondet his verbis; Nec id nos recto sensu negamus, modo non dicantur exhibere ex opere operato, aut tanquam vasa includere rem significatam: sed Spiritum Sanctum ex divina promissione efficere, in recto usu Sacramenti, quod promittis, non verò ipsa signa. In Locis communibus S. Theologiæ, titulo De Sacramentis.

VIII. Huc accedit Amicus in Bellarmino Enervato. Postquam enim introduxit Bellarminum colligentem, in locis ubi dicimus mundari & salvari lavacro aquæ, & per lavacrum, Sacramenta esse causas gratiæ instrumentales, respondet 1. Concedimus tantum, quia Sacramenta sunt moralia instrumenta: 2. Dicuntur Sacramenta illud efficere, quod Deus simul operatur, secundum eorum significationem, & oblationem. Tom. 3. lib. 1. cap. 3.

IX. Eadem est Doctrina Zanchii, qui ad questionem, quid sit Unio Sacramentalis? respondet verbis sequentibus, Est ordo quidam mysticus, à Dei institutione procedens, inter signa Sacramentalia & res Sacramentorum posuit, quo fit ut res cælestes & spirituales per signa terrea & corporata, significantur, offerantur, virtuteque Spiritus Sancti electis reipsa exhibeantur, inque eorum animis obsignentur. Tom. 4. lib. 1. in Cap. de cultu Dei externo.

X. Et hæc est quoque Calvinii ipsius sententia. Si qui sint, inquit, qui negent Sacramentis contineri gratiam quam figurant, illos improbamur. Quibus subjungit, Nos verò sicuti Monachale illud commentum repudiamus, aliter prodesse Sacramenta, quam per fidem: ita libenter cum signis ipsis conjungimus verum rei exhibitionem; ut nullus eorum extra fidem sit effectus: & tamen non inania sunt, nudæque gratiæ procul remote signa. In Antidoto Sessionis septimæ Concilii Tridentini, in Canonem 6. & in Canonem 7. admittit gratiam per Sacramenta dari, si quis cum legitima dispositione illa suscipiat. Quis enim, inquit, ritè ut deest accidentibus exhiberi dubitat, quam illic Deus promittit gratiam?

XI. Denique his consentit Reformatorum Gallica confessio. Credimus, inquit, adjuncta esse Verbo Sacramenta, amplioris confirmationis causa, nimirum ut sint gratiæ divine pignora & tessera, quibus infirmæ & rudi fidei nostræ subveniatur. Fatemur enim talia esse signa hæc exteriora, ut Deus per illa, Sancti sui Spiritus virtute operetur, nequicquam ibi frustra nobis significetur. Articulo 35. Et Articulo 38. Credimus, inquit, sicut antea dictum est, tam in Cæna, quam in Baptismo, Deum nobis reipsa, id est, verè & efficaciter donare quicquid ibi Sacramentaliter figurat; ac proinde cum figuris conjungimus veram possessionem & fruitionem ejus rei, quæ ibi nobis offertur. Quibus conformia tradit confessio Reformatorum in regno Poloniæ, Thorunii exhibita anno 1645. nam juxta ejus definitionem, Sacramenta sunt externa & in oculos incurremia signa, sigilla, & testimonia voluntatis divine, per verbum elemento additum à Deo ipso instituta, ad invisibilem gratiam, quæ verbo fœderis promittitur obsignandam, & mediantibus illis signis exhibendam.

XII. Hæc est ergo communis Reformatorum Doctrina, Sacramenta non esse inania gratiæ signa, quæ speculative solum cogitationem ejus in animum revocent, sed signa practica quæ illam obsignant, ejusque sunt arrhæ & pignora quædam; nec non organa atque instrumenta, quæ illam reapse conferunt & exhibent.

XIII. Cæterum quum dicunt promissiones gratiæ per Sacramenta obsignari, & Sacramenta esse promissionum divinarum sigilla, hoc sibi volunt, Dei promissiones Sacramentorum ope mentibus nostris fortius imprimi, & animos nostros altius penetrare; indeque augescere certitudinem fidei quam illis adhibemus, & nos illas majori cum fiducia amplecti.

amplecti. Quoniam illa quæ nobis per plures sensus ingeruntur acrius animum feriunt & commovent. Jam verò eadem Dei beneficia, quæ in divinis promissis verbis aures pulsantibus nobis significantur, in Sacramentorum administratione, visibilibus quibusdam signis atque figuris oculis nostris offeruntur; & etiam quasi manibus palpanda, & ore gustanda traduntur, per symbola sua, quæ sunt ore sumenda & manibus accipienda.

XIV. Itaque mens eorum non est Sacramenta majorem quandam certitudinem addere promissionibus divinis in se consideratis. Quod enim dicit Deus, qui est prima veritas, nullam aliunde majorem certitudinem accipere potest. Nec etiam putant Sacramenta, si distinguantur à promissionibus, & illis opponantur, quiddam habere nobis notius & certius, quam ipsas promissiones: Sed promissiones & Sacramenta simul animos nostros potentius ferire, quam promissiones solas à Sacramentis separatas; indeque fidem nostram, quæ semper nimis infirma est, fieri confirmationem.

XV. Non secus ac Deus foedus cum *Abrahamo* pangs, voluit *Abrahami* fidem confirmari juramento, quod promissionibus *Abrahamo* factis addidit: & etiam signo quodam visibili, dum sub ignis flammantis specie transiit per medias partes animalium, quæ Deo jubente, fuerant ab *Abrahamo* dissecta. Sicut mos tum erat eorum qui foedus inter se inibant, animalia media dissecare, & inter partes eorum divisas pettranlire. Unde nata phrasis Hebraica, qua *scindere fœdus* significat, foedus fancire atque contrahere. Nec tamen Dei verba magis in se firma sunt addito juramento, quam absque juramento. Nec Dei juramentum aliquid *Abrahamo* notius erat quam Dei promissio. Idem ille Deus visibiliter *Abrahamo* apparet, & eodem plane tempore, pollicebatur illi se Deum ejus fore, & postea feminis ex eo oriundi, & jubebat *Abrahamum* animalia media dissecare, ut foedus illud suum cum *Abrahamo* humano more confirmaret. Et sic *Abrahamus* utrumque, nempe Dei promissionem, & mandatum illius, ex eodem Dei verbo simul discebat. Nec symbolum illud visibile Dei pertransiens medias animalium partes habebat in se aliquid notius & certius, quam symbolum visibile Dei cum *Abrahamo* loquentis, & promissiones suas ad eum dirigentis.

XVI. Dicunt igitur Deum, quum instituit Sacramenta, hominum infirmitati sese accommodasse, & humano more cum illis egisse. Solent enim homines in contrahendis foederibus, promissiones suas signis quibusdam in oculos incurrentibus fancire. Veluti quum sponsus sponsæ fidem suam obstringens, dextram illi porrigit; & anulum indit illius digito; & Rex cerea sigilla diplomacibus suis apponi jubet. Deum ergo simili modo, ut homines suæ erga ipsos gratiæ certiores faceret, voluisse eam non solum verbis polliceri, sed etiam addere signa visibilia, quibus testatorem illam ipsis reddere.

XVII. Sed præterea observandum est, ex Reformatorum mente, Sacramenta non solum promissiones divinas confirmare, verum etiam illas fidelibus singulis applicare, & eis esse non tantum sigilla, quibus promissiones divini confirmantur, sed gratiæ quoque promissæ tesseras & pignora, quæ gratiam illam ad fidei singulos absolute & simpliciter pertinere testantur. Quod ut intelligatur, notandum est promissiones Evangelio factas & generales & conditionatas esse. Nimirum in genere pollicetur Evangelium peccatorum remissionem, & salutem æternam omnibus credentibus & respicientibus. Ideoque promissiones illæ omnibus indiscriminatim proponuntur & annunciantur. Sacramenta verò iis administrantur solum, & in eorum solum usum instituta sunt, qui fideles esse supponuntur, & implevisse conditionem illam, quam à nobis exigunt divini promissiones. Et idcirco si quis debet ad Sacramentum accedere, non solum illi gratia in Sacramento sub aliqua conditione offertur, sed absolute illi applicatur, ejusdemque gratiæ pignus & arrha ei in Sacramento traditur, tanquam rei quæ jure ad ipsum pertineat, impleta conditione, sub qua gratia ista omnibus in Verbo offertur. Et eo respiciunt Scholæ Reformatæ Doctores, dum dicunt, non solum gratiæ promissiones, sed gratiam ipsam fidelibus in Sacramentis assignari.

XVIII. Sed ut supra visum est, Sacramentis non tantum tribuunt, quod gratiam obligeant; verum etiam, quod illam præbeant, exhibeant & conferant, ejusque sint organa, & causæ instrumentales. Ad intelligendum autem quo sensu istud ab ipsis dicatur, notandum est illos in eo consentire, quod Sacramenta gratiæ non sint instrumenta physica, sed moralia duntaxat. Quod cum illis quos jam citavimus observat *Chemierus*, qui de Sacramentis agens, Cum iis, inquit, *sentimus qui genus illud Physicorum instrumentorum penitus respuunt, & moralia malimus*. Panstrat, tom. 4. lib. 2. cap. 2. num. 11. & post *Chemierum Nicolaus Arnoldus* in Academia Franckeratâ Theologie Professor, ad questionem illam, *An Sacramenta sint organa conferende gratiæ?* respondet,

respondet, *Si organa physica dicas, nego; si moralia concedo.* Adversus Ekkardus Fasciculum, cap. 18. quest. 3.

XIX. Quum negant autem Sacramenta instrumenta esse gratiæ Physica, id sibi volunt, Sacramenta gratiæ productionem & collationem per se non attingere, neque externam Ministris actionem, activè, verè, & proximè gratiam efficere, nec ullam inesse virtutem signis sacris per quam in animis fidelium agant; adeoque gratiam quæ in usu legitimo Sacramentorum percipitur, unicè referendam esse ad vim divinam quæ Sacramentis allinit, & per quam Spiritus Sanctus immediatè operatur id quod Sacramenta figurant & obsignant. Qua de re Chamierus capite jam citato, mentem suam sic explicat. *Sed enim in iis profitemur nomen nostrum, qui negant ullam esse ipsi Sacramentis, id est, signis vim inditam, sive inherentem, quæ vel in gratiam agat, vel in qualitatem nullam animæ: sive ornatum dicas, sive characterem, sive quicquam simile. Itaque asserentem vim divinam libenter agnoscimus.* Et postea citat & laudat Calvinum dicentem, Spiritus Sanctus, quem non omnibus promiscuè Sacramenta advehunt, sed quem Dominus peculiariter suis confert, is est, qui Dei gratiam secum offert; qui dat Sacramentis in nobis locum, qui efficit ut fructificent. *Quoniam autem Deum ipsum presentissimè Spiritus sui virtute, suæ institutioni adesse non inficiamur, nec infructuosus sit & inanis, quam ordinavi, Sacramentorum administratio, interiorem tamen Spiritus gratiam, ut ab externo ministerio distincta est, seorsum reputandam & cogitandam asserimus.* Præstat igitur verè Deus, quicquid signis promittit & figurat: nec effectum suo caret signa, ut verax & fidelis probetur eorum auctor. *Tantum hic queritur, propriè & intrinsecè, ut loquuntur virtute operetur Deus, an externis symbolis resignet suas vires? Nos verò contendimus, quæcumque adhibeat organa, primariè ejus operationi nihil decedere.* Ac propterea idem Chamierus in fine citati capitis, hunc controversiæ statum de Sacramentorum efficacia consiliuit: *Concessum utrinque Sacramenta esse efficacia: secundo, vim eorum esse instrumentalem: tertio, efficacia dici ratione gratiæ divinæ, quæ confertur recipientibus signa. Quare quæstio hæc supersedit duntaxat de modo efficaciæ. Sic enim instrumenta sunt, ut alia virtutem insitam habeant, alia minime. Quare ipso iudice queritur solum, Utrum Sacramenta sint in iis instrumentis quæ nullam insitam vim habent, an verò in aliis? Et tribuit Scholæ Romanæ Doctoribus, quod Sacramenta revocent ad hoc posterius Sacramentorum genus. Contra quod asserit Orthodoxam sententiam esse, quod Sacramenta pertinent ad ea instrumenta quæ nullam insitam vim habent. Quale erat ramus *Elizæ*, educendi securum ex aqua; virga *Mosis*, secundo mari rubro; & sceptrum *Affueri* admittendæ ad eum *Esteræ*.*

XX. Præterea enixè contendunt omnes Reformati, Sacramenta non conferre gratiam ex opere operato. Sed non videntur omnes illa verba eodem planè sensu sumere, & intelligere. Plerisque recentioribus gratiam conferre ex opere operato, idem est ac illam conferre Physicè, & per modum propriè sic dicti instrumenti, quod effectum, scilicet, immediatè & per se attingat, & in illum revera influat. Ac proinde quum negant Sacramenta gratiam conferre ex opere operato, non aliud negare volunt, quam quod illos jam negare diximus, nempe, Sacramenta esse gratiæ causas Physicas & propriè dictas.

XXI. Sed multi ex vetustioribus Theologis Scholæ Reformatæ, quum Sacramenta dicuntur gratiam dare & conferre ex opere operato, putant verbis illis non tantum causalitatem aliquam Physicam Sacramentis tribui; sed præterea illud insinuari, quod in Sacramentorum administratione, vi operis externi gratia conferatur, etiam illis qui fide & poenitentia carent, & omni bono motu destituuntur: imò solam externam Sacramentis susceptionem meritum aliquod habere, quo Sacramentalis gratia impetratur; quæ omnia negare intendunt, quum docent Sacramenta ex opere operato gratiam non conferre.

XXII. Sed quomodocumque locutionem istam interpretentur Reformati, in eo omnes conveniunt Sacramenta non solum, respectu gratiæ, carere omni efficientia Physica & propriè dicta, & moraliter tantum ad eam concurrere; verum etiam quum de adultis & ratione utentibus agitur, per Sacramenta nihil omnino gratiæ conferri, nisi illis qui ad ea accedunt cum debitis fidei & poenitentiae motibus; & propterea in iis qui Sacramenta suscipiunt nullum esse meritum quo gratiam consequi possunt, etsi ea ritè suscipiant, si in ea re duntaxat opere externo defungantur.

XXIII. Porro licet Reformati communi consensu doceant Sacramenta esse instrumenta gratiæ, non physica, sed moralia solum, non explicant tamen omnes eodem modo, qua in re consistat illa moralis causalitas, quæ Sacramentis competit, & qua ratione in

in legitimo usu, ad gratiæ productionem & collationem concurrant. *Moses Amyraldus*, qui in Theſibus Salmurienſibus, de Sacramentis prolixè & accuratè agit, non aliam efficaciam, quam objectivam Sacramentis tribuit; docet enim Sacramenta, cum ſigna ſint, non agere niſi ad modum ſignorum. Signa autem in eo à cauſis Phyſicis diſſerret, quod cauſa Phyſicæ viſ eſt ejuſmodi, ut neque ipſa ſe noverit, neque vero egeat inter-ventu notiſiæ in eo in quo agit, ut ſeſe explicet atque exerat. At ſigna, ut omnes aliæ cauſæ objectivæ, etſi ſui ipſorum ſignaria ſunt, nihil tamen quicquam agunt, niſi & ubi cognoscuntur, & ideo quia noſcuntur. Etenim quemadmodum, ſi quis diceret, verbum etſi neque audiat, neque intelligatur, operari tamen atque movere eos ad quos dirigitur, merito exilabaretur; ſic qui putant ſigna, quatenus ſigna ſunt, ignorata poſſe agere, digni ſunt quos ſapientes explodant. Quæ eſt enim in verbo ratio movendi per aures, nimirum ſita in *exiſtentiâ* intercedit ex inſtituto inter voces & res quæ vocibus ſignificantur, eadem eſt ratio movendi per oculos, ſita ſcilicet in *exiſtentiâ* quæ ſeu natura, ut in ſignis naturalibus, ſeu ex inſtituto, ut in Sacramentis, intercedit inter Sacramenta ipſa, & res ad quas denotandas & obſignandas adhibentur.

XXIV. Unde eſt quod verbum & Sacramenta comparans, docet illa eandem agendi rationem habere. Videlicet, tam Verbum, quam Sacramenta eſſe ſigna quædam Chriſtum cum ſuis beneficiis menti noſtræ offerentia & repræſentantia, quæ fidem & ſanctimoniam ex fide enaſcentem in animis noſtris, vel primum generare, vel poſtea augere & confirmare non valent, niſi per intellectum cognita atque apprehenſa. Nec in verbo tamen, nec in Sacramentis, externam illam repræſentationem & inculcationem talis tantique objecti, ſufficere ad fidei & ſanctitatis in nobis procreationem, & confirmatorem: quoniam ex parte noſtra obſtat ingenita nobis corruptio atque infirmitas. Ac proinde, ut tam per Sacramenta, quam per Verbum, fides & ſanctitas in nobis generetur, alatur atque foveatur, neceſſe eſt ut adit quædam viſ coeleſtis & ſupernaturalis, quæ mentes & animos noſtros ſic intus diſponat atque afficiat, ut externè propoſito objecto rectè utantur.

XXV. Adeoque tam Verbum, quam Sacramenta duobus modis conſiderari poſſe, nimirum vel ut ſunt cum illa vi coeleſti conjuncta, vel ſecum ab ea, ac veluti ſejuncta. Ac priore quidem illo modo ſi ſpectentur, fidem & ſanctitatem animi per ea generat, & augeri, non ſolum tanquam ab objecto, & ratione aliqua morali; ſed etiam ab aliqua alia re, quæ ſubjectum intus afficit, & in illud inſiuit operatione quadam minime objectivo, ſed quæ ab omni alia operatione, quæcunque tandem illa ſit, diverſa eſt. Poſteriore modo, ſi conſiderentur verbum & Sacramenta, ea non aliter in animos noſtros agere, & fidem ac ſanctimoniam producere, vel promovere, quam ut objecta operantur: actione ſcilicet morali ut ſolent omnia quæ extrinſecus per ſenſus in intellectum immittuntur. Ex quibus omnibus concludit verbum & Sacramenta, ſi inter ſe comparantur, non diſſerre ſecundum rationem agendi, quæ in ipſis eſt, ſed ſecundum gradus atque vehementiam illius efficacitatis, aliasque differentias, ratione quarum, diverſo reſpectu, Sacramenta verbo præſtant & ſuperant, & ſuperantur alternis.

XXVI. Itaque non vult Sacramenta conferre ſignis, aut inſtrumentis illis, ad quorum præſentiam Deus operatus eſt quædam miraculoſa: ut quum ægri quidam ſanati ſunt umbra *Petri* ſuper eos prætereunte, aut *Pauli* ſudariis ad illos applicatis, vel ipſis impoſitis Apoſtolorum aliorum manibus: cum tamen ægrotum illorum ſanitatem immediatè Deus operaretur, ad ejuſmodi ſignorum præſentiam, nihil de cætero vel *Pauli* ſudariis, vel umbra *Petri*, vel Apoſtolorum aliorum manibus, ad ſanationem illam conferentibus. Quasi eodem modo ad præſentiam ſignorum Sacramentalium, in uſu legitimo, gratiæ dona Deus largiretur, Sacramentis interim gratiam illam nihil attingentibus, nec ad ejus productionem quicquam per ſe conferentibus. In Sacramentis enim rem aliter ſe habere pertendit. Quoniam in eum finem inſtituta ſunt, non ut nos admoveant Deum aliquid agere, ſed ut ipſa ſint inſtrumenta efficaciæ, quibus Deus utatur, ut in nobis aliquid operetur. Et ſic juxta ipſum, Sacramenta habent efficaciam aliquam, ſed objectivam, ut dictum eſt, & quæ requirit facultatem cognitivam excitatam, & ut Scholæ dicunt, in actu. *Diſput. 1. de Sacram. in genere, & Diſput. de Sacrament. Evangelicorum comparatione cum Verbo.*

XXVII. Et conſequenter agens de Baptiſmo in ſpecie, aſſerit illum non aliter ſanctificationem noſtram operari, quam objectivè: quod attinet autem ad juſtificationem, Baptiſmum eam non aliter conferre, quam promiſſionem illius obſignando. Illam verò obſignationem in eo conſiſtere, quod Baptiſmus teſtificetur fructum mortis Chriſti ad nos pertinere, quia per Baptiſmum proſitemur nos communionem cum Chriſto habere: adeoque

adeoque ista oblatione includi tacitam stipulationem perseverantiae in fide. *Diffus. de Baptismo, Th. 27, & 28.*

XXVIII. Itaque juxta doctum illum virum, gratia per Sacramenta non aliter confertur, quam quia suppeditant argumenta fidei firmandae, & erigendae spei nostrae non parum idonea: & multa in eis occurrunt ad pietatem atque sanctitatem incitamenta: nec non ampla materia gratitudinis & amoris erga Deum, dum in memoriis & animis revocant ingentia illa Dei Christique beneficia, quibus à perditione nativa erui-mur; & in via salutis ac beatitudinis aeternae collocamur. Quorum beneficiorum in Sacramentis habemus non solum insignes typos & imagines, sed etiam arrhas & pignora.

XXIX. At vero sunt alii Scholae Reformatae Doctores, qui Sacramentis aliquam efficaciam plus quam obiectivam tribuunt. De hoc numero est *Gerardus Vossius*. Qui disputatione de Sacramentorum vi & efficacia, quae praemissa est ejus tractatui de Baptismo, sic loquitur Thesi secunda: *Nimis Sacramentorum virtutem evacuant, qui volunt ea tantum esse, vel notas Christianorum, vel symbola mutuae charitatis, vel testimonia animi erga Deum grati, vel allegoricas commemorationes, quibus, tanquam picturis, ob oculos nobis ponatur Christiana mortificatio, vivificatio, & spiritalis alimonia: vel qui ea duntaxat instituta volunt ad excitandam fidem per modum obiecti representativi: vel qui fatentur quidem esse symbola gratiae; sed duntaxat ante, & extra Sacramenta collatae; non autem gratiae praesentis, hoc est, quae in legitimo Sacramenti usu exhibeatur, & conferatur.*

XXX. Huc etiam facit quod Sacramenta locat inter signa, quae ex pacto & statu-to aliquo rem significant exhibent. Postquam enim docuit, signorum alia esse tantum significativa, ut effigies est signum alicujus hominis, & hedera vini venalis: quaedam obligantia, ut sigillum quod obligat rem diplomate contentam: quaedam vero exhibi-tiva; quomodo unctio est signum muneris Prophetici, Regii, aut Sacerdotalis; item praebitio calicis, pedi, pilei, reive similis, signum est muneris Episcopalis, aut potestatis docendi in Academicis: subjungit Thesi 29. *Sacramenta sunt signa tertii generis, quia non tantum significant promissionem gratiae in Christo; sed etiam rem promissam obligant, atque exhibent. Unde Bernardus in Sermone de Cena Domini, Sicut investitur Canonici per librari, Abbas per baculum, Episcopus per anulum: sic divisiones gratiarum diversis sunt traditae Sacramentis.*

XXXI. Adde quod vult Baptismo inefficaciam, erga ipsos infantes, per quam fidem in iis generet, sine qua nemo videbit vitam aeternam. Per fidem autem illam intelligit, non fidem actualem, nec etiam habitum fidei, sed principium aliquod sive semen fidei tantum. Vult enim Spiritum Sanctum in Baptismo non esse in infantibus otiosum; sed eos jungete capiti suo Christo; ex qua unionem mystica suo tempore prodire possit habitus fidei. *Thesi. 47.*

XXXII. Ut autem explicet quomodo Sacramenta gratiam conferant atque exhibeant, in Sacramentis duplicem virtutem considerat; unam internam, alteram assis-tentem. Interna virtus est qua signum Sacramentale agit in intellectum; qui considerata analogia inter elementa, & res caelestes, plenius planiusque caelestis gratiae naturam afficitur & intelligit: nec melius tantum intelligit, sed etiam intellectu per meditati-onem rerum caelestium elevato, ad apprehendendam gratiam caelestem magis dispo-nitur & excitatur. Virtus vero assis-tens Sacramentis illa est, per quam Spiritus Sanctus, signo sacro intellectui spirituale signatum significante, ipse signatum in legitimo signi usu intus offert & confert. Quia in Sacramentis ea conjunctio est signi & signa-ri, ut in legitimo signi usu, ex promissionis divinae virtute, simul donetur signatum, *Thesibus 52, 53, & 54.* Unde colligit Thesi 62. *Sacramenta gratiam conferre, virtu-te quidem signi disponent; at immediata Spiritus Sancti virtute effectivè.*

XXXIII. Thesi verò sequenti, postquam breviter plurimos Sacramentorum usus commemoravit, & universa haec simul conjungenda esse monuit, addit ne sic quidem principalem Sacramentorum finem, ac vim satis expressum iri; nisi illud quoque ad-datur Sacramenta esse symbola gratiae spiritualis praesentis, hoc est, quae in actione Sa-cramentali percipitur, virtute quidem signi, ut jam dixit, dispositive, quatenus sym-bola visibilia fidem sensibili caelestium representatione, tum alunt & foveant, tum ex-citant ad apprehendendam gratiam spiritualem: virtute autem Spiritus Sancti effecti-vè, quatenus is gratiam, quam signum tribuere non potest, per se homini fidei offert & efficaciter confert.

XXXIV. In eadem procul dubio cum *Vossio* sententia fuit *Samuel Wardus*, unus ex Ecclesiae Anglicanae deputatis ad Synodum Dordracenam, & postea Celebrerrimus Theo-logus

logiæ Professor in Academia Cantabrigiensi. Cum enim illo moderante, ad disputandum fuisset proposita Thesis illa, *Sacramenta non ponentibus obicem conferunt gratiam*, sic de Sacramentorum efficacia suam explicat sententiam: *Sacramenta dicimus gratiam conferre, tum porrigendo, præbendo, exhibendo, tum obsignando & de gratia recepta certiorando. Quod ad modum collationis attinet; monendum, dici posse Sacramenta conferre gratiam bifariam; vel ut causas instrumentales physicas, vel ut morales. Nos non dicimus Sacramenta conferre gratiam per ullam illis inditam aut vim, aut qualitatem, siue naturalem, siue supernaturalem, quod est gratiam conferre per modum cause physice. Sed dicuntur ex Ecclesiæ nostre sententia, efficacia gratiæ signa, quia divina virtus hisce Sacramentis ad producendum gratiæ effectum certis, & infallibiliter ex tenore fœderis, & Christi promissione assistit: videlicet, ut rationem habeant cause siue qua non, vel potius cause instrumentalis generaliter dictæ, instrumentum morale vocant: Quomodo dicente Bernardo, confertur Canonicius per dationem libri, Abbas præfectorum per baculum, Episcopatus per anulum. Quomodo de consensu contrahentium, per traditionem authentici instrumenti confertur hereditas; quomodo etiam ex nummo uno fit artha, quæ valet ad solutionem mille nummorum. Sic ex pacto & conventionione inter Deum & hominem, ad dignam Sacramentorum perceptionem gratia divina confertur, & cælestis hereditatis artha. Ac cum ex ejus sententia, Sacramenta gratiam hæc ratione conferant omnibus illis qui non ponunt obicem, inde colligit Sacramenta infallibiliter gratiam conferre omnibus illis qui sunt capaces gratiæ, & tamen moraliter agere non possunt, ex defectu intelligentiæ, & usus liberi arbitrii, cum tales obicem non possint ponere Sacramento. Et consequenter hæc est illius conclusio, *Parvuli qui obicem ponere non possunt, Baptisma semper confert primam gratiam; scilicet remissionem originalis reatus.* Tractatu priore de numero & efficacia Sacramentorum in genere, in Determinatione Moderatoris.*

XXXV. Eadem sententia fuit *Thomæ Bedfordi* Theologiæ Baccalauræi, qui prædictam Thesim sub *Samuele Wardo* Moderatore propugnabat. Explicans enim qui sint Sacramentorum actus circa gratiam Sacramentalem; *Non tantum significant, inquit, aut præ se ferunt; nec tantum alimnde datam sigillant & certiorantur; sed & exhibent, conferunt, & nobis in possessionem & usum fructum tradunt; idque tanquam cause efficientes, non principales, hoc enim est opus Spiritus Sancti, sed instrumentales. Non Physicæ, qualis panis & vinum ad nutriendum corpus vim quandam in se inclusam retinentes, sed Metaphysicæ, quarum vis tota & virtus, nonnisi in significato & correlato heret, atque à cooperante Spiritu Sancto proficiscitur. Hinc est quod in definitione dicta sunt media recipiendi gratiam. Tractatu jam citato, in Thesi Respondentis.*

XXXVI. Præsertim vero quod aliam efficaciam tribuat Sacramentis, quam objectivam, inde patet quod affirmat Baptismum infantibus præsentem aliquam gratiam conferre, per quam non solum remittitur illis peccati originalis reatus, sed etiam aliqua ratione regenerantur. Nam docet Baptismum infantibus conferre, non tantum potentiam, seu fructum conditionalem; sed & actualem regenerationem: saltem in actu signato & radicali. In *Summa sue Disputationis, Aphorismo quarto*. In Theſeos vero explicatione mentem suam clarius ea de re exponens, dicit Ecclesiam Anglicanam agnoscere præsentem & actualem regenerationem parvulorum, qui ritè & rectè suscipiunt Baptismi Sacramentum. Nec tantum, inquit, est *Ecclesiastica quedam regeneratio, & aggregatio parvuli baptizati ad Ecclesiam & Sanctorum communionem; sed revera spiritualis ex donatione Spiritus. Qualem petimus dùm pro parvulis rogamus, ut digne Deus lavare eos Spiritu, donare Spiritu, ut recipiant remissionem peccatorum per spirituales regenerationem.* Addit autem quod regeneratio hæc Sacramentalis consideratur, vel in semine & actu primo, vel in flore, & actu secundo. Illam priori modo consideratam initialem & seminalem dici posse; posteriori verò, plenam & perfectam, & verò nomine habitualem. Hanc seminalem & initialem gratiam in Baptismo conferri, credere se proficitur.

XXXVII. In hac autem doctrina præeuntem habuit ille *Bedfordus*, *Joannem Davaniatum* Episcopum Sarisburiensem, unum quoque ex illis qui ex Clero Anglicano fuerunt ad Synodum Dordracenam deputati. Etenim in Epistola quadam ad *Samuelem Wardum*, quæ præfixa est citato tractatui de Sacramentorum efficacia in genere, docet infantibus omnibus ritè baptizatis sanguinem Christi applicari ad remissionem peccati originalis. Adeoque hæc est ejus prima prepositio circa Baptismi efficaciam, *Omnes infantes baptizati ab originali peccati reatu absoluntur.* In illius vero Theſeos explicatione, docet ex consequenti infantes in Baptismo suo modo non solum adoptari & justificari, sed etiam regenerari atque sanctificari. Et postea subtexit hanc secundam propositionem: *Justificatio, regeneratio, adoptio, quam concedimus competere infantibus baptizatis,*

baptizati, non est univoce eadem, cum illa justificatione, regeneratione & adoptione, quam in questione de perseverantia Sanctorum, nunquam amitti defendimus.

XXXVIII. Quamquam verò, ex ejusdem, parvulorum in Baptismo accepta justificatione, adoptio, & regeneratio, non sit eadem univoce cum adultorum justificatione, adoptione, & regeneratione, nihilominus ad salutem parvulorum sufficit. Siquidem hæc est tertia ejus propositio: *Parvulorum baptizati sunt justificatione, regeneratione, & adoptione conferri illis statum salutis, pro conditione parvulorum.* Unde colligit non esse dubitandum de electione & salute infantium, qui post Baptismum, ante ulum rationis, ex hac vita decedunt.

XXXIX. Quod vero multi qui fuerunt per Baptismum in infantia justificati, atque regenerati, pro modo illius ætatis, nihilominus pereunt in æternum, propter peccata in quibus moriuntur, quum ad ætatem adultam pervenerunt, inde dicit esse quod infantes per Baptismum ponuntur quidem in statu salutis, sed respectivè tantum ad illam ætatem & conditionem parvulorum. Adeo; illos qui in adultiore ætate pereunt, non impleto Baptismi voto, non amittere statum salutis, quem habuerunt pro conditione infantulorum, sed amittere statum infantilem, quo mutato cessat esse sufficiens ad salutem adulti, quod ex ordinatione Divina sufficiens erat ad salutem parvuli. Nam ut habet ejus 4. propositio, *Qui in Baptismo pro communi conditione parvulorum, vere justificati, regenerati, & adoptati fuerunt, pro speciali conditione a' adultorum, non e' istum justificati, regenerati, aut adoptati, quum ad usum rationis pervenerint, nisi patientes, credendo, abrenunciando, votum Baptismate nuncupatum impleverint.*

XL. Quicquid autem sit de illa infantium in Baptismo regeneratione, certum est, secundum mentem *Davenanti*, parvulis per Baptismum dari præsentem aliquam gratiam, per quam in statu salutis constituuntur: ac proinde Sacramenta aliam efficaciam, quam objectivam habere, quandoquidem in infantes objectivè agere non possunt. Nec alia potest esse mens Theologorum illorum, qui docent Sacramenta esse moralia gratiæ instrumenta, propterea quod ex pacto divino in eorum legitimo usu, infallibiliter adest signis sacramentalibus gratia Spiritus Sancti operatio, per quam illi qui ea suscipiunt gratia illa donantur, quam exigit eorum status & conditio. Quo de numero est *Samuel Marsus*. *Res enim signata, inquit, exhibetur in Sacramentis ex parte Dei offerentis & promittentis, & si non recipiatur ab eo qui fidem illi receptioni necessariam non adhibuerit. Nam non exhibetur Sacramento, cum physice conjuncta signo materiali, sed in Sacramenti usu, ex pacto divino, iis qui dispositiones & conditiones requisitas consulunt.* In *Systemate*, Loco ultimo, Theoi 25.

XLI. Sed ut tandem aperiam quid ipse quoque ea de re sentiam, illud primò mihi certum est, quod communi consensu asserunt Reformati, Sacramentis nullam inesse vim physicam, per quam concurrant ad gratiæ productionem & collationem: sive vis illa physica supponatur esse qualitas signis sacramentalibus infusa & inherens, sive quædam motio transiens, seu quid aliud nobis incognitum. In hanc autem sententiam eo præcipuè impellor, quod nec recta ratio, nec Dei verbum nos cogit ut aliquid simile fingamus. Nam quæcumque vel in Scriptura, vel apud præcos Ecclesiæ Doctores, de Sacramentorum virtute & efficacia leguntur, optimè & faciliè intelligi & exponi possunt, etsi signis sacramentalibus non aliamquam moralem efficaciam tribuamus. Quid opus ergo est ea supponere quæ vera esse non possunt absque ingenti miraculo, & quin manifesta vis rerum naturæ fiat: quandoquidem contra naturam est, ut corpus physicè agat in spiritum, & in eo per se & actione propria spirituales aliquam proprietatem producat.

XLII. Mihi quoque certum est, & à nullo videtur negandum, Sacramenta vim aliquam objectivam habere & objectivè agere in fideles, qui cum attentione debita ad illa accedunt. Quippe idonea sunt quæ intellectum potenter moveant, & multa in se continent quæ non parum faciunt ad fidem confirmandam. Varia quoque Dei beneficia nobis veluti ob oculos ponunt, & in mentem revocant, nosque de nostro erga Deum atque proximum officio multis modis commonefaciunt, & solenni voto astringunt, ut peccato & mundo magis ac magis morientes, Deo & Christo deinceps vivamus. Quibus omnibus fortiter incitantur fideles, ut crescant in Dei & proximi amore, & cupiditatibus mundanis renuntiantes, temperanter, justè & religiose in hoc sæculo vivant.

XLIII. Quamvis autem Sacramenta objectivè in fideles agant, nec aliam habeant efficaciam quam quæ signis competit, planè tamen ex ultimo efficaciam aliam eis esse tribuendam, quam quæ sit merè objectiva, id est, quæ sic pendear à cognitione ejus in quem efficacia sunt, ut absque illa se exercere non possit. Cujus rei mihi est argumentum evidens Baptismus infantium, perpetuo Ecclesiæ Orthodoxæ consensu probatus, & apud Christianos penè omnes receptus, ac firmum & validum in Scriptura fundamentum habens. Abhorret enim à sana doctrina, ut dicamus Baptismum in infantibus, qui post illum suscepum, ante rationis usum ex hac vita rapiuntur, prorsus esse inefficacem. Quum enim Baptismus illis administratur

S I I I

rite

Apostolus, nempe *Illud esse lavacrum regenerationis & renovationis Spiritus Sancti, & Deum per illud lavacrum nos salvare, & Ecclesiam suam mandare Lavacro aquæ.* Et aliam quoque quam obligativam efficaciam in Baptismo præsupponebat *Ananias, dum Paulum baptizaturus, cum sic alloquebatur, Exurge & baptizare, & ablue peccata tua, vel ablue a peccatis tuis.* Annon enim hæc verba indicant manifestè esse quandam abluionem quæ sit Baptismi comes, & cuius sumus in ipso Baptismo participes? *1 Cor. 12. Tit. 3. Ephes. 5. Alii. 22.*

XLIX. Præterea longè maxima pars Theologorum Scholæ Reformatæ, distinguit in Sacramentis viam exhibitivam, a vi obligativa. Etenim communis est ejus Scholæ doctrina, Sacramenta esse non solum signa obligantia, verum etiam signa rem signatam præbentia atque exhibentia. Unde manifestum est, secundum ejus Scholæ doctrinam, Sacramenta aliter efficacia & activa esse, respectu gratiæ, quam illam obligando; ac proinde in Sacramentis, non tantum gratiam acceptam obligari, sed præsentem aliquam gratiam exhiberi. Ac propterea Sacramenta in Protestantium Scholis comparantur signis illis quibus juncta est, & quæ comitatur rei ipsius traditio, donatio, atque possessio: ut impositioni mânuum Apostolicarum, per quam ægroti sanabantur, & per quam etiam baptizatis communicari solebant dona Spiritus extraordinaria. Et communi consensu in Scholis Reformatis probatur illud *Bernardi* jam citatum, *Sicut investitur Canonicus per libræm, Abbas per baculum, Episcopus per anulum; sic divisiones gratiarum, diversæ sunt traditæ Sacramentis.*

L. Præsertim verò Moralis Sacramentorum efficacia, per quam in eorum usu legitimo virtute pacti à Deo initi præfens aliqua gratia conferitur, ex infantium Baptismo manifestè probari videtur. Nec enim negari cum ratione potest, Baptismum esse medium ordinarium, quo Deus infantibus confert gratiam qua indigent, ut possint regnum cælorum ingredi. Quippe eos ad hoc aliqua gratia indigere dubitabile non est, quandoquidem nascuntur infecti peccato originali, à quo mundari opus habent, ut possint admitti in regnum illud Dei, in quod nihil peccato inquinatum ingreditur. Nec ullus dicere potest infantes, etiam ritè baptizatos gratia illa destitui, quin infringat Dei pactum atque promissionem, per quam signis Sacramentalibus, in eorum usu legitimo, salutifera gratia juncta est. Itaque gratia ista ipsis collata fuit, vel in Baptismo, vel ante Baptismum, & Baptismo solum obligata. Temerè autem & absque idoneo fundamento, asseritur infantes in Ecclesia nascentes, ante Baptismum, à Deo salutifera gratia ordinariè donari. Certè istud repugnat communi consensui Christianorum sententia, absque argumento aliquo convincente sese opponere, temerarium mihi prorsus videtur.

LI. Qui contrarium tenent nituntur quidem verbis Apostoli fidelibus dicentis, *Filii vestri sancti sunt, 1 Cor. 7.* Sed Apostolus ibi non loquitur de sanctitate aliqua interna & reali, per quam aliquis sit revera in gratiam à Deo receptus, & ei acceptus ad vitam æternam. Hujus autem rei est argumentum evidens, quod Apostolus ibi agit de tali sanctificatione, quæ potest esse cum ipsa infidelitate conjuncta, & convenit ipsi parti infideli, quæ cum fidei conjuge juncta est. *Sanctificatus est enim, inquit, vir infidelis per mulierem fidelem, & sanctificata est mulier infidelis per virum fidelem; utroqueque filii vestri immundi essent, nunc autem sancti sunt.* Et certè si ibi ageret Apostolus de sanctitate aliqua reali & salutifera, dicendum esset liberos eorum omnium qui sunt in externa Ecclesiæ communione, & ad Dei fœdus per externam professionem fidei pertinent, jam ab utero verè sanctificatos esse; Nam Apostolus loquitur de tali sanctitate quæ non minus competit fidelium liberis utero materno inclusis, quam postquam sunt in lucem à matribus editi. Unde sequeretur quotquot in Ecclesia nascuntur, non nasci filios iræ, & ullius peccati reos, quandoquidem supponeretur peccatum originale illis remissum esse, & illos ab eo fuisse mundatos & absolutos. Atqui Christianorum communis doctrina est, nos omnes quotquot sumus nasci filios iræ & mortis coram Deo reos; & planè abhorret à sensu maximæ patris Doctorum Scholæ ipsius Reformatæ, ut dicamus neminem in externa Ecclesiæ communione nasci, qui non sit hoc ipso à culpa originali absolutus, nec quicquam in se habeat, quod impedire possit ingressum ejus in regnum cælorum.

LII. Hoc apertè testantur apud Reformatos Liturgiæ receptæ. Nam in forma administrationis Baptismi, qua Reformati in Gallia utuntur, Minister antequam infantem baptizet, à Deo petit ut infanti remittat peccatum originale, cuius universa *Adami* progenies rea est; usque cum Spiritu suo sanctificet: Et quo possit hæc à Deo beneficia

impetrare, Deus illum inserre velit in Christi corpus & communionem, ut ita factum ejus membrum, bonorum illius particeps esse queat. Quæ oratio manifeste supponit infanti baptizando nondum esse remissum peccatum originale, nec illum adhuc esse Christo inlitum, & gratiæ Christi participem. Quibus similia extant in Liturgia Ecclesiæ Anglicanæ.

LIII. Dicunt hic quidam viri docti, infantes, qui nondum ratione utuntur, esse parentum appendices, & proinde eodem loco quo parentes censeri: sed inde sequitur ad summum infantes qui sunt in Ecclesia nati, ad Ecclesiæ corpus aliquo modo pertinere, non autem eos verè sanctificatos esse, quod non convenit ipsis multorum ejusmodi infantum parentibus qui fidem ore profitentes, & eatenus externè ad Ecclesiæ pertinentes, fidem operibus abnegant, & æternæ sunt damnationis rei, & extra verum & mysticum Christi corpus.

LIV. Sancti ergo dicuntur fidelium liberi, quia sunt, ut loquitur *Aerullianus, de offitii sanctitatis*, à nativitate, parentum voto, Deo consecrati, ut per Baptismum Christo inferantur, & sanctis ac gratiæ fiant revera participes. Præsertim verò, quum sic loquitur Apostolus, videtur eo respicere, quod Judæi pro immundis habebant liberos ortos ex altero parente, qui non esset ex populo Dei; & si quos ex matre gentili susceperant, jubebantur à se cum matre abigere, ut factum legimus tempore *Esdræ & Nehemiæ*. Quo scrupulo non vult Apostolus Christianos teneri, & propterea deferre partem infidelium, cum qua conjugio copulati erant, quum fidem amplexi sunt: ne scilicet, quadam ratione singulari eorum liberi polluti censerentur, quoniam forent ab alterno infideli parente nati. Atque hunc scrupulum ut tollat Apostolus, monet virum infidelem in uxore fidei, & uxorem infidelem in viro fidei quadam ratione sanctificari; & idcirco liberos ex tali conjugio ortos sanctos reputandos esse, qua ratione sancti reputabantur illi qui in populo Dei nascebantur, non verò immundos, quo sensu judicabantur à Judæis immundi, qui nati erant ex altero parente alienigena.

LV. Præterea viri docti quibuscum hic agimus in rem suam citant promissionem illam in Scriptura sacra sapius inculcatam, *Ero Deus tuus, & seminis tui post te*, quali inde sequeretur posteros fidelium hoc ipso à Deo in gratiam recipi, quod ex fidelibus parentibus orti sunt. Sed Deus verbis istis nihil aliud pollicetur, quam se fecus suum ad fidelium liberos ita extendurum, ut filii, non minus quam parentes, participes esse possint beneficiorum scedere promissorum, per media à Deo instituta, etiam conditiones scederis impleverint. Itaque quemadmodum inde non sequitur filium impium & impenitentem ejusdem salutis cum parte fidei participem esse, sic etiam inde concludi non potest, infantes omnes ex fidelibus ortos, à peccato originali ablui & mundari, priusquam ipsis applicetur ordinarium medium conferendæ istius gratiæ, quod infantium respectu, aliud non est quam Baptismus.

LVI. Cum igitur doctrina Christiana postulet, ut credamus infantes, qui sunt Christi Baptismo ritè & legitimè tincti, participes esse gratiæ salutaris cujus capaces sunt, & qua ipsis opus est, ut gloria æterna donentur: cum ejusmodi gratiæ impedimentum nullum ponere poterint, & ea sit certa Christi promissione cum signo Baptismi conjuncta: ac præterea temerè & absque Dei verbo præsumatur talis gratia ante Baptismum solere fidelium liberis concedi, & Baptismo solum obignari: restat ut concludamus ejusmodi gratiam per Baptismum illis verè communicari & ordinari conferri: Secundum quod dicit ipsa Baptismi Liturgia in Ecclesiis nostris usitata, gratias illas quæ in Baptismo significantur, nobis conferri, quando Deo placet nos per Baptismum corpori Ecclesiæ inserere. Unde sequitur Sacramenta esse instrumenta, non quidem Physica, sed solum Moralia, per quæ tamen verè confertur gratia salutaris: prout dicit eadem Baptismi Liturgia, Deum gratiæ suæ divitias per Sacramenta nobis distribuere. Non secus ac per impositionem manuum Apostolicarum credentibus & baptizatis donabatur Spiritus Sanctus, & curabantur varii ægroti.

LVII. Quam doctrinam arctè tenent omnes Confessionis Augustanæ Theologi. *Eckardus* inter alios, in Fasciculo Controversiarum, cap. 18. quæst. 3. ubi affirmat Sacramenta esse organa conferendæ gratiæ spiritualis, & instrumenta applicandorum beneficiorum divinorum. Et capite sequenti de Baptismo in specie docet, illum esse efficacem medium per quod à peccatis mundamur, & Christo inferimur, & damnat eos qui dicunt nos ante Baptismum, vi scederis fide parentum apprehensi, jamdudum Christo inlitos, & filios Dei factos, tales per Baptismum solum declarari, non autem re ipsa effici. Et eodem capite quæst. 10. multis argumentis probare contendit per Sacramentum Baptismi, ex ordinatione Dei, conferri remissionem peccatorum, adoptionem, regenerationem & renovationem.

LVIII. In

LVIII. In eandem sententiam *Conradus Dietericus* affirmat duos esse principales Baptismi fines. 1. Ut sint organa, media, seu instrumenta; offerentia, exhibentia, conferentia, & applicantia divinam promissionem de gratuita peccatorum remissione, iustitia & salute aeterna. 2. Ut sint fidei nostrae erga promissiones divinas obligationes, signacula, testimonia, & quasi pignora. In *Institut. Catecheticis, tract. de Sacramentis in genere, & in tractatu de Baptismo* affirmat illum operari remissionem peccatorum.

LIX. Similiter *Joannes Gerbardus* non solum asserit Sacramenta esse organa, media, & *exhibentia*, per quae Deus offert, exhibet, & credentibus applicat promissionem Evangelii propriam de remissione peccatorum, iustitia & vita aeterna: Sed etiam refutat eos qui statuunt, Sacramenta esse tantum sigilla gratiam jam ante collatam, vel postmodum conferendam obligantia: ideoque negant Sacramenta esse causas instrumentales gratiae, remissionis peccatorum & salutis. In *Loci Theol. tom. 4. tract. de Sacram. cap. 9. sect. 1.*

LX. Porro ex illis quae Theosis haece, & praecedentibus fuerunt exposita, liquet Doctores Ecclesiae Romanae & Protestantes in multis consentire circa fines & usus Sacramentorum. Agnoscunt utrique Novi Testamenti Sacramenta esse publicas notas & testes, quibus Christiani ab infidelibus discerni & distingui debent. Illa quoque esse vincula quibus fideles inter se colligantur, & in unum corpus conpinguntur. In Sacramentis etiam nos fidem nostram profiteri, & juramentum quoddam nostri erga Deum obsequii atque fidelitatis praestare atque renovare, ac solenni voto Deo censcrari, & ad Christi leges servandas, obstringi. Praeterea Sacramentorum susceptionem & celebrationem eximiam divini cultus partem facere, & si debite fiat, & cum legitima praeparatione, divinam benignitatem in nos sollicitare, & Dei gratiae dona varia nobis impetrare. Neutri etiam abnuunt in Sacramentis nos habere varia ad virtutes Christianas incitamenta, & amplam materiam exercendae charitatis atque humilitatis. Necnon per Sacramenta spem Christianorum erigi, & fidem excitari, & ea esse quaedam divinae fidelitatis in promissis servandis pignora & testimonia, quae de re idem cum Protestantibus docet Catechismus Romanus.

LXI. Non aliud autem sibi volunt Protestantes, quum dicunt Sacramenta esse promissionem divinam sigilla, & Dei promissiones obligari Sacramentis, ac fidem nostrum per illa confirmari. Unde mirum est *Bellarminum* item Protestantibus movere, propterea quod doceant Sacramenta obsequiare instar sigilli, & confirmare instar miraculi, promissionem gratiae, ad excitandum & alendam fidem. Lib. 1. de Sacrament. in genere, cap. 14. cum hac sit ipsissima Catechismi Romani doctrina. Nam enarrans varias causas, cur Sacramenta institui inter Christianos oportuerit; Altera, inquit, causa est, quod animus noster haud facile commoveatur ad ea, quae nobis promittuntur credenda. Quare Deus a mundi exordio; quae saepe instituerat, verbis quidem frequentissime indicare consuevit: interdum vero, cum opus aliquod institueret, cujus magnitudo promissi fidem abrogare posset, alia etiam signa, quae nonnunquam miraculi speciem haberent, verbis adiunxit. Nam cum Deus Moysen ad Israeliticum populi liberationem mitteret, ille vero, ne Dei quidem praecipitis auxilio fretus, timeret ne onus sibi gravius imponeretur, quam ut sustinere posset: aut ne populus divinis oraculis, & dictis fidem non adjuveret, Dominus promissionem suam multis signorum varietate firmavit. Quemadmodum igitur in Veteri Testamento Deus fecerat, ut magni alicuius promissi constantiam signis testificaretur; ita etiam in Nova Lege, Christus Salvator noster, cum nobis peccatorum veniam, calicem gratiam, Spiritus Sancti communicationem pollicetur, quaedam signa oculis & sensibus subiecta instituit, quibus cum quasi pignoribus obligationem habemus, atque ita fidem in promissis futurum dubitare nunquam possemus. Et postea subiungit, Sacramenta magnam vim habere ad fidem in animis nostris excitandam. De Sacram. in genere, sect. 14.

LXII. Quod attinet ad Sacramentorum efficaciam & modum agendi, conveniunt Scholae utriusque Doctores, Sacramenta vim aliquam obiectivam habere, & multis modis fidem & sanctitatem in nobis fovere & augere, per modum obiectivos in fide confirmantis, & ad pietatem atque sanctitatem moventis atque incitantis; ut ostendunt quae breviter jacti sunt commemorata. Sed nullus est in Schola Romana qui putat Sacramenta non aliam vim quam obiectivam habere, aut etiam quam obsequiativam, ut nonnullis videtur in Schola Reformata.

LXIII. Vicissim verò in Protestantium Scholis nullus est qui Sacramentis tribuat vim aliquam Physicam, per quam ad modum instrumenti Physici & proprie dicti, gratiam in animis susipientium operetur; ita ut signa externa gratiae productionem immediate attingant: quae sententia multorum est in Ecclesia Romana.

desit, non perficitur Sacramentum. Quam doctrinam sequuta Synodus Tridentina, hunc construxit Canonem qui est undecimus Sessionis septimæ: *Si quis dixerit in Ministris, non requiri intentionem, saltem faciendi quod facit Ecclesia, anathema sit.* Sed non omnes Scholæ Romanæ Theologi eodem modo explicant, quæ & qualis sit illa intentio in Sacramenti Ministro requisita.

II. *Ambrosius Catharinus* vir celeberrimi nominis inter Episcopos Tridenti congregatos, per intentionem illam Ministri, quæ ad Sacramenti veritatem necessaria est, non putat intelligendam esse intentionem aliquam mentalem & internam, sed eam quæ se opere exteriori manifestat: quoniam aliquis oppositam intentionem intus mente gereret. Itaque modo aliquis in Sacramentorum administratione ritus adhibeat à Christo institutos, & præ se ferat se serio rem agere, & Sacramentum aliquod conficere & conferre velle; quicquid intus cogitare, & mente claudere possit, præjudicare non posse Sacramenti veritati atque efficacie. Secus tamen fore, si quis apertè profiteretur se nolle rām sacram agere, sed per jocum & ludibrium res & verba à Christo instituta usurpare. Quo in casu agnoscit Sacramentum fore nullum. Quomodo *Catharini* sententiam refert author Historiæ Concilii Tridentini, ad annum Christi 1546. editionis Italianæ, pagina 247, & 248.

III. *Vasquez* autem sic explicat sententiam *Catharini*, ut doceat illum admittere necessitatem interioris alicujus intentionis in Ministro Sacramenti, sed quæ sit tantum exterius secundum Ecclesiæ ritum in verbis & rebus ad perficiendum Sacramentum necessariis. *Catharinus*, inquit, in opusculo de intentione Ministri Sacramentorum, fatetur in primis Doctrinam Catholicam quam præmissimus: verum intentionem illam generalem faciendi id quod facit Ecclesia, ita explicat, ut Minister non necessario habere debeat ullam aliam intentionem, nisi servandū illud Ecclesiæ ritum in verbis & rebus adhibendis ad perficiendum Sacramentum: quantum neque Ecclesiæ esse, neque ullum effectum Sacramenti credat: præter hanc autem intentionem nullam aliam necessariam esse; quinimo nullam aliam quam cum hac simul habere possit, quicquam obesse putat substantiæ & essentiæ Sacramenti. In 3. *Thomæ*, Tom. 2. disput. 138. cap. 2. Hanc autem *Catharini* sententiam tribuit *Vasquez* etiam *Sylvestro*. In Summa, verbo Baptismus.

IV. Ex eadem quoque videtur fuisse sententia *Thomæ Aquinatis*. Nam in tertia parte Summæ, questione 64, aut 8. tractans questionem illam, *Utrum intentio Ministri requiratur ad perfectionem Sacramenti?* pro parte negativa istud secundo loco sibi objicit: Non potest homini esse nota intentio alterius. Si igitur intentio Ministri requiratur ad perfectionem Sacramenti, non potest homini ad Sacramentum accedenti esse notum quod Sacramentum susceperit & ita non potest habere certitudinem salutis. Ad quod postea respondit his verbis: *Ad faciendum dicendum, quod circa hoc est duplex opinio. Quidam enim dicunt quod requiritur mentalis intentio in Ministro, quæ si desit, non perficitur Sacramentum. Sed hunc defectum in pueris, qui non habent intentionem accedendi ad Sacramentum, supplet Christus, qui interius baptizat: in adultis autem, qui intendunt Sacramentum suscipere, supplet illum defectum fides & devotio. Sed hoc satis posset dici quantum ad ultimum effectum, qui est justificatio a peccatis: sed quantum ad effectum, qui est res & Sacramentum, scilicet, quantum ad characterem, non videtur quod per devotionem accedentis possit suppleri: quia Character nunquam imprimitur nisi per Sacramentum. Et ideo alii melius dicunt, quod Minister Sacramenti agit in persona Ecclesiæ cuius est Minister. Ista verba autem quæ profert exprimitur intentio Ecclesiæ, quæ sufficit ad perfectionem Sacramenti, nisi contrarium exterius exprimitur ex parte Ministri vel recipientis Sacramentum.*

V. Porro ex citatis *Thomæ* verbis Manifestum est, quam frustra sint illi Doctores Ecclesiæ Romanæ qui volunt *Thomam* in sua fuisse sententia, scilicet, quod interna Ministri intentio faciendi quod Ecclesiæ facit, non tantum ratione actus exterioris, sed etiam ratione ejusdem usus sacri, ad Sacramenti veritatem simpliciter necessaria sit; quique, quum obijciuntur allegata *Thomæ* verba, respondent ibi *Thomam* nolle, quod prolatio externa verborum, absque intentione mentali, sufficiat ad Sacramentum in se, sed quoad nos, seu ad pacandas conscientias suscipientium: quia, quando non constat Ministrum cum prava intentione administrare, pie credendum est ipsum sincerè agere, & Ecclesiæ qua de oculis non judicat, tale Sacramentum ratum habet. Nam legenti evidens est *Thomam* ibi duplicem distinguere sententiam; unam eorum juxta quos requiritur mentalis intentio in Ministro, quæ si desit, non perficitur Sacramentum: alteram illi oppositam eorum qui dicunt Ministrum Sacramenti agere in persona totius Ecclesiæ, cuius est Minister: & in verbis exprimi intentionem Ecclesiæ, quæ sufficit ad perfectionem Sacramenti.

Sacramenti, nisi contrarium exterius exprimatur, vel ex parte Ministri, vel ex parte suscipientis Sacramentum. Quam sententiam priore rejecta, *Thomas* ut meliorem probat.

VI. Nec contrarium *Thomam Aquinatem* sensibile evincunt quæ citari solent ex Articulo decimo ejusdem questionis, ubi *Thomas* dicit, in corpore Articuli, intentionem perverfam, respectu ipsius Sacramenti, tollere ejus veritatem. Quem aliquis, inquit, non intendit Sacramentum conferre, sed derisorie aliquid agere, talis perversitas tollit veritatem Sacramenti, præcipue quando suam intentionem exterius manifestat. Videtur enim ibi *Thome* propositum fuisse solvere questionem illam, Utrum intentio recta Ministri requiratur ad perfectionem Sacramenti? tam secundum aliorum, quam secundum suum proprium & specialem sensum. Idcirco dicit in genere, quum aliquis non intendit Sacramentum conferre, sed derisorie aliquid agere, tolli veritatem Sacramenti: sed addit illa verba, præcipue quando suam intentionem exterius manifestat, ut indicet in quam partem inclinet, nempe quod perversa illa intentio Ministri non tollit Sacramenti veritatem, nisi quando exterius manifestatur.

VII. Sed quicquid de eo sit, hodiernæ Scholæ Romanæ doctrina est, internam & mentalem intentionem faciendi quod facit Ecclesia, & præagendi rem sacram, in Ministro Sacramenti ita necessariam esse, ut absque illa Sacramentum nunquam perficiatur. Adeo ut, etiamsi Sacramenti Minister præ se ferat se velle Sacramentum administrare, nec quicquam omittat eorum quæ sunt in Sacramenti administratione exterius gerenda, Sacramentum tamen nullum futurum sit, si intus in mente occultet intentionem verbis & factis ejus contrariam.

VIII. Qua in re autem consistat intentio illa faciendi quod Ecclesia facit, querunt & variè explicant Ecclesiæ Romanæ Doctores. Et primo quidem hic distinguunt duplicem intentionem. Unam qua aliquis vult simpliciter facere actum: externum, quem facit Ecclesia, adhibendo res & verba ex quibus Sacramentum constituitur: alteram, qua vult aliquis facere talem actum, ut ceremoniam quandam sanctam & religiosam, qualem Christus instituit, & Ecclesia celebrat. Ac priorem intentionem ad Sacramenti veritatem in, Ministro sufficere negant, & perpendunt præterea requiri posteriorem. Sic mentem suam ea de re explicat *Petrus a Sancto Joseph, Lib. 1. de Sacramentis, cap. 4. Resolutio 3.*

IX. *Becanus* autem triplicem intentionem distinguit. Prima est intentio proferendi verba, & faciendi externam actionem. Secunda est intentio faciendi Sacramentum, vel, saltem in consilio faciendi quod facit Ecclesia. Tertia est intentio conferendi effectum Sacramenti. Et postea aperit mentem suam duabus Conclusionibus. Prima est, Ad valorem Sacramenti requiritur in Ministro intentio non solum faciendi actum externum, sed etiam faciendi Sacramentum, seu faciendi id quod Ecclesia facit, & quod Christus instituit. Secundo conclusio est: Ad valorem Sacramenti non requiritur formalis & expressa intentio conferendi effectum Sacramenti, sed sufficit ea de qua dictum est. Ac proinde si quis intendat alicui conferre Sacramentum Baptismi, etiamsi nolit conferre illi characterem & gratiam justificantem, tamen juxta ipsum, Baptismus erit validus, nisi ex parte suscipientis impedimentum sit. In *Summa Theologiæ Scholasticæ, tom. 6. cap. 3. quest. 3.*

X. *Bellarminus* autem rem accuratius explicans, postquam posuit ad Sacramenti veritatem non sufficere intentionem faciendi simpliciter actum externum, quem facit Ecclesia: sed præterea requiri intentionem faciendi actum externum, non simpliciter, sed ut sacramentalem, sive animo celebrandi mysterium quod Christus instituit, & Ecclesia celebrat, monet dum Concilia definiunt ad Sacramenti veritatem & valorem, necessarium esse, ut Minister intendat facere quod facit Ecclesia, mentem eorum non esse; quod opus sit ut Minister intendat facere quod facit Ecclesia Romana, sed quod facit vera Ecclesia, quæcumque illa sit. Vel quod Christus instituit, vel quod faciunt Christiani, etenim ista in idem recidere. Imò si quis intendat non facere quod facit Ecclesia Romana, sed quod facit aliqua Ecclesia particularis & falsa, monet etiam istud ad valorem Sacramenti sufficere, quoniam qui intendit facere quod facit Ecclesia, licet in suo judicio de vera Ecclesia fallatur, hoc ipso intendit facere quod facit vera Ecclesia, aliquam falsam, quam ipse veram judicat, hoc ipso intendit facere quod facit vera Ecclesia, licet in suo judicio de vera Ecclesia fallatur. Non tollit autem Sacramenti efficaciam error Ministri circa Ecclesiam, sed defectus intentionis. De Sacramentis in genere, lib. 1. cap. 27.

XI. Eodem redeunt quæ tradit eadem de re *Vasquez*, licet aliis verbis mentem suam exprimat. Dicit ergo primum ad Sacramenti veritatem non sufficere ut Minister intendat facere quod facit Ecclesia, solum materialiter. Juxta ipsum autem solum materialiter facit quod facit Ecclesia, qui adhibet easdem res & eadem verba quæ adhibet Ecclesia, quum

quum vult Sacramentum conficere, nec tamen ullam rationem ritus, aut ceremoniarum religioſarum in eis conſiderat. Ac proinde necelle eſt ex ejus ſententia, ut Sacramenti Miniſter interius intendat facere quod facit Eccleſia formaliter aliquo modo.

XII. Docet enim multis modis haberi poſſe intentionem illam, quam ipſe formalem appellat. Et primo quidem ſi quis ſciens quid ſit Eccleſia univerſalis, hoc eſt, congregatio fidelium, velit illis rebus & verbis uti eo modo quo illud conſuevit. Secundo, ſi quis Eccleſiam univerſalem ignorans, aut de ea non cogitans, intentionem habeat faciendi, id quod vidit aut audivit facere talem Parochum, vel talis Eccleſie Miniſtrum. Denique ſi quis velit uti verbis illis, & rebus, tanquam ceremoniarum religioſis, quibus novit aliquem, vel aliquos uti ſolitos eſſe. His omnibus modis putat formaliter intendi facere quod facit Eccleſia. Et unum ex his modis aut alium æquivalentem ſufficere ad Sacramenti ſubſtantiam. Nam, inquit, hoc ipſo quod ſub illis rebus & verbis aliis uſu latere putat quid religioſum, juxta aliquorum ritum & conſuetudinem, & hac ratione illis utitur, confuſe habet intentionem Chriſti inſtituentis illud, & Eccleſie vere quæ hoc modo illis utitur. Quod ſi quis omnino ignoraret res & verba Sacramentorum apud ullam nationem aut perſonam eſſe pro ceremonia Religioſis, etiamſi eadem verba proſterret & res adhiberet, quia hoc tantum ſimpliciter facere didiciſſet ex alio fine, hoc caſu nullum Sacramentum conficiendum eſſe docet, quia cum hujusmodi ignoratione, intentionem formaliter faciendi quod facit Eccleſia, ne confuſe quidem habere poſſet. In tertiam Thomæ, Tom. 2. Diſput. 138.

XIII. Addit autem in ſequentibus, ad veritatem Sacramenti ſiſſicere, ſi quis illud adminiſtret ut eſt ceremonia quædam religioſa, nec requiri præterea intentionem finis, ſeu effectus Sacramenti, ut veteres quidam Scholaſtici dixerunt. Quorum tamen verba ſic exponit, ut eorum ſententiam ad communem Scholæ doctrinam revocet. Nempe vult, juxta illos, neceſſariam eſſe in Miniſtro intentionem finis vel effectus Sacramenti, non expreſſam, ſed ſolum implicitam: quia videlicet, neceſſaria eſt intentio circa res & verba, non tantum ut ſunt res naturales, ſed quatenus ſunt ſigna inſtituta, ſive quod eodem modo recidit, quatenus ſunt ceremonia quædam alicujus gentis, aut nationis: In hac enim expreſſa intentione, virtute etiam contineri intentionem effectus ipſius Sacramenti.

XIV. Videntur tamen veteres Scholaſtici plus aliquid ſenſiſſe quam quod illis tribuit Vaſquez. Agnoſcit enim Vaſquez ipſe Scutum hic diſtinxit inter finem remotum Sacramenti, qualis eſt juſtification; & inter finem propinquum, qualis eſt in Baptiſmo fieri Chriſtianum. Qua diſtinctione poſita, ad Sacramenti veritatem neceſſariam putat Scutum intentionem finis propinqui, non autem finis remoti. Sed hæc diſtinctio proſus eſt inutilis, ſi ipſius finis propinqui ſufficit ad verum Sacramentum intentio ſolum implicita. Nec enim poteſt haberi finis propinqui intentio implicita, quin ſimilis intentio habeatur finis remoti.

XV. Porro ex dictis patet quid intendere debeat Miniſter Sacramenti, ut Sacramentum verum & validum ſit, ſecundum Scholæ Romanæ Doctores, nempe facere quod facit Eccleſia, qua ratione jam expoſitum fuit. Nunc videndum qualiter & quomodo debeat rem illam intendere ex ejusdem Scholæ ſententia. Quod ut intelligatur notandum eſt illos triplicem intentionem diſtinguere. Unam *actualem*, alteram, *virtualem*, & tertiam *habitua-*
lem. Actualis intentio eſt, quum homo eſt animo præſens, & attentè facit quod facit. Habitualis eſt inclinatio, ſeu promptitudo ad illam intentionem habendam, qualis in dormiente aut ebrio reperiri poteſt. Virtualis autem intentio dicitur, quum actualis in præſenti non ad-eſt, ob aliquam mentis evagationem, ſed tamen paulò ante adfuſt, & in illius virtute ſi operatio.

XVI. Jam autem agnoſcunt quidem Sacramentorum Miniſtro dandam eſſe operam, ut actualem intentionem habeat faciendi quod facit Eccleſia, dum Sacramentum aliquod adminiſtrat, & ut animo ſit ad illam actionem attentus: Sed tamen negant ejuſmodi actualem intentionem ad Sacramenti veritatem neceſſariam eſſe; quia non eſt in noſtro poteſtate quin diſtrahatur aliquando noſtra cogitatio, etiam dum res Sanctiſſimas agimus. Ac proinde etiamſi aliquis, dum baptizat, aut Euchariftiam confecrat, aliò proſus mente divagetur, nec ullo modo cogitet quid agat, illud non obſtiterum, quominus verum ab eo Sacramentum conficiatur.

XVII. Intentio verò ſolum habitualis non ſufficit juxta ipſos, ut fiat verum Sacramentum. Nam ejuſmodi intentio, ut dictum, etiam in homine ebrio, & dormiente manet. Nec tamen ſi contingeret hominem ebrium & vino dementatum, aut etiam dormientem alium baptizare, aut quodlibet aliud Sacramentum adminiſtrare, ut non eſt proſus inſolitum nonnullos multa agere inter dormiendum, ullus eſt qui auderet aſſerere hoc in caſu verum Sacramentum fuiſſe adminiſtratum, cum Sacramentorum adminiſtratio debeat

T e e

eſſe

XXIII. Quod si quis mimice & joculariter usurpet ritus à Christo institutos, ut si quis in scena baptizet, aut Eucharistiam celebret, in publicam religionis Christiane derisionem, non dubitant quin istud, non Sacramentum, sed sacrilegium sit. Quoniam illud est planè contra Christi institutionem, nec ejusmodi Baptismus, & Eucharistia talis celebratio, legitime facta dici possunt, siquidem Baptismus & Eucharistia sunt res maxime serie, neque per jocum usurpanda. Ac proinde quamvis Sacramenti veritatem ab arcana Ministri intentione pendere non censeant, existimant tamen necessarium esse, ut quantum ex externis judicare licet, actio seria sit, & prae se ferat Minister se rem verè sacram celebrare velle. Adeoque facile admittunt in Ministro Sacramenti necessitatem cujusdam externae intentionis faciendi quod facit Ecclesia Christiana, & quod instituit Christus Dominus noster.

XXIV. Hoc aperte fatetur Gulelmus Arnesius in Bellarmino Enervato. *Requiritur quidem, inquit, externa expressio per verba & facta consentanea, intentionis administrandi Sacramentum: sed non requiritur ad essentiam Sacramenti intentio talis interna vel mentalis.* Et postea respondens ad absurda quodam quæ Bellarminus ex sententia Protestantium elicere conatur, respondet, Nullo modo sequuntur: quia externa intentio operis requiritur Sacramentalis, cujusvis non interna intentio Ministri operantis. Tom. 3. lib. 1. cap. 2. quest. 3.

XXV. Idem quoque expresse docet Thomas Bedfordus, in Disputatione de numero & efficacia Sacramentorum in genere, in Thesi Respondentis. *Notandum, inquit, & illud, totam hanc efficaciam Sacramenti pendere ex legitimo ejus usu & administratione.* Supponimus enim in tota hac questione, fieri omnia rite & recte, juxta mandatum Christi: tum ex parte Ministri consecrantis, tum ex parte Sacramenti. Non satis est ut aqua corpus abluatur, nisi id fiat à legitimo Ministro; nisi etiam id fiat intentione Sacramentali. Intentionem vero istam, ne quis obtrepat, metimur, non ex arcano quodam & incognito cordis motu, sed ex circumstantiis loci, temporis, & apparatus; & præsertim ex precibus & supplicationibus, quas in actione Sacra paragenda uno ore fundunt qui præsentibus assunt.

XXVI. Similiter Charnius docet nos supponere in Sacramentorum administratione omnia legitime facta, & secundum Christi institutionem, & nihil deesse præter internam Ministri intentionem; de qua homines nec debeant, nec etiam possint judicare: & solum questionem esse, Utrum in Sacramento aliquo administrando, reliquis omnibus suppositis legitimis, si nihil desit reliquorum, sola intentio interna Ministri suo defectu obstat perfectioni Sacramenti? Quod cum cæteris Protestantibus negat Tom. 4. lib. 1. cap. 10. num. 2.

XXVII. Nec minus clarè Chemnitz eadem de re mentem suam aperit. Nam explicans quomodo non aliud quam institutio Christi servanda sit, ut fiat verum Sacramentum. Non enim, inquit, hoc vult institutio Baptismi, ut fiat vulgaris aliqua lotio, vel quæ ex professo nihil aliud sit, quam vel ridiculus lusus, vel mimica subfannatio, vel prophanatio institutionis, cum recitatione verborum: sed requiritur ut peculiaris instituat actio, & quidem illa actio, quam Christus instituit. Et hoc sufficit ad servandam institutionem. Quod vero in corde de actione illa sentiat is, qui administrat Baptismum, hoc ad veritatem, seu integritatem Baptismi non pertinet. Et postea admittit ad veritatem Baptismi requiri, ut baptizans intendat, vel saltem ut appareat quod velit, seu instituat non lavare tantum, sed baptizare. In Examine Decretorum Concilii Tridentini, ad Canonem 11. Sessionis 7.

XXVIII. Calvinus quidem videtur, ut legitimam admittere Eucharistiam, quam aliquis Epicureus subfannans administrat; sed hoc intelligit de quadam interiori subfannatione, quæ exterius se non prodit, cum alioquin omnia fieri supponat secundum Christi mandatum & regulam. Ego vero, inquit, *sacrosanctæ Christi institutioni tantum deferro, ut si Epicureus quispiam, intus totam actionem subfannans, mihi cenam ex Christi mandato, & secundum regulam ab eo datam, ritumque legitimum administret, non dubitem panem & Calicem illius manu præstare, vera esse mihi corporis & sanguinis Christi pignora.* In Antidoto Sessionis 7. Concilii Tridentini.

XXIX. Porro ex his manifestum est, Protestantes Scholæ Romanæ concedere, quod aliqua intentio Ministri requiratur, ut Sacramentum ab eo administratum verum sit: nempe illa quam externam vocant. Internè autem aliquid intendit, qui revera vult aliquid facere. Externè verò rem intendit, qui videre vult illam intendere, licet aliud in mente cogitet; ac proinde ad Sacramenti veritatem & perfectionem exigunt Protestantes, ut qui illud administrat videri velit serio agere; & peragere rem sacram: idque ex circumstantiis loci, temporis, personarum, aliisque colligi possit. Unde est quod agnoscunt cum Doctoribus Ecclesiæ Romanæ, nullum esse Sacramentum, quod apparet per jocum & derisorie solum esse administratum: ut si quis histrionice & in scena baptizet, vel celebret Eucharistiam. Et certè qui facit aliquid mimice &

histrionice revera non facit illud, sed tantum se facere simulat: adeoque hoc ipso res est non vera, sed simulata.

XXX. Ceterum externa illa intentio, quæ in Sacramenti Ministro requiritur, intentionem aliquam veram & realem includit: scilicet externè faciendi quod Ecclesia facit, & Christus instituit. Ad externam autem Sacramenti celebrationem pertinet, ut res palam jocularis non sit, sed appareat illam seriè esse. Proinde id solum manet inter Protestantes & Scholam Romanam controversum, annon ad Sacramenti veritatem sufficiat, ut Minister externè faciat, & facere velit quod Christus instituit, & Ecclesia facit, & intendat quoque videri rem sacram celebrare, & seriò agere: nec præterea necessarium sit, ut Sacramenti Minister interius & reiprà intendat, vel actu, vel saltem virtute, celebrare rem sacram atque religiosam: adeo ut etsi absit ejusmodi intentio, imò quamvis quadam intentio contraria in Ministri mente claudatur, Sacramentum nihilominus verum & ratum haberi debeat, nec effectu suo careat, nisi ponatur obex ex parte recipientis. Quod affirmant Protestantes, hodierna verò Schola Romana negat.

XXXI. Unde manifestum est sententiam Protestantium à *Catharin* sententia in hac questione nihil quoad rem ipsam differre. Ac proinde detendi posset eorum hac in parte doctrinam in ipso Concilio Tridentino non esse damnatam. Cum istius Concilii verba ita concepta sint, ut *Ambrosius Catharinus* in suum sensum illa trahere facile poterit, & revera paulò post Tridentinum decretum, *Catharinus* libellum edidit, in quo sententiam suam non tueretur duntaxat, sed perdidit illam fuisse ipsius Concilii. Nec propterea ulla publica autoritate damnatus fuit iste *Catharinus*.

XXXII. Sed quæcumque fuerit mens istius Synodi, facile probari potest, ad Sacramenti veritatem necessarium non esse, ut qui Sacramentum ministrat veram & internam intentionem habeat, non solum externè faciendi quod facit Ecclesia, sed etiam in eo ritum aliquem sacrum, & ceremoniam quandam religiosam celebrandi, ut asserunt hodierni Scholæ Romanæ Doctores. Etenim omninò certum est, & à tota Schola Romana concessum, in Ministro Sacramenti fidem necessariam non esse: adeoque veri alicujus Sacramenti Ministrum esse posse, non solum infidelem occultum, sed etiam Epicureum, imò prorsus Atheum, qui religionem Christianam ludibrio habeat, eamque meram imposturam putat. Quomodo verò Atheus, sive Epicureus, qui omnes Christianæ Religionis ritus nihil prorsus sacri habere opinatur, sed esse meras fallacias ad homines deludendos & decipiendos inventas, potest habere mentalem & veram intentionem ritus illos peragendi, ut rem aliquam sanctam, atque religiosam: istanc simul consilium, ut quis simul existimet ritus aliquos esse meras fallacias atque præstigtias, quibus homines deluduntur, sub prætextu religionis, & tamen reiprà velit ritus illos, ut rem religiosam & sanctam celebrare? Et quomodo potest aliquis quiddam ut non sacrum habere, & tamen illud ut sacrum agere velle, idque voluntate interna & reali, non externa solum atque apparente?

XXXIII. Præterea si interna & occulta quadam Ministri intentio necessaria est, ut Sacramentum verum sit, nullus certus esse potest se verum aliquod Sacramentum suscepisse, aut huic vel illi verum Sacramentum fuisse administratum: cum nemo sciat quid alter mente gerat, & quid revera velit atque intendat. Inde autem multa absurda consequuntur. Et primo quidem Christianis persuasum est, certam esse salutem infantium, qui non solum nati sunt in Ecclesia Dei, sed etiam qui sunt ad Baptismum oblati, & secundum Christi institutum aqua abluti in nomine Patris, Filii, & Spiritus Sancti. Et hoc solatio leniri solet dolor parentum qui liberos suos ante usum rationis ex hac vita rapi vident. Et tamen si obtinet sententia Scholæ Romanæ, nemo certus esse potest de salutis infantis immatura morte præcepti, quantumvis ille baptizari visus sit. Nam ex ejus Scholæ doctrina, Baptismus est infantibus absolutè & prorsus ad salutem necessarius; nec tamen quilibet certus esse potest, an infans, quem baptizatum putat, vero fuerit Baptismate tinctus; cum sacerdotis, qui baptizare visus est, intentio ipsi ignota sit, & occultare poterit voluntatem factò contrariam.

XXXIV. Ex ea quoque doctrina sequitur in Ecclesia Romana neminem ordinariè ullo modo certum esse posse quod sit in Dei gratia, & quod peccata ipsi remissa sint, & ea de re dubitanti maximam omnes rationem habere: quod cum conscientia pace & tranquillitate consistere non potest. Quis enim frui possit spiritali illa læticia & pace, quam Evangelium tantopere commendat, dum dubius & anceps est, an Deus sit ipsi placatus, an insensus, & an sit in statu salutis, vel in statu damnationis? Quod verò fideles in Ecclesia Romana ea de re dubitandi & fluctuandi perpetuam materiam habeant, inde patet, quod secundum Scholæ Romanæ doctrinam, paucissimi reperiuntur sic affecti atque dispositi,

dispositi, ut ableg. Sacerdotis absolutione possint gratiam à Deo consequi: & tamen nulli certi esse possunt, num sint à Sacerdote, cui peccata sua confessi sunt, verè absoluti. Nam quæcumque verba ille pronunciarit, unde scire possunt illum veram intentionem habuisse ipsos absolvendi? Et posito quod talem intentionem habuerit, æquè incertum est an sit Sacerdos vel non, ac proinde an eos ullo modo absolvere poterit. Nec enim magis nota est intentio Episcopi; qui Sacerdotem ordinavit, quam intentio Sacerdotis, dum confitentes absolvit. Imo si fortè baptizatus non est, & maleficus Sacerdos illum baptizare noluit, non potuit ab Episcopo quantumlibet volente & intendente ordinari.

XXXV. Præterea ex illo dogmate quod mentalis & occulta Ministri intentio ad Sacramenti veritatem & perfectionem necessaria sit, sequitur populum Ecclesie Romanæ, cui Sacramentum Eucharistie quotidie summo cultui, qui soli Deo debetur, adorandum proponitur, nescire quid adorat, & an objectum illud coram quo genu flectit verè sit adorabile. Nec enim scire potest an ulla verè facta sit panis & vini in corpus & sanguinem Christi Transubstantiatio. Siquidem nulla sit transubstantiatio, si Sacerdos celebrans intus non habet veram intentionem consecrandi, qua de re nullus certus esse potest. Adde quod non minus incertum est, an ille qui istud mysterium celebrat verè Sacerdos sit, & veram habeat potestatem corpus & sanguinem Christi conficiendi. Quis enim certo nosse potest an fuerit Baptismi caractere signatus, & idoneus qui sacros ordines susciperet, tum quoque an qui illum ordinavit verus fuerit Episcopus, & revera illi sacros ordines contulerit, cum omnia ista pendere supponantur ab intentione quadam in vaviorum hominum cordibus clausa æque latente.

XXXVI. Respondent Theologi Ecclesie Romanæ, *Bellarminus* in primis, neminem quidem scire posse certitudine fidei divinæ, an Sacramentum quod suscipit, & quod celebratur, verum sit & efficax: sed tamen istud sciri posse certitudine humana & morali, quæ ad conscientiam tranquillandam sufficit. Nam, inquit, cum intentionem habere sit *facillimum*, nulla est causa dubitandi, an Minister habuerit intentionem, nisi aliquo signo exteriori id prodet. Quibus addunt ipsos Protestantibus non habere certitudinem aliam quam moralem de Baptismo quod singulis eorum administratus est. Nec enim se baptizatos sciunt ex divina revelatione, sed solum ex aliorum hominum testimonio: cum in prima infantia, & ante usum rationis, fuerint baptizati.

XXXVII. Sed hoc est eludere argumentum Protestantium, non illi respondere. Nec enim Protestantibus adversariis suis ut absurdum obijciunt, quod juxta suas hypothesas, fide divina certi non sint de veritate Sacramenti quod celebrari vident, aut quod ipsis est administratum, sed simpliciter quod istius rei nullam veri nominis certitudinem habeant, qualem habent Protestantibus singuli de suo Baptismo. Est enim non possint meminisse Baptismi, quem in infantia sua susceperunt, nec etiam per divinam aliquam revelationem se baptizatos norint, istud tamen ipsis compertum est testimonio & fama tam constanti, ut nulla prorsus occasio dubitandi superfit.

XXXVIII. Longè verò secus res se habet secundum Schola Romanæ placita. Quam enim qui doctrinæ illius adhærescunt, testimonio certo & irrefragabili nosse possint se olim aqua fuisse ablutos in nomine Patris, Filii, & Spiritus Sancti, juxta ritus à Christo & Ecclesia præscriptos, non tamen propterea sciunt se verè baptizatos esse. Neque enim Baptismus eorum verus fuit, si baptizantis intentio abuit. Nullum autem est testimonium quod ipsos certos reddat, illum à quo sunt baptizati necessariam in mente intentionem habuisse, imo non habuisse aliquam illi contrariam.

XXXIX. Nec verum est quod dicit *Bellarminus* nullam esse causam dubitandi de intentione ejus qui Sacramentum confert, nisi aliquo signo exteriori prodet se illam non habere. Etenim ex vita & conversatione palam prophana & flagitiosa multorum qui ministerii Ecclesiasticis funguntur, vehementer & legitima nascitur suspicio illos religionis Christianæ mysteriis fidem non adhibere, & revera Atheos, aut Epicureos esse, qui Sacramenta habent pro commentis humanis & superstitionis. Annon igitur iusta dubitandi causa est, num qui sunt eo animo, dum Sacramenta conferunt, intendant non solum externè facere quod Christiani solent, sed præterea in eo celebrare rem sacram atque religiosam? Ac etiam præter illos, quorum vita est apertè prophana, dubitari non potest quin inter Ministros Ecclesiasticos reperiantur multi hypocritæ, qui sub externo pietatis prætextu, intus occultant animum impium atque infidelem, de quibus idem quod de prioribus suspicari licet. Adde quod hoc ipso seculo in lucem hominum venerunt, & publicis actis inserta sunt, ac etiam literarum monumentis tradita, plura exempla Sacerdotum Magorum & Maleficorum, qui coram Judicibus solenniter

solenniter confessi sunt se, dum ministerio suo in Ecclesia Romana fungerentur, intentionem non habuisse Sacramenta administrandi, imo intentionem oppositam in mente habuisse.

XL. Jam aliquis animo perpendet quot ab istis sceleratis qui pœnas publicè dederunt, & ab aliis quorum crimen non innovit, baptizari visi sunt infantes, qui tamen secundum Scholæ Romanæ dogma, revera baptizati non sunt. Ex quibus quoque est prorsus verisimile multos postea fuisse ordinatos Sacerdotes, aut etiam Episcopos, qui nihilominus tales revera non fuerunt: cum nemo possit Sacros ordines suscipere, & ordinum illorum charactere insigniri, qui prius non sit verè baptizatus. Isti verò Sacerdotes & Episcopi vitio creati nullos poenitentes potuerunt verè absolvere, nec ulla Eucharistica symbola consecrare, nec ullos ad sacros ordines promovere, adeoque inde consequens est ab iis, quamvis incitis & invitis, innumeros fuisse poenitentes delusos, & pluribus in locis plebem Ecclesiæ Romanæ ad adorandum panem merum, loco Christi, compulsam: præsertim quorquor ordinati sunt ab iis Sacerdotes, tales solo titulo fuisse, unde sequitur rursus ab his simili modo in Sacramentorum administratione fuisse populo Christiano illusum. Ex quibus omnibus patet quam multæ, & quam graves occurrant dubitandi causæ, circa veritatem & fructum Sacramentorum, quæ in Ecclesia Romana conferuntur: cum non tantum dubia sit, nec ulla idoneo testimonio probari queat arcana intentio multorum Ministrorum, qui vel apertè impii sunt, vel hypoërisi suam infidelitatem tegunt: Sed etiam ignoretur, an qui videntur probi & honesti reipsa sint ordinibus Sacris initiati, & sic potestatem habeant administrandi Sacramenta solis Ecclesiæ Ministris commissa: quandoquidem facile potuit contingere, ut baptizati revera non fuerint, aut ut fuerint ab iis ordinati quibus intentio defuit, vel qui ipsi fuerant ab aliis vitio creati, ob defectum aliquem similem, & sic non poterant in alium transferre potestatem quam ipsi non habebant. Ac proinde hinc colligere promptum est, non solum hic locum non esse certitudine fidei divinæ, sed nequidem certitudini morali & humanæ, quam dicit *Belarminus*, cum tam variæ, tam graves, & tam facili ac sæpè recurrentes dubitandi causæ tollant hic omnem verè nominis certitudinem, & animum planè dubium ac suspensum relinquant.

XLI. Præterea occultam Ministrum intentionem ad Sacramenti veritatem necessariam non esse, inde valde colligitur, quod dogma ejusmodi necessitatem astruens nullo fidei Scripturæ sacræ testimonio, aut Doctorum Ecclesiæ antiquæ consensu, sed est recentioris Ecclesiæ Romanæ commentum, cujus apud veteres, ante *Petrum Lombardum*, nequidem ulla mentio sit, quodque natum est ex Scholasticorum in *Petri Lombardi* libros disputationibus. Quin, ut ante videmus, Concilium ipsum Tridentinum non ausum est istud apertè definire: sed decreti sui verba, circa intentionem Ministrum Sacramentorum, de industria ita temperavit, ut facili admittere possent *Ambrosii Catharini* sensum, qui cum Protestantium doctrina omnino consentit.

XLII. Quod autem res ita se habeat manifestum faciunt ipsæ disputationes Doctorum Scholæ Romanæ, qui sententiam suam nullis Scripturæ locis, nec ullis veterum Patrum testimoniis, sed sola Conciliorum Florentini, & Tridentini autoritate probare conantur, quanquam nè istud quidem invictè præstare queant, ac præterea quibuldam rationibus quæ sunt ita leves, ut facili & nullo negotio dissolvi possint.

XLIII. Primo enim dicunt verba quæ in Sacramentis adhiberi solent, habere posse varias significationes. Ut exempli causa, hæc verba, *Ego te Baptizo*, possunt significare simplicem ablutioem, quæ fit ad sordes corporis eluendas, aut consequendum aliquem finem alium naturalem. Ac propterea aliquid requiri, quo verborum Sacramentalium determinetur significatio; sed nihil esse quo determinari possit nisi mentalem & internam Ministrum intentionem. Respondeo verborum, quibus uti solemus in Sacramentorum administratione, significationem sapienter determinari per totam seriem actionis à Christo institutæ, & per circumstantias loci, temporis, personarum, ex quibus appareat rem sacram peragi, & celebrari mysterium à Christo institutum, ut in Baptismo, exempli gratia, ablutioem non esse vulgarem, sed Mysticam & Religiosam. Nec præter intentionem quam Minister præse fert, opus est ad hoc alia interna & occulta.

XLIV. Deinde ad probandam necessitatem ejus intentionis, quam in Sacramenti Ministro requirunt, dicunt Sacramentorum Ministros esse instrumenta Dei, non bruta, sed animata & ratione utentia: Ut cum Rex constituit Præsides & Judices in urbibus, qui nomine suo jus dicant. In talibus atem requiri voluntatem & intentionem exercendi actiones, quarum instrumenta dicuntur. Respondeo Sacramentorum Ministros esse quidem instrumenta ratione utentia, illosque in Sacramentorum administratione agere

agere liberè & deliberatè: adeoque Sacramentum illud planè fore nullum quod aliquis dormiens, vel amens administraret: Sed propterea non debent hac in parte Præfidiis & Judicibus Regiis comparari; verùm illis qui ex speciali mandato certum alicujus negotium procurant. Illi autem in procurando negotio quod ipsis commissum est, uruntur quidem ratione & libertate sua, sed modo externè faciant quod habent in mandatis, negotium ratum est, quamcunque intentionem intus habere & celare possint. Imo quum Judex ipse à Rege constitutus aliquem solenniter & pro more absolvit, verè absoluta est, quamcunque intentionem Judex animo occultare possit.

XLV. His addunt Sacramentorum verba esse practica: verba practica autem efficacia non esse, nisi dicantur ab eo qui habeat potestatem & voluntatem faciendi quod verba significant. Respondeo verba in Sacramentis administrandis usurpata dici & esse practica, ratione Christi per illa agentis, & efficaciam eorum pendere ex institutione & potestate Christi, non autem ex voluntate & intentione Ministri. Verum quidem est Deum per illa verba non agere, nisi ab idoneo Ministro proferantur, & tum demum esse Christi instrumenta efficacia, quum pronunciantur ab eo cui ipse commisit: sicut Imperia Regum & Principum à quolibet significata efficacia non sunt, sed solum quando à Ministris ad hoc delectis deferuntur: Sed modo Minister verba pronuntiare velit, tempore, loco, & forma quæ ipsi præscripta sunt, verba illa suam efficaciam habent, quicquid de cætero Minister intus velle & cogitare possit. Sicut nulla occulta intentio prætonis, edictum Regis pro more & solenniter promulgantis, edicti illius robori & authoritati præjudicare potest.

XLVI. Denique sententiam suam probare conantur Scholæ Romanæ Theologi, ex absurdis, quæ putant ex doctrina contraria sequi. Nempe, inquiunt, nisi in Sacramentis necessaria esset Ministri intentio, sequeretur eum qui lavaret aliquem in Balneo sanitatis causa, & verbis in Baptismo usitatis Dei nomen invocaret, eum baptizaturum esse; imo si quis in scena mimicè & histrionicè ritus & verba Baptismi usurparet. Baptismum legitimum fore: tum ad lectionem in mensa verborum illorum, *Hoc est Corpus meum*, tum mensæ panem fore consecratum; ut & vinum ad illa verba, *Hic est Sanguis meus*. Respondeo ista nullo modo sequi ex doctrina Protestantium. Nam ad veritatem Sacramenti requirunt, ut Minister velit & intendat externè celebrare quod Christus instituit: adeoque si ex actionis circumstantiis appareat, actionem non esse seriā, nec vellet videri qui agit Sacramentale opus peragere, sed quidpiam aliud, concedunt Sacramentum planè nullum futurum. Id solum docent, modo Sacramenti Minister præ se ferat se velle Sacramenta celebrare, & seriò agere, istudque ex actionis circumstantiis colligatur, nec quicquam omitatur eorum, quæ Christus tanquam necessaria præcepit, Sacramentum verum & legitimum esse, quicquid intus de cætero Minister ille cogitet & intendat: ac proinde ad Sacramenti veritatem sufficere intentionem, quam externam vocant; nec præterea requiri aliquam aliam mentalem & arcanam.

XLVII. Cum ergò Doctores Ecclesiæ Romanæ suam illam sententiam de necessitate cujusdam intentionis arcanæ & occultæ in Ministro Sacramentorum, probare nequeant Scripturæ sacræ testimoniis, nec etiam veteris Ecclesiæ traditione, aut præfcorum Ecclesiæ Doctorum suffragiis: ac præterea vim nullam habeant rationes quæ ad hoc ab illis proferuntur, inde patet illam omni fundamento destitui, ac proinde merito rejiciendam, & explodendam esse.

679
14
THESES THEOLOGICÆ:

In quidus exponitur, An

CHRISTUS

Sit Mediator secundum utramque Naturam,

DIVINAM & HUMANAM?

*Eaque de re Sententia Ecclesiæ ROMANÆ cum
PROTESTANTIUM Doctrina confertur.*

Quas favente D E O,

Sub Præsidio LUDOVICI LE BLANC,

In Academiâ Sedanensi Theol. Professoris,

Publicè tueri conabitur.

JOHANNES MARTIN, *Anglo-Sarvensis.*

THESIS I.

Secundum Theologorum Scholæ Romanæ mentem, Domini nostri Jesu Christi Mediatorio sic concipienda atque explicanda est. Mediator ille propriè dicitur qui inter aliquos dissidentes, aut certè non conjunctos, medium se interponit, ut eos inter se conciliet, & ad concordiam redigat, aut aliquo novo scedere uniat. Ideoque cum istud in se suscepit Christus, ut homines Deo conjungeret, & à Deo per peccatum aversos, & inimicos factos in gratiam cum Deo reduceret, optimo jure Dei & hominum Mediator vocatur.

II. Ut Autem Dei Filius istud præstare posset, in forma Dei existens, Deoque Patri æqualis & consubstantialis, assumpsit formam servi, & factus est homo, nobis, excepto peccato, per omnia similis. Ita ut ipse eo jam concurrant duæ naturæ, divina & humana, quæ in Christo tam acutè unitæ sunt, ut unam tantum personam constituent. Atque sic Christus ratione personæ, & naturæ quæ in eo duplex est, medium quid obtinet inter Deum & homines, quatenus nec Deus est simpliciter & nudè, nec etiam homo simpliciter & nudè, sed *simul*, Homo Deus. Ista verò quæ in eo reperitur divinæ & humanæ naturæ participatio, & unio personalis à *Bellarmino* vocatur, *Mediatio substantialis*. De qua quæstio non est secundum quam naturam Christo tribuenda sit, cum ipsi conveniat ratione unionis & conjunctionis utriusque naturæ.

III. Verum ut Dei Filius homines peccatores Deo reconciliaret, & cum eo uniret, non satis fuit ut naturam humanam in unitatem personæ assumeret, sed ipsi præterea multa subeunda & præstanda fuerunt. Ad quorum intelligentiam, notandum est aliquem tribus præcipuè modis Mediatorum inter partes dissidentes agere. Primo, referendo hinc inde pacta & conditiones utriusque partis, quomodo omnes internuncii dici possunt

U n u

Mediatores.

XI. Denique si quis velit Scholasticorum sententiam à Scholæ formulis & tritis expedire, illamque simplicibus & apertis verbis proponere, huc tota redire videtur. Personam quæ exercet officium Mediatoris necessariò Deum & hominem esse debere: Mediatoris tamen functiones nullas divinas esse, sed duntaxat humanas: cum omnes sint ab humanitate tanquam proximo suo principio. Verùm his functionibus efficaciam, valorem & pretium accedere à natura divina, cum qua natura humana conjuncta est in unam personam.

XII. Quod spectat autem Protestantes, illi Mediatoris vocem latiori sensu sumunt, quam Doctores Scholæ Romana. Ex sub hoc Officio functiones longè plures comprehendunt. Nam quicquid quocunque modo Christus Dominus noster præstitit, & continuò præstat ad hominum salutem, id totum ad officium ejus Mediatorum revocant. Ex ita, ex eorum sensu, functiones Christi ut Mediatoris, tam latè patent quam ejus functiones, ut Redemptoris & Servatoris hominum. Jam verò Christus gratiam & salutem, & quæcunque huc spectant beneficia, non tantum nobis meruit & peperit obedientia & passione sua, sed eadem ipse quoque nobis applicat & confert, nosque salvat, non tantum merito & satisfactione, sed etiam virtute atque efficacia.

XIII. Deinde Christus nos docet atque regit non tantum ut homo qui est divinitatis instrumenta conjunctum, & planè singulare, sed etiam ut qui est primarius author veritatis & luminis omnis, & à cujus omnipotentia omnia pendent & æternum pendebunt. Itaque autoritate & jure proprio peccata remittere, per gratiam intus corda renovare, Spiritum Sanctum mittere, corda aperire, mentes illuminare, mortuos excitare, immortalitate donare, & plura ejusmodi, sunt opera Christi Servatoris nostri, qui, ut dictum est, ista beneficia non solum nobis promeruit, sed etiam ipsa & virtute propria confert. Hæc omnia Protestantes tribuunt Christo Mediatori, & inter functiones ejus Mediatorias recensent.

XIV. Porro inter functiones Christi Mediatorias agnoscunt multas esse quatum formale quidem principium natura divina non est, sed humana duntaxat, si substantia operis attendatur; ut sunt orare, pati, obedire: sed quoniam actibus illis pretium & efficacia ex divina Christi natura accedit, cui personaliter humana conjuncta est, ideo nequidem harum functionum respectu Christum patiuntur dici Mediatorem esse secundum solam naturam humanam, docentque Christum illas exercere, non simpliciter quatenus est homo, sed quatenus est *Deus & homo conjunctim*.

XV. Sed præterea sunt in ea sententia multas esse functiones Christi Mediatoris quarum, quoad ipsam operis substantiam, principium formale est natura divina, non natura humana: qualia sunt illa quæ jam memorata sunt, Spiritum Sanctum mittere, mentes intus illuminare, efficaciter corda renovare & sanctificare, mortuos excitare, & si quæ sunt istiusmodi. Quicquid enim Christus facit, ut à Patre missus ad genus humanum redimendum, & electos servandos, istud officium Christi Mediatorio deputant, sicuti jam diximus.

XVI. Ideoque docent Christum Dominum nostrum dici & esse revera Mediatorem Dei & hominum, secusdum utramque naturam, non tantum quia suppositum illud quod Mediatorias functiones exercet est persona divina, quæ simul est Deus & homo; sed etiam quia sunt quedam operationes, & effecta Christi, ut Mediatoris, quæ sunt à natura divina, tanquam principio formali per quod Christus illa operatur: alia verò quæ sunt à natura humana. Ita ut in functionibus Officii Mediatorii suas partes agat humanitas, & suas quoque divinitas. Ex utraque natura suas hic habear *essentias*, & etiam *inseparabiles* quorum quædam sunt propriè divina, & alia humana: si licet neutra natura considerari debeat seorsim ab altera, sed utraque agar cum communione alterius.

XVII. Ex iis autem quæ jam exposita sunt liquere potest Theologos tam Scholæ Romanæ, quam Scholæ Reformatæ in eo convenire: 1. Quod bono sensu dici possit Christum esse Mediatorem secundum utramque naturam, nempe saltem, si queratur de principio quod dedit opera Mediatoris. 2. In eo quoque quod, absolute loquendo, Christus sit & dici debeat Mediator noster non tantum ut homo est, neque tantum ut Deus est, sed ut est homo & Deus conjunctim.

XVIII. Præterea patet ex dictis Doctores Scholasticos Protestantes concedere nullas esse functiones Christi Mediatoris quæ à natura divina non pendeant, tanquam à principio, à quo valorem suum & pretium mutuuntur: & vice versa Theologos Protestantes non negare, si sermo sit de actibus ad quos Schola Romana minus Christi Mediatorum restringere videtur, illa secundum substantiam à natura humana esse, tanquam

U u u u 2

formali

formali suo principio : quamvis natura divina suam illis dignitatem & efficaciam conferat.

XIX. Itaque huc tantum redit controversia, An sint quædam functiones Officii Mediatorii quæ, quoad ipsam operis subtilitatem, sint à Christi natura divina, tanquam principio formali, non autem ab humana, id est, quas Christus per naturam divinam exerceat, non verò per humanam. Quod affirmant Protestantes, negant autem Doctores Ecclesiæ Romanæ.

XV. Quæ tamen controversia à *λογωματία* vix abesse videtur, aut saltem magni momenti non esse. Nam propria virtute hominum corda convertere, mentibus eorum fidem imprimere, mortuos vivificare, mittere Spiritum Sanctum, & similia plura, quorum respectu dicunt Protestantes Christum actus quosdam Mediatorios per ipsam naturam divinam exercere, sunt opera quæ Christo conveniunt Schola Romana cum illis agnoscit, & de quibus quoque convenit naturam Christi divinam esse principium eorum formale, & illud per quod à Christo exercentur. Id solum in questione est, An actus illi debeant dici Mediatorii, & Christo competant quatenus Mediator noster est, quod affirmant Protestantes, Schola verò Romana negat. Jam autem modo certi sumus Christum potentem & paratum esse ista præstare in hominum salutem, non videtur magni referre, An dicamus ista à Christo præstari quatenus Mediator est, An verò alio titulo? Quod idem est ac querere, An titulus Mediatoris atque pateat in Christo ac titulus Servatoris; An verò Servatoris titulus amplior sit, & plures actus comprehendat, quam titulus Mediatoris.

XXI. Ut autem aperiam quod hac de re sentio, illi actus in Christo Mediatorii, propriè loquendo, dicendi videntur qui præstari non poterunt, nisi à Verbo Incarnato, quique Christo ita proprii sunt, ut aliis personis divinis non competant, nec ab iis exerceri possint. Nam titulus Mediatoris nec Patri convenit, nec Spiritui Sancto, nec actus illius Mediatorius ab iis elici & præstari potest. Jam verò gratiam & gloriam donare, & conferre salutem Christi merito partem, & intercessionem illius impetratam, ac virtute propria mentes illuminare, corda convertere, mortuos excitare, & quæ sunt similia, non sunt functiones quædam Christo peculiare, sed perhinc ad opera illa Trinitatis indivisa, quæ communia sunt Patri, Filio, & Spiritui Sancto. Pater enim & Spiritus Sanctus, non minus quam Filius ipse, corda convertunt, mentes illuminant, mortuos vivificant, gratiam & gloriam donant, & salutem æternam conferunt, ac proinde actus illi non sunt Mediatorii accuratè & propriè loquendo. Er ita quod Christus nobis gratiam, gloriam, & salutem æternam meretur & impetrat, id facit tanquam Mediator. Sed quod gratiam & salutem eandem efficaciter nobis, & ut author ejus primarius, confert & communicat, id non facit quatenus Mediator noster est, sed simpliciter ut servator & liberator noster; qui Servatoris titulus ipsi quidem ratione quadam appropriatur, ut Patri appropriatur titulus Creatoris, sed tamen illi cum Patre & Spiritui Sancto communis est. Et sic, meo quidem judicio, titulus Servatoris latius patet quam titulus Mediatoris, & plures in Christo comprehenditur actus.

XXII. Christo igitur peculiare est quod nos servat merito, satisfactione, & intercessionem suam, aut etiam ut conjunctum & singulare quoddam divinitatis instrumentum. Ac proinde istud præstat tanquam noster apud Deum Mediator. Sed quod nobis salutem efficaciter applicat, nosque virtute propria transfert à morte ad vitam, Christo non est peculiare, sed commune Patri & Spiritui Sancto, ac proinde ad Christi officium Mediatorium referendum non est. Nec est quod aliquis dicat Patrem quidem, cum Christo Filio; Omnipotenti sua Virtute nos illuminare, convertere, sanctificare, vivificare & glorificare, sed tamen Christo peculiare esse quod ista præstat, tanquam à Patre missus ad homines servandos. Nam ut persona divina Mediatoris partes agat, non satis est ut aliquid faciat, tanquam missa ab alia ex divinis personis. Alioquin Spiritus Sanctus, qui à Patre & Filio mittitur ad nos illuminandos atque sanctificandos, Mediator quoque noster dici deberet. Quod tamen est à verà Theologia alienum.

XXIII. Unde sequitur etiam minus benè ratiocinari Theologos nonnullos, dum colligunt Dei Filium ante incarnationem, & sub Veteri Testamento, jam egisse partes Mediatoris, ex eo quod jam tum erat ad procurandam hominum salutem à Deo Patre missus: propter quod pluribus in locis Dei Filio Patribus in humana specie apparenti Angeli nomen tribuitur. Etenim hoc concessio, quod negare nolumus, minime consequens est Filium Dei jam tum fuisse functum munere Mediatorio; cum ad hoc munus hanc quæquam sufficiat unius personæ Divinæ ab altera missio: ac præterea ab omnibus Protestantibus concedatur Christum non esse Mediatorem nostrum simpliciter ut

Deus

Deus est, nec simpliciter ut homo est, sed ut Deus & homo conjunctim. Quo posito, impossibile est Filium Dei exercuisse functionem ullam mediatoriam ante assumptam naturam humanam, & priusquam verbum caro factum esset.

XXIV. Per Christum Mediatorem servati sunt quidem quotquot ab ipso mundi primordio salutem adepti sunt, verum non per operationem ullam Mediatoriam à Filio Dei jam tunc exercitam, sed virtute Mediationis à Christo suo tempore præstandæ, & obedientiæ usque ad mortem crucis, per quam iustitiæ divinæ pro nobis cumulativè satisfactorius erat. Siquidem Christi meritum quod ab æterno Deo præfens erat, à primis orbis initis Deo conciliavit omnes qui fide amplexi sunt promissiones gratiæ ab ipso Deo primis nostris parentibus proponi cæptas. Quo respectu Christus in *Apocalypsi* dicitur agnus occisus à jactis mundi fundamentis. Quoniam a principio mundi efficacia futuræ mortis ejus in peccatoribus Deo conciliandis sese jam exercebat.

XXV. Nec etiam probare possum quod quidam inter Reformatos, ut ostendant Christum munus Mediatoris exercere, etiam secundum naturam divinam, dicunt incarnationem, per quam Dei Filius naturam humanam assumpsit, esse opus Mediatorium, cujus formale principium non est ipsa natura humana, quæ æterno Dei verbo seipsam non univit, sed solum natura divina. Etenim incarnatio non est opus Mediatorium, sed illud per quod ipse Mediator constitutus est. Aliud est autem aliquem Mediatorem apud Deum constituere, & aliud munere Mediatorio fungi. Prius competit Deo Patri, Filio, & Spiritui Sancto; posterius non item.

XXVI. Nolle etiam dicere cum nonnullis Christum secundum naturam divinam sacrificium Deo obtulisse, & in cruce naturam humanam tenuisse locum victimæ, Christum verò, ut Deus est, egisse partes Sacerdotis victimam Deo offerentis. Omnis enim Sacerdos quæ talis inferior est eo apud quem Sacerdotio fungitur: adeoque si Christus, ut Deus est, Sacerdotio fungitur apud Patrem, ut Deus, est inferior Patri: quod est à sana doctrina alienum. Ergo summus noster apud Deum Sacerdos est quidem *ἱερέως*, Deus & homo simul, verum Sacerdotio fungitur non quæ Deus, sed quæ homo duntaxat. Ac proinde in Sacrificio crucis, Christus, ut homo, fuit & victima oblata, & Sacerdos offerens. Ut autem ita se Deo offerret, & fieret obediens usque ad mortem crucis, motus & impulsus est ab æterno Dei Spiritu, adeoque à natura divina corporaliter in ipso habitante. Et hoc est quod docere intendit Apostolus, dum de Christo dicit, quod *per Spiritum Sanctum*, seu ut Græca habent, *per Spiritum æternum semetipsum obtulit immaculatum Deo*. Heb. 9. 14. præterquam quod Christi natura divina est, quæ oblationi Christi pretium & valorem infinitum contulit.

XXVII. Quamvis autem hæc ita se habeant, nec etiam putemus inter actus Christi Mediatorios recenseri debere, quæ actione communi cum Patre & Spiritu Sancto, & omnipotenti virtute in salutem nostram operatur, nos à peccati morte excitando, illuminando, & sanctificando, nihilominus asserimus rectè & congruenter à Protestantibus dici Christum esse Mediatorem secundum utramque naturam, divinam & humanam: quia, scilicet, opera Christi Mediatoria, secundum substantiam quidem à Christo per naturam humanam exercentur, sed tamen dignitatem, pretium & valorem trahunt à natura divina, cui Christi natura humana personaliter unita est. Sed de tali loquendi modo acrius in partem utramvis contendere, quando de re ipsa constat, peccare esset in præceptum Apostoli, qui Christianos vocat *ἡσυχάζειν*.

THESES THEOLOGICÆ:

In quibus inquiritur.

An ex oblata atque exoptata

U N I O N E

Eorum qui inter Protestantes singulari nomine *Reformati* dicuntur, cum iis qui vocantur *Confessionis Augustanæ*, sequatur Protestantes cum Ecclesia Romana uniri posse & debere?

T H E S I S I.

EX quo inter Protestantes dissidium ortum est circa quadam Religionis Christianæ capita, & palam divisi sunt qui Helveticam, Gallicam & Belgicam Confessionem sequuntur, ab iis qui Augustanæ Confessionis propius adherent, priores illi, qui singulari nomine Reformati vocantur, cum aliis qui dicuntur Confessionis Augustanæ in concordiam semper redire conati sunt, & varios modos tentarunt, quibus pax Ecclesiastica posset cum iis constitui, & tolli Schisma inter utrosque natum.

II. Ac quamvis hi posteriores oblata pacem plerumque respuerint, & eorum plurimi ab ea etiamnum alieni valde videantur, res tamen quandoque non caruit successu. Ut ante centum annos in Synodo Sendomiriensi, ubi in communi quadam confessione convenerunt, & inter se conciliati sunt Ministri qui in utraque Polonia, Lithuania, & Samogitia Evangelium Christi, tam juxta Augustanam, quam juxta Fratrum Waldensium, & Helveticarum Ecclesiarum confessionem docebant. Et nuper etiam in Colloquio Cassellensi, inter Theologos Marpurgenses & Rintelenenses habito, in quo de mutua quadam communione inter utrosque conventum est, non obstante eo qui supererat dissensu circa quadam quæ habita non sunt pro fundamentalibus.

III. Nec etiam hoc seculo defuerunt inter alios Theologos Confessionis Augustanæ viri doctissimi & celeberrimi, qui scriptis publicè editis se pacem istam Ecclesiasticam inter utramque Protestantium partem optare testati sunt, & ejus incundæ rationem aperuerunt: ut *Mathias Strengensis* in Succia Episcopus, in libro qui inscribitur *Ramus Olivæ Septentrionalis*, & *Georgius Calixtus* in Academia Julia Theologiæ Professor, in libro cujus titulus est, *Georgii Calixti Judicium de Controversiis Theologicis quæ inter Reformatos & Lutheranos agitantur*.

IV. Ex ista verò concordia, quam Reformati quarunt, & aliquando etiam inierunt, cum Ecclesiis Confessionis Augustanæ, Scholæ Romanæ Doctores colligunt, & sequi putant illos cum Ecclesia quoque Romana uniri posse & debere, nec communionem illius refugere. Quasi, scilicet, ratio non esset cur ab Ecclesia Romana secedant, potius quam ab Ecclesiis Confessionis Augustanæ, cum quibus quoque graves habent controversias. Itaque non abs re erit discriminis istius rationem ostendere, & docere cur Protestantes, non obstantibus controversiis illis, quæ inter eos agitantur, unionem possint & debeant inter se colete, talis verò unio inter ipsos & Ecclesiam Romanam nec licita, nec possibilis sit.

V. Ut

V. Ut autem istud manifestum fiat, observandum est, ad hoc ut Reformati cum reliquis Protestantibus pacem querant & unionem colant, sufficere, si omnibus expensis, & accuratè ex Dei verbo dijudicaris, appareat ea quæ inter ipsos controversa manent ejusmodi non esse, ut Religionis Christianæ fundamenta subruant, & cum vera in Deum pietate consistere non possint; adeoque illos qui de istis variè sentiunt atque opinantur se mutuo tolerare posse, & pro fratribus in Christo agnoscere.

VI. Hæc fuit ratio concordiæ, illius qua ante paucos annos Cassellis inita est inter Marpurgenses atque Rintelenses. Postquam enim utrique sua dogmata & animi sensa sibi mutuo clarè & distinctè explicuerunt, & viderunt quousque inter ipsos conveniret, & quid realis & veri discriminis inter horum & illorum sententiam superesset, utrinque bona fide agnium est quod in questione reslatur tanti momenti non esse, ut propterea ab invicem divisi manere deberent, nec Christianam & Religiosam communionem inter se colere. Itaque de mutua tolerantia inter se convenerunt, & statutum est ne alii in alios deinceps inveherentur & contumeliose agerent, sed ut singuli manentes in propria sententia, donec Deus veritatem suam omnibus revelaret, nihilominus, quum sese offerret occasio, inter se communicarent: sicuti postea factum est.

VII. Et hæc quoque fuit ratio qua Paulus sui temporis fideles de legalium rituum observantia inter se contententes conciliare tentabat. Etenim vult ut illi qui de libertate Christiana melius instituti erant, & ex Evangelicæ doctrinæ didicerant Mosaicæ ceremonias per Christum abolitas esse, benignè ferrent & tolerarent eos quibus super ea re scrupulus aliquis hærebat, & qui putabant se adhuc obstrictos esse ad ceremonias Mosaicæ servandas. Jubetque ut tales, quos infirmos in fide vocat, ad communionem suam admitterent, nec conscientias eorum vexarent cum illis discrepantes, & urgentes eos ut propriis sensibus renunciarent. Huc spectat quod dicit Paulus in Epistola ad Romanos, *Infirmum autem in fide assume, non in disceptationibus cognitionem.* Item *Unusquisque in suo sensu abundet.* Et scribens ad Philipenses; *Si quid aliter sentitis, & hoc vobis Deus revelabit. Verumtamen ad quod pervenimus, idem sapiamus, & in eadem permaneamus regula.* Cap. 14. cap. 3.

VIII. Sed Ecclesiæ Romana proponit tanquam conditionem necessariam omnibus qui communionem ejus amplecti volunt, & cum ea consociari, ut Decretis & Canonibus Concilii Tridentini per omnia subscribant, & eam edant suæ fidei professionem cujus formula à Pontificibus Romanis dictata est. Ac cum palam anathema dicat omnibus qui aliquid contrarium senserint Concilii Tridentini definitionibus, non potest pro fidelibus & Christi membris agnoscere ullos ex iis qui quicquam isti Concilio manifestè repugnans sese profiterentur.

IX. Ideoque Protestantes non possunt cum ea uniri, & communionem aliquam habere, nisi prorsus renuncient & anathema dicant omnibus iis quæ hæcenus contra Concilii Tridentini decreta tenuerunt & defenderunt, illaque pro perniciosis erroribus habeant. Quod est insuperabile unioni eorum cum Ecclesiæ Romana obstaculum. Quippe longe facilius est homines eo adducere, ut agnoscant aliquid quod est in contensione, exempli causa, realem corporis Christi præsentiam in Sacramento Eucharistiæ, quomodo illam explicant Theologi Confessionis Augustanæ, aliquid, inquam, hujusmodi ferri & tolerari posse, nec evertère fundamenta pietatis Christianæ, quam ut idem istud habeant tanquam verum, & necessarium fidei articulum.

X. Ac præterea quamvis aliquis sentiat doctrinam aliquam non prorsus cum pietate Christiana pugnare, si tamen illam falsam esse putat, non potest illi subscribere, & declarare quod illam corde credit, & ore confitetur, ac multo minus quod illam pro necessaria habet, absque insigni hypocrisi, & quin peccet in propriam salutem: neque vir ullus probus, sub tali conditione, cum societate quacunque communicaturus est. Nec ullus Reformatorum, qui ut communionem cum Theologis Augustanæ Confessionis habeat, eorum consubstantionem admittere & confiteri velit, est teneat alioquin errorem illum esse tolerabilem: sicut olim tempore Apostolorum, nullus ex fidelibus de libertate Christiana rectè informatus atque persuasus, ut pacem haberet cum Christianis illis, qui aliquomodo adhuc Judaizabant, declarare voluisset se Mosaicarum ceremoniarum ulum pro necessario habere, quamvis parvus esset ad istiusmodi infirmos tolerandos. Ut nec Paulus ab ullo talium infirmorum exigebat, ut contra conscientiam suam scrupulosam atque erroneam quicquam profiterentur, sed sinebat illos in sensu proprio abundare, donec Deus illos amplius illuminasset.

XI. Atque ut hujus rei aliquid exemplum sumamus ex iis quæ sunt inter Protestantes & Ecclesiam Romanam Controversia, inter utroque in questione est, An libri *Judithæ*, *Tobias*,

Tobias, & *Maccabæorum* Canonici sint, aut non? Ac planè persuasi sunt Protestantæ libros istos inter Apocryphos esse rejiciendos: idque tum propter perpetuam & constantem traditionem Ecclesiæ Judaicæ, quæ libros illos nunquam pro Canonicis habuit, quæ traditio quoque primis post Christum sæculis in universa Christi Ecclesiâ recepta est, & ad hunc usque diem incorrupta mansit in Ecclesiâ Græcâ, imo in ipsâ Ecclesiâ Romanâ, Concilium ad usque Tridentinum, à petitiſſimis & celeberrimis illius Doctoribus agnita fuit & probata: tum ob imbecillitatis humanæ argumenta quæ passim in istis libris evidentiâ sunt. Nec tamen credunt Protestantæ errorum eorum qui libros istos absque iusto fundamento pro Canonicis habent, esse perniciosum & intolerabilem, sed nihilominus in propriam salutem se peccaturos arbitrantur, si contra proprium sensum declararent & profiterentur se credere libros illos verè divinos esse, & æqualis authoritatis cum scriptis Prophetis atque Apostolicis, & cum Synodo Tridentina prouiderent anathema omnibus illis qui contrarium tenent.

XII. Unde patet illa ipsa quæ non obtarent unioni Protestantium cum aliis Ecclesiis ingens impedimentum esse ne possint cum Romana Ecclesiâ uniri: quoniam eorum quæ semel constituit professionem exigit ex imperio ab omnibus qui volunt aliquam cum ea communionem colere, cum aliæ Ecclesiæ in multis ejusmodi tolerent eos qui aliquid diversum ab ipsis sentiunt.

XIII. Sed quod maximè impedit ne Reformati possint cum Ecclesiâ Romanâ uniri, qua ratione parati sunt in concordiam redire cum iis qui sequuntur: Confessionem Augustinam, illud est quod in cultu publico & externo eorum qui jam dicitur Confessionem singulariter addidisti sunt, nihil est quod Reformatis gravi scandalo esse possit, & obſtare ne tuta conscientia illi adesse queant, ut vice versa in Reformatorum cultu nihil est quod cum aliqua ratione aliorum Protestantium conscientiam lædere possit, & illis offendi-culo esse. Nec enim vel apud hos, vel apud illos quicquam publicè adoratur, quod utrique non credant & profiteantur Deum esse. At contra, cultus publicus & externus Ecclesiæ Romanæ ut plurimum in iis consistit quæ Reformati nec agere, nec probare possunt bona conscientia.

XIV. Primò enim quod in eo cultu maximè momentofum & ordinarium est solemniss adoratio, eaque summa & suprema, quæ Sacramento Eucharistiæ quotidie exhibetur, tanquam ipsi Christo Domino, qui supponitur in eo Sacramento adesse propriè & absque figura: ita ut ibi nulla sit substantia panis, & vini, sed ipsa corporis & sanguinis Christi substantia, quæ sub accidentibus panis & vini latet. Cui cultui absque gravi crimine Reformati non possunt ullo modo communicare; quandoquidem persuasi sunt ipsum Christi corpus in Eucharistiâ non esse præſens secundum substantiam, sed solum in Sacramento & commemoratione. Adeoque si supremum lætæ cultum deferrent Sacramento Eucharistiæ, tanquam Deum adorarent objectum quoddam, quod tamen Deum esse non credunt, & ita ipsi proprio judicio convincerentur idololatriæ.

XV. Solent hic regetere viri in Ecclesiâ Romanâ magni hominis & existimationis ipsos Scholæ Reformatæ Doctores concedere, posita reali & substantiali præſentia corporis Christi in Eucharistiâ, inde sequi Sacramentum illud adorandum esse ab iis qui sunt tali persuasione imbuti. Sed An inde concludi potest illos quibus contrarium merito persuasum est, posse Sacramentum istud adorare absque propriæ salutis periculo & præjudicio? & etiam non peccare eos quos conscientia erronea ad adorationem ejusmodi compellit.

XVI. Addunt iidem viri celeberrimi juxta Doctores Scholæ Reformatæ, doctrinam de reali præſentia corporis Christi in Sacramento Eucharistiæ nihil habere veneni, nec evertere fundamenta fidei & salutis: adeoque propter illam communionem inter Christianos abrumpi non debere. Unde concludunt adorationem Sacramenti, quæ ex doctrina de reali præſentia sequitur, secundum Reformatos nihil habere veneni, adeoque non extinguere vitam spiritualem, & sic propter illam abrumpendam non esse communionem inter Christianos, non magis quam propter doctrinam de præſentia reali.

XVII. Sed nunquam docuerunt & senserunt Reformati doctrinam de præſentia reali, quomodocunque tradatur, nihil habere veneni, nec evertere fundamenta salutis. Sic locuti sunt tantum de præſentia reali, qualis creditur apud Theologos Confessionis Augustinæ, qui eam tenent præſentiam corporis Christi in Eucharistiâ, quæ minime aboler substantiam panis & vini, & per quam corpus Christi eo modo præſens non est, nisi in ipsâ Sacramenti perceptione, non verò ante, vel post perceptionem, adeoque

cx

ex qua nullo modo sequitur, Sacramentum Eucharistiæ super altari positum, aut à Sacerdote gestatum, proponi posse populis adorandum.

XVIII. Ac quamvis ex doctrina Theologorum Confessionis Augustinæ, circa corporis Christi præsentiam in Sacramento, consecrarium istud elici possit, Sacramentum posse & debere adorari, non tamen rectè ratiocinaretur qui concluderet doctrinam de adoratione Sacramenti Eucharistiæ tolerabilem esse, ex eo quod doctrinam de præsentia reali corporis Christi in eo Sacramento, ex qua supponitur sequi adoratio, tolerabilis censetur in iis qui consequentiam istam non animadvertunt, imo expressè negant. Certum enim & exploratum est multa dogmata inter Christianos tolerari debere, quando in iis sistitur, nec qui iis adherent animadvertunt quæ inde sequuntur; licet quæ inde sequuntur nullo modo ferri debeant, & qui utuntur tali tolerantia consequentiam istam optimè percipiant.

XIX. Ita qui *Molinam* sequuntur perpendunt Physicam prædeterminationem, de qua multum in Schola Romana disputatur, evertere liberum hominis arbitrium, idque per legitimam & bonam consequentiam, & tamen Physicam illam prædeterminationem tolerant in iis qui dicuntur Thomistæ recentiores; cum nihilominus censcant, & meritò quidem, hæresin gravissimam esse negare liberum hominis arbitrium. Et contra Thomistæ illi recentiores existimant rectè ratiocinando conclusiones merè Pelagianas educi posse ex doctrina *Moline* & ejus discipulorum; & tamen putant, in quo statu jam res sunt, *Moline* doctrinam ferri & tolerari debere. Eodem modo fidem non evertit, nec prorsus intoleranda est sententia eorum qui statuunt animam humanam apparentibus in posteros traduci, non immediatè à Deo creari; & tamen Theologi, quum impugnent illam sententiam, aiunt inde sequi animam quæ per generationem producit mortalem quoque esse & interiui obnoxiam, quod dogma eo usque intolerabile est, ut Religionem omnem prorsus evertat.

XX. Præterea varii cultus Imaginibus Christi & Sanctorum, eorumque reliquiis publicè & solenniter in Ecclesia Romana exhibentur. Nempe coram ipsis genua religiose flectuntur, iisque Thura adolentur, oscula desiguntur, & donaria plurima offeruntur. Ipsi verò Sancti frequenter ore & corde invocantur, cum ea persuasione quod omnes ubique homines, vel ore, vel mente sola, ad eorum patrocinium & auxilium confugientes semper audire & exaudire possint. Quæ omnia, ex Theologorum & Reformatorum sententia, legi divinæ adversantur, & documentis verbi Dei contraria sunt. Ac proinde non possunt bona conscientia istiusmodi cultibus interesse, & eos usurpare, vel præsentia sua saltem prebare.

XXI. Ad ejusmodi cultus excusandos varia quidem speciosè ab Ecclesia Romanæ Doctoribus afferuntur, sed istuc omnia redeunt, quæcunque erga Christi & sanctorum imagines & reliquias eorum gerantur, ex amore Dei manare, neque in reliquiis, sive imaginibus, imò nec in Sanctis ipsis sibi & terminare, sed tandem ad Deum redire, propter quem, tanquam ultimum cultuum istorum objectum & finem, omnia ejusmodi fiant. Sicut quum aliquem inter homines ipsos vehementer amamus, colimus, atque veneramur, civilis ille cultus & amor noster extenditur ad omnia quæ ad ipsum aliqua ratione pertinent, non tantum absque ulla ejus offensione, sed ita ut ipse, tanquam animi in se propensi & benevoli signa, omnia ista gratanter accipiat.

XXII. Sed Reformatis istud satisfacere nullo modo potest. Siquidem persuasi sunt in verbo Dei damnari cultum omnem religiosum, qui sub quocunque prætextu creaturis defertur. Neque ut talis cultus reddatur excusabilis, quicquam facere arbitrantur, si quis dicat cultum ejusmodi inferiorem esse illi qui summo Deo exhibetur, tanquam primo principio, atque ultimo fini. Nec Deum ullo modo invidere atque improbare, si creaturæ colantur propter ipsum, & in gratiam ejus, qui illarum est author, & à quo habent quicquid ipsis inest præstantiæ & excellentiæ.

XXIII. Etenim hic est ille ipse color atque prætextus quo sapientes Ethnicorum conabantur excusare cultus supersticiosos, quos variis numinum signis, & creaturis pluribus deferrebant. Quicquid enim gentes colerent, & ut adorationis suæ religiæ objectum sibi proponerent, sive corpus aliquod cæleste, sive animal, sive plantam, sive montem, sive fluvium, sive statvam, seu monumentum quodvis cujuscunque figuræ, habent omnia ista non propter se simpliciter coli, sed propter Deum, summum omnium patrem atque demiurgum, quem in omnibus istis colere intendebant, & cujus amore & reverentia ad omnia illa præstanda moveri se profitebantur.

XXIV. Atque ut plurima omittam alibi in hanc rem à nobis citata, hic refertur sufficiens quæ *Maximus Tyrius* Philosophus Ethnicus, Romæ sub *Commodo* Imperatore vivens,

XXX. Sed nullo modo verum est in Ecclesia Romana discrimen illud esse perpetuum, inter preces quæ ad Deum, & quæ ad Sanctos diriguntur. Nam in cultu publico Ecclesie Romanæ hymni frequentes occurrunt, in quibus Virgo Maria, & alii quoque Sancti, eodem planè modo invocantur quo Deus ipse. Quale est illud ad Virginem Mariam, Maria mater gratiæ, Mater misericordiæ; Tu nos ab hoste protege, Et hora mortis suscipe. Item, Solve vincla reis, Profer lumen cæcis, Virgo singularis, Liber omnes matris, Nos culpis solutos, Mites fac & castos. Et illud præterea, Virgo prius ac posterius, Gabrieli ab ore semens illud Ave, peccatorum misere. Similiter dicitur ad Joannem Baptistam, Baptista Christi inclite, Qui Christum prodixi indice, Nos miserando respice, Culpasque nostras ablue. Item, Solve polluti labii reatum, Sancte Joannes. Eodem modo Apostolis in communi hæc dicuntur, Qui cælum verbo claudis, Sciasque ejus solvisti, Nos a peccatis omnibus, Solveite jussu quesumus. Item, Quorum præcepto subditur, Salus & langor omnium, Sanate ægros moribus, Nos reddentes virtutibus. Beato Petro autem speciatim dicitur, Jam bone Pastor Petre clemens accipe, Vota precantum, & peccati Vincula resolve tibi potestate tradita. Denique Sancto Benedicto canitur, Augustum per iter scandere largiens, Dona regna perennis. Et multis aliis similia plurima.

XXXI. Ad hoc responderi solet quibuscunque terminis concipiantur ejusmodi preces, Ecclesiam Romanam non aliud intendere, quam ut Sancti a Deo impetrent quæ ab eis petuntur gratiæ & beneficia. Sed difficillimum est in hunc sensum exponere preces illas in quibus Sancti rogantur, ut hæc aut illa præstent *Præcepto, Jussu, Verbo, Potestate*. Nam cælum aperire, a peccatis liberare, corda sanctificare, *Præcepto, Jussu, Potestate*, longè aliud est quam illa eadem precipis suis à Deo obtinere.

XXXII. Præterea, si Ecclesia Romana non aliud vult à Sanctis petere, quam ut Deum pro nobis orent, cur preces suas concipit iis verbis quæ aliud planè significant? Planè contra rationem est rem quædam unam verbis exprimere, & tamen velle aliud intelligi. Præsertim cum loquendi modus periculosus est, & si verba fumantur ut sonant, contineant impietatem, & creaturæ tribuant quod competit soli Creatori.

XXXIII. Quod si, ex hypothesi quod licitum sit Sanctos in Christo defunctos orare, ut apud Deum creatorem precum suarum auxilio nos juvent, cum ratione possunt talia ad ipsos proferri, *A peccato nos solvite, Ab hoste nos protegente, In cælum nos suscipe, Et perennia regna nobis donate, A morte nos liberate, Et sanitatem animi & corporis nobis reddite*. Eodem jure licitum quoque erit, pari modo alloqui fideles nobiscum in terra viventes, quandoquidem licitè possumus eos rogare, ut illa beneficia orationibus suis nobis à Deo obtineant. Et tamen si quis eo modo fuisset allocutus Apostolos ipsos in hoc mundo degentes, proculdubio exclamassent impium & blasphemum esse ab hominibus talia petere, & protestati fuissent Deum solum esse à quo ista peti debeant, ut quilibet vir probus & sanctus facere teneretur, si quis similia ab eo postularit. Quæ ergo cum ratione in animum nobis inducere possumus orationes istius generis Sanctis pie defunctis jam gratas & acceptas esse, cum non magis possint ista per se præstare, quam quum in hac terra degerent, neque minori Zelo in Dei gloriam ferantur, aut minus averferentur, si aliquid Deo proprium, homines ipsis imprudenter tribuant?

XXXIV. Sed quamvis Sancti cum Christo regnantes simpliciter rogarentur ut pro nobis orarent, res est quæ Protestantibus planè improbanda videtur, & quam vel ipsi usurpare, vel ei suum consensum præbere se non posse putant bona conscientia. Ut enim istud cum ratione fiat, supponendum est Sanctos jam in cælo degentes hominum corda nosse, & simul ac eodem tempore audire & exaudire posse preces ubique terrarum ad ipsos, sive ore, sive mente sola conceptas. Quæ res uni Deo convenit. Nec ex Scriptura, neque ex doctrina Ecclesie Christianæ tribus post Christum sæculis ostendi potest illam Sanctis defunctis competere.

XXXV. Quin illi ipsi qui postea Sanctorum invocationem usurpare cœperunt, & apud quos prima ejus vestigia cernuntur, testantur se dubitare, An Sancti quos alloquebantur revera audirent quæ ad ipsos dicebant. Illud præsertim videre est apud Gregorium Nazianzenum, qui Gorgoniam alloquitur his verbis, *Si qua tibi nostrorum sit cura, atque hoc præmiū sit sanctis animis a Deo concessum, ut ista sentiant, suscipe quoque orationem nostram*. Et Oratione prima in Julianum, *Hæc quoque audiat, inquit, Constantini Magni anima, si quis mortuis sensus est*.

XXXVI. Itaque ex eo quod à fidelibus nobiscum viventibus licitè petimus ut Deum pro nobis orent, minimè sequitur idem nos postulare posse à Sanctis in gloriam receptis, quantum à nobis absunt, quantum à terra cælum. Sicut insaniret ille qui concluderet



A D
LECTOREM
CIRCA
HÆC POSTHUMA
OPUSCULA.

DUM author incumberet elucidationi status controversiarum, prout ipsi propositum erat, sicut & ipse declaravit in præfatione operis, morte inopinata oppressus est. Sequentia opuscula ad eundem scopum tendentia, nempe controversiarum status explicationem, habuimus à discipulis quibus hæc dictaverat in schola: quæ quamquam inferiora sint

(††)

dignitate

ELUCIDATIO

STATUS ALIQUOT

Controversiarum

CIRCA

DEI VERBUM

&

SCRIPTURAM SACRAM.

CAPUT I.

De Libris Canonicis & Apocryphis.

PER Libros Canonicos hic intelliguntur Libri Deo inspirante scripti, adeoque quorum autoritas summa est & veritas infallibilis. Porro dicuntur Canonici à græcâ voce *κάνων*, quæ regulam significat, & aliquando etiam Indicem sive Catalogum; Itaque libri illi hoc nomine insigniuntur, vel quia sunt in Ecclesiâ fidei & morum regula ad quam cætera omnia, sive scripta sive dogmata, examinari debent, & tanquam ad amissum exigi: vel etiam quia positi sunt in Scripturæ Canone, id est, in indice sive catalogo librorum factorum, quem Ecclesiæ Doctores privatim, & Concilia publicè tenuerunt & promulgarunt, ut eo radiiores & simpliciores javarentur in Sacris Libris dignoscendis, & ut obviam iretur fraudi & imposturæ eorum qui libros supposititios, & falsò Prophetis & Apostolis adscriptos, conabantur tanquam Divinos in Ecclesiam invehere.

Apocryphorum verò nomine designantur in hac controversiâ libri quidam qui falsò & sine certâ ratione attributi sunt viris à Deo inspiratis & fidelibus pro divinis obtrusi sunt & à nonnullis pro talibus habiti.

Appellantur autem apocryphi græco quoque vocabulo, quasi absconditos dictos, vel quod eorum auctoritas occulta fuerit & incerta, non aperta & manifesta, & Ecclesiæ communi consensu omnium veluti oculis reposita, quemadmodum librorum Canonicorum autoritas: vel quod istorum librorum usus ita publicus esse non debuerit ut ex iis nostræ fidei articuli publicè haurirentur atque confirmarentur, sed tantum privatus & particularis, nempe quatenus privatis licitum erat iis uti ad ædificationem, & inde elicere documenta ad vitam & mores utilia.

Porro cum libri omnes Canonici vel ad Nov. vel ad Vet. Testam. pertineant,
(Aa) de

de libris N. T. nulla est inter nos & Ecclesiam Rom. Controversia; nullos etiam libros superaddit ad N. Testam. Canonem, nec est ullus liber illius Canonis quem illa tanquam Divinum non recipat & agnoscat, ut videre est in indice librorum Canoniorum qui habetur Sessione 4. Concilii Tridentini.

Sed quod attinet ad eos qui *Lutherani* dicuntur, videntur aliquantum à nostris Ecclesiis & à Romarà dissentire, nam multi sunt N. T. libri quos nolunt esse propriè Canonicos, & tales qui partem fidei regulæ constituent quos annumerant quidem scriptis Ecclesiasticis & utilibus, verum tamen qui certam auctoritatem non habent, & apocrypha nuncupantur. Hi verò sunt Johannis Apocalypsis, & 7 Epist. nempe Epist. ad Heb. Epist. Jac. posterior Epist. Petri, 2^a & 3^a Joannis, & Epist. Judæ: hos libros nolunt esse idoneos ad auctoritatem dogmatarum confirmandam, & probanda quæ fidei sunt, & de quibus oritur in Ecclesiâ contentio, neque majorem iis auctoritatem tribuunt quam Apocryphis V. T. ut Libris Tobie & Machabæorum. Hanc sententiam tradit Kemnitius in examine Concilii Trident. ad Sess. 4^{am} tit. de Scripturâ Canonica, & Brentius in Confessione Wittembergensem, quibus existimo alios Lutheranos adstipulari.

Quod spectat ad V. T. Ecclesia quidem Romana habet pro divinis omnes eos libros quos ad ejus canonem pertinere credimus, sed multos superaddit tanquam verè Canonicos & partem V. T. constituentes, quos Ecclesiæ nostræ nequaquam Divinis accensent, sed Apocryphis annumerant. Nam Ecclesiæ Reformatæ Hebræorum Canonem sequuntur, nec quidquam ad Scripturam veterem pertinere contendunt, quod olim ab Ecclesiâ Judaicâ non sit receptum, & non reperiatur in codicibus hebraicis. Sed præter libros à Judæis receptos quos quidam revocant ad 22. alii verò ad 24. Ecclesia Rom. adjicit ad V. T. alios 7^{os} qui græcè tantum leguntur, nempe Tobiam, Judith, Baruch, Sapientiam, Ecclesiasticum, duo Machabæorum, nempe primum & secundum; & præterea libris quibusdam verè Canonicis, & qui pro talibus à Reformatis habentur, adjicit capita nonnulla quæ non habet textus hebraicus, scilicet tria capita ad librum Danielis, quorum unum continet historiam Susannæ, alterum historiam Belis & Draconis, & tertium Canticum trium puerorum. Ad librum vero Esther capita 7^{os} quæ in versione vulgatâ adjecta sunt ad decem quæ sunt ex hebraico versâ. Hos omnes libros & partes librorum Concilium Trident. sub anathematis penâ recipi jubet pro sacris atque canonicis, ut videre est Sess. 4^a.

Sed ad Concilium Trident usque, autoritas librorum istorum in ipsâ Ecclesiâ Rom. ita dubia & incerta remansit, ut citra fidei Romanæ præjudicium & periculum hæreseos inter apocrypha rejici poruerint, & verè rejectos fuisse à plurimis & celeberrimis communionis Romanæ Doctoribus, allatis eorum testimoniis probat doctissimus Moses Blondel, edito de hac re libello cui titulum fecit Roma in auxilium Genævæ advocata, ubi inter alios in hanc sententiam citat Nicolaum Lyranum, Thomam Waldensem, Thomam Aquinatem, Alphonsum Tostatum, Antonium Cardinalem, Ximensem & Cardinalem Cajetanum, qui diserte asserunt & argumentis probant libros illos qui sunt extra Hebræorum Canonem non esse canonicos, nec parem cum cæteris auctoritatem habere. Sed etiam quod mirum est post anathema Tridentinum nonnulli Doctores Ecclesiæ Rom. quædam à Tridentinis in Canonem relata, tanquam apocrypha rejicere ausi sunt: ita Joannes Driedo, referente Bellarmino lib. 1. de Verbo Dei, divinam libello Baruch auctoritatem abrogat, cum tamen Baruch diserte nominetur in indice librorum Sacrorum anathemate Tridenti sancito: Et Melchior Canus quamvis libellum hunc divinum esse ipse opinetur, agnoscit tamen ejus auctoritatem non esse omnino certam, Locorum Theologic. lib. 12. cap. 6. *Nam, inquit, libellum Baruch non adeo exploratè & firmiter in Sacrorum numero Ecclesia reposuit, ut aut illum esse Sacrum, fidei catholica, veritas expedita sit, aut non esse Sacrum, hæresis expedita sit. Libellus ergo iste, sive quilibet alius qui in questionem circa crimen hæreseos vocari possit, quantumvis clara & aperta inferat sententia, non statim efficit certas atque constantes fidei Catholica veritates. Idem quoque Driedo lib. 1. de Scripturis & dogmatibus Ecclesiasticis, eodem Bellarmino teste, fidem abrogat tribus capitibus in versione vulgatâ ad Danielis Prophetiam additis, in quibus Susannæ, Belisque & Draconis fabula continetur. Sixtus verò Senensis Bibliothecæ Sanctæ lib. 1. & 8. tanquam spuria & notha respu*

spuit 7^{ma}. capita addita libro Esther in eà latīnā versione vulgatā, quæ addita-
menta, ut & illa ad Danielem, desumpta sunt ex græcā Bibliorum editione, in
quā quoque reperiuntur.

Porro licet Ecclesiæ nostræ libros illos quos Ecclesiā Rom. ad Canonem V. T.
adjicit, apocryphos esse existiment, neque divinam illis auctoritatem tribui ve-
lint, non idē tamen eos contemnunt & aspernantur ut noxios & inutiles: Sed
quemadmodum prisca Christianorum Ecclesiā quamvis eos libros divinis æquari
noluerit, maximo habebat eos in honore, & prætio habuit & dignos judicavit
qui non tantū privatim, sed publicē prælegerentur tanquam ad ædificationem
morum utilissimi, sic nos quoque eis hodie non negamus honorificum locum in
Ecclesiā Dei, & privilegium quoddam supra omnem scriptorum Ecclesiasticorum
fortem. Cujus rei argumentum est quod eos in eodem cum libris verē sacris &
Canonicis volumine compingere solemus, & in homiliis sæpē citare non dedigne-
mur. Atque etiam in magnā Britannia ex his libris in cultu publico & ordinario
solet aliquid prælegi, ut patet ex celebri illa Liturgiā Anglicanā, cujus usus obti-
net in illo regno. Notant quidem nostri Theologi in eis quosdam errores & æ-
vos, ut inde appareat eos non esse sicut libros canonicos scriptos Spiritu Dei,
qui omnis erroris est expers, dictante & inspirante, sed non obstat quominus sint
præceptis saluberrimis & documentis pietatis referti, & contineant etiam histo-
rias cognitu dignissimas, & ad ædificationem morum valdē utiles, ut præsertim
videre est in Libro Sapientiæ & Ecclesiastici, in duobus Machabæorum libris,
maximē verō in primo.

Itaque hic solum quæstio est, an libri supra memorati verē Divini & Propheti-
ci sint, & parem cum cæteris extra dubium canonicis auctoritatem habere debe-
ant, an verō quanquam utiles sint ad mores informandos, & præceptis divinis &
salutaribus pleni, humana tamen arte concinnati sint, adeoque non tantæ
auctoritatis ut inde fidei dogmata hauriri & confirmari possint: prius istud de-
finivit Concilium Trident. & hodiē communiter docent Ecclesiæ Rom. Doctores:
posterius communi consensu affirmant Ecclesiæ non tantum eorum qui Reformati
dicuntur, sed etiam qui vulgō Protestantes appellantur.

Sed præter eos libros de quorum auctoritate inter nos & Ecclesiam Rom. con-
trovertitur ad Bibliorum calcem adjici solent scripta quædam, quæ quamvis non-
nunquam honorificē citentur à Veteribus, & de iis etiam particulæ quædam pub-
lice legantur in Ecclesiā Rom. ut & ante fieri solebat apud nostros in Angliā,
utrinque tamen extra Scripturæ divinæ canonem ponuntur & habentur pro apo-
cryphis. In his sunt libri Esdræ, qui tertius & quartus dicuntur, quoniam in
Latīnā vulgatā editione additi reperiuntur ad duos Esdræ libros qui verē canonici
sunt, quorum primus est ille qui apud nos Esdræ quoque nomen retinet: Secun-
dus verō ille quem nos Nehemiam vocamus. Sed in antiquis editionibus Biblio-
rum Græcorum, qui Latīnis tertius Esdræ est, tanquam primus Esdræ habetur;
secundus verō Esdræ juxta Græcos complectitur duos illos qui Latīnis sunt primus
& secundus: Quem utrumque etiam Hebræi pro uno libro computant. Quar-
tus autem Esdræ in græcā Bibliorum editione non habetur, & latīnē tantū hodiē
reperitur; & ita Græcis sunt tantū duo Esdræ libri, quorum primus apocry-
phus est, secundus verō canonicus.

Inter Apocrypha quoque Ecclesiā Rom. nobiscum habet Regis Manassæ oratio-
nem, quæ in Latīnā vulgatā adjicitur ad calcem libri secundi Paralipomenon. De-
nique Doctores Ecclesiæ Rom. apocryphus est quoque tertius Machabæorum,
qui quidem in Latīnā editione non habetur, sed in græcis bibliis ad secundum
Machabæorum librum adjici solet, & continet admirandam quandam Judæorum
liberationem, quæ sub Philopatore in Ægypto contigit.

Sed hic observandum, quod quamvis libros hosce Concilium Trident. in indice
librorum divinatorum non ponat, ideoque pro apocryphis in Ecclesiā Rom. com-
muniter habeantur; nonnulli sunt in Romanensibus Theologis qui quibusdam ex
hiscē libris auctoritatem canonicam tribuunt. Nam Joannes quidem Benedictus
Theologus Parisiensis præfatione in Biblia, in quæ Scholia quædam ex Patribus
collegit, tertium & quartum Esdræ ponit in numero eorum librorum, qui etiam
si non sint in Canone, tamen ab Ecclesiā Christianā recipiuntur. Et similiter
Renatus Benedictus priorem illum Benedictum sequutus, Stromatum biblicorum

lib. 1. cap. 9. 3. & 4. Esdræ in libris Canonicis numerat: sed præcipue Jilbertus Genebrardus Parisienſis quoque Theologus & Archiepiſcopus Aqueſis, qui ſuperiori ſæculo ſcribebat in ſua Chronologia ad Annum Mundi 3749. non tantum utrumque hunc librum Canonicum vocat, ſed ſuum quoque illud paradoxum opereſe probare conatur, quo nomine à Bellarmino notatur & reprehenditur lib. 1. de Verbo Dei cap. 2.

C A P. II.

De Integritate & Auctoritate Textus Hebraici Veteris, & Textus Græci Novi Testamenti.

Nemo Chriſtianorum in dubium revocat quin V. T. ſaltem quoad eos libros qui communi conſenſu à noſtris & Pontificiſ pro Canonicis habentur, hebraice ſcriptum ſit a Moſe & Prophetis, & quidem Spiritu Dei diſtante & inſpirante. Porro ratio cur Deus iſtam ſelegit in qua primum ſua eloquia traderet, petenda non videtur ab Hebraicæ Linguae dignitate & antiquitate, ſed ex eo potius quod Abrahæ poſteri, in quorum præcipue gratiam ſcripta eſt Lex & totum Vetus Teſtam. hebraica lingua utebantur. Deus enim Abrahæ poſteros ſelegit in populum ſibi peculiarem, cum quo ſædus inivit, & cui ſe ſingulari modo cognoscendum præbuit, dum reliquas gentes in propriis viis ambulare ſinebat uſque ad adventum Chriſti & Gentium vocationem.

Inveniuntur tamen in Veteri Teſtamento particulæ quædam Chaldaice ſcriptæ, nimirum verſus undecimus capitis decimi Jeremiæ Prophetæ. Item ſex capita apud Daniele, videlicet à verſu 4. cap. 2. uſque ad finem cap. 7. Et præterea tria ſerè capita libri Esdræ, nempe à verſu 6. cap. 4. uſque ad 19. cap. 6. quod temere factum non eſt, ſed peculiarem habet rationem, nam vericulus ille Chaldaicus apud Jeremiam continet verba quibus Jeremias hortatur Judæos ut arguant Idololatriam Chaldaeorum, apud quos captivi futuri erant, ſic dicatis iis, inquit, *Dii qui Cælum & terram non fecerunt peribunt à facie terræ, quæ verba Chaldaicè profert, quandoquidem Chaldæis dicenda erant.*

Capita verò illa quæ apud Daniele & Esdræ Chaldaicè habentur, continent epistoſas & ediſta Regum Perſicorum, & Babyloniorum, & alia nonnulla quæ ad majorem hiſtoriæ fidem verbatim deſcripta videntur ex iſtis ſaltis & Archivis Perſarum & Babyloniorum.

Igitur hoc certum eſt & in conſeſſo apud omnes, textum Hebraicum V. T. eſſe originale, & omnes alios Scripturæ veteris editiones, ex Hebraicâ tanquam ex fonte derivatas eſſe.

Quod attinet ad N. T. græcâ lingua ſcriptum eſſe ab Apoſtoliſ & Evangelicis, nemo eſt qui dubitat, ſi fortè unum aut alterum illius librum excipias. Cauſa verò cur Deus voluit N. T. græcâ lingua ſcriptis mandari, non verò hebraicâ, ſicut V. T. inde petenda eſt, quod Vetus Teſtam. ſcriptum fuit, ut modò dictum eſt, præcipue in gratiam Populi Hebræorum, cum quo Deus ſædus pepigerat, abdicatis cæteris gentibus. Novum verò ſcriptum eſt cum jam adveniſſet vocatio Gentium, ideoque non ſingulariter in unius populi, ſed communiter & indifcriminatim in populorum omnium gratiam, ideoque illud decuit ſcribi lingua quæ quàm maxime pateret, & quæ à plurimis Gentibus intelligeretur. Nulla autem lingua tunc fuit celebrior, & in uſu magis communi quàm græca, juxta illud Ciceroniſ, *Latina ſuis ſcribis exiguis ſanè contenta ſunt, græca per orbem univerſum leguntur*; ac propterea divinâ providentiâ factum eſt, ut græca potius quàm ulla alia lingua ſcriberetur. Tradunt quidem multi veteres, ut Irenæus, Euſebius, Hieronymus, & author Synopſeos quæ tribuit Aſthanaſio, Matthæ-

un

nam primo hebraicè scripsisse suum evangelium, atque hanc traditionem communiter sequuntur Ecclesiæ Rom. Doctores. Indeque etiam nonnulli eorum auctoritatem græci textus Matthæi infirmare conantur, præsertim Baronius ad Annum trigelimum quartum, *dico, inquit, quod græcus textus cuius fidei sit nisi collatus cum hebræo originali affirmare non possumus.* Verùm si fides habenda est veteribus illis per quos traditio hæc ad posterius manavit græcus Matthæi textus Apostolicus esse non definit, quia si non est ipse Matthæi textus primigenius, saltem versio est ab ipsis Apostolis edita aut probata; hoc enim docent Patres illi qui Matthæum primò græcè scripsisse tradiderunt, nempe Evangelium Matthæi hebraicum in græcam linguam translatum fuisse à Jacobo, vel à Joanne, vel ab ipso Matthæo, quod agnoscens Bellarminus, docet græcum Matthæi textum, licet translatio sit, ita tamen receptum esse ab Ecclesiâ, ac si eâ lingua primùm scriptum fuisset Evangelium Matthæi. Licet verò quidam ex nostris Theologis traditionem istam in medio relinquant, plerisque tamen illorum videtur improbabile, nec existimant Matthæum aliâ scripsisse Linguâ quam cæteros Apostolos.

De Epistolâ quoque ad Hebræos plerique Pontificiorum existimant illam esse à Paulo hebraicè scriptam. Et certe id quoque tradunt quidam ex Veteribus, ut Clemens Alexandrinus apud Eusebium lib. 4. cap. 14. & Eusebius ipse lib. 3. cap. 37. Verùm hanc traditionem Doctores nostri improbant & refellunt multis indiciis atque argumentis ex ipso textu epistolæ erutis. Neque tamen si locus ipsi detur, immineatur inde græci contextus auctoritas; qui enim ex Veteribus hanc Epistolam Hebraicè scriptam primò tradiderunt, aliteruerunt quoque illam græcè fuisse translata à viro Apostolico, sive is Lucas fuerit, ut opinatur Clemens Alexandrinus, sive Clemens Romanus, ut suspicatur Eusebius.

Omnino autem vanum est, nec ullum habet apud Veteres fundamentum quod suspicatur Bellarminus post alios quosdam ex suis de Evangelio Marci, nempe illud à Marco fuisse latine scriptum cum esset Romæ, & postea ab eodem græcè fuisse conversam in Italiz urbe Aquileia. Nam Pontificale Damazi, unde hausta est hæc fabula, opus est novum & falsò Damazo suppositum, agnoscensibus doctissimis quibusque apud Pontificios.

Quicquid sit ex antedictis manifestè apparet & Christianorum omnium consensu, textum græcum N. T. tribus libris istis exceptis, esse originale ab ipsis *Συντάξις* authoribus exaratum, & quod attinet ad tres istos libros, licet Doctores Ecclesiæ Rom. alia linguâ quam græcâ fuisse scriptos opinentur, plerique tamen eorum agnoscunt saltem illos græcè translatos fuisse ab Apostolis aut Evangelistis, adeoque in libris istis græcum textum etiam divinitus inspiratum esse, nec minoris auctoritatis quam si græcè fuissent primò à suis authoribus scripti.

Porrò hic advertendum est textum hebraicum posse dupliciter considerari, vel quatenus constat nudi litteris hebraicis, ut in bibliis illis quæ sunt excusa sine punctis, vel quatenus adjuncta sunt puncta vocalia & varii accentus. Quin saltem priori modo ab & ipso Mose & Prophetis traditus sit & exaratus, nulla est controversia vel inter Judæos vel inter Christianos. Inter Doctos verò dubitatur an puncta fuerint à primis Doctoribus adscripta, an verò sint recens Rabbiorum inventum, & posterius quidem istud opinantur Doctores Pontificii, quos quidem videre licuit. Inter nostros verò Doctores acriter de hac re certatur, & in Gallia quidem Ludovicus Capellus Professor Salmurienfis punctorum hebraicorum novitatem editis hæc de re libellis docet & probare conatur, & multos magni nominis viros hodie astipulantes habet. In Germania verò Basiliz Buxtorfii filius Buxtorfium patrem, Antonium Cevalerium & Junium sequutus contrarium tueri, & scriptis Capellum refutat, asserens ab ipsis Prophetis hebraico textui adjunctas fuisse vocalium notas. Sed prior sententia nobis videtur esse probabilior, juxta quam licet codices non punctati non aliam plerumque lectionem ferant quam quæ notatur in codicibus punctatis, tamen sibi lectio commodior occurreret, non idcirco rejicienda foret, quod receptis punctis non congruat, quandoquidem codices punctati, ut tales, divinam auctoritatem non habent, sed humanam, quam tamen magnam esse non diffitemur, & cui non sit temerè obnitendum, nec sine magnâ ratione.

Similiter quod attinet ad græcum textum N. T. ille quoque dupliciter considerari potest, vel quatenus constat nudi litterarum græcarum elementis, vel quatenus

quatenus habet adjunctas notulas, accentus & puncta distinguentia. Priori modo sine controversiâ divinus & Apostolicus est: Posteriori verò negat Sixtus Senensis Bibliothecæ Sanctæ lib. 3. Franciscus Ximenesius Archiepiscopus Tole-tanus in editione N. V. idque post Epiphanium, qui statim initio libri de ponderibus & mensuris satis aperte docet non ipsos auctores sacros, verum quosdam post illos græco Scripturæ textui apposuisse puncta & accentus; & certe Grammatici græci multis argumentis ostendunt accentus notas apud græcos esse non ita priscum Grammaticorum inventum, neque probabile est tempore Apostolorum in libris græcis accentus ascribi solitos fuisse, nisi fortè apud quosdam curiosos & peregrinos litteras græcas addiscentes, unde consequens est non posse ex accentibus & notis distinguendis certum & firmum argumentum duci adversus aliquam græci textus interpretationem, quæ alioquin apta sit & commoda, quandoquidem appositi sunt non à Scriptoribus ipsis *Septuaginta*, sed à viris quidem doctis & peritis, verum humanâ tantum præditis auctoritate. Multò minùs verò antiqua est & minoris auctoritatis distinctio in versus & capita. Etenim Græci & Orientales, libros N. T. in capita sicut Latini non dividunt, sed in sectiones multò breviores, ut videre est in editione N. T. Parisiis in minori formâ per Robertum Stephanum excusa. Distinctio verò Scripturæ in versiculos quæ hodiè cernitur, non est antiquior Roberto Stephano, qui alicubi se auctorem illius proficitur.

Porro ex his quæ dicta sunt apparet Doctores Pontificios cum Reformatis in eo consentire, quod textus hebraicus V. T. sit propheticus & originalis, saltem si consideretur non prout est certis punctis veluti determinatus, sed ut constat nudis litteris hebraicis, juxta antiquum & hodiè adhuc communem scribendi morem. Et similiter utroque agnoscere græcum N. T. textum esse primigenium, & reliquarum editionum fontem, aut saltem quorundam librorum respectu translationem esse Apostolicam, & quæ sit instar fontis, si forte unum aut alterum Pontificium excipias, quid de uno vel altero libro istud negat, aut affirmare non audet.

Sed contentio major est, & sententiarum major discrepantia de integritate & auctoritate textus græci & hebraici, tam inter nos & Pontificios, quam inter ipsos Doctores Ecclesiæ Rom. Nam Pontificii nonnulli fatentur quidem hebraicam editionem olim à Mose & Prophetis exaratam fuisse, verum illam amplius integram non esse pertendunt, sed multum corruptam atque vitiatam, partim temporum injuriâ, partim fraudibus & malitia Judæorum qui malo consilio ex Religionis Christianæ odio in V. T. multa loca depravarunt, unde colligunt hebraici contextus prout hodiè simpliciter in Bibliis habetur, nullam esse certitudinem, ac præterea in fidei ac morum disputatione non esse tunc temporis ad hebraicam, at græca exemplaria provocandum, nec ex eâ certam controversiarum fidem esse faciendam; adeoque quamvis Græca & Latina editio ex Hebræo fonte olim deducta sint, in illis tamen, ac præsertim in Latinâ vulgatâ editione, majorem puritatem esse quam in ipso hebraico textu, ad quem ideo nolunt illas corrigi & examinari. In hanc sententiam prolixè disputat Melchior Canus lib. 2. de Locis Theologicis cap. 13. idem quoque asserit Stapletonus in relatione principiorum fidei doctrinalium, controversiâ 5. quæst. 3. art. 1.

Sed ab his dissentiunt non pauci magni nominis & auctoritatis viri in ipsâ Ecclesiâ Rom. qui asserunt & multis rationibus probant textum hebraicum non esse à Judæis de industria depravatum, & non negandum quidem menda quædam in eos irrepsisse, sed levia esse, nec magni momenti, quæque non obsunt integritati & puritati textus hebraici in iis quæ pertinent ad fidem & ad mores: ideoque damnant ut temerariam & inconsideratam eorum sententiam qui existimant plus fidei habendam esse Latinæ vulgatæ editioni quam Hebræis Voluminibus. Ita sentiunt Joannes Driedo Tomi primi lib. 2. cap. 5. & Andradius defens. Trident. lib. 4. quibus accedit Bellarminus ipse lib. 2. de verbo Dei cap. 2.

Idem quoque sententiarum divortium reperitur inter Pontificios de N. T. editione; nam priores isti illam etiam ita corruptam esse volunt, sive librorum & exscriptorum incuriâ, sive hæreticorum astutia & malis artibus, ut certam fidem in controversiis amplius facere non possit, nec debeant ad illam exemplaria Latina exigi, ut quæ jam apud nos majorem & certiore fidem habeant.

Posteriores

Postiores verò licet nolint Græcos Codices esse ab omnibus mendis & erroribus immunes, ita corruptos tamen esse negant, ut in iis quæ pertinent ad fidem & ad mores, eorum integritas & puritas desideretur, ideoque minor sit & incertior eorum autoritas.

Quod autem ad nostros attinet, Bellarminus de iis loquitur quasi hebraico textui talem integritatem & puritatem tribuerent, ut negarent ullum vel levissimum mendum in illo reperiri. Ac certè Theologi nostri non ita rigide suam sententiam proponunt, nec est ullus eorum, quod sciam, qui simpliciter & absolute neget errorem ullum quantumcunque levem in textu hebraico esse & indicari posse, sed libenter omnes concedunt minuta quædam errata librariorum culpa in codicibus hebræos irrepere potuisse, & videri etiam de facto irreplisse, quod ex multis iudiciis eruditi colligunt, præcipue verò ex variis lectionibus à Judæorum Criticis quos Masoretas vocant, in textu hebraico jam olim animadversis, quò pertinet illud Kevi & Chetib, de quo mentio tam frequens apud Grammaticos & Criticos hebræos, quibus vocibus Chaldaicis quæ lectum & scriptum significant, designant illi Scripturæ loca quædam à priscis Judæorum Rabbis annotata, quæ aliter scribuntur & aliter leguntur. Præter quæ menda à Judæorum Doctores notata fortè nonnulla sunt quæ eos fugerunt, nec impossibile est in numeris & nominibus propriis librariorum culpâ quædam perperam Scripta esse, & inde natas apparentes Scripturæ contradictiones.

Sed quod communis consensu Theologi nostri docent, est primò quòd Codices Hebræi Judæorum malitia & fraude corrupti & depravati non sunt, sed ab ipsis potius, quantum humanitùs fieri potuit, religiose habiti & servati. Deinde quòd errores illi qui quacunque de causa in hebraicum textum irrepsérunt, leves sunt nec magni momenti, neque in iis quæ spectant fidem & bonos mores illo modo Scripturæ integritatem vitiant. Tertio, quòd, qualescunque sint, possunt corrigi & animadverti ex consequentibus & antecedentibus, & aliorum Scripturæ locorum collatione. Denique quòd pauci sunt præ numero voluminum quibus constat Scriptura Sacra, ita ut nulla sit Scripturæ editio quæ purior sit & castigatior quam textus hebraicus, & ubi minùs mendorum & errorum reperitur.

Unde colligunt in Controversiis fidei & Religionis tutissimum esse ad Codices Hebræos recurrere, & ex iis certius Spiritus Sancti mentem & sententiam peti posse quam ex ullâ alia versione aut editione; adeoque textum hebraicum non tantum esse fontem unde reliquæ Scripturæ Sacræ editiones tanquam rivi deductæ sint, sed etiam normam & regulam ad quam omnes illæ sunt castigandæ & examinandæ.

Hæc est, ut dixi, communis Theologorum nostrorum sententia, à qua tamen recessit Ludovicus Capellus Professor Salmurienfis. Ille quidem cum cæteris integritatem textus hebraici agnoscit quoad ea quæ pertinent ad fidem & ad mores, cæterum tamen in eum multa menda variis de causis irreplisse contendit, & existimat illum plurimis in locis corrigi & emendari posse ex versione græca Septuaginta Interpretum, qui sæpè aliter & melius legerunt quam hodiè legatur in Hebræis codicibus. Quo de argumento ingens volumen edidit cui titulum fecisse fertur Critica Sacra.

Porro quòd Theologi nostri censent de textu hebraico V. T. censent quoque de textu græco N. T. nempe non negant in eo menda quædam reperiri posse, quòd vel ipsa Codicum diversitas & variæ lectiones à doctis annotatæ satis arguunt & ostendunt. Verùm tamen pertendunt illum nec hæreticorum fraude, nec temporum injuriâ, aut Scribarum incuria ita corruptum & depravatum esse, ut mutatio ulla periculosa in eo contingerit. Quòd si menda quædam in eo à Doctis animadvertantur, ea nec omnes codices invasisse, neque esse magni momenti & quæ mutationem aliquam notabilem circa sensum afferant; nec etiam multa ut editio græca propterea desinat esse omnium purissima & integerrima; nec enim esse veritatem ullam in qua mendorum minus reperitur; adeoque in dubiis circa Religionem tutissimum esse Spiritus Sancti sensum ex græco textu potius quam ex ullâ aliâ editione petere. Atque omnes quotquot sunt aliæ N. T. versiones & editiones, debere ad græcum tanquam ad fontem ad amissum revocari & examinari.

C A P. III.

De versione Græca Septuaginta Interpretum.

DE hac versione aliqua quæstio est inter Doctores Ecclesiæ Rom. & nostros Theologos, sed ea non videtur esse magni momenti. Utrique per versionem Septuaginta intelligunt græcam illam Scripturæ Editionem quæ tempore Christi & Apostolorum in usu erat apud Judæos Hellenistas, à quibus illam primi Christiani & Apostoli ipsi acceperant, & juxta quam loca V. T. in Novo plerumque citantur, cujusque adeo ex eo tempore in Ecclesiâ Christianâ usus privatim & publicè celeberrimus fuit.

An autem tota revera sit Septuaginta duorum illorum Interpretum qui à summo Judæorum Sacerdote ad Ptolomæum Philadelphum Ægypti Regem missi sunt ad Scripturas vertendas, prout a Josepho narratur, an verò illi tantum Pentateuchum verterint, reliquam verò Scripturam recentiores alii Interpretes, dubitatur & disputatur inter Doctos utriusque partis, & rem in medio nonnulli relinquunt, plerisque tamen videtur esse probabilius omnes V. T. Libros à Septuaginta duobus illis Interpretibus græcè fuisse conversos. Sed quidquid de eo sit, utrinque agnoscitur versionem illam græcam, quæ in usu erat tempore Christi & Apostolorum non amplius à nobis haberi integram & incorruptam, sed sæculorum lapsu & variis mendis & correctionibus ita mutatam & interpolatam, ut alia videri possit, nec ei competat illa autoritas quam habere debebat cum nondum corrupta & depravata erat.

Igitur solum quæstio est, quæ & quanta fuerit olim græcæ illus versionis in Ecclesiâ autoritas. Pontificii contendunt summam illam & divinam fuisse, quoniam scilicet memorabiles illi Septuaginta duo Interpretes illam non elaboraverunt humanâ tantum arte & ingenio, sed peculiari modo Spiritum Sanctum ducentem & assistentem habuerunt, ut à vero sensu nunquam aberrarent, ita ut potius Prophetæ videri possint quàm nudi Interpretes. Doctores verò nostri faciunt quidem magnam versionis illius auctoritatem esse debuisse, tamen propter peritiam & numerum Interpretum, tamen etiam quod Apostoli usu suo illam quodammodo probarunt & consecrarunt, sed non concedunt Interpretes illos vel Prophetas fuisse, vel habuisse Spiritum prophetico similem; adeoque nolunt ejus auctoritatem unquam fuisse æquandam auctoritati textus hebraici, sed ad eum tanquam ad fontem & regulam potuisse & debuisse semper corrigi & examinari.

C A P. IV.

De Scripturæ Sacræ Necessitate.

DE necessitate Scripturæ sic cum Pontificiis disputant multi ex nostris Theologis, quasi necessitatem illam simpliciter negarent, nos vero affirmaremus; Et certè de hac re non utrique eodem modo loquuntur, nam necessitatem Scripturæ nostri maxime urgent, Pontificii verò quantum possunt imminuunt, imò nonnullis eorum ea inter disputandum de hoc argumento excidunt quæ nullo modo ferenda sunt, & merito dici possunt in Scripturam Blasphemia, ut quod perhibetur dixisse & scripsisse Cardinalis quidam, Melius consultum fuisse Ecclesiæ si nulla unquam extitisset Scriptura.

Verum

Verum tamen si ea spectemus quæ tum Pontifici, tum Theologi nostri animo sedato & tranquillo docent, facile apparebit quoad rem ipsam nullum esse aut perexiguum discrimen inter sententiam horum & illorum de necessitate Scripturæ, nec enim asserimus Scripturam Sacram simpliciter & absolute loquendo necessariam esse, quasi absque illa Ecclesia nullo casu stare possit; nec essent penes divinam Sapientiam aliæ rationes quibus posset Vera fides in mundo conservari, sed solummodo censemus illam necessariam esse ex hypothesi divinæ ordinationis & præsentis Status Ecclesiæ, quæ hoc medio à Deo ordinato indiget, ut verbum Dei purum & incorruptum in ea conservetur. Pontifici vero in eo solum laborant ut probent Scripturam Sacram non esse simpliciter necessariam, ut videre est apud Bellarmin. qui obiter ea de re agit initio cap. 4. lib. 4. de Verbo Dei, ubi etiam respondens ad Locum quendam Chrysostomi, distinguit inter necessitatem simpliciter & necessitatem ad bene esse, & posteriori hoc sensu Sacram Scripturam esse necessariam concedit ¶ Porro à Christi adventu. Et certè quamvis ex Theologorum nostrorum sententiâ qui statuunt post Apostolos & proximos eorum Succellores è vivis sublato, nullum fuisse in terris vel hominem vel cætum prorsus ἀναιδέτηλον atque infallibilem; Videatur sequi Scripturæ tanquam fidei regulæ cujusdam infallibilis majorem in Ecclesiâ necessitatem esse, quàm si juxta sensum Pontificiorum admittamus Ecclesiam in judicando de rebus fidei errori non esse obnoxiam, tamen ex eorum etiam sententiâ, si rectè expendatur, sequitur quoque Scripturam esse necessariam. Volunt enim illi quidem Ecclesiam (quo nomine intelligunt Pontificem Romanum & Episcopos ejus autoritate congregatos) à Spiritu Dei duci in omnem veritatem quæ sit alicujus ad fidem & Salutem momenti. At tamen, nolunt Ecclesiam Regi novis revelationibus, sed in veritatis cognitionem duci per usum mediæ quæ sunt in finem hunc à Deo instituta, inter quæ media ponunt non solum Ecclesiæ suæ traditionem, sed etiam Scripturam Sacram, quæ duo pari pietatis affectu se venerari profitentur. Cum ergo nec nos Scripturam asseramus simpliciter esse necessariam, nec illi secundum quid necessariam esse negent, si quid superest hic controversiæ, perexiguum sanè est, neque magni momenti.

Finis Libri Primi.

(Bb)

ELUC

ELUCIDATIO

STATUS

Controversiarum

CIRCA

CHRISTI

PERSONAM & OFFICIUM.

CAPUT I.

An Christus sit Auctor.

Calvinus lib. 1. Institut. cap. 13. ¶ 19. dicit commodè explicari posse id quod aliquando Patres asseverant, nempe Filium à seipso & Divinitatem & Essentiam habere; & ibidem habet hæc verba. Ergo cum de Filio sine Patris respectu simpliciter loquimur, bene & propriè ipsum à se esse asserimus: & ¶ 25. Filium, inquit, quatenus Deus est fateamur à seipso esse, sublato Personæ respectu. Passim verò in suis Scriptis contra Valentinum Gentilem, asserit Christum esse *αὐτῶς*, quam ejus sententiam & loquendi modum probarunt alii quoque ex nostris Theologis. Inde multi ex Pontificiis occasionem sumpserunt fabricandi novam hæresim, quam vocant *Autotheamorum*, quâ Doctores nostros infamare conantur; Eorum enim verba detorquebant, falsam & erroneam ipsis affingunt sententiam, à qua quàm longissimè absunt, quasi scilicet docerent Dei Filium & Spiritum Sanctum similiter essentiam suam à seipsis habere, non verò Filium à Patre & Spiritum Sanctum à Patre & Filio; unde necessariò sequitur vel Patrem, Filium & Spiritum Sanctum non esse tres Personas distinctas juxta Sabellium, sed unicam tantum personam, vel non esse solummodò tres personas distinctas, sed tres diversas essentias, adeoque tres Deos, juxta hæresim eorum qui vocantur Tritheitæ.

Sed Bellarminus hæc in Parte Pontificiis cæteris candidior, Calvinum & alios ex nostris Theologis ab hoc crimine liberat, agnoscens eos apertè & sine ulla ambiguitate in divinis fateri unicam essentiam, tres verò personas distinctas, atque etiam docere quod Pater cum sit ingénitus, divinam essentiam ab alio non habet, Filius verò illam habet à Patre communicatam per generationem; & Spiritus Sanctus à Patre & Filio per ineffabilem quandam processionem. Et

certe

certe hæc est & fuit perpetua Theologorum nostrorum sententia, cujus contrarium ipsis tribui nequit sine manifestâ & atroci calumnia.

Verumtamen Bellarminus saltem loquendi modum in Calvino reprehendit, nempe quod dicat Filium habere à se essentiam, quæ locutio, licet ex mente Calvini bonum sensum habeat, vult tamen illam simpliciter esse repudiandam.

Neque etiam probat quod Filius & Spiritus Sanctus, imò nec Pater ipse, dicantur *αὐτθεός*, quo sensu vox illa à nostris usurpatur, nimirum pro illo qui est à seipso Deus. Et hoc quia Filius cum sit à Patre genitus non est Deus à se, sed à Patre, ut & Spiritus Deus à seipso non est, sed à Patre & Filio; à quorum utroque procedit. Pater autem cum sit simpliciter ingenuus & improductus Deus, etiam à seipso non est, quoniam esse à seipso videtur esse idem quod à seipso productum esse, jam vero Pater nec à se, nec ab alio productus est, sed à nullo.

Alio verò sensu agnoscit Bellarminus Filium Dei, adeoque Deum Patrem & Spiritum Sanctum rectè dici posse *αὐτθεός*, nempe si *αὐτθεός* significet illum qui est ipse Deus, id est, propriissime & verissime Deus, quomodo *αὐταλθέα* Græcis idem est quod ipsa veritas: qua ratione notat Epiphanium Filium Dei dixisse *αὐτθεός*, hæresi 69.

Verum ut hæc res tota meliùs intelligatur & clarius pateat quæ sit Doctorum nostrorum sententia & loquendi ratio, Notate primò, illos per vocem *αὐτθεός* intelligere quidem illum Deum qui est à se, sed non quo sensu hanc vocem exponit Bellarminus, quasi sit idem esse à se quod esse à se productum, nam Theologus nostris à se est qui à nullo est, non qui seipsum produxit, quod est impossibile, quo sensu Metaphysicis usitatissima est distinctio entis, *in ens à se, & ens ab alio*: ut mirum sit Bellarminum Metaphysicæ non ignarum arguari in hoc voluisse, & negare quod Pater sit Deus à se, quia scilicet à nullo est, cum Metaphysicis idem sit à se esse & à nullo esse.

Præterea sciendum est, cum Deus sit ens à se improductum & independens, essentiam divinam nec genitam nec productam esse, adeoque illum verum Deum non esse qui habet essentiam ab alio productam, sed in omni personâ quæ verus Deus dici possit necessariò reperiri essentiam quandam quæ sit à se, id est, quæ à nullo sit, & à nullo pendeat; igitur cum fides Christiana doceat Patrem, Filium & Spiritum Sanctum unum esse verum Deum, in unaquaque harum personarum necessariò reperitur essentia illa prima & improducta, & de singulis verum est quod sint Deus ille qui est à se, id est, à nullo. Atque hæc non alia mens est Theologorum nostrorum cum aliquando Verbum & Spiritum Sanctum vocant *αὐτθεός*, in eo scilicet sese opposcentes Tritheitis qui opinantur solum Patrem essentiam habere increatam & improductam, Filium verò & Spiritum Sanctum essentiam aliam habere quæ sit à Patre producta, ideoque solum Patrem dici posse *αὐτθεός*; Filium verò & Spiritum Sanctum titulum istum non mereri, quoniam essentiam habent ab alio productam. Nec alio sensu Calvinus aliquoties dicit Filium esse à seipso, à seipso divinitatem & essentiam aliunde non mutuari, quibus verbis non intendit aliud quàm negare Filium essentiam habere à Patre productam, ut cuius inspicienti ipsa Calvinii loca perspicuum esse potest.

Cæterum & Calvinus & Doctores nostri omnes communi consensu docent & agnoscunt essentiam illam quæ à se est & improducta, diversimodè esse in Patre, Filio & Spiritu Sancto, nam pater illam habet *ἀγενήτως*, id est, ab alio nullo acceptam & communicatam, Filius verò habet eandem essentiam à Patre communicatam per æternam generationem, & denique Spiritus Sanctus essentiam illam accipit à Patre & Filio per ineffabilem quandem possessionem. Itaque Pater non tantum essentiam habet quæ est à se, sed illam quoque habet à se, id est, à nullo, Filius verò & Spiritus Sanctus habent quidem essentiam quæ est à se non ab alio producta, sed tamen illum acceperunt Filius quidem à Patre, Spiritus verò à Patre & Filio.

Quod attinet ad loquendi modos quos in Calvino culpant adversarii, Calvinus quidem illis usus est non tantum citrà errorem, sed etiam citrà periculum, quoniam cuius legenti statim apparet quis sit illius scopus; attamen satendum est locutionem illam quâ dicitur Filius à seipso divinitatem & essentiam habere, &

(B b 2)

qua

qua negatur essentiam aliunde mutuari incommodam esse & minùs propriam, nec simpliciter & sine cautela illà utendum esse: Etenim Dei Filius habet quidem essentiam & divinitatem quæ à se est, non ab alio producta, sed tamen, ut dictum est, essentiam illam à seipso non habet, & verum est quidem essentiam Filii nec genitam nec productam esse, sed quoque non minùs verum est personam Filii esse & genitam & productam. Cum autem simpliciter & absolute dicitur, Filium Dei à se ipso esse, & à se ipso habere essentiam & divinitatem, verba ista sumpta rigide & propriè, videntur innuere ipsam Filii personam non esse ab alio, nec essentiam suam ab alio accepisse, quod falsum est, & contra omnium Orthodoxorum sententiam. Itaque tutius & convenientius dicitur quidem essentia Divina quæ est in Filio non esse ab alio, ipse verò Filius à seipso non esse, sed ab alio, nempe à Patre accepisse essentiam & Divinitatem, cum juxta Nicænum fidei Symbolum sit Deus de Deo & Lumen de lumine.

CAP. II.

De Unione duarum in Christo Naturarum, & inde consequente idiomatum Communicatione.

DE hoc capite nulla est inter nos & Ecclesiam Romanam controversia, verum in eo & à nobis & ab Ecclesiâ Rom. dissident plerique ex iis qui Lutheri doctrinam sequi se profitentur. Ut pateat autem quid sit illud de quo controversitur, sciendum est Lutheranos omnes in eo cum Ecclesiâ Rom. adeoque nobiscum convenire, quod in unâ & indivisâ Domini nostri Jesu Christi persona sint duæ distinctæ naturæ, divina videlicet quæ ab æterno est, & humana quæ solum in tempore assumpta est in unitate personæ Filii Dei, atque has duas naturas unitas esse constituentur, non solum indistincte & inseparabiliter, sed inconsulse quoque & immutabiliter, ita ut neutra harum naturarum in alteram mutata aut cum altera confusa sit.

Præterea docent & agnoscunt, quod ut natura utraque in suâ naturâ & essentia inconsula manet, neque unquam aboletur, ita etiam utraque suas naturales, essentialia proprietates retineat, neque in omnem æternitatem eas deponat, & quod unius naturæ proprietates essentialia nunquam alterius naturæ proprietates essentialia fiant.

Ex alia verò parte Doctores omnes, tum nostri, tum Ecclesiæ Rom. communis consensu cum Lutheranis færentur & agnoscunt duas in Christo naturas non esse simpliciter unitas, eo modo quo duo asseres inter se conglutinantur, sed reipsa & verò communionem inter se habere, & inde sequi in Christo veram & realem proprietatum utriusque communicationem.

Sed dissensus aliquis est in explicandâ ratione tum unionis illius personalis in Christo, tum istius proprietatum utriusque naturæ communicationis: Et nostri quidem Theologi in hoc Scholæ Rom. consentientes, unionis illius hypostaticæ rationem, & formam in eo positam esse existimant, quod natura Christi humana subsistentiam propriam non habet, sed à Dei Filio hypostaticè sustentatur, & ab eo assumpta est, ut sit pars personæ ipsius quæ in eo, non extra eum subsistit, adeoque personam per se non constituit, sed censetur tantum pars alterius personæ, nempe verbi Divini, quod propterea factum dicitur esse caro.

Porro ex eo consequitur talis naturæ divinæ & humanæ in Christo communio, ut verè sit & dici possit homo Deus, & Deus homo, atque etiam disjunctim Deus & homo. Adeoque respiciendo ad Christum, jam dicere licet Deus est homo, & homo est Deus, quæ enuntiationes non sunt merè verbales & solummodò quidam loquendi modi qui in re ipsâ fundamentum non habent, nam verissimè & realissimè æternus Dei Filius est homo natus ex Virgine Maria, nec etiam minùs

verè

verò & realiter homo ille quem Beata Virgo à Spiritu Sancto concepit, est Deus super omnia benedictus in sæcula, quamvis in Christo Divinitas & Humanitas impermixtæ maneant, nec Deitas sit homo, nec humanitas sit Deus.

Præterea ex hac Unionè duarum in Christo naturarum sequitur divinæ & humanæ naturæ proprietates ita personæ Christi communicatas esse ut quocunque nomine illa appelletur, sive Dei, sive hominis, de eà verè dici & enunciari possint. Itaque rectè & verè dicimus Deus ex Beatà Virgine Marià natus est, Deus pro nobis sanguinem suum fudit, & Judæi Dominum Gloriæ crucifixerunt; & pari ratione rectè & verè dicitur Jesus Nazarenus est omnipotens & ubique, & ille ipse qui in initio Cælum & terram creavit. Quæ idiomatum communicatio ex Theologorum nostrorum sententia non est mere verbalis, nam persona illa quæ Deus est, cum sit etiam homo, habet verè & realiter humanæ naturæ proprietates omnes; & homo ille, nempe Christus, cum sit Deus super omnia benedictus, verè & realiter omnes divinæ naturæ proprietates habet. Quod si quando Theologi nostri communicationem illam verbalem vocant, hoc tantum volunt, utramque Christi naturam proprietates suas perpetuò servare, nec alterius naturæ proprietates accipere, adeò ut communicatio ista realis sit respectu personæ, cui tum divinæ; tum humanæ proprietates realiter competunt, & de eà verè dici possunt, à quacunque natura persona denominetur. Itaque verè ac realiter Deus pro nobis sanguinem suum fudit, & pro nobis passus est, & verè atque realiter Jesus ille, qui in Cælos ascendit, Ecclesiam suam hodiè præsens regit; sed verbalis dicitur respectu naturarum, quoniam, quamvis Deus verè pro nobis passus sit, Divinitas tamen pro nobis passa non est, & quamvis homo Christus in terris hodiè præsens sit, humanitas tamen ejus in terris non est: quoniam persona quidem divina pro nobis passa est, sed non secundum suam divinitatem, & humana persona simul est in Cælo & in terrâ, sed non secundum suam humanitatem, ideoque in concreto rectè quidem dicitur homo Christus est omnipotens, homo Christus est ubique; sed in abstracto nec verè, nec rectè dici potest quod humanitas Christi omnipotens & ubique sit, quemadmodum verè quidem Deus passus & mortuus est, quamvis Divinitas nec mori, nec pati potuerit.

Sed quamvis natura humana Domini nostri Jesu Christi in se non accepit naturæ divinæ proprietates, tamen ex unionè illius personali cum æterno Dei Filio consequuta est dona quam maxima potest creatura capere, ut gratiam excellentissimam, sapientiam maximam, potentiam planè singularem, & alia id genus, quæ dona quamvis magna atque præstantia sint supra quàm dicere possimus & capere, infinita tamen non sunt, quoniam creatura cum finita sit, capax non est donorum infinitorum.

Atque hæc est brevis Theologorum nostrorum sententia. Sed quòd attinet ad eos qui Lutherani vocantur, in varias super hoc capite videntur illi abire sententias. Etenim non eodem modo omnes unionem hypostaticam explicant; nam Brentius & Smidelinus hypostaticam illam unionem desinunt ea quam sibi fingunt idiomatum communicatione, ut Verbum carnem assumpsisse ex eorum mente non sit formaliter aliud quàm, æternum Dei Filium omnes naturæ suæ divinæ proprietates humanæ isti naturæ realiter communicasse.

At plerique alii unionem hypostaticam distinguunt ab illà idiomatum communicatione, quam volunt ejus esse effectum & consecutarium unionem verò personalem, ut & nos in eo præcipuè ponere videntur quod humana Christi natura subsistentiam propriam non habens, non subsistit nisi in Verbo, & per ipsam Verbi subsistentiam.

Imò eorum nonnulli sunt qui idiomatum communicationem, quæ locum habet in Christi persona, non aliter explicant atque Doctores nostri, & quibuscum nulla est hæc de re controversia, quò in numero & Philippus Melancthon & Nicolaus Hemmingius superiori sæculo Professor Hafniensis in Dania. Sed communiter hodiè Lutherani in Germania sufficere non videtur reciproca illa idiomatum utriusque naturæ in persona Christi communicatio, quæ a nobis exposita est, nec etiam ista donorum maximorum & ineffabilium, quæ tamen creata atque finita sunt, in humanam Christi naturam effusio, quam ex unionè hypostaticâ sequi admittunt nostri Theologi: sed præterea volunt per unionem illam, proprietates naturæ divinæ realiter fuisse naturæ humanæ Christi communicatas, adeoque humanam

humanam Christi naturam accepisse dona non tantum creata & finita, sed increata atque infinita.

Quis sit autem istius communicationis modus vix ipsi explicare possunt, rem tamen ita declarare conatur liber concordie qui apud Lutheranos est maximæ autoritatis. Et primò quidem negat liber ille communicationem illam factam esse eo modo quo Pater ab æterno unigenito Filio cum naturâ divinâ communicavit omnes naturæ divinæ proprietates, unde sequitur Filium Patri æqualem esse, nec enim per istam proprietatum divinarum communicationem volunt naturam humanam divinæ exæquatam esse.

Præterea negat illam communicationem esse physicam sive naturalem, & factam esse per aliquam effusionem, sive transfusionem proprietatum divinarum in naturam humanam, quasi humanitas Christi eas per se & in se & à divinâ essentia separatas haberet. Nec enim volunt V. G. geminam esse in Christo omnipotentiam & omniscientiam, aliam quidem quæ sit idem cum naturâ Christi divinâ, & aliam quæ sit effusa in humanam Christi naturam, & cujus natura illa humana subiectum sit, sed unicam tantum in Christo agnoscunt esse omnipotentiam & omniscientiam, eam scilicet quæ idem est cum naturâ illius divinâ.

Quod autem vocant communicationem istam realem, per id se eam opponere dicunt communicationi verbali quam alii docent, & se dicere velle quod communicatio illa verè & reipsa facta sit, non verò consistat tantum in phrasibus & loquendi modis.

Denique istam communicationem explicare nituntur similitudine ferri igniti & candentis, nam, inquit, ut in ferro ignito non est duplex vis urendi & lucendi, quasi ignis peculiarem & ferrum etiam peculiarem vim urendi & lucendi haberet, atque etiam vis illa urendi & lucendi est proprietas ignis, non verò ferri proprietas, sed tantum quia ignis cum ferro unitus est ideo vim & virtutem urendi & lucendi in & cum ferro & per ferrum illud candens exerit, ita ut ferrum ignitum ex hac unione vim habeat urendi & lucendi, neque propterea sit ulla transmutatio naturæ ignis atque ferri, aut ulla transfusio proprietatum naturalium tam ferri quam ignis, quorum utrumque suas naturales proprietates habet: Ita in Christo *ἁπλοῦς* non est duplex gloria, virtus & maiestas divina. Atque etiam gloria, virtus & maiestas divina quæ in Christo est, non est proprietas naturæ humanæ, sed verbi quod carnem assumpsit, & utrumque tam verbum quam natura humana proprietates suas naturales conservat, nec unius propria in alteram transfunduntur, ut in eo sint tanquam in subiecto, & tamen verbum divinum sic omni suâ maiestate, virtute & gloriâ in carne assumptâ lucet, & in eâ, cum eâ, & per eam omnem suam virtutem, maiestatem & efficaciam exerit & exercet, ut humana Christi natura dici possit habere maiestatem, virtutem & gloriam divinam; adeoque omnia scire posse atque operari. Quod Lutherani recentiores his verbis hodiè explicant, nempe quod attributa divina humanæ naturæ communicata sunt, non *κτ' ἑκείνῃ* per participationem ut ei subiectivè insint, sed *κτ' οὐρανῶν* per unionem cum divinâ.

Sed qualiscunque sit istius communicationis modus, ex eâ sequitur juxta Lutheranorum mentem propria divinæ naturæ rectè & verè prædicari non tantum de personâ Christi ab utraque natura, sive divina sive humana in concreto denominatur, sed etiam de naturâ humanâ in abstracto, ut non tantum verè dicere liceat, homo ille nempe Christus est omnipotens, omniscius, omnipræfens, quod nos etiam libenter concedimus, sed etiam humanitas Christi est omnisca, omnipræfens & omnipotens.

Quinimò nonnulli eorum hanc phrasin, humana natura est Deus, Christus secundum humanam naturam est Deus, ut bonam probant & tuerentur. Atque etiam nonnulli inter eos talem inter naturam humanam & divinam communionem esse volunt, ut rectè dici possit, non tantum Deus est mortuus, sed divina natura passa & mortua est, referente Wendelino Theologice Christianæ Lib. 1. cap. 6.

An verò omnes naturæ divinæ proprietates humanæ Christi naturæ ita communicatæ sint, ut de eâ directè in abstracto prædicari possint, quo pacto jam expositum, non convenit inter Lutheranos. Plures eorum sic distinguunt proprietates divinas quæ sunt *ὑπερβολαί*, id est, per quas Deus operatur, quales sunt omnipotentia, omniscientia, omnipræsentia, ab his proprietatibus quæ *ὑπερβολαί*

non

non sunt, quales sunt æternitas, simplicitas, infinitas : priores dicunt esse communicatas, quia natura divina per humanam operatur : posteriores non item, quia divina natura per eas non operatur, ideoque quamvis pertendant naturam humanam Christi esse omnisciam & omnipotentem, tamen nolunt eam rectè dici simplicissimam, æternam & infinitam. Attamen hæc in parte Suevi Lutherani aliis contradicunt, & contendunt per idiomatum communicationem humanam Christi naturam etiam factam esse æternam, immensam, & Deo Patri ὁμοῦνον, & Christi corpus infinitum esse, ut refert idem Wendelinus loco supra citato.

Sed hi pauci sunt præ reliquis. Itaque præcipua lis est de divinæ omnipotentia, omniscientia & omnipræsentia, an ita naturæ humanæ in Christo communicatæ sint, ut humanitas Christi revera sit omnipotens & omnipræsens: de qua tamen omnipræsentia naturæ Christi humanæ adhuc omnes non eodem modo sentiunt & loquantur. Nam nonnulli sunt qui timide loquuntur de istâ omnipræsentia, nec aperte asserunt corpus Christi esse ubique, sed satis habent dicere Christi carnem esse ubi voluerit, & posse esse ubique si voluerit, ut Kemnitius lib. de duabus Christi naturis esse, adeoque omnia Christi corpore plena non esse, quod alii damnant, alii repudiant.

Ac præterea super illa corporis Christi ubiquote mota est hoc sæculo nova quædam controversia inter Theologos Lutheranos, an scilicet Christi corpus ab ipso conceptionis momento, ante resurrectionem & in statu examinationis ubique semper fuerit : an verò omnipræsentia ista corporis Christi restringenda sit ad solum exaltationis statum, ita ut Christi corpus jam quidem ubique sit à die resurrectionis, antea verò non fuerit, sed certo duntaxat in loco: prius illud tumentur Lutherani Theologi ex Prussia atque Suevia, affirmantes Christi corpus à primo incarnationis momento ubique semper fuisse secundum naturam humanam quamdiu inter homines in terra versatus est, & in infirmo & mortali corpore. Qua de re edita sunt frequentia volumina à Theologis utriusque partis.

Porrò ex hac explicatione, tum Lutherana, tum nostræ sententiæ apparet, illos immerito carpere nostros Theologos, quasi docerent Christi naturas nullam realiter seu reipsâ & verè, communicationem inter se habere. Nec etiam negant attributa divina, qualia sunt omnipotentia, omniscientia & Impenitas divina, quæ idem omnino sunt cum naturâ Christi divinâ, in humana illius natura verè & realiter esse, nempe per personalem inhabitationem, de qua dicit Apostolus, ad Coloss. cap. 1. *Quod in Christo omnis plenitudo Deitatis inhabitat copulativè.* Tam realiter enim inter se communicant ex nostra sententia quam communicant corpus & anima in homine, ex quibus hominis persona constituitur, quandoquidem humana natura verbo tam realiter & rectè unita est, ut inde exurgat unica persona nempe Christus Θεάνθρωπος, ac proinde has Propositiones, Deus passus & Deus mortuus est, item Homo ille, nempe Christus Dominus noster omnia potest, & Ecclesiam suam in terris præsens regit, sic verbales esse nolumus ut cavillantur Lutherani, quasi merè essent loquendi formulæ quæ nullum in re ipsa fundamentum haberent. Nam fatemur verè & reipsâ Deum & passum & mortuum esse, non verò solam naturam humanam, licet natura divina rectè non dicatur fuisse mortua, & Filium hominis Christum verè & realiter esse Deum omnipotentem, licet humanitas ejus nec sit Deus, nec omnipotens.

Ex alia verò parte cavendum est, ne sic cum Lutheranis agamus, quasi docerent ea quæ sunt divinitatis propria in humanitatem Christi transfusa esse, & subjectivè ei inherere, quod perpetuò negant, ut antè ostensum est.

Restat ergo hæc solum controversia, an divinæ naturæ proprietates in Christo ita naturæ humanæ communicatæ fuerint, ut in abstracto liceat dicere, humanitas Christi est ubique & omnipotens. Qua in controversiâ fortè plus est logomachia atque pertinacia, quam realis discriminis, nam aliquo sensu concedere possumus realem communicationem proprietatum naturæ divinæ naturæ Christi humanæ factam esse quatenus, ut dictum est, in natura illa humana realiter & personaliter inhabitat, & est Divinitas cum omnibus suis proprietatibus, quemadmodum realiter ignis est in ferro ignito ; sed quemadmodum ex illa ignis cum ferro unionem rectè quidem dicere possumus, ferrum hoc urit, ferrum hoc candet, non tamen rectè dicitur ferreitas urit, ferreitas lucet, quia ignis in ferro, non ipsa tamen ferri natura, ita agit. Ita quoque rectè & verè dicere possumus, homo

iste

iste omnia potest, homo iste est ubique, non verò humanitas Christi ubique est & omnipotens, de qua fortè tantum loquendi formula cum multis Lutheranis quæstio esse potest.

C A P. III.

De Scientiâ Animæ Christi, & ejusdem Gratia & Beatitude.

Quotquot Dei Filium in personæ unitatem naturam humanam assumpsisse fidentur, non solum docent Christum hominem nobis similem per unionis illius hypostaticæ gratiam in se habitantem habere plenitudinem omnis Deitatis, adeoque esse verum Deum cui computant omnia attributa potentia, sapientia, bonitatis & felicitatis quæ Deo ipsi verè tribui possint. Sed præterea statuunt ex istâ unionem in natura Christi humana consecutum gratiam & gloriam præstantissimam & excellentissimam, & dona creata quidem, sed quanta maxima possunt in creaturam cadere. Etenim non docuit naturam illam, quam Dei Filius æterno Patri æqualis & ἰσούσμενος, in unam secum naturam assumpsit, ullis carere donis & ornamentis, quæ quidem posset creatura capere, nec videtur possibile ut natura quædam tam arcè Deo uniretur, quin in illam omnes suæ bonitatis & gratiæ thesauros effunderet, quod satis quoque S. Scriptura docet dum asserit Christum fuisse plenum gratiâ atque veritate, nec Deum ei dedisse Spiritum ad mensuram, adeoque nos omnes ex plenitudine illius haurire.

Agnoscunt quoque omnes qui Evangelio Christi fidem adhibent, naturam Christi humanam non statim & uno momento evectam fuisse ad illum perfectionis & gloriæ cumulum quem jam in Cœlis adepta est, nam Christus per varia ætatis incrementa ad naturalem sui corporis perfectionem pervenit, nec ante resurrectionem habuit eas dotes corporis gloriosi quibus hodie fulget; atque ut opus nostræ redemptionis compleat, ultro se ad mortem usque multis submisit ærumnis in corpore & anima, variisque naturæ nostræ defectus & infirmitates ad certum tempus assumpsit. Nec de his ulla est inter Theologos nostros & Doctores Ecclesiæ Germanæ controversia, sed super animæ Christi gratia, donis & beatitudine moventur quædam quæstiones, de quibus omnes nostri Theologi non omnino idem sentiunt cum Ecclesiæ Romanæ Doctores. Ut autem quid sit inter utrosque discriminis distinctius intelligi possit, Scholæ Romanæ sententia paucis exaranda est, deinde notandum quid in ea probant Theologi nostri, quid minus.

Communitè ergo docent Doctores Scholastici Domini Jesu Christi animam à primo suæ creationis simul & cum divino verbo unionis momento, ipsam divinam essentiam vidisse, qua in re sitam esse docent summæ illius beatitudinis quam in Cœlis expectamus substantiam: Verum tamen cum Christo, quamdiu in terris degebat, deesser gloria corporis, & etiam per quandam dispensationem singularem, secundum animam obnoxius esset multis passionibus, ut tristitiæ, doloris, timoris, quæ cum beatitudine undiquaque perfecta consistere non possunt, ex eorum sententia sequitur Christum, quamdiu in terrâ versabatur, ita jam fuisse beatum, ut tamen aliqua ex parte dici posset ad beatitudinem contendere, quod intelligunt Doctores Scholastici cum dicunt Christum fuisse simul viatorem & comprehensorem. Porro eam Apostolus fidem opponat aspectui, 2 Cor. 5. & doceat fidem esse eorum quæ non videntur, Heb. 11. adeoque fides repugnat statui beatorum qui Deum vident facie ad faciem, hujus sententiæ quoque consequens est, Christum nunquam habuisse fidem propriè dictam, sed loco fidei cognitionem quandam generis sublimioris.

Præterea

Præterea cum hæc sententia supponat Christum per visionem illam beatificam, Deo ut summo bono semper fruitum fuisse, inde etiam sequitur Christum Dominum nostrum non habuisse propriè dictam spem, cujus objectum Deus est sub ratione boni absentis, & quod quis nondum adeptus est, nam sperare & frui opponuntur; atqui ut docet idem Apostolus, *Rom. 8. Spes quæ videtur non est spes, nam quod modo speraret quis, quod videt?* Attamen cum possit duplex assignari spei objectum, unum primarium videlicet Deus, quâ ratione jam dictum est; alterum secundarium, ad quod pertinet quodcunque divinum auxilium & bonum quodvis à Deo promissum. Respectu hujus objecti secundarii spei & fiduciæ speciem quandam in Christo fuisse agnoscunt omnes Theologi, quem nullus negare potest sperasse liberationem à malis quibus se pro nobis objicit, & resurrectionem ac gloriam corporis sui.

Præterea cum Scriptura multis in locis doceat Christum à Deo gratiæ plenitudinem accepisse, & Deum ei Spiritum dedisse non ad mensuram, Schola Romana statuit istam totius gratiæ abundantiam & plenitudinem in animam Christi ipso primo creationis illius momento simul & semel effusam fuisse, adeo ut nullus fuerit postea incremento locus, neque paulatim & per gradus cum ætatis progressu dona Spiritus acceperit, sed quicquid unquam habuit ejusmodi donorum, semper ab ipsâ sua conceptione habuerit. Per gratiam autem illam intelligunt habitus supernaturales charitatis, sapientiæ, fortitudinis, timoris, & similes, quæ in primo conceptionis D. N. J. C. instanti animæ ejus infusus in summo gradu statim fuisse volunt, juxta illud Isaïæ, cap. 11. *Et requiescet super eum Spiritus Domini, Spiritus sapientiæ & intellectus, Spiritus consilii & fortitudinis, Spiritus scientiæ & pietatis, & replebit eum Spiritus timoris Domini.* Porro licet ex ista sententia D. N. J. C. non potuerit in istis gratiosis habitibus quidquam unquam proficere, sed semper illos eodem modo & gradu habuerit, non negant tamen Doctores Scholastici Christum secundum actus in gratiâ profecisse, quoniam etsi habitus gratiæ ab initio animæ ejus infusi nullum acceperint incrementum, ab iis tamen habitibus per accessum ætatis majora subinde opera procedebant, atque istuc referunt quod dicitur cap. 2. Evang. secundum Lucam, *Jesum profecisse sapientiâ & ætate, & gratiâ apud Deum & homines.* Sed præcipua difficultas hic est de scientiâ Christi. Igitur sciendum est præter scientiam illam increatam & infinitam quæ est in Christo quatenus Deus est, Doctores Scholasticos triplicem in anima Christi scientiam ponere.

Primo enim cum statuunt D. N. J. C. animam statim à primo suæ creationis instanti beatam fuisse & Deum vidisse, inde sequitur Christum in ipso matris utero habuisse scientiam illam quam vocant beatorum. Porro per illam scientiam docent Christi animam ipsam Dei essentiam intuitam fuisse, & cognovisse longè clariùs & perfectiùs quam detur ulli alii creaturæ illam cognoscere atque intueri, idque propter singularem & perfectissimam animæ Christi cum verbo unionem. Neque tamen existimant quod anima Christi divinam essentiam comprehendat, quoniam anima Christi finita est & essentia Dei infinita, infinitum autem nequit à finito comprehendi. Sed quoniam in Deo seu in verbo divino res omnes tanquam in speculo videri posse volunt (aut saltem juxta Thomam Aquinatem statuunt unumquemque beatum in verbo cognoscere omnia quæ ad ipsum spectant, ad Christum & ad ejus dignitatem spectant quodammodo omnia, quoniam omnia ipsi subiecta sunt, & ipse judex est omnium constitutus; vide Eustach. part. 2. pag. 171.) inde colligunt Jesu Christi animam in Deo semper cognovisse & vidisse omnia præterita & futura seu dicta, seu facta, sive cogitata, adeoque etiam illa, quæ licet nec sint, nec futura sint, in potentia tamen creaturæ sunt & pollunt ab illa fieri.

Nolunt tamen dici Christum per hanc scientiam omnia simpliciter novisse & esse omniscium, quoniam per hanc scientiam non comprehendit essentiam divinam, ut dictum, adeoque novit quidem quæcunque potest creatura facere, non verò omnia quæ sunt in potentia Dei, id est, quæ non creatura, sed Deus ipse facere potest; hæc enim si novisset, infinitatem divinæ virtutis comprehenderet, quod esset ipsam divinam essentiam comprehendere.

Sed præter illam scientiam quam vocant beatorum, Theologi Scholastici volunt animam Christi in ipsâ suâ creatione aliam accepisse à Deo scientiam, quam

(C c)

vocant

vocant scientiam congenitam sive infusam. Hæc scilicet eorum mens est Christum non tantum in Deo vidisse & cognovisse res omnes alias, sed præterea menti humanæ Christi in ipsa animæ ejus cum λόγῳ conjunctione, impressas fuisse species rerum omnium intelligibiles, quibus mediantibus res omnes posset agnoscere; quas docent Angelis in eorum creatione, a Deo quoque fuisse inditas. Itaque per hanc scientiam Christum quoque censent omnia ab ipsa prima sua conceptione novisse, sola excepta essentia divina, quam per ejusmodi species cognosci non posse docent Scholastici, sed solum per lumen gloriæ, quo illum immediate videri volunt à beatis.

Denique duplici isti scientiæ, quam ex Doctorum Scholasticorum mente Christum ab initio suæ conceptionis habuit, tertiam adhuc jungunt illi Doctores, quam Christus & cæteri homines in terra viventes hausit ex sensibus ipsis & naturali lumine atque usu intellectus & rationis, & hanc idcirco vocant scientiam acquisitam sive experimentalem, quoniam scilicet Christus illa non præditus fuit ut duabus præcedentibus ab ipso primo suæ conceptionis momento, sed paulatim illam acquisivit per sensuum exercitium & mentis ratiocinationem, adeoque cum ex Scholasticorum mente priores illæ scientiæ tam beata quam infusa augeri & crescere in Christo non potuerint, scientia hæc experimentalis in eo sua incrementa habuit, & illius respectu profectus aliquis Christo tribui potest. Quod tamen ita accipiendum non est, quasi existimarent Christum ope sensuum & experientia ac ratione duce quædam didicisse quæ antea ignorabat. Supponitur enim à primo conceptionis momento omnia in Dei essentia vidisse, & præterea eadem adhuc alio modo cognovisse, scilicet per species immediate à Deo menti suæ impressas, sed dicitur profectus respectu scientiæ illius experimentalis, quoniam quæ jam antea sciebat per scientiam beatam & infusam, ea novo quodam modo percepit, & didicit, nempe per notitiam à sensibus acceptam. Nam tres istæ Scientiæ propriè non differunt objectis: Etenim quæcunque Christus didicit per sensus & experientiam, censetur jam novisse per scientiam infusam & species sibi congenitas, & quoniam istam Scientiam infusam habuit, ea ponitur in verbo sibi unito tanquam in speculo vidisse. Et tres istæ scientiæ ita inter se comparantur, ut superior includat eminenter inferiorem, nempe scientia beata infusam, & infusa acquisitam sive experimentalem, licet è contrà non tam latè pateat scientia Christi acquisita quam infusa, & infusa quam beata, cum Christus non omnia sensibus percepit quarum habet à Deo scientiam infusam, nec per scientiam infusam essentiam divinam cognoscat, quam statuitur videre per cognitionem beatam.

Itaque sunt potius tres cognoscendi modi quam tres diversæ scientiæ, eadem enim Christus quatenus homo censetur, & videre in verbo sibi unito, & nosse per species sibi impressas atque ingenas, & tandem etiam sensibus usurpasse, & naturali rationis lumine percepisse.

Quibus addendum est ut ritè mens Scholasticorum percipiatur, scientiam illam infusam & scientiam acquisitam concipiendas esse ad modum habituum intellectui Christi inherentium, quibus non necesse est Christum semper actu novisse, & præsentia menti habuisse omnia quorum tales scientias habuisse dicitur, non solum tanquam habitus, sed etiam tanquam actus, vide Eustach. tract. 1. de Verbo incarnato disput. 7. quæst. 2. ubi dicit scientiam illam esse habituales & actuales diversæ ratione. Sed quod attinet ad scientiam beatam, concipienda est illa ad modum actus quo censent Christum perpetuò atque indefinenter essentiam divinam fuisse contemplatum, & in illa res alias omnes, quas perpetuò viderit, & præsentis tanquam in speculo habuerit.

Ex his autem, juxta Scholæ Romanæ sententiam, sequitur quod licet Christus quatenus homo non sit propriè loquendo omniscius, quoniam non comprehendit essentiam divinam, nec omnia Deo possibilia novit, dici tamen potest nunquam quicquam ignoravisse, & quod nulla ei ascribi debet ignorantia secundum quodcunque tempus, adeo ut commodo sensu dici queat hoc respectu omnia semper cognovisse, nec quicquam didicisse quod antea nesciret: ponitur enim habuisse cognitionem & scientiam omnem quam in animam humanam cadere possibile est. Ignoratio verbò significat absentiam notitiæ rei alicujus in intellectu, qui est ejus notitiæ capax, ideoque sicut non rectè lapis dicitur ignorans, quia nihil scit,

scit, ita homo non recte ignorans dicitur, quia non habet scientiam ejus cujus cognoscendi nullo modo est capax.

Est autem animadvertendum, Doctrinam istam de beatitudine animæ Christi à primo incarnationis illius initio, & consecratoria ejus quæ jam exposita fuerunt, licet communiter in Schola Rom. teneatur, non esse ab ecclesia Rom. definitam, adeoque inter ipsos Pontificios non haberi de fide.

Quod attinet autem ad nostros Theologos, variae sunt eorum super his sententiae. Hieronymus Zanchius Lib. 2. de incarnatione Filii Theſi 2. qui liber habetur operum ejus tomo 8. super istis omnibus aut nihil, aut parum admodum à Theologis Scholaſticis dissentit. Docet enim cum eis D. N. J. C. animam à primo suæ cum Verbo unionis momento beatam fuisse & Deum vidisse, adeoque Christum nunquam habuisse fidem aut spem proprie dictam. Præterea alerit humanam naturam Christi repletam fuisse jam inde à conceptione spiritu sancto & omnibus ejus donis. Atque etiam præter scientiam in creatam λόγας, triplicem in anima Christi agnoscit scientiam. Et primò quidem illam scientiam beatorum per quam anima Christi à sua creatione, non tantum viderit essentiam divinam, sed in ea quoque omnia quæ sunt, fuerunt, atque futura sunt, quoniam omnis intellectus beatus in Deo videt omnia quæ ad ipsum & ejus beatitudinem pertinent, omnia autem ad Christum pertinent tanquam omnium Regem Dominum & Judicem, ita ut hoc respectu ab ejus cognitione excludatur sola divinæ essentiae & infinitæ illius virtutis comprehensio.

Deinde animæ Christi à primo illius ortu tribuit quoque illam scientiam infusam per quam cognoverit omnia quæ Angeli & homines in hac vitâ cognoscere possunt. Denique isti scientiæ beatæ & infusam additam quoque non negat, cum progressu temporis scientiam acquisitam & experimentalem, per quam Christus Dominus multa percepit ipso usu & experientia & longè plura naturali rationis lumine agnovit & investigavit, quam datum sit ulli homini cognoscere.

Proposita autem quæstione, An spiritus & gratiæ dona quæ Christus in ipsâ suâ conceptione accepit, verum quoddam incrementum cum ætate haberint, an verò profectus qui Christo tribuitur in Evangelis intelligendus sit non de donis & habitibus ipsis, sed solum de donorum & habituum actibus & effectis, liberum relinquit hoc vel illud sentire, neque quidquam pro certo pronunciare audeat, quamvis non diffiteatur sibi simplicius videri & cum Dei verbo magis consentaneum si dicamus dona illa in naturam Christi humanam collata non fuisse initio consummata numeris omnibus, & verum cum ætate incrementum accepisse, quod est contra communem Scholæ Rom. sensum; cui tamen postea videtur accedere, dum differt docet & sæpè repetit scientiam Christi infusam in primo ortu acceptam, nunquam fuisse auctam quoad habitum, sed Christum in ea tantum profecisse quoad actus.

Præterea Zanchius habet istud singulare, & à Schola Rom. discrepans quod ab illa Christi scientia infusa eximit notitiam diei & horæ ultimi Judicii, quem vult Christum non scivisse, scientia acquisita, nec etiam infusa, sed solum per scientiam quam beatorum & visionis vocant, quoniam scilicet notitia illa ab intellectu Angelico & humano in hac vita remota est.

Zanchius sequitur Tilenus disput. 2. de unionis hypostaticæ effectis, ubi quoque triplicem in anima Christi scientiam ponit, beatam scilicet, infusam & acquisitam, & consequenter docet non potuisse in Christo locum habere fidem aut spem proprie dictam. In hoc tamen à Zanchio differt, quod velit Christum in illa scientia infusa crevisse & profecisse, non tantum quoad actus, sed etiam quoad habitus. Cum Zanchio & Tileno sentiunt Robertus Baronius exercitatione de fide, Junius in notis ad Bellarminum, ubi hanc quæstionem attingit.

Verum alii ex nostris Theologis sunt in diversa sententia. Etenim Chamierus Panſtratæ tomo 2. Lib. 4. Cap. 2. negat animam Christi à primo suo ortu fruitam esse summa illa beatitudine qua jam in Cælis fruitur, hæc enim sunt illius verba cap. istius parag. 3. Itaque probare non possumus eos qui suâ freti temeritate audent statuere jam tum ab initio sui eam animam personaliter vi-

ram Deitatis perfectè fuisse in seipsa beatam, id est, actu fruentem illo statu quâ longissimè distat à præsentis miseria; quam sententiam opponit communi Scholæ Rom. consensui.

Capite verò 7. simpliciter asserit in Christo fuisse spem, cum esset hic in formâ servi. Proposita verò quæstione, an Christus habuerit fidem, docet fidem tripliciter sumi, primò pro assensu quem quis præbet Doctrinæ à Deo revelatæ. Secundò pro certa fiducia qua nobis omnia pollicemur quæ ab eo expectari possunt ad nostram utilitatem. Tertio pro medio quo iustificamur coram Deo per Christum Mediatorem nostrum & remissionem peccatorum in sanguine ejus amplectimur. Fidem acceptam hoc tertio modo in Christo nunquam fuisse concedit, sed asserit in Christo fuisse fidem prima & secunda significatione, adeoque pertendit non posse absque blasphemia simpliciter & absolute negari fuisse in Christo fidem.

Neque tamen per id vult Christum habuisse tantum obscuram Dei & rerum divinarum cognitionem: ad hoc enim argumentum (qui fidem habet non videt perfectè essentiam divinam, Christus semper vidit perfectè essentiam divinam. Ergo fidem nunquam habuit) respondet, distinguendo fidem, si sumitur tercio modo conceditur, si primo & secundo negatur. Ubi videtur agnoscere quod anima Christi semper essentiam divinam viderit, quamvis neget illam semper fuisse perfectè beatam. Videatur Chamierus tomo 2^o. Lib. 5. Cap. 20. paragr. 40. & seq. ubi duplicem Dei visionem distinguit, & negat Christum vidisse Deum beatificâ illa visione.

Calvinus istam quæstionem non movet, nec de illâ disputat, sed tamen pluribus in locis loquitur de Christo, tanquam qui fidem habuerit, præcipuè in harmoniâ explicans loca Evangelistarum, ubi de Christi angoribus & passione agunt; dicit enim firmam semper stetisse fidem in Christi corde, qua Deum præsentem intuitus est, & illum fide retinuisse Deum sibi esse propitium, & in hoc diro cruciatu fidem ejus illasam fuisse, ut se derelictum esse deplorans, proximo tamen Dei auxilio confideret: ubi per fidem non videtur aliud intelligere quam fiduciam auxilii divini.

Ludovicus Capellus Professor Salmuriensis de incarnatione D. N. J. C. disput. 2. Thes. 43. temerarium judicat statuere Christum semper vidisse divinam essentiam, imò nequidem asserere audent beatos divinam essentiam videre, & in eo positam esse eorum scientiam. Deinde satis indicat sibi non probari scholasticorum sententia, qui Christum simul fuisse volunt viatorem & comprehensorem, cum hi duo status ipsi videantur non posse consistere in eodem subiecto. Thesi verò 40. affirmat in primo conceptionis Christi momento non simul in eum effusas fuisse omnes animi dotes quas postea habuit, sed illum eas ordine & tempore accepisse, & maiorem omnino fuisse humanam ejus sapientiam & gratiam cum natus est, quam cum adolevit.

Præcipuè verò plerique ex nostris Theologis non existimant Christum semper omnia scivisse quorum scientiam postea adeptus est, nec dicere reformidant illum aliquando nonnulla ignorasse quæ jam hodie scit & novit. Quandoquidem enim Christus voluit nobis per omnia similis fieri, excepto peccato, indignum eo non videri si ea nescivit puer & infans quæ scire & nosse viri est tantum adulti.

Porrò ex dictis colligitur super istis quæstionibus controversiam propriè non esse inter Ecclesiam Rom. & Ecclesias Reformatas: Ut enim de istis Ecclesia Rom. in Conciliis suis nihil adhuc pronuntiavit, ita quoque Ecclesiæ Reformate nondum quidquam de his rebus in communi statuerunt, sed quæstiones sunt meræ Scholasticæ, de quibus in utraque communione vel sic, vel secus opinari licet citra fidei periculum, sed quamvis Pontificiorum ipsorum iudicio non protinus habendus sit hæreticus & à fide devius, qui de propoſitis illis quæstionibus aliter sentiret, quam ferat communis Scholæ sententia, temerarius tamen esset, & judicaretur errare, nec censuram & notam aliquam effugeret. Sed Liberiore sunt apud nos sententiæ, & Theologis nostris, cum bona symmiltarum & collegarum suorum venia, licet de tota hac re sentire vel in hanc, vel in illam partem. Attamen inter Doctores Scholasticos & quosdam saltem ex nostris Theologis non constat, ut patet ex dictis, an D. N.

J. C.

J. C. anima, cum adhuc in terris esset, ante mortem summa jam frueretur illa beatitudine qua hodie gaudet in Cœlis; adeoque num Christus potuerit tum simul dici viator & comprehensor (quod communi consensu docet Schola Rom.) Theologi verò nostri nonnulli negant, alii autem affirmant, plerisque silentibus, neque de eo quidquam dicentibus aut statuentibus.

Porrò ex illa realia lis oritur, An Christus fidem & spem propriè dictam habuerit, quod negat Schola Rom. ut antè ostensum est. Affirmant verò illi ex nostris Theologis qui negant animam Christi semper fuisse perfectè beatam. De fide tamen videtur esse λογισμός; Nam Theologi Scholastici propterea contendunt Christum non habuisse fidem propriè dictam, quoniam fides in sua ratione includit aliquam invidentiam atque obscuritatem, quam removendam censent à cognitione Christi: Nostri verò Doctores licet fidem Christo tribuant per id tamen imminere, aut obscuritatis accusare nolunt cognitionem quam habuit Dei rerumque divinarum, sed vel nomine fidei intelligunt fiduciam, vel simplicem assensum præbitum Doctrinæ à Deo revelata, ut patet ex iis quæ antè allata sunt.

Præterea ex dictis apparet Theologos nostros aut omnes, aut plerisque in eo à Schola Rom. Dissentire, quod existiment omnem gratiæ plenitudinem in animam Christi non simul & semel effusam fuisse statim atque in utero Virginis conceptus est, sed Christum in gratia cum tempore profecisse, non tantum quoad actus, sed etiam quoad habitus; cum contrà Schola Rom. statuit in Christum dona Spiritus tantà copiâ collata fuisse in ipsa prima ejus conceptione, ut postea nullus omnino fuerit incremento locus, sed quidquid donorum & gratiæ Christus in animâ jam possidet, semper & in ipso matris utero habuerit eadem mensura & eodem gradu.

Sed præcipua lis est de scientia animæ Christi, quam quidem omnes consentiunt in cœlis jam omnia scire quorum cognitio in creaturam ullam cadere potest, non consentiunt verò an omnia semper sciverit & nihil unquam didicerit quod antè verè ignoraret. Et Pontificii quidem communi consensu statuunt D. N. J. C. animam ab ipsa sui creatione ità scientiâ repletam fuisse, ut nihil postea didicerit quod antè nesciret, & Christum nunquam laborasse ulla ignorantia privativa & propriè dicta, sed per scientiam aliquam creatam scivisse semper omnia quæ jam scit, & quæ creaturam nosse possibile est. Contrà vero nostri plerique Theologi asserunt verè & propriè dici posse Christum, quatenus homo est, aliquando aliquid ignorasse, & scientiam ejus cum ætate varia cœpisse incrementa, adeoque illum in cœlis quædam scire quæ non noverat quàm nondum esset glorificatus.

Per calumniam tamen nobis imputatur quod dicamus Christum crassâ multarum rerum ignorance laborasse, aut quod Christo nostram omnem tribuamus ignorantiam quæ citra peccatum esse potest; non solum enim à Christo removemus ignorantiam omnem culpabilem, sed nec audemus determinare quid quocunque tempore sciverit aut ignoraverit, sed simpliciter adharemus textui Evangelico, ubi legimus Christum in sapientia profecisse apud Deum & homines, & illum nescivisse diem & horam ultimi judicii quamdiu hic in terris in formâ servi versabatur.

C A P. IV.

An Christus egerit aliquid quod correctione opus babuerit.

Hic nulla est controversia, sed solum notanda est calumnia Pontificiorum qua Doctores nostros conantur onerare. Occasio calumniae sumpta est ex Calvinii verbis in cap. 26. Matth. quæ habentur in ejus harmonia Evangelistarum. Ibi Calvinus scribens in orationem illam Christi, *Pater mi, si possibile est, transeat à me calix iste; verum tamen non sicut ego volo, sed sicut tu:* Inter alia habet hæc verba; *meum percussus & anxietate constrictus fui, ut necesse foret inter violentos remotionum fluctus, alteris votis quasi vacillare.* Hæc ratio est cur mortem deprecatus, mox sibi frenum injiciat, Patrique imperio subjiciens votum illud subito elapsus, castiget & revocet. Et ibidem, non fuit, inquit, hæc meditata Christi oratio, sed vis & impetus doloris subitam ei vocem extorsit, cui statim addita fuit correctio; eadem vehementiâ præsentem celestis decreti memoriam illi abstulit. Inde colligit Bellarm. ex sententiâ Calvinii Christum aliquid egisse quod corrigi debuerit, quod, inquit, etiamsi peccatum fuisse ille non audet dicere, tamen peccatum reverà fuit si corrigi debuit. Sed quam alienus fuerit Calvinus ut Christo tribueret vel minimum aliquid quod à summâ & perfectâ puritate & integritate desisteret, patet ex verbis quæ precedunt immediate illa quæ à Bellarm. citantur: *Tenendum quidem est, inquit, non fuisse turbulentos Christi affectus, qui more nostro ejus animo puram moderationem excucrent; sed quantum fieri potuit serena & integra hominis natura, meum percussus, &c.* Igitur sciendum est in loquendo orationem sæpè corrigi à loquente, non quod mala sit & reprehendenda, sed per schema quoddam & modum loquendi, quem Rhetores vocant *ἐναρμόνιστον*, id est, correctionem: Et hoc sensu, non alio, vult Calvinus Dominum correxisse & revocasse orationem illam, *Pater, si possibile est, transeat à me calix iste; quæ correctio non est emendatio, sed explicatio & modificatio illius quod dictum est.* Etenim, nec Calvinus, nec quispiam alius in Theologis Reformatis unquam dixit vel cogitavit Christum Dominum Nostrium, vel fecisse, vel dixisse aliquid reprehensione dignum & opus habens; sed omnes uno ore prædicant illum semper fuisse ab omni vel minimâ labe & maculâ peccati immunem.

C A P. V.

In quo exponitur sententia Ecclesiæ Rom. de Descensu Christi ad inferos, & quæstiones inde exorientes.

Ecclesiæ Rom. Doctores hic per inferos communi nomine intelligunt abdita receptacula in quibus detinentur animæ quæ caelestem beatitudinem non sunt consecutæ. Quatuor autem hujusmodi receptacula distinguunt. Primum est carcer ille teterrimus in quo animæ impiorum cum Dæmonibus igne perpetuo torquentur, qui locus propriè & strictè infernus appellari solet. Secundum est purgatorium in quo animæ piorum quæ cum reatu aliquo ex

hac

hac vita decedunt, ad definitum tempus cruciatu expiantur, ut eis in Cœlum ingressus patere possit. Tertium est locus ille, Lymbus puerorum dictus, ubi concluduntur animæ puerorum cum peccato originali ex hoc mundo migrantes, quæ licet in æternam beatificam Dei visionem privandæ sint, nullâ tamen sensibili penâ afficiuntur. Quartum denique illius receptaculi genus est in quo animæ sanctorum quibus in Purgatorio nihil luendum erat, ante D. N. J. C. adventum excipiebantur; qui locus communiter in Scholis Lymbus Patrum dicitur, etiam sinus Abrahæ, appellatione desumptâ ex Cap. 26. Evang. secundum Lucam.

Quatuor hæc receptacula, communi inferorum nomine intelligunt Doctores Scholastici, & quamvis eorum locum Ecclesia Rom. in Conciliis suis aut Pontificum suorum decretis nondum definierit, communi tamen consensu Scholastici illa certo ordine circa centrum terræ collocant, & inferos statuunt esse loca subterranea, quorum infimum docent terquendis damnatis esse destinatum; proximum verò purgandis piorum animis, priusquam possint in cœlum ingredi. Tertium excipiendis animabus puerorum in originali culpâ morientium. Quartum denique & supremum assignant Sanctorum Patrum Spiritibus ad usque Christi resurrectionem.

Etenim quamvis doceant Patres V. T. Virtute futuræ passionis Christi per fidem accepisse remissionem peccatorum omnium, adeoque ipsius peccati originalis, & etiam Liberationem à reatu pœnæ peccatis actualibus debitæ, nolunt tamen illos exsolutos fuisse à reatu pœnæ peccati originalis, quæ pœna est mors corporalis, & exclusio à gloria cœlesti, antequam actu solveretur redemptionis humanæ pretium; quemadmodum hodiè, licet fideles per baptismum liberentur ab omnibus peccatis, & etiam à reatu peccati originalis, quantum ad exclusionem à gloria, remanent tamen adhuc obligati reatui illius peccati originalis, quantum ad necessitatem corporaliter moriendi. Ideoque censent Patres V. T. in quantalibet perfectione ex hac vita decedentes non tamen admissos fuisse ad Dei visionem & gloriam Cœlestem, sed exceptos fuisse illo quem diximus loco quem Limbum Patrum ipsi vocant, quo concedebant etiam animæ exeuntes ex purgatorio, postquam persolvissent pœnas ipsis debitas.

Porrò quamvis ex ipsorum sententiâ fidelium priscorum animæ in isto Lymbo conclusæ, beatificæ Dei visionem non fruerentur, ibi tamen quietam habitationem habebant, & degebant sine ullo doloris sensu, nisi quem pareret gloriæ & beatitudinis promissæ dilatio, cujus tamen certâ spe sustentabantur. Nihilominus volunt sanctas illas animas illic captivas fuisse, & quodam modo sub potestate Dæmonum à quibus incluse & restrictæ tenebantur.

Porrò quod dicitur Christum descendisse ad inferos, id intelligunt de vero & reali discessu quo Christus infima illa loca penetraverit. Statuunt enim D. N. J. C. animam, quo momento per mortem à corpore separata fuit, subterraneas illas mansiones petivisse, & toto mortis triduo ibi fuisse commoratum. Et quidem nonnulli volunt animam Christi singula inferni loca peragrassæ, & secundum realem præsentiam fuisse etiam in illo carcere, in quo cum Dæmonibus reprobi cruciantur, qui infernus est propriè sic dictus: quam sententiam tuetur Bellarm. Lib. 4. de Christo Cap. 16. Licet eam postea retractaverit in operis sui recognitionibus. Sed Thomæ Aquinatis, quem hæc in re Scholæ maxima pars sequitur, opinio est Christum per realem animæ suæ præsentiam descendisse solum ad Limbum Patrum, & ad alia loca inferni tantummodo per effecta quedam. Nimirum volunt illum in inferno stricte sic dicto gloriæ suæ manifestatione Dæmonas terruisse, & incredulitatis arguisse damnatos, & utrosque compulisse ut sibi genu flecterent, & se dominum agnoscerent. Quantum attinet ad Purgatorium, Scholastici nonnulli volunt omnes animas quæ, Christo ad inferos descendente, in eo torquebantur inde fuisse tum ereptas per plenissimam quandam Christi indulgentiam, quæ sententia est Dominici Solo & Ambrosii Catharini, referente Estio in tertium sententiarum distinct. 22. Paragr. 4. qui ipse quoque in eam sententiam inclinat. Aliis tamen plerisque probabilior videtur Christum non liberalisse omnes animas quæ tum detinebantur in Purgatorio, sed solum eas quæ vel suæ purgationis tempus expleverant, vel pecu-

liari

liari aliqua in Christi passionem devotione meruerant ut ab eo in inferos descendente liberarentur, cæteris tamen censent Christum refrigerii aliquid attulisse, eas in spem futuræ vitæ erigendo.

Quod spectat autem animas detentas in Limbo Patrum, Christus secundum animam illuc realiter descendens ex Ecclesiae Rom. sententia, duo maxima bona illis contulit. Primò scilicet beatitudinem essentialem, illas ad beatificationem in Cælum, quarum primum continuò illis præstitit, secundum non diu postea. Nam voluit Christi animam tertio die ad corpus redeuntem, secum omnes Patrum eduxisse animas, quæ post quadraginta dies cum Christo ascendente in Cælum subvectæ sunt.

Disputant Scholastici an inter pœnas quas Christus nomine nostro subiit, debeat censeri descensus ad inferos; & quidem ita sentit Thomas 3. quæst. 52. art. 1. & 3. & Cardinalis Cajetanus in caput 2^{um} Act. Sed aliter sentiunt Bellarmin. & alii, nimirum Christum dum esset in inferno, fuisse quidem in loco pœnæ, sed sine pœna; illuc enim descendisse, non tanquam reum in carcerem in quo ipse aliquandiu detineretur, sed tanquam regem & liberatorem qui captivos inde erueret, non esse autem pœnam si Rex invisat carceres ut aliquos inde liberet; sed potius istud vocari dignationem & humilitatem.

Quantum attinet ad nostros Theologos, agnoscunt quidem hanc vocem inferos & infernum in vulgata latina Scripturæ editione, variè accipi, nec simpliciter idem significare, sed cum sumitur pro certo animarum receptaculo, nunquam per inferos aliud intelligunt quam locum damnatorum. Etenim duo tantum animarum loca post mortem constituunt, unum in quo sanctorum & piorum animæ post mortem colliguntur & beatâ quiete fruuntur, qui locus in Cælis est, & Paradisus in Scripturâ nuncupatur: alterum in quo animæ impiorum detruduntur, dirisque & æternis cruciatibus torquentur, quem solum Inferni nomine complectuntur.

Ubi sit autem iste locus, non existimant esse curiosè inquirendum, nec audet illi definire. Multis tamen, ut Tileno desput. de extremo iudicio, Ramburio Theobis de veris peccati pœnis, probabile non videtur illum esse in terræ centro, & hoc quia existimant terram hanc aliquando esse annihilandam: infernus autem locus æternus est, & qui finem nunquam habebit. Aliis autem ut Bezæ & Bucano de descensu Christi ad inferos, Bullingero, Kekermanno in systemate Theologico, qui non existimant mundum hunc in extremo die esse annihilandum, sed solum immutandum, improbabile non est inferos esse locum subterraneum; sed quidquid sit, vel pauci, vel nulli ex nostris Theologis inferorum locum præcisè definiunt.

Porro cum communiter statuunt nostri Theologi, duo tantum esse loca excipiendis animis morientium destinata, nempe Paradisum, & sedem damnatorum, hinc sequitur animas piorum qui sub V. T. in fide mortui sunt, in paradisu Cœlestem statim admissas fuisse, cum non debuerint in tartara detru-di, nec ullum etiam habuerint reatum per quem potuerint à Cœlo excludi, quandoquidem statuunt fideles ante Christum, non minus quam nos plenam remissionem peccatorum omnium, etiam originalis culpæ, virtute futuræ passionis Christi fuisse consecutos. Atqui hæc est communis Theologorum nostrorum sententia; nolunt enim Patrum animas in ulla inferna loca detrusas fuisse, sed exeuntes è corpore, in ipsum beatorum locum fuisse translatas.

Nec tamen hæc sententia ista communi Doctorum nostrorum calculo probata est, quin nonnulli sint dissidentes, aut qui saltem suum iudicium suspendant. Nam Petrus Martyr in commentariis ad 2^{um} Caput 2ⁱ Lib. Regum, ubi agit de raptu Eliæ & Enoch, satis apertè docet animas priscorum Patrum ante Christi ascensionem, nondum fuisse admissas in supremum illud Cælum in quo cum Christo hodiè regnant Sancti. *Nunc vero si roges, inquit, ad quem Locum Enoch & Elias translati fuerint, dicam me simpliciter ignorare quod à divinis Litteris id non tradatur: Si tamen verisimilis ratio sequenda sit, illos dicere ad locum Patrum, vel sinum Abrahe fuisse perductos, ut ibi Christi resurrectionem expectantes, una cum beatis Patribus agerent, ut postea cum illo jam resuscitato supra Cælos attollerentur.* Et paulò post apertè distinguit supremam beatorum sedem,

sedem, ad quam primum Christus à mortuis excitatus pervenit à sinu Abrahæ in quem animæ piorum Patrum colligebantur, paucisque interjectis, de ascensu Eliæ loquens, non agitur, inquit, de ascensu illo super omnes Cælos, quo primum Christus invelatus est, sed de rapto ad Abrahæ sinum. Quod enim ad sublimem illum ascensum attinet, concedimus neminem illo positum esse ante Christum. Enochus igitur & Eliæ ad Patres iverunt, atque illic unâ cum eis Christum expectârunt, quem cum advenisset, in Cælum comitatus sunt unâ cum cæteris. Denique sibi hanc objectionem proponit; In historia sacra discretis verbis ponitur Eliam fuisse raptum per turbinem in Cælum, ergo non videtur ivisse ad Abrahæ sinum. Ad quod respondet, dicendum est fortasse ibi per Cælum intelligi aerem per quem dubium non est quin transierit, vel Scriptura loquitur, non de prioris professione ad Patres; sed de posteriori, qua unâ cum Christo super omnes Cælos ascendit, sed prior expositio probabilior est. Hactenus Petrus Martyr. Unde liquet opinatum fuisse animas priscorum Patrum non fuisse receptas in Cœlestem illam & gloriosam sedem in quâ jam cum Christo regnant pii & sancti vñ ex hac vita excedentes, sed in locum quandam peculiarem & à Cœlo distinctum, in quo sentit illos à pœnis damnatorum exemptos quievisse, benè habuisse & letatos fuisse.

Calvinus autem quæstionem de loco animarum non tantum ante Christum, sed etiam post Christi adventum negat esse necessariam, & liberum unicuique que saper eâ permittit iudicium. Hæc sunt ejus verba, *Sunt alia quæ inter Ecclesias controversa, fidei tamen unitatem non dirimant, quo enim ob hoc unum Ecclesie dissideam, si altera citra contemtionis libidinem, citra pertinaciam assensendi animas à corporibus demigrantes in Cælum convolare puer, altera nihil ausit definire de loco; ceterum vivere tamen Domino cetero statuit.* Instit. lib. 4. Cap. 1. Patrag. 11.

Hieronymus quoque Zanchius exponens Symboli articulum de Descensu Christi ad inferos, plures & varias affert illius expositiones, & speciatim illam, Descendit ad inferos, id est, ad Locum subterraneum nomine Limbum, ubi veluti in carcere Patres V. T. clausi tenebantur, ad illos enim liberandos, descendit Christus; deinde nulla expositionum à se propositarum simpliciter rejecta, concludit in hæc verba, *sed iudices pius & Christianus animas quæ harum expositio magis quadret!* In compendio præcipuorum capitum Doctrinæ Christianæ loco 8^o quod compendium insertum est operum Zanchii tomo 8^o.

Sed quidquid sit de unius aut alterius sententia Doctorum nostrorum, longè maxima pars non censet animas Patrum sub V. T. alio loco fuisse exceptas quam fidelium hodie sub Novo. Verum tamen in hoc conveniunt omnes, quod licet animæ piorum ante Christum defunctorum, beatitudine & gloria Cœlesti aliquatenus fruerentur, non tamen attigerant illum beatitudinis & gloriæ gradum ad quem post D. N. J. C. resurrectionem & ascensionem in Cælos pervenerunt, & quem jam omnes fideles ex hac vitâ migrantes obtinent. Etenim per Christi adventum & gloriosam ejus in Cœlo præsentiam docent Theologi nostri multum auctam fuisse animarum illarum Sanctarum cognitionem, & spiritibus angelicis & humanis multa de novo patefacta, unde sequitur etiam auctum fuisse illorum gaudium & felicitatem. Animam autem Christi in ipsius morte eò migrasse ubi erant animæ Patrum ante ipsum defunctorum, & cum eis mansisse usque ad resurrectionem, nullus Doctorum nostrorum unquam inficiatus est.

Porrò ex istis quæ jam exposita sunt liquet Theologos nostros cum Pontificiis docere eile quoddam inferos à Sepulchris distinctos, & isto nomine non tantum designari perditorum hominum statum & conscientie tormenta; sed etiam certum locum excipiendis mortuorum animis destinatum, eorum scilicet quæ extra Dei gratiam ex hac vitâ decedunt; neque de hoc ulla est Controversia.

Doctores quoque nostri Pontificiis, ut apparet, concedunt animas Patrum qui Christum præcesserunt quocunque in loco fuerint, non adeptas fuisse ante Christi adventum illum beatitudinis gradum quo jam in Cœlis cum Christo fruuntur, & Christi adventum atque præsentiam cum sollicito quodam desiderio expectasse. Theologi quoque omnes, tam nostri quam Pontificii, uti manifestum est, in eo conveniunt, D. N. J. C. animam statim atque fuit à corpore separata concessisse in locum ubi erant animæ Patrum, & toto mortis

(Dd)

triduo

triduo cum illis commorata fuisse, gaudiumque ipsis maximum, & felicitatis augmentum attulisse.

Ex alia verò parte non negant Doctores Ecclesiæ Romanæ animas priscorum patrum, etsi nondum ad Dei Visionem admittas, fuisse tamen doloris expertes, & in quiete magna, & gaudium etiam non mediocre percepisse ex certa spe gloriæ, quam juxta promissionem divinam expectant.

De eo verò quæstio est, primò an inferi sint locis subterraneus, quod affirmant Doctores Ecclesiæ Romanæ, nostri verò plerique dubitant, & multis est improbabile.

Deinde an præter locum damnatorum & cælum quod est sedes animarum beatarum, sint alia quædam animarum receptacula sub inferorum nomine comprehensa, quod affirmant Doctores Ecclesiæ Romanæ, nostri verò communiter negant.

Tertiò quæritur an animæ sanctorum qui ante Christum defuncti sunt, usque ad ejus mortem reatu quodam tenerentur, per quam exclusæ erant beatitudinis & gloriæ cælestis, & adhuc aliquo modo sub potestate Dæmonis; an verò omni reatu exolutæ, statim post mortem inciperent ipsâ beatitudinis cælestis substantia frui? Prius affirmant Ecclesiæ Romanæ Doctores, posterius Ecclesiæ nostræ.

Quartò, an anima Christi post mortem ejus realiter descenderit ad loca quædam subterranea, & an id intelligatur per articulum Symboli de descensu Christi ad inferos, quod itidem affirmant Doctores Scholastici, nostri verò Theologi negant.

C A P. VI.

In quò referuntur variæ nostrorum sententiæ de descensu Christi ad inferos.

Rectus Bellarminus lib. 4. de Christo, qui est de Christi animâ cap. 7. citat hanc esse Brentii & Calvinii sententiam, quod descendere ad inferos sit penitus interiri & extinguï, & in hunc finem citat quædam eorum loca, sed id totum calumniosum est, nec enim Protestantium aut Reformatorum ulli unquam istud senserunt, & ex ipsis locis quos citat Bellarminus calumnia revinci potest.

Inter eos Protestantes qui Lutherani dicuntur, multæ fuerunt super hoc articulo in Germania concertationes. Liber verò concordiæ qui lites inter Lutheranos ortus componere conatur, & in quo Lutherani plerique convenerunt, vult ut articulus iste simpliciter credatur, tanquam continens Doctrinam ab articulo de Christi sepultura distinctam, non tamen inquiretur & definiatur modus quo Christus Dominus noster ad inferos descenderit, sed hujus rei distincta cognitio alteri sæculo reservetur; sic enim habet liber ille epitome articulorum de quibus controversiæ ortæ sunt inter Theologos Augustanæ confessionis artic. 9. Satis nobis esse debet si sciamus Christum ad inferos descendisse, infernum omnibus credentibus destruxisse, nosque per ipsum esse potestatem mortis & Satane ab æternâ damnatione, atque adeo à faucibus inferni ereptos; quo autem modo hæc effecta fuerint, non curiose scrutamur, sed hujus rei cognitionem alteri sæculo reservemus, ubi non modo hoc mysterium, sed & alia multa in hac vita simpliciter à nobis credita revelabuntur quæ caput cæca nostræ rationis excedunt.

Ex nostris quoque Zanchius, loco illo quem citavimus, capite præcedenti, pluribus allatis hujus articuli expositionibus, non audet quidquam pro certo definire, sed rem in medio relinquit, & vult unicuique liberum esse quam volet sententiam eligere.

Alii autem ex nostris Theologis variè omnino de hoc articulo sentiunt, nec exponunt eodem modo. Paucis quibundam probabilis videtur sententia quædam longè

longe ab aliis discrepans: illam refert nec omnino contemnit Gulielmus Bucanus in institutione Christianæ Religionis, Loco 25. Sect. 6. Ubi postquam dixit veteres contendere in ipso terræ motu & resurrectionis momento, Christum se vivum inferis exhibuisse, & declarasse, non tam verbis quam reipsâ victorem mortis & Principis tenebrarum, & Satanam nihil amplius habere potestatis in electos, datumque sibi esse nomen, ut in nomine Jesu omne genu flectatur celestium, terrestrium & infernorum, addit, *Hanc sententiam non audeo damnare, quando non pugnat cum sacris Literis, & nihil habet absurdi. Quin hæc sententia, inquit, probabiliter colligi posse videtur ex verbis Apost. Ephes. c. 4. v. 9. Illud ascendit supra omnes cælos, quid est nisi quod etiam descendit ad inferiores partes terræ; nam antithesis aperta est inter supra omnes cælos, & inferiores partes terræ, atque istud accipitur secundum litteram; ergo & hoc alterum ad litteram intelligendum videtur. Nulla autem pars terræ inferior est inferno, qui locus damnatorum est: quæ sententia vult Christum ad inferos descendisse corpore & animâ, idque non in mortis triduo, sed in ipsâ resurrectione in qua se Christus Diabolis & damna in inferno vivum steterit & exhibuerit per realem sui presentiam; sed non puto quemquam nostrorum hodiè istam sententiam probare.*

Singularis quoque est sententia Tigurinorum, quorum Catechismus sic hunc articulum explicat, *Credo Christum a morte sua corporea non tantum abiisse animâ suâ ad animas defunctorum, sed eundem quoque sua morte salutarem fuisse omnibus sanctis Patribus ab exordio mundi defunctis, imò Christum suâ morte nobis omnibus qui in ipsum credimus mortem æternam, atque inferos confregisse, & ab omni tartari horrore liberasse, referente Chamiero Tomi 2. Lib. 5. Cap. 3. Num. 8.*

Præterea nonnulli per descensum Christi ad inferos non aliud intelligunt quam illius sepulturam, & censent hunc articulum non esse nisi repetitionem articuli præcedentis aliis verbis & aliâ formulâ prout in Scriptura Sacra unum idemque solet ut plurimum duabus formulis exprimi, & hoc quia vox Hebræa *מָוֶת* quæ Græci *θάνατος* vertunt, & cui respondet in vulgata editione Latina vox inferorum, in Scripturâ sæpè sumitur pro Sepulchro. Quæ in sententia olim videtur fuisse Rufinus, qui agens de hoc articulo, *Vis verbi, inquit, eadem esse videtur in eo quod sepultus dicitur, & Rufinum quidem sequuti sunt quidam ex nostris Theologis, verum tamen vix est hodiè aliquis Theologus qui sententiam istam non repudiat.*

Proximè tamen ad hanc sententiam accedit alia quæ multum apud Theologos nostros obtinet; cum enim sæpissimè Scriptura Sacra per *מָוֶת* & Infernum designet, in genere conditionem & statum mortuorum & eorum qui sunt per mortem sublati ex oculis, & è terrâ veluti excisi; hinc fit ut juxta Sacræ Scripturæ stilum, ad inferos descendere significet simpliciter subire conditionem eorum quos mors è vivorum consortio abstulit, & imperio mortis premi & detineri. Atque juxta hunc sensum multi ex Theologis nostris volant in Symbolo dici Christum Dominum nostrum ad inferos descendisse, quoniam scilicet non tantum mortuus & sepultus est, sed in sepulchro per triduum jacuit, & ibi veluti captivus à morte detentus est, ut ita per aliquod tempus videretur planè perisse, & prorsus è terrâ viventium excisus ut reliqui omnes quos mors in perpetuum auferit ex oculis hominum in terrâ viventium; & ita descensus Christi ad inferos significat ultimum & infimum gradum exanitionis per quem Christus aliquando sub mortis imperio & dominio mansit, hostibus insultantibus atque triumphantibus tanquam de planè oppresso & exciso.

Attamen sententia longè ab hac diversâ plerisque olim ex nostris Theologis arripit, & hodiè quoque à multis retinetur. Per descensum Christi ad inferos significari existimant gravissimos illos dolores & angores quos in anima Christus nostri causâ pertulit, & quorum mentionem faciunt Evangelistæ dum memorant Christum antequam in cruce suffigeretur, fuisse *ἐν ἀγωνίᾳ* & etiam *ἀδελονόσαι*, & animam ejus fuisse *παραλυτον*, undique tristem usque ad mortem, adeo ut præ animi angustia & gravissima cruciatu, sudor sanguineus ex Christo defluerit, & in cruce fuisse coactum clamare præ doloris acerbitate, Deus mi, Deus mi! quare me dereliquisti?

Ut autem res hæc tota distinctius intelligatur, sciendum est Theologos nostros communi consensu docere passionem Christi, cujus vi & merito redempti sumus

sumus, non esse restringendam ad solam mortem corpoream quam in cruce pendens sustinuit, & ad quam ore terreni Iudicis, divina moderante providentia condemnatus fuit. Etenim quemadmodum praediti eramus corpore & animâ, & ni summa Dei bonitas succurrisset, summis cruciatibus in utroque olim in inferno plectendi, sic oportuit Christum vadem & sponsores nostrum qui peccatorum nostrorum reatum in se suscepit, poenas nobis debitas, tum in corpore, tum in anima perferre, ut ab iis exsolveremur. Unde factum est ut Christus non tantum subierit mortem ignominiosam, & cum sensu doloris gravissimo conjunctam, qualis erat mors crucis, sed etiam ex certâ Dei dispensatione in animâ senserit cruciatus & angores dirissimos, quibus ferendis nullus praeter ipsum erat par, quique ex maximis erant qui possint in humanam creaturam cadere. Alioqui unde provenisset in Christo, etiam antequam in manus hostium traderetur, ista quam studiosè notant Evangelistae ἀγῶνα, ἀδυναμία, & tristitia tanta, ut sanguineum ipsi sudorem expresserit. Nam nisi quid aliud fuisset, non videretur sola mortis proximæ cogitatione Christum Dominum nostrum fuisse coniectum in eam angustiam, quam Scriptores Sacri sic describunt, ut vocibus humanis major & acerbior exprimi non possit, cum sæpe homines è vulgo, præcipuè verò ii qui pro fide Christi passi sunt, dirissima quæque supplicia constanter, imò etiam alacriter subierint & sine ulla significatione animi dejecti atque consternati. Igitur Christus non solum passus est in corpore, quod impiis hominum manibus ad mortem usque tortum & dilaceratum est, sed in anima quoque invisibili Dei manu percussus fuit, unde nati sunt angores illi incredibiles quos Evangelistæ studiosè describunt, & quorum ratione querebatur se à Deo derelictum, Deo scilicet ad tempus omne quasi solatium ex anima ejus subtrahente, ut tota dederetur tormentis atque doloribus.

Porro dolores & cruciatus illi maximi atque terribiles quos Christus tum in anima, tum in corpore pertulit, rationem habent poenæ à Deo justo iudice inflictæ. Quamvis enim Christus in se innocentissimus esset, iudicio tamen divino susebatur tanquam reus nostro nomine & peccatis nostris onustus quæ ultro in se suscepit, & quæ iustitia divina in eo tanquam vade atque sponsores nostro severè vindicabat. Ideoque dicitur à nostris Theologis Christus iræ divinæ pondus sustinuisse. Etenim ira cum Deo tribuitur, vel significat iustitiam ejus peccati vindicatricem, vel voluntatem puniendi peccata, aut saltem istius voluntatis effectum, vel poenam ipsam peccatis debitam. Et propterea quoque pro nobis dicitur factus maledictio; Etenim cum in Deo maledicere sit malum infligere, maledictio Dei non aliud designat quam malum quod à Deo justo & severo iudice creaturæ propter peccatum infligitur.

Cæterum hic observandum est de istâ animæ Christi passione Theologos nostros omnes non eodem modo loqui, licet in re ipsâ fortasse conveniant, in eoque nullus aut parvus dissensus sit. Quidam enim dicere non reformidant Christum sustulisse dolores inferni, quibus constrictos nos teneri in æternum oportebat, nisi gratia Christi subvenisset, projectum illum esse in gravissimos dolores inferni, qui nobis æternum patiendi fuissent absque illo vindice & servatore nostro, & ingressum esse in angustias inenarrabiles, infernalesque dolores & cruciatus animæ quales experiuntur damnati & experientur æternum in inferno. Ita Polanus Syntagmatis Theologici lib. 6. cap. 21. ubi exponit articulum de descensu Christi ad inferos. Apud Calvinum verò lib. 2. instit. cap. 6. sect. 10. Dicitur de Christo quod diros in anima cruciatus damnati ac perdit hominis pertulerit: ibidemque additur oportuisse Christum cum inferorum copiis, & æternæ mortis horrore quasi consortis manibus luctari, illum tanquam vadem in sceleratorum locum submissum dependisse ac persolvere omnes quæ ab illis expectandæ erant poenas, uno hoc duntaxat excepto, quod doloribus mortis non poterat detineri, quibus verbis innui videtur easdem specie poenas sustinuisse quas in inferno damnati patiuntur. Ursinus quoque in sua catechesi sic exponit articulum de descensu Christi ad inferos, *Credo Christum pro me sustinuisse in animâ dolores & cruciatus infernales, atque ignominiam summam in inferno debitam. Et paulò post, Significat ergo, inquit, descensus ille Christi ad inferos, summos cruciatus ac dolores quos Christus perpeffus est in anima sua, nempe iram Dei adversus peccata, & quidem talem, qualem damnati experimur, partim in hac vitâ partim in futura.*

Sed

Sed nulli hac de re audacius loquuntur quam Sanfordus & Parkerus Angli, libro quem ediderunt de descensu Christi ad inferos, & qui typis excusus est Amstelodami apud Ægydium Thorpium anno Christi 1611. Illi tractatus istius lib. 3. à sect. 46. ad finem usque multis urgent & disputant Christum pro nobis obiisse, non tantum mortem corpoream, sed etiam mortem animæ, mortem supernaturalem, gehennalem atque infernalem, & descensum Christi ad inferos exponunt per descensionem in pœnas infernales, aileruntque Christum quoad substantiam, gehennæ pœnam nobis debitam sustinuisse, licet æternitatem illius defugerit, ut præcipuè videre est lib. supra memorati sect. 46, 47, 89, 91. Dum verò seipsos exponunt, sect. 48. sententiam suam ita emolliunt, quasi verò quâ sententiâ hoc possit dici accuratè quis expendere velit, dicit fortasse, non tam mortis supernaturalis destructionem, quam illius sensum, cruciatum, dolorem, Christum pertulisse.

Hic autem observandum est, quantumvis Theologi nostri dolores & cruciatus animæ Christi exaggerent, nullum tamen eorum esse qui passionem ejus extra mortem extendat. Nam communi consensu docent omnia quæ Christi dolores & satisfactionem pro nobis præstitam spectant, in ejus morte fuisse consummata, & animam Christi statim post ejus mortem, deposito omni dolore ad perfectam cœlestis gaudii fruitionem fuisse admittam, juxta quod dixit alteri Latronum qui cum ipso crucifixi erant, *Hodiè mecum eris in Paradiso*. Itaque merè calumnia ista quæ nec prætextum quidem ullum habet quod Pontificii nostris impropert, nempe animam Christi etiam post ejus mortem, fuisse passibilem, & ad resurrectionem usque damnatorum sensit & pertulisse pœnas, quod Bellarm. licet timide Calvino tribuit lib. 4. de Christo cap. 8. ¶. *Nota tertio*, Impudenter verò tanquam dogma nostrorum exagitant Campianus Jesuita responsione octava, & Genebrardus in Psalm. 22. & Suarez in tertium Thomæ tom. 2. quæst. 52. disput. 43. sect. 1.

Præterea illi qui durissime hac de re loquuntur, & disertè docent Christum pœnam gehennæ & inferni pro nobis sustinuisse, imò mortem animæ, mortem secundam & supernaturalem, studiosè distinguunt, pœnas quas nostro nomine Christus in animâ pertulit à pœnis illis quas homines reprobi & damnati hodiè in inferno luunt, & in æternum luituri sunt. Primò enim docent & statuunt, pœnas illas differre quoad locum & tempus, Christus enim quidquid passus est in hoc mundo passus est, extra hunc mundum nihil; homines verò damnati in abyssum & tartarum cum Dæmonibus detrusi, debitis ibi suppliciis torquentur. Deinde cruciatus quos in anima sensit Christus, aliquot tantum horarum fuerunt, horum verò damnatorum supplicia sunt æterna. Præterea notant illos cruciatus & tormenta quæ damnati perferunt, duorum esse generum. Primò enim eos torquet propria conscientia, cujus acerrimi morfus sunt instar vermis eos perpetuò rodentis: Deinde pœnæ quædam sunt quas Deus ut peccati vindex ipsis immediate & positivè infligit. Pœnis prioris generis agnoscunt immunes fuisse Christum, & quascunque pertulit posterioris fuisse generis. Sed quod maxime notandum est eorum qui in inferno cruciantur tormenta comitem habent desperationem & perpetua murmura adversus Deum, cujus ultricem sentiunt manum. Theologi verò nostri omnes agnoscunt & prædicant D. N. J. C. omnes pœnas ipsi nostro nomine impositas sua cum patientia & fiducia in Deum tolerasse, & quoscunque motus & perturbationes in anima senserit, nunquam tamen ullâ vel minima peccati labe fuisse inquinatum.

Itaque calumnia mera & putida est quod adversarii Calvino tribuerunt & etiamnum tribuere non cessant, nempe ipsum docuisse quod Christus in cruce desperaverit. Occasione verò calumniæ inde nata est quod Calvinus in harmoniâ exponens illa verba Christi in cruce patientis, *Deus mi, Deus mi, ut quid me dereliquisti*, Sibi ex parte obsecratorum objicit, *Sed absurdum videtur elapsam fuisse Christo desperationis vocem*; quod ita accipiunt & torquent adversarii quasi Calvinus admitteret desperationis vocem reverà Christo elapsam fuisse, licet hoc quibusdam videatur absurdum; cum hoc solum sibi voluerit Calvinus, absurdum posse quibusdam videri elapsam fuisse Christo vocem illam *Deus mi &c.* quæ vox non Calvino, sed obsecratoribus videretur esse vox hominis desperantis. Ad quod respondet verbis quæ desperationem omnem à Christo remonent, *Solutio facilis est, quanquam sensus carnis exitium apprehenderet, fixam tamen fuisse fidem in ejus corde, quæ Deum præsentem intuitus est, de cujus absentia conquerebatur.* Verùm

Verum tamen utcumque Theologi illi nostri, quarum sententiam & verba retulimus, mentem suam explicant, aliis tamen videntur incommode & dure loquuti. Præcipue verò quod Angli illi Doctores dixerunt cum aliis nonnullis, Christum passum esse mortem gehennalem, mortem animæ & supernaturalem, ab aliis ex nostris disertè damnatum & rejectum fuit, & extant hac de re contraria scripta Bilsoni Episcopi Wintoniensis in Anglia, & Sanfordi atque Perkeri qui supra citati sunt. Nec scio an ullus eorum qui hodiè religionem reformatam profitentur, istum loquendi modum probet aut imitari velit. Hoc pro certo affirmare possum, ab omnibus quos ego novi, vehementer istud improbatum iri, præcipue verò à nostris in Gallia. Itaque nolunt dici Christum sustinuisse personam eorum qui damnati sunt & infernali carceri mancipati, & eadem tormenta & pœnas pertulisse, sed solum sustinuisse personam damnandorum, & quæ illis debebantur supplicia perpassum fuisse, quoniam apud divinam Majestatem comparuit reus eorum nomine qui æternæ damnationi subijciendi erant, nisi Christus ultro se pro iis plectendum præbuisset. Neque mens eorum est Christum expertum fuisse easdem specie pœnas, quæ alioqui nobis in inferno perferendæ erant, sed solum easdem genere, nempe, quatenus pœnæ illæ quas Christus nostro nomine pertulit, inflicte erant à Deo Judice ex justitia suâ severa peccata nostra in Christo vindicante, tum etiam quatenus ad solum corpus non spectabant; sed etiam ipsam animam gravissimè affligebant. Adde quod propter personæ dignitatem pœnis nobis omnibus alioqui perferendis erant æquipollentes.

Et certè videndum est, ut de Christo non tantum verè loquamur, sed etiam reverenter, & habita ratione summæ ac tremendæ illius Majestatis, nec sufficit ut quæ de eo dicuntur ad commodum sensum possint utcumque revocari; sed vocibus ipsis nihil inesse debet quod aures pias possit offendere, & quod novum aut audax nimium videri queat.

Ac mea quidem sententia in tanto mysterio standum est ipsis verbis & phrasibus Scripturæ quantum fieri potest, & abstinendum est iis loquendi modis quos Scriptorum Sacrorum usus & autoritas non probat, præsertim si quid ipsis inest quod durum possit videri & insolens.

Verum qualiscunque sit Theologorum nostrorum in loquendo differentia, illud acutè tenent omnes & accuratè defendunt Christum non tantum mortem corpoream subiisse, & dolores acerbissimos in carne suâ perpassisse; sed etiam in anima cruciatibus longè gravissimis defunctum, ut ità plenissimum redemptionis pretium pro nobis apud Deum Judicem perfolveret. Verum non omnes consentiunt an articulus Symboli de descensu Christi ad inferos, de illis animæ Christi doloribus exponendus sit. Id quidem olim visum est celeberrimis Theologis, quos etiamnum sequuntur non pauci; verum tamen existimo hodiè plures esse qui aliter sentiunt.

Quod spectat autem Doctores Ecclesiæ Rom. omnes non quidem rejiciunt & unanimi consensu expositionem illam, & articulum Symboli de descensu Christi ad inferos, ad aliud planè referunt, sicut ante pluribus retulimus & exposuimus. De Christi tamen quoad animam passione non idem omnes docent atque tradunt, estque inter eos hæc de re non parva sententiarum diversitas. Et primò quidem si quis ex eorum hypothesibus judicium facere vellet, huc facile posset adduci ut crederet Christum nihil in animâ fuisse passum; est enim sententia in eorum Scholis recepta, & communi consensu admissa, Christi animam à primo illius conceptionis momento perpetuo beatam fuisse & gloriofâ Dei visione fruitam. Quis autem concipiat animam aliquam perfectâ beatitudine frui, & tamen simul angore, tristitia atque timore cruciari?

Non obstant tamen ista eorum hypothesi, in hoc conveniunt omnes Theologi Pontificii, Christum in solo corpore non passum fuisse, sed passionem ejus ipsam animam affectisse, & ad illam usque pertigisse. Docent enim divinam virtutem & singulari quadam dispensatione factum, ut delectatio contemplationis divinæ qua ab initio anima Christi fruebatur, sic in mente retenta fuerit ut in partes inferiores animæ non derivaretur, ideoque nihil obstitisse quominus in iis locum habere posset tristitia & dolor, & alia quoque pœnalis affectio.

Disputant

Disputant quidem inter se Scholastici, an tristitia & timor quibus anima Christi concitata est, affecerit solum appetitum sensitivum, an verò etiam voluntatem; & an simul in voluntate consistere poterit gaudium illud beatificum, & tristitia summa, & de his alii aliter opinantur; sed tamen omnes consentiunt Christum in anima sensitivè & pertulisse dolores tam acerbos, & tristitiam tam gravem, ut internus ille animæ Christi dolor superaverit dolorem quemcunque homines in hac vita perpeti solent.

Sed nonnulli adhuc longè ultra procedunt, & disertè docent, Christum in anima sustinuisse dolorem inferni. Hanc sententiam tribuit Nicolao Cardinale Cusano Sixtus Senensis Bibliothecæ S^æ. Lib. 5. Annotat. 165. & Augustinus quoque Episcopus Nebienfis in Scholiis octapli ad Psalmum 30, appositis ubi, eodem Sixto referente, asserit Episcopus ille se Cusani viri eruditissimi, & in omni scientia eminentissimi opinionem nec amplecti, nec aspernari. Et certe Cusanus ille, qui circa Constantienfis Concilii tempora celeberrimus fuit, non aliquid tantum hac de re temerè & obiter emisit, sed sententiam illam disertè & ex professo sæpe tradit & tueretur; præsertim verò Sermone in v. 11. Psal. 30. juxta versionem vulgatam, unde citantur hæc à nostris ejus verba. *Passio autem Christi qua major nulla esse potest, fuit ut damnatorum qui magis damnari nequeunt, scilicet usque ad penam infernalem, & ibidem quoque ait Christum penam Sensus conformem damnatis in inferno pati voluisse, & hos peccatores in ipso infernale pœnas quas justè meremur, exsoluisse; Præterea idem Sermone in Parafsecum sic loqui perhibetur: si igitur imendebat Pater quod Filius sua morte liberaret à morte humanum genus, talem subitū mortem Filius que in se omnium, qui liberari debent, mortis penam in sua intensitate doloris complicaret, ut omnis qui mortem justè pati debuit propter legis transgressionem per inobedientiam, in morte Christi satisfaciatur, etiam si penam infernalis supplicii pati debuisset; unde quæcumque pena, aut scribitur, aut cogitatur, minor est illa satisfactoria pœnâ quam Christus passus est.*

Consentit Ferus Franciscanus, & Ecclesiastes Moguntinus in Matth. Cap. 27. *Christus, inquit, ut peccatores liberaret constituit seipsum in locum omnium peccatorum, non quidem furans, adulterans, occidens; sed stipendium, penam & meritum peccatorum (que sunt frigus, calor, esuries, sitis, timor, tremor, horror mortis, horror inferni, desperatio, mors, infernus ipse) in se transferens, ut fame famem, timorem timore, horrorem horrore, desperationem desperatione, mortem morte, infernum inferno, satanam satana vinceret.*

Sed quod magis est, reperti sunt apud Pontificios qui tuerentur illam sententiam, quam per summam calumniam ipsi Theologis nostris tribuunt, nempe Christum in anima post ipsam mortem pœnas damnatorum sensitivè: Nam Salmero tom. 10. tract. 50. Cardinali Cusano, Fabro Stapulensi, & Scripando Cardinali tribuit quod senserint Christum etiam post mortem pœnas infernales pro nobis sustinuisse, licet aliter quam eas damnati patiantur, nempe Christum quidem has pœnas degustasse, sed spontè, non invitum; non suâ culpâ, sed pro nostris peccatis; & non tantum cum certa & secum spe brevi evadendi, sed cum plena potestate solvendi & terminandi illos dolores. Atque in hujus rei fidem Salmero citat & refert loca & rationes authorum illorum quibus illam suam sententiam probare conantur, neque durius de illa pronuntiat quam, quod quamvis hæc pia & probabilissimam habere videantur, asserunt tamen secum in primis suam novitatem.

Suares verò in Thomæ part. 3. quæst. 52. art. 8. disput. 43. Sect. 1. ex Medina refert quosdam catholicos sensitivè animam Christi post mortem adhuc fuisse passibilem, imo passam esse pœnas damnatorum, non tamen eo modo quo damnati scilicet involuntariè aut cum internâ deordinatione; sed voluntariè, & pro peccatis nostris, & ex maxima charitate.

Sed qualiscunque fuerit nonnullorum de hac re in Ecclesia Rom. sententia, hodierni illius Authores acerrimè invehuntur in eos ex nostris Theologis qui videntur docere Christum in anima sensitivè & pertulisse pœnas damnatorum, quales in inferno reprobi patiuntur, & quam longissime possunt ab ista sententia recedunt.

Reprehendunt quoque in nostris Theologis quod dicant, Christum iram Dei

Dei Patris sustinuisse, & Christum in passione Deum iratum apprehendisse, iudicantes esse vehementer absurdum, si dicamus aut cogitemus Deum unquam iratum aut insensum fuisse Christo, qui nunquam non fuit Filius ei dilectissimus.

At certè mens Theologorum nostrorum non est Deum unquam Christo ipsi proprie loquendo fuisse iratum, id ita à se repellit Calvinus lib. 2. Instit. Cap. 16. Paragr. 11. *neque tamen, inquit, innuimus Deum unquam illi fuisse, vel adversarium, vel iratum; quomodo enim dilecto filio in quem animus ejus acquiescere crederetur? aut quomodo Christus Patrem aliis sua intercessione placaret, quem insensum haberet ipse sibi? Sed hoc nos dicimus divina severitatis gravitatem eum sustinuisse, quoniam manu Dei percussus & afflictus, omnia irati, & punientis Dei signa experius est: Uno verbo, Christus pertulit iram Dei, quoniam Dei iustitia peccata nostra ex ipso vindicavit tanquam vade & sponse nostro, cum nihilominus in se propter suam puritatem, sanctitatem & iustitiam summam semper Deo gratissimus esset.*

Hoc autem sensu Christum iram Dei sustinuisse, Pontificii ipsi, nec negare possunt, nec audent; imò durius quandoque hac de re loquuntur Pontificii quam nostri Theologi. Ferus enim Scribens in Matth. 27. & exponens hæc verba, Deus mi, &c. *exnit, inquit, Christus hac hora Deum non abijciendo, sed non sentiendo, seposuit Patrem ut hominem ageret: sic & Deus Pater nunc non Patrem, sed tyrannum agit, quamvis interim amicissimo sit in Christum animo. Et paucis interjectis, observa, inquit, quod illa Christi derelictio, pavor est conscientie nostrae ob admissa peccata, quæ iudicium Dei & iram æternam experitur quasi in perpetuum derelicta & rejecta à facie Dei esset. Et paulo post, videmus, inquit, ex altera parte Deum adversarium derelinquentem, ita ut clamet, quare me dereliquisti?*

Porro patet ex dictis, inter Ecclesiam Romanam & Ecclesias Reformatas controversiam non esse, an Christus non solum mortem corpoream subierit; sed & maximos in anima tulerit & persenserit cruciatus, & an doloribus illis dirissimis quòtum in corpore, tum in anima sensit, Deo satisfecerit pro hominum peccatis, quæ ultrò in se susceperat, & quæ à Dei iustitia severe voluit in ipso vindicare; adeoque an ista Christi tormenta atque supplicia ex ira Dei manaverint, non in Christi personam, sed in peccata hominum accensa. Ista enim sunt utrinque in confesso.

Nec etiam quæstio est an Christus desperaverit, id enim per meram calumniam & contra veritatem omnem Theologis nostris imputatur.

Præterea inter Ecclesiam Rom. & ecclesias nostras quæstio non est, an Christus tulerit & senserit pœnas gehennæ atque infernales, quas in inferno damnati patiuntur. Hanc enim sententiam Doctores nostri communiter damnant & repudiant, ut & Doctores Ecclesiae Rom. si qui verò Doctores nostrorum aliquid ejusmodi dixerint & opinati sint, fuerunt quoque Theologi in Ecclesia Rom. insignes qui eandem sententiam amplexi sunt.

Denique nec propriè de eo controvertitur inter Pontificios & nostros Theologos, an articulus symboli de descensu Christi ad inferos exponendus sit de animæ Christi tormentis & angoribus; plurimi enim nostri Theologi id negant, alii verò qui ad hanc sententiam accedunt id timide faciunt, & illam tantum habent pro probabili, à qua sit cuivis liberum dissentire.

C A P. VII.

An Christus sibi aliquid meruerit.

Christum nobis meruisse gratiam & gloriam, summo consensu docent Theologi tam nostri quam Pontificii. Sed præterea quærent Doctores Scholastici, an Christus sibi ipsi aliquid meruerit. Et primò quidem cum doceant illi, animam Christi à primo conceptionis momento Deum vidisse, & beatam fuisse, & præterea gratiæ plenitudinem omnem accepisse, ita ut nullus postea fuerit incremento locus, consequens est ut doceant quoque ista suis meritis sibi non acquisivisse, quandoque illa ante meritum omne accepit; & sic etiam communis est sententia Scholasticorum, paucis fortè quibuscumque exceptis.

Verùm licet Christus ex eorum sensu, summa beatitudine in anima nunquam caruit, tamen quandiu vixit his in terris ex singulari dispensatione animam habuit, ut ante dictum est, passionibus multis dolorificis obnoxiam, ac præterea corpus mortale ac infirmum, atque cum gravissimis doloribus, & ærumnis & ignominia summa ad mortem usque & infamem colluctatus est. Itaque deerant ipsi multa, tum corporis, tum animi bona: Animæ scilicet impassibilitas, corporis immortalitas, aliæque dotes corporis gloriosi, & præterea nominis gloria & exaltatio, & quæcunque per resurrectionem & ascensionem in Cælos & sessionem ad dextram Patris omnipotentis accepit. Ista omnia sibi Christum promeruisse volunt, & à Patre tanquam obedientiæ mercedem accepisse, quanquam ista ex unione personali naturæ humanæ cum divina ~~un-~~ ere quoque poterant & debebant.

Hæc est Scholæ Rom. doctrina, nullo, quod sciam, repugnante: sed quod attinet ad Theologos nostros, Calvinus instit. Lib. 2. Cap. 17. an Christus sibi aliquid meruerit, judicat curiosum & stultum esse quærere, & temerarium affirmare: & ibidem argumentis aliquot probare conatur Christum meritis suis sibi nihil acquisivisse.

Hieronymus verò Zanchius in contrariâ fuit sententia, & in hac quæstione Scholasticorum doctrinam sequutus est, & cum in confessione fidei à se publicatâ Cap. 11. aphor. 15. hæc verba posuisset, *credimus Christum perfectâ suâ obedientia, non solum sibi, sed etiam nobis vitam æternam promeruisse*: à quibusdam Theologis Calvinum sequentibus admonitus fuit ut expungeret voces illas, *non solum sibi*, sed monitoribus illis morem gerere noluit. Atque ut sententiam istam suam tueretur, in præfatione quam confessioni suæ in posterioribus editionibus præfixit, adduxit multa Patrum testimonia, quibus ostendere nititur veteris Ecclesiæ doctrinam suæ prorsus hæc in parte consentaneam esse.

Porrò quamvis ex Theologis nostris, alii potius in Zanchii, alii in Calvinii sententiam perpendeant, in hoc tamen omnes conveniunt, quæstionem hanc non esse necessariam, & de eâ licet Theologis cum bonâ fratrum suorum veniâ sic vel secus sentire; neque propterea pacem Ecclesiæ turbari debere, & animorum dissidia gigni.

Finis Libri Secundi.

(E e)

ELU.

ELUCIDATIO

STATUS

Controversiarum

DE

ECCLESIAE REGIMINE

ET DE

ROMANO PONTIFICE.

CAPUT I.

Quale sit a Christo Regimen in Ecclesia Institutum.

Christus homines vocans ad fidem & salutem per Evangelii prædicationem eos a potestate magistratus politici eximere non intendit, aut per id quicquam in externâ Reip. forma immutare. Verumtamen fideles, ut tales considerati, non sunt multitudo quædam confusanea, quæ præter politicam illam subjectionem proprio Regimine & ordine careat; sed ex Christi instituto sanctam inter se societatem & Rempublicam constituunt, quam speciali quâdam ratione vult regi, quæ cum civili potestate optimè stat & conciliatur. Nec quicquam ei præjudicat, quæ de re Theologi omnes, tam Pontificii quàm nostri, consentiunt, ut & de eo, Christum solum esse summum & absolutum Ecclesiæ Dominum, nulli verò in fideles potestatem ab eo commissam, nisi qualis esse potest ministrorum & dispensatorum.

Quæritur verò quæ sit forma Regiminis illius quod Christus hominibus in Ecclesia commisit; quod ut intelligatur notandum est Philosophos tres rationes & formas observare, quibus hominum aliqua multitudo benè & legitime gubernari & regi possit. Prima est Monarchia, id est, unius principatus, cum summa potestas est penes unum cui parent reliqui omnes. Secunda est Aristocratia, id est, Regimen optimatum, cum regendi potestas nec penes omnes est nec penes unum solum, sed penes quosdam qui vel nobilitate vel opibus in populo eminent. Tertia denique est Democratia, cum summa potestas est penes totam multitudinem, cujus suffragiis creantur Magistratus, & omnia administrantur. Atque hæc sunt simplicis gubernationis formæ quæ variè possunt inter se permisceri, unde exurgunt aliæ mixti Regiminis formæ, sunt enim

nim quædam Respublicæ ubi Monarchia est Aristocratiâ temperata, quædam ubi Aristocratiæ & Democratiæ simul est Locus aliquis, & Monarchiæ, quæque potest Democratiâ temperari: Imo excogitari potest forma Reipublicæ quæ aliquid ex Monarchia, aliquid ex Aristocratiâ, & aliquid ex Democratiâ habeat. Porro si de Regimine & statu Ecclesiæ simplici loquendum sit, Theologi nostri omnes cum communi consensu docent illum esse pure Monarchicum quatenus scilicet Christus *Seu Dominus*, qui pro nobis mortuus est, resurrexit, & ascendit in Cælos, a Deo constitutus est summus Ecclesiæ Dominus, qui fideles hic in Terrâ militantes, & sanguine suo redemptos regit; modo quodam planè singulari, tum internè per spiritum, invisibilem gratiæ influxum, & occultam providentiam, tum externè per ministros in Ecclesiâ constitutos, quorum operâ fideles Christi nomine pascuntur & reguntur.

Sed si Sermo sit de isto regimine ministeriali, quod Christus hominibus in Ecclesiâ concedidit, negamus illum esse Monarchicum. Nec enim Christus in suâ Ecclesiâ unum aliquem instituit ministrum, qui solus ex officio totam Ecclesiam regeret, cuique reliqui omnes tum fideles, tum Pastores parere tenerentur, & ductum ejus sequi. Nam Christus Ecclesiam nascentem per Apostolos duodecim rexit, qui singuli quidem totam Ecclesiam regerant & potestatem habebant non tantum in populum fidelem, sed in alios omnes Ecclesiæ Ministros. Verum erant inter se autoritate pares, & quamvis inter eos aliquis ordo esse potuerit, ut reverà & in omni collegio ritè instituto, nemo tamen illorum collegas sibi subditos habebat, aut jurisdictionem in eos exercebat. Ex terrâ verò sublatis Apostolis, quorum munus fuit extraordinarium, in Ecclesiâ manserunt Pastores & Doctores, & si qui sint alii ministri ordinarii, qui singuli dominici gregis Partem sibi commissam regerent, & conjunctim omnes totam Ecclesiam. Sed ex Christi Instituto nullus eorum præesse debet reliquis omnibus, & illos sibi subditos habere; Singuli quidem agnoscere debent in Ecclesiâ potestatem aliquam se superiorem! Sed hæc potestas non residet in singulari aliquâ personâ, verum in cætu & communitate collegarum & fratrum suorum, cui se singuli tenentur submittere.

Quamvis autem Christus curam Ecclesiæ regendæ certis personis commiserit, videlicet Pastoribus & Ministris, quos ipsi instituit vifum est, non tamen est exultimandum nullas esse plebis partes in Regimine Ecclesiastico. Saltem enim ad plebem Christianam pertinere debet ministros suos eligere, aut electos & oblatos admittere aut repudiare. Itaque ex doctorum nostrorum sententiâ Regimen Ecclesiæ Aristocraticum est, quod tamen aliquid democratiæ admixtum habet.

Theologi quidem nostri non conveniunt in omnibus circa modum & formam regiminis Ecclesiastici, & sunt qui plus & qui minus in hac parte plebi tribuant, nullus tamen, quod sciam, censet Regimen Ecclesiasticum esse Democratiâ, potius quàm Aristocratiâ, quod Bellarminus confessionis Augustanæ Theologis quibusdam tribuit. Sed immeritò ut videtur.

Porro ex dictis apparet cum dicimus in Ecclesiâ Christianâ Locum habere ex Christi Instituto speciem quandam Aristocratiæ quæ regimen est optimatum, nos per optimates illos intelligere Ministros à Christo institutos, non verò Papas, quos vocant Seculares, quod Bellarm. tribuit Brentio. Fuerunt quidam Principes Religionem Refor. amplexi qui se Capita suarum Ecclesiarum dixerunt, neque nostri Doctores nihil tribuunt Principibus in ministros Ecclesiæ juris. Etenim non tantum censemus, Ecclesiæ ministros subditos esse Principi politico ut sunt Reip. ejus, sed præterea statuimus magistratum Christianum esse divinæ Legis, adeoque Religionis Custodem & Vindicem, cujus officium est curare ut subditi veram Religionem colant, & in ea instituantur, adeoque ut sint in suâ ditione Pastores & Ministri fideles & idonei qui sacra ritè administrent, quos non tantum debet tueri & fovere, sed etiam potest torpentes excitare, & contra officium facientes corripere, & pro merito etiam punire, & ad eum quoque pertinet externum in Ecclesiâ & Pastorum cætibz ordinem procurare.

Nec propterea confundimus potestatem Civilem & Ecclesiasticam, nam Magistratus & Princeps Politicus non debet Ministerii functiones per se attingere aut Spiritualem & Ecclesiasticam Jurisdictionem exercere, sed eam Ministris à Christo

(Ec 2)

Christo institutis relinquere; & si sit pius & religiosus, disciplinæ Ecclesiæ per pastores legitime & ritè exercitæ, ultrò se submittere debet, ut qui sit ex Christi ovibus, quas ministris suis pascendas commisit. Itaque potestatem habet curandi ut sint Ministri idonei, ipsosque ad officium faciendum compellendi ut purè verbum prædicant, Sacramenta ritè administrant, & Disciplinam exerceant: non verò potest & debet, qua talis, Ministerio fungi, & Disciplinam exercere.

Et hæc & quidem nostra de Ecclesiastico Regimine sententia: Pontifici verò communi consensu docent, Militantis Ecclesiæ statum, à Christo Monarchicum institutum esse, ita ut non tantum ipse sit verus Ecclesiæ Monarcha, sed inter Pastores & Ministros Ecclesiæ perpetuò unum esse voluerit qui sit reliquis omnibus superior, quique, ex officio & prærogativa quadam singulari, totius Ecclesiæ per universum orbem dispersæ, curam gerat, cuique pastores singuli & particulares Ecclesiæ, omninò parere teneantur, & mandatis illius obsequi. Sed cum explicandum est quæ & quanta sit illius, capitis Ecclesiæ potestas, tunc in diversas sententias abeunt Doctores Ecclesiæ Romanæ.

Plurimi enim qui Papæ adulantur, & inter eos Bellar. docent Christum Dominum nostrum, summo isti quem Ecclesiæ præfecit præposito supremam potestatem ita attribuisse ut non tantum sit singulis pastoribus & Ecclesiis superior, jusque habet omnes Ecclesias regendi, & ea procurandi quæ universam Ecclesiam spectant: sed totam quamque Ecclesiam, etiam collectivè sumptam, subiectam sibi habeat, ipse verò nulli subdatur Ecclesiasticæ potestati, nequidem si conveniat universa Ecclesia in pastoribus suis quorum cæui jus imperandi habet; cæus verò ipse nullum in ipsum imperium. Unde sequitur præter Christum Ecclesiam in terris propriè dictum Monarcham habere, & Regimen ejus esse Monarchicum, & Monarchicam gubernationem.

Monet tamen Bellarminus Monarchicam illam gubernationem esse Aristocratia & Democratia temperatam, & Aristocratia quidem, quia Episcopi per quos sub autoritate capitis Ecclesiæ Republica Christiana regitur & administratur non sunt illius vicarii, sed ipsi quoque sunt Principes in Republica Christiana à Christo constituti, qui non solum ex commissione visibilis istius Ecclesiæ Monarchæ, sed ex officio sibi à Christo demandato parti dominici gregis sibi concreditæ præfunt. Democratia verò, quia dignitates Ecclesiasticæ Hereditariæ non sunt, neque certis quibusdam familiis affixæ, sed ad eas quilibet è plebe assumi possunt modo reperiantur ad illas idonei.

Alii verò licet unum in Ecclesiâ visibile caput agnoscant, cui reliqui omnes Ecclesiæ pastores subesse voluerit Christus, non censent tamen summam in Ecclesia potestatem in uno illo residere, ita ut nullam in terris autoritatem sua superiorem agnoscere debeant; nam licet pastores singulos & particulares etiam Ecclesias capiti isti subiciant, existimant tamen totam Ecclesiam collectivè sumptam & Ecclesiæ præfules in concilio congregatos autoritatem habere quæ sit supra istud visibile caput & cui parere teneantur. Docent enim Pontificem non esse supra universale totius Ecclesiæ consilium, sed consilium potius esse supra Pontificem, quem, si officio desit, possit in jus vocare, & si quidem res istud postulare videatur, etiam exauthorare, quæ sententia fuit concilii Constantiensis initio sæculi post Christum decimi, quinti & etiam postea concilii Basiliensis; quæ duo concilia, ista quam sibi tribueant autoritate usi sunt in Rom. Pontifices, in quorum plures sententiam tulerunt, & de officio illos deposuerunt, in eorum vicem aliis substitutis.

Richierus Sorbonicus Doctor, & alii plures in Gallia Theologi, qui Gallicanæ quam vocant Ecclesiæ libertatem & immunitatem tuerentur, sic suam hac de re sententiam explicant. Distingunt illi Ecclesiæ statum ab ejus Regimine sive administratione, & quod ad statum Ecclesiæ attinet docent illum esse Monarchicum, quia Christus unum instituit qui Ecclesiæ caput ministeriale esset & autoritatem haberet in pastores singulos & Ecclesias particulares toto orbe dispersas, cuiusque officium esset curare ut Canones & Leges Ecclesiasticæ ubique observentur, & ea mandare quæ Ecclesiæ totius bonum spectant. Sed Ecclesiæ administrationem statuunt esse Aristocratiam; quia capitis istius potestas libera & absoluta non est, sed constricta & limitata Legibus & Canonibus, qui communi

Ecclesiæ

Ecclesiæ consilio constituuntur; nam potestatem, Leges & Canones edendi, qui Ecclesiam obligent, nolunt esse penes istum visibilem Monarcham, sed penes Ecclesiam in concilio congregatam, in quam auctoritatem caput istud non habet, neque pro arbitrio potest ei Leges imponere, aut ab ea positas auctoritate propria immutare. Sed ejus solum est Leges Ecclesiasticas exequi, & ubi sese offert occasio, interpretari, ita ut ad eum quidem pertineat Canonum executio per totam Ecclesiam, non verò eorundem Canonum institutio nisi in & cum optimatum Ecclesiæ concilio, quæ doctrina est istius Richieri, Libello quem edidit de potestate politica & ecclesiastica.

Amyraldus disput. 1. conc. statuit Ecclesiam esse Democratiā quæ gubernatur Aristocratia. Hoornbek lib. X. de Brounistis potestatem regendi statuit esse non in plebe universā, sed in Ecclesiæ ministris, contra quam Brounistæ.

Ex quibus facile est colligere quis sit hic controversiæ status de Ecclesiæ Regimine, primò enim cum Pontifice Romano & illis qui ei magis addicti sunt, quæstio est, an Christum instituerit aliquem Monarcham, cui Ecclesiam totam in terris militantem, tam conjunctim, quam divisim consideratam subjecerit, ita ut Legibus ab eo constitutis parere necesse habeat, ipse verò de jure nulli in terris potestati subditus sit, & a nemine debeat judicari. Dein cum tota Ecclesia Romana & Doctoribus illius omnibus, quæstio est, an Christus Ecclesiæ hic in terris militanti unum aliquem ministrum præfecerit, qui reliquis omnibus pastoribus & fidelibus superior esset, & in eorum singulos potestatem & jurisdictionem aliquam haberet, sive quod idem est, an status Ecclesiæ sit Monarchicus, & ejus gubernatio propriè Monarchica: aut saltem an Ecclesiæ status sit Monarchicus, quod affirmant illi, nos autem negamus, existimantes potius Ecclesiæ positam & administrationem à Christo constitutam esse Aristocratiam, ita tamen ut aliquid ex Democratiā admixtum habeat.

C A P. II.

De Primatu Petri.

Theologi nostri, ut ante dictum est, existimant Christum sic Apostolis in solidum Ecclesiæ suæ curam commississe, ut singuli totam Ecclesiam regerent, & in omnes fideles aliisque Christi quoscunque ministros potestatem haberent singularem & extraordinariam, sed volunt inter se auctoritate æquales omnino fuisse, ita ut nullus eorum in collegas suos haberet potestatem & jurisdictionem. Verumtamen ordinem non negant quandam inter eos fuisse, & eorum aliquem primum habuisse locum, & Apostolici Collegii fuisse quali præsidem & proloquutorem, quemadmodum in Synodis & Conventibus Pastorum Ecclesiæ de cætu nostro aliquis eligitur, qui conventui præsideat, & illum moderetur, etiam si in collegas suos nullum habeat jus & imperium, sed sit ejusdem plane muneris & potestatis; & sicut in omnibus jadicum confessionibus est aliquis præses qui reliquis anteit, gerenda proponit, suffragia aliorum colligit, & ex plurimi consensu sententiam pronunciat, licet judices alios non habeat subditos, nec jus habeat ipsis imperandi, atque istud honoris facile concedunt Petrò Apostolo fuisse concessum, sive propter ætatem, & quoniam primus à Christo ad Apostolatū vocatus fuerat, sive propter Zelum atque facundiam quandam singularem, & huc referunt quod Matth. 10. in recensione duodecim Apostolorum Christi, Petrus non tantum primo loco collocatur ab Evangelista, sed disertè primus appellatur, ut & disertè videmus in Evangeliiis & actis Apostolorum, cum Apostoli simul erant, Petrum loqui primum & præ reliquis verba facere. Et ejus alia quædam privilegia observant, & ut vocant, prærogativas, ut qui primus solenniter post Christi resurrectionem Evangelium prædicare incœpit,

inccepit, tum apud Judæos in die Pentecostes post miraculosam spiritus sancti effusionem, tum apud Gentes in domo Cornelii, postquam cælesti quâdam visione de vocatione Gentium fuisset admonitus, unde manifestum Petrum cum fuisse qui Ecclesiæ Christianæ ex Gentibus & Judæis constitutæ prima fundamenta jecit. Atque ita nostri Primatum omnem non abnegant, sed inter Apostolos tribuunt ei primatum ordinis atque dignitatis, licet non potestatis & jurisdictionis, ut videre est præsertim apud Chamierum tom. 2. lib. 11. cap. 10. & apud Cameronem prælectione in locum *tu est Petrus*, vide & Thefes Ramburtii ubi Petro tribuit primatum honoris & auctoritatis.

Doctores verò Ecclesiæ Romanæ docent quidem non tantum Petro, sed omnibus Apostolis à Christo datam esse summam potestatem ecclesiasticam, ita ut eorum singuli non minus quam Petrus totam Ecclesiam regerent, atque universorum Christi fidelium curam haberent, atque etiam dici possent Ecclesiæ universæ Pastores & Rectores; verum tamen hac in re notant duplex fuisse discrimen inter Petrum & reliquos Apostolos, nam summam illam potestatem docent datam esse Petro ut ordinario pastori, cui perpetuò succederetur, aliis verò tanquam delegatis, quibus non succederetur; deinde volunt reliquos Apostolos ita fuisse à Christo præpositos Ecclesiæ universæ, ut tamen ipsi Petro quodam modo subiecti essent, & ab eo penderent, adeo ut Petri respectu essent oves, Petrus verò eorum pastor, unde sequitur solum Petrum omnibus in Ecclesiâ Christi nullo excepto præfuisse: Apostolos verò cæteros sic universam Ecclesiam rexisse ut tamen in collegas suos potestatem nullam haberent, minime verò omnium in Petrum. Quæ est sententia Bellarmini de Pontifice Romano lib. 1. cap. 9, 11 & 12. & Costeri in Enchiridio cap. 3. de summo Pontifice, ubi observat duo esse officiorum genera, quædam scilicet quæ cessant cum persona, cui demandata fuerunt, decedunt, qualia sunt legati, commissarii, nuntii; alia verò ordinaria, quæ eo vitâ functo cui primum delata fuerunt successorem postulant, qualia sunt Regis, Pastoris, Episcopi: quibus positis docet reliquos præter Petrum Apostolos habuisse quidem munus quoddam ordinarium, nam, inquit, fuerunt illi Pastores & Episcopi locorum illorum, ad quæ divinâ voluntate missi ibi vitam finierunt, quibus etiam in locis nati sunt homines qui in eorum locum fuerunt successi, nimirum Archiepiscopos & Episcopos; sed præter munus illud ordinarium docet eos habuisse officium quoddam delegatum, cui succedi non debuit, & cujus ratione proprie dicebantur Apostoli seu Legati, quatenus scilicet à Christo missi erant ad universum terrarum orbem summa & eadem prorsus quâ beatus Petrus Apostolus potestate & auctoritate regendum, his duobus tantummodò demptis, assero quod cæteris Apostolis collegis suis non præessent, altero quod orbis non essent Episcopi seu Pastores, sed Apostoli, hoc est, Legati, quorum videlicet in totum orbem potestas non erat ordinaria; sed demandata, carens successore, Petrus verò, inquit, ille, & Princeps fuit Apostolorum, & totius Ecclesiæ ordinarius pastor.

Ex quibus promptum est colligere quis sit hic controversiæ status. Nempe non quaeritur an Petro convenerit aliquis primatus, id enim non negant nostri Theologi; sed facile concedunt Petrum inter Apostolos fuisse ordine primum, & dignitatem aliquam habuisse ejus singularem quam exercet præses in consensu judicum, sed quaestio est an Petrus in cæteros co-Apostolos potestatem & jurisdictionem habuerit aliquam, cujus ratione ipsi ex Christi instituto reverà subiecti fuerint, quod affirmant Doctores Ecclesiæ Romanæ, Theologi verò nostri communi consensu negant.

CAP.

C A P. III.

De successione Papæ in locum Petri.

EX iis quæ Cap. 1. & secundo dicta sunt patet doctores Ecclesiæ Romanæ, communi consensu docere Ecclesiæ Christianæ statum Monarchicum à Christo institutum fuisse, & Christum voluisse ut perpetuò esset unus aliquis qui toti Ecclesiæ præsetet & in Reliquos omnes Pastores & Christi Ministros auctoritatem & potestatem haberet, hancque curam Petro primùm demandatam fuisse ea mente & consilio ut post illius mortem aliquis alius ei succederetur eadem cum auctoritate. Unde sequitur necessarium esse ut in Ecclesiâ Christi sit aliquis Petri successor, qui sit Ecclesiæ caput & Reip. Christianæ Monarcha visibilis.

Hunc autem Petri successorem statuunt esse Episcopum Rom. & hoc quia Petrus, postquam aliquot annis Anthiochiæ sedisset, sedem suam Romæ constituit, sic ut eam inde nunquam transtulerit, sed ibi non tantùm Romanum Episcopatum gerens, sed in totam quoque Ecclesiam summam potestatem exercens martyrio tandem coronatus fuerit. Etenim pro certissimo & indubitato habent Petrum non solum Romæ fuisse & prædicavisse, sed urbis quoque Romæ Episcopatum suscepisse, & multos annos tenuisse, donec in Crucem propter Christi nomen in eadem Urbe Iussu Neronis ageretur. Nam fidem adhibent veteri illi traditioni, quæ nimirum perhibet Petrum septem annis Anthiochiæ sedisse, Romæ vero viginti quinque, ibidemque capite deorsum verso fuisse crucifixum; unde factum pertendunt ut episc. Rom. veri sint Petri Successores, in quos transferint munus atque dignitas Petri, scilicet tum potentialis Urbis Romæ Episcopatus, tum etiam summa illa in omnes Christi Ecclesias potestas atque Auctoritas, quam semper in Episcopis Rom. agnitam, & ab iis etiam exercitam esse contendunt, cum in orbe Christiano nullus alius illam sibi vindicaverit.

Hic autem varias inter se quæstiones movent Doctores Rom. & 1^o quidem an Successio illa Episcopi Rom. in Locum & dignitatem Petri & summam illum quem Petro tribuunt Pontificatum, sit de jure divino, an statum habeat in expresso quodam & diserto Christi mandato. Hic distinguunt Pontificii inter Successionem ipsam & rationem successionis, & ipsam quidem Pontificis Romani in Pontificatum Petri successionem indubitanter asserunt ex instituto Christi esse, idque unanimi consensu, quia Pontificatus ille seu suprema in totam Ecclesiam potestas, quam Christus Petro contulit, ex communi Pontificiorum sententia, non fuit munus extraordinarium, & quod ad solam Petri perfectionem pertineret, sed potestas & dignitas quadam ordinaria, quam eo fine Christus instituit ut in Ecclesiâ perpetuò duraret, & a Petro in alios successionem continua transiret; sed quod ad successionis rationem attinet, id est, si quaeratur cur Episcopus Rom. potius quam Antiochenus sive alius quivis in locum Petri succedat, de eo non idem docent & sentiunt Pontificii, & multi quidem eorum, scilicet, qui Papæ sunt magis addicti in eâ sunt sententiâ, Christum ipsum non tantùm voluisse & ordinavisse ut perpetuò esset aliquis Petri in Ecclesiasticâ Monarchiâ successor, cui summam conferret auctoritatem, sed etiam statuisse ut successor ille sit Episcopus Rom. adeoque ex Christi Institutione in perpetuum Rom. Pontifici Principatum in Ecclesiam fuisse attributum. Ita sentit & docet Greg. de Val. analys. fid. Lib. 7. Cap. 12. & contrariam sententiam existimat non esse tutam, licet de suâ non loquatur, tanquam si esset veritatis omnino certæ & indubitæ, & simpliciter dicat traditionem videri eam indicare.

Bellarmin. verò de summo Pontifice Lib. 2. Cap. 12. Judicat quidem non esse improbabile Christum aperte jussisse, ut sedem suam Petrus ita Romæ figeret
ut

ut Rom. Episcopus ei absolutè succederet, non verò alius ullus, adeo ut non tantum Episcopi Rom. in Pontificatum Petri successio sit ex Christi Institutione, sed etiam ipsius Successionis ratio. Quà scil. est Episcopus Rom. quod idem est ac dicere Christum non solum in genere voluisse ut Petro aliquis succederet, sed etiam designavisse eum qui Petro succedere deberet, nempe Episcopum Rom. & Petri Successionem Episcopatus illi alligavisse. In eo tamen Bellarminus tanquam in re incertà non hæret, & fatetur tanquam quod magis possibile rationem successionis quàm Rom. Pontifex potius quam Anthiochenus vel aliquis alius Petro in Ecclesiæ Principatum succedat non esse ex Christi aliquo instituto, sed initium habuisse ex facto Petri qui sponte sedem sibi Romæ selegit, & ibi tandem fungens suo munere mortuus est. Nam, inquit, potuisset Petrus nullam sedem particularem sibi unquam eligere, sicut fecit primis quinque annis, & tunc, moriente Petro, non Episcopus Romanus neque Anthiochenus successisset sed is quem Ecclesia sibi elegisset; potuisset quoque manere Antiochiæ & tunc Antiochenus sine dubio successisset. Quia verò Romæ sedem fixit & tenuit usque ad mortem, inde factum est ut Rom. Pontifex ei succedat in præfecturam totius Ecclesiæ. At verò sunt alii multi ex doctoribus Ecclesiæ Rom. qui affirmant & certo pronuntiare non verentur Episcopum Rom. potius quàm alium succedere Petro non jure Divino sed Ecclesiastico, & particularem Urbis Romæ Episcopatum cum summo pontificatu per Accidens tantum conjungi, non expresso aliquo Dei aut Christi mandato, ita ut per jus divinum Ecclesiæ liceat Pontificatum summum ab Episcopo Rom. in aliquem alium transferre, & in caput Ecclesiæ eligere Episcopum alterius diocesis, aut nullius determinatæ, quo in casu alius esset universalis Ecclesiæ Pastor, alius verò Episcopus Rom. & Ecclesia Rom. esset Ecclesia particularis tantum quæ errare posset ac deficere, quæ sententia est Dominici de Stoto Cordubensis, Cajetani, et Bannes in 2. 2^æ q. 1. art. 10.

Præterea hic quærent Pontificii an etiam, si fortè non de jure divino sit Episcopum Rom. in Principatu totius Ecclesiæ Petro succedere hoc ipso quia est episc. Rom. seu quod idem est Ecclesiæ Principatus episcopatus Rom. jure divino non sit alligatus, num illud tamen sit de fide.

Ad hanc quæstionem timide & perplexè respondet Melchior Canus de Locis Theol. Lib. 6. capite ultimo, ubi tamen multis modis ostendere conatur istud ad fidei doctrinam pertinere. Sed Bellarm. de summo Pontifice Lib. 2. Cap. 12. Rem audaciùs & brevius definit. Observandum est, inquit, licet fortè de jure divino non sit Pontificem Rom. ut Rom. Pontificem Petro succedere, tamen id ad fidem catholicam pertinere; non enim est idem aliquid esse de fide & esse de jure divino, nec enim de jure divino fuit ut Paulus haberet penulam, est tamen hoc ipsum de fide Paulum habuisse penulam. Et si autem Pontificem Romanum succedere Petro non habeatur expressè in Scripturis, tamen succedere aliquem Petro deducitur evidentè ex Scripturis; illum autem esse Romanum Pontificem habetur ex traditione Apostolicà Petri, quam traditionem concilia generalia, Pontificum decreta, & Patrum consensu declaraverunt.

Denique hic observant doctores Pontificii Episcopum Rom. ita esse Petri successorem in Ecclesiæ totius præfecturà, ut Episcopatus ille particularis & universalis ista præfectura non sint munera actu distincta, sed in potentia tantum. Nam inquit, Petrus Pontifex totius Ecclesiæ à Christo institutus, non adjunxit sibi Episcopatum Urbis Romæ, quomodo Episcopus alicujus loci sibi adjungit alium Episcopatum seu Abbatiam, sed Romanæ Urbis Episcopatum evexerit ad summum Orbis Terræ Pontificatum, quemadmodum quum Episcopatus simplex erigitur in Archiepiscopatum vel Patriarchatum, ut videre est apud Bellarm. loco modo citato.

Quod attinet autem ad nostros Theologos sunt eorum nonnulli qui simpliciter negant Petrum unquam Romæ fuisse, idque probare se putant, variis ex Scripturà deductis argumentis, ita Velenus Lutheranus peculiari hac de re Libello & Balæus quidam, præfatione in act. Rom. Pontif. At vero plerique alii simpliciter negandum non putant Petrum Romæ fuisse, & ibi etiam fuisse mortuum, propter veterum hæc de re Consensum & Testimonium; licet si quis exploret traditionis istius Principium deveniat tandem ad Autores fidei

parum

parum certæ, & qui alia multa fabulosa tradiderunt, unde fit ut Doctoribus nostris Historia de Petri Romam adventu & morte ibidem obita, non videatur tam certa & explorata quam Pontificiis; sed quamvis in genere non putent iustificandum Petrum Romam venisse, & illic Martyrio fuisse Coronatum, falsum tamen esse putant, & Historiæ sacræ & Canonice contrarium, quod affirmant Pontif. videlicet Petrum sedem Romæ collocasse, & illius Urbis fuisse Episcopum 25 annis. Nam si Petrus Romæ fuit unquam, necesse est illum huc non tam citò advenisse, & ibi longe minori tempore fuisse Commoratum, sicut ostendi potest ex Actis Apostolorum & Pauli Epistolis.

Ac præterea nostris non videtur admittendum Petrum propriè loquendo Romanæ Urbis fuisse Episcopum, nam Apostoli quidem Ecclesias quas fundaverunt, & in quibus commorati sunt, rexerunt quamdiù ibi fuerunt; non tamen istud fecerunt tanquam istorum locorum Episcopi, sed pro potestate quadam extraordinaria. Nam cum ministerium eis à Christo Commisissum omnes & singulas Ecclesias spectaret, & propria eorum functio esset Ecclesias ubique per Orbem fundare, nulli se Ecclesiæ particulari addiderunt quomodo addicti sunt Pastores & Episcopi quibus hodie cura Ecclesiarum commissa est: quomodo videmus homines autoritate singulari pollentes à Regibus sæpè per provincias mitti ut ibi iudiciorum ordinem constituent, & sæpè etiam nova Tribunalia erigant, & quamdiù illic sunt, jus nomine Regis dicere, neque tamen haberi pro iudicibus istorum locorum, sed à iudicibus illis ordinariis distinguui. Igitur Petrus Apostolus cum Romæ fuit, potuit vi sui Apostolatus Ecclesiam Rom. regere & pascere, tum verbum Dei prædicando, tum varia circa bonum istius Ecclesiæ providendo & ordinando, neque tamen propriè Romanus fuit Episcopus.

Quando verò Theologi nostri cum Scriptoribus Ecclesiasticis dicunt Episcopos horum & illorum locorum Apostolis successisse, istud solummodò volunt hanc aut illam Ecclesiam ab Apostolis primum immediate fundatam & administratam esse, & proxime post Apostolos isti vel illi Episcopo talis Ecclesiæ curam fuisse demandatam, licet nolumus Apostolos in Episcoporum censum & ordinem redigi; quemadmodum à Rege constituto novo quodam tribunali, primi qui ibi jus dicunt ordinarii Iudices succedunt in locum eorum qui à Rege cum potestate extraordinaria delegati, tribunalia ista crexerunt, & ibi jus primum dixerunt, licet non sint de numero iudicum ordinariorum, nec inter eos censeri debeant.

Hoc sensu concedimus Romanos olim Episc. Apostolis Petro & Paulo successisse, quo nomine quoque antiquitus singularis ipsis honos habitus est, nam semper apud Christianos celebratæ fuerunt & in pretio habitæ Ecclesiæ quas Apostoli immediate fundaverunt, & per se administrarunt, & in quibus sunt commorati, quæ propterea singulari quâdam ratione Apostolicæ dicebantur.

Sed præcipuè Episcopo Romano honos accrevit ex urbis dignitate atque amplitudine, quæ cum totius Imperii Romani prima esset, Ecclesiasticâ & pervertusta consuetudine, quam conciliorum Canones sanxerunt, Episcopus ejus inter totius orbis Romani Episcopos primus honore & ordine habitus est, licet melioribus Ecclesiæ temporibus in alios Episcopos extra suam Diocesim non haberet potestatem & jurisdictionem, nam Politia Ecclesiastica cum primum constituta fuit politiz civilis ordinem secuta est; ita ut pro ratione dignitatis & ordinis civitatis cuiuscunque in civili politia Episcopi alios præcederent, & singularia quædam jura haberent.

Ex nostrâ ergo sententiâ Episcopus Romanus Petri Successor non aliter fuit quam Episcopi aliarum urbium, in quibus Apostoli prædicaverunt & commorati sunt, eorum possunt haberi successores, nempe nec Petri nec aliorum Apostolorum summa illa à Christo in totam Ecclesiam demandata autoritas in eos transit pastores, quo post illos præfecti sunt Ecclesiis quas ipsi fundarunt & administrarunt. Adeoque sicut Episcopi Hierosolymitani frustra sibi arrogassent autoritatem & prærogativas Jacobi qui primus Ecclesiam illam rexisset dicitur, & Episcopi Ephesini autoritatem Joannis propterea quod Ephesi mortuus esse perhibetur, sic quoque immeritò Episcopo Romano tribuitur par Petro potestas, quoniam historiz Ecclesiasticæ testatur Ecclesiam Romanam à

(F f)

Petro

Petro primum esse administratam, neque primis à Christo seculis tantum sibi arrogarunt Episcop. Rom. Sed decursu temporum & ex variis occasionibus eorum superbia crevit, & multum sibi supra jus tribuerunt, donec tandem imperium & monarchicam potestatem sibi in universam Ecclesiam usurparent, quo nomine censemus eos excidisse prerogativis illis quibus supra communem Episcoporum sortem in antiqua Ecclesia juxta conciliorum decreta eminebant. Atque ex quo doctrina & disciplina Christiana apud ipsos corrupta fuit variis modis existimamus eos nihilo magis gloriari debere quod sedent & doceant ubi Petrus primum docuit, quam Episcopi illi qui sedes alias occupant quæ Apostolicæ olim dicebantur & pro hæretico tamen ab Ecclesia Romana damnantur, jus gloriandi habent quod Apostolis aliis successerint.

Porro colligere licet ex iis quæ dicta sunt inter nos & Pontificios quæstionem proprie non esse an Petrus Romæ fuerit & Martyrium passus sit, quod plerique ex nostris Theologis non negant, nec etiam an primi Episcopi Romani, dici possint Petro successisse, & ejus esse successores, quod bono sensu concedimus.

Sed primò queritur, An Petrus propriè loquendo Romæ fuerit Episcopus, & Episcopatum illum multis annis continuis nempe 25 ad mortem usque gesserit.

Deinde quod præcipuum, An totius Ecclesiæ præfecturam ipsi à Christo commissam in successores quosdam transmisserit, & an hodierni Episcopi Romani veri & legitimi Petri successores haberi debeant, & pro talibus coli & observari. Quæ omnia affirmant Doctores Pontificii, nos verò pernegamus.

C A P. IV.

De Papæ Infallibilitate in iudicando fidei & morum controversias.

Postquam Doctores Ecclesiæ Romanæ semel constituerunt Christum in Ecclesia sua instituisse unum visibile caput, quod universam Ecclesiam regeret, hancque dignitatem primum Petro collatam fuisse, & à Petro postea transmissam in successores Episc. Rom. qui Paparum nomen olim Episcopis commune sibi proprium fecerunt, tum varia inter se querunt, disputant & decernunt de potestate Papæ, quæ, qualis, quantaque sit. Bellarm. autem, cujus vestigia hic premimus, duplicem Papæ sive Romano Pontifici tribuit potestatem, spirituales unam, & temporalem alteram, de quâ utraq; seorsim sibi agendum proponit.

Et de priori quidem quatuor quæstiones præcipuè moventur. 1. De potestate Papæ in iudicando fidei & morum controversias. 2. De certitudine & infallibilitate judicii Papalis. 3. De potestate Papæ in legibus ferendis. 4. De jurisdictione omnium aliorum Ecclesiæ præsulum, an scil. illis sit à Papa communicata, an potius à Deo immediate accepta.

Quod ad primam attinet inter se querunt Doctores Ecclesiæ Romanæ an summa potestas iudicandi controversias fidei & morum sit penes Romanum Pontificem. Et quidem Doctores Pontificii in eo conveniunt Pontificem Romanum in concilio decentem, & ex universalis concilii sententia, posse in rebus fidei & Religionis summum pronuciare iudicium, cui Christiani omnes obsequi teneantur, & ei acquiescere; sed queritur penes quem præcipuè & propriè sit illa potestas, an penes Pontificem, an penes ipsum concilium, quæ de re non idem docent & sentiunt Pontificii; sunt enim qui existimant supremam potestatem iudicandi de rebus fidei & Religionis præcipuè esse penes concilium Ecclesiæ universalis, à quo nulla sit provocatio: & quod etiam sine Pontifice possit edere decreta fidem

&

& conscientiam Christianorum ligantia, Pontificis verò Romani cum sine concilio pronuntiat, iudicium omnino supremum non esse, & ab eo licitum esse provocare ad concilium, quod Papæ iudicium mutare & corrigere possit. Hæc est sententia multorum in Galliâ Theologorum: & ante duo sæcula in Ecclesia Romana communiter obtinebat, ita ut præfules mille in concilio Constantiensi in sententiâ istâ convenerint, & ut istius potestatis quam concilio asserebant aliquod specimen ederent, depositis tribus Papis, antequam novum crearent, decretum quoddam de fide condiderunt, illud scilicet quo sanxerunt, non obstante Christi exemplo & Ecclesiæ primitivæ usu & consuetudine, licere Eucharistiam sub alterâ tantum specie ministrare, quod decretum huc usque in Ecclesiâ Romanâ obtinet.

Sed opposita sententia videtur jam in Ecclesiâ Romanâ prævalere, quæ scilicet statuit supremam iudicandi controversias fidei & morum potestatem propriè & præcipuè esse penes Pontif. Rom. ita ut Pontifex possit etiam sine concilio, tale de rebus fidei pronuntiare iudicium, cui simpliciter omnes acquiescere teneantur, & quod nulla in terris potestas infirmare & mutare valeat; conciliorum verò etiam universalium iudicium de rebus fidei & Religionis ratum & firmum non sit, nisi accedat Pontificis Romani confirmatio, quæ est hodiè, ut dixi, sententia maximæ partis Doctorem Ecclesiæ Romanæ.

C A P. V.

De Certitudine Judicii Papalis sive de Papæ Infallibilitate.

DE hæc questione Doctores Ecclesiæ Romanæ non omnes idem docent & sentiunt, ut autem pateat quousque ipsis inter se conveniat, & quæ sit eorum hæc de re sententiarum diversitas, notandum primò eos distinguere inter quæstiones juris & quæstiones facti.

Quæstio Facti est cum quæritur an hic vel ille facinus hoc vel illud admiserit, ideoque dignus sit tali vel tali penâ, & an hæc vel ista persona digna sit quæ ad tale munus promoveatur, aliæque huiusmodi quorum veritatem iudex cognoscere non potest nisi ex testium informatione, & fideli narratione eorum qui ea de quibus quæritur vel viderunt vel audiverunt.

Quæstio vero juris appellatur cum non agitur de re aliquâ singulari, & quæ singularem quandam personam spectat; sed quæritur in genere quid credendum, sive quid faciendum sit. Nam quæstiones juris, quantum quidem ad hoc negotium attinet, vel sunt de fide, ut cum quæritur an hoc vel illud à Populo Christiano credi & fide suscipi debeat, vel de moribus; ut cum quæritur quid facere & quomodo se debeat gerere homo Christianus, sive privatus, sive munere publico fungens.

Huic verò distinctioni affinis est illa Bellarm. quam tradit de Pontif. lib. 4. cap. 2. ubi notat sententias & decreta Pontificum interdum versari in rebus universalibus quæ toti Ecclesiæ proponuntur, qualia sunt decreta de fide & præcepta morum generalia, interdum & in rebus particularibus, quales sunt ferè omnes controversiæ facti, ut an talis sit promovendus ad Episcopatum, an iure fuerit promotus, an videatur deponendus.

Præterea sciendum Ecclesiæ Romanæ Doctores hic distinguere inter simplicem errorem, quum aliquis etiam in rebus universalibus & ad Christianam doctrinam spectantibus, ex ignorantia errat, & falsum sibi persuadet, quod sæpè doctis piisque & bonis viris accidit, & inter hæresin, quâ quis aliquid contra fidem pertinaciter credit.

Similiter præcepta morum generalia vel sunt de rebus ad salutem necessariis, & quæ per se bonæ vel malæ sunt, vel sunt de rebus suâ naturâ indifferentibus, quæque ex se salutem nec promovere nec impedire possunt. Ideoque duplici modo in præceptis istis error committi potest, vel scilicet dum res salutis noxia præcipitur, aut necessaria prohibetur, vel saltem dum aliquid jubetur, aut aliquid citra causam & rationem ullam vetatur, & ita lex inutilis & superflua fertur.

Dein Doctores Ecclesiæ Romanæ observant summum Pontificem quatuor modis posse considerari, vel ut est quædam persona particularis sive Doctor particularis. 2. Ut Pontifex, sed solus. 3. Ut Pontifex, sed adjuncto cætu solito consiliariorum. 4. Tandem ut Pontifex, sed unâ cum concilio generali.

His positis sunt quædam de quibus Doctores omnes Ecclesiæ Romanæ inter se consentiunt, & primo quidem quod attinet ad quæstiones facti & decreta illa quæ sunt de rebus particularibus, nullus est Pontificiorum, qui non agnoscat in iis errare posse Pontificem, quocunque tamen modo consideretur, nempe sive solus judicet, sive cum consiliariis suis ordinariis, sive etiam cum totius Ecclesiæ concilio, potest enim, ex eorum mente, omnibus istis modis consideratus, in aliquem ferre injustam sententiam, sive deceptus falsis testimoniis, sive negligenter rem gerens aut aliquo pravo affectu abreptus.

Præterea in hoc quoque conveniunt omnes Doctores Ecclesiæ Romanæ Pontificem Romanum ut privatus est Doctor, errare posse, & ignorantia etiam in quæstionibus juris & universalibus, tam fidei quam morum, ut aliis Doctoribus interdum accidit. Pontifex autem Romanus consideratur ut privatus Doctor, cum aliquid vivâ voce aut etiam scripto docet, non tamen eâ mente ut istud ab omnibus fidelibus teneatur & pro solenni Ecclesiæ doctrina habeatur, à quâ nemini sit licitum discedere; sed simpliciter ut privatam sententiam explicet & doceat quid sibi veritati & rationi magis consonum videatur, non propterea absolute damnans & pro hæreticis & perditis habens eos qui diversum sentiunt.

Nec ullus quoque Pontificiorum quod quidem sciam negat Pontificem Romanum etiam ut Pontificem, eatenus in decretis quæ mores Ecclesiæ spectant errori esse obnoxium, ut saltem condere possit Legem superfluum vel minus discretam, scilicet præcipiendo aliquid inutile aut leve quoddam sub nimis gravi penâ, quod agnoscit Bellarm. de Rom. Pontif. lib. 4. cap. 5.

Atque hæc sunt de quibus inter se conveniunt Ecclesiæ Romanæ Doctores. At vero in cæteris magna est inter ipsos sententiarum diversitas. Et primo quidem nonnulli sunt qui docent Pontificem quodcunque tandem agat, & quomodocunque considerari possit, errori esse obnoxium, imò posse esse hæreticum & hæresin docere, si absque generali concilio definiat, & hoc aliquando de facto accidisse. Nempe agnoscunt quidem Romanum Pontificem cum universali concilio aliquid definientem falli non posse, & errorem aliquem Ecclesiæ credendum proponere, sed infallibilitatem istam non in Pontifice, verum in concilio residere volunt, adeo ut Pontifex sine concilio possit & fallere & falli, concilium verò etiam sine Pontifice non possit. Hæc fuit sententia concilii Constantiensis & etiam Basiliensis, & ante ducentos annos in Ecclesiâ Romanâ communiter obtinebat, præcipue illam tuebatur Academia Parisiensis ut patet ex libris Gerson & Almain, qui fuerunt Doctores Sorbonici insignes. Et seculo superiori eadem fuit quoque sententia Adriani Sexti, Papæ in quæstione de Confirmatione, & Alphonsi à Castro Theologi Hispani lib. contra hæreses, ut refert ipse Bellarminus de Rom. Pontif. lib. 4. cap. 2. & hodie quoque multi, in Gallia præcipue, sententiam istam retinent & tuerentur: quod inter alios præstitit Richierus ante annos 4 libello quem edidit de potestate politica & ecclesiastica.

Ab hac sententia longissime recedit alia quæ statuit Pontificem, non tantum ut Pontificem, sed etiam ut privatum doctorem, hæreticum esse non posse, & hæresin docere. Porro Pontifex docet ut Pontifex, cum ex autoritate summa sibi arrogat, definit aliquid tanquam ab universâ Ecclesiâ credendum, jubetque ut ab omnibus accipiat, & fide teneatur: ut privatus verò doctor cum simpliciter mentem suam aperit sive scripto sive vivâ voce, non per id Legem Ecclesiæ ferens quâ omnibus hac in re ut secum idem sentiant imperet, sicut ante a nobis dictum est. Itaque eorum qui sunt in hac sententia mens est non solum Pontificem non posse ex Autoritate aliquid hæreticum to-

ti Ecclesiæ credendam proponere: Sed etiam fieri non posse ut Pontifex privatim doceat aut apud se sentiat aliquid quod sit fidei contrarium, illumque sic a spiritu duci & illuminari ut non tantum foris & publicè veritatem doceat, sed de eà quoque intus sit persuasus. Hanc sententiam defendit Albertus Pighius Hierarch. Ecclesiast. Lib. 4. Cap. 8. Illamque probabilem iudicat Bellarm. de Rom. Pontif. Lib. 4. Cap. 6. Ubi hæc est ejus quarta propositio, Possibile est, pieque credi potest summum Pontificem non solum ut Pontificem errare non posse, sed etiam ut particularem personam hæreticum esse non posse, falsum aliquid contra fidem pertinaciter credendo.

Verum inter has sententias tertia quædam media est, quæ scilicet non negat Pontificem, ut est Persona particularis, in hæresin posse incidere, & asserere aliquid hæreticum: nullo modo tamen fieri posse docet ut definiat aliquid hæreticum tanquam a totâ Ecclesiâ credendum; item nunquam contingere posse ut Pontif. Rom. ex autoritate quâ pollere censetur, jubeat fide aliquid a Christianis omnibus suscipi quod sit tamen veræ atque orthodoxæ fidei contrarium, sive Pontifex istud definiat ex communibus generalis Synodi suffragiis, sive tantum cum cætu consiliatoriorum qui ordinariè ipsi adjunctus est, sive etiam solus sententiam pronunciat; eorum scil. mens est Pontificem quidem posse de fide pessime apud se sentire; sed tamen cum in rebus dubiis a Christianis consulitur, ut pro munere sibi imposito controversiam aliquam decadat, Deum sic ejus vocem & calammum dirigere, ut nunquam quod falsum est respondere possit & a voluntate divinâ alienum, sed veritati, etiam contra propriam mentem, testimonium perhibere cogatur. Quam sententiam sic proponit & explicat Costerus Jesuista Germanus Enchir. Cap. 3. quod est de summo Pontifice, *satenus fieri posse ut Petri successor Idola colat, apud se forte de fide non rectè sentiat, adeoque artibus Diabolicis operam navet, sed id constanter negamus vicarios Christi Petrique successores Rom. Pontifices vel hæresin docere alios posse, vel errorem proponere.*

Cum tamen negant isti, Pontifices posse errorem proponere, mens eorum non est in Pontificum publicis & authenticis scriptis (qualia sunt ipsorum Responsa sollemnia, & decretales epistolæ, aliaque hujusmodi) nihil reperiri posse in quo sint lapsi & a veritate tantillum aberrarint. Nam illi ipsi qui Papæ sunt maxime addicti in ejusmodi scriptis quædam reprehendere non verentur, sed in Pontificiis diplomatis distinguunt ea quæ pontifex præcipuè intendit declarare & definire ab iis quæ obiter inserit & assert ad rem illustrandam, aut etiam probandam, & absolutam illam Pontificis Infallibilitatem ad priora restringunt, in aliis verò minoris momenti illum humanitûs labi & errare posse concedunt.

Bellarm. autem observat illos qui quam descripsimus infallibilitatem Pontifici tribuunt etiam si absque generali concilio definiat, aliquo modo videri inter se dissentire. Quia quidam eorum dicunt Pontificem non posse errare, si maturè procedat, & concilium audiat aliorum Pastorum; Alii dicunt Pontificem etiam solum nullo modo errare posse; illos verò inter se conciliare conatur. Nam Posteriores, inquit, non volunt negare quin teneatur Pontifex maturè procedere, & consulere doctos viros, sed solum debere volunt ipsam Infallibilitatem non esse in cætu consiliatoriorum, vel in concilio episcoporum sed in solo Pontifice; sicut è contrario priores ponere non volunt Infallibilitatem in consiliariis, sed in solo Pontifice: verum explicare volunt Pontificem debere facere quod in se est, consulendo viros doctos & peritos rei de quâ agitur; si quis autem peteret an Pontifex erraret si temerè definiret, sine dubio prædicti autores omnes responderent non posse fieri ut Pontifex temerè definiat; qui enim permisit finem, sine dubio permisit & media quæ ad eum finem obtinendum necessaria sunt. Parum autem prodesset scire Pontificem non erraturum, quando non temerè definit, nisi etiam sciremus non permissuram Dei Providentiam, ut ille temerè definiat.

Sed quicquid hac de re sit, si quis compararet tres istas sententias certum est secundam illam quæ assertit Pontificem etiam ut privatam Personam hæreticum esse non posse, & de fide malè sentire, esse tantum perpaucorum, qui Papæ præ cæteris impudenter Assentantur. Quod primam verò spectat, quæ Pontifici

Pontifici tollet Infallibilitatem & illam concilio generali tribuit, non ita pridem, ut ante notavimus, in Ecclesia Rom. prævalebat, & palam suffragio multitudinis probabatur; hodiè verò res secus videtur se habere. Nam quamvis ingenia liberiora & candidiora etiamnum illam retineant, illam tamen timide proponunt Rom. Pontificis metu, & ab adversæ partis hominibus duriter & rigide, ut sic dicam, excipiuntur tanquam aliquid omnino Erroneum, & quod sit hæresi proximum, asserentes: adeoque in Regno Pontifici sententia quæ communiter obtinet & cæteris prævalet & a qua plures stare conserpuntur. Tertia illa est quæ docet Pontificem ut privatum doctorem errare posse & hæreticum esse: illum verò, tanquam Pontificem, & ex munere sibi imposito docentem sive præcipientem, etiam absque concilio Infallibilem esse, & ab errore immunem, scilicet in rebus fidei, & iis morum præceptis quæ res necessarias ad salutem attingunt.

C A P. VI.

De Ecclesiæ Romane Particularis Infallibilitate.

Bellarm. Lib. 4. de Rom. Pontif. hæc est propositio, non solum Pontif. Rom. non potest errare in fide, sed neque Romana particularis Ecclesia, ut verò clariùs mentem suam explicet, observat primò in alio sensu accipi diverse firmitatem Ecclesiæ Rom. in fide, & in alio fidem Pontif. Nempe ex illius mente Pontifex est fidei Judex infallibilis, ideoque dicitur non posse errare in fide; ejusmodi verò Judicium ad Ecclesiam Rom. ut à Pontifice est distincta, non pertinet, sed dicitur tantum modò in fide errare non posse, quia ut opinatur ille, fieri non potest ut nulli sint in Ecclesia Rom. fideles Pontifici adherentes, adeoque ut tota Ecclesia Rom. efficiatur Apostolica, quamvis alioqui singuli eorum qui Ecclesiam Rom. constituunt ab errore non sint immunes.

Secundo loco observant dupliciter adhuc intelligi posse Ecclesiam Rom. errare non posse eo modo qui jam explicatus est; uno modo ex hypothese quod persistat ibi Pontificia sedes, secus autem si sedes auferatur; altero modo ut simpliciter non possit errare vel deficere quia sedes Apostolica non possit unquam Româ alio. transferri. Primo modo nempe quod Ecclesia Rom. errare non possit, stante ibi Pontificiâ sede, propositionem Bellarm. pro verissima habet & certissimâ. Sed Posteriore sensu, videlicet, quod Ecclesiâ Urbis Romæ deficere non possit, quia Pontificia sedes ab eâ separari & auferri non potest, sententia quidem Bellarm. videtur pia & probabilissima, non tamen adeò certa ut contraria dici possit hæretica, vel manifesti erronea. Agnoscit enim Bellarm. nec Scripturam Sacram, nec traditionem apertè docere Pontificis sedem ita fixam esse Romæ ut inde auferri non possit: verum tamen istud multis argumentis probabile reddere conatur, quæ in re quoque Bellarm. ad stipulante[m] habet Greg. de Val. Analys. fid. Lib. 7. Cap. 12. at verò reclamat Dominicus a Soto, alique permulti, qui Pontificis sedem ita fixam esse Romæ nolunt, ut inde Authoritate Ecclesiæ avelli non possit, atque ex Posteriorum istorum sententia sequitur Ecclesiam Rom. particularem simpliciter errare & deficere posse, quando quidem ad cæterarum Ecclesiarum particularium conditionem redigi potest.

Sed præterea multi sunt in Ecclesiâ Rom. qui nequidem stante Romæ Pontificiâ sede, concedent Ecclesiam Rom. particularem in fide errare non posse, omnes ii scil. qui nolunt Papam absque Synodo generali in ipsis rebus fidei esse Infallibilem: & Infallibilitatem in fide esse volunt penes solam Ecclesiam universalem, & concilium quod illam repræsentat. Nam si Romanum ipsum Pontificem non existimant esse ab errore immunem, multo minus id tribuent Ecclesiæ

Ecclesiæ Urbis Romæ, cujus si qua sit ab errore immunitas tota pendere censetur à Pontificis Infallibilitate.

C A P. VII.

An Pontifex Rom. adeoque omnes Ecclesiæ Præsules jurisdictionem habeant verè coactivam, ita ut possint leges condere quæ obligent in conscientia, & judicare & punire transgressores.

AD quæstionem hanc probè intelligendam ex Pontificiorum Theologorum mente ante omnia hic distinguenda est duplex potestas sive Autoritas, una scilicet directiva tantùm, alia verò etiam coactiva. Autoritas sive potestas directiva illis competit qui ex munere docent & præscribunt quid sit agendum, licet nullis pœnis compellere possint ad ea facienda quæ ipsi facienda esse judicaverint, neque etiam quis sese peccato aliquo obstringat simpliciter & præcisè quoniam non fecit illud quod ab ipsis præscriptum fuit. Talius Autoritas convenit verbi gratiâ medico erga Regem, qui secundum artis præcepta & Regulas dietam & rationem seu modum vivendi præscribit ut possit morbos cavere, aut a morbis convalescere. Nec in genere alia est potestas seu autoritas doctorum & peritorum in facultate & arte qualibet etiam eorum qui publicè vocati sunt ut Christianam pietatem & rationem bonè honestèque vivendi doceant & profiteantur. Etenim eorum præcepta & documenta, quatenus simpliciter ab eis proficiuntur, non eo modo ligant hominum conscientias ut necessariò sit ipsis obtemperandum, aut in peccatum aliquod incurrendum, sed si obligandi vim habent aliunde illam habent, inde scilicet quod sunt ex ipsa lege divinâ hausta atque deducta.

Autoritas verò sive potestas coactiva reperitur in illis qui auctoritatem habent non simpliciter præscribendi quid sit agendum atque faciendum, sed ita jubendi & præcipiendi ut peccatum sit illis non parere, adeoque jus ei competat pœnis aliquibus coercendi eos qui mandatis illorum non parent, hæc autem coactiva Autoritas atque potestas, Jurisdictio propriè appellatur, quod nomen priori illi quam directivam vocamus non rectè tribuitur.

Præterea notandum est duplicem esse Jurisdictionem, spirituales unam & temporalem alteram. Temporalis Jurisdictio est quod convenit Principi sive magistratui politico qui scilicet jure potest sibi subditis imperare, quoad ea quæ ad publicam & externam Pacem Reip. spectant, & iis necessitatem parendi imponere, gladio, aliisve pecuniariis seu corporalibus pœnis animadvertens in eos qui obedire recusant.

Spiritualis verò Jurisdictio convenit iis qui juxta divinam institutionem sic Ecclesiæ præfunt ut possint in iis quæ Dei cultum spectant & animarum æternam salutem ea præcepta & mandata dare quæ, quatenus ab eis profecta, conscientias hominum obligant ad parendum, adeoque ea sibi demandata divinitus Autoritate polleant ut jure liceat ipsis transgressores punire spiritualibus pœnis qualis est excommunicatio, suspensio, &c.

Porrò hic nondum quæstio est de Jurisdictione aliqua temporali, an ea sit scilicet, an Rom. Pontifici, & Episcopis sub eo conveniat, quæ de re Deo favente inferius agetur, sed solum de Jurisdictione istâ spirituali quam modo descripsimus.

Itaque non quæritur an Rom. Pontifex & alii quicunque sunt Ecclesiæ præ-

sules

sules possint leges quasdam politicas condere, & gladio uti Temporalis in illos qui eas non servant, aut eodem gladio & Civilibus pœnis Leges Ecclesiasticas à se positas vindicare. Sed queritur an Episcopi, & præcipue Episcopi Rom. possint, vi muneris sibi à Christo demandati, condere leges quasdam spirituales, quæ ad commune Ecclesiæ bonum & animarum salutem referantur, & an ejusmodi Leges fideles obligent in conscientia, & prævaricatores constituent eos qui contra faciunt; adeoque an Legum istarum transgressores ab Episcopis possint Legitimè puniri spiritualibus pœnis, quales a nobis ante memoratæ sunt? Omnia ista docent doctores Ecclesiæ Rom. postquam enim sibi probasse vili sunt Episcopum Rom. totius Ecclesiæ Christianæ Principem à Christo constitutum esse, inde colligunt illum veram Jurisdictionem habere in omnes fideles in spiritualibus, ut habent Reges in Temporalibus, ita ut quemadmodum Reges possunt Leges varias condere de rebus Terrenis atque civilibus quæ subditos ita obligant, ut, salvâ conscientia, non possint non eas observare, sic quoque Rom. Pontifex possit circa Dei cultum & Ecclesiæ disciplinam eas sancire Leges, quibus fideles omnes in Conscientiâ teneantur parere: ac Rursus sicut Terreni Principes possunt variis multis & pœnis temporalibus Legum suarum violationem ulcisci, sic etiam Rom. Pontifex jus habeat utendi pœnis quibusdam Ecclesiasticis in eos qui leges suas transgrediuntur, veluti interdicto, excommunicatione, suspensione aut depositione à sacris ordinibus, & si quæ sint istiusmodi.

Quod autem dicunt de Rom. Pontifice universalis Ecclesiæ respectu, idem quoque, servatâ proportionem, docent de Reliquis Episcopis, respectu Ecclesiarum illarum particularium quibus præfecti sunt. Volunt enim illos esse totidem sub illo summo Principes Ecclesiasticos qui in suâ quique ditione possint condere Leges verè conscientiam subditorum obligantes, & pro suo quoque jure in transgressores animadvertere sub quadam judicii formâ.

Porro istud de legibus tantum iustis Intelligi volunt. Ut autem Lex sit iusta conditiones quatuor requirunt. 1. Ex parte finis, ut ad bonum commune ordinetur, non verò ad privatam utilitatem ejus qui Legem fert. 2. Ut qui legem constituit auctoritatem habeat in eum cui vult imponere. 3. Ut ejusmodi Lex Legi Divinæ contraria non sit, veluti si per eam prohiberetur virtus, & vitium præciperetur. 4. Denique ut modo & ordine debito Lex constituatur atque promulgetur, & æquam & congruam proportionem servet in oneribus ac pœnis imponendis & honoribus distribuendis. Etsi autem agnoscant Legem injustam non esse propriè Legem, adeoque ex vi suâ Conscientiam non obligare, de legibus tamen injustis distinguunt, etenim leges quæ sunt injustæ ratione materiæ, id est, quæ sunt juri Divino contrariæ docent simpliciter non esse servandas: quæ verò sunt injustæ alicujus tantum conditionis defectu servandas esse docent, si scandalum ex iis non servatis secuturum sit. Rom. verò Pontificem in totâ Ecclesiâ & Episcopos singulos in suis Diocœsibus eâ Authoritate præditos esse volunt ut quæcunque justæ Leges ab iis Latæ fuerint conscientiam subditorum obligent, adeoque possint illi de illis qui leges suas violaverint more aliorum judicium cognoscere, & in eos animadvertere.

Itaque volunt Leges Rom. Pontificis & aliorum Ecclesiæ præfulum Conscientiam fidelium ligare, & actum qui foret alioqui Indifferens reddere necessarium, & per se bonum, neque Licere eas non servare, etiam citra contemptum & scandalum, ut videre est apud Bellarm. de Rom. Pontif. Lib. 4. Cap. 15. & 16. Adeoque violationem hujusmodi Legum hominem Dei Judicio & æternæ damnationi obnoxium reddere.

Ecclesiastica tamen instituta distinguunt, nec enim omnia volunt esse leges propriè dictas, sed præter Leges absolutas quibus ex ipsorum mente Christiani omnes tenentur, ut sunt Leges de festis & Jeuniis solennibus servandis, item de confessione singulis annis faciendâ, & de Sacra communione habendâ in Paschate, volunt esse multos ritus & pias Institutiones quæ leges propriè non sunt, & quas qui non observant necessariò culpâ non tenentur, nec enim peccant, inquit Bellarm. qui citra contemptum, vel non recitant Angelicam Salutationem, vel non sumunt Ramum olivæ in die palmarum, vel non tendunt pectus tempore Sacrificii, de Rom. Pontif. Lib. 4. Cap. 18.

Ecclesiasticas

Ecclesiasticas autem Leges propriè dictas nolunt aliter fideles in conscientia obligare, & transgressores reos eternæ mortis facere, quam ipsas principum politicas leges, quibus docent conscientiam subditorum ligari, & actum indifferenter necessarium & per se bonum reddi, adeo ut qui iis juxta verbum Dei non paret apud Dei Tribunal damnationis eternæ reus efficiatur, ut videre est apud eundem Bellarm. libro sæpe citato, cap. 16. dum ex principio cap. 13. Epistolæ ad Rom. sententiam suam probare conatur.

Quantum attinet autem ad nostros Theologos, non opus est monere illos Pontific. Romano tanquam dirissimo in Ecclesia Tyranno auctoritatem omnem abrogare, ut ex ante dictis satis manifestum est; nec etiam est hic locus querendi, quanta sit Episcoporum supra Presbyteros potestas, quidque hac in re illi possint habere eximium, quod tractandum erit cum agatur de Ministris Ecclesiasticis. Hic solum exponemus quæ & quanta sit eorum qui Ecclesiæ præsumt, quicunque sint illi, potestas & auctoritas in statutis & legibus condendis atque vindicandis, & quid hac in re possit esse controversiæ inter nos & Doctores Ecclesiæ Romanæ.

Primum igitur Theologi nostri in eo conveniunt sigillatim & distinctè in verbo Dei præscripta & dictata non esse omnia quæ spectant rationem divini cultus celebrandi, & Ecclesiasticæ Disciplinæ ordinem ad minutores usque circumstantiarum determinationes; quod quidem in istis est substantiale & necessarium abundè in sacrâ scripturâ exponitur, nec opus habet aliunde suppleri; sed quod attinet ad varias harum rerum circumstantias, sunt illæ arbitrio, & prudentiæ Ecclesiæ relictae sub hac generali regulâ & cautela ut omnia fiant ordine & decenter in Ecclesia Dei. Jussit Deus ut verbum ipsius publicè perlegatur, proponatur & exponatur, & Sacramenta ab ipso instituta debite celebrentur; & testatus est se velle à nobis coli privatim & publicè precibus, Psalmis, Hymnis, & Canticis; & sibi esse grata jejunia quibus apud ipsum homines testentur suam humilitatem, & carnis proterviam edomare conentur; sed tamen sigillatim non declaravit, quo loco, quo tempore, quo habitu, quo gestu, & quibus ritibus ista singula peragi debeant, neque præscribit certam publicæ Liturgiæ formam. Ideoque Rectores & præpositi Ecclesiæ possunt & debent ista declarare, & habitâ temporum & locorum ratione, constituere, quomodo & quo ritu istorum quodque fieri debeat.

Idemque dico de usu clavium, & potestatis ligandi & solvendi quæ ipsi est à Christo tributa. Jussit enim Christus & sanxerunt Apostoli ut peccatores & ii qui cum scandalo aliorum vivunt, ab Ecclesiæ pastoribus corripiantur, & censuris notentur, & etiam si res postulet ejiciantur ex fidelium cœtu atque communione; sed in particulari non edixerunt, quâ viâ, quo modo & ordine adversus ejusmodi peccatores procedendum sit, qui gradus, quæ moderatio, & quæ cautela debeant observari in correctionibus & censuris istis adhibendis, & quod crimen, quam notam & poenam mereatur. Propterea opus fuit ut ii quos Christus Ecclesiæ præfecit varios ederent Canones circa exercitium istius disciplinæ ab Apostolis & Christo institutæ, ne res abiret in turbam atque confusionem.

Itaque Theologi communi consensu agnoscunt non tantum liquisse sed necessarium omnino fuisse Ecclesiæ præpositis varios edere disciplinæ Canones, & certam divini cultus & administrationis Sacramentorum formam constituere, ut juxta præceptum illud Apostolicum, omnia fierent ordine & decenter in Ecclesia Dei; neque eos quidquam à suo munere alienum facere, si quando Ecclesiæ publicum aliquod jejunium indixerint, aut diem aliquem dedicerint & consecrent gratiarum actionibus sollemniter Deo reddendis graves aliquas ob causas. Præterea docent fideles hujusmodi Canonibus & Constitutionibus ultrò debere sese subjicere ut pareant isti divino & Apostolico præcepto, *Obedite præpositis vestris qui curam gerunt animarum vestrarum*. Nec existimant quemquam posse sine peccato & conscientie labe negligere & aspernari quæ ab Ecclesiæ pastoribus & rectoribus benè constituta sunt, & illum qui vitam & actiones suas secundum ecclesiasticæ disciplinæ regulas etiam in iis quæ non sunt expressè verbo Dei præscripta componere recusat, gravi sese contumaciæ & rebellionis crimine obstringere affirmant.

Immo istiusmodi negligentia & rebellionis vindictam Deo soli non relinquunt,

(G g)

sed

sed docent & sua quoque praxi confirmant eos qui ultrò & scienter negligunt ea quæ sunt sapienter ab Ecclesiæ pastoribus & præpositis constituta & ecclesiasticam disciplinam violant, non tantum debere argui & corripi, sed posse apud confessum Ecclesiæ pastorem & seniorum citari, & pro delicti cuiusque gravitate & modo variis censuris notari & plecti poenis ecclesiasticis, quales sunt suspensio, & excommunicatio, & à ministerio sacro depositio, quæ omnia sunt apud nos in usu.

Sed de ecclesiasticis istis sanctionibus omnes Theologi nostri non eodem modo loquuntur. Quidam enim Leges dici nolunt, ut Calvinus, Tilemus, & alii, sed solum *διατάξεις* ordinationes & constitutiones *de iure* definitiones, canones, regulas. Sunt verò qui leges sine scrupulo vocant. In eo tamen conveniunt omnes sanctiones illas non esse leges strictè & propriè dictas, sed tantum latiori quâdam significatione. Nam ut lex sit propriè dicta requiritur in eo à quo illa fertur potestatem *αὐτοκράτορος* summam & absolutam qualis in Ecclesiâ soli Deo competit; Ecclesiæ verò præpositi potestatem solum habent economiam & ministerialem. Præterea in omni lege propriè dicta requiritur vis coactiva. Sed Ecclesiæ sanctiones ex Theologorum nostrorum sententiâ, vim habent solum directivam. Non negant quidem, ut patet ex jam dictis, Ecclesiæ Sanctiones obligare ad obedientiam, & qui eis parere recusant peccato sese obstringere. Imò etiam pastores & seniores jus habere fideles compellendi censuris & poenis ecclesiasticis ad observationem sanctionum illarum, sed tamen duplici nomine vim coactivam illis deesse volunt. Et primò quidem, quia qui sunt Ecclesiæ rebelles, & non tantum constitutiones sed etiam censuras Ecclesiæ contemnunt, non possunt externâ vi ad obsequium cogi ab Ecclesiæ præpositis, quâ ratione Princeps politicus eos qui sibi subditi sunt cogit ad obedientiam. Deinde quia ecclesiasticæ sanctiones conscientiam per se non obligant, quemadmodum præcepta Dei qui solus conscientiæ pro suo jure imperare potest. Nam ecclesiæ constitutiones fideles quidem servare tenentur, nec possunt illas violare & negligere, sine quâdam conscientiæ læsione. Verum id non fit, quoniam Ecclesiæ prædicti conscientiæ eorum dominantur, sed quia qui Leges Ecclesiæ violat transgreditur illud generale præceptum, quo jubemur *obedire præpositis nostris qui curam animarum nostrarum gerunt*. Ac præterea quæ decretis Ecclesiæ constituta sunt & Canonibus sancita, non ideo sunt res per se bonæ & Deo placentes, sicut bonum est Deo confidere & Deum invocare, sed simpliciter in se ex naturâ suâ manent res indifferentes: Estque res bona atque Deo grata, ut ejusmodi statuta servemus, verum non quia actui cuiuspiam possint intrinsecam aliquam bonitatem conferre, sed quia ista ad ordinem & decorum in Ecclesiâ servandum aliquid faciunt, & quia Deus gratum habet ut potestatibus ab ipso ordinatis nos subijciamus, sicut servi & filii familias qui faciunt ea quæ sunt à Patribus & Dominis imperata Deo gratum aliquid faciunt, licet in rebus ipsis imperatis nihil sit quod naturâ suâ acceptum Deo & gratum esse possit: & quamvis illa quæ statuunt Ecclesiæ præpositi ad cultum Dei referantur, nullis tamen hominum mandatis Deus propriè & per se colitus, sicut colitur precibus, gratiarum actione, &c.

Atque quod inde consequens est, transgressio legum ecclesiasticarum, non est peccatum simpliciter propter rei ipsius tanquam malæ usurpationem, sicut est transgressio legis de non mentiendo aut adulterando, sed propter alias causas, easque tres potissimum; nempe si profecta sit vel ex contemptu autoritatis legitime, vel ex neglectu fraternæ ædificationis, vel denique ex propriâ impietate & prophana licentia & intemperantia.

Adeoque hæc leges non tam arctè obligant quam præcepta divina, nec efficere possunt ut res naturâ suâ libera atque indifferens necessaria simpliciter fiat, & non amplius in se liberæ observationis, quandoquidem simpliciter sunt ab hominibus mutabiles, & varii casus incidere possunt, ubi aliqua necessitas atque exigentia homines ab earum observatione dispensat. Sed quamquam Doctores nostri per ejusmodi leges & constitutiones negent necessitatem fidelibus imponi, & per se conscientias eorum obligari, non negant tamen quin aliquo modo observatu necessariae sint, nempe quia negligi non possunt quin pax & ordo Ecclesiæ turbetur, & contemnatur autoritas à Deo constituta, quo respectu fateamur & agnoscimus illis conscientias hominum teneri atque obligari.

Itaque

Itaque ex sententiâ Theologorum nostrorum leges illæ observari necessariae non sunt simpliciter & propter se, sed secundum quid, & propter aliud; & licet conscientias hominum per se non obligent, conscientiae tamen fidelium ad illas observandas aliunde teneantur, atque obligantur.

Quod verò Theologi frequenter dicunt eos non peccare & reatu aliquo conscientias obstringere qui leges illas non observant, modo contemptus & scandalum ablit, id ita accipiendum non est quasi doceant aliquem posse tuto eas negligere, modo nullus adit qui possit inde offendi, neque is qui eas negligit id faciat expresse & destinato animo in contemptum authoritatis ecclesiasticae; nam ex sententiâ nostra, quicumque citra justam causam aut aliquam necessitatem negligit ea quæ sunt ab Ecclesiâ benè constituta, & non paret Canonibus disciplinæ ecclesiasticae, proculdubio peccato se obstringit, licet nemo præsens sit, & id ille faciat solum ut animo suo obsequatur & cupiditati suæ satisfaciatur. Qui sic sese gerit, ex mente doctorum, legitimam Ecclesiæ authoritatem contemnere censetur.

Porro in istis seu legibus seu constitutionibus Theologi nostri docent cautiones multas observari debere, quibus neglectis in abusum, tyrannidem, & superstitionem facile degenerare possunt. Et primò quidem, ut sint numero quam paucissimæ & observari facillimæ, ne quod onus non necessarium fidelibus imponatur, & libertati ejus per Christum partem quadamtenus præjudicetur.

Deinde ut illæ totæ in eo solum versentur ut cultus ab ipso Deo in ejus verbo præscriptus debito cum ordine & decore exhibeatur, & disciplina à Christo instituta, quam commodè & congruè fieri potest, exerceatur, non verò ut aliquis novus cultus instituitur, & Christianæ plebi novum quoddam jugum imponatur. Nam tota illa potestas præpositorum Ecclesiæ, consistit in declarandis variis circumstantiis cultus quoad substantiam à Deo jam instituti, & disciplinæ jam à Christo præscriptæ, non verò ut edicant quomodo sit Deus colendus, & quâ ratione Ecclesiâ regenda; itaque objectum istius potestatis propriè non sunt actiones quædam à Deo non præscriptæ, sed circumstantiæ solum actionum jam institutarum.

Præterea in urgendis istis constitutionibus quæ ad decorum & ordinem necessariae judicantur Ecclesiæ præpositi ita se gerere debent ut plebs simpliciter intelligat summum esse discrimen inter Dei præcepta & ejusmodi constitutiones, nec parem inter illas & legem divinam esse dignitatem, adeoque longè acrius & instantius exigant legis divinæ quam suarum constitutionum observationem, & multò severius illius quam istarum violationem vindicent.

Denique cavendum est ne quid instituatur frivolum atque inutile, & quod aliquatenus superstitionem oleat, ne quæ bene sint instituta lapsu temporis vertantur in abusum & superstitionem, & plebs nimium iis adhæreat, quasi res essent per se Deo gratæ, & quibus Deus per se & præcipue colatur. Existimant ea quæ sunt ejusmodi potius tollenda & abolenda esse quam cum periculo retinenda.

Ex his autem ita expositis colligi facile potest quousque conveniat nostris cum Doctoribus Ecclesiæ Romanæ, & quid hic possit esse controversiæ.

Igitur primo consensus est illos qui Ecclesiæ ex Dei instituto præsunt posse varia circa formam divini cultus & disciplinæ ecclesiasticam constitutere, adeoque ejusmodi constitutiones necessariae esse ut ordo & decorum in Ecclesiâ servetur.

In eo quoque convenimus constitutiones injustas, id est, tyrannicas, ineptas, superstitiosas & frivolas conscientiam non obligare, & fideles ad eis patendum non teneri nisi fortè quibusdam, & aliquando ratione scandali tantum. Si quæ verò injustæ sunt, & sint præceptis divinis contrariæ, fideles teneri eis non parere. Præterea nostri omnes Pontificiis concedunt ea quæ sunt benè & ritè constituta ab Ecclesiæ præpositis, debere à populo Christiano servari, & eos qui illa negligunt & non servant, sine necessitate & excusatione aliquâ legitimâ, peccati reos apud Deum esse, ut qui violant illud Dei præceptum, *Obedite præpositis vestris*, & vicissim agnoscunt & fatentur Pontificii constitutiones injustas, id est, tyrannicas non esse observandas.

Nostrum etiam nemo negat quod urgent Pontificii, nempe qui statuta Ecclesiæ

Ecclesiæ non servant non tantum reos apud Deum esse, sed Ecclesiæ præpositos posse eos apud se citare, & re cognita, in eos animadvertere penis Ecclesiasticis & spiritualibus, quales sunt suspensio, excommunicatio, &c.

Dein quoque in eo conveniunt tum nostri tum Pontificii, constitutiones præpositorum Ecclesiæ non aliter hominum conscientias ligare, quam ipsas Principum politicas Leges, videlicet tam his quam illis esse parendum, non aliam ab causam, quam quia Deus iussit ut omnis anima subiecta sit potestatibus ab ipso ordinatis.

Neque etiam negant Pontif. quod nostri maxime urgent, nempe magnum esse discrimen inter divina mandata & hominum constitutiones, & illa istis longè anteponi debere & conscientiam arctius obligare, adeoque in istis constitutionibus & ceremoniis Ecclesiasticis, summam Religionis constituendam non esse, & ipsam cultus Divini substantiam, ad quam ista externa sunt. Unde fit ut qui in istis Cæimoniis hærent, & eas pluris faciunt quam Divinam Legem, similes sint Æsopico cani qui propter umbram panis relinquit panem ipsum, ut videre est apud Bellarm. de Rom. Pontif. lib. 4. cap. 10. responsione ad quartum Argumentum.

Et de istis quidem conveniunt tum Nostri tum Pontificii, sed tamen in multis videntur sibi contradicere. Primum est, quod Theologi nostri aut saltem multi, Ecclesiasticas constitutiones nolunt dici & esse leges proprie dictas. Pontificii verbò communi consensu docent, leges debere dici, & habere rationem Legum proprie dictarum, sed merum hic est de voce certamen. Nostri enim nolunt esse Leges proprie dictas, quoniam Deus est unicuique Legislator, ut apud Jacobum legitur, unde sequitur ne quidem Politicorum Principum statuta eo respectu esse leges proprie dictas. Pontif. ultrò fatentur Deum esse Legislatorem eximio quodam sensu qui nulli homini competat, sed tamen sicut Principum politicorum statuta solenne est Leges vocare, & Principes qui eas ferunt dicere Legislatores, sic quoque eo & non alio sensu quæ constituunt illi qui juxta Dei voluntatem Ecclesiæ præfunt leges dici debere contendunt. Simile est quod Pontificii affirmant istas constitutiones habere vim coactivam, nostri verbò negant, & tribuunt eis solum vim directivam. Pontificii dum legibus Ecclesiasticis vim coactivam tribuunt, non aliud per hoc intelligunt quam fideles teneri Dei præcepto eas observare, quod si negligant eos peccatum incurere, ac præterea Ecclesiæ Rectores posse contra legum istarum transgressores Ecclesiasticis penis ac censuris agere, & de violatione illarum cognoscere; quod utrumque, ut ante dictum est, Theologi nostri fatentur. Cum verbò negant eas habere vim coactivam, sed solum directivam, videntur hoc tantum velle, Leges Ecclesiasticas conscientias non eodem modo cogere atque obstringere, quo ipsa Legis moralis & divinæ præcepta quæ directè & per se conscientias hominum obligant, neque etiam posse Ecclesiæ præpositos externâ vi & penis civilibus cogere homines contumaces ad earum observationem, quarum neutrum doctores Pontif. hic saltem affirmant.

Deinde istas Ecclesiasticas seu Leges seu Constitutiones Pontificii affirmant conscientias hominum obligare, hoc verbò Theologi nostri negant, sed non eodem sensu, adeoque hic etiam videtur esse mera *λογμαχία*; cum enim negant Theologi nostri, Ecclesiasticas constitutiones obligare in conscientia, id tantum sibi volunt, illas esse de rebus quæ sunt per se licitæ atque indifferentes, neque homines teneri illas observare, ratione materiæ sive rerum ipsarum præceptorum aut prohibitarum, sed tantum propter istud generale mandatum, *obedite præpositis vestris*, & ratione finium ad quos ejusmodi res referuntur & ordinantur, scilicet Ecclesiæ pacem & *intrafiar*. Secus est de præceptis ipsius Legis Divinæ, præcipue Moralibus; etenim præceptis Divinis, non vi cujusdam alterius præcepti, sed propter ista, tenemur in Conscientiâ parere, ac propterea eorum transgressio mala est propter rei ipsius præcepta sive prohibita omissionem vel usurpationem, ut videre est in præcepto de non mentiendo aut adulterando, aliisque similibus. Pontificii verbò cum dicunt Leges Ecclesiasticas obligare in Conscientiâ non aliud innuunt, quam eos qui Leges illas non observant conscientiam lædere & peccato pollueri, quia transgrediuntur divinam illam Legem quâ præpositis nostris obedire jubemur, quomodo etiam lædunt qui

qui magistratui politico non parent propter eandem rationem quam respicit illud Pauli, *non tantum propter iram, sed propter conscientiam*; facile verò concedent inter Legem Divinam & Leges Ecclesiasticas reperiri ea discrimina quæ jam annotata sunt.

Præterea Pontificii asserunt Leges Ecclesiasticas reddere rem quæ est alioqui licita & indifferens, per se bonam illam præciendo, per se malam illam prohibendo, hoc verò etiam nostri negant; Verùm Pontificii non aliud per id significare volunt, quam, per se bonum esse facere quod jubent præpositi nostri, & per se malum esse facere ea quæ prohibent, licet jubeant sive prohibeant res quæ alioqui essent adiaphoræ, sicut cum Pater Filio aut herus servo jussit ut eat huc aut illuc, vel prohibuit ne domo exeat; filius atque servus, dum exequuntur rem jussam, faciunt bonum opus, & funguntur officio, cum verò faciunt quod prohibitum, peccatum admittunt, & culpæ rei sunt. Istud autem nostri insiciantur, sed hoc solum in animo habent, res per se indifferentes non acquirere intrinsicam ullam sive bonitatem, sive malitiam, ex eo quod quædam superior potestas seu Politica seu Ecclesiastica illas jubeat sive prohibeat, sicut intrinsicè bonum est Deum amare & ei confidere, intrinsicè verò malum, pejorare, & intemperanter vivere. Sed si tollas respectum ad jurisdictionem illam superioris, & divinum præceptum quod auctoritatem illi conciliat, rem simpliciter manere in se & ex naturâ suâ licitam & indifferentem, quod Pontificii ultro confitebuntur.

Eodem quoque modo Pontificii dicunt vi Legis alicujus seu Politicæ seu Ecclesiasticæ actum per se liberum reddi necessarium, id verò negant nostri Theologi. Sed mens Pontificiorum non est per Legem humanam atque positivam, aliquid posse reddi necessarium simpliciter & absolute, quomodo necessarium est Deum amare & in eum credere, verùm id solum non liberum sed necessarium esse obedire præpositis nostris recta & licita jubentibus; quod nostri negare nolunt, sed tantum eorum præceptis & constitutionibus, nihil eo modo necessarium reddi, quomodo necessaria sunt quæ Lex ipsa divina præcipit.

Denique Theologi nostri frequenter docent & urgent Leges humanas atque Ecclesiasticas non obligare extra contemptum & scandalum; Pontificii verò contrarium affirmant. Sed ne in eo quidem videtur esse alius quam de verbis dissensus; nam, ut ante ostensum est, minimè volunt Theologi nostri aliquem posse tuto negligere quæ constituunt & jubent Ecclesiæ Rectores auctoritate suâ legitime utentes, modo ne adsit ullus qui scandalum indeumat, aut qui ita se gerit, id non faciat expressè in contemptum auctoritatis Ecclesiasticæ; ut si quis cum publicum jejunium indictum apud se epularetur nemine sciente, & non alio sine quam ut edendi & bibendi cupiditatem expleat. Nam per contemptum intelligunt non tantum contemptum expressum, sed etiam, ut loquuntur Scholæ, contemptum interpretativum, & censent eum contemnere Ecclesiæ constitutiones qui eas non observat sine necessitate & iustâ aliquâ de causâ, quâ solâ posita volunt posse fideles liberâ conscientia eas non servare. Pontificii verò quantumcunque tribuant Legibus Ecclesiasticis, non negant tamen sæpè necessitatem aliquam & causam rationabilem ex observatione earum dispensare; nam exempli gratiâ existimant morbum, ætatem, ac functiones alicujus muneris publici posse fideles eximere a necessitate servandi jejunia quæ sunt in Ecclesiâ Rom. lege sancita; ut proinde manifestum sit, cum dicimus Leges Ecclesiasticas posse non servari, modo absit contemptus, nos contemptum latius sumere, pro contemptu non tantum expresso, sed, ut dictum, interpretativo; cum verò Pontificii dicunt leges illas etiam citra contemptum obligare, contemptum sumere strictius & solum pro contemptu expresso.

Eodem referri posset quod Theologi nostri nolunt in hisce humanis institutis divinum cultum constitui. Pontificii verò docent, Deum non coli tantum per ea quæ in verbo ipsius sunt præscripta, sed etiam actibus iis quos ad Deum colendum Ecclesia instituit. Nam doctores nostri docent Ecclesiasticas constitutiones ad cultum referri, & aliquatenus ad eum pertinere, ac esse veluti ejus appendices, nec aliud negare intendunt quam Deum per se coli ejusmodi Constitutionibus, ac, ut loquuntur ipsi, *ex opere operato*, & prout coletur actibus fidei, spei, atque caritatis, ut videre est apud Bucanum loco 43. quæst. 21.

& Pontificii vicissim agnoscunt ea quæ instituunt Ecclesiæ Rectores ad divinum cultum esse externa tantum & accidentaria, & ad internos Religionis actus sese habere tanquam umbram ad corpus, nec debere cum iis præstantiâ, dignitate, & necessitate comparari: adeo ut si quid sit hic discriminis, aut exiguum sit admodum, aut in verbis tantum consistat.

Sed quamvis quantum ad Theſim attinet, & dum resita in genere & abstractè consideratur, non magna videtur esse controversia, de potestate leges in Ecclesiâ edendi, inter nos & doctores Ecclesiæ Rom. attamen cum ventum est ad hypothesim, & in singulari agitur de Ecclesiæ Romanæ institutis, tum multa sunt quæ in iis Theologi nostri reprehendunt, Pontificii verò tacentur ut bene posita.

Et primò quidem Theologi nostri queruntur de numero harum constitutionum quæ in Ecclesiâ Rom. locum habent; censent enim esse nimis multas & Christiano populo onerosas, & tantam illarum multitudinem atque varietatem Christianæ libertati non parum præjudicare. Deinde multas in iis notant ut futes, ineptas & frivolas, imò etiam ut periculosæ superstitionis plenas, & verbo Dei directè contrarias.

Præterea de coqueruntur quòd Ecclesiæ Rom. præpositi humanarum constitutionum, quales sunt Leges de statis jeuniis, & de discrimine ciborum, impensius commendent, acrius urgeant, & severius vindicent, quam obsequium quod ipsis præceptis divinis debetur.

Denique accusant præfules Ecclesiæ Rom. quod potestatem illam summam nimis extendunt, neque contenti suis constitutionibus ea tantum declarare quæ conducunt ad decore & commode exhibendum cultum à Deo jam in verbo suo præscriptum, & exercendam disciplinam à Christo institutam, instituunt quædam quæ sint quoad substantiam prorsus nova, & nova quædam actionum genera, quibus Religionem & cultum aliquem assingunt; ut, verbi gratiâ, usum aquæ lustralis, agnorum cereorum, & plura hujusmodi. Cùm Theologi nostri Ecclesiæ leges & constitutiones circa aliud versari nolint, quam circa meram declarationem variarum circumstantiarum disciplinæ & cultus jam à Deo præscripti, non verò circa actus quosdam de novo instituendos.

C A P. VIII.

An Christus soli Pontifici Rom. Ecclesiasticam jurisdictionem immediate contulerit, ab eo verò ad alios Episcopos derivetur?

DOctores Ecclesiæ Rom. in Episcopis duplicem potestatem distinguunt. Una est quam vocant ordinis, altera quam vocant jurisdictionis. Per Potestatem Ordinis in Episcopis intelligunt potestatem exercendi actus quosdam quos censent gradui & dignitati Episcopali proprios, & qui pendent a vi characteris quem imprimi censent, dum quis suscipit ordinem illum, quale est conficere & ministrare posse Sacramentum ordinis & confirmationis, quod ad alium quam Episcopum pertinere non existimant.

Potestas autem jurisdictionis rursus ab eis distinguitur in eam quæ est jurisdictionis interioris, & in aliam quæ est jurisdictionis exterioris. Per potestatem jurisdictionis interioris intelligunt, illam qua populus Christianus in foro conscientie interiori regitur, dum scilicet coram ipso Deo vel à peccatis aliquis absolvitur, vel peccata ejus retineantur, quod fieri existimant in administratione Sacramenti poenitentiae.

Per

Per exteriorem vero jurisdictionem intelligunt potestatem statuendi & curandi quæ spectant ad externum Ecclesiæ ordinem, itemque potestatem excommunicandi & plectendi pœnis aliis ecclesiasticis, & ab eisdem pœnis, cum opus est, absolvendi.

Porro Doctores omnes Ecclesiæ Romanæ communi consensu docent potestatem ordinis Episcopis, dum ordinantur, immediate à Deo conferri, non verò immediate per Pontificem Romanum; ac præterea de illa interiori jurisdictione magna inter eos dissentio non est, & plerique omnes consentiunt illam quoque immediate à Deo tribui & conferri.

Sed multum inter se disputant de exteriori jurisdictione quâ Episcopi pollent in suis Ecclesiis, an scilicet illam à Deo immediate habeant, an verò in ipsos à Pontifice Romano derivetur? Hic autem observandum est aliud esse querere an exterior ista Episcoporum jurisdictio sit de jure divino, An verò illam à Deo immediate habeant. Nam quod sit de jure divino Pontificiorum, quod sciam, nullus negat, id est, communi consensu agnoscunt de jure divino esse ut Ecclesiæ Christiana administraretur per Episcopos, qui Ecclesias particulares regant, & externum in iis ordinem procurent; adeo ut Romano Pontifici non sit licitum ordinem illum seu modum regiminis mutare, & alium instituere; sed tota quæstio est, An Deus voluerit ut Episcopi suam jurisdictionem ab ipso immediate acciperent, sicut immediate accipere censetur Episcopus Romanus, An verò mediate per Romanum Pontificem, quæ solus ecclesiasticam jurisdictionem à Deo immediate accipiat, aliis verò Episcopis conferat ex Dei instituto.

Tres autem sunt diversæ de hac re sententiæ in Ecclesiâ Romanâ. 1. Est maximorum Papæ adulatorum qui volunt ita summo Pontifici collatam esse à Christo jurisdictionem ecclesiasticam ut in Ecclesiâ Christianâ nulla sit, vel unquam fuerit, quæ ab ipso non derivaretur, adeo ut Apostoli ipsi jurisdictionem, quam in totam Ecclesiam habebant & exercebant, non immediate à Christo habuerint, sed à Petro, quem volunt fuisse primum Pontificem, & multo magis hodie Episcopi jurisdictionem suam non à Christo, sed à Papa immediate accipiant. Sic docet Joannes de Turrecremata lib. 2. cap. 54. Summæ de Ecclesiâ, & Dominicus quidam Jacobaticus lib. 10. de concil. art. 7. referente Bellarm. de Pontif. Rom. lib. 4. cap. 22.

Secunda sententia est ipsius Bellarm. loco modo citato, & aliorum multorum, quos ibidem recenset. Illi fatentur Apostolos quidem non à Petro, sed immediate à Christo accepisse omnem suam autoritatem & jurisdictionem, at tamen volunt Episcopos suam autoritatem & jurisdictionem non immediate à Christo, sed à Pontifice summo accipere.

At verò sunt alii qui docent Episcopos omnes immediate à Christo non à Pontifice Romano accipere totam illam quæ illis competit jurisdictionem tam externam, quam internam. Sicut Apostoli quicquid jurisdictionis habuerunt, totum immediate à Christo acceperunt, non secus ac in aliquo regno regii omnes judices non solum supremi, sed subalterni, quoque suam jurisdictionem immediate a Rege accipiunt, non verò inferiores judices a supremis, licet dependenter ab illis jurisdictionem suam exercent, ut Episcopi suam cum quâdam dependentiâ ab Episcopo Romano; ita docet Franciscus de victoriâ in relectione secunda de potestate Ecclesiæ, quæst. 2. & Alphonsus a Castro lib. 2. cap. 24. de justâ hæreticorum punitione. Itemque Richierus libello de potestate politica & ecclesiastica, adeoque omnes illi qui Gallicanæ Ecclesiæ libertatem tuerentur, & Papam concilio generali submittent.

Nostri autem Theologi rem breviter conficiunt. Cùm enim in Ecclesiâ nullum caput & Monarcham præter Christum agnoscat, communi consensu docent omnes Ecclesiæ pastores & ministros potestatem omnem quam habent immediate à Christo accipere, licet ordinarie concurrat hominum negotium per quod juxta Christi institutionem eliguntur & ordinantur.

CAP. IX.

De Potestate temporali Papæ, & aliorum Ecclesiæ præpositorum.

DE hac potestate quæstio duplex est. 1. An Pontifex, ut talis vi sui pontificatus, temporalem aliquam potestatem habeat. Altera, An Pontifici, adeoque aliis Ecclesiæ præpositis conveniat jurisdictionem temporalem exercere, & temporalem gladium gerere, licet alio titulo, id est, An congruum sit, & institutioni divinæ non adversum, ut unus idemque homo sit princeps politicus & Ecclesiæ pastor.

Quod ad priorem quæstionem attinet variæ sunt in Ecclesiâ Romanâ sententiæ, & primo quidem Canonistæ quos vocant. Id est juris pontificii Doctores atque Interpretes docent Papam Romanam jure divino habere plenissimam potestatem in universum orbem terrarum, tam in rebus politicis quam ecclesiasticis, adeoque Papam esse totius orbis Dominum & Monarcham temporalem, penes quem sit directè & absolute regna & principatus dare, tollere & transferre. Inter alios Doctor Marthæ de jurisdic. parte 1. Capite 18. num. 1. referente Joanne Barclaio vindiciarum pro regibus adversus Bellarm. cap. 5. parag. 2. *Non obstantibus*, inquit, *precedentibus rationibus contrarium deciditur in hoc textu, videlicet summum Pontificem habere summam potestatem in temporalibus, non solum habito respectu ad spiritualia, sed etiam ad temporalia naturaliter & temporaliter*; & cap. 20. num. 32. *Ex his sequitur intentæ conclusio, Imperator habet temporale Dominium temporaliter & directè in toto universo, cujus partes quantitativa sunt regna & status. Sed Imperator recipit hujus temporalis Domini exercitium à Papâ, ergo Papa habet temporale Dominium temporaliter & directè in toto universo.* Hostienlis verò teste Bellarm. lib. 5. de Pontif. cap. 1. docet per Christi adventum, omne dominium Principum infidelium translatum esse ad Ecclesiam, & residere in summo Pontifice. ut vicario summi & veri Regis Christi, & ideo posse Pontificem regna infidelium jure suo donare quibus voluerit fidelium. Hos verò Canonistas sequuntur etiam multi Theologi Pontificii, nominatim verò Augustinus Triumphus de Ancona dictus qui quæstion. 22. de potest. Ecclesiæ, referente eodem Joanne Barclaio in prolegom. adversus Bellarminum quinto asserit à Papa pendere omne jus positivum, adeo ut possit jura civilia omnia tollere in toto orbe vel in parte; item totum orbem non esse nisi unum Principatum, Principem verò esse Christum & Pontificem ejus vicarium, ideo Imperatorem ita se habere ad Papam ut procurator ad proconsulem, vel proconsul ad Imperatorem, id est, ut Vicarius ad eum cujus est Vicarius. Et quæstione septima de potestate Papæ dicit nullius Imperatoris Regis vel alterius leges seu statuta alicujus roboris esse, nisi quatenus sunt per authoritatem Papæ confirmatæ & approbatæ, quibus familia tradit Alvarus Pelagius (Episcopus Sylvensis in Hispania qui fuit Joan. 22 penitentiarius) libro de Planctu Ecclesiæ cap. 13. Ex recentiori verò Romæ, & hoc sæculo, idem docuit & scripsit Alexander Pefantius Romanus, lib. de Immunitate ecclesiasticâ & potestate Romani Pontificis quem Paulo quinto dedicavit, in eo hæc verba extant pag. 45. edit. Rom. referente Tileno animadversionibus in Bellarm. *Dico quod summus Pontifex jure divino habet plenissimam potestatem in universum orbem terrarum tum in rebus ecclesiasticis tum in politicis*: & ad marginem est scriptum, *Papa jure divino est directè Dominus orbis*: Bozius similiter librum edidit cui titulum fecit de temporali Ecclesiæ Monarchiâ & jurisdictione: & disertè libro primo cap. 1. scribit probari supremam temporalem Ecclesiæ Monarchiam, & temporalem potestatem contineri in ecclesiasticâ seu spiritali eminenter, imò formaliter & absolute per omnibus aliis temporalibus potestatibus, & lib. 2. cap. 16. ex Leonis IX verbis deducit Pontificem distinctum

distinctum accepisse Regnum terrestre, & absolute non eventivè & per accidens, ad unam & simplicem spirituales potestatem, vide Joannem Barclaium adversus Bellarm. cap. 5. parag. 2. & eandem quoque tuetur sententiam Azorius Jesuita in lit. moral. parte 2. lib. 4. cap. 19. *Concludimus, inquit, veram esse Canonici juris interpretum sententiam, Romanum Pontificem habere utramque potestatem spirituales & temporalem, &c. & politæ, Mihi, inquit, non placet modus loquendi quo unusquisque Vistoria, Soms (quos Bellarm. sequitur) quia insinuare videntur penes Papam, solum esse unam potestatem spirituales, non temporalem, &c. in jure enim canonico absolute & simpliciter dicitur Papam utrumque gladium habere, spirituales & temporalem; jure quidem & habitu, quævis usu & actu non nisi in certis quibusdam causis.* V. Am. in Bel. servato.

At verò sunt alii ex Pontificiis non pauci qui licet Pontificis Romani potestatem ad temporalia extendant, primam tamen illam sententiam tanquam nimis crudam non probant, & nonnullis distinctionibus rigorem illius emollire conantur. Isti ergo primò nolunt dici Papam esse orbis totius Dominum, & hoc quia Christus Petro suas oves tantum commisit, infideles autem non sunt oves Christi, neque qui Ecclesie præsunt possunt infideles judicare juxta illud Apostoli 1 Cor. 5. *Quid ad me, de his qui foris sunt judicare?* Et etiam quia Principes infideles sunt veri & supremi Principes suarum regionum quibus Apostolus obedire jubet etiam propter conscientiam, Rom. 13.

Neque etiam orbis Christiani voluerit esse Papam Dominum temporalem, sed Dominum illud temporale ad Principes & Reges Christianos spectare. Imò docent Papam quæ talem, nullam jure divino jurisdictionem merè temporalem habere directe saltem & per se, nihilominus tamen statuunt Pontificem in temporalia potestatem habere, imò, ut loquuntur, summam potestatem temporalem indirectè & per consequentiam, nam inquit, in ordine ad bonum spirituales Pontifex habet summam potestatem disponendi de rebus omnium Christianorum: & quamvis potestas pontificia per se propriè spiritualis sit, & ideo directe respiciat spiritualia ut objectum suum primum, tamen per necessariam consequentiam respicit temporalia, ut objectum secundarium ad quod non convertitur hæc spiritualis potestas nisi in certis casibus. Atque ut rem magis illustrent, dicunt potestatem spirituales Pontificis se habere ad potestatem temporalem Principum ut se habet ars equestris ad frænfactoria; ut enim illæ duæ artes sunt inter se diversæ, & tamen quia finis unius ordinatur ad finem alterius, una alteri præest & Leges ei præscribit, equestris scilicet frænfactoria; ita quamvis potestas politica & ecclesiastica videantur esse distinctæ potestates, tamen una alteri subordinata est, & leges ab eâ accipit, nempe politica ab ecclesiastica, quoniam finis unius ad finem alterius refertur. Alii verò similitudinem adhibent corporis & animæ, nam inquit, sicut caro & spiritus habent facultates & actiones distinctas, imò possunt caro & spiritus separatim existere, ut in Brutis & Angelis patet, & tamen ubi duo hæc conjuncta reperiuntur, quemadmodum in homine, subordinationem habent, nam caro subest & spiritus præest, ac licet spiritus non se misceat actionibus carnis, sed sinat eam exercere omnes suas actiones ut in Brutis exercet, tamen quando eæ efficiunt fini ipsius spiritus, carni imperat, eamque castigat, & si opus est, indicit jejunia atque afflictiones, & si ad finem spiritus obtinendum necessaria sit aliqua carnis operatio, & ipsa etiam mors, spiritus imperare potest carni ut se & sua exponat; ita potestas politica & ecclesiastica diversa habent objecta & diversas functiones, & separatim existere possunt, ut tempore Apostolorum. Sed quando sunt conjunctæ, ut nunc, inferiori superiori est subiecta & subordinata. Itaque potestas spiritualis non se miscet quidem temporalibus negotiis, sed finit omnia procedere sicut autè quam essent conjunctæ, dummodo non obstat fini spirituali, aut non sint necessaria ad illum consequendum: si autem tale quid accideret spiritualis potestas potest & debet coercere temporalem omni ratione ac via quæ ad id necessaria esse videbitur. Ut autem melius innotescant quousque se extendat & quam late pateat ex mente doctorum illorum indirecta hæc Potest in temporalia in Principibus politicis distinguant eorum personas leges & iudicia, & quidem quantum attinet ad eorum personas, docent Papam, ut Papam, non posse ordinari Principes temporales deponere etiam juxta de causa eo modo quò deponit Episcopos, nempe tanquam eorum iudicem ordinarium. Veram tamen illum posse mutare regna,

(H. H.)

regna, & uni auferre, & alteri conferre tanquam summum Principem spiritua-
lem, si id necessarium sit ad animarum salutem. Ex eorum autem sententia ani-
marum saluti officere potest Princeps aliquis si per eum Ecclesia aliquid detri-
menti capiat, & violenter ejus immunitates & jura, aut si etiam in hæresim aut
schismam labitur, vel negligens est in hæreticis vel schismaticis extirpandis: aut
etiam si catholicis manens potestate sua abutitur, imò si vel simpliciter ad re-
gendum sit ineptus & ignavus, & propter hoc fideles in periculum adducantur,
& in perniciem fidelium tyrannice in eos grassatur. In casibus istis atque simili-
bus volunt Regem & Principem à Papa deponi posse, & alium ei substitui, & an
Principes in ejusmodi peccet & fidelium saluti officiat judicium ad Papam Roma-
num pertinere tanquam spiritualem Ecclesiæ Principem.

Quod spectat ad Principum leges, dicunt Papam, ut Papam, ordinarie non
posse condere legem civilem, vel firmare aut infirmare leges Principum, quia
non est ipse Princeps Ecclesiæ politicus, tamen posse omnia illa facere, si aliqua
lex civilis necessaria sit ad salutem animarum, & tamen Reges non velint eam con-
dere, & si alia noxia sit animarum saluti, & tamen Reges non velint eam abroga-
re; an autem aliqua lex officiat saluti vel necessaria sit, judicium est penes Ponti-
ficem, qui judicat saluti animarum officere eas Principum leges quæ ecclesiasti-
corum jura & immunitates quoquo modo ipsi violare videntur.

Denique quantum ad judicia attinet, dicunt Papam, ut Papam, non posse or-
dinarie judicare de rebus temporalibus, nihilominus in casu quo id animarum sa-
luti necessarium est, posse Pontificem assumere etiam temporalia judicia, quando
nimirum non est ullus qui possit judicare, ut cum duo reges supremi contendunt,
vel quando qui possunt & debeant judicare, non volunt sententiam ferre. Hæc est
doctrina Bellarm. de Rom. Pontif. cap. 6. & libro adversus Barclaium edito.
Bellarminum autem hac in parte sequuntur multi ex Pontificibus.

Observandum autem indirectæ illi Pontificis potestati, cui Prin-
cipes ipsos submittunt, multò magis ex eorum mente magistratus inferiores &
personas privatas subjici, quas omnes variis in casibus à Pontifice censeri posse
dignitatibus & fortunis exui indirectè saltem & per consequentiam.

An autem & quousque indirecta illa Pontificis potestas se extendat ad ipsos
Principes infideles, non convenit inter illius assertores, quorum de numero Mar-
tinus Becanus Jesuita negat Principes infideles à Papa deponi posse. Sunt enim
hæc illius verba in Torfuri. torti paradoxo septimo, *Nos fatemur Reges Christianos*
deponi posse à Pontifice si delinquant, non autem Ethnicos.

Bellarm. verò de Pontif. Rom. lib. 5. cap. 7. censet Principes infideles posse &
debere à Papa deponi, dominioque suo privari, si populum fidelem sibi sub-
jectum conentur avertere à fide; non posse autem si tale quid non conentur,
nec fidelibus molesti sint; verùm in recognitionibus sententiam illam retractat,
& jus Papæ latius extendit, *Non approbo, inquit, quod dixi non posse Principes infi-*
deles privari per Ecclesiam, domino quod habent super fideles, nisi conentur avertere
fideles sibi subiectos; & paulò post, Itaque si tales Principes non conentur fideles à fide
avertere, possunt quidem per Ecclesiam privari dominio, tamen Ecclesia non semper id facit.

Sed in Ecclesia Romana tertia adhuc sententia obtinet, eorum scilicet qui ne-
gant Pontificem, quæ talem, ullam in temporalia potestatem habere, sive directè,
sive indirectè. Nam totam illam potestatem quam Christus Ecclesiæ contulit
ita spiritualemente esse volunt ut pro objecto tantùm spiritualia habeat, nec vi illius
possint Ecclesiæ præpositi de temporalibus cognoscere, aut temporales pœnas
ulla de causâ irrogare. Itaque fatentur quidem Reges atque Principes quate-
nus fideles sunt, & Christo nomen dederunt, pontifici subditos esse in rebus spiri-
tualibus, & quæ ad salutem animæ referuntur, & teneri illius decreta observare
in iis quæ spectant Ecclesiæ fidem, ritus & sacramenta. Quod si quid in his peccent
& Evangelicam legem & jura divina violent, concedunt Papam posse illos pro
merito arguere & etiam punire, sed pœnis tantùm spiritualibus, & quæ in eo
consistunt ut ab usu sacrorum arceantur. At quatenus sunt Reges atque Prin-
cipes nullo modo eos pendere putant à potestate ecclesiastica, nec putant ullo casu
pontifici licere eos à principatu & regno deponere, & temporalibus eorum ne-
goriis sese immiscere quali ex autoritate & pro quodam jure suo: quod si
quid simile aggrediatur illi posse resisti, tanquam aliena jura tyrannice invadenti,
nec ullum ipsi hac in parte obsequium debere.

Hanc

Hanc sententiam tuetur Gulielmus Barclaius Scotus libello quem edidit initio huius seculi de potestate Papæ, quem cum Robertus Bellarm. refutare conatus esset libro singulari cui titulum fecit de potestate summi Pontif. in rebus temporalibus, Joannes Barclaius Gulielmi filius vindicias patris suscepit libro qui ab ipso inscriptus est, Joannis Barclaii pietas sive publicæ pro Regibus & Principibus & privatæ pro Gulielmō parente vindiciæ adversus Robertum Bellarm. Et eadem quoque sententia breviter exponitur & defenditur à Richiero Sorbonico doctore libello sæpius citato de Potestate Politicâ & Ecclesiasticâ.

Prima ex istis sententiis est Paparum ipsorum qui sibi Monarchiam quandam temporalem arrogant in suis Rescriptis & Bullis quæ canonico juri sunt inferatæ, præcipue verò Gregorius septimus & Bonifacius octavus quorum auctoritate nituntur canonistæ, Juris Pontificii doctores atque interpretes, qui temporale totius orbis dominium Papæ tribuunt. Alexander autem Sextus fictitio isto jure usus est dum solenni diplomate novum orbem divisit inter Castellæ & Portugalliæ Reges, ideoque hæc sententia Romæ & sub oculis Papæ magno cum applausu docetur.

Secunda sententia quæ negat papæ directam in temporalia potestatem, sed indirectam tribuit, asseritur à majori parte scriptorum Pontificiorum, & in Schola Rom. videtur esse maxime communis, & tamen Romæ non caret aliquâ invidiâ, quæ apud Papam, Sixtum quintum fertur eo nomine gravatus fuisse Bellarm. si fides Joanni Barclao. Imò Alexander Carrerius 1^{us} sententiæ assertor acerrimus hoc nomine audet Bellarmino anathema dicere, & ipsum respondere inter impios Politicos, de Potestate Papæ lib. 2. referente Amelio in Bellarm. enervato, ubi præsentem quæstionem tractat.

At tertiam tenent Reges eorumque Senatus Judices & Parlamenta, in Galliâ præsertim, ubi publico curiæ parlamenti judicio damnatus est, & manu carnicis combustus Bellarmini liber ille de potestate summi Pontificis in Temporalibus, & ex Theologis etiam non pauci tam veteres quam recentiores, licet qui primam & secundam tuentur in hos postremos acriter invehantur, & ipsorum sententiam hæresis nomine infamant, quam vocant politicorum, ut videre est apud Bellarm. lib. 5. de Pontif. cap. 1. & Baronium ad annum Christi 1073 parag. 13. referente Chamiero tom. 2. lib. 15. cap. 1.

Quantum autem attinet ad nostros Theologos, unanimi consensu docent Christum Ecclesiæ suæ nullam in Temporalia potestatem tribuisse, nec Ecclesiæ præpositos posse, vi muneris sibi à Christo impositi, pœnis ullis temporalibus ad officium homines compellere, aut de rebus eorum temporalibus cognoscere, & quoquo modo disponere, sed iis tantum licere increpationibus, monitis & censuris, aliisque pœnis Ecclesiasticis in peccatores agere ut eos ad officium compellant & revocent. Cui ordini atque disciplinæ fideles omnes cujuscunque gradus & dignitatis ultro quidem se submittere debent: si verò sint Contumaces, & parere recusent Ecclesiæ præpositis, non aliud superest, quam ut eos divino judicio relinquunt, & quantum possunt precibus apud Deum, apud homines verò suasionibus & obtestationibus conversionem eorum procurent.

Quod attinet verò ad quæstionem alteram, An Ecclesiæ pastoribus & præpositis licet Principatum Temporalem exercere, & præfecturam aliquam civilem suscipere, ita ut uni eidemque Personæ gladius spiritualis & temporalis committatur, Pontificii omnes in eo conveniunt rem esse prorsus licitam, & optime atque cum ratione fieri posse, ut unus idemque vir sit alicujus Civitatis aut Provinciæ Episcopus, & simul ejusdem Princeps & præfectus temporalis, ideoque licuisse Episcopis, salvo munere & conscientia sua, à Principibus aut populis urbes & ditiones aliquas accipere quarum domini Temporales essent, & in quibus non res spirituales tantum, sed civilia quoque jura administrarent: nec in Pontifice Rom. reprehensione dignum esse, quod in multas provincias à Regibus & imperiis Ecclesiæ donatas Regium & Terrenum imperium exerceat aliorum Principum Temporalium more. Nam quamvis multi ex Pontificiis doceant Ecclesiasticam & politicam potestatem ita esse distinctas ut præpositus Ecclesiasticus, qua talis, ex vi sui muneris nullam in Temporalia directè vel indirectè potestatem habeat, nisi monendo atque suadendo & docendo quid sit juris & officii, nihil repugnare tamen existimant quin utraq; potestas cadat

(Hh 2)

in

in unum eundemque hominem, & legitime possit ab eo exerceri, nec est ullus eorum, quod sciam, qui de hac re aliter sentiat.

At verò Reformati omnes hac de re non eodem modo sentiunt & loquuntur. Nam in multis locis ubi Reformatio obtinuit, penes personas Ecclesiasticas temporalia multa dominia manserunt, & tituli Episcopi seu Archiepiscopi cum aliquo temporali Principatu sive dominio conjuncti, non minus quam antea fuerunt, ut in Germaniâ & in Angliâ, ubi sine ullo scrupulo ab Episcopis variæ præfecturæ & administrationes civiles suscipiuntur.

Alii verò ex Nostreis Theologis existimant per jus divinum non licere ut uni eidemque homini committatur uterque Gladius, spiritualis nempe & temporalis, neque congruum esse ut Ecclesiæ Pastores quocunque nomine seu titulo gerant principatum aliquem terrenum: Ideoque damnant in Rom. Pontifice & Episcopis qui illi subditi sunt, quod, dum haberi volunt Ecclesiæ Pastores, ad modum tamen Mondanorum principum imperium in multa loca exercent, tanquam eorum non tantum Episcopi, sed domini quoque Temporales. Hæc est sententia Calvini Instit. lib. 4. cap. 11. parag. 8, 9. Et sequent. *Si hac de re, inquit, Christi auctoritatem querimus, non dubium quin verbi sui ministros à civili dominatione & terrene imperio arcere voluerit, cum diceret Reges gentium dominantur illis, vos autem non sic. Significat enim non modo pastoris officium distinctum esse ab officio Principis, sed res esse magis separatas quam ut in unum hominem convenire queant.* Calvino verò consentit Petrus Martyr in Rom. 13. & Amesius in Bellarm. enervato, & plerique etiam nostri in Gallia Theologi, & qui in Angliâ Puritani dicti sunt, qui tulerunt semper ægerrime, cum Ministerio Ecclesiastico, Dominium aliquod temporale jungi.

Nonnulli verò ex Nostreis Theologis hic distinctione aliquâ utuntur. Tilenus enim notis in Bellarm. lib. 5. de Pont. cap. 9. Principatum duplicem distinguit. Observat enim aliquando per Principem intelligi illam qui præter Deum neminem se superiorem agnoscit, & qui, ut loquitur, est directus ditionum atque populorum quibus imperat dominus: Deinde Principes etiam dici eos qui habeat in alios Imperium, etsi non supremum, nec proxime Deo, sed etiam Imperatori aut Regi acceptum ferant beneficium sive feudum.

Ac præterea insinuat distinguenda esse præsentia tempora, scil. Novi Testamenti, ab iis temporibus quæ Christi adventum præcesserunt. Quicquid fuerit de veteri tempore, cum obtinebat antiqua Lex, priorem Principatum cum Ecclesiastico ministerio, in uno eodemque homine jam sub novo Testamento conjungi posse negat, idque propterea quod Ecclesiæ Ministerium, qualiscunque fuerit, legibus & canonibus subijci necesse sit, ab eoque provocatio detur ad Synodum. Princeps autem Legibus quas subditis fert solutus, superiorem iudicem non habeat; at posteriorem istum Principatum, qui non planè supremus est, contendit non pugnare cum Ministerio Ecclesiastico, notis in cap. 1. ejusdem Libri, ubi docet licitum esse Episcopis & Ecclesiæ Ministris possidere feuda quæ vocantur, & Reip. aliquam potestatem attingere, saltem sub pio & Christum amplexo magistratu, modò distincta maneant quæ natura ipsa distinxit, neque terrenorum negotiorum obtentu a divino cultu & publico Ecclesiæ Ministerio abstrahantur ii qui se totos Christo addixerunt. Additque Pastorem atque Episcopum, cujus spectata sit & explorata prudentia, in consilium à Principe politico posse adhiberi, ab eodemque, ut alios consiliarios, agris oppidisque etiam donari, quæ beneficia, à Principe accipere pastorem & Episcopum nihil prohibeat, quam sententiam suam multis argumentis ibidem confirmare nititur.

Franciscus autem Junius notis in eundem Bellarm. loco citato distinguit similiter tempora ceremoniarum quæ Christum præcesserunt, & tempora quæ Christi adventum in Carne secuta sunt, innuitque aliam fuisse hujus rei rationem sub Lege, & aliam sub Evangelio. Deinde notat cum aliquis Principes dicitur, id intelligi vel secundum dominium, vel secundum procuracionem; ac secundum dominium quidem homo Ecclesiasticus, inquit, Princeps esse potest, puta si dominium ad ipsum directè pertinebit, ortu, donatione & si quæ sint ejusmodi, quemadmodum è diverso qui est Princeps dominio idem fieri potest Ecclesiasticus dono & vocatione Dei. At negat hominem Ecclesiasticum fieri

fieri oportere Principem secundum procuracionem, & contrà hominem qui Princeps est alicujus provincie procuracione, & qui ad eam obligatus est, ecclesiasticum fieri oportere, nisi illi politicæ administrationi renuntiet. Denique negat utramque administrationem politicam scilicet & ecclesiasticam conjungi oportere, sententiam tamen istam quodammodo temperat addens, *Non quero, inquit, quod fieri oporteat ubi jam diu publico ordine conjunctæ sunt: hac alterius loci est questio, sed simplicem questionem contempler, & statuo simpliciter duas illas procuraciones vel administrationes non esse conjungendas ab eo homine qui ad utramvis liber est.* Sic statuit Christus Matth. 20. Sic docet Apost. 2. ad Cor. cap. 2. ad hæc, quis idoneus est? *Dens est Zelotes cujus, qui administer est, si principatum politicum in se receperit, nec gravitatem sue administrationis, nec vim divina zelotypia censendus est cognoscere.*

Porro Gallicanarum Ecclesiarum disciplina questionem hanc non obscurè decidit. Nam cap. 1. art. 17. vetat expressè ne pastores Ecclesiæ & verbi divini ministri medicinam exercent aut jurisprudentiam, id est, fungantur officio judicis aut advocati aut medici, quod & sæpe in synodis earundem ecclesiarum postea prohibuit fuit.

C A P. X.

De Antichristo.

IN Scripturâ nomen Antichristi generaliter aliquando sumitur pro quibuslibet Christi adversantibus, & Christianam doctrinam corruptentibus & evertentibus, ut cum apud Joannem Epist. 1. cap. 2. dicitur etiam, *nunc Antichristi multi inceperunt esse.* Et Epistola 2. *Multi impostores ingressi sunt in mundum, qui non consensunt Jesum Christum venisse in carne, qui est ejusmodi Impositor est & Antichristus.* Alias verò nomine Antichristi singulariter intelligitur, insignis quidam Christi adversarius, quem Scriptura venturum prædicit, cuique propria quadam ratione nomen Antichristi tribuit, supra omnes alios qui Christo adversantur. De hoc intelligenda sunt ejusdem Joannis verba cap. illo 2 Epistolæ 1. *ἡ ἀντιχριστὸς ὅτι ἀντιχρὶς ἐγενήθη*, audivistis quod ille Antichristus veniet; & hujus Antichristi sic proprie dicti adventus prædicitur à Paulo cap. 2. posterioris ad Thess. ubi Apostolus vocat *τὸ ἄνθρωπον* iniquum, hominem peccati, & filium perditionis, ac propterea de eo reperiuntur multa vaticinia in Joan. Apocalypsi, ubi sub nomine Bestiæ describitur.

De eximio illo, & per antonomasiam sic dicto Antichristo, inter nos & Doctores Ecclesiæ Romanæ magna controversia est, & sententiarum ingens divortium; nam per Antichristum illum & Bestiam illam existimant pontifici designari in Scripturis certum quemdam & singularem hominem, non verò seriem hominum in eadem tyrannide sibi succedentium. Atque hunc hominem volunt fore gente Judæum, & quidem, ut ipsis possibile videtur, ex tribu Dan filii Jacob oriundum, qui primo per dolum & fraudes Judæos sit ad se pellecturus, & in eos invasurus regnum, cujus sedem constituat in urbe Hierosolymâ, unde primum devictis per Ægyptum, Æthiopiam, & Africam regibus aliquot, imperium latè per totum orbem extendet & reliquos reges coget colla sibi submittere; istum verò prædictum hominem Antichristum dici censent, non quia indirectè & per occulta molimina Christo adversabitur, sed quoniam directè & apertè vero Christo sese opponet, asserens se esse verum Christum & Messiam Judæis olim promissum, itaque doctrinam Christi abolere contendet, & Judaicos ritus veluti circumcissionem & observationem Sabbathi revocabit, eoque tandem infanæ & furoris progredietur, ut dicat sese esse solum & summum Deum, seque ut talem jubebit adorari, præcipue in Templo Hierosolymitano, ideoque cultum non tantum veri Dei, sed omnium quoque idolorum ubique prohibebit, & publicè

saltem cessare faciet, ut ipse solus adoretur. Ut autem ista tamque gefanda patret, usus est ope Diaboli, cujus virtute multamirabilia faciet, veluti ignem e Cælo descendere, & ita homines dabit in stuporem & in errorem protrahet. Sed præstigiis & fraudibus addet quoque vim apertam contra veram Christi Ecclesiam, persecutionem truculentissimam & sævillimam excitabit qualis ante vasa non fuit, & exercitum innumerabilem ad perdendos omnes fideles ex gentibus omnibus colliget, sed tandem exercitus ejus proligabitur & occidetur ipse, Deo de Cælo suis auxilium ferente. Porro immanem istam Antichristi tyrannidem docent non amplius duraturam esse quam tres annos cum dimidio, statimque futurum secundum & ultimum Christi adventum & mundi consummationem. Etenim ab Antichristi morte ad supremum Christi judicium non futuros nisi quadraginta quinque dies ex Danielis capite duodecimo colligunt. Licet nonnulli ut Ribera Jesuita qui scripsit in Apoc. spatium illud adusque septem annos extendant. Hæc est breviter Antichristi pictura prout à Doctoribus Pontificiis describitur; ista tamen non sunt Ecclesiæ Romanæ decreto sancita atque definita, sed pleraque hausta ex scriptis veterum Ecclesiæ Doctorum, qui similia de Antichristo tradunt dum exponunt varia de illo vaticinia quæ habentur tam in novo quam in veteri Testamento.

At verò Theologi nostri & illi omnes qui Protestantes vocantur communi consensu docent & statuunt per eximium illum Antichristum qui à Paulo vocatur homo peccati & filius perditionis, & quem Joannes in Apocalypsi depingit sub typo bestię cujusdam portentosę & magnę meretricis non designari hominem unicum sed seriem tyrannorum in Ecclesiam gravantium de quibus scriptura numero singulari loquitur, quia quolibet tempore singuli futuri erant, omnesque idem imperium successione & subrogatione sibi arrogaturi, & eadem viâ atque ratione Christum & ejus Ecclesiam oppugnaturi. Rem autem ita se habere inde colligunt quod Apost. 2. ad Thess. 2. non obscure docet filium illum perditionis ultimo demum Christi adventu fore abolendum, & tamen ejus tyrannidis, quam in Ecclesiam erat exercitaturus prima jam tum fundamenta jaci; *Tamenim, inquit, operatur mysterium iniquitatis,* & statim subdit, quod dominus impium illum absumet spiritu oris sui, & evanescere faciet illustri illo suo adventu. Porro tyrannus ille in scripturâ proponitur tanquam qui nomine saltem & specie sit futurus Christianus, ideoque non apertus Christi hostis, sed occultus, & qui per dolos & fraudes Christi se discipulum & servum, doctrinæ tamenejus & gloriæ adversabitur: nam ejus machinamenta, contra Christum & ejus Ecclesiam vocantur mysterium. Et in Apoc. purpurata meretrix debet habere in fronte mysterium scriptum, quod non denotat vim apertam sed potius aliquid latens & fraudulentum, & bestia illa secunda quam describit Joannes in Apoc. cap. 13. dicitur habere cornua duo similia agni, sed tamen loqui ut draco; ex Scripturâ quoque deducitur fore ut tyrannus iste imperium in fideles usurpet, & quantum penes ipsum erit Ecclesiam sibi subiciat, nam prædicitur in templo Dei sessurus: vox autem sedendi ex usu Scripturæ denotat imperium, per templum Dei verò non aliud intelligi potest quam Ecclesia quæ templum & domus Dei sæpissimè vocatur in novo Testamento, sub quo nullum materiale & singulariter sic dictum templum Dei agnoscimus, quale fuit olim templum Hierosolymitanum. Neque simpliciter ille filius perditionis Ecclesiam Christianam tyrannide aliqua premet, sed ipsius Dei jura usurpabit & quæ Dei sunt propria sibi superbe arrogabit, quod Apostolus indicat 2 Thess. 2. dicens quod in templo Dei tanquam Deus sedebit præ se ferens se esse Deum; nec spirituales tantum tyrannidem juxta scripturam sacram in Ecclesiam exercitaturus est, sed temporale quoque sibi tribuet imperium & jus utriusque gladii; nam in Apoc. cap. 13. dicitur secunda bestia omnem prioris bestię, id est, imperii Romani potestatem exercere, & huc spectant duo cornua, quæ ibidem ipsi tribuuntur, quod juxta Scripturæ stylum potestatem duplicem designat; ideoque bestia illa duplici modo fideles aggressura, & cum ipsis bellum gessura, nempe tum armis terrenis, nam de eorum sanguine inebrianda dicitur Apoc. 17. tum quoque spiritualibus. Id est falsæ doctrinæ & seductione dicitur terræ incolas seductura, & etiam falsæ doctrinæ varia signa adjunctura; & miracula quæ vocantur mendacii, 2 Thess. 2.

Quod

Quod attinet ad sedem & locum illius tyranni, Doctores nostri probant illum non fore Jerusalem sed Romam ex 17 Apoc. nam meretrix & mulier quæ ibi describitur dicitur sedere super septem montes; & in fine capitis additur, *Mulier quam vidisti est urbs illa magna quæ habet regnum super reges terre*, quod non potest aliter quam de Româ exponi.

Hæc est in summa Idea Antichristi quam Doctores nostri ex Scripturâ hauriunt. Porro ista omnia quæ de Antichristo Scriptura docet quadrare pertendunt in Pontificem Romanum; sedet enim in urbe Româ, imperium sibi in totam Ecclesiâ arrogat, eamque sibi subicere nititur, gloriatur se jus habere urriusque gladii, & summam potestatem tam particularem quam spirituales in totum orbem obtinere, adeo ut possit regna mutare & transferre; Christi quoque proficitur se esse vicarium, illiusque doctrinam sequi, verum tamen opere & factis Christo sese opponit, dum illius doctrinam variis modis corrumpit, & præcepta facit irrita, verumque Dei cultum variis superstitionibus & idolatricis ritibus adulterat. Jura quoque divina usurpat, imò supra Deum sese effert dum se prædicat caput & sponsum Ecclesiæ, vultque sua responsa haberi tanquam oracula Christianorum fidem obligantia; jus sibi tribuit novos instituendi cultus, atque etiam homines dispensat à lege divinâ, nexuque votorum ac juramentorum. Præterea falsam quam prædicat doctrinam multis fallacibus signis confirmare nititur, & multa mendacia miracula obtendit ad decipiendum simplicem populum, quibus addit atrocem & sævissimam persecutionem adversus sanctos Dei servos, qui sese opponunt ejus tyrannidi & variis sacræ doctrinæ corruptelis. Et à suis allentatoribus patitur se Deum vocari, imò etiam adorari. Adde quod prioris bestię, id est, prisci illius Romani imperii imaginem quandam excitat, illiusque fastum adque superbiam variis modis imitatur, prout Apoc. 13. prædicitur futurum. Ex quibus omnibus concludunt pontificem Romanum esse insignem illum Antichristum & filium perditionis à Joanne & Paulo prædictum, quod omnium Gallianarum Ecclesiarum suffragio solemniter definitum est anno 1603. in synodo Vapincensi in Delphinatu, quæ cadere fecit articulum earundem Ecclesiarum confessioni inferendum post articulum trigelimum. Articuli verba sunt, *Cum verò Episcopus Romanus cretâ sibi in orbe Christiano Monarchiâ, sibi arroges principatum in omnes Ecclesias & Pastores, sique adeo inflatus ut Deum ipse se appelleret, vellet adorari, ipse sibi tribuat omnem potestatem in Cælo & in terrâ, rei ecclesiasticæ ad libitum componat, condas articulos fidei, auctoritatem Scripturæ velis pendere à sua, eamque ad libitum interpreteur, animarum mercatram exerceat, liberet astrictos votis & juramentis, novos Dei cultus instituat, & quod ad civilia attinet legitimam magistratum auctoritatem conculcet, dans adimens & transferens regna: Credimus et asserimus cum esse verum illum & Germanum Antichristum, filium perditionis prædictum in verbo Dei, meretricem purpuratam insedentem septem montibus, in magnâ civitate obtinentem regnum in reges terre, & expectamus donec Deus prout promissus & jam capis eum fractum & victum spiritu vris sui tandem delectis fudore sui adveniat.*

Porro observandum est quum dicunt Theologi nostri Episcopum Romanum esse insignem illum Antichristum, in Scripturâ prædictum, id eos non intelligere de primis illius urbis Episcopis, qui aliquot sæculis in verâ Christi doctrinâ perstiterunt, quorum multi viri sanctissimi adeoque Christi Martyres & Confessores fuerunt. Verum de Episcopis posteriorum sæculorum, ex quo sedes Romana in apertam tyrannidem degeneravit, multasque perniciosas tum in doctrinâ fidei, tum in disciplinâ & cultu corruptelas introduxit & fovit. Mysterium quidem illud iniquitatis statimagi ceptum est dum paulatim variis abusibus irrepserunt, & futuræ tyrannidis fundamenta quoddam & semina paulatim jacta sunt, dum Ecclesiæ pastores illi supra alios sese effecerunt, & indies majores ac majores spiritus fumerent, præcipue verò Episcopi Romani. Sed tamen non nisi multis labentibus sæculis confirmatum est mysterium istud, & revelatus ille filius perditionis, prout à Paulo prædictum fuerat. Ad quod verò tempus prima illa Antichristi revelatio referri debeat non omnino convenit inter Doctores nostros, plerique tamen illam referendam esse existimant ad temporâ Phocæ Imperatoris Romani, à quo sub sæculi septimi initium, id est, post annum Christi Sexcentessimum, Bonifacius tertius Episcopus Romanus titulum obtinuit Episcopi universalis, & declaratus est caput omnium Ecclesiarum; ex quo tempore volent Episcopo

Episcopo Romano Antichristi nomen & rem competitivisse. In ista tamen revelatione filii perditionis notant quasi varios gradus; etenim factus ejus & potestas tyrannica ad *αἰών* veluti suam demum pervenit post undecimi seculi medium tempore Hildebrandi seu Gregorii septimi, qui primus in Imperatoris temporalem gladium strinxit, & Christianum orbem crudelissimis bellis implicuit, in Imperatorem Henricum quartum lata sententia depositionis. Ideoque ad istius Pontificis tempora secundam quandam & manifestiorem revelationem Antichristi referunt. Verum in istis temporibus notandis nonnulla est varietas inter nostros, quam prosequi hic nihil est necesse.

Porro ante aliquot annos emerit singularis, & planè nova interpretatio Scripturæ locorum quos tam nostri quam Pontifici ad Antichristum referunt, eaque Hugonis Grotii Belgæ doctissimi & celeberrimi, qui Legatus obiit Reginæ Suevorum apud Galliæ Regem, & ea de re libellum edidit anonymum paulo ante annum hujus sæculi quadragesimum. Ille per hominem peccati & filium perditionis qui sese opponit & effert adversus quicquid dicitur Deus, aut quod colitur à Deo ut in templo Dei tanquam Deus sedeat præ se ferens se esse Deum, de quo Apostolus 2 Thess. 2. commate 3. 4. designari putat Caium Caligulam Imperatorem Romanum, cujus fuit summa & aperta adversus omne numen seu verum, seu falsum, impietas, qui quidem Deum se vocari voluit, & conatus est imagines suas inferre templo Hierosolymitano, mandatis super hac re datis præfecto Syriæ Vitellio, licet morte præventus non potuerit illud perficere. Per *τὸ ἄνθρωπον* verò, de quo eodem capite versiculo sexto habent Apostoli verba, *Er revelabitur ille impius, quem Dominus conficiet spiritu oris sui, & destruet illustri apparitione sui adventus*, intelligit Simonem Magum, qui cum aliquandiu se Christianis aggregasset palam postea detexit impietatem, & Christianam doctrinam impugnavit magicis præstigiis & imposturis. Quod attinet ad cap. 13. Apoc. ubi duarum bestiarum fit mentio, quarum prior describitur tanquam habere septem capita & cornua decem, posteriori verò tribuuntur cornua duo similia agni, diciturque quod loquitur ut draco, Theologi nostri intelligunt per priorem imperium Romanum, per posteriorem verò tyrannidem Papalem. At ille per priorem designari putat Idololatriam Rom. sub Imperatoribus Ethnicis, per posteriorem autem magiam, quam sectatus est & quæ se præcipue illustrem reddidit Apollonius Thyanæus, cui cornua duo similia agni tribuuntur, quia Apollonius iste, & alii ejusdem farinae abstinentioniam in victu & castitatem profitebantur, eaque virtutis specie sese jactabant.

C A P. XI.

De Elia & Enocho.

Undecimo capite Apoc. mentio fit duorum testium quos Deus adversus bestiam, de qua ibi excitaturus est, quique sunt adversus illam per dies 1260 prophetaturi, & ab eo tandem interficiendi, sed post dies tres cum dimidio exsuscitandi & rapiendi in Cælum. Textus sacri verba sunt versu 3. *Dabo duobus testibus meis & prophetabunt diebus 1260 amisti succis.* Commate verò septimo, & cum fuerint testimonium suum, bestia quæ ascendit de Abyssu facies adversus illos bellum & vincet illos & occidet illos, & corpora eorum jacebunt in plateis civitatis magnæ, quæ vocatur spiritualiter Sodoma & Egyptus, ubi & dominus eorum crucifixus est. Et infra, Et post tres dies & dimidium, spiritus vita à Deo intravit in eos, & steterunt super pedes suos, & timor magnus cecidit super eos qui viderunt eos, deinde audierunt vocem magnam, de Cælo dicentem ipsis, ascendite hic, ascendite in Cælum per nubem.

Queritur qui sint illi duo testes à Deo mittendi tempore bestię, id est, Antichristi,

tichristi, plerique Doctores Ecclesie Romanæ in ea sunt sententia per illos duos testes designari Eliam & Enoch, qui miraculosè à morte exempti sunt, & vivi huc usque à Deo conservantur, ut venienti Antichristo se opponant & consentient electos in fide Christi, & tandem Judæos convertant. At proinde censent eos olim ab Antichristo interficiendos, & post tres dies cum dimidio per miraculum resurrecturos esse. Interea verò exultant, illos non degere in Cælo beatorum, sed in ignoto quodam loco, quem multi tamen suspiciantur Paradisum terrestrem esse, ubi vivunt vitâ adhuc mortali & sensitivâ, ut possint mortem suo tempore pati. Porro sententiam illam hauserunt ex traditione multorum doctorum Ecclesie antiquæ, & confirmant aliquot Scripturæ testimoniis. Et quod quidem ad Eliam attinet, asserunt locum illum qui habetur Malach. 4. *Eccle. ero mittam vobis Eliam prophetam antequam veniet dies domini magnus*: Et quæ de Elia dicit Author Ecclesiastici cap. 48. *Qui inscriptus est in iudiciis temporum lenire iracundiam domini, conciliare cor Patrum ad filios, & restituere tribus Jacob*. Suam verò de Enoch conjecturam hauriunt ex ecclesiastici capite 44 ubi versio vulgata sic habet, *Enoch placuit Deo, & translatus est in Paradisum, ut det genibus penitentiam*.

Nonnulli tamen ex Pontificiis Eliæ non adiungunt Enoch sed potius Moysen, ut Maldonatus Jesuita scribens in Matth. cap. 17, cui consentit Gagnæus Sorbicus referente Diega in undecimum caput Apoc. istud colligunt ex undecimo illo cap. Apoc. ubi versu sexto dicitur de illis testibus quod potestatem habent claudendi cælum ne pluat in diebus Prophetiæ ipsorum, & potestatem habent super aquas vertendi eas in sanguinem, & percutiendi terram omni plagâ quotiescunque voluerint, quæ verba videntur ad Eliam alludere, ad cuius orationem Cælum fuit annis tribus & sex mensibus clausum, & ad Moysen qui aquas Ægypti vertit in sanguinem, & terram illam percussit multis & variis plagis.

Nostri verò Theologi communiter existimant Eliam & Enochum fuisse translatos in Cælum beatorum, ubi jam in animâ & corpore fruuntur beatâ immortalitate, adeoque absurdum ducunt illos inde deducere, ut ab Antichristo interficiantur. Igitur per duos testes de quibus Joannes in Apoc. vel intelligunt duo Testamenta novum scilicet & vetus, quæ veritati divinæ testimonium perhibent; vel indefinitè fideles Christi servos quos excitavit & porro excitat adversus Antichristum, quique Evangelii veritatem asserunt contra errores & corruptelas ejus, quorum multos quidem interfecit Antichristus, sed qui videntur resurgere in aliis quos Deus mittit, ad simile testimonium perhibendum. Quæ verò Malachias habet de adventu Eliæ antequam dies Domini veniat, ad Joannem Baptistam referunt qui venit in spiritu Eliæ, ut viam domino pararet juxta Christi ipsius interpretationem Matth. cap. 17.

(Ii)

ELUCI

ELUCIDATIO

STATUS

Controversiarum

DE

CONCILIIS.

LIBER IV.

CAPUT I.

De Conciliorum Origine, Necessitate & Usu.

PEr Concilia hic intelligimus cœtus virorum ecclesiasticorum qui simul conveniunt ut res & negotia ecclesiastica procurent, & ortâ aliquâ circa Religionem controversiâ collatis sententiis statuunt quod bonum videtur.

Conciliorum istorum distingui solent quatuor genera: quædam sunt Generalia, quædam Nationalia, quædam Provincialia, quædam Dioecesana. Generalia dicuntur quæ constant viris ecclesiasticis ex toto orbe Christiano convocatis. Nationalia, in quibus conveniunt delegati unius regni & nationis, Provincialia, in quibus conveniunt delegati tantum unius Provincie. Denique Dioecesana, in quibus viri ecclesiastici ex una solâ Diocesi sive districtu conveniunt.

Porro de conciliis varia in quæstionem vocantur, & 1. quidem unde sit illorum institutio, quis usus, & quæ necessitas. 2. Quinam sint ad concilia vocandi, & ex quo hominum genere constare debeant. 3. Cujus sit in conciliis præsidere. 4. A quo & cujus autoritate sint concilia congreganda. Denique quæ & quanta sit eorum utilitas.

Quod attinet ad conciliorum originem & institutionem, Ecclesiæ Romanæ Doctores inter se non conveniunt. Nam Albertus Pighius lib. 6. de Hierarchiâ cap. 1. contendit conciliorum institutionem esse planè humanam, & naturali ratione excogitaram, referente *Behar. lib. 6. de Conciliis cap. 3.* at Bellarm. ipse

ipse loco citato probabilius iudicat concilia Ecclesiastica esse divinæ Institutionis, aut Apostolicæ saltem, quandoquidem primum Ecclesiæ Christianæ concilium celebratum est ab ipsis Apostolis, qui cum Apostolicæ Ecclesiæ senioribus Hierosolymis congregati sunt, super quæstione ortâ de legalium observatione, ut refertur Act. 15.

De conciliorum verò necessitate & usu sic statuit Bellarm. de concil. lib. 1. cap. 10. Et quidem quoad concilia generalia attinet, existimat huiusmodi convocationes esse utilissimas, & suo quodam modo necessarias, non tamen simpliciter & absolute, quoniam ut Ecclesia trecentis primis à Christo annis sine generalibus conciliis incolumis mansit sic potuisset sæculis sequentibus permanere.

Attamen censet aliqua concilia, sive generalia sive particularia sint, omnino necessaria esse ad bonam Ecclesiæ gubernationem: quod probat ex Apostolorum praxi, & Ecclesiæ Christianæ perpetuâ consuetudine. Est autem observandum illos ex Pontificiis qui Papæ plus tribuunt, & infallibilitatem in eo præcipue, non verò in cætu præsulum Ecclesiæ residere volunt, illos, inquam, imminuere, quantum possunt, necessitatem & usum Synodorum generalium. At verò majorem illis tribuere necessitatem doctores alios Ecclesiæ Rom. qui istam infallibilitatem nolunt in Papâ residere, sed in generali totius Ecclesiæ concilio. Unde factum ut Concilium Constantiense, quod Concilium supra Papam extulit, & concilio, non Papæ infallibilitatem in iudicando arrogavit, statuerit singulis deinceps celebrandum esse generale totius Ecclesiæ concilium.

Quod spectat autem ad nostros Theologos, communiter docent illi conciliorum usum ab Apostolorum praxi descendisse, & etiam fuisse à Christo indicatum Matth. 18. *Si duo ex vobis consenserint in Terrâ de omni re quam petierint, fiet eis à Patre meo qui in Cælis est, ubi sunt enim duo vel tres congregati in Nomine meo, illic sum in medio eorum.* Existimant quoque Synodos Pastorum Ecclesiæ necessarias esse ad Ecclesiæ conservationem & rectam ejus gubernationem, præcipue hanc necessitatem urget & probat multis argumentis clarissimus vir Mofes Amyraldus lib. Gallicæ scripto de Ecclesiæ gubernatione, verum id intelligendum est maximè de Synodis Provincialibus & Nationalibus. Quamvis enim maximè optandum esse doceant Synodum quandam generalem omnium verarum Christi Ecclesiarum, & vir ille clarissimus libri modo citati cap. 11. intendat probare multum necessarium esse & valde expetendum universalem quandam Christianarum Ecclesiarum cætum, quod multis nec parum firmis rationibus ostendit, videntur tamen nostri Theologi existimare Synodorum particularium longè majorem esse necessitatem quàm universalem: Cum Synodi particulares & facilius habeantur & sine illis Ecclesia ritè gubernari non possit, Synodus verò aliqua generalis vix possit haberi, & sine ullâ ejusmodi Synodo Ecclesia pluribus Sæculis incolumis stetit, ut eatenus de Conciliorum necessitate, vix quicquam à Bellarmino dissentiant.

Porrò cum Amyraldus in suo libello pertendat conciliorum usum absolute necessarium esse Ecclesiæ, Wittacherus Theologus Anglus celeberrimus de hac necessitate remissius loquitur contrav. 3. de Conc. quæst. 1. cap. 3. Nam de conciliis indefinite loquens docet quidem multis de causis concilia Ecclesiæ valde utilia esse, & multum ei conferre, & cum Augustino. eorum in Ecclesiâ Dei auctoritatem saluberrimam esse! Negat tamen ea simpliciter & absolute necessaria esse, quoniam sine his fides & Ecclesia incolumis esse potest & diu fuit: Præcipue verò sub finem id Bellarmino concedit, & multis argumentis urget de conciliis universalibus. *Sunt, inquit, necessaria, id est, magnopere utilia, item, nos quidem non putamus esse simpliciter necessaria, nam si simpliciter necessaria fuissent, Christus alicubi præcepisset celebrari, aut ejus saltem Apostoli, quod tamen nusquam ab illis factum esse legimus.*

Est autem observandum inter eos qui Religionem Ref. profitentur non paucos esse qui quoad doctrinæ summam nobis consentientes & probantes nostram fidei confessionem, circa tamen Ecclesiæ ritus, ordinem, & disciplinam à nobis dissentiant; præsertim verò in Angliâ, ex horum numero sunt illi qui vocantur Independentes, sed tamen ipsi potius appellari volunt congregationales. Homines isti existimant cætum quemque Particularem ritè institutum & ordinatum esse,

esse, ut loquantur ipsi, totam integram & perfectam Ecclesiam ex suis partibus constantem immediatè & independentè quoad alias Ecclesias sub solo Christo. Videlicet, mens eorum est, singulos fidelium cœtus esse totidem Respublicas: Quæ singulæ sui regiminis potestatem absolutam & summam sub Christo habeant, ita ut nulla sit in Terris Ecclesiastica potestas quæ legitime possit auctoritatem in ipsas usurpare. Itaque nollunt Ecclesias regi per Claves & Synodos, quibus nullum jus in particulares Ecclesias tribuunt, sed unumquemque cœtum volunt esse democratiâ absolutam & independentem, in quâ negotia quidem Ecclesiastica procurentur à Pastoribus & Senioribus; verum præsentè & inspectante Plebe, quæ ipsa jus habeat quos sibi libuerit Pastores & seniores eligendi & constituendi & ordinandi, nec opus propterea habeat aliò recurrere, & opem alicujus Synodi implorare. Dicuntur tamen non omnem Synodorum usum rejicere, sed cum in aliquo cœtu particulari excitatæ sunt turbæ & scandala quæ cœtus ipse sedare & tollere non potest, & quibus merito aliæ offendantur Ecclesiæ, docent tum vi Legis inter Christianos communis de cavendo scandalo, tum illius de non communicando aliorum peccatis, teneri ejusmodi cœtum se submittere plenarij atque apto examini proximarum Ecclesiarum; idque ut dixi ex Lege Charitatis, & per ultroneam quandam submissionem, non quod aliis Ecclesiis competit potestas & autoritas ulla in cœtum illum qui aliis offensionis materiam præbuit. Probant igitur eo casu conventum haberi Pastorum & Seniorum ex proximis Ecclesiis, qui rem de quâ agitur examinent, atque dijudicent, & censura etiam utantur in Ecclesiam quæ alias offendit. Imò si res ita exigit adversus eam pronuncient sententiam non communionis cum eâ, aliisque Ecclesiis idem significant, ut à communione illius abstineant usque ad testatam debitam relapsionem. Dicunt autem sententiam non communionis potius quàm excommunicationis, quia hæc notat potestatem quam negant supra particularem Ecclesiam vel congregationem dari vel constitui posse, atque in eo controversiæ cardo ab illis collocatur: Sed non communionem pronuntiare parium est, eorundem quorum interest communionem servare aut minus. Admittunt ergo Synodos aliquas, verum non certas atque statas, sed occasionatas & pro ratione causæ arbitrarias, quoniam Synodi statæ & certæ admitti non possunt quin singulis Ecclesiis aliqua, ut ipsi judicant, servitus imponatur, & ipsis superior quædam potestas constituitur. Et tamen moment singularem aliquam & particularem Ecclesiam non debere sibi propterea arrogare exemptionem à reddenda ratione vel à censurâ aliorum sive magistratus supra se, sive proximarum Ecclesiarum juxta se. Verum id quod damnant & à quo abhorre se profitentur est dependentia & combinatio Ecclesiarum in Synodis, & Synodorum autoritas in singulas Ecclesias, quia, ut dictum, existimant Ecclesiam vel congregationem particularem totam sui juris esse, & habere in se omnem potestatem Ecclesiasticam supremam, non alteri Ecclesiæ, aut Ecclesiis, aut Ecclesiarum deputatis seu Synodis subjectam; ideoque & conveniente Synodo, huic nullam propriè & directè in quamcunque Ecclesiam potestatem competere, sed tantum ut consilio & auxilio Ecclesiam juvare possit, & etiam adversus peccantem procedere censura, & non vi potestatis alicujus superioris, sed collateralis parique judicio.

Est autem observandum cum Theologi nostri videntur contra tribuere potestatem aliquam Synodis in Ecclesias sub eis comprehensas, illos non intelligere potestatem aliquam imperantem qualis est Dominorum & Principum in sibi subditos, sed potestatem quandam delegatam & auxiliarem sive ministrantem, quæ competit ipsis ex libero & communi Ecclesiarum consensu, Ecclesiis voluntariâ consensione ob necessitatem ordinis & ædificationis, Synodis se subicientibus. Uti quando in Rebus publ. ex communi æqualium consilio collegium erigitur, ad quod communes causæ devolvuntur tractandæ & definiendæ, quod in illas nullam habet potestatem nisi ex illarum arbitrio & mutuo consensu. Nec etiam existimant Ecclesias habere tantum quandam precariam potestatem, & à Synodis derivatam, vel se potestate suâ exuere quando in Synodum convenit, illamque ei tradere, sed unaquæque Ecclesia certam potestatem habet & retinet immediatè à Christo acceptam, ex quâ & per quam potest judicare de iis quæ ad ipsam attinent, & sunt illius membra, ut eatenus non sit de quo illi magnopere nobiscum contendant.

Verum

Verum ut clariùs pateat quomodo & quatenus illi seu independentes seu congregacionales super regimine Ecclesiastico à Theologis Nostris dissentiant, dissensus ille in Synodo Londinensi anni 1647. expressus est tribus propositionibus, quas affirmabant nostri, illi verò negabant. 1^a Propositio fuit juxta plures particulares congregacionales posse esse sub uno Regimine Presbyteriali. 2^a Licere ac cum verbo Dei congruere, ut sit subordinatio conventuum congregationalis classici provincialis & nationalis ad Regimen Ecclesiæ. 3^a Omnino requiri ne singularis congregatio, quæ aptè cum aliis associari potest sibi soli arroget omnem ordinationis potestatem, quæ latius relata videre est apud Joannem Hoornbeck in summâ controversiarum Religionis libro 10. de Brownistis.

Porro observandum est quamvis Synodorum usus omnibus Theologis nostris probetur, usum tamen Synodorum in omnibus Ecclesiis Ref. non eundem esse; pleræque enim per Synodos reguntur, ut, verbi gratia, Ecclesiæ Gallicæ, Belgicæ & Scoticæ in quibus Synodi sunt statæ & ordinariæ. Attamen nonnullæ sunt veluti Germanicæ in quibus Synodorum usus est valde rarus & infrequens, quoniam Ecclesiarum illarum Regimen ordinarium & summa potestas Ecclesiastica non est penes Pastores provincie, vel ditionis, sed penes senatum Ecclesiasticum constantem paucis aliquot pastoribus & Principum consiliariis.

C A P. II.

Quinam sint ad Concilia vocandi, & ex quo hominum genere constare debeant.

UT suam hac de re sententiam explicet Bellarm. ante omnia monet duo esse annotanda; unum est, Ecclesiam universam quatuor contineri hominum generibus, sunt enim, inquit, aliqui clerici, aliqui Laici, & rursum ex Clericis alii prælati, alii non prælati, item ex Laicis alii Principes, alii privati. Alterum est, in conciliis, multis de causis aliquos interesse posse, alios enim interesse ut Judices, qui dicuntur habere suffragium decisivum; alios, ut disputando examinent difficultates qui dicuntur habere suffragium consultivum; alios verò, ut ministrent, quales sunt Notarii custodes, &c. Et alios, ut defendant concilium, & dent operam ut intus & extra omnia sint pacata.

His prænotatis docet ex quatuor prædictis hominum generibus, aliquos ad concilium vocari posse & solere, sed ad diversos fines & functiones. Et quidem dicit ex laicis privatis vocari aliquos, sed tantum ad aliquod concilii ministerium, ad quod necessarii vel utiles videntur. Principes autem vocari ut concilium defendant, atque ut testes & conscii decretorum concilii postea transgressores & contumaces poenis corporalibus puniant. Ex Presbyteris verò & aliis clericis minoribus dicit vocari aliquos viros doctos qui juvent in disputando, vel aliis Ministeriis; adeoque qui possint habere Suffragium, quod ille vocavit consultivum. Sed contendit solos prælatos majores, id est, Episcopos, in conciliis tam generalibus, quam Provincialibus habere Suffragii decisivi jus, idque ex jure ordinario, nam alioquin ex privilegio & consuetudine jus illud extenditur etiam ad Cardinales, Abbates, & Generales Ordinum, licet Episcopi non sint.

Quantum attinet autem ad Synodos Diocesanas patet ex ante dictis illas ex Sententiâ & mente Pontificiorum constare ex Presbyteris unius Episcopatus, quibus unicus Episcopus præsidet, verum, ut ante dictum est, Synodos ejusmodi vix pro conciliis habent.

Porro

Porro istam Bellarmini sententiam sancit & confirmat hodierna praxis Ecclesie Rom. & concilii præsertim Trident. Exemplum, & ad eam accedunt plerique illius doctores. Verumtamen in ipsa Ecclesia Rom. ante duo secula apud multos videtur obtinuisse diversa sententia. Nam in Concilio Basileensi, quod inchoatum est anno Christi 1431. admitti sunt Presbyteri ad suffragium decisivum, agnoscens ipso Bellarmin. lib. 1. de conc. cap. 15. parag. 3. *probatur*. Ludovicus vero Cardinalis Arelatenfis, Basileensis Concilii præses in oratione quadam habita in illo concilio, quam refert Æneas Sylvius lib. 1. de Gestis Concilii Basileensis, multis Argumentis probat non tantum Episcopos, sed Presbyteros in conciliis de jure habere vocem non tantum consultivam, sed etiam decisivam & terminativam: & testatur Presbyteros illos suo jure usos in concilio quoque Constantienti, & aliis præcedentibus; *Constantiensis, inquit, Concilii regens memoria extat ubi plurimi ex nobis fuerunt, & ego etiam qui nondum Cardinalis nec Episc. sed tantum Doct. eram, interfui, vidique sine difficultate inferiores cum Episcopis ad decisionem rerum arduarum admitti, nec pudere nos debet maximam illam & Sanctissimam Synodum imitari, qua & Pisannum Concilium, & ipsum amplissimum Lateranense secuta fuit, in quibus judicasse cum Episcopis Presbyteros non est ambiguum*. Præcipue verò urget exemplum concilii Hierosol. in quo cum Apostolis, convenerunt Presbyteri sive Seniores.

Quantum attinet ad nostros Theologos, observandum immeritò Bellarm. illis tribuere quod doceant concilium Ecclesie non constare nisi ex verè piis & Electis. Istud autem inde deducit quod nostri solos Sanctos & Electos ad Ecclesiam pertinere volunt: Concilium autem Ecclesie non nisi ex hominibus Ecclesie constare possit. Verum fallacia est in ambiguitate vocis Ecclesie, nam Ecclesia aliquando sumitur pro Ecclesia invisibili, ad quam soli Sancti & Electi pertinent, aliquando verò pro Ecclesia visibili, in qua cum sanctis impii multi & Hypocritæ permixti sunt, jam autem concilium constat ex hominibus Ecclesie visibilis non invisibilis, & Ecclesiam visibilem non invisibilem representat.

Vera igitur Theologorum nostrorum Sententia est in conciliis suffragium habere decisivum omnes eos qui in eum finem missi & delecti sunt, nec enim putant fas esse cuivis in concilia irrumpere; nisi ad hoc aliquam vocationem habeat. Porro censent Ecclesias ad concilia delegare posse non tantum Episcopos, quo sensu vox illa hodiè sumitur, sed etiam Pastores quosvis; neque hoc volunt esse Pastorum privilegium, nam in Ecclesiis nostris, Pastoribus qui ad Synodos mittuntur adjungi solent illi quos vocamus seniores, id est, homines ex Plebe delecti qui communi cum pastoribus consilio Ecclesias regunt, quibus quoque in Synodis nostris jus suffragii conceditur; Quinetiam censent Theologi nostri, Ecclesiis licere & liberum esse debere, ut si ita visum sit ad concilia mittant & delegant homines alioqui merè privatos, modo sint pii, docti, & periti rerum Ecclesiasticarum, eosque in hoc casu Communi cum Pastoribus & Senioribus jure sententiam de rebus propositis ferre posse. Ita docet & censet Wittakerus Controvers. 3. Concil. quæst. 3. Clarissimus vir Moses Amyraldus Theibus de conciliis parte 2. Wendelinus Christianæ Theologiæ lib. 1. cap. 28. Thesi 31. Bucanus loco 43. num. 23. & Tilenus de Conciliis disput. 1. & alii complures. Unde patet quis sit hic status Controversiæ cum hodiernis Pontif. nempe an soli Episcopi in conciliis Suffragium habeant decisivum quod affirmant Pontificii. An verò jus idem competat quibuslibet Ecclesiarum delegatis, seu sint illi Pastores, seu de aliorum rectorum Ecclesie numero, sive etiam homines alioqui merè privati, quod Theologi nostri docent.

C A P.

CAP. III.

Cujus sit Conciliis præsidere.

EX mente Pontificiorum Conciliis Dioecesis jure suo præsidet Episcopus illius Dioecesis, Conciliis Provincialibus Archiepiscopus seu Metropolitanus illius Provincie, Conciliis Nationalibus Nationis seu Regni Primas aut Patriarcha: At verò jus præsidendi conciliis œcumenicis seu generalibus voluit esse penes Episc. Rom. sive per se velit illam functionem exercere sive per legatos à se demandatos. Porro in conciliis quæ in Ecclesia Rom. habita sunt, dum plures essent antipapæ Ecclesiam Rom. turbantes, ideoque sine eorum autoritate, jus præsidendi fuit illi qui ad hanc functionem totis concilii suffragiis electus est.

Quantum ad nostros Theologos attinet, notandum est non ubique fuisse esse apud Reformatos Ecclesiæ Regimen, in quibusdam enim locis Episcopi manserunt à Presbyteris distincti, sicut in Angliâ. Alibi vero Pastorum omnium munus quidem habebatur secundum se æquale, attamen ordinis causâ quidam cæteris præponuntur cum aliquâ Autoritate, & vocantur superintendentes ut in Germaniâ atque Poloniâ. At verò plerisque nostris Ecclesiis ut Gallicis & Belgicis, omnimoda servatur inter Pastores æqualitas. Jam autem apud quos mansit Episcoporum nomen & aliquatenus dignitas, non est dubium quin supra vulgares Pastores, Episcopi jus sibi arrogent in conciliis præsidendi, & existimo quoque apud eos qui Episcopis substituerunt eos qui vocantur superintendentes, aliquid etiam eis in hac parte peculiare tribui; & apud pleraque nostras Ecclesias, in quibus est frequens Synodorum usus & modo dicta illa Pastorum æqualitas, ille Synodis præest qui ad hanc functionem tactis delegatorum Suffragiis eligitur. Idemque in Synodo etiam Generali, si quæ talis haberi possit, proculdubio obtinere debere docet & probat Clarissimus vir, Moses Amyraldus Theibus de Concilis parte 2.

Nonnulli tamen id jus Imperatori potius aut Regibus videntur tribuere, ut Conciliis vel per se, vel per homines à se delegatos præsidere possint, si ita ipsis videatur: hæc enim sunt verba Wittakeri de Conciliis questione 4. cap. 1. *Nostra*, inquit, *Sententia est hoc totum, Scilicet quis in Concilio præsideat in Imperatoris, & Regum, aut ipsius Concilii arbitrio positum esse. Si Imperator ad id illud summum esse contendimus, ac proinde illum vel per se præsidere, vel hoc alteri mandare, & alterum loco suo præficere, sive Episcopum sive hominem consularem, vel denique totum hoc negotium concilio committere, in ejusque arbitria relinquere, ut ipsi qui sunt in concilio liceat quem velint moderatorem eligere.* Consentit Bucanus lib. 43. par. 23. ubi expresse docet summum Magistratum præesse debere Synodis, vel per se, vel per alios quos deligere placuerit, si sit ipse Christianus aut Religionis Christianæ tolerator.

Quidam verò distinctius & meo quidem judicio convenientius hæc de re loquuntur, distinguunt scilicet inter Præsidem Politicum & Ecclesiasticum. Ille vester Princeps politicus ipse, vel aliquis ab eo ad hoc nominatus; hic vero de numero Ministrorum Ecclesiæ, qui ad hoc, fratrum suorum suffragiis, eligi debet. Ita Tilæus de conc. disp. 1. Theli 10. atque 11. Summum, inquit, concilii præsidem, alium quam Christum querere nefas est. Ministerialis vero præses duplex est, Ecclesiasticus & Politicus. Ille fratrum Suffragiis electus, quasi ones in concilio mittit, disputationem & altercationem moderatur, sententias rogat, decreta per Notarios in acta refert, & siquid aliud est ejusmodi curat. Politici præsidis partes sunt Concilium indicere ac cogere, coactum tuum, ac cum externam vim, tum internam & turbam, & quicquid prohibere, decreta Legitima facta & Legatorum subscriptionibus confirmata, sua quoque autoritate sancire, & in ditione cui præest stabilire, &c.

Itaque

Itaque quæstio est inter nos & Pontificios de Conciliis præcipuè Universalibus, an scilicet in iis quoad res Ecclesiasticas Rom. Pontifex præsidere debeat, an verò is qui à Concilio ipso designatus & electus fuerit; Prius affirmant illi, Posterius nostri Theologi.

C A P. IV.

Cujus sit Congregare Concilia.

Pontif. omnes conveniunt Concilla Diocesana ab Episc. Provincialia ab Archiepiscopo seu Metropolitano, Nationalia verò à Primate vel Patriarcha convocari debere, sed munus convocandi Concilia Generalia ad Rom. Pontif. pertinere volunt. Sic tamen ut possit etiam alius Pontifice consentiente concilium indicare. Quin etiam satis sit si indictionem factam ipse postea ratam habeat, & confirmet; ac si nec ipse indicat concilium nec aliquis alius de ejus mandato vel consensu, nec ipse saltem approbet Indictionem, illud non concilium, sed conciliabulum fore censent Ecclesie Rom. Doctores, aut omnes, aut plerique, ut videre est apud Bellarm. lib. 1. de conciliis cap. 12.

De conciliorum verò indictione & convocatione Theologi nostri omnes non eodem modo loquuntur; quidam totam Autoritatem cogendi & indicendi concilia videntur ad Principes Temporales referre, saltem si Christiani sint. Ita Wittacherus de conc. quæst. 2. cap. 1. *Nos, inquit, non à Papa, sed ab Imperatore & reliquis Christianis Principibus concilia cogi oportere, & hanc Autoritatem illis tribuendam esse dicimus.* Ita quoque Tilenus Thesi illa cap. superiore citata, ubi asserit prædis politici partes esse concilium indicare ac cogere.

Similiter Wendelinus Christianæ Theologiæ lib. 1. cap. 28. Thesi 31. artic. 4. ad quæstionem penes quem sit potestas & authoritas indicendi concilia præcipuè universalis sive œcumenica, respondet, *nos dicimus potestatem hanc esse penes magistratum politicum Christianum, hoc est, Imperatorem, Reges, Principes, &c.* Bucanus verò loco 43. parag. 23. ad quæstionem à quibus convocari seu indicari debent Synodi, respondet his verbis, *a summo Magistratu, si fidelis sit aut fidei Christianæ tolerator, qui ipse vel per se vel per alios quos deligere placuerit Synodo præesse debet; si verò Magistratus infidelis est, hisce verbis explicat quid tunc fieri debere censet, tum, inquit, Pastorum munus est prospicere quantum in se est, nequid Christiana Ecclesia detrimenti accipiat, & mutuo sese excusare ut communi Concilio conveniant, absque sedum prerogativa, quos constabit doctrinâ, viâ Integritate, aliisque Spiritus Sancti donis, non exclusis etiam Laicis, excellere.*

Omnium verò optimè & modo rationi maximè Consentaneo rem istam tractasse & explanasse videtur Clarissimus Moses Amyraldus illis de Concil. Thesibus sæpè memoratis, Parte 2. Thesi 22. ad finem usque. Hic igitur Thesi 23. docet Ecclesiis particularibus, quas unâ veluti Confederatio junxit, id Juris competere, ut & suos Conventus congregent, & statas eorum habendam vires definiant, & ex numero suo eos deligant, ad quos jus pertineat communis concilii cogendi, illudque officium vel cuiuspiam Ecclesiæ concedi posse, vel ire per vias ad omnes illius districtus Ecclesias, ut apud Gallicanas Ecclesias usus est; sicut in Ecclesiis particularibus id jus est ut & ipse suum senatum & concilium constituent, & convocandi illius stata Tempora determinent, & eis quibus componitur, auctoritatem tribuant illius, cum id necesse est, convocandi, sive unus aliquis eam potestatem perpetuo habeat, sive cum pluribus per vias communetur. Additque quod in Diocesana seu Provinciali Synodo sic usurpatur pariter locum habere debere in conciliis nationalibus, quia quæ est ratio conventus Provincialis ad singulares Ecclesias, eadem est ratio Nationalis consensus ad singulas seu Provincias, seu Dioceses quæ eadem communi *παρατίς* jungantur.

Quod

Quod attinet verò ad Synodum universalem, non tantum eos refutat qui jus illius convocandæ Rom. Pontifici tribuunt, sed & eos qui istud Imperatori assignant, aut ulli omnino potestati politicæ, si quidem res per se & præcisè spectetur. Ut enim, inquit Theli 28. magistratus inferiores hoc sibi arrogare non solent ut Ecclesiarum Particularium consistoria, vel diocesanas aut Provinciales Synodos convenire jubeant, sed ejus rei potestatem Ecclesiis ipsis relinquunt, quati ad eas propriè pertinentem, sic imperatores hoc sibi vendicare non debent ut ab illis tanquam imperio concilia universalia cogantur: Ut & societas religiosa hoc sibi non sumit ut vel in Democratiis ἐκκλησιάζει seu conciones, vel in Aristocraticis Rebus publicis senatum, vel in Monarchiis ut nonnunquam comitia & ordines convocent, sed id ab eis fieri sinunt quibus est ab ipsa Politicâ potestate tributum; sic politica potestas, neque ipsa per se, neque per quemquam alium penes quem sit publicæ potestatis majestas, conciliorum convocandorum jus ad se trahere debet, sed id permittere societati Religiosæ.

Ut verò rem hanc distinctius explicet, dicit Ecclesiam, quæ est religiosa quædam societas considerari posse vel seorsim, vel quatenus aliquid habet cum locietate aliquâ politicâ commune & conjunctum. Priori modo Ecclesiam considerare necesse est cum latet aut dispersa est, aut simpliciter toleratur in Rep. vel Regno ab ipsâ alieno. Posteriori verò cum Magistratus Politicus fidelis & Christianus est, adeoque iisdem Personis diversimodè tantum consideratis constant Ecclesia atque Respublica. Et quidem si Ecclesia consideretur seorsim & per se, docet, ut jam expositum est, non tantum Ecclesiam quamque particularem jus habere sui senatus, id est concilii cogendi, sed & plures Ecclesias posse jure suo convenire in Synodis provincialibus, seu Nationalibus, aut etiam omnes in universalibus per viros Ecclesiasticos ab Ecclesiis sive provinciis aut nationibus singulis delegatos, quanquam id fieri vix possit, nisi sciente adeoque annuente potestate politicâ.

Si autem Ecclesia consideretur non præcisè in se, sed quatenus aliquid habet cum societate politicâ commune, ac veluti connexum; distinctionem aliam adhibet adhuc vir ille clariss. nam ex ejus sententia si Ecclesia rectè suo munere fungatur, suosque conventus agit & concilia celebrat ex ordine instituto, & sicuti postulat & exigit commune bonum, tum potestas politica nihil quicquam facere debet quod communem illam ac legitimam procurandæ ædificationis rationem interpellat, nec sese immiscere rebus Ecclesiasticis quarum administrationem Deus Ecclesiæ ipsi permisit; si verò Rectores Ecclesiæ doctrinam & disciplinam Ecclesiæ collabi & corrumpi patiantur, & concilia convocare negligant, quæ mala in Ecclesiam irreptitia reprimant & depellant, tum Magistratus Politicus, quisquis tandem ille sit, potestatem habet & jus non tantum hortandi atque impellendi ad officium Ecclesiæ Ministros, sed ea per se faciendi quæ ut ab aliis fiant hortationibus suis impetrare non potest; adeoque non modo concilia convocare potest in ditione suâ, sed etiam alios summos Magistratus ac principes, Litteris Legationibusque sollicitare ut non ex uno loco tantum, sed ex omnibus, si fieri possit, ad ædificationem Ecclesiæ manus admoveantur, qua in re, inquit, in Pastorum munus, non involat; non enim postquam concilium convocatum est ipse illius gubernacula arripit, ut vel quodvis pro imperio statuat, & falcem injiciat in messem alienam, sed tantum ut suum officium faciant, procurat, atque inservit communi utilitati.

Porro ex jam dictis patet, quis sit inter nos & Pontificios controversiæ status de conciliorum indictione atque convocatione: Etenim Pontificii potestatem generalis concilii convocandi propriè & de jure ordinario Pontifici tribuunt, Particularium verò Episcopis, Archiepiscopis, & Primatibus & Patriarchis. Notiorum verò doctorum nonnulli jus illud potius tribuunt Magistratui politico, alii verò Ecclesiis ipsis, sive Ecclesiarum rectoribus in communi: quanquam ubi res tranquille & ordine geri possunt, nihil in eo facere debeant sine Magistratus consensu & permisso.

Obiter nota Bellarm. falli cum lib. 1. de conc. cap. 22. affirmat convenire inter nos & adversarios concilia Diocesana ab Episc. Provincialia ab Archiepisc. Nationalia à Patriarcha vel Primate convocari debere, cujus rei Testem Calvinum citat inst. lib. 4. cap. 7. par. 8. Calvinus enim eo loco simpliciter recitat (Kk) quod

quod olim hac in re factum sit, non quid fieri debeat; adeoque cum Calvinus ipse & nostrorum longè plurimi hierarchicum illum ordinem Episcoporum, Archiep. Primatum & Patriarcharum ex Ecclesia tanquam tyrannicum eliminandum censuerint, planum est eos multum abesse à sententiâ quam illis tribuit Bellar.

Præterea observandum est Doctores Ecclesiæ Romanæ in eo, ut jam dictum est, convenire, quòd propriè & de jure ordinario Romanus Pontifex potestatem habeat indicendi & cogendi concilium general. Verùm inter se quærent an non liceat concilium indici ab alio quam à Papa, quando Ecclesiæ necessarium est, & tamen Papa vel non vult illud indicare vel non debet; non debet quia est hæreticus vel schismaticus, vel non potest propter mortem, captivitatem, insaniam, aut renunciationem. Respondet Turrecremata referente & probante Bellar. de conc. lib. 1. cap. 14. vix esse possibile ut concilium necessarium sit, & tamen Papa nolit illud indicare; si tamen id contingat posse tum haberi Papam tanquam suspectum de hæresi, adeoque rem eo modo geri ac si Papa esset hæreticus. Si vero schismaticus aut hæreticus sit Papa, aut propter mortem, sive insaniam, aut alium casum, non possit concilium indicare, respondet Bellarm. verum & perfectum concilium quod authoritatem habet definiendi quæstiones fidei, convocari tum non posse, quia ecclesia tunc est sine capite in quo authoritas ista præcipuè residet, posse tamen congregari concilium imperfectum, quod sufficiet ad providendum Ecclesiæ de capite. Posse verò ejusmodi concilium imperfectum à Collegio Cardinalium convocari, & posse quoque Episcopos in unum locum per se convenire absque indictione & jussu Cardinalium.

At verò Pontificii illi qui concilium supra Papam extollunt dicerent Ecclesiâ posse tunc per se convenire, & etiam constituere concilium perfectum, quod quidvis definiendi potestatem haberet; quam potestatem exercuit concilium Constantiense, pontificibus tribus depositis, antequam novum eligeret, dum scilicet, in hunc finem, id est, ut specimen daret illius suæ potestatis, decretum sanxit de communione sub alterâ tantum specie.

C A P. V.

De Conciliorum autoritate, quæ & quanta sit.

NOtant pontificii authoritatem conciliorum dupliciter considerari posse. 1. Absolutè & in se. 2. Comparatè ad authoritatem Scripturæ S. & authoritatem pontificis Romani. 1. Igitur simpliciter quærent quæ & quanta sit in se authoritas conciliorum; deinde an authoritas illa, major vel minor authoritate Scripturæ & authoritate Romani Pontificis.

Quod ad primum attinet, quæritur an authoritas tanta si ut sint ab errore prorsus immunia, & Christianorum fidem necessariò obligent. Distingunt hic pontificii, 1. Inter concilia particularia, sive provincialia sint, sive nationalia, & inter concilia generalia sive œcumenica; deinde inter concilia à pontifice Romano confirmata, & inter ea quæ nondum confirmavit. Et in eo quidem omnes pontificii conveniunt concilia universalia à pontifice Romano confirmata omnino errare non posse nec in fide nec in moribus, idque ab ipsis habetur tanquam dogma catholicâ fide tenendum, & quod nemo negare possit quin hoc ipso in hæresin incurrat. De conciliis verò particularibus quæ confirmavit Romanus pontifex, non consentiunt pontificii omnes an in fide & moribus possint errare vel non. Etenim ii qui pertendunt Romanum pontificem non esse extra erroris periculum in judicandis iis rebus quæ ad fidem & mores pertinent, consequenter etiam docent concilium particulare quantumvis à Romano pontifice confirmatum sit, errori esse obnoxium, cum concilium ejusmodi per se infallibile non sit

fit, nec Romanus pontifex illi tribuere possit infallibilitatem quam ipse quoque non habet. Omnes autem illi qui sentiunt pontificem Romanum Ecclesiam publice docentem errare non posse in fide & moribus, existimant etiam concilium quodlibet ab eo confirmatum iisdem in rebus errare non posse; nam si pontifex errare non potest, certe nec concilium, quamvis exiguum, ab illo comprobatum.

Posterior ista sententia in Ecclesia Romana hodie magis recepta est, & sequitur illam Bellarm. qui non audet quidem hereticis accensere eos qui docent concilia particularia à Romano pontifice confirmata errare posse, sed tamen asserit istud esse temerarium, erroneum, & hæresi proximum.

Est autem observandum quæstionem illam, An concilium aliquod à pontifice Romano confirmatum errare possit, si verba per se spectentur absurditate non carere. Cum enim concilium à Papa non confirmetur nisi postquam celebratum est, & absolutum, adeoque amplius non est, quærere an possit errare concilium quod Papa confirmavit, idem est ac quærere an possit errare concilium quod non est, & quod de nulla re iudicat, & decernit: cum ergo istud tantum quærant an certum sit non errasse concilium quod Papa semel confirmavit, illiusque decretis necessariò sit fides adhibenda, quæstio sic potius erat proponenda, An Papa errare possit in iudicando, Num concilium aliquod erravit vel non? Nec enim hæcenus quæritur de conciliis, sed de Papæ potius infallibilitate.

Ut ergo innotescat quantum propriè pontificii conciliis tribuant consideranda sunt illa. 2. Modò antequam scilicet sint à pontifice Romano probata, sive confirmata, id est, dum adhuc stant nec dissoluta sunt, & de rebus propositis iudicare possunt, ac decernere; & quidem omnes Doctores Ecclesiæ Romanæ unanimiter concedunt particulare concilium quodvis, hoc est, sive nationale, sive provinciale, quod omninò non sit generale & œcumenicum, ante pontificis confirmationem, errori esse obnoxium in rebus etiam fidei, nec omninò certam fidem facere posse; atamen ejusmodi concilia statuunt, magnæ esse autoritatis, ita ut temerarium sit iis contradicere, & teneantur homines privati acquiescere eorum iudicio, donec non judicaverit aliter Apostolica sedes, vel concilium universale, ut videre est apud Bellarm. lib. 2. cap. 10. de conciliis.

Sed de conciliis universalibus an errare possint ante pontificis confirmationem controversatur inter Ecclesiæ Rom. Doctores. Nam multi illorum qui supra Papam concilium efferunt, & nolunt Papæ iudicium esse prorsus infallibile, istam infallibilitatem conciliis tribuunt, & docent concilia generalia, legitima, non posse errare etiam ante confirmationem pontificis. Hæc sententia fuit olim Theologorum Parisiensem, & illam eorum multi etiam hodiè retinent, ac ante ducentos annos scil. tempore concilii Constantiensis, atque Basileensis in Ecclesia Romana communiter obtinebat.

Contrà verò docent alii, concilia quantumvis generalia atque legitima in definiendo tamen errare posse ante Papæ confirmationem. Hæc fuit sententia Cardinalis Cajetani & Turucrmatae etiam Cardinalis, referente Bellarm. lib. 2. de concil. cap. 11. illamque tenent plerique eorum qui Papæ adulantur, & auctoritatem ejus supra concilium extollunt, adeoque ferè est Monachorum communis. Bellarm. verò suam sententiam distinctius explicat & notat contingere posse quatuor modis ut fiat concilii generalis definitio. 1. Ut Patres consentiant & definiant dissentientibus Legatis Rom. pontificis. 2. Ut definiant consentientibus Legatis, sed contra instructionem pontificis agentibus. 3. Consentientibus omnibus etiam legatis; sed qui non habuerunt certam & particularem instructionem. 4. Consentientibus omnibus cum Legatis habentibus & sequentibus Papæ instructionem. Si concilium definiat primo & secundo modo, Bellarm. audacter affirmat concilium ejusmodi errare posse & contrariam sententiam damnat. De tertio modo dicit rem esse sub opinione, id est, licere de eà in utramque partem opinari, & tamen existimat ipse concilium posse errare, neque esse infallibile iudicium ejus ante confirmationem pontificis. Quarto vero illo modo, nempe si concilium aliquid definiat non tantum Legatis consentientibus, sed & in eo sequentibus particularem quam habent Papæ instructionem, dicit Bellarm. vix dubium esse posse quin hujusmodi concilium sit extra erroris periculum, & ipsi certum videri quod tale concilium errare non possit, qui-

(K k 2)

bus verbis satis innuit quosdam ex suis esse qui dissentiant, nec in Ecclesiâ Romanâ pro veritate explorata haberi.

Ex quibus licet colligere magnam partem Doctorum Ecclesiæ Romanæ omnem reverâ infallibilitatem abrogare concilio, & illam in Romanum pontificem transferre, quandoquidem, ex eorum mente, ante confirmationem Romani pontificis, non est omnino certum & pro articulo fidei habendum quod à concilio quantumvis generali definitum est; in dubium verò, revocari non debet, sed cum omni obsequio fidei suscipi quod particulare aliquid concilium definierit, modò sit à Pontifice Romano confirmatum.

At sunt hodie nonnulli ex Doctoribus Ecclesiæ Romanæ qui neque Papam per se infallibilem esse volunt, si aliquid sine generali concilio definiat, nec etiam concilium universale certam fidem facere ante Papæ consensum & confirmationem, sed tum demum aliquid in Ecclesiâ certum esse & pro articulo fidei habendum, cum de eo Papa simul & concilium conveniunt; namque infallibilitatem nec in Ecclesiæ capite, nec in corpore seorsum residere, sed in utroque, sc. tam capite quam corpore junctis & simul sumptis.

Est autem observandum cum Doctores Pontificii conciliis, quomodocunque tandem consideratis, infallibilitatem tribuunt, & asserunt illa errare non posse, eos per id non intelligere absolutam quandam infallibilitatem, quasi in ejusmodi conciliis nihil omnino falsum esse posset & à vero discrepans, nec eorum iudicium à recto unquam justoque aberraret.

1. Enim distinguunt inter ea quæ sunt facti & particularia, & ea quæ sunt juris & communia toti Ecclesiæ in rebus particularibus & facti; omnes ultro concedunt nulla esse concilia quæ errare & falli non possint, quæcunque verò in eis sit infallibilitas, illam restringunt ad fidei dogmata & leges seu decreta de moribus, quæ ad salutem necessaria sunt.

2. Distinguunt inter acta conciliorum generaliter sumpta & conciliorum decreta seu canones. Nam in conciliorum actis inseruntur multæ disputationes, & varia efferuntur ad illustrationem & probationem dogmatum, quæ in illis discutiuntur. Illa verò omnia non putant Christianorum fidem obligare, & in eis aliquid erroris inveniri posse fatentur, sed ipsos tantum canones in conciliis sancitos & eorum nuda decreta ab errore esse immunia perpendunt.

Imò adhuc inter ipsa conciliorum decreta distinguunt, docent enim, concilia quædam aliquando definire non ut omnino certa & necessariò tenenda, sed tantum ut probabilia, quo in casu, ut patet, eorum decreta fidem non obligant, & rebus definitis falsum subesse potest: aliquando verò concilia declarare & definire ea quæ ad fidem pertinent, et quæ aliquis non potest rejicere quin peccet in Christianam & Catholicam Fidem: & in eo præcipuè volunt concilia errare non posse. Quod si quis quærat quomodo dignoscetur an decretum aliquod concilii proponatur tanquam de fide, an non? Respondent id cognosci ex verbis concilii. Tum enim, inquit, semper concilia dicere solent se explicare fidem catholicam, vel hæreticos habendos qui contrarium sentiunt, vel quod est præcipuum pronuntiant esse ab Ecclesiâ excludendos illos, qui contrarium tenent & opinantur, & dicunt eis Anathema. Quando verò in decretis conciliorum nihil tale observatur ex mente doctorum Ecclesiæ Romanæ non est certum rem esse de fide. Quin etiam quando concilia aliquid tanquam de fide decernunt & definiunt, notant Pontificii in eorum decretis non verba sed sensus tantum ad fidem pertinere. Nam, inquit, non est hæreticum dicere in Canonibus conciliorum aliquod verbum esse supervacaneum aut non rectè positum, nisi fortè de ipso verbo sit decretum formatum, ut cum in concilio Niceno decretum est recipiendam esse vocem *ἐκκλησίαν*, & in Ephesino primo *συντοκίον*.

Atque ita quidem sentiunt Doctores Ecclesiæ Romanæ de auctoritate conciliorum absolutè consideratâ; si verò concilia cum sacrâ scripturâ comparantur, tum nova oritur quæstio, nempe quanta sit, hoc respectu eorum auctoritas, an scil. major an minor scripturæ auctoritate.

Multi ex Pontificiis non reformidant dicere Scripturam sacram quoad nos pendere ab auctoritate Ecclesiæ sive concilii, adeoque auctoritatem Ecclesiæ & conciliorum esse majorem, saltem quoad nos, auctoritate Scripturæ; estque super ea re gravis controversia inter Theologos nostros & Doctores Ecclesiæ Romanæ,

manæ, præsertim Thomam Stapletonum, qui de hac questione copiose & accurate præ suis omnibus egit. Bellarm. verò super hoc nullam litem nostris Theologis movet, & videtur sensisse eà de re non esse specialem controversiam; imò non obscure hac in parte improbat saltem modum loquendi, non paucorum ex suis, quale est illud Eckii *Scriptura, non est authentica nisi ecclesie auctoritate*; & illud apud Petrum Charron in tertia veritate cap. 2. *C'est Législateur qui Emoulogue autorise & regent L'écriture. Item, L'écriture n'a, autorité point ni force sur nous & nostre croyance, si non enant que Législateur l'a dit & le declare.* Nam lib. 2. de Conc. cap. 12. Catholici, inquit, *Scripturam sacram non subjiciunt sed anteponunt conciliis, neque in hoc ulla controversia est; quod si interdum catholici aliqui dicunt Scripturam pendere ab Ecclesiâ seu à concilio, non intelligunt quoad auctoritatem & secundum se, sed quoad explanationem, & quoad nos.* Et postea observat multiplex esse discrimen inter Scripturam sacram & conciliorum decreta, ex quibus intelligitur scripturam præponi conciliis. Quibus verbis satis clare docet auctoritatem Scripturæ ab ipso majorem agnosci quam auctoritatem conciliorum.

Porro inter Scripturam & conciliorum decreta quinque discrimina notat, quibus animadversis facilius & distinctius concipitur, quid & quantum Pontificii conciliis tribuant, & quid de eorum auctoritate cum auctoritate Scripturæ sacræ comparata sentiant.

Primum est quòd Scriptura est verbum Dei immediate revelatum, & scriptum quodam modo Deo dictante. Etenim auctoribus sacris vel nova quædam & antea incognita revelabantur à Deo, vel saltem Deus eos immediate inspirabat, movebatque ad scribendum ea quæ viderunt, vel audierant, & eos dirigebat ne aliquo modo errarent. At concilia non habent, neque scribunt immediatas revelationes aut verba Dei, sed tantum declarant quodnam sit Dei verbum scriptum, vel traditum, & quomodo intelligi debeat, & præterea ex eo per ratiocinationem deducunt conclusiones.

Secundum discrimen, ex hoc primo oritur, & est quòd Scriptores sacri non debuerunt multum laborare in suis libris edendis, videtur enim eorum labor constituisse in eo quòd scriberent vel dictarent ea quæ spiritus suggererat, si edebant vaticinia & mysteria nova proferebant, aut ad summum revocarent ad memoriam ea quæ viderant & audierant, & cogitarent verba quibus ea scriberent, si scribebant Historias vel Epistolas, vel aliquid simile. At patres in conciliis debent rem ipsam querere, id est, conclusiones investigare disputando, legendo, cogitando.

Tertium est quòd in Scriptura nullus potest esse error, sive agatur de fide, sive de moribus: & sive affirmetur aliquid generale & toti Ecclesiæ commune, sive aliquid particulare, & ad unum tantum hominem pertinens: at de conciliis secus est, ut jam ante fuit observatum.

Quartum est quòd in Scripturâ non solum sententiæ sed etiam verba omnia & singula ad fidem pertinent, credimus enim nullum esse verbum in Scripturâ frustrâ aut non recte positum; sed, ut antea dictum, agnoscunt pontificii in conciliis rem longè aliter se habere.

Quintum est quòd Scriptura non eget approbatione Pontificis ut sit authentica; sed tantum Bellarmino, ut innotescat ejus auctoritas; at concilia etiam generalia & legitima non sunt rata nisi à Pontifice confirmantur; atque ita quidem ille auctoritatem Scripturæ cum auctoritate concilii comparat, & majorem, etiam quoad nos, auctoritatem Scripturæ quam concilio tribuere videtur, contra quam faciunt alii Ecclesiæ Romanæ Doctores.

Sed inter ipsos longè est major controversia super comparatione potestatis conciliorum cum potestate Romani pontificis, dum scilicet alii Papam supra concilium efferunt, alii verò majorem in concilio quam in Papa potestatem esse volunt, adeoque pontificem generali concilio subjici debere pertendant, & ab eo leges accipere.

Igitur non pauci sunt in Ecclesia Romana qui profitentur quidem Pontificem Romanum esse caput Ecclesiæ à Christo institutum, sed caput tantum ministeriale, quod sit quidem superius Christianis singulis & singulis Ecclesiis si seorsim sumatur sed non totâ Ecclesiâ simul sumptâ & congregatâ. Etenim censent illi Christum immediate Ecclesiæ ipsi tribuisse omnem illam potestatem spirituales

ritualem quā Ecclesia regitur, adeo ut potestas illa in Ecclesiā perpetuū maneat, nec ab eā unquam auferatur; quia tamen non potest Ecclesia semper congregata manere & exercere per se hanc potestatem, Christum instituisse summum Pontif. tanquam instrumentum generale ad omnes actiones Ecclesiæ, & quod supremam istam potestatem ecclesiasticam in singulos fideles & Ecclesias singulas Ecclesiæ totius nomine exerceat; unde sequitur potestatem illam esse in Ecclesia principaliter & immediatius quā in summo Pontifice, adeoque Pontifice deposito, vel mortuo, vel nolente officio fungi & Ecclesiæ prospicere, nullam potestatem Ecclesiæ deesse, & posse illam per se & sine Pontifice præstare quicquid ordinariè per Pontificem sive cum Pontif. præstat. Denique volunt Papam in Ecclesia esse id quod est Dux Venetiarum in Rep. Venetā, vel magister generalis in aliquo Monachorum ordine. Constat enim Ducem Venetum esse supra singulos magistratus, & supra singulos Senatores, & civitates Venetas, non tamen supra totum Senatum simul collectum; & quando moritur Dux certum est totam auctoritatem etiam Ducalem esse in Senatu. Quo modo etiam magister generalis est supra singulos Monachos sui ordinis etiam Priores & Provinciales, & tamen non est supra congregationem generalem cum ei parere debeat non imperare.

Porro cum concilium œcumenicum Ecclesiam universalem repræsentet, & quicquid habet Ecclesia juris & potestatis in concilio ex ea universā congregato esse censetur, supremam ecclesiasticæ regiminis potestatem in concilio esse volunt eminentiori modo quā sit in summo Pontifice, qui sit veluti quoddam concilii instrumentum, quod executionem & observationem eorum quæ sunt in conciliis sancita & ordinata per Ecclesiam universalem procuret. Unde colligit Papam conciliorum decretis teneri, & leges à concilio sancitas Papam alligare, neque posse Pontificem auctoritate propria jura à conciliis posita immutare, licet tanquam Ecclesiæ magister generalis possit in iis dispensare; sed ita ut si in eo minus recte se gerat, ejus sit ipsi ratio apud concilium reddenda.

Quod si Papa sui officii negligens & effectū aliquo abreptus partes suas in concilio generali obire recuset, existimant concilium nihilominus ea posse omnia quæ possit præstare Papa & ei præsidere, nempe ea quæ sunt fidei definire, leges & decreta de moribus condere, dare indulgentias, & si quæ sint ejusmodi. Adeoque concilio generali supra Papam jurisdictionem tribuunt, adeo ut possit Papam in jus vocare, & si justa sit causa à Papatu deponere, & pro meritis punire. Atque hæc sententia in Ecclesiā Romanā ante duo sæcula communiter obtinebat, & erat maxime celebris, ut patet ex celeberrimis illius ætatis scriptoribus, quos in ea fuisse testatur Bellarm. de conc. lib. 2. cap. 14. ubi illam tribuit Cardinali Cameracensi, Card. Cusano, Card. Florentino, Tostato, Abulensi Episc. item Panormitano, Gersoni, & Almaino. Præcipue illam tutati sunt, & in ea constantes fuerunt Parisienses Theologi, quorum plerique illam etiam hodie retinent, & certe quā maximum pondus obtinere debet apud Pontificios. Duo ipsorum concilia istam conciliorum supra Papam eminentiam solemniter definierunt, Constantiensē scilicet quod Martinus quintus Papa confirmavit, & postea Basiliense.

Verum tamen adhuc hæc de re duæ aliæ in Ecclesiā Romanā sententiæ reperiuntur. Etenim quidam sunt juris canonici interpretes, authores scilicet glossæ quæ canonico juri adjecta est, qui, Bellar. referente, volunt quidem Papam esse supra concilium & à nemine judicari posse invitum. Tamen ipsum posse sese subijcere concilio, & dare illi supra se potestatem, & si hoc fuerit, acquiescere debere sententiæ concilii etiam si de ejus depositione ageretur.

Sed Bellarm. & alii multi, qui Pontifici magis addicti sunt, docent & credi volunt summam ecclesiasticæ regiminis potestatem à Christo non esse ipsi Ecclesiæ traditam, sed immediatē summo Pontifici, quem Christus sic constituit Ecclesiæ suæ caput & pastorem, ut non tantum sit singulis Christianorum Ecclesiis superior, sed etiam ipse toti universali Ecclesiæ, seu concilio quod Ecclesiam repræsentat. Ideoque extra Pontificem non esse summam illam & spirituales potestatem quā possint citra erroris periculum, ea quæ ad fidem pertinent definiri, & condi leges totam Ecclesiam obligantes. 2. Summum Pontificem simpliciter & absolute esse supra totam Ecclesiam & Concilium generale, ita ut nullum in

terris

terris supra se iudicem agnoscat, nec concilium jus habeat de Papa cognoscendi, ipsumque deponendi, aut quovis modo puniendi, quantumcunque officium suum negligat; quin volunt Papam adeo esse supra concilium, ut etiam in concilio generali, cui Papa præest vel per se vel per Legatos, ita ut nihil definatur sine consensu ipsius, nolint majorem esse auctoritatem intensivè saltem quam in Papa solo; aut velint Papam solum esse paris auctoritatis cum concilio cui Papa præsidet; ac proinde dicunt à tali concilio Papam judicari & damnari non posse, nec ejusmodi concilii decretis eum obligari coactivè sed tantum directive, & posse in eis dispensare, illaque immutare, exceptis decretis de fide quæ immutabilia sunt, & hoc quia par in parem non habet potestatem, ut videre est apud Bellarm. lib. 2. de conc. cap. 13. & sequentibus.

Atque hanc sententiam statuit Bellarm. ferè esse de fide, idque propter definitionem concilii Lateranensis ultimi sub Leone X in quo statutum est Romanum Pontificem super omnia concilia auctoritatem habere. Est autem observandum eos qui Pontificem ita supra concilium extollunt, ut negent Pontificem à concilio judicari posse, non negare tamen quin, cum Pontif. accusatur hæreseos vel infidelitatis, concilium possit causam Pontificis discutere & declarare ipsum extra Ecclesiam, & sic eum damnare, si reverà hæreticum vel infidelem esse inveniat: sed Bellarm. & alii pertendunt id propriè non esse Pontificem judicare & punire, quia ille qui est hæreticus & infidelis, etiam si habeatur pro Pontifice, tamen Pontifex non est; est enim extra Ecclesiam, adeoque caput ejus non potest esse. Itaque ante ullum quidem Ecclesiæ judicium Papa hæreticus factus, ex eorum sensu, desit esse Papa: nec concilium quod illum hæreticum pronuntiat, à Papatu illum deponit; sed solum à Papatu excidisse declarat, ut videre est apud Bellarm. de Rom. Pont. lib. 2. cap. 30.

Deinde distinguunt inter Pontifices veros & indubitatos & inter Papas dubios, quales sunt tempore schismatis, cum plures sunt eodem tempore, qui se summos Pontifices dicunt, & pro talibus sese gerunt, ac dicunt dubium Papam haberi pro non Papa, adeoque concilium posse tempore schismatis Pontificem deponere, & Ecclesiæ providere de aliquo qui sit Papa verus & indubitatus.

Denique si Pontifex exemplo & scandalo Ecclesiæ noceat, & ea moliatur quæ ad Ecclesiæ exitium tendunt, dicunt quidem talem Pontificem judicari & deponi non posse, sed tamen ei posse resisti vi & armis. Pontifici, inquit Bellarminus, *repugnare licet & resistere vi & armis, si Ecclesiam destruere velit: ad resistendum enim & vim vi repellendam, non requiritur ulla auctoritas*, lib. 2. de concil. cap. 19. parag. *Respondet non mirum, &c.*

Quod spectat autem ad nostros Theologos, communi consensu docent potestatem desierunt esse in Ecclesiâ viri *seorsim sui*, singulos Ecclesiæ pastores, nemine excepto, ne quidem Episcopo Romano de jure subiectos esse cætui seu concilio pastorum, non tantum universi orbis, sed quemque suæ Provinciæ & Ecclesiarum illarum ad quas pertinent, & quarum membra sunt, adeoque auctoritatem concilii majorem esse auctoritate cujuscunque pastoris ex numero eorum qui pertinent ad concilium, sive Ecclesiæ ex quibus concilium illud constat.

Præterea nostri quoque Theologi in hoc omnes conveniunt nullius concilii auctoritatem esse æquiparandam cum Scripturæ auctoritate, nec Scripturæ auctoritatem, sive in se, sive quoad nos, ab ullius concilii auctoritate pendere; imò absque cujusquam concilii declaratione posse illam innotescere, adeoque Scripturæ auctoritatem non esse tantum in se majorem, sed etiam respectu fidelium certiore & notiore quam sit auctoritas cujusvis concilii.

Præterea Theologi nostri agnoscunt legitimæ Ecclesiæ concilia non tantum jus habere constituendi ea quæ spectant Ecclesiæ disciplinam & ordinem, & varias divini cultus circumstantias, sed etiam declarandi & singulari quadam cum auctoritate docendi ea quæ pertinent ad fidei Doctrinam, quemadmodum Doctores Ecclesiæ Romanæ conciliis particularibus magnam quoque hac in re auctoritatem tribuunt, licet illa nolint esse extra erroris periculum.

Quinimò fatentur illa concilia quæ vere in Christi nomine congregantur, hoc est, quæ seriò & sedulò implent conditionem inclusam verbis illis, *In Christi nomine congregari*, dum scilicet depositis humanis affectibus veritatem unicè & studiosè quærunt in Dei verbo per Prophetas & Apostolos tradito, & super ea re precibus

precibus & votis ardentibus divini spiritus auxilium implorant, fatentur, inquam, illa concilia, ita Christum habere presentem, ut non possunt in ullum perniciolum errorem incidere. Verum sicut de nullo visibili pastorem certum tutò & certò judicare possumus, an reverà præstiterit conditionem quam Christus exigit ab iis qui in ejus nomine congregari cupiunt, ita quoque censent nullum esse concilium quantumlibet generale & numerosum, de quo statuerè & dicere possumus istud errare non posse & Christianorum fidem necessario obligare, adeoque quod in uno concilio conclusum est atque definitum, in alio concilio posse denuò examini subijci.

Interim tamen multum deferendum esse volunt authoritati & definitioni alicujus concilii, donec sit à concilio subsequente aliter statutum, quà de re sic censet celeberrimus ac venerandus noster collega Petrus Molinæus libro Gallicè conscripto de judice controversi. cap. 11. ubi hæc sunt illius verba. *Ce qui est Condu en un Concile peut estre revu & examiné par un autre. Ce pendant & jusqu'à ce qu'il soit autrement ordonné, est défenda ans pasteurs des Eglises d'enseigner autrement.* Quæ est illa ipsissima authoritas quam supra retulimus à Doctoribus Ecclesiæ Romanæ particularibus conciliis tribui.

At verò istud distinctius explicant & tradunt alii ex nostris Theologis. Distingunt enim inter ea quæ sunt ad salutem necessaria, & ad fundamenta fidei pertinent, adeoque sunt clarè & apertè in Scripturis posita, & ea de quibus Christiani Theologi inter se litigant, & quæ Scriptura sacra non tradit tam perspicuè & evidenter atque illa priora, adeoque talia sunt, ut si quis de eis non rectè sentiat non evartet propterea fundamentum fidei, nec sit eo nomine à spe salutis excludendus. In prioribus illis si concilium erret, statuunt Doctores nostri apertè illi esse repugnandum, nec ejus ullam esse rationem habendam.

Sed quod attinet ad res posterioris generis, si contingat Synodum in illis aberrare à vero, non propter hoc quidem fidelium conscientias ligari, quia possint apud se sententiam veram retinere, & illam etiam via & ratione idoneâ tueri; sed tamen in eâ cautè & prudenter procedendum esse & cavendum ne turbas in Ecclesiâ moveamus; & dum sententiam quæ nobis verior apparet tueri volumus, omnem conciliorum auctoritatem perfundemus, & scandalum aliquod creemus, adeoque modestiâ & patientiâ multâ opus esse, donec alterius alicujus concilii remedium adhiberi possit.

Quibus similia traduntur apud clariss. virum Mos. Amyraldum Thesibus de Conciliorum Autoritate, ubi non tantum docet quantum conciliis deferre debeamus, sed & quantum ipsa debeant sibi arrogare; nempe ea quidem quæ sunt ad salutem necessaria & evidenter in Scripturis tradita, & quæ cum spirituali ministerio congruunt, commendare, & urgere debent apud eos qui eorum auctoritatem agnoscunt; at cavere debent ne temerè definiant, ea quæ tutò possunt in medio relinqui, neque pro certis obtrudant ea quæ sunt obscura & incerta; imò nec ea quæ vera sunt, sed minus necessaria, intempestivè urgeant & nimis imperiosè, atque adeone nec unquam propriâ auctoritate contrasentientes obtruere nitantur, potius quam evidentia veritatis & rationibus è verbo Dei petitis convincere.

Porro quum Pontificii acquiescendum dicunt sententiæ concilii nationalis vel provincialis, donec aliter fuerit ab eo concilio vel à Pontifice Romano definitum, existimo eos faciliè admissuros distinctionem similem inter articulos fidei exploratos & ea quæ sunt in Populo Christiano dubia, & de posteriore isto rerum genere sententiam illam suam exposituros, nempe eatenus concilio cuiuspiam acquiescendum esse, quatenus nihil definit articulis fidei exploratis contrarium, sed rem aliqui dubiam & incertam in medio relinquendam.

Hic ergo solummodo propriè est quæstio de auctoritate concilii generalis, an scilicet tanta sit ut errare non possit, & fideles necessario ad credendum obliget, quod omnes nostri Theologi simpliciter negant; ita verò affirmant Pontificii omnes, si ejusmodi concilium fuerit à Pontifice confirmatum, & multi etiam citra talem confirmationem.

ELUCIDATIO

STATUS

Controversiarum

DE

ECCLESIA MILITANTE.

LIBER V.

CAPUT I.

De Ecclesie Naturâ & Definitione.

Ecclésiæ vox origine Græcâ ab ἐκκλησία evocando dicta apud perfectos scriptores significat in genere concionem quamlibet, id est, populi certum quomodocunque convocatum, & in ipsis etiam Apostolorum Actis dicitur de confusaneâ multitudine populi Ephesini ad seditiosos cujusdam Demetrii clamores temerè concurrentis; ut videre est ejusdem lib. cap. 19. ubi historicus sacer loquens de Ephesinis tumultuose clamantibus, *Magna est Diana Ephesiorum*, dicit, Ecclesiam fuisse confusam, & postea Scribam istius populi dimisisse Ecclesiam.

Verùm excepto unico isto loco scriptores Novi Testamenti Ecclesiæ vocem non nisi sensu sacro usurpant, ac per Ecclesiam Dei simpliciter positam, intelligunt societatem quandam Religiosam peculiariter Deo & Christo consecratam, quam Deus ipse vocat ad æternam salutem & beatitudinem. De hac crebra & celebris in Scripturâ mentio fit, eique Elogia varia tribuuntur, ut cum dicitur domus Dei, sponsa Agni, corpus Christi, adeoque columna & firmamentum veritatis, & multas etiam habet magnâque promissiones, veluti perpetui spiritus sancti ductus, singularisque Dei favoris & protectionis, ut cum Christus illi pollicetur fore ut adversus eam non prævaleant inferorum Portæ, & hæc est quam nos in symbolo credere profiteamur dum dicimus, Credo Sanctam Catholicam Ecclesiam.

Hic verò quæstio est quid per eam Ecclesiam intelligi debeat? Quinam ad illam pertineant? & qui sint ab ea excludendi? Ecclesiæ Romanæ Doctores per Ecclesiam quam in symbolo nos credere profiteamur, cuicque tam magnifica Spiritus Sanctus in Scripturâ tribuit & promittit, non aliud intelligi volunt quam

(L I)

visibilem

visibilem cœtum eorum qui veram Christi doctrinam profitentur, & Sacramentis ejus communicant sub legitimorum pastorum Regimine. Nam sic Ecclesiam definit Bellarm. ad stipulantibus plerisque doctoribus Ecclesiæ Rom. *Ecclesia est cœtus hominum ejusdem professione Christianæ fidei & eorundem Sacramentorum communionem colligatus, sub Regimine Legitimorum Pastorum, ac præcipue unius in terris Christi vicarii Rom. Pontificis.* Hancque volunt esse propriam primariam & præcipuam Ecclesiæ acceptionem.

Porro ex ista definitione patet Pontificios nullam internam virtutem requirere ad constituendum aliquem in Ecclesiâ, quod disertè docet & fatetur Bellarm. de Ecclesiâ & Conc. lib. 3. cap. 2. *hoc interest, inquit, inter sententiam nostram & alias omnes, quod omnes alie requirunt internas virtutes ad constituendum aliquem in Ecclesiâ, & pontificia Ecclesiam veram invisibilem faciunt. Nos autem etsi credimus in Ecclesiâ inveniri omnes virtutes, spem, fidem, Charitatem, & cæteras, tamen ut aliquis aliquo modo dici possit pars vera Ecclesiæ, de quâ Scriptura loquitur, non putamus requiri ullam internam virtutem, sed tantum externam professionem fidei & Sanctorum communionem, quæ sensu ipso percipitur.*

Itaque in vera Ecclesiâ includunt, ejusque partes esse volunt non tantum Electos, sed etiam Reprobos; non tantum bonos, sed etiam malos, adeoque sceleratos & magnos peccatores, modò de cætero fidem profiteantur, & sese Pastoribus Ecclesiæ subijciant: imò ab Ecclesiâ non excludunt ipsos Infideles occultos, id est, eos, qui intus Christi doctrinam irridentes, tamen exterius, propter aliquod temporale commodum, Christianam fidem profitentur, & communionem sanctorum veris fidelibus permiscunt. Hos Bellarm. & alii plerique Pontificii doctores docent esse partes & membra Ecclesiæ, ut videre est apud Bellarm. de Ecclesiâ, lib. 3. cap. 10. Ubi tamen agnoscit, aliquos ex iis quos pro Catholicis habet, & nominatim Joannem de Turecremata card. contrarium docere, ac sentire eos qui fide internâ carent nullo modo ad Ecclesiam pertinere.

Porro ut mens Doctorum Ecclesiæ Rom. clariùs innotescat, sciendum est eos distinguere varios modos quibus in Ecclesiâ aliquis esse potest; observant enim quosdam in Ecclesiâ esse numero & vocatione tantum, quo de genere sunt impii & hypocritæ, qui fidem exterius profitentur; alios vero numero & merito & Electione, qui non tantum ad Tempus pietatem & fidem retinent, sed ad finem usque in bono perseverant. Ideoque omnes quidem qui fidem profitentur in Ecclesiâ volunt aliquo modo esse, sed modo perfectiori in eâ esse docent verè pios, modo verò perfectissimo eos qui à Deo electi in bono perseverantes, eternæ tandem salutis compotes fiunt.

Quo pertinet etiam quod notant in Ecclesiâ quæ est Corpus Christi Mysticum, esse veluti tria membrorum genera, quædam scilicet Christo simpliciter conjuncta, alia conjunctiora, alia conjunctissima. Conjuncta dicunt omnia quæ fide Christo adherent, aut saltem per baptismum fidei sacramentum, Christum quodammodo induerunt: Conjunctiora, quæ non solum per fidem & Sacramentorum usum, sed etiam per Charitatem Christo copulata sunt: Conjunctissima, quæ fide & charitate ad finem usque perdurante Christo connexa manent, nec ab eo unquam separantur, quod Electorum proprium est, ut videre est apud Stapletonum contr. 1. de Ecclesiâ in se, q. 2. art. 1.

Bellarm. verò Lib. de Ecclesiâ cap. 2. ex August. notat Ecclesiam esse Corpus vivum, in quo est anima & Corpus; & Animam quidem esse dicit, interna dona Spiritus Sancti, Fidem, Spem, Charitatem, &c. Corpus verò externam professionem fidei & communionem Sanctorum; ex quo fit, inquit, ut quidam sint de anima & de corpore Ecclesiæ, ac proinde uniti Christo Capiti interius & exterius: Rursus aliqui sint de Animâ, & non de Corpore, quales ii qui fidem & Charitatem habentes, nondum tamen in externam Ecclesiæ communionem admitti sunt, aut ab eâ fuerunt Præpositorum Ecclesiæ sententia ejecti. Denique aliqui sint de Corpore & non de Animâ, ut qui nullam habent internam virtutem, & tamen spe aut timore aliquo temporali profitentur fidem, & in Sacramentis communicant sub Regimine Pastorum. Primos de Ecclesiâ esse dicit perfectissimâ, & in illâ esse quæ vivam membra in corpore, & tamen inter illos dicit aliquos magis, aliquos minus vitam participare, & etiam aliquos esse qui
solum

solum vitæ initium habeant, & quidem sensum sed non motum, ut qui fidem habent sine charitate. Unde patet hic illum inter Ecclesiæ membra viva, quodammodo referre illos ipsos, qui tantum fidem mortuam habent, & ceteros qui sunt impii & scelesti. Cum tamen alibi dicat malos & magnos peccatores Ecclesiæ & corporis Christi membra esse non viva, sed mortua, lib. 3. de Ecclesia, cap. 9. respons. ad 1. Argumentum. Postremos verò dicit in Ecclesia esse quod sunt unguis, aut capilli, aut etiam mali humores in Corpore humano.

Porro ex his apparet Doctores Pontificios velle quidem ut in Ecclesia sint & ad societatem Ecclesiæ pertineant, non tantum verè pii & fideles, sed etiam multi impii & scelesti, qui extrinsecus fidem profitentur, sed modo tamen longe diverso & dispari; nam ex eorum mente Infideles & Impii sub externâ fidei professione latentes ad Ecclesiæ corpus & societatem pertinent, sed non principaliter: Sicuti qui sunt verâ fide & pietate imbuti, illi solum ad externam communionem pertinent, hi verò ad internam quoque. Hi sunt viva Ecclesiæ membra, illi verò tantum arida & mortua. Hi sunt de Ecclesia numero & merito, illi verò numero tantum, adeoque modo longè imperfectiori & ignobiliori.

Cum autem in Corpore vivo membrum mortuum aridumque non dicatur membrum nisi improprie & æquivocè, doctores Pontificii inter se querere solent an hypocritæ & impii, qui verè piis & bonis in Ecclesia permixti sunt, sint Ecclesiæ membra vera, & talia simpliciter & proprie dici possint, an verò improprie & æquivocè tantum: Et multi quidem ex Pontificiis fatentur malos & magnos peccatores in Ecclesia degentes non esse membra vera nec simpliciter Ecclesiæ Corporis, sed tantum secundum quid & æquivocè; sic sentit (teste Bellarm. lib. 3. de Ecclesia cap. 1. respons. ad 1. Argumentum) Joannes de Turcremata Card. lib. 1. de Ecclesia. Idque post multos veteres scholasticos, veluti Thomam, Hugonem, & Alexandrum de Ales, quibus consentiunt ex recentioribus Melchior Canus, Petrus à Soto, & alii, qui omnes dicunt malos non esse vera Ecclesiæ Membra, licet asserant eos verè in Ecclesia esse, quemadmodum pili & mali humores verè sunt in Corpore humano, licet Corporis vera membra non sint.

Verum hodie plerique Doctores Pontif. sunt in diversâ sententia, docent enim impios & Hypocritas qui sunt in Externâ Ecclesiæ communione esse vera Ecclesiæ membra, & talia dici posse simpliciter & univocè, non verò secundum quid & æquivocè solum; hæc est doctrina Thomæ Stapletoni contrav. 1. de Ecclesia in sc. quest. 2. art. 1. ubi dicit distinguendam esse proprietatem rei ab ejus perfectione; Impios enim non esse Ecclesiæ membra perfectè & principaliter, sed tantum vera esse Membra, & talia verè & proprie dici.

Bellarmin. verò loco supra citato hic distinctionem aliquam adhibet, notat enim Corporis alicujus membra posse considerari duobus modis, uno modo secundum Essentiam & substantiam suam, alio modo ut sunt instrumenta operativa; quoposito, dicit malos qui sunt in Ecclesia, ut malum Doctorem, malum Episcopum esse quidem membra mortua, & proinde non vera corporis Christi, quantum attinet ad rationem membri, ut est pars quædam vivi Corporis: tamen esse verissima membra in ratione instrumenti, id est, Episcopos, quantumvis malos & impios, esse vera Capita, Doctores verò, utut malos, esse veros oculos seu veram Ecclesiæ linguam: Quamvis enim in Corpore Naturali membrum mortuum non possit esse verum instrumentum operationis, rem tamen secus se habere in Corpore Mystico, cujus anima est spiritus sanctus qui ad suas operationes non eget bonitate instrumenti. Quicquid sit de definitione Ecclesiæ quam tradunt doctores Pontificii, patet ab iis in verâ Ecclesia constitui, non solum Electos, sed & Reprobos, non tantum bonos, sed etiam malos, nec eos tantum qui fidem habent in Corde, sed eos quoque qui fide interius destituti fidem tamen externâ professione simulant.

Porro ex eadem definitione colligere licet quosnam Ecclesia excludat; cum enim, ut aliquis in Ecclesia esse censeatur, hæc tria expressè requirant, scil. externam fidei professionem, Sacramentorum usum, & subjectionem Prælati legitimis: hinc apparet juxta illos, in Ecclesia non esse 1. Infideles omnes, & hæreticos, & qui veram Christi fidem non profitentur: adeoque ipsos Electos

(LI 2)

ante

ante vocationem & publicam & externam fidei professionem, quales sunt multi inter infideles & hereticos ad Christi fidem olim convertendi, & ad salutem perducendi ex æterno Dei decreto: De hæreticis tamen & Apostatis qui veram Christi fidem nec habent, nec profitentur, inter Pontificios non nulla quæstio est & dissensus aliquis, an ad Ecclesiam pertineant. Nam Alphonsus à Castro Hispanus doctor sat Celebris lib. 2. de justâ hæret. punitione cap. 24. referente Bellarmino, docet hæreticos & Apostatas baptizatos esse membra & partes Ecclesiæ, etiamsi palam doctrinam falsam profiteantur. Sed alii Doctores Ecclesiæ Rom. communiter statuunt hæreticos & Apostatas in Ecclesia non esse, nec ejus partes censerî debere, quia scilicet veram fidem non profitentur. Sic docet Bellarm. lib. 3. de Ecclesia cap. 4. ubi monet hæreticos, licet de Ecclesia non sint, aliquo modo tamen ad Ecclesiam pertinere, sicut oves pertinent ad ovile unde fugerunt; ideoque Ecclesiam, quæ alioqui de iis quæ foris sunt non judicat, posse tamen hæreticos judicare & punire, quia licet foris sint, intus tamen esse debent, & habent notam Ecclesiæ per baptismum veluti inusitam; adeoque Ecclesia in eos habet idem jus quod Pastor in Ovem quæ errat per Montes extra ovile, & Imperator in transfugam & militiæ desertorem. Quibus similia docet Stapletonus contr. 1. de Ecclesiâ in se quæst. 2. art. 3. ubi dicit hæreticum non esse membrum Ecclesiæ simpliciter, sed secundum quid, & propter Characterem Baptismi quem retinet, & cujus vi sit ut à fide recedens licet transfuga justè puniatur, ad fidem verò denuò accedens non de novo initietur, ut infideles, per baptismum, sed, ut jam Christianus, per manuum impositionem in Ecclesiæ corpus redintegretur.

Deinde Pontificii excludunt Ecclesiâ, nec ejus partes esse volunt, omnes eos qui Sacramentis Ecclesiæ non communicant, quales sint ii qui nondum baptismo initiati sunt, & illi quoque qui semel ad Sacramenta admissi postea tamen eorum communione privantur Ecclesiasticorum judicium Sententiâ. Itaque eorum mente in Ecclesia non sunt ulli Catechumeni, quo nomine designantur illi qui ex Infidelibus qui Christum amplexuri in Religione Christianâ instruantur. Licet igitur animus erga Christi doctrinam pie afficiatur & fidelibus aggregari cupiat, imò jam intus fidem vivam habeat, & exterius illam profiteatur, si tamen nondum Baptismo Christiano initiatus est, talem nolunt in Ecclesiâ esse propriè, & illius partem facere, sed illum extra Ecclesiam collocant: & idem quoque sentiunt de Excommunicatis, id est, iis qui sive justè, sive injustè à Sacramentorum usu prohibentur certo præpositorum Ecclesiæ judicio: Omnes ejusmodi Ecclesiâ excludunt, nec in ea censerî volunt, quamvis fieri possit ut in eo Statu fidem retineant & Charitatem erga Deum & Proximum habeant. Quæ doctrina est Bellarm. lib. 3. de Eccles. cap. 3. & cap. 6. & Thomæ Stapletoni contr. 1. de Ecclesiâ in se quæst. 2. artic. 2. Attamen Bellarm. lib. 3. de Ecclesiâ cap. 2. concedit Catechumenos & excommunicatos, si charitatem & fidem habeant, esse de animâ Ecclesiæ, licet de ejus corpore non sint, & nihilominus vult simpliciter eos extra Ecclesiam esse, & ad Ecclesiam non pertinere actu, sed tantum potentia, cum simpliciter velit Ecclesiæ partes actu esse, & pro talibus censerî debere impios & scelestos & ipsos infideles occultos, qui exterius fidem profitentur; quod sanè permirum est, & à ratione planè alienum, cum anima corpore, & interna communio communione externâ sit longè præstantior, denominatio verò à præstantiori & nobiliori parte sumi debeat & soleat. Alii verò dicunt Catechumenos & excommunicatos, qui fidem & charitatem habent, de Ecclesia esse non numero sed merito, ut Joannes de Turrecremata in summâ de Ecclesiâ lib. 1. art. 10. referente Thoma Stapletono loco supra citato, ubi observat id verum esse posse ut Ecclesia Corpus Christi Mysticum significat; sed verum non esse ut Ecclesia significat domum magnam, & vocatorum collectam multitudinem, quam vult esse propriam vocis Ecclesiæ significationem; quamvis autem doctores Pontificii nolint de Ecclesia esse ullos Catechumenos & excommunicatos, non tamen omnes eos spe salutis excludunt.

Quod si quis objiciat axioma illud quod tantopere urgent, scilicet, Neminem posse extra Ecclesiam salvari, Respondet Bellarm. istud intelligi debere de iis qui neque re ipsa, neque desiderio sunt de Ecclesiâ. Catechumenos verò & Excommunicatos,

municatos, si non re, saltem voto in Ecclesia esse, & ideo salvari posse: alii eos in Ecclesia esse non numero sed merito.

Denique per tertiam illam conditionem quam doctores Pontificii requirunt ut aliquis Ecclesia esse censeatur, nempe subjectionem prælatis legitimis, communionem Ecclesiæ excludunt, & Ecclesiæ membra haberi nolant omnes Schismaticos, & eos qui Pontifici Rom. sese submittere detrectant, quantumvis alioqui veram fidem servarent, & Sacramentorum usum. Nec simpliciter docent illos extra Ecclesiam esse sicut ante Cathecumenos, sed omnino eos spe salutis excludunt: neque id tantum intelligunt de authoribus Schismatis, sed etiam de Sectarioribus, ut videre est apud Stapleton. contr. 1. de Ecclesia in se quæst. 2. art. 4. & Bellarm. lib. 3. de Ecclesiâ cap. 5. ubi tamen observat nonnullos catholicos dubitare an Schismatici de Ecclesiâ non sint, imò Alphonsum à Castrò loco supra citato affirmare eos esse de Ecclesia.

Porro ex ante dictis satis manifestum est quid Pontificii doctores intelligant per Ecclesiam illam quam in Symbolo nos credere profitemur, cujus in Scripturis commendatur autoritas, & cui promittitur perpetuus Spiritus sancti ductus & perpetua Dei Assistentia, nempe visibilem cætum eorum qui veram Christi doctrinam profitentur, & Sacramentis ab eo institutis utuntur, & Pastoribus legitimis debitam præstant obedientiam. Et hanc vocis Ecclesiæ acceptionem volunt, ut ante dictum est, esse propriam atque præcipuam; an vero nomen Ecclesiæ in Scripturis aliquando ad solos verè pios & sanctos restringatur & pro iis solis usurpetur, non omnino convenit inter Pontificios. Nonnulli Hieronymum & Augustinum secuti non negant Ecclesiam sic aliquando sumi, uti cap. 5. epist. ad Ephes. ubi dicit Apostolus, *Christum sese ipsum tradidisse pro Ecclesia, ut exhiberet ipsam sibi gloriosam Ecclesiam, non habentem maculam aut rugam, aut aliquam ejusmodi*: & pluribus aliis in locis, id agnoscit Melchior Canus lib. 4. de locis Theologicis; qui est de Ecclesiæ Catholicæ autoritate cap. 2. & cap. 5. ubi postquam contendit Ecclesiam illam cui spiritus veritatis, fidei fulcimentum, cæteraque spiritus sancti charismata promissa & data sunt, illam esse quæ constat tritico & zizaniis, ex frumento & paleis, ex bonis malisque piscibus, huc addit, quæ omnia sic à me dicta existimari velim, non ut nulla in Terris sit coram Deo bonorum multitudo atque collectio, quæ Ecclesia & sponsa & amica Dei in Sacris Litteris nuncupetur; ideoque Bellarm. de Ecclesiâ militante lib. 3. cap. 9. quæritur aliquis ex suis Catholicis duas fingere Ecclesias, unam scilicet quæ bonos malos permixtos habeat, aliam verò quæ solis bonis & piis constet.

At verò Bellarm. & plerique recentiores alii Ecclesiæ Rom. doctores veluti Thomas Stapleton. & Perronius Card. negant in novo Testam. Ecclesiæ vocem unquam de solis piis & sanctis usurpari. Ad loca verò, ubi Ecclesiæ tribuuntur ea quæ solis piis & sanctis competere videntur, ut cum vocatur corpus & sponsa & complementum Christi, & illius columba, itemque hortus conclusus, fons signatus, Respondent ista dici de Ecclesia illa in qua mali quidem bonis permixti; sed tamen respectu solum bonorum qui in ea reperiuntur: Etenim ea sæpè dici de toto aliquo respectu tantum alicujus partis, ut cum particularis aliqua Ecclesia laudatur propter quorundam pietatem & Sanctimoniam, aliquando verò tota vituperatur propter aliorum vitia & vitam inordinatam.

Porro ex dictis patet Pontificios cum Ecclesiam definiunt, & in ejus naturam inquirunt, agere solummodo de illa Ecclesiæ parte quæ in Terris versatur, quam Ecclesiam militantem vocamus, licet alioqui doceant Ecclesiam illam militantem cum Ecclesiâ triumphante, quæ constat sanctis in Cælum receptis, unam eandemque Ecclesiam tantum constituere.

Atqui, hæc, de pontificiorum Sententiâ, dicta sufficiant. Sequitur jam ut breviter exponamus Theologorum nostrorum de Ecclesiæ natura sententiam; ommissam autem variis Ecclesiæ acceptionibus, quas illi diligenter notant, satis erit observare juxta doctores nostros, duas esse præcipuè Ecclesiæ acceptiones, quæ sunt frequentes in Sacra Scripturâ. Primum enim Ecclesia sumitur pro iis qui verè Christi sunt, & verè ad eum pertinent. Secundo pro iis qui se Christi dicunt & Christi nomen in terris profitentur, priori modo sumpta Ecclesia vulgò dicitur à nostris invikibilis Ecclesia, posteriori verò Ecclesia visibilis ac præ-

rem

eorum liberis. Sic Confessio Anglicana cap. 25. art. 30. Itaque nolunt qualvis ecclesiæ hæreticæ partem constituere ecclesiæ visibilis, sed ab ea excludunt eos qui propriè sunt hæretici dicti; neque tamen extra eam ponunt eos omnes qui quoquo modo in rebus fidei errant, & in sacramentorum administratione & discipline exercitio peccant; sed eos solummodo qui in fidei doctrinâ, disciplinâ & sacramentis negant ac subvertunt ea quæ fundamentalia sunt. Itaque inter multas ecclesiæ particulares, quæ veræ ecclesiæ communionem continentur, possunt esse varios puritatis & perfectionis gradus; nec statim desinere esse veram Christi ecclesiâ, si quæ non per omnia, vel in doctrinâ, vel in reliquo cultu, rituumque & discipline sanctitate pura sit, & salvificæ fidei aliquos errores, sacramentorum usus aliquos abusus, cultui divino aliquas superstitiones, discipline sanctitati aliquam scandalorum licentiam admixtam habeat, modo interim fidei & cultus doctrinam & praxim fundamentalem & salvificam retineat. Quæ verba sunt confessionis seu declarationis ecclesiarum Polonicarum publicè in Conventu Thorunienſi lecta anno 1645, & anno sequenti typis impressa & edita. Atque hæc est sententia communis Theologorum nostrorum, ut videre est apud Joannem Calvin. lib. 4. instit. cap. 1. sect. 12. & sequentibus, & apud clarissimum Mestrezatium in Gallico suo Tractatu de ecclesiâ, lib. 2. cap. 4.

Hic autem queritur an Ecclesiâ visibilis & Ecclesiâ invisibilis sint duæ distinctæ Ecclesiæ, an verò una tantum & eadem Ecclesiâ, sed diversimodè considerata; & quidem Ecclesiâ invisibilem aliam esse ab Ecclesiâ visibili opinantur nonnulli ex nostris Theologis, ac inter alios vir celeberrimus ac venerandus noster Collega Petrus Molinaeus, ut videre est in Resp. ad Cardinalem Perronium, quæ novitas Papiſini dicitur lib. 1. cap. 2. ubi disertè docet & fatetur Ecclesiâ invisibilem & Ecclesiâ visibilem esse diversa genera seu species Ecclesiæ, quæ naturâ differunt.

Sed plerique alii ex nostris Theologis Ecclesiâ invisibilem & Ecclesiâ visibilem negant esse duas Ecclesiâs, sed unam eandemque, quæ sub variis respectibus consideratur. Notant enim in Ecclesiâ duo considerari posse, nempe statum illius internum, qui consistit in fide, charitate & pietate, ac puritate internâ; deinde statum illius externum, qui consistit in externâ fidei professione, sive ministerio verbi & sacramentorum. Et quidem si Ecclesiâ sub priori ratione consideretur eatenus posse invisibilem dici, quia interna fides, pietas & charitas non incurrunt in sensus externos, nec ulla sunt signa externa quibus homines verè pii & fideles certò & distinctè possint ab Hypocritis dignosci. Si verò quis Ecclesiâ consideret respectu externæ professionis, & externi ministerii, tum posse illam visibilem dici, quia scilicet externa fidei professio, & externum ministerium res sunt quæ in sensus incurrunt. Sic docet vir clarissimus Joannes Mestrezatius de Ecclesiâ lib. 1. cap. 3. Cum distinguimus, inquit, Ecclesiâ in visibilem & invisibilem, sive in Ecclesiâ electorum & sanctorum, & eam quæ constat illis quos professio & vocatio exterior cogit in unum, hæc non est distinctio duarum Ecclesiârum, quæ separatim subsistant, sed unius ejusdemque Ecclesiæ consideratæ secundum statum interiorem fidei, pietatis, puritatis, & charitatis quæ intus in conscientia est, & secundum interiorem ministerii, scil. verbi & sacramentorum: & sic quoque docent Joannes Camero, Bucanus, & alii in suis de Ecclesiâ locis & tractatibus.

Ideoquæ Ecclesiæ Polonicæ in sua declaratione supra memoratâ seorsim non definiunt Ecclesiâ visibilem & Ecclesiâ invisibilem, sed unicam tantum tradunt Ecclesiæ definitionem quæ utrumque illum respectum includit, nempe tum ea quæ sunt in Ecclesiâ interna & occulta, tum ea quoque quæ exterius patent; hæc est enim, quam tradunt, veræ Ecclesiæ definitio. *Verâ Ecclesiâ nihil aliud est, quam cætus fidelium sub uno capite Christo, per eundem spiritum gratiæ ex potestate tenebrarum ad regnum Dei verbo Evangelii convocatorum, & tum internâ ejusdem fidei, charitatis, & spei, tum externâ eorundem sacramentorum totius cultus divini, sanctique disciplina communionem sociatorum:* ut videre est illius declarationis cap. ultimo, quod est de Ecclesiâ.

Et hinc etiam esse potest quod pleræque aliæ nostrorum confessiones, veluti Augustana, Helvetica, Gallica, unam quoque tantum proponunt Ecclesiæ definitionem, licet videantur solum Ecclesiâ definire ex

iii

internam tantum; ad secundam verò quæstionem, Ecclesiam dicerem ex solis electis constare, quantum spectat ad internam ejus communionem; sed in externa ejus communione esse multos reprobos.

Præterea quæstio est an Ecclesia constet ex solis baptizatis, an verò ex non baptizatis quidam ad eam pertineant. Porro non baptizati vel sunt infantes vel adulti, & quidem infantes vel sunt fidelium, vel infidelium. De infantibus infidelium non baptizatis nemo eos ad Ecclesiam pertinere contendit, at fidelium infantes etiam ante baptismum de Ecclesia visibili esse, id est, saltem ad Ecclesiæ communionem externam aliquatenus pertinere, nec ab eâ esse prorsus alienos, Theologi nostri docent, qui volunt infantes sequi conditionem parentum, juxta illud Apostoli, *liberi vestri sancti sunt*. Adulti verò non baptizati vel sunt à fide alieni, de quibus nulla quæstio: vel in doctrinâ Christi intruuntur & ipsi fidem jam habent, & Ecclesiæ inferi cupiunt; hos docent nostri omnes esse Ecclesiæ invisibilis membra, licet Ecclesiæ visibilis communioni nondum inferri sint, & de nullâ Ecclesia particulari censeantur. Dicerem ego eos pertinere ad communionem Ecclesiæ internam, ad externam verò tantum, quadantenus atque imperfecte, nempe saltem ratione professionis externæ; porro cum Ecclesiæ communicatio interna externâ longè præstet, simpliciter soli sunt de Ecclesiâ dicendi.

Similis ratio est de excommunicatis, nam per excommunicationem homines per se & propriè non excluduntur Ecclesiæ communioni internæ, sed tantum externæ. Itaque si quis fuerit excommunicatus injuste, aut juste quidem, & tamen resipuit, & intus in corde habet fidem & poenitentiam, ex sententia Doctorum nostrorum homo ejusmodi est ecclesiâ quidem visibili exclusus, sed nihilominus pertinet ad Ecclesiam invisibilem, adeoque de Ecclesia simpliciter dicendus est.

Queritur quoque an impii, hypocritæ & infideles occulti, fidem externè profitentes ad Ecclesiam pertineant. Respondetur similiter illos non esse membra Ecclesiæ invisibilis, sed nihilominus esse in Ecclesiâ visibili. Dicerem ego, ut prius, esse in externâ Ecclesiæ communionem, sed ad internam minimè pertinere. Simpliciter tamen loquendo Doctores nostri nolunt dici impios vera Ecclesiæ membra, & propriè & absolute de Ecclesia esse, idque quoniam Ecclesiæ nomen magis propriè volunt de Ecclesia invisibili dici, quam de visibili, & quia impii sunt Ecclesiæ membra non viva sed mortua; ac proinde æquivoce tantum & impropriè talia. Non negant tamen illos verè ad externam Ecclesiæ communionem pertinere, adeoque posse in Ecclesia esse veros Pastores & Doctores quibus sit auscultandum & obediendum, quoniam ista spectant ad externum Ecclesiæ ordinem.

De hæreticis non magna occurrit difficultas, nostri enim omnes consentiunt hæreticos non esse de Ecclesia invisibili, quandoquidem carent fide, & cæteris virtutibus. An verò pertineant ad visibilem Ecclesiam est aliqua disceptatio: nam nonnulli, sed valde pauci, existimant illos facere partem aliquam Ecclesiæ visibilis, quam ità laxè definiunt ut sinu suo comprehendat omnes qui quoquo modo doctrinam Christi profitentur, sicut antè observatum est. Cæteri verò omnes magno consensu hæreticos qui fundamenta Religionis evertunt, non Ecclesia tantum invisibili, sed visibili quoque prorsus excludunt. Dicerem ego eos nec ad internam nec ad externam Ecclesiæ communionem pertinere. Non negandum est quin hæretici quiddam de Ecclesia participant, quale est professio Christiani nominis, & consensus in multis doctrinæ capitibus, & etiam Sacramentorum usus, si quidem eorum baptismus non iteratur, & censetur legitimus. Ideoque nostrorum quidam volunt, apud eos esse Ecclesiam corruptam quidem, & in quâ non nisi mors & perditio obtingere potest, sed tamen veram Ecclesiam esse, quandoquidem homo lethaliter ægotans non definit esse verus homo, ut videre est apud Polanum in syntag. cap. de ecclesiâ; plurimi tamen volunt apud hæreticos non esse nisi ecclesiam falsam, & æquivoce sic dictam.

Quod attinet ad schismaticos, id est, eos qui sese à veris Christi ecclesiis separant levi aliquâ de causâ, sive in doctrinâ, sive in disciplina, distinguunt Theologi inter Authores schismatis, & inter populum ab iis deceptum; & quidem quod attinet ad Authores schismatis, quandoquidem abruptum charitatis vinculum, fatentur, non posse pertinere ad ecclesiam invisibilem cujus vinculum &

(M m)

communio

communis consistit in fide, spe & charitate. Sed de populo decepto, aut in Schismate nato, minus rigide sentiant, & opinantur in eo esse posse viros bonos, non alienos à Christi corpore, sed ei per veram fidem & charitatem inpositos; nec etiam omnino ab Ecclesiâ visibili excludunt Ecclesias schismaticas, quæ cæteroquin doctrinæ & disciplinæ fundamenta retinent; siquidem isto honore solum privent eos qui negant & evertunt ea quæ, sive in doctrina, sive in disciplina, fundamentalia sunt.

De Angelis quoque Doctores nostri quaerunt an sint de Ecclesiâ? affirmant Tilemus, Polanus, & alii, qui Ecclesiam quandoque sic laxè sumi volunt ut Angelos ipsos contineat. Negat verò cum multis clariss. Amyr. Thesibus suis de partibus Ecclesiæ, quæ de re paucis ego ita censo. Inter Angelos & homines pios & fideles intercedere magnam communionem, & Christum morte sua Angelos hominibus conciliavisse & arctè univisse, Angelosque esse protectores & custodes fidelium, & salutem eorum pro viribus promovere, sed tamen pios inter se societatem quandam constituere, ad quam Angeli non pertinent. Ecclesiæ verò nomen in Scriptura non nisi societati hominum tribui, nec unquam ambitu suo Angelos comprehendere.

Potest hic quaestio est quæ sit illa Ecclesia quam in Symbolo nos credere profiteamur & quæ ibi catholica vocatur. Plerique Theologi nostri dicunt Symbolum agere, non de ecclesia visibili, sed de invisibili, quæ ibi inter objecta nostræ fidei ponitur; sed Calvin. inst. lib. 4. cap. 1. articulum Symboli ad ecclesiam tam visibilem quàm invisibilem pertinere contendit, sic enim habet paragr. 2. *In Symbolo ubi profiteamur nos credere Ecclesiam, id non solum ad visibilem, de qua nunc agimus, refertur, sed ad omnes quoque electos Dei, in quorum numero comprehenduntur etiam qui defuncti sunt.* Parag. 3. incipit hisce verbis, *Articulus Symboli ad externam quoque Ecclesiam aliquatenus pertinet, ut se quisque nostrum in fraterno consensu cum omnibus Dei filiis contineat, Ecclesia deferat quam mereatur auctoritatem, denique ita se gerat ut ovis ex grege.* Cui sententiæ ego quoque accedo, sed aliis verbis eam exprimerem; nam cum ecclesia visibilis, & invisibilis, ut sæpè tam repetitum est, non sint duæ ecclesiæ, sed una & eadem sub diversis tantum respectibus spectata, non opus est quaerere an Symbolum agat de ecclesiâ visibili vel invisibili: nec enim potest Symbolum de alterutrâ agere quin de utraque agat, cum non sint duæ, sed una. Quaestio igitur sic proponenda foret sub quo respectu ecclesiam consideret Symbolum, an secundum ea quæ sunt externa & visibilia, an verò juxta illa quæ intus latent, neque patent oculis. Ad quod existimo respondendum esse ecclesiam in Symbolo sub utroque respectu proponi, & esse nostræ fidei objectum, nec enim tantum credere debemus ea quæ ad internam ecclesiæ communionem pertinent, sed etiam quæ spectant ad externum statum & ordinem quem in ecclesia Christus instituit. Et quod proprie nos credere profiteamur in Symbolo, illud est Christum Dominum nostrum in terris instituisse sanctam quandam Rempubicam, sive societatem, cui certam præscriptis disciplinæ & regiminis formam, cuique omnes pii sese tenentur adungere, & illam agnoscere matrem, & communionem cum eâ colere.

Quod spectat verò de catholicæ nomen, plerique Theologi nostri dicunt illud commune esse ecclesiæ visibili, atque invisibili, sed ecclesiam invisibilem absolute & simpliciter catholicam esse dicendam, id est, universalem, quia electos omnes complectitur ab origine mundi. Ecclesiam verò visibilem secundum quid catholicam esse, quatenus omnes eos complectitur qui simul veram atque salutarem religionem in terris profiteantur, & signi suo comprehendit particulares omnes ecclesias in variis terræ angulis dispersas. Mea verò sententia, catholicæ nomen titulus est ejus partis ecclesiæ quæ jam in terris sub Christo militat, istud vero nomen ei tribuitur. 1. Quoniam est toto orbe diffusa, non ut olim Judaica ad unam gentem restricta. 2. Quia amplectitur Apostolorum universalem doctrinam, non ut hæreticorum sectæ, partem admittit, & partem rejicit. Denique quia omnibus temporibus eadem perseverat, scilicet, per successionem & continuationem.

Quantum attinet ad ea Scripturæ loca ubi fit ecclesiæ mentio, à Doctoribus nostris variè explicantur, modò de ecclesiâ visibili, modò de invisibili; sed communiter illa ubi vocatur ecclesia corpus & sponsa Christi, & promittitur ei perpetuus

perpetuus Dei favor & protectio, & continua spiritus sancti assistentia; illa, inquam, loca communiter referunt ad ecclesiam invisibilem tanquam ad eam propriè spectantia.

Sed patet ex jam dictis, si velimus propriè & accuratè loqui, non dicendum esse scripturam hoc vel illo loco exponendam de Ecclesiâ visibili non de invisibili; & contrâ, quandoquidem non sunt plures Ecclesiæ sed una, quæ diverso respectu & invisibilis & visibilis est, atque adeo omnia Elogia & omnes promissiones quæ in Scripturâ Ecclesiæ tribuuntur & sunt, exponenda de una & eadem Ecclesiâ cui competit simul esse visibilem & invisibilem. Quæstio solum esse potest quo respectu hoc vel illud de Ecclesiâ dicatur, & veritatem suam obtineat, an eorum quæ non tantum ad externam communionem pertinent, sed etiam ad internam, an verò de omnibus, quæ sunt in externâ Ecclesiæ communione.

Istud addo, Scripturam sacram videri Ecclesiæ nomen, ad Ecclesiæ partem, quam vocamus militantem, restringere, nec posse ullum proferri locum in quo necesse sit Ecclesiæ vocem latius expendere, & aliter interpretari, quam de Ecclesiâ illa quam Christus in terris constituit, & in qua verbi & sacramentorum ministerium instituit.

Jam autem ut sententiam Ecclesiæ Romanæ breviter cum nostrâ comparemus, & colligamus inde quid hic controvertatur, patet ex antè dictis Ecclesiæ Romanæ Doctores nobiscum agnoscere. Ecclesiam esse corpus vivum, in quo est anima & corpus, adeoque duplicem cum Ecclesiâ posse communionem haberi, unam quoad animam, quæ interna est & consistit in participatione donorum spiritus sancti, aliam quoad corpus, quæ externa est, & consistit in fidei professione & sacramentorum usu, & ut quis sese subiciat ordini quem Christus in Ecclesiâ instituit, atque etiam extra dubium ponunt internam illam communionem, externâ communionem longè præstantiorem esse, & magis necessariam.

Vicissim licet Theologi nostri distinguant Ecclesiam in visibilem & invisibilem, & duplicem Ecclesiæ definitionem seu descriptionem proponant, non intendunt tamen, uno aut altero excepto duas Ecclesias divisas & separatas definire, sed sub diversis respectibus proponere unam & eandem Ecclesiam in qua sunt interna quedam quæ videri non possunt, & etiam quedam externa quæ sunt visibilia: & consequenter concedunt Doctoribus Pontificiis diversa illa quæ de Ecclesiâ in Scripturis dicuntur, de unicâ & eadem Ecclesiâ exponenda esse, diversimodè solum considerata.

Verum in eo dissensus est quod juxta Pontificios Ecclesiæ notio propriè respicit illa quæ sunt in Ecclesiâ externa & visibilia. Unde est quod ex illis definiunt Ecclesiam omisâ mentione eorum quæ sunt Ecclesiæ interna. Nostri verò contrâ Ecclesiæ rationem propriè ac præcipuè consistere contendunt in internis & salutaribus spiritus sancti donis, & propterea inde Ecclesiæ definitionem sumunt, neglectis eis quæ sunt Ecclesiæ externa. Quæstio igitur est an, cum simpliciter & absolute quæritur quæ sit verâ Ecclesiâ, definienda sit juxta Pontificios, ex iis quæ externa sunt, Nempè *catus eorum qui inter se consociati sunt vera fidei professione, sacramentorum usu, & subjectione prelati legitimis*; an verò juxta nostrorum plurimos, ex iis quæ interna sunt, *Catus eorum quos Deus efficaciter vocavit ad gratia gloriæque in Christo Salvatore participationem*: aut saltem, juxta alios quibus ego accedo, ex internis & externis simul, Nempè *catus eorum quos Deus in Christo ad salutem vocavit, quique inter se juncti & uniti sunt, tum internâ communionem ejusdem fidei atque charitatis, tum externâ divini cultus, ordinis & sacramentorum, qua F. C. D. N. instituit, quibus, quoddam externam illam professionem, multi hypocrisis permixti sunt.*

Pontificii fundamentum suæ sententiæ in eo ponunt, quod Ecclesiâ nobis in Scripturâ proponitur ut corpus distinctum variis organis, in quo est magna graduum & manuum diversitas, & quod essentialiter & per se distinguitur in Pastores & Doctores & populum qui ab iis pascitur & regitur; ac præterea quod nobis multa erga Ecclesiam præscribantur officia, nempe ne ei scandalum creemus, ei nos adjungamus, & perpetuo stemus in ejus communionem, auctoritati ejus deferamus, & ipsi aulcitemus, & multa tum spiritualia, tum corporalia

ralia charitatis opera erga illius membra singulariter exerceantur, quæ omnia indicant & supponunt ecclesiam esse externam quandam societatem, quæ certò potest à nobis dignosci, & cujus membra videre & discernere ab aliis possumus.

Nostri verò quum ecclesiam definiunt ab iis solum quæ interna sunt, respiciunt ad varia loca ubi ecclesia dicitur corpus & sponsa Christi, quam dilexit, & cui salutem sanguine suo peperit, & quam olim Patri suo exhibiturus est gloriosam, sine ulla maculâ vel ruga; quæ omnia non competunt nisi in eos solos qui sunt viva Christi membra, illi per fidem & charitatem insita.

Sed tertia sententia quæ nostra est nititur utroque fundamento; cum enim scriptura ecclesiæ tribuat tum ea quæ notant externam & visibilem quandam societatem, cum etiam ea quæ referri non possunt nisi ad communionem quandam invisibilem, cujus scilicet vinculum internum est, & in corde latet, nec ab his nec ab illis solum ecclesia sufficienter describi & definiri potest, sed utraque debent ecclesiæ definitionem ingredi, ut ecclesiæ plenam & perfectam notionem habeamus.

Præterea cum utrinque concedatur unam tantum esse ecclesiam, adeoque promissiones quæ ecclesiæ in Scriptura sunt pertinere ad unam & eandem ecclesiam quæ in se habet quædam visibilia, quædam verò invisibilia, in eo tantum dissentiant Pontificii & nostri Theologi, quòd Pontificii promissiones illas & speciatim illam de perpetuo spiritus sancti ductu & continua ejus assistentiâ, quam pollicetur ecclesiæ Deus, ad ecclesiam pertinere contendunt, quatenus est externa & visibilis societas, & idcirco impleri non tantum in internis & veris ecclesiæ membris, sed in iis etiam quæ sunt ecclesiæ tantum membra mortua & externa. Nostri verò referunt promissiones istas, ad illos solum qui sunt in interna ecclesiæ communione, non ad eos qui sunt tantum in externâ, in quibus frustra quæritur promissionum istarum complementum.

Porro quum Pontificii Ecclesiam definiant ab eis quæ sunt externa & visibilia, nostri verò præcipue ab eis quæ interna sunt, nec possunt sensibus percipi, inde fit ut variè pronuncient, & sentiant de iis qui sunt vel de Ecclesiâ habendi, vel censendi extra Ecclesiam. Nam omnes qui sunt in externâ Ecclesiæ communione, etiam si in interna non sint, Pontificii simpliciter dicunt esse de Ecclesiâ, omnes verò qui non sunt in externâ Ecclesiæ communione, etiam si ad internam communionem pertineant, simpliciter negant esse in Ecclesiâ. Contrà verò nostri Theologi, omnes qui sunt in internâ Ecclesiæ communione, etiam si in externa non sint, simpliciter affirmant esse de Ecclesiâ, omnes verò qui non sunt ex communione Ecclesiæ internâ, etiam si sint in externâ Ecclesiæ communione, simpliciter negant esse de Ecclesiâ, & docent tantum secundum quid ad eam pertinere.

Igitur si quis quærat de hypocritis impiis & occultis infidelibus, qui extrinsecus fidem profitentur, & sese externo ordini Ecclesiæ subijciunt, an sint ex Ecclesiâ, & vera Ecclesiæ membra, istud Pontificii simpliciter affirmant, nostri verò simpliciter negant, quâ in re vix aliud videtur esse quàm de vocibus certamen. Nam Pontificii nostris Theologis concedunt hujusmodi hypocritas pertinere quidem ad corpus Ecclesiæ, non tamen ad animam, & esse in Ecclesiâ membra, non viva, sed mortua, ac demum eos in Ecclesiâ esse id quod sunt excrementa & mali humores in corpore humano. Vicissim verò nostri Theologi fatentur homines ejusmodi ad Ecclesiæ visibilis Societatem pertinere, & reverà esse in externâ Ecclesiæ communione, & Ecclesiæ veras partes externas, ita ut non solum Ecclesiâ possit auctoritatem & disciplinam in eos exercere, quod facere non potest in eos qui sunt omnino foris, sed quod magis est, ipsi possint esse veri ecclesiæ rectores, & in homines ecclesiæ auctoritatem veram obtinere, cui fideles parere teneantur; nam nemo nostrum verè & legitimi Pastoris munus negat posse in hominem impium & hypocritam cadere.

Ex alia verò parte, si quis rogat de adultis fidem foventibus & profitentibus, nondum tamen baptizatis, qui dicuntur catechumeni, & etiam de iis qui per excommunicationem ab ecclesiâ pulsi sunt, in corde tamen fidem & charitatem habent ac retinent, an sint de ecclesiâ, & pro veris ecclesiæ membris habendi, illud simpliciter negant Doctores Pontificii, nostri verò contra affirmant, & tamen in re ipsâ videtur esse consensus; nam qui sunt ejusmodi juxta Pontificios pertinent,

ut

ut ipsi loquuntur, ad ecclesiæ animam & corpus Christi mysticum ab ipso salute donandum. Nostri verò concedunt tales homines non esse, absolute saltem & perfecte, de ecclesiâ visibili, id est, non pertinere ad societatem ecclesiæ externam, nec ad ullam particularem ecclesiâ aggregatos esse, quod eorum saluti juxta utrosque nihil præjudicare potest. Vide Wittakerum de ecclesia contra Bellarm.

Sed quod attinet ad infantes fidelium non baptizatos, realis est controversia, an ad ecclesiâ pertinent. Nam tales infantes, juxta Pontificios, ad ecclesiâ nullo modo pertinent, nostri verò pertendunt illos sequi conditionem parentum, & esse in Dei sedere, ac partem constituere ecclesiæ visibilis, & saltem ad ecclesiæ communionem externam pertinere, ut videre est præsertim in confessione Anglicanâ cap. 25. & apud Bucanum loco de ecclesia, in definitione ecclesiæ.

Quod spectat hæreticos, nonnulli Pontificiorum, ut ante retulimus, pertendunt eos de ecclesia esse, & eodem etiam redit sententia quorundam ex nostris, qui existimant eos facere partem ecclesiæ visibilis. Sed maxima pars doctorum nostrorum & etiam doct. ecclesiæ Romanæ hæreticos simpliciter, & absolute hæreticos excludit.

Quod attinet ad schismaticos, distinguunt Theologi nostri inter authores Schismatis & Schismatis Sectatores: & Authores quidem communi consensu cum Pontificiis ecclesiâ excludunt. Sed de Sectatoribus mitius aliquid sentiunt, & existimant eos ad ecclesiæ communionem tam internam quam externam pertinere posse, quia in re ipsa Pontificiorum nonnulli consentiunt; sed repugnat tamen eorum maxima pars, quæ Schismatis non tantum authores, sed Sectatores etiam omnino & simpliciter ecclesiâ excludit, & damnationi æternæ adjudicat.

De electis ad vitam consentiunt utrique eos eminenti quodam & singulari modo ad ecclesiâ pertinere, & esse membra ejus nobilissima; an vero actu etiam ante conversionem ad ecclesiâ pertinent affirmant nonnulli nostrorum, pluri mi verò negant cum omnibus Pontificiis.

An autem ecclesia constet ex solis electis controversia major & difficilior est. Nam Pontificii non tantum in externâ, sed in internâ quoque communione ecclesiæ docent reprobos posse habere locum, quoniam existimant veram fidem atque Charitatem posse ad tempus cadere in hominem reprobum. Nostri verò fatentur quidem reprobos esse electis permixtos in ecclesiâ visibili, id est, utroque pertinere ad communionem externam ecclesiæ, sed negant ullum reprobum unquam esse internum ecclesiæ membrum, quia tenent communi consensu veram & vivam fidem esse donum electis proprium & peculiare; & cujus nullus Reprobis participare potest.

CAP.

CAP. II.

De Ecclesiæ visibilitate & invisibilitate.

Visibile hic dicitur quod sensibus externis certo percipi potest, & quasi digito monstrari ad instar regni cuiusdam terreni, de quo ex rebus externis & in sensum incurrentibus certo & distinctè judicare possumus quænam ad illud pertineant, & quæ non. Hoc sensu ecclesiam esse visibilem docent Pontifici, nempe volunt illam posse designari veluti intento digito, non minus quam aliquam civilem Rempublicam, & ex notis sensibilibus vera illius membra dignosci, & discerni posse, absque ullo dubio & periculo erroris; nam ut patet ex iis quæ exposita fuerunt cap. superiori pertendunt ecclesiam esse societatem externis quibusdam vinculis colligatam, qualia sunt ejusdem fidei professio, sacramentorum usus, & subjectio prælatis legitimis, ex quibus ecclesiam esse definendam censent; & in quibus, juxta eos proprie consistit ecclesiæ ratio, adeoque ex eorum mente visibilem esse, & quid ecclesiæ proprium, & ab eâ inseparabile, ut quæ necessario & essentialiter sit externa quædam societas.

Non negant tamen in ecclesia esse multa invisibilia, nempe fidem, spem, & charitatem, & spiritus sancti dona, quæ fatentur quidem ecclesiæ necessaria esse, & in ecclesiâ solâ reperiri; sed non concedunt requiri in singulis ejus membris, adeo ut sine his possit aliquis vera pars ecclesiæ censeri. Neque hoc obstat quo minus ecclesia sit visibilis, ut videtur est apud Bellarm. de ecclesia militante lib. 3. cap. 15. responsione ad primum arg. Nam, inquit, corpus cuiuslibet animalis visibile est. & tamen habet spiritus multa quæ non videntur, ut cor, hepar, spiritus vitales, & similia. Ita ecclesiâ visibilis, habet multa invisibilia, spem, fidem, charitatem &c. & quævis hæc dona invisibilia, sine necessaria in ecclesiâ, & in solâ ecclesiâ reperiuntur, non tamen in omnibus ejus partibus, sicut sensus necessario est in animalibus, & in solo animalis, & tamen non est in omnibus ejus partibus.

Imò pertendunt quidam ecclesiam esse cœtum externum atque visibilem, sed tamen quod cœtus ille sit vera Dei ecclesia, agnoscunt rem esse quæ non percipitur sensu, sed fide: nam hæc sunt verba Bellarm. in eodem cap. Respons. ad 6. Argument. dico in ecclesia aliquid videri, & aliquid credi; videmus enim cœtum hominum qui est ecclesia. Sed quod ille cœtus sit vera Christi ecclesia non videmus, sed credimus; Et par. ultima, Denique res illa, inquit, seu ut logicè loquamur, incomplexum illud, de quo predicatur ecclesiæ ratio atque definitio, visibile quoddam est, at complexum seu connexio predicari cum subiecto sola fide tenetur. Quod illustrat exemplis, addens, hominem illum qui est christus Dei filius, apostoli videbant, & tamen illum esse christum Dei filium non videbant, sed credebant. Et in Symbolo dicimus credo unum baptisma, licet videamus & sentiamus baptisma, id est, aquæ asperersionem & verborum prolationem; non videmus enim, sed credimus illam aquæ asperersionem & verborum prolationem esse baptisma Christi, id est, Sacramentum quoddam.

Sed quamvis Pontifici interna quædam & invisibilia, censcant esse ecclesiæ propria & in ecclesiâ solùm reperiri, illam tamen, ut dictum est, ex externis solùm definiunt, nec interna ulla volunt ecclesiæ notione præcisè & directè includi, & idcirco volunt ecclesiam visibilem simpliciter dici, non verò invisibilem; adeoque in ecclesiâ quatenus visibilis est, & iis constat membris quæ sensibus externis possunt sine errore distingui & percipi, impleri existimant promissiones ecclesiæ factas de continuo spiritus sancti ductu, & perpetua ejus assistentia.

Quantum attinet ad nostros Theologos, ex iis quæ cap. superiori exposita fuerunt liquet eos duplicem in ecclesia statum distinguere, seu, ut alii loqui malunt, duplicem formam, scilicet unam internam & alteram externam. Internam formam seu internum statum ecclesiæ consistere docent in fide, spe & charitate, aliisque virtutibus & donis spiritus sancti, externum verò statum seu

seu formam, in ministerio verbi, Sacramentorum usu, ac disciplinæ sacræ exercitio. Unde sumunt occasionem ecclesiæ distinguendi in invisibilem & visibilem, quâ distinctione nolunt ecclesiæ geminam & duplicem designari; sed tantum duos diversos unius ejusdemque ecclesiæ respectus, quæ scilicet invisibilis est ratione formæ illius internæ, quæ consistit in iis quæ sunt a sensibus occulta & remota, visibilis verò ratione formæ externæ, quæ consistit in iis quæ in sensus incurrunt; unde patet doctores nostros non negare simpliciter ecclesiæ esse visibilem, nec affirmare illam absolute & ex omni parte esse invisibilem; sed agnoscere ecclesiæ aliquatenus visibilem esse, aliquatenus invisibilem.

Verum quia, ut etiam superius dictum est, ecclesiæ rationem & essentiam præcipue & potissimum sitam esse existimant in iis quæ interna sunt, nec volunt simpliciter & absolute de ecclesiâ dici & pro veris membris & partibus ejus haberi, illos, qui tantum in externis ecclesiæ communicant, ut faciunt hypocritæ multi, idcirco simpliciter & absolute loquendo, ecclesiæ volunt potius invisibilem, quàm visibilem dici, negantque veræ ecclesiæ membra posse sensibus discerni & distingui.

Verum, ut hæc res tota melius intelligatur, observandum est Theologos nostros fateri ipsâ virâ, veraque ecclesiæ membra, non esse omni modo & prorsus invisibilia, sed distinctionem hic aliquam adhibent; distinguunt enim inter notitiam, seu visionem confusam & distinctam: & etiam inter certitudinem absolutam & infallibilem, & certitudinem moralem seu conjecturalem. Et quidem negant verâ & internâ ecclesiæ membra ex iis quæ in sensus incurrunt distincte nosci posse, & certitudine quadam infallibili, quoniam nihil externum est quod hypocrita simulare non possit: sed concedunt tamen illa posse videri, saltem confuse atque indistincte. Cum enim verbum Dei nunquam frustra predicetur, ubicunque institutum est verbi ministerium, & publica professio fidei locum habet, certi esse possumus ibi quosdam verè pios & fideles reperiri, adeoque internâ & verâ ecclesiæ membra, licet illos non possumus singulos digito monstrare, & extra omne erroris periculum ab hypocritis distinguere.

Nec tamen adhuc omnino caremus distinctâ quadam illorum notitiâ. Etenim ex fructibus justitiæ & penitentiae & charitatis atque pietatis operibus possumus, non tantum confuse, sed etiam distincte, verâ ecclesiæ membra discernere, & judicare hunc & illum sigillatim pro tali censendum esse, quamvis ista notitiâ distincta quidem erit, verum non opinio certa atque infallibilis; sed conjecturalis tantum; Imò certè judicio charitatis habendi sunt pro veris ecclesiæ membris, illi omnes qui fidei professionem retinent, & Sacramentorum usum, quamdiu nobis contrarium aliud non constat. Hæc verò notitiâ & Charitatis istud judicium sufficit ut communionem cum iis colamus, & erga illos iis officiis fungamur quæ jubemur illis præstare, qui sunt verâ ecclesiæ membra. Si verò habeatur ratio formæ illius externæ quam in ecclesiâ Theologi nostri agnoscunt, & queratur; an hic & ille ad externam ecclesiæ communionem pertineat, tum fatentur rem esse de qua ex rebus externis & quæ sensu percipiuntur, distincte & certò judicare possumus, & eatenus docent ecclesiæ esse propriè visibilem: Sed quia juxta illos, id quod ecclesiæ propriè constituit non consistit in illis externis; sed in iis quæ sunt interna & occulta, nec per hoc quod aliquis est in communionem externâ ecclesiæ efficitur illum esse verum & proprium ecclesiæ membrum, & simpliciter tale dicendum esse; sed æquivocè tantum, & secundum quid. Idcirco ex eo quod ecclesiâ certo quodam respectu visibilis sit & dicatur, negant sequi simpliciter visibilia esse verâ ecclesiæ membra, in quibus impletur Christi promissiones, & speciatim illa quæ est de unctione quæ docet omnia, & spiritum qui ducit in omnem veritatem. Sed, ut clariùs adhuc cognosci possit, quæ sit, hæc in parte, nostrorum sententia, agnoscunt illi quidem Christum in ecclesiâ sua instituisse externam & visibilem verbi ministerium, & ordinem quandam disciplinæ, secundum quem Pastores populum debent regere, populus verò fidelis pastoribus obsequi; sed simul docent & observant providentiam Divinam permittere ut status ille & ordo externus ecclesiæ sæpe variis modis obscuretur, & quandoque ex oculis penè in totum evanescat, quod aliquando contingit tyrannorum & persecutorum ecclesiæ servitiâ, quâ fit ut ecclesiæ Pastores dissipentur & pellantur in exilium, & fidelibus

bus tollatur libertas ecclesiasticus cœtus celebrandi, unde non apparet amplius externa aliqua Ecclesiæ forma.

Idemque & simile malum Ecclesiæ creatur ex erroribus & superstitionibus in Ecclesiâ sensim gliscientibus, & externam ejus faciêm paulatim & magis ac magis obscurantibus & deformantibus, donec tandem illam occupent hæreses perniciosæ ac idololatrici cultus, & ita veri fideles inter impios & idololatrias cogantur latere, sicut in decem tribubus contigit, Eliæ tempore, & in ipsa Ecclesiâ Judaica non semel, cùm impii quidam Reges in ipsum Dei templum idola introduxerunt, & cultus peregrinos adstipulantibus, & impietatem promoventibus ipsis sacerdotibus & iis qui sacris rebus in populo Judaico prærant.

Quam cladem in Ecclesiâ quoque Christiana contigisse pertendunt. Illa enim habuit quidem primis post Christum seculis, tempora florentissima, in quibus ordo disciplinæ viguit & cultus divini puritas, & illustre fuit admodum ministerium ecclesiasticum propter eorum quæ tum Ecclesiæ prærant pietatem & doctrinam eximiam. Sed paulatim varii errores, abusus & superstitiones in Ecclesiâ irrepererunt, donec tandem Christi doctrina, multis in partibus, ita corrupta fuit, & cultus divinus ita contaminatus idololatria & superstitione, ut veri fideles inter impios oppressi laterent; & postquam diu Ecclesiæ totius Reformationem irritis votis postularunt, coacti sint secedere ab iis qui errores perniciosos, contra fidem & manifestam & intolerandam superstitionem tueri maluerunt, quam veritati cedere & quidquam corrigere de abutibus illis inveteratis, & consuetudine antiquâ confirmatis.

Porro ex his apparet Pontificios agnoscere in Ecclesiâ esse quædam invisibilia, & quæ per solam fidem percipi possunt, & vicissim nostros Doctores non negare in Ecclesiâ esse aliquid visibile & externum statum qui incurrit in oculos. Unde colligitur utroque in eo convenire, quod Ecclesiâ non sit eo modo visibilis ut nullo respectu sit invisibilis, nec ita sit invisibilis ut non sit aliquo respectu visibilis.

Præterea utrique fatentur Ecclesiâ in vivis & perfectionibus membris non esse certò & distinctè visibilem, sed ejusmodi membra agnosci tantùm confuse; aut si distinctè non omnino certò, sed eo tantùm judicio quod charitatis vocant: ratione verò partium externarum illam esse & certò & distinctè visibilem.

Dissensus verò in eo est quòd Doctores Pontificii Ecclesiâ in externis præcipue metientes & definientes, volunt absolute & simpliciter dici Ecclesiâ esse visibilem non invisibilem, quamvis in ea quædam sint invisibilia. Nostri verò Theologi contra Ecclesiâ definientes ex iis quæ interna sunt, dum simpliciter & absolute de Ecclesiâ loquuntur, illam potius & majori jure invisibilem dici volunt quam visibilem.

Præterea de eo maxima est est quæstio an promissiones illæ quibus Christus pollicetur Ecclesiæ suæ spiritum suum qui illam omnem veritatem doceat, impleantur in Ecclesiâ quæ invisibilis est; an verò etiam quatenus visibilis, id est, an in iis tantùm qui sunt in communione Ecclesiæ internæ, adeoque invisibili, an verò in eis etiam qui sunt in externâ atque visibili Ecclesiæ communione; prius affirmant Theologi nostri, posterius Doctores Ecclesiæ Romanæ.

Deinde istud etiam valde controversum est, an externa illa Ecclesiæ forma, quæ consistit in ministerio verbi & sacramentorum, & ecclesiasticorum præstulorum regimine, per quod Ecclesiâ visibilis redditur, ita in Ecclesiâ non simpliciter maneat sed emineat quoque, ut facile & omni tempore Ecclesiâ sit quibuscvis visibilis & digito monstrari queat, & sic omnibus à Christo seculis debuerint esse cœtus solennes & celebres, in quibus pura Christi doctrina personuit, & verus ac sincerus Dei cultus fuit palàm ac publicè administratus ante omnium oculos, debeantque etiamnum loca & sedes ejusmodi certam designari & notari apud historicos: quod affirmant Doctores Ecclesiæ Romanæ, nostri verò Theologi negant, asserentes non esse necesse ut Ecclesiâ eo modo visibiliter emineat semper & omni tempore, sed externum Ecclesiæ statum posse variis modis obscurari & conturbari qua ratione jam expositum est. Speciatim verò contendunt eminentiam istam visibilem non esse ab Ecclesiâ Christianâ inseparabilem, sed illam ad tempus fuisse ab eâ auferendam colligi ex prædictionibus in sacra Scriptura contentis, ut quod 2 ad Thess. 2. prædicatur futura singularis & magna

magna quædam in Ecclesiâ defectio, & fore ut filius perditionis & homo peccati in Templo Dei sederet, id est, in Ecclesiâ tyrannidem usurparet, & quod in Apoc. supponitur Dei populus in Babylone typicâ captivus detinendus donec audiretur ita vox, *Exite populemi*, & siquâ sunt ejusmodi.

Sed ut clarius appareat in quibus consistat cardo & momentum hujus controversiæ, de Ecclesiæ visibilitate, observandum est, illam inde originem habere quod cum initio reformationis Doctores nostri arguerent varias corruptelas, quibus depravata erat doctrina & disciplina & etiam cultus Ecclesiæ Romanæ, eorum adversarii provocaverunt eos ad judicium Ecclesiæ, id est, conciliorum quæ Ecclesiâ repræsentant; cum enim Ecclesiâ à sponso suo Christo per spiritum sanctum ducenda sit in omnem veritatem ad salutem necessariam, juxta promissiones ipsi in verbo divino factas, tunc nos posse ejus judicio acquiescere: ad quod nostri responderunt veram illam Ecclesiâ quæ Christi spiritu ducitur non posse oculis certò & distinctè percipi, ita ut illam libet adire, & ejus judicium ac sententiam audire queamus: Nec enim illam consistere in externo aliquo ac visibili pastorum & præpositorum Ecclesiæ cœtu, sed in verè piis & Deum timentibus, qui vivâ fide & charitate non fictâ Christo suo capiti adherent, & sæpe inter longe majorem multitudinem impiorum atque hypocritarum latent. Et inde patet hic quæri an vera Ecclesiâ, quæ spiritu Christi ducitur in omnem veritatem, ita sit visibilis ut illam certò & distinctè possimus oculis discernere, & cum libet audire loquentem in externo aliquo & visibili cœtu qui illam repræsentet, quod affirmant Pontificii, nos verò pernegamus.

Denique postquam adversariorum sævitia & pertinacia, nostri coacti fuerunt ab Ecclesiâ Romana secedere & communionem ejus relinquere ut seorsim suos cœtus celebrarent; Pontificii putaverunt se posse evidenter probare apud nostros non esse veram Ecclesiâ, quia videlicet dicere & ostendere non possent ubi ante reformationem & retrorâpsum omnibus sæculis essent cœtus nostrorum similes, ubi eadem omnino doctrina & idem ordo modusque Dei colendi servaretur; supponentes externam illam & visibilem Ecclesiæ formam quæ consistit in purâ prædicatione verbi & sacramentorum usu, & disciplinæ legitimo ordine ab Ecclesiâ nunquam posse sejungi; sed in eâ ista perpetuò florere atque eminere, ut nullo non tempore designare liceat ubi Ecclesiâ solenniter suos cœtus celebraverit, & pastores suos habuerit, veram doctrinam purè & sincèrè docentes. Nostri verò contra contendunt externam Ecclesiæ statum variis modis sæpè obscurari & conturbari, tum grassantibus persecutionibus, tum erroribus & abusibus variis in eâ nascentibus, & incrementum paulatim fumentibus: unde sit ut aliquando persecutorum metu Ecclesiâ cogatur in desertum fugere, & in Angulis veluti latere. Aliquando verò etiam opus sit illam reformari in doctrinâ cultu & disciplinâ, adeoque in externâ illius forma multa immutari ita que quæstio est an Ecclesiâ. Ita sit visibilis ut ab hostibus oppressa nunquam latere cogatur, & in eâ semper emineat & conspicua sit pura prædicatione verbi, & legitima ministratio disciplinæ & sacramentorum, quod affirmant Doctores Ecclesiæ Romanæ nostri verò Theologi negant.

(N n)

C A P.

CAP. III.

An Ecclesia deficere possit, sive de Ecclesiæ duratione perenni.

Quæritur an Ecclesiæ duratio in terris perpetua sit & perennis, ex Dei ordinatione in verbo ejus nobis revelatâ & manifestatâ; ita ut ab ortu generis humani, Deus in terra semper habuerit aliquam Ecclesiam, & porro habiturus sit ad finem usque seculi, absque ullâ interruptione. Id constanter affirmant Ecclesiæ Romanæ Doctores. Sed cum illi definiant Ecclesiam ex iis quæ in sensus incurrunt, & velint illam esse societatem eorum qui sunt inter se conjuncti ejusdem fidei professione, sacramentorum eorundem usu, & subjectione prælatis legitimis, hoc ipso quod statuunt Ecclesiam in terris perpetuò manere, statuunt quoque illam perpetuò esse visibilem. Videlicet eorum mens est in terris hæcenus perpetuò fuisse, & in posterum fore societatem externam palam & publicè verum Deum colentem, & puram fidei doctrinam profitentem, & habentem suos Pastores & Doctores, qui purè in ea verbum Dei doceant, & sacramenta sincerè administrent, idque coram omnium oculis, & ita ut possint à quibuscvis adiri & audiri.

Nostri vero Theologi, non minori quoque consensu & constantiâ, docent Ecclesiæ durationem in terris esse perpetuam, nec ulla unquam tempora fuisse, in quibus desierit esse aliqua vera Dei Ecclesia in terris, & quamdiu mundus hic constabit in eo futuram semper aliquam Ecclesiam; sed Ecclesiam illi præcipuè definiunt ex iis quæ interna sunt, nec sensibus exposita, & veram ac propriam Ecclesiæ formam consistere volunt in fide, charitate, & pietate cordis. Itaque mens eorum est, nulla esse tempora in quibus in terrâ non sint aliqui verè pii & fideles, Deum puro corde colentes, & salutis æternæ participes futuri. An autem illi perpetuò externam aliquam formam Ecclesiæ inter se construent, adeoque perpetuò extiterit, & deinceps exitura sit Ecclesia quædam visibilis, res est de qua omnes non eodem modo loquuntur. Quidem videtur admittere Ecclesiam quidem in terris perpetuò manere, attamen negant illam esse perpetuò visibilem: ita clariss. Amyrald. in Thesibus Salmurienlibus de Ecclesiæ visibilitate & invisibilitate disput. 1. Thes. 17. & 21. ubi docet nonnunquam incidere tempora, quibus universalis Ecclesiæ facies externa ita obscuratur ut nemini sit visibilis, nonnunquam verò ea in quibus partes ejus nonnullæ visibiles sunt, partes verò invisibiles. Contrà verò Tilenus disput. 1. de Ecclesiâ Thes. 35. & seq. docet quidem nullam esse Ecclesiam particularem quæ non possit externam suam & visibilem formam amittere; quicquid tamen accadat statuit semper esse visibilem in terris aliquam Ecclesiam, licet nullus sit locus in quo sedes ejus veluti fixa sit, & unde non possit avelli; & disp. seq. postquam Thes. 3. dixit nunquam futurum ut nullus in orbe reliquus sit cæteris fidelium, Thesi 4. addit sententiam hanc non tantum de interna formâ Ecclesiæ quæ est invisibilis, sed etiam de externâ quæ visibilis est, accipimus. Sic non modò perpetua verum etiam conspicua est ejus duratio.

At doctissimus Camero tract. de Ecclesiâ cap. 4. de duratione Ecclesiæ perpetua, & nunquam interrupta videtur discrimen hæc in parte ponere inter Ecclesiam Veteris & Ecclesiam Nov. Test. nam Ecclesiam Vet. Test. putat aliquando prorsus desisse esse visibilem. dicit enim temporibus Vet. Test. aliquando publicè, & quidem de eorum autoritate & concilio qui sacris præerant, Dei cultum penitus abditum fuisse, & Ecclesiam Judaicam in tam crassis tenebris delituisse aliquando ut videri posset penitus extincta; At de Ecclesiâ Nov. Test. aliter sentit, videlicet illam nunquam desisse penitus esse visibilem. Non enim, inquit, ut in Vet. sic in Nov. Test. negamus Ecclesiam fuisse visibilem, nam in Vet. Test. agnoscimus

agnoscimus aliquando contigisse ut Ecclesie notæ planè defecerint: in Nov. Test. affirmamus quidem defecisse notas, at non planè defecisse.

Quod ad remiplam tamen non videntur inter se dissentire nostri Theologi, saltem respectu Ecclesie Nov. Test.* nam qui statuunt, ut Tilenus, Ecclesiam esse perpetuò visibilem, agnoscunt tamen Ecclesiam variis modis obscurari, & externam suam ac visibilem formam hostium oculis non semper exponere, ut eorum insidias atque impetus effugiat, sic enim loquitur Tilenus de Ecclesia militante disput. alterà Thes. 6. *Ad hac certos adeoque præstintos circuitus habes hac Ecclesia, sicut Luna Solis sui lucem modo magis, modo minus percipiens, minimè quidem certo affixa loco, sed variis mutationum Gyris ac vicibus infesta, deliquisq; obnoxia, nempe cum persecutionum nimbis, aut hereseos nubibus ac vaporibus obscuratur.* Et Thes. 7. *Aliud est, inquit, Ecclesiam formam suam penitus exuere ac deponere, aliud eam insidiantium hostium, id est, canum & porcorum oculis non exponere, aliud negamus, istud affirmamus.*

Vicissim verò qui dicunt Ecclesiam aliquando fieri invisibilem atque inconspicuum non propterea censent nullam omnino externam ac visibilem formam in Ecclesia remanere, sed solum illam ita obscurari, ut vix agnosci possit, adeoque docent Ecclesiam quandoque inconspicuam fieri atque invisibilem non simpliciter & absolute sed comparate tantum & secundum quid. Quam rem ita explicat Camero tract. de Ecclesia cap. de duratione Ecclesie perpetuà. *Obscurari, inquit, dicitur, Ecclesia, in hac controuv. non tantum cum nulla est Ecclesia; sed cum latet, & ne hoc quidem tantum; sed cum ita latet ut non pateat hominum oculis, quo modo patere solebat, aut vero potuisset patere.* At paucis interjectis, dicimus, inquit, *Ecclesiam defecisse non absolute; sed comparate; hoc est, non fuit Ecclesia Nov. Test. omnibus temporibus æquè clara & conspicua, nam initio clarissima fuit, hanc claritatem secuta est diminutio splendoris, tum obscurata est at non penitus, denique obscurata, effulsit tandem.*

Quod ut melius intelligatur, in memoriam revocandum est id quod Ecclesiam visibilem reddit esse ministerium verbi & sacramentorum & regiminis ordinem externum à Christo institutum, jam autem contingere potest ut vis & insidie persecutorum & hostium Ecclesie ita conturbent Ecclesie ordinem ut Pastores cogantur vel abscedere vel latere; nec fideles nisi raro, difficulter & occultè admodum possint celebrare suos Cœtus in quibus Dei verbum sibi prædicatum audiant & sacramenta percipiant, quo in casu hostium conspectum Ecclesia effugit, licet non desinat esse visibilis, aliquibus saltem qui intus sunt, & ad illam pertinent.

Deinde in Ecclesia ut ante dictum est possunt sensim nasci & emergere varii abulus, errores & superstitiones, quibus veritas divina obscuratur, & cultus Dei polluitur, & non parùm Ecclesie disciplina labefactatur, quique cum tempore ita invalescunt ut Dei verbum & salutis doctrina hominum commentis penè obruatur, & ægrè possit à fidelibus discerni, adeo ut tandem opus sit Ecclesiam in disciplina & doctrina reformari, & magnam pati æmulationem, ut electorum saluti consulatur. Quod de facto in Ecclesia Christiana contigisse Theologi nostri pertendunt. Id autem cum accidit non penitus tollitur Ecclesie regimen à Christo institutum, sed solum degenerat, & tyrannicum evadit. Manet etiam aliqua prædicatio verbi, sed doctrina salutaris ita involvitur erroribus, ut fideles sibi cavere debeant à Pastorum suorum fermento; sicuti pii tempore Phariseorum eorum doctrinam amplectabantur; sed ita tamen ut sibi ab illorum fermento caverent. Denique non aufertur omnis sacramentorum usus, & in Ecclesia remanet eorum substantia; sed admiscetur variae corruptelæ, adeoque forma externa Ecclesie, quæ illam visibilem reddit, non tollitur quidem prorsus & evanescit, sed multum tamen obscuratur.

Itaque nostri Ecclesiam etiam ratione status externi atque visibilis fatentur quidem perpetuò manere; sed ita tamen ut varias immutationes recipiat, & multum obscuretur, ac vix possit agnosci; & propterea Ecclesiam hac in parte comparant homini, qui primò sanus est, sed paulatim fit infirmus & languescit, donec morbus ingravescat, & tandem fiat lethalis, & qui tandem morti proximus incipit convalescere ac recuperare primam sanitatem; Nam, inquit, ejusmodi homo à nativitate usque ad senectutem, in qua convalescit ex morbo supponitur, perpetuò subsistit, sed non eodem modo.

Primò enim fuit sanus atque valens, postea languidus & infirmus, dein lethaliter & graviter æger, & tandem sanitati pristinæ restitutus. Et similiter ecclesiæ quidem nunquam defecit, sed perpetuò mansit, verùm non eodem statu; nam in principio pura quidem fuit, sed paulatim in eam irreperunt errores & superstitiones quibus impura reddita est, quod malum ea cum tempore sumpsit incrementa ut ad extremum perveniret, donec Deus ecclesiæ suam a totali defectu one & exitio servaret per Institutionem & Reformationem, quas in novissimis hinc temporibus procuravit, ut videre est præsertim apud doctissimum Mestrezat. de ecclesiâ lib. 2. cap. 16. ubi doctrinam istam latius prosequitur.

Sed quamvis nostri omnes ecclesiæ perpetuò manere fateantur, istud tamen arctè tenent ecclesiæ non esse certo cuiuspiam loco aut sedi alligatam, & nullam esse omnino ecclesiæ particularem quæ possit legitime & sine temeritate sibi durationem perennem polliceri.

Porro ex dictis apparet Pontificios & nostros communi consensu docere durationem ecclesiæ in terris esse perpetuam, Deumque semper habuisse, & ad finem usque sæculi habiturum ecclesiæ aliquam in terris.

Neque etiam propriè de eo quæstio est, an ecclesiæ saltem Christiana perpetuò habuerit, & porro habitura sit externam aliquam & visibilem formam & ex Dei ordinatione semper esse debeat in terris externa quædam societas quæ dici possit ecclesiæ Christi, in quâ etiam possit æterna salus obtineri; etenim istud Theologi nostri non negant.

Sed primùm de eo quæritur an sit ulla aliqua ecclesiæ particularis & certo loco affixa, quæ sibi durationem perpetuam spondere possit. Istud enim simpliciter negant Theologi nostri omnes, sed multi ex Pontificiis gloriam illam tribuunt ecclesiæ urbis Romæ; statuunt enim ecclesiæ Rom. particularem, nunquam deficere posse, & Romæ perpetuò hæsuram Cathedram Petri & Pontificiam sedem, quam ecclesiæ fundamentum & ecclesiasticæ communionis centrum esse putant; quâ in sententia est Rob. Bellarm. de summo Pont. l. 4. cap. 4. quamvis alii asserere nolint veram ecclesiæ & summum Pontificatum, sine quo ecclesiæ stare non posse putant, ita certis terræ partibus hære ut non possit alio transferri.

Præcipua verò quæstio est an ex Dei decreto in terris esse perpetuò debeat non simpliciter ecclesiæ quædam aliquo modo visibilis; sed in qua semper fulgeat & emineat pura & incorrupta fidei & doctrinæ cœlestis professio & prædicatio, & legitimum pastorum regimen, & quæ sit omnium oculis exposita, & à quibusvis faciliè agnosci & discerni possit. Istud affirmant Doctores Ecclesiæ Rom. nostri verò Theologi negant, asserentes ecclesiæ aliquandò multum obscurari, & externum ac visibilem ordinem ejus conturbari, quâ ratione sæpè expolitum est.

CAP. IV.

An Ecclesiâ possit errare, sive de Ecclesiæ Constantiâ in fide retinendâ.

Observant Pontificii ecclesiæ nomine non tantum designari universam fidelium multitudinem & collectionem, quæ est ecclesiâ propriè & simpliciter dicta, sed etiam universitatem Episcoporum & Rectorum ecclesiæ, quæ est ecclesiâ repræsentativa; sive autem hoc sive illo modo sumatur, communiter docent ecclesiâ non posse errare, nec in rebus absolutè necessariis, nec in aliis quæ credenda & facienda proponit: adeoque cum dicunt ecclesiâ non posse errare mens eorum est id quod tenent omnes fideles tanquam de fide, necessariò verum esse & de fide, & similiter id quod docent omnes episcopi tanquam ad fidem pertinnens, necessariò verum esse & de fide.

Porro movent, cum dicitur, ecclesiâ non posse errare, id non esse verum tantum de ecclesiâ antiqua, quæ non potuerit in fide errare; sed verum quoque esse de ecclesiâ quæ nunc est, & quæ etiam futura est usque ad sæculi consummationem; nunquam enim contingere posse ut ecclesiâ aliquid falsum vel credat, vel credendam proponat.

Sciendum est tamen esse quosdam ex doctoribus ecclesiæ Rom. qui admittunt quidem fidem ecclesiæ deficere non posse, & Deum ecclesiæ perpetuò adesse, neunquam vera illi fides & charitas desine, sed nihilominus docent ecclesiâ posse rem falsam, & à Deo non revelatam, ut veram recipere & proponere credendam; Nam verbi gratiâ posito quod à Deo revelatum non sit virginem Mariam fuisse ab originali peccato immunem, aiunt quod quamvis ecclesiâ crederet sanctam virginem fuisse sine peccato conceptam, idemque definiret esse credendum ab omnibus, non tamen in eo jacturam fidei facere existimaretur; nam licet falleretur, error tamen probabilis & inculpatus fidem ecclesiæ non excludit. Hanc sententiam Melchior Canus tribuit quibusdam ex suis de locis Theologicis. lib. 4. cap. 4. in conclusione 2. & dicit hujus sententiæ videre esse Thomam Card. de Turrecremata, & Alphonsum à Castro, & Glossam quoque interlinearem in illud *Porta inferi non prevalebunt adversus eam*; sed hodiè Schola Rom. communi consensu repugnat, & statuit ecclesiâ nullo modo posse errare in credendo: Et cum dicitur ecclesiâ in fide errare non posse, istud à fidelibus sic esse accipiendum, ut quicquid ecclesiâ tanquam fidei dogma tenet, verum sit, nec quicquam credendum sit falsum esse quod illa aut credit aut docet.

Cæterum cum doctores Pontificii pertendunt ecclesiâ errare non posse in præceptis morum & fidei dogmatibus, per ecclesiâ, ut apparet, intelligunt universalem, nam alioqui fatentur particulares ecclesias errori esse obnoxias, & posse tanquam fidei adversum rejicere, quod fidei adversum non est, & tanquam dogma de fide suscipere, quod reverà tamen ad fidem non pertinet. Et similiter cum docent Episcopos & Pastores ecclesiæ, quos ecclesiâ repræsentativam vocant, errare etiam non posse, id intelligunt de Episcopis universis & collectivè sumptis, atque in sententiam eandem conspirantibus: nam alioqui agnoscunt Episcopos singulos, & etiam multos ex iis simul sumptos, in errorem cadere posse & falli in fidei doctrinâ.

Attamen nonnulli sunt qui tuentur non tantum ecclesiâ universalem esse ab omni errore immunem, sed etiam istud idem privilegium tribuunt ecclesiæ Rom. particulari, inter quos est Bellarm. de summo Pontif. lib. 4. cap. 4. ubi hæc est ejus secunda Propositio, Non solum Pontifex Rom. non potest errare in fide, sed neque Romana particularis ecclesiâ.

Jam autem si quis quærat an omnis ecclesiâ errans in aliquâ quæstione tam fidei quam morum hoc ipso definat esse vera ecclesiâ, & sit nomine ecclesiæ indigena,

na, videntur id affirmare doctores Pontif. nam Card. Perronius in opere illo suo contra Regem magnæ Britanniæ contendit, quod si ecclesiâ erravit in aliqua ex controversiis, tam antiquis quam hodiernis, hoc ipso excidit veræ ecclesiæ titulo. Præsertim verò librò 1. cap. 60. pagina 483. asserit de essentia & necessitate ecclesiæ esse ut sit in fide pura & impolluta, & communionem Græcorum, sive Armeniorum, atque etiam Æthiopum hoc ipso convinci non esse veram ecclesiâ, quod nulla earum sit quæ non aliquo errore teneatur, & apud quam doctrina fidei non sit quodam modo corrupta. Et certè si, quod volunt, verâ ecclesiâ nihil falsum credere potest in fidei doctrinâ, omnino sequitur illam communionem quæ falsum aliquid credit & tuetur non esse veram ecclesiâ: Attamen ex mente doctorum ecclesiæ Rom. hic est distinctio quædam adhibenda, nam, juxta eorum placita, non quilibet error in fide statim aliquem abscindit ab ecclesiæ corpore, & extra ecclesiâ ponit. Si autem doctor aliquis, aut persona privata potest in aliqua fidei quæstione errare, & tamen in ecclesiæ communionem permanere, consequens est ut etiam si aliqua particularis ecclesiâ simili modo erret, nihilominus possit haberi pars universalis ecclesiæ, adeoque vera quædam ecclesiâ particularis. Sic ecclesiâ Africana Tempore Cypriani cum ipso censuit baptismum hæreticorum nullum esse, & iterum baptizandos esse qui apud hæreticos baptismum susceperant, qui fuit error aliquis in fide, nec tamen existimant Doctores Pontificii ecclesiâ Africanam fuisse tùm ab universalis ecclesiæ corpore abscissam. Itaque pertendunt quidem ecclesiâ non posse errare, id est, fieri non posse, ut omnes fideles collectivè sumpti, & etiam omnes doctores ecclesiæ in errorem aliquem incidant: Sed non tamen propterea excludunt omnes fideles & omnes doctores qui in errorem aliquem inciderunt, verùm hic varios gradus & species erroris distinguunt. Nam error ille quo negatur, idque pertinaciter, id quod juxta eos est propriè & strictè de fide, ex eorum sententia extra ecclesiæ communionem ponit eos omnes qui illo tenentur, nec potest ecclesiæ partem constituere aliqua societas, quæ ejusmodi errore implicatur. Et istud est quod hæresin vocant. De fide autem propriè loquendo apud ipsos est, non quidquid Deus in verbo suo revelavit, & per Prophetas atque Apostolos Ecclesiæ tradidit, sed solum id quod ecclesiâ sancivit & definivit esse tale, quantumvis materia videatur levis, adeoque ante aliquot sæcula multa de fide non fuerunt, quoniam nondum fuerant à conciliis definita, quæ jam pro articulis fidei haberi debent, postquam sunt autoritate conciliorum firmata, & ita potuerunt olim ab iis negari, qui nihilominus pro membris ecclesiæ agnoscuntur; & tamen qui hodiè eadem illa negant tenentur pro hæreticis, & ab ecclesiâ alienis: sic, ex ipsorum mente, hæresis olim non fuit & error perniciosus, credere hæreticos iterum baptizandos esse, aut Pascha celebrandum esse ipsa 14. lunæ non frequentidie dominica, vel Machabæorum libros non esse Canonicos, & paris cum Prophetis Libris autoritatis. At post definitionem Concilii Niceni & Tridentini nuper celebrati ista pro hæresi habentur, & quicunque ita sentiunt, vel hoc vel ipso solo censentur ab ecclesiâ alieni.

Igitur, ut rem in pauca contraham, hæc est doctorum ecclesiæ Rom. super quæstione modo propositâ, sententia. Primo multitudinem illam quæ in doctrinâ fidei communi aliquo errore tenetur, & habet tanquam de fide, quod reverà de fide non est, vel rejicit aliquid quod reverà ad fidem pertinet, non posse constituere corpus universalis & visibilis ecclesiæ, deinde quemlibet cœtum particularem qui negat & rejicit vel unicum fidei dogma, id est, aliquid quod semel ecclesiâ communi consensu probavit & sanxit à fidelibus credendum & accipiendum, extra ecclesiæ communionem esse, nec posse inter partes ecclesiæ numerari: & tertio tamen admittunt esse quosdam errores circa res fidei & cultum Divinum qui non constituunt vel personam privatam vel multitudinem aliquam extra communionem ecclesiæ universalis, & qui locum habere possunt in eo cœtu qui sit pars ecclesiæ veræ.

Ceterùm in memoriam perpetuo revocandum est Pontificios ecclesiæ nomine non aliud intelligere quam societatem quandam externam atque visibilem eorum qui Christi doctrinam profitentur, & subsunt pastoribus ab ipso institutis, sive cœtum ipsum Pastorum qui ecclesiâ regunt. Adeoque hæc est illa ecclesiâ cui privilegium non errandi tribuunt, & ad quam pertinere contendunt promissiones

missiones de perpetuâ spiritus sancti assistentia, qui illam ducat in omnem veritatem, & ita volunt in Terris perpetuò esse cœtum quandam qui sit omnium oculis expositus, & quem omnes possint consulere super dubiis circa fidem orientibus, cuiusque iudicio debeant acquiescere.

Quantum attinet ad Theologos nostros, cum quæritur an ecclesiæ quæ in Terris versatur, de qua hic solâ quæstio est, in errorem cadere possit circares Fidei & Religionis, nec id simpliciter negant, nec id simpliciter affirmant; sed distinctiones varias adhibent. Primo quidem distinguunt inter eos errores qui Religionis fundamentum evertunt, nec possunt cum verâ fide & pietate consistere, & alios errores quibus peccatur quidem in fidei & Religionis doctrinâ; sed quorum tamen vitio non corrumpitur Religionis ipsius fundamentum, & cum quibus impossibile non est ut aliquis sinceram in corde pietatem & salutarem fidem retineat.

Præterea hic utuntur solenni illâ suâ distinctione ecclesiæ: in visibilem atque invisibilem, quibus diversis appellationibus non designant, ut ante sæpius observatum fuit, duas diversas ecclesias, sed ecclesiam unam & eandem, prout consideratur vel ratione solius internæ communionis, & quatenus constat iis solis qui ex electionis æternæ proposito Christo donati fuerunt, eique per veram fidem & charitatem insiti, quo respectu dicitur ecclesiæ invisibilis: vel ratione status externi atque visibilis, prout iis constat qui inter se colligati sunt externâ veræ fidei in Christum professione, & Sacramentorum eorundem usu, ac sub sunt Pastoribus à Christo institutis, quo respectu ecclesiæ visibilis appellatur.

Quæ visibilis ecclesiæ rursus hic distinguitur in ecclesiam universalem, quæ constare censetur omnibus iis cœtibus qui salutarem Christi doctrinam amplectuntur, & sacramentis utuntur ab eo institutis: & in particulares ecclesias, quæ nomine designantur vel singuli cœtus eorum qui in Christi nomine certo in loco conveniunt, ad eum, juxta præscriptum verbi ipsius, colendum; vel societas multorum ejusmodi cœtuum certis quibusdam legibus inter se devinctorum, & peculiari aliquo Regimine utentium, veluti cum dicimus ecclesiam Anglicanæ vel Belgicæ.

His positis, ad quæstionem, an ecclesiæ possit in doctrinâ Fidei & Religionis errare, Respondent nostri ecclesiam invisibilem, & proprie sic dictam, quæ constat iis qui verè per fidem Christo insiti sunt juxta electionis æternæ propositum, incidere non posse in errorem perniciosum, & à fundamentis fidei deficere: hanc enim esse ecclesiam quæ dicitur habere auctoritatem à sancto, & cui pollicitus est Christus spiritum suum, qui illam ducat in omnem veritatem salutarem; & hoc etiam sequitur ex communi nostrorum doctrina, qui, ut capito superiori offensum est, agnoscunt veræ ecclesiæ in Terris durationem perpetuam & pereanem esse, & nunquam interrumpendam. Si verò tota ecclesiæ illa erraret errore pernicioso, hoc ipso desineret vera esse ecclesiæ, & duratio ecclesiæ in Terris interrumpetur: & certè dicere totam ecclesiam propriè sic dictam incidere non posse in errorem perniciosum ex mente doctorum nostrorum, idem est ac dicere fieri non posse quin in Terrâ sint aliqui fideles salutiferæ Christi Doctrinæ adherentes.

Non negant tamen nostri quin ecclesiæ etiam propriè sic dicta possit in errorem aliquem incidere, modò ne sit ille perniciosus error, & qui fundamenta pietatis evertat, nec enim spiritus sanctus ita fidelium mentes in Terris illuminat, quin multum super sit in illis infirmitatis & ignorantie, juxta illud Apostoli 1. ad Cor 13. *Cognoscimus ex parte & Prophetamus ex parte*, itaque fieri posse ut omnes etiam verè pii & fideles teneantur aliquo errore in iis quæ ad fidem & Religionem pertinent, modò ne sit error ille perniciosus & exitialis.

Quod spectat autem ecclesiam visibilem sic dictam, id est, cœtus eorum qui Christi fidem & disciplinam externè profitentur, constituunt omnes nostri nullam esse ecclesiam particularem, id est, nullum externum Christianorum cœtum à cæteris distinctum atque designabilem, de quo credere debeamus illum nunquam posse in fide errare; & à vera doctrina fidei deficere: Nec enim ullum esse particularem cœtum qui hoc sit unquam divinitus promissum, omnem autem ejusmodi cœtum qui in errorem aliquem incidit, in fidei doctrinâ, poluit propterea statim amittere rationem ecclesiæ, & desinere esse veræ ecclesiæ membrum, nisi error sit talis qui fidei ipsam fundamentum evertat.

An

CAPUT QUINTUM.

De Notis Ecclesiæ juxta Pontificos.

Hic ante omnia Doctores Ecclesiæ Romanæ constituunt veram Ecclesiam esse veluti solem quemdam, qui radios undique & circumquaque diffundit, & quibus se facile videndum & cognoscendum præbet: quod idem est ac dicere Ecclesiam in se habere lucem, cujus beneficio discerni & agnoscì possit ab aliis Sectis & Communione, quæ Ecclesiæ nomen & titulum, sibi vindicare conantur. Porro Lux illa consistit in quibusdam signis ac testimoniis, quæ Ecclesiam distinguunt ab omni falsâ Religione Ethnicorum, Judæorum, atque hæreticorum, & non quidem efficiunt evidenter verum, ipsam esse veram Dei Ecclesiam, sed tamen efficiunt id evidenter credibile; & enim aliud est esse evidenter verum, aliud verò esse evidenter credibile; etenim aliud est esse evidenter verum, aliud verò esse evidenter credibile. Evidetur verum est id quod per se notum & expositum est, sive sensui, sive intelligentiæ, vel quod saltem ex principiis per se notis necessario & evidenter deducitur, quemadmodum verbi gratiâ ex suis principiis Geometricæ conclusiones. Evidenter autem credibile est, quod licet per se notum non sit, nec etiam cadat sub demonstrationem Logicam aut Mathematicam, habet tamen tot & tam gravia Testimonia, & tam illustria suæ veritatis signa & indicia, ut quilibet vir sapiens id merito credere debeat; adeoque illud evidenter verum esse, quod alii evidens dicunt esse Logicè seu Mathematicè, aut etiam internam sui habere evidentiam. Evidenter verò credibile, illud quod aliis dicitur moraliter evidens, sive externum tantum evidentiam habere.

Porro signa illa atque testimonia, quibus evidenter credibile seu moraliter evidens redditur, hanc esse veram Ecclesiam, sunt ea quæ Pontificii vocant Ecclesiæ notas, quibus quidem, ut jam dictum est, veritas illa simpliciter & absolutè evidens non redditur, ex mente Pontificiorum, sed tamen suppositâ veritate Scripturæ & Historiæ Ecclesiasticæ, per eas notas veram Ecclesiam evidenter probari volunt, adeoque apud eos qui utrumque admittunt illas parere, hac in parte evidentiam veritatis, non autem evidentiam tantum credibilitatis.

Cæterum doctores Ecclesiæ Romanæ variè notas illas numerant & assignant, & plures ab aliis, ab aliis verò pauciores ponuntur. Bellarminus autem, cujus hic vestigia premimus, & quem plurimi sequuntur, quindecim Notas Ecclesiæ recenset.

Prima Nota est ipsum *Catholica Ecclesia & Christianorum nomen*. Mens autem illorum est eam esse veram Ecclesiam quæ Catholica dicitur non simpliciter à suis, sed ab hostibus etiam & externis, & cui titulus iste ex communi hominum usu & consensu tribuitur. Et similiter cum dicunt Christianorum nomen esse Ecclesiæ notam, intelligunt eos veram Ecclesiam constituere, qui non simpliciter se Christianos vocant, & communi ac consulâ Christianorum appellatione comprehendi possunt; sed sic dicuntur Christiani, ut præterea ab aliquo certo homine non denominentur, aut per certam ab eo dependentiam distinguì non soleant ab aliis Christianis: quemadmodum Ariani olim se vocabant quidem Christianos, sed Ariani tamen ab Ario dicti sunt, & per hanc appellationem ab aliis quibusvis Christianis distincti.

Secunda Nota Ecclesiæ quam Bellarm. affert est *Antiquitas*. Mens ejus est inter eas Christianorum Sectas, quæ de titulo Ecclesiæ disceptant, illas non posse jure titulum illum sibi vindicare, quorum designari potest post Christum Author, qui nova dogmata primus introduxerit, locus ubi illa prædicare cœperit, & quos primos habuerit sectatores & oppugnatores. Veræ autem Ecclesiæ initium reperiri & notari non posse, nisi ascendamus usque ad Christum & Apostolos, (quæ singula affirmat ostendi

posse de omnibus Sectis quæ Ecclesiæ Romanæ adversantur) ac illam nulla nova dogmata suscipere, de quibus judicari possit, a quo, ubi, & quando prædicari cœperunt, eo à quibus primum credi vel oppugnari, quæ omnia pertendit Ecclesiam Romanam meritis sibi tribuere, minimè vero in nostram communionem quadrare, aut in ullam aliam præter Romanam Christianorum Sectam.

Tertia Nota Ecclesiæ juxta illum est, *duratio diuturna & nunquam interrupta*; nempe hæreses & sectas erroneas parum durare & extingui intra paucos annos: veram autem Ecclesiam debere à Christo hucusque habuisse durationem perpetuam, & de illa ostendi posse, ubi, & apud quos fuerit singulis à Christo seculis.

Quarta Nota ipsi est *amplitudo sive multitudo & varietas credentium*: non quod existimet numerum eorum qui quolibet tempore constituunt veram Ecclesiam, necessariò semper superare numerum cujuslibet alterius tunc existentis Sectæ, admittit enim posse fieri ut una sola Provincia retineat veram fidem. Verùm hic est illius sensus, veram Christi Ecclesiam debere pertotum orbem successivè saltem propagari, & variis temporibus in gentibus & provinciis omnibus innotescere & fructificare, & cum jam his seculis Ecclesia senescit, & novissima tempora accedant, necessariò Ecclesiam vel esse vel fuisse in majori parte orbis Terræ: quod verum esse putat de Ecclesia Romana, minimè verò de Sectis quæ Ecclesiæ Romanæ adversantur.

Quinta Nota quam ponit Bellarm. est *continua Episcoporum acque Pastorum ab Apostolis ad nos usque deducta successio*. Constituit enim veram Ecclesiam esse non posse sine veris Pastoribus & Episcopis, eos autem non esse veros Episcopos qui Apostolos aut viris Apostolicis non successerunt, & ab iisdem etiam ordinati non fuerunt. Porro gloriatur istam Episcoporum Successionem ab Apostolis ad nos usque deductam in Ecclesia Romanâ reperiri, maxime vero in Episcopis Romanis, quorum continua serie à Petro Apostolo ad nostra usque tempora deducitur; apud nos verò non posse reperi Pastores & Episcopos qui Apostolis successerint, & a viris Apostolicis ordinati fuerint: primos enim ex iis qui Ecclesiam reformare aggressi sunt, se gessisse pro Pastoribus & Episcopis absque legitimâ ordinatione, & iis etiam in locis ubi jam alii erant Episcopi legitimè ordinati, adeoque ubi erat successioni locus. Observat autem Bellarm. hanc notam, sive argumentum ex hac notâ deductum, præcipuè asserri ad probandum, non esse Ecclesiam ubi non est hæc successio, necessariò tamen non colligi ibi esse Ecclesiam ubi est successio.

Sexta Nota Pontificiis est *Conspiratio in doctrinâ cum Ecclesiâ antiquâ*. Supponunt scilicet Ecclesiam antiquam, quatuor aut quinque primis post Christum seculis, veram Ecclesiam fuisse & mansisse ex omnium confessione, adeoque Ecclesiam illam quæ hodie docet & tradit consentanea iis, quæ tenuit Ecclesia illa antiqua, veram esse Ecclesiam, non posse autem esse talem, communionem illam in qua pro fidei dogmatis habentur, illa ipsa quæ antiquitus pro hæresibus habita sunt. Porro prius illud sibi competere gloriantur etiam ex ipso adversariorum suorum testimonio, posterius verò nostris Ecclesiæ imputant.

Septima Nota Ecclesiæ ipsis est *Unio membrorum illius inter se & cum capite*; id est, cum Episc. Rom. & primò quidem ex aliquot veterum testimoniiis probare contendunt conjunctionem cum Episc. Rom. simpliciter habitam fuisse pro nota veræ Ecclesiæ. Deinde urgent Concordiam Esse signum Regni Dei, nec posse regnum Dei constituere illos qui sunt inter se discordes; adeoque varios cœtus qui invicem non communicant, non posse esse simul veræ Ecclesiæ Membra, & Ecclesiam componere; unde concludunt Ecclesiam penes nos esse non posse, quoniam scilicet inter nos dissidemus, neque nobis convenit cum Lutherariis, Anabaptistis, Arminianis, aliisque ejusmodi Sectis, in quas quotidie dividimur atque subdividimur. In Ecclesiâ vero Romanâ magnam esse circa dogmata concordiam & consensionem, & omnes qui ad illam pertinent communionem inter se colere, ac proinde illam pro verâ Ecclesiâ & Christi Regno debere agnoscere.

Octava Nota Bellarmini est *Sanctitas Doctrina*. Ecclesiam enim dici Sanctam, quia professio ejus est Sancta, nihil continens falsum quo ad fidei doctrinam, nihil injunctum quoad doctrinam morum. Unde probat nullam esse veram Ecclesiam præter Rom. quia videlicet nulla sit alia secta quæ non contineat aliquos exploratos Errores, & rectæ rationi manifestè contrarios, sola verò Ecclesia Romana nihil tale doceat.

Nona

I. Nona est *Efficacia doctrine*. Ex hac notâ probas Bellarmi Ecclesiam Romanam veram Ecclesiam, quoniam omnibus sæculis multos gentiles atque infideles ad fidem Christi convertit ac sibi inivit, quod nunquam præstiterunt ullæ aliæ Christianorum Sæctæ, nec ulla quoque Philosophorum Sæcta; quod vero Mahumetismum plurimi amplexi sunt, id factum esse terrore ac vi armorum, non doctrinæ Efficaciâ.

Decima nota est *Sanctitas vite doctorum sive primorum Patrum Religionis*. Inde verò probat Bellarm. veram Ecclesiam non esse aliam quàm Rom. quoniam institutores ordinum Religiosorum, & doctores illi qui fidem Ecclesiæ Romanæ propugnarunt, & contra singulas hæreses dimicarunt, fuerunt omnes, inquit, tam Sancti Casti, Pii, & Sobrii, ut adversarii nihil habeant quod reprehendant, nisi nimiam sanctitatem: cum contra autores hæresium, & omnium aliarum inter Christianos Sæctarum, fuerint homines superbi, qui ad dogmata nova excogitanda moti fuerint ex ambitione, odio, & invidia.

Undecima est *Gloria Miraculorum*. Ut verò inde probent apud se esse veram Ecclesiam, non verò esse apud ullos ex suis adversariis, duo fundamenta supponunt; unum est quod miracula sint necessaria ad novam fidem sive extraordinariam missionem persuadendam, alterum quod sint efficacia & sufficientia. Ex priorè probant veram Ecclesiam non esse apud nos, quia illi qui Ecclesiam reformare aggressi sunt, doctrinam novam prædicarunt, aut saltem diversam ab illâ quam ordinarii Pastores proponebant, nec etiam fuerunt ab ordinarii Pastores proponebant, nec etiam fuerunt ab ordinariis Ecclesiæ Pastoribus & Rectoribus missi: ideoque debuerunt tam doctrinam quam missionem suam confirmare miraculis, quod tamen non fecerunt. Ex posteriore verò probant se esse veram Ecclesiam, quia scilicet in Ecclesiâ Romanâ omnibus sæculis facta sunt, & etiamnum fiunt veri nominis Miracula.

Duodecima est *Lumen Propheticum*. Donum enim prophetiæ Ecclesiæ promissum esse probant ex verbis *Joel, cap. 2.* quæ referuntur atque exponuntur à *Petro Apostolo Act. 2.* Inde verò probant nos non esse veram Ecclesiam, quia nulli sunt aut fuerunt apud nos veri Prophetæ qui futura pronunciaverint, in Romanâ verò Ecclesiâ veros Prophetas esse probant exemplis Bernardi & Francisci, qui fuerunt institutores religiosorum apud ipsos ordinum, & futura quædam prædixerunt.

Decima tertia est *Confessio adversariorem*. Tanta, inquit, est vis veritatis, ut etiam adversarios cogat interdum sibi testimonium dare. Jam autem nusquam inveniuntur Catholici laudasse aut approbasse doctrinam aut vitam ullorum ethnicorum aut hæreticorum: Sepè vero Ethnici, Judæi, Turcæ, & Heretici Catholicis Romanensibus honorificum testimonium perhibuerunt; atque ut id probent de iis quos pro hæreticis habent, inter alia proferunt Testimonia Calvini & Philippi Melancthonis, qui quandoque Bernardum, Franciscum, & Dominicum vocant pios & sanctos.

Decima quarta est *Infelix exitus eorum qui Ecclesiam oppugnant*. Inde verò probant Romanam hodiernam veram esse Ecclesiam, quia scilicet ejus hostis Lutherus, nempe Calvinus, Oecolampadius, Zuinglius, miserabili ut aiunt, aut repentinâ morte perierunt.

Ultima nota ipsi est *Felicitas Temporalis*, divinitus iis collata qui Ecclesiam defenderunt, atque hic præcipue exaggerant, victorias novissimis histæ temporibus à suis reportatas de Ecclesiâ Romanâ hostibus.

Porrò, de istis notis sic centent Theologi nostri; quoad primum, quæ est Christianorum nomen & Catholiæ Ecclesiæ, dicunt male de rebus ex nomine judicari, etenim nomine eodem manente, res sæpe valde immutari, & vice versâ rem eandem pro variis temporibus atque circumstantiis sæpe designari diversis nominibus. Atque etiam nomina multa, non prout res & ratio exigit, sed omnino contrarationem tribui; itaque in Ecclesiâ Romanâ mansisse quidem nomen Ecclesiæ Catholiæ, sed tamen immensum quantum degenerasse ab Ecclesiâ illâ, cui in Catholiæ nomine successit. Nostros verò vel non amplius vel raro usurpare Catholicorum nomen; quia jam mutata est ejus significatio, & in eo se designari gaudent qui adhærent corruptelis & abusus illis, qui sensum in Ecclesiam irreperierant. Quod autem odioso Lutherani dicimur sive Calviniani, aut aliò simili nomine, non autem simpliciter Christiani nominamur, id per Calumniam atque Injuriam fieri, nec enim nos jurare in verba Calvini, sive alterius cujusunque hominis, neque eorum doctrinam recipere, nisi cum examine, & in quantum verbo Dei conformis reperitur.

De secunda nota, quæ est antiquitas, concedunt Theologi nostri veram Ecclesiam non esse illam quæ antiqua non est, & quæ non Christum ipsum sed alium post Christum autorem habuerit; sed asserunt Ecclesiam Romanam, pro ut hodie se habet, licet antiqua videatur, reverà tamen esse novam: nostram verò Ecclesiam novam quidem videri, sed reverà esse antiquam. Nam Ecclesia Romana doctrinam à Christi doctrinà longe recessisse, & in eà cultum obtinere multum ab eo discrepantem, quem Christus instituit. Quod autem tempus, author & circumstantiæ imputationis illius quæ in Ecclesià Romanà contigit, designari facile non possint, inde esse quod immutatio non simul & semel facta est; sed paulatim per gradus & sensim sine sensu, sicut senectus solet incautis obrepere, & populorum Mores & Lingue sensim immutari. Jam verò Ecclesiam nostram videri novam, quoniam abusus & errores varios, qui in Ecclesiam jam olim irrepsierant, abiecit & repudiavit, & primam illam & antiquissimam à Christo traditam cultus Divini formam ac Doctrinam amplexa est, in eaque stare voluit. Itaque Reformationem in Ecclesià nostrà institutam esse quidem novam; sed tamen factam illam ad antiquissimam illam formam Ecclesiæ, quam Christus instituit, veluti si post morbum maximè diuturnum, & qui paulatim hominis alicujus corpus infecit atque occupavit, sanitas denuo redeat. Nolunt tamen Theologi nostri antiquitatem rectè poni tanquam Ecclesiæ Notam, nisi examen illius instituat per solum Christianæ Religionis antiquissimum & primum Monumentum, scilicet Scripturam sacram: inferioris autem antiquitatis notitiam obscuram valde esse & obtentu difficilem, & novum esse quicquid ab illo principio recedit.

Quod attinet ad tertiam, quæ est duratio diuturna, & nunquam interrupta, fatentur Theologi nostri Ecclesiam veram in Terris perpetuò durare, & nunquam penitus desiccare ac intercidere; sed tamen illam esse variis mutationibus obnoxiam; neque necesse esse ut immutata perpetuò perseveret, sive doctrinam spectes, sive cultum atque disciplinam. Nam in Ecclesiam cum temporis lapsu, sensim coeperunt irrepere & gliscere varii errores & abusus. Unde fit ut subinde opus habeat reformari, & novam aliquatenus, ut sic dicam, formam induere. Novam, inquam, non respectu primæ & antiquissimæ; sed respectu corruptionis, quæ paulatim irrepsit atque invaluerit. Itaque non rectè concludi illam non esse veram Ecclesiam, cui singulis post Christum seculis, aliqua in omnibus tam doctrinæ quam cultus partibus similis ostendi non possit. Quod spectat autem Ecclesiam Romanam negant doctores nostri durationem ejus à Christo ad nos ita fuisse perpetuam, ut semper Ecclesia aliqua existerit cum hodiernà Romanà, eandem doctrinam retinens, & cultum divinum iidem cum ritibus celebrans: longè enim aliam fuisse primis post Christum seculis Ecclesiæ Romanæ faciem, quam sit novissimis hinc temporibus. Quicquid sit, cum duratio alicujus Ecclesiæ diuturna & non interrupta, non possit certo cognosci nisi ex immensà lectione & accuratà notitià antiquæ historiz, pertendunt illam perperam proferri tanquam Ecclesiæ Notum, quæ obvia esse debet & cognitu facilis.

De quarta Nota, quæ est amplitudo sive multitudo, dicunt illam Theologi nostri absque ratione proferri tanquam Ecclesiæ notam, quandoquidem Ecclesia vocatur Pusillus grex, & opponitur mundo & universalitati, dum dicuntur Christi fideles omnium odio futuri, cæterum illam quidem dici per gentes omnes propagandam: verum istud impleri in paucis Electis ex omnibus gentilibus. Neque etiam negamus jam esse novissima tempora, adeoque veram Ecclesiam ad plerasque jam gentes debuisse pertingere, & iis innotescere. Istud autem impletum dicimus, quamvis in iis nec Lutheri nec Calvinii nomen innotuerit. Nec enim Calvinus, nec Lutherus, Novam Ecclesiam cuderunt, nec sunt Authores Religionis nostræ, sed solum Ecclesiam à Pontificiorum fermento repurgarunt, adeoque Ecclesia nostra ibi est, vel fuit, ubicunque prædicatus & acceptus fuit verus Christianismus, nec exitialibus additamentis depravatus.

Quantum attinet ad notam quintam, quæ est Episcoporum successio, dicunt doctores nostri Ecclesiam Romanam frustra gloriari de Episcoporum suorum successione, nam Episcopos Romanos & alios Episcopos ipsi stipulantes, veteribus Episcopis non aliter successisse quam tenebræ luci succedere solent: Nempe illos quidem veterem Episcoporum Cathedris insidere, sed doctrinam longè aliam prædicare, & functionibus multum diversis occupari. Ecclesiarum verò nostrarum Pastores pertendimus revera Apostolicis successisse, in quantum doctrinam verè Apostolicam prædicant, idque vocatione legitima non destituti, quam plerique eorum ab ipsà Ecclesià Romana habuerunt,

habuerunt, in quâ ad verbum Dei prædicandum, & animarum curiam gerendam vocati erant. Porro negamus in Ecclesiâ dari necessariò successionem continuam Pastorum verbum Dei omnino purè & incorruptè docentium; sæpe enim contingit Ecclesiæ Pastores abuti suo ministerio, & Dei verbo, ad inventiones suas miscere, & suo sermone illud corrumpere, sicut in Ecclesiâ Judaicâ contigit.

De sexta nota, quæ est conspiratio in doctrinâ cum Ecclesiâ antiqua, doctores nostri sic sentiunt, si per Ecclesiâ antiquam intelligatur Ecclesiâ primitiva & Apostolica, hanc jure merito afferri tanquam Ecclesiæ notam, & hæc est quam illi urgent dum dicunt veræ Ecclesiæ notam esse conformitatem in doctrinâ, cultu atque disciplinâ, cum Scriptis Prophetis atque Apostolicis, ex quibus solis antiquissimæ & primitivæ Ecclesiæ facies cognosci potest. Si verò per Ecclesiâ antiquam intelligatur Ecclesiâ quæ floruit, tribus aut quatuor post Apostolos seculis, dicunt veram Ecclesiâ hodiè cum ista conspirare debere quantum ad doctrinæ capita præcipue & fundamentalia, cum verus illa Ecclesiâ vera quoque Ecclesiâ Christi fuerit. Attamen illam tum habuisse suos naves, itaque non esse necesse omnimodam cum illa conformitatem exigere. Quicquid tamen de eo sit, pertendunt consensionem in doctrinâ & disciplinâ cum Ecclesiâ priorum illorum Seculorum male afferri à Pontificiis tanquam Ecclesiæ notam, cum hujus notæ veritas non possit cognosci nisi ab iis qui versati sunt in Scriptis præcorum Ecclesiâ patrum, ac multum eruditi in literis Græcis & Latinis, quod paucis admodum contingit. Adeoque judicant veram Ecclesiâ esse cogniti faciliorem quàm consensionem, istam quæ proinde perperam assertur ut nota Ecclesiæ tanquam rei ignotioris. Cæterum pertendunt Pontificios frustra jactare conspirationem Ecclesiæ suæ in doctrinâ cum Ecclesiâ quatuor primorum seculorum, siquidem ab eâ longe in multis recesserunt, ut exemplis plurimis posset fieri manifestum.

Septima Nota fuit unio membrorum inter se, & cum capite, per quod caput intelligi volunt Episcopum Romanum, quem pertendunt esse caput Ecclesiæ visibile. Doctores verò nostri nullum caput Ecclesiæ præter Christum agnoscunt, ideoque negant simpliciter unionem cum capite esse Ecclesiæ notam. Si enim per caput Ecclesiæ intelligatur ipse Christus, unio quidem cum eo Ecclesiæ competit, & est aliquid sine quo Ecclesiâ non potest esse; sed non potest Ecclesiæ nota dici, quia est aliquid latens, & quod in sensus non incurrit; si autem per caput illud visibile quoddam intelligas, id est, Episcopum aliquem qui cæteris omnibus præsit, unio cum tali capite, non potest esse ipsi Ecclesiæ nota, cum nullum tale caput in Ecclesiâ agnoscant. Quantum spectat ad unionem Ecclesiæ membrorum inter se, observant illam vel internam esse, cujus charitas & fides interna vinculum est: vel externam, quæ consistit in externâ consociatione & communicatione mutuâ. Neutram verò dicunt assignari debere tanquam Ecclesiæ notam; non priorem, quoniam est aliquid occultum atque invisibile. Non etiam posteriorem, quia communioni externæ non semper est locus variis de causis, ut verbi gratiâ, ob distantiam locorum & ob diversitatem & dissensionem rerum publicarum aut Regnorum, in quibus colligitur Ecclesiâ, tum etiam propter schismata, quæ ex humanâ infirmitate in Ecclesiâ sæpe oriuntur, sicuti tempore Pauli in Ecclesiâ Corinthiorum, & quibus Ecclesiâ labe factatur quidem, sed non aboletur tamen, nec cessat esse Ecclesiâ.

Octava Nota, quæ est sanctitas doctrinæ à nostris tanquam bona & legitima recipitur. Et enim de Ecclesiâ judicium fieri volunt ex ipsius doctrinæ veritate & sanctitate. Sed observant Pontificios in eo sibi contradicere, quippe qui alibi pertendunt per Ecclesiæ judicium examen debere fieri de doctrinâ, non verò Ecclesiâ quæri & judicium de eâ institui per doctrinæ examen. Ac propterea asserunt ex ista nota manifestum fieri apud Pontificios non esse veram Ecclesiâ, si quidem eorum doctrinâ & reâ rationi, & bonis moribus palam in multis adversatur, quod plurimis exemplis ostendunt & confirmant.

Circa Notam Nonam Pontificiorum, quæ est doctrinæ efficacia, admittunt Theologi nostri efficaciam doctrinæ Evangelicæ esse quidem argumentum, quod divina sit & à Deo profecta, quoniam longe superans intellectum humanum, & à sensu affectuque humano valde abhorrens, nihilominus fides illi in mundo habita est, & latè per orbem propagata fuit, idque absque ullis humanis prædiis, & ab omni genere adversariorum variis modis impugnata. Observant tamen illam doctrinæ sacræ efficaciam non semper esse pari modo evidentem & conspicuam; interdum enim multos,

multos, interdum paucos, esse qui Evangelio obediunt, prout Deo libet majori vel minori Spiritus efficacia Evangelii prædicationem comitari: & Christum cum veniet ad orbem judicandum vix fidem in terris inventurum. Ac præterea ex doctrinæ alicujus efficacia & successu, id est, simpliciter, ex eo quod à multis recipitur, non rectè argumentum duci ad comprobendam ejus Divinitatem atque veritatem, id enim esse posse ex eo quo aliquid habet quod carni & sensui humano adblanditur, & aliqui Deum justo suo judicio efficaciam sæpe dare mendacio & errori, ex quibus omnibus concludunt Efficaciam Doctrinæ non satis rectè proponi tanquam Ecclesiæ notam.

Quo ad decimam Notam, quæ est Sanctitas vitæ authorum & primorum patrum Religionis, fatentur Theologi nostri ex sanctitate Christi, Prophetarum & Apostolorum optimum Argumentum duci ad confirmandam veritatem Religionis Christianæ; sed cum inter eos qui Christum & Apostolos ejus venerari se præbentur, maxima sit de verâ Ecclesiâ controversia, & multum illi inter se dissident, ex istâ Christi & Apostolorum illius sanctitate, præcise & per se considerata, non potest sufficienter colligi, saltem immediatè, quæ sit vera Ecclesia, & quæ nam Christianorum Secta & Communio titulum illum sibi jure vendicat. Si verò Pontificiis inter Religionis patres atque authores numerent Doctores illos, qui dogmata ipsorum propria, & quibus à cæteris Christianis dissident, tutati sunt & propugnant, & quos absque controversia sibi solis vindicare possunt, dicimus eorum sanctitatem non minus esse incertam, ambiguum, atque controversam, quam sit quodlibet eorum de quibus disceptamus.

Ad undecimam Notam, quæ est gloria miraculorum, agnoscunt nostri veri nominis miracula esse testimonium confirmandæ divinæ veritati idoneum; ideoque ex miraculis factis à Christo atque Apostolis, & illis qui proximè Apostolis successerunt, optimum argumentum duci ad confirmationem Religionis Christianæ. Nec istud dissidentur necessaria posse videri miracula, ubi aliquid antea inauditum, & tanquam de novo à Deo revelatum, sub æternæ mortis poenâ credendum proponitur; ideoque necesse fuisse Evangelicam Doctrinam cum prædicari cæpta est, multis prodigiis & signis confirmari, sicuti à Deo factum est. Verum istud asserunt ubi Doctrina fidei miraculis semel confirmata fuit, nihil amplius opus esse in Ecclesiâ miraculis: ideoque miraculorum donum in Ecclesiâ fuisse Temporarium & Extraordinarium, nec ulla miracula Ecclesiæ fuisse novissimis hæc temporibus promissa, sed potius monitos fideles ut ab iis sibi caverent, qui miracula forent ostentaturi, & de iis gloriaturi, quod imprimis esset facturus Antichristus & filius perditionis. Unde concludunt miracula immerito assumi tanquam perpetuam Ecclesiæ Notam, & miraculorum ostentationem atque jactationem in hac Ecclesiæ ætate signum esse potius deceptionis & falsæ doctrinæ, & aliquid Antichristi Synagogæ proprium. Deinde nullo jure à nostris doctores exigi miracula, cum nullam novam doctrinam prædicaverint; sed illam ipsam quæ fuit miraculis Christi confirmata, & ab ejus ore accepta, & totum illud in quo ab Ecclesiâ Romanâ dissident, constitat in rejectione novarum doctrinarum & humanarum traditionum, quæ verbo Dei adjecta sint, & quæ potius miraculis confirmari egerent, si quis velit ad eas suscipiendas obstringere. Ac præterea doctores nostrorum vocatio propriè loquendo non sit extraordinaria, cum nunquam se à Deo immediatè missos aut aflatos jactarint. Quæ verò perhibentur in Ecclesiâ Romanâ à multis sæculis facta fuisse miracula, & etiamnum hodiè fieri dicuntur, pleraque esse omnino ficticia, quædam Monachorum ludicra, præstygias, & quædam fortasse Dæmonum Imposituras ac Illusiones: & fieri quoque posse, ut in Ecclesiâ Romanâ facta sint quædam miracula verè talia ad confirmationem Religionis Christianæ inter Ethnicos atque infideles, cum apud eam manserint ejus fundamenta; sed illa capi non debere ad confirmationem errorum atque abusum, quibus docti in Christiana in Ecclesiâ illâ infecti est.

De Lumine Prophetico, quod Pontificiis est duodecima Nota Ecclesiæ, idem judicium Theologi nostri faciunt; etenim ex Prophetarum tam Veteris quam Novi Testamenti vaticiniis & prædictionibus, fatentur validum argumentum peti ad probationem Doctrinæ Christianæ, & Divinitatem illius ostendendam; sed simul docent Prophetiæ donum esse in Ecclesiâ extraordinarium, nec ulli Deum promississe Ecclesiæ nunquam defecturos Prophetas propriè dictos, adeoque sine ratione lumen Propheticum proponi tanquam perpetuam Ecclesiæ Notam, cujus beneficio Ecclesia verè Christiana ab hæreticis & Pseudo Christianis, semper

semper distingui possit. Quæ verò à Pontificiis Francisco & similibus tribuntur vaticinia incerta sunt & sublectæ fidei, & nituntur fide legendarum, quibus Pontificii ipsi non multum credunt. Adde quod *Deuteron.* 13. Deus monet ne credamus Prophetæ nos ad Deorum alienorum cultum pellicenti, etiam si eveniat quod futurum ille prædixerit.

De Confirmatione Adversariorum, quæ tanquam decima tertia Ecclesiæ Nota à Pontificiis profertur, existimant Theologi nostri levissimum esse argumentum quod aliquis inde ducat ad ostendendum suam Ecclesiam esse veram, & frivolum esse istud inter Ecclesiæ Notas connumerare. Nam & viri boni candidè agentes etiam quæ bona sunt in adversariis suis laudant, & contra mali errore decepti, vel affectu aliquo abrepti, aliquid non bonum possunt in adversario laudare. Quod si gloriantur nostros quoque Testimonium honorificum suis perhibere, possumus etiam plurima referre adversariorum nostris tributa Elogia atque Testimonia. Speciatim quod Calvinus vocat Bernardum pium Scriptorem, inde est quod in ejus Scriptis multa pia agnovit, non quod orania illius probaverit: Neque etiam Bernardum habemus eodem loco quo hodiernos superstitionis Romanæ defensores. Quod autem nonnullos his postremis seculis à Pontifice relatos in numerum sanctorum, nos quoque sanctos vocamus quandoque, inde non est quod revera sanctos illos existimemus, sed simpliciter in eo loquendi morem usitatum sequimur.

Quod ad Notam decimam quartam, quæ est infelix exitus eorum qui Ecclesiam oppugnant, dicunt Theologi nostri notam illam esse falsam admodum, nam piorum quidem qui in gratiâ & fide Christi moriuntur exitus semper felix est, impiorum verò mors non potest non esse infelix, cum eos ad perditionem æternam decipiat; sed tamen si res æstimatur humano judicio, & ex iis quæ in sensus incurrunt, impiorum exitus sæpe nihil acerbi habere videtur, & contra mors piorum videtur durissima & acerbissima, sicut de eo queritur Propheta *Psal.* 73. Cæterum quæ à Pontificiis jactantur de infelici exitu Calvini & aliorum ex nostris, meræ sunt nugæ atque calumniæ, quibus opponere possemus obitum manifestè & verè infelicem, multorum qui Patrum nostrorum memoria Ecclesias nostras sunt persecuti atque infectati.

De Nota decima quinta, quæ est felicitas temporalis divinitus collata iis qui Ecclesiam defenderunt, judicium idem faciunt ac dicunt contrarium ejus, scilicet crucem & perpeſsiones esse potius Ecclesiæ Notam, nam denunciatur piis in verbo Dei, fore ut in hoc mundo persecutionem patiantur, non verò ut armis sint adversariis suis superiores.

CAPUT

CAPUT SEXTUM.

De Notis Ecclesiæ juxta Doctorem nostrorum Sententiam.

Joannes Camero tractatu de Ecclesiâ cap. de veris Ecclesiæ notis monet, Ecclesiam in hac vitâ non posse à nobis certò & distinctè cognosci, & eam eo modo Deo soli esse notam, adeoque frustra quæri ejusmodi Ecclesiæ notas, quæ in certam & distinctam ejus notitiam ducant. Quæ verò Ecclesiæ notæ proferri possunt non aliam nobis de Ecclesiâ certitudinem ingenerare possunt, quam moralem & conjecturalem, quæ etiam sufficit ut quam jubemur cum Ecclesiâ communionem colamus; tales verò Ecclesiæ notæ tres ab eo numerantur: Prima est professio veræ fidei. Secunda est concordia cum fratribus. Tertia bona opera seu vitæ sanctitas.

Alii verò profitentur se quærere & tradere Ecclesiæ notas certas aque indubitatas. Ejusmodi verò notæ à nostris Theologis communiter tres numerantur, Prima est veræ fidei professio. Secunda est sincera Sacramentorum administratio, & cultus divini puritas. Tertia denique regimen legitimum.

Porro sententiæ istæ quamvis in specie inter se discrepantes, possunt tamen optime inter se conciliari; nam qui negant Ecclesiæ dari notas omnino certas, Ecclesiam considerant ratione formæ internæ, quo respectu Ecclesia dicitur Invisibilis. Alii verò qui dicunt veram Ecclesiam tales notas habere, quæ illam certò & distinctè judicent, Ecclesiam considerant respectu formæ externæ, per quam redditur visibilis. Utrique verò conveniunt notas propositas per se & primariò & distinctè designare Ecclesiam visibilem, secundariò verò confuse & per accidens Ecclesiam invisibilem.

Cæterum monent Theologi nostri Notas istas in Ecclesiâ non semper esse æqualiter illustres, nec etiam in omnibus Ecclesiæ partibus pariter esse conspicuas, pro ut in Ecclesiis particularibus varii puritatis & sinceritatis gradus notari possunt. Nomen autem Ecclesiæ non esse denegandum ulli cœtui ubi à doctrinâ abest error perniciosus, & à cultu idololatria, & tolerabilis est aliqua regiminis forma, quantumvis in omnibus istis notari possint variae corruptelæ.

Porro doctores Ecclesiæ Romanæ negant istas esse notas Ecclesiæ legitimas, primo quia ipsorum judicio Ecclesia ipsa notior est istis notis, nam putant nos non posse certò scire quæ sit vera fides & doctrina, & quis legitimus Sacramentorum usus, & disciplinæ ordo, nisi per Ecclesiæ Judicium & Testimonium. Deinde quia existimant illas posse reperiri in Ecclesiâ falsâ, nempe in Ecclesiâ quæ sit purè Schismatica, non verò Hæretica: ac deinde quia quælibet Ecclesia ista sibi arrogat seu jure seu injuriâ.



D E

MEMBRIS ECCLESIAE MILITANTIS.

CAPUT PRIMUM.

De Appellatione Clericorum & Laicorum.

DOctores Pontificii tres constituunt hominum ordines in Ecclesia militante: primus est Clericorum, alter est Laicorum, tertius est eorum qui tum ex Clericis tum ex Laicis desumpti, certis symbolis & functionibus ab utrisque distinguuntur, & vocantur Monachi sive Regulares.

Laici nomen derivatum est à Græcâ voce *λαϊς*, quæ populum sive plebem significat. Itaque Laici ab ipsis dicuntur quasi plebei sive populares illi, qui pertinent ad Ecclesiæ plebem, id est, quibus nulla pars functionis Ecclesiæ demandata est, & qui nullo ministerio in Ecclesia funguntur.

Clerici autem ab illis nominantur illi qui, ut dicunt, divino cultui consecrati, procurandæ Religionis & rerum Sacrarum, Deo ipso iubente, providentiam ac sollicitudinem susceperunt. Uno verbo Clericos vocant omnes eos qui ad munus sive ministerium Ecclesiasticum aliquod vocati & consecrati sunt; ac præterea sub nomine Clericorum comprehendunt etiam nonnullos, qui nullum officium Ecclesiasticum exercent; sed tantum primam quam vocant tonsuram ab Episcopis sunt veluti consecrati, quæ ex eorum mente est præparatio quædam ad ordines Ecclesiasticos, licet nullum officium habeat annexum. Clerici verò nomen derivatum est à Græcâ voce *κλῆρος* quæ primo sortem, deinde etiam hæreditatem quæ sorte ut plurimum dividi solet, significat.

Itaque Clericos dictos volunt, quia peculiari quâdam ratione Dominus est ipsorum fors & hæreditas, & ipsi vicissim sunt hereditas & fors Domini. Porro istam appellationem Ministrorum Ecclesiæ tuentur ac retinent, non tantum tanquam probatam usu Ecclesiastico, sed etiam tanquam depromptam ex Divinis Literis. Etenim isthuc referuntur *Jeremia* quædam verba, *cap. 12. com. 13.* ubi sic habet versio 70 Interpretum, *οἱ κληροὶ αὐτῶν ἡ ἀπαλυσίς αὐτῶν, Cleri eorum non proderunt illis*; quod Patrum nonnulli, Origenes scilicet, Epiphanius, & Hieronymus videntur de Clericis Ecclesiæ Christianæ interpretari, hoc sensu quod multis Clericis nihil profit ad salutem honor & gradus Clericatus ipsorum; verum Patres isti contorquent verba Prophetæ per allusionem tantum & accommodationem quandam, non quod prodrium istum eorum sensum esse existimarint, si quidem locus ille se habet secundum textum Hebræum, & vulgatum ipsum interpretem, *Seminarunt triticum, sed messuerunt spinas; hæreditatem acceperunt, at eis non proderit.* Quibus verbis Propheta simpliciter significat fore, ut Judæis nihil profit hæreditas quam à Deo acceptam possidebant, propter ipsorum peccata quibus Deum irritaverunt: quo pertinent etiam verba Græcorum Interpretum, qui per *τὸς κληρος* nil aliud significatum voluerunt, quam quod sonat Hebræa vox *נַחֲלָה* sive *נוֹכַח*, id est, partem hæreditatis, quæ unicuique hæredum sorte solet contingere.

Præterea doctores Ecclesiæ Romanæ Clericorum appellationem desumptam esse volunt ex primæ *Epist. Petri, cap. 5. com. 3.* ubi Petrus admonet Presbyteros Ecclesiæ *μὴ κατακυριεύειν τῶν κληρῶν*, ne redominentur in Cleros, ut habet Vulgata Versio. Quo loco Bellarm. & alii cum eo omnino probabile putant, Cleri appellationem non ad

Qq

Ecclesiam

Ecclesiam Universam, sed ad eos tantum esse referendam qui proprie Clerici vulgo nuncupantur. Petrum verò alludere ad Levitas Judæorum, qui *Num. cap. 18. & Deut. 18.* dicuntur esse de sorte Domini, & Dominus dicitur eorum sors esse & hæreditas, quia donaverat eis quodammodo partem suam, id est, decimas & oblationes filiorum Israel. Levitis autem respondere sub Novo Testamento non omnes Christianos, sed solos sacerdotes, eorumque Ministros qui sunt in Ecclesiâ Christianâ quod Levitæ in populo Judaico.

Verum ibi Petrus per τὰς κλήρας intelligit fidelium greges, & Ecclesias particulares. curæ Presbyterorum & Ministrorum Ecclesiæ commissas, quandoquidem ipsos distinguit à Presbyteris & Ecclesiæ Ministris, quos illis dominari vetat, & eo ipso locos, quos vocavit τὰς κλήρας, id est, hæreditatem, Domini scilicet, postea vocat τὰς κλήρας gregem, non dominantes, inquit, hæreditati, sed exemplar gregis facti. Et certe non pauci ex Pontificiis ipsis agnoscunt Petrum eo loco, dum hortatur Presbyteros, Cleros vocare greges, qui illis sorte gubernandi obtigerunt, ut videre est apud Scripturæ interpretes, qui sunt inter eos paulo candidiores, veluti Jagneius, & Guilielmus Estius in istum Petri locum.

Porro Theologi nostri non negant, sed apertè docent populum Christianum rectè distingui in eos qui præfunt & publicè ministrant, & in simplices plebem quæ nullo munere fungitur. Agnoscunt quoque nomen Clericorum ad designandos Ecclesiæ Ministros in Ecclesiâ Christianâ antiquum esse & valde usitatum, nec etiam simpliciter negant viros Ecclesiasticos sub Novo Testamento peculiari aliquo respectu, ac singulari aliqua ratione posse dici τὰς κλήρας hæreditatem & sortem Domini, quod alioqui commune est toti fidelium communitati: adeoque Clericorum appellationem in Ecclesiæ ministris non damnant & repudiant, ut per se malam & absurdam, sed ita lam sensu & respectu quodam ferri posse concedunt; ac negant ostendi posse eam ab Apostolis aut eorum tempore usurpatam fuisse, illam enim non extare in Scriptis Apostolorum, sed per vim tantum & errorem loca quædam Scripturæ ad illam probandam torqueri, ac proinde negant illi competere veram antiquitatem, cum quidam infra tempus Apostolorum cœpit in Ecclesiâ Christianâ, quodammodo Novum dici possit. Sed pertendunt Clerum quem vocant Romani appellatione istâ abusum esse ad factum atque superbiam, quæ ratio est cur ab illâ volentes abstinemus, illamque ex plerisque nostris Ecclesiis Eliminamus, quomodo Presbyterorum & Episcoporum non munus antiquum, sed nomen & appellationem in viris nostris Ecclesiasticis ob illorum munus in Ecclesiâ Pontificiâ abusum repudiavimus, ne idem abusus unâ cum nomine Ecclesias nostras invaderet. Cæterum quemadmodum ante hac in Angliâ Episcoporum & Presbyterorum nomen & distinctio in Ecclesiis remanserant, ita quoque ibidem Clericorum & Laicorum Appellatio retenta & usitata fuit.

Opinantur autem Doctores nostri illam κλήρας apellationem, ad designandas personas Ecclesiasticas inde ortam esse quod initio Ecclesiæ Christianæ κληρονομία, hoc est, sorte primum electi sunt, & in munus Ecclesiasticum allekti homines: nempe populum Christianum in unâ quaque Ecclesiâ solitum fuisse ex suo corpore per suffragia deligare, quosdam ad Ecclesiastica munera idoneos, ex quibus postea etiam delectus sorte fiebat ad exemplum Apostolorum, qui post Christi resurrectionem, cum de aliquo in Judæa locum sufficiendo deliberaretur, duo quidem ex fidelium consensu & approbatione electi sunt, Barnabas & Matthias. Sorte tamen mox conjectâ Matthias in numerum Apostolorum electus est, quæ est conjectura doctissimi viri Lud. Cappeli, thesi de Clericorum & Laicorum distinctione & appellatione, quæ habentur tom. 3. thes. Salmur. ut & clariss. Tileni de Ministris ordinariis disput. altera thes. 24. & doctiores quoque inter Pontificios, non repugnandum censent, si quis pertendat Clericos inde dictos, quod vices officiorum inter Ecclesiæ Ministros sortibus olim designari solerent, maxime tempore veteris Testam. ut patet exemplo Zachariæ, quod refertur à Luca Evang. cap. 1. vel potius ex eo quod divinâ designatione atque electione, veluti sorte quadam, & ministerium sacrum quisque vocabatur, juxta quod Act. 1. dicitur de Juda ad Apostolatam vocato, & sortitus est sortem Ministerii hujus, ut videre est apud Estium in 4 Sentent. distinct. 24. par. 4.

CAPUT SECUNDUM.

De gradibus & distinctione Ministrorum Ecclesiae.

Theologi Pontificii communiter docent septem esse ordines Ministrorum Ecclesiae. Primus & infimus est Ostiariorum, secundus Lectorum, tertius Exorcistarum, quartus Acolytorum seu potius Acoluthorum, quintus Subdiaconorum, sextus Diaconorum, septimus & septimus Presbyterorum. Ex illis ordines quatuor priores vulgò ab illis ordines minores nominantur, reliqui verò ordines majores sive sacri. Etenim per ordines sacros antonomastice designant Presbyteratum, Diaconatum, & Subdiaconatum, reliquos autem ordines non solent sub appellatione istâ comprehendere.

Porro ordinum illorum officia sic describunt, Ostiariorum munus dicunt esse templi claves habere, ostia aperire, claudere & custodire, & ab ingressu arcere infideles, excommunicatos, & derisores Sacramentorum Christi, uno verbo discernere inter eos qui cupiunt Ecclesiam ingredi, & dignos admittere, indignos excludere. Addunt etiam curæ & custodiæ ejus commissâ olim fuisse quæ in Templo reconduntur, & ad usus sacros asservantur: & præterea ad ejus officium pertinere Campanæ pulsûm populum ad divina convocare.

Lectorum munus docent in Ecclesiâ olim fuisse clarè & distinctè legere Veteris & Novi Testamenti libros, præsertim eos qui inter nocturnam Psalmodym legi solent, præsertim quos apud Populum expositurus erat Episcopus. Addit Catechismus Romanus præterea, Lectorum officium fuisse Cathecumenos prima fidei documenta docere.

Ad Exorcistam pertinere dicunt exorcismos Ecclesiæ legere super Energumenos, id est, eos qui vexantur spiritibus immundis, & eis manus imponere, ut à vexatione Dæmonis liberentur. Notandum est autem duplex in Ecclesiâ Romanâ esse Exorcismorum genus, unum quo utuntur super energumenis, alterum quo utuntur super omnibus baptizandis, prius illud solum modo ad exorcistam specialiter sic dictum pertinere volunt; posterius verò istud ad Presbyterum, licet Petrus Lombardus contra videatur sentire lib. 4. distinct. 24.

Acolyti sive potius Acoluthi officium, juxta doctores Ecclesiæ Romanæ, est Ecclesiæ luminaria incendere, & deferre, manibusque tenere cum Missâ celebratur. Unde etiam Latinis Acolythi Cereferarii dicti sunt. Acoluthos autem, id est, Affectas dictos putant, quoniam qui sunt in hoc munere constituti, Ministros majores, id est, Diaconos & Subdiaconos in Ministerio, quod vocant Altaris affectari debent, in cujus rei signum cum creantur, dantur illis in manus Urceoli vacui, quibus aqua & vinum in Eucharistiæ usum ministrari solet.

Quod attinet ad Subdiaconos, functiones eorum sunt ex sententiâ Ecclesiæ Romanæ Diaconis ad altare subservire sacra lintea, vasa, indumenta, præcipuè vero panem & vinum ad usum Sacrificii Missatici præparando: & pertinere volunt ad Subdiaconorum officium Epistolam Apostolicam, ejusque partem vel lectionem propheticam in Missâ recitare. Addunt olim fuisse Subdiaconi munus Cathecumenos fidei rudimenta docere.

Diaconis verò, qui proximum post Presbyteros locum obtinent, plura officia assignant, & primo quidem agnoscunt eos ab Apostolis præpositos fuisse oblationibus fidelium colligendis, & opibus Ecclesiæ administrandis, ac præcipuè in usus pauperum erogandis; sed præterea volunt Ministerium multiplex ipsis in Liturgiâ publica competere, ut est Sacerdoti celebranti assistere, ad ipsam oblationes fidelium deferre, &

altari imponere, & Evangelium, dum Missa celebratur, recitare. Et observant quoque olim ipsi injunctum fuisse Eucharistica Symbola fidelibus dispensare, ac non tantum eos assistisse & subservisse Episcopis & Presbyteris baptizantibus & prædicantibus, sed quoadque etiam baptizasse & prædicasse. Addunt quoque eorum officium fuisse populi mores & facta inspicere & observare, & ad Episcopum peccantes deferre, ut ab ipso prout res exigeret arguerentur atque corripenterentur; sed plerisque istis officiis Diaconi hodie in Ecclesia Romana non funguntur, speciatim verò ipsis ablata administratio bonorum à fidelibus in commune tollatorum, ad quam præceptum fuerunt ab Apostolis instituti.

Sacerdotum autem & Presbyterorum, qui primum inter sacros ordinem constituunt, præcipuum in Ecclesia Romana munus est corpus & sanguinem Christi in verum & propriè dictum sacrificium (ut quidem illi putant) quotidie offerre, & Sacramenta Populo Christiano administrare, speciatim illud quod penitentia vocant, in quo censent Presbyterum potestate quâdam judiciaria peccata penitentibus remittere; sed cum isto ordine non necessario junctum esse putant officium verbi prædicandi, quod apud istos non competit multis, qui pro sacerdotibus & Presbyteris habentur.

Pondè quavis ista sententia de septenario numero ordinum Ecclesiasticorum in Scholâ Pontificiâ communiter obtineat, ita tamen certa & recepta non est, quin ab eâ nonnulli recedant, sed septem istis ordinibus alios quosdam addant. Primo enim quidam sunt, sed pauci, & quorum opinio, præsertim post Conc. Trid. improbabile habetur, qui tonsuram Clericalem statuum esse ordinem, imò ordinem talem qui sit Sacramentum verè & propriè sic dictum, quo tonsuratis gratia confertur ex opere operato, referente Gulielm. Estio in 4 sent. dist. 24. c. 4. Sed ut janti ante dictum est, eòdem Sententia Romanæ Scholæ tonsuram istam Clericalem, quam primam Tonsuram vocant, statuit non esse ordinem, sed tantum quandam præparationem atque aditum ad ordines. Nam apud Pontifices cautum est lege Ecclesiastica, ut, prius quam aliquis admittatur ad ordines, insignè accipiat tonsuræ Clericalem; per quam in Clericorum numerum cooptetur, quod tamen juxta eorum sententiam ordo non est; sed gradus quidam & præparatio ad ordines accipiendos; nam, inquit, sicut ad baptismum exorcismis, ad matrimonium sponsalibus homines præparari solent, ita cum tonsa capillo Deo dedicantur tanquam aditus ad ordinis Sacramentum illis aperitur.

Sunt etiam nonnulli ex Theologis Pontificiis, qui existimant Episcopatum esse ordinem verum distinctum à Presbyteratu; adeoque qui non sit minus propriè & verè Sacramentum, quam sit ipse Presbyteratus, atque hæc sententia in Scholâ Romana probabilis videtur, eamque tenet Estius in 4 Sent. dist. 24. par. 28. ubi testatur illam esse Eckii, Cajetani, Navarii, & Petri à Soto, & ipsius Joan. Scoti.

Testatur verò Bellarm. de Clericis lib. 1. cap. 11, sub finem, Canonistas, id est, juris Pontifici doctores atque interpretes numerare ordines Novam, illos enim non tantum septem ordinibus numerari solitis addere Episcopum, sed etiam Cantorem & Psalmistam.

Istum tamen suorum dissensum circa numerum ordinum Ecclesiasticorum Pontifici doctores conciliare conantur quibusdam distinctionibus. Et primo quidem monet Bellarm. cap. jam citato ordinem Ecclesiasticum apud Authores duobus modis accipi solere, uno modo propriè, alio modo communiter. Ex ejus mente proprii illi dicuntur Ordines, qui certo ritu facti & solenni conferuntur ab Episcopo, & ad certum Ministerium Sacrificii divino exhibendum referuntur: hoc sensu vult tantum esse septem Ordines, scilicet supra numeratos. Nam, inquit, etsi Episcopus & Presbyter distinguantur, tamen quantum ad Sacrificium idem omnino mysterium exhibent, proinde unum ordinem non duos faciunt; sicut etiam Lector & Cantor seu Psalmista. Communiter autem, juxta illum, dicuntur ordines qui quocunque modo dedicantur divinis obsequiis, etiam si non referantur ad Sacrificium, quomodo ordines longè plures quam septem numerari posse concedit. Addit in fine capitis, Theologos solum considerare ordines ut se habent ad Sacrificium, quomodo Episcopos & Presbyter, Lector & Cantor non distinguuntur. Canonistas autem considerare ordines ut Hierarchiam constituunt; & idcirco rectè distinguere Episcopum à Presbytero. Estius verò lib. 4. sent. 24. par. 28. Ne statuendo Episcopatum esse ordinem singularem à Presbyteratu distinctum damnare videatur sententiam receptam de Septenario ordinum numero, monet rectè vulgo recenferi septem ordines, quia ad Eucharistic Sacramentum, quod est corpus Christi verum, soli septem directè destinantur; E-

pis copias

piscopatus verò ad gubernandum Christi corpus mysticum, & ad creandos alios Ecclesiæ milites, & Sacramentorum ministros.

Atque ut id illustrent Pontifici Theologi, observant in Ecclesiâ duplicem esse potestatem, unam quæ dicitur potestas ordinis, & alteram quæ dicitur potestas jurisdictionis. Et potestatem ordinis dicunt referri ad corpus Christi verum: potestatem autem jurisdictionis occupari circa corpus mysticum Christi, quod est Ecclesiâ; & quidem, quod attinet ad potestatem ordinis, primum ac perfectissimum ejus munus esse offerre Sacrificium Corporis & Sanguinis Domini, quod est ordinis Sacerdotalis, ac proinde illum inter ordines propriè & strictè dictos primum & summum esse, cui sex alii Ministrorum inferiorum ordines deserviunt.

Porro in Scholâ Romanâ magna controversia est, an omnes illi septem ordines vulgò numerati sint divinæ institutionis, an verò quidam eorum sint Ecclesiâ solum instituti. Et primo quidem omnes consentiunt ordinem Presbyterorum & Diaconorum esse Divinæ institutionis, at verò qui sunt in Ecclesiâ Romanâ candidiores agnoscunt reliquos quinque & præter quatuor illos infra Subdiaconum, quos ordines minores vocant, non esse institutos à Christo vel Apostolis; sed tantum ab Ecclesiâ, quæ est Apostolorum temporibus inferior. Ideoque negant ordines illos inferiores esse sacramenta verè & propriè sic dicta, sed solam, ut loquuntur, sacramentalia quædam. Hanc sententiam Estius habet probabili in 4 sent. dist. 24. par. 8. eamque tueritur, ipso referente, Dominicus à Soto, Navarrus, & Franciscus à Victoriâ; alique quos ibi recenset. Attamen Scholasticorum communis sententia est, omnes 7 ordines, nullo excepto, esse à Christo ipso institutos. Etenim docent illos esse propriè & verè sacramenta, cum tamen necesse sit ipsis satisfacere, omne Sacramentum à Christo immediatè institutum esse. Atque hæc est doctrina Thomæ Aquinatis, Scoti, Bonaventuræ, Richardi, Paludani, & aliorum, qui habentur tanquam Ecclesiæ Romanæ columnæ & luminaria; adeoque Catechismus, qui Romanus dicitur, & composuit esse jussu & auctoritate Concilii Tridentini, apertè illam sententiam tradit, velut consentaneam definitioni Concilii istius.

Cæterum hic observandum est in Ecclesiâ Romanâ, vix aliud superesse quàm ordinum istorum inferiorum nomina & ritus quosdam consecrationum, rem autem ipsam ferè totam in desuetudinem abiisse: etenim solent quidem illi qui sunt in Presbyteros & Sacerdotes ordinandi, prius ab Episcopo certis ritibus & formulis consecrari in Ostiarios, Lectores, Exorcistas, Acolythos, Subdiaconos, atque Diaconos; sed id fit serè quædam continuâ, nec nisi sortè rarissimè, & quasi extra ordinem reperitur apud Pontificios, qui solo Ostiariorum, Lectorum, Exorcistarum & Acolythorum titulo & munere, contenti officiis per ista nomina designatis fungantur. Quæ verò ad functiones istorum ordinum pertinent plurimis in locis per eos quos Laicos vocant, solent administrari; non verò per aliquos à Clericorum numero: quæ de re sic habet Estius in 4 sent. dist. 24. par. 8. *Horum ordinum saltem minorum officia à clero ad laicos transferri possunt: imò & translata videntur: Laici enim multis in locis Janitores sunt Ecclesiarum, & passim missis interveniunt, & Luminaria incendunt, etiam pueri: & aliis laicis permittitur cantare Epistolam.*

Præterea sciendum est in Ecclesiâ Romana, præter istos 7 Ministrorum ordines esse multa nomina dignitatum & officiorum, quæ tamen communiter pro ordinibus propriè & strictè dictis non habentur, nec solent inter Ecclesiasticos ordines numerari: & primo quidem ordines quos vocant potestates, qui scilicet vi muneris & ordinationis suæ potestatem habent ad quosdam spirituales actus, qui Presbyterorum potestatem excedunt. Alterum autem quos volunt esse gradus Episcopalis proprios; primus est Presbyterorum & aliorum Ecclesiæ Ministrorum ordinatio: hanc enim Episcoporum Ecclesiæ ita propriam esse volunt ut, si quid hæc in parte Presbyteri aggrediantur, per se vanum atque irritum sit. Secundus actus proprius gradus Episcopalis est Baptizatorum Confirmatio; & tertius templorum atque altarium consecratio: nam apud Pontificios Episcopi soli possunt conferre illud quod vocant Confirmationem, Sacramentum, & Altaria & Tempia Consecrare, saltem ut ordinarii Ministerii. An enim extra ordinem confirmare possint etiam simplices Presbyteri contròvertitur inter Pontificios. Sed præterea Episcopus volunt Presbyteris esse majores, jurisdictione in qualibet diocesi Presbyteros & alios Ecclesiæ Ministros ita subiacent Episcopis, ut statuant Episcopos eandem in illos potestatem habere, quam Reges & Principes in suos Consiliarios.

Istam autem Episcoporum à Presbyteris distinctionem Divini juris esse, & Christum instituisse, ut diversæ & subordinata munera Episcopatum & Presbyteratum hodie communis est sententia Ecclesiæ Romanæ, & nescio an jam ullus refragari audeat. Ante Conc. Tridentinum; tamen non pauci ex doctoribus Ecclesiæ Romanæ contrarium censuerunt, scilicet jure divino eisdem plane esse Episcopos & Presbyteros, & quæ jam inter illos distinctio obtinet esse juris humani & Ecclesiastici. Hanc sententiam tenuit & probavit in Concilio Basilienſi Lud. Card. Arelatenſis ejus præces, plurimis tum adſtipulantibus, ut refert Æneas Sylvius lib. primo de testis Concilii Basilienſis. Eadem quoque sententia fuit Cajetani, Panormitani, Iſidori Clarii, Enchiridii Coloniensis, aliorumque multorum, quorum nomina reſenſet Claris. David Blondellus in Prefatione ad Apologiam pro sententia Hieronymi, pag. 61. Sed Concil. Tridentinum contraria sententia definitivè videtur, Episcopos scilicet jure Divino esse Presbyteris superiores; sic enim loquitur ſeſs. 23. cap. 4. *Proinde sacrosancta Synodus declarat, præter cæteros Ecclesiasticos gradus, Episcopos, qui in Apostolorum locum ſucceſſerunt, ad hunc hierarchicum ordinem præcipuè pertinere, & poſitos, ſicut Apoſtolus ait, à Spiritu Sancto regere Eccleſiam Dei, eoſque Presbyteris Superiores eſſe, &c. Et Canone ſexto, Si quis dixerit in Eccleſia Cathol. non eſſe hierarchiam divinâ ordinatione inſtitutam, qua conſtat ex Episcopis, Presbyteris, & Miniſtris, Anathema ſit. Et Canone 7. Si quis dixerit, Episcopos non eſſe Presbyteris Superiores, &c. Anathema ſit.* Quibus tamen in decretis aliquid eſſe ambigui, nec iſtius concilii mentem fuiſſe ſimpliciter definire Episcopatum eſſe munus per ſe & jure divino diſtinctum à Presbyteratu multis indicis atque conſecturis colligi poteſt ex iſtâ hiſtoriâ Concilii Trident. ut videre eſt apud eundem Blondellum ſupradictæ præfationis, pag. 62 & 63.

Cæterum in Eccleſiâ Romanâ non tantum Episcopis Presbyteris prælati ſunt, & ab iis tanquam diverſum munus obtinentes diſtincti, ſed inter ipſos Episcopos eſt dignitatum atque nominum varietas; quidam enim ſimpliciter Episcopos dicuntur, alii Archiepiſcopi ſive Metropolitanæ, quibus plures Episcopos ſubſunt. Alii verò Primates, qui præſunt aliquot Archiepiſcopis: & nonnulli etiam Patriarchæ, qui ſupra ipſos Primates eminent. Sed totam hanc diſtinctionem ordinis Episcopalis Pontificii ſaten- tur eſſe juris humani & Eccleſiaſtici, quamvis illam fuiſſe merito introductam, adeoque omnino retinendam eſſe conſeant. Verum ſupra omnes Episcopos in Eccleſiâ Romanâ autoritate & dignitate pollent, qui dicuntur Cardinales Eccleſiæ Romanæ. Cardinales autem vocantur hodie nonnulli Episcopos & Presbyteri atque Diaconi à Pontifice Romano aſſumpti, ut ſint in Clero Romano præcipui, & quaſi Romanæ Eccleſiæ Principes. Solent autem inſigniri titulo certarum quarumdam Eccleſiarum quæ ſunt in urbe Romæ, & dicuntur V. G. Episcopos Cardinalis tituli Sanctæ Balbinæ, Presbyter Cardinalis tituli Eccleſiarum Nerei & Achillis, Diaconus Cardinalis tituli Sancti Petri ad vincula, aut aliquid ſimile. Eorum autem munus eſt perpetuò aſſiſtere Pontifici Romano, & in Eccleſiæ regimine illum concilio & operâ juvare, adeoque ſunt totius Eccleſiæ Pontificiæ judices, ſenatores, & præcipui adminiſtri, qui de ipſis Episcopis cum Pontifice judicant, & illos cum opus eſt vel creant vel deponunt; ſed præcipuum eorum Privilegium cenſetur, quod ad eos ex more jam pertinet Electio Pontifici Romanæ, qui etiam plerumque ex iis deſumitur. Et hæc eſt præcipua cauſa cur Cardinales, quilibet etiam non Episcopos omnibus Episcopis in Eccleſiâ Romanâ præferuntur, & ampliorem cenſentur habere dignitatem.

Porro licet Pontificii Cardinales munus & dignitatem, ſicut hodie ſe habent, tueantur tanquam aliquid Chriſtianæ Eccleſiæ valde utile, agnoſcunt tamen ultrò rem eſſe non valde antiquam, & quæ ſeculis demum poſterioribus obtinuit: obſervant enim ipſi jam tempore Gregorii primi fuiſſe Presbyteros & Diaconos Cardinales dictos; idque non tantum Romæ, ſed aliis quibuſdam in locis, ut Ravennæ & Mediolani. Verum illos in munere atque dignitate multum ab hodiernis Cardinalibus diſtuliſſe; nec enim, ſatentibus Pontificiis, ſpecialiter ad eos pertinebat Electio Pontificiiſ Romanis, neque Senatum quendam ejus conſtituebant, neque etiam Cardinales illi Presbyteri ſeu Diaconi Episcopis præferebantur, ſed in quæque Eccleſiâ ſuis Episcopis ſubſerant. Unde autem dicerentur Presbyteri illi ſeu Diaconi Cardinales, & quid à cæteris diſſerrent diſquirunt viri docti, & in varias abeunt ſupèr ea re ſententias. Illud quidem certum eſt in re quilibet Cardinalem Metaphorice vocari, quod in Eccleſiâ præcipuum eſt, & unde cætera pendunt; adeoque Cardinalem idem eſſe quod Principalem, juxta quod virtutes quædam, & quidem etiam venti dicuntur Cardinales, & Cæli quædam puncta Cardinalia. Adeoque Presbyter Cardinalis idem eſt quod præcipuus atque

atque principales. Presbyteros autem atque Diaconos Cardinales, nonnulli didos existimant illos qui præerant Presbyteris vel Diaconis ejusdem Ecclesiæ, & qui erant in Collegio Diaconorum seu Presbyterorum veluti præfides, quæ est sententia Onuphij in lib. de titulis Cardinalium: Bellarminus verò censet Ecclesiæ quasdam principales, & quæ privilegiis singularibus gaudebant, dictas fuisse titulo Cardinales, unde factum ut Presbyteri qui regebant istas Ecclesias & Diaconi qui in eis ministrabant, Cardinales nominarentur, ut videre est apud ipsum de Clericis, lib. 1. cap. 16.

CAPUT TERTIUM.

De gradibus & distinctione Ministrorum Ecclesiæ juxta Theologos nostros.

Theologi omnes Reformati in Doctrinâ Pontificiorum, circa sacros ordines superiori capite proposita multa unanimi consensu desiderant; quod enim Schola Romana vulgo 7. ordines numerat, non plures nec pauciores, vanum esse putant, & absque fundamento. Si enim ratio habeatur ordinum, quos Christus & Apostoli ejus instituerunt, pertendunt illos esse pauciores quam 7; nec à Christo vel Apostolis institutos fuisse quinque illos ordines quos numerant infra Diaconum, scilicet Subdiaconum, Acolythum, Exorcistam, Lectorem, & Ostiarium. Si quis verò ex eorum numero comprehendere se dicat, non solum eos ordines qui ex Apostolica institutione originem habent; sed eos quoque quos Ecclesia posterioribus seculis instituit, absurdum primo ducunt eodem numero & censu habere munera ab ipso Christo & Apostolis, instigante Spiritu Sancto, instituta, & ea quæ sunt tantum institutionis Ecclesiasticæ, & ab humano pendent arbitrio; deinde affirmant numerum atque officiorum, quæ sunt juris positivi & Ecclesiastici, certum iniri munerum, nec posse, nec debere; cum res sit per se indemonstrata, & possit Ecclesia, pro vario rerum & temporum statu, officia antiquitus instituta abrogare, & nova quædam, præsentibus rebus magis accommodata atque conducentia, in eorum locum substituere.

Itaque non negant quidem inferiorum istorum ordinum nomina in Ecclesia veteri usitata & nota fuisse, iisque designata officia & munera quædam, non sine ratione in Ecclesiam introducta, & quæ ad Ecclesiam, pro ut tunc se habebat, *turnellus* & *vixus* *monachus* aliquid conferre poterant; sed asserunt, mutatâ Ecclesiæ facie & disciplinâ externâ, pleraque ex istis muneribus nullum amplius in Ecclesia usum habere, ut verbi gratiâ, munus Exorcistæ, quod legitimum & utile non fuit, nisi quamdiu ad Ecclesias Christianorum concurrebant Energumeni; ut vi potestatis miraculosæ atque extraordinariæ, in Ecclesia tum vigentis, à vexationibus malignorum spirituum liberarentur, & quamdiu mansit in Ecclesia potestas miraculosa & extraordinaria demonum expellendi.

Ac præterea queruntur hodie septem illis ordinibus functiones quasdam assingi ab antiquâ institutione alienas, & contra Ecclesiæ veteris mentem & Evangelij veritatem, & quod ad commentitium Missæ Sacrificium & Ministeria varia illi exhibenda munera ista referuntur; imo, quamvis numerus ordinum Sacrorum desumendus esset ex relatione ad illud scititium Sacrificium contendit absurdum esse, quod præcise septem esse statuantur; cum non appareat quomodo ad Missæ Sacrificium istud directe referatur Ostiarii & Exorcistæ munus, & quidem magis quam gradus Episcoporum, per quos solos consecrantur & ordinantur illi, qui in Ecclesiâ Romanâ pro Sacerdotibus habentur.

Cæterum

Cæterum qui & quot sint Ecclesiasticorum Ministrorum ordines, seu à Christo Domino, seu ab Apostolis instituti, non omnino convenit inter nostros Theologos; nam multi, ut Bucanus, Tilenus, & alii in eo Calvinum secuti, eos qui functiones Ecclesiasticas gerunt in duo quasi genera dividunt. Dicunt enim eorum alios esse doctores, alios ministrantes: & quantum quidem ad Ministerium ordinarium attinet, hic enim quaestio non est de Ministerio extraordinario, duas putant esse species docentium, quas Scriptura nobis proponit: prima est eorum qui vocantur Pastores atque Episcopi, quorum munus est Dei verbum apud Populum prædicare, & ad varios usus fidelium applicare, Sacramenta administrare, & solennibus precibus concipiendis operam impendere, & præterea moribus gregis invigilare, & disciplinae sacrae exercitio præesse. Sed præter Pastores atque Episcopos, in Ecclesia docendi munus à Christo habere existimant illos qui specialiter Doctores appellantur, quorum officium est Scripturæ tantum simpliciter interpretationi incumbere, & Scholæ Ecclesiasticæ regimini præesse, ut sincera sanaque doctrina in Ecclesia retineatur, & ad quos nihil pertinet administratio Sacramentorum & Ecclesiasticæ disciplinae exercitium. Horum mentionem fieri opinantur ab Apostolo quarto ad Ephes. ubi dicitur Christus Ecclesiæ suæ dedisse alios Apostolos, alios Prophetas, alios Evangelistas, alios verò Pastores & Doctores; ubi putant Doctores à Pastoribus distinguere, quasi habentes diversum à Christo delatum Ministerium. Et similiter existimant eundem Apostolum Rom. 12. 7. dum dicit, *ἑστὶν διδασκῶν ἐν τῇ ἐκκλησίᾳ, ἑστὶν παρακλήων ἐν τῇ κοινότητι*, distinguere horum Doctorum functionem à functione Pastorum, quam ibi vocant *παράκλησιν*, id est, exhortationem.

Ministrantium quoque statuunt duos ordines in Dei verbo proponi, unus est Presbyterorum angustè & strictè dictorum, & Diaconorum alter. Observant enim in Scripturâ duo Presbyterorum genera memorari, siquidem alios esse, qui sermoni & Doctrinæ, alios verò qui gubernationi tantum ex proprio munere vacare debent. Priores eosdem esse cum Pastoribus, posteriores peculiariter Presbyteros appellari. Atque hanc distinctionem innui existimant 1 ad Tim. 5. v. 17. *Presbyteri qui bene præsent duplici honore digni sunt, maxime qui laborant in verbo & doctrinâ*; Presbyteri autem illi, id est Seniores peculiariter sic dicti & distincti à Pastoribus, qui verbum Dei prædicant & Sacramenta administrant, sunt probatæ pietatis viri ex numero fidelium selecti, ut sint Pastorum assessores in Ecclesiæ regimine atque morum censurâ, & quorum officium est mores gregis, cui præfati sunt, diligenter observare; & si quod vel in vitâ, vel in doctrinâ singulorum, offendiculum animadverterint, eos vel privatim monere, vel si res id exigit, deferre ad Presbyterium, ut debitam ibi censuram subeant: atque hos intelligi ab Apostolo putant, Rom. 12. 8. *Per proportionem*, & quos ibi videntur à Pastoribus & Doctoribus distinguere. Dum post verba modò citata subiungit, *ὁ προϊστάμενος ἐν σὺνεδρίῳ*, & eosdem quoque ab eo designari putant per vicem *καθεστῆκως* gubernationes, 1 Cor. 12. 28. Ubi inter varios fidelium gradus & ordines, qui in Ecclesiâ, quæ est Corpus Christi, locum habent post Apostolos, Prophetas & Doctores memorat *καθεστῆκως* & *ἐπιστάτους*, gubernationes & opulationes.

Diaconorum verò, qui alterum illum ordinem ministrantium constituunt, juxta Theologos nostros, primum & præcipuum munus est Ecclesiastico ærario præesse, & sacras fidelium Collectas & Eleemosynas recipere & dispensare, ex Presbyterii totius judicio, ad varios Ecclesiæ usus, præcipuè verò in sublevationem pauperum atque egenorum; ac præterea ad eos pertinere agnoscunt, ut in Sacramentorum administratione Pastoribus subserviant, si qua in re eorum operâ egere videantur. Non putant tamen nostri illos ex proprio munere potestatem habere prædicandi & administrandi Sacramenta.

Itaque quatuor in totum, juxta plerisque ex nostris Doctoribus, reperiuntur sub Novo Testamento ordinariorum Ministrorum ordines à Christo instituti, & in Scripturâ memorati, Pastores, scil. Doctores, Seniores, & Diaconi.

At sunt tamen qui docent, non nisi duos Ministrorum ordines in Ecclesiâ Christianâ à Christo & Apostolis institutos fuisse, qui eam ordinariè regerent & administrarent. Prior est eorum quos dicunt in Scripturâ vocari Pastores & Doctores, Presbyteros & *ἐπιστάτους* sive *προϊστάμενους*, quæ nomina omnino pro synonymis habent, alter vero est Diaconorum. Nec enim existimant ullos à Christo fuisse institutos Doctores, qui non haberent potestatem administrandi Sacramenta, adeoque Scripturam Pastores & Doctores pro iisdem habere, neque hos ab illis distinguere, sed nominibus Pastorum

rum doctorum & præpositorum diversos solum ejusdem muneris respectus designare, & ad varias ejus functiones respicere.

Ac præterea putant nullos ab Apostolis ordinatos esse Presbyteros qui Ecclesiæ tantum gubernationi præsent, potestatem verò non haberent administrandi Sacramenta & verbum Dei prædicandi: ideoque Seniores illos, qui in Ecclesiis nostris sunt veluti quidam Pastorum assessores, in Ecclesiæ Regimine atque morum censurâ, ex piebe fidelium electi esse, tantum humanæ institutionis existimant, adeoque Novellæ, neque eorum usum in Ecclesiâ fuisse, nisi postremis seculis post institutam scilicet Ecclesiæ Reformationem. Atque hæc est hodie sententiâ multorum doctorum, magni apud nos nominis & doctrinæ; nam ut omittam Anglos illos, qui tuentur Ecclesiam debere Regi per Episcopos, illam doctrinam præsertim tradunt Professores Salmurienses theol. Salmur. parte tertia disput. de inferioribus ordinibus Ministrorum Ecclesiasticorum in disput. de vario Regimine Ecclesiæ.

Est autem observandum inter eos ex nostris, qui Seniores illos à Pastoribus & Diaconis distinctos asserunt esse tantum humanæ institutionis, quosdam esse qui eorum usum, qualis apud nos obtinet, simpliciter damnant tanquam illegitimum atque abusivum, quod faciunt Angli illi qui Episcopali Regimini favent; alios verò plerisque concedere illorum institutionem improbandam non esse, & ab Ecclesiis nostris legitime, & citra culpam potuisse fieri, pro potestate quam Ecclesiâ à Christo accepit circa Regiminis sui varias circumstantias, pro temporum atque locorum ratione, ut videre est modo citatâ disput. de Ecclesiæ vario regimine.

Quod spectat verò discrimen Presbyteri & Episcopi, cum Ecclesiâ Anglicana per Episcopos regatur, communior est Anglorum sententiâ Episcopatum & Presbyteratum esse munera distincta cum diversa potestate à Christo instituta, adeoque jure divino Episcopos esse Presbyteris superiores, & ad eos jure eodem singulariter pertinere Ministrorum ordinationem; atque in hac sententiâ etiam num perseverant hodie in Angliâ longe plures cæteri verò Reformati, & etiam Augustanæ Confessionis Theologi. Communitè sentiunt nullam esse jure divino distinctionem inter Episcopum atque Presbyterum, sed ut nomina illa in Scripturâ sunt Symonina, atque invicem permutantur. Itaque rem planè eandem esse, eminentiam tamen illam Episcoporum supra Presbyteros, quæ à multis seculis in Ecclesiâ Christianâ obtinet, volunt esse tantum juris positivi & Ecclesiastici, sensimque per gradus in Ecclesiam introductam, videlicet jam ipso Apostolorum tempore primum quandam honoris & ordinis delatum fuisse illi, qui inter Presbyteros eandem Ecclesiam regentes, sive ætate, sive Ordinationis tempore, collegas anteibat; ita ut quamvis ille ejusdem planè muneris censeretur, nec in collegas haberet potestatem & jurisdictionem, esset tamen veluti Presbyterii sive Collegii pastorum præses & moderator natus, ut hodie loquuntur, adeoque inter eos ea perpetuò præstabat, quæ præstat ad tempus iis qui Synadis sive Presbyteris nostris præses seu moderator pro tempore eligitur. Alterò verò seculo contigisse, ut ejusmodi primatus non amplius ætati sive receptionis ordini deferretur, sed morem introductum, ut totius Collegii suffragiis de numero Presbyterorum aliquis deligeretur, qui ad eundem modum Pastorum collegio in perpetuum præsideret. Ejusmodi verò præsidēs paulatim sibi proprium nomen secisse Episcoporum, atque per gradus & temporum lapsu plures ac plures ad se traxisse prærogativas, & collegas suos sibi subjecisse, donec res abiret in eam Tyrannidem, quæ adhuc in Ecclesiâ Româ obtinet.

Porro, quamvis omnes Theologi, nostri Angli forte tantum exceptis, ut tyrannicam damnent summam illam potestatem, quam apud Pontificios in Presbyteros usurpant Episcopi; imò jure Divino nullam existimant esse distinctionem inter Episcopum atque Presbyterum. Attamen inter eos est aliquis dissensus, num expediat jure positivo & Ecclesiastico inter Ecclesiæ Pastores, ut verbi Divini Ministros gradus aliquos institui, quibus alii aliis præferantur, iisque sint superiores, adhibita saltem moderatione ne res in Tyrannidem evadat. Periculosum id putant, & præceptis Christi non satis congruum, Ecclesiæ Gallicæ & Belgicæ, & in Angliâ non pauci. Ideoque volunt inter suos Pastorum æqualitatem omnimodam servari, nec ullum supra reliquos efferri, & in sublimiori gradu collocari, cum aliquà in collegas autoritate & potestate. Sed contraria est sententiâ & praxis Ecclesiarum quæ sunt in Germania atque Polonia. Habent illæ quosdam Episcopos, quos vocant Superintendentes, qui in certo districtu reliquis Pastoribus præsent, cum autoritate & potestate quidam, icet non parum infra illam, quam apud Pontificios Episcopi sibi arrogant.

Imò tres faciunt Ministrorum verbi gradus sive ordines, primi sunt illi Episcopi seu Superintendentes, secundi qui singulariter Seniores sive Presbyteri dicuntur, tertii verò qui vocantur Diaconi, qui sunt veluti Pastores quidam subsidarii, reliquorum vicem, cum opus est, suppletes, & illos in Sacramentorum administratione juvantes. Atque hanc suam sententiam, circa quorundam Pastorum in reliquos superioritatem, Ecclesiæ Polonicæ ante paucos annos consignaverunt in Confessione Torunni editâ cap. de Ecclesiâ art. 9. *Nam particularium Ecclesiarum, inquit, regimen in terris externum, ex institutione Christi Aristocraticum esse censuimus; sed ita ut Episcopis seu Superintendentibus vel inspectores ordinis & Regiminis aliquam super ceteros Presbyteros prioritatem non negemus.*



CAPUT QUARTUM.

De Institutione sive Creatione Ministrorum Ecclesiæ.

Sub voce creationis sive institutionis Ministrorum Ecclesiæ observant Pontificii Doctores tria contineri, electionem, ordinationem, & vocationem, sive missionem. Electionem dicunt esse designationem certæ personæ ad munus Ecclesiasticum. Ordinationem verò Sacram Ceremoniam, quâ certo ritu futurus Minister consecratur. Vocatio verò ipsis est, quâ aliquis in munus, ad quod consecratus est, exercitium mittitur, & per quam aliquis recipiâ alicujus Ecclesiæ Pastor constituitur, & potestatem atque jurisdictionem aliquam acquirit, sive jus functionis suæ in ea exercendæ.

Quantum attinet ad ordinationem Ministrorum Ecclesiæ, docent Pontificii illam pertinere ad solos Episcopos, id est, nec ad plebem, nec ad ullos alios Ecclesiæ Ministros. Negant enim Presbyteros, & alias quoscunque qui sunt Episcopi. posse vel Episcopum, vel Presbyterum, aut alium quemvis inferiorem Ministrum ordinare; ac contendunt nullo casu illum qui ab Episcopo consecratus ac ordinatus non est, licitè posse segerere pro Ecclesiæ Pastore & Ministro, & pro tali haberi, nec unquam plebi Christianæ licere Pastorem sibi per se ordinare ac constituere, absque interventu & opo Episcopi alicujus qui peragat illam ordinationem.

De vocatione quoque sive missione similiter docent, illam non pertinere ad Populum Christianum, sed solum ad Episcopos, & potissimum ad Episcopum Romanum. Eorum scilicet sententia est populum sive majoris alicujus Ecclesiæ, quæ regitur per Episcopos; sive minoris, quæ parœcia vocatur, & regitur per simplices Presbyteros; non habere potestatem propria autoritate accersendi & constituendi sibi aliquem pro Pastore, licet aliqui caractere sive Episcopali sive Sacramentali antea insignitum, sed auctoritatem Episcopos quâ verum mittendi atque constituendi penes Romanum Episcopum esse; Presbyteros vero in singulas Parœcias mitti debere, sive ab Episcopo, sive ab alio qui jus istud à Pontifice Rom. accepit.

Denique de electione sive designatione certarum personarum ad munera Ecclesiastica; Bellarm. & alii Pontificii cum eo concedunt, illam in antiquâ Ecclesiâ, multis saltem in locis, penes populum Christianum fuisse, adeo ut communibus populi suffragiis futuri Episcopi & Pastores eligerentur; sed primo contendunt jus illud Pastoribus eligendi ad populum jurè Divino non pertinere, nec Christum sanxisse & ordinavisse, ut Christianæ plebis suffragiis illius Episcopi & Pastores deligerentur. Negant etiam morem illum ex Apostolorum exemplo aut ordinatione aliquâ descendisse, sed volunt illum paulatim & per gradus fuisse in Ecclesiam introductum. Dicunt enim initio, id est, Apostolicis Temporibus, insciente populo pastoribus electos fuisse; deinde populum cœpisse adhiberi ad testimonium dandum de vita & moribus Eli-

gendi :

gendi: tum, ut populi magis suos Episcopos diligenter, eos tantum fuisse ordinatos quos populus postulasset. Denique tandem obtinuisse in quibusdam locis consuetudinem, ut etiam jus suffragii sibi populus usurparet; quidquid autem aliquando hac in re populus potuit, pertendunt illum totum habuisse ex cœniventia vel ex concessione Pontificum Romanorum, ad quos proprie scilicet pertineat, & quidem jure divino, ut vel ipsi Pastores Ecclesiæ eligant, vel præscribant saltem Eligendi nomen; adeoque non plebem tantum, sed nec ipsos Reges aut Principes, imò ne Clerum quidem ipsum jus habere suffragii volunt in Eligendis Episcopis, nisi quantum Romanus Pontifex concesserit; quâ tamen in re non puto Pontificios omnes Bellarmino astipulatos, sed illos solum qui sunt Papæ magis addicti. Porro morem illum Pastores Eligendi ad Populi suffragia volunt esse omnium maxime incommodum, utpote qui obnoxius tumultibus & seditionibus, & qui plerumque fiat ut indigni promoveantur, & propterea illum merito atrogatum, nec expedire ut rursus in usum revocetur. Tamen Bellarm. distinctionem aliquam adhibet, dicit enim circa Pastorum Electiones duo posse populo tribui; primo ut suffragium ferat more judicis, deinde ut simplicitur testimonium dicat de vitâ & moribus eorum qui sunt in Pastores ordinandi, quo suo Testimonio efficere possit ut eligantur, aut non eligantur, prout scilicet per illud vel digni vel indigni inveniantur. Prius illud pertendit non esse consultum populo tribuere, posterius verò dicit populo posse concedi rectè & convenienter, & istud etiamnum in Ecclesiâ Romana servari; nam, inquit, etiam nunc ordinantur Episcopi & Presbyteri coram populo, & Episcopus qui ordines collaturus est per Diaconum, populum alloquitur, ac petit ut si quis est qui aliquid habet adversus ordinandos, accedat & dicat; verum id puto esse merum Ritum & Cereemoniam, cujus nullus serius & realis est usus, præcipue cum in ejusmodi solemnâ ordinatione omnia fiant lingua peregrinâ & populo ignotâ, Latînâ videlicet. Cæterum quod attinet usum & morem hodiernum Romanæ Ecclesiæ, Episcopi multis in locis à Papâ eliguntur, alicubi ab iis qui sunt in Clero præcipui, qui Canonici vocantur; alibi verò à Regibus & Principibus politicis.

Porro Doctrina illa Bellarm. quam modo retulimus, hodie quidem communiter in Ecclesiâ Romana obtinet, ab ea tamen existimo ex Pontificiis nonnullos dissensuros, quandoquidem nituntur fundamentis planè iisdem quæ à Bellarm. in hac Controversiâ supponuntur, videlicet non, ut ille vult, jurisdictionem Ecclesiasticam in Pontif. Romano tanquam in fonte residere, & ab eo in Episcopos & alioscunq; derivari, sed totam istam potestatem & jurisdictionem esse in ipso Ecclesiæ corpore atque communitate originaliter, & secundum virtutem. In Ecclesiæ verò præpositis secundum usum tantum; adeoque Prælatos jurisdictionem ac potestatem suam ab Ecclesiâ eligente sumere, quæ est Sententia Richerii doctoris Sorbonici in libello de potestate Politica & Ecclesiastica; & etiam Tostati Episc. Autubensis, Doctissimi & Celeberrimi in Numeros, cap. 18. q. 49. Ecclesiâ, inquit, Claves habet & Prælati etiam, sed aliter Ecclesiâ quam Prælati, nam Ecclesiâ habet secundum originem & virtutem, Prælati verò habent secundum usum earum. Dicitur Ecclesiâ habere secundum virtutem Claves, qui potest conferre illas Prælati per electionem; dicitur etiam habere per originem, qui Prælati potestas non originatur à se ipsa, sed originatur à potestate Ecclesiæ per electionem: Ecclesiâ autem, inquit, quæ ipsam eligi, tribuit illi jurisdictionem illam; Ecclesiâ autem à nullo suscepit postquam semel à Christo suscepit. Et quæstione præcedente illud illustrat exemplo ducto ex Societate civili; Hoc idem patet in Communitatibus, si enim aliqua Communitas aut Collegium est, ibi erit jurisdictio quantum ad eos qui sunt in Communitate; & illa jurisdictio, qui non potest administrari per totam Communitatem, administratur per unum de Communitate, non est tamen jurisdictio in illo ita quod non sit in Communitate, sed magis est in Communitate, quia ille antequam constitutur in judicem vel rectorem nullum habet jurisdictionem, cum verò Communitas illum elegerit vel præfecerit, habet jurisdictionem.

Cæterum quod attinet ad nostros Theologos de eo consentiunt omnes, neminem in Ecclesiâ debere publicè docere, & Ecclesiastico Ministerio fungi, qui non sit ad id munus legitimè vocatus & electus. Verum ut hanc suam sententiam distinctius explanent, observant primo distinguenda esse duo genera, temporum & locorum, nempe multis in locis nullos aliquando reperiri fideles, nec constitutam ullam Ecclesiâ, sicuti in urbibus ubi nulli sunt Christiani, sed tantum

Creandum regem residet in corpore status, & in Democratia potestas creandorum Magistratum, quibus gubernetur, residet in corpore Populi qui rempublicam componit; ritus vero inaugurationis persona Electa, peragitur nomine Populi ab aliquo quem Populus nominavit.

Præterea verò nostri diligentur observant, illos quidem peccato & merito reprehendi, qui circa Pastorum institutionem ab Apostolorum exemplo, & primitivæ atque purioris Ecclesiæ consuetudine recedunt; sed tamen sicubi aliquid hac in parte peccetur, & visum aliquid obrepit in Pastorum Electione & Ordinatione, illud non obstare quominus ibi possit esse vera Ecclesia, & quominus possint ejusmodi Pastores suo Ministerio homines ad æternam salutem perducere, modo de cætero veram Christi doctrinam prædicent, & secundum ejus præscriptum Sacramenta administrent, quoniam Sacramentorum & Verbi efficacia à Ministris dignitate & electione legitimè non pendet.

Porrò ex his colligere licet internos & Pontificios convenire, quod nemo debeat in Ecclesiâ sacro Ministerio fungi, & Pastoris munus sibi vindicare, quin sit ad hoc legitimè vocatus & electus.

Verùm circa Pastorum Electionem quæstio est, an jure naturali & quodammodo divino, exemplis scilicet ex verbo Dei petitis confirmato, ad Populum Christianum in Ecclesiis singulis pertineat: an verò plebs Christiana nullum hac in re jus habeat nisi ex jus habeat nisi ex Pontificiis Romanis concessione; nec tamen nostri volunt Pastorum vocationem sic ab Electione plebis in unaquaque ecclesiâ pondere, ut, si quædem potestas superior jus illud Electionis plebi tollat & sibi vendicat, prorsus irrita sit Pastorum istorum vocatio, quod Pontificii nobis tribuere videntur.

Circa Pastorum ordinationem Theologi nostri Pontificiis concedunt, illam jure ordinario non debere ab aliis quam à Pastoribus peragi. Sed quæritur an jure divino ad Episcopos solos pertineat, quod Pontificii hodiè affirmant, an verò jus illius sit pastoribus omnibus commune, quæ est Doctorum nostrorum sententia. Præterea verò quæritur an Pastores, cum ordinant, id faciant totius Christiani populi nomine & potestate ab ipso derivatâ, ita ut in casu necessitatis populus ipse possit per alios quam per Pastores novos Pastores sibi creare atque ordinare, quod affirmant Theologi nostri, Pontificii verò negant.

Denique circa Pastorum missionem quæritur, an jus illius sit penes singulos cœtus Populi Christiani, & an nulla sit legitima missio nisi quam aliquis habeat à Pastoribus iis qui possunt ostendere se Apostolis succedere successionem personalem perpetuam & nunquam interruptâ; adeoque an jus Pastores mittendi sit penes solum Pontificem Romanum, & subjectos ipsis Episcopos; quod affirmant Pontificii, nostri verò Theologi negant.

CAPUT

Est autem observandum Pontificios quidem plerisque existimare, jure duntaxat positivo Clericis majoribus Matrimonium esse prohibitum, nec ullum esse eorum qui non agnoscunt fornicationem Clericis & aliis omnibus esse divino interdicto vetitam; & tamen communis est earum sententia, longè gravius esse peccatum sacerdoti si uxori miscetur, quam si fornicetur & mœchetur, ut videre est apud Costerum, Pighium & Bellar. ipsum, idque testatur Cardinalis Hosius Catholicis suis omnibus placere; quod etiam ex eorum praxi manifestum est, nam propter fornicationem nemo Clericorum jampridem deponitur, ac propter Matrimonium omnes exauthorantur, imò & gravissimis placentur suppliciis.

Quantum ad nostros attinet, statuunt illi communi consensu conjugium esse rem suâ naturâ indifferentem, & quæ moraliter per se nec bona nec mala sit, sed quâ quis possit vel benè vel malè uti; ideoque etiam jure divino ejus usum sic liberum omnibus esse, ut eo absque peccato cuivis uti vel non uti liceat. In eo tamen unumquemque internam suam dispositionem expendere debere, nam iis qui sentiunt se continere posse, laudabile esse & expedire, conjugio abstinere, ut alacrius atque fidelius Deo possint in suâ vocatione inservire, præcipuè si ministerio sacro in Ecclesiâ fungantur; illos verò qui continere non possunt, si à conjugio ultrò abstineant, non vacare aliquâ culpâ, etiam si ad munus aliquod in Ecclesiâ vocati sint, quandoquidem jubet Apostolus, ut qui non continent, nubant, ut quoad vitandam fornicationem unusquisque vir suam uxorem habeat, & unaquæque fœmina virum suum. Ac propterea censemus nulla lege Ecclesiasticâ ulli hominum ordini Matrimonium prohibendum esse, sed liberæ cujusque voluntati permittendum esse: ideoque injustam esse, & Christianæ libertati contrariam, perpetui cœlibatus legem viris Ecclesiasticis in Ecclesiâ Romanâ impositam, cum conjugium non sit minus honorabile inter Ecclesiasticos, quam inter fideles cæteros. Nostra ergò sententia est non tantum conjugatos ad Ministerium sacrum admitti posse, quod quandoque fit apud Pontificios, sed etiam usum conjugii post illius susceptionem licitum illis perpetuò manere, quod Pontificii nolunt. Neque illis putamus distinguendum esse inter Matrimonium contractum & contrahendum, quasi liceret quidem Ecclesiasticis uti Matrimonio contracto ante sacros ordines susceptos, non liceret verò post susceptos ordines Matrimonium contrahere, ut Græci existimant. Pertendimus enim tam licitum esse Ecclesiæ Ministris post ordinationem suam Matrimonium contrahere, quam uti eo quod fuit contractum ante ordinationem, nec hæc in parte libertatem circa Matrimonium hominibus à Deo concessam coerceri atque imminui ab hominibus debuisse, vel etiam potuisse. In Pontificiis verò præcipuè damnamus, quod in viris Ecclesiasticis gravius existimant humanam & positivam de Cœlibatu Legem violare, quam Divinam de fornicatione ante etiam adulteriis; quodque atrocissimis quibusdam suppliciis Clericos suos cogant ad perpetuam à conjugio abstinendam, cum Clericos fornicatores atque Adulteros plerumque tolerant atque dissimulent.

Quod ad Bigamiam attinet, quæstio quæ inter nos & Pontificios agitur, de illa inde nata est quod Apostolus 1. ad Tim. 3. & ad Tit. 1. in Episcopis & Diaconis requirit, ut sint unius uxoris viri: unde manifestum est à sacro Ministerio arceri digamos, sed dubitatur qui sint illi *dryaui*. Doctores Pontificii communi consensu per digamos intelligunt illos, qui post primæ uxoris obitum alteram aut plures uxores duxerunt, quos Ecclesiæ Romanæ Canones nolunt ad sacros ordines admitti, & declarant irregulares.

At verò nostri Theologi unius uxoris virum putant opponi polygamo, id est, non ei qui duas pluresve uxores successivè habuit, priore de mortuâ; sed ei qui simul plures uxores habet. Porro istus *dryaui* sive *marryaui* ab Apostolo vetitæ notant Theologi nostri duas esse species. Est scilicet una digamia aperta atque manifesta, cum aliquis duas pluresque uxores simul domi alit, quomodo Jacob olim simul habebat Leam & Rachelem. Altera verò digamiæ species paulò occultior est, nempe cum quis post repudiatam sine iustâ causâ uxorem, aliam superinducit, ipsâ adhuc vivente; id quod solenne fuit olim Judæis, & erat tum temporis Romæ, sed à Christo interdictum est sub Evangelio Christianis; uxor enim quæ fuit injustè repudiata, uxor non desinit esse, iudice Christo; adeo ut qui ipsâ nondum mortuâ aliam duxerit, revera duabus simul uxoribus sit junctus. Ejusmodi ergo digamos sive occultiores sive manifestiores ab Apostolo locis istis notari, & à Ministerio Ecclesiastico removeri existimant Theologi nostri; minimè verò illos qui, unâ uxore mortuâ, alteri uxori juncti sunt, contra quam sentit Ecclesiæ Romana.

Finis Libri Sexti.

Theses Theologicæ:

In quibus inquiritur , An cultus divinus publicè & privatim celebrari debeat lingua Vulgari & Plebi intellecta.

Thesis Prima.

DOCTORES Ecclesiæ Romanæ negant expedire ut cultus divinus publicè lingua Vulgari celebretur. Idcirco in sacris suis ubique lingua latina utitur Ecclesia Romana, quamvis nullibi amplius Vulgaris sit, & communiter à plebe intellecta : Quam praxin suo decreto sancivit Synodus Tridentina. Nam Sessione 22^a. capite 8^o. hæc leguntur. *Etsi Missa magnam contineat populi fidelis eruditionem, non tamen expedire visum est Patribus, ut Vulgari passim lingua celebraretur.* Ejusdem vero Sessionis Canone 9^o. Anathema denuntiatur iis qui dicunt, *lingua tantum Vulgari Missam celebrari debere.*

II. Neque tamen existimant prorsus illicitum esse alia quam latina lingua, Missam, id est, publicam liturgiam celebrare. Sed privilegium istud ad linguam quoque Græcam & Hebraicam extendunt. Verum his tribus tantum linguis Hebraica, Græca, & Latina volunt fas esse uti in publico & solenni cultu, aliarum verò usu omninò interdicunt. Neque putant licitum esse ut gens ulla Scripturam in publicis coetibus legat, ibique preces suas & gratiarum actiones ad Deum concipiat lingua propria & Vulgari, sed solummodo una ex tribus illis linguis, quas doctas vocant. Ut videre est apud Bellarminum lib. 2. *de Verbo Dei, cap. 15.*

III. Notandum autem quod dicunt fas non esse sacra publica celebrare, nisi tribus istis linguis, ex eorum sententia, non ad legem aliquam divinam pertinere, sed tantum ad jus positivum & Ecclesiasticum: à quo dispensare possint Pontifices Romani, qui aliquando Sclavis concessisse perhibentur, ut propria lingua sacra Christiana celebrarent.

IV. At verò Protestantes communi consensu asserunt, non simpliciter licere, sed ex ordinatione divina necessarium esse, ut Scripturæ publicè legantur, totusque divinus cultus celebretur lingua quæ possit à populo præsentè & audiente intelligi.

V. Quam sententiam multis & validis argumentis confirmant. Et primò quidem Apostoli præcepto & autoritate, capite 14^o. prioris Epistolæ ad Corinthios. Ibi enim vetat Apostolus ne quis in Ecclesia & fidelium coetu loquatur lingua ignota, & quæ non possit ab iis qui adsunt intelligi, multisque rationibus ostendit istud absurdè & perperam fieri. In primis autem quia qui loquitur peregrina & ignota lingua nullam utilitatem audientibus affert: cum tamen in Ecclesia nihil dici debeat quod non referatur ad usum & edificationem eorum qui audiunt. Si, inquit, *fratres ad vos veneris lingua loquens, quid vobis prodero?*

VI. Deinde istud variis similitudinibus illustrat. *Anima, inquit, experia qua sonum edunt, sive tibia sit, sive ciabara, nisi distinctionem tibi dederint, quomodo cognoscetur quod tibia canitur, aut ciabara? Ea si incertum sonum tuba dederit, qui apparabitur ad bellum? Ita & voce, nisi per linguam edideritis benè significantem sermonem, quomodo cognoscetur quod dicitur, eritis enim in ærem loquentes?*

VII. Urget quoque absurdum esse, in coetu aliquo sic loqui, ut qui præsentès sunt non possint intelligere sermonem loquentis. Per hoc enim homines invicem barbaros

S f

fieri.

fieri. *Nam si nescio, inquit, Virtutem vocis, ero ei cui loquor barbarus; & qui loquitur barbarus mihi.* Propriè loquendo enim una lingua non est magis barbara quam alia, sed barbarus fit quicumque peregrino & ignoto idiomate loquitur, juxta illud Ovidii, Trist. lib. 9. El. 11.

*Barbarus hic ego sum, quia non intelligor ulli:
Derident stolidi Verba Latina Getæ.*

VIII. Postea docet Apostolus in Ecclesia sic orandum esse, ut non tantum qui orat inde ædificetur, sed etiam ut inde fructus aliquis redeat ad eos qui audiunt. Quod locum habere non potest in eo qui lingua ignota precatur. *Nam, inquit, si orem lingua, spiritus meus orat, mens autem, sive intelligentia, mea sine fructu est. Quid ergo est? orabo Spiritu, sed orabo etiam intelligentia: Psallam Spiritu, sed psallam etiam intelligentia.* Variè quidem ab interpretibus sumitur ibi Vocabulum Spiritus. Alii enim per Spiritum intelligunt afflatum Spiritus extraordinarium: alii rationem & intellectum precantis: alii Spiritum, seu habitum oris quo verba proferuntur: alii ut plerique hodiernæ Scholæ Romanæ Doctores, partem animæ quam affectivam vocant à mente contradistinctam. At quocumque modo sumatur Vox Spiritus, certum est mentem seu intelligentiam, quam hic Spiritui opponit Apostolus, non referri simpliciter ad eum qui orat & psallit: sed ad eos qui orantem & psallentem audiunt. Nec enim, ut patet ex tota hujus capitis textura, scopus Apostoli est docere eum qui in cœtu fidelium orat debere solum seipsum intelligere, sed eum ita debere loqui, ut ab aliis intelligatur. Orat ergo intelligentia, secundum Apostoli mentem, non simpliciter qui suam orationem intelligit, sed quem alii orantem intelligere possunt. Id manifestè patet ex iis quæ postea subjungit Apostolus. *In Ecclesia malim quinque verba ex intelligentia mea, dià τὴν νόησιν μου, loqui, ut & alios instruam, quam decem millia verborum in lingua.* Nec enim dubitari potest, quin ibi loqui ex intelligentia, sit ita loqui ut alii intelligant. Quandoquidem dicit Apostolus illum qui loquitur ex intelligentia alios instruere: ad quod non tantum requiritur, ut qui loquitur seipsum intelligat, sed ut ab audientibus etiam intelligatur.

IX. Præterea probat Apostolus absurdum esse concipere preces & gratiarum actiones in cœtu fidelium lingua audientibus ignota, quoniam dum ita fit, populus fidelis non potest mente sequi precantem, & testari assensum suum solenni illa voce Amen, quod tamen fieri convenit. *Si, inquit, benedixeris Spiritu, is qui implet locum idiotæ quomodo dicet Amen ad tuam gratiarum actionem? nam quid dicis nescit. Nam tu quidem bene gratis agis, sed alius non ædificatur.*

X. Ubi notandum est per eum qui implet locum idiotæ intelligi idiotam ipsum. Idiotam autem vocat Apostolus privatum quemvis qui in Ecclesia nullo munere fungitur. In Ecclesia enim, ut & in republica, Idiotæ seu privati, opponuntur Magistratibus, & iis qui gerunt publica negotia. Itaque idiotæ, juxta Apostolum, illi sunt qui postea dicti sunt Laici, oppositè ad Clerum, quo nomine scriptores Ecclesiastici designant Ecclesiæ ministros. Sed quaeritur quare Apostolus idiotam designare volens utitur ista circumlocutione, ὁ ἀναπληρῶν τὸ κενόν τῆς ἰδιότητος, qui implet locum idiotæ, nec simpliciter dicit idiotam? Respondeo rationem hujus Locutionis petendam esse à more qui jam ab initio fuit in Ecclesia observatus. Nec enim Ecclesiæ ministri promiscuè cum plebe sedebant, sed in loco ubi solebant fideles convenire sepeperat sedes habebant, plebs verò seorsim sedebat. Unde est quod Apostolus idiotam dicere volens, dicit qui implet locum idiotæ, id est qui locum idiotæ occupat, & sedet inter idiotas, non verò inter Ecclesiæ ministros. Et ita phrasin istam exponunt Græci interpretes, Chrysostomus scilicet, Oecumenius & Theophylactus qui vim phrasos Græcæ optimè norant.

XI. Sed Latinus interpretes, illam, ut videtur, non satis assequens, vertit *qui supplet locum idiotæ.* Quod plerique Ecclesiæ Romanæ interpretes exponunt de aliquo qui tum plebem representaret, & ejus nomine Ministro precanti & benedicienti responderet, & Amen diceret, ut hodiè fieri solet in Ecclesia Romana. Verum hic mos recentior est. Olim verò plebs tota per se Ministro precanti solebat acclamare, ut manifestum est ex multis antiquorum testimoniis, & ex veteribus illis liturgiis quæ Basilii atque Chrysostomi nomen præferunt. Præcipuè id clarè testatur Justinus Martyr Apologetico 2º. ubi formam cultus publici suo tempore usitatam referens, postquam mentionem fecit precum illarum & gratiarum actionum, quæ ab antistite super pane & vino Eucharistico fiebant, subjungit populum ἰσακροῦν λέγοντα ἀμήν, acclamare dicendo Amen.

Amen. Cui consonat Cyprianus sermone de Oratione Dominicâ. *Quando, inquit, minister dixit sursum corda, totus populus respondet, Habemus ad Dominum. Unde et quod Hieronymus prologo libri secundi Commentariorum in Epistolam ad Galatas, de Ecclesia Romana loquens, Ubi sic, inquit, ad similitudinem cœlestis tonitruum Amen reboat? Quod ipsum argumento est plebem in temporibus illis preces publicas intellexisse, quandoquidem illis acclamare & respondere solebat.*

XII. Sed ut redeamus ad Apostoli textum, ex dictis satis patet illum non simpliciter prohibere, nequis in Ecclesia loquatur lingua ignota, sed idipsum probare & suadere multis argumentis, quæ sic concludit verbis paulo antea citatis: *In Ecclesia malim quinque verba ex intelligentia mea loqui, ut & alios instruam, quam decem millia verborum in lingua, videlicet, ignota. Quæ certè tam evidentia sunt, & tam apertè damnant usum linguæ populo ignotæ in publicis fidelium cœtibus, ut non desint in Schola Romana magni nominis Viri qui agnoscant melius fore, si orationes publicæ haberentur lingua populo intellecta. In primis valdè notanda est Cardinalis Cajetani confessio commentariis in hunc locum. Ex hac, inquit, Pauli doctrina habetur, quod melius est ad edificationem Ecclesiæ orationes publicas, quæ audiente populo dicantur, dici lingua communi Clericis & populo, quam dici latine.*

XIII. Veruntamen Doctores Ecclesiæ Romanæ varia querunt effugia, ut non obstante tam aperta Apostoli doctrina, videantur non sine ratione in divino cultu lingua populo non intellecta uti. Primum igitur dicunt ista Apostoli præcepta temporaria fuisse, & respectivè statum & conditionem primitivæ illius Ecclesiæ, cui hodiernus Ecclesiæ status longè dissimilis est. Hæc videtur fuisse Thomæ Aquinatis sententia, commentariis in hoc caput. Hanc enim quæstionem mover lectione tertia sub finem. *Sed quare non dantur benedictiones in vulgari, ut intelligantur à populo, & conformiter se eis magis? Respondet verò, Dicendum est quod hoc forte fuit in Ecclesia primitiva: sed postquam fideles instructi sunt, & sciunt quæ audiunt in communi officio, sunt benedictiones in latino.*

XIV. Thomas Hardingus autem, in suo contra Juellum Episcopum Sarisburiensem libro, postquam variè se tortit, & multa conquistavit, quibus nubem offunderet Apostolicæ doctrinæ, in hac tandem Responione tanquam omnium tutissima & facillima conquiescit. Sic enim habet Articulo 3º. Sectione 30ª. *Quod autem dicit Paulus morem precandi lingua in Ecclesia tanquam fructus & edificationis expertem improbare videtur, & quinque verba, aut sententias intellectas & perceptas, ex quibus reliquis populus intimetur, decem millibus pregrigi & incognito sermone pronuntiatis antepone: ista omnia ad illorum temporum conditionem referenda sunt, quæ hodierno Ecclesiæ statui longè dissimilis est. Postea verò rationem exponens istius dissimilitudinis subiungit. Illis institutio fuit necessaria: nos præcipuarum religionis partium non sumus ignari. Illi fuerunt in singulis rebus informandi: nos ad Ecclesiam non ideo potissimum convenimus, ut quando preces celebrantur, erudiamur & docamur, sed ut precemur & homilias attendamus. Illorum preces, quia fides aberat, inutiles fuerunt, & proinde vernaculo sermone fieri eis oportuit, quo fides augeretur: nostra fides nobis plus profuerit, si nos religiosus precibus dedamus. Illi quandoquidem erant fidei expertes, interpretatione, tum in precibus, tum in homiliis, tum in cæteris omnibus spiritualibus exercitiis opus habebant: nos necessaria fidei rudimenta satis luculenter edocti, de cætero fidelis & vehementibus precibus à Deo exposcere vitam justam, piam & sanctam, potius quam multum temporis in audiendo, scientiæ nostræ augenda causa, consuecere debemus.*

XV. Quæ verbatim refert libuit, ut appareat in quas angustias Doctores Ecclesiæ Romanæ conjiciat obstinatum illud propositum abusus & errores in ea receptos quo jure quave injuria tuendi, & quam absurda cogantur comminisci & proferre, ut hic vim veritatis & rationis eludant. Quid enim magis absurdum, quam dicere primos fideles fuisse fidei expertes, & ideo opus habuisse, ut precarentur lingua vernacula, ut per hoc fides eorum augeretur? Et præterea quo jure opponuntur preces vernaculæ precibus religiosiis, quasi quis lingua vernacula religiose precari non posset, quod ne vel perniciosissimus adversarius eorum admittet, extra disputandi ætulum, & contendendi libidinem?

XVI. Sed ne videamur vitiligare, omisso illis absurdis ambagibus, discutienda est illa dissimilitudo, quæ supponitur esse inter Ecclesiam primitivam & hodiernam. Videatur illam Hardingus, post Thomam Aquinatem, in duobus ponere. Et primò quidem in eo quod primi illi Christiani, quibus Apostolorum tempore Ecclesia contabatur, exiguæ admodum fide præditi erant (sic enim benignè libet interpretari, quod non absq;

contradictione dicit, primos fideles fuisse fidei expertes, & fidem ab eorum precibus abfuisse) hodierni vero Christiani longè majorem fidem habent. Deinde in eo quod iidem primi Christiani ignari erant, & parum instructi ; ideoque institutione opus habebant : fideles autem hodierni luculenter instructi sunt, neque præcipuarum religionis partium ignari.

XVII. At certè si quod discrimen notandum est inter Ecclesiam primitivam atque Apostolicam, & Romanam hodiernam, in eo potius constitui debet, quòd primi illi Christiani, præ Christianis hodiernis, excellenti admodum fide præditi erant, & magna rerum sacrarum notitia : hodiè vero, inter eas qui Christiani dicuntur, langueat fides, & regnet summa divinarum rerum ignorantia, præsertim si cum illis veteribus comparentur. An enim putabimus illos fuisse fidei expertes, aut saltem nobis fide inferiores, quorum fidem tantopere commendat Apostolus : ut pater ex Epistolis ab Apostolo scriptis ad varias quas ipse fundaverat Ecclesias, veluti ad Romanos, Ephesios, Philippenses, & Thessalonicenses ? Ubi summas Deo & Christo gratias agit pro vera illa & syn-cera fide, qua verbum Dei ab ipso prædicatum alacriter exceperant. Nominatim verbò scribens ad Corinthios, quibus leges præscribit & præcepta dat in hoc ipso capite de quo jam quæstio est, gratias agit Deo, quod in omnibus divites facti essent, in omni verbo, & in omni scientia : adeo ut nihil ipsis deesset in ulla gratia, dum expectabant revelationem Domini nostri Jesu Christi.

XVIII. Hic Theologorum Ecclesiæ Romanæ conscientiam appello, & obtestor eos an aulint plebes suas in fide & cognitione præferre iis quos Apostolus testatur ditatos fuisse in omni verbo, & in omni notitia, ita ut nullo dono decederentur. Et profecto quis poterit in animum inducere primos illos fideles qui miraculis coruscabant, & super quos Dominus, juxta Joëlis Prophetiam, Spiritum suum tanta copia effuderat, ut pueri ipsi, servi, & feminae prophetarent, quis, inquam in animum inducere poterit fideles ejusmodi cessisse hujus temporis fidelibus, in fide & mysteriorum sacrarum notitia ? Neque cerè Christus & Apostoli prædixerunt fidem cum tempore magis ac magis augendam esse, sed potius hominum pervertitate fore minuendam, adeo ut Christus ultimis temporibus fidem in terra vix esset inventurus.

XIX. Planum est ergo contra veritatem & Scripturæ testimonium ab Ecclesiæ Romanæ Doctores supponi, fideles hodiernos, primos Christianos fide antecellere, & doctrinæ sacræ notitia. Quod profectò si illi ex animo affirmant, necesse est ut pessimè de primis illis Christianis Apostolorum voce institutis sentiant. Nam quæ major rerum divinarum ignorantia fingi potest, quam quæ novissimis sæculis visa est, & etiamnum cernitur in plebe Pontifici Romano adherente, quæ maxima ex parte, vix vel prima fidei Christianæ rudimenta novit ; neque tantum quæ dicuntur in publica Liturgia, sed privatas ipsas suas preces plerunque ignorat, nec cogitat quid in eis contineatur ? Si qui ergo unquam opus habuerunt institutione, ac ut de singulis quæ ad Religionem Christianam pertinent informetur, inter eos maximè numerandi sunt illi qui Romanam plebem constituunt. Ideoque si Apostolus præcepit olim, ut apud primos fideles in Ecclesia nihil diceretur lingua quam non intelligerent, sed omnes Liturgiæ partes sermone ipsis intellecto & noto celebrarentur, ut inde possent in rebus fidei & Religionis quotidie magis ac magis institui, planum est hoc ipsum præceptum Ecclesiam hodiernam, non minus, imo magis obligare ad Liturgiam suam sermone noto celebrandam, siquidem plebs Christiana non minori laborat ignorantia, quam quæ fuit in primis fidelibus, imo magis quam illi opus habet institutione.

XX. Deinde ex allata Responsione sequitur, saltem apud novos Christianos, quorum fides infirma est, & notitia parva, expedire ut lingua vulgari cultus divinus celebraretur. Neque tamen id observat in gentibus Barbaris Indiæ utriusque tam Orientalis quam Occidentalis, quas ad fidem Christianam se convertisse gloriantur. Quamvis enim, ipsis fatentibus, inter eas parum fidei & scientiæ adhuc minus reperitur, non desinunt tamen ibi cultum divinum, & omnia quæ ad publicam Liturgiam pertinent, sermone latino, ut hic, celebrare & administrare.

XXI. Denique hac Responsione fatentur illi quibuscum nobis res est, si Liturgia sacra, præceq; & gratiarum actiones solennes lingua vulgari celebrantur, istud conferre aliquid ad plebis institutionem, & fidem illius augendam. Dicant ergo quare bonum istud populo Christiano hodie invident. Nam quamvis verum esset majorem fidem & ampliorem institutionem inter Christianos nunc quam olim reperiri, attamen in illa fidei & notitiæ mensura quam habemus nunquam debemus ita conquiescere, quin semper ultra pergamus & conemur proficere, euntes de fide in fidem, & juxta Apostoli exemplum

œmplum & hortamentum, tendentes ad perfectionem, & obliuifcentes ea quæ retrò funt, ad ea vero quæ funt à fronte contententes. Eorum autem qui Ecclefiæ præfunt officium eft iftud antè oculos habere, ut quantum poffunt promoveant profectum eorum qui ipsis commiffi funt : neque quicquam fcientes & volentes omittant eorum quæ faciunt ad populi fidem augendam, & pietatem excolendam.

XXII. Itaque alii Doctores Ecclefiæ Romanæ, non putantes tutum effe tantum nobis concedere, alia via conantur elabi. Dicunt ergo Apoftolum toto illo capite agere de miraculofo quodam linguarum dono, quod in Apoftolica Ecclefiâ olim obtinebat. Multos enim ex fidelibus Spiritus fanctus ita afficiebat, ut repentè linguis peregrinis, quas nunquam antea didicerant, loquerentur, cum magna circumftantium, & audientium admiratione. Erant verò inter Corinthios qui ambitiofe hoc dono utebantur, & in publicis fidelium coetibus, Ecclefiâ ad præcandum, & verbum Dei audiendum congregata, affectabant peregrino idiomate loqui, ut mouerent admirationem, & ita Ecclefiâ importuno quodam frepitu obtrudebant ; quem abufum coarguit, & tolli vult Apoftolus, capite illo de quo jam quæftio eft. Quæ cum veriffima funt, & à nobis ultro concedantur, inde concludunt Doctores illi præcepta ifto capite tradita nunc ad nos nihil pertinere. Nec enim amplius viget iftud linguarum donum, ut adhuc aliquis eo poffit abuti. Itaque juxta Apoftolum, loqui lingua non effe fimpliciter loqui lingua quam ii qui adfunt non intelligunt, fed per enthufiafmum myfteria divina fundere lingua quadam peregrina, quam qui loquitur nunquam didicerit. Unde colligit Presbyterum Liturgiam Latine vel Græcè recitantem, licet apud plebem imperitam, non tamen loqui linguis, vel lingua, juxta Pauli fenfum : ac proinde præceptum Apoftoli non violare, quo vetat linguis in Ecclefiâ loqui, nifi adfit qui interpreteretur. Neque enim talis Presbyter loquitur per enthufiafmum, fed fimpliciter legit & repetit, quæ ipsi, juxta Ecclefiæ ordinem dictata & delignata funt.

XXIII. Sed quanquam quæ funt vera funt, non tamen per id infringitur, fed potius augetur vis argumenti noftri. Fatemur enim Apoftolum agere de linguarum dono extraordinario, & ejus abufum inter Corinthios arguere. Verum fi Apoftolus nolebat in Ecclefiâ, abfque interprete, quicquam in Ecclefiâ proferri lingua populo ignota, quamvis lingua ita effet miraculofo Spiritus fancti donum, quo doctrina Evangelii cœlitus confirmabatur, quanto minus putandum eft illum fuiſſe probaturum, ut cultus ordinarius perpetuo celebraretur lingua plebi non intellecta, & quæ tamen, ut iftæ lingue peregrinæ, nihil habeat diuinum & extraordinarium, quo ad fidem poffint infideles difponi, fideles verò in fide confirmari.

XXIV. Adde quod Apoftolus iftarum linguarum peregrinarum ufum in Ecclefiâ non prohibet hoc nomine quod effent miraculoſæ & extraordinariæ : fed quoniam qui loquebatur non poterat à coetæ præfente intelligi, ideoque fruſtra & quaſi in ærem loquebatur, & barbarus erat iis qui aderant, qui nefeiebant ea quæ diceret, & propterea non poterant inde ædificari, & dicere Amen ejus orationi, feu benedictioni. Quæ rationes offendunt cujuſvis peregrinæ in Ecclefiâ lingue ufum effe tollendum, five ordinaria fit, five extraordinaria ; five alicui fuerit à Spiritu fancto infuſa, five eam ſtudio & uſu didicerit.

XXV. At iniqui illi quibuſcum jam agimus, in Provinciis his Occidentalibus lingua Latina non eſt cenſenda peregrina, veluti Arabica, Perſica, aut Æthiopica. Nam diuturno uſu familiaris reddita eſt, & à litteratis ſaltem intelligitur. Sed nec ifto quoque effugio declinari poteſt vis argumentorum Apoftoli. Litterati enim illi qui Latinam linguam intelligunt pauci admodum funt præ iis qui vernaculam tantum ſuam callent. Imo in multis Eccleſiis docti nulli reperiuntur, nec alii funt quam rudes & idiotæ. Sed Apoftolus non vult ſolum paucorum quorundam Doctorem in Eccleſiâ rationem haberi, verùm etiam eorum qui ſedent inter idiotas. Quantumcunque autem fingatur etiam plebeis & privatis hominibus lingua Latina nota & familiaris eſſe, propterea quod ſæpe Presbyterum Latine loquentem, vel cantantem audiant, & ipsi præculas quafdam Latinas legant & recitent, nihilominus Latinam linguam non intelligunt, non magis quam Hebraicam, Turcicam, aut Perſicam. Neque poſſunt ex iis quæ Latine dicuntur ædificationem capere, quod tamen neceſſarium declarat Apoftolus. Iſque qui loquitur Latine non definit eorum reſpectu quaſi in ærem loqui, & ipsis eſſe barbarus, neque ſciant quid dicat, ut dicant Amen illius benedictionibus & orationibus.

XXVI. Alii verò Theologi Scholæ Romanæ reſpondent Apoftolum eo capite non agere de publica & ordinaria Scripturæ lectione, deque ſtatim & ſolemnibus facris, ſed de collationibus quibuſdam & exercitiis ſpiritualibus, quibus antiqui Chriſtiani, poſt

peractam

peractam concionem, & celebrata mysteria, solebant sese mutuò consolari & ædificare. Modo sese commomentes sanctis adhortationibus, modo quædam Scripturæ loca enarrantes & exponentes, modo vacantes orationibus, Deumque celebrantes hymnis & canticis spiritualibus. Et certè hunc olim morem fuisse non negamus, præsertim verò quum in Ecclesia primitiva vigeant dona Spiritus extraordinaria. Eoque proculdubio respicit Apostolus sub finem hujus capitis, dum ait, *Quoties conveneritis quisque vestrum canticum habet, doctrinam habet, linguam habet, revelationem habet, interpretationem habet, omnia ad ædificationem fiant.* Item Prophetæ duo vel tres loquantur, & alii judicent. *Quod si quid alii relictum fuerit assidenti, prior taceat.* Potest enim sigillatim omnes prophetare, ut omnes discant, & omnes consolatiorem accipiant. Ac præterea fieri potest ut præcipue in his exercitiis spiritualibus Corinthii dono linguarum abuterentur, illudque ostentarent. Verumtamen negari non debet hunc abusum locum habuisse in ipso etiam cultu ordinario. Etque valde credibile quosdam fuisse qui ipsas communes preces & benedictiones ostentatione quadam peregrinis linguis censerent. Huc enim respicere videtur Apostolus, dum ait, *Si tu benedixeris Spiritu, in qui implet locum idiotæ quomodo disciturus est Amen ad tuam gratiarum actionem? nam quid dicat nescit. Nam in quidem bene gratias agit, exæcussis, sed alius non ædificatur.* Ubi Apostolus utens verbo *exæcussis*, & nomine *exæcussis*, videtur alludere ad preces & gratiarum actiones in ipsa Eucharistia celebratione usitatas.

XXVII. At inquirunt illi quibuscum nobis res est, extra dubium est Scripturam in Græcia fuisse Græcè prælectam, & divina officia eadem lingua fuisse celebrata; indeque Protestantibus putant argumentum duci posse contra morem Ecclesiæ Romanæ, quæ divina officia lingua singulis Provinciis vernacula celebrari non vult. Quæ ergo dicit Apostolus de lingua peregrina, qua in publicis commentibus Corinthii quidam utebantur, seu potius abutebantur, non possunt ad cultum ordinarium referri, sed tantum ad exercitia quædam extraordinaria. Respondeo, Verum quidem est Apostolum instituisse ut in Græciæ Ecclesiis Scripturæ Græcè legerentur, precesque & orationes publicæ Græcè haberentur. At hoc non obstat quominus Corinthi & alibi, quidem contra Apostoli mentem & institutum, preces illas extranea quadam lingua haberent, quam divinitus erant & per miraculum edocti, quo nomine etiam eos in hoc capite arguit Apostolus.

XXVIII. Sed ponamus abusum illum doni linguarum in exercitiis illis extraordinariis constituisse, in ipsisque solis Corinthios-usos fuisse lingua peregrina, atque hoc tantum nomine ab Apostolo reprehendi, per hoc nihil minuetur, vis argumenti nostri, quod ex verbis ejus ducimus contra hodiernum abusum. Etenim Apostolus, occasione ejus quod perperam inter Corinthios fiebat, generaliter loquitur, & præcepta quadam generalia tradit, nempe in Ecclesia semper esse spectandam populæ ædificationem, ex iis autem quæ ignota lingua coram populo recitantur, nullam ædificationem ad populum redire: ideoque præstare ut in Ecclesia verba quinque ex intelligeptia recitentur, quam decem millia verborum lingua non intellecta. Quæ certè non minus pugnant cum usu linguæ ignotæ in cultu ordinario, quam in exercitiis extraordinariis.

XXIX. Idemque videre est in iis quæ toto isto capite profert Apostolus contra abusum illum qui inter Corinthios obtinebat: ut quod qui lingua utebatur ignota barbarus erat audientibus, & loquebatur in aerem, nec poterant alii dicere Amen iis quæ proferebat. Per ista enim non minus damnatur usus linguæ peregrinæ in precibus & hymnis ordinariis, quam in extraordinariis. Et quæcumque sint illa quæ peregrina lingua proferruntur, qui loquitur non est minus barbarus audientibus, nec magis quæ dicit intelligunt. An vero potius in cultu ordinario Ecclesiæ ministris licet sit esse barbaris, & in aerem loqui, quam in exercitiis quibusdam extraordinariis? Et an minus necesse est ut populus dicat Amen precibus statim atque solennibus, quam illis quæ fieri possunt extra ordinem?

XXX. Hic tamen excipiunt quibuscum disputamus, aliquam discriminis rationem hac in parte esse inter cultum ordinarium, & exercitia illa extraordinaria. Nam, inquirunt, tempore primitivæ Ecclesiæ, ab iis qui dono linguarum pollebant proferebantur preces & orationes novæ, atque antea inauditæ: ideoque qui attabant non poterant Amen dicere, & illas approbare, antequam verba ipsis fuissent exposita: alioqui, eorum more, probassent quod prorsus nesciebant quid esset, an bonum, scilicet, an malum. At vero quod attinet ad hodiernas Ecclesiæ preces, quamvis coram populo ignota lingua fiant, scit tamen populus illas esse bonas, quoniam sunt usque Ecclesiæ receptæ: ideoque illis etiam non intellectis securè potest Amen dicere. Hæc est exceptio

Eitii Doctoris Duacensis commentario in hunc locum.

XXXI. Sed

XXXI. Sed hoc effugium non minus quam cætera vanum est. Nec enim ut populus dicat Amen orationibus quæ in Ecclesia fiunt sufficit ut confuse sciat illas esse bonas: sed requiritur ut distincte intelligat ea quæ continent orationes illæ. Alioqui non minus potuissent primi Christiani Amen dicere precibus & gratiarum actionibus, quæ peregrino sermone per donum linguarum fiebant; quam hodie plebs Ecclesiæ Romanæ Amen dicere potest precibus autoritate Ecclesiæ receptis, & ignota lingua recitatis. Nec enim primi fideles dubitare poterant bona esse quæ proferebant sermone peregrino qui erant dono linguarum instructi, & quos sciebant per impositionem manuum Apostolicarum accepisse Spiritum sanctum, & miraculosis ejus donis ornatos esse. Quamdoquidem enim evidens erat eos Spiritu Dei afflante, & per summum miraculum loqui linguis peregrinis, certum quoque erat eos nihil nisi boni proferre: nec quispiam motus à divino Spiritu posset aliquid proferre non bonum. Et tamen affirmat Paulus plebem non potuisse Amen dicere iis quæ loquebantur, quamdiu non intelligebant eos loquentes. Unde pari ratione patet populum Christianum non posse dicere Amen iis quæ coram eo ignota lingua recitantur: ut ut certius esse supponatur illud quicquid sit bonum & sanctum esse.

XXXII. Bellarminus autem aliud discrimen excogitavit inter illas preces & benedictiones quas Apostolus vetat lingua ignota fieri, & illas quæ Liturgia ordinaria continentur. Nam, inquit, orationum & canticorum illorum, de quibus agit Apostolus finis præcipuus erat instructio & consolatio populi. Nullam vero populus percipere potuisset, nisi notâ linguâ prolata fuissent, aut saltem mox sequuta fuisset interpretatio. At divinatorum officiorum finis præcipuus non est instructio & consolatio populi, sed cultus Dei. Sed Bellarminus in ista exceptione falsum supponit & male colligit. Primo enim falsum est preces illas, laudes & benedictiones quæ à primis illis Christianis in cæcibus publicis, instinctu Spiritus sancti proferebantur, pro fine præcipuo non habuisse Dei cultum. Nec enim potest aliquis legitime Deum orare & laudare, quin ad Dei cultum præcipue intendat. Cumque finis præcipuus ob quem populus solemniter convenit sit reddere Deo cultum & honorem debitum, planum est in publicis Ecclesiæ cæcibus nihil legitime posse fieri quod ad divinum cultum præcipue non referatur.

XXXIII. Deinde falsum est quoque divina officia, ut vocat Bellarminus, id est, preces & benedictiones, alique quæ ad publicam & ordinariam Liturgiam pertinent non habere pro fine populi instructionem & consolationem. Quamvis enim præcipuus eorum finis sit cultus divinus, finis tamen secundarius, & cum primario illo necessariè coherens est Ecclesiæ ædificatio, ad quam præcipit Apostolus ut omnia referantur in fidelium conventibus, ut videre est in hoc ipso capite. Et certè quis posset in animum inducere ædificationem & instructionem populi Christiani minus spectandam esse in ordinaria Liturgia, quam in exercitiis quibusdam extraordinariis. Itaque sic officia divina celebrari debent, ut non tantum Deus colatur, sed ut populus inde ædificetur. Ac profecto Bellarminus ipse negare non audeat, quin Liturgia publica pro hunc habeat etiam populi instructionem & consolationem. Nec enim dicit Dei cultum esse solum illius finem, sed tantum esse finem illius præcipuum. Quibus verbis fatèri videtur Ecclesiæ ædificationem esse quoque finem illius, quamvis non præcipuum. Unde sequitur finis illius, quamvis secundarii, habendam esse quoque rationem. Hujus autem subalterni & secundarii finis ratio nulla habetur, quamdiu officia illa linguâ ignotâ celebrantur. Ex iis enim, Apostolo teste, populus ædificari, & consolationem atque instructionem percipere non potest, nisi sciat quæ in iis dicuntur.

XXXIV. Hinc ergo manifestum est, quæcumque comminisci possint Rectores & Præpositi Ecclesiæ Romanæ, illos tamen Apostoli præceptis restrictos teneri, neque à se illius violati crimen emoliri posse, quamdiu cultum divinum linguâ Christianæ plebi ignota celebrare pergunt. Quantum autem hac in re peccat aliis quoque potest argumentis convinci. Et primò quidem ex eo quod bona pace Liturgiæ Sacre in Lectione Scripturæ consistit. Jam autem in scriptura Deus homines alloquitur. Et quidem alloquitur eo fine ut illi audiant & intelligant, & inde officium suum & voluntatem Dei dicant. Itaque qui Scripturam Sacram ignotâ linguâ populo Christiano prælegunt, Deum, quantum in ipsis est, sine suo frustrantur, cumque Barbarum hominibus reddunt, implicantes eos maledictione, qua Deus apud Isaiam populi Judaici hypocritas se ulturum minatur, cap. 29. Propterea per homines diversa lingue, & per alia labra loquar populo huic, & sic quidam non audient me; dicit Dominus. Quod ad hanc ipsam rem Paulus accommodat. I Cor. 14.

XXXV. Ut tamen vim hujus argumenti declinent Doctores Scholæ Romanæ, contra omnem rationem negant finem publicæ Scripturæ lectionis esse instructionem & ædificationem populi, sed cultum Deo ab Ecclesia debitum. Sed quamvis & in eo Deus hujus quoque lectionis finem esse populi instructionem & ædificationem. Id manifestè patet ex Deuteronomio cap. 31º. Ubi Deus legem suam coram toto Israele sollemniter legi præcipit, ut inde quilibet de populo viri, foeminae, parvuli, & peregrini ipsi discant timere Dominum & servare ejus præcepta. *Quum veneris, inquit, totum Israel ad videndum faciem Domini Dei sui, in loco quem elegeris, leges legem hanc coram Israele, ipsis audientibus, simul congregato populo, viris, foeminis, parvulis, & peregrino qui est intra portas tuas, ut audiant, & discant, timeantque Dominum, & observent præcepta ejus.* Quæ verba certè tam expressa & evidentiæ sunt, ut dubitare non liceat, saltem sub veteri Testamento lectionem divinæ legis habuisse pro fine institutionem populi audientis. Quis autem in animum inducere poterit populum Christianum, aut minus capacem esse divinæ legis audiendæ, aut minorem illius instructionis rationem habendam?

XXXVI. Et certè quamvis in illo Deuteronomii præcepto circumstantiæ quædam sint loci & temporis populo veteri peculiare finis tamen præcepti, & ejus substantia non minus hodie spectat Christianos, quam olim Judæos. Nec enim hodie minus tenemur legem Christi ab Apostolis & Evangelistis scriptis consignatam audire & discere, quam illi legem antiquam à Mose scripto traditam. Si ergo Deus olim voluit legem suam populo suo legi, ut per eam lectionem redderetur populo isti familiaris, & inde ipsæ foeminae, & parvuli voluntatem Dei discerent, quis dubitat plebem Christianam debere simili lectione instrui, ut Dei quoque voluntatem discat, & in Dei cognitione & timore magis magisque proficiat?

XXXVII. Ac profectò quod hic sit finis publicarum Sacræ Scripturæ lectionum, Ecclesiæ Romanæ præfules ore proprio convincuntur. Quum enim Episcopus lectionem aliquem ordinat utitur his ipsis verbis, *Studetis verba Dei, videlicet, lectiones sacras distinguere & aperte ad intelligentiam & ædificationem fidelium, absque omni mendacio falsitatis proferre, &c. quatenus auditores vestros verba pariter & exemplo docere possitis.* Ut videre est in Pontificali Romano capite de Ordinatione lectorum. Quæ certè antiqua Ordinationis forma palam arguit hodiernum abusum. Inde manifestum est enim publicas Sacræ Scripturæ lectiones eo fine jam olim institutas fuisse, ut populus intelligeret, & inde doceretur & ædificaretur. Ecclesiam verò Romanam hodie lectores suos perjurio implicare, dum eos solenni juramento obstringit fore ut Scripturam legant ad intelligentiam & ædificationem fidelium, & tamen simul præcipit ut eam lingua ignota cantillent, & sic ut populus præfens nil intelligat atque percipiat.

XXXVIII. Deinde in Liturgia sacra non tantum Scriptura legitur, in qua Deus alloquitur homines, sed & sæpe Minister publicus alloquitur populum præsentem. Id in ipsa Missa videre est, ubi sæpe Sacerdos ad populum dicit *Oremus.* Item *Orate pro me fratres.* Ac præterea fideles hortatur, ut attollant *sursum corda.* Imo ipsis etiam peccata sua confitetur. *Confiteor, inquit, Deo Omnipotenti, Beate Mariæ semper Virgini, Beato Joanni Baptista, & sanctis Apostolis Petro & Paulo, omnibus sanctis & vobis fratres, quia peccati nimis cogitatione, verbo & opere.* Jam autem quid absurdum est, quam ad aliquem suum sermonem dirigere, sed ita tamen ut ille intelligere non possit, & aliquos præfentes ad hæc & illa hortari, sed lingua ignota, & verbis peregrinis? Certè hoc est planè pervertere naturam, quæ homini loquelam tribuit, ut per eam mentem suam notam faceret. Istudque potius est illudere, quam hortari, scilicet præcipere ut hoc aut illud fiat, sed ita, ut qui audit, nesciat quid tibi velis, & quid ab eo fieri cupias.

XXXIX. Ex quibus evidens est sacra quæ lingua peregrina sunt autoritate Scripturarum, & ratione manifesta damnari, ac proinde illa ubique & semper celebranda esse ea lingua quam qui adfunt intelligere queant. Quod & factum videmus in Ecclesia antiqua Veteris & Novi Testamenti. Extra dubium est enim in populo Israelitico sacra fuisse à Mose & Prophetis instituta hebraica lingua, quæ populo isti vulgaris & vernacula fuit: Nam Deus hebraicè legem populo suo legendam dedit, quotque in Veteri Testamento habentur solennes precum & benedictionum formulæ hebraicè primum traditæ sunt, & hebraicè quoque lectæ & recitatæ, quandoque Ecclesiæ & Respublica hebraica stetit. Exemplo sit Sacerdotalis illa benedictio, quæ legitur capite 6º. Numerorum. Et qua utimur etiamnum, quum coetus nostros dimittimus. Et duæ breves illæ preces, quarum una dici jubetur, quum arca discedebat, & altera, quum in loco suo collocabatur, Numero. Ac præterea formula benedictionis quæ fieri solebat in oblatione primitiarum,

mitiarum. Item in oblatione decimarum trietericarum. Ut videre est Deuteronomii capite 26°. Et postea quoque David hebraicè dictavit Psalmos, super instrumentis Musicis in Templo Dei decantandos.

XL. Nec aliter res se habuit in Ecclesia Christiana primis illius temporibus. Ubique enim Apostoli & eorum discipuli cultum divinum olim instituerunt lingua quæ à populo poterat intelligi. Quod ex ipsa adversariorum confessione patet. Et quidem jam supra retulimus verba Thomæ Aquinatis, ubi satis apertè concedit in primitiva Ecclesia benedictiones factas lingua vulgari. Quod etiam agnoscit Nicolaus de Lyra, in notis suis ad 14^{um} caput prioris epistolæ ad Corinthios. Idèò, inquit, dicit Paulus si tu Sacerdos benedixeris Spiritu, & populus non intelligat, quid proficit populus simplex & non intelligens? Quapropter in Ecclesia primitiva benedictiones & cetera omnia fiebant in vulgari. Neque id dissentit ipsi recentiores Scholæ Romanæ Theologi. Hardingus enim Anglus qui copiosè de hoc argumento scripsit contra Juellum tum Episcopum Sarisburiensem, postquam hanc sibi ex parte Protestantium objectionem movet, At Paulus effugiat ut populus assensum significet, sequè ad Sacerdotem accommodet dicendo Amen ad precationem in Ecclesia factam. Respondet, Equidem in Ecclesia primitiva hoc necessarium fuit, quando prima quodammodo rudimenta fidei tradebantur. Quam ob causam preces tum lingua populari & usitata Vulgo hominum fiebant, ut ea melius instruerentur, quandoquidem nuper ad fidem conversi, atque ex Ethnicis Christiani facti accurata institutione opus habebant. Art. 3°. Sect. 28.

XLI. Ex antiquis autem Ecclesiæ Doctoribus rem ita se habuisse apertè & clarè admodum testatur Cassiodorus qui scribebat circa annum Christi 530^{um}. Exponens enim Psalmum 44. qui in textu hebræo est 45, hæc ipsa verba habet. *Perseveremus cur Ecclesia Dei de veris varietate laudetur, cui totum simplex convenit atque unum. Sed hic varietas linguarum multiplex significat, quia omnes gentes, secundum suam patriam in Ecclesia psallunt, ut aurobi virtutum pulcherrimam diversitatem demonstrent.* Et huc quoque faciunt quæ leguntur apud Origenem libro 8°. contra Celsum. *Christiani ne usitatis quidem in sacra Scriptura Dei nominibus utuntur inter precandum: sed Græci Græcis, Romani Romanis, singulique precantur propria lingua. Deumque celebrant pro viribus: & omnium linguarum Dominus omnibus linguis precantes exaudii.*

XLII. Et certè hoc ipsum inductione patet. Nam est extra controversiam in Græcia Liturgiæ fuisse olim Græcè institutam, in Italia verò & Provinciis adjacentibus ubi Latina lingua communiter intelligebatur, illam fuisse Latine celebratam. De Armenis verò Syriæ, Æthiopicis, Indis atque Perlis, planè consentaneum est ut idem existimeamus. Nam Scripturæ sacre libros in gentium illarum, & aliarum complurium linguas jam olim fuisse translatos testantur Chrysostomus atque Theodoretus. Sic enim scribit Theodoretus libro de curandis Græcorum affectibus. *Hebraici libri non modo in Græcum sermonem conversi sunt, sed in Romanam quoque linguam, Ægyptiam, Persicam, Indicam, Armenicamque & Scythicam, atque adeo Sarmaticam: semelque, ut ita dicam, in omnes linguas quibus ad hunc diem nationes utuntur. Quibus familia tradit Chrysostomus homilia prima in Joannem. Nam de Joannis scriptis loquens, cumque Ethnicis Philosophis opponens, sed non itidem, inquit, indocti & illiterati viri doctrina evanuit. Verum Syri, Ægyptii, Indi, Persæ, Æthiopes, & innumerae alie gentes dogmata ab hoc introducta in suam transferentes linguam, homines Barbari Philosophari didicerunt.*

XLIII. Hodierna vero experientia testatur Æthiopes sacra sua celebrare sermone Æthiopico, Armenos Armeniaco, Moscovitos Moscovitico, Syros Syriaco, Ægyptios Arabico, ex quo Saraceni Ægyptum invadentes Arabicam linguam Ægypto vulgarem reddiderunt. Quæ agnoscunt & tradunt ipsi Doctores Ecclesiæ Romanæ. Etenim Æthiopes propria lingua Sacramentum Eucharistiæ consecrare, testatur Franciscus Alvarus in Historia Æthiopica, referente Cassandro in Liturgicis cap. 11. Et decimo quinto capite, ex Sigismundo libero, refert totum sacrum seu Missam gentili ac vernacula lingua apud Moscovitas peragi solere. Quem vocat autem Sigismundum liberum, idem cit qui ab aliis dicitur Sigismundus Liber Baro ab Hebericis. De Armenis verò, Moscovitis & Æthiopicis, aliisque simul concedunt Bellarminus & Hardingus illos sacra sua vulgari lingua celebrare, Lib. 2. de verbo Dei cap. ultimo. Contra Juellum Art. 3°. Sect. 38.

XLIV. Dicit quidem Bellarminus omnes illos populos qui vernacula lingua in sacris suis hodie utuntur hæreticos, vel schismaticos esse, quod etiam affirmat Hardingus, sed majores eorum aliter huc in parte fecisse quam hodie faciunt, neque vulgaribus linguis sacra sua celebrasse. Verum id absque ulla probatione affirmat Bellarminus, & contra

omnem verisimilitudinem. Quandoquidem enim ex Theodoro & Chrysostomo jam jam didicimus illos Scripturam sacram in suam quemque linguam jam olim transfuisse, annon planè credibile est translationes illas factas, ut iis in sacris suis uterentur? Et certè Syros jam tum Syriacæ linguæ suam Liturgiæ celebrasse, inde manifestum est quod Syriacè Psalmos in exequiis decantabant. Ut testatur Hieronymus in epitaphio Paule, ubi Pompam & apparatus funeris ejus describens, *Tota, inquit, ad funus quæ Palestinarum urbium turba convenit. Hebræo, Græco, Latino, Syroque sermone psalmi in ordine personabant.*

XLV. Ac præterea Ephrem Edessæ Ecclesiæ diaconus circa tertium sæculum, vir suo tempore doctrinæ & sanctitatis fama celebris, multa Syriacè scripsit, & inter alia hymnos quosdam & psalmos, ut refert Theodoretus, qui Hieronymo & Sozomeno testibus, post lectionem Scripturarum palam recitabantur, & in Ecclesiis Syriacis cani solebant: argumento manifestum quod ibi Liturgia etiam tum Syriacè, ut hodie celebraretur. Cujus rei quoque indicium est, quod Ephrem ille, quamvis diaconus esset, & in publico cultu Ecclesiæ ministraret, Græcæ tamen linguæ penitus fuit ignarus, ut testatur idem Theodoretus. Nec enim si non Syriacè, sed Græcè, ut volunt illi quibuscum jam agimus, cultus divinus Edessæ administratus fuisset, vir ille aliqui sanctus & doctrina celebris, & ad quem pertinebat illa administratio, proculdubio linguam Græcæ non ignorasset.

XLVI. Sed quod maximè fidem facit cultum divinum olim celebratum fuisse lingua quæ plebs intelligebat, illud est quod sacra publica, non ab uno quopiam homine administrabantur, cum uno paucisque ministris, quemadmodum hodie sit in Ecclesia Romana, sed Presbyteri & Ecclesiæ totius conjunctis operis, sicut præscæ Ecclesiæ Doctores una voce & consentientibus suffragiis testantur. Sic enim habet Clemens Alexandrinus, Stromat. lib. 7. De cœtu fidelium loquens, *In orationibus veluti unam vocem communem habent & unam mentem.* Chrysostomus verò Homilia 18. in 2 Cor. *Non modo sacerdos gratias agit Deo, sed populus etiam totus.* Quid autem miraris, quando sacerdotem & populum in precibus colloquentes vides? Basilii autem in epistola ad Neocæsarienses narrat quomodo fideles nocturnis Vigilii psalmodiam instituebant, & postquam in duas partes divisi erant, solebant alternatim sibi invicem canere *ἀντιφάσει ἀλλήλων.* Atque hic mos quo populus in publicis precibus & psalmodiis suas partes gerebat, adhuc hideri tempore obtinebat. Sic enim habet libro de Officiis Ecclesiasticis cap. 10. *Oportet ut quando psallitur, ab omnibus psallatur, & quum oratur, ut ab omnibus oretur, quemque lectio legitur, factio silentio æque audiat ut cunctis.* Ac ut afferam exemplum aliquod istorum Sacerdotis cum populo colloquiorum, postquam Sacerdos dixerat *sursum corda*, populus respondebat, *Habemus ad Dominum*, ut ex Cypriano supra jam observatum fuit. Quum dicebat Sacerdos *Dominus vobiscum*, Respondebat populus, *Et cum spiritu tuo.* Ad singulas verò Presbyteri orationes totus populus magna voce acclamabat *Amen.* Quæ certè ritè & commodè peragi non poterant, nisi plebs Sacerdotem loquentem intellexisset.

XLVII. Sequitur ut solvamus argumenta adversariorum, quibus ostendi putant non expedire, ut cultus divinus linguis vulgaribus celebretur, sed tantum tribus illis quæ doctas vocant, Latina, scilicet, Græca & Hebraica. Et primò quidem urgent prærogativam linguarum illarum, quas Dominus, ut inquit, titulo crucis suæ honoravit, ut videre est Joan. 19. Ubi narrat Evangelista Hebraicè, Græcè, & Latinè cruci Christi fuisse inscriptum, *Iesus Nazarenus Rex Judeorum.* Respondeo primò quod titulus iste fuerit tribus linguis cruci Christi inscriptus, non fuisse factum Christi, sed Pilati, quo jubente fuit facta hæc inscriptio. Quis autem Pilati facta pro regula divini cultus in Ecclesia accipienda putet? Non negamus quidem istud contigisse certo Dei consilio, & per singularem Dei providentiam. Sed in eo divinæ providentiæ scopus non fuit tres illas linguas peculiariter consecrare, sed omnibus qui tum Hierosolymis erant, quique Christum in cruce pendentem videre poterant, notum facere Christum revera esse Regem populo Dei datum, & famam mortis ejus quaquaversum distundere. Nemo enim tum erat Hierosolymis qui non unam ex tribus linguis illis intelligeret. Quod si plures tum linguae Hierosolymis in usu fuissent, proculdubio Pilatus, Deo sic dirigente, illis quoque in ista inscriptione fuisset usus. Unde contrarium potius ducitur argumentum, nempe Religionis Christianæ mysteria omnium populorum linguis esse celebranda, ut Christi mors ejusque regnum tanto magis innotescat. Adde quod si tres istæ linguæ sanctificatæ censerentur, quod titulus crucis Christi illis fuerit inscriptus, multo magis reliquæ omnes orbis linguæ sanctificatæ sunt, quando per miraculum

Apostolis

Apostolis & eorum Discipulis fuerunt infusæ, ut iis omnibus Dei magnifica annuntiarent.

XLVIII. Præterea quoddam sacra publica non expedit lingua vernacula celebrari, inde probant Doctores Ecclesiæ Romanæ, quoddam videatur Majestas divinarum Officiorum requirere linguam magis gravem & venerandam, quam sint illæ quibus vulgò utimur. Respondeo unam linguam ex se non esse magis venerandam quam aliam. Veneratio enim linguæ conciliatur ex rebus quæ lingua traduntur: non verò ex lingua rebus veneratio accedit. Deinde quæ linguæ satis habent gravitatis & venerationis, ut in iis divina mysteria prædicentur, cur non satis quoque habebunt, ut in iis officia divina celebrentur? Nescio enim quæ major fingi potest majestas in Liturgia sacra, quam in ipsa Evangelii doctrina, & abstrusissimis ejus mysteriis. At omnibus linguis etiam vernaculis licet verbum Dei prædicare, & sacra Evangelii mysteria exponere. Deinde dicant quibuscumque nobis res est quæ in re consistat illa gravitas & reverentia Linguæ Latine vel Græcæ, præ linguis vulgaribus. Respondet Bellarminus linguas istas hoc ipso esse graviores & magis reverendas, quod non sint in usu vulgari. At si lingua quæpiam quo minus vulgaris est, eo plus habet gravitatis & venerationis, tum lingua Tartarica aut Turcica gravior erit & magis veneranda quam lingua Latina vel Græca. Nam in Ecclesia Romana longè minus vulgaris est Tartarica vel Turcica lingua, quam Græca vel Latina. Deinde lingua Græca & Latina quæ jam vulgares non sunt, vulgares olim erant, & quidem tum quum cultus divinus in illis institutus fuit. Itaque si judicium Bellarmini sequamur, Apostoli & eorum Discipuli, qui Liturgiam in Græcia Græcè, in Italia Latine celebrandam tradiderunt, quum in Italia Latine, in Græcia Græcè vulgus loqueretur, non satis ad divinarum officiorum majestatem attendere, nec ad eorum celebrationem linguam satis gravem delegerunt.

XLIX. Tertio sic ratiocinantur Scholæ Romanæ Theologi. Si ulla esset ratio cur Scripturæ sacræ in coetu fidelium lingua vernacula legi, & cæteræ Liturgiæ partes eadem quoque lingua administrari deberent, ea certè potissimum esset, ut omnes intelligerent. At populus non intelligeret Prophetas & Psalmos, & alia quæ in Ecclesiis leguntur, etiam lingua materna legerentur. Nec enim ipsi qui Latine sciunt propterea continuo Scripturas intelligunt, nisi expositores legant vel audiant. Quomodo ergo eas intelligerent homines imperiti? præsertim cum Scripturæ eo sint obscuriores quo magis in linguas peregrinas transferuntur. Respondeo verum esse Scripturas eo fine in coetu fidelium legi, ut possint à populo præsentem intelligi. Quod docet ipsa formula ordinationis Lectorum in Pontificali Romano, ubi jubentur verba Dei, id est Lectiones sacras aperte & distinctè ad intelligentiam & ædificationem fidelium proferre. Ad id verò quod objicitur, quamvis Scripturæ lingua vernacula legantur, non ideo tamen à plebe intelligi, respondeo in Scripturis passim quidem occurrere difficilia quidem, quæ quamvis lingua vulgari prolata non ideo tamen statim à plebe intelliguntur. At multa quæque in iis clara sunt quæ à quovis possunt facillè percipi, & unde plebs ipsa potest multum ædificari. An verò æquum est & consentaneum, ut propter quædam quæ plebs non intelligit ipsi occultentur ea quæ potest intelligere? Et quoniam non potest omnium scientiam assequi in ignorantia omnium detineatur. Adde quod quæ in sacris Scripturis obscura sunt assidua verbi Dei lectione & auditione paulatim clariora fiunt, plebsque illas audiens assidue prælegi lingua nota & vulgari phrasibus Scripturæ sensum assuevit, & in ejus notitia quotidie proficit. Et certè quod ex Scripturæ lectione, modo lingua vulgari fiat, populus fidelis possit officium suum & Dei timorem discere, inde manifestum est quod ob hunc ipsum finem Deus olim præcepit legem suam publice & solenniter legi, ut quivis à populo Dei audiret & discerent, timerentque Dominum, & servarent præcepta ejus, ut videre est Deuteronomii cap. 31. jam superius citato. Nec enim credibile est Deum finem intendere quem assequi non possit. Denique ne in ipsis quidem Homiliis & concionibus, quæ vernacula lingua apud plebem habentur, plebs omnia capit atque intelligit, an ergo propterea expediret illas haberi lingua non vernacula, sed ignota atque peregrina?

L. Sic etiam contra nos disputant Ecclesiæ Romanæ Doctores. Convenit, inquit, omnino ad unitatem Ecclesiæ conservandam, ut publicus usus Scripturarum sit in aliqua lingua communissima. Nisi enim sit Scripturarum publicus usus in lingua communi, tolleretur communicatio Ecclesiarum. Nemo enim neque doctus, neque indoctus frequentabit Ecclesias, nisi in sua patria, & præterea non poterunt heri ulla generalia Concilia. Nec enim Patres omnes qui ad Concilia veniunt habent donum linguarum. Sic argumentatur Bellarminus de hac ipsa re agens lib. 2. de verbo Dei cap. 15. Re-

spondeo publicum illum Scripturarum usum dupliciter intelligi posse. Vel de publico Scripturarum usu in Scholis inter eruditos, & in Pastorum & praeceptorum Ecclesiae conventibus. Et ita quidem admittimus ad Ecclesiarum unionem fovendam, & communicationem earum faciliorem reddendam, expedit ut sit lingua aliqua communis qua docti variarum gentium sacra tractent, & simul quum opus est Concilia celebrare possint. Et idcirco nos quoque in his Provinciis occidentalibus latinae linguae usum retinimus. Eaque lingua Doctores nostris utuntur in Scholis, & illam qui se sacro Ministerio dicant tenentur addiscere. Sed si per usum Scripturae publicum intelligatur Scripturae lectio in fidelium conventibus, & apud plebem Christianam, tum nihil necesse est uti lingua doctis communi: quandoquidem ista lectio non fit propter eruditos aut solos, aut praecipue, sed propter fidelium vulgus, cujus maxima pars est illiterata, imo quod saepe folis illiteratis constat.

LI. At si ita fit, inquit Bellarminus, nullus extra suam Patriam frequentabit Ecclesias. Cujus consequentiae vellem ut Bellarminus rationem afferret. Nec enim possum aliam divinare, nisi quia sic nemo extra suam Patriam intelliget Liturgiam sacram. Sed ex Bellarmini mente, intelligentia Liturgiae sacrae non est necessaria iis qui adsunt, & absque ea possunt salutariter celebrationi illius interesse. Itaque ne forte extranei quidam non intelligant Liturgiam sacram, dum vernacula lingua celebrabitur, expedire putat Bellarminus, ut celebretur lingua quam nec extranei, neque indigenae intelligere possint. Sed certe maxima pars extraneorum qui vel in Gallia, verbi causa, vel in aliis Provinciis versantur, linguam latinam minus intelligunt, quam linguam regionis in qua vel commercii causa, vel ob rationem aliam commorantur. Itaque si eorum habeatur ratio, usus linguae vulgaris in Liturgia sacra quam latinae commodior erit. Sed alia ratione longe commodiori extraneis provideri potest. Etenim cum non in pagis & oppidulis versentur, sed in magnis urbibus, si qui Reipublice & Ecclesiae curam gerunt volunt ipsis gratificari, assignandus est ipsis locus, in quo lingua ipsis nota & vernacula sacra administrentur, ut apud nostros sit Londini in Anglia, ubi sunt Ecclesiae Galliae & Belgicae, in quibus Galli & Belgae ad sacra conveniunt. Imo idipsum sanxit Innocentius Papa III. in Concilio Lateranensi, saeculo 13^o. *Quoniam, inquit, in plerisque partibus intra eandem civitatem atque diocesim permixti sunt populi diversarum linguarum, habentes sub una fide varios ritus & mores, districte praecipimus ut Pontifices ejusmodi civitatum, sive diocesum provideant viros idoneos, qui secundum diversitatem rituum & linguarum divina officia illis celebrent, & Ecclesiastica Sacramenta ministrent, instruendo eos verba pariter & exemplo.* Denique pari ratione aliquis colligeret conciones latine vel graece esse habendas, non vero vernacule, quoniam scilicet, dum vernacule habentur, extranei non possunt iis cum fructu adesse: quod quam absurdum sit nemo est qui non videat.

LII. Praeterea Bellarminus utitur ista ratione. In sacris mysteriis multa sunt quae secreta esse debent, ut etiam veteres docent, Dionysius scilicet, Origenes, Basiliius, Chrysostomus, & alii: Ergo celebrari non debent lingua quae vulgo nota sit, ne secreta illa prodantur. Respondeo primo, siquid valet haec ratiocinatio, culpandi erunt Apostoli, quos ipse Bellarminus agnoscit in magna orbis parte, videlicet in Provinciis Graeca & Latina lingua tum utentibus, cultum Dei instituisse lingua quae tum vulgo nota erat. Deinde dico hunc non esse Religionis Christianae genium, ut habeat ejusmodi occulta & arcana sacra, sed hoc fuisse proprium Ethnicae superstitionis, cujus cum sacra essent supra modum absurda atque ridicula, Satan astu quodam voluit illa plebem celari, & fieri in occulto, ne, si fierent in aperto, ab omnibus deriderentur, & statim vincerent. At Religio Christiana nihil habet cujus ipsam pudeat, quodque celatum velit fidelibus, quos contra jubet in suis maximis mysteriis sedulo erudiri. Imo ne quidem ipsis infidelibus occultari vult sua mysteria: neque Christiani primi & secundi saeculi ullo super ea scrupulo tenebantur, ut vel ex eorum ad principes Ethnicos Apologiis patet. Quod attinet autem ad Patres quos citat Bellarminus, verum est illos quidem nonnulla Religionis Christianae mysteria, praesertim quae sanctam Eucharistiam spectant, occultanda censuisse, sed non à fidelibus, verum ab infidelibus & à Catechumenis, qui nondum erant in numerum fidelium cooptati. Itaque ante sacrae Eucharistiae celebrationem jubebant Catechumenos, & eos omnes qui non erant de fidelium numero abcedere, & solos proprie sic dictos fideles remanere. At vero populum fidelem nihil omnino celabant. Ideoque mysteria sua lingua multitudini fidelium nota celebrabant, in Graecia scilicet, Graece, in Italia Latine. Neque timebant ne per id mysteriorum divinarum majestas vilesceret atque profanaretur.

LIII. Prae-

LIII. Præcipuum verò suæ causæ argumentum existimant Scholæ Romanæ Theologi se sumere posse ex usu Ecclesiæ Veteris & Novi Testamenti. Et primò quidem quod spectat ad Vetus Testamentum dicunt à tempore Esdræ, post captivitatem Babyloniam, linguam hebraicam desuisse esse vulgarem in populo Judaico, eique successisse linguam aliam, quæ Syriaca dicitur. Judæos enim per annos septuaginta quibus Babylone commorati sunt Patriæ linguæ fuisse oblitos, Chaldaicam verò linguam didicisse, non ita purè tamen, quin quædam ex priorî Dialecto retinerent. Unde tertia lingua conflatà est, quæ aliquid ex hebræo, aliquid ex Chaldæo idiomate retinet, & ad distinctionem Syriaca dicitur. Non obstante autem illa linguæ mutatione, Scripturam in Synagogis hebraicè fuisse prælectam, & reliquam Liturgiam eadem quoque lingua fuisse administratam. Judæosque etiamnum per totum orbem dispersos hebraicæ linguæ usum in cultu suo retinere.

LIV. Respondeo verum est hebraicam linguam tempore captivitatis Babylonicæ, à puritate sua multum degenerasse, sed non ita ut purus hebraismus à populo Judaico nequidem intelligeretur. Fateor quidem lapsu temporis corruptionem illam hebraici idiomatis inter Judæos magis ac magis fuisse auctam, insertaque fuisse paulatim multa Vocabula, non tantum Chaldaica, sed etiam græca & latina, & petita ex aliis gentium vicinarum linguis, flexionesque etiam verborum immutatas: ita ut jam tempore Christi, dialectus illa qua populus communiter utebatur, satis multum à pura hebraica differret: ut patet ex Vocabulis illis quæ Evangeliiis passim inserta sunt ex lingua tum apud Judæos vulgari. Veruntamen putandum non est tantum jam tum fuisse discrimen inter Judaicam vulgarem & hebraicam linguam, quantum hodie inter Syriacam & hebraicam cernitur. Etenim à Christi tempore Syriaca lingua multum adhuc immutata est, & ab hebraica longius recessit. Quicquid sit, certum est Judæos, quamvis à tempore captivitatis Babylonicæ ad Christum usque corruptè loquerentur, nihilominus purum hebraismum intellexisse. Et hoc quia scripta Mosis & Prophetarum familiaria ipsis usu quotidiano tam publico, quam privato reddebantur. In iisque etiam pueri diligenter instituebantur.

LV. Deinde etiam quoniam, licet judæi corruptè loquerentur, sermo tamen ille qui tum erat in usu communi apud ipsos non constituebat peculiarem linguam ab hebraica lingua proflus diversam: sed tantum erat linguæ hebraicæ dialectus, ad linguam hebraicam eodem modo se habens quo dialectus Dorica & Æolica ad Græcam communem: aut Leodienfium & Occitanorum loquela ad sermonem purè Gallicum. Quamvis enim ista linguæ Græcæ & Gallicæ idiomatica à puro sermone Græco & Gallico multum differant, nihilominus Dores & Æoles Græcum sermonem purum intelligebant, hodieque Leodienfes, Occitani & alij similes qui ad Galliam pertinent populi, quamvis Gallicè non loquantur, Gallicè tamen intelligunt, concionesque & acta publicè Gallicè apud ipsos habentur. Similiter ergo Judæi, quamvis vulgaris eorum sermo corruptus esset, & multum ab hebraica puritate degenerasset, nihilominus purum hebraismum intelligebant, eorumque loquela quantumcunque corrupta hebraica adhuc dicebatur, & eo nomine in Novo Testamento passim indigitatur. Vocabula enim ex vulgari Judaica, quam Syriacam vocamus, desumpta, quæ passim Novi Testamenti textui Græco inserta sunt, Evangelistæ hebraica vocant. Ita Matthæus capite 27^o. locum ubi Christus crucifixus fuit dicit hebraicè vocari *Golgotha*, quod cranium significat: cum tamen *Golgotha* sit vocabulum Syriacum quod dicitur in puro hebraismo *Gulgolthi*. Et similiter Joannes capite 19^o. scribit pavimentum dici hebraicè *Gabbatha*: cum tamen vox illa *Gabbatha* sit Syro-Judaica non verò purè hebraica.

LVI. Præsertim autem quod tempore Esdræ hebraicus Mosis textus à plebe Judaica adhuc intelligeretur, manifestè probari potest ex Nehemiæ capite 8^o. Primò enim dicitur Esdras Sacerdos attulisse legem coram multitudine virorum & mulierum, cunctique qui poterant intelligere, seu ut habet textus hebræus *Vecol bennebin lischnasab*, id est, cunctis qui audiendo intelligebant. Utur sit planum est ex textu multitudinem illam ab Esdra congregatam potuisse non tantum audire, sed etiam intelligere librum legis. Deinde versu sequenti dicitur quod in eo libro Esdras legit apertè coram viris, & mulieribus, & intelligentibus, & quod aures omnis populi erant erectæ ad librum. Præterquam autem quod ibi Esdras dicitur legisse eoram intelligentibus, si sermone ignoto lex prælecta fuisset, qui potuisset populus ad lectionem istam attendere, & aures arri-gere? frustra enim aliquis aures arripit ad ea quæ non potest intelligere. Denique versu 8^o. dicitur de Esdra, & aliis Sacerdotibus qui cum eo erant, quod legerunt in libro legis Dei distinctè & apertè ad intelligendum, & quod intellexerunt, scilicet Judæi

afiantes,

astantes, quum legeretur. Unde manifestum est legem ita prælectam, ut ab audientibus Judæis intelligeretur, ideoque illos adhuc hebraicè intellexisse: quandoquidem volunt illi quibuscum nobis res est, & nos quoque fateamur legem tunc fuisse hebraicè lectam.

LVII. At inquit Bellarminus, in eo capite Esdras & alii Levitæ dicuntur populo legem fuisse interpretati. Unde patet populum per se non potuisse intelligere ea quæ legébantur. Respondeo Levitas interpretatos fuisse legem apud populum, non quod singula verba legis ex una lingua in aliam transferrent, sed quod obscura loca explanarent, sensumque legis atque sententiam pluribus verbis indicarent. Qualiter & nos postquam Scripturæ textum vernacula lingua prælegimus, fufidus illum populo per concionem exponimus.

LVIII. Et certè quod aliquot adhuc post Esdras sæculis, inter Judæos scemine & pueri hebraicè, quamvis non purè ut antea, loquerentur & intelligerent, patet ex Josephi Judæi testimonio. Etenim in libro *ἀντιοχεύου τοῦ λαοῦ*, ubi martyrium septem fratrum & matris eorum sub Antiocho Epiphane describit, capite 12^o. narrat quomodo mater fratrum illorum minimum ad constantiam hortata est *ἰσχυρὰ πῦρ* hebraica lingua: nempe, ut videtur, ne Antiochus & Satellites ejus intelligerent. Unde patet inter feminas ipsas & pueros hebraicæ linguæ usum, saltem tunc temporis adhuc non desuisse.

LIX. Sed certè quamvis daremus aliquot post captivitatem Babylonicam sæculis linguam hebraicam minus Judæorum Vulgo fuisse cognitam, ideoque quum hebraicè Scriptura legeretur, illos satis non intellexisse, quare postrema hæc Ecclesiæ Judaicæ tempora, in quibus multæ & magnæ corruptiones in eam invaserant, nobis potius erunt hæc in parte pro regula, & exemplo cui conformemur, quam praxis tot priorum & meliorum sæculorum, in quibus indubium est legem publicè lectam, & totum divinum cultum administratum lingua toti isti populo vernacula, idque authoribus Mose & Prophetis, id est, Deo per Mosen & Prophetas loquente? Nec enim Doctores Ecclesiæ Romanæ in dubium revocant quin, saltem ad captivitatem Babylonicam usque, Judæi hebraica lingua communiter usi sint, & quin eadem lingua conscripti sint libri Mosis & Prophetarum, eademque lingua in templo & synagoga lecti, ubi cætera quoque quæ ad istorum temporum Liturgiam pertinebant hebraicè peragebantur.

LX. Quod attinet autem ad Ecclesiam Novi Testamenti pertendit Bellarminus Ecclesiam Christianam veram & Orthodoxam tribus tantum linguas usam esse in Scripturæ sacræ publicâ lectione, videlicet lingua græca, hebraica, & latina. Idque ex duobus demonstrari dicit. Et primo quidem ex eo quod Beatus Augustinus lib. 2. de Doctrina Christiana, capite 11^o. dicit ad intelligentiam Scripturarum esse necessariam cognitionem trium tantum linguarum, hebraicæ, græcæ, & latinæ, quod in istis linguis Scriptura divina legeretur. Sed Bellarminus Augustini locum fideliter non refert. Verba Augustini sic habent. *Latine lingue homines, quos nunc instruendos suscepimus, duabus aliis ad Scripturarum divinarum cognitionem habent opus, hebræa scilicet & græca, ut ad exemplaria præcedentia recurratur, si quam dubitationem attulerit latinorum interpretum infinita varietas.* Quis verò præter Bellarminum inde demonstrari putet Scripturam nulli gentium lectam fuisse, nisi hebraicè, græcè vel latinè? Cum Augustinus ibi de lectione Scripturæ non agat, sed simpliciter dicat hominibus latinis necessariam esse linguæ hebraicæ & græcæ cognitionem ad accuratam Scripturæ notitiam, ut linguarum istarum ope possint ad fontes Scripturæ recurrere. Bellarminus ergo falsam sententiam tribuit Augustino. Nec enim dicit Augustinus trium tantum linguarum cognitionem necessariam esse ad Scripturæ intelligentiam. Nam particula *santum* non habetur apud Augustinum. Neque dicit etiam trium istarum linguarum cognitionem simpliciter necessariam esse, sed solummodo hominibus latinis. Græci enim latinæ linguæ notitia opus non habebant ad Scripturam intelligendam. Ac denique falsam Augustino rationem supponit: quali, scilicet, urgeret trium istarum linguarum cognitionem, quoniam tribus illis tantum Scripturæ legerentur, cum Augustinus aliam planè rationem offerat, nempe ut linguæ græcæ & hebraicæ ope possit ad exemplaria præcedentia recurri.

LXI. Nec majoris est fidei & roboris altera probatio quam assert Bellarminus suæ assertionis. Nam, inquit, nullus antiquus autor meminit alicuius alterius Scripturæ editionis, præter hebraicam, latinam, & græcam. Et tamen tunc sine dubio erant aliæ multæ vulgares linguæ. Igitur saltem primis quadringentis annis, quibus Ecclesia maximè floruit, non legebantur Scripturæ lingua vulgari: sed profecto mirum est in

Bel-

Bellarmino, vel tantum ignorantia, vel tam parum frontis fuisse. Quis enim Vir Doctus potest negare, vel ignorare Scripturam sacram jam olim in varias gentium, etiam Barbararum, linguas fuisse translata, idque ab antiquis & indubie fidei authoribus asserti? Annon enim ad hunc numerum pertinent Chrysostomus & Theodoretus? Et tamen uterque, locis jam ante citatis, disertè docet Scripturæ sacræ libros translatos fuisse non tantum in Græcam & Romanam linguam, sed etiam in linguam Indicam, Armenicam, Persicam, Scythicam, & Sauromaticam, aliasque gentium aliarum linguas. Socrates vero testatur Uphitam quarto currente sæculo Scripturam in linguam Gothicam translulisse.

LXII. Instant tamen Doctores Ecclesiæ Romanæ, & dicunt illud saltem efficaciter & evidenter demonstrari posse, nempe cultum divinum quatuor primis à Christo sæculis, multis in locis fuisse administratum, & Scripturam publicè lectam lingua græca & latina, ubi tamen lingue istæ minimè vulgares erant. Et primò quidem probant auctoritate Hieronymi, illius tempore per totum Orientem in usu publico fuisse editionem Græcam LXX. interpretum, juxta triplicem emendationem, Origenis scilicet, Luciani, & Hesychii. Hieronymus enim præfatione in libros Paralipomenon ad Chromatium, docet à Constantinopoli Antiochiam usque in usu publico fuisse editionem Græcam LXX. Interpretum à Luciano recognitam, ab Antiochia verò ad Ægyptum codices Origenianos, denique Alexandriæ & in reliqua Ægypto exemplaria quæ correxerat Hesychius. Nam hæc sunt Hieronymi verba: *Alexandria & Ægyptus in LXX. suis Hesychium laudat authorem. Constantinopolis usque Antiochiam Luciani Martyris exemplaria probat. Medie inter tertias provincias Palestinæ codices legunt quos ab Origene elaboratos Eusebium & Pamphilum vulgaverunt.* Jam autem dicunt manifestum esse quod lingua græca vulgaris non fuerit & plebi usitata in omnibus hisce Provinciis.

LXIII. Et quidem quod ad Ægyptum attinet, certum est Ægyptios peculiarem habuisse linguam, quæ à lingua græca erat toto genere diversa. Quod autem lingua ista adhuc in usu esset circa tertium sæculum Antonii tempore, ex eo manifestum est quod Antonius iste Ægyptiacè scripsit Epistolas aliquot, ut testatur Hieronymus libro de viris illustribus in Antonio. Ac præterea per interpretem cum Philosophis Græcis quibusdam disputavit: ut scribitur in ejus vita quæ tribuitur Athanasio. Unde colligitur illum Græcè non fuisse locutum. Similiter in Syria, cujus Metropolis erat Antiochia, dubium esse non potest quin fuerit lingua quædam peculiaris, quæ Syriaca dicitur & hebraicæ affinis est, à græca vero lingua multum discrepet. Cujus rei argumentum est evidens, si non aliud suppetteret, quod Bardefanes, Ephrem & alii multa Syro sermone sibi vernaculo scripserunt, neque græcè intellexerunt, ut de Ephrem testimonio Theodoretus supra probatum est.

LXIV. Quod spectat autem ad Asiam minorem & varias illas regiones quæ Constantinopolim & Antiochiam interjacent, non minus evidens est Græcam linguam ubique non fuisse vernaculam, sed singulas ferè Provincias propriam linguam habuisse à reliquis omnibus diversam. Galatæ enim qui non longè admodum aberant Constantinopoli, peculiarem tamen linguam habebant Græcæ omnino absimilem, multum verò accedentem ad linguam Trevirensium, ut testatur Hieronymus præfatione libri secundi in Epistolam ad Galatas. Præterea Pontus, Cappadocia, Phrygia, Pamphylia, quæ pertinent ad illum tractum, distinctas habebant linguas à se invicem discrepantes, ut patet ex Actorum Apostolicorum capite 2º. Ubi Pontus, Cappadocia, Phrygia, Pamphylia recensentur tanquam Provincie variarum linguarum. Eiusdem verò libri capite 14º. mentio fit lingue Lycaonicæ, tanquam à Græca distinctæ, qua Lycaones utebantur. Cum enim Paulus & Barnabas Lytenses alloquerentur, dicuntur illi lingua Lycaonica exclamasse Barnabam & Paulum esse Deos qui è caelis in terram descenderant.

LXV. Denique certam hujus rei fidem facere potest Strabo Geographus ex ipsa Asia minore oriundus, qui singulas ejus Provincias curiosè peragravit, & accuratè descripsit, circa adventum Christi Domini nostri. Etenim Geographiæ libro 14º. testatur sedecim nationes fuisse intra Chersonesum illam quæ Asia minor communiter dicitur, & quam hodie Natioliam vocant. Et tamen ex illis sedecim nationibus tres tantum Græcas fuisse, cæteras verò Barbaras. Inter quas erant Cares, quas idem quoque testatur linguam peculiarem habuisse, quæ non parum à Græca differret. Quandoquidem ergo Ægyptii, Syri, multique illi & varii populi qui Asiam minorem olim incolabant, proprias habuerunt linguas quæ ab invicem discrepabant, neque omnibus fuit vulgaris lingua Græca, manifestum videtur Scripturam ipsis prælectam fuisse peregrina

&c

& ignota lingua, siquidem Ecclesiæ Provinciarum illarum Scripturas publicè legebant ex interpretatione LXX Seniorum, ut Hieronymum modo testantem retulimus.

LXVI. Respondeo primò quod dicunt Doctores illi quibuscum jam agimus, per totum Orientem tempore Hieronymi Scripturam fuisse lectam ex versione LXX Interpretum: adeoque cultum divinum ibidem Græcâ linguâ fuisse celebratum, respondeo, inquam, istud cum aliqua limitatione accipiendum esse. Etenim ibi Orientis nomine intelligi non possunt omnes omnino regiones Orientales, præsertim quæ erant extra imperium Romanum. Nam in India, Persia, Arabia LXX interpretum versio in usu nunquam fuit. Sed ut discimus ex Theodoro, in proprias linguas gentium illarum Scripturæ versæ erant: ac versionibus illis utebantur Christiani qui in locis istis degabant. Imò de ipsa Syria, quæ Imperio Romano parebat, jam probavimus in multis ejus locis, & nominatim Edessæ in Mesopotamia, Liturgiæ fuisse Syriacè administratam. Ac omnino consentaneum est, ut de partibus Ægypti remotioribus idem existimemus, nithurum Scripturam divinam ibi fuisse lectam, & totum divinum cultum celebratum lingua non Græcâ sed Ægyptiacâ. Nam Theodoretus loco sæpius memorato testatur Scripturam translatam fuisse in linguam Ægyptiam, quod non ob alium finem videtur factum, nisi ut ea lingua legeretur in Ecclesiis, quæ non Græcè, sed Ægyptiacè tantum intelligebant.

LXVII. Neque aliud sibi vult Hieronymus loco antè citato. Quod enim dicit Alexandriam & Ægyptum usam fuisse versionem LXX. Interpretum ab Hefychio emendatam, indichitè accipiendum est, non de tota Ægypto, sed de partibus illis ubi communis erat lingua Græca. Et similiter quod dicit medias regiones inter Antiochiam & Alexandriam Palæstinos codices legisse ab Origene recognitos, referendum est ad eas Syriæ & Palæstine partes ubi lingua quoque Græca communiter intelligebatur.

LXVIII. Sciendum est enim Græcos per magnam Orientis partem linguam suam variis modis propagavisse. Et primò quidem jam ante tempora Alexandri Magni, plurimis Colonis in varia loca deductis, præsertim verò in Asiam Minorem, ubi multæ erant civitates Græcæ. Deinde quoniam Græci præcipuè scientias & artes excoluerunt, nec viva voce tantum tradiderunt, sed & scriptis suis exornarunt, hinc factum ut plerique è Gentibus Barbaris Græcam linguam sibi familiarem redderent, ut ejus ope Græcos Philosophos audire & legere possent, & ita scientias & artes addicere: sed quod linguam maxinè propagavit fuit Græcorum Imperium. Toto enim Oriente ab Alexandro devicto, Græci duces cum secuti Provincias ab eo subactas post ejus mortem varie inter se partiti sunt. Unde multa Græcorum regna constituta sunt in Syria, Ægypto & Asia Minore. Ideoque cum ibi aulica lingua Græca esset, & jam Græcè redderentur, ac Commercia fierent, ac scientiæ traderentur, essentque multæ Colonie Græcæ, ac plurimi Græci passim indigenis permixti, ita familiaris Græca lingua redita est, ut viget forte ulli qui Græcè non intelligerent, in locis saltem frequentioribus, nec ita à magnis urbibus & principum sedibus remotis. Quemadmodum hodie videmus Hispanos & Lusitanos in illis Indiæ utriusque partibus quas sibi subjecerunt Hispanicam linguam propagasse, & vulgo notam reddidisse.

LXIX. Neque tamen in illis Orientis Provinciis ubi lingua Græca ita propagata est abolitæ sunt prorsus nativæ & vernaculæ indigenarum linguæ. Sed passim erant in usu duæ linguæ, propria, scilicet, cujusque regionis, qua vulgus loquebatur, & Græca quam communiter omnes intelligebant. Non secus ac hodie in Britannia nostra, quæ Annorica olim dicebatur, est lingua quædam prorsus à Gallica diversa, qua loquitur vulgus promiscuum, & tamen omnes, aut serè omnes saltem, Gallicè intelligunt, etiamsi fortè non loquantur. Idemque videre est in Vasconia & Occitania, ubi vulgus loquitur idiomate quodam, quod à purè Gallico sermone ita differt, ut à nobis non possit intelligi, & tamen ipsi Rustici & mulierculæ ibi Gallicè intelligunt, quanvis loqui non possint. Similiter ergo in Asia Minore, ac plerisque Syriæ & Ægypti partibus usitata erant, ut dixi, duæ linguæ, nativæ, scilicet, cujusque regionis, qua vulgus loquebatur, & Græca quam communiter omnes intelligebant, loquebantur verò plerique è non infima fece plebis.

LXX. Itaque frustra sudant illi quibuscum agimus, ut variis argumentis probent Galatas, Phrygas, Pamphilius, Cappadoces, Cares, Cilices, aliasque gentes Asiæ Minoris, ac multo magis Syros & Ægyptios peculiaries habuisse linguas. Nec enim hoc negant Protestantæ. Hoc autem perpendunt, nempe populos istos, præter nativum suum sermonem, Græcè loquutos fuisse, aut saltem intellexisse. Quod aperte docet Hieronymus eo ipso in loco quem citant Doctores Ecclesiæ Romanæ, ut probent Galatas habuisse

habuisse peculiarem linguam à Græca penitus diversam. Affirmat enim *Galatas, excepto sermone Græco, quo omnis Orient loquitur, tandem linguam habere quam Treveros.* Ubi manifestè asserit totum Orientem, id est, magnam ejus partem, quæ Romanis subdita erat, Græcè fuisse locutum, & Galatas duabus usos fuisse linguis, Græca multis populis communi, & alia quæ ipsis propria erat, & ad Trevirensium Gallorum linguam accedebat. Ita quoque Lycaones, ut patet ex Actorum capite 14^o. peculiare quoddam habebant idioma, & tamen Paulum Græcè loquentem intelligebant. Quod si una tantum lingua, Lycaonica nimirum, populus ille loquutus fuisset, non annotasset Lucas Lytrensescis vocem suam Lycaonicè fuisse. Nec enim quisquam annotaret plebem Parificensem fuisse Gallicè locutam. Sed planum est Lucam, dum notat turbas Lycaonicè exclamasse, linguam Lycaonicam opponere Græcæ qua Paulus loquebatur.

LXXI. Quandoquidem ergo lingua Græca per magnam Orientis partem communiter intelligebatur, non mirum si cultus publicus ibi Græcè administrabatur, & Scripturæ Græcè legebantur, cum in rebus quoque civilibus conciones & acta publica eadem lingua haberentur. Sicut etiam hodiè in illis Gallici regni Provinciis, quæ proprium quoddam habent idioma, veluti in Vascenia, Occitania, & Bearnia, cultus divinus Gallicè apud nostros administratur, & jus Gallicè omnibus redditur.

LXXII. Sed quod hic tollit omnem difficultatem & maximè pro nobis facit, illud est quod in illis Orientis Provinciis, ubi patet Scripturam Græcè fuisse lectam, & cultum divinum Græcè celebratum, manifestum est quoque ibi demagogias, & Homilias ad populum à Patribus Græcè fuisse habitas. Ita Græcè concionabantur, & populum docebant Alexandria in Ægypto Athanasius, Cyrillus, & Theophilus Patriarchæ Alexandrini; Hierosolymis Cyrillus Hierosolymitanus: Cæsareæ in Palestina Eusebius ejus Episcopus: Antiochiæ quæ erat Syriæ Metropolis Chrysostomus, cujus extant homiliæ multæ ad populum Antiochenum: Cæsareæ Basilus ejus Episcopus: Gregorius Basilii frater Nyssæ in Garia: Et Gregorius alter Nazianzenus Episcopus in Ponto. Homilias enim illi & Catecheses suas Græcè habuerunt, & scriptis mandaverunt. Atque huc usque multæ sunt in hominum manibus Græcæ eorum Homiliæ. Quod si in Provinciarum istarum angulis quibusdam & locis remotioribus plebs Græcè non intellexit, atque ad illam Græcè non fuerunt habitæ homiliez, indicio nullo probari potest cultum divinum ibi fuisse Græcè celebratum.

LXXIII. Sed quod maximè urgent Doctores Scholæ Romanæ illud est, Ecclesiam Occidentalem sacra sua semper Latine celebrasse, & à primis illis qui fidem Christianam in ea plantaverunt cultum divinum fuisse Latine institutum; cum tamen in ejus plerisque Provinciis lingua latina nunquam vulgaris fuerit. Ita in confesso est, atque ex Augustino & Cypriano patet, Ecclesiam Africanam cui ministrabant latina lingua in sua Liturgia usam fuisse, & in lectione quoque Scripturarum. Et tamen facile se probare posse putant in multis Africæ Christianæ partibus linguam latinam vulgarem non fuisse. Et hoc quia Augustini tempore lingua Punica adhuc in usu erat inter Afros, ut multis in locis Augustinus testatur. Jam autem dubium non est quin Punica lingua multum à latina differat, & hebraicæ sit affinis.

LXXIV. Respondeo ex Cypriano, Optato, Augustino & aliis constare quidem cultum divinum Latine in Africa fuisse administratum. At constare potest ex iisdem latinam linguam in Africa fuisse communiter intellectam. Lingua Punica quidem penitus non interciderat, sed tamen usus illius rarior erat quam lingue latinæ, plerisque erant qui Latine quam qui Punicè norant. Id testatur Augustinus sermone 26^o. de verbis Apostoli. Ubi sic Hipponensem populum alloquitur. *Proverbium notum est Punicum, quod quidem Latine dicam, quia Punicè non omnes nosti.* Ideoque libro 2^o. de Doctrina Christiana capite 10^o. Incolas Africæ vocat homines latine lingue. *Quum dicimus, inquit, bovem, intelligimus pecus, quod omnes nobiscum Latine lingue homines hoc nomine vocant.* Et in Psal. 50. *Omnes, inquit, novimus Latine non dici sanguines, nec sanguina, sed sanguinem.*

LXXV. Quod autem ipsa plebs infima Latine intelligeret inde manifestum est, quod Augustinus libro 1^o. Retractionum cap. 20. ait se quendam Psalmum latinis litteris composuisse contra Donatistas ob eam causam, ut ad ipsius humillimi Vulgi notitiam perveniret. *Volens, inquit, causam Donatistarum ad ipsius humillimi Vulgi & omnino imperitorum & idiotarum notitiam pervenire, & eorum quantum fieri posset per nos habere memoriam, psalmum qui eis cantaretur per litteras latinas scribi.*

LXXVI. Neque tantum erat latine usus communis Carthagine, & in aliquot aliis magnis urbibus & ad mare sitis, sed in Africæ quoque locis remotioribus & infrequen-

toribus, ut Thagaza in Numidia; in qua natus erat Augustinus sicut ipse testatur Confessionum libro 4^o. capite 7^o. Et tamen libro 1. Confessionum idem ait, *Latina didici sine ullo metu atque cruciatu, inter etiam blandimenta nutricum, & joca arridentium, & letitias alludentium.*

LXXVII. Quod autem linguam latinam in Africa ita communem reddiderat erat Romanorum studium in propaganda sua lingua, quacunque patebat ipsorum imperium: tum Romanorum frequentes coloniz, castra, & legiones; Adde quod ea lingua Romanæ leges scriptæ erant, & jura reddebantur: quodque in singulis urbibus qui dicebantur Curiales, id est, qui publicis negotiis præerant Latine loquebantur, & erant homines Latini. Unde factum ut populus omnis paulatim Latine lingue assuiceret, lingua verò Punica sensim exolesceret. Ideoque non tantum Liturgia sacra, sed conciones apud populum Latine habebantur, eaque lingua prædicabant Opratus Mileviranus, & Augustinus Hipponensis in Africa Episcopi, ut manifestum faciunt Augustini præsertim ad populum Homiliz, quæ hodieque extant.

LXXVIII. At instat Bellarminus, saltem negari non potest Rusticos quosdam Afros Latine non novisse. Id enim colligitur ex iis quæ refert Augustinus in Expositione inchoata in Epistolam ad Romanos. Respondeo, id quidem colligi posse videtur ex isto loco Rusticanos quosdam homines Latine non fuisse locutos. At inde quoque patet illos fuisse valde paucos. Cumque in ista Provincia longè plures essent qui Punice, quam qui Latine ignorarent, omnino consentaneum fuit, ut potius Latine, quam Punice sacra haberentur. Adde quod siquis Africæ Christianæ angulus fuit, ubi Latina lingua non intelligebatur, nil dicit Bellarminus quo probet ibi sacra non Punice, sed Latine fuisse administrata.

LXXIX. Quum autem Latina lingua in Africa tantum habuerit usum, ut ab ipsis imperitis & idiotis intelligeretur, sicuti jamjam Augustinum restantem audivimus, quanto magis illam communem fuisse censebimus in Hispania, & Gallia, aliisque Provinciis Italiæ Vicinioribus? Ideoque frustra laborant Scholæ Romanæ Doctores, ut probent ibi sacra Latine primum instituta fuisse, & ita ad nos usque perseverasse. Hoc enim fatemur quidem, sed illud quoque pertendimus, & possumus facile probare linguam Latinam in istis Provinciis intellectam fuisse, non tantum quando fidem Christianam susceperunt, sed multis quoque postea sæculis. Neque hoc de Hispania negant ulli viri Docti. Excepta enim Cantabria, & aliis quibusdam asperis Hispaniæ locis, Latina lingua non tantum ab Hispanis intelligebatur, sed & sermo eorum vulgaris facta erat, ut testatur Strabo in Geographicis. Ita Quintilianus, Seneca, Martialis, Latine lingue Auctores eximii ex Hispania oriundi erant: paterque Martialis Fronto, & Flaccila mater vocabatur, quæ ut apparet, nomina Latina sunt.

LXXX. Imo postquam Gotthi circa annum Christi 417. Hispaniam subegerunt, & ab Imperio Romano avulserunt, non ideo desit inter Hispanos lingua Latine usus. Sed Gotthi, quamvis linguam peculiarem haberent, ad linguam Latinam utcumque se accommodaverunt. Ideoque sub ipsis Gotthorum Regibus leges Latine remanserunt, eorumque Concilia tam politica, quam Ecclesiastica Latine celebrabantur. Ex eo quidem Latina lingua in Hispania corrupta est, verum paulatim non simul & semel: nec ita quin multis post annis lingua Latina adhuc utcumque intelligeretur. Ut colligere licet ex Isidoro Hispalensi, qui circa annum Christi 630. scribebat, sic enim ait libro de Officiis Ecclesiasticis, loco jam supra citato. *Oportet ut quando psallitur, ab omnibus psallatur, & quum oratur, ut ab omnibus oretur, & quum lectio legitur, ut factio silentio, audiat ut cunctis.* Ubi enim illud quod legitur non intelligitur nihil opus videtur auditione & attentione. Neque si sermone ignoto conceptæ fuissent preces, & decantati psalmi, videtur totus populus potuisse simul orare & psallere.

LXXXI. Quod spectat autem ad Gallias, multum quoque sumit operæ Bellarminus, ut probet Gallos, etiam quum Imperio Romano subiecti erant, peculiarem habuisse linguam. Qua de re nemo cum illo disceptat, & videtur ita fuisse. Nec enim Cæsar tantum, sed etiam Suetonius Vocabula quedam Gallica commemorat, qualia sunt apud ipsum, verbi causa, *Bucco* & *Alauda*. Hieronymus verò loco supra citato, mentionem facit lingue Trevironem, qui ad Galliam pertinebant. Sed quicquid hac de re sit, certum est in Galliis Latinam linguam, non minus quam in Africa, intellectam fuisse, tandemque factam fuisse Vulgarem, Gallicæ veteri paulatim obsolescente. Unde factum, ut postquam Franci Gallias invaserunt, Gallorum lingua Romana diceretur, ad distinctionem lingue Theuticæ, qua Franci primum loquebantur. Quæ ratio est cur libri Vulgari sermone conscripti dicti sint Gallicè *Romanè*. Quod nomen usque hodie remanet fabulosis illis libris quibus pascitur otiosa juvenitūs.

LXXXII. Quod

LXXXII. Quod autem res ita se habeat, quodque latina lingua apud Gallos tandem vulgaris facta sit, licet Galli minus congruè & ornate loquerentur, quam Romani & Itali ipsi, colligi potest ex eo quod Pacatus, Gallus cum esset, eo nomine se excusat apud Theodosium Imperatorem in illius Panegyrico, *Tum difficilius, inquit, pro genita atque hereditaria orandi facultate, non esse fastidio rudem hunc & incultum Transalpinum sermonis horrorem.* Mutata verò tandem cum tempore latina lingua in vulgarem aliam ex latina corruptam, usus linguae latinae diu remansit in foro & actibus publicis, adeo ut ante annos minus quam quadringentos Judicia publica, Edicta Regum, & ipsi contractus inter privatos lingua latina fierent. Saltem adhuc quinto saeculo linguam latinam à plebe intellectam adhuc fuisse docet Sulpitius in vita Martini. Cum enim quidam nomine Defensor impedire conaretur electionem Martini in Episcopum, casu accidit ut absente lectore, quidam à plebe recepto psalterio psalmum octavum legerit. Quam autem ad illa verba pervenisset, *ut destruas inimicum & defensorem*, notat Sulpitius clamorem populi sublatum fuisse contra Defensorem illum, quali notatum divinitus, uide factum ut electio Martini rata habita sit.

LXXXIII. Ideoque tum etiam conciones in Gallia latine habebantur, ut docet Profer Aquitanus, qui scribebat circa annum Christi 450. libro primo de vita Contemplativa. Ubi vult ut sermo illius qui praedicat sit *simplex & apertus, & etiamsi minus latinus disciplinatus tamen & gravis.* Atque etiam circa illud tempus scribebat Sidonius Apollinaris Episcopus Charomontanus in Armenia, in cuius scriptis extant sermones quidam latine apud populum Beturicensem habiti. Libro vero 2º. Epistola 10ª. queritur de linguae latinae apud Vulgus corruptione; *Nisi, inquit, meram Latine linguae proprietatem de trivialium Barbarismorum rubigine vindicaveris, eam brevi abolitam deslebimus.*

LXXXIV. Ex quibus omnibus concludere possumus omnino expedire, & ad Ecclesiae aedificationem necessarium esse, ut cultus divinus publice celebretur lingua utantur & orent, plebi praesenti intellecta, nec vim ullam habere quae contra proferre solent Scholae Romanae Doctores. Quod spectat autem ad preces privatas, quas singuli fideles Deo quotidie offerre tenentur, fatentur Doctores Ecclesiae Romanae licitum esse illas lingua Vulgari percipere, neque ulla publica lege in Ecclesia Romana videtur istud esse prohibitum. Imo fatentur illius Theologi eum qui sic precatur suarum precum fructum uberiorem referre, quam si aliter fiat. Veruntamen tuentur, tanquam licitas etiam & bonas preces conceptas lingua precantibus ignota. Imo per totam Ecclesiam Romanam plebs docetur preces suas ordinarias latine pronunciare, & praeter alios pauci sunt qui Orationem Dominicam, aliasque solennes in Ecclesia ista preces recitent Vulgari & Vernacula lingua.

LXXXV. Protestantium autem sententia est, illum qui precatur debere lingua sibi nota precari. Ac proinde orationes conceptas lingua quam non intelligit ille qui orat, damnant ut inutiles, & superstitiosas, & quae Deo non sint gratae & acceptae. Consentique per summum abusum plebem Christianam ad hoc institui, ut Deum lingua sibi non intellecta precetur, & sic ut nesciat quid sit illud quod à Deo petit, & ad eum possit applicari quod Christus duobus ex suis discipulis exprobat, *Nescitis quid petitis*, Matth. 20. 22.

LXXXVI. Et certe omnes illae Apostoli rationes quae supra sunt à nobis allatae, & quibus dehortatur fideles, ne in publicis Ecclesiae coetibus ignota lingua utantur & orent, multo magis concludunt neminem debere lingua sibi ignota suas orationes concipere. Nam si Apostolus non vult ut quis coram Ecclesia lingua ignota precetur, quoniam foret aditantibus Barbarus, nec possent Amen dicere ejus orationi & benedictioni, an probaturus fuisset ut quis, jam non aliis, sed sibi Barbarus fieret, & ea coram Deo pronunciaret, quibus ipse cum ratione non posset Amen dicere? Et an quis potest magis seipsum quam alios aedificare verba non intellecta demurmurans; aut num passurus esset Apostolus, ut minorem nostrae propriae aedificationis, quam aliorum in precibus & benedictionibus nostris rationem haberemus? Siquidem planum est illum damnare orationes, & gratiarum actiones in fidelium coetibus ignota lingua recitatas, hac ratione quod alius inde non aedificatur.

LXXXVII. Praeterea certum est, ut oratio nostra Deo grata sit, debere illum qui orat ad ea quae postulat à Deo attendere. Et inter conditiones orationis legitimae, & quae Deo placeat, ab omnibus Theologis requiritur, ut orans animo sit attentus, nec alibi mentem vagetur. Sed quomodo potest aliquis attendere ad ea quae lingua ignota pronunciat? Fieri quidem potest ut aliquis verba Barbara recitans, quae memoriter ipse

U u 2

didice-

didicerit, attendat ad verborum sonos; sed ut attendat ad res verbis illis significatas fieri nullo modo potest, si supponatur prorsus ignorare verborum illorum vium & significationem.

LXXXVIII. Adde quod non tantum attentio requiratur in oratione sed etiam zelus & ardor, quo necessario carere debet qui orat lingua peregrina & ipsi non intellecta. Etiam dum verbis intellectis concipit suas preces vix coerceri potest animus intra cancellos ita ut non divagetur; sensum languescit cor, refrigescit ardor, & manus remissæ fiunt. Quo magis id fiet si verba peregrina & barbara ore volvantur, & rapidâ linguâ effluant. Fervet animus dum verbis & rebus quæ de corde & ore suo emanant, attentus, iis tanquam alis sublimis fertur, & ad æthera volat. At aliis auxiliis destitutus necessario decedit in terram, & attentione & fervore destitutus fundit verba & voces, & nihil ultra.

LXXXIX. Insuper notum est varies debere esse affectus & cordis motus pro varietate rerum quæ à Deo petuntur. Intentius petuntur quæ spectant gloriam Dei, quam quæ ad propriam utilitatem pertinent, obnixius roganda quæ sunt ad salutem æternam necessaria, quam ea quæ sunt ad præsentem vitam commoda. Sunt & in orationibus passim sparsa loca in quibus pius & fidelis orans instantius urgere debet Deum; Et hæc destinantur adjuvando cordi in elevationibus suis. At si hæc omnia concipiantur lingua peregrina & oranti non intellecta, quomodo varios cordis & animi motus variis orationis partibus accommodabit? Casu fiet ut instantius & obnixius petat quæ minus obnixè debent peti. Remissior erit ubi maxime fervor requiritur: & instantior ubi fortasse remissior esse liceret.

XC. Tandem vix concipi potest quomodo oratio fieri possit cum fide quando sit lingua peregrina & non intellecta oranti. Adeo verum est hunc usum orandi lingua barbara cum omnibus conditionibus orationis è diametro pugnare. Etenim fides plane præsupponit cognitionem, nec ullam fiduciam possumus habere de futura exauditione nisi res quas rogamus bene noverimus, an scilicet bonæ, piæ, utiles, licitæ, Deo gratæ sint. At quam fides, quam cognitio potest esse in eo qui demurmurat barbaras voces quarum significationem minime callet? Et etiam si id noverit adjutus interpretatione & versione in vernaculam, nihil potest habere certi, sed nititur tantum hominum testimonio & fide. Præterea quis nescit sæpissime levissima mutatione & inflexione vocularum mutari sensum, at illa inflexio pronuntianti verba non intellecta facillima est, unde fieri potest ut plane aliena è mente sua petat ignarus verborum quibus Deum orat. Adde, orationem ad hæc præsertim institutam esse ut à Deo impetremus ea, quorum opus habemus pro variis temporis, ætatis, status, morbi, sanitatis, conditionis felicitis vel infelicitis circumstantiis: At quomodo hoc fiet & quo successu ab eo qui longo usu edoctus est in quavis occasione loco precum salutationem Angelicam, *Ave Maria*, &c. & Symbolum Apostolorum, *Credo in Deum*, &c. centies vel millies animo & lingua imo digitis revolvere. Ex his omnibus concludere possumus omnes orationes tum publicas, tum privatas lingua vernaculâ notâ & bene ab orantibus intellecta esse concipiendas.

ORATIO

ORATIO

De Scripturæ Sacræ

DIVINA ORIGINE;

Habita Sedani in auditorio Theologico 16. die Februarii anno 1660. ante promotionem Clarissimi & Doctissimi Viri, JACOBI ALPÆI ad gradum Doctoratus, & ejus inaugurationem in professionem Theologicam.

Precatio habita ante Orationem.

PATER cœlestis omnis bonæ donationis author supplices te rogamus ut propter dilectissimi Filii tui meritum, & obedientiam peccata nostra velis benigne condonare, nobisque indies amplius largiri Spiritum tuum Sanctum, qui nos magis ac magis emundet atque sanctificet ab omni impuritate & inquinamento corporis & animæ, & etiam regat & agat toto vitæ decursu, ne unquam à via salutis & veritatis aberremus. Præcipue vero, Clementissime Pater, digneris jam illius virtute nobis adesse, & sicientem nostram linguamque dirigere, ut quæcunque dicturi atque acturi sumus tibi grata sint & accepta, reque efficaciter benedicente cedant ad nominis tui gloriam, & Ecclesiæ ædificationem, ac commune hujus Academiæ bonum honorem & commodum, per Jesum Christum Dominum nostrum. Amen.

Nobilissime & amplissime Præses, Consultissimi & Amplissimi Viri Senatus supremi Consilarii, Ornatissimi & prudentissimi Academiæ Curatores, Magnifice Rector, Reverendi Pastores & Professores Doctissimi, totaque erudita & humanissima auditorum corona.

Universa Theologia principiis à Deo traditis & revelatis, & scriptura divinitus inspirata contentis utitur & nititur. Theologi munus & officium est oracula divina scriptis Prophetarum & Apostolorum olim consignata rimari & scrutari, & inde absconditos cœlestis sapientiæ thesauros eruere, & ad varios usus promere atque applicare; sive confirmanda sit salutaris veritas, sive confutandus error, sive mores instituendi, & hominum conscientia ad discretionem boni & mali informanda. Nec etiam Theologus quicquam proponere debet quod cum scriptura ad amissum non quadret, quicquid vero scripturæ vel tantillum repugnat atque contrariatur ex Theologia est proflus eliminandum. Proinde Theologiæ Doctorem & Professorem hodiè cum bono Deo sollemniter inauguraturi, de nulla re apud vos opportunius & convenientius differere nos posse censuimus quam de Scripturæ sacre divina origine, deque illius præstantia, dignitate & auctoritate quæ omnem humanam longè exsuperat. In hunc finem

selegimus scripturæ ipsius de se testimonium Apostoli Pauli, inter Scriptores sacros & divinos eximii, ore prolatum, & manu exaratum, linguam & manum movente & ducente Spiritu illo sancto, quo acti olim scripserunt & locuti sancti Dei homines. Nam Timotheo discipulo scripturæ sacræ lectionem commendans, *Tota, inquit, scriptura divinitus inspirata est.* Ad cuius testimonii pleniorē intelligentiam breviter, Deo favente, Videbimus quæ sit illa Scriptura sic dicta per excellentiam. Deinde quo sensu & qua ratione à Deo fuisse inspirata dicatur. Ac tandem inquiremus & expendemus notas & argumenta, quibus divina comprobari, & à scriptis omnibus humanis discerni & dignosci potest.

Nec autem hic à nobis exspectetur orationem ex Rhetorum præscriptis ornatam atque dispositam, in qua sit morosus verborum delectus & anxia periodorum ad certos numeros commensuratio, magnusque & splendidus figurarum apparatus. Quippe ista necessaria videntur solum ubi fucus est faciendus, & plebei ac vulgares animi commovendi. Si qua egent verborum ampullis, & oratorum variis pigmentis, sunt res per se tennes, & quæ metus est ne si nudæ conspiciantur, vilescant, & in contemptum adducantur. Res vero magnæ & præstantes non egent alia commendatione, quam ut aperte & nude proponantur, grandiumque & tumidorum verborum involucria, & multiplex figurarum color nativam eorum gratiam & decorem, obscurant potius & minuunt quam augent. Non secus ac in foeminis naturalis & germana pulchritudo neglecta quodammodo magis placet & afficit, fuci vero & nimius ac curiosus ornatus ad id solum comparata sunt, ut fallantur oculi, & naturæ nævi ac defectus tegantur. Itaque hic non oratorio, sed simplici & scholastico dicendi genere uti nobis propositum est. Eaque tantum cura nobis erit ut quæ de argumento tam gravi dicenda occurrunt, breviter, dilucide & clare exponamus.

Jam ergo, ut rem ipsam aggrediamur, ad hoc ut recte teneamus quæ sit illa Scriptura, quam divinitus inspiratam testatur Apostolus, res paulo altius repetenda videtur. Igitur sciendum est Deo optimo maximo visum fuisse bonitatem suam erga genus humanum modis omnibus declarare. Itaque non contentus naturalia homini indulgisse, voluit cum eo benignius agere, nempe ipsum ad cœlestem vitam & felicitatem vocando. Quare Deo non satis fuit hominem interius docere per infusum rationis lumen, & exterius per naturæ opera ipsi objecta, sed præterea modo quodam naturam superante, certiorē illum fieri voluit de sua voluntate, deque amore quo ipsum complectebatur. Idcirco dignatus est ipse cum homine loqui, & illum verbo suo instituere, tum circa officium quod Deo præstare deberet, tum quoque circa præmium quod in officio persans legitime posset à Deo exspectare, atque etiam de penis quæ merito essent ipsi pertimescendæ, si divinis iussis & monitis obsequi recusaret. Adeoque priusquam homo laboraret, & tenebras ei peccatum offunderet, Deus jam homini sese revelaverat, & expressis verbis ipsum admonuerat de multis quæ scire ipsius interesset, ut testantur prima capita Genesis in quibus Moses multa refert Dei cum primo homine colloquia. Homine autem in peccatum lapsa, & inde summa caligine menti ejus offusa, ut à lapsu illo resurgeret, & ad salutis viam revocaretur, multo magis necesse fuit Deum Verbo suo ipsi præluere, & promissis suis illi spem veniæ facere, ac Redemptorem indicare: ipsumque torpentem atque caligantem ad officium acrius excitare, & de faciendis atque fugiendis uberius & clarius edocere. Quod Deus olim præstitit per Patriarchas & Prophetas sibi invicem succedentes, donec Christus veniens promissiones factas patribus adimplevit, & cœlestem sapientiam hominibus tradidit longe copiosius, clarius atque distinctius, quam ullis fuerat retro sæculis tradita.

Quippe Deus Verbum illud suum & doctrinam cœlestem quam ipsi placitum est homini revelare, non una ratione hominibus tradidit: sed *πολυτρόπως & πολυεσπώς, multis partibus, atque multis modis*, ut docet Apostolus capite primo Epistolæ ad Hebræos. Primo, inquam, *multis partibus.* Deus enim non simul & semel totam salutis doctrinam revelavit, sed initio proposuit tantum quædam illius rudimenta, quæ subinde novis revelationibus auxit atque provexit, donec Dei filius in carne manifestatus doctrinæ salutis plenitudinem attulit, totumque Dei consilium de salute nostrâ nobis annuntiavit. Itaque primo illuxit velut aurora quædam, sensimque cœlestis illius diei benigna lux nova cepit augmenta, magisque ac magis splenduit, donec tandem ortus ille iustitiæ Sol qui nos hodie circumfulget.

Neque vero tantum *πολυτρόπως*, minutatim & per partes, Deus verbum suum & doctrinam cœlestem hominibus communicavit; sed id factum fuit etiam *πολυεσπώς, multis variisque modis.* Nam modo in somniis, modo per visiones, modo per Angelorum appa-

apparitiones & alloquia, modo per voces de coelo editas, modo denique per afflatus propheticos, Deus voluntatem suam, & quæ ad cultum ipsius pertinebant, hominibus patefecit. Sed, quod maxime notandum est, & præcipue facit ad rem præsentem, verbum Dei aliquandiu absque ulla Scriptura inter homines conservatum atque propagatum est. Postea vero Deus voluit verbum suum, id est, doctrinam salutarem & sacram, scripto consignari.

Etenim à principio mundi usque ad Moysen, per bis mille & amplius annos, nullis ex Dei mandato scriptis continebatur doctrina salutaris. Sed illam homines ex ore Patriarcharum hauriebant. Qui Patriarchæ, tum Dei apud homines ministri & interuentii, cæteros viva voce, & familiari institutione, absque ullo litterarum subsidio erudiebant. Atque non difficulter potuit eo modo doctrina sacra tum temporis incorrupta conservari. Paucis enim capitibus tota comprehendebatur, & adhuc planè tacita & abscondita erant pleraque mysteria quæ postea Deo revelare visum est. Cultus vero Dei simplicior & liberior erat, nec tam multis, ut postea fuit, ceremoniis ritibusque adstrictus. Adde quod Patriarcharum plerique tum Prophetæ erant immediatè à Deo docti & inspirati, ac proinde, si quid in doctrina sacra, Deique cultu dubium & controversum esset, facile erat ad eorum auctoritatem recurrere. Cæterique à vero deviantes & aberrantes ab iis ad sanam mentem, & rectam viam revocari poterant.

At sequentium sæculorum alia ratio fuit. Nam Deus Jacobi posteris sibi selegit ex omnibus gentibus in populum peculiarem. Cui ampliores, quam antea, & explicationes de Christo Redemptore promissiones dedit, & legem naturalem, quam augefcens indices hominum corruptio, & longus sæculorum lapsus totam pene ex cordibus & mente hominum obliteraverat, renovari & solemniter promulgari voluit. Ac præterea Deus isti legi addidit legem ceremonialem, qua cultus Dei externus, quem Deo visum est valde operosum reddere, multisque ritibus mysticis onerare, figillatim definiebatur. Et leges quoque politicas quæ judiciorum formam, & administrandæ illius Reipublicæ modum determinabant. Res vero tot, tantæque non satis tutò hominum memoriæ soli committi poterant. Summumque periculum erat ne fraudibus & corruptelis hominum obnoxie essent, si earum conservatio traditioni tantum, vivæque Patrum voci filios docentium demandata fuisset. Præsertim quum deessent longævi illi Patriarchæ, quorum doctrina & auctoritate cæteri in veritate & in officio contineri poterant. Idcirco Dei jussu omnia illa scriptis consignata sunt; ne per hominum incuriam atque supinitatem oblivioni mandarentur, aut per eorum fraudes & malitiam vitarentur & adulterarentur.

Qua in re Deus primùm usus est opera Moysi, qui Deo jubente litteris mandavit legem Dei moralem, ceremonialem, atque judicialem. Item vaticinia & promissiones de Christo Redemptore, una cum Historia Creationis Mundi, & Ecclesiæ ab Orbe condito ad Moysen usque tempus. Priusque Deus ipse exemplo præire voluit, quum legis suæ summam tabulis lapideis proprio digito inscripsit.

Eadem quoque ratione in conservanda atque propaganda veritate cœlesti sequentibus sæculis Deo uti visum est in Ecclesia Judaica, quum novam amplioris revelationis lucem per Prophetas à se missos ei indulsit. Etenim quæ illi primum vivæ vocis oraculo tradiderunt & docuerunt, eadem postea summam, Spiritu Dei excitant, scriptis exaraverunt.

Nec aliter factum est sub Novo Testamento in Ecclesia Christiana, quam sub Veteri Testamento in Ecclesia Judaica ante factum fuerat. Postquam enim Christus, qui est æterna cœlestis patris sapientia, Evangelicæ doctrinæ mysteria temporibus æternis tacita & occulta manifestavit & in lucem produxit, hominibusque viva voce, primò per se, deinde per Apostolos à se missos tradidit, eadem voluit litteris mandari Apostolorum & Evangelistarum hac in parte etiam ministerio usus. Et hæc sunt quæ nos habemus diligenter inculcata in quatuor Evangeliiis & Pauli Epistolis cæterisque libris Novi Testamenti.

Porro libri isti per Moysen & Prophetas, Deo jubente, olim Judaico populo traditi, simul cum iis quos Christi Discipuli Apostoli & Evangelistæ, ex Magistris sui mandato & inspiratione, Ecclesiis à se fundatis reliquerunt, constituunt Scripturam illam quam sacram atque divinam nominamus: quamque ipsi Authores sacri, ut Apostolus hoc in loco, Scripturam sæpius vocant absolute & per excellentiam. Etenim solemne est & utilissimum rebus omnibus quæ in genere aliquo cæteris antecellunt simpliciter nomen generis tribuere. Sic quum Apostolum dicimus plerumque singulariter Paulum intelligimus, quoniam ille plus cæteris Apostolis scriptis & laboravit. Sic sæpius in No-

vo Testamento Evangelii doctrina, nomine Verbi simpliciter designatur & intelligitur, quia nullum verbum est quod ad istius Verbi præstantiam accedat. Et sic quoque volumina illa quibus constat Scripturæ corpus Græcè τὰ βιβλία, id est, libri dicuntur per antonomasiam. Et etiam quum Latine loquimur librorum sacrorum Codicem Biblia nuncupamus, quoniam nulli libri sunt cum istis comparandi. Unde et quoque quod Judæi, quam nos cum illis Scripturam appellamus, vocant etiam *Mikra*, lectionem, quia divinæ illius Scripturæ lectio maxime solennis & usitata esse debet in Ecclesia Dei. Ad quod alludit Apostolus dum Timotheo dicit *attende lectioni* Scripturæ sacræ, lectionem assiduam ipsi commendans.

Ignitur jure merito scripta Prophetica & Apostolica Scripturam cum Apostolo vocamus Synecdochice & sensu quodam eximio, quia reliqua omnia scripta longe superant, istque tantum præstant quantum divina humanis, & terrenis cœlestia. Si quidem scripta illa arte humana elaborata non sunt, verum à Deo inspirata, ut hoc in loco testatur Apostolus, dum Timotheo dicit *Πάντα γὰρ διὰ Πνεύματος ἁγίου, omnia vel tota Scriptura divinitus inspirata est.* Etenim libros illos quos tanquam divinos & sacros veneramus scripserunt quidem homines nostri similes & *ἰσοῦσθαι*, verum id non fecerunt proprio motu atque consilio, & ex animi sui quadam electione, sed instinctu & motu divino, spiritu sancto, videlicet, illos extra ordinem ad scribendum movente & singulari quadam ratione impellente. Nam ut testatur Petrus posteriori Epistola, *Non voluntate humana allata est olim prophetia, sed acti à Spiritu sancto locuti sunt sancti Dei homines.* Ubi de prophetia Scripturæ cum loqui totus loci contextus arguit.

Præterea quæ continent isti libri sunt ut plurimum dogmata & mysteria quædam quæ non inveniunt & excogitavit ingenium humanum, sed quæ scriptoribus sacris supernaturali quodam modo innouerunt, Deo, scilicet, intus revelante & illuminante, aut etiam exterius mirabili quodam ratione docente. Sic Dei filius ipse *ἀποστόλων* discipulos suos docuit mysteria regni cœlorum. Et Paulus post Christi resurrectionem Apostolis additus capite primo Epistolæ ad Galatas testatur *se Evangelium suum ab homine non accepisse, neque didicisse, sed per revelationem Jesu Christi.* Et Prophetæ similiter illa quæ scriptis mandabant prius afflante Dei spiritu perceperant, aut ab Angelis Dei nuntius acceperant.

Quod spectat autem varias Historias quæ in Scriptura sacra reperiuntur idem ille Dei Spiritus est qui fecit earum delectum, quique mentem & calamum auctorum sacrorum direxit ut scripto redigerent quas judicavit ipse maxime idoneas ad Ecclesiæ consolationem & institutionem. Quinimo Scripturæ phrasæ & verba ipsa hominibus tribui non debent, sed Spiritui sancto, qui scriptoribus sacris non tantum res ipsas suggessit, sed etiam idonea verba quibus illas enuntiarent, quique adeo manu Prophetarum & Apostolorum scribebat, sicuti ore illorum loquebatur, juxta quod dicit Christus apud Matthæum alloquens discipulos suos. *Nolite cogitare quid aut quomodo loquamini, dabitur enim vobis in illa hora quid loquamini. Non enim vos estis qui loquimini, sed spiritus patris vestri is est qui loquitur in vobis.* Unde est etiam quod Paulus de mysteriis Evangelii loquens, 1 Cor. 2. dicit se ea loqui non sermonibus quos docet humana sapientia, sed quos docet Spiritus sanctus.

Ex his vero colligere licet quanta sit sacrosanctæ hujus Scripturæ dignitas atque præstantia supra scripta reliqua omnia, cujuscunque tandem sint generis. Nam alii plerique libri qui in manibus hominum versantur non aliud continent quam hominum inventa & humana ratiocinia; quales sunt illi qui tradunt scientias philosophicas, & artes quas vocant liberales. Sed, sicut jam dictum est, libri sacri continent mysteria divina, & ea quæ ex se non potuit communicari animus humanus, sed quæ necesse fuit à Deo revelari. Reperiuntur quidem alia scripta non pauca quæ de mysteriis quoque divinis agunt, deque iis quæ spectant Religionem illam quam Deus ipse verbo suo docuit, quales sunt multi docti piique libri quos Ecclesiæ Pastores & Doctores & olim scripserunt, & eundem scribunt. Sed in ejusmodi scriptis materia quidem divina est, utpote ex scripturæ fonte hausta atque deducta. Veruntamen in iis stylus, ordo, methodus Spiritui sancto, tanquam auctori immediato, minime tribui debent, sed hominum labori, curæ & industria. Ac proinde res quæ in illis tractantur divinæ sunt, sed humano modo traduntur. Verum quod attinet ad Scripturam illam, quam ut *ἀποστόλων* prædicat Apostolus, non tantum tractat illa res divinas, sed tractat etiam modo plane divino, nempe, verbis quæ non selegit homo, sed quæ dictavit ipse Dei Spiritus, & ordine quem non mens hominis adinvenit, sed qui ad Deum ipsum ut auctorem referendus est. Ac proinde in reliquis omnibus scriptis, quantumlibet pia & sancta

sancta sint, semper est aliquid humani, & homines merito eorum autores censentur & dicuntur. Verum in hac scriptura nihil est nisi Divinum, nec alium quam Deum autorem habet. Nam quod spectat Prophetas, Apostolos & Evangelistas, quorum manu & calamo Deus usus est in illa Ecclesie tradenda, ejus autores proprie non fuerunt, sed scriptores solummodo. Nec fere quicquam amplius hac in re ipsis tribuendum quam amanuensi, vel scribæ cui dictat vir doctus opus quod ipse composuit, cujusque solus agnoscitur Author, quamvis alterius pennâ, vel stylo in lucem edatur.

Unde sequitur libros quibus constat scripturæ canon autoritate quadam omnino singulari supra cuncta alia scripta, quæcunque tandem illa sint, eminere. Etenim in scriptis cæteris nihil repugnat aliquid erroneum & falsum reperiri: quandoquidem authores habent homines, quorum optimi, & sapientissimi in multis errant, & in multis labuntur. Ac propterea simplex eorum testimonium, ad veritatem firmandam non sufficit: Sed quod dicunt eatenus tantum recipiendum est quatenus scripturæ ipsi, & recte rationi conforme reperitur. At vero libri sacri ab omni prorsus errore sunt immunis, & per se fidem exigunt & merentur. Ac proinde sufficit ut aliquid affirmet ut pleno cum fidei obsequio suscipiatur. Estque eorum simplex testimonium qualibet ratione & demonstratione firmius. Idque quoniam sunt ipsius Dei opus, ac in totum procedunt ab illo spiritu veritatis qui nec falli nec fallere potest. Ut & Ecclesie dati sunt ad hoc ut sint fidei regula, & hæriter tanquam divina veritas teneatur quicquid in iis legitur, & scriptum reperitur, absque ulla animi dubitatione, vel hæsitacione; quantumcunque rationes & argumenta desint quibus aliunde probari & confirmari possit. Unde est quod libri illi Canonici dicuntur, quia, scilicet, sunt Canon, id est, regula ad quam omnia debent in Ecclesia probari atque examinari; ita ut nihil credi & recipi debeat quod non sit cum libris illis consentaneum; ut falsum, vero rejiciendum sit quicquid cum illis pugnat, & concordare non potest.

Porro scripturam sacram singulari modo à Deo processisse, eique talem & tantam auctoritatem competere, neque Paulus gratis asserit, neque gratis credunt Christiani. Nec vero fides nostra hac in parte nititur simplici & nudo ipsius scripturæ testimonio, quo se divinitus inspiratam affirmat: Sed abunde suppetunt rationes & argumenta, non solum quibus id sibi prudenter suadeant homines & pii & fideles, Sed etiam quibus adversus profanos, & verbi Dei contemptores, scripturæ autoritas & origo divina probari & defendi possit.

Certum est quidem neminem scripturam posse tanquam divinam suscipere fide vera & salutifera, nisi cujus Dei Spiritus cor tetigit, & intus oculos mentis illuminavit. Unde est quod fides dicitur donum Dei, Ephes. 2. Et profecto, si Apostolo teste, 1 Cor. 12. Nemo potest dicere Jesum esse Dominum nisi per Spiritum Sanctum, quomodo absque sancti illius spiritus opera posset quisquam ut Divinitus inspiratam amplecti, pio firmoque assensu, scripturam illam cujus præcipuum argumentum est Jesus ille Christus pro salute nostra mortuus, passus, & in gloriam assumptus?

Sed quamvis divina scripturæ veritas ritè & ad salutem nobis suaderi non possit, nisi per internam spiritus Divini operationem, & illustrationem; non tamen hic fingendus est ullus enthufiasmus, aut ulla privata & immediata spiritus revelatio, quasi fidelibus singulis spiritus sanctus in aurem insusurret, & privato ac expresso testimonio dicat, *Hæc scriptura divina est.* Sed id præstat Dei Spiritus sic mentem nostram intus afficiendo, ut liberata præjudiciis & pravis affectibus, quæ rectum rationis judicium pervertere solent, debite advertat & attendat ad ea quibus possumus & debemus induci ut scripturam divinam esse certò credamus, & de cœlesti illius origine firmiter persuadeamur.

Sunt autem illa varia & plurima. Sed propter temporis angustias ex multis pauca tantum delibabimus. Et primò quidem doctrinam & scripturam ab Apostolis & Prophetis traditam veram & divinam esse, & ad Deum tanquam autorem referendam, probatur ex miraculis & magnis & plurimis quæ olim in illius confirmationem facta sunt. Cum enim doctrinæ & scripturæ sacræ duæ sint præcipuæ partes *Lex & Evangelium*: lex quidem confirmata est mirabilibus illis quæ in deserto contigerunt, ut quod vox Deiloquentis, & legem suam claro eloquio pronuntiantis è medio ignis audita est: quod totos quadraginta annos in deserto singulis diebus esculento quodam manna pluit, excepto præcisè septimo cujusque septimanæ die, idque tanta copia ut ad gentem integram alendam sufficeret; quod in locis aridis ex durissimo silice subito torrentes aquarum eruperint, & ingenti populo potum abundè subministraverint; quod terra dehiscens vi-

vos absorperit Core, Dathan & Abiram adversus Moſen rebellantes; & plura ejuſmodi. Evangelio vero teſtimonium perhibuerunt infinita pene miracula Chriſti qui cæcis viſum ſæpius reſtituit, mortuos excitavit, tempeſtates verbo ſedavit, & paucis panibus multa hominum millia cibavit: tum quoque viſibilia & plane ſtupenda Spiritus ſancti dona quæ Chriſtus Dominus noſter, juxta quod pollicitus erat, effudit in primos credentes; ita ut derepentè loquerentur variis & peregrinis linguis quæ nunquam didicerant, morbos quoviſ ſanarent, ſerpentes & ipſos dæmonas expellerent, neque venenis lædi poſſent, & miranda alia quam plurima patrarent. Cum enim talia ſint ſupra naturæ vires neceſſe eſt Deum in illis exeruiſſe ſuam potentiam. At nefas eſt cogitare Deum voluiſſe uti ſua omnipotentia ad fidem faciendam ſcripturæ & doctrinæ quæ falſo & injuria ipſi aſcriberetur, quali voluiſſet ex compaſto cum hominibus mentiri.

Verum hic inquiet aliquis, miracula illa facta quidem dicuntur, ſed unde ſcire poſſumus illa revera facta eſſe? Et Annon æque incertum eſt vera ſint illa miracula, quam hoc an divina ſit ſcriptura illa in cujus confirmationem facta eſſe dicuntur? Reſpondeo quod iſta revera contigerint ex ipſis ſcripturis noſtris efficaciter probari poſſe. Etenim ſcriptores noſtri iſta eo modo ſcripſerunt ut fieri non poſſit eos hac in re falſum dixiſſe. Quod attendenti non eſt difficile animadvertere. Negantem enim, ſive dubitantem vera eſſe quæ narrat de miraculis iſtis ſcriptores noſtri. Moſes & Paulus exempli gratia, rogabo num velit in dubium vocare Moſen quendam fuiſſe, qui Iſraelitico populo leges dedit, & quædam volumina ſcripſit: & ſimiliter fuiſſe quendam, Paulum, qui doctrinam Chriſti prædicavit & ſcripſit quaſdam epistoſas quæ nomen illius præferunt? Hac de re certè nemo hæcenus dubitavit: nec ipſi quidem Athei hoc negare voluerint, vel auſi fuerint. Et revera id teſtatur facta tam conſtans, tam perennis, ita omnium, etiam adverſariorum, conſenſu recepta ut de hoc dubitare delirare plane eſſet. Crebra enim Moſis & ſcriptorum ejus mentio ſit apud Ethnicos. Neque Judæi & Mahumetani Chriſtianorum hoſtes inſenſibiliſimi Apoſtolos noſtros fuiſſe & ſcripſiſſe negant, ſive dubitant. Quod, ſi quis vellet illud pertinaciter in dubium vocare, eò adigendum eſſet ut dubitationis ſuæ cauſam aſſerret, & rationem aliquam cur fidem non habeat concordii totius orbis teſtimonio. Et cur credat potius Herodotum & Titum Livium fuiſſe & ſcripſiſſe, quam Moſen atque Paulum. Et certè fruſtrà in hoc probando laboramus, quandoquidem res eſt in conſeſſo. Neque enim illi qui verbum Dei rejiciunt negant Authores illos, quos pro ſacris habemus, fuiſſe & ſcripſiſſe, ſed illos vera non ſcripſiſſe blaſphemant.

Age ergo videamus an fieri poſſit ut vera non ſint ea quæ de miraculis iſtis à Moſe & Paulo narrantur. Certè, ſi vera non ſunt, aut decepti ſunt illi in ſcribendo, exiſtantes contigiſſe ea quæ reverà non contigerant: aut ſcripſerunt animo fallendi, & conati ſunt falſa pro veris obtrudere. Prius dici non poſſe. Non enim iſta tanquam aliunde accepta referunt, ſed à ſeipſis geſta, ſive viſa teſtantur. Oportet ergo ut voluerint fallere, Moſes Iſraelitas, & Paulus Corinthios, Galatas & alios. Et ſic ſentiunt homines profani, qui Moſen & Paulum accuſant impoſturæ. Videndum eſt igitur an fuerint impoſtores, qui conati ſunt ſuadere iis ad quos ſcribebant, & in quorum manus ſua ſcripta tradebant, hæc & illa miracula & prodigia facta fuiſſe, cum tamen iſtorum nihil factum fuerit.

Certè ſolent impoſtores & illi quibus eſt animus decipere, ſic procudere mendacia ſua ut facilè non poſſint argui mendacii ab iis quos deceptos volunt. Ita Numa qui Romæ ſuperſtitionis ritus proſoſque inſtituit, ſiſtebat ſe de nocte colloquia habere cum Nimpha Egeria, verùm ſolum cum ſola, & quorum nemo teſtis eſſe poterat. In Alcorano quoque Mahumetis portentofa quædam narrantur, verum non tanquam facta ante hominum oculos, ſed quorum fides penes ipſum eſſet. Si quis vero portenta & ſomnia narraret, & tamen de eorum veritate provocaret ad ſenſus eorum quos alloqueretur, ut qui jam commemoraret Moſæ: aquas retrò fluxiſſe, & ſanguine pluviſſe nobis inſpectantibus, & illud ipſum nobis perſuadere veller, hoc jam non eſſet impoſſura, ſed dementiæ quoddam genus plane inuſitatum atque incredibile: neque hoc cadere poſſet in eum qui non omnino furit & atrà bile percitus eſt. Jam vero miranda illa quæ habentur apud Moſen, veluti quod mare ſiſſum eſt ut per illud ſicco pede tranſirent Iſraelitæ: quod terrifica Dei vox audita de monte Sinai: quod in deſerto pluuit Manna & Coturnicibus; quod aquarum rivi ſæpius è petrâ educi ſunt, quodque illi ex Iſraele quos preſteres & ſerpentes ignei momorderant aſpectu Serpentis ænei ſanarentur, & plura ejuſdem generis; miranda, inquam, illa non commemorat Moſes tanquam quæ contigerit aliis temporibus, aut in locis diſtinctis: ſed contigiſſe narrat illo ipſo tempore, &

& eo ipso in loco quo scribebat : Imo vidente, atque advertente tota gente Israeliticâ, in cuius gratiam scribebat, & cui scripta sua tanquam divina commendabat. Atque de miraculorum istorum veritate provocat ad oculos & aures Israelitarum, quibus inculcat pluribus in locis quomodo propter ipsos Deus miris plagis Ægyptum percussisset, viam ipsi per mare straverat, & undis ejus Pharaonem cum toto exercitu ante oculos ipsorum obruerat : quomodo ipsi audierant Dei vocem è medio ignis, & columnam ignis de nocte, nubem verò de die in deserti solitudinibus præeuntem viderant : quomodo denique manna pasti fuerant, & poti aquâ saliente de petrà, quo nomine animi ipsorum erga Deum ingratum graviter & sæpe objurgat.

Similiter Paulus Apostolus, quum haberet apud Corinthios quosdam æmulos & invidos, qui Apostolatam ejus conabantur in dubium vocare & suspectum reddere, de veritate sui Apostolatam provocat ad miracula & signa quæ in medio eorum facta erant. *Indicia, inquit, Apostoli edna sunt apud vos in omni patientia, per signa, & prodigia, & virtutes; 2 Cor. 12. ver. 12.* Et in priori Epistola pluribus capitibus differit de miraculis Spiritus sancti donis, de dono sanationum, de operatione virtutum, de dono Prophetiæ, & de dono loquendi & interpretandi peregrinas linguas subito spiritus afflati, tanquam de rebus in medio eorum notis & usitatis; eosque monet ne sibi mutuo invident ob ejusmodi dona : atque etiam reprehendit quod aliquando istiusmodi donis ambitiose urentur, & donorum istorum legitimum usum præscribit. Galatas vero arguens quod à vera fidei doctrina deficerent, ut veteris legis opera sectarentur, illis in memoriam revocat visibilia Spiritus sancti dona, quæ ipsi quoque acceperant, postquam prædicationi illius credidissent, & virtutes, id est, opera miraculosa quæ Deus per eos operatus fuerat. *Hoc solum à vobis, inquit, volo discere, Ex operibus legis accepistisne spiritum, an ex auditu fidei? Et postea, qui ergo tribuit vobis spiritum, & operatur virtutes in vobis num id facit ex operibus legis, an ex auditu fidei? id est, per fidei prædicationem atque susceptionem? Galat. 3.*

Si ergo ista omnia mendacia sunt & figmenta, certè Moses & Paulus non fuerunt, ut profani criminantur, veteratores & homines callidi, quibus propositum fuit homines decipere, & mundo illudere. Nemo enim decipi potest in iis de quibus ad aures, ad oculos, & experientiam illius provocatur. Sed necesse est ut fuerint, absit blasphemia dicto, homines plane furescentes & insani. Atqui scripta eorum, judicibus ipsis Atheis, satis arguunt eos fuisse mentis compotes. Loquuntur enim sibi coherentia, & in quibus multum cernere est prudentiæ & sapientiæ.

Deinde ingamus eos fuisse homines insanos qui summa cum amentia, five imprudentia, scripserint & pro veris obtulerint ea mendacia de quibus poterant palam & ab omnibus argui, unde factum est igitur ut Israelitæ Moſen, Corinthii, Galatæ, Romani alijque Paulum, tanquam viros divinos & sanctos suspexerint, & disciplinam eorum suscepissent tanta cum reverentia, licet in multis carni ingrata sit & onerosa, & affectibus humanis repugnet, nec ullum inde ad eos qui sic decipi voluerint, si res ex sensu hominum æstimetur, redierit emolumentum? Certè nullum miraculum, neque ullum præteritum magis est incredibile quam hoc, doctrinam hominum insanorum, eorumque crassa & fœda mendacia, sine ullo adjumento, vel divino, vel humano, fidem tantam obtinuisse apud eos ipsos quibus impossibile erat insaniam & mendacia eorum non agnoscere & animadvertere.

Quandoquidem igitur quæ Moſes & Paulus memorant de miraculis factis in confirmationem Legis & Evangelii, eo modo scripta sunt ut illi quibus scribebant, & quibus cum vivi præsentefque agebant statim agnoscere potuerint verumne an falsum dicerent, cum sint res de quibus ad eorum experientiam & sensus provocatur, & tamen scriptis illis tanta fides habita sit ab illis qui primi ea susceperunt, & deinceps usque in hodiernum diem; plane necesse est eos vera scripsisse, & vera esse miracula quæ narrant, ac proinde veram esse scripturam & doctrinam in cuius confirmationem Deus illa fieri voluit.

Et certè, si res in se consideretur, & de ea humano more judicandum sit, nec respectamus ad vim quandam & divinam & extraordinariam, omnia videntur obitare debuisse quominus scripturæ sacræ & doctrinæ Christianæ, cuius illa summa & fundamentum est, ab hominibus fides adhiberetur & præstaretur obsequium. Nam credenda propositione mysteria plurima quæ sensus humanus stultitiam judicat, eaque jubet & exigit quæ maxime repugnant humanis affectibus, nempe, ut Christi crucem bajulemus, nos ipsos abnegetemus, & pro Christo crucifixo parati simus opes & voluptates relinquere, & vitam profunderet. Deinde qui doctrinam illam hominibus annunciarunt & primi gentibus ac populis variis scripturam tanquam divinam commendarunt, non usi sunt arte & eloquentia,

quibus hominum animi flecti solent. Neque apud homines valuerunt autoritate, seu sapientie & doctrinæ famâ. Nec fuere viri potentes qui minis & armis terrere potuerint & ad doctrinam suam suscipiendam cogere. Sed fuerunt plerique viri rudes & idiotæ, vitam tolerantés mechanicis artibus : ex Judæorum gente cæteris omnibus contempta & exosa : ab iis, qui tum docti & sapientes existimabantur pro barbaris & insciis habiti. Adde quod res ipsis erat cum hominibus diversæ religioni innutritis quique multis & magnis præjudiciis occupati erant. Nam superstitionem à qua avertebantur à majoribus acceperant, eamque firmatam videbant populorum consensu, sapientum calculo, & magnatum autoritate. Nec etiam dici potest quot & quam acres & potentes hostes doctrinæ scripturæ contenta habuerit. Nam Philosophi gentium & ipsi quoque Judæorum magistri quantum ad illud quod est in ea præcipuum, magno conatu eam impugnabant. Et hi quidem posteriores autoritatem suam, quæ apud suos erat maxima, opponebant. Illi vero priores in eam omne ingenii acumen exerebant, & faciundum explicabant. Ac præterea Magistratus & principes sæculi atrocissimè persequuntur eos qui illam amplexi fuerant & in eos omni genere suppliciorum sæviebant. Et tamen paucis annis postquam prædicari coepit Evangelium doctrina Christi totum fere orbem pervasit, & scriptura sacra, quæ illius liber est ubique tanquam divina recepta est, & sectatores invenit innumeros qui illam ut à Deo profectam venerati sunt, & proprium intellectum in obedientiam illius captivarunt. Cum ergo doctrinam & scripturam sacram ex parte hominum nihil adjuverit, sed contrà omnia habuerit adversa, necesse est ut hdes quæ illi habita est unius Dei virtuti ascribatur ; neque proficisci potuit nisi à vi quadam divina quæ doctrinam illam sacram comitata est, eamque tum interioribus cordibus hominum inculpavit ; tum exterioribus variis prodigiis & signis confirmavit. Cum, si quæ alia facta latè seipit, & multos sectatores invenit, id factum sit humanis mediis. Nam Mahumetismus, exempli gratia, brevi per Provincias multas propagatus est. Sed id factum est armis & vi aperta : deinde quod doctrina illa in multis carni adblatiditur.

Sed vis illa divina elucet potissimum in constantia, numero, & conditione Martyrum qui scripturam proprio sanguine obsignarunt, unde pro scripturæ divina origine validissimum ducitur argumentum. Cum enim per naturam homini nihil sit vita carius, qui factum ut tot homines pro defensione scripturæ & doctrinæ quam tradit mortem libenter oppetiverint, nisi singulari quadam Dei virtute quæ penitus eorum animis insederat ? Aliquando quidem sævitum est in quosdam hæreticos & supersticiosos, & pauca forte reperiri possunt exempli eorum, qui ex animi quadam ferocia & obstinatione, mori potius elegerunt quam ut à semel arrepto errore dimoveri se paterentur. Sed nullus est error, nulla superstitio & doctrina humana, quæ multos habuerit Sectatores tam obstinatos, ut quum abnegata sua impietate, evadere possent salvi & incolumes, supplicia tamen & tormenta perire non recusaverint. Verum quum Apostolica & Prophetica scriptura & doctrina primum per orbem propagari coepit, nec dum censei posset traditione majorum & consuetudine firmata, quibus maximè radicibus humana instituta hominum animis solent adhærescere, non pauci quidam reperti sunt, sed innumera hominum millia omnis ætatis, omnis sexus, omnis conditionis qui dirissima quæque mortis genera perpessi sunt potius quam scripturæ doctrinam abnegarent : licet sola ejus abnegatione possent non tantum vitam redimere, sed etiam bonis & honoribus suis cum concivibus æquali jure frui. Neque censei possunt ferocia, vel stupiditate, aut animi quodam morbo, in mortem certam ruisse ; cum sæpe ab ipsis hostibus extorserint testimonium animi recte compositi, & inculpate vitæ, & in ipsa morte testati fuerint summam modelliam, summam humanitatem & animi præsentiam. In quo certè, nisi quis ultro claudat oculos, facile digitus Dei notari potest.

Neque vero parvi momenti est gentium, imò sectarum variarum, in agnoscenda scripturæ divinitate consensus. Cum enim hodie vigeant tres præcipuæ sectæ, in multas alias postea subdivisæ, Judaica scilicet, Christiana, & Mahumetana, quæ jam à multis sæculis orbis partem maximam occupant, Judæi, Christiani, & Mahumetani omnes Veteris Testamenti autoritatem agnoscunt : Novum vero Testamentum, licet ex Veteri probetur, Judæi quidem rejiciunt ; sed Mahumetani illud nobiscum in pretio habent, & Christum, saltem tanquam maximum Dei Prophetam, venerantur. Quid autem compellere potuit, tot populos, moribus alioquin & sententiis inter se discrepantes, & acerrimis odiis sese mutuo prosequentes, ut libros hosce tanquam sacros & Divinos probarent, nisi vis ipsa veritatis, & Divina quædam efficacia ?

Sed

Sed præter hæc ad conciliandam scripturæ authoritatem & venerationem non parum facit illius antiquitas, & cura Dei in ea conservanda. Etenim libri Moïsi sunt omnium qui extant longè antiquissimi. Imo nulla sunt scripta profana quæ Davidis aut Solomonis antiquitatem æquent. Et tamen totus Orbis adversus scripturam bellum diu gessit, & conatus est illam abolere, ut Judaicis temporibus Antiochus ille Epiphanes: Christianorum verò memoria Imperatores Romani, quorum tanta fuit potentia, & tam latè patens imperium. Verùm quantum fategit mundus eam abolere, tantum vigilavit Dei providentia ut salva & integra huc usque permaneret.

Præcipue vero divinam scripturæ originem arguunt & evincunt Prophetarum prædictiones. Etenim folius Dei est certò & distinctè prænosse futura contingentia, & decemum multis post sæculis eventura. Ac proinde talia prædicere nemo potest, nisi divini spiritus afflatu. Sed Prophetæ multa prædixerunt, quorum nulla in rerum natura causæ apparebant, & quæ diu post mortem eorum impleta sunt. Ita Esaïas Cyrum nominavit, imperiumque & miram felicitatem illius prædixit centum quinquaginta annis priusquam Cyrus nasceretur. Ita Jeremias Propheta septuaginta annos captivitatis Babylonice prædicere numeravit priusquam Judæi essent Babylonem abducti. Ita denique Daniel de Monarchia Persarum & Græcorum, deque Alexandri Magni successoribus, & de Antiocho præsertim Epiphane, qui templum Dei profanavit, clarè admodum vaticinatus est.

Sed, quod maximè notandum, est, quæ nos docet Evangelium de nativitate, de vita, de passione, de morte, de sepultura Jesu Christi; de ejusdem resurrectione & ascensione in cælum: item de fructu mortis & passionis ejus: de Gentium vocatione, Judaicæ gentis desolatione, & ceremonialis cultus abrogatione, cum singulis ferè harum rerum circumstantiis, reperiuntur in Prophetis clarè & apertè prædicta. Inter alia insigne est Esaïæ caput 53. Ubi de Christi Redemptoris nostri morte & passione, & pro peccatis mundi oblatione, imò de genere mortis & sepulturæ ejus tam distinctè & clarè loquitur ut videatur narrare rem gestam, non futuram prædicere. Et Danielis caput 9. ubi expressè designat tempus quo Christus adventurus erat statimque excidendus, & sacrificiis finem impositurus: nimirum post 70. annorum septimanas, quas seculorum erat horrendum totius gentis Judaicæ excidium. Ita ut conferenti Moïsi & Prophetarum de Messia oracula cum Evangelicâ de Christo historiâ, mirus ac planè stupendus statim appareat consensus. Unde manifestè probatur & prophetarum libros esse divinos, quandoquidem continent prædictiones rerum quæ tanto post temporis spatio contigerunt: & Evangelicam quoque historiam veram & divinam esse, siquidem Deus per Prophetas tot ante sæculis ipsi testimonium perhibuit.

Porro hæc vaticinia à Christianis non esse conficta testantur Judæi Christianorum hostes, & tamen Propheticoorum librorum assertores atque vindices acerrimi. Et præterea quod maximum illud religionis Christianæ odium non potuit eos compellere ut vaticinia illa tantoperè ipsius adversa è libris suis eraderent, hoc ipsum, inquam, eos liberat à crimine cujus Ethnici quidam suspectos eos reddere voluerunt, quasi illa de Cyro & Alexandro Magno vaticinia libris suis intersissent ut gratiam istorum regum aucuparentur. Etenim si tantum sibi licerè putavissent, non intacta fuissent illa vaticinia quibus à Christianis tantoperè urgentur, præsertim illud Danielis de tempore adventus Christi & ejus excidio. Neque unquam aliquid tale de Judæis suspicabitur qui contemptum habebit quanta cum religione, ne dicam superstitione, ergà libros sacros se gerant: usque adeò ut librorum singulorum litteras & apices in numero habeant, & jejunium publicum indicant, si fortè scripturæ codex per incuriam in terram deciderit. Adde quod quicumque attentè perleget & considerabit Prophetarum Danielis & Esaïæ libros faciliè agnoscat in iis omnia coherere, & esse eodem filo & genio contexta, nec quicquam reperiri quod quis meritò suspicari possit illic additum & insertum fuisse contra mentem & sensum authoris, quodque inde possit avelli citrà totius operis ruinam & hiatum.

Speciatim verò ad fidem faciendam Evangelicæ scripturæ & doctrinæ, & ex consequenti, scriptis Testamenti veteris, plurimum conducit, si consideremus quæ sit ejus doctrinæ summa, tum qui & quales fuerint qui primi illam per orbem promulgarunt, & scripto tradiderunt. Summa illius doctrinæ est, Jesum Nazarenum esse Dei Filium, & Messiam olim promissum, qui, postquam aliquandiu in terris docuit, & claruit miraculis, ultro se morti ignominiosæ pro peccatis hominum objecit; tertio vero die resurrexit, & per aliquot septimanas sæpius se se vivum discipulis suis ostendit & probavit & de mysteriis divinis multos cum iis sermones habuit, donec tandem coram ipsis in cælum sublatus

sublatus est. De his omnibus testati sunt, non tantum unus, aut alter sed permulti Christi discipuli, ac præcipue duodecim inter alios insignes, qui Apostoli dicti sunt. Illi omnes uno consensu affirmarunt, & apud omnes palam contestati sunt sese Jesum illum, ejus dum viveret familiares & domestici fuerant, non semel post mortem redivivisse, cicatrices & notas vulnorum in eo adhuc manifestas manibus palpavisse; imo sese cum eo comedis, & bibisse; & varia mandata ab eo accepisse, illum que propriis oculis aspexisse miracula patrantem, uti ante mortem solitus fuerat; ac denique, postquam eis benedixisset, illum in cælos ascendisse, ipsis inspectantibus, & oculos in eum abeuntem deligentibus. Porro fuerunt illi homines simplices & illiterati, qui, priusquam Christi discipuli fierent, tributis colligendis, & piscationi, aut aliis artibus manuariis plerique vacaverant. Et tamen cum tales essent, relictis domibus & familiis suis, aggregati sunt omnibus in locis Christi doctrinam prædicare, & novum Dei cultum instituire. Atque inter se varias provincias partiti, totum orbem peragraverunt, ut gentibus & populis omnibus testatum facerent Jesum Mariæ Filium miraculis plurimis, sed præsertim gloriosa ex mortuis resurrectione, & suo in cælum ascensu, que omnia propriis oculis aspexerant, attentè consideraverant, & manibus contrectaverant, se probavisse atque ostendisse Dei filium, & mundi servatorem, qui à Deo constitutus esset omnium Dominus & Judex, illumque propterea ab omnibus colendum & adorandum esse, & ejus doctrinam cum fide & obedientia summa suscipiendam. Cum verò Jesus ille mortuus & redivivus, quem adorandum proponebant, Gentibus esset stultitia, & Judæis scandalum, & pericula ipsis undique ingruerent, eorumque coëptis & mirandis avibus, quibus ubique terrarum religionis ritus & receptos mores abolere, omnesque homines in Christi crucifixi fidem & obsequium adigere contendebant, omnia sese opponerent, & nova quotidie obstacula emergerent, ab eo tamen consilio nihil unquam eos detertere potuit, nec opprobria, nec contumeliæ quibus ubique excipiebantur, neque vulgi impetus & tumultus seditiosus, nec magistratuum comminationes, non carceres, non flagra, non plagæ, non fames, sitis & nuditas, immensæque viarum & errorum labores ac omnis generis curæ & molestiæ, donec tandem per gentes & regiones innumeras propagata Christi doctrina, & quamplurimis Ecclesiis in ejus nomine fundatis, pro Magistro suo mortem alacres oppeterent, & illud suum de Christi passione & gloria testimonium effusione proprii sanguinis confirmarent. Si autem illi vera testati non sunt, cum ea propriis oculis & auribus & id quidem sæpius se usurpasse assererent, oportet ut ista scientes confinxerint.

Quid autem illos ad talia fingenda compellere potuit? Non certe nimius quidam erga præceptorem affectus. Nam, si revera Christus non resurrexit, nec in cælos ascendit, sed morte cruenta & ignominiosa perpetuè obrutus jacuit, non potuerunt ignorare illum se falsò dixisse Messiam & mundi servatorem, seque ab eo turpiter delusos & deceptos fuisse. Quis autem certò sciens & percipiens sibi ab alio fuisse impostum, ipsum non aversetur & odio habeat, & non quidvis potius in animum inducat quam tota vita ejus gloriæ insudare, ipsumque tanquam Deum & Dominum omnibus adorandum & invocandum proponere? Tum, si sentientes se à Christo deceptos nihilominus voluerunt in ejus gratiam tam prodigiosè & audacter mentiri, quo factum istud fuit & consilio? Profectò quibus est animus decipere & hominibus imponere illi eò intendunt, vel lucri cupiditate, vel voluptatis alicujus causa, vel spe gloriæ cujusdam & dignitatis potiundæ. Sed Christi discipulis tale quid assigni non potest nisi valde impudenter, & contra omnem veritatis speciem. Nam, si Christus non resurrexit, sed etiamnam morte sepultus jacet, quid illis sperandum, sive timendum erat ab homine mortuo, quem, etiam si maxime voluissent, nec scire non poterant insignem fuisse planum & impostorem? Ex parte vero hominum quibus Christum annuntiabant, & de resurrectione illius testabantur, quodnam emolumentum, aut quam gloriam sperare poterant, contra conscientiam propriæ testimonium, mentiendo resurrexisse hominem quandam crucifixum qui à tota sua gente habebatur pro facinoroso, qui iustissimum supplicium lucret? Ac quomodo in tam portentosum & inutile mendacium consentire quivissent tot simul homines vitæ probæ & innocentis, quibusque nullum crimen obijci potest. Certè si res ex sensu hominum æstinetur, fuerunt illi omnes miserimi & conditione abjecta & contempta. Neque sua prædicatione ullas sibi in mundo pepererunt divitias, aut aliquid eorum quæ solent homines ambire atque concupiscere, adeo ut qui fuit inter eos celeberrimus tota vita proprio manuum labore victitaret, & tempus ab officio prædicandi vacuum consuendis & vendendis tentoriis impenderit. Quin testimonium illud quod Christo tum verbo, tum scripto perhibuerunt in eos concitavit concivium suorum & externorum hominum odium, & reddidit eos obnoxios infinitis injuriis atque contumeliis, imò in certum vitæ periculum conjecit, adeo

ut

ut eorum plerique, sicuti jam diximus, scripta sua proprio sanguine obfignarint. Nec dici potest eos per incogitantiam incidisse in tales arumnas. Nam illi munus suum agredientes præcii fuerunt harum calamitatum, & ultrò sese exercendos & cruciandos tot malis tradiderunt. Quandoquidem igitur, si falsum fuit discipulorum Christi & Apostolorum ejus testimonium, nullum mendacii præmium, & operæ tam absurde præmium expectare potuerunt, vel à Jesu crucifixo, cujus gloriam tanto conatu promovebant, omnia illi, nihil sibi ipsis tribuentes, vel ab iis apud quos Christi resurrectionem & exaltationem ad dexteram Dei prædicabant, seu illi Græci sive Judæi essent, liquidem apud utrosque Christi nomen erat contemptum & exosum: nihil eos movere & cogere potuit ut pro Christo tantos labores exantlarent, & spretis omnis generis periculis & impedimentis, tam invicta constantia, testimonium ejus gloriôsæ resurrectioni, & ascensioni in cælum, per universum orbem, ad extremum ulque vitæ spiritum, perhiberent, nisi vis ipsa veritatis, & divina tum mandata, tum promissa, quibus convicta fuit eorum conscientia, & animus adversus omnem vim humanam confirmatus.

Sed præter ista argumenta & plura similia quibus asseri potest adversus negantem scripturæ divinitas, scriptura in se habet illustres admodum notas & indicia veritatis & divinitatis, quibus ipsa se probat & commendat menti bene affectæ, & cujus oculus non est occæcatus præjudiciis & perversis affectibus: quamvis inde media ad disputandum apta sumi non possint, aut certè non ita valida atque efficacia.

Etenim quemadmodum insigni cuiuspiam artis alicujus operi ut ex. gr. poemati Virgiliano, aut tabulæ, vel statuæ celebris alicujus pictoris, aut sculptoris, insunt quædam quibus auctorem suum prodit, & ipsi se vendicat, & hæc à peritis certò & clarè agnoscuntur, licet imperitus ad ista non advertat, nec inde facile possint argumenta duci adversus negantem: ita scripturæ sacræ altè impressa sunt Spiritus divini vestigia & cœlestis originis notæ, quas cernunt illi quibus mens obtenebrata non est, & qui sunt rerum divinarum periti, atque inde de illius divinitate certi sunt; etsi homines ignari & profani ista flocci faciant, aut omninò non animadvertant. Et certè qui sunt docti in litteris humanioribus, quum librum quempiam humanum evolvunt facile notant in eo genium & characterem quandam, quo in authoris ejus cognitionem ducuntur. Quæ ratione Critici germana scripta suis asserunt authoribus, Aristoteli, verbi causa, vel Ciceroni; scripta vero spuria & suppositicia expungunt; quamvis sæpe istud quod notant & agnoscunt Critici sagaces vix possint explicare & demonstrare alteri qui non sit in hisce versatus. An ergo dubitabimus scripta Prophetica & Apostolica redolere divinum spiritum, & iis inesse *Sûs* π quod percipiat vir pius & doctus, & quo à scriptis humanis & adulterinis illa intemescat: quanquam istud non posset adversus disputantem & repugnantem demonstrari.

Porro ejusmodi divinitatis notæ quas scripturæ inesse dicimus animadverti possunt tam in rebus quam in verbis. Et primo quidem in verbis, sive dicendi modo divinus quidam character per totam scripturam elucet. Etenim quum narrat res gestas id facit ingenuè, simpliciter & nudè absque ullo fuco, absque ullis phaleris. Scriptores humani, cum recitant res magnas, solent signa dare animi solliciti & metuentis ne sibi non credatur; conantur enim occultè amoliri quæ magis offendere possent, & rem quantum in ipsis est reddere credibilem. Cum verò ipsis de se aliquid dicendum est, vel jactant & ostentant propria facinora, vel timidi sunt & meticulosi; ac utuntur quibusdam excusationibus & præfationibus: quod certè oritur ex quadam imbecillitate & prodit animum sibi dissidentem & non satis securum. Quod attinet autem ad scriptores sacros, etsi agant de rebus maximis ac plane stupendis, & sæpe eorum ministerio gestis, in eorum tamen narrationibus omnia recta sunt atque simplicia, neque est, quidquam quod sapiat animum anxium atque sollicitum ne ipsis fides denegetur. Sed ubique loquuntur quasi securi de hominum judiciis, rei dignitate & veritate freti: quod magnanimitatem & majestatem quandam Deo dignam arguit.

In scripturæ quoque præceptis, correptionibus & hortationibus facilè est observare Majestatem quandam divinam. Pari enim autoritate alloquitur Reges & plebeios, summos atque intimos, Magistratus & privatos. Nemini blanditur aut convivere, authorque illius ostendit se plane esse favoris & odii, spei & metus expertem, seque nullius personam accipere, sed eundem esse ergà omnes cujuscunque status & conditionis sint.

Cum verò docet utitur *οὐκ ἐκ δόξης* quodam qua se captui *καὶ* *καὶ* accommodat. Neque iis quæ docet ornamenta conquirat ex arte & eloquentia, sed ea proprio pondere & utilitate commendat. Solent humanarum artium & scientiarum Magistri arti cuique terminos peculiare cudere, & ea quæ tradunt tegere vocabulorum grandium involucri

ut ita arti suæ dignitatem concilient & mysterii aliquid affingant quod suspiciat & miretur vulgus. At scriptura res divinas explicat vocibus & Phrasibus humanis & è vulgo petitis. Quum vult aliquid illustrare similia & exempla sua non longe querit: sed utitur exemplis obviis & velut è trivio. Nec argumenta ejus talia sunt quæ non possint nisi à doctis percipi; Sed plerumque ejusmodi ut rusticus & idiota quilibet vim eorum agnoscat.

Sepe quidem vocibus & Phrasibus scripturæ inest aliquid peregrinum, & quod ab usu communi abhorret. Verùm id deputandum est Hebraicæ linguæ genio cui aures nostræ assuetæ non sunt. Etenim scriptores sacri, vel scripserunt Hebraica lingua, ut Moses & Propheta: vel usi sunt Phrasibus & idiotismis linguæ Hebraicæ, etiamli Græcæ scripserint, ut scriptores Novi Testamenti.

Denique scriptura ubique candidè & ingenuè agit. Cumque homines soleant culpando, sive laudando, minando, sive promittendo, res parvas & humiles inflare & attolere magnificis vocibus & sublimibus metaphoris, scriptura contrà res maximas exprimit, stylo plerumque tenui & vulgari, & verbis quæ infra rei magnitudinem subsidunt. Quumque minatur & promittit, magnificæ quidem sunt ejus promissiones, & terrificæ minæ; Sed sic tamen ut rei momentum & gravitas longè superet sonum & emphasim verborum.

Jam vero, si ad res ipsas Scripturæ attendamus, longè adhuc illusiores & clariore apparebunt divinitatis notæ.

Quæcunque autem Scripturæ continentur, vel sunt historiæ & narrationes rerum præteritarum, vel sunt vaticinia & prædictiones rerum futurarum, vel sunt dogmata & præcepta quæ nullam temporis differentiam notant. De vaticiniis jam dictum. Historiam autem duo præcipue commendant, nempe rerum veritas, tum quoque pondus & momentum. Quæ duo historia sacra eminenti quodam modo sibi vindicat. Et primo quidem historia sacra multa & magna habet veritatis indicia.

Vel enim illi ratio & ipsa rerum natura suffragatur, ut historiæ creationis mundi, quem è nihilo atque in tempore factum esse, validissimis probatur argumentis. Vel historicorum veterum & externorum monumenta testimonium ejus veritati perhibent, ut ex. gr. in historia de diluvio universalis, de ædificatione turris Babylonice, de conflagratione Sodomæ & Gomorrhæ, & de Israelitarum exitu ex Ægypto, de quibus mentio fit apud probatos & præfatos historicos, quorum fragmenta supersunt apud Eusebium, Josephum & alios, & nonnulli etiamnum in manibus hominum versantur. Tum quoque historicis sacris fidem asruit sinceritas & candor eorum qui tantus est ut vitia sua non dissimulent, & sepe sibi suisque multas inurant ignominie notas. Adde quod historia sacra in multis ipsa se probat sua ingenuitate & verisimilitudine, habetque eas veritatis notas quas habent probi quique historici, ut videre est in libris Regum & Paralipomenon, in historicis quoque scriptis Novi Testamenti. Quæ verò fidem videntur superare, & miranda sunt ac plane stupenda, eo modo scripta sunt ut impossibile sit qui scripsit esse mentitum; quandoquidem provocat ad Testes innumeros à quibus revinci potuit, qui tamen ejus scripta tanquam divina susceperunt, & pro talibus posteris commendaverunt: ut suprà ostensum est de miraculis quæ à Mose narrantur & de quibus apud Paulum Apostolum mentio est, & etiam ostendi potest de mirandis illis quæ commemorat Lucas in Actis Apostolorum.

Jam verò si quis historiæ sacre pondus & momentum pendere velit, quæ res majores ponderis, aut momenti esse, vel fingi possunt, quam quæ non modo ad gentem & Rempublicam aliquam pertinent, sed ad totam Ecclesiam quam Deus sibi è mundo selegit, imò ad mundum universum, ad angelos cælorum incolas, & ad Deum ipsum qui est prima rerum omnium causa. Hæc verò sunt circa quæ versatur scripturæ sacre historia. Nam scriptura nobis recitat quæ fuerint hujus universi primordia & incunabula, & quomodo Deus olim omnia condidit & extare jussit. Unde genus humanum natum & propagatum est, quomodo per totum orbem terrarum se diffudit, & quæ fuerint initio divisiones gentium & linguarum. Narrat angelicorum spirituum apparitiones & frequentia cum hominibus colloquia: Deique ipsius admiranda facta in Ecclesia regenda & tuenda, humanique generis salute procuranda. Cum quibus si quis conferat historias Græcorum sive Romanorum, nihil inveniet quod possit ulla ex parte cum hisce comparari.

Sed præsertim in scripturæ præceptis & dogmatis divinitatis maxima lux effulget, quod ut clarius appareat notandum est illa duorum esse generum. Nam multa docet & jubet scriptura quorum homines per naturam notitiam aliquam habent, sed valdè confusam

fusam atque vacillantem. Veluti si quis ægrè & non integrè legat veteres inscriptiones in antiquis numismatis quorum jam characteres cœperunt exolescere. Verùm scriptura, ista luculentius patefecit & docuit plene atque accuratè: ita ut ratio per illam edocta distinctè & clarè pervideat quæ antè vix & obscurè cernebat. Veluti si quis peritus imperitis aliis prælegat inscriptiones illas, quas ipsi postea per se & legunt & agnoscunt, & sic, & non aliter legi debere præcipiunt. Ejusmodi sunt quæ scriptura tradit de Dei natura atque attributis, nempe de Dei essentia æterna, immensa & immutabili, & de infinita illius potentia, sapientia, bonitate, atque etiam justitia; de creatione mundi & omnium quæ in eo sunt, & de providentia qua cuncta conservat, regit & administrat. Item de hominis officio tam ergà Deum, quam ergà proximum, qualia sunt Deum esse suprâ omnia amandum, omnia in ipsius gloriam referenda, ipsum esse sedulè colendum atque invocandum, ipsi fidendum & in eam illius recumbendum esse. Proximum quoque esse diligendum, omnibus benefaciendum, ferendas esse injurias, humiliter de se sentiendum esse, cogitationes & affectus intimos puros esse servandos, & uno verbo omnia & singula ferè præcepta vitæ Christianæ, quæ omni ex parte pura & sincera esse debet, & à qua debet abesse spurcitas & luxuria omnis. Ista certè & similia probat conscientie sensus, & confirmat ratio, & eorum quædam rudimenta cernuntur in Ethniconum libris. Etenim nonnulla de Deo, de pietate atque hominis officio non contentenda tradunt sed tamen obscurè, parcè, frigide, dubitanter, atque cum plurimorum errorum admixtione, scriptura vero ista in clara luce ponit, plenè & apertè docet, Ita ut postquam nobis lux illius splenduit, miremur res tam certas atque indubitatas non nisi tenuiter, dubitanter, & obscurè à præstantissimis ingeniis agnitas traditasque fuisse. Cum autem ingenia illa præstantissima res istas, quarum jam veritatem cernimus scripturæ beneficio, ita jejune & obscure tradiderint, scriptura verò ita plene perspicue; nec tamen scriptores sacri eruditione, aut naturæ dotibus suprâ cæteros homines procelluerint, imò contra fuerint plerique scientiarum humanarum rudes & idiotæ, necesse est illos alio quam naturæ lumine ductos esse, atque à Deo doctos & inspiratos.

Sed præter ista quorum homines per naturam tenuem quandam atque fugientem cognitionem habent, scriptura sacra multa docet quæ rationem superant, neque mens humana illa capere potest, nec eorum habet certa argumenta: Verumtamen tam bene coheret cum iis quæ probat conscientie sensus, & de quibus recta ratio vincitur, & prioribus illis tam consentanea sunt, & ità congruenter & appollè superstructa, ut satis appareat non esse commenta humana, sed sapientiæ divinæ mysteria. Talis est ex. gr. doctrina de peccatorum nostrorum expiatione per Christi Dei & hominis mortem & oblationem in cruce factam, quæ congruere maxime cernitur cum Dei justitia & misericordia. Hoc enim modo justitiæ Dei satisfactum est, dum peccata nostra in Christo punita sunt, & misericordiz, dum nobis condonata. Et cum hac doctrina coheret dogma illud tam sublime & excelsum de tribus personis divinis in una essentia. Nam nili Dei filius, Deus esset & æqualis Patri, sacrificium ejus non fuisset valoris infiniti, quale requirebatur ut eo peccata nostra expiarentur, quandoquidem infinitam penam promeruerant. Et talis quoque doctrina de mortuorum resurrectione. Videtur enim esse rationi consentaneum ut homo qui in corpore bene, vel male egit, in corpore quoque mercedem accipiat justè, vel injustè factorum: quod cum in hac vita non fiat, justitiæ Dei congruit ut corpora nostra, quæ mors in pulverem redegit, animabus suis denuo jungantur: ut ita homini integro vel bene, vel male sit, prout bene, vel male egerit.

Denique in scripturæ præceptis & dogmatibus, cujuscunque tandem sint generis, nil nisi sublime pium & sanctum reperitur. Omnia liquidem ad Dei honorem & hominis bonum atque commodum referunt; sic Deo gloriam in omnibus tribuens ut ad hominem redeat fructus & emolumentum. Et exprimit nobis ideam vitæ undique perfectæ, ac viam munit ad beatitudinem, ultra quam nihil optari neque concipi potest. Præterea sic illa pietatis & virtutis pulchritudinem & decorem aperit, vitii verò foeditatem & turpitudinem denudat, ut animum intus teriat & afficiat illius amore atque desiderio, hujus autem horrore atque aversione. Ita vera & solida bona quibus animus excolitur & ad Dei ipsius fruitionem paratur, ab apparentibus & fallis, quibus hominum pravi appetitus inhiant, discernit atque discriminat, ut de istorum vanitate, de præstantia verò illorum mens convicta, non possit hæc non continere, illa verò non votis ardentibus profici. Hominem à malo deterret & ad officium & bonum extimulat iis moti-

tivis atque incentivis, quæ totum hominem percellunt & commovent, & præ quibus frigent & languent admodum quæcunque commentis sunt in Ethicis Philosophi. Si querenda sunt in rebus adversis & in angustis animi solatia, talia nobis suggerit quæ animum firma spe sustentent, & incredibili dulcedine mulceant, non verò, sicut solet humana sapientia, quæ tantum ad tempus fallant, & inaniter deliniant. Adversus autem pravos & turbulentos hominum affectus subministrat ea remedia quæ malum ab imis radicibus extirpant, & in eo qui non recusat iis uti, & serio liberari cupit, omnes animi motus recte componant, & pacem quandam atque *tranquillitatem* suprà omnia desiderabilem intus constabulant. Ac proinde nullus est liber, nec ullus humanæ sapientiæ fœtus, qui ulla ex parte accedat ad vim & efficaciam divinæ hujus Scripturæ & doctrinæ, quique ita potenter & efficaciter in homine agat, sive illum peccati sensu afficiendo & conscientiam sopitam excitando, sive erigendo animum attritum & conscientiam afflictam consolando, sive denique totum hominem ita immutando, ut peccatum odio habeat, veramque justitiam & sanctitatem ex animo sectetur, qua quidem efficacia nihil potentius est in fidelibus confirmandis: licet ad assensum compellere non possit eos qui nondum istam efficaciam senserunt, & adversus Dei Verbum obduraerunt. Et tamen homo maxime profanus, etiam si Verbi Dei efficaciam non senserit, si tamen illud attentè consideret, facile potest agnoscere hoc Verbum tale esse ut summam tranquillitatem & gaudium generet in iis qui illi firmiter credunt eoque ad omne bonum opus & omnem virtutem compellat.

Viri Doctissimi Jacobi Alpæi inauguratio.

Sed nos incautos longius abripuit argumenti pulchritudo & inexhausta fecunditas: Hora jam elapsa monet ut vela contrahamus, & agamus illud ob quod hodiè frequentes adestis. Notum ergo vobis est quomodo ante prope biennium Deus post multos exantlatos labores in meliorem vitam transulit venerandum senem longeque Doctissimum & Celeberrimum Virum D. PETRUM MOLINÆUM, qui pluribus annis huic Ecclesiæ præfuit, & Professoris etiam Theologiæ munere summa cum laude & nunquam intermoritura fungens Academiæ nostræ singulari fuit ornamento. Quapropter statim quaesitus est qui posset viri, tam eximii vices tum in Ecclesia, tum in Schola supplere. Atque post multam deliberationem Senatus Academicus communi cum hujus Ecclesiæ Rectoribus calculo, oculos tandem conjecit in Virum Clarissimum & Doctissimum Jacobum Alpæum de Saint Maurice, qui tum Ministerio Sacro in quadam ex Ecclesiis vicinæ nostræ Campaniæ non exigua cum laudeungebatur. Ille ergo consentientibus omnium suffragiis & maturo cum judicio delectus & expetitus est qui Pastoris & Professoris Theologiæ munus in locum Celeberrimi Molinæ piæ memoriæ, quam primum fieri posset, apud nos capefferet. Ad hoc vero compulsi hic jam per famam nota ejus eruditio, facundia & eloquentia, ingeniumque ad omnia paratum: ac præterea vita castigata, & morum suavitas: tum quoque animi vigor prudentia temperatus, & dexteritas in rebus agendis. Sed obstaculis quibusdam Vocationem ejus remorantibus, res dilata est in nuperam Synodum Ayacenciem, à qua demum honestissimam dimissionem obtinuit, postquam in ea Synodo Secretarii partes, cum non parva honoris significatione, ei delatæ essent. Itaque Superiori æstate huc accitus non solum pro suggestu in Ecclesia docuit, & omnibus boni fideique Pastoris officiis summa cum vigilantia & cura defunctus est: Sed etiam, sic mandante Senatu Academico, Theologiæ studiosos privatis lectionibus absque ulla mora docere aggressus est: tum ut studia eorum pro virili promoveret, tum ut ipse alios docendo in Theologicis magis ac magis proficeret, & hoc quasi tyrocinio ad publicam professionem exercitator & promptior accederet. Donec tandem jussus est ingenii & Doctrinæ specimina publicè edere, tum docendo, tum disputando, ut rite & solemniter in Theologiæ Doctorem & Professore inauguraretur. Istud autem quanto cum applausu & laude præstiterit, vos ipsi testes & concilii estis, nec opus est commemorare. Adeoque Pastorum & Professorum omnium judicio dignissimus pronuntiatus est qui ad Doctorem gradum promoveretur, & in Professionem Theologicam cooptaretur.

Exurgat igitur scriba Academicus & tibi Jacobe Alpæe prælegat receptam juramentum in quam conceptis verbis, sublataque manu jurabis, ut scias quibus officiis deinceps tenearis, & quæ sint partes professionis tuæ.

Prædicta formula, & præstito juramento, sic Virum Doctissimum affatus est Promotor:

Nunc

Nunc ergo, Vir Doctissime, atque Ornatissime inter Sacro-Sanctæ hujus facultatis Professores deinceps connumerande, conscende hunc suggestum, ut Doctoris & Professoris Theologiæ titulum & dignitatem quæ eruditioni tuæ debetur accipias.

Post quam inaugurandus ex inferiori cathedra in superiorem suggestum ascendisset, Promotor his verbis cum allocutus est.

Ante omnia vir eruditissime perpetuo menti tuæ obversetur Christum Dominum nostrum, qui dedit Ecclesiæ suæ Pastores & Doctores, id muneris tibi injungere ut doctrinam celestem, quam scriptis Prophetarum & Apostolorum consignari curavit, fideliter & purè doceas, illustres, atque tucaris.

Noli igitur extra Verbum Dei sapere. Sed quæcunque propones tuis auditoribus seu Scripto, live viva voce, ex Verbo Dei sint hausta & collecta, iisque ad amulsum conformia & consentanea quæ continentur libris Canonicis Veteris & Novi Testamenti.

Memineris etiam te à Deo esse constitutum Doctorem veritatis quæ est secundum pietatem. Itaque operam adhibe ut doctrina tua tota pietatem spiret & ad Dei gloriam cultumque referatur. Ac propterea vanas & inutiles quæstiones fuge. Et necessariis ac solidis insists, abstinere ab otiosis speculationibus, quæ non aliud quam materiam suggerunt frutira rixandi atque contendendi.

Animo tuo præterea diligenter inhære tibi veritatem esse cum charitate sectandam, juxta præceptum Apostoli. Idcirco sedulo cave ne veritatis sectandæ prætextu charitatis vinculum cum fratribus abruptas, & in christiana schola turbas excites. Ac propterea ne novitati studeas. Nec etiam quicquid alii protulerint præconceptis tuis opinionibus non omnino congruum, aut tenere aut nimis acerbè damnes. Neque putes sensum tuum aliorum esse regulam, & cæterorum omnium judicia tuo debere subijci. Verùm arcte & firmiter religionis puræ fundamenta retinens, in iis quæ sanam doctrinam non evertunt, nec sunt in Dei verbo dilucide & aperte tradita, noli esse contentiosus & in Collegas & Symmystas tuos censoriam virgam accipere, sed semper paratus esto ab aliis discere & in rebus non necessariis placide & modeste ferre dissentientes.

Quantum fieri potest in docendo stude clarus esse & brevis. Fuge verborum ambages, & acumen inane, & eruditionis ac lectionis variæ intempestivam ostentationem. In idque potius intende ut discipulis tuis pro modulo & captu suo sanâ doctrinâ imbuantur, quam ut ipse doctus aliis videaris.

Ut alios docere sis magis idoneus coneris ipse indies doctior evadere, & in gratia & vera Christi doctrina progredere. Ideoque nullum tempus, si fieri potest, inutiliter tere : sed diligenter attende lectioni, & undiquaque adjumenta compara quibus quotidie ad alios docendos instructior accedas.

Præsertim cave ne horas discipulorum tuorum institutioni dicatas absque necessitate aut otio transigas, aut negotiis aliis impendas. Nec contentus esto tantum pro suggestu docere, sed quum opus est auditores tuos ipse audi vicillim, paratus semper iis consulentibus respondere, & nodos ac difficultates quæ animos eorum implicant, patienter & benigne dissolvere.

Nec discipulis tuis doctrina & voce solum præire cures, sed etiam exemplo. Sint mores tui inculpati. Tota vitæ ratio composita & gravis : sermonesque etiam domestici & quotidiani sale & gratia conditi. Nihilque vel in verbis, vel in cultu, vel in gestu, vanitatem, levitatem, & multo minus animum non satis pium redoleat. Ubique vero decentem gravitatem retinens eam quantum poteris humanitate & comitate tempera ; ut discipuli tua erga te ultrò non tantum reverenter, sed amanter quoque se gerant, & libentius à te discant & monenti atque arguenti auscultent.

Quæ, Vir Clarissime, non ego commemoro, quasi eorum ignarum, aut inmemorem te esse existimem. Nec quicquam tibi dico quod mihi quoque ipsi non dictum putem. Sed communis nostra infirmitas, munerisque tibi imponendi, cujus apud Deum reddenda ratio est, præstantia & magnitudo efficit ut ista nobis nimis inculcari non possint.

Formula Inaugurationis.

Quod ergo fecit faustumque sit ego te Jacobum Alpxum in nomine Patris, Filii, & Spiritus Sancti, Theologiæ Doctorem Dico, Creo, & Renuntio. Teque Academicæ Senatû decernente, & adſtipulante toto Doctiſſimorum Profeſſorum & Reverendorum Paſtorum collegio, in corpus & collegium Theologiæ Profeſſorum admitto, ut ſacras litteras publicè ex hoc ſuggeſſu doceas, & privilegiis ac immunitatibus huic ſacro ordini conceſſis deinceps fruaris.

Hunc Scripturæ Sacræ librum, quo viva Dei oracula & ſalutiſera Doctrina continentur, apertum tibi ob oculos pono, ut ſcias doctrinam tuam inde hauriendam eſſe, & jugiter oculos in eum convertendos, nec quicquam ab eo diſſonum te diſcipulis tuis proponere contingat. Eundem librum rurius clauſum tibi offero, ut monearis te in Scriptura Sacra ita peritum & verſatum eſſe debere, ut etiam amotis libris poſſis propoſita dubia ſolvere, & ad quaſita ex tempore reſpondere. Dextram tibi ut Collegæ in Societatis & amicitiæ Symbolum & pignus porrigo. Et te tanquam fratrem in Chriſto chariſſimum hoc fraterno amplexu complector.

Ergo favente Deo qui Pater eſt luminum & omnis bonæ donationis author, benedicente Chriſto Domino noſtro qui Eccleſiæ ſuæ dedit Paſtores & Doctores, & aſpirante Spiritu illo Sancto à quo in nos omnis ſapientia manat, demandatam tibi provinciam alacriter capeſſe. Idemque Deus Optimus Maximus Pater Filius & Spiritus, te ſuperna vita induat, donis ſuis conſulet, ductuque ſuo regat, & tibi perpetuo gratia ſua adlit, ut munus impoſitum tibi cedat honori, ſtudiolis emolumento, Academicæ ornamento, & veritati præſidio, ad nominis Dei gloriam & Eccleſiæ ædificationem, per Jeſum Chriſtum Dominum noſtrum. Amen.

Gratum Alit.

Deus Optime Maxime æternæ lucis & ſapientiæ fons, gratias tibi ſolemnes agimus ob tot tantaque beneficia, quibus nos, licet indignos & immerentes, quotidie cumulas. Noli propter delicta noſtra quotidiana tuæ erga nos beneficiæ curſum interrompere, ſed ſacras & celeſtes tuas benedictiones amplius in nos effundere perge, & laboribus noſtris favore tuo adſis, ut muneribus ad quæ nos vocare dignatus, fideliter & diligenter fungentes, poſſimus operæ noſtræ fructum aliquem percipere, & utiliter Eccleſiæ ædificationi, ac nominis tui gloriæ, inſervire. Salvum fac Regem noſtrum: clementiſſimum illumque magis ac magis virtutibus regiis exorna, ut ſub ejus umbra & tutela quieti diu trui poſſimus pace illa quam armis & victoriis, ſuis, auxilio tuo fretus & adjutus regno ſuo peperit. Illuſtriſſimum quoque Præſectum noſtrum præſtare veli incolumem, illumque bonis omnibus corporis & animi magis magisque cumulare, & gratia & ſpiritu tuo illis etiam adeſſe qui ſub ejus auspiciis publica negotia gerunt; ut hoc in loco tranquillè & paciſcè degentes poſſimus unanimiter in vera juſtitia & Sanctitate te colere, in hac terrena & mortali vita, donec ad æternam vitam perveniamus. Per Jeſum Chriſtum Dominum noſtrum. Amen.

FINIS.



9012¹¹

